

ল রায় প্রতিষ্ঠিত

বতাবর্ষ

মাসিকপত্র

অষ্টাবিংশ বর্ষ

দ্বিতীয় খণ্ড

পৌষ ১৩৪৭—জ্যৈষ্ঠ ১৩৪৮

সম্পাদক—

ঐফনীন্দ্রনাথ মুখোপাধ্যায়

প্রকাশক—

গুরুদাস চট্টোপাধ্যায় এণ্ড সন্স

২০৩।১।১, কর্ণওয়ালিস্ স্ট্রীট, কলিকাতা

# ভারতবর্ষ

## .....পত্র

অষ্টাবিংশ বর্ষ—দ্বিতীয় খণ্ড ; পৌষ ১৩৪৭—জ্যৈষ্ঠ ১৩৪৮

### লেখ-সূচী—বর্ণানুক্রমিক

|  |                              |  |                             |
|--|------------------------------|--|-----------------------------|
| আজয়ের চর ( কবিতা )—শ্রীকুম্ভদরজন মল্লিক                     | ১৬২                          | গল্প লেখার বিপদ ( গল্প )—শ্রীসরোজকুমার রায় চৌধুরী         | ৭৮৮                         |
| অতীত, বর্তমান ও ভবিষ্যৎ ( কবিতা )—শ্রীদেবনারায়ণ গুপ্ত       | ১৫৯                          | গান ( কবিতা )—শ্রীমতী সাহানা দেবী                          | ১৭২                         |
| অন্ধের প্রতি ( কবিতা )—শ্রীমতী উন্দরাদা দেবী                 | ৫৫                           | গান্ধার-শিল্পে কয়েকটি জাতক কাহিনীর চিত্র—শ্রীশুরদাস সরকার | ৪৭৬                         |
| অন্ধের বো ( গল্প )—শ্রীমাণিক বন্দ্যোপাধ্যায়                 | ৬০৪                          | গৃহদীপ ( কবিতা )—শ্রীকালিদাস রা                            | ৬২৭                         |
| অরসিকেশু ( নক্সা )—শ্রীবীরেন্দ্রমোহন আচাৰ্য্য                | ৭৬৪                          | গোবিন্দচন্দ্র ও মঘনামতা—শ্রীবিনয়চন্দ্র শ্রীভট্টাচার্য্য   | ৫২৫, ৭৪৮                    |
| আকাশ প্রদীপ ( কবিতা )—শ্রীনিত্যানন্দ সেনগুপ্ত                | ৭৫৩                          | গোবিন্দদাসের ছায়াধার অক্ষিয়ার—শ্রীমতব্রত রায় চৌধুরী     | ৫৫৩                         |
| আচাৰ্য্য উমেশচন্দ্র দত্ত—শ্রীমতনাথ ঘোষ                       | ৪২৮                          | চণ্ডীদাস ( কবিতা )—শ্রীমোহন সেনগুপ্ত                       | ১২০                         |
| আচাৰ্য্যদের বউ ( গল্প )—শ্রীপ্রবোধকুমার সামন্তাল             | ২৭                           | চণ্ডীদাস ( কবিতা )—শ্রীকালিদাস রায়                        | ১৪৭                         |
| আধুনিক ভারতীয় চিত্রাঙ্কনপদ্ধতি—শ্রীমাণিকলাল বন্দ্যোপাধ্যায় | ২৫                           | চণ্ডীদাস—নানুর ( সচিত্র )—শ্রীসুরকৃষ্ণ মুখোপাধ্যায়        | ৬৪                          |
| আবোল তাবোল ( কবিতা )—শ্রীদিলীপকুমার রায়                     | ৮৪                           | চলিত উক্তিভাস ( সচিত্র )—শ্রীকলকান্দ চট্টোপাধ্যায়         | ১৪৭, ৩৮৭, ৫১৫, ৬৬০, ৭৮      |
| আমরা ( কবিতা )—আবুল হোসেন                                    | ২৪৬                          | চাককলার ক্রমোন্নতি ( সচিত্র )—শ্রীনরেন্দ্রনাথ বসু          | ৩৬১                         |
| আমিই শুধু ঢুলছি হেথ ( কবিতা )—আবদুর রহমান                    | ৪২২                          | চন্দ্রশেখর ( কবিতা )—শ্রীবংশ বিধাস                         | ৭৪                          |
| আৰ্য্য পূজাপদ্ধতিতে বিজ্ঞান—শ্রীদাশরথি সাংখ্যকর্প            | ৫১                           | চুবি ( কবিতা )—শ্রীমতী মঞ্জমদার                            | ৫৮১                         |
| আলোক ও আলোকচিত্র গ্রহণ—শ্রীছিজেন্দ্রনাথ গুপ্ত                | ১০২                          | জঙ্ঘম ( উপন্যাস )—বনধু                                     | ৪২, ১২১, ২৮১, ৫৭৮, ৬১৮, ৭১০ |
| আহ্বান ( কবিতা )—শ্রীদীনেশচন্দ্র গঙ্গোপাধ্যায়               | ৬৩                           | জানালার ধারণ ( কবিতা )—শ্রীববেকানন্দ মুখোপাধ্যায়          | ১১৭                         |
| ইউরোপীয় ও ভারতীয় সঙ্গীতকলা—শ্রীবীরেন্দ্রকেশোর রায় চৌধুরী  | ৩৩৬                          | জাপান ( সচিত্র )—শ্রীধীমেননাথ মুখোপাধ্যায়                 | ১৫৩                         |
| এক নিমেষে ( কবিতা )—ডঃ সুরেন্দ্রনাথ দাশগুপ্ত                 | ১০৭                          | জলে প্রেমের উজল শত বঁধ ( কবিতা )—শ্রীগনুরাণ দেবী           | ৫০০                         |
| একই ( গল্প )—শ্রীপৃথীশচন্দ্র ভট্টাচার্য্য                    | ৫৭৫                          | ডায়ালগিস বা বহুমুখ—শ্রীপ্রবোধকুমার বন্দ্যোপাধ্যায়        | ৬৫৫                         |
| এক মায় ( কবিতা )—শ্রীমতী সাহানা দেবী                        | ৩২৭                          | ডাসের গল্প ( সচিত্র )—মাহুকের পি সি সরকার                  | ৩                           |
| একশুকুমারী ( কবিতা )—রায় খগেন্দ্রনাথ চিত্র বাহাদুর          | ২১৪                          | তীর ও তরঙ্গ ( উপন্যাস )—শ্রীশর্গকমল ভট্টাচার্য্য           | ১০০                         |
| একি ( কবিতা )—শ্রীসুবোধ রায়                                 | ৪৭৫                          | তুমি আর আমি ( কবিতা )—শ্রীসরেন্দ্র দত্ত রায়               | ৪১৪                         |
| একি ( কবিতা )—শ্রীজয়া বন্দ্যোপাধ্যায়                       | ৬০০                          | তোমার কবিতা ( কবিতা )—শ্রীরামেন্দু দত্ত                    | ৭৭৫                         |
| একদিনের খাল ( উপন্যাস )—শ্রীরাধিকারঞ্জন গঙ্গোপাধ্যায়        | ২৩২, ৩৫৮, ৪২৩, ৬৪৭, ৭২২      | তোমার পূজিব শুধু ( কবিতা )—শ্রীহুগাদাস ঘোষাল               | ১৪০                         |
| একিকাভাষ্টক ( কবিতা )—শ্রীইন্দু রায়                         | ৩৮                           | দিয়াশলাই-এর কথা—শ্রীবরদা দত্ত রায়                        | ১৪১                         |
| একিল্প ( সচিত্র )—শ্রীকাননগোপাল বাগচী                        | ২০                           | দ্বিজেন্দ্রলাল ( কবিতা )—শ্রীসুবোধ রায়                    | ৭১১                         |
| একি ও হুরকার ( স্মরণিপি )—শ্রীদিলীপকুমার বসু                 | ৭৪৩                          | দীনবন্ধু গ্রাণ্ডরুজ ( কাহিনী )—শ্রীকালীকঙ্কর সেনগুপ্ত      | ৮৭                          |
| একি তুমি ( কবিতা )—শ্রীমানকুমারী ব                           | ৫৭৪                          | দুঃখ বাধা কুস্তম হয়ে কবিতা—শ্রীলিতিকা ঘোষ                 | ৩১২                         |
| একিভাস ( কবিতা )—শ্রীকালিদাস রা                              | ৩৫৩                          | দুঃখের নিবৃত্তি ও স্বপ্ন পালন—শ্রীমুপেন্দ্রনারায়ণ দাস     | ৮৮                          |
| একধামালীর গান—শ্রীতারাপ্রসন্ন মুখোপাধ্যায়                   | ৩২০                          | দেবতার মূর্ত্তি ( কবিতা )—শ্রীনরেশচন্দ্র চক্রবর্তী         | ৮৭                          |
| এক-বসন্ত ( কবিতা )—শ্রীপ্রভাতকর বসু                          | ৬৪৬                          | দোললীলা ( কবিতা )—শ্রীমধুসূদন চট্টোপাধ্যায়                | ৩০২                         |
| একদ আনন্দ ( কবিতা )—শ্রীসৌরীক ভট্টাচার্য্য                   | ১২                           | নারীর অবস্থায়—শ্রীলাল                                     | ৩০৭                         |
| একজ্ঞ ও পরিপাক সম্বন্ধে আলোচন—শ্রীকালিদাস মিত্র              | ৬২৮                          | নিখুঁত প্রেমের দায় ( কবিতা )—শ্রীকালীকঙ্কর সেনগুপ্ত       | ৩২৭                         |
| একলে দেবো ছায় ( কবিতা )—শ্রীসিদ্ধা দেবী                     | ২২৫                          | নিশিষে ( কবিতা )—শ্রীকুম্ভদরজন মল্লিক                      | ৪৩                          |
| একলা-ধূলা ( সচিত্র )—শ্রীকেন্দ্রনাথ বসু                      | ১০২, ১৬৩, ৪০১, ৫৩২, ৬৭৩, ৮০২ | নিশীথ আকাশে ডুঃ মায় চাঁদ ( কবিতা )—বন্দে আলী মিয়া        | ৩৪                          |
| একদেবতা ( উপন্যাস )—শ্রীতারাকঙ্কর বন্দ্যোপাধ্যায়            | ৮১, ২১৮, ৩২২, ৪৩১, ৬৩২, ৭৩৪  | পারিতোষ দীক্ষা ( কবিতা )—শ্রীনীলরতন দাশ                    | ৩১                          |
| একদিনীয় নন্দকিশোর ( গল্প )—শ্রীসুগদীশ গুপ্ত                 | ৫৪২                          | পথ বেধে দিল ( চিত্রনাট্য )—শ্রীশরদিন্দু বন্দ্যোপাধ্যায়    | ৬৪, ১৭৩, ২২৭, ৪১            |
| একদিনে একটি রাত্রি ( সচিত্র )—শ্রীদেবীপ্রসাদ রায় চৌধুরী     | ৫৬৭                          | পথহার ( কবিতা )—শ্রীনীলাধর চট্টোপাধ্যায়                   | ৬                           |

|                            |               |  |                              |
|----------------------------|---------------|--|------------------------------|
| —এস,                       | ৪৬৩           | মাইকেল মধুসূদন ( কবিতা )—শ্রীভোলানাথ সেনগুপ্ত                        | ৫২০                          |
| —শ্রীহরেকৃষ্ণ মুখোপাধ্যায় | ৫৬            | মাদ্রাজ শিল্প প্রদর্শনী ( সচিত্র )—শ্রীস্বর্নকুমার মুখোপাধ্যায়      | ৭২৯                          |
| —শ্রীশান্তি                | ৯১            | মানুষের মূর্তিচিত্র ( সচিত্র )—শ্রীঅর্কেন্দ্রকুমার গঙ্গোপাধ্যায়     | ২৩৮                          |
| —শ্রীভক্ত                  | ১১৩           | মাংসের মনস্তত্ত্ব ( গল্প )—শ্রীশচীন্দ্রলাল রায়                      | ১৬০                          |
| —শ্রীলেখক                  | ৭৬৮           | মুক্তি ( গল্প )—ডঃ শ্রীনবগোপাল দাস                                   | ১৪৩                          |
| —শ্রীলেখক                  | ৪৮            | মৃত্যু, জ্ঞান ও পরমপদ—মঃ মঃ শ্রীগোপীনাথ কবিরাজ                       | ১৩৭, ৩০৭                     |
| —শ্রীপরিমল                 | ১৫            | মাক্‌সিম গোর্কী—শ্রীঅমল সেন  | ৭০৬                          |
| —শ্রীকালীকৃষ্ণ             | ১৮৬           | স্বপ্নের মিনতি ( কবিতা )—শ্রীনীলরতন দাশ                              | ৪২২                          |
| —শ্রীপরাশর                 | ৩৫০           | যন্ত্রবর্জিত শিল্পবাণিজ্য কি সম্ভব?—শ্রীমনোরঞ্জন গুপ্ত               | ৩৯                           |
| —শ্রীগীর্জা                | ১৫২           | যাত্রী ( কবিতা )—শ্রীঅধিনীকুমার পাল                                  | ৪৬৬                          |
| —শ্রীমানিক                 | ৩৬৯, ৪৩৯, ৬১০ | যাত্রাকরের ফাঁকি ( কবিতা )—শ্রীবিলম্বাশঙ্কর দাশ                      | ১১০                          |
| —শ্রীশ্রী                  | ৪৬৪           | যে কথা বলিতে চাই ( কবিতা )—শ্রীরবীন্দ্রনাথ চক্রবর্তী                 | ১৪২                          |
| —শ্রীগোপাল                 | ৩৮৬           | যে জন চলিয়া যাবে ( কবিতা )—শ্রীঅপূর্বকৃষ্ণ ভট্টাচার্য               | ৩২৫                          |
| —শ্রীকবি                   | ৭১৮           | ঝড়ে রাড়িয়ে তোল ( কবিতা )—শ্রীদেবনারায়ণ গুপ্ত                     | ৬৩১                          |
| —শ্রীকবি                   | ৪৭৭           | রাজবল্লভের গয়ায় ভূমি দান—শ্রীযোগেন্দ্রনাথ গুপ্ত                    | ৪৬৭                          |
| —শ্রীকবি                   | ৫৪৫           | রাজা পারামোহন মুখোপাধ্যায় ( জীবনী )                                 | ২৪৫                          |
| —শ্রীকবি                   | ১১৪           | রিক্ত পৃথক ( কবিতা )—শ্রীঅপূর্বকৃষ্ণ ভট্টাচার্য                      | ৫৬১                          |
| —শ্রীকবি                   | ২৪১           | রূপ ( কবিতা )—শ্রীশৈলদেব চট্টোপাধ্যায়                               | ৮                            |
| —শ্রীকবি                   | ৩৪৮           | রূপবতী ( কবিতা )—শ্রীসাম উদ্দীন                                      | ৬৪২                          |
| —শ্রীকবি                   | ৪৫০           | রূপ-সমুদ্র ( কবিতা )—শ্রীরামেন্দু দত্ত                               | ৫২০                          |
| —শ্রীকবি                   | ১১১           | রেশূজি সংসর্গের স্মৃতি ( সচিত্র )—শ্রীচিন্তামণি কর                   | ৫৮২                          |
| —শ্রীকবি                   | ৭১০           | স্বপ্নচরের মাঠ ( গল্প )—শ্রীরবীন্দ্রনাথ ঘোষ                          | ৩১৩                          |
| —শ্রীকবি                   | ৫১৮           | শ্রেষ্ঠ ময়ূর ( গল্প )—শ্রীপাচুগোপাল মুখোপাধ্যায়                    | ৭০০                          |
| —শ্রীকবি                   | ৭৩            | শ্রদ্ধাঞ্জলি ( কবিতা )—শ্রীহরেন্দ্রনাথ মৈত্র                         | ৭৪২                          |
| —শ্রীকবি                   | ২০৬           | শ্রীমদভৈরব ( সচিত্র )—শ্রীস্বর্ধীরঞ্জন মুখোপাধ্যায়                  | ৩৩৭                          |
| —শ্রীকবি                   | ২১, ২২        | সংক্রান্ত :  | ৪০, ২০৫, ৩৪১, ৪৭৪, ৬০১       |
| —শ্রীকবি                   | ২২০           | কথা—শ্রীপ্রভাতসম্মার রায়, নিশিকান্ত রায়চৌধুরী, রামেন্দু দত্ত,      |                              |
| —শ্রীকবি                   | ২১৩           | নজরুল ইসলাম, জগন্নাথ বন্দ্যোপাধ্যায়,                                |                              |
| —শ্রীকবি                   | ৩১            | সুব—দিলীপকুমার রায়, নজরুল ইসলাম, নিতাই ঘটক,                         |                              |
| —শ্রীকবি                   | ১৩            | সরলাপি—দিলীপকুমার রায়, জগৎ ঘটক, জগন্নাথ বন্দ্যোপাধ্যায়,            |                              |
| —শ্রীকবি                   | ১৬৩           | কুমারী বিজলী ধর  |                              |
| —শ্রীকবি                   | ৭২            | সদী প্রয়াণে ( কবিতা )—শ্রীযোগীন্দ্রনাথ রায়                         | ৫৮৯                          |
| —শ্রীকবি                   | ২৮৭           | সভ্যতা ও আমাদের মোহ—শ্রীপ্রবোধকুমার বন্দ্যোপাধ্যায়                  | ১০৮                          |
| —শ্রীকবি                   | ৩৪৬           | সাক্ষী ( গল্প )—শ্রীস্বধাংশুকুমার ঘোষ                                | ৫৯০                          |
| —শ্রীকবি                   | ৭১৮           | সাধনার ফল ( গল্প )—শ্রীআশালতা সিংহ                                   | ৫৬২                          |
| —শ্রীকবি                   | ৮৫            | সাময়িকী ( সচিত্র )  | ১১৮, ২৫০, ৩৮৫, ৫২১, ৬৬৩, ৭৯৩ |
| —শ্রীকবি                   | ৩             | সান্তিতা-সংবাদ   | ১৩৬, ২৭২, ৪০৮, ৫৪৪, ৬৮০, ৮১৬ |
| —শ্রীকবি                   | ৩             | স্বধাংশুশেখর   | ২৬১                          |
| —শ্রীকবি                   | ৩             | সৃষ্টির স্বাধীনতা ও চিত্তশক্তি—ডঃ হরেশ দেব                           | ১                            |
| —শ্রীকবি                   | ৩             | স্বপ্নভঙ্গ ( কবিতা )—শ্রীকমলাপ্রসাদ বন্দ্যোপাধ্যায়                  | ৩৬৩                          |
| —শ্রীকবি                   | ৩             | স্বরূপ ( কবিতা )—শ্রীঅনন্তকুমার সরকার                                | ২৪০                          |
| —শ্রীকবি                   | ৪             | স্বাধীন বঙ্গবরাজ্য মণিপুর ( সচিত্র )—শ্রীনিতানারায়ণ বন্দ্যোপাধ্যায় | ৪৪, ১৭৯                      |
| —শ্রীকবি                   | ৫             | স্মরণ ( কবিতা )—শ্রীআশুতোষ সান্যাল                                   | ২০৪                          |
| —শ্রীকবি                   | ৫০৬           | স্মরণে ( কবিতা )—শ্রীশেভেন্দ্রমোহন সেন                               |                              |
| —শ্রীকবি                   | ৪৩            | স্মরণের বিধান ( গল্প )—শ্রীতিলারানী মুখোপাধ্যায়                     | ...                          |
| —শ্রীকবি                   | ৫০৩           | স্মরণের কারিকা ( আলোচনা )—ডঃ রমেশচন্দ্র মজুমদার                      | ...                          |
| —শ্রীকবি                   | ১৬৭           | স্মরণের প্রাণ ( কবিতা )—শ্রীঅপূর্বকৃষ্ণ ভট্টাচার্য                   | ...                          |
| —শ্রীকবি                   | ৫০৭           | স্মরণ মুসলমান—এস. ওয়াজেদ আলি  | ...                          |
| —শ্রীকবি                   | ৩০৬           | স্মরণ স্মৃতি—শ্রীহরেকৃষ্ণ মুখোপাধ্যায়                               | ...                          |
| —শ্রীকবি                   |               | স্মরণ হিম্মত—শ্রী...   | ...                          |

# চিত্র-সূচী—মাসানুক্রমিক

প্রোষ—১৩৪৭

বহুবর্ষচিত্র

১। পৌষ পার্করণ ২। পাহাড়ী পথ ৩। জহর ব্রত

বিশেষ চিত্র

|   |     |     |
|---|-----|-----|
| হোটেল হিল ভিউ হতে পাহাড়ের দৃশ্য                              | ... | ২০  |
| পাহাড়ের গা কেটে সিঁড়ির মত ক'রে চাষের জন্ত<br>ক্ষেত তৈরি হয় | ... | ২০  |
| পাহাড়ীদের একটি কুটার   | ... | ২১  |
| কালিম্পঙের বাজারে তিব্বতীরা কার্পেট বিক্রয়<br>করছে           | ... | ২১  |
| পাহাড়ী মেয়েরা হাটে পশমের কাপড় বিক্রয়<br>করতে এনেছে        | ... | ২২  |
| আমাদের নেপালী অক্ষুচর   | ... | ২২  |
| নেপালী মেয়ে, পিঠে ভার বইবার ঝোলা                             | ... | ২৩  |
| দার্জিলিংবাসিনী তিব্বতী রমণী                                  | ... | ২৩  |
| দার্জিলিংবাসিনী নেপালী রমণী                                   | ... | ২৪  |
| তিব্বতী লেপচা পরিবার  | ... | ২৪  |
| ইন্সালের প্রধান উচ্চ ইংরেজী বিদ্যালয়                         | ... | ৪৫  |
| মহারাজার প্রেস-গৃহ  | ... | ৪৬  |
| টেলিগ্রাফ অফিস  | ... | ৪৭  |
| মহারাজার আদালত  | ... | ৪৮  |
| কুকনগরে সমবেত হিন্দু নেতৃবৃন্দ                                | ... | ১১৪ |
| ডক্টর শ্যামপ্রসাদ মুখোপাধ্যায়                                | ... | ১১৪ |
| কুকনগরে হিন্দুস্তার শোভাযাত্রা                                | ... | ১১৫ |
| 'বন্দেমাতরম' সঙ্গীতের গায়িকা বৃন্দ                           | ... | ১১৫ |
| স্মার শ্রীবৃত্ত মন্থননাথ মুখোপাধ্যায়                         | ... | ১১৬ |
| হিন্দু-পতাকাবহনকারী হস্তী                                     | ... | ১১৬ |
| বিশা মঞ্জুমদার  | ... | ১২১ |
| পান্নালাল মুখোপাধ্যায়  | ... | ১২৩ |
| শ্রীমান বিধু সোদক   | ... | ১২৫ |
| আসাম গভর্নর   | ... | ১২৬ |
| রজনীমোহন কর   | ... | ১২৭ |
| কার্তিক পূজা  | ... | ১২৭ |
| যোগমায়া দেবী   | ... | ১২৮ |
| পানের মসলার বাড়ী   | ... | ১২৮ |
| প্রমথনাথ চট্টোপাধ্যায়  | ... | ১২৮ |
| ফুটবল প্রতিযোগিতার বিজিত হিন্দুদল                             | ... | ১২৯ |
| ভাণ্ডারকার  | ... | ১৩০ |
| দেওধর   | ... | ১৩১ |
| মার্চেন্ট   | ... | ১৩১ |
| জবর   | ... | ১৩১ |
| চট্টোপাধ্যায়   | ... | ১৩১ |
| শিগ্গেবত  | ... | ১৩১ |

মাঘ—১৩৪৭

|  |     |     |
|--|-----|-----|
| কামাপ বুদ্ধমূর্তি                      | ... | ১৫৩ |
| নাগেশ্বর                               | ... | ১৫৪ |
| আসামের একটি মনোরম স্থান                | ... | ১৫৪ |
| মন্দির ভিতরের কারুকার্য                | ... | ১৫৫ |
| ৫ পার্কের দৃশ্য                        | ... | ১৫৫ |
| ফকার বিশ্ববিখ্যাত মন্দির               | ... | ১৫৬ |
| ১ন বা রথ-উৎসব                          | ... | ১৫৬ |
| কাল ও একাল                             | ... | ১৫৬ |
| ৩০০ টি ও ফুজিয়ানা                     | ... | ১৫৭ |
| ১৩১ তমো আগ্নেয়গিরি                    | ... | ১৫৭ |
| ১৩ ওসাকার একটি রাস্তা                  | ... | ১৫৮ |
| ১৫ ছেলেদের পুতুল-উৎসব                  | ... | ১৫৮ |
| ১ টোকিও রাজপ্রাসাদের প্রবেশ-পথ         | ... | ১৫৯ |
| ১ রক্তশোধক বাহুড়                      | ... | ১৬০ |
| ১২ রক্তশোধক বাহুড়ের মন্তক             | ... | ১৭  |
| ১৩ বিদ্যুৎ সরবরাহের জলপ্রপাত           | ... | ১৭২ |
| ১৩৪ নাগাপন্নীতে একজন আধুনিক নাগাধাত্রী | ... | ১৮১ |
| ১৩৫ উৎসববেশে নাগা ও নাগিনী             | ... | ১৮২ |
| ১৩৬ নাগা ও নাগিনী                      | ... | ১৮২ |

|                               |     |     |
|-------------------------------|-----|-----|
| রায় বাহাদুর জলধর সেন         | ... | ২৩৮ |
| শ্রীকরণানিধান বন্দ্যোপাধ্যায় | ... | ২৩৮ |
| শ্রীঅক্ষয়কুমার গঙ্গোপাধ্যায় | ... | ২৩৮ |
| শ্রীনন্দলাল বসু               | ... | ২৩৯ |
| শ্রীঅবনীন্দ্রনাথ ঠাকুর        | ... | ২৩৯ |
| শ্রীহীরেন্দ্রনাথ দত্ত         | ... | ২৩৯ |
| শ্রীসুভাষচন্দ্র বসু           | ... | ২৪০ |
| শ্রীশরৎচন্দ্র বসু             | ... | ২৪০ |
| উবারাণী মুখোপাধ্যায়          | ... | ৩৫৪ |
| ডঃ বীরেশচন্দ্র গুহ            | ... | ২৫৫ |
| অন্নদাশঙ্কর রায়              | ... | ২৫৫ |

নিখিলবঙ্গ সঙ্গীত প্রতিযোগিতা (ক) বিভাগের পুরস্কারপ্রাপ্ত

|   |     |     |
|---|-----|-----|
| মহিলাবৃন্দ  | ... | ২৫৬ |
| ঐ (খ) বিভাগের মহিলাবৃন্দ  | ... | ২৫৬ |
| কুমারী গৌরী গঙ্গোপাধ্যায়   | ... | ২৫৭ |
| নলিনীরঞ্জন পণ্ডিত   | ... | ২৫৮ |
| গোষ্ঠবিহারী বিখাস   | ... | ২৫৮ |
| জ্ঞানেন্দ্র বন্দ্যোপাধ্যায়   | ... | ২৫৯ |
| মনোহর দে  | ... | ২৫৯ |
| প্রভাতনাথ মুখোপাধ্যায়  | ... | ২৬০ |
| সুধাংশুশেখর চট্টোপাধ্যায়   | ... | ২৬১ |
| পালিয়ার অধিনায়কত্বে ইউ পি দল  | ... | ২৬২ |
| ইউ পি ও বাঙ্গালা প্রদেশের সম্মিলিত খেলোয়াড়বৃন্দ                                 | ... | ২৬৪ |
| অল ইণ্ডিয়া ও সিলোন দলের খেলোয়াড়বৃন্দ   | ... | ২৬৫ |
| এস্ ব্যানার্জি  | ... | ২৬৬ |
| বেনারস হিন্দু বিশ্ববিদ্যালয়ের ক্রিকেট দল   | ... | ২৬৭ |
| কলিকাতা বিশ্ববিদ্যালয়ের ক্রিকেট দল   | ... | ২৬৭ |
| নিখিল ভারত ব্যাডমিন্টন প্রতিযোগিতায় বোম্বাইয়ের খেলোয়াড়গণ                      | ... | ২৬৮ |
| এস্ আর বাহারী ও নির্মল চ্যাটার্জি   | ... | ২৬৮ |
| নিখিল ভারত ব্যাডমিন্টন প্রতিযোগিতায় পাঞ্জাবের খেলোয়াড়গণ                        | ... | ২৬৯ |
| ঐ দিল্লীর খেলোয়াড়গণ   | ... | ২৬৯ |
| মালয়ের খাতনামা ব্যাডমিন্টন খেলোয়াড় চু চুন কেং                                  | ... | ২৭০ |
| এইচ বসু   | ... | ২৭০ |
| ডুরাণ্ড কাপ বিজয়ী মহম্মেদান দলের খেলোয়াড়গণ                                     | ... | ২৭১ |
| ঐ খেলায় মহম্মেদান দল ২—১ গোলে জয়ী হয়েছে  | ... | ২৭১ |
| ইষ্ট ইণ্ডিয়া টেনিস প্রতিযোগিতায় যোগদানকারী খেলোয়াড়গণ ও সাউথ ক্লাবের পরিচালকগণ | ... | ২৭১ |

বহুবর্ণ চিত্র

- ১। ধৃতরাষ্ট্র ও গান্ধারী                      ২। বাহুরণের সমাধি  
৩। রাজা প্যারীমোহন মুখোপাধ্যায়

বিশেষ চিত্র

- ১। আচার্য্য সার প্রফুল্লচন্দ্র রায়  
সম্প্রতি আচার্য্য রায়ের বয়স অশীতি বৎসর হওয়ায় তাঁহার সথর্কনার আয়োজন চলিতেছে
- ২। কলিকাতায় নারী শিক্ষা সমিতির প্রদর্শনীতে সার এস-রাধাকৃষ্ণন ও ময়ূরভঞ্জন রাজমাতা সূচার দেবী
- ৩। কলিকাতা গভর্নমেন্ট আর্ট স্কুলের চিত্র-প্রদর্শনীতে শ্রীযুত ভবানীচরণ লাহা ( দক্ষিণ দিক হইতে তৃতীয় )
- ৪। কলিকাতা মেডিকেল কলেজে প্রাক্তন ছাত্র-মিলন-উৎসব

- ৫। দিল্লীতে ভারতীয় মহিলা সম্মিলনে সূমবেত ত্রিবাঙ্কুরের মহারাণী, লেডি প্রতিমা মিত্র প্রভৃতি
- ৬। কংগ্রেস নেত্রী শ্রীযুক্তা কমলা দেবী চট্টোপাধ্যায়; আমেরিকার কালিফোর্নিয়ায় ভ্রমণে গিয়াছেন
- ৭। কারমাইকেল মেডিকেল কলেজে প্রাক্তন ছাত্র-মিলন-উৎসব
- ৮। লণ্ডনে দরিদ্র ব্যক্তিগণের বাসগৃহ—বোমা পুড়িয়া ভাঙ্গিয়া গিয়াছে
- ৯। লণ্ডনে কাউন্সিল হলের সম্মুখে বোমা পুড়িয়া একরূপ গর্ভ হইয়াছে
- ১০। রাজকীয় ভারতীয় নৌবাহিনীতে গৃহীত নূতন শিক্ষানবীশ দল ব্যায়াম করিতেছে

ফাল্গুন—১৩৪৭

|   |     |     |
|---|-----|-----|
| রায় বাহাদুর শ্রীসুকুমার চট্টোপাধ্যায়                                      | ... | ৩৫৪ |
| স্বর্গীয় কালীমোহন ঘোষ  | ... | ৩৫৪ |
| পল্লীসংস্কার প্রতিষ্ঠান ও তাহার কতিপয় কর্ম্মী                              | ... | ৩৫৪ |
| শ্রীনিকেতনে তাঁত-শিল্প  | ... | ৩৫৪ |
| গ্রামে সব্জী চাষ  | ... | ৩৫৪ |
| হাতকড়ি ও দড়ির বন্ধন হইতে মুক্ত হইতে রত যাত্রাকর পি, সি, সরকার             | ... | ৩৫৪ |
| রবারের সূতার সাহায্যে প্রস্তুত-প্রণালী                                      | ... | ৩৫৪ |
| আঠা দ্বারা প্রস্তুতের প্রণালী   | ... | ৩৫৪ |
| আঠা দ্বারা প্রস্তুতের অপর একটি প্রণালী                                      | ... | ৩৫৫ |
| বিশেষ প্রস্তুত প্যাকেটের সম্মুখের দৃশ্য                                     | ... | ৩৫৫ |
| বিশেষ প্রস্তুত প্যাকেটের পেছনের দৃশ্য                                       | ... | ৩৫৮ |
| বাপের পেশা ( শিল্পী—হেমেন্দ্রনাথ মজুমদার )                                  | ... | ৩৬৪ |
| রামধনু ( শিল্পী—কুমার রবীন রায় )   | ... | ৩৬৪ |
| ছদ্ম প্রপাত ( শিল্পী—বিমল মজুমদার )   | ... | ৩৬৫ |
| শকুন্তলা ( ভাস্কর—কে, সি, রায় )  | ... | ৩৬৫ |
| চিন্তাপ্রস্রোত ( শিল্পী—পূর্ণচন্দ্র চক্রবর্তী )                             | ... | ৩৬৬ |
| তিক্ততী তরুণী ( শিল্পী—শৈলজ মুখার্জি )                                      | ... | ৩৬৬ |
| শ্রীকৃষ্ণের দেহভাগ ( শিল্পী—স্বর্গীয় সারদা উকীল )                          | ... | ৩৬৭ |
| কৈকেয়ীর বর প্রার্থনা ( শিল্পী—রমেন্দ্র চক্রবর্তী )                         | ... | ৩৬৭ |
| যাত্রা ( ভাস্কর—প্রমথ মল্লিক )  | ... | ৩৬৮ |
| সম্রাট ষষ্ঠ জর্জ সৈন্যদল পরিদর্শন করিতেছেন                                  | ... | ৩৮৫ |
| ডিউক অফ্, উইন্ডসর ও তাঁহার পত্নী বাহামাতে এক ক্লাবে পুরস্কার বিতরণ করিতেছেন | ... | ৩৮৫ |
| দক্ষিণ আমেরিকায় লর্ড ও লেডী উইলিংডন  | ... | ৩৮৬ |
| ভারতে আনীত ইটালীয় বন্দী  | ... | ৩৮৬ |
| ১৯৪০-এর অক্টোবরে লণ্ডনের দৃশ্য  | ... | ৩৮৭ |
| পশ্চিম মরুভূমিতে ভারতীয় সৈন্যদল  | ... | ৩৮৮ |
| আসানসোলে কুষ্ঠাশ্রমে বাঙ্গালার গভর্নর                                       | ... | ৩৮৯ |
| গত ১৭ই ডিসেম্বর কলিকাতায় সিভিক গার্ড প্রদর্শনীতে বাঙ্গালার গভর্নর          | ... | ৩৯০ |
| ভারতীয় বিমান বাহিনীতে একদল যুবক বিমান-চলক                                  | ... | ৩৯০ |
| ভারতীয় পদাতিক সৈন্যগণ ইরিত্রীয়ার সীমান্তে                                 | ... | ৩৯১ |
| আটবারা নদী পার হইতেছে   | ... | ৩৯১ |
| ভারতীয় রাজকীয় নৌবাহিনীতে নবনিযুক্ত যুবকবৃন্দ                              | ... | ৩৯২ |
| খুলনা বালিকা বিদ্যালয়ে গভর্নর-পত্নী লেডী মেবী ভার্টার্ট                    | ... | ৩৯৩ |



৫। বোম্বায়ে বেঙ্গল ক্লাবের খেলা উৎসবে সমবেত প্রবাসী বাঙ্গালীবৃন্দ  
—বোম্বাই হাইকোর্টের বিচারপতি শ্রীযুক্ত ক্ষিতীশচন্দ্র সেন পুরস্কার  
বিতরণ করিতেছেন

৬। এলাহাবাদে কমলা নেহরু প্রসূতি হাসপাতাল—পণ্ডিত জহরলাল  
নেহরুর পরলোকগতা পত্নীর স্মৃতি রক্ষার্থ নিশ্চিত

৭। কলিকাতা ইউনিভার্সিটি ইনস্টিটিউটের আন্তর্কলেজীয় ১৬ মাইল  
ভ্রমণ প্রতিযোগিতায় পুরস্কার বিতরণ উৎসব—স্কটিশচার্চ কলেজের নিতাই  
বসাক ( ছবির নীচের দিকে বাম দিক হইতে দ্বিতীয় ) প্রথম, কে সি শীল  
( বাম দিকে প্রথম ) দ্বিতীয় ও ডি মেঞ্জিস ( দক্ষিণ দিকে ) তৃতীয় হইয়াছেন।

৮। ডক্টর রাধাবিনোদ পাল কলিকাতা হাইকোর্টের বিচারপতি নিযুক্ত  
হওয়ায় তাঁহার সঞ্চর্চনা—মধ্যে মালা গলায় বিচারপতি পাল, তাঁহার দক্ষিণে  
বিচারপতি বিজনকুমার মুখোপাধ্যায় ও বামে বিচারপতি রূপেন্দ্রচন্দ্র মিত্র

৯। গড়ের মাঠে ক্যালকাটা ফুটবল গ্রাউন্ডে কুস্তী কার্নিভালের দৃশ্য  
১০ হইতে ১৩। এলাহাবাদে নিখিল ভারত ফটো প্রতিযোগিতা—ক  
—প্রথম—এন, সি, চট্টোপাধ্যায় ; খ—দ্বিতীয়—দেবেন্দ্রনাথ বন্দ্যোপাধ্যায় ;  
গ—তৃতীয়—শ্রীমতী পূর্ণিমা ঘোষ ; ঘ—চতুর্থ—শ্রীমতী ইলা বন্দ্যোপাধ্যায়

### বহুবর্ণ চিত্র

- ১। শিকারী ২। বাঙ্গালীকি ৩। উমেশ দত্ত

### বৈশাখ—১৩৪৮

|  |     |     |
|--|-----|-----|
| আমিও গাড়োয়ানের ভাষায় গান ধরিয়া দিলাম                   | ... | ৫৬৯ |
| শ্রম সময় দেখিলাম গাড়ীর ছাউনির উপর সেই বিরাট ভয়ঙ্কর অজগর | ... | ৫৭১ |
| এনকাবনার চিঠি  | ... | ৫৮২ |
| মৃত্যুরতা এনকাবনা  | ... | ৫৮৩ |
| আধুনিক মৃত্যুরতা পেপিতা                                    | ... | ৫৮৪ |
| মাতৃস্নেহ মৃত্যে ললিতা                                     | ... | ৫৮৫ |
| ললিতা  | ... | ৫৮৬ |
| সকল্যাদাম মারিয়া  | ... | ৫৮৭ |
| রেফুর্জি ছেলেরা ও আমি                                      | ... | ৫৮৮ |
| চণ্ডীদাস—নাহুরে সাধারণ পাঠাগার ও বিজ্ঞানমন্দির             | ... | ৬৪৩ |
| চণ্ডীদাসের ভিটা ও বিশালাক্ষী মন্দিরের ধ্বংসস্তুপ           | ... | ৬৪৪ |
| দেবগাত পুষ্করিণী ও রামীর কাপড় কাচবার পাটা                 | ... | ৬৪৫ |
| বাসুলী দেবী  | ... | ৬৪৬ |
| কনভোকেশনে ভিক্টোরিয়া কলেজের ছাত্রীবৃন্দ                   | ... | ৬৬৫ |
| কনভোকেশনে বেথুন কলেজের ছাত্রীবৃন্দ                         | ... | ৬৬৬ |
| প্রেসিডেন্সি কলেজের ছাত্রীবৃন্দ                            | ... | ৬৬৭ |
| বিজ্ঞানাগর কলেজের ছাত্রীবৃন্দ                              | ... | ৬৬৭ |
| কনভোকেশনে চ্যান্সেলার বাঙ্গালার গভর্নর ও ভাইস চ্যান্সেলার  | ... | ৬৬৮ |
| আজিজুল হক  | ... | ৬৬৮ |
| শিবপুর ইঞ্জিনিয়ারিং কলেজের ছাত্রীবৃন্দ                    | ... | ৬৬৮ |
| বর্ধমানের রবিবাসর  | ... | ৬৬৯ |
| শ্রীমাচরণ কবিরত্ন  | ... | ৬৭০ |
| মণিকুমার মুখোপাধ্যায়                                      | ... | ৬৭১ |
| এস সোহনী   | ... | ৬৭২ |
| প্রফেসর দেওধর  | ... | ৬৭২ |
| সি. টি সারবাস্তে   | ... | ৬৭২ |
| ভি. এস. হাজারী   | ... | ৬৭২ |
| আশুতোষ কলেজের ছাত্রীগণ                                     | ... | ৬৭৩ |

|  |     |     |
|--|-----|-----|
| ভারোত্তোলন প্রতিযোগিতায় বিজয়ী প্রতিযোগীগণসহ ব্যক্তিবৃন্দ | ... | ৬৭৫ |
| কুমারী নিভা সেন  | ... | ৬৭৬ |
| আশুতোষ কলেজের ছাত্রীগণ                                     | ... | ৬৭৬ |
| ভারোত্তোলন প্রতিযোগিতার বিশিষ্ট কর্মকর্তীগণ                | ... | ৬৭৭ |
| শ্রবণ ঘোষ ও অনিল সেন                                       | ... | ৬৭৮ |
| সাউথ এণ্ড পার্কইন দল                                       | ... | ৬৭৯ |
| মিস একা  | ... | ৬৮০ |

### বিশেষ চিত্র

- ১। লাহোরের হিন্দু সম্মেলন-সভাপতি ডক্টর শ্রীমানপ্রসাদ মুখোপাধ্যায়,  
সঙ্গে ভাই পরমানন্দ ও রাজা নরেন্দ্রনাথ প্রভৃতি
- ২। ভারতীয় বণিক-সমিতি সঙ্ঘের বার্ষিক সভা—সভাপতি  
অমৃতলাল ওঝা প্রভৃতি
- ৩। দ্বিতীয় কলিকাতা বয়স্কাউট সমিতি
- ৪। খিদিরপুরে বঙ্গীয় গো-রক্ষা সমিতির সভা—প্রধান অতিথি  
ভাওয়ালের কুমার রমেন্দ্রনারায়ণ রায়
- ৫। তিস্তা নদীর উপর নিশ্চিত নূতন পুল
- ৬। হুগলি শ্রীরামপুরে শিবশঙ্কর জিউ প্রদর্শনীর উদ্বোধন—
- ৭। ট্রেনিং জাহাজ ডফ্রিন—
- ৮। যুদ্ধে যে সকল ভারতীয় বন্দী হইয়াছে তাহাদের জঙ্গ লগুনস্থ  
ভারতীয় মহিলারা খাণ্ড পাঠাইতেছেন
- ৯। কলিকাতা বিশ্ববিদ্যালয়ের সমাবর্তন উৎসবে সার তেজবাহী  
সংগ্ৰহ করিতেছেন
- ১০। চট্টগ্রামের রায় বাহাদুর উপেন্দ্রলাল রায় মহাশয়ের  
শত বৎসরের পুরাতন তৈলচিত্র সঙ্কীর্ণনানন্দে মহাপ্রভু
- ১১। ২৪ পরগণা পাণিহাটীতে গঙ্গাতীরে মহারাজ চন্দ্রকেতু নিশ্চিত  
৭ শত বৎসরের প্রাচীন ঘাট ও তদুপরি বটবৃক্ষ

### বহুবর্ণ-চিত্র

- ১। চিত্র দর্শন ( উষা-অনিরুদ্ধ ) ২। বুলবুল ৩। মাছধরা

### জ্যৈষ্ঠ—১৩৪৮

|   |     |     |
|---|-----|-----|
| মাজাজ গবর্ণমেন্ট আর্ট স্কুলের শিল্প প্রদর্শনীতে গবর্ণর-পত্নী লেডী<br>হোপ ও তাঁহার কন্যা ও অধ্যক্ষ দেবীপ্রসাদ রায়চৌধুরী | ... | ৭২৯ |
| আনমনা ( শিল্পী—শ্রীশ্রীল মুখার্জি )   | ... | ৭৩০ |
| ড্রইরাম আসবাব-পত্র ( শিল্পী—শ্রীদেবীপ্রসাদ )  | ... | ৭৩০ |
| পূর্বরাগ ( শিল্পী—শ্রীশ্রীল মুখার্জি )  | ... | ৭৩১ |
| শীতের সন্ধ্যা ( শিল্পী—শ্রী কে-সি-এস পুনিকর )   | ... | ৭৩১ |
| বর ( শিল্পী—শ্রীরাজম )  | ... | ৭৩১ |
| শেষ বিদায় ( শিল্পী—শ্রীদামোদর )  | ... | ৭৩২ |
| প্রসাধন ( শিল্পী—শ্রীশ মুখার্জি )   | ... | ৭৩২ |
| বার্কক্য ( শিল্পী—অমলরাজ )  | ... | ৭৩৩ |
| দি রোড মেকার  | ... | ৭৩৩ |
| ভূমধ্য সাগরের প্রধান সেনাপতি স্মার এণ্ডরু ব্রাউন ক্যানিংহাম   | ... | ৭৮৩ |
| বৃটিশ সাম্রাজ্যের সাধারণ সেনার কর্তা—সার জন ডিল   | ... | ৭৮৩ |
| বৃটিশ বিমান বিভাগের নবনিযুক্ত চিফ মার্শাল সার চার্লস পোর্টাল  | ... | ৭৮৩ |
| গ্রেট বৃটেনের সেনাবিভাগের প্রধান কর্মকর্তা স্মার এলান ব্রুক   | ... | ৭৮৪ |

|   |     |     |
|---|-----|-----|
| ভটি মন্ত্রিসভার ম'সিমে খাতালের স্থানে নবনিযুক্ত<br>পররাষ্ট্র-সচিব—ম'সিমে ফ্লাইয়া           | ... | ৭৮৪ |
| বিলাতাল   | ... | ৭৮৫ |
| গার আর্চিবল্ড ওয়াডেল   | ... | ৭৮৫ |
| লকান রাজ্যে যুদ্ধের অবস্থা  | ... | ৭৮৬ |
| প্রশান্ত মহাসাগরে জাপানের রণক্ষেত্র   | ... | ৭৮৭ |
| বীজনাথ ঠাকুর  | ... | ৭৯৩ |
| দাচার্য সার প্রফুল্লচন্দ্র রায়   | ... | ৭৯৫ |
| প্রফুল্লচন্দ্র রায় প্রদর্শনীতে আচার্য প্রফুল্লচন্দ্র রায়                                  | ... | ৭৯৭ |
| প্রফুল্লচন্দ্র রায় প্রদর্শনীর একটি দৃশ্য   | ... | ৭৯৯ |
| জ্যেষ্ঠনায়াগর রায় শিশু বিভাগে লেডী লিংলিথগো   | ... | ৮০১ |
| লুডগ্রাম বিভাগের বাগীচবনে লেডী রীডের পাঠাগার উদ্বোধন  | ... | ৮০১ |
| লিঙ্গহরে রামপ্রসাদ সাহিত্য সম্মেলন  | ... | ৮০১ |
| কিমান রায়ানে পল্লীসাহিত্য সম্মেলনে সমবেত সাহিত্যিকবৃন্দ                                    | ... | ৮০৩ |
| নিপুণে আগমনী সাহিত্য সংঘের সাহিত্য সম্মেলন  | ... | ৮০৫ |
| গরত শ্রী শিক্ষা-সদনে ছাত্রীদিগকে প্রাথমিক সাহায্যের সার্টিফিকেট<br>প্রদান                   | ... | ৮০৫ |
| বন্দর শ্রীযুক্ত কণীজনাথ ব্রহ্ম  | ... | ৮০৭ |
| মেয়র এম, এ, এইচ, ইন্দ্রাহানি   | ... | ৮০৭ |
| ভীক্ষিকেশ্বর চৌধুরী   | ... | ৮০৮ |
| বিবরাজ শ্রীমদিকানাথ সেন তর্কতীর্থ   | ... | ৮০৮ |
| বিবরাজ শ্রীঅমিয়ানন্দ ঠাকুর   | ... | ৮০৮ |
| পীপাল ওয়াগার্স   | ... | ৮০৯ |
| লিস—এ বৎসরে প্রথম বিভাগের হকি লীগ বিজয়ী  | ... | ৮১০ |
| লাল্লাবাদ এইচ.এ—বাইটন কাপের তৃতীয় রাউণ্ডে ৩-২ গোলে<br>দিল্লী ইয়ংস দলের নিকট পরাজিত হয়েছে | ... | ৮১০ |
| লী ইয়ংস  | ... | ৮১১ |
| লো ওয়াই-এ  | ... | ৮১১ |
| জালা নববর্ষ উৎসবে ব্যাণ্ডবাহু দলের কুচকাওয়াজ   | ... | ৮১২ |
| জালা নববর্ষ উৎসবে বালকবালিকাদের ব্যায়াম চর্চার একটি দৃশ্য                                  | ... | ৮১২ |
| সমলা বি এম' কুন্ডি প্রতিযোগিতায়  | ... | ৮১৫ |
| কক বন্দোপাধ্যায়  | ... | ৮১৫ |

## বহুবর্ণ চিত্র

১। মমতাজের মৃত্যু ২। গৃহাভিমুখে ৩। ডিকু

## বিশেষ চিত্র

- ১। ঢাকা জেলা হইতে দাক্ষিণাত্য পলায়নকারী মহিলারা আগরতলার দুর্গাবাড়ীতে আশ্রয় লইয়াছে
- ২। আগরতলার বালিকা বিদ্যালয়ে আর এক দল মহিলা আশ্রয় লাভ করিয়াছে
- ৩। ঢাকা দাক্ষিণাত্যে গ্রামের লোকজন পলাইয়া আগরতলার শাসন-বিভাগের প্রাসাদে আশ্রয় লইয়াছে
- ৪। রামগড়ে ইটালীয় যুদ্ধবন্দীরা কাজ করিতেছে—সাধারণ সৈনিক-দিগকে জীবিকাার্জনের জন্ত এইরূপ কাজ করিতে হয়
- ৫। রামগড়ে ইটালীয় যুদ্ধবন্দীদের ফুটবল খেলার দল—সময় কাটাইবার জন্ত তাহাদের আমোদ-প্রমোদের ব্যবস্থা আছে
- ৬। রামগড়ে বন্দীদের জন্ত হাসপাতাল—একজন ইংরেজ ডাক্তার একজন ইটালীয় বন্দী-রোগীকে দেখিতেছেন
- ৭। কুম্ভাগরস্থ বুলগেরিয়ার প্রধান বন্দর—বার্না—সালোনিকার মধ্য দিয়া বুলগেরিয়ার সৈন্যদল ভূমধ্যসাগরে গিয়াছিল
- ৮। বলকানের প্রধান নদী—দানিউব—দক্ষিণ দোবরজার দৃশ্য
- ৯। বুলগেরিয়ার প্রধান ধর্মযাজক সেন্ট জমের বাসস্থান—রিলান্ড মঠ ও মন্দির
- ১০। বুলগেরিয়ার প্রধান সহর সোফিয়ার একটি রাজপথ—এইস্থানেও বোমা ফেলা হইয়াছে
- ১১। মাটাপান যুদ্ধের পর ইটালীয়গণকে উদ্ধার করা হইতেছে—৪খানি নৌকায় তাহাদিগকে তোলা হইয়াছে
- ১২। যুদ্ধে এই সকল জার্মানকে বন্দী করিয়া লওনে আনা হইয়াছে
- ১৩। বড়লাট লর্ড লিংলিথগো দিল্লীতে শিক্ষানবীশ ভারতীয় সৈন্যদের পরিদর্শন করিতেছেন
- ১৪। সাহারা ও লিবিয়ার মরুভূমিতে প্রহরী দল—ইহারাই শত্রুদিগকে বিপন্ন করিয়াছে








শেখর গণকণ

শিল্পী—ড. এন. মণিরঞ্জননাথ মর্শি, ক.

সরঞ্জামাবলি আদিবাসীরা সুরগা উৎসব মূল্য

ভারতবর্ষ প্রতিষ্ঠা ওয়াব





পৌষ-১৩৪৯

দ্বিতীয় খণ্ড

অষ্টাবিংশ বর্ষ

প্রথম সংখ্যা

## সৃষ্টির স্বাধীনতা ও ইচ্ছাশক্তি

ডক্টর শ্রীশ্ররেশ দেব ডি-এস-সি

১

বর্তমান বিজ্ঞান “কার্যকারণতত্ত্ব”কে অস্বীকার করতে চলেছে। যাকে আমরা কার্য্য বলি আর সেই কার্য্য যা থেকে উৎপন্ন হয়েছে বলে মনে করি—এই উভয়ের মধ্যে সে আজকাল কোনও স্পষ্ট কারণিক সম্পর্ক খুঁজে পাচ্ছে না। তাই তাকে এই সিদ্ধান্ত করতে হয়েছে যে, যা ভূতকালে সংঘটিত হয়েছে কেবলমাত্র তারই ওপরে সমস্ত ভবিষ্যৎ নির্ভর করে না—ভবিষ্যতের মধ্যে ভূতকালের সঙ্গে এমন একটা কিছু জড়িত রয়েছে যার অস্তিত্ব সমস্ত ভূতকালের মধ্যে পাওয়া যায় না। সূফী কবি ওমরের সেই প্রসিদ্ধ লাইন “সৃষ্টির প্রথম উষার মধ্যেই তার শেষ সন্ধ্যাও লুকিয়ে আছে” আজকালকার বিজ্ঞান অত্রান্ত বলে গ্রহণ করে না।

এই কার্যকারণতত্ত্ব শুধু যে বিজ্ঞানের মূল ভিত্তি ছিল তাই নয়, তার প্রকাণ্ড ইমারতের প্রত্যেকটি ইট এই কার্যকারণের সীমেন্ট দিয়ে গাঁথা ছিল। তাই যদি বলা যায় যে,

এই কার্যকারণতত্ত্ব বিজ্ঞানের প্রাণস্বরূপ ছিল তা হলে বোধ হয় খুব বেশী বলা হবে না। জীবন্ত শরীরে প্রাণশক্তি থাকে তার প্রত্যেক কণার মধ্যে। তেমনিই কার্যকারণ ছিল গত শতাব্দীর বিজ্ঞানের প্রত্যেক ক্ষুদ্রতম বিভাগের মধ্যে। তাই যে তত্ত্বের ওপর সে তার সমস্ত ইমারতকে দাঁড় করিয়েছিল, গ্রথিত করেছিল, বোধ হয় অকিঞ্চিৎকর সামান্য একটা ইলেক্ট্রনের স্বেচ্ছাচারিতায় তা যখন স্বপ্নবৎ অলীক বলে প্রতীয়মান হ'ল তখন তার অবস্থা কল্পনা করা দুঃসহ। তার মধ্যে স্থানে স্থানে গোলমাল দেখা দিতে লাগল, আর হয়ত কিছুক্ষণের জন্তে সে অভিভূত হ'য়ে পড়েছিল। আর তাকে দেখে কেউ কেউ হয়ত বলেছিল, এইবার তার শেষ। কিন্তু সত্যের আকর্ষণ দিয়ে যার শরীর তৈরি, অজ্ঞানের বা মিথ্যার অন্তর্ধানে তাকে কতদূর কি করতে পারে! সে যে ক্ষণিকের জন্তেও অভিভূত হয়েছিল এই তার পক্ষে ছিল অশোভন।

মিথ্যার আধরণ তার চোখের ওপর থেকে সরে গেলে সে নিজের অন্তরে এই তত্ত্বটি অনুভব করল, জগৎ-ব্যাপারের সব কিছুই নিজের স্বভাবের গুণেই 'হয়' ( happens )। সমস্তকে এক সঙ্গে ক'রে বৃহৎভাবে যখন দেখি তখন এই স্বভাব প্রতীয়মান হয় 'আকস্মিকতা'র ( chance ) রূপে। আর যখন কোনও একটিকে বা ক্ষুদ্রকে অবলম্বন ক'রে তা দেখতে যাই তখন তাকেই পাই যেক্ষেপে তার নাম দেওয়া চলতে পারে "FREE WILL"। আর তার সেই পুরাতন কার্যকারণতত্ত্ব—সেও এখন তার ধার করা দীপ্তি ফেলে দিয়ে নিজের সত্যিকারের স্থানটিতে দেখা দেয়—তাকে দেখতে পাওয়া যায় অত্যন্ত অগভীরভাবে সকলের সঙ্গে শুধু ওপর ওপর ভাবে মিশে থাকতে। একটু সামান্য নাড়া-চাড়াতেই এখন তার শূন্য গর্ত প্রকট হ'য়ে পড়ে।

স্বল্প কথায় বলতে গেলে এই দাঁড়ায় যে, কার্যকারণের জায়গায় বিজ্ঞান এখন পেয়েছে ব্যক্তিগত ক্ষেত্রে "FREE WILL"-কে—আর সমষ্টিগত ক্ষেত্রে পেয়েছে CHANCE বা আকস্মিকতাকে। আর এই আকস্মিকতার উত্তরফলস্বরূপ কার্যকারণকে সে আবার ফিরে এনেছে। সে বলে আমরা যে সর্বত্র কার্যকারণতত্ত্বকে অনুভব করি—তা CHANCE-এরই একবিশেষ প্রকাশ, FREE WILL এরই বাহিরের পরিসমাপ্তি।

CHANCE-কে নিয়ে যতটা না হোক, এই "FREE WILL"-কে নিয়ে বিজ্ঞানের বিশেষ গণ্ডগোল আরম্ভ হয়েছে। এই WILL-ব্যাপারটা একে ত আগাগোড়া অবিজ্ঞান-ঘেঁষা, তার সঙ্গে যুক্ত হয়েছে FREEDOM অর্থাৎ স্বাধীনতা। অর্থাৎ বিজ্ঞান তার প্রত্যেক কণাকে শুধু ইচ্ছা দিয়েই ক্রান্ত হয়নি, সঙ্গে সঙ্গে দিয়েছে স্বাতন্ত্র্য। বিজ্ঞানের এ করবার ক্ষমতা ~~হা~~ কি-না এই হ'ল সমস্যা। 'ভারতবর্ষ'-এর পাঠক-পাঠিকাদের আমরা বর্তমানে এই সমস্যাটি উপহার দিতে চাই।

২

FREE WILL কথাটি মানুষ অনেক কাল থেকেই বলতে শিখে এসেছে। কিন্তু সে এতদিন যে ক্ষেত্রে একে ব্যবহার ক'রে এসেছে তা একেবারে বিজ্ঞানের বিপরীত। এর স্থান ছিল প্রধানত স্বাধীন ধর্মশাস্ত্রের মধ্যে। ধর্মশাস্ত্রের মধ্যে যুক্তিবাদকে অপ্রধান করা হয়—আর ভগবানের সঙ্গে মানুষের সম্পর্ককে প্রধান করা হয়ে থাকে।

অথচ সেই শাস্ত্রের অন্তর্গত এই FREE WILL কথাটি বিজ্ঞান আত্মসাৎ ক'রে নিল। ধর্মশাস্ত্রে FREE WILL-এর একটা সত্যিকারের তাৎপর্য আছে, একটা সংস্কার বা TRADITION আছে। এই ভাবধারাকে বাদ দিয়ে শুধু শব্দটিকে গ্রহণ করার কোন অর্থ হয় না। তাই বিজ্ঞানকে শব্দ দুইটির সঙ্গে সঙ্গে তার পিছনে TRADITION-কেও গ্রহণ করতে হয়েছে। কাজেকাজেই ধর্মশাস্ত্রকারেরা একে যেভাবে দেখে এসেছেন, আমাদেরও সেইখান থেকেই এর আলোচনা আরম্ভ করতে হবে।

ইচ্ছা বা ইচ্ছা করা প্রধানত মানুষের বা মনের ব্যাপার। আমাদের প্রত্যেকের ইচ্ছা বলে একটা জিনিস আছে, আমরা প্রত্যেকেই যে ইচ্ছা ক'রে থাকি এ একটা অত্যন্ত সাধারণ কথা। আমার নিজের অস্তিত্বের সম্বন্ধে যেমন আমরা নিঃসন্দেহ, আমাদের মধ্যে ইচ্ছা বলে কিছু যে একটা আছে সে সম্বন্ধেও তেমনই অসন্দেহ। কিন্তু এই ইচ্ছা কি স্বাধীন, না এর অন্তরালে কোনও কারণ আছে? একটা ডালা ভর্তি ক'রে নানা রঙের অনেকগুলি গোলাপ আমার সামনে রাখা আছে। তার মধ্যে থেকে একটা নিতে ইচ্ছা হ'ল। তুলে নিলাম হলুদ রঙের মার্শাল নীলটা। অনেক-গুলোর মধ্যে এই মার্শাল নীলটাকেই বেছে নেবার মধ্যে বলা হয় যে, এর মূলে রয়েছে আমার ইচ্ছার স্বাধীনতা। যেখানে অনেকগুলো জিনিস সমান অবস্থায় রয়েছে সেখান থেকে একটাকে বেছে নেবার মধ্যে আমার ইচ্ছার স্বাধীনতা বর্তমান; কিন্তু ব্যবহারিক মনোবিজ্ঞান ( Experimental psychology ) বলে যে, এই বেছে নেওয়ার ব্যাপারটার মধ্যেও আমার স্বাধীনতা নেই। এখানে আমরা আমাদের পূর্ব-সংস্কারের অধীন। আমাদের ভাল লাগা বা মন্দ লাগা, ইচ্ছা বা অনিচ্ছার অন্তরালে রয়েছে নানা সময়ের নানা ঘটনার ভাব-সমষ্টি। এরা আমাদের মনের মধ্যে অলক্ষিতে জমা হ'য়ে ব'সে আমাদের ইচ্ছাকে নিয়ন্ত্রিত করে। এখানেও আমাদের কোনও সত্যিকারের স্বাধীনতা নেই। তাই এখানেও FREE WILL-সমস্যা এসে উপস্থিত হয় না।

ধর্মশাস্ত্রকারেরা বলে থাকেন যে, আমাদের পাপের মূলে ইচ্ছার এই স্বাধীনতা রয়েছে। বাস্তবিক পক্ষে আমার কর্মের দায়িত্ব আমার না থাকলে পাপের কোনও অর্থ পাওয়া যায় না। কিন্তু আমার কর্মের জন্তে আমি দায়ী

বলেই কথা সম্পূর্ণ হয় না—বলতে হয় কার কাছে দায়ী? শাস্ত্রকারদের (Theologians) কাছে এর উত্তর অবশ্য আছে। তাঁরা বলেন, আমার কর্মের জন্তে আমি দায়ী—(১) ভগবানের কাছে, (২) সমাজের কাছেও (৩) আমার নিজের কাছে। এর মধ্যে পাপের জন্তে আমরা দায়ী প্রধানত ভগবানের কাছে। প্রশ্ন হয়, “ভগবানের কাছেই-বা দায়ী হ’তে যাব কেন?” উত্তরে ধর্মশাস্ত্রকারেরা এই রকম যুক্তি দেখান—(১) ভগবান আমাদের সৃষ্টি করেছেন, (২) তাই আমাদের কর্মের হিসাব তাঁর প্রাপ্য, কারণ (৩) আমার পাপের জন্তে তাঁর হাতে শাস্তি পেতে হবে। তাঁদের কাছে ভগবৎ ইচ্ছার বিপরীত কোনও ইচ্ছার উত্তরফলই হ’ল অত্যা-কর্ম, পাপ। এইভাবে তাঁরা অত্যা আর পাপের সঙ্গে স্বাধীনতার সংযোগ স্থাপন করেন।

স্বাধীনতার মূল এইভাবে একটা পাওয়া গেলেও তা মোটেই যুক্তিসহ হয় না। ভগবান যদি আমাকে সৃষ্টি ক’রেই থাকেন তবে আমার ভিতরকার তাঁর ইচ্ছার বিপরীত ইচ্ছা প্রকাশ করার চেষ্টাও তিনিই সৃষ্টি করেছেন। অতএব এখানেও এর জন্তে আমি প্রধানত দায়ী নই। তা ছাড়া, ধর্ম-শাস্ত্রকারেরা ভগবানকে বলেন তিনি পরিপূর্ণ ভাল। যে পরি-পূর্ণ ভাল, তার সৃষ্টির মধ্য থেকে মন্দ বের হবে কেমন ক’রে? ভগবানকে পরিপূর্ণ ভালও হ’তে হবে, আর সঙ্গে সঙ্গে আমার পাপ করার ইচ্ছাও থাকবে—এ দুটো এক সঙ্গে হ’তে পারে না। একাসনে ভগবান সৃষ্টিকর্তা আর বিচারক হ’লে তাঁর মধ্যে বিরোধ এসে পড়ে। অতএব ধর্মশাস্ত্রকারদের এ কথা এ ভাবে স্বীকার করা চলে না।

বাস্তবিক কথা এই যে, খৃষ্টান ধর্মশাস্ত্রকারেরা স্বাধীনতা বা freedom-কে আবিষ্কার করলেও তাঁরা এর যথার্থ স্থানটি খুঁজে পাননি। তাঁরা ভগবানকে পরিপূর্ণ ভাল বলেই যত বিরোধের সৃষ্টি করেছিলেন। ভগবান পরিপূর্ণভাবে স্বাধীন। এই স্বাধীনতাই তিনি তাঁর সৃষ্টিকে দিয়েছেন। তাই সে ভগবৎমুখী বা ভগবৎ-বিরোধী দুই হ’তে পারে। এইখানেই আছে তার ইচ্ছার স্বাধীনতা। ভগবানের কাছে শুধুমাত্র স্বাধীনতা—সৃষ্টির মধ্যে এসে তাই হয়েছে ইচ্ছার স্বাধীনতা—FREE WILL.

সৃষ্টি মূলত শুধুমাত্র জড় নয়—জড় প্রাণ ও মনু এই

তিনটি তত্ত্বকে অঙ্গাঙ্গীভাবে এক ক’রে নিয়ে সচেতনভাবে অবস্থিত। মনের স্তরে এই স্বাধীনতা দেখা দেয় ইচ্ছার স্বাধীনতারূপে, প্রাণের স্তরে দেখা দেয় জীবনের উৎশৃঙ্খল স্পন্দনের ভিতর, আর জড়ের স্তরে সে দেখা দেয় সেই গভীর অনিশ্চয়তার মধ্যে যাকে আজকাল বৈজ্ঞানিকেরা জড়জগতের সর্বত্র বিরাজমান দেখছেন।

সৃষ্টির মধ্যে এই তত্ত্বগুলি অবশ্য এইভাবে বিভাজিত হ’য়ে নেই—সেখানে তারা পরস্পরের সঙ্গে এক হ’য়ে মিলে মিশে বর্তমান। বিজ্ঞান এর ভিতরকার চৈতন্য-সত্তাকে স্বীকার করতে চায় না। এর সচেতনত্বকে বাদ দিয়ে যা বর্তমান থাকে তার নাম সে দেয়—প্রকৃতি। তাই প্রকৃতিকে সে অচেতন জড়রূপা বলেই পায়। প্রকৃতিকে অনুধাবন করবার এই পথ সে বেছে নিয়েছে বলেই প্রকৃতির যান্ত্রিক ভাবই তার কাছে শুধু প্রকাশ পায়। যান্ত্রিকতার প্রথম করোলারি (corollary) হ’ল কার্যাকারণতত্ত্ব। তাই তার সামনে কার্যাকারণতত্ত্ব এত সত্যরূপ নিয়ে উপস্থিত হয়, আর তারই সঙ্গে সঙ্গে দেশ ও কাল বেরিয়ে আসে সম্পূর্ণ পৃথক অবস্থায় এক অপরের অসম্পর্কিতভাবে। তার জগৎ তখন জড়রূপ নেয় খণ্ড খণ্ড অবস্থায় পরস্পরের সঙ্গে সম্পূর্ণ বিচ্ছিন্ন থেকে। অথচ তার সমস্ত নিয়ম সে গড়ে—এক বিচ্ছিন্নতা অথগুতাকে কল্পনা ক’রে।

৩

বিজ্ঞান যে প্রকৃতিকে এইরকম জড়রূপা যন্ত্রভাবাপন্ন-ভাবে দেখতে পায় তার মূলে একটা বিশেষ কারণ আছে, মানুষ আর প্রকৃতি এই দুইয়ের মধ্যে যা সম্বন্ধ তা মানুষের কাছে প্রকাশ পায়—জ্ঞানের আকারে। তাই সমস্ত জ্ঞানের মূলে রয়েছে বিষয়ী আর বিষয়ের সম্পর্ক। মানুষ এখানে হ’ল বিষয়ী অর্থাৎ subject, আর প্রকৃতি হ’ল বিষয় অর্থাৎ object. বিষয়ী বা subject, অর্থাৎ মানুষ, বিষয় বা object অর্থাৎ জগৎকে তার বাইরের জিনিষ বলে মেনে নিয়ে তার মধ্যে তারই অন্তর্নিহিত সম্পর্কগুলি অনুসন্ধান করে—সম্পূর্ণ নিজের প্রয়োজনানুসারে বা ইচ্ছার অধীনতায়। যে সম্পর্ক সে খুঁজে বার করে, তা তার কাছে বাইরের জিনিষেরই ভিতরকার সম্পর্ক

বলেই প্রকাশ পায়। এই সম্পর্কের মূলে যে তার নিজেরই ইচ্ছা ছিল বা তারই প্রয়োজনের খাতিরে এই সম্পর্ক বা নিয়ম সে খুঁজে পেয়েছে তা তার কাছে একেবারেই অপ্রকাশ থেকে যায়। কাজে কাজেই, তার কাছে বিষয় আর বিষয়ী একেবারে পৃথক থেকে যায়। প্রকৃতি আর মানুষ হ'য়ে ওঠে দুটি সম্পূর্ণ স্বতন্ত্র সত্তা।

এই সত্তা দুটির মধ্যে একটির অর্থাৎ মানুষের অধিকার ইচ্ছা করা, কাজ করা, আর অনুভব করা। আর অপরটির অধিকার object বা মানুষের ইচ্ছার ভূমি হওয়া বা তার কাজের উপকরণ-স্বরূপ হ'য়ে ওঠা। প্রকৃতিকে তাই মানুষ যে ভাবে দেখতে চায় সে তাকে ঠিক সেই ভাবেই ফিরে পায়। যখন সে যন্ত্র দিয়ে তাকে অনুসন্ধান করে তখন প্রকৃতির মূল রহস্যও যান্ত্রিকভাবেই ধরা পড়ে। যন্ত্র জিনিষটা মানুষের হাতের তৈরি জিনিষ, আর একে সে তৈরি করেছে 'নিশ্চিতত্বের' তত্ত্ব দিয়ে। তাই যন্ত্রের ভিতর দিয়ে যে প্রকৃতিকে সে খুঁজে বার করে, তাকেও মনে হয় যেন অতি সু-নিশ্চিত। কঠিন নিয়মশৃঙ্খলে তা যেন আঁটে পৃষ্ঠে বাঁধা। এই নিয়মগুলি জানা থাকলে আর জগতের যে-কোনও জায়গার যে-কোনও সময়ের অবস্থার খবর পেলে বিশ্বব্রহ্মাণ্ডের সব কিছুই অন্ধ কষে বার ক'রে ফেলতে পারা যাবে। জগতের মধ্যে অনিশ্চিত অজানিত বলে কোনও কিছুর অস্তিত্ব বিদ্যমান থাকতে পারে না এই তার দৃঢ় ধারণা।

কিন্তু আমরা আমাদের অন্তরের অন্তরে ভাল ক'রেই জানি যে, জগৎ অত সু-নিশ্চিত ব্যাপার নয়। আমরা জানি যে জগতকে আমরা কখনও সম্পূর্ণভাবে সব দিক দিয়ে জানতে পারি না। জগতের একটা ব্যাপারের খবর জানলে তার আনুষ্ঠানিক ব্যাপারটি তেমনিই গোপন হ'য়ে পড়ে। জগৎ পরিবর্তনশীল, সে যন্ত্রের মত স্থির নিশ্চল নয়। প্রমাণ না দিতে পারলেও আমরা জানি যে, জগৎ শুধু পরিবর্তনশীল তাই নয়, এ পরিবর্তনের মধ্যে প্রগতি বা পরিণতিও বর্তমান। এখানে সৌর জগৎ সৃষ্ট হ'য়ে ধ্বংসের দিকে অগ্রসর হয়। ছড়ান নীহারিকা পুঞ্জীভূত হ'য়ে শীতলতায় পর্যাবসিত হয়। এখানে জীবন অবিরূত হ'য়ে বোধ ও সাড়াকে উদ্ভূত করে। মন জন্ম নেয়—নিরাশার গভীর অন্ধকারে আশার কণদীপ্তি দেখা দেয়। সৃষ্টির নাটক

তার পট-পরিবর্তন ক'রে চলে—“অনাগত মহা ভবিষ্যৎ লাগি”।

“তর্ক তারে পরিহাসে, মর্মে তারে সত্য বলি জানে  
সহস্র ব্যাঘাত মাঝে তবুও সে সন্দেহ না মানে।”

বিগত যুগের বিজ্ঞান পরিপূর্ণ যান্ত্রিকতাকে চোখের সামনে জোর ক'রে ধরে রেখেছিল বলে সৃষ্টির এই সব অশাস্ত্রীয় উৎসৃষ্টতাকে দেখতে পেলেও জোর ক'রে অস্বীকার করত। তার কাছে এ সব ছিল বিষয়ী অর্থাৎ subject-এর গভীর ব্যাপার, আর কাজে কাজেই অলীক। আজকাল বৈজ্ঞানিকেরা তাঁদের পূর্বজগতের গড়া যান্ত্রিকতার কঠিন নিগড় থেকে পরিভ্রাণ পাবার চেষ্টায় প্রাণপণে ব্যাপৃত আছেন। কাজে কাজেই, তাঁরা এমন সব কথা আজকাল বলতে শুরু করেছেন প্রাচীনপন্থী বৈজ্ঞানিকেরা যা শুনলে বোধ হয় কানে আঙুল দিতেন।

৪

জগতকে বোঝবার চেষ্টায় তাকে বিষয়ী আর বিষয় অর্থাৎ subject-object-হিসাবে ভাগ ক'রে নেওয়া যে বাস্তবিক একটা কৃত্রিম কাজ, তা সহজেই বোঝা যায়। বিষয়ী বা subject বলতে মানুষ অর্থাৎ তার মনকে বোঝায়। জগতকে মানুষের মনের বা চিন্তার সৃষ্টি, এইভাবে ব্যাখ্যা করতে গিয়ে যে দর্শনের উদ্ভব তাকে idealist বা আদর্শবাদী দর্শন বলা হয়। অপর পক্ষে, জগৎ সম্পূর্ণভাবে subject বা মানুষের বাইরের বস্তু, বিষয়ী থেকে একেবারে স্বতন্ত্র, এইরূপ ভাব মূলে রেখে যে দর্শনের উদ্ভব তাকে realist দর্শন বলে। এর মধ্যে যারা আরও বলে— বিষয়ী যে, সে নিজেও বিষয়েরই অন্তর্গত একটা ব্যাপার— তাকে materialist দর্শন বলে। কাজে কাজেই আদর্শবাদী দর্শন ও বাস্তব বা জড়বাদী দর্শন মূলগতভাবে পরস্পরের বিরোধী। অর্থাৎ আদর্শের মধ্যে বস্তুর কণামাত্রও নেই, অপরপক্ষে বস্তু জিনিষটার মধ্যে idea বা আদর্শ বা চেতনার চিহ্নও থাকতে পারে না।

পরিপূর্ণ বাস্তবতা বা জড়কে নিয়ে যে শাস্ত্র একেবারে মগ্ন, তাকে আমরা বলি জড়বিজ্ঞান। এ শাস্ত্র মনকে বা তার কাজকে যে একেবারে অস্বীকার করে তা অতি প্রসিদ্ধ। এ বলে যে দ্রষ্টা বা subject জগতের সত্যকারের জ্ঞানকে

পাওয়ার পথে এত ব্যক্তিগত ব্যাপার নিয়ে আসে যে তাকে একেবারেই বাদ দিতে হয়। বিজ্ঞানের জ্ঞান তাই আদর্শ ও ব্যক্তিনিরপেক্ষ জ্ঞান। কাজেকাজেই, বিষয়ী বা দ্রষ্টার সঙ্গে সম্পর্কিত অবস্থায় জগতের যে রূপ ও গুণ গড়ে ওঠে তারা পুরোপুরি অলীক বলে বিজ্ঞান তার রাজ্য থেকে তাদের নির্বাসন দেবার পক্ষপাতী। মানুষের কাছে জগতের রংটাই প্রধান, তাই বিজ্ঞান রং-জিনিষটাকে স্বীকার না করে তার জায়গায় কম্পন-সংখ্যা নিয়ে এসেছে। শীতলতা বা উত্তাপবোধের স্থান নিয়েছে টেম্পারেচারের ডিগ্রী। শব্দানুভূতিকে অস্বীকার করে তার স্থানে বাতাসের কম্পন-সংখ্যা এসে জুড়ে বসেছে। এইভাবে জগতের qualitative element-গুলিকে সরিয়ে রেখে তাকে সর্বাংশে quantitative করবার চেষ্টা হ'য়েছে সংখ্যার সাহায্যে। ফলে দাঁড়িয়েছে এই যে, বিজ্ঞানের আলোচনায় সংখ্যা ছাড়া বাস্তবতামূলক অপর কোনও গুণ বা ধর্মের স্থান নেই। কিন্তু সংখ্যা ত সত্যকারের বাস্তব জিনিষ কিছু নয়, বরং একে আদর্শ (idea)-জাতীয় কিছু বলাই বেশী চলে। কাজেকাজেই, পরিপূর্ণ বাস্তবতা করতে গিয়ে বিজ্ঞান বাস্তবতাকে হারিয়ে ফেলেছে। তাই বলতে হয়, বিজ্ঞান যে-জগতকে নিয়ে আলোচনা করে তা যে-জগতকে আমরা ধরি, ছুঁই, সব রকমে আমাদের অভিজ্ঞতার মধ্যে নিয়ে আসি—তা থেকে সম্পূর্ণ স্বতন্ত্র। বিজ্ঞানের জড় বা matter তাই unknowable, আর সঙ্গে সঙ্গে non-existent.

অপরপক্ষে আদর্শবাদীদের গোড়া অমুসন্ধান করে দেখলে সেখানেও ঠিক এই রকমেরই যুক্তিহীনতা প্রকাশ পায়। বাস্তববাদী যেমন আদর্শবাদীতে পর্যাবসিত হয়, তেমনি আদর্শবাদী হ'য়ে ওঠে বাস্তববাদী। আদর্শবাদীর মতে বিষয়ী বা subject বা তার idea-র বাইরে কিছুই অস্তিত্ব থাকতে পারে না। এই idea বা আদর্শের স্থান কোথায়? নিশ্চয়ই মানুষের বস্তুময় মস্তিষ্কের ভিতর নয়ই; যদি তাই হয় তবে idea-কেও বস্তুর সঙ্গে একাসনে বসতে হবে, আর তা স্বীকার করলেই আদর্শবাদ সম্পর্কে গোড়াতে যা মেনে নিয়েছি, তার বিপরীত কথা স্বীকার করতে হবে। কাজে কাজেই স্বীকার করতে হয় যে আদর্শবাদীদের idea তাদের বাইরে কোথাও আছে। আদর্শবাদী গিয়ে নিজের জায়গা করে নিচ্ছে বাস্তববাদীদের পাশে।

বাস্তবিক কথা এই যে, জগতকে শুধু বস্তুময় বা শুধু মাত্র idea দিয়ে তৈরি এমন কোনও watertight বিভাগ করতে গেলে তা ভুল হবে। জগৎ সর্বথা বস্তুময় বা পরিপূর্ণ idea দিয়ে তৈরি নয়। জগতের মধ্যে বস্তু বা জড় ও idea আদর্শ বা চেতনা অদ্বাদীভাবে মিশে রয়েছে, তাই বিষয়ী আর তার বিষয়কে জোর ক'রে পৃথক ক'রে এদের জট ছাড়ানর চেষ্টা করলে আমাদের জ্ঞানের জায়গায় অজ্ঞানের গভীরতর জটিলতা এসে দেখা দেবে। জগতে বস্তু ও চেতনা দুই রয়েছে একেবারে একসঙ্গে মিশে অদ্বৈত অবস্থায়। সৃষ্টির এই দ্বৈতাদ্বৈত রূপকে স্বীকার না করে যে জ্ঞানই লাভ করা যাক না কেন, তা হবে প্রধানত অজ্ঞান। আধুনিক বিজ্ঞান নিজের দৃষ্টি জগতের এই দ্বৈতাদ্বৈত ভাবের ওপর নিবন্ধ ক'রে নিজেকে নতুন ক'রে গড়ে তোলবার অসাধ্য সাধনে ব্যাপৃত। শুধু পদার্থ বিজ্ঞানই নয়—বিজ্ঞানের অন্ত সব ক্ষেত্রেও অর্থাৎ জীব-বিজ্ঞানে আর মনোবিজ্ঞানেও এই রকম দৃষ্টিভঙ্গীর আবির্ভাব দেখা দিচ্ছে। কিন্তু আমাদের আলোচনা পদার্থবিজ্ঞান আর তার অন্তর্নিহিত দর্শনতত্ত্ব নিয়ে সমাকৃত বলে আমরা প্রধানত আমাদের সেই সীমার মধ্যেই নিবন্ধ রাখতে চেষ্টা করব।

৫

বিজ্ঞানের দৃষ্টিভঙ্গীকে এইভাবে সম্পূর্ণ অভিনব দিকে নিয়ে গিয়ে জগতকে দেখতে যাবার প্রধান ফল হ'ল এই, সমস্ত দর্শনই যে পরিপূর্ণ নিশ্চিততাকে এই জগতের সর্বত্র মূলগতভাবে বর্তমান বলে নিয়েছিল তা একেবারে শূন্যে মিলিয়ে গেল। আর সঙ্গে সঙ্গে এর সঙ্গে সংযুক্ত প্রাকায় কার্যকারণের যে রূপ ছিল তাও পরিবর্তিত হ'য়ে গেল। কার্যকারণ এখন আর নিশ্চিততাকে অবলম্বন করল না, বরং অবলম্বন করল অনিশ্চয়তা বা আকস্মিকতাকে। এই যে অনিশ্চয়তা-তত্ত্বের কথা এইমাত্র উল্লেখ করলাম তা বৈজ্ঞানিকদের একটা মনগড়া কথা নয়। এই অনিশ্চয়তার অস্তিত্ব তাঁরা জগতের সর্বত্রই লক্ষ্য করেছেন—জগতের অন্তর্নিহিত গভীর সত্যরূপে। জগতের এই অনিশ্চয়তার প্রকাশ পাবার মূলে রয়েছে কর্মজগতের স্বাভাবিক আগবিক বা পরমাণুভাব। জড়কে ত অনেকদিন থেকেই আগবিক বলে আবিষ্কার করা হয়েছিল। বৈজ্ঞানিকেরা এখন এই জড়ের আগবিকতা

সম্বন্ধে তেমন স্পষ্টাকারে কোনও কথা বলতে চান না—বরং বলেন যে, তাঁদের পরীক্ষণের সামনে শক্তি বা কার্য আণবিক রূপ নেয়। বৈজ্ঞানিকের সমস্ত পরীক্ষা বা প্রয়োগের প্রধান সিদ্ধান্ত এই যে, জগতের সমস্ত কাজ চলে ঝু ঝু ভাবে—by jumps.

কর্মজগতের এই সর্ব রকমের আণবিকতা জগতকে অনিশ্চিত করে তুলেছে। জগতকে যতক্ষণ আমরা জানবার চেষ্টা করছি না বা অনিশ্চিততার মধ্যে তাকে পাবার প্রয়াসী হচ্ছি না, ততক্ষণ এর নিশ্চিততা বা অনিশ্চিততার কোনও প্রশ্ন ওঠে না। যে মুহূর্তে একে জানবার জন্তে এর আণবিক অস্তিত্বের সঙ্গে সম্পর্কিত হচ্ছি, সঙ্গে সঙ্গে এর মধ্যে কৈলক্ষণ্য এনে ফেলছি। আর এই কৈলক্ষণ্যই জগতের আণবিক রূপের ওপর প্রতিফলিত হ'য়ে এসে আমাদের কাছে জ্ঞান হ'য়ে প্রকাশ পাচ্ছে। কাজে কাজেই, এই জ্ঞান হ'য়ে উঠছে অনিশ্চিত বা অর্ধ-নিশ্চিত জ্ঞান। হাইসেনবার্গ দেখিয়েছেন যে, জগতের গঠনই এমন যে, জ্ঞানের এই অনিশ্চিত রূপ ছাড়া অন্য কোনও রূপ পাওয়ার সম্ভাবনাও নেই। জগতের নিজের মধ্যেই এই অনিশ্চয়তা বা স্বাধীনতা বিদ্যমান থাকার দরুন জগতাস্তর্গত যাবতীয় ঘটনা বা কাজের মূলেও এই অনিশ্চয়তা বা স্বাধীনতা স্বীকার করতে হয়।

জগতের কার্যের আণবিকতা কি ভাবে নিজের মধ্যের অনিশ্চয়তাকে প্রকাশ করে দেয়, তা আগের একটা লেখায় দেখাবার চেষ্টা করেছি। এখানে তার মোটা মোটা দু-একটা তথ্য দিলেই বোধ হয় যথেষ্ট হবে। ধরা যাক, একটা কাচের টুকরার ওপর কতকটা আলো এসে পড়েছে। এই আলোটার কতক অংশ কাচটার মধ্যে প্রবেশ করবে, আর কতক অংশ তার গায়ে লেগে প্রতিফলিত হ'য়ে যাবে। মনে করা যাক, আলোটার তিন-চতুর্থাংশ প্রতিফলিত হচ্ছে, আর এক-চতুর্থাংশ ভেতরে ঢুকছে। আলোর কাচের মধ্যে প্রবেশ করবার আর প্রতিফলিত হবার এই যে সম্বন্ধ (ratio), তা আলোর জোর বা intensity-র ওপর নির্ভর করে না। মনে করা যাক, আলোর জোর কমতে কমতে একটা আলোর কণায় গিয়ে দাঁড়াল। তখন প্রশ্ন এই যে, সে কি করবে, প্রতিফলিত হবে, না কাচের ভিতর ঢুকে প্রতিসরিত হবে? এ প্রশ্নের উত্তর সম্পূর্ণ

অনিশ্চিত। আলো যদি কণা-রূপ না হ'ত তবে বলতাম যে, যত ইচ্ছা সে বিভাজিত হ'তে থাকবে তত তার প্রতিফলন আর প্রতিসরণের সম্বন্ধ বজায় থাকবে। কিন্তু কণাকে ত বিভাগ করা চলে না। কাজেকাজেই, কণাটার আচরণ থেকে যায় একেবারে অনিশ্চিত—তার আচরণ তখন বলতে হয় দেবা ন জানাতি কুতো বৈজ্ঞানিক।

ইলেকট্রিকের কণা বা ইলেক্ট্রনকে নিয়েও ঠিক এই রকম অনিশ্চিতের মধ্যে গিয়ে পড়তে হয়। ইলেক্ট্রনটা কোথায় আছে জানবার প্রয়োজন হ'লে তাকে দেখতে হবে তার ওপর আলো ফেলে। আলোটা যদি স্থূল হয় তবে দেখাটাও স্থূল হবে। কাজেকাজেই, আলোটাকেও স্থূল ক'রে নিতে হয়। আলো যতই স্থূল হয় ততই ইলেক্ট্রনটাকে অবশ্য দেখতে পাওয়া যায় ভাল ক'রে। কিন্তু স্থূল আলোর শক্তি বেশী বলে সে তত বেশী ইলেক্ট্রনটাকে সরিয়ে দেয় নিজের অবস্থান থেকে। অর্থাৎ তার অবস্থানের মধ্যে ততখানি অনিশ্চয়তা এসে জ্বাটে! ফলে এই দাঁড়ায় যে, ইলেক্ট্রনটার অবস্থান যত ভাল ক'রে দেখতে যাই, তার গতির মধ্যে তত বেশী ভ্রান্তি এনে ফেলি; আবার অপর পক্ষে তার গতি যত ভাল ক'রে জানি তার অবস্থান তত অনিশ্চিত থেকে যায়। তথ্য দুইটাই যুগপৎ সমানভাবে কিছুতেই জানতে পারি না।

জগৎ সম্পর্কে জ্ঞানের সর্বত্রই এই অনিশ্চয়তা রয়েছে। এই অনিশ্চয়তাকে লক্ষ্য ক'রে শ্রু জেম্‌স্‌ জীন্স বলেছেন, জগৎ যেন একটা মরুভূমি। এর আকাশে উড়তে উড়তে দূর উপর থেকে একে একভাবে স্পষ্ট দেখা যায়, কিন্তু সে দেখায় আমাদের জ্ঞানের ক্ষুধার তৃপ্তি হয় না। তাই কাছে এসে ভাল ক'রে দেখতে যাই, কিন্তু নিজেরই পাখার বাতাসে এত ধূলোর সৃষ্টি করি যে তাতেই সে গা-ঢাকা দিয়ে নেবার সুবিধে পেয়ে যায়। তার যত কাছে আসি সে তত নিজেকে গোপন ক'রে দেয় আমারই নৈকট্যের অন্তরালে।

জগতের মধ্যে একটা অন্তর্নিহিত অনিশ্চয়তা বিদ্যমান। যাকে আমরা জড় বলে সাধারণত নির্দেশ ক'রে থাকি সেখানে এই অনিশ্চয়তা প্রকাশ পায় আকস্মিকতার আকারে। বৈজ্ঞানিকেরা দেখিয়েছেন যে, এই আকস্মিকতার উত্তরকালরূপ কার্যাকারণতত্ত্ব জগতে আবার জন্ম লাভ



করে। পূর্বেই বলেছি জগতের সব কর্মই একটা discontinuous process অর্থাৎ কাটা কাটা ভাবে হ'য়ে চলে—অখণ্ডভাবে হয় না। কর্মের অন্তিম তাই ক্ষণিকের—খণ্ড খণ্ড ভাবে। এই ক্ষণস্থায়ী জগতকে চিরস্থায়ী অবস্থায় কিভাবে পাই তা বর্তমান বিজ্ঞানের একটি অতি মনোজ্ঞ আবিষ্কার। এ সম্বন্ধে ভবিষ্যতে আরও ভাল ক'রে বলবার ইচ্ছা থাকতে এ নিয়ে এখন আর আলোচনা করলাম না। একে এইখানে উল্লেখ করবার উদ্দেশ্য এই যে, জগতের মূল অনিশ্চয়তার সঙ্গে জগতের এই মূল ক্ষণিকতার নিবিড় সম্বন্ধ রয়েছে। অনিশ্চয়তা এর ক্ষণিকতাকে জন্ম দিয়েছে, বা ক্ষণিকতা আছে বলে সব অনিশ্চিত তা বলা কঠিন, তবে এটুকু বলা যায় যে এই দুয়েরই মূলে রয়েছে জগতের মূল স্বাধীনতা বা freedom।

৬

আমরা দেখলাম যে, বিজ্ঞান তার পরীক্ষণ ও প্রয়োগের ভিতর দিয়ে আবিষ্কার করল যে সমস্ত কাজের মূলে আকস্মিকতা বর্তমান। জগতের সমস্ত কিছুই যদি আকস্মিক হয় তবে তা হ'য়ে ওঠে অনিশ্চিত। অনিশ্চিত হ'লেই তাকে স্বাধীন কেমন ক'রে বলি? আমার এই কলমটার গতিবিধি অন্তত এই কলমটার নিজের কাছে অনিশ্চিত। কিন্তু গতিবিধি যতই অনিশ্চিত হোক না কেন, তার মধ্যে কলমটার স্বাধীনতা একটুও নেই। অতএব জগতের ক্ষেত্রে অনিশ্চয়তা থাকলেও তার মধ্যে স্বাধীনতা না থাকতেও পারে। জগৎ-ব্যাপারের মধ্যে স্বাধীনতার অস্তিত্বের দাবী করতে গিয়ে অনিশ্চয়তা আর স্বাধীনতাকে সমার্থ বোধ করা হয় কোন্ যুক্তি অনুসারে বা কিরূপ বিশ্লেষণের ভিতর দিয়ে? আমরা এখন এই সমস্যাটির ওপর দু-একটি কথা বলেই আমাদের বর্তমান আলোচনার উপসংহার করতে চাই। এখানে একটা কথা জানিয়ে রাখা ভাল যে, এ সম্বন্ধে বৈজ্ঞানিকদের মধ্যে যথেষ্ট মতভেদ এখনও রয়েছে। অনেকেই আকস্মিকতাকে স্বীকার করলেও স্বাধীনতাকে স্বীকার করতে চান না। আকস্মিকতার মধ্যে সচেতনত্ব থাকলেই তাকে স্বাধীনতা বলা হয়। তাই স্বাধীনতাকে একটু নাড়াচাড়া দিলেই তার মধ্যে ইচ্ছার স্বাধীনতা বার হ'য়ে আসে।

বৈজ্ঞানিকেরা সাধারণভাবে বহিঃজগতের ভিতর, তাই এখনও সচেতনত্বের অস্তিত্ব স্বীকার করতে স্পষ্টভাবে রাজী নন। যদিও খুব নাম করা কেউ কেউ তা করতে দ্বিধা বোধ করেন না।

পূর্বেই বলেছি যে, আকস্মিকতার সঙ্গে চেতনা সংযুক্ত থাকলে তাকে স্বাধীনতা বলা হয়। আমার বিশ্লেষণের মধ্যে গোড়াতেই জড় ও চৈতন্যের বা object ও subject-এর মধ্যে এক অঙ্গাঙ্গী ও অটুট সম্বন্ধ স্বীকার করা হয়েছিল। Subject বা চৈতন্যের একটা অংশ (কতটা তা একেবারে অনিশ্চিত) জড়ের সঙ্গে সদাসর্বদা যুক্ত হ'য়ে থাকায় জড়ের মধ্যেও সচেতনত্বের ভাব বর্তমান তা স্বীকার করতে হয়। কাজে কাজেই, বহিঃসত্তার মধ্যে আকস্মিকতা আর সচেতনত্ব দু-ই বর্তমান, আর এই দুটি একীভূত অবস্থায় থেকে তাকে ক'রে তোলে স্বাধীন। ফলে দাঁড়ায় এই যে, নিউটন আর দেকার্ত বহিঃসত্তার মধ্যে যে পরিপূর্ণ জড়ত্ব বা চিরন্তনের ও অপরিবর্তনের ধর্ম আরোপ করেছিলেন তা বদলে গিয়ে তাকে শুধু যে পরিবর্তনশীল করে গেছে তাই নয়, তার মধ্যে পরিণামশীলতাও এনে হাজির করে। সে উজ্জীবিত হ'য়ে দেখা দেয়।

যে পরিণামশীলতা স্বাধীনতা বা চেতনাকে আশ্রয় ক'রে আত্মপ্রকাশ করে, তার মধ্যে একটি চমৎকার বৈশিষ্ট্য থাকে। এ বৈশিষ্ট্য তার প্রতিমূহূর্তের অভিনবত্ব। অনাগত সৃষ্টি তার ভূতকালের সংগুপ্ত অবস্থাকেই শুধু যে ফুটিয়ে তোলে তাই নয়, সে সঙ্গে সঙ্গে তাকে নবীনতা দান করে। সৃষ্টির বিগত ইতিহাস তার অনাগতকে সম্পূর্ণ উপলব্ধি করতে পারে না। সৃষ্টি তাই “তিলে তিলে নূতন হয়”, এখানে তাই first morning of creation can never write what the last dawn of reckoning shall read.\*

সৃষ্টির পরিণামশীলতা আর তার প্রতিমূহূর্তের অভিনবত্ব তাই সোজাসুজিভাবে তার মধ্যে ইচ্ছার অস্তিত্বকে জাহির ক'রে দেখাচ্ছে। সৃষ্টি প্রতি মুহূর্তে এমন একটি রূপ পায় যার অস্তিত্ব তার বিগত অবস্থার মধ্যে একেবারেই নাই। আবার এ অভিনবত্ব পুরোপুরি তার চেতনার মধ্যেও নাই, কারণ এই চেতনাই তার এই অভিনবত্বকে অভিনব বলে স্বীকার করেছে। এর মূলে রয়েছে ইচ্ছা।

সচেতনের ইচ্ছা, কাজে কাজেই তা স্বাধীন, শুধু জড়ের ক্ষেত্রে সে হয়ে ওঠে আকস্মিক। এই আকস্মিকতা আবার স্বনীভূত অবস্থায় কার্যকারণকে জন্ম দান করে, আর তখন আমার হাতের কলম তার সব স্বাধীনতাকে বিসর্জন দিয়ে নিরেট জড় হয়ে সম্পূর্ণ আমার ইচ্ছার অধীনে চালিত হয়।

৭

যে ইচ্ছার অস্তিত্বকে জগতের মধ্যে আমরা এইমাত্র আবিষ্কার করলাম তাকে শুধু মাত্র ইচ্ছা বললে ভুল হবে। তার সত্য পরিচয় তখনই নেওয়া হবে যদি তাকে বলা হয়—“ইচ্ছা শক্তি”। স্বাধীন ইচ্ছাকে এইভাবে শক্তিমন্তর সঙ্গে বিজড়িত করলে “স্বাধীন ইচ্ছা”র বাস্তবিক কোনও অর্থ হয় না। এই জন্মেই আমাদের মনে অনবরত যে ইচ্ছার উদয় হয়ে তৎক্ষণাৎ মিলিয়ে যাচ্ছে, বা নির্বাচন করবার সময় Pabloo complex-এর অধীন হয়ে যে ইচ্ছা কাজ করছে তা থেকে এ সম্পূর্ণ স্বতন্ত্র। আমাদের ইচ্ছা তার স্বাভাবিক কার্যকারিতা হারিয়েছে, ইচ্ছা করলেই সে ইচ্ছা কার্যে পরিণত হয় না, মনোজগতের তরঙ্গ হয়ে মনোজগতেই মিলিয়ে যায়। যে জগতে বা যে ক্ষেত্রে এই ইচ্ছাগুলি উৎপন্ন হয় প্রথমত তাদের তাতে স্বাধীনতা থাকে না, আর দ্বিতীয়ত যে-জড়জগতে এই ইচ্ছাগুলি নিজেকে সফল করবে সে-জগতের সঙ্গে তাদের যোগ বিচ্ছিন্ন হয়ে থাকে। কাজেকাজেই আমার নিজের অংশ বলে আমার হাতকেই আমি চালনা করতে পারি, কিন্তু আমার শরীরের বাইরের কিছু প্রতি আমার কর্তৃত্ব একেবারে থাকে না।

কিন্তু প্রকৃতির মধ্যে যে ইচ্ছা তার পরিণামশীলতা আর চিরনবীনতার মূল ভাবে বর্তমান রয়েছে, তার মধ্যে এই দোষ ছুটি নাই। একে ত সে পরিপূর্ণ স্বাধীন ও স্বতন্ত্র, তারপর তার স্বাধীনতা জড়ত্ব পর্য্যন্ত পরিব্যাপ্ত হয়ে আছে বলে তার ইচ্ছা সর্বত্র তার কার্যকারিতাকে অনুভব করতে পারে, কোথাও সে প্রতিহত হয় না। ইচ্ছাশক্তি আর কর্মশক্তি সৃষ্টির ক্ষেত্রে এক হয়ে দাঁড়ায়। সৃষ্টির মধ্যে এইখানে তাই একটা নিশ্চয়তা রয়েছে। তবে এই নিশ্চয়তা তার স্বাধীনতারই রূপান্তর মাত্র। সৃষ্টি স্বাধীন বলেই তার নিজের কাছে সে নিশ্চিত। কিন্তু এ নিশ্চিততা কর্মজগতের—বর্তমানের। জ্ঞান জগতের নয়। তাই একে আগে থেকে জানা যায় না, হিসাবের মধ্যে ধরা পড়ে না।

আমরা এবার আর একটি গভীরতর তত্ত্বের সামনে এসে দাঁড়িয়েছি। কর্মজগৎ নিশ্চিতরূপ পেয়েছে শক্তির সাহায্যে—যে শক্তি ইচ্ছাশক্তিরূপে সমস্ত জগৎ-ব্যাপারের মধ্যে ক্রিয়া করে চলেছে। জ্ঞানজগতকেও সেই ভাবে নিশ্চিতরূপ পেতে হ'লে তাকেও আশ্রয় করতে হবে ওই ভাবে একটি শক্তিকে। বিজ্ঞান এই শক্তিকে আবিষ্কার করতে না পারলে জ্ঞানের ক্ষেত্রে তার দরজা চিরকালই অর্গলবদ্ধই থাকবে। আর যখন সে এই শক্তিকে জড়ের ক্ষেত্রে আবিষ্কার করবে, কালের অতীত কর্মের যে চিরন্তন রূপ সে উপলব্ধি করেছে, জ্ঞানেরও তেমনি কালাতীত চিরন্তন রূপ তার কাছে আবরণ উন্মোচন করে আত্মপ্রকাশ করবে। জ্ঞান-জগতও তার কাছে আবার নিশ্চিত হয়ে ওঠবে।

## রূপ

শ্রীশৈলদেব চট্টোপাধ্যায়

কুম্ভম সেচিয়া রূপ

যে বিধি দিয়েছে তোমা,

ভুলেছে কি গন্ধটুকু দিতে ?

গন্ধহীন রূপ সে তো

আখির বিলাস শুধু,

স্বপ্নসম মিলাবে মাটিতে।



## স্মৃতিরত্নের বিধান

শ্রীইলারাগী মুখোপাধ্যায়

এক

হিন্দুর ঘরে বালবিধবার ভাগ্যে সাধারণতঃ যাহা ঘটে, তাহার ভাগ্যেও ঘটিয়াছে তাই। সকাল হইতে রাত বারটা পর্যন্ত কাজ আর ফুরায় না। কাপড়-কাটা বাসন-মাজা হইতে আরম্ভ করিয়া রাঁধা-বাড়া-এঁটোপাড়া-ঝাড়ামোছা সবই তাহার ঘাড়ে।

মা নাম দিয়াছেন 'হতভাগী', পিতা ডাকেন 'উষা মা'। মায়ের দেওয়া নামটায় তাহার দুঃখ হয় না। ভাবে, যাহার স্বামী অল্প লইয়া অনেক কিছু দান করিয়া চলিয়া যায় তাহারাই বস্তুতঃ হতভাগী। কিন্তু সে যেমন কিছুই দেয় নাই, পায় নাইও কিছু। তাহার হাসি পায়—আহা, সেই লোকটার আসা-যাওয়ার হর্ষ-বিষাদও প্রাণে জাগাইবার সুযোগ হয় নাই।

তথাপি সে বিধবা। শাস্ত্রজ্ঞরা তাহার পানে চাহিয়া মাথা নাড়িয়া ব্রহ্মচর্য শিক্ষা দেন। প্রবীণারা ধার্মিকা হইতে উপদেশ দেন। সে শুধু অভিজ্ঞতাহীন দৃষ্টিতে তাঁহাদের পানে চাহিয়া থাকে। বিলাস তাহার প্রতি বিমুখ হইলেও বিলাসের প্রতি সে কিন্তু বিমুখ নয়। কাজ সারিয়া পরিপাটি করিয়া চুল বাধিয়া যখন পুকুর ঘাটে গা ধুইতে যায়, পাড়ার মেয়েরা মুখ টিপিয়া হাসিয়া পরস্পর ইঙ্গিত করে। সে সবে তাহার একটুও লক্ষ্য নাই। রঙ্গীন সেমিজের উপর একখানা চওড়া কালাপাড় শাড়ি পরিয়া তাহুল রাগরঞ্জিত অধরে যখন আশির স্নমুখে দাঁড়ায়, তখন সে নিজের অর্ধ চন্দ্রাকৃতি শাদা কপালখানার পানে চাহিয়া ভাবে—এমনি কপালেই সিঁদুর মানায়।

ষোবনের তটভাঙ্গা বাসনা রোধ করা কঠিন। আঙুলের ডগায় একটু সিঁদুর লইয়া সংগোপনে ক্রমুগের মাঝখানে একটি টিপ দিয়া যখন দর্পণে মুখের শোভা দেখে, তখন লজ্জা ও হর্ষের সংমিশ্রণে মুখখানা লাল হইয়া উঠে। হঠাৎ মা আসিয়া দরজার কাছে দাঁড়াইয়া বলেন, ওরে হতভাগী,

উঠুন যে জ্বোলে গেল। তাহার পরই একটা চাপা চীৎকারের সঙ্গে সঙ্গে বলিয়া উঠিল, কি সর্বনাশ করেছিস, ও হতভাগী পোড়ারমুখী! মুছে ফ্যাল, মুছে ফ্যাল।

তাহার বোবনোদীপ্ত লাল মুখখানা অমনি শাদা হইয়া যায়। তাড়াতাড়ি আঁচল তুলিয়া টিপ মুছিতে মুছিতে উচ্ছ্বসিতভাবে ফুঁপাইয়া কাঁদে। মায়ের পানে চাহিয়া দেখে—তাঁরও চোখে জল, তিনি দ্রুত পলাইতেছেন।

দুই

দিন এমনিভাবেই কাটে, কিন্তু ব্যতিক্রম হইল সেইদিন—যেদিন স্মৃতিরত্ন মহাশয়ের পুত্র বিভূতি ফিরিয়া আসিল বিদেশ হইতে। ছেলেবেলায় উষার সহিত তাহার বিবাহের কথা হয়, কিন্তু কোনো কারণে তাহা ঘটয়া উঠে নাই।

অতীতের মধুর স্মৃতি মনে উদয় হইয়া উভয়কে আজ যেন আরও কাছাকাছি করিয়া দিল।

সবে সন্ধ্যার আগমনী সুর হইয়াছে। বাড়ির পিছনে একটুখানি বাগান। দু-একটা জবা, দোপাটি, কৃষ্ণকলির গাছে ফুল ফোটে। শিবরাম চক্রবর্তীর ফুল আবশ্যক হয় নিত্য পূজার জন্ত, তাই ফুল গাছগুলি যত্নে বর্ধিত। উষা মাঝে মাঝে বৈকালে এখানে আসে, কারণ স্থানটি তার বড় ভাল লাগে।

ঐ পুষ্করিণীর ওপারে, যেখানে আম জাম নারিকেল গাছের মাথার উপর দিয়া আকাশ দিক্ চক্রবালে হারাইয়া গিয়াছে—সন্ধ্যা-ধূসর আকাশের কোলে গাঢ় সবুজ গাছের মাথাগুলো স্থির ছবির মত নিম্পন্দ—দৃষ্টি যেখানে স্বতঃই যেন হারাইয়া যায়—উষা আপনমনে সেইদিকে তাকাইয়া গুন্ গুন্ করিয়া গান ধরে—'তারই কথা আসে স্মৃতি-সজল খাসে।'

সেদিনও সে একটা গন্ধরাজ ফুল নাকের কাছে ধরিয়া গুন্ গুন্ করিয়া গাহিতেছে—'দেখা দিলে না হে অকরণ'।

এমন সময় সেইখানে বাগানের আগড় ঠেলিয়া কে প্রবেশ করিল।

কিরিয়া চাহিয়াই উষা আনন্দাপুত কণ্ঠে বলিয়া উঠিল, বিভূ-দা তুমি ?

—হ্যাঁ, অনেকদিন পরে ফিরেছি। তোমার সঙ্গে দেখা করতে এলাম। কেমন আছ, উষা ?

উষা হাসিয়া উত্তর দিল, ভালই। তুমি কেমন ছিলে সব বিদেশী বন্ধু-টঙ্কু নিয়ে ?

কথার সহিত একটা অর্থপূর্ণ কটাক্ষ হানিয়া উষা হাসিল। বিভূতি সেদিকে লক্ষ্য না করিয়া কহিল, তুমি নাকি.....

কথা বাধিয়া গেল, কিন্তু তৎক্ষণাত্ উষা পাদপূরণ করিল—বিধবা ? তাহার পর একটা হাসির উৎস খুলিয়া কহিল, তোমার দুঃখ হচ্ছে, বিভূ-দা ? কিন্তু আমার ভারী আমোদ লাগে সেই লোকটির কথা ভেবে। আহা, বেচারার কষ্ট কোরে আসা যাওয়াই সার। না পারলে সংসারের বৃকে একটা রেখা টানতে, না পারলে একটাও মানব-আত্মার ওপর একটু প্রভাব বিস্তার করতে।

বিভূতি ভীত নেত্রে তাহার পানে চাহিয়া দাঁড়াইয়া রহিল। মুখে কথা নাই। উষার যেন চৈতন্য হইল। সে বিভূতির হাতে একটা হ্যাঁচকা টান দিয়া কহিল, হাবা হোয়ে দাঁড়িয়ে রইলে কেন, বিভূ-দা ? বোস।

সে তাহাকে নিজের অতি সন্নিকটে বসাইয়া দিল। উষার উষ্ণ শ্বাস মাঝে মাঝে বিভূতির অঙ্গ স্পর্শ করিতেছে। তাহাতে বৃকের রক্ত চঞ্চল হইয়া তাহার দেহ স্পন্দিত করিয়া তুলিতে লাগিল।

তিন

পাড়ার একটা বিদ্রোহী আন্দোলন সুরু হইতে বেশী বিলম্ব ঘটিল না। তবু স্বয়ং স্বতিরত্ন মহাশয়ের পুত্র যাহাতে সংশ্লিষ্ট সে আলোচনা চাপিয়া করাই দরকার। শিবরাম চক্রবর্তী আপনভোলা সরল প্রকৃতির। স্ত্রী বসুমতীর ইঙ্গিত ধরিয়াও ধরিতে পারেন না। সেদিন সন্ধ্যার সময় বাড়িতে প্রবেশ করিয়াই ডাকিলেন, উষা মা, কৈ রে ?

বসুমতী রান্নাঘর হইতে বাহির হইয়া কহিলেন, আহা, চিরদিন সমান রইলেন, ভাঙ্গা মাছখানি উল্টে খেতে

জানেন না। আদিখ্যেতা দেখলে গা জালা করে। বলি উষা তোমার এমন সময় বাড়ি থাকে ? সে তো সেজেগুজে বিকেল থেকেই বাগানে গিয়ে বসে।

শিবরাম যেন আকাশ হইতে পড়িলেন।

—কেন বাগানে কি জন্তে ?

বসুমতী হাত নাড়িয়া গর্জন করিয়া উঠিলেন, কেন আর, তোমার আর আমার শ্রদ্ধ করতে ! তবে রোজ তোমায় কি বলি ? স্বতিরত্ন মশাইয়ের ছেলের সঙ্গে গল্প করতে যায়।

—আঁ্যা, বল কি ? এই সন্ধ্যাবেলা বাগানে গল্প ? সাপ-খোপের ভয় আছে। বাড়িতে গল্প করলেই তো পারে। তুমি বারণ করতে পার না ?

বসুমতী অসহায়ার ভঙ্গীতে কপালে করাঘাত করিয়া কহিলেন, হায় রে অদৃষ্ট ! বলি, একি তোমার-আমার গল্প করা ? নিন্দেয় গ্রাম যে ভোরে গেল ! আর কাণ পাতা যায় না। তুমি ঘুমিয়ে আছ ? আমার বারণ কি তোমার মেয়ে শোনে ? না, আজ পর্যন্ত শুনেছে কোনো দিন ?

শিবরাম বসুমতীর কথায় আর কাণ না দিয়া কহিলেন, যাই, ডেকে আনি। এই উঠোনে তক্তাপোশে বোসে গল্প করুক যত খুশি।

তিনি খিড়কির দরজার পানে অগ্রসর হইলেন। বসুমতী কিছুক্ষণ স্তব্ধভাবে থাকিয়া হারিকেন হাতে ছরিতপদে স্বামীর অমুর্ভিনী হইলেন।

বাগানে প্রবেশ করিয়া স্বামি-স্ত্রী উভয়েই স্তম্ভিত ! গন্ধরাজ গাছের তলায় বিভূতির কোলে মাথা রাখিয়া উষা গল্পে মশগুল ! বসুমতীর দেহ বেতস পত্রের মত কাঁপিতে লাগিল। শিবরাম নিতান্ত অপ্রতিভ। বিভূতি ও উষার চোখে আলো পড়িতেই তাহারা চমকাইয়া মুখ ফিরাইল। সেইক্ষণেই সকলের কাণে একটা জলদগম্বীর কণ্ঠস্বর আঘাত করিল—‘বিভূতি’।

তড়িৎ-স্পৃষ্টের মত উষা ও বিভূতি সোজা হইয়া দাঁড়াইয়া মাথা নীচু করিল। শিবরাম ও বসুমতী আশ্চর্য হইয়া দেখিলেন—স্বয়ং স্বতিরত্ন মহাশয় অবা গাছের তলা হইতে বাহির হইয়া আসিতেছেন। গম্ভীরভাবে বিভূতির পানে চাহিয়া তিনি হস্ত দ্বারা পথ নির্দেশ করিয়া কহিলেন, চল।

বিভূতি নতশিরে দ্রুতভাবে পিতার পশ্চাৎ পশ্চাৎ চলিল। বসুমতী তাহার পানে তাকাইয়া দেখিলেন— তাহার অঙ্গপ্রত্যঙ্গ ধর ধর করিয়া কাঁপিতেছে, যেন বুঝিয়াছে মৃত্যু সন্নিকট।

চার

যে গুঞ্জনটা এতদিন অস্পষ্ট ছিল, ক্রমে তাহা স্পষ্ট হইতে স্পষ্টতর হইয়া উঠিল। চণ্ডীমণ্ডপে প্রবীণের দল, দুপুরে সেলাইয়ের কাজ হাতে তরুণীর দল, আখড়ার আড্ডায় তরুণের দল এবং পুকুর ঘাটে প্রবীণার দল চক্রবর্তীকে লইয়া জল্পনা-কল্পনায় এমন মাতিয়া উঠিলেন যে এই বিষয়টিই যেন সকলের একমাত্র অন্তর্ধান। ইহার আলোচনা গ্রামবাসীদের নিত্য নৈমিত্তিক জীবনধারার মাঝখানে বাধা স্বরূপ দাঁড়াইয়া যেন একটা বিষম আবর্তের সৃষ্টি করিল। উষা-বিভূতির ব্যাভিচার সম্বন্ধে যতটুকু সত্য, তাহার শত গুণ দ্বিগুণ চাক্ষুষ প্রমাণ দ্বারা প্রতিপন্ন করিতে অনেকেই ব্যগ্র। এমন জিনিস চোখে না-দেখার হীনতা স্বীকার করিতে কেহই প্রস্তুত নয়। এমন কি অঘোর ঘোষ জাতির করিলেন যে তিনি দেখিয়াছেন—উষাকে লইয়া বিভূতি পলায়ন করিতেছে, শুধু তাঁহার চোখের সামনে পড়ায় তাহার ফিরিয়া যাইতে বাধ্য হয়। তাহা না হইলে……

কথাটা তিনি চোখের ইঙ্গিতেই শেষ করেন।

যাহা হউক আলোচনা এবং বিতর্কের পর গ্রামবাসীরা একমত হইলেন যে চক্রবর্তীকে একঘরে করা একান্ত আবশ্যিক। কেহ তাঁহার সহিত কোনপ্রকার বাধাবাধকতায় আর না আসে।

এরূপ সিদ্ধান্তের পর কার্যারম্ভ করিতে উদ্যমশীল গ্রামবাসীদের বিলম্ব ঘটে নাই। ধোপা-নাপিত হইতে আরম্ভ করিয়া গুরু-পুরোহিত পর্যন্ত সকলকেই চক্রবর্তীর সহিত অসহযোগিতার বিজ্ঞাপন জারি করা হইল। ধর্মের দোহাই দিয়া পরনির্ঘাতনস্পৃহা চরিতার্থ করিয়া লইতে লোলুপ হইয়া উঠিল সমস্ত গ্রামখানি।

রমণীরা বসুমতী ও উষার পানে চাহিয়া জয়োল্লাসে হুঙ্কার ছাড়িল। শিবরাম দুয়ারে দুয়ারে ঘুরিয়া মাথা ফাটাইলেন, কিন্তু পাষণে পীযুষের আশা করা বৃথা। শিবরামের একটা বদ অভ্যাস ছিল, তিনি অনেক কষ্ট সহ

করিতে পারিতেন খানিকটা গল্প গুজবের খাতিরে। কিন্তু তাঁহার সহিত সকলে বাক্যালাপও বন্ধ করিয়াছে।

অগত্যা প্রথর রোদ্রে তাঁহাকে গ্রামান্তর হইতে বাজার করিয়া আনিতে হয়। গ্রামের ঘাটসরা বন্ধ হওয়ার দূর নদী হইতে জল তুলিয়া আনেন। তাহাতেও তন্ত কষ্ট নাই—যত কাহারও সহিত গল্পগুজব করিতে না পাওয়ায়।

বৈকাল হইলেই অভ্যাসবশতঃ কাঁধে চাদরখানা ফেলিয়া বাহির হইয়া পড়েন দাবার আড্ডার উদ্দেশে। কিন্তু যেই মনে পড়ে কেহ আর তাঁহাকে লইয়া খেলে না, এমন কি ডাকিলেও সাড়া দেয়না, অমনি বিপরীত পথ ধরিয়া ঘুরিতে নদীর ধারে আসিয়া পড়েন। অন্তাচলগামী সূর্যের আভায় চক্চক্ করে নদীর বুকের নর্তনশীল ঢেউগুলি। নদীর ওপারে তাল-খজুর-বনের পিছনে, যেখানে আকাশ পৃথিবীর কোলে ঢলিয়া পড়িয়াছে, সেইখানে যেন একটা অগ্নি গোলক ধক্ ধক্ করিয়া জ্বলিতে জ্বলিতে আপন মহিমা বিকাশ করিতেছে। গাছের মাথায়, নদীর জলে, আকাশের টুকরা টুকরা মেঘে রাঙা রশ্মি ছড়ানো। শিবরাম ব্যথিত নয়নে সেইদিকে তাকাইয়া ভাবেন, এই জগৎ একখানা নিয়মের চাকা। অনন্তকাল ধরিয়া এই চাকা ঘুরিতেছে। সেই চক্রমধ্যবর্তী সৃষ্ট জীব মানবও যথানিয়মে সূত্র-দুঃখ-জন্ম-মৃত্যু ভোগ করিতেছে। যাহারা চিরন্তন নিয়ম লঙ্ঘন করিয়া চক্রের বাহিরে আসিতে চায়, তাহারাই বুঝি কালের চাকায় চূর্ণবিচূর্ণ হইয়া অস্তিত্ব হারায়। তাঁহার মনে হয়, তিনিও যেন কি একটা নিয়ম লঙ্ঘন করিয়াছেন, তাই কালের চাকায় আজ তাঁর অস্থিপঞ্জর চূর্ণ হইতে বসিয়াছে।

পাঁচ

কিন্তু তিনি কি একলাই দোষী? স্বতিরত্ন মহাশয়ও কি ইহার সহিত জড়িত নহেন? কেন, তিনি ছেলের পিতা বলিয়া?

তাঁর মন আপত্তি করিয়া উঠিল—না, তা হবে না। আমার সঙ্গে স্বতিরত্ন মশাইকেও শাস্তি ভোগ করতে হবে। এত দুঃখ আমি একলা সহিব না, তাঁকেও ভাগ নিতে হবে। আমি এখন যাই তাঁর কাছে।

তিনি চলিলেন। স্বতিরত্ন মহাশয়ের দরজায় দাঁড়াইয়া ডাকিলেন, স্বতিরত্ন মহাশয় বাড়ি আছেন ?

তিতর হইতে উত্তর আসিল, আছি।

শিবরাম প্রবেশ করিয়া দেখিলেন—সুতা-বাঁধা-চশমা-চোখে স্বতিরত্ন মহাশয় পাণিনির পাতা উন্টাইতেছেন। শিবরামকে দেখিয়া বই রাখিয়া চশমা খুলিতে খুলিতে তাঁহার পানে গভীর দুঃখব্যঞ্জক দৃষ্টিতে চাহিলেন।

অদূরে একখানা আসন দেখাইয়া গম্ভীরকণ্ঠে কহিলেন, বোস, শিবরাম।

শিবরাম বসিয়া স্থিভাবে ঘামিতে লাগিলেন, যেন সব বাক্য তাঁহার কে হরণ করিয়া লইয়াছে। অনেকক্ষণ অপেক্ষার পর অবশেষে স্বতিরত্ন মহাশয় নিজেই কথা আরম্ভ করিলেন, আমি মনে করছিলুম তোমার বাড়িতে আজ সন্ধ্যার পর যাব। তোমার অবস্থা আমি সব শুনেছি।

শিবরাম উত্তেজিতভাবে বাধা দিয়া কহিলেন, কি রকম অন্ডায় একবার ভাবুন দেখি! ছেলেমানুষ যদি একটা অন্ডায় কোরে ফেলে থাকে, তার কি এমনিভাবেই প্রাণবধ করতে হবে ?

স্বতিরত্ন মহাশয় হাসিলেন। হাত তুলিয়া শিবরামকে বাধা দিয়া কহিলেন, থামো। অন্ডায় বল্ছ কাকে ? এটা কখনো অন্ডায় হোতে পারে না। তুমি নিয়ম লঙ্ঘন করেছ, অতএব তোমার শাস্তি অনিবার্য।

—আমি কি-নিয়ম লঙ্ঘন করলুম ?

—তোমার যুবতী বিধবা কন্যাকে তুমি রক্ষা করতে পারনি। সে বিপথে গিয়ে পড়েছে, অতএব তুমি নিয়ম লঙ্ঘন করেছ।

—আপনিও তো আপনার ছেলেকে রক্ষা করতে পারেন নি।

—ঠিক, সেজন্যে আমি নিজের শাস্তির ব্যবস্থা নিজেই করব। তোমার শাস্তি গ্রামের লোক দিয়েছে, কাজেই আমার দেবার দরকার নেই। তবে তোমার মেয়েকে দেব।

তিনি অন্তমনস্কের মত চাহিয়া রহিলেন। কিছুক্ষণ পরে গম্ভীরকণ্ঠে কহিলেন, আমার শাস্তি আমার ঐ একমাত্র ছেলে বিভূতির চির-নির্বাণন। পৈতৃক বিষয় থেকে সে বঞ্চিত হোল।

শিবরাম চমকাইয়া উঠিলেন। কিন্তু স্বতিরত্ন মহাশয়ের মুখখানা ভাব-সংস্পর্শ-বর্জিত। তিনি কহিতে লাগিলেন,

এমন কি, আমার মৃত্যুকালেও সে এখানে এসে আমায় দেখে যেতে পারবে না। ওকে আমরণ কৌমার্য নিয়ে ব্রহ্মচর্য পালন করতে হবে এবং ওর গুরু হবেন যে সন্ন্যাসী তিনিই ওকে সংযম শিক্ষা দেবেন। আর তোমার মেয়েকে কালই প্রায়শ্চিত্ত কোরে কঠোর ব্রহ্মচর্য নিতে হবে। তার শিক্ষাদাতা হব আমি।

শিবরাম আতঙ্কে শিহরিয়া উঠিলেন।

—এ যে বড় কঠিন ব্যবস্থা করলেন দুজনেরই !

স্বতিরত্ন মহাশয় হাসিলেন।

—শিবরাম, আমরা হিঁদু। সব নিয়ম কঠোরভাবেই পালন কোরে আসছি সেই সনাতন যুগ থেকে। তাই সব ধর্মের চেয়ে হিন্দু ধর্ম এত কঠোর হয়ে দাঁড়িয়েছে। এই হিন্দুশাস্ত্র হিঁদুর কাছে মৃত্যুর মতই সত্য।

ছয়

পরদিন প্রাতে একখানা আসনে গম্ভীরমুখে স্বতিরত্ন মহাশয় বসিয়া এবং তাঁহার সন্মুখে একখানা কন্বলের আসনে উষা উপবিষ্টা। বসুমতী ও শিবরাম ব্যতীত আরও একজন এক কোণে মাথা নীচু করিয়া বসিয়া আছে, সে বিভূতি। স্বতিরত্ন মহাশয় তাহাকে জোর করিয়া আনাইয়াছেন, কি করিতে তাগ তিনিই জানেন।

উষাকে আর চেনা যায় না। তাহার মস্তক ক্ষৌরমুণ্ডিত, হস্ত আভরণশূন্য, পরিধানে পট্টবস্ত্র, গলায় রুদ্রাক্ষ। হোমগ্নির উজ্জল বিভায় তাহাকে দেখাইতেছিল যেন লাবণ্যময়ী ঋষি-কন্যা! যেন তপস্চর্যার প্রভাবে অঙ্গ হইতে একটা দৈবী প্রভা বিচ্ছুরিত হইতেছে।

প্রায়শ্চিত্ত হইয়া গেল।

স্বতিরত্ন মহাশয় বিভূতিকে নিকটে ডাকিয়া কহিলেন, বোস। অগ্নিকুণ্ডে আহুতি দিয়ে প্রতিজ্ঞা কর দুজনেই—আজ থেকে সমস্ত বিলাস বর্জন করলে। বল, সংস্পর্শজ স্নেহের সকল লিপ্সা দক্ষ হোক, হে অগ্নি, তোমার ঐ লেলিহান শিখায় !

বিভূতি একবার চাহিল পিতার পানে। কিন্তু ও কি ? যমের মত নিষ্ঠুর, ধর্মের মত যে পিতা, আজ তাঁর চোখে জল ! বশিষ্ঠ-গৌতমের মত ঋষির কর্তব্যবুদ্ধি নিয়ত সজাগ, ব্রহ্মচর্য পালনে ঋষির আশ্রয় অবিচলিত নিষ্ঠা, আজ তাঁর দুই চোখে দুইটি জলধারা নামিয়া গুণ্ডায় প্রাবিত করিয়াছে !

বিভূতি বিহ্বলভাবে পিতার পানে চাহিয়া রহিল।

# ভক্তিব্যোগ

## স্বামী জগন্নাথানন্দ

শ্রীশ্রীঠাকুর বলতেন—জ্ঞান ও ভক্তি দুইই এক সঙ্গে বর্তমান থাকা সাধারণ জীবের পক্ষে খুবই ভাগ্যের কথা। শ্রীচৈতন্যের জায় ঈশ্বর-কোটিরই পক্ষে ঐ সময় সম্ভব।

সাধারণ জীব বা জীবকোটির কথা সম্পূর্ণ স্বতন্ত্র।.....

“কখন কখন দেখা যায় সূর্য্যঠাকুরের অন্ত যাবার পূর্বেই চাঁদামামা আকাশে উঠে হাজির হন। ভক্তি হল চল্লি, জ্ঞান হল সূর্য্য। ভগবানের অবতারের হৃদয়-আকাশেই ভক্তিলল ও জ্ঞান সূর্য্য একত্র উদ্ভিত হন।” জ্ঞানপথ ও ভক্তিপথ যে কি সে সম্বন্ধে ব্যাখ্যা আমরা এখানে করিতে চাহিনা—তাহা আমাদের বর্তমান প্রবন্ধের আলোচ্য বস্তু নহে, এখানে শুধু ভক্তি সম্বন্ধেই আলোচনা করিব। জ্ঞানে অগ্রসর হওয়া বা ভক্তিতে অগ্রসর হওয়া কোনটাই সহজ-সাধ্য নহে। মনে হয়, বুদ্ধি জ্ঞান অপেক্ষা ভক্তিই সহজ, কিন্তু বর্তমান প্রবন্ধ আলোচনা করিলে বুঝা যাইবে ঠিক ভক্তি কি এবং তাহার কতটুকু আমাদের অর্থাৎ সাধারণের আছে বা হওয়া সম্ভব।

ভক্তিতত্ত্বের পরাকাষ্ঠাই বৈষ্ণবশাস্ত্রের প্রাণ। তাই আমরা বৈষ্ণব শাস্ত্রকেই মূল রাখিয়া ইহার আলোচনা করিয়া যাইব। বৈষ্ণবশাস্ত্র বিষ্ণুকে লইয়া—বিষ্ণুর-মূর্ত্তি শ্রীকৃষ্ণ। “কৃষ্ণস্ত ভগবান স্বয়ং”—ঠাহাকে জইয়াই বা ঠাহার জীবনী আলোচনা করিলেই এ সম্বন্ধে বহু আশ্চর্য মিলিবে।

ভগবান শ্রীকৃষ্ণের কার্য আলোচনা করিলে দেখা যায়—প্রধানভাবে কিরূপে ভগবানকে ভালবাসা যায়, তাহাই বৃন্দাবনে গোপগোপীদিগকে শিখাইয়াছিলেন। একাদশ স্কন্ধে ষাট অধ্যায়ে শ্রীকৃষ্ণ উক্তবকে বলিতেছেন—“গোপীদের প্রেম অতুলনীয়, তাহারা আমারই কিছু জানিত না, তাহারা শাস্ত্র জানিত না; কিছু ব্রত উপাসনা করিত না; সর্ব-শক্তিমান সৃষ্টিকর্ত্তা পরমেশ্বরকে বৃত্তিতে চাহিত না, কেবল আমাকেই ভালবাসিয়াছিল। যে সময় অক্রুর বলরামের সহিত আমাকে মথুরায় লইয়া আসে, তখন আমাতে অত্যন্ত প্রেম ও অনুরাগ বশতঃ আমার বিয়োগ-জনিত দুঃখে সংসারের অস্ত্র কোন বস্তু তাহাদের কাছে হৃৎপ্রদ হয় নাই। আমাতেই তাহারা ধন, মন, প্রাণ, যৌবন সমস্ত অর্পণ করিয়াছিল। বৃন্দাবনে গোচারণের সময় ও রাস-ক্রীড়া রাত্রিতে আমার সঙ্গলাভে কৃপার্ক বলিয়া মনে করিত, দিন, মাস, বৎসর আমা বিহনে কল্পের সমান হইয়া গিয়াছে।

যেমন সমাধিময় মূনিগণ ও সমুদ্রে নদ-নদী মিলিত হইলে পর নামরূপ পরিত্যাগ করে সেইরূপ তাহাদের আমাতে অতিশয় আসক্তি ও প্রেমানুরাগের জন্ত নিজের শরীর যে এত প্রিয় তাহাও ভুলিয়া গিয়াছিল এবং শরীর-বুদ্ধিরহিত হইয়া পরমাত্মাতে লীন হইয়াছিল। ইহা হইতে

বেশ স্পষ্ট বুঝা যায়—শুদ্ধজ্ঞান যেখানে পৌঁছায় শুদ্ধভক্তিও সেইখানে লইয়া যায়। শুদ্ধজ্ঞান ও শুদ্ধভক্তি এক।

শ্রীকৃষ্ণ মথুরা হইতে উক্তবকে পাঠাইয়াছিলেন—গোপীদের সংবাদ আনিবার জন্ত। উক্তবকে বলিয়াছিলেন ‘আমি অত্যন্ত কার্য্যে-কর্মে ব্যস্ত থাকিতে তাহাদের খবর লইতে পারি নাই। আমার যখন কোন ঐশ্বর্য্য ছিলনা তখন তাহারা আমাকে সমস্ত মন-প্রাণ দিয়া ভালবাসিয়াছিল। এখন আমি বড়লোক (king-maker), সকল মানবে প্রণাম করবে, এ আর আশ্চর্য্য কি?’ এইরূপ বলিয়া কাঁদিতে লাগিলেন—“হে উক্তব, তাদের ঋণ আমি পরিশোধ করতে পারিব না। তিনি জরাসন্ধাদি বধ এবং কুরুক্ষেত্র যুদ্ধে অত্যাচারী রাজস্ববর্গকে নিধন ও সমরক্ষেত্রে অর্জুনকে গীতা-সহায়ে উপদেশ প্রদান করিয়াছিলেন। স্বামী বিবেকানন্দ বলিয়াছিলেন ‘গীতাই শ্রুতির একমাত্র প্রামাণিক ভাষ্য। এমন কোন উপদেশ নাই গীতাতে যাহা আলোচনা হয় নাই।’ কি কর্ম্মযোগ, কি রাজযোগ, কি জ্ঞানযোগ ও ভক্তিব্যোগ, পুরুষ-প্রকৃতিযোগ, সমস্বয়যোগাদি সমস্তই আলোচিত হইয়াছে। স্বামীজি বলিতেন—শ্রুতি বা উপনিষদের মধ্যে অনেক অপ্রাসঙ্গিক কথা চলিতে চলিতে হঠাৎ এক মহা সত্যের অবতারণা। যেমন জঙ্গলের মধ্যে থাকে কোথাও কোথাও অপূর্ব সুন্দর গোলাপ তাহার শিকড় কাঁটাপাতা সব সমেত। আর গীতার মধ্যে এই সত্যগুলি লইয়া অতি সুন্দররূপে সাজান যেন ফুলের মালা বা সুন্দর ফুলের তোড়া। শ্রীকৃষ্ণ বলিয়াছেন—এই কর্ম্মকাণ্ডরূপ বেদ ত্রিগুণাবিত সকাম পুরুষদের জন্ত, হে অর্জুন তুমি নিষ্কাম হও। এই গীতাতেও পুনঃ পুনঃ ভক্তির কথা উল্লেখ করিয়াছেন এবং ভক্তিই সহজ সরল উপায় বলিয়া নির্দেশ করিয়াছেন। কাম-গন্ধহীন নিস্বার্থ গোপী-প্রেম আজও ভারতীয় জনসমাজে আদর্শ-স্বরূপ হইয়া রহিয়াছে। তাহাদের প্রেমোন্নততা পরিস্ফুট করিবার জন্ত এলেন শ্রীশ্রীচৈতন্য মহাপ্রভু। তিনি ২৪ বৎসর বয়সে সন্ন্যাস গ্রহণ করিয়া ৮ পুরীধামে যান এবং তিন বৎসর দাক্ষিণাত্য তীর্থ ভ্রমণ ও পরিতনু বৎসর বৃন্দাবনাদি পরিভ্রমণ করিয়া ১৮ বৎসর নীলাচলে অবস্থিতি করেন। ঠাহার শেষ অবস্থায় গঙ্গারীতে স্বরূপ দামোদরের সহিত মধুর ভাবলাপনে দিন কাটাইতেন। ঠাহার হৃদয়ে রাধাকৃষ্ণ যুগলমূর্ত্তি সর্বদা বিরাজমান থাকিত। অহরহঃ শ্রীকৃষ্ণপ্রেমে মগ্ন থাকিতেন। কখন কখন শ্রীকৃষ্ণের বিরহে ছটফট করিতেন। কখন বা স্বরূপ দামোদর হস্ত ধারণ করিয়া কাঁদিয়া বলিতেন—এখনও প্রাণনাথ এলেন না।

ঐশী প্রেমে ঠাহার অঙ্গপ্রত্যঙ্গ সঙ্কুচিত হইয়া যাইত। ঠাহার উচ্চ নীচ বোধ থাকিত না, জগৎও ঠাহার কাছে ভুল হইয়া যাইত। সমুদ্রে দেখিয়া বমুনা, চটক পর্কতকে গোবর্দ্ধন মনে করিতেন। একদিন চটক পর্কত হইতে সাগর-জলে ঝপ্প-প্রদান করিয়াছিলেন।

এই মধুর ভাব অত্যন্ত কঠিন ও দুঃস্বপ্ন বলিয়া সকলের সমক্ষে প্রকাশ করিতেন না। মেহ বুদ্ধি রহিত ও বিবরাদিক্তে আসক্তিগুণ না হইলে মধুরভাব বুঝা জীবের পক্ষে অত্যন্ত কঠিন। তাই মহাপ্রভু বহিরঙ্গ সঙ্গে সংকীর্ণন ও অন্তরঙ্গ সঙ্গে মধুর আলাপন করিতেন। তিনিও এই ভক্তির কথা বলিয়া গিয়াছেন ও নিয়োক্ত শ্লোক পাঠ করিয়া ৬ জগন্নাথের কাছে প্রার্থনা করিতেন।

“ন ধনং ন জনং ন কবিতাং সুল্লরীং বা জগদীশ কাময়ে  
মম জন্মানি জন্মানীষরে ভবতু ভক্তিরহিতুকী ভয়ি।”

হে জগদীশ, আমি ধন, জন, কবিতা বা সুল্লরী কিছুই প্রার্থনা করি না, হে ঈশ্বর তোমার প্রতি অগ্নে অগ্নে যেন আমার অহিতুকী ভক্তি হয়।

সার্ক উনবিংশ শতাব্দীতে এক মহাপুরুষ জন্মগ্রহণ করিয়াছিলেন— একাধারে শব্বরের অদ্ভুত মস্তিষ্ক এবং চৈতন্য মহাপ্রভুর অদ্ভুত বিশাল হৃদয়বল্লা লইয়া ঠাকুর রামকৃষ্ণ পরমহংস ভারতাস্তর্গত ভারতবর্ষভূত বিরোধী সম্প্রদায় মতে সাধন করিয়া সকলকে বুঝাইলেন—একই ঈশ্বরের কাছে যাইবার নানা পথ অধিকারী ও রুচিস্বভেদে। তিনি বলিতেন—হও খৃষ্টান, হও মুসলমান, হও বৈষ্ণব, হও শাক্ত, হও সাকার বা নিরাকারবাদী তাহাতে ক্ষতি নাই। ঈশ্বরের প্রতি অমুরাগ বা ব্যাকুলতা চাই, যেমন সতীর পতির প্রতি টান, কৃপণের ধনের প্রতি, মাতার পুত্রের প্রতি টান, এই তিন টান একত্রিত করিলে যতখানি ততখানি ঈশ্বরে ভালবাসা আসিলে তাঁহাকে পাওয়া যায়। তিনি ও মায়ের কাছে শুদ্ধা ভক্তি চেয়েছিলেন।

সত্যবাদী রঘুকুল-ভিলক রামচন্দ্রও শব্বরীকে এই কথাই বলিয়াছিলেন। শব্বরী যখন রামচন্দ্রের চরণে প্রণত হইয়া ভক্তি গদগদ চিত্তে বলিয়াছিল—  
প্রভু আমি অধম, আমি নীচবংশজাত, আমার কি গতি হইবে?  
তাহার উত্তরে রামচন্দ্র বলিলেন, জাতি, পাত্তি, কুল, ধর্ম বড়াই। ধন, বল, পরিজন, গুণ চতুরাই।

ভক্তি হীন নর সো হই কৈসা।

বিষু জল বারিদ দেখিও দেখিও জৈসা।

উচ্চবংশে জন্ম, উচ্চ জাতি, ধনী, বলিষ্ঠ, গুণী, মানী হইয়া যদি তাহাতে ভক্তি না থাকে তা হইলে উচ্চ গুণ সবই বুঝা, যেমন জলধরপটল মেঘ বারি বর্ষণ না করিয়া আকাশে শোভা পাইয়া থাকে। এই ভক্তি আচার্য্যগণ বহুপ্রকার বর্ণনা করিয়াছেন। সঙ্কাস্ত্রিকা, অমুরাগাস্ত্রিকা, জ্ঞানমিত্রা, সাধারণী প্রভৃতি ভেদে বহুবিধ থাকিলেও নবধা ভক্তির কথা আলোচনা করব।

সংকীর্ণনং যৎস্মরণং বদীকরণং বহুস্মরণং যচ্ছ বণং বদীকরণম্  
লোকস্ত সন্তো বিধোনোতি কল্মষং তস্মৈ স্তুত্ব প্রবসে নমো নমঃ।

ফাঁহার কীর্ণন, বাহার স্মরণ, দর্শন, বন্দন, শ্রবণ, পূজার পূর্ববের পাপ সম্বাই নষ্ট হইয়া থাকে সেই মঙ্গলরূপী ভগবানকে নমস্কার করি।

শ্রবণং কীর্ণনং বিকোঃ স্মরণং পাদসেবনম্  
অর্চনং বন্দনং দাস্তং সখ্যামান্নিবেদনম্।

বিষ্ণুর নাম শ্রবণ, কীর্ণন, মন, বাক্য দ্বারা লীলা স্মরণ, হরির পাদপদ্ম সেবা, বিগ্রহাদি মূর্তিতে স্তবস্ততি দ্বারা বিষ্ণুর বন্দনা, দাস্তরূপে সখ্যভাবে যজ্ঞ, দান, তপস্তা, পুত্রকলত্রাদি বিষ্ণুর চরণে অর্পণরূপ আন্ন-নিবেদন প্রভৃতি নবধা ভক্তির লক্ষণ উল্লেখ করিয়াছেন। যেমন দাস্তে হনুমান, সখেী শ্রীদামাদি, সেবার আন্ননিবেদন বলি প্রভৃতি ভক্তগণ এক এক ভাবে উচ্ছল দৃষ্টান্তরূপ।

যে কোনরূপে তাঁহাতে ভক্তি হলেই তাঁহাকে পাওয়া যায়, ছেব করেই হউক কিংবা ভয়ে অথবা স্নেহে অথবা কামে যে প্রকারে হোক—যদি ঈশ্বরে সমগ্র মন দিতে পারে তাহলে পরম গতি লাভ হয়।

কামাদ্ ছেবাৎ ভয়াৎ স্নেহাৎ যথা ভক্ত্যেথরে মন  
আবেশ্ত তদর্থং হিত্বা বহুবস্তদগতিং গতাঃ।

কামে গোপীগণ, ভয়ে কংস, ছেবে শিশুপাল, স্নেহে বৃষ্ণিনরপালগণ মুক্তি পাইয়াছিলেন।

তখন শ্রীকৃষ্ণ উচ্ছবকে পূর্বে অবধূত উপাখ্যান, সংসার মিথ্যা, সংসঙ্গ মাহাত্ম্য, কর্তব্যতাগ প্রভৃতি উপদেশ দিয়া চতুর্দশ অধ্যায়ে ভক্তি-যোগের কথা বলিয়াছেন।

হে উচ্ছব, যেমন প্রজ্বলিত অগ্নি কাঠকে দগ্ধ করিয়া ভস্মসাৎ করিয়া থাকে, সেইরূপ আমার ভক্তি সমুদয় পাপরাশীকে নষ্ট করিয়া থাকে। হে উচ্ছব আমাকে লোভ করিবার সুগম উপায়—দৃঢ়ভক্তিভূলা যোগ, সাংখ্য, স্বাধ্যায়, তপস্তা অথবা দান কোনটাই সমর্থ নহে।

ন সাধয়তি মাং যোগো ন সাংখ্যং ধর্ম উচ্ছব  
ন স্বাধ্যায় গুপন্ত্যাগো যথা ভক্তির্মমোর্জিতা।

ভগবান শ্রীকৃষ্ণ যে জন্তু অবতীর্ণ হইয়াছিলেন তাহা সমস্ত সম্পন্ন করিয়াছেন। এখন তিনি স্বধামে যাইবেন তাই তাঁহার অন্তরঙ্গ পার্শ্বদে উচ্ছবকে ডাকিয়া বলিলেন—‘হে উচ্ছব, ব্রহ্মরূপে সপ্তদিনের মধ্যে দ্বারকা সমুদ্রের জলে প্লাবিত হইবে এবং বহুবংশ ধ্বংস হইবে। তুমি আমার আদেশে লোকাংশকার জন্ত কিছুদিন ধরাধামে থাক এবং বত্রিকাশ্রমে যাইয়া সাধুসঙ্গ ও ভগবানের ধ্যান ভজন কর।’





## পুণ্ডরীক

শ্রীপরিমল মুখোপাধ্যায় এম-এ

পুণ্ডরীকের বাড়ি ছিল আমাদের পাশের গ্রামে। গ্রাম্য পাঠশালায় যখন পড়িতাম, দুইজনে তখন কত ভাবই না ছিল। প্রকৃতির তাণ্ডবকে উপেক্ষা করিয়া কি গ্রীষ্মে কি বর্ষায় মাঠে মাঠে ঘুরিয়া বেড়াইয়াছি, বিপক্ষের সহিত মারামারি করিয়াছি, ঘণ্টার পর ঘণ্টা পুকুরে সাঁতার কাটিয়া চক্ষু জ্বাফুল করিয়াছি। কিন্তু এই বন্ধুত্ব বেশি দিন উপভোগ করিতে পারি নাই। বাবা কলিকাতায় চাকুরী করিতেন। শনিবার শনিবার বাড়ি আসিতেন, আবার সোমবার ভোরে চলিয়া যাইতেন। গ্রামের স্কুল হইতে মাইনর পাশ করিবার পরই আমাকে বাবা কলিকাতায় রাখিয়া পড়াইবার জন্ম লইয়া গেলেন। পুণ্ডরীকের সহিত ছাড়াছাড়ি হইল।

কলিকাতায় থাকিয়া ম্যাট্রিক পাশ করিলাম। আই-এ ক্লাশেও ভর্তি হইলাম। এমন সময় একদিন বাবার মুখে শুনিলাম যে পুণ্ডরীক আসিতেছে, আমরা দুইজনে একত্রে থাকিয়া পড়াশুনা করিব। পুণ্ডরীকও যে গ্রামের হাইস্কুল হইতে ম্যাট্রিক পাশ করিয়াছে, আমি আগেই তাহা গেজেটে দেখিয়াছিলাম। পুণ্ডরীকের আগমনের সংবাদে মনে মনে কত আনন্দই যে হইতে লাগিল!

আসিল পুণ্ডরীক। একসঙ্গে পড়াশুনা করা, কলেজে যাওয়া—পুরাতন বন্ধুত্ব পুনর্জীবিত হইয়া উঠিল।

কিন্তু এবার যেন পুণ্ডরীকের মধ্যে একটা পরিবর্তন অনুভব করিতে লাগিলাম। শৈশবের সে চাপল্য আর নাই, একটু যেন অস্বাভাবিক রকমের গম্ভীর হইয়া গেছে সে, একটা বিবেকানন্দীয় তেজস্বিতার সৃষ্টি হইয়াছে তাহার মুখে-চোখে। আমার ছিল গান-বাজনা খেলাধুলার দিকে ঝোঁক; কিন্তু পুণ্ডরীককে দেখিতাম খবরের কাগজ পড়িতে পড়িতে কি রকম চিন্তামগ্ন হইয়া যাইত; কোথায় কিসের সভা, কে কোথায় দুঃখে পড়িল, কেবল এই সবার অনুসন্ধান করিত ও। সন্ধ্যার সময় একত্র হইলে মাঝে মাঝে আমার বলিত, “প্রভুল, তুই তো গেলি নে? বেলেড় মঠে সন্ধ্যার সময় কী যে চমৎকার লাগে ভাই, মনটা যে কোথায় উড়ে

যায়!” একথা শুনিয়া আমি একটু বিস্মিত হইয়াই ওর মুখের দিকে চাহিয়া থাকিতাম। মাঝে মাঝে সন্দেহ হইত— তাহা হইলে কি পুণ্ডরীকের মনে প্রেমের বিষ ঢুকিয়াছে? কখনো কখনো পরিহাস করিয়া এ সম্বন্ধে ওকে জিজ্ঞাসা করিতাম। কিন্তু সে সময় ওর মুখের মধ্যে এমন একটা ভাব দেখিতে পাইতাম, যাহাতে আমি স্পষ্ট বুঝিতে পারিতাম যে ওর এই পরিবর্তনের মূলে কোন প্রেমের কুহকিনীর স্থান নাই, জীবনের পথে নারীর আকর্ষণকে পদদলিত করিয়া চলিবার শক্তি ওর আছে।

দেখিতে দেখিতে দুই বৎসর কাটিয়া গেল। দুইজনেই আই-এ পরীক্ষা দিয়া গ্রামে গেলাম। পরীক্ষার ফল বাহির হইলে দেখা গেল, দুইজনেই প্রথম বিভাগে পাশ করিয়াছি। কলিকাতায় আসিয়া আবার দুইজনে বি-এ পড়িব, সমস্ত ঠিকঠাক; হঠাৎ একদিন খবর পাইলাম, পুণ্ডরীক নিরুদ্দেশ।

ছুটিলাম পুণ্ডরীকের বাড়িতে। পুণ্ডরীকের মা-বাবা আসিয়া কাঁদিতে লাগিলেন। জিজ্ঞাসা করিলেন, আমি কিছু জানি কি-না। কিছুই জানিতাম না, চুপ করিয়া রহিলাম। কিন্তু একটা কথা মনে পড়িল। পুণ্ডরীক আমার মাঝে মাঝে বলিত বটে, “ত্যাগ প্রভুল, ঘরের কোণে আর আবদ্ধ হ’য়ে থাকতে ভাল লাগে না। ইচ্ছে হয়, চোখ-কাণ বুজে বাইরের জগতে বেরিয়ে পড়ি।” কথাটা বলিলাম। শুনিয়া পুণ্ডরীকের মা কাঁদিতে কাঁদিতে বলিলেন, “একথা আমার আগে বলিস নি কেন বাবা? কে ওকে আমার এমন করলে? এবার এলে ওকে আগে আমি বিয়ে দোব, তবে ছাড়ব।” বয়স্ক ছেলে, খাইবে কোথায়, শীতই ফিরিবে—ইত্যাদি কথা বলিয়া তাঁহাদিগকে সাঙ্কনা দিয়া আমি ফিরিলাম।

কিন্তু দিনের পর দিন, মাসের পর মাস করিয়া দুই বৎসর কাটিয়া গেল, পুণ্ডরীক তো ফিরিল না। একমাত্র পুত্রের আশার পথ চাহিয়া বৃদ্ধ পিতা-মাতার দিন কাটিতে লাগিল নোঙর-ছেঁড়া নৌকার স্তায়।

ইতিমধ্যে আমার জীবনে অনেক পরিবর্তন হইয়াছে। অল্পখের জন্ত কিছুদিনের ছুটি লইয়া বাবা গ্রামে গিয়াছিলেন। হঠাৎ একদিন তার পাইলাম, তাঁর অবস্থা খারাপ, আমি যত শীঘ্র পারি যেন বাড়ি যাই। আমি তৎক্ষণাৎ রওনা হইয়া পড়িলাম। গ্রামে আসিয়া দেখি, সত্যই বাবার অবস্থা খারাপ। এক মনে ভগবানকে ডাকিয়া যথাসাধ্য চেষ্টা করিতে লাগিলাম বাবাকে বাঁচাইতে। ভগবান বোধ হয় সে যাত্রা আমাদের প্রাণের ডাক শুনিতো পাইলেন। বাবা সারিয়া উঠিলেন। কিন্তু কিছুদিন পরে আমায় ডাকিয়া বলিলেন, “বাবা, সেয়ে উঠেছি বটে, কিন্তু শরীরের তো জোর পাচ্ছি না। তাই বলি, এবার একটা বিয়ে-খা কর। প’ড়ে লিখে আর কি হ’বে? গ্রামে ব’সে জায়গা-জমি ঘাখ।” বাবার শেষ বয়সের আদেশ অমান্য করিতে পারিলাম না। বহু সাধের লেখাপড়া ছাড়িয়া বিবাহ করিয়া গ্রামে স্থায়ী হইয়া বসিলাম।

দিনের পর দিন যাইতে লাগিল। হঠাৎ একদিন সকালে শুনিতো পাইলাম, পুণ্ডরীক ফিরিয়াছে। গেলাম পুণ্ডরীককে দেখিতে। গিয়া দেখি, গ্রাম যেন ভাঙিয়া পড়িয়াছে সেখানে পুণ্ডরীককে দেখিবার জন্ত। ভিড় ঠেলিয়া ভিতরে একটা ঘরে প্রবেশ করিতেই পুণ্ডরীক আমায় হাসি মুখে ডাকিল, “আয়!” পুণ্ডরীকের মা-বাবা তখন কাঁদিতেছিলেন, আর পুণ্ডরীক তাঁহাদিগকে সাহুনা দিতেছিল। চাহিয়া চাহিয়া দেখিলাম, পুণ্ডরীকের পরণে আগের মত সেই খদ্দরই আছে, গাঙ্গীর্ঘ্যও সেইরূপ। তবে চেহারা বোধ হয় আরও লম্বা-চওড়া হইয়াছে। কিছুক্ষণ বাদে পুণ্ডরীককে লইয়া বাড়ির বাহির হইয়া কিছুদূরে মাঠের মাঝখানে আমাদের শৈশবের প্রিয় একটি বটগাছ-তলায় গিয়া বসিলাম।

জিজ্ঞাসা করিলাম, “কোথায় ছিলি এদিন?”

হাসিয়া উত্তর দিল ও, “ক—তো জায়গায়, তার কি ঠিক আছে?”

বলিলাম, “বিনা পয়সায় তো আর দেশ-ভ্রমণ হয় না, বেরিয়েছিলি তো একবস্ত্রে।”

“আরে ভাই,” হাসিতে লাগিল পুণ্ডরীক; “যেখানেই যাই, আমার মধ্যে সকলে যেন কি দেখতে পায়। বড় বড় শিক্ষিত লোকেরা পর্যন্ত বাড়িতে টেনে নিয়ে গিয়ে আমায় পূজো করতে চায় যেন। কোন জায়গায় পনের দিন এক

মাসের কমে ছাড়া পাই নি। তারপর নিজেরাই সঙ্গে এসে টিকিট কিনে গাড়িতে তুলে দেয়। এই হচ্ছে আমার দেশ-ভ্রমণের ইতিহাস।”

ওর হাসি দেখিয়া আমার গা-টা যেন জলিতে লাগিল; বলিলাম, “খুব করেছ! বড় বাপ-মার মনে কষ্ট দিয়ে এক যুগ বাদে ফেরা!”

তারপরে থামিয়া নরম গলায় বলিলাম, “এইবার একটা বিয়ে ক’রে গ্রামে বস। আর কোথাও যাস নি। বাপ-মার শেষ বয়সে স্মৃতি কর্তা দেব।”

বিবাহের কথায় পুণ্ডরীক হঠাৎ অস্বাভাবিক রকমের গভীর হইয়া গেল। বলিলাম, মনের ওর পরিবর্তন হয় নাই একটুও। উদাসীন প্রকৃতিটা এখনও বাঁচিয়া আছে ওর মধ্যে। তখনকার মত কথাটা চাপা দিয়া উঠিয়া পড়িলাম।

সুখের বিষয়, পুণ্ডরীক গ্রামেই রহিয়া গেল। কিছুদিন পরে ছায়ার (আমার স্ত্রী) মুখে শুনলাম, পুণ্ডরীকের নাকি আমাদেরই গ্রামের সুষমার সহিত বিবাহ হইতেছে। মাতৃপিতৃহীনা সুষমা আমার স্বন্ধের ভার লাঘব করিবে শুনিয়া আমার কী যে আনন্দ হইতে লাগিল! সুষমারা খুব গরীব ছিল। সুষমার পিতা বৎসর দুই পূর্বে মারা যান। কন্টার বিবাহের জন্ত তিনি এক পয়সাও রাখিয়া যাইতে পারেন নাই। তাই সুন্দরী হইলেও সুষমার বয়স গ্রাম দেশের পক্ষে বড় কম হয় নাই। ষোল পার হইয়া গিয়াছিল সে। সুষমার মামা যখন শুনিলেন যে পুণ্ডরীক গ্রামে আসিয়াছে, তখন তিনি গিয়া পুণ্ডরীকের হাতে-পায়ে কাঁদিয়া পড়িলেন। পুণ্ডরীকের পিতামাতাও তখন তাহাকে সংসার-বন্ধনে বাঁধিতে চাহিতেছিলেন। সকলের অমুরোধে উত্যক্ত হইয়া অবশেষে পুণ্ডরীক রাজি হইল। কিন্তু সকলকে প্রতিজ্ঞা করাইয়া লইল যে বিবাহ-কার্য যত সামান্য-ভাবে হয় সম্পন্ন করিতে হইবে এবং বিবাহের পরদিন হইতেই সুষমাদের সহিত তাহার কোন সম্পর্ক থাকিবে না। আপাতত সকলেই তাহাতে স্বীকৃত হইল।

শুভদিন দেখিয়া বিবাহ হইয়া গেল। বাহিরের লোক বলিতে একমাত্র আমি বিবাহ-বাটিতে উপস্থিত ছিলাম। না হইল কোন আনন্দ-কোলাহল, না হইল কোন সঙ্গীত-বাণের আয়োজন। রাত্রি বারটার সময় বাড়ি ফিরিয়া আসিলাম।

শিখনে বালক-গৃহে পড়িয়া রছিল এক সংসার-বিরাগী পুরুষ-  
সিংহ আর এক মরণা ভীতা হরিণী ।

সকলেই ভাবিয়াছিল, পুণ্ডরীক ঘাটাই কেন না প্রতিজ্ঞা  
করুক, বিবাহের পর স্ত্রীর প্রতি আসক্ত হইবেই । কিন্তু  
ছাবার নিকট হইতে সংবাদ পাইলাম যে পুণ্ডরীক নাকি  
খণ্ডরবাড়ীর ধাবে-কাছেও আসে না । সুধমা বেচাবি  
বাড়ির বাহিব হয় না, মনের দুঃখে নাকি আধ-মরা হইয়া  
গিয়াছে সে ।

আমি আর সহ কবিত্তে পাবিলাম না । একদিন গিয়া  
পুণ্ডরীককে ধরিলাম । বিবাহ কবিত্তা একটা মেয়ের জীবন  
নষ্ট করা পৌরুষের কাজ নহে—ইত্যাদি বলিয়া ভৎসনা  
করিতে লাগিলাম । কিন্তু পুণ্ডরীক অচল অটল । মুখে  
তার একমাত্র কথা, সে তো বিবাহের পূর্বে সকলকে এতরূপ  
প্রতিজ্ঞাই কবাইয়া লইয়াছিল । আমি হাব মানিয়া ফিবিয়া  
আসিলাম ।

কিছুদিন পবে কিন্তু আমার ভুল ভাঙিয়া । পুণ্ডরীককে  
মধ্যে একটু পবিবর্তন লক্ষ্য কবিত্তা আনন্দিত হইলাম ।  
সেদিন অপরাহ্নে হাট হইতে ফিবিতেছিলাম । আগাদেব  
গ্রামে প্রবেশ কবিত্তেই দেখি, দূর হইতে পুণ্ডরীক আসিতেছে ।  
বোধ হইল, সুধমাদেব বাড়ির দিক হইতেই আসিতেছে ও ।  
কাছাকাছি হইতেই হাসিয়া জিজ্ঞাসা কবিলাম, “কি হে  
ভীষ্মদেব, এদিক থেকে যে বড ?”

ও একটু বাঙা হইয়া গেল । সলজ্জভাবে কহিল,  
“ঘণ্টাধানেক আগে একটি ছেলে গিয়ে আশায় চিঠি দিলে ।  
তাতে লিখেছে, ক’দিন ধ’বে বড অসুখ । ঝাটি কিনা,  
ঠিক নেই । যদি দেখতে চাও তো একবারটি এস । ওমা,  
গিয়ে দেখি, কিছু নয়, সব ঢালাকি ।”

সুধমা মরিবে শুনিয়াই ভয় পাইয়া গিয়াছিলাম ।  
ছোটকোলা হইতেই উহাকে আমি ভগিনীভ ভ্রাতৃ দেখি ।  
পুণ্ডরীকের শেষ কথাগুলিতে আশ্বস্ত হইলাম ।

মুহু হাসিয়া বলিলাম, “তা, থেকে এলেই পাবতিস  
আজ ?”

“দুঃ, তা কি হয় ?” মাথা নীচু করিয়া বলিল  
পুণ্ডরীক, “তা ছাড়া, ডেকে নিয়ে গেল এত ক’বে, কিন্তু  
একঘণ্টা ধ’রে একটি কথাও বলাতে পাবলুম না, ঠাণ্ড  
দাড়িয়ে রইল ঘরের এককোণে ।”

মনে মনে হাসিলাম, এতদিন পরে তাহা হইলে উদালীনের  
মনে সত্যসত্যই রঙ মরিয়াছে ।

কিছুদিন বাদে একটা জরুরী কাজে পুণ্ডরীকদের  
গ্রামে একজনদের সহিত দেখা করিতে গিয়াছিলাম ।  
ফিরিবার সময় পুণ্ডরীকদের বাড়ির সম্মুখের মাঠ দিয়া  
আসিতেছিলাম । সহসা উহাদের বাড়ির দিকে নজর পড়ায়  
সেখানে খুব ভিড দেখিলাম । মনে বড কৌতূহল হইল ।  
ছুটিলাম । গিয়া দেখি, ভিডটা জমিয়াছে দেশি-বিলাতি  
কয়েকজন পুলিশকে ধরিয়া । মধ্যস্থলে পুণ্ডরীক, মুখে  
একটা অবর্ণনীয় বঠিন ভাব । অনুসন্ধান করিয়া জানিলাম,  
কি একটা রাজ-দ্রোহী দলের সহিত পুণ্ডরীক জড়িত আছে  
সন্দেহ করিয়া পুলিশ তাহাকে গ্রেপ্তার করিয়া লইয়া  
যাইতেছে । বাড়ি ধানাতল্লাসা করিয়াও নাকি কয়েকটা  
নিষিদ্ধ পুস্তক পাওয়া গিয়াছে । আমি কিছু বলিতে  
পাবিলাম না, নিশ্চল হইয়া দাঁড়াইয়া রহিলাম । বন্ধ ভেদিয়া  
একটা দীর্ঘ-নিশ্বাস পড়িল, ভাবিলাম, “যাও পুণ্ডরীক,  
সংসাবেব পক্ষিল আবার্তে সত্যই তুমি নিজেকে মিথ্যাইতে  
পারিবে না ।” পুলিশেরা যখন পুণ্ডরীককে লইয়া চলিতে  
আরম্ভ কবিত্তাছে, তখন সুধমাব দে কী কান্না । সংবাদটা  
পাইয়াই নাকি সে পাগলের মত ছুটিয়া আসিয়াছিল ।  
সুধমাকে কাঁদিতে দেখিয়া চকিতে ফিরিয়া দাঁড়াইল পুণ্ডরীক,  
কঠিন স্ববে বলিল, “কাঁদতে বাবণ কর প্রভুল, নইলে এক  
একটাকে খুন ক’বে ফেলব আমি ।”

পুণ্ডরীককে তখনকার মূর্ছি আমি আজও ভুলিতে  
পাবি নাই ।

তাবপব আব কি—পুণ্ডরীক ফিবিয়া আসায় তাহার  
বৃদ্ধ পিতামাতা যেমন একদিন দুঃখ-শোক ভুলিয়া খাড়া  
হইয়া উঠিয়াছিলেন, এই অপ্রত্যাশিত আঘাতে তাঁহারা  
আবাব তেমনি করিয়াই ভাঙিয়া পড়িলেন । মাসধানেকের  
মধ্যেই মাত্র তিনদিনেব আগে-পাছে তাঁহারা অজামার পথে  
পাড়ি দিলেন ।

এদিকে আব এক সংবাদ শুনিলাম, সুধমা নাকি  
অন্তঃস্বা । সে খায় না, মান করেনা, অনাহারে অমিষ্কার  
নাকি জীর্ণ কুটিরের এককোণে পড়িয়া পড়িয়া শুকাইয়া

মরিতেছে। ছায়া আসিয়া বলিল, “আখো না জেলের লোকেদের কাছে চিঠি লিখে, যাতে ওরা স্বামী-স্ত্রীতে অন্তত চিঠি-পত্রটাও লিখতে পার। বেচারির যা অবস্থা, দেখলে চোখে জল রাখা যায় না। ভয় হয়, কোন্ দিন না একটা কিছু করে বসে। বললে তো যে, পেটেরটা না থাকলে নাকি ও একুণি সংসারের জালা মিটিয়ে ফেলত।” শুনিয়া আমি আর অশ্রু-সংবরণ করিতে পারিলাম না; বলিলাম, আচ্ছা, দেখিতেছি জেলের কর্তৃপক্ষদের কাছে চিঠি লিখিয়া। কিন্তু কোনই সুবিধা করিতে পারিলাম না। কোনমতেও জানিতে পারিলাম না, পুণ্ডরীক কোথায় কোন্ জেলে আছে।

এদিকে সকলের স্নেহ-তিরঙ্কারে সুখমা তাহার শরীরের প্রতি যত্ন লইতে লাগিল। স্বামী তাহার যেখানেই থাকুক সময়ে ফিরিয়া আসিবে, পুত্র-কন্যা লইয়া সে তাহার সুখের সংসার পাতিবে—এই সমস্ত কল্পনা করিয়াই বুঝি সুখমা তাহার স্বামীর ভিটায় আসিয়া দিন-যাপন করিতে লাগিল। কিন্তু নিয়তি নিষ্ঠুর। বৎসর খানেক পরে একটি সুন্দর শিশু-পুত্র প্রসব করিয়া অভাগিনী তাহার সকল জ্বালা অবসান করিল। যাইবার সময় ছায়ার হাতে তাহার সাধের ধনকে তুলিয়া দিয়া বলিয়া গেল, “এ ঝঞ্জাট তোমার হাতে দিতুম না বৌদি। কিন্তু এ সময় আমার আপনার বলতে কেউ তো বেঁচে নেই। তাই, ওটাকে তুমি ফেলো না, দেখো।”

দেখিতে দেখিতে পাঁচ বৎসর কাটিয়া গেল। পুণ্ডরীকের আশা প্রায় ছাড়িয়াই দিয়াছিলাম। এমন সময় এক উজ্জ্বল বসন্ত-প্রভাতে সে আসিয়া উপস্থিত। গলায় রুদ্রাক্ষের মালা, পরণে গৈরিক বসন, শ্মশ্রু-শুষ্ক-জটা-সম্বিত সন্ন্যাসোচিত পরিবেশ। সংবাদটা পাইয়াই দলে দলে লোক আসিতে লাগিল উহাকে দেখিতে। বহুক্ষণ পরে ভিড় কমিলে জিজ্ঞাসা করিলাম, “জেল থেকে বেরোলি কবে?”

“বহুদিন।” উত্তর দিল ও।

বলিলাম, “ছিঃ, সংসার ফেলে গেছিস, এদিকে আসতে নেই? কোথায় ছিলি এদিন?”

“মঠে মঠে ঘুরে বেড়িয়েছি।”

কথাটা শুনিয়া কিছুক্ষণ চুপ করিয়া রহিলাম। তারপর দেবব্রতকে ওর সম্মুখে আনিয়া বলিলাম, “চিনতে পারিস?” উদ্ভ্রান্ত দৃষ্টিতে ও উত্তর দিল, “না।”

“তা চিনবি কি করে? তুই তো আর জানতিস না, হঠাৎ জেলে চলে গেলি।” বলিয়া ওকে আমি এই কয় বৎসরের কাহিনী একে একে সব খুলিয়া বলিলাম।

ও পাষণ-পুন্ডলীর মত নিশ্চল হইয়া বসিয়া সব শুনিতে লাগিল। শেষে আমি ওকে সংসারে বাধিবার উদ্দেশ্যে কহিলাম, “এইবার তোর প্রতিনিধি তুই নিয়ে যা ভাই।”

ছায়া আসিয়া কাঁদিতে লাগিল, “ওগো, আমার দেবুকে ওর হাতে দিও না। তা হলে দেবুকে ও সন্ন্যাসী করে ছাড়বে।”

কিন্তু আশ্চর্য্য হইলাম পুণ্ডরীকের দৃঢ়তা দেখিয়া। তাহার ঘন নেশা চাপিয়া গিয়াছে, পুত্রকে সে লইয়া যাইবেই। নিঃসন্তানা ছায়ার কোল হইতে অজ্ঞান অবোধ শিশুকে ছিনাইয়া লইয়া সেইদিনই অপরাহ্নে নিষ্ঠুর সন্ন্যাসী চলিয়া গেল।

\* \* \* \*

গল্পের যবনিকা এইখানেই টানিয়া দিতে পারিতাম। কিন্তু বহুদিন পরে পুণ্ডরীকের সতি হঠাৎ একবার দেখা হইয়া গিয়াছিল। সে কাহিনীটা না বলিয়া থাকিতে পারিতেছি না।

দশ-বার বৎসর পরের কথা। কি-একটা বিশেষ প্রয়োজনে কলিকাতায় গিয়াছিলাম। চোরঙ্গী-পল্লীর একটি প্রশস্ত রাস্তা দিয়া ব্যস্তভাবে চলিয়াছিলাম। সহসা পিছন হইতে কে জামা ধরিয়া টানিয়া আমার নাম ধরিয়া ডাকিল। চমকিয়া উঠিয়া ফিরিয়া চাহিতেই দেখি—পুণ্ডরীক। তাহার রূপ-সজ্জা দেখিয়া প্রথমে একটু বিস্মিতই হইয়া গেলাম। সে সন্ন্যাসীর বেশ আর নাই। পরণে মিলের ধুতি-পাঞ্জাবি। চেহারার মধ্যে বিলাসিতা না থাকিলেও সৌখীনতার আভাস পরিস্ফুট।

আমাকে হাঁ করিয়া তাকাইয়া থাকিতে দেখিয়া মৃদু হাসিয়া ও বলিল, “কি দেখছিস? চল।”

বলিলাম, “কোথায়? তুই যে এদিকে বড়, এই বেশে?”

“দোকানে ঢুকছিলাম,” হাসিতে লাগিল ও, “তা, তোর দিকে নজর পড়তেই কেমন সন্দেহ হ’ল। পেছনে পেছনে

খানিকটা গিয়ে তবে বুকলুম, ফুল করি নি, তুই প্রতুলই।  
তার পরেই তোর জামা ধ'রে টান দিলুম।”

“তী এমিকে কিসের দোকানে যাচ্ছিলি?”

“আমার দোকান রে, ব্যবসা। চল দেখবি।”

আমাকে ধরিয়ে লইয়া গেল ও। দেখিলাম ওর ব্যবসা।  
ফার্নিচারের (আসবাব-পত্র) দোকান, নেহাৎ ছোট-খাট নহে।  
চার-পাঁচজন কর্মচারি খাটিতেছে, ক্রেতার সংখ্যাও বেশ।

দোকান দেখা হইলে ও আমাকে ওর বাড়িতে লইয়া  
চলিল, বলিল, “চল, আজ আমার ওখানে থাকবি। রাত্তিরে  
বায়স্কোপ-টায়স্কোপ দেখা যাবে। কাল যাবি।”

পথে যাইতে যাইতে জিজ্ঞাসা করিলাম, “তোকে এ বেশে  
দেখতে পাব, আশাই করতে পারি নি। কি ক'রে এলি  
এ লাইনে?”

পুণ্ডরীক বলিয়া চলিল, “গ্রাম ছেড়ে চ'লে আসবার  
সময় তোর মুখে আমার সংসারের সব ঘটনা শুনে মনে  
একটা দিক্কার হ'ল। সন্ন্যাসীর বেশ যেন কামড়াতে লাগল।  
খুলে ফেললুম সে বেশ। কলকাতায় এসে এক দূরসম্পর্কীয়  
পিসীর বাড়িতে উঠলুম। তারপর মোটে পাঁচ টাকার  
মাল নিয়ে ফিরি শুরু ক'রে আজ এই অবস্থায় এসে  
দাঁড়িয়েছি।” বলিয়া হাসিতে লাগিল ও।

বাড়িতে আসিলাম। পুণ্ডরীকের স্ত্রীসহিত আলাপ  
হইল। গুটি তিন-চার ছেলেমেয়ে দেখিলাম। কিন্তু  
বহুকণের মধ্যেও দেবুকে কোথাও দেখিতে না পাইয়া  
জিজ্ঞাসা করিলাম, “হ্যাঁ রে, দেবু কোথায় রে?”

এ কথায় পুণ্ডরীকের মুখখানা যেন একটু স্নান হইয়া  
গেল; কহিল, “ও বোধ হয় আমার মতই হতজাড়া হ'বে রে।  
এই তো মোটে ষোল-সতর বছর বয়েস ওর—এর মধ্যেই  
কোথার মিটিং, কোথায় কে ছুঃখে পড়ল, খালি সেই সব  
খোঁজ। পড়াশুনোর দিকে একটুও মন নেই। তোর  
বেলায় পাড়ারই কার মড়া পোড়াত্তে গেছে, এখনো  
ফেরে নি।”

কথাটা শুনিয়া কিছুক্ষণ চুপ করিয়া রহিলাম। তারপরে  
আরও কিছুক্ষণ গল্প-গুজব করিয়া বাহির হইয়া পড়িলাম।  
পুণ্ডরীক ও তাহার স্ত্রী অনেক করিয়া সেমিসটা থাকিয়া  
যাইতে বলিয়াছিল। কিন্তু কার্যের অহরোধে তাহাদের  
সে অহরোধ রাখিতে পারি নাই। যাহা হউক, পথে বাহির  
হইয়া আমার মনে কেন যেন শুধু এই কথাটাই উকি  
মারিতে লাগিল যে, পুরাতন পুণ্ডরীকের মৃত্যু হইয়া এই যে  
নূতন পুণ্ডরীকের সৃষ্টি হইয়াছে, তাহাতে ওর উত্থান হইয়াছে,  
না পতন?

## ক্ষুদ্র আনন্দ

### শ্রীশৌরোজনাথ ভট্টাচার্য্য

এ চিত্ত চলেছে ছুটে' মুগ্ধ হয়ে যুগযুগ ধরি,  
শত স্নন্দরের পিছে চিরন্তন বাস্তিতে মাগিয়া,  
স্নন্দর কুরায়ে যায় ক্রমে ক্রমে, যৌবনের কুলে—  
আবার বাস্তিত লাগি দাঁড়ায় এ চিত্ত ধমকিয়া।

কামিনীকানন ভোগ মণিরত্ন এ মধুসংসার,  
সঙ্গীত কবিতা ছন্দ প্রেমসীর স্নন্দর বদন,

লুক মনে প্রতিদিন ভ্রমসম সেবি' মধু তার,  
সহস্র স্নন্দর মাঝে ভরিল না তবু এই মন।

সিদ্ধপানে শূন্তে চাহি' চক্রে সূর্য্যে গ্রহে তারকার  
রচে সে আনন্দ গীত ভরে যায় রূপমুগ্ধ প্রাণ;  
কিন্তু ওরে কোন্ ক্রমে গুপ্ত কোন্ হিঙ্গু পথ দিয়া  
লুকাইয়া ঝরে যায় সাধের এ আনন্দসন্ধান।

লুক মন ছোটে তবু ছোট ছোট স্নন্দরের পিছে,  
ঝরে যাবে? যাক ঝরে', কণিকের সত্য নহে মিছে।

## কালিম্পাঙ

শ্রীকাননগোপাল বাগচী এম-এসসি

প্রেসিডেন্সি কলেজ হ'তে আমরা কয়েকজন ভূত্বের ছাত্র একবার কালিম্পাঙ সফরে গেছিলাম শিক্ষাভ্রমণে। আমাদের উদ্দেশ্য ছিল এ অঞ্চলের ভূত্বের সঙ্গে পরিচয় করা। কিন্তু সেই উপলক্ষে এখানের ভূপ্রকৃতি ও অধিবাসীদেরও



হোটেল হিল ভিউ হতে পাহাড়ের দৃশ্য ছবি—দিব্যজ্যোতি সংস্পর্শে অল্প বিস্তর আসতে হয়েছিল। কালিম্পাঙ মহকুমা দার্জিলিঙ জেলারই পূর্বাংশ। দার্জিলিঙের গুরুত্ব যেমন বাংগাল সরকারের গ্রীষ্মাবাস হিসাবে, কালিম্পাঙের গুরুত্ব তেমনি আন্তর্জাতিক বাণিজ্য কেন্দ্র ব'লে। ভারতের সঙ্গে তিব্বত সিকিম ইত্যাদির যে সব বিনিময় হয়, তা সবই যাতায়াত করে কালিম্পাঙ শহরের মধ্য দিয়ে। এ ছাড়া দার্জিলিঙের মত কালিম্পাঙও অধুনা ব্যবহৃত হচ্ছে শৈল-বিহার হিসাবে। কালিম্পাঙে যে কয়দিন আমরা ছিলাম তার অধিকাংশ সময়টাই কেটেছে নদীনালা অন্বেষণ করে এর বঁনে জঙ্গলে ঘুরে বেড়াতে। আমরা কখনও উপভোগ করেছি গহন বনের স্তব্ধ নীরবতা, আবার কখনও ভ্রমণ করেছি এদের জনঘিরল, স্তব্ধ পল্লীগুলোতে। কালিম্পাঙের নিসর্গে এমন এক মাধুর্য আছে, এত বেশী সজীবতা রয়েছে এর প্রকৃতিতে, যে অত্যধিক পর্যটন সত্ত্বেও একবেয়ে লাগেনি, পরিশ্রান্ত বোধ করিনি কখনও। এর অনাবিল আকাশে রয়েছে পুলাকের শিহরণ, এর বাতাসে রয়েছে যুত-উত্তেজনা, এর প্রকৃতিতে রয়েছে বৈচিত্র্যের পরিবেশ।

১৮৬৬ খৃঃাব্দ। এর পূর্ব পর্য্যন্তও কালিম্পাঙ ছিল

স্বাধীন। কিন্তু এই বৎসর ভূটান যুদ্ধের পর, সন্ধির সর্তামুযায়ী, পরাজয়ের কালিমা বঁকে নিয়ে সে এসে যোগ দেয় ব্রিটিশ সাম্রাজ্যের এলাকায়। এখন দার্জিলিঙ জেলারই পূর্বাংশরূপে কালিম্পাঙ আমাদের কাছে পরিচিত। কালিম্পাঙ মহকুমার পূর্ব সীমানা সঙ্কেত করে জালদোকা নদী, আর পশ্চিমে দার্জিলিঙের সঙ্গে এর বিচ্ছেদ ধরশ্রোতা তিস্তার সাহায্যে। কালিম্পাঙের উত্তরে হ'ল সিকিম রাজ্য ও দক্ষিণে সমতলভূমিতে জলপাইগুড়ি জেলা।

উত্তরে ইঃ বিঃ আরের শেষ বিশ্রাম, শিলিগুড়ি পর্যন্ত ট্রেনে এসে কালিম্পাঙ ছুভাবে পৌঁছান যায়। ডিঃ এচঃ আরের লঘুভার ট্রেনে গিয়েলখোলা অবধি অগ্রসর হয়ে বাকী ১২ মাইল পথ বাসে, আর নয়ত বরাবর ৪২ মাইল সমস্ত পথটাই মোটরে। দার্জিলিঙ হ'তেও ঘুম হ'য়ে কালিম্পাঙ আসার ব্যবস্থা রয়েছে তিস্তা পুলের উপর দিয়ে। ব্যবসা ইত্যাদির জন্য তিব্বতের রাজধানী লাসার সঙ্গে কালিম্পাঙের যোগ রয়েছে মিউল ট্রাকের সাহায্যে। এ ছাড়া ভ্রমণ-মোদিরা কালিম্পাঙ হ'তে সিকিমের রাজধানী গ্যাংটং যেতে পারেন সুদৃশ্য মোটর পথে।


কালিম্পাঙ হিমালয় পর্বতের যে প্রদেশে অবস্থিত, তাকে ভূগোলের বিভাগ অনুযায়ী বহির্হিমালয় বলা যেতে পারে।



এ সব অঞ্চলে পাহাড়ের গা কেটে সিঁড়ির মত ক'রে চাষের জন্ম ক্ষেত তৈরী হয়

কালিম্পাঙের ভূ-প্রকৃতি বিচিত্র। এর প্রাকৃতিক দৃশ্যের মূলে রয়েছে এ অঞ্চলের প্রস্তরসমূহের বিভিন্নতা। নাইস,

কোয়ার্টজাইট ইত্যাদি যে সব পাথর কঠিন তারা সূর্যের তাপ বৃষ্টি ও তুষারের প্রভাব সহ করেও এখনও উঁচু আছে, দেওলো, দূরবীণডাঙা ইত্যাদি চূড়ার আকারে। অন্যান্যদিকে বালুপাথর শেল ইত্যাদি কোমল প্রকৃতির পাথর ক্ষয়প্রাপ্ত হ'য়ে নীচু ভূমিতে পরিণত হ'য়েছে। এখানের প্রস্তরাদির বয়স হিসেব করতে গেলে জানা যায় যে অনুমান পঞ্চাশ কোটি হ'তে আরম্ভ করে ত্রিশ চল্লিশ লক্ষ বছরের পুরাণ পাথর এখানে রয়েছে। পাথর গঠিত হওয়ার সময় যে সমস্ত প্রাণী তাদের গর্ভে সমাধিস্থ হ'য়েছিল সেই সব আন্তর জীবাশ্ম হ'তেই এই বয়স নিরূপণে অনেক সাহায্য হয়। কালিম্পাঙের অতীত ইতিহাসে সব চেয়ে আশ্চর্য ঘটনা এই যে, প্রায় পঞ্চাশ লক্ষ বছর পূর্বেও নাকি এ অঞ্চল, শুধু তাই কেন, সমস্ত হিমালয় জুড়েই বিরাজ করত টেথিস্ নামে একটা বিরাট সমুদ্র। তারই গর্ভে যুগ যুগ ধরে হিমালয়েয় পাথরের স্তরগুলি সঞ্চিত হয়। পরে ভূত্বকের ভীষণ এক আলোড়নের ফলে এই সব সঞ্চিত পাথর উত্থিত হ'য়ে আবেলুচিস্থান—আসাম পর্যন্ত বিশাল এক পর্বতমালার সৃষ্টি হয়। এই সব আলোড়নের নিদর্শনস্বরূপ আজও আমরা কালিম্পাঙের পাথর কুঞ্চিত ও বিপর্যস্ত অবস্থায় দেখি। কালিম্পাঙে যে কয়লার স্তর পাওয়া যায় তাও এই



পাহাড়ীদের একটি কুটির ছবি—ভবানী

আলোড়নের ফলে এতই বিধ্বস্ত হ'য়ে গেছে যে উৎকৃষ্ট কয়লা থাকা সত্ত্বেও সেগুলো উদ্ধার করা সম্ভব নয় দাঁড়িয়েছে।

সমতলভূমি হ'তে সন্ধ্যা-আগত বলে আমাদের যা প্রথমেই

দৃষ্টি আকর্ষণ করেছিল সে হচ্ছে এখানের অতি বন্ধুর ভূপ্রকৃতি। কালিম্পাঙের কঠিন শিলারাজি, প্রকৃতির তাড়নে কিভাবে বছরের পর বছর ক্ষয়প্রাপ্ত হচ্ছে ও সেই সঙ্গে নৈসর্গিক দৃশ্যও চলছে রূপ বদলিয়ে, তা কিছুদিন



কালিম্পাঙের বাজারে তিব্বতীরা কার্পেট বিক্রয় করছে

অনুধাবন করলেই উপলব্ধি করা যায়। দিনে সূর্যের প্রথর রশ্মিতে এ অঞ্চলের পাথর আশ্বিন হ'য়ে তেতে যায়, তখন সেগুলো আয়তনেও বৃদ্ধি পায়। তার পরই আসে রাত্রির শীতলতা, বার ফলে ঘটে পাথরগুলোর অপরিহার্য সঙ্কুচন। অনবরত সঙ্কুচন ও প্রসারণের ফলে পাথরের গায়ে ধরে অসংখ্য ফাটল। বৃষ্টির জল ঢুকে ঢুকে দেয় সেই সব ফাটলের পরিমাণ বাড়িয়ে। এর উপর রয়েছে তুষারের দৌরাত্ম্য। সমতলভূমির থেকে জলীয় বাষ্প বিমিশ্র বাতাস উপরের দিকে উঠলেই আয়তনে বৃদ্ধি পায়। তার মধ্যকার জলকণাগুলো তখন আর মিশে থাকতে পারেনা; বাতাসের ভিতর। সেগুলো গিয়ে তখন আশ্রয় নেয় পাথরের অসংখ্য ছিদ্রের মধ্যে, ফাটলগুলোতেও। রাত্রে ঠাণ্ডার প্রকোপ বৃদ্ধি পেলেই এই সব জলকণা পরিণত হয় বরফে, আয়তনে যায় তারা বেড়ে। এর শক্তি তখন এত বেশী হয় যে পাথরের বিভিন্ন অংশ ফেটে বিচ্ছিন্ন হ'য়ে যায়, বড় বড় চাকলা খুলে আসে পাথরের গা থেকে। নানান উপদ্রবের তাড়নে যখন পাথরগুলো এইভাবে বিপর্যস্ত হ'য়ে থাকে, তখন আসে বৃষ্টি তার উদ্দাম বেগ নিয়ে, ধুয়ে চলে যায় সমস্ত স্থলিত পাথরের টুকরো। কত পাথরই যে বছরের পর বছর, মাসের পর মাস এইভাবে অপসৃত হচ্ছে তার ইয়ত্তা নাই। তিস্তার জল অন্ত সময় দেখায় সুবৃষ্টি, কিন্তু বর্ষার সময় পাথরের গুঁড়োয়

তার বর্ণনায় উঠে কুলর। চাই চাই পাথর ধসে গিয়ে  
হঠাৎ করে ভূমি-চ্যুতির ঝলমল-স্বাইডের। এইজন্য যে



পাহাড়ী মেয়েরা ঝুড়িতে করে হাটে পশমের  
কাপড় বিক্রয় কর্তে এনেছে

কয়মাস বারিপাত হয়, অনবরত লোক নিযুক্ত থাকে ধসে-  
যাওয়া পাথরের আবর্জনা সরিয়ে পথ পরিষ্কার রাখতে।

কিন্তু আশ্চর্যের বিষয়, পাথরের এই অপরিমেয় ক্ষতি  
সত্ত্বেও পাহাড়ের চূড়াগুলো এখনও রয়েছে মাথা জাগিয়ে  
বরের টোপরের মত। অদম্য শক্তি নিয়ে তারা প্রতিহত  
করছে ক্ষয় সাধনে নিযুক্ত অরিকুলকে। এর মূলে রয়েছে  
অবশ্য, পর্বতের স্নান বয়স ও অবিরত উদ্দীপনী শক্তি। যখনই  
অত্যধিক পাথর অপসারণের জন্য পাহাড়ের ভার যায় লঘু  
হ'য়ে, নীচু হ'য়ে আসতে থাকে তাদের মাথা, ভূত্বকের আন্তর  
শক্তির প্রভাবে তারা আবার মাথা চাড়া দিয়ে উঠে।  
কিছুদিন আগে কোয়েটা বা বিহারে যে প্রবল ভূকম্প  
হ'য়েছিল তার কারণই হ'ল হিমালয়ের উদ্দীপনী শক্তির  
প্রেরণা। এইজন্যই আজ বয়সে নবীন হ'লেও হিমালয়  
আমাদের শ্রদ্ধা আকর্ষণ করে তার বিশাল উচ্চতায়। দক্ষিণ  
ভারতের পর্বতগুলো বা আরাবল্লী পর্বতও একদিন উচ্চতার  
গৌরব রাখত, কিন্তু বয়সের প্রকোপে আজ তারা সে শক্তি  
হারিয়েছে। এ কথাও সত্যি, যে হিমালয়ও একদিন প্রাপ্ত  
হ'বে এদের অবস্থা, তবে সে বহু পরে।

পার্বত্য অঞ্চল কি প্রভাব বিস্তার করতে পারে আমাদের  
সমাজ, সংসার বা দৈনন্দিন জীবনে, তার প্রকৃষ্ট উদাহরণ  
পাওয়া যায় কালিম্পঙে। ঘন জঙ্গল, অত্যধিক ঢাল  
(slope) ও বন্ধুরতার জন্য গমনাগমন তো দুঃসাধ্য।  
ফলে বিভিন্ন স্থানের ভিতর ভাবের আদান প্রদান চলে

অতি অল্পই। এমন কি একই গ্রামের সকল অধিবাসীও  
পরস্পরের সহায়তা করবার সুযোগ পায় না। কাষেই  
পাহাড়ীদের জীবন হ'য়ে উঠে ব্যক্তিসর্বস্ব, আত্মনির্ভরশীল।  
তাদের চরিত্রে গড়ে উঠে রক্ষণশীলতা, মন থেকে যায়  
অনগ্রসারী। কুসংস্কার তো এদের মজ্জাগত। প্রতি ঘরে,  
মাঠে ঘাটে সর্বত্রই দেখা যায় ভূত ভাড়াবার ব্যবস্থা। লম্বা  
লম্বা বাঁশের ডগায় তারা ঝুলিয়ে দেয় পাতলা নিশান, আর  
তাতে লেখা থাকে কত কি মন্ত্র। পথে ঘাটে যত তিব্বতী  
বুড়োবুড়ি দেখেছি তাদের অধিকাংশই মালা জপছিল,  
লাটাইয়ের মত একটা যন্ত্র—প্রেরার হুইল—ঘুরিয়ে।  
তাদের একটা মন্ত্র হ'ল “ওম্ ম'ণি পদ্মে হুম্”, উহা জপ  
করলে অমর ভবনে স্থান পাওয়া যায়। দৈনন্দিন অভিযানে  
বেরিয়ে একদিন এক কুটারের সামনে দেখি, তিব্বতী ওঝা  
ভূত ভাড়াচ্ছে গৃহকত্রীর ঘাড় হ'তে। লামা বসে-রয়েছেন  
একটি কেদারার উপর, তাঁর একহাতে চামর ও অন্যহাতে  
একখাল চাল। বিড় বিড় করে কি সব মন্ত্র পড়ছেন ও  
চাল ছুঁড়ে দিচ্ছেন সেই ভূতে-পাওয়া নারীর গায়ে।  
ভূতটা শাস্তপ্রকৃতিরই ছিল বলতে হ'বে, কেননা অল্প  
আয়াসেই নেমে গেল।

এখানে প্রধানতঃ নেপালী, লেপচা ও ভুটিয়া এই কয়



আমাদের নেপালী অনুচর

জাতি দেখা যায়। এদের মধ্যে লেপচারাই সবচেয়ে আদিম  
ও অসংস্কৃত। এরা দেখতে মাধারগতঃ কাল, বেঁটে ও



কৃষ। গড়ে পাঁচ ফুটের বেশী লম্বা দেখিনি। এদের অধিকাংশেরই হলদে দাঁত ও অপরিচ্ছন্ন পোষাক। লেপচারী পূর্বে স্বাধার বৃত্তিরই অহুসরণ করত, লাঙ্গলের ব্যবহার এদের জানা ছিল না। জঙ্গল পুড়িয়ে যে ক্ষার হত, তারই উপর বীজ ছড়িয়ে শস্য উৎপাদন করত। এখন কিন্তু এরাও পাহাড়ের গায়ে চাষ দিয়ে শস্য উৎপন্ন করে। লেপচারী অত্যন্ত প্রকৃতি-প্রিয়, বনে জঙ্গলে ঘুরে অনেক সময় কাটিয়ে দেয়। বিভিন্ন ফুল, গাছ বা প্রজাপতির জন্ম পৃথক পৃথক নাম যারা দেয় তারা প্রকৃতির অহুরাগী ছাড়া আর কি বলব? এরা খুব সরল ও ধীর প্রকৃতির।

নেপালীরা লেপচারীদের মত প্রাচীন না হলেও সংখ্যা-গরিষ্ঠ ও অপেক্ষাকৃত উন্নত। এরাই লেপচারীদের রুম প্রথার পরিবর্তে পাহাড়ের গা কেটে সিঁড়ির মত ক্ষেত তৈয়ারী করে চাষ করার ব্যবস্থার প্রবর্তন করে। আকার, দেহের গঠন গায়ের রং সমস্ত বিষয়েই নেপালীরা লেপচারীদের অগ্রবর্তী। নেপালী-চরিত্রের বিশেষত্ব হ'ল, প্রতিহিংসা-পরায়ণতা ও শৃঙ্খলাহীনতা। এরা বলে “মৃত্যুকে ঠেকানোর যেমন নেই কোন ওষুধ, আদেশের ওপরও তেমনি চলে না কোন ওজর।”<sup>১</sup> নেপালীরা সাধারণতঃ তিনভাগে বিভক্ত - গুর্খা, অনেকেই মৈত্রেয় কাষ করে



<sup>১</sup> নেপালী মেয়ে, পিঁঠে ভার বইবার ঝোলা

নেওয়ার—রাজমিস্ত্রি ও ছুতোরের কাষে দক্ষ ও লিঙ্গু—সাধারণতঃ চাষবাস করেই খায়।

এখানে যে সব ভুটিয়া আছে তারা সাধারণতঃ দুই শ্রেণীর।

<sup>১</sup> Bengal District Gazetteers—Darjeeling dist.

একশ্রেণী স্বাধারভাবে বসবাস করে, অপরশ্রেণী তিব্বত হাতে কয়েক মাস কার্যোগলক্ষে এখানে কাটিয়ে যায়। শোষিত শ্রেণী “তিব্বতী-ভুটিয়া” বলেই চলিত। ভুটিয়ারা অক্ষাচ্ছ



দার্জিলিঙবাসী তিব্বতী রমণী

দুই জাতির চেয়ে সাধারণতঃ দীর্ঘাকৃতি। দেহ সুগঠিত ও সহনশীল। এই ঠাণ্ডার ভিতর তিব্বত হ'তে কালিম্পাঙ হাঁটা পথে যারা ব্যবসা করতে আসে তারা কি কষ্ট না হ'য়ে পারে! লেপচা ও ভুটিয়ারা অধিকাংশই বুদ্ধের উপাসক, নেপালীরা হিন্দু। উভয়েই অপর ধর্মের দ্বারা প্রভাবিত। শিব ও বুদ্ধের উপাসনা পাশাপাশিই চলতে থাকে। তবে ধর্ম তাদের যায়ই হোক না কেন, এরা সবাই অত্যন্ত কুসংস্কারাচ্ছন্ন ও মাংসাহী। খ্রীষ্ট ধর্মও আজকাল ধীরে ধীরে এসব অঞ্চলে প্রসার লাভ করেছে এবং এরই ভিতর বেশ খানিকটা প্রভাব বিস্তার করেছে। এরা সবাই অত্যন্ত দরিদ্র, রোগ শোকের সঙ্গে যুদ্ধ করে কোন রকমে টিকে থাকে। অশিক্ষার কথা নাইই বা বললাম।

এই সব পাহাড়ীদের বসবাসের রীতিতেও পার্বত্য অঞ্চলের ছাপ সুপরিষ্কৃত। যাতায়াতের অসুবিধা ও সমতল ভূমির অপ্রাচুর্য সঙ্কবদ্ধ জীবন গড়ে তুলতে দেয় না। জীবিকা-গত শ্রেণী বিভাগ, যা সমতল প্রদেশের সমাজে বিশিষ্ট স্থান অধিকার করে, এ অঞ্চলে তা সম্ভব নয়। প্রত্যেক কুটিরকেই ধোপা-নাপিত চাষী সমস্তেরই কাষ করে নিতে হয়, লোকাভাব ঘটলে একই ব্যক্তিকে করতে

হয় একাধিক কাষ। এক একটা গ্রাম গড়ে উঠে চাব পাঁচ বর অধিবাসীকে অবলম্বন করে। কুটিরগুলি আবার অনেক ক্ষেত্রেই থাকে দুবে দুবে, নিজ নিজ চাষের জমির মধ্যে অবস্থিত। মানুষ যখন সবে গ্রাম ও সমাজ গড়ে তুলছে সেই প্রাচীনকালের জীবনযাপনের কতকটা ধারণা পাই আমরা এদের অনগ্রসারী আত্মহুঁ জীবনের ধারা হতে।

জীবিকানির্বাহের উপায়স্বরূপ এরা কবে কৃষিকার্য, শাকসজ্জি উৎপাদন ও ফলের চাষ। ৪০০০ ফিট উচ্চতা পর্যন্ত নাকি ধানের চাষ করা চলে। চা ও লেবুর চাষও এ অঞ্চলে একটি লাভজনক ব্যবসা। এছাড়া কাঠের ব্যবসা, পশমের পোষাক ও কার্পেট প্রস্তুত এবং স্থানীয় পাখির হতে তামা গানানতেও কিছু লোক নিযুক্ত থাকে। এখানে কষলাব প্রযোজন হলে তা আমদানী করতে হয় ঝবিয়া, বাণীগঞ্জ হতে—কেননা এখানের কষলাব স্তবগুলি গেছে বিধ্বস্ত হ'য়ে।

এ অঞ্চলের দুর্গমতা নিবারণকল্পে যে সব পথ নির্মিত হ'য়েছে সেগুলির উল্লেখ প্রথমেই কবেছি। মাপ্রামের সাবা



দার্জিলিংবাসী নেপালী রুমলী

নাই যে বন্ধুর ভূমির উপর দিয়ে ইচ্ছামত পথ প্রস্তুত কবে। তাই, এসব অঞ্চলে পথ প্রস্তুত হয় নদীনালায় পাড়

অবলম্বনে। কালিম্পঙ হতে শিলিগুড়ি যে রাস্তাটা রয়েছে তার সমস্তটাই তিস্তার 'গর্জ' অবলম্বনে গড়া। এছাড়া



তিস্তারী লেপচা পরিবার

জিনিষপত্রের দ্রুত বঝাচব জন্ম বজ্জু পাথের শবণ নিত হব। এব প্রধান সুরবিধে এই যে নদীনালায় উপর দিয়াও অবাধে লাইন নিয়ম বাওয়া যায় ইচ্ছামত, যদি ঠিকমত ঢাল (slope) পাওয়া যায়। কালিম্পঙ হতে শিলিগুড়ি পয়স্তু এইরূপ একটা বজ্জু পথ রয়েছে। বজ্জুর উপর স্থানে স্থানে ভাবসমেত বালতী বসিয়ে দেওয়া হয় ও বজ্জুব আবত নেব সঙ্গে সেগুলো গন্তব্য স্থানে নীত হয়। অত্যন্ত সঙ্কীর্ণ, পায়ে চলার পথে ভাব ব ত হলে একমাত্র অবলম্বন হ'ল টাট্টু ও খচ্চব।

কালিম্পঙের সৌন্দর্য-বৈচিত্র্যের সঙ্গে যুক্ত রয়েছে নাতি-শাতোক্ষ আবহাওয়া। গ্রীষ্মের সজীবতাঘাতী অসহ্য গবমেব তাড়না এড়াতে বহু বান্দালী এর বৃকে আশ্রয় নেয়। আবার শীতের সময়ও উত্তর থেকে পাহাড়ীবা এসে শরণাপন্ন হয় কালিম্পঙের ব্রহ্মশীল ক্রোড়ে, অত্যধিক শীতের হাত এড়াতে। কালিম্পঙের সবচেয়ে অসুবিধাজনক সময় হ'ল বর্ষা, তবে দার্জিলিংগের বর্ষাব মত অত পীডাদায়ক নয়।



# আধুনিক ভারতীয় চিত্রাঙ্কন পদ্ধতি

শ্রীমাণিকলাল বন্দ্যোপাধ্যায়

ভারতীয় চিত্রশিল্প সম্বন্ধে পঞ্চাশ বৎসর পূর্বেও আমাদের দেশের লোকের ধারণা ছিল অল্পত। প্রাচীন ও মধ্যযুগের ভারতীয় চিত্রশিল্প যে-কোন দেশের উৎকৃষ্ট চিত্রশিল্পের সমপর্যায়ে স্থান লাভ করিতে পারে, এরূপ কেহ ভাবিতে পারিত না। অবশ্য তাহার অনেক কারণও ছিল। পঞ্চাশ বৎসর পূর্বে দেশে উৎকৃষ্ট চিত্রাঙ্কনের প্রচলনও ছিল না। দেশে তখন নিকটধরণের ইউরোপীয় পদ্ধতিতে অঙ্কিত কিছু ছবির আমদানি ছিল। বাঙ্গালাদেশে মহাত্মা চৈতন্যের পরবর্তী সময়ে তাহার ধর্মের দ্বারা একদল পটুয়া অনুপ্রাণিত হইয়াছিল; তাহাদের অঙ্কিত গৌরাঙ্গলীলা প্রভৃতির যে ছবি পাওয়া যায়, তাহা দেখিলে হৃদয়ে ভক্তির সঞ্চার হয়। উহাদের রেখা এবং বর্ণবিজ্ঞানসেও যথেষ্ট শিক্ষা এবং সংশ্লিষ্ট পরিচয় পাওয়া যায়। কিন্তু তাহাদের পরবর্তী যে পটচিত্রের নিদর্শন আমরা কার্জাঘাটের পটুয়াদের চিত্রে পাই, তাহা তত উন্নত নহে; উহাদের মধ্যে তামসিক চিত্রও অনেক দেখা যায়; কিন্তু অঙ্কন দক্ষতা ও তৎপরতা উহাদেরও মধ্যেও ছিল। কিন্তু ইহাও ক্রমে ক্রমে গুপ্ত হইয়া আসিতেছিল।

বাঙ্গালাদেশের মত উড়িষ্যায়ও একদল পটুয়া পট অঙ্কিত করিত। উড়িষ্যায় অধিবাসীদের বিদেশী শিক্ষার অভাবের জন্ত অনেকদিন পণ্ডিত এই পটুয়ারা প্রাচীন রীতির অনুসরণ করিয়া অঙ্কন করিয়া আসিতেছিল। কিন্তু তাহারাও অনাভাবে ক্রমে ক্রমে স্ব স্ব ব্যবসায় পরিত্যাগ করিয়া জীবিকার্জনের নিমিত্ত ভিন্ন ব্যবসায় অবলম্বন করিতে বাধ্য হইয়াছিল।

মোঘলযুগে যে সমস্ত শিল্পী রাজা কিংবা নবাববাদশাহদের পৃষ্ঠপোষকতায় উৎসাহিত হইয়া চিত্রাঙ্কন করিত, মোঘলরাজত্বের পতনের সঙ্গে সঙ্গে তাহাদের বংশধরেরা রাজপুতানার পার্শ্বত্যাগে কাঙ্ক্ষা, গারোয়াল, কাশ্মীর প্রভৃতি স্থানে আশ্রয় লইয়াছিল। তাহাদের মধ্যে কতক ইউরোপীয় নিকট পদ্ধতি অনুসরণ করিয়া চিত্রাঙ্কন শুরু করিয়াছিল। আর-কতকংশ পিতৃপিতামহের অনুসৃত প্রাচীন রীতিনীতি অবলম্বনে চিত্রাঙ্কন করিতে লাগিল; কিন্তু দেশীয় লোকের এবং নতুন মনিব, রাজা ও জমিদারদের পৃষ্ঠপোষকতার অভাবে ক্রমশ তাহারাও এই ব্যবসায় পরিত্যাগ করিয়া অননুস্থানের নিমিত্ত অন্য ব্যবসায় অবলম্বন করিতে বাধ্য হইল। যখন আচার্য্য অবনীন্দ্রনাথ নূতন ভারতীয় চিত্রাঙ্কন পদ্ধতি প্রবর্তনের চেষ্টা করিতেছিলেন, তখন দেশীয় চিত্রশিল্প প্রায় লুপ্ত হইবার উপক্রম হইয়াছিল। দেশের লোক শিক্ষাপ্রাপ্ত হইত বিদেশী ভাষা এবং ভাবধারার আশ্রয়ে। তাহার ফলেই আমাদের দেশের মানসলক্ষ্মী বিদেশী মানস-প্রতিমার হুবহু প্রতিরূপে অঙ্কিত না হইলে তাহারা ইহার মধ্যে সৌন্দর্য্য অনুভব করিতে পারিতেন না। বিদেশী ভাষায় বিদেশী শিল্পের গৌরবের কথা

শুনিতেন শুনিতেন মনও দেশী শিল্পের প্রতি বিরূপ হইতেছিল। তাই যখন নূতন ভারতীয় পদ্ধতিতে চিত্রাঙ্কনের সূত্রপাত হইল, তখন একশ্রেণীর লোকের কাছে ইহা বিরুদ্ধ সমালোচনার কারণ হইয়া উঠিল। আমাদের দেশে যদি অজ্ঞতা, বাঘ প্রভৃতির প্রাচীন চিত্র, বরভূধরের মূর্ত্তি প্রভৃতি দেশীয় শিল্পসম্পদ সম্বন্ধে শিক্ষাদানের কোনরূপ ব্যবস্থা থাকিত, তাহা হইলে বিদেশী চোখ লইয়া দেশীয় শিল্পের বিচার করিতে কেহ অগ্রসর হইত না।

আধুনিক ভারতীয় চিত্রাঙ্কন পদ্ধতি প্রবর্তন করিয়াছেন শিল্পাচার্য্য অবনীন্দ্রনাথ ঠাকুর। আচার্য্য অবনীন্দ্রনাথের পূর্বে রবি বর্মা, বিখনাথ ধুরন্ধর প্রভৃতি একশ্রেণীর চিত্রকর দেশীয় বিষয়বস্তু অবলম্বনে ইউরোপীয় পদ্ধতিতে চিত্রাঙ্কনের প্রচলন করিয়াছিলেন এবং উহাদের অঙ্কিত ছবি সেই সময় দেশে খুব সমাদর লাভ করিয়াছিল। ভাবগভীরতার অভাব উহাদের মধ্যে বেশী পরিমাণে লক্ষিত হয়। অঙ্কনপদ্ধতি এবং বর্ণ-বিজ্ঞানের অভিনবত্বের নূতন মহিমা কিছু পরিলক্ষিত হয় না। তাহা ছিল ইউরোপীয় অনুকরণ মাত্র। এই জন্ত সেই পদ্ধতি বেশী দিন স্থায়ী হয় নাই।

অবনীন্দ্রনাথের চিত্রাঙ্কন শুরু হইয়াছিল ইউরোপীয় রীতিনীতি অবলম্বনে। বিলাতী অঙ্কনরীতিতে তিনি সর্বেশেষ দক্ষতাও লাভ করিয়াছিলেন। কিন্তু তাহার মানস-চক্ষের সম্মুখে যে সমস্ত দৃশ্য ভাসিয়া বেড়াইত, ইউরোপীয় পদ্ধতি আশ্রয় করিয়া তাহা প্রকাশ করা অসম্ভব হইত। বিলাতী পদ্ধতির ধরাধরা গভীর শরীরগঠনত্বের মাপকাঠি তাহার মনের ভাবপ্রকাশের পথকে সীমাবদ্ধ করিয়া তুলিত। ফলে তিনি এই পদ্ধতি ছাড়িয়া দিলেন এবং প্রাচীন ও মধ্যযুগের ভারতীয় চিত্রাঙ্কন রীতির আশ্রয়ে তাহার প্রকাশভঙ্গীর পথ খুলিয়া লইলেন। ইহা তাহার ভাবপ্রকাশের সহায়ক হইল এবং এই প্রাচীন নীতির আশ্রয়ে এক নূতন চিত্রাঙ্কনপদ্ধতির সৃষ্টি করিলেন। সেই সময় ই. বি. হ্যাভেল সাহেব কলিকাতা সরকারী কলা-বিজ্ঞালয়ের অধ্যক্ষ ছিলেন। অবনীন্দ্রনাথের অসাধারণ প্রতিভার পরিচয় পাইয়া তিনি তাহাকে উক্ত বিজ্ঞালয়ের সহকারী অধ্যক্ষের পদে নিযুক্ত করেন। তখন নূতন উজ্জ্বলময় নূতন পদ্ধতিতে শিল্পচর্চা চলিতে থাকে।

কিন্তু অবনীন্দ্রনাথের এই নব প্রচেষ্টা দেশে নানারূপ বিরুদ্ধ সমালোচনার সৃষ্টি করিল। দেশের একশ্রেণীর লোকের বন্ধমূল ধারণা ছিল যে, ইউরোপীয় পদ্ধতি ছাড়া অন্য কোন পদ্ধতিতে চিত্রাঙ্কনের প্রচলন হইলে দেশীয় চিত্রকলার অধঃপতন অবশ্যজ্ঞাবী; তাহারা দেশে মহা হৈ চৈ শুরু করিয়া দিলেন। কিন্তু কিছুদিন পরে যখন পাশ্চাত্য দেশেরই বড় বড় চিত্রসমালোচকগণ অবনীন্দ্রনাথের প্রবর্তিত আধুনিক

ভারতীয় চিত্রাঙ্কনপদ্ধতির ভূমসী প্রশংসাবাদ করিতে লাগিলেন, তখন তাঁহার বিস্ময়ে শুক হইয়া রহিলেন।

ছাভেল সাহেব, ওকাকুরা, ভগ্নী নিবেদিতা প্রমুখ কয়েকজন বিশিষ্ট লোক তখন প্রাচীন ভারতীয় শিল্পসংস্কৃতি সম্বন্ধে পুস্তক এবং প্রবন্ধাদি রচনা করিয়া দেশীয় শিল্পসংস্কৃতি সম্বন্ধে বিদেশীয় দৃষ্টি আকর্ষণ করিতেছিলেন। স্মার জন উডরফ, লর্ড কিচনার প্রমুখ তৎকালীন বিশিষ্ট ব্যক্তিগণের নিকট নূতন পদ্ধতি যথেষ্ট সমাদর অর্জন করিতেছিল।

আমাদের দেশীয় মাসিক সংবাদপত্রের মধ্যে কয়েকখানি ছিল অবনীন্দ্রনাথের পৃষ্ঠপোষক। অবনীন্দ্রনাথের নূতন পদ্ধতিতে অঙ্কিত ছবি প্রকাশিত করিবার জন্ত এই সমস্ত সংবাদপত্রের তখন অনেক বিরুদ্ধ এবং সময় সময় অত্যন্ত কুশী সমালোচনাও সহ্য করিতে হইয়াছে; নানারকম হাস্যজনক লেখা এবং ব্যঙ্গচিত্র তখন অবনীন্দ্রনাথের নব প্রবর্তিত পদ্ধতিকে হাস্যাস্পদ এবং হেয় প্রতিপন্ন করিবার জন্ত বিপুল উত্তোষের সহিত কাগজে কাগজে বাহির হইত।

কিন্তু এই আলোচনার ফলে উচ্চশিক্ষিত সম্প্রদায়ের মধ্যে প্রাচীন এবং আধুনিক ভারতীয় শিল্প সম্বন্ধে জ্ঞান আহরণের আকাঙ্ক্ষা বৃদ্ধিপ্রাপ্ত হইল। মধ্যযুগের বিভিন্ন শিল্প, মোঘলযুগের শিল্প, অঙ্কুরা, ইলোরা, বাঘ প্রভৃতি প্রাচীন গুহা এবং মন্দিরাদিতে প্রাপ্ত চিত্র এবং শাস্ত্রীয় নূতন আগ্রহের সহিত আলোচিত হইতে লাগিল এবং শিল্পে স্বজাতীয়তার ভাবও লোকের মনে উদ্ভিত হইল। বহু বিদেশীয় এবং কতিপয় দেশীয় বিশিষ্ট লোকের সহায়তায় নবপ্রবর্তিত পদ্ধতি প্রতিষ্ঠা লাভ করিল। এই সময় ১৯০৭ সালে কলিকাতায় ‘প্রাচ্যকলা সমিতি’ প্রতিষ্ঠিত হইল। এই সমিতি গঠিত হইবার পর অবনীন্দ্রনাথের গুণমুগ্ধ বহু ছাত্রছাত্রী তাঁহার কাছে শিক্ষালাভ করিতে লাগিল এবং নূতন নূতন রূপে ও রসে ভারতীয় চিত্রকলাকে সমৃদ্ধ করিয়া অপরূপ বৈশিষ্ট্যমণ্ডিত করিয়া তুলিল।

এই সময় অবনীন্দ্রনাথের ভ্রাতা গগনেন্দ্রনাথ ঠাকুর আধুনিকতম ইউরোপীয় পদ্ধতির সহিত দেশীয় পদ্ধতির সংমিশ্রণে এক নূতন পদ্ধতির সৃষ্টি করিলেন। ইহাদের কলাকুশলতার কথা দেশে দেশে ছড়াইয়া পড়িল। জাপান হইতে ওকাকুরা, টেইকান, হিসিডা, কাতসুতা, আয়াই প্রমুখ বিপ্যাত শিল্পীরা অবনীন্দ্রনাথের চিত্রাঙ্কনপদ্ধতির সহিত পরিচিত হইবার জন্ত এদেশে আসিলেন এবং এদেশীয় ছাত্রদের জাপানী চিত্রাঙ্কনপদ্ধতিতে অঙ্কন শিক্ষায় সহায়তা করিলেন।

ভারতবর্ষের বিভিন্ন স্থানে নূতন পদ্ধতিতে অঙ্কিত ছবির প্রদর্শনী হইতে লাগিল। জাভা, জাপান, ইউরোপ, আমেরিকা প্রভৃতি স্থানে

এই সকল ছবি প্রেরিত হইল এবং যথেষ্ট সমাদর অর্জন করিল। বিভিন্ন বিদ্যালয়ে এই পদ্ধতিতে অঙ্কন শিক্ষা দিবার প্রচলন হইল। অবনীন্দ্রনাথের প্রবর্তিত পদ্ধতিতে চিত্রাঙ্কন দেশে স্থায়ীভাবেই প্রচলিত হইল।

এক্ষণে এই অঙ্কনপদ্ধতি এবং ইহার ভাবধারা সম্বন্ধে কিছু আলোচনা করা যাউক। ইহার অঙ্কন পদ্ধতিতে বিশেষ কোন গণ্ডীবদ্ধ নিয়ম নাই। এই শিল্পের সঙ্গে চীনা ও জাপানের শিল্পের বহুস্থানে একতা লক্ষিত হয়। দেশের প্রকৃতিগত বিশেষত্ব বজায় রাখিয়া শিল্পী তাঁহার মনের ভাবধারা প্রকাশ করেন। সুতরাং এদেশীয় চিত্রের রস উপলব্ধি করিতে গিয়া বাহিরের দিকটা দেখিলে চলিবে না। শিল্পীর অন্তরের প্রকাশই তার ছবি। সুতরাং ছবিকে বুঝিতে হইলে কৌশল হইতে ইহা উৎসারিত হইয়াছে, তাহার সন্ধান লইতে হইবে। ইউরোপীয় শিল্পীরা তাঁহাদের “মডেল” সম্মুখে রাখিয়া ছবি তাহার নকল করিয়াই কান্ত হন। কিন্তু এদেশীয় শিল্পীরা প্রকৃতির অন্তর হইতে প্রকাশের উপযোগী রস এবং সৌন্দর্য উপলব্ধি করিয়া চিত্রে প্রকাশ করেন। তাই ভারতীয় চিত্রের রস গ্রহণ করিতে গিয়া শিল্পীর অন্তরের অসুসন্ধান করিতে হইবে। ইহাদের অঙ্কনকার্য ও বর্ণবিজ্ঞানসে রেখা এবং জল-রঙের “wash”-এর বেশী প্রচলন দেখা যায়। শিল্পীর মানসচক্রের সম্মুখে যে ভাবের উদয় হয়, তাহাই তাঁহার রঙ এবং রেখার ছবিতে ফুটাইয়া তোলেন। শুধু ছবিটিকে রূপ দিতে রঙ এবং বর্ণবিজ্ঞানের দক্ষতা (technique) প্রকাশ করা যতটুকু প্রয়োজন, ততটুকুই তাঁহার ব্যবহার করেন। অঙ্কনপদ্ধতির বাহ্যিক দোষাইবার জন্ত তাঁহার ব্যস্ত নন—ভাবপ্রকাশই তাঁহাদের মূখ্য উদ্দেশ্য। তাই বলিয়া ইহারা যে প্রাচীন কালটাকে আঁকড়াইয়া ধরিয়া আছেন, এরূপ ভাবিলে ভুল করা হইবে। এদেশের বিশেষ রীতি অবসর করিয়া ইহারা নূতন নূতন সৃষ্টির পথে অগ্রসর হইয়া চলিয়াছেন। বিদেশী শিক্ষার অস্তিত্বতাকেও ইহারা বর্জন করেন নাই। আবার ইউরোপীয় পদ্ধতিতে যেমন শারীর-তত্ত্বের সূক্ষ্মাতিসূক্ষ্ম নিয়ম, পারিপ্ৰেক্ষিক প্রভৃতি নানারকম বাধন আছে, ইহারা সেই সমস্ত বাধন হইতে নিজেদিগকে মুক্ত রাখিয়াছেন। ফলে ইহাদের প্রকাশভঙ্গীর ক্ষেত্র অনেক প্রকার লাভ করিয়াছে।

এই পদ্ধতিকে আশ্রয় করিয়া গাঁহার চিত্রাঙ্কন করিতেছেন এবং নূতন নূতন ভাবধারা, অঙ্কন ও বর্ণবিজ্ঞানের অস্তিত্বের দ্বারা ইহাকে আরও সমৃদ্ধ করিয়া তুলিয়াছেন, তাঁহাদের মধ্যে ৬ম্বরেন্দ্রনাথ গাঙ্গুলী, নন্দলাল বসু, কিত্তীন্দ্রনাথ মজুমদার, শৈলেন্দ্রনাথ দে, অসিতকুমার হালদার, মুকুল দে, রমেন্দ্র চক্রবর্তী প্রভৃতির নাম বিশেষ উল্লেখযোগ্য। ইহাদের প্রতিভা নব নব সৃষ্টির পথে অগ্রসর হইয়াছে। ইহাদের সৃষ্টি ভারতীয় শিল্পকলার ইতিহাসে এক নূতন যুগ আনয়ন করিয়াছে।



# আচার্যদের বউ

প্রবোধকুমার সান্যাল

ভূমিকা ফেঁদে আচার্য মহাশয়ের পরিবারের পরিচয় দেবার কিছু দরকার নেই। কিন্তু একথা যদি বলি, এই নাস্তিকবাদ, অশ্রদ্ধা আর সংশয়ের যুগে এমন একটি পরিবার অভিনব, তাহ'লে অনেকেই হতবাক হবেন। মানুষ আজ আত্মরচিত বিজ্ঞান-সভ্যতায় উৎপীড়িত হচ্ছে, নিজের সৃষ্টি-করা মারণাস্ত্রের ভয়ে মাটির তলায় গিয়ে প্রবেশ করছে। অশান্ত জীবনের একমাত্র স্থিতি ছিল শূন্যময় ঈশ্বর, কিন্তু সেখানেও অসংখ্য যন্ত্র-শকুনের পাল ঈশ্বরকে ডানা দিয়ে ঢেকে মানুষকে মারছে তাণ্ডব-দাহনে। মেঘলোক থেকে বিদ্রোহকে ছিনিয়ে যে-সভ্যতার আলো সে জ্বালিয়েছিল ঘরে ঘরে, দেশ-দেশান্তরে—সেই আলো প্রাণভয়ে নিবিয়ে সে ঢুকলো স্তূড়ঙ্গপথে। বিশ্ববিধানের ভার বাদের হাতে, আত্মদলানে আর আত্মাবমাননায তারা যুঁষুঁ। এই অশান্ত জীবনে যদি কোনো ব্যতিক্রম দেখি, চমকে উঠি।

জানি, আচার্য পরিবারের আলোচনায় একথার দাম নেই, তবু এই বিংশ শতাব্দীর বিয়ে জর্জরিত কলকাতা নগরের ঠিক মাঝখানে এমন একটি নিরুদ্ভিগ্ন সম্ভ্রান্ত পরিবার বিস্ময়ের বিষয় বৈ কি। বাংলার একটি অতি প্রাচীন গুরুবংশের ধারা তাঁরা বজায় রেখে চলেছেন—যেমন ভগীরথ শাখ বাজিয়ে যান গঙ্গার আগে আগে উঁচুর জনপদ আর প্রান্তর পেরিয়ে। পৃথিবী প্রগতিশীল এ-সংবাদ তাঁদের জানা নেই; সংস্কৃত ছাড়া আর কোনো ঐশ্বর্যশালিনী ভাষা আছে এ তাঁরা বিশ্বাস করেন না। আশ্চর্য বৈ কি। সকাল সন্ধ্যা পূজাপাঠ, গঙ্গাস্নান, বেদমন্ত্র-ধ্বনি, আরতি, নারায়ণসেবা, পৌরাণিক আলোচনা—এ পরিবারের এইটাই নিত্যকর্ম বংশানুক্রমায়। এর মধ্যে কোনো ভাঙন নেই, ব্যতিক্রম নেই, সংশয় অথবা আলস্য ঢুকে কোনোদিন এখানে প্রস্রয় পায়নি। কঠিন, নিরেট, নিরুদ্ধ দেওয়াল এই পরিবারকে পৃথিবীর কলরোল থেকে চিরকালের জগু আড়াল করে রেখেছে। এখানকার সর্বশেষ শিশুটি অবধি এই শিক্ষায় আর এই দীক্ষায়

বনবল্লীর মতো নিভূতে বেড়ে উঠেছে। অথচ সমস্তটাই সহজ, সাবলীল, প্রসন্ন—কোথাও শাসন নেই, সতর্কতা নেই। যেন কলকাতার তৃষাদগ্ন মরুভূমির মাঝখানে অরণ্য ছায়াময় একটি প্রাচীন সরোবর।

এমন একটি পরিবারে সেদিন যে বিবাহটা ঘটলো সেটা কিছু অভিনব। বিবাহের ইতিহাসটুকু সামান্যই। আচার্য মহাশয়ের ছাত্র দেবগ্রামের কেশবচন্দ্রের কন্যা মল্লিকার সঙ্গে আচার্য তাঁর নাতির বিয়ে দিতে প্রতিশ্রুত ছিলেন। কি কারণে এই প্রতিশ্রুতি সেকথা এখানে ওঠেনা। প্রতিশ্রুতি—এই যথেষ্ট। কিন্তু এই সত্য আচার্যকে রক্ষা করতে গেলো বহুমূল্য—কারণ তাঁর পরিবারে বাল্যবিবাহ যেমন চিরকালীন প্রথা, তেমনি পাত্রীর পক্ষে লেখাপড়া শেখাও তাঁদের বংশের সংস্কার-বিরুদ্ধ। সত্যপ্রিয়ী ব্রাহ্মণ কিন্তু দ্বিরুক্তি না করে শিক্ষিত মেয়ের সঙ্গে নাতি হরিমোহনের বিয়ে দিলেন। মল্লিকার বয়স তখন বাইশ পেরিয়ে গেছে। হরিমোহনের পঁচিশ। সমগ্র পরিবার উৎকট অস্থিত্তিতে স্তব্ধ হয়ে রইলো।

বলা বাহুল্য, যৌথ পরিবার হ'লেও আচার্যদের অবস্থা খুবই স্বচ্ছল। দাসদাসী সমেত দুবেলায় প্রায় দেড়শো পাত পড়ে। আগেকার আগলের গৃহসজ্জায় সমস্ত বাড়ীটা পরিপূর্ণ। পুরণো কালের পিতল-কাঁসার বাসনপত্রগুলো দেখলে বাঙ্গালীর আদি ইতিহাস মনে পড়ে। বাড়ীতে সবস্বুদ্ধ কতজন স্ত্রী-পুরুষ এবং কা'র সঙ্গে কি সম্পর্ক—মল্লিকা আজ অবধি থৈ পায়নি। কয়েকদিন সে ঘুরে ঘুরে ঘরে ঘরে বেড়িয়ে বেড়াতে লাগলো। তাকে দেখে বৌ-ঝিরা অনেকেই মাথার কাপড় টেনে দিল, ছেলেরা আড়ালে চ'লে গেল এবং কুমারী মেয়েরা চেয়ে রইলো অবাঁক হয়ে। প্রথমটা মল্লিকা কোতুক বোধ করলো, কারণ কেউ তার সঙ্গে কথা বলতে এগিয়ে আসে না! পরে, অনেকক্ষণ বাদে, সে নিজের মহলে এসে আবিষ্কার করলো, পায়ে তার চটিজুতো ছিল—ওরা তাই শিউরে উঠে'গা-ঢাকা দিয়েছে। মল্লিকা অস্থিত্তিবোধ করতে লাগলো।

নতুন স্বামী-স্ত্রীর আলাপ কি ভাবে আরম্ভ হয়, সে তারা নিজেরাই শেখে। সে অবস্থাটা দুজনেই পেরিয়ে এসেছে। স্বল্পভাষী বিনয়ী হরিমোহন সেদিন ঘরে ঢুকতেই মল্লিকা বললে, নান ক'রে আসা হোলো, মাথা আঁচড়ানো হোলো না ?

হরিমোহনের মুখখানি নধর, সুন্দর। এই পরিবারে প্রিয়দর্শন ব'লে তার খ্যাতি। হাসিমুখ তুলে তাড়াতাড়ি সে হাত দিয়ে মাথার চুল বার বার নিচের দিকে নামিয়ে দোরস্ত করতে লাগলো।

মল্লিকা বললে, ওকি, হাত দিয়ে কি মাথা আঁচড়ানো যায় ?—এই ব'লে নিজের আলমারির ড্রয়ার থেকে চিরুণী আর ব্রাশ বা'র ক'রে দিল।

হরিমোহন হেসেই অস্থির। বললে, না না, এখন আঙ্গিকের সময়, চিরুণী ছুঁতে পারবো না। আমাদের বাড়ীর ছেলেরা কেউ চিরুণী ছোঁয়না। তুমি জানোনা বোধহয়—না ?

মল্লিকা বললে, সেইজন্তেই বুঝি সকলের কদমফুলের মতন চুল-ছাঁটা ?

হ্যাঁ, তাই বটে।—ব'লে হরিমোহন গরদের ধুতিখানা কোমরে জড়িয়ে মাথার টিকিটায় একটা ফাঁস বেঁধে নিল। মল্লিকা হাসবে কিম্বা হাত-পা ছড়িয়ে চীৎকার ক'রে কাঁদতে বসবে, ঠিক ঠাইর করতে পারলোনা।

ঘরে স্ত্রীর কাছে বেশিক্ষণ থাকতে হরিমোহনের সাহস নেই, গভীর রাত্রি ভিন্ন স্বামীস্ত্রীতে দেখাশোনা এ বাড়ীর বিধিবহির্ভূত। কোনো রকমে কাজ সেরে হরিমোহন চুপি চুপি পালিয়ে যাচ্ছিল, মল্লিকা তাকে ডাকলো। বললে, সকালবেলা কি যে বলবে বলেছিলে ?

হরিমোহন ফিরে দাঁড়ালো। বললে, হ্যাঁ, বলছিলুম কি—মানে, কিছু মনে ক'রো না ওরাই বলাবলি করছিল, তোমাকে নাকি বই পড়তে দেখেছে ওরা।

বই পড়া কি বারণ ?

হরিমোহন হেসেই অস্থির, হাসতে হাসতেই সে বেরিয়ে চ'লে গেল এবং মল্লিকা জানে, সমস্তদিনে তার সঙ্গে দেখা হবার আর কোনো সম্ভাবনা নেই।

আমীষরামার বিন্দুমাত্র সংশয় এ বাড়ীতে খুঁজে

পাওয়া যায় না; তরকারীগুলো মধুর রসে একপ্রকার অখাদ্য। শাড়ির সঙ্গে আটপৌরে জামা পরা এখানে মেয়েদের পক্ষে নিন্দার কথা। শেষরাত্রে উঠে নান না করলে সামাজিক অপরাধ। মল্লিকা দিনে দিনে বেন হাঁপিয়ে ওঠে। এমন আবহাওয়ায় সে মাহুষ হয়নি, সে দোষ তার নয়। প্রতিদিনই সে নিশ্চিত বিশ্বাস করতে লাগলো, তার ওপর একটা প্রকাণ্ড অত্যাচার করা হয়েছে। আলো আর বাতাস থেকে তাকে ছিনিয়ে ফেলা হয়েছে এক অন্ধকূপে। এইরূপ অস্বস্ত সংসারে চিরদিন তাকে বাস করতে হবে এই কল্পনা করতে গিয়ে মল্লিকার নিশ্বাস রুদ্ধ হয়ে এলো।

হরিমোহন একদিন পা টিপে টিপে এসে পিছন থেকে দুহাতে স্ত্রীর দুই চোখ টিপে ধরলো। হরিমোহনের বলিষ্ঠ সুন্দর দুই হাতে ফুল-বেলপাতা আর চন্দনের মূহু মধুর গন্ধ। মল্লিকা গস্তীরভাবে তার হাত দুখানা সরিয়ে দিয়ে বললে, জানি, ছাড়ো।

হরিমোহনের হাসি আর ধরে না। কিন্তু পলকের মধ্যে আয়নার ভিতরে চোখ পড়তেই দেখা গেল, স্বামী-স্ত্রী পাশাপাশি। একজনের সঙ্গে আরেক জনের কী বিচিত্র পার্থক্য। মল্লিকার মুখে রোজ-পাউডারের আভা, দুই আয়ত চোখে সূর্য টানা, কপালে চুলের আঙুট, বুমকো-লতার মতো নামানো। আর তার পাশে আচার্যীদের নাতি, মাথায় টিকি, ছোট ছোট ছাঁটা চুল, গলায় সাম বেদী পৈতার গোছা—চোখে মুখে বিজ্ঞ-বুদ্ধি অপেক্ষা সারল্য আর আত্মিক ভাব। রসবোধ অপেক্ষা কোতুকবোধের দিকে ঝোক বেশি। স্ত্রী যুবক সন্দেহ নেই, একে ভালোবাসাও সহজ—কিন্তু শিক্ষার পালিশ আর বুদ্ধির তীক্ষ্ণতা না থাকলে মল্লিকার কেমন ক'রে চলবে ? এর সঙ্গে পারিবারিক জীবন অচল, কারণ যৌথ-পরিবারের আওতায় থেকে এর কোনো স্বকীয়তা জন্মায়নি। এর সঙ্গে সামাজিক জীবনও অসম্ভব, কারণ বাইরের জীবনযাত্রার গতিরহস্য এর সম্পূর্ণ অজ্ঞাত।

হরিমোহন আশ্বে আশ্বে বললে, বৌ, রাগ করলে ?

মল্লিকা বললে, বৌ ব'লে ডাকো কেন ? আমার নাম রাণী।

নাম ধরতে মেহ যে।

সে কি, তাহলে বলো আমিও তোমার নাম ধরে ডাকতে পারবো না ?

হরিমোহন অবাক হয়ে গেল। স্ত্রী স্বামীকে নাম ধরে ডাকতে চায় এ তার কল্পনাভীত। পরিহাস মনে করে সে হাসিমুখে বললে, ওকথা কি বলতে আছে ?

বলতে আছে কিনা সে আমি জানি। বলো যে এখানে সে-রীতি চলবে না। যাক গে। তুমি হাত-কাটা ফতুয়া আর উড়ুনি গায়ে দিয়ে পথে বেরোও কেন, বলো দেখি ?

তার গলার আওয়াজে এমন একটা কঠিন নির্দেশের চিহ্ন যে হরিমোহন সহসা উদ্ভ্রান্ত হয়ে স্ত্রীর মুখের দিকে তাকালো। তারপর বললে, ওটাই যে আমাদের অভ্যেস। শীতকালে কেবল বালাপোষ গায়ে দিই।

তৌক্ককণ্ঠে মল্লিকা বললে, বগলে পুরণো ছাতি, কাঁধে উড়ুনি, গায়ে ফতুয়া—তোমার সঙ্গে নাপ্তের তফাৎ কি ?

রসিকতা করে হরিমোহন বললে, তফাৎ কেবল আমার মাথায় টিকি ?

না, ও-অভ্যেসটা তোমাকে ছাড়তে হবে। উড়ুনি নাও ক্ষতি নেই, কিন্তু পরণে ধুতি আর পাঞ্জাবী—আর পায়ে বিড়োসাগরী চটি ছেড়ে র্যালবার্ট্।

কিন্তু দাছ যে রাগ করবেন ?

মল্লিকা বললে, এতেই যদি তিনি রাগ করেন তবে ঘুমের ঘোরে কাঁচি দিয়ে একদিন তোমার টিকিও কেটে দেবো। ছি ছি, আমার বন্ধুরা কোনোদিন তোমাকে দেখলে আমাকে গলায় দড়ি দিতে হবে।

হরিমোহনের মুখের হাসি মিলিয়ে গেল, ভয়র্ভ মুখে সে চুপ করে রইলো। বৃদ্ধ আচার্য মহাশয়ের প্রতি যে অশোভন কটাক্ষ উচ্চারিত হোলো, সে-আঘাত হরিমোহনের মর্মে গিয়েই বিধলো।

কিন্তু মল্লিকা সেখানেই থামলো না। স্বামীর নতমুখের দিকে চেয়ে বললে, তুমি না কল্কাতার ছেলে ? আজকাল কত রকমের চালচলন, কিছুই কি চোখে পড়েনা তোমাদের ? ইংরিজি লেখাপড়া শেখেনি, এমন একজন ছেলেও তুমি দেখাতে পারো ? না শিখেছ ম্যানার্স, না এটিকেট্। হাতে রুদ্রাক্ষের তাগা বেঁধেছ কেন ? ওতে তোমার কি লাভ বলতে পারো ?

অপরোধীর মতো মুখ করে হরিমোহন বললে, আমরা শৈব কিনা, তাই।

ছাই আর পাশ ! ধর্মে মতি খুব ভালো, ভণ্ডামি কেন ? তুমি আশা করছ আমি তোমার মতন হবো, আমিও ত আশা করতে পারি, তুমি হবে আমার মতন ? ঘণ্টা নাড়া আর পূজো আর চাল-কলা বাঁধা—লোকের কাছে আমার মুখ দেখাতেও লজ্জা করে !

হরিমোহন সবিনয়ে বললে, আমি কি তোমার যোগ্য নই, বো ?

সে-কথা হচ্ছে না—মল্লিকা চাপা ঝঙ্কার দিয়ে উঠলো ; তোমাদের রুচি আর শিক্ষা নিয়ে কথা হচ্ছে। মাহুষ আর বনমাহুষের প্রভেদ নিয়ে কথা হচ্ছে।

হরিমোহন ফ্যাল ফ্যাল করে তাকালো। তারপর মুহূর্তে—ঘরের বাইরে কেউ না-শুনতে পায়—এমনি ভাবে বললে, আমাকে তুমি কি করতে বলো ?

বলবো কা'কে, আমার কথা যে বুঝতেই পারবে না ? তুমি কি কোনোদিন আমাকে চেনবার চেষ্টা করেছ ?

না।

চেষ্টা করলে বুঝতে, এখানকার ছাঁচ আজকের দিনে কেউ সহ করতে পারবে না। চারিদিকে উঁচু পাঁচিল, সদর দরজা বন্ধ—বাইরের হাওয়া আসে না, খবর আসে না, কথা আসে না। কেউ বাঁচতে পারে এখানে ?

হরিমোহন বললে, তুমি কি চাও ?

মল্লিকা বললে, তোমাকে বুঝে নিতে হবে। আমি ছিলাম ডিবেটিং ক্লাবের প্রধান বক্তা—

তা বুঝতে পারছি।—হরিমোহন একটু হাসলো।

যতই হাসো, সত্যিটা মিথ্যে হয়ে যায় না। অল ইণ্ডিয়া লেডিস্ কনফারেন্সের আমি ব্রাঞ্চ সেক্রেটারী, পর্দানিবারী সমিতির আমি মেম্বর—তুমি বলতে চাও সমস্তই ত্যাগ করে ভট্‌চাষীদের পূজো নিয়ে থাকবো ? তুমি জানো, ভবানীপুর 'মহিলা-সমাজ' আমারই হাতের তৈরি ? তুমি এও বোধ হয় শোনোনি, আমার একটা পলিটিক্যাল ক্যারিয়ার আছে!—এক নিখাসে কথাগুলো বলে মল্লিকা হাঁপাতে লাগলো।

ওদিকে নারায়ণের ঘরে সন্ধ্যারতির লগ্ন প্রায় আসন্ন। আসছি।—বলে হরিমোহন'ধর থেকে বেরিয়ে গেল। যেতে

যেতে ভাবতে লাগলো, সর্বনাশ, এ কা'র সঙ্গে তার বিয়ে হয়েছে? একে নিয়ে তার ভবিষ্যৎ?

জানলার ধারে মল্লিকা কঠিন হয়ে ব'সে রইলো। চারিদিকের এই অবরোধী আবহাওয়ার মধ্যে ব'সে তার মনে হোলো বাইরেটাও যেন রুদ্ধ, যেন তৃষ্ণার জিহ্বা মেলে ধরা। সহস্র, যতদূর দেখা গেল, তার জীবনটা ভয়ানক বিপন্ন। এ বিয়েতে বিন্দুমাত্রও তার তৃপ্তি হয়নি। সন্দেহ নেই, হরিমোহনের চেহারা আর প্রকৃতি ভালোবাসবারই মতো, কিন্তু সে অন্ধগুহাবাসী। মল্লিকার বয়স কম হয়নি, সে জানে অগ্নিশ্রাবী যৌবনের মাদকক্রম সহজেই একদিন ফুরিয়ে যাবে—কিন্তু তারপরে সর্বপ্রকারে তার জীবন হবে বিড়ম্বিত। এই পারিপার্শ্বিক সহ করা হবে তার পক্ষে কঠিনতম সমস্যা। একটু আগে নিজের আত্মাভিমান হরিমোহনের কাছে সে প্রকাশ ক'রে ফেললো। জানে, এ প্রবৃত্তি আশোভন; নিতান্তই বাধ্য হয়ে তাকে এই আত্মহত্যা করতে হোলো। কিন্তু তার নিজের পরিচয় যাই হোক, তার প্রাথমিক দাবিগুলি যদি পূর্ণ না হয় তবে কি তার জীবন ব্যর্থ নয়? তার রুচি আর শিক্ষামতো কিছুই যদি সে না পায়, তবে নিজেকে দৃঢ় ক'রে দাঁড় করানো কি তার এত বড় সামাজিক অপরাধ? অনুকূল অবস্থা না পেলে স্নেহ ভালোবাসা আসবে কোন্ পথ দিয়ে?

মাসতিনেক এমনি ক'রেই কাটলো।

কয়েকদিন আগে থেকেই মল্লিকার মন ভালো ছিলনা। বেশ বোঝা যায়, পারিবারিক এক চক্রান্ত চলেছে তার বিপক্ষে, এ বাড়ীতে সে প্রিয় নয়। ফলে, সকলের মাঝখানে থেকেও সে একা। তার স্নানাহার, তার সাজসজ্জা, তার চলনধরণ সমস্ত গুলোই এ পরিবারের ঐক্য প্রণালী থেকে বিচ্ছিন্ন একটা চড়া সুর, এখানকার হাওয়ায় সে যেন বিরূপতা অনুভব করে।

এই এক ঘেয়ে অস্বস্তির ওপর একদিন একটুখানি বৈচিত্র্যের ধাক্কা পড়লো।

দুপুরে এই সময়টায় রোজই হরিমোহন পুরাণপাঠ, শিশুসেবকের বিলি ব্যবস্থা ইত্যাদি নিয়ে বাড়ীতেই ব্যস্ত থাকে, কিন্তু সেদিন সে বাড়ী ছিল না। তাদের টোলের পরীক্ষায় আচার্যের সঙ্গে তাকেও উপস্থিত থাকতে হয়েছিল, তাছাড়া উপাধি বিতরণ সভার কাজকর্মও কিছু ছিল। এমন সময়

একদল অভ্যাগত স্ত্রী-পুরুষ বাগান পেরিয়ে বাড়ীতে এসে ঢুকলো। খবর পাওয়া গেল, তারা মল্লিকার সাক্ষাৎ প্রার্থী। এ বাড়ীর নিয়ম হোলো, মেয়েরা নিচের তলাকার বৈঠকখানার দিকে কখনোই অগ্রসর হবে না। কিন্তু আজ অস্বাভাবিক মল্লিকা সেই বিধি লঙ্ঘন ক'রে নিচের তলায় নেমে সোজা বৈঠকখানায় এসে হাজির হোলো।

তিনটি যুবকের সঙ্গে চার পাঁচটি তরুণী তাকে দেখে একসঙ্গে সোল্লাসে কলরব ক'রে সারা বাড়ী মুখর ক'রে তুললো। তাদের সেই সমগ্র মিলিত কণ্ঠস্বর এই প্রাচীন বনেদী এবং রক্ষণশীল বাড়ীর সমস্ত ভিতগুলোর সন্ধিস্থানে হাতুড়ি মেরে মেরে যেন ধরাশায়ী ক'রে দিতে লাগলো। কাছাকাছি কারুকে দেখা গেল না বটে, কিন্তু মল্লিকার মনে হোলো—আতঙ্কে, উৎকণ্ঠায়, উদ্বেগে সারা বাড়ীর মানুষরা একটি মুহূর্তেই স্তম্ভিত হয়ে গেছে।

একটি পলক মাত্র, তারপরই হাসিমুখে এগিয়ে গিয়ে মিসেস রেবা রায় আর অলকা নিত্রের হাত ধ'রে অভ্যর্থনা জানিয়ে মল্লিকা বললে, এসো—আসুন অরিন্দমবাবু, আসুন বিজনবাবু। তারপর? হঠাৎ যে? কি মনে ক'রে?—চলো ওপরে, আমার শোবার ঘরে। রতীনবাবু, আপনি সেই যে শীলং গেলেন, তারপর আর কোনো খোঁজ পেলুম না কেন বলুন ত?

অরিন্দম হাসি টিপে বললে, ও কি আর আমাদের মতন গরীবদের খবর রাখে? He was engaged elsewhere!

সিঁড়ি দিয়ে উঠতে উঠতে রেবা-অলকা-বিজনরা উচ্চ হাশ্বে ঘরবাড়ী ভরিয়ে দিল।

আপ্যায়ন আর অভ্যর্থনার ক্রটি হওয়া ত দূরের কথা, আজ বরং তারই একটা চেষ্টাকৃত অতিশয়তা দেখা গেল। কোথাও স্থলন নেই, কোনো বিচ্যুতি নেই—আত্মোপাস্ত হিসাব নিকাশে একেবারে সুসম্বন্ধিত। মল্লিকা চঞ্চল হয়ে, উত্তেজিত হয়ে, উচ্ছ্বসিত হয়ে গা ঢেলে দিল এই কোলাহল-মুখর আসরে। ওরা কেউ বোধ হয় বুঝতে পারলো না, মল্লিকা নানা কথার কোশলে স্বপ্নরবাড়ীর আসল চেহারাটা ওদের কাছে ঢেকে রাখতে চায়, নানাবিধ ছলনার হরিমোহনের প্রসঙ্গটা এড়িয়ে পালিয়ে চলে। ওরা যখন বললে, মল্লিকা, একটা গান গাও, তোমার চমৎকার গলা



অনেকদিন শুনি নি। মল্লিকা তৎক্ষণাত্‌ রাজি হয়ে গেল। বাবার দেওয়া যৌতুকের হারমোনিয়মটা দ্রুত হস্তে বা'র ক'রে সে ধরলো 'গীতবিতানের' একখানা গান। তার সেই দীৰ্ঘ মধুর মন্থণ কণ্ঠস্বরে শরৎ-শেষের মধ্যাহ্নের উজ্জল নীলাকাশ ক্ষণে ক্ষণে শিউরে উঠতে লাগলো। হাশ্বে, লাশ্বে, কটাক্ষে আগেকার সেই মল্লিকাকে নতুন ক'রে দেখে বিজন, অরিন্দম আর রতীন সমাধিস্থ হয়ে রইলো।

রেবা-অলকারা ধ'রে বসলো, আজ বেলা তিনটার শো'তে মেট্রোয় যেতে হবে। অনেক কাল পরে আজ এই সুযোগ।

এইমাত্র! প্রস্তাব শোনা মাত্রই মল্লিকা নেচে উঠলো, বর্ষার মেঘের কটাক্ষে যেমন ময়ূরী নৃত্য ক'রে ওঠে। সত্যি বলতে কি, পাঁচ মিনিটের মধ্যেই সে তার কুমারীকালের মতো সুরচিসম্পন্ন সজ্জায় এসে দাঁড়ালো। যেন দীৰ্ঘকাল থেকে সে উপবাসী, তৃষ্ণার্ত—সমস্ত প্রাণ, সমস্ত মন অদ্ভুত অধীর ক্ষুধা তৃষ্ণায় চঞ্চলিত। তার দিকে তাকিয়ে তিনটি যুবকের ইহকাল ঝরঝরে হয়ে গেল।

মল্লিকা বললে, যাচ্ছি, কিন্তু একটি সৰ্তে। তোমরা আজ আমার অতিথি, আজকের সব খরচ আমার।

সবাই বললে, বেশ বেশ, খুব ভালো।—এই ব'লে তারা আবার সিঁড়ি দিয়ে বাড়ীময় সাড়াশব্দ জাগিয়ে নেমে চললো।

মল্লিকাও নামবে, এমন সময় ধীরপদে দিদিশাণ্ডী এসে দাঁড়ালেন। বললেন, নাৎ-বৌ, ওঁরা কে?

ওঁরা?—মল্লিকা থমকে দাঁড়ালো। বললে, ওঁরা সবাই আমার কলেজের বন্ধু।

তুমি যাচ্ছ কোথায়?

একটু বেড়াতে—সিনেমায়—

ওঁদের সঙ্গে?

হ্যাঁ।

কর্তার মত নিয়েছ কি?

তিনি ত বাড়ী নেই, আপনাকেই জানিয়ে যাচ্ছি।

ওঁদের বলবেন, সন্ধ্যা নাগাৎ ফিরবো।

গট গট ক'রে সিঁড়ি দিয়ে নেমে মল্লিকা দ্রুতপদে বন্ধুদের সঙ্গে চ'লে গেল। তার প্রতি পদক্ষেপে এই বংশের শিক্ষা-দোষের ধারা দলিত মথিত হ'তে লাগলো। বিমূঢ় নিস্পন্দ

দিদিশাণ্ডী নির্ণাক চেয়ে রইলেন। মেয়েটার অদ্ভুত স্পর্ধা বটে!

সিনেমা থেকে বোরয়ে মাল্‌কারা গিয়েছিল ইম্পিরীয়ে, সেখান থেকে হগ মার্কেট যুরে ময়দানের হাওয়া খেয়ে যখন তারা যে-যার বাড়ীর দিকে চললো, মল্লিকা বিজনকে এস্কর্ট নিয়ে ট্রামে উঠে বসলো। অতঃপর স্বপুৰবাড়ীর ফটকের কাছে এসে সে যখন হাত তুলে বিজনকে 'চিয়্যারো' ব'লে বিদায় দিয়ে ভিতরে ঢুকলো, আচাৰ্য মহাশয় গীতার পৃষ্ঠা থেকে মুখ তুলে তার দিকে তাকালেন। সন্ধ্যা তখন সাড়ে সাতটা।

ক্রক্ষেপ না ক'রে মল্লিকা অগ্রসর হচ্ছিল, আচাৰ্য গম্ভীর প্রশান্ত কণ্ঠে তাকে ডাক দিলেন—নাৎ-বৌ দিদি, আপনি একটু অপেক্ষা করুন বৈঠকখানায়!

বৈঠকখানায়! বিশ্বয়জনক নির্দেশ বটে। মল্লিকা থমকে সেইখানেই দাঁড়ালো। আচাৰ্য ভিতর থেকে উঠে বাইরে এসে দাঁড়ালেন—এবং অপ্রত্যাশিত, হরিমোহন এলো তাঁর পিছনে পিছনে।

দৃঢ় স্মিতকণ্ঠে আচাৰ্য বললেন, ভেতরে কিছা ওপরে আপনার আর যাবার দরকার নেই। আমি ইতিমধ্যেই সব ব্যবস্থা ক'রে দিয়েছি। আপনার আসবাবপত্র সবই ধর্মতলার বাসায় চ'লে গেছে। স্বামীজীতে সাবধানে ভদ্রভাবে থাকবেন। হ্যাঁ, খরচপত্র সমস্তই নিয়মিত যাবে—মানে, মাসে দুশো টাকা। আমার কর্তব্য থেকে কখনো পশ্চাদ্‌পদ হবোনা। অগ্ণাত্‌ সকল কথাই হরিমোহনকে আমি ব'লে দিয়েছি, অসুবিধে কিছু হবেনা। আপনার আর কিছু বলবার আছে কি?

দুই পা থর থর ক'রে মল্লিকার কাঁপছিল। ভূমিকম্পের একটা প্রচণ্ড নাড়ায় সে এখন কেমন বিকল হয়ে গেছে। নিজেকেই সে একটা চাবুক মেরে সজাগ ক'রে তুললো। বললে, না।

ফটকের কাছে একখানা মোটর গাড়ী এসে দাঁড়ালো। আচাৰ্য বললেন, দেরি হয়ে যাচ্ছে, আর কিছু তোমার বক্তব্য আছে, হরিমোহন?

অশ্রুকম্পিত কণ্ঠে হরিমোহন জবাব দিল, আজ্ঞে না।

স্ত্রীর প্রতি তোমার কর্তব্য বিবেচনা, মেহ—এগুলোর

অভাব যেন কোনোদিন না হয়। তোমাদের প্রতি আমার নিত্য আশীর্বাদ রইলো। আচ্ছা, এবার তা হ'লে দুর্গা ব'লে যাত্রা করে। সেখানে গিয়ে আবার রান্নাবান্না করতে হবে।

মল্লিকা হেঁট হয়ে তাঁর পায়ের ধূলো নেবার চেষ্টা করতেই আচার্য বললেন, থাক ছোঁবেননা আমাকে নাৎ-বৌ দিদি, আমি আশীর্বাদ করছি।

দুজনে অগ্রসর হোলো। হরিমোহন বোধ করি দ্রুত আত্মগোপন করার জন্য গাড়ীতে উঠে গিয়ে বসলো। মল্লিকা এতক্ষণ পরে সহসা তার গ্রীবা হেলিয়ে নিঃসঙ্কোচ পরিচ্ছন্ন কণ্ঠে বললে, দাদামশায়, পায়ের ধূলোও নিতে দিলেন না? দেখছি এটা তাড়িয়ে দেওয়া ছাড়া আর কিছু নয়—কিন্তু আমি এ বাড়ীর বৌ—

ঘাড় নেড়ে বাধা দিয়ে আচার্য বললেন, এ বাড়ীর বৌ আপনি নন নাৎ-বৌ দিদি, আপনি হরিমোহনের স্ত্রী, এই মাত্র। হ্যাঁ, কি বলছেন বলুন?

অপমানিত মুখ তুলে ফস ক'রে মল্লিকা ব'লে বসলো, ওঁর স্ত্রী না হ'লেও আমি দুঃখিত হতুমনা। এ বাড়ীর বৌ আমি নয়—একথা শুনেও আমি আনন্দ পেলুম।—থাকগে। আমার বক্তব্য হচ্ছে, আপনি যা খরচের বরাদ্দ করেছেন, কল্কাতা শহরে তা নিয়ে চলবেনা।

চলবে।—আচার্য বললেন, ধর্মতলার বাড়ীটা আমার, সেখানে ভাড়া লাগবেনা। আপনারা মাত্র দুজন, ওতেই চলবে। তবু, আপনার শেষ দাবি যুক্তিহীন হ'লেও আমি পূর্ণ করব। আড়াইশো টাকা ক'রে আপনাদের মাসিক খরচ বরাদ্দ রইলো।

মল্লিকা নীরবে গিয়ে গাড়ীতে উঠলো। গাড়ী ছেড়ে দিল। আচার্য উপর দিকে একবার চেয়ে নিজের মনে বললেন, তোমারই নির্দেশ, প্রভু।

মিনিট তিন চার ধ'রে দ্রুতবেগে গাড়ী ছুটে চললো। আঘাতটা সামলে নিতে মল্লিকার দেরি হয়নি। খণ্ডরবাড়ীর প্রতি মমত্ববোধ কিছু থাকলে একটু কষ্ট হতো বৈকি। তবু কয়েদখানা থেকে মুক্তি পেয়ে বাইরের আলায় এসে দাঁড়ালেও পরিত্যক্ত কয়েদখানার জন্য ছোট একটি নিশ্বাস পড়ে। মাত্র সেইটুকু, তার বেশি নয়। তার পাশে হরিমোহন বিষণ্ণ বালকের মতো বাইরের দিকে চেয়ে ব'সে

রয়েছে। পুরুষ সে নয়—কিশোরী বালিকা যেমন গ্রামের মেহশৃঙ্খলিত জীবন ত্যাগ ক'রে অজানা খণ্ডরবাড়ীর পথে প্রথম যাত্রা করে, তেমনি নিঃশব্দ ব্যাকুল করুণ তার চাহনি। পথ, ঘাট, জনতা, নগরের অশ্রান্ত মুখরতা—ওদের কোনো অর্থ নেই। শত সহস্র লক্ষ্যবস্তুর দিকে অর্থহীন দৃষ্টিতে চেয়ে থাকলেও চোখ দুটি তার ছিল আচার্যের দিকে। প্রিয়তম পৌত্র সে, পিতামাতার একমাত্র পুত্র সে, পারিবারিক সংস্কৃতির সে-ই যোগ্যতম প্রতিনিধি, তাকে নিয়ে কত আশা, কত আশ্বাস।

তার হাতের উপর একটা ঝাঁকুনি দিয়ে সহসা মল্লিকা বললে, সোজা হয়ে ব'সো। কেমন ক'রে গাড়ীতে চড়তে হয় তাও জানোনা?

হরিমোহন সোজা হয়ে বসলো। রাঙা দুটো চোখ ফিরিয়ে পরে সে বললে, আগে আমি কখনো মোটরে চড়িনি।

সহসা ঝড়ের মতো মল্লিকা হেসে উঠলো—কি যে করবো তোমাকে নিয়ে! চলো, খুব তোমাকে মোটরে চড়াবো এখন থেকে। আমার কথাই বাধ্য থাকবে ত?

অবাধ্যতা কা'কে বলে, হরিমোহন জীবনেও জানেনা। সে কেবল ঘাড় নেড়ে একান্ত নির্ভরতার সঙ্গে তার সম্মতি জানালো। মল্লিকা হঠাৎ খুশি হয়ে উঠলো। হরিমোহনের গলাটা জড়িয়ে ধ'রে তার মাথায় হাত বুলিয়ে পুরুষের পাওনা বকশিস চুকিয়ে দিল।

বাচলুম—হাঁপ ছেড়ে বাচলুম—মল্লিকা ফুকে উঠলো, আর কিছু না হোক আমীষ রান্না খেয়ে বাচবো, অথাত্ত আর পেটে যাবেনা। আড়াইশো টাকায় আমাদের যা হোক চলে যাবে। বাড়ী ভাড়া লাগবেনা।

হরিমোহন গলাটা ছাড়িয়ে মুখ তুলে তার দিকে তাকালো। ফ্যাল ফ্যাল ক'রে চেয়ে বললে, তুমি কি মাছ, মাংস, পিঁয়াজ, ডিমের কথা বলছ? ওসব ত আমাদের খেতে নেই, বৌ?

দুরন্ত বালকের প্রতি বর্ষীয়সী নারী যেমন স্নেহে চেয়ে থাকে, তেমনিভাবে কিয়ৎক্ষণ হরিমোহনের দিকে স্থিতমুখে তাকিয়ে সহসা মল্লিকা পুনরায় চলন্ত গাড়ীর মধ্যে উচ্চ দীর্ঘ উল্লালে হেসে উঠলো। তারপর বললে, কী বংশেরই মানুষ তোমরা, সব এক একটি পরমহংস! জীবে দয়া, অহিংসা

—এতই যদি ছিল, বনে যেতে পারোনি? বিয়ে করেছিলে কেন? একথা শেখোনি, ষড়রিপুর প্রথমটা থেকেই আর সবগুলোর উৎপত্তি?

কিন্তু তার সঙ্গে শাস্ত্র আলোচনায় হরিমোহনের ঔৎসুক্য না দেখে মল্লিকা পুনরায় বললে, আচ্ছা, থাক, এসব কথা পরে হবে। আগে নিজের ইচ্ছে মতন ঘরকরা পাতিগে।

ধর্মতলার বাড়ীতে ঢুকে মল্লিকা দেখলো—আশ্চর্য, উপর তলাকার দুটো ঘরে তাদের সমস্ত আসবাবপত্র পুঙ্খানুপুঙ্খ গোঁছানো। পাচক, দাসী এবং একটি ছোকরা চাকর তাদের জন্ত অপেক্ষা করছিল। আচার্য মহাশয় চার পাঁচ ঘণ্টার মধ্যে একেবারে নতুন রাজ্য প্রতিষ্ঠা করে দিয়েছেন। মল্লিকা শোবার দুটো ঘর এবং বৈঠকখানায় বেড়িয়ে বেড়িয়ে তদারক করতে লাগলো। রান্না, ভাঁড়ার, বাথরুম—সমস্তই হাল ফ্যাশনের। লোকটার রুচি আছে বটে।

পাচক এসে দাঁড়ালো। বললে, কি রান্না হবে মা?

মল্লিকা অলক্ষ্যে একবার হরিমোহনের দিকে তাকালো। তার পর বললে, তুমি যাও ঠাকুর, আমি পরে রান্নাঘরে গিয়ে দেখছি।

সেদিনকার আহাঙ্গারির ব্যবস্থা কতদূর কি হোলো বলা কঠিন, কিন্তু মল্লিকা সারাদিনের উদ্ভেজনার পর ঘুমিয়ে পড়তেই হরিমোহন সারারাত পথে-হারানো শিশুর মতো কেঁদেই ভাসাতে লাগলো।

পরদিন সকালে মল্লিকা বাইরে বেরোতেই চাকর খবর দিল, ব্রাহ্মণ পাচক তার চাকরি ছেড়ে দিয়ে ভোর রাত্রেই চলে গেছে।

কোনো ক্ষতি নেই—বলে মল্লিকা কোমর বেঁধে কাজে লেগে গেল। চাকরকে বাজারে পাঠিয়ে সে স্নান সেরে এলো। হরিমোহন ইতিমধ্যে তার পূজা অর্চনা সেরে বইপত্র নিয়ে বসে গেছে।

প্রথম অবস্থায় একেবারে বিপ্লব বাধালে চলবেনা। মল্লিকা স্থির করলো, তার দরকার মতো কিছু কিছু আহাঙ্গার ধর্মতলার হোটেল থেকে আনিয়ে নিলেই চলবে। চাকরটার মাইনে সে বাড়িয়ে দেবে। তারপর ধীরে স্নেহে দেখা যাক, হরিমোহনের টিকির সঙ্গে তার আহাঙ্গারের সঙ্গতি থাকে কিনা। সেও কেশব মুখুজ্যের মেয়ে, ছাড়বার পাত্রী সে নয়।

হাতীবাগানে কোন এক টোলে হরিমোহন ছাত্রদের পড়াতে যায়। সপ্তাহে একদিন করে যায় ভাটপাড়ায়—

সুতরাং মল্লিকার অবসর অখণ্ড, স্বাধীনতা অবাধ। এর উপর স্বামী যদি বাধা হয়, নিয়মাহুঁবর্তী হয়, তবে সুখ এক স্বস্তি দু-ই। মল্লিকা যে-হাওয়ায় মানুষ, যে-শিক্ষায় তার বিদ্যা, তাতে পুরুষকে সন্দেহ করা তার পক্ষে স্বাভাবিক। কিন্তু নীতিবিদ হরিমোহন সম্পর্কে তার কোনো উদ্বেগ নেই, জ্বালা নেই। আর তার যে স্বামী—টিকি, নামাবলী, চাদর, চটি এসব বাদ দিলে অবশ্যই ভদ্রসমাজের যোগ্য। কিছু ইংরেজি শিক্ষা থাকলে অবশ্য ভালো হতো, কিন্তু সংস্কৃতই বা কম কিসে? মেঘদূত আর শকুন্তলা আর কুমারসম্ভব আবৃত্তি সে যদি করতে বসে, তার উদাত্ত কণ্ঠে অন্তত রেবা-অলকার দলকে নিশ্চয়ই চমকে দেওয়া যেতে পারবে। আর ইংরেজি? মল্লিকা তার হাতখরচের জন্ত দু-চারবার টুইশনি করেছে, স্বামীকে কাজ-চালানো ইংরেজি শেখাতে তার অসুবিধে হবেনা। সেদিন সে কয়েকখানা ইংরেজি বীড়ার নিজেই কিনে নিয়ে এলো। হায় অজানাচার্য, তুমি নাটিকে পণ্ডিত করেছ, মানুষ করোনি!

অবসর যখন তার অখণ্ড, তখন তার বিগত কুমারী-জীবনকে পুনরুজ্জীবিত করে তুলতে বাধা কি? স্বামী যখন তার করতলগত, স্বামী যখন নিরাপদ, তখন তার মনের গতিকে বিভিন্ন ধারায় পরিচালিত করা অসুবিধাজনক নয়। মল্লিকা অন্ ইণ্ডিয়া লেডিস কনফারেন্সের আগামী অধিবেশনের জন্ত প্রস্তাব রচনা করতে বসলো, ‘পদা-নিবারণী’তে খবর পাঠালো এবং ভবান পুরের যে ‘মহিলা সমাজের’ আপিসে এখন আর বাতি দেবার কেউ নেই, সেই ঘরটায় নতুন আপিস বসাবার জন্ত সে একদিন গিয়ে ঝাড়া-মোছার বন্দোবস্ত করে এলো। বিয়ের পর যে-মেয়েরা আন্মারীতে বইপত্র তুলে রেখে কেবল মাত্র ‘প্রসূতি-কল্যাণ’ মুখস্থ করতে বসে, মল্লিকা সে-দলের মেয়ে নয়। স্বামী তার জীবনের সোপান, সেই ভিত্তির উপর দাঁড়িয়ে সে নতুন কিছু সৃষ্টি করবে। কে বলেছে, পুরুষকে খুশি করতেই মেয়েদের জন্ম? কে বলেছে, পায়ে পড়ে কান্না ছাড়া মেয়েরা আর কিছু জানে না? কে বলেছে, স্বামীর আদর্শ আর মতবাদ অনুকরণ করে চলাই স্ত্রীর ধর্ম? সত্যকারের প্রতিভাকে চিনতে ঘেরি লাগে, সেইজন্ত শক্তিশালী স্রষ্টা যখন জন্মায়, সমসাময়িক কাল তাকে বিক্রপ করে, গালাগালি দেয়। প্রতিভার পথ চিরকালই কটকাকীর্ণ।

মল্লিকার অনেক কাজ। বিয়ের পরে তাকে অহেতুক অবরোধ করা হয়েছিল। অপরাধ ছিলনা, শাস্তি ছিল। তার আধুনিক শিক্ষা, প্রগতিবাদী মন, তার কঠোরচিত্ত বিদ্ভা—সবগুলিকে অবমাননায় উপেক্ষা করাই ছিল তার স্বত্ত্বরবাহীর কাজ। স্বালোককে ওরা মাহুষ বলেনি, বলেছে দেবী—কারণ পদদলিত হয়েও তারা মার্জনা করবে এই সুবিধা। দেবীর সিংহাসনে বসিয়ে তাকে চলৎশক্তিহীন ক'রে রাখলে সম্ভোগ-চক্রান্তের তৃপ্তি! পুরুষ লেলিয়ে দিয়ে তাকে মোহাচ্ছন্ন ক'রে রাখলে তার ধাত্রীবিদ্যাকে কাজে লাগানো যায়! ধন্ত, হে রক্ষক!

একদিন সন্ধ্যার পর কোথা থেকে ঘুরে এসে মল্লিকা হাঁপাতে হাঁপাতে বললে, এই যে, কখন এলে তুমি? সন্ধ্যাহিক সেরেছ?

হরিমোহন বললে, হ্যাঁ। বেড়িয়ে এলে বুঝি?

না গো, বেড়াবার সময় নেই, অনেক কাজ। তোমাকে একটা খবর দিই। আসছে সতেরোই তারিখে আমার এখানে মহিলা-সমাজের একটা জরুরী সভা—অবশ্য রাত্রেই দিকে। সেদিন ডিনারের ব্যবস্থাও করতে হবে। কিন্তু তোমাকে নিয়ে আমার যে ভয় করে!

শাস্তকণ্ঠে হরিমোহন বললে, ভয় কেন?

তুমি যা জবু-খবু, লোকে না নিন্দে করে।

কি করতে হবে বলো?

করতে কিছুই হবেনা, কেবল আমি যা বলবো তাই শুনবে। শুনবে ত?

আমি ত কখনো তোমার অবাধ্য হইনি, বো।

আবার বো! একটুও স্মরণশক্তি যদি তোমার থাকে! বলো, বৌরাণী।—সহস্র তিরস্কারে আর বিলোল চাহনিতে মল্লিকা পুরুষের আসক্তিকে খুঁচিয়ে ভুলতে চাইলো।

হরিমোহন বললে, বলো তোমার কি ছকুম, বৌরাণী!

মল্লিকা স্তর পাশে এসে বসলো। আজ হরিমোহনের মুখের উপরে বিবাদের কোনো রেখা নেই, কেমন যেন নির্মল প্রসন্নতা। প্রশোধন সে কখনো করেনি, আয়নায় সে কখনো মুখ দেখেনি, সে স্বল্পাহারী ও ধার্মিক—কিন্তু আজ মল্লিকা ভালো ক'রে চেয়ে দেখলো—ঘন পেশীসন্নিবিষ্ট দৃঢ় চোয়াল, মুখের উপরে স্বাস্থ্যের রক্তভা, উন্নত কপাল, আয়ত শাস্ত দুটি চোখ। হরিমোহন সত্যকার রূপবান।

কাণের মুক্তোর তুল তুলিয়ে মল্লিকা স্বামীর গলা জড়িয়ে বললে, তুমি নিজের ধর্ম রক্ষাতেই ব্যস্ত রইলে; কিন্তু তুমি দেখলেনা, যে তোমার আশ্রিত, তারো আছে কিছু সাধ, কিছু বা কামনা।

কথাটা খুবই সত্য। আচার্য বলে দিয়েছিলেন, স্ত্রীর প্রতি বিন্দুমাত্র অবিচার করবে না, কর্তব্য ভুলবেনা। স্ত্রী সহধর্মিণী, জীবনসঙ্গিনী। মল্লিকা এবাড়ীতে আসার পর থেকে হরিমোহন মনে মনে তার প্রতি বিরক্তিবোধ করেছে। সে তার আজীবনের আত্মীয়বন্ধন ছিন্ন ক'রে এক নারীর হঠকারিতায় ঘর ছেড়ে এলো, এই অদ্ভুত অন্ধতার জন্তু কয়েকদিন অবধি, সত্য বলতে কি, মল্লিকাকে সে ঘৃণা করেছে। কিন্তু এর ত কোনো কারণ নেই, স্বচ্ছন্দ পরিচ্ছন্ন জীবন যাপন করার জন্তুই ত মল্লিকা ছেড়ে এলো সব। হরিমোহন আজ স্ত্রীর আলিঙ্গনে নূতন আশ্বাদ পেলো। চোখ ভ'রে তার নেশা লাগলো।

মৃদুকণ্ঠে সে বললে, অনেক রকমের ভুল আমার ঘ'টে গেছে, আমি তার জন্তে লজ্জিত! এবার তুমি যা বলবে তাই শুনবো।

কথা দিচ্ছ?

হ্যাঁ।

আমি যদি তোমার চাল-চলন আর খাওয়া দাওয়ার চেহারা বদলাতে চাই?

স্পন্দিত নিশ্বাসে হরিমোহন বললে, আমিষ?

স্বামীর গলায় জড়ানো হাতখানায় আর একটু জোর দিয়ে মল্লিকা বললে, যদি ধরো তাই হয়?

তুমি তাতে সুখী হবে?

আমি সুখী হবার চেয়ে তুমি এ-কালের যোগ্য হবে, সে-ই আমার আনন্দ। আমি ভাসতে চাই তোমাকে নিয়ে। এযুগের নেশায় আচ্ছন্ন হ'তে চাই। তোমাকে আমি অনেক শেখাবো।

হরিমোহন চুপ ক'রে রইলো। মল্লিকা তার গলা ছেড়ে দিয়ে উঠে যাবার পর তার চমক ভাঙলো, কেমন যেন ভয়-ভয় করতে লাগলো। এই নারীর সান্নিধ্য যেন ভাঙনের সুরে ভরা—কাছে এলে সম্ভ্রম, সতর্ক থাকতে হয়। কি যে সে বলতে চায়, জানা কঠিন। কিসে খুশি হয় তাও অজ্ঞাত। কিন্তু তার দুঃস্বপ্ন গতির সঙ্গে পদক্ষেপ মিলিয়ে

না চলতে পারলে তাকে যেন হারাতে হবে। ভালোবাসা বড় নয়, সংসারধর্ম প্রয়োজন নয়—কেবল একটা ছুঁবার গতি, একটা অন্ধ ভবিষ্যতের দিকে নিরুদ্দেশ যাত্রা, অকুলের দিকে অজানায় ভেসে চলা। এ মেয়ে কাছে এলে সব ভুলিয়ে দেয়। তার আক্রমণ থেকে নিজের দুর্গ রক্ষা করে থাকা বড় কঠিন।

ধর্মতলার ধারে বাসা বাঁধলে কলকাতা নগরকে হুকুমের মধ্যে পাওয়া যায়। মল্লিকার বাড়ীর নিচের তলায় নানাবিধ বিপনি বেসাত্তি। হরিশোহনকে সেদিন সঙ্গে নিয়ে সে এক 'সেলুনে' গিয়ে উঠলো। অভিজাত নাপিত কাঁচি হাতে নিয়ে তাদের বসতে জায়গা দিল। মল্লিকা বললে, এঁর চুলটা কেটে দাও ভালো করে। ক্লিপ্ লাগিয়ে সাবধানে, —নিউ আমেরিকান্ কাট হবে।

বড় একখানা আয়নার সামনে চেয়ারে হরিশোহন বসলো। দোকানের অদ্ভুত সাজ আসবাব। নাপিতের কাছে সে মাথা পেতে দিল। নাপিত হরিশোহনের টিকির দিকে মল্লিকার দৃষ্টি আকর্ষণ করে বললে, এটা ?

ওটা কেটে দাও।

নাপিত তার কাজ আরম্ভ করে দিল। মল্লিকা সকাল বেলাকার সংবাদপত্র নিয়ে বসে রইলো দোকানের এক পাশে।

সমস্ত সকালটা সেদিন মল্লিকার বিশ্রাম রইলো না। এগারোটার পর স্বামী-স্ত্রীতে যখন ফিরলো, তাদের সঙ্গে মুটের মাথায় একরাশি জিনিসপত্র। তিনজোড়া জুতো, তার সঙ্গে মোজা। খান পাঁচেক শান্তিপুরের ধুতি। অছিল মোল্লার দোকান থেকে কেনা হরিশোহনের জন্ম ট্রাউজার, গেঞ্জি, শার্ট, কোট, নেকটাই—কি নয়? জুয়েলারের দোকান থেকে সোনার বোতাম। হগমার্কেট থেকে আইভরি সিগারেট কেস। মণিহারি থেকে স্নুগক্কাঁ সস্তার।

সতেরোই তারিখের বিলম্ব বেশি নেই। স্বামীকে ভদ্র-সমাজের উপযোগী করে তোলার জন্ম মল্লিকা অবিশ্রান্ত পরিশ্রম করতে লাগলো। মল্লিকাকে যারা জানে তারা স্বীকার করবে, বহু বিষয়ে সে অভিজ্ঞ। কেবল মাত্র বই মুখস্থ করা কলেজী তরুণী সে নয়, ফ্যাশনেবল পল্লীর সব খবর সে রাখে। নাচ গান শিখিয়েছে সে বহু মেয়েকে,

সে জানে ছবি আঁকতে, হুটীশিল্পে সে পারদর্শিনী। অলকার নির্বাচনে তার জুড়ি কম—মণিপুরী কাণের মুমুকো থেকে গুজরাট চুড়ির ডিজাইন্ তার করতলগত। জাপানী মেয়েদের পারিবারিক কুসংস্কার আর আমেরিকান তরুণীদের প্রণয়লাপের বিশেষ চং অবধি তার কর্তৃত্ব। প্রণয়-প্রার্থিনী 'সোসায়েটি-গার্লসরা' কেমন সরল যুবকদের 'ব্ল্যাকমেল' করে সেও তার অজানা নয়। সে জানে, এটিকেট শিখতে হ'লে ইংল্যাণ্ড, উপস্থাস পড়তে হ'লে ফ্রেন্স, আর রাষ্ট্রব্যবস্থা জানতে হ'লে রাশা। সুতরাং হরিশোহনের মতো ছাত্র তার কাছে অতি সামান্য।

সতেরোই তারিখ নিকটবর্তী। তাদের 'মহিলা সমাজের' জরুরী অধিবেশনের সংবাদ কলকাতার কাগজ-গুলোতে ছাপা হয়ে বেরিয়ে গেছে। রবিঠাকুরের ছ'লাইন ফিকে আশীর্বাদ তাঁর সেক্রেটারীর মারফৎ ডাকে মল্লিকার হাতে এসে পৌঁচেছে। আমন্ত্রণলিপি চ'লে গেছে সভ্যদের কাছে। বাঙ্গালায় মহিলা-নেতা নেই, সুতরাং মল্লিকার ভবিষ্যৎ উজ্জ্বল। অল্-ইণ্ডিয়া থেকে বহু নেত্রীর শুভকামনা এসেছে পত্রযোগে।

'ইংলিশ এটিকেট' নামক বইখানা আত্মোপাস্ত মুখে মুখে অমুবাদ করে মল্লিকা হরিশোহনকে শোনালো। উৎসাহ ও উত্তম কেবল নয়—প্রাণের অজস্রতা মল্লিকার অসামান্য। দীর্ঘ সাতদিন ধরে সে ইংরেজি রীডারখানা হরিশোহনকে দিয়ে মুখস্থ করালো। শেষ দিন শেষ রাত্রে দিকে ঘুমে হরিশোহনের চোখ জড়িয়ে এলোও মল্লিকা তাকে ছাড়লো না। তার স্মরণশক্তির পরীক্ষা করতে লাগলো।

—আচ্ছা বলো, আঃ ঘুমিয়োনা বলছি?—বলো, ফুল্ মানে কি ?

হরিশোহন বললে, বোকা।

ডগ্ মানে কি ?

কুকুর।

হাসব্যাপ্ মানে কি ?

চাষা!

হোলোনা, হোলোনা—ঠিক করে বলো। হাসব্যাপ্ মানে ?

গাধা!—

আঃ কিছু মনে রাখতে পারো না তুমি। হাসব্যাণ্ড মানে, স্বামী। মনে থাকবে ত ? আচ্ছা, উইচ্ মানে কি ? জী।

মল্লিকা খিল খিল ক'রে হেসে উঠলো। বললে, ভাগ্যিস, এখানে কেউ নেই ? সব ভুলে মেরে দিয়েছ ? উইচ্ মানে ডাইনী, ওয়াইফ্ মানে জী। মনে থাকবে ? আচ্ছা, এবার ঘুমোতে পারো। রাত চারটে বাজে।

এর পরে সাজসজ্জা শেখানোর পালা। ভূতপূর্ব 'মহিলা-সমাজের' কল্যাণে বহু সমাজে আর পার্টিতে মল্লিকার যাতায়াত ছিল। তার মামার বিলাত যাওয়া উপলক্ষে সে পোষাক পরিচ্ছদ সম্বন্ধে অনেক জ্ঞানলাভ করেছিল। দেখেছে, পাশ্চাত্য সজ্জার সঙ্গে ওরিয়েণ্টাল্ রং মেশালে আদর পাওয়া যায়। ফ্যাশন বস্তুটার বনেদী ভিত্তি কম, প্রগতিশীল কল্পনার সঙ্গে ওটা আসে, নতুন ধাক্কায় আবার সে মার খেয়ে পালায়। মোট কথা, দৃশ্যত আকর্ষণীয় হওয়া চাই, চলতি যুগের সঙ্গে সঙ্গতি রাখতে পারলেই হোলো। মল্লিকা হরিমোহনকে সাহেবী পোষাকে ছরস্তু ক'রে তুললো। বাঁ হাতে কাঁটা ধরতে শেখালো, ডান হাতে চামচ। খাবার সময় প্রথম দফায় খেতে হবে সুপ—তারপরে যা কিছু। ফল-পাকড় যদি খেতে হয় তবে শেষকালে। চুস্ক দিয়ে যেন সুপ খেয়ে না—মল্লিকা সতর্ক ক'রে দিল—টেবল্ স্পুন্ পাকবে, ডান হাতে খেয়ে। আচ্ছা, স্পুন্ মানে কি ?

চাম্চে।

মল্লিকা সোপ্লাসে হেসে উঠলো—বাঃ এবার ত ঠিক হয়েছে ! এবার ঠিক পারবে তুমি। আর ভয় নেই, আমার ঠিক মুখ রক্ষে হবে। খুব সাবধান, আমার পুরুষ বন্ধুরা আসবে, তারা যেন হাসাহাসি না করে। তারা সব—

হরিমোহন বিস্মিত হয়ে বললে, পুরুষ-বন্ধু ?

হ্যাঁ, তারী' মহপাঠী ছিল। তা ছাড়া দু চারজনের সঙ্গে এমনি ভাব আছে। মিটিং ভাঙলে রাত্রে ত' আর মেয়েরা একলা যেতো না—অনেকের এস্কর্ট থাকতো, অনেকের বন্ধুও থাকতো।

লোককে নিন্দে করতো না ?

লোকনিন্দে ?—হাসিমুখে মল্লিকা বললে, গ্রাহ্য করতো কে ?

পাপ মনে হতো না ?

আ, কি যে বলো তুমি। ছেলেমেয়ে একসঙ্গে থাকলেই কি মন্দটা ভাবতে হবে ? মন্দ আছে মানুষের মনে, বাইরে সবটাই সুন্দর। এই ত বিজনের সঙ্গে আমি কতদিন কত জায়গায় বেড়িয়েছি, বলো আমার চরিত্র নষ্ট হয়েছে ? নীতি আর দুর্নীতির সীমারেখা কেউ টানতে পারে ? তা ছাড়া ভালোবাসা যদি হয়ই, মেয়েদের সতীত্ব কি এতই ঠুনকো ? —উজ্জলন্ত কটাফে হরিমোহনের প্রাণের দিগন্তব্যাপী বিদ্যাদাম ছুটিয়ে মল্লিকা চ'লে গেল।

বিমূঢ় হরিমোহন আতঙ্কে, অস্বস্তিতে, লজ্জায় আর অপমানে ব'সে ব'সে কাঁপতে লাগলো।

সতেরোই তারিখ সকালেও মল্লিকার ছুটি ছিল না। ছুটি না থাকলেও তার আনন্দ ছিল। হরিমোহন তার সকল পরীক্ষায় উত্তীর্ণ হয়েছে। এখন আর বিশেষ ভয় নেই, সভ্যসমাজে তাকে নিয়ে অন্তত মানহানি আর ঘটবে না। আচার্যকে ধ'রে এনে আজকে যদি সে হরিমোহনের উন্নতিটা দেখাতে পারতো !

সকালবেলা উঠে চা খেয়েই মল্লিকাকে ছুটতে হোলো। ভবানীপুরের এক মাঠে পাণ্ডাল্ তৈরি ক'রে সেখানেই আয়োজন করা হয়েছে। মফঃস্বল থেকে বহু মহিলা-ডেলিগেট এসে উপস্থিত হয়েছেন। হাজার দুই টাকা চাঁদা তুলতে মল্লিকার দলকে অনেক বেগ পেতে হয়েছিল। সমস্ত বন্দোবস্ত নিখুঁতভাবে সম্পন্ন ক'রে মল্লিকা যখন ফিরলো, বেলা তখন বারোটা বাজে। সন্ধ্যা সাতটায় সভার উদ্বোধন। সভাপতিনী হবেন—মহীশূরের বিখ্যাত মহিলানেত্রী।

আজ তার একটা প্রকাণ্ড সোভাগ্যের সূচনা। সভাপতিনীকে দিয়ে প্রকাশ্যে স্বীকার করিয়ে নিতে হবে, বাঙ্গালাদেশের নেত্রীত্বের মুকুট মল্লিকা মুখুন্ডের মাথায় পরাণো হোক। বাপের বাড়ীর মুখুন্ডো পদবীটাই তা'র বহাল থাক, বদলে দিলে নতুন নামে পরিচিত হ'তে সময় লাগবে। সমাজসেবায় আর জাতীয়তা প্রচারে বর্তমানে মল্লিকার দ্বিতীয় নেই। আজ সবসমক্ষে হরিমোহনকে স্বীকার ক'রে আসতে হবে, জ্ঞার গোরবে সে গোরবাঘিত।

পাঁচটার পরে মল্লিকা নিজের হাতেই হরিমোহনকে সাজাতে বসলো। কনকচাঁপা রঙের বিলেতী ঝাঁউঝাঁ

পরালো, ভিতরে শাদা রেশমের হাফ্ শার্ট, গলায় ব্রো-  
নেকটাই, চোখে পাওয়ারলেস্ পাস-নে, পায়ে চকোলেট  
রঙের ফিতে বাঁধা স্নু। বুক-পকেটে রেশমী রুমাল দিল  
দু ইঞ্চি তুলে। মাথায় ব্যারিষ্টরী হ্যাট। তারপর বললে,  
নাম জিজ্ঞেস করলে কি বলবে মনে আছে? ব'লো, মিস্টার  
হারি বোনার্জি। চমৎকার মানিয়েছে আজ তোমাকে।  
চলো না, অনেক সুন্দরী মেয়ের সঙ্গে তোমার আলাপ  
করিয়ে দেবো। ঈর্ষায় তারা জ্বলতে থাকবে, আর সেই  
ঈর্ষার বৃকের ওপর দিয়ে তোমাকে তুলে নিয়ে আসবো  
সুগোরবে। কেমন, ভালো লাগবে না? দেখো, আমার  
মাথা খেয়ো না যেন।—এই ব'লে নিজে সাজগোজ করতে  
যাবার আগে মল্লিকা বা'র বা'র আত্মচরিত্যর ভয় দেখিয়ে  
হরিমোহনকে হোটেলের রান্না পেয়াজ-রসুন ভরা চপ,  
কার্টলেট, মাংস ইত্যাদি খেতে রাজি করালো। আর কিছু  
নয়, তার কুসংস্কার ভেঙে দিতে হবে।

যেন একটা কঠিন অগ্নিপরীক্ষা আসন্ন। ভয়ে ভয়ে  
হরিমোহন চুপ ক'রে রইলো। তার অস্থির বৃকের ভিতরটা  
আজ সকাল থেকেই ধকধক করছিল। কিন্তু প্রতিজ্ঞা  
তাকে পালন করতেই হোলো, সে সত্যবাদী।

মল্লিকা আজ পরলো গৈরিকবর্ণের খদ্দের শাড়ী,  
ভিতরে রেশমী জামা—রক্তলেখাঙ্কিত। চোখে সূর্যটানা,  
মুখমণ্ডল গোলাপী পরাগে মোহমদির, দুই কাণে হীরার  
কুণ্ডল, হাতে আলপনা ডিজাইনের কঙ্কন, ঝলকে ঝলকে  
মাথার রুম্ব চুল হাওয়ায় ওড়ানো, পায়ে হীল্-তোলা লেডিস  
স্নু। বয়সের ভারে সবাঙ্গ কিছু আনত, ভঙ্গিটি কিছু  
ক্লাস্তির। বাঙ্গালার নেত্রী মল্লিকা।

ঘণ্টাখানেক পরে সে যখন ঘর থেকে বেরিয়ে এলো,  
একটি যুবক তাকে সোৎসাহে অভিনন্দন জানালো। বললে,  
আধঘণ্টা থেকে ব'সে আছি তোমার জন্তে, মল্লিকা।

মল্লিকা হাসিমুখে বললে, কেন, মিস্টার ব্যানার্জিকে  
দেখোনি?

দেখেছি, তিনি আমাকে বসিয়ে ওঘরে গেলেন। আঃ,  
অদ্ভুত মানিয়েছে আজ তোমাকে। স্প্রেণ্ড!

এমন সময় প্রশান্ত গভীর মুখে হরিমোহন এসে দাঁড়ালো।  
তখন তার গা বমি-বমি করছে। হাত বাড়িয়ে একটি ছোট  
চিঠি মল্লিকার হাতে দিয়ে বললে, এটা প'ড়ো এক সময়ে।

কিসের চিঠি?

কিছু না, এমনি।

আচ্ছা, পড়বো পরে। ওগো শোনো, এ আমার একটি  
বন্ধু, বন্ধুদের মধ্যে অন্তরঙ্গ—এর নাম সুব্রত সেন। আচ্ছা,  
বলো ত সুব্রত, ঠুকে এই পোষাকে কেমন মানায়?—মল্লিকা  
অধীর হয়ে উঠলো।

উচ্ছ্বসিত সুব্রত বললে, Oh, he's looking fine.  
কিন্তু তুমি—তুমি যে আজ এঞ্জেল, মল্লিকা? কেবল কি  
মিস্টার ব্যানার্জি? আজ অনেকের মাথা ঘুরে যাবে।

বমির বেগ সামলে হরিমোহন মনে মনে আওড়ালো,  
এঞ্জেল, এঞ্জেল মানে স্বর্গবাসিনী পরী, দেবদূত। এমন সময়  
নিচে ধর্মতলার রাস্তায় মোটরের শব্দ হতেই হরিমোহন  
ছড়িতা হাতে নিয়ে নিচে নেমে গেল। মল্লিকা সন্দেহ  
দৃষ্টিতে তার দিকে একবার তাকালো। আজ যেন  
হরিমোহনকে কেমন রহস্যময় মনে হচ্ছে। কিন্তু যতই  
হোক, সুব্রতকে আর একটু তার সমাদর করা উচিত ছিল  
বৈ কি। সামাজিক সৌজন্যটা তাকে শেখানো হয়নি বটে।

সুব্রত বললে, উনি যাবেন না সভায়, মল্লিকা?

যাবেন বৈ কি, নতুন পোষাক পরার আনন্দে গায়ে  
হাওয়া লাগাচ্ছেন একটু। মালুমটি একটু সেকলে, সুব্রত।

এমন সময় নিচে থেকে চাকর উঠে এলো। মল্লিকা  
তার বিরক্তি চেপে প্রশ্ন করলো, বাবু কোথায় গেলেন রে?

চাকর বললে, তিনি মোটরে উঠে চ'লে গেলেন।

কোথায়?

তা জানিনে, না।

সহসা চিঠির টুকরোর কথা মনে পড়তেই মল্লিকা হাতের  
মুঠো থেকে চিঠি খুলে পড়তে লাগলো। সুব্রত রইলো  
সামনে ব'সে, সে কিছু বুঝতেই পারলো না।

“কল্যাণীয়াসু,

তোমাকে চিরকালের জন্য পরিত্যাগ  
করিতে বাধ্য হইলাম। আমাকে ক্ষমা  
করিয়ো। আমার খোঁজ-খবর লইয়ো না।  
আমার সামাজিক ক্ষতি হইলেও তোমার  
হইবে না, এই আশা লইয়াই দূরে থাকিব।  
ইতি—

হরিমোহন

আসছি স্ত্রত, তুমি একটু বসো।—এই ব'লে মল্লিকা তার সকল প্রকার উত্তেজনা দমন করে, নিচে নেমে গেল। কিন্তু পথে মিলে ছরস্ত অধীর উত্তেজনায় সে একখানা ট্যাক্সির সন্ধান করে তার ভিতরে উঠে বসলো। বললে, চোরবাগান।

প্রতিটি মুহূর্ত অগ্নিফুলিঙ্গ নিবিড় জীবন্ত। উদ্ধাপিণ্ডের মতো মল্লিকা ক্রিপ্তোন্নত ক্রোধে ছুটে চললো। ওদিকে সভা উদ্বোধনের সময় আসন্ন, এদিকে তার সমগ্র জীবনকে ধরে ভাগ্যদেবতা একটি কঠিন মোচড় দিলেন। দেখতে দেখতে পাঁচ মিনিট—পাঁচ মিনিটের মধ্যেই মল্লিকার মোটর চোরবাগানের আচার্যদের বাড়ীর ফটকে এসে দাঁড়ালো।

গাড়ীর ভিতর থেকে ছিটকে পড়লো মল্লিকা, তার পর সোজা বাগান পার হয়ে আচার্য মহাশয়ের বৈঠকখানার দরজায় এসে দাঁড়ালো। স্তম্ভিত মুঢ়ের ন্যায় দেখলো, সাহেবী পোষাক পরা হরিমোহন আচার্য মহাশয়ের কোলে মাথা রেখে ডুকরে ডুকরে কাঁদছে—বিছানার চাদরের উপর একরাশি বমি। দুর্গন্ধে ঘর ভ'রে গেছে।

কঠোর কণ্ঠে মল্লিকা বললে, জানোয়ার মানুষ হয় না, আমার সব চেষ্টা ব্যর্থ। আমাকে তুমি ত্যাগ করবে এত বড় স্পর্ধা? ত্যাগ আমি তোমাকেই ক'রে যাবো।

হরিমোহন অশ্রুক্রকণ্ঠে বললে, দাদু, ওকে চ'লে যেতে বলুন।

আচার্য বললেন, না হরিমোহন, তোমার স্ত্রী। স্ত্রীর সকল ব্যবস্থা তোমারই হাতে।

বিদীর্ণ কণ্ঠে মল্লিকা বললে, আপনাদের হাত কুলে দেওয়া কোনো ব্যবস্থা আমি স্বীকার করবো না। কিন্তু আচার্য পরিবারকে আমি দেশের মাঝখানে অপমানে টেনে নামাবো, তবেই আমার নাম।

আশপাশে দেখতে দেখতে মল্লিকার চীৎকারে লোক জ'মে গেল। আচার্য মহাশয় হাত জোড় ক'রে মল্লিকার সামনে এসে দাঁড়িয়ে বললেন, ক্ষমা করুন নাৎ-বৌ দিদি...

ক্ষমা!—মল্লিকা টেঁচিয়ে উঠলো, আপনিই সব চেয়ে অপরাধী। নিরপরাধ একজন মেয়ের জীবনকে নিয়ে আপনি ছিনিমিনি খেলেছেন, মনে নেই?

বিপন্ন অপমানিত আচার্য ব্যস্ত হয়ে বললেন, আপনি চূপ করুন, ঝগড়া আমি মিটিয়ে দেবো। হরিমোহন, যাও তুমি তোমার স্ত্রীর সঙ্গে।

না।—মল্লিকা তিরস্কার ক'রে বললে, স্বামীস্ত্রীর সম্পর্ক মুছে দেবার জগুই আমি ছুটে এসেছিলুম। ক্ষমা আমি আপনাদের করব না। আদালতে আপনাদের যেতে হবে, সেখানে গিয়ে আমার উপযুক্ত পাওনা আপনারা দিতে বাধ্য হবেন। এই চিঠি আমার কাছে রইলো।

আগুনের শিখার মতো জ্বলতে জ্বলতে মল্লিকা যেমন এসেছিল, তেমনি আবার ছুটে গিয়ে গাড়ীতে উঠে চ'লে গেল।

## কলিকাতাষ্টক

শ্রী হিন্দু রায়

নমো নন্দা .ননঃ অর্পরূপ মম বিমাতা কলিকাতা,  
গঙ্গার জল, স্নিগ্ধ শীতল, ঠাণ্ডা করিলে মাথা।

ট্রাম্-বাস্-ঘন পথে অগণন ট্যাক্সি উড়ায় ধূলি,  
ধেয়ে এসে পুড়ে ঘাড়ের উপরে বড় বড় লরীগুলি ;

দীঘি-লেক-ধার, রেস্তোরাঁ বার, ছায়া-বাগী-নাটগেহ ;  
নিতুই নূতন পড়শী সৃজন, কার তরে কার মেহ ?

য্যারিষ্টোক্রাটিক বাবু সঙ্গীক সিনেমা দেখিরা কিরে ;—  
মা'র কোল তরে ধরে কেঁদে মরে, কি ভূলায় শিশুটিরে।





# যন্ত্রবর্জিত শিল্পবাণিজ্য কি সম্ভব ?

শ্রীমনোরঞ্জন গুপ্ত বি-এসসি

পৃথিবীব্যাপী এই মহাযুদ্ধে ভারতবাসীর মনে এই প্রশ্ন উখিত হইয়াছে যে যন্ত্রসভ্যতা যখন বর্তমান কালের সকল অশান্তির হেতু, তখন যন্ত্রবর্জন করিয়া মহাত্মা গান্ধী প্রচারিত কুটীরশিল্প অনুসরণ কি যুক্তিযুক্ত ও সম্ভব নহে ?

এই প্রশ্ন বর্তমান কালের প্রত্যেক মানুষের জীবনের সহিত জড়িত। সভ্যতার সংজ্ঞার্থ লইয়াই এখন সংশয় উঠিয়াছে। একদা যন্ত্রসভ্যতার ক্রমোন্নতিকেই সভ্যতার বিকাশরূপে গ্রহণ করা হইত। কিন্তু বর্তমানে উহাতে মানুষের মন বিকল হইয়া উঠিয়াছে। মানুষ বিজ্ঞানের বলে তুচ্ছ তৃণখণ্ড হইতে অমিত তেজ সংগ্রহ করিয়া তাহা ভ্রাতৃহনে নিয়োজিত করিয়াছে, মানব মনের সকল ছন্দের নিয়মাবলী উদঘাটন করিয়া স্নেহ, প্রেম ও ভক্তির তাৎপর্য নির্ণয় করিয়াছে। কিন্তু সুখ পায় নাই, শান্তি দূরে চলিয়া গিয়াছে, কেবল সভ্যতার স্বরচিত আবর্তের মধ্যে কেল্লাচাত নক্ষত্রের মত মানুষ সহসা প্রচ্ছলিত হইয়া নিশ্চিহ্ন হইয়াছে।

কিন্তু ইহা হইতে নিষ্কৃতি কোথায় ! যে অবতার পৃথিবীর সমস্ত জীবিত বস্তু মুছিয়া ফেলিয়া নূতন জীবিত বস্তু সৃজন করিবেন তাহার জন্ত কি অপেক্ষা করিয়া রহিব ? যদি সে কল্পনা নিরর্থক হয়, অথবা অপেক্ষা না সহ্যে, তবে বর্তমান পৃথিবী লইয়াই আলোচনা করিতে হইবে। আমরা তাহাতেই প্রবৃত্ত হইলাম।

আমাদের সম্মুখে প্রশ্ন এই যে কি উপায়ে যন্ত্রশিল্প বর্জন করিয়া কুটীর শিল্পকে গ্রহণ করিতে পারি ? এই প্রশ্নের সম্মুখীন হইবার পূর্বে প্রথমে ইহাই স্থির করিয়া লওয়া সঙ্গত যে কুটীরশিল্প কাহাকে বলে ?

গাঙ্কিলী প্রভাবাধিত গ্রাম-উজোগ-সংঘ কাগজ তৈরী, তৈল নিষ্কাশন, চামড়া, সাবান, মধু, গুড় ইত্যাদি কে কুটীর শিল্প বলিয়া অনুসরণ করেন। দেশীয় মাটির খেলনা, ঢাকার ঝিনুকের বোতাম, টাঙ্গাইলের তাঁতের সাড়ী, ককনগরের পুতুল, বর্ধমানের সোলা ও রাঙের সাজ, বাগমারীর ঢাকাই সাবান, উপটাডাঙ্গার কেরোসিনের কুপী ও নারিকেলডাঙ্গার কাঁটা-পাল্লা তৈরীকে অনেকে কুটীর শিল্প আখ্যা দেন। কেহ কেহ বিদেশী হুতার লাছি হইতে গুলিসূতা ও সালফিউরিক এসিডের সাহায্যে হাঁড়িতে করিয়া নাইটিক এসিড তৈরীকেও কুটীর শিল্প বলিতে প্রস্তুত। এখন এই সকল বস্তুর উপাদান বিষয় কিঞ্চিৎ আলোচনা করা যাক।

কাগজ তৈরী করার জন্ত প্রয়োজনীয় কাগজ ও রিচিং পাউডার, তৈল নিষ্কাশন যন্ত্রের জন্ত কয়েকটি ধাতব অংশ, চামড়া পাকা করার জন্ত কয়েকটি রাসায়নিক দ্রব্য, সাবানের জন্ত কাগজ ( সাজিমাটি হইতে এই

কার তৈরীর যন্ত্র চলিতেছে ), গৃহপালিত মৌমাছিব কৃত্রিম ঢুকের জন্ত খনিজ মোম, গুড়ের জন্ত প্রয়োজনীয় রাসায়নিক বস্তু বৃহৎ যন্ত্রশিল্প হইতেই উদ্ভূত। দেশীয় খেলনার রং, ঢাকার ঝিনুকের বোতাম তৈরীর যন্ত্র, উহা প্যাক করার হুতা, রাংতা ও বাস এবং স্ক্রলের লেবেল, টাঙ্গাইলের তাঁতের সাড়ীর হুতা ও প্যাটার্ণ কার্ড, ককনগরের পুতুলের রং, বর্ধমানের সাজের রাং, ঢাকাই সাবানের কাগজ, কেরোসিনের কুপীর সমস্ত উপকরণ, কাঁটা-পাল্লার ধাতু সবই বৃহৎ যন্ত্রশিল্প হইতে পাওয়া যায়। লাছি হুতা ও সালফিউরিক এসিড তৈরীর যন্ত্রের মূল্য অন্তত লক্ষ টাকা।

হুতরাং যন্ত্রশিল্পবর্জিত কুটীর শিল্প কোথায় ? কি উপায়ে, অলঙ্কে, কোন্ প্রলোভনে বা প্রয়োজনে এমনি করিয়া কুটীর শিল্পের জাতি নষ্ট হইল ? নষ্ট যখন হইয়াছেই তখন ইহা স্বীকার করিয়া লওয়া কর্তব্য যে ইহা কালধর্ম। নূতনতম অভাব সৃষ্টি, তাহা পূরণের বাহা ও তৎসংগে চেষ্টা, বাস্তব-জীবন অনুসরণকারী মানুষের পক্ষে ইহাই তাহার জীবন। সেই স্বাভাবিক পরিণতির সূত্র ধরিয়াই কুটীর শিল্প ও যন্ত্রশিল্প অস্বাভাবিকভাবে মিশিয়া গিয়াছে। বাস্তব জীবনে ও শিল্পক্ষেত্রে বস্তুতই কুটীর শিল্পের যন্ত্রশিল্প বর্জিত কোন পৃথক সত্তা নাই।

তবে কোন উপায়ে এই বিবিধ শিল্পের সংজ্ঞার্থ নির্ণয় করা যাইবে ? আমাদের মনে হয় যে, যে কারণে আধুনিক মানুষ যন্ত্রশিল্পকে বর্জন করিয়া কুটীর শিল্পের পক্ষপাতী হইতে চাহিতেছে তাহাতে কুটীর শিল্পের নূতনতম সংজ্ঞার্থ হওয়া আবশ্যিক। এই সংজ্ঞার্থ এইরূপ যে, যে শিল্পে বহু শ্রমিক ও বহু অর্থ নিয়োজিত নহে এবং বহু দ্রব্য যন্ত্রবলে প্রস্তুত হইতেছে না তাহাই কুটীর শিল্প। এইরূপ দ্রব্য যে শিল্পীর স্বকীয় দক্ষতা ও নৈপুণ্যের উপরই অনেকখানি নির্ভর করিবে তাহা স্পষ্টই দেখা যাইতেছে। হুতরাং এই সব বস্তু ক্রেতাসাধারণের পণ্য হইবার যোগ্যতা অর্জন নাও করিতে পারে। উহা পটুয়া বা শিল্পীর রচনা হইলে ( as an work of art ) অপেক্ষাকৃত কম ক্রেতার পণ্য হইবে মাত্র। উহা দ্বারা ব্যক্তিগত ভাবে বা বিশেষ বিশেষ ব্যক্তির প্রাসাচ্ছাদন চলিতে পারে বটে, কিন্তু ব্যবসায় হিসাবে উহার প্রচলন প্রবল প্রতিযোগিতার মুখে অতীব কঠিন। ছুই চারিজননের পরিবারের রান্নাবান্না যেমন তেমন করিয়া চলিয়া যায়। কিন্তু বৃহৎ যন্ত্রে লাগে বৃহৎ ব্যবস্থা ( organisation )। ঠিক তেমনই অল্প পরিসর বিচ্ছিন্ন স্থানে ( যেমন সভ্যতার আদিযুগে ছিল ) কুটীর শিল্পই প্রয়োজনীয় দ্রব্য যোগাইতে পারে, কিন্তু বিচ্ছিন্ন অংশগুলি সংযুক্ত হইয়া ভারতের স্তায় বৃহৎ দেশে পরিণত হইলে অপেক্ষাকৃত বড় ব্যবসায়িক ব্যবস্থাই ( organisation ) যে প্রয়োজন তাহাতে আর সংশয় কি

আসি

এদের আলোচনা লইয়া আমরা অগ্রসর হইয়া আসিয়াছি তাহার একাংশের সমস্তা এই যে, যন্ত্রকে যদি মানুষের মঙ্গলের জন্য প্রয়োগ করিতে না পারা যায় তবে কি যন্ত্রপূর্ব্বযুগে ফিরিয়া যাওয়া সম্ভব? সাধারণ জীবন যাপনের (plain living and high thinking) গুণাবলী বর্ণনা করিয়া একটা আলোচনা, লেখা ও অনুশীলন একদা এই জগতে প্রচলিত ছিল। সে আলোচনা এখন কচিং দেখিতে পাওয়া যায়। ক্রীড়াশিশু যেমন খেলার নূতন পুতুল ভাঙিয়া তখনি আবার নূতনতর পুতুল খাঁজে, তেমনি করিয়া প্রকৃতির বড় শিশু এই মানুষ নূতনতর খেলার সামগ্রীতে এখন মন সমর্পণ করিয়াছে। এই খেলা অনুসরণ করিয়াই মানুষ যন্ত্রপূর্ব্বযুগ হইতে যন্ত্রযুগে আসিয়াছে। আবার এই খেলা অনুসরণ করিয়াই মানুষ আধুনিক যন্ত্রযুগকে পশ্চাতে কেলিয়া যাইবে।

উল্লিখিত কল্পনাবিলাসী বাক্য ছাড়িয়া দিয়া উহাকে বাস্তব ক্ষেত্রে প্রয়োগ করিয়া দেখা যাক্। যন্ত্রসম্ভ্যতার মাপকাঠিতে ভারত পশ্চাতে এবং যুদ্ধরত দেশগুলি উহাতে অগ্রবর্তী। যুদ্ধশেষে ইহারা যন্ত্র লইয়া কি করিবেন, পরিত্যাগ করিবেন—কিন্তু অধিকতর যত্ন করিবেন ভবিষ্যত তাহা নির্ণয় করিবে। তাহাদের মত আমরা যন্ত্রের শিক্ষা বা শাসন ততখানি মনে প্রাণে গ্রহণ করিতে পারিব না। তবু আমরা কি যুদ্ধরত দেশগুলির অনুসরণ করিব? ইচ্ছা করিলেও সর্বতোভাবে তাহাদের অনুসরণ আমরা করিতে পারিব না। সুতরাং এই প্রশ্ন অসীমসিত রহিলে ক্ষতি নাই।

কিন্তু সমগ্র ভারতবর্ষের প্রায় সমগ্র যুবক সম্প্রদায়ের বৃত্তিহীনতা দারুণ ক্ষতি ও অসহনীয় অপচয়। পৃথিবীর অগাধ যন্ত্রশিল্পী ও জাতির সহিত সম্পর্কযুক্ত এই ভারতে যন্ত্রশিল্প ভিন্ন অস্ত্র কোন কার্য কি এত অধিক সংখ্যক ভারতবাসীকে বৃত্তি প্রদান করিতে পারে? গ্রাসাচ্ছাদনের অভাব, তৎকালে সমাজ বন্ধনের শিথিলতা এবং অফুরন্ত অবসরের দুশ্চেষ্টতা সমগ্র জাতির সর্বনাশ সাধন করিতেছে। কর্ম্মীর দেহ, মন ও অনুভূতি অন্তর্হিত হইয়া অতি ধীরে, গোপনে ভারতবাসীর কর্ম্মশক্তি ও চরিত্র তমসায় আচ্ছন্ন হইতেছে। নানা প্রশ্ন ও বিচিত্র সমস্যায় আমাদের চিত্ত বিক্ষিপ্ত, মন উদ্ভ্রান্ত এবং দৃষ্টি যেন আচ্ছন্ন না হয়। আমরা আমাদের

দুর্দৃশা বুচাইব। এজন্ত বিদেশের স্বার্থে স্বার্থাঘিত রাজশক্তির প্রভুর বর্জিত স্বাধীনতাই যে আমাদের অত্যাগ্ৰহণ্যক তাহা যেন আমরা বিস্মৃত না হই।

বস্তুত যন্ত্রযুগে শিল্পসব্যোর প্রতি আমাদের বিরূপতা নহে। আমাদের বিরূপতা যন্ত্রশিল্পীদের ক্রমবর্ধমান অর্থলোভের বিরুদ্ধে। এই লোভ শিল্পসব্যোর বিমিত্রে যন্ত্রশিল্পহীন দেশগুলির ধন, কর্ম্মশক্তি ও চারিত্রিক বল হরণ করিয়া লয় এবং দৃষ্টি অস্ত্র বিক্ষিপ্ত করিয়া দেয়। সুতরাং যে সকল দেশে যন্ত্রশিল্প প্রসার লাভ করে নাই এবং বিদেশীর লোলুপতা রোধ করিতে অসমর্থ সে সকল দেশ পরোক্ষে মানব সম্ভ্যতার অনিষ্টই করিতেছে।

“অত্যাচার যে করে আর অত্যাচার যে সহে,

তব ঘৃণা তারে যেন তৃণসম দহে।”

এই যুক্তি ভারতবর্ষ সম্বন্ধে প্রয়োগ করিলে ইহাই প্রতিশ্রুত হয় যে এদেশে যন্ত্রশিল্পের প্রসার অচিরে আবশ্যক এবং তজ্জন্ত অতিপ্রয়োজনীয় রাজশক্তির রশ্মি আমাদেরিগকে অতি সম্বর স্বহস্তে গ্রহণ করিতে হইবে।

সকল দিক হইতে বিচার করিয়া ক্ষমতাশীল প্রত্যেক ভারতবাসীর নিকট উপরোক্ত যুক্তি প্রতিশ্রুত হইলে এবং আত্মস্বার্থ, দলের স্বার্থ ও মতবাদের স্বার্থ সমুদয় বিসর্জন দিয়া সকলে সম্মিলিত হইলে জনচেতনার দৃঢ়তায় শৃঙ্খল মোচিত হইবে। অস্ত্রাধা দেশের নিয়ন্তৃগণ তমসাবৃত দৃষ্টিতে দেখিয়া এমন সকল আইন ও ব্যবস্থা রচনায়াই সময়, বুদ্ধি, অর্থ ও উৎসাহ ব্যয় করিবেন যদ্বারা বিদেশী যন্ত্রশিল্পীর লোলুপ স্বার্থ কিছুমাত্র স্পর্শিত না হয়।

বস্তুত স্পষ্টই দেখা যাইতেছে যে এদেশের বিদেশী শাসকগণ এমন সকল রকম আইন গ্রহণ করিতেই প্রস্তুত বাহা তাহাদের স্বার্থকে স্পর্শ করে না। এই ভাবে আমাদের দেশের লোকের চিত্ত বিক্ষিপ্ত ও শ্রেণীগত বৈষম্য সৃষ্ট হওয়াতে যে আত্মবিরোধ উৎপন্ন হইতেছে তাহা আমাদের জাতীয় জীবনের তথা মানব সম্ভ্যতার অন্তরায়। বাহ্যিক মনোহর-দর্শন এই মুখোস খুলিয়া আমরা সকলে সম্ভ্যতার এই ময়-বীভৎসতা যেন চিনিতে পারি।





## অগোচর

( গান )

শ্রীপ্রভাতসমীর রায়

চোখে তোমার পাই না দেখা,  
 ঘুমিয়ে থাকো বুকের তলে ।  
 দিই না সাড়া তোমার ডাকে  
 শুনি তবু পলে পলে ।

ভোরের আলোয় তোমার ছবি  
 নিত্য আঁকে অরুণ রবি,  
 বেলা-শেষে জাগে বনে  
 সবুজ শোভা ফুলে ফলে  
 দিই না সাড়া তোমার ডাকে  
 শুনি তবু পলে পলে ।

দিন ফুরালে ধূসর সাঁঝে  
 তোমার প্রেমের বাঁশি বাজে  
 হাসির মাঝে পাই না তোমায়  
 পাব বুঝি চোখের জলে !

## অন্তঃশীলা

( গান )

শ্রীনিশিকান্ত রায়চৌধুরী

অশ্রু আমার গোপন গতির...  
 নদীর নীরব লীলায় চলে ।  
 নয়ন শাখের ফুল ঝরে মোর  
 একলা মায়ের পায়ে জলে ।

ব্যথার সিঁদ্ধ তলে মগন  
 রতন হ'ল আঁখি বধন  
 বিন্দু বিন্দু সলিলে তার  
 তখন অমল মুক্তা ফলে  
 সেই মুকুতার মালায় মায়ের  
 অর্থ সাজাই পলে পলে  
 কান্দন আমার মায়ের কোলের  
 বাঁধনহারা পবন পেয়ে  
 সূদূর নীলে মিলিয়ে যাওয়া  
 পাখির মতন উঠল গেয়ে ।

কাল-ভোলা মোর কান্নাধারায়  
 দিন-রজনী কখন হারায়  
 সূর্য তারা কখন ওঠে  
 কখন যে ~~স্বপ্ন~~ অস্তাচলে !

স্বর ও স্বরলিপি : শ্রীদিলীপকুমার রায়

একতালা

II রাঁ মীরা মা | পা সঁণা সঁ | গঁদা গঁদা পা | দা পদা কঁপা | মগা মগা মগা | গঁদা গঁদা মগা  
চোখে - তোমা র পা ই না দে খা - যু মি য়ে খা - কো  
ম - শ্র আ মা র : গৌ প ন গ তি র ন দী র নী র ব

+ কঁদা মগা মা | গঁদা গঁদা সা | সা না মগা | গা ধা গা | সা রা গা | মা পদা কঁপা  
বু কে র ত - লে দিই - না সা - ডা তো মা র ডা কে -  
লী লা য চ - লে ন য ন শা - পের ফু ল ঝ রে যা য

পা সঁণা সঁদা | পা মজ্জা মগা | গঁদা গঁদা গা | দা পা সা II

শু নি - ত বু - প লে - প লে -  
এ ক লা মা য়ে র পা য়ে র ত লে -

মগা - - | - মগা মা | পপা - - | - পক্ষা পা | গা - গা | - দপা দা |  
ভোরে - - র আ লোয় তোমা - - র ছ বি নি - ত্রা - আ কে  
ন্যাখা - - র সিন্ ধু তলে - - - ম গন র ত - ন হো লো

পমা পা কঁপা | কঁপা মগা মা | মা ধা - | মধা গঁদা সঁ | গঁদা সঁণা সঁণা | মপা গঁদা গঁদা |  
অ ক ং - র বি বে লা - শে - যে জা - গে ব নে -  
আ খি - - য খন বি ন্ ছ বিন্ - ছ স লি - লে তা র

পমা পা কঁপা | গমা পদা দা | সঁণা দপা মপা | গঁদা পমা গমা | গমা পদা পা | পদা গঁদা গা |  
স বু জ শো - ভা ফু - লে ফ - লে দিই - না সা - ডা  
ত খ ন অ - মল মুক্ - তা ফ - লে সেই - মু কু - তার

রাঁ সঁণা ধগা | সঁ গঁদা পমা | গা পমা পমা | মা গঁদা গঁদা | পা মগা মগা | মা গঁদা গঁদা |  
তোমা ০র ডা কে - শু নি - ত বু - প লে - প লে -  
না লা ০য় না য়ে ০র অ র্ য সা জা ই প লে - প লে -

পা দা দা | পা গা গা | পা সঁ - | সঁ সঁ - | জঁ রাঁ - | সঁণা ধা গা |  
দি ন কু রা - লে ধু স র সঁ ঝে - তো মা র প্রে - মের  
কা ল ভো লা নো র কা ন্ না ধা রা য দি ন র জ - নী

রাঁ সঁ - | গঁদা পা দা | মা ধা - | গা - সঁ | রাঁ - গা | দা - পা |  
বা শি - বা - হা সি র মা - পা ই না তো - মায়  
ক ধ ন হা - ঝায় শূ র য তা : রা : ক ধ ন ' ও - তে

গা - দা | পা - মা | পা গা মা | গা গা মা | গমা পদা' পা | পদা গমা গা |  
 পা - ব বু - বি চো খে র জ - লে দিই - না সা - ডা  
 ক খ ন যে - যায় অ স্ তা চ - লে আ - মার জী - বন !

রা' স' গা ধনা | স' গদা পমা | গা পমা পমা | মা গদা গদা | পা ম' গা ম' গা | মা গমা পমা |  
 তো মা ০র ডা কে - শু নি - ত বু - শ - লে - প - লে  
 ম র ০গ ডু বা ই আ মা র চো খে র গ ভী র জ - লে

দা পা - | মগা - মা | সা গরা গা | - পা মা | মা ধা দধা | দধনা গা গা |  
 কা' দ ন আ - মার মা যে - র কো লের বা ধ - ০০ন হা রা

ধা দধা দধা | গধপা মগা মা | মা ধা - | গা রা' স' | গা ধা স' গা | দা পা' দমা |  
 প র - ০০শ পে যে সু দূ র নী - লে মি লি যে যা ও যা

পা মগা মা | জ্ঞা রা জ্ঞা | সা গা গা | গদা গদা পা |  
 পা থি র ম - তন উ ঠ ল গে - য়ে

শ্রীমান প্রভাত সমীরের গানটিতে ভৈরবী জোনপুরি ও বাগেশ্বরী তানাদি লাগানো চলবে ভাবের সঙ্গে মিলিয়ে। কবি নিশিকান্ত এ গানটির মূল মানে একটি গান বাধেন সোটিও দেওয়া হ'ল—ঐ মূরেই গাওয়া চলবে, কেবল মাঝে চারটি নতুন চরণ জুড়ে দিয়েছেন তিনি তার, স্বরলিপি শেষে দেওয়া হ'ল আলাদা করে। ইতি শ্রীদিলীপকুমার রায়।

## ভুলের জীবন

কবিশেখর শ্রীকালিদাস রায়

কাজ নেই আজ হাতে  
 অবসর পেয়ে স্মৃতিগুলি জাগে মানসের আঁখিপাতে।  
 আজি সন্ধ্যায় ব'সে ব'সে ভাবি গত জীবনের কথা,  
 যতদূর আঁখি যায় তত দেখি বার্থতা, ব্যর্থতা !  
 ভুলে ভুলে সারা জীবন শাহারা ক'রে ওঠে হাহাকার,  
 ফুলে ফুলে ওঠে উষ্ণ বাতাসে বুকখানি বারবার।  
 শৈশবে ভুল করিয়া ভুগেছি যৌবনে অভিশাপ,  
 অলকার ভুলে রামগিরিশিরে করিয়াছি অহুতাপ।  
 যৌবনে পুন ঘুরিয়া মরেছি নূতন নূতন ভুলে,  
 ভ'রে গেল শির ভুল ঘোরে নোর ভোলার ধুতুরা ফুলে।  
 এমনি করিয়া কাটিয়া যাইল আয়ুর অর্ধশত,  
 আজি ভোলানাথে শুধাই কেবল এ ভুল করিব কত ?  
 ভুলে ভুলে ঠেকে ঠেকে,  
 গুনি লোকে কয়, সাবধান হয় কতই না তারা শেখে।

কোন অভিশাপ শিরে ধরি পাপ জনম লভেছি আমি,  
 ভ্রমের ভূধর হইতে চেতনা-ধারাটি এলো না নামি'।  
 একভুল হ'তে জনমে হাজার রক্তবীজের মত,  
 যত বাড়ে কাজ, তত পাই লাজ, ভুল বেড়ে যায় তত।  
 আজি সন্ধ্যায় বসি,  
 ভাবি এ জীবনে ভুলের কারণে, আর কেহ নয় দোষী।  
 ভুল ধারণায় অভ্যাস বশে মিছে দু'ধি বিধাতায়।  
 আপনারে আজি কঠোর দণ্ডে দণ্ডিতে সাধ যায়।  
 আজি ভাবি হায় ভুল ক'রে মিছে দুঃস্বপ্নে দিয়াছি দোষ,  
 কারো'পরে আজ নাই অভিযোগ; কারো প্রতি নাই রোষ।  
 সবার নিকটে আজি এ জীবন বার বার ক্ষমা চায়,  
 ধিক্কৃত প্রাণ ধূলায় লুটায় আজি এই সন্ধ্যায়। —  
 শত ব্যথা তাপ সকল দস্ত এ শিরে আনুক নামি !  
 সকলি সহিব, নহি বিধাতার ক্ষমার পাত্র আমি।

আজি সন্ধ্যায় ভাবি  
 স্বপ্নাত সলিলে ডুবিলে নেইক রেহাই পাওয়ার দায়ি।

# স্বাধীন বৈষ্ণবরাজ্য মণিপুর

শ্রীনিত্যনারায়ণ বন্দ্যোপাধ্যায়

ভেতরের ঘাঘাবর চঞ্চল হয়ে উঠল। কৰ্মমুখর সহরে আবহাওয়া তার শ্বাসরোধের উপক্রম হয়েছিল, তাই সভ্যতার ছিঁড়ে প্রকৃতির শ্বামল কোলে কিছুদিন বিশ্রামের জন্ত সে অস্থির হয়ে উঠেছিল। কিন্তু সভ্য কন্যা তার লাভ-লোকসানের খাতা সামনে ফেলে পথরোধ কোরে দাঁড়াল। শেষে রফা হোল লম্বা নয়—ছোট্ট ছুটা।

বন্ধু একদিন ঠাট্টা কোরে বোলেছিল “Himalayas in and across ত লিখেছ, কিন্তু মণিপুর গেছ?”

লজ্জার সঙ্গে স্বীকার কোরেছিলুম “না”

“কেন আসামের পর্বতমালা কি হিমালয়ের সামিল নয়? মণিপুরের এত নাম শোনা যায়, এ নাকি দ্বিতীয় কাশ্মীর; এখানে ঘাও নি, আর হিমালয় ভ্রমণের দস্ত”। খোঁচাটা মনে বিঁধেছিল। তাছাড়া সম্প্রতি নানাভাবে মণিপুরের নিপুণ নৃত্যকলা ও সংস্কৃতির যে সব আলোচনা চোলেছে, তাতে প্রথমেই মন মণিপুরের দিকে আকৃষ্ট হ'ল।

মণিপুর রোড রেল স্টেশন থেকে ১৩৩½ মাইল পাহাড় ভেঙ্গে বাসে মণিপুরের রাজধানী ইম্ফাল পৌঁছতে হয়। কোলকাতা থেকে ই. বি. আর-এর পাণ্ডু স্টেশন হোয়ে মণিপুর রোড পৌঁছন যায়, আবার এ. বি. আর-এর আধাউরা স্টেশন থেকে লামডিং পর্যন্ত যে পার্কত্যা রেলপথ গিয়েছে সেখান দিয়েও যাওয়া যায়। এই পার্কত্যা পথের প্রাকৃতিক সৌন্দর্য সুন্দর বোলে এই পথটাই বেছে নিলাম। আমি ও বন্ধু বেণু জুলাই ( ১৯৪০ ) মাসে যাত্রা কোরলাম।

যাঁরা পথ না হেঁটে স্মারামে পার্কত্যা দৃশ্য উপভোগ কোরতে চান তাঁদিগকে এই রেলপথটুকু বেড়াতে অহুরোধ করি। চন্দ্রনাথপুর থেকে লাংটিং পর্যন্ত সুদীর্ঘ ৭৮ মাইল রেলপথ পাহাড়ের বেড়াঝালের মধ্যে এঁকে বেকে সর্পিল গতিতে চোলেছে—কখনও পাহাড় ভেদ কোরে, কখনও পাহাড়ের কোলে কোলে, কোথায় ধরস্রোতস্বিনীর বৃকের ওপর দিয়ে। দুধারে নিবিড় জঙ্গল, বর্ষায় তার ভেতরে সত্যিই রোদ্র মাথা গলাতে পারে না। সূচীভেদ অন্ধকার।

কোথাও দুধারে খাড়া পাহাড় উঁচু হোয়ে দাঁড়িয়ে, মনে হয়, হয়ত এখুনি ছড়মুড় কোরে গাড়ীখানা পিষে ফেলবে। এই দীর্ঘ পথের দুধারের ঘন জঙ্গল খাপদসঙ্কুল। বাঘের সংখ্যা এখানে বেশ, তবে আসামের জঙ্গলের বাঘ মানুষ থেকে নয়, কিন্তু সুবিধামত পেলে বৈরাগ্য নেই। এই জঙ্গলে সব চেয়ে ভয়ের জিনিষ হাতী। কয়েক বৎসর পূর্বেও দলবদ্ধ হাতী লাইনের ওপর দাঁড়িয়ে ট্রেনের গতিরোধ কোরেছে, মাঝে মাঝে স্টেশনের ঘরবাড়ী ভেঙ্গে দিয়েছে, ট্রেনের পেছনের লাল আলো গুঁড় দিয়ে ছাড়িয়ে নিয়েছে। হাতীর উৎপাতের জন্তই এদিকে লাইনের পাশের দূরত্বজ্ঞাপক চিহ্নগুলির গায়ে লোহার কাঁটা দেওয়া যাতো গুঁড় দিয়ে সহজে না তুলে ফেলতে পারে। এই সব জঙ্গলের মাঝে মাঝে পাহাড়ের গায়ে নাগা'দের বস্তী। এরা স্টেশন বা নীচের বাজার থেকে দলবদ্ধভাবে নিজেদের গ্রামে যাওয়া আসা করে, আত্মরক্ষার জন্ত ধারাল অস্ত্র কাছে রাখে—আর পর্যায়ক্রমে “ভম ভম” কোরে একরকম শব্দ কোরতে কোরতে চলে, যাতে বাঘও ওদের কাছে ঘেঁষতে সাহস করে না; ওরাও বাঘকে বিশেষ গ্রাহ্য করে না। কিন্তু পাহাড়ী সরু রাস্তার সামনে হাতী দাঁড়ালেই এরা প্রমাদ গণে। নিজেদের দল বা হাতীয়ার সবই হাতীর কাছে অকেজো, এরা তখন হাঁটু গেড়ে করজোড়ে হাতীরূপী গণেশ দেবতাকে স্তবস্তুতি করে। অধিকাংশ ক্ষেত্রেই এতে হাতী নাকি পথ ছেড়ে দেয়, কারণ হাতী স্তুতি বা গালাগাল অতি সহজে বুঝতে পারে। গুণ্ডা হাতীগুলো অবশ্য গুণ্ডামীই ভাল বোঝে। মাঝখানে সর্বাঙ্গ কালো এক রকমের হনুমান দেখলাম। কয়েকটা জায়গায় লাইন এমন এঁকে বেকে গেছে যে, যে স্টেশন পাহাড়ের ওপরে বা নীচে পেছনে ফেলে এল, আবার ঘুরে সেখানেই এসে গাড়ী দাঁড়াল। এত সর্পিলগতিতে রেলপথ, এই দুর্গম পর্বতশ্রেণী অতিক্রম কোরেছে যে অধিকাংশ জায়গাতেই গাড়ীর পেছনে বোসলে থাকের পারে সামনের ইঞ্জিন


দেখা যায় না। ভারতের পশ্চিম প্রান্তের পাহাড়ের সঙ্গে পূর্ব প্রান্তের এই পাহাড়গুলির বিচিত্র বৈষম্য। পশ্চিমের পাহাড়গুলি তাদের কোলের অধিবাসীদের মতই নিষ্করণ, রুক্ষ, রসলেশহীন, উন্নতবপু, আর পূর্বের পাহাড়গুলি লোকগুলির মতই সরস, অপেক্ষাকৃত খর্ব, এদের তরুলতার আচ্ছাদনে যেন সংসারের মায়া জড়ান, জীবজন্তুর আশ্রয়স্থল, অতিথিবৎসল।

সারাদিন রাত্রি ট্রেনে বনজঙ্গল পাহাড়পর্বতের মাঝ দিয়ে ৩৭টি সুড়ঙ্গ ফুঁড়ে হাঁপাতে হাঁপাতে পরদিন বেলা প্রায় ১১।০টায় গাড়ী লামডিং জংসনে পৌছল। এই সুড়ঙ্গগুলির মধ্যে সর্বাপেক্ষা লম্বা সুড়ঙ্গটির (২২ নম্বর) দৈর্ঘ্য ১৯০০ ফিট। লামডিং থেকে গাড়ী বদল কোরে বেলা প্রায় তিনটের সময় মণিপুর রোড পৌছলাম। স্টেশনটার নাম মণিপুর রোড, কিন্তু আসলে জায়গাটার নাম ডিমাপুর। এটা একটা ছোট ব্যবসাকেন্দ্র। যখন মণিপুর থেকে চাল, লক্ষা প্রভৃতি রপ্তানী হয় তখন জায়গাটা একটু কর্মচঞ্চল হোয়ে ওঠে, এখন যেন নির্জীব। কয়েকটা দোকান আছে, অধিকাংশই মাড়োয়ারীর; মাত্র দু'একটা ছোট বাঙ্গালীর দোকান আছে। মাড়োয়ারী ও মণিপুরী হোটেল আছে, তবে তা খুব উঁচু ধরণের নয়। এখানে ডাক্তারখানা, থানা, পোস্ট ও টেলিগ্রাফ অফিস, ডাকবাংলা আছে; স্টেশনে কেলনারের একটা অচল ষ্টল আছে। আমরা ডাকবাংলায় উঠলাম। দক্ষিণা বেশ—মাথা পিছু চব্বিশ ঘণ্টায় দেড় টাকা, (বিবাহিত যুগলের জন্য একজনেরই ভাড়া দিতে হয়, কর্তৃপক্ষ এ বিষয়ে বেরসিক নন!); ছাপা ফর্দমত এক পেয়লা চায়ের দাম চার আনা। একজনের একদিনের থাকা খাওয়া অন্ততঃ পাচ টাকা। তবে থাকা ও খাওয়া দুয়েরই বন্দোবস্ত চমৎকার। বিছানা মশারী ডাকবাংলা থেকে দেবার ব্যবস্থা আছে। ডিমাপুরের স্বাস্থ্য মোটেই ভাল নয়, খুব ম্যালেরিয়া—মশাগুলি সংখ্যাতে যেমন, অভদ্রও তেমনি। এদের উৎপাতে সন্ধ্যার পর বাইরে বোসে থাকা দুষ্কর। এখানেই থানায় গিয়ে পূর্বে পলিটিক্যাল এজেন্টের ছাড় নেওয়া থাকলে সেটা পার্টে একটা ছাড়পত্র নিতে হয়, আর বার পূর্ব থেকে ছাড়পত্র জোগাড় করেন নাই, তাঁদিগকে এখানে আবেদন করারতে হয়। উত্তরের খরচ দিয়ে তার কোরলে চব্বিশ ঘণ্টায়

ছাড়পত্র আসে। পূর্বে মণিপুর থেকে এখানে দৈনিক ৭০ থেকে ১০০ খানা ছাল-বোঝাই লরি মাল নিয়ে রোজ যাওয়া আসা কোরত। এখন ৭৮ খানি মাত্র আসে, তাও সব সময় মাল পায় না।

ডিমাপুরের থানায় মাথা পিছু আট আনা হিসেবে দিয়ে পাশপোর্ট নিলাম। এই আট আনা বৃটিশ সরকারের প্রাপ্য। মণিপুর যাবার বাসভাড়া বাধাধর, কিছু নেই, একটাকা থেকে আড়াই টাকা (কখনও ৫।৬ টাকাও) —যার কাছে যেমন পারে নেয়। ফেরার ভাড়া প্রায় অর্ধেক, কারণ মাল নেবার জন্যে বাসকে ডিমাপুর আসতেই হয়, কাজেই যা যাত্রী পাওয়া যায় তাই লাভ। ১৩৩২ মাইল পাহাড়ী পথের পক্ষে এই ভাড়া বেশ কম।

সকাল ৭।০টায় বাস ছাড়ল। দুধারে বেশ ঘন জঙ্গল। মাঝে মাঝে রাস্তার ধারে ও উপরে বাঘ দেখা যায়,



ইশালের প্রধান উচ্চ ইংরাজি বিদ্যালয়

ড্রাইভার গল্প কোরলে। জঙ্গলের ভেতরে বাঘ, হাতী, বন্যবরাহ, বন্যকুকুর প্রভৃতি যথেষ্ট আছে। কয়েক বৎসর আগে এরই কাছাকাছি হাতীর খেদা করা হোয়েছিল। ৯ মাইল সোজা সমতল পথ এসে নীচু গারোদ নামে একজায়গায় বাস দাঁড়ায়। এখানে পাশপোর্ট ও মালপত্র পরীক্ষা করে। মালপত্র তল্লাসী মা পিছু কর আদায়ের জন্য, অন্য উদ্দেশ্যে নয়। এর পর থেকেই পাহাড়ী রাস্তা শুরু। রাস্তা ক্রমাগত এঁকে বেঁকে পাহাড়ের বেড়াঝালে মাথা গলিয়েছে। এদিকের পাহাড় জঙ্গলাকীর্ণ, কাজেই পাহাড়, জঙ্গল, নদী বর্ণা, প্রকৃতির সমস্ত ঐশ্বর্য্যই প্রায় একত্র সম্মিলিত। কাশ্মীরের পথেও এমনি লম্বা পাল্লা মোটরে পাড়ি দিতে হয়, কিন্তু কাশ্মীরের পথের চেয়েও এ রাস্তা আরও সর্পিলা ও শ্রামল, তাই সুন্দর। এক ফাঁকি রাস্তাও

কোথাও সোজা চোখে পড়ে না। পাহাড়ের ধারে চাষের ক্ষেত বা গ্রাম কদাচিৎ চোখে পড়ে। পথে দু'একটা বড় গ্রাম পেরিয়ে ৪৬ মাইল এসে নাগা পর্বত অঞ্চলের হেডকোয়ার্টার্স 'কোহিমা'য় পৌঁছলাম, সকাল থেকেই টিপ্ টিপ্ কোরে বৃষ্টি পোড়ছিল। 'কোহিমা'তে আমাদের গায়ের ওপর দিয়ে প্রায়ের তলা দিয়ে মেঘ ভেসে বেড়াতে লাগল। এর চারপাশে গ্রাম জঙ্গল মেঘের আবরণে ঢাকা ছিল, এমন কি-স্বয়ংদেও পর্দানশীন হয়ে উঠেছিলেন। কোহিমার উচ্চতা প্রায় পাঁচ হাজার ফিট। এখানে থাকতে গেলে পৃথক পাশ নিতে হয়, অথবা এখানে ডি. সির কাছে গিয়ে অনুমতি আনতে হয়; তাও শুনলাম তিন দিনের বেশী পাওয়া যায় না। এটা একটা সামরিক ঘাঁটি, তাই এই কড়া-কড়ি। এখানকার ডাকবাংলা বেশ সুন্দর। প্রত্যেক পাহাড়ী জাতির মত ( কাস্মীরী ছাড়া ) নাগাদের গড়ন বেঁটে, চোখ



মহারাজার প্রেস গৃহ

কুলো কুলো, নাক খ্যাবড়া, রং অপেক্ষাকৃত ফর্সা, বলিষ্ঠ দেহ, পোষাক পরিচ্ছদ দারিদ্র্যহেতু স্বল্প ও নোংরা। বাস এখানে কিছুক্ষণ জিরিয়ে আবার চোলো। পথ যে ক্রমাগত উচু হোয়েই চোলেছে তা গাড়ীর এঞ্জিনের গোঙানীতেই বোঝা যাচ্ছিল।

পথের একধারে উচু পাহাড়, অল্প ধারে গভীর খাদ; কিন্তু চলমান ঘন মেঘের জন্তু খাদের দিকটা অনন্ত শূন্য বোলে মনে হোচ্ছিল। কয়েকটা বড় গ্রাম পেরিয়ে আরও ১০ মাইল এসে 'মাও' পৌঁছলাম। এখান থেকেই মণিপুর রাজ্যের সীমানা। পাহাড়ী আকাবাকা রাস্তায় হুদিক থেকে গাড়ী যাওয়া আসা করা বিপজ্জনক, একজন্তু হুদিকের গাড়ী মধ্যস্থল 'মাও'তে এসে দাঁড়ায়। এই গাড়ী রাস্তা আসে

খোকুক, এখানকার ফটকের সামনে এসে সবার গতিরোধ হতে। ১২।০টার ফটক খোলা হয়, তখন যে যার গন্তব্য পথে যায়, কিন্তু ১২।০টার পর নীচু গারোদ থেকে কোন গাড়ীকে আর মণিপুর মুখে আসতে দেবে না, কিম্বা মণিপুর থেকেও কোন গাড়ীকে 'মাও' আসতে দেবে না। 'মাও' একটা বড় পাহাড়ী গ্রাম, ডাকবাংলা, পোষ্ট ও টেলিগ্রাফ অফিস আছে। একটা মণিপুরী ও নেপালী হোটেল আছে, খাওয়া দাওয়া বিশেষ ভাল নয়। এখান থেকেই মণিপুরী মেয়ে পুরুষ চোখে পোড়তে লাগল। 'মাও'এর উচ্চতা ৫৭১২৬ ফিট, এ পথের সর্বোচ্চ জায়গা। ডিমাপুর থেকে এর দূরত্ব ৬৬ মাইল, আর এখান থেকে ইম্ফাল ৬৭½ মাইল, কাজেই এটা ঠিক মধ্যস্থল। আমাদের পাশপোর্ট এখানে একবার পরীক্ষিত হোল। এখানে একজন মণিপুরী একটা টেবিলের ওপর কয়েকটা কাঁচের ও পেতলের গোল সাঁজিয়ে চায়ের দোকান কোরেছিল, আমরা তার টেবিলের ধারে গিয়ে চা চাইতেই, সে হাত নেড়ে অঙ্গভঙ্গী কোরে "ফাদরে ফাদরে" কোরে উঠল। তার খিঁচুনি দেখে আমরা সভয়ে সরে এলাম। পরে দেখলাম তার টেবিলের তিনধারে মাটির ওপর তিনটে বাঁশের কঞ্চি পোড়ে আছে, তার মধ্যে কারু যাওয়া নিষেধ। 'মায়াং' ( বিদেশীদের ) স্পর্শে জাত যাওয়ার আশঙ্কা আছে। চা খাওয়ার পর গেলাস মাটিতে নামিয়ে দিলাম, একটা ছেলে সেটা মেজে ধুয়ে নিল, ১২।০টার পর বাস ছাড়ল। এর পর ক্রমাগত ঘুরপাক খেতে খেতে গাড়ী নামতে লাগলো প্রায় বিনা তেলখরচেই। প্রায় ৪০ মাইল এসে 'কানকপি'তে ফটকের সামনে এসে আবার গাড়ী দাঁড়াল। এখানে গাড়ীর মালপত্র পরীক্ষিত হবার পর আবার গাড়ী ছাড়ল। এই রাস্তায় মাল চলাচলের কর বাবদ মণিপুরের মহারাজা বাৎসরিক প্রায় ৮২ হাজার টাকা পান। একজন মাড়োয়ারী মহারাজকে ঐ সেলামী দিয়ে রাস্তা বন্দোবস্ত নিয়েছে। সে আবার যাওয়া আসা মণ পিছু ১০ আনা কর আদায় করে; লাভলোকমান তার। এই রাস্তায় যত বাস চলে, তাদের কাছ থেকে ইংরেজ সরকারের P. W. D. বিভাগ বাসপিছু ২০০ টাকা নেন, রাস্তা মেরামতের খরচ বাবদ। মণিপুর থেকে ডিমাপুর পর্যন্ত যে বাসে ঠিক আসে, তাও এক মাড়োয়ারী মাসিক ১২০০ টাকার ঠিকে নিয়েছে। এই দুর্গম পাহাড়ী রাস্তার এখানেই



কোন বড় গ্রাম আছে সেখানেই মাড়োয়ারীর কোন ন কোন ব্যবসা আছে; বহু মাড়োয়ারী ঘরবাড়ী তৈরী কোর এ অঞ্চলের বাসিন্দা ব'নে গিয়েছে।

‘কানকপির’ কিছু পরেই রাস্তা পাহাড়ের বেড়া জাল ছেড়ে সমতলে এসে পোড়ল। আশেপাশে ছোটখাট পাহাড় কিছুদূর পর্যাস্ত চোলেছে, তার পর একবারে সমতল। দুধারে অনেকখানি সমতল অনাবাদে অকেজো হয়ে পড়ে আছে, বসতিও নেই। এরও অনেক পরে দুধারে ধানের ক্ষেতে কচি সবুজ ধানগাছ মাথা তুলিয়ে স্বাগত সম্ভাষণ জানাল। ইম্ফালের প্রায় ৭ মাইল দূর থেকে জলপ্রপাতের সাহায্যে বিদ্যুৎ সরবরাহ করা হোচ্ছে। রাস্তার ধারে ধারে বিদ্যুতের তার ও টেলিগ্রাফের তার পাশাপাশি গিয়েছে। ইম্ফাল ঢুকবার কয়েকমাইল আগে থেকে রাস্তার দুধারে কাশ্মীরের প্রশস্ত রাস্তায় ‘সফেদা’ গাছের নত একরকম বাউ সমান্তর-ভাবে সোজা উঠে গেছে। বিকেল প্রায় ৫টায় বাস এসে ইম্ফাল পৌছল।

ইম্ফালে ডাকবাংলা আছে, দৈনিক থাকা খাওয়া প্রায় ৫ পড়ে। দুভাগাক্রমে ডাকবাংলা তখন ভিত্তি ছিল, দ্বিতীয় আশ্রয় করের হোটেল (বাঙ্গালী) এবং তৃতীয় ও শেষ আশ্রয় মাড়োয়ারীদের একটি ধর্মশালা। আমরা করের হোটেলেই উঠলাম। পূর্ববর্তী কোন কোন যাত্রী মণিপুরের দৈনিক খাচ খরচ মাত্র ছ'পরসা বোলে লিখেছিলেন, কিন্তু গিয়ে দেখি হোটেলের খরচ ১।১।০-এর কম নয়। অবশ্য জিনিষপত্র অনেক সস্তা, কাজেই নিজেরা রান্নার ব্যবস্থা কোরতে পারলে বোধহয় অনেক কম খরচ পড়ে। এখানকার উচ্চতা দু'হাজার ফিটের কিছু বেশী।

মণিপুর বৈষ্ণব রাজ্য। ১৫৭৭ সালে কামাখ্যা পীঠের পুনরুদ্ধারক পূর্ণানন্দ মণিপুরে তন্ত্র উপাসনা প্রচলিত করেন; সেই সময় অদ্বৈত শাখার নরোত্তম অধিকারী সদলে মণিপুরে এসে বহুরাজা চিংতোমাখোম্বাকে বৈষ্ণব ধর্মে দীক্ষিত করেন। তাহার পর থেকেই বৈষ্ণবধর্মই এখানকার হিন্দুদের একমাত্র ধর্ম হয়ে ওঠে। নবদ্বীপ মণিপুরীদের শ্রেষ্ঠ তীর্থ। বৈষ্ণবশ্রেষ্ঠ শ্রীকৃষ্ণ ও শ্রীগোরাঙ্গই মণিপুরীদের আরাধ্য দেবতা; এদের বার মাসে তের পার্বণ আরও


এদের পোষাক পরিচ্ছদ, সামাজিক আচার, পূজাপদ্ধতি, কীর্তন সবই সাক্ষ্য দেয় বিজয়ী বাঙ্গালার। একদিন বাঙ্গালার প্রতিভা ভৌগলিক গণ্ডী ছাড়িয়ে ট্রেন বাসের সুবিধা না থাকা সত্ত্বেও যে এই দুর্গম পর্বতঘেরা অঞ্চলেও পাব্যাপ্ত হোয়েছিল, একথা মনে হোলে আজও প্রত্যেক বাঙ্গালীর আনন্দ হয়। অতীতের গোরবময় ইতিহাস বর্তমানকে প্রেরণা দেয়, ভবিষ্যতকে প্রস্তুত করে, তাই এর মূলোচনা প্রয়োজন। ইম্ফাল মণিপুরের রাজধানী এবং একমাত্র সহর। এর মাঝে যে অঞ্চলটুকু ব্যবসা বাণিজ্যের কেন্দ্র সেটুকু ইংরেজ সরকারের সংরক্ষিত (for Reserved area)। এই অঞ্চলের শাসনব্যবস্থার জন্ম এখানকার পলিটিক্যাল এজেন্ট সর্বতোভাবে দায়ী, মহারাজার কোন দায়িত্ব নাই। এরই সংলগ্ন ইম্ফাল নদীর অপর তীরে মহারাজার এলাকায় সবই ছোট বড় গ্রাম। ইংরেজের



টেলিগ্রাফ অফিস

সংরক্ষিত এলাকার ব্যবসাদারদের আয়কর, ব্যবসার অনুমতি-পত্রের আয় মহারাজা পান, কিন্তু জমির খাজনা ইংরেজ সরকার পান। বিচার ও শাসন ব্যাপারেও কোন-কোন ক্ষেত্রে এইরকম জটিল দৈত ব্যবস্থা আছে। ইংরেজ এলাকার বাসিন্দারা বাড়ীঘর পান, নিজেদের ঘরবাড়ী তৈরী করা—এমন কি নিজেদের একটা মাছ পর্যাস্ত পলিটিক্যাল এজেন্টের বিনা হুকুমে কাটতে পারে না। ইনি যে কোন লোককে (ইংরেজ প্রজা) প্রয়োজন হোলে চব্বিশ ঘণ্টার মধ্যে মণিপুর এলাকা থেকে বহিস্কৃত কোরতে পারেন বা আটক রাখতে পারেন অর্থাৎ পলিটিক্যাল এজেন্টই এখানকার সর্বময় কর্তা। এখানকার শাসন

(কোন সাধারণ স্থানে) কোরতে হোলেও এর অনুমতি প্রয়োজন। ইক্ষালের প্রধান ব্যবসা কেন্দ্র 'সদর বাজার' 'সদর বাজার' রাস্তাটি বেশ প্রশস্ত, এর দুধারে দোকানপাট; ব্যবসায়িক বাণিজ্যের প্রায় সবটুকুই মাদারারীদের করতলগত।



মহারাজার আদালত

বিস্তৃতিতে ও অনিষ্টকারিতায় এরা কচুরিপানাকেও হার মানিয়েছে। ব্যবসাকেন্দ্রের স্বচ্ছ জলে একজন মাদারারী কোনমতে মাথা গলাতে পারলে অবিলম্বে ঝাঁকে ঝাঁকে বিস্তার লাভ কোরে সমস্ত কেন্দ্রটিকে ছেয়ে ফেলে এরা

স্থানীয় ব্যবসাদারদের স্বাসরোধে কোরে ফেলে। এখানেও তার ব্যতিক্রম ঘটে নি এবং এরই ফলে মণিপুর রাজ্যে প্রাণ-আন্দোলন আজ এত ব্যাপক ও শক্তিমান হোয়ে উঠেছে। সহরের একদিকে সৈন্তদের ছাউনী, তারই কাছাকাছি ডাকবাংলা, থানা, ডাকঘর, পলিটিক্যাল এজেন্টের অফিস বাড়ী ইত্যাদি। যে রাস্তার ওপর এইগুলি সেই রাস্তাটি ঘুরে নদী পেরিয়ে মহারাজের প্রাসাদের দিকে চোলে গেছে। সমস্ত ইক্ষাল সহরটার আয়তন আন্দাজ ৪ বর্গমাইল। এখানে ঘোড়ার গাড়ী, মোটর বা কোন যানবাহন পাওয়া যায় না, মাঝে মাঝে ২১১টা মালবাহী গরুর গাড়ী চোখে পড়ে। সাইকেলের প্রচলন বেশ আছে, ব্যক্তিগত মোটরের সংখ্যা খুব কম। সংরক্ষিত অঞ্চলের রাস্তাঘাট পরিচ্ছন্ন ও পিচ দেওয়া এবং এই অংশের অধিকাংশ বাড়ীঘর পাকা ও শ্রীসম্পন্ন এবং বেশীর ভাগ বিদেশীদের। দেশীয় রাজ্যের বাড়ীঘর অধিকাংশই খড়ের বা টানের, তবে এদেশীয় লোকের বাড়ীঘর খুব পরিষ্কার পরিচ্ছন্ন।

( আগামীবারে সমাপ্য )

## পাঠশালায়

শ্রীকুমুদরঞ্জন মল্লিক

আসিয়াছে বুঁচুবাবু পাঠশালা পড়িতে  
মুখে বলে ক'খ আর লিখে তাহা পড়িতে।  
কি করুণা কাতরতা মাথা তার ঘরে রে,  
বিশ্বের ব্যথা যেন এক সাথে ঝরে রে।  
হাসিছেন পণ্ডিত খুসী তারে রাখিতে  
গোমুখীর ধারা তবু উকি মারে আঁখিতে।  
কণ্ঠের স্বরে ওঠে কী কী কাকুতি ছাপিয়া,  
সাক্ষর হাতে যেন ক্লাস্ত রে পাপিয়া।  
এ যে দেখি রাঙা হয়ে উঠিয়াছে গণ্ড,  
বিষ পান করিছেন যেন নীলকণ্ঠ।  
গাত্র রোমাঙ্কিত একেবারে মুখ চূর্ণ  
র্ষময় বিমুখ যেন গাণ্ডীবী অর্জুন।

হয়নি ত এত ক্লেশ এত বড় কাণ্ড  
গরুড়েও আনিত যে অমৃতের তাণ্ড।  
দেখ এসে করিও না এ স্তুবিধা নষ্ট  
স্পষ্ট গোবর্দ্ধন-ধারণের কষ্ট।  
বাণীপদ কোকনদে বল দেখি তোমরা  
এত কি কোমল সুরে গুঞ্জরে ভোনরা ?  
এ যেন রে বনে ধ্রুব নারায়ণে ডাক্ছে  
সঙ্কটে প্রহ্লাদ হরিকৃপা মাগছে।  
ক'রে ছিল এমনি কি ? বসে দেখি রক্ত  
ত্র্যস্ত অগস্ত্য কে সাগর তরঙ্গ।  
কাঁদিছে এবং বাহা কাঁদাইছে সবারে  
বালক বাসব হেরি উচ্চঃস্ববारे।

বুঁচুকে এমন দেখি হাসিবে না কী  
লকর্দাধা লাগাবেছে গোলকে।

ভারতবর্ষ





# জুজু

বনফুল

১০

রাজমহলে মুকুজ্যে মশাই তাঁহার স্বাভাবিক রীতি-অমুখ্যায়ী একদল ছেলে জুটাইয়া খেলায় মত্ত ছিলেন। এ খেলাটা অবশ্য বাঘ-বকরি নয়, কলসি-ভাঙা খেলা। বাঘ-বকরি অপেক্ষা অধিক উত্তেজনাজনক। মাঠের মাঝে একটা খালি কলসি উপুড় করিয়া রাখা হইয়াছে। এক একটা বালকের চোখ কাপড় দিয়া বাঁধিয়া, তাহাকে বেশ দুই-চারি পাক ঘুরাইয়া তাহার হাতে একটা লাঠি দেওয়া হইতেছে। চোখ-বাঁধা অবস্থায় যদি সে কলসিটিকে গিয়া লাঠির ঘায়ে ভাঙিতে পারিবে তাহাকে নগদ একটাকা পুরস্কার দেওয়া হইবে, মুকুজ্যে মশাই ঘোষণা করিয়া দিয়াছেন। সুতরাং বেশ একদল বালক জুটিয়া জটলা করিতেছে। মুকুজ্যে মশাই এক এক-জনের চোখ বাঁধিয়া ছাড়িতেছেন এবং বসিয়া বসিয়া মজা দেখিতেছেন। কেহ ঠিক বিপরীত মুখে চলিয়া যাইতেছে, কেহ থমকাইয়া দাঁড়াইয়া পড়িয়া কেবল ইতস্তত করিতেছে, কেহ কলসীর পাশ ঘেঁষিয়া চলিয়া যাইতেছে, কেহ বারম্বার দিক পরিবর্তন করিতেছে, কেহ অভিযোগ করিতেছে যে চোখ বড় বেশী জোরে বাঁধা হইয়াছে, নানা বালক নানা রকম করিতেছে, কিন্তু কেহই কলসী ভাঙিতে পারিতেছে না। মুকুজ্যে মশাই হাসিতেছেন।

একে একে অনেকগুলি বালকই চেষ্টা করিল, কিন্তু কেহই লক্ষ্যভেদ করিতে পারিল না। পারিলে মুকুজ্যে মশায়ের পক্ষে ভাল হইত, একটাকার বেশী খরচ হইত না। কিন্তু সকলেই ব্যর্থমনোরথ হওয়াতে সকলকে সান্ত্বনা দেওয়ার প্রয়োজন মুকুজ্যে মশাই অনুভব করিলেন এবং নিকটেই একটা ময়রার দোকান থাকায় তাহা অসম্ভবও হইল না।

মোট কথা, মহানন্দে খেলা-পর্ব শেষ হইয়া গেল।

মুকুজ্যে মশাই যে বাড়িটাতে অবস্থান করিতেছিলেন সেই বাড়িরই সম্মুখে অবস্থিত খোলা মাঠটাতে এই সব হইতেছিল। মুকুজ্যে মশাই বাসায় ঢুকিতে যাইবেন এমন সময় দুই-তিনটি বালক আসিয়া তাঁহাকে ধরিল, আজ

কিছুতেই তাঁহার যাওয়া হইবেনা। গতকল্য ক্রিওপেট্রার যে গল্পটা রাত্রে তিনি আশ্রিত করিয়াছিলেন সেটা শেষ করিয়া যাইতে হইবে।

মুকুজ্যে মশাই হাসিয়া বলিলেন, “আজ আমাকে যেতেই হবে, উপায় নেই—”

“তবে আপনি গল্প আরম্ভ করলেন কেন !”

অত্যন্ত অভিমান-ভরে আট-নয় বছরের একটি বালক ঠোঁট ফুলাইল। মুকুজ্যে মশাই ভারী বিপদে পড়িয়া গেলেন। অবশেষে বলিলেন, “আচ্ছা, আমি গিয়েই একটা ভালো বই পাঠিয়ে দেব তোমাদের। তাহা ক্রিওপেট্রার গল্প আছে, আরও অনেক ভাল গল্প আছে—”

“পরশু দিন সেই যে আহাজডুবির গল্পটা বললেন, সেটাও আছে ?”

“ওটা তো গল্প নয়, সত্যি কথা—”

“না, আপনি আজকের দিনটি খালি থেকে যান—”

“কলকাতায় আমার বড় দরকার আছে যে কাল। না গিয়ে উপায় নেই। তা না হলে তোমাদের ছেড়ে কি আমার যেতে ইচ্ছে করছে কলকাতার সেই ভিড়ে !”

“আবার কবে আসবেন আপনি ?”

“আবার শিগ্গিরই আসব।”

কথাটা বলিয়াই মুকুজ্যে মশায়ের মনে পড়িল সেনার অর্থাৎ প্রায় বৎসরখানেক পূর্বে তিনি সাহেবগঞ্জে গিয়াছিলেন, তখনও একদল বালক সঙ্গী তাঁহার জুটিয়াছিল এবং আসিবার সময় তাহাদেরও তিনি আশ্বাস দিয়া আসিয়াছিলেন যে শীঘ্রই ফিরিবেন। কয়েক আবার পড়িয়া তাহাদেরও তিনি বিশ্বতই হইয়াছেন, যাওয়া দূরের কথা।

তথাপি তিনি হাসিয়া আবার বলিলেন, “শিগ্গিরই আসব আবার—”

ছেলের দল ক্লক মনে চলিয়া গেল।

মুকুজ্যে মশাই বাসায় ঢুকিতেই মনোরমা আসিয়া দাঁড়াইল এবং শাস্ত কণ্ঠে প্রশ্ন করিল, “কতজি তো আপনি যাবেন ?”

মুকুজ্যো মশাই স্বিতমুখে তাহার পানে একবার চাহিয়া  
ঘরের ভিতর ঢুকিয়া পড়িলেন। মনোরমা মুকুজ্যো মশায়ের  
এ হাসি ফেনে, বুঝিল আজই তিনি যাইবেন।

মনোরমার বয়স যদিও চল্লিশের কাছাকাছি, কিন্তু  
দেখিয়া তাহা মনে হয় না। ছিপটিপে গড়নের চেহারা।  
এই বয়সে মেয়েরা সাধারণত একটু মোটা হয়, কিন্তু মনোরমা  
তাহাও হয় নাই, এখনও সে তন্দ্রা আছে। সৃষ্টিকর্তা  
মনোরমা-নির্মাণে অন্তত সংযমের পরিচয় দিয়াছেন। মনো-  
রমার অঙ্গে কোথাও এতটুকু বাহলা নাই। ঠোঁট দুটি এত  
পাতলা, দাঁতগুলি এত ছোট ছোট, নাকটি এত ক্ষুদ্র এবং  
সূক্ষ্মগ্র, চোখ দুটি বড় বড় না হইয়াও এমন শ্রীসম্পন্ন, চিবুকটি  
ছোট হইয়াও এমন মানানসই, সমস্ত দেহটা লঘু হইয়াও এত  
লালিত্যময় যে বিধাতাকে তারিফ না করিয়া পারা যায় না।  
কিন্তু এই তন্দ্রা নারীটির সর্বাঙ্গ ঘিরিয়া অদৃশ্য কি যেন একটা  
আছে, তাহার মুখের দিকে বেশীক্ষণ চাহিয়া থাকি যায় না,  
দৃষ্টি আপনিই ব্যাহত হইয়া ফিরিয়া আসে। সমস্ত মুখচ্ছবিতে  
যেন একটা নীরব নিবেদন লেখা রহিয়াছে, যেন বলিতেছে  
এদিকে চাহিও না। তাহার পরিমিত আলাপে, শাস্ত কণ্ঠস্বরে,  
ধীরে গমন-ভঙ্গিমায় তাহার সম্বন্ধে যে ধারণা হয় সে ধারণার  
প্রতিবাদ তাহার কঠিন মুখভাবে, সূক্ষ্ম নাসার সূক্ষ্মতর কম্পনে,  
দৃঢ়নিবন্ধ পাতলা ঠোঁট দুটিতে এবং সর্বোপরি তাহার কালো  
চোখের দৃষ্টিতে যেন মূর্ত হইয়া রহিয়াছে। শাস্তকণ্ঠে তাহার  
মৃদু কথাগুলি শুনিলে মনে হয় তাহার মনে কোন ক্ষোভ বা  
অশান্তি নাই, কিন্তু তাহার মুখের দিকে চাহিলেই বুঝিতে  
দেবী হয় না যে, প্রাণপণ শক্তিতে সে একটা বিরাট আর্ন্ত-  
নাদের কণ্ঠ-রোধ করিয়া রাখিয়াছে এবং অন্তরের এই নিদারুণ  
দুঃখকে গোপন করিতে গিয়াই তাহার সমস্ত শক্তি যেন  
নিঃশেষিত হইয়া গিয়াছে। জ্বরে কথা কহিবার অথবা  
চলিবার ক্ষমতাও যেন অসম্ভব হইয়া গিয়াছে। দৈনন্দিন জীবন-  
যাত্রার অনিবার্য প্রয়োজনে যদি বলিতে অথবা চলিতে না  
হইত সে নির্দাক নিশ্চল হইয়া নিঃস্বপ্নে বসিয়া থাকিত। কিন্তু  
সমাজে বাস করিতে হয়, সমাজ তো নিঃস্বপ্ন নয়।

বালবিধবা মনোরমাকে তাই চলিতে হয়, বলিতে হয়,  
কাজকর্ম করিতে হয়। কিন্তু সে এত সংক্ষিপ্ততার সহিত  
এগুলি করে যে দেখিলে বিস্ময় জন্মে। তাহাকে দেখিলেই  
মনে হয় সঙ্কোপনে কি একটা গোপন বেদনাকে সে সর্বদা

গোপন করিতেছে এবং পাছে কেহ তাহা বুঝিতে পারে এই  
আশঙ্কায় নিরুদ্বেগের একটা মুখোমুখি পরিয়া আছে। তাই  
কেহ তাহাকে নিরীক্ষণ করিলে সে কেমন যেন অস্বস্তি বোধ  
করে, তাহার চোকে মুখে এমন একটা জ্বালা প্রকটিত হইয়া  
ওঠে, দর্শককে দৃষ্টি ফিরাইয়া লইতে হয়।

মনোরমার জীবন দুঃখময়। সেই কবে, কতদিন আগে  
বাল্যকালে তাহার বিবাহ হইয়াছিল। বিবাহের রাতে শুভ-  
দৃষ্টির সময় সে কুণ্ঠিত দৃষ্টি তুলিয়া স্বামীর মুখের পানে চাহিতে  
পারে নাই, ফুলশয্যার রাতেও লজ্জায় বালিশে মুখ গুঁজিয়া  
শুইয়াছিল, তাহার পর আর স্বামীর সহিত দেখা হইবার  
সুযোগই হয় নাই। তিনি ব্যারিস্টারি পড়িতে বিলাতে  
চলিয়া গিয়াছিলেন, ফিরিবার পথে জাহাজ-ডুবি হইয়া মারা  
গিয়াছেন। স্বামীর মুখ মনোরমার মনে নাই। যখন  
বিবাহ হইয়াছিল, কতই-বা তখন তাহার বয়স। দশ বৎসরও  
নয়। হিন্দু-বিধবা-জীবনের নিষ্ঠুর নিষ্ঠার চাপেও কিন্তু  
মনোরমার যৌবন নিষ্পিষ্ট হইয়া যায় নাই এবং যায় নাই  
বলিয়াই সমাজের চক্ষে সে পতিতা। কিন্তু কাগজে যাহা  
বাহির হইয়াছিল তাহা ঠিক নয়। শুণ্ডায় তাহাকে হরণ  
করে নাই। সে স্বেচ্ছায় তারাপদর সঙ্গে বাহির হইয়া  
গিয়াছিল। মনোরমা তারাপদকে সত্যই ভালবাসিয়াছিল  
এবং আত্মীয়স্বজনেরা যদি পুলিশের হুকামা না তুলিতেন  
হয়তো তারাপদর সঙ্গেই তাহার জীবনটা স্বচ্ছন্দে কাটিয়া  
যাইত (যাইত কি? মাঝে মাঝে এখন তাহার নিজেরই  
সন্দেহ হয়!) ; পুলিশের ভয়ে তারাপদ অন্তর্দান করিল।  
আত্মীয়-স্বজনেরা মনোরমাকে উদ্ধার করিয়া আনিলেন।  
কিন্তু ক্ষমা করিলেন না। পদস্থলিতাকে ক্ষমা করা আমাদের  
স্বভাববিরুদ্ধ। তবু বাপ মা যতদিন বাঁচিয়াছিলেন ততদিন  
মনোরমা সংসারের মধ্যে কোনরকমে টিকিয়া থাকিতে  
পারিয়াছিল। বাপ মার মৃত্যুর পর তাহাও অসম্ভব হইয়া  
উঠিল। তাইদের সংসারে ভ্রাতৃজায়াদের গল্পনা সহ করিয়াও  
হয়তো মনোরমা ভিটা আঁকড়াইয়া কোনক্রমে পড়িয়া থাকিতে  
পারিত কিন্তু যখন সে শুনিয়া যে সে থাকিতে তাহার  
ভাইঝিদের বিবাহ হইতেছে না, তাহার অতীত কলকটা  
তাহাকে বিরিয়া এখনও সজীব হইয়া আছে এবং তাহাদের  
বিবাহে যিনি সৃষ্টি করিতেছে তখন সে আবার পথে বাহির  
হইয়া পড়িল। ঠিক করিল, দু চক্ষু যেখানে লইয়া যায় সেই-

খানেই সে চলিয়া যাইবে, দাসীবৃত্তি করিয়া জীবনযাপন করিবে, ভাইদের সংসারে আর থাকিবে না। যৌবন তখনও অটুট ছিল, দৃষ্টি আকর্ষণ করিবার মত রূপও ছিল, কাশীধামে উপনীত হইয়া মনোরমা সবিস্ময়ে লক্ষ্য করিল তাহাকে আশ্রয় দিবার জন্ত একাধিক ব্যক্তি আগ্রহ প্রকাশ করিতেছেন। দুইজন গুণ্ডা গোছের লোক একটি বিপত্নীক কাশীবাসী প্রৌঢ় এবং গুটিচারেক ছোকরার বল-বিক্রম-দরদ-অহুরোধ-ইচ্ছিতের আবর্তে পড়িয়া সে যখন কিংকর্তব্যবিমূঢ় হইয়া পড়িয়াছিল তখন সহসা মুকুজ্যে মশাই আসিয়া দেখা দিলেন। মুকুজ্যে মশাই লোকটি কে, কেন তাহার উদ্ধার সাধন করিতে চাহিতেছেন, কি করিয়া তাহার খবর পাইলেন, মনোরমা কিছুই জানিত না। তিনি আসিয়া বলিলেন, “শুনলাম তুমি বিপদে পড়েছ, যদি আমার সঙ্গে আসতে চাও আসতে পারো—”

মুকুজ্যে মশায়ের চোখে মুখে কথায় বার্তায় মনোরমা কি দেখিল তাহা মনোরমাই জানে, সে নির্ভয়ে রাজি হইয়া গেল।

কেবল বলিল, “আমাকে নিয়ে আপনি কোথায় যাবেন?”

“তা এখনও ঠিক করিনি। আমি কোথাও বেশী দিন থাকি না, তবে তোমাকে ভালভাবে রাখবার বন্দোবস্ত করব কোথাও না কোথাও—”

সেই হইতে মনোরমা মুকুজ্যে মশায়ের আশ্রয়ে আছে এবং এ যাবৎ যত পুরুষের সংশ্রবে তাহাকে আসিতে হইয়াছে তাহাদের মধ্যে এই মুকুজ্যে মশাইই একমাত্র লোক যিনি তাহার রূপ-যৌবন সম্বন্ধে সম্পূর্ণ নির্বিকার। তাহার ভরণ-পোষণের সমস্ত ব্যয়ভার বহন করিতেছেন, ভদ্রপরিবারে তাহার থাকিবার ব্যবস্থা করিয়া দিয়াছেন, তাহার সর্বপ্রকার অন্ত্রবিধা দূর করিবার জন্ত সর্বদাই সচেষ্টি—কিন্তু কখনও তাহার দিকে ভাল করিয়া চাহিয়া দেখিয়াছেন বলিয়া মনোরমার মনে পড়ে না। প্রায় বারো-তেরো বৎসর মুকুজ্যে মশায়ের আশ্রয়ে কাটিল—কিন্তু মুকুজ্যে মশাই সেই একরকম। সোম্যমূর্তি, সদাহাস্তমুখ, কর্তব্যপরায়ণ, পরোপকারী, সদাচঞ্চল ব্যক্তি।

ধীরপদে ঘরে প্রবেশ করিয়া মনোরমা দেখিল মুকুজ্যে মশাই নিজের জিনিসপত্র গুছাইয়া লইতেছেন।

শান্ত স্বরে প্রশ্ন করিল, “খাবার এনে দি তা হ’লে—”

“এ-বেলা আর খাব না, খিদে নেই, ওবেলাই বা খাওয়া হয়েছে, তা হজম হয়নি এখনও—”

মুকুজ্যে মশায়ের মুখখানি হাসিতে উদ্ভাসিত হইল। ক্রণকাল নীরব থাকিয়া মনোরমা পুনরায় প্রশ্ন করিল, “মকোর্দ্দমার কি বুঝলেন? ভবেশবাবুর স্ত্রী জিগ্যেস করতে বললেন।”

“ভবেশ ছাড়া পাবে।”

মুকুজ্যে মশাই পুঁটুলি বাঁধিতে লাগিলেন, মনোরমা নীরবে দাঁড়াইয়া রহিল। একটু পরে ইতস্তত করিয়া মনোরমা পুনরায় আর একটি প্রশ্ন করিল, “আচ্ছা, ওবরে কাল যে জাহাজডুবির গল্পটা বলছিলেন সেটা কি সত্যি?”

মুকুজ্যে মশাই চকিত দৃষ্টিতে মনোরমার মুখের পানে চাহিয়া বিস্মিত কণ্ঠে বলিলেন, “তুমি কি ক’রে শুনলে?”

“আমি বারান্দায় ছিলাম। ওটা গল্প, না সত্যি?”

মুকুজ্যে মশাই ক্রণকাল নীরবে মনোরমার দিক চাহিয়া রহিলেন। তাহার পর বলিলেন, “সে কথা জেনে তোমার লাভ?”

মনোরমা কিছু না বলিয়া আনতচক্ষে দাঁড়াইয়া রহিল। মুকুজ্যে মশাই হাসিয়া প্রশ্ন করিলেন, “কেন জানতে চাইছ, বল না!”

“এমনি।”

উত্তর না দিয়া মুকুজ্যে মশাই আর একটু হাসিলেন। বলিলেন, “এবারে যেতে হবে, ট্রেনের আর বেশী সময় নেই, ভবেশের স্ত্রীকে ডাক।”

মনোরমার দুর্নিবন্ধ ওষ্ঠাধর সামান্য যেন একটু কম্পিত হইল, সে কিন্তু কিছু বলিল না। মুকুজ্যে মশাইকে প্রণাম করিয়া বাহির হইয়া গেল। একটু পরে অবগুণ্ঠনবতী একটি বধু আসিয়া অনেকক্রণ ধরিয়া মুকুজ্যে মশাইকে প্রণাম করিল।

“কোন ভয় নেই মা—ভবেশ ঠিক ছাড়ি পাবে।”

মুকুজ্যে মশাই বাহির হইয়া গেলেন।

গতকল্য শঙ্করের নামে যে মাসিক পত্রিকাটি আসিয়াছিল তাহাই সে একা বাঁজিয়া পড়িতেছিল। নিজের লেখাটাই বারবার কথিয়া পাঁড়িতোঁটাই। ছাপার অক্ষরে নিজের

প্রথম রচনা! অনেক দিন আগের লেখা একটা কবিতা। সোনাদিদির কথা মনে পড়িল, সোনাদিদিই লেখাটা কাগজে পাঠাইয়াছিলেন। কবিতাটি রিণির উদ্দেশে লেখা, কিন্তু লাইনগুলোর ফাঁকে ফাঁকে সোনাদিদির মুখখানা যেন উকি দিয়া যাইতেছে। সেদিনের কথাটা শঙ্করের মনে পড়িল—যেদিন সে বিবাহের প্রস্তাব লইয়া মিষ্টিদিদি এবং সোনাদিদির শরণাপন্ন হইয়াছিল। সলজ্জ স্নিগ্ধ সংযতশ্রী রিণির মুখখানি এখনও মনে আঁকা রহিয়াছে, একটুও মলিন হয় নাই। মনের যে স্মৃতিভূত মণিকোটায় বহুমূল্য দুপ্রাপ্য ছবিগুলি টাঙানো থাকে, রিণির ছবিও সেইখানে টাঙানো রহিয়াছে। রিণির নিকট হইতে কতটুকুই বা সে পাইয়াছে, কিন্তু অজ্ঞাতসারে সেইটুকুই স্মন্দর করিয়া কখন যে তাহার মন সাজাইয়া রাখিয়াছে তাহা সে এতদিন জানিতেই পারে নাই। স্মৃতিপটে অঙ্কিত রিণির আলোখোর পানে চাহিয়া শঙ্কর একটু অন্তমনস্ক হইয়া পড়িল। রিণির জন্ত মন আর উন্মুখ নহে, উন্মুখ হইবার অধিকার তাহার নাই এবং সেজন্ত দুঃখও আর নাই। মাঝে মাঝে তাহার মনে হয় ভালই হইয়াছে। নিজের যে পরিচয় সে ক্রমশ পাইতেছে তাহাতে মনে হয় রিণিকে সে স্মৃখী করিতে পারিত না। তাহার মনের কলুষ একদিন না একদিন আত্মপ্রকাশ করিয়া সমস্ত গ্লানিময় করিয়া তুলিতই। কলুষ তাহারই মনের মধ্যে ছিল, এখনও আছে। মিষ্টিদিদি উপলক্ষ মাত্র। তিনি না থাকিলেও অন্য উপায়ে ইহা ঘটত। রিণি নষ্ট হইয়া যাইত, রিণির সম্বন্ধে তাহার স্বপ্নটাও ভাঙিয়া যাইত, বাস্তবের রুঢ় আঘাত সে সহ করিতে পারিত না।

বাস্তবের রুঢ় আঘাত সহ করিয়াও আনন্দের তরঙ্গে তরঙ্গে ভাসিয়া থাকিতে পারে মুক্তো। শঙ্করের মাংস-লোলুপ অথচ স্বপ্নবিলাসী মনকে আশ্রয় দিতে পারে সেট। অপর কাহারও পক্ষে, বিশেষত ভদ্রঘরের স্মৃতি-শঙ্খলিত সভ্য রমণীর পক্ষে তাহা অসম্ভব। কোন ভদ্রমনা নারীই পণ্ডটাকে সহ করিতে পারে না, অন্তত না পারার ভাণ করে। মুক্তোর পণ্ড লইয়াই কারবার, সুতরাং সে বিষয়ে কোনরূপ ভণ্ডামি বা ছদ্মবেশ তাহার নাই। পণ্ডদের হাতে নিজেকে সে নিলামে চড়াইয়া দিয়াছে, যে ক্রেতা সর্বোচ্চ মূল্য দিবে সে বিনা দ্বিধায় তাহারই নিকট আত্মসমর্পণ

করিবে। এই নিছক কেনা-বেচার অন্তরালেও কিন্তু আর একজন আছে যাহাকে টাকা দিয়া কেনা যায় না, কথা দিয়া মুক্ত করা যায় না, যাহাকে অনুভব করা যায় কিন্তু ধরা যায় না, তাহাকে বিরিয়াই শঙ্করের স্বপ্ন রঙীন হইয়া উঠিয়াছে। শঙ্কর অন্তমনস্ক হইয়া পুনরায় চিন্তা করিতে লাগিল কি করিয়া বেশ কিছু টাকা জোগাড় করা যায়। এক-আধ শ টাকা নয়, বেশ কিছু মোটা টাকা বাহার বিনিময়ে সে মুক্তোকে পাইতে পারিবে। নিজের দৈন্তে নিজের উপরই তাহার ঘৃণা হইতে লাগিল। সামান্য টাকার জন্ত এই অপমান, এই বঞ্চনা, এই আত্ম-অসম্মান। যেমন করিয়া হোক উপার্জন করিতে হইবে, বড়লোক হইতে হইবে। অकारणे ফিজিক্‌স্ মুখস্থ করিয়া এম, এস-সি পাশ করার কোন সার্থকতা নাই। ওরিজিনাল মূর্খ কিন্তু ধনী। সেই জন্তই মুক্তোর উপর তাহার স্নান্য অধিকার বেশী।

... সহসা শঙ্করের মনে হইল মুক্তো কি পড়িতে পারে? এই মাসিক পত্রিকাটা তাহাকে দিয়া আসিলে কেমন হয়। এ কবিতা কি মুক্তো বুঝিতে পারিবে?

পিওন আসিয়া প্রবেশ করিল এবং দুইখানি চিঠি দিয়া গেল। দুইখানিই খামের চিঠি। একটি বেশ মোটা, হাতের লেখা দেখিয়াই শঙ্কর বুকিল সুরমার চিঠি। ইদানীং অনেক দিন সে সুরমার কোন পত্র পায় নাই। দ্বিতীয় চিঠিখানি বাবার। বাবার চিঠিখানি খুলিয়া পড়িল। সংক্ষিপ্ত চিঠি, প্রয়োজনীয় কথাই বেশী আর কিছু নাই। লিখিয়াছেন—মা ভাল আছেন আজকাল, শঙ্কর আগামী মাসে যেন একবার বাড়ি আসে, তাহার বিবাহ-সংক্রান্ত কথা-বার্তা তিনি শেষ করিয়া ফেলিতে চান। লিখিয়াছেন, তুমি এ বিষয়ে চিন্তা করিয়া দেখিবে বলিয়াছিলে। আশা করি এতদিন চিন্তা করিয়া একটা সিদ্ধান্তে পৌঁছিয়াছ এবং তাহা অসাধারণ কিছু নহে। আমাদের দূর সম্পর্কের আত্মীয় শিরিষবাবুর কন্ডার সহিত কথাবার্তা অনেকটা অগ্রসর হইয়াছে। দেনা-পাওনার কথা এখনও অবশ্য কিছুই ঠিক হয় নাই। সেদিক দিয়া তাহাদের তরফে যদি কোন বাধা না ওঠে তাহা হইলে অন্ত কোন আপত্তির কারণ দেখিতে পাইতেছি না। যতদূর শুনিয়াছি এবং কোটোতে যতদূর দেখিয়াছি মেয়েটি স্ত্রী। তুমি, যদি ইচ্ছা কর পাত্রীটিকে দেখিয়া আসিতে পার। কলিকাতাতেই



তাহারা থাকে। তোমার পত্র পাইলে শিরিষাবাবুকে লিখি  
তোমার সহিত দেখা করিয়া মেয়ে দেখাইবার বন্দোবস্ত  
করিতে। তুমি আগামী মাসে নিশ্চয়ই একবার আসিবে।

শঙ্কর ড্রয়ার খুলিয়া একখানা পোস্টকার্ড বাহির করিল  
এবং তৎক্ষণাৎ লিখিয়া দিল যে সে ঠিক করিয়াছে বিবাহ  
করিবে না। ইহা লইয়া তাহাকে যেন আর অনুরোধ  
করা না হয়। বিবাহ করা তাহার পক্ষে এখন অসম্ভব।  
চিঠিখানা লিখিয়া চাকরটাকে ডাকিয়া তৎক্ষণাৎ সেটা  
রাস্তার ডাকবাকসে ফেলিয়া দিয়া আসিতে বলিল। এক  
কাপ্ চা-ও ফরমাস করিল।

স্মরণ্য চিঠিটা খুলিতেই কতকগুলি ফোটো বাহির  
হইয়া পড়িল। নানারকম ফোটো। একটা কুকুরের,  
একটা ফুলের, একটা ক্রন্দনাকুল একটি শিশুর, একটা  
মেঘের, একটা সমুদ্রের, আরও কয়েকটা নানারকম  
প্রাকৃতিক দৃশ্য। স্মরণ্য লিখিতেছে—

শঙ্করবাবু,

অনেকদিন পরে আপনাকে চিঠি লিখছি। অর্থাৎ  
আপনার চিঠিখানা পাওয়ার পর এতদিন কেটে গেছে যে,  
চিঠিখানাও আর খুঁজে পাচ্ছি না। খুঁজে পাচ্ছি না বলে  
যেন মনে করবেন না যেখানে সেখানে অবহেলাভরে ফেলে  
রেখেছিলাম এবং অবশেষে তা ওয়েস্ট-পেপারবাস্কেটে  
বাহির হয়ে নিরুদ্দেশ যাত্রা করেছে। মোটেই তা নয়।  
বরং পাছে হারিয়ে যায় এই ভয়ে অত্যধিক যত্ন ক'রে সেটা  
রেখে দিয়েছিলাম। কিন্তু কোন্ য্যাটাচি কেসের কোন্  
পকেটে, কোন্ টেবিলের কোন্ ড্রয়ারে অথবা কোন্ বাস্কের  
কোন্ খোপে যে সেই সযত্নরক্ষিত চিঠিটি আত্মগোপন  
করে রইলো উত্তর দেবার সময় কিছুতেই আবিষ্কার করা  
গেল না। তাতে অবশ্য কিছু আসে যায় না। চিঠির  
উত্তরে আমরা যখন চিঠি লিখি তখন সব সময়ে আমরা যে  
চিঠির 'উত্তর'ই লিখি তা নয়, উত্তর দেবার উপলক্ষ ক'রে  
নিজের লিপিকুশলতা প্রকাশ করবার চেষ্টা করি। সব  
সময়ে তাতে প্রশ্নের উত্তর থাকে না, আবার অনেক সময়  
অজিজ্ঞাসিত প্রশ্নেরও অযাচিত উত্তর থাকে। কারো চিঠি  
পেলে মনে যে সাড়া জাগে তারই প্রতিক্রিয়া স্বকপ, আমরা  
যা করি তাই তার উত্তর। অনেক সময় নীরবতাই হয়  
শ্রেষ্ঠ উত্তর, অনেক সময় আবার আসল উত্তরটাকে আড়াল

করবার জন্তেই অবাস্তুর বাগবিস্তার করতে হয়; অনেক  
সময় পাতার পর পাতা লিখলেও উত্তরটা স্পষ্ট হয়ে ওঠে না,  
আবার অনেক সময়—কিন্তু এ আমি করছি কি! আপনি  
কবি মানুষ। আপনাকে এ বিষয়ে বক্তৃতা দেওয়া যে নিউ-  
কাসল্ শহরে কয়লা বহন করার চেয়েও হাস্তকর। আপনি  
নিশ্চয়ই এতক্ষণ মুচকি মুচকি হাসছেন। তাবছেন বোধ হয়  
এতদিন পরে চিঠির উত্তর এলো—তাও আবোল তাবোল!

স্মরণ্য আর নয়, ও প্রসঙ্গ এইখানেই চাপা দিলাম।  
এতদিন আপনার চিঠির যে উত্তর দিই নি তার প্রধান এবং  
একমাত্র কারণ এতক্ষণে বোধ হয় বুঝতে পেয়েছেন।  
ফোটোগ্রাফিতে আমাকে পেয়ে বসেছে। দিনরাত ওই  
নিয়েই আছি। দিনে ফোটো তুলি, রাত্রে ডেভেলোপ  
করি। কয়েকটা নমুনা পাঠালাম, কেমন লাগল সত্যি  
ক'রে জানাবেন তো! খুব কঠোর হয়ে বিচার করবেন না  
তা বলে! এই আমার প্রথম হাতেখড়ি, সেটা মনে  
রাখবেন। ছোট ছেলেটির কান্নার ছবিটা খুব মিষ্টি, নয়?  
একটি পার্শি ভদ্রমহিলার ছেলেটি। ভদ্রমহিলার সঙ্গে  
সম্প্রতি ভাব হয়েছে, বেশ মেয়েটি। রবীন্দ্রনাথের একজন  
গোঁড়া ভক্ত। ইংরেজী গীতাঞ্জলি প্রায় কণ্ঠস্থ। আপনার  
সেই কবিতাটাও ওঁকে অনুবাদ ক'রে শুনিরেছি, খুব ভাল  
লেগেছে ওঁর। ভাল কথা, আপনি কি কবিতা লেখা ছেড়েই  
দিলেন না কি! কই, কোন লক্ষণই তো দেখতে পাই না।  
লিখলে নিশ্চয় কোথাও না কোথাও দেখতে পেতাম।

আপনার বন্ধুর কোন খবর কি পেয়েছেন ইদানীং?  
আমি অনেকদিন কোন খবর পাইনি। পত্রলেখক-হিসেবে  
বোধ হয় কোনকালেই ওঁর প্রসিদ্ধি ছিল না। আপনিই  
ভাল বলতে পারবেন, কারণ আপনারা বালাবন্ধু। আমার  
সঙ্গে পরিচয় যদিও অল্পদিনের (আমি তো আগন্তুক  
বললেই হয়), কিন্তু এই স্বল্প পরিচয় সবেও এ কথাটা  
নিঃসংশয়ে বলতে পারি, পত্রলেখক-হিসেবে ওঁকে প্রথম  
শ্রেণীতে দূরের কথা দ্বিতীয় শ্রেণীতে স্থান দিতেও ইতস্তত  
করা উচিত। অত্যন্ত কাজের মানুষ অর্থাৎ প্র্যাকটিকাল  
লোক যারা শুনেছি অপব্যয় করবার মতো সময় নেই  
তাঁদের এবং যে চিঠি দু'কথায় লেখা যায় তার জন্তে দু'শো  
কথা লেখাটা অত্যন্ত অস্বাভাবিক বলে মনে করেন তাঁরা। দু'শো  
কথা একসঙ্গে লেখবার কুমতী আছে কি-না সে প্রশ্ন না

তুলেও এটা বোধ হয় নিঃসঙ্কোচে বলা যায় যে দু'শো কথা লেখবার ধৈর্য্য ওঁদের নেই। আপনার বন্ধুটির প্রথম প্রথম যা-ও বা একটু ধৈর্য্য ছিল, আজকাল তার থেকেও চ্যুত হয়েছেন তিনি। হয় তো পড়ার চাপ, নয়তো বা আর কিছু। অনেক সময় প্রহেলিকা বলে মনে হয়।

কবির। এখনও নারীদেরই প্রহেলিকা বলে থাকেন, আমার মনে হয় খুব সম্ভবত সেটা প্রথার খাতিরে। এককালে হয় তো নারীরা সত্যিই প্রহেলিকা ছিল এবং বিস্মিত পুরুষের মন একদা তার সমাধানেই ব্যস্ত ছিল বলেই কাব্যে তার এত উল্লেখ দেখা যায়। যুগ যুগ ধরে পুরুষদের সম্মিলিত চেষ্টার ফলে নারী কিন্তু আর প্রহেলিকা নেই, নারী-সংক্রান্ত সমস্ত সমস্যারই তাঁরা সমাধান করেছেন। নারীদের ছলা-কলা হাব-ভাব লীলা-চাপল্য অর্থাৎ নাড়ি-নক্ষত্র আজকাল পুরুষ জাতির নখদর্পণে। তবু কিন্তু পুরুষদের দৃষ্টির সম্মুখে এখনও নারীরা নিজেদের রহস্যময়রূপে প্রকট রাখবার চেষ্টা করেন এবং আমার বিশ্বাস, পুরুষরা সব জেনে শুনেও যুগ হবার ভাণ করেন। অর্থাৎ আজকাল বিজ্ঞান-মহিমার প্রহেলিকা হয়ে দাঁড়িয়েছে প্রহসন। আপনারা তা দেখে যে হেসে লুটিয়ে পড়েন না সেটা আপনাদেরই ঔদার্য্য, ভণ্ডামি বা শিভালুরি যাই বলুন। আমার বরং পুরুষদেরই প্রহেলিকা বলে মনে হয়, যদিও বিজ্ঞানের প্রকোপ আপনারাও এড়াতে পারেন নি এবং যদিও আমাদের ধারণা আপনাদের চরিত্রের অনেকখানিই আমরা বুঝে ফেলেছি। আপনাদের আমরা সমস্ত বুঝে ফেলেছি এই ধারণাই আরও বিভ্রান্ত করেছে আমাদের। আমাদের সম্পর্কে আপনাদের বতটুকু আমরা পাই আপনাদের ততটুকুই হয়তো কিছু কিছু বুঝি আমরা—কিন্তু আমাদের আয়ত্তের বাইরে আপনাদের যে সত্তা তার সঙ্গে আমাদের কিছুই পার্শ্চর্য্য নেই এবং সেই অপরিচয়ের অঙ্ককারে সবজ্ঞান্যর মতো চলতে যাই বলে পদে পদে হোঁচট খেতে হয় এবং সেই হোঁচটের নানামূর্ত্তি নানারূপে দেখা দেয়। কখনো মুর্চ্ছা যাই, কখনো আত্মহত্যা করি, কখনো কবিতা লিখি, কখনো বা কোনো আন্দোলনে যোগদান করি। আমি ফোটোগ্রাফ নিয়ে মেতেছি। কিন্তু ওই অপরিচয়ের অঙ্ককারটাই যে লোভনীয়!

বাক্য। নিজের কথা নিয়েই অনেকক্ষণ বাগবিত্তার

করলাম, আপনার কথা কিছুই জিগোস্ করা হয় নি। মিষ্টিদিদির খবর অনেকদিন পাইনি। শৈল ঠাকুরঝিও কোন চিঠিপত্র দেন না। কেমন আছেন তাঁরা? রিগি দেবী কেমন আছেন? এখনও কি আপনি তাঁর পাঠাভ্যাসে সহায়তা করছেন না কি? পুরুষদের মধ্যে যে অংশটুকু প্রহেলিকা নয়, কাচের মত স্বচ্ছ এবং ভঙ্গুর যেটুকু—সেটুকুর সম্বন্ধে সচেতন করা বৃথা বলেই কিছু বললাম না। আশা করি আপনি এবং রিগি উভয়েই নিরাপদে পরীক্ষায় উত্তীর্ণ হবেন। অনেকক্ষণ ধরে বকছি, বিরক্ত হয়ে উঠেছেন বোধ হয় এতক্ষণ। আমারও নতুন প্রিন্টগুলো শুকিয়েছে, তুলতে হবে এইবার। ফোটোগুলো কেমন লাগল জানাবেন। প্রীতি সম্ভাষণ নিন্। ইতি

—সুরমা

ভৃত্য চা দিয়া গেল এবং বলিল যে, নীচে কমন রুমে এক ভদ্রলোক শঙ্করের সহিত দেখা করিবার জন্ত আসিয়াছেন।

শঙ্কর বলিল, “এইখানেই নিয়ে আয় ডেকে—”

একটু পরেই রুমালে মুখ মুছিতে মুছিতে অপূর্ব্বকৃষ্ণ পালিত আসিয়া দ্বারপ্রান্তে দর্শন দিলেন। বিনীত নমস্কার করিয়া অপ্রস্তুত মুখে রুমালটা পকেটে পুরিতে পুরিতে একটু হাসিয়া বলিলেন, “আশা করি আপনার কাজের কোন ব্যাঘাত করে বিরক্ত, মানে—”

“কিছু না, বন্ধন। চা খাবেন?”

“না। অনেক ধন্যবাদ, এইমাত্র চা খেয়ে আসছি আমি—”

“কোন দরকার আছে না কি আমার সঙ্গে?”

অপূর্ব্ববাবু পুনরায় রুমাল বাহির করিলেন এবং গলা, গাড়, কানের পিছন প্রভৃতি মুছিয়া যেন কিছু শক্তিসংগ্রহ করিলেন। তাহার পর মরিয়া হইয়া শঙ্করের চোখের পানে চাহিয়া বলিয়া ফেলিলেন, “মিস্ মল্লিকের সঙ্গে কি দেখা হয় আজকাল আপনার?”

“দেখা না হওয়ার কি কারণ থাকতে পারে?”—বিস্মিত শঙ্কর প্রশ্ন করিল। অপূর্ব্ববাবু কেমন যেন ধমকত খাইয়া গেলেন। সত্যিই তো, শঙ্করবাবুর সহিত বেলা মল্লিকের দেখা না হওয়ার কোন সম্ভব বাধা থাকিবার কথা নয়। এ প্রশ্ন করার কোন অর্থ হয় না। অকারণে অনর্থক একটা প্রশ্ন করিয়াছেন এবং সেটা ধরা পড়িয়া গিয়াছে এই ভাবিয়া অপূর্ব্ববাবু মনে মনে অতিশয় লজ্জিত হইলেন এবং তাঁহার

মুখভাবেও সেটা সুস্পষ্ট হইয়া উঠিল। আবার রুমাল বাহির করিতে হইল। শঙ্করই পুনরায় প্রশ্ন করিল, “বেলার সঙ্গে আপনার দেখা হয়েছে কতদিন আগে?”

“আমার? আমার তো দেখা করার তেমন সুযোগ হয় না, রবিবার ছাড়া আমার ছুটি তো তেমন, মানে— তাছাড়া আপিস আজকাল বড় স্টিক্ট, রবার্টসন সায়েব—”

“রবিবার তো মাসে চারটে করে আছে—” বলিয়া শঙ্কর মৃদু মৃদু হাসিতে লাগিল।

“মিস্ মল্লিক রবিবারে বাড়ি থাকেন না, আমি গিয়েছিলাম দু’দিন। অথচ পিয়ানোর ভাল ভাল গং জোগাড় করেছি কয়েকটা, মানে গুনলাম উনি আজকাল পিয়ানোও—”

শঙ্কর বলিল, “পিয়ানো! পিয়ানো পেলে কোথা? গুনিনি তো।”

“মিস্টার বোসের একটা পিয়ানো আছে, উনি মিসেস বোসকে এশ্রাজ শেখাতে যান, সেই সময় পিয়ানোটাও বাজান শুনেছি। মানে, ওদের বেয়ারাটা বলছিল—”

শঙ্কর ভ্রুকুঞ্চিত করিয়া বলিল, “বেশ তো, আপনি কি করতে চান?”

অপূর্ববাবু একটা টোঁক গিলিয়া বলিলেন, “কয়েকটা ভাল গং পেয়েছিলাম, খুব ভাল বিলিতি গং, সেইগুলো গুঁকে, আর কি, মানে as a friend—”

“উপহার দিতে চান?”

অপূর্ববাবু একটু হাসিলেন, চক্ষু দুইটি একটু নত করিলেন এবং সমস্ত মুখভাবে নারী-মূলভ কমণীয়তা প্রকাশ করিয়া বলিলেন, “না, না, উপহার ঠিক নয়, আমি অর্থা—”

নির্ঝিকারভাবে শঙ্কর বলিল, “বেশ তো ডাকে পার্টিয়ে দিন না। দেখা যখন হচ্ছে না—”

“ডাকে? তা বেশ বলেছেন, শিওর পাবেন তা হ’লে, কি বলুন। আমি আপনার কাছে এসেছিলাম এই ভেবে যে, আপনি হয়তো বলতে পারবেন কখন উনি বাড়িতে থাকেন, তা হ’লে আপনার সঙ্গে আমিও একদিন, মানে—”

“উনি কখন বাড়িতে থাকেন তা আমিও ঠিক জানি না। প্রায়ই অবশ্য থাকেন না, অনেকগুলো টিউশনি নিয়েছেন কিনা—”

“তা শুনেছি আমি। তা হ’লে—”

অপূর্ববাবু আর কি বলিবেন, ভাবিয়া পাইলেন না। একটু ইতস্তত করিয়া উঠিয়া দাঁড়াইলেন এবং বলিলেন, “ডাকেই তা হ’লে পার্টিয়ে দেব। গুঁর নাম্বারটা কি বলুন তো, টুকে নি, ঠিক মনে নেই—”

পাঞ্জাবির পকেট হইতে পকেট-বুক বাহির করিতে গিয়া কতকগুলি মেয়েদের মাথার কাঁটা বাহির হইয়া মেজ্জেতে পড়িয়া গেল। কুণ্ঠিত অপূর্ববাবু চাদর সামলাইতে সামলাইতে সেগুলি কুড়াইতে লাগিলেন।

শঙ্কর প্রশ্ন করিল, “ওগুলো আবার কি?”

“ওগুলো, মানে, আমাদের পাড়ারই একটি মেয়ে কিনতে দিয়েছিল আমাকে—”

কাঁটাগুলি কুড়াইয়া নিস বেলা মল্লিকের ঠিকানাটা টুকিয়া লইয়া অপূর্ববাবু পালিত চলিয়া গেলেন। শঙ্কর মৃদু হাসিয়া চাটুকু পান করিয়া ফেলিল।

ক্রমশঃ

## অন্ধের প্রতি শ্রীমতী ইন্দুরাণী দেবী

ধরণীর ঐশ্বর্য্য ভাঙারে আজ,  
হে মানব রিক্ত তুমি,  
রিক্ত তুমি, অতি ক্ষুদ্র দীন,  
পৃথিবীর এই আলো ছায়া  
তব চক্ষে আজ শুধু  
ছায়ারূপ, শুধু ভাষাহীন।  
নয়নের মাঝে দুটি কালো তারা  
নাচে না চন্ চন্—  
ছন্দ মাঝে, যেন উদাসীন,

ধরণীর বুকে হারিসি খেলা  
ব্যথা-হত পরাণের  
শুধু ছলভরা, শুধু রূপহীন।  
চাহনিতে তব কালোছায়া,  
ব্যর্থতায় ভরা শুধু,  
যেন জীবনের শেষ গণা দিন,  
জাগে নাকো বাণী, দুটা আঁখি কোলে  
অস্তরের মৌন ভাষা  
স্তব্ধ চির তরে, শুধু অর্থ হীন ॥

## পদকর্তা নয়নানন্দ

### শ্রীহরেকৃষ্ণ মুখোপাধ্যায় সাহিত্যরত্ন

পদাবলী সাহিত্যে আমরা আজ পর্যন্ত তিনজন নয়নানন্দের সন্ধান পাইয়াছি। তিনজনই প্রসিদ্ধ পদকর্তা, অথচ বৈষ্ণব-পদকর্তাগণের জীবনী-লেখক মহাশয়েরা অপর দুইজন নয়নানন্দের নাম পর্যন্ত উল্লেখ করিতেও বিস্মৃত হন। বাঙ্গালা সাহিত্যের ইতিহাস-লেখকগণের এই অনবধানতা ভবিষ্যতে অকৃতজ্ঞতারূপে অভিহিত হইতে পারে, এই আশঙ্কায় আমরা সংক্ষেপে তিনজন নয়নানন্দের পরিচয়ই লিপিবদ্ধ করিয়া রাখিতেছি।

( ১ )

পদাবলী সাহিত্যে সুপরিচিত নয়নানন্দ মিশ্র, শ্রীগোরাঙ্গ-প্রভুর প্রিয়সহচর গদাধর পণ্ডিতের ভ্রাতুষ্পুত্র এবং শিষ্য। পণ্ডিত গোস্বামীর তিরোভাবের পর রাঢ়দেশে ভরতপুর গ্রামে বাস করেন। স্বর্গগত যশোদানন্দন তালুকদার প্রকাশিত প্রেমবিলাসের দ্বাবিংশ এবং চতুর্বিংশ বিলাসে ইহার নিম্নরূপ পরিচয় আছে। “চট্টগ্রামে চিত্রসেন নামে এক রাজা ছিলেন, তিনি বিলাস আচার্য্যকে সভাপণ্ডিত নিযুক্ত করেন এবং (চট্টগ্রাম) বেলেটী গ্রামে বাসের ব্যবস্থা করিয়া দেন। বিলাস মিশ্রের পুত্রের নাম মাধব। চট্টগ্রাম চক্রশালার সুপ্রসিদ্ধ বৈষ্ণব জমিদার পুণ্ডরীক বিজ্ঞানিধির সঙ্গে মাধবের বন্ধুত্ব হয়। চট্টগ্রামে মাধবের এক পুত্র জন্মে তাহার নাম বাণীনাথ, বাণীনাথের অপর এক নাম জগন্নাথ। অতঃপর মাধব মিশ্র নবদ্বীপে আসিয়া বাস করেন। নবদ্বীপে মাধবের কনিষ্ঠ পুত্রের জন্ম হয়, এই পুত্রই সুপ্রসিদ্ধ গদাধর পণ্ডিত। মাধব মিশ্র শ্রীপাদ মাধবেশ্বরপুরীর নিকট দীক্ষা গ্রহণ করিয়াছিলেন। মাধব মিশ্রের কনিষ্ঠ পুত্র গদাধর আকুমার ব্রহ্মচারী ছিলেন। জ্যেষ্ঠ বাণীনাথ বিবাহ করেন, এই বাণীনাথ বা জগন্নাথ মিশ্রের পুত্রই পদকর্তা নয়নানন্দ। আমাদের মনে হয় গৌর-গণোদ্দেশ দীপিকায়—“বাণীনাথ দ্বিজম্পাহট্টবাসী প্রভোঃ প্রিয়” বলিয়া এই বাণীনাথের নামই উল্লিখিত হইয়াছে। নরোত্তমবিলাসে নরহরি চক্রবর্তী মহাশয় অত্যন্ত সঙ্কমের

সঙ্গে ইহার নাম উল্লেখ করিয়াছেন। খেতরীতে নরোত্তম ঠাকুর মহাশয় বাণীনাথকে বিশেষ সম্মানের সঙ্গে গ্রহণ করিয়াছিলেন।

তালুকদারের প্রেমবিলাসে উল্লিখিত আছে, শ্রীল গদাধর পণ্ডিত গোপাল মন্ত্রে দীক্ষা দিয়া নয়নানন্দকে স্বপূজিত গোপীনাথ বিগ্রহের সেবার ভার দিয়াছিলেন।

পণ্ডিত গোসাঞীর বড় ভাই বাণীনাথ হয়।  
জগন্নাথ বলি তারে কেহো কেহো কয় ॥  
বাণীনাথের পুত্র নয়নানন্দ গোসাঞি।  
তাঁহার যতক গুণ তার অন্ত নাই ॥  
তারে শিষ্য করি গোসাঞী শক্তি সঞ্চারিলা।  
পণ্ডিত গোসাঞীর সেবা নয়ন পাইলা ॥  
পণ্ডিত গোসাঞী প্রভুর অপ্রকট সময়।  
নয়নানন্দে ডাকি এই কথা কয় ॥  
মোর গলদেশে ছিল এই কৃষ্ণ মূর্তি।  
সেবন করিহ সদা করি অতি প্রীতি ॥  
তোমারে অপিল এই গোপীনাথের সেবা।  
ভক্তিভাবে পূজিবে, না পূজিবে অন্ত দেবীদেবা ॥  
স্বহস্ত লিখিত এই গীতা তোমায় দিলা।  
মহাপ্রভু এক শ্লোক ইহাতে লিখিলা ॥  
ভক্তিভাবে ইহা তুমি করিবে পূজন।  
এত কহি পণ্ডিত গোসাঞি হইলা অন্তর্দান ॥  
দেখি শ্রীনয়ন গোসাঞি বহু খেদ কৈলা।  
প্রভুর ইচ্ছামতে তবে স্থির হইলা ॥  
নয়ন পণ্ডিত গোসাঞির অন্ত্যেষ্টিক্রিয়া করি।  
রাঢ়দেশ ভরতপুরে করিলেন বাড়ি ॥ (২২শ বিলাস)

প্রেমবিলাসের এই কাহিনী কতখানি বিশ্বাসযোগ্য জানি না। ভরতপুর মুর্শিদাবাদ জেলার কান্দী মহকুমার অন্তর্গত।

নয়নানন্দ গৌর-গদাধরের উপাসক। এই সম্পর্কে শ্রীধণ্ডের সরকার-ঠাকুর বংশের সহিত তাঁহার অন্তরঙ্গতা জন্মে। কারণ শ্রীধণ্ডের নরহরি সরকার ঠাকুর মহাশয়ই

গৌর-গদাধর উপাসনার প্রবর্তক। নয়নানন্দের কোন কোন পদের ভণিতা এইরূপ—

‘কহয়ে নয়নানন্দ মনের উল্লাসে।

আর কি দেখিব গৌরা গদাধর পাশে ॥’

‘নাচে শচীর নন্দন ছুলালিয়া।

সকল রসের সিন্ধু গদাধর প্রাণবন্ধু

নিরবধি বিনোন রঞ্জিয়া’ ॥

পদকল্পতরুতে নয়নানন্দ ভণিতার ২৬-টি পদ আছে। সমস্ত পদই এই মিশ্র নয়নানন্দের রচিত কি-না, সে বিষয়ে আমাদের সন্দেহ রহিয়াছে। কারণ ইহার প্রায় সম-সময়েই শ্রীখণ্ডে নয়নানন্দ কবিরাজ নামে অপর একজন পদকর্তা ছিলেন। ইনি শ্রীল রঘুনন্দন ঠাকুরের শিষ্য, সুতরাং গৌর-গদাধরের উপাসক। ইহার কথা পরে বলিতেছি। মিশ্র নয়নানন্দের একটি পদ উদ্ধৃত করিলাম।

রূপামুরাগের গৌরচন্দ্র ॥ ধানশী ॥

গৌরাজ্জ লাবণ্যরূপে কি কহিব একমুখে

আর তাহে ফুলের কাচনি।

ও চান্দ মুখের হাসি জীব না গো হেন বাসি

আর তাহে ভাতিয়া চাহনি ॥

বিহি গড়ল কত ছান্দে।

কেমন কেমন করে মন সব লাগে উচাটন

পরাণ পুতলি মোর কান্দে।

বিধিরে বলিব কি করিলে কুলের ঝি

আর তাহে নহি সতন্তরি ॥

গেল কুল লাজ ভয় পরাণ রহিবার নয়

মনের অনলে পুড়্যা মরি।

কহিব কাহার আগে কহিলে পিরীতি ভাঞ্জে

চিত মোর ধৈরজ না বান্ধে।

নয়নানন্দের বাণী শুন শুন ঠাকুরাণী

ঠেকিলে গৌরাজ্জ প্রেম ফান্দে ॥

( ২ )

পদকর্তা নয়নানন্দ কবিরাজ শ্রীখণ্ডের শ্রীল রঘুনন্দনের সাক্ষাৎ শিষ্য। শ্রীখণ্ডনিবাসী “রসকল্পবল্লী”-প্রণেতা ও পদকর্তা গোপালদাস শ্রীমহরিরি ও শ্রীরঘুনন্দনের শাখা-

নির্গয়ে অনেক কবি ও ভক্তের নাম উল্লেখ করিয়াছেন। রঘুনন্দন শাখায় প্রথমেই তিনি নয়নানন্দ কবিরাজের নাম উল্লেখ করিয়া লিখিতেছেন—

“রঘুনন্দনের শাখা নয়নানন্দ কবিরাজ।

যার শাখা উপশাখায় ভরিল ভবমাঝ ॥

বয়ঃসন্ধি রসে হয় যাহার বর্গন।

ভাগ্যবান যেই সেই করে স্মরণ।

শ্রীনিকেতন আদি কবিরাজের শাখা।

সংক্ষেপে কহিল নাম নাহি লেখা জোখা ॥”

এই কবিতাংশ হইতে জানা যায়—“নয়নানন্দ কবিরাজ প্রসিদ্ধ ব্যক্তি ছিলেন। শ্রীনিকেতন-আদি বহু ব্যক্তি তাঁহার শিষ্যত্ব স্বীকার করিয়াছিলেন। নয়নানন্দ কবি ছিলেন, তাঁহার রচিত বয়ঃসন্ধি রসের পদ ছিল। এই পদগুলি ভাগ্যবান ভজনপরায়ণ বৈষ্ণবগণ নিত্য স্মরণ করিতেন।” ইহার অধিক কবিরাজের আর কোন পরিচয় পাওয়া যায় না। নয়নানন্দ কবিরাজ শ্রীখণ্ডের অধিবাসী ছিলেন বলিয়া মনে হয়।

আমি যখন “বীরভূম অল্পসন্ধান সমিতি”র সহকারী সম্পাদকের কার্যে নিযুক্ত ছিলাম, সেই সময় সমিতির গ্রন্থশালায় হাতের লেখা বহু পুরাতন পুঁথি সংগ্রহ করিয়া ছিলাম। তাহার মধ্যে পদসংগ্রহের পুঁথিও ছিল। সেই সমস্ত পুঁথি হইতে এখানে সেখানে দুই-চারিটি পদ সংগ্রহ করিয়া রাখিয়াছিলাম। এইরূপে নয়নানন্দ ভণিতার দুইটি পদ সংগৃহীত ছিল। তখন নয়ন মিশ্র ও মঙ্গলডিহির কবি নয়নানন্দ ঠাকুর ভিন্ন কবিরাজ নয়নানন্দের নাম জানিতাম না। সুতরাং পদ দুইটি আমি মঙ্গলডিহির নয়নানন্দ কবির পদ বলিয়াই সংগ্রহ করিয়াছিলাম। কিন্তু শ্রীখণ্ডের নয়নানন্দ কবিরাজের পরিচয় আবিষ্কৃত হওয়ার পর আমার দৃঢ় বিশ্বাস জন্মিয়াছে, এই পদ দুইটি তাঁহারই রচিত। পদ দুইটি পাঠ করিয়া তাহার সঙ্গে গোপালদাসের পূর্বোক্ত কবিতাংশ মিলাইলেই নিরপেক্ষ পাঠকগণও আমাদের উক্তি সমর্থন করিবেন। ভাগ্যক্রমে দুইটি পদই বয়ঃসন্ধি সম্বন্ধে, একটি গৌরচন্দ্র, অপরটি শ্রীমতীর রূপ। পদ দুইটি তুলিয়া দিলাম। পদ দুইটি ইতিপূর্বে কোথাও প্রকাশিত হয় নাই। পদাবলী সাহিত্যে গৌরচন্দ্রের

বয়ঃসন্ধি-বিষয়ক পদের সংখ্যা খুবই কম। সেদিক দিয়াও পদ দুইটির মূল্য স্বীকার করিতে হয়।

সুহই ॥ বিমল সুরধুনী তীর ।  
কালিন্দি ভরমে অধীর ॥  
বিহরই গৌর কিশোর ।  
পূর্ব পিরিতি রসে ভোর ॥  
রাজপথে নরহরি সঙ্গে ।  
ক্লেমে হেরি গঙ্গ তরঙ্গে ॥  
গদাধর লাজে তেজে পাশ ।  
মুরারি এ কর পরিহাস ॥  
কৈশোর যৌবনে সন্ধি ।  
নয়নানন্দ চির বন্দি ॥

অল্পের মধ্যে শ্রীমহাপ্রভুর বয়ঃসন্ধির একটি অতি সুন্দর আলেখ্য। এই নবদ্বীপের রাজপথে প্রিয়বন্ধু নরহরির কণ্ঠ বাহুবেষ্টনে বাকিয়া চলিয়াছেন, পরক্ষণেই দেখি তিনি অপর বয়ঃসন্ধি সঙ্গে গঙ্গাতরঙ্গে সস্তরণ করিতেছেন। এই এখনই মুরারীশুপ্তকে দেখিয়া পরিহাস সহকারে বলিতেছেন

—“ব্যাকরণ শাস্ত্র এষ্ট বিষম অবধি ।  
কৃৎ পিত্ত অজীর্ণ ব্যবস্থা নাহি ইতি” ।

আবার হয়তো গদাধরকে দেখিয়া—

“বাহু পসারিয়া প্রভু রাখিল ধরিয়া ।  
ভ্রায় পড় তুমি আমা যাও প্রবোধিয়া ॥”

মুরারীকে দেখিয়া পরিহাস করেন—তুমি বাড়ী গিয়া গাছগাছড়া লইয়া রোগীর ব্যবস্থা কর, ব্যাকরণ পড়িয়া কি হইবে?” গদাধরকে মুক্তির লক্ষণ জিজ্ঞাসা করেন, কূটতর্ক উত্থাপন করেন। মুরারী প্রভুকে দেখিয়া দূরে পরিহার করিয়া চলেন, গদাধর যেন প্রভুর হাত ছাড়াইয়া পলাইতে পারিলেই বাচেন। সূত্রাং পদকর্তা সত্য কথাই বলিয়াছেন—

“গদাধর লাজে তেজে পাশ ।  
মুরারীকে করু পরিহাস ।”

ভগিনীটিও চমৎকার। মহাপ্রভু কৈশোর-যৌবনের সন্ধিস্থলে উপনীত হইয়াছেন। (ত্রিলোকের লোকের)

নয়নের আনন্দ সেইরূপে চির বন্দি প্রাপ্ত হইয়াছে। অপর পক্ষে পদকর্তা নয়নানন্দ সেইরূপে চিরবন্দী হইয়া রহিলেন। অপর পদটি এইরূপ—(শ্রীকৃষ্ণের প্রতি দূতীর উক্তি) ধানশী ॥

মাধব পেথলু সো নব বালা ।  
বরজ রাজপথ চাঁদ উজালা ॥  
অধরক হাম নয়নযুগে মেলি ।  
হেম কমল পর চঞ্চরী খেলি ॥  
হেরি তরুণী কোই করু পরিহাস ।  
অস্তরে সমুঝয়ে বাহিরে উদাস ।  
শুনিয়া না শুনে জমু রসপরসঙ্গ ।  
চরণ চলন গতি মরাল সুরঙ্গ ॥  
বক্ষ জখন গুরু কাটি তেল ক্ষীণ ।  
নয়নানন্দ দরশ শুভ দিন ॥

মাধব, ব্রজের রাজপথের উজ্জল চাঁদ সেই নবীনা বালাকে দেখিলাম। (তাহার) অধরের হাসি নয়নযুগলে মিলিত হইয়াছে। যেন সোনার কমলে (বদনমণ্ডলে দুইটি চক্ষুরূপ) ভ্রমর খেলিতেছে। (তাহাকে) দেখিয়া কোন তরুণী যদি পরিহাস করে, অস্তরে বৃষ্টিতে পারে, (কিন্তু না বুঝার ভাণে) বাহিরে উদাস দেখায়। রসপ্রসঙ্গ যেন শুনিয়াও শুনে না, মরালগতিতে চলিয়া যায়। জখন ও বক্ষস্থল এবং কাটি ক্ষীণ হইল। (আমার পক্ষে আজ) শুভদিন, সেই নয়নানন্দদায়িনীকে দেখিলাম। অপর পক্ষে পদকর্তা নয়নানন্দ সেইরূপে শুভদিনের দর্শন পাইলেন। অর্থাৎ শ্রীমতীর এই রূপ শ্রীকৃষ্ণকে আকর্ষণ করিবে, এইবার ভক্তগণের যুগলমিলন দর্শনের শুভদিনের উদয় হইবে।

গদাধর পণ্ডিতের ভ্রাতৃপুত্র নয়নানন্দ মিশ্রকে প্রায় মহাপ্রভুর সম-সাময়িক বলিতে পারা যায়। মহাপ্রভুর তিরোধানের পর নয়নমিশ্র বহুদিন জীবিত ছিলেন, কারণ খেতরীর মহোৎসবে তিনি উপস্থিত হইয়াছিলেন। ঠাকুর রঘুনন্দন এবং নয়নমিশ্র প্রায় সমবয়স্ক। সূত্রাং নয়নানন্দ কবিরাজ নয়নানন্দ মিশ্রের অব্যবহিত পরবর্তী ব্যক্তি। আমরা উভয় কবিকে সম-সাময়িক বলিয়াই ধরিয়া লইয়াছি। উভয় কবিই খৃষ্টীয় ষোড়শ শতাব্দীতে বর্তমান ছিলেন। বিদ্যাপতি ভগিনীর “বয়ঃসন্ধির পদগুলি ভাষার

দিক দিয়া সন্দেহজনক। আমার মনে হয়, নয়নানন্দ কবিরাজের বয়ঃসন্ধির পদগুলি বিদ্যাপতির নামে চলিয়া গিয়াছে। এদিকে ভাষাতাত্ত্বিকগণের দৃষ্টি আকর্ষণ করিতেছি।

( ৩ )

ঠাকুর নয়নানন্দ পূর্বোক্ত দুই নয়নানন্দ অপেক্ষা প্রায় শতাব্দিক বৎসরের পরবর্তী ব্যক্তি। ইনি বাঙ্গালা ১১৪০ সালের ৫ই জ্যৈষ্ঠ ( খৃঃ অঃ ১৭৩৩ ) মঙ্গলবার শ্রীকৃষ্ণভক্তিরসকদম্বগ্রন্থ সম্পূর্ণ করেন। ইহার দুই বৎসর পূর্বে ১৬৫৩ শকাব্দায় প্রয়োভক্তিরসার্ণব রচনা সমাপ্ত হয়। আমরা কবির স্বহস্ত লিখিত গ্রন্থ হইতে এই সন তারিখ উদ্ধৃত করিতেছি। বীরভূম জেলার ইলামবাজার থানায় মঙ্গলডিহি অতি প্রসিদ্ধ গ্রাম। এই গ্রামের চারিশত বৎসরের ধারাবাহিক ইতিহাস আছে। মহাপ্রভুর পার্শ্বদ ঠাকুর সুন্দরানন্দ মঙ্গলডিহির গোপাল ঠাকুরকে মঙ্গলদীক্ষা দান করেন। গোপাল পান বিক্রয় করিয়া জীবিকা নির্বাহ করিতেন বলিয়া পর্ণগোপাল বা পানুয়া ঠাকুর নামে বিখ্যাত হন। সেকালে হিন্দু-মুসলমানে মিলন স্থাপনের জন্য যাহারা অস্তরের সঙ্গে চেষ্টা করিতেন, তাঁহাদের মধ্যে পর্ণগোপাল অগ্রবর্তী ছিলেন। তাঁহার সম্বন্ধে বহু অলৌকিক গল্প প্রচলিত আছে। পর্ণগোপাল এক সন্ন্যাসীর নিকট গ্রহণ করিয়া স্বগৃহে শ্যামচাঁদ ও বলরাম বিগ্রহের সেবা প্রতিষ্ঠা করেন। পর্ণগোপাল খৃষ্টীয় ষোড়শ শতকের মধ্যভাগে বর্তমান ছিলেন।

নয়নানন্দের পিতার নাম গোপালচরণ, জ্যেষ্ঠ সহোদরের নাম গোকুলচন্দ্র। দুই ভ্রাতাই পণ্ডিত এবং কবি ছিলেন। বৈষ্ণবগ্রন্থ অধ্যয়ন এবং সঙ্গীত শিক্ষার জন্য ইহাদের চতুস্পাঠীতে নানাস্থান হইতে ছাত্রের দল আসিয়া উৎসাহিত হইত। কবি নয়নানন্দ এবং বীরভূম জেঁাফলাই গ্রামের কবি জগদানন্দ উভয়েই সম-সাময়িক। নয়নানন্দের কৃষ্ণভক্তিরসকদম্ব গ্রন্থের অনুক্রমণিকা এইরূপ—

এবে কহি গ্রন্থের অনুক্রম সূত্র ।  
ষেবা যেই প্রকরণে হইয়াছেন উক্ত ॥  
প্রথম প্রকরণে হৈলাম মঙ্গলাচরণ ।  
গুরু কৃষ্ণ বৈষ্ণব বন্দনারূপ হন ॥

সর্ব আরাধনা পর কৃষ্ণের অর্চন ।  
মনে সছোধিয়ে প্রশ্ন প্রথম প্রকরণ ॥১  
শ্রীকৃষ্ণসেবায় হয় জগতের প্রীতি ।  
ভক্তবশ ভগবান অভক্ত নিন্দাতথি ॥  
কৃষ্ণাশ্রয় বিনে ভবসিদ্ধি নহে পার ।  
দ্বিতীয় প্রকরণে হৈল তাহার বিচার ॥২  
বাল্যারভ্য কৃষ্ণসেবা বিষয়াবিষ্ট ত্যাগ ।  
অনাশ্রিত পশুতুল্য ইত্যাদি বিভাগ ॥  
ইন্দ্রিয় থাকিতে যে ইন্দ্রিয়হীন জন ।  
ভক্তিশ্রেষ্ঠ তৃতীয়ে হৈল নিরূপণ ॥  
অকামা সকামা ভক্তি কৃষ্ণভক্তি ফল ।  
অবিনাশী কৃষ্ণদাস তৃতীয়ে সকল ॥৩  
চতুর্থে সাধন ভক্তি বৈধীর কথন ।  
উত্তম মধ্যম ভক্ত তটস্থ লক্ষণ ॥৪  
পঞ্চমে চতুষ্টয় ভক্তাস্ত লক্ষণা ।  
ষষ্ঠে সেবা নাম আদি অপরাধ বর্ণনা ॥৫।৬  
সপ্তমে রাগভক্তি প্রকটাপ্রকট লীলা ।  
অষ্টমে ভাব ভক্তি বর্ণন হইলা ॥৭।৮  
নবম বিভাগ সূত্র পূর্ণতরতম ।  
ধীরোদাত্তাদি তথা নায়ক কথন ॥৯  
নিত্যসিদ্ধাদি ভক্তি লক্ষণা নবমে ।  
দশমে অন্ত্যভাব তথা সাঙ্গিক কথনে ॥১০  
ব্যভিচারী কহিলাম প্রকরণ একাদশে ।  
স্থায়ীভাব কথন হইয়াছেন দ্বাদশে ॥১১।১২  
ত্রয়োদশে মুখ্য ভক্তি রস নিরূপণ ।  
শাস্ত দাস্ত পর্যাস্ত তাহাতে লিখন ॥১৩  
চতুর্দশে সখ্য ভক্তি রসের বিচার ।  
পঞ্চদশ প্রকরণে বাৎসল্যের সার ॥১৪।১৫  
ষোড়শ সপ্তদশে উজ্জল বর্ণন ।  
এই তো কহিল ইতি শাস্ত অনুক্রম ॥১৬।১৭

গ্রন্থখানি ত্রীপাদ রূপ গোস্বামীর ভক্তিরসামৃত সিন্ধুর মর্ম্মানুসরণে লিখিত। অনুবাদ প্রাজ্ঞল, পাণ্ডিত্যপূর্ণ এবং কবিত্বময়। গ্রন্থ সমাপ্তি প্রসঙ্গে কবি লিখিয়াছেন—

বুগ্মবাণ ঋতুচন্দ্র শকে পরিগণি ।  
বৃষরাশি গত ভাগু মাস তাহে জানি ॥

ভূমিপুত্র করে তথা কুহতিখি শেষে ।  
 হইলেন গ্রন্থ সাক্ষ পঞ্চম দিবসে ॥  
 সেনভূম মধ্যে মঙ্গলডিহি গ্রাম ।  
 শ্রীপর্ণিগোপালের যাহাতে বিশ্রাম ॥  
 ঠাকুর পাণ্ডয়ার সেবা শ্রীশ্যামসুন্দর ।  
 বলরামচন্দ্র প্রভু রসিক নাগর ॥  
 সে মূর্তি দেখিতে ভক্তের বাড়ে প্রেমরঙ্গ ।  
 সেই স্থানে রহি এই গ্রন্থ হইল সাক্ষ ॥  
 কৃষ্ণভক্তি রসকদম্ব শ্রবণে উল্লাস ।  
 কাতরে বর্ণিলা এ নয়নানন্দ দাস ॥  
 কবি প্রয়োভক্তি রসার্ণব সমাপ্তি-প্রসঙ্গে লিখিয়াছেন—  
 এ দাস নয়নানন্দ গোপালের কিঙ্কর ।  
 শ্রীযুত গোকুলচন্দ্র জ্যেষ্ঠ সত্যোদর ॥

তাহার আশয় সূত্র কথক দেখিয়া ।  
 এই গ্রন্থ লিখিলাম প্রচার করিয়া ॥  
 নয়নানন্দের একটি পদ তুলিয়া দিলাম ।  
 উঠ গোপাল প্রাতঃকাল মুখ নেহারি তের ।  
 রজনী অবসান ভই কাম ভই মের ॥  
 উঠতো ভানু দেখতো কানু রজনী গেই দূর ।  
 বালক সঙ্গে মেলত রঙ্গে রোহিণেয় বলবীর ॥  
 এই শ্রীদাম দাম সুদাম সঙ্গীগণ তের ।  
 পুরতো বেণু ধাওত ধেনু আঙিনা ভরল মের ॥  
 নন্দরাণী পসারি পানি বালক সেই মোর ।  
 মুখ নেহারি দুখ বিসরি কিয়ে সুখ জানি ওর ॥  
 শ্যামচন্দ্র চন্দ্র উদিত নামাল হৃদি ঘোর ।  
 গেরিয়া বয়ান কহিছে নয়ান উঠ কানাই মোর ॥

## ভাই-ফোঁটা

কাদের নওয়াজ

আমায় দিল ভাই-ফোঁটা কে  
 জানতে তুমি চাও আলেয়া ?  
 তবে গুন কালিন্দী নয়,  
 দিয়েছে মোর বোন্ সে কেয়া ।  
 ভাব্ছ সিঁথির সিঁদুর তোমার,  
 রইবে চিরকাল যে এবার,  
 মিথ্যা কথা, ভাই-ফোঁটা মোর  
 নয় রে প্রিয়ে তাহার তরে ।  
 তবে এবার খুলেই বলি,  
 গুন্বে যদি ধৈর্যা ধ'রে,  
 বৈতরণীর বদ্বীপেরি—  
 মতই পুত মায়ের ক্রোড়ে—  
 ছিলেম মোরা পারুল—চাঁপায়,  
 বৃন্তে যেন তরুর শাখায়—  
 ছাড়াছাড়ি হ'তেই ক্রমে  
 ভুলে গেলাম পরম্পরে ।  
 এমনি ক'রেই দিন যে গোয়ায়,  
 হঠাৎ এলে তুমিই প্রিয়া !  
 নিলে আমার হৃদ-কাননের  
 কুসুমগুলি সব তুলিয়া ।

ভুলে গেলাম বোনের স্মৃতি,  
 ভুলিল সে ভায়ের প্রীতি,  
 হারিয়ে গেল অঙ্গুরী কার—  
 যেন বা পুষ্করার সরে ।  
 পারুলেরে ভুলল চাঁপা  
 ভুলিল যে পারুল চাঁপায়,  
 ফিরে এল সব স্মৃতি আজ  
 যেন রে এই ভাইদ্বিতীয়ায় ।  
 বোনেরি, ভাই-ফোঁটার সনে—  
 জননীরেও পড়ল মনে,  
 নেমে এল ক্ষণিক স্বরগ  
 যেন বা এই ধরার 'পরে ।  
 আমায় দিল ভাই-ফোঁটা কে  
 এখনও কি গুধাও প্রিয়ে ?  
 কালিদহের কমল-কানন  
 দেখেছে যে নয়ন দিয়ে,  
 সরে না তার মুখেই বাণী,  
 প্রেম করা বৃথাই রাণি !  
 আজি যে এক-বৃন্তে-ফোঁটা  
 কুসুমেরি পরাগ ঝরে !



# বিদ্যালয়ে মধ্যাহ্ন জলযোগ

## শ্রীকালীচরণ ঘোষ

ইংরেজ আমলে পড়িয়া আমাদের পাঠশালা ও বিদ্যালয়গুলি বেলা সাড়ে দশটা হইতে বিকাল চারটা পর্যন্ত চালাইতে হয়। সরকারী নিয়মে ইহার কোনও ব্যতিক্রম করিবার উপায় নাই। এমন কি কিশোরদিগের জন্ত যে নিম্ন বা উচ্চ প্রাথমিক পাঠশালাগুলি পরিচালিত হয়, তাহাতেও ১০-৩০ হইতে ৪টা (নিতান্ত বালক পক্ষে ১০-৩০ হইতে ২টা) স্কুল বসে।

এই কারণে সাধারণতঃ সকাল ৯। হইতে ১০টার মধ্যে বিজ্ঞান-দিগকে আহার সমাপন করিতে হয়। পল্লীর দিকে এই সকল স্কুলগুলি প্রায়ই অতি দূরে দূরে অবস্থিত; সে কারণে অনেক ছাত্রকে কয়েক মাইল অতিক্রম করিয়া পড়িতে আসিতে হয়। তাহাদের আহার শেষ করিতে হয় আরও আগে। ছুটি হয় চারটার পরে; সে কারণে অধিকাংশ পড়ুয়াকে সাড়ে চারটার পর হইতে বাড়ী পৌঁছিতে হয়; যাহাদের বাড়ী যত দূরে তাহাদের তত বেশী সময় লাগিয়া যায়! ইহার উপর যাহাদের বিদ্যালয়ে ছুটির পর ব্যায়ামের ব্যবস্থা আছে, তাহাদের আরও অন্ততঃ আধঘণ্টা আটক থাকিতে হয়।

যাহারা কষ্ট স্বীকার করিয়া এই প্রবন্ধ পাঠ করিতেছেন, তাহারা সকলেই জানেন পাঠগৃহে এই দীর্ঘ সময়ের মধ্যে দ্বিপ্রহরে বিশেষ ক্ষুধার উদ্ভেক হয়। এই সময় কিছু খাইতে না পাইয়া শরীরের বিশেষ ক্ষতি এবং বিকালের দিকে পাঠগৃহে বন্ধ থাকিয়া বিজ্ঞানচর্চা করা ছাত্রদিগের পক্ষে অত্যাচারের নামান্তর মাত্র হয়। হয়ত কয়েকটা বালক বাটা হইতে নামাশু দুই একটা পয়সা আনিয়া স্থানীয় দোকান হইতে কিছু কিনিয়া খায়। অধিকাংশ ক্ষেত্রেই এই খাওয়া স্বাস্থ্যপ্রদ নহে। তাহা ছাড়া, অনেক বালকই কিছু না খাইয়া টিফিনের সময় ছুটাছুটি, পরের দুই ঘণ্টা পাঠ এবং ব্যবস্থা থাকিলে ছুটির পর ব্যায়াম করিয়া ঘরে ফেরে। অত্যন্ত ক্ষুধার্ত অবস্থায় বাধ্যতামূলক ব্যায়াম ছাত্রদের স্বাস্থ্যের পক্ষে অত্যন্ত ক্ষতিজনক হইয়া থাকে। তখনকার ক্লান্তি অপেক্ষা সন্ধ্যার ক্লান্তি আরও গুরুতর হয় এবং রাত্রে পাঠকালে দারুণ অবসাদ আসে।

এরূপ ক্ষেত্রে প্রতি বিদ্যালয়েই নিজস্বজিমত মধ্যাহ্নে বালকদিগকে কিছু জলযোগের ব্যবস্থা করা প্রয়োজন। ইহাতে যে কেবলমাত্র তাহাদের স্বাস্থ্যের উন্নতি হইবে তাহা নহে, মধ্যাহ্নের পর হইতে তাহাদের পাঠের রুচি ও বুদ্ধি পাইবে।

আপাতদৃষ্টিতে মনে হয় মধ্যাহ্ন জলযোগের ব্যবস্থা করা অতি দুঃসাধ্য ব্যাপার। অনেক স্থলে যে বিশেষ অসুবিধা আছে তাহা অস্বীকার করিবার উপায় নাই। কিন্তু সামান্য যত্ন ও চেষ্টা করিলে যে ইহা সম্ভব হয়, তাহা নিঃসন্দেহে বলা যাইতে পারে। বর্তমানে বাঙ্গালাদেশে কয়েকটা বিদ্যালয়ে ইহা প্রবর্তিত হইয়াছে তাহার মধ্যে দুই পল্লীতে দুটি

একটি আছে। হুতরাং পল্লীর দিকে একেবারে চলে না, একথা বলা যুক্তিসঙ্গত নহে।

প্রথমেই ধরচের কথা আসিয়া পড়ে। আমি এই বিষয় প্রবন্ধের শেষ ভাগে আলোচনা করিতেছি। ইতিমধ্যে কত ধরচ পড়িতে পারে তাহার একটা আলোচনা করা যাক।

প্রথমতঃ সমস্ত বৎসরেই শনিবার ও রবিবার টিফিন দিবস প্রয়োজন নাই; ছাত্রেরা বাড়ী গিয়া জলযোগ করিতে পারিবে। তাহার পর গ্রীষ্মাবকাশ, পূজা ও বড়দিন লইয়া দীর্ঘ বন্ধ থাকে। ঈদ উপলক্ষে ছুটি দীর্ঘ হইতে দীর্ঘতর হইতেছে। প্রাতঃকালীন (গ্রীষ্ম) বিদ্যালয়ে এবং ছাত্রদের পরীক্ষার সময় টিফিন দেওয়ার নানা অসুবিধা আছে। তাহার উপর ধরচের দিক দিয়া বিবেচনা করিতে হইলেও টিফিন বন্ধ রাখা প্রয়োজন।

সমস্ত বন্ধগুলি বিবেচনা করিলে বর্তমানে বিদ্যালয়গুলিতে ১০০ দিন হিসাব করিয়া টিফিনের ব্যবস্থা করিলেই যথেষ্ট হয়।

পল্লীর দিকে জলযোগে কি খাওয়া দেওয়া যাইতে পারে তাহা লইয়া এক সমস্যা কথা। সামান্য কিছু স্বাস্থ্যপ্রদ খাওয়া দেওয়াই উদ্দেশ্য; হুতরাং সকল ছাত্রকে দেওয়া যায় এমন কোনও জলযোগের ব্যবস্থা করিতে পারিলেই কাজ চলে।

অন্য কিছু পাওয়া না গেলেও আটা এবং ছোলার ডাল পাইলেই চলিবে। অভিজ্ঞতা হইতে বলিতে পারা যায়, প্রকৃতপক্ষে ইহাই সর্বাপেক্ষা স্বাস্থ্যপ্রদ খাওয়া এবং সকল বিদ্যালয়েই ইহার ব্যবস্থা অতি সহজেই করা যায়। রুটি এবং ডাল, তাহাতে সামান্য নারিকেল কুচি বা আলু পড়িলে খুব ভালই হয়।

যদি একটা বিদ্যালয়ে ২৫০ পড়ুয়া থাকে, তাহাদের লইয়া একটা হিসাব করিয়া দেখা যাইতে পারে! যেস্থলে ২৫০ ছাত্র থাকে গড়ে তাহাদের উপস্থিতি সংখ্যা দিনে ২১০।২১৫ জনের অধিক নহে। ইহার মধ্যে অন্ততঃ ১০।১৫ জন ছাত্র কোনও না কোনও কারণে দিনের সাধারণ টিফিন গ্রহণ করিবে না। বাকী থাকে দুই শত। প্রতি ছাত্রকে দুইখানি রুটি ও মাঝারি এক চামচ বা হাতা ডাল দিতে হয়।

প্রতি পোয়া আটায় দশখানি রুটি (প্রতি ছাত্রের ২খানি এবং ২০০ ছেলের) হইলে ৪০০ রুটিতে ৪০ পোয়া বা ১০ সের আটা লাগে—আনুমানিক মূল্য ১।০।

প্রতি ১০০ শত ছাত্রের জন্ত ছোলার ডাল আড়াই সের হইতে তিন সের লাগে, অর্থাৎ বেশী পক্ষে ছয় সের—মূল্য ১।০—১।০।

মশলা প্রভৃতি তিন আনা ও করলা তিন আনা। সাধারণতঃ এরূপ ক্ষেত্রে ঘৃত দেওয়া হয় না। ইচ্ছা হইলে সামান্য দেওয়া যাইতে পারে;

সর্বপ্রকারে কোনরূপে মোট আড়াই টাকার অধিক হয় না। ইহা ছাড়া তৈয়ারী করিবার মজুরি আছে।

কুটী ডাল ব্যতীত (১) মুড়ি, নারিকেল, ঘৃত, চিনি (২) মুড়ি, মুড়কী, নারিকেল (৩) চিড়ে, দই, কলা, চিনি (৪) ডাল ভিজানো, চিনি, শশা প্রভৃতি (৫) আম, আনারস, কলা, কুটী প্রভৃতি কল (৬) ছোলা গুড় বা চিনি (৭) মটর ভিজাইয়া ঘুগনী (৮) হালুয়া, (৯) মোগা বা খইচুর প্রভৃতি নানা প্রকার অদল বদল করা যাইতে পারে। একই প্রকার টিকিন ভাল নহে; সুতরাং যত পরিবর্তন করা যায় ততই মঙ্গল।

মুড়ি, নারিকেল (কুরা), চিনি দিয়া যে জলপান হয়, তাহা অতি উপাদেয় ও স্বাস্থ্যপ্রদ। পল্লীর দিকে টাকায় ২৪ হইতে ৩২ খুঁচি মুড়ি সচরাচর পাওয়া যায়। প্রথম হিসাবেও দেখা যায়, এক খুঁচিতে আট জন ছাত্র খাইলে, এক টাকা বা এক টাকা দুই আনার মুড়ি হইলেই যথেষ্ট হইবে। তাহার সহিত চার আনার নারিকেল (কুরা), বারো আনার (মাখন জ্বালানো) ঘৃত এবং আট আনার চিনি পর্যাপ্ত হইবে। ইহাতেও মোট দৈনিক খরচ আড়াই টাকার বেশী হয় না।

এইভাবে অল্পগুলিরও হিসাব করা যাইতে পারে। যদি টাকা বেশী থাকে, তাহা হইলে পরিমাণ বৃদ্ধি করা যাইতে পারে; সুতরাং এ বিষয়ে বিস্তৃত আলোচনার কোনও সুযোগ নাই।

কাহারো এই সকল খাদ্য সরবরাহ করিবে বা কাহারো তত্ত্বাবধানে হইবে, ইহাই পল্লীর দিকে মহা সমস্যা কথ্য। যদি অর্থানুকূল্য থাকে, তবে বিদ্যালয়ের নিজের তত্ত্বাবধানে এই সকল মাল প্রস্তুত করাইয়া বিতরণ করাই মঙ্গল। গ্রামে বহু বেকার সমর্থ লোক বাস করে। উহাদের মধ্যে যাহারা এই সকল কাজ জানে, তাহাদের কাহাকেও দৈনিক মজুরিতে নিৰ্ব্বাচিত করিলেই চলে। ইহাতে কোনও বিশেষ অসুবিধা নাই। ইহাতে মোট খরচ দৈনিক বারো আনা হইতে এক টাকার বেশী হয় না; অস্তুতঃ হইতে দেওয়া উচিত নয়।

ইহাতে অসুবিধা থাকিলে স্থানীয় ভাল ময়রার দোকানের সহিত বন্দোবস্ত করিতে হয়। ইহা অপেক্ষাকৃত অনেক সহজ এবং স্বল্প-ব্যয়সাধ্য। পল্লীর দিকে জীবন্ত একটা দোকানও নির্দিষ্ট হারে টাকা পাইয়া বাঁচিয়া উঠিতে পারে।

পূর্বে বলা হইয়াছে ১০।১৫ বা ততোধিক ছাত্র সাধারণ টিকিন গ্রহণ করে না। তাহাদের লইয়া অকটু সমস্যা। মিছরি, বাতাসা, কলা, ডাব প্রভৃতি কল, বিস্কুট, মোগা, খইচুর প্রভৃতি স্বতন্ত্র ব্যবস্থা করা দরকার। ইহাতে দৈনিক চার আনার অধিক খরচ করিতে দেওয়া যায় না।

বাহিরের দোকান হইতে লইলে সর্বপ্রকারে মোট খরচ তিন টাকা; আর তাহা নিজের লোক দ্বারা তৈয়ারী করাইতে হইলে চার টাকা দৈনিক পড়ে। এই হিসাবে বৎসরে ১১০ দিনে ৩৩০ হইতে ৪৪০ অর্থাৎ ৩৫০ অথবা ৪৫০ টাকা পড়িবে।

আমল কথা টাকা আসিবে কোথা হইতে? বাঙ্গালা দেশে খুব

কম বিদ্যালয়ই আছে যাহারা নিজের আয় হইতে বৎসরে এতগুলি টাকা ব্যয় করিতে পারে। সুতরাং ছাত্রদের নিকট হইতে লওয়া দরকার।

প্রতি ছাত্রের নিকট মাসিক চার আনা করিয়া লইলে বৎসরে তিন টাকা হিসাবে ২৫০ জন ছাত্র ৭৫০ টাকা পাওয়া যায়। পল্লীর বিদ্যালয়ের পক্ষে এই হার খুব বেশী এবং উপরে যে হিসাব দেওয়া হইয়াছে, তাহাতে ইহার প্রয়োজন নাই।

প্রতি ছাত্রের নিকট মাসিক তিন আনা হিসাবে লইলে বৎসরে প্রতি ছাত্র দুই টাকা চার আনা করিয়া ৫৬২।০ হয়। যদি এই টাকা আদায় করা যায়, তাহা হইলে স্বচ্ছন্দেই জলযোগের পরিমাণ বৃদ্ধি করিয়া দেওয়া যাইতে পারে এবং হাতে কিছু উষ্ণতা থাকে। মাঝে মাঝে এক দিন মাংস প্রভৃতি দেওয়া যায়।

প্রতি ছাত্রের নিকট মাসিক দুই আনা হিসাবে লইলে বৎসরে দেড় টাকা হিসাবে ২৫০ জন ছাত্র ৩৭৫ টাকা পাওয়া যায়। এই টাকা পাইলে নিজের কারিগর না রাখিয়া আমরা স্বচ্ছন্দে ২৫০ ছেলের জলযোগের ব্যবস্থা করিতে পারি। প্রতি ছাত্রের নিকট দুই আনা লইলে খুব বেশী লওয়া হইল না এবং অভিভাবকেরা ইহা বিনা কষ্টে দিতে পারেন। কিন্তু ইহার বিপদ আছে; যদি কোনও মাসে কম আদায় হয়, তাহা হইলে বিদ্যালয়ের কর্তৃপক্ষের উপর দেনার দায় আসিয়া পড়িতে পারে।

সকল দিক বিবেচনা করিয়া প্রতি ছাত্রের নিকট তিন আনা লইলে সহজেই কাজ চলিয়া যায়।

এইখানে আরও একটা কথা আছে, তাহা সাধারণের জানা নাই। বাঙ্গালা সরকার হইতে এই জলযোগের জন্ত আর্থিক সাহায্য দিবার ব্যবস্থা আছে। কোনও বিদ্যালয়ে Director of Physical Education অনুমোদিত একজন শিক্ষক নিযুক্ত থাকিলে এই টাকা দেওয়া হয়। প্রতি ছাত্রের নিকট হইতে মাসিক ছয় পয়সা লইলে সরকার হইতে প্রতি ছাত্রের জন্ত মাসিক তিন আনা পাওয়া যায়। উক্ত শিক্ষক যে কেবলমাত্র ব্যায়াম স্বাস্থ্যচর্চার কাজই পরিদর্শন করেন তাহা নহে, তাহার দ্বারা ছাত্রদের অল্প শিক্ষার কাজ পরিচালনা করা চলে। সুতরাং এই হিসাবে বিদ্যালয়ের পক্ষ হইতে কোনও ক্ষতি নাই। উপরন্তু সরকারী টাকায় জলযোগের খরচ চালাইয়া, ছাত্রদের নিকট আদায়ী মাসিক ছয় পয়সা হইতে তাহাদের স্বাস্থ্যের উন্নতির অপরিচেষ্টা করা যাইতে পারে।

ছাত্রদের মধ্যে জলপান বাঁচিয়া দিবার জন্ত কতগুলি তৈজসপত্রের দরকার। তাহার উপর যদি বিদ্যালয়ের মধ্যেই খাদ্যব্যাধি তৈয়ারী ব্যবস্থা করিতে হয়, তাহা হইলে বড় চাটু বা তাওয়া একখানি, বড় কড়াই, হাতা, খসি, চিমটা, কুটী দিবার জন্ত ডেক্‌চি, ডাল দিবার জন্ত গামলা, ময়দা মাখিবার কেটুকা, বারকোব, চাকী ও বেলন, বাটনার জন্ত হামানদিতা, মালপত্র ওজনের জন্ত বাটখারা পাড়িপালা প্রভৃতি লাগিবে। ছাত্রেরা যাহাতে হাত ধুইতে পারে, তাহার জন্ত জলের

ব্যবস্থা থাকি চাই ; ইহার আনুমানিক ব্যয় ( বর্তমান সময়ে ) এককালীন ১০০ হইতে ১২৫ টাকা ।

টিকিনের পূর্বে প্রতি ক্লাসের নিকট প্রস্তুত খাজ্ঞব্যাদি ঢাকা দিয়া রাখিয়া আসিলে, টিকিন হইবামাত্র ছাত্রেরা হাত ধুইয়া শ্রেণীবদ্ধভাবে দাঁড়াইলে ক্লাশের নির্বাচিত দুইটা ছাত্র ( monitors ) খাজ্ঞ বিতরণ করিবে । পাত্রাদি যাহাতে প্রতিদিন ভালরূপে পরিষ্কৃত হয়, তাহার দিকে লক্ষ্য রাখা প্রয়োজন । যাহারা খাজ্ঞাদি প্রস্তুত করিবার ভার গ্রহণ করিবে এবং যাহাদের জ্ঞান দৈনিক এক টাকা মজুরি ধরা হইয়াছে, তাহাদের লোক দ্বারা ইহা পরিষ্কৃত করা হইয়া থাকে ।

প্রতি বিজ্ঞালয়ে এই নিয়ম প্রবর্তিত হওয়া দরকার ; নানা অসুবিধার অহেতুক চিন্তাই ইহার পরিপন্থী ; তাহা ছাড়া অন্য বালাই নাই । ভরসা করিয়া অগ্রসর হইতে পারিলে দেখা যায়, অনেক বিষয় সহজ হইয়া গিয়াছে । বিশেষতঃ স্থানীয় দোকানদার প্রভৃতি মাল সংগ্রহ ও সরবরাহ করিয়া নানা প্রকারে সহায়তা করে এবং কর্তৃপক্ষের অনেক অসুবিধা সহজেই দূর হইয়া যায় । বাঙ্গালার ছাত্রদের এইরূপ জলযোগ বিশেষ প্রয়োজন, হুতরাং আর কালবিলম্ব না করিয়া সকল বিজ্ঞালয়ের কর্তৃপক্ষ এবং শিক্ষকমণ্ডলী অবহিত হন, ইহাই আমার অনুরোধ ।

## আহ্বান

শ্রীদীনেশ গঙ্গোপাধ্যায়

সম্মুখে নিরঙ্ক মেঘ, কৃষ্ণপক্ষ স্তিমিত রজনী,  
সুচিভেদ্য অক্ষকারে শঙ্কাতুরা নিস্তরু ধরণী,  
অশনি চমকে শূন্যে ;—ক্ষণপ্রভা অগ্নির গোলকে  
বিদীর্ণ বিক্ষত বক্ষ চরাচর কাঁদে সে আলোকে ।  
দিগন্তে এসেছে নামি' কালরাত্রি কুটিল করাল  
উলঙ্গ উদ্দাম ঝঞ্ঝা মুক্ত করি' দীর্ঘ জটাজাল  
ডাকে কোন্ উন্নত ভৈরবে !—মত্ত বায়ুবেগে কম্পমান  
ভয়ভীত স্থাবর-জঙ্গম, এরই মাঝে এসেছে আহ্বান !—

বজ্রের নির্যোধ নহে, স্বপ্ন নহে, নহে মরীচিকা  
নহে ভ্রম, নহে মিথ্যা—এই তোর ললাটের লিখা ।  
আজিকে তাগসী রাতে তমিস্রার পরপার হ'তে  
আঁধার মন্থন করি ঐ মেঘ-সংঘাতের পথে  
দুরন্ত চঞ্চল বায়ে সুদুস্তর অমানিশা ভেদি'  
এসেছে নূতন বাণী, স্থির লক্ষ্য; বক্ষচ্ছেদী  
সুতীক্ষ্ণ শায়ক সম ;—অকস্মাৎ তাহার প্রকাশ  
তড়িৎ শলাকা সম ছিন্ন করে মর্শ্বের আকাশ ।

যাত্রী তুই, যাত্রা তোর শঙ্কায়ন দুর্ঘ্যোগ লগনে  
পথহীন পথমাঝে সঙ্গীহীন একান্ত বিজনে ;  
—আজিকে নাহি রে আলো, নাহি আশা নাই রে আশ্বাস  
অস্তরের কোণে আর একতিল নাহি ক বিশ্বাস ।

বিপদ সঙ্কুল পথ, জনহীন শ্মশানের প্রায়  
বিক্ষুব্ধ হৃদয় মাঝে কাঁদে প্রাণ রিক্ত অসহায়  
মৃতের কঙ্কাল সম শুষ্ক অস্থি রস মজ্জাহীন  
শঙ্কিত নিখিল বিধ মহাত্রাসে নিবুম বিলীন ।

এই ত লগন তোর, সুনিশ্চয় স্থির যাত্রাকাল  
অস্তর আলোকে জ্বালি' অনির্বাণ বীর্যের মশাল,  
অক্ষম শঙ্ক রে জিনি' অফুরাণ শক্তির সংগ্রামে:  
একাগ্র তপস্যা ঘিরি' উর্দ্ধে অধে: দক্ষিণে ও বামে,  
সকল মূঢ়তা আর ক্লীবাত্মক ভীকু প্রতীক্ষায়  
উপেক্ষিয়া উল্লঙ্ঘিয়া অবিচল ধৈর্য্য তিতিক্ষায়  
বাহিরিয়া আয় তুই আগে—সকলে রহুক পড়ি'  
জীর্ণালস্ত্রে কম্প্রবুকে দুক দুক হুৎপিণ্ড ধরি' ।

নিরুদ্ধ চরণ পাতে অমারাতে তুই চল আগে  
উজলি' আঁধার রাশি তোরই আলো জাল পুরোভাগে  
অতি কণ্টকিত পথ, অতি দীর্ঘ অতীব দুস্তর—  
লক্ষ কোটি ম্লান মুখ তোরই পরে একান্ত নির্ভর ;  
—ভয় তোর কণ্ঠমালা, বিভীষিকা খেলার পুতুল  
পথপ্রান্তে ফুটে আছে মরণের মরীচিকা ফুল  
ঝঞ্ঝা রাগে বজ্রশঙ্খ বোধনের বাজায় বিবাণ  
চল পাছ শ্রাস্তিহীন প্রভঞ্জে উড়িয়ে নিশান !

# পথ বেঁধে দিল

( চিত্রনাট্য )

শ্রীশরদিন্দু বন্দ্যোপাধ্যায়

( ৪ )

ফেড্ ইন্।

ঝাঝায় একটি বাড়ীর সম্মুখস্থ ঢাকা বারান্দা। একটি ডেক চেয়ারে অঙ্গ প্রসারিত করিয়া একটি টুলের উপর পা তুলিয়া দিয়া ইন্দু নভেল পড়িতেছে। তাহার বেশবাশ ও কেশপাশ অবিচল।

নভেল পড়িতে পড়িতে পাশের একটি বেতের টেবিলের উপর হইতে চকোলেট লইয়া মুখে পুরিয়া ইন্দু চিবাইতে লাগিল। ইন্দুর মাতা আসিয়া ইতিমধ্যে একটি বেতের চেয়ারের মাথা ধরিয়া দাঁড়াইয়াছিলেন এবং মুখে ভৎসনা ও বিরক্তি মিশাইয়া মেয়ের দিকে তাকাইয়া ছিলেন। ইনি আমাদের পূর্বপরিচিতা স্কুলান্ধী গৃহকর্তী।

কর্তী : কেদারার গা এলিয়ে নভেল পড়লেই চলবে ? এই জন্তেই বুঝি এখানে আসা হয়েছে ?

ইন্দু মুখ তুলিয়া মায়ের পানে চাহিল ; তাহার মুখেও বিরক্তি ও বিদ্রোহ সুপরিষ্কৃত।

ইন্দু : তা—আর কী করব বলে দাও—

হৃদয়ভারাক্রান্ত নিশ্বাস ফেলিয়া গৃহকর্তী বেতের চেয়ারে বসিয়া পড়িলেন।

কর্তী : তোকে নিয়ে আমি যে কি করি ইন্দু, ভেবে পাইনা। একটু গা নাড়বি না—কেবল আলিস্তি আর নভেল পড়া। বলি, দায় কি শুধু আমারই ? বিয়ে করবে কে ? তুই—না আমি ?

ইন্দু রুদ্ধস্বরে উত্তর দিল।

ইন্দু : তা কি জানি—তুমিই বলতে পার।

কর্তী : ইন্দু—!

ইন্দু মাতার বিমূঢ় বিস্মিত মুখের পানে চাহিয়া আর থাকিতে পারিল না, খিলখিল করিয়া হাসিয়া মুখে বই চাপা দিল। রাগের মাথায় সে যাহা বলিয়াছিল তাহার যে একটা হাস্তকর দিক আছে তাহা সে পূর্বে খেয়াল করে নাই।

কর্তী : আবার হাসি !—আজকালকার মেয়েরা সত্যি বোহারা বাপু। ও কথা বলতে তোর মুখে বাধল না ?

ইন্দু আবার উদ্ধত স্বরে জবাব দিল।

ইন্দু : বাধবে কোন্‌ ছুখে ! তোমরাই তো আমাদের বোহারা করে তুলেছ ; নইলে একটা পুরুষ মানুষের পেছনে ছুটে বেড়াতে আমার কি লজ্জা হয়না ?

কর্তী : বোকার মত কথা বলিস নি ইন্দু। ছুটে বেড়াতে বলি কি সাধে। ওর বাপের যে লক্ষ লক্ষ টাকা ; বিয়ে হলে সব যে তোর হবে। এতটুকু নিজের ইষ্ট বুঝতে পারিস নে ?

ইন্দু সশব্দে বই বন্ধ করিল।

ইন্দু : খুব পারি। কিন্তু যে লোক পালিয়ে বেড়ায়, তার পেছনে ছুটে বেড়াতে নিজের ওপর ঘেমা হয়—

কর্তী : ( ধমক দিয়া ) ঘেমা আবার কিসের ! সবাই করছে। এই যে মীরার মা, মলিনার মা, সলিলার মা, সবাই এসে জুটেছে—সে কি হাওয়া বদলাবার জন্তে ? সকলের মৎলব রজনকে হাত করা—

ইন্দু বই খুলিয়া বসিল।

ইন্দু : যা ইচ্ছা করুক তারা ; আমি পারব না।

কর্তী : আবার বই খুলি ?—পারিনে বাপু ! ( মিনতির স্বরে ) নে ওঠ—লক্ষীটি, তাড়াতাড়ি সাজ গোজ করে বের হ'। কী হয়ে রয়েছিস বল দেখি ? চুলগুলো একমাথা—মা গো মা !

ইন্দু : কোথায় যেতে হবে শুনি ?

কর্তী : তা—বেড়াতে বেড়াতে না হয় রজনীর বাড়ীর দিকেই যা না—হয় তো সে—

ইন্দু : বলেছি তো বাড়ীতে থাকেনা—ছবার গিয়ে ফিরে এসেছি।

গৃহকর্তী ইন্দুর হাত ধরিয়া একটু নাড়া দিলেন।

কর্তী : তা হোক ; তুই এখন ওঠ তো।—কে বলতে পারে হয় তো রাস্তাতেই দেখা হয়ে যাবে—

ইন্দু : • ( মুখ বিকৃত করিয়া ) হ্যা—হয়তো দেখবো মীরা কি মলিনা আগে থাকতেই তাকে গ্রেপ্তার করেছে।

কর্ত্রী : তাহলে তুইও সেই সঙ্গে জুটে যাবি।—আর কিছু না হোক, ওরা তো কিছু করতে পারবে না; সেটাই কি কম লাভ?—নে, আর দেবী করিস নি।

ইন্দু বইখানা বিরক্তিতে দূরে ফেলিয়া দিয়া উঠিয়া দাঁড়াইল।

ইন্দু : বেশ, যা বল করছি।—মান ইজ্জৎ আর রইল না—

সে রাগে গাল ফুলাইয়া ভিতরের দিকে চলিয়া গেল! গৃহকর্ত্রী তাহার দিকে চাহিয়া থাকিয়া শেষে নিজমনেই বলিলেন—

কর্ত্রী : মান ইজ্জৎ! কথা শোনো না, টাকার কাছে মান ইজ্জৎ—!

কাট।

ঝাঝার বাজারের পাশে একটা আম বাগান। মিহির এই বাগানের একটা মাটির টিবির উপর বসিয়া একান্তমনে কাঠ-বিড়ালীদের গতিবিধি লক্ষ্য করিতেছিল; বোধ হয় ফটো তুলিবার ইচ্ছা।

একটি যুবতী মিহিরের পিছন দিকে প্রবেশ করিলেন। ইনি মলিনা। পা টিপিয়া টিপিয়া আসিয়া তিনি পিছন হইতে মিহিরের চোখ টিপিয়া ধরিলেন। মুখ টিপিয়া হাসিয়া বলিলেন—

মলিনা : বলুন তো আমি কে ?

মিহির ত্বরিতে নিজের চোখের উপর হইতে মলিনার হাত সরাইয়া ঘাড় ফিরাইয়া তাকাইল; তারপর তাহার সমস্ত মুখে হাসি দেখা দিল। সে মলিনার দিকে ঘুরিয়া বসিল।

মলিনার মুখের হাসি মিলাইয়া গিয়াছিল; সে খতমত খাইয়া বলিল—

মলিনা : ওঃ মার্ক করবেন। আমি ভেবেছিলুম আপনি রঞ্জনবাবু—!

মিহিরের আনন্দ কিছুমাত্র প্রশমিত হইল না। মলিনা পিছু হটিতে লাগিল।

মিহির : না—আমার নাম মিহির নাথ মণ্ডল—রঞ্জনবাবু এখানে নাই।

মলিনা : মার্ক করবেন—

চলিয়া যাইতে যাইতে মলিনা দ্বিধাভরে দাঁড়াইল।

মলিনা : আপনি—রঞ্জনবাবুকে চেনেন ?

মিহির উঠিয়া মলিনার কাছে আসিয়া দাঁড়াইল।

মিহির : চিনি বৈকি! আপনি কি তাঁর—কেউ ?

মলিনা : বান্ধবী। তাঁকে কোথায় পাওয়া যায় বলতে পারেন ?

মিহির : এই তো খানিকক্ষণ হল তিনি কট্ফট করে এদিক দিয়ে নদীর দিকে বেড়াতে গেলেন।

মলিনা : ও! তাঁর সঙ্গে কেউ ছিল বুঝি ?

মিহির : কেউ না—একলা।—কী ব্যাপার বলুন দেখি ? কালকেও একটি অপরিচিতা তরুণী আমাকে এই কথাই জিগ্যেস করছিলেন—

মলিনা সচকিতে মিহিরের পানে তাকাইল।

মলিনা : তাই না কি ?

মিহির : হ্যাঁ। তাঁকেও বললুম। রঞ্জনবাবু তো প্রায়ই নদীর ধারে বেড়াতে যান—

মলিনা একটু চিন্তা করিল।

মলিনা : হুঁ নদীর ধারটা কোন দিকে ?

মিহির সোৎসাহে অঙ্গুলি নির্দেশ করিয়া দেখাইল।

মিহির : ঐ দিকে। এই যে রাস্তাটা ঐ দিকেই গিয়েছে। ভারি সুন্দর যায়গা; পাহাড়, বন, নদী—। যাবেন সেখানে ? বেশ তো চলুন না—

মলিনা : ধন্যবাদ। আমি একাই যেতে পারব।

মিহিরের দিকে আর দ্রাক্ষপ না করিয়া মলিনা চলিয়া গেল। মিহির একটু নিরাশ ভাবে তাকাইয়া রহিল।

ডিজল্ভ।

ঝাঝার উপকণ্ঠস্থ পার্কভূমি। মঞ্জুর মোটর পূর্বে যেখানে দাঁড়াইয়া থাকিতে দেখা গিয়াছিল সেইখানে দাঁড়াইয়া। গাড়ী শূন্য; কাছে পিঠে কেহ নাই।

ফট্ফট শব্দ হইল; রঞ্জনের মোটর বাইক আসিয়া মঞ্জুর মোটরের পাশে দাঁড়াইল। রঞ্জন অবতরণ করিয়া উৎসুক ভাবে চারিদিকে তাকাইল, কিন্তু ঈঙ্গিত মূর্ত্তিকে দেখিতে পাইল না। রঞ্জন মনে মনে একটু হাসিল; তারপর মুখে আঙুল দিয়া দীর্ঘ শিস্ দিল। শিস্ দিয়া উৎকণ্ঠ হইয়া রহিল—কোন দিক হইতে উত্তর আসে !

[ দুইটি মানুষ যখন পরস্পর ভালবাসিয়া ফেলে তখন তাহাদের মধ্যে আদৌ খেলার অভিনয় চলিতে থাকে। এই

কস্টই বোধ হয় ‘রস’ ‘ক্রীড়া’ ‘কেলি’ প্রভৃতি শব্দগুলি উভয় অর্থে ব্যবহৃত হয় । ]

মঞ্জু কিছু দূরে একটা বড় পাথরের চ্যাণ্ডের আড়ালে লুকাইয়া মুখ টিপিয়া হাসিতেছিল ; এখন একবার সতর্কভাবে ওধারে উকি মারিবার চেষ্টা করিল । তারপর দুই করতল শব্দের আকারে মুখের কাছে লইয়া গিয়া দীর্ঘ টু দিল ।

মঞ্জু : টুউউউ—!

টু দিয়াই সে দেহ লুকাইয়া ক্ষিপ্ৰচরণে পাথরের আশ্রয় ছাড়িয়া সম্মুখ দিকে পলায়ন করিল ।

কয়েক মুহূর্ত পরে রঞ্জন আসিয়া প্রবেশ করিল ; কিন্তু কেহ কোথাও নাই । রঞ্জন একটু ভাবাচাকা খাইয়া এদিক ওদিক চাহিতেছে এমন সময় দূর হইতে আবার মঞ্জুর টু আসিল । রঞ্জনের মুখে ধীরে ধীরে হাসি ফুটিয়া উঠিল । সে একটু চিন্তা করিল ; তারপর পা টিপিয়া টিপিয়া যে পথে আসিয়াছিল সেই পথে ফিরিয়া গেল ।

মঞ্জু আর একটা পাথরের তলায় গিয়া লুকাইয়া বসিয়াছিল । হাঁটু পর্যন্ত উলু বন ; পাথরটাও বেশী উচু নয়, সোজা হইয়া দাঁড়াইলে মাথা দেখা যাইবে । মঞ্জু রঞ্জনের পদধ্বনি শুনিবার চেষ্টা করিতেছিল ; কিন্তু কিছু শুনিতেনা পাইয়া সে উল্টা দিকে ফিরিয়া অবনতভাবে চলিতে আরম্ভ করিল । পাথরের আড়ালে আড়ালে কিছুদূর গিয়া যেই সে উঠিয়া দাঁড়াইয়াছে—দেখিল ঠিক সম্মুখেই পাথরে ঠেস দিয়া দাঁড়াইয়া রঞ্জন গম্ভীরভাবে সিগারেট ধরাইতেছে ।

মঞ্জু চমকিয়া চীৎকার করিয়া উঠিল, তারপর উচ্চৈঃস্বরে হাসিতে হাসিতে ছুটিয়া পলাইল ।

রঞ্জন সিগারেট ধরাইয়া ধীরে-স্থস্থে তাহার অনুসরণ করিল ।

নদীর বালুর উপর দিয়া মঞ্জু ক্রীড়া-চপলা বালিকার মত হাসিতে হাসিতে পিছু ফিরিয়া চাহিতে চাহিতে ছুটিতেছে । অবশেষে জলের নিকটবর্তী ভিজা বালুর উপর পৌছিয়া সে বসিয়া পড়িল ; তারপর দুহাত দিয়া ভিজা বালু খুঁড়িয়া বালির ঘর তৈয়ার করিতে প্রবৃত্ত হইল ।

এইখানে নদীটি প্রায় বিশ হাত চওড়া, জলের উপর সম-ব্যবধানে কয়েকটি বড় বড় পাথরের চাঁই বসাইয়া পারাপারের ব্যবস্থা হইয়াছে । জল অবশ্য গভীর নয় ; কিন্তু জলে না নামিয়া তাহা অস্বস্তিমান করা যায় না ।

রঞ্জন আসিয়া মঞ্জুর পিছনে দাঁড়াইল ; কিছুক্ষণ নিরীক্ষণ করিয়া বলিল—

রঞ্জন : ওটা কি হচ্ছে ?

মঞ্জু একবার উপর দিকে ঘাড় ফিরাইয়া আবার বালু-খনন কার্যে মনোনিবেশ করিয়া বলিল—

মঞ্জু : ঘর তৈরি হচ্ছে । আপনিও আসুন না, দেখি কেমন ঘর তৈরি করতে পারেন ।

রঞ্জন ঘুরিয়া গিয়া মঞ্জুর সম্মুখে বালুর উপর পা ছড়াইয়া বসিল ; বিজ্ঞের মত মাথা নাড়িয়া বলিল—

রঞ্জন : মেয়েদের ঐ এক কাজ—ঘর তৈরি করা, আর ঘর তৈরি করা ।

মঞ্জুর ঘর তখন প্রায় শেষ হইয়াছে ; সে ক্র জীবৎ তুলিয়া বলিল—

মঞ্জু : আর পুরুষদের কাজ বুঝি ঘর ভাঙা, আর ঘর ভাঙা ?

রঞ্জন উত্তর দিল না ; সিগারেট টানিয়া আকাশের দিকে ধোঁয়া ছাড়িতে লাগিল । তাহার চোখে ও অধর-কোণে দুষ্টামি ঝিলিক মারিয়া উঠিল । সে সরলভাবে মঞ্জুর দিকে দৃষ্টি নামাইয়া প্রশ্ন করিল—

রঞ্জন : তোমার বাড়ীতে ক’টি ঘর ?

মঞ্জু : একটি ।—কেন ?

রঞ্জন দুষ্টামি-ভরা চক্ষু আবার আকাশের দিকে তুলিয়া বলিল—

রঞ্জন : না কিছু না—এমনি জিগোস করছিলুম ।

মঞ্জু কিছুক্ষণ স্থিরদৃষ্টিতে তাহার ভাবভঙ্গী লক্ষ্য করিল ।

মঞ্জু : কী কথাটা, শুনিই না ।

রঞ্জন : নাঃ—কিছু না—

বলিয়াই ফিক্ করিয়া হাসিয়া ফেলিল ।

মঞ্জু ক্ষত একমুঠি ভিজা বালি তুলিয়া লইয়া রঞ্জনকে ছুঁড়িয়া মারিল । রঞ্জন টপ্ করিয়া মাথা সরাইয়া আত্মরক্ষা করিল ; তারপর উচ্চৈঃস্বরে হাসিতে লাগিল ।

মঞ্জু চোখ পাকাইয়া বলিল—

মঞ্জু : হাসি হচ্ছে কেন ? নিজের বাড়ী তৈরি করতে পারেন না তাই আমার বাড়ী দেখে ঠাট্টা হচ্ছে ?

হাস্ত সম্বরণ করিয়া রঞ্জন মাথা নাড়িল ।

রঞ্জন : উহু—

মঞ্জু : তবে ?—দেখি না • কেমন ঘর তৈরি করতে পারেন। আমার চেয়ে ভাল ঘর তৈরি করুন তবে বুঝব।

রঞ্জন : আমি আলাদা ঘর তৈরি করছি না—

মঞ্জু : তবে ?

রঞ্জন : তোমার ঘর তৈরি হলে তাইতে ঢুকে পড়ব।

খেলাঘরের ঝগড়ার ভিতর দিয়া রঞ্জনের কথার ধারা কোন্ দিকে চলিয়াছে তাহা মঞ্জু বুঝিতে পারে নাই। কপট যুৎসায় সেও আর এক মুঠি বালি তুলিয়া লইয়া বলিল—

মঞ্জু : ইঃ—! আসুন না দেখি ! আমি ঢুকতে দিলে তো ! আমার দুর্গ আমি প্রাণপণে রক্ষা করব—

রঞ্জন কিন্তু দুর্গ আক্রমণের কোনও চেষ্টা করিল না ; হঠাৎ গম্ভীর হইয়া মঞ্জু'র দিকে একটু ঝুঁকিয়া প্রশ্ন করিল—

রঞ্জন : মঞ্জু, মনে কর আমার বাড়ী নেই ; আমার সঙ্গে এক বাড়ীতে থাকতে তোমার কি আপত্তি হবে ?

মঞ্জু বালুমুষ্টি নিক্ষেপ করিবার জন্ত উর্ধ্বে তুলিয়াছিল, সেগুলি ঝরিয়া তাহার কাপড়ের উপর পড়িল। তাহার গাল দুটি তপ্ত হইয়া উঠিল ; সে মাথা হেঁট করিয়া কাপড় হইতে বালি ঝাড়িয়া ফেলিয়া দিতে লাগিল।

রঞ্জন উঠিয়া দাঁড়াইল।

রঞ্জন : মঞ্জু—

মঞ্জুও উঠিয়া ঘাড় হেঁট করিয়া দাঁড়াইল। রঞ্জন কাছে আসিয়া তাহার দুই হাত নিজের হাতে তুলিয়া লইল।

রঞ্জন : কিছুদিন থেকে তোমাকে একটা কথা বলবার চেষ্টা করছি—

মঞ্জু তাহার সলজ্জ চোখ দুটি রঞ্জনের বুক পর্য্যন্ত তুলিয়াই আবার নত করিয়া ফেলিল ; চুপি চুপি বলিল—

মঞ্জু : খুব গোপনীয় কথা বুঝি ?

রঞ্জন : হ্যাঁ। বলব ?

মঞ্জু ভালমানুষের মত বলিল—

মঞ্জু : বলুন না—এখানে তো কেউ নেই—

বলিয়া স্থানটির জনশূন্যতার প্রতি রঞ্জনের দৃষ্টি আকর্ষণের জন্তই যেন পাশের দিকে চোখ ফিরাইল। সঙ্গে সঙ্গে বিদ্যদাহতের মত হাত ছাড়াইয়া সে পিছু হটিয়া দাঁড়াইল। রঞ্জনও ঘাড় ফিরাইল।

যেখানে নদীর বালু শেষ হইয়াছে তাহারই কিনারায় একটি গাছে আলম্বনে ঠেস দিয়া একটি তরুণী দাঁড়াইয়া

তাহাদের দিকেই তাকাইয়া আছেন। এখন তিনি একটি ক্ষুদ্র গাছের শাখা বা হাতে ঘুরাইতে ঘুরাইতে মঞ্জু ও রঞ্জনের দিকে অগ্রসর হইলেন।

মঞ্জু ও রঞ্জন পাশাপাশি দাঁড়াইয়া। রঞ্জনের মুখে অস্বস্তি ও বিরক্তি সুপরিষ্কৃত ; তরুণীটি যে তাহার পূর্ব-পরিচিত তাহাতে সন্দেহ নাই। মঞ্জু চকিতের স্তায় তাহার দিকে একবার দৃষ্টি নিক্ষেপ করিয়া সম্মুখ দিকে চাহিয়া রহিল।

মৃদু মৃদু হাসিতে হাসিতে তরুণী আসিয়া উপস্থিত হইলেন ; রঞ্জনের প্রতি একটি কুটিল জবিষ্ঠাস করিয়া বলিলেন—

মীরা : কী রঞ্জনবাবু ? আমাকে চিনতে পারছেন না নাকি ?

রঞ্জন : ( চমকিয়া ) না না, চিনতে পারছি বৈকি মীরা দেবী। আশ্চর্য্য হয়ে গিয়েছিলুম আপনাকে দেখে।—ইয়ে—( পরিচয় করাইয়া দিল ) ইনি মঞ্জু দেবী—মীরা দেবী—

যুবতীদ্বয় কিছুমাত্র আগ্রহ না দেখাইয়া শুধু একবার ঘাড় ঝুঁকাইলেন। মীরা একটু ঝুঁকিয়া রঞ্জনের উদ্দেশ্য করিয়া বলিল—

মীরা : আমিও কম আশ্চর্য্য হইনি আপনাকে দেখে—  
রঞ্জন লাল হইয়া উঠিয়া কাশিল।

মীরা : —কে ভেবেছিল যে কলকাতা থেকে পালিয়ে এসে আপনি এখানে লুকিয়ে আছেন—

রঞ্জন : না না, লুকিয়ে আর কি—

মঞ্জু'র মুখ গাম্ভীর্যে রাস্ত্রস্ত। সে রঞ্জনের বলিল—

মঞ্জু : দেবী হয়ে যাচ্ছে ; এবার বাড়ী ফেরা উচিত।

রঞ্জন যেন কুল পাইল ; সোৎসাহে বলিল—

রঞ্জন : হ্যাঁ হ্যাঁ, নিশ্চয় বাড়ী ফেরা দরকার। কেদার-বাবু হয় তো কত ভাবছেন।—( মীরাকে ) আচ্ছা তাহলে—

মীরা আকাশের পানে দৃষ্টিপাত করিল।

মীরা : কৈ, এখনও তো দিব্যি আলো রয়েছে ; ছটাও বাজে নি বোধ হয়। এত শিগ্গির বাড়ী ফেরা তো আপনার অভ্যেস নয় রঞ্জনবাবু—

মীরা মুচকি হাসিল, তারপর মঞ্জু'র পানে নিরুৎসুক ভাবে তাকাইয়া বলিল—

মীরা : কিন্তু আপনার যদি দেবী হয়ে গিয়ে থাকে

তাহলে আপনাকে আটকাবো না।—আমুন রজনবাবু, ঐ দিকটা ধানিক বেড়ানো যাক। কী সুন্দর যায়গা!—

মঞ্জুর মুখ রাঙা হইয়া উঠিল; কিন্তু সে মনের ভাব জোর করিয়া চাপিয়া গুচ্ছস্বরে বলিল—

মঞ্জু : আচ্ছা চলনুম—

মঞ্জু দ্রুতপদে চলিয়া গেল। রজনের মুখ দেখিয়া মনে হইল সে বুঝি তাহার অনুসরণ করিবে; কিন্তু মীরার মধুটানা কর্ণস্বর তাহাকে পা বাড়াইতে দিল না। সে কেবল দুই চক্ষে আকাজ্জা ভরিয়া বেদিকে মঞ্জু গিয়াছে সেইদিকে তাকাইয়া রহিল।

মীরা : বলকাতার কত যায়গায় আমরা একসঙ্গে বেড়িয়েছি, কিন্তু এমন রোমাটিক যায়গা কোথাও পাই নি—

মীরা রজনের বাম বাহুর সহিত নিজ দক্ষিণ বাহু শৃঙ্খলিত করিয়া তাহাকে একটা নাড়া দিল।

মীরা :—না রজনবাবু ?

রজন চমকিয়া মীরার দিকে মুখ ফিরাইল।

রজন : হ্যাঁ—না—মানে—

দ্রুত ডিজল্ভ।

মঞ্জু মোটর চালাইয়া ফিরিয়া চলিয়াছে। গাড়ী প্রচণ্ড বেগে চলিয়াছে। মঞ্জুর চোখের দৃষ্টি স্থির, ঠোঁট দুটি চাপা; সে প্রয়োজন মত গাড়ীর কলকজা নাড়িতেছে, কখনও হর্ণ বাজাইতেছে; কিন্তু তাহার মন যে আজিকার ঘটনায় একেবারে বিকল হইয়া গিয়াছে তাহা তাহার মুখ দেখিয়া বেশ বোঝা যায়।

ফেড্ আউট্।

ফেড্ ইন্।

কেদারবাবুর ড্রয়িং রুম। মঞ্জু পিয়ানোয় বসিয়া উদাস কর্তে গান গাহিতেছে; তাহার দৃষ্টি জানালার দিকে যাইতে যাইতে পথে রজনের ছবিটার কাছে আটকাইয়া যাইতেছে, কিন্তু মুখের বিমগ্নতা দূর হইতেছে না।

মঞ্জু : “বন বাদল আসে কেন গগন ঘিরে ?

কেন নয়ন ভাসে সখি নয়ন নীরে !

ছিল উজল শশী মেঘে পড়িল ঢাকা—

কালো কাজল মসী এল মেলিয়া পাখা—

মোর তরণীখানি বুঝি ডুকিল তীরে।”

এতক্ষণ আমরা মঞ্জুকেই দেখিতেছিলাম; কেদারবাবু যে ঘরে আছেন তাহা লক্ষ্য করি নাই। কেদারবাবু চোখে চশমা লাগাইয়া একটা মোটা বই পড়িতেছিলেন এবং মাঝে মাঝে ঘাড় তুলিয়া চশমার উপর দিয়া মঞ্জুর প্রতি সপ্রশ্ন দৃষ্টিপাত করিতেছিলেন। মঞ্জুর মনে যে একটা ভাবান্তর উপস্থিত হইয়াছে তাহা বোধ হয় তিনি সন্দেহ করিতে আরম্ভ করিয়াছিলেন।

গান শেষ হইলে মঞ্জু পিয়ানোর দিকে পাশ ফিরিয়া গালে হাত দিয়া বসিল। কেদারবাবু লক্ষ্য করিতেছিলেন, সহসা প্রশ্ন করিলেন—

কেদার : আজ বেড়াতে যাবি না ?

মঞ্জু হাত হইতে মুখ তুলিল।

মঞ্জু : ( নিরুৎসুক ) বেড়াতে ? কি জানি—

কেদার হাতের বই বন্ধ করিয়া চশমার উপর দিয়া তীক্ষ্ণ দৃষ্টিতে চাহিলেন—

কেদার : কাঁ হয়েছে ? শরীর খারাপ ?

মঞ্জু উঠিয়া জানালার সম্মুখে গিয়া দাঁড়াইল।

মঞ্জু : না—কিছু নয়—

কেদার গলার মধ্যে হৃৎকার করিলেন।

কেদার : হুঁ :। তবে বেড়িয়ে এসো—

বই খুলিয়া পড়িতে গিয়া তিনি আবার মুখ তুলিলেন।

কেদার : সে ছোকরা—কি নাম ? রজন!—কৈ আজকাল তো আর আসে না। চলে গেছে নাকি ?

মঞ্জু বাহিরের দিকে তাকাইয়া থাকিয়া মাথা নাড়িল।

মঞ্জু : না—

কেদার : তবে আসে না কেন ?

মঞ্জু : ( পূর্ববৎ ) জানি না—

কেদার এবার তাঁহার চশমা কপালের উপর তুলিয়া দিলেন; ভাল করিয়া মঞ্জুকে নিরীক্ষণ করিয়া আবার চশমা নাকের উপর নামাইয়া দিয়া একটি ক্ষুদ্র হৃৎকার দিলেন।

কেদার : হুঁ :। তুমি এখন একটু বেড়িয়ে এসো।

আর, যদি ‘দৈবাৎ’ সে ছোকরার সঙ্গে দেখা হয়, তাকে আসতে বোলো ? তাকে আমার বেশ লাগে—হুঁ :।

কেদার পুস্তকে মনোনিবেশ করিলেন। মঞ্জু একটু ইতস্তত করিয়া পিতৃ আজ্ঞা পালনের জন্ত গমনোত্তম হইল।

ডিজল্ভ।



পার্বত্য ভূমির যে-স্থানে মঞ্জু ও রঞ্জনের গাড়ী আসিয়া বিশ্রাম লাভ করিত, সেখানে কেবল রঞ্জনের মোটর বাইক নিঃসঙ্গভাবে দাঁড়াইয়া আছে।

রঞ্জন কিছু দূরে দাঁড়াইয়া সপ্রশ্ন নেত্রে এদিক ওদিক তাকাইতেছিল, কিন্তু কাহাকেও দেখিতে না পাইয়া শেষে মুখের মধ্যে আঙুল দিয়া সাস্থিতিক শিষ্টি দিল। কিন্তু কোনও দিক হইতেই উত্তর আসিল না।

রঞ্জন প্রথম দিন যে পাথরের স্তম্ভের মাথায় উঠিয়াছিল সেইদিকে দৃষ্টি তুলিল কিন্তু সেখানে কেহ নাই। রঞ্জন নদীর দিকে চলিল।

নদীতীর জনশূন্য ; সেখানে মঞ্জু নাই।

রঞ্জন চিন্তিত মুখে সেখান হইতে ফিরিল। যে পাথরের টিবির পশ্চাতে মঞ্জু লুকাইয়া লুকোচুরি খেলার অভিনয় করিয়াছিল তাহাতে কনুই রাখিয়া গালে হাত দিয়া রঞ্জন ভাবিতে লাগিল।

কিছু দূরে একটা ঝোপের মত ছিল ; ঘন আগাছা ও কাঁটা গাছ মিলিয়া খানিকটা স্থান বেড়ার মত আড়াল করিয়া রাখিয়াছে। সেই বেড়া ফাঁক করিয়া একটি যুবতী উঁকি মারিল। যুবতীটি মলিনা। ক্ষণেক নিঃশব্দে রঞ্জনকে নিরীক্ষণ করিয়া মুচ্কি হাসিয়া মলিনা অন্তর্হিত হইয়া গেল।

রঞ্জনের মুখে উদ্বেগের ছায়া পড়িয়াছে। কী হইল ? মঞ্জু আজ আসিল না কেন ? সহসা তাহার দুশ্চিন্তা জাল ছিন্ন করিয়া ঝোপের অন্তরাল হইতে রমণী কণ্ঠের উচ্চ কাতরোক্তি কর্ণে প্রবেশ করিল। চমকিয়া রঞ্জন মুখ তুলিল। তারপর দ্রুত ঝোপের কাছে গিয়া কাঁটা গাছ দু'হাতে সরাইয়া সে ভিতরে প্রবেশ করিল।

কাট্।

যেখানে রঞ্জনের মোটর-বাইক দাঁড়াইয়াছিল, মঞ্জুর গাড়ী সেখানে আসিয়া প্রবেশ করিল। একটু দূরে গাড়ী দাঁড় করাইয়া মঞ্জু গাড়ী হইতে নামিল, নিরুৎসুকভাবে এদিক ওদিক তাকাইল, তারপর মন্থরপদে নদীর দিকে চলিল।

কাট্।

ঝোপের মধ্যে প্রবেশ করিয়া রঞ্জন দেখিল অদূরে একটি গাছের ডালায় একটি যুবতী পা ছড়াইয়া বসিয়া আছেন।

সে তাড়াতাড়ি তাঁহার নিকটস্থ হইয়াই থমকিয়া দাঁড়াইয়া পড়িল।

রঞ্জন : এ কি ! মলিনা দেবী—!

মলিনা কাতরভাবে মুখখানা বিকৃত করিয়া বলিল—

মলিনা : রঞ্জনবাবু ! আপনি ! উ—ঃ !

রঞ্জন একটু ইতস্তত করিয়া মলিনার পায়ের কাছে হাঁটু গাড়িয়া বসিল।

রঞ্জন : কি হয়েছে ?

মলিনা : বেড়াতে এসেছিলুম—হঠাৎ পড়ে গিয়ে পা মচকে গেছে—

যেন যন্ত্রণা চাপিবার জন্য মলিনা অধর দংশন করিল।

রঞ্জন : তাই তো—কোনখানটা—দেখি ?

পায়ের গোছের উপর হইতে শাড়ীর প্রান্ত সরাইয়া রঞ্জন চরণ দুটি পর্যবেক্ষণ করিল, কিন্তু কোথাও ক্ষীতির লক্ষণ দেখিতে পাইল না।

রঞ্জন : কোন্ পায়ে ?

মলিনা : (মুহূর্তকাল দ্বিধা করিয়া তাড়াতাড়ি) বাঁ পায়ে।

রঞ্জন : এইখানে ?—লাগছে ?

তর্জনী দিয়া রঞ্জন পায়ের আহত স্থানটা টিপিয়া দিতেই মলিনা জোরে চীৎকার করিয়া উঠিল। রঞ্জন দ্রুত আঙুল টানিয়া লইল।

কাট্।

মঞ্জু ইতিমধ্যে বেড়াইতে বেড়াইতে ঝোপের কাছাকাছি আসিয়া পৌঁছিয়াছিল ; ঝোপের অভ্যন্তরে চীৎকার শুনিয়া সে থমকিয়া দাঁড়াইয়া পড়িল ; বিস্মিতভাবে সেইদিকে তাকাইয়া থাকিয়া মঞ্জু দ্বিধা-শঙ্কিত ভাবে ঝোপের অভিমুখে অগ্রসর হইল।

কাট্।

ওদিকে রঞ্জন রুমাল বাহির করিয়া মলিনার পায়ের গোছ বাধিয়া দিতেছে ; মলিনা সময়োচিত ক্লিষ্ট মুখভঙ্গী করিয়া যেন যন্ত্রণা অব্যক্ত রাখিবার চেষ্টা করিতেছে। বাধা শেষ করিয়া রঞ্জন বলিল—

রঞ্জন : এবার দেখুন তো উঠতে পারেন কিনা—

মলিনা উঠিবার চেষ্টা করিয়া আবার বসিয়া পড়িল।

মলিনা : আপনি সাহায্য করুন, নইলে উঠতে পারব না—

রঞ্জন উদ্ভিগ্নভাবে উঠিয়া দাঁড়াইল।

রঞ্জন : আমি—সাহায্য—! আচ্ছা—

রঞ্জন মলিনার একটা বাছ ধরিয়া টানিয়া তুলিবার চেষ্টা করিল।

মলিনা : না, না, ও রকম করে নয়।—আপনি হাঁটু গেড়ে বসুন—এইখানে—

মলিনা নিজের পাশে হাঁটু গাড়িবার স্থান নির্দেশ করিল। ঘাতকের খড়্গের সম্মুখে আসামীকে হাঁটু গাড়িতে বলিলে তাহার মুখের ভাব যেরূপ হয়, সেইরূপ মুখ লইয়া রঞ্জন মলিনার পাশে নতজান্ন হইল।

মলিনা তাহার বান বাছটি রঞ্জনের কণ্ঠে দৃঢ়ভাবে জড়াইয়া বলিল—

মলিনা : এইবার আপনি উঠুন—

রঞ্জন উঠিল ; সেইসঙ্গে মলিনাও দাঁড়াইল।

একজন ঝোপ ফাঁক করিয়া যে এই পরম বনিষ্ঠ দৃশ্যটি লক্ষ্য করিতেছে তাহা ইহারা দেখিতে পাইল না। মঞ্জুর মুখ শক্ত হইয়া উঠিয়াছে, চোখের দৃষ্টি কঠিন। সে আর দাঁড়াইল না ; হাত সরাইয়া লইতেই ঝোপের ডালপালা তাহাকে আড়াল করিয়া দিল।

এদিকে রঞ্জন গলা ছাড়াইবার চেষ্টা করিতেছে ; টানাটানি করিয়া নয়, বিনীত শিষ্টতার সহিত।

রঞ্জন : এবার বোধ হয় আপনি দাঁড়াতে পারবেন—

মলিনা : দাঁড়াতে হয় তো পারি, কিন্তু একলা হাঁটতে পারব না। বাড়ী যেতে হবে তো। ভাগ্যিস আপনি ছিলেন, নৈলে কি করে যে বাড়ী যেতুম—

এইভাবে বাড়ী যাইতে হইবে শুনিয়া রঞ্জন ঘামিয়া উঠিল ; ক্ষীণস্বরে বলিল—

রঞ্জন : অ্যা—বাড়ী—! কিন্তু—

কিন্তু মলিনার বাছবন্ধন শিথিল হইল না। হতাশভাবে রঞ্জন তদবস্থায় সম্মুখ দিকে পা বাড়াইল।

কাট্।

পূর্বোক্ত স্থানে মঞ্জুর মোটর ও রঞ্জনের বাইক দাঁড়াইয়া

আছে। মঞ্জু দ্রুতপদে, প্রায় দৌড়িতে দৌড়িতে, প্রবেশ করিল ; গাড়ীর চালকের আসনে বসিয়া গাড়ী ঘুরাইয়া লইয়া যে পথে আসিয়াছিল সেই পথে ফিরিয়া গেল।

কিছুক্ষণ পরে রঞ্জন ও তাহার কণ্ঠলগ্ন মলিনাকে আসিতে দেখা গেল। দূর হইতে মোটর-বাইক দেখিতে পাইয়া মলিনা বলিল—

মলিনা : ওটা বুঝি আপনার মোটর বাইক ?

রঞ্জন : হ্যা—

মলিনা : ভালই হল। আপনি গাড়ী চালাবেন, আর আমি আপনার কোমর ধরে পেছনে বসব—

চিত্রটি মানসচক্ষে দেখিতে পাইয়া রঞ্জনের হাত-পা শিথিল হইয়া গেল। মলিনা আর একটু হইলেই পড়িয়া গিয়াছিল ; কিন্তু সে দ্বিগুণ দৃঢ়তার সহিত রঞ্জনের গলা চাপিয়া ধরিয়া পতন হইতে আত্মরক্ষা করিল।

ডিজল্ভ।

ঝাঝার একটি পথ। মিহির পথের মাঝখান দিয়া চলিয়াছে। তাহার অবিচ্ছেদ্য ক্যামেরাটি অবশ্য সঙ্গে আছে।

পিছনে মোটর বাইকের ফট্ ফট্ শব্দ শুনিয়া মিহির পিছু ফিরিয়া তাকাইল ; তারপর তাড়াতাড়ি ক্যামেরা বাহির করিতে করিতে রাস্তার একপাশে আসিয়া দাঁড়াইল।

রঞ্জনের মোটর বাইক আসিতেছে দেখা গেল। রঞ্জন গাড়ী চালাইতেছে ; মলিনা তাহার কোমর জড়াইয়া পিছনে বসিয়া আছে। মলিনার মুখ মিহিরের দিকে। মোটর বাইক সম্মুখ দিয়া চলিয়া যাইতেই মিহির টক্ করিয়া ফটো তুলিয়া লইল।

মোটর বাইক চলিয়া গেল। মিহির ক্যামেরা হইতে মুখ তুলিল। তাহার মুখে সার্থকতার হাসি ক্রীড়া করিতেছে।

ফেড্ আউট্।

ফেড্ ইন্।

ক্রমশঃ



# আর্য্য পূজাপদ্ধতিতে বিজ্ঞান

( ২ )

## শ্রীদাশরথি সাংখ্যতীর্থ

বিধি মত আচমনের পরে বিষ্ণুস্মরণ কর্তব্য। বিষ্ণু স্মরণান্তে ( কাম্য নৈমিত্তিক কর্ণস্থলে স্তম্ভবাচন, পূজার সংকল্প, সংকল্পসূক্ত পাঠ ও ঘট-স্থাপনাদি ) গন্ধাদির অর্চনা, নারায়ণাদির অর্চনা, সামান্যার্য্য, জলশুদ্ধি, আসনশুদ্ধি, ষারদেবতা পূজা, গুরুপংক্তি প্রণাম, পুষ্পশুদ্ধি, করশুদ্ধি, ভূতাপসারণ, দিধকন, ভূতশুদ্ধি, মাতৃকাস্ত্যাস, প্রাণায়াম, পীঠাস্ত্যাস, ঋত্বাদিস্ত্যাস, করস্ত্যাস, অঙ্গস্ত্যাস, গণেশাদি পঞ্চদেবতার পূজা, সর্বদেব-দেবীর সংক্ষেপ পূজা, ধ্যান, মানসপূজা বিশেষার্য্যস্থাপন, পীঠদেবতাপূজা ( চক্ষুর্দান, প্রাণপ্রতিষ্ঠা ) পুনর্ধ্যান, আবাহন ও পূজা করিতে হয়। এই সকল বিধি ক্রমশঃ বর্ণিত হইতেছে।

### বিষ্ণুস্মরণ

যথা বিধি আচমনের দ্বারা হৃদয়াদিশুদ্ধি ঘটিলে পূজককে বাহ্যভ্যন্তর শুদ্ধি নিমিত্ত বিষ্ণুস্মরণ করিতে হইবে। বিষ্ণুস্মরণের মন্ত্র যথা :—“ওঁ বিষ্ণুঃ, ওঁ বিষ্ণুঃ, ওঁ বিষ্ণুঃ, ওঁ তদ্বিষ্ণোঃ পরমং পদং সদা পশুস্তি সুরয়ো দিবীষ চক্ষুরাততম্।” অর্থাৎ পণ্ডিতগণ পরমাত্মরূপী বিষ্ণু বা ব্যাপনশীল ব্রহ্মের পরম পদ আকাশে বিস্তৃত চক্ষুর মত সর্বদা দেখিয়া থাকেন। বিষ্, ধাতুর উত্তর নুন্ প্রত্যয় করিয়া বিষ্ণু শব্দ ব্যুৎপন্ন হয়। বিষ্, ধাতুর অর্থ ব্যাপ্তি। অতএব বিষ্ণুশব্দের অর্থ ব্যাপনশীল। তৎপদে পরব্রহ্মকে বুঝায়। গীতায় আছে “ওঁ তৎসদিতি নির্দেশো ব্রহ্মণ দ্বিবিধঃ স্মৃতঃ। “অতএব “তদ্বিষ্ণু” শব্দের অর্থ ব্যাপনশীল পরমাত্মা। এই ব্যাপনশীল পরমাত্মার শ্রেষ্ঠপদ জগচ্চক্ষুঃ। সূর্য্যের অবস্থান আকাশে। শাস্ত্রে আছে “হৃদবোয়ান্নিতপতি হেষ্ণ বাহ্নে সূর্য্যঃ স চাস্তরে। অর্থাৎ এই ভূর্গ হৃদয় ও আকাশে উভয়ত্রই বিদ্যমান। আকাশে সূর্য্যরূপে এবং অন্তরে পরমাত্মরূপে। পণ্ডিতগণ এই ভূর্গ অর্থাৎ তেজকে সর্বদা হৃদয় ও বাহিরে দেখিয়া থাকেন। বহির্ভূগতে ইনি জগচ্চক্ষুঃ সূর্য্যরূপে প্রতিভাত হন। শ্রুতিতে পাওয়া যায় “পাদোহস্ত বিষ্ণুভূতানি ত্রিপাদত্ৰা-স্মৃতং দিবি।” অখিল ভূতসকল বিষ্ণুর একচরণে অবস্থিত এবং তাঁহার পরমানন্দমুর্ত্তি বাহ্য স্বর্গ বা আকাশে অবস্থিত তাহা সেই বিষ্ণুর ত্রিপাদে।

পুরাণকার এই শ্রুতিবাক্যের অর্থ এইরূপ করিয়াছেন, যথা—স্বর্গে ক্ষীরোদসমুদ্রে অনন্তশয্যায় চতুর্ভূজ মহাবিষ্ণু শায়িত। তাঁহার চতুর্হস্তে শঙ্খ, চক্র, গদা ও পদ্ম। তাঁহার বাহন গরুড় এবং লক্ষ্মী তাঁহার বক্ষঃ-স্থিত। তিনি সর্বদা আনন্দময়। এই আনন্দময় বিষ্ণু হইতেই জগৎ সৃষ্টি হইয়াছে। ইহাতেই জগতের স্থিতি এবং ইহাতেই লয়। পুরাণ কারের মতে বিষ্ণু স্মরণের মন্ত্রদ্বারা এইরূপ দেব বিশেষই স্মৃতিপুখে উদ্ভিত হন। বাহ্য হুটক এই পুরাণ বচনের বৈজ্ঞানিক অর্থ অস্বস্কান করিতে

হইবে। মনুস্মৃতিতে দেখিতে পাওয়া যায়—“অপ এন সসর্জাদৌ তাহু বীজমবাসৃজৎ। তদন্তু মভবদ্ হৈমং সহস্রাংশুসমপ্রভম্।” অর্থাৎ সেই ব্রহ্ম প্রথমে জল সৃষ্টি করিয়া তাহাতে বীজ নিক্ষেপ করিলেন। তাহা সূর্য্যের মত উজ্জ্বল সুবর্ণবর্ণ অণ্ডে পরিণত হইল। এই অণ্ডের নাম ব্রহ্মাণ্ড। স্মৃতিকথিত এই জলকে সর্বব্যাপী ব্যোম বলিয়াই মনে হয়। ইহার ইংরাজী নাম “ঐথার”—এই ব্যোম বা আকাশ জগতের সর্বত্রই বিদ্যমান। ইহারই নাম কারণ সলিল। এই সলিল হইতেই ব্রহ্মাণ্ডের উৎপত্তি। শ্রুতিও এই মনুবাক্যের সমর্থন করিয়াছেন যথা :—“তস্মাচ্চ এত স্মাদন্তন আকাশঃ সম্ভূত আকাশায়ুরিত্যাদি।” আকাশই পুরাণ-বর্ণিত ক্ষীরোদ সমুদ্র ও মনুবর্ণিত কারণসলিল। সূর্য্যমণ্ডল সেই সমুদ্র-স্থিত অনন্তশয্যা। অনেকেই জানেন সূর্য্যের এক নাম অনন্ত। সূর্য্যের সহস্র কিরণ অনন্ত নাগের সহস্র মস্তক। •কিরণ •ধেরূপ আলোকদ্বারা বিখের প্রকাশক, মস্তকও সেইরূপ চক্ষুরাদি পঞ্চজ্ঞানেল্লিয়ের আধারভূত হওয়ার বিখজ্ঞানের প্রয়োজক। তাই সূর্য্যের কিরণকে অনন্তের মস্তক বলিয়া বর্ণনা করা হইয়াছে। সেই জন্তই ত শাস্ত্রে কথিত আছে—“সহস্র-নীর্গা পুরুষ” ইত্যাদি। আবার গরুড় সেই পুরাণবর্ণিত বিষ্ণুর বহন। ইহারও এক বৈজ্ঞানিক অর্থ আছে। গরুড়ের এক নাম খগ। খ শব্দের অর্থ আকাশ। খকে অর্থাৎ আকাশকে অবলম্বন করিয়া যে গমন করে তাহাকে খগ বলে। অতএব খগ শব্দের অর্থ আকাশস্থ-বিচরণ পথ বা গ্রহ কক্ষ। সূর্য্য এই আকাশপথ অবলম্বন করিয়া বিচরণ করেন। কেহ কেহ বলেন সূর্য্য স্থির এবং গ্রহগণই সূর্য্যকে কেন্দ্র করিয়া নিজ নিজ কক্ষে আবর্তন করে। তাহা হইলেও পৃথিবীবাসী জীবগণের নিকটে সূর্য্য আকাশপথে বিচরণ করেন বলিয়া মনে হয়। সেই জন্তই সূর্য্যের কক্ষকে অনন্তশায়ী-বিষ্ণুর বাহন গরুড় বলা হইয়াছে। ক্ষীরোদস্থ অনন্তশায়ী বিষ্ণু সেই সূর্য্য মণ্ডলমধ্যবর্তী ভূর্গ বা নারায়ণ। তিনিই নরের আশ্রয়। তাই ত, বিষ্ণুর ধ্যানে জানি—ধোয়ঃ নদা সবিতৃমণ্ডল মধ্যবর্তী নারায়ণঃ। এই আকাশস্থ সবিতৃমণ্ডল মধ্যবর্তী নারায়ণই অনন্তশায়ী বিষ্ণু, বিরাট্ আকাশ তাঁর অপার ক্ষীরোদধি, সূর্য্যমণ্ডল তাঁর অনন্ত নাগশয্যা, এবং সূর্য্যের সহস্র কিরণ সেই নাগের সহস্র মস্তক আকাশস্থ বিচরণপথ সেই বিষ্ণুরূপী সূর্য্যের বাহন খগ অর্থাৎ গরুড়। করহু শব্দের ধ্বনিতে তিনি নামরূপাত্মক জগৎ-সৃষ্টি করিয়াছেন, তাঁহার হস্তস্থিত চক্র অর্থাৎ গ্রহগণের অবিরত চক্রভ্রমণ সৃষ্টির চিরন্তন আবর্তন সূচনা করিতেছে, তাঁহার পাণিহু গদা সংসার নিয়ম ভঙ্গে পাপীর ত্রাসের-সূচক ( গদ্ ধাতুর অর্থ ত্রাস ), তাঁর করহু পদ্ম প্রেমপুষ্পের নিদর্শন, তাঁর বক্ষঃস্থিতা লক্ষ্মী তাঁর হলদিনীশক্তি। এইরূপ বিষ্ণুরই পরমপদ পণ্ডিতগণ সর্বদা আকাশে

বিস্তৃত জগচ্ছুর মত দেখিয়া থাকেন। এই বিষ্ণুর পরম-পদ-দর্শনে পূজক অন্তর্বিহিঃশুদ্ধ হইয়া থাকেন। স্ত্রী ও শূদ্রের বিষ্ণুস্মরণ মন্ত্রও এইরূপ অর্থেই হুচনা করে। যথা :—নমঃ অপবিত্রঃ পবিত্রো বা সর্বাভ্যাং গতোহপিবা। যঃ স্মরেৎ পুণ্ডরীকাকং স বাহ্যভ্যন্তরশুচিঃ। এইরূপ বিষ্ণুস্মরণ দ্বারা অন্তর্বিহিঃশুদ্ধ হইয়া পূজককে কাম্য নৈমিত্তিকাদি কর্মস্থলে স্বস্তিবাচন, সংকল্প ও ঘটস্থাপনাদি করিতে হইবে। নিত্যপূজায় স্বস্তিবাচনাদির প্রয়োজন নাই। যাহা হউক, অতঃপর স্বস্তিবাচন বিবৃত হইতেছে।

#### স্বস্তিবাচন

স্বস্তিবাচনের বিস্তৃত বিবরণ পাঠকগণ পুরোহিত দর্পণাদি পুস্তকে পাইবেন। এস্থলে আমরা কেবল সেই সকল মন্ত্রের বৈজ্ঞানিক অর্থ-প্রদর্শন করিতে চেষ্টা করিব। স্বস্তিবাচন বিধিতে প্রথমে পুণ্যাহবাচন তৎপরে শুদ্ধিবাচন এবং পরিশেষে স্বস্তিবাচন মন্ত্রসকল দেখিতে পাওয়া যায়। কোন কাম্য কর্ম করিতে হইলে প্রথমত পুণ্যদিন দেখিয়া করিতে হয়। কারণ কাল, দেশ ও পাত্রের প্রভাব জীবে বিশেষরূপে লক্ষিত হয়। পুণ্যকালে, পুণ্যদেশে এবং পুণ্য চিত্তে কর্ম করিলে তাহা সুসিদ্ধ হয়। শুভতিথিনক্ষত্রাদির প্রভাবে এবং তাহাদের সদ্ভাবজ্ঞানে জীবের হৃদয়ে একটা বিমল আনন্দের আবেশ হয়। এই আনন্দ তাহাকে কর্তব্য-কর্মে সুদৃঢ়রূপে চালিত করে। সেই জন্মই প্রতি কর্মের প্রারম্ভে পুণ্যাহ বাচন আবশ্যিক। তারপরে ঋদ্ধিবাচন। ঋদ্ধিবাচনের দ্বারা পূজাস্থান সমৃদ্ধ হয় এবং সর্বশেষে স্বস্তিবাচন। স্বস্তিবাচনের দ্বারা পাত্র অর্থাৎ পূজকের চিত্ত পবিত্র হয়। অতএব দেখা গেল—পুণ্যাহবাচন, ঋদ্ধিবাচন এবং স্বস্তিবাচন যথাক্রমে কালশুদ্ধি, দেশশুদ্ধি ও পাত্রশুদ্ধির নিয়ামক! এই পুণ্যাহবাচন ব্রাহ্মণগণ দ্বারাই বর্তব্য। স্বস্তিবাচনের সর্ল সাধারণ মন্ত্র আমরা এইরূপ দেখিতে পাই যথা :—

“ওঁ স্বস্তি ন ইন্দ্রো বৃদ্ধশ্রবাঃ স্বস্তিনঃ পুষা বিশ্ববেদাঃ।

স্বস্তি ন স্তাক্য অরিষ্টেনমিঃ স্বস্তি নো বৃহস্পতির্দধাতু ॥”

অর্থাৎ বৃদ্ধশ্রবা ইন্দ্র বিশ্ববেদা সূর্য্য অরিষ্টেনমি গরুড় এবং বৃহস্পতি আমাদের মঙ্গল বিধান করুন। ‘ইন্দ্র’ ধাতুর উত্তর ‘র’ প্রত্যয় করিলে ইন্দ্র শব্দ ব্যুৎপন্ন হয়। ‘ইন্দ্র’ ধাতুর অর্থ ঐশ্বর্য্য বা আধিপত্য। অতএব যিনি আধিপত্য করেন বা ঐশ্বর্য্যশালী হন, তিনি ইন্দ্র। জীবের অহংকারতত্ত্বই ঐশ্বর্য্যশালী বা অধিপতি। কারণ অহংকার হইতেই জীবের ভোগ। নিত্যশুদ্ধ নিত্যমুক্ত স্বভাব আত্মার প্রকৃত কোন ভোগ নাই। অহংকার হইতে একাদশেল্লিয় ও পঞ্চ তন্মাত্রের উৎপত্তি হয় তাহারাই ভোগের উপাদান সৃষ্টি করিয়া জীবের সম্মুখে ধরে। জীব অভিমানবশত আপনাকে এই সকল উপাদানের অধিপতি মনে করে। অতএব ইন্দ্র শব্দে জীবের ঐশ্বর্য্যশালী অহংকার তত্ত্বকে বুঝায়। আবার ‘বৃদ্ধশ্রবাঃ’ পদের ব্যুৎপত্তিগত অর্থ করিতে গেলে বলিতে হয়—বৃদ্ধ শ্রবঃ যার অর্থাৎ বহুদিন হইতে যার শ্রুতি বা খ্যাতি আছে তিনিই বৃদ্ধশ্রবাঃ। অতএব দেখা যাইতেছে—‘বৃদ্ধশ্রবাঃ ইন্দ্রঃ’—অর্থে—বহুজন্ম ধরিয়৷ জগতে গমনা-গমনপূর্ব্বক সংসার ভোগী অহংকারতত্ত্ব। এই অহংকার আমাদের মঙ্গলবিধান করুন অর্থাৎ জড়ভোগের দ্বারা আমাদেরকে বদ্ধ না করিয়া

আত্মতত্ত্ব নিয়োগে আমাদের শ্রেয়ঃ সাধন করুন—ইহাই ‘স্বস্তি ইন্দ্রো-বৃদ্ধশ্রবা’ বাক্যের তাৎপর্য্য। তৎপরে ‘স্বস্তি নঃ পুষা বিশ্ববেদা’ বাক্যের বিচার। পুষা শব্দের অর্থ সূর্য্য এবং বিশ্ববেদা ( বিশ্বান্ সকলান্ বেত্তি ) অর্থে সর্বজ্ঞ। সূর্য্যই বিশ্বপ্রকাশক বলিয়া সূর্য্যকে সর্বজ্ঞ বা বিশ্ববেদা বলা যাইতে পারে। আবার অন্তর্জগতে এই সূর্য্য জীবাত্মা বা বুদ্ধিস্ব চৈতন্য। অতএব ‘স্বস্তি নঃ পুষা বিশ্ববেদা’—বাক্যের দ্বারা আমরা বুঝিব—বিশ্বজ্ঞ সূর্য্য অর্থাৎ ব্যাবহারিক জীব আমাদের মঙ্গল বিধান করুন অর্থাৎ বুদ্ধিস্ব চৈতন্য বিচার দ্বারা তত্ত্ব নিরূপণ পূর্ব্বক তন্মাত্রের দ্বারা আমাদের শ্রেয়ঃসাধন করুন। তারপর বাক্য আছে—“স্বস্তিনস্তাক্য অরিষ্টেনমিঃ।” অরিষ্টেনমি ও তাক্য উভয়শব্দের অর্থই বিষ্ণুর বাহন গরুড়। অরিষ্টশব্দে শুভাশুভ অদৃষ্ট বুঝায় এবং নেমির অর্থ চক্রধারা। অতএব অরিষ্টেনমি পদে শুভাশুভাদৃষ্টবাহিকা চক্রধারা বা চক্রবৎপরিবর্তন-শীল শুভাশুভ অদৃষ্ট বুঝায়। আবার তাক্য শব্দের অর্থ গরুড় এই গরুড় আকাশচারী এবং সর্লাপেক্ষা ক্ষিপ্রগামী। ইহা বিষ্ণু বা নারায়ণের বাহন। এই বাহনে আরোহণ করিয়া নারায়ণ পলমধ্যে ত্রিভুবন ভ্রমণ করিয়া থাকেন। পরমাত্মাকে নারায়ণ ভাবিলে গরুড় হইবে জীবের মনঃ। কারণ, মনের গতি গরুড়ের মতই ক্ষিপ্র এবং মনঃ সঙ্কল্পবিবেকবৃত্তির দ্বারা শুভাশুভ অদৃষ্ট-সৃষ্টি করিয়া অরিষ্টেনমি হইয়া থাকে। এই মনোরূপ গরুড়ের নায়কত্বে জীবরূপে বদ্ধ পরমাত্মার সংসারে গমনাগমন হয়। “স্বস্তিনস্তাক্য অরিষ্টেনমিঃ।” এই বাক্যে আমাদের বুঝিতে হইবে—শুভাশুভাদৃষ্ট বাহক মনঃ আমাদের মঙ্গল বিধান করুন অর্থাৎ মনঃ সঙ্কল্পে কর্ণলাভ দ্বারা শুভাশুভ অদৃষ্ট না জন্মাইয়া আত্মস্থিতিপূর্ব্বক পরমাত্মাধ্যানোপযোগী হইয়া আমাদের শ্রেয়ঃ সাধন করুন। সর্বশেষে আমরা বাক্য দেখিতে পাই—“স্বস্তি নো বৃহস্পতির্দধাতু।” অর্থাৎ বৃহস্পতি আমাদের মঙ্গল বিধান করুন। এই বৃহস্পতি পরমাত্মা। বৃহৎ ও পতি শব্দের সন্ধি হইয়া নিপাতনে বৃহস্পতি শব্দ সিদ্ধ হয়। যিনি সর্লাপেক্ষা মহৎ পতি বা পালন কর্তা তিনি পরমাত্মা ভিন্ন কি হইবেন? অতএব বৃহস্পতি শব্দে পরমাত্মাই লক্ষিত হয়। এই পরমাত্মার অধ্যাসেই জীবদেহ রক্ষিত হয়। অথবা বৃহস্পতি শব্দের অর্থ বৃহতের পতি বা বাক্যের পতি। জীব কোন কার্য্য করিবার সময়ে আদেশ বাক্য পরমাত্মার নিকট হইতে পাইয়া থাকে। কোন কোন সময়ে অবিচার প্রভাবে জীবের বুদ্ধি সত্ত্ব এরূপ প্রচ্ছন্ন থাকে যে, সে পরমাত্মার বাণী শুনিত পায়না। এরূপ স্থলে নিত্যমুক্ত জীব ইচ্ছা করিয়াই বন্ধনকে বরণ করিয়া লয়। ইহার নাম জীবের এক প্রকার আত্মহত্যা। এই আত্মহত্যা হইতে রক্ষা পাইবার নিমিত্ত জীবকে অর্থাৎ বুদ্ধিস্ব চৈতন্যকে পরমাত্মার বাণী শুনিত হইবে। এই সমস্ত বিচার করিলে জানা যায়—স্বস্তি নো বৃহস্পতির্দধাতু। এই বাক্যের অর্থ বৃহস্পতি আমাদের মঙ্গল বিধান করুন অর্থাৎ পরমাত্মা আমাদের প্রতি কার্য্যে এরূপ আদেশ বাণী দিন যাহা আমরা সর্বদাই শুনিত পাই। তাহা হইলে আমরা অশ্রেয়ঃ ত্যাগ করিয়া শ্রেয়ঃ পথে অগ্রসর হইতে পারিব। এই গেল স্বস্তিবাচন।

# বাঙ্গালার সমবায় আন্দোলন

অধ্যাপক শ্রীমলিনীরঞ্জন চৌধুরী এম-এ

বাঙ্গালার সমবায় আন্দোলনের অগ্রগতির অন্তরায়

এবং বর্তমান অবস্থার প্রকৃত কারণ

১৯০৪ সালের সমবায় আইন বিধিবদ্ধ হওয়ার পর হইতেই বাঙ্গালার সমবায় ঋণ দান সমিতি স্থাপিত হইতে থাকে। ১৯১২ সালে যে দ্বিতীয় সমবায় আইন বিধিবদ্ধ হয় তাহার ফলে ঋণদান ব্যতীত অন্য ভাবে স্বল্প আয়বিশিষ্ট লোকের আর্থিক অবস্থার উন্নতি করিবার উদ্দেশ্যে সমবায় নীতির ভিত্তিতে বাঙ্গালার নানা শ্রেণীর সমবায় সমিতি প্রতিষ্ঠিত হইয়াছে এবং গত পঁয়ত্রিশ বৎসরের মধ্যে বাঙ্গালার সমবায় আন্দোলনের যে প্রসার ও ব্যাপ্তি হইয়াছে তাহা একেবারে উপেক্ষণীয় নহে। ১৯৩৮ সালের ৩০শে জুন পর্যন্ত সারা বাঙ্গালার সর্বশ্রেণীর সমবায় সমিতির মোট সংখ্যা দাঁড়াইয়াছিল ২৪,২৫৬। আলোচ্য বর্ষে সমিতির সদস্য সংখ্যা ছিল ৮,৬৮,৫৪০; ইহাদের মোট কার্যকরী মূলধন ছিল ১৯ কোটি ৪৮ লক্ষ টাকা। কিন্তু সমবায় আন্দোলনের প্রসার বাঙ্গালার লোকসংখ্যা ও প্রয়োজনের তুলনায় যে খুব উল্লেখযোগ্য হয় নাই তাহা সহজেই অনুমেয়। দীর্ঘ ৩৫ বৎসরের মধ্যে এই প্রদেশের সমবায় আন্দোলনে হাজার করা ১৫৭ জনের বেশী লোক যোগদান করিয়া সভ্যশ্রেণীভুক্ত হয় নাই। বঙ্গীয় ব্যাঙ্কিং কমিটির হিসাব মত বাঙ্গালার কৃষকের কৃষিকার্য্য চালাইবার উদ্দেশ্যে অল্প সময়ের জন্ম (short and intermediate loans) যে টাকার প্রয়োজন তাহা প্রায় ৯৬ কোটি টাকা। ইহার মধ্যে সমবায় সমিতিগুলি মাত্র চারি কোটি টাকার মত ঋণ দান করিয়া কৃষককে সাহায্য করিতেছে।\*

\* অবশ্য কৃষকদের আর্থিক অবস্থার সর্বোচ্চ উন্নতি সাধন করিতে হইলে তাহাদিগকে দীর্ঘ মেয়াদী ঋণ দানের ও পুরাতন ঋণ পরিশোধের বন্দোবস্তও করিতে হইবে। এই বিষয়ে সকলেই একমত যে, যথেষ্টসংখ্যক শক্তিশালী জমি-বন্ধকী ব্যাঙ্কের প্রতিষ্ঠা ব্যতীত কৃষকদের এই অভাব দূরীভূত হইবে না এবং সাধারণ সমবায় সমিতিসমূহের পক্ষে

বাঙ্গালার সমবায় আন্দোলনের এই প্রকার সামান্য অগ্রগতির বাহ্য কারণসমূহ (external handicaps) প্রথমে উল্লেখ করা যাইতে পারে। সমবায় আন্দোলন বিশেষভাবে দরিদ্র ও অশিক্ষিত জনসাধারণের আর্থিক অবস্থার উন্নতির প্রয়াসে ব্যাপ্ত। কিন্তু নিরক্ষর জনসাধারণ সমবায় আন্দোলনের প্রয়োজনীয়তা ও ইহার মূলনীতি-সমূহ সম্যক উপলব্ধি করিতে অনেক ক্ষেত্রে অক্ষম হওয়ায় তাহাদের মধ্যে আন্দোলনের বিস্তার বহুলাংশে বাধাপ্রাপ্ত হইতেছে। আবার প্রত্যেক গ্রামেই কতকসংখ্যক লোক রহিয়াছে—যাহাদের মধ্যে সাধারণ ব্যবসা-বুদ্ধির অভাব পরিলক্ষিত হয়। জনসাধারণ যদি বিশেষভাবে মিতব্যয়ী এবং স্ব স্ব আয়-ব্যয়ের তুলনায় দূরদর্শী না হয় তবে সমবায় আন্দোলন কোন ক্ষেত্রেই বিস্তার লাভ করিতে এবং দরিদ্র জনসাধারণের পক্ষে কল্যাণকর হইতে পারে না। এক সময় মহাজন সম্প্রদায়ের প্রতিযোগিতাও অনেক ক্ষেত্রে সমবায় আন্দোলনের বিঘ্নস্বরূপ হইয়া উঠিত দেখা গিয়াছিল। মহাজনদিগের নিকট হইতে ধানোৎপাদন ব্যতীত অন্য উদ্দেশ্যের জন্মও সহজে ও অল্প সময়ে ধার পাওয়া সম্ভব ছিল বলিয়া অনেকে তাহাদের নিকট হইতেই টাকা ধার করা সুবিধাজনক মনে করিত। এই জন্মও কৃষকদিগকে ব্যাপকভাবে সমবায় আন্দোলনে যোগদান করিতে দেখা যায় নাই।

আর সব চাইতে বড় কথা হইতেছে এই যে, সমবায় আন্দোলন যে সমস্যা সমাধানে ব্যাপ্ত রহিয়াছে তাহা এত গুরুত্বপূর্ণ ও জটিলতাময় যে, এই ব্যাপারে উল্লেখযোগ্য উন্নতিলাভ করা সময়সাপেক্ষ। কৃষককে কৃষিকার্য্য চালাইবার জন্ম অল্প সূদে টাকা ধার দিবার ব্যবস্থা

এই শ্রেণীর ঋণদান করা সম্ভব নহে। 'ভারতবর্ষ'এর পূর্বের এক সংখ্যায় দীর্ঘ মেয়াদী ঋণ ও জমি-বন্ধকী ব্যাঙ্ক সম্বন্ধে আলোচনা করিয়াছি।

করায় সঙ্গে সঙ্গে তাহার পুরাতন ঋণ শোধের বন্দোবস্ত করিতে হইবে। ইহার সঙ্গে সঙ্গে তাহার আয় বৃদ্ধির ব্যবস্থা করিতে না পারিলে কৃষকের মথার্থ উন্নতি অসম্ভব। এই উদ্দেশ্যে বিশেষভাবে কৃষকের ক্ষুদ্র ক্ষুদ্র অংশে বিভক্ত, ভিন্ন ভিন্ন স্থানে অবস্থিত জমি একত্রিত করিতে হইবে; জল সেচ ও জল নিকাশের এবং উন্নততর প্রণালীতে কৃষি-ব্যবস্থা চালাইবার বন্দোবস্ত করিতে হইবে। সঙ্গে সঙ্গে উৎপাদিত পণ্য বিক্রয়ের বন্দোবস্ত করাও একান্ত আবশ্যিক। গোটা সমস্যাটাকে শত-দিক হইতে সমাধান করিবার জন্ত চেষ্টিত না হইলে দরিদ্র জনসাধারণের প্রকৃত আর্থিক উন্নতি অসম্ভব এবং এই দৃষ্টি-কোণ হইতে বিবেচনা করিলে স্বীকার করিতেই হইবে যে, সমস্যাটার জটিলতার জন্ত সমবায় আন্দোলনের প্রসার মন্দগতিতে অগ্রসর হইতে বাধ্য।

কিন্তু তাই বলিয়া বাঙ্গালার সমবায় সমিতিসমূহের পরিচালনা, কার্যপ্রণালী ও গঠননীতি প্রভৃতি সম্পর্কে কোনই দোষত্রুটি ও গলদ নাই এই কথা কেহই বলিবেন না। পক্ষান্তরে নানা প্রকার আভ্যন্তরীণ দুর্নীতি ও দোষত্রুটির জন্ত বাঙ্গালার সমবায় আন্দোলনের অগ্রগতি বাধাপ্রাপ্ত হইতেছে এবং এই সকল কারণে বর্তমানে সমবায় সমিতিগুলির এক গুরুত্বপূর্ণ সঙ্কটকাল উপস্থিত হইয়াছে।

বাঙ্গালায় তথা ভারতে সমবায় সমিতি গঠন ব্যাপারে প্রথম হইতেই জনসাধারণের দিক হইতে আশানুরূপ স্বতপ্রণোদিত ইচ্ছা ও উৎসাহ পরিলক্ষিত হয় নাই। এই ব্যাপারে সরকারী চেষ্টা ও উৎসাহের উপর নির্ভর করিয়া থাকিলে যে সমবায় আন্দোলন জনসাধারণের মধ্যে সজীব-ভাবে জাগিয়া উঠিতে পারে না তাহা সহজেই অনুমেয়। জনসাধারণের মধ্যে সমবায় সমিতি গঠন ও ইহাদের পরিপূর্ণ সুযোগ নেওয়ার ব্যাপারে যে নিরুৎসাহতার ও নিরুৎসাহতার ভাব দেখা গিয়াছে তাহার ফলে আন্দোলনের প্রাণপূর্ণতা ও সজীবতা অনেকাংশে বিনষ্ট হইতে বসিয়াছে। আমরা ইহা বলি না যে বর্তমান অবস্থায় গভর্নমেন্টের হস্তক্ষেপ আরও কম হওয়া দরকার। বরং নানা ব্যাপারে—বিশেষভাবে সমিতির হিসাব-নিকাশ ও কার্যপরিচালনা সম্পর্কে সরকারী তত্ত্বাবধান আরও অনেকদিন পর্য্যন্ত অত্যন্ত প্রয়োজনীয় হইবে। আমাদের বক্তব্য হইতেছে এই যে, জনসাধারণ যদি আন্দোলনের প্রতি উৎসাহী ও সহায়ভূতিসম্পন্ন না হয়,

তাহারা এই ব্যাপারে যদি আত্মনির্ভরশীল হইয়া না দাঁড়ায় তাহা হইলে শুধু সরকারী উৎসাহে ও প্রচেষ্টায় আন্দোলনকে সজীব রাখা যাইবে না। ইহাকে বাঙ্গালার সমবায় আন্দোলনের একটা প্রধান আভ্যন্তরীণ দুর্বলতা বলা যাইতে পারে।

সমবায় আন্দোলনের উদ্দেশ্য, কার্যপ্রণালী ও সমস্যা সম্বন্ধে যে শুধু জনসাধারণই অজ্ঞ এই কথা বলিলে তাহাদের প্রতি কিছু অবিচার করা হয়। কারণ দেখা গিয়াছে যে, সমবায় বিভাগের কর্মচারীবৃন্দও অনেক ক্ষেত্রে আন্দোলনের সাধারণ নীতি ও কার্যক্রম সম্বন্ধে ভ্রান্তধারণা পোষণ করিয়া থাকেন। সমবায় সমিতির সভ্যদের সম্পর্কে এই উক্তি আরও বিশেষভাবে প্রযোজ্য। সমবায় আন্দোলনের সহিত যাহারা জড়িত আছেন তাঁহাদের মধ্যে সমবায় নীতি ও কার্যপ্রণালী সম্বন্ধে পরিষ্কার ধারণা ও প্রকৃত শিক্ষার বিস্তার না হইলে আন্দোলন কিছুতেই অগ্রসর লাভ করিতে পারে না। বঙ্গীয় ব্যাঙ্কিং কমিটি সত্যই বলিয়াছেন যে, এই প্রদেশের সমবায় আন্দোলনের আভ্যন্তরীণ গলদসমূহের উৎস-সন্ধান এই স্থানেই পাওয়া যাইবে।

সমবায় সমিতির দাদনী টাকার সুদ ও আসল টাকা যদি সভ্যগণ নির্দিষ্ট সময়ে পরিশোধ না করে তাহা হইলে আন্দোলনের আর্থিক অবস্থা কিছুতেই সুস্থ ও সবল হইতে পারে না। অনিয়মিতভাবে সভ্যগণ কর্তৃক ঋণ পরিশোধের জন্তই বিশেষভাবে সমবায় সমিতিগুলি নিজেই হইয়া পড়িয়াছে। ইহা বলাই বাহুল্য যে, যথাসময়ে এবং পূর্ক পরিবর্তন অনুযায়ী ঋণ পরিশোধিত না হইলে লোকশিক্ষার ও আর্থিক উন্নতির দিক হইতে সমবায় আন্দোলনের কোনই সার্থকতা নাই। দক্ষ তদ্বির-তদারকের অভাব, প্রাথমিক সমিতির পরিচালকদের ঔদাসীন্য, পুরাতন ঋণভার, সদস্যদের ঋণশোধ-ব্যাপারে স্বাভাবিক অালস্য, শস্ত্রহানি ও স্বল্প পণ্যমূল্য ইত্যাদি ঘটনা এই গলদের প্রধান কারণ বলিয়া নির্দেশ করা যাইতে পারে। এই প্রসঙ্গে ইহাও উল্লেখ করা যাইতে পারে যে, অনেক সময় দেখা যায় যে, পরিচালক-সদস্যগণ নিয়মিত ঋণ পরিশোধ না করিলেও তাহাদিগকে আইনত ঋণ শোধ করিতে অজ্ঞ কেহ বাধ্য করিতে পারে না। ফলে, পরিচালক-সদস্যদের মধ্যে এই ব্যাধি বিশেষভাবে দৃষ্ট

হয় এবং তাহা ক্রমে অল্প সভ্যদের স্বভাব প্রভাবান্বিত করিতে দেখা যায়।

পূর্বেই বলা হইয়াছে যে, বাঙ্গালার অধিকাংশ সমবায় সমিতিসমূহ কেবল টাকা দান কার্যেই তাহাদের কাজ সীমাবদ্ধ রাখিয়াছে। ফলে জনসাধারণের মধ্যে সমবায় আন্দোলন সম্পর্কে একটা ভ্রান্ত ধারণা প্রসার লাভ করিয়াছে। সমবায় সমিতিগুলির স্বল্প সুদে ঋণদান করাই একমাত্র উদ্দেশ্য বলিয়া অনেকে ধরিয়া লইয়াছেন। অথচ সভ্যদের মধ্যে ‘স্বাশক্তির ভাব’ সৃষ্টি করিয়া তাহাদের মিলিত চেষ্টায় ও সাহায্যে নিজেদের বর্তমান দুর্বস্থার উন্নতি করাই যে আন্দোলনের মূল উদ্দেশ্য তাহা নিজেরাও বুঝিতে পারে নাই এবং সরকারী ও বেসরকারী কর্মচারী ও নেতৃবৃন্দও তাহা পরিষ্কারভাবে বুঝাইয়া দেন নাই। বাঙ্গালার সমবায় আন্দোলনের ইহাও একটা আভ্যন্তরীণ দুর্বলতা বলিয়া উল্লেখ করা যাইতে পারে।

অনেকের মতে সমবায় প্রতিষ্ঠানগুলির গঠনের দিক হইতে একটা গুরুত্বপূর্ণ দুর্বলতা হইতেছে এই যে, প্রত্যেক সমিতি শুধু এক একটা উদ্দেশ্য সাধনের জন্ত স্থাপিত হইয়াছে। যথা, কোন সমিতি কেবলমাত্র ঋণদানের জন্ত, কোন সমিতি শুধু পণ্য বিক্রয়ের জন্ত প্রতিষ্ঠিত হইয়াছে। এই অবস্থায় সকল শ্রেণীর সমিতির সভ্য না হইলে কোন গ্রামবাসীর পক্ষে সমবায় আন্দোলনের সর্বপ্রকার সুবিধা ভোগ করা সম্ভব নহে। তাই অনেকে প্রস্তাব করিয়াছেন যে, প্রত্যেকটি প্রাথমিক সমিতি যদি সভ্যগণকে টাকা ধার দিবার, তাহাদের উৎপন্ন পণ্য বিক্রয় করিবার, তাহাদের দৈনন্দিন জীবনের প্রয়োজনীয় পণ্যদ্রব্যাদি, উৎকৃষ্ট ফসলের বীজ, যন্ত্রপাতি ও কাঁচা মাল সরবরাহ করিবার, তাহাদের জমিতে সেচ ইত্যাদি নানা শ্রেণীর কার্য করিবার ব্যবস্থা করে তাহা হইলে সমিতির কাজ ও সভ্যদের সহিত সমিতির সম্পর্ক শুধু যে ব্যাপক হইবে তাহা নহে, গ্রামবাসীদের সম্পূর্ণ আর্থিক জীবন সমিতির কাজ দ্বারা প্রভাবান্বিত হইবে; সমিতির সহিত সভ্যদের সম্পর্ক সুদৃঢ় ও সর্বক্ষণস্থায়ী হইবে, জনসাধারণ এই ধরনের সমিতির প্রতি বিশেষভাবে আকৃষ্ট হইয়া উৎসাহের সহিত সভ্য শ্রেণীভুক্ত হইবে এবং ফলে সমগ্র আন্দোলন সজীব, বর্ধিষ্ণু ও প্রগতিশীল হইয়া উঠিবে। অবশ্য বহু উদ্দেশ্যমূলক নীতির

ভিত্তিতে প্রাথমিক সমিতি গঠিত হইলে সভ্যদের দায়িত্ব সসীম হওয়া আবশ্যিক।

কিন্তু যে গলদের ফলে এই প্রদেশের সমবায় সমিতিসমূহ বিশেষভাবে বিপন্ন হইয়া পড়িয়াছে এবং যে সমবায় সমিতিসমূহের পূর্কৃত দাননী টাকার বেশীর ভাগ একেবারে বা আংশিকভাবে অনাদায়ী হইয়া পড়িয়াছে, বিগত কয়েক বৎসরের কৃষি-সঙ্কটের ফলে কৃষিজাত পণ্যের যে মূল্য হ্রাস হয় সেইজন্য এবং সমবায় সমিতির ঋণদান ব্যাপারে ত্রুটিপূর্ণ কার্যনীতির দরুণ এই অবস্থার সৃষ্টি হইয়াছে।

সমিতি হইতে টাকা ধার লইবার সময় যদিও ঋণ গ্রহণ করিবার উদ্দেশ্যের উল্লেখ করিতে হয়, তবু কেন্দ্রীয় ও প্রাথমিক সমিতি, সভ্য অল্প উদ্দেশ্যে টাকা ব্যয় করিতেছে কি না, তাহার উপর তীক্ষ্ণ দৃষ্টি রাখে নাই। অনেক ক্ষেত্রে সমবায় সমিতি আবার দীর্ঘ ও অল্পকাল মেয়াদী দাননের মধ্যে কোন পার্থক্য করে নাই। এমনও দেখা গিয়াছে যে, ঋণ-পরিশোধের কাল বাড়াইয়া দিয়া ও কোন সভ্যের ঋণ যথাসময়ে পরিশোধিত হইয়াছে বলিয়া কাগজপত্রে উল্লেখ করিয়া সেই সভ্যকেই আবার নূতন ঋণ দেওয়া হইয়াছে; এইভাবে হিসাব দেখাইয়া অল্প মেয়াদী ঋণ কার্যত সমিতির পরিচালনার ত্রুটিতে দীর্ঘ মেয়াদী দাননে পরিণত হইয়াছে। এই সব নানা কারণে এবং অনেক স্থলে সভ্যের পরিশোধ করিবার শক্তির অতিরিক্ত ঋণদান করার ফলে প্রাথমিক সমিতির দাননী টাকার একটা অংশ একেবারে অনাদায়ী হইয়া পড়িয়াছে এবং অল্প অংশও দীর্ঘ ও অল্পকাল-ব্যাপী ছোট ছোট কিস্তির সাহায্য ব্যতীত আদায় করা অসম্ভব হইয়া উঠিয়াছে। এই অবস্থায় প্রাথমিক সমিতিগুলি আমানতকারীদের প্রাপ্য টাকা ও কেন্দ্রীয় ব্যাঙ্ক হইতে গৃহীত ঋণের টাকা পরিশোধ করিতে পারিতেছে না। ইহার দরুণ কেন্দ্রীয় ব্যাঙ্কগুলি আবার আমানতকারীদের প্রাপ্য টাকা ও প্রাদেশিক ব্যাঙ্ক হইতে গৃহীত ঋণের টাকা পরিশোধ করিতে অক্ষম হইয়া পড়িয়াছে। এইভাবে সমিতিসমূহ নূতন ঋণ দেওয়া বহুলাংশে স্থগিত করিয়া ফেলিয়াছে, অনেক সমিতির পক্ষে তাহাদের সঞ্চিত তহবিল ও আদায়ী টাকা হইতে আমানতকারীদের প্রাপ্য সুদ ও সমিতির আবশ্যকীয় খরচপত্র নির্বাহ করাই এক সমস্যা হইয়া দাঁড়াইয়াছে। এই সব নানা কারণে

সমবায় আন্দোলন জনসাধারণের আস্থাও হারাইতে বসিয়াছে। এইভাবে বিকৃত ঋণদান-নীতির, পরিচালনা সম্পর্কে নানা প্রকার দুর্নীতি ও অধ্যবস্থার এবং বিগত কৃষি-সঙ্কটের ফলে সমবায় আন্দোলন এক বিষম সঙ্কটে পতিত হইয়াছে এবং এই সকল ঘটনার ঘাত-প্রতিঘাতে যে পাপচক্রের সৃষ্টি হইয়াছে তাহার দরুণ বাংলার সমগ্র সমবায় আন্দোলন একটি অচল অবস্থায় উপনীত হইয়াছে। এই অবস্থায় সহিষ্ণু ও ধীরবুদ্ধি সহযোগে সমবায় সমিতিসমূহের পুনরুজ্জীবিত করিবার আশু ব্যবস্থা না করিলে এই প্রদেশের আন্দোলনের ভবিষ্যত চিরতরে বিনষ্ট হইতে পারে। এই দৃষ্টি-কোপ হইতে প্রাথমিক ও কেন্দ্রীয় সমিতিসমূহকে বিচ্ছিন্ন অবস্থার প্রতিকারার্থে যে সকল প্রস্তাব করা হইয়াছে তাহার উল্লেখ করিয়া এবং ভবিষ্যতে যাহাতে অতীতের ভুল ক্রটির পুনরভিনয় না হয় সেই উদ্দেশ্যে যে সমবায় আইন প্রস্তুত হইতেছে তাহার আলোচনা করিয়া বর্তমান প্রবন্ধ শেষ করিব।

সমবায় আন্দোলনের বর্তমান দুর্বস্থার প্রতিকার

এবং প্রস্তাবিত সমবায় আইন

বাংলার সমবায় আন্দোলনকে পুনরুজ্জীবিত করিতে হইলে দুই ভাবে সমবায় সম্পর্কে জড়িত সমস্যাসমূহের সমাধানের চেষ্টা করিতে হইবে। অতীতের অব্যবস্থার ফলে বর্তমানে সমবায় সমিতিসমূহ যে সঙ্কটে পতিত হইয়াছে তাহার প্রতিকার করিতে হইবে। পুরাতন ও নব-প্রতিষ্ঠিত সমিতিগুলি যাহাতে আবার বিপন্ন হইয়া না পড়ে এবং যাহাতে তাহাদের অগ্রগতির পথ প্রশস্ত ও সুগম হয় তাহার জন্ত আইন দ্বারা ও অন্তর উপায়ে যথোপযুক্ত ব্যবস্থা করিতে হইবে।

সমবায়সমিতিসমূহের বর্তমান দুর্বস্থা দূরীকরণার্থ প্রাথমিক সমিতি তথা কেন্দ্রীয় ব্যাঙ্কের দাদনী টাকার যে অংশ প্রকৃতই অনাদায়ী হইয়া পড়িয়াছে সেই পরিমাণ টাকা প্রাথমিক এবং কেন্দ্রীয় সমিতির আমানতকারীদের প্রাপ্য টাকা হইতে একেবারে বাদ দিতে হইবে। আন্দোলনের ভবিষ্যত উন্নতির দিকে লক্ষ্য রাখিয়া এবং বর্তমান দুর্বস্থার কথা বিবেচনা করিয়া আমানতকারীদের এই খাতে কিছুটা

ক্ষতি স্বীকার করা ভিন্ন উপায় নাই। কিন্তু আশার কথা এই যে, দাদনী টাকার বেশীর ভাগ একেবারে অনাদায়ী নহে। যদি ঋণকারকদের জমি-জমা ও আয়-ব্যয়ের হিসাব পরীক্ষা করিয়া তাহাদের আর্থিক সামর্থ্যানুযায়ী প্রয়োজনমত ঋণের সুদ ও সভ্যবিশেষে আসলের পরিমাণ হ্রাস করিয়া যথাযোগ্য কিস্তি নির্ধারণ করা যায় তাহা হইলে অধিকাংশ সভ্যই পনের-বিশ বৎসরের মধ্যে সব টাকা পরিশোধ করিয়া দিতে পারিবে। এই শ্রেণীর দাদনী টাকার হিসাব প্রাথমিক ও কেন্দ্রীয় সমিতির হিসাব হইতে একেবারে ভিন্ন করিয়া জমি-বন্ধকী ব্যাঙ্কের হাতে তুলিয়া দিলে এই প্রকার ঋণ কিস্তি-ক্রমে আদায় করা সহজ হইয়া আসিবে। সঙ্গে সঙ্গে ঋণকারকদের সম্পত্তির মূলে প্রাদেশিক ব্যাঙ্কের মারফতে প্রাথমিক ও কেন্দ্রীয় সমিতির আমানতকারীদিগকে দেয় টাকার পরিমাণ ডিবেঞ্চার বাহির করিয়া অল্প সুদে টাকা ধার লইয়া গভর্নমেন্ট কেন্দ্রীয় ও প্রাথমিক সমিতিদিগকে তাহাদের আমানতকারীদের দাবী মিটাওয়া ফেলিতে সাহায্য করিবেন এবং জমি-বন্ধকী ব্যাঙ্কের মারফতে ঋণকারকদের নিকট হইতে কিস্তিক্রমে তাগ আদায় করিয়া লইবেন। এইভাবে যদি আমানতকারীগণ তাহাদের প্রাপ্য টাকার অধিকাংশ একসঙ্গে ফিরাইয়া পান তাহা হইলে সমিতিসমূহের দাদনী টাকার যে কতকংশ একেবারে অনাদায়ী হইয়া পড়িয়াছে সেই পরিমাণ টাকার দাবী ত্যাগ করিয়া এবং ঋণের সুদ ও আসল কমান সম্বন্ধে সমিতিসমূহের সহিত একটা আপোষ করিতে রাজী হইয়া কতকটা ক্ষতি স্বীকার করিতে তাহারা হয়ত সহজেই স্বীকৃত হইবেন।

এইরূপ প্রণালীতে কার্যে অগ্রসর হইলে কেন্দ্রীয় ব্যাঙ্কসমূহের বর্তমান সঙ্কটের অবসান হইবে এবং তাহারা ও প্রাথমিক সমিতিসমূহ সভ্যদিগকে আবার অল্পকালের মেয়াদে টাকা ধার দিয়া তাহাদের কার্যে প্রবৃত্ত হইতে পারিবে। আমানতকারীদের প্রাপ্য টাকা শোধ করিয়া দেওয়াতে সমবায় সমিতিগুলি আবার জনসাধারণের আস্থা অর্জন করিয়া আমানত সংগ্রহ করিতে সমর্থ হইবে। প্রাদেশিক ব্যাঙ্ক ও কেন্দ্রীয় সমিতিসমূহকে পুনঃ টাকা ধার দিয়া তাহাদের কার্যে সহায়তা করিবে। অবশ্য কিছুকালের জন্ত আমানতকারীদের নিকট হইতে প্রচুর পরিমাণে টাকা ধার পাওয়া হয়ত সম্ভব নাও হইতে পারে।



এই অবস্থায় গভর্নমেন্টকে প্রাদেশিক ব্যাঙ্কের মারফতে কতক সময়ের জন্ত কেন্দ্রীয় ব্যাঙ্কদিগকে টাকা ধার দিয়া তাহাদের কার্য্যকরী মূলধন সংগ্রহ করিবার ব্যাপারে সাহায্য করা দরকার হইতে পারে।

গভর্নমেন্ট যদি এইভাবে ডিবেঞ্চার বাহির করিয়া আমানতকারীদের টাকা পরিশোধ করিবার ও অল্পসময়ের জন্ত কার্য্যকরী মূলধন হিসাবে কেন্দ্রীয় ব্যাঙ্কসমূহকে টাকা ধার দিবার ব্যবস্থা করেন তাহা হইলে অতীতের পুঞ্জীভূত আবর্জনা দূর হইবে, সমবায় আন্দোলনের বর্তমান অচল ও সঙ্কটময় অবস্থার অবসান হইবে এবং সমগ্র আন্দোলনের সজীব ও প্রাণপূর্ণতার আবার ফিরিয়া আসিবে। কিন্তু এই প্রকার ব্যবস্থা করিয়া থামিলেই চলিবে না। নূতন সমবায় আইন প্রণয়ন করিয়া অতীতের গলদ ও ভুলত্রান্তি পুনরায় যাহাতে আন্দোলনের প্রগতি বন্ধ করিতে না পারে তাহার বন্দোবস্ত এবং আন্দোলনকে শক্তিশালী করিবার উদ্দেশ্যে অন্যপ্রকার ব্যবস্থা অবলম্বন করিতে হইবে।

প্রধানত প্রথমোক্ত উদ্দেশ্যেই বাঙ্গালার গভর্নমেন্ট একটা নূতন সমবায় আইন বিধিবদ্ধ করিতেছেন। নূতন আইনে সমবায় সমিতিসমূহের উপর সরকারী প্রভাব প্রতিপত্তি বৃদ্ধি পাইবে বলিয়া কেহ কেহ প্রস্তাবিত আইন সম্পর্কে আপত্তি তুলিয়াছেন। ইহা অতি সাধারণ কথা যে সমবায়ের মূল নীতি হইল সমিতিসমূহের আত্মনিয়ন্ত্রণের ক্ষমতা বৃদ্ধি করা এবং তাহাদিগকে আত্মনির্ভরশীল ও স্বাবলম্বী করিয়া গড়িয়া তোলা। কাজেই নীতির দিক হইতে তাহাদের উপর সরকারী হস্তক্ষেপ যতই হ্রাস পায় ততই মঙ্গলজনক। আন্দোলন যে পরিমাণে সরকারী কড়ুড় ব্যতীত কৃতিত্বের সহিত অগ্রসর হইতে পারিবে সেই পরিমাণে আন্দোলনের সাফল্য ও সুস্থতা সূচিত হইবে। কিন্তু সমস্যা হইতেছে এই যে, আন্দোলনের বর্তমান অবস্থায় সরকারী তদ্বির ও তদারক একেবারে শিথিল করিয়া ফেলিলে আন্দোলনের অনিষ্ট হওয়ার সম্ভাবনাই অধিক। বিশেষত সমিতির হিসাব-নিকাশ ও কার্য্য পরিচালনা এবং নানা শ্রেণীর সমিতি প্রতিষ্ঠা, তাহাদের মূলধন সরবরাহ, আন্দোলনের কর্মচারীদের উপযুক্ত শিক্ষা ইত্যাদি সম্পর্কে সরকারী তত্ত্বাবধান আরও অনেকদিন পর্য্যন্ত অত্যাবশ্যক হইবে বলিয়া আমাদের ধারণা। সমবায় আন্দোলন যে বর্ষা

প্রদেশে একেবারে ভাঙ্গিয়া পড়িয়াছিল সেই জন্ত অসময়ে সরকারী তদ্বির-তদারক শিথিল করা কতকাংশে দায়ী বলিয়া অনেক মত প্রকাশ করিয়াছিলেন। এই সব কথা বিবেচনা করিলে এবং সমিতির কার্য্যপ্রণালী ও পরিচালনা সম্পর্কে যে সকল গলদ ও দুর্নীতি প্রকাশ লাভ করিয়াছে ও যাহা অন্তত কতকাংশে বাঙ্গালার সমবায় আন্দোলনের বর্তমান দুর্বস্থার জন্ত দায়ী তাহা মনে রাখিলে প্রস্তাবিত আইন সম্পর্কে এই শ্রেণীর আপত্তি খুব সমীচীন বলিয়া বোধ হয় না। বরং বর্তমান অশিক্ষা ও অজ্ঞতার দরুণ সরকারী অভিভাবকত্বে জনসাধারণকে সমবায় নীতি সম্পর্কে সর্বতোভাবে উৎসাহিত করা অত্যন্ত প্রয়োজনীয়। বাঙ্গালার বর্তমান সমিতিসমূহ পুনরুজ্জীবিত হইলে নূতন আইন দ্বারা তাহাদের কার্য্যপ্রণালী ও পরিচালনার উন্নতি এবং ধনবৃদ্ধিকর নানা শ্রেণীর সমিতি প্রতিষ্ঠিত হইলে সমগ্র আন্দোলনের অগ্রগতির পথ প্রশস্ত ও সুদৃঢ় হইবে। তখন ক্রমে ক্রমে সরকারী কড়ুড়ের প্রয়োজনীয়তা হ্রাস পাইবে এবং সরকারী অভিভাবকত্ব শিথিল করা সম্ভবপর ও মঙ্গলজনক হইবে।

এই দৃষ্টিকোণ হইতে প্রস্তাবিত আইনের মূলধারাসমূহ সাধারণভাবে সমর্থন করা যাইতে পারে। বঙ্গীয় সমবায় আইনের কয়েকটি অতি-প্রয়োজনীয় বিধানের উল্লেখ করিলে উক্ত আইন সম্পর্কে আমাদের মন্তব্যের তাৎপর্য্য পরিষ্কার হইবে। অনেক ক্ষেত্রে দেখা গিয়াছে যে, দুই-একজন প্রভাবশালী কর্মকর্তার অন্তায় ব্যবহারের দরুণ সমিতির অবস্থার অবনতি ঘটিয়াছে। ১৯১২ সালের আইনে এই শ্রেণীর সদস্যের প্রতি কোন প্রকার শাস্তি বিধানের ব্যবস্থা নাই। ফলে রেজিষ্টারের পক্ষে সমিতি লিকুইডেশন-এ দেওয়া ব্যতীত অন্য কোন পস্থা থাকে না। এই ভাবে দুই-এক জন সদস্যের অন্তায় ব্যবহারের জন্ত সমস্ত সভ্য ও সমিতিসমূহ ক্ষতিগ্রস্ত হয়। নূতন আইনে রীতিমত ও আইনের নির্দেশ অনুযায়ী হিসাব-নিকাশ না রাখা, ইচ্ছা-পূর্বক সময়মত ঋণ পরিশোধ না করা, সদস্য ব্যতীত অন্য কাহাকেও টাকা ধার দেওয়া, ঋণগ্রহণেচ্ছ সদস্যের পক্ষে তাহার সম্পত্তি ও দেনার যথার্থ পরিচয় প্রদান না করা, এক উদ্দেশ্যে ঋণ গ্রহণ করিয়া তাহা অন্য উদ্দেশ্যে ব্যয় করা, হিসাব-পরীক্ষকের নির্দেশ মানিয়া না চলা অথবা তাহার প্রদর্শিত দোষত্রুটির যথাসম্ভব সূত্র সংশোধন না করা—

ইত্যাদি নানা শ্রেণীর গলদ, ত্রুটিপূর্ণ কার্যপ্রণালী ও ব্যবহারের প্রতিকারের এবং প্রতিবিধানের উদ্দেশ্যে নূতন আইনে যথোপযুক্ত বিধান ও শাস্তির ব্যবস্থা রহিয়াছে। আশা করা যায় যে, এই ভাবে বাঙ্গালার সমবায় আন্দোলনের যে সকল আভ্যন্তরীণ দুর্বলতার উল্লেখ করা হইয়াছে তাহা দূর করিয়া অবস্থার উন্নতি করিতে নূতন আইন প্রয়োজনীয় হইবে।

অবশ্য আইনে কর্মচারীদিগকে যে সকল ক্ষমতা দেওয়া হইয়াছে তাহার যদি তাঁহারা অপব্যবহার করেন তবে তাঁহাদের কার্যের বিরুদ্ধে আপত্তি উত্থাপন করাও আবশ্যিকমত অন্ত্য আদেশের পরিবর্তন করারও ব্যবস্থা রহিয়াছে। ঋণকারকদিগের নিকট হইতে সমিতিগুলি যাহাতে যথারীতি ঋণ আদায় করিতে পারে, প্রস্তাবিত আইনে সেই সম্বন্ধেও নানা প্রকার বিধান রহিয়াছে। তদ্বির-তদারক ও হিসাব পরীক্ষার ব্যবস্থার নূতন আইনে যথেষ্ট উন্নতি করিবার প্রচেষ্টা করা হইয়াছে এবং এই বিধানগুলি সমিতির কার্য-প্রণালীর ব্যাপারে যাহাতে নানা প্রকার গলদ আশুপ্রকাশ না করিতে পারে সেই উদ্দেশ্যে বিশেষ প্রয়োজনীয় হইতে পারে। অক্ষম ও অসামর্থ পরিচালনা সমিতি সরাইয়া দিয়া সমিতি যাহাতে লিকুইডেশন-এ না যায় তাহার জন্য সাময়িকভাবে দায়িত্বশীল কর্মচারী নিয়োগ করিয়া এই শ্রেণীর সমিতিতে ও ইহার সভ্যদিগকে অবস্থার উন্নতি করিবার সুযোগ দিবার ব্যবস্থাও করা হইয়াছে।

কো-অপারেটিভ সোসাইটিগুলির আভ্যন্তরীণ দোষত্রুটি দূরীকরণার্থে যে এই শ্রেণীর বিধান ও ব্যবস্থার প্রয়োজন আছে তাহা হয়ত অনেকেই স্বীকার করিবেন। নূতন আইনে আন্দোলনের উপর রেজিষ্ট্রারের ক্ষমতা বৃদ্ধি পাইবে এবং সরকারী কর্তৃত্ব অক্ষুণ্ণ থাকিবে বলিয়া সমবায় নীতির দিক হইতে ক্ষোভ করিয়া লাভ নাই। কারণ বর্তমান অবস্থায় আভ্যন্তরীণ দোষত্রুটি ও অব্যবস্থা দূর করিতে হইলে এবং আন্দোলনের দুর্গতি ও সঙ্কটের অবসান করিতে হইলে সরকারী সাহায্য, সরকারী অভিভাবকত্ব ও নেতৃত্ব, সরকারী নির্দেশ ও সরকারী তদ্বির-তদারক এক প্রকার অপরিহার্য বলিয়াই আমাদের মনে হয়। তবে উপযুক্ত ও দক্ষ রেজিষ্ট্রার যাহাতে নিযুক্ত হয় সেই দিকে গভর্নমেন্টকে বিশেষভাবে সতর্ক থাকিতে হইবে।

আমাদের মনে হয় যে, রেজিষ্ট্রারকে তাঁহার কার্যে সাহায্য করিবার জন্য কয়েকজন যোগ্য ও উপযুক্ত বেসরকারী ও সরকারী ব্যক্তিদ্বারা একটি পরামর্শদাতৃসংঘ গঠিত হইলে আন্দোলনের কাজ সুচারুরূপে চালিত হইবে ও বিভাগের কার্যপরিচালনায় ত্রুটি-বিচ্যুতির আবির্ভাবের আশঙ্কা হ্রাস পাইবে। বর্তমান আইনে এই প্রকার পরামর্শদাতৃসংঘ গঠনের পক্ষে কোন বাধা নাই।

অবশ্য সঙ্কে সঙ্কে নানা শ্রেণীর সমিতি প্রতিষ্ঠা করিয়া ও অন্ত্যভাবে কৃষকের আয় বৃদ্ধির ব্যবস্থা ও পণ্য বিক্রয়ের সুবন্দোবস্ত না করিলে শুধু সমবায় আইনের সাহায্যে বাঙ্গালার কৃষক ও স্বল্প আয়-বিশিষ্ট লোকের আর্থিক অবস্থার উল্লেখযোগ্য উন্নতি সম্ভবপর হইবে না। অর্থাৎ একমাত্র ঋণদান সমিতি স্থাপন করিলেই চলিবে না। আয়বৃদ্ধিকর নানা শ্রেণীর সমিতি প্রতিষ্ঠা ব্যাপারেও জনসাধারণকে উৎসাহিত করিয়া তুলিতে হইবে এবং এই ব্যাপারে গভর্নমেন্টকে একটা সুপরিকল্পিত কার্যামূর্তী ও কর্মপন্থা গ্রহণ করিতে হইবে। এইস্থলে ইহাও উল্লেখ করা যাইতে পারে যে, নিদিষ্ট এলাকায় কয়েকটি multiple-purpose-society স্থাপন করিয়া ইহাদের উপযোগিতা ও শ্রেষ্ঠতা পরীক্ষা করিয়া দেখা যাইতে পারে। এই ধরনের সমিতির প্রতি অনেকেরই মনোযোগ আকৃষ্ট হইতেছে।

কিন্তু তাই বলিয়া উপযুক্ত আইন প্রণয়ন করিয়া আন্দোলনের ভিত্তি দৃঢ় করিবার প্রয়াসকে অনাবশ্যক বলিয়া মনে করা যাইতে পারে না। মোট কথা, সমবায় নীতির পরিপূর্ণ প্রকাশ ও সুদৃঢ় প্রতিষ্ঠার উপর বাঙ্গালার আর্থিক জীবনের উন্নতি বহুলাংশে নির্ভর করিতেছে। তাই নানা শ্রেণীর সমিতি প্রতিষ্ঠা ও সমবায় নীতির ভিত্তিতে কৃষকের আর্থিক জীবনের পুনর্গঠন ব্যাপারে বাঙ্গালার গভর্নমেন্টের ও জনসাধারণের সমবেত মনোযোগ আকৃষ্ট হওয়া একান্ত আবশ্যিক—এই কথাটা দেশের গভর্নমেন্ট ও দেশবাসীকে বিশেষভাবে স্মরণ করাইয়া দিতে চাই।\*

\* এই প্রবন্ধের শেষ অংশটি প্রস্তুত করিবার ব্যাপারে শ্রীযুক্ত নলিনী-রঞ্জন সরকার মহাশয়ের A Note on the Problem of Rural Credit নামক মূল্যবান তথ্যপূর্ণ পুস্তিকা এবং ডক্টর হীরেন্দ্রনাথ দে মহাশয়ের 'আর্থিক জগত'-এ প্রকাশিত একটি সূচিস্বিত ও সুলিখিত প্রবন্ধ হইতে যথেষ্ট সাহায্য পাইয়াছি।

# বেতিয়ার পুরাকীর্তি

## রায় বাহাদুর শ্রীমৃত্যুঞ্জয় রায় চৌধুরী

এই বিশাল বিস্তৃত ভারতভূমির চতুর্দিকে অতীত যুগের কত ঐতিহাসিক নিদর্শন ইতস্তত বিক্ষিপ্ত আছে তাহার ইয়ত্তা নাই। ঐ সকল পুরাতত্ত্ব অনুসন্ধান করিয়া লুপ্ত রত্ন উদ্ধার করিতে লর্ড কর্জন ভারতের বড়লাট থাকাকালীন প্রত্নতত্ত্ব বিভাগের প্রতিষ্ঠা করিয়া দেশের স্থধীবৃন্দের কৃতজ্ঞতাভাজন হইয়াছেন। ভারত সরকার এই প্রত্নতত্ত্ব অনুসন্ধান ও খননকার্যাদির জন্ত উপযুক্ত কর্তৃপক্ষ নিযুক্ত করিয়া প্রতি বৎসর অল্প অর্থব্যয় করিয়া এ যাবৎ বহু লুপ্ত কীর্তির উদ্ধারসাধন করিলেও এখনও পর্য্যন্ত অনেক পরিমাণে ঐ সকল স্তূপ, ভগ্ন দুর্গ, পরিগা, প্রাচীর স্তম্ভাদির অবশেষ রহিয়া গিয়াছে। আমাদের দেশবাসীর মধ্যে কয়েকজন বিদ্বান বড়লোক অর্থ সাহায্য করিয়া প্রাচীন স্তূপাদির খনন-কার্য্য করাইয়াছেন, তাহারাই দেশবাসীর ধন্যবাদার্থ। এই সকল স্তূপ ইত্যাদির উদ্ধারসাধন হইলে এই সুপ্রাচীন দেশের পুরাকালের ইতিহাসের চেহারা বদলাইয়া যাইবে। এ পর্য্যন্ত যে সকল খননকার্য্য সরকারী প্রত্নতত্ত্ব বিভাগ হইতে হইয়াছে এবং তাহা হইতে যে সকল অমূল্য বস্তু ও বিবিধ স্থাপত্য-শিল্পের নিদর্শন আবিষ্কৃত হইয়াছে তাহার সাহায্যে ভারত-ইতিহাসের যথেষ্ট সমৃদ্ধি সংগৃহীত হইয়াছে। প্রত্নতত্ত্ব বিভাগের ব্যয় হ্রাস করায় খননাদি কার্য্যের অনেক বিলম্ব ও বিঘ্ন সৃচিত হইতেছে সন্দেহ নাই। তত্রাপি আমরা প্রতি বৎসর ঐ বিভাগের সহায়তায় পুরাতত্ত্ব সম্বন্ধে যে সকল নিদর্শনাদি পাইতেছি তাহার মূল্য যথেষ্ট।

আমি সম্প্রতি উত্তর বিহারের বেতিয়া মহকুমায় আমার বৈবাহিক বেতিয়া-রাজের ইঞ্জিনীয়ার শ্রীযুক্ত পবিত্রকুমার চট্টোপাধ্যায়ের নিকট দ্বিদিন কতক আতিথ্য গ্রহণ করিয়াছিলাম। পবিত্রবাবু আমাকে সংবাদ দিলেন যে, বেতিয়া হইতে পনর-ঘোল মাইল দূরে আমার পোরাক কিছু মিলিবে এবং বেতিয়া হইতে প্রায় চল্লিশ মাইল দূরেও তাদৃশ পদার্থ আছে। আমি এ সংবাদে বিশেষ আনন্দিত হইয়া ঐ দুইটি স্থান পরিদর্শন জন্ত আগ্রহ প্রকাশ করিলে পবিত্রবাবুর মোটরযোগে লৌরিয়া নন্দনগড় দর্শন করার ব্যবস্থা হইল। আমার গাইড বা পথপ্রদর্শক ছিলেন পবিত্রবাবুর জ্যেষ্ঠ ভ্রাতৃপুত্র শ্রীমান প্রকৃতিকুমার। আমরা প্রাতে যাত্রা করিলাম। পূর্কদিন বৃষ্টি হওয়ায় রাস্তা বেশ পরিষ্কার এবং ধূলিশূন্য ছিল। প্রথম আমরা বেতিয়া হইতে উত্তর দিকে ঘোল মাইল দূরবর্তী লৌরিয়া পৌঁছিলাম। গ্রামের নিকটবর্তী হইতেই একটা ছোট মাঠের মধ্যে অশোকস্তম্ভ দৃষ্টিগোচর হইল। মোটর গাড়ী ঐ স্তম্ভের পাদমূলে পৌঁছিলে আমরা গাড়ী হইতে অবতরণ করিয়া ঐ স্থানটি পর্য্যবেক্ষণ শুরু করিলাম। অশোকস্তম্ভটি মামুলি মতই প্রস্তরনির্মিত এবং ইহাতে মহারাজ অশোকের শিলালিপি উৎকীর্ণ আছে। স্তম্ভটি দেখিলে মনে হয়, মাত্র দুই-চারি বৎসর পূর্কে বোধ হয় ইহা নির্মিত হইয়াছে। কি চমৎকার

উহার স্থাপত্যশিল্প। এবং সেই পুরাকালের প্রস্তরশিল্পীর সুনিপুণ অস্ত্রের কৌশলপূর্ণ খোদকারি। স্তম্ভশীর্ষে অবস্থিত সিংহমূর্তি মুখখানির কিয়দংশ ভগ্ন আছে। প্রবাদ যে, মুসলমান রাজের কামানের গোলার আঘাতে উহা শীতল হইয়াছে। কিন্তু স্তম্ভটির গাত্রে অণু কোথাও কোন ক্ষত চিহ্ন দেখিলাম না। জনৈক চীন পরিব্রাজকের স্বাক্ষর স্তম্ভগাত্রে খোদিত আছে। আমি চীনে ভাষায় অনভিজ্ঞের জন্ত বুঝিলাম না উহা কোন মহাত্মা পর্য্যটকের স্মৃতিচিহ্ন। একজন ইংরেজ পরিব্রাজক আর ব্যারো (R Barrow) ১৭০২ খৃষ্টাব্দে এই স্তম্ভ পরিদর্শন করিয়াছিলেন, তাহার নাম স্তম্ভগাত্রে উৎকীর্ণ আছে। সম্ভবত ইনিই প্রথম ইংরেজ পরিদর্শক। এই স্তম্ভের অনতিদূরে চতুর্দিকে সাত-আটটি স্তূপ রহিয়াছে। একটি স্তূপের কিয়দংশ খনিত হইয়াছে। ইষ্টকনির্মিত গাঁধনি দেখা যায়, কিন্তু উহা সম্পূর্ণ খনিত না হওয়ায় ব্যাপার কি ছিল তাহা বুঝা যায় না। অশোকস্তম্ভটি এবং ঐ সকল স্তূপ সরকারী প্রত্নতত্ত্ব বিভাগ কর্তৃক আইন-মত রক্ষিত হইতেছে। অশোকস্তম্ভটি লৌহ বেড় দিয়া ঘিরিয়া রাখা হইয়াছে। এই স্তম্ভ এবং উহার সন্নিকটস্থ স্তূপের নিকট প্রতি বৎসর একটি মেলা বসিয়া থাকে। উৎসবদির অনুষ্ঠান ঐ মেলায় হইয়া থাকে শুনিলাম। এই অশোকস্তম্ভের শীর্ষদেশে সিংহমূর্তির পাদপীঠের চতুর্দিকে হংস মূর্তি খোদিত আছে। যে সকল স্তূপ এই স্তম্ভের চতুর্দিকে দৃষ্টিগোচর হয় তাহার মধ্যে ত্রিশ চল্লিশ ফুটের অধিক উচ্চ কোনটি নহে।

লৌরিয়া হইতে আমরা মোটরযোগে নন্দনগড় দর্শনার্থে রওনা হইলাম। এই গ্রাম্য পথটি কাঁচা এবং কর্দমাক্ত। একটি সাঁকোর নিকটবর্তী হইলে আমাদের 'রথচক্র গ্রাসিলা মেদিনী'! মাট-গার্ড পর্য্যন্ত কর্দমপূরিত পথে ভুগর্ভস্থ হইল। এইবার বুঝি 'গাড়িকা উপর লাউ' হয়! স্থানটি ছিল একটি ক্ষুদ্র পল্লীর মধ্যে। আমাদের দুর্দশা দর্শনে গ্রামবাসিগণ সমবেত হইয়া কয়েকজন যুবকের সাহায্যে অতি কষ্টে রথচক্র উদ্ধার করিয়া দেওয়ার আমরা গস্তব্য পথে মস্তুর গতিতে চলিলাম। বৈবাহিকের সারথির ঐ পথ-ঘাট জানা ছিল—সে খুব হসিয়ার হইয়া গাড়ী চালাইতেছিল। দূর হইতে নন্দনগড় স্তূপের উচ্চ শীর্ষ দর্শনপথে পড়িল। স্তূপ হইতে তিন রশি দূরে আমরা মোটর ছাড়িয়া পদব্রজে স্তূপ সমীপে আসিলাম। এই স্তূপটি বিশালায়তন, অনেকটা রাজসাহী জিলার অন্তর্গত পাহাড়পুরের স্তূপের মতই। ইহার খননকার্য্য গত বৎসর হইতে সরকারী প্রত্নতত্ত্ব বিভাগ হইতে আরম্ভ হইয়াছে। স্তূপটির মাত্র পাদপীঠ খনিত হইয়াছে। এ কার্য্য সমাধা করিতে সময় এবং ব্যয়সাপেক্ষ। স্তূপের উচ্চতা ১৭৫ ফিট হইবে। উপরটা বৃক্ষলতা-পূর্ণ ভীষণ জঙ্গলে আচ্ছাদিত। স্তূপের উত্তর এবং পূর্ব দিকে নিম্ন



## গণ-দেবতা

শ্রীতারশঙ্কর বন্দ্যোপাধ্যায়

এক

কারণ সামান্য। সামান্য কারণেই একটা বিপর্যয় ঘটিয়া গেল। গ্রামের কামার অনিরুদ্ধ কৰ্মকার এবং ছুতার গিরীশ সূত্রধর নদার ও-পারে বাজারে সহরটায় গিয়া একটা করিয়া দোকান ফাঁদিয়াছে। খুব ভোরে উঠিয়া যায়, আসে রাত্রি দশটায়। ফলে গ্রামের লোকের অসুবিধার আর শেষ নাই। এবার চাষের সময় যে কি নাকাল তাহাদের গিয়াছে সে তাগরাই জানে। লাঙলের ফাল পাঁজানো, গাড়ীর হাল বাঁধার জন্ত চাষীদের অসুবিধার আর শেষ ছিল না। গিরীশ ছুতারের বাড়ীতে গ্রামের লোকের বাবলা কাঠের গুঁড়ি স্তুপীকৃত হইয়া পড়িয়া আছে গত বৎসরের ফাল্গুন চৈত্র হইতে—কিন্তু আজও তাহারা নূতন লাঙল পাইল না। এই ব্যাপার লইয়া অনিরুদ্ধ এবং গিরীশের বিরুদ্ধে অসন্তোষের সীমা ছিল না। কিন্তু চাষের সময় এই লইয়া একটা জটলা করিবার কাহারও সময় হয় নাই। প্রয়োজনের তাগিদে তাহাদিগকে মিষ্ট কথায় তুষ্ট করিয়া কার্যোদ্ধার করা হইয়াছে; রাত্রি থাকিতে উঠিয়া অনিরুদ্ধের বাড়ীর দরজায় বসিয়া থাকিয়া—তাহাকে আটক করিয়া লোকে আপন আপন কাজ সারিয়া লইয়াছে; জরুরী দরকার থাকিলে ফাল লইয়া—গাড়ীর চাকা ও হাল গড়াইয়া গড়াইয়া—সেই সহরের বাজার পর্য্যন্তও লোকে ছুটিয়াছে। দূরত্ব প্রায় দুই মাইল—কিন্তু মধ্যে ময়ূরাক্ষী নদীটাই একা বিশ ক্রোশ অর্থাৎ চল্লিশ মাইলের সমান। বর্ষার সময় ভরা নদীর খেয়া-ঘাটেই যাইতে-আসিতে দুই ঘণ্টা কাটিয়া যায়। শুকনার সময়েও আধ মাইল বালি ঠেলিয়া গাড়ীর চাকা গড়াইয়া লইয়া যাওয়া সোজা কথা নয়। নদীর উপর ব্রীজ অবশ্য আছে, কিন্তু সে রেলওয়ে ব্রীজ - পাশের মানুষ যাইবার রাস্তাটাও এমন পরিসর নয় যে, গাড়ীর চাকা গড়াইয়া যাওয়া যায়। চাষ শেষ হইয়া ফসল পাকিয়া উঠিয়াছে—এখন কাস্তে চাই। কামার চিরকাল লোহা ইম্পাত লইয়া কাস্তে গড়িয়া দেয়—পুরাণে কাস্তেতে সান

লাগাইয়া দেয়; ছুতার বাঁট লাগাইয়া দেয়; কিন্তু অনিরুদ্ধ সেই একই চালে চলিয়াছে; যে অনিরুদ্ধের হাত পার হইয়াছে সে গিরীশের হাতে দুঃখ ভোগ করিতেছে। শেষ পর্য্যন্ত গ্রামের লোকে এক হইয়া পঞ্চায়েৎ মজলিস ডাকিয়া বসিল। কেবল একখানা গ্রাম নয়, পাশাপাশি দুইখানা গ্রামের লোক একত্র হইয়া গিরীশ এবং অনিরুদ্ধকে একটি নির্দিষ্ট দিন জানাইয়া ডাকিয়া পাঠাইল। গ্রামের শিবতলায় বারোয়ারী চণ্ডীমণ্ডপের মধ্যে মজলিস বসিল। অনাদি লিঙ্গ ময়ূরেশ্বর শিব, পাশেই জমিদার-প্রতিষ্ঠিত ভান্সা-কালীর বেদী; কালীমায়ের ঘর নাকি যতবার তৈয়ারী হইয়াছে ততবার ভাঙ্গিয়াছে—সেই হেতু কালীর নাম ভান্সা-কালী। চণ্ডীমণ্ডপটিও বহুকালের—হাতীশুঁড়-ষড়দল-তীরসাগা প্রভৃতি হরেক রকমের অজস্র কাঠ দিয়া চাল কাঠামোটি যেন অক্ষয় অমর করিবার উদ্দেশ্যে গড়া হইয়াছিল। নীচের মেঝেও পুরাণে আমলের পদ্ধতিতে খোয়া দিয়া বাঁধানো। এই চণ্ডীমণ্ডপে শতরঞ্জি, চ্যাটাই, চট প্রভৃতি বিছাইয়া মজলিস বসিল।

গিরীশ এবং অনিরুদ্ধ না আসিয়া পারিল না; তাহারা দু'জনেই আসিয়া উপস্থিত হইল। মজলিসে দুইখানা গ্রামের মাতব্বর লোক একত্র হইয়াছিল; হরিশ মণ্ডল, ভবেশ পাল, মুকুন্দ ঘোষ, কীর্ত্তিবাস মণ্ডল, নটবর পাল—ইহারা সব ভারিকী লোক—গ্রামের প্রাচীন মাতব্বর চাষী সন্দোপ বাগ্দীদের মাতব্বর রাজকিশোর লোহার—সেও প্রাচীন লোক, অবস্থাপন্ন চাষী—জমিদারের নগদী; পাশের গ্রামের দ্বারকা চৌধুরীও প্রাচীন ব্যক্তি, ইহাদেরই পূর্বপুরুষেরা এককালে এই দুইখানি গ্রামের জমিদার ছিলেন—এখন অবশ্য সম্পন্ন চাষীরূপেই গণ্য; দোকানী বৃন্দাবন দত্ত—সেও মাতব্বর লোক; ইহা ছাড়া গ্রামের সর্বাপেক্ষা সম্পন্ন চাষী 'ছিরে' ওরফে শ্রীহরি ঘোষ, গ্রাম্য পাঠশালার পণ্ডিত রামনারায়ণ ঘোষ, দেবদাস ঘোষ প্রভৃতিও উপস্থিত ছিল। এ গ্রামের একমাত্র ব্রাহ্মণ বাসিন্দা হরেন্দ্র ঘোষাল—ও

গ্রামের নিশি মুখুজে, পিয়ারী বাঁড়ুজে—ইহারাও একদিকে বসিয়াছিল। আসে নাই কেবল ও গ্রামের রূপণ মহাজন মৃত রাখহরি চক্রবর্তীর পোষপুত্র হেলারাম চাটুজে ও গ্রাম্য ডাক্তার জগন্নাথ ঘোষ। গ্রামের চৌকীদার ভূপাল লোহারও উপস্থিত ছিল। আশেপাশে ছেলেদের দল, তাহারও অদূরে গ্রামের হরিজন চাষীরাও দাঁড়াইয়াছিল। ইহারাই গ্রামের শ্রমিক চাষী—অসুবিধার প্রায় বারো আনা ভোগ করে ইহারাই।

অনিরুদ্ধ এবং গিরীশ আসিয়া মজলিসে বসিল। বেশ-ভূষা বেশ পরিচ্ছন্ন ফিটফাট—তাহার মধ্যে সহরে ফ্যাশনের ছাপ সুস্পষ্ট; দু'জনেই তাহারা সিগারেট টানিতে টানিতে আসিতেছিল—মজলিসের অনতিদূরেই ফেলিয়া দিয়া মজলিসের মধ্যে আসিয়া বসিল।

অনিরুদ্ধই কথা আরম্ভ করিল—বদিয়াই হাত দিয়া একবার মুখটা বেশ করিয়া মুছিয়া লইয়া বলিল—কই গো, কি বলছেন বলুন। আমরা খাটি-খুটি খাই; আমাদের আজ এ বেলাটাই মাটি।

কথার ভঙ্গিমায় সুরে সকলেই একটু চকিত হইয়া উঠিল; প্রবীণের দলের মধ্যে সকলেই একবার সশব্দে গলা ঝাড়িয়া লইল। অল্পবয়সীদের ভিতর হইতে একটা গুঞ্জন উঠিল—ছিরে ওরফে শ্রীহরি বলিয়া উঠিল—মাটিই যদি মনে কর—তবে আসবারই বা কি দরকার ছিল?

দেবদাস স্পষ্টবক্তা লোক—সে বলিল—সে মনে হ'লে এখনও উঠে যেতে পার তোমরা। কেউ বেঁধে ধরে নিয়েও আসে নাই, তোমাদিগে বেঁধে রাখাও নাই কেউ।

হরিশ মগল এবার বলিল—চুপ কর তোমরা। এখন যখন ডাকা হয়েছে তখন আসতেই হবে; তা তোমরা এসেছ। বেশ কথা—ভাল কথা—উত্তম কথা। তারপর এখন—কথাবার্তা হবে, আমাদের যা বলবার তা বলব—তোমাদের জবাব তোমরা দেবে, তারপর তার বিচার হবে। এত তাড়াতাড়ি করলে হবে কেন?

গিরীশ বলিল—তা, কথা আপনাদের আমাদিগে নিয়েই!

অনিরুদ্ধ বলিল—তা, আমরা আঁচ করেছিলাম। তা বেশ, কি কথা আপনাদের বলুন। আমাদের জবাব আমরা দোব। কিন্তু কথা হচ্ছে কি জানেন—আপনারা সবাই যখন একজোট হয়েছেন, তখন এ কথার বিচার করবে কে?

নালিশ যখন আপনাদের—তখন বিচার আপনারা কি ক'রে করবেন—এ তো আমরা বুঝতে পারছি না।

ও-গ্রামের দ্বারকা চৌধুরীর পূর্বপুরুষেরা এককালে জমিদার ছিলেন; চৌধুরীর চেহারায় এবং ভঙ্গিমায় একটা স্বাতন্ত্র্য আছে। গৌরবর্ণ রং, পাকা-ধবধবে-গোঁফ, আসরের মধ্যে মানুষটি বিশিষ্ট হইয়া বসিয়াছিল। চৌধুরী এবার মুখ খুলিল—দেখ কর্মকার, কিছু মনে কর না বাপু, আমি একটা কথা বলব। গোড়া থেকেই তোমাদের কথাবার্তার সুর শুনে মনে হচ্ছে যেন তোমরা বিবাদ করবার ভণ্ডে প্রস্তুত হয়ে এসেছ। এটা তো ভাল নয় বাবা। ব'স—স্থির হ'য়ে ব'স।

অনিরুদ্ধ এবার সবিনয়ে ঘাড় হেঁট করিয়া বলিল—বেশ—বলুন—কি বলছেন।

হরিশ মগলই আরম্ভ করিল—দেখ বাপু—খুলে বলতে গেলে মহাভারত বলতে হয়। সংক্ষেপেই বলছি—তোমরা দু'জনে সহরে গিয়ে আপন আপন ব্যবসা করতে বসেছ। বেশ করেছ। যেখানে মানুষ দুটো পয়সা পাবে সেইখানেই যাবে। তা যাও। কিন্তু এখানকার পাট যে একবারে তুলে দেবে—আর আমরা যে এই এক কোশ রাস্তা জিনিষপত্র ঘাড়ে ক'রে ছুটব—এই নদী পার হয়ে—তা তো হবে না বাপু। এবার যে তোমরা কি নাকাল করেছ আমাদের—ভেবে দেখ দেখি মনে মনে।

অনিরুদ্ধ বলিল—আজ্ঞে তা—অসুবিধে একটুকু আপনাদের হয়েছে।

‘ছিরে’ বা শ্রীহরি গর্জিয়া উঠিল—একটুকু? একটুকু কি হে? জান, জমিতে জল থাকতে ফাল পাজানোর অভাবে চাষ বন্ধ রাখতে হয়েছে? তোমারও তো জমি আছে, জমির মাথায় মাথায় একবার ঘুরে দেখে এস দেখি, ‘পটপটি’ ঘাসের ধুমটা। ফালের অভাবে—চাষের সময় একটা পটপটির শেকড় ওঠে নাই। বছর-সাল তোমরা ধানের সময় ধানের জন্তে বস্তা হাতে ক'রে এসে দাঁড়াবে। আর কাজের সময় তখন সহরে গিয়ে ব'সে থাকবে—তা বললে হবে কেন?

দেবদাস এবার সায় দিয়া উঠিল—এই কথা।

মজলিস সুদ্ধ সকলেই প্রায় সমস্বরে বলিল—এই।

প্রবীণেরা ঘাড় নাড়িয়া সায় দিল।

অনিরুদ্ধ এবার খুব সপ্রতিভ ভঙ্গিতে নড়িয়া চড়িয়া জাঁকিয়া বসিয়া বলিল—এই তো আপনাদের কথা। এইবার আমাদের জবাব শুনুন। আপনাদের ফাল পাজিয়ে দিই, হাল লাগিয়ে দিই চাকায়, কাস্তে গ'ড়ে দিই - পাজিয়ে দিই, আপনারা আমাকে ধান দেন হাল-পিছু কাঁচি পাঁচ শলি ধান। আমাদের গিরীশ সূত্রধর—

বাধা দিয়া ছিরে ঘোষ বলিল—গিরীশের কথায় তোমার কাজ কি হে বাপু ?

কিন্তু ছিরেও কথা শেষ করিতে পারিল না; দ্বারকা চৌধুরী বলিল—বাবা শ্রীহরি, অনিরুদ্ধ তো অন্ধ্যায় কিছু বলে নাই। ওদের দুজনের একই কথা। একজনা বললেও তো ক্ষতি নাই কিছু।

শ্রীহরি চুপ করিয়া গেল। অনিরুদ্ধ বলিল—চৌধুরী মশায় না থাকলে কি মজলিসের শোভা হয়—উচিত-কথা বলে কে ?

—বল অনিরুদ্ধ, কি বলছিলে বল !

—আজ্ঞে—হ্যাঁ। আমি, মানে কর্মকারের হাল পিছু পাঁচ শলি, আর সূত্রধরের হাল-পিছু চার শলি ক'রে ধান বরাদ্দ আছে। আমরা কাজও ক'রে এসেছি, কিন্তু চৌধুরী মশায়—ধান আমরা হিসেব মত প্রায়ই পাই না।

—পাও না ?

—আজ্ঞে না।

গিরীশও সঙ্গে সঙ্গে সায় দিল—আজ্ঞে না। প্রায়-ঘরেই দু আড়ি চার আড়ি ক'রে বাকী রাখে—বলে দু দিন পরে দোব—কি আসছে বছর দোব—তার পর আর সে ধান আমরা পাই না।

শ্রীহরিই সাপের মত গর্জিয়া উঠিল—পাও না ? কে দেয় না শুনি ? মুখে পাই না বললে তো হবে না। বল, কার কাছে পাবে তোমরা ?

অনিরুদ্ধ ছরস্তু ক্রোধে বিদ্যুৎ গতিতে ঘাড় ফিরাইয়া শ্রীহরির দিকে চাহিয়া বলিল—কার কাছে পাব ? নাম করতে হবে ? তোমার কাছেই পাব।

—আমার কাছে ?

—হ্যাঁ, তোমার কাছে। দিয়েছ ধান তুমি দু বছর ?

—আর আমি যে তোমার কাছে হাণ্ডনোটে টাকা পাব! তাতেই উত্তলের কথা বলি নাই ? মজলিসের মধ্যে তুমি যে এত বড় কথাটা বলছ ?

—কিন্তু তার তো একটা হিসেব নিকেস আছে হে ! ধানের দামটা তো তোমার হাণ্ডনোটের পিঠে উত্তল দিতে হবে! না কি ? বলুন চৌধুরী মশায়, মণ্ডল মশাইরাও তো রয়েছেন, বলুন।

চৌধুরী বলিল—শোন, চুপ কর একটু। শ্রীহরি, তুমি বাবা—হাণ্ডনোটের পিঠে টাকাটা উত্তল ক'রে নিয়ো। আর অনিরুদ্ধ, তোমরা একটা বাকীর ফর্দ তুলে—হরিশ মণ্ডল মশায়কে দাও। এ নিয়ে মজলিসে গোল করাটা তো ভাল নয়। ওঁরাই সব আদায়-পত্র ক'রে দেবেন। আর তোমরাও গায়ে একটা ক'রে পাট রাখ। যেমন কাজকর্ম করছিলে কর।

মজলিস স্তব্ধ সকলেই এ কথায় সায় দিল। কিন্তু অনিরুদ্ধ এবং গিরীশ চুপ করিয়া রহিল, ভাবে ভঙ্গিতেও সম্মতি অসম্মতির কোন লক্ষণ প্রকাশ করিল না।

দেবদাস ঘোষ প্রশ্ন করিল—কি গো, চুপ ক'রে রইলে যে ? হ্যাঁ—না একটা কিছু বল। মাথার ফুলটাই পড়ুক।

চৌধুরী প্রশ্ন করিল—অনিরুদ্ধ !

—আজ্ঞে ?

—কি বলছ বল ?

এবার হাত ঘোড় করিয়া অনিরুদ্ধ বলিল—আজ্ঞে আমা-দিগে মাপ করুন আপনারা। আমরা আর পারছি না।

মজলিসে এবার কলরব উঠিয়া গেল।

—কেন ?

—না পারবার কারণ ?

—পারব না বললে হবে কেন ?

—চালাকী না কি ?

—গায়ে বাস কর না তুমি ?

চৌধুরী দীর্ঘ হাতখানি তুলিয়া ইঙ্গিতে প্রকাশ করিল—চুপ কর, থাম।

হরিশ বিরক্তিতে বলিল—থাম রে বাপু ছোঁড়ারা ; আমরা এখনও মরি নাই।

এ গ্রামের একমাত্র ব্রাহ্মণ বাসিন্দা হরেন্দ্র ঘোষাল অল্প-বয়সী ছোকরা, ম্যাট্রিক পাশ—সে প্রচণ্ড একটা চীৎকার করিয়া উঠিল—এ্যা-ও। সাইলেন্স—সাইলেন্স !

অবশেষে দ্বারকা চৌধুরী উঠিয়া দাঁড়াইল। এবার ফল

হইল। চৌধুরী বলিল—চীৎকার ক’রে গোলমাল বাধিয়ে তো ফল হবে না। বেশ তো, কর্মকার কেন পারবে না—বলুক। বলতে দেন ওকে।’

সকলে এবার নীরব হইল। চৌধুরী আবার বসিয়া বলিল—কর্মকার, পারবে না বললে তো হবে না বাবা। কেন পারবে না, বল। তোমরা পুরুষানুক্রমে ক’রে আসছ। আজ পারব না বললে, গ্রামের ব্যবস্থা কি হবে?

হরিশ বলিল—তোমার পূর্বপুরুষের বাস হ’ল গিয়ে মহাগ্রামে; গ্রামে কামার ছিল না বলেই তোমার পিতামহকে গাঁয়ে এনে বাস করানো হয়েছিল। সে তো তুমিও শুনেছ হে বাপু। এখন না বললে চলবে কেন?

অনিরুদ্ধ বলিল—আজ্ঞে, মোড়ল জ্যাঠা, তা হ’লে শুনুন। চৌধুরী মশায়, আপনি বিচার করুন। এ গাঁয়ে আগে কত হাল ছিল ভেবে দেখুন। কত ঘরের হাল উঠে গিয়েছে তা দেখুন। এই ধরুন গদাই, শ্রীনিবাস, মহেন্দ্র আমি হিসেব ক’রে দেখেছি—আগার চোখের ওপর এগার ঘরের হাল উঠে গিয়েছে। জমি গিয়ে চুকেছে কঙ্কনায়—ভদ্রলোকের ঘরে। কঙ্কনার কামার আলাদা; আমাদের এগারখানা হালের ধান কমে গিয়েছে। তার পরে ধরুন—আমরা চাষের সময় কাজ করতাম লাঙলের-গাড়ীর—অন্য সময়ে গায়ের ঘর দোর হ’ত—আমরা পেরেক-গজাল গড়ে দিতাম—বঁটি কোদাল-কুড়ুল গড়তাম। গায়ের লোকে কিনত। এখন গায়ের লোক সে সব কিনছেন বাজার থেকে। সস্তা পাচ্ছেন—কিনছেন। আমাদের গিরীশ গাড়ী গড়ত, দরজা তৈরী করত—ঘরের চাল কাঠামো করতে গিরীশকেই ডাকত। এখন অন্য জায়গার সস্তা মিস্ত্রী এনে কাজ হচ্ছে। তার পরে ধরুন—ধানের দর এখন পাঁচ সিকে—দেড় টাকা—আর অন্য জিনিষপত্র আক্রা। এতে আমাদের এই নিয়ে প’ড়ে থাকলে কি ক’রে চলে বলুন? কাচা-বাচা নিয়ে সংসার—তাদের মুখে তো দুটো দিতে হবে। তার ওপর ধরুন আজকালকার হালচাল সে রকম নাই—

ছিরে এতক্ষণ ধরিয়ামনে মনে ফুলিতেছিল—সে সুযোগ পাইয়া বাধা দিয়া কথার মাঝখানেই বলিয়া উঠিল—তা বটে—আজকাল বার্ণিশ করা জুতো চাই, লম্বা লম্বা জামা চাই, সিগারেট চাই—পরিবারদের শেমিজ চাই, বডিজ চাই—

—এই দেখ ছিরু মোড়ল, তুমি একটু হিসেব ক’রে কথা বলবে। অনিরুদ্ধ এবার কঠিন স্বরে প্রতিবাদ করিয়া উঠিল।

শ্রীহরি বারকতক হেলিয়া ছুলিয়া বলিয়া উঠিল—হিসেব আমার করাই আছে রে। পঁচিশ টাকা ন আনা তিন পয়সা। আসল দশ টাকা, সুদ পনের টাকা ন আনা তিন পয়সা। তুই বরং কষে দেখতে পারিস। শুভঙ্করী জানিস তো?

হিসাবটা অনিরুদ্ধের নিকট পাওনা হাওনোটের হিসাব। অনিরুদ্ধ কয়েক মুহূর্ত্ত স্তব্ধ হইয়া রহিল—সমস্ত মজলিসের দিকে একবার সে চাহিয়া দেখিল। সমস্ত মজলিসটাও এই আকস্মিক অপ্রত্যাশিত রূঢ়তায় স্তব্ধ হইয়া গিয়াছিল। অনিরুদ্ধ মজলিস হইতে উঠিয়া পড়িল।

শ্রীহরিই ধমক দিয়া উঠিল—যাবে কোথা হে তুমি? ব’স ওইখানে।

অনিরুদ্ধ গ্রাহ করিলনা, সে চলিয়া গেল।

চৌধুরী এতক্ষণে বলিল—শ্রীহরি!

ছিরু বলিল—আমাকে চোখ রাঙাবেন না চৌধুরী মশায়। দু তিনবার আপনি আমাকে থামিয়ে দিয়েছেন আমি সহ করেছি। আর কিন্তু আমি সহ করব না!

চৌধুরী এবার চাদরখানি ঘাড়ে ফেলিয়া বাঁশের লাঠিটি লইয়া উঠিল; বলিল—চললাম গো তা হ’লে। ব্রাহ্মণগণকে প্রণাম—আপনাদিগে নমস্কার।

এই সময়েই গ্রামের পাতুলাল মুচি যোড়হাত করিয়া আগাইয়া আসিয়া বলিল—চৌধুরী মশায়, আমার একটুকুন বিচার ক’রে দিতে হবে।

চৌধুরী সন্তর্পণে মজলিস হইতে বাহির হইবার উত্তোগ করিয়া বলিল—বল বাবা—এঁরা সব রয়েছেন, বল!

—চৌধুরী মশায়!

চৌধুরী এবার চাহিয়া দেখিল—অনিরুদ্ধ আবার ফিরিয়া আসিয়াছে।

—একবার বসতে হবে চৌধুরী মশায়! ছিরু পালের টাকাটা আমি এনেছি—আপনারা থেকে আমার হাওনোটটা—ফেরতের ব্যবস্থা ক’রে দিন।

মজলিস স্তব্ধ লোক এতক্ষণে সচেতন হইয়া—চৌধুরীকে ধরিয়ামনে বলিল—কিন্তু চৌধুরী কিছুতেই নিরস্ত হইল না; ধীরে ধীরে বাহির হইয়া গেল।



অনিরুদ্ধ পঁচিশ টাকা দশ আনা মজলিসের সম্মুখে রাখিয়া বলিল—হাওনোট নিয়ে এস ছিঁকু পাল।

হাওনোটখানি লইয়া বলিল—একটা পয়সা আমাকে আর ফেরৎ দিতে হবে না। পান খেয়ো। এস হে গিরীশ, এস।

হরিশ বলিল—ওহে কস্মকার, চললে যে। যার জন্তে মজলিস বসল—

অনিরুদ্ধ বলিল—আজ্ঞে হ্যাঁ। আমরা আর ওকাজ করব না মশায়। জবাব দিলাম। আর যে মজলিস ছিঁরে মোড়লকে শাসন করতে পারে না—তাকে আমরাও মানি না।

তাহারা হন হন করিয়া চলিয়া গেল। মজলিস ভাঙিয়া গেল। পরদিন প্রাতেই শোনা গেল অনিরুদ্ধের দুই বিধা বাকুড়ির আধ-পাকা ধান কে বা কাচারি নিঃশেষে কাটিয়া তুলিয়া লইয়াছে।

### দুই

অনিরুদ্ধ ফসলশূন্য ক্ষেতখানার আইলের উপর স্থির দৃষ্টিতে দাঁড়াইয়া কিছুক্ষণ দেখিল। নিষ্ফল আক্রোশে তাহার লোহা-পেটা হাত দু'খানায় মুঠা বাঁধিয়া ভাইস-যন্ত্রের মত কঠোর করিয়া তুলিল। অত্যন্ত দ্রুতপদে সে বাড়ী ফিরিয়া হাতকাটা জামাটা টানিয়া সেটার মধ্যে মাথা গলাইতে গলাইতে বাহির দরজার দিকে অগ্রসর হইল।

অনিরুদ্ধের স্ত্রীর নাম পদ্মমণি—দৌৰ্ব্বাঙ্গী পরিপূর্ণ-যৌবনা কালো মেয়েটি, টিকালো নাক, টানা টানা বেশ ডাগর দুটি চোখ; পদ্মের রূপ না-থাক, শ্রী আছে। পদ্মের দেহে অদ্ভুত শক্তি, পরিশ্রম করে সে উদয়াস্ত। তেমনি তীক্ষ্ণ তাহার সাংসারিক বুদ্ধি। অনিরুদ্ধকে এইভাবে বাহির হইতে দেখিয়া সে স্বামী অপেক্ষাও দ্রুতপদে আসিয়া সম্মুখে দাঁড়াইয়া বলিল—চললে কোথায়?

রুঢ় দৃষ্টিতে চাহিয়া অনিরুদ্ধ বলিল—ফিঙের মত পেছনে লাগলি কেন? যেখানে যাইনা—তোর সে খোঁজে কাজ কি?

হাসিয়া পদ্ম বলিল—পেছনে লাগি নাই। তার জন্তে সামনে এসে দাঁড়িয়েছি। স্নার খোঁজে আমার দরকার আছে বই কি। মারামারি করতে যেতে পাবে না তুমি।

অনিরুদ্ধ বলিল—মারামারি করতে যাই নাই, যাচ্ছি, পথ ছাড়।

—থানা? পদ্মের কণ্ঠস্বরের মধ্যে অনিচ্ছা পরি হইয়া উঠিল।

—হ্যাঁ, থানা। শালা ছিঁরে চাষার নামে আমি ডাক'রে আসব। রাগে অনিরুদ্ধের কণ্ঠস্বর—রণ-রণ করিতেছি পদ্ম স্থিরভাবে ঘাড় নাড়িয়া বলিল—না। ফিঁ মোড়ল তোমার ধান চুরি করেছে—এ চাকলায় কে এ বিশ্বাস করবে?

অনিরুদ্ধের কিঞ্চিৎ তখন এমন পরামর্শ শুনিবার অবস্থা নয়, সে ঠেলিয়া পদ্মকে সরাইয়া দিয়া বা হইবার উদ্যোগ করিল।

কথাটা মিথ্যা হইলেও নিষ্ঠুরভাবে সত্য।

এ চাকলায় কাছাকাছি তিনখানা গ্রাম—কালীপুর শিবপুর ও কঙ্কনা—এ তিনখানা গ্রামে ছিঁকু মোড়ল শ্রীহরি ঘোষের ধনের খ্যাতি যথেষ্ট। কালীপুর ও শিব সরকারী সেরেস্ভায় দু'খানা ভিন্ন গ্রাম—বিভিন্ন জমিদার অধীন স্বতন্ত্র মৌজা হইলেও কার্যত একখানা গ্রাম একটা দীঘির এপার ওপার মাত্র। শ্রীহরির বাস কালীপুরে। এ দুইখানা গ্রামের মধ্যে শ্রীহরির সম্বন্ধ ব্যক্তি কেহ নাই। শিবপুরের হেলা চাটুজ্জেরও ট এবং ধান যথেষ্ট—তবে শ্রীহরির ঘরে সোনার ইঁট. আ টাকা ধানও প্রচুর। ক্রোশখানেক দূরবর্তী কঙ্কনা অ সমৃদ্ধ গ্রাম। বহু সম্ভ্রান্ত ব্রাহ্মণ পরিবারের বাস—সেখ কার মুখুজ্জিবাবুরা লক্ষ লক্ষ টাকার অধিকারী—এ অঞ্চল প্রায় গ্রামই এখন তাহাদের কুক্ষীগত—মহাজন হই তাহারা প্রবল প্রতাপাশ্রিত জমিদার হইয়া উঠিতে শিবপুর কালীপুর গ্রাম দু'খানাও ধীরে ধীরে তাহা গ্রাসের আকর্ষণে সর্পিলা জিহবার দিকে আগাইয়া চলিয়াছে কিঞ্চিৎ কঙ্কনাতেও শ্রীহরি ঘোষের নামডাক আ ময়ুরাঙ্গীর ওপারে আধা সহর—রেলওয়ে জংশন; সেখ বহু ধনী মাড়োয়ারীর গদী আছে—দশ-বারোটা রাইস ফিঁ গোটা দুয়েক অয়েল মিল, একটা ফ্লাওয়ার মিল আ —সেখানে শ্রীহরি ঘোষকে ঘোষ মশায় বলিয়াই সম্বোধ করা হয়। ওই জংশন সহরেই এ অঞ্চলের থানা অবস্থিত

পদ্মের অহুমান মিথ্যা নয়—কঙ্কনায় অথবা জংশন সহরে কেহ এ কথা বিশ্বাস করিবে না, কিন্তু শিব-কালীপুরের কেহ এ কথা অবিশ্বাস করে না। ছিঁকু ভয়ঙ্কর ব্যক্তি—এ সংসারে তাহার অসাধ্য কিছু নাই। এ ধান কাটিয়া লওয়া তাহার অনিরুদ্ধের উপর প্রতিশোধ লইবার জন্তই নয়—চুরীও তাহার অন্ততম উদ্দেশ্য—এ কথা শিব-কালীপুরের আবাগবুদ্ধ-বনিতা বিশ্বাস করে। কিন্তু সে কথা মুখ ফুটিয়া বলিবার সাহস কাহারও নাই।

শ্রীহরির খুড়া ভবেশ পাল ইহার জন্ত লজ্জা পায়, কিন্তু ভয়ে সে লজ্জার কথা প্রকাশ করিতে পারে না। জ্ঞাতি-গোষ্ঠীও লজ্জিত। তাহাদের বংশ এ অঞ্চলে স্বজাতির মধ্যে বহু-প্রশংসিত সদংশ। সকলেই অল্পবিস্তর শিক্ষিত—শ্রীহরির একজন জ্ঞাতিভাই এম-এ, বি-এল পাস করিয়া উকীল হইয়াছে। ইহা ছাড়া এই সদোগ্য বংশটি রূপের জন্তও বিখ্যাত। রূপ যেন বাগা বাধিয়াছে ইহাদের ঘরে। কিন্তু শ্রীহরি সব দিক দিয়াই বংশের ব্যতিক্রম। সে দেখিতে হইয়াছে মাতামহের মত। এই সোনার ইঁট—নগদ টাকা—এসবও শ্রীহরির মাতামহের সঞ্চয়। লোকে বলে শ্রীহরির মাতামহের ব্যবসা ছিল—চুরী-ডাকাতির মাল সামাল-দেওয়া। সোনা রূপার গহনা গলাইয়া—সে সোনার বাট, রূপার বাট, পরিশেষে সখ করিয়া সোনার ইঁট তৈয়ারী করিয়াছিল। সেই সোনার ইঁট পাইয়াছে শ্রীহরি। শ্রীহরিনয়, শ্রীহরির মা। প্রাপ্য অবশ্য শ্রীহরিদের নয়, শ্রীহরির মাতামহ দান করিয়াও যায় নাই, কিন্তু শ্রীহরির মা এবং শ্রীহরির মাতামহের ক্ষেয়ে। শ্রীহরির নামা এমন বাপের সন্তান হইয়াও সংপ্রকৃতির লোক। মায়ের মৃত্যুর পর স্ত্রী লইয়া ঘরে বাস করা তাহার পক্ষে দুঃসাধ্য হইয়া উঠিয়াছিল। শ্রীহরির মাতামহের দৃষ্টির লোলুপতা কেবল মাত্র ধন সম্পদের উপরেই আবদ্ধ ছিল না; এ পৃথিবীর ভোগ্য বাহ্য কিছু সমস্ত কিছুর উপর প্রসারিত ছিল এবং আপন পুত্রের মুখের গ্রাসের মধ্যে উপাদেয় কিছু থাকিলে তাহাও আত্মসাৎ করিতে বৃদ্ধের দ্বিধা ছিল না। শ্রীহরির নামা লজ্জায় ভয়ে দূরান্তরে গিয়া বাস করিতেছিল। বৃদ্ধের মৃত্যু-রোগের সময় যথাসময়ে পুত্র আসিয়া পৌঁছিতে পারে নাই—শয্যা পার্শ্বে ছিল কন্যা, শ্রীহরির মা। প্রলাপের বোরে বৃদ্ধ কেবল গুপ্তধনের কথাই বলিতেছিল—সোনার ইঁট, আমার সোণার ইঁট—ঘরের

নর্দামায় ইঁটের নীচে ছিল যে, কে নিলে? কে নিলে? রূপোর বাট—রূপোর বাট—

শ্রীহরির মা স্থির হইয়া শুনিতেছিল—চোখে তাহার বিচিত্র দৃষ্টি।

—কে? তুই কে? আমার রূপোর বাট ছিল যে ওই কোণে?

রাত্রি তখন গভীর; গ্রামের কাহারও একবিন্দু করুণা ছিল না বৃদ্ধের উপর, কেহ আসে নাই। প্রলাপগ্রস্ত রোগীর শয্যা পার্শ্বে কেবল শ্রীহরির মা, আর একথানা ঘরে চৌদ্দ পনের বছরের শ্রীহরি ঘুগাইতেছিল। শ্রীহরির মা একরাশি বিছানা আনিয়া বৃদ্ধের মুখের উপর চাপাইয়া দিল।

তারপর নর্দামার ইঁট তুলিয়া খুঁড়িয়া সোণার ইঁট রূপার বাট তুলিয়া শ্রীহরিকে সেই রাত্রে ডাকিয়া তুলিয়া নিজে তাহাকে বহুদূর আগাইয়া বলিল—মাঠে মাঠে চ'লে যাবি। খবরদার পথ ধরবি না। যা দিলাম কাউকে দেখাবি না, বলবি না—বুঝলি?

শ্রীহরি বুঝিয়াছিল এবং মায়ের উপদেশ অক্ষরে অক্ষরে পালন করিয়াছিল। বুঝিবার এবং এ কাজ পারিবার শক্তি মা তাহার রক্তে রক্তে সঞ্চারিত করিয়া রাখিয়াছিল।

দ্বিপ্রহর রাত্রে—ফিরিয়া বিছানাগুলি সরাইয়া—খোঁড়া জায়গাগুলি সমতল করিয়া দিয়া বুকফাটা কান্না তাহার মা কাঁদিয়াছিল।

শ্রীহরির রক্ত-রূপ—সব মাতৃদত্ত। বিশাল দেহ—কিন্তু স্থূল নয়—একবিন্দু মেদশৈথিল্য নাই—বংশের মত মোটা হাত, পায়ের হাড়—তাহার উপর কঠিন পেশা—প্রকাণ্ড চওড়া দু'খানা পাঞ্জা—প্রকাণ্ড বড় মাথা—বড় বড় চোখ—আকর্ণ-বিস্তার-মুখগহ্বর, কোঁকড়া ঝাঁকড়া চুল; এত বড় দেহ লইয়া সে কিন্তু নিঃশব্দপদসঞ্চারে চলিতে পারে। পরের ঝাড়ের বাঁশ কাটিয়া সে রাত্রে রাত্রে আনিয়া আপনার পুকুরে ফেলিয়া রাখে, শব্দ নিবারণের জন্ত সে করাত দিয়া বাঁশ কাটে। খেপলা জাল ফেলিয়া রাত্রে সে পরের পুকুরের পোনামাছ আনিয়া নিজের পুকুর বোঝাই করে। 'অন্তের দুগ্ধবতী গাভী বা ভাল হেলে থাকিলে—রাত্রে সে জাবের সহিত বিষ মিশাইয়া দিয়া আসে। প্রতিবৎসর তাহার বাড়ীর পাঁচিল

সে নিজেই বর্ষার সময় কোদাল চালাইয়া ফেলিয়া দেয়, নূতন পাঁচিল দিবার সময় অপরের সীমানা—অথবা রাস্তা খানিকটা চাপাইয়া লয়। কেহ প্রতিবাদ বড় করে না, কিন্তু ব্যক্তিগত সীমানা আত্মসাৎ করিলে প্রতিবাদ না করিয়া উপায় থাকে না; শ্রীহরি কোদালি হাতেই উঠিয়া দাঁড়ায়; দন্তহীন মুখে কি বলে বুঝা যায় না, মনে হয় একটা পশু গর্জন করিতেছে। এই ত্রিশ পঁয়ত্রিশ বৎসর বয়সেই সে দন্তহীন; যৌনব্যাধির আক্রমণে তাহার দাঁতগুলো প্রায় পড়িয়া গিয়াছে। হরিজন পল্লীতে সন্ধ্যায় যখন পুরুষেরা নদে ভোর হইয়া থাকে—তখন শ্রীহরি নিঃশব্দ পদসঞ্চারে পল্লীতে গিয়া প্রবেশ করে। তবুও কতবার তাহারা তাড়া করিয়া ধরিবার চেষ্টা করিয়াছে—কিন্তু শ্রীহরি ছুটিয়া চলে অন্ধকার-চারী হিংস্র স্বাপদের মত।

এই শ্রীহরি ঘোষ—ছিরু পাল।

শ্রীহরিকে ভাল করিয়া চিনিয়াও অনিরুদ্ধ স্ত্রীর কথা বিবেচনা করা দূরে থাক—তাহাকে ঠেলিয়া সরাইয়া দিয়া বাড়ী হইতে রাস্তায় নামিয়া পড়িল। পদ্ম বুদ্ধিমতী মেয়ে, সে অভিমান করিল না—সে আবার ডাকিল—শোন—শোন—ফেরো।

অনিরুদ্ধ গ্রাহ করিল না।

অতি ক্ষীণ হাসিয়া পদ্ম এবার বলিল—পেছন ডাকাছি!

অনিরুদ্ধ লাস্কুলস্পৃষ্ট কেউটের মত এবার ফিরিল।

পদ্ম হাসিয়া বলিল—একটু জল খেয়ে যাও।

অনিরুদ্ধ ফিরিয়া আসিয়া পদ্মের গালে সজোরে এক চড় বসাইয়া দিয়া বলিল—ডাকবি আর পেছনে?

পদ্মের মাথাটা ঝিম ঝিম করিয়া উঠিল—অনিরুদ্ধের লোহাপেটা হাতের চড়—সে বড় ভয়ঙ্কর আঘাত। পদ্ম ‘বাবা রে’ বলিয়া হাতে মুখ ঢাকিয়া বসিয়া পড়িল।

অনিরুদ্ধ এবার অপ্রস্তুত হইয়া পড়িল; সঙ্গে সঙ্গে একটু ভয়ও হইল। যেখানে সেখানে চড় মারিলে মানুষ মরিয়া যায়; সে ব্যস্ত হইয়া ডাকিল—পদ্ম! পদ্ম! বউ!

পদ্মের শরীর ধর ধর করিয়া কাঁপিতেছে—সে ফুলিয়া ফুলিয়া কাঁদিতেছে।

অনিরুদ্ধ বলিল—এই নে বাপু, এই নে—জামা খুললাম। খানায় যাব না। ওঠ! কাঁদিস না। ও পদ্ম! সে পদ্মের মুখ-ঢাকা হাতখানি ধরিয়া টানিল—ও পদ্ম! পদ্ম মুখ হইতে হাত ছাড়িয়া দিয়া—খিল-খিল করিয়া হাসিয়া উঠিল। মুখ ঢাকা দিয়া পদ্ম কাঁদে নাই, নিঃশব্দে হাসিতেছিল। অদ্ভুত শক্তি পদ্মের—আর অনিরুদ্ধের অনেক কিল চড় খাওয়া তাহার অভ্যাস আছে—এক চড়ে কি হইবে!

কিন্তু অনিরুদ্ধের পৌরুষে বোধ হয় বা লাগিল—সে গুম হইয়া বসিয়া রহিল। পদ্ম খানিকটা গুড় আর প্রকাণ্ড একটা বাটিতে একবাটি মুড়ি ও টুকনি ঘটির এক ঘটি জল আনিয়া নামাইয়া দিয়া বলিল—তুমি যে ছিরু মোড়লকে স্নবে ক’রে এজাহার করবে—গাঁয়ের নোক কে তোমার হয়ে সাক্ষী দেবে বল তো? কাল তো গাঁয়ের নোক সবাই তোমার ওপর বিরূপ হয়ে দাঁড়িয়েছে।

কাল সন্ধ্যার পর আবার মজলিস বসিয়াছিল; অনিরুদ্ধের ওই ‘মজলিসকে মানি না’ কথাটা সকলকে বড় আঘাত দিয়াছে। অনিরুদ্ধ এবং গিরীশের বিরুদ্ধে জমিদারের কাছে নালিশ জানানো স্থির হইয়া গিয়াছে।

কথাটা অনিরুদ্ধের মনে পড়িল; কিন্তু তবু তাহার মন মানিল না।

( ক্রমশঃ )

## দীন-বন্ধু এ্যাণ্ড রুজ

### শ্রীকালোকিঙ্কর সেনগুপ্ত

হে প্রিয় ঈশার শুভ মণীষার ভগীরথ সত্তম  
শঙ্খ বাজায়ে আনিলে জ্বালায়ে প্রসন্ন দীপশিখা  
পশ্চিম হ’তে সিন্ধুর পথে ত্রিবেণী প্রবাহ সম  
তোমাতে নিখিল ভারত লিখিল সুস্বাগত লিখা।

হে দীনবন্ধু, এ দীনভূমির মাটিতে শয়ন মেলে  
‘সুরুচি’-মাতারে ফেলিয়া চাহিলে দুগিনী স্মৃতি-মায়ে  
হে ধ্রুব সাধক উত্তানপাদ রাজসম্পদ ফেলে  
মুক্তি লাভিলে বন্ধন-মাঝে শান্তিকেতন-ছায়ে।

বিশ্ব যখন ভীষ্ম রবির রশ্মিতে হ’ল আলো

সে রবি কিরণে স্নিগ্ধ করিলে তাহারে বাসিয়া ভালো।

# দুঃখের নিবৃত্তি ও স্বধর্মপালন

শ্রীনৃপেন্দ্রনারায়ণ দাস এম-এ, বি-এল

দুঃখের নিবৃত্তি সকলেরই কাম্য। দুঃখ নিবৃত্তির উপায় কি? এই প্রশ্নের আলোচনা করিতে হইলে প্রথমে স্থির করা প্রয়োজন, দুঃখ কি? ঐক্যিকগণ বলেন, “প্রতিকূল-বেদনীয়ঃ দুঃখঃ।” সকল প্রকার প্রতিকূল বেদনাই দুঃখের। এই প্রতিকূল বেদনা দুই প্রকারের হইতে পারে, শারীরিক ও মানসিক। (১) কেহ কেহ হয়ত বলিবেন, “একপ বিভাগ এক নহে। সকল দুঃখই শারীরিক। শরীরাদিতে যে দুঃখের কারণ হইবে এমন দুঃখ নাই। যাহাকে মানসিক দুঃখ বলি, বাহ্য পদার্থের সহিত শরীরের সংযোগই তাহার মূল। আমার রূঢ় বাক্যে তুমি দুঃখ বোধ করিলে, আমার বাক্য প্রাকৃতিক পদার্থ। তাহা অবগেল্লিয়ের দ্বারা গ্রহণ করিলে তাহাতেই তোমার দুঃখ।” একপ আপত্তি উত্থাপন করা সম্ভব নহে। তবে মানসিক দুঃখ বলিতে কি বুঝিব? শারীরিক দুঃখ বলিতেই বা কি বুঝিব? শরীরের স্বাভাবিক নিরোগ অবস্থার ব্যতিক্রম-জনিত যে দুঃখ তাহাই শারীরিক দুঃখ। অপর সকল দুঃখই মানসিক দুঃখ। তোমার বাক্যে আমি দুঃখ বোধ করিলাম তাহা মানসিক দুঃখ; কারণ উহা শরীরের স্বাভাবিক নিরোগ অবস্থার ব্যতিক্রমজনিত নহে। এই দুই প্রকারের দুঃখ নিরোধ করিবার পন্থাসকলও এক নহে এবং এই দুই এইরূপ বিভাগের প্রয়োজন হয়।


শারীরিক দুঃখ দূর করিবার বিষয় চিন্তা করিলে প্রথমেই মনে হয়, স্বাস্থ্যরক্ষার নিয়মসকল যথাযথরূপে পালন করিয়া শরীরকে সুস্থ ও নিরোগ করিয়া রাখিতে পারিলেই শারীরিক দুঃখ ভোগ করিতে হয় না। কিন্তু সকল প্রকার শারীরিক দুঃখ কেবলমাত্র স্বাস্থ্যরক্ষার নিয়মসকল পালন করিয়া দূর করা যায় না। কারণ, এই সকল নিয়ম পালন করা সত্ত্বেও শরীর পীড়িত হইতে পারে কিংবা আকস্মিক দুর্ঘটনার আঘাতপ্রাপ্ত হইতে পারে। এরূপ স্থলে দুঃখকে দুঃখ বলিয়া বোধ না করাই দুঃখ দূর করার উপায়। ভৈষজ্যমতদ্ দুঃখস্ত যদেতন্নানুচিন্তয়েৎ অর্থাৎ দুঃখের বিষয় চিন্তা না করাই দুঃখ নিবারণের মর্হোষধ। এ ভিন্ন এরূপ দুঃখ দূর করিবার অন্য উপায় নাই।

(১) হিন্দুদিগের প্রাচীন দার্শনিক গ্রন্থাদিতে দুঃখ তিন প্রকারের বলিয়া উল্লেখ করা হইয়াছে, যথা, আধিদৈবিক, আধিভৌতিক, ও আধ্যাত্মিক। কিন্তু আধুনিক পণ্ডিতগণ সকল প্রকার দুঃখকে শারীরিক ও মানসিক এই দুইভাগে ভাগ করেন। দেশপূজ্য তিলক তাঁহার “শ্রীমদ্ভাগ-বাসীতারহস্যে” ও পণ্ডিত বিধুশেখর শাস্ত্রী ‘হিন্দুস্থান স্ট্যাণ্ডার্ড’ পত্রিকায় প্রকাশিত এক প্রবন্ধে দুঃখকে এইরূপ দুইভাগে ভাগ করিয়াছেন। কিন্তু তাঁহারা কেহই দুই প্রকার দুঃখের সংজ্ঞা দেন নাই, কিম্বা এই দুই প্রকার দুঃখের মধ্যে প্রভেদ কি তাহা নির্দেশ করেন নাই।

এখন দেখা যাউক, মানসিক দুঃখ কিরূপে দূর করা যাইতে পারে। সকল প্রকার মানসিক দুঃখের মূল হইতেছে, বাসনা, কামনা বা তৃষ্ণা। তোমার নিকট হইতে প্রিয় বাক্যই কামনা করি, রূঢ় বাক্য কামনা করি না। আমার কামনা পূর্ণ হইল না, তাহাতেই আমি দুঃখ বোধ করিলাম। অতএব বাসনা বা কামনার নিবৃত্তি হইলেই দুঃখের নিবৃত্তি হইল। বাসনা বা কামনার নিবৃত্তি দুই প্রকারে হইতে পারে, (ক) বাসনা পূর্ণ হইলে কিংবা (খ) বাসনা ত্যাগ করিলে। বাসনা পূর্ণ করা সম্বন্ধে এই আপত্তি করা যাইতে পারে যে, বাসনা পূর্ণ করিয়া কখনও বাসনার ঐকান্তিক ও আত্মস্তিক নিবৃত্তি হইতে পারে না। অধিকন্তু কাহারও কাহারও মতে অগ্নিতে দৃত সংযোগ করিলে যেরূপ অগ্নি বৃদ্ধি পায়, সেইরূপ বাসনা পূর্ণ করিলে আরও বাসনা বৃদ্ধি পায়। একথা সত্য যে একটি বাসনা পূর্ণ করিলে অল্প বাসনার কিংবা যে বাসনা পূর্ণ করা হইয়াছে কিছুকাল পরে তাহারই উদ্বেক হয়। মহাভারতে যযাতি রাজার উপাখ্যানে এই কথাটাই বুঝাইতে চেষ্টা করা হইয়াছে। এইজন্য আমাদের দেশের মনীষীগণ বাসনা ত্যাগ করিবার পরামর্শ দিয়াছেন। কিন্তু কিরূপে বাসনা ত্যাগ করিব? প্রতিদিন সহস্র সহস্র বাসনা মনে উদয় হয়, কিরূপে তাহাদের ত্যাগ করিব? সন্ন্যাস মার্গের লোকেরা বলেন, মানুষের সাংসারিক সমস্ত শ্রবৃত্তিই বাসনাত্মক বা তৃষ্ণাত্মক। যে পর্যন্ত সমস্ত সাংসারিক কর্মত্যাগ করা না যায়, সে পর্যন্ত বাসনা বা তৃষ্ণা নির্মূল হয় না। অতএব দুঃখের ঐকান্তিক ও আত্মস্তিক নিবৃত্তি করিতে হইলে সংসার ত্যাগ করিয়া কর্ম ত্যাগ করিয়া সন্ন্যাসী হইতে হইবে। সাংখ্য দর্শনে ও হিন্দুদিগের অন্যান্য বহু ধর্মগ্রন্থে এই মত প্রতিপন্ন করা হইয়াছে। বৌদ্ধ ধর্মেও এই মত সমর্থিত হইয়াছে। বুদ্ধদেব স্পষ্টই বলিয়াছেন গৃহীর পক্ষে নির্বাণ লাভ করা অসম্ভব। একথা কিন্তু স্মরণ রাখিতে হইবে যে যদিও ইহারা সংসার ত্যাগ করিয়া কর্মত্যাগ দ্বারা সন্ন্যাসী হইবার পরামর্শ দিয়াছেন, তথাপি কেহই বলেন নাই যে কেবলমাত্র সন্ন্যাস গ্রহণ করিলেই দুঃখের নিবৃত্তি হইবে। সন্ন্যাস গ্রহণ করিবার পরেও সাধনার প্রয়োজন হইতে পারে।

আর একদল ধর্মবেত্তারা বাসনা বা কামনা ত্যাগ করিবার প্রয়োজনীয়তা স্বীকার করেন; কিন্তু বাসনা বা কামনা ত্যাগ করিবার জন্য সংসার ত্যাগ করিবার প্রয়োজনীয়তা স্বীকার করেন না। তাঁহারা বলেন সংসারে থাকিয়া নিষ্কাম ভাবে কর্ম করা সম্ভব ও তাহাই উচ্চতর আদর্শ। গীতার এই কর্মযোগের কথা বলা হইয়াছে এবং গীতাই কর্মযোগশাস্ত্রের প্রধান গ্রন্থ। নিষ্কামভাবে কর্ম করিতে হইবে—কিরূপ কর্ম আমাদের করা উচিত? গীতার বলা হইয়াছে তোমার স্বধর্ম তুমি পালন কর। এই স্বধর্ম কথাটি গীতার দ্বিতীয় অধ্যায়ে ৩১ শ্লোকে, তৃতীয় অধ্যায়ে ৩৫ শ্লোকে

ভারতবর্ষ



১৯ — শ্রীমতী শ্যামলী দেবী



ও অষ্টাদশ অধ্যায়ে ৪৭ শ্লোকে ব্যবহৃত হইয়াছে। (২) কিন্তু এই তিন জায়গার কোথাও স্বধর্ম বলিতে ঠিক কি বুঝায় তাহা সাধারণের ধোঁধগম্য করিয়া স্পষ্টতাব্য বলা হয় নাই। বঙ্কিমচন্দ্র প্রমুখ পণ্ডিতগণ বলেন, স্বধর্ম অর্থে Duty অথবা কর্তব্য বুঝিতে হইবে। (৩) কিন্তু স্বধর্ম শব্দের দুই প্রতিশব্দ জানিলেই ত সকল সমস্তার সমাধান হয় না। Duty অথবা কর্তব্য বলিতে কি বুঝিব? কর্মযোগশাস্ত্রের ইহা একটা বড় প্রশ্ন। প্রত্যেক কর্মীর মনে কর্তব্যাকর্তব্যের সংশয় উদয় হয় এবং এই সংশয় দূর করিতে না পারিলে সূচাক্রমে কর্মযোগ সাধন সম্ভব নহে। (৪) এই সংশয় দূর করিবার জগুই কর্তব্য কি জানা প্রয়োজন।

এখন দেখা যাউক কর্তব্যাকর্তব্যের কিরূপ সংশয় বর্তমান যুগে সাধারণতঃ উদয় হয় এবং কর্মযোগ শাস্ত্রের ব্যাখ্যাকারদিগের মতে কিরূপে কর্তব্য নির্ণয় করিতে হইবে। মহাত্মার তের যুগে জাতিভেদ প্রথা সেরূপভাবে প্রচলিত ছিল এখন সেরূপভাবে উহা প্রচলিত না থাকিলেও উহা এখনও সম্পূর্ণ লুপ্ত হয় নাই। এইজগু প্রথমেই প্রশ্ন উঠে, কর্তব্য কর্ম কি বংশানুক্রমিক হইবে অর্থাৎ পূর্বপুরুষগণ যে কার্য করিতেন সেই কার্যে নিযুক্ত হওয়াই কি কর্তব্য কর্ম বলিয়া বিবেচিত হইবে। কেহ কেহ বলেন পূর্বপুরুষেরা যে কার্য করিতেন সেই কার্য করাই আমাদের স্বধর্ম। মুচির ছেলের মুচি ও ডাক্তারের ছেলের ডাক্তার হওয়াই উচিত। শ্রীমদ্রবিন্দ প্রভৃতি মর্গাধীগণ কিন্তু বলেন যে স্বধর্মের এরূপ ব্যাখ্যা করা উচিত নহে। তাহারা বলেন, কর্ম হওয়া চাই মানুষের স্বরূপতঃ নিজস্ব, ভিতর হইতে বিবর্তিত সত্তার সত্যের সহিত সুসমঞ্জস্য স্বভাবের দ্বারা নিয়ন্ত্রিত অর্থাৎ মুচির ছেলের পক্ষে ডাক্তারী করাটা স্বধর্মবিরুদ্ধ হইবে না, যদি উহা তাহার স্বরূপতঃ নিজস্ব হয়। (৫) সতীশচন্দ্র দাসগুপ্ত প্রমুখ আর একদল মর্গাধী বলেন, অর্থাপার্কর্জনের জগু পিতৃপুরুষগণ যে কার্য করিতেন সেই কার্যই করিতে হইবে; কিন্তু

(২) স্বধর্মমপি চাবেক্ষ্য ন বিকম্পিতুমর্হসি ।

ধর্ম্যাক্ষি যুক্তাচ্ছে মোহন্ত্যং কত্রিয়শ ন বিত্ততে ॥২।৩১॥

শ্রেয়ান্ স্বধর্মো বিগুণঃ পরধর্মো স্বসুষ্ঠিতাৎ ।

স্বধর্মে নিধনং শ্রেয় পরধর্মো ভয়াবহঃ ॥৩।৩৫॥

শ্রেয়ান্ স্বধর্মো বিগুণঃ পরধর্মো স্বসুষ্ঠিতাৎ ।

স্বভাবনিয়তং কর্ম কুর্বাণ্নাপ্নোতি কিল্বিষম্ ॥১৮।৪৭॥

(৩) শ্রীমদ্ভাগবদগীতা—শ্রীবঙ্কিমচন্দ্র চট্টোপাধ্যায়। বহুমতী সাহিত্য মন্দির। পাতা ৭৮

(৪) Swami Vivekananda says, "It is necessary in the study of Karma Yoga to know what work is and with that comes naturally the question what duty is. "I have to do something, I must first know my duty in regard to it and then it is that I will be able to do it well."

—Karma Yoga, Edited by Saradananda. page 65.

(৫) ভারতবর্ষ—শ্রাবণ, ১৩৪৬।

পরোপকার করিবার জগু অর্থ কার্যও করা যাইতে পারে, অর্থাৎ মুচির ছেলে পরোপকার করিবার জগু ডাক্তারী করিতে পারে—কিন্তু ডাক্তারী করিয়া অর্থাপার্কর্জন করা তাহার উচিত হইবে না, মুচিগিরি করিয়াই তাহাকে অর্থাপার্কর্জন করিতে হইবে। মহাত্মা গান্ধীও নাকি স্বধর্মের এইরূপ ব্যাখ্যা করিয়া থাকেন। (৬) অন্তএব দেখা গেল, কর্ম বংশানুক্রমিক হইবে কি না তাহা জইয়া বধেট মতভেদ আছে। স্বধর্ম কি তাহা নির্ণয় করিতে আর এক প্রকারের সমস্তার উদ্ভব হয়, তাহার উল্লেখ করা এখানে প্রয়োজন। দেশপূজ্য তিলক তাহার শ্রীমদ্ভাগবদগীতা-রহস্ত্রে ও বিখ্যাত মনসুত্রবিদ গিরীন্দ্রশেখর বাবু মহাশয় তাহার গীতার ব্যাখ্যায় এইরূপ সমস্তার উল্লেখ করিয়াছেন। (৭) সমস্তাটা কি তাহা দুই একটা উদাহরণ দ্বারা স্পষ্ট করা হইতেছে। শর্কালক নামে এক ব্রাহ্মণ, দিবাভাগে পূজা, অর্চনা, অধ্যাপনা, দান প্রভৃতি সংকার্য্য করিত এবং রাত্রিকালে দহ্যবৃত্তি করিত। তাহার পূর্বপুরুষগণও নাকি এইরূপ করিত। এইরূপ দহ্যবৃত্তি সে কোন কুকার্য্য বলিয়া মনে করিত না; বরঞ্চ সে মনে করিত যে সে তাহার কুলধর্ম ও স্বধর্ম পালন করিতেছে। (৮) বাস্তবিকই কি ব্রাহ্মণ তাহার স্বধর্ম পালন করিতেছিল? ঠগীদহ্যগণ মনে করিত নরহত্যা করিয়া অর্থাপার্কর্জন করাই তাহাদের স্বধর্ম এবং এইরূপ নরহত্যায় তাহাদের কোন পাপ হইত না। বাস্তবিকই কি তাহাদের কোন পাপ স্পর্শ করে নাই? কেহ কেহ হয়ত বলিবেন, এরূপ মনগড়া সমস্তার আলোচনা করিয়া লাভ কি? বর্তমান যুগে এরূপ সমস্তার উদয় হয় না অন্তএব এরূপ সমস্তার আলোচনা নিপ্রয়োজন। বর্তমান যুগে ঠিক এইরূপ সমস্তার উদয় না হইলেও এই প্রকারের অন্তান্ত সমস্তার উদয় হয়; যেমন মনে করুন, এক ব্যক্তি দেখিল যে সময় বিশেষে মিথ্যা কথা না বলিলে কিংবা উৎকোচ প্রদান না করিলে নিজ ব্যবসায় কৃতকার্য্য হওয়া যায় না। তাহার সমব্যবসায়ী সকলেই এইরূপ করিয়া থাকে। এরূপ স্থলে যদি সে মনে করে যে মিথ্যা কথা বলা ও উৎকোচ প্রদান করা তাহার কর্তব্য কর্ম, তবে কি বলিব যে তাহার এ ধারণা ভ্রান্ত। এখন দেখা যাউক আমাদের দেশের মনীষীগণ এই সকল প্রশ্নের কিরূপ উত্তর দিয়াছেন। গিরীন্দ্রশেখর বাবু বলেন—গীতার দ্বিতীয় অধ্যায়ের স্বধর্ম কথাটির অর্থ সামাজিক কর্তব্য বা সমাজ নির্দিষ্ট ধর্ম এবং ইহা ভিন্ন অন্য অর্থ হইতে পারে না। অষ্টাদশ অধ্যায়ের স্বধর্ম কথাটির অর্থ স্বভাবনিয়ত ধর্ম। এই দুইটি অর্থের সমন্বয় করিয়া তিনি স্বধর্মের অর্থ করিয়াছেন, যে কর্ম নিজ প্রবৃত্তি বিরোধী নহে ও যাহা সমাজ দ্বারা অনুমোদিত। তাহার মতে

(৬) ভারতবর্ষ—বৈশাখ, ১৩৩৫।

(৭) (ক) শ্রীমদ্ভাগবদগীতারহস্ত বা কর্মযোগশাস্ত্র—বালগঙ্গাধর তিলক।

(খ) গীতা—শ্রীগিরীন্দ্রশেখর বাবু। প্রবাসী পত্রিকায় দ্বারা-বাহিক ভাবে প্রকাশিত।

(৮) উদাহরণটি গিরীন্দ্রশেখর বাবুর গীতার ব্যাখ্যা হইতে গৃহীত।

দস্যবৃত্তি করিয়া অর্থাপার্জন করা পাপ, কারণ দস্যবৃত্তি সমাজ-সম্মত কার্য্য নহে। দস্যবৃত্তি যে সমাজসম্মত কার্য্য নহে তাহা না হয় বুঝিলাম ; কিন্তু যখন সমাজের অধিকাংশ লোকই কার্য্যসিদ্ধির জন্য মিথ্যা কথা বলে ও উৎকোচ প্রদান করে, তখন মিথ্যা কথা বলা ও উৎকোচ প্রদান করা কি সমাজ-সম্মত কার্য্য বলিয়া বিবেচিত হইবে? সমাজের অধিকাংশ লোক বাহ্য করে তাহাই কি সমাজসম্মত কার্য্য বলিয়া বিবেচিত হইবে? ছুঃখের বিষয় গিরীন্দ্রশেখরবাবু এই সকল প্রশ্নের আলোচনা করেন নাই।

অনুশীলন ধর্মের প্রচারক বঙ্কিমচন্দ্র বলেন, কর্ম্ম আমাদের জীবনের নিয়ম। কর্ম্ম না করিয়া কেহ ক্রমকাল তিষ্ঠিতে পারে না, কর্ম্ম না করিলে শরীরযাত্রা নির্বাহ হয় না। কাজেই কর্ম্ম করিতে হইবে। কিন্তু সকল কর্ম্মই কি করিতে হইবে? আমরা কতকগুলিকে সৎকর্ম্ম বলি, যথা, পরোপকারাদি—আর কতকগুলিকে অসৎকর্ম্ম বলি, যথা পরদারগমনাদি—আর কতকগুলিকে সদসৎ কিছুই বলি না, যথা শয়ন-ভোজনাদি। তৃতীয় শ্রেণীর কর্ম্মগুলি না করিলেই নয়, স্তত্রাং করিতে হইবে। সৎকর্ম্মসকল মনুষ্যের উপাদান, অতএব উহা আমাদের কর্তব্য কর্ম্ম। অসৎ কর্ম্ম না করিলে শরীরযাত্রা নির্বাহের বিঘ্ন হয় না, উহা আমাদের জীবন নির্বাহের নিয়ম নহে। চুরি বা পরদার না করিয়া কেহ বাঁচে না এমন নহে।(৯) স্তত্রাং অসৎকর্ম্ম আমাদের করা উচিত নহে। চুরি ও পরদারগমন যে অসৎকর্ম্ম তাহা না হয় বুঝিলাম। কিন্তু মিথ্যাকথন ও উৎকোচপ্রদান করাও কি অসৎকর্ম্ম বলিয়া বিবেচিত হইবে? বর্তমান যুগে এমন ব্যবসা বা কার্য্য খুব কমই আছে যাহাতে মিথ্যার আশ্রয় লইতে না হয়। মিথ্যার আশ্রয় লওয়া যদি অসৎকর্ম্ম হয় তাহা হইলে বলিতে হয় যে অসৎকর্ম্ম আমাদের জীবননির্বাহের নিয়ম নহে এ সিদ্ধান্ত সর্ব্বাংশে সত্য নহে।(১০)

দেশপূজ্য তিলক কিন্তু কর্তব্যাকর্তব্য নির্ণয়ের জন্য অন্য প্রকার মানের নির্দেশ করিয়াছেন। তিনি বলেন, যে কোন কর্ম্ম করিবার সময় সেই কর্ম্ম করিবার বুদ্ধি প্রথমে আবশ্যক হয় বলিয়া কর্ম্মের উচিত্যানৌচিত্যের বিচারও সর্ব্বাংশে বুদ্ধির শুদ্ধাশুদ্ধতার উপর নির্ভর করে। বুদ্ধি পারাপ হইলে কর্ম্ম পারাপ হইবে, কিন্তু কেবলমাত্র বাহ্য কর্ম্ম পারাপ হইলে তাহা হইতেই বুদ্ধিও পারাপ হইবেই হইবে এরূপ অনুমান করা যায় না। গীতা নিছক কর্ম্মের বিচারকে কনিষ্ঠ মনে করিয়া কর্ম্মের প্রেরকবুদ্ধিকে শ্রেষ্ঠ বলিয়া মানেন। বুদ্ধিকে শুদ্ধ করিতে হইলে পরমেশ্বরের স্বরূপ অবগত হইয়া সমস্ত মানুষের মধ্যেই এক আত্মা আছে এই তত্ত্ব বুদ্ধির মধ্যে বদ্ধমূল হওয়া আবশ্যক। বুদ্ধি

এইরূপে শুদ্ধ হইলে এবং মনোনিগ্রহের দ্বারা মম ও ইন্দ্রিয় তাহার অধীনে কাজ করিতে শিখিলে, ইচ্ছা বাসনা প্রভৃতি মনোধর্ম্ম স্বতই শুদ্ধ ও পবিত্র হয়। অতএব বাহ্য বুদ্ধি শুদ্ধ কেবলমাত্র সেই ব্যক্তি এই সকল সমস্যার সমাধান করিতে পারে। বাহ্য বুদ্ধি শুদ্ধ হয় নাই তাহার পক্ষে বিশেষ কঠিন সমস্যার স্থলে শুদ্ধবুদ্ধিসম্পন্ন সাধুপুরুষদিগের শরণাপন্ন হওয়া উচিত।(১১)

এখন দেখা যাউক বর্তমান যুগের আর একজন বিখ্যাত মনীষী এ বিষয়ে কি বলেন। স্বামী বিবেকানন্দ আমেরিকায় প্রদত্ত বক্তৃতায় এই কর্ম্মযোগশাস্ত্রের ব্যাখ্যা করেন। তিনি বলেন—

“Ordinarily if a man goes out into the street and shoots down another man, he is apt to feel sorry for it—thinking that he had done wrong or that he had not done his duty. But if the very same man standing as a fighting soldier in the ranks of his regiment, kills not one man, but twenty men by shooting them down, he is certain to feel glad and think that he did his duty remarkably well. Therefore it is easy to see that it is not the thing done that defines a duty. To give an objective definition of duty, therefore is thus entirely impossible. Indeed there is no such thing as an objectively defined duty. Yet there is duty from the subjective standpoint. And any action that makes us go Godward is a good action and to do that is our duty and similarly any action that makes us go downward or away from God is an evil action and to do that is not our duty. From the subjective standpoint alone, we see that certain acts have a tendency to exalt and ennoble us—while certain others have a tendency to degrade or brutalise us. But it is not possible to make out with certainty which act will have which kind of tendency in relation to persons placed in different or even in similar conditions.”

উক্ত অংশের শেষ লাইনটির প্রতি আমি বিশেষভাবে পাঠকদিগের দৃষ্টি আকর্ষণ করিতেছি। স্বামীজী স্পষ্টই বলিতেছেন, একই অবস্থার মধ্যে অবস্থিত কর্ম্মীগণ একই কর্ম্ম করিয়া বিভিন্ন প্রকারে প্রস্তাবায়িত হইতে পারে। অতএব কেবলমাত্র অবস্থা ও কর্ম্ম বিচার করিয়া কর্তব্য নির্ণয় করা যায় না। তবে কিরূপ কর্ম্ম আমাদের কর্তব্য কর্ম্ম? স্বামীজী তাহাও নির্দেশ করিয়াছেন, “Therefore to perform to the best of our ability the actions that appear to be our duty at any particular time is the only thing that we can do in this world.” (১২) যাহা আমাদের কর্তব্য বলিয়া মনে হইবে তাহাই সূচরূপে সম্পন্ন করাই আমাদের উচিত।

চারিজন বিখ্যাত মনীষীর মত উদ্ধৃত করিলাম। ইহাদের প্রত্যেকেরই মত বিভিন্ন। বঙ্কিমবাবু ও গিরীন্দ্রশেখরবাবু উভয়েই বাহ্য কর্ম্মের বিচার দ্বারা কর্তব্যাকর্তব্য নির্ধারণের পক্ষপাতী। তিলক ও স্বামীজী

(৯) শ্রীমদ্ভাগবতগীতা—শ্রীবঙ্কিমচন্দ্র চট্টোপাধ্যায়। বহুমতী সাহিত্য মন্দির হইতে প্রকাশিত। পাতা, ৯৩।

(১০) অবস্থা বিশেষে জীবনধারণের জন্য চুরি করার প্রয়োজন হয়। দুর্ভিক্ষের সময় বিখ্যাত মুনি চুরি করিয়া কুকুর মাংস ভক্ষণ করিয়াছিলেন।

(১১) শ্রীমদ্ভাগবতগীতারহস্ত বা কর্ম্মযোগশাস্ত্র—বালগঙ্গাধর তিলক। অনুবাদক শ্রীজ্যোতিরিন্দ্রনাথ ঠাকুর। ষষ্ঠ ও ষাটশ প্রকরণ।

(১২) কর্ম্মযোগ নামক বাঙ্গলা পুস্তকে মূল বক্তৃতার বহু অংশ বাদ দেওয়া হইয়াছে ও স্থানে স্থানে অনুবাদও ভাল হয় নাই। এই জন্য আমি মূল ইংরাজী বক্তৃতাই উদ্ধৃত করিলাম।



বলেন, কর্মের প্রেরক বুদ্ধি কিংবা কর্মীর মন কিরূপ প্রভাবান্বিত হইয়াছিল তাহার দ্বারা কর্মীর বিচার করিতে হইবে। বন্ধিমবাবু ও গিরীন্দ্র শেখরবাবুর মতে শব্দীলক ও ঠগীদস্যুগণ পাপ কার্যে লিপ্ত ছিল, কারণ দস্যুতা ও নরহত্যা সমাজসম্মত কার্য্য নহে—বরং অসৎ কর্ম্ম বলিয়া বিবেচিত হয়। উহা আমাদের জীবিকানির্বাহের নিয়মও নহে। ব্যবসাদারের কাজ সম্বন্ধে ইহাদের মত কি তাহা আমাদের জানা নাই। দেশপূজ্য ভিলকের মতে শব্দীলক, ঠগীদস্যুগণ কিংবা উল্লিখিত ব্যবসাদারের কার্য্যের বিচার করিতে হইলে প্রথমে বিচার করিতে হইবে তাহাদের বুদ্ধি-শুদ্ধি ছিল কিনা। বুদ্ধি-শুদ্ধি হইলে তাহাদের কোন পাপ হয় নাই। স্বামী বিবেকানন্দের মতে উহারা যদি সত্য সত্যই মনে করিয়া থাকিত যে ঐরূপ কার্য্যের দ্বারা উহারা ভগবানের নিকটবর্তী হইতেছে তাহা হইলে উহাদের কোন পাপ হয় নাই। ইহাদের মধ্যে কাহার মত অধিকতর যুক্তিযুক্ত তাহা নির্ণয় করা আমার সাধ্যাতীত। স্বধর্ম্মের ব্যাখ্যা লইয়া পণ্ডিতগণের মধ্যে কিরূপ মতভেদ আছে তাহাই আমি নির্দেশ করিলাম।

এখন দেখা যাউক এই আলোচনার ফলে আমরা কি কি সিদ্ধান্তে উপনীত হইলাম :—

(১) প্রতিকূল বেদনার নামই দুঃখ। দুঃখ দুই প্রকারের, শারীরিক ও মানসিক।

(২) স্বাস্থ্যরক্ষার নিয়মসকল যথাযথরূপে পালন করিলে শারীরিক দুঃখ বহুল পরিমাণে দূর হয় ; কিন্তু ইহা সত্ত্বেও যদি শারীরিক দুঃখ উপস্থিত হয় তাহা হইলে দুঃখকে দুঃখ বলিয়া বোধ না করাই দুঃখ দূর করার উপায়।

(৩) সকল প্রকার মানসিক দুঃখের মূল হইতেছে, বাসনা, কামনা বা তৃষ্ণা। অতএব বাসনার নিবৃত্তি হইলেই দুঃখের নিবৃত্তি হইল। বাসনার নিবৃত্তি দুই প্রকারে হইতে পারে, (ক) বাসনা পূর্ণ করিয়া কিংবা (খ) বাসনা ত্যাগ করিয়া।

(৪) বাসনা পূর্ণ করিয়া কখনও বাসনার ঐকান্তিক ও আত্মস্তিক নিবৃত্তি হইতে পারে না ; কারণ বাসনা পূর্ণ করিলে অল্প বাসনার কিংবা কিছুকাল পরে সেই বাসনারই পুনরুদ্ভব হয়।

(৫) সন্ন্যাস মার্গের লোকেরা বলেন, সংসার ত্যাগ করিয়া, সন্ন্যাসী না হইলে বাসনা বা তৃষ্ণা সম্পূর্ণরূপে নির্মূল হয় না। বাসনার ঐকান্তিক ও আত্মস্তিক নিবৃত্তি করিতে হইলে সন্ন্যাসী হইতে হইবে।

(৬) আর একদল ধর্ম্মাবতাররা বলেন, বাসনা ত্যাগ করিবার জন্ত সংসার ত্যাগ করিবার প্রয়োজন নাই। সংসারে থাকিয়াই নিষ্কাম ভাবে কর্ম্ম করা যায় ও তাহাই উচ্চতর আদর্শ।

(৭) নিষ্কাম ভাবে কর্ম্ম করিতে হইবে, কিন্তু কিরূপ কর্ম্ম আমাদের করা উচিত। গীতায় বলা হইয়াছে, স্বধর্ম্ম পালন কর। স্বধর্ম্ম অর্থে duty অথবা কর্তব্য বুঝিতে হইবে।

(৮) কর্তব্য কি ? কেহ কেহ কর্ম্মের ঔচিত্যানৌচিত্যের বিচার করিতে কর্ম্মের প্রেরক বুদ্ধির বিচার করেন, কিংবা কর্ম্ম করিয়া কর্ম্মী কিরূপ ভাবে প্রভাবান্বিত হয় তাহাই বিচার করেন ; কেহ কেহ বাহ্য কর্ম্মের দ্বারা কর্ম্মের ঔচিত্যানৌচিত্যের বিচার করেন। আবার কর্তব্য-কর্ম্ম বংশানুক্রমিক হইবে কিনা, তাহা লইয়াও মতভেদ আছে।

## পদ্মা

### শ্রীশান্তি পাল

পদ্মা, পদ্মা,—  
বক্ষে ল'য়ে তরঙ্গ-উচ্ছ্বাস  
ঘন ঘন শ্বাস,  
উন্মত্ত আবেগ ভরে  
কল কল স্বরে  
কোথা যাও উন্মাদিনী বৈরাগিনী বেশে  
দিগন্তের শেষে,  
যেথা, দুই কুল এক হ'য়ে যায়  
অবসন্ন জীবনের শেষ মোহনায় !

পদ্মা, পদ্মা,—  
ও কি ব্যথা বাজে তব প্রাণে  
কল্লোলের গানে ?  
নাহি শান্তি, নাহি ক্লান্তি, নাহি অবসাদ  
ভাঙি দীর্ঘ দৃঢ় বাঁধ  
চলিয়াছ আপনার সব কিছু দিয়া  
মর্ম্মমাঝে শুধু ঘোর ধ্যাকুলতা নিয়া !

পদ্মা, পদ্মা,—  
এ সজ্জা কি সাজে তব,  
অভিনব !  
আজি এই উচ্ছলিত বরষার দিনে  
চেয়ে দেখো দুই কূলে নবশ্রাম বিপিনে বিপিনে,  
পঞ্চলে পঞ্চলে  
সরোবর-জলে,  
সরসিয়া উঠিতেছে কত শত কুমুদকঙ্কার,  
শুধু একবার  
অঙ্গে মাখ মদ-গন্ধ তার ;  
ক্ষণেকের তরে  
ভুলে যাও অবিশ্রান্ত চলার ছন্দ রে।  
গতি তব হোয়ে যাক লয়—  
সৃষ্টির সৌন্দর্য্যে মুগ্ধ স্তব্ধ হোক অনন্ত প্রলয় !  
উচ্ছলিত গতির প্রপাতে  
নিবিড় করিয়া বাঁধ মিলনের রাঙারাধী হাতে।

# বানপ্রস্থ

বনফুল

( নাটিকা )

একটি পোড়ো নীলকুঠির একটি কক্ষ। ঘরটিতে দুইটি বড় দরজা এবং কয়েকটি জানালা রহিয়াছে। আসবাব-পত্র কিছুই নাই। দরজা ঠেলিয়া বরদা ও জগমোহন প্রবেশ করিলেন। জগমোহনের হাতে দুইটি মুগুর, বরদার হাতে কিছু নাই। উভয়েই স্বাস্থ্যবান, যদিও উভয়েরই বয়স পঞ্চাশের কাছাকাছি। জগমোহনের গোফ দাড়ি কামানো, চোখে মুখে এমন একটি ভাব আছে যে দেখিলেই মনে হয় লোকটি রসিক। বরদার বেশ জমকালো কাঁচাপাকা এক জোড়া গোফ আছে, গোফের প্রান্তস্থয় উর্দ্ধমুখী। বরদার চোখে-মুখেও এমন একটা ভাব আছে যে, দেখিলে মনে হয় লোকটি রাশভারী এবং চটা মেজাজের। বরদার রঙ কালো এবং বড় বড় চোখ দুটি লাল। তাঁহারা প্রবেশ করিবার সঙ্গে সঙ্গেই একটি ভৃত্য-জাতীয় ব্যক্তি একটি শতরঞ্জি বগলে করিয়া প্রবেশ করিল।

জগমোহন। শতরঞ্জিটা পেতে ফেল। বরদা, একটু সর তো ভাই, শতরঞ্জিটা বেশ চোরস করে পাতুক।

বরদা একটু সরিয়া দাঁড়াইলেন। চাকরটি শতরঞ্জি বিছাইতে লাগিল। জগমোহন ঘরের কোণে গিয়া মুগুর দুইটি রাখিয়া দিলেন।

ভৃত্য। ( শতরঞ্জি পাতা শেষ করিয়া ) আমি এবার যাই হজুর ?

জগমোহন। বেশ, যা—ভাড়া পেয়ে গেছিস তো ?

ভৃত্য। আজ্ঞে ই্যা হজুর !

নমস্কার করিয়া ভৃত্য প্রস্থান করিল

জগমোহন। ওরে শোন !

ভৃত্য পুনরায় প্রবেশ করিল

আমাদের সেই মালের নৌকোটার সঙ্গে যদি দেখা হয়, ব'লে দিস তাড়াতাড়ি আসে যেন।

ভৃত্য। যে আজ্ঞে হজুর।

চলিয়া গেল

জগমোহন। যাক্—এসে তো পড়া গেল। ওপারের জমিদারবাবুদের খবর পাঠিয়েছিলাম, তাঁরাও ঘরটা সাফ-সুতরো করিয়ে রেখেছেন দেখছি। বাপরে বাপ—রাস্তা

কি সহজ, স্টেশন চার ক্রোশ থেকে বারো ক্রোশ—গরুর গাড়ি, তারপর নৌকো—ওকি তুরু কুঁচকে আছ কেন ? এর মধ্যেই ঘাবড়াচ্ছ ! তখনি বলেছিলাম তোমার দ্বারা এসব হবে না।

বরদা। ঘাবড়াই নি। আমি আশ্চর্য্য হচ্ছি তোমার বুদ্ধি দেখে।

জগমোহন। কি রকম ?

বরদা। এত জিনিস থাকতে তুমি কেবল মুগুর দুটো নিয়ে এলে। ফলের বাস্কেট পড়ে রইলো ওই নৌকোটাতে, মুগুর নিয়ে কি করব এখন !

জগমোহন। ব্যস্ত হও কেন ! ও নৌকোটাও এসে পড়ল বলে। পান্নির মাঝিটাকে তো বলেও দিলুম শুনলে, যদি দেখা পায় তাড়াতাড়ি পাঠিয়ে দিতে। আসবেও তারা তাড়াতাড়ি। আগাম ভাড়া দিয়ে দিয়েছি। থিদে পেয়েছে না কি ?

বরদা। খুব বেশী নয়, একটু একটু।

জগমোহন হাসিলেন

জগমোহন। তোমার পাল্লায় পড়ে এলাম তো। আসল ব্যাপারটা এইবার খুলে বল দিকি। এমন ভাবে পালিয়ে আসার অর্থটি কি—

বরদা। অর্থ আবার কি, অর্থ তো আগে বলেইছি।

জগমোহন। আমি কিন্তু শুনতে চাইছি নির্গলিতার্থ। মানে—

বরদা। মানে টানে কিছু নেই—মামুন্দের ওপর ঘেমা জন্মে গেছে আমার। এই রকম স্থানই আমার পক্ষে ঠিক স্থান। এ বয়সে শান্তিতে থাকতে হ'লে বানপ্রস্থ নেওয়া ছাড়া গতি নেই।

জগমোহন। এ সব তো প্রাচীন কথা। হঠাৎ এ্যাদিন পরে তোমার এ খেয়াল হ'ল কেন ?

বরদা। ( উদ্দীপ্ত কণ্ঠে ) খেয়াল ! কিছুমাত্র আত্ম-

সম্মান জ্ঞান থাকলে বুড়ো বয়সে সংসারে থাকা উচিত নয়। একটা বুড়ো সংসারের অলঙ্কার নয়, ভার। তার মানে মানে সরে যাওয়াই উচিত।

জগমোহন। (হাসিয়া) অর্থাৎ পরিবারের সঙ্গে ঝগড়া হয়েছে?

বরদা। পরিবারের সঙ্গে আবার সদ্ভাব থাকে কার কোন্ দিন! তুমি ব্যাচিলার মাতৃষ, পরিবারের স্বাদ পাওনি কখনও, তাই ইডিয়টের মতো এ কথাটা বললে। কোন ভদ্রলোকের কখন কোন দিন কস্মিন্কালে পরিবারের সঙ্গে সদ্ভাব থাকে নি—থাকতে পারে না।

জগমোহন কিছু না বলিয়া হাসিলেন

শুধু পরিবারের সঙ্গে নয়, কারো সঙ্গে আমার সদ্ভাব নেই। এ যুগের কারো সঙ্গে আমার মেলে না।

জগমোহন। কারো সঙ্গে মেলে না! বল কি!

বরদা। মিলবে কি ক'রে! আমাদের পছন্দ বালা-পোষ, ওদের পছন্দ চেস্টারফিল্ড; আমাদের জামা গলা-বন্ধ, ওদের জামা গলা খোলা; আমরা মুগুর ভাঁজি, ওরা তাস ভাঁজে; আমরা কুস্তি করি পালোয়ানের সঙ্গে—ওরা ব্যাড মিন্টন্ খেলে নেয়েদের সঙ্গে। আমরা দামী গড়গড়ায় তাওয়া দিয়ে অম্বুরি তামাক খাই, ওরা ফোঁকে সিগারেট। ওদের সঙ্গে আমাদের মিলতে পারে না—পারে না—পারে না।

প্রত্যেক 'পারে না'র সহিত তিনি প্রসারিত বাম করতলে মুষ্টিবদ্ধ দক্ষিণ করতল দিয়া আঘাত করিলেন

জগমোহন। তোমার গিম্নিটি তো সেকেলে, তাঁর সঙ্গে অন্তত তোমার ভাব থাকা উচিত ছিল।

বরদা। তুমি হ'লে আইবুড়ো কার্তিক, তুমি গিম্নি-ফিম্নির কিছু বোঝ কি! ওরা হ'ল ঝড়ের আগে এঁটো পাতের জাত। যেদিকে হাওয়া বয়, সেইদিকেই চলে।

জগমোহন। তার মানে?

বরদা। তার মানে—নির্বিচারে প্রবলের পক্ষ নেয়। আমার এখন বয়স গেছে, উপার্জন করি না; সুতরাং গিম্নি এখন ছেলেদের দলে যোগ দিয়েছে। ভাবছে—ও বুড়োটার আর কি পদার্থ আছে—ওটাকে তো আমসি-চোষা ক'রে শেষ ক'রে এনেছি। (সহসা উদীপ্ত কণ্ঠে) তা না ভাবলে—

সহসা আবার খামিয়া গেলেন

জগমোহন। তা না ভাবলে?

বরদা। তা না ভাবলে কখনও আমার কথার ওপর কথা ক'ইতে আসে। অমন সুনন্দরী সদংশের মেয়ে পছন্দ করলাম, তা কারুর মনে ধরল না। নানান্ বায়নাঙ্কা। দুর্গার নাম ছেলের পছন্দ নয়, মেয়ে গান গাইতে জানে না। আরে মোলো, গান শুনতে চাস তো ভাল, একটা বাদ্জী ডেকে গান শোন্ না। শুনে তৃপ্তি পাবি। তারা কুটির জন্তে গান শিখেছে—হার্মোনিয়াম প্যা-পৌ ক'রে আকামি করবার জন্তে নয়। তা ছাড়া, বউ গান গাইবে কখন বল তো হ্যাঁ—এসেই তো চুকবে রান্নাঘরে, তারপর আঁতুড়ে। সারাটা জীবন রান্নাঘর-আঁতুড়ঘর করতে হবে যাকে, সে গান গাইবে কখন!

জগমোহন। তোমার বড় ছেলের বিয়ের কথা বলছ? কোথায় ঠিক হ'ল?

বরদা। কে জানে! কোন এক ধূসরা বলে মেয়ের সঙ্গে।

জগমোহন। ধূসরা!

বরদা। হ্যাঁ ধূসরা। ধূসরা ফোয়ারা জর্জেট মর্জিনা—যার সঙ্গে খুশি ছেলের বিয়ে দিক—আমি ওসবের মধ্যে নেই। আমি জীবনের বাকী দিন ক'টা শান্তিতে কাটিয়ে দিতে চাই, বাস্ এবং এই রকম নির্জন স্থানই আমার পছন্দ।

পদচারণ করিয়া জানলার নিকট গিয়া বাহিরের দিকে দৃষ্টি নিক্ষেপ করিলেন। জগমোহন স্নিতমুখে বরদার দিকে তাকাইয়া রহিলেন। বরদা সহসা ঘুরিয়া প্রস্থ করিলেন

দুধ পাওয়া যাবে এখানে?

জগমোহন। এখানে কিছু পাওয়া যায় না; তবে এখানে যদি থাকে, ওপারের গোয়ালাদের কাছ থেকে দুধের ব্যবস্থা হতে পারে।

বরদা। খেয়া নৌকো নেই বলছ, তারা পার হবে কি করে?

জগমোহন। তারা মোষের পিঠে চড়ে পার হয় সাধারণত।

বরদা। ও।

পুনরায় জানলার দিকে ফিরিলেন

জগমোহন। বাড়িতে কি ব'লে এসেছ?

বরদা। জমিদারী দেখতে বেরুচ্ছি। এক তুমি ছাড়া আর কেউ জানে না আমি কোথায় এসেছি।

জগমোহন। থাকতে পারবে তো, দেখ—

বরদা। না থাকতে পারার কি হেতু আছে? তুমি যদি পারো, আমি পারবো না কেন?

জগমোহন। আমার কথা ছেড়ে দাও, অনেক ঘাটের জল খাওয়া অভ্যেস আছে আমার। চিরটা কাল ডিষ্ট্রিক্ট বোর্ডের ওভারশিয়ারি ক'রে কাটিয়েছি, তাছাড়া আমার তিন কুলে কেউ নেইও যে বুক চাপড়ে কাঁদবে। তোমারি নানান্ বখেড়া—

বরদা। বখেড়া কি রকম?

জগমোহন। (হাসিয়া) বখেড়া বই কি! তোমার ঢালা ফরাস চাই, তাকিয়া চাই, বই চাই, ঘন ঘন খাবার চাই, তামাক চাই, মুগুর চাই—মুগুর না ভাঁজলে খিদেই হয় না। তোমার মতো লোকের এসব জায়গায় থাকা শক্ত বই কি।

বরদা। কিছু শক্ত নয়। তাছাড়া ফরাস, তাকিয়া, বই, খাবার সবই তো আসচে। নোকোটা কতক্ষণে এসে পৌছবে বল তো! তুমি নিয়ে এলে মুগুর দুটো—ফলের বাস্কেটটা ফেলে। আশ্চর্য্য বুদ্ধি তোমার!

জগমোহন। মুগুর দুটো হাতে ছিল, নিয়ে এলাম। আমাদের ঐ ছোট পানসিতে কি তোমার ওই বিরাট বড় বড় দুটো ফলের বাস্কেট আঁটতো? ও দুটোকে বাস্কেট বল কি হিসেবে, দুটো তো প্রকাণ্ড বড় বড় প্যাকিং কেস। কি ফল এনেছ এত?

বরদা। সমস্ত ড্রাই ফ্রুট্‌স্। দু'জনের স্বচ্ছন্দে মাস-খানেক চলে যাবে। তার পর ঠিক করেছি, কলকাতা থেকে রেগুলার বাস্কেট আনাব। নিজেদের একটা নোকাও রাখতে হবে, বুঝলে? চমৎকার নির্জজন জায়গাটি—

সহসা শূন্যে করতালি দিয়া

বেশ মশা আছে দেখছি এখানে।

জগমোহন। মশা তো হবেই, বুনো জায়গা।

বরদা। তুমি নিধেটাকেও ওই নোকোটাতে রেখে এলে। সে থাকলে তবু—

জগমোহন। বাঃ—অত খাবারটাবার, কাপড়চোপড়,

হোল্ড অল্, স্যুট কেস, ট্রাঙ্ক, স্যাটাচি—সব ওই অচেনা মাঝি বাটাঁদের হাতে ছেড়ে দিয়ে আসব! নিধে পুরোনো চাকর, সব সামলে-সুমলে আনতে পারবে।

বরদা। [সঙ্কোভে] তুমি যদি মুগুর দুটো না এনে তামাকের সরঞ্জামটা আর মহাভারতটা আনতে, তা হলে আরাম ক'রে ব'সে একটু পড়া যেত।

জগমোহন। সব এসে পড়বে একুণি, ঘাবড়াচ্ছে কেন? তুমি বস না।

বরদা। শতরঞ্জির উপর দু'জনে মুখোমুখি হয়ে বসে থাকব! তার চেয়ে চল বাইরে একটু ঘুরে বেড়ানো যাক।

জগমোহন। বাইরে স্নেফ শেয়াল কাঁটা আর কটিকারির বন ছাড়া আর কিছুর নেই। এইখানেই বস—

বরদা। এই জঙ্গলে সায়েবগুলো কেমন বাংলোটা বানিয়েছে দেখেছ!

ঘুরিয়া ফিরিয়া দেখিতে লাগিলেন

জগমোহন। আগে যে এখানে নীল চাষ হ'ত।

বরদা। [আর একটি দরজায় উকি দিয়া] এদিকেও আর একটা ছোট রুম রয়েছে হে।

জগমোহন। এ বাড়িটাতে অনেকগুলো রুম। পূবদিকে একটা চমৎকার বারান্দাও আছে।

বরদা। [সহসা জানালার দিকে চাহিয়া] ওহে, দেখ দেখ, আর একখানা কাদের নোকো যেন ভিড়েছে এসে। কে একজন যেন নেবে আসছেও—বেশ হনহন ক'রে আসছে। ভটচাখি-ভটচাখি চেহারা।

জগমোহন। এই পোড়ো বাংলোটার লোভে অনেকে পিকনিক করতে আসে এখানে। শিকারও মেলে শীতকালে—

বরদা। তুমি ওপারের জমিদারবাবুদের ব'লে সব ঠিক ক'রে ফেলেছ তো?

জগমোহন। সমস্ত—মায় ভাড়া পর্য্যন্ত।

বরদা। ভদ্রলোক আমাকে দেখতে পেয়েছেন, এই-দিকেই ঘুরলেন।

জগমোহন। বেশ তো, আসুন না, গল্প ক'রে সময় কাটবে।

বরদা। উঃ, কি ভয়ানক মশা হে—

চটাং করিয়া মারিলেন

( নেপথ্যে ) আসতে পারি ?

বরদা। [ আগাইয়া গেলেন ] আসুন, আসুন—  
নমস্কার !

শিরোমণি মহাশয় প্রবেশ করিলেন

আপনারা বুঝি বেড়াতে এসেছেন ?

শিরোমণি। ওনারা হয়তো বেড়াতে এসেছেন, আমি এসেছি অদৃষ্টের ফেরে। পূর্বজন্মার্জিত কোন পাপের ফলেই সম্ভবত দূষিত সংসর্গ করতে হচ্ছে, তা না হ'লে আমি অম্বিকা শিরোমণি স্বেচ্ছায় এদের সঙ্গে বেড়াতে আসি না।

জগমোহন। আসুন আসুন, বসুন !

বরদা। ভালই হয়েছে, কথা কয়ে বাঁচা যাবে, বসুন।

জগমোহন। [ হাসিয়া ] তুমি এইমাত্র মহাভারতের খোঁজ করছিলে স্বয়ং শিরোমণি মশায় এসে হাজির হয়ে গেছেন। কত শাস্ত্রচর্চা করবে কর এখন বসে বসে।

বরদা। যা বয়স হ'ল এখন শাস্ত্রচর্চাই করতে হবে ভাই। তা ছাড়া, শাস্ত্রচর্চা আমার ভালও লাগে খুব। শিরোমণি মশায় চটে আছেন বলে মনে হচ্ছে—বসুন।

সকলে উপবেশন করিলেন

শিরোমণি। চটব কার ওপরে বসুন, নিজের অদৃষ্টের ওপরে ? তবে ক্ষুর হতে তো বাধা নেই। ক্ষুর হয়েছিও।

বরদা। ঠিকই বলেছেন, অদৃষ্ট ছাড়া পথ নেই।

শিরোমণি। যথার্থ কথা, কিন্তু পুরুষকার বলেও একটা জিনিস আছে। কঠোপনিষদ বলেছেন—

অন্তচ্ছে যোহন্তুতৈব প্রেয়-

স্তে উভে নানার্থে পুরুষং সিনীতঃ

তয়োঃ প্রেয় আদাদানশ্চ সাধু

ভবতি হীয়ুতেহর্থাৎ য উ প্রেয়ো বৃণীতে ॥ ৩০।১॥

জগমোহন। আপনারা ততক্ষণ শাস্ত্রালাপ করুন, আমি বাইরে থেকে ঘুরে আসি একটু। দেখি আমাদের নৌকাটা আসছে কি-না।

শিরোমণি। কিসের নৌকা ?

বরদা। আমাদের জিনিসপত্র যে নৌকাটায় আছে

সেটা এখনও এসে পৌঁছয়নি। হ্যাঁ, তুমি একটু খোঁজ নাও গিয়ে—

জগমোহন বাহির হইয়া গেলেন

আপনি যে শ্লোকটি বললেন তার অর্থ কি ?

শিরোমণি। তার অর্থ হচ্ছে গিয়ে—প্রেয় আর প্রেয় পরস্পর বিভিন্ন জিনিস এবং দু-ই জীবকে বিভিন্নরূপে আবদ্ধ করে। যিনি প্রেয়কে গ্রহণ করেন তাঁর মঙ্গল হয়, আর যিনি প্রেয়কে ছেড়ে প্রেয়তে অর্থাৎ স্মৃৎকরকে বরণ করলেন তিনিই মলেন, পরমার্থ থেকে বিচ্যুত হলেন।

ট্যাক হইতে নশুদানি বাহির করিয়া নশু লইলেন

আমি এখন প্রেয়-বিলাসী পরমার্থ-বিচ্যুত এক ছোকরার কবলে কবলিত। দুরদৃষ্ট আর কি।

বরদা। তাই না কি ! মান ?

শিরোমণি। মানে, বিপথগামী এক শিষ্যের পাল্লায় পড়েছি এবং সে বিপথগামী বলেই তাকে ছেড়ে যেতে পারছি না। কারণ স্বয়ং ভগবান গীতায় বলছেন—

যদা যদাহি ধর্মশ্চ মানির্ভবতি ভারত

অভ্যুত্থানমধর্মশ্চ তদাত্মানং সৃজাম্যহম্।

পরিভ্রাণায় সাধুনাং বিনাশায় চ দুষ্কৃতাম

ধর্ম সংস্থাপনার্থায় সম্ভবামি যুগে যুগে। ৪।৮।

ধর্মের পুনঃ স্থাপনের জন্তুই ধার্মিককে অধার্মিকের সঙ্গ করতে হয়, উপায় নেই। তা ছাড়া বেতনও দেয়, স্মৃতরাং অধিকতর নিরুপায় !

বরদা। ( উচ্ছ্বসিত ) আপনার সঙ্গে আলাপ হয়ে ভারি আনন্দিত হলাম। চমৎকার ! সময়টা ভাল ভাবেই কাটবে মনে হচ্ছে। আপনার সেই বিপথগামী শিষ্যটি কোথায় ?

শিরোমণি। ওই যে নৌকাবিহার করছেন তিনি। আমার আর বরদাস্ত হ'ল না, নৌকা থেকে নেমে পড়লাম আমি। ছোকরার এদিকে সংস্কৃতের দিকে ঝাঁক আছে, সংস্কৃত চর্চার জন্তু আমাকে বেতন দিয়ে রেখেছে—কিন্তু হ'লে কি হবে—অবিচার্যামস্তরে বর্তমানাঃ। ওই অবিচার্যেই সব মাটি করেছে।

বরদা। যা বলেছেন। এ যুগটাই অবিচার্য যুগ। যে ভারতে একদিন—

জগমোহন করিয়া আসিলেন

কি হ'ল হে, নৌকার কোন পাতা পেলো ?

জগমোহন। কই, কিছু তো দেখতে পেলাম না। একটু পরেই এসে পড়বে। শিরোমণি মশায়ের সঙ্গে তত্ত্বগণ শাস্ত্রালাপ করা যাক—

শিরোমণি। আমি শাস্ত্রের কতটুকুই বা জানি! তা ছাড়া, শাস্ত্র—যার অর্থ হচ্ছে প্রাচীন অমুশাসন—যা দেবগণ ঋষিগণ বেদ-তন্ত্র-স্মৃতি-পুরাণাদিতে লিপিবদ্ধ করে গেছেন সে শাস্ত্র আজকাল কে জানছে বলুন। শাস্ত্রচর্চা আজকাল একটা অবাস্তব ব্যাপার। এই ধরুন না, যে জমিদারপুত্রটির সঙ্গে আমি এসেছি সে কি মনুসংহিতোক্ত রাজার ধর্ম পালন করে?

বকবচ্চিষ্টয়েদর্ধান্ সিংহবচ্চ পরাক্রমেৎ

বৃকবচ্চানুলম্পেত শশবচ্চ বিনিম্পতেৎ।

ও বকও নয়, সিংহও নয়, বৃকও নয়, শশও নয়—ও একটা ছাগল।

বরদা। (সমঝদারের মত ভঙ্গী করিয়া) ঠিক বলেছেন, আজকাল ব্যাপারই ওই রকম।

জগমোহন। (হাসিয়া) না, সেকথা বললে শুনব কেন! ধর্মশাস্ত্রের প্রভাব এখনও কিছু কিছু আছে বই কি। প্রত্যক্ষ প্রমাণ তো আপনার সামনেই বর্তমান; ইনি সংসারে বীতরাগ হয়ে বানপ্রস্থ অবলম্বন করে এখানে এসেছেন।

বরদা। তুমি থামো দিকি।

জগমোহন। থামবো কি রকম, যা সত্যি—

শিরোমণি। বানপ্রস্থ! তাই নাকি, এ যুগের পক্ষে বিশ্বয়কর বটে। বানপ্রস্থ ক'রকম তা জানেন?

বরদা। কিছুই জানি না। (হাসিলেন)

জগমোহন। শিরোমণি মশায় নিশ্চয় সব জানেন। বানপ্রস্থের বিষয় আপনি বলুন তো একটু শিরোমণি মশায়। কিঞ্চিৎ জ্ঞান লাভ করা যাক।

বরদা। (সাগ্রহে) আজ্ঞে হ্যাঁ বলুন তো।

শিরোমণি। ব্রহ্মচর্য্য, গার্হস্থ্য, বানপ্রস্থ, ভৈক্ষ্য—শাস্ত্রোক্ত এই চতুর্বিধ আশ্রম। মহানির্বাণতন্ত্র কিন্তু বলছেন কলিযুগে গার্হস্থ্য ও ভৈক্ষ্য ভিন্ন অন্য কোন আশ্রমই নেই। ও বিষয়ে কিন্তু মতভেদ আছে, ব্যাসদেব বলেন—

যুক্ সে সব—এখন বানপ্রস্থের কথা শুনুন।

নস্ত নইলেন

বানপ্রস্থ হচ্ছে তৃতীয় আশ্রম। অদ্রোহে বা অন্নদ্রোহে জীবিকা নির্বাহ করে অর্থাৎ শাস্ত্রীয় বিধি অনুযায়ী দার-পরিগ্রহ অপত্যোৎপাদনাদি সমাধানান্তে বনবাসগমন পূর্বক অকৃষ্ট পচা ফলাদি ভক্ষণ করে যে ঈশ্বরারাধনা তাকেই বলে বানপ্রস্থ। বানপ্রস্থ দ্বিবিধ—

বরদা। (মুগ্ধ) আপনার জ্ঞানের গভীরতা দেখে সত্যিই আশ্চর্য্য হয়ে যাচ্ছি ক্রমশ। আপনারাই হলেন ভারতের গৌরব।

জগমোহন। (সোৎসাহে) সে কথা আর বলতে!

বরদা। বলুন বলুন শুনি।

শিরোমণি। বানপ্রস্থ দ্বিবিধ—অশ্মকুট্টা ও দন্তদুখলিক।

বরদা। সে আবার কি! দন্তদুখলিক!

শিরোমণি। যারা পক্ষান্তে বা মাসান্তে ভোজন করে তাদেরই দন্তদুখলিক বলে।

বরদা। বানপ্রস্থে খেতেও মানা না কি?

জগমোহন। (অপাঙ্গে বরদার পানে চাহিয়া) তবেই সেরেছে!

শিরোমণি। না, না, খেতে মানা নেই, তবে আহার বিষয়ে সংযত হবার নানা বিধান আছে। ফালকৃষ্ট আহাৰ্য্যই নিষিদ্ধ। অন্ত্যাত্ম বিধানও আছে, তার মধ্যে তিনবার স্নান করা, জটাবঙ্কল ধারণ করা, প্রতিগ্রহনিকৃত হওয়া, স্বাধ্যায়বান হওয়া, দান্ত আশ্রয়বান হওয়া—এইগুলোই প্রধান।

বরদা। এ সব করবার মানে?

জগমোহন। ভীষণ আইন-কানুন দেখছি!

শিরোমণি। ভোগলিপ্সাকে নিষ্পিষ্ট করে অবলুপ্ত করতে পারাই বানপ্রস্থের উদ্দেশ্য। গার্হস্থ্যাত্মে প্রবেশ করবার পূর্বে যেমন ব্রহ্মচর্য্যাত্মে শরীর-মনকে প্রস্তুত করে নিতে হয়, তেমনি ভৈক্ষ্য আশ্রমে প্রবেশ করবার জন্তে বানপ্রস্থে সমস্ত বাসনাকে নিষিদ্ধ করে ফেলতে হয়। সেইজন্তে গ্রীষ্মকালে পঞ্চাশ্মির মধ্যে, বর্ষাকালে ভূতলশায়ী হয়ে এবং হেমন্তকালে আর্দ্রবস্ত্রধারী হয়ে থাকার নিয়ম আছে। আসল কথা কি জানেন?

বরদা বিজ্ঞাস্ত হইয়া পড়িয়াছিলেন, শেবোক্ত বাক্যে উৎক্লম

হইয়া উঠিলেন

বরদা। আজ্ঞে হ্যাঁ, আসল কথাটাই বলুন সহজ করে।

শিরোমণি। আসল কথা উপনিষদে পাবেন। ছান্দোগ্যে আছে—শ্রদ্ধা নিষ্ঠাসাপেক্ষ, নিষ্ঠা কর্মসাপেক্ষ এবং কর্ম সুখসাপেক্ষ—

নশ্রু লইলেন

বরদা। একটা ভারি অভাব বোধ করছি, জগমোহন!

জগমোহন। কিসের?

বরদা। তামাকের। তুমি খালি মৃগুর দুটো নিয়ে এলে—

জগমোহন। নৌকো এই এসে পড়ল বলে, একটু ধৈর্য ধর না।

বরদা। তুমি আর একবার বেরিয়ে দেখ না হয়।

জগমোহন। হ্যাঁ যাই। পণ্ডিত মশায়ের কথাটা শেষ হয়ে যাক। এমন উপদেশাত্মক ভাল কথা তো চট করে শোনা যায় না।

বরদা। হ্যাঁ হ্যাঁ বলুন বলুন—ছান্দোগ্যে—

শিরোমণি। ছান্দোগ্য বলছেন, শ্রদ্ধা নিষ্ঠাসাপেক্ষ, নিষ্ঠা কর্মসাপেক্ষ, কর্ম সুখসাপেক্ষ। এখন প্রশ্ন হচ্ছে, সুখ কি?

জগমোহন। ঠিক কথা, ওই সুখের খোঁজেই তো এখানে আসা।

বরদা। ওইটেই তো আসল প্রশ্ন।

শিরোমণি। তার আসল উত্তরও ওই ছান্দোগ্যেই পাবেন। যো বৈ ভূমা তং সুখং, নাগ্নে সুখমস্তি, ভূমৈব সুখং, ভূমাত্বেব বিজিজ্ঞাসিতব্য। ভূমাই চরম সুখ। এখন ভূমা হচ্ছে—

বরদা। (সহসা অপ্রাসঙ্গিকভাবে) মাঝি বাটারা আবার এ নীলকুঠি চিনতে পারবে তো হে?

জগমোহন। তা পারবে।

বরদা। তুমি আর একবার দেখ। খিদে পাচ্ছে আমার।

জগমোহন। দেখছি, দেখছি। খাম না, শিরোমণি মশায়ের কথাটা শেষ হতে দাও না। বলুন শিরোমণি মশায়, ভূমা হচ্ছে—

বরদা। হ্যাঁ বলুন, বলুন।

শিরোমণি। ভূমা হচ্ছে সেই জিনিস, যা লাভ করলে অন্ত কোন বস্তু দেখা যায় না, শোনা যায় না, জানা যায়

না। যত্র নাত্মং পশ্যতি, নাত্মচ্ছৃণোতি, নাত্মং বিজানাতি—স ভূমা। যা অল্প, যা সীমাবদ্ধ তাই মরণশীল, তাই দুঃখজনক। অর্থাৎ সমস্ত বাসনা-কামনা-বর্জিত না হলে ভূমা লাভ হয় না। বৃহদারণ্যকে যাকে বলেছে এষণা—সেই এষণামুক্ত হতে হবে।

বরদা চটায় করিয়া একটা মশা মারিলেন

বরদা। ঠিক বলেছেন, মায়াই হল আসল বখেড়া। ওইতেই তো ডুবেছি আমরা।

(নেপথ্যে) শিরোমণি মশায় আছেন না কি?

শিরোমণি। আমার শিষ্যপ্রবর এসে হাজির হয়েছেন। এসো হে রঙ্গলাল—ভিতরে এসো।

রঙ্গলাল আসিয়া ভিতরে প্রবেশ করিলেন। চোখে প্যাশনে, পরিধানে সিন্ধের পাঞ্জাবী, হাতে জলস্ত সিগারেট। মুখে মুহু হাসি,

চক্ষু বুদ্ধিদীপ্ত। সপ্রতিভ সুদর্শন ব্যক্তি।

বয়স আন্দাজ চল্লিশ হইবে

বরদা। আস্থন, আস্থন, নমস্কার।

জগমোহন। (হাসিয়া) আপনার শিরোমণি মশায়ের সঙ্গে শাস্ত্রালোচনা করছিলাম। আস্থন, বস্থন।

রঙ্গলাল প্রতিনমস্কার করিয়া হস্তদীপ্তকে সকলের মুখপানে

একবার চাহিয়া দেখিলেন। তাহার পর সিগারেটটায়

শেষ টান দিয়া সেটা জানালা দিয়া ছুঁড়িয়া

বাহিরে ফেলিয়া দিলেন

রঙ্গলাল। এই রবিম্বন ক্রুশো-মার্কা দীপে যে শিরোমণি মশায় শাস্ত্রালাপ করবার মতো লোক আবিষ্কার করতে পারবেন তা আমি ধারণাই করতে পারি নি! আশ্চর্য ব্যাপার! ঠিক পেয়ে গেছেন তো!

জগমোহন। আপনাদের পেয়ে বেঁচে গেছি আমরা। বস্থন।

রঙ্গলাল। (উপবেশনান্তে) শিরোমণি মশায়, থেমে গেলেন কেন—কি আলাপ করছিলেন করুন, আমিও একটু শুনি।

বরদা। ভূমা সম্বন্ধে বলছিলেন উনি।

রঙ্গলাল। আহা, ভূমা কথাটা বড় ভাল, চুমার সঙ্গে প্রথম শ্রেণীর মিল হয়!

বরদা হো হো করিয়া হাসিয়া উঠিলেন

শিরোমণি । এসেই ফাজলামি শুরু করলে তো বাবা !  
রঙ্গলাল । আমি আর একটি কথাও বলব না, আপনি  
যা বলছিলেন বলুন ।

বরদা । আমার দিকে অমন ক'রে চেয়ে আছেন যে  
রঙ্গলালবাবু ?

রঙ্গলাল । আপনার শরীর দেখছি । বাঃ, এই বয়সেও  
তো চমৎকার শরীর রেখেছেন । ফাইন্ !

বরদা । কুস্তি-লড়া শরীর, এখনও মুগুর ভাঁজি ।

রঙ্গলাল । ও তাই ।

জগমোহন । শিরোমণি মশায়, থেমে গেলেন যে ?

রঙ্গলাল । কি বলছিলেন বলুন না শুনি ।

বরদা । হ্যাঁ হ্যাঁ বলুন বলুন ।

শিরোমণি নস্ত লইলেন

শিরোমণি । বলছিলাম, বৃহদারণ্যকের উপদেশ হচ্ছে—  
এষণামুক্ত হতে হবে । পুত্রেষণা, বিত্তেষণা, লোকেষণা—  
সর্বপ্রকার এষণামুক্ত হয়ে পরমাত্মার স্বরূপ উপলব্ধি করলেই  
পরমানন্দে লীন হবার আশা করা যায় । তৎপূর্বে নয় ।

রঙ্গলাল । মাপ করুন শিরোমণি মশায়, আমি কিন্তু  
পরমানন্দ লাভ করতে চাই অন্য উপায়ে ।

বৈরাগ্য সাধনে মুক্তি সে আমার নয়  
অসংখ্য বন্ধন মাঝে মহানন্দময়  
লভিব মুক্তির স্বাদ ।

শিরোমণি । বন্ধন নিয়ে মুক্তির স্বাদ মেলে না বাবা,  
কবিতাতেই ও সব শুনতে ভাল । মুক্তি পেতে হলে রীতিমত  
সাধনা করতে হয়, নিরাসক্ত হয়ে পূজা করতে হয় ।

রঙ্গলাল । রবীন্দ্রনাথ কিন্তু বলছেন—

প্রতিদিন নদীশ্রোতে পুষ্পপত্র করি অর্ঘ্যদান  
পূজারীর পূজা অবসান ।  
আমিও তেমনি যত্নে মোর ডালি ভরি  
গানের অঞ্জলি দান করি  
প্রাণের জাহ্নবী জল-ধারে  
পূজি আমি তারে ।  
বিগলিত প্রেমের আনন্দ বারি সে যে  
এসেছে বৈকুণ্ঠধাম তোজে ।

বরদা । ( উচ্ছ্বসিত ) বাঃ, আপনিও তো গুণী লোক

মশায় ! ( তাহার পর সহসা ) জগমোহন, নৌকোর গতিক  
কিন্তু খারাপ মনে হচ্ছে ।

জগমোহন । আরে ব্যস্ত হও কেন, এখনি এসে  
পড়বে নৌকো ।

রঙ্গলাল । নৌকোর কথা শুনলেই আমার রবীন্দ্রনাথের  
দিন শেষে কবিতাটা মনে পড়ে—

দিন শেষ হয়ে এল আধারিল ধরণী

আর বেয়ে কাজ নাই তরণী ।

“হীগো এ কাদের দেশে বিদেশী নামিহু এসে,”

তাহারে শুধানু হেসে বেমনি—

অমনি কথা না বলি ভরা ঘট ছলছলি

নতমুখে গেল চলি তরণী

এ ঘাটে বাধিব মোর তরণী ।

নামিছে নীরব ছায়া ঘন বন শয়নে

এদেশ লেগেছে ভাল নয়নে—

সহসা থামিয়া গেলেন

না, এটা ঠিক হচ্ছে না । আপনাদের মুক্তি-টুকু নিয়ে  
সদালোচনা হচ্ছিল, আপনার এ রকম ভাবে বাধা দেওয়াটা—

বরদা । না না বন্ধন আপনি, চমৎকার লাগছে ।

রঙ্গলাল । ( হাসিয়া ) আমিও মুক্তিকামী লোক,  
শিরোমণি মশায়ও তাই । আমাদের দুজনের পথ খালি  
বিচ্ছিন্ন ।

শিরোমণি । দেখ রঙ্গলাল, ইতিপূর্বে তোমাকে পুনঃপুনঃ  
বলেছি, এখন আবার বলছি এবং যতদিন বাঁচব বলব—মুক্তি  
নিয়ে কবিত্ব করা এক জিনিষ এবং সত্যি সত্যি মুক্তি  
পাওয়া আর এক জিনিষ । কহোল-যাজ্ঞবল্ক্য সংবাদের  
যা বাণী—

রঙ্গলাল । মাপ করুন শিরোমণি মশায়, কহোল  
যাজ্ঞবল্ক্য সংবাদের বাণী বছবার শুনেছি আপনার মুখ থেকে,  
কিন্তু কবির বাণীও কি তার চেয়ে কোন অংশে কম ?

আবৃত্তি শুরু করিলেন

যেদিন আমার গান মিলে যাবে তোমার গানের

স্বরের সঙ্গীতে

মুক্তির সঙ্গম-তীর্থ পাবো আমি আমারি প্রাণের

আপন সঙ্গীতে

সেদিন বুঝিব মনে, নাই নাই বন্ধন বন্ধন



শূন্যে শূন্যে রূপ ধরে তোমারি এ বীণার স্পন্দন  
নেমে যাবে সব বোঝা, থেমে যাবে সকল ক্রন্দন  
ছন্দে তালে ভুলিব আপনা

বিশ্বগীত পদ্যদলে স্তব্ধ হবে অশান্ত ভাবনা ।

আপনি কি বলতে চান, রবাল্পনাথের এ কবিতায় মুক্তির  
বার্তা নেই ?

শিরোমণি । বার্তা থাকতে পারে, কিন্তু কেবল বার্তা  
পেলেই মুক্তি পাওয়া যায় না । প্রাচীন ঋষিগণ মুক্তিত্বের  
জন্মে যে সব বিধি-বিধান বেঁধে দিয়েছেন তা বর্ণে বর্ণে  
প্রতিপালন করতে হবে । প্রাচীন বিধানের প্রতি এই যে  
তোমাদের অশ্রদ্ধা এটা মোটেই ঠিক নয় । তোমাদের সর্বত্র  
চিত্তশুদ্ধি করা দরকার । অন্ততঃ চিত্তে আত্মশাসন না  
করলে কখনও চিত্তশুদ্ধি হয় না এবং চিত্তশুদ্ধি না হলে—

রঙ্গলাল । আপনারা তা হলে চিত্তশুদ্ধি করতে থাকুন,  
আমি কেটে পড়ি ।

বরদা । (ব্যাকুল ভাবে) না, না, না—সে কি কথা, আপনি  
বসুন । আপনার আবৃত্তি শোনা যাক আরও দু-চারটে ।

জগমোহন । সত্যি চমৎকার আবৃত্তি করেন আপনি ।

রঙ্গলাল । শিরোমণি মশায় চটে যাবেন ।

বরদা । না না চটবেন কেন ?

শিরোমণি । ও যতই না কেন কবিতা আওড়াক,  
একথা মানতেই হবে যে, আসক্তি ত্যাগ না করলে ব্রহ্মলাভ  
হয় না এবং আসক্তি ত্যাগ করতে হলে তৃষ্ণা এবং আসঙ্গ  
ত্যাগ করা চাই । শ্রীভগবান গীতায় বলেছেন—

রজো রাগাঙ্কং বিদ্ধি তৃষ্ণাসঙ্গসমুত্তমম্

তন্নিবন্ধ্যতি কৌন্তেয় ! কৰ্মসঙ্গেন দেহিনম্ । ১৪।৭।

কর্মে আসক্তি জন্মে তৃষ্ণা এবং আনন্দ দ্বারা—এই তৃষ্ণা এবং  
আনন্দ ত্যাগ না করলে ভ্রমলাভ অসম্ভব । তৃষ্ণা এবং আসঙ্গ  
ত্যাগ করা সহজ নয় মানি, কিন্তু তার জন্মে অন্ততঃ হও ।

রঙ্গলাল । [স্মিতহাস্তে] আমার কি মনে পড়ছে জানেন ?

শিরোমণি । কি ?

রঙ্গলাল । রুবাইয়াৎ ।

আবৃত্তি শুরু করিলেন

Iram indeed is gone with all its Rose  
And Jamshyd's sev'n ringed cup where no one knows  
But still the Vine her ancient Ruby yields  
And still a garden by the water blows.

বরদা । চমৎকার, অনেক দিন পরে ফিট্জেরাল্ড বেশ

লাগলো—বাঃ ।

শিরোমণি । আমি ওসব ইংরিজি মিংরিজি বুঝি না,  
কিন্তু ছান্দোগ্যের সর্বত্র খন্ডিত ব্রহ্ম তজ্জালানিতি

বরদা । আপনি একটু চূপ করুন শিরোমণি মশাই,  
দোহাই আপনার । রঙ্গলালবাবু, আপনি আরও খানিকটা  
বলুন রুবাইয়াৎ থেকে । চমৎকার লাগছে ।

শিরোমণি কিছু না বলিয়া নশ্ত লইলেন । জগমোহন সন্মিতমুখে  
বরদার দিকে চাহিলেন, রঙ্গলালবাবু  
আবৃত্তি শুরু করিলেন

And david's lips are lock't, but in Divine  
High-piping Pehlvi with wine, 'wine, wine  
Red wine—the Nightingale cries to the Rose  
That yellow cheek of hers to incarnadine,  
Come, fill the cup, and in the Fire of Spring  
The winter garment of Repentance fling :  
The bird of time has but a little way  
To fly,—and lo, the bird is on the wing.  
Here with a Loaf of Bread beneath the Thou  
A flask of wine, a book of verse and there  
Beside me singing in the wilderness,  
And wilderness is Paradise enow.

বরদা । Excellent, চমৎকার । [সহসা] জগমোহন,  
তুমি কিন্তু ভাই দেখ একবার বেরিয়ে—

জগমোহন । যাচ্ছি যাচ্ছি, ব্যস্ত হও কেন ? শোন না  
রঙ্গলালবাবুর আবৃত্তি খানিকক্ষণ ।

বরদা । [রঙ্গলালবাবুর দিকে ফিরিয়া] সত্যি চমৎকার  
আপনার আবৃত্তি । শিরোমণি মশায়ের সংস্কৃতির অং  
বং-এর পর কর্ণে যেন একেবারে মধু বর্ষণ করলেন ।  
শিরোমণি মশায় রাগ করবেন না যেন—আমরা মানে—একটু  
ই'য়ে ধরনের, মানে—[হাসিলেন]

শিরোমণি । [সজোরে নস্তুর টিপ টানিয়া] রাগ  
করবার আর কি আছে এতে । ও ভাষা বুঝিও না, ওর  
রসও পাই না ।

রঙ্গলাল । ভাষা বোঝবার তো কিছু নেই, সুরটা কানে  
লাগলেই হল ! সুরটাই আসল, অমন যে ব্যাকরণের উপসর্গ,  
তাও সুর-সংযোগে উপভোগ্য হয়ে উঠেছে ।

প্রলরাপ সমন্বয় নিরতুরতি

ব্যধি স্তমতি নিপ পতি পর্ধাপরঃ

শিরোমণি । [উচ্চভাবে] আমি সব সুরই বুঝি, বুঝলে  
বাবা । টোলে কাব্য অলঙ্কার পড়তে হয়েছিল আমাকে ;  
কিন্তু তোমরা, আজকালকার ছেলেরা কেবল একটি সুরই  
বোঝ, আর সব বিষয়ে তোমরা অসুর ।

রঙ্গলাল কোন উত্তর না দিয়া সন্মিতমুখে চাহিয়া রহিলেন

( আগামীবারে সমাপ্য )

# তীরও তরঙ্গ

স্বর্ণকমল ভট্টাচার্য্য

বার

পরদিন সারাসকাল মন্দাকিনীর এতটুকু ফুরসৎ নাই। ছেলের বাস সাজাইয়াছেন, বিছানাপত্র বাঁধিয়া রাখিয়াছেন—লুচি, হালুয়া, আর পাতক্ষীর দিয়াছেন পথের খাবার; টিফিন-কারিয়ারে নারকেলের খাবারগুলি কলিকাতা গিয়া দুদিন রাখিয়া খাইবার মত; আমসত্ত্ব, চালতে-পিঠা, মুড়ির হাঁড়িতে রাখা শীতকালের নতুন খেজুর গুড়—এমন অনেক কিছুর গুটি তিনেক ছোট পোঁটলা।

বেলা যত বাড়ে, মন্দাকিনীর বৃকের মধ্যটা কেবলি হু-হু করিতে থাকে। আর ঘণ্টা চারেক—তার পর পুত্র আর এখানে নয়। আবার দেখা পাইবেন এক বৎসর পরে—বড়দিনের ছুটিতে আসিবে তাহার ভরসা কি! শেষকালে বাড়ী হইতে ছেলেকে তিনি তাড়াইয়া দিলেন নাকি? মন্দাকিনী কথাগুলি ভাবেন, আর মাঝে মাঝে আড়ালে গিয়া ধানিক নিঃশব্দে কাঁদিয়া লন—পরক্ষণেই এক হাতে চোখ মোঁছেন, আর এক হাতে কাজ সারিতে থাকেন।

পুত্র :কাল রাত্রে যে-কথাটা বলিয়াছে, সে কি তবে সত্য? মিথ্যা হইবার তো কথা নয়। চিঠি পর্যন্ত দেখাইয়াছে—নাকে পড়িয়া দেখিতেও দিয়াছে। প্রত্যক্ষ প্রমাণ।

প্রথমটায় মন্দাকিনী কিন্তু কথাটায় তেমন গুরুত্ব দেন নাই। এই কয়দিনের অবিরাম অভিযোগ ও অভিমানের সঘন বাষ্পবেদনার মধ্যে সহসা আর একটা উৎপাত পথ করিয়া লইতে পারে নাই। কিন্তু কাল সারা রাত আর আজ এই বেলা এগারটার মধ্যে—এই ঘণ্টা পনের বাইতে না বাইতেই অগ্নিমা ধীরে ধীরে আড়ালে সরিয়া পড়িতেছে এবং একটি অপরিচিত স্ববৃত্ত মেয়ের একপানি কল্লিত মুখ মন্দাকিনীর শঙ্কিত মন জুড়িয়া বসিতে চায়।

আর ঘণ্টা পাঁচেক!...

তারপর ছেলে তাঁর সতর্ক দৃষ্টির আড়ালে—তাঁর নাগালের বাহিরে—সুদূর কলিকাতায়। ছেলের যাত্রার সময় যতই আগাইয়া আসে, মন্দাকিনী ততই অজানা শঙ্কায় উত্তলা হইতে থাকেন। কাছে থাকিয়া যাহাকে লইয়া এই সাতটা দিন এত দুর্ভোগ ভুগিতে হইল, সেই

ছেলের কলিকাতার দিনগুলি কল্পনা করিতেও মন্দাকিনীর বুক টিপটিপ করে। শত হ'ক তবু তো ছেলে কাছেই। অগ্নিমাও তো বকুলতলারই মেয়ে। এ যে শত সহস্র যোজন দূরের, সব বাধানিষেধের বাহিরের, অজানা অদেখা অপরিচিতা একটি সহুরে মেয়ে। ...

মন্দাকিনী নিঃশব্দে কাঁদেন। রাগে না দুঃখে, ভয়ে না অভিমানে—কে জানে। এই এক সপ্তাহ অগ্নিমার সঙ্গে যুক্তিতে গিয়া শঙ্কায় কাঁপিয়াছেন, অভিমানে ফুলিয়াছেন, রাগে দুঃখে ফাটিয়া পড়িয়াছেন—করিয়াছেন ও দেখাইয়াছেন এমন অনেক কাণ্ড! কিন্তু কলিকাতায় তো মন্দাকিনী নাই! মন্দাকিনীর যত শক্তি, যত উপায়, যত কলাকৌশল শুধু এখানেই—এই বকুলতলায়—এই অগ্নিমার বেলায়!

মন্দাকিনীর বৃকের মধ্যে তোলপাড় শুরু হয়। চোখ বুজিয়া ভগবানের কাছে বার বার ব্যাকুল প্রার্থনা জানান।... ছেলের স্মৃতি হটুক। নিশ্চয় তাঁহার ছেলের মস্তিষ্ক বিকৃতি ঘটিয়াছে। নইলে অমন নিল্লজ্জের মত নিজের নায়ের কাছে কখনো বলিতে পারে—“আমি মেয়েটিকে ভালোবাসি। তার সঙ্গে এক স্টীমারে কলিকাতা যাচ্ছি।”... নিশ্চয় তাহার চরিত্র নষ্ট হইয়াছে। মিথ্যা বলিতে মুখে আটকায় না। পাপপুণ্যের বাছবিচার নাই! অগ্নিমার সঙ্গে এ কয়দিনের ব্যাপারটা তো প্রায় তাঁর চোখের উপর দিয়াই ঘটিয়া গেল। আর কত?.. কাল তারই চোখের উপর অগ্নিমা অমন শক্ত করিয়া তাঁরই ছেলের কোঁচার খুঁট ধরিয়া রাখিল বেহায়ার মত, তার পরেও ছেলের কথাতে তিনি বিশ্বাস করিবেন নাকি! কলিকাতায় না জানি সে আরো কত অনাসৃষ্টি করিয়া বসিয়াছে। কত নমিতা আছে তাহার ঠিক কি! কি নোংরা প্রবৃত্তি! পুত্র তাহার পাপের পথে পা বাড়াইয়াছে। শঙ্কিত জননী ভগবানের কাছে ছেলের কল্যাণ কামনা করেন বারবার।... পুত্রের মনের এই কুশ্রী ব্যাধি—সুস্থ হ'ক, স্বাভাবিক হক সে, মানুষের মত মানুষ হক—তাঁহার বাপ ঠাকুরদার নাম যেন ডোবায় না শেষকালে! হে ভগবান। ..

সুনীলের সারা সকাল কাটিয়াছে এ-বাড়ী ও-বাড়ী, এপাড়া ওপাড়া—সকলের সঙ্গে দেখা সাক্ষাৎ

সারিতে। যায় নাই শুধু অগ্নিমাদের বাড়ীতেই। অগ্নিমার চোখের জলকেই সে ভয় করে এখন। কাঁদবে সে, ভীষণ কাঁদবে। এ-কাল আগের ও-সব হালকা কাল নয়। এ ক্রন্দন অপমানের, চূড়ান্ত উপহাসের!

ঠাকুরদার সঙ্গে প্রয়োজনীয় সাংসারিক কথাবার্তা শেষ করিয়াছে। সুনীল যেন আসামী, আর ব্রজনাথ বিচারক—এমনি ভারাক্রান্ত ব্যবধান আজ। নীলুকে কাছে ডাকিয়া আদর করিতে গিয়া লজ্জিত হইয়াছে। বোনের মুখে-চোখে কেমন যেন সলজ্জ ভাব। তার দাদা যেন আর সে দাদা নাই—পর না হইলেও আর তেমন আপন নয় যেন। এমন কি, বাবলুও আগের মত গলা জড়াইয়া ধরিয়া দৌরাড্যা করে না। ডাকিতেই কাছে আসে—যেন না আসিলে নয় এমনি ভাব।

অন্ডায় কি! সে যে আজ সত্যই অপরিচিত—অপরিচিত ভাইয়ের কাছে, বোনের কাছে, নিজের মায়ের কাছে। অপরিচিত সে অগ্নিমার কাছেও। নহিলে মেয়েটা তাহাকে অতখানি বিশ্বাস করিয়া এমন ভুলও করে! বাদলদা কি চিরকাল একই বাদলদা থাকিবে নাকি। আজ যে তার অনশীকার্য বয়স, অবিশ্বাস্ত মন!...

বকুলতলা সত্যই তাহাকে ভাল করিয়া চিনে না আর। তার একটা দিক—তার সব চেয়ে বড় দিকটাই এখানে একেবারে অজ্ঞাত, অবজ্ঞাত! নিজের সংসারে আপন জনের কাছেও সে আজ অনেকখানি পর—বৎসরান্তে দিন কয়েকের এক বিদেশী অতিথি যেন। এক কালে পরিচয় ছিল, গনিষ্ঠতা ছিল—এই যা ভরসা, এই যা দাবি।

সে আজ বকুলতলার কতখানি? তার মধ্যে বকুলতলাই বা কতটুকু? বার মাস থাকে সে বিদেশে। তিন শ পয়ষট্টি দিনের তিন শ পঞ্চাশ দিনই কাটে তার কলিকাতায়—মহানগরীতে কাটে তার সকাল সন্ধ্যা, বর্ষা বসন্ত, প্রতি ধন্টা, প্রতিটি মুহূর্ত—সমগ্র অস্তিত্ব! জীবনের শেষ দিন পর্যন্ত ঐ কলিকাতা শুধু তার কন্দম্বলই নয়, জীবনের লীলাস্থল। মৃত্যুর পরেও তাহাকে দাহ করিতে পদ্মাপারে লইয়া আসিবে না কেহ—নিবে নিমতলায়, না হয় কেওড়া-তলায়। কলিকাতাই তাহার দেশ, বকুলতলা বিদেশ—এখানে দুদিন বেড়াইতে আসে, বেড়াইয়া যায়, ভালই লাগে, একটু বৈচিত্র্য হয়, ব্যস! ভাববিলাসের আশ্রয় না

নিলে, এই তো! সঙ্ঘত তাহার বকুলতলার সঙ্গে—মনাকিনীর সঙ্গে, অগ্নিমার সঙ্গে, সকলের সঙ্গে!.....

আজ্ঞো হয় তো কিছুটা আকর্ষণ অবশিষ্ট আছে। বকুল-তলার রক্তের ঋণ একেবারে শোধ হয় নাই হয় তো! তাহাও বলিষ্ঠ যৌবনের কাছে সুদূর শৈশবের মত—ফিরিয়া পাইবার আকাঙ্ক্ষা নয় আর, একটুখানি ঐতিহাসিক স্মৃতিশ্রুতি মাত্র!

তবু নাকি বকুলতলাকে সর্কক্ষণ মনে রাখিতে হইবে—সরল বিশ্বাসে মানিতে হইবে তার সহস্র ঋণ, তার অসংখ্য দাবী। তা হয় না। এই দুধারার দ্বন্দ্ব অসহ্য, এই দোটানার দোলন প্রাণান্ত। তাই সে কলিকাতায় বেখাপ, বকুল-তলায়ও বেমানান। যেন সে ঘরেও নয়, পারেও নয়—আছে শুধু মাঝখানে—এপার একদিন ভাঙ্গিবেই—ভাঙ্গিবে বকুলতলা। ওপারে জাগিবে চড়—নূতন সৃষ্টি, স্পষ্ট সৃষ্টি।

বসিয়া বসিয়া ভাবে সুনীল। যুক্তির পর যুক্তি আসে, আবেগের পর আবেগ। কুযুক্তি? হয় তো তা-ই, হয় তো নয়। শুধুই বাষ্প? ক্ষতি নাই। এখন সে গোটা দুনিয়াকে চালিয়া সাজিতে পারে। আজকের সর্কাপেক্ষা কঠিন কাজটাকে সহজ করিবার জন্মই অগ্নিমার কাছে আর খানিক বাদেই বিদায় লইতে হইবে। বাকী আছে সেই পরিচ্ছেদটাই। দেখিতে হইবে আর এক পালা ক্রন্দন। তারই জন্ম প্রস্তুত হইতেছে সুনীল! মনে মনে শানাইতে থাকে অস্ত—খাড়া করে ঔচিত্যের পাহাড়, দাঁড় করায় পর্বত-প্রমাণ সমর্থন! নমিতা হক, যে-কেই হক—অগ্নিমা নয়। তার মনের সঙ্গে বকুলতলা তাল রাখিয়া চলিতে পারিবে না, হেঁচট খাইবে পদে পদে—অনৈক্য আর অনর্থের বোঝায় জীবন হইবে ভারাক্রান্ত—অনড়, আড়ষ্ট, পঙ্গু!...

ডাক দিয়াছে নমিতা। তার চিঠির মধ্য দিয়া ডাক দিয়াছে মহানগরী—তার জীবনের, যৌবনের ডাক। কলিকাতা!..... প্রতি প্রাতে ঘুম ভাঙিতেই যেখানে তার মূঠার মধ্যে গোটা দুনিয়া। মস্কো থেকে মান্দালয়—হংকং থেকে হনোলু উর্কখাসে ঘুরিয়া আসে আধ ঘণ্টায়।—ইতালীর হুম্বিক, জর্জ্যাণীর শক্তিসঙ্ঘ, রাশিয়ার হালচাল.....গোল টেবিলের তোড়জোড়, গান্ধী-লাট সাক্ষাৎকার, বোম্বাই পুলিশের নির্বিচার লাঠিচালনা,

অজ্ঞাগার লুণ্ঠন মামলার গুনানী, চুরি ডাকাতি, ব্যাভিচার, নারীহরণ, দুর্ভিক্ষ, জলপ্লাবন, মহামারী, মহোৎসব—এক নিঃশ্বাসে স্পন্দিত হয় সজ্জ বর্তমান! বেগ আর বেগ, গতি আর গতি—জীবনের সঙ্গেই যার ছন্দ, যৌবনেরই সঙ্গে যার যতি! শতলক্ষ ঘটনার উপলক্ষে উচ্ছলিত হইয়া চলে সুবিপুল কর্ষ-প্রবাহ!

তবু সেই মহানগরীর সঙ্গে সে পুরাপুরি মিলিতে পারিল কৈ! আবার বকুলতলার মনের সঙ্গে জলের উপর তেলের মত ভাসিয়া থাকে—মিশ খায় না। তার প্রবহমান মনের এপারের তীরই শুধু ভাঙ্গিয়াছে—ভাঙ্গিতেছে। ওপারে আজো চর জাগে নাই। সে যেন ভাঙ্গা আর গড়ার মাঝখানের প্রাণান্ত ‘ইতিমধ্য’। ছুদিকের টান মানিয়া নিজের মধ্যে নিজেকে শুধুই গুটাইয়া রাখিতে চায় নিষ্ফল ভারসাম্যের নিরাকার দূরাশায়। সে প্রজাপতি নয়, শুঁয়ো পোকা—তেমনি অদ্ভুত উৎকট উৎকট তার মনের খেলা।...

এই সাতটা দিন সে যেন ফিরিয়া আসিয়াছিল অষ্টাদশ শতাব্দীর মধ্যভাগে। আজ আবার বিংশ শতাব্দী ডাক দিয়াছে তার কর্ষক্ষেত্রে। উঃ। এই সাত দিন ধবরের কাগজ পড়িতে না পাইয়া সুনীলের যেন দম বন্ধ হইবার উপক্রম! এই চলন্ত মনের সঙ্গে পাল্লা দিয়া চলিবে অগ্নিমা? তা-ও কি সম্ভব? যদি সম্ভবও হয়, অগ্নিমার সেই সাহস কোথায়? সুনীল তাহাকে কলিকাতা লইয়া যাইতে প্রস্তুত। সেখানে থাকিয়া লেখাপড়া করিবে, মানুষ হইবে, নিজের পায়ে নিজে দাঁড়াইবার পথ মিলিবে, সুনীলকে বাদ দিয়াও নিজের জীবন—যেমন খুশি, যেখানে খুশি—গড়িয়া তুলিতে পারিবে। সুনীল তো তাহাকে মুক্তি দিতেই চায়। কিন্তু অগ্নিমার যে পায়ে শিকল! বিদ্রোহ করিয়া শিকল ছিঁড়িবে সেই শিক্ষা বা সেই সাহস তার কোথায়?.....

“বাদলদা।”

সুনীল চমক ভাঙ্গিয়া চাহিয়া দেখে, অগ্নিমার ছোট ভাইটি আসিয়া পাশে দাঁড়াইয়াছে। হাতে একখানি ছোট চিঠি—ভাঁজ করা।

“বাদলদা, মা আপনায় একবার যেতে বলেছে,” বলিয়াই চিঠি দিয়া ছেলেটা চোরের মত চলিয়া যায়।

চিঠি দিয়াছে অগ্নিমা :

বাদলদা, সুনীলাম আজই আপনি চলিয়া যাইতেছেন। যাইবার আগে অবশ্য অবশ্য একবার দেখা করিবেন।

অগ্নিমা

সুনীলের সারা শরীরের রক্ত আবার নাচিয়া ওঠে। অগ্নিমা ডাকিয়াছে। অগ্নিমার হাতের লেখা। অগ্নিমার অনুরোধ। দেখা না করিয়া সে যাইবে না—এখনই যাইবে।

অগ্নিমাদের ঘরে ঢুকিয়াই সুনীলের চক্ষু স্থির। একি কাণ্ড! অগ্নিমা একটা ট্রান্সের মধ্যে তাহার জামা-কাপড় পুঁথিপত্র সব গুছাইয়া প্রস্তুত হইয়া আছে।

“বাদলদা, আপনার সঙ্গে আমিও আজ কলিকাতা যাচ্ছি।”

“সে কি!”

“আপনিই তো কাল নিয়ে যাবেন বলেছেন। আমি মেয়েদের বোর্ডিং থেকে পড়ব।”

কোথায় সেই রোক্তমানা অসত্য অগ্নিমা। স্থির সহজ দৃষ্টি—দৃঢ়সঙ্কল্পের স্পষ্ট ছাপ মুখে চোখে। গম্ভীর কণ্ঠেই প্রশ্ন করে, “কী ভাবছেন?”

“তা—হ্যাঁ—তবে, আগে থেকে—”

“আমার পড়ার খরচ চালাতে কাল না আপনি রাজি হয়েছেন! আমি চাকরি করে একদিন আপনার সব টাকা শোধ করে দেব বাদলদা।—ধুবড়ী ছেড়ে চলে না এলে এদিন আমরা একটা পথ হত—আমাদের বিজয়াদি তো আমরা রেখে দিতেই চেয়েছিলেন, বাবা কিছুতেই রাজি হল না। আমার সর্বনাশ করতে ওরা বাকি রাখেনি কিছু।” একটা দীর্ঘনিঃশ্বাস চাপিয়া গিয়া অগ্নিমা গড়গড় করিয়া বলিয়া যায়, “কাল রাত্তিরে মার সঙ্গে ভীষণ ঝগড়া হয়ে গেছে। আপনার সঙ্গে আমায় কিছুতেই যেতে দেবে না। জাত যাবে। নিন্দায় পৃথিবী রসাতলে যাবে। আমি কিন্তু যাবই। এখন আমার একটা পথ করে দিন, বাদলদা। আপনার ঋণ আমি কড়ায় গণ্ডায় শোধ করে দেব, শপথ করছি।”

সুনীল হতবাক। অগ্নিমা এ-সব বলে কি। কাল ঝোঁকের মাথায় একটা কথার কথা বলিয়াছে মাত্র। অগ্নিমা তারই উপর ভরসা করিয়া বাস্তববিহীন গুছাইয়া একেবারে কলিকাতা যাইবার জন্ত প্রস্তুত! পাগল নাকি!

“কথা বলুন”

“কিন্তু অণিমা—”

“কিন্তু-টিঙ্ক শুনব না, আমি যাবই। এখানে থাকলে ওরা আমাকে ধরে বেঁধে যার তার হাতে গছিয়ে দিয়ে হাঁফ ছেড়ে বাঁচবে। তার আগে আমার পথ আমিই খুঁজে নেব। আপনিই তো কাল বলেছেন, অণিমা তোর সাহস আছে?—পারবি যেতে? সাহস আমার আছে বাদলদা।”

“ন-কাকা আর কাকীমার অমতে কী করে তোকে নিয়ে যাব?”

“আমি তো আর কচি খুকী নই।”

“কিন্তু এর মধ্যে অনেক কিছু ভাববার আছে অণিমা।”

“কিসের ভাবনা?”

“অনেক কিছু।”

“সমাজ?”

“না, সমাজের আইনের চেয়েও বড় আইন আছে অণিমা। ন-কাকা ইচ্ছে করলেই আমায় বিপদে ফেলতে পারেন।”

“কিসের বিপদ? আমি তো খুকীটি নেই আর—আমায় ভাঁড়াবেন না বাদলদা। আপনারই নিয়ে যেতে সাহস নেই বলুন।”

“হঠাৎ—আগেভাগে ব্যবস্থা না করে—তোকে... কলকাতায় কোথায় নিয়ে তুলব? মেসে তো আর মেয়েছেলে নিয়ে ওঠা যায় না।”

“দুদিন নমিতাদের বাড়ীও থাকা যাবে না?”

“দূর থেকে কলকাতা সহরটাকে যে কী ভাবিস্ তোরা। সেখানে আতিথ্য মেলে না অহু। আমি আগে কলকাতা যাই, গিয়ে সব ব্যবস্থা করি, তখন তুই রওয়ানা হবি—আমি চিঠি দেব।”

“সে আপনি দেবেন না তা বেশ জানি।” “এ সন্দেহ কেন তোর?” “আপনার কোনো কথায় আর আমি বিশ্বাস করতে পারি না। এ ক’দিন তো মিথ্যার ওপর দিয়েই চলে এসেছেন। আজ একটু সত্যি কথা বলুন। আপনার সাহস আছে আমার ভার নেবার? পারবেন?”

“কলকাতা গিয়ে কার ভরসায় থাকবি জিগ্গেস করি?”

“আপনার।”

“তাহলে আমায় এত অবিশ্বাস করে লাভ কী শুনি?”

মিথ্যাই যদি ব্যবসা আমার, তোকে আমি তো সর্বনাশের পথেও টেনে নিয়ে যেতে পারি—আমার সঙ্গে যেতে চাস্ তবে কোন্ সাহসে?”

অণিমা এবার চুপ করিয়া থাকে। খানিক বাদে করুণ কণ্ঠে প্রশ্ন করে, “পরে আমি কার সঙ্গে যাব? কে আমায় দিয়ে আসবে—কার অত দায় ঠেকেছে?”

এবার সুনীল চুপ করিয়া যায়।

অণিমা তাহার ছলনা ধরিয়া ফেলিয়াছে। বুদ্ধিতে পারিয়াছে, অণিমাকে লই যাইবার ক্ষমতা তাহার নাই—অথবা সেই ইচ্ছাও তাহার নাই। তবে তাহাকে লইয়া এমন মাছ খেলাইবার কি প্রয়োজন ছিল?

“বলুন বাদলদা, আপনারই সাহস নেই। মুখে অনেক বড় বড় কথাই বলতে পারেন, মনে ভাবেন আর।”

“অহু, তুই সব কথা ভালো করে ভেবে দেখিস্ নি। তোর মাথা এখন ঠিক নেই।”

“কাল তবে অত করে বললেন কেন?” অণিমা হতাশ দৃষ্টি মেলিয়া চাহিয়া থাকে সুনীলের মুখের দিকে! এ যেন সেই বাদলদা নয়—প্রথমদিনের সেই দীর্ঘ বলিষ্ঠ সহাস্ত বাদলদা আর নাই!—ভীক, দুর্বল, কাপুরুষ!

“অহু, আমার সঙ্গে কলকাতা যাবার অর্থ বুঝিস?”

“বুঝি!”—স্পষ্ট উত্তর।

“বাপ-মার অমতে একাজের পরিণাম কী হবে তা জানিস্?”

“জানি”—দৃঢ়কণ্ঠের জবাব।

“তোরা বাবা-মা এগায়ে আর টিকতে পারবে না তা ভেবে দেখেছিস?”

“দেখেছি। গায়ের এ-সব শেয়াল-কুকুরের চিংকার আমি গ্রাহ্য করিনা।” সুনীলের কালকের উক্তিটাই অণিমা আজ পান্টা জবাবে ফিরাইয়া দেয়।

“তুই এত বড় স্বার্থপর অহু?—বাবা, মা, ভাই, বোন এদের কী গতি হবে সে সব ভাবনার মধ্যেই ধরছিস্ না। লোকনিন্দায় তাদের যে গ্রাম ছেড়ে পালাতে হবে। যাবে কোথায় তারা? গায়ের মেয়েরা ন’কাকীমার ইস্কুলে আর পড়তে আসবে ভেবেছিস? খাবে কী?”

“লোকনিন্দার আরো বাকি আছে ভেবেছেন!—সারা গায়ে আমাদের নিয়ে কী যে সব রটনা হচ্ছে তা যদি

শুভেন”—এতক্ষণের তেজস্বিনী অগ্নিমা এবার কাঁদিয়া ফেলে। নিরুপায় সুনীল চুপ করিয়া চাহিয়া থাকে শুধু।

“আপনাদের পয়সা আছে, লোকে মুখের উপর বলতে ভয় পায়।” অগ্নিমা ফোঁপাইয়া কাঁদিতে থাকে, “আমাদের গরিব পেয়ে তারা অপমান করতে ছাড়বে কেন?”

সুনীলকে এই মহা বিপদের হাত হইতে উদ্ধার করিলেন সুলতা। পুকুর ঘাট হইতে ফিরিয়া আসিয়া সুনীলের গলার আওয়াজ পাইয়াই ঘরে ঢুকিলেন।

অগ্নিমাদের বাড়ীর বাহিরে আসিয়া সুনীল স্বস্তির নিঃশ্বাস ফেলিয়া বাঁচে। মেয়েটা সত্যই পাগল!...

সত্যই, সুনীলের শক্তি নাই, সাহস নাই—সাহস নাই গ্রামের পাঁচজনকে অস্বীকার করিবার, সাহস নাই মন্দাকিনীর চোখের জল অগ্রাহ্য করিবার। অগ্নিমার পায়ে শিকল, সুনীলের শিকল মনে।

সত্যই সে ভীকু। অস্পষ্ট বলিয়াই কপট, দুর্বোধ বলিয়াই অক্ষম। তার এতদিনের অহঙ্কৃত আত্মপরিচয়ের তলে যে এতবড় ফাঁক ছিল তাহা টের পাইল সে আজ।

বাড়ীর উঠানে পা দিতেই মার গলার আওয়াজ পাওয়া যায়। রান্নাঘর হইতে নীলুকে ডাকিয়া কি যেন বলিতেছেন। সেই কণ্ঠস্বর। সেই মা! এক মুহূর্তে মনে পড়িয়া যায় বাল্যের আর কৈশোরের খণ্ড, অখণ্ড অসংখ্য কহিনী—মার আদর, মার উৎকর্ষা, মার সম্মেহ শাসন। সব চেয়ে বেশী করিয়া কি জানি কেন সহসা আজ মনে পড়িয়া গেল—বহুকাল আগের একটা তুচ্ছ ঘটনা। বাবার কাছ হইতে তাড়া খাইয়া ভয়ে ভয়ে ছয়-সাত বছরের খোকা গিয়া মার নিশ্চিন্ত কোলে আশ্রয় নিয়াছে—সেই সিঁড়র-পর্য্যাপ্ত উপর আঁচলের চওড়া পাড়, এক দোহারা দেহকাণ্ড, শ্রামল সুন্দর একখানি মুখ, সহস্র সলজ্জ একজোড়া চোখ! মনের পটে এক নিমেষে জাগিয়া মিলাইয়া যায় সেই ছবিখানি! মনে পড়ে পিতার চোখ রাঙানো, আর জননীর পুত্রপক্ষ সমর্থন। মনে পড়ে কতদিনের কত কপা! সেই মার জন্ত সুনীল প্রয়োজন হইলে আরো কিছু ত্যাগ করতে পারে। যেন—সুনীল নিজেকে এখন বারবার বুঝাইতে চায়—সেই মার জন্তই সে এতখানি সহ্য করিয়া গেল!

“খোকা এসেছিস?”

“হ্যাঁ মা! ডাকছে আমায়?”

“নাইতে যা এবার,” বলিতে বলিতে মন্দাকিনী বাহির হইয়া পুত্রের সম্মুখে আসিয়া দাঁড়ান। সুনীলের কল্পনার রাঙা বেলুনটা ফাটিয়া যায় এক মুহূর্তে। মার দিকে খানিক নিম্পলক চাহিয়া থাকিয়া চোখ ফিরাইয়া নেয়। কোথায় সেই স্নেহসর্বস্ব বধু-মা! সুনীলের সম্মুখে এখন দাঁড়াইয়া আছে অভিমানী রাশভারী এক প্রোড়া বিধবা, যার দুর্দমনীয় জেদের মুখে পুত্রের নিভৃত মনের দৃঢ়সঙ্কল্প সব খসিয়া ভাসিয়া যায়! তবু তাঁর মনস্কামনাই পূর্ণ হউক।

“মা, তোমার সেই ফোটোখানা কোথায় গো?”

“কোন্ ফোটো?”

“সেই যে আমার ছোটবেলায় তোমার সঙ্গে তোলা।”

“বাক্সে রেখে দিয়েছি—নষ্ট হয়ে গেছে, ভালো বোঝা যায় না আর।”

“আমার সঙ্গে দিয়ে দাও—কলকাতায় ওর থেকে নতুন করে একটা ফোটো তুলিয়ে নেব’খন।—এখনো সময় আছে, পরে একদম নষ্ট হয়ে যাবে। ফোটোটা কাগজে জড়িয়ে আমার বাক্সের মধ্যে মনে করে রেখো কিন্তু।”

তের

মন্দাকিনী, মানদা, নীলু আর বাবলু আসিয়া নদীর পাড়ে দাঁড়াইয়াছে। আর খানিক পরেই তাহাদের গ্রামের কাছ দিয়া ঢাকা-মেল্ যাত্রী লইয়া চলিয়া যাইবে স্নদূর গোয়ালন্দে—তারপর কলিকাতায়।

বাঁ দিকে গ্রামের শেষে মাঠের ওপারে বৃক্ষশ্রেণীর ওপিঠেই তারপাশা স্টেশন। ঘণ্টাখানেক হয় সুনীল বিদায় লইয়া চলিয়া গিয়াছে—সঙ্গে গিয়াছেন ব্রজনাথ আর নন্দ দাস। বহুদূরে গাছপালার মাথায় রাশি রাশি ধোঁয়া উঠিতেছে উর্দ্ধ আকাশে—স্টামার এখনো তারপাশা স্টেশন ছাড়ে নাই।

নিকারীপাড়ার গুটিকয়েক ছেলেমেয়ে আসিয়া দাঁড়াইয়াছে জাহাজ দেখিবে বলিয়া। মন্দাকিনীদের কুকুরটাও আসিয়া দলে ভিড়িয়াছে—একটা জাম গাছের তলায় শুইয়া লেজ নাড়ছে।

এবারের মত বর্ষা বিদায় নিয়াছে। আর সেই রুদ্র

রূপ নাই। শীতল পাটির মত নিস্তরঙ্গ পদ্মা। যেন একটা প্রবল উত্তেজনার পর প্রতিক্রিয়ার ক্লাস্তি-মুখ উপভোগ করিতেছে। সূর্য্য পশ্চিমে হেলিয়াছে বহুক্ষণ। গ্রামের মধ্যে এখন অপরাহ্নের স্নানাভ ছায়া; কিন্তু গাঙের পাড়ে এখনো ডগ্‌ডগে রোদ।

মন্দাকিনী আঁচলে চোখ মোছেন, আর ঘন ঘন তাকান নদীপথে—দূরের বাঁকটার দিকে। পুত্র চোখের অন্তরাল হইবার সঙ্গে সঙ্গে মনে এখন তাঁর যত রাজ্যের ভয়-ভাবনা—এ-কয়দিন তবু তো সে চোখের সামনেই ছিল। আজ—এই এতক্ষণে, এই বিচ্ছেদ-বেদনার মধ্যে মন্দাকিনী এতকালের অস্পষ্ট সত্যটাই স্পষ্ট করিয়া বুঝিলেন: ছেলে তাঁহার সত্যই পর হইয়াছে। আর সে ছোট নাই। আর তাহাকে নাগালের মধ্যে পাইতে চাওয়া নিষ্ফল প্রয়াস। সে এখন বাহিরের, সে দূরের, সে সবার—সে বকুলতলার অতি-আপন হইয়াও আর বকুলতলার নয়। সে অচেনা, সে অজানা, হিমালয়ের চূড়ার মতই অনতিক্রমণীয় তার মনের রহস্য!.....

তবু এই রূঢ় কথাটা তিনি বুঝিতে চান না যে! মন মানে না কোন সত্যে। কেন ছেলে দূরের হইবে? কোথায় যাইবে সে? মন্দাকিনী তাহাকে এখনো ধরিয়া রাখিতে পারেন। বকুলতলার ছেলেকে বকুলতলায়ই বাঁধিতে পারেন—অন্ততঃ পারিতেন। এ ক’দিন ভুল করিয়া আসিয়াছেন আগাগোড়া। আর মা নয়। অণিমা পারে—অণিমাই পারিত। ভুল—মস্ত বড় ভুল করিয়া বসিয়াছেন।...

দূরে স্টীমারের বংশীধ্বনি শোনা যায়—এই বুঝি তারপাশা স্টেশন ছাড়িয়া গেল। গাছের মাথায় অজস্র মেঘায়িত ধোঁয়া সরিয়া আসিতেছে সামনের দিকে ক্রমে ক্রমে।

কখন সবার অলক্ষ্যে অণিমা আসিয়া একটু দূরে দাঁড়াইয়া আছে একটা গাছের আড়ালে।

মানদা লক্ষ্য করিল সবার আগে। মন্দাকিনীকে উস্কাইয়া তুলিতে পারিবে এই আশায় ফিশফিশ করিয়া কহিল, “বৌমাদিদি! এ ছাখো, এসে দাঁড়িয়েছে।”

“কে?”

“কে আর কে!—ঐ যে বকুল গাছটার ওপাশেই।”

“কে, অম্ম?” মন্দাকিনী গলা ছাড়িয়াই কথাটা কহিলেন।

চোখাচোখি হইতেই অণিমা মুখ ফিরাইয়া নেয়। মন্দাকিনী কিন্তু আগাইয়া যান, “অণু, ওখানে দাঁড়িয়ে কেন?—আয় না এখানে।”

খানিক ইতস্তত করিয়া অণিমা আর সকলের কাছে আসিয়া দাঁড়ায়। মন্দাকিনী যেন এক সমালোচকের সূক্ষ্ম দৃষ্টি দিয়া তাহাকে আপাদ-শির দেখিয়া লইলেন। মেয়েটার সত্যই কপাল মন্দ। এই বয়স আর এই ভরা যৌবন লইয়াও একটা পুরুষের মনকে জয় করিতে পারিল না! তাঁর ছেলে কি এতই কঠিন, এতই বিরাট?.....

“অণু”

অণিমা মাথা হেঁট করিয়াই আছে।

“অণু, নমিতা কে রে?”

অণিমা বিস্মিত হইয়া মন্দাকিনীর মুখের দিকে তাকায়।

“বল না মা, আমায় আর লুকোস্‌নে। তুই তো সবই জানিস্!”

অণিমা যে সব কথা জানে বড়মা তাহা জানিল কি করিয়া?

“কথা বল না অণু।”

“কী?”

“নমিতাকে খোকা বিয়ে করতে চায়?”

“তার মনের কথা আমি কী করে জানব?”

“মেয়েটি কেমন রে?”

“আমি তার কী জানি বড়মা!”

“তবু—তুই তো শুনেছিস্‌ সব।” অসহিষ্ণু মন্দাকিনী প্রশ্ন করিতে থাকেন, “নমিতা দেখতে কেমন?”

“আমি বুঝি দেখেছি তাকে?—শুনেছি, দেখতে সে কালো।”

“অঃ! তাই ছেলে কালো মেয়ে বিয়ে করতে চায়। বলে কিনা মা আমার কালো, আমিও কালো মেয়েই বিয়ে করব। এঁ্যা!” এই সত্ত্ব বিচ্ছেদ-ব্যথার মধ্যেও মন্দাকিনী কোথায় যেন গর্ব্ব অনুভব করেন অপরিসীম। “তা দেশে কি আর কালো মেয়ে মেলে না রে অণু, শহরে মেম্‌সাহেব নিয়ে আসতে হবে?”

এ-কথার জবাব দিবে কি অগ্নিমা! পায়ের বুড়ো আঙুলের নখ দিয়া নিঃশব্দে মাটি খুঁটিতে থাকে।

বিস্মিত মানদা হা করিয়া চাহিয়া আছে। আসলে মাথা ধারাপ এই ঠাকুরগেরই। ঘটনা এতদূর গড়াইবার পরেও আজ হঠাৎ এ কেমন ধারা মাথানাধি!

স্টীমার স্টেসন ছাড়িয়া রওয়ানা হইয়াছে। ধোঁয়ার কুণ্ডলী ক্রমে ক্রমে আগাইয়া আসিতেছে মাঠের শেষের দিগন্তরেখা ধরিয়া—আর একটু আসিলেই ঝাউগঞ্জের বাঁকটা ঘুরিয়া জাহাজ বকুলতলার একটানা দৃষ্টিপথে আসিয়া পড়িবে।

মোড়ের মুখে এবার স্টীমার দেখা গেল। অজস্র ধোঁয়া ছাড়িয়া পাড় ঘেঁষিয়া আসিতেছে। এই এক মাইল নদী পথ অতিক্রম করিয়া আসিতে বড় জোর আর দশ-বার মিনিট। শেষবারের মত সুনীলকে দূর হইতে মন্দাকিনী একবার শুধু দেখিয়া লইবেন—হয় তো দেখিতে পাইবেন সেই মেয়েটিকেও। বিচিত্র কি! হয় তো দেখিবেন তাঁর ছেলের পাশেই নমিতাও দাঁড়াইয়া আছে। যে দুঃসাহসী ছেলে তাঁর। মন্দাকিনীর বুকটা ধড়াশ ধড়াশ করিতে থাকে।

“অগ্নি।”

অগ্নিমা সাড়া দেয় না।

“অগ্নি, আমার ওপর রাগ করিস্ নে মা।—আজকাল আমার বৃষ্টি মাথার ঠিক আছে! কী বলতে কী সব বলি।”

অগ্নিমা অবাক হইয়া উৎকর্ণ হইয়া থাকে শুধু—কথা বলে না। এই আকস্মিক ভাবান্তরের কারণটা তলাইয়া বৃষ্টিতে চায়।

“অগ্নি, ছেলে বড় হলে পর হয়ে যায়, না রে?”

“এ সব কী বলছ বড়মা?”

“হাঁরে অগ্নি, নমিতা কি আমায় মানবে কখনো তোদের মতো। শহরের লেখাপড়া জানা মেয়ে, সে বৃষ্টি এক রাস্তির এ গাঁয়ে এসে বাস করবে ভেবেছিল?”

অগ্নিমা ঔৎসুক্য আর চাপিয়া রাখিতে পারে না। জিজ্ঞাসা করে, “বড়মা, নমিতার কথা বাদলদা সব বলেছে তোমায়?”

“তার চিঠিও দেখিয়েছে।”

“চিঠি!!”

“হাঁরে। চার-পাঁচ পৃষ্ঠার এক লম্বা চিঠি দিয়েছে খোকার কাছে। ছেলে আমায় আবার তা পড়তে দিয়েছিল কাল।”

“পড়েছ?” প্রশ্ন করে অগ্নিমা।

“আমি বৃষ্টি ও-চিঠি পড়ে বুঝতে পারি সব।—আর আজকাল ভালো করে দেখতেও পাই না চোখে। তুই আমায় পড়ে দিস্ তো চিঠিখানি।”

“সে চিঠি তোমার কাছেই আছে?”

মন্দাকিনী চুপ করিয়া যান। ছেলের স্কটকেশ হইতে জামা-কাপড় ভাঁজ করিয়া রাখিবার ছলে আজ চিঠিখানি তিনি চুরি করিয়া রাখিয়াছেন।

“অগ্নি, তোর ছেলে বড় হলে বেশি লেখাপড়া শেখাস্ নে মা!”

অগ্নিমা শুধু চুপ করিয়া শুনিয়াই যায়।

“—লেখাপড়া শিখেও যদি” মন্দাকিনী একটু ঢোক গিলিয়া বলিয়া গেলেন, “তার চেয়ে মুখ্য হয়ে থাকাকাল ভালো রে!”

বড়মার উপর অন্তঃকম্পাই হয় অগ্নিমার।

নীলু হা করিয়া গিলিয়া চলিয়াছে মার প্রতিটি বাক্য। কেবল বাবলু সোৎসাহে বলে “অগ্নিদি, দাদা যেই হাত দেখাবে, পাড় থেকে আমিও অমনি রোমাল দেখাব!”

“হুঁ”

“দিদি আঁচল ওড়াবে বলেছে। তুমিও আঁচল উড়িয়ে দেখাবে অগ্নিদি! কেমন?”

স্টীমার অনেকদূর আগাইয়া আসিয়াছে। সামনে খানকয়েক জেলে-নোকা পাইয়া বাঁশী ফুঁকিয়া ধমক দিল বার কয়েক। আদেশ মানিতেই হয়। এ তো আর যা-তা ব্যাপার নয়। কলিকাতার ডাক আর যাত্রী লইয়া চলিয়াছে সুন্দর দুর্দম ভাসমান লৌহ-দানব।

অস্পষ্ট দাপাদাপি ক্রমেই স্পষ্ট হইয়া আসিতেছে। আর কয়েক মিনিট শুধু!

“অগ্নি”

“কী?”

“নমিতাকে তুই চিনতে পারবি?”

অগ্নিমা তার বড়মার মুখের দিকে তাকাইয়া থাকে জিজ্ঞাসু চোখে।



“সে কি! তুই কিছু জানিস না?—নমিতাও যে এই স্টীমারেই কলকাতা যাচ্ছে আজ।”

“কে বললে?” গুরুগম্ভীর কণ্ঠে প্রশ্ন করে অণিমা।

“এই তো চিঠি, এতেই লেখা আছে।”

অণিমার বুকটা একবার ঢুলিয়া ওঠে। বাদলদা কেবল ভীকুই নয়, সে শঠ, সে মিথ্যাবাদী! কথাটা তার কাছ হইতে লুকাইবার কি প্রয়োজন ছিল?

দেখিতে দেখিতে স্টীমার বকুলতলার কাছাকাছি আসিয়া পড়িয়াছে। নিস্তরঙ্গ নদীবক্ষে অসহ আলোড়ন সৃষ্টি করিয়া, উৎক্লিষ্ট ফেনায় ফেনায় সম্মুখের অবাধ বিস্তার কাটিয়া কাটিয়া, স্পর্দিত যন্ত্রশক্তি রুধিয়া ফুঁসিয়া ছুটিয়া যায় আসে—পেছনে রাখিয়া যায় ভাঙ্গনের খেলা—প্রচণ্ড বেগে ঢেউএর পর ঢেউ আসিয়া কূলে কূলে আছাড় খাইয়া পড়ে। এ গতি রোধ করিবে সাধ্য কার!

স্টীমার এবার বকুলতলার মুখোমুখী। মন্দাকিনীর বুক কে কেন ঢেঁকির পাড় দিতে থাকে। অণিমা চুপ করিয়া দাঁড়াইয়া আছে নিশ্চল পাথরের মূর্তির মত।

নীলু আর বাবলু প্রায় এক সঙ্গেই চীৎকার করিয়া ওঠে, “মা, ঐ ছাখো দাদা—দোতলায়, ঐ যে।”

নিরুদ্ধ নিঃশ্বাসে চাহিয়া আছে মন্দাকিনী ও অণিমা। তীরের দৃষ্টি নিবন্ধ শুধু সুনীলের উপরই নয়, ছ’জোড়া সজল চোখ দেখিতেছিল সুনীলেরই পাশে রেলিঙে ভর দিয়া যে আর একজন দাঁড়াইয়া আছে সেই মেয়েটিকেও।—যে মেয়েটি এই সাঁতদিন বকুলতলা হইতে বহু দূরে থাকিয়াও দুইটি পরিবারের প্রাত্যহিক জীবনযাত্রার মধ্যে প্রভাব বিস্তার বড় কম করে নাই।—চশমা-পরা একটি কুশাক্ষী তরুণী। অণিমার চেয়েও লম্বা, মন্দাকিনীর চেয়েও কালো। দূর হইতে আর কিছু বোঝা যায় না—আর কিছু ধরা যায় না। এই নমিতা!

বাবলু প্রাণপণে রুমাল দেখাইতেছে। নীলুরও আঁচল ওড়ানো থামে নাই। স্টীমার কিন্তু অনেকখানি দূরে চলিয়া গিয়াছে। সুনীলকে আর দেখা যায় না। বকুলতলা পিছনে পড়িয়া থাকে।

মন্দাকিনীর জলভরা চোখের সঙ্গে দৃষ্টি বিনিময় হইল আর একজোড়া ছল-ছল চোখের। এদিকে আর এক দফা প্রচণ্ড ঢেউ আসিয়া গর্জিয়া লাফাইয়া ওঠে বকুলতলার ভাঙনধরা কূলে কূলে!

শেষ

## এক নিমেষে

### প্রিন্সিপাল শ্রীমুরেন্দ্রনাথ দাশগুপ্ত

কণ্ঠে যে গান গাইতে নারি,

সে কেন দেয় সাড়া,

বক্ষে যে ভাব রাখতে নারি

সে কেন দেয় নাড়া!

উপ্‌চে হঠাৎ ব্যথার ভারে

কি যেন যায় বেড়ে,

ভাবের স্রোতে ডুবি তখন,

কথা কে নেয় কেড়ে?

অহঙ্কারের পঙ্ক মলিন

এক নিমেষে হারা,

আকাশ ভেঙ্গে হঠাৎ নামে

শ্রীকাল জলধারা।

যাদের আমি পর ভেবেছি,

দাঁড়ায় কাছে এসে;

শিশুর মত সরল প্রাণে

চিত্ত ওঠে হেসে।

ভোরের আলো স্বচ্ছবুকের

আঁধার ফেলে টুটে,

দীঘির কালো জলে যেন

পদ্ম ওঠে ফুটে।

এক নিমেষের একটি সাড়ায়

একটি নমস্কারে।

প্রভু তোমায় চেনাও তুমি

একটি আবিষ্কারে।

# সত্যতা ও আমাদের মোহ

শ্রী প্রবোধচন্দ্র বন্দ্যোপাধ্যায়

মানুষ যে আজ পৃথিবীর বুকে শ্রেষ্ঠ আসন লইয়া বসিয়া আছে তাহার কারণ জিজ্ঞাসা করিলে সহজেই এক কথায় উত্তর পাওয়া যাইবে—‘সত্যতা’। অবশ্য ইহাও মানিতে হইবে যে, অশ্রান্ত জীব-জন্তুর তুলনায় মানুষের শারীরিক ক্রমোন্নতি তাহাকে শ্রেষ্ঠত্বের আসনে আগাইয়া দিয়াছে। মাছের মাথার সঙ্গে মানুষের মস্তিষ্কের তুলনা করিলে তাহার সুব্যবহার করাটা যে অবশ্য কর্তব্য তাহা বুঝাইবার দরকার হইবে না। মানুষের এই মস্তিষ্কের সঙ্গে খুব নিকট সম্বন্ধ স্থাপন করিয়া মানুষের মন বলিয়া একটা জিনিষ আছে; মন কোন একটা স্থূল বস্তু নয় কিন্তু ইহাই সত্যতার ধারাকে বাঁচাইয়া আসিতেছে। মানুষের শরীরের উন্নত অঙ্গপ্রত্যঙ্গ যেমন তাহার খাইবার ও শরীর বাঁচাইবার অনেক সুবিধা করিয়াছে সেই সঙ্গে মন ও মস্তিষ্ক তাহাকে খাওয়া পরার হাজার কমাইয়া অল্প দিকে ফিরাইয়াছে। বন জঙ্গল ছাড়িয়া নদীর ধারে থাকিয়া চাষ-বাস করা এই সহজ উপায় মানুষের মাথাই বাহির করিয়াছে। প্রথম মানুষ হইতে আমরা দৈহিক উন্নতি কিছু লাভ করি নাই। বোধ হয় একটু চৌধস হইয়াছি এই মাত্র! কিন্তু আজ যে অবস্থায় আসিয়াছি তাহা সমুদ্রের ঢেউয়ের মত অশ্রান্তভাবে সত্যতার স্তরে স্তরে ভাসিয়া আসিয়াছে। কিন্তু পুরাতন জীবন ভুলি নাই। সে সব অভিজ্ঞতার উপরে নূতন দেপা-শুনায় ফলে জ্ঞান জমাইয়া আমরা পাড়ি দিতে আরম্ভ করিয়াছি। ইহার শেষ নাই। কারণ যদি পূর্ণতা আসিয়া যায় তখন আর উজ্জ্বল প্রয়োজন হইবে না। তখন হিম-শীতল পাহাড় হইয়া দাঁড়াইয়া থাকিব কি গুঁড়া হইয়া যাইব জানি না। মনে হয় সেই পাহাড়ের মাথার বরফ আবার সূর্য্যতাপে গলিয়া সমুদ্রের দিকে বহিয়া যাইবে।

পৃথিবীতে প্রায় ২১০ কোটি লোকের বাস। ইহারা প্রত্যেকেই যে সত্য তাহা নহে। এখনও বর্তমান সত্যতার শেষের ধাপের দুই-তিন ধাপ পিছনের লোক খাইয়া বাঁচিয়া আছে। জগতের সব লোক বতদূর সম্ভব সমান তালে না চলিলে স্থানে স্থানে বিড়ম্বনা আসে এবং বিশেষ ভাবে আসে, যখন লোকচলাচলের ফলে বৈষম্যটা বেশী প্রকাশ হইয়া পড়ে।

কিন্তু এই ভাবে সমগ্র মানবসমাজকে এক স্তরে রাখা এখনও সম্ভব হয় নাই। ভাবের আদানপ্রদানের রীতি ও বাহন অবশ্য ক্রমশঃ উন্নত হইতেছে। কিন্তু সত্যতার যে সব দান আমরা ভোগ করিতেছি সেই সবের প্রথম প্রচেষ্টার মূলে প্রয়োজনীয়তাই মুখ্য ছিল। এই প্রয়োজন-বোধের তারতম্য এখন আছে। যতদিন পর্যন্ত না এক উদ্দেশ্যে ও ব্যবহার মধ্যে সকলকে আনা সম্ভব নয় ততদিন মানুষের ভিন্ন ভিন্ন দলকে আগাইয়া যাইতে হইবে। পিছনের লোক টানেও পানিকটা সামনে

চলিয়া আসিতে পারে। এই টান পুরাকালে বাণিজ্য ও রাজ্যজয়ের ফলে হইত।

সত্যতার ইতিহাসে মূল এক কেল্ল হইতে সত্যতার দেশে দেশে বিস্তারের কাহিনীর বদলে স্থান বিশেষের উপযোগী ও প্রাকৃতিক অবস্থানুযায়ী বিভিন্ন প্রকারের সত্যতার খোঁজ এখন পড়িয়া যাইতেছে। এই সব ভিন্ন ভিন্ন দেশের সত্যতার বাইরের আবরণটা আলাদা হইতে পারে কিন্তু তাহার জন্মকথা এক। একই প্রেরণা মানুষের মাথাকে খাটাইয়াছে। ভূমিব স্মৃতি, নাগ্নে স্মৃতিমস্তি। এই স্মৃতির সংজ্ঞা বা বিবরণ আপাতত সত্যতার স্রোতকে আকা-বাকা পথে চালাইতেছে। স্মৃতি-স্মৃতি ও পাপ-পুণ্য বিচারের জন্ত আজ পর্যন্ত বৈজ্ঞানিক মাপকাঠি বাহির করা সম্ভব হয় নাই। সেই জন্তই লড়াইয়ে স্মৃতির ধ্বংস হই পক্ষই তুলিয়া ধরে।

সত্যতা শ্রেয়ঙ্গর। কিন্তু সব মঙ্গলের উপায় বা হিতব্যবস্থা সত্যতা-প্রসূত নহে। সম্পত্তিশোণের ব্যবস্থা, অকপটতা, সারল্য, পরিচ্ছন্নতা, ঈশ্বরে বিশ্বাস, শৌর্ধ্য, একত্রবাসের কতগুলি নীতির উদ্ভাবন ইত্যাদি মঙ্গলপ্রসূ গুণরাজি মানুষকে জীবন রক্ষা করিবার জন্ত খুব সহজ অবস্থায় আনিয়াছে। কিন্তু আরও উঁচু ধাপে উঠিতে গেলে কেবল চারিপাশের অবস্থাকে স্বায়ত্তে আনা ছাড়া খোঁজ অল্প দিকে করিতে হইবে। এই যে নানারকমের বৈশিষ্ট্যের কথা বলা হইল, তাহার মধ্যে অনেকগুলি বর্তমানের বর্কুর আদিম প্রকৃতির মানুষের মধ্যেও দেপা যায়। ইহার সবগুলিই প্রতিদিনের জীবনে ব্যবহার করা যায় ও ইহাতে দৈহিক শ্রান্তি দূর করে। জিনিসের কদর বোঝা এবং জিনিষ বিচার করার ও তাহার উপযুক্ত মর্যাদা দেওয়ার যে মনের অবস্থা তাহার উপরেই সত্যতার বিকাশ নির্ভর করে।

মানুষের জীবনকে নদীর সহিত তুলনা করিলে তিনটি বিভিন্ন ধারার মিশ্রণ দেখা যায়। সাধারণ জানোয়ারের মত উদরপূর্তি ছাড়া দ্বিতীয় ধারা আমাদের ভাবপ্রবণতা। ইহার বিকাশ আমাদের পরিবার পালনে ও সমাজস্থিতিতে। স্নেহ, প্রেম ও সহানুভূতি আমাদের পরস্পরকে টানিয়া রাখে এবং এক স্থানে বহুলোকের সমাবেশে সাহায্য করে। জঙ্গলে জন্তুরাও শাবক পালন করে বটে, কিন্তু তাহা শাবকদের নিজের শক্তির উন্মেষণ পর্যন্ত। তাহারাও দলবদ্ধভাবে ঘুরিয়া বেড়ায় কিন্তু তাহাও জীবনের প্রধান ও প্রাথমিক ধর্ম আশ্রয়কার প্রেরণায়। মানুষের শিক্ষায় ও বংশপরম্পরায়, জ্ঞানচর্চার দীক্ষায়, তাহার বুদ্ধিবৃত্তিতে, চিন্তাশক্তিতে, মূল্যবিচারে ও মর্যাদাজ্ঞানে তৃতীয় ধারার সন্ধান পাওয়া যায়। এই জ্ঞানের বিকাশ ও পুষ্টি মানুষের শ্রেষ্ঠত্বের প্রধান সহায়ক। ইহাই মানুষকে সত্য করিয়া তুলিয়াছে।

আমাদের মধ্যে এই তৃতীয় ধারা—কিষ্কণভাবে বহিতেছে তাহা এখন আলোচনা করিব। সত্যতার মূলে আছে জ্ঞানসঞ্চয়। এই জ্ঞান-সঞ্চয় অজ্ঞান অনেক গুণের মত সহজ-সংস্কার নহে। ইহা শিক্ষার আয়ত্তাধীন। শিক্ষার প্রথম সোপান অ, আ, ক, খ, গ, হ, ঘ, ব, র, ল প্রভৃতি মুগ্ধ করিয়া বিজ্ঞা অর্জন করা। কিন্তু যে বিজ্ঞার্জনের প্রয়োজন একমাত্র অর্গোপার্জন করা তাহার জোরে আমরা কোন জিনিষের সম্যক আলোচনা এবং যোগ্যতা বিচার করিতে অক্ষম। আত্মগরিমা বা আত্মপ্রতিষ্ঠার ভিত্তিও স্থাপন করিতে পারি না। এই বিজ্ঞা কেবল ব্যক্তিগত দেহের সুখ ও সুবিধার খাত্তিরে আমরা অর্জন করি।

যুগযুগান্তরের সত্যতার সহিত মানুষের পরিচয় ঘটে বিজ্ঞার মধ্যস্থতায়। আমাদের কাব্য, সাহিত্য, দর্শন, বিজ্ঞান, শিল্পকলা, সঙ্গীত কিছুই নিজেদের অঙ্গসৌষ্ঠবের অন্তর্ভুক্ত হইয়া যুগে যুগে জীবদেহের বিকাশের সঙ্গে স্বতঃস্ফূর্তিত হয় না। আবার এক যুগে মানুষ যখন কোন বিষয়ে কিছু অভিজ্ঞতা লাভ করে বা প্রয়োজনবোধে সৃষ্টি করে তাহা সেই যুগের মানুষের মৃত্যুর সঙ্গে সঙ্গে শেষ হইয়া যায় না। বুদ্ধির দৌলতে তাহা পরবর্তীকালের মানুষের জন্ম পুরাকাল হইতে সঞ্চিত হইয়া আসিতেছে। নানাবিধ শিলা ও প্রস্তরলিপি ইহার প্রথম সাক্ষী। অরণশক্তির সাহায্যে বিভিন্ন গুল্লুচ্ছলে সমসাময়িক ইতিহাস আজ পর্যন্ত চন্দ্রাবল্লভাবে পিতৃ-পরম্পরায় কালের গতির সঙ্গে সঙ্গে ভাসিয়া আসিয়াছে। এই জ্ঞান সঞ্চয়ের উপায় ক্রমশ সহজ হইয়া আসিয়াছে। এই সঞ্চিত সৃষ্টির উপর যখন আবার সৃষ্টির আমদানি হয় তখনই সত্যতার আর এক ধাপ বাড়ে। বিগত যুগের রাশীকৃত সৃষ্টিকে আমরা আয়ত্ত করি এখন বই পড়িয়া, কিন্তু নূতন সৃষ্টির জন্ম অনুপ্রেরণা আসা চাই মনের ভিতর হইতে। মনকে জাগাইয়া তুলিবে কেতাবী বিজ্ঞার জ্ঞানের ভাণ্ডার, কিন্তু এই পুঁথিগত বিজ্ঞায় ফলে জ্ঞানের স্পৃহা মনে কতটা জাগ্রত হইয়াছে, কতটা চিন্তাশক্তি ও কল্পনাশক্তির খোরাক জোগাড় হইয়াছে তাহার সন্মিলিত চাপে মনের খেলা শুরু হয়। এই ভাবে কপিকলের মত আমরা পশুবৃত্তি ছাড়াইয়া উপরে উঠিতে আরম্ভ করি এবং আমাদের জ্ঞান সত্যতার অগ্রগতির পথে রসদ জোগায়।

আমাদের দেহের ক্ষুধাটা জয়গত কিন্তু মনের ক্ষুধাটা অর্জন করিতে হয়। দেখিবার, শুনিবার ও জানিবার ইচ্ছাই আমাদের জীবনকে সত্য করিয়া তুলিয়াছে। উদরপুরণের জন্ম ও গাত্রাচ্ছাদনের জন্ম যেটুকু শক্তি ক্ষয় ও কালক্ষেপন করা দরকার তাহা ক্রমশঃ সংক্ষেপ করিয়া আনিয়া অবসর সময়ে মানুষ স্বপ্ন দেখিয়া আসিতেছে। এই স্বপ্ন রাজাই কালক্রমে জীবনের শত কার্যে ছোঁয়া দেয় ও ক্রমশঃ আমাদের দৈনিক জীবনে মিশিয়া গিয়াছে। শ্রাণের ঘরকন্নার জিনিষগুলিকে মনের বিলাসের আয়োজনে ব্যয় করিয়া মানুষ সত্যতার সৃষ্টি করিয়া চলিয়াছেন।

সঞ্চিত মনের মত গতযুগের পুঞ্জীভূত অভিজ্ঞতা খাটাইয়া মানুষ জ্ঞান বাড়াইয়া চলিয়াছে। আমরা প্রতিবারই পুরুষামুক্রমে চক্রমিক পাথর দিয়া জীবন আরম্ভ করি না। আমাদের পূর্বপুরুষরা চক্রমিক

পাথরকে অনেক সহজ করিয়া আনিয়াছেন। তাহাই আমরা ব্যবহার করি। কিন্তু আমাদের নিজেদের জীবনে কি করিয়া আসিয়াছি। সত্যতার আলোক একদিন এইখানেও জ্বলিয়াছিল। কিন্তু প্রদীপে তেল আর পড়িল না তাই শিখা অন্ধকারে বিলীন হইয়া গেল। বহুকাল আগে যখন আমরা তখনকার সত্যতার শীর্ষে ছিলাম তখন জীবনের নানা প্রয়োজনে এই জাল সময় মত মাটিতে বিছান গেল না। শোকসমাজ বহু দূরে দূরে ছিল। নিষ্পন্দ জীবনে কল্পনার জাল হাওয়ার অনেক উপরে উড়িতেছিল। লোকসমাজ ক্রমশঃ ঘনীভূত হইয়া আসিল। খাণ্ডের প্রয়োজন হইল দলে দলে মানুষ পাহাড়ের নীচে মদীর তীরে নামিয়া আসিতে লাগিল। আমাদের পূর্বপুরুষদের ঘনীভূত জীবনে আঘাত ভীষণ হইয়া দাঁড়াইল। কল্পনার জাল ছিঁড়িয়া গেল। ধান চালের পুঁজি ভাগাভাগি হইতে লাগিল। মনের খেলার জাল ছিঁড়িয়া গেল। তাহাকে জোড়া দিবার কথা কাহারও মনে হইল না। যখন মনে হইল তখন সূতা জড়াইয়া গিয়াছে।

খাওয়ার জন্ম যখন মারামারি খামিয়া গেল তখন আমরা বলহীন অবস্থায় কোন রকমে বাঁচিবার চেষ্টা করিতেছি। এই সময় অজ্ঞের আশ্রয়ে জীবনের সুখের যেন এক নূতন পথ আমরা খুঁজিয়া পাইলাম। নিজের অন্তরে পোঁজ করিলাম না। নিজের পুঁজির ও পোঁজ লওয়া দরকার হইল না। যখন কেহ আমাদের বিশেষ হীন প্রতিপন্ন করিতে চাহিল তখন প্রাচীন পুঁথি দেখাইয়া পূর্বপৌরবে আত্মপ্রসাদ লাভ করিলাম। সিন্দুকের কোণায় জড় করা টাকার মত আমাদের সত্যতার পুঁজি অলক্ষ্যে পড়িয়া রহিল। তাহার উপর সময়মত আর কিছু জোগাড় দিতে পারিলাম না ক্রমে উহা অকেজো হইয়া পড়িল। ধার করিয়া যে চলা শুরু করিলাম সেই চলা আজও চলিতেছে।

নানা দেশ হইতে টানিয়া আনিয়া রাশীকৃত করাটাই দেশের সম্পদ বৃদ্ধি করা নয়। দেশের দৈমুটাই তাহাতে প্রকাশ হয় বেশি। যথার্থ সম্পদ দেশের প্রয়োজনের তাগিদে গড়িয়া উঠে। আমরা সত্য হইবার জন্ম যে বিজ্ঞা অর্জন করি বিজ্ঞতা জাতি নিজের ব্যবসা ও বাণিজ্যে সহায়তা পাইবার জন্ম তাহার বন্দোবস্ত করিয়াছে। শিক্ষার জন্ম আমাদের গরজ নাই। আমরা দেহের প্রধান দাবীটা মিটাইতেছি এবং তাহার জন্ম সব কিছু দাবাইয়া রাখিয়াছি। আমাদের মন বাহিরের জাঁকজমকটাই বেশী দেখিয়াছে। ক্রমশঃ আমরা বে বর্কির তাহা মানিয়া নিলাম। নিজেদের সব কিছুতেই অশ্রদ্ধা জন্মাইলাম। তাহা মনকে বুঝাইলাম যে অজ্ঞকে বড় আসনে বসাইলে আমাদের শ্রমের পরিচয় লোকে পাইবে। এই ভাবে অন্তরের রস শুকাইয়া গেল, বাহিরের বৃত্তচ্যুত ফুল রসহীন অবস্থায় এখন মরিয়া পাইতেছে। জাতির গৌরব বার্তা নানা হটগোলে বিলীন হইয়া গিয়াছে। দেশের লালনা বাড়িয়া চলিয়াছে।

জীবনের এই পন্থাভাব প্রতিকার করা কেবল স্কুল কলেজ খুলিয়া হইবে না। নিয়মিত কয়েক ঘণ্টার অক্ষর পরিচয়ের

মধ্য দিরা কোন ভাবধারা ঘরে ঘরে বহান যাইতে পারে না। বইয়ের পাতার বাহিরে পরিভ্রমের সংস্পর্শে জীবনযাত্রার যে প্রণালী আমরা শিখি এবং সমাজের আচার ব্যবহারে যে সব বৃত্তি আমাদের কাজে লাগাই তাহাই শেষে আমাদের জীবনে পাথের হইয়া দাড়ায়। মানুষের যাহাকে চরিত্র বলি তাহার ভিত্তি করে এই সব। এই চরিত্র আমাদের তৈয়ারী হয় না। ইহাকে গড়িয়া তুলিতে হয়। খাওয়া পরার ভাবনা খানিকটা কম করিয়াও আজ পর্যন্ত জন্তুর মত কেবল হাত পায়ে কলকজাগুলি ঠিক রাখিয়া চলিয়াছি। দেহের শ্রীবৃত্তি করিবার বাসনাকে জাগাইয়া রাখিয়াছি কিন্তু সেই সঙ্গে নিজেকে শ্রেয়ঃ করিবার কোন চেষ্টা নাই।

কিছু ভাবিবার বালাই আমাদের নাই। লোহা জলে ডোবে ইহা একটা সত্য, কিন্তু এই সত্যকে চরম জ্ঞান করিলে লোহার জাহাজ আজ সমুদ্রে ভাসিত না। এই যে জলের উপর দিয়া যাইবার প্রয়োজন এই রকমের প্রয়োজন আমাদের একেবারেই বোধ হয় না কেন? বাহির হইতে শক্তি না পাইলে আমরা চলিতে পারি না, অস্ত্রের তুলনায় দৈহিক বা মানসিক গঠনে আমরা হীন নহি কিন্তু তফাৎটা কেবল উদ্ভবের। বিজ্ঞান চর্চার ফলে দূরের দেশকে নিকটে পাওয়াতে অল্প জায়গার সত্যতার দান হইতে আমাদের বঞ্চিত হইবার কোন হেতু নাই। সেই জন্যই কি আমরা নিবীৰ্য্য? কারণটা বোধ হয় আমাদের জীবনের আপাততঃ স্বচ্ছন্দ গতিজনিত অবসাদ। আমাদের কোন বিষয়েই অগ্রগতি নাই। আমরা অশুকরণ করিতেই ব্যস্ত, শ্রদ্ধার আদানপ্রদান

নাই। শ্রদ্ধাকে বেশী করিয়া বাহিরেই বিলাইয়া দিয়াছি। ঐখানেই আমাদের বিচারবুদ্ধির অভাব। কোন ব্যাপারই বিশ্লেষণ করিয়া দেখি না। মানুষের মনের অবস্থার সংস্কারের উপর লোকসমাজের সত্যতা গড়িয়া উঠে। আমাদের সংস্কার বহুদিন বন্ধ। পুরাতন অন্ধ অবস্থা এমন আমাদের বৃকে চাপিয়া বসিয়াছে যে আমাদের সমাজে সত্যতার ছাপ পাইতে হইলে অশুকরণের বৃত্তিকে একেবারে পূর্ণমাত্রায় তুলিয়া ফেলিতে হইবে। ভৌগলিক ও সামাজিক কারণে সত্যতার প্রকাশ বিভিন্ন রূপে। কিন্তু সেই সঙ্গে মনের বিলাস সত্যতাকে বৈশিষ্ট্য দেয়। ইহারই রূপ ও মাপ আমাদের জীবনকে নিরলস, শাস্ত ও মহিমাময় করিয়া তোলে। আমরা যখন আবার আলো জ্বালিব মনের প্রদীপ্ত শিখা আমাদের অন্ধ মোহকে দূর করিয়া দিবে। অস্ত্রের প্রেম ও শ্রদ্ধা এই শিখাকে জ্বালাইবে। প্রেম যখন অস্ত্রে জাগিয়া উঠিবে তখন সেই প্রেমের সাধনায় যে ভোগ করিব তাহার মধ্যে উচ্ছৃঙ্খলা থাকিবে না। অতি শীঘ্রই তালহীন হইয়া জীবন একদিকের ভাবে মুইয়া পড়িবে না। তাহাতে যত্নের কামনা জাগিবে না। বাঁচিবার আনন্দটাই সব শ্রম, ক্লেশ ও দুঃখকে ভুলাইয়া দিবে। এই আনন্দের বাণ আমাদের সমাজে ডাকিয়া আনিতে হইবে।\*

\* এই প্রবন্ধের মূল বিষয়টির উপর ভিত্তি করিয়া 'সংস্কৃতি পরিষদে'র এক সাধারণ বৈঠকে একটি প্রবন্ধ পঠিত হইয়াছিল।

## যাদুকরের ফাঁকি

শ্রীবিমলাশঙ্কর দাশ

আমি যাদুকর যাদুবিদ্যায় পেয়েছি সিদ্ধি মোর

যাদু-বলে আমি বহু আঁখি 'পরে এনেছি তন্ত্রা ঘোর।

সার্থক আমি, সাধনায় তবু কিছু আছে মোর বাকি  
দিয়েছি, পেয়েছি, নানান নকল, আসলে জমেছে ফাঁকি।

যে মায়া-পরশে মাটি হয় সোনা, নির্জীব পায় প্রাণ,  
সারা বিশ্বের সৃষ্টিতে থাকে যে মহামায়ার দান,

সে মায়ার আমি জানি নাই কিছু, শিখি নাই কিছু ভাই!  
সকল খেলার শেষের কথাটি তাই ক'য়ে যেতে চাই—

যে ছলনা করি' নানা কৌশলে ঢাকিয়াছি বহু আঁখি  
তাহার চেয়েও নিবিড় ছলনে নিজেও আঁধারে থাকি।

দেখায়েছি যত নব নব খেলা করি' নব আয়োজন  
অস্তর-মাঝে সে সবারে মোর নাহি কিছু প্রয়োজন।

তার তরে আমি ধরে দিতে পারি শ্রেষ্ঠ রূপের কায়া  
যে পারিবে শুধু ধরে দিতে সেই মোর অস্তর-মায়া।



## বন্ধু শ্রীবুদ্ধদেব ভট্টাচার্য্য

পৌষ মাসের এক সুন্দর প্রভাত। পাখীরা কলরব করিতেছে। সূর্যের প্রথম কিরণ জানালার ফাঁক দিয়া শয়নকক্ষে প্রবেশ করিতেছে। অগ্নিমা দেবী ও তাঁহার স্বামী সুপ্ত।

ঘুম ভাঙিতেই অগ্নিমা দেখিলেন তাঁহার পার্শ্বে ভূপেন (তাঁহার পুত্র) নাই; তিনি ডাকিলেন, “ভূপা, ও ভূপা, কোথায় গেলি রে?” ভূপেন (দূর হইতে) “মা, এই যে আমি ছাগল ছানাটার কাছে বসে।”

অগ্নিমা (তাঁহার স্বামীকে ডাকিয়া), “দেখছ ভূপার ছুঁটামি! এই শীতে ঘর থেকে বেরিয়ে চলে গেছে ছাগলটার কাছে!”

দিলীপবাবু, “ঐ ছাগলটার জন্মই তো ভূপা বেঁচে গেল। কত বড় একটা রোগ হ’ল! ডাক্তারে বললে—ছাগলটাগলের সঙ্গে থাকতে হবে তবে যদি বাঁচে। মানুষ যদি কোন লোক বা পশুর কাছে কিছুদিন থাকে সে সহজে তাকে ছাড়তে পারে না; তাতে আবার সেটি ছোট ছাগল ছানা।”

অগ্নিমা, “তবে কি একটা রোগ থেকে আর একটা রোগে পড়লে ভাল হয়।”

দিলীপ, “না আমি তা বলিনি। (ভূপেনকে ডাকিলেন) এই ভূপা, ভূপা!”

ভূপেন (দূর হইতে) “যাই বাবা।”

দিলীপ, “কি করছিস, চলে আয়।”

ভূপেন দূরের একটি কক্ষে ছাগল ছানাটি কোলে করিয়া বসিয়াছিল। বাপের ডাক শুনিয়া ধীরে ধীরে ছাগলের মাথাটি ক্রোড় হইতে নানাইয়া ছুটিয়া আসিল।

দিলীপ, “কি করছিলি?”

ভূপেন, “ছাগল ছানাটা কাঁদছিল, আমার ঘুম ভেঙে গেল। তাই দৌড়ে গেলাম দেখতে।”

দিলীপ, “ছাগলটা কেমন আছে?”

ভূপেন, “গলাটা কেমন বেঁকে যাচ্ছে। আর আগেকার মত দাঁড় করালে, পড়ে যাচ্ছে।” বলিয়া মুখটি ম্লান করিয়া পিতার পানে চাহিল।

অগ্নিমা, “দাঁড়াও, আজই ওটাকে আমি কাউকে দিয়ে দিচ্ছি। তোমার ছাগল নিয়ে থাকা বার করছি।”

দিলীপ, “আহা কেন সকালে ওকে কাঁদাচ্ছ? ছেলে-মানুষ, যদি ছাগল নিয়ে খেলা করে তাতে ক্ষতি কি?”

অগ্নিমা, “দিনরাতই কি ঐ নিয়ে থাকবে?”

দিলীপ, “না, না, সব সময়ে থাকবে না; তবে সময়ে সময়ে যাবে বই-কি।”

বিশেষ ক’রে ওর বন্ধু যখন বিপদে পড়েছে, আর যদিই-বা না বাঁচে। বন্ধু থাক না একটু।” বন্ধু না বাঁচে শুনিয়া ভূপার চোখে জল আসিল। এমন সময় হঠাৎ আবার ছাগল শিশুটি চীৎকার করিয়া উঠিল। ভূপেন ছুটিয়া চলিয়া গেল।

অগ্নিমা, “ঐ ছাগলটা যেন ভূপেনের প্রাণ, ওকে ছেড়ে এক মুহূর্তও ওর চলে না। বড্ড বাড়াবাড়ি করছে।”

দিলীপ, “কি করব বল; বাঙ্গালা দেশ ছেড়ে পড়ে আছি। তেমন সঙ্গী সাথী নেই। কোথায় বন্ধু পাবে বল। তবু তো বন্ধুর ক্ষুধা ছাগ শিশুটা মেটাচ্ছে কতকটা। এটাও তো দরকার।”

অগ্নিমা, “তোমার যেমন কথা।”

ভূপেন পুনর্বার আসিয়া বলিল, “বাবা, ছাগল ছানাটা কি করছে একবার দেখবে চল।” এবার তার চোখ দিয়া ঝর ঝর করিয়া জল পড়িতে লাগিল।

দিলীপবাবু তাঁহার স্ত্রীকে বলিলেন, “চল না একবার দেখে আসি, যদি কিছু উপায় করা যায়।”

তাঁহারা চলিয়া গেলেন।

ছাগ শিশু প্রায় মাটিতে লুটাইয়া পড়িয়াছে, ঘাড়টা যেন ঈষৎ আড়ষ্ট হইয়া গিয়াছে।

অগ্নিমা, “আর এ বাঁচবে না।”

ভূপা ইহা শুনিয়া আরও কাঁদিতে লাগিল।

দিলীপ, “চুপ কর ভূপা, কাঁদিসনে। ও ভাল হয়ে যাবে। (তাঁহার স্ত্রীকে) চাকরটাকে ডেকে বল একটু আগুন ক’রে দিক; জায়গাটা গরম হয়ে যাক। তার পর হামপাতালে পাঠিয়ে দিলেই হবে। এ কেবল ঠাণ্ডার জন্তে।”

অনিমা ( ভৃত্যকে ) “কৈলাস ! ও কৈলাস !”

ভৃত্য ( অর্ধ স্তম্ভ স্বরে ) “কি মা ?”

অনিমা, “শোন্ শীগগির ক’রে ।”

ভৃত্যটি আসিয়া বলিল, “কি বলুন ?”

দিলীপবাবু, “মা, একটু আগুন ক’রে দে ।”

ভৃত্য, “কোথায়—উনানে ?”

অনিমা দেবী হাসিয়া উঠিলেন ।

দিলীপবাবু, “তোমার মাথায় । বেটা ঘুমুচ্ছিল তা শুনি  
কি ? এই ছাগলটার কাছে একটু আগুন ক’রে দে ।”

তাঁহারা দুইজনে চলিয়া গেলেন । সে স্থানে রইল শুধু  
ভূপেন আর কৈলাস । কৈলাস তাহার প্রভুর আদেশ  
পালনে ব্যস্ত ।

( ২ )

ছাগলটি হাসপাতালে । হাসপাতালের ডাক্তার দিলীপ-  
বাবুর বন্ধু, সেই জন্তুই ছাগলটির দিকে তিনি বিশেষ দৃষ্টি  
রাখিয়াছেন । এধারে কিন্তু ভূপেন ছাগ শিশুর জন্তু বড়ই ব্যস্ত  
ও উদ্বিগ্ন । প্রতি মুহূর্তই সে ছাগ শিশুটির কথা ভাবিতেছে ।  
‘আজ চঞ্চল ভূপেন যেন গম্ভীর ! সুন্দর নীল আকাশে হঠাৎ  
কোথা হ’তে বাদল আসিয়া দেখা দিল ! তখন প্রায় এগারটা,  
ভোজনাদি সমাপ্ত হইয়াছে । দিলীপবাবু কাছারী গিয়াছেন ।  
অনিমা আপন কার্যে ব্যস্ত । ভূপেন তাঁহার কাছে গিয়া  
বলিল, “মা, একবার ছাগলটাকে দেখে আসছি ।”

অনিমা, “কি করবে ?”

ভূপেন “একটু দেখে আসব ।”

অনিমা, “না ।”

ভূপেন, “এই কাছেই তো হাসপাতাল ।”

অনিমা, “থাক, তবু তুমি যাবে না ।”

ভূপেন ক্ষুণ্ণ মনে মায়ের নিকট হইতে ফিরিয়া গেল ! আজ  
আর সে একটবার মায়ের অবাধ্য না হইয়া কোন প্রকারে

থাকিতে পারিল না । কাহাকেও না বলিয়া একটবার ছুটিয়া  
হাসপাতালে চলিয়া গেল । কিছুক্ষণ পরে আবার ফিরিয়া  
আসিল । তাহার মা এ সকল কথা কিছুই জানিতে  
পারিলেন না ।

পাঁচটা বাজিয়া গিয়াছে । দিলীপবাবু কাছারি হইতে  
ফিরিয়াছেন এবং ভিতরে বসিয়া আছেন । হাসপাতালের  
ডাক্তার আসিয়া ডাকিলেন, “দিলীপবাবু !”

দিলীপবাবু, “আমুন” বলিয়া বাহিরে চলিয়া গেলেন ।  
পরে দুইজনে ফিরিয়া কক্ষমধ্যে উপবিষ্ট হইলেন ।

ভূপেনও তাহার বন্ধুর সংবাদ শুনিবার জন্ত ছুটিয়া  
আসিল ।

দিলীপবাবু ভূপেনকে দেখিয়া ডাক্তারবাবুকে জিজ্ঞাসা  
করিলেন, “আচ্ছা, ছাগলটা কি রকম আছে ?”

ডাক্তার, “ভালই আছে । কাল সকালে লোক  
পাঠাবেন আমি পাঠিয়ে দিব ।”

দিলীপ, “কি হয়েছিল ?”

ডাক্তার, “কিছু না, কেবল ঠাণ্ডার জন্তু ।”

দিলীপ, “আজ ভূপেন তো সমস্ত দিন বন্ধুহীন হয়ে  
আছে । বন্ধুকে দেখবার জন্তু বড়ই অস্থির হয়ে পড়েছে ।  
তা এখন ভাল আছে তো ?”

ডাক্তার, “হ্যাঁ । তারপর আমাদের ভূপেনবাবু তাঁর  
কক্ষটারটাও কোন্ ফাঁকে ছাগলটার গলায় জড়িয়ে  
দিয়ে এসেছে !”

দিলীপ, “তাঁহা নাকি ! ভূপেন তুমি কক্ষটারটা  
জড়িয়ে এসেছো ?”

ভূপেন কিছু বলিল না । সে তাহার মায়ের নিকট  
হয়তো ইহার জন্তু বন্ধুনি খাইতে পারে ; কিন্তু ছাগলটি  
ভাল আছে এবং সকালে আসিবে শুনিয়া সেজন্তু বিদুমাত্র  
বিচলিত হইল না । বন্ধুর কুশল সংবাদের আনন্দে তাহার  
ভৎসনার ভয় দূর হইয়া গেল ।



## পশ্চিম বাঙ্গালার দুর্ভিক্ষ

পশ্চিম বাঙ্গালার উপরে অল্পকষ্ট ও দুর্দশার করাল ছায়া পড়িয়াছে। মেদিনীপুর জেলার কাঁচি ও তমলুক মহকুমা ভীষণ বস্তার বিধ্বস্ত। এই অঞ্চলের অধিবাসীকুলের দুঃখকষ্টের কাহিনী সংবাদপত্রের পাঠকদের অগোচর নাই। আচার্য প্রফুল্লচন্দ্র প্রমুখ নেতৃগণ এই সকল হতভাগ্যের দুর্দশা মোচনের জন্ত সহায় জনসাধারণের নিকট অর্থসাহায্য প্রার্থনা করিয়াছেন।

বাকুড়া ও বীরভূমে এবার সময়ে বৃষ্টি হয় নাই এবং যে বৃষ্টি হইয়াছে, তাহাও পরিমাণে বড় কম। ইহার কলে, সময় মত খাদ্য রোপণ হয় নাই। তবুও আশ্বিন কার্তিকে বৃষ্টি হইলে, খাদ্য কতক পরিমাণে বাঁচিত এবং ইক্ষু আলু ইত্যাদি রবিশস্তের আবাদ হইত। কিন্তু দুর্ভাগ্যক্রমে, এই সময়েও বৃষ্টির অভাব হইয়াছে।

এই সকল অঞ্চলে কৃষিক্ষেত্রে জলমেচনের জন্ত যে সকল অসংখ্য বাঁধ পুকুর আছে, তাহার অধিকাংশই সংস্কারের অভাবে মজিয়া অকর্মণ্য হইয়াছে। এই সকল জলাশয়ে অশ্রান্ত বৎসরে যে পরিমাণ জল থাকে, এই বৎসর বৃষ্টির অভাবে তাহাও নাই। সুতরাং সেচন করিয়া কসলের কিয়দংশ রক্ষা করিবে, সে উপায় নাই।

যে ভীষণ দুদিন কালমেঘের মত ঘনাইয়া আসিতেছে, তাহাতে যে কেবল অশ্রান্তজনিত কষ্ট হইবে, তাহা নহে। সূর্য ও পানুর জন্ত জল দুস্প্রাপ্য হইবে। খাদ্য ও পানীয়ের অভাবে, কৃষকের প্রধান সম্বল গরু মহিষকে বাঁচান কঠিন হইয়া উঠিবে।

সরকারের তরফ হইতে মাটি কাটার কাজ আরম্ভ করা হইয়াছে। তাহাতে দলে দলে লোক আসিতেছে। ফেমিন কোডের বিধান অনুসারে যে সামান্য পারিশ্রমিক নির্দিষ্ট আছে তাহাতে হয়ত ইহাদের মুন-ভাতের ব্যবস্থা হইতে পারে। কিন্তু যে সকল কৃষক সম্প্রদায় মাটিকাটার কাজে অভ্যস্ত নহে, তাহাদের কেমন করিয়া চলিবে? চাষী-খাতক আইন ও ঋণসালিশী বোর্ডের কৃপায় কর্তৃ পাওয়া কঠিন হইয়াছে। সম্প্রতি যে মহাজনী আইন প্রবর্তিত হইয়াছে, তাহাতে অচল অবস্থার সৃষ্টি হইয়াছে বলিলে অত্যুক্তি হইবে না।

এই সকল দুর্দশাগ্রস্ত লোকদিগকে আসন্ন বিপদ হইতে উদ্ধার করিবার জন্ত সহায় ব্যক্তিমাত্রকেই মুক্তহস্তে অর্থসাহায্য করিতে হইবে। আচার্য প্রফুল্লচন্দ্র ব্যতীত, কংগ্রেসকর্মীদের তরফ হইতে ডক্টর প্রফুল্লচন্দ্র যৌব সাহায্য প্রার্থনা করিয়াছেন। রবীন্দ্রনাথের প্রতিষ্ঠিত ঐনিকেন্তনের কর্মীগণ দক্ষিণ বীরভূমের নানা স্থানে সাহায্য-কেন্দ্র স্থাপন

করিবার ব্যবস্থা করিতেছেন। কিন্তু দেশবাসীগণের যথেষ্ট সহায়স্বত্ব না পাইলে ইহাদের চেষ্টা সম্পূর্ণ কমবতী হইবে না।

বিপদের সময় অস্থির হইতে নাই, শান্ত্র এই প্রকার বিধান আছে। কৃষিকার্য বৃষ্টিপাতের উপর নির্ভর করে। কিন্তু বৎসর বৎসর বৃষ্টি হয় না এবং সময় মত বৃষ্টিপাত হয় না। এই অশ্রান্তজনিত দুর্ভাগ্য নিবারণকল্পেই এই অঞ্চলে প্রাচীনকাল হইতে বাঁধ-পুকুর কর্তব্য আছে। তাহার সংস্কার হওয়া প্রয়োজন। কেবল বৎসর যে টাকা অনাবশ্যক মাটির কাজে অপব্যয় হয়, তাহা এই সকল জলাশয়ের পঙ্কোদ্ধার ও সংস্কার কার্যে ব্যয় হইলে দেশের প্রকৃত কল্যাণ হয়।

অনাবৃষ্টিজনিত শস্তহানি পশ্চিম বাঙ্গালার অকৃতপূর্ব নহে। কিন্তু প্রতি বারেই রাস্তাঘাটের কাজে বেশী ব্যয় হইয়াছে, সেচনের জলাশয়গুলির প্রতি যথেষ্ট মনোযোগ করা হয় নাই।

কিছুদিন হইল এই সকল বাঁধ পুকুরের উন্নতির জন্ত একটি আইন পাশ হইয়াছে। এই আইনের বিধান বাহাতে জলাশয়গুলির সংস্থা প্রচারিত হয় এবং বর্তমান দুর্বৎসরে এই আইনের কার্যকরী কার্য করা হয়, তাহার ব্যবস্থা হওয়া উচিত। সর্ব্বথা এবারেও রাস্তাঘাটে টাকা খরচ হইয়া বাইবে, দুর্ভিক্ষ নিবারণের ব্যবস্থা হইবে না।

ভারতবর্ষের কৃষকদের বিষয় বাঁহারা আলোচনা করিয়াছেন, তাঁহারা সকলেই এই সিদ্ধান্তে উপনীত হইয়াছেন যে, সর্ব্বত্রই কৃষকগণ বৎসরের মধ্যে প্রায় ছয় মাস চামের কাজ করে না। সুতরাং তাহাদের অবস্থার উন্নতি করিতে হইলে, তাহাদিগকে এমন কোনও সহজ শিক্ষাকার্য শিক্ষা দিতে হইবে যাহাতে তাহারা অবসর সময়ে সামান্য কিছু উপার্জন করিতে পারে। এইজন্যই মহাত্মা গান্ধী তাহার পরিকল্পিত কার্য-পদ্ধতিতে চরকা ও বরনশিল্পের ব্যবস্থা করিয়াছেন। বিশেষত ভারতবর্ষের কৃষি বৃষ্টিপাতের উপর নির্ভর করে এবং সেইজন্য কৃষির কলাফল অনিশ্চিত।


দুর্ভাগ্যবশত, আমাদের দেশে নুতন কোনও কুটিরশিল্পের প্রবর্তন হয় নাই। বাহা ছিল, তাহাও বঙ্গশিল্পের প্রতিযোগিতার মৃতপ্রায়। দুর্ভিক্ষপীড়িত জনসাধারণের দুর্দশা মোচন কার্যে ইহাই প্রধান অন্তরায়। শিক্ষাবৃষ্টির দ্বারা দুই-একজন লোকের দুই-চারি দিন প্রতিপালন হয়, কিন্তু দুই-তিনটি জেলার সমস্ত লোককে কেমন করিয়া বাঁচান যায়। বাঁহারা দেশের প্রকৃত মজলাকাজী, আজ দুর্দিনে এই সকল কথা তাহাদিগকে চিন্তা করিতে হইবে।



## বঙ্গীয় প্রাদেশিক হিন্দু সম্মেলন

শ্রীঅতুল্যচরণ দে পুরাণরত্ন

বর্তমানে হিন্দুসমাজ নানাভাবে দলিত ও বিপর্যস্ত। নভেম্বর) বঙ্গীয় প্রাদেশিক হিন্দুসভার নবম অধিবেশন হিন্দু-মুসলমান সংঘর্ষ আজ বাঙ্গালার বুকে এক শোচনীয় মহাসমারোহে স্ফুটন হইয়াছে। ইহার অভ্যর্থনা সমিতির




কুষ্মনগরে সমবেত হিন্দু নেতৃবৃন্দ—ডাঃ মুন্সে, ডাঃ শ্যামাপ্রসাদ, নরেন্দ্রকুমার, শৈলেন্দ্রনাথ, স্তারমন্ননাথ প্রভৃতি

সভাপতি হইয়াছিলেন এড-ভোকেট শ্রীযুক্ত নরেন্দ্রকুমার বসু এবং সভাপতি হইয়াছিলেন প্রসিদ্ধ হিন্দুনেতা স্তার শ্রীযুক্ত মন্ননাথ মুখোপাধ্যায়। হিন্দুসমাজের বিভিন্ন জাতির পঞ্চাশতাবধিক প্রতিনিধি সভায় যোগদান করিয়াছিলেন এবং দর্শক হিসাবে তিন্ন তিন্ন শ্রেণীর প্রায় পঞ্চ সহস্র ব্যক্তি উপস্থিত ছিলেন। এই সভার বিশেষত্ব এই যে তথাকথিত অস্পৃশ্য, অনাচরণীয় ও অমুন্নত সম্প্রদায়ের লোকদিগকে সভাস্থলে উপস্থিত থাকিতে এবং কোন-

অবহার সৃষ্টি করিয়াছে। বাঙ্গালার আকাশবাতাস আজ অশুদ্ধতা ও উৎপীড়িতা হিন্দুনারীর আর্ন্তস্বরে মুখরিত। তাই সমগ্র বঙ্গদেশে হিন্দুসংগঠনের জন্ত একটা সাজা পড়িয়া গিয়াছে। বাঙ্গালী হিন্দু আজ বুঝিয়াছে যে সংগঠন ব্যতীত তাহার উপারান্তর নাই। সম্প্রদায়বিশেষের সাম্প্রদায়িকতার ফলে তাহার সুস্থ মেহে জীবনধারণ করা দুঃসাধ্য হইয়া উঠিয়াছে। তাহার চারিদিকেই বিপদ।

এই বিপৎসাগরে নিম্ন অবস্থা হইতে কুল পাইতে হইলে সংস্কারভাবে কোন বিহিত চেষ্টা করা উচিত—বাঙ্গালার হিন্দুরা ইহা যে সম্যক উপলব্ধি করিয়াছে তাহা কুষ্মনগরে অস্থিত হিন্দুসভার বিগত অধিবেশনের মাকল্যে সহজেই অস্বীকার করিতে পারা যায়।



নদীয়া জেলার অন্তর্গত কুষ্মনগরে ( গত ১৬ই ও ১৭ই হিন্দু জাগরণ আন্দোলনে নিবেদিতপ্রাণ ডক্টর শ্রীযুক্ত শ্যামাপ্রসাদ মুখোপাধ্যায়



রূপ উদ্ভাষণ না করিয়া তাহাদের প্রতি অধিকারের উচ্ছেদ ও সুবিচারের দাবী করিতে দেখা যায়।

হইতে থাকে এবং মধ্যে মধ্যে কুলবধূগণ গৃহের বাহিরে আসিয়া শ্রী ও উলুফানির সহিত তাঁহাকে হিন্দুপ্রথার বরণ করিতে থাকেন।

১৬ই নভেম্বর সকালে নির্বাচিত সভাপতি শ্রী মনমথনাথ

মুখোপাধ্যায়, নিখিল ভারত

হিন্দু মহাসভার অস্থায়ী সভা-

পতি ডাঃ বি, এম, মুঞ্জ, ডাঃ

শ্রী মা প্রসাদ মুখোপাধ্যায়,

শৈলেন্দ্রনাথ বন্দ্যোপাধ্যায়,

সনৎকুমার রা য চৌ ধু রী,

হেমেন্দ্র প্রসাদ ঘোষ, নির্মল-

চন্দ্র চট্টোপাধ্যায়, ডা ক্তা র

সুনীতিকুমার চট্টোপাধ্যায়,

আশুতোষ না হি ডী প্রমুখ

হিন্দুনেতৃবৃন্দ ও দুই শত প্রতি-

নিধি কলিকাতা হইতে কৃষ্ণ-

নগরে পৌছেন। ষ্টেশনে

স্বেচ্ছাসেবকগণসহ বিশিষ্ট

হিন্দু নাগরিকবৃন্দ তাঁহাদের

অভ্যর্থনা করেন। এতদ্বিধ

সহস্র সহস্র লোক তাঁহাদের

দর্শন প্রতীক্ষায় আগ্রহাকুল

চিত্তে সমবেত হয়। অতঃ-

পর বেলা ২।।০ ঘটিকার সময়ে

নির্বাচিত সভাপতি, ডাঃ

মুঞ্জ ও অশ্রী শ্রী নেতৃবৃন্দকে

লইয়া এক বিরাট শোভাযাত্রা

বাহির হয়। শোভাযাত্রার

পুরোভাগে ছিল হিন্দু পতাকা

শোভিত সুসজ্জিত হস্তী,

তৎপরে ছিল শত শত সাই-

কেল আরোহী স্বেচ্ছাসেবক,


সর্বশেষে অসংখ্য সন্তানের

প্রতিনিধিগণ লাঠিহাতে অগ-

গমন করিতেছিল। এক্ষণে

শোভাযাত্রা পত্রপুষ্প সুসজ্জিত রাজপথ দিয়া ধীরে ধীরে অত্র-  
সর হইবার কালে সভাপতির মন্তকোপরি অজস্র পুষ্প বর্ষিত

অপরায় ৪-১৫ মিনিটের সময় পাবলিক লাইব্রেরী প্রাঙ্গণে  
সহস্র সহস্র দর্শকের উপযোগী নির্মিত বিরাট মণ্ডপে সভার



কুকনগরে সভাপতি প্রভৃতিকে লইয়া এক মাইল দীর্ঘ শোভাযাত্রার একাংশ



কুকনগর হিন্দু সম্মিলনে 'বন্দে মাতরম' সঙ্গীতের গায়িকাগণ

অধিবেশন আরম্ভ হয়। সভাপতি শ্রী মন্মথনাথের পাশে বিশিষ্ট নেতৃবৃন্দ মঞ্চোপরি উপবিষ্ট থাকেন। মঞ্চের সম্মুখ-ভাগে প্রতিনিধিরা তাঁহাদের আসন গ্রহণ করেন। প্রথমে অভ্যর্থনা সমিতির সভাপতি তাঁহার অভিভাষণে সকলকে



শ্রী শ্রীযুত মন্মথনাথ মুখোপাধ্যায়

সাদর সম্ভাষণ জ্ঞাপন করিয়া ও পাকিস্থান পরিকল্পনাদলনে সঙ্ঘর ব্রতী হওয়ার প্রয়োজনীয়তা উল্লেখ করিয়া সাম্প্রদায়িক বাটোরার ও পুনর্জন্মের তীব্রভাবে নিন্দ্য করেন এবং বাংলার নারী নির্ধাতন ও কুলটির গুলী চালনা প্রভৃতির প্রতিকার উদ্দেশ্যে হিন্দুসংগঠনকেই সম্ভব হইতে আহ্বান করেন। চারিদিকে গুনা বাইতেছে যে আগামী লোকগণনায় মুসলমানের সংখ্যাই বেশী হইবে; কিন্তু তিনি তাঁহার সমালোচনায় হিন্দুর সংখ্যাই যে বেশী হইবে তাহা সকলকে দৃঢ়ভাবে জানাইয়া দেন।

বাঙ্গালী হিন্দুর বর্তমান অবস্থা উল্লেখ করিয়া সভাপতি মহোদয় বলেন—“হিন্দুর ধর্ম্মানুষ্ঠান, প্রতিষ্ঠা বিসর্জন ও শোভাযাত্রা এখন আর অবাধে নিষ্পন্ন হয় না। মুসলমান-প্রধান গ্রামে হিন্দুর মগীরা আর পূর্বের মত স্বচ্ছন্দে চলাফেরা করিতে পারে না। হিন্দুগণ সর্বদাই নানা দুঃখকষ্ট-ভরে ভ্রম হইয়া লাহিত জীবন যাপন করিতেছে। আর এই দুঃস্থ শ্রেণীর দুঃখ মোচনের নামে এমন আইন প্রবর্তিত হইয়াছে ও হইতেছে যে তাহার ফলে এই জাতি হয়ত পরবর্তীকালে

নৃপ্ত হইয়া যাইবে। যে নীতিতে আজ বাংলাদেশ পরিচালিত হইতেছে তাহার মূলভিত্তি সাম্প্রদায়িকতার বর্তমান। সম্প্রতি যে শিক্ষাবিল বা আইনের সৃষ্টি হইতেছে তাহার মূলেও সাম্প্রদায়িক মনোভাব রহিয়াছে। ইহার ফল আপাত-দৃষ্টিতে সেরূপ ভীষণ না হইলেও পরে ক্ষতিকর মূর্তিতে প্রকাশ পাইবে।” অন্তঃপর ডাঃ মুঞ্জি হিন্দুসংগঠন সম্বন্ধে এক বক্তৃতা দেন এবং হিন্দুগণকে আশু সম্ভব হইতে অত্বরোধ করেন। সভায় উপবিষ্ট সকলেই নিবিষ্টচিত্তে তাঁহাদের বক্তৃতা ও অভিভাষণ শ্রবণ করেন।

পরদিন প্রাতে কৃষ্ণনগর মোমিন পার্কে ডাঃ মুঞ্জি হিন্দু মহাসভার পতাকা উত্তোলন করেন এবং প্রত্যেক হিন্দুকে ঐ পতাকাতলে সমবেত হইতে আহ্বান করেন। বেলা ১টার সময়ে দ্বিতীয় দিবসের অধিবেশন আরম্ভ হয়। এই অধিবেশন ছয়ঘণ্টাব্যাপী চলে। এই সভার অন্ততম বক্তা ডাঃ শ্রীমা প্রসাদের বক্তৃতা শ্রবণ করিয়া সকলেই তাঁহার ওজস্বিনী ভাষায়, তাঁহার দৃঢ়চিত্ততায় ও ব্যক্তিত্বে মুগ্ধ হন। শ্রীযুত রামানন্দ চট্টোপাধ্যায়ের মাধ্যমিক শিক্ষাবিলের সমালোচনা



হিন্দুপতাকা বহনকারী হস্তী—মিছিলের

সহিত এই হস্তীও ছিল

বেশ যুক্তিযুক্ত হয়। শ্রীযুত নির্মলচন্দ্র চট্টোপাধ্যায়ের কুলটী গুলী চালনার বর্ণনা এমনই মনস্কন্দ হয় যে অনেকে অশ্রু-বিসর্জন করিয়া সমবেদনা প্রকাশ করেন।

অধিবেশনে গৃহীত বহু প্রস্তাবের মধ্যে রাজনৈতিক বন্দীমুক্তি, মাধ্যমিক শিক্ষাবিল প্রতিরোধ, দ্বিতীয় কর্পোরেশন বিল, ধর্মচর্চায় বাধাসৃষ্টির প্রতিবাদ, গীতবাগ্যসহ শোভাযাত্রার অবাধ অধিকার ও কুলটী গুলীচালনার তদন্তের দাবী, হিন্দুসমাজে বেকার সমস্যার প্রতিকারের উপায় ইত্যাদি প্রস্তাবগুলি বিশেষ উল্লেখযোগ্য।

এক্ষণে সজ্জবদ্ধভাবে হিন্দুগণ উক্ত প্রস্তাবসমূহ যথার্থ কার্যকরী করিতে প্রয়াসী হইলে সত্যই সাফল্যের সম্ভাবনা আছে। বিগত প্রাদেশিক অধিবেশন দেখিয়া মনে হয় যে হিন্দু আজ সচেতন হইয়াছে। সে হিন্দু সংগঠনের আবশ্যিকতা মন্থে মন্থে উপলব্ধি করিয়াছে। সে আর অন্তায় অত্যাচার ও অবিচার সহ্য করিতে রাজী নহে। সে এক্ষণে মনে

করিতে শিখিয়াছে যে রাজনৈতিক আন্দোলন করিতে হইলেও সংঘবদ্ধ হওয়া আবশ্যিক। বস্তুতঃ জাতির সংগঠন ব্যতীত রাজনৈতিক স্বাভাব্য আসিতে পারে না, কিংবা আসিলেও তাহার পরিণাম সুখপ্রদ হইতে পারে না। এই সম্মিলন হইতে আমরা আর একটা জিনিষ দেখিতে পাই। অন্তঃসত্ত ও অস্পৃশ্য জাতির ভিতরেও জাণিবির আভাষ পাওয়া যাইতেছে। বিপন্ন অবস্থা হইতে উদ্ধার পাইতে হইলে উন্নত সম্প্রদায়ের সহিত বন্ধুভাবে মিশিতে হইবে তাহা তাহারা বুঝিতে পারিয়াছে এবং উন্নত সম্প্রদায়েরাও অন্তঃসত্তদের সাহায্যের আবশ্যিকতা স্বীকার করিতেছে। এই মিলিত বন্ধুতাব দেখিয়া মনে হয় যে এই ভাব হৃদয়ে সুপ্রতিষ্ঠিত হইলে সকলের সম্মিলিত চেষ্টায় বাঙ্গালী হিন্দুর সকল বিপদ অচিরেই বিদূরীত হইবে। তাহাদের ঐকান্তিক আগ্রহ দেখিয়া আশা হয় যে এই ভাবের বস্তায় ভাটা পড়িবে না। উহার পরমায়ু হইবে যেমনি অব্যয়, তেমনি অক্ষয়।

## জানালায় ধারে

### শ্রীবিবেকানন্দ মুখোপাধ্যায়

আলোছায়া অন্ধকারে দাঁড়াইলে জানালায় ধারে,  
দ্বাদশীর চাঁদ বুঝি দেখা দিল মেঘের ওপার ?  
অথবা স্বপন এলো যেন কোন্ নদীর কিনারে  
বলাকার পাথে যেন নেমে এলো ছায়া-অন্ধকার।

এলে তুমি ত্রস্ত পদে, দেখে নিলে গেছি কতদূর-  
ফিরিয়া চাহিয়া দেখি চোখ ছুটি তারার মতন,  
মলিন হাসির রেখা গোধুলির বেদনা বিধুর  
অতীত দিনের ছায়া মুখে তব মধুর এমন !

বহু দূরে গেছি বুঝি ?—তবু দেখি জানালায় ধারে  
ফিরে এলো দিনগুলি, শরতের শিশির সকাল,  
নির্জর্জন মধ্যাহ্ন যত লঘু পায় এলো বারে বারে  
চকিত চুম্বন কত বাহুডোরে কত ইন্দ্রজাল !  
হয়তো গভীর রাতে বাতায়নে নাই তুমি আর  
আমার মনের পাথে ছায়ামূর্তি এলো যে তোমার !





### ছাত্রসমাজ ও দমননীতি—

পণ্ডিত জহরলাল নেহরুকে কারারুদ্ধ করায় ভারত-ব্যাপী যে বিক্ষোভের সঞ্চার হইয়াছিল তাহারই চেউ ছাত্র-মহলকেও যে উদ্বেলিত করিয়া তুলিয়াছে তাহাতে বিশ্বিত হইবার কিছু নাই। কিন্তু কয়েকটি প্রাদেশিক সরকার ছাত্রদের এই মনোবৃত্তিবরদাস্ত করিতে রাজী নহেন; বরং তাঁহারা ছাত্রদের এই বিক্ষোভ প্রদর্শনকে অমার্জনীয় অপরাধ বলিয়া গণ্য করিয়াছেন। মাদ্রাজ ও বৃহৎপ্রদেশেই ছাত্রদের প্রতি কঠোর দমননীতি প্রদর্শিত হইয়াছে। দিল্লীর ধবরে প্রকাশ, দিল্লীর ছাত্রসমাজের সভাপতি মিঃ ফারোকির এম্-এ ডিগ্রী ও সম্পাদক মিঃ সিংঘির বি-এ ডিগ্রী কাড়িয়া লওয়া হইয়াছে। দিল্লী বিশ্ববিদ্যালয়ের ভাইস-চ্যান্সেলর স্মার ম্যাক্সিস গয়ারও এই দণ্ড অন্মোদন করিয়াছেন। যে অপরাধের জন্ত এই দণ্ডাদেশ প্রদত্ত হইয়াছে তাহা এমন কিছু মারাত্মক অপরাধ নহে; আর শাস্তিটাও গুরুতর বলিয়া মনে করা চলে; কিন্তু স্থান কাল পাত্র-ভেদে সহজ জিনিষই যে জটিল হইয়া পড়ে, ইতিহাসে তাহার নজির ভূরি ভূরি পাওয়া যায়।

### ডঃ শ্যামাপ্রসাদের ভাষণ—

সম্প্রতি আগ্রা বিশ্ববিদ্যালয়ের সমাবর্তন উৎসব উপলক্ষে ডক্টর শ্রীযুক্ত শ্যামাপ্রসাদ মুখোপাধ্যায় যে অভিভাষণ দিয়াছেন তাহাতে তাঁহার ভারতীয় সংস্কৃতিবোধের পরিপূর্ণ প্রমাণ পাওয়া গিয়াছে। তিনি ঐ প্রসঙ্গ বলিয়াছেন যে, পৃথিবীর মানব সমাজ আজ অতি দুর্দৈবের মধ্য দিয়া চলিতেছে; উদার ও বিচক্ষণ দৃষ্টি আজ সব চেয়ে বেশী আবশ্যক হইয়া পড়িয়াছে। আজিকার সর্বব্যাপী বিচ্ছেদ, হতাশা, অজ্ঞতা, অন্ধতার মধ্য দিয়া ভারতবাসীকে তাহাদের সত্যিকারের কল্যাণের পথ খুঁজিয়া বাহির করিতে হইবে। হিন্দু ও মুসলমানকে ভারতের আবশ্যক ঐক্য প্রতিষ্ঠা করিয়া জীবনকে

সকল দিক দিয়া উদার ও সহিষ্ণু করিয়া তুলিতে হইবে। যে উদার মনোভাব ও দৃষ্টিতে ডঃ শ্যামাপ্রসাদ এই কথাগুলি বলিয়াছেন, আজিকার দিনে যাহারা বিভেদ সৃষ্টি করিয়াই চলিয়াছে, তাহারা তাঁহার কথাগুলি ধীরভাবে গুনিতে চাহিবে বলিয়া মনে হয় না। কিন্তু আমাদের বিশ্বাস, গুনিলে দেশের ও জাতির অশেষ কল্যাণই সাধিত হইবে।

### বিহারে প্রাথমিক শিক্ষা ও বাঙ্গালা—

ভারতের প্রত্যেক প্রদেশেই নিরক্ষরতা দূর করিবার জন্ত আগ্রহ ও প্রচেষ্টা লক্ষিত হইতেছে। সম্প্রতি অধ্যাপক কে, টি, শাহের সভাপতিত্বে বিহারের শিক্ষা-সংস্কার সমিতি বার্ষিক আড়াই কোটি টাকা ব্যয়ে বিহারের দশ বৎসরের নিম্ন বয়সের ৫২ লক্ষ ৫০ হাজার বালক-বালিকার বাধ্যতামূলক প্রাথমিক শিক্ষা ব্যবস্থার জন্ত সুপারিশ করিয়াছেন। গঠনমূলক কাজে বিহার সরকার কংগ্রেসী মন্ত্রীমণ্ডলের আমল হইতে যেরূপ আগ্রহ দেখাইতেছেন তাহাতে মনে হয়, বিহার সরকার এই সুপারিশ মানিয়া লইবেন। অথচ বাঙ্গালা এ বিষয়ে যে কতটা শশ্চাতে পড়িয়া আছে তাহা বলা যায় না। একদিন যে বাঙ্গালা শিক্ষা, সভ্যতা ও সংস্কৃতির গর্বে সমগ্র ভারতের নিকট হইতে মর্যাদা লাভ করিয়াছিল, আজ সাম্প্রদায়িকতা লইয়া সেই বাঙ্গালাই নিজেদের মধ্যে খাওয়া-খাওয়ি করিয়া মরিতেছে। অজ্ঞানতাই আমাদের দেশে সকল বিরোধের প্রধান কারণ; সেই জন্তই বাঙ্গালায় বিহারের ন্যায় ব্যাপকভাবে বাধ্যতামূলক প্রাথমিক শিক্ষার ব্যবস্থা অবিলম্বে হওয়া একান্ত প্রয়োজন।

### হিন্দুনারীর দায়াদিকার—

হিন্দুনারীর দায়াদিকার বিল সম্পর্কে কেন্দ্রীয় ব্যবস্থা পরিষদে শ্রীযুক্ত অখিল চন্দ্র দত্ত মহাশয় যে প্রস্তাবটি আনেন, সেটি অগ্রাহ্য হইয়া গিয়াছে। হিন্দুর প্রচলিত আইনে পিতা অথবা স্বামীর সম্পত্তিতে মেয়েদের ভরণপোষণের ব্যবস্থা ভিন্ন আর

কোনও স্বাভাবিক অধিকার নাই ; থাকা উচিত ছিল কি-না সে আলোচনা এখন নিষ্ফল। তবে এইরূপ বিধিব্যবহার ফলে হিন্দুসমাজে নানা অসুবিধা, অশান্তি ও সমস্যা দেখা দিয়াছে। সুতরাং দেশের কল্যাণকামীদের আমরা এবিষয়ে সম্ভাষণক মীমাংসার জন্ত চেষ্টা করিতে বলি।

### দেশীয়রাজ্যের সমাজ-সংস্কার—

ইংরেজ-শাসিত ভারতের মত দেশীয় রাজ্যগুলিতেও সমাজসংস্কার আন্দোলন শুরু হইয়া গিয়াছে। সম্প্রতি দক্ষিণপথের কোচিন রাজ্যের আইন-সভায় বালাবিবাহ নিয়ন্ত্রণ বিল গৃহীত হইয়াছে। শারদা আইনে ইংরেজ-শাসিত ভারতে যে ফলের প্রত্যাশা করা গিয়াছে, অমুরূপ উদ্দেশ্য সাধনের জন্তই কোচিনের এ বিবাহ-নিয়ন্ত্রণ আইন রচিত। এই আইনের দ্বারা স্থির হইয়াছে যে, বিবাহযোগ্য পাত্রের বয়স অন্তর্ন আঠার, আর কন্যার চৌদ্দ বৎসরের কম হইতে পারিবে না। আইনের ব্যবস্থায় কোন গোল নাই ; কিন্তু আইনের প্রয়োগে তাহা যদি শারদা আইনের প্রয়োগ ব্যবস্থার মতই হয় তাহা হইতে উদ্দেশ্য যত সাধুই হোক না, বালাবিবাহ-নিয়ন্ত্রণের উদ্দেশ্য সিদ্ধ হইবে না।

### পরিভাষা সঙ্কলনে সরকারী প্রচেষ্টা—

ভারতের শিক্ষা সঙ্কীয় কেন্দ্রীয় পরামর্শদাতা বোর্ড এদেশে বৈজ্ঞানিক পরিভাষা রচনার জন্ত একটি কমিটি নিযুক্ত করিয়াছেন বলিয়া প্রকাশ। এই কমিটির দ্বারা সদস্য হইয়াছেন তাহাদের মধ্যে একজনও বাঙ্গালীর নাম দেখিলাম না। সুধু তাই নহে, যে বিষয়ে ভারতের সকল প্রদেশের পণ্ডিত সমাজের পরামর্শ অপরিহার্য, সে বিষয়ে পণ্ডিতসমাজের সঙ্গে কোন পরামর্শই করা হয় নাই। মহারাষ্ট্র হইতেও কাহারও নাম এই কমিটিতে নাই। অথচ ভারতীয় ভাষাগুলির মধ্যে বাঙ্গালা, হিন্দী, মারাঠী ও গুজরাটাই সর্বাপেক্ষা উন্নত। বাঙ্গালা ও মারাঠী ভাষায় অনেক দিন হইতেই পরিভাষা সঙ্কলনের কার্য আরম্ভ হইয়া গিয়াছে এবং এ বিষয়ে খানকয়েক গ্রন্থও রচিত হইয়াছে। এমতাবস্থায় সরকার-মনোনীত সদস্য দিয়া ইংরেজী ভাষার সাহায্যে পরিভাষা সঙ্কলন যে ভাষায় ঘি ঢালা-গোছ একটা কিছু হইবে, এ বিষয়ে আমরা নিঃসন্দেহ।

### ডিফেন্স বণ্ডে অর্থ নিয়োগ—

সম্প্রতি এক সরকারী ইস্তাহারে প্রকাশ, গত ২৭শে অক্টোবর যে সপ্তাহ শেষ হইয়াছে তাহাতে ৩ টাকা স্কদের ডিফেন্স ফণ্ডে ৬২ লক্ষ ৪৪ হাজার টাকা সংগৃহীত হইয়াছে। গত ২৬শে অক্টোবর পর্যন্ত স্কদবিহীন ডিফেন্স ফণ্ডে প্রাপ্ত ঋণের পরিমাণ মোট ২ কোটি ১৬ লক্ষ ৮৭ হাজার টাকা দাঁড়াইয়াছে। ৩ টাকা স্কদের ডিফেন্স ফণ্ডে মোট ২৭ কোটি ৬ লক্ষ ৫৪ হাজার টাকা ( ইহার মধ্যে নগদ ১৩ কোটি ৬১ লক্ষ ৮ হাজার টাকা ও ঋণপত্র পরিবর্তন দ্বারা ১৩ কোটি ৪৪ লক্ষ ৬৬ হাজার টাকা ) এবং ডিফেন্স সেভিংস সার্টিফিকেট বিক্রয় করিয়া ১ কোটি ২৩ লক্ষ ৪৯ হাজার টাকা সংগৃহীত হইয়াছে। উক্ত ২৬শে অক্টোবর তারিখ পর্যন্ত বিভিন্ন প্রকার ডিফেন্স বণ্ড দ্বারা সমস্ত ভারতবর্ষে মোট ৩০ কোটি ৪৬ লক্ষ ৯০ হাজার টাকা সংগৃহীত হইয়াছে।

### সৈন্যবাহিনীতে লোকপ্রহণ—

জরুরী অবস্থার জন্ত ভারতবর্ষে যে নূতন সেনাবাহিনী গঠিত হইয়াছে তাহাতে এ পর্যন্ত প্রায় ১ লক্ষ লোকের নাম গৃহীত হইয়াছে। ইহা ছাড়া, ভারতীয় ও ইউরোপীয় প্রায় ২ হাজার লোককে সামরিক শিক্ষা দেওয়া হইতেছে। উক্ত লক্ষ লোকের মধ্যে মাদ্রাজ হইতে ৪৮ হাজার, বোম্বাই সাড়ে সাত হাজার, রাজপুতানা ও মধ্যভারত হইতে ৫ হাজার ৩শত ৫০ এবং নেপাল হইতে ৩ হাজার ৩শতের উপর লোক ভর্তি হইয়াছে। এই নূতন সেনাবাহিনীতে যে সকল লোক ভর্তি হইয়াছে তাহাদের মধ্যে শতকরা ২৫জন পাঞ্জাবী মুসলমান। এই সৈন্যবাহিনী গঠনের জন্ত এককালীন ১৭ কোটি টাকা এবং বার্ষিক ১২ কোটি টাকা ব্যয় হইবে বলিয়া জানা যায়।

### পরলোক গৌরগোপাল ঘোষ —

বিশ্বভারতীর আর একজন একনিষ্ঠ সেবক, শ্রীনিকেতনের কর্মী গৌরগোপাল ঘোষের অকালবিয়োগে আমরা ব্যথিত। এক সময়ে তিনি প্রসিদ্ধ ফুটবল খেলোয়াড় বলিয়াই প্রসিদ্ধি অর্জন করিয়াছিলেন। কিন্তু কর্মক্ষেত্র হিসাবে বাছিয়া লইয়াছিলেন স্কুলের শিক্ষা-মঞ্জির শান্তি-

নিকেতনকে এবং বিশ্বভারতীর শ্রীনিকেতনের মঙ্গলজনক কার্যে আত্মনিয়োগ করিয়াছিলেন। তাঁহার অভাবে বিশ্বভারতী সভ্যকার নিষ্ঠাবান একজনকে হারাইয়া বিশেষ ক্ষতিগ্রস্ত হইল। আমরা গৌরগোপালের শোকসন্তপ্ত পরিজনদের প্রতি গভীর সমবেদনা জ্ঞাপন করিতেছি।

### আমেরিকায় রাষ্ট্রপতি নির্বাচন—

আমেরিকার যুক্তরাষ্ট্রের সাধারণ নির্বাচনে মিঃ রুজভেন্ট বহু ভোটের জোরে তৃতীয় বারের জন্ম আমেরিকার রাষ্ট্রপতি নির্বাচিত হইয়াছেন। রিপাব্লিকান দলের মিঃ উইলকি এই নির্বাচনে মিঃ রুজভেন্টের প্রতিদ্বন্দ্বী ছিলেন। রুজভেন্টের এই নির্বাচন তাঁহার জনাদরের প্রকৃষ্ট প্রমাণ সন্দেহ নাই, কিন্তু জগতব্যাপী এই সঙ্কটের মুখে তাঁহার নীতি আমেরিকার পক্ষে সর্বাংশে কল্যাণপ্রদ কি-না, এ বিষয়েও অনেকের মনে সন্দেহের অবকাশ আছে বলিয়া শুনা যাইতেছে।

### বৃটেনের বদান্যতা—

লণ্ডনে একটি মসজিদ ও ইসলামীয় সংস্কৃতির কেন্দ্র স্থাপনের জন্ম বৃটিশ সরকার এক লক্ষ পাউণ্ড ব্যয় মঞ্জুর করিয়াছেন। ইসলাম ধর্ম ও ইসলাম সংস্কৃতির প্রতি বৃটিশ সরকারের শ্রদ্ধার পরিচয় পাইয়া মুসলিম জগৎ বৃটেনের প্রতি অবশ্যই সহানুভূতিসম্পন্ন হইবেন। ভারত, পূর্ব ও পশ্চিম আফ্রিকা, বৃটিশ অধিকৃত আরব এবং মালয়ে বৃটিশ সম্রাটের প্রায় বার কোটি মুসলিম প্রজা আছে। সরকারের এই বদান্যতায় বর্তমান বৃদ্ধে সেই বিরাট সম্প্রদায়ের নৈতিক ও অন্তর্বিধ সাহায্যের মূল্য স্বীকার করিয়া লওয়া হইল।

### আসাম উচ্চতর পরিষদ চাহে না—

ভারত সরকারের নূতন ভারত শাসন আইনের ফলে বিভিন্ন প্রদেশে দুইটি করিয়া আইন পরিষদের ব্যবস্থা হয় এবং তাহাতে যে ব্যয়বাহুল্য দেখা দিয়াছে তাহা কোন কোন প্রদেশের পক্ষে বহন করা অসম্ভব হইয়া দাঁড়াইয়াছে। সম্প্রতি আসাম ব্যবস্থা পরিষদ আসামের উচ্চতর আইন সভাটি তুলিয়া দিবার জন্ম এক প্রস্তাব গ্রহণ করিয়াছেন। সরকার পক্ষ (অর্থাৎ মন্ত্রীমণ্ডল) ও কংগ্রেস পক্ষ মিলিয়া

প্রস্তাবটি পাশ করিয়াছেন, ইউরোপীয় দল যথারীতি ইহার বিরোধিতা করিয়াছিলেন। অবশ্য ভারত শাসন আইন সংশোধন করিবার অধিকার কোন প্রাদেশিক আইন সভার নাই। না ইউক, আসামের মত দরিদ্র প্রদেশের পক্ষে ওরকম একটি প্রতিষ্ঠান জিয়াইয়া রাখা যে সম্ভব ও সম্ভব নয়, তাহাই প্রকাশ পাইয়াছে।

### পরলোকে ব্রিটিশ-প্রধান মন্ত্রী—

ভূতপূর্ব প্রধান মন্ত্রী মিঃ নেভিল চেম্বারলেন ভগ্নস্বাস্থ্য ও ভগ্নমনোরথ হইয়া তাঁহার পল্লীভবনে কিছুদিন আগে পরলোকগমন করিয়াছেন। মিউনিক প্যাঙ্ক তাঁহার প্রতিষ্ঠাকে লোকচক্ষে হেয় করিয়া দেয়, তাই এই সঙ্কট সময়েও দেশের কল্যাণ হইবে মনে করিয়া নীরবে তিনি পদত্যাগ করিয়াছিলেন। আজ তিনি সকল সমালোচনার উর্দ্ধে; কিন্তু তাঁহার রাজনৈতিক জীবন হইতে আমরা ইচ্ছাই দেখতে পাই যে, দেশের কল্যাণ কামনা তাঁহার সকল কর্মপ্রচেষ্টার মধ্যে ওতঃপ্রোতভাবে নিহিত রহিয়াছে এবং দেশের স্থায়ী কল্যাণও তাঁহার দ্বারা সাধিত হইয়াছে। তিনি এই লোক ও জাতিধ্বংসকর সর্দনাশা লাড়াইকে এড়াইয়া চলিতেই চাহিয়াছিলেন, কেন না তিনি ছিলেন আসলে শান্তিকামী। আমরা তাঁহার আত্মার শান্তি কামনা করি।

### বেলুচিস্থানে কংগ্রেসের প্রসার—

বেলুচিস্থানের জাতীয়তাবাদীগণ ভারতীয় কংগ্রেসে যোগ দিবেন বলিয়া প্রচারিত হইয়াছে। বেলুচিদের মধ্যে অধিকাংশই মুসলমান। সাম্প্রদায়িক আবহাওয়ায় ভারত আজ বিপর্যাস্ত, তাই এই সংবাদ জাতীয়কল্যাণকামীদের মনে স্বস্তি আনিয়া দিবে বলিয়াই মনে হয়। ইহাও প্রকাশ যে, তাঁহারা শীঘ্রই নিখিল ভারত কংগ্রেস কমিটির অন্তর্ভুক্ত হইবার জন্ম আবেদন করিবেন। এতদিন সেখানে কোনরূপ কংগ্রেস কমিটি ছিল না। তাই আমাদের বিশ্বাস, নিখিল ভারত কংগ্রেস কমিটি সঙ্কে সঙ্কেই তাঁহাদের আবেদন গ্রহণ করিবেন। সাম্প্রদায়িকতা যখন দেশের স্বাধীনতা লাভকে সুদূরে ঠেলিয়া দিতেছে সেই সময় বেলুচিদের এই প্রস্তাব গুট মূচনার মতই মনে হইতেছে।




বাকিংহাম প্রাসাদের উজানে সম্রাট যষ্ট জর্জ, সাম্রাজ্ঞী ও মিঃ উইনস্টন  
চার্চিল—ইংল্যান্ড এখন বৃটিশ সাম্রাজ্য রক্ষা করিতেছেন



বিলাতের লন্ডন শহর উপর বোমা পড়ার পর তাহার ব্যবস্থা।  
অনেক স্থানে বাড়ী ধসিয়া পড়িয়া গিয়াছে



বিলাতে গাওয়ার ট্রিটের ভারতীয় ছাত্রাবাসে বোমা পড়িয়া



লাহোরে গুরু নানকের জন্মস্থানে অবস্থিত গুরুদ্বার। নানকের



দিল্লীতে সম্পাদক সম্মিলনে টিবিউনের মিঃ সঙ্ঘী, লীডারের মিঃ বিশ্বনাথ প্রসাদ,  
অমৃতবাজার পত্রিকার শ্রীতুমারকান্তি ঘোষ ও কেন্দ্রীয় ব্যবস্থা পরিষদের  
ডেপুটি স্পীকার শ্রীঅখিলচন্দ্র দত্ত



কলিকাতা ব্রহ্মানন্দ পার্কে সাধারণের দ্বারা বিমান-আক্রমণ-প্রতিরোধ কেল্ল।



## বঙ্গীয় ভূমি রাজস্ব কমিশন—

বঙ্গীয় ভূমিরাজস্ব কমিশনের সুপারিশসমূহ পরীক্ষা করিবার জন্ত বাঙ্গালা সরকার যে স্পেশাল অফিসার নিযুক্ত করিয়াছিলেন, সম্প্রতি তিনি তাঁহার রিপোর্ট দাখিল করিয়াছেন। স্পেশাল অফিসার তাঁহার রিপোর্টে কমিশনের সুপারিশ অপেক্ষা অধিক হারে ক্ষতিপূরণসহ স্বেচ্ছামূলকভাবে জমিদারী ক্রয় ব্যবস্থার সুপারিশ করিয়াছেন। কমিশনের প্রস্তাব অনুসারে বাধ্যতামূলক জমিদারী ক্রয়ের অসুবিধাগুলিও তিনি তাঁহার রিপোর্টে উল্লেখ করিয়াছেন। প্রকাশ, রিপোর্ট পেশ করিবার আগে তিনি দ্বয় জমিদারী কার্য সম্পর্কে সকল বিষয় জানিবার জন্ত মফঃস্বল কেন্দ্রগুলি পরিদর্শন করিয়াছেন। স্বেচ্ছামূলক অথবা বাধ্যতামূলক জমিদারী ক্রয়ের পরিকল্পনা সম্পর্কে শাসনতান্ত্রিক সমস্যা থাকায় সম্ভবত বাঙ্গালা সরকার বর্তমান আইন সভার আনলে এরূপ কোন জমিদারী ক্রয় বিল উপস্থিত করিবেন না।

## পরিষদে সরকারের পরাজয়—

কেন্দ্রীয় ব্যবস্থাপরিষদে অতিরিক্ত রাজস্ব বিলে সরকারের যে পরাজয় ঘটিল তাগ পূর্ব পূর্ব পরাজয় হইতে স্বতন্ত্র শ্রেণীর। অতীত বারের পরাজয় শাসনতন্ত্র পরিচালনার অসীম সাধারণ ঘটনা মাত্র। কিন্তু এবারকার পরাজয়ের স্বতন্ত্র গুরুত্ব এবং নিয়মতান্ত্রিক অর্থ আছে। ভারতবর্ষের বর্তমান শাসননীতির পরিবর্তন যে নিতান্ত প্রয়োজন হইয়া পড়িয়াছে এই পরাজয়ের মধ্যে সরকারের জন্ত সেই শিক্ষাই নিহিত রহিয়াছে। সরকারের পরাজয় হইলেও বড়লাট যে সার্টিফিকেট করিবেন তাহাতে কোন সন্দেহ নাই।


## পরলোকে মোলানা সাজ্জাদ—

মুসলিম জাতির সুপ্রসিদ্ধ মুসলিম ধর্মগুরু মোলানা সাজ্জাদ পরলোকগমন করিয়াছেন। তিনি ছিলেন একজন জাতীয়তাবাদী মুসলিম নেতা ও জমায়েৎ-উল-উলেমা হিন্দ নামক সুপ্রতিষ্ঠিত মুসলিম জাতীয়তাবাদী প্রতিষ্ঠানের অন্যতম সংস্থাপক। দেশের জন্ত কংগ্রেসের ডাকে তিনি অনেক দুঃখবরণ করিয়া দেশবাসীর প্রীতিভাজন হইয়াছিলেন।

তাঁহার অভাবে জাতীয়তাবাদী মুসলিম সম্প্রদায়ের, বিশেষ করিয়া জাতীয় কংগ্রেসের অশেষ ক্ষতি হইল।

## মহিলা ছাত্রীর কৃতিত্ব—

গ্রহনক্ষত্রাদির উপাদান (স্পেস্ট্রাকিউল) সম্পর্কে গবেষণা করিয়া কলিকাতার ভিক্টোরিয়া ইনিস্টিটিউশনের গণিতশাস্ত্রের অধ্যাপিকা শ্রীযুক্তা বিভা মজুমদারকে কলিকাতা বিশ্ববিদ্যালয় মোঘাট মেডেল দিয়া পুরস্কৃত করিয়াছেন। ১৯৩৭ সালে প্রেমচাঁদ রায়চাঁদ বৃত্তিলাভের পর তিনি গত দুই বৎসর কাল উপরোক্ত বিষয়ে গবেষণা করিতেছিলেন। মহিলাদের মধ্যে তিনিই সর্বপ্রথম কলিকাতা বিশ্ববিদ্যালয়ে



শ্রীযুক্তা বিভা মজুমদার

বৈজ্ঞানিক গবেষণার জন্ত উক্ত মেডেল পাইলেন। আমরা শ্রীযুক্তা মজুমদারের জীবনে উত্তরোত্তর সাফল্য কামনা করি।

## তাঁহার দান—

অধ্যাপক ল্যারেন্স 'সাইক্লোট্রন' যন্ত্র আবিষ্কার করেন। এই যন্ত্রের সাহায্যে প্রতি মৌলিক পদার্থের অণুগুলিকে ভাঙ্গিয়া তাহার গড়ন পরিবর্তন সহজসাধ্য হইয়াছে। এই যন্ত্রের সাহায্যে নব নব পদার্থের সৃষ্টি করিয়া তাহার সাহায্যে রসায়ন, পদার্থবিজ্ঞান ও জীববিজ্ঞানে বহু অজানা রহস্যের আবিষ্কার সম্ভব হইয়াছে এবং নিতাই

নূতন নূতন জ্ঞান সঞ্চয় হইতেছে। এই যন্ত্রটি বহু মূল্যবান, কাজেই সকল শিক্ষায়তনের পক্ষে ইহা ক্রয় করা সম্ভব নহে। এই কারণে কলিকাতা বিশ্ববিদ্যালয়ও এতদিন এই যন্ত্র ক্রয় করিতে পারেন নাই। সম্প্রতি ধবর পাওয়া গেল যে, স্মরণ দোরাবজী টাটা চ্যারিটির ট্রাস্টিগণ কলিকাতা বিশ্ববিদ্যালয়কে উক্ত যন্ত্র ক্রয় করিবার জন্ত যন্ত্রের মূল্যের অর্ধেক অর্থাৎ ষাট হাজার টাকা এই সর্ভে দিতে সম্মত হইয়াছেন যে বিশ্ববিদ্যালয় আরও ষাট হাজার টাকা সংগ্রহ করিলে টাটার দান পাইবেন। অধ্যাপক ল্যারেন্সের নিকট তিন বৎসর কাজ করিয়া অভিজ্ঞতা সঞ্চয় করিয়াছেন এমন একজন ভারতীয়ের উপর এই যন্ত্রের ভার অর্পণ করা হইবে এবং বিশ্ববিদ্যালয়ের ছাত্রদিগকে এই যন্ত্র সাহায্যে গবেষণা করিবার পদ্ধতি শিখাইবার ভার দেওয়া হইবে। মহামতি টাটার দান যে এক্ষেত্রে সার্থক হইবে, তাহা বলাই বাহুল্য।

### ভাজাগুহার শিল্পনিদর্শন—

পশ্চিম ভারতের অন্তর্গত ভাজাগুহাসমূহে দুই হাজার বৎসর পূর্বেকার পুরাকীর্তি ও ভাস্কর্য্য নিদর্শন এতদিন ধরিয়া অস্তিত্ব বজায় রাখিয়া আসিতেছে। এগুলিকে সংরক্ষিত না করিলে মূল্যবান ঐতিহাসিক তথ্য নষ্ট হইবে। প্রকাশ, এগুলিকে রক্ষা করিতে মাত্র নয় হাজার টাকা আপাতত আবশ্যিক। কিন্তু কেন্দ্রীয় সরকার এ সকল ব্যাপারে অর্থব্যয় করিতে বর্তমানে সমর্থ নহেন বলিয়া জানাইয়াছেন। পুরাতত্ত্ববিদগণেরা বলেন, ভাজাগুহাসমূহের প্রস্তর ভাস্কর্য্য বীণ্ডুস্টের জন্মেরও অনেক আগে খোদিত এবং এইগুলি হইতে ভবিষ্যৎ ছাত্রেরা প্রাচীন ভারতের ভাস্কর-শিল্পের বহু প্রয়োজনীয় নিদর্শন পাইতে পারিবেন। সরকার যদি এই সব মূল্যবান পুরাতত্ত্ব সংরক্ষণে এখন সম্মত না হন তাহা হইলে ভারতে এমন কোন সুসন্তান কি নাই—যিনি বা ধাহারা সামান্য চেষ্টা করিলেই এই মূল্যবান শিল্প-নিদর্শন সুরক্ষিত হইতে পারে?

### পারলোকে লর্ড রদারমিয়ার—

বিলাতের বিখ্যাত সংবাদপত্রব্যবসায়ী লর্ড রদার-মিয়ারের মৃত্যুতে ইংলণ্ডের সংবাদপত্রজগতে অপূরণীয় ক্ষতি হইয়াছে। তাঁহার ভ্রাতা লর্ড নর্থক্রিফের সহযোগিতায় তিনি

সংবাদপত্র ব্যবসায় আরম্ভ করেন এবং অসাধারণ ব্যবসায়-বুদ্ধির জোরে বিলাতের অনেকগুলি শক্তিশালী সংবাদপত্রের স্বত্বাধিকারী হইয়াছিলেন। ‘ডেলি মেল’, ‘ডেলি মিরর’, ‘লণ্ডন ইভিনিং নিউজ’ প্রভৃতি বিখ্যাত শক্তিশালী সংবাদ-পত্রগুলি গোঁড়া রক্ষণশীল দলের পক্ষে থাকিয়া বৃটিশ সরকারকে যে ভাবে শাসনকার্য্যে ও পররাষ্ট্রনীতি নিয়ন্ত্রণে সাহায্য করিয়াছিল তাহা অনন্তসাধারণ। ইংলণ্ডের এই সঙ্কটমুহূর্ত্তে তাঁহার মত একজন প্রবীণ শক্তিমান সাংবাদিকের মৃত্যুতে ইংলণ্ড বিশেষ ক্ষতিগ্রস্ত বোধ করিবেন বলিয়াই আমাদের বিশ্বাস।

### উমা ঘোষ পুস্তকসংগ্রহ—

কলিকাতা ভবানীপুর নিবাসী শ্রীযুত জ্যোতিষচন্দ্র ঘোষ মহাশয় তাঁহার কন্যা উমারানী ঘোষের স্মৃতিরক্ষা কল্পে একটি অদ্ভুত পুস্তকসংগ্রহ কলিকাতা বিশ্ববিদ্যালয়ে দান করিয়াছেন। ঐ সংগ্রহ শুধু বাঙ্গালী মহিলাদের লিখিত পাঁচ শত গ্রন্থ আছে। সম্প্রতি ঐ সংগ্রহে আরও ২৬খানা গ্রন্থ দেওয়া হইয়াছে। বাঙ্গালার সকল মহিলা-গ্রন্থকার যদি তাঁহাদের পুস্তকগুলি ঐ ‘সংগ্রহ’ মধ্যে দান করেন, তবে ঐ সংগ্রহ পূর্ণাঙ্গ হইতে পারে। এই ভাবের সংগ্রহ আমাদের দেশে দুর্লভ।

### বেতারে ছাত্রদের জ্ঞান বিতরণ—

আমরা জানিয়া আনন্দিত হইলাম ‘অল ইণ্ডিয়া রেডিও’র কলিকাতা স্টেশনের পরিচালকগণ সম্প্রতি ছাত্রদের জন্ত বেতারে জ্ঞান বিতরণের বিশেষ ব্যবস্থা করিয়াছেন। বাঙ্গালা দেশে ৭৮টি শিক্ষা প্রতিষ্ঠানের কর্তৃপক্ষ নিজ নিজ বিদ্যালয়ে বেতার যন্ত্র বসাইয়া উহা গ্রহণেরও ব্যবস্থা লইয়াছেন। বিভিন্ন বিষয়ে বিশেষজ্ঞগণের দ্বারা ‘স্কুল ব্রডকাস্ট’ বিভাগে বক্তৃতা দেওয়ান হইতেছে।

### ভারতীয় সেনাদলে

বাঙ্গালা সরকার এক ইস্তাহারে জানাইয়াছেন যে, বাঙ্গালার যুবকেরা যুদ্ধ বিভাগে যতগুলি এমার্জেন্টী কমিশন পাইয়াছে তাহাতে বাঙ্গালী স্বতই গর্ব্ব অচুস্তব করিবে। যুদ্ধ বিভাগে প্রতিদিন কয়টি করিয়া এমার্জেন্টী কমিশন শালি হয় তাহা কাহারও অজানা নাই। সেনাদলে

নিয়োগের ব্যাপারে বাঙ্গালীদের যে এখনও পশ্চাতে  
কেলিয়া রাখা হইয়াছে তাহা সরকার অবশ্যই জানেন।  
কেন্দ্রীয় পরিষদের প্রস্তোত্তরেও তাহা প্রকাশিত হইয়া  
পড়িয়াছে। সম্প্রতি বিভিন্ন প্রদেশের সৈন্ত নিয়োগের  
যে বিবরণ প্রকাশিত হইয়াছে তাহাতে জানা যায়  
পাঠান ৪,৭৬১; পাঞ্জাবী মুসলমান ২৪,১৪৮  
শিখ ১১,৬০৫; ডোগরা ৪,৪৬৪; গুর্খা ৩,২০৯  
গাড়ওয়ালী ২,৫৯৮; কুমাওনী ১,৫৭৪; রাজপুত ৩,৯৯৭  
জাট ৫,৩০৭; আহীর ১,৫৭৪; মারাঠা ৫,১৬৪  
খৃষ্টান ২,৪০১; ছজার ৮৫৩; অন্যান্য হিন্দু ১৫, ১৫২  
অন্যান্য মুসলমান ৭,১৯৮ এবং কুর্গী ১৯। বাঙ্গালী হিন্দু  
বা মুসলমান নামক কোন জাতি বা সম্প্রদায় হইতে সৈন্ত  
নিয়োগের কোন উল্লেখই উপরোক্ত তালিকায় নাই। হয় ত  
তাহাদের সংখ্যা এতই নগণ্য যে তাহাদের সংখ্যাটা  
'বিবিধ'এর মধ্যে গিয়া পড়িয়াছে। অথচ বাঙ্গালা সরকার  
আমাদের গর্কিত হইতে বলিয়া দিয়াছেন!

### বিক্রয় কর—

খুচরা পণ্য বিক্রয়ের উপর কর ধাৰ্য্য করিয়া দুই কোটি  
টাকা রাজস্ব বৃদ্ধি করিবার জন্ত বাঙ্গালা সরকারের পক্ষ  
হইতে যে বিল উত্থাপিত হইয়াছে তাহার বিরুদ্ধে দেশব্যাপী  
প্রতিবাদেও কর্তৃপক্ষ কিছুমাত্র বিচলিত হন নাই। বিলটি  
সিলেট কমিটিতে পেশ করা হইয়াছে। বলা বাহুল্য, ভোটের  
জোরে সরকার যে এই বিলটিও পাশ করাইয়া লইবেন  
তাহাতে কোন সন্দেহ নাই। অনাবশ্যক ব্যয়বহুল শাসন  
ব্যবস্থার খাতিরে দেশের নিরন্ন, অসহায় অধিবাসীদের উপর  
বার বার ট্যাক্সের উপদ্রব করিয়া সরকার যে খুব স্ববুদ্ধির  
পরিচয় দিতেছেন তাহা ত মনে হয় না। এই আইনটি যে  
দরিদ্রদের বিপক্ষেই নিষ্কিষ্ট হইবে এবং তাহারাই যে বিব্রত  
হইবেন বেশী, তাহা অস্বীকার করিবার উপায় নাই।

### আর একটি নতন বিল—

বাঙ্গাল্য সরকারের পক্ষ হইতে আর একটি নতন  
বিলের নমুনা সরকারী গেজেটে প্রকাশিত হইয়াছে। '১৯১১  
সালের বঙ্গীয় আইন সভার অধিকার ও ক্ষমতা রক্ষা বিল'  
নামে ইহা পরিচিত। বিলের নাম হইতে হঠাৎ তাহার

উদ্দেশ্য বুঝা যাইবে না, কিন্তু আসলে বিলটির উদ্দেশ্য  
সংবাদপত্রের উপর এক আর দফা কর্তৃত্বস্থাপন। বিলের  
কতকগুলি ধারায় বলা হইয়াছে যে, আইন সভার  
কার্যাবলীর যে সমস্ত রিপোর্ট সভাপতি কর্তৃক নিষিদ্ধ  
হইবে সেগুলি ছাপা যাইবে না। দ্বিতীয়ত, সভাপতির  
কার্য পরিচালন, চরিত্র এবং নিরপেক্ষতা সম্পর্কে কোন  
ভুল বা মানহানিকর মন্তব্য করা যাইবে না। তৃতীয়ত, যে  
সমস্ত দলিলপত্র সরকার কর্তৃক প্রকাশিত হয় নাই সেগুলি  
আগে প্রকাশ করিয়া দিলে আইন অনুসারে দণ্ডনীয় হইতে  
হইবে। এই সব অপরাধের বিচারের জন্তও হয় ত স্বতন্ত্র  
আদালত গঠন করিতে হইবে। বাঙ্গালা সরকারের তুণে আরও  
কত অস্ত্র আছে জানিতে পারিলে বাঙ্গালী নিশ্চিন্ত হইত।

### পরলোকে অধ্যাপক পান্নালাল—

উত্তরপাড়া কলেজের রসায়ন শাস্ত্রের অধ্যাপক পান্নালাল  
মুখোপাধ্যায় সম্প্রতি পরলোকগমন করিয়াছেন। কলেজে



পান্নালাল মুখোপাধ্যায়

তিনি ২৭ বৎসর অধ্যাপনা করিয়াছেন। গত দুই  
বৎসর যাবৎ তিনি হৃদরোগে ভুগিতেছিলেন এবং স্বাস্থ্য-  
শক্তি কিছুদিন হইতে ধীরে ধীরে বাস করিতেছিলেন।

পান্নালবাবু বহুমুখী প্রতিভাসম্পন্ন অধ্যাপক ছিলেন; চিরকুমার থাকিয়া আজীবন বিদ্যাচর্চায় ব্যস্ত কাটাইয়াছেন। বিজ্ঞান, দর্শন, সাহিত্য, সঙ্গীত ইত্যাদি বিষয়ে তাঁহার ক্ষেপ্ত জ্ঞান ছিল। তিনি ইউনিভার্সিটি ইনস্টিটিউট ও ক্যালকাটা, ওল্ড ক্লাবের উৎসাহী সদস্য ছিলেন। স্বীয় চরিত্রের মাধুর্য্যে ছাত্র, বন্ধুবান্ধব এবং পরিচিত সকলেরই তিনি প্রিয়ভাজন হইয়া উঠিয়াছিলেন। তাঁহার মৃত্যুতে বাঙ্গালা একজন খাঁটি অধ্যাপক হারাইল। আমরা তাঁহার শোক-সন্তপ্ত পরিজন ও গুণমুগ্ধদিগকে আমাদের অন্তরের সমবেদনা জানাইতেছি।

### যুদ্ধের বৃটেনের দৈনিক ব্যয়—

যুদ্ধের জন্ত বৃটেনের বর্তমানে দৈনিক প্রায় সতর কোটি টাকা ব্যয় হইতেছে। ইতিপূর্বে নাকি এরূপ ব্যয় আর হয় নাই। এরূপ ব্যয়াদিক্য হইলে যে ধার ছাড়া গত্যন্তর নাই, তাহা বলাই বাহুল্য। আমেরিকার নিকট ৮৩৪ কোটি টাকা ঋণের প্রস্তাব করা হইয়াছে, এই টাকায় দিন পঞ্চাশকের কাজ চলিবে। সমগ্র বৃটিশ সাম্রাজ্যের উৎপন্ন স্বর্ণ বন্ধক রাখিয়া এই ঋণ দেওয়া হইবে বলিয়া আমেরিকা প্রস্তাব করিয়াছে। কিন্তু লড়াই যে রকম গঙ্গগমমে চলিয়াছে তাহাতে পঞ্চাশ দিনে তাহার কোন সুরাহা হইবে বলিয়া ত মনে হয় না। **তত্ব: কিম্?**

### চিকিৎসা-সমস্যা সমাধানের ইচ্ছিত—

বাঙ্গালার প্রাদেশিক চিকিৎসক সঙ্কিলনের খুলনা অধিবেশনের সভাপতি ডাঃ সুবোধ দত্ত মহাশয় যে অভিভাষণ দিয়াছেন তাহা নানা দিক দিয়া উল্লেখযোগ্য। তিনি প্রবীণ চিকিৎসকদের গ্রামে ফিরিয়া যাইবার অনুরোধ করিয়া বলিয়াছেন যে, উদীয়মান চিকিৎসকদের হাতে শহরের ব্যবসা ক্ষেত্র ছাড়িয়া দিয়া গ্রামে ইতিমধ্যেই প্রতিষ্ঠালাভ করিয়াছেন তাঁহাদের পল্লীগ্রামে যাওয়া কর্তব্য। তাহাতে পল্লীগ্রামের হাকুড়ে চিকিৎসকের উপদ্রব কমিবে, পল্লী-বাসীর ঋণে অল্পব্যয়ে প্রতিষ্ঠাপন চিকিৎসকদের দ্বারা চিকিৎসা করাইতে পারিবে। অপর পক্ষে প্রতিষ্ঠাপনদের অভাবে শহরে শক্তিশালী তরুণ চিকিৎসকগণের যোগ্যতা প্রমাণের সুযোগ মিলিবে। ইহা ছাড়া চিকিৎসাশাস্ত্র অধ্যয়নের ব্যয়-রূপ বৃদ্ধি পাইতেছে তাহাতে সাধারণ মধ্যবিত্ত স্ত্রীসমূহের

কৃষ্ণী সন্তানেরা ব্যয়বহুলতার জন্ত চিকিৎসাশাস্ত্র পাঠে যোগ দিতে পারিতেছে না। ইহাও দেশের পক্ষে ক্ষতির কারণ। সভাপতি ডাঃ দত্ত যে সব সমস্যার ও তাহার সমাধানের ইচ্ছিত করিয়াছেন তাহার মীমাংসায় মনোযোগী হইতে বিলম্ব করা চিকিৎসকগণের পক্ষে উচিত হইবে না।

### এবারের আদমশুমারি—

রাজনৈতিক কারণে গত আদমশুমারীতে হিন্দু জনসাধারণ সহযোগিতা করে নাই। ফলে হিন্দুরা বাঙ্গালায় সংখ্যালঘিষ্ঠ হইয়া যে অবিচার ও কুবিচার লাভ করিতেছে তাহাতে এই প্রদেশে তাহাদের অবস্থাটা দিন দিনই করুণ হইয়া উঠিয়াছে। এবারের আদমশুমারীতেও অনুরূপ ব্যবস্থা অবলম্বিত হইবে বলিয়া জনসাধারণের মনে যে সকল আশঙ্কার উদ্রেক হইয়াছে তাহা সংবাদপত্রের পাঠক-মাত্রই অবগত আছেন। সম্প্রতি বঙ্গীয়ব্যবস্থাপরিষদে স্বায়ত্তশাসন-প্রতিষ্ঠানগুলিকে আদমশুমারির কতকগুলি ব্যয় নির্বাহের অধিকার প্রদানের জন্ত একটি বিল উত্থাপিত হইয়াছিল, ভোটের জোরে গৃহীতও হইয়াছে। মন্ত্রীপক্ষ হইতে যে সব যুক্তি প্রদর্শিত হইয়াছে তাহাতে হিন্দুদের মনের সন্দেহ নিঃশেষে দূরীভূত হইবে বলিয়া মনে হয় না। মন্ত্রীপক্ষ হইতে বলা হইয়াছে যে, লোকগণনা কার্যে প্রত্যেক ক্ষেত্রে একজন হিন্দু ও একজন মুসলমান গণক নিযুক্ত করিবার জন্ত বাঙ্গালা সরকার কেন্দ্রীয় সরকারকে অনুরোধ করিবেন। হয়ত বাঙ্গালা সরকারের অনুরোধ রক্ষিতও হইবে, কিন্তু তাহাতেই যে সমস্যার সমাধান হইবে তাহা আমরা মনে করি না।

### ভারতীয় সিভিল সার্ভিসের বেতন—

ভারতীয় সিভিল সার্ভিসে যে রকম মোটা বেতনের বরাদ্দ, পৃথিবীর কোন দেশেই ওই পদমর্যাদার অনুরূপ কর্মচারীর এত মোটা বেতন নাই। অথচ আমরা সত্য লেই জানি যে, ভারতবর্ষ দরিদ্র দেশ, তাই এখানে জনকল্যাণরূপে অনেক অস্থানই অর্থাভাবে করা যায় না। ভারতের রাজস্বের অধিকাংশই কুশিত দরিদ্র কৃষক শ্রমিককে বঞ্চিত করিয়া আদায় করা হয়। অথচ এই রাজস্বের প্রায় এক-চতুর্থাংশ যায় ভারতীয় ঋণের সুদ জোগাইতে, আর এক-চতুর্থাংশ সাময়িক বিভাগে। বাকী যা থাকে তাহার চরিত্র

ভাগ ব্যয়িত হয় রাজস্ব আদায় এবং শাস্তি-শৃঙ্খলা রক্ষার জন্ত; পাঁচ ভাগ শিক্ষা, আর যাহা তলানি পড়িয়া থাকে তাহা দিয়া কৃষি, শিল্প, স্বাস্থ্য ইত্যাদির হস্তকর উন্নতি বিধানের চেষ্টা হয়। ভারতে জেলা-হাকিমরা সাধারণতঃ বারশ হইতে তিন হাজার টাকা মাসিক বেতন পান। বিভাগীয় কমিশনররা চারি হাজার পাইয়া থাকেন। ইংলণ্ডের জন-কয়েক স্থায়ী আণ্ডার সেক্রেটারী মাসিক তিন হাজার টাকা বেতন পান। জাপানের প্রধান মন্ত্রীর মাসিক বেতন ৬২২, অন্যান্য মন্ত্রীরা ৪৪০ এবং সেক্রেটারীরা ৩৭৫ টাকা পান। জাপানে ভারতীয় সিভিলিয়ানের তুল্য চাকুরিয়াদের বেতন ৩৩৪ টাকা। আর গ্রেটব্রিটেনে ঐ শ্রেণীর চাকুরিয়াদের বেতন ৭৭০ হইতে ১১০০ টাকার মধ্যে। ভারতে ইংরেজ চাকুরিয়াদের বেতনই সব নহে। তাঁহারা বহু প্রকার ভাতা পাইয়া থাকেন—ছুটিতে বিলাত যাওয়া-আসার খরচা ও ভাতা, বাড়ী ভাড়া, সদরে থাকিবার ভাতা, স্থানীয় ভাতা ইত্যাদি। ইহার উপর ছুটি ও পেন্সনের দরুণ ব্যবস্থা ত আছেই। তাঁহাদের এই ব্যবস্থা আইন করিয়া পাশ করিয়া লওয়া হইয়াছে। সুতরাং ভারতবাসীকে না খাইয়াও রাজস্ব জোগাইতে হইবে ইংরেজ সিভিলিয়ানদের প্রতিপালনের জন্ত।

### ভারতের ইতিহাস সংকলন চেষ্টা—

আমাদের দেশের স্কুল কলেজে ভারতবর্ষের যে ইতিহাস পঠনপাঠন চলে তাহা ঐতিহাসিকদের মতে ভ্রান্তিপূর্ণ তথ্যে সমাকীর্ণ; বহু ঐতিহাসিক তথ্যই নতুন গবেষণার ফলে মিথ্যায় পরিণত হইয়াছে। সম্প্রতি ভারতীয় কংগ্রেস ভারত-ইতিহাসের ভ্রান্তিপূর্ণ অংশ বর্জন করিয়া একখানি নূতন ইতিহাস রচনার উপযোগিতা স্বীকার করিয়া কার্য আরম্ভ করিয়া দিয়াছেন। স্তর বহুনাথ সরকার প্রমুখ প্রায় নব্বই জন শ্রেষ্ঠ ঐতিহাসিকের তত্ত্বাবধানে উক্ত ইতিহাসখানি সংকলিত হইতে আরম্ভ হইয়াছে। বিদেশী ঐতিহাসিকগণ ইচ্ছাশূন্যক সত্যগোপন করিয়াছেন। আজ তাঁহাদের দোষ ক্ষমা করিতে গিয়া কোন বিশেষ দল, জাতি বা সম্প্রদায়ের মনস্তপ্তি করিতে বসিলে তাহা হইবে আরও ভয়ানক। জাতির উত্থান-পতনের ইতিহাসে বহু কাণ্ড থাকে, সকল দেশেরই আছে এবং তাহার সঠিক বিবরণ

হইতেই জাতির ক্রমোন্নতি বা অবনতির পরিমাণ বুঝিতে পারা যায়। ঐতিহাসিকের নিকট সত্যের স্থান সকলের উপরে; সুতরাং যে সব মনীষীর উপর ভারত-ইতিহাস-রচনার ভার পড়িয়াছে তাঁহারা কখনই সত্যের অপব্যাপ হইতে দিবেন না, ইহাই আমাদের কামনা।

### ক্যাডেটের কৃতিত্ব—

তৃতীয় কলিকাতা বয় স্কাউট এসোসিয়েশনের প্রথম গ্রুপের রোভার স্কাউট শ্রীমান বিধু বোদক কিছুদিন পূর্বে শিবপুরে বোটানিকাল গার্ডেনে একজন মহিলা ও একজন পুরুষকে নিমজ্জিত হইতে দেখিয়া তাহাদের প্রাণরক্ষা



শ্রীমান বিধু বোদক

করিয়াছিলেন। তাঁহার ঐ কার্যের জন্ত বাঙ্গালার গভর্নর তাঁহাকে একটি পদক উপহার দিয়াছেন।

### প্রবাসী বাঙ্গালী ছাত্রদের কৃতিত্ব—

পাটনা বিশ্ববিদ্যালয়ের উপাধি বিতরণ উৎসবে এম.এ. ও এম্-এস্-সি পরীক্ষার প্রথম শ্রেণীর প্রথম স্থান অধিকার করার জন্ত বাহারা সম্মানিত হইয়াছেন, তাঁহাদের অনেকেই বাঙ্গালী, এ সংবাদে বাঙ্গালী মাত্রেই আনন্দিত হইবার কথা। প্রকাশ, শ্রীযুক্ত শিশিরকুমার বসু ইংরেজী, শ্রীযুক্ত সমীরকুমার ঘোষ ইতিহাস, শ্রীযুক্ত চণ্ডীচরণ ভট্টাচার্য অর্থনীতি ও শ্রীযুক্ত কলাই সরকার রসায়নে প্রথম শ্রেণীর প্রথম স্থান অধিকার করিয়াছেন। প্রবাসী বাঙ্গালী

বিগারে শিক্কা, লীক্ষা ও সংস্কৃতিতে যে এখনও মুরোভাণ্ডে বিস্তারিত, ইহাতে বাঙ্গালী জাতির বিশেষ গর্ভিত হওয়ার কথা সন্দেহ নাই। আমরা এই চারিজন বাঙ্গালীর কৃতিত্বে ঐতিহাসিক আন্তরিক অভিনন্দন জ্ঞাপন এবং তাঁহাদের জীবনের সর্বাত্মক সাফল্য কামনা করিতেছি।

### ইংলণ্ডে মধ্যবিত্ত সম্প্রদায়ের সঞ্চয়—

বিগত ১৯২৭ হইতে ১৯৩৭ সাল পর্যন্ত দশ বৎসরে ইংলণ্ডের মধ্যবিত্ত জনগণের সঞ্চয়ের পরিমাণ ১৬৬ কোটি ১৩ লক্ষ পাউণ্ড বৃদ্ধি পাইয়া ৩৮১ কোটি ১২ লক্ষ পাউণ্ডে



আসামের গভর্ণর সহ নিখিল আসাম কটোগ্রাফিক প্রদর্শনীর সভাপতি কটো—বি, ব্যানার্জী, শিলং

পরিণত হইয়াছে। বিল্ডিং সোসাইটিগুলির মারফত ৭৪ কোটি ৬৫ লক্ষ পাউণ্ড, শিল্পে নিযুক্ত শ্রমিকদের জন্য যে মকল কোম্পানী বীমার কার্য করিয়া থাকে তাহাদের মারফত ২০ কোটি ১ লক্ষ পাউণ্ড, সাধারণ জীবনবীমা কোম্পানীগুলি দ্বারা ১৯ কোটি ৭ লক্ষ পাউণ্ড, পোস্ট অফিস সেভিংস ব্যাঙ্কের মারফত ১৮ কোটি ৫৯ লক্ষ পাউণ্ড এবং ইণ্ডাস্ট্রিয়াল প্রভিডেন্ট সোসাইটিগুলির মারফত ১৫ কোটি ৫৫ লক্ষ পাউণ্ড বৃদ্ধি পাইয়াছে। 'লণ্ডন চেম্বার কমার্স জার্নেল' পত্রিকার মতে এই সঞ্চিত অর্থের ৭ বর্ষব্যয়ে ৪০০ কোটি পাউণ্ড অতিক্রম করিয়া গিয়া

দশ বৎসরের শেষ ভাগে ইংলণ্ডের যে পরিমাণ জাতীয় ঋণ ছিল তাহার প্রায় অর্ধেক হইয়াছে। ভারতের মধ্যবিত্ত সম্প্রদায়ের সঞ্চয় কত ?

### জাপান-ভারত বাণিজ্য—

সম্প্রতি 'ইস্টার্ন ইকনমিস্ট' পত্র ১৯৩৯ সালে জাপানের বহির্বাণিজ্য সম্পর্কে যে তালিকা দিয়াছেন তাহাতে দেখা যায় উক্ত বৎসরে জাপান হইতে বৃটিশ ভারতে মোট ১৮ কোটি ৮০ লক্ষ ৪০ হাজার ইয়েন মূল্যের পণ্য আমদানি হইয়াছে। অপর পক্ষে জাপান বৃটিশ ভারত হইতে ১৮

কোটি ২২ লক্ষ ৬৩ হাজার ইয়েনের পণ্য ক্রয় করিয়াছে। কাজেই ঐ বৎসর জাপান-ভারত বাণিজ্যে মূল্যের দিক দিয়া ভারতের প্রতিকূল বাণিজ্যের পরিমাণ দাঁড়াইয়াছে ৫৭ লক্ষ ৭৭ হাজার ইয়েন।

### ভারতে

#### ডাকমাণ্ডলের

#### হারসঙ্কি—

ভারতে অর্থসঙ্কটে জনগণ যখন বিশেষভাবে উৎপীড়িত, ঠিক সেই সময় ইউরোপে যুদ্ধ বাধিয়াছে ; সুতরাং আমাদের অর্থসঙ্কটে যে শেষ ধাপে গিয়া

পৌছিয়াছে তাহাতে কোন সন্দেহ নাই। কিন্তু ভারত সরকার অত সব ভাবিতে প্রস্তুত নহেন ; তাঁহারা অতিরিক্ত বাজেটে উপস্থাপিত প্রস্তাব অনুযায়ী গত ১লা ডিসেম্বর হইতে ভারতে ডাকমাণ্ডলের হার নিয়ন্ত্রণপতাবে বর্ধিত করিয়াছেন।

(১) ভারতে ডাক টিকিট ও ব্যবসায় সম্পর্কিত পত্রাদির হার প্রথম তোলায় এক আনা হইতে পাঁচ পয়সা। পরবর্তী প্রতি তোলা পূর্বের হার দুই পয়সাই রাখিয়াছে

(২) বুক-পোস্ট-এর হার প্রথম আড়াই তোলা দুই পয়সার স্থানে প্রথম পাঁচ তোলা তিন পয়সার বর্ধিত

হইয়াছে। পরবর্তী প্রতি আড়াই তোলা পূর্বের ছায় এক পয়সা আছে।


(৩) গ্রেট ব্রুটেন, নর্দান আয়র্লাণ্ড, মিশর (সুদান সহ), প্যালেস্টাইন, ট্রান্সজর্ডন ও অন্যান্য ব্রিটিশ অধিকৃত দেশে প্রেরিত পত্রাদির ডাকমাণ্ডলের হার প্রথম এক আউন্স দশ পয়সা হইতে চৌদ্দ পয়সা। পরবর্তী প্রত্যেক আউন্সের হার পূর্বের ছায় চারি আনাই আছে।

(৪) ব্রহ্মদেশে প্রেরিতব্য পত্রাদির মাণ্ডলের হার প্রথম তোলা ছয় পয়সা হইতে দুই আনা হইয়াছে। অতিরিক্ত প্রত্যেক তোলার হার পূর্বের ছায় এক আনাই আছে।

ভারতের যে-কোন স্থানে—ব্রহ্মে, সিংহলে, আফগানিস্থানে ও তিব্বত-লাসায় প্রেরিত সাধারণ তার এক আনা ও জরুরি তারে দুই আনা অতিরিক্ত মাণ্ডল ধার্যা হইয়াছে।

#### রজনীমোহন কর—

আসামের পূর্ভ বিভাগের অবসরপ্রাপ্ত একজিকিউটিভ এঞ্জিনিয়ার রায়সাহেব রজনীমোহন কর গত ৮ই নভেম্বর




রজনীমোহন কর

কলিকাতা ৪৫ রামনারায়ণ মতিলাল লেনস্থ বাসাবাটীতে ৫৮ বৎসর বয়সে পরলোক গমন করিয়াছেন। শ্রীহট্ট জেলার পুটীজুরী গ্রামে তাঁহার বাসভূমি। আমরা তাঁহার শোকসন্তপ্ত পরিবারবর্গকে আন্তরিক সমবেদনা জ্ঞাপন করিতেছি।

#### সার্বজনীন কার্তিক পূজা—

কলিকাতা ২৫ ওয়ার্ডের সাঁঝের মজলিসের উত্তোগে ষথারীতি সপ্তম বার্ষিক সার্বজনীন কার্তিক পূজা হইয়াছিল।



কার্তিক পূজা


এবারকার বিশেষত্ব এই ছিল যে সুপ্রসিদ্ধ হিন্দু-নেতা ডক্টর শ্রীযুত শ্যামাপ্রসাদ মুখোপাধ্যায় মহাশয় প্রতিমার উদ্বোধন করিয়াছিলেন।

#### প্রবাসী বঙ্গ-সাহিত্য সম্মেলন—

আগামী ২৮শে ও ২৯শে ডিসেম্বর জামসেদপুরে প্রবাসী-বঙ্গ-সাহিত্য-সম্মেলনের পরবর্তী অধিবেশন হইবে। এবার মাত্র তিনটি শাখার অধিবেশন হইবে—সাহিত্য, বৃহত্তর-বঙ্গ ও বিজ্ঞান। মূল সভাপতি নির্বাচিত হইয়াছেন—বরোদার রাজস্ব-মচিব রাজরত্ন শ্রীযুক্ত সত্যব্রত মুখোপাধ্যায়; সাহিত্য শাখায় শ্রীযুক্ত অন্নদাশঙ্কর রায় ও বৃহত্তরবঙ্গ শাখায় ডক্টর কালিদাস নাগ মহাশয় সভাপতি নির্বাচিত হইয়াছেন। বিজ্ঞান শাখার সভাপতি এখনও স্থির হয় নাই; সম্মেলন দুইদিন হইবে। এবারের সম্মেলনের 'প্রধান' বিশেষত্ব এই যে, তথায় ১৯৪০ সালে প্রকাশিত সাহিত্য গ্রন্থরাজির একটি প্রদর্শনী খোলা হইবে। আমরা সম্মেলনের সাফল্য কামনা করি।

### শ্রীমতী যোগমায়া দেবী—

বিহার সংস্কৃত ছাত্রী সম্মিলনের সভানেত্রী শ্রীমতী যোগমায়া দেবী বিহারে সংস্কৃত শিক্ষার প্রসার, মহিলাদের জ্ঞানপ্ৰাপ্তি, সংস্কৃত এসোসিয়েশনে মহিলা প্রতিনিধি গ্রহণ প্রভৃতি বিষয়ে আন্দোলন করিয়া সাফল্য



শ্রীমতী যোগমায়া দেবী

লাভ করিয়াছেন। সংস্কৃত শিক্ষার ইতিহাসে এরূপ দৃষ্টান্ত এই প্রথম।


### সুভাষচন্দ্রের মুক্তি—

বাকালী সরকারের ইস্তাহারে প্রকাশ, গত অক্টোবর ও নভেম্বর মাসে রাজবন্দীরা বিশেষ ব্যবহার পাওয়ার জন্ত কতকগুলি দাবী জানান এবং দাবী পূরণ না করিলে অনশন ধর্মঘট করিবেন বলিয়াও জানান। সরকার তাঁহাদের দাবী সম্পর্কে যে ব্যবস্থা অবলম্বন করেন তাহাতে সন্তুষ্ট না হইয়া গত ২৫শে নভেম্বর পনের জন রাজবন্দী অনশন ধর্মঘট করিয়াছেন। গত ২৯শে নভেম্বর হইতে শ্রীযুক্ত সুভাষচন্দ্র বন্দু অনশন ধর্মঘট করেন এবং পূর্বে হইতেই তিনি অসুস্থ থাকার অনশনে তাঁহার স্বাস্থ্য আশঙ্কাজনক মনে করিয়া বাকালী সরকার সম্প্রতি সুভাষচন্দ্রকে বিনা সর্তে মুক্তি দিয়াছেন। তাঁহার আকস্মিক মুক্তিতে বিস্মিত না হইলেও তাঁহার স্বাস্থ্য আমাদের চিত্তকে চিন্তিত করিয়াছে। তিনি নীচ নিরাময় হইয়া দেশের কাজে যোগদান করুন ইহাই আমাদের কামনা।

### অপূর্ণ কার্য—

কলিকাতা ৯নং গৌরকোহন মুখার্জি ষ্ট্রিটের শ্রীমতী উম্মেশ্বরী মিত্র পানের মসলা দিয়া যে বাগান বাড়ী তৈয়ার করিয়াছেন তাহার চিত্র আমরা এখানে প্রকাশ করিয়াছি।

পূর্বে আমাদের দেশের মহিলাদের মধ্যে নানারূপ শিল্পকার্য প্রচলিত ছিল; এখন সেগুলি প্রায় লোপ পাইতে বসিয়াছে।



পানের মসলা বাড়ী

এ যুগে শ্রীমতী মিত্র বহু পরিশ্রম করিয়া যে পানের মসলা বাগান বাড়ী প্রস্তুত করেন, তজ্জন্ত তিনি সকলের ধন্যবাদার্থ।

### প্রমথনাথ চট্টোপাধ্যায়—

অবসরপ্রাপ্ত স্কুলইন্সপেক্টর ও সাহিত্যসেবী বাকুড়া-নিবাসী প্রমথনাথ চট্টোপাধ্যায় মহাশয় গত ২৮শে সেপ্টেম্বর



প্রমথনাথ চট্টোপাধ্যায়

৭৪ বৎসর বয়সে পরলোকগমন করিয়াছেন। সুমধুর ব্যবহার ও চরিত্র-মাধুর্যের জন্ত প্রমথনাবু সর্বজনপ্রিয় ছিলেন।






রাঁচি লেক—( রাঁচীর একটি দৃশ্য )

ফটো—অমর বন্দ্যোপাধ্যায়, রাঁচী



সাগর-পারের ছেলের দল

ফটো—শ্রীশীলকুমার মুখোপাধ্যায়, কলকাতা



বিলাতে বাকিংহাম প্রাসাদে বোমা পড়ার পরের অবস্থা—এক দিকের প্রাচীর ভাঙ্গিয়া গিয়াছে



কলিকাতার গঙ্গায় ( বাগবাড়ীতে ) পুড়ের নৌকাসমূহে অগ্নিকাণ্ডের দৃশ্য । ইহাতে কয়েক লক্ষ টাকার খড় নষ্ট হইয়াছে



## শ্রীক্ষেত্রনাথ রায়

### কোয়াজাঙ্গুলার ফুটবল ৪

আই এফ এ পরিচালিত কোয়াজাঙ্গুলার ফুটবল খেলার ফাইনালে মুসলিমদল অতিরিক্ত সময়ের দ্বিতীয়ার্ধে ১-০ গোলে হিন্দুদলকে পরাজিত করে বিজয়ীর সম্মান অর্জন করেছে। প্রতিযোগিতার কোন দিনের খেলাতেই

ইণ্ডিয়ানদের চারদিন ব্যাপী খেলার মধ্যে যা কিছু প্রতিদ্বন্দিতার আভাস পাওয়া যায়। তিনদিনের খেলা অমীমাংসিতভাবে শেষ হয় এবং চতুর্থ দিনে হিন্দুদল ২-০ গোলে এ্যাংলো ইণ্ডিয়ানদের পরাজিত করে।

বুচি (বোম্বাই) ও সোমানা নিজদলের পক্ষ থেকে গোল করেন। এক এ্যাংলো ইণ্ডিয়ানদের বিরুদ্ধে চার



কোয়াজাঙ্গুলার ফুটবল প্রতিযোগিতায় বিজিত হিন্দু দল

দর্শক সমাগম হয় নাই। অসময় হ'লেও এই প্রতিযোগিতায় যে গুরুত্ব ছিল তা অধিক সংখ্যক ক্রীড়ামোহীদের অস্থপস্থিতিতে যথেষ্ট পরিমাণে হ্রাস পেয়েছে। সারা প্রতিযোগিতায় একমাত্র হিন্দু বনাম এ্যাংলো

দিনের খেলাতে প্রতিদিন হিন্দুদলের খেলোয়াড়দের পরিবর্তন করতে দেখা যায়। হিন্দুদলে গোলরক্ষক কে দত্ত অন্তর্ভুক্ত থাকায় প্রথম থেকেই খেলায় যোগদান করতে সক্ষম হন নি। মনোনয়ন কমিটি হিন্দুদলের খেলোয়াড় মনোনয়নে যে

বিশেষ ফ্যাঁসাদে পড়েছিলেন তা প্রতিদিনের ব্যাপারেই বুঝতে পারা গেছে। এত করেও তাদের ক্রীড়াশৌধীর দৃষ্টিকে ফাঁকি দিতে পারেনি। কোরাজ্জা-জুলার ফুটবল প্রতিযোগিতা এ বৎসর প্রথম আরম্ভ—সূচনাতেই যে সব ঘটনার অবতারণা হয়েছে তাতে ক্রীড়া-মোদিরা এর ভবিষ্যৎ খুব বেশী আশাপ্রদ বলে মনে করছেন না।

রেফারীর খেলা পরিচালনার অক্ষমতায় এ্যাংলো ইণ্ডিয়ান খেলোয়াড়দের কয়েকজন অথবা বলপ্রয়োগে, খেলার বিধি আইন সম্পূর্ণ উপেক্ষা করে খেলার মাঠে নিজেদের আধিপত্য স্থাপনে সর্বদাই সচেষ্ট ছিলেন। তাঁদের খেলোয়াড় সুলভ সৌজন্দের অভাবের ফলে হিন্দুদের কয়েকজন জখম হন। জয়রাম গুরুতর আঘাত পাওয়ার ফলে হাসপাতালের সাহায্য লন। এ সমস্ত ব্যাপারের প্রতিকারের জন্য রেফারী নিজের ক্ষমতা এতটুকুও প্রয়োগ করেন নি। রেফারীর দুর্বলতা এবং শীতের মরসুমের সূত্রোগই বোধ হয় এ্যাংলো ইণ্ডিয়ান খেলোয়াড়দের এতখানি উৎসাহিত করেছিল।

মুসলিম কল ১-০ গোলে ইউরোপীয়দের পরাজিত করে কাইনালে উঠে। কাইনাল খেলায় হিন্দু ও মুসলিমদের কোন পক্ষই নির্ধারিত সময়ের মধ্যে গোল করতে অক্ষম হওয়ার ঐ দিনই শেষ মীমাংসার জন্য অতিরিক্ত সময় খেলা হয়। অতিরিক্ত সময়ের দ্বিতীয়ার্ধে সাবু দলের বিজয়মুচক গোলটি করেন।

কলকাতার প্রথম শ্রেণীর ফুটবল খেলার কাইনালের শেষ মীমাংসার জন্য প্রথম দিনেই অতিরিক্ত সময় খেলার ব্যবস্থা ইতিপূর্বে আই এক এ বোধহয় কোনদিন করেন নি। খেলার গুরুত্ব রক্ষার জন্য কাইনাল খেলার প্রথম দিনে অতিরিক্ত সময়ের আশঙ্কা যেমন পক্ষপাতী নই, দর্শক এবং সমর্থকরাও তেমনি নন। কিন্তু কর্তার ইচ্ছায় কর্ম যেখানে, সেখানে এরূপ ঘটনা যে একটা ঘটবে তাতে আর আশ্চর্য কি! কোরাজ্জাজুলার ফুটবল প্রতিযোগিতার বখেই গুরুত্ব রয়েছে। যেখানে জাতিগত ক্রীড়াচাতুর্যের বিচার সেখানে শতদূর সম্ভব সুব্যবস্থা হওয়াই উচিত। বিধি রক্ষণ কঠোর হ'লেও তা যদি যথাযথ ভাবে পালনে কর্তৃপক্ষ পক্ষপাতিত্বের আশ্রয় না লন তাহলে খেলার

পরাজয় স্বীকার করেও কোন পক্ষই অপৌরব মনে করে না।

প্রতিযোগিতাটি ঐদিনেই অতিরিক্ত করে না খেলিয়ে অমীমাংসিত রাখলে বোধহয় কোন পক্ষের কোনরূপ বলবার থাকত না। সিদ্ধুর পেটাঙ্গুলার এবার অমীমাংসিতভাবে শেষ হ'য়েছে অথচ এই প্রতিযোগিতা বহুদিনের। যে কারণে একদল ভিন্নদিনে খেলায় যোগদান করতে অক্ষম এবং একমাত্র প্রশংসাপত্র ছাড়া খেলার জয়পরাজয়ের উপর কোনরূপ ট্রপি প্রাপ্তির সম্ভাবনা ছিল না সে কারণে কর্তৃপক্ষ অনায়াসেই ঐরূপ ব্যবস্থা অবলম্বন করতে পারতেন। এতদিনের প্রচলিত ব্যবহার তাহলে অপমৃত্যু ঘটত না।

মুসলিম—আলীহোসেন; সিরাজুদ্দিন, জুম্মাখাঁ; বাচ্চিখাঁ, রসিদখাঁ ও মাসুম; নূরমহম্মদ, করিম, রসিদ, সাবু ও আব্বাস।

হিন্দু—ডি সেন; পি চক্রবর্তী, আর মজুমদার; এনন্দী, প্রেমলাল ও জয়রাম; এস শুই, স্বামীনাথম, সোমানা, বুচি ও এস নন্দী।


রেফারী—সি এস সি টেলার

ক্রিকেট ৪

মহারাষ্ট্র—৬৭৫

বোম্বাই-

সুদীর্ঘ সাড়ে চারদিনব্যাপী খেলার পর গতবারের রঞ্জি-ট্রপি বিজয়ী মহারাষ্ট্র মাত্র ২৫ রানে বোম্বাইকে পরাজিত করেছিল। প্রথম ইনিংস শেষ হ'তেই সাড়ে চারদিন সময় লাগে তাই দ্বিতীয় ইনিংস খেলার প্রয়োজন হয়নি। ভারতের ক্রিকেট ইতিহাসে এই খেলাটি বহু পুরাতন রেকর্ড স্মরণ করে নতুন রেকর্ড স্থাপন করেছে। মহারাষ্ট্র টেস্টে প্রথমে ব্যাট করতে নামে। সূচনা খুব ভাল হ'য়েছে। মহারাষ্ট্রের ওপনিং ব্যাটসম্যান ভাণ্ডারকার ও সোহানী



ভাণ্ডারকার

২০৪ ক'রে রঞ্জিটপি ম্যাচে প্রথম উইকেটের রেকর্ড স্থাপন করেন। গত বছর এঁরাই ইউ পির বিরুদ্ধে ১৮৩ রান ক'রে



দেওধর


রেকর্ড ক'রেছিলেন। ৯১ রান ক'রে ভাগ্যরকার হাতেওয়ালার বলে তাঁরই হাতে ধরা দিলেন আর সোহানী ১২০ রান ক'রে হাকিমের বলে এল বি ডব্লু হ'লেন। তাঁর খেলায় চার ছিল ১৩টা। হাজারে যখন ৭৬ রান ক'রেছেন হিন্দেলকার তাঁকে উইকেটের পিছনে লুফলেন।

প্রবীণ অধিনায়ক দেওধর দিনের শেষে ৮০ রান ক'রে নট আউট রইলেন। মহারাষ্ট্রের চার উইকেটে রান উঠল ৩৮৫। বোম্বাইয়ের কিন্ডিং অত্যন্ত ধারাপ হ'য়েছে, তাঁরা চারটে ক্যাচ নিতে পারেনি।

দ্বিতীয় দিনে ক্যাপ্টেন দেওধরের খেলা আর সকলকে মান ক'রে দিয়েছে; উনপঞ্চাশ বৎসর বয়স্ক প্রৌঢ় সংস্কৃতির অধ্যাপক দেওধর এখনও তরুণের মত শক্তি রাখেন। উই-কেটের চতুর্দিকে পিটিয়ে চমৎকারভাবে খেলে তিনি নিজস্ব ২৪৬ রানের মাধ্যমে রজনেকারের বলে হিন্দেলকারের হাতে ধরা দিলেন। তাঁর খেলার আর এক বিশেষত্ব সহযোগিতার যতদূর সম্ভব দূরে রেখে নিজে সমস্ত দায়িত্ব নেওয়া। তিনি আউট হবার সঙ্গে সঙ্গেই মহারাষ্ট্রের প্রথম ইনিংস শেষ হয় ৬৭৫ রানে। গত বৎসর মহারাষ্ট্র বরোদার বিরুদ্ধে ৬৫১ রান ক'রে এক ইনিংসের রেকর্ড ক'রেছিলো। বোম্বাইয়ের কিন্ডিং প্রথম দিনের চেয়েও ধারাপ হ'য়েছে। হিন্দেলকার ও হাকিম উভয়ে ৩টি ক'রে ক্যাচ কসকেছেন; আরো দুটি ক্যাচ অপর লোকে।

মহারাষ্ট্রের এই অত্যধিক রানসংখ্যার বিরুদ্ধে বোম্বাই ব্যাট ক'রতে নামলো আর কোন রান না হবার আগেই হিন্দেলকার আউট হ'লেন। হিন্দেলকারের আর একটু ধৈর্য ধারণ করা উচিত ছিলো। বোর্ডে কোন রান উঠবার আগেই ক্রিকেটের মত খেলা শেষ হ'ল। তৃতীয়দিনে বোম্বাই ৩ উইকেট হারিয়ে রান ফুললে ২১৫। কেনী আর বিজয় যথাক্রমে ৬৭ ও ৬৯ ক'রে সেদিনের মত নট আউট রইলেন। বোম্বাইয়ের খেলায় যেহি এই ভাবে যুক্তি দেওয়াতে যদি কারো কৃতিত্ব থাকে তাহলে তা কেনীর

প্রাপ্য। পুরো দু'দিন কিন্ডিং করার পর কোন টেস্ট ব্যাটিংয়ে প্রায় সমান প্রত্যন্তর দেবার ক্ষমতা থাকে না। বিশেষত ভারতবর্ষে যেখানে দীর্ঘদিনব্যাপী খেলা খুব কমই হ'য়ে থাকে। কেনীর অদ্ভুত ধৈর্য; তাঁকে যতরকম সৌভাগ্যবশত বল দেওয়া যেতে পারে যায় তা দেওয়া হয়েছে কিন্তু ধৈর্যচ্যুত করা যায় নি। নব্বুই মিনিটে মাত্র দু রান ক'রেছেন। মার্চেন্ট তাঁর স্বাভাবিক খেলা দেখিয়েছেন। চতুর্থ দিনের খেলায় ৬ উইকেটে বোম্বাইয়ের রান সংখ্যা উঠলো ৫০১। ২০৩ মিনিট নির্ভীকভাবে খেলে মার্চেন্ট নিজস্ব সেকুরী ক'রলেন; চার ছিলো ৮টা। আর ৯ রান ক'রে মার্চেন্ট হাজারের বলে আউট হ'লেন। ইব্রাহিমের ৬১ রানও উল্লেখযোগ্য। তরুণ খেলোয়াড় রজনেকার উইকেটের চতুর্দিকে চমৎকার পিটিয়ে খেলে ১৬০ রান ক'রে নটআউট রইলেন। বোম্বাই অদ্ভুত দৃঢ়তার সঙ্গে খেলেছে। পরদিন বোম্বাই সব উইকেট হারিয়ে ৬৫০ রান ফুললে। মহারাষ্ট্র ২৫ রানে জরী হ'ল। উদীয়মান খেলোয়াড় রজনেকারের খেলা এই ম্যাচের তিত্তর সবচেয়ে উল্লেখযোগ্য। রজনেকার ৩৬৫ মিনিট খেলে ২০২ রানের মাধ্যমে মারবাটের বলে সোহানীর কাছে ধরা দিলেন, তাঁর খেলায় চার ছিলো ২২টা। এই খেলাটিতে বোম্বাইয়ের



মার্চেন্ট

খেলোয়াড়ের দৃঢ়তার উচ্চপ্রশংসা না ক'রে পারা যাবে না। হিন্দেলকার একটু ধৈর্যের সঙ্গে খেলে বোম্বাইয়ের


করার আশা ছিলো। শেষের দিকে হাতেওয়ালাও বিশেষ অস্থির হয়ে পড়েন। মহারাষ্ট্রের মর্থকরা বোধ হয় ভাবতেই পারেনি যে বোম্বাই তাদের এত বেশী রানের বিরুদ্ধে প্রায় সমান সংখ্যক রান তুলতে পারবে। কিন্তু পঞ্চমদিনের খেলায় মহারাষ্ট্রের পরাজয়ের সম্ভাবনাও কম ছিলো না। মহারাষ্ট্রের ফিল্ডিং বোম্বাইয়ের চেয়ে ভাল। প্রথম শ্রেণীর বোলারের অভাব খেলাটিতে বিশেষভাবে অনুভূত হয়।

বাঙ্গলা :—২৫৭ ও ২৬২ ( ৫ উই : )

বিহার :—২১৭ ও ৫৮ ( ৬ উই : )

বাঙ্গলা প্রথম ইনিংসে অগ্রগামী থাকার ফলে জয়লাভ করেছে। বাঙ্গলা টমে জিতে প্রথমে ব্যাট করে ২৫৭ রান করে। রামচন্দ্র ৫১, বেহেগু ৫০, সুশীল ৩৭, গণেশ ৩০ এবং কার্তিক ৩১ রান করেন। বিহারের এস ব্যানার্জি মাত্র ৭ রানে তিন উইকেট পান। বিহার প্রথম ইনিংসে ২১৭ রান করে। সানজানা ৫৪, বি সেন ও বাগচী উভয়ের ৩১ রান উল্লেখযোগ্য। বেহেগু ৫ উইকেট পেয়েছেন ৬৮ রানে। তৃতীয় দিনে বাঙ্গলার ৩ উইকেটে ২৬২ রান উঠবার পর ক্যাপ্টেন ইনিংস ডিক্লিয়ার্ড করেন। জম্বর ৬৮, টি ভট্টাচার্য্য ৬২, নির্মল ৬১ রান। টি ভট্টাচার্য্য দুর্ভাগ্যবশতঃ রান আউট হয়ে যান। নির্মলের খেলা বেশ ভাল হয়েছিলো। জম্বর ৬৮ রান করলেও একাধিকবার আউট হবার সুযোগ দিয়েছিলেন।

পান ২৪ রানে। বিহার ফাষ্ট বলের বিরুদ্ধে মোটেই খেলতে পারেনি যদিও বেহেগুর বল ততো ফাষ্ট নয়। বাঙ্গলা টিম থেকে গাবিস এবং কে রায় উভয়েই বাদ



জম্বর

নির্মল হট্টোপাধ্যায়

দেওয়ার প্রয়োজন, গতবার ইউ পির কাছে বাঙ্গলা হেবে যায়। ক্লাব অথবা জাতি বিশেষকে প্রাধান্য না দিয়ে নিরপেক্ষ টিম মনোনয়ন করা উচিত। উপরোক্ত দুটি খেলোয়াড়কে বাদ দিয়ে মহম্মেডান স্পোর্টিংয়ের কানাল এবং নোহনবাগানের এ দেবকে মনোনয়ন কমিটি স্বচ্ছন্দে স্থান দিতে পারেন। কে রায়ের উইকেট কিপিং নিকট এবং ব্যাটিং নিকটতম। একাধিক বার এর প্রমাণ পাওয়া গেছে। সুতরাং মনোনয়ন কমিটির উচিত একজন ভাল ব্যাটসম্যানকে ঐ স্থানে নেওয়া।

### পেন্টাঙ্গুলার ক্রিকেট ৪

এবংসর বোম্বাইয়ে পেন্টাঙ্গুলার ক্রিকেট প্রতিযোগিতা যাতে অনুষ্ঠিত না হয় তার জন্ত একশ্রেণীর জনসাধারণ বিশেষ চেষ্টিত হয়েছেন। তাঁদের মতে দেশের বর্তমান অবস্থায় যখন নাকি দেশের নেতৃস্থানীয় ব্যক্তিরা কারাবরণ ক'চ্ছেন সেই সময় এই শ্রেণীর আমোদ প্রমোদ করা উচিত হবে না। বোম্বাই কংগ্রেসও এই মত পোষণ ক'চ্ছেন এবং পাব্লিক ভাবে চেষ্টাও ক'চ্ছেন যাতে খেলা অনুষ্ঠিত না হয়। বোম্বাই কংগ্রেস কমিটির প্রেসিডেন্ট যদিও বলেছেন যে, এই সময় এইরূপ আমোদ প্রমোদ করা উচিত নয় তবে তাঁরা জনসাধারণের আমোদ প্রমোদে বাধা দিতে চান না এবং এই প্রতিযোগিতা চলি উচিত কি না তা কর্তৃপক্ষ এবং জন-



বেহেগু

কার্তিক বহু

বিহারের—দ্বিতীয় ইনিংসে ৬ উইকেটে ৫৮ রান হবার পর সমরাসভাবে খেলা শেষ হয়। বেহেগু চার উইকেট

সাধারণের উপর ছেড়ে দিচ্ছেন। বোম্বায়ের একজন ভূতপূর্ব মন্ত্রী এবং কতকগুলি প্রভাবশালী ব্যক্তি এবং তাঁদের সমর্থকরা খেলা বন্ধ করবার জন্য বিশেষ মনোযোগী হয়েছেন।


আমরা যতদূর জানি বোম্বায়ে সিনেমা এবং অন্যান্য সকল আমোদ প্রমোদই বেশ পূর্ণ উদ্যমে চলছে। একশ্রেণীর জনসাধারণ এবং কংগ্রেস কর্তৃপক্ষের ক্রিকেটের উপর এইরূপ অহেতুক করণার কারণ আমরা বুঝতে পারলাম না। ক্রিকেট অন্যান্য আমোদ প্রমোদ অপেক্ষা মোটেই ব্যয় বহুল নয় অথবা ইহা আমোদ প্রমোদের

পেটাঙ্গুলার কমিটি পূর্ববারের মত এবারও খেলা চালানোর পক্ষপাতী তবে হিন্দু জিমখানাকে তাঁদের সদস্যদের মতামত জানবার জন্য সময় দিয়েছেন।

আমরা বোম্বায়ের আমোদ প্রমোদের ব্যবসায়ীদেরকে সাবধান হ'তে বলি। হুজুর তো মাত্রাজ্ঞান কিছু নাই।

### নন্দপ্রসাদ শীল্ড ফাইনাল ৪

বাকুড়া ফুটবল এসোসিয়েশন কর্তৃক পরিচালিত নন্দপ্রসাদ শীল্ডের ফাইনালে মেদিনীপুর কলেজ টিম ২-১



কোয়াল্ডাঙ্গুলার ফুটবল প্রতিযোগিতায় এ্যাংলো ইণ্ডিয়ান দল ২-০ গোলে হিন্দু দলের নিকট পরাজিত হয়েছে

চূড়ান্ত নয়। যাহারা এবারের পেটাঙ্গুলার বন্ধ করার পক্ষপাতী তাহারাও ইহার বিরুদ্ধে 'আমোদ প্রমোদ করা উচিত নয়' ছাড়া আর কোন যুক্তিই দেখান নাই। পিকেটিং করবার ভয়ও নাকি দেখান হয়েছে। জানিনা ইকাই-ই-হয়ত সত্যগ্রহের নবতম টেকনিক। হিন্দু জিমখানার ৭০ জন সদস্য নাকি নোটিশ দিয়েছেন যে, যদি পেটাঙ্গুলার কমিটি খেলা বন্ধ না করেন তাহা হলে হিন্দুরা খেলায় যোগদান করবে না। ১৩ই ডিসেম্বর হিন্দু জিমখানার সদস্যরা তাঁদের মতামত ব্যক্ত করবেন।

গোলে চন্দননগর বয়েজ ক্লাবকে পরাজিত করেছে। খেলাটি বেশ প্রতিযোগিতামূলক হয়েছিল। প্রতিযোগিতায় বিভিন্ন স্থান থেকে মোট ৩৩টি টিম যোগদান করে।

### শীতল্যা চ্যাম্পিয়ন কাপ ৪

উক্ত কাপের ফাইনালে হিমারহাটা ক্লাব ৪-১ গোলে ডাঙ্গল বয়েজ ক্লাবকে পরাজিত করে কাপ বিজয়ের সন্মান লাভ করেছে।

নওনগর—১১৭ ও ১৪০

পশ্চিম ভারত রাজ্য—৫৭ ও ২০৫ (৮ উইকেট)

পশ্চিম ভারতরাজ্য দুই উইকেটে নওনগর দলকে পরাজিত করেছে।

নওনগরের প্রথম ইনিংসে কোলা ৩৫ ও এস ব্যানার্জি ১৩ রান করেন। নেহাল চাঁদ ৩৮ রানে ৭টি উইকেট লাভ করেন।

দ্বিতীয় ইনিংসের খেলাতেও পশ্চিম ভারতরাজ্য দলের আকবার খাঁ ৩০ রানে ৩টি, নেহাল চাঁদ ৪৬ রানে ৩টি ও পৃথ্বিরাজ ৩৬ রানে ৩টি উইকেট লাভ করেন।

পশ্চিম ভারতরাজ্যের প্রথম ইনিংসে এস ব্যানার্জি

১০৫ রান করেন। আমীর ইলাহী ৩৭ রানে ৫ এবং মহারাজা ২৫ রানে ৩ উইকেট পান।

সিদ্ধু—২৩৯ ও ১৬৮ (৭ উইকেট)

পশ্চিম ভারত রাজ্য—২৫০ ও ১৫৯ (৪ উইকেট)

পশ্চিম ভারত রাজ্য রঞ্জি ক্রিকেট প্রতিযোগিতার পশ্চিমাঞ্চলের খেলায় ছয় উইকেটে সিদ্ধু ক্রিকেট দলকে পরাজিত করেছে।

প্রথম ইনিংসে সিদ্ধুর দাউদ খাঁ ৬১, কিষণ চাঁদ ৫০ ও আব্বাস খাঁ ৪৭ রান করেন। পশ্চিম ভারত রাজ্যের সৈয়দ আমেদ ৭৮ রানে ৫টা ও নেহাল চাঁদ ৭১ রানে ৪টা উইকেট পান।

দ্বিতীয় ইনিংসে কুমারদীনের ৬৬, গিরিধারী র ৩৪ রান উল্লেখযোগ্য।

পশ্চিম ভারত রাজ্য দলের প্রথম ইনিংসে পৃথ্বিরাজ ৫১, উমার ৫০, সৈয়দ আমেদ নট আউট ২৪ রান করেন। সিদ্ধুর গিরিধারী ৩৭ রানে ৩, মোবেদ ৪৮ রানে ৩ উইকেট পান।

দ্বিতীয় ইনিংসে মানাভা দারের নবাব ৬৯, উমার নট আউট ৪০ রান করেন।



কোরাডাভুলার কুটকল বিজয়ী মুসলিম দল

২৬ রানে ৫, ও বিয়ু মানকদ ১৮ রানে ৩ উইকেট পান।

পশ্চিম ভারতরাজ্যের দ্বিতীয় ইনিংসে ৮ উইকেটে রান হয় ২০৫। পৃথ্বিরাজ ৫৩, ঠাকুর সাহেব ৪২।

দিল্লী—১১১ ও ১০৬

দক্ষিণ পাঞ্জাব—২৭৫

দক্ষিণ পাঞ্জাব এক ইনিংস ও ৫৮ রানে দিল্লী দলকে পরাজিত করেছে। দক্ষিণ পাঞ্জাবের অক্ষয়নাথ

টেনিস ৪

উত্তর ভারত টেনিস চ্যাম্পিয়ানশীপের সিঙ্গলস কাইনালে গাউস মহম্মদ যুগোস্লাভিয়ার বিখ্যাত খেলোয়াড় কুকুলজেভিককে ৭-৯, ৬-৭, ৬-১, ৬-৩ গেমের পরাজিত করেছেন।

ডবলসে সোহানী ও সোনী ১২-১০, ৪-৬, ৭-৫, ৭-৫ গেমের কুকুলজেভিক ও ইকতিকার আবেদকে পরাজিত করেন।

সিঙ্গল ডবলসে কুকুলজেভিক ও বিসেন্স কোসেনস ৭-৫,



২-৬, ৬-৪ গেমের রমারাও ও মিসেস কাণ্ডওয়ালাকে পরাজিত করে বিজয়ী হন।

মহিলাদের সিঙ্গেলসে কুমারী কাণ্টোইসোফী, কুমারী



কলিকাতার নানা প্রতিষ্ঠান কর্তৃক পরিচালিত সম্মরণ প্রতিযোগিতার বিভিন্ন বিষয়ে বিজ্ঞানাগর কলেজের ছাত্র শ্রীমন্তোষকুমার চট্টোপাধ্যায় বিশেষ কৃতিত্বের পরিচয় দিয়েছেন। তিনি কলিকাতার ৬নং ওয়ার্ডের কর্পোরেশন কাউন্সিলার শ্রীযুক্ত হৃদীরকুমার চট্টোপাধ্যায়ের আত্মপুত্র

শ্যামা কেশরকে ৭-৫, ৬-৩ গেমের পরাজিত করে বিজয়ী হয়েছেন।

পুরুষদের সিঙ্গেলসে বাঙ্গলার একনম্বর খেলোয়াড় দিলীপ বসু পাঞ্জাবের একনম্বর খেলোয়াড় ইফতিকার আমেদকে স্ট্রেট সেটে পরাজিত করে সেমি-ফাইনালে উঠেন। এই খেলার কিছুদিন আগে ইফতিকার গাউসকে পরাজিত করে বিশেষ চাঞ্চল্যের সৃষ্টি করেছিলেন। দিলীপ সেমি-ফাইনালে কুকুলজেন্তিকের কাছে পরাজিত হন।

### সিলোন টিম ৪

নিম্নলিখিত খেলোয়াড়গণ সিলোন টিমের হয়ে ভারতবর্ষে খেলতে আসছেন। জয়া উইকরেমা ( ক্যাপ্টেন ), পোরিট, ফার্নেণ্ডো, এ গুণরত্নে, এম গুণরত্নে, হবার্ট, জয়াসুন্দেয়া, জিলা, নবরত্নে, রবার্ট, নোলোমনস্, ওয়াহিদ, ওয়ালবেঅফ্। বোম্বায়ে যে অল-ইণ্ডিয়া টিম সিলোনের

বিপক্ষে খেলবেন তাঁদের নাম প্রকাশিত হয়েছে। কেশবর ( ক্যাপ্টেন ), ইঞ্জিনিয়ার, ব্যানার্জি, সি এস. মাইডু, হাজারে, সৈয়দ আমেদ, ভি এম মার্চেন্ট, মানকন, রত্ননেকার, ইব্রাহিম এবং মাস্তক আলি। টিম মনোনয়ন কমিটি তরুণ খেলোয়াড়দের টিমে অন্তর্ভুক্ত করেছেন খুব আশার কথা। তবে ইঞ্জিনিয়ারের মত একেবারে নতুন খেলোয়াড়কে স্থান না দিয়ে ভাগুরকার কিম্বা সোহনীকে দেওয়া উচিত ছিলো।

### মিস্ এলিস মার্কেল ৪

উইম্বলডন ও আমেরিকান লন্ টেনিস সিঙ্গেলস বিজয়িনী মিস্ এলিস মার্কেল পেশাদার টেনিস খেলোয়াড়ের তালিকায় নাম লিখিয়েছেন। আগামী জাম্বুয়ারী মাসে নিউইয়র্কস্থ ম্যাডিসন স্কোয়ার গার্ডেনে বিশ্ববিখ্যাত টেনিস খেলোয়াড় ডোনাল্ড বাজ ও বিল টিলডেনের সঙ্গে তিনি প্রদর্শনী ম্যাচ খেলবেন। এ সংবাদ টেনিস মহলে বিশেষ চাঞ্চল্যের সৃষ্টি করেছে। বাজ, পেরী এবং অপরাপর টেনিস খেলোয়াড়দের মতই মিস্ মার্কেল যে পেশাদার খেলোয়াড় শ্রেণীভুক্ত হবেন এ গুজব কিছুদিন পূর্বে চতুর্দিকে ছড়িয়ে পড়ে। সে সময়ে সংবাদ ভিত্তিহীন বলেই অস্বীকার করা হয়েছিল।

মিস মার্কেলের শারীরিক গঠন, খেলার নিখুঁত ভঙ্গিমা ও ক্রীড়াচাতুর্য্য সত্যই যে নারীজাতির আদর্শীয় তা সকলেই



মিস্ এলিস মার্কেল

একবারে স্বীকার করেন। পুরুষের পক্ষে আদর্শ খেলোয়াড় হিসাবে যতখানি গুণ থাকা প্রয়োজন তা মিস্ মার্কেলের মধ্যে যথেষ্ট পরিমাণে বিদ্যমান।

## বেঙ্গল টেবল টেনিস চ্যাম্পিয়ানশীপ ৪

বেঙ্গল টেবল টেনিস চ্যাম্পিয়ানশীপের ফাইনাল খেলা শেষ হয়েছে। বিভিন্ন বিভাগের ফলাফল নিম্নে দেওয়া হ'ল।

## পুরুষ সিঙ্গেলস :

ইণ্ডিয়ান ইন্টার ক্লাশনাল এবং বোম্বাইয়ের ১নং খেলোয়াড় কে এইচ কাপাডিয়া ২১-১০, ১৮-২১, ২১-১০, ১২-২১, ২-১৮ গেমের ভূতপূর্ব ইংলিশ ইন্টার ক্লাশনাল বোম্বাইয়ের 'ষ্টার' খেলোয়াড় আর ই মরিতনকে পরাজিত করেছেন।

## মহিলাদের সিঙ্গেলস :

মিস্ এ দাস ১৯-২১, ২১-১৭, ২১-১৮ গেমের আর নাগকে পরাজিত করেছেন।

## পুরুষদের ডবলস্ :

এম ব্যানার্জি ও আর হোসেন ২১-২০, ২১-১৯, ২১-১৯ গেমের মরিতন ও ভাসিনকে পরাজিত করেন।

## সিদ্ধু পেণ্টাঙ্গুলার ৪

সিদ্ধু পেণ্টাঙ্গুলার ফাইনাল সমস্যাভাবে অসীমায়িতভাবে শেষ হয়েছে। হিন্দুরা টেসে জিতে প্রথমে ব্যাট করে ৩৩২ রান তোলে। ক্যাপ্টেন নওমল করেন ১৭০ আর গোপাল দাস ৫৯। মুসলীমরা এর উত্তরে ২৪১ রান করে। আক্বাস খাঁ ১ রানের জন্তু সেধুরী ক'রতে পারেন নি। দ্বিতীয় ইনিংসে হিন্দুদের ৭ উইকেটে ২০৪ হবার পর নওমল ইনিংস ডিক্লিয়ার্ড করেন। কিষেন চাঁদ করেন ৮৪। খেলা শেষ হবার ২১০ মিনিট আগে ২৯৬ রান পিছনে প'ড়ে মুসলীমরা ব্যাট ক'রতে নামলো। ৭ উইকেটে রান উঠলো ১৫৮। মুসলীমরা নিশ্চিত পরাজয় থেকে রক্ষা পেলো। একমাত্র উইকেট কিপার ছাড়া হিন্দুদের বাকী দশজন খেলোয়াড়ই বল ক'রেছেন।

৫।১২।৪০


## সাহিত্য-সংবাদ

## নব-প্রকাশিত পুস্তকাবলী

কেশবনাথ মুনোপাধ্যায় প্রণীত "সন্ধ্যাপন্থ"—২।  
 প্রফুল্লকুমার সরকার প্রণীত "করিন্দু হিন্দু"—১।  
 ব্যারোয়ারী উপজাতি "কো-এডুকেশন"—২।  
 পৃথ্বীচন্দ্র ভট্টাচার্য প্রণীত "পতিলা ধরিত্রী"—১।  
 নরেন্দ্রনাথ লাহা প্রণীত "স্বর্ণবর্ণিক কথা ও কীর্তি"—৬।  
 সতীশচন্দ্র চট্টোপাধ্যায় প্রণীত "মুক্তবর্ণী"—১।  
 দীনেশচন্দ্র চৌধুরী প্রণীত "নীলবসুনা"—১।  
 ইন্দুনাথ ভট্টাচার্য প্রণীত নাটক "ভারত সম্রাট"—১।  
 সর্করপ্রভু বরার প্রণীত নাটক "বড়বাবু"—১।  
 সুরেশচন্দ্র পাল প্রণীত "জাগরণী"—২।  
 জিজ্ঞেয়নাথ মৈত্র প্রণীত "মেঘনগরের অন্ধকার"—১।

আবহুল কাদের প্রণীত "ক্রুসেডের ইতিহাস"—১।  
 কৃষ্ণবিহারী গুপ্ত প্রণীত "গীতাঞ্জলির আনধারা"—১।  
 নরেন্দ্রনাথ চট্টোপাধ্যায় প্রণীত "পথের ধুলোর পদ্মরাগ"—২।  
 মুকুমার ভট্টাচার্য সম্পাদিত "জ্ঞানদাসরচিত যশোদার বাৎসল্য লীলা"—৫।  
 মহম্মদ মনহুর উদ্দীন প্রণীত "শিরোপা"—১।  
 রাধারমণ দাস প্রণীত "মৃত্যু রণ"—৫।  
 শিবরাম চক্রবর্তী ও ক্রবেশচন্দ্র অধিকারী প্রণীত "এক রোমাঞ্চকর  
 এ্যাডভেঞ্চার"—১।  
 শ্রী অপরূপকুমার ভট্টাচার্য প্রণীত কবিতা পুস্তক "সাহসুতী"—২।  
 শ্রী শান্তিসুধা ঘোষ প্রণীত "নারী"—১।  
 শ্রী বীরেন্দ্রনাথ মুখোপাধ্যায় প্রণীত "মেহালী"—১।

সম্পাদক—শ্রী কীর্তীনাথ মুখোপাধ্যায় এম-এ







# ভাষা



মাঘ—১৩৪৭

দ্বিতীয় খণ্ড

অষ্টাবিংশ বর্ষ

দ্বিতীয় সংখ্যা

## মৃত্যুবিজ্ঞান ও পরমপদ

মহামহোপাধ্যায় শ্রীগোপীনাথ কবিরাজ এম-এ

১

একটি প্রচলিত কথা আছে—“জপে তপে কি ফল ভাই, মরতে জানলে হয়”। কথাটি সরল হইলেও অত্যন্ত সারগর্ভ। জপ, তপস্যা, সদাচার, জীবনের সকল প্রকার সাধনা—সবই বিফল হয়, যদি মানুষ মরিতে না জানে। আর যে মরিতে জানে তাহার পক্ষে পৃথক ভাবে কোন সাধনাই আবশ্যিক হয় না। এমন কত সাধকের ইতিবৃত্ত পুরাণাদি হইতে অবগত হওয়া যায়—ঋহারা সমগ্র জীবন কঠোর নিয়ম ও উগ্র সাধনায় অতিবাহিত করিয়াও মৃত্যুকালে লৌকিক ভাবনার প্রভাবে মরণান্তে ঐ ভাবনার অমুরূপ অপেক্ষাকৃত নিকৃষ্টগতি লাভ করিয়াছেন। পক্ষান্তরে এমন লোকের কথাও শুনিতে পাওয়া যায় ঋহারা জীবিতকালে অতি সাধারণভাবে অবস্থান করিয়াও প্রাণত্যাগের সময় দৃঢ় ভাবনাদি ফলে তদমুরূপ উৎকৃষ্ট গতি প্রাপ্ত হইয়াছেন।

মরণোত্তর গতি মরণকালীন ভাবনার উপর নির্ভর করে।  
শ্রীভগবান্ বলিয়াছেন—

যং যং বাপি স্মরন্ ভাবং ত্যজত্যন্তে কলেবরম্ ।  
তং তমেবৈতি কোন্তেয় সদাতদভাবভাবিতঃ ॥

—গীতা—৮।৬

মুমূষু যে ভাব স্মরণ করিতে করিতে অন্তকালে দেহত্যাগ করে, সেই ভাবে ভাবিত হইয়া সদা সেই ভাবেই প্রাপ্ত হয়। রাজা ভরত মৃত্যুকালে মৃগশিঙকে ভাবিতে ভাবিতে দেহত্যাগ করিয়া হরিণ যোনি প্রাপ্ত হইয়াছিলেন, ইহা পুরাণে প্রসিদ্ধ আছে। এইজন্য সকল দেশেই আন্তিক সম্প্রদায়ে মুমূষুর সাঙ্খিক ভাব উদ্ভূত করিয়া সংরক্ষিত রাখিবার জন্য মরণকালে নানাপ্রকার কৃত্রিম ব্যবস্থার উদ্ভাবন হইয়াছে। মুমূষুর দেহকে অশুদ্ধ ও অপবিত্র

স্পর্শ হইতে মুক্ত রাখা, ভগবদ্ভাব ও অল্প প্রকার সদ্ভাবের উদ্দীপক বচনাবলী উচ্চারণ করিয়া তাহাকে শ্রবণ করান, সাধুজনের সংস্পর্শ, সদ্ভাবে পূর্ণ হইয়া তাহার সমীপে সাধারণ লোকের অবস্থান—এই সকল উপায় এক উদ্দেশ্য-সাধনের জন্তই অবলম্বিত হইয়া থাকে।

মৃত্যুকালীন ভাবনার এই প্রকার অসাধারণ প্রভাব আছে বলিয়াই যাহাতে ঐ সময়ে শুদ্ধ ভাবনা আয়ত্ত করা যায় তাহা প্রত্যেক কল্যাণকামীর শিক্ষা করা আবশ্যিক। সমস্ত জীবনের সমগ্র চেষ্টা যোগ্য উপদেষ্টার নির্দেশ অনুসারে ঐ এক উদ্দেশ্যে প্রযুক্ত হইলে মনুষ্য নিশ্চয়ই মরণের সময় ভগবৎ-রূপায় ইষ্ট ভাবনা আয়ত্ত করিতে পারে এবং মরণের পর তদনুরূপ গতিলাভ করিতে সমর্থ হয়। উপাসকের গতি ও কর্মীর গতি পৃথক হইলেও দুই-ই এক মূল-বিজ্ঞানেরই আলোচ্য বিষয়। সুতরাং মৃত্যু-বিজ্ঞানের মূল-মন্ত্র বৃষ্টিতে পারিলে সকল প্রকার গতিই স্পষ্টভাবে বৃষ্টিতে পারা যায়।

মৃত্যু-বিজ্ঞানের মাহাত্ম্য বর্ণনা করা হইল বলিয়া কেহ যেন মনে না করেন জীবনে সাধনার প্রয়োজন নাই। সাধনার খুবই প্রয়োজন আছে। বস্তুতঃ এমনভাবে সাধনার অভ্যাস করিতে হইবে যেন জীবিত-দশাতেই মৃত্যু-সময়ের অভিজ্ঞতা লাভ করা যায় এবং মৃত্যুর মধ্য দিয়া নিত্য-জীবনের সন্ধান পাওয়া যায়। যে জীবন্তে মরিতে জানে সে মৃত্যুকে ভয় করে না। মৃত্যুকে অতিক্রম না করিলে অতিমৃত্যুদশার লাভ হয় না এবং পূর্ণ সত্তাকে সত্যভাবে উপলব্ধি করিতে না পারিলে মৃত্যুকে অতিক্রম করাও যায় না। যিনি জীবদ্দশাতে এই উপলব্ধি লাভ করিতে পারেন মৃত্যুকালে ভগবৎরূপায় তাঁহার সেই উপলব্ধি আপনা হইতে অনায়াসেই আবির্ভূত হয়।

গতি অস্তিম ভাবের উপর নির্ভর করে, ইহা বলা হইয়াছে। ইহা পরা ও অপরা ভেদে সাধারণতঃ দুই প্রকার। যে গতিতে পুনরাবর্তন নাই তাহাই পরা গতি। আর যে গতিতে উর্দ্ধ অথবা অধোলোকে কর্মফল ভোগের পর মর্ত্যলোকে পুনর্দার জন্মগ্রহণ করিতে হয় তাহা অপরা গতি। অপরাগতির অবাস্তুর ভেদ অনেক আছে। দেবতা, মনুষ্য, প্রেত, নরক, তির্যাক্ প্রভৃতি যোনির ভেদবশতঃ অপরা গতি ভিন্ন হইয়া থাকে। অর্থাৎ

কর্মবশতঃ কেহ দেবলোকে গমন করে ও দেবদেহ প্রাপ্ত হইয়া নানাবিধ দিব্যভোগ আশ্বাদন করে। সেইরূপ কেহ যাতনা-দেহে নরক যন্ত্রণা ভোগ করিয়া থাকে। বিভিন্ন লোকে এই সকল ভোগের দ্বারা কর্ম ক্ষীণ হইলে অবশিষ্ট কর্মের ভোগের জন্ত মনুষ্য দেহ গ্রহণ করিতে হয়। পরাগতি এক হইলেও ইহাতেও ভেদ আছে। তবে ভেদ থাকিলেও সর্বত্রই তাহার বৈশিষ্ট্য এই যে, এই গতি প্রাপ্ত হইলে মনুষ্যকে পুনর্দার মর্ত্যলোকে আবর্তন করিতে হয় না ; অর্থাৎ মৃত্যুর সঙ্গে সঙ্গে ভগবানের পরমধামে প্রবেশ হয় অথবা অবস্থা ভেদে মরণের পর স্তর-বিশেষের ভিতর দিয়াও কাহারও কাহারও গতি হইয়া থাকে। বলা বাহুল্য, এই দ্বিতীয় গতিও পরম গতি, কারণ ঐ স্তর হইতে অধোগতি হয় না, ক্রমশঃ উর্দ্ধগতি হয় ও চরমে পরমপদের প্রাপ্তি হয়। তবে ইহা পরাগতি হইলেও অপেক্ষাকৃত নিম্নাধিকারীর জন্ম। ইহার প্রথমটি মরণোত্তর সত্যোমুক্তি, দ্বিতীয়টি ক্রমমুক্তি। আর এক অবস্থা আছে—তখন গতি নোটাই থাকে না। এই অবস্থায় মৃত্যুর পূর্বে অর্থাৎ জীবদ্দশাতেই পরমপদের সাক্ষাৎকার হইয়া থাকে। ইহা জীবিতকালে সত্যোমুক্তি। সাধারণতঃ ইহাকেই জীবনমুক্তি বলা হয়। যাহারা এই অবস্থা লাভ করিয়া থাকেন তাঁহাদের আর কিছু প্রাপ্তব্য থাকে না। শুধু প্রারম্ভে ক্রমবশে দেহ চলিতে থাকে—ঐ কর্মের ক্ষয়ে দেহপাত হয়, তখন অন্তঃকরণ, বাহ্য ইন্দ্রিয়, প্রাণ প্রভৃতি সব এখান হইতেই অব্যক্তে লীন হইয়া যায়। লিঙ্গের নিবৃত্তি হয়, উৎক্রান্তি হয় না। দেহত্যাগের সঙ্গে সঙ্গেই বিদেহ-কৈবল্য হয়। জীবনমুক্তি ও বিদেহ মুক্তির ভেদ শুধু উপাধিগত, বাস্তবিক নহে।

জন্মান্তর বা দেহান্তর পরিগ্রহ নিবৃত্ত হইলেই যে জীবের পরমপদ লাভ হয় তাহা নহে। পরমপদে যাইবার পথে ক্রমমুক্তিতে মধ্যমাধিকারীর সাধারণতঃ বিশুদ্ধ উর্দ্ধলোকে গতিলাভ হইয়া থাকে। যে সকল স্তর অথবা ধাম অতিক্রম করিয়া ভগবদ্ধামে পৌঁছিতে হয় সেগুলি বিশুদ্ধ, তাহাতে বাসনা থাকিলেও উহা শুদ্ধ বাসনা। তন্মতে ঐ সকল স্তর মায়াতীত হইলেও মহামায়ার অন্তর্গত বলিয়া পরিগণিত হইয়া থাকে। অশুদ্ধ বাসনা থাকে না বলিয়া অশুদ্ধ স্তরের অধ-আকর্ষণ ঐ সকল স্থানে কার্য্য করিতে পারে না। বিশুদ্ধ সাধন-ভক্তির আশ্বাদন ঐ সকল স্তরেই হইয়া থাকে।

এইগুলি শুদ্ধ ধাম হইলেও ভগবানের পরম ধাম নহে। কর্ম ও মায়ার অভাববশতঃ এই সব স্থান হইতে অধোগতি হয় না বটে, কিন্তু এখানে থাকিতে অপূর্ণতা-বোধ কাটে না ; —এখানে মিলন-বিরহ আছে, উদয়-অস্ত আছে, আবির্ভাব-তিরোভাব আছে, এখানে ভগবানের নিত্যোদিত সত্তার সাক্ষাৎকার পাওয়া যায় না।

মানুষের জন্ম হয় কেন ? মলিন ভোগ-বাসনাই জন্মের কারণ। কর্তৃত্বাভিমান লইয়া, সকাম ভাবে কর্ম করাতেই চিন্তে নূতন নূতন বাসনার উদ্রেক হইতেছে এবং তাহার প্রভাবে সজাতীয় প্রাচীন সংস্কার সকল উদ্বুদ্ধ হইয়া তাহাকে পুষ্ট করিতেছে। কালভেদে বিভিন্ন বাসনা ক্রিয়মাণ কর্মের প্রভাবে উৎপন্ন হওয়ার দরুণ এবং সাধারণতঃ বিক্ষিপ্তচিত্তে পূর্বক্ষণবর্তী ও পরক্ষণবর্তী বাসনা পরস্পর বিজাতীয় হওয়ার দরুণ কোন বাসনাই প্রবলাকার ধারণ করিয়া ফলোন্মুখ হইতে পারে না। যে-কোন পূর্ব বাসনা পরবর্তী বিজাতীয় বাসনার দ্বারা অভিভূত হইয়া যোগ্য উদ্দীপক-কারণের অবসর প্রতীক্ষায় অব্যক্ত ভূমিতে সঞ্চিত থাকে। মনের ক্রিয়ার সঙ্গে বাসনা-ভাবনাদির স্বাভাবিক সম্বন্ধ রহিয়াছে, কিন্তু মনের ক্রিয়া প্রাণের ক্রিয়ার সহিত সংশ্লিষ্ট। প্রাণ নিশ্চল হইলে মন কার্য্য করিতে পারে না ও প্রাণ সূক্ষ্ম ভাব ধারণ করিলে মনের ক্রিয়াও অপেক্ষাকৃত সূক্ষ্মভাবেই সম্পন্ন হয়। তাহার ফলে যে সকল বাসনা ব্যক্ত হয় অথবা ভাবনা উদ্ভিত হয় তাহাও সূক্ষ্ম স্তরের। দেহস্থ প্রাণ প্রাণবাহিনী শিরাকে আশ্রয় করিয়া কার্য্য করে। তদ্রূপ মনও মনোবহা নাড়ীকে আশ্রয় করিয়া ক্রিয়া করে। সুতরাং বাসনার বা ভাবনার তারতম্য অনুসারে বিভিন্ন নাড়ীর কার্য্যকারিতা দেখা যায়। মনুষ্য মরণের পূর্বক্ষণে যে চিন্তা করে অর্থাৎ ঐ সময় তাহার চিন্তে যে ভাবের উদয় হয় তাহাই তাহার শেষ চিন্তা। তাহার পর দেহগত প্রাণের ক্রিয়া নিরুদ্ধ হয় বলিয়া কোন নূতন চিন্তা উদ্ভিত হইয়া ঐ শেষ চিন্তাকে অভিভূত করার সম্ভাবনা থাকে না। তাই ঐ শেষ চিন্তাই একাগ্র হইয়া প্রবলাকার ধারণ করে। দেহাশ্রিত বিক্ষিপ্ত করণ-শক্তির মৃত্যুকালীন স্বাভাবিক একাগ্রতা হইতে ঐ তনুয়তা আরও পুষ্টলাভ করে। একাগ্রতার ফলে হৃদয়ে একটি দিব্যপ্রকাশের উদয় হয়—মুমূর্ষুর

অস্তিমভাব ঐ জ্যোতির্ময় প্রকাশে স্পষ্ট ফুটিয়া উঠে ও তাহার দৃষ্টিগোচর হয়। তদনন্তর ঐ অভিব্যক্ত ভাবই জীবকে অনুরূপ নাড়ীমার্গ ও দ্বারপথ দিয়া চালনা করিয়া বাহিরে লইয়া যায় এবং কর্ম অনুসারে ভোগায়তন দেহ গ্রহণ করাইয়া নির্দিষ্ট কালের জন্ম সুখ-দুঃখ ভোগ করাইতে থাকে।

মরণ কালে যে ভাবের উদয় হয় তাহার তত্ত্ব বিশ্লেষণ করিলে কতকগুলি বিষয় জানিতে পারা যায়। উচ্চাধিকার-বিশিষ্ট পুরুষ সাধারণতঃ নিজের পুরুষকারের বলে ভাব-বিশেষকে আয়ত্ত রাখিতে পারে। মধ্যমাধিকারী পুরুষের স্বাতন্ত্র্য পরিচ্ছিন্ন বলিয়া মৃত্যুকালে ঐ ভাববিশেষকে হৃদয়ে জাগাইবার জন্ম অথবা যাহাতে উহা পূর্ব হইতেই অবিচ্ছিন্ন ভাবে জাগিয়া থাকে সেই আশায় তাহাকে সমস্ত জীবন নির্দিষ্ট উপায়ে চেষ্টা করিতে হয়। এই চেষ্টা, প্রতিকূল দৈব না থাকিলে, ভগবানের মঙ্গল বিধানে সফল হইয়া থাকে। দৈবশক্তি অথবা মহাজনদিগের অনুগ্রহ থাকিলে তৎকালে নিজের কোনও প্রকার বিশিষ্ট চেষ্টার অভাবেও অবশ্যই সম্ভাব জাগিয়া উঠিতে পারে। প্রবল আধ্যাত্মিক শক্তি-সম্পন্ন পুরুষের অথবা ইষ্টদেবতা, সদগুরু কিংবা ঈশ্বরের দয়া ঐ অনুকূল দৈবশক্তির অন্তর্গত বলিয়া বুঝিতে হইবে। নিম্নস্তরের পুরুষ অধিকাংশ স্থলে পূর্ব কর্মের অধীন বলিয়া জড়ের গায় শ্রোতে ভাসিয়া যায়।

ভাবের উদ্বোধন যে প্রকারেই হউক, ভাবের বৈশিষ্ট্য হইতেই মরণের পরে জীবের গতি নির্দিষ্ট হয়। যেমন ভাব, তেমনিই গতি। যিনি জীবৎকালে ভাবের অতীত হইয়াছেন, যিনি সত্যই জীবমুক্ত, তাঁহার কোনই গতি নাই। বাসনাশূন্য হইলে গতি থাকে না। গীতাতে (৮।৫) শ্রীভগবান্ বলিয়াছেন—

অন্তকালে চ মামেব স্মরন্ মুক্তা কলেবরম্ ।

যঃ প্রযাতি স মদ্ভাবং যাতি নাস্ত্যত্র সংশয়ঃ ॥

সুতরাং অন্তকালে ভগবদ্ভাব স্মরণ করিয়া দেহত্যাগ করিলে যে তাঁহার সাযুজ্য লাভ করা যায় তাহাতে সন্দেহ নাই।

২

এখানে একটি রহস্যের কথা বলা আবশ্যিক মনে হইতেছে। পূর্বেই বলিয়াছি, এক একটি ভাবের উদয়ের সহিত মন

প্রাণ প্রভৃতির অবস্থা ও নাড়ী বিশেষের ক্রিয়ার সম্বন্ধ আছে। তেমনিই মন প্রাণ প্রভৃতিকে নির্দিষ্ট প্রকারে স্পন্দিত করিতে পারিলে এবং নাড়ী-বিশেষকে চালনা করিতে পারিলে তদনুরূপ ভাবের উদয় হইয়া থাকে। ফলতঃ গতির উপর তাহার প্রভাব কার্য্য করে। আসন, মুদ্রা, প্রাণায়াম প্রভৃতি দৈহিক ও প্রাণিক ব্যাপারের দ্বারা মনের ক্রিয়া ও ভাবাদি যে নিয়ন্ত্রিত হয় তাহা সকলের পরিজ্ঞাত বিষয়। এই মৃত্যু-বিজ্ঞানটি এখনও তিব্বতে অনেকেই জানে এবং কার্য্যতঃ তাহা প্রয়োগ করিয়া থাকে। (১) কিন্তু আমাদের দেশে তাহার জ্ঞান শাস্ত্রে এবং মহাজনদের মধ্যেই নিবদ্ধ আছে—সাধারণ লোকে তাহার সন্ধান রাখে না এবং তাহার দ্বারা উপকৃত হইতে পারে না।

গীতার অষ্টম অধ্যায়ের দুই স্থানে এই বিজ্ঞানের সুন্দর পরিচয় পাওয়া যায়। যথা—

কবিং পুরাণমশ্বাসিতারং অণোরণীয়াঃসমমুস্মরেদ্ যঃ ।

সর্বশ্বাতারমচিন্ত্যরূপমাদিত্যবর্ণং তমসঃ পরস্তাৎ ॥

প্রয়াণকালে মনসাত্চলেন ভক্ত্যাযুক্তো যোগবলেন চৈব ।

ক্রবোর্মধ্যে প্রাণমাবেশ্চ সম্যক্ স তং পরং

পুরুষমুপৈতি দিব্যম্ ॥ ৮।৯,১০ ।

অর্থাৎ যদি কেহ মরণ সময়ে ভক্তিবৃত্ত হইয়া স্থিরচিত্তে যোগবলের দ্বারা সম্যক্ প্রকারে ক্র-মধ্যে প্রাণ আবিষ্ট করিয়া সেই তমোহতীত পরম পুরুষকে স্মরণ করিতে পারে তাহা হইলে সে তাঁহাকে অবশ্যই প্রাপ্ত হয়। পরে আছে—

সর্বদ্বারানি সংযম্য মনো হৃদি নিরুধ্য চ ।

মূৰ্দ্ধ্যাধায়াশ্বনঃ প্রাণানাস্থিতো যোগধারণাম্ ॥

ওমিত্যেকাক্ষরং ব্রহ্ম ব্যাহরন্ মামমুস্মরন্ ।

যঃ প্রযাতি ত্যজন্ দেহং স যাতি পরমাং গতিম্ ॥

৮।১২,১৩

অর্থাৎ সকল দ্বার সংযত করিয়া মনকে হৃদয়ে নিরুদ্ধ করিয়া যোগধারণার আশ্রয়ে প্রাণ সকলকে মস্তকে স্থাপন করিয়া একাক্ষর শব্দব্রহ্ম ওঁকার উচ্চারণ করিতে করিতে ও

ভগবান্কে স্মরণ করিতে করিতে যে দেহত্যাগ করিয়া প্রয়াণ করে সে পরম গতি লাভ করিয়া থাকে।

কি প্রকারে দেহত্যাগ করিলে সাক্ষাদভাবে ভগবৎ-স্বরূপ লাভ করা যায় তাহাই গীতার শ্লোকগুলিতে বর্ণিত হইয়াছে। চিন্তাশীল পাঠক দেখিতে পাইবেন যে ইহাতে সংক্ষেপে অষ্টাঙ্গ যোগ, মন্ত্র, ভক্তি, জ্ঞান প্রভৃতি ভগবৎ-প্রাপক সকল সাধনারই সার উপদেশ সন্নিবিষ্ট হইয়াছে। আমরা গুরুকৃপায় এই বিজ্ঞান-রহস্য যতটুকু বুদ্ধিতে পারিয়াছি তাহারই কিঞ্চিৎ আভাস অল্প কথায় এই ক্ষুদ্র প্রবন্ধে প্রদান করিতে চেষ্টা করিব। নিজের বুদ্ধিগত জড়তা-নিবন্ধন যে সব ক্রটি লক্ষিত হইবে সুধীগণ দয়া করিয়া তাহা মার্জনা করিবেন।

৩

গীতা বাক্য হইতে স্পষ্ট প্রতীত হয় যে ওঁকারের উচ্চারণের পূর্বে সর্ব দ্বারের সংযম, হৃদয়ে মনের নিরোধ ও প্রাণের ক্র-মধ্য প্রভৃতি দেশপ্রাপ্তি নিষ্পন্ন হওয়া আবশ্যিক। দ্বার-সংযম অবশ্য নবদ্বারের নিয়ন্ত্রণ। মানুষের দেহ নবদ্বার-বিশিষ্ট—মরণকালে সাধারণতঃ এই নবদ্বারের মধ্যে কোন এক দ্বারকে আশ্রয় করিয়াই তাহার প্রাণ বহির্গত হয়। কর্ম্মানুসারে পুণ্যবান্ পুরুষ উপর দিকের দ্বার দিয়া, পাপী অধোদ্বার দিয়া এবং মধ্য ব্যক্তি মধ্য দ্বার পথে গতি লাভ করে (মহাভারত—শান্তিপর্ক, অধ্যায় ২৯৮)। জীব যে প্রকার দ্বারপথে বাহির হয় তাহার উত্তরকালীন গতিও তদনুরূপই হইয়া থাকে। অথবা যে জীব যেপ্রকার গতি লাভ করিবে তাহাকে বাধ্য হইয়া কর্ম্ম দেবতার প্রেরণায় তদনুরূপ দ্বার দিয়াই বাহির হইতে হয়। কিন্তু পুণ্যবান্ অথবা পাপী কেহই দশম দ্বার অর্থাৎ ব্রহ্মরহস্য হইয়া নির্গত হইতে পারে না। ব্রহ্মরহস্য উৎক্রমণের মার্গ। এই পথে বাহির হইলে আর পুনরাবৃত্তি হয় না। যে সকল পথে চলিলে পুনরাবর্তন ঘটে সেইগুলিকে বন্ধ করাই মরণকালে নবদ্বার রোধের প্রধান উদ্দেশ্য। এইগুলিকে বন্ধ করিলে অপুনরাবৃত্তির দ্বার বা ব্রহ্মপথ সহজেই উন্মুক্ত হয়। কল-সের ছিদ্র বন্ধ না করিয়া জল ভরিতে গেলে যেমন জল ভরা যায় না, তেমনিই ঐ সকল বাহু দ্বার রোধ না করিয়া অন্তর্দ্বার উন্মুক্ত করার চেষ্টা বিফল হয়।

(১) ব্রহ্ম—“With Mystics and Magicians in Tibet by Alexandra David-Noel, pp. 29-33 (Pingain Pooke Ltd, Harmonds Worth, Middlesex, England).”



বাহু দ্বার নিরুদ্ধ হইলে নিশ্চিত হইয়া ভিতরের পথ বাহির করা যায়।

কিন্তু কি প্রকারে এই সকল দ্বার রোধ করিতে হয় তাহার উপদেশ গীতাতে নাই। যোগিগণ বলেন, যদিও নবদ্বারের কোন একটি দ্বারকে আশ্রয় করিয়া ক্রিয়া-কৌশলে এই সংঘম ব্যাপার সম্পন্ন হইতে পারে, তথাপি মুদ্রা-বিশেষের দ্বারা গুহদ্বারকে রোধ করিতে পারিলে ফললাভ অপেক্ষাকৃত সহজ হয়। কিছুক্ষণ ঐ বিশিষ্ট মুদ্রার অভ্যাস করিলেই একটি আবেশ-ভাবের উদয় হয়—তখন বাহুজ্ঞান লুপ্ত হয় ও সর্ব দ্বারপথ অর্গল-বদ্ধ হইয়া যায়। ইহা ইন্দ্রিয়ের প্রত্যাহার। কিন্তু মনে রাখিতে হইবে যে ঐ মুদ্রার কর্ম করিবার পূর্বে পূরক ও তদনন্তর কুম্ভক করিয়া লওয়া আবশ্যিক। বায়ুকে স্তম্ভিত করিয়াই ঐ মুদ্রা সাধনে প্রবৃত্ত হইতে হয়। ভাল করিয়া কুম্ভক করিতে পারিলে সমান বায়ুর তেজোবৃদ্ধি হয়, তখন প্রবল সমানের দ্বারা সমাকৃষ্ট হইয়া তির্যাক্, উর্দ্ধ ও অধঃস্থিত সকল নাড়ী সুষুমাতে আসিয়া একীভূত হয় এবং বিভিন্ন নাড়ীতে সঞ্চরণশীল বায়ুসকল সমরসীভূত হইয়া একমাত্র প্রাণরূপে পরিণত হয়। ইহাই নাড়ী-সামরশ্য। ইহার পর মধ্য নাড়ী অথবা সুষুমা-নাড়ীকে উর্দ্ধশ্রোতা অর্থাৎ উপরের দিকে প্রবহনশীল বলিয়া ভাবনা করিতে হয়। সুষুমা দেহস্থ যাবতীয় নাড়ীর মধ্যবর্তী—ইহা নাড়ী হইতে মস্তকস্থ ব্রহ্মরজ্জ ভেদ করিয়া শক্তি স্থান পর্য্যন্ত বিস্তৃত রহিয়াছে। এই ত্রিবিধ সাধনের ফলে সকল নাড়ী এবং হৃদয় প্রভৃতি সকল গ্রন্থিপথ (কুম্ভক ও মুদ্রা প্রভাবে) রুদ্ধ হইয়া (ভাবনাবলে) সর্বতোভাবে বিকশিত হয় অর্থাৎ উর্দ্ধ প্রবাহের উন্মুখতা লাভ করে। এতদিন অপান শক্তির প্রাধান্যবশতঃ এইগুলি অধোমুখ ও সঙ্কুচিত ছিল। হৃদয়, কণ্ঠ, তালু, ক্রমধ্য প্রভৃতি স্থানে প্রাণশক্তি সরল গতি হারাইয়া কুটিলতা বা বক্রতা প্রাপ্ত হইয়াছে, তাই ঐ সকল স্থানকে গ্রন্থি বলে। এইগুলি সঙ্কোচ-বিকাশশীল বলিয়া পদ্ম নামেও অভিহিত হয়।

এই দ্বারগুলি ইন্দ্রিয়ের জ্ঞায় প্রাণের দ্বারও বটে। সুতরাং এই দ্বাররোধ ব্যাপার ইন্দ্রিয় ও প্রাণবৃত্তির প্রত্যাহার বলিয়া বুঝিতে হইবে। ইন্দ্রিয় ও প্রাণই বাহু জগতের সহিত মনের সম্বন্ধ-স্থাপক—ইন্দ্রিয় ও প্রাণ প্রত্যাহৃত হইলে মনের বহিস্মুখ প্রেরণা বা আকর্ষণ নিবৃত্ত হয়। এইভাবে

প্রত্যাহার বা দ্বার-সংঘম দ্বারা অষ্টাঙ্গ যোগের বহিরঙ্গ অংশ সিদ্ধ হইয়া থাকে।

কিন্তু অন্তরঙ্গ অংশ তখনও বাকী থাকে। তাহা মনোনিরোধের ব্যাপার। ধারণা, ধ্যান ও সমাধি নামক অন্তরঙ্গ যোগ বস্তুতঃ মনোনিরোধেরই ক্রমিক উৎকর্ষ মাত্র। মনের নিরোধ-স্থান হৃদয়। দ্বার-সংঘমের পর ইন্দ্রিয় পথ রুদ্ধ হওয়ার দরুণ মন যদিও বাহু জগতে গমন করিতে সমর্থ হয় না, তথাপি দেহান্তস্থ প্রাণময় রাজ্যে উহা অবাধে সঞ্চরণ করিতে থাকে। ঐ সঞ্চরণের ফলে সুপ্ত সংস্কাররাশি উদ্দীপিত হইয়া স্বপ্নবৎ দৃশ্য-দর্শনের কারণ হইয়া থাকে। স্বৈর্য্যলাভের পক্ষে ইহা এক বিপুল প্রতিবন্ধক। আমরা পূর্বেই বলিয়াছি মনের সঞ্চরণ-মার্গ মনোবহা নাড়ী নামে প্রসিদ্ধ। সমস্ত দেহব্যাপী অতি সূক্ষ্ম আধ্যাত্মিক বায়ুকে আশ্রয় করিয়া লুতাতস্ত-নির্ম্মিত জালের জায় একটি অতি জটিল নাড়ীজাল বিস্তৃত রহিয়াছে। ইহা দেখিতে অনেকাংশে একটি মৎস্যজালের জায় এবং তাহারই জায় মধ্যে মধ্যে কুট গ্রন্থি দ্বারা সংযোজিত। মানাবহা নাড়ীর নানাবিধ শাখা প্রশাখার দ্বারা এই জাল গঠিত। মনের এক এক প্রকার বৃত্তি বা ভাব এক এক প্রকার নাড়ীপথে ক্রিয়া করে, অর্থাৎ এক এক প্রকার ভাবের উদয় কালে মন এক এক প্রকার নাড়ী পথে ঘোরাফেরা করে। এই পথগুলি সামান্যতঃ সবই মনোবহা নাড়ী হইলেও ইহাদের পরস্পরের মধ্যে অনেক অবাস্তুর পার্থক্য লক্ষিত হয়। রূপবাহিনী শব্দ-বাহিনী প্রভৃতি নাড়ীর সহিত মনোবহা নাড়ীর যোগ আছে। পঞ্চভূতের সার তেজ লইয়াই মনের প্রকাশ। মনের বৃত্তি-ভেদেও পঞ্চভূতের সন্নিবেশগত তারতম্য আছে : ক্রোধে তেজ, কামে জল ইত্যাদি প্রধানভাবে থাকে (যদিও প্রতি বৃত্তিতেই পঞ্চভূতের অংশ আছে)। পূর্বে জন্মের বাসনা-রূপী সূক্ষ্ম বায়ু বা রেণুর দ্বারা এই জাল পরিপূর্ণ। এইগুলি মনকে কল্পিত করে। হৃদয়ের বহিঃপ্রদেশে এইরূপ একটি বিরাট জাল রহিয়াছে। সমস্ত দেহ এই প্রাণজালে ব্যাপ্ত। ইহাই বায়ুমণ্ডল ও মনের সঞ্চারণক্ষেত্রে—যাহার মধ্যে যথাস্থানে সমস্ত লোক-লোকান্তর ভাসিতেছে। চঞ্চল মন ইহার সর্বত্র সঞ্চরণ করিয়া থাকে। ব্যষ্টি দেহের জায় ব্রহ্মাণ্ডেও সূর্য্য-মণ্ডলের বহিঃপ্রদেশে বিশ্ব ব্যাপিয়া এইরূপ একটি জাল রহিয়াছে। এক একটি নাড়ী এক একটি রশ্মি। এই রশ্মি

পথেই প্রাণ বা মন সঞ্চরণ করিয়া থাকে—দেহান্তরস্থ লোকেও করে, দেহের বাহিরেও করে।

মন সূক্ষ্ম প্রাণের সাহায্যে বাসনামুসারে এই জালে ভ্রমণ করিয়া যে সকল দৃশ্য দর্শন করে ও তজ্জন্ম তাহাতে যে সকল ভাবের উদয় হয় তাহা পূর্ব সংস্কারের পুনরভিনয়মূলক। ইন্দ্রিয়পথে যে আত্মতেজ এতদিন বাহ্য জগতে ছড়াইয়া গিয়াছিল তাহাই ইন্দ্রিয়রোধের সঙ্গে সঙ্গে উপসংহৃত হইয়া সংস্কার রাজ্যে ছড়াইয়া পড়িয়াছে। এই অবস্থায় বাহ্য অনুভব, এমন কি বাহ্যস্মৃতি পর্য্যন্ত লুপ্ত হইয়া যায় বলিয়াই এই সংস্কার দর্শনগুলি খুব স্পষ্ট ও জীবন্ত বলিয়া অনুভূত হয়—প্রত্যক্ষ বলিয়াই তখন মনে হয়। সাধারণতঃ এ গুলিকে অনেকে ধ্যানজ দর্শন বলিয়া থাকেন। কিন্তু বাস্তবিক ইহাদের মূল্য খুব বেশী নহে। ইহা বিক্ষিপ্ত চিত্তেই হইয়া থাকে। বাহ্যজ্ঞান হারাইবার সঙ্গে সঙ্গেই এই সকল দর্শনের উদয়

হইয়া থাকে। সত্যলিপ্সু যোগীকে এই প্রকার দর্শনাদি হইতে যথাসম্ভব নিজেকে বাঁচাইয়া চলিতে হইবে। মনের চঞ্চলতা বা চলনশক্তি রুদ্ধ না হইলে ইহা সম্ভবপর হয়না। কিন্তু প্রাণকে স্থির করিতে না পারিলে মনের এই চঞ্চলতা পরিহার করিবার উপায়ান্তর নাই। এই জন্ত দ্বার সংযমের পরে ও মনোনিরোধের পূর্বে প্রাণস্থৈর্যের আবশ্যিকতা অনুভূত হয়। যোগধারণা অবলম্বন করিয়া দেহান্তবর্তী নানাপ্রকার কার্যসাধক প্রাণশক্তিকে ক্র-মধ্যে—ক্র-মধ্য হইতে মস্তক পর্য্যন্ত স্থাপন করিতে হয়। প্রাণশক্তির সঞ্চারণ ক্ষেত্র অসংখ্য নাড়ীকে এক নাড়ীতে পরিণত করিতে না পারিলে অসংখ্য প্রাণধারাকে একপথে চালনা করা ও একস্থানে সমস্ত প্রাণের সমাবেশ করা সহজ হয় না। শ্রীভগবান্ ‘যোগবল’ ও ‘যোগধারণা’ এই দুইটি শব্দের দ্বারা এই যোজনা ব্যাপারেরই ইঙ্গিত দিয়াছেন। ( আগামীবারে সমাপ্য )

## যে কথা বলিতে চাই হে বন্ধু আমার !

শ্রীরবীন্দ্রনাথ চক্রবর্তী

দিনে দিনে পলে পলে  
জীবনের আয়ু হয় শেষ,  
বৃথাই কোরো না বন্ধু  
নিরর্থক তাহারে নিঃশেষ।

নিজেরে বিকাশ কর  
হৃদয়ের প্রতিবিন্দু দিয়া,  
প্রতি পত্র প্রতি পুষ্প  
সবাকারে দেয় যে বলিয়া।

নিজেরে ভেবনা তুচ্ছ  
বন্ধু মোর প্রতি দীর্ঘশ্বাসে,  
সঞ্চয় করিয়া যাও  
আপনার মহিমা বিকাশে।

যেদিকে ফিরাই আঁখি  
বন্ধু মোর ! দেখিবারে পাই  
আয়ু যার বতটুকু—  
যায় সে যে সেটুকু দিয়াই।

গোলাপের আরক্তমা  
ক্ষণে ক্ষণে হ'য়ে আসে ম্লান,  
স্বপ্নায়ু গোলাপ সেও  
গন্ধ তার ক'রে যায় দান।

আয়ুর স্বল্পতা দিবে  
কোন কিছু মাপা নাহি যায়,  
যে মাপে মাপুক বন্ধু !  
তুমি যেন গণিও না তায়।



## মুক্তি

শ্রীনবগোপাল দাস পি-এচ্-ডি, আই-সি-এস্

নন্দিনী স্তব্ধভাবে বাহিরের দিকে তাকাইয়াছিল। মেঘমেঘুর আকাশের শাওলিমা, আলোছায়ার লুকোচুরি, বর্ষা আবাহনের সুর—প্রকৃতির এই বৈচিত্র্যগুলি তাহার সর্বদেহে মনে এক নূতন ঝঙ্কার তুলিতেছিল।

তাহার বিবাহ স্থির হইয়া গিয়াছে। ভাবী স্বামী সমরেশ এম্-এতে ফার্স্ট ক্লাস ফার্স্ট, জার্মান বিশ্ববিদ্যালয়ের গবেষণা-উপাধিধারী, কলিকাতার একটা বড় কলেজের নামজাদা অধ্যাপক। তাঁহার পাণ্ডিত্য সুধীসমাজে সুবিদিত, তাঁহার আড়ম্বরহীন ব্যবহার সর্বত্র প্রশংসিত, তাঁহার অমায়িকতায় ছাত্রসম্প্রদায় মুগ্ধ। বয়স তাঁহার বত্রিশ হইলে কি হয়, তারুণ্যের উচ্ছলতা এখনও ফুল্লশ্রোতের মত নীরবে নিভূতে মাঝে মাঝে প্রকাশ হইয়া পড়ে এবং তাহার আভাস পায় তাঁহার অন্তরঙ্গ বন্ধুগণ।

নন্দিনীর আত্মীয়া বান্ধবী সকলেই তাহার সৌভাগ্যের প্রশংসা করিতেছিল, দু-একজনের যে ঈর্ষাও হইতেছিল না এমন নয়। সুচিত্রা, বাহাকে সে সবচেয়ে বেশী ভালবাসে, বলিয়া গিয়াছিল, তুই একটু সাবধানে থাকিস্ নন্দিনী, এ বিয়েতে অনেকেরই বুকে শেল বাজ্ছে, শেষ পর্যন্ত মঙ্গলমত ব্যাপারটা চুকে গেলে রক্ষা পাওয়া যায়।

ইহার উত্তরে নন্দিনী শুধু হাসিয়াছিল।

সমরেশকে তাহার পছন্দ হয় নাই একথা বলিলে সত্যের অপলাপ করা হইবে। নন্দিনী অন্ধ নয়, সমরেশের যেসব গুণ তাঁহাকে সকলের কাছে প্রিয় করিয়া তুলিয়াছিল তাহার উপযুক্ত মর্যাদা দিতে নন্দিনী জানে। তাহা ছাড়া তাহার নারীত্ব তৃপ্ত হইয়াছিল আর একটি কারণে, মা বাবা বন্ধুবান্ধবদের অহরোধ উপরোধ সুদীর্ঘ সাতটি বৎসর উপেক্ষা করার পর হঠাৎ এক সতীর্থের বাড়ীতে নন্দিনীকে দেখিয়া সমরেশের ভয়ানক ভাললাগে এবং তিনি তাঁহার চির-কৌমাৰ্য্যব্রত জ্ঞাপিত্তে রাজী হন। সমরেশের এই সাদর

আহ্বান নন্দিনীর জীবনের শুষ্কতা অনেকখানি দূর করিয়া দিয়াছিল, অভাব বেশ খানিকটা ভরিয়া দিয়াছিল।

তবু বলিষ্ঠ দুইটি সবল বাহুর নিবিড় আলিঙ্গনলাভের সম্ভাবনায় তাহার মন পুলকিত হয় নাই। কোথায় যেন একটা তার বেসুরো বাজিতেছিল; সে অনুভব করিতেছিল ঠিক যেমনটি হইলে সব সূঁঠু এবং সুন্দর হইয়া উঠিত তেমনটি যেন হইল না।

অলককে নন্দিনী যথার্থই ভালবাসিয়াছিল। যৌবনের প্রথম আহ্বানে সমস্ত দেহে যখন সে অনির্বচনীয়ের বাণী শুনিতে পাইতেছিল তখন অলকের সঙ্গে তাহার দেখা হয়। অলক ছিল তাহার চেয়ে বছর চারেকের বড়—তাহারই মত প্রাণবন্ত, সজীব।

অলক নন্দিনীকে প্রিয়াক্রমে গ্রহণ করিতে পারে নাই। তাহার সঙ্গে নন্দিনীর সম্বন্ধ ছিল অনেকটা সখ্যভাবে। তাহার স্নেহ ছিল শুভসাধনের, প্রসাধনের নয়।

প্রথমে নন্দিনী এতটুকুও ক্ষুব্ধ হয় নাই। অলকের হৃদয়ের বৈশিষ্ট্যই ছিল একটা বিরাট উদারতা, যাহার মধ্যে বিশ্বের অসংখ্য নরনারী নিঃসঙ্কেচে আসিয়া আশ্রয় নিতে পারে, অথচ বিন্দুমাত্রও ঈর্ষ্যান্বিত হইবার কারণ খুঁজিয়া পায় না। অলক যখন তাহার স্বাভাবিক বেপরোয়াভাবে নন্দিনীকে বলিত—নন্দিনী, তোমার বিয়ে হয়ে গেলে তোমার বর কিন্তু তোমাকে আমাদের বন্ধুগোষ্ঠীতে মিশিতে দেবেন না—নন্দিনী কোন প্রতিবাদ করিত না বা বলিত না যে সে কখনও বিবাহ করিবে না। শুধু বলিত, সে দেখা যাবে।

তাহার পর অলকের জীবনে সত্যসত্যই একটি নারীর আবির্ভাব হইল—বন্ধু নয়, প্রিয়া। স্মৃতির মধ্যে অলক এমন কতকগুলি বৈশিষ্ট্য পাইল যে, অনায়াসে সে তাহাকে

তাহার পরিচিত মেয়ে-বন্ধুদের দল হইতে আলাদা করিয়া দেখিতে শুরু করিল।

নন্দিনী ব্যথা পাইল। প্রথমটায় সে স্ক্রুতির সঙ্গে রীতিমত প্রতিযোগিতা করিয়া চলিল, অলকের ভালবাসা আকর্ষণ করার উদ্দেশ্যে। স্ক্রুতির চপল চঞ্চলতা, তাহার বিলাসিতা—সমস্তই সে অলকের সম্মুখে উপস্থাপিত করিয়া প্রমাণ করিতে চেষ্টা করিল—স্ক্রুতি অলকের ভালবাসার যোগ্য নহে।

কিন্তু ফল হইল বিপরীত। কোনপ্রকার বাধা না পাইলে অলক হ্রত ধীরে ধীরে স্ক্রুতির আকর্ষণ কাটাইয়া উঠিতে পারিত, কিন্তু এই গায়েপড়া স্ক্রুতি-চরিত্র বিশ্লেষণে সে নন্দিনীর উপর রীতিমত বিরক্ত হইয়া উঠিল এবং নন্দিনীর প্রতি তাহার যে স্নেহটুকু ছিল তাহাও সে তুলিয়া লইয়া স্ক্রুতির কাছে উৎসর্গ করিল।

ইহার বৎসরখানেক পরে সমরেশের সঙ্গে নন্দিনীর বিবাহ স্থির হইল।

নন্দিনী অল্পমনস্কভাবে বাহিরের দিকে তাকাইয়া বসিয়াছিল, হঠাৎ স্ক্রুতি আসিয়া উপস্থিত। বেশ একটু ঈর্ষাসূচকস্বরে বলিল, খুব বর জুটিয়েছিস্ যাহোক্, এবার তোকে আর পায় কে ?

স্ক্রুতির প্রতি প্রীতি নন্দিনীর কোন দিনই ছিল না। সেও উন্মাদসূচকস্বরে জবাব দিল, কলেজেপড়া ভবঘুরে ছোকরার বদলে ধীমান্ প্রোফেসারের গলায় মালা দিতে কোন মেয়েরই আপত্তি হবে না আশা করি।

স্ক্রুতি প্লেসটা বুঝিল, কিন্তু সেটা গায়ে না মাখিয়া বলিয়া চলিল, সেটা খুবই সত্যি, নন্দিনী। ... একজাতের পুরুষের সাথে প্রেম করা চলে, কিন্তু বিয়ে চলে না। বিয়ে—সে যে সারাজীবনের বন্ধন—তখন একটু শাস্তভাবে ভাবতে হয় বই-কি !

তাহার পর সে বলিয়া চলিল, অলককে তোর বরের কথা বললাম, সেও সূখী হয়েছে। ও নিজেই তোকে কন্যাচুলেট্ করতে আস্ত, কিন্তু বেচারী আজ দিনদশেক ধরে জরে বিছানায় পড়ে আছে, আমাকেই বার্তাবহ করে পাঠাল।

নন্দিনী উদ্ভিগ্ন হইয়া উঠিল।

—অলকের জর হয়েছে ? কই, কিছু শুনি নি ত ! কোথায় আছে, কে দেখছে ?

—আছে ওদের বাড়ীতেই। বুড়ী পিসীমা আছেন, যতদূর সম্ভব দেখছেন। ডাক্তার বস্ছিলেন—জর যদি এরকম চলতেই থাকে তা হ'লে একজন নার্স রাখতে হবে। আমি ত রোজ বিকেলবেলা একবারটি অলকের খোঁজ নিয়ে আসি ; তবে জানিস্ ত, আমার অসংখ্য কাজ, সবদিন একটু বসে কথা বলাও হয়ে ওঠে না !

স্ক্রুতির কথার মধ্যে একটা উদাসীনতার সুর নন্দিনী লক্ষ্য করিল। সে আরও চিন্তিত হইয়া প্রশ্ন করিল, সীরিয়াম্ কিছু নয় ত, স্ক্রুতি ?

—না, সীরিয়াম কেন হবে ? তবে অনেক দিন ধরে জর চলছে, বেচারী বড় রোগা আর দুর্বল হয়ে পড়েছে, বিছানা ছেড়ে উঠতে পারছে না।

মুহুর্তের জন্ত অলকের চেহারাখানা নন্দিনীর চোখের সম্মুখে ভাসিয়া উঠিল। দীর্ঘ ঋজু দেহ, বলিষ্ঠ বাহু, আত্ম-প্রতিষ্ঠ মুখশ্রী। কতদিন সে বন্ধিৎ-এ বাছাই-করা গোরা বন্ধারকে হারাইয়া দিয়াছে অবলীলাক্রমে। সেই অলক আজ রোগশয্যায় এত কাতর যে বিছানা ছাড়িয়া উঠিবার ক্ষমতাটুকু পর্য্যন্ত নাই !

কিন্তু তাহার নিজের হাত পা যে একেবারে বাধা। বাগ্দত্তা বধু—সে কেমন করিয়া অলকের গৃহে যাইবে ? তাহার মা ত কিছুতেই রাজী হইবেন না, তাহা ছাড়া সমরেশ যদি শুনিত পায় ?—শত্রুর ত অভাব নাই, সূচিত্রা একটু আগেই সাবধান করিয়া দিয়া গিয়াছে !

তাহা ছাড়া সে অলকের কাছে যাইবে কোন্ অহমিকায় ? অলক ত তাহাকে চায় না—কোন দিন চায় নাই। সে চায় স্ক্রুতিকে—চঞ্চলা স্ক্রুতিকে, তাহার অলকের প্রতি এতটুকু দরদ নাই ! ... তাহার বুক ফাটিয়া লাল অশ্রু উদগত হইতে চাহিতেছিল।

সংক্ষেপে স্ক্রুতিকে বলিল, তোরা ত ভাই রোজই ঘাস্, আমাকে মাঝে মাঝে খবর দিস্, কেমন থাকে।

সন্ধ্যায় সমরেশ আসিল। বিবাহ স্থির হইয়া যাওয়ার পর সে প্রায়ই নন্দিনীকে দেখিতে আসে। নন্দিনী তাহার কাছে বিরাট একটা কৌতূহল। এতদিন সে অধ্যয়ন

অধ্যাপনায়ই ডুবিয়াছিল, এখন যেন একটু ছুটি পাইয়া হাঁফ ছাড়িয়া বাঁচিয়াছে। তরুণ বয়সের রোম্যান্সের উদ্দীপনা হয়ত তাহার নাই, কিন্তু অনুসন্ধিৎসা আছে প্রচুর।

নন্দিনী রোজই সহজভাবে সমরেশের সঙ্গে কথা বলে, তাহার সঙ্গে সাহিত্য, আর্ট, বিজ্ঞান সম্পর্কে তর্ক করে। সমরেশ বেশ প্রোচ গান্ধীর্ষ্যে তাহার ভাবী বধূর মানসিক কৃষ্টির উন্নতিসাধনে যত্নবান্ হয়। তাহার পর হাসিগল্প, বন্ধুবান্ধবীদের কাহিনী ইত্যাদির মধ্য দিয়া কখন যে ছুই-তিন বণ্টা কাটিয়া যায় তাহা সমরেশ টেরই পায় না।

সমরেশের সাহচর্য যে নন্দিনী উপভোগ করে না এমন নয়। মনে মনে সে সমরেশের পীশক্তির প্রশংসা করে, তাহার শান্ত চাকলাঙ্গীন চরিত্রের সঙ্গুথে নাথা নত করে। দময় সময় অনন্তভূতপর্ব একটা গল্পে তাহার বুকও বুক ভরিয়া ওঠে।

কিন্তু সেদিন সাক্ষ্য মিলনটা অত্যাচ্ছ দিনের মত জমিল না। অলকের অসুখের সংবাদ পাইয়া তাহার সংযত-করিয়া-লইয়া-আসা হৃদয়তন্ত্রী আবার যেন কেমন বেসুরো বাজিতেছিল; কথোপকথনের শ্রোতে সে কিছুতেই নিজেকে চালিয়া দিতে পারিতেছিল না।

অবশেষে সমরে প্রশ্ন করিল, তোমার শরীরটা কি ভাল নেই আজ?

—না, বেজায় মাথা ধরেছে। ... নন্দিনী বলিল।

উদ্বিগ্ন হইয়া সমরেশ বলিল, তা হ'লে তোমায় আজ আর আটকে রাখব না, তুমি যাও, ঘরে গিয়ে বিশ্রাম ক'রো।

নন্দিনী জীবনে বোধ হয় কখনও কাহারও কাছে এতখানি কৃতজ্ঞ বোধ করে নাই, আজ সমরেশের এই নিকৃতি দওয়াতে সে একটা বড় স্বস্তির নিঃশ্বাস ফেলিয়া বাঁচিল।

রাত্রিবেলা খোলা ছাদে শুইয়া শুইয়া নন্দিনী অলকের কথা ভাবিতে লাগিল। তাহার কেবলই মনে হইতেছিল, রাগশয্যায় পড়িয়া অলকের চোখের অন্ধকার নিশ্চয়ই ছাটিয়াছে, সে স্নকৃতির অন্তঃসারশূন্যতা উপলব্ধি করিতে পারিয়াছে, অন্তরে অন্তরে সে হয়ত নন্দিনীকেই কামনা করিতেছে, কিন্তু ভবিতব্যের নিষ্ঠুর বিধানের সঙ্গে প্রতিযোগিতায় পরাজয় স্বীকার করিতে বাধ্য হইয়াছে।

তাহার অদম্য আকাঙ্ক্ষা হইতেছিল একবার চুপি চুপি

অলককে দেখিয়া আসে। নিভূতে অলককে দেখিয়া আসে। নিভূতে অলককে প্রশ্ন করে, এখনও তোমার ভুল ভাঙ্গল না, অলক?

কিন্তু চারিদিকে জোড়া জোড়া চোখ তাহাকে পাহারা দিতেছে। অলকের অসুখের সংবাদ নন্দিনীর মা জানেন এবং ইহাও জানেন যে, এতটুকু স্বেযোগ পাইলে নন্দিনী অলকের রোগশয্যার কাছে ছুটিয়া যাইবে। তাই তিনি সব সময় নন্দিনীকে চোখে চোখে রাখিতেছিলেন।

তাহা ছাড়া সমরেশদের বাড়ীও ত বেশী দূরে নয়। মায়ের তীক্ষ্ণ চোখ এড়াইয়া যদিও বা নন্দিনী বাহির হইয়া পড়ে, কে জানে পথের মাঝখানে তাহার সঙ্গে সমরেশেরই দেখা হইয়া যাইবে কি-না! সমরেশ যদি প্রশ্ন করে, এত রাত্রে সে কোথায় যাইতেছে, তাহা হইলে সে কি জবাব দিবে?

এই শৃঙ্খলিত জীবনের বিরুদ্ধে বিদ্রোহ ঘোষণা করিবার একটা তীব্র আগ্রহ নন্দিনীর মনে গুম্‌রাইয়া গুম্‌রাইয়া মরিতেছিল। অবসন্ন বন্ধন এবং তাহার সঙ্গে আরও বিধিবদ্ধ জীবনযাত্রার সংক্লেত তাহাকে হয়ত বেপরোয়া করিয়া তুলিত, কিন্তু স্নকৃতিকে পাইয়া অলক কি নিশ্চিন্তভাবে উপেক্ষা করিয়াছিল তাহা মনে পড়িতেই সে খানিকটা আত্মস্থ হইল।

পরের দিন অলকের কোন খবরই নন্দিনী পাইল না। তাহার একমাত্র বার্তাবহ স্নকৃতি, কিন্তু স্নকৃতিকে সেদিন রাত আটটা পর্যন্ত দেখাই গেল না।

সমরেশ নন্দিনীর ক্লিষ্ট মুখখানা দেখিয়া বেশ একটু সকালে সকালেই বিদায় লইতে ছল, এমন সময় স্নকৃতি আসিয়া ঘরে ঢুকিল।

নন্দিনী স্থানকালপাত্র ভুলিয়া উৎসুক কণ্ঠে প্রশ্ন করিল, স্নকৃতি, অলকের খবর কি?

হাঁফাইতে হাঁফাইতে স্নকৃতি বলিল, ঐ কথাই ত বলতে এসেছি, নন্দিনী। আজ বড় ডাক্তার এসেছিলেন, উনি ত দেখে টাইফয়েড বলে সন্দেহ প্রকাশ ক'রে গেলেন। বিকাল থেকে দু'জন নার্সের বন্দোবস্ত করা হয়েছে।

নন্দিনীর মুখ মুহূর্তের মধ্যে শাদা হইয়া গেল। পরক্ষণেই সমরেশের কোতূহলী চোখ তাহার দিকে নিবন্ধ দেখিয়া

সে শুককণ্ঠে বলিল, অলক আমাদের খুব পুরাতন এক বন্ধু, আজ কদিন থেকে জ্বর—স্নকৃতি বন্ধ, সম্ভবত টাইফয়েড্ । ... ছেলেটি বড় ভাল ।

সমরেশ স্বভাবতই সহানুভূতিসম্পন্ন । বলিল, তা হ'লে ত তোমার তাকে একবার দেখতে যাওয়া উচিত !

পলকের জন্ম নন্দিনীর মন নাচিয়া উঠিল । কিন্তু মায়ের কথা মনে হইতেই মানমুখে বলিল, আজ বাদে কাল বিয়ে, মা যেতে দেবেন না ।

—বিয়ে, তাতে কি হ'য়েছে ? বিয়ে হবে ব'লে আত্মীয়-বন্ধুদের অসুখবিসুখে যেতে নেই নাকি ? ... বিস্মিত সুরে সমরেশ প্রশ্ন করিল ।

স্নকৃতি এবার নন্দিনীকে উদ্ধার করিল । বলিল, না, তা নয়, তবে হিন্দুধর্মের কতকগুলো সংস্কার আছে, জানেন ত সমরেশবাবু ! নিতান্ত বাধ্য না হ'লে বাগদত্তা বধূকে অবিবাহিত পুরুষের রোগশয্যায় যেতে নেই, লোকে বলে তাতে অকল্যাণ হয় ।

—আমি এসব সংস্কারের মধ্যে কোন যুক্তি খুঁজে পাই না । ... এই মন্তব্য প্রকাশ করিয়া সমরেশ সেদিনের দ্রুত বিদায় লইল ।

সারারাত নন্দন ঘুমাইতে পারিল না । তাহার মনের মধ্যে প্রকাণ্ড একটা দ্বন্দ্ব, একটা আলোড়ন চলিতেছিল । অলকের প্রতি তাহার ভালবাসা কোন দিনই সম্পূর্ণভাবে নিভিয়া যায় নাই, আজ তাহার অসহায় অবস্থার কথা শুনিয়া তাহা স্পষ্টোক্তি হইয়া উঠিল । তাহার মনে পড়িতে লাগিল তুচ্ছ সব ঘটনা, খুঁটিনাটির সমাবেশ । রাত্রির অন্ধকারময় স্তব্ধতার মধ্যেও সে শুনিতে পাইল তাহার রক্তের দ্রুত তাণ্ডবনৃত্য, যখন সে ভাবিতে লাগিল একদিন সে কি নিরভিমান হইয়া নিজেকে অলকের কাছে বিলাইয়া দিতে প্রস্তুত হইয়াছিল, কিন্তু অলক তাহার উপচার গ্রহণ করে নাই । একদিকে সমরেশের ভাবী বধু হিসাবে তাহার কর্তব্য এবং আত্মসম্মানবোধ তাহাকে বারবার প্রতিহত করিতেছিল, কিন্তু সমরেশের তাহার প্রতি প্রগাঢ় বিশ্বাস, তাহার অতীত জীবন সম্পর্কে কৌতূহলের অভাব তাহাকে অত্যন্ত পীড়া দিতেছিল ।

নন্দিনী স্থির করিল, সে সাহস সঞ্চয় করিয়া সমরেশের

কাছে সমস্ত কথা খুলিয়া বলিবে । সমরেশের বুদ্ধি ও বিচারশক্তির উপর তাহার বেশ শ্রদ্ধা জন্মিয়াছিল, সে আশা করিল সমরেশ তাহাকে পথনির্দেশ করিয়া দিতে পারিবে । সংগ্রামক্ষত মনটার উপর হাসির আলিম্পন আঁকিয়া সহজভাবে চলিয়া বেড়ান তাহার পক্ষে একপ্রকার অসম্ভব হইয়া উঠিতেছিল ।

সেদিন সমরেশ যখন আসিল তখন সে নিজেই প্রস্তাব করিল তাহার সঙ্গে একটু বেড়াইতে বাহির হইবে । নন্দিনীর শরীর গত কয়েকটা দিন ধরিয়াই অসুস্থ যাইতেছে এই ধারণার বশবর্তী হইয়া সমরেশ আর কোন প্রশ্ন না করিয়া সানন্দে রাজী হইল ।

জীবনের গোপনতম ইতিহাস—যাঙ্গ ভাবী স্বামী হয়ত কিছুতেই দরদ দিয়া বুঝিতে পারিবে না—খুলিয়া বলিবে এই সাধু সংকল্প করা সহজ, কিন্তু সংকল্পকে কার্যে পরিণত করা সহজ নয় । কথা পাড়িতে গি বারবার নন্দিনীর জিহবার আগায় আটকাইয়া গেল ।

অবশেষে সমরেশেরই এক প্রশ্নে নন্দিনী স্বেযোগ পাইল । সমরেশ জিজ্ঞাসা করিল, হ্যাঁ, তোমাদের সেই অলক ছেলেটির আর কোন খবর পেয়েছ ? কেমন আছে ?

—না, আজ কোনই খবর পাইনি', বোধ হয় আগের মতই আছে ।

—তোমাদের বাড়ীর অদ্ভুত সব সংস্কার আমি কিছুতেই বুঝতে পারি না । একজন অতি-নিকট আত্মীয় বা বন্ধু অসুস্থ হয়ে পড়ে আছে, তুমি বিয়ের ক'নে ব'লে তোমার যাবার অধিকার নেই, এ আমার কাছে অত্যন্ত বাড়াবাড়ি মনে হয় ।

একটু চুপ করিয়া থাকিয়া নন্দিনী বলিল, আমার ভয়ানক ইচ্ছা করে একবার দেখতে যেতে, কিন্তু কুসংস্কার যে আমারও নেই তা জোর ক'রে বলতে পারি না !

তাহার পর একটু ইতস্তত করিয়া নন্দিনী বলিতে স্নকৃতি করিল, স্নকৃতির কাছে কাল যা গুনলাম তাও মনে হ'ল অসুখে ভুগে ভুগে বেচারী একেবারে বদলে গেছে । স্নকৃতি-শরীরে ওকে যারা দেখেছে তারা ওকে প্রশংসা না করে পারেনি । ... বাংলাদেশে এরকম বলিষ্ঠ, সাহসী, সুদর্শন ছেলে খুব কম মেলে ।

বলিতে বলিতে নিজেরই অজান্তে নন্দিনীর মুখচোখ উৎসাহদীপ্ত হইয়া উঠিতেছিল। সে বলিয়া চলিল, আমরা ওকে জানি ছেলেবেলা থেকে, খেলার সাথী হিসাবে আমাদের পরিচয়। তারপর দেখতে দেখতে ও বড় হ'য়ে উঠল ...

সমরেশ তাহার কথার মধ্যে বাধা দিয়া বলিল, তোমরাও ত বড় হয়ে উঠলে ...

হ্যাঁ, সে ত ঠিকই। ... বলিয়া নন্দিনী আবার তাহার কাহিনী শুরু করিতে যাইতেছিল, হঠাৎ তাহার সন্দেহ হইল, সমরেশের এই মন্তব্যের মধ্যে প্রচ্ছন্ন শ্লেষ নাই ত ?

সে সমরেশের দিকে তাকাইল। ... না, নিতান্ত সাধারণ-ভাবেই কথাটা বলিয়াছে। তাহার বিগত জীবন সম্পর্কে সমরেশের এই বিরাট ঐদাসীন্দ্ৰ তাহাকে ব্যাধিত করিল। সমরেশ কি চিরকালই ধরাছোঁয়ার বাহিরে থাকিয়া যাইবে ? তাহার স্নেহভালবাসা কি সমস্ত বিবাহিত জীবন ধরিয়া নিয়গামীই রহিবে ? নন্দিনীকে প্রিয়াভাবে সে কি কোন দিনই গ্রহণ করিতে পারিবে না ? সমপ্রাণ সখা-সখীর মধুর সম্পর্ক কি তাহাদের মধ্যে কোন দিনই গড়িয়া উঠিবে না ?

যে সূতা ধরিয়া নন্দিনী তাহার ইতিবৃত্ত বলিয়া চলিয়াছিল তাহা যেন রূঢ় অন্ত্র একটা আঘাতে হঠাৎ ছিঁড়িয়া গেল। নন্দিনী স্থির করিল, সমরেশের কাছে অলকের কথা আর বলিবে না। সমপ্রাণতার যেখানে অভাব, সেখানে সন্দেহের অবকাশ আছে প্রচুর। আজ যদি অলক সমরেশের স্থানে আসীন থাকিত তাহা হইলে নন্দিনী তাহার কাছে তাহার পূর্বরাগের কথা হয়ত অবলীলাক্রমে বলিয়া যাইতে পারিত। অলকের ঈর্ষা, অলকের অভিযোগের মধ্যে সে বিচিত্র একটা সাস্থনা খুঁজিয়া পাইত। কিন্তু সমরেশ অলক হইতে সম্পূর্ণ বিভিন্ন—দুর্ভেদ্য একটা প্রাচীর দিয়া তাহার অন্তঃকরণ সুরক্ষিত, সে প্রাচীর লঙ্ঘন করা নন্দিনীর ক্ষমতাবহির্ভূত।

নন্দিনী তাহার বন্ধু সূচিত্রার একটা কথার অন্তর্নিহিত সত্য আজ উপলব্ধি করিল। ত্রিশোর্ধ্বে যাহারা বিবাহ করে তাহারা স্নেহ করিতে পারে, ভালবাসে না।

ইহার তিন দিন পরে যথারীতি সমরেশের সঙ্গে নন্দিনীর বিবাহ হইয়া গেল। বিবাহের মধ্যে মালাবদলের সময় নন্দিনীর হাতটা কাঁপিয়া উঠিয়াছিল, আশু একটা দুর্ঘটনার

সূচনা সে তাহার নায়ুতে নায়ুতে অনুভব করিয়াছিল। কিন্তু দুর্জয় সাহস সঞ্চয় করিয়া সব অমুঠানই সে সহজভাবে পালন করিল। শান্তভাবে নিজের পথ সে বাছিয়া লইয়াছে, প্রত্যাবর্তন করিবার সময়ও সুযোগ সে যথেষ্ট পাইয়াছিল, কিন্তু তাহা সে গ্রহণ করে নাই। এখন পরাজয় স্বীকার করিলে চলিবে কেন ?

স্মৃতির কল্যাণে এ কয়দিন অলকের খবর সে নিয়মিত-ভাবে পাইয়াছিল। একই ভাবে আছে—টাইফয়েড শক্ত অসুখ, দু-এক দিনে আরোগ্য হইবার সম্ভাবনা নাই, তবে ডাক্তার বলিয়াছেন ভয়ের কোন কারণ নাই। নার্সের নিপুণ সেবা চলিতেছে, এ অসুখে সেবানৈপুণ্যই নাকি বেশী দরকার সেবাস্নেহের চেয়ে।

বিবাহের রাত্রিতে সমরেশের সঙ্গে এই প্রথম এক শয্যা শুইতে সে কোনই সঙ্কোচ বা দ্বিধা বোধ করে নাই। যাহা অবশ্যস্বাভাবী তাহার কাছে হাসিমুখে আত্মসমর্পণ করাই বুদ্ধিমানের কাজ, ইহা সে মর্মে মর্মে বুঝিয়াছিল এবং স্বীকার করিয়াছিল।

তাহার অশান্তি হইতেছিল একটি কারণে। অলকের স্মৃতি সে কিছুতেই মন হইতে মুছিয়া ফেলিতে পারিতেছিল না। তাহাকে সবচেয়ে বেশী পীড়া দিতেছিল অলকের এই মৃত্যুর সাথে সংগ্রাম। অলক যেন কিছুতেই তাহার পরাজয় স্বীকার করিতে চায় না; এতদিন সে সমস্ত বিষয়ে প্রভুত্ব করিয়া আসিয়াছে, মৃত্যুর সন্ধিক্ষণে উপনীত হইয়াও সে যেন মৃত্যুকে উপহাস করিতে চায়। যেন সে জোর গলায় পৃথিবীর কাছে প্রচার করিতে চায়, আমি অপরাজেয়, আমি নির্ভীক, আমি সত্য। ... অলকের বলিষ্ঠ দেহমনের ছায়া নন্দিনী সর্বত্র দেখিতে পাইতেছিল।

বিবাহের পরদিন নন্দিনীকে স্বামীগৃহে যাইতে হইবে। মা বারবার আঁচল দিয়া চোখের জল মুছিতেছিলেন। সমরেশের মত শান্ত, ধীর, স্নেহপ্রবণ স্বামীর অঙ্কশায়িনী হইয়া নন্দিনী সুখীই হইবে তিনি জানিতেন, তবু মাঝে মাঝে তাঁহার স্নেহাশঙ্কিত মনে সন্দেহ খোঁচা দিয়া উঠিতেছিল। তাহা ছাড়া, অলক-সম্পর্কিত সংবাদটা—জরের ক্রাইসিসেও সে মৃত্যুর সঙ্গে আশ্রয় যুক্ত করিতেছে—তিনি নন্দিনীর কাছে গোপন করিয়া রাখিলেও তাঁহার মনে হইতেছিল—বোধ

হয় একবারটি নন্দিনীকে রোগীর কাছে পাঠাইয়া দিলে ভাল হইত !

সানাই-এর করুণ রাগিণী বাজিয়া উঠিয়াছে। সমরেশ ও নন্দিনী মায়ের পায়ের ধূলা লইয়া বাহিরে আসিয়া গাড়ীতে উঠিবে, এমন সময় উর্দ্ধ্বাসে পাশের বাড়ীর একটি ছেলে আসিয়া খবর দিল, এইমাত্র অলক মারা গিয়াছে।

নন্দিনীর মুখ ছাট-এর মত শাদা হইয়া গেল। তাহার মা রুদ্ধ অশ্রু আর সংবরণ করিতে না পারিয়া কাঁদিয়া ফেলিলেন।

সমরেশ বলিল—নন্দিনী, চলো, একবার ও বাড়ী হয়ে আসি।

নন্দিনী কোন কথা বলিল না। অশ্রুহীন বিবর্ণ মুখখানা তুলিয়া ঘাড় নাড়িয়া জানাইল, সে যাউবে।

একটু ইতস্তত করিয়া সমরেশ প্রশ্ন করিল, আমি আসব, না তুমি একাই যাবে ?

সমরেশের এই প্রশ্নে নন্দিনীর মন গভীর ক্রতজ্ঞায় ভরিয়া উঠিল। সে অক্ষুটকণ্ঠে বলিল, তুমি এখানেই থাকো, আমি আধ ঘণ্টার মধ্যেই ফিরে আসছি।

প্রায় দৌড়াইতে দৌড়াইতে নন্দিনী অলকদের বাড়ীতে ঢুকিল। অলকের বৃদ্ধা পিসীমা অলকের বিছানার উপর লুটাইয়া হাউ-হাউ করিয়া কাঁদিতেছেন। নাস জানালার কাছে চুপ করিয়া দাঁড়াইয়া রহিয়াছে। রোগীর দেহে প্রাণ নাই—এই সিদ্ধান্ত জানাইয়া দিয়া ডাক্তার চলিয়া গিয়াছেন। স্ক্রুতি একটা চেয়ারে বসিয়া রুমাল দিয়া চোখের জল মুছিতেছে। পাশের বাড়ীর জানালা হইতে কোতূহলী ছেলেমেয়ের দল তাকাইয়া আছে—তাহাদের মা তাহাদিগকে জানালা হইতে সরিয়া আসিতে বলিতেছে।

শুভ্র দুঃখফেননিভ বিছানার উপর নিমীলিতচক্ষু অলক চিরনিদ্রায় নিদ্রিত—আজই সকালে বিছানার চাদর, তাহার গায়ের জামা-কাপড় বদলাইয়া দেওয়া হইয়াছিল। আঠারো দিনের রোগে ভুগিয়া অলকের দেহ শীর্ণ হইয়া গিয়াছে, মৃত্যুর পাণ্ডুরতা ছাপাইয়াও তাহার শরীরে ফুটিয়া উঠিয়াছে যুদ্ধের শ্রাস্তি। কিন্তু তাহার মুখের কোণে একটি অনির্বচনীয় হাসি; যেন মৃত্যুর কাছে সাময়িকভাবে পরাজয় স্বীকার করিয়া সে বলিতেছে, আমি যেখানে গেলাম তাহা জন্ম-মৃত্যুর বাহিরে, সেখানে আমি তোমাকে দ্বন্দ্বযুদ্ধে আহ্বান করিতেছি, তোমাকে পরাস্ত করিব।

নন্দিনী স্তব্ধভাবে অলকের মুখের দিকে তাকাইয়া রহিল। স্ক্রুতি তাহার বদবেশ আড়চোখে লক্ষ্য করিয়া দেখিল।


বেশীক্ষণ নয়, মিনিট দশেক ঐ ভাবে দাঁড়াইয়া থাকিয়া নন্দিনী যেমন ছুটিয়া আসিয়াছিল তেমনই ছুটিয়া বাহির হইয়া গেল।

মুক্তি, মুক্তি! অ-ও সে মুক্তি পাইয়াছে। যে বন্ধনের নাগপাশ তাহাকে এতদিন বাঁধিয়া রাখিয়াছিল তাহা আজ অবাচিতভাবে পসিয়া পড়িয়াছে। দান্তিক অলক শেষ পর্যায়ে তাহার মরণভবতা হইতে এতটুকু ভ্রষ্ট হয় নাই।

সমরেশ নন্দিনীর জন্ত অপেক্ষা করিতেছিল। এত শীঘ্র তাহাকে ফিরিতে দেখিয়া সে একটু বিস্মিত হইল। জিজ্ঞাসনেন্দ্রে সে নন্দিনীর দিকে তাকাইল।

—কি আবেগে ওখানে থেকে, সব শেষ হয়ে গেছে। ... শান্ত সহজ স্বরে নন্দিনী বলিল।

তাহার পর সমরেশের ডান হাতটি নিজের দুই হাতের মধ্যে লইয়া সে বলিল, আর দোর ক'র না, সন্ধ্যা হয়ে যাচ্ছে, বাড়ী চল।





# দিয়াশলাই-এর কথা

অধ্যাপক শ্রীবরদা দত্ত রায় এম-এ

“অগ্নিমীলে পুরোহিতম্” বলিয়া যে জাতির সর্বপ্রথম ও সর্বপ্রধান ধর্মগ্রন্থের সর্বপ্রথম সূক্ত রচিত হইয়াছিল সেই জাতি যে অগ্নি উৎপাদনের উপায় জানিতেন না, কিংবা অগ্নির ব্যবহার জানিতেন না এরূপ সিদ্ধান্ত করিলে বোধ হয় সেই জাতির প্রতি অবিচার করা হইবে। আজও যে সেই আর্ঘ্যজাতির এক বিশিষ্ট শাখা অগ্নি-উপাসক। আজ ভারতের কোনও স্থানে ‘সাগ্নিক ব্রাহ্মণ’ আছেন কি-না জানি না, কিন্তু এই ভারতেই এমন একদিন ছিল যখন ব্রাহ্মণ-সন্তান উপবীতী হইবার সঙ্গে সঙ্গেই যজ্ঞাগ্নিকে আজীবন রক্ষা করিবার নিমিত্ত কৃত-সংকল্প হইতেন। ব্রাহ্মণ সন্তানকে “দ্বিজ” করিবার জন্ত যে অগ্নিকে আহ্বান করিয়া যজ্ঞাগ্নি প্রজ্জ্বলিত করা হইত, সেই হোমাগ্নির পূর্ণ আহুতি হইত তাঁহার চিতাগ্নিতে। বস্তুত বেদে নীল-লোহিত, মিত্র, বরুণ, ইন্দ্র, রুদ্র প্রভৃতি দেবতার। যে ভাবে তৎকালীন আর্ঘ্যসন্তানদের ভয় ও ভক্তি আকর্ষণ করিতেন, অগ্নিও সেই হিসাবে কোন দেবতা অপেক্ষা নূন ছিলেন না। বরং সেই হিসাবে অগ্নিদেব অগ্ন্যাগ্ন দেবতা অপেক্ষা শ্রেষ্ঠ ছিলেন। অগ্নিহোত্রী ব্রাহ্মণ অগ্নিকে রক্ষা করিবার নিমিত্ত আজীবন শুধু সমিধ্ই সংগ্রহ করিতেন এবং ক্ষত্রিয় রাজা সিংহাসনে আরোহণ করিবার সঙ্গে সঙ্গে দেবতা, অগ্নি ও ব্রাহ্মণকে সাগ্নী রাখিয়া প্রজানুরঞ্জন ও ধর্ম রক্ষা করিবার নিমিত্ত প্রতিজ্ঞাবদ্ধ হইতেন। পক্ষান্তরে অবশ্য এ কথাও বলা যাইতে পারে যে তৎকালে অগ্নি-উৎপাদন করা অজাত না হইলেও নিতান্ত সহজ ছিল না, কাজেই অগ্নিকে প্রাচীন আর্ঘ্যেরা শুধু রক্ষা করিবার নিমিত্ত যে কৃতসংকল্প হইতেন কেবল তাহাই নহে, নিতান্ত প্রয়োজনীয় বলিয়া দেবতা জ্ঞানে পূজাও করিতেন।

মধ্য এসিয়াতে বাসকালীন যে জাতি অগ্নির উপাসনা আরম্ভ করিয়াছিলেন, বহু জনবৃদ্ধির সঙ্গে সঙ্গে যখন তাঁহারা বহুখা বিভক্ত হইয়া পড়িলেন, তখনও সেই অগ্নিকে ত্যাগ করিতে পারিলেন না। একদা যে “দীর্ঘকায় গোরবর্ণ” জাতি হোম-ধেমু মাত্র সাথী করিয়া হিন্দুবংশ পর্বতের গিরিবন্ধ অতিক্রম করিয়া ভারতে পদার্পণ করিয়াছিলেন, তাঁহারা যে পবিত্র হোম-ধেমুটির মতই পবিত্র অগ্নিও সঙ্গে করিয়া আনেন নাই এ কথা কে বলিতে পারে? উক্তর কালে দেখা যায়, যে পৌরাণিক যুগে অগ্নি ভারতের তেত্রিশ কোটি দেবতার মধ্যে এক কুলীন দেবতা হইয়া স্বীয় গৌরব অক্ষুণ্ণ রাখিয়াছেন, তিনি দক্ষ-প্রজাপতির কন্যা শ্রীমতী স্বাহা দেবীকে বিবাহ করিয়া সংসারী হইয়াছেন।

দক্ষ-প্রজাপতি ব্রহ্মার পুত্র, সূত্রাং দেব-সমাজে মহাকুলীন। তাঁহার এক জামাতা চন্দ্রদেব, অন্য এক জামাতা মহাদেব। এই মহাদেবের একটু আধটু নেশা-ভাঙ, করিবার অভ্যাস থাকিলেও তিনি

যে কত বড় কুলীন তাঁহার পরিচয় আনরা পাই স্বয়ং অল্পপূর্ণার মুখে। পাটনীর নিকট নিজের পরিচয় দিতে গিয়া অন্নদা বলিতেছেন,

“পরম কুলীন স্বামী বন্দ্য বংশ খ্যাত।”

—ভারতচন্দ্র

কাজেই—এই নেশা-পোর “অতি বড় বৃদ্ধ”টি যে কেবল কোলীশ্বের জোরেই দক্ষ-প্রজাপতির কন্যা বিবাহ করিয়াছিলেন, তাহা বলা নিস্প্রয়োজন। অগ্নিদেব স্বাহাকে বিবাহ করিয়া এই পরম কুলীন দেবতার সঙ্গে এক পংক্তিতে স্থান পাইয়াছেন। পরে তাঁহার আরও পদ বৃদ্ধি হইয়াছে এবং পদবৃদ্ধির সঙ্গে পদবীও মিলিয়াছে অনেক। তিনি অষ্টবহুর এক বসু, ষাদশ রুদ্রের এক রুদ্র, ইত্যাদি ইত্যাদি। পদবী বৃদ্ধির সঙ্গে সঙ্গে তাঁহার অগ্ন্যাগ্ন দোষও যে আসিয়া জুটে নাই তাহাও নহে। দময়ন্তীর স্বয়ংবরে নলের মুখে শুনিতে পাই—

“ইন্দ্র অগ্নি বরুণ শমন,

চারি জন তব প্রেম করি অকিঞ্চন,

পাঠাইলা হেথা মোরে। —গিরিশচন্দ্র

পৌরাণিক প্রবন্ধাদি যাঁড়িয়া নিতান্ত অরসিক অগ্নিকে প্রতিপন্ন করা এ প্রবন্ধের উদ্দেশ্য নহে। কিন্তু এ কথা বোধ হয় সকলেই স্বীকার করিবেন যে, অতি প্রাচীন কাল হইতেই অগ্নি ভারতের জীবন-যাত্রার সঙ্গে সঙ্গে একাঙ্গী হইয়া আছেন। জন্ম হইতে মৃত্যু পর্যন্ত ভারতীয় সামাজিকজীবনে, ধর্মজীবনে, এমন কি, কর্মজীবনে পর্যন্ত অগ্নির প্রয়োজন। সূত্রাং এহেন নিত্য-প্রয়োজনীয় জিনিষটির উৎপাদন পন্থা যে প্রাচীন ভারত জানিত না, এ কথা যেন বিশ্বাস করিতে প্রবৃত্তি হয় না। অরুণি কাষ্ঠ ঘসণে যে তাঁহারা অগ্নি-উৎপাদন করিতেন সে কথা সর্ববাদিসম্মত এবং সর্বজনজাত। কিন্তু গন্ধকের ব্যবহার তৎকালে অগ্নি উৎপাদনে প্রচলিত ছিল কি-না এ কথা নিসংশয়ে বলা কঠিন। তবে এ পর্যন্ত বলা যাইতে পারে যে, আরণ্যক ঋষিরা স্বচ্ছন্দ-বনজাত ফলমূলে ক্ষুন্নিবৃত্তি করিয়া হয়ত দার্শনিক চিন্তাতেই বিভোর থাকিতেন, যজ্ঞাগ্নি প্রজ্জ্বলিত করিবার প্রয়োজনে অরুণি কাষ্ঠ ঘর্ষণ করিয়া অগ্নি উৎপাদন করিয়া লইতেন কিংবা কোন অগ্নিহোত্রী প্রতিবেশী ব্রাহ্মণকে ডাকিয়া আনিয়া অগ্নি উৎপাদন করিতেন। তখনকার দিনে আধুনিক ফ্যাসানের ঘণ্টায় ঘণ্টায় চা-পান কিংবা মুহুর্ছ ধূম-পানের ব্যবস্থা ছিল না। গভীর দার্শনিক ঋষিরা হয়ত সর্বক্ষণই ধ্যানমগ্ন থাকিতেন এবং দিনান্তে সামান্য ফলমূল দিয়া ক্ষুন্নিবৃত্তি করিতেন।

তারপর আস্তে আস্তে বাতাস ভিন্নমুখী হইল। মানুষ আস্তে আস্তে

অজ্ঞানার ধ্যান ত্যাগ করিতে আরম্ভ করিল। নূতনের আবিষ্কার, নূতনের আশ্বাদন এবং নূতনের মোহ মানুষকে পাইয়া বসিল। স্মার ওয়াণ্টার রালে ষোড়শ শতাব্দীর লোক। ইংলণ্ডের রাণী এলিজাবেথের আমলে স্মার ওয়াণ্টার, ড্রেক, হকিমি প্রভৃতি কয়েকজন ব্যক্তি সমুদ্রের বুকে জলদস্যুর মত ছুটোছুটি করিয়া বেড়াইতেন। হঠাৎ স্মার ওয়াণ্টার রালে তামাক-পাতা আবিষ্কার করিয়া ফেলিলেন। সঙ্গে সঙ্গে ধূমপানের ব্যবস্থা হইল। আর ধূমপান এমনি নেশা যে দিনান্তে একবার খাওয়ার মত জিনিষ নয়। নেশা যখন বেশ পাকিয়া ওঠে তখন কতকগুলি পরেই ধূমপান করিতে ইচ্ছা হয়। ঘন ঘন ধূমপান করিতে হইলেই অগ্নি চাই। অথচ সর্ব সময় অরুণি কাঠ ঘর্ষণ করিয়া অগ্নি উৎপাদন করা সহজও নহে এবং সূচারুও নহে।

অশ্রাব বহু জিনিষের জন্মদাতা। তামাক আবিষ্কারের সঙ্গে সঙ্গে তামাক খাওয়ার আকাঙ্ক্ষা যেমন মানুষকে পাইয়া বসিল, তেমনি সহজ ও সরল ভাবে অগ্নি উৎপাদনের চেষ্টাও চলিতে লাগিল। নূতনের ক্রীতি মানুষের মনের চিরস্তনী বৃত্তি। ফস্ফোরাস আবিষ্কৃত হইতে না হইতেই জার্মানীর হামবুর্গ শহরে ব্রাস নামক এক ব্যক্তি ফস্ফোরাস দিয়াশলাই আবিষ্কার করিয়া ফেলিলেন। সেই দিয়াশলাই-এর আকার ও কার্যকারিতা খুব সুশ্রী ও সুস্থ বলা যাইতে পারে না। কোন রকমে মাত্র কাজ চালান গোছের সর্বপ্রথম আধুনিক আকারের দিয়াশলাই তৈয়ারী হইল মাত্র। সামান্য ঘর্ষণ ও বিনা ঘর্ষণেই এই দিয়াশলাই জ্বলিতে লাগিল। আবার সামান্য মাত্র ঘর্ষণেই সমস্ত দিয়াশলাই জ্বলিয়া মানুষের হাত-পা পোড়াইতে লাগিল। ফলে, এই জাতীয় দিয়াশলাই ব্যবহারে বিশেষ কোন নিরাপত্তা রহিল না। প্রায় দুইশত বৎসর পরে ১৮২৭ খৃষ্টাব্দে জন্ ওয়াকার নামক জনৈক ইংরেজ সর্ব প্রথম “Safty Matches” বা নিরাপদ দিয়াশলাই আবিষ্কার করিলেন। এই দিয়াশলাই কোন অংশেই ব্রাসের দিয়াশলাই হইতে খুব বিশেষ উন্নত হইল না সত্য, কিন্তু খুব জোরে না মারিলে ইহা জ্বলিত না, ইহাই ছিল ইহার বিশেষত্ব। ১৮৫৫ খৃঃ ষ্টকহলম শহরের ল্যাণ্ড, ষ্টর্ম আর এক প্রকার ‘নিরাপদ দিয়াশলাই’ আবিষ্কার করিলেন। কেহ কেহ লেণ্ডষ্টর্মের দিয়াশলাইকেই সর্ব প্রথম “নিরাপদ দিয়াশলাই” বলিয়া আখ্যাত করিয়া থাকেন এবং জন্ ওয়াকারের আবিষ্কৃত দিয়াশলাই-এর নামকরণ করেন “লুইকার”। সে যাহা হউক, লুইকার ও ল্যাণ্ড ষ্টর্মের আবিষ্কৃত দিয়াশলাই বাজারে চলিতে লাগিল এবং আশু আশু ইহা আধুনিক বেগে সজ্জিত হইয়া আধুনিক নিরাপদ দিয়াশলাই-এ পরিণত হইল।

পৃথিবীতে যখন তামাক ও অগ্নির নবীন বাহক দিয়াশলাই লইয়া নানা প্রকার গবেষণা চলিতেছিল, চির-দার্শনিক ভারতও তখন নিশ্চেষ্ট বসিয়া ছিল না। ভারতে তখন মোগলের সাম্রাজ্য। আকবর বাদশাহের মিলন-নীতিতে ভারতের অগ্নি-গর্ভ বন্ধ-ব্যথা অনেকটা শাস্ত হইয়া আসিয়াছে। হিন্দু-মুসলমানের রেবারেবি অনেকটা কমিয়া আসিয়াছে। বিশাল ভারত সাম্রাজ্যের প্রভূত সম্পদ, অশেষ ঐশ্বর্য, স্বর্ণ-প্রহু জমির

ধবর রূপকথার মত চারিদিকে ছড়াইয়া পড়িয়াছে। স্মার টমাস রো প্রভৃতি বিদেশী রাজদূত তখন ভারতে আসিয়া দেখা দিয়াছেন। সঙ্গে সঙ্গে দেখিতে পাওয়া যায় যে, ভারতের সামাজিক জীবনেরও অনেকটা পরিবর্তন আসিয়াছে। তামাকের ধূমপান আসিয়া আশু আশু ভারতের সরল জীবন-যাত্রা প্রণালীতে প্রবেশ লাভ করিয়াছে। মোগল-যুগের প্রাচীন চিত্র হইতে দেখা যায় যে, আকবর বাদশাহের সময় হইতেই গড়গড়া চলিতে আরম্ভ করিয়াছে। গন্ধ-প্রিয় বাদশাহ জাহাঙ্গীর আফিংখোর হইলেও যে তামাক সেবন করিতেন না এ কথা নিঃসন্দেহে বলা যায় না। তামাকের সঙ্গে সঙ্গে অগ্নি-রক্ষার উপায়ও ভারত আবিষ্কার করিতে বাধ্য হইল। কারণ তামাক সেবন ছিল তখনকার দিনের বিলাস-ব্যসন; কাজেই একই তামাক নানাভাবে নানা নামে রূপায়িত ও অভিহিত হইতে লাগিল এবং সঙ্গে সঙ্গে সেবনের ব্যবস্থাও হইল। ঠাকুর-মার মুখে গল্প শুনিয়াছি যে, তখন প্রায় প্রতি গৃহস্থের বাড়ীতেই একটি মাটির পাত্রে তুষের আগুন করা হইত এবং কতকগুলি পাট-কাঠির অগ্রভাগে গন্ধক মাখাইয়া রাখা হইত। যখনই কাহারও তামাক সেবনের ইচ্ছা হইত, তাহার ঐ আগুনের পাত্র হইতে আগুন পাইতেন এবং অশ্লিষ্ট কাগ্যে পাট-কাঠি ডালাইয়া দীপ-শলাকার অভাব পূর্ণ করা হইত।

তারপর কোম্পানীর রাজত্বের শেষ দিকে ভারতে দিয়াশলাই আমদানি হইল। মুসলমান আমলে ভারত অধোবাস, বর্হিবাস, উত্তরীয় ইত্যাদি ছাড়িয়া চোগা-চাপ্-কান ধরিয়াছিল, কোম্পানীর রাজত্বে ভারত কোট-প্যান্ট পরিতে শিখিল, নেক্‌টাই বাধিল, সিগারেট টানিতে আরম্ভ করিল। মধ্য যুগের সভ্যতার শিখর হইতে গড়গড়া গড়াইয়া নীচে পড়িয়া গেল। সভ্য সাধারণের পকেটে সিগারেট ও দিয়াশলাই শোভা পাইতে লাগিল। সঙ্গে সঙ্গে এ দেশেও যে দিয়াশলাই প্রস্তুতের প্রচেষ্টা আরম্ভ হইল না তাহাও নহে। উনবিংশ শতাব্দীর শেষভাগে (১৮৮৬-৯০) বাংলা দেশেই সর্বপ্রথম দিয়াশলাই-এর কারখানা স্থাপিত হইল। কিন্তু সেই কারখানা অল্পেই বিনষ্ট হইল, পর্যাণ্ড বৈজ্ঞানিক জ্ঞান ও ব্যাপারিক প্রেরণার অভাবে। তারপর ১৮৯৪-৯৫ খৃঃ মধ্যভারতের বিলাসপুর অঞ্চলে কয়েকটি দিয়াশলাই-এর কারখানা স্থাপিত হইল, আমেদাবাদেও কয়েকটি কারখানা স্থাপিত হইল। কিন্তু তন্মধ্যে কেবল কোঠার অন্তর্গত ম্যাচ ফ্যাক্টরী ও আমেদাবাদের ইসলাম ম্যাচ, ফ্যাক্টরীই বাঁচিয়া রহিল। অল্প সর্ব কারখানা ভারতীয় শিশুর মত কেহ-বা জাঁতুড়ে, কেহ-বা অল্পপ্রাণের সময়ই বিনষ্ট হইল। মধ্যে ১৯০৫ সালে স্বদেশী যুগের স্তম্ভ প্রভাতে এবং ১৯২০ সালে স্বরাজী যুগের পবিত্র উষায় বাংলা ও ভারতের নানাস্থানে দিয়াশলাই-এর কারখানা স্থাপিত হইয়াছিল। ১৯০৫ ইং সালে দিয়াশলাই-এর কারখানাগুলি পূর্বেই নানা কারণে বন্ধ হইয়া গিয়াছিল। স্বদেশী যুগের কারখানা সমূহের মধ্যে আজও কয়েকটি বাঁচিয়া আছে এবং সগৌরবে নিজের অস্তিত্ব বজায় রাখিয়াছে। স্বরাজী যুগের আবহাওয়ার যে সব কারখানার জন্ম হইয়াছিল এবং বাহারা আজ পর্যন্তও বাঁচিয়া আছে, তন্মধ্যে ইসাভি ম্যাচ, ফ্যাক্টরী, মহালক্ষ্মী ম্যাচ ফ্যাক্টরী এবং বেরিলী ম্যাচ, ওয়াকার প্রভৃতিই প্রধান।

এদিকে জাপান ও সুইডেনও নিশ্চেষ্ট হইয়া বসিয়া রহিল না। ১৯২৬ইং সালে দেখা যায় যে, সুইডেন ভারতের স্থানে স্থানে কারখানা খুলিতে আরম্ভ করিয়াছে। সম্প্রতি সুইডেন কলিকাতা, অমরনাথ, প্যারেল, ধুবড়ী, রেঙ্গুন, মালদা প্রভৃতি ছয়-সাতটি স্থানে কারখানা খুলিয়াছে এবং অল্প কয়েকদিন হইল মাদ্রাজেও একটি কারখানা খোলা হইয়াছে। জাপান কলিকাতার উপকণ্ঠে মেটিয়াবুরুজে একটি বিশাল ফ্যাক্টরি স্থাপিত করিয়াছে। ফলে দেশী ও বিদেশী দিয়াশলাই ফ্যাক্টরী মিলিয়া কোন রকমে ভারতের চাহিদা মিটাইয়া চলিয়াছিল এবং সঙ্গে সঙ্গে ভারত-সরকারের বন-গবেষণা বিভাগের ( Forest Research Institute ) দিয়াশলাই-এর কাঠের কাঠ লইয়া নানা প্রকার গবেষণা চলিতেছিল ; হঠাৎ এই যুদ্ধ বাধিয়া দিয়াশলাই শিল্পের ক্রমোন্নতির পথে এক বিরাট অন্তরায় সৃষ্টি করিল।

সমগ্র পৃথিবীর বাৎসরিক চাহিদা গড়পড়তা প্রায় পনের কোটি গ্রোস্, তন্মধ্যে ভারত একাই শতকরা নয় ভাগ, প্রায় এক কোটি পঁচাত্তর লক্ষ গ্রোস্ দিয়াশলাই ব্যবহার করিয়া থাকে। এই এক কোটি পঁচাত্তর লক্ষ গ্রোস্ দিয়াশলাই প্রস্তুত করিতে যে সমস্ত জিনিষপত্রের প্রয়োজন হয় তাহাও নিতান্ত অল্প নহে। এই সকল দিয়াশলাই প্রস্তুত করিতে চাই—

|                     |                       |
|---------------------|-----------------------|
| কাঠ                 | ৬৫,০০,০০০ লক্ষ টাকার, |
| রাসায়নিক দ্রব্যাদি | ২৪,০০,০০০ "           |
| কাগজ                | ১৬,০০,০০০ "           |
| অন্যান্য জিনিষ      | ১১,০০,০০০ "           |

এই সমস্ত সম্মিলিত দ্রব্যাদির ব্যবসার মূল্য নুনাধিক সোয়া কোটি হইতে দেড় কোটি টাকার মধ্যে এবং ইহাও হিসাব করিয়া দেখা গিয়াছে যে, ভারতকে ভারতের চাহিদা মিটাইতে হইলে আধুনিক শ্রম-লাভবকারী নানাবিধ যন্ত্রপাতি থাকা সত্ত্বেও এই এক দিয়াশলাই শিল্পেই দৈনিক দশ হাজার হইতে পনের হাজার লোকের প্রয়োজন। অথচ দিয়াশলাই শিল্প চালাইবার মত যে সমস্ত দ্রব্যাদির প্রয়োজন, ভারতে তাহার কোনটাই অভাব নাই। বন-বিভাগের রিপোর্টে দেখা যায় যে কেবল দিয়াশলাই শিল্প-উপযোগী কাঠই ভারতের বনে-জঙ্গলে রহিয়াছে আঠাত্তর রকমের। এই সম্বন্ধে আরও গবেষণা চলিয়াছে, হয়ত অদূর ভবিষ্যতে আমরা আরও নানা জাতীয় কাঠের সন্ধান পাইব। এতদ্ভিন্ন রাসায়নিক দ্রব্যাদিও এ দেশে কম নহে। ভারতের বনেও ভারতের খনি শিল্পোন্নতির প্রধান সহায়। সম্প্রতি শুধু দিয়াশলাই-আবরক কাগজ এদেশে প্রস্তুত করিতে পারা যায় না বলিয়া দেখা যাইতেছে। তবে আশা করা যায় যে তাহাও অতি শীঘ্রই এ দেশে প্রস্তুত হইতে আরম্ভ হইবে।

বর্তমান সময়ে ভারত যে ভাবে চলিয়াছে, তাহাতে 'দরিদ্রের মনোরথ', হইলেও ক্ষীণ আশার যে সঞ্চার হয় না তাহা নহে। এখন পর্য্যন্ত ভারতে আটমটি কারখানার সন্ধান পাওঁয়া গিয়াছে, তন্মধ্যে—

|              |    |
|--------------|----|
| বাংলা—       | ২৩ |
| মাদ্রাজ—     | ১৯ |
| বোম্বাই—     | ১১ |
| ব্রহ্ম—      | ৫  |
| বিহার—       | ৩  |
| মধ্যপ্রদেশ—  | ২  |
| যুক্তপ্রদেশ— | ২  |
| আসাম—        | ১  |
| পাঞ্জাব—     | ১  |
| কাশ্মীর—     | ১  |

৬৮

এতদ্ভিন্ন বহুস্থানে কুটীরশিল্প-হিসাবেও দিয়াশলাই প্রস্তুত করিবার চেষ্টা চলিতেছে। খাদিপ্রতিষ্ঠান কোন যন্ত্রপাতির সাহায্য ব্যতিরেকে শুধু কাগজ ও বাঁশের কাঠি দিয়া যে দিয়াশলাই প্রস্তুত করিয়াছে তাহা হৃদয় না হইলেও অকেজো নহে। অথচ এই জাতীয় কুটীরশিল্পকে সরকার সামান্য সাহায্য করিলেই হয়ত ইহার দেখাদেখি আরও দশটা কুটীরশিল্প গড়িয়া উঠিতে পারে।

নিখিল ভারতীয় পল্লী-শিল্প-প্রতিষ্ঠান বা All-India Village Industries Association দিয়াশলাই শিল্প-সংক্রান্ত গবেষণার ফল প্রকাশিত করিয়াছেন। তাহাতে দেখা যায় যে বাঁশের শলা, তাল ও নারিকেলের কাঠি দ্বারা দিয়াশলাই-এর কাঠি প্রস্তুত হইতে পারে। লেপক—পাট কাঠির প্রস্তুত দিয়াশলাই নিজে ব্যবহার করিয়া দেখিয়াছে। উক্ত দিয়াশলাই-এর কাঠি বাজার-চলন দিয়াশলাই-এর কাঠির মত হৃদয় ও সরল না হইলেও কার্যকারিতা হিসাবে মন্দ নহে। অকেজো কাগজ দিয়া খাদিপ্রতিষ্ঠানের মত বাজ্ঞ তৈয়ারী করাও সহজ এবং দেশেও অকেজো কাগজের কোন অভাব নাই। ময়দার আঠা প্রস্তুত করিতে অবশ্য পয়সা খরচ হয়, কিন্তু ভারতের যত্রতত্র এমন অনেক গাছ আছে যাহার রস হইতে খুব ভাল আঠা প্রস্তুত হয়। অল্প সব দেশ হইলে হয়ত এই সব গাছের আঠাই Gum Acacia কিংবা Gum Arabia নামে ফার্মোকোপিয়ার ঔষধের তালিকায় স্থান পাইত। কিন্তু এত সব সুযোগ-সুবিধা থাকা সত্ত্বেও দিয়াশলাই-শিল্প কুটীর-শিল্প হিসাবে চলিতে পারে না। তাহার প্রধান কারণ এই যে, হাতের তৈয়ারী দিয়াশলাই কার্যকারিতা হিসাবে কলের তৈরী দিয়াশলাই-এর সমকক্ষ হইলেও কলের তৈরী দিয়াশলাই-এর মত হৃদয় নহে এবং মজবুতও নহে। কাঠিগুলির সংখ্যা কম না হইলেও কাঠিগুলিও তেমন সমান ও সুশ্রী নহে। অথচ সরকারী লাইসেন্স-স্ট্যাম্প, আবগারী শুল্ক ইত্যাদি দিয়া হাতের তৈয়ারী দিয়াশলাই-এর দাম কলের তৈয়ারী দিয়াশলাই অপেক্ষা পড়তায় কম পড়ে না। ফলে ক্ষীণজীবী কুটীর শিল্প প্রতিযোগিতার ঘূর্ণাবর্তে পড়িয়া পাক খাইতে থাকে। ক্রেতা-সাধারণ সমান দামে হৃদয় মজবুত দিয়াশলাই পাইলে হাতের তৈয়ারী কুল্লপ দিয়াশলাই নিতে চায় না।

অল্পদিকে সরকারী ট্যান্ড ও মাশুলাদি দিয়া কুটীর-জাত দিয়াশলাইও সস্তা দরে বিক্রী করা যায় না। সমান দামে স্থলী অথচ সমান কার্যকরী জিনিষ পাইলে কেহই কুরূপ জিনিষ লইতে চায় না। সৌন্দর্য্য-শ্রীতি মানবমনের জন্মগত তৃষ্ণা। দেশ-শ্রীতি ও স্বজাতি-শ্রীতি নিতান্ত তীব্র না হইলে এই চিরন্তনী বৃত্তিকে অপসারিত করা সহজসাধ্য নহে। এমন কি এই পর্য্যন্ত দেখা গিয়াছে যে, সৌন্দর্য্যের মোহে পড়িয়া অনেকেই সদ্বৃত্তি পর্য্যন্ত বিসর্জন দিয়াছেন। সে যাক, বর্তমান দিয়াশলাই শিল্পের কথাই ধরা যাউক।

ভারতীয় কিস্কাল কমিশনের সুপারিশ-ক্রমে ভারতীয় বাণিজ্য শুল্ক সমিতি বিদেশজাত প্রতি গ্রোস্ দিয়াশলাই-এর উপর দেড়টাকা রক্ষা-শুল্ক ধার্য্য করিয়াছিলেন। এই রক্ষা-শুল্কের ছত্রচ্ছায়াতে বহু নূতন কারখানাও গড়িয়া উঠিয়াছিল। তাহাদের বিশ্বাস ছিল যে, হয়ত তাহারা রক্ষা-শুল্কের দেওয়ালের অন্তরালে আত্ম-গোপন করিয়া কোন রকমে বৈদেশিক প্রতিযোগিতা হইতে আত্মরক্ষা করিতে পারিবে এবং সঙ্গে সঙ্গে এই সব শিল্প-শিল্পের সুখ-মার দেহও তাজা এবং মজবুত হইয়া উঠিবে। কিন্তু সাবধানী সুইডেন ও জাপানের শনির দৃষ্টি ইহাদের পশ্চাতে লাগিয়াই রহিল। ফলে রক্ষা-শুল্ক হইতে বাঁচবার প্রত্যাশায় সুইডেন আসিয়া ভারতে একাদিক্রমে ছয়-সাতটি কারখানা

খুলিয়া বসিল এবং জাপানও সঙ্গে সঙ্গে সুইডেনের দৃষ্টান্ত অনুকরণ করিল।

রক্ষা-শুল্কের ছায়ার অন্তরালে থাকিয়া প্রথর প্রতিযোগিতার হাত হইতে আত্ম-রক্ষা করিবার আশায় যে করটি শিল্প-প্রতিষ্ঠান গড়িয়া উঠিয়াছিল, তাহাদের প্রায় সকলেই আস্তে আস্তে শিল্প-শীলা সাক্ষ করিল। অবশ্য তাহার পর যে আর নূতন প্রতিষ্ঠান গড়িয়া ওঠে নাই তাহা নহে, কিন্তু ছোট খাট ক্ষীণজীবী শীর্ণকায় প্রতিষ্ঠানগুলি প্রতিযোগিতার ঝড়-ঝাপটায় পড়িয়া ছিন্নপত্রের মত উড়িয়া গেল। তারপর কুটীর-শিল্পের প্রথম আসিয়া দেখা দিল। খাদিপ্রতিষ্ঠানের দৃষ্টান্ত সম্মুখে রাখিয়া কুটীর-শিল্পকে রক্ষা করিবার জন্ত অনেক বাদামুবাদই গত ফেব্রুয়ারী ( 15.2.39 ) মাসে কেন্দ্রীয় ব্যবস্থাপক সভায় হইয়া গেল, কিন্তু ফল হইল উন্ট। কুটীর-শিল্পের রক্ষাকারী দল ভোটে হারিয়া গেলেন। তারপর যুদ্ধ বাধিল—এক পয়সার দিয়াশলাই দেড় পয়সা এবং দেড় পয়সার দিয়াশলাই দুই পয়সায় বিক্রয় হইতে আরম্ভ হইয়াছে। হয়ত সরকারের শোন দৃষ্টি না থাকিলে দর আরও বাড়িয়া যাইত, কিংবা যুদ্ধ আরও কিছুকাল চলিলে হয়ত এই অত্যাবশ্যক নিত্য-প্রয়োজনীয় জিনিষটি দর চড়াইতে হইবে ; কিন্তু প্রতিকারের উপায় কি ?


## প্রশ্ন

### শ্রীগিরিজাপ্রসন্ন গঙ্গোপাধ্যায়

আজ সখি মনে হয় যদিকে তাকাই  
এই শ্রাম ধরণীর আদিকাল হ'তে  
তুমি আর আমি ছাড়া কোথা কেহ নাই,  
শুধু মোরা ভ্রমিতেছি সীমাহীন পথে।

আজিকে দাঁড়াতে চাই আমরা দুজনে  
ধোবনের মধুলগ্নে মুখোমুখি হয়ে,  
নীরবে কহিতে চাই যাহা আছে মনে  
নিশুন্ধ প্রহরগুলি যবে যাবে বয়ে।

কি কহিবে তুমি সখি, কি কহিব আমি ?  
সে কথা জানেন শুধু মূক অন্তর্যামী ?  
বাহিরে হাসিবে চাঁদ, ঝরে' যাবে ফুল,  
হৃদয়ের সরোবরে নাহি রবে কুল,  
থেমে যাবে হাসি-গান, মরে যাবে ভাষা,  
মান্নে রবে জীবনের অনন্ত জিজ্ঞাসা ?



# জাপান

## শ্রীধীরেন্দ্রনাথ মুখোপাধ্যায়

( ৪ )

সময়ের পরিবর্তনের সঙ্গে নরনারীর আদর্শেরও পরিবর্তন হওয়া স্বাভাবিক। আবার পুরুষের আশা-আকাঙ্ক্ষা যেমন প্রসারিত হয়, নারীরও তেমনি সমরোচিত শিক্ষার প্রয়োজন হয়ে পড়ে। তা যেখানে না হয়, সেখানে স্ত্রী-পুরুষের সম্বন্ধ বিষময় হয়ে ওঠে, তাদের একত্র বাস দুঃসহ হয়ে ওঠে। পুরুষ যেখানে শিক্ষায়, জ্ঞানে, অভ্যাসে, অধ্যবসায়ে তাব পুরাতন গভী থেকে বেরিয়ে এসে জগৎকে বড় ক'বে দেখতে আরম্ভ করে, নারীরও সেখানে সমানতালে পা ফেলে চলতে হয়। জাপানের স্ত্রী-পুরুষ ঠিক তেমনিভাবেই চলেছে। আগেকার দিনের সীমাবদ্ধ জীবন আর তাদের তৃপ্তি দিতে পারে না। 'গে ই সা'—ব্যব সা যে র ক্রমাবনতিই তার জলন্ত প্রমাণ।

'গে ই সা'—অ নে ক টা আমাদের দেশের বার্জীদেব মতো। ধোলাখুলি গণিকাবৃত্তি তাদের ব্যবসায়; সামাজিক বা পারিবারিক উৎসবে তারা নাচে-গানে আনন্দ বর্ধন করে।

প্রাচ্যের প্রায় সর্বত্রই এই সম্প্রদায় বহু পুরাতন কাল থেকে চলে আসছে। জাপানেরও 'গেইসা' বিশ্ববিদিত। জাপানের যে-কোন অস্থানে 'গেইসা' অপরিহার্য। আমাদের দেশের বার্জীদেব কেহ কেহ যেমন বিবাহ করে সংসারী হয়ে থাকে, এদেরও অনেকে তাই করে থাকে। বর্তমানে 'গেইসা'-ব্যবসায় প্রায় অচল

হয়ে এসেছে। কারণ, যদিও হাশ্বে লাশ্বে তা'রা মনো-রঞ্জন করে, তাদের কথাবার্তায় না আছে মার্জিত কৃতির পরিচয়, না আছে কোন গুরুত্ব; তাদের অহুগ্রাহকদের কাছে তাই তারা যেন হয়ে উঠেছে অসহ—বিরক্তিকর।

শিক্ষার প্রতি অহুরাগ যেমন বেড়ে চলেছে, ভালো কলেজের ডিপ্লোমাও তেমনি মেয়েদের বিয়ের পক্ষে অপরি-

হার্য হয়ে উঠেছে। চীনদেশে একটা প্রথা আছে যে ক'নেকে স্বামীর বাড়ী যাওয়ার সময় কোন নামজাদা চিত্রকরের একখানা ছবি নিয়ে যেতে হয়, জাপানেও তেমনি ডিপ্লোমা নিয়ে স্বামীগৃহে যাওয়াটা যেন ফ্যাস্য হয়ে দাঁড়িয়েছে।

ফলে নারী-আন্দোলন ক্রমশঃই বিস্তার লাভ করছে। যে সকল স্থানে এতদিন নারীর প্রবেশ নিষেধ ছিল, সেখানেও ক্রমশঃ তারা অধিকার স্থাপন করছে। সমাজ-সেবা, সাহিত্য, চিত্র-শিল্প, সঙ্গীত, অভিনয়, শিক্ষকতা, সাংবাদিকতা,



কামাপুরার বুদ্ধমূর্তি

বিজ্ঞান প্রভৃতি সমস্ত ক্ষেত্রেই এখন নারীদের দেখতে পাওয়া যায় এবং সর্বত্রই তারা বেশ দক্ষতার পরিচয় দিতেছে। অর্থ-নৈতিক চাপের প্রত্যক্ষ বা পরোক্ষ ফলস্বরূপ অধিকসংখ্যক নারী এখন বাইরে এসে কর্মের সন্ধানে প্রবৃত্ত হয়েছে। অফিসের টেবিলে, দোকানের কাউন্টারে, ট্রাম-বাসের কন্ডাক্টার-রূপে, হোটেলের পরিচারিকারূপে এখন হাজার

হাকার নারী দেখা যায়। বস্তুতঃ এমন কোন প্রতিষ্ঠান এখন  
কম দেখা যায়, যেখানে নারীশ্রমিকের সংখ্যা যথেষ্ট নয়।

পাওয়া শক্ত—যে খায় কম শোনে কম এবং কথা বলে তাঁর  
চেয়েও কম।



নাগোয়া দুর্গ

পুরুষের সঙ্গে অবাধ  
মেলামেশার সুযোগও তেমনি  
তাঁদের বেশী এসেছে।  
প্রকৃতি তাঁদের হ'য়ে উঠছে  
চঞ্চল এবং ঘর-কম্মার  
ব্যাপারে কমে' যাচ্ছে তাঁদের  
সহিষ্ণুতা। ঝাঁটা হস্তে  
ধূমাবতী সাজতে এখন তারা  
আর ততটা রাজি নয়;  
ভ্যাকুয়াম ক্রিনারের অভাব  
তারা এখন অনুভব করতে  
শিখেছে। তারা এখন  
ধুংধুং হ'য়ে উঠেছে।

ঝি না রাধলে এখন  
তাঁদের আর চলে না। ভালো ঝি পাওয়াও খুব  
সহজ নয়। খরচ যদিও খুব বেশী নয়, কিন্তু এমন ঝি

এই পরিবর্তনের ফলে স্ত্রী-পুরুষের-সম্বন্ধের ভিতরও  
অনেক গোলমালের সৃষ্টি হয়েছে। আগেকার আমলে বিয়ের  
উদ্দেশ্যই ছিল বংশরক্ষা। ভারতের মতো—'পুত্রার্থে ক্রিয়তে  
ভার্য্যা' ছিল জাপানীদের রীতি ও নীতি। পুত্র না হ'লে দত্তক  
নেওয়ার ব্যবস্থা ছিল। একমাত্র কন্যাসন্তান থাকলে তাকে  
বিয়ে দিয়ে স্বগুরবাড়ী না পাঠিয়ে জামাইকে এনে সংসারে  
রাখা হ'ত ঘর-জামাই ক'রে। তাকে স্বগুর-বংশের পদবী  
পর্যন্ত গ্রহণ করতে হ'ত। জ্যেষ্ঠ পুত্র—ছেলের তরফেই  
হোক, আর মেয়ের তরফেই হোক—সে-ই হবে সম্পত্তির  
অধিকারী। কনিষ্ঠদের কোন অধিকারই নাই। জ্যেষ্ঠই  
সংসারের সর্বময় কর্তা। এর ফলে যত পারিবারিক  
ট্রাজেডির সৃষ্টি হয়, আধুনিক জাপান তা আর বরদাস্ত করতে  
রাজি নয়।

বিবাহ-আইনেও অনেক অসামঞ্জস্যের সৃষ্টি হয়েছে।  
নবদম্পতিকে নির্দিষ্ট সরকারি আফিসে তাঁদের বিয়ের  
নোটিস দিতে হয়। গির্জা বা মন্দিরে বিবাহের অনুষ্ঠান  
সম্পূর্ণ ক'রে বহু লোকজন নিমন্ত্রণ ক'রে খাইয়েও আইনের



আরাদিয়ার একটি মনোরম স্থান

চোখে তাঁদের বিবাহ সিদ্ধ হবে না, যতক্ষণ না এই নোটিশ  
পেশ করা হয়। এমন কি, বছরের পর বছর যদি তারা একদিকে

বাস ক'রে থাকে, তাদের ছেলেপিলে হ'য়ে থাকে, তবুও এই নোটিস্ না-দেওয়া হ'লে তারা স্বামী-স্ত্রী বলে গণ্য নয়। তাদের সম্বন্ধকে জারজ ব'লে রেজেক্ট করা হবে এবং মায়ের কাছে তারা থাকবে তার অভিভাবকত্বে। অপর পক্ষে নোটিস্ দেওয়া হ'লে, একদিনের জন্ত একসঙ্গে বাস না করলেও তারা স্বামী-স্ত্রী! গির্জা বা মন্দিরে মন্ত্র-পড়াব কোনই মূল্য নাই; লোকজন খাওয়ানো শুধু ভূতভোজন!

জাপানে বিবাহ-বিচ্ছেদ আছে, কিন্তু তার জন্ত কোন স্বতন্ত্র আদালত নাই। সাধারণ আদালতেই বিবাহ-বিচ্ছেদে যতকিছু ব্যাপাব, জারজ-সম্বন্ধের পিতৃহের দাবী-সংক্রান্ত যতকিছু মামলাব বিচার হয়। ফলে বহু কলেঙ্কারির ভয়ে পারিবারিক প্রতিবিধান কব্ধে আদালতে যেতে সাহস পায় না। তা ছাড়া, ধরচও সেখানে কম নয়। আদালত সর্বত্রই সমান—যেমন বাংলায়, তেমনি জাপানে।

প্রাচ্য ও পাশ্চাত্য পারিবারিক বিধানের ভিতর বেশ একটু তফাৎ আছে। পাশ্চাত্যে স্বামী-স্ত্রীকে নিয়েই সংসার। পুত্র-কন্যার তার ভিতরে বিশেষ একটা স্থান নাই। সম্বন্ধের প্রতি


পিতামাতার মেহ যতই প্রবল হোক, বড় হ'লে তারা পিতামাতার সংসার থেকে পৃথক হ'য়ে যাবে এবং নূতন

সংসার পেতে যসবে। এই নূতন সংসার পিতামাতার সংসারের সংস্কার, ভাবধারা, রীতি ও নীতি—কোন কিছুই ধার ধারে না। তারা নিজের ইচ্ছামত জীবন বাপন করে।



মন্দিরের ভিতরের কার্কাৰ্য

স্ত্রীলোকই লজ্জায় ও উত্ত্বাধিকার-হত্রে পিতামাতার কাছ থেকে একমাত্র স্থাবর অবিচাৰ ও অত্যাচাবেব ও অস্থাবর সম্পত্তি ছাড়া আর কিছুই তারা পায় না। পিতা-



একটি পার্কের দৃশ্য

মাতার সংসারের ধর্মগত বা নীতিগত প্রভাব তাদের উপর পড়ে না। স্বামী-স্ত্রীর মৃত্যুর সঙ্গেই সেখানে পরিবারের

শেষ; তার কোন পারিষদ্য নাই। নূতন পরিবার যা গড়ে ওঠে, তার সঙ্গে পুরাতন পরিবারের কোন দেনা-পাওনা নাই।

যার একটা বাজার দর আছে, বংশগত সংস্কার ও ধ্যান-ধারণাকে বজায় রাখাও তার সবচেয়ে বড় উদ্দেশ্য। একটা বংশের প্রতিষ্ঠা হ'লে, তাকে যে রূপেই হোক বাঁচিয়ে রাখতে হবে; তাতে রক্তের সম্বন্ধ না থাকলেও কতি নাই। পুত্র না থাকলে দত্তক গ্রহণে বাধা নাই। হিন্দু গার্হস্থ্য বিধানের মতো জাপানেও রক্তকে তত বড় স্থান দেওয়া হয়নি, যত দেওয়া হয়েছে বংশগত সংস্কার ও ঐতিহ্যকে।



নিককোর বিশ্ববিখ্যাত মন্দির

প্রাচ্যের ব্যবস্থা অনুরূপ। বহু পরিজন নিয়ে এখানে পরিবৃত্ত। বয়োজ্যেষ্ঠ সংসারের কর্তা; তিনি কর্তব্যে কঠোর, নিষ্ঠায় দৃঢ় এবং বংশের প্রকৃতি ও সংস্কার অব্যাহত রাখতে তিনি অতি সতর্ক। জাপানীরাও পরিবারকে দীর্ঘ-

কাজেই জাপানী সংসারে স্ত্রীকে একেবারেই পরিবারের চিরাচরিত ভাবধারার ভিতর



দিগম বা রথ উৎসব

দিন বাঁচিয়ে রাখা অতি আবশ্যিক মনে করে। উত্তরা-ধিকারের মানে সেখানে কেবলমাত্র সেই সম্পত্তিলাভ নয়



সেকাল ও একাল

ছুবে যেতে হয়। যতই সে পতিপরায়ণা হোক না কেন, সংসারের এই ভাবধারার সঙ্গে যদি সে সম্পূর্ণ-



রূপে মিশে যেতে না পারে, তা হ'লে সংসারের একজন ব'লেই সে গণ্য হবে না। তার জন্ম বিবাহ-বিচ্ছেদ পর্যন্ত হ'তে পারে। জাপানে বিবাহ-বিচ্ছেদের একটা মস্ত বড় কারণ—এই ভাবগত অসঙ্গতি। বংশরক্ষার জন্ম পুত্রের জন্মদানও স্ত্রীর প্রধান কর্তব্য। অত্যাধিক বিবাহ-বিচ্ছেদ হ'তে পারে। বর্তমানে অবশ্য এ অপরাধে বিবাহ-বিচ্ছেদ খুব কমই হ'য়ে থাকে, কিন্তু পূর্বকালে এটা খুব গুরুতর অপরাধ ব'লেই গণ্য হত।

একান্নবর্তিতা জাপানে ক্রমশঃই অচল হ'য়ে উঠেছে। সহজলভ্য গ্রাসাচ্ছাদনের যুগে, ভূমিজাত আয়ের নবাবীর আমলে যে একান্নবর্তিতা ছিল অশেষ গুণের আকর, বর্তমানের

কল্পনাতেই আসত না। বিয়ের দরজা এমনি ক'রে বন্ধ হওয়ার ফলে বহু নারী পুরুষের কর্মক্ষেত্রে—চাকরির বাজারে এসে হানা দিতে লাগল। অবস্থা আরও ভয়ানক হ'য়ে উঠল। জীবনযাত্রার সমস্যা যতই ঘোরালো হ'য়ে পড়তে লাগল, পুরুষের বিয়ের বয়স ততই পিছিয়ে যেতে লাগল এবং অতি অল্পদিনেই 'আদর্শ গৃহিণী ও সেবা-পরায়ণা জননী' যে-একটা ধারণা জাপানী পারিবারিক জীবনের ভিত্তি ছিল, অজ্ঞাতে কখন যে তা বিলুপ্ত হ'য়ে গেল কারো তা নজরেও পড়ল না।

আজ, পুরুষের সঙ্গে সমান অধিকার দাবী করা নারীর পক্ষে খুব সাধারণ ব্যাপার হ'য়ে দাঁড়িয়েছে। তাদের



চেরি ও ফুজিয়ানা

কষ্টার্জিত অর্থের যুগে তা হ'য়ে উঠেছে বিড়ম্বনার উৎস। একান্নবর্তিতাকে জাপান তাই অর্থনীতির ভিত্তির উপর স্থাপন করেছে। তাই সে দেশে এক পরিবারের লোকদের ভিতর সম্পর্ক আছে, কিন্তু সম্পর্কের জুগুম নাই; সহানুভূতি আছে, কিন্তু সমস্যা নাই।

একান্নবর্তিতা অচল হওয়ার অল্প-সমস্যাও প্রবল হ'য়ে উঠেছে। তার ফলে, আগে লোকে যে বয়সে বিবাহ করত, ক্রমেই তা পিছিয়ে যেতে লাগল। চীন-জাপান যুদ্ধের সময় কোন পঁচিশ বছরের ছেলে অবিবাহিত থাকত না, কিন্তু রুশ-জাপান যুদ্ধের পরে ত্রিশের একিকে বিয়ে করার কথা কারও



তসমো আয়েগিরি

আত্মানুভূতি জেগে উঠেছে এবং পুরুষের চেয়ে যে কোন অংশে তারা ছোট নয়, পুরুষের মতো তারাও যে শিল্প-বিজ্ঞানে সমান শিক্ষা-লাভের অধিকারী, জোর ক'রে তারা একথা আজ বলতে আরম্ভ করেছে। 'আদর্শ গৃহিণী ও সেবাপরায়ণা জননী' ইডিয়োলজি সামাজিক ও পারিবারিক বস্তুতন্ত্রতার সামনে অতি নিদারুণভাবেই হার মেনেছে।

পাশ্চাত্য শোষক মেয়েদের ভিতর যখন প্রথম প্রচলিত হ'ল, অনেকের কাছেই সে ছিল একটা ভয়ানক হাসির ব্যাপার। রাজপথে মেয়েরা যখন হার্ট প'রে কোঁমর ভেঙে

বেঁটে মোটা পায়ে বিচিত্র রংয়ের মোজা প'রে সার্কাসের মেয়েদের মতো ঘুরে বেড়াত, তখন তাদের দেখে হাত্ত সংবরণ করা অনেকের কাছেই কঠিন হ'য়ে পড়ত! কিন্তু তাদের এ চেষ্টার ভিতর ছিল সত্যিকারের নিষ্ঠা। আজ

প্রবাহের সঙ্গে দীর্ঘপথে যে-সব কাদা-মাটি মিশেছে, এ ফল তারই!

শুধু মেয়েদের কথা কেন, জাপানের সমস্ত কিছুই গত কয়েক বৎসর যাবৎ যেন আমেরিকার ছাঁচে ঢালা হচ্ছে।




ওসাকার একটি রাস্তা

যারা টোকিয়ার গিন্জা-রাস্তায় সন্ধ্যাকালে বব-চুলো ক্র-আঁকা ঠোঁট-রাঙানো মেয়েদের দলে দলে ঘুরতে দেখেন, তারা ঠিক বুঝতে পারবেন না যে, তখনকার দিনের সে মেয়েদের কি কঠোর সংগ্রামই করতে হয়েছিল।

পাহাড়ের বুক চিরে জলের স্রোত যখন প্রথম প্রবাহিত হয়, তখন থাকে তা কাচের মত স্বচ্ছ; কিন্তু সাগর-সঙ্গমে পৌঁছবার পথে চারিপাশের ময়লা-আবর্জনার সঙ্গে মিলিত হ'য়ে সে হারিয়ে ফেলে তার স্বচ্ছতাকে। মানুষের জীবনও ঠিক এইরূপ। কিন্তু তার শেষ দিক্কার ঘোলা জল দেখে প্রথম দিক্কার পবিত্রতাকে অস্বীকার করা চলে না।

আজ জাপানের রাস্তায় রাস্তায় যে-সব স্ত্রীলোক চোখে পড়ে, তাদের দেখে মনে হয় যে অতি অসহায়ভাবেই তারা হলি-উডের প্রভাবের কবলে পড়েছে। নবীনাদের ভিতর আমেরিকা-আঁনা দিন দিন যেন বেড়েই চলেছে। তার কারণ এ নয় যে জল চিরকালই ঘোলা ছিল, স্রোত-


জাপানের বাড়ীঘর, দোকানের সাজানো জানালা, নিওন-আলোর বাহার, জাজ্ বাজনা, নাচঘর প্রভৃতি দেখলে মনে হয়, মান্ হা ট্রানে র সমস্ত বিলাস ঐশ্বর্য যেন সাগর ডিঙিয়ে জাপানে এসে হাজির হয়েছে। আধুনিক শহরের রাস্তায় দাঁড়া লে বোঝা দুষ্কর হয়ে পড়ে যে কোথা য় আছি— নিউ ইয়র্কের ফিফ্ থ এভিনিউ, না ল গু নের পিকাডেলি।



ছেলেদের পুতুল উৎসব

বিশ' বছর আগে, জাপানে পাশ্চাত্যভাবের প্রসার হয়েছিল গবর্নমেন্টের নির্দেশে ও চিন্তাশীল মণীষীগণের প্রচেষ্টায়। কিন্তু এই আমেরিকা-আঁনার প্রচার করতে

কারও চেষ্টার দরকার হয়নি, কারও নির্দেশের সে অপেক্ষা জাপান কি ভাবে চর্কণ করে হজম করে এবং রাধেনি। এ যেন আপনা-আপনি হয়ে চলেছে। জাতীয় স্বাস্থ্যের অনুকূল করে তোলে, অথবা তার



টোকিও রাজপ্রাসাদের প্রবেশ পথ

ঐতিহাসিকের দৃষ্টিতে জাপানের পক্ষে এ একটা খুব কাছে নিজের সত্তাকে বিসর্জন দেয়, এইটাই বড় রকমের পরীক্ষা। এই আমেরিকার সভ্যতাকে কল্পনার বিষয়।

## অতীত, বর্তমান ও ভবিষ্যৎ

শ্রীদেবনারায়ণ গুপ্ত

গরবিনী তোর গরব ঘুচিয়া গেল  
সিঁথির সিঁছর'পায়ের আলতা সাথে  
শঙ্কা পরাণে শোন্—গাহে হরিবোল  
আকাশ ভাঙিয়া পড়িয়াছে তোর মাথে !  
হুঃখের ভাত স্নেহে তুলুছিলি মুখে  
মোটা লালপাড় শাড়ীতে বাহার কত ;  
আজি ধব্ধবে সাদা খানে ঢাকা দেহ  
শব যাত্রার ঠিক শবটিরই মত !  
এয়োতির নোয়া-চুড়ির সাথে না বাজে,  
মর্মে হেনেছে কঠিন বজ্র তোর—

সকলের কাছে অপরাধী সম কত,  
ঝরিছে কেবল দুইটি নয়নে লোর !  
চক্ষের জল সার হ'ল আজ হতে,  
বক্ষের মাঝে শঙ্কা ও স্মৃতি নিয়া  
এমনি করিয়া কাটাইবি কত কাল,  
সেবিকার সম সকলেতে সেবা দিয়া !  
ভবিষ্যতের ভাবনা ঘুচিয়া গেছে—  
বর্তমানেতে চক্ষের জল সার—  
অতীতের শুধু উজ্জল স্মৃতিটুকু  
তোলে কম্পন ছদয়েতে অনিবার !

## মাংসের মনস্তত্ত্ব

শ্রীশচীন্দ্রলাল রায় এম-এ

আপনারা ডাক্তার নিখিলেশ চ্যাটার্জির নাম নিশ্চয়ই শুনিয়াছেন। কলিকাতার নামকরা ডাক্তার—এন্, চ্যাটার্জি এম-এ, এম-বি—মনস্তত্ত্ববিদ এবং হৃদরোগবিশারদ—বিডন্ স্ট্রীটে চারিতলা বাড়ীর সম্মুখের গেটে পিতলের ফলকে তাঁহার নাম ও টাইটেল নিশ্চয়ই আপনার চোখে পড়িয়াছে। আর যদি আপনার মাথার কোনও ছিট থাকে অথবা বৃকের কোনও অসুখ হইয়াছে বলিয়া আপনার ধারণা হইয়া থাকে—তাহা হইলে তাঁহাকে চাক্ষুষ দেখিবার ভাগ্য তো আপনার হইবারই কথা।

আপনারা জানেন কি-না জানি না—আমিও একজন এম-বি ডাক্তার—সম্প্রতি ডি-পি-এইচ্ টাইটেলটি নামের পিছনে লাগাইবার সৌভাগ্যও আমার হইয়াছে। তবুও আমার সঙ্গে ডাক্তার চ্যাটার্জির তফাৎ অনেক। কারণ আমার বয়স তিরিশ, আর ডাক্তার চ্যাটার্জির বয়স পঞ্চাশের কাছাকাছি। তিনি ডাক্তারি করিয়া চারতলা বাড়ী তুলিয়াছেন, কাজের চাপে স্নানাহারের ফুরসৎ পান না—আমি আমার পৈত্রিক বাড়ীর দরজার সম্মুখে নামের ট্যাবলেট বসাইয়া দিবারাত্রি পাশবালিশ আঁকড়াইয়া পড়িয়া থাকিতে পারি—দিবানিদ্রা অথবা রাত্রির বিলাস নষ্ট করিবার মত সাহস কাহারও হয় না।

কিছুদিন হইল আমার সঙ্গে ডাক্তার চ্যাটার্জির একটু বন্ধুত্বের মত ভাব হইয়াছে। অথচ নেডিক্যাল কলেজে পড়িবার সময় তাঁহার আমি ছাত্র ছিলাম। কলেজ ছাড়িবার পর তাঁহার অবশ্য বিশেষ খোঁজ খবর রাখি নাই—বছর খানেক আগে তাঁর সঙ্গে আমার এক বন্ধুর বাড়ীতে দেখা। বন্ধুটি বিবাহের পর প্যাল্পিটেশন্ অব্ দি হার্টে ভুগিতেছেন। তাহাকে পরামর্শ দিয়াছিলাম—ডাক্তার চ্যাটার্জিকে কন্ দিতে। কারণ বিবাহের পর—বৃকের অসুখ—সোজা কথা নয়। একাধারে হৃদরোগ বিশারদ ও মনস্তত্ত্ববিদ ডাক্তারের প্রয়োজন—নহিলে আমি কি দোষ করিয়াছিলাম।

ডাক্তার চ্যাটার্জি আমাকে দেখিয়া কহিলেন—কি হে, রাজু নাকি? এম-বি পাশ ক'রে ফ্যা ফ্যা করছিন্ তো—না প্র্যাক্টিস্ কিছু জমেছে?

—কই আর জমে শুর। আপনারা যদি আছেন—আমি—দেব—আর মাথা তোলবার জো কি? ভগবান যদি দিন দেয়—মাথা নাড়িয়া ডাঃ চ্যাটার্জি বলিলেন—সে বুঝতে পেরেছি রাজু। কিন্তু যে আশা ক'রে রেখেছি—তার পূরণ হতে এখনও অনেক দেরী। আরও বছর তিরিশেক অপেক্ষা করতে পারিস্ তো তখন চেষ্টা দেখিস্। তোর বন্ধুর অসুখে যখন আমার ডাক পড়েছে—তখনই বুঝেছি তোর কেমন জমজমাট পসার। ... তারপর আমার বন্ধুর দিকে তাকাইয়া কহিলেন—তোমার বৃকের অসুখ? বৃক তো বেশ চওড়াই দেখ্ছি বাপু—অসুখটা আবার কোথায় হ'লো! ... তারপর তাহার বৃকের উপর সজোরে কয়েকটি টোকা মারিয়া কহিলেন—হুঁ, বুঝেছি। অল্পদিন বিয়ে করেছ না তুমি? ছোট টেবিলটার ওপর ফটোখানি—বউমার না? এখন বাপের বাড়ী বৃকি? ছয়মাস কাছ ছাড়া? বাপস্! যাক্, ওসুখ একটা দিচ্ছি—ঐটে নিয়ে একবার সোজা স্বস্তুর বাড়ী চলে যাও—বউমাকে নিয়ে এস। ছয়মাস কাছছাড়াবাপু—বৃকের আর অপরাধ কি! তিনি একটু মুচকি হাসিলেন, তারপর বত্রিশটি টাকা পকেটে পুরিয়া কহিলেন—রাজু, আমার ওখানে যাস্ মাঝে মাঝে। পসার কি করে হয় দেখ্তে পাবি।

মনে মনে অত্যন্ত উৎফুল্ল হইয়া ডাক্তার চ্যাটার্জির বাড়ী যাওয়া-আসা সুরু করিলাম। কিন্তু সুবিধা হয় না কিছুই—কেবল ডাক্তার চ্যাটার্জির কাছে অনেক রসাল গল্প শুনি, আর মাঝে মাঝে মুখরোচক খাণ্ড খাই।

সেদিন মনে মনে ঠিক করিয়া গেলাম—নিশ্চয় আজ মনের কথা খুলিয়া বলিব। শুধু আড্ডা দিয়া আর সুখাণ্ড খাইয়া আর লাভ কি! তাঁহার র্যাসিষ্ট্যান্ট করিয়া যদি মাঝে মাঝে কলে লইয়া যান—তবুও কিছু প্রাপ্তিযোগ ঘটে।

ঘরে ঢুকিয়াই দেখি ডাক্তার চ্যাটার্জি গুড়গুড়ি টানিতেছেন। আমাকে দেখিয়াই তিনি সোজা হইয়া বসিলেন এবং সহাস্ত্রে কহিলেন—রাজু, এসেছিন্ ভালই হয়েছে। মাংস-পরেটা খাবি নাকি?

—মাংস পরেটা খাব না—বলেন কি শুর। নিশ্চয় খাব।

যে কাজের কথা বলিব ভাবিয়া আসিয়াছিলাম—তাহা বিশ্বত হইলাম। মাংস সংযোগে পরেটা গলাধঃকরণ করিতে করিতে মনে হইল—যেন অমৃত। সোল্লাসে বলিয়া উঠিলাম—চমৎকার! আজকের রান্নাটা কে করেছে স্বর?

ডাক্তার চ্যাটার্জি হাঁকার নল ছাড়িয়া দুই হাত নাড়িয়া বলিয়া উঠিলেন—আরে খেয়ে যা, খেয়ে যা—যদি ভাল লাগে আর কিছু আশুক। কিন্তু আহাশুক, কে রান্না করেছে ওকথা আর জিজ্ঞেস করিস না। আর আমি তো মাংস খাওয়া ছেড়েছি—জানিসনে বুঝি? যে রান্না করে করুক—সে খোঁজে আমার আর দরকারই বা কি!

অবাক হইলাম। ডাক্তার চ্যাটার্জির মাংসে কোনও দিন অরুচি ছিল না ইহা জানি—হঠাৎ এমন রুচি পরিবর্তনের কারণ কি?

—অবাক হচ্ছিলাম? মাংস আমার প্রিয় খাদ্য, কিন্তু প্রিয় হলেই যে তার জন্ত ঝগড়া সামলাতে হবে—তার কোনও মানে আছে? হাস্‌ছিলাম যে? ছেলেমানুষ এখনও তুই রাজু—বুঝবি কি? তবে শোন। সেদিন খেতে বসেছি—গিন্নি কাছে বসে খাওয়াচ্ছেন। সংসারের নানা তালে ঘোরেন—আমার কাছে বসে খাওয়ার তদ্বাবধান করার তাঁর ফুরসৎ কোথায় বল। বোধ করি সেদিন একটু ফুরসৎ পেয়েছিলেন। বললেন—বলি মাংসটা খাচ্ছ কেমন? মনে করলাম—নিশ্চয় গিন্নির হাতের রান্না। বাটি শুদ্ধ মুখের কাছে ধরে সুপে এক লম্বা চুমুক দিয়ে বললাম—আহা যেন অমৃত। তুমি রান্না করেছ বুঝি? সুন্দর হবে না! গিন্নি বললেন—পোড়া সংসারের জ্বালায় কি তোমার খাওয়ার দিকে নজর দেওয়ার সময় আছে। নইলে নিত্যা তোমাকে মাংস রেঁধে দিতে পারিনে! তুমি যে কত মাংস ভালবাস—আমার চেয়ে আর অন্তের তা জানবার জো কি! না না, একটুও রাখতে পারবে না—আমার মাথা খাও। গিন্নিকে পরিতুষ্ট করতে বাটিটা একদম সাফ করে ফেললাম। গোরবে গিন্নির মুখ উজ্জ্বল হয়ে উঠলো।

আমি হাসিতে লাগিলাম।

ডাক্তার চ্যাটার্জি ধমক দিয়া বলিলেন—তুই শুধু হা হা করে হাসতেই শিখেছিস—অঁত হাসলে প্র্যাক্টিস

করবি কি ক'রে রে রাজু! তারপর শোন। খাওয়া-দাওয়া শেষ ক'রে পান চিবোতে চিবোতে ওপরে যাচ্ছি—সিঁড়িতে ছোট ভাইয়ের সঙ্গে দেখা। অত্যন্ত ব্যস্তসমস্ত ভাব। মোহনবাগানের খেলা ছিল কি-না। আমাকে দেখেই সে বলে উঠলো—এতক্ষণে খেয়ে এলে বুঝি? না, তোমার জ্বালায় আর পারা গেল না দাদা—নিত্যা অবেলায় খাওয়া। তা মাংসটা আজ কেমন খেলে? অবাক হয়ে ভাইয়ের মুখের দিকে তাকালুম। হঠাৎ এ প্রশ্ন! বললাম—বেশ। ভাইয়ের মুখ উজ্জ্বল হয়ে উঠলো। বলল—সত্যিই ভাল হয় নি দাদা? তোমাদের ছোটবোঁমা আজ রেঁধেছেন কি-না! সত্যি ওর মাংস রান্নাটা আমার কাছে উপাদেয় লাগে। অবিশ্বি অন্ত রান্নাও মন্দ নয়—কিন্তু ওর মাংসের মধ্যেই একটা বিশেষত্ব আছে। ভাবলুম—ভাইটি আমার নতুন বিয়ে করেছে। মাংসের মধ্যে তো বিশেষত্ব থাকবারই কথা। ভাইয়ের তখনও বলা শেষ হয় নাই। ... দাদা, তোমার রোগীদের জ্বালায় আর পারা যায় না। নিত্যা যে অবেলায় খাওয়া তোমার। একসঙ্গে খাওয়ার একটা ইউটিলিটি আছে—জান তো? বল দেখি রাজু, এমন ভাই ক'জনের আছে?

আমার হাস্যসম্বরণ করা আবার কঠিন হইয়া উঠিল।

ডাক্তার চ্যাটার্জি পুনরায় শুরু করিলেন—একটু গড়িয়ে নেব ভাবছি—এমন সময় বোন এসে হাজির। এক গাল হেসে বললে—শুতে যাচ্ছ বুঝি? মাংসটা আজ কেমন খেলে? ... মুখ দিয়ে বেরিয়ে গেল—চমৎকার! একটু সলজ্জ হাসি হেসে যেন বললে—মাংসটা আজ আমিই রেঁধেছি দাদা। কেমন জল এখন বল দেখি। আগে যে বলতে—অকস্মিক ধাড়ি—কোনও কাজের আমি নয়—আর এখন? যাই না কেন বল দাদা, তোমাদের জামাইবাবুটির রান্না কিন্তু আরও সরস—তবে তিনি তেল ঘি একটু বেশী ঢালেন। আমাকে ফতুর করবার ফিকির আর কি! আমি ওঁর কাছেই রান্না শিখেছি কি-না। এমনি বদ অভ্যাস ওঁর দাদা—বিকেল বেলা অফিস থেকে ফিরে মাংস আর লুচি চাই-ই। না দেখলেই মুখটা এতখানি। সাথে কি আর ভাল ক'রে রান্না শিখতে হয়। তাই ভাবলাম একবার তোমাকে অবাক ক'রে দিই। আমার সত্যিই ভাল লেগেছে দাদা? ... অবাক আমি সত্যিই হয়েছি—অস্বীকার করবার জো কি! বোনটির

আমার তিন বছর বিয়ে হয়েছে, প্রেম এখনও জমজমাট দেখতে পাচ্ছি। ... যাক্ সেই দিনই মন স্থির ক'রে ফেললাম। রাত্রে স্ত্রীকে বললাম—দেখ, মাংসটা খেয়ে পেটটা যেন কেমন করছে। ভাবছি—মাংস খাওয়াটা ছেড়েই দেব। আর ডাক্তারি শাস্ত্রে বলে—চল্লিশের ওপর ওটা না খাওয়াই ভাল, আমার তো পঞ্চাশ বেঁসে এসেছে। মাংসে লিভারের দোষ হয়, ব্লাড্ প্রেসার বাড়ে, কলিক পেন্‌ও হতে পারে।

ব্লাড্ প্রেসারের ভয়টাই বেশী—দরাদর কেমন লোকগুলো মরছে দেখছো না। সাধবী স্ত্রী—আর আপত্তি করতে পারলেন না। সেই থেকে মাংস খাওয়া ছেড়েছি। তা তোর ভয় নেই রাজু, মাংস এখনও মাঝে মাঝে হচ্ছে—তোর ভাগ তুই ঠিক পাবি।—

আশ্বস্ত হইলাম। পসার না জমুক, মাঝে মাঝে মাংস জুটিবে তো।

## অজয়ের চর

শ্রীকুমুদরঞ্জন মল্লিক

৫

আমি বসে দেখি অজয় নদের চর,  
নব নব রূপ ধরে সে নিরন্তর।

দূরে বহে শ্রোত রজত রেখার মত  
শত জলচর কলরব করে কত,  
ক্লাশ বনে তার যত চাতকের ঘর।

২

সোনালী উষায় প্রাতে তারে দিনমণি,  
করে 'কোলারের' খাঁটি স্বর্ণের খনি।

ক্ষণেক পরেই শুভ্র রবির তেজে—  
'গোলকুণ্ডার' হীরক আকর সে যে—  
জগৎশেঠের বাদশাহী বন্দর।

৩

বৈকালে তার বুক দিয়া সারি সারি—  
কুস্ত লইয়া আসে যায় নরনারী।

তখন এ বেলা অপূর্ণ মনোলোভা,  
ধরে এক নব কুস্তমেলার শোভা—  
আলো ও ছায়ার হরিহর-ছত্তর।

৪

যত দেখি তত তাতল ও সৈকত  
মোর কাছে রাজে ভূতলে গগনবৎ।

পাই ও আকাশে হক্ না নেহাৎ নীচু,  
তারি নয়, বটে মন-আলো-করা কিছু  
করে পবিত্র প্রসন্ন অন্তর।

ভূর্জপত্র সম ওরে কভু দেখি  
অচেনা আঁথরে কে গেছে কাব্য লেখি।  
হেরি কৌতুকে, উল্লাসে বারবার  
হ'ক এলোমেলো তবুও চমৎকার—  
খেয়ালী কবির ছড়ানো ও দপ্তর।

৬

প্রাবন পুলক ওই সে চরের মাঝে  
জল-তরঙ্গ স্বরলিপি আঁকিয়াছে।  
আমি আনমনে সে স্র বাজাতে চাই,  
বুঝিয়া বুঝিনে, খেই গুঁজে নাহি পাই,  
আঁখিজল দেয় অকথিত উত্তর।

৭

অপরূপ হয় যে গাবী পূর্ণিমায়ে  
ধূলায় গঠিত দেহ তার ঝরে যায়।  
ভালে শনী তার, পুণ্য শুভ্র দেহ  
ভুল করিবে না যদি শিব ভাবে কেহ—  
মুক্ত আত্মা অনিন্দ্য সুন্দর।

৮

অজয়ের চর ভূলায় আমার মন  
দর্শনীর পাই সেথা দরশন।  
তীর্থের ফল সেই দেয় মোরে আনি,  
আমি ত তারেই কল্পা কুমারী জানি।  
সেই মোর সেতুবন্ধ রামেশ্বর।

# বুদ্ধদেব ও ওমর-খৈয়াম

শ্রীহুবোধ রায়

স্বর্গীয় বন্ধুবর রবীন্দ্রনাথ মৈত্র তাঁর 'মানময়ী গার্লস্ স্কুল'-এ মেয়েদের মুখে রক্ষণশিক্ষার যে গান দিয়েছেন তাতে তিনি লিখেছেন :—

“চিতল মাছে মেথির গুঁড়ো, ইলিশ মাছে আদা  
তুমি দিও মা— দিও না।”

বুদ্ধদেবের মতামতের সঙ্গে ওমর খৈয়ামের মতামত আলোচনা উক্তরূপ নিবেদনের গভীর মধ্যে পড়ে, এ সম্বন্ধে অনেকের মনে উদয় হওয়ায় আমার প্রাবন্ধিক সুপ-কারিত্বের রুচি সম্বন্ধে তাঁরা হয়তো মাসিকা কুঞ্চিত করবেন ; কারণ জন-সাধারণের মতে একজন ছিলেন বাসনাজয়ী ত্যাগী সন্ন্যাসী, আর অল্পজন বাসনাময় ভোগী কবি। অতএব এই দুটো মত একসঙ্গে আলোচনা করলে হয়তো স্পর্শদোষ ঘটতে পারে।

কিন্তু এইপামেই হয়েছে গোড়ায় গলদ। পোয়াজা ওমর-ইবন ইব্রাহিম অর্থাৎ ওমর খৈয়াম যে কবি ছিলেন একথা তিনি নিজেই জানতেন না এবং তাঁর দেশবাসীরাও কেউ জানতেন না। তাঁর দেশবাসীরা অর্থাৎ ইরাণবাসীরা তাঁকে উচ্চশ্রেণীর দার্শনিক, অক্ষশাস্ত্রবিৎ, গণিত ও ফলিত জ্যোতিষী, সাহিত্যিক ও চিকিৎসক বলে জানত। অর্থাৎ, কাব্যজগৎ বাদ দিয়ে তাঁকে বিজ্ঞান ও দর্শন-জগতের একজন শ্রেষ্ঠ পণ্ডিত বলে মর্যাদা দিত। তা হ'লে এই রুবায়ীগুলি কি? এগুলি হচ্ছে, দর্শন সম্বন্ধে তাঁর মত এবং তাঁর সমসাময়িকদের প্রতি নীতি-উপদেশ। কিন্তু এগুলি গড়ে না লিখে তিনি পণ্ডে লিখলেন কেন? এই প্রশ্নের উত্তর পেতে হলে ইরাণের জাতীয় আদর্শ, উৎকর্ষ ও চিরপ্রচলিত ভাবধারার কথা বিবেচনা করতে হবে।

ইরাণ একটা অপূর্ণ কাব্যময় দেশ। সেদেশে সকলেই প্রাথমিক শিক্ষা শেষ ক'রেই নিজের একটা “তথলুস”—I'en name—বেছে নেন এবং কাব্যরচনা অভ্যাস করেন। এমন কি, সেখানে অশিক্ষিতদের মধ্যেও সত্যিকার কবির অভাব নেই। জেনারেল সুর জন্ ম্যাকম নামে এক জঙ্গী সাহেব ১৮০০ থেকে ১৮১০ খৃঃ পর্যন্ত ইরাণে ছিলেন ভারতের ষ্ট্র ইন্ডিয়া কোম্পানীর দূত হিসাবে। তিনি নিজে খুব ভাল পার্সী জানতেন। তিনি লিখেছেন :—“ইরাণ পুষ্পময়, কাব্যময়, কবিতার দেশ ; ইরাণের কুলিমজুর ভিখারীরাও ভাল ভাল কবিদের বাছা বাছা কবিতা অনর্গল আবৃত্তি করতে পারে। শিক্ষিত সম্প্রদায়ের সঙ্গে কথা বলতে গেলে, পদে পদে কবির উক্তি, ওদেশের প্রচলিত কাহিনী থেকে উল্লেখ শুনতে হয়। ও-দেশের কাব্যে ও সাহিত্যে, বিশেষ ক'রে লোক-সাহিত্যে, ভাল জ্ঞান মা থাকলে শুধু ও শিক্ষিত সম্প্রদায়ের সঙ্গে কথা কওয়া বিড়ম্বনা। ইরাণের শিক্ষিত সম্প্রদায় কে যে কবি নন, তা খুঁজে পাওয়া কষ্টকর।”

এ ছেন দেশে জন্মে এবং দেশের তদানীন্তন বিঘ্নসমাজের মধ্যমণি

হ'য়ে ওমর যে নিজের দার্শনিক মতামত প্রচারে রুবায়ী ব্যবহার করবেন, তাতে বিস্ময়ের কি আছে? এরকম উক্তি যে আমাদের সকপোলকল্পিত নয়, তার প্রমাণস্বরূপ সংক্ষেপে ওমর সম্বন্ধে যেটুকু ঐতিহাসিক তথ্য পাওয়া গেছে তার আলোচনা করা যেতে পারে।

ইরাণের উত্তর-পূর্ব অঞ্চলে খোরাসান প্রদেশ। নেশাপুর ঐ খোরাসানেরই একটা বড় প্রাচীন নগর। এই নেশাপুর ছিল সে যুগের বিখ্যাত শিক্ষাকেন্দ্র—আমাদের আগেকার নবদ্বীপ বা ভট্টপল্লীর মত। দূর দূরান্তর থেকে ছাত্রেরা আসত এই নেশাপুরে শিক্ষালাভ করতে। কারণ এখানকার টোলের প্রদত্ত উপাধি পারস্তের সকল প্রদেশে তখন বিশেষ সম্মানিত ছিল। একাদশ খৃষ্টাব্দের শেষভাগে এই নেশাপুরে সাহিত্য ও ধর্ম্মাচার্য মহামহোপাধ্যায় ইমাম মওফিকের টোল অত্যন্ত প্রসিদ্ধিলাভ করে। এই টোল থেকেই ওমর খৈয়াম “হকীম” (Doctor of Philosophy) উপাধি লাভ করেন। তাঁর আর যে দুজন অভিন্নহৃদয় বন্ধু তাঁর সঙ্গে “হকীম” উপাধিতে ভূষিত হন, তাঁদের নাম—অবু অলী অল হাসান ও হাসান বিন সাকাহ। এই “তিন বন্ধুর” সুবিখ্যাত কাহিনী বর্তমানে অপ্রাসঙ্গিক হবে ব'লে সবিস্তারে বললাম না। তবে অবু অলীর প্রসঙ্গ ভবিষ্যতে আবার দেখা দেবে ব'লে এখানে তাঁর নাম উল্লেখ ক'রে রাখলাম।

বৈজ্ঞানিক এবং গণিত ও ফলিত জ্যোতিষীরূপে ওমর খৈয়ামের প্রধান কাজ পঞ্জিকা সংস্কার। ১৭২ খৃষ্টাব্দে জালাল উদ্দীন মালিক শাহ রাজ্যলাভ করেন। সেকালে ইরাণের পঞ্জিকাতে ভুল দেখা যাচ্ছিল বলে তিনি পঞ্জিকা-সংস্কারের ব্যবস্থা করেন এবং বহু অর্থব্যয় ক'রে একটা মানমন্দির স্থাপনা করেন। এই মানমন্দিরে তিনজন জ্যোতিষী নিযুক্ত হয়েছিলেন—ওমর খৈয়াম ছিলেন তাঁদের মধ্যে প্রধান। ১০৭৪ খৃঃ থেকে ওমর এই গণনার কাজ আরম্ভ ক'রে শেষ করেন ১০৭৯ খৃষ্টাব্দে। ১০৭৯ খৃষ্টাব্দের ১০ই মার্চ মহাবিবুৎ সংক্রান্তির দিনে ঐ জলালী সম্বৎ প্রচলিত করা হয়।

মনীষী ওমর দেহরক্ষা করেন ১১২৩ খৃষ্টাব্দে। ১১৫৬ খৃষ্টাব্দে অর্থাৎ তাঁর মৃত্যুর তেরিশ বৎসর পরে খৈয়ামের ছাত্র নিজামী উরাসী “চহার মকাল” [ চারি পর্ব ] নামে এক পুস্তক রচনা করেন। গ্রন্থকর্তা নিজামী উরাসী খৈয়ামের কাছে দর্শন শিক্ষা করেছিলেন। তিনি ও খৈয়াম এক নগরবাসী, খৈয়ামকে বাল্যাবস্থা থেকে ভাল ক'রেই জানতেন এবং গুরু বলে সম্মান করতেন।

খৈয়াম সম্বন্ধে তিনি যা লিখেছেন, সবই নিজের অভিজ্ঞতা থেকে ; শোনা কথা তিনি লেখেন নি। উক্ত পুস্তকের তৃতীয় পর্বে তিনি খৈয়ামকে একজন সমসাময়িক শ্রেষ্ঠ ফলিত-জ্যোতিষীরূপে বর্ণনা করেছেন। পরবর্তী

গ্রন্থ ( ১১২০ খৃঃ ) শম্‌স্ উদ্দীন জোরীর অল-মুকুত্‌দীন ও অল-মুতাক্করীন ( প্রাচীন ও পরবর্তীকালের দার্শনিক পণ্ডিতদের ইতিহাস ) ; এতে গ্রন্থকার খৈয়ামকে উচ্চ শ্রেণীর দার্শনিক বলে বর্ণনা করেছেন। অতঃপর ১২২৩ খৃষ্টাব্দে সূফী গ্রন্থকার শেখ নজম উদ্দীন আবুবকর রাজী আপন গ্রন্থ “মসাদ-উল-আবাদ”-এ খৈয়ামকে নিরীহর, অজ্ঞেয়বাদী ও জড়বাদী বলে নিন্দা করেছেন :—

“বিধভুবনধানির কোলে কোথেকে বা কোন্ কারণে  
কিছুই নাহি বুঝতে পারি, আসুছি ভেসে শ্রোতের টানে ;  
শুধু করি’ এ-কোল আবার, দম্কা-হাওয়ার বর্ণিবোগে  
বেরিয়ে যাব কোথায়, কেন ? পাইনে যে তার কোনই মানে।”

উপরোক্ত রুবাই উদ্ধৃত করে তিনি খৈয়ামের অজ্ঞেয়বাদের প্রমাণ দিয়েছেন এবং নিরীহরবাদের প্রমাণ-স্বরূপ নিম্নলিখিত রুবাইট উদ্ধৃত করেছেন :—

“শিল্পী ওগো, গড়লে যদি মর্ত্যভূমি মলিনতমা,  
নন্দনেরও গোপন বৃকে সর্প ভীষণ রাখলে জমা,  
কলঙ্কিত মানব-জগৎ যে সব পাপে, তাহার লাগি’  
ক্ষমা কর মনুষ্যদের—মানুষ তোমায় করছে ক্ষমা।”

এ-ছাড়াও পাঁচ-ছ’খামি প্রামাণ্য পার্শী কেতাব আছে, যাতে খৈয়ামের উল্লেখ পাওয়া যায়। কিন্তু সমস্ত পুস্তকেই তাঁকে হয় জ্যোতিষী বা অক্ষ-শাস্ত্রবিৎ, না হয় দার্শনিক বলে বর্ণনা করা হয়েছে। কেবল লুৎফ আলী বেগ, নামক জনৈক ইরানবাসী ১৭৬৫ খৃষ্টাব্দে “আতশকদা আজর” নামক একটি গ্রন্থ প্রণয়ন করেন ; তাতে এক এক প্রদেশের কবিদের সংক্ষিপ্ত বর্ণনা আছে। খোরাসান প্রদেশের কবিদের মধ্যে পাঁচ ছয় লাইনে ওমর খৈয়ামের জীবনী ও কতকগুলি রুবাই আছে। তা’ হলে দেখা যাচ্ছে, তাঁর দেশের ইতিহাসে তাঁর মৃত্যুর ৬৪২ বৎসর পরে কবিরূপে তাঁর উল্লেখ এই প্রথম ও শেষ। এই টিম্‌টিমে প্রদীপালোক যদি তাঁর কবিজীবনীর উপর কিছু আলোকপাত করে থাকে, তা হলে তা ইরানের বাইরে যায়নি। ইরানের বাইরে বিশ্বের দরবারে তাঁকে কবি করে তুললেন ফিটস্‌জিরল্ড সাহেব ১৮৫২ খৃষ্টাব্দে। তবে এর পরও একথা ভুললে চলবে না যে এটা ইউরোপীয় মত—ইরানের বিধ্বংসমাজের সৃষ্টিভিত্তিক মত নয়।

অনেক ওমর-ভক্ত হয়তো মনে করবেন যে ওমর যে কবি ছিলেন না, এ-সম্বন্ধে নানা সাক্ষ্যপ্রমাণ এনে তাঁকে খাটো করবার চেষ্টা হচ্ছে। কিন্তু আসলে ব্যাপার ঠিক উল্টো। অর্থাৎ তিনি যে দার্শনিক ও বৈজ্ঞানিক ছিলেন, এর দ্বারা আমি বলতে চাই যে, খামখেরালী বা ভাবাবেগে সহজেই বিচলিত হবার মত লোক তিনি ছিলেন না, কল্পনারাজ্যের রঙীন বিলাস মিরে তাঁর কারবার ছিল না। চিন্তাজগতে কৃষ্টিম নিয়ম-শৃঙ্খলা ও সংযমের মধ্যে দিয়ে তাঁর মন সুগঠিত হয়েছিল, কার্যকারণ-সম্পর্ক অনুসন্ধিৎসু, বিশ্লেষণপটু, অতিশয় যুক্তিবাদী

ছিল তাঁর মন ; অপরের যুক্তি ও মতবাদ খণ্ডনে তৎপর হওয়াতে তাঁর বুদ্ধি হয়েছিল অতিশয় মাজ্জিত ও ক্ষিপ্ৰগতিসম্পন্ন। অতএব তাঁর দার্শনিক মতামত—যা আমরা রুবাই-এর মধ্যে পাই—তা কোন হাঙ্কাবুদ্ধি-প্রসূত নয়। বহু দুঃখ ও আগ্রাস, চিন্তা ও যত্নলব্ধ তাঁর এই নীতিজ্ঞান—বুদ্ধির মত তাঁকেও এর জন্মে দুশ্চর তপস্বী করতে হয়েছিল ; তবে দুজনের আদর্শের পার্থক্যবশত তপস্বীর প্রকৃতি হয়েছিল ভিন্ন। একথা ভুললে চলবে না যে, দূরদূরান্তর থেকে ইরানের নানা প্রদেশ থেকে শিষ্য ও ছাত্র আসতো ওমরের কাছে দর্শন ও বিজ্ঞানশাস্ত্রে শিক্ষালাভ করতে। চিন্তাজগতে ও বিজ্ঞান রাজ্যে এরকম আকর্ষণী-শক্তি ফাঁকি অথবা চালাকির দ্বারা লাভ করা যায় না।

মানুষ মানুষের সম্বন্ধে কুৎসা যত সহজে বিশ্বাস করে, প্রশংসা তত সহজে করে না। বিজ্ঞান, বুদ্ধিতে, চরিত্রে আমার চেয়ে আর কেউ বড়, একথা ভাবতেও সাধারণত মানুষের বাধে। তাই বিজ্ঞান ও বুদ্ধিতে যার মহত্ব অবিসংবাদিত, তার চরিত্রে খানিকটা কালিমা লেপন করতে পারলে মনটা স্বস্তির নিশ্বাস ফেলে বাঁচে—যেমন তার চরিত্রে কালিমা দিয়ে নিজের কালিমার উপর একটা সাধুনার প্রলেপ টেনে দেওয়া হ’ল। তাই অনেক ওমর-ভক্তের দুঃখের কারণ হবে জেনেও এতদিন তাঁর চরিত্র সম্বন্ধে প্রচলিত যে ধারণা চলে আসুছে তার প্রতিবাদ করতেই আমি বাধ্য হব। এ দেশে এবং বিদেশে “রুবাইয়াৎ”-এর যে সচিত্র সংস্করণগুলি এ যাবৎ প্রকাশিত হ’য়েছে এবং তাঁর সম্বন্ধে সমসাময়িক সাহিত্যে যে সব টুকরো আলোচনা চোখে পড়েছে তাতে তাঁকে ইহমুখীম, ভোগসর্বস্ব, লম্পটরূপেই জাহির করা হয়েছে। কিন্তু বস্তুত তিনি তা ছিলেন না। উদ্দাম সম্ভোগ থেকে দূরে, শান্ত মিত্রত দার্শনিকের সুসমঞ্জস জীবন যাপন করতেই তিনি অভ্যস্ত ছিলেন। তার একটি বড় প্রমাণ এখানে দিচ্ছি। যখন সম্রাট মালিক শাহের প্রধান মন্ত্রী ও তাঁর বাল্যবন্ধু আবু আলী অনেক কষ্টে তাঁকে খুঁজে বার করলেন, তখন তিনি ওমরকে মেশাপুরের শাসনকর্তা নিযুক্ত করতে চাইলেন। তাঁর উত্তরে ওমর বললেন—সেই চাকরি করেই যদি খেতে হ’ল, তবে তোমার বন্ধু হওয়ার আর ফল কি হ’ল ? আমি একান্তে যাতে আমার বিজ্ঞাচর্চা নিয়ে থাকতে পারি, সেই মত একটা ব্যবস্থা করে দাও না। তদনুসারে আবু আলী ওমরকে রাজকোষ থেকে বাৎসরিক ১২০০শত মিস্ক্যাল সুবর্ণবৃত্তি দেবার ব্যবস্থা করে দিলেন। তখনকার দিনে এই আয়ে তিনি রাজার হালে থাকতে পারতেন, কারণ তিনি অবিবাহিত ছিলেন। কিন্তু তিনি তাঁর কবিতার কয়েক স্থানে নিজেকে রিক্তহস্ত বলে বর্ণনা করেছেন। এর একমাত্র কারণ, তিনি মুক্তহস্ত ‘দাতা’ ছিলেন, অনেক দরিদ্র বিজ্ঞার্থীর সাহায্য করতেন ; কিন্তু এমন ধীর স্বভাব, আত্ম-সম্মান জ্ঞানসম্পন্ন মানুষ ছিলেন যে আপনার উদারতম বন্ধুকেও কখনও নিজের অভাবের কথা জামান মি। তাঁর আত্মসম্মান জ্ঞানের আর একটি নিদর্শন, তিনি বিদ্যা আহ্বানে কখনও কোমল বড়লোকের বাড়ী যেতেন না। একথা অবশ্য নিঃসংশয়ে বলা চলে যে, তিনি সুরাকে বিষ ও সাকীকে পেদ্বী মনে করে জাহান্নামের জ্বলে নব্বার রুদ্ধ করে জীবন-



যাপন করেন নি, কিন্তু তাই ব'লে লম্পটের উচ্ছ্বল সম্ভোগ-প্রবণ জীবনও যে তাঁর ছিল না, একথাও জোর ক'রেই বলা যায়। একটা হুস্থ সবল দেহ মন নিয়ে, অজ্ঞাত পরলোক সহজে সমস্ত দুশ্চিন্তা পরিহার ক'রে, ইহলোক এবং ইহজীবনে তিনি একটা ভোগ ও ত্যাগের হুমমগ্নস ও বিচারসহ মধ্যপন্থা খুঁজেছিলেন এবং তাঁর রুবাঈ-এর উক্তি যদি বিশ্বাস করতে হয়, তা হলে সে পথ তিনি খুঁজেও পেয়েছিলেন। উদাহরণ-স্বরূপ তাঁর এই রুবাঈটি দেখুন :—

“বিজ্ঞেরা সব থাকুন নিয়ে শাস্ত্রবিরোধ-মীমাংসা-ভার  
তোমায় আমায় ভার নেব সই এই জীবনের বোঝাপড়ার  
নৈয়ামিকের গণ্ডগোলের একটা কোণে সন্মোপনে  
খেলার ছলে তোমার পরশ যেটুকু পাই, তাহাই আমার।”

শেষ পংক্তিটা পড়ে বুঝতে পারা যায়, কতটা নিরাসক্ত মন নিয়ে তিনি জীবনকে ভোগ করতেন। এর পর :—

“এই ছুনিয়ার উর্দে-অধে, ডাইনে বায়ে যেদিকে চাই  
আতসবাজির কারসাজি সব, আর কিছু নাই, আর কিছু নাই।  
তপন-শিখায় কেন্দ্রে ধরি' চলেছে এই মজার ম্যাজিক  
আমরা তারি রঙীন ছবি আসা-যাওয়ায় নূরু'ছ সদাই।”

আর এই রহস্যময় বিশ্বস্থিতি সহজে বুদ্ধের “অনিবারণ আলো” যে আলোক-পাত করেছেন, তা হ'চ্ছে এই :—

“যথেষ্ট জানিয়া রাখা ইন্দ্রজাল দোলে দৃশ্যমাম  
বহুধা ব্রহ্মাণ্ড গ্রহ চন্দ্র হুয্য গগন-মণ্ডল ;  
আঘাতে সংঘাতে নিত্য ঘুরিতেছে শক্তিচক্রমান  
রোধিতে যাহার গতি, নাহি, নাহি—কারো নাহি বল।”

কিন্তু তা হলে এই বিরাট বিপুল বিশ্বস্থিতি চালাচ্ছে কে ? খৈয়ামের মতে সেটা অ-দৃষ্ট। প্রাণী একজন আছেন, কিন্তু তিনি অ-দৃষ্ট অ-জ্ঞাত ও অ-জ্ঞেয়। তিনি মানুষের যে ভাগ্যলিপি লিখেছেন তাও অদৃষ্ট। মানুষ সেই প্রাণীর হাতে খেলার পুতুলমাত্র।

“রাত্রিদিনের আঁধার-আলোয় ছককাটা এই ধরিত্রীটি  
অদৃষ্ট তায় খেলায় দাবা নিয়ে তাহার মানুষ-ঘুঁটি ;  
এদিক ওদিক দিচ্ছে সে চাল, হরিছে বল, করছে বা মাং  
একে একে রাখছে আবার খলির ভেতর পাক্ড়ে টুঁটি।  
সম্মতি বা আপত্তিতে ঘুঁটির কোনো নেই অধিকার  
ডাইনে বায়ে চলছে যেমন চালায় তারে চালকটি তার,  
ঠাই দিয়েছে যেজন তোরে ঘরকাটা এই দাবার ছকে  
সে-ই জানে—সে-ই একলা জানে অর্থ কি এই দাবাখেলার।”

এ সধকে বুদ্ধবাণী দৃশ্যত সম্পূর্ণ দিগ্বিদিকবাহী ; প্রাণীর কথা তিনি উল্লেখই করেন নি, বরং এ সধকে যা বলেছেন তার ভাষা আরও রূঢ়, নির্দেশ আরও কঠোর। যথা :—

“প্রার্থনা কোরো না—তাহে আলোকিত হবে না আঁধার  
স্বকতার কাছে কিছু চাহিও না—কারণ, সে মুক।  
ধর্মালু বেদনা বহি' বাড়ায়ে না অস্তরের ভার  
চাহিও না বজ্রগণ করণার কণা এতটুকু  
অসহায় দেবতারে তুষ্ট করি' স্তবে, অর্ঘ্যদানে,  
রক্তের উৎকোচে কিম্বা জোগাইয়া নৈবেদ্য আহার—”

ওমর খৈয়াম মানুষের এই অসহায় অবস্থার কথা মর্মে মর্মে অনুভব করেছেন এবং তা সক্রমণ ভাষায় লিপিবদ্ধ করে গেছেন। বুদ্ধদেবও তাই করেছেন। এ পর্যন্ত দুজনের দর্শনই এক। কিন্তু তফাৎ হচ্ছে যে ওমর খৈয়াম এইখানেই থেমেছেন—এর ওদিকে আর পথ খুঁজে পাননি, তাই বলেছেন—

“ভুবন থেকে বাজিয়ে সপ্ত স্বর্গতোরণ-বিজয়-ভেরী  
উর্দ্ধালোকে শনৈশচরের সিংহাসনও এলুম ঘেরি'  
যাত্রাপথে কতই না সে রহস্য গি'ট পড়লো খুলে  
খুললো না কো' গ্রন্থি শুধু মৃত্যু এবং অদৃষ্টেরি।”

পক্ষান্তরে, বুদ্ধদেব এর পরেই শুনিয়েছেন অত্যন্ত আশার কথা। মানুষকে ঐ অসহায় অবস্থার হাত থেকে পরিত্রাণের উপায় তিনি বলেছেন :—

“নিজেরি মাঝারে ডুবি' শুদ্ধ হ'তে হবে মুক্তিলাভে  
প্রত্যেকে রচিছে নিজে আপনার কারাগার তার।”

\* \* \*

“চরম প্রভুত্বপদ প্রত্যেকের আছে অধিকারে  
উর্দে, অধে, চারিদিকে যত কিছু শক্তির বিকাশ  
এ জগতে যত জীব ঘোরে রক্ত-মাংসের আকায়ে  
সবাই আপন কর্মে করে হনবেদনার চাষ।”

স্বীয় অনুভূতি-লব্ধ এই আশার ও শক্তির বাণীই বুদ্ধকে করেছে মহামানব। যে মৃত্যু ও অদৃষ্টের রুদ্ধদ্বার ওমরকে হতাশ করেছে, সেই মৃত্যু ও অদৃষ্টকে অতিক্রম করবার পথই বুদ্ধ ব্যাখ্যাত নির্বাণ-পথ।

ওমর খৈয়ামের দর্শন যতই সঙ্কীর্ণ ও একদেশদর্শী হোক, তাঁর আত্ম-প্রত্যয় ও সত্যভাষণের সাহস ছিল অপরিমিত। তাঁর মতামত ও শিক্ষা তদানীন্তন লোকাচার ও প্রচলিত ধর্মীচরণের ছিল অনেকাংশে বিরোধী। সেইজন্তে মোল্লারা ওমরকে ধর্মজ্ঞানহীন বিকৃতমস্তিষ্ক ও কাকের বলতেন। একবার মোল্লাদের উত্তেজনায় নেশাপুর-বাসীরা ওমরকে হত্যা করতেও চেষ্টা করেছিল। সেই সময় তিনি মক্কার প্রধান মসজিদে গিয়ে আশ্রয় নিয়েছিলেন। উত্তেজনা কমে গেলে বাগদাদে গিয়ে কিছুকাল ছিলেন— পরে আবার নেশাপুরে ফিরে এসেছিলেন। এই প্রসঙ্গে সবচেয়ে উল্লেখ-যোগ্য ব্যাপার হচ্ছে—যে সকল মোল্লা তাঁর বিরুদ্ধে সাধারণ লোকদের উত্তেজিত করত, তাঁর মধ্যে অনেকেই প্রাতে ও সন্ধ্যার পর পোপনে তাঁর কাছে পাঠ নিতে আসত। এই সময়ে বড় চুখেই তিনি বলেছিলেন—“হু-তিন মুর্থ একরূপ বিবেচনা করেন ও নিজের মুর্থতা-হেতু

ভাবেন যে তাঁরা পৃথিবীর মধ্যে সর্বাপেক্ষা বুদ্ধিমান। গাধামিতে তাদের মত যে গাধা নয়, তাকে তাঁরা কাফের ভাবেন।”

মনীষী ওমরের জীবনের আর একটা অপূর্ব ঘটনার কথা বলে তাঁর জীবনী-আলোচনা শেষ করব। এই ঘটনার কথা নিজামী তাঁর পূর্বোক্ত “চহার মকালার”তে উল্লেখ করেছেন। তাঁর জবানীতেই বলি :—

“৫০৩ হিঃ তে ( ১১১১-১৩ খৃঃ ) বাহ্লিক (Bahlhik) নগরে খোয়াজা ইমাম ওমরের সঙ্গে আমার আবু সায়াদের বাড়ীতে আমার সাক্ষাৎ হয়েছিল ; তখন সেখানে আরও কয়েকজন বিদ্বান বড়লোক ছিলেন। খোয়াজা কথা-প্রসঙ্গে বললেন—‘এমন স্থানে আমার গোর হবে যে বৎসরে দুবার আমার গোর পুষ্পরেণু দ্বারা ঢাকা পড়বে।’ আমি এত বড় যুক্তি-বাদী বিদ্বানের মুখে এরকম অসম্ভব ও অদ্ভুত কথা শুনে মনে মনে দুঃখিত হলাম কিন্তু কিছু বললাম না। এই ঘটনার বহুকাল পরে ( ৫৩০ হিঃ— ১১৩৫-৩৬ খৃঃ ) খোয়াজার পরলোক-গমনের কয়েক বৎসর পরে আমাকে একবার নেশাপুর যেতে হয়েছিল। তখন তিনি আমার শিক্ষা-শুক বলে একবার তাঁর গোর-দর্শন ( জিয়ারৎ ) করবার ইচ্ছা প্রবল হ’ল। একজন পথপ্রদর্শক নিযুক্ত ক’রে সেখানে গিয়ে দেখলাম, তাঁর গোরটা গোরস্থানের শেষ সীমাতে এক ফলবাগানের পাঁচিল ঘেঁষে আছে। সেই বাগানের একটা জর্দানু ও একটা অমরদের গাছ পাঁচিলের অপর দিক থেকে গোরের উপর ঝুঁকে রয়েছে এবং গোরটা পুষ্পরেণু দ্বারা আচ্ছাদিত। তখন সেই চল্লিশ বৎসর পূর্বের কথা আমার মনে গাড়া এবং সবিম্বয় শ্রদ্ধার সঙ্গে মনে হ’ল তাঁর ভবিষ্যদ্বাণী সত্যই সফল হয়েছে।”

এই ঘটনা থেকে প্রমাণিত হয় যে, ওমরের এমন গভীর অস্বদৃষ্টি ছিল—যা সাধারণ লোকের থাকে না এবং যা একমাত্র সুগভীর মনন ও শাস্ত্র সাধনার দ্বারাই মানুষ লাভ করতে পারে।

এই প্রসঙ্গ বুদ্ধ ও ওমরের দার্শনিক দৃষ্টির তুলনামূলক আলোচনা নয়। বুদ্ধ ছিলেন মহামানব, যুগযুগান্তপ্রসারী ছিল তাঁর চিন্তা ও কর্ম-ধারা। ওমরের জীবনী আলোচনা করে আমি এইটুকু দেখাতে চেয়েছি যে, তিনিও ছিলেন একজন অসাধারণ প্রতিভাসম্পন্ন মানব, জ্ঞানের ক্ষেত্রে তপস্বী, সত্যবাদী, সাহসী, চিন্তাবীর, স্ব-কালের পরোপকারী, সম্পূর্ণ প্রতিষ্ঠা-লোভহীন লোক-শিক্ষক। বুদ্ধের বাণীর সঙ্গে একই বই-এ তাঁর বাণীকে শুদ্ধ-বিবেক নিয়েই গেঁথে দেওয়া যেতে পারে এবং তা করলে মহাভারত অশুদ্ধ হবে না। একজন মহামানব ও একজন খাঁটি মানবকে পাশাপাশি কেমন দেখায়, সেটা চোখ মেলে দেখলে কাউকে পাপ স্পর্শ করবে না।

উপসংহারে রুবায়ীয়াতের শ্লোকসংখ্যা সম্বন্ধে যে মতভেদ আছে তার উল্লেখ করছি। ওমর কত পঞ্জ রচনা করেছিলেন তা সঠিক জানা নেই। প্রাচীনতম সংগ্রহ যা পাওয়া গিয়েছে, তা’ ১৪৬০ খৃষ্টাব্দের লেখা এবং তাতে ১৫৮টি রুবায়ী আছে। কলিকাতা এশিয়াটিক সোসাইটির সংগ্রহ পুস্তক ২১০—কিন্তু লঙ্কোর সংস্করণে আছে ৭৭০টি। তার মধ্যে তিনটি রুবায়ী দুবার করে লেখা ; অথবা যেটুকু প্রভেদ আছে, তাকে নূতন রুবায়ী না বলে পাঠান্তরই বলা যায়। অতএব লঙ্কো-সংস্করণের রুবায়ী সংখ্যা ৭৬৭টি বলাই সঙ্গত। এ সংগ্রহগুলি সম্পূর্ণ স্বাধীন ; অর্থাৎ কলিকাতার ৫১০টি সংগ্রহে এমন রুবায়ী আছে যা লঙ্কোর ৭৬৭টির মধ্যে নেই। আবার ঐ ৭৬৭টির মধ্যে মাত্র আটটিতে পৈয়গামের নাম বা ভণিতা আছে, বাকী ৭৫৯টি কার লেখা নিশ্চয়পূর্বক বলা অসম্ভব ; কেন না, প্রথমে যে সংগ্রহ করেছিল সে দশজন লোকের মুখে শুনেই তা করেছিল। আজকালকার অনুসন্ধানে তাতে এমন রুবায়ী পাওয়া যাচ্ছে, যা অন্য কোন সংগ্রহে অন্য কোন লোকের উক্তি বলে আর কেউ লিখে রেখেছেন। অতএব এখন সেগুলিকে সন্দেহাত্মক বলা হয়।

## স্মরণে

শ্রীশোভেন্দ্রমোহন সেন

পশ্চাতের সব কিছু, তুচ্ছ অতি তুচ্ছ

সুখ দুঃখ যত—

মুছে ফেলে, ভুলে গিয়ে, স্মৃতিকথা তার—

চলিতে হবেই তোরে সম্মুখের পানে,

রে মোর অবুঝ মন আজি।

ব্যথা যদি জাগে মনে কল্পনারে দিতে বিসর্জন

বিস্মৃতির অন্তাচল পারে ;—

আসে যদি বাহিরিয়া বিন্দু বিন্দু জল

অবোধ ও আঁধি হ’তে,

করিও শাসন তারে বাস্তবের কঠিন বিধানে।

মনে রেখো, সংসারের কর্মময় দিনে ;—

অতীত কল্পনা আর সুখস্মৃতি যত,

পশ্চাতে টানিয়া লয় বার বার, তাই

যারা চায় আপন গৌরব—

জীবনের পঙ্কিল প্রবাহে চলে শুধু পতঙ্গের মত।

# ভ্যাম্পায়ার বাতুড় বা রক্তলেহী বাতুড়

শ্রীজ্ঞানেন্দ্রলাল ভাতুড়ী ও শ্রীজয়সুকুমার ভাতুড়ী

ঈশপের গল্পে আছে—একদা পশু (১) ও পাখীদের মধ্যে নাকি ভীষণ লড়াই বেধেছিল। সেই সুদীর্ঘকালস্থায়ী সংগ্রামে একদিন পাখীরা জয়লাভ করেছে, আবার আর একদিন পাখীদের হারিয়ে পশুরা জয়লাভ করেছে। কিন্তু সেই ভীষণ রক্তপাত ও প্রাণক্ষয়ের সময় একটি প্রাণীর আচরণ বিবদমান উভয় পক্ষেরই বিস্মিত দৃষ্টি আকর্ষণ করে। কারণ সে—যখন পশুরা জয়লাভ করছিল তখন নিজেকে পশু বলে পরিচয় দিচ্ছিল, আবার যখন পাখীদের জয়লাভের সম্ভাবনা দেখছিল তখন নিজেকে পাখী বলে গভীর আত্মপ্রসাদ লাভ করছিল। যুদ্ধান্তে পশু ও পক্ষী উভয় দলই সপবাদি-সম্মতিক্রমে এই সুবিধাবাদী প্রাণীটিকে দল থেকে তাড়িয়ে দেয় এবং এইভাবে বিতাড়িত হয়ে সে সেইদিন থেকে দিবালোকে ধরা পড়বার ভয়ে রাত্রির ঘনাক্ষকারে গা ঢাকা দিয়ে চলতে বাধ্য হয়।

এই অদ্ভুত কুখ্যাত প্রাণীটি যে বাতুড় সে কথা বোধ হয় আর কাউকে নূতন করে বলে দিতে হবে না। পাখীদের মত ডানা থাকা সত্ত্বেও বাতুড় পাখী নয়—আবার স্তন্যপায়ী (mammal) প্রাণীদের অন্তর্ভুক্ত হয়েও উড্ডয়নক্ষম। এরা স্তন্যপায়ী-শ্রেণীর অন্তর্গত একটি বিশিষ্ট বর্গের (order) প্রাণী—তার বিজ্ঞানসম্মত নাম কাইরপ্টেরা (Chiroptera)। ‘কাইরপ্টেরা’র অর্থ ‘hand-winged’ এবং সম্ভবতঃ এই কারণে এই বর্গান্তর্গত প্রাণীদের বাংলায় ‘কর-পক্ষ’ প্রাণী বলা হয়েছে। এদের আধুনিক চলিত ইংরেজী নাম Bat। পূর্বে Flittermouse বলেও অভিহিত করা হ’ত।

বাংলা ভাষায় এদের দু’টো চলিত নাম আছে—‘বাতুড়’ ও ‘চামচিকা’। বোধ হয় আকারে যারা বড় তাদের নাম বাতুড়, আর যারা ছোট তারা চামচিকা নামে প্রসিদ্ধ। Bat অর্থে আমরা ‘বাতুড়’ এই প্রতিশব্দ ব্যবহার করে

থাকি। চামচিকার ঠিক ইংরেজী প্রতিশব্দ জানি না। প্রাণিবিদ্যার পুস্তকে কাইরপ্টেরা অন্তর্ভুক্ত প্রাণীদের দুই দলে (tribe) ভাগ করা হয়েছে, যথা—মেগা-কাইরপ্টেরা (Mega-chiroptera) ও মাইক্রো-কাইরপ্টেরা (Micro-chiroptera) অর্থাৎ বড় বাতুড় আর ছোট বাতুড়। আমরা যাদের চামচিকা বলে থাকি তারা যে মাইক্রো-কাইরপ্টেরা অন্তর্গত প্রাণী সেটা নিঃসংশয়ে বলা যেতে পারে। Bat অর্থে বাতুড় এই নামে যখন কারুর কোন অভিযোগ নেই তখন বড়-ছোট সব মিশিয়ে আমরাও ‘বাতুড়’ নাম বাহাল রাখা ঠিক করলুম। চামচিকার কি দশা হয় পরে দেখা যাবে।

পৃথিবীতে বহু প্রকারের বাতুড় দেখা যায়। কেউ ফলশী (frugivorous) অর্থাৎ ফলমূল খেয়ে জীবনধারণ করে; ফলশী বাতুড়গুলি সাধারণত বড় আকারের হয়। পল্লীগ্রামে এই সব বাতুড়ের উৎপাতে গৃহস্থেরা উদ্ব্যস্ত। আবার কতকগুলি বাতুড় পতঙ্গশী (insectivorous) এবং সাধারণত এরা ছোট আকারের। এদের দলই সর্বাপেক্ষা বেশী। এরা অনিষ্টকারী পতঙ্গ বিনাশ করে সম্ভবত মানুষের কিছু ইষ্ট সাধন করে। আবার কেউ-বা মাংসাশী (carnivorous) অর্থাৎ অন্য প্রাণী মেরে আহাৰ করাই হচ্ছে এদের প্রধান উপজীবিকা। মাংসাশী বাতুড়ের মধ্যে বড় ও ছোট দু দলই আছে। বড়রা অনেক সময় ছোট বাতুড় ধরে খেতে ইতস্তত করে না। এদের মধ্যে একদল আছে যারা হাঁড়ুর পাখী প্রভৃতি প্রাণী শিকার করে খায়; আবার আর এক দল আছে যারা জলাশয় ও নদীর উপর উড়ে বেড়ায় এবং সুবিধামত মাছ ধরে খায়। পৃথিবীতে সর্বত্র এই সকল বাতুড়ই সচরাচর দেখা যায়। কিন্তু এদের ছাড়াও আরও একপ্রকারের ছোট বাতুড় আছে যারা রুধিরপায়ী (sanguinivorous) অর্থাৎ শুধু রক্ত পান করে জীবনধারণ করে। এই খুনে দলের বাতুড় আমেরিকার বাসিন্দা, পৃথিবীর আর কোথাও এরকম প্রকৃতিসম্পন্ন বাতুড় আজও পাওয়া যায়নি।

১। স্তন্যপায়ী (mammal) প্রাণী অর্থে ‘পশু’ শব্দ প্রয়োগ করা হয়েছে।

বস্তুত প্রাণিজগতে বাহুড় একটি চিরন্তন বিষয়। এরা নিশাচর বলে এদের হালচাল সম্বন্ধে নানা প্রকার অমূলক গল্প ও ভীতিপ্রদ কাহিনীর সৃষ্টি হয়েছে, বিশেষত আমাদের আলোচ্য ভ্যাম্পায়ার বাহুড়কে নিয়ে।

রক্তপায়ী বাহুড়ের সাধারণ প্রচলিত নাম Vampire। বাহুড়কে ঐ নামে অভিহিত করবার মধ্যে বেশ একটি মনোজ্ঞ ইতিহাস পাওয়া যায়। ভ্যাম্পায়ার একটি স্লাভনিক (Slavonic) শব্দ। ভ্যাম্পায়ার-বাহুড়ের অস্তিত্ব জানার চের পূর্বেই ঐ শব্দটি ইংরেজী ভাষায় প্রচলিত ছিল। বহুকাল পূর্বে ইউরোপে রক্তপায়ী অশরীরী প্রেতাত্মাকে ঐ নামে অভিহিত করা হ'ত। তখনকার দিনে লোকেদের ধারণা ছিল যে মৃত ব্যক্তির আত্মা রাত্ৰিকালে কবর হ'তে উত্থিত হয়ে ঘুমন্ত প্রাণীর রক্ত পান করে। এদের আকৃতি কিরূপ সে সম্বন্ধে কারুরই কোন সুস্পষ্ট ধারণা ছিল না। প্রত্যেকে নিজ নিজ অভিরুচি অনুযায়ী তার একটা বীভৎস রূপ কল্পনা ক'রে প্রচার করত। এমন কি 'মায়'রা (Mayans) এই প্রকার একটি রক্তপিপাসু অশরীরী অপদেবতার পূজা-অর্চনাও করত। আমেরিকা আবিষ্কারের পরে ঐ দেশে ইউরোপীয়গণ যেতে শুরু করেন এবং তাঁরা সেখানে গিয়ে সত্যসত্যই রক্তপায়ী বাহুড়ের সন্ধান পান। তখন বাহুড়ের ঐ বৃত্তির সঙ্গে ইউরোপের তথাকথিত ভ্যাম্পায়ারের আচরণের অদ্ভুত সামঞ্জস্য থাকায় রক্তপায়ী বাহুড়কে "ভ্যাম্পায়ার" নামে অভিহিত ক'রে প্রচার করা হয়।

প্রকৃত ভ্যাম্পায়ার বাহুড়ের বিজ্ঞানসম্মত নাম ডেসমোডাস রোটানডাস (Desmodus rotundus)। এদের জীবনযাপন প্রণালী ও আচরণ সম্বন্ধে বহু প্রয়োজনীয় তথ্য সংগৃহীত হয়েছে। এরা আকারে খুব ছোট—লম্বায় মাত্র চার ইঞ্চি এবং বিস্তৃত ডানার এক প্রান্ত থেকে অপর প্রান্ত পর্যন্ত মাপলে হয় মাত্র তের ইঞ্চি। এরা রাত্ৰিকালে খাড়াধেষণে বার হয়, আর দিনের বেলায় ভয়ঙ্কর দুর্গম পাহাড়ের গুহাকোণে ফাটালের মধ্যে অল্প জাতীয় বাহুড়ের সঙ্গে একত্রে আত্মগোপন করে থাকে। এরা উপরের স্তীর্ণ দাঁত দিয়ে সমস্ত প্রাণীর দেহে ক্ষত উৎপাদন করে এবং সেই ক্ষত স্থান হ'তে যখন প্রচুর রক্ত নির্গত হ'তে থাকে তখন জিভ দিয়ে সেই রক্ত পান করে। এরা ঠিক কুকুর বেড়ালের মত রক্ত পান করে না।—এদের রক্ত

লেহনের একটা বিশেষত্ব আছে। ডেসমোডাস বাহুড়ের তলাকার সামনের দু'দাঁতের মধ্যে ব্যবধান একরূপ বিস্তৃত যে



রক্তশোষক বাহুড়—উদ্ভূত অবস্থায়। তিন শ্রেণীর এই প্রকার বাহুড় আছে—নব গুলিই আমেরিকার গ্রীষ্মপ্রধান স্থানে বাস করে

সেই ব্যবধানের মধ্য দিয়ে অনায়াসে জিভ ঢুকোতে ও বার করতে পারে। প্রাণীদেহ হ'তে রক্তমোক্ষণ কালে এই দাঁতের ফাঁক দিয়ে জিভের সাহায্যে এরা রক্ত পান করে। রক্তমোক্ষণ বেশী হ'লে এরা ক্ষতস্থান স্পর্শ না ক'রেই রক্ত পান করে, অল্প হলে ক্ষতস্থান স্পর্শ ক'রে লেহন করতে বাধ্য হয়। এরা এই কাজ এত দ্রুতগতিতে সম্পন্ন করে যে ভাবলে বিশ্বিত হ'তে হয়। প্রত্যেক সেকেণ্ডে এরা অন্তত চারবার জিভ ভেতর-বার করতে পারে। মিনিট দশ-পনের মধ্যে ভরপেট রক্তপান করে গুহা নিবাসে ফিরে গিয়ে ফাটালের মধ্যে আত্মগোপন করে।

ভ্যাম্পায়ার বাহুড় যখন কোন প্রাণীকে আক্রমণ করে তখন সে কিছুই জানতে পারে না। ঘুমন্ত অবস্থায় ত কোন প্রকারই যত্না অহুভূত হয় না। পূর্বে বিশ্বাস ছিল যে ভ্যাম্পায়ার বাহুড় শিকারকে আক্রমণ করবার পূর্বে ডানার হাওয়ায় গভীর ঘুমে তাকে আচ্ছন্ন ক'রে ফেলে। কিন্তু এ ধারণা সর্বৈব মিথ্যা ও অমূলক। এত ক্ষিপ্ৰকারিতার সঙ্গে এরা তীক্ষ্ণ দাঁতের দ্বারা স্বকণ্ঠীয় ক্ষত উৎপাদন করে যে আক্রান্ত ব্যক্তি কিছুই টের পায় না। কিন্তু শিশু ভ্যাম্পায়ার বাহুড় বাপ-মা'র মতন সূচতুরতার সঙ্গে শিকারকে কোন প্রকার যত্না না দিয়ে রক্ত পান করতে পারে না। একজন প্রাণীবিৎ নিজের দেহে একটি

শিশুকে দাঁত দিয়ে বিদীর্ণ করতে দিয়ে দেখেছেন যে যথেষ্ট যত্নে অক্ষুভূত হয়। অবশ্য অল্পকালের মধ্যেই এরা শিকারকে বাপমা'র মত আহত করবার নিপুণ কুশলতা অর্জন করে। এরা সর্বপ্রকার স্তন্যপায়ী প্রাণীকে আক্রমণ করে—তবে কেশবিরল প্রাণীকে আক্রমণ করতে সুরবিধা হয় বলে তাদেরই সর্বাগ্রে মনোনীত করে—অভাবে পাখীকেও আক্রমণ করতে দেখা গিয়েছে। স্তন্যপায়ী প্রাণীদের সাধারণত ঘাড়ে আক্রমণ করে, পাখীর পা এদের আক্রমণস্থল, কিন্তু গলায়ও অনেক সময় আহত করে। সরীসৃপ বা উভচর প্রাণীকে আক্রমণ করতে এ-পর্যন্ত শোনা যায়নি।

ভ্যাম্পায়ার বাহুড় ঘনীভূত রক্ত পান করে না। বন্দী অবস্থায় এদের ফাইব্রিন-বিযুক্ত (de-fibrinated) রক্ত পান করান হয়। ১৯৩৫ সালের পূর্ব পর্যন্ত ধারণা ছিল যে এদের লালার মধ্যে অণুতর রক্তপায়ী প্রাণীর মত একপ্রকার পদার্থ আছে যা ক্ষতের সংস্পর্শে আসতে রক্তকে জমাট বাঁধতে দেয় না। এ ধারণা যে সর্বাংশে ভুল তা দুজন আমেরিকান প্রাণীবিৎ বহু পরীক্ষা দ্বারা প্রমাণ করে দিয়েছেন। রক্ত ফোঁটা ফোঁটা পড়ার সঙ্গে সঙ্গেই এরা এত দ্রুত পান করে যে রক্ত জমাট বাঁধবারই অবসর পায় না। ঘরের মেঝেতে জমাট বাঁধা রক্ত দেখে বা ক্ষতস্থান থেকে ছিট ছিট রক্ত পড়তে দেখে পূর্বে অনুমান করা হয়েছিল যে ভ্যাম্পায়ার বাহুড়ের লালায় রক্ত জমাট না বাঁধবার কোন পদার্থ আছে। কিন্তু পূর্বোক্ত কর্মীদ্বয় বলেন যে, ঐ রক্ত ওদের পান কালেই মাটিতে গড়িয়ে গড়িয়ে পড়েছে। মেঘ থেকে বৃষ্টি যখন পড়ে তখন যেমন একটি ফোঁটার পর আর একটি ফোঁটা পড়ে এবং এত দ্রুত পড়তে থাকে যে মনে হয় একটি ধারাই অবিচ্ছিন্ন গতিতে পড়ছে—তেমনি ক্ষতস্থান থেকে নিঃসৃত রক্তও পড়তে থাকে এবং তা এত দ্রুতগতিতে ভ্যাম্পায়ার তার জিভের সাহায্যে টেনে নেয় যে রক্ত জমাট বাঁধবারই অবসর পায় না—বরং মনে হয় ক্ষতস্থান থেকে রক্তের একটা ধারা চলে আসছে তার মুখের মধ্যে। অনেক সময় মেঝে ও ক্ষতস্থানের চারি পাশ যে রক্তে ভিজ়ে থাকতে দেখা গেছে, তার কারণ রক্ত এত অবিরল ধারে আসতে থাকে যে সেকেণ্ডে চারবার জিভ প্রস রিত করেও সব রক্ত

পান করে উঠতে পারে না—কাজেই উষ্ণ রক্ত ক্ষতস্থানের চারি পাশে এমন কি মেঝেতে গড়িয়ে পড়ে যায়।

এখানে উল্লেখ অপ্রাসঙ্গিক হবে না যে, যে-সকল প্রাণী কঠিন পদার্থ ভক্ষণ করে তাদের পাকস্থলী (stomach) অনেকটা থলির মত দেখতে হয়, কিন্তু যারা একমাত্র তরল পদার্থ পান করে জীবনধারণ করে তাদের পাকস্থলী নলাকার (tube-like)। ১৮৬৫ খৃঃ অব্দে টি-এইচ-হাক্সলী (T. H. Huxley) মহোদয় ডেসমোডাস বাহুড়ের দেহ ব্যবচ্ছেদ করে দেখিয়েছেন যে এদের পাকস্থলী অত্রাকার অর্থাৎ সরু নলের মতন। শুধু রক্ত পান করার ফলেই যে পাকস্থলী ঐ প্রকার আকার প্রাপ্ত হয়েছে সে বিষয়ে অল্পমাত্র সন্দেহ নেই।

বাহুড়েরা সাধারণত মাটিতে হাঁটে না—সম্ভবত হাঁটতে পারে না, কিন্তু ভ্যাম্পায়ার বাহুড় অবলীলাক্রমে হেঁটে যেতে পারে। মাহুয়ের নাকের ডগায় বা পায়ের আঙ্গুলে যখন এরা ক্ষত উৎপাদন করে তখন এরা দেহের উপর উড়ে এসে বসে না—বরং হামাগুড়ি টেনে পাশে আসে—এই সময় দূর থেকে তাদের দেখলে মনে হবে যেন প্রকাণ্ড একটা মাকড়শা হেঁটে চলেছে।

পূর্বে ধারণা ছিল ভ্যাম্পায়ার বাহুড় ছত্রিশ ঘণ্টার বেশী উপবাস সহ করতে পারে না। পরে পরীক্ষা ও পর্যবেক্ষণ দ্বারা প্রমাণিত হয়েছে যে, এরা চারদিন পর্যন্ত অক্লেশে না খেয়ে কাটিয়ে দিতে পারে।


শ্রীযুক্ত গোপালচন্দ্র ভট্টাচার্য মহাশয় এই বাহুড় সম্বন্ধে ইতিপূর্বে সবিস্তারে আলোচনা করেছেন। কিন্তু তিনি যে পরিভাষার সাহায্যে বিষয়টি বুঝাতে চেয়েছেন তাতে আমরা একমত হ'তে পারিনি। বস্তুত ইংরেজীতে এই জাতীয় বাহুড়কে পূর্বে blood-sucking bat বলা এবং সে-হিসেবে এদের বাংলায় 'রক্তশোষক বাহুড়' বলা অযৌক্তিক হয়নি। বলা বাহুল্য, জনপ্রিয় নামের সঙ্গে অনেক সময় প্রাণীদের প্রকৃত আচরণের ইঙ্গিত লুকান থাকে। ভ্যাম্পায়ার বাহুড় সম্বন্ধে পরে যে সকল নব তথ্য আবিষ্কৃত হয়েছে তারপর আর ওদের blood-sucking আখ্যা দেওয়া শোভন হয় না। গোপালবাবু blood-lapping ঘটনা সবিস্তারে বর্ণনা করেছেন, কিন্তু পরিভাষা হিসেবে ব্যবহার করেছেন 'রক্তশোষক' বা 'রক্তচোষক'।

বিষয়টি আর একটু পরিষ্কার করে বলা দরকার। Sucking অর্থে 'চোষক' ও 'শোষক' দুটো শব্দই ব্যবহার না করার কারণ এই যে suctionএ ভ্যাকুয়াম (vacuum) সৃষ্টি হয় এবং তাতে দুটি অঙ্গ পরস্পর সংলগ্ন হওয়া দরকার। সে হিসেবে পরিভাষা চোষণ অর্থজ্ঞাপক। আবার absorptionএর মধ্যে osmosis ক্রিয়া লুকান আছে। সুতরাং এ অর্থে বাংলায় 'শোষণ' শব্দটি সূঁ মনে হয়।<sup>১</sup> কিন্তু এ দুটি শব্দই আমাদের আলোচ্য বাহুড়ের সম্বন্ধে প্রযুক্ত হতে পারে না, বরং রক্তলেহী কথাটাই বেশী যুক্তিযুক্ত ও অর্থচোতক। ১৯৩২ সালে ডঃ ডান (Dr. Dunn) সর্বপ্রথম উল্লেখ করেন যে ভ্যাম্পায়ার বাহুড় রক্ত চোষণ করে না—লেহন করে। পরে মিঃ ডিটমার (Ditmar) কতকগুলো ভ্যাম্পায়ার বাহুড় সংগ্রহ করে তাদের রক্তপান-প্রণালী পর্যবেক্ষণ করে ডঃ ডানের মত প্রমাণিত করেন।

অমূলক ঘটনার উপর নির্ভর করে অনেক সময় প্রকৃতিবিৎ (naturalist) বহু তথ্য লিপিবদ্ধ করে যান এবং পরে সেগুলি পুস্তকের মধ্য দিয়ে প্রচারিত হয় দেশে দেশে। কাল্পনিক কাহিনীকে সত্যের আসনে বসিয়ে আমরা কি যে হৃষ্টি লাভ করি বলতে পারি না। এইভাবে বিজ্ঞান কাল্পনিক তথ্যে ভারাক্রান্ত হয়ে ওঠে। বস্তুত বিজ্ঞানের জন্মই ভুলের মধ্যে—ভুলত্রাস্তির শীতল ছায়ায় বিজ্ঞান ধীরে ধীরে বর্ধিত হয়। কিন্তু বৈজ্ঞানিকগণের আজন্মের সাধনা—এই ভুলের স্তূপীকৃত জঞ্জাল থেকে আসল সত্যের সন্ধান করা; কারণ বিজ্ঞানের আভিজাত্য সত্যের বিশুদ্ধতায়। ফলে প্রকৃত সত্য যখন আবিষ্কৃত হয় তখন এতদিনের প্রচারিত সুপ্রতিষ্ঠিত সত্যের মূলে লাগে নির্মম আঘাত—প্রকৃত সত্যকেই তখন সত্য বলে মেনে নিতে কেমন যেন দ্বিধাবোধ হয়।

অনেক প্রাণীর বিজ্ঞানসম্মত নামের সঙ্গে এমন ছুরপনয় কলঙ্কের ছাপ অঙ্কিত হ'য়ে গেছে—যা আর সহজে বিলুপ্ত হবার নয়। প্রকৃতিবিদদের হাতে এই সব বাহুড় কি ভাবে নির্ধারিত হয়েছে তার একটু মনোরম ইতিহাস আছে। ভ্যাম্পায়ার বাহুড়ের প্রথম বিজ্ঞানসম্মত নাম দেওয়া হয়

১৭৬৬ খৃঃ অব্দে। প্রাণীর নামকরণের ধর্মপিতা সুইডিশ প্রকৃতিবিৎ লিনীয়াস [Linnaeus—ইহাই কার্ল ফন লিনে'র (Carl von Linné) ল্যাটিন নাম] আমেরিকার এক প্রকার বর্শা-নাসিকা (spear-nosed) বাহুড়ের নাম



রক্তশোষক বাহুড়ের মস্তক

দেন ভ্যাম্পাইরাস স্পেক্ট্রাম (*Vampyrus spectrum*)। প্রকৃতপক্ষে তখনকার দিনে আমেরিকাবাসীদের ধারণা ছিল—এরাই প্রাণীর রক্তপান করে জীবনধারণ করে। এই জনপ্রবাদের উপর ভিত্তি করেই যে পূর্বোক্ত নামকরণ করা হয়েছিল সে বিষয়ে কোন সন্দেহ নেই।

একটি বিশিষ্ট গণ (genus) ও জাতি (species) হিসেবে প্রকৃত রক্তলেহী বাহুড় আবিষ্কৃত হয় আরও চের পরে। তখন কিন্তু এদের রক্তপ্রিয়তার কথা কিছুই জানা যায়নি। প্রিন্স্ ম্যাক্সিমিলিয়ান (Prince Maximilian) এই বাহুড়ের বিজ্ঞানসম্মত নাম দেন ডেসমোডাস্ রোটান্ডাস্ (*Desmodus rotundus*)। পরে মিঃ ওয়াটারহাউস (Mr. Waterhouse) এদের প্রকৃত ভ্যাম্পায়ার বাহুড় বলে সনাক্ত করেন। সেই থেকে ডেসমোডাস্ রক্তলেহী অর্থাৎ একজাতীয় প্রকৃত ভ্যাম্পায়ার বাহুড় বলে প্রতিষ্ঠিত হয়। এদের সম্মুখ দস্ত বর্শাফলকের মত এবং ক্ষুরধার তীক্ষ্ণ। এই রকম দস্তবিশিষ্ট আর এক জাতীয় বাহুড় আছে, তাদের নাম দেওয়া হয় ডেসমোডাস্ মিউরিনাস্ (*Desmodus murinus*)। পরে আরও দুটি বিভিন্ন গণাস্তর্ভুক্ত এইরূপ দস্তবিশিষ্ট বাহুড় আবিষ্কৃত হয়েছে—এদের বিজ্ঞানসম্মত নাম ডিফাইলা সেন্ট্রালিস্ (*Diphylla centralis*) এবং ডাইমাস্ ইউয়ঙ্গি (*Diaemus youngi*)। এরা সকলেই প্রকৃত ভ্যাম্পায়ার বাহুড়। শেখোক্ত বাহুড়ের

১। ঐজ্ঞানেন্দ্রনাথ ভাট্টা, প্রাণী-বিজ্ঞানের পরিভাষা, পৃ: ১-৩ (১৩৩৩)।

জীবনযাপনপ্রণালী এ পর্যন্ত পুঙ্খানুপুঙ্খরূপে অনুসন্ধান করা হয়নি বটে, তবে তাদের সম্মুখ দস্তের তীক্ষ্ণতা এবং ডেস-মোডাসের দস্তের সমাবেশের সঙ্গে এদের দস্তেরও সাদৃশ্য দেখে অনুমান করা হয়েছে যে, এরা রক্তসেহী বাহুড়ের অতি-নিকট আত্মীয়।

এদিকে ভ্যাম্পাইরাস স্পেক্ট্রামকে নিয়ে আবার গণ-গোলের সূত্রপাত হয়। মিঃ বেট (Mr. Bett) এদের আচরণ সম্বন্ধে জানান যে, এরা ফলাশী এবং অতি নিরীহ গোবেচারী। এমন কি মিঃ ডিটমারও এইরূপ ধারণা পোষণ করতেন।

কিন্তু ট্রিনিদাদের (Trinidad) প্রফেসর উরিক (Uhrich) এমন কতকগুলো প্রমাণ সংগ্রহ করেন—যা থেকে তিনি নিঃসন্দেহে বিশ্বাস করতে বাধ্য হয়েছিলেন যে ভ্যাম্পাইরাস স্পেক্ট্রাম ফলাশী ত নয়ই, বরং এদের বেশ নিষ্ঠুর প্রকৃতির বাহুড় বলা চলতে পারে। প্রফেসর এদের প্রকৃত আচরণ সম্বন্ধে তথ্য জানবার জন্ত এক জোড়া ঐ বাহুড় সংগ্রহ করে আনেন। এদের খাঁচায় বন্দী করে রেখে প্রথমে ফলমূল খেতে দেওয়া হল। কিন্তু তারা সে-সব স্পর্শই করলে না। তখন তিনি তাদের আহারের জন্ত কয়েকটি ইঁদুর ও পাখী খাঁচায় পুরে দেন। এইবার তাদের আসল মূর্তি বেরিয়ে পড়ে। এরা যে কতদূর হিংস্র ও মাংস-লোলুপ তিনি তার হাতে হাতে প্রমাণ পেয়ে যান। অবশ্য তাঁর এই পর্যবেক্ষণ কোথাও তিনি লিপিবদ্ধ করেন নি। আমরা একথা মিঃ ডিটমারের এক প্রবন্ধ হ'তে জানতে পারি।

এরপর মিঃ ডিটমারের সঙ্গে প্রফেসর উরিকের দেখা হয় এবং আলোচনা-প্রসঙ্গে ভ্যাম্পাইরাস স্পেক্ট্রামের কথা ওঠে। মিঃ ডিটমার ১৯৩৫ সালের প্রবন্ধে ভ্যাম্পাইরাস স্পেক্ট্রামকে ফলাশী বাহুড় বলে উল্লেখ করেছেন। প্রফেসর উরিক এ বিষয়ে তাঁর সঙ্গে একমত হ'তে পারেন নি। তিনি মিঃ ডিটমারকে তাঁর পর্যবেক্ষণ ইতিহাস ও তাদের মাংসাশী আচরণের কথা সবিস্তারে বর্ণনা করেন। মিঃ ডিটমার প্রথমে ভাবলেন, প্রফেসর সাহেব সম্ভবত ফাইলোস্টোমা (Phyllostoma) বাহুড়ের সঙ্গে ভ্যাম্পাইরাসকে গুলিয়ে ফেলেছেন অর্থাৎ প্রফেসর সাহেব যে বাহুড় নিয়ে পরীক্ষা করেছেন তারা নিশ্চয়ই ভ্যাম্পাইরাস নয়, কারণ আকারে আকৃতিতে ভ্যাম্পাইরাস ও ফাইলোস্টোমা

দেখতে অনেকটা এক প্রকারের। প্রফেসর উরিক তখন তাঁকে জানান যে, তিনি যে ভ্যাম্পাইরাস বাহুড় নিয়ে পরীক্ষা করেছেন সে-বিষয়ে নিঃসন্দেহ। মিঃ ডিটমারের মনে সন্দেহের খোঁচা কাঁটার মত বিঁধে রইল। প্রকৃত বৈজ্ঞানিক শুধু সন্দেহের উপর নির্ভর করে থাকতে পারে না। মানুষ মাত্রেরই ভুল হওয়া স্বাভাবিক। এবং সেই ভুলটাকেই ধ্রুব সত্য বলে মেনে নেওয়া অবৈজ্ঞানিকের লক্ষণ। কাজেই প্রত্যক্ষগম্য প্রমাণ সংগ্রহের জন্ত মিঃ ডিটমারকে বেরিয়ে পড়তে হয় ভ্যাম্পাইরাস স্পেক্ট্রামের সন্ধানে। সঙ্গে নিয়ে যান প্রফেসরের সহকারীকে—কারণ এই বাহুড়ের আস্থানা ও গতিবিধি তাঁর ভাল করেই জানা ছিল।

যেসকল বৃক্ষকোটর থেকে তিনি এদের সংগ্রহ করে-ছিলেন সেখানে বহু ইঁদুরের লেজ ও পাখীর পালখ পড়ে থাকতে দেখতে পান। পরে তাদের বন্দী অবস্থায় হালচাল পরীক্ষা করে তিনিও বলতে বাধ্য হয়েছেন যে, ভ্যাম্পাইরাস স্পেক্ট্রাম হিংস্র ও মাংসাশী। এদের একটা প্রধান বৈশিষ্ট্য হচ্ছে এই যে, এরা সব সময়ই নিজেদের স্বাতন্ত্র্য বজায় রেখে চলে। এরা কখনও অন্য কোন বাহুড়দলের সঙ্গে একত্র বাস করে না। অথবা এও হ'তে পারে যে অন্তরা সর্বদা এদের সান্নিধ্য পরিহার করে চলে।

ভ্যাম্পাইরাস স্পেক্ট্রাম দেখতে বেশ বড়—প্রায় এক গজ হবে। বাজপাখীর মত এরা ছোঁ মেরে শিকার ধরে। এদের দাঁত বেশ তীক্ষ্ণ এবং চোয়ালের শক্তিও অসীম। দাঁতের সাহায্যে এরা ছোট ছোট প্রাণীর মস্তক অক্লেশে চূর্ণবিচূর্ণ করে দিতে পারে।

এখানে উল্লেখ অপ্রাসঙ্গিক হবে না যে, আমাদের দেশে মাংসাশী বাহুড় ছিল না বলেই জানা ছিল। কিন্তু খণ্ড খণ্ড পর্যবেক্ষণের ফলে জানা গিয়েছে যে অন্ততপক্ষে একজাণী বৃহদাকার বাহুড়—মেগাডারমালিরা (Megaderma-lyra) মাংসাশী। ভ্যাম্পাইরাস বাহুড়ের বৃত্তির সঙ্গে এদের সাদৃশ্য দেখা যায়। শুধু তাই নয়; সম্প্রতি আরও জানা গেছে যে এরা ছোট বাহুড় অর্থাৎ যাদের আমরা চামটিকা বলি, সুরবিধা পেলে তাদের ধরেও ধায়। এদের চলিত নাম দেওয়া হয়েছে ভারতীয় ভ্যাম্পায়ার বাহুড় (The Indian vampire bat)। অনুসন্ধানের ফলে আরও কত কি আবিষ্কৃত হ'বে—কে জানে?

সে যাক। প্রাণীজগতে ভ্যাম্পায়ার বাছড়ের মত অল্প কোন প্রাণীর নামকরণ নিয়ে এমন বিভ্রাট ঘটেনি। যার প্রকৃত নাম হওয়া উচিত ছিল ভ্যাম্পাইরাস সে হ'ল ডেস-মোডাস। আর যার নাম দেওয়া হ'ল ভ্যাম্পাইরাস—প্রথমে জানা ছিল যে তারা রক্তপায়ী, পরে জানা গেল যে তারা নিরীহ প্রকৃতির ফলাশী বাছড়—আরও পরে এবং আধুনিক অমুসকানের ফলে জানা গেল যে তারা ফলাশী ত নয়ই, বরং ভয়ঙ্কর হিংস্রপ্রকৃতির মাংসাশী বাছড়।\*

\* এই প্রবন্ধ লিখিতে নিম্নলিখিত প্রমাণপঞ্জী পুস্তক ও প্রবন্ধের সাহায্য লইয়াছি।

#### ইংরেজী

- ১। Allen, G. M., Bats ( 1939 )
- ২। Ditmars, R. L., Confessions of a Scientist, New York, 1934 ( Vide, articles : 'Vampire' and 'The Vampire Reappears.' pp. 32-52 and 191-203 ).

#### বাংলা

- ৩। Ditmars, R. L., 'Vampire Research,' *Bull. Zool. Soc., N. Y.*, vol 38 pp. 29-31, ( 1935 )
- ৪। Ditmars ; R. L., 'Collecting Bats in Trinidad,' *Bull. Zool. Soc., N. Y.*, vol. 38 pp. 213-218 ( 1935 ).
- ৫। Ditmars, R. L., 'Making of a Scientist.'
- ৬। Ditmars, R. L., & Greenhall, 'The Vampire Bat,' *Zoologica, N. Y.*, Vol. 19, pp. 53-76 ( 1935 ).
- ৭। King, B. G., & Saphir, R., 'Some observations on the feeding methods of the Vampire Bat,' *Zoologica, N. Y.*, vol 22 pp. 281-288 ( 1937 ).
- ৮। McCann. C., 'The Indian Vampire (*Megaderma lyra*).' *Journ. Bombay Nat. Hist. Soc.*, vol 37, p. 479 ( 1934 ).

- ৯। শ্রীগোপালচন্দ্র ভট্টাচার্য্য, 'রক্তশোষক ভ্যাম্পায়ার বাছড়,' প্রবাসী, ৩৯শ ভাগ, ১ম খণ্ড, ৬ষ্ঠ সংখ্যা, পৃ: ৮০৪-৮১০ ( ১৩৪৬ )

## গান

### শ্রীমতী সাহানা দেবী

নয় তো আঁধার নয় তো রাত্তি—দেখ না চেয়ে দেখ না রে আয়,  
আলোর পালেই বয় যে তরী তবু কেন উদাসী হায় !

অপার ওই অনন্ত কোলে

অনন্দ সাগর উথলে,

দে না চেলে হৃদয় মেলে দেখবি পরাণ ভাসে সেথায় ।

আমরা আলোর শিশু চলি চির আপন হাতটি ধ'রে  
সমুখ দিয়ে কতই রঙে আলোর স্বপন খেলা করে ।

আজ আমাদের ভাসে ভালো

চিরকালের আলোর আলো !

আজ সে তার ওই আলোর গোঠে মোদের জীবন-ধেঁচু চরায় ।

আজ আমরা তারি সুরে বলব কথা তারি ভাষায়,  
ফুটবে দূরের অচিন তারা আমাদের এই আঁখি তারায় ।

আজ যে নবীন লগ্ন ধ'রে

বিছাবো প্রাণ পথের পরে ;

আজ আমরা চলব শুধু, চলার এ পথ মেশে যেথায় ।


এলো সে আজ ধূলার জীবন ধূলা ঝেড়ে দিতে তুলে !

এসেছি আজ সকল দিয়ে বিকাতে ওই চরণমূলে ।

এলাম কত জনম পরে

আজ আমাদের আপন ঘরে ;

আজ আমাদের জীবন দিয়ে জালব জীবন অমর শিখায় ।





## পথ বেঁধে দিল শ্রীশরদিন্দু বন্দ্যোপাধ্যায়

ফেড্ ইন্ ।

কেদারবাবুর বাড়ীর সদর । সিঁড়ির উপর মঞ্জু একাকিনী গালে হাত দিয়া বসিয়া আছে । মুখে প্রফুল্লতা নাই ; চোখের পাতা যেন একটু ফুলিয়াছে, দেখিলে সন্দেহ হয় লুকাইয়া কাঁদিয়াছে ।

সম্মুখে ফটকের দিকে উন্নতভাবে তাকাইয়া মঞ্জু বসিয়াছিল । তাহার প্রকৃতি স্বভাবতই প্রফুল্ল ও দৃঢ় ; কিন্তু আজ তাহাকে কিছু বেশী রকম বিমর্ষ দেখাইতেছিল ।

চাহিয়া থাকিয়া ক্রমে তাহার চোখে সচেতনতা ফিরিয়া আসিল ; যেন ফটক দিয়া কেহ প্রবেশ করিতেছে । সে চেষ্টা করিয়া মুখে একটু স্বাগত হাসি আনিয়া বলিল—

মঞ্জু : আসুন মিহিরবাবু !

কবি-প্রকৃতি মিহির মঞ্জুর মুখের ভাবান্তর কিছুই দেখিতে পাইল না ; এক গাল হাসিয়া মঞ্জুর পাশে সিঁড়ির উপর আসিয়া বসিল ; পকেটে হাত পুরিয়া কয়েকখানা পোস্টকার্ড আয়তনের ফটোগ্রাফ বাহির করিতে করিতে বলিল—

মিহির : কয়েকখানা স্ল্যাপ-শট তুলেছি । দেখুন দিকি, কার সাধ্য বলে জাপানী ছবি নয়—

ছবিগুলি হাতে লইয়া মঞ্জু একে একে দেখিতে লাগিল । প্রথম ছবিটি নৃত্যরত সাঁওতাল মিথুনের । ছবিটি উপর হইতে সরাইয়া নীচে রাখিয়া মঞ্জু দ্বিতীয় ছবির প্রতি দৃষ্টিপাত করিল ।

এটিতে রঞ্জন ও ইন্দু পাশাপাশি দাঁড়াইয়া নেপথ্যে সাঁওতাল-নৃত্য দেখিতেছে । মঞ্জু বেশ কিছুক্ষণ ছবিটার পানে তাকাইয়া রহিল, তারপর ইন্দুকে নির্দেশ করিয়া বলিল—

মঞ্জু : ইনি কে ?

মিহির গলা বাড়াইয়া দেখিয়া বলিল—

মিহির : আমি চিনি না ; বোধ হয় রঞ্জনবাবুর বান্ধবী—

মঞ্জু তিস্ত হাসিল ।

মঞ্জু : রঞ্জনবাবুর অনেক বান্ধবী আছেন দেখছি—

ছবিটা তলায় রাখিয়া মঞ্জু তৃতীয় ছবি দেখিল । একটি

ছাগল দেয়ালে সম্মুখের দুটি পা ভুলিয়া দিয়া প্রাংশুলভ্য লতার পানে গলা বাড়াইয়াছে । সেটি অপসারিত করিয়া পরবর্তী ছবির উপর দৃষ্টি পড়িতেই মঞ্জু শঙ্ক হইয়া উঠিল । মোটর বাইকে রঞ্জন ও মলিনা । দেখিতে দেখিতে মঞ্জুর চোখে বিদ্যৎ স্ফুরিত হইতে লাগিল ; সে দাঁতে দাঁত চাপিয়া বলিল—

মঞ্জু : নির্লজ্জ !

মিহির ভুল বুঝিয়া বলিল—

মিহির : অ্যা ! হ্যা—নির্লজ্জ বই-কি ।—নির্লজ্জতাই হচ্ছে আর্টের লক্ষণ—

মঞ্জু : নিন্ আপনার আর্ট, আমি দেখতে চাই না—

ছবিগুলি সক্রোধে ফিরাইয়া দিয়া মঞ্জু অশ্রুদিকে তাকাইয়া রহিল । তাহার ঠোট দুটি হঠাৎ কাঁপিয়া উঠিল ।—

এই সময় কেদারবাবু পিছনের দরজা দিয়া বাহির হইয়া আসিলেন । হাতে লাঠি, বাহিরে যাইবার সাজ । মঞ্জু তাঁহার পদশব্দ পাইয়া তাড়াতাড়ি উঠিয়া দাঁড়াইল । মিহির ছবিগুলি হাতে লইয়া বোকার মত বসিয়াছিল, সেও সেগুলি পকেটে পুরিতে পুরিতে দাঁড়াইয়া উঠিল ।

মঞ্জু : বাবা, বেরুচ্ছ নাকি ?

কেদার : হ্যা, একবার ডাক্তারের বাড়িটা ঘুরে আসি । দাঁতের ব্যথাটা আবার যেন ধরব-ধরব করছে ।

মঞ্জু : তা হেঁটে যাবে কেন ? দাঁড়াও না আমি গাড়ী ক'রে পৌঁছে দিচ্ছি—

কেদার : হুঁ—গাড়ী ! আমি হেঁটেই যাব—এইটুকু তো রাস্তা—

সিঁড়ি দিয়া নামিতে উত্তত হইয়া তিনি খামিলেন ।

কেদার : তুই আজ বেড়াতে গেলি নে ?

মঞ্জু মুখ অন্ধকার করিয়া অশ্রু দিকে তাকাইল । তারপর হঠাৎ মিহিরের দিকে সচকিতে চাহিয়া সে চাপা উত্তেজনার কর্ণে বলিয়া উঠিল—

মঞ্জু : বেড়াতে ! হ্যা—যাব ।—মিহিরবাবু, আপনি

একটু দাঁড়ান, আমি গাড়ী বের ক'রে নিয়ে আসি ;  
আপনিও আমার সঙ্গে বেড়াতে যাবেন—

মঞ্জু ক্ষতপদে বাড়ীর ভিতর চলিয়া গেল। কেদারবাবু  
বিস্মিতভাবে কিছুক্ষণ সেইদিকে তাকাইয়া রহিলেন, তারপর  
চিন্তিতভাবে ঘাড় হেঁট করিয়া সিঁড়ি নামিতে লাগিলেন।  
মিহির অবাক হইয়া বোকাটে মুখে একবার এদিক একবার  
ওদিক তাকাইতে লাগিল।

ক্ষত ডিজল্ভ ।

ফটকের সম্মুখে মোটর আসিয়া দাঁড়াইয়াছে ; চালকের  
আসনে মঞ্জু। সে দরজা খুলিয়া দিয়া বলিল—

মঞ্জু : আম্মন মিহিরবাবু—

মিহির বিহ্বলভাবে মঞ্জুর পাশে গিয়া বসিল।

মঞ্জুর মুখ কঠিন সে গাড়ীতে স্টার্ট দিল।

এমন সময় পিছনে ফটফট শব্দ। পরক্ষণেই রঞ্জনের  
মোটর বাইক আসিয়া মঞ্জুর পাশে দাঁড়াইল। রঞ্জন  
গাড়ী হইতে লাফাইয়া নামিয়া রুদ্ধশ্বাসে বলিল—

রঞ্জন : মঞ্জু !

মাথা একটু নীচু করিতেই তাহার চোখে পড়িল মিহির  
মঞ্জুর পাশে বসিয়া আছে ; রঞ্জন থামিয়া গেল।

মঞ্জুর কোনও ভাবান্তর দেখা গেল না ; সে উপেক্ষাভরে  
একবার রঞ্জনের দিকে তাকাইয়া গাড়ীর কলকজা নাড়িয়া গাড়ী  
চালাইবার উপক্রম করিল। রঞ্জন আগ্রহসংহতকণ্ঠে বলিল—

রঞ্জন : মঞ্জু, তোমার সঙ্গে একটা কথা ছিল।—

নিষ্ঠুর তাজিল্যভরে মঞ্জু মুখ তুলিল।

মঞ্জু : আমার সঙ্গে আবার কি কথা !

মঞ্জুর গাড়ী চলিয়া গেল।

রঞ্জন বিস্মিত ও আহতভাবে সেইদিকে তাকাইয়া দাঁড়াইয়া  
রহিল। কিছুক্ষণ পরে কেদারবাবু আসিয়া তাহার পাশে  
দাঁড়াইলেন ; রঞ্জন জানিতে পারিল না। কেদারবাবু তীক্ষ্ণ-  
চক্ষে তাহাকে নিরীক্ষণ করিলেন, যে পথে মঞ্জুর গাড়ী  
চলিয়া গিয়াছিল সেই পথে তাকাইলেন, তারপর গলার  
মধ্যে একটি ছস্কার ছাড়িলেন।

কেদার : হঁ :—

রঞ্জন চমকিয়া পাশের দিকে তাকাইল।

কেদার : ওরা চলে গেল ?

রঞ্জন : আজ্ঞে হ্যাঁ—

সে নিজের মোটর বাইকের কাছে গিয়া আরোহণের  
উদ্যোগ করিল। কেদারবাবু অত্যন্ত অভিনিবেশ সহকারে  
তাহার ভাবভঙ্গী নিরীক্ষণ করিতে লাগিলেন।

রঞ্জন গাড়ীতে স্টার্ট দিল।

কেদার : ওহে শোন—

রঞ্জন ইঞ্জিন বন্ধ করিয়া কেদারবাবুর কাছে ফিরিয়া  
আসিয়া দাঁড়াইল। সে যেন একটু অশ্রুমনস্ক।

রঞ্জন : আজ্ঞে ?

কেদার : তোমার সঙ্গে একটা কথা ছিল—

রঞ্জন : আজ্ঞে বলুন।

কেদারবাবু বলিতে গিয়া থামিয়া গেলেন, একটু চিন্তা  
করিলেন।

কেদার : আজ নয়—আজ আমি একটু ভাবতে চাই—

রঞ্জন : যে আজ্ঞে—

রঞ্জন ফিরিয়া গিয়া নিজের গাড়ীর উপর বসিল।

কেদার : কাল তুমি এসো—বুঝলে ?

রঞ্জন : আজ্ঞে—আচ্ছা—নমস্কার—

রঞ্জনের গাড়ী চলিতে আরম্ভ করিল। যে দিকে মঞ্জুর  
গাড়ী গিয়াছিল সেইদিকে চলিল।

ডিজল্ভ ।

পার্কিত্য ভূমি। রঞ্জনের মোটর বাইক ধীরে ধীরে  
চলিয়াছে ; রঞ্জন সচকিতভাবে আশেপাশের ঝোপঝাড়ের  
দিকে তাকাইতে তাকাইতে চলিয়াছে।

যে স্থানে তাহাদের গাড়ী দাঁড়াইত সেখানে আসিয়া  
দেখিল মঞ্জুর গাড়ী নাই। তারপর তাহার দৃষ্টি পড়িল,  
অদূরে একটি গাছের নীচু ডাল হইতে দুটি জুতাপরা পদ-  
পল্লব ঝুলিতেছে। গাছের পাতায় চরণ দুটির স্বাধিকারিণীর  
উর্দ্ধাঙ্গ দেখা যাইতেছে না।

রঞ্জন পা দুটি মঞ্জুর মনে করিয়া ক্ষত গাছের তলায়  
আসিয়া থমকিয়া দাঁড়াইয়া পড়িল। তাহার মুখের সাগ্রহ  
ভাব পরিবর্তিত হইয়া বিরক্তির আকার ধারণ করিল।  
বৃক্ষাকৃতা তরুণী সাবলীল ভঙ্গীতে মাটিতে লাফাইয়া পড়িয়া  
কলহাস্ত করিল।

ক্ষুদ্র হতাশ ভাবে তাহার দিকে চাহিয়া রঞ্জন বলিল—

রঞ্জন : সলিল দেবী ! আপনিও এসে পৌঁছে  
গেছেন !—আচ্ছা, নমস্কার !

রঞ্জন পিছু ফিরিয়া চলিতে আরম্ভ করিল। কিন্তু অল্প দূর গিয়াই পিছু ডাক শুনিয়া তাহাকে ধামিতে হইল।

সলিলা : শুভুন—রঞ্জনবাবু!

সলিলা রঞ্জনের কাছে আসিয়া দাঁড়াইল।

সলিলা : এত দিন পরে দেখা, আর কোনও কথা না বলেই চলে যাচ্ছেন!—উঃ, আপনি কি নিষ্ঠুর!

রঞ্জন : নিষ্ঠুর! দেখুন—মাফ করবেন। আজ আমার মনটা ভাল নেই।

সে আবার গমনোন্মত হইল। এমন সময় পিছন হইতে মীরার কণ্ঠস্বর শোনা গেল।

মীরা : মন ভাল নেই! কী হয়েছে রঞ্জনবাবু?

দেবী আবির্ভাবের মত মীরা দেবী আসিয়া উপস্থিত হইলেন; কণ্ঠস্বরে উৎকণ্ঠা মিশাইয়া বলিলেন—

মীরা : শরীর ভাল নেই বুঝি?

রঞ্জন : (দৃঢ়স্বরে) না, শরীর বেশ ভাল আছে—মন খারাপ।

এইবার মলিনা দেবীর মধুর স্বর শোনা গেল; ভোজ-বাজির মত আবির্ভূতা হইয়া তিনিও এইদিকেই আসিতেছেন।

মলিনা : কেন মন খারাপ হল রঞ্জনবাবু?

রঞ্জন প্রাণের আশা ছাড়িয়া দিল; মলিনার আপাদ-মস্তক নিরীক্ষণ করিয়া প্রচ্ছন্ন শ্লেষের স্বরে বলিল—

রঞ্জন : আপনার পা তো বেশ সেরে গেছে দেখছি—

মলিনা কিছুমাত্র অপ্রতিভ না হইয়া বঙ্কিম কটাক্ষপাত করিয়া সহাস্তে বলিল—

মলিনা : তা সারবে না? আপনি কত যত্ন ক'রে রুমাল দিয়ে বেঁধে দিলেন।—জানিস ভাই, সেদিন কে এসেছিল—

ইন্দুর ক্লাস্ত কণ্ঠ শোনা গেল।

ইন্দু : জানি—আমরা অনেকবার শুনেছি।

তরুণীত্রয় চমকিয়া সরিয়া দাঁড়াইতেই দেখা গেল ইন্দু কখন তাহাদের পিছনে আসিয়া দাঁড়াইয়াছে।

রঞ্জন আকাশের দিকে চোখ তুলিয়া বোধ করি ভগবানের শ্রীচরণে নিজেকে সমর্পণ করিল।

ইন্দু সহজ ভাবে বলিল—

ইন্দু : সবাই দাঁড়িয়ে কেন? আসুন রঞ্জনবাবু, বাসের ওপর বসা যাক—

রঞ্জন : বেশ, যা বলেন।

সকলে উপবিষ্ট হইলেন। যুবতী-চতুষ্টয় প্রচ্ছন্নভাবে পরস্পর তাকাইতে লাগিলেন।

রঞ্জন : এবার কি করতে চান?

মীরা : এবার? তাই তো—

সকলেই চিন্তিত। মলিনা উজ্জ্বল চোখ তুলিয়া চাহিল।

মলিনা : আমার মাথায় একটা আইডিয়া এসেছে।—আসুন, পাঁচজনে মিলে লুকোচুরি খেলা যাক—

ইন্দু : (ঠোট উন্টাইয়া) লুকোচুরি।

রঞ্জন : লুকোচুরি—

হঠাৎ তাহার মাথায় কূটবুদ্ধি খেলিয়া গেল। মেয়েরা তাহার মতামত অমুখাবন করিবার জন্ত তাহার দিকে চাহিতেই সে বলিল—

রঞ্জন : তা মন্দ কি! আসুন না খেলা যাক।

এখানে লুকোবার জায়গার অভাব নেই।

রঞ্জনের মত আছে দেখিয়া সকলেই উৎসাহিত হইয়া উঠিল। মলিনার উত্তেজনা সবচেয়ে বেশী।

মলিনা : বেশ। প্রথমে কে চোর হবে?

রঞ্জন : আমি আঙুল মটকাচ্ছি।

রঞ্জন পিছনে হাত লুকাইয়া আঙুল মটকাইল; তারপর তরুণীদের সম্মুখে হাত প্রসারিত করিয়া ধরিল। তরুণীগণ নানাপ্রকার আশঙ্কার অভিনয় করিতে করিতে গলার মধ্যে চাপা হাসি হাসিতে হাসিতে এক একটি আঙুল ধরিলেন।

রঞ্জন বিষন্ন স্বরে বলিল—

রঞ্জন : আমিই চোর হলাম। বুড়ো আঙুল মটকেছিল। তরুণীগণ সকলেই খুশী হইয়া উঠিয়া দাঁড়াইলেন।

মীরা : বেশ। আপনি তা'হলে চোখ বুজে বসুন।

কিন্তু বুড়ী হবে কে?

রঞ্জন চট্ করিয়া বলিল—

রঞ্জন : ঐ যে আমার গাড়ীটা বুড়ী।

মীরা : আচ্ছা—

চারিটি যুবতী চারিদিকে চলিলেন। রঞ্জন ছ'হাতে চোখ ঢাকিল।

মলিনা : (যাইতে যাইতে) টু না দিলে চোখ খুলবেন না যেন।

রঞ্জন মাথা নাড়িল। তরুণীগণ পা টিপিয়া টিপিয়া অদৃশ হইয়া গেলেন।

কিয়ৎক্ষণ পরে চারিদিক হইতে টু শব্দ আসিল। রঞ্জন চোখ হইতে হাত সরাইয়া সম্ভরণে চারিদিকে চাহিতে চাহিতে উঠিয়া দাঁড়াইল। তারপর হঠাৎ তীরবেগে নিজের গাড়ী লক্ষ্য করিয়া ছুট দিল।

তরুণীগণ কিছুই জানিলেন না। রঞ্জন মোটরবাইক ঠেলিতে ঠেলিতে তাহাতে স্টার্ট দিয়া লাফাইয়া তাহার উপর চড়িয়া বসিয়া উর্দ্ধ্বাসে পলায়ন করিল।

ফটফট শব্দে আকৃষ্ট হইয়া তরুণীগণ বাহির হইয়া আসিয়া স্তম্ভিতবৎ দাঁড়াইয়া রহিলেন।

দ্বিগ্নদিক্জ্ঞানশূন্যভাবে পলাইতে পলাইতে রঞ্জন পাশের দিকে চোখ ফিরাইয়া হঠাৎ সবলে ব্রেক কশিল। এর একশত গজ দূরে অসমতল ভূমির উপর দিয়া বেড়াইতে বেড়াইতে মঞ্জু ও মিহির বিপরীত মুখে চলিয়াছে।

গাড়ী ছাড়িয়া দিয়া রঞ্জন পদব্রজে তাহাদের অনুসরণ করিল।

মঞ্জু ও মিহির পাশাপাশি চলিয়াছে; পিছন দিক হইতে রঞ্জন যে দীর্ঘ পদক্ষেপে তাহাদের নিকটবর্তী হইতেছে তাহা তাহারা জানিতে পারে নাই। কাছাকাছি পৌছিয়া রঞ্জন গলা চড়াইয়া ডাকিল—

রঞ্জন : মঞ্জু !

মঞ্জু ও মিহির থমকিয়া ফিরিয়া দাঁড়াইল। মঞ্জুর মুখ অপ্রসন্ন। রঞ্জন কাছে গিয়া দাঁড়াইতেই সে হঠাৎ পিছু ফিরিয়া আবার চলিতে আরম্ভ করিল। কয়েক পা গিয়া পাশের দিকে মুখ ফিরাইয়া ডাকিল—

মঞ্জু : আসুন মিহিরবাবু !

মিহির ইতস্তত করিতেছিল; আহ্বান শুনিয়া যেই পা বাড়াইয়াছে অমনি রঞ্জনের হস্ত কাঁধের উপর পড়িয়া তাহার গতিরোধ করিল। মিহির ভাবাচাকা থাইয়া রঞ্জনের মুখের পানে তাকাইল। রঞ্জন গম্ভীরমুখে তাহার কানের কাছে মুখ লইয়া গিয়া বলিল—

রঞ্জন : আপনি ঐদিকে যান—

বলিয়া বিপরীত দিকে অঙ্গুলি নির্দেশ করিল।

মিহির : ঐদিকে ?

রঞ্জন : হ্যাঁ, ঐদিকে।

কাঁধের কামিজ দৃঢ়ভাবে ধরিয়া রঞ্জন মিহিরকে একটি অক্লান্ত চিবির উপর লইয়া গেল; দূরে অঙ্গুলি প্রসারিত করিয়া বলিল—

রঞ্জন : দেখছেন ?

মিহির দেখিল—দূরে চারিটি তরুণী একস্থানে দাঁড়াইয়া ক্রুদ্ধ ভঙ্গীতে যে পথে রঞ্জন পলাইয়াছিল সেই দিকে তাকাইয়া আছেন। মিহিরের মুখ উজ্জ্বল হইয়া উঠিল; সে একবার রঞ্জনের দিকে সহাস্রমুখে ঘাড় নাড়িয়া ঋতপদে চিবি হইতে নামিয়া তরুণীদের অভিমুখে চলিল।

এইরূপে মিহিরকে বিদায় করিয়া রঞ্জন আবার মঞ্জুর পশ্চাদ্ধাবন করিল।

মঞ্জু ইতিমধ্যে খানিকদূর গিয়াছে। পিছন হইতে তাহার চলনভঙ্গী দেখিয়া মনে হয় সে অত্যন্ত রাগিয়াছে। সে একবার পিছু ফিরিয়া দেখিল, রঞ্জন আসিতেছে—মিহির পলাতক। সে সক্রোধে আরও জোরে চলিতে লাগিল।

পশ্চাৎ হইতে রঞ্জনের গলা আসিল—

রঞ্জন : মঞ্জু ! দাঁড়াও !

মঞ্জু দাঁড়াইল না; একটা উচু চ্যাণ্ডের পাশ দিয়া মোড় ফিরিয়া চলিতে লাগিল।

কিছুক্ষণ পরে রঞ্জনও সেইখানে মোড় ফিরিয়া মঞ্জুর অনুসরণ করিল।

ক্রমে মঞ্জু নদীর বালুর উপর গিয়া পড়িল। অদূরে ছোট নদীর বৃকের উপর মাঝে মাঝে পাথরের চাপ বসাইয়া পারাপারের সেতু রহিয়াছে; ইহা আমরা পূর্বে দেখিয়াছি। মঞ্জু সেই সেতু লক্ষ্য করিয়া চলিতে লাগিল।

পিছন হইতে রঞ্জন ডাকিল—

রঞ্জন : মঞ্জু ! শোনো—

কিন্তু শুনিবে কে ? মঞ্জু তখন নদীর কিনারায় গিয়া পৌছিয়াছে। সে সেতুর প্রথম ধাপের উপর লাফাইয়া উঠিয়া পিছু ফিরিয়া দেখিল—রঞ্জন অনেকটা কাছে আসিয়া পড়িয়াছে। সে আর দ্বিধা না করিয়া দ্বিতীয় পাথরের উপর লাফাইয়া পড়িল। তাহার মনের অবস্থা এমন যে রঞ্জনের সঙ্গে কথা বলার চেয়ে নদী পার হইয়া যেখানে খুলী চলিয়া যাওয়াও তাহার পক্ষে বাঞ্ছনীয়।

নদীর ঠিক মাঝখানে যে পাথরটি বসানো আছে তাহা

সবচেয়ে বড়। সেটার উপর লাফাইয়া পড়িয়া মঞ্জু চকিতের  
ন্যায় পিছু ফিরিয়া দেখিল রঞ্জন নদীর কিনারায় প্রথম  
ধাপের উপর আসিয়া পড়িয়াছে।

রঞ্জন উৎকণ্ঠিত কণ্ঠে চৈচাইয়া বলিল—

রঞ্জন : মঞ্জু, আর যেও না—জলে পড়ে যাবে—

রঞ্জন তখন বাকি পাথরগুলি লঙ্ঘন করিবার উত্তোগ  
করিতেছে।

সেই দিকে তাকাইয়া থাকিয়া রঞ্জনের মুখে হঠাৎ একটা  
ছুটামির হাসি খেলিয়া গেল। সেও নদী লঙ্ঘনে প্রবৃত্ত হইল।

ওদিকে মঞ্জু তখন প্রায় পরপারে পৌঁছিয়াছে। শেষ  
ধাপে পৌঁছিতেই পিছন হইতে একটা ভয়ানক চীৎকার তাহার  
কানে আসিল ; সে চমকিয়া পিছু ফিরিয়া ক্ষণকাল বিস্ফারিত  
নেত্রে চাহিয়া থাকিয়া বিছায়েগে ফিরিয়া চলিল।

নদীর মাঝখানের পাথরটার ঠিক পাশে রঞ্জন জলে  
পড়িয়া গিয়া হাবুডুবু খাইতেছে ; তাহার অসহায় হাত পা  
আস্ফালন দেখিয়া মনে হয় সে ডুবিল বলিয়া, আর দেবী নাই।

মঞ্জু ছুটিতে ছুটিতে আসিয়া পাথরের কিনারায় হাঁটু  
গাড়িয়া বসিয়া পড়িল ; হাঁপাইতে হাঁপাইতে রঞ্জনের দিকে  
হাত বাড়াইয়া দিয়া বলিল—

মঞ্জু : এই যে—রঞ্জনবাবু, আমার হাত ধরুন !

রঞ্জন অনেক চেষ্টা করিয়া শেষে মঞ্জুর প্রসারিত হাত-  
থানা ধরিয়া ফেলিল। মঞ্জু প্রাণপণে টানিয়া তাহাকে  
পাথরের কিনারায় লইয়া আসিল।

এখানেও গলা পর্য্যন্ত জল। মঞ্জু বলিল—

মঞ্জু : এবার উঠে আসুন—

রঞ্জন মুখের জল কুলকুচা করিয়া ফেলিয়া দিয়া বলিল—

রঞ্জন : আগে বল আমার কথা শুনবে।

মঞ্জুর মুখ অমনি শক্ত হইয়া উঠিল, চোখের দৃষ্টি অগ্রসর  
হইল। রঞ্জন তাহা দেখিয়া বলিল—

রঞ্জন : শুনবে না ? বেশ—তবে—

মঞ্জুর হাত ছাড়িয়া দিয়া সে আবার ডুববার উপক্রম  
করিল। তাহার মাথা জলের তলায় অদৃশ্য হইয়া গেল ;  
একটা হাত যেন শূন্যে কিছু ধরিবার চেষ্টা করিয়া মস্তকের  
অনুবর্তী লইল। ভয় পাইয়া মঞ্জু চীৎকার করিয়া উঠিল—

মঞ্জু : ও রঞ্জনবাবু !

রঞ্জনের মাথা আবার জাগিয়া উঠিল।

রঞ্জন : বল কথা শুনবে ?—শুনবে না ? তবে—

রঞ্জন আবার ডুবিতে উত্তত হইল।

মঞ্জু : শুনবো শুনবো—আপনি আগে উঠে আসুন।

মঞ্জু হাত বাড়াইয়া দিল ; রঞ্জন হাত ধরিয়া পাথরের  
উপর উঠিয়া দাঁড়াইল।

গত কয়েক মিনিটের ব্যাপারে মঞ্জুর দেহের সমস্ত শক্তি  
যেন ফুরাইয়া গিয়াছিল ; সে পাথরের উপর বসিয়া পড়িল।  
রঞ্জনও সিন্ধু বস্ত্রাদি সমেত তাহার পাশে বসিয়া পড়িয়া  
একটা দীর্ঘনিশ্বাস নোচন করিয়া বলিল—

রঞ্জন : উঃ ! কী গভীর জল !

শক্তিমুখে মঞ্জু বলিল—

মঞ্জু : কত জল ?

রঞ্জনের অধর কোণে একটি ক্ষণিক হাসি দেখা দিয়াই  
মিলাইয়া গেল ; সে গভীর মুখে যেন হিসাব করিতে করিতে  
বলিল—

রঞ্জন : তা—প্রায়—আমার কোমর পর্য্যন্ত হবে !

মঞ্জুর অধরোষ্ঠ খুলিয়া গেল ; সে চক্ষু বিস্ফারিত করিয়া  
চাহিল। এতক্ষণে ব্যাপারটা বুঝিতে পারিয়া পুরুষ জাতির  
হীন প্রবঞ্চনায় অতিশয় ক্রুদ্ধ হইয়া সে রঞ্জনের দিকে সম্পূর্ণ  
পিছন ফিরিয়া বসিল।

রঞ্জন : পিছু ফিরলে চলবে না ; কথা দিয়েছ, আমার  
কথা শুনতে হবে।

দুর্লভ্য গান্ধীর্যের সহিত মঞ্জু বলিল—

মঞ্জু : কি বলবেন বলুন—আমি শুনতে পাচ্ছি।

রঞ্জন তখন উঠিয়া মঞ্জুর পিছনে নতজান্ন হইয়া বসিল ;  
গলা পরিষ্কার করিয়া যোড় হস্তে বলিল—

রঞ্জন : আপনার কাছে অধমের একটি আর্জি আছে—

মঞ্জু আবার ঘাড় ফিরাইয়া দেখিল ; রঞ্জনের হাস্তকর  
ভঙ্গিমা দেখিয়া হাসি পাইলেও সে মুখ গভীর করিয়া রহিল।  
রঞ্জন দীনতা সহকারে বলিল—

রঞ্জন : আমার বিনীত আর্জি এই যে, আমি বড় বিপদে  
পড়েছি, আপনি দয়া করে আমাকে উদ্ধার করুন—

মঞ্জু নিরুৎসুক স্বরে বলিল—

মঞ্জু : কি বিপদ ?

মর্মান্তিক মুখ-ভঙ্গী করিয়া রঞ্জন আকাশের পানে তাকাইল।

রঞ্জন : কি বিপদ ! এমন বিপদ আজ পর্য্যন্ত মানুষের

হয়নি।—একটি নয় দুটি নয়, চার চারটি তরুণী আমাকে  
তাড়া ক'রে নিয়ে বেড়াচ্ছে—আনাচে কানাচে ওং পেতে  
বসে আছে, স্ত্রীবিধে পেলেই আমার ঘাড়ে লাফিয়ে পড়বে।—  
মেঘনাদবধ পড়েছ তো—

—রক্তচক্ষু হৃদয়ক যেমতি  
কড়মড়ি ভীম দস্ত পড়ে লক্ষ দিয়া  
বৃষক্ষ

শুনিতো শুনিতো মঞ্জুর মুখের মেঘ একেবারে কাটিয়া  
গিয়াছিল : অধরপ্রান্তে হাসি উছলিয়া উঠিতেছিল। তবু  
সে মুখ ফিরাইয়া বসিয়া বিজ্ঞপের ভঙ্গীতে বলিল—

মঞ্জু : এই বিপদ !

রঞ্জন : এটা সামান্য বিপদ হ'ল ! রাতে দুশ্চিন্তায়  
আমার চোখে ঘুম নেই ; দিনের বেলা বাড়ীতে থাকতে ভয়  
করে—এখানে পালিয়ে আসি। কিন্তু তাতেই কি নিস্তার  
আছে ? আজ তো চারজনে একসঙ্গে ধরেছিল—

মঞ্জু আর বুদ্ধি হাসি চাপিয়া রাখিতে পারে না। চাপা  
বিকৃত স্বরে সে বলিল—

মঞ্জু : তা আমি কি করব ?

রঞ্জন এবার তাহার উক্ত-হুম্মানভঙ্গী ত্যাগ করিয়া  
বসিয়া পড়িল, সহজ মিনতির স্বরে বলিল—

রঞ্জন : মঞ্জু, কেউ যদি আমাকে উদ্ধার করতে পারে  
তো সে তুমি। সত্যি বলছি, তুমি যদি কিছু না কর, ওরা  
কেউ না কেউ জোর করে আমাকে বিয়ে করে ছাড়বে !

মঞ্জু : তা বেশ তো—ভালই তো হবে।

ভৎসনাপূর্ণ নেত্রে চাহিয়া রঞ্জন মঞ্জুর কাঁধ ধরিয়া  
তাহাকে নিজের দিকে ফিরাইবার চেষ্টা করিল। মঞ্জু পুরা  
কিরিল না, আধাআধি ফিরিল।

রঞ্জন : মঞ্জু, তুমি এ কথা বলতে পারলে ? মন থেকে ?

মঞ্জু হাসিয়া ফেলিল।

মঞ্জু : তা আর কি বলব ? আমি কি করতে পারি ?

রঞ্জন : তুনি আমাকে বাঁচাতে পারো।

মঞ্জু গ্রীবা বাঁকাইয়া হাসিল।

মঞ্জু : কি ক'রে বাঁচাব ?

রঞ্জন মঞ্জুর একটা হাত নিজের হাতের মধ্যে তুলিয়া  
লইয়া গাঢ়স্বরে বলিল—

রঞ্জন :• বুঝতে তো পেরেছ, তবে কেন ছুটু মি করছ ?  
সত্যি মঞ্জু, বল আমাকে বিয়ে করবে !

মঞ্জু হাত টানিয়া লইবার চেষ্টা করিল।

মঞ্জু : হাত ছেড়ে দাও।

রঞ্জন : ছাড়ব না। আগে বল বিয়ে করবে।

মঞ্জু ঘাড় নীচু করিয়া রহিল ; মুখ টিপিয়া বলিল—

মঞ্জু : কেন ? ওদের হাত থেকে উদ্ধার করবার জন্তে ?

রঞ্জন : শুধু তাই নয়।—

রঞ্জন তাহাকে আর একটু কাছে টানিয়া আনিল।

রঞ্জন : মঞ্জু, এখনও মনের কথা স্পষ্ট করে বলতে হবে ?  
বেশ বলছি—আমি তোমাকে ভালবাসি—ভালবাসি—  
ভালবাসি।—এবার বল, বিয়ে করবে ?

মঞ্জুর নত মুখ অরুণাভ হইয়া উঠিয়াছিল ; সে উত্তর না  
দিয়া নখে পাথরের উপর আঁচড় কাটিতে লাগিল।

রঞ্জন : বল। না বললে ছাড়বো না।

মঞ্জু এবার চোখ দুটি একটু তুলিল।

মঞ্জু : তুমি কি সায়েব ?

রঞ্জন কথাটা বুদ্ধিতে পারিল না।

রঞ্জন : সায়েব ? তার মানে ?

মঞ্জু : বাবাকে বলতে হবে না ?

রঞ্জন : ( বুদ্ধিতে পারিয়া ) ও—ঃ ! না, সায়েব  
নই।—তঁাকেও বলব, আমার বাবাকেও বলব। কিন্তু তার  
আগে তোমার মনের কথাটা তুমি বল মঞ্জু—

মঞ্জু : সব কথা স্পষ্ট ক'রে বলতে হবে ?

রঞ্জন : হ্যাঁ।

মঞ্জু হাসিয়া পাশের দিকে চোখ ফিরাইল ; তারপর ঘাড়  
তুলিয়া সেই দিকে তাকাইয়া রহিল।

রঞ্জন : কই, বললে না ?

মঞ্জু অঙ্গুলি সঙ্কত করিয়া বলিল—

মঞ্জু : ঐ ছাথো—

রঞ্জন চোখ তুলিয়া দেখিল, কিছু দূরে নদীর কিনারায়  
এক সারস-দম্পতি আসিয়া বসিয়াছে। তাহারা পরস্পর  
চক্ষু চুম্বন করিতেছে, গলায় গলা জড়াইয়া আদর করিতেছে।

দুজনে পাশাপাশি বসিয়া পক্ষী-দম্পতির অমুরাগ-  
নিবেদন দেখিতে লাগিল। তারপর রঞ্জন মঞ্জুর কাছে  
আরও ঘেঁষিয়া বসিয়া এক হাত দিয়া তার স্বক বেষ্টন  
করিয়া লইল।

ফেড্ আউট।

( আগামী বারে সমাপ্য )

# স্বাধীন বৈষ্ণবরাজ্য মণিপুর

শ্রীনিত্যনারায়ণ বন্দ্যোপাধ্যায়

( ২ )

যেদিন আমরা ইম্ফাল পৌছলাম সেদিন উল্টো রথ। পথে দু'একটা গ্রামে রথপূজা ও রথটানা দেখলাম। বাঙ্গালার মত খোল-করতাল সহযোগে শোভাযাত্রার ব্যবস্থা আছে; কীর্তনসহ রাস্তার ওপর রথ পূজা হয়, রথের আকৃতি কিন্তু ভিন্ন রকমের। প্রধানতঃ কাঠ, বাঁশ ও কাপড় দিয়ে রথগুলি তৈরী। মহারাজার রথটা তাঁর প্রাসাদের সামনে বিস্থিত রাস্তায় টানা হয়। হাতীর ওপর রাজপরিবারের সকলে শোভাযাত্রায় যোগ দেন; প্রকাণ্ড রথ—মোট লম্বা রসার সঙ্গে লোহার তারের দড়ি রথে বাঁধা। মণিপুরীরা খুব উৎসবপ্রিয়, কাজেই এমন একটা উৎসবে গানবাজনা হৈ হৈ করা খুব স্বাভাবিক। ইম্ফালের সংরক্ষিত এলাকায় এক মাড়োয়ারীর ঠাকুরবাড়ীতে এবং মহারাজার এলাকায় প্রতি ৫।৭ মিনিট অন্তর নাটমন্দিরে নাটমন্দিরে কীর্তনের আয়োজন ছিল। সাধারণতঃ একটু বেশী রাত্রে কীর্তন শুরু হয় ও রাত্রি ২টা ২।০টা পর্যন্ত চলে। পুরুষেরা ও মেয়েরা পৃথক পৃথক দলে কীর্তন গায়, একসঙ্গে গায় না। মেয়েদের মধ্যে কোন কোন দল মণিপুরী বেশে মণিপুরী ভাষায় কীর্তন গায়, আবার কোন কোন দল বাঙ্গালীর মত শাড়ী ব্লাউস পরে কীর্তন গায়। মণিপুরী বেশে যারা গায় তাদের নাচের মধ্যে মণিপুরী নৃত্যের নিজস্ব সংযম, ছন্দ এবং তাল আছে, নৃত্যের সঙ্গে সঙ্গে সকলে হাতে তালি দিয়ে তাল রাখে; একজন মূলগায়ক গান গায়, অন্যান্য সকলে তার পুনরাবৃত্তি করে। যারা বাঙ্গালী পোষাকে গান গায়, তাদের নৃত্যের মধ্যে আধুনিক বাঁজীরা লাশ্চভঙ্গী বেশ সুস্পষ্ট; এরা কিন্তু সুন্দর বাঙ্গালায়চণ্ডীদাসের বিদ্যাপতির পদাবলী কীর্তন গায় অথচ তার একবর্ণেরও অর্থ বোঝে না। দু'একটা উচ্চারণ ছাড়া প্রত্যেকটা উচ্চারণ সুস্পষ্ট ও যেখানে যেমন ঝাঁক দিয়ে বলা দরকার ঠিক সেইমত উচ্চারণ করে। এখানে কীর্তনের আর এক মজা এই যে, একই আসরে বিভিন্ন দল পর পর গেয়ে যায়। শ্রোতার দল একজায়গায় বোসেই বিভিন্ন দলের গান শুনতে

পান। এক একটা গ্রামে একাধিক বিষ্ণুমন্দির এবং প্রত্যেক বিষ্ণুমন্দিরের সঙ্গে নাটমণ্ডপ। মালিকের অবস্থানসারে নাটমণ্ডপের আয়তন বা চাকচিক্যের পরিবর্তন ঘটে, তবে সাধারণতই নাটমণ্ডপগুলি বেশ প্রকাণ্ড। কতকগুলি নাটমণ্ডপ বেশ সাজান দেখলাম। উৎসবের দিন বড় রাস্তার ওপর দিয়ে হাঁটলে প্রতি ৫।৭ মিনিট অন্তর এক একটা মণ্ডপে কীর্তনের দল দেখা যায়, তা ছাড়া অদূরবর্তী বিভিন্ন মণ্ডপ থেকে গানবাজনার আওয়াজ শোনা যায়। রাস্তায় দলে দলে মেয়েপুরুষ মণ্ডপ থেকে মণ্ডপান্তরে চোলেছে। গানের অত্যন্ত কঠিন রাগ রাগিণী এদের অনেকেই বিশুদ্ধ শাস্ত্রসম্মতভাবে আলাপ করে। কীর্তনের



বিদ্যুৎ সরবরাহের জলপ্রপাত

সময় অনেকেই 'পেলা' দেয়। 'পেলা' দিতে আসরে ঢুকবার সময় প্রণাম কোরে ঢুকতে হয় এবং মূল গায়িকাদের হাতে 'পেলা' দিয়ে আসর থেকে বেরবার সময় আবার প্রণাম কোরতে হয়। সিকি, দুআনী এবং পয়সা পর্যন্ত দেবার প্রথা আছে। যার হাতে 'পেলা' দেয় সে কিন্তু ফিরেও দেখে না যে কি দিল, সঙ্গে সঙ্গে সে মাটিতে ফেলে দেয় এবং গানের পর তা দলের লোক কুড়িয়ে নেয়। গান আরম্ভের পূর্বে মণ্ডপের মালিক প্রত্যেক দলকে পান-সুপারী দিয়ে বরণ করে। যেখানে গান হয় সেখানে কিছু

পাতা থাকে না; শ্রোতাদের জন্ত একরকম সরু পুরু মাদুর অনেকগুলি পাতা থাকে। একদিন একটা আসরে আধুনিক ও প্রাচীন বিভিন্ন রকমের প্রায় দশ বারটা যন্ত্রসহযোগে পুরুষদের জয়দেবের গীতগোবিন্দের আবৃত্তি শুনলাম; বড় সুন্দর লাগল। এই ভাবে এখনও এখানে অতীতের সংস্কৃতি ধর্মের সঙ্গে জনসমাজের মাঝে বেঁচে আছে; লোকশিক্ষার পুরাতন ব্যবস্থা সচল রয়েছে। একদিন এদের যাত্রা দেখলাম; সেও রাধাকৃষ্ণের লীলাপ্রসঙ্গ নিয়েই। খুব সম্প্রতি ‘কর্ণাজ্জুন’, ‘ভীষ্ম’ প্রভৃতি পৌরাণিক ও দু’একখানা সামাজিক বাঙ্গালা নাটকও এদের ভাষায় অনূদিত হয়ে অভিনীত হয়েছে। বাঙ্গালা সাহিত্যের মারফতই এদেশের নূতন সাহিত্য গোড়ে উঠছে। অভিনয়ে স্ত্রীপুরুষ একসঙ্গেই অভিনয় করে। এখানে একটা সাধারণের রঙ্গালয় আছে। মাঝে মাঝে সেখানে অভিনয় হয়। এখানকার পুরুষেরা ঠিক বাঙ্গালীর মত কাপড় ও পাঞ্জাবী বা শার্ট পরে। বাঙ্গালীর সঙ্গে পার্থক্য বোঝা যায় ওদের উন্নত হনু ও ফোলা ফোলা চোখে এবং কপালের তিলকে। প্রায় প্রত্যেক মেয়ে পুরুষই রসকলি ও তিলক কাটে। মেয়েদের পোষাক কিন্তু সম্পূর্ণ ভিন্ন। সাধারণতঃ বগলের নীচে দিয়ে ঠিক বকের ওপর থেকে নিজেদের হাতে বোনা ৪ হাত লম্বা রঙ্গীন “ফানেক” পরে, গায়ে জড়ান থাকে একখানা খুব পাতলা সাদা বা রঙ্গীন চাদর। চুলগুলি বেশ সুবিন্যস্ত, কপালে তিলক। সাধারণতঃ এদের রং হলদেটে ফর্সা, হনু উন্নত, চোখ ফুলো ফুলো, মুখ খ্যাবড়া, বেঁটে গড়ন; এদের অনেককে ফর্সা মেঝেনের (সাঁওতাল রমণী) সঙ্গে তুলনা করা যেতে পারে। তবে সকলেই যে ফর্সা এমন নয়। স্কুলে-পড়া আধুনিক মেয়েরা গায়ে ব্লাউস ও চাদর নেয়, আর “ফানেক” পরে কোমর থেকে পা পর্যন্ত। এদের সাধারণ নিয়ম, অবিবাহিত মেয়েরা সামনের চুলগুলো সমান কোরে ছেঁটে কপালে ফেলে রাখে, আর বিবাহিতারা কপালের চুল উন্টে পেছন দিকে বাঁধে। আধুনিক অবিবাহিতা মেয়েরা এই নিয়মও মানে না, তারা সামনের চুল দুধারে ফাঁপিয়ে ফুলিয়ে গুছিয়ে রাখে। আধুনিক মেয়েরা শাড়ীর ভক্ত। সাধারণতঃ বাজারে বা রাস্তাঘাটে বর্ষীয়সী এবং দরিদ্র কর্মী মেয়েদেরই দেখা যায়, কাজেই মণিপুরের সত্যকার সুন্দরী দেখতে হলে গ্রামে যাওয়া প্রয়োজন। গ্রামের প্রতি

ঘরে তাঁত আছে, প্রত্যেক মেয়েই অবসর সময়ে তাঁত বোনে। যে মেয়ে তাঁত বুনতে জানে না তার বিয়ে হয় না—এমনি একটা কথা এখানে চলতি আছে। এখন মিলের সূতো যথেষ্ট মাথা গলিয়েছে, তবুও চরকা একেবারে ওঠে নি।

এদের বিয়ে সাধারণতঃ দূরকমের, প্রজাপতি ও গন্ধর্ব-মতে। মা বাপ দেখে পছন্দ কোরে পাঁচজন আত্মীয় স্বজনকে নিমন্ত্রণ কোরে যাগযজ্ঞ কোরে যে বিয়ে দেন তা প্রজাপতি মতে; সাধারণতঃ বর্দ্ধিষ্ণু ভদ্র ঘরে প্রথম বিয়েটা এইভাবেই হয়। এ বিয়েতেও কিন্তু খাওয়া দাওয়ার কোন ব্যবস্থা নাই, শুধু পান সুপারী দিয়েই বিদায়। দ্বিতীয় মতটা হোল এই যে, যদি কোন পুরুষ কোন কুমারী বা বিবাহিতা মেয়েকে নিয়ে পালিয়ে গিয়ে ধরা না পোড়ে একরাত্রি লুকিয়ে থাকতে পার তবে পরদিন সকাল থেকে গন্ধর্ব মতে সে ঐ নারীর স্বামী হবে। কিন্তু যদি ঐ রাত্রিতে কন্টার আত্মীয় স্বজন তাকে খুঁজে বের কোরতে পারে তবে কন্টা-লাভ ত বরাতে ঘোটবেই না—উন্টে ইচ্ছামত উত্তম মধ্যম দিয়ে তারা কন্টাটা নিয়ে যাবে এবং তার ওপর জরিমানা দিতে হবে। তবে সাধারণতঃ কন্টার আত্মীয়স্বজন খুব বেশী গোঁজাখুঁজী করে না, কারণ একবার ফিরিয়ে নিয়ে এলেও পরদিন আবার পালাতে পারে। বর্তমানে গোঁজাটা একটা লৌকিক আচারে দাঁড়িয়ে গেছে। স্ত্রী বা কন্টা হারালে বাড়ীর লোকেরা একবার আত্মীয়স্বজনের বাড়ী লাঠিসোটা নিয়ে ঘুরে খবর দিয়ে আসে এবং নেহাৎ আপত্তিকর সম্বন্ধ না হলে আন্তরিক বাধা দেয় না। মণিপুরে হিন্দুদের মাত্র দু’রকম জাত, ব্রাহ্মণ ও ক্ষত্রিয়। নাগারা শূদ্রদের কাজ করে, আর আছে দেশী খৃষ্টান ও মুসলমান, তবে এদের সংখ্যা নগণ্য (গত আদমসুমারী অনুযায়ী মণিপুরী হিন্দুদের সংখ্যা ২৫৭২৫৫ জন, খৃষ্টান ৯০৪০১, মুসলমান ২২৮৬৮ জন)। ব্রাহ্মণ ক্ষত্রিয়ের মেয়ে বিয়ে কোরলে তার ছেলে ব্রাহ্মণ হবে, তবে স্ত্রী পরিবারের মধ্যে জায়গা পাবে না; ক্ষত্রিয় ব্রাহ্মণের মেয়ে বিয়ে কোরলে ছেলে ক্ষত্রিয় হবে এবং ব্রাহ্মণী ক্ষত্রিয় পরিবারে স্থান পাবে না। এখানে এক একজন পুরুষ সাধারণতই পাঁচ সাতটা বিয়ে করে। স্ত্রী এখানে দুর্বহ নয়, বরং তারাই ভারবাহী। সাধারণতঃ মেয়েরাই এখানে নানা গৃহশিল্প দ্বারা উপার্জন করে ও



হলচালনা ছাড়া বাকী কৃষিকাজও করে, কাজেই এক একজন স্ত্রী উপার্জনের এক একটা অবলম্বন। যার যত স্ত্রী তার অর্থভাগ্য ততই সুপ্রসন্ন। সাধারণতঃ বয়োবৃদ্ধির সঙ্গে সঙ্গেই এক এক স্ত্রী বাতিল হয় ও নূতন স্ত্রী ঘরে আসে। ইহাই এখানকার প্রথা বোলে স্ত্রীদের মধ্যে এ নিয়ে খুব বেশী ঝগড়াঝাটি হয় না। বিবাহবিচ্ছেদ প্রথা প্রচলিত থাকায় এখানে বিধবা নামে কোন জিনিষ নাই, মণিপুর চির-সধবার দেশ। স্বামীস্ত্রীর পরস্পরে মিল না হোলে উভয়ের যে কেউ অপরকে ত্যাগ কোরতে পারে; পাঁচজন সালিশী ডেকে বোঝাপড়া করে ছাড়াছাড়ি হয়। তবে স্বামী স্ত্রীকে ত্যাগ কোরলে স্বামীর পঞ্চাশ টাকা পর্যন্ত জরিমানা হয়। টাকা দিয়ে বিচ্ছেদ হোলে স্ত্রী স্বামীর কাছ থেকে একটা নাদাবী লিখিয়ে নেয়, যাতে ভবিষ্যৎ স্বামীর কাছ থেকে পূর্বস্বামী পূর্বঅধিকারের জোরে কোন টাকা আদায় না কোরতে পারে। কুমারী ও সধবা চুল বাঁধার রকমফেরে বোঝা যায়, সধবারা সিঁচুর পরে না। ব্রাহ্মণ ও ক্ষত্রিয়দের মধ্যে ছুঁৎমার্গ খুব বেশী উৎকট নয়, কিন্তু “মায়াং” (আসামী ও বাঙ্গালীদিকে সাধারণতঃ বলে, যদিও সহজ অর্থ বিদেশী) বাড়ীর ভেতর ঢুকলে বা খাবার জিনিষ ছুঁলেই সর্বনাশ। যদি কোন মেয়ে “মায়াং”এর সঙ্গে বাস বা মায়াংকে বিবাহ করে, তবে সেই গ্রামের সমস্ত লোকের জাত যাবে। হিন্দুর আদর্শ মতে এখানে মহারাজা সাক্ষাৎ নারায়ণের অবতার। মহারাজার পাটরাণী ছাড়া আরও অনেক রাণী আছেন। কেউ জাতিচ্যুত হোলে, মহারাজকে ডালি দিলে তিনি যদি তুষ্ট হন তাকে জাতে তুলে দিতে পারেন। বর্তমান প্রজা-আন্দোলনের ফলে সাধারণ প্রজার এই অন্ধ রাজভক্তির ব্যতিক্রম ঘটছে।

বর্তমানে মহারাজা শাসন করেন তাঁর নিজের মনোনীত একটা শাসন-পরিষদের সাহায্যে। বর্তমানে এই পরিষদের সদস্য সংখ্যা ৮ জন ; এর মধ্যে মহারাজকুমার মাসিক ৩০০ এবং অগ্নাণ্ড সদস্যরা ১৫০ হিসাবে ভাতা পান শুনলাম। বর্তমান প্রজা-আন্দোলনের দাবী এই যে শাসন-পরিষদের সদস্য সংখ্যা আরও বাড়িয়ে একশত করা হোক এবং এর মধ্যে ৮০ জন সদস্য নির্বাচিত হবেন। এই প্রজা-আন্দোলনের মূলে আছে মাড়োয়ারীদের নিঃশ্রম শোষণ।

কয়েকবৎসর পূর্বেও মাড়োয়ারীরা শতকরা মাসিক ৩ টাকা থেকে ৬ সুদ নিয়েছে, এখনও মাসিক ২ টাকা ২১০ সুদ সাধারণ হার বোলে পরিগণিত। এখানকার চাষীকে ধানের মণ ১/০, ১০/০ দিয়ে নিজেরা বাইরে চালান দিয়ে প্রচুর লাভ কোরেছে, দেশের প্রায় সমস্ত ব্যবসাই এরা হাত কোরেছে, তবু এরা মণিপূরীকে বেশী বেতন দেবে না, শ্রায্য দাম দেবে না। ক্রমশঃ যখন লোকের চোখ ফুটল তখন যোগ্য নেতার সাহায্যে তারা প্রতিবাদ ঘোষণা করেছে। আন্দোলনের ফলে সংরক্ষিত এলাকায় প্রতিষ্ঠিত বাজারটা একেবারে উঠে গেছে। আমাদের পূর্বাগত যাত্রীরা এই বাজার সম্বন্ধে নানা লোভনীয় বর্ণনা কোরে গেছেন, কিন্তু দুর্ভাগ্যক্রমে এখন তা শ্মশানের মত পোড়ে আছে। মণিপুর স্ত্রী-প্রাধান্যের দেশ ;



নাগাপল্লীতে একজন আধুনিক নাগাধাত্রী

রাজনৈতিক আন্দোলনের অগ্রদূতও এখানে নারী। এখানকার যত কিছু রাজনৈতিক আন্দোলন—আজ পর্যন্ত মেয়েদের নেতৃত্বে মেয়েরাই চালিয়ে এসেছে। সংরক্ষিত এলাকায় পুলিশে তাদের ওপর অসদ্ব্যবহার করায় তারা বাজারটিকে শ্মশান কোরে ইন্ফাল নদীর অপর তীরে মহারাজার এলাকায় রৌদ্রবৃষ্টি মাথায় কোরে বাজার বসিয়েছে। ওপরে আচ্ছাদন নাই, বোম্ববার উচ্চাসন নাই, আসনের শৃঙ্খলা নাই, তবু তারা রোজ বিকাল ৫ ট্রি ৬ টায় এসে রাস্তার দুধারে পাশের মাঠে বাজার বসায়, কেনাবেচা চলে।

বাজারের পূর্বশ্রী নাই, তবে স্বাধীনতা আছে। সন্ধ্যায় যখন শত শত চীরকাঠ প্রদীপ শিখার মত এক একজন দোকানীর সামনে জ্বলে, তখন দূর থেকে মনে হয় দেওয়ালীর উৎসব লেগেছে। রাত্রি ১১টা ১২টা পর্যন্ত বাজার খোলা। এখানে বিক্রেতা সকলেই নারী, ক্রেতাও অধিকাংশ নারী। প্রকাণ্ড বড় বড় ডালা এবং থালা এরা অবলীলাক্রমে হাত না দিয়ে মাথায় নিয়ে (জিনিষপত্র সহ) চলে। তরকারী-পত্র বেশ সস্তা, আলুর মণ ৫০, অসময়ের বাধাকপি একপয়সায় একটা। ধানের মণ পাঁচ থেকে ছয় আনা। কিন্তু বিদেশী ব্যবসাদারদের শোষণ ও রপ্তানির ফলে ধানের দর দু'টাকার ওপর ও চালের দর চার টাকার ওপর উঠে গিয়ে-



উৎসব বেশে নাগা ও নাগিনী

ছিল। তার ফলে আন্দোলন সুরু হয়—‘রপ্তানি বন্ধ কর’। জীবনধারণের অবশ্য প্রয়োজনীয় জিনিষের দাম এমনি অসম্ভব বাড়ায় দেশের গরীবেরা অনাহারে রইল, ফলে আন্দোলন প্রাণ পেল। আন্দোলনের ফলে বর্তমানে রপ্তানি বন্ধ হোয়ে গিয়েছে এবং বিদেশী বণিকরা বিশেষ ক্ষতিগ্রস্ত হোয়েছে। চালের কলগুলি সবই বন্ধ দেখলাম। আন্দোলনের অগ্রদূতেরা অনেকেই অবশ্য আজ কারাগারে আবদ্ধ। বর্তমানে এই নিয়ম গুলনাম যে ধানের দাম মণ পিছু ২ বা ৩ টাকার বেশী উঠলে রপ্তানি বন্ধ হবে। বর্তমানে সাধারণতঃ রপ্তানি খুললে ধানের দর দশ থেকে বার আনা, চালের মণ ২ টাকা ২০।

এই আন্দোলনের ফলে এখানের সিনেমা বন্ধ হোয়ে যায়, কারণ তার মালিক ছিল মাড়োয়ারী। বর্তমানে একজন মণিপুরী সিনেমা ঘরটা ভাড়া নিয়ে চালাচ্ছেন। আলু, লঙ্কা, পাগড়ীর কাপড়, ধান ও চাল প্রধানতঃ মণিপুর থেকে রপ্তানি হয়। এখানে ব্যবসা বাণিজ্য কোরতে গেলে বৃটিশ প্রজাকে পলিটিক্যাল এজেন্টের কাছে দরখাস্ত কোরতে হয়; তিনি তা মহারাজার দরবারে পাঠান। তাঁর এবং দরবারের মঞ্জুরী পেলে তবে বাণিজ্য করা যেতে পারে। এখানে ১২।১৩ জন বাঙ্গালী ব্যবসাদার আছেন; এ ছাড়া স্কুলের শিক্ষকদের অধিকাংশই বাঙ্গালী। পোষ্ট অফিস, থানা এবং পলিটিক্যাল এজেন্টের অফিসের কর্মচারীরও অধিকাংশই বাঙ্গালী। বাঙ্গালীদের পাড়া এখানে “বাবুপাড়া” বোলে পরিচিত। এখানে বাঙ্গালীদের ছেলেমেয়েদের জন্য একটা বাঙ্গালী স্কুল আছে—বয়স্কদের মিলন ক্ষেত্র ‘ভিক্টোরিয়া ক্লাব’ আছে। এই সব প্রবাসী বাঙ্গালীদের ছেলেমেয়ের বিয়ে পৈতে দেওয়া এক সমস্যা। বিশেষ কোরে এঁদের বাড়ীর নববধূ বা নবাগতা আত্মীয়দের অবস্থা কল্পনা করা যেতে পারে। মাত্র ১০।১২টা পরিবার, তার বাইরের আকর্ষণ বিশেষ কিছু নাই। প্রায় পল্লীর মত শান্ত নীরব আবহাওয়ার মধ্যে ছোট্ট সহরের জীবন মন্থর গতিতে চোলেছে। বাঙ্গালীরা যেমন এখানে বাবু বোনেছে, তেমনি পাঞ্জাবীরা মোটরের ব্যবসা একচেটে কোরেছে, অস্থায়্য ব্যবসা মাড়োয়ারীদের করতলগত।

ইম্ফাল থেকে ২৮ মাইল দূরে “লকটাক” হ্রদ এখানকার অশ্রুতম দ্রষ্টব্য। ইম্ফাল থেকে ১২।১৪ মাইল দূরে একটা জায়গাকে এরা অর্জুনের বাসস্থান বোলে নির্দেশ করে। এখানে নাকি অনির্বাণ আশুণ জ্বোলছে, এদের যাবতীয় গুভকাজের হোমাগ্নি সেখান থেকেই আনে। মণিপুরই হোল চিত্রাঙ্গদার দেশ, সেই সূত্রেই অর্জুনের সঙ্গে এখানকার সম্পর্ক। গুরুজনদিগকে মণিপুরীরা সাষ্টাঙ্গে প্রণাম করে। রাস্তা বাটে দেখা হোলে কোমর থেকে নীচু হোয়ে মাটিতে দুই বা এক হাত ঠেকিয়ে প্রণাম জানায়। এখানকার শ্রেষ্ঠ উৎসব রাস এবং দোল। এ ছাড়া জন্মাষ্টমী, রাধাষ্টমী, হরি শয়ন, হরি উত্থান, বারুণী স্নান প্রভৃতি বার মাসে তের পার্বণ লেগেই আছে। প্রত্যেক উৎসবেই কীর্তনের আয়োজন হয়। দোলের সময় ইম্ফালের শ্রী ফিরে যায়।

দলে দলে স্ত্রী পুরুষ রঙ ও আবীর নিয়ে রাস্তায় উৎসব-উন্নত হোয়ে ঘুরে বেড়ায়। যদি কোন পুরুষ কোন মেয়ের মুখে আবীর দিয়ে দেয় তবে সেই দলে যত মেয়ে থাকবে সকলেই তার কাছ থেকে পয়সা আদায় কোরবে, না দিলে গা থেকে চাদর, জামা, ছাতা কেড়ে নেবে। তবে সুবিধা এই যে এক পয়সা, আধ পয়সাও দেওয়া চলে। রাসোৎসব প্রায় ৭ দিন ধোরে চলে। মণিপুরের উৎসব-জীবন দেখতে হোলে এই সময় আসা উচিত। বারুণীর স্নানের সময় স্ত্রীপুরুষ দল বেঁধে রাত্রি ২টা ২।০ টায় বাড়ী থেকে যাত্রা ক'রে ৭ মাইল দূরে এক পাহাড়ের উপর নদীতে স্নান কোরবার জন্তে যায়। এর মধ্যে পুণ্যস্পৃহা যত থাক বা না থাক, উৎসবের নেশা যথেষ্ট আছে। শ্রাবণ মাসে হরিশয়ন, তার পর উৎসব ও সব গুণ্ডকাজ বন্ধ থাকে; আবার কার্তিক অগ্রহায়ণ থেকে উৎসব শুরু হয়। অর্থাৎ কৃষি কাজের সময়টা উৎসব বন্ধ থাকে, আবার ধান ওঠার সঙ্গে সঙ্গে উৎসব শুরু হয়। হিন্দুরা মৃতদেহ পোড়ায়, মুসলমানরা কবর দেয়।

মহারাজার শাসন-ব্যবহার দরবার হোল উচ্চতম বিচারালয়, তার নীচে 'চেরাব' এবং তার নীচে পঞ্চায়েৎ। অবশ্য দরবারের হুকুমও মহারাজা নিজে রদ কোরতে পারেন। বৃটিশ প্রজার পক্ষে উচ্চতম বিচার-পরিষদ পলিটিক্যাল এজেন্ট।

পোলো খেলার জন্মভূমি মণিপুর। হিমালয়ের অন্তঃস্থলে অবস্থিত এই ছোট্ট দেশ থেকে এই খেলা আজ সারা পৃথিবীতে ছড়িয়ে পোড়েছে। এখনও এখানের পোলো মাঠে সপ্তাহে তিন দিন পোলো খেলা হয়।

ইম্ফালের মধ্যে দ্রষ্টব্য মহারাজার গোবিন্দজীর মন্দির। মন্দিরটা প্রাসাদের সংলগ্ন, অব্যবহৃত দ্বার। কোঁচা বুলিয়ে দেবদর্শন নিষেধ। মন্দিরের প্রহরীরা অস্ত্র দর্শকদিগকে নিষেধ করে। মন্দিরের চূড়াটা স্বর্ণমণ্ডিত, সামনে প্রকাণ্ড নাটমণ্ডপ। মণ্ডপের একধারে আধুনিক ষ্টেজ। মন্দিরের ঠিক সামনেই দরবার-কক্ষ। প্রাসাদে সাধারণের প্রবেশ নিষেধ। প্রাসাদের কাছেই উচ্চ বালিকাবিদ্যালয়। ইম্ফালে ছ'টা উচ্চ ইংরেজী বিদ্যালয় এবং আশে পাশে অনেক মধ্যইংরেজী বিদ্যালয় আছে। এগুলি কোলকাতা বিশ্ববিদ্যালয়ের অধীন। প্রাথমিক বিদ্যালয়গুলি মহারাজার

শিক্ষাবিভাগের অধীন। প্রায় শত বৎসর পূর্বে কম্বোয়া আসাম, কাছাড় প্রভৃতি আক্রমণ করে, সে সময় মণিপুর-রাজ চন্দ্রকীর্ত্তি সিং বৃটিশ গবর্নমেন্টকে যথেষ্ট সাহায্য করেন, তার ফলে উভয় রাজ্যের মধ্যে একটি সখ্য চুক্তি হয়। চন্দ্রকীর্ত্তির পুত্র সুরচন্দ্রের দৌর্বল্যের সুযোগে মণিপুরে ইংরেজ প্রতিপত্তি বেড়ে ওঠে। দেশের জনসাধারণ এবং মহারাজার অন্তঃস্থ ভাই ইংরেজের প্রতিপত্তি ভাল চোখে না দেখায় তাঁদের ষড়যন্ত্রে সুরচন্দ্রের ভাই কুলচন্দ্র সিংহাসন অধিকার করেন এবং সুরচন্দ্র সিংহাসনচ্যুত হোয়ে শিলচরে পালিয়ে যান। এর ফলে ইংরেজ সরকারের সঙ্গে রাজ-



নাগা ও নাগিনী

ভ্রাতাদের খণ্ড যুদ্ধ হয়। কিন্তু শেষ পর্যন্ত সুরচন্দ্রের কপালে আর সিংহাসনপ্রাপ্তি ঘটে নি। বর্তমান মহারাজা সার চূড়াচন্দ সিং সিংহাসন লাভ করেন। এঁর সঙ্গে প্রাচীন রাজবংশের কোন সাক্ষাৎ সম্পর্ক নাই; শুনলাম মণিপুর রাজপরিবারের প্রাচীন প্রাসাদ বর্তমানে ক্যান্টনমেন্টের সামিল। বর্তমান প্রাসাদগুলি নবনির্মিত। ইংরেজ অধিকারের পর প্রাচীন রাজবংশের সঙ্গে প্রাচীন প্রাসাদও নষ্ট হোয়ে গেছে।

ইম্ফাল নদীর ধারে 'মহাবলীর আশ্রম' আছে। এখানকার

ঠাকুর হুম্মান, বর্তমানে এঁর ভক্ত মাড়োয়ারীরাই বেশী। এই আশ্রমের বাগানে জীবন্ত মহাবীরের প্রাচুর্য্যও খুব।

মণিপুরী ভাষায় একটা স্থানীয় সংবাদপত্র আছে। অক্ষর বাঙ্গালা, তবে ভাষা ভিন্ন। শিক্ষিত মণিপুরীরা বাঙ্গালা ও ইংরেজী জানে, বাঙ্গালার প্রাচীন সংস্কৃতিও কোলকাতা বিশ্ববিদ্যালয়ের কল্যাণে। মণিপুরী পুরুষদের বাইরে আসতে কোন ছাড়পত্রের প্রয়োজন হয় না—কিন্তু নারীদের বাইরে যেতে দিতে ষ্টেটের যথেষ্ট আপত্তি আছে; সাত দিনের বেশী বিদেশী মণিপুরে থাকলে ৫ দিনে বিশেষ অনুমতি নিতে হয়।

প্রত্যাবর্তনের পথে অধিকাংশ যাত্রীরই পাহাড়ী রাস্তার দ্রুণ মাথা ঘোরে ও বমি হয়। বাসের সামনের আসন-গুলিতে কম কষ্ট হয়, মাকের বা পিছনের আসনে প্রাণ

বেরিয়ে আসে। ফেরার পথে “ঘাস পানি” নামে এক জায়গার আনারস খুব বিখ্যাত শুনে কিনলাম। আনারস-গুলো সত্যিই এত সুন্দর যে শুধু খোসা ছাড়িয়ে চিনি নুন না দিয়েও চমৎকার খেতে লাগে, ‘চোখ’ প্রায় নাই বোলেই হয়।

অন্নায়াসে ও ব্যয়ে ধারা প্রকৃতির পার্কৃত্য ও শ্রামল শোভা দেখতে চান এবং ভিন্নভাষাভাষী বিদেশের কৌতুকপ্রদ আবহাওয়ায় আনন্দ পেতে চান তাঁহাদিগকে পূর্বাঞ্চলের কাশ্মীর—মণিপুর যেতে অনুরোধ করি। তবে ভাষানভিজ্ঞতার জন্য জনসাধারণের সঙ্গে মিশতে বড় অসুবিধা হয়, এজন্তে সম্ভব হোলে সামান্য ভাষা শিখে গেলে ভ্রমণের পূর্ণ আনন্দ পাওয়া যায়।

## আবোল-তাবোল

শ্রীদিলীপকুমার রায়

শ্রীমান্ জ্ঞানপ্রকাশ ঘোষ

কল্যাণীয়েষু !

সারাটা দিন তোমার রেকর্ড “আবোল-তাবোল” বাজিয়ে যখন সন্ধ্যা এল—মনে হ’ল : “ছড়ায় না হয় লিখলামই বা ঘুরছে মনে যেসব খুশি। মানুষ যখন মনের মতন—মনের কথা ব’লে দুটো মনের বাণী লিখলামই বা !

পয়লা নম্বর : “আবোল-তাবোল” লাগে আমার বরাবরই বেজায় ভালো। “কার না লাগে?”—বলবে টুকে হয়ত তুমি। কিন্তু উহুঃ, ভুল তোমারই—জানো না কি অনাদরই ওড়ায় আঁধি—রসশ্রামল উঠতে যখন চায় কুসুমি’ ?

বিশেষ ক’রে আনাদের এই মনমরাদের দেশে রে ভাই, মনের প্রাণের হোলিখেলায় পাণ্ডুরা সব তুণ্ড নেড়ে বলেন না কি : “গেল—গেল—জয়ী হ’ল প্রগল্ভরাই—“বিজ্ঞবচন আউড়ে ওদের ধম্ ধম্ ধম্ টুঁটি—তেড়ে !”


এ কথাটা দিন যত যায় ততই বুঝি ঠেকে শিখে। গম্ভীরাত্মা বিরসতায় তাই তো আজো শিরপা তুলে উধাও ছুটি না মেনে হায় থানা পগার দিগ্বিদিকে : নীরসতার চেয়ে ভালো বিষ খাওয়াও চায়ো গুলে।

এই যে মনোভাব—অথ, এর গুনতে কি চাও সাইকলজি ? মানে—আহা, গুনলেই বা ! ব্যথা দিয়ে তুমিও যদি না বোধো ভাই ব্যথা—আকুল দ-য়ে যে হায় আমি মজি ! তাই তো দোহাই দিই—হোয়ো না তুমিও শেষে বেদরদী।

ছেলেবেলা থেকেই আমার কেটেছে দিন গল্পে গানে কাব্য-হাসি-তর্ক-আলাপ-মজলিশের ঐ খোশ খেয়ালে। খেলাঘরেই পিতৃদেবের অট্টহাসি বাজত কানে : হাঁটি-হাঁটি-পা-পা হ’ল “হাসির গানের” তালে তালে।

দেখতে দেখতে হ’লাম দোয়ার তাঁর সভা আর গান-আসরে। আঁখর দিতাম রংদারি—সব তাঁরই স্নেহের আঙ্কারাতে। একদিকে সুর রাঙল আলো ছায়ার নিড়ে প্রাণবাসরে : অশ্রমেঘে রচল হাসি ইন্দ্রধনু—রূপ জাগাতে।

তাই হ’ত ম্লান প্রায়ই এ-প্রাণ পরে যখন পড়ল চোখে :— হাসির রসের গানের দোলায় হয় না উতল জনে জনে ! গানের মতন গান গায় হায় কজন গভীর ব্যথায় শোকে ? দিলদরিয়া হাসি হাসে কয়টা বা দিল্ কলস্বনে ?



11-10-71



৩৭রায় স্কুমার মোটের উপর পাননি তো তাই কঙ্কে তেমন  
হোমরাও চোমরাওরা সবাই ঘনঘটা আনল হেঁকে,  
বলল : “এসব কী ফাজলামি করছে ওরা ? বিড়ে যেমন  
বুদ্ধিও তো তেম্নি হবে—” ঢাক পিটোলো বিষম রেগে ।

“বুদ্ধিমন্ত” কিন্তু তাঁরাই—নিজের মনে নেই তো শিখা,  
তাই দেখলেন ভগবানের নিরাকারেও দারুণ দাড়ি ।  
পণ্ডিত যে ! যুক্তি দিলেন : ঝরণাগুলোই মরীচিকা,  
সত্যি শুধু ধু ধু মরু—নেই যার রস, ঝগুরবাড়ি ।

স্বভাব-জামাই ছুনিয়াটা হায় মানল না সে-পরোয়ানা :  
তাই তো মিলন-ফসল আজও ধুলায় উহল ফুলে ফলে ।  
কী অবাধ্য !—ধূসরেরা যতই বলেন : “না না না না”,  
রঙিনরা গায় : “হাঁ হাঁ হাঁ হাঁ”—হাসির ধূমে, জলে স্থলে !

ফাগুন দেখে তাই জ্বললেন আ গুনশর্মা । কেন ?—কারণ  
প্রবীণ যখন দাড়ি নাড়েন—নবীন করে মুখটা হাঁড়ি,  
আর, ওমা ! যেই প্রবীণ করেন মুখটা হাঁড়ি—নবীন বারণ  
না মেনে দেয় উড়িয়ে হেসে, বৃথা করা শমন জারি ।

দেখ দেখি ! বলে ওরা : “আকাশও যে পড়ে গ’লে  
“নাটিতে মেঘ-মূর্ছনাতে হাওয়ার হাসির ছন্দ-ডাকে ।  
“তুষার দিল জন্ম যারে সেই স্ফটিকও পড়ে চ’লে  
“কালো মাটির ভালোবাসায় আলোকণী সিন্ধুরাগে ।

“হাসির আলো আছে ব’লেই তারই কোলে অক্ষ রাঙে,  
“তাই তো জীবন-কাঁটাবনে গন্ধরাজের বসন্ত ছায় ।  
“গতির নীলিম নূপুরবোলেই পাষণ করা নিত্য ভাঙে :  
“অন্ধকারের গুমট কাটে দম্কা হাওয়ার দুঃস্বতায় ।

“বলিসনেরে তাদের “জ্ঞানী” চায় না যারা ফুলফোয়ারা ।  
“রসিক যে নয়—নয় সে প্রেমিক, প্রেমিক যে নয়—  
সে হায় শুধু

“জ্ঞানগন্তীর আনাটাতে খাবি খেয়েই আজো সারা !  
“দুর্ভাগা হায়—থাকতে তরু করল বরণ মরু ধু ধু !

“তাই তো পাগল বাজিয়ে মাদল চেউ তুলে ধায় শ্রামলতায়  
“রূপ রঙ রস গন্ধ ধ্বনির তরঙ্গিত আশীর্বাদে ।  
“আঁধার বিমুখ হয়ই গানে : কিরণই চায় বন্ধ্যাধারায় ।  
“শিষ্ট গুহায় ফলে না ফল—লক্ষ্মীছাড়াই লক্ষ্মী সাথে ।”

এম্নি যে-হরস্তপনা তারই রাজার রঙ্গ গুণী !  
ছড়িয়ে দিলে অর্কেস্ট্রার ঝংকারের ঐ ফুলঝুরিতে  
নির্মলতার নর্মলীলায় বইয়ে সুরের সুরধুনী :  
বাচালতার ঘোড়শোয়ার আজ হ’ল পাখি গগন-গীতে ।

না না, এটার মানে আছে, ধোঁয়াটে নয় অর্থহারা ।  
কি জানো ভাই ? কথার পিঠে অর্থ চাপাও—হবেই ভারি ।  
ছন্দে হাজার হাক্কা করো—করতে তাকে মাটিছাড়া  
সুর ছাড়া আর কেউ পারে না, তাই সুরেলা—বংশীধারী ।

ছন্দ ভাবের যদি থাকে চেউয়ের নেশা—সুরের সাথেই  
চলে শুধু অধরা ঐ বৈদেহীদের লেনাদেনা ।  
কবি ফাঁকি দেয় খাঁচাকে—গুণীর সুরের সুরের ফাঁদেই  
তপন তারা দেয় ধরা—তাই, সুর পারে যা কেউ পারে না ।

এই “সুরেরই” গুণী ব’লে বাসি তোমায় প্রথম ভালো  
ক্রমে তুমি দেখিয়ে দিলে তুমিও বহুরূপী ভোগে ।  
তোমাকে তাই আদর তো ভাই করবই আজ আমরা—আলো  
জ্বাললে ব’লে রকমারি রংমশালের যোগাযোগে ।

কেউ কেউ হায় বলবেই : “এটা এমনই কী কাণ্ড হ’ল ?  
“ননসেন্সের ছড়ায় কেবল ননসেন্সের বাজি বাজে !”  
তবে সেটা বলবে তারাই বুদ্ধি যাদের নেহাৎ জ্বোলো  
Sound যদি হয় senseএর echo—রসিক মনেরময়ুর নাচে ।

“ওরিজিনাল” হয় প্রতিভা—আপনার পথ নেয়ই কেটে :  
স্কুমারের আগ্লাতে পথ ধুকুমারও তাই তো হারে ।  
বিশেষ, “প্রাণের প্রেমিক” সাথে “গানের-গুণী” জুটলে—ফেটে  
পড়ে খুশির ফোয়ারা, বলে : “যে পারে সে আপ্‌নি পারে ।”\*

\* জ্ঞানপ্রকাশ স্কুমার রায়ের আবোল-তাবোলের দুটি ছড়া সুর দিয়ে গ্রামোফোনে গেয়েছেন—তাই শুনে ।

# পুরাণ-পরিচয়

## শ্রী কালীকিঙ্কর গঙ্গোপাধ্যায়

( ক ) পুরাণ কাহাকে বলে ?

পুরাণ অতীত ভারতের ইতিহাস গ্রন্থ। ইহা যে ইতিহাস তাহা পুরাণ নিজেই সাক্ষ্য দেয়। বায়ু পুরাণে আছে : নৈমিষারণ্যবাসী ঋষিগণ যখন লোমহর্ষণ-সূতকে প্রাপ্ত হন, তখন তাঁহার নিকট হইতে বহুবিধ ইতিকথা শুনিতে ইচ্ছা করিয়া ক্রমিক প্রশ্নমুখে সকল তত্ত্ব অবগত হন। ভাগবতে আছে : শুকদেব ঋষিকে প্রাপ্ত হইয়া পরীক্ষিত মহারাজও ঐরূপ ক্রমিক বিভিন্ন প্রশ্নমুখে সমস্ত জিজ্ঞাসার অস্ত করেন। বিষ্ণুপুরাণে আছে : মৈত্রেয় জিজ্ঞাসু হইয়া যে সকল তথ্য অবগত হইতে মানস করেন, ক্রম প্রশ্ন-মুখে পরাশর ঋষি তাহা মৈত্রেয়কে উত্তর দিয়া বিদিত করেন। মৎস্য পুরাণে, কূর্মপুরাণে, ব্রহ্মাণ্ড পুরাণে...সর্বত্রই এইরূপ জিজ্ঞাসুর দল ক্রমিক-প্রশ্নের অবতারণা করিয়া সূতাদির নিকট জ্ঞাতব্য বিষয় অবগত হইতেন। যদিও দেশ আজ পুরাণকে আধ্যাত্মিক চর্চার আধার-রূপে বুঝিতেছেন, তথাপি পুরাণ সকল আলোচনা করিলে স্পষ্টই প্রতীতি হয় যে, সেই সকল প্রশ্নকারীর দল কেবলমাত্র আধ্যাত্মিক উন্নতির আশায় ব্রহ্মতত্ত্বাদি অবগত হইতে প্রশ্নসকল উপস্থাপন করিতেন না ; জানিতেন, বিশ্বসৃষ্টি ও লয়ের কথা ; জানিতেন, সৃষ্টির পর হইতে তথাকথিত কাল পর্য্যন্ত গণমানবের রাষ্ট্রনৈতিক, ধর্মনৈতিক, অর্থনৈতিক, সমাজনৈতিক আদির উত্থান-পতনের কথা ; জানিতেন, দেশের প্রাকৃতিক বিপর্যয়াদি।...

পুরাণ যে ইতিহাসই, তাহার প্রমাণ পুরাণ স্বয়ং আঙ্গুলক্ষণাকালে প্রকাশ করে—

সর্গশ্চ প্রতিসর্গশ্চ বংশো মন্বন্তরাণি চ ।

বংশানুচরিতং চেতি পুরাণং পঞ্চলক্ষণম্ ॥—বায়ুপুরাণ, ৪র্থ

—সর্গ অর্থাৎ বিশ্বাদি সৃষ্টি ; প্রতিসর্গ অর্থাৎ প্রলয়াদি ; বংশো অর্থাৎ রাজা, ঋষি, অহুর, দেবতা আদির প্রধান পুরুষ হইতে পর পরপুরুষের নাম সারণী ; বংশানুচরিত অর্থাৎ সেই সকল জনগণের মধ্যে প্রধান প্রধান জনের জীবনের ছোট-বড় ইতিকথা, যাহাকে ইতিহাস dynasty-সংবাদ বলে এবং মন্বন্তর অর্থাৎ মনুকাল যদ্বারা পূর্বোক্ত জনগণের সময়জ্ঞান হইতে পারে—এই সকলের সন্ধান পুরাণে পাওয়া যাইবে ; যেহেতু পুরাণের এই পঞ্চলক্ষণ। কাজেই পুরাণ যে অতীত ভারতের ইতিহাস তাহাতে আর দ্বি-মত থাকিতে পারে না। তথাপি যদি কেহ নিঃসন্দেহ হইতে না পারেন, তবে বলিতে হয় :

বস্মাৎ পুরাণনির্ভীদং পুরাণং তেন তৎস্বতম্ ।

নিরুক্তমশ্চ যো বেদ সর্বপাঠৈঃ প্রমুচ্যতে ॥—বায়ুপুরাণ, ১ অঃ

—বাস্তবিক .সর্ব পাপ হইতে পুরাণ প্রকণে মুক্তি পাওয়া যায় কি-না, তাহা

লইয়া মাথা বামাইবার বিশেষ কারণ নাই ; তবে যে একটি পাপ হইতে মুক্তি পাওয়া যায় এবিষয়ে অল্প মত কাহারও থাকিতে পারে না, মনে হয়। অজ্ঞানতাও পাপ।

( খ ) পুরাণের ঐতিহাসিকত্ব

অনেকে মনে করেন—ভারতের প্রাচীন ইতিহাস জানিবার উপায় নাই, পুরাণ ঠিক ইতিহাস নহে। তদুত্তর এই :

পুরাণ ইতিহাসই। কারণ, একথা সত্য—আজ আমরা যাহাকে যেরূপে অবগত হইতেছি, শত বৎসর পূর্বে বা পরে তাহাকে তদবস্থায় কেহ নিশ্চয়ই জানিতাম না বা জানিব না। কালের পার্থক্যে জ্ঞান, বিচার বা রুচির পার্থক্য হয়। কাজেই বর্তমানের বিচারে আমরা যাহাকে History বা ইতিহাস বলিয়া বুঝি, তাহার যে ক্রম ও রীতি আমরা লক্ষ্য করি, অতীতে বা ভবিষ্যতে তাহা যে ভিন্নরূপে সংঘটিত হইতে পারে না, তাহা জোর করিয়া বলা চলে না। পুরাণ যেকালে প্রচলিত হয় সেকালে উহা ইতিহাসরূপেই প্রচলিত হইত। সেকালে ইতিহাসের লক্ষণ ছিল—

ধর্মার্থকামমোক্ষাণামুপদেশ সমন্বিতম্ ।

পুরাবৃত্তকথায়ুক্তং ইতিহাসং প্রচক্ষতে ॥—দেবী ভাগবত

—ধর্ম, অর্থ, কাম ও মোক্ষ এই চতুর্ভাগ্যপ্রিত আলোচনা-সমন্বিত পুরাবৃত্তই ইতিহাস। ইহাই ছিল অতীত ভারতের ইতিহাস-লক্ষণাজ্ঞান। তাহারা বলিতেন :

ইতিহেত্যব্যয়ম্ পারম্পর্যোপদেশাভিধায়ি,

তস্ত্রাসনম্ আসঃ অবস্থান মোতধিত্তি ।

—বিষ্ণুপুরাণে ( ১।১।৪ ) শ্রীধর স্বামীধৃত বচন

‘ইতিহ’ শব্দ অব্যয়, ইহার অর্থ পরম্পরা-সম্বন্ধযুক্ত উপদিষ্ট কাহিনী— এইরূপ কাহিনী যাহাতে ‘আস’ অর্থাৎ অবস্থিত, তাহা ইতিহাস।

অতীত ভারতের ইতিহাস ( পুরাণ ) ও বর্তমান ভারতের History অংশ-বিশেষে একার্থ প্রতিপাদক হইলেও সম্পূর্ণত এক নহে। অমরকোষে লক্ষিত হয়—‘পারম্পর্যোপদেশোত্তৈত্য়মিতিহাসব্যয়ম্’, ইতিহাসঃ পুরাবৃত্তম্’। পরম্পরাপ্রাপ্ত প্রাচীন ঘটনার বিবরণ ইতিহাস। এই বিবৃত্তিকে অবশ্য ইতিবৃত্ত বা historical account বলা যায়। কিন্তু কাল যাপনা বা মন্বন্তরখণ্ড ইতিহাসের অপরিহার্য অঙ্গ না হওয়ার— ইতিহাস আধুনিক অর্থে History বা ইতিবৃত্ত নহে। পুরাণই প্রকৃত History বা ইতিবৃত্ত। ইতিহাস পরম্পরাপ্রাপ্ত কাহিনী। ঐতিহ্য বা পুরাবৃত্ত ইতিহাসের অঙ্গ। ‘ইতিহ’ শব্দ ঐতিহ্য শব্দ হইতেই সঞ্চিত হইয়াছে।



এখানে লক্ষ্য করিবার বিষয় এই : ইতি + হ + আস, যাহা বর্তমান স্মৃতিগণের মতে ইতিহাস শব্দে সাধ্য, তদনুসারে History অর্থে ইতিহাস নিরুক্তি হইলেও প্রাচীন মতে ইতি + হ + আস = ইতিহাস নহে, ইতিহ + আস = ইতিহাস। কাজেই প্রাচীন নির্দেশে পুরাণই ইতিহাস শব্দের প্রকৃত নিরুক্তি।

### ( গ ) পুরাণের পুরাণত্ব

দু-একশত বা দু-পাঁচ শত বৎসরের মধ্যে কিম্বা তদুর্দ্ধ কোন সম-সম কালে যে পুরাণগুলি রচিত হয় নাই, তাহা সত্য। হয়তো কথটি কেমন কেমন লাগিবে। কারণ পুরাণগুলির মধ্যে যে সকল বিবৃতি আমাদের দৃষ্টিগোচর হয় তাহাতে এমন অনেক বিষয় বিশেষ করিয়া স্মার্তবিধানাদি যাহা লক্ষিত হয় তদনুসারে পুরাণকে প্রাচীন কোন এক যুগের বলিয়া প্রত্যয় করা শক্ত হয়। ইহা সত্য ; তাই বলিয়া পুরাণের প্রাচীনতার পক্ষে ইহা কোন বাধক নহে।

প্রায় প্রত্যেকখানি পুরাণই বারাহ মন্বন্তরের শেষভাগে অর্থাৎ স্বয়ম্ভুব মনুর পরে ও বৈবস্বত মনুর আরম্ভকালে রচিত হইয়াছে। পুরাণসকল লক্ষ্য করিলে তাহা বুঝা যায়।

### ( ঘ ) পুরাণ সৃষ্টির কাল

পুরাণ যে ঠিক কবে, কোন্ সময় হইতে রচিত হইতে আরম্ভ হয়, পুরাণ লক্ষ্য করিলে তাহাও স্পষ্ট জানা যায়। প্রত্যেক পুরাণে স্মৃত-সংবাদ কালে মুনিগণের কাছে কথিত হইয়াছে—‘অতীত ছয় মনুর কথা আপনাদের বলিলাম, এক্ষণে সপ্তম মনুর অধিকার কাল’—অর্থাৎ স্বয়ম্ভুব, স্বরোচিষ, উতম, তামস, রৈবত, চাক্ষুষ—এই ছয় মনুকাল গত হইয়া সপ্তম যে বৈবস্বতমনু—তাহার অধিকার আরম্ভ হইয়াছে। এতদ্ব্যতীত পুরাণ সৃষ্টির মূলের কথা এই :

বেদপুত্র পৃথুরাজ প্রকৃত প্রজাপালক রাজা ছিলেন। ইনি রাজহুয় যজ্ঞ, কৃষিকর্ম, বয়নকর্ম আদির প্রবর্তক।

রাজহুয়ান্তিষিক্তানামাঙ্কঃ স বহুধাধিপঃ।

তস্ত স্তবার্থমুৎপন্নো নৈনুগৌ স্মৃত মাগধৌ ॥

—ব্রহ্মাণ্ডপুরাণ, ৬৮।২৬

ঐ যজ্ঞশালে অচ্যান্ত রাজস্ববর্গের সমক্ষে তাহার শ্রেষ্ঠত্ব প্রতিপাদন মানসে ও তদনুরূপ প্রজাহিতকামী সকল নৃপতিই হউন—এই বাসমায় ঋষিগণ কর্তৃক উপদিষ্ট হইয়া তাহার স্তবাদি কর্মসাধনার্থে স্মৃত ও মাগধগণের সৃষ্টি হয়। এই স্মৃত মাগধগণ কর্তৃক স্তবাদি কীর্তনের মূলে যে রাজশক্তি সমন্বিত মুনিগণ ছিলেন, তাহার প্রমাণ—

তাবুচুমুনয়ঃ সর্বে স্তুরতামেব পার্ধিবঃ।

কর্মৈতদনুরূপং বাং পাত্রং স্তোত্রস্ত চাপ্যয়ম্ ॥

—ব্রহ্মাণ্ড পুরাণ, ৬৮।১৪৩

মুনিগণ যখন বলিলেন—‘হে স্মৃত মাগধগণ !’ তোমরা এই নৃপতির স্তুতি গান কর, ইনি স্তবের উপযুক্ত। তখন তাহার বলিল :

ন চাস্ত কর্ম বৈ বিধঃ ন তথা লক্ষণং বশঃ।

স্তোত্রং যেনাস্ত কুর্ধাবো রাজস্তুজম্বিনো বিজা ॥

—ব্রহ্মাণ্ড পুরাণ, ৬৮।১৪৪

হে ঋজগণ ! শক্তিশালী এই রাজার স্তোত্র সধকে আমরা যে কিছুই জানি না, তবে কি বর্ণনা করিব ? তাহাতে ঋষিগণ বলিলেন—‘ভবিত্যেঃ স্তয়তামিতি’—ভবিতব্য কর্ম দ্বারা স্তব কর, পরে ভবিষ্যতে শিখিরা গাহিবে। তাহার গাহিল—

ততস্তবাস্তে হৃদ্রীতঃ পৃথুঃ প্রাদাৎ প্রজেশ্বরঃ।

অনুপদেশং স্মৃতায়, মগধং মাগধায় চ ॥—ব্রহ্মাণ্ড পুরাণ, ৬৮।১৪৭

—পৃথুরাজ তাহাতে সন্তুষ্ট হইয়া সেই স্মৃত ও মাগধগণকে যথাক্রমে অনুপদেশ ও মগধ দেশ দান করিলেন।

পুরাণের সূচনা বা আরম্ভ এইখানেই। কাজেই পুরাণ প্রাচীন গ্রন্থ। পৃথুরাজ বৈবস্বত মনুর আরম্ভে ছিলেন।

### ( ঙ ) পুরাণ প্রচলন ও সংরক্ষণ নীতি

পৃথুরাজার যজ্ঞশালে যে স্মৃত ও মাগধগণ সৃষ্ট হয়, তাহার তৎকালে নিজেদের কর্তব্য ধর্মকর্মও মুনিগণের নিকট বিদিত হয়। পরে, মাগধগণ এক একজন রাজার রাজ-সভায় স্থান পায় ও তাহার কর্তব্য হয়—সেই রাজার বংশানুক্রমিক চরিতাদি কণ্ঠস্থ রাখা এবং স্মৃতগণের ধর্মনির্দেশ হয়—তাহারা ভ্রমণশীল হইবে ; যখন যে রাজ্যে উপস্থিত হইবে—রাজার সানন্দ আতিথ্য লাভ করিবে এবং সেইকালে মাগধগণের নিকট হইতে রাজার বংশানুচরিত শিক্ষা করিয়া ইচ্ছানুরূপ স্থানে প্রস্থান করিবে।

এখানে লক্ষ্য করিবার বিষয় :

বৈদেশিক ইতিবৃত্তকারগণেরও ভারতীয় পরিপন্থীগণের মধ্যে অনেকেরই মনে হয়—অতীত ভারতে লিখন-প্রণালী প্রচলিত ছিল না। তাহাদের ধারণা—প্রাচীন গ্রীকগণ ও মিশরীয়গণ লিখিতে জানিতেন। তাহাদের এই প্রকার ধারণার অনুরূপে যুক্তি এই : অতীত ভারতীয়গণ চিরদিনই শ্রুতি ও স্মৃতি সাহায্যে আলোচ্য বিষয়গুলি ধারণা করিয়া আসিতেছেন। কিন্তু এ অনুরূপ সম্পূর্ণ যুক্তিহীন। মনুসংহিতায় আছে—‘শ্রুতিস্ত বেদবিজ্ঞেয়ো, ধর্মশাস্ত্রস্ত বৈস্মৃতি’—বেদশ্রুতি ও ধর্মশাস্ত্র স্মৃতি নামে পরিচিত। বেদাদি শ্রুতিশাস্ত্র যুক্তির উপর স্থাপিত নহে—ঐতিহ্য বা tradition ইহার ভিত্তি। কিন্তু স্মৃতিশাস্ত্র যুক্তির উপর প্রতিষ্ঠিত। যাহা যুক্তির উপর গড়িয়া উঠিয়াছে তাহা লিখনপদ্ধতি জানা না থাকিলে অধিগত করা চরম।

এতদ্ব্যতীত আরও একটি স্পষ্ট প্রমাণ মৎস্যপুরাণ, ২।৫।২৬-২৫ শ্লোক, যেখানে আছে :

কার্ধাস্তথাবিধানস্তত্র দ্বিজমুখ্যাঃ সভাসদঃ।

সর্বদেশাকর্যান্তিষ্ঠঃ সর্বশাস্ত্রবিশারদঃ ॥

লেখকঃ কথিতো রাজঃ সর্বাধিকরণেণু বৈ।

শীর্ষোপেতোম স্মসম্পূর্ণান্ সমশ্রেণীগতান্ সমান্ ॥

আস্তরান্, বৈ লিখেদ্ যন্ত লেখকঃ স বরঃ স্মৃতঃ ।

উপায় বাক্যকুশলঃ সর্বশাস্ত্রবিণায়নঃ ॥

বহুবর্ষজ্ঞা চাভ্যেন লেখকঃ স্তাস্থপোত্তম ।

পুরুবাত্তরত্বজ্ঞাঃ প্রাংশবচাপ্যালোপাঃ ॥

—এখানে এই যে উত্তম লেখকের কি কি গুণ থাকি চাই বর্ণিত হইয়াছে—ইহা কি লিখন-প্রণালী অপ্রচলিত থাকার পরিচয় দিতেছে? ভবিষ্যৎপুরাণে ২।৭ অধ্যায়ে—পুরাণ লিখনের যেবিধিনিষেধের ব্যবস্থা আছে, ইহাতেও কি অতীত ভারতীয়গণ লিখন-প্রণালী জামিতেন না বুঝিতে হইবে? অন্ততঃ পুরাণগুলি, উপনিষদাদি গ্রন্থসকল লক্ষ্য করিলে আমরা যে দেখিতে পাই, পুরাকালে অনেকেই অষ্টাদশ বিদ্যালয় করিতেন এবং কালে সেই সকল বিদ্যা যথা-অধিগত হইত তেমনি 'হবহ', অনেকদিন পরেও অপরকে বলিতে পারিতেন। লিখন বা পঠন ব্যতীত এ যুক্তি ভিত্তিহীন ও অসম্ভব বলিয়া মনে হয় না কি? ইহা ছাড়া আরও অনেক প্রমাণ আছে, প্রতিটি পুরাণের শেষভাগে লক্ষ্য করিলেই দেখা যায়, ঐ পুরাণ লিখিয়া অপরকে দান করিলে দানের পুণ্য, যজ্ঞের পুণ্য...আদি প্রাপ্তি হয়—ইত্যাদি প্রেরণামূলক বিধি আছে। কাজেই মাগধ বা স্মৃতিগণের পূর্বনির্দিষ্ট কর্মসাধন-ব্যাপারে স্মৃতিমাত্রই গ্রন্থের অভাবপূর্ণ করিত—ইহা অনুমান করা যায় না। তাহার নিশ্চয়ই গ্রন্থ সংরক্ষণ করিত। বিষ্ণুপুরাণে আছে—পরশুরাম-ঋষি বিষ্ণুপুরাণ রচনাকালে তিনখানি গ্রন্থের আশ্রয় লইয়াছিলেন। ঐ গ্রন্থ-ত্রয় সংহিতা নামেবিদিত ছিল, লোমহর্ষণ সংহিতা তন্মধ্যে মনে হয় একখানি।

বিষ্ণুপুরাণ ব্যাখ্যায় শ্রীধর স্বামী যে বচন উদ্ধার করিয়াছেন, তাহাতে দেখা যায়—

স্মৃতাঃ পৌরাণিকা শ্রোক্তা মাগধা বংশবেদিনঃ ।

বন্দিনস্বমল প্রজ্ঞাঃ প্রস্তাব সদৃশোক্তরঃ ॥

—পুরাণ সংরক্ষণ-ব্যাপারে কয়েক শ্রেণীর মনই থাকিত। বন্দীগণ রাজ্যের প্রয়োজনীয় দিক লক্ষ্য রাখিত ও তাহা রাজাকে সাধন করিবার জন্ত অনুরোধ জানাইত। নৃপতিগণও লোকপ্রিয় হইতে যথাসম্ভব তাহা সাধন করিতেন। মাগধগণ পরে রাজ-চরিত্র বর্ণনা প্রসঙ্গে তাহা উল্লেখ করিত। এই মাগধগণই state historian ছিল। ইহারা যে রাজার আশ্রয়ে থাকিত সেই রাজার পুরুবাত্তরমিক রাজ-নাম বা বংশাবলী, শাসন-কার্য, চরিত্র, দেশের ভৌগোলিক সংস্থিতি ও বিশেষ বিশেষ জনের (দেব, গন্ধর্ব, যক্ষ, রক্ষ, মুনি বা মনুষ্যাদির) জীবনী আদি গ্রন্থাকারে লিখিয়া রাখিত। পরে যথাকালে স্মৃতিগণ তাহাদের নিকট উপস্থিত হইলে তাহা পাঠ করিয়া শুনাইত;—স্মৃতিগণও স্ব স্ব গ্রন্থে সেই সকল উপাখ্যাম লক্ষ্য করিয়া লইত ও পরে স্মৃতিগণের আশ্রয়ে (মনুষ্যগণের আশ্রয়ে) আসিয়া তাহা পড়িয়া শুনাইত। এই স্মৃতিগণ তাহা আবার লক্ষ্য করিয়া লইতেন।

### (চ) পুরাণের তথ্য স্বীকৃতি

পৌরাণিক বিবৃতি সর্ববর্ত্তাবে গ্রাহ্য কি-না? প্রশ্ন স্বাভাবিক। উত্তরও তদ্রূপ সহজ; কোন বস্তুই কালিক সন্ধকে 'হবহ' ঠিক থাকিতে পারে না—ইহা যেমন সত্য পৌরাণিক বার্তা সন্ধকেও এ অভিধা তদ্রূপ প্রযোজ্য। পুরাণ বলিলেই যে তাহা সম্পূর্ণ সত্য হইবে, এমন কথা কেহই স্বীকার করিতে পারেন না বা এই অনুরোধও কেহ করে না। তবে পুরাণের ঘটনা প্রায়শই সত্য—ইহা মানিতে হয়। ভ্রম-প্রমাদ, প্রকাশকালের অদাবধানতা-হেতু সামান্য বিশেষ ত্রুটি-বিচ্যুতি, বর্ণনা বিশেষে অনুরাগ বা ষ্ঠ্য ভাব বোধে কোথাও অধিকোক্তি বা অতিরঞ্জিত করা, কোথাও বা সংক্ষেপোক্তি স্বাভাবিক। এই মুহূর্ত্তের স্মৃতি উপাখ্যাম পর মুহূর্ত্তে যথাসম্মত বলা শক্ত। ইহা প্রথমোক্ত বক্তার সন্ধকে যেমন প্রযোজ্য, দ্বিতীয়োক্ত শ্রোতার সন্ধকেও তদ্রূপ। কাজেই পুরাণের বার্তাসকল অবিচারে গ্রহণ বা বর্জন করা চলে না। বিচার করিতেই হইবে।

পূর্বেই বলিয়াছি: স্মৃতিগণ পুরাণের বক্তা। কাজেই স্মৃতি-প্রোক্ত ইতিকথাই পুরাণের মূলভিত্তি—original source বলিতে হয়। যদিও পুরাণে আছে—

মধ্যমো হোষ স্মৃতিগণ ধর্মঃ ক্ষত্রোপবীজনম্ ।

রথমাগাশ্চরিতং জঘন্স্বঞ্চ চিকিৎসিতম্ ॥ —বায়ুপুরাণ

ক্ষত্রবৃদ্ধি স্মৃতির মধ্যমধর্ম; রথ, নাগ, অখচালনা বা চিকিৎসা আদি তাহাদের জঘন্স্ব ধর্ম; তথাপি—

স্বধর্ম এব স্মৃতিগণ সক্তিদৃষ্টে: পুরাতনৈ: ।

দেবতানামৃষীগাঞ্চ রাজ্ঞাং চামিততেজসাম্ ॥

বংশানাং ধারণং কার্যং স্মৃতানাঞ্চ মহাস্বনাম্ ॥

ইতিহাস পুরাণেবুদ্দিষ্টা যে ব্রহ্মবাদিত্তি: ॥ —বায়ুপুরাণ

অমিততেজা দেব, ঋষি, গন্ধর্ব, অহুর, নৃপাদির বংশক্রম ও বংশানুচরিত কীর্তন করাই তাহাদের শ্রেষ্ঠ ধর্ম বলিয়া পৌরাণিকগণ কীর্তন করেন। স্মৃতিগণ তাহাদের এই উত্তম ধর্ম পালন করিতে সর্বদা সচেষ্ট থাকিত। মাগধগণের নিকট তাহারা যাহা শুনিত, বিনা বিচারে তাহা গ্রহণ করিত এবং কার্যকালে 'হবহ' বলিয়া যাইত। তাহাদের এই 'হবহ' বলার পক্ষে পৌরাণিক সাক্ষ্য এই:

শৃণুখাদি পুরাণেবু বেদেভ্যশ্চ যথাশ্রুতম্ ।

ব্রাহ্মণানাঞ্চ বদতাং স্মৃতা বৈ স্মাস্বনাম্ ॥

\* \* \*

তৎ তেহহং কথয়িষ্যামি যথাশক্তি যথাশ্রুতি ।

যজ্ঞজাতুং ময়া শক্যস্বধিমায়েণ সত্তমা: ॥ —মৎসুপুরাণ

### (ছ) পুরাণে স্মৃতি, স্মৃতি প্রমাদ ও প্রমাদকার

যদিও ঐতিহাসিকের দৃষ্টিতে পুরাণে সাধারণত তিনপ্রকার প্রমাদ লক্ষিত হয়—অধিকোক্তি প্রমাদ, অনুক্তি প্রমাদ ও স্মৃতি প্রমাদ। তথাপি

মনে হয় শ্রুতি প্রমাদই ইহাদের মূল কারণ এবং এই সকল প্রমাদের মূলে—পুরাণ-সঙ্কলনকারী ঋষিগণই অধিকতর দায়ী ও স্মৃতগণ আংশিক-রূপে দায়ী।

পুরাণকে ইতিহাসরূপে দেখিলে স্মৃত্যাদি বিচার-বিধি (পূজা, ব্রত, উপবাস, শ্রাদ্ধ, প্রায়শ্চিত্ত আদি), যেখানে সেখানে দেবতাবিশেষের (ব্রহ্মা, বিষ্ণু, শিব, ইন্দ্র, কালী আদি) আত্মসাক্ষাৎকার ও অলৌকিক ঘটনার সন্নিবেশসাধন, নৃপতিবিশেষের চরিত্রে অপ্রয়োজনীয় ও গাঞ্জিক উপস্থাপন নিবেশ করা ..আদি—অধিকোক্তি কোথাও বা বর্ণনযোগ্য স্থলে বক্তব্য বিষয়ের সন্নিবেশ না করিয়া, কোথাও বা পত্রাদি বংশক্রমে সংক্ষেপার্থে নাম ব্যক্ত না করিয়া কাহিনীর সমাপ্তি করা আদি—অনুক্তি প্রমাদ এবং শ্রুতি প্রমাদ অর্থাৎ কোন একটি নৃপতিবিশেষের নাম কোথাও বৃহদ্রথ, বৃহদ্রথ, বৃহদ্রুথ ইত্যাকার প্রমাদ।

মাগধগণের নিকট হইতে স্মৃতগণের এবং স্মৃতগণের নিকট হইতে ঋষিগণের শ্রুতিমুখে পুরাণ সংকলন প্রথায় মনঃসংযোগের তারতম্যে ও কর্মকালে পটুতার ইতরবিশেষ তারতম্যে বা শ্রুত কথা দ্রুতলেখাকালে অসাবধনতা হেতু ভ্রম হইত। ইহা ছাড়া ভ্রমের অপর একটি কারণ অনুমান করা যায়, মুদ্রায়ন্ত্র প্রচলনের পূর্বে হৃদীর্ঘকাল যে নকলকরা প্রথা ছিল—তাহাও।

স্মৃতগণ পুরাণে ঐতিহাসিক অঙ্গই শুধু বর্ণনা করিতেন, কিন্তু সেই সকল অংশে স্মৃত্যাদি অংশ সন্নিবেশে যে ঋষিগণ তাহা মিলিত পুরাণ-প্রমাণে বৃদ্ধিতে বাকী থাকে না।

ঋষম্ এষ স্মৃতস্ত নদ্বিদৃষ্টঃ পুরাতনৈঃ।

দেবতানামৃষীণাঞ্চ রাজ্ঞাং চামিততেজসাম্।

বংশানাং ধারণং কার্ধং শ্রুতানাঞ্চ মহীজ্ঞানাম্।

ইতিহাস পুরাণেষু দিষ্টা যে ব্রহ্মবাদিভিঃ।

ন হি বেদেষু অধিকারঃ কশ্চিৎ স্মৃতস্ত দৃশ্যতে।

—বায়ুপুরাণ

( জ ) পুরাণকার ও ব্যাসদেব

সমস্ত পুরাণ বেদব্যাস রচিত বলা থাকিলেও মূলত তাহা ঠিক নহে। তবে বতদূর অনুমান করা যায় তাহা এই : বেদব্যাস পুরাণের একজন সংস্কারক ও অধ্যাপক ছিলেন ; লোমহর্ষণ স্মৃত তাঁহার কাছে পুরাণ অধ্যয়ন করে। বিষ্ণুপুরাণখানি লক্ষ্য করিলে দেখা যায়, উহাতে বেদ-ব্যাসের কোন অধিকার নাই বা ছিল না ; উহা পরাশর ঋষির অধিকারে ছিল। বিষ্ণুপুরাণের গোড়াতেই আছে :

ইতিহাস পুরাণজ্ঞঃ বেদবেদাঙ্গপারঙ্গম্

ধর্মশাস্ত্রাদিতত্ত্বজ্ঞঃ বশিষ্ঠতনয়াজ্ঞম্।

পরাশরঃ মুনিবরঃ কৃতপূর্বাঙ্কিকক্রিয়ম্।

মৈত্রেয়ঃ পরিপত্রচ্ছ প্রণিপত্যাত্তি বাস্ত চ।

ইতিপূর্বং বশিষ্ঠেন পুলস্ত্যেন চ ধীমতা।

যদ্রুতঃ তৎ স্মৃতিং যাতঃ ত্বৎ প্রমাদখিলং মম।

সোহহং বদাম্যশেষং তে মৈত্রেয়ঃ পরিপৃচ্ছতে।

পুরাণ সংহিতাং সম্যক্ তাং নিবোধ যথাযথম্।

—পরাশর ঋষিই মৈত্রেয়কে এই পুরাণ শ্রবণ করান। পরাশর ঋষি আবার তাহা বশিষ্ঠ ও পুলস্ত্য ঋষির নিকট শ্রবণ করিয়াছিলেন। বিষ্ণু-পুরাণের ৬৮৮২ শ্লোকে দেখা যায় : ব্রহ্মা-ঋভু-প্রিয়ব্রত-শাণ্ডারি-স্বব-মিত্র-দধীচ-সারস্বত-ভৃগু-পুরুকুস-নর্মদা-ধৃতরাষ্ট্র ও পুরাণ-বাহুকি-বৎস-অম্বতর-কম্বল-একমপত্র-বেদশিরা-প্রমতি-জাতুকর্ণ-পরাশর-মৈত্রেয়-শমীক আদি ক্রমিক বিষ্ণুপুরাণের সংস্কারক (successive editors) ছিলেন। ইহারা নিজ নিজ কালানুযায়ী ও কা নিক যুগসীমা পর্যন্ত তৎপ্রস্থানিকে কালিক (up-to-date) করিয়া রাখিতে চেষ্টা পাইয়াছেন। বায়ুপুরাণ মৎস্তপুরাণ আদিও এইরূপে কালিক সংস্কারকগণের হস্তে রূপান্তরিত হইয়াছে। যদিও পুরাণে স্মৃতগণের বর্ণনা কেবল ইহার ইতিহাস অংশই, তথাপি লোক-শিক্ষা দানের সুকরার্থে ও সুখকরার্থে পুরাণের কালিক সংস্কারকগণ তাহাতে অনেক কিছু রূপক বসনা, অলৌকিক উপস্থাপন, আধ্যাত্মিক ব্যাখ্যা, স্মৃত্যাদি সন্নিবেশ করিয়াছেন—আয়ুর্বেদ শাস্ত্র, জ্যোতিষশা আদিও এইরূপে পুরাণে স্থান পাইয়াছে—মনে হয়।

নারদীয় পুরাণ লক্ষ্য করিলে দেখা যায় : পূর্বকালে শতকোটি শ্লোকাত্মক একখানি মাত্র পুরাণ ছিল। পরে ঐ পুরাণ হইতেই সমুদ্র পুরাণশাস্ত্রের উৎপত্তি হয়। পুরাণান্তরে এই মতই সমর্থিত হইয়াছে। সেখানে আছে : মহামতি বেদব্যাস কলিযুগাগত ব্রাহ্মণগণের অল্পমেধা ও অল্পপ্রতিভা হইতেছে ও হইবে দর্শন করিয়া বেদরূপ দুস্ত্রবেশ প্রস্থ-খানিকে সহজ বোধের নিমিত্ত যেমন বেদকে চতুর্ধা ভাগ করিয়া পৈলকে ঋগ্বেদ, বৈশম্পায়নকে যজুর্বেদ, জৈমিনিকে সামবেদ ও হুমন্তকে অথর্ববেদ অধ্যয়ন করাইয়াছিলেন—তেমনি নূতনতর এক সুললিত ভাষায় উপাখ্যানাদির সহিত বেদার্থ হৃদয়ঙ্গম করাইতে—আখ্যান, উপাখ্যান, গাথী ও কল্পশুদ্ধির সহিত একখানি চতুর্লক্ষ শ্লোকাত্মক পুরাণ-সংহিতাও প্রণয়ন করেন এবং তাহা লোমহর্ষণ নামক স্মৃতকে শিক্ষা দেন। লোমহর্ষণ আবার সেই ব্যাস-কৃত পুরাণ-সংহিতাখানি—স্মৃতি, অগ্নিবর্চা, মিত্রমু, শাংশপায়ন, অকৃতব্রণ ও সার্বর্গি—নামক ছয় শিষ্যকে শিক্ষা দেন। কালে এই চতুর্লক্ষশ্লোকাত্মক ব্যাস-সংহিতা পুরাণখানিই অষ্টাদশ অংশে বিভক্ত হয় এবং যাহারা ইহা বিভাগ করেন তাঁহারা নিজ নিজ নাম গোপন করিয়া—ব্যাস-কৃত মূল হেতু ব্যাসের মর্দান রক্ষা করিয়া-ছিলেম।

এই সকল পুরাণের নাম—

|                   |     |        |            |
|-------------------|-----|--------|------------|
| ১। ব্রহ্মপুরাণ... | ... | ১০,০০০ | শ্লোকবৃত্ত |
| ২। পদ্মপুরাণ...   | ... | ২৫,০০০ | "          |
| ৩। বিষ্ণুপুরাণ... | ... | ২৩,০০০ | "          |
| ৪। বায়ুপুরাণ     | ... | ২৪,০০০ | "          |

|   |     |        |   |                     |     |        |
|---|-----|--------|---|---------------------|-----|--------|
| ৫। ভাগবত পুরাণ (দেবী ভাগবত শ্রীমদ্ভাগবত নহে। উহা<br>বোপদেব-কৃত, উহার শ্লোক-সংখ্যা অনেক বেশী প্রায় ৮০,০০০ ) | ... | ১৮,০০০ | " | ১১। লিঙ্গপুরাণ      | ... | ১১,০০০ |
| ৬। নারদীয়পুরাণ   | ... | ২৫,০০০ | " | ১২। বরাহপুরাণ       | ... | ২৪,০০০ |
| ৭। মার্কণ্ডেয়পুরাণ   | ... | ৯,০০০  | " | ১৩। স্কন্দপুরাণ     | ... | ৮১,০০০ |
| ৮। অগ্নিপুরাণ   | ... | ১৫,০০০ | " | ১৪। বামনপুরাণ       | ... | ১০,০০০ |
| ৯। ভবিষ্যপুরাণ  | ... | ১৪,০০০ | " | ১৫। কুর্মপুরাণ      | ... | ১৭,০০০ |
| ১০। ব্রহ্মবৈবর্ত পুরাণ  | ... | ১৮,০০০ | " | ১৬। মৎস্তপুরাণ      | ... | ১৪,০০০ |
|   |     |        |   | ১৭। গরুড়পুরাণ      | ... | ১৯,০০০ |
|   |     |        |   | ১৮। ব্রহ্মাণ্ডপুরাণ | ... | ১২,০০০ |

## চণ্ডীদাস

### শ্রীভোলানাথ সেনগুপ্ত

কি রসে রসিয়া নাহুরে বসিয়া গাহিলে কাহুর গান,  
শ্রবণেতে পশি মরমে পরশি আকুল করিল প্রাণ ;  
অস্তুরে বঁধু, ছিল কত মধু, যে বুঝে পীরিত-রীত  
সেই জন জানে হৃদে বহুমানের অমর তোমার গীত ।

হে দ্বিজ চণ্ডীদাস,

শীতল জানিয়া তেঁই ও চরণ চরণে হইছ দাস ।

পীরিতি বলিয়া তিনটি আখর ভুবনে আনিল যেই,  
তোমার পীরিতি রসের সায়ে আপনি ডুবিল সেই ;  
তব হিয়া ছাড়ি যেতে আন বাড়ী পরাণ নাহি যে চায়,  
দিয়ে সুরে সুর মুরলী মূহুর মধুর মধুর গায় ;

রসিক চণ্ডীদাসে

মজাতে আসিয়া, মজিয়া মজিল চতুর সে পীতবাসে !

শ্রীমাধব পদ সাগরে মিলিতে বাসনা হইল ব'লে,  
জীবন-তরণী ভাসাইয়া দিলে পীরিতি-নদীর জলে ;  
পীরিতি-নদীর শ্রাম দুটি তীর শ্রামল তাহার জল,  
করিতে সিনান, পরশন, পান অমিয়-সমান ফল ;

নাবিক চণ্ডীদাস

তীরে উতরিল, কতজনে নিল শ্রাম-নগরীর পাশ ।

ধিক ধনিজনে, ধিক তার ধনে, ধিক এ দগধ দেশ,  
এমন পীরিতি-স্মিরিতি রাখিতে নাকরে ঘটন-লেশ ;  
নিলাজ-হৃদয় সব জন হয় নিপট-কপট-প্রাণ,  
কিছু নাহি দিয়া নিত-নিত গিয়া করিছে অমিয় পান ;

অমর চণ্ডীদাস,

গানে তুমি রাজা, চিরদিন তাজা, না কর কিছুর আশ ।

তব গীতিগুণ' স্মরি পুন পুন হরষ-সাগরে ভাসি,  
সাধনার রীত জানি বিপরীত পরিছ প্রেমের ফাঁসি ;  
অতি সুশীতল তব পদতল অমেয় রসের ঠাই,  
তারি রসফল করি সম্বল, ভাবনা কিছুই নাই ।

হে কবি চণ্ডীদাস,

'মধুর জানিয়া সজীত তব হইছ মরম-দাস ।



# জঙ্গম

বনফুল

১২

মানুষের সহিত পশুর প্রকৃতিগত অনেক সাদৃশ্য ত আছেই, অনেক সময় আকৃতিগত সাদৃশ্যও থাকে। এক একজন লোকের সহিত এক একটা পশুর অদ্ভুত রকম মিল, দেখিলেই একটা বিশেষ পশুর কথা মনে পড়ে। সেদিন সন্ধ্যায় যে লোকটি হাওড়ায় একটা মুদির দোকানের সম্মুখে দাঁড়াইয়াছিলেন তাঁহাকে দেখিলেই ঘোড়ার কথা মনে হয়। মুখটা ঠিক ঘোড়ার মুখের মত—খানিকটা যেন লম্বা হইয়া সামনের দিকে আগাইয়া গিয়াছে। মাথার সামনের দিকে লম্বা লম্বা চুল, দাঁতগুলোও লম্বা লম্বা এবং এব্‌ডো-খেব্‌ডো, যেন একটা আর একটার ঘাড়ে চড়িবার চেষ্টা করিতেছে। সমস্ত দাঁতেই বিশ্রী হলুদ রঙের ছোপ। গায়ে একটা আধময়লা কামিজ, পায়ে ছেঁড়া ক্যান্সিসের জুতা, পরনের কাপড়টাও ময়লা কিন্তু বেশ কায়দা করিয়া মালকোঁচা মারিয়া পরা। দেখিলে ঘৃণা হয়। কিন্তু ভয় হয় ভদ্রলোকের চোখ দুটি দেখিলে। খুব বড় বড় কিন্তু খুব ছোট ছোট নয়, মাঝারি ধরণের সাধারণ চোখ। এককালে হয় তো সাধারণ চোখের মতই খানিকটা সাদা এবং খানিকটা কালো অংশ ছিল, এখন কিন্তু সাদা অংশটি পীতাভ এবং কালো অংশটি ক্রমশ বাদামি গোছের হইয়া গিয়াছে। প্রথম দর্শনে ইহাতে হয় তো ভীতিকর কিছু দেখা যাইবে না, কিন্তু কিছুক্ষণ লক্ষ্য করিলেই ভয় হইবে। ভদ্রলোক যদিও জ্ঞাতসারে সর্বদাই চোখের দৃষ্টিতে একটা সহৃদয়তার সুন্দর পরদা টাঙাইয়া রাখিয়াছেন, কিন্তু একটু অন্তমনস্ক হইলেই পরদা সরিয়া যাইতেছে এবং তাহার অন্তরালে যে দৃষ্টি দেখা যাইতেছে তাহা মানুষের নয়—পিশাচের। পকেট হইতে চিনাবাদাম বাহির করিয়া ভদ্রলোক খোলা ছাড়াইয়া ছাড়াইয়া মুখে ফেলিতেছেন এবং লক্ষ্য করিতেছেন মুদির দোকানে খরিদারের ভিড় কখন কমিবে। মুদির দোকান নির্জন না হইলে তাঁহার সওদা খরিদ করা হইবে না।

একটু পরই মুদির দোকান নির্জন হইল এবং খগেশ্বর-

বাবু ওরফে হারাণবাবু ওরফে যতীনবাবু ওরফে কেট-বাবু ওরফে তিন নম্বর আগাইয়া গেলেন এবং মুদিকে সম্বোধন করিয়া বলিলেন, “কর্তা, আমার সওদাটা এবার দাও দিকি।”

“কি চাই বলুন?”

“বেশী কিছু নয়, আধ পোটাক সুপরি। সবগুলি কিন্তু কাণা হওয়া চাই—”

মুদি একটু বিস্ময়ের ভান করিল।

বলিল, “সবগুলো কাণা? কি হবে কাণা সুপরি দিয়ে!”

হলুদ রঙের দস্তগুলি বিকশিত করিয়া খগেন বলিল, “ওষুধ।”

“কিসের ওষুধ?”

“চুলকানির।”

মুদি বাছিয়া বাছিয়া আধপোয়া কাণা সুপারি ওজন করিয়া দিল এবং প্রসন্নত বলিল, “কারফরমা লেনের মোড়ে একটা বিড়িওয়ালা আছে চুলকানির অব্যর্থ ঔষধ সে জানে।” খগেশ্বর ঠিকানাটা টুকিয়া লইলেন। এই ঠিকানাটারই প্রয়োজন। এই ঠিকানা জনৈক কাণা-সুপারি-ক্রেতাকে দিবার জন্ত মুদিও পয়সা ধাইয়া প্রস্তুত হইয়া বসিয়াছিল।

কারফরমা লেন চিৎপুর অঞ্চলে। একটি ট্যাক্সি সহযোগে খগেশ্বর রওনা হইলেন। কারফরমা লেনের কাছাকাছি আসিয়া ট্যাক্সিটা ছাড়িয়া দিলেন এবং কিছুটা দূর হাঁটিয়া গিয়া দেখিলেন—কারফরমা লেনের মোড়ে সত্যিই একটা বিড়ির দোকান রহিয়াছে। থাকিবেই তাহা খগেশ্বরবাবু জানিতেন। জনৈক বৃদ্ধ মিঞা বসিয়া বিড়ি পাকাইতেছিল।

খগেশ্বর আগাইয়া গিয়া বলিলেন, “মিঞাসাহেব, ভাল গোলাপী বিড়ি চাই এক বাঙুল—”

মিঞাসাহেব বিড়ি দিলেন।

খগেশ্বর বলিলেন, “আর একটি মেহেরবানি করতে হবে। ওনেছি তুমি খুঁজলির ভাল দাঁকাই জানো—বলে দিতে হবে সেটি আমাকে—”

মিঞাসাহেব সবিস্ময়ে বলিল, “খুজ্জলির দাবাই! আমি জানি তা কে বললে আপনাকে?”

এদিক ওদিক চাহিয়া নিম্নস্বরে খগেশ্বর বলিলেন, “যে মুদির কাছ থেকে কাণা সুপুরি কিনলাম আধপোয়া, সে-ই তো তোমার নাম বাতলালে মিঞাসাহেব।”

নিম্পলক দৃষ্টিতে মিঞাসাহেব একবার খগেশ্বরের পানে চাহিলেন। “দেখি সুপুরি—”

মিঞাসাহেব সুপারিগুলি একটি একটি করিয়া নিরীক্ষণ করিলেন। হাঁ, সবগুলিই কাণা বটে।

বলিলেন, “দাবাই আমার কাছে নেই, আছে হাড়কাটা-গলির হীরেমন বিবির কাছে। তাকে গিয়ে বলুন আমার খুজ্জলি হয়েছে, আপনার বাঁ পায়ের ছেঁড়া পয়জারখানার ধূলো আমার একটু চাই। এই বললেই যা চাইছেন তা পাবেন।”

মিঞাসাহেব গম্ভীর মুখে পুনরায় বিড়ি পাকাইতে সুরু করিলেন। মিঞাসাহেব আর কোন কথা বলেন না দেখিয়া খগেশ্বর প্রশ্ন করিলেন, “ঠিকানাটা?”

“ঠিকানা নিতে হলে সুপুরিগুলি রেখে যেতে হবে।”

“বেশ।”

সুপারিগুলি হস্তগত করিয়া মিঞাসাহেব হীরেমন বিবির ঠিকানাটা দিলেন।

হাড়কাটা গলিতে হীরেমন বিবির দ্বারস্থ হইয়া খগেশ্বর দেখিলেন যে, হীরেমন নামটা শুনিয়া অন্তর বেরূপ উন্মুখ হইয়া ওঠে বিবি আসলে সেরূপ কিছু নহেন। এককালে হয় তো রূপসী ছিলেন, এখন কিন্তু কুশ্রী নানারোগগ্রস্ত জীর্ণ জীর্ণ বারান্দা। রুক্ষ কেশ, কোটরগত চক্ষু, কঙ্কাল-সার দেহ। একটা খাটের উপর বসিয়া আছেন, হাঁপানির টান উঠিয়াছে।

স্বল্পাকার ঘরটাতে প্রবেশ করিতেই হীরেমন অতি কষ্টে প্রশ্ন করিলেন, “কে, কি চাই?”

খগেশ্বর তাঁহার বাঁ পায়ের ছেঁড়া পয়জারের ধূলি প্রার্থনা করিলেন।

হাঁপাইতে হাঁপাইতে হীরেমন বিবি বলিলেন, “আপনি ক'ন নম্বর?”

“তিন নম্বর।”

“কাকে কাকে চেনেন আপনি?”

“খগেশ্বরবাবুকে, হারাণবাবুকে, যতীনবাবুকে, কেঁটবাবুকে আর ম্যানেজারবাবুকে—”

“তা হলে এই রসিদটায় সই ক'রে দিন।”

হীরেমন অতি কষ্টে উঠিলেন এবং একটি তোরঙ্গের ভিতর হইতে একটি তালা লাগানো ছোট বাস্ক এবং একটি কাগজ বাহির করিলেন। কাগজে লেখা ছিল—“হীরেমন বিবির নিকট ঔষধ পাইলাম।”

“ওইটেতে সই ক'রে দিন—”

খগেশ্বর পকেট হইতে একটি ছোট কপিং পেন্সিল বাহির করিয়া বাঁ হাতে বাঁকা বাঁকা অক্ষরে লিখিলেন ‘তিন নম্বর।’ এই স্বল্প পরিশ্রম করিয়াই হীরেমন বিবি পরিশ্রান্ত হইয়া পড়িয়াছিলেন। তাঁহার হাঁপানিটা বাড়িয়া উঠিয়াছিল। একটু সামলাইয়া লইয়া থামিয়া থামিয়া তিনি বলিলেন, “এই বাস্কটা নিয়ে যান। ওর ভেতরে সব লেখা আছে। বাকসে হরফওয়ালো তালা লাগানো আছে। তালা খোলবার কৌশল আপনি জানেন তো?”

“না।”

“আমিও জানি না।”

“তা হলে খুলবো কি ক'রে?”

“মির্জাপুর ষ্ট্রীটের মোড়ে যে অন্ধ ভিকিরিটা আঁচল পেতে বসে’ থাকে মেডিকেল কলেজের সামনে, তাকে গিয়ে জিগ্যেস করুন ক'য়সায় দিন চলে তোমার? সে যা উত্তর দেবে সেই কথাটি অক্ষর সাজিয়ে ঠিক করলেই তালা খুলে যাবে।”

“আচ্ছা”

খগেশ্বর বাস্কটা লইয়া চলিয়া যাইতেছিলেন এমন সময় হীরেমন বিবি বলিলেন, “বলবেন ম্যানেজারবাবুকে, আমি মরছি, তাঁর কি একটুও দয়া হয় না আমার ওপর! মাসে মাত্র দশটাকায় কি চলে আমার?”

হীরেমন বিবি হঠাৎ কাঁদিয়া ফেলিলেন।

খগেশ্বর বলিলেন, “বলব আমি—”

বলিয়া তিনি মুখ ফিরাইয়া একটু হাসিলেন। ম্যানেজার-বাবুকে বলিলেই যদি টাকা পাওয়া যাইত তাহা হইলে আর ভাবনা ছিল না। খগেশ্বর সিজ্বিকে তাহা হইলে সুদূর পল্লীগ্রাম হইতে নানা ব্যাট সহ করিয়া এখানে আসিতে হইত না।

মির্জাপুর ষ্ট্রীটের মোড়ে মেডিকেল কলেজের সামনে একটা অন্ধ ভিখারী তারস্বরে চীৎকার করিতেছিল—“এক পয়সা দিলা দে রাম—”

খগেশ্বর তাহার নিকটে আসিয়া দাঁড়াইলেন।

মোড়টা অপেক্ষাকৃত জনবিরল হইতেই নিম্নস্বরে তাহাকে প্রশ্ন করিলেন—“ক পয়সায় দিন চলে তোমার?”

ভিক্ষুক খানিকক্ষণ নিস্তব্ধ হইয়া রহিল।

খগেশ্বর পুনরায় প্রশ্ন করিলেন।

ভিক্ষুক মৃদুকণ্ঠে যেন আপন মনেই বলিল, “বাকসা লায়া হায তো সেভেন নেই লায়া হায তো চন্ চন্।”

খগেশ্বর সরিয়া গিয়া একটা ল্যাম্পপোস্টের নিকটে দাঁড়াইয়া এলোমেলো ইংরেজী অক্ষরগুলি ঘুরাইয়া seven কথাটি সাজাইয়া ফেলিলেন। তালা খুলিয়া গেল।

বাক্সের ভিতর একটি ঠিকানা ও একটি চাবি রহিয়াছে। চাবির গায়ে একটি কাগজে লেখা ‘খিড়কি দরজা’। ম্যানেজারবাবু যাহা লিখিয়াছেন তাহা বর্ণে বর্ণে মিলিয়া যাইতেছে।

ঠিকানায় পৌঁছিতে রাত্রি দশটা বাজিয়া গেল। চাবি দিয়া খিড়কি দরজা খুলিয়া খগেশ্বর ভিতরে প্রবেশ করিলেন। প্রকাণ্ড বাড়ি। সূচীভেদে অন্ধকার। অন্ধকার প্রাঙ্গণে খগেশ্বর কিছুক্ষণ চুপ করিয়া দাঁড়াইয়া রহিলেন। মনে হইল উপরের ঘর হইতে একটা চাপা গোঙানির শব্দ যেন ভাসিয়া আসিতেছে। মিনিট খানেক নীরবে দাঁড়াইয়া থাকিয়া খগেশ্বর পকেট হইতে একটা দিয়াশলাই কাঠি বাহির করিলেন এবং সেটা নাকে দিয়া খুব জোরে একবার হাঁচিলেন। হাঁচির শব্দ হওয়ার সঙ্গে সঙ্গে দ্বিতলের একটি কক্ষে আলো জলিয়া উঠিল। উপরে উঠিবার সিঁড়িটাও আলোকিত হইল। খগেশ্বর দ্রুতপদে সিঁড়ি দিয়া উপরে উঠিয়া গেলেন এবং গিয়াই বৃদ্ধ ম্যানেজারবাবুর সহিত তাঁহার দেখা হইয়া গেল। সিঁড়ির ঠিক সামনের ঘরটাতেই তিনি ফরাসে পূর্ববৎ উপবিষ্ট ছিলেন। সর্বদা দামী শাল জড়ানো, মুখে প্রসন্ন হাস্য। বাড়িতে জনপ্রাণী আর কেহ নাই।

“এই যে শ্রীগরুড়, এসে পড়েছ দেখছি!”

বিনীত নমস্কার করিয়া খগেশ্বর বলিলেন, “আজ্ঞে হ্যাঁ।”

“বিশেষ বেগ পেতে হয় নি তো? মুদি, বিড়িওলা, হীরেমণ আর অন্ধ ভিকিরি এই চারজনকে পার হয়ে এসেছ নিশ্চয়।”

সশ্রদ্ধকণ্ঠে খগেশ্বর বলিলেন, “তাই এসেছি—”

ম্যানেজার স্মিতমুখে চাহিয়া আছেন দেখিয়া খগেশ্বর বলিলেন, “ব্যাপারটা ভাল বুঝতে পারলাম না।”

“কর্তার কত বিচিত্র খেয়াল, আমিই কি ছাই সব বুঝতে পারি। যা বলেন, হুকুম তামিল ক’রে যাই। তুমি আমার সঙ্গে দেখা করতে চেয়েছ শুনে কর্তা বললেন, ওকে সোজা-সুজি ঠিকানা দিও না। মুদি, বিড়িওলা আর হীরেমণের কাছে মুখটা চিনিয়ে তবে যেন আসে। সেই রকম ব্যবস্থাই করলাম। হ’ল অনর্থক কতকগুলো অর্থব্যয়!”

তাহার পর হাসিয়া বলিলেন, “তাতে আমারই বা কি, তোমারই বা কি! লাগে টাকা দেবে গৌরীসেন!”

খগেশ্বর বলিলেন, “উদ্দেশ্যটা কি কিছু বুঝলেন?”

“ঠিক অবশ্য বুঝি নি। যতদূর আন্দাজ করছি সেটা এই যে, ওই মুদি ওই বিড়িওলা আর ওই হীরেমণ ইদানীং কর্তাকে কিছু মাল সাপ্লাই করেছে। ভবিষ্যতে তুমি যদি দেহাত থেকে কোন টাটকা মাল আমদানি ক’রে আনতে পার—ওদের কারো হেফাজতে এনে দিলেই মালটা ঠিক জায়গায় পৌঁছে যাবে। সেইজন্তেই সম্ভবত তোমার মুখটা চিনিয়ে দিলেন ওদের। কাজের লোক ওরা, মাল জোগান দেয়, পাহারা দেয়, পাচার করে। এসব অবশ্য আমার আন্দাজ। কর্তার কথা খোদ কর্তাই জানেন। যাক ওসব কথা। তোমার কথা শুনি। আমার সঙ্গে হঠাৎ দেখা করতে চেয়েছ কেন শুনি? সংক্ষেপে বল—”

খগেশ্বর সংক্ষেপেই বলিল, “টাকা—”

“টাকা? কত টাকা?”

“যা দেবেন। দিন চলা ভার হয়েছে আমার। চাকরি গেছে, পরিবার গেছে, মেয়ে গেছে, কিই বা আছে, সবই তো জানেন আপনি। আপনার কর্তার সেবাতে জীবনটাই উছ ছুঁতে করেছি বলতে গেলে!”

ম্যানেজারবাবু কিয়ৎকাল খগেশ্বরের মুখের পানে চাহিয়া রহিলেন। তাহার পর মৃদু হাসিয়া বলিলেন, “গাঁজা কতটা করে খাও আজকাল?”

“আজ্ঞে দৈনিক চার আনার।”

“সোদামিনীর কাছে পাও টাও কিছু ?”

“একটি আধলা না। গেলে দেখাই করে না। নিজের মেয়ে-পরিবার যে এমন দুশমনের মতো ব্যাভার করবে তা স্বপ্নেও ভাবি নি। না খেতে পেয়ে মরছিল, লাধি ঝাঁটা খেয়ে দিন কাটতো, আপনার কাছে এনে দিলাম, আপনি বললেন কর্তার দুজনকেই পছন্দ হয়েছে। নিজের চোখেও দেখলাম। এখন বেশ সোনাদানা পরে দিবি জাঁকিয়ে ব্যবসা ফেঁদে বসেছে মশাই। আর বললে বিশ্বাস যাবেন না ম্যানেজারবাবু, আমাকে বাড়িতে ঢুকতে পর্যাস্ত দেয় না !”

উভয়েই কিছুক্ষণ নীরব।

খগেশ্বরই পুনরায় কথা কহিলেন, “কর্তা কি আজকাল যান-টান ওদের কাছে ?”

“রামোঃ, কর্তার সখ ওই দু-এক দিনই। দু দিনেই পুরোনো হয়ে যায়, নতুন মালের জন্তে খেপে ওঠেন। নতুন মাল সন্ধানে থাকে তো বলো, ভাল দাম দিয়ে কিনবেন। হাজার টাকা পর্যাস্ত নগদ পেতে পারো।”

“একটা ভাল মালের চেষ্টায় আছি—”

“বয়স কত ? বেশী বয়সের চলবে না, সে সব দিন গেছে !”

“বয়স চোদ্দ-পনেরো—”

বুদ্ধের চক্ষু দুইটি আগ্রহে প্রদীপ্ত হইয়া উঠিল।

বলিলেন, “বেশ তো, জোগাড় কর—”

“আপাতত কিছু চাই আমার, বড় অভাবের মধ্যে আছি !”

বুদ্ধ পকেট হইতে ব্যাগ বাহির করিয়া কুড়িটা টাকা খগেশ্বরকে দিলেন এবং বলিলেন, “এখন এই নিয়ে যাও, দিন পনেরো পরে এসো আবার।”

“এই বাড়িতেই ?”

“না, এ বাড়িতে নয়, এ বাড়ি বদলাতে হবে। আর বলো কেন, সাত দিন অন্তর অন্তর বাড়ি বদলাতে হচ্ছে। ঠিকানা ঠিক পাবে এবার যেমন করে পেলো। এবার অবশ্য মুদি বিড়িওলা আর হীরেমণ থাকবে না। অল্প লোকেদের মারফৎ আসবে। কর্তার হুকুম এই। প্রত্যেকবার নতুন রকম সন্মতের তালা দিতে হবে। এবারকার তালাটা ঠিক খুলেছিল তো ?”

“আজ্ঞে হ্যাঁ, সেভেন কথাটা হতেই খুলে গেল তালা—”

“তালা চাবি আর বাক্স দিয়ে যাও সব। এবার অন্তরকম তালা দিতে হবে—”

“এই যে—”

খগেশ্বর তালা-সমেত কাঠের বাক্স ও খিড়কির চাবিটা ম্যানেজারবাবুর হাতে দিলেন।

সহসা চাপা গোঙানিটা স্পষ্টতর হইয়া উঠিল।

খগেশ্বর প্রশ্ন করিলেন, “ওটা কিসের শব্দ ?”

“একজন আমলার জর হয়েছে, সে-ই ওরকম করছে ও ঘরে পড়ে পড়ে।—ও কিছু নয়।”

দ্বিতলের অপর প্রান্তে অজ্ঞান বন্দিনীর কথা খগেশ্বরকে বলিবেন এমন কাঁচালোক বৃদ্ধ নহেন। কিছুক্ষণ চুপ করিয়া থাকিয়া খগেশ্বরকে বলিলেন, “আচ্ছা, তুমি যাও এখন। বড় ক্লান্ত আছি আজ, ঘুমবো এবার।”

খগেশ্বর হাত জোড় করিয়া বলিলেন, “কুড়ি টাকায় কুলোবে না আমার, আরও কিছু দয়া করুন।”

ম্যানেজার হাসিয়া বলিলেন, “ওই তো তোমার দোষ শ্রীগরুড়, কিছুতেই তোমার খাঁই মেটানো যায় না !”

আরও দশটি টাকা বাহির করিয়া দিলেন।

খগেশ্বর বুঁকিয়া প্রণাম করিয়া বলিয়া গেলেন—যত শীঘ্র সম্ভব তিনি উক্ত মালটি সরবরাহ করিবেন।

খগেশ্বর চলিয়া গেলে ম্যানেজার ধীরে ধীরে উঠিলেন ও খিড়কির দরজাটা বন্ধ করিয়া আসিলেন। তাহার পর কুজ দেহটা ঈষৎ উন্নমিত করিয়া খানিকক্ষণ উৎকর্ণ হইয়া রহিলেন। গোঙানিটা স্পষ্ট হইতে স্পষ্টতর হইয়া ক্রমশ চীৎকারে পরিণত হইল। বুদ্ধ বুদ্ধিলেন—এইবার জ্ঞান হইয়াছে আর দেয় করা অসুচিত হইবে।

বারান্দাটা পার হইয়া ওদিকের একটা ঘরের দিকে দ্রুতপদে তিনি অগ্রসর হইয়া গেলেন। সেই ঘরটার ভিতর হইতেই চীৎকার ভাসিয়া আসিতেছিল। ঘরের তালা খুলিয়া বুদ্ধ ভিতরে প্রবেশ করিলেন।

হতবুদ্ধি মেয়েটির চীৎকার কণিকের জন্ত বন্ধ হইয়া গেল। কিন্তু তাহা কণিকের জন্তই। পর মুহূর্তেই আরও তীব্র তীক্ষ্ণ মর্মান্তিকরূপে তাহা অন্ধকারকে আকুল করিয়া তুলিল। বুদ্ধ মিশ্রক্বে কপাট বন্ধ করিয়া দিলেন।

আর কিছু শোনা গেল না।



১৩

অচিনবাবুর কারখানি নিঃশব্দগতিতে আসিয়া বেলার বাসার সম্মুখে থামিল। জনার্দন সিংহের মারফত নিজের কার্ডখানি পাঠাইয়া দিয়া অচিনবাবু স্ট্রিয়ারিংএর উপর ভর দিয়া বসিয়া রহিলেন। একটু পরেই বেশবাসসম্বৃত করিয়া সম্মিতমুখে বেলা বাহির হইয়া আসিলেন ও নমস্কার করিয়া বলিলেন, “আপনিই কার্ড পাঠিয়েছেন?”

অচিনবাবু মোটর হইতে নামিয়া আসিলেন এবং সমস্ত মুখচ্ছবিতে নিখুঁত ভঙ্গিতা বিকীরণ করিয়া অতিশয় সুষ্ঠু-ভঙ্গীতে একটি নমস্কার করিলেন। রাস্তায় দাঁড়াইয়া আলাপ করাটা অশোভন হইতেছে দেখিয়া বেলা বলিলেন, “আসুন, ভেতরে আসুন—”

উভয়ে আসিয়া বাহিরের ঘরটাতে উপবেশন করিলেন। অচিনবাবু হাসিয়া হাত দুইটি জোড় করিয়া বলিলেন, “একটি দয়া করতে হবে মিস্ মল্লিক—”

মনে মনে একটু বিব্রত হইলেও বাহিরে তাহা প্রকাশ করিবার মেয়ে বেলা নহেন। ভ্রূগুণল ঈষৎ উত্তোলিত করিয়া তিনি চাহিয়া রহিলেন। অচিনবাবু বলিলেন, “আপনার বাজনার খ্যাতি চারদিকে গুনতে পাই; আপনার নিশ্বাস ফেলবার ফুরসৎ নেই তা-ও জানি, তবু এসেছি নিজের জন্তে নয়, পরের জন্তে।”

“ব্যাপারটা কি খুলেই বলুন না।”

“লিলুয়ায় একটা বাগানবাড়ি ভাড়া নিয়ে চ্যারিটি পারফরমেন্স করছি আমরা। নাচ, গান বাজনা থাকবে সব রকমই। এর থেকে যা টাকা বাঁচবে সেটা ভাল কাজেই খরচ হবে, মেয়েদের একটা ইস্কুল করবার ইচ্ছে আছে আমাদের। আপনাকে একটা কিছু বাজাতে হবে সেখানে—এশ্রার সেতার—যা হোক। আমি নিজে করে ক’রে নিয়ে যাবো, করে পৌঁছে দিয়ে যাবো। ঘণ্টা দুয়েকের ব্যাপার!”

“কখন হবে?”

“দিন দশেক পরে, সঙ্গে সাতটা থেকে শুরু”।

“সঙ্গেবেলায় আমার ছুটি তো নেই, বাজনা শেখাতে যেতে হয় একজায়গায়।”

“বেশ তো, কোথায় বলুন না, একদিনের জন্তে ছুটি মঞ্জুর করিয়ে নেব আমি। সে ভার আমি নিচ্ছি।”

“সেটা ঠিক হয় না।”

“না না, মিস্ মল্লিক, কাইণ্ডলি আপত্তি করবেন না। আপনাকে আমাদের চাই-ই—”

“আমাকে মাপ করুন, আমার সময় কম।”

বেলা উঠিয়া দাঁড়াইলেন।

অচিনবাবুও সঙ্গে সঙ্গে উঠিয়া দাঁড়াইলেন এবং বলিলেন, “দেখুন, একটা সংকারণের জন্তে এটুকু ত্যাগস্বীকার যদি না করেন তা হলে—”

“বেশ, আপনাদের স্কুলে আমি না হয় কিছু চাঁদা দেব—”

“সে তো দিতেই হবে, এটা হ’ল উপরি পাওনা। আপনি না থাকলে ফাংশানটা একেবারে মাটি হয়ে যাবে। আপনাকে যেতেই হবে—”

বেলা হাসিয়া বলিলেন, “আমি কথা দিতে পারলাম না কিন্তু।”

“বেশ, আর একদিন আসব আমি, কথা আপনাকে দিতেই হবে।”

বেলা স্মিত মুখে দাঁড়াইয়া রহিলেন, কোন জবাব দিলেন না। অপ্রত্যাশিত এই বিপদটার হাত হইতে কি করিয়া উদ্ধার পাওয়া যায় মনে মনে সেই চিন্তাই তিনি করিতে-ছিলেন। অচিনবাবু তাঁহাকে নীরব দেখিয়া বলিলেন, “আচ্ছা, আপনি একটু ভেবে দেখুন। সংকারণের জন্তে কিছু করা একটা মহাপুণ্য তো বটেই, তা ছাড়া এর আর একটা দিকও আছে। অনেক বড় বড় লোকের কাছে টিকিট বিক্রি করছি আমরা, তাঁদের কাছেও আপনার গুণের পরিচয়টা দেওয়া হবে। যাই বলুন, মিডল্ ক্লাস পিপল তো আপনাদের গুণের যথোচিত মূল্য দিতে পারে না—”

অচিনবাবু আরও হয়তো কিছু বলিতেন কিন্তু বেলা সহসা নমস্কার করিয়া বলিলেন, “আচ্ছা, ভেবে দেখবো। আসুন তা হলে—”

বেলা ভিতরে চলিয়া গেলেন।

অচিনবাবু কিছুক্ষণ স্তম্ভিত হইয়া দাঁড়াইয়া থাকিয়া বাহিরে আসিলেন। রাস্তার উপর দাঁড়াইয়া চিন্তাকুল-মুখে অত্যন্ত নিপুণভাবে একটি সিগারেট ধরাইলেন, জলন্ত দিয়াশলাই কাঠিটা ধানিকক্ষণ ধরিয়া থাকিয়া তাহার

পর সেটা নাড়িয়া নিবাইয়া ফেলিয়া দিলেন এবং একমুখ ধোঁয়া ছাড়িয়া গাড়িতে উঠিয়া বসিলেন। নিঃশব্দগতিতে গাড়ি গলি হইতে বাহির হইয়া গেল।

অচিনবাবুর গাড়ি চলিয়া যাইবার প্রায় সন্ধ্যে সন্ধ্যেই প্রফেসর গুপ্তের গাড়িখানি আসিয়া দাঁড়াইল। প্রফেসর গুপ্ত গাড়ি হইতে অবতরণ করিলেন এবং জনার্দন সিংহের সেলামের প্রত্যুত্তরে মাথা নাড়িয়া বাহিরের ঘরটাতে আসিয়া প্রবেশ করিতে যাইবেন এমন সময় বেলার সহিত তাঁহার মুখোমুখি দেখা হইয়া গেল। উভয়ে উভয়ের মুখের পানে চাহিয়া কয়েক মুহূর্ত দাঁড়াইয়া রহিলেন। বেলার ওষ্ঠাধর নিমেষের জন্ত কাঁপিয়া থামিয়া গেল। আত্মসম্বরণ করিয়া বেলা সহজকণ্ঠেই বলিলেন, “আমি বেরুচ্ছিলাম, আপনার কি বিশেষ কোন কাজ আছে?”

“তোমাকে কিছু বলতে চাই”।

প্রফেসর গুপ্ত কিছুদিন হইতে বেলাকে, অবশ্য বেলার সম্মতিক্রমেই, ‘তুমি’ বলিতে শুরু করিয়াছেন।

“আমাকে? বেশ বলুন।”

“এখানে সে কথা বলা যাবে না, চল মাঠে যাই—”

ক্রকুঙ্কিত করিয়া বেলা কয়েক মুহূর্ত নীরব রহিলেন। তাহার পর বলিলেন, “বেশ, তাই চলুন, কিন্তু আমার একটি অনুরোধ রাখতে হবে।”

“কি, বল?”

“আপনার বলবার যত কথা আছে আজই শেষ করে ফেলাতে হবে। এর জন্তে মাঠে যতক্ষণ বসে থাকতে বলেন আজ বসে থাকব। কাল থেকে কিন্তু আর নয়!”

প্রফেসর গুপ্ত অনেকক্ষণ নীরব হইয়া রহিলেন। তাঁহার মনের ভিতর কিসের যেন একটা দ্বন্দ্ব চলিতেছিল। নীরবতা ভঙ্গ করিয়া সহসা তিনি বলিলেন, “বেশ, তাই হবে।”

“তাহলে একটু দাঁড়ান, এখনি আসছি আমি—”

বেলা দেবী ভিতরে গেলেন ও মাঠে যাইবার উপযোগী পরিচ্ছদ পরিধান করিয়া ফিরিয়া আসিলেন।

“চলুন—”

\* .

কিছুক্ষণ পূর্বে সূর্য্য অস্ত গিয়াছে, মাঠে অন্ধকার নামিতেছে। একটি নির্জন স্থান বাছিয়া বেলা ও প্রফেসর

গুপ্ত উপবেশন করিলেন। মোটরে যদিও উভয়ে পাশাপাশি বসিয়াছিলেন, কিন্তু একটিও বাক্য-বিনিময় হয় নাই।

প্রফেসর গুপ্তই প্রথমে কথা কহিলেন, “তুমি মানতুকে কি সত্যিই আর বাজনা শেখাবে না?”

“ও ঘটনার পর আর তো আপনার বাড়িতে যাওয়া সম্ভব নয়। আপনার স্ত্রী আফিং খেয়েছিলেন আমার জন্তে, এ কথা শোনার পর আর কি আপনার বাড়িতে যাওয়া চলে, আপনিই বলুন। ভাগ্যিস্ বেঁচে গেছেন, না বাঁচলে কি হ’ত বলুন তো!”

“সেটা কি আমার দোষ?”

ক্ষণকাল নীরব থাকিয়া বেলা বলিলেন, “আপনার দোষ সত্যি আছে কি-না, সে অপ্রিয় আলোচনা করবার অধিকার আমার নেই। আমার নিজের কোন দোষ নেই এইটুকুই আমি জানি—আর সেটা আপনিও জানেন। অথচ—”

আমার দোষ কালনের চেষ্টা আমি করছি না, কারণ এটাকে আমি দোষ বলে মনে করি না। তোমাকে আমার ভাল লেগেছে এবং ভাবে ভঙ্গীতে সেটা হয়তো প্রকাশ করেছি, তাতে দোষের তো কিছু নেই।”

“আপনি যা বলছেন তা যদি সত্যি হয়, তা হলে নিশ্চয় দোষের আছে। আপনি বিবাহিত, সমাজের নিয়ম মেনেই আপনার চলা উচিত। হঠাৎ আমাকে ভাল লাগবার কারণই বা কি, তা তো আমি বুঝতে পারছি না, আরও বুঝতে পারছি না সে কথা আপনি প্রকাশ করছেন কেন?”

প্রফেসর গুপ্ত ক্ষণকাল নীরব রহিলেন। তাহার পর বলিলেন, “ভালবাসা কোন দিন কোন আইন মেনে চলে নি। তোমাকে আমার খুব ভাল লেগেছে, এর বেশী আর আমার কিছু বলবার নেই। আমি জীবনে স্মৃথী নই বেলা—”

প্রফেসর গুপ্তের একটি গভীর দীর্ঘশ্বাস পড়িল। “স্মৃথী নন কেন? আপনার স্ত্রীকে আপনি ভালবাসতে পারেন নি?”

“পারলে আমার এ দুর্দশা হত না।”

“পারেন নি কেন, আপনার স্ত্রী তো লোক ধারাপ নন।”

“লোক ধারাপ কি ভালো তা বিচার করে কেউ কাউকে ভালবাসে না। মস্তুর পড়ে বিয়ে করলেই ভালবাসা

জন্মায় না। মনের মিল হওয়াটাই আসল। আমার স্ত্রীর সঙ্গে আমার এতটুকু মনের মিল নেই। কোন দিক থেকেই নেই। আমার মানসিক সুখদুঃখ আনন্দ অবসাদের সঙ্গে আমার স্ত্রীর এতটুকু সম্পর্কই নেই। আমি উপার্জন করব তিনি খরচ করবেন, আমার চাল-চলনের প্রতি তীক্ষ্ণ নৈতিক দৃষ্টি রাখবেন, কোন মেয়ের সঙ্গে সামান্য ঘনিষ্ঠতা দেখলে তা নিয়ে কথায় কথায় শ্লেষ করবেন, কোন কারণে যদি তাঁর স্বার্থে একটুও আঘাত করি তা হ'লে তাই নিয়ে গজনা দেবেন, কথায় কথায় প্রকাশ করবেন যে তাঁর মত মহিয়সী মহিলা আমার মত লোকের হাতে পড়ে নষ্ট হয়ে গেলেন—এই তাঁর সঙ্গে আমার সম্পর্ক। ঝগড়া অথবা তর্ক ছাড়া তাঁর সঙ্গে অথ কোন প্রকার আলাপ বহুকাল হয়নি, হওয়া সম্ভবও নয়। রাস্তার একটা অশিক্ষিত কুলি অথবা অমার্জিত গাড়োয়ানের সঙ্গে আমার বন্ধুত্ব হওয়া বরং সম্ভব, কিন্তু স্ত্রীর সঙ্গে সম্ভব নয়। কারণ আমাকে তিনি সর্বদাই তাঁর নিজের স্বার্থসিদ্ধির উপায়স্বরূপ মনে করেন এবং সর্বদাই সন্দেহ করেন যে হয়তো আমি তাঁকে সে বিষয়ে ফাঁকি দিচ্ছি। আমি অবশ্য সে সন্দেহের জায়া খোরাক যে সরবরাহ না করি তা নয়, করি—কারণ আমার মন সর্বদাই ক্ষুধিত।”

একটু খামিয়া প্রফেসার গুপ্ত পুনরায় বলিলেন, “অনেকদিন পরে তোমাকে দেখে ভেবেছিলাম যে তোমার মধ্যে আমার মন হয়তো আশ্রয় পাবে। সব কথা গুনলে হয়তো তুমি আমার দুঃখ বুঝবে, হয়তো একটু প্রশ্রয় পাবে। আমার স্ত্রী নাটকীয় ভঙ্গী ক’রে এক ডেলা আফিং খেয়েছেন বলেই তার দুঃখটা তুমি বড় ক’রে দেখো না। আমার দুঃখ আরও গভীর।”

প্রফেসার গুপ্ত নীরব হইলেন। অনেকক্ষণ কেহই কোন কথা বলিলেন না। অনেকক্ষণ পরে প্রফেসার গুপ্তই পুনরায় নীরবতা ভঙ্গ করিলেন।

“তুমি কিছু বলছ না যে—”

“বলবার কিছু নেই।”

“কিছুই নেই?”

“না।”

প্রফেসার গুপ্ত চুপ করিয়া চাহিয়া রহিলেন।

সহসা নীরবতা ভঙ্গ করিয়া বেলা বলিলেন, “আপনার আর কিছু কি বলবার আছে?”

“সবই তো বললাম।”

“তবে চলুন, এবার ওঠা যাক।”

বেলা উঠিয়া অগ্রসর হইতে লাগিলেন।

“ওদিকে কোথা, আমার কার যে এদিকে। রাস্তা ভুলে গেলে না কি—”

“রাস্তা ভুলি নি। আমি ট্যাক্সি ক’রে ফিরব। আপনি বাড়ি যান—”

বেলা ট্যাক্সি স্ট্যাণ্ডের দিকে চলিয়া গেলেন।

প্রফেসার গুপ্ত চুপ করিয়া বসিয়া রহিলেন।

১৪

মুন্সিয়কে আজকাল প্রায়ই বাহিরে যাইতে হইতেছে। কি যে এক ছাই কাজ জুটিয়াছে—বাড়িতে একদণ্ড থাকিবার উপায় নাই। এ রকম চাকরি করার চেয়ে অনাহারে থাকাও বরং ঢের ভাল। আজ এখানে, কাল সেখানে, একদিনও কি স্থিতির হইয়া বাড়িতে বসিয়া থাকিবার জো আছে। যেন চরকির মতো বেড়াইতেছে! একটা মানুষ কতই বা ঘুরিতে পারে, সকল জিনিসেরই তো একটা সীমা আছে। হাজার হোক, মানুষ তো, কল তো আর নয়। উপর-ওলা সাহেবদের জ্ঞান গমিয়া, দয়া-মায়া বলিয়া কি কিছুই নাই! উনি না হয় ভালমানুষ লোক, মুখ ফুটিয়া কিছু বলিতে পারেন না, মুখ বুজিয়া সমস্ত সহ্য করিয়া যান, তাই বলিয়া তাঁহারই উপর সব কাজের ভার চাপাইতে হইবে? আক্কেলকে বলিহারি যাই! ইত্যাকার নানারূপ চিন্তা ও স্বগতোক্তি করিতে করিতে হাসি হাতের লেখা লিখিতেছিল। যদিও চিন্তা এখনও পর্যন্ত স্বীকার করিতেছে না—কিন্তু ঐকান্তিক চেষ্টার ফলে হাসির হাতের লেখা সত্যই অনেকটা উন্নতি লাভ করিয়াছে। খানিকটা লিখিয়া হাসি সোজা হইয়া বসিল, খোঁপাটা এলাইয়া পড়িয়াছিল, দুই হাত দিয়া সেটা ঠিক করিয়া লইল, তাহার পর খাতাখানাকে একটু দূরে সরাইয়া নানাভাবে নিজের লেখাটিকে নিরীক্ষণ করিতে লাগিল। এই হাতের লেখায় স্বামীকে চিঠি লিখিলে তাহা কি খুব হাস্যকর হইবে? উনি হাসিবেন? কক্খনো না।

বরং খুশিই হইবেন, আশ্চর্য্য হইয়া যাইবেন। কালই একখানা চিঠি লিখিতে হইবে। খুব লুকাইয়া কিন্তু! ঠাকুরপো যেন না জানিতে পারে। ঠাকুরপো জানিতে পারিলে কিন্তু লজ্জার সীমা পরিসীমা থাকিবে না। জ্বালাইয়া মারিবে। এমনই তো ফাজিলের চূড়ামণি। চিঠিটা লিখিয়া বিয়ের মারফৎ রাস্তার ডাকবাঞ্জে ফেলিয়া দিলেই চলিয়া যাইবে।

নীচে কড়া নাড়ার শব্দ পাওয়া গেল। এমন সময় কে আসিল! “বউদি, কপাট খোলো—”

চিন্ময়ের গলার স্বর। ঠাকুরপো আজ এত সকাল সকাল কলেজ হইতে ফিরিল কেন! হাসি ঘড়ির দিকে চাহিয়া দেখিল মাত্র আড়াইটা বাজিয়াছে। এত সকাল সকাল আসিবার মানে কি। অকারণ ভয়ে হাসির বুকটা কাঁপিয়া উঠিল। কোন খারাপ খবর-টবর পায় নাই তো! নীচে পুনরায় কড়া নাড়িয়া চিন্ময় ডাকিল, “বউদি!”

হাসি তাড়াতাড়ি নামিয়া গেল।

কপাট খুলিতেই চিন্ময় বলিল, “ঘুমুচ্ছিলে তো?”

“আহা, ঘুমুবো কেন, লিখছিলাম। তুমি এখন এলে যে?”

“ক্লাস হ'ল না, প্রফেসারের অসুখ করেছে।”

চিন্ময় উপরে চলিয়া গেল। কপাট বন্ধ করিয়া হাসিও উপরে আসিল। হাসির হাতের লেখা দেখিয়া চিন্ময় বলিল, “সুন্দর হচ্ছে তো লেখা তোমার বউদি।”

“যাও আর ঠাট্টা করতে হবে না।”

হাসি হাতের লেখার খাতাটা বন্ধ করিয়া দিল।

“ঠাট্টা নয়, সত্যি বেশ হচ্ছে। আচ্ছা তুমি ডিক্টেশন লিখতে পারো?”

“ডিক্টেশন কি আবার?”

“আমি বলব, তুমি শুনে শুনে লিখবে।”

“তা আমি পারি বোধ হয়”

“ঘোড়ার ডিম পারো!”

“নিশ্চয় পারি।”

“এই নাও কাগজ, লেখো—”

“ভুল হলে ঠাট্টা করতে পারবে না কিন্তু, বলে দিচ্ছি—”

“না না, ঠাট্টা করব কেন। লেখোই না আগে দেখি—”

হাসি কাগজ কলম লইয়া বসিল।

চিন্ময় বলিতে লাগিল—

সব ঠিক হইয়া গিয়াছে। তুমি ন'টার সময় গোলদীঘির পূর্ব-দিকের একটা গেটে থাকিও। ইতি—ক খ গ ঘ

লেখা হইয়া গেলে চিন্ময় বলিল, “কই দেখি, বাঃ চমৎকার হয়েছে। থাক আমার কাছে এটা—”

কাগজখানা সে পকেটে পুরিয়া ফেলিল।

হাসি প্রশ্ন করিল, “ওর মানে কি?”

“মানে আবার কি, যা মনে এল তাই বললাম—”

চিন্ময় একটু হাসিল; তাহার পর বলিল, “অমন ক'রে চেয়ে আছ যে! এ কাগজটা এখন থাক আমার কাছে। একমাস পরে আবার তোমাকে দিয়ে লেখাব খানিকটা, তারপর দুটো মিলিয়ে দেখব উন্নতি হয়েছে কি-না—” এই বলিয়া সে বাহিরে যাইবার উপক্রম করিল।

“এসেই যাচ্ছো কোথায় আবার?”

“মাঠে। খুব ভাল ম্যাচ আছে একটা, দেখে আসি।”

“খিদে পায় নি? খাবে না কিছু?”

“না।”

চিন্ময় বাহির হইয়া গেল।

হাসি পুনরায় লিখিতে বসিল।

ক্রমশঃ



# আলো ও আলোক-চিত্র গ্রহণ

অধ্যাপক শ্রীধ্বিজেন্দ্রনাথ দাশগুপ্ত এম্-এসসি

আলোক-চিত্র গ্রহণের রহস্য সম্যক বুঝিতে হইলে আলোর স্বরূপ কিছুটা জানা দরকার। জ্বলন্ত গ্যাস ম্যান্টল, উজ্জ্বল বৈদ্যুতিক বাল্ব অথবা সূর্য—যাহা হইতেই আলোক নির্গত হউক না কেন তাহার স্বরূপ একই। অর্থাৎ আলো বিকীরণকারী উজ্জ্বল (উত্তপ্তও বটে) পদার্থ যে সমস্ত অণু-পরমাণু লইয়া গঠিত তাহার অভ্যন্তরস্থ বিদ্যুতিনগুলি (electrons) প্রবল বেগে আন্দোলিত হইতে থাকে—যেমন ঘড়ির দোলক (pendulum) দক্ষিণে এবং বামে ছলিতে থাকে। এই কম্পনশীল বিদ্যুতিন চতুর্দিকে আলোক-তরঙ্গ প্রেরণ করিতে থাকে—যেমন কম্পমান ঘণ্টা চতুর্দিকের বায়ুতে শব্দ-তরঙ্গ প্রেরণ করে অথবা পুষ্করিণীর মধ্যে একটি লোষ্ট্র নিক্ষেপ করিলে উহার নিপ্তক জলতলের উপর দিয়া চতুর্দিকে তরঙ্গমালা প্রবাহিত হইয়া যায়—শব্দ-তরঙ্গের একস্থান হইতে অন্যস্থানে যাইতে হইলে বায়ুর স্থায় একটি জড় মাধ্যমের (material medium) প্রয়োজন হয়—তেমনি আলোক-তরঙ্গের ও একস্থান হইতে অন্যস্থানে যাইতে হইলে একটি মাধ্যমের প্রয়োজন হয়। আলোক-তরঙ্গ প্রেরিত হইবার জন্ত যে মাধ্যমের প্রয়োজন হয় বৈজ্ঞানিকগণ উহাকে “ঐথর” নাম দিয়াছেন। ইহা বিখচরাচরের সর্বত্র পরিব্যাপ্ত হইয়া আছে—এমন কি কঠিন বস্তুর অভ্যন্তরেও ইহা বিস্তৃত। ঐথরের স্বরূপ কি তাহা অল্প কথায় বলা বড় শক্ত—ইহা বলিলেই যথেষ্ট হইবে যে ইহা অস্তিত বায়ুর স্থায় কোন জড় পদার্থ নহে। দোলনশীল বিদ্যুতিন যে তরঙ্গের সৃষ্টি করে তাহা প্রবাহিত হইয়া যাইবার জন্ত ঐথরের যে সব গুণ থাকা দরকার তাহা সমস্তই উহাতে আরোপ করা হইয়া থাকে। উজ্জ্বল পদার্থের অসংখ্য বিদ্যুতিনের সমস্তগুলিই যে একইভাবে ছলিতে থাকে তাহা নহে। উহাদের দোলন-সময় (period of vibration) এক নহে। বিদ্যুতিনের দোলনকে ঘড়ির দোলকের দোলনের সঙ্গে পূর্বেই তুলনা করা হইয়াছে। ঘড়ির দোলক বামদিকে যতটা যাইবার তাহা গেলে সেই মুহূর্ত্ত থেকে আরম্ভ করিয়া দক্ষিণ দিকে যতটা যাইবার গিয়া পুনরায় বামদিকে পূর্বাভাস্য কিরিয়া আসিতে যে সময় অতিবাহিত হয় তাহাকেই একটি পূর্ণ দোলনের সময় অথবা সংক্ষেপে দোলন-সময় বলা যাউক। বিভিন্ন বিদ্যুতিনের দোলন-সময় বিভিন্ন। এক সেকেন্ডে সময়ে যতবার এইরূপ পূর্ণ দোলন সাধিত হয় তাহাকে দোলন-সংখ্যা (frequency of vibration) বলিব। এই এক সেকেন্ডে সময়ের মধ্যে আলোক-তরঙ্গ বাহিরের দিকে অনেকদূর অগ্রসর হইয়া যায়—যতটা যায় তাহাকেই আলোর গতিবেগ বলা হয় (প্রতি সেকেন্ডে ১,৮৬,০০০ মাইল) এবং দোলন-সময়ের মধ্যে (যাহা এক সেকেন্ড অপেক্ষাও অনেক কম সময়) যতটা যায় তাহাকে ঐ তরঙ্গের দৈর্ঘ্য বা তরঙ্গান্তর (wave-length)

বলা হয়। জলের ঢেউএর কথা বিবেচনা করিলে এই তরঙ্গ-দৈর্ঘ্য বা তরঙ্গান্তর হইবে একটি ঢেউ-এর শীর্ষ হইতে ঠিক পরবর্তী ঢেউ-এর শীর্ষদেশ পর্যন্ত যে দূরত্ব বা দৈর্ঘ্য তাহাই। ইহাকে একটি সম্পূর্ণ ঢেউও বলিতে পারি। যে সময়ের মধ্যে বিদ্যুতিন একটি পূর্ণ দোলন শেষ করে সেই সময়ের মধ্যে চতুর্দিকে এইরূপ একটি পূর্ণ তরঙ্গের সৃষ্টি হয়। অল্প তরঙ্গগুলি ইহারই পুনরাবৃত্তি ব্যতীত আর কিছুই নহে, যেমন পরবর্তী দোলনগুলিও পূর্বে-দোলনের পুনরাবৃত্তি মাত্র। সুতরাং দেখা যাইতেছে যে, এক সেকেন্ডে তরঙ্গ যতটা অগ্রসর হইবে তাহার মধ্যে ততগুলি পূর্ণ তরঙ্গ থাকিবে—যত নাকি উহার দোলন-সংখ্যা অর্থাৎ প্রতি সেকেন্ডে বিদ্যুতিন যতবার পূর্ণ দোলন শেষ করিতে পারিবে। অতএব দোলন-সংখ্যাকে তরঙ্গান্তর দিয়া পূরণ করিলে তরঙ্গের গতিবেগ পাওয়া যাইবে।

যে-কোন পদার্থের সামান্য একটুর মধ্যেও অসংখ্য বিদ্যুতিন বিস্তৃত। উহার বিভিন্ন বিদ্যুতিন বিভিন্নভাবে আন্দোলিত হয় বলিয়া (অর্থাৎ দোলন-সংখ্যা বা দোলন-সময় বিভিন্ন বলিয়া) ঐ উজ্জ্বল পদার্থ হইতে যে বিকীরণ (radiation) চতুর্দিক ছড়াইয়া পড়িবে তাহার মধ্যে ছোট-বড় নানা আকৃতির ঢেউ থাকিবে অর্থাৎ এই বিকীরণ মিশ্র বিকীরণ হইবে। কিন্তু ঢেউ-এর দৈর্ঘ্য যাহাই হৌক না কেন উহার গতিবেগ সর্বদাই এক। সুতরাং তরঙ্গান্তর বড় হইলে ঢেউ-এর সংখ্যা অর্থাৎ দোলন-সংখ্যা কম এবং তরঙ্গান্তর ছোট হইলে দোলন-সংখ্যা বেশী হইবে—কারণ উভয়ের পূরণদল একই অর্থাৎ গতিবেগের সমান। আলোর রং কি হইবে তাহা নির্ভর করে এই তরঙ্গ-দৈর্ঘ্যের উপর। লাল আলোর তরঙ্গান্তর বেগুনি আলোর তরঙ্গান্তর অপেক্ষা বড়। অসংখ্য রংগুলির প্রত্যেকের নিজস্ব বিশিষ্ট তরঙ্গ-দৈর্ঘ্য থাকে। কোন কঠিন পদার্থ (যেমন সূর্য অথবা ইলেকট্রিক বাল্বের অভ্যন্তরস্থ তার) উত্তপ্ত হইয়া উজ্জ্বল আকার ধারণপূর্বক আলোক বিকীরণ করিতে থাকিলে—এই বিকীরণ মিশ্রবিকীরণ হইবে অর্থাৎ এই বিকীরণের মধ্যে ছোট-বড় নানা আকারের তরঙ্গ থাকিবে; সুতরাং দেখা যাইতেছে, যেত আলোসমুদয় বিভিন্ন রংবিশিষ্ট আলোর সংমিশ্রণ ব্যতীত আর কিছুই নহে। ইহা প্রমাণ করিতে হইলে ঐ সাদা আলো ত্রিশির কাচখণ্ডের বা প্রিজমের (prism) ভিতর দিয়া চালনা করিলেই বুঝা যাইবে। প্রিজমের ভিতর হইতে অপর দিকে বাহির হইয়া আসিয়া উহা আর সাদা থাকে না। রামধনুর মধ্যে যে সব রং দেখা যায় অর্থাৎ বেগুনি, ঘননীল, নীল, সবুজ, পীত, কমলা, লাল প্রভৃতি সমস্ত রংই তখন উহার মধ্যে দেখা যাইবে। সুতরাং বলা যায় যে প্রিজমের সাহায্যে সাদা আলোর বিশ্লেষণ হয়।

এখন কি প্রকারে আমরা একটি পদার্থ দেখিতে পাই তাহার আলোচনা করা যাউক। কোন পদার্থের উপর সাদা আলো পড়িলে উহা হয় প্রতিফলিত (reflected) হইয়া একদিকে, না হয় বিক্ষিপ্ত (diffused) হইয়া চতুর্দিকে ছড়াইয়া পড়িবে। আর পদার্থটি যদি স্বচ্ছ হয় (যেমন কাচ) তাহা হইলে ঐ আলো উহার ভিতর দিয়া গিয়া অপর দিকে বাহির হইয়া যাইবে। ইহা ছাড়া বস্তুর উপর আপতিত আলো উহা দ্বারা সম্পূর্ণ অথবা আংশিকভাবে শোষিতও হইতে পারে। কিন্তু যে আলো প্রতিফলিত, বিক্ষিপ্ত অথবা ভিতর দিয়া প্রবাহিত হইয়া যায় তাহাই আমাদের চোখের ভিতর প্রবেশ করিয়া চোখের পরকলার (eye-lens) সাহায্যে চক্ষুর পশ্চাতে অবস্থিত অক্ষিপটের (retina) উপর ঐ বস্তুর একটি প্রতিচ্ছবির সৃষ্টি করে। এই আলোময় প্রতিচ্ছবি অক্ষিপটের ঐ অংশে উত্তেজনার সৃষ্টি করে যাহা স্নায়ুমণ্ডলী কর্তৃক মস্তিষ্কে নীত হইলেই—‘আমরা ঐ বস্তুটি দেখিতেছি’—এই উপলব্ধি হয়। বস্তুর উপর যে সাদা আলো পড়ে তাহার মধ্যে সমস্ত রংই বিদ্যমান। যদি ঐ সমুদয় রংই বস্তুর গায়ে লাগিয়া বিক্ষিপ্ত হয়—কোনটাই শোষিত না হয়—তাহা হইলে ঐ বস্তুটিকে সাদা দেখাইবে—যেমন সাদা কাগজ, কাপড় বা মার্বেল। আর যদি সমুদয় রংই শোষিত হয়—কিছুই বিক্ষিপ্ত না হয়—তাহা হইলে উহাকে কালো দেখাইবে—যেমন কয়লা, চুল ইত্যাদি। বস্তুত একটি জিনিস কালো বলিয়া বোধ হয় শুধু এই জন্তই—যে উহা হইতে কোন আলোই বিক্ষিপ্ত হইয়া আমাদের চোখের উপর আসিয়া পড়ে না। কোন একটি পদার্থের রং নীল বলিলে ইহাই বুঝাইবে যে, যখন সাদা আলো উহার উপর পড়ে তখন সাদা আলোর ভিতরে যে সব রং আছে তাহার নীল ব্যতীত অপর সকল রংই ঐ পদার্থ দ্বারা শোষিত হয় এবং শুধু নীল রংটাই বিক্ষিপ্ত হইয়া আমাদের চোখের ভিতর প্রবেশ করে। নীল বস্তুর উপর সাদা বা নীল ব্যতীত অল্প কোন রং-বিশিষ্ট আলো পড়িলে উহা কালো দেখাইবে—কারণ ঐ আলো উহাতে শোষিত হইবে। অতএব কোন বস্তু সাদা, কাল বা অপর রং-বিশিষ্ট কেন দেখায় তাহার ব্যাখ্যা পাওয়া গেল।

এই বিভিন্ন রং-বিশিষ্ট আলোকতরঙ্গের দৈর্ঘ্য কতখানি তাহা একটু আলোচনা করা যাউক। প্রথমেই বলা দরকার যে, এই তরঙ্গ-দৈর্ঘ্য এক ইঞ্চি বা এক সেন্টিমিটার অপেক্ষাও এত অধিক ছোট যে মাপকাঠি ইঞ্চি অথবা সেন্টিমিটার হইলে চলিবে না। ইহা অপেক্ষাও অনেক গুণ ছোট মাপকাঠির দরকার। এইরূপ একটি অতি ক্ষুদ্র মাপকাঠির নাম দেওয়া হইয়াছে—এণ্টম। ইহার দৈর্ঘ্য এক সেন্টিমিটারের দশ কোটি ভাগের এক ভাগ। সংক্ষেপে আমরা ইহাকে  $10^{-8}$  বলিব। লাল আলোর তরঙ্গ-দৈর্ঘ্য  $7000 \text{ \AA}$ । বেগুনি আলোর তরঙ্গ-দৈর্ঘ্য  $4000 \text{ \AA}$ । পূর্বেই বলা হইয়াছে যে, উজ্জ্বল পদার্থের অভ্যন্তরস্থ সংখ্যাভীত বিদ্যুতিনগুলি অসংখ্য প্রকারে আন্দোলিত হইতে পারে—সেই কারণেই মানা রং-এর (অর্থাৎ বিভিন্ন তরঙ্গ-দৈর্ঘ্যবিশিষ্ট) আলো উহা হইতে নির্গত হয় যাহার একত্র সমাবেশে উহাকে সাদা বলিয়া মনে হয়। কিন্তু যত প্রকারের

তরঙ্গের উদ্ভব হইতে পারে তাহার দৈর্ঘ্য যে কেবল  $7000 \text{ \AA}$  হইতে  $4000 \text{ \AA}$ -তেই সীমাবদ্ধ তাহা নহে; পরন্তু  $7000 \text{ \AA}$  অপেক্ষা অনেক বড় এবং  $4000 \text{ \AA}$  অপেক্ষা অনেক ছোট তরঙ্গেরও সৃষ্টি হইতে পারে—কিন্তু সেগুলি আমাদের অক্ষিপটে কোন উত্তেজনার সৃষ্টি করিতে পারে না অর্থাৎ চোখের সাহায্যে আমরা তাহাদের উপস্থিতি উপলব্ধি করিতে পারি না। সুতরাং তাহাকে আমরা দৃশ্যমান আলো বলি না। বস্তুত তথাকথিত অন্ধকারের ভিতর এক্সপ অনেক অদৃশ্য বিকীর্ণ থাকিতে পারে। চোখে দেখিতে পাই না বলিয়াই অন্ধকার বলি। কিন্তু অল্প যন্ত্রের সাহায্যে তাহাদের উপস্থিতি দেখান যায়। তরঙ্গ-দৈর্ঘ্য  $7000 \text{ \AA}$  অপেক্ষা অধিক হইলে তাহাদের বেতার-তরঙ্গ বলা হয়। আর যদি  $4000 \text{ \AA}$  অপেক্ষা ছোট হয় তাহা হইলে তাহাদের অতি-বেগুনি (ultra-violet), আরও ছোট হইলে রঞ্জন-রশ্মি, আরও ছোট হইলে গামা-রশ্মি (যাহা রেডিয়ম প্রভৃতি ধাতু হইতে স্বতঃবিচ্ছুরিত হয়) এবং সর্বোপেক্ষা ছোট যে তরঙ্গ তাহাকে কস্মিক তরঙ্গ (cosmic wave) বলা হয়। এই কস্মিক রশ্মি অত্যন্ত শক্তিশালী এবং ইহা মহাব্যোম হইতে প্রতি-নিয়তই ধরাপৃষ্ঠে আপতিত হইতেছে। ইহার ব্যাখ্যাও অধুনা একপ্রকার পাওয়া গিয়াছে। সুতরাং দেখা যাইতেছে, কোন কঠিন পদার্থ অতুল্য হইয়া উজ্জ্বল আকার ধারণ করিলে উহার অভ্যন্তরস্থ বিদ্যুতিনগুলি যত প্রকার তরঙ্গের সৃষ্টি করিতে পারে এবং করে তাহার মধ্যে মাত্র অত্যল্প কয়েক প্রকারের তরঙ্গই আমাদের চোখের উপর ক্রিয়ালীল। উহাদের তরঙ্গান্তর  $7000 \text{ \AA}$  হইতে  $4000 \text{ \AA}$  হইলেই আমরা উহা উজ্জ্বল বলি অর্থাৎ উহা আলো বিকীর্ণ করে—বলি। ইহাকেই দৃশ্যমান আলো (visible light) বলা হয়। এই দৃশ্যমান আলোর উভয় দিকে—অর্থাৎ ছোট এবং বড় তরঙ্গ-বিশিষ্ট আরও বিকীর্ণ আছে যাহা চোখের উপর ক্রিয়ালীল না হইলেও অল্প এমন যন্ত্র আছে যাহার উপর উহা ক্রিয়ালীল বলিয়া তাহার সাহায্যে উহাদের উপস্থিতি প্রমাণ করা যায়। উপরে যাহা বলা হইয়াছে তাহা হইতে ইহাও পরিষ্কাররূপে বোঝা যায় যে বেতার-তরঙ্গ, উত্তাপ, আলো, রঞ্জনরশ্মি, গামারশ্মি প্রভৃতি মূলত একই অর্থাৎ ঐধরের তরঙ্গমালা ব্যতীত আর কিছুই নহে—প্রভেদ শুধু উহাদের তরঙ্গ-দৈর্ঘ্যে। একটি কঠিন পদার্থ উত্তপ্ত হইতে থাকিলে উহার অভ্যন্তরস্থ পরমাণু এবং বিদ্যুতিনগুলি আন্দোলিত হইতে থাকার দরুন উহা হইতে উত্তাপরশ্মি তরঙ্গাকারে চতুর্দিকে বিকীর্ণ হইতে আরম্ভ করে। তাপমান বাড়িবার সঙ্গে সঙ্গে উহা আলোকরশ্মিও বিকীর্ণ করিতে থাকে—অর্থাৎ উহাকে আমরা উজ্জ্বল বলিয়া দেখিতে পাই। তাপমান আরও বাড়িলে উহা হইতে এমন অনেক ক্ষুদ্র তরঙ্গান্তর-বিশিষ্ট বিকীর্ণ বাহির হইবে যাহা আমরা দেখিতে পাই না—অর্থাৎ অতি-বেগুনি রশ্মি।

এক্কে মনে করা যাউক, সূচীভেদ অন্ধকার গৃহে একটি কেটলীতে ফুটন্ত জল রাখা হইল। উহার তাপমান এত অধিক নহে যে উহা হইতে আলোক-তরঙ্গ নির্গত হইবে—অর্থাৎ আমরা উহা দেখিতে পাইব না। কিন্তু আমরা দেখিতে না পাইলেও উহার ভিতরের পরমাণুগুলি

আলোকিত হইতে থাকার দক্ষ উত্তাপ-তরঙ্গ চতুর্দিকে ছড়াইয়া পড়িবে। এখন যদি ঐ ঘরে কোন কাল্পনিক জীব প্রবেশ করে যাহার চোখের গঠনপ্রণালী এইরূপ যে তাহার অক্ষিপটে উত্তাপ-তরঙ্গ পড়িলে উহা উত্তেজিত হয়, তাহা হইলে সেই জীব গাঢ় অন্ধকারের ভিতরও ঐ কেটলী অনারাসে দেখিতে পাইবে। বাহুড়, পেচক, শূগালাদি নিশাচর জীবজন্তুর চোখের গঠনপ্রণালীতে হয়ত এইরূপ কোন বিভিন্নতা আছে যাহাতে উত্তাপ-তরঙ্গের সাহায্যে তাহারা দেখিতে পায়। দিনমানে যে সমস্ত বস্তু সূর্যের আলো এবং উত্তাপ শোষণ করিয়া লয়, রাত্রিকালে তাহারা উত্তাপ-তরঙ্গাকারে তাহা বিকীর্ণ করে—হয়ত বা তাহারই সাহায্যে এই সব নিশাচর রাত্রিকালে তথাকথিত অন্ধকারে চলাফেরা করিয়া থাকে। আবার চামচিকা প্রভৃতি কোন কোন জীবের আচরণ লক্ষ্য করিলে মনে হয় যে, উহারা প্রথর দিবালোকে ভাল দেখিতে পায় না। বোধ হয় দিনের বেলার দৃশ্যমান আলোকের প্রাথম্য হেতু এবং ঐ ঐ আলো উহাদের অক্ষিপট উত্তেজিত করিতে পারে না বলিয়া উহা দেখিতে পায় না।

আলোর সম্বন্ধে উপরে যাহা বলা হইল তাহার সাহায্যে এইবার আলোকচিত্র গ্রহণ সম্যক্ বোঝা যাইবে। কোন বস্তু আমরা দেখিতেছি—ইহার অর্থই হইল এই যে, ঐ বস্তুনির্গত নিজস্ব আলো কিংবা অপর উচ্ছল বস্তু হইতে প্রাপ্ত আলো বস্তুর উপর পড়িয়া তাহা হইতে বিক্ষিপ্ত হইয়া আমাদের অক্ষিপটের উপর পড়িয়া তাহার সাময়িক রূপান্তর ঘটাইয়াছে। অন্ধলোকের অক্ষিপটের এই রূপান্তর সাধনের ক্ষমতা নাই বলিয়াই সে দেখিতে পায় না। অবশ্য যাহার চক্ষু একেবারেই নাই তাহার কথা স্বতন্ত্র। পৃথিবীতে জীবজন্তুর অক্ষিপট ব্যতীতও এমন জিনিস থাকিতে পারে এবং আছে যাহা আলোর প্রভাবে রূপান্তরিত হয়। রঙিন ছবি, কাপড়, জামা ইত্যাদির রং আলো লাগিয়া ক্রমে ক্রমে ক্যাকাসে হইয়া যায়—যাহাকে আমরা বলি যে রং ছলিয়া গিয়াছে—ইহাও আলোকের প্রভাবে রূপান্তর ব্যতীত আর কিছু নহে। যদি এমন কোন জিনিসের সাক্ষাৎ মেলে যাহার উপর আলো পড়িলে—তাহা যত অল্প সময়ের জন্তই হোক না কেন—শুধু যে তাহার রূপান্তর হইবে তাহা নয়, পরন্তু রূপান্তরের পরিমাণ আলোকের গাঢ়ত্বের উপর নির্ভর করিবে—অর্থাৎ ঐ বস্তুর যে অংশে যত চড়া আলো পড়িবে সেই অংশে তত বেশী রূপান্তরিত হইবে—তাহা হইলে সেই বস্তুর সাহায্যে আলোকচিত্রগ্রহণ করা সম্ভব হইবে। কাচপুটের সাহায্যে যাহার আলোকচিত্র গ্রহণ করিব তাহার একটি আলোময় প্রতিচ্ছবি (real image) ঐ বস্তুর উপর ফেলিলেই উহার খানিকটা রূপান্তর হইবে—প্রতিচ্ছবির সেই অংশে বেশী রূপান্তর হইবে যে অংশে বেশী আলো পড়িয়াছে এবং সেই অংশে কম রূপান্তর হইবে যেখানে কম আলো পড়িয়াছে। কালো চুলওয়ালী একজন যুবকের আলোকচিত্র গ্রহণ করিবার সময়ে দেখা যাইবে যে, প্রতিচ্ছবির যে অংশে চুল সেই অংশে প্রায় কোন আলো না পড়ায় ঐ কারণে চুল কালো, অতএব কোন আলো বিক্ষিপ্ত করে না) সেখানে পদার্থটির কোন রূপান্তর ঘটিবে না; আর যে অংশে সাদা পোষাক সেই

অংশে সর্বাপেক্ষা বেশী রূপান্তর ঘটিবে, কারণ সাদা অর্থই এই যে ঐ অংশ হইতে সর্বাপেক্ষা অধিক আলো বিক্ষিপ্ত হইয়া বস্তুর উপর পড়িয়াছে। সিলভার ব্রোমাইড, এমন একটি রাসায়নিক পদার্থ—যাহার উপর আলো পড়িলে—তাহা যত অল্প সময়ের জন্তই হটুক না কেন—উহার রাসায়নিক রূপান্তর ঘটে। এই পদার্থটির মধ্যে দুইটি মৌলিক উপাদান বিদ্যমান—সিলভার বা রৌপ্য এবং ব্রোমিন। সিলভার ব্রোমাইড, জিলাটিন এবং জল একত্র করিয়া একটি ঘন আরক (emulsion) প্রস্তুত করা হয় এবং কাচের প্লেট অথবা সেলুলয়েডের ফিল্মের উপর উহার একটি পাতলা প্রলেপ দিয়া উহাকে শুকানো হয়। অবশ্য এই সমস্ত প্রক্রিয়াই অন্ধকারে অথবা কমলা রংএর আলোতে সমাধা করা হয়। কারণ কমলা রং-এর আলো ঐ ব্রোমাইডের কোন রূপান্তর সাধন করিতে পারে না। ইহাই ফোটোগ্রাফিক প্লেট বা ফিল্ম।

আলোকচিত্র গ্রহণ করিতে হইলে প্রথমেই একটি ক্যামেরার প্রয়োজন হয়। ইহা একটি অন্ধকার প্রকোষ্ঠ ব্যতীত আর কিছুই নহে। ইহার সম্মুখভাগে মাত্র একটি ছিদ্র থাকে—যাহার ভিতর দিয়া বাহিরের ঐ প্রকোষ্ঠে প্রবেশ করিতে পারে। অবশ্য ঐ ছিদ্রটি বন্ধ করিবার ব্যবস্থাও আছে এবং উহা বন্ধ করিলে বাহিরের কোন আলোই ভিতরে প্রবেশ করিতে পারে না। ছিদ্রের প্রবেশ-পথে কয়েকখানি কাচপুট (lens) আছে যাহার সাহায্যে ক্যামেরার সম্মুখভাগস্থ কোন পদার্থের প্রতিকৃতি ক্যামেরার পশ্চাৎভাগের পর্দার উপর গিয়া পড়ে। কাচপুট হইতে পর্দার দূরত্ব বাড়ানো-কমান যায়। ইহার প্রয়োজন আছে, কারণ যে পদার্থের আলোক-চিত্র লওয়া হইবে, কাচপুট হইতে তাহার যে দূরত্ব উহারই উপর নির্ভর করে—উহার প্রতিকৃতি সুস্পষ্টভাবে কাচপুটের পশ্চাতে কত দূরে পড়িবে—তাহা। পর্দাটি ঠিক সেইখানে থাকা চাই। আলোকচিত্র তুলিতে প্রকৃতপক্ষে এক সেকেন্ডেরও কম সময় লাগে। অথচ ফোটোগ্রাফ তুলিতে গিয়া ফোটোগ্রাফার যে অত্যধিক সময় নেন তাহার কারণ এই যে, তিনি পর্দাটি সম্মুখে এবং পশ্চাতে সরাইয়া কোন অবস্থানে সর্বাপেক্ষা সুস্পষ্ট প্রতিচ্ছবি পাওয়া যায় তাহাই বাহির করেন। তাহা ছাড়া, কে কোন অবস্থায় থাকিলে সুন্দর ছবি উঠিবে তাহাও তাহাকে বিবেচনা করিতে হয়। কালো কাপড়ে ঢাকা ফোটোগ্রাফিক প্লেটটি পর্দার জায়গায় বসান হয় এবং ক্যামেরার-ছিদ্রপথটি বন্ধ করিয়া ঐ কালো কাপড়-খানা সরাইয়া ফেলা হয়। এইবার ছিদ্রপথটি খুলিলে বস্তুর অথবা মানুষের (যাহার আলোকচিত্র লওয়া হইতেছে) প্রতিচ্ছবি ঐ প্লেটের উপর পড়িয়া উহার উপস্থিত যে ব্রোমাইডের প্রলেপ আছে তাহার রূপান্তর সাধন করিবে। সাধারণত এক সেকেন্ডেরও কম সময়ের জন্ত ছিদ্রটি খুলিয়া আবার বন্ধ করিয়া দেওয়া হয়। অবশ্য ঠিক কতটুকু সময় খোলা রাখা হইবে তাহা নির্ভর করে তখনকার দিনের আলোর প্রাথম্যের উপর। আজকাল অবশ্য ষ্টুডিওতে কৃত্রিম আলোর সাহায্যেও ফোটোগ্রাফ তোলা হয়। অনেক দোকানের সম্মুখে যে বড় বড় হরকে লেখা থাকে, “দিবারাত্র ফোটো তোলা হয়” ইহার রহস্য এই। আলো প্রথর হইলে কম সময় এবং যুদ্ধ হইলে বেশী সময় খোলা রাখা

হয়। প্লেটের উপর প্রতিকৃতির যে ছাপ পড়িল তাহা এই অবস্থায় দেখা যায় না—সেইজন্মই ইহাকে অদৃশ্য প্রতিচ্ছবি (latent image) বলা হয়। ইহাকে পরিষ্কৃত করিয়া তুলিতে হইলে অল্প প্রক্রিয়ার দরকার হয়। তাহাকেই developing বা পরিষ্কৃতকরণ বলা হয়। এই কার্য কতগুলি রাসায়নিক পদার্থের সাহায্যে করা যায়। উহাদিগকে developer বা পরিষ্কৃতকারক বলা হয়। ইহাদের কার্যই হইল, আলো মুহূর্তের জন্ম প্লেটের উপর পড়িয়া যে রূপান্তর আরম্ভ করিয়াছে তাহা সম্পূর্ণ করা। শুধু তাই নহে, যেখানে আলো যত প্রখরভাবে পড়িয়াছে সেখানে এই developerএর কার্য তত বেশী পরিমাণ হইবে। ব্রোমাইডের উপর আলো পড়িলে উহা হইতে ব্রোমিন নামক মৌলিক পদার্থটি বিযুক্ত হইয়া যায় এবং অবশিষ্ট থাকে রৌপ্য। যদিও একটুকরা রূপার রং সাদা তথাপি প্লেটের উপর আলো এবং developerএর সাহায্যে যে রূপা উৎপন্ন হয় তাহার রং কালো। কারণ কোন একটা জিনিসের রং উহার কণাগুলি কত স্থল তাহার উপর নির্ভর করে। রূপা অত্যন্ত স্থল্মাকারে কালো দেখা যায়। যে সোনা “তপ্ত কাঞ্চন” রং বলিয়া আমরা তারিফ করি, তাহাও অতি স্থল্ম কণাকারে প্রায় কালোই দেখায়। Developer পদার্থটি জলে গুলিয়া উহার মধ্যে প্লেট ডুবাইয়া দেওয়া হয়। ইহা অক্ষকাবে অথবা এমন আলোতে করিতে হইবে যাহা ব্রোমাইডের উপর কোন ক্রিয়া করিতে পারে না। কিছুকণ ডুবাইয়া রাখিলেই প্রতিকৃতিটি পরিষ্কৃত হইয়া ওঠে। মনে করা যাউক যে একটা মানুষের আলোকচিত্র গ্রহণ করা হইয়াছে। দেখা যাইবে যে প্রতিচ্ছবির যে অংশে চুল ছিল সেখানকার রং কতকটা ছাইয়ের মত অর্থাৎ অপরিবর্তিত প্লেটের রং। এইখানে ব্রোমাইড ব্রোমাইডই আছে, কারণ চুল কালো বলিয়া সেখানে প্রায় কোন আলোই না পড়ার দরুন কোন পরিবর্তন হয় নাই এবং developerও সেখানে কোন ক্রিয়া করিতে পারে নাই। আর প্রতিচ্ছবির যেখানটায় সাদা কাপড়-চোপড় ছিল সেখানে বেশী আলো পড়ার সর্বাপেক্ষা বেশী পরিবর্তন হইয়াছে; সুতরাং developerও সেখানে বেশ একটু পুরু আবরণের কালো রূপা তৈয়ার করিয়াছে। সুতরাং সে স্থানটা খুবই কালো। প্রতিচ্ছবির অস্ত্রাংশে যে অনুপাতে আলোক সম্পাত হইয়াছে সেই অনুপাতে পুরু অথবা পাতলা কালো রূপার স্তর পড়িবে। অতএব দেখা যাইতেছে, প্রতিকৃতিটি এইবার সাদার কালোর বেশ স্থপরিষ্কৃত হইয়া উঠিয়াছে। যেখানে অপরিবর্তিত ব্রোমাইড সেখানটা ছাইয়ের রং, আর যেখানটা খুবই পরিবর্তিত হইয়াছে সেখানকার রং পুরুস্তর রূপার দরুন কালো—অর্থাৎ যুবকের মাথার কালো চুল এবং গৌফ বৃদ্ধের পাকা চুল এবং গৌফের স্তায় দেখাইবে। ইহাতে অবশ্য বৃদ্ধের ধূসী হইবার কারণ থাকিলেও যুবকের মোটেই ধূসী হইবার কথা নয়। এই যে প্রতিকৃতি পাওয়া গেল-যাহাতে সাদা জিনিস কালো এবং কালো জিনিস সাদা হইয়া উঠিয়াছে ইহাকেই নেগেটিভ বলা হয়। এই নেগেটিভকে এখনও আলোর মধ্যে বাহির করা চলে না, কারণ ইহার মধ্যে এখনো অপরিবর্তিত ব্রোমাইড আছে—যাহার উপর আলো পড়িলে

সমস্ত প্রতিকৃতিই নষ্ট হইয়া বিজাট বাধাইবে। অতএব এই অপরিবর্তিত ব্রোমাইড এমনভাবে সরাইয়া ফেলা দরকার যাহাতে রূপার উপর কোন ক্রিয়া না হয়। ইহাকে fixing the image বা “প্রতিকৃতির প্রতিষ্ঠা” বলা যাইতে পারে। ইহা করা হয় হাইপো (hypo) নামক রাসায়নিক পদার্থটি জলে দ্রবীভূত করিয়া তাহার সাহায্যে। কারণ এই রস ব্রোমাইডকে দ্রবীভূত করিয়া সরাইয়া ফেলিবে, পরন্তু রূপার উপর ইহার কোনই ক্রিয়া নাই। সুতরাং যেখানে ছাই অথবা প্রায় সাদা রং-এর ব্রোমাইডের প্রলেপ ছিল সেখানে এখন আর কিছুই না থাকায় স্বচ্ছ এবং সাদা কাচ বাহির হইয়া পড়িবে। সুতরাং নেগেটিভে এই যে সাদা-কালোর প্রতিকৃতি পাওয়া গেল—ইহার গভীর কালো অংশ রৌপ্য নির্মিত, সুতরাং স্বচ্ছ এবং একদম সাদা অংশ স্বচ্ছ, কারণ সেখানে স্বচ্ছ কাচ বা সেলুলয়েড (ফিল্মের পক্ষে) ব্যতীত আর কিছুই নাই এবং অস্ত্রাংশ জায়গায় আলোক-সম্পাতের অনুপাতানুযায়ী পাতলা ঈষৎ কালো রূপার আবরণ থাকায় আংশিক স্বচ্ছ। বিভিন্ন অংশের স্বচ্ছতা সম্বন্ধে যাহা বলা হইল তাহা মনে রাখা প্রয়োজন, কারণ নেগেটিভ হইতে পসিটিভ ছবি (যাহাতে কালো কালোভাবেই এবং সাদা সাদাভাবেই ওঠে) কি প্রকারে করা সম্ভব তাহা বুঝিবার পক্ষে ইহার আবশ্যিকতা আছে। নেগেটিভকে অবশ্য অনেকরূপ পর্ধ্যস্ত উত্তমভাবে জলে ধৌত করা আবশ্যিক যাহাতে উহার উপর হইতে সমস্ত অবাঞ্ছনীয় রাসায়নিক পদার্থ বিদূরিত হইতে পারে। তারপর উহাকে শুষ্ক করিতে হয়। অতএব দেখা যাইতেছে, একটা আলোকচিত্রের নেগেটিভ তৈরী করিতে পরপর নিম্নলিখিত চারিটা প্রক্রিয়া করিতে হয় :—(১) আলোক-সম্পাত অর্থাৎ আলোময় প্রতিচ্ছবি প্লেটের উপর পড়িতে দেওয়া (exposure), (২) পরিষ্কৃতকরণ (developing), (৩) প্রতিষ্ঠাকরণ (fixing), ও ধৌতকরণ। এইবার পসিটিভ ছবি প্রস্তুত করার বিষয় আলোচনা করা যাউক। সাধারণত এই ছবি কাগজে তোলা হয়। কোটোগ্রাফিক প্লেটের মত ফটোগ্রাফিক কাগজ তৈরী করিতে কাগজের উপর ব্রোমাইডের একটি প্রলেপ লাগাইতে হয়। এইরূপ একখানি কাগজ নেগেটিভের পশ্চাতে লাগাইয়া কিছুকণের জন্ম আলোতে ধরিতে হয়। নেগেটিভের যে সব জায়গা পুরুস্তরের রূপা থাকার দরুন স্বচ্ছ তাহার ভিতর দিয়া কোন আলো গিয়া কাগজের উপরে পড়িবে না—সুতরাং সেখানকার ব্রোমাইড রূপান্তরিত হইবে না। কাজেই develop এবং fix করিবার পর ঐ জায়গায় শুধু কাগজ থাকার দরুন সাদা দেখাইবে। আর নেগেটিভের যে জায়গায় সাদা অর্থাৎ শুধু স্বচ্ছ কাচ বিস্তারিত সেই জায়গায় ভিতর দিয়া অনেক আলো পশ্চাতে অবস্থিত কাগজের উপর পড়িয়া উহার বহুল পরিমাণ রূপান্তর ঘটাইবে। সুতরাং develop করিবার সময়ে সেইখানে ঘন হইয়া কাল রূপার স্তর পড়িবে। অতএব নেগেটিভের কালজায়গা ছবিতে সাদা হইয়া উঠিবে এবং সাদা জায়গা কালো হইয়া উঠিবে—অর্থাৎ ছবিতে মূল বস্তুর সাদা সাদাই উঠিবে এবং কালো কালোই উঠিবে। সুতরাং পুরুকেশ বৃদ্ধ এবং কুকেশন বুবা কাহারও কোন আপশোধের কারণ থাকিবে না। অতএব দেখা যাইতেছে,



নেগেটিভ হইতে ছবি তুলিতে হইলে ফোটোগ্রাফিক কাগজখানাকে পর পর ঐ চারিটি প্রক্রিয়ার ভিতর দিয়া লইয়া যাইতে হইবে। এই হইল আলোকচিত্রে তুলিবার বৈজ্ঞানিক রহস্য। অবশ্য ইহার পরও ছবির উপরে শিল্পীর তুলি চালনার সাধনা আছে—তাহা আমাদের আলোচ্য বিষয় নহে।

উপরে যাহা বলা হইল তাহাতে আলোকচিত্রগ্রহণের বৈজ্ঞানিক তত্ত্বের অত্যন্ত সাধারণ ব্যাখ্যা পাওয়া যাইবে। উহার খুঁটিনাটি ব্যাপারের মধ্যে মোটেই প্রবেশ করা হইল না। কিন্তু বিংশ শতাব্দীর বিজ্ঞান প্রত্যেক বিষয়ে, এমন কি আলোকচিত্র গ্রহণ ব্যাপারেও এতদূর অগ্রসর হইয়া গিয়াছে যে, শুধু মাত্র সাধারণ তত্ত্বের ব্যাখ্যা করিলে উহার সম্বন্ধে প্রায় কিছুই বলা হয় না। এমন কি, এমন কথাও নিকিবাদে বলা যাইতে পারে যে “আলোকচিত্র” এই নামেরই অধুনা কোন উপযোগিতা নাই। বরঞ্চ ইহাকে “বিকীরণচিত্র” বলিলে তাহাই খুব উত্তম হইবে। ইংরেজীতেও ইহাকে photograph না বলিয়া Radiograph বলাই সম্ভব। ইহার কারণ বলিতেছি। যত প্রকারের বিকীরণ (radiation) সম্ভব তাহার মাত্র অত্যন্ত অংশ অর্থাৎ যে অংশকে দৃশ্যমান আলোক (visible light—৮০০০এ° হইতে ৪০০০এ° যাহার তরঙ্গান্তর) বলা হয় তাহা হারাি পূর্বে আলোকচিত্র গ্রহণ করা হইত। অর্থাৎ ইহাও বলা যাইতে পারে—যাহা চোখের সাহায্যে দেখা যায় এ পর্যন্ত তাহারই চিত্র গ্রহণ করা সম্ভব হইত। কিন্তু অধুনা অদৃশ্য বিকীরণের সাহায্যেও চিত্র গ্রহণ করা সম্ভব হইয়াছে। দৃশ্যমান আলোক অপেক্ষা হ্রস্বতর তরঙ্গান্তর-বিশিষ্ট বিকীরণ (যেমন রঞ্জনরশ্মি) অথবা উহাপেক্ষা দীর্ঘতর তরঙ্গান্তর-বিশিষ্ট বিকীরণ (যেমন—উত্তাপরশ্মি—infrared radiation)-এর সাহায্যেও বস্তুর ছবি চিত্র গ্রহণ আজকাল সম্ভব। ইহা হারা মানুষের অশেষবিধ কল্যাণও সাধিত হইয়াছে। ইহার জন্ম শুধু প্রয়োজন এমন রাসায়নিক পদার্থ—যাহা অবশ্য সিলভার ব্রোমাইড হইতে বিভিন্ন—যাহা ঐসব বিকীরণের সাহায্যে রূপান্তরিত হয়। এইরূপ বহু প্রকারের রাসায়নিক পদার্থের সন্ধান অধুনা পাওয়া গিয়াছে। ফোটোগ্রাফিক প্লেট বা কাগজের উপর ব্রোমাইডের প্রলেপ না লাগাইয়া ঐ পদার্থের প্রলেপ লাগাইতে হইবে। আজকাল সম্পূর্ণ অন্ধকার গৃহের ও যাবতীয় পদার্থের চিত্র এই ভাবে গ্রহণ করা যায় অর্থাৎ চোখে না দেখিতে পারিলেও ফোটোগ্রাফের সাহায্যে তাহা দেখা যায়। আলোক-চিত্র গ্রহণ যে কতভাবে মানুষের উপকার সাধন করিয়াছে এবং করিতেছে তাহার আশাব মাত্র এখানে দেওয়া যাইতে পারে—উহাতেই স্তম্ভিত হইতে হয়।

আলোকচিত্রের সাহায্যে পদার্থ বিজ্ঞা, রসায়ন এবং জ্যোতিষ শাস্ত্রের গবেষণা বহুল পরিমাণে উন্নত হইয়াছে। আইনষ্টাইনের আপেক্ষিকতা-বাদের পরীক্ষামূলক প্রমাণ আলোকচিত্রের সাহায্যেই পাওয়া গিয়াছিল। রঞ্জনরশ্মির সাহায্যে অস্ত্র, পাকাশয়, ফুসফুস প্রভৃতির চিত্রগ্রহণ রোগনির্ণয়ব্যাপারে অপরিহার্য হইয়া উঠিয়াছে। হাড় ভাঙিয়া গেলে চোখে দেখা না গেলেও রঞ্জনরশ্মির সাহায্যে চিত্র তুলিলে উহা পরিষ্কার দেখা যায়—সুতরাং অস্ত্র চিকিৎসায় ইহা

বিশেষ স্থান অধিকার করিয়াছে। এই ত গেল অত্যন্ত হ্রস্ব তরঙ্গান্তর-বিশিষ্ট বিকীরণের সাহায্যে গৃহীত চিত্র। উত্তাপ রশ্মির সহায়তায় চিত্র গ্রহণ (Infrared photography) সম্ভব হওয়ার বিজ্ঞান জগতে যুগান্তর আসিয়াছে। কত প্রকারে যে ইহাকে কাজে লাগান হইতেছে তাহার ইয়ত্তা নাই। অন্ধকার গৃহে রক্ষিত ফুটন্ত জল-বিশিষ্ট কেটলী চোখে না দেখা গেলেও উহার চিত্র গ্রহণ করা সম্ভব হইয়াছে ইহা পূর্বেই বলা হইয়াছে। ইহা ছাড়া, রঞ্জনরশ্মির শ্রায় উত্তাপরশ্মির সাহায্যে চিত্র গ্রহণ ও রোগনির্ণয়ব্যাপারে কোন কোন ক্ষেত্রে অনেক সুবিধা করিয়া দিয়াছে। Varicose veins (রক্তবাহী শিরা বাড়িয়া গিয়া কুণ্ডলী পাকাইয়া যায়) এবং lupus (চর্মের নীচের এক প্রকার ক্ষয় রোগ) প্রভৃতি অসুখে রোগাক্রান্ত স্থানের infrared photograph তোলা হইয়াছে। ইহা অস্ত্র কোন আলো হারা সম্ভব নহে। জালিয়াতি ধরিতে এই প্রকার ফোটোগ্রাফের জোড়া নাই বলিলেও চলে। কোম সত্যিকারের দলিলের ভিতর পরবর্তী কালে প্রতারণাপূর্বক জাল করিয়া নূতন কিছু সন্নিবেশিত হইলে যদি উহার চিত্র উত্তাপরশ্মির সাহায্যে তোলা হয় তাহা হইলে যে অংশ জাল করা হইয়াছে তাহা সঠিকভাবে ধরা পড়িবে। জালিয়াত অবশ্য এমন কালি ব্যবহার করিবে যাহা দেখিতে মূল দলিলের কালির অমুরূপ। কিন্তু দৃশ্যমান আলোকের কাছে অর্থাৎ চক্ষুর সাহায্যে উহা একই প্রকার হইলেও উত্তাপরশ্মির কাছে উহার সামান্যতম প্রভেদ থাকিলেও তাহা ধরা পড়িবে। দেখিতে সম্পূর্ণ একই রকমের দুইটা কালির একটা হয়ত উত্তাপরশ্মির পক্ষে স্বচ্ছ এবং অপরটা অস্বচ্ছ—সুতরাং ভিন্ন-চিত্র উঠিবে। ঠিক এই ভাবেই সেন্সর (censor) কর্তৃক সম্পূর্ণভাবে নষ্ট করা লেখার মূল অংশ উদ্ধার করা সম্ভব হইয়াছে। সেন্সরের কালি মূল কালির উপর এমন ভাবে লেপিয়া দেওয়া হইয়াছে যে, মূল লেখা ঢাকা পড়িয়া গিয়াছে এবং পড়া যায় না—অর্থাৎ সাধারণ আলোতে। কিন্তু সেন্সরের কালি যদি উত্তাপরশ্মির কাছে স্বচ্ছ হয় এবং উহার নীচের কালি (মূল লেখার)—যাহা নিশ্চয়ই বিভিন্ন কালি—যদি অস্বচ্ছ হয় তাহা হইলে চিত্রে ঐ মূল লেখাটি উঠিবে। যেমন স্বচ্ছ কাচের পশ্চাতে কোন বস্তু রাখিলে আমরা তাহা দেখিতে পাই। কুম্বাসাচ্ছন্ন দিবসে দূরের বস্তু আমরা দেখিতে পাই না—সুতরাং উহার চিত্রগ্রহণও সম্ভব নহে, কিন্তু উত্তাপরশ্মির সাহায্যে উহার বেশ পরিষ্কার চিত্র তোলা সম্ভব হইয়াছে। ঐ একই কারণে যতদূর হইতে আলোকচিত্র তোলা সম্ভব, উত্তাপরশ্মির সাহায্যে তাহা অপেক্ষা অনেক বেশী দূরের জিনিসের চিত্র গ্রহণ করা সম্ভব হইয়াছে। আজকাল এরোপ্লেনে চড়িয়া শত্রু শিবিরের চিত্র গ্রহণ করিয়া উহার সমস্ত গুপ্ত তথ্য জানা একটা রেওয়াজের মধ্যে দাঁড়াইয়াছে। শুধু তাহাই নহে, বেতারে ঐ সমস্ত চিত্র বহুদূরে অবস্থিত মিত্রপক্ষের সামরিক ঘাঁটিতে পর্যন্ত প্রেরণ করা হইয়া থাকে (elevation)—কারণ চিত্র-গ্রহণকারী উড়ো জাহাজটি যদি বিমানধ্বংসী গোলায় কুপায় ঘাঁটিতে প্রত্যাবর্তন করার সুযোগ নাই পার! এ যাবৎ আলোকচিত্র শুধু সাদা কালোরই উঠিত—সুতরাং নানাপ্রকার জমকালো রং-বিশিষ্ট কাপড়জামা পরিধান করিয়া ওঠে

রক্তবর্ণ এবং গণ্ডে গোলাপী রং মাথিরা যে ছন্দরীণ ক্যামেরার সম্মুখে বসিতেন তাঁহারা যখন দেখিতেন চিত্রে সে সব কিছুই ওঠে নাই তখন তাঁহাদের ক্রোভ হওয়া স্বাভাবিক। আজকাল কিন্তু ফোটোগ্রাফির এতদূর উন্নতি সাধিত হইয়াছে যে তাঁহাদের আর এ ক্রোভ থাকিবে না—আলোকচিত্রে ও সমস্ত রং প্রায় যথাযথ উঠিবে। ব্যাপারটা একটু জটিল হস্তরাং তাহার আলোচনা এখানে করা হইবে না।

ইহা ছাড়াও লোকের অবসর বিনোদনের জন্ত ফোটোগ্রাফিদির অবদানও নগণ্য নহে। এ যাবৎ শুধু নিশ্চল পদার্থের নিশ্চল চিত্র দেখিরাই আমরা সন্তুষ্ট থাকিতাম। কিন্তু উহাতে গতি আরোপ করিয়া উহাকে জীবন্ত করা হইয়াছে। এই ভাবেই চলচ্চিত্রের উদ্ভব। শুধু তাহাই নহে, ফিল্মের পাশে শব্দ-তরঙ্গের পর্য্যস্ত চিত্র তোলা হইয়া থাকে এবং এইভাবে গতিশীল ছবির সঙ্গে বাক্য জুড়িয়া দিয়া সবাক্ চিত্রের সৃষ্টি করা হইয়াছে। বুদ্ধিক্ষেত্রে কামান সশস্ত্রে অগ্নি উদ্দীর্ণ করিতেছে, জার্মান টর্পেডোর আঘাতে নিমজ্জমান ব্রিটিশ জাহাজের আরোহিবৃন্দ আকুল আর্তনাদ তুলিয়াছে, কমন্স সভায় ব্রিটিশ প্রধান মন্ত্রী ইহার

প্রত্যুত্তরে জার্মানীর বিরুদ্ধে “ব্লকেড” ঘোষণা করিতেছেন, পাশ্চাত্য জবাব হিসাবে হিটলার সদস্ত আক্ষালন পূর্বক বিশ্ববাসীকে তাঁহার নূতন উদ্ভাবিত মারণাস্ত্রের কথা শুনাইতেছেন, ডার্কিং রেসে মাননীয় আগা খাঁ মহাশয়ের ঘোড়া প্রথম ঘাইতেছে—এই প্রকার কত না ঘটনা আমরা বহু যোজন মাইল দূরে থাকিয়াও নিকটবর্তী প্রেক্ষাগৃহে গেলেই শুধু দেখিতেই পাইব না, প্রত্যেকটি শব্দ পর্য্যস্ত শুনিতে পাইব—বিজ্ঞানের কৃপায় ইহাও সম্ভব হইয়াছে। কবি কাউপার তাঁহার মৃত্যু জননী একখানি নিশ্চল আলেক্সা পাইয়া কত আবেগভরে তাঁহার সেই অমর কবিতাটি লিখিয়া গিয়াছেন। কিন্তু তিনি ও তাঁহার মা যদি বিংশ শতাব্দীর মানুষ হইতেন তাহা হইলে মাতার মৃত্যুর পর কবিকে শুধু নিশ্চল প্রতিকৃতি পাইয়াই সন্তুষ্ট হইতে হইত না—অন্যাসে তাঁহাকে দেখান ঘাইত তাঁহার মা রীতিমত চলিয়া ফিরিয়া বেড়াইতেছেন, এমন কি দোলনার কাছে গিয়া পরম স্নেহভরে তাঁহাকে যে আদর করিয়াছেন, গণ্ডে যে চুখন আঁকিয়া দিয়াছেন—তাহার প্রত্যেকটি শব্দ পর্য্যস্ত তাঁহার মাতার মৃত্যুর পরেও তাঁহার পক্ষে শোনা সম্ভব হইত।

## স্মরণ

### কাব্যরঞ্জন শ্রীআশুতোষ সাম্যাল এম্-এ

ভুলতে পারি সকল কথা,

পারি না—সেই স্মৃতিটি,

পালিয়ে গেছে কোকিল—তবু

কর্ণে বাজে গীতিটি !

দগ্ধ হ'ল মাটির কায়া—

রইল বেঁচে এ কোন্ মায়া !—

স্মরণ সে যে মরণজয়ী—

এই ধরণীর রীতি কি ?

সকল স্মৃতি ভুলতে পারি,

পারি না—সেই লাবনী,

নিত্য যাহে সুধার স্রোতে

সিক্ত হ'ত অবনী !—

দিবসরাতি ছন্দে গানে

ফুটত যাহা আমার প্রাণে ;—

নীরস মরু করত সরস—

আন্ত রসের প্রাবনই !

ভুলতে পারি সকল স্মৃতি,

পারি না—সেই হাসিটি,

বিরহিণী রাধার হিয়ায়

বাজে শ্রামের বাঁশিটি !

সে নয় হাসি—মুক্তাবরা,

ভুবনজয়ী—পাগল-করা ;—

অধর থেকে পড়ত খ'সে

কুন্দফুলের রাশি কি ?





কথা—শ্রীরামেন্দু দত্ত

স্বরলিপি—শ্রীজগৎ ঘটক

## শ্যামলা জননী

( “মার্চ” গীতি )

নীল নির্মল সিন্ধু মথনে স্খধার ভাণ্ড সম  
কবে উঠেছিলে স্খজলা, স্খফলা, শ্যামলা জননী মম ?  
পিতা ত্রিমালয় স্নেহধারা ঢালি’ সিক্ত করিল হিয়া,  
সিন্ধু জননী কল-কল্লোলে উঠিল উল্লসিয়া !  
অরুণ আসিয়া উজল হাসিয়া ঘুচাল গভীরতম,  
উঠিলে যে দিন স্খজলা স্খফলা শ্যামলা জননী মম !

শীতল পবন করিল ব্যঞ্জন নামিল শ্রাবণ ধারা  
চন্দনা পিক পাপিয়া দোয়েল পুলকে আপন হারা !  
ষড় ঋতু তা’র যৌতুক ভার আনিল তোমার দ্বারে,  
আমের মুকুল শিউলী বকুল ফুটিল পথের ধারে !  
কুসুম গন্ধে গীত-সুছন্দে মঞ্জুল মনোরম  
উঠিলে যে দিন স্খজলা স্খফলা শ্যামলা জননী মম !

সুন্দর বনে শার্দূল সনে নাগেরা করিত খেলা  
তপোবন-ছায়ে শিখি-কুরঙ্গে বসাত মোহন মেলা,  
অমৃত-লোকের শান্তি মাধুরী পুণ্য-পূরিত প্রাণ  
সে দিনো আমরা ছিলাম সকলে “অমৃতের সস্তান” !  
আমরা তোমার আশীষে জননী, ছিলাম অমরোপম !  
উঠিলে যে দিন স্খজলা স্খফলা শ্যামলা জননী মম !

II সা -। মা মা । মা -। মা মা I রগা -মপা -। পা । পা পা .পা -। I

নী . . ল নি ঙ্গ ম ল সি . . ন্ ধু ম ধ নে .

। মা মপা -ধা -। ধা -। ধা -। ধর্মা -। পা -। -। -। -। -।  
 সূ ধা° ° স্ব ভা ন্ ড ° স ° ম ° ° ° ° °

। পা পধা -ণা -ণা । গা -। গা গা । গা সর্। স'ধা -। ধা গা ধপা -।  
 ক বে° ° উ ঠে ° ছি লে সূ জ লা ° সূ ফ লা °

। পা ধা পমা -। মা পা মগা -। রগা -মপা মা -। -। -। -। -।  
 শ্রা ম লা ° জ ন নী ° ম° °° ম ° ° ° ° °

। মা মপা -ধা ধা । ধা -। ধা -পা । পা পধা -ণা গা । গা -। গা গা ।  
 (১)পি তা° ° ছি মা ° ল য়্ নে হ° ° ধা রা ° ঢা লি'  
 (২)ষ ড° ° ঋ তু ° তা স্ব যৌ °° ° তু ক ° ভা স্ব

। ধণা -র্মা -। সর্। সর্। সর্। -র্। গর্মা -র্। রর্। -। -। -। -। -।  
 (১)সি° ° ক্ ত ক রি ল ° ছি° ° য়া ° ° ° ° ° ° ° ° ° °  
 (২)আ° ° নি ল তো মা র ° ছা° ° রে ° ° ° ° ° ° ° ° ° °

। রর্। মা মা সর্। সর্। -। সর্। সর্। সর্। -র্। রর্। গা । গা -। গা গা ।  
 (১)সি ন্ ধু ° জ ° ন নী ক ° ল ° ক ল্ লো লে  
 (২)আ ° মে স্ব য়্ কু ল্ শি উ লী ° ব ° কু ল্

। গা সর্। সর্। ধা । ধা -। ধা -ণা । পধা -ণা গা -। -। -। -। -।  
 (১)উ ঠি ল ° উ ল্ ল ° সি° ° য়া ° ° ° ° ° ° ° ° ° °  
 (২)কু টি ল ° প ° থে র ধা° ° রে ° ° ° ° ° ° ° ° ° °

। গা গা গা -। ধণা -র্মা সর্। সর্। সর্। সর্। -। গর্মা -র্। রর্। রর্।  
 (১)অ রু গ ° আ° ° সি য়া উ জ ল ° ছা° ° সি য়া  
 (২)কু সূ ম ° গ° ° ন্ ধে ° গী ° ত সূ ছ° ° ন্ ধে °

। রর্। রর্। রর্। জর্। জর্। -। জর্। জর্। জর্। জর্মা -। সর্। -। -। -। -।  
 (১)ঘু চা ল ° গ ° ভী র ত ° ম ° ° ° ° ° ° ° ° ° °  
 (২)ম ন্ জু ° ল ° ম নো র ° ম ° ° ° ° ° ° ° ° ° °

। { সর্। রর্। জর্। -। গা -র্মা রর্। -। ধা গা সর্। -। পা ধা গা -।  
 উ ঠি লে ° যে ° দি ন্ সূ জ লা ° সূ ফ লা °

। মা পা ধা -। ধরা -। রা গা । গপা -। মা -। -। -। -। -। } II  
 শ্রা ম লা ° জ ° ন নী ম ° ম ° ° ° ° ° ° ° ° ° °

|           |         |      |       |      |  |      |      |      |          |          |       |        |       |       |    |       |       |       |          |              |          |
|-----------|---------|------|-------|------|--|------|------|------|----------|----------|-------|--------|-------|-------|----|-------|-------|-------|----------|--------------|----------|
| <b>II</b> | গা      | -১   | গা    | গা   |  | ধা   | ধা   | ধা   | -১       | <b>I</b> | পা    | -১     | পা    | পা    |    | পধা   | -১    | রা    | রা       | <b>I</b>     |          |
| (৩)       | শী      | •    | ত     | ল    |  | প    | ব    | ন    | •        |          | ক     | •      | রি    | ল     |    | ব্য   | •     | জ     | ন        |              |          |
| (৪)       | স্ব     | ন্   | দ     | র    |  | ব    | •    | নে   | •        |          | শা    | স্ব    | দূ    | ল     |    | স     | •     | নে    | •        |              |          |
| <b>I</b>  | স্বর্গা | -১   | র্গা  | র্গা |  | র্গা | -১   | ধা   | <b>I</b> | ধর্গা    | -১    | গা     | -১    |       | -১ | -১    | -১    | -১    | <b>I</b> |              |          |
| (৩)       | না      | •    | মি    | ল    |  | শ্রা | •    | ব    | ণ        |          | ধা    | •      | রা    | •     | •  | •     | •     | •     |          |              |          |
| (৪)       | না      | •    | গে    | রা   |  | ক    | •    | রি   | ত        |          | থে    | •      | লা    | •     | •  | •     | •     | •     |          |              |          |
| <b>I</b>  | গর্গা   | -১   | -১    | র্গা |  | র্গা | -১   | র্গা | -১       | <b>I</b> | সর্গা | -জর্গা | জর্গা | জর্গা |    | জর্গা | -১    | জর্গা | -১       | <b>I</b>     |          |
| (৩)       | চ       | •    | ন্    | দ    |  | না   | •    | পি   | ক্       |          | পা    | •      | •     |       | পি | য়া   | দো    | •     | য়ে      | ল্           |          |
| (৪)       | ত       | •    | পো    | ব    |  | ন    | •    | ছা   | য়ে      |          | শি    | •      | •     |       | খি | কু    | র     | •     | জে       | •            |          |
| <b>I</b>  | র্গা    | র্গা | জর্গা | -১   |  | র্গা | -১   | র্গা | না       | <b>I</b> | বর্গা | -১     | র্গা  | -১    |    | -১    | -১    | -১    | -১       | <b>I</b>     |          |
| (৩)       | পু      | ল    | কে    | •    |  | আ    | •    | প    | ন        |          | হা    | •      | রা    | •     | •  | •     | •     | •     |          |              |          |
| (৪)       | ব       | সা   | ত     | •    |  | মো   | •    | হ    | ন        |          | মে    | •      | লা    | •     | •  | •     | •     | •     |          |              |          |
| <b>I</b>  | ধা      | গা   | র্গা  | -১   |  | পা   | -ধা  | গা   | -১       | <b>I</b> | মা    | -পা    | -ধা   | ধা    |    | গা    | -মা   | মা    | পা       | <b>I</b>     |          |
|           | অ       | মৃ   | ত     | •    |  | লো   | •    | কে   | স্ব      |          | শা    | •      | ন্    | তি    |    | মা    | •     | ধু    | রী       |              |          |
| <b>I</b>  | রা      | -গা  | মা    | -১   |  | সা   | -রা  | গা   | মা       | <b>I</b> | মা    | -ধা    | -পা   | -গা   |    | -ধা   | -১    | -১    | -১       | <b>I</b>     |          |
|           | পু      | •    | ণ্য   | •    |  | পু   | •    | রি   | ত        |          | প্রা  | •      | •     | •     |    | •     | •     | •     | ণ্       |              |          |
| <b>I</b>  | র্গা    | র্গা | -১    | র্গা |  | র্গা | র্গা | র্গা | -র্গা    | <b>I</b> | সর্গা | জর্গা  | জর্গা | -১    | -১ |       | জর্গা | জর্গা | জর্গা    | -১           | <b>I</b> |
|           | সে      | দি   | •     | নো   |  | আ    | ম    | রা   | •        |          | ছি    | •      | লা    | •     | ম্ |       | স     | ক     | লে       | •            |          |
| <b>I</b>  | র্গা    | -১   | র্গা  | -১   |  | না   | -১   | না   | -১       | <b>I</b> | না    | -র্গা  | র্গা  | -১    |    | -১    | -১    | -১    | -১       | <b>I</b>     |          |
|           | অ       | •    | মৃ    | •    |  | তে   | •    | র    | •        |          | স     | ন্     | তা    | •     |    | •     | •     | •     | ন্       |              |          |
| <b>I</b>  | র্গা    | র্গা | র্গা  | -১   |  | র্গা | -১   | র্গা | -১       | <b>I</b> | র্গা  | র্গা   | র্গা  | র্গা  |    | র্গা  | র্গা  | ধা    | -১       | <b>I</b>     |          |
|           | আ       | ম    | রা    | •    |  | তো   | •    | মা   | স্ব      |          | আ     | শী     | •     | ষে    |    | জ     | ন     | নী    | •        |              |          |
| <b>I</b>  | ধা      | -গা  | পা    | -১   |  | মা   | পা   | ধা   | ধর্গা    | <b>I</b> | গা    | -১     | -১    | -১    |    | -১    | -১    | -১    | -১       | <b>I</b>     |          |
|           | ছি      | •    | লা    | ম্   |  | অ    | ম    | রো   | প        |          | ম     | •      | •     | •     |    | •     | •     | •     | •        |              |          |
| <b>I</b>  | ধা      | গা   | র্গা  | -১   |  | পা   | -ধা  | গা   | -১       | <b>I</b> | মা    | পা     | ধা    | -১    |    | গা    | মা    | পা    | -১       | <b>I</b>     |          |
|           | উ       | ঠি   | লে    | •    |  | যে   | •    | দি   | ন্       |          | স্ব   | জ      | লা    | •     |    | স্ব   | ফ     | লা    | •        |              |          |
| <b>I</b>  | রা      | গা   | মা    | -১   |  | সা   | রা   | গা   | পা       | <b>I</b> | মা    | -১     | -১    | -১    |    | -১    | -১    | -১    | -১       | <b>II II</b> |          |
|           | শ্রা    | ম    | লা    | •    |  | জ    | ন    | নী   | ম        |          | ম     | •      | •     | •     |    | •     | •     | •     | •        |              |          |

প্রথম কলির "পিতা হিমালয়" প্রভৃতির ও দ্বিতীয় কলির "বড় ঋতু তা'র" প্রভৃতির স্বর একই প্রকার হওয়ার উদাহরণকে (১) ও (২) চিহ্নিত হানে বসান হইল। সেইরূপ, দ্বিতীয় কলির "শীতল পবন" ইত্যাদির ও তৃতীয় কলির "স্বন্দর বনে" ইত্যাদির স্বর একই প্রকার হওয়ার উদাহরণকে (৩) ও (৪) চিহ্নিত হানে বসান হইল।

# বীণার ঝঙ্কার

শ্রীকেশবচন্দ্র গুপ্ত

১

আড়ি-পেতে পরের কথা শোনা অশিষ্টতা। কিন্তু বাপ-খুড়াকে পর ভাবা অশিষ্টতার চরম-সীমা। বিশেষ যুগল গুরু-জনের প্রসঙ্গের বিষয় যখন সে স্বয়ং।

বাইসিকেলের টায়ারে হাওয়া দেওয়া বন্ধ রেখে, চাকার সিকের ফাঁকে ফাঁকে শচীন্দ্রনাথ উপরের বারান্দায় দৃষ্টি-নিষ্ক্রেপ কলে। তার পিতার মাথার পিছনের তৈলাক্ত টাক উষার আলোয় চক্চক্ করছিল। পিতৃব্যেরও মুখ অন্ধ দিকে ছিল।

বিজ্ঞনবাবু বললেন—দাদা, শচীর বিয়ের একটা বন্দোবস্ত কর। বৌদিদি একটু ব্যগ্র হয়ে পড়েছেন।

বিপিনবাবু বললেন—নবীন সমাজ স্থির করেছে যে বিবাহ নিবিড় ব্যক্তিগত ব্যাপার। যেমন আপকুচি খানা, তেমনি আপকুচি বিবাহ করনা।

বিজ্ঞন অসন্তুষ্ট হ'ল। বললেন—আধুনিকতার ওপর অভিমান ক'রে নিজের ছেলের অনাগত কালকে জটিল ক'রে লাভ কি দাদা? বিয়ে দেওয়ার দায়িত্ব চিরদিন বাপ-খুড়োর।

—তুমিই না হয় সেই সনাতন দায়িত্বটুকু মাথায় নাও।

বিজ্ঞন বললেন—না দাদা, সত্যি বলছি। কবে একটা কাকে বিয়ে ক'রে বসবে—কিন্তু ওর নাম কি ক'রে বসবে—তখন সমস্ত সংসারটা খাপছাড়া হয়ে উঠবে।

কনিষ্ঠের কাঁধে হাত রেখে অগ্রজ বললেন—ভালই ত। ওর নাম কি করে বসবে না। তবে নিজে দেখে যদি একটা কাকেও বিয়ে করে আনে, তোমার বৌদিদি আর আমার বৌ-মা লাল-পেড়ে সাড়ির আঁচলে গাছ-কোমর বেঁধে, উলু দিয়ে তাকে ঘরে তুলে নেবে। সত্যি কথা, সে আমাদের না ছাড়লে আমরা তাকে ছাড়ব না।

শচীন্দ্র ভাবলে—সে অলঙ্কিতে যথেষ্ট শুনেছে। এবার প্রবীণ-মুখ নবীন-রবির কিরণ-স্নাত করার উদ্দেশ্যে কর্তারা কেহ বাগানের দিকে মুখ ফেরাতে পারেন। শচী উঠে দাঁড়ালো। সবল হাতে দু-চাকার গাড়ি-খানা তুলে নিয়ে,

পা টিপে বাহিরে গেল। তারপর গ্রাম্য-পথে একেবারে বিজলী বাগানের পুকুরের চাতালে।

সেখানে প্রকাণ্ড চাঁপা-গাছের ছায়ায় বসে শচীন্দ্রনাথ ভাবলে। একমাস পূর্বে বিবাহ সম্বন্ধে তার জননীর সঙ্গে যে কথাবার্তা হয়েছিল, স্মরণ করলে।

—পাশটাশ করলি বাবা, এবার ওঁকে বলি তোর বিয়ে দিতে।

—বিয়ে যে করব মা আমি। সে নিজের কাজের ভার বাবার ওপর চাপিয়ে তাঁকে বিরক্ত করব কেন?

তার মা তার চুল ধরে টেনে দিয়েছিলেন। মার কানে-টোকা সকল কথা স্ফুস্ফুড় ক'রে বাবার কানে পৌঁছায়।

সে আবার ভাবলে। উহ! বাবার কথায় তো অভিমানের আমেজ ছিল না। তার মনোনয়নের ফলে ঘরে-আনা জীবনসঙ্গিনীর অভ্যর্থনা সম্বন্ধে তাঁর কথায় আন্তরিকতার অভাব ছিল না। তার সারাজীবনের সৌন্দর্য্য-সাধনার যে ফল সে ঘরে আনবে—তার মুখ নিশ্চয় উল্লসিত করবে তার মা এবং খুড়িমাকে।

একসঙ্গে এতখানি গভীর চিন্তা তার জীবনের ইতিহাসে বিরল। তার বিচার-শক্তি তখনও সক্রিয় ছিল। কিন্তু সে বাধা পেলে। কারণ, তার বন্ধু নীলকমল তার নয়ন-পথে পড়লো—অদূরে ছাতিম-গাছের ছায়ায়।

অতঃপর মিত্র-যুগল পূজার ছুটিতে দেশ-ভ্রমণের পরামর্শে আত্ম-নিয়োগ করলে।

২

তারা অল্প দুটি বন্ধু সমভিব্যাহারে গেল পুরী-তীর্থে। সাগর-কূলে বিপিনবাবুর বালাবন্ধু হর্ষবর্দ্ধন চক্রবর্তীর সাজানো বাড়ি—লোকালয়ের বাহিরে স্বর্গদ্বার পার হ'লে আরও দক্ষিণে। এই “নিভৃত নিলয়”-এ চার বন্ধু কাগজ থেকে শ্রীমনিরের ছড়িদার অবধি সকল মাহুঘের অমীমাংসিত আলোচনার দিন যাপন করছিল।

—হুলিয়ারা সুখী, বলে শৈলপতি।

—কিন্তু—ঐ দেখ, বলে শচী।

নীলকমল বলে—দেখো, শুনো, কহো মাত্।

পঞ্চানন বলে—শব্দ পেলে বনু কী চিড়িয়া ফন্স-রাং ক'রে উড়ে যাবে। কিন্তু লুকিয়ে দেখ।

শৈলপতি বলে—কী হয়েছে? শাস্ত-তষের আলোচনা চিত্ত-বৃত্তিকে প্রসারিত করে। সুন্দর শাস্ত—অতএব অন্তর্নীলনের সামগ্রী।

সৌন্দর্যের অধিকারিণী বাঙ্গালী তরুণী সাগর-বেলার নিভূতে, সাগরের দীপ্ত সুষমায় পরিতুষ্টা। সে আপন মনে গান গাইতেছিল। তার সুরের কুহক-জালকে ছিঁড়ে টুকুরো টুকুরো করছিল হিল্লোল। তার বঙ্গাঞ্চল পাগল-খাওয়ার যেন ক্রীড়নক। দুষ্ট মলয়ানিল পাগলের মত যখন তার অঙ্গের বসন নিয়ে টানাটানি করছিল—তরুণীর সরমজড়িত বাহুলতা দুষ্টের অপচেষ্টা বিফল করছিল। এ বিরোধ বিরক্ত করছিল বন্ধুদের কাঁচা মনকে। অবশ্য তারা স্পষ্ট বুঝলে না বিরক্তির কারণ। বাহুলতার সাফল্য, না পবনের পরাজয়?

কয়েকদিনই ঠিক এই সময় যুবতী এসে ঐ স্থলে বসে নিজের মনে গান গাইতেছিল। কিছুক্ষণ পরে আসছিল একটি ভদ্রলোক—বয়স আন্দাজ ত্রিশ বৎসরের কিছু কম। যুবতী রুতজ্জ হাসিতে তাকে তুষ্ট কর্ত।

আজ ভদ্রলোকের আগমনে শচী কয়েকদিনের বিচার-ফল মনের মাঝে চেপে রাখতে পারলে না।

সে বলে—লোকটাকে ছাই দেখতে।

এ বিষয়ে তর্ক উঠলো না—যেমন তাদের প্রত্যেক প্রসঙ্গে ওঠে।

নীলকমল বলে—বিউটি এণ্ড দি বীস্ট।

শৈলপতি শিশুকাল থেকে অঙ্কের খাতায় কবিতা লেখে।

সে বলে—উষার আলোর কাজল-কালো প্রচ্ছদ-পট।

পঞ্চানন বলে—অত কবিতার ভাষা বুঝি না। লোকটাকে দেখলে মনে হয় মাখন-চোরা।

তাদের ক্রমবর্ধমান অস্থ্যা এ সিদ্ধান্তে শাস্তি পেলে এবং যৌথ-গবেষণার ফলে তারা সিদ্ধান্ত করলে যে, সুন্দরী কোনো অচিন্দেশের রাজকুমারী কিম্বা ঐরকম কোনো একজন। আর লোকটা তার পিতার কর্মচারী।

শচী বলে—রাজারা অবুঝ। ঐরকম একটা দুশমন-চেহারার সঙ্গে দিনের পর দিন কুমারীকে হাওয়া খেতে পাঠিয়ে অচিন্দেশের রাজা সুরুচির পরিচয় দেননি।

২

রাত্রে চাঁদের আলো মেখে সাগরের ঢেউগুলা ভীষণ হটোপাটি করছিল। তাদের খেলা দেখতে দেখতে বিনাদপুরের জমিদারের ছেলে শ্রীযুক্ত শচীন্দ্র মিত্র বি-এ নিম্নলিখিতরূপ সিদ্ধান্তে উপনীত হ'ল—

—যে সব যুবতী বালু-বেলায় বসে তরঙ্গের তালে না গান গাইতে পারে তারা কলিকাতার চিত্তরঞ্জন এভিনিউর ফুটপাথের মত একঘেঁয়ে এবং কঠোর।

সে ভাবলে—বাবা তো তাকে ক্ষমতা দিয়েছেন পাত্রী মনোনয়ন করবার। এই সাগরসেঁচা সুষমাকে দেশে নিয়ে যেতে পারলে বাবা নিশ্চয় তার রুচির সুখ্যাতি করবেন।

সে চাঁদের আলোতে তার জননীর স্নেহের হাসি দেখলে।

কিন্তু—

সাগর গর্জন করে বলে—বোকাটা! গাছে কাঁঠাল—ঢেউ বাকিটুকু বলে না। আবার গড়িয়ে ফিরে গেল সমুদ্রে।

পরদিন প্রভাতে যখন অচিন্দপুরের রাজকুমারীর সঙ্গী তাকে নিতে এলো, বন্ধু চতুষ্টয় সঁতারের পোষাকে তাদের সম্মুখীন হ'ল।

শচীন্দ্রের পশমী পোষাক—জাঙ্গিয়া গাঢ় সবুজ—বুক লাল—পিঠে ছুটা এড়ো পটী মাত্র। তার বর্ণ গোর, দেহ কোমল—অথচ চলবার সময় তার মাংস-পেশীগুলো আত্ম-প্রকাশে ব্যস্ত।

নীলকমল শ্রামবর্ণ। দেহ সুগঠিত। মানুষটা একটু বেঁটে।

শৈলপতির মুণ্ডটা সুগঠিত একটু মেয়েলি ধরণের। টানাটানা চোখ, অপ্রশস্ত কপাল। দেহটি কিন্তু গণেশ-ঠাকুরের মত—লম্বোদর, সুন্দর।

পঞ্চানন পাঁচফিট দশইঞ্চি উঁচু। গোরবর্ণ। কিন্তু অতি শিশুকাল থেকে গ্রামের মাঠে মালকোঁচা বেঁধে ফুটবল খেলে সক্ষম পা ছুটাকে ধনুক ক'রে ফেলেছিল—আর

ধাবমান গোলার পিছনে ছুটে ছুটে একটু কোল-কুঁজে হ'য়েছিল।

মোটকথা তাদের মধ্যে শচীর অর্ধ-নগ্ন দেহই দ্রষ্টব্য—  
এ-কথা বিনা তর্কে বাকী তিনজনের স্বীকার্য।

অকস্মাৎ এই নাইয়ে চতুর্ভুজকে দেখে চকিতা হরিণীর  
মত পালাবার সময় অপরিচিতার কুরঙ্গ আঁখি শচীন্দ্রের দেহে  
ক্ষণকালের জন্ত সংবদ্ধ হল।

পঞ্চাননের পিতা বিপিন মিত্রের জমিদারীর খাজাঞ্চি।  
সে নিজে যাদবপুরে যন্ত্র-শিল্পের ছাত্র। অপরিচিত  
বাবুটিকে ধরে পাঁচু বলে—ক্ষমা করবেন। আপনাদের  
বিরক্ত করলাম। আমরা অশ্রদ্ধ যাচ্ছি।

সে বলে—বিলক্ষণ। এত বড় সমুদ্র কুল—আমরা  
অশ্রদ্ধ যাচ্ছি।

পঞ্চাননের সাহস অবশিষ্ট মিত্রদের হৃদয়ে বলসঞ্চার  
করলে।

শৈলপতি বলে—কী হামজুলি! এই বালিয়াড়ির  
পিছনে মানুষ থাকতে পারে এ সন্দেহ আমাদের  
মনে জাগেনি।

—তাতে কি হয়েছে?

বিষাদপুরে অমায়িকতার খ্যাতি আছে নীলকমলের।  
সে বলে—এই অভদ্রতার দুশ্চিন্তায় আমরা আজ নাইতে  
গিরে জলে ডুবে মরব। আপনারা বসুন। আমরা অশ্রদ্ধ  
ঘাটে যাই।

তখন শৈল ও পাঁচু—বসতে হবে, নিশ্চয় বসতে হবে—  
বলে বায়না ধরলে।

শচী নীরবকর্মী। ইত্যবসরে সে মহিলার প্রতি  
চোরাই দৃষ্টি নিক্ষেপ করছিল। মহিলার আঁখি দুটিও  
নিষ্ক্রিয় ছিল না। চোখোচোখি হ'লেই উভয়ে সমুদ্রের  
দিকে তাকাচ্ছিল।

ওরা তিনজনে যখন ভদ্রলোককে সৌজন্য-বরিষণে প্রাবিত  
করছিল—শচী মনে মনে দুটা কবিতা আওড়ালে। একটা  
ইংরেজী—যার নির্দেশ, সাহসী ব্যতীত কারও লভ্য নয়  
সুন্দরী। অপরটি বাঙলা—পড়ে থাকা পিছে, মরে থাকা  
মিছে, আগে চল, আগে চল ভাই। এই শব্দত্রয়ের  
মদ্র-উত্তেজনায় সে সটান যুবতীর কাছে গিয়ে জোড়হাতে  
বলে—আমাদের অপরাধ হ'য়েছে। ক্ষমা করবেন।

হাসলে, যুবতীর দুই গাল টোল খায়। সে হেসে  
বলে—কী বলছেন! সাগরে স্নান করবার জন্তই তো  
পুরীতে আসা।

শচীন সোৎসাহে জিজ্ঞাসা করলে—আপনি সাগরে  
স্নান করেন?

বাকীটুকু ভরসা ক'রে জিজ্ঞাসা কর্তে পারলে না—  
কখন, কোন্ ঘাটে?

বন্ধুত্রয় বুঝলে শচীটা অকুতোভয়। তারা ভদ্রলোককে  
একরকম ঠেলা দিয়ে নিয়ে এলো শচীর কাছে।

শচী বলে—তোমরা শুনেছ? রাজকুমারী সমুদ্র-  
স্নানের পক্ষপাতী।

অপরিচিতেরা সমস্বরে বলে—রাজকুমারী?

শচী বলে—আপনি।

ভদ্রলোক বিকশিত-দশন হ'য়ে বলে—ওর নাম  
রাজকুমারী তো নয়। ওর নাম—মানে—

নিঃসঙ্কোচে উর্ষিমালার দিকে তাকিয়ে যুবতী বলে—  
আমার নাম সাগরিকা।

ভদ্রলোক বলে—সাগরিকা! আমার ছোটো বোন।  
ও সমুদ্রকূলে ভিজাগাপটে জন্মেছিল ব'লে আমার মা  
ওর নাম রেখেছিলেন—সাগরিকা।

সাগরিকা একটু হেসে বলে—আমাদের নাম সব ঐ  
রকম জন্মস্থান ধরে হয়। দাদা এদেশে জন্মেছিলেন ব'লে  
ওর নাম জগন্নাথ।

পঞ্চানন বলে—কী সর্বনাশ। ভাগ্যিস্ আপনি সাক্ষী-  
গোপালে বা কুম্বকো নামে জন্মাননি।

এতে আবহাওয়া ফিকে হ'ল। তাদের আরও পরিচয়  
হ'ল। জগন্নাথ মল্লিক পারলাকীমেদী স্টেশনের পার্শ্ব  
ক্লার্ক।

শৈলপতি মনে মনে কেবল আওড়াচ্ছিল—সাগরিকার  
ভাই জগন্নাথ—কাকাতুরার ভাই রামছাগল।

তাদের পিতা আউল-রাজ্যের দেওয়ান। এতে শচী  
আশ্বস্ত হল—রাজকুমারী না হোক মন্ত্রী-নন্দিনী।

নীলকমল ভাবলে—পুরীতে জন্মালেও লোকটা মানুষ  
হয়েছিল আউলে—তাই পেচার মত মুখ।

তারা কয়েকদিনের জন্ত পুরীতে এসে বাস করছিল—  
বলরামপ্রসাদ হোটলে।



৩

তিনদিনের মধ্যে নিভৃত-নিলয়ের অধিবাসীদের সঙ্গে বলরামপ্রসাদনিবাসীদের ঘনিষ্ঠতা পেকে উঠলো। চতুর্থ দিনে সাগরিকা বালিয়াড়ির আড়ালে বসে আপন মনে গাহিতেছিল—

মরিব মরিব সখি—

মনে মনে বালাই ষাট বলে শচীন্দ্র মিত্র তার অব্যবহিত দরে অলক্ষ্যে বসলো।

সাগরিকা মধুর কণ্ঠে গাহিল—

ন ভাসায়ো রাধা-অঙ্গ

না পুড়ায়ো জলে—

অতঃপর আত্ম-গোপন অসম্ভব হ'ল। শচীকে দেখে সাগরিকা খতমত খেয়ে দাঁড়িয়ে উঠলো। হাওয়ার অভদ্র আক্রমণ হতে সম্মন-রক্ষা ক'রে সাগরিকা বলে—আমি বুঝেছিলাম, কে যেন বালির আড়ালে।

শচী বলে—আমিও বুঝেছিলাম যে ঐ রকম একটা ছুঁটনা আপনার গানের কথাগুলোকে উল্টো-পাল্টা ক'রে দিয়েছে।

—ওমা! তাই নাকি? কী লজ্জার কথা।

—লজ্জার কথা! মোটেই না। আমার তো মনে হয় না পুড়ায়ো জলে—রাধার চরম বিহ্বলতার পরিচয়। কারণ শ্যামের নামটুকুই তার কামনার ধন। জল ভেজায় কি পোড়ায়—এ তুচ্ছ জড়ের অন্ধ-শক্তির বিচারে তার আগ্রহ নাই।

সাগরিকা পায়ের আঁগাল খুলে বালির উপর বাঁ পায়ের বুড়া আঙ্গুলে পাতিহাঁসের মতো কি একটা পাখী আঁকছিল। সে বলে—হ্যাঁ। তা অবশ্য।

শচীন্দ্র মুগ্ধ হল। সঙ্গীতকলার সাথে চিত্রকলা, আর তাদের পিছনে ক্ল্যাসিকাল রমণীমূলভ লজ্জা।

শচী বলে—মিস্ মল্লিক, যে সব কথা মনে আসছে বলতে পারছি না।

—তারা কি সব কথা?

—কাল রাত্রে যে সব কথা ভেবে রেখেছিলাম। আপনি কি রকম জানেন?—যেমন সাগর। সমুদ্র অগাধ, মানুষকে ভয় দেখায়—

—কী সর্বনাশ! আমি তো কাকেও ভয় দেখাইনি মিঃ মিত্র।

শচী খাই হারিয়ে ফেলেছিল। সে বলে—না। মানে ভয়ের দিক নয়। সাগরের অন্তর রত্নে ভরা। মাত্র রত্ন কেন? সাগর সেচে সুধা উঠেছিল। আপনিও তেমনি।

—কী বলছেন? ছিঃ! ছিঃ!—বলে অপাঙ্গে তার মুখের দিকে তাকালে সাগরিকা।

সে ক্ষণিক বিজলী চাহনী উত্তেজিত করলে শচীকে।

সে বলে—যদি অপরাধ করে থাকি—

—কী বলছেন। ছিঃ।

এবার শচী একটু ঝঙ্কারের মাঝে পড়লো—দোটানা পর পর ছুটা তরঙ্গের মাঝে পড়লে যেমন হয়। সাহস! তার মন বলে—সাহস।

সে বলে—আপনার বিনয় এবং লজ্জা যাই বলুক—অমৃত-ভরা আপনার অন্তর।

এবার সাগরিকা সোজাসুজি হাসলে—যেমন চাঁদ হাসে কুমুদের উপর। সে বলে—কি ক'রে সন্ধান পেলেন? আমি তো নিজে জানি না।

—খুঁজে বেড়ানো হ'ল মানুষের ধর্ম। তা না হ'লে সে এত বড় হত না। যৌবনে সে খুঁজে বেড়ায়—এক সুরে বাঁধা প্রাণ। নিজের তারে ঝঙ্কার দিলে দরদে বেজে ওঠে, এমন বীণা।

—বীণা! নিশ্চয় আপনার সে বীণাকে খুঁজে পেয়েছেন। তাকে সঙ্গে আনেননি?

শচী বলে—তাকে সঙ্গে আনতে হয়নি। কি জানি কোন্ পুণ্য-ফলে বিধাতা তাকে টেনে এনেছেন এই অশান্ত সাগরকূলে। তাকে খুঁজে পেয়েছি। আমার সার্থক বীণা—অনাগত কালকে সঙ্গীত-মুখর করবার বাজনা, আমার অন্তরাআর লুকানো সুরে-বাঁধা বীণা।

—কী ব্যাপার!

এ বে-তালা, বে-সুরো শব্দে শচী পিছনে চাইল। সাগরিকার ভ্রাতা জগন্নাথ! সে সাগরিকার মুখের দিকে চাইল। তার চির-রক্তিম ঠোঁটে ফ্যাকাশে রঙের আমেজ দেখলে। তার ভোমরা কালো চোখের তারা সরম-মলিন। সে আবার জগন্নাথ মল্লিকের দিকে চাইল। বিরক্তির

পূর্বাভাষ যে বিশ্বয়—তার ছায়া দেখলে তার মুখে।  
সে সাগরের দিকে চাইল। সেই একভাব—উদ্বেল  
অশান্তি।

একটু কৈফিয়ত-চাওয়া সুরে মল্লিক আবার বললে—  
কী ব্যাপার ?

সত্যই তো ব্যাপার বোঝানো গুরুতর ব্যাপার। কি  
বলা উচিত ? কিন্তু স্তম্ভিত শচীর কানে বীণা বেজে  
উঠলো যখন সে শুনলে—তুমি সবটা শুনতে পাওনি  
দাদা ? শচীবাবু কলেজে থিয়েটার করেন। তিনি পূজার  
ছুটির আগে—বীণার ঝঙ্কার—নাটকে ফটিকচাঁদের  
ভূমিকা অভিনয় করেছেন। বীণা নাটকের নায়িকা।  
ফটিকচাঁদ—

—বুঝেছি। আবার গোড়া থেকে হবে না শচীবাবু ?

শচীবাবু তখনও ষোল-আনা ধাতস্থ হননি। তার মনের  
বীণায় ঝড়ের রাগিণী বাজছিল। তার ধূয়া হচ্ছে—  
সাগরিকা, সাগরিকা, চতুরা মধুরা সাগরিকা—এস  
তরঙ্গায়িত, এস প্রাণে।

সাগরিকা বললে—এ কি বারোয়ারি তলার যাত্রা দাদা,  
যে এক একজন বড়লোক শ্রোতা এলে আবার গোর-  
চন্দ্রিকা ফাঁদতে হ'বে ?

অদূরে হর্ষবর্ধন চক্রবর্তীর নিভৃত-নিলয়ের বারান্দায়  
বসে মিত্র-ত্রয়—শচীমিত্র-সাগরিকামল্লিক নাটকের মূক  
অভিনয় দেখছিল। যখন জগন্নাথ এসে তাদের পিছনে  
দাঁড়ালো নাটকের ক্লাইম্যাক্স দেখবার আশায় তাদের প্রাণের  
তার ঝনঝনিয়ে উঠলো।

শৈলপতি বললে—কাকাতুয়ার ভাই রামছাগল যদি শচীর  
গায়ে হাত তোলে তো আমরা গিয়ে তাকে প্রহারেণ  
গ্যাটি-ক্লাইম্যাক্স সৃষ্টি করব।

কিন্তু কিসে যে কি হ'ল তারা বুঝলে না। অভিনয় হ'ল  
মিলনাস্ত। শান্তি-শৃঙ্খলা অটুট রহিল। অতএব তারা  
ধীরে ধীরে চরের উপর গেল।

তাদের পেয়ে জগন্নাথের রসবোধ বিকশিত হ'ল। সে  
বললে—এই যে শৈলপতিবাবু, আপনি কি সেজেছিলেন ?

শচীমিত্রের মহজ্জ-ভাব ফিরে এসেছিল। সে বললে—  
আমাদের কলেজের সেই বীণার ঝঙ্কার অভিনয়ের কথা  
হচ্ছিল।

—ওঃ ! বীণার ঝঙ্কার ! আমি সেজেছিলাম—  
তাকে উপস্থিত বিপদের হাত থেকে উদ্ধার করবার জন্ত  
নীলকমল বললে—তামাক।

8

পরদিন প্রভাতে বন্ধুরা বললে—শচীন, তুমি চালিয়ে যাও।  
সাগরিকার মত প্রত্যাশাপন্নমতি নারী হিতোপদেশের বাইরে  
দেখতে পাওয়া যায় না।

শৈলপতি বললে—আজ চমকদার মাদ্রাজী সাড়ি।

—কানে উড়িয়া মাকড়ি, ব্যাসর।—বললে পাঁচু।

—আজ আমরা রামছাগলকে ধরে স্বর্গদারের ঘাটে গল্প  
করব—যতক্ষণ না তুমি এসে খবর দাও—কেল্লা ফতে।—  
বললে নীলু।

তিনজনে সমস্বরে বললে—চালাও ফটিকচাঁদ !

আজ মুগ্ধ করলে সাগরিকার সঙ্গীত শচীনকে। অনেক  
ভ্রমণ-বিলাসী পার্টি মেরে সে গান শুনলে।

গানের শেষে শচী তার সাড়ির সূখ্যাতি করলে। তার  
জননীর আদেশে তাকে অনেক মাদ্রাজী ও কটকী সাড়ি  
কিনতে হ'বে। বন্ধুদেরও অনেক জিনিস-পত্র কিনতে হবে।

সাগরিকা তাদের সহায়তা কর্তে সম্মত হ'ল। সে পাড়  
পছন্দ করবে, তার দাশ দর-দাম ঠিক ক'রে দেবে।

তার পর আসল কথা বললে শচী।

—আপনিও কায়স্থ, আমিও কায়স্থ।

কথার প্রত্যুত্তর দিলে সাগরিকার অমায়িক হাসি।

শচী বললে—আমার পিতা জমিদার। অতি-আধুনিক  
তার ননোবৃত্তি, আর তেমনি দারুণ উদার।

সমাচারে কুমারীর হর্ষ হ'ল।

—তিনি আমাকে অল্পমতি দিয়েছেন নিজের স্ত্রী  
মনোনয়ন করবার।

আনমনে সাগরিকা বললে—ভাল কথা। সুপাত্রী  
খুঁজুন। নিশ্চয় পাবেন।

একটু অসংযতভাবে শচীজনাথ বললে—পেয়েছি  
সাগরিকা, পেয়েছি। শুভক্ষণে পুরী এসেছিলাম।

সাগরিকা তার প্রতি একটু কঠোরভাবে তাকালে।

—সাগরিকা, আমার অন্তরাখ্যা শুনছে আশার উদাত্ত  
সুর, তোমার গানের সুরে।

—কি সব বলছেন ?

সে নিজের মনে বলে গেল—আমার যুগ-যুগান্তের জমাট-বাঁধা মুক কামনা আজ ভাষা পেয়েছে। সে জন্ম-জন্মান্তর তোমাকে খুঁজেছে।

সাগরিকার কথায় বোঝা গেল—জন্ম-জন্মান্তর যুগ-যুগান্তর বাজে। আসল বর্তমান কাল—যার মধ্যে আরও আসল তার ভ্রাতার শুভাগমন।

সে বলে—এত বেলা হ'ল, দাদা এলেন না কেন ?

তার পর স্বর্গদ্বারের দিকে চলতে আরম্ভ করলে। চাবুক-খাওয়া ফক্স-টেরিয়ারের মত শচী তাকে অনুসরণ করলে।

কিছু দূর গিয়ে শচীন্দ্র বলে—মিস মল্লিক !

—কি বলছেন মিঃ মিত্র ?

সে বলে—যদি আমার মনের কথা গুলি লিখে দি আপনি পড়বেন ?

এবার সাগরিকা হাসলে। সে বলে—বীণার ঝঙ্কারে ফটিকচাঁদের অভিনয় আপনি করেন ভাল। কেমন প্রেমের উপন্যাস লিখতে পারেন দেখাতে চান। বেশ লিখবেন।

সে আবার হাসলে—গালে টোল খাওয়া হাসি।:

—তুমি বড় নিষ্ঠুর সাগরিকা।

—তুমি বড় ছেলেমানুষ শচী।

তুমি ! শচী !

শচী বিশ্বাস করতে পারলে না। বলে—হ্যাঁ।

স্পষ্ট স্পষ্ট প্রত্যেক কথা উচ্চারণ ক'রে বলে সাগরিকা—  
তুমি বড় ছেলেমানুষ শচী। আমার বাবা আছেন। তিনি পাত্র খুঁজছেন। দাদাকে বলে তিনি বন্দোবস্ত করবেন।  
ছিঃ ! আমার বড় লজ্জা করছে—কি সব ছাইভস্ম বললাম।

তু হাতে চোখ ঢেকে সাগরিকা কিছুদূর চললো। শেষে একটা ঝিলুক কুড়িয়ে সাগরে ফেললে।

শচীন প্রথমে ডান পায়ে ভর দিয়ে ঘুরলে—তার পর বাঁ পায়ে। শেষে একটা তুড়িলাফ দিলে।

৫

বলরামপ্রসাদ সমুদ্রতীরে দেশী হোটেল। দেশী হোটেলের পাঁচ-সাত রকম গন্ধ এবং বহু কণ্ঠের শব্দবর্জিত। কারণ ম্যানেজার পরিশ্রমী এবং হোটেলের দৈনিক ভাড়া অল্প পাছ-নিবাস হ'তে অধিক।

কাকাতুয়া এবং রামছাগল পাশাপাশি ছুটি কক্ষে বাস করছিল। উভয়ের ঘরের মাঝের দরজা খোলা—বাইরের দরজা বন্ধ। সমুদ্রের হাওয়া যুগল-ঘরের অবাঁধা জিনিষপত্র-গুলিকে যথাসম্ভব কাঁপাচ্ছিল।

সাগরিকা ছিল জগন্নাথের বাহুবন্ধনে।

জগন্নাথ বলে—মাই ডিয়ার পটলমণি, কাল উধাও হওয়া চাই।

সাগরিকা বলে—নরু আর দু-চার দিন থাকলে হয় না। জায়গাটা বেশ লাগছে।

নরু বলে—ঐ ছোঁড়াটাকে ভাল লাগছে বুঝি।

পটলমণি নরেন্দ্রের কান ধরে টান দিলে।

নরেন বলে—মাইরি। তোর মা তোকে সার্থক লেখা-পড়া শিখিয়েছিল। সাগরিকা—বেশ নাম। ঐ নামে বোম্বাই গিয়ে সিনেমা করলে কি হয় ?

সে বলে—জগন্নাথ নামটা তোমারও কি মন্দ হয়েছে ? বি-এ কি ক'রে পাশ করেছিলে ?

নরেন হাসলে। বলে—সে সব অতীতের কথা আর তোলো কেন অতি-প্রিয়। তার পর চিটিঙ্বাজী ক'রে ক'রে কলিকাতা ত্যাগ করলাম। তোমার মা তোমার মারফত বোকা রাজা-রাজড়া ধরবে বলে গান শেখালে, নাচ শেখালে, ম্যাট্রিক পাশ করালে। আমি হুমো পাখির মত তোমাকে উধাও ক'রে—

পটলমণি স্নেহে তার মুখ টিপে ধরলে। বলে—  
অতীতকে কবর দেওয়াই বুদ্ধিমানের কাজ। আজ যা বর্তমান কাল তা অতীত হবে।

—ঠিক বলেছ। এখানে চুরি-চামারি করে বোম্বাই পালিয়ে যাব। তুমি হ'বে সাগরিকা—

—তুমি বোকা। এই বলছ ছোঁড়া চারটের যা' কিছু আছে লুট করবে। ও নামে যে ওরা ধরবে।

নরেন হাসলে। হাসিতে পৈশাচিকতার আমেজ। সে বলে—বোকা তুমি। সেয়ানা ঠকলে বাপকে বলে না। ওরা কি বাপকে বলবে—ছদ্মবেশী জুয়াচোরের সঙ্গে প্রেম করতে গিয়ে—

—বুঝেছি। বলে পটলমণি।

সে ভাবলে। তার জন্ম সম্ভ্রান্ত নয়। কিন্তু সে একনিষ্ঠ। তার জন্ম-দোষ মাত্র ঐতিহ্য—কবরে গেছে।

আজ সে জুয়াচোরের জীবনসঙ্গিনী। তারা অর্থসংগ্রহ করছে সন্ধানতার ছাপ লাগিয়ে, বোম্বাই শহরে ফিল্ম তারকা হবার চেষ্টা করবে বলে। বোগাস চেক দিয়ে কাপড় কিনেছে। হোটেলওয়ালাকে বোগাস চেক দিয়ে টাকা নিয়েছে। ব্যাঙ্ক থেকে খবর আসবার পূর্বে পালাবে। পরে এ সব অতীতের মধ্যে ডুবে যাবে।

এই দুস্তর নীতি-সাগরে ভাসতে ভাসতে সে শচীন্দ্রকে স্মরণ করলে। নিরেট মূর্খ। অজ্ঞাতকুলশীলকে বিবাহ ক'রে ঘরে নিয়ে যাবার উচ্চাভিলাষ। কিন্তু সে নিজে খেলেছে ভাল।

যেন তার মনের কথা বুঝে নরেন্দ্র ভট্টাচার্য্য বলে—আমি হঠাৎ ওদের কথা শুনে ফেলেছিলাম। ষণ্ডা ছোঁড়াটা প্রেম-পাগলা। তাই তো তোমায় বললাম পটল, ওদের কাছে মেনকার পার্ট করতে। তোমারও অভিনয়-প্র্যাক্টিস হ'ল; আর ছোঁড়াও কাল আরও শিক্ষা পাবে—প্রেমের আসল কাঁটা কি ভীষণ।

৬

পরদিন ছোকরা-চতুষ্টয় শিক্ষা পেলে।

বন্ধুরা রাত্রে ফিরে এলো বেড়িয়ে। উড়ে চাকর তাদের

হাতে পত্র দিলে। উপরে শচীন্দ্রের নাম। কোণে লেখা—  
ফ্রম—সাগরিকা মল্লিক।

লে বাবা! তারা এমন হর্ষ-ধ্বনি করলে যে সাগরের ঢেউ ভয়ে সাগরে পালিয়ে গেল। তার পর পত্র পাঠের আগ্রহ। তার পর—

কারণ পত্রে লেখা ছিল।

ফটিকচাঁদ,

এই পত্র পাঠান্তে যখন বাস্ক-প্যাটারা খুলবে—বুঝবে পাপিষ্ঠা সাগরিকা ছলনা ক'রে বেয়ারাকে বাজারে পাঠিয়ে—তোমাদের যথা সর্বস্ব চুরি ক'রে নিয়ে পালিয়েছে। মোট এক হাজার সাত টাকা তিন পয়সা। এ কথা উপলব্ধির পর তোমাদের হৃদয়-বীণার ঝঙ্কার সাগরের গর্জনের সঙ্গে মিলে ঐক্যতান বাজবে—সে বিয়াদ-বীণার সঙ্গীত অশ্রু-গিনী সাগরিকা স্তনতে পেলে না। নমস্কার! অপরাধ নিও না। টাকা হাতের ময়লা, তার জন্ত শোক ক'র না। ইতি— সাগরিকা

এক ঘণ্টা পরে যখন তাদের কথা ফুটলো—

কবি বললে—সোনা বলে জ্ঞান ছিল—

নীলু বললে—গরীবের ছেলে—মা'র কটুকি থালা কেনা হ'ল না।

পাঁচু বললে—দয়া ক'রে টিকিট ক'খানা রেখে গেছে।

শচী বললে—বাবাকে লেখ, তারে কিছু টাকা পাঠাতে—

আর আমার জন্তে জানা-ঘরের শান্ত শিষ্ট পাত্রী দেখতে।

## হায় রে নিষ্ঠুর প্রাণ! তবু নাহি মোর পানে চায়

কবিকঙ্কণ শ্রীঅপূর্বকৃষ্ণ ভট্টাচার্য্য

শৈশবের বেলাভূমে ওরা ছিল মোর নন্দসখী,  
ওরা ছিল বোবনের সহচরী—পুষ্পমাল্য গাণ্ধি'  
বসন্তের সমীরণে গানে গানে আলোকধারায়  
উহাদের সনে আমি হর্ষভরে প্রভাতী তারায়  
প্রাণের চন্দন দিচ্ছি।

সেই কথা পড়ে মোর মনে—

“ওরা কি ফিরিবে কভু অনাগত কোনো শুভরূপে?  
একান্ত আগ্রহভরে ডাকিতেছি—ওরে ফিরে আয়,  
হায়রে নিষ্ঠুর প্রাণ! তবু নাহি মোর পানে চায়।  
অবাধ্য চঞ্চল ওরা চলিয়াছে দিবস-তরুণী  
দিগন্তের অন্তরালে, উর্ধ্বনাচে সুনীলবরণী।

অন্তরের পুষ্পপুঞ্জ সাজাইয়া দিয়েছি আমার,  
বিনিময়ে দিয়ে গেঁছে স্মৃতিমাথা আলোক আধার।  
ফিরিবে কেমনে ওরা?

ধরণীতে ফিরেছে কি কেহ!

ওরে তোরা ফিরে আয় তুলে নে রে মোর জীর্ণদেহ,  
সম্মুখে আসিবে দিন পাল তুলে জীবনের ঘাটে,  
কুড়ায়ে প্রাণের পণ্য ক্রমে ক্রমে ধরণীর হাটে  
উহাদের মত যাবে, চাহিবে না আমাদের পানে!  
তারা কি দাঁড়াবে কভু ওরা সব মিশিবে যেখানে!  
কালের বিহঙ্গ ওড়ে পক্ষ মেলি' বিশ্ব পারাবারে,  
সৈকতে দাঁড়ায়ে একা, কোল দাও, দেবতা আমরাে।

## বৌদ্ধধর্মের বিস্তার

ডক্টর শ্রীবিমলাচরণ লাহা এম্-এ, বি-এল্, পি-এইচ্-ডি, এফ্-আর-এ-এস্-বি, এফ্-আর-জি-এস্

ভারতে ও ভারতের বাহিরে এক সময়ে বৌদ্ধ ধর্মের প্রভাব যথেষ্ট ছিল। গৌতম বুদ্ধের সময়ে বর্তমান বিহার ও যুক্ত-প্রদেশের বাহিরে তাঁহার ধর্ম বিশেষভাবে বিস্তৃত হয় নাই। এমন কি, যিশু খৃষ্টের পূর্বে তৃতীয় শতাব্দীর মধ্যভাগে মধ্য-প্রদেশ, মথুরা ও উজ্জয়িনীর মধ্যে বৌদ্ধধর্ম সুবিস্তৃত ছিল। কলিঙ্গ যুদ্ধের পরে সম্রাট অশোক বৌদ্ধধর্ম বিস্তারে নিযুক্ত ছিলেন। তিনি উত্তর বাঙ্গালায়, নেপাল ও কাশ্মীরে, গান্ধার ও কাশ্মোজে, সুরাস্ট্র ও তাম্রপর্ণিতে বৌদ্ধধর্ম বিস্তার করেন। ইহা ব্যতীত মিশর, সিরিয়া ও ব্রহ্মদেশ প্রভৃতি সুদূর দেশে বৌদ্ধধর্ম বিস্তারের জ্ঞান প্রচারক পাঠাইয়াছিলেন। কেবল যে আফগানিস্থানে বৌদ্ধধর্মের প্রভাব অনুভূত হইয়াছিল তাহা নহে; মধ্য এশিয়ার মরুভূমিতেও এই ধর্ম বিস্তৃত ছিল।

সম্রাট অশোক বৌদ্ধধর্ম বিস্তারের জ্ঞান যে সকল প্রচারক পাঠাইয়াছিলেন তাহাদের মধ্যে মহেন্দ্র ও সজ্জনিত্রার নাম উল্লেখযোগ্য। মহেন্দ্র এবং সজ্জনিত্রা সিংহলে বৌদ্ধধর্ম প্রচার করেন এবং গান্ধার ও কাশ্মীরে মধ্যান্তিক নামে একজন স্থবীর বৌদ্ধধর্ম প্রচারে নিযুক্ত ছিলেন। মহীশূর এবং কাশ্মীরে মহাদেব নামে একজন প্রচারক ধর্মপ্রচারকার্যে ব্যাপৃত ছিলেন। সুবর্ণভূমিতে সোণ-উত্তর ধর্ম প্রচার করেন।

সুজ্জদিগের ব্রাহ্মণ রাজা পুষ্যমিত্র বৌদ্ধধর্মের বিরোধী ছিলেন। মধ্যদেশ হইতে জালান্ধর পর্যন্ত বহু বিহার ধ্বংস করেন এবং বহু বৌদ্ধ ভিক্ষুর প্রাণনাশ করেন। পাটলিপুত্র নগরে অবস্থিত সুপ্রসিদ্ধ কুঙ্কট বিহার তিনি নষ্ট করেন এবং সাগল দেশের চতুর্দিকস্থ দেশসমূহে বহুসংখ্যক বৌদ্ধ ভিক্ষুর প্রাণ নাশ করেন। কাহারও কাহারও মতে নাগার্জুন এবং অশ্বঘোষের মধ্যবর্তী সময়ে এই সকল ধ্বংস সংঘটিত হইয়াছিল। সুজ্জদিগের সময়ে মধ্যদেশে বৌদ্ধধর্মের বিরুদ্ধাচরণের বিবরণ আমরা পাই; কিন্তু ব্যাকট্রিয়াবাসী যবনদিগের রাজ্যে উত্তর-পশ্চিম ভারতবর্ষে বৌদ্ধধর্ম উন্নত ছিল। রাজা মিনান্দর বৌদ্ধধর্মাবলম্বী ছিলেন। ব্যাকট্রিয়ার যবনদিগের সময়ে বহু স্তূপ ও বিহার নির্মিত হইয়াছিল।

সেকালের বহু বৌদ্ধ প্রতিষ্ঠানে গৌতম বুদ্ধের জীবনের ঘটনা-সকল প্রস্তরসমূহে খোদিত ছিল। যিশু খৃষ্টের পূর্বে ও পরে একশত শতাব্দীর মধ্যে মধ্যদেশে ভারত ও সাঁচীতে বহু বৌদ্ধ প্রতিষ্ঠান স্থাপিত ছিল।

সম্রাট কণিষ্কের পূর্বে বৌদ্ধসম্মত আঠারটি দলে বিভক্ত ছিল। তিনি বৌদ্ধধর্মের ইতিহাসে একটি নূতন যুগ আনয়ন করেন। তিনি বহু বিহার স্থাপন করেন এবং জালান্ধরে চতুর্থ বৌদ্ধ সঙ্গীতি আহ্বান করেন। তাঁহারই রাজ্যে অশ্বঘোষ এবং নাগার্জুন নামে দুইজন সুপ্রসিদ্ধ বৌদ্ধ পণ্ডিত বাস করিতেন। বৌদ্ধসম্মত কলহের নিষ্পত্তির জ্ঞান সম্রাট কণিষ্ক একটা সাধারণ সভা আহ্বান করেন এবং তিব্বতীদের মতে তিনি বৌদ্ধ সম্মত কলহ দূর করেন। নাগার্জুন এবং অশ্বঘোষের সাহায্যে মহাবান বৌদ্ধধর্ম এই সময়ে উন্নতির দিকে অগ্রসর হয়।

খৃষ্টীয় পঞ্চম শতাব্দীতে চীন পর্য্যটক ফা-হিয়ান ভারতবর্ষে আসেন। তাঁহার মতে বৌদ্ধধর্মের চারিটা সম্প্রদায় তখন এখানে অবস্থিত ছিল, যথা—সৌত্রান্তিক, বৈভাসিক, যোগাচার এবং মাধ্যমিক। প্রথম দুইটা হীনযান বৌদ্ধ ধর্মের এবং শেষ দুইটা মহাযান বৌদ্ধ ধর্মের পোষকতা করে। মথুরায় হীনযান এবং মহাযান বৌদ্ধ প্রতিষ্ঠান ছিল এবং বৌদ্ধ ধর্মজ্ঞ ও বাস করিত। পাটলিপুত্রে একটা হীনযান এবং একটা মহাযান বৌদ্ধ বিহারের উল্লেখ পাওয়া যায়। ফা-হিয়ান নালন্দা বিশ্ববিদ্যালয় পরিদর্শন করেন এবং তাঁহার মতে উত্তান, পাঞ্জাব, মথুরা এবং প্রাচ্য দেশের সর্বত্র বৌদ্ধ ধর্ম উন্নত ছিল। ইহা ব্যতীত শ্রাবস্তী, সারনাথ, পাটলিপুত্র এবং আরও অনেক দেশে বৌদ্ধ ধর্মের উন্নতি পরিলক্ষিত হয়। রাজতরঙ্গিণীর মতে কাবুল, কাশ্মীর এবং উত্তর-পশ্চিম ভারতে বৌদ্ধধর্ম উন্নত ছিল। কাবুলি, নাসিক, অমরাবতী, জগদ্যাপেত, গোলি এবং নাগার্জুনিকোণ্ডের গহ্বর হইতে বেশ বৃদ্ধা যায় যে, পশ্চিম ও দক্ষিণ ভারতে এই ধর্মের বহু উপাসক ছিল। পূর্বে দক্ষিণাপথে সাতবাহন রাজাদের পরে ইক্ষ্বাকুরা বৌদ্ধ ধর্মের পৃষ্ঠপোষক ছিলেন। খৃষ্টীয় চতুর্থ

শতাব্দীতে পল্লব চোড় দেশে সুপ্রসিদ্ধ টীকাকার বুদ্ধঘোষের আবির্ভাব হয়। ব্রহ্মদেশ ও মালয় দেশে বৌদ্ধ ধর্ম বিস্তারে পল্লব ও চোড়েরা বহু সাহায্য করিয়াছিল।

খৃষ্টীয় সপ্তম শতাব্দীতে আর একজন চৈনিক পর্যটক ছয়েন সাং নালন্দায় আসেন। এই সময়ে বৌদ্ধ ধর্মের একজন প্রধান পৃষ্ঠপোষক ছিলেন কনৌজ দেশের রাজা হর্ষ-বর্দ্ধন। এই চৈনিক পরিব্রাজকের মতে তক্ষশিলা হইতে পশ্চিমে পুণ্ড্রবর্দ্ধন পর্যন্ত, পূর্বদিকে সমতট পর্যন্ত এবং দক্ষিণভাগে চোড় দেশ পর্যন্ত বৌদ্ধ ধর্ম সুবিস্তৃত ছিল। ব্রাহ্মণ এবং জৈন ধর্ম বৌদ্ধধর্মের সঙ্গে সঙ্গে উন্নতি লাভ করে। কাশ্মীর এবং দক্ষিণে বৌদ্ধ সজ্জ প্রবল ছিল।

খৃষ্টীয় অষ্টম শতাব্দীতে ব্রাহ্মণ ও বৌদ্ধ ধর্মের তান্ত্রিক-দিগের প্রভাব পরিলক্ষিত হয়। পাল রাজাদিগের সময়ে মহাযান বৌদ্ধধর্মের উপর তান্ত্রিকদিগের প্রভাব বিস্তৃত হয়। মহাযান বৌদ্ধসঙ্ঘে তান্ত্রিকেরা অনেকগুলি সম্প্রদায়ের উৎপত্তিতে সাহায্য করিয়াছিল, যথা—যোগাচার, কালচক্রবান, মন্ত্রযান, সহজযান এবং বজ্রযান। পাল রাজাদিগের পর সেন রাজারা বৌদ্ধ ধর্মের বিরোধী ছিলেন না। কিন্তু এই সময়ে বৌদ্ধ ধর্মের অবনতি হইতেছিল। বক্ত্রিয়ার খিলিজির আক্রমণের সঙ্গে সঙ্গে বৌদ্ধধর্মের ধ্বংস হয়। বিক্রমশিলা এবং ওদন্তপুরীর সুপ্রসিদ্ধ বিহারদ্বয় নষ্ট হয়, বহুসংখ্যক ভিক্ষুর মৃত্যু হয় এবং বহু লোক বৌদ্ধ পুঁথি সঙ্গে লইয়া নেপাল, তিব্বত, ব্রহ্মদেশ ও কম্বোজে পলায়ন করে। কেহ কেহ উৎকল ও উত্তর ভারতে আশ্রয় লয়। মগধ দেশ হইতে যে সকল বৌদ্ধধর্মাবলম্বী পলায়ন করে তাহারা কলিঙ্গ এবং কোঙ্কানে বৌদ্ধ শিক্ষাকেন্দ্র স্থাপন করে। খৃষ্টীয় চতুর্দশ শতাব্দীর মধ্যভাগে কাশ্মীরে বৌদ্ধ ধর্মের স্থিতি পরিলক্ষিত হয়। খৃষ্টীয় ষোড়শ শতাব্দীর মধ্যভাগে উৎকলেও বৌদ্ধধর্ম ছিল। নেপালে বৌদ্ধ সাহিত্য অনেক আছে এবং বহু বৌদ্ধ স্তূপ ও চৈত্য আছে। তিব্বতে বর্তমানে যে বৌদ্ধ ধর্ম প্রচলিত আছে তাহা কাহারও কাহারও মতে তান্ত্রিকদিগের ধর্মের ত্রায়।

ভারতের বাহিরে বৌদ্ধধর্ম বিস্তারের জন্ত সম্রাট অশোক বহু চেষ্টা করিয়াছিলেন। তাঁহার পর ধর্মপ্রচারকগণ, রাজস্ববর্গ এবং বণিকগণ এই কার্যে যথেষ্ট সহায়তা করেন। যবন দেশে সুপ্রসিদ্ধ ধর্মপ্রচারক মহারক্ষিত বৌদ্ধধর্ম প্রচার

করেন। সম্রাট অশোকের চেষ্টায় যে সকল স্থানে বৌদ্ধধর্ম স্থাপিত হইয়াছিল তাহাদের মধ্যে পশ্চিম এশিয়া, সিংহল ও ব্রহ্মদেশ বিশেষভাবে উল্লেখযোগ্য। পশ্চিম এশিয়ার অন্তর্গত লান্কাও দেশে এক শত সজ্জারাম ছিল এবং ছয় হাজার বৌদ্ধ ভিক্ষু হীনযান ও মহাযান অধ্যয়নে নিযুক্ত ছিল। পার্থিয়ান একজন যুবরাজ বৌদ্ধ শ্রমণ হইয়াছিলেন। সুপ্রসিদ্ধ আরবী পণ্ডিত আল্বেকুনী বলেন যে পুরাকালে খুরাসান, পারশ্ব, ইরাক, মজুল এবং সিরিয়ার প্রত্যন্ত দেশ পর্যন্ত বৌদ্ধধর্ম বিস্তৃত ছিল। পরে বৌদ্ধদিগকে এই সকল দেশ পরিত্যাগ করিয়া বাল্খের পূর্বদিকস্থ কতকগুলি দেশে আশ্রয় গ্রহণ করিতে হয়।

সম্রাট অশোকের ধর্মপ্রচারকের চেষ্টায় আফগানিস্থানের অন্তর্গত কতকগুলি দেশে বৌদ্ধধর্ম বিস্তারিত হয়। গান্ধার, যবন এবং কাষোজদিগের মধ্যে ধর্ম প্রচারের জন্ত সম্রাট তাঁহার ধর্মমহামাত্রদিগকে পাঠাইয়াছিলেন। স্থবীর মধ্যাস্তিক কাশ্মীরে ও গান্ধারে বৌদ্ধধর্ম প্রচার করিতে সমর্থ হন। কুশান রাজাদিগের সময়ে মধ্য ও পূর্ব এশিয়ায় এবং সিন্ধু নদীর পশ্চিম দিকস্থ উচ্চস্থানে বৌদ্ধধর্ম প্রচারিত ছিল। সিথিয়া-পার্থিয়া এবং কুশান রাজাদিগের মৃত্যু হইতে বেশ বুঝা যায় যে, বৌদ্ধ ধর্মের প্রভাব আফগানিস্থানের কতকগুলি দেশে বিশেষভাবে ছিল। সম্রাট কণিষ্ক বসুমিত্র, অশ্বঘোষ, এবং নাগার্জুন প্রভৃতি বৌদ্ধপণ্ডিতগণের পৃষ্ঠপোষক ছিলেন। আফগানিস্থানের বহু স্থান হইতে বহু স্তূপ ও মূর্তিকাপাত্র পাওয়া গিয়াছে। এই সকল মূর্তিকা পাত্রে কতকগুলি বৌদ্ধ প্রতিষ্ঠানের দাতার নামোল্লেখ আছে। এই দাতা-দিগের মধ্যে কেহ কেহ সিথিয়াবাসী, কেহ কেহ যবন এবং কেহ কেহ ব্যাকট্রিয়াবাসী। আফগানদেশ হইতে ধরোষ্ঠী ধর্মপদের পুঁথি পাওয়া গিয়াছে। জালালাবাদে এবং হেড্ডার নিকটে কাপিশার উপত্যকায় বহু বৌদ্ধ স্মৃতিস্তম্ভের ভগ্নাবশেষ আছে। হেড্ডায় যে সমস্ত ভগ্ন স্মৃতিস্তম্ভ পাওয়া গিয়াছে তাহাদের মধ্যে কতকগুলি গান্ধার স্থাপত্যের সুন্দর নিদর্শন। কাবুলের অন্তর্গত কোহিস্থানে একটা বৌদ্ধ নগরের স্মৃতি চিহ্ন দেখিতে পাওয়া যায়।

খৃষ্টীয় পঞ্চম শতাব্দীতে যখন চৈনিক পর্যটক ফা-হিয়ান ভারত পরিদর্শন করেন, তখন গান্ধারে বৌদ্ধধর্ম উন্নত ছিল। এখানে অনেকগুলি বৌদ্ধ প্রতিষ্ঠান ছিল; কিন্তু

পঞ্চম শতাব্দীর শেষভাগে এবং ষষ্ঠ শতাব্দীর প্রারম্ভে হুনদিগের অত্যাচারে বৌদ্ধধর্মের যথেষ্ট ক্ষতি হইয়াছিল। খৃষ্টীয় সপ্তম শতাব্দীর প্রারম্ভে তুর্কীরা বৌদ্ধধর্মের সহায়ক ছিলেন। তুর্কীদিগের একজন নেতা প্রভাকর মিত্র নামে একজন বৌদ্ধ ভিক্ষুকে যথেষ্ট সমাদর করেন। বাল্খ দেশ বৌদ্ধশিক্ষার একটি প্রসিদ্ধ কেন্দ্র ছিল। এখানে বহু বিহার ছিল এবং বিহারের মধ্যে নববিহার উল্লেখযোগ্য। বামিয়ান দেশে অনেকগুলি বৌদ্ধবিহার ছিল এবং এই বিহারে লোকোত্তরবাদ সম্প্রদায়ের ভিক্ষু বাস করিত। কনোজের রাজা হর্ষবর্দ্ধনের সময়ে বামিয়ানের রাজা একজন প্রগাঢ় বৌদ্ধ ছিলেন। লম্পক দেশে কতকগুলি বিহার ছিল এবং এই সকল বিহারে মহাযান বৌদ্ধভিক্ষুরা বাস করিত।

ইংসিং নামে একজন চৈনিক পর্যটক খৃষ্টীয় সপ্তম শতাব্দীর শেষভাগে ভারতবর্ষে আসেন। তাঁহার মতে মনরকন্দের কোন একজন লোক মহাবোধি তীর্থে গমন করেন। তোখারিস্থানবাসীরা পূর্ক ভারতের কোন একটি স্থানে যাত্রীর বাসের জন্য আবাসগৃহ নিৰ্মাণ করেন। জগুড়দেশের কতকগুলি বণিক যাত্রীর সুবিধার জন্য মহাবোধিতে একটি গৃহ নিৰ্মাণ করেন। এই সকল হইতে বেশ বুঝা যায় যে, প্রায় ষষ্ঠ ও সপ্তম শতাব্দীতে পূর্ক-ভারতের সহিত পশ্চিম-ভারতের বৌদ্ধদের একটি নিকট সম্বন্ধ ছিল।

মধ্য-এশিয়ার অন্তর্গত চীন তুর্কীস্থানের অধিকাংশ স্থান মরুভূমিময়। তালামাকান এবং লোপ মরুভূমি সুবিস্তৃত। খৃষ্টীয় দ্বিতীয় শতাব্দীতে খাসগড়ে বৌদ্ধধর্মের প্রভাব ছিল। এই দেশের লোকরা বৌদ্ধ ছিল এবং সর্বাস্তিবাদ সম্প্রদায়ের অনেকগুলি ভিক্ষু এখানে বাস

করিত। ইয়ারকন্দ এবং খোটাানে বৌদ্ধধর্ম উন্নতি লাভ করে। এখানে মহাযান বৌদ্ধধর্মের অনেক উপাসক ছিলেন। তোখারায় এবং মনরকন্ডে বৌদ্ধধর্মের অনেক নিদর্শন পাওয়া যায়।

খাসগড় ও তুরকানের মধ্যভাগে কাচনগর অবস্থিত। এখানে সুপ্রসিদ্ধ বৌদ্ধভিক্ষু কুমারজীব লালিত পালিত হইয়াছিলেন। এই স্থানে তিনি মহাযান বৌদ্ধধর্মে দীক্ষিত হন এবং পরে চীনভাষায় কতকগুলি বৌদ্ধগ্রন্থ অনুবাদ করেন। ক্রমে কাচ মহাযান বৌদ্ধধর্মের একটি কেন্দ্র হইয়াছিল। চৈনিক পর্যটক হুয়েন সাং-এর মতে এখানে বৌদ্ধধর্ম উন্নত ছিল এবং অনেক বিহার ও বৌদ্ধমূর্তিও ছিল।

তুরকান নামে আর একটি সুপ্রসিদ্ধ বৌদ্ধ প্রতিষ্ঠান ছিল। এইস্থান হইতে সংস্কৃত, চীন ও অগ্ৰ ভাষায় লিখিত বৌদ্ধপুঁথি পাওয়া যায়। ফাহিয়ানের সময়ে খোটাানে বহুসংখ্যক মহাযান বৌদ্ধধর্মাবলম্বী ভিক্ষু ছিল। ফাহিয়ান এখানে কোন একটি বিহারে বাস করিতেন এবং এই বিহারে আরও তিন হাজার ভিক্ষু ছিল। এব-নর হুদের নিকটে দুইটি স্থান স্থার অরেল স্টাইন আবিষ্কার করেন। এই স্থান দুইটিতে এক সময়ে উন্নত বৌদ্ধ প্রতিষ্ঠান ছিল। এখানে অনেক তিব্বতীয় এবং প্রাকৃত ভাষায় লিখিত পুঁথি পাওয়া গিয়াছে। মধ্য-এশিয়ার মরুভূমি হইতে কতকগুলি বৌদ্ধ সংস্কৃত পুঁথি পাওয়া যায়, যথা—খরোস্ত্রী অক্ষরে লিখিত প্রাকৃত ধর্মপদের পুঁথি, সারিপুত্র-প্রকরণ, অশ্বঘোষ বিরচিত সৌন্দরানন্দকাব্য, সংস্কৃত ভাষায় লিখিত উদানবর্গের পুঁথি, সর্বাস্তিবাদ সম্প্রদায়ভুক্ত ভিক্ষু ও ভিক্ষুণী প্রাতিমোক্দের পুঁথি ইত্যাদি।

আগামী বারে সমাপ্য



# গন দেবতা

শ্রীতারশঙ্কর বন্দ্যোপাধ্যায়

চণ্ডীমণ্ডপ

তিন

বেশ পরিপাটি করিয়া এক ছিলিম তামাক সাজিয়া হাঁকাতে নতুন জল সাজিয়া পদ্ম স্বামীর আহার-শেষের প্রতীক্ষা করিতেছিল। অনিরুদ্ধের খাওয়া শেষ হইতেই হাতে জল তুলিয়া দিয়া হাঁকাটি তাহার হাতে দিল—খাও।

টানিয়া বেশ গল-গল করিয়া যখন অনিরুদ্ধ নাক মুখ দিয়া ধোঁয়া বাহির করিয়াছে, তখন সে বলিল—আমার কথাটা ভেবে দেখ। রাগ এখন একটু পড়েছে তো!

—রাগ? অনিরুদ্ধ মুখ তুলিয়া চাহিল—ঠোট দুইটা তাহার ধর ধর করিয়া কাঁপিতেছে;—এ রাগ আমার ভূষের আশুন, জনমে নিববে না। আমার দু-বিঘে বাকুড়ির ধান—; কথা সে শেষ করিতে পারিল না, পদ্মের ডাগর চোখ দুটি তখন নিরুদ্ধ অশ্রুতে উচ্ছ্বসিত হইয়া উঠিয়াছে—মুহূর্ত্তে ফোঁটা কয়েক জল টপ টপ করিয়া ঝরিয়া পড়িল।

অনিরুদ্ধ এবার বলিল—কঁাদছিস কেন তুই? দু-বিঘে জমির ধান গিয়েছে বাকগে! আমি তো আছি রে বাপু! আর দেখ না—কি করি আমি!

চোখ মুছিতে মুছিতে পদ্ম বলিল—কিন্তু থানা-পুলিস ক'র না বাপু! তোমার দু-টি পায়ে পড়ি আমি। ওরা সাপ হয়ে দংশায়, রোজা হয়ে ঝাড়ে। আমার বাপের ঘরে ডাকাতি হ'ল—বাবা চিনলে একজনাকে, কিন্তু পুলিস তার গায়ে হাত দিলে না। অথচ মুঠো-মুঠো টাকা খরচ হয়ে গেল বাবার। মেয়ে ছেলে গুটি সমেত নিয়ে টানাটানি, একবার দারোগা আসে, একবার নেম্পেকটার আসে, একবার সায়েব আসে—আর দাও এজাহার। তার পরে ক'জনাকে কোথা হতে ধরলে, তাদিগে সনাক্ত করতে জেলখানা পর্য্যন্ত মেয়ে-ছেলে নিয়ে টানাটানি। তা ছাড়া গালমন্দ আর ধমক।

—হঁ। চিন্তিতভাবে হাঁকায় গোটা কয়েক টান দিয়া অনিরুদ্ধ বলিল—কিন্তু এর একটা বিহিত করতে তো হবে। আজ না হয় দু-বিঘে জমির ধান গেল। কাল আবার পুকুরের মাছ ধ'রে নেবে—পরশু ঘরে—

—অনি ভাই রয়েছ নাকি? অনিরুদ্ধের কথা শেষ হইবার পূর্বেই বাহির হইতে গিরীশ ডাকিয়া সাড়া দিয়া বাড়ীর মধ্যে আসিয়া প্রবেশ করিল। পদ্ম আধ-ঘোমটা টানিয়া এঁটো বাসন কয়খানি তুলিয়া লইয়া খিড়কির ঘাটের দিকে চলিয়া গেল।

অনিরুদ্ধ একটা দীর্ঘনিশ্বাস ফেলিয়া বলিল—দু-বিঘে বাকুড়ির ধান একবারে শেষ ক'রে কেটে নিয়েছে, একটা শীষ প'ড়ে নাই।

গিরীশও একটা দীর্ঘনিশ্বাস ফেলিয়া বলিল—শুনলাম।

—থানায় ডায়রী করব ঠিক করেছিলাম, কিন্তু বউ বারণ করছে। বলছে, ছিঁক পাল চুরী করেছে—এ কথা বিশ্বাস করবে কেন! আর গায়ের লোকও তো আমার হয়ে কেউ সাক্ষী দেবে না।

—হ্যাঁ। কাল সন্ধ্যাতে আবার নাকি চণ্ডীমণ্ডপে জটলা হয়েছিল। আমরা নাকি অপমান করেছি গায়ের লোকদের। জমিদারের কাছে নালিশ করবে শুনছি।

ঠোটের একদিক ঝাঁকিহায়া অনিরুদ্ধ এবার বলিয়া উঠিল—যা-যা! জমিদার! জমিদার আমার কচু করবে!

কথাটা গিরীশের খুব মনঃপূত হইল না, সে বলিল—তাই ব'লেই বা আমাদের দরকার কি। জমিদারেরও তো বিচার আছে, তিনিই বিচারই করুন কেন!

অনিরুদ্ধ বারবার ঘাড় নাড়িয়া অস্বীকার করিয়া বলিল—উছ! ছাই বিচার করবে। জমিদার নিজেই আজ তিন বছর ধান দেয় নাই। জমিদার ঠিক ওদের রায়ে রায় দেবে; তুমি জান না।

বিষমভাবে গিরীশ বলিল—আমি পাই নাই চার বছর।

অনিরুদ্ধ বলিল—এই দেখ ভাই, যখন বলেছি মুখ ফুটে—করব না, তখন আমার মরা-বাপ এলেও আমাকে করাতে পারবে না; তাতে আমার ভাগ্যে যাই থাক। তুমি ভাই এখনও বুঝে দেখ।



গিরীশ বলিল—সে তুমি নিশ্চিন্দ থাক। তুমি না মিটোলে আমি মি-টোব-না !

অনিরুদ্ধ প্রীত হইয়া কক্কেটি তাহার হাতে দিল। গিরীশ হাতের ছাঁদের মধ্যে কক্কেটি পুরিয়া কয়েক টান দিয়া বলিল—এদিকে গোলমালও তোমার চরম লেগে গিয়েছে। শুধু আমরা দু'জনা নই, জমিদার ক'জনার বিচার করবে করুক না! নাপিত-বায়েন-দাই-চৌকিদার নদীর ঘাটের মাঝি, মাঠ আগলদার—সবাই ধূয়ো ধরেছে, ও ধান নিয়ে কাজ আমরা করতে পারব না। তারু নাপিত তো আজই বাড়ীর দোরে অর্জুনতলায় এক ইট পেতে বসেছে— বলে, পয়সা আন, এনে কামিয়ে যাও।

অনিরুদ্ধ কক্কেটি ঝাড়িয়া আবার নতুন করিয়া তামাক সাজিতে সাজিতে বলিল—তা বইকি! পয়সা ফেল, মোয়া খাও; আমি কি তোমার পর!

গিরীশের কথাবার্তার মধ্যে বেশ একটি বিজ্ঞতা প্রচারের ভঙ্গি থাকে, এটা তাহার অভ্যাস হইয়া গেছে, সে বলিল—এই কথা। আগেকার কাল তোমার এক আলাদা কাল ছিল। সস্তাগণ্ডার বাজার ছিল—তখন ধান নিয়ে কাজ ক'রে আমাদের পুষিয়েছে—আমরা করেছি; এখন যদি না পোষায়!

বাহিরে রাস্তায় ঠুন-ঠুন করিয়া বাইসিক্লের ঘণ্টা বাজিয়া উঠিল, সঙ্গে সঙ্গে ডাক আসিল—অনিরুদ্ধ!

ডাক্তার জগন্নাথ ঘোষ।

অনিরুদ্ধ গিরীশ দুজনেই বাহির হইয়া আসিল। মোটাসোটা খাটো লোকটি, মাথায় বাবরি চুল—জগন্নাথ ঘোষ বাইসিক্ল ধরিয়া দাঁড়াইয়াছিল। ডাক্তার কোথাও পড়িয়া গুনিয়া পাস করে নাই, চিকিৎসাবিজ্ঞা তাহাদের তিনপুরুষের বংশগত বিজ্ঞা; পিতামহ ছিলেন কবিরাজ, বাপ জেঠা ছিলেন কবিরাজ এবং ডাক্তার একাধারে দুই; জগন্নাথ কেবলই ডাক্তার, তবে সঙ্গে দুই-চারিটা মুষ্টিযোগের ব্যবস্থা দেয়—তাহাতে চট করিয়া ফলও হয় ভাল। গ্রামের সকল লোকই তাহাকে দেখায়, কিন্তু পয়সা বড় কেহ দেয় না। ডাক্তার তাহাতে খুব গররাজী নয়, ডাকিলেই যায়, বাকীর উপরেই বাকী দেয়। ভিন্ন গ্রামেও তাহাদের পুরুষাভূক্তমিক পসার আছে—সেখানকার রোজগারেই তাহার দিন চলে। কোন দিন শাক ভাত, আবার কোন দিন

যাহাকে বলে এক অন্ন পঞ্চাশব্যঞ্জন, যেদিন যেমন রোজগার। এককালে ঘোষেরা সম্পত্তিবান প্রতিষ্ঠাশালী লোক ছিল। ধনীর গ্রাম কঙ্কনায় পর্য্যন্ত যথেষ্ট সম্মান মর্যাদা পাইত; কিন্তু ওই কঙ্কনার লক্ষপতি মুখুজ্জদের এক হাজার টাকা ঋণ ক্রমে চারি হাজারে পরিণত হইয়া ঘোষদের সমস্ত সম্পত্তি গ্রাস করিয়াছে। এই সম্পত্তি এবং সেকালের-সম্মানিত প্রবীণগণের অন্তের সঙ্গে সঙ্গে তাহাদের সে সম্মান মর্যাদা চলিয়া গিয়াছে। জগন্নাথ অকাতরে চিকিৎসা এবং ঔষধ সাহায্য করিয়াও সে সম্মান ফিরিয়া পায় নাই। সে কাহাকেও রেয়াত করে না, ক্রুতম ভাষায় সে উচ্চকণ্ঠে বলে—চোরের দল সব, জানোয়ার! গোপনে নয়, সাক্ষাতেই বলে। তাহাদের ক্ষুদ্রতম অন্তায়েরও অতি কঠিন প্রতিবাদ সে করিয়া থাকে।

অনিরুদ্ধ এবং গিরীশ বাহির হইয়া আসিতেই ডাক্তার বিনা ভূমিকায় বলিল—থানায় ডায়রী করলি?

অনিরুদ্ধ বলিল—আজ্ঞে তাই—

—তাই আবার কিসের রে বাপু? যা, ডায়রী ক'রে আয়।

—আজ্ঞে, বারণ করছে সব; বলছে—ছিকু পাল চুরী করেছে—কে একথা বিশ্বাস করবে।

—কেন? ও বেটার টাকা আছে ব'লে?

—তাই তো সাত-পাঁচ ভাবছি ডাক্তারবাবু।

বিজ্ঞপতীক্ক হাসি হাসিয়া জগন্নাথ বলিল—তা হ'লে এ সংসারে যাদের টাকা আছে তারাই সাধু—আর গরীব মাত্রেই অসাধু নাকি? কে বলছে এ কথা?

অনিরুদ্ধ এবার চুপ করিয়া রছিল, বাড়ীর ভিতরে বাসনের টুংটাং শব্দ উঠিতেছে। পদ্ম ফিরিয়াছে, সব গুণিতেছে। উত্তর দিল গিরীশ, গিরীশ বলিল—আজ্ঞে, ডায়রী ক'রেই বা কি হবে ডাক্তারবাবু, ও এখুনি টাকা দিয়ে দারোগার মুখ বন্ধ করবে। তা ছাড়া থানার জমাদারের সঙ্গে হিকুর বেশ ভাব। এক সঙ্গে মদ-ভাং খায়—তারপর—

ডাক্তার বলিল—জানি আমি। কিন্তু দারোগা টাকা খেলে—তারও উপায় আছে। বাবারও বাবা আছে। দারোগা টাকা খায়—পুলিসসায়ের আছে, ম্যাজিস্ট্রেট আছে। তার ওপরে কমিশনার আছে। তার ওপরে ছোটলাট, ছোটলাটের ওপরে বড়লাট আছে।

অনিরুদ্ধ বলিল—তা তো বুঝলাম ডাক্তারবাবু, কিন্তু মেয়ে-ছেলেকে এজাহার ফেজাহার দিতে হবে, সেই হাকামার কথা আমি ভাবছি !

—মেয়েদের এজাহার ? ডাক্তার আশ্চর্য হইয়া গেল। মাঠে ধান চুরী হয়েছে তাতে মেয়ে-ছেলেকে এজাহার দিতে হবে কেন ? কে বললে ? এ কি মগের মূলুক না কি ?

সঙ্গে সঙ্গে অনিরুদ্ধ উঠিয়া পড়িল।—তা হ'লে আমি আজ্ঞে এই এখুনি চললাম।

ডাক্তারও বাইসিক্লে উঠিয়া বলিল—যা, তুই নির্ভাবনায় চলে যা। আমি ও-বেলা থানায় যাব। চুরী করবার জন্তে ধান কেটে নিয়েছে এ কথা বলবি না ; বলবি—আক্রোশ্ বশে আমার ক্ষতি করবার জন্তে চুরী করেছে।

অনিরুদ্ধ আর বাড়ীর মধ্যে ঢুকিল না পর্যাস্ত, পাছে পদ্ম আবার বাধা দেয়। সে ডাক্তারের গাড়ীর সঙ্গে সঙ্গেই চলিতে আরম্ভ করিল, গিরীশকে বলিল—গিরীশ, কামারশালের চাবীটা নিয়ে এস তো ভাই, চেয়ে।

ও-পারের জংশনের কামারশালের চাবী। গিরীশকে ভিতরে ঢুকিয়া চাহিতে হইল না, দরজার আড়াল হইতে ঝনাৎ করিয়া চাবীটা আসিয়া তাহার সম্মুখে পড়িল। গিরীশ হেঁট হইয়া চাবীটা তুলিতেছিল—পদ্ম দরজার পাশ হইতে উকি মারিয়া দেখিল—ডাক্তার ও অনিরুদ্ধ অনেকটা চলিয়া গিয়াছে। সে এবার আধ-ঘোমটা টানিয়া সামনে আসিয়া বলিল—একবার ডাক' ওকে।

মুখ তুলিয়া একবার পদ্মের দিকে একবার অনিরুদ্ধের দিকে চাহিয়া গিরীশ বলিল—পেছন ডাকলে ক্ষেপে যাবে।

—তা তো যাবে। কিন্তু ভাত, ভাত নিয়ে যাবে কে ? আজ কি খেতে-দেতে হবে না !

গিরীশ ও অনিরুদ্ধ সকালে উঠিয়া ৭-পারে যায়— তাহার পূর্বেই তাহাদের ভাত হইয়া থাকে—বাইবার সময় সেই ভাত তাহারা লইয়া যায়। সেই খাইয়াই তাহাদের দিনটা কাটে। রাত্রে বাড়ীতে ফিরিয়া খায়। গিরীশ বলিল—আমাকেই দাও, আমিই নিয়ে যাই।

\* \* \*

সংসারে পদ্ম একা মানুষ। বৎসর দুয়েক পূর্বে শাওড়ী মারা যাওয়ার পর হইতেই সমস্ত দিনটা তাহাকে একা কাটাতে হয়। সে নিজে বন্ধা। পল্লীগ্রামে এমন অবস্থায়

একটি মনোহর কর্মাস্তর আছে—পাড়া-বেড়ানো। কিন্তু পদ্মের স্বভাব যেন উর্নাত-গৃহিণীর মত। সে সমস্ত দিন আপনার গৃহস্থালার জাল বুনিয়াই চলিয়াছে। ধান-কলাই রোদে দিতেছে, সেগুলি তুলিতেছে, মাটি ও কুড়ানো ইটে ঘরে বেদী বাঁধিতেছে ; ছাই দিয়া মাজিয়া তোলা বাসনের ময়লা তুলিতেছে—শীতের লেপ কাঁথাগুলি পাড়িয়া নতুন পাট করিতেছে ; ইহা ছাড়া—নিয়মিত কাজ—গোয়াল পরিষ্কার, জাব কাটা, ঘুঁটে দেওয়া, তিন-চারবার বাড়ী ঝাঁট দেওয়া তো আছেই।

আজ তাহার কোন কাজ করিতে ইচ্ছা হইল না। সে খিড়কির ঘাটে গিয়া পা-ছড়াইয়া বসিল। অনিরুদ্ধকে থানায় যাইতে বারণ করিয়াছে, হাসিমুখে রহস্য করিয়া তাহাকে শাস্ত করিবার চেষ্টা করিয়াছে—সে কেবল ভবিষ্যৎ অশান্তি নিবারণের জন্ত। অল্প দিকে দু-বিঘা বাকুড়ির ধানের জন্ত তাহার দুঃখের সীমা ছিল না। আপন মনেই সে মৃদুস্বরে ছিরু পালকে অভিসম্পাত দিতে শুরু করিল।

—কাণা হবেন—কাণা হবেন—অন্ধ হবেন তিনি ;— হাতে কুষ্ঠ হবে, সর্বস্ব যাবে—ভিক্ষে ক'রে ক'রে খাবেন।

সহসা কোথায় প্রচণ্ড কলবর উঠিতেছে মনে হইল। পদ্ম কান পাতিয়া শুনিল। গোলমালটা বায়েনপাড়ায় মনে হইতেছে। প্রচণ্ড রুঢ় কর্তে অঙ্গীল ভাষায় কে তর্জন-গর্জন করিতেছে। ওই ছোঁয়াচটা যেন পদ্মকে লাগিয়া গেল। সেও এবার উচ্চকণ্ঠে পাড়া জানাইয়া শাপ-শাপান্ত আরম্ভ করিল—

—জোড়া বেটা ধড়ফড় করে মরবে, এক বিছানায় এক-সঙ্গে। আমার জমির ধানের চালে কলেরা হবে। নিবংশ হবেন—নিবংশ হবেন। নিজে মরবেন না, কাণা হবেন— দুটি চোখ যাবে, হাতে কুষ্ঠ হবে। যথাসব্ব উড়ে যাবে— পুড়ে যাবে। পথে পথে ভিক্ষে ক'রে বেড়াবে।

বেশ হিসাব করিয়া—ছিরু পালের সহিত মিলাইয়া সে শাপ শাপান্ত করিতেছিল। সহসা তাহার নজরে পড়িল খিড়কির পুকুরের ও-পারে রাস্তার উপর দাঁড়াইয়া ছিরু পাল গালি-গালাজগুলি বেশ উপভোগ করিয়া হাসিতেছে। ছিরু এইমাত্র পাতুবায়নকে মারপিট করিয়া ফিরিতেছিল, বায়েনপাড়ার কলরুটা তাহারই বিক্রমোদ্ভূত। ফিরিবার পথে অনিরুদ্ধের স্ত্রীর শাপ-শাপান্ত শুনিয়া দাঁড়াইয়া

হাসিতেছিল। সে হাসির মধ্যে অন্য একটা ক্রুরপ্রবৃত্তির প্রেরণা অথবা তাড়নাও ছিল। পদ্ম দেখিয়া উঠিয়া বাড়ীর মধ্যে ঢুকিয়া পড়িল। ছিঁকু ভাবিতেছিল, লাফ দিয়া বাড়ীর মধ্যে ঢুকিয়া পড়িবে না কি? কিন্তু দিবালোককে তাহার বড় ভয়। সে স্পন্দিত বক্ষে চিন্তা করিতেছিল। সহসা পদ্মর কণ্ঠস্বর শুনিয়া আবার সে ফিরিয়া চাহিল। কিন্তু একটা কিসের প্রতিবিম্বিত আলোকচ্ছটা তাহার চোখে আসিয়া পড়িতেই সে চোখ ফিরাইয়া লইল।

—ধার পরীক্ষা করতে এক কোপে দুটো পাঁটা কেটে আমার কাজ বাড়িয়ে গেলেন পুরুষ। রক্তের দাগ ধোয়া নাই—ঘরে ভ'রে রেখে দিয়েছে। আমি এখন ব'সে ব'সে ঝামা ঘষি!

পদ্মের হাতে একখানা বগি দা। রোদ পড়িয়া ঝকমক করিতেছে, তাহারই ছটা আসিয়া চোখে পড়িতেই ছিঁকু পাল চোখ ফিরাইয়া লইল। পরক্ষণেই সে ডম ডম শব্দে পা ফেলিয়া আপনার বাড়ীর দিকে পথ ধরিল। পদ্মের মুখে নিষ্ঠুর কোতূকের একটি হাসি ফুটিয়া উঠিল।

চার

কালীপুরের চাষের মাঠ অধিকাংশই গ্রামের দক্ষিণ ও পূর্ব দিকে। শিবপুর, কালীপুরের উত্তর গায়েই একটি দীঘির ওপারে অবস্থিত—উত্তরের মাঠটা সমস্তটাই শিবপুরের সীমানা—পূর্বদিকে ও উত্তর দিকের অর্ধেকটা শিবপুরের সামিল। উত্তর-পশ্চিমে যে গ্রামের মাঠ, সে গ্রামে নাকি লক্ষ্মী বসতি করেন না, গ্রামের দক্ষিণ ও পূর্বদিকে যে গ্রামের চাষের সীমানা—সেখানে নাকি লক্ষ্মীর অপার করুণা। অন্তত প্রবীণেরা তাই বলে। মাঠ উত্তর এবং পশ্চিম দিকে হইলে দেখা যায়—গ্রাম অপেক্ষা মাঠ উঁচু। অধিকাংশ ক্ষেত্রেই দক্ষিণ ও পূর্ব দিকে ক্রমনিম্নতার একটা একটানা প্রবাহ চলিয়া গিয়াছে। সেই জন্ত—দক্ষিণ ও পূর্ব দিকে কৃষিক্ষেত্র হইলে—গ্রামের জলটুকু সমস্তই মাঠে গিয়া পড়ে; গ্রাম ধোয়া জলের উর্ধ্বতা প্রচুর। ইহা ছাড়াও গ্রামের পুকুরগুলির জলের সুবিধা ষোল আনা পাওয়া যায়। এই কারণে শিবপুর এবং কালীপুর পাশাপাশি গ্রাম হইলেও দুই গ্রামের জমির দামের অনেক প্রভেদ। কালীপুরের লোকের অনেক অহঙ্কার—শিবপুরের

লোকে সহ্য করিয়া থাকে। অথচ একদিন শিবপুরের অধিবাসী চৌধুরীদেরই জমিদারী ছিল কালীপুর। দ্বারকা চৌধুরী সেই বংশোদ্ভূত। চৌধুরীদের সমৃদ্ধি অনেক দিনের কথা। দ্বারকা চৌধুরীরও একপুরুষ পূর্বের ঘটনা। চৌধুরীরা সে কথা এখন ভুলিয়া গিয়াছে, কোন দুঃখও হয় না—আভিজাত্যের কোন ভাগও নাই। এ অঞ্চলের চাষীদের সঙ্গে সমান ভাবেই মেলানেশা করেন, এক মজলিসে বসিয়া তামাক খান—সুখ-দুঃখের গল্প করেন। তবে চৌধুরীর কথাবার্তার সুরের মধ্যে একটু পার্থক্য আছে। চৌধুরী কথা খুব কম বলেন, যেটুকু বলেন সেও অতি ধীর মুহূ স্বরে। কথার প্রতিবাদ করিলে চৌধুরী তাহার প্রতিবাদ আর করেন না। কোন কোন ক্ষেত্রে প্রতিবাদকারীর কথা স্বীকার করিয়া লন, কোন ক্ষেত্রে চুপ করিয়া যান, কোন ক্ষেত্রে মজলিস হইতে চলিয়া আসেন। মোট কথা চৌধুরী শাস্তভাবেই অবস্থান্তরের মধ্য দিয়া জীবন অতিবাহিত করিয়া চলিয়াছেন। তিনটি ছেলে। বড় ছেলেটি দস্তুর হইয়াও মুর্থ। সে গাঁজা খায়—গরুবাছুর লইয়া থাকে, গর্দভের মত নির্কোষ—তবে তেমন করিয়া চীৎকার করে না; কেবল অতি সামান্ত কারণেই হাতের আড়াল দিয়া হি-হি করিয়া প্রচুরেরও অতিরিক্ত পরিমাণে হাসে। মেজটিও দস্তুর, আকারেও খুব দৌধ—সে চাষবাস দেখিতে বাপকে সাহায্য করে—এবং দু-দশ টাকা লইয়া খুব গোপনে অতিদরিদ্রদের মধ্যে সূদী কারবার করে; তাহার আশা অনেক—তিল কুড়াইয়া তাল নয়—পাহাড় গড়িবে—তাহাদের পূর্বসম্পদ ফিরাইয়া আনিবে। ছোটটি দস্তুর নয়—সুশ্রী সবল তরুণ কিশোর, ম্যাট্রিক পাস করিয়া—নিজের উত্তমে সাহায্য সংগ্রহ করিয়া আই-এ পড়িতেছে।

বৃদ্ধ দ্বারকা চৌধুরী সকালেই ছাতাটি মাথায়—বাঁশের লাঠিটি হাতে করিয়া কালীপুরের দক্ষিণ মাঠে নদীর ধারে রবি-ফসলের চাষের তদ্বিরে চলিয়াছিলেন। কালীপুরের জমিদারীর স্বত্ব চলিয়া গেলেও—সেখানে মোটা জোত এখনও আছে। কালীপুরের দক্ষিণ মাঠটির নাম ‘অমরকুণ্ডার মাঠ’; অর্থাৎ এখানকার ফসল কখনও মরে না; এ মাঠের হাজা-শুকানাই। মাঠটির মাথায় বেশ বিস্তৃত দুইটি ঝর্ণার জলা আছে; প্রশস্ত একটি অগভীর জলা হইতে নালা বাহিয়া অবিরাম জল বহিয়া চলিয়াছে; অথচ জলাটি কাণায় কাণায় অহরহই পরিপূর্ণ। জল কখনও শুকায় না; এই ধারাই অমরকুণ্ডার

মাঠের উপর ধরিত্রী মাতার বক্ষরিত ক্ষীরধারা। নালা বাহিয়া জল একেবারে নদীতে গিয়া পড়িয়াছে। জলাভাবের সময় নালায় বাঁধ দিয়া যাহার যেরূপে প্রয়োজন—জল-স্রোতকে ঘুরাইয়া লইয়া যায়। অগ্রহায়ণের প্রথম, হৈমন্তী ধান পাকিতে শুরু করিয়াছে, সবুজ রঙ হনুদ হইতে আরম্ভ হইয়াছে। অমরকুণ্ডার মাঠের একপ্রান্ত হইতে শেষপ্রান্তে নদীর বাঁধের কোল পর্যন্ত সূপ্রচুর ধানের সবুজ ও হনুদ রঙের সমন্বয়ের অপূর্ব শোভা। ধানের প্রাচুর্যে মাঠের আল পর্যন্ত কোথাও দেখা যায় না। কেবল ঝর্ণার নালায় দুই পাশের বিসর্পিত বাঁধের উপরের তালগাছগুলি আঁকাবাঁকা সারিতে উর্দ্ধলোকে মাথা তুলিয়া দাঁড়াইয়া আছে। হেমন্তের পীতাভ রৌদ্রে মাঠখানা বলমল করিতেছে। আকাশে আজও শরতের নীলের আমেজ রহিয়াছে; এখনও ধূলা উড়িতে আরম্ভ করে নাই। দূরে আবাদী মাঠের শেষ প্রান্তে নদীর বন্যারোধী বাঁধের উপর ঘন সবুজ শরবন একটা সবুজ রঙের সূদীর্ঘ প্রাচীরের মত দাঁড়াইয়া আছে, মাথায় চূণকাম করা আলিসার মত চাপ বাঁধিয়া সাদা ফুল দেখা দিয়াছে। কালীপুরের পশ্চিম দিকে—সম্ভ্রান্ত ধনীদেব গ্রাম কঙ্কনা; গ্রামবনরেখার উপরে সাদা-লাল-হনুদ রঙের দালানগুলির মাথা দেখা যাইতেছে। একেবারে ফাঁকা প্রান্তরে ইস্কুল—হাসপাতাল—বাবুদের থিয়েটারের ঘর—পরিষ্কার আগাগোড়া দেখা যায়। বাবুরা হালে ঈশ্বরবৃত্তির প্রচলন করিয়াছেন টাকায় এক পয়সা; টাকা দিতে গেলেও দিতে হইবে—টাকা পাইতে গেলেও দিতে হইবে। ঐ টাকায় পার্কিং উপলক্ষে যাত্রা থিয়েটার হয়। চৌধুরী একটা নিশ্বাস ফেলিলেন—দীর্ঘ নিশ্বাস। বৎসরে দেড় টাকা দুই টাকা তাঁহাকে ঐ ঈশ্বরবৃত্তি দিতে হয়। অমরকুণ্ডার ক্ষেতে এখনও জল রহিয়াছে, জলের মধ্যে মাঠে প্রচুর মাছ জন্মায়; আল কাটিয়া দিয়া কাটের মুখে ঝুড়ি পাতিয়া হাড়ী বাউড়ী ডোম ও বায়েনদের মেঘেরা মাছ ধরিতেছে। ক্ষেতের মধ্যেও অনেকে ঘুরিয়া বেড়াইতেছে, তাহাদের দেখা যায় না—কেবল ঘন ধানগাছগুলি চিরিয়া একটা চলন্ত রেখা দেখা যায়, যেমন অগভীর জলের ভিতর মাছ চলিয়া গেলে জলের উপর একটা রেখা জাগিয়া ওঠে। অনেকে ঘাস কাটিতেছে; কাহারও গরু আছে—কেহ ঘাস বেচিয়া দুই-চারি পয়সা রোজগার করে।

অমরকুণ্ডার মাঠের ঠিক মাঝামাঝি একটি প্রশস্ত আলের উপর দিয়া যাওয়া-আসার পথ; প্রশস্ত অর্থে একজন বেশ স্বচ্ছন্দে চলিতে পারে, দুইজনে কষ্টেও চলিতে পারে; এই পথ ধরিয়া গ্রামের গরুবাছুর নদীর ধারে চরিতে যায়। ধান খাইবে বলিয়া তখন তাহাদের মুখে একটি করিয়া দড়ির জাল বাঁধিয়া দেওয়া হয়।

প্রোঢ় চৌধুরী একটু হতাশার হাসি হাসিলেন—গরু-গুলির মুখের জাল খুলিবার মত গো-চরও আর রহিল না। বাঁধের ওপাশে নদীর চর ভাঙিয়া রবিফসলের চাষের ধুম পড়িয়া গিয়াছে। চাষীদের অবশ্য আর উপায়ও ছিল না। অমরকুণ্ডার মাঠের অর্দ্ধেকের উপর জমি কঙ্কনার বিভিন্ন ভদ্রলোকের অধীনে চলিয়া গিয়াছে। অনেক চাষীর জমি আর একেবারেই নাই। তাহারাই প্রথম নদীর ধারে গো-চর ভাঙিয়া রবিফসলের চাষ আরম্ভ করিয়াছিল। এখন দেখা-দেখি সবাই আরম্ভ করিয়াছে। অবশ্য চরের জমি খুবই উর্বর। সারা বর্ষটাই নদীর জলে ডুবিয়া থাকিয়া—পলিতে পলিতে মাটি বেন সোনা হইয়া থাকে। সেই সোনা ফসলের কাণ্ড বাহিয়া শীঘ্রের মধ্যে ফলিয়া ওঠে। গম-সরিষা প্রচুর হয়; সকলের চেয়ে ভাল হয় ছোলা। ওই চরটার নামই 'ছোলাকুঁড়ি' বা ছোলাকুণ্ড। এখন অবশ্য আলুর চাষেরই রেওয়াজ বেশী। আলু প্রচুর হয় এবং খুব মোটাও হয়। নদীর ওপারের জংশনে আলুর বাজারও ভাল। কলিকাতা হইতে মহাজনেরা ওখানে আলু কিনিতে আসে। একয়মাসের জন্ত তাহাদের এক একজন লোক আড়ত খুলিয়া বসিয়াই আছে—আলু লইয়া গেলেই টাকা। মোটা চাষী যাহারা, তাহারা বিশ-পঞ্চাশ টাকা দানও পায়। সকলের টানে চৌধুরীকেও গো-চর ভাঙিয়া আলু-গম-ছোলার চাষ করিতে হইতেছে। চারিপাশে ফসলের মধ্যে তাঁহার গো-চরে গরু চরানো চলে না; অবুঝ অবোলা পশু কখন যে ছুটিয়া গিয়া ফসলের উপর পড়িবে—সে কি বলা যায়! তাহার উপর অমরকুণ্ডার মাঠে দোয়েম জমিতে রবি ফসলের চাষও অসম্ভব হইয়া উঠিয়াছে। কঙ্কনার ভদ্রলোকের জমি সব পড়িয়া থাকে, তাহারা রবিফসলের হান্দামা পোহাইতে চায় না; আর খইল-সারেও টাকা খরচ তাহারা করিবে না। কাজেই তাহাদের জমি ধান কাটার পর পড়িয়াই থাকে। অধিকাংশ জমি চাষ হইলে—সেখানে জমি পতিত

রাখিয়া গরু চরানো যেমন অসম্ভব, অধিকাংশ জমি পতিত থাকিলে—সেখানে জমি চাষ করাও তেমনি অসম্ভব। গরু ছাগলকে আগলাইয়া পারা যায় ; কিন্তু মানুষ ও বানরকে পারা যায় না। খাইয়াই শেষ করিয়া দিবে। কিন্তু কালীপুরের দোয়েম—সোনার দোয়েম !

কি কাল যুদ্ধই না ইংরেজরা করিল জর্মানদের সঙ্গে। সমস্ত একেবারে লণ্ড-ভণ্ড করিয়া দিল। দুঃখ দুর্দশা সব কালেই আছে, কিন্তু যুদ্ধের পর এই কালটির মত আর কখনও হয় নাই। কাপড়ের জোড়া ছ-টাকা, ওষুদ অগ্নিমূল্য—মায় সূচের দাম চার গুণ হইয়া গিয়াছে। ধান চালের দরও বাড়িয়াছে—কিন্তু কাপড় চোপড়ের সমান কি ? জমির দামও ডবল হইয়া গিয়াছে। দর পাইয়া হতভাগা মূর্খের দল জমিগুলা কঙ্কনার বাবুদের পেটে ভরিয়া দিল। আজ আপশোষ করিলে কি হইবে ! মরুক হতভাগারা মরুক ! অঃ—সেই তেরশো একুশ সালে যুদ্ধ আরম্ভ হইয়াছিল, যুদ্ধ শেষ হইয়া গিয়াছে কয়েক বছর আগে ; আজ তেরশো উনত্রিশ সাল—আজও বাজারের আগুন নিবিল না। কঙ্কনার বাবুরা ধূলায় মুঠা সোনার দরে বেচিয়া কাঁড়ি কাঁড়ি টাকা আনিতেছে—আর কালীপুরের জমি কিনিতেছে মোটা দামে। ধূলা বই কি। মাটি কাটিয়া কয়লা ওঠে—সেই কয়লা বেচিয়া পয়সা। যে কয়লার মণ ছিল তিন আনা চৌদ্দ পয়সা—সেই কয়লার দর আজ চৌদ্দ আনা ! গোদের উপর বিষ-ফোড়ার মত—এই বাজারে আবার পঞ্চায়েত বসাইয়া ট্যাক্স চড়াইয়া দিল। ইউনিয়ন বোর্ড ! বাবুরা সব পঞ্চায়েত সাজিয়া দণ্ডমুণ্ডের মালিক হইয়া বসিল—আর তোমরা এখন দাও ট্যাক্স ! ট্যাক্স আদায়ের ধুন কি ? চৌকিদার দফাদার সঙ্গে লইয়া বাধানো খাতা বদলে দুগাই মিশ্রি যেন একটা লাটসাহেব !

সহসা চৌধুরী চকিত হইয়া থমকিয়া দাঁড়াইলেন। কে কোথায় তারস্বরে চীৎকার করিয়া কাঁদিতেছে না ? লাঠিটি বগলে পুরিয়া রোজনবিহারণের ভঙ্গিতে জ্বর উপরে হাতের আড়াল দিয়া এপাশ ওপাশ দেখিয়া চৌধুরী পিছন ফিরিয়া দাঁড়াইলেন। হাঁ পিছনেই বটে। ওই গ্রামের মুখে কয়জন লোক আসিতেছে, উহাদেরই ভিতর কেহ কাঁদিতেছে। যে কাঁদিতেছে—সে স্ত্রীলোক, তাহাকে 'দেখা যাইতেছে না, সামনের পুরুষটির আড়ালে ঢাকা পড়িয়াছে। আ-হা-হা !

পুরুষটা কেউটে সাপের মত ফিরিয়া মেয়েটার চুলের মুঠি ধরিয়া ছম-দাম করিয়া প্রহার আরম্ভ করিয়া দিল। চৌধুরী এখান হইতেই চীৎকার করিয়া বলিলেন—এই, এই ; আ-হা-হা ! ওই !

তাহারা গুনিতে পাইল কি না কে জানে, কিন্তু স্ত্রীলোকটি চীৎকার বন্ধ করিল ; পুরুষটিও তাহাকে ছাড়িয়া দিয়াছে। চৌধুরী কিছুক্ষণ সেইদিকে চাহিয়া দাঁড়াইয়া থাকিয়া—আবার রওনা হইলেন। ছোটলোক কি সাধে বলে ! লজ্জা-সরম, রীত-করণ উহাদের হইলও না—হইবেও না। স্ত্রীলোকের চুলে হাত দিলে শক্তি ক্ষয় হয়। রাবণ যে রাবণ, যাহার দশটা মুণ্ড, কুড়িটা হাত, এক লক্ষ ছেলে—একশ লক্ষ নাতি, সীতার চুলের মুঠি ধরিয়া—একেবারে নির্বংশ হইয়া গেল।

বাঁধের কাছাকাছি চৌধুরী পৌছিয়াছেন—এমন সময় পিছনে পদশব্দ গুনিয়া চৌধুরী ফিরিয়া দেখিলেন। পাতু বায়েন হন হন করিয়া বুনো শূকরের মত গৌভরে চলিয়া আসিতেছে। পিছনে কিছুদূরে ধুপ্-ধুপ্ করিয়া ছুটিতে ছুটিতে আসিতেছে একটি স্ত্রীলোক। বোধ হয় পাতুর স্ত্রী। সে এখনও গুন গুন করিয়া কাঁদিতেছে—আর মধ্যে মধ্যে চোখ মুছিতেছে। চৌধুরী একটু সম্ভ্রান্ত হইয়া উঠিল। পাতু যে গতিতে আসিতেছে, তাহাতে তাহাকে পথ ছাড়িয়া না দিলে উপায় নাই। উহার আগে আগে চলিবার শক্তি চৌধুরীর নাই। পাতু কিন্তু নিজেই পথ করিয়া লইল, সে পাশের জমিতে নামিয়া পড়িয়া ধানের মধ্য দিয়া যাইবার জন্ত উত্তত হইল। সহসা সে থমকিয়া দাঁড়াইয়া চৌধুরীকে একটি প্রণাম করিয়া বলিল—দেখেন চৌধুরী মশায়, দেখেন !

চৌধুরী পাতুর মুখের দিকে চাহিয়া শিহরিয়া উঠিলেন। কপালে একটা সত্ত ঘাতচিহ্ন হইতে রক্ত ঝরিয়া মুখখানা রক্তাক্ত করিয়া দিয়াছে।

—ওগো, বাবুমাশায় গো ! খুন করলে গো ! সঙ্গে সঙ্গে পাতুর স্ত্রী ডাক ছাড়িয়া কাঁদিয়া উঠিল।

—এ্যা-ও ! পাতু গর্জন করিয়া উঠিল। আবার চোঁচাতে লাগলি মাগী ?

সঙ্গে সঙ্গে পাতুর স্ত্রীর কণ্ঠস্বর নামিয়া গেল ; সে গুন গুন করিয়া কাঁদিতে আরম্ভ করিল—গরীবের কি দশা করেছে দেখেন গো ; আপনারা বিচার করেন গো !

পাতু পিছন ফিরিয়া দাঁড়াইয়া পিঠ দেখাইয়া বলিল—  
দেখেন, পিঠ দেখেন। পাতুর পিঠে লক্ষ্য দড়ির মত নিশ্চয়  
প্রহারচিহ্ন রক্তমুখী হইয়া ফুটিয়া উঠিয়াছে। দাগ একটা  
দুইটা নয়—দাগে দাগে পিঠটা একেবারে ক্ষতবিক্ষত !

প্রোঢ় চৌধুরী অকপট মমতায় সহানুভূতিতে বিচলিত  
হইয়া উঠিলেন, আবেগবিগলিত স্বরেই বলিল—আ-হা-হা।  
পাতু—?

—আজ্ঞে, ওই ছিঁক পাল ! রাগে গন-গন করিতে  
করিতে প্রশ্নের পূর্বেই পাতু উত্তর দিল—কথা নাই, বাস্তা  
নাই, এসেই একগাছা দড়ির বাড়িতে দেখেন কি ক’রে  
দিলে, দেখেন ! সে আবার পিছন ফিরিয়া ক্ষতবিক্ষত  
পিঠখানা চৌধুরীর চোখের সামনে ধরিল। তারপর ঘুরিয়া  
দাঁড়াইয়া বলিল—হাতখানা চেপে ধরলাম তো—একগাছা  
বাথারীর ঘায়ে কপাল একেবারে ফাটিয়ে দিলে !

ছিঁক পাল ? শ্রীহরি ঘোষ ? অবিশ্বাস করিবার  
কিছু নাই। নিশ্চয় ভাবে প্রশ্ন করিয়াছে ! চৌধুরীর  
চোখে অকস্মাৎ জল আসিয়া গেল। এক এক সময় মানুষের  
দুঃখ দুর্দশায় মানুষ এমন বিচলিত হয় যে, তখন আপনার  
সকল সুখ দুঃখকে অতিক্রম করিয়া নির্ঘাতিতের দুঃখ যেন  
প্রত্যক্ষভাবে অহুভব করে ; চৌধুরী এমনই একটি অবস্থায়  
উপনীত হইয়া সজল চক্ষে পাতুর দিকে চাহিয়া রহিলেন,  
তাঁহার দস্তহীন মুখের শিথিল ঠোঁট দুইটি অত্যন্ত বিশ্রী  
ভঙ্গিতে থরথর করিয়া কাঁপিতেছিল।

পাতু বলিল—মোড়লদের ফি-জনার কাছে গেলাম। তা  
কেউ রা কাড়লে না। শক্তর সব দুয়োর মুক্ত !

পাতুর বউ গুন গুন করিয়া কাঁদিতেছিল—ওই সন্ধানী  
কালামুখীর লেগে গো—

পাতু এক ধমক কষিয়া দিল—এ্যাই—এ্যাই—আবার  
ঘ্যান ঘ্যান করে !

চৌধুরী একটু আশ্বাসস্বরূপ করিয়া বলিলেন—কেন এমন  
করে মারলে ? কি এমন দোষ তুমি করেছ যে—

অভিযোগ করিয়া পাতু কহিল—সেদিন চণ্ডীমণ্ডপের  
মজলিসে বলতে গেলাম—তা তো আপুনি গুনলেন না,  
চ’লে গেলেন। গোটা গেরামের লোকের ‘আঙোটজুতি’  
আমাকে সারা বছর যোগাতে হয় ; অথচ আমি কিছুই  
পাই না। তা’ কস্মকার যখন রব তুললে, তখন আমিও

বলেছিলাম—যে আমি আর আঙোটজুতি যোগাতে  
লারব। কাল সন্ধ্যাতে পালের মুনিষ এসেছিল—আমি  
বলেছিলাম—পয়সা আন গিয়ে। তা আমার বলা বটে !  
আজ সকালে উঠে এসেই কথা নাই বাস্তা নাই—আখালি-  
পাখালি দড়ি দিয়ে মার !

চৌধুরী চুপ করিয়া রহিলেন। পাতুর বউ বার বার ঘাড়  
নাড়িয়া যুঁহু বিলাপের সুরে বলিল—না গো—বাবুমাশায়—

পাতু তাহার কথা ঢাকিয়া দিয়া বলিল—আমার পেট  
চলে কি ক’রে—সেটা আপনকারা বিচার করবেন না—আর  
এমুনি ক’রে মারবেন ?

চৌধুরী কাসিয়া গলা পরিষ্কার করিয়া লইয়া বলিলেন—  
শ্রীহরি তোমাকে এমন ক’রে মেরেছে—মহা অন্তায় করেছে,  
অপরাধ করেছে, হাজার বার লক্ষ বার সে কথা সত্যি।  
কিন্তু ‘আঙোটজুতি’র কথাটা তুমি জান না বাবা পাতু।  
গায়ের ভাগাড় তোমরা যে দখল কর—তার জন্তেই  
তোমাদিগে—গায়ের ‘আঙোটজুতি’ যোগাতে হয়। এই  
নিয়ম। ভাগাড়ে মড়ি পড়লে—তোমরা চামড়া নাও, হাড়  
বিক্রী কর—তারই দরুণ তোমার ওই ‘আঙোটজুতি’।  
মাংস কাটিয়া লইয়া যাওয়ার কথাটা আর চৌধুরী ঘৃণাবশে  
উচ্চারণ করিতে পারিলেন না।

পাতু অবাক হইয়া গেল ; সে বলিল—ভাগাড়ের দরুণ ?  
—হ্যাঁ। তোমাদের প্রবীণেরা তো কেউ নাই, তারা  
সব জানত !

—শুধু তাই নয় মাশায় ; ওই পোড়ামুখী কলঙ্কিনী  
গো।—পাতুর বউ আবার সুর তুলিল !

পাতু এবার সঙ্গে সঙ্গে বলিল—আজ্ঞে হ্যাঁ। শুধু তো  
‘আঙোটজুতি’ও নয়। আপনারা ভদ্রনোক যদি আমাদের  
মেয়ের পানে তাকান—তবে আমরা যাই কোথা বলুন ?

প্রোঢ় প্রবীণ ধর্মপরায়ণ চৌধুরী বলিয়া উঠিলেন—রাম !  
রাম ! রাম ! রাধে ! রাধে !

পাতু বলিল—আজ্ঞে, রাম রাম নয়, চৌধুরী মাশায়।  
আমার ভগ্নী দুগ্গা একটুকু বজ্জাত বটে ; বিয়ে দেলাম  
তো পালিয়ে এল স্বপুরুষের থেকে। সেই তারই সঙ্গে  
মাশায় ছিঁক পাল ফটি-নটি করবে। যখন তখন পাড়ায়  
এসে ছুতো নাতা নিয়ে বাড়ীতে ঢুকে বসবে। আমার  
মা হারামজাদীকে তো জানেন ! চিরকাল একভাবে গেল ;

পালকে বসতে দেবে—ফুস ফাস করবে। ঘরে মশায় আমারও বউ রয়েছে, তাই মাকে আর ছুগ্গাকে আমি ঘা কতক ক'রে দিয়েছিলাম! মোড়লকেও বলেছিলাম—ভাল ক'রেই বলেছিলাম—চৌধুরীমশাই যে—আমাদের জাত-জ্ঞেতে নিন্দে করে—আপুনি আর আসবেন না মশায়। আসল আকোশটা হ'ল সেই।

লাঠি ও ছাতায় চৌধুরীর দুই হাতই ছিল আবদ্ধ, কানে আঙুল দিবার উপায় ছিল না, সে ঘৃণাভরে খুতু ফেলিয়া মুখ ফিরাইয়া বলিল—রাধাকৃষ্ণ হে! থাক পাতু, থাক বাবা—ওসব কথা আমাকে আর শুনিও না। আমার কি হাত আছে বল! রাধে রাধে হে।

পাতু কিন্তু রুষ্ট হইল, সে কোন কথা না বলিয়া হন্ হন্ করিয়া অগ্রসর হইল। তাহার পিছন পিছন তাহার স্ত্রী আবার ছুটিতে আরম্ভ করিল—স্বামীর নীরবতার স্নযোগ পাইয়া সে আবার শুরু করিল—হারামজাদী আবার ঢং ক'রে ভাইয়ের দুখে ঘটা ক'রে কাঁদতে বসেছে গো! ওগো আমি কি ক'রব গো!

পাতু বিদ্যুৎ-গতিতে ফিরিল; সঙ্গে সঙ্গে বউটি আতঙ্কে অশ্রুট চীৎকার করিয়া উঠিল—আ—!

পাতু মুখ থিঁচাইয়া বলিল—চেল্লাস না বাবু! তোকে কিছু বলি নাই—তু থাম। ধাক্কা দিয়া স্ত্রীকে সরাইয়া দিয়া সে পশ্চাদ্গামী চৌধুরীর সম্মুখে আসিয়া বলিল—আচ্ছা চৌধুরী মশায়, আলেপুরের রহমৎ শ্রাথ যে কঙ্কনার রমন্দ চাটুজের সঙ্গে ভাগাড় দখল করছে, তার কি?

আশ্চর্য্য হইয়া চৌধুরী বলিলেন—সে কি?

—আজ্ঞে হ্যাঁ মশায়। ভাগাড়ের চামড়া তাদিগে ছাড়া কাউকে বেচতে পাব না আমরা। বলে, জমিদার আমাদের বন্দোবস্ত করেছে। খালছাড়ানোর মুজুরী আর নূনের দাম—তার ওপর দু-চার আনা ছাড়া দেয় না। অথচ চামড়ার দাম এখন আশুন।

চৌধুরী পাতুর মুখের দিকে চাহিয়া প্রশ্ন করিল—সত্যি কথা পাতু?

—আজ্ঞে হ্যাঁ। মিছে যদি হয় পঞ্চাশ জুতো খাব, নাকে খত দোব।

—তা হ'লে—চৌধুরী ঘাড় নাড়িয়া বলিলেন—তা হ'লে হাজার বার তুমি বলতে পার ও কথা। গাঁয়ের লোক পয়সা দিতে বাধ্য! কিন্তু জমিদারের গমস্তা নগ্দীকে জিজ্ঞাসা করেছ কথাটা?

পাতু বলিল—গমস্তা নগ্দী কেন, জমিদারের কাছেই যাব আমি। ডাক্তার ঘোষ মশায় বললে, থানায় যা। তা থানা কেন—জমিদারের কাছেই যাই; দুটো বিচারই হয়ে যাক। দেখি জমিদার কি বলে!

সে আবার ফিরিল এবং সোজা পথ-আলটা ছাড়িয়া দক্ষিণ দিকের একটা আল ধরিয়া কঙ্কনার দিকে মুখ করিল। বৃদ্ধ চৌধুরী ঠুক ঠুক করিয়া নদীর চরের দিকে অগ্রসর হইল। নদীর ওপারের জংশনের কলগুলার চিমনি এইবার স্পষ্ট হইয়া উঠিয়াছে। আর চৌধুরী আসিয়া পড়িয়াছেন। বৃদ্ধ হতভম্ব হইয়া গিয়াছেন। সব করিয়া সব হইল—চামড়া বেচিয়া রমেন্দ চাটুজের বড়লোক হইবে? ব্রাহ্মণের ছেলে! (ক্রমশঃ)

## খুলে দেবো দ্বার

### শ্রীমতী চিত্রা দেবী

আমি খুলে দেবো দ্বার  
ওগো বন্ধু আমার  
আসিবে যেদিন তব  
পুণ্য পূজার লগন,  
মোর অহুরাগ  
যদি ছড়াইয়া ফাগ  
বিরহ ব্যাকুল করে  
শুভ্র মানস গগন;

যদি এ পর্ণপুটে  
ফাগুন জাগিয়া ওঠে  
সোহাগ প্রদীপ জালি  
করিব বরণ তারে,  
আমি খুলে দেবো দ্বার  
ওগো বন্ধু আমার  
আসিবে যেদিন তব  
বারতা কুঞ্জধারে।

# বানপ্রস্থ

নাটক

বনফুল

( পূর্বপ্রকাশিতের পর )

বরদা। বেশ, খিদে পাচ্ছে কিন্তু ক্রমশ। জগমোহন  
( চটাত করিয়া একটা মশা মারিলেন ) তুমি দিব্য নিশ্চিত  
হয়ে বসে আছো তো !

জগমোহন। আচ্ছা এই উঠলাম। আমি গিয়েই  
বা কি করব, আমি নদীর পানে চেয়ে থাকলেই তো নৌকো  
বৌ বৌ ক'রে এসে পড়বে না। যাক—বার বার বলছ  
যখন যাচ্ছি—

রাগের ভান করিয়া চলিয়া গেলেন

রঙ্গলাল। আপনাদের সঙ্গে খাবার নেই না কি ?  
আমাদের সঙ্গেও যা ছিল সব খতম হয়ে গেছে। খানিকটা  
মাস্টার্ড পড়ে আছে খালি। শিরোমণি মশায়, আপনার  
কথাগুলো আছে, না নিঃশেষ করেছেন ?

শিরোমণি। সে কোন্ কালে—

পুনরায় নস্ত লইলেন

রঙ্গলাল। শিরোমণি মশায় আমাকে ছেড়ে থাকতেও  
পারবেন না, যেখানে যাব আমার সঙ্গে যাওয়া চাই—অথচ  
আমার সঙ্গে মতের মোটে মিল নেই—খালি ঝগড়া আর  
ঝগড়া—

শিরোমণি। ঝগড়া হবে না, এমন দুর্লভ মানব-  
জন্ম পেয়েছ—সেটা কেবল ভোগ-বিলাসেই কাটিয়ে  
দেবে ? তোমাদের জীবনের উদ্দেশ্যটা কি, কেবল ভেসে  
চলা ?

রঙ্গলাল। ( হাসিয়া ) তাই কি ছাই জানি। রবি  
ঠাকুরের ভাষায়—কী চাই কী চাই বচন না পাই মনের  
মতন রে—

বেঠিক পথের পথিক আমার

অচিন সে জন রে

চকিত চলার কচিং হাওয়ার

মন কেমন করে

নবীন চিকণ অশথ পাতায়  
আলোর চমক কানন মাতায়  
যে রূপ জাগায় চোখের আগায়

কিসের স্বপন সে

কী চাই কী চাই বচন না পাই

মনের মতন রে।

বরদা। বাঃ

শিরোমণি। কিন্তু এ সমস্তই হ'ল দেহজ মোহের বিকার,  
কিন্তু দেহটা যে কিছু নয় একথা সর্বদা মনে রাখা উচিত।

গীতার কথা ভুললে চলবে না—বাসাংসি জীর্ণানি যথা বিহায়—

বরদা। দোহাই শিরোমণি মশায়, সংস্কৃতের কচকচি  
একটু থামান। এবার একটু কাব্যালোচনা হোক।

চমৎকার লাগছে রঙ্গলালবাবুর আবৃত্তি—

শিরোমণি। বেশ তাই হোক—আমি চললাম।

সক্রোধে চলিয়া গেলেন

রঙ্গলাল। ( হাসিয়া ) উনি যাবার জন্তে পা  
বাড়িয়েই দিলেন। নীহার একা রয়েছে—

গলা খাঁকারি দিলেন

বরদা। নীহার কে ?

রঙ্গলাল। সে আছে একজন।

বরদা। যাক সংস্কৃতের কচকচি থামলো—বাঁচা গেল।

রঙ্গলাল। সংস্কৃতকে অশ্রদ্ধা করবেন না মশাই,  
সংস্কৃতে কালিদাস কাব্য লিখেছেন—

অশোকনির্ভৎসিতপদ্মরাগ-

মাকৃষ্টহেমদ্যতিকর্ণিকারম্

মুক্তাকলাপীকৃতসিন্ধুবারং

বসন্ত পুষ্পাভরণং বহন্তী।

আবর্জিতা কিঞ্চিদিবন্তনাভ্যাং

বাসো বসানা তরুণার্কাগম্

পৰ্যাপ্তপুষ্পস্তবকাবনম্

সঞ্চারিনী পল্লবিনী লতেব।

৩৫৩-৫৪৪



বরদা। আহা চমৎকার!

রঙ্গলাল। কালিদাস আপনার পড়া আছে?

বরদা। এককালে বি-এ পাশ করেছিলুম—সেই সূত্রে  
কুমারসম্ভবের খানিকটা পড়তে হয়েছিল বই কি।

রঙ্গলাল। মনে আছে সেখানটা আপনার, মদনের  
সঙ্গে বসন্ত যেখানে মহাদেবের কাছে আবির্ভূত হয়েছেন  
সেখানের বর্ণনাটা—

মধু ষিরেফঃ কুসুমৈকপাত্রে

পপৌ প্রিয়াং স্বামনুবর্তমানঃ

শৃঙ্গের চ স্পর্শনিমীলিতাক্ষীঃ

মৃগীমকণ্ডুয়ত কৃষ্ণসারঃ।

দদৌ রসাং পঙ্কজরেণুগন্ধি

গজায় গণ্ডুষজলং করেণুঃ

অর্কোপভুক্তেন বিসেন জায়াঃ

সস্তাবয়ামাস রথাজনামা।

৫।৩৬-৩৭।

বরদা। (সোচ্ছ্বাস) আহা, কাণ যেন জুড়িয়ে গেল।  
সত্যি, সংস্কৃতের মত ভাষা নেই—

রঙ্গলাল। যে কোন ভাষাতেই সুর লাগলে মিষ্টি হয়।  
ফারসী গজল কত মিষ্টি! একেবারে মাতিয়ে দেয়—

বুলবুল জেতো অমোপ্তহ, শীরি

সুখনীরা সুখনীরা সুখনীরা

গুল অজ রুখৎ অমোপ্তহ, নাজুক

বদনীরা বদনীরা বদনীরা।\*

সুরই আসল, ছন্দই আসল—ভাষা কিছু নয়। এই সুর,  
এই ছন্দ এই নেশা—পাগল করে দেয় মানুষকে। এরই  
উদ্ভাদনায় রবীন্দ্রনাথ একদিন লিখেছিলেন বোধ হয়—

পাগল হইয়া বনে বনে ফিরি

আপন গঞ্জে মম

কল্পরী মৃগ সম

কান্তন রাতে দক্ষিণ বায়ে

কোথা দিশা খুঁজে পাই না

যাহা চাই তাহা ভুল ক'রে চাই

যাহা পাই তাহা চাই না—

বরদা। (দ্বারের পানে চাহিয়া) কিন্তু জগমোহন

এখনও ফিরল না, আজ না খেয়ে মরতে হবে দেখছি।  
তামাকের জন্তুও প্রাণটা আইটাই করছে।

রঙ্গলাল। সিগারেট খাবেন?

বরদা। না, সিগারেট আমি খেতে পারি না।

তামাক না হ'লেও চলবে—কিন্তু খেতে না পেলে আমি  
মারা যাব। বেশ খিদে পেয়েছে মশাই—

রঙ্গলাল। আপনি মরতে ভয় পান?

বরদা! তা পাই বই কি, আপনি পান না?

রঙ্গলাল। না। রবার্ট ব্রাউনিঙ-এর সঙ্গে মিলিয়ে  
আমার বলতে ইচ্ছে করে—

For sudden the worst turns best to the brave

The black minute's at end

And the elements rage, the fiendish voices that rave

Shall dwindle, shall blend,

Shall change, shall first become a peace out of pain

Then a light, then thy breast

O, thou, soul of my soul, I shall clasp thee again

And with God be the rest!

নেপথ্যে মিষ্ট মেয়েলি গলায় গান ভাসিয়া আসিল—

“গানের সুরের আসনখানি পাতি পথের ধারে

ওগো পথিক, তুমি এসে বসবে বারে বারে”

বরদা। (উৎকর্ষ) চমৎকার মিষ্টি গলা তো—কে  
গাইছে মশাই?

রঙ্গলাল। (হাসিয়া) নীহার পালিয়ে এসেছে।

বরদা। নীহার মেয়েমানুষ নাকি?

রঙ্গলাল। নিশ্চয়, রীতিমত মেয়েমানুষ!

উঠিয়া গেলেন এবং জানালা দিয়া ডাকিলেন

নীহার, ভেতরে এসো—

নীহার প্রবেশ করিল, সঙ্গে সঙ্গে বরদাবাবু চটাৎ

করিয়া একটা মশা মারিলেন

তুমি পালিয়ে এলে যে?

নীহার। শিরোমণি মশায়ের কাছে থাকা যায়!

বরদা ও রঙ্গলাল উভয়েই হাসিলেন

বরদা। বসুন, বসুন (সরিয়া স্থান করিয়া দিলেন)  
রঙ্গলালবাবু, ইনি বুঝি আপনার—

রঙ্গলাল। না, কেউ হন না (একটু হাসিয়া) অথচ

সব হন। অর্থাৎ রবীন্দ্রনাথের ভাষায়—

\* জ=z-এর মত উচ্চারণ, খ=guttural খ্, শ=sh, স=s

আমারে বে ডাক দেবে এ জীবনে তারে বারবার  
 কিরেছি ডাকিয়া  
 সে নারী বিচিত্র বেশে, মুহূ হেসে খুলিয়াছে দ্বার  
 থাকিয়া থাকিয়া  
 কীপখানি তুলে ধরে, মুখে চেয়ে, কণকাল খামি  
 চিনেছে আমারে  
 তারই সেই চাওয়া সেই চেনার আলোক দিয়ে আমি  
 চিনি আপনারে ।

বরদা । ইনি খুব ভাল গান গাইতে পারেন ?  
 রঙ্গলাল । চমৎকার, একখানা শুনিয়ে দাও না নীহার !  
 নাহার । কোনটা গাইব ?  
 রঙ্গলাল । যা তোমার খুশি ।

নীহার । হার্মোনিয়মটা আনতে বলুন তা হ'লে  
 হীরুকে । খালি গলায় আমি গাইতে পারব না ।

রঙ্গলাল । বেশ তো হার্মোনিয়মটা আনুক না ।  
 এইখান থেকে ডাকলেই শুনতে পাবে বোধ হয় হীরু—

আনালার কাছে উঠিয়া গেলেন ও উঠেঃঃ ডাকিলেন

হীরু ! হীরু !

( নেপথ্য হইতে হীরু ) আঞ্জে হ্যা—

রঙ্গলাল । হার্মোনিয়মটা আনো এখানে ।

( নেপথ্য হইতে হীরু ) যে আঞ্জে ।

বরদা । আশ্চর্য ব্যাপার, জগমোহনের কোন পাত্র  
 নেই !

রঙ্গলাল । শিরোমণির সঙ্গে আবার শান্তালাপ শুরু  
 করেছেন বোধ হয় । শিরোমণি মশায় লোক পেলে তো  
 ছাড়বেন না ।

বরদা । কিন্তু নোকোটোর কি হল ? হ হ ক'রে  
 হাওয়াও উঠেছে একটা—

রঙ্গলাল । এ রকম নির্জন স্থানে এরকম হ হ ক'রে  
 হাওয়া উঠলে কি রকম যেন অদ্ভুত লাগে আমার । সন্ধ্যার  
 অন্ধকার ধীরে ধীরে ঘনিয়ে আসছে—রবীন্দ্রনাথের কবিতা  
 মনে পড়ছে—

হ হ ক'রে বায়ু ফেলিছে সতত

দীর্ঘবাস

অন্ধ আবেগে করে গর্জন

জলোচ্ছ্বাস ।

সংশয়ময় ঘন নীল নীর  
 কোনো দিকে চেয়ে নাহি ছেঁড়ি তীর  
 অসীম রোদন জগৎ প্রাণিয়া  
 হুলিছে যেন—

হীরু হার্মোনিয়ম লইয়া প্রবেশ করিল ও সেটি  
 নীহারের সম্মুখে রাখিল

নীহার । ( ঈষৎ নিম্নকণ্ঠে ) তুই ওইখানে থাকিস  
 যেন । আমার ওড়নাখানা বাইরেই আছে, উড়ে না যায়  
 দেখিস—

হীরু । যে আঞ্জে

হীরু চলিয়া গেল । রঙ্গলালবাবু আবৃত্তি করিয়া চলিলেন  
 তারি 'পরে ভাসে তরণী হিরণ  
 তারি 'পরে পড়ে সন্ধ্যা কিরণ  
 তারি মাঝে বসি এ নীরব হাসি  
 হাসিছ কেন ?  
 আমি তো বুঝি না কি লাগি তোমার  
 বিলাস হেন !

বরদা । এইবার একখানা গান হোক । আপনি থামুন ।

রঙ্গলাল । এ কবিতার শেষটা আরো চমৎকার,  
 শুনুন না—

আধার রজনী আসিবে এখনি

মেলিয়া পাখা

সন্ধ্যা আকাশে স্বর্ণ আলোক

পড়িবে ঢাকা ।

শুধু ভাসে তব দেহসৌরভ

শুধু কানে আসে জল কলরব

গায়ে উড়ে পড়ে বায়ু ভরে তব

কেশের রাশি ।

বিকল হৃদয় বিবশ শরীর

ডাকিয়া তোমায়ে কহিব অধীর

“কোথা আছ, ওগো, করহ পরশ

নিকটে আসি,”

কহিবে না কথা দেখিতে পাব না

নীরব হাসি ।

বরদা । এইবার গান হোক—কবিতা থামান  
 আপনার ।

নীহার । কোনটা গাইব ।

রঙ্গলাল । সেই গজলটা গাও না ।

নীহার হার্মোনিয়ম টানিয়া লইল এবং একটি উর্দু গজল  
গাহিল। খুব দরদ দিয়া গাহিল

বরদা। (সোচ্ছ্বাসে) চমৎকার!

রঙ্গলাল। ভাল লাগল আপনার?

বরদা। চমৎকার, চমৎকার—খুব চমৎকার!

রঙ্গলাল। নীহার আর একটা শুনিয়ে দাও তা হ'লে।

বরদা। হ্যাঁ হ্যাঁ—আর একটা হোক। বাইরে

তখন যেটা গাইছিলেন—

নীহার। গানের সুরের আসনখানি-টা?

বরদা। হ্যাঁ।

রঙ্গলাল। বেশ তো, শুনিয়ে দাও।

রঙ্গলালবাবু পকেট হইতে সিগারেট কেস বাহির করিয়া  
খুলিয়া দেখিলেন সিগারেট নাই

আমার সিগারেটের টিনটা কি তোমার য়াটাচিতে আছে?

নীহার। হ্যাঁ।

রঙ্গলাল। চাবিটা দাও তো নিয়ে আসি আমি।

(বরদার দিকে ফিরিয়া) আপনি গান শুভুন ততক্ষণ—  
আমি সিগারেট নিয়ে আসি। (চলিয়া গেলেন)

নীহার গান ধরিল—“গানের সুরের আসনখানি”। গান শেষ  
হইয়া গেল, তবু রঙ্গলালবাবু ফিরিলেন না

বরদা। (অভিভূত) সত্যি আমি মুগ্ধ হয়ে গেছি।  
(একটু ইতস্তত করিয়া) আপনি, মানে রঙ্গলালবাবুর সঙ্গে  
আপনার—

নীহার। না, সম্পর্ক কিছু নেই।

বরদা। আপনি তা হ'লে—

নীহার। (সলজ্জে) আমাকে ‘আপনি’ বলে লজ্জা  
দেবেন না—

বরদা। (গলা ঝাঁকারি) ও হ্যাঁ—আচ্ছা—

নীহার। আর একটা গান শুনবেন?

বরদা। হ্যাঁ হ্যাঁ নিশ্চয়ই! (সহসা) জগমোহন গেল ত  
গেলই!

নীহার গান ধরিল—‘ধুম ঘোরে এলে মনোহর।’ বরদা  
মুগ্ধ দৃষ্টিতে নীহারের পানে চাহিয়া রহিলেন

নীহার। (সলজ্জ কর্তে) অমন ক’রে দেখছেন কি!

বরদা। তোমাকে। মনে পড়ছে প্রথম যৌবনে যে

মেয়েটিকে পাগলের মত ভালবেসেছিলাম সেও ঠিক  
যেন তোমারি মত দেখতে ছিল। আজ যেন অনেকদিন  
পরে তার সঙ্গে দেখা হ’ল এই নিরুজ্জনে। বড় ভাল লাগছে!

মুগ্ধভাব স্পষ্টতর হইয়া উঠিল

নীহার। (কুণ্ঠিত) আর একটা গান গাইব?

বরদা। গাও।

নীহার ধরিল—‘বাধ না তরীখানি আমারি নদীকূলে’। বরদা

উন্মুগ-দৃষ্টিতে নীহারের মুখের পানে চাহিয়া রহিলেন।

গান চলিতে লাগিল। সহসা গানের

মাঝখানেই বরদা বাধা দিলেন—

গান থাক—চল আমরা দু’জনে বেড়াই গিয়ে—

নীহার। কোথায়?

বরদা। নদীর ধারে। পূর্বদিকে একটা চমৎকার  
বারান্দাও আছে, চল সেইখানে বসি গিয়ে। চল আর গান  
ভাল লাগছে না।

নীহার। (একটু ইতস্তত করিয়া) চলুন।

পাশের দরজাটা দিয়া উভয়ে চলিয়া গেলেন। প্রায় সঙ্গে সঙ্গে  
জগমোহন ও রঙ্গলাল আসিয়া প্রবেশ করিলেন।

রঙ্গলালের মুখে সিগারেট

জগমোহন। বরদা আবার কোথা গেল?

রঙ্গলাল। (জানালা দিয়া গলা বাড়াইয়া দেখিলেন)  
নীহারের সঙ্গে ওই পূর্বদিকের বারান্দায় বসে গল্প করছেন।  
বেশ জমে গেছেন মনে হচ্ছে। থাক যতক্ষণ অগ্রমনস্ক  
থাকেন ততই ভাল। আপনাদের নৌকার তো কোন  
পান্নাই নেই—

জগমোহন। আমি এখন কি করি বলুন তো?

রঙ্গলাল। নৌকো না আসবার কি কারণ হতে  
পারে?

জগমোহন। যে কারণটা আমার মনে হচ্ছে তা যদি হয়ে  
থাকে তা হ’লে তো ভয়ানক ব্যাপার।

রঙ্গলাল। কি?

জগমোহন। মাঝি ব্যাটারদের অগ্রিম ভাড়া দিয়ে এসে-  
ছিলাম, তারা তাই নিয়ে যদি তাড়ি খেয়ে থাকে, তা হ’লেই  
তো সর্বনাশ। তা হ’লে আজ আর নৌকো আসবেই না।  
আর না যদি আসে তা হ’লে বরদা আমাকে আর আস্ত  
রাখবে না!

রঙ্গলাল। বেশ তো আমার নৌকোটা নিয়ে এগিয়ে দেখা যাক। শ্রোতের মুখে যেতে আর কতক্ষণ লাগবে।

জগমোহন। আপনারা তা হ'লে এখানেই বসবেন বলছেন ?

রঙ্গলাল। চলুন না আমিও যাই। বেড়াতেই তো বেরিয়েছি। বরদাবাবু ততক্ষণ একটু অন্তমনস্ক থাকুন—

হাসিলেন। তাহার পর জগমোহনের দৃষ্টিতে একটা  
প্রশ্ন লক্ষ্য করিয়া বলিলেন

আরে না না মশাই, আমার ওসব কম্প্লেক্স নেই। কাঙালের মতো কোন জিনিস আঁকড়ে থাকা আমার স্বভাবই নয়। তা ছাড়া, নীহার সন্দেহ নয় যে বরদাবাবু টপ করে গালে ফেলে দেবেন। যদি দেনও (হাসিয়া) I dont mind! চলুন।

জগমোহন। কিন্তু শিরোমণি মশায় ?

রঙ্গলাল। হ্যাঁ শিরোমণি মশায় একটা প্রব্লেম্ বটে। এই যে শিরোমণি মশায় আসছেনও দেখছি—

শিরোমণি প্রবেশ করিলেন। তাহার পরিধানে পটবস্ত্র

শিরোমণি মশায়, কাপড় বদলে এলেন যে—

শিরোমণি। আমাদের ফিরতে দেরি আছে তে ?

রঙ্গলাল। একটু দেরি আছে—

শিরোমণি। তাহলে আমি সন্ধ্যাহিকটা সেরেই নিই এখানে।

রঙ্গলাল। বেশ তো, সন্ধ্যাহিকের সরঞ্জাম তো আপনার সঙ্গেই আছে, মায় কুঁজোয় ক'রে গঙ্গাজল পর্য্যন্ত এনেছেন আপনি। আনতে বলব হীরুকে—?

শিরোমণি। আমি বলেছি—ওই যে এসেও পড়েছে।

হীরু প্রবেশ করিল। তাহার হাতে গঙ্গাজলের কুঁজো,  
কোশাকুশি, কুশাসন

রঙ্গলাল। চলুন জগমোহনবাবু, আমরা যাই তা হ'লে।

জগমোহন। চলুন।

উভয়ে চলিয়া গেলেন। হীরুও আসন প্রভৃতি পাতিয়া দিয়া বাহির হইয়া গেল। শিরোমণি মহাশয় উচ্চৈঃস্বরে গায়ত্রী আবৃত্তি করিতে করিতে সাড়ম্বরে আঙ্গিক স্তব্ধ করিলেন।

খানিকক্ষণ পরে বরদা আসিয়া প্রবেশ  
করিলেন। পিছু পিছু নীহার।

বরদার দৃষ্টি উদ্ভাস্ত—

নীহার। আপনি অমন ক'রে হঠাৎ উঠে এলেন যে ?

বরদা। জগমোহনটা গেল কোথা! ভয়ামক খিদে পেয়েছে আমার—

জানালায় কাছে গিয়া উচ্চৈঃস্বরে

জগমোহন—জগমোহন—জগমোহন—জগা—

শিরোমণি মহাশয় প্রাণায়াম করিতেছিলেন। তাহার মুখ ক্রকুট-  
কুটিল হইয়া উঠিল। হীরু প্রবেশ করিল

হীরু। আজ্ঞে, ওনারা লোকো ক'রে চ'লে গেলেন।

বরদা। (সবিস্ময়ে) নৌকো ক'রে চ'লে গেলেন! কোথা গেলেন!

হীরু। আপনার নৌকোটার খোঁজেই বেরিয়েছেন। আপনাকে আর দ্বিদিমণিকে এইখানে অপিক্ষে করতে বলে গেলেন।

বরদা। অপিক্ষে করতে বলে গেলেন!

হীরু। আজ্ঞে হ্যাঁ।

চলিয়া গেল

বরদা। উঃ, এমন ফ্যাসাদে মাহুখে পড়ে!

নীহার। চলুন, আমরা তা হ'লে একটু বসে গল্প করি ওই বারান্দায় গিয়ে।

বরদা। চল—

উভয়ে চলিয়া গেলেন। শিরোমণি মহাশয় আরও খানিকক্ষণ পরে সন্ধ্যাহিক শেষ করিলেন এবং উচ্চৈঃস্বরে শিব-স্তোত্র আবৃত্তি করিতে লাগিলেন। “প্রভুমীশমণীশমশেবগুণম্—” ইত্যাদি। খানিকক্ষণ পরে হীরু আসিয়া প্রবেশ করিল

হীরু। ওই বাবুটি কোথা গেলেন ?

শিরোমণি স্তোত্রপাঠ বন্ধ করিলেন

শিরোমণি। (রাগতভাবে) কেন ?

হীরু। ওনাদের লোকোটা ডুবে গেইচে, তলার পাটাতন একখানা নাকি আলাগা ছিল, সেটো হঠাৎ খুলে গিয়ে ডুবে গেইচে লোকোটা। একটা মাঝি আইচে সঁাতরে—

শিরোমণি। একটু নিৰ্বাঞ্জাতে পূজো করবারও জো নেই। বাবু ওদিকের বারান্দায় আছে, বলগে যা—

হীরু চলিয়া গেল। শিরোমণি পুনরায় স্তোত্র পাঠে মন দিলেন। ওষ্ঠাধর খানিকক্ষণ স্তোত্রপাঠ চলিল। বরদা প্রবেশ করিলেন।

দুঃ-নিবন্ধ, নাসারস্ক, ক্ষীত। পিছু পিছু নীহার

নীহার। অমন অস্থির হচ্ছেন কেন ?

বরদা। আমার মাথা ঘুরছে—

নীহার। মাথা ঘুরছে ? একটু বসুন না, বলেন তো ( ইতস্তত করিয়া ) একটু বাতাস ক'রে দি—

শিরোমণি সক্রোধে উঠিয়া পড়িলেন

শিরোমণি। ওরে হীরু, এসব জিনিসপত্র নিয়ে আর একটা ঘরে চল। কি পাপের ভোগেই পড়েছি আমি—

পাশের ঘরে চলিয়া গেলেন। হীরুও আসিয়া জিনিস পত্র লইয়া তাঁহার অনুগমন করিল

নীহার। বাতাস ক'রে দেব একটু ?

বরদা। ( রুদ্ধকণ্ঠে ) না—

নীহার। তাতে ক্ষতি কি ! দিই না একটু—

বরদা। ( অধিকতর রুদ্ধকণ্ঠে ) না ! জগা রাস্কেনটা—

উঠিয়া পড়িলেন এবং অধিকতর উত্তেজিতভাবে পরিক্রমণ করিতে লাগিলেন। তারপর সহসা দাঁত কড়মড় করিয়া

ওই মাঝি ব্যাটার হাড় ঠেঙিয়ে গুঁড়ো ক'রে দেব আমি। ব্যাটা, পাজি, হারামজাদা ! ( উচ্চৈঃস্বরে ) হীরু, হীরু—

হীরুর প্রবেশ

হীরু। আজ্ঞে, কি বলছেন ?

বরদা। ( সক্রোধে ) ডাক মাঝি ব্যাটাকে, জুতিয়ে ব্যাটার পিঠের চামড়া তুলে ফেলি। পাটাতন আলাগা ছিল ! ইয়ার্কি—

নীহার। না, না, গরীবমাতুলকে আর মারধোর ক'রে কাজ নেই। হীরু, তুই যা।

হীরু চলিয়া গেল

বরদা। ( অসংলগ্নভাবে ) স্কাউণ্ডেল, রোগ্, রাসকেল্, সোয়াইন্—

নীহার। ( বরদার বাহুমূলে হাত দিয়া, সাহুনে ) একটু স্থির হোন্—

বরদা ষটকা মারিয়া নীহারের হাত সরাইয়া দিলেন

বরদা। ( অপ্রত্যাশিতভাবে ধমক দিয়া ) চুপ কর, ফাজিল কোথাকার।

নীহার। ( অভিমান ক্ষুব্ধকণ্ঠে ) এতে আর ফাজলামির কি দেখলেন !

বরদা কোন উত্তর দিলেন না। ব্যর্থ আক্রোশে পিঞ্জরাবদ্ধ ব্যাঙ্গের স্থায় পরিক্রমণ করিতে লাগিলেন।

নীহার মুখ টিপিয়া একটু হাসিল

নীহার। তা হ'লে ততক্ষণ একটা গান গাই, শুনুন—

বরদা উত্তর দিলেন না। একটা জলস্ত দৃষ্টি নিক্ষেপ করিয়া দেখিলেন নীহার হার্মোনিয়মটি টানিয়া লইয়া বসিল এবং গান ধরিল। বরদা— পরিক্রমণ করিতে লাগিলেন

আমার মনটি করিয়া চুরি

আমার প্রাণটি করিয়া চুরি

এই আসি বলে গিয়েছিলে চলে

এতদিনে এলে ফিরি, হে সখা,

এতদিনে এলে ফিরি।

বরদা। ( অপ্রত্যাশিতভাবে খামিয়া ও চীৎকার করিয়া ) গান থামাও !

নীহার কিন্তু গান থামাইল না, আর একটু মুচকি হাসিয়া গাহিয়া চলিল—

কত মরু গেছে কত সাগরে

কত সাগর শুকাল বারি

কত নদী গেছে পথ ভুলি, হে সখা,

কাল গেছে কত গি-ই-রি

বরদা। ( দাঁতমুখ খিঁচাইয়া ক্ষিপ্তকণ্ঠে চীৎকার করিয়া উঠিলেন ) একশো বার বলছি, আমার খিদে পেয়েছে—খিদে পেয়েছে, ভয়ঙ্কর খিদে পেয়েছে—গান-টান কিচ্ছু ভাল লাগছে না—চুপ কর তুমি—

নীহার তবু থামে না

তবে রে তোর গানের নিকুচি করেছে !

ক্রুদ্ধ বরদা কোণ হইতে একটা মুগুর তুলিয়া সবেগে সেটা হার্মোনিয়মের দিকে নিক্ষেপ করিলেন। আর্ন্ত চীৎকার করিয়া নীহার সরিয়া দাঁড়াইল। হার্মোনিয়মের পাশ দিয়া গিয়া মুগুরটা গল্পাজলের কুঞ্জোটাকে স-শকে চুরমার করিয়া দিল

যবনিকা



# কলঙ্কিনীর খাল

শ্রীরাধিকারঞ্জন গঙ্গোপাধ্যায়

এপারে শিখিপুচ্ছ—ওপারে বনপলাশী—মাঝ দিয়া বহিয়া গেছে কলঙ্কিনীর খাল।

বর্ষার আগমনে খালের রূপ বাড়িয়াছে, দুই পাড়ে সে যেন হাসিয়া লুটাইয়া পড়িতেছে—সুরূপা ষোড়শীর হাসির মতই সে হাসি যেন কল্ কল্ করিতেছে অন্তরের ঐশ্বর্যে, এখনই যেন সে কোঁতুকে খান্ খান্ হইয়া ভাঙ্গিয়া পড়িবে; কিন্তু গরবিনী কলঙ্কিনীর ভারি আজ গরব বাড়িয়াছে, ভরা-রূপের ভারে সে আজ থম্ থম্ করিতেছে। অন্তরে তাহার রূপের চেতনা জাগিয়াছে, বাহিরে সেই রূপ-চৈতন্য চমৎকার বান ডাকিয়াছে।

বনপলাশীর ভৈরব দত্তের ছেলে সুন্দর অপরাহ্নে তাহাদের বাড়ীর পিছুকার আমবাগানের পথ দিয়া ঘাটে আসিয়া নির্নিমেষ নয়নে সেই কলঙ্কিনীর খালের রূপ দেখিতে লাগিল। বিস্ময় ও পরিতৃপ্তি যেন তাহার দুই চোখ ভরিয়া তুলিল। খালের ঘাটে তাহাদের বাড়ীর নৌকাটি পাড়ের একটি গাছের সঙ্গে শিকল দিয়া বাঁধা ছিল। সুন্দর ভাবিতেছিল, নৌকা লইয়া সে একবার খালে খালে একটু ঘুরিয়া আসিবে কি-না। এমন সময় তাহার নজরে পড়িল, ওপারে নিশি সজ্জনের বাড়ীর ঘাটের উঁচু পাড়ে ঠিক একটা বাতাবি লেবুর গাছের নীচে কে যেন চোখে কাপড়-চাপা দিয়া দাঁড়াইয়া আছে। মুহূর্তেই সে চিনিল, এ সেই নিশি সজ্জনের প্রথম পক্ষের মেয়ে টিয়া। টিয়াকে সুন্দর এযাবৎ এই ঘাটেই বহুদিন বাসন মাজিতে, কাপড় কাচিতে দেখিয়াছে; কিন্তু কোন দিনই সে ভাল করিয়া টিয়াকে লক্ষ্য করিয়া দেখে নাই। তবে লোকের মুখে সুন্দর টিয়ার রূপের প্রশংসা শুনিয়াছে; আরও শুনিয়াছে, মা-মরা মেয়ে টিয়াকে নাকি নিশি সজ্জনের দ্বিতীয় পক্ষ রূপসীর হাতে নিতান্ত নিঃস্বভাবে দিবারাত্র লাঞ্চিত হইতে হয়। টিয়ার প্রতি তাই তাহার নিজ মনের অগোচরে কেমন যেন একটু সহানুভূতি ছিল; কিন্তু টিয়ার পূর্বপুরুষ—অর্থাৎ শিখিপুচ্ছ গাঁয়ের সজ্জন-বংশ যে বনপলাশীর দত্ত-বংশের চিরশত্রু তাহাও সুন্দরের অবদিত ছিল না; কাজেই সুন্দরের সে সহানুভূতি

কোন দিনই তেমন মাথা তুলিতে পারে নাই। আজ সুন্দর জীবনে এই প্রথম টিয়ার সর্বাক্ষে দৃষ্টি ফেলিয়া তাকাইল, অবশ্য এতদিনে এই প্রথম অসঙ্কোচে তাকাইবার সুযোগও সে পাইয়াছিল—যেহেতু টিয়ার চোখ তাহার কাপড়ের আঁচল দিয়া চাপিয়া ধরা ছিল। টিয়া একবার ঝগিকের জন্ত মুখের উপর হইতে কাপড়ের আঁচল সরাইয়া লইল, সুন্দর সেই সুযোগে টিয়ার মুখ ভাল করিয়া দেখিয়া লইল। টিয়া কাঁদিতেছে! সুন্দরের অমনি মনে হইল, হয় ত টিয়ার সং-মা রূপসী আজ তাহাকে গঞ্জনা দিয়াছে, তাই হয় ত সে ঘাটে কাজের অছিলায় আসিয়া কাঁদিতেছে। টিয়ার ত তবে বড় দুঃখের জীবন! সুন্দরের মনে আজ টিয়ার জন্ত বড় ভাবনা ধরিয়া গেল। টিয়ার জন্ত সে সত্যই ব্যথিত হইয়া উঠিল। মুহূর্তে আবার দুঃখবুদ্ধি মাথায় চাপায় দুঃখবোধ তাহার তরল হইয়া আসিল। সুন্দর তাড়াতাড়ি পাড়ে উঠিয়া আমবাগানের দিকে চলিয়া গেল। অল্প পরেই আবার সে একটা ছাতির শিক্ ও হাতে চার-পাঁচটি পিটুলি ফল কোথা হইতে যেন সংগ্রহ করিয়া পূর্বস্থানে ফিরিয়া আসিয়া দাঁড়াইল। টিয়া তখনও পূর্ববৎ চোখে কাপড় চাপা দিয়া কাঁদিতেছিল। সুন্দর ঝগিকের জন্ত কি যেন ভাবিল, তারপরে মুখে দুই হাসি খেলাইয়া শিকের মাথায় একটা পিটুলি গাঁথিয়া শিকের অপর মাথা ধরিয়া টিয়ার কপাল লক্ষ্য করিয়াই শিকটাকে শূন্যে দোলাইয়া একটা ঝাঁকি দিয়া পিটুলি ফলটা ছুঁড়িয়া মারিল অতি ভয়ে ভয়ে—যাহাতে ফলটা গিয়া টিয়ার কপালে লাগিলেও খুব জ্বায়ে না লাগে। কিন্তু ফলটা ওপারের ঘাটের অতি কাছে জলের উপর গিয়া পড়িয়া একটা টুপ্ করিয়া আশ্বে শব্দ করিল। টিয়া তাহা টেরও পাইল না। সুন্দর শিকে ছুঁড়িয়া আবার একটা পিটুলি ফল ছুঁড়িল। এবারও সে লক্ষ্যভ্রষ্ট হইল। ইহাতে সুন্দরের কেমন জিদ চাপিয়া গেল, সে আবার ছুঁড়িল।

এবার ঠিক টিয়ার কপালে গিয়াই তাহা লাগিল এবং একটু জ্বায়েই লাগিল, অথচ সুন্দর কিন্তু অত জ্বায়ে তাহা

নাগাইতে চায় নাই। টিয়া মুহুর্তে চোখের উপর হইতে কাপড়ের আঁচল সরাইয়া লইয়া কপালে হাত তুলিয়া দিয়া বলিল, উঃ!

তারপরেই টিয়া সম্মুখে অপর পারের ঘাটের পানে দৃষ্টি কেলিতেই দেখিতে পাইল, সুন্দর সেখানে দাঁড়াইয়া খিল্ খিল্ করিয়া হাসিতেছে, আর তাহার হাতের শিকের মাথায় আর একটা পিটুলি ফল গাঁথা রহিয়াছে। টিয়া সকলই তখন বুঝিতে পারিল এবং লজ্জায় সে বেন একেবারে মরিয়া গেল। তাহার গোপন কামা ত তবে বুঝি আর গোপন রহিল না, সুন্দর ত সকলই আজ দেখিয়া ফেলিয়াছে, জানিতে পারিয়াছে। কিন্তু সেখানেও সে আর দাঁড়াইয়া থাকিতে পারিল না, হঠাৎ ছুটিয়া সে বাড়ীর দিকে অদৃশ হইয়া গেল। সুন্দর যত জ্বোরে সম্ভব হাসিয়া পলায়ন-তৎপর টিয়াকে বেন অপ্রতিভ করিয়া তুলিতে চেষ্টা পাইল।

টিয়া অদৃশ হইয়া গেলে পর সুন্দরের চোখে নিজের বোকামি ধরা পড়িল। আজ এই প্রথম সুন্দরের মনে হইল, টিয়া যে দেখিতে সুন্দর তাহাতে সন্দেহ করিবার আর কিছু নাই; কিন্তু কি দুর্ভাগ্যে যে টিয়াকে সে আরও ভাল করিয়া আরও কিছুক্ষণের জন্ত এমন স্বেচ্ছা সত্ত্বেও না দেখিয়া লইয়া চলিয়া যাইতে বাধ্য করিল তাহা সে এখন আর ভাবিয়া পাইতেছিল না। আর তাহার এই অকারণ দুর্ভাবহারে টিয়া না জানি কত ক্ষুণ্ণ হইয়াছে, হয় ত জীবনে কোন দিনই টিয়া তাহার এই দুর্ভাবহার আর তুলিতে পারিবে না। সত্যই একাজটা যে তাহার পক্ষে কত বড় ছেলেমানুষি হইয়া গিয়াছে তাহা সে এখন অন্তরে অন্তরে বুঝিতে পারিতেছিল। ইচ্ছা হইতেছিল, নোকায় উঠিয়া ওপারে গিয়া নিশি সজ্জনের বাড়ী হইতে টিয়াকে একান্তে ডাকিয়া আনিয়া ইহারই জন্ত কমা ভিক্ষা চায়—কিন্তু বংশ-পরম্পরায় যে শক্ততা এই দুই পারের দুই বাড়ীতে এতকাল চলিয়া আসিতেছে তাহারই মানি কেমন করিয়া বেন মুহুর্তে মাথা তুলিয়া পর্তপ্রমাণ বাধা হইয়া দাঁড়াইল। তারপরে সমস্ত ভাবনা জলাঞ্জলি দিয়া সুন্দর হাতের পিটুলি ফল গাঁথা ছাতির শিকটা খালের স্রূলে ছুঁড়িয়া ফেলিয়া দিয়া বলিয়া উঠিল, বেশ করেচি! আমার খুশী, আমি পিটুলি ফল ছুঁড়ে ওকে মেরেচি। কেন ও ওখানে

দাঁড়িয়ে দাঁড়িয়ে কীভাবে শুনি? মাহুঘের কামা আমার দু'চক্কর বিব! ও আমি কিছুতেই সেখতে পারি না।...

টিয়ার কামা সহসা থামিয়া গিয়াছিল। কিন্তু সুন্দরের এই অপ্রত্যাশিত আচরণের অর্থ সে কিছুতেই ভাবিয়া ঠিক করিতে পারিতেছিল না। ঘাটের পথ ধরিয়া বাগানের ভিতর দিয়া সে যখন বাড়ী ফিরিল তখন সে সুন্দরের কথা ভাবিতে ভাবিতেই ফিরিল। সুন্দরকে সে ইতিপূর্বে ঘাটেই বহুবার দেখিয়াছে, কখনও আবার হয় ত খালের জলে সাঁতরাইতেও দেখিয়াছে; কিন্তু কোন দিনই এভাবে সে সুন্দরের সঙ্গে একটা কথাও কহে নাই, প্রয়োজনও হয় নাই। কাজেই সুন্দরের দিক হইতে আজিকার এই আচরণ বেন সম্পূর্ণ অভাবিত এবং অপ্রত্যাশিত। প্রথম তাই সে সুন্দরের প্রতি কেমন বেন কষ্ট হইল, পরে একটু একটু করিয়া সকল দিক ভাবিয়া দেখায় সে বুঝিল যে, সুন্দরের এ আচরণ সত্যই হাস্যকর! কাজেই সুন্দরের প্রতি কিছুমাত্র রাগ বা বিদ্বেষ আর সে পোষণ করিতে পারিল না। শুধু কপালের উপর হাত বুলাইয়া সে একটু প্রচ্ছন্ন কৌতুকে মূহু হাসিল। কিন্তু বাড়ীর উঠানে পদার্পণ করিতেই টিয়ার অন্তরের হাসি ও কৌতুকবোধ মুহুর্তেই নিশ্চিহ্ন হইয়া গেল এবং অতি-নিকট ভবিষ্যতে পিতার শাসনের জন্ত সে নিজের মনকে প্রস্তুত করিতে লাগিল। কারণ বাড়ীর উঠানে পা দিয়াই সে দেখিল যে, তাহার সং-মা রূপসী পশ্চিমের ঘরের দাওয়ার উপর অভিমানে ফাটিয়া পড়িয়া সম্মুখে দণ্ডায়মান হুশ্চিন্তাগ্রস্ত নিশি সজ্জনের কাছে বলিয়া চলিয়াছে—না বাপু, এখানে আর আমি একদণ্ডও থাকতে পারব না, তার চেয়ে তুমি আমাকে বাপের বাড়ী রেখে এসো। এই অতটুকু মেরে—না হয় গছেই ধরিনি—তা ব'লে এমন ক'রে মুখের ওপর বা-তা অপমান ক'রে যাবে? কেন, কিসের জন্তে আমি সে অপমান মুখ বুজে সহিব শুনি?

নিশি সজ্জন ইহাতে বিশেষ বিব্রত হইয়া বলিল, হঁ, অপমান যে তোমার হয়েছে সে ত অনেককণ বুঝেচি; কিন্তু কেন টিয়া তোমাকে অপমান করতে গেল, কি হয়েছিল, তাই বল' না?

রূপসী ক্রিয়াক্রম করিয়া থাকিয়া শেষে বলিল, মাক  
সি আর বলে কাজ কি! বড় মেয়ে যখন টিয়া  
তখন ত তার দোষ তোমার চোখে পড়বে না, কাজেই  
বলেও কিছু লাভ নেই।

নিশি সজ্জন বলিল, হ'লই বা সে বড় মেয়ে, কিন্তু  
কাই বলে সে যদি অজ্ঞানভাবে তোমার অপমান করে ত  
পাসন তাকে আমার করতে হবে বই কি!

রূপসী তখন বলিল, আমার অপরাধ—টিয়াকে আমি  
আমার এঁটো বাসনগুলো ঘাট থেকে ধুয়ে নিয়ে আসতে  
বলেছিলাম, কেন না, দুপুরবেলা খেয়ে উঠলেই ঘুমে আমার  
চোখ ভরে আসে। আর একথা কেই বা না জানে যে,  
এ আমার বহুকালের অভ্যাস। টিয়া তার উত্তরে মুখ  
খুলিয়ে চ'লে গেল এমনভাবে—যে বাড়ীর দাসদাসীকেও মানুষ  
অমন হেনস্থা করতে পারে না কিছুতে।

তারপরে ক'র্ষ আরও করুণ করিয়া রূপসী বলিল, আমার  
মেয়ে করবে আমার অপমান! হায়! এতও আমার  
অনোষ্ঠে লেখা ছিল!

টিয়া এসব শুনিয়া একেবারে কাঁঠ মারিয়া উঠানের  
এক পাশে দাঁড়াইয়া রছিল। নিশি সজ্জন বা রূপসী কেহই  
তখনও টিয়ার আগমন টের পায় নাই।

নিশি সজ্জন সহসা চীৎকার করিয়া ডাকিল, টিয়া!  
টিয়া! অ টিয়া!

টিয়া মাথা নীচু করিয়া আসিয়া পিতার সম্মুখে দাঁড়াইল!  
এমন তাহাকে প্রায়ই দাঁড়াইতে হয়।

নিশি সজ্জন গভীর ক'র্ষ টিয়াকে প্রশ্ন করিল, টিয়া,  
তোমার ছোটমা বা বলে তা সব সত্যি তা হ'লে?

রূপসী এমন সময় চোখে কাপড় তুলিয়া দিয়া বলিয়া  
উঠিল, ও মাগো! তবে কি আমি মেয়ের নামে মিথ্যে  
বলিয়ে নাশিশ করতে গেলাম মাকি? এও আমাকে  
কনতে হ'ল!

টিয়া অতি সংবতক'র্ষেই বলিল, না, ছোটমা মিথ্যে  
বলবেন কেন।

নিশি সজ্জন গহলা রুচু হইয়া বলিল, এককম রোজ  
রোজ তোমার নামে যদি আমাকে নাশিশ কনতে হয় ত সে  
বড় ভাল কথা না। আজ বাদে কাল বার বিয়ে হবে, তার  
এইকু বুদ্ধিও ত থাকা উচিত। মিথের মা না হ'লেও

মা—তার সঙ্গে রোজ চোকাটুকি হওয়া আমি অস্বপ্ন  
করিনে। এখন থেকে সাবধান হ'য়ে চমতে খেতখা  
বলচি।

টিয়া অতি ভয়ে ভয়ে আবার বলিল, আমার তখন হাতে  
আর একটা কাজ ছিল—তাই ছোটমা'র কাজ করতে একটু  
দেরী হ'য়ে গিচলো এই বা, নইলে সে বাসন ত আমিই  
ধুয়ে এনেচি।

রূপসী সঙ্গে সঙ্গে অমনি ঝঙ্কার দিয়া বলিয়া উঠিল, বা,  
বেশ বানিয়ে বানিয়ে কথা বলতে শিখেচিস ত টিয়া! বলি,  
মুখ ঝামটা দিয়ে তখন বলে যাসনি যে, রোজ রোজ আমি  
বাসন মাজতে পারব না?

টিয়া তখন বলিল, কে তবে তোমার এঁটো বাসন আজ  
ধুয়ে-মেজে এনে দিলে শুনি?

রূপসী ব্যঙ্গ-কঠিনক'র্ষে উত্তরে বলিল, আহা! আমাকে  
কেতাখ' করেচো একেবারে! না ধুয়ে দিলেই পারতিসু!  
আমার ঘেন আর রখ নেই! বলি, সতীনের মেয়ে ধরে না  
ধাকলে আমার আর এঁটো বাসন মাজা হ'ত না! ম'রে  
যাই মেয়ের ঠেস দে'রা কথা শুনে।

টিয়া কি যেন বলিতে যাইতেছিল, নিশি সজ্জন সহসা  
তাহাকে বাধা দিয়া বলিয়া উঠিল, না, আর একটা কথাও  
এ নিয়ে চলবে না। ছোটমা'র সঙ্গে না বলে ত আমার  
বাড়ী গিয়ে থাক। কিন্তু এখানে থেকে অষ্টপ্রহর  
হু'জনে পান থেকে চুন খসা নিরে যে প্রলয় বাধাবে—সে  
হবে না।

ও মাগো!—হু'জনে আমরা প্রলয় বাধাছি! একথাও  
আমাকে কনতে হ'ল!—বলিয়া রূপসী সহসা সকলকে  
স্তম্ভিত করিয়া দিয়া সরব কাঁরা জুড়িয়া দিল।

নিশি সজ্জন মহা বিপদে পড়িয়া কি যে করিবে ভাবিয়া  
না পাইয়া বলিল, ফের যদি কোন্ দিন আবার ছোটমা'র  
সঙ্গে তোমার ঝগড়া বাধে টিয়া, ত সেই দিনই আমি তোকে  
বাড়ী থেকে দূর ক'রে দেবো জানবি।

বলিয়া নিশি সজ্জন সেখান হইতে অস্ত্র চলিয়া বাঁওরার  
উদ্দেশ্যে কিরিতেই উঠানের একপাশে মনোহরকে দেখিয়া  
খমকিয়া দাঁড়াইয়া পেল।

মনোহর এক মুখ হাসি লইয়া বলিল, দিদি কোথায়  
জানাইবাকু? ঐ দাড়িয়ে বুঝি টিয়া কানচে? কেন, ও



আবার এক জুখু কিসের ? আপনি বুঝি কিছু বলছেন তবে ওকে ?

টিয়া তখন সত্যই কাঁদিতেন।

দু-কণ গায়ের মধ্যে শিখিপুচ্ছের নিশি সজ্জনের বেশ নাম-ডাক আছে। এককালে সজ্জন-বংশের প্রতাপ-প্রতিপত্তির কথা হাটে-ঘাটে সর্বত্র আলোচিত হইত, এখন আর তেমনটি না হইলেও নিশি সজ্জনকে অনেকেই বেশ সমীহ করিয়া চলে এবং ভয়ও করে। নিশি সজ্জনের অবস্থা বেশ ভালই বলিতে হয়, শরীরে তাহার অসীম শক্তি, সাহস তাহার দুর্জয়, কিন্তু সমস্তকিছু সত্ত্বেও নিশি সজ্জন রূপসীর কাছে কেমন যেন একটু ছোট হইয়া আছে। ইহার কারণটা অবশ্য কোন দিনই সে ভাবিয়া দেখে নাই, কিন্তু বেশী সময়ই সে যেন অজ্ঞায় করিতেছে জানিয়াও রূপসীব আদ্য-শাসন-ধেরাল সমস্তই অবিচাবে মানিয়া লইতেছে। না মানিয়া লইয়া যেন তাহার আর উপায় নাই—কাজেই। রূপসীর মাত্ৰাজ্ঞানহীন খেয়ালের প্রশ্রয় দিতে গিয়া কতদিনই যে সে টিয়ার উপর অথবা অজ্ঞায় আচরণ করিয়াছে নিজের বিবেকের বিরুদ্ধে—তাহার আর হিসাব নাই। রূপসীর মনস্তত্ত্বের জন্ত মাঝে মাঝে নিশি সজ্জনকে এমন সব কাজ করিয়া বসিতে হয় যে পরে তাহারই জন্ত অন্তর তাহার অহুতাপানলে দগ্ধ হইতে থাকে।

টিয়ার উপর আজিকার ব্যবহারও যে তাহার নিতান্ত নিন্দনীয় হইয়াছে তাহাতে তাহার নিজেরও আর সন্দেহ ছিল না এবং মনোহরের আগমনে সেই কথাটাই তাহার মনে বার বার আগিতেছিল। আর রূপসীর বুদ্ধি-গুদ্ধির উপরে নিশি সজ্জনের কেমন যেন একটা অনাস্থা আসিয়া গিয়াছিল। কাজেই রূপসী পাছে মনোহরের আগমনে আরও বেসামাল হইয়া ওঠে সেই ভয়েই নিশি সজ্জন কোনও রকমে আত্মীয়তা বজায় রাখার মত দু-একটা কথা—যাহা নিতান্ত না বলিলেই নয়—বলিয়া কাজের অছিলায় বাড়ী ছাড়িয়া কোথায় যেন চলিয়া গেল।

নিশি সজ্জন চলিয়া গেলে মনোহর বরাবর উঠানের অপরপ্রান্তে—যেখানে দাঁড়াইয়া টিয়া চৌখের জল কাপড়ের ঝাঁড়িয়া ধুইতেছিল সেখানে আশ্রয়-প্রার্থিনী টিয়ার অস্তিত্ব আছে দাঁড়াইয়া বলিল, এই যে—টিয়াখাণীর ঠোঁটটি

লাব! বলি, কপাল তোমার কুল কেমন করে? কেঁদে কেঁদে ত মানুষের চোখই কোলে জানতাম।

টিয়া মুহূর্তে নিজেকে সামলাইয়া লইয়া সংবত হইয়া দাঁড়াইল, কিন্তু কোন কথা কহিতে কিছুমাত্র প্রয়াস পাইল না।

ওদিকে রূপসীও নিজেকে সামলাইয়া লইয়া উঠানে নামিয়া আসিল এবং পূর্বমুহূর্তের কারণ কোনও আশ্রয় কঠে প্রকাশ করিতে না দিয়া মনোহরকে লক্ষ্য করিয়া বলিল, ইয়া মনোহর, বলি, শিখিপুচ্ছে কি আসা হয় দিদির সঙ্গে দেখা করতে, না তার সতানের মেয়েটির সঙ্গে ?

মনোহর ইহাতে কিছুমাত্র অপ্রতিভ হইল না, কারণ অপ্রতিভ হইতে সে কোন অবস্থাতেই জানে না। আর রূপসীর কথা সে কোন দিনই বড়-একটা গ্রাহ্যের মধ্যে আনে না; যেহেতু রূপসীর কাণ্ডজ্ঞানহীনতা সত্ত্বে সে সচেতন, আর রূপসীর সঙ্গে তাহার বয়সের পার্থক্যও খুব সামান্য এবং সর্বোপরি রূপসী স্ত্রীলোক। স্ত্রীলোকের কথা গ্রাহ্যে আনিবার মত দুর্বল মনোবৃত্তি তাহার নাই বলিয়াই সে মনে করে।

মনোহর অতি সহজকণ্ঠেই তাই তাহার দিদির অভিযোগের উত্তরে বলিল, না দিদি, আমাকে তেমন স্বার্থপরতা বলে তেবো না—যে আসব শুধু আপনার দিদিটির সঙ্গে দেখা করতে। আসি আত্মীয়-স্বজন সবার সঙ্গেই দেখা করতে। আর তা না করলে পর দশজনেই বা তাববে কি, আর বলবেই বা কি? লোকের কথা আমার বড় গায়ে লাগে। তাই সবার মন রেখে আমার কাজ। ক্রটি কিছুতে হবার জো-টি নেই।

রূপসী মনোহরের কথায় ভারি বিপদে পড়িয়া গেল। ইহার পরে যে আর কি বলিয়া মনোহরকে আক্রমণ করা যাইতে পারে এবং টিয়াকে সেই সঙ্গে একটু আঘাত দেওয়া যায় তাহা সে আর ভাবিয়া পাইতেছিল না।

অগত্যা রূপসী মনোহরের একটা হাত চাপিয়া ধরিয়া তাহাতে টান দিয়া বলিল, আর, আমার ধরে গিয়ে কসমি চল, তারপরে, তোর মুখে বাড়ীর সব কথা শুনব।

টিয়া আর সেখানে এক মুহূর্তও দাঁড়াইল না, আবার খালের ঘাটের দিকেই সে চলিয়া গেল। মনোহর দিদির সঙ্গে চলিতে চলিতে একবার পিছু ফিরিয়া বলিল, অ টিয়া,

টিয়াপাখী, বেও না বল্চি। গেচ' কি আমার মাথার দিয়া! দিদির ঘরে এসো, গপ্পো করব তোমার সঙ্গে, —সেই সেবার নব-দুর্বাদলে যাত্রা আমাদের জমল কেমন ... সেই সব গপ্পো! পাট শুনতে চাও ত এন্টার পাট শোনাবো ... মাইরি বল্চি!

টিয়া কিন্তু মনোহরের কথা শুনিয়াও ফিরিল না। মনোহরকে তাহার কেন জানি ভাল লাগে না, মনোহরকে সে জয়ের চক্ষে দেখে।

টিয়া যখন তাহাদের খালের ঘাটের উচু পাড়ের বাতাবি-লেবুর গাছটার একটা হেলানো ডালের উপর বসিয়া মাটিতে পা রাখিয়া দস্তদের বাড়ীর ঘাটের দিকে দৃষ্টি তুলিয়া চাহিয়া রহিল—তখন বেলা একেবারে পড়িয়া আসিয়াছে, সন্ধ্যার আর বড় বিলম্ব নাই। টিয়া তাহার কপালের ফুলা অংশটুকুতে বার বার হাত বুলাইয়া ভাবিতেছিল, আবার মনোহর আসিয়াছে। যে কয়দিন মনোহর এখানে থাকিবে সে কয়দিন তাহার দুর্ভাবনার আর অন্ত থাকিবে না। —মনোহরের কথা-বার্তা চাল-চলন তাহার একেবারেই ভাল লাগে না। আরও বিশেষ করিয়া তাহার ভাল লাগে না মনোহরের গায়ে পড়িয়া আপনার লোক সাজিবার ভাবটি। এখানে যখন সে থাকে তখন অষ্টপ্রহর সে যেন টিয়ার সন্ধান করিয়া করে, আত্ম-বাজে যত অকারণ কথা কহে, ভাব-জ্বালাতে বড় প্রিয়জন বলিয়া বুঝাইতে চেষ্টা পায়, গৃহকর্মে অহেতুক বাধা জন্মায়; ফলে তাহার দিদির চক্ষে টিয়াকে সে আরও বিষ করিয়া তোলে। টিয়া মনোহরকে একেবারেই দেখিতে পারে না। মনোহরের এখানে অবস্থানকালে কেবলই টিয়া কামনা করে, তাহার সঙ্গর বিদায় গ্রহণের এবং বিদায় গ্রহণ করিলে একটা স্বস্তির নিশ্বাস ফেলিয়া সে বাচে। তবে মনোহর এককালে বেশী দিনের জন্ত এখানে থাকিতে পারে না; সে মহাকালের উমাপতি ঘটকের যাত্রা-পার্টিতে কাজ করে, পাল্য গাছিতে তাহাকে যাত্রা-পার্টির সঙ্গে সঙ্গে এ-গ্রামে সে-গ্রামে ছুটাছুটি করিতে হয় এবং ইহারই ফাঁকে ফাঁকে সে সময় করিয়া শিখিপুচ্ছে দিদির বাড়ী যুরিয়া যায়। তাই দুই দিনের বেশী একযোগে সে দিদির বাড়ীতে আসেও বড় একটা থাকিতে চায় নাই।

টিয়া বসিয়া বসিয়া এই যে বিরক্তিকর মনোহর তাহারই

কথা ভাবিতেছিল; কিন্তু দৃষ্টি তাহার সন্ধান করিয়া ফিরিতেছিল আর একজমকে—যে খেলাচ্ছলে আজ পিটুলি ফল ছুঁড়িয়া মারিয়া তাহার কপাল ফুলাইয়া দিয়াছিল—সেই নিষ্ঠুর সুন্দরকেই। সুন্দরের আচরণের অসঙ্গতি আর তাহাকে এখন পীড়া দিতেছিল না। সুন্দরকে সে ত কত দিন কত ভাবে দেখিয়াছে, কিন্তু কোন দিনই তাহার সহিত কথার আদান-প্রদান হয় নাই, যেহেতু বংশানুক্রমে তাহারা পরস্পরের শত্রু। অথচ টিয়া বা সুন্দর কেহই কোন দিন স্বচক্ষে সে শত্রুতার নিদর্শন কিছু দেখে নাই। কোনও এককালে নাকি এই দুই বংশের শত্রুতার ফলে কলঙ্কিনীর খালের জলও লাল হইয়া উঠিয়াছে। সে সব তাহাদের শোনা কথা—গল্প-কাহিনীর মতই মনে হইয়াছে। নিশি সজ্জন ও ভৈরব দস্তের আমলে কিন্তু তেমন কোন উল্লেখযোগ্য ঘটনা এযাবৎকাল ঘটে নাই। আর না ঘটায় জন্ত যদি কেহ দায়ী হয় ত সে ভৈরব দস্ত। কারণ ভৈরব দস্তকে তাহার ধান-চালের কারবার দেখিতে বৎসরের মধ্যে বেশী সময়ই শহরে ব্যবসা-স্থলে থাকিতে হয়। তাহার উপরে আবার সে একটু নিরীহ প্রকৃতির মানুষ, কোনও দাঙ্গা-হাঙ্গামা বা গোলমালের মধ্যে কিছুতেই থাকিতে চাহে না। নিশি সজ্জনের প্রকৃতি কিন্তু ভিন্নপ্রকার। সে চাহে, একটা দাঙ্গা-হাঙ্গামা উভয়পক্ষে বাধুক—সে একবার আপন শৌর্য্য-বীর্য্য প্রকাশ করিয়া বংশমর্যাদা কেমন করিয়া অক্ষুণ্ণ রাখিতে হয় তাহা দেখাইয়া দিবে। কিন্তু এযাবৎ ভৈরব দস্ত তাহাকে সেরূপ কোনও সুযোগ দেয় নাই। এমন কি, ভৈরব দস্তের পূর্বপুরুষেরা নিশি সজ্জনের পূর্বপুরুষের সহিত দুর্গাপ্রতিমা বিসর্জন দিবার নির্দিষ্ট একটা স্থান লইয়া কলঙ্কিনীর খালে যে একটা বাৎসরিক দাঙ্গায় মাতিয়া উঠিত তাহাও এখন বন্ধ হইয়া গেছে। আর বন্ধও হইয়াছে ভৈরব দস্তেরই জন্ত। ভৈরব দস্ত খালের নির্দিষ্ট স্থানে প্রতিমা ডুবানো লইয়া দাঙ্গা বাধাইতে রাজী হইতে পারে নাই এবং যে স্থান লইয়া এতকাল এত দাঙ্গা হইয়া গেছে সে স্থানে অনায়াসেই সন্ধান-বাড়ীর প্রতিমা বিনা বাধায় ডুবাইতে দিয়া নিজে তাহা হইতে কিছুদূর প্রতিমা ডুবাইবার আরোজন প্রতি বৎসর করিতেছেন। ভৈরব দস্তের এত সারথামর্জী সত্ত্বেও নিশি সজ্জন প্রতি বৎসরই দাঙ্গা বাধাইবার জেট

করে, কিন্তু কোন বৎসরই সে সফলকাম হইয়া উঠিতে পারে না।

টিয়া ক্রমে সুন্দরের কথাই ভাবিতে লাগিল। মনোহরের কথা সেই সঙ্গে তাহার মন হইতে মুছিয়া গেল। হইলই বা সুন্দর তাহার বংশ-পরম্পরায় শত্রু, তথাপি সুন্দরকে তাহার কেন জানি ক্রমেই ভাল লাগিতে লাগিল। শত্রুর তাহার অভাব কি! গৃহেই কি তাহার শত্রুর অভাব আছে যে সুন্দর শত্রু বলিয়া তাহার সহিত সে আলাপ করিতে পারিবে না! আর তাহা ছাড়াও সুন্দর নিজে ত তাহার শত্রু নয়, সে তাহার পূর্বপুরুষের শত্রুর বংশধর মাত্র। না, যেমন করিয়াই হউক সে সুন্দরের সঙ্গে আলাপ করিবে। কিন্তু কি উপায়ে যে তাহা সম্ভব তাহা সে আর ভাবিয়া পাইতেছিল না।

টিয়ার চোখের সামনে দিয়া খাল ধরিয়া বহু নোকা চলিয়া গেল; সে কিন্তু যে নোকাটি সন্ধান করিতেছিল সে নোকাটিকে আর খাল ধরিয়া চলিতে দেখিতেছিল না— অর্থাৎ যে নোকাটি তাহাদেরই ঘাটের অপর পারের ঘাটে বাঁধা থাকে। সুন্দরদের ঘাটে তাহাদের নোকা বাঁধা নাই দেখিয়াই সে ঠিক করিয়াছিল যে, সুন্দর নিশ্চয় নোকা লইয়া বৈকালের দিকে খালে বেড়াইতে বাহির হইয়াছে, কি কোথাও কাজে গেছে।

সন্ধ্যার অন্ধকার ভাল করিয়া ঘনাইবার পূর্বেই খালের জলে টিয়া সহসা একখানি নোকা দেখিতে পাইল— সে নোকা বনপলাশীর দত্ত-বাড়ীর, আর নোকায় দত্ত-বাড়ীর সুন্দর বৈঠা দিয়া হাল ধরিয়া বসিয়াছিল। টিয়ার অন্তর মুহূর্ত্তে উল্লাসে নাচিয়া উঠিয়াই লজ্জায় যেন কেমন জড় হইয়া গেল। টিয়া কোনও রকমে উঠিয়া দাঁড়াইয়া ছুটিয়া

পলাইতে যাইতেছিল, এমন সময় পিছন হইতে কে যেন দুই হাত দিয়া তাহার দুই চোখ চাপিয়া ধরিয়া সুর করিয়া বলিয়া উঠিল—

টিয়াপাখীর ঠোটটি লাল,  
পায়ে ধরি, পেড়ে না গাল।

টিয়া কণ্ঠ শুনিয়াই একটা ঝটকান দিয়া চোখ ছাড়াইয়া দূরে গিয়া দাঁড়াইল। মুখের চেহারা তাহার মুহূর্ত্তে কেমন যেন ভয়-চকিত হইয়া উঠিল।

মনোহর একটু হাসিয়া বলিল, আমি কি সাপ, না বাঁধ—  
যে একেবারে আঁৎকে উঠলে টিয়া?

টিয়া তাহাতেও কথা কহিল না। ক্রোধে সে শুধু  
নীচেকার ঠোট দাঁত দিয়া চাপিয়া ধরিয়া রহিল।

মনোহর পথের মাঝে ভাল করিয়া নাশিয়া টিয়ার গৃহে  
ফেরার পথ আগলাইয়া দাঁড়াইয়া খুব একচোট হাসিয়া  
লইয়া বলিল, আমি যাত্রার দলের ছেলে ব'লে তুমি আমাকে  
দেখতে পার' না টিয়া, তাই নয় কি?

টিয়া এইবার কথা কহিল, বলিল, না, তা মোটেই নয়।  
তোমার স্বভাব আমার ভাল লাগে না ব'লেই তোমাকে  
আমি দেখতে পারি না। কেন তুমি এখানে আসতে  
গেলে আমাকে বিরক্ত করবার জন্তে শুনি?

এমন সময় ওপারের ঘাটে নোকার শিকলটা যেন  
অর্থযুক্ত বনু বনু শব্দ করিয়া উঠিল।

মনোহর তাড়াতাড়ি বলিল, ও আমি এতক্ষণ লক্ষ্যই  
করিনি টিয়া, আমারই অন্ডায় হ'য়ে গেছে। ওপারের  
নাও যে আজকাল এ-ঘাটে এসে লাগচে তা আমি  
জানতাম না। আচ্ছা, এই আমি চ'লে যাচ্ছি।

ক্রমশঃ



# মানুষের মূর্তিচিত্র

শ্রী অর্জুনকুমার গঙ্গোপাধ্যায়

বাংলাদেশে শিক্ষিত সমাজ ঘটা করিয়া আধুনিক বাঙালী সাহিত্যিক, কবি বা ঔপন্যাসিকদের আদর, পূজা বা অয়ত্তী সম্পাদন করেন। বাঙালী শিল্পীদের ভাগ্যে পূজা সম্মান ত দূরের কথা, আধুনিক প্রতিভাশালী অনেক শিল্পীর ভাগ্যে—তাঁহাদের শিল্প-সৃষ্টির যথার্থ গুণ-গ্রহণ বা সমালোচনা পর্য্যন্ত আঁমরা করিতে প্রস্তুত নহি। অনেক সময়, আমরা এই শিল্পীর কলা-সৃষ্টির গুণ-গ্রহণে বিমুখ হইয়া ওজর তুলি যে, আধুনিক বাঙালী অতীন্দ্রিয় বাস্তব




রায় বাহাদুর ঔজলধর সেন

হইতে বিচ্ছিন্ন, আধ্যাত্মিকতার ধূমে আচ্ছন্ন যত সব প্রাচীন সেকেলে পৌরাণিক বস্তু অবলম্বন করিয়া শিল্প-সৃষ্টি করেন, যাহার সহিত ইংরেজী শিক্ষিত যুরোপের আধুনিক ধারায় পরিমিত বর্তমান কালের বাঙালী সমাজের মানসিকতার সহিত কোনও যোগ নাই। কথাটা সম্পূর্ণরূপে সত্য না হইলেও হয় ত অংশিকরূপে সত্য। কারণ আদমহুমারির সংখ্যা অনুসারে এদেশে আন্দাজ শতকরা সাতজন লোক



শ্রী করণানিধান বন্দ্যোপাধ্যায়



শ্রী অর্জুনকুমার গঙ্গোপাধ্যায়


‘শিক্ষিত’ অর্থাৎ লিখিতে পড়িতে জানে। ইহার মধ্যে হয় ত শতকরা চারজন লোক ইংরেজী বিজ্ঞায় পাবলনী এবং সম্ভবত আধুনিক যুরোপীয় ভাষাধারায় পরিপূত ও উচ্চশিক্ষিত। পুত্ররাং বাকী শতকরা ৯৬ জন ‘যে তিমিবে সে তিমিরে’—অর্থাৎ প্রাচীন পৌরাণিকতার ‘পঙ্কিলে’ আকর্ষণ নিমজ্জিত। এই প্রাচীন সেকেলে সংস্কারে অন্ধ ও কুসংস্কারে নিমজ্জিত বাঙ্গালীদের পক্ষে ববীন্দ্রনাথের উক্তি, ‘আমরা পৌরাণিকার গভী অতিক্রম কবিয়া আসিয়াছি’ একথা খাটে না। তথাপি, আধুনিক বাঙ্গালী শিল্পীদের

থাকেন। অনেক সময় দেখা যায় যে, এই বৈজ্ঞানিক পদ্ধতির যন্ত্র ও রসায়নের ছায়া-প্রতিকৃতি রসহীন যান্ত্রিক



শ্রীনন্দলাল বসু

মধ্যে এমন অনেক তুলি বা লেখনী-সেবক আছেন—যাঁহারা প্রাচীন পৌরাণিক দেবতাদের উপেক্ষা করিয়া আধুনিক কালের বাস্তব জগতের মানুষের প্রতিকৃতি লিখিতে বিশেষ কৌশল ও কৃতিত্বের দাবী কবিত্তে পাবেন। অনেকে এখন আপনাদের ঘরের দেওয়ালে ঠাকুরের মূর্তিচিত্র না রাখিয়া, নিজের বা আত্মীয়দের ছায়াচিত্র (photograph) বা ব্রোমাইড এনলার্জমেন্ট—অর্থাৎ রাসায়নিক পদ্ধতিতে ছায়াচিত্রের পরিবর্জিত মূর্তিচিত্রাদির দ্বারা গৃহসজ্জা কবিয়া



শ্রীঅবনীন্দ্রনাথ ঠাকুর

প্রতিমূর্তি মাত্র। শিল্পীর কলমের বা তুলিকাব আঘাতে উজ্জীবিত চিত্র-রচনা বা রেখা-বচনাব (drawing)



শ্রীহীরেন্দ্রনাথ দত্ত

প্রতিকৃতিতে যে জীবন্ত রসের আশ্বাদ পাই—ক্যামেরার  
যন্ত্রে নির্মিত প্রতিকৃতিতে সে রস অস্বস্তিকার  
করিয়াও পাই না। যুরোপের রসিক সমাজ অনেক সময় এই  
ক্যামেরার যান্ত্রিক প্রতিমূর্তি ত্যাগ করিয়া শিল্পীর হাতে  
লেখা সজীব রসে সিক্ত জীবন্ত প্রতিকৃতির আদর করেন।  
আমাদের দেশে, ছায়া-যন্ত্রের ফটোগ্রাফ ও ব্রোমাইড

গাওয়া যায়। বাঙ্গালা দেশে এইরূপ সুন্দর সরস মূর্তি-  
চিত্র করিতে পারেন এইরূপ একাধিক প্রতিভাশালী কৌশলী  
চিত্র-শিল্পী আছেন যাহাদের সরস লেখনীর জীবন্ত মূর্তিচিত্র  
কোনও ছায়া-যন্ত্র ফটোগ্রাফে ফুটাইয়া তুলিতে পারে না।

কলিকাতা কেশব একাডেমীর শিল্প-শিক্ষক শ্রীযুক্ত ভূনাথ  
মুখোপাধ্যায় মহাশয়—এইরূপ একজন প্রতিভাশালী মূর্তি-লেখক।



শ্রীমতীযচন্দ্র বসু

এনলার্জমেন্ট এখনও রাজত্ব করিতেছে। অথচ, অতি অল্প  
মূল্যে শিল্পীর হাতের লেখা সুন্দর রেখা-চিত্র (pencil  
drawing) বা কালির চিত্র (ink drawing) যথেষ্ট



শ্রীশরৎচন্দ্র বসু

ইনি দেশের গণ্যমান্য অনেক মহাপুরুষের সুন্দর রেখা-চিত্র  
রচনা করিয়াছেন। তাঁহার সৌজতে তাঁহার রচিত কয়েকটি  
মূর্তিচিত্রের নমুনা এই সংখ্যায় আমরা মুদ্রিত করিলাম।

## স্বরূপ

### শ্রীঅনন্তকুমার সরকার

তুনিবে কি আমি কে ?

নাশিতে, শাসিতে, প্রেম বিতরিতে আসি আমি যুগে যুগে।  
আমি বিজ্ঞান, আমিই ভক্তি, নিকাম আমি কর্ম,  
সত্যের বাণী প্রচার করাই চিরকাল মম ধর্ম।  
লীলার কারণে আমি ক'রে থাকি সৃজন, পালন, লয় ;  
মৃত্যু যে মোর পদানত দাস, আমারে সে করে ভয়।  
(আমি) কখনও উগ্র, কখনও শান্ত, কখনও পুলক-প্রাণ,  
(আমি) দুষ্টের করি বিনাশ-সাধন, শিষ্টের পরিদ্রাণ।  
ভক্ত যে মম প্রাণ-প্রিয়তম, হৃদে মোর তার স্থান,  
অসম্ভবে সম্ভব করি রাখিতে তাহার মান।

নিদাঘ-তপন-তাপিত মরুতে ছাড়ি আমি নিখাস,  
অরুণ-রঙ্গীন-প্রভাত-সমীরে বিলাই কুসুম-বাস।  
ভূমিকম্পন মহামারীরূপে আমি আমি হাহাকার,  
শীতলিতে আমি দন্ধ-বসুধা ঢালি ধারা বরষার।  
শারদ নিশায় চান্দ্র গগনে হাসি জোছনার হাসি,  
মলয়-মথিত প্রেমিক-পরানে ঢালি মধু রাশি রাশি।  
রুদ্ররূপেতে তাণ্ডবে ছাড়ি প্রলয়-ডমক-তান,  
শ্রামরূপে হরি বাঁশরীর স্বনে জগ-জন-মন-প্রাণ।  
দন্তোলি-নাদে নিধি-কল্লোলে ছাড়ি আমি ছকার,  
(আমি) মুরলীর গানে মধু-বৃন্দাবনে মোহি মন, শ্রীরাধার।

## বঙ্গীয় মাধ্যমিক শিক্ষা-বিল প্রতিবাদ-সম্মিলন

গত ৬ই পৌষ শনিবার বিকালে কলিকাতা কালীঘাটের হাজারা পার্কে এক প্রকাণ্ড মণ্ডপে বঙ্গীয় মাধ্যমিক শিক্ষা বিলের প্রতিবাদ সম্মিলন আরম্ভ হইয়া তিন দিন ধরিয়া তাহা চলিয়াছিল। শিক্ষাকার্যে আজীবন ব্রতী দেশপূজ্য আচার্য্য শ্রীযুত প্রফুল্লচন্দ্র রায় মহাশয় এই সম্মিলনে সভাপতিত্ব করিয়াছিলেন। বাঙ্গালার মাধ্যমিক বিদ্যালয়সমূহের প্রায় তিন হাজার প্রতিনিধি ঐ সম্মিলনে সমবেত হইয়াছিলেন। প্রায় ১২শত লোক সম্মিলনের অভ্যর্থনা সমিতির সদস্য হইয়াছিলেন। বাঙ্গালার বিভিন্ন স্থানের প্রায় ৭শত উচ্চ ইংরেজী বিদ্যালয় হইতে এই সম্মিলনে প্রতিনিধি প্রেরিত হইয়াছিল। পুরুষ শিক্ষক ছাড়াও বহু মহিলা এই সম্মিলনে যোগদান করিয়াছিলেন।

কবিগুরু রবীন্দ্রনাথ ঠাকুর, পণ্ডিত মদনমোহন মালব্য, শ্রীযুত শরৎচন্দ্র বসু, শ্রীযুত রামানন্দ চট্টোপাধ্যায় প্রভৃতি বহু দেশমাতৃ ব্যক্তি সম্মিলনে তাঁহাদের বাণী প্রেরণ করিয়াছিলেন। সম্মিলনের অভ্যর্থনা সমিতির সাধারণ সম্পাদক অধ্যাপক শ্রীযুত চারুচন্দ্র ভট্টাচার্য্য মহাশয়ের পরিশ্রম ও চেষ্টায় সম্মিলন সম্পূর্ণভাবে সাফল্যমণ্ডিত হইয়াছে।

রবীন্দ্রনাথ তাঁহার বাণীতে জানাইয়াছিলেন—“মাতৃ ভাষার সেবায় ও বাঙ্গালার শুভানুধ্যানে আমার জীবনের ৭০ বৎসর কালেরও অধিক অতিবাহিত করায় আমার এই নিবেদন করার অধিকার জন্মিয়াছে। আমার বার্দক্য ও অসুস্থতা জনহিতকর কার্যকলাপে যোগদানের অন্তরায় হইয়াছে। আমার মাতৃভূমির সংস্কৃতির নিজস্ব ধারার অস্তিত্ব বিপন্ন হইবার আশঙ্কা উপস্থিত হইয়াছে দেখিয়া আমি নিদারুণ মর্শ্বপীড়া অনুভব করিতেছি এবং এমন কি রোগশয্যা হইতেও এই ক্ষুদ্র নিবেদন প্রেরণ না করিয়া থাকিতে পারিলাম না।”

বাঙ্গালার হিন্দু রক্ষা আন্দোলনের প্রাণস্বরূপ সার শ্রীযুত মনমথনাথ মুখোপাধ্যায় মহাশয় এই প্রতিবাদ সম্মিলনের অভ্যর্থনা সমিতির সভাপতিরূপে তাঁহার অভিভাষণে গভর্ণমেন্ট কর্তৃক উত্থাপিত মাধ্যমিক শিক্ষা বিলটিকে

কৃতঘ্নতার দৃষ্টান্ত বলিয়া উল্লেখ করিয়াছেন। তিনি বক্তৃতা প্রসঙ্গে বলিয়াছেন—বৃটিশ রাজত্ব ভারতবর্ষে আরম্ভ হওয়ার পর হইতে এতকাল পর্য্যন্ত দেশের লোককে শিক্ষাদানের দায়িত্ব গভর্ণমেন্ট গ্রহণ করেন নাই। গভর্ণমেন্ট নানা আকারে কর আদায় করিয়াই চলিয়াছেন; কিন্তু শিক্ষার মত নিতান্ত প্রয়োজনীয় ব্যাপারেও লোকের প্রতি কর্তব্যের অতি সামান্য অংশই পালন করিয়াছেন। জনসাধারণ ও জননায়কেরা মিলিয়াই আপনাদের শিক্ষাব্যবস্থা গড়িয়া তুলিয়াছে এবং তাহা দ্বারাই এতাবৎকাল দেশে শিক্ষা বিস্তারের কার্য চলিয়া আসিয়াছে। শিক্ষা প্রচারে এই যে স্বাবলম্বনের দৃষ্টান্ত বাঙ্গালা দেশের লোক স্থাপন করিয়াছে এবং গভর্ণমেন্টের কর্তব্যের দায় আপনাই বহন করিয়াছে, তজ্জন্ম গভর্ণমেন্টের কৃতজ্ঞ হওয়াই উচিত ছিল। কিন্তু কৃতজ্ঞ হওয়ার পরিবর্তে গভর্ণমেন্ট বিপরীত পথ অবলম্বন করিয়াছেন। শিক্ষা নিয়ন্ত্রণের নাম দিয়া তাঁহারা প্রচলিত শিক্ষাব্যবস্থা উৎপাটন করিতে উদ্যত হইয়াছেন।

সম্মিলনের সভাপতিরূপে আচার্য্য রায় মহাশয় যে অভিভাষণ দিয়াছেন, তাহার সর্ক্যাপেক্ষা উল্লেখযোগ্য অংশ হইল শিক্ষা পরিচালনা সম্বন্ধে নীতিনির্দেশ। বর্তমান ব্যবস্থায় উচ্চ ইংরেজী বিদ্যালয়ের পরিচালনা অংশত সরকারী শিক্ষা বিভাগের এবং অংশত কলিকাতা বিশ্ববিদ্যালয়ের অধীন। পরিচালনার কর্তৃত্ব একীভূত করাই প্রস্তাবিত মাধ্যমিক শিক্ষাবোর্ড গঠনের উদ্দেশ্য এই বিলে বলা হইয়াছে। কিন্তু ঐক্যসাধনের নামে যে ব্যবস্থার প্রস্তাব করা হইয়াছে, তাহাতে ঐক্যের পরিবর্তে পরিচালন কর্তৃত্ব আরও বিভক্ত হইবে। গভর্ণমেন্ট ও বিশ্ববিদ্যালয় তো থাকিবেই, তাহার সহিত মাধ্যমিক শিক্ষা বোর্ড জুটিবে। সমস্ত অবস্থা পর্যালোচনা করিয়া আচার্য্য রায় এই বলিয়া এই বিষয়ে সকলের অবহিত হওয়ার প্রয়োজন জানাইয়াছেন—“বাঙ্গালা দেশের বর্তমান অবস্থায় শিক্ষা পরিচালনার কর্তৃত্ব একীভূত করার উপযোগিতায় আমি সন্দিহান। বর্তমানে প্রচলিত গভর্ণমেন্ট ও বিশ্ববিদ্যালয়ের দ্বিধা কর্তৃত্ব মোটের উপর ভালই চলিয়াছে। কিছু কিছু সংস্কার করিয়া

লইলে এবং মধ্যশিক্ষার উৎকর্ষ ও প্রসারের জন্ত যথেষ্ট অর্থ সাহায্য মিলিলে ইহা হইতে আরও উৎকৃষ্টতর ফললাভ করা যাইতে পারে। বর্তমান শিক্ষা ব্যবস্থার যে সকল ত্রুটি, তাহা দ্বৈধ কর্তৃত্বের ফলে ঘটে নাই, অর্থাভাবে ঘটিয়াছে।”

আচার্য্য রায়ের এই প্রস্তাব স্বীকার করিয়া লইলে মাধ্যমিক শিক্ষা ব্যবস্থার সংস্কার অনেক সহজসাধ্য হইয়া ওঠে, স্বতন্ত্র শিক্ষা বোর্ড গঠনেরই প্রয়োজন হয় না। আচার্য্য রায় প্রমাণ করিয়া দেখাইয়াছেন যে, অন্যান্য স্থানে গ্রুপ মাধ্যমিক শিক্ষা বোর্ড গঠনে সফল পাওয়া যায় নাই।

দ্বিতীয় দিনের অধিবেশনে ৮ ঘণ্টা আলোচনার পর ৪টি প্রধান প্রস্তাব গৃহীত হয়। ঐ দিনই সম্মিলন শেষ হইয়াছে।

প্রথম প্রস্তাবে সম্মিলন এমন একটি পৃথক শিক্ষা বোর্ড স্থাপনের দাবী করেন যে, বোর্ড হিন্দু ও অন্যান্য অমুসলমান সম্প্রদায়ের শিক্ষার উন্নতির জন্ত কার্য্য করিবে। বিলে প্রস্তাবিত মাধ্যমিক শিক্ষা বোর্ডটি যদি বাঙ্গালা প্রদেশে স্থাপিত হয়, তাহা হইলে সেই ক্ষেত্রে সম্মিলন হিন্দু ও অন্যান্য অমুসলমান সম্প্রদায়কে উক্ত বোর্ডে কার্য্য না করিতে সনির্বন্ধ অনুরোধ জানান এবং সমস্ত বিদ্যালয়ের ম্যানেজিং কমিটি-গুলিকে ও ছাত্রছাত্রীদের অভিভাবকবৃন্দকে উক্ত বোর্ড ও উহার অনুমোদনপ্রার্থী বিদ্যালয়কে বয়কট করিতে আহ্বান জানান। এই প্রস্তাবে সম্মিলন যে অভিমত প্রকাশ করেন, এই প্রদেশের সকল দল ও উপদলের প্রতিনিধিবৃন্দ একবাক্যে তাগতে পূর্ণ সমর্থন জ্ঞাপন করেন। (ক) বঙ্গীয় মাধ্যমিক শিক্ষা বিলটির তীব্র নিন্দা করিয়া ও অবিলম্বে উহার প্রত্যাগারের দাবী জানাইয়া (খ) সম্মিলনে গৃহীত প্রস্তাব-সমূহ কার্য্যে পরিণত করার উদ্দেশ্যে একটি ‘বঙ্গীয় শিক্ষা অর্থ ভাণ্ডার’ স্থাপন করার সিদ্ধান্ত করিয়া ও (গ) সর্বদলের প্রতিনিধিসহ একটি শক্তিশালী কমিটি গঠন করিয়া—সম্মিলনে ৩টি প্রস্তাব গৃহীত হইয়াছে।

ডক্টর শ্রীযুত শামাপ্রসাদ মুখোপাধ্যায়, রায় শ্রীযুত হরেন্দ্রনাথ চৌধুরী, শ্রীযুত যতীন্দ্রনাথ বসু, অধ্যাপক মেঘনাদ সাহা, ডক্টর হরেন্দ্রচন্দ্র মুখোপাধ্যায়, শ্রীযুত কিরণশঙ্কর রায়, নলিনীরঞ্জন সরকার, নির্মলচন্দ্র চট্টোপাধ্যায়, রায় বাহাদুর খগেন্দ্রনাথ মিত্র, ডক্টর প্রমথনাথ বন্দ্যোপাধ্যায়, শ্রীযুত হেমেন্দ্রপ্রসাদ ঘোষ প্রভৃতি দ্বিতীয় দিনের আলোচনার যোগদান করিয়াছিলেন।

সম্মিলনের চতুর্থ প্রস্তাব অনুসারে যে কমিটি গঠিত হইয়াছে সেই কমিটির নাম দেওয়া হইয়াছে—বঙ্গীয় শিক্ষা কাউন্সিল। নিম্নলিখিত ব্যক্তিগণ কাউন্সিলের সদস্য হইয়াছেন—সভাপতি আচার্য্য প্রফুল্লচন্দ্র রায়। সম্পাদক—অধ্যাপক চারুচন্দ্র ভট্টাচার্য্য। কোষাধ্যক্ষ—কুমার বিমলচন্দ্র সিংহ। সহকারী সম্পাদক—হরিচরণ ঘোষ। হিসাব পরীক্ষক—জি-বসু।

কার্য্যকরী কমিটির সদস্যগণ—ডক্টর শামাপ্রসাদ মুখোপাধ্যায় (চেয়ারম্যান), সার মন্থনাথ মুখোপাধ্যায়, শরৎচন্দ্র বসু, নলিনীরঞ্জন সরকার, নির্মলচন্দ্র চট্টোপাধ্যায়, ডক্টর প্রমথনাথ বন্দ্যোপাধ্যায়, ডাঃ বিধানচন্দ্র রায়, রায় বাহাদুর খগেন্দ্রনাথ মিত্র, ডাঃ হরেন্দ্রচন্দ্র মুখোপাধ্যায়, যতীন্দ্রনাথ বসু, যোগীন্দ্রচন্দ্র চক্রবর্তী (দিনাজপুর), নৃপেন্দ্রচন্দ্র বন্দ্যোপাধ্যায়, কিরণশঙ্কর রায়, রায় হরেন্দ্রনাথ চৌধুরী, প্রশান্তকুমার বসু, প্রমথরঞ্জন ঠাকুর, নলিনীরঞ্জন মিত্র, মৃগালকান্তি বসু, সুরেশচন্দ্র মজুমদার, মনোরঞ্জন সেনগুপ্ত, কুমার বিমলচন্দ্র সিংহ, রমণীমোহন রায়, অধ্যাপক চারুচন্দ্র ভট্টাচার্য্য, অধ্যাপক হরিচরণ ঘোষ ও শ্রীযুক্তা ইলা সেন।

যে সকল কারণে এই শিক্ষা বিলের প্রতিবাদ করা হইয়াছে, সেই কারণগুলি নিম্নে প্রদত্ত হইল :—

- (১) বিলটিতে শিক্ষার স্বার্থকে রাজনৈতিক ও সাম্প্রদায়িক বিচার বুদ্ধির অধীন করা হইয়াছে এবং জাতীয় শিক্ষার একটি সুদৃঢ় ব্যবস্থা গড়িয়া তুলিতে যে সংস্কৃতিমূলক দৃষ্টিভঙ্গি ও বিচারবুদ্ধির প্রয়োজন বিলে তাহা সম্পূর্ণরূপে উপেক্ষা করা হইয়াছে। (২) মাধ্যমিক শিক্ষাকে সম্পূর্ণরূপে গবর্নমেন্টের নিয়ন্ত্রণাধীনে আনা বিলের উদ্দেশ্য। প্রধানত ব্যক্তিগত দান ৩৭ উৎসাহের ফলে বাঙ্গালার মাধ্যমিক শিক্ষালয়গুলি গড়িয়া উঠিয়াছে ও মাধ্যমিক শিক্ষার উন্নতি সাধিত হইয়াছে; সেই ব্যক্তিগত দান ও উৎসাহকে সঙ্কুচিত করাই বিলের উদ্দেশ্য। (৩) মাধ্যমিক শিক্ষার সম্প্রসারণের জন্ত কোনরূপ পরিকল্পনার আভাষই বিলে নাই এবং মাধ্যমিক শিক্ষাদানের ক্ষেত্রে বাণিজ্য, কৃষি প্রভৃতি সম্পর্কিত ব্যবহারিক শিক্ষার সংগঠন ও উন্নতিসাধনের যে প্রয়োজনীয়তা এত বেশী অনুভূত হইয়াছে সেই ব্যবহারিক শিক্ষাদানের কোনরূপ ব্যবস্থাই বিলে নাই। (৪) বিলে যে আর্থিক সংস্থান করা হইয়াছে তাহা মাধ্যমিক



শিক্ষালয়গুলির সাহায্য দানের উদ্দেশ্যে অত্যন্ত অপ্রচুর ; যথেষ্ট সাহায্য ছাড়া মাধ্যমিক শিক্ষার কোন উন্নতি বা সংস্কারই সম্ভব নহে। (৫) বিলে প্রস্তাবিত মাধ্যমিক শিক্ষা বোর্ডের গঠনতন্ত্রটি অত্যন্ত অসন্তোষজনক। স্বাধীন ও স্বতন্ত্র শিক্ষাবিশেষজ্ঞগণের সহায়তা লাভের প্রয়োজনীয়তা বিলে সম্পূর্ণ উপেক্ষা করা হইয়াছে। বোর্ডের কার্যকরী সমিতিতে শিক্ষকদের প্রতিনিধি গ্রহণের কোন ব্যবস্থাই নাই। বিদ্যালয়সমূহের ম্যানেজিং কমিটি-গুলির বা অভিভাবকদের অথবা শিক্ষার সহিত সংশ্লিষ্ট সাধারণের পক্ষ হইতে বোর্ডে কোন প্রতিনিধি গ্রহণের ব্যবস্থা নাই। বোর্ডে কলিকাতা বিশ্ববিদ্যালয়ের যে প্রতিনিধিত্ব দেওয়া হইয়াছে তাহা নিতান্ত অপ্রচুর ; (৬) মাধ্যমিক শিক্ষার কার্যপরিচালন ব্যবস্থাটা সহজ ও সরল করার পরিবর্তে বিলে শিক্ষার কার্য পরিচালনার যন্ত্রটি জটিল ও ঘোরালো করিয়া তোলা হইয়াছে। (৭) বাঙ্গালায় মাধ্যমিক শিক্ষার ব্যাপারে বর্তমানে যে সব সুযোগসুবিধা আছে বিলের দ্বারা তাহা নিদারুণভাবে সঙ্কুচিত হইবে এবং দুই বৎসর পর বর্তমান সমস্ত বিদ্যালয়ের অনুমোদন স্বভাবতই প্রত্যাহত হইবে বলিয়া বিলে যে ব্যবস্থা করা হইয়াছে তাহার ফলে জনসাধারণের শিক্ষার উন্নতির মূলে কুঠারাঘাত হইবে। (৮) বাঙ্গালার হিন্দুগণ বিভিন্ন মাধ্যমিক বিদ্যালয়ের মোট ছাত্রদের শতকরা ৭৫ ভাগ ছাত্র সরবরাহ করিয়া থাকেন এবং তদপেক্ষাও অধিক হারে মাধ্যমিক শিক্ষালয়গুলির জন্ম অর্থ সরবরাহ করেন ; বিশেষ করিয়া সেই হিন্দুদের শিক্ষাবিষয়ক স্বার্থের সঙ্কোচন করাই বিলের উদ্দেশ্য। প্রস্তাবিত বোর্ডে বহুসংখ্যক সদস্য শিক্ষাগত স্বার্থের প্রতিনিধিরূপে বোর্ডে যাইবেন না ; তাঁহারা মুসলমান সম্প্রদায়ের ব্যক্তি হিসাবে বোর্ডে যাইবেন ; অথচ প্রকৃতপক্ষে অধিকাংশ মাধ্যমিক বিদ্যালয়ই হিন্দু সম্প্রদায়ের

ব্যক্তিগণ কর্তৃক প্রতিষ্ঠিত ও পরিচালিত হইয়াছে। উপরোক্ত কারণে প্রস্তাবিত বোর্ড জনসাধারণের আস্থা লাভ করিতে পারিবে না। (৯) যদিও আইনের দ্বারা পৃথক একটি ইউরোপীয় ও এ্যাংলো-ইণ্ডিয়ান শিক্ষা বোর্ড ইতিপূর্বেই বহাল আছে তথাপি বোর্ডে অযৌক্তিক ও অধিক পরিমাণ ইউরোপীয় প্রতিনিধিত্বের ব্যবস্থা করা হইয়াছে। (১০) বিলে প্রবেশিকা পরীক্ষার পরিচালন ব্যবস্থাটি কলিকাতা বিশ্ব-বিদ্যালয়ের হাতে রাখা হইয়াছে ; অথচ ঐ পরীক্ষার জন্ম পাঠ্যবিষয় স্থির করার ও পাঠ্য পুস্তক নির্ণয় করিয়া তাহা প্রকাশ করার অধিকার হইতে বিশ্ববিদ্যালয়কে বঞ্চিত করা হইয়াছে। এতদ্বারা একটি বিসদৃশ অবস্থার সৃষ্টি করাই বিলের উদ্দেশ্য। এই অবস্থায় আর্থিক দিক হইতে বিশ্ব-বিদ্যালয়কে সঙ্কুচিত করা হইবে ও তাহাতে উচ্চ শিক্ষার স্বার্থকে প্রবলভাবে আঘাত করা হইবে। (১১) পাঠ্য বইসমূহের নির্ধারণ ও প্রস্তুত করার ক্ষমতা বিলে এমন কতকগুলি স্পেশাল কমিটির হাতে দেওয়া হইয়াছে, যেগুলি বিশেষ করিয়া সাম্প্রদায়িক চরিত্রের হইবে। এই ব্যবস্থার ফলে যোগ্যতার দিক হইতে পাঠ্যপুস্তকগুলির অত্যন্ত অবনতি ঘটিবে। বিলটির দ্বারা বাঙ্গলাভাষা ও সাহিত্যের মৌলিকতা বিশেষ ক্ষতিগ্রস্ত হইবে এবং এই প্রদেশের সংস্কৃতি ধ্বংস হইবে। এইরূপ যে হইবে তাহার প্রমাণ ইতিমধ্যেই সাম্প্রদায়িক প্রভাবাধীন শিক্ষাবিভাগ কর্তৃক অনুমোদিত পাঠ্য পুস্তকগুলিতে স্পষ্টত দেখা যাইতেছে। (১২) স্ট্রাডলার কমিশনের সুপারিশসমূহের ভিত্তিতে বিলটি প্রণীত বলিয়া গবর্ণমেন্ট ঘোষণা করিতেছেন। কিন্তু প্রকৃতপক্ষে বিলটি সর্ববিষয়েই স্ট্রাডলার কমিশনের সুপারিশগুলির বিপরীত এবং মাধ্যমিক বোর্ড গঠনের জন্ম যে সব সর্ত্ত থাকা উচিত বলিয়া কমিশন উল্লেখ করিয়াছেন বিলে সেই সর্ত্তগুলি পালনের কোন ব্যবস্থাই নাই।



# কণ্ঠাকুমারী

শ্রীখগেন্দ্রনাথ মিত্র রায় বাহাদুর এম-এ

অগ্নি গুচিস্মিতা সিন্ধুনাতা কণ্ঠাকুমারী তুমি কি মাতা ?  
তুমি সে সাধিকা চির আরাধিকা যোগমগনা তপস্চারতা !  
সীমাহীন মহা জলধির বৃকে মুক্তি লভিল যেথায় ধরা  
একাকিনী সেই বিজনপ্রাস্তে কি সাধনে রত আপনহারা !  
কোথা গিরিরাজ জনক তোমার কোথায় জলধি অতলস্পর্শ !  
কার তরে এই চির অভিসার কে জাগালো প্রাণে বিপুল হর্ষ ?

ত্রিজগৎ মাঝে আর কেবা আছে শিবের সমান যোগ্যবর ?  
তাঁরি গলে বর মালা অর্পিতে মহাতপ যুগ যুগান্তর ।  
ভাঙ্গিল ধেয়ান টলিল আসন মহাযোগীশ্বর করুণাকর,  
বরবেশে সাজি পরমোন্মাসে বৃষভবাহনে চলিলা হর ।  
পথ সুদুস্তর বৃষভমস্থর বিবাহ-লগন হইল পার,  
সুস্তিত পথে বরের যাত্রা নিয়তির গতি দুর্নিবার ।

হেথায় বালিকা অর্ঘ্য সাজায় অক্ষত সিন্দূর কঙ্কলে  
মঙ্গল শঙ্খ সঘনে বাজায় ললাটিকা শোভে উজ্জলে ।  
কুরুবক মালা করে লয়ে বালা অধীর প্রতীক্ষা—ভেটিবে বর,  
রূপের ঝলকে চমকে বিজলি উজলিছে মহীমহাসাগর ।  
কোথা বর কোথা বিবাহবাসর নিরানন্দ সারা জগৎময় !  
ব্যর্থ জীবন ব্যর্থ আরাধন সুকুমারী চিরকুমারী রয় !  
মলয়ে শ্বসিল দীর্ঘনিশ্বাস জলধি উঠিল উচ্ছ্বসি  
দূরে নটরাজ উর্দ্ধ তাণ্ডবে নাচে বাঘাস্বর পড়িল খসি ।

বরমালা কণ্ঠা ফেলিল সলিলে পুলিনে ছড়ালো অর্ঘ্যখালি  
দাঁড়াইল যেন পাষণ প্রতিমা আভরণ সব ফেলিল খুলি ।

দিগ্‌বধূগণ-নয়ন-অশ্রু শেফালি হইয়া ঝরিল পায়,  
অযুতকণ্ঠে জয়ধ্বনি উঠে কুমারী-পূজার বেলা যে যায় !  
যুগযুগান্ত বহি একান্তে বিরহের গুরু দুঃখ-ভার,  
মহাযোগিনী-বিগ্রহ রাজে চিরকুমারীর ব্যর্থতার ।  
বরমালা করে তেমনি রয়েছে মিলনের আশা অন্তহীন  
ধান ধরি' বালা অপলক নেত্রে যাপিছে বিরলে রজনী দিন  
ভারতমাতার চরণ পদ চুমিছে সিন্ধু-সঙ্গমে,  
যেথা দুখহীন অসীমশান্তি বিরাজে স্থাবর জঙ্গমে ;  
গগনে পবনে চির বসন্ত বহে ধরণীর বিজয়-বাণী  
যুগে যুগে সেথা ব্রতচারিণী পতি-আশে রাজে কুমারীরানী ।  
যে বরণ ডালা মনোদুখে বালা ছড়ায়ে ফেলিল বালুকাভটে  
সেই অক্ষত সেই কঙ্কল সে সিন্দূর আছে তেমনি বটে !  
আজিও সিন্ধু নিতিনিতি মালা গাথিয়া সাজায় তটের বৃকে  
বরণ আনয়ে জলকণ্ঠাগণ মঙ্গলশঙ্খ বাজায় সুখে ।

[ ভারতের শেষপ্রান্তে কণ্ঠাকুমারী (Cape Comorin) । তিন দিকে তিন বিশাল সমুদ্র—পূর্বে বঙ্গোপসাগর, দক্ষিণে ভারত মহাসাগর, পশ্চিমে আরব সাগর—তাহারই সঙ্গমে যে স্থলবিন্দু, তাহাতেই কণ্ঠাকুমারীর মন্দির প্রতিষ্ঠিত । স্থলপুরাণে গিরিরাজকণ্ঠা উমার তপস্চার কাহিনী বিবৃত আছে । কণ্ঠাকুমারী হইতে আট কি দশ মাইল দূরে গুচীল্লম্ মন্দিরে শিবের মূর্তি আছে । প্রবাদ এই যে, শিব সেই পর্বস্ত আসিতে আসিতে কলিযুগের আরম্ভ হয় । কলিযুগে দেবতাদের বিবাহ নাই । চিদম্বরমে শিবের উর্দ্ধতাণ্ডব নটরাজমূর্তি আছে । কণ্ঠাকুমারীর বালুকা দেখিতে আতপ চাউলের স্থায় । সমুদ্রের কোলে লাল এবং কালো বালুও রহিয়াছে—উহাই বরণ ডালার সিন্দূর এবং কঙ্কল । ]







## রাজা প্যারীমোহন মুখোপাধ্যায়

আজ আমরা 'ভারতবর্ষ'এ তাঁহার স্মৃতিতর্পণ করিব, তিনি যে কত দিক দিয়া বাঙ্গালা দেশে আদর্শ পুরুষ ছিলেন, তাহা বলিয়া শেষ করা যায় না। তিনি হুগলী জেলার উত্তর পাড়ার খ্যাতনামা জমিদার জয়কৃষ্ণ মুখোপাধ্যায় মহাশয়ের পুত্ররূপে জন্মগ্রহণ করিয়া কিন্তু কোন দিন জমিদারপুত্রের মত হন নাই; যিনি তাঁহাকে দেখিয়াছেন, তিনিই তাঁহার সরল ও অমায়িক ব্যবহারে তৃপ্ত হইয়াছেন, তাঁহার অনাড়ম্বর বৈবাহিকপ্রণালী দেখিয়া মুগ্ধ হইয়াছেন এবং তাঁহার সহিত বনিষ্ঠ পরিচয়ে তাঁহার অগাধ পাণ্ডিত্যের পরিচয় পাইয়া তাঁহাকে শ্রদ্ধার আসন দান করিয়াছেন। তাঁহার পোষাক দেখিয়া বা তাঁহার সহিত কথা বলিয়া তিনিই যে রাজা প্যারীমোহন মুখোপাধ্যায় এম-এ, বি-এল, সি-এস আই, ভারতরত্ন—তাহা বুঝিবার কোন উপায় ছিল না। তিনি সাধারণ মোটা থান পুঁতি পরিধান করিতেন, মোটা টুইলের শাট পরিতেন। অতি অল্পদামের বোকাই চাদর গায়ে দিতেন ও তৎকালে প্রচলিত পেনেলা জুতা গায়ে দিতেন। কি ধনী, কি দরিদ্র, কি পণ্ডিত, কি মূর্খ, কি গালক, কি বৃদ্ধ—যিনি যে কাজে রাজা প্যারীমোহনের নিকট যাঁতেন, সকলকেই তিনি সাদরে আহ্বান করিয়া সকলের অভাব অভিযোগ শুনিতেন ও দুঃখীর দুঃখ নিবারণে চেষ্টা করিতেন না। এই সকল কারণে তিনি বহুদিন মর্দঙ্গজনপ্রিয় হইয়া বাস করিয়া গিয়াছেন এবং আজিও তাঁহার কথা স্মরণ করিলে লোকের চক্ষু অশ্রুসিক্ত হইয়া থাকে। জয়কৃষ্ণবাবু সারা জীবনে প্রায় দশ লক্ষ টাকা ব্যয়ে যে কীর্ত্তি স্থাপন করিয়া গিয়াছিলেন, পুত্র প্যারীমোহন সেগুলিকে শুধু উপযুক্ত ভাবে রক্ষা করিয়া ও তাহাদের উন্নতি বিধান করিয়া ক্ষান্ত ছিলেন না—তিনি নিজেও বহু জনহিতকর প্রতিষ্ঠান গঠন করিয়াছিলেন।

১৮৪০ খৃষ্টাব্দের ১৭ই সেপ্টেম্বর প্যারীমোহন জন্মগ্রহণ করেন। উত্তরপাড়া স্কুলে তিনি স্বনামখ্যাত রামতনু লাহিড়ী ও ডাক্তার গ্রাণ্টের ছাত্র ছিলেন। তিনি প্রেসিডেন্সি কলেজ হইতে ১৮৬৪ খৃষ্টাব্দে বি-এল ও ১৮৬৫ খৃষ্টাব্দে এম-এ উপাধি লাভ করেন। কলিকাতা

বিশ্ববিদ্যালয়ের বিজ্ঞান-শাস্ত্রে তিনিই প্রথম এম-এ ছিলেন। বিদ্যাশিক্ষার পর পনের বৎসরেরও অধিক কাল তিনি কলিকাতা হাই-কোর্টে ওকালতি করিয়াছিলেন। ধনী জমিদারের পুত্রের পক্ষে এইরূপ উচ্চশিক্ষা লাভ করা বা আইনের ব্যবসাতে আত্মনিয়োগ করা সে দিনে অসাধারণ বলিয়াই বিবেচিত হইত। ১৮৭৯ সাল হইতে ১৯০৯ সালের মধ্যে তিনি কয়েকবার বঙ্গীয় ব্যবস্থাপক সভার সদস্য হইয়াছিলেন। ১৮৮৪ ও ১৮৮৬ সালে তিনি ভারতীয় ব্যবস্থা পরিষদেরও সদস্য ছিলেন। সে সময়ে বঙ্গীয় প্রজাস্বত্ব আইনের আলোচনা হয় ও প্যারীমোহন সেই আলোচনায় যোগদান করিয়া নিজের প্রগাঢ় পাণ্ডিত্যের পরিচয় দান করেন। ঐ আইনের আলোচনার মধ্যভাগে রায়বাহাদুর কৃষ্ণদাস পালের মৃত্যু হওয়ার বাঙ্গালার জমিদারগণ তাঁহাদের পক্ষ সনর্থনের লোকের অভাব হইবে বলিয়া আশঙ্কা করিয়াছিলেন—কিন্তু প্যারীমোহন এমন ধীরতা ও স্থিরতার সহিত কৃষ্ণদাস পালের অসমাপ্ত কার্য সম্পাদন করিয়াছিলেন যে, সকলকেই তাঁহার প্রশংসায় পঞ্চমুখ হইতে হইয়াছিল। প্যারীমোহন এক দিকে যেমন জমিদারের স্বার্থ অক্ষুণ্ণ রাখিবার চেষ্টা করিতেন, অন্য দিকে তেমনই প্রজার যাহাতে কোনরূপ কষ্ট না হয় সে বিষয়ে সর্বদা অবহিত থাকিতেন। তাঁহার এই পাণ্ডিত্য ও বিচারবুদ্ধির জন্ম ১৯০৭ সালে পূনরায় যখন বঙ্গীয় প্রজাস্বত্ব আইনের আলোচনা হয় তখন গভর্নমেন্ট তাঁহাকে বঙ্গীয় ব্যবস্থাপক সভার সদস্য মনোনীত করেন।

তিনি বহুদিন বৃটিশ ইণ্ডিয়ান এসোসিয়েশন নামক জমিদার-সমিতির সম্পাদক ও সভাপতির কার্য করিয়াছিলেন এবং তাঁহার পরিচালনাধীনে এসোসিয়েশন নানাভাবে উন্নতি লাভ করিয়াছিল। প্যারীমোহন কলিকাতা বিশ্ব-বিদ্যালয়ের সম্মানিত ফেলো ছিলেন। ভারতীয় বিজ্ঞান আলোচনা সমিতির সভাপতি ছিলেন এবং বেঙ্গল প্রভিন্সিয়াল রেলওয়ে নামক বাঙ্গালী পরিচালিত রেলপথের অন্যতম প্রতিষ্ঠাতা ও ডিরেক্টর বোর্ডের সভাপতি ছিলেন।

পুস্তক পাঠে তাঁহার অসামান্য অমুরাগ ছিল এবং তিনি

প্রত্যহ নির্দিষ্ট কয়েক ঘণ্টা কাল বিজ্ঞান, আইন ও চিকিৎসা বিষয়ক পুস্তকাদি পাঠে অতিবাহিত করিতেন।

১৯২৩ সালের ১৬ই জানুয়ারী অপরাহ্ন ৪টা ৪০ মিনিটের সময় ৮৩ বৎসর বয়সে প্যারীমোহন স্বর্গারোহণ করেন।

জীবনের শেষ পঞ্চাশ বৎসর কাল তিনি সকল জনহিতকর প্রতিষ্ঠানের সহিত সংশ্লিষ্ট ছিলেন এবং সকল প্রতিষ্ঠানের কাজই উৎসাহের সহিত সম্পাদন করিতেন। ১৯১১ খৃষ্টাব্দে তাঁহার জ্যেষ্ঠ পুত্রের মৃত্যুর পর হইতে তিনি নিরুজ্জ্বল বাস করিবার চেষ্টা করিতেন বটে, কিন্তু কর্মের প্রতি তাঁহার আগ্রহ পূর্ণমাত্রায় বিদ্যমান ছিল। জনসেবা ও রাজসেবার পুরস্কার-স্বরূপ ১৮৮৭ সালে মহারাণী ভিকটোরিয়ার স্বর্ণ জুবিলী উৎসব উপলক্ষে গভর্নমেন্ট তাঁহাকে রাজা ও সি, এস, আই উপাধিতে ভূষিত করেন। পঁচিশ হাজার টাকা ব্যয়ে প্যারীমোহন উত্তরপাড়ার রেল স্টেশন খোলার ব্যবস্থা করেন এবং লক্ষাধিক টাকা ব্যয়ে উত্তরপাড়া কলেজ প্রতিষ্ঠা করেন। ঐ কলেজ এখনও তাঁহার স্মৃতিবক্ষে ধারণ করিয়া দণ্ডায়মান আছে এবং তাঁহারই প্রদত্ত অর্থে বহু দরিদ্র ছাত্র তথায় অতি অল্প ব্যয়ে উচ্চ শিক্ষা লাভের সুযোগ লাভ করিতেছে। তাঁহার পিতা জয়কৃষ্ণ মুখোপাধ্যায় মহাশয় দুই লক্ষ টাকা ব্যয়ে উত্তরপাড়ায় যে পাবলিক লাইব্রেরী প্রতিষ্ঠা করিয়াছিলেন, তাঁহার সময়ে তাহা আরও উন্নতি লাভ করে।

শিক্ষা বিস্তারে দান এই পরিবারের বৈশিষ্ট্য। পিতা একত্রিশটি উচ্চ ইংরেজী বিদ্যালয় প্রতিষ্ঠা করিয়া যে কার্য আরম্ভ করিয়াছিলেন, পুত্র এই কলেজ প্রতিষ্ঠা দ্বারা তাহা

পূর্ণাঙ্গ করেন। উত্তরপাড়ায় জলের কল, বেলগেছিয়া মেডিকেল কলেজ-সংলগ্ন কিংস হাসপাতাল, সেন্ট জন্স এম্বুলেন্স, ভিকটোরিয়া স্মৃতিসৌধ, রিপন কলেজ প্রভৃতির জন্মও তিনি প্রচুর অর্থ দান করিয়াছিলেন। ভারতীয় বিজ্ঞান আলোচনা সমিতিতে তাঁহার পঁচিশ হাজার টাকা দান তাঁহাকে বিজ্ঞান জগতে চিরস্মরণীয় করিয়া রাখিবে। তিনি আয়ুর্বেদীয় চিকিৎসার পৃষ্ঠপোষক ছিলেন এবং আয়ুর্বেদের উন্নতি ও প্রচারের জন্ত প্রভূত অর্থ ব্যয় করিয়াছিলেন।

ব্রাহ্মণ্য ধর্মরক্ষার প্রতি তাঁহার বিশেষ আগ্রহ ছিল এক স্বাধীনচেতা হইয়াও তিনি আচার ও নিষ্ঠা সারা-জীবন পালন করিয়া গিয়াছেন। তাঁহার মত কর্তব্য-পরায়ণ ও সময়নিষ্ঠ লোক এ যুগে অতি অল্পই দৃষ্ট হইয়া থাকে।

হোমিওপ্যাথি চিকিৎসা পদ্ধতির প্রতি অনুরাগ হওয়ায় তিনি নিজে হোমিওপ্যাথিক ঔষধ দান করিতেন ও বহু রোগীর চিকিৎসা করিতেন।

১৩৩৮ সালের শ্রাবণ মাসে আমরা 'ভারতবর্ষ'এ জয়কৃষ্ণ মুখোপাধ্যায় মহাশয়ের ত্রিবর্ণ চিত্র ও সংক্ষিপ্ত জীবন কথা প্রকাশ করিয়াছিলাম। প্রায় দশ বৎসর পরে তাঁহার উপযুক্ত পুত্র রাজা প্যারীমোহনের স্মৃতির প্রতি শ্রদ্ধাজ্ঞাপন করিয়া ধন্য হইলাম।

উত্তরপাড়ার মুখোপাধ্যায় বংশ শুধু ধনে নয়, জ্ঞানেও বাঙ্গলার অন্যতম শ্রেষ্ঠ বংশ। এই বংশে আরও বহু সুধী ব্যক্তি জন্মগ্রহণ করিয়া বংশের গৌরব বৃদ্ধি করিয়াছেন।

## আমরা

### আবুল হোসেন

আমরা ডুবিয়া আছি মৃত্যুর অতল অন্ধকারে,  
কবর গহ্বরে আজি মনুষ্যত্ব লুকায়েছে মুখ ;

আহার, বিহার, সৃষ্টি ! শাস্তির নির্বিঘ্ন ছায়াতলে  
কাটে দীর্ঘ রাত্রি দিন অবিচ্ছিন্ন অনায়াস স্নেহে ;  
দগ্ধ হ'তে অগ্নি জ্বলে কোথা সেই দুঃস্বপ্ন দুঃস্বপ্ন ?  
শুনিয়েছি যুগে যুগে শোণিত লোলুপ দেবতারে  
আমরা কুমায় বাণী। অহিংসার স্নিগ্ধ ছত্রতলে  
টানিয়াছি বিধে। ওরা হাসিয়াছে করুণা-কৌতুকে।

আমরা মরিয়া গেছি। আমাদের প্রাণহীন মমি  
পাথরে খোদাই মূর্তি। অস্থিসার নির্ঝাঁক কঙ্কাল  
পুরাতনী ইতিহাস ঐতিহ্যের পিরামিডতলে  
রয়েছে দাঁড়িয়ে আজো। দক্ষিণের পবন প্রণমি'  
বয়ে যায়। আমাদের স্পন্দন জাগে না মর্ম্মতলে  
অস্তঃসারশূন্য ফাঁকা আমরা খোলস একতাল।

# চলতি ইতিহাস

## শ্রীতিনকড়ি চট্টোপাধ্যায়

### মধ্য প্রাচী

গ্রীস তাহার সমুদ্রাংশ ও ঘাঁটি বৃটেনকে ব্যবহার করিতে দিয়াছে, এই অভিযোগে গত ২৮এ অক্টোবর ইটালী গ্রীস আক্রমণ করিয়াছে। আক্রমণের সপ্তাহকাল পরেও যুদ্ধের প্রচণ্ডতা বৃদ্ধি না পাওয়ার অনেকে মনে করিয়াছিলেন যে, গ্রীস শীঘ্রই আত্মসমর্পণ করিবে—ইটালী ইহাই আশা করিতেছে। অথবা বোধ হয় জার্মান সৈন্যও গ্রীসের উপর নিপতিত হইবে, ইহার জন্মই ইটালী প্রতীক্ষা করিয়া আছে। কিন্তু বর্তমানে দেড় মাস কাল ধরিয়া যুদ্ধের গতি যে দিকে চলিয়াছে তাহাতে জনসাধারণ অতিরিক্ত বিস্মিত হইয়া পড়িয়াছে।

গ্রীস আক্রমণের পূর্বে পূর্ণ তিন মাস ইটালী প্রস্তুত হইয়াছে এবং শক্তি সঞ্চয় করিয়াছে। জল, হুস এবং বিমান—সর্বক্ষেত্রেই সে নিজেকে অজেয় করিবার ক্রটি করে নাই; সদস্ত উক্তির দ্বারা মুসোলিনী ইহা সাধারণকে জানাইতেও প্রয়াস পাইয়াছেন। শুধু ইহাই নহে, সামরিক অবস্থানের দিক দিয়াও ইটালীর অবস্থা আদৌ সুবিধাজনক ছিল না। ইটালীর ডোডেকানিজ্ ঘাঁটি হইতে পোর্ট সৈয়দের দূরত্ব চারি শত মাইলের অনধিক, সুতরাং ইহা সহজ বিমান পাল্লার মধ্যে অবস্থিত। ভূমধ্যসাগরে অবস্থিত বৃটেনের যে কোন ঘাঁটি হইতে ক্রীটের দূরত্ব অপেক্ষা ডোডেকানিজ্ হইতে ক্রীটের দূরত্ব অনেক কম। মার্চ হইতে টিউনিসের দূরত্ব নব্বই মাইল, সিসিলি হইতে উহার ব্যবধান আরও অল্প। সুতরাং যুদ্ধের প্রারম্ভে সকল দিক দিয়াই ইটালীর অবস্থা যে অনুকূল ছিল ইহা নিঃসন্দেহ।

তবে ইটালী দ্বারা বৃটিশ সোমালিয়াও অধিকৃত হওয়ার পর হইতেই ভূমধ্যসাগরে বৃটেন যথেষ্ট সচেতন হইয়া উঠিয়াছিল। যুদ্ধের অগ্নি ধূমায়িত হইয়া উঠিবার প্রারম্ভেই সে ক্রীট ধীপে যথেষ্ট সৈন্য অবতরণ করাইয়াছে। গ্রীসকে সে যে নিরাপত্তার আশ্বাস দিয়াছিল তাহার অল্পখা হয় নাই। আজ গ্রীসের প্রত্যেক বিমান ঘাঁটি রাজকীয় বৃটিশ বিমানবাহিনীর কর্তৃত্বাধীন। গ্রীক বাহিনী প্রচণ্ড বিক্রমে যুদ্ধ করিয়া ইটালীর সৈন্যদিগকে গ্রীক অধিকৃত অঞ্চলের বাহিরে তাড়াইয়া আলবেনিয়া পর্যন্ত তাহাদিগকে পশ্চাদপসরণ করিতে বাধ্য করিয়াছে। অসংখ্য ইটালীয় সৈন্য আজ গ্রীকগণের হস্তে বন্দী, ইটালীর প্রভূত রণসম্ভার বর্তমানে গ্রীসের করতলগত।

একদিকে ইটালীয় সৈন্যগণ যেমন গ্রীকদিগের হস্তে পর্যুত হইতেছে, অপর দিকে উত্তর আফ্রিকার ইটালীকে তেমনই শোচনীয় পরাজয় স্বীকার করিতে হইতেছে। মিশরের সীমান্তে ইটালীর অগ্রবর্তী ঘাঁটি এবং ঐ অঞ্চলের প্রধান কেন্দ্র ছিল সিদিবারানী। মাস'ল'গ্যাংসিরানী পরিচালিত লিবিয়ার ইটালীয় সৈন্যগণ মিশরের সীমান্তে সিদিবারানী পর্যন্ত অগ্রসর

হইয়া উত্তর-পূর্ব আফ্রিকার শক্তি প্রসারের চেষ্টায় কিছুদিন নিষ্ক্রিয়ভাবে অবস্থান করিতেছিল। বর্তমানে এই অগ্রবর্তী ইটালীয় ঘাঁটি মিত্রশক্তির প্রবল আক্রমণে ইটালীর হস্তচ্যুত হইয়াছে। রয়টারের সংবাদে প্রকাশ যে, দুই ডিভিসন অর্থাৎ একত্রিশ হাজার সৈন্যের মধ্যে বিশ হাজার বন্দী হইয়াছে। হতাহতের সংখ্যাও নিশ্চয় এরূপ অবস্থায় সামান্য নয়। সুতরাং ইটালীর দুই ডিভিসন সৈন্যই এখানে নষ্ট হইয়াছে। মিত্রশক্তির প্রচণ্ড আক্রমণের তীব্রতার সম্মুখে দাঁড়াইতে না পারিয়া ইটালীয় বাহিনী পশ্চাদপসরণ করিতে বাধ্য হইয়াছে। বর্তমানে বৃটিশ-বাহিনী ইটালীয় এলাকায় প্রবেশ করিয়া লিবিয়ার সংগ্রাম করিতেছে। বার্দিয়া, টরক এবং সন্নামের চতুর্দিকে বর্তমানে প্রবল যুদ্ধ চলিতেছে। রাজকীয় বিমানবাহিনীর আক্রমণে আদিসুআবাবা-জিবুতি রেলপথ ক্ষতিগ্রস্ত। ইটালীয় পূর্ব-আফ্রিকা এবং আবিসিনিয়ার বিজ্রোহ আসন্ন বলিয়া আশঙ্কা করা যাইতেছে।

সিদিবারানীর যুদ্ধে ইটালী প্রভূত ভাবে ক্ষতিগ্রস্ত হইলেও তাহাকে সম্পূর্ণভাবে শক্তিহীন করিতে হইলে লিবিয়াতেও প্রচণ্ড যুদ্ধ এবং মিত্র-শক্তির জয়লাভ প্রয়োজন। সিদিবারানীর সংগ্রাম এই বৃহৎ সমর-নাট্যের প্রথম অঙ্ক মাত্র। কিন্তু এই উভয় স্থানের শোচনীয় পরাজয়ে ইটালীর পরিকল্পনা সফল হইবার সম্ভাবনা আর রহিল না।

হিটলার ও মুসোলিনী ইহা সম্যক উপলব্ধি করিয়াছেন যে, আফ্রিকা ও পূর্ব এশিয়ায় বৃটেনের বিরুদ্ধে সংগ্রাম করিতে হইলে ভূমধ্যসাগরকে নাৎসি-ক্যাসিন্ড হ্রদে পরিণত করা প্রয়োজন। পশ্চিম ভূমধ্যসাগরে ব্যবস্থা সত্ত্বে কোন্ পরিকল্পনা সম্ভব সে বিষয়ে আমরা পরে আলোচনা করিব। পূর্ব ভূমধ্যসাগর সত্ত্বে নিশ্চিত হইবার জন্মই মুসোলিনীর গ্রীস আক্রমণ ও উত্তর আফ্রিকার সাগরতীরবর্তী স্থানসমূহ দখল করিবার চেষ্টা বলিয়া আমরা ধরিয়া লইতে পারি। মুসোলিনী বুঝিয়াছিলেন যে, সুরেজ পর্যন্ত নিজ নিয়ন্ত্রণাধীনে আনিতে হইলে একদিকে যেমন পোর্ট-সৈয়দ অবধি ভূমধ্যসাগরের দক্ষিণ উপকূল পর্যন্ত শক্তি বিস্তারের প্রয়োজন, অপর দিকে তেমনই গ্রীস পর্যন্ত জয় করিয়া পূর্ব ভূমধ্যসাগরের উত্তর উপকূল আপন দখলে আনা একান্ত আবশ্যিক। ভূমধ্যসাগরে ইটালীর যে সকল ঘাঁটি আছে উহা ব্যতীত যদি ভূমধ্যসাগরের উত্তর ও দক্ষিণ উপকূল নিজ অধীনে আনা যায় তাহা হইলে স্বভাবতই ঐ স্থানে বৃটিশ প্রভাব প্রভূত পরিমাণে ক্ষুণ্ণ হইবে, এবং পশ্চিম এশিয়ায় শক্তি বিস্তারের পক্ষেও ইহা যথেষ্ট সাহায্যে আসিবে। কিন্তু গ্রীসের সহিত যুদ্ধ এবং উত্তর আফ্রিকায় মিত্রশক্তির বিরুদ্ধে শোচনীয় রূপে পরাজিত হওয়ার বর্তমানে ইটালীর এই পরিকল্পনা হৃদয়পরাহত।

দুইটি যুদ্ধক্ষেত্রেই ইটালীর এই পরাজয়ের কলে সাধারণের মধ্যে

একটি মাত্র প্রবল ভাবে আত্মপ্রকাশ করিয়াছে—জার্মানী এখন কি করিবে? ইয়োরোপের কয়েকটি রাষ্ট্র, বিশেষত ফ্রান্সকে অতি অল্প সময়ের মধ্যেই পরাভূত করিতে পারায় হিটলার আশা করিয়াছিলেন যে, বৃটেনও জার্মানীর আঘাত সহ্য করিতে না পারিয়া অতি সহজেই ভাঙ্গিয়া পড়িবে। সেইজন্য হিটলার অস্তরীক হইতে বৃটেনের উপর প্রবল বিমান আক্রমণ চালাইয়াছিলেন। কারণ, বর্তমান যুগে আধুনিক রণ-বিজ্ঞানের প্রভূত উন্নতি সাধিত হওয়ায় বিমান শক্তির গুরুত্ব এখন সর্বাপেক্ষা অধিক। সেই জন্যই বৃটেনের উপর বেপরোয়াভাবে বোমা বর্ষিত হইতেছে। বেসামরিক অঞ্চলের উপরই বোমা বর্ষিত হইয়াছে অধিক। কারণ, জার্মানী আশা করিয়াছিল যে তাহাতে বৃটেনের জনসাধারণের মধ্যে বিক্ষোভের সঞ্চার হইতে পারে এবং অন্তর্বিপ্লবের আশঙ্কায় ও জনসাধারণের চাপে বৃটেন সরকার নিজেকে বিপন্ন বোধ করিতে পারে। এদিকে বৃটেন যাহাতে মাতৃভূমি রক্ষার জন্য তাহার সমগ্র শক্তি নিয়োজিত করিতে না পারে তজ্জন্য হিটলার ইটালীকে মধ্য প্রাচীতে নিয়োগ করিয়াছিলেন। কিন্তু নির্বিচারে বোমা বর্ষণদ্বারা বৃটেনকে পরাভূত করিবার এই শরৎকালীন প্রচেষ্টা আমরা ব্যর্থ হইতে দেখিয়াছি। বৃটেনের সামরিকশক্তি, বৃটিশ বৈমানিকগণের কৃতিত্ব ও বৃটিশ জনসাধারণের অনমনীয় দৃঢ়তাই হিটলারের বিকলতার কারণ।

সেইজন্য জার্মানী তাহার রণনীতির পরিবর্তন করিয়াছে। বৃটেন আক্রমণের জন্য বিমানের সংখ্যা হ্রাস করা হইয়াছে, মধ্য প্রাচীতে জার্মানী মনোনিয়োগ করিয়াছে। গ্রীস, রুম্যানিয়া, বুলগেরিয়া প্রভৃতি সকলের সহিত কূটনীতিক আলোচনা করা হইয়াছে। বিনাযুদ্ধে অথবা ভয় দেখাইয়া অনেক রাষ্ট্রকেই জার্মানী 'এক্সিস' শক্তির অন্তর্ভুক্ত করিয়াছে। রুম্যানিয়া ঠাণ্ডেদার রাষ্ট্রে পরিণত হইয়াছে; রাজা ক্যারল সিংহাসন ত্যাগ করিয়া রুম্যানিয়া পরিত্যাগ করিয়াছেন, এণ্টনেস্কুর ডিক্টেটরী শাসন সেখানে প্রবর্তিত হইয়াছে। গ্রীস বৃটেনের প্রতিশ্রুতির উপরে নির্ভর করিয়া থাকায় তাহার বিরুদ্ধে যুদ্ধ ঘোষণা করা হইয়াছে। ফ্রান্স এবং মলোটভের সঙ্গেও গোপন আলোচনা বাদ যায় নাই। এদিকে বৃটেনের উপর আবার কয়েকদিন যাবৎ প্রবলভাবে বোমা বর্ষণ করা হইতেছে। লণ্ডন, বার্মিংহাম ও শেফিল্ডের উপরই প্রধানত বোমা বর্ষিত হয়। ইটন কলেজও বোমার আঘাতে ক্ষতিগ্রস্ত। তুরস্ককে হাত করিবার আশা এখনও হিটলার পরিত্যাগ করেন নাই। তুরস্কে এই মর্মে জার্মানী নাকি প্রচার কার্য চালাইতেছে যে, জার্মানীর সম্মতি ব্যতীতই ইটালী যেচ্ছায় বর্তমান যুদ্ধে যোগদান করিয়াছে। অর্থাৎ প্রচারের মর্মে বোধ হয় এই যে, এরূপ ক্ষেত্রে ইটালীকে সাহায্য করিবার জন্য জার্মানীর কোন বাধ্য বাধকতা নাই। ইটালীর আভ্যন্তরীণ অবস্থা যে শোচনীয় ইহা নিঃসন্দেহ। গ্রীসের সহিত যুদ্ধে কোরিটজার পতনের পর হইতেই ইটালীতে উদ্বেগের সঞ্চার হইয়াছে। বালিন হইতে কিরিয়া আসিয়াই মার্শাল ব্যাডগলিও ইটালীর সৈনিকদের প্রতি সামরিক শান্তি দানের ব্যবস্থা করিয়াছেন। কিন্তু ব্যাডগলিও তাহার পদ হইতে আজ অপসারিত। মঃ পিয়ারে লাভাল আর মন্ত্রিসভার

সদস্য নহেন বলিয়া ঘোষণা করা হইয়াছে। মঃ ফ্রান্সো পররাষ্ট্রসচিবের পদে নিযুক্ত হইয়াছেন বলিয়া মঃ পেত্যা জানাইয়া দিয়াছেন। উপরন্তু ইটালীতে বিরুদ্ধমতবাদী একদলকে হত্যা করা হইবে বলিয়া শুনা যাইতেছে। মুসোলিনীর সদস্য উক্তির অন্তরালে ক্যাসিস্তদল ও সমর বিভাগে যে গভীর গলদ ছিল, দূষিত ক্ষতের মতই আজ তাহা বাহির হইয়া পড়িয়াছে।

কিন্তু তাহা হইলেও, জার্মানী কি সত্যই ইটালীকে ত্যাগ করিবে? ইটালী এক্সিস-শক্তির এক প্রাচীন অঙ্গ। ইটালীর পরাজয়ে কি এক্সিস শক্তির পরাজয় ও অগৌরব নয়? আর, ইটালীকে পরিত্যাগ করিতে দেগিলেই কি বলকান রাষ্ট্রসকল বৈষ্ণবীভঙ্গীতে দুই হাত মাথায় তুলিয়া "প্রভুর ইচ্ছা" বলিয়া জার্মানীর অঙ্কে ঝাঁপাইয়া পড়িবে? তবে?

অনেকে আশঙ্কা করিতেছেন যে, শীতকালে ঘন কুয়াসার আবরণের অন্তরালে সঙ্গোপনে জার্মানী ইংলিস প্রণালী অতিক্রম করিয়া ইংলণ্ডে অবতরণ করিবে। কিন্তু এরূপ আশঙ্কা নিস্পয়োজন বলিয়াই বোধ হয়। যে ঘন কুয়াসার সৃষ্টি জার্মানী গ্রহণ করিবে, সেই কুয়াসা বৃটিশ ও জার্মানী উভয় পক্ষের সৈন্যদেরই সমান অসুবিধার সৃষ্টি করিবে। বৃটেন ও জার্মানীকে উপযুক্ত অভ্যর্থনা করিবার ব্যবস্থা না করিয়া বসিয়া নাই। এতদ্ব্যতীত ইংলিশ প্রণালীর অপর তীরে প্রেরিত জার্মান সৈন্যগণের সহিত সর্বক্ষণ সংযোগ রক্ষা করার প্রবন্ধ আছে। উপরন্তু এইভাবে বৃটেন আক্রমণ করিলে ইটালীর তাহাতে সৃষ্টি হইবার কোন আশা নাই। বৃটেনের যে সকল গৈরী মাতৃভূমির বাহিরে যুদ্ধ করিতেছে, তাহাদের প্রত্যাবর্তনের জন্য আহ্বান করার কোন প্রয়োজন বৃটেনের নাই।

তাহা হইলে জার্মানী কোন্ পন্থা অবলম্বন করিবে? ইটালীর অন্তর্নিহিত দৌর্বল্য প্রকাশিত হওয়ায় জার্মানীর কূটনৈতিক কাৰ্য্যপন্থা ক্ষুণ্ণ হওয়া আদৌ অসম্ভব নয়। তবে জার্মানী কি বুলগেরিয়ার পথে তুরস্কের দিকে অগ্রসর হইবে? কিন্তু সোভিয়েট রুশিয়ার আপত্তি অগ্রাহ্য করিয়া জার্মানী এই পন্থা অবলম্বন করিবে বলিয়া বোধ হয় না।

স্পেনের সাহায্যে পশ্চিম ভূমধ্যসাগরে জার্মানীর তৎপর হওয়া এক্ষেত্রে সম্ভব বলিয়া অনুমান করা যাইতে পারে। বিগত বৎসরে জার্মানী চূষক মাইন ব্যবহার করিলেও এ বৎসরে তাহা সে ত্যাগ করিয়াছে বটে, কিন্তু তাহা হইলেও সমুদ্রবক্ষে তাহার তৎপরতা বৃদ্ধি পাইয়াছে। ডুবো জাহাজ ও রণপোতের সাহায্যে সে যাত্রী জাহাজ ও বাণিজ্য জাহাজ ডুবাইতেছে। কিন্তু যাত্রী জাহাজ ও বাণিজ্য জাহাজ ডুবাইয়া যে যুদ্ধ জয় করা যায় না ইহা হিটলারের অজ্ঞাত নয়। তবে ইহার উদ্দেশ্য কি? হিটলার বোধ হয় এতদিনে বুঝিতে পারিয়াছেন যে, বর্তমান যুদ্ধ অধিক দিন স্থায়ী হওয়া সম্ভব। সেইজন্য অর্থনৈতিক অবরোধের চেষ্টা তিনি করিতেছেন। এই কারণে স্পেনের সাহায্যে জিভ্রাল্টারের মধ্যস্থতার ইয়োরোপের সহিত আফ্রিকার সংযোগ সাধনের চেষ্টা জার্মানী করিতে পারে এবং ভূমধ্যসাগরে স্বীয় প্রাধান্য বৃদ্ধি করিবার চেষ্টা তাহার পক্ষে খুবই সম্ভব। এতদ্ব্যতীত, এশিয়া ও আমেরিকা হইতে প্রেরিত মালবাহী বৃটেনগামী বাণিজ্যপোতগুলিকে মধ্যপথে অবরোধ করিবার উদ্দেশ্যে



জার্মানী পশ্চিমে আফ্রিকার কোন স্থবিধাজনক কনরাদি দখলের চেষ্টা হয়ত করিবে। এদিকে রয়টার সংবাদ দিতেছেন যে, ইটালীর এই অভ্যন্তরীণ অবস্থা উন্নত করিবার জন্য জার্মানী হয়ত সামরিকভাবে ইটালীর কর্তৃত্বভার স্বহস্তে গ্রহণ করিতে পারে। জার্মানী হইতে গোয়েন্দা ও সামরিক কর্মচারী আনিয়া ইটালীর জনসাধারণের নৈতিক সাহসকে উদ্দীপ্ত করার জন্যই এই ব্যবস্থা অবলম্বিত হইতে পারে। কিন্তু হিটলারের স্থায় কূটরাজনীতিক কি এক্ষেত্রে শুধুই বেগার দেবেন? অথবা এই কার্যের বিনিময়ে ইটালীর অধিকৃত ফ্রান্সের কয়েকটি স্থান স্পেনকে দিয়া তাহার মনস্তৃষ্টি ও স্বকর্ষ সাধনের উত্তোগ করিবেন? তবে যুগোশ্লাভিয়ার মধ্য দিয়া জার্মানী পূর্বাভিমুখে অগ্রসর হয় কিনা ইহাও লক্ষ্য করিবার বিষয়।

বিগত ১৭ই জুলাই বৃটেন ব্রহ্মচীন পথ সাময়িকভাবে তিন মাসের জন্য বন্ধ করিয়া দিয়াছিল। কিন্তু ২৭শে সেপ্টেম্বর বার্লিনে জার্মানী, ইটালী ও জাপানের মধ্যে ত্রিশক্তি চুক্তি সম্পাদিত হওয়ার কয়েকদিন পরে ১৭ই অক্টোবর তিন মাস পূর্ণ হওয়ার ঐ দিন চীনব্রহ্ম পথ উন্মুক্ত হয়। পথ উন্মুক্ত হওয়ার পর চীন জানায় তাহাদের মাল কানমিন্দে পৌঁছিয়াছে, পক্ষান্তরে বিমান আক্রমণ দ্বারা মেকং নদীর সেতু বিধ্বস্ত করিয়া গমনাগমনের উপায় জাপান নষ্ট করিয়া দিয়াছে। জাপানের কথা সত্য হইলেও তাহা সামরিক অস্থবিধা ঘটাইত মাত্র। যাহাই হউক, জাপান ত্রিশক্তি চুক্তির ফলে অন্তদিকে মনঃসংযোগ করিবার প্রয়োজন বোধ করায় চীনের উপর আক্রমণের তীব্রতা হ্রাস করে। কিন্তু তাহা হইলেও সূদূর প্রাচীণ সে সময় নিস্তক হইয়া যায় নাই। জাপান ফরাসী ইন্দোচীনের প্রতি মনোনিবেশ করে। থাইল্যান্ড (শামরাজ্য) জাপানের তাবদার

হইয়া বাঁচিয়া যায়। কিছুদিন আগে থাইল্যান্ড ইন্দোচীনে হানা দেয়। মন্ত্রান্তি উহার প্রতিশোধ গ্রহণের জন্য ফরাসী বিমান বাহিনী থাইল্যান্ডের বিমান বাঁচি আক্রমণ করে। সীমান্ত বিরোধের শান্তিপূর্ণ অবসান ঘটাইবার জন্য থাইল্যান্ড-সরকার ফরাসী ইন্দোচীনের নিকট “সীমান্ত কমিশন” নিয়োগের অনুরোধ জানাইয়াছেন। এদিকে জাপান কয়েক-দিন পূর্বে নানকিং গভর্নমেন্টের অধিনায়ক ওয়াং-চিঙ্গ-ওয়েইর সহিত চুক্তি করিয়াছেন। কিন্তু বিপদ হইয়াছে রাশিয়াকে লইয়া। রাশিয়া স্পষ্টই বলিয়া দিয়াছে যে চীনের সহিত তাহার সন্ধি অক্ষুণ্ণ আছে। জাপান-নানকিং চুক্তির মধ্যে কমিটার্ণ বিরোধী একটি ধারা আছে। জাপান সোভিয়েট রাশিয়াকে বুঝাইতে চাহিয়াছে যে, রাশিয়ার সহিত বিরোধিতা করিবার উদ্দেশ্যে উহা সন্নিবেশিত হয় নাই। কিন্তু রাশিয়া তাহাতে পূর্বমতের কিছুই পরিবর্তন করে নাই। আমেরিকা চীনকে দশ কোটি ডলার ঋণ দিবে বলিয়া জানা গিয়াছে। জাপান অবশ্য এ কথা জানাইয়া দিয়াছে যে যদি আমেরিকা বর্তমান সংগ্রামে লিপ্ত হয় তাহা হইলে জাপানও যুদ্ধ করিতে ছাড়িবে না। বৃটেনও চীনকে এক কোটি পাউণ্ড ঋণ দিবে বলিয়া সিদ্ধান্ত করিয়াছে। সুতরাং চীনের অবস্থা এখন ভালই। চীনযুদ্ধ স্থগিত রাখিয়া জাপান যে অন্তদিকে মনোনিবেশ করিবে সে স্থবিধা পাওয়া তাহার পক্ষে কঠিন হইয়া উঠিতেছে। চীনের সহিত জাপান যদি এখন পূর্বের সর্ভে সন্ধির প্রস্তাব করে, তাহা হইলেও এতদিন প্রতিকূল অবস্থা ও বহু বাধা বিশ্বের মধ্য দিয়া সংগ্রাম চালাইয়া আসিয়া চিয়াং-কাই-শেক যে বর্তমানে এত স্থযোগ ত্যাগ করিয়া সন্ধির প্রস্তাবে রাজী হইবেন ইহা একপ্রকার অসম্ভব বলিলেই হয়।

## চণ্ডীদাস

কবিশেখর শ্রীকালিদাস রায়

কোথা কবে জন্ম নিলে পণ্ডিতেরা করিছে বিবাদ  
তাই নিয়ে। তব পদ-কমলের মাধুরীর স্বাদ  
দ্বন্দ্ব-কোলাহলে আজ দাতুরীর কলরবে হায়  
কমল-মাধুরী-সম সরোবরে কোথায় হারায়!


এ পৃথ্বী বিপুল বটে, তাই বলি অল্পজল দিয়া  
রক্তমাংসময় তব একখানি শরীর গড়িয়া  
তোমারে করিবে বন্দী, হেন শক্তি আছে কি তাহার?  
কাল নিরবধি বটে, তাই বলি জীবন তোমার  
পরিচ্ছিন্ন পরিমিত করিবে সে বর্ষের গণ্ডীতে  
হেন স্পর্ধা আছে তার? যত দ্বন্দ্ব করুক পণ্ডিতে

ভাবে আছ, রসে আছ। মধুগন্ধে তৃপ্ত যেইজন,  
পদ্মের মৃগাল কোথা কতু সেকি করে অন্বেষণ?

সর্বদেশময় তুমি হে বিরাট সর্বযুগময়,  
জুড়িয়া রয়েছ তুমি চিরদিন সকল হৃদয়।

জন্ম তবু নিলে তুমি, বাঙ্গালীর মনোবৃন্দাবনে  
বিরহিণী শ্রীমতীর গূঢ়মর্ষ কুটীর-অঙ্গনে  
স্বপ্নময়ী বেদনায়। স্থূল দেহ করনি ধারণ  
গীতিময় রূপ ধরি' বিশ্বময় আত্ম বিকিরণ  
করেছিলে একদিন। রসজ্ঞের স্বপ্নে তুমি আজো,  
যেমন সেদিন ছিলে গীতদেহে তেমনি বিরাজো।

কোথায় পরম সত্য সন্ধানিব রূপে কিংবা ভাবে?  
নিজেই অসত্য হ'য়ে দেশকাল কি সত্য জানাবে?



### স্মৃতি-তর্পণ—

আজ হইতে এক বৎসর পূর্বে গত ১৩৪৬ সালের ২৪শে মাঘ ভারতবর্ষের কর্ণধার সুধাংশুশেখর চট্টোপাধ্যায় মহাশয় এই নম্বর জগৎ ত্যাগ করিয়া সাধনোচিত ধামে মহাপ্রয়াণ করিয়াছেন। আমরা এই এক বৎসরকাল আমাদের কর্মক্ষেত্রে সকল দিক দিয়া সর্বদা তাঁহার অভাব অনুভব করিতেছি। আমাদের এই অভাব কখনও পূর্ণ হইবার নহে—তাহা জানিয়াও আমরা সকল সময়ে ইহা সহ করিতে সমর্থ হই না। আজ এক বৎসর পরে তাঁহার পরলোকগমন দিবসে আমরা তাঁহার কথা শ্রদ্ধার সহিত স্মরণ করিতেছি এবং শ্রীভগবানের নিকট প্রার্থনা করি—তিনি সুধাংশুবাবুর আত্মার চিরশান্তি বিধান করুন এবং তাঁহার অসমাপ্ত কার্য সম্পূর্ণ করিবার শক্তি ও প্রেরণা আমাদের প্রদান করুন।

### ডঃ শ্যামাপ্রসাদের নুতন সম্মান—

আমরা জানিয়া অত্যন্ত আনন্দিত হইলাম যে পূর্ববঙ্গ সারস্বত সমাজ ডক্টর শ্যামাপ্রসাদ মুখোপাধ্যায়কে 'বিজ্ঞা-বাচস্পতি' উপাধিতে সম্মানিত করিয়াছেন। পূর্ববঙ্গ সারস্বত সমাজ ভারতীয় প্রাচীন কৃষ্টির একটি বিশিষ্ট কেন্দ্র। বহু মহামহোপাধ্যায় ও সুপণ্ডিত এই সমাজের পরিচালক। তাঁহারা শ্রীযুক্ত শ্যামাপ্রসাদ মুখোপাধ্যায়ের মত একজন বিশিষ্ট শিক্ষাব্রতীকে এই সম্মান প্রদর্শনে যোগ্য হারই সম্মান করিয়াছেন বলিয়া আমরা তাঁহাদের এই কার্যকে সাধুবাদ দিতেছি।

### রামগড়ে নুতন বন্দীনিবাস—

হাজারিবাগের রামগড়ে—যেখানে রামগড় কংগ্রেসের অধি-বেশন হইয়াছিল সেখানে—প্রায় তিনশত একরেরও অধিক জমি লইয়া বৃদ্ধ বন্দীদের জন্য একটি বন্দীনিবাস নির্মাণ করা

হইতেছে। সমস্ত জায়গাটা কাঁটা তার দিয়া ঘিরিয়া ফেলা হইয়াছে। বন্দীনিবাসের নির্মাণকার্য প্রায় শেষ হইয়া আসিয়াছে। ভারতে প্রেরিত ইতালীয় বন্দীদিগকে এই-খানেই রাখা হইবে। প্রথমত এই বন্দীনিবাসে সতের শত বন্দীর এবং ঐ সব বন্দীর রক্ষণাবেক্ষণে নিযুক্ত সৈন্যদের অবস্থানের উপযোগী ব্যবস্থা করা হইবে। এই বন্দীনিবাসের ব্যয় কোথা হইতে আসিবে—ভারত সরকার, না ব্রিটিশ সরকার—তাহা অবশ্য আমাদের জানিবার কথা নহে।

### সোভিয়েট রুশিয়ার কৃষি—

সোভিয়েট রুশিয়ার প্রাকৃতিক সম্পদ অপরিমেয়। সেখানে সকল প্রকার খনিজ দ্রব্য পাওয়া যায়। সারা পৃথিবীর মোট তৈল-সম্পদের মধ্যে শতকরা পঞ্চাশ ভাগ, সারা পৃথিবীর কয়লা-সম্পদের শতকরা বিশ ভাগ এবং সারা পৃথিবীতে যত কাঁঠ পাওয়া যায় তার শতকরা সাড়ে সতের ভাগ—এক রুশিয়ারই সম্পদ। সোভিয়েট ইউনিয়নে লৌহ-পাথরের পরিমাণ খুব বেশী। তাহার আনুমানিক পরিমাণ দশ হাজার কোটি টন। ইহার শতকরা বাষট্টি ভাগ লোহা। এ ছাড়া বাকী যে নিকৃষ্ট ধরণের লৌহ-পাথর আছে তাহার পরিমাণ প্রায় দুই লক্ষ পঞ্চাশ হাজার কোটি টন। লোহা ছাড়া তথায় তামা, দস্তা, সিসা ও আরও অনেক ধাতুর যোগান রহিয়াছে। ঐ দেশে সোভিয়েটের সোনার খনি-গুলিতে সোনা প্রচুর মেলে। রুশিয়ার চাষোপযোগী উর্বর ভূমির পরিমাণ পৃথিবীর যে-কোন দেশের চেয়ে বেশী। সেদেশে চাষোপযোগী জমি মোট সোয়া দুই শত কোটি হেক্টর। গত-পূর্ব বৎসর উহার মধ্যে দশ কোটি চব্বিশ লক্ষ হেক্টর আবাদ করা হইয়াছিল। আমাদের ভারতবর্ষেরও প্রাকৃতিক সম্পদের অভাব নাই, কিন্তু আমরা সেই সব সম্পদকে জাতীয় সম্পদে রূপান্তরিত করিতে পারি না। অথচ বাঁচিয়া থাকিবার জন্য আমাদেরই সব চেয়ে বেশী

দরকার ওই সব প্রাকৃতিক সম্পদকে জাতীয় সম্পদে রূপান্তরিত করা।

### বিশ্ববিদ্যালয়ের প্রশংসনীয় উদ্যম—

প্রাচীনযুগের সাহিত্য এবং শিল্পকলার নিদর্শনসমূহ সংগ্রহের উদ্দেশ্যে কলিকাতা বিশ্ববিদ্যালয়ের সংস্কৃত বিভাগ হইতে একটি পুঁথি সংগ্রহশালা খোলা হইয়াছে। অতি অল্পদিনের মধ্যে এই সংগ্রহশালায় অন্যান্য ২১৬২ খানি পুঁথি সংগৃহীত হইয়াছে। ইহার মধ্যে বৈদিক যুগের বহু দুঃপ্রাপ্য এবং মূল্যবান নিদর্শনও আছে। ইহা ছাড়া এই সংগ্রহে বৈদিক যুগের অস্ত্রশস্ত্র, তৈজসপত্র প্রভৃতিও আছে। এই সমস্ত তৈজসপত্রের উপরে যজুবেদীর চিত্রাদি উৎকীর্ণ আছে।

### ডাঃ জয়াকরের গোয়া প্রবেশে বাধা—

পৰ্তুগীজ অধিকৃত গোয়ার 'সরস্বতী মন্দির সাহিত্য সমিতি' তাহাদের রজত জয়ন্তী অনুষ্ঠানে সভাপতিত্ব করিবার জন্ত বোম্বাইয়ের খ্যাতনামা আইনজীবী শ্রীযুত মুকুন্দ রামরাও জয়াকরকে আমন্ত্রণ করিয়াছিলেন। কিন্তু গোয়ার পৰ্তুগীজ সরকার তাঁহার গোয়া-প্রবেশ নিষিদ্ধ করিয়াছেন। তাঁহারা প্রথমে বোম্বাই ব্যবস্থা পরিষদের স্পীকার শ্রীযুত জি-ভি-মাবলকারকে আমন্ত্রণ করেন এবং তাঁহার প্রবেশও নিষিদ্ধ হয়। গোয়া সরকারের নিকট সঙ্গত কারণ প্রদর্শনের দাবী করিতে ডাঃ জয়াকর ভারত সরকারকে অনুরোধ করিয়াছেন। ডাঃ জয়াকর বৃটিশ সাম্রাজ্যের প্রধানতম বিচারালয়ের অন্যতম বিচারপতি; তবুও তাঁহার প্রতি ভারতের পৰ্তুগীজ সরকারের এইরূপ মনোভাব কেন কে বলিবে?

### পাট শিল্পের গবেষণা—

ভারত সরকার তিন লক্ষ পঁচাত্তর হাজার টাকা ব্যয়ে কলিকাতার শিল্প রাসায়নিক পরীক্ষাগারগুলিতে পাটের নূতন ব্যবহার আবিষ্কার করিবার জন্ত গবেষণার প্রসার করিতে সংকল্প করিয়াছেন, এ সংকল্পে আমরা সরকারকে সাধুবাদ দিতেছি। নিম্নলিখিত বিষয়ে গবেষণার ব্যবস্থা হইবে:—(১) স্থান পাটের স্থতা বুনন (২) শন প্রভৃতি অগ্নাত উদ্ভিদ তন্তুর সংমিশ্রণে পাটের স্থতা বুনন (৩)

পাট ও অগ্নাত উদ্ভিদ তন্তুর দ্বারা সুদৃশ্য বস্ত্র নির্মাণ (৪) বয়ন-প্রণালী উন্নয়ন (৫) বিবিধ বিষয়ে পরীক্ষামূলক কার্য করা; যথা—পাট হইতে ঘরের ছাদ নির্মাণের গৃহ-সজ্জার ও ইনসুলেটিং উপকরণ প্রভৃতি তৈয়ারির ব্যবস্থা; পট্টবস্ত্র রঞ্জন, চাকচিক্য সম্পাদন এবং শোধকরণ ব্যবস্থা। এই ব্যবস্থায় বাৎসরিক দশ হাজার টাকা খরচের বরাদ্দ করা লইবে।

### ডঃ অমিয় চক্রবর্তীর নূতন পদ—

আমরা জানিয়া প্রীত হইলাম যে অক্সফোর্ডের সিনিয়র গবেষক-সভ্য ডঃ অমিয় চক্রবর্তী কলিকাতা বিশ্ববিদ্যালয়ের পোস্ট গ্রাজুয়েট বিভাগের ইংরেজীর অধ্যাপকের পদ গ্রহণের জন্ত আমন্ত্রিত হইয়াছেন। ডঃ চক্রবর্তীর যোগ্যতা সম্বন্ধে আমরা আস্থাবান। আমরা তাঁহাকে এই সম্মানে আমাদের আন্তরিক প্রীতি ও শুভেচ্ছা জ্ঞাপন করিতেছি।

### পরলোককে ইয়াকুব আলি চৌধুরী—

বাঙ্গালার মুসলমান সমাজের সুপ্রসিদ্ধ সাহিত্যিক মৌলবী মহম্মদ ইয়াকুব আলি চৌধুরী সাহেব সম্প্রতি তাঁহার স্বগ্রাম ফরিদপুর জেলার পাংশায় মাত্র চুয়ান বৎসর বয়সে পরলোকগমন করিয়াছেন জানিয়া আমরা দুঃখিত হইলাম। পরলোকগত চৌধুরী সাহেব ছিলেন সরল, বন্ধুবৎসল, নিরহঙ্কার ও চিন্তাশীল লোক। তাঁহার প্রণীত 'নূরনবী', 'শান্তিধারা', 'ধর্মের কাহিনী' প্রভৃতি পুস্তকগুলি বঙ্গসাহিত্যে চিরকাল সমাদৃত হইবে। দেশের প্রতি তাঁহার মনতা কোন রাজনীতিকের অপেক্ষা কম ছিল না। সুবক্তা বলিয়াও তাঁহার প্রসিদ্ধি ছিল। তাঁহার সম্পাদিত 'কোহিনূর' এক সময় মাসিকপত্র জগতে বিশিষ্ট সমাদর লাভ করিয়াছিল সাম্প্রদায়িকতার কোলাহলে তিনি কখনও লিপ্ত হন নাই। আমরা তাঁহার শোকসন্তপ্ত পরিজনবর্গের প্রতি আমাদের আন্তরিক সমবেদনা জ্ঞাপন করিতেছি।

### বাধ্যতামূলক জীবনবীমা পরিকল্পনা—

বাঙ্গলা সরকার সরকারী কর্মচারীদের বাধ্যতামূলক জীবনবীমা করার উদ্দেশ্যে একটি পরিকল্পনা করিয়াছেন। জীবন বীমা যেভাবে স্বৈচ্ছামূলক প্ররুত্তিতে বিস্তার পাওয়া উচিত ছিল, আমাদের দেশে দুর্ভাগ্যক্রমে তাহা ঘটে নাই।

সে ক্ষেত্রে বাধ্যতামূলকভাবে জীবন বীমা প্রবর্তন হওয়া মন্দ নয়। তবে এই বীমা ভারতীয় বীমা কোম্পানীতে এবং যথাসম্ভব বাঙ্গালার বীমা কোম্পানীতে হওয়াই বাঞ্ছনীয়। বাধ্যতামূলক ব্যবস্থা অবলম্বন করিয়া বিদেশী বীমা কোম্পানীগুলির পৃষ্ঠপোষকতা করিলে দেশের অর্থ শোষণেরই ব্যবস্থা হইবে। অপর পক্ষে দেশীয় ও বিশেষ-ভাবে বাঙ্গালার বীমা কোম্পানীগুলিরই যে শ্রীবৃদ্ধি হইবে তাহা নহে, বীমা-ভাণ্ডারের অর্থে দেশের শিল্পবাণিজ্য গড়িয়া উঠারও সহায়তা করিবে।

### সাংবাদিকের সম্মান—

‘ইণ্ডিয়ান সোশ্যাল রিফরমার’ পত্রিকার ভূতপূর্ব সম্পাদক ও অতি প্রবীণ সাংবাদিক শ্রীযুক্ত নটরাজনের সংবাদপত্রসেবাক্ষেত্রে কৃতিত্ব স্মরণীয় করিয়া রাখিবার উদ্দেশ্যে শ্রীযুক্ত জয়াকরের নেতৃত্বে একটি স্মারক সমিতি গঠিত হইয়াছে। এই সমিতির ইচ্ছা, অন্যান্য দশ হাজার টাকা সংগ্রহ করিয়া তাঁহারা বোম্বাই বিশ্ববিদ্যালয়ের অধীনে নটরাজন চেয়ার অফ জর্নালিজম্ নামে সাংবাদিকতা শিক্ষা দিবার জন্ত একটি বক্তৃতার প্রতি বৎসর ব্যবস্থা করেন। নটরাজনের কর্মশক্তিকে স্বীকার করিয়া উহাকে স্মরণীয় করিয়া রাখিবার যে ব্যবস্থার আয়োজন বোম্বাই প্রদেশবাসীরা করিয়াছেন তাহা ভারতবাসী-মাত্রেরই সমর্থন লাভ করিবে। একজন সাংবাদিকের কাজের প্রতি জনসাধারণের এই আস্থায় সকল সাংবাদিকই গৌরব অনুভব করিবেন। আমরা শ্রীযুক্ত নটরাজনের এই গৌরবে আনন্দ প্রকাশ করিতেছি এবং তাঁহাকে আমাদের আন্তরিক অভিনন্দন জ্ঞাপন করিতেছি।

### আচার্য্য প্রফুল্লচন্দ্র-জন্মস্মৃতি—

আমরা জানিয়া আনন্দিত হইলাম যে আচার্য্য প্রফুল্লচন্দ্র রায়ের অশীতিতম জন্মতিথি উপলক্ষে তাঁহাকে সম্বর্ধিত করার প্রাথমিক ব্যবস্থা অবলম্বন সম্পর্কে আলোচনার জন্ত সম্প্রতি কলিকাতার গণ্যমান্য ব্যক্তিবর্গ ও বৈজ্ঞানিকগণ সমবেত হইয়াছিলেন। প্রতিপত্তিশালী ব্যক্তিগণকে লইয়া একটি কার্য্যকরী সমিতি গঠিত হইয়াছে এবং ভারতের সকলস্থান হইতেই এই উদ্দেশ্যে অর্থসংগ্রহের জন্ত আবেদন

প্রচারের সিদ্ধান্ত করা হইয়াছে। আচার্য্য রায় মহাশয়কে কিভাবে সম্বর্ধিত করা হইবে তাহা এখনও স্থির হয় নাই; তবে দেশের শিল্প ও অর্থনৈতিক অগ্রগতি সাধনে উৎসাহ দিবার জন্ত তাঁহার নামে কলিকাতা বিশ্ববিদ্যালয়ে একটি চেয়ার খুলিয়া শিক্ষাদানের ব্যবস্থার অন্তর্কূলে অনেকেই মত দিবেন বলিয়া আমাদের বিশ্বাস। আমরা উद्यোগীদের সাফল্য সর্বান্তঃকরণে কামনা করি।

### লোক গণনায় হিন্দুর কর্তব্য—

বঙ্গীয় প্রাদেশিক হিন্দু মহাসভা এবারের লোকগণনায় হিন্দুদের স্বার্থ বাহাতে যথাযথভাবে রক্ষিত হয় তাহার জন্ত নিখিলবঙ্গ লোকগণনা সমিতি নিযুক্ত করিয়াছেন শুনিয়া আমরা প্রীত হইলাম। এই সমিতি সমগ্র বঙ্গদেশকে পাঁচ বিভাগে ভাগ করিয়া জেলা কমিটিগুলি গঠন করিয়া দিবেন এবং তাহাদের কার্য্যাবলী যথাযথ হইতেছে কি-না তাহা পরিদর্শন করিবেন। জেলা কমিটিগুলি আবার থানা ও ইউনিয়ন বোর্ডে বিভক্ত হইয়া কার্য্যের সুবিধা করিয়া দিবে। আমাদের বিশ্বাস, এবার সমগ্র বাঙ্গালার হিন্দু অধিবাসীরা লোকগণনায় হিন্দু মহাসভার নিযুক্ত ব্যক্তি-দিগকে আবশ্যিক সাহায্য করিতে কুণ্ঠিত হইবেন না। কেন না, ইহারই উপর হিন্দু সাধারণের জীবন মরণ নির্ভর করিতেছে।

### শ্রীযুক্ত গুরুসদয় দত্ত—

ভারতীয় সিভিল সার্ভিসের শ্রীযুক্ত গুরুসদয় দত্ত সম্প্রতি তাঁহার কর্মবহুল চাকরি-জীবন হইতে অবসর গ্রহণ করিয়া দেশের ও দেশের সেবায় আত্মনিয়োগ করিয়াছেন জানিয়া আমরা আনন্দ প্রকাশ করিতেছি। চাকরি-জীবনে তিনি বহু জেলার ম্যাজিস্ট্রেটের পদে নিযুক্ত ছিলেন, কিন্তু পুরাদস্তুর সিভিলিয়ানী মনোবৃত্তির অনুসরণ করিতে পারেন নাই। তাঁহার নির্ভীক স্বাধীন মন ও দুর্দমনীয় স্বদেশপ্রীতিই তাঁহাকে চাকরি-জীবনে তাঁহার যোগ্যতানুযায়ী উন্নতি লাভের অন্তরায় সৃষ্টি করিয়াছে। পল্লী-উন্নয়ন প্রসঙ্গে তাঁহার চেষ্টা দেশবাসী স্বীকার করিয়া লইয়াছে। জেলা ম্যাজিস্ট্রেট হইয়াও তিনি স্বহস্তে কচুরীপানা পরিষ্কার করিয়াছেন, জঙ্গল ও আগাছা উৎপাটন করিয়াছেন, কোদালহস্তে খাল ও

পুকুর সংস্কারে কর্মীদের অধিনায়ক হইয়াছেন। বাঙ্গালার লোকনৃত্যের পুনরুদ্ধার, নারীশিক্ষার জন্ত ‘সরোজনলিনী’ আন্দোলন ও সর্বশেষে ব্রতচারী আন্দোলন তাঁহার অমর কীর্তি। শেষোক্তটি ভারতের অনেক স্থানেই ছড়াইয়া পড়িয়াছে। জেলা ম্যাজিস্ট্রেট-হিসাবে গণ-আন্দোলন দমন করিয়া আমলাতান্ত্রিক মনোভাবের পরিচয় দেন নাই বলিয়াই সরকার তাঁহাকে কোন প্রকার উপাধি বা সম্মান প্রদান করেন নাই। তাঁহার প্রতি দেশবাসীর শ্রদ্ধা, ভালবাসা ও বিশ্বাসই হইবে সরকারী উপাধি অপেক্ষা অধিকতর মূল্যবান।

### জীবিকা গ্রহণের মনস্তত্ত্ব—

কলিকাতা বিজ্ঞান কলেজের গবেষক শ্রীযুক্ত সরোজেন্দ্রনাথ রায় মহাশয় এ বৎসর ‘জীবিকা গ্রহণের মনস্তত্ত্ব’ সম্বন্ধে মৌলিক প্রবন্ধ রচনার জন্ত কলিকাতা বিশ্ববিদ্যালয় হইতে ‘জুবিলি’ পুরস্কার পাইয়াছেন। মনস্তত্ত্ব বিভাগ হইতে ‘জুবিলি’ পুরস্কার ইতিপূর্বে আর কেহই লাভ করেন নাই। বিষয়টিও যে সময়োপযোগী হইয়াছে তাহাতে সন্দেহ নাই। ছেলেরা পরীক্ষা পাশ করিয়া কর্মজীবন আরম্ভ করিতে গিয়া কোন দিকে যাইবে স্থির করিতে পারে না। ভাগ্যক্রমে যাহার যে কাজ জুটিয়া যায়, তিনি তাহা লইয়াই সন্তুষ্ট থাকিতে বাধ্য হন। আর দুর্ভাগ্যক্রমে যদি সে কাজ তাঁহার মনঃপূত না হয় তাহা হইলে দুঃখের সীমা থাকে না। কিন্তু সহজাত শক্তি ও মনোবৃত্তির ধারা অনুসারে যিনি যে ক্ষেত্রের যোগ্য তিনি সেই ক্ষেত্র অধিকাংশ স্থলেই লাভ করেন না। সেইজন্ত তাঁহার যোগ্যতা ও কর্মশক্তি সমাজ ও রাষ্ট্রের পক্ষে অনেক সময়ই কল্যাণজনক হয় না। কাজেই আমাদের দেশের বৈজ্ঞানিকগণ শিক্ষার সে ক্রটি আবিষ্কারে মনোযোগী হইয়াছেন জানিয়া আমরা আনন্দ প্রকাশ করিতেছি।

### আদমসুমারির ব্যয় নির্বাহ—

বাঙ্গালায় লোক গণনার কাজে যে অতিরিক্ত ব্যয় হইয়াছে তাহা সঙ্কলনের জন্ত সরকারকে, বিভিন্ন মিউনিসিপ্যালিটি প্রভৃতি স্থানীয় কর্তৃপক্ষদের নিকট অর্থ আদায় করিবার ক্ষমতা দিয়া সম্প্রতি বাঙ্গালার ব্যবস্থা পরিষদে


এক বিল পাশ হইয়াছে। ভারত সরকার আগামী আদমসুমারি ব্যাপারে বিভিন্ন জাতিবর্ণ-হিসাবে হিন্দু সমাজের লোকগণনা করিতে অস্বীকৃত হইয়াছেন। অপর-পক্ষে বাঙ্গালা সরকার জাতিবর্ণহিসাবে ভাগ করিয়া হিন্দু সমাজের লোক গণনার উপর জোর দিতেছেন। জাতি হিসাবে হিন্দুদিগকে গণনা করিতে হইলে যে অতিরিক্ত ব্যয় পড়িবে তাহা মিটাইবার জন্তই বাঙ্গালা সরকার বর্তমান বিলটি পাশ করিয়া লইয়াছেন। মুসলমানদের সম্বন্ধে কি ব্যবস্থা হইয়াছে?

### বীরভূমে ভীষণ দুর্ভিক্ষ—

বীরভূমে প্রায় এগার লক্ষ লোকের বাস; তাহাদের প্রায় সকলেই কৃষিজীবী। এ বৎসর অনাবৃষ্টির জন্ত শতকরা দশ ভাগ শস্যও কৃষক পায় নাই; তাহার উপর পশুদের আহাৰ্য্য নাই; পুষ্করিণী জলশূন্য। পানীয়ের অভাব ইতিমধ্যে লক্ষিত হইতেছে, বহু নরনারী ইতিমধ্যেই অর্দ্ধাশনে ও অনশনে দিন কাটাইতে আরম্ভ করিয়াছে। সরকার পক্ষও ইহার ভয়ালতা বুঝিতে পারিয়া সজাগ হইয়াছেন ও ইতিমধ্যে ব্যবস্থা পরিষদে ইহা লইয়া আলোচনা হইয়া গিয়াছে। বীরভূমের প্রতিষ্ঠাবান ব্যক্তিগণ সম্মিলিতভাবে কিছুদিন পূর্বে এক যুক্ত বিবৃতিতে বীরভূমের অবস্থার কথা বর্ণনা করিয়াছেন। এ বিষয়ে কাজও আরম্ভ করা হইয়াছে। গত নভেম্বর মাসে কলিকাতায় ‘বীরভূম দুর্ভিক্ষ সাহায্য সমিতি’ নামে একটি সমিতি বীরভূমের তরুণ ও ছাত্রদের দ্বারা প্রতিষ্ঠিত হইয়াছে এবং তাঁহারা কাজ আরম্ভ করিয়াছেন। কলিকাতায় বীরভূমবাসীদের ‘বীরভূম সম্মেলন’ নামে যে বহু প্রাচীন প্রতিষ্ঠান আছে তাঁহারাও বীরভূমের দুর্ভিক্ষ নিবারণ কল্পে একটি সাহায্য সমিতি খুলিয়াছিলেন। গত ২০শে ডিসেম্বর হইতে দুইটি সমিতি একসঙ্গে যুক্ত হইয়া কাজ করিতেছেন—কারণ তাহাতে কাজের পরিমাণও বাড়িবে এবং কাজের সুবিধা হইবে বলিয়া আশা করা যায়। ঐ যুক্ত সমিতি ‘বীরভূম দুর্ভিক্ষ সাহায্য সমিতি’ নামেই কাজ করিতেছে। সমিতির অফিস ১৫৯ এ বহুবাজার ষ্ট্রীটে যুগ্ম-সম্পাদক শ্রীযুক্ত ব্রজগোপাল মিত্রের নামে যে কোনো সাহায্য প্রেরণ করা চলিবে।

### চারুকলা বিষয়ে শিক্ষার ব্যবস্থা—

বাংলা দেশের উচ্চ ইংরেজী স্কুলগুলির যে সকল শিক্ষক চারুকলা বিষয়ে শিক্ষা দিবেন, তাঁহাদিগকে বিশেষ শিক্ষা দিবার জন্ত কলিকাতা বিশ্ববিদ্যালয় আগামী বৎসরের গোড়াতেই একটি স্বল্পকালব্যাপী শিক্ষাব্যবস্থা নির্ধারণ করিবেন। ম্যাট্রিকুলেশন পরীক্ষার জন্ত যে নূতন পাঠ্য নির্দিষ্ট হইয়াছে তাহাতে 'চারুশিল্পের বোধ' (রেখাঙ্কন ও চিত্রাঙ্কন) অন্যতম অবশ্য শিক্ষণীয় বিষয়। এ বিষয়ে যাহারা শিক্ষা দিবেন তাঁহাদের সাহায্যকল্পে এই ব্যবস্থা করা হইবে। নির্দিষ্ট পাঠ্যতালিকায় শিক্ষা সম্বন্ধে সাধারণ নীতিবিষয়ক বক্তৃতা, চারুশিল্প সম্বন্ধে বিবিধ জ্ঞাতব্য তথ্য, চিত্রাঙ্কন,



শ্রীমতী উমারানী মুখোপাধ্যায়—সাঁওতাল পরগণার কংগ্রেসকর্মী লম্বোদরবাবুর পত্নী। ইনিও সম্প্রতি কারাবরণ করিয়াছেন।  
ভাষ্য, স্থপতিবিদ্যা সম্বন্ধে পরীক্ষালব্ধ অভিজ্ঞতা অর্জন প্রভৃতি বিষয় সন্নিবিষ্ট হইবে। আমরা বিশ্ববিদ্যালয়ের এই প্রচেষ্টার প্রশংসা করিতেছি।

### ভারতের হাইকমিশনার—

দক্ষিণ আফ্রিকায় ভারতের এজেন্ট জেনারেল আছেন শ্রীযুক্ত রাম স্মাণ্ড। সম্প্রতি এক সরকারী ঘোষণায় তাঁহার পদবী বদলাইয়া তাঁহাকে ভারতের 'হাইকমিশনার' বলিয়া ঘোষণা করা হইয়াছে। দক্ষিণ আফ্রিকায় ভারতের

হাইকমিশনার অতঃপর অন্যান্য বৃটিশ উপনিবেশিক হাইকমিশনারদের অনুরূপ পদমর্যাদা লাভ করিবেন। কিন্তু ইহাতে উল্লসিত হইবার কিছু আছে বলিয়া মনে হয় না। যতদিন ভারত স্বাধীন রাষ্ট্রের মর্যাদা না পায় ততদিন বিদেশে তাহার প্রতিনিধিদের এজেন্ট জেনারেল, হাইকমিশনার, কন্সাল, ম্যাজিস্ট্রেট—যে-কোন নামই দেওয়া হোক না, তাঁহার পদমর্যাদা বা সম্মান তাহাতে বাড়িবে না।

### সার রাধাকৃষ্ণনের ভাষণ—

সম্প্রতি কলিকাতায় বহুনির্দিষ্ট মাধ্যমিক শিক্ষাবিলের প্রতিবাদে যে সম্মিলন হইয়া গিয়াছে তাহার শিক্ষা ও সংস্কৃতি প্রদর্শনীর উদ্বোধন প্রসঙ্গে শ্রী সার সর্বপল্লী রাধাকৃষ্ণন মাধ্যমিক শিক্ষাবিলের বিরুদ্ধে যে সারগর্ত মন্তব্য করিয়াছেন তাহা নানা কারণেই বাংলার মন্ত্রীমণ্ডলীর মনোযোগ আকর্ষণের যোগ্য। শ্রী রাধাকৃষ্ণন বলিয়াছেন, সর্বক্ষেত্রে বিশেষভাবে শিক্ষাক্ষেত্রে সাম্প্রদায়িক নীতি প্রবর্তন করিয়া মন্ত্রীমণ্ডলী ভারতে মহাজাতিগঠনের বিরুদ্ধবাদীদের হাতে সম্পূর্ণ আত্মসমর্পণ করিয়াছেন। শ্রী রাধাকৃষ্ণন রাজনীতিক নেতা নহেন, হিন্দু মহাসভার সদস্যও নহেন, তিনি শিক্ষাব্রতী; সুতরাং তাঁহার মতের গুরুত্ব কতখানি, তাহা আমাদের মন্ত্রীমণ্ডলী অহুধাবন করিলে উপকৃত হইবেন।


### সহযোগিতার আবেদন—

সম্প্রতি বৃটিশ কমন্স সভার সকল দলের নয়জন সদস্য মিলিয়া ভারতবাসীদের প্রতি সহযোগিতার আবেদন প্রকাশ করিয়াছেন। তাঁহাদের আবেদনে ভারতের সাম্প্রদায়িক সমস্যার উপর যথারীতি গুরুত্ব আরোপ করিয়া বড়লাটের প্রত্যাখ্যাত প্রস্তাব গ্রহণের জন্ত সনির্বন্ধ অনুরোধ জ্ঞাপন করা হইয়াছে। তাঁহাদের সুদীর্ঘ আবেদনে বৃটিশমূলত্ব কূটনীতির পরিচয় যেমন আছে, উদারদৃষ্টিতে ভারতীয় সমস্যা সমাধানের আশ্রয় তেমন নাই। ভাষার হের-ফেরে বক্তব্য বিষয়ের যে বিশেষ কোন পরিবর্তন দেখা গিয়াছে তাহা নহে; বড়লাট গিনলিথগো যে সব যুক্তি প্রদর্শন করিয়া কংগ্রেসকে নিরাশ করিয়াছেন, এই তথাকথিত আবেদনে সেই সব যুক্তিই ভাষার আবরণে আচ্ছাদিত করিয়া চেষ্টা করিয়াছে। সুতরাং আমাদের বিশ্বাস, যতক্ষণ না

ব্রিটিশ রাজনীতিক ধুরন্ধরেরা সরল, সহজ ও স্পষ্টভাষায় ভারতের দাবী ভারতবাসীর দিক দিয়াই ভাবিয়া লইবেন বলিয়া আশ্বাস দিবেন, ততক্ষণ এ ধরনের মিলন চেষ্টা পণ্ড্রমে পর্য্যবসিত হইবে।

### প্রবাসী বঙ্গসাহিত্য সম্মিলন—

এবার বড়দিনের ছুটিতে জামসেদপুরে প্রবাসী-বঙ্গ-সাহিত্য সম্মিলনের অষ্টাদশ অধিবেশন হইয়া গিয়াছে। মূল-সভাপতি নির্বাচিত হইয়াছিলেন বরোদা রাজ্যের সচিব রাজরত্ন শ্রীযুক্ত সত্যব্রত মুখোপাধ্যায়। কিন্তু শেষ মুহুর্তে অসুস্থতা নিবন্ধন তিনি সম্মিলনীতে যোগদান করিতে না পারায় তাঁহার স্থানে শ্রীযুক্ত গুরুসদয় দত্ত মহাশয়কে মূল-সভাপতি নির্বাচিত করা হয়। সাহিত্যশাখার সভাপতি হন শ্রীযুক্ত অন্নদাশঙ্কর রায় আই-সি-এস মহাশয়। বিজ্ঞান শাখায় ডঃ বীরেশচন্দ্র গুহ, বৃহত্তর বঙ্গশাখায় ডঃ কালিদাস নাগ ও মহিলা-বিভাগে শ্রীমতী কুমুদিনী বসু সভানেত্রীত্ব করেন। প্রদর্শনীর ধারোদঘাটন করেন শ্রীযুক্ত রামানন্দ চট্টোপাধ্যায় মহাশয়। এবারের সম্মিলনীর বৈশিষ্ট্য এই প্রদর্শনী। এই প্রদর্শনীতে গত এক বৎসরের মধ্যে প্রকাশিত বাঙ্গালা পুস্তক ও পত্রিকাবলী প্রদর্শিত হইয়াছে। প্রদর্শনীতে শিশুসাহিত্য বিষয়ক পুস্তকই বেশী প্রদর্শিত হইয়াছে। মোট সাত শত



সাহিত্য শাখার সভাপতি—শ্রীযুক্ত অন্নদাশঙ্কর রায় আই-সি-এস

ও ২৪খানা সাময়িক পত্র প্রদর্শিত হইয়াছে। অভ্যর্থনা সমিতির অরুহেলায় ও ক্রটিতে এই প্রদর্শনী

তেমন সাফল্যলাভ করিতে পারে নাই। গ্রন্থ প্রকাশকদের নিকট তেমনভাবে প্রদর্শনীর বিষয় অধুরোধ জ্ঞাপন করা



বিজ্ঞান শাখার সভাপতি—ডক্টর বীরেশচন্দ্র গুহ

হয় নাই বলিয়াই পুস্তক সংখ্যা এত কম হইয়াছে, তথাপি এ প্রচেষ্টা প্রশংসাযোগ্য সন্দেহ নাই।

অভ্যর্থনা সমিতির সভাপতি নির্বাচিত হন প্রসিদ্ধ ব্যবসায়ী শ্রীযুক্ত নগেন্দ্রনাথ রক্ষিত মহাশয়। টাটা কোম্পানীর প্রধান কর্মকর্তা শ্রীযুক্ত জে, জে, গান্ধী মহাশয় সম্মিলনীর ধারোদঘাটন করেন।

মূল-সভাপতি শ্রীযুক্ত গুরুসদয় দত্ত মহাশয় তাঁহার মনোক্ত অভিভাষণে প্রসঙ্গত বলেন—‘জীবনযাত্রার সকল স্তরে বাঙ্গালী আজ পিছনে পড়িয়া রহিয়াছে। রাজনীতিক, আর্থিক ও অল্প সকলক্ষেত্রে বাঙ্গালা আজ পরাজয়ের সম্ভাবনায় বিব্রত হইয়া পড়িয়াছে। কিন্তু তমিস্রা রাজ্যের ঘোর অন্ধকারের মধ্যেও ক্ষীণতম আলোকরশ্মি দেখা যাইতেছে। অল্পদিকে বাহাই হউক না কেন, বাঙ্গালী সাহিত্য প্রতিভায় সমুজ্জ্বল হইয়া রহিয়াছে। পৃথিবীর শ্রেষ্ঠতম সাহিত্যগুলির সহিত সঙ্গতি রাখিয়া ইহার পুষ্টি ও প্রগতি ঘটয়াছে।’

সাহিত্য শাখার সভাপতি শ্রীযুক্ত অন্নদাশঙ্কর রায় মহাশয় তাঁহার স্মৃতিস্তিত অভিভাষণে এদেশের সম্মিলনের চিরাচরিত রীতিকে ছাড়িয়া গিয়াছেন। তিনি অভিভাষণে একটি মনোক্ত গল্পের আকারে তাঁহার বক্তব্য প্রকাশ করিয়াছেন। তিনি প্রসঙ্গত বলিয়াছেন—‘সাহিত্যিকেরা প্রধানত সাহিত্যের

সৌন্দর্য্য ও আর্ট লইয়া কারবার করিবেন, অথবা জন মনোভাবের সামাজিক দিকটা লইয়াই বিশেষ শ্রেণীর সাহিত্য সৃষ্টি করিবেন? সাহিত্য কিসের জন্ত এবং সাহিত্য কলওয়ালার স্বেচ্ছাচার, 'জাগো কিষাণ-মজদুর' ইত্যাদি লিখে শ্রেণী-সাহিত্য পরিবেষণ করা কঠিন নয়। কিছু গরম মসলার সঙ্গে মার্কস্ বাটা মিশিয়ে ওকে স্বাদু করতে পারা



নিখিলবঙ্গ সঙ্গীত প্রতিযোগিতার মহিলা (ক) বিভাগের পুরস্কারপ্রাপ্ত মহিলাবৃন্দ —কটো শ্রীপালা সেন

কাদের জন্ত?... 'তাকে সাহিত্য সৃষ্টি করতে হবে এমন ভাবে, যেন একদিন শিক্ষাবিস্তার হলে সব শ্রেণীর লোক সেই সৃষ্টি উপভোগ করিতে পারে। এমন এক রস দিয়ে যাবে, যা সমাজ-বিপ্লবের আগে বা রাষ্ট্র-বিপ্লবের আগে ফুরিয়ে যাবে না। এমন এক অমৃত পরিবেষণ করবে যা ইদানীন্তন সহজ। কিন্তু সাহিত্য বলে যদি তাই গণ্য করা হয়, তবে শ্রেণীসাহিত্য কেন নিম্নশ্রেণীর সাহিত্য বলেই তা গণ্য হবে। কিন্তু আমার সোনার তরীতে যদি সোনার ধানই না থাকল, তবে বাকী সব থেকে হবে কী। ও কি সাহিত্য হবে? যখন বলি—আর্ট ফর্ আর্টস্ সেক—তখন শুধু এই কথাই বলি



নিখিল বঙ্গ সঙ্গীত প্রতিযোগিতার মহিলা (খ) বিভাগে পুরস্কারপ্রাপ্ত মহিলাবৃন্দ —কটো শ্রীপালা সেন

দেবতারার ধেরে শেষ করে দেবেন না, যা তথাকথিত দেবতারার জন্তও সজুত থাকবে।... জমিদারের অত্যাচার, যে, সোনার ধানের জন্তই সোনার তরী। তা বাকী... তিনিষকে বাদ দিইনে, ওজন বুঝে জমিদারী পিছা





দিল্লীতে ভারতীয় মহিলা সম্মেলনে সমবেত ত্রিবান্দুরের মহারাণী,  
লেডী প্রতিমা মিত্র প্রভৃতি



কংগ্রেস নেত্রী শ্রীযুক্তা কমলা দেবী চট্টোপাধ্যায় আমেরিকার  
ক্যালিফোর্নিয়ায় ভ্রমণে গিয়াছেন



কারমাইকেল মেডিকেল কলেজে প্রাক্তন ছাত্র মিলন উৎসব



লণ্ডনে দরিদ্র ব্যক্তিগণের বাসগৃহ—বোমা পড়িয়া ভাঙ্গিয়া গিয়াছে



লণ্ডনে কাউন্টি কাউন্সিল হলের সম্মুখে বোমা পড়িয়া এরূপ গর্ত হইয়াছে



রাজকীয় ভারতীয় নৌবাহিনীতে গৃহীত নূতন শিক্ষানবীশদল ব্যায়াম করিতেছে

সাহিত্য শাখায় শ্রীযুক্ত রাজশেখরবাবুর লিখিত 'বাংলা ভাষার আধুনিক রূপ', অধ্যাপক বিজনবিহারী ভট্টাচার্যের 'বাংলাভাষার নীতি ও আদর্শ', মহামহোপাধ্যায় পণ্ডিত শ্রীযুক্ত প্রমথনাথ তর্কভূষণের 'বাংলাভাষার বিজ্ঞাতীয় শব্দ' ইত্যাদি কয়েকটি সারগর্ভ প্রবন্ধ পঠিত হয়।

বিজ্ঞান শাখায় সভাপতি ডক্টর বীরেশচন্দ্র গুহ 'বিজ্ঞান ও মানবতা' সম্পর্কে একটি সুচিন্তিত অভিভাষণ পাঠ করেন। 'বৃহত্তর বঙ্গ' শাখায় সভাপতি ডক্টর কালিদাস নাগ তাঁহার অভিভাষণ পাঠ করেন। উভয় শাখাতেই বিশিষ্ট সুধীবৃন্দ বিজ্ঞান বনাম সাহিত্য এবং জাতি হিসাবে বাঙ্গালীর অখণ্ডতা এবং ঐক্য লাভের ও বজায় রাখার সমস্যা সম্পর্কে অনেকগুলি প্রবন্ধ পাঠ করেন। মহিলা বিভাগের সভানেত্রীর আসন গ্রহণ করেন শ্রীযুক্তা কুমুদিনী বসু। মহিলা বিভাগেও বাঙ্গালা ভাষায় মহিলার স্থান ও দান সম্বন্ধে অনেকগুলি প্রবন্ধ পঠিত হয়। সন্মিলনীর আগামী অধিবেশন কাশীতে হইবে স্থির হইয়াছে। সন্মিলনীতে অনেকগুলি প্রস্তাব গৃহীত হইয়াছে। তন্মধ্যে আগামী আদমস্মারিতে প্রবাসী বাঙ্গালীদের মাতৃভাষা যে বাঙ্গালা—তাঁহা লিপিবদ্ধ করার অস্বীকার অস্বীকার। আর একটি প্রস্তাবে এইরূপ অভিমত ব্যক্ত করা হয় যে, বঙ্গের বাহিরে ভারতের সমস্ত প্রধান প্রধান রেডিও স্টেশনেই প্রতি সপ্তাহে বাঙ্গালা প্রোগ্রামের জন্য উপযুক্ত বন্দোবস্ত হওয়া উচিত। কলিকাতা ও ঢাকার রেডিও স্টেশনে অবাঙ্গালী প্রোগ্রামের যেরূপে ব্যবস্থা করা হয়, সেই ধারায় বাঙ্গালার বাহিরে ভারতের বেতারস্টেশনগুলির কর্মসূচীতেও বাঙ্গালা প্রোগ্রামের অস্বীকার ব্যবস্থা করা কর্তব্য। রবীন্দ্রনাথের রোগমুক্তিতে আনন্দ প্রকাশ এবং সুস্থ দেহে আরও দীর্ঘকাল জীবন ধারণের কামনা এবং শ্রীযুক্ত সুভাষচন্দ্র বসু, রাজরত্ন সত্যব্রত মুখোপাধ্যায়, শ্রী লালগোপাল মুখোপাধ্যায়ের সত্বর রোগমুক্তির প্রার্থনা সম্মেলন করেন। গত কয়েক বৎসরে যে সব বিশিষ্ট সাহিত্যিকের মৃত্যু হইয়াছে তাঁহাদের জন্য সম্মেলন শোকপ্রকাশও করেন।


### বিতর্ক প্রতিযোগিতায় বাঙ্গালী—

এবারেও কলকাতায় আন্তঃবিশ্ববিদ্যালয় বিতর্ক প্রতিযোগিতায় কলিকাতা বিশ্ববিদ্যালয়ের ছাত্র শ্রীমান্ সাধনচন্দ্র

গুপ্ত ও শ্রীমান্ পূর্ণেন্দু বন্দ্যোপাধ্যায় জয়লাভ করিয়াছেন। শ্রীমান্ সাধনচন্দ্র প্রথম স্থান অধিকার করিয়াছেন। গত বৎসরে তাঁহারা লাহোরে অনুষ্ঠিত আন্তঃবিশ্ববিদ্যালয় বিতর্ক প্রতিযোগিতায় জয়লাভ করিয়া বাঙ্গালীর গৌরব বৃদ্ধি করিয়াছিলেন। আমরা এই দুইটি বর্ষব্যাপী যুবকের সর্বাঙ্গীন কল্যাণ কামনা করি।

### ছাত্রীর কৃতিত্ব—

চট্টগ্রাম কলেজের ছাত্রী কুমারী গৌরী গঙ্গোপাধ্যায় এ বৎসর বি-এস-সি পরীক্ষায় উত্তীর্ণ হইয়া 'পেডলার পদক' লাভ করিয়াছেন। ব্যবহারিক রসায়নে প্রথম স্থান



কুমারী গৌরী গঙ্গোপাধ্যায়


অধিকারীকে এই পদক দেওয়া হইয়া থাকে। ছাত্রীদের মধ্যে কুমারী গৌরীই সর্বপ্রথম এই পদক পাইলেন। ইনি চট্টগ্রাম কলেজের অধ্যাপক শ্রীযুক্ত সতীশচন্দ্র গঙ্গোপাধ্যায়ের কন্যা। আমরা শ্রীমতীর উত্তরোত্তর সাফল্য কামনা করি।

### ব্রহ্মসাহিত্য সম্মেলন—

কলিকাতা বিশ্ববিদ্যালয়ের অধ্যাপক শ্রীযুক্ত প্রিয়রঞ্জন সেনের সভাপতিত্বে এবারে 'নিখিল ব্রহ্ম বাঙ্গালা সাহিত্য সন্মিলন' সুসম্পন্ন হইয়া গিয়াছে। শাসনকার্যের অজুহাতে ব্রহ্ম ভারত হইতে বিচ্ছিন্ন হইলেও এই দুইটি দেশ রাজনীতি, অর্থনীতি ও সংস্কৃতির দিক হইতে নিবিড়ভাবে জড়িত। ভবিষ্যতে যে এই দুই দেশ আবার একত্র হইবে তাহাতে সন্দেহ নাই। স্বদেশের সঙ্গে মিলনসেতু হিসাবে প্রবাসী বাঙ্গালীদের এই প্রচেষ্টা উত্তরোত্তর শ্রীমণ্ডিত হইয়া উঠুক— ইহাই আমরা কামনা করি।

### পরলোকক নলিনীরঞ্জন পণ্ডিত—

নলিনীরঞ্জন পণ্ডিত মহাশয়ের অকালবিয়োগে একজন নিষ্ঠাবান অক্লান্ত কর্মী সাহিত্যসেবীর অভাব হইল। যে কয়জনের আশ্রয় চেষ্টায় বঙ্গীয় সাহিত্য পরিষদ গড়িয়া উঠিয়াছে নলিনীরঞ্জন তাঁহাদের মধ্যে একজন। তাঁহার রচিত ‘কান্তকবি রজনীকান্ত’ তাঁহার তথ্য সংগ্রহ, লিপিকুশলতা ও যোগ্যতার পরিচায়ক। বিগত পঁচিশ-ত্রিশ বৎসরের মধ্যে বাঙ্গালার যেখানেই কোন সাহিত্য সভা বা সম্মিলন আহুত হইয়াছে, সেখানেই নলিনীরঞ্জন উৎসাহী কর্মীরূপে দেখা দিয়াছেন। ছোট-বড়, নবীন-প্রবীণ—সকল শ্রেণীর সাহিত্যিকের তিনি আপনজন ছিলেন। দারিদ্র্য ও বহুবিধ সাংসারিক দুঃখ দুর্দশার মধ্যেও সাহিত্য বিষয়ে তাঁহার যে সদাজাগ্রত উৎসাহ ছিল তাহা অস্ত্রের মনেও উৎসাহেব সঞ্চার করিত। মৃত্যুকালে তাঁহার বয়স মাত্র আটান্ন বৎসর



নলিনীরঞ্জন পণ্ডিত

হইয়াছিল। আমরা তাঁহার শোকসহপুত্র পরিজনবর্গ ও অগণিত বন্ধুবর্গকে আমাদের আন্তরিক সমবেদনা জানাইতেছি।

### পরলোকক গোষ্ঠবিহারী বিশ্বাস—

কলিকাতার প্রসিদ্ধ মৎস্য ব্যবসায়ী, বাঙ্গালীর সুপরিচিত জেলেপাড়া সড়ের প্রবর্তক গোষ্ঠবিহারী বিশ্বাস ৬৯ বৎসর বয়সে পরলোকগমন করিয়াছেন। সাহস, সততা ও অধ্যবসায় সঞ্চল করিয়া সামান্ত অবস্থা হইতে অসামান্ত কর্মনিষ্ঠায় কর্মক্ষেত্রে যাহারা প্রতিষ্ঠালাভে সমর্থ হইয়াছেন, বিশ্বাস মহাশয় তাঁহাদেরই অন্ততম ছিলেন। ভারতের বহু ভাইসরয় ও বিভিন্ন প্রদেশের গবর্নর ইহাকে নিয়োগপত্র (warrent of appointment) দ্বারা সম্মানিত করেন। স্বীয় সমাজের ও জাতীয় ব্যবসায়ের শ্রীবৃদ্ধি সম্বন্ধে ইনি যেরূপ উজোগী ছিলেন, সাধারণ প্রতিষ্ঠান ও জনহিতকর

অস্থানগুলিকেও সেইরূপ আগ্রহ সহকারে সাহায্য করিতেন। বিশ্বাস মহাশয় দুই পুত্র ও চারিটি কন্যা রাখিয়া



গোষ্ঠবিহারী বিশ্বাস

গিয়াছেন। জ্যেষ্ঠ পুত্র শ্রীমান জ্যোতিশ্চন্দ্র উচ্চশিক্ষিত ও সুলেখক। আমরা তাঁহাদের পিতৃশোকে সমবেদনা জ্ঞাপন করিতেছি।

### জাতাজ ব্যবসায়ের পক্ষপাতিত্ব—


ভারতের উপকূল বাণিজ্য সম্পর্কে দেশীয় ব্যবসায়ীদের স্বার্থসংরক্ষণের জন্ত ব্যবস্থা অবগমন করিয়াছেন বলিয়া ভারত সরকার যে বিবৃতি দিয়াছেন তাহার সমালোচনা করিয়া সিন্ধিয়া স্টিম নেভিগেশন কোম্পানীর পরিচালক শ্রীযুক্ত শান্তি-কুমার এন্ মোরারজী জানাইতেছেন যে, বৃটিশ মূলধনে পরিপুষ্ট মোগল লাইনের জাহাজগুলি করাচী, কলিকাতা, বোম্বাই ও লোহিতসাগরের বন্দরসমূহে যাতায়াত করিতেছে। আসলে তাহাদের গতিবিধি কোনমতেই নিয়ন্ত্রিত হয় নাই। ভারতের পশ্চিমভাগে বিভিন্ন বন্দরের দেশীয় বাণিজ্য-জাহাজের পরিচালনা সরকার গ্রহণ করিয়াছেন। বার বার আবেদন নিবেদন করিয়াও ইহার একখানি জাহাজ দেশীয় লোকদের হাতে দেওয়া হয় না। ইহা হইতে স্পষ্ট করিয়াই আমরা বুঝিতে পারিতেছি যে, বৃটিশ মূলধনে পুষ্ট বিদেশীয় কোম্পানীর জাহাজগুলিকে স্বাধীনভাবে ব্যবসায় চালাইবার অনুমতি দিয়া আসলে দেশীয় জাহাজ ব্যবসার ও নৌবাণিজ্যের উচ্ছেদে সরকার সহায়তা করিতেছেন। ভারতীয় জাহাজকোম্পানীসমূহকে শতকরা পনের টাকা ভাড়া বাড়াইবার অধিকার দেওয়া হয় নাই; অপরগক্ষে কিন্তু মোগল লাইনের বীমা-ব্যয় সরকার বহন করিতেছেন এবং তাহাদের ভাড়াও শতকরা পঁচাত্তর টাকা বাড়াইবার অনুমতি দিয়াছেন। এই অসাম্য সম্পর্কে আমরা ভারত সরকারের দৃষ্টি আকর্ষণ করিতেছি।

**বাঙ্গালীরা কলকাতায়—**

বাঙ্গালার প্রাদেশিক কংগ্রেস ও কেন্দ্রীয় কংগ্রেসের সভাপতির মধ্যে বিবাদের ফলে যে অবস্থার উদ্ভব হইয়াছে তাহা নিতান্তই অপ্রীতিকর। এই উপলক্ষে প্রাদেশিক কমিটির পক্ষ হইতে কেন্দ্রীয় কংগ্রেসের সভাপতি মৌলানা আবুল কালাম আজাদের প্রতি বিবৃতির আকারে যেসব অশোভন উক্তি প্রচারিত হইতেছে তাহা সঙ্গত নহে, বরং তাহাতে বাঙ্গালী চরিত্রের দুর্বলতাই প্রকাশিত হইতেছে। অপর পক্ষে বাঙ্গালায় যাহারা প্রকৃত নেতৃস্থানীয় তাঁহাদিগের বহিষ্কারের ফলে বাঙ্গালার রাজনৈতিক আন্দোলন যে দুর্বল হইয়াই পড়িবে তাহাতে কোন সন্দেহ নাই। যেমন কোন প্রতিষ্ঠান পরিচালন করিতে হইলে সকলকেই নিয়মানুবর্তিতা মানিয়া লইতে হয়, তেমনই তাহা কঠোরভাবে প্রযুক্ত না হইলেও সঙ্গত হয়। আমরা অবশ্য কোন পক্ষেরই ওকালতি করিব না; আমরা চাই যে অবিলম্বে এই অপ্রীতিকর অবস্থার একটা সুমীমাংসা হইয়া দেশের রাজনৈতিক ক্ষেত্র স্বাস্থ্যকর আবহাওয়ার পরিণত হয়।

**কৃত্তী বাঙ্গালী যুবক—**

গত বৎসর গৃহীত ভারতীয় অডিট ও একাউন্টস পরীক্ষায় সাফল্য লাভ করিয়া শ্রীবুদ্ধ জ্ঞানেন্দ্রমোহন বন্দ্যোপাধ্যায় ঈস্টইণ্ডিয়া রেল কোম্পানীতে ট্রান্সপোর্টেশন অফিসারের পদে নিযুক্ত হইয়াছেন। তিনি কলিকাতা বিশ্ববিদ্যালয়ের একজন কৃত্তী-ছাত্র; জীবনে যত পরীক্ষা দিয়াছেন সকলগুলিতে তিনি বৃত্তি পাইয়াছেন। সাহিত্যের



জ্ঞানেন্দ্র বন্দ্যোপাধ্যায়

প্রতিও তাঁহার অগ্রগতি আছে। তাঁহার শিলা হুগলী ভদ্রকালী নিবাসী শ্রীবুদ্ধ মঙ্গলনাথ বন্দ্যোপাধ্যায় (অবসরপ্রাপ্ত)

বিহার সরকারের পূর্তবিভাগে উচ্চপদে প্রতিষ্ঠিত ছিলেন। আমরা জ্ঞানেন্দ্রবাবুর জীবনে উত্তরোত্তর সাফল্য কামনা করি।

**প্রবাসী বাঙ্গালীর পরলোকগমন—**

সাঁওতাল পরগণার রাজমহলের প্রসিদ্ধ ব্যবসায়ী শ্রীবুদ্ধ মনোহর দে মজুমদার মহাশয় ব্লাড-প্রেসারে ৭০



মনোহর দে


বৎসর বয়সে সম্প্রতি পরলোকগমন করিয়াছেন। দে-মজুমদার মহাশয়ের আদি নিবাস ঢাকা জেলার বিক্রমপুরের অন্তর্গত শেখরনগর গ্রামে। ১৮ বৎসর বয়সে তিনি সামান্ত বেতনে পুলিশে চাকরি লইয়া সাঁওতাল পরগণায় যান। কিছুকাল চাকরি করার পর সামান্ত তিনশত টাকা মূলধন লইয়া তিনি ব্যবসা শুরু করেন। নিজের সততা ও অধাবসায়ের ফলে তিনি বহু টাকা অর্জন করিয়া অনেক স্থাবর-অস্থাবর সম্পত্তি রাখিয়া গিয়াছেন।

**সাংবাদিকের পরলোকগমন—**

গ্রামাশাল নিউজ পেপার্স লিমিটেডের পরিচালক অক্ষয়কুমার সরকার মাত্র পঁয়ত্রিশ বৎসর বয়সে দারুণ যক্ষ্মারোগে পরলোকগমন করিয়াছেন। শিক্ষা শেষ করিয়া তিনি 'ফ্লুওয়ার্ড' পত্রিকায় সাংবাদিক-জীবন আরম্ভ করেন এবং মৃত্যুর কয়েকমাস পূর্বে পর্য্যন্তও সংবাদপত্রের সহিত সংশ্রব রক্ষা করিয়াছিলেন। তিনি অবিবাহিত ছিলেন। গ্রামাশাল নিউজ পেপার্স লিঃএর তিনখানি পত্রিকা—থেয়ালী, ভ্যারাইটিজ ও চিহ্নালী তাঁহার দ্বারা পরিচালিত হইত। অমায়িক প্রকৃতির জন্ত অক্ষয়কুমার বঙ্গমহলে সকলের প্রিয় ছিলেন। আমরা তাঁহার শোকসন্তপ্তা বৃদ্ধা জননী ও তাঁহার অগণ্য বন্ধুবান্ধবদের আমাদের আন্তরিক সমবেদনা জ্ঞাপন করিতেছি

### পরলোককে প্রভাতনাথ মুখোপাধ্যায়—

কলিকাতা পুলিশের দক্ষিণ টাউন বিভাগের সহকারী কমিশনার রায় প্রভাতনাথ মুখোপাধ্যায় বাহাছর গত ১লা জানুয়ারী প্রাতে সম্যাস রোগে পরলোকগমন করিয়াছেন। মৃত্যুকালে তাঁহার বয়স মাত্র ৫০ বৎসর হইয়াছিল। ১৯১৪ সালে পুলিশ বিভাগে সামান্ত দারোগার



প্রভাতনাথ মুখোপাধ্যায়

পদে নিযুক্ত হইয়া কর্মনিষ্ঠা ও অধ্যবসায় বলে তিনি উন্নতি লাভ করেন। ১৯২৯ সালে তিনি সহকারী পুলিশ কমিশনার পদে উন্নীত হন। তিনবার তিনি অস্থায়ীভাবে ডেপুটি কমিশনারের পদে কার্য করেন। তাঁহার কর্ম-নৈপুণ্যের পুরস্কার স্বরূপ তাঁহাকে পুলিশ মেডেল, রায় সাহেব ও রায় বাহাছর উপাধি প্রদান করা হয়। ভাল

খেলোয়াড় ও সুরাভিনেতা বলিয়াও তাঁহার প্রসিদ্ধি ছিল। নিজের অমায়িক ব্যবহারে সহরের অসংখ্য ক্লাব ও বারোয়ারী প্রতিষ্ঠানের সহিত তিনি যুক্ত ছিলেন। আমরা তাঁহার মৃত্যুতে স্বজনবিরোগব্যথা অনুভব করিতেছি এবং তাঁহার শোকসন্তপ্ত পরিজনবর্গের প্রতি আমাদের আন্তরিক সমবেদনা জ্ঞাপন করিতেছি।

### পরলোককে নগেন্দ্রনাথ গুপ্ত—

প্রবীণ সাংবাদিক ও প্রসিদ্ধ সাহিত্যসেবী শ্রীযুক্ত নগেন্দ্রনাথ গুপ্ত মহাশয় পরিণত বয়সে বোম্বাই শহরে সম্প্রতি পরলোকগমন করিয়াছেন। তাঁহার মৃত্যুতে ভারতীয় সংবাদপত্র জগতের বিশেষ ক্ষতি হইল। যৌবনের প্রারম্ভেই তিনি সাংবাদিকের কার্য গ্রহণ করেন এবং বিশেষ কৃতিত্বের সহিত করাচীর 'কিনিক্স' পত্রের সম্পাদনা করেন। স্তর সুরেন্দ্রনাথের প্রভাবে পাঞ্জাবের সর্দার দয়াল সিং মাজিধিয়া যখন বাঙ্গালার জাতীয়তা আন্দোলনে আকৃষ্ট হইয়া পাঞ্জাবে সেই আন্দোলন প্রবর্তন করেন তখন তিনি সেখানে একখানি সংবাদপত্র ও একটি কলেজ স্থাপনা করেন। সুরেন্দ্রনাথের নির্বাচনে ডাঃ শীতলাকান্ত চট্টোপাধ্যায় টিবিউন-এর প্রধান সম্পাদক হন। শীতলাকান্তের অবর্তমানে নগেন্দ্রনাথ সম্পাদকের পদে থাকিয়া টিবিউন-এর প্রতিষ্ঠা বৃদ্ধি করেন। দীর্ঘকাল তিনি এই পদে কার্য করিয়া যোগ্যতার পরিচয় দেন। পরে এলাহাবাদে আসিয়া আর একখানি পত্রিকা প্রবর্তন করেন, তাহাই পরে 'সীতার' রূপে সুপরিচিত হয়। পরে বাঙ্গালার আসিয়া তিনি বেঙ্গলীর সহিত যুক্ত হন। বৈষ্ণব সাহিত্যে তাঁহার প্রগাঢ় পাণ্ডিত্য ছিল। তিনি অনেকগুলি উপন্যাস ও ছোটগল্প সাময়িক পত্রে প্রকাশ করিয়াছেন। ইংরেজী ও বাঙ্গালা সমানভাবে তিনি লিখিতে পারিতেন। 'ভারতবর্ষ'-এরও তিনি লেখক ছিলেন। রবীন্দ্রনাথের কবিতার ইংরেজী অনুবাদ করিয়াও তিনি প্রসিদ্ধি অর্জন করেন। আমরা তাঁহার শোকসন্তপ্ত পরিজনগণের প্রতি সমবেদনা জ্ঞাপন করিতেছি।

### ভ্রম-সংশোধন—

আমরা অবগত হইলাম যে, গত অগ্রহায়ণ মাসে 'ভারতবর্ষ'-এ প্রকাশিত 'পুলিশের আরাধ' শীর্ষক মন্তব্যে একটু ত্রুটি আছে। উক্ত আরাধ-নিবাস নির্মাণের যাব-তীয় ব্যয় কলিকাতা পুলিশ-ক্লাব বহন করিয়াছেন, বাঙ্গালা সরকারের নিকট হইতে কপর্দকও গ্রহণ করা হয় নাই।



## সুধাংশুশেখর

শ্রীক্ষেত্রনাথ রায়


মাত্র এক বছর হলো সুধাংশুশেখর মরজগতের বন্ধন কাটিয়ে সরে গেছেন। এমনি পৌষের একটা দিনে তাঁর চলে যাবার ডাক আসে। দুঃখ এই যে এ ডাক অকালেই এসে তাঁকে আমাদের মাঝখান থেকে ছিনিয়ে নিয়ে যায়। তাই আমাদের শোকের আঘাত একটু বেশী করেই বেজেছিল। শুধু আত্মীয় পরিজন বা ঘনিষ্ঠ ও পরিচিত বন্ধুগণই শোকার্ত হন নি, যারা সুধাংশুশেখরের চবিত্রবক্তা কীর্তি ও কর্ম সাধনার সকল ইতিহাস জানতেন তাঁরাও এ দুঃখের ঘটনার নিদারুণ আকস্মিকতায় অভিভূত হয়ে পড়েন। আজ বৎসর ঘুরে এসেছে কিন্তু সুধাংশুশেখরের অভাব যেমন ভাবে আমাদের বিঁধেছিল তার তীব্রতার আজও লাঘব হয় নি। তার কারণ আমরা তাঁর ওপর এমন কতগুলি ব্যাপাবে একান্ত নির্ভর ছিলাম, তাঁর সহজ প্রতিভার কাছে আমরা এমন কিছু বস্তুর প্রত্যাশী ছিলাম যা মিটিয়ে দেবার পক্ষে আজকের দিনে দ্বিতীয় কাউকে দেখছি না।

সুধাংশুশেখরকে স্মরণ

করতে বসে আজ এই সব অনেক কথাই স্মরণে আসছে। এটা পারিবারিক বিলাপ নয়, আত্মীয় অনাত্মীয় প্রতি বাঙালী ঠিক এই সত্যই অনুভব করবেন—যদি তাঁরা সুধাংশুশেখরের সুকীর্তির পরিচয় পেয়ে থাকেন।

Public Man হিসাবে সুধাংশুশেখরের যে স্থান ছিল আমরা আজ তাঁর পারিবারিক স্মরণের মাধ্যমে তারই সত্যিকার

বিচার করছি। তিনি ব্যবসায়ী ছিলেন, ব্যবসায় ক্ষেত্রে তাঁর মত কৃতকর্মা আরও অনেককে পাওয়া যাবে। ব্যবসায় সাফল্য ও লাভের অঙ্কের পরিমাণ শুধু ধতিয়ে দেখলে তাঁর চরিত্রের বৃহত্তর দিকটা আমাদের দৃষ্টি এড়িয়ে যাবে। তিনি যে ধরণের ব্যবসায় নিজেই সমস্ত কর্মশক্তি ও সাধনাকে নিয়োজিত করেন সেইটের গুরুত্ব আগে বিবেচ্য। পুস্তক প্রকাশ ও পত্রিকা পরিচালনা মূলতঃ এসব



সুধাংশুশেখর চট্টোপাধ্যায়

সমাজ ও জাতির বৃহত্তর সংস্কৃতির সেবা মাত্র। তাঁর ব্যবসা প্রতিভাকে তিনি যে বিশেষ করে এই পথে উৎসর্গ করেন সেটা তাঁর আদর্শ, উৎকৃষ্ট রুচি ও সমাজ ও সাহিত্য সেবকের চরিত্রোচিত নির্ভার প্রমাণ। অন্য ব্যবসায় তিনি পরিশ্রম করলে হয়তো সাফল্যের দিক দিয়ে, লাভের দিক দিয়ে আরও কৃতিত্ব দেখাতে পারতেন; প্রকাশকের সুকঠোর দায়িত্ব গ্রহণ তিনি করেছিলেন এবং এই দায়িত্ব পালনে তিনি যে ধৈর্য, অধ্যবসায় ও নির্ভার ঐতিহ্য রেখে গেছেন তার মূল্য আজ আমরা কতকটা উপলব্ধি করে উঠতে পারছি। জাতির জীবনে সুযোগ্য প্রকাশকের দান কতখানি, আর তার মূল্য কত—তা একটু উদার দৃষ্টি নিয়ে তলিয়ে দেখলেই সুস্পষ্ট দৃষ্টিগোচর হবে। প্রকাশকের সাধনা যে বাণীর সাধনা, সেখানে টাকার বনংকারই প্রেষ্ঠ নয়, প্রকাশকের জীবন ও সাহিত্যের কলপীঠ রচনার অন্ততম অর্থা,

সমাজ ও জাতির বৃহত্তর সংস্কৃতির সেবা মাত্র। তাঁর ব্যবসা প্রতিভাকে তিনি যে বিশেষ করে এই পথে উৎসর্গ করেন সেটা তাঁর আদর্শ, উৎকৃষ্ট রুচি ও সমাজ ও সাহিত্য সেবকের চরিত্রোচিত নির্ভার প্রমাণ। অন্য ব্যবসায় তিনি পরিশ্রম করলে হয়তো সাফল্যের দিক দিয়ে, লাভের দিক দিয়ে আরও কৃতিত্ব দেখাতে পারতেন; প্রকাশকের সুকঠোর দায়িত্ব গ্রহণ তিনি করেছিলেন এবং এই দায়িত্ব পালনে তিনি যে ধৈর্য, অধ্যবসায় ও নির্ভার ঐতিহ্য রেখে গেছেন তার মূল্য আজ

এ সত্য সুধাংশুশেখরের কর্মবিচিত্র জীবনে বড় হয়ে দেখা দিয়েছিল সন্দেহ নেই।

তাঁর ব্যক্তিগত জীবনের সঙ্গে যারা ঘনিষ্ঠভাবে সম্পৃক্ত ছিলেন তাঁরা জানেন এই মৃত্যুবাহী, সংযতবাক ও কর্মোৎসাহী মানুষটির অন্তঃকরণ কি কোমল ধাতুতে তৈরী ছিল। যারা অল্প-পরিচিত, দূর থেকে তাঁকে বিচার করেছেন তাঁরা, তাঁর আন্তরিক গুণগ্রামের সবটুকু পরিচয় পান নি। ব্যবসায়ীর কর্তব্যের মধ্যেও তিনি নিজেকে, ব্যক্তিগত দৌর্ভাগ্য বা অহমিকাকে রূঢ়ভাবে পশ্চাতে ঠেলে রেখেছিলেন। একমাত্র জাগ্রত নিরপেক্ষ কর্তব্যবোধের প্রেরণা সফল করে তিনি সকল দায়িত্ব পালন করেছেন। এমনও দুর্ভাগ্য তাঁকে সহ করতে হয়েছে—যখন তাঁর সফল আন্তরিকতাগ্রন্থিত মত অবধা বিরুদ্ধ ধারণার জটিলতা সৃষ্টি করেছে। কিন্তু তাঁর ব্যবসায় রীতি একটি বলিষ্ঠ আদর্শে পরিপুষ্ট ছিল এবং সে আদর্শের অবমাননা তিনি হতে দেন নি। সেজন্যে তাঁকে হয়তো কেউ কেউ ঋণিকের ভুল ভুল বুঝেছে এবং আমরা জানি এটা সুধাংশুশেখরের পক্ষে কতটা বেদনার কারণ হয়েছিল। ‘সবার মাঝারে থেকে সবাই হতে দূরে’ তিনি থাকতেন। কোন উৎকট আন্তিজাত্যের প্রকোপে তিনি তা করেন নি। তাঁর নিজের ঐকান্তিক আদর্শ নিষ্ঠাকে কোন অবাহিত আবহাওয়ার সংক্রামকতা থেকে বাঁচিয়ে রাখার অভীক্ষা থেকেই তাঁর চরিত্রে এই বৈশিষ্ট্য দেখা দিয়েছিল।


আজ আমরা তাঁর কর্মজীবনের আলোচনা করছি ; কিন্তু

আমাদের ভুলে চলেবে না আমরা এমন এক কর্মসাধকের কথা বলছি যার সাধনা একটা সুমহৎ পরিণতির দিকে অগ্রসর হচ্ছিল শুধু এবং কালের ডাক এসে অকালে তাঁর সাধনাকে ক্রান্ত করে দেয়। সুতরাং কোন প্রবীণ করিৎ-কর্মী সাধকের কথা আমরা আলোচনা করছি না। যা হতে পারতো তার অপ্রাপ্তির অনুশোচনা আজ আমাদের বিশেষ করে পীড়িত করছে।


যিনি চিরকাল নিজেকে আড়ালে রাখবার চেষ্টায় ব্রতী ছিলেন, সস্তা যশের আকাঙ্ক্ষা থাকে কোনদিন প্রলুপ্ত করে নি--তাঁকে আজ এই স্মৃতি বাৎসরিকী উপলক্ষে স্মৃতির মধ্যে টেনে এনে আমরা হয়তো আমাদের স্বাভাবিক স্বজন-বাৎসল্যের, প্রীতি ও অহুরাগের পরিচয় দিচ্ছি ; কিন্তু তাতে সুধাংশুশেখরের চারিত্রিক মহত্ত্ব ও অনন্তসাধারণতার কতখানি পরিচয় দেওয়া হল তা বলতে পারা যায় না।

যাই হোক, আমরা তাঁকে ভুলতে পারি নি। তাঁর তিরোধানে আমরা আত্মীয় বিয়োগের দুঃখ অনুভব করছি। তাঁর আরক ব্রত যদি সহস্র দুর্বিপাক অতিক্রম করে সাক্ষ্যের দিকে এগিয়ে যেতে থাকে তবে আমরা কতকটা আশ্বস্ত হব, ঋণ মুক্তির প্রসন্নতা ফিরে পাব।

ব্যবসায়ী, সাহিত্যসেবী ও কর্মসাধক সুধাংশুশেখর—সুখে দুঃখে ও ভাল মন্দে গড়া মানুষ সুধাংশুশেখর—নিরহকার ও বদ্ধবৎসল—আজ তাঁর কথা স্মরণ করতে গিয়ে শোকবেদনার মাঝেও থেকে থেকে ইংরাজ কবির উক্তি মনে পড়ে—Death has left on him, only the beautiful !







### শ্রীক্ষেত্রনাথ রায়

#### রঞ্জিত ক্রিকেট ৪

ইউ পি :- ১৯১ ও ২২৬

বাকলা :- ১৪৭ ও ১২৬

ইউ পি ১৪৪ রানে বিজয়ী।

ইউ পি গতবারের মত এবারও বাকলাকে পরাজিত ক'রেছে। অনেকে আশা ক'রেছিলেন বাকলা হয়ত গতবারের পরাজয়ের প্রতিশোধ নেবে কিন্তু তা সম্ভব

অভিজ্ঞতা অর্জন ক'রেছেন। ক্রিকেটই হ'চ্ছে একমাত্র খেলা—যাতে অধিনায়কত্বের উপর খেলার অনেকখানি ভবিষ্যৎ নির্ভর করে। পালিয়ার অধিনায়কত্ব চমৎকার, তাঁর থেকে আমাদের অনেক কিছু শেখবার আছে। তাঁর দলের খেলোয়াড়রাও তাঁর ওপর যথেষ্ট আস্থা রাখেন এবং পালিয়াও উত্তর ইনিংসে তাঁর প্রতি আস্থা রাখবার মত খেলা দেখিয়েছেন। বাকলার ক্যাপ্টেন টসে জেতা ছাড়া আর সব বিষয়ে স্বেচ্ছায় পেয়েছিলেন কিন্তু তাঁর




পালিয়ার অধিনায়কত্বে ইউ পি দল মাঠে ক্রীড়া করতে নামছে

হয়নি। যারা ইউ পির খেলা দেখেছেন তাঁরা একবাক্যে তাঁদের প্রশংসা না ক'রে পারবেন না। পালিয়া ও দিলওয়ারকে বাদ দিলে ইউ পি সম্পূর্ণভাবে তরুণ খেলোয়াড় দ্বারা গঠিত; ছ'জন খেলোয়াড় আলিগড় ও হিন্দু বিশ্ববিদ্যালয়ের। পালিয়ার অধিনায়কত্ব নিখুঁত। তিনি শুধু বড় বড় ম্যাচ খেলেন নি। তাঁর থেকে যথেষ্ট

সম্ভাবনার ক'রতে পারেন নি। প্রথম ইনিংসে ইউপির রান ওঠে ১৯১। এই রান সংখ্যাকে আমরা কোনমতেই বেশী ব'লতে পারিনা ব'লে বেশ কম; ব'লেই তাদের ইনিংস শেষ হয়েছে ব'লতে হবে। কেউ ভুলে গেলে এইরকম কৃতিত্ব দাবী ক'রতে পারেনা। তিনি ৪১ রানে ৬টা উইকেট পেয়েছেন। ইউ পির সর্বশ্রেষ্ঠ খেলোয়াড়

কানসেলকার সর্বোচ্চ রান করেন ৫১ ; পালিয়া ৪৫ । তাঁরা উভয়েই আউট হবার সুযোগ দিয়েছিলেন । কিন্তু ভাল হ'লে আরও কম রানে তাদের ইনিংস শেষ হ'ত । বাঙ্গলা এক ঘণ্টার ওপর ব্যাট ক'রে ১ উইকেটে ২০ রান করার পর সেদিনের মত খেলা শেষ হ'ল । বাঙ্গলা এইখানে খুব ভুল ক'রেছে । এতবেশী সতর্কতা অবলম্বন করা মোটেই উচিত হয়নি । বোলারদের অবধা সম্মান দেখান হ'য়েছে ; স্বাভাবিক ভাবে খেলে যাওয়া উচিত ছিলো ; তাতে রান সংখ্যাও বেশী উঠতো । দ্বিতীয় দিনের খেলায় মাত্র ১৪৭ রানে বাঙ্গলার প্রথম ইনিংস শেষ হ'লো ।

রান তোলে কিন্তু তৎসঙ্গেও ইউ পি প্রথম ইনিংস অগ্রগামী হ'তে সক্ষম হ'য়েছিলো । দিনের শেষ ইউ পি ৪ উইকেটে ৯৭ রান তোলে । ৩ উইকেট প'ড়ে যায় মাত্র ২১ রানে । প্রথম ইনিংসের মত এবারও পালিয়া ও কানসেলকার খেলার গতি ঘুরিয়ে দিলেন । তরুণ খেলোয়াড় কানসেলকারের খেলা সত্য সত্যই প্রশংসনীয় । তিনি রান ক'রেছিলেন ২৭ কিন্তু উইকেটে ছিলেন ৮৫ মিনিট এবং পালিয়াকে খুব চমৎকার ভাবে খেলিয়েছিলেন । ইউ পি-ব্যাটসম্যানদের একটা জিনিষ বিশেষ লক্ষ্য করবার—তাঁরা প্রত্যেকে বেশ দায়িত্ব নিয়ে খেলেছেন ।



ইউ পি ও বাঙ্গলা প্রবেশের সম্মেলিত খেলোয়াড়বৃন্দ

সুন্দীল ৩৮ রান ক'রে অত্যন্ত দুর্ভাগ্যবশতঃ আউট হ'লেন ; কাশাল নট আউট রইলেন ৩১ রান ক'রে । রামচন্দ্রের ২৫ রানও উল্লেখযোগ্য । ধারা রান তোলার চেষ্টা ক'রেছেন তাঁরাই আর বিস্তর সফল হ'য়েছেন । এই তিনজন খেলোয়াড় ছাড়া বাকী সকলেই 'ডিকেমিড' খেলা খেলে এবং অবধা বোলারদের সম্মান দেখিয়ে খেলা নষ্ট ক'রেছেন । গতবার বাঙ্গলা প্রথম ইনিংসে দু'শতোর অনেক বেশী

ইউ পির দ্বিতীয় ইনিংস শেষ হয় ২২৬ রানে । পালিয়া ৬৫ রান ক'রে নির্মলের বলে বোল্ড হ'ন । কল্যাচর, কিরামৎ ও ধারা যথাক্রমে ৩৯, ৩০ ও ২১ রান করেন । কমল ৪৪ উইকেট পান ৬০ রানে এবং বেয়েণ্ড ৭১ রানে ৩টে । বাঙ্গলার কিব্বিং অত্যন্ত ধার্মাণ হ'য়েছে । ২৭০ রান পিছনে থেকে বাঙ্গলা দ্বিতীয় ইনিংস শুরু করলে ; সময় আছে মাত্র আড়াই ঘণ্টার কিছু কম । ইউ পির বোলিং




কলিকাতায় নারী-শিক্ষা সমিতির প্রদর্শনীতে সার এস-রাধাকৃষ্ণন  
'ও ময়ূরভঞ্জের রাজমালা সূচীক দেবী



কলিকাতা গভর্ণমেন্ট আর্ট স্কুলের চিত্র প্রদর্শনীতে শ্রীযুত ভবানী  
চরণ লাহা ( দক্ষিণ দিক হইতে তৃতীয় )



কলিকাতা মেডিকেল কলেজে প্রাক্তন ছাত্র মিলন উৎসব



আচাৰ্য সার প্ৰফুল্লচন্দ্ৰ ৰায়  
সম্প্ৰতি আচাৰ্য্য ৰায়ৰ বয়স অৰ্ধশতাব্দী বৎসৰ হ'ওয়ায়  
তাঁহাৰ সন্মুখনি আয়োজন চলিছে

বাঙ্গলার ক্যাপ্টেনের যথেষ্টই জানা ছিলো। তাঁর কি ক'রে ধারণা হ'ল ঐ রকম বোলিংয়ের বিরুদ্ধে আড়াই ঘণ্টায় ২৭১ রান তোলা সম্ভব হ'তে পারে তা আমাদের বোধগম্য নয়। আর যাই হোক এটাকে আমরা সংসাহস বলি না। অবশ্য নির্মল ও জব্বর প্রথম জুটি রান খুব দ্রুত তুলে ১৮ মিনিটে ৩৩ করে। কিন্তু দ্রুত রান তোলা মানে এই নয় যে, উইকেটের কথা চিন্তা না ক'রে প্রতিটি বল যে কোন উপায়ে মারতে হবে। ইউ পি বোলাররা এর যথেষ্ট সুযোগ গ্রহণ ক'রেছেন আর তাঁরাই শেষ পর্যন্ত সফল হ'য়েছেন। একমাত্র কে ভট্টাচার্য স্বাভাবিক ভাবে খেলে ৩০ রান ক'রে নট আউট থাকেন। জোর ক'রে রান তোলা এক জিনিষ আর Reckless হওয়া আর এক। ক্রিকেট Reckless হয়ে খেলার নয়। খুব পিটিয়ে খেলতে গেলেও এখানে স্থির মস্তিষ্কে খেলতে হয়। আলেকজেন্ডার ৬ ওভার বল দিয়ে ২০ রানে চারটে উইকেট পেয়েছেন; ফিরাসাৎ ৩৯ রানে ৩। টাম মনোনয়ন কমিটি সম্বন্ধেও কিছু বলা দরকার।

বালীগঞ্জ ক্লাব থেকে বেরেও ছাড়া আর যে দুজন খেলোয়াড়কে নেওয়া হ'য়েছিলো তাঁদের খেলা দেখে মনে হয় তাঁরা কোন প্রথম শ্রেণীর ক্লাব ম্যাচে খেলার উপযুক্ত নন। শুধু উইকেট কিপিংয়ের জন্ত একটি খেলোয়াড়কে টামে নেওয়া যেতে পারে না তাও বেডওয়েলের উইকেট কিপিং


এমন কিছু ভাল নয়। তাঁর স্থানে এ দেককে টামে নেওয়া উচিত ছিলো। উইকেট কিপার হিসাবে তিনি মন্দ নন তবে ব্যাটিংয়ে চমৎকার। বালীগঞ্জ ক্লাবের অপর খেলোয়াড়টির স্থানে পি ডি দত্তকে সচ্ছন্দে নেওয়া যেত। ভাল টাম তৈরী করা যাচ্ছে না অতএব একটা বড় ক্লাব থেকে দুজন পুরাতন খেলোয়াড় নিয়ে কোনক্রমে ম্যাচ জেতা আন্তঃপ্রাদেশিক খেলার উদ্দেশ্য নয়। আন্তঃপ্রাদেশিক প্রতিযোগিতা হয় যাতে প্রতি প্রদেশের উদীয়মান খেলোয়াড়রা বড় বড় ম্যাচ খেলতে পান আর তার থেকে নতুন নতুন খেলোয়াড় তৈরী হয়। এতে নাম ক'রতে পারলে তবে অল-ইণ্ডিয়ায় তাঁরা সুযোগ পাবেন। উদীয়মান খেলোয়াড়রাই সুযোগ পেলে খেলার উন্নতি ক'রতে পারেন। ইউ পি এটা খুব ভাল ক'রে বুঝেছে। বাঙ্গলা এবং আর দু'একটি প্রদেশই বোধ হয় এটা বুঝতে পারেনি। পরাজয়েরও একটা শিক্ষা আছে অবশ্য তাঁদেরই কাছে যাঁরা শিক্ষা কি তা জানেন।

**ভারতবর্ষ :—** ২৫১ ও ২৯৩ ( ৫ উইকেট )

**সিলোন :—** ৩৭২ ও ৮২ ( ২ উইকেট )

সময়াভাবে খেলা হু হ'য়েছে।

ভারতবর্ষ প্রথমে ব্যাট ক'রে ২৫১ রান করে। সর্বোচ্চ রান করেন এস গাজুলী ৬৯; তারপরই নির্মল ৫৩।



কলিকাতার ইডেন গার্ডেনে অল ইণ্ডিয়া ও সিলোন দলের সম্মিলিত খেলোয়াড়বৃন্দ

গান্ধুলীর ওপনিং খুব ভাল হ'য়েছে। তাঁর একটা ছর্ভাগা ছিলো, কয়েক বছর তিনি ক্লাব ম্যাচে বেশ ভাল খেলেও বড় খেলায় ভাল ফল ক'রতে পারছিলেন না। এবার সেটা হয়নি। নির্মল বেশ চমৎকার খেলেছেন। সিলোনের কেলাট ও এম গুনরত্ন যথাক্রমে ৭০ ও ৭৯ রান দিয়ে চারটি ক'রে উইকেট পেয়েছেন।

সিলোন দিনের শেষে ৩ উইকেটে ৯৬ রান করে। নাইডু চমৎকার ভাবে বোলার চেঞ্জ ক'রে মাত্র ২৪ রানে তিনটে উইকেট ফেলে দিয়েছিলেন।

দ্বিতীয় দিন সিলোনের ইনিংস শেষ হ'ল ৩৭২ রানে। তাঁদের ক্যাপ্টেন জয়বিক্রম ১৩৮ রানে ব্যানার্জির বলে মেজরের হাতে ধরা দেন। তিনি ১৮৯ মিনিট খেলে ৮৬ রানের সাথায় একবার মাত্র আউট হবার সুযোগ দিয়ে-



এম ব্যানার্জি

ছিলেন; চার ছিলো ১৫টা। সিলোনের ক্যাপ্টেন ছাড়া পোরিট, জি গুনরত্ন এবং জয়সুন্দর বেশ ভাল ব্যাট ক'রেছেন। দলের শেষ খেলোয়াড় জয়সুন্দর ব্যানার্জিকে অস্বস্ত ভাবে পিটিয়েছেন। ভারতবর্ষের ফিল্ডিং ধারাপ হ'য়েছে; উইকেট কিপিং তৃতীয় শ্রেণীর। কে ভট্টাচার্য্য ৪৯ রানে তিনটে উইকেট পেয়েছেন। ভারতবর্ষ ১২১ রান পিছিয়ে থেকে দ্বিতীয় ইনিংস শুরু করলে আর দিনের শেষে এক উইকেট হারিয়ে রান উঠলো ৪২।

গান্ধুলীর ওপনিং এবারও খুব ভাল হ'য়েছে। তিনি ১৩৮ মিনিট খেলে ৬৪ রান ক'রেছেন, চার ছিলো ৪ টো

নাইডু ৫০ রান ক'রে আউট হন। তিনি খুব দৃঢ়তার সঙ্গে খেলেছিলেন; তাঁর খেলা বেশ দর্শনীয় হ'য়েছিলো। নির্মলের খেলা খুব ভাল হ'য়েছে, উইকেটের চতুর্দিকে চমৎকার ভাবে পিটিয়ে খেলে ৭৩ রান ক'রে নট আউট রইলেন। ব্যানার্জিও আউট হননি রান ক'রেছেন ২৫। নাইডু নির্মলের খেলার উচ্ছ্বসিত প্রশংসা ক'রেছেন; গান্ধুলী ও ব্যানার্জিরও। ব্যানার্জি সম্বন্ধে তিনি ব'লছেন, ভারতের মুখে ব্যানার্জিকে পাঠিয়ে তিনি বছবার সফল পেয়েছেন। দৃষ্টান্তস্বরূপ তিনি ভারতবর্ষের সঙ্গে লাক্ষাসায়ার এবং বোম্বাইয়ে হিন্দু ও পার্শী দলের খেলার উল্লেখ করেন। এ ছাড়া সিলোনের খেলার কিছুদিন পরে অমুরূপ ক্ষেত্রে নাইডুর একাদশের সঙ্গে মোহনবাগানের খেলায় টীমকে রক্ষা ক'রেছেন। গান্ধুলী, মানকদ, মাস্তক আলি এবং মেজর নাইডুর মত চারটি উইকেট যখন মাত্র ৩৮ রানে চলে যায় সেই সময় ব্যানার্জি এসে নিজস্ব ৮৯ রান করার পর আউট হ'ন।

নাইডু ৫ উইকেটে ২৯৩ রান ওঠার পর ইনিংস ডিক্লিয়ার্ড ক'রলেন। সিলোন দু' উইকেটে রান তুললো ৮২। সময়ভাবে খেলা ড্র হ'য়ে গেল।

নির্মলের 'ফুটওয়ার্ক' বেশ ভাল; ড্রাইভ, পুল এবং অন্যান্য মারগুলিও দর্শনীয়। নাইডুর মতে নির্মল শীঘ্র অল-ইণ্ডিয়া খেলোয়াড় হ'তে পারবেন। ক্রিকেট খেলা সম্বন্ধে মেজর নাইডুর মত ব্যক্তির অভিমতের মূল্য যথেষ্ট। আমাদের মনে হয় নির্মল এবং আরও দু'একজন উদীয়মান খেলোয়াড়ের নাইডুর মত বিচক্ষণ ও প্রবীণ খেলোয়াড়ের নিকট অন্ততঃ কিছুদিন নিভুল 'ফুটওয়ার্ক' এবং বিভিন্ন রকমের মার শিক্ষার প্রয়োজন।

সিলোনের বিরুদ্ধে যে টীম গঠিত হ'য়েছে তাকে ভারতীয় একাদশ নাম দেওয়া উচিত হয়নি। আমরা অবশ্য একথা বলি না যে, এগার জন টেইট খেলোয়াড় নিয়ে ভারতবর্ষ সিলোনের বিরুদ্ধে খেলবে; তবে আমরা অবশ্য এটুকু আশা ক'রতে পারি যে, যাদের দলে নূতন নেওয়া হবে তাঁরা উদীয়মান খেলোয়াড় হবেন, এবং বড় ম্যাচ খেলার সুযোগ পেলে ভবিষ্যতে ভাল খেলোয়াড় হ'তে পারবেন। কিন্তু টীম মনোনয়ন ব্যাপারেও রাজনীতি পুরোমাত্রায় বর্তমান। বিভিন্ন সম্প্রদায় থেকে জোর ক'রে লোক নেওয়া

হ'য়েছে তাও ভাল বাছাই হয় নি। মেজর নাইডুর মত একজন খেলোয়াড়কে ক্যাপ্টেন ক'রে ভারতীয় একাদশ নাম দিয়ে তারপর যেভাবে একটা জোড়াতালি দেওয়া টিম তৈরী করা হ'য়েছে তাতে ক্যাপ্টেন এবং ভারতবর্ষের সম্মান রক্ষা হয়নি। এ দেব সিলোনে তাদের বিরুদ্ধে ভাল খেলেছিলেন। গত বছর এবং এবছর স্থানীয় খেলোয়াড়দের মধ্যে তাঁর ব্যাটিং

মেজর নাইডুর একাদশের সঙ্গে মোহনবাগানের খেলার দেব স্ততি অল্প সময়ে নাইডু, ক্যানার্জি ও মাস্তকের বলে উইকেটের চারিদিকে পিটিয়ে খেলে সমস্ত দর্শকদের এবং মেজর নাইডুকে এত মুগ্ধ ক'রেছিলেন যে, নাইডু খেলার শেষে বলেছিলেন, 'He possesses all-round hits and has the making of an All-

India cricketer' কিন্তু টিমে স্থান পান টাউফিক, নাটাল ও হাণ্ট। সত্যি সত্যিই যদি বাঙ্গলা দেশে এমন খেলোয়াড়ের অভাব হ'য়ে থাকে যাদের টিমে নিলে ম্যাচ জেতার পক্ষে কিছু সুবিধা হয় অথবা, ব্যক্তিগত ভাবে ঐসব খেলোয়াড়দের উন্নতিরও কোন আশা থাকে তাহ'লে বাঙ্গলা থেকে খেলোয়াড় না নেওয়াই উচিত। হাণ্টের মত উইকেটকিপার নেওয়ার চেয়ে বাইরের থেকে উইকেট কিপার আননোই ভাল ছিলো। নাটাল বা টাউফিকের চেয়ে অনেক ভাল খেলোয়াড় বাঙ্গলা দেশেই আছেন।



বেনারস হিন্দু বিশ্ববিদ্যালয়ের ক্রিকেট দল

রোহিংটন বের্লিন্স

ক্রিকেট টুর্নামেন্টঃ

কলিকাতা বিশ্ববিদ্যালয়—

২০৬ ও ২০০

বেনারস হিন্দু বিশ্ববিদ্যালয়

—২০৬ ও ১৫৩ (৫ উঃ)

বেনারস হিন্দু বিশ্ববিদ্যালয় ৫ উইকেটে বিজয়ী হয়েছে।

কলিকাতা বিশ্ববিদ্যালয়ের প্রথম ইনিংসের ২০৬ রানের মধ্যে ডিসেনা ৬৪ ও এস দাস ৩০ রান করেন। ডিসেনা ৭৯ মিনিটে ৫টা বাউণ্ডারী ও একটা ৬ করেছিলেন।



কলিকাতা বিশ্ববিদ্যালয়ের ক্রিকেট দল

এভারেস্ট বেশ ভাল অর্ধটাকৈ ভাল ম্যাচ খেলবার সুযোগ দেওয়া হয় না। সিলোনের খেলার কয়েক দিন পরে

রঙ্গরাজ ৭২ রানে ৫ উইকেট এবং গুরুদাচার ৭৫ রানে ৫ উইকেট পান। হিন্দু বিশ্ববিদ্যালয়ের প্রথম ইনিংসে

৬ উইকেটে মাত্র ১০৫ রান উঠে। আট উইকেটের জুটতে পানসেলকার ও রেণ্ডী ৬৩ রান করে দলের শোচনীয় অবস্থার গতি পরিবর্তন করেন। পানসেলকারের যখন কোন রানই উঠেনি তখন অনিল দত্তের বলে উইকেট কিপার



এস আর বাহারী

(ক্যাপটেন বেনারস হিন্দু বিশ্ববিদ্যালয়)



নির্মল চ্যাটার্জি

(ক্যাপটেন কলিকাতা বিশ্ববিদ্যালয়)

পানসেলকারের অতি সোজা ক্যাচ ফেলে দেন। স্থানীয় দলের ফিল্ডিং মোটেই ভাল হয়নি। অধিনায়ক নির্মলের বল ভাল হয়েছিল, ৪১ রানে ২টা উইকেট পান। তাঁর একই ওভারে দু'টো ক্যাচ কেউ লুফতে পারেননি। এস ব্যানার্জি ৪৮ রানে ৫টা উইকেট পেয়েছিলেন। সাধুর বল ভাল হয়েছিল কিন্তু কোন উইকেট পড়েনি। রেণ্ডি ৫০, দাসতোর ৫৯ ও পানসেলকার ৪২ রান করেন। কলিকাতা বিশ্ববিদ্যালয়ের দ্বিতীয় ইনিংসের সূচনা ভাল হয়নি। খুব তাড়াতাড়ি উইকেট পড়তে আরম্ভ করে। দলের এই সংকট অবস্থায় এন চ্যাটার্জি ও ডি সেনা খেলার শোচনীয় অবস্থার পরিবর্তন করেন। নির্মল চমৎকার ভাবে খেলে ৪১ রান করেন। ডি সেনা প্রায় ৪০ মিনিটে ৫০ রান করে রক্তরাজের বলে খাজার হাতে ধরা দেন। তিনি কয়েকবার আউট হবার সুযোগ নিয়েছিলেন। এইচ সাধুর ৩২ ও বি ব্যানার্জির ২৮ রান উল্লেখযোগ্য। বি ব্যানার্জি উত্তর ইনিংসেই লাঠ ম্যান ধরে ভাল খেলেছিলেন। বেনারস দলের ফিল্ডিং ভাল হয়েছিল। রক্তরাজ ৬৮ রানে ৬ উইকেট ও গুরুদাচার ৮৩ রানে ৩ উইকেট পান। বেনারস দল দ্বিতীয় ইনিংসে ৫ উইকেটে তাদের প্রয়োজনীয় ১৫৩ রান তুলে নেয়। অনিল দত্ত মাত্র ৩১ রানে ৪টা উইকেট লাভ করেন।

### পেণ্টাঙ্গুলার ক্রিকেট ফাইনাল ৪

মুসলীম—৩৮১ ও ৪৮ (৩ উইকেট)

রেপ্ট—২০২ ও ২২৬


মুসলীমদল ৭ উইকেটে পেণ্টাঙ্গুলার ক্রিকেট ফাইনালে বিজয়ী হয়েছে। প্রতিযোগিতায় হিন্দুদল যোগদান করে নি।

রেপ্টদল টসে জয়লাভ করে প্রথমে ব্যাট করতে নামে। ক্যাপ্টেন জে হারিস ৮২ রান করেন। এম কোহেনের ৩৮ রানও উল্লেখযোগ্য। আমির ইলাহি ৮৮ রানে ৭টা উইকেট পান। মুসলীমদলের প্রথম ইনিংস শেষ হয় ৩৮১ রানে, মাস্তকআলী ১১০ রান করেন। ওয়াজীর আলীর ৫৯, দিলওয়ার হোসেনের ৫৪ ও নাসিরুদ্দিনের ৪৪ রান উল্লেখযোগ্য। মাস্তকের খেলা খুবই দর্শনীয় হয়েছিল। রেপ্টদলের ফিল্ডিং ভাল হয়নি; অনেকগুলি সহজ ক্যাচ নষ্ট হয়েছে। হারিস ৪০ রানে ৪টা উইকেট পেয়েছেন। রেপ্ট দলের দ্বিতীয় ইনিংসে রান উঠে ২২৬। মাসকারেনহাস দলের সর্বোচ্চ ৪৯ রান করেন। মুসলীমদলের দ্বিতীয় ইনিংসে ৩ উইকেটে ৪৮ রান উঠে; হাজারী মাত্র ১৫ রানে ২টি উইকেট পান।

সিলোন :—২৩৪ ও ১৩৪

অল ইণ্ডিয়া :—৪৭৮ (৭ উইকেট ডিক্লিয়ার্ড)

সিলোন এক ইনিংস ও ১১০ রানে পরাজিত হয়েছে। কলকাতার চেয়ে বোম্বাইয়ের টিম যথেষ্ট শক্তিশালী



নিখিল ভারত ব্যাডমিন্টন প্রতিযোগিতায়

বোম্বাইয়ের ব্যাডমিন্টন খেলোয়াড়গণ

হয়েছে। কলকাতার টিমে অল-ইণ্ডিয়া ব্যাটসম্যান কেউ ছিলেন না। অধিনায়ক হিসাবে নাইডুর খ্যাতি হয়ত



পূর্বাপেক্ষা বৃদ্ধি পেয়েছে কিন্তু ব্যাটসম্যান হিসাবে নাইডুর বোধহয় আর ততখানি দক্ষতা নেই। বোম্বাইয়ে ভারতবর্ষের

মিনিট খেলে ১৩৭ রান ছুঁত্যাগ্যবশত রান আউট হ'য়ে যান; তিনি মাত্র ৭৩ রানের সময় একবার সুযোগ দিয়েছিলেন।



নিখিল ভারত ব্যাডমিণ্টন প্রতিযোগিতায় পাঞ্জাবের ব্যাডমিণ্টন খেলোয়াড়গণ

অন্ততম শ্রেষ্ঠ ব্যাটসম্যান বিজয় খেলছেন। যে সব উদীয়মান খেলোয়াড় টীমে স্থান পেয়েছেন তাঁদের মধ্যে রঙ্গনেকার, হাজারে এবং অধিকারীর পরিচয় নিশ্চয়োজন। বিশেষতঃ রঙ্গনেকারের খেলা সমগ্র ভারতের ক্রীড়ামোদিদের দৃষ্টি আকর্ষণ ক'রেছে। এছাড়া প্রবীণ ক্যাপ্টেন দেওধর এখনও তরুণের মত উৎসাহ ও শক্তি নিয়ে খেলেন এবং সেদিনও বোম্বাইয়ের বিরুদ্ধে 'ডবলসেকুরী' ক'রেছেন।

প্রথম দিনের খেলায় দর্শক সমাগম হ'য়েছে আটহাজার। সিলোন টেসে জিতে প্রথমে ব্যাট করে এবং তাদের প্রথম ইনিংস শেষ হয় ২৩৪ রানে। জি গুণরত্ন মাত্র ৪ রানের জন্ত সেকুরী ক'রতে পেলেন না; মেণ্ডিস ৪২ রান ক'রেছেন। চিপ্পা ৩৮ রানে পাঁচটি আর সৈয়দ আমেদ ৪৯ রানে তিন উইকেট পেয়েছেন। সি এস নাইডুর ভাগ্য ভয়ানক খারাপ তিনি খুব ভাল বল ক'রেও ইঞ্জিনিয়ারের খারাপ উইকেট কিপিংয়ের জন্ত বেশী উইকেট পান নি। বহুবার ইঞ্জিনিয়ার ষ্টাম্প করার সুযোগ অপব্যবহার ক'রেছেন। ভারতবর্ষ দিনের শেষে ১ উইকেট হারিয়ে ৮২ রান করে; বিজয় ৫২ রান ক'রে নট আউট থাকেন।

দ্বিতীয় দিনের খেলায় ভারতবর্ষের ৭ উইকেটে ৪৭৮ হবার পর দেওধর ইনিংস ডিক্লিয়ার্ড করেন। বিজয় ১৩৫

রঙ্গনেকার ১০৭ মিনিট খেলে ১১৭ রান ক'রে পোরিটের বলে মেণ্ডিসের হাতে ধরা দেন। তাঁর খেলায় 'চার' ছিলো ১১টা। অধিকারীর ৯০ এবং দেওধরের ৬৯ রানও উল্লেখযোগ্য।

তরুণ খেলোয়াড় রঙ্গনেকার ও অধিকারীর সাকল্য ভারতীয় ক্রিকেটের ভবিষ্যৎ সমৃদ্ধ ক'রবে ব'লেই আমাদের বিশ্বাস।

সিলোন ২৪৪ রানে পিছিয়ে থেকে দ্বিতীয় ইনিংস

সুরু করলে। হাজারে এবং সি এস নাইডুর বলে কোন খেলোয়াড়ই সুবিধা করতে পারেন নি। দলের সর্বোচ্চ রান করেন এ গুণরত্ন ৩৭। হাজারে ৩৪ রানে চার এবং নাইডু ৩২ রানে তিন উইকেট পান।

সিলোনের খেলার ফলাফল ক্রমশঃ খারাপের দিকে যাচ্ছে। প্রথম খেলায় তারা মাদ্রাজকে পরাজিত করে তারপর কলকাতায় খেলা অসমীমাংসিতভাবে শেষ হয় এবং বোম্বাইয়ের খেলায় তারা পরাজিত হ'লো। অবশ্য



নিখিল ভারত ব্যাডমিণ্টন প্রতিযোগিতায় দিল্লীর ব্যাডমিণ্টন খেলোয়াড়গণ

তাদের খেলোয়াড়দের কৃতিত্বের প্রশংসা আমাদের ক'রতেই হবে। সিলোনের লোক সংখ্যা পাঞ্জাবের এক পঞ্চমাংশ

কিন্তু তাদের দেশে ক্রিকেট খেলার চর্চা আছে। আমরা যদি তাদের হারিয়ে দিই তাতে আমাদের গৌরবের কিছু নেই বরং হারাতে না পারাটাই অগৌরবের। সিলোন এবং ভারতবর্ষ থেকে যদি এই রকম প্রতি বৎসর টীম পাঠানোর বন্দোবস্ত হয় তাতে উভয়দেশের ক্রিকেট খেলার যথেষ্ট উন্নতি হ'তে পারে।

### ব্যাডমিন্টন ৪

ব্যাডমিন্টন ক্রমশঃ সব দেশেই বেশ জনপ্রিয় হ'য়ে উঠছে এমন কি টেনিসের ডেভিস কাপের অনুরোধে যাতে ব্যাডমিন্টন প্রতিযোগিতা হ'য় তার চেষ্টাও চলছে।

সম্প্রতি ভবানীপুর ওয়াই এম সিএ কোর্টে অল-ইণ্ডিয়া ইষ্ট-ইণ্ডিয়া ও বেঙ্গল চ্যাম্পিয়ানসীপের মত তিনটি বড় বড় প্রতিযোগিতা সুন্দরভাবে অনুষ্ঠিত হ'য়েছে। এবারের অল-ইণ্ডিয়ার সবচেয়ে উল্লেখযোগ্য ঘটনা পেলাংয়ের বিখ্যাত তরুণ খেলোয়াড় চী চুন কেংয়ের উক্ত প্রতিযোগিতায় যোগদান ও জয়লাভ। কেং একজন খুব উচ্চ শ্রেণীর খেলোয়াড়। এখানে তাঁকে একমাত্র মাডগাউকারের সঙ্গে জোর দিয়ে খেলতে দেখা গিছিলো আর তাঁকে তিনি ছোট সেটে হারিয়ে দেন। অল-ইণ্ডিয়া ফাইনালে তিনি বোম্বাইয়ের পটবর্দ্ধনকে ১৫-৯



মাগয়ের ব্যাডমাশ ব্যাডমিন্টন খেলোয়াড় চু চুন কেং নিখিল ভারত ব্যাডমিন্টন প্রতিযোগিতায় যোগদান করেন

১৮-১৫ গেমের হারিয়ে বিজয়ী হ'য়েছেন। কেং একটু জোর দিয়ে খেললে পটবর্দ্ধনকে অনেক কম পয়েন্টে হারাতে



তরুণ ব্যাডমিন্টন খেলোয়াড় এইচ বহু এ বৎসর ইষ্টইণ্ডিয়া ও বেঙ্গল চ্যাম্পিয়ানসীপ প্রতিযোগিতার পুরুষদের সিঙ্গলস ফাইনালে পরাজিত হয়েছেন

পারতেন। কেং বিভিন্ন রকমের দর্শনীয় ছোঁক দিয়ে খেলেন ; স্মাসিংও চমৎকার। ১৯৩৯ সালে তিনি সাতবার পেরাক চ্যাম্পিয়ান এবং তিনবার সামুয়েলের মত আন্তর্জাতিক খেলোয়াড়ের বিজয়ী টীম চোং ফোরকে পরাজিত করেন। পর পর চারবার অল-ইণ্ডিয়া বিজয়ী লুইয়ের চেয়ে তাঁর খেলার ষ্ট্যাণ্ডার্ড ভাল কিনা তা বলা শক্ত। লুই এবার প্রতিযোগিতার যোগদান ক'রতে পারেন নি।

বোম্বাইয়ের ম্যাগউ ড্রাভর ডবলসে পাঞ্জাবের হরনারায়ণ ও জহরকে পরাজিত ক'রে বিজয়ী হন।

মহিলাদের খেলায় দুবছর পরে আবার কুমারী গঙ্গা কুমারী কুককে পরাজিত ক'রে বিজয়িনী হ'য়েছেন।

এবারের ইষ্ট ইণ্ডিয়া ও বেঙ্গল চ্যাম্পিয়ানসীপ পেয়েছেন মাডগাউকার। উভয় প্রতিযোগিতাতেই বাঙ্গলার উদীয়মান খেলোয়াড় সুনীল বহু ফাইনালে পরাজিত হন। ইষ্ট-ইণ্ডিয়া চ্যাম্পিয়ানসীপের ফাইনালে উভয় খেলোয়াড়ের মধ্যে খুব প্রতিদ্বন্দ্বিতা চ'লেছিলো ; তৃতীয় গেমের সুনীল একটু ভাল ক'রে খেলতে পারলে মাডগাউকারকে পরাজিত ক'রতে

পারতেন। সেমিফাইনালে তিনি গতবারের বিজয়ী টি ব্যানার্জিকে সহজেই পরাজিত করেছিলেন। টি ব্যানার্জির চেয়ে তাঁর খেলা অনেকাংশে উন্নত এবং বর্তমান বৎসরে তাঁকে বাঙ্গালী খেলোয়াড়দের মধ্যে নিঃসন্দেহে সর্বশ্রেষ্ঠ বলা চলে। তিনি এবার সাউথ ক্যালকাটা চ্যাম্পিয়ানসীপ বিজয়ী হয়েছেন। অল-ইণ্ডিয়ান তিনি বোম্বাইয়ের বিখ্যাত খেলোয়াড় ডিম্যাগ-উকে সহজেই পরাজিত করেন।

### ডুরাও কাপ

#### ফাইনাল ৪

ক্যালকাটা ফুটবল লীগ চ্যাম্পিয়ান ও বোম্বাই রোভার্স কাপ বিজয়ী মহমেডান স্পোর্টিং ক্লাব ভারত-বর্ষের ফুটবল খেলার ইতিহাসে পূর্বেই এক নতুন অধ্যায় সৃষ্টি



ডুরাও কাপ বিজয়ী মহমেডান দলের খেলোয়াড়গণ এবং মহামাশ্র বড়লাট বাহাদুর

প্রথম ডুরাও কাপে যোগদান করে উক্ত কাপ বিজয়ী হ দলের সম্মান আরও বৃদ্ধি করেছে। দলের এ সাফল্যে ভা:

তীয় ক্রীড়ামোদী মাঝেই গর্ব অনুভব করবেন। ইতিপূর্বে বে-সামরিক কোন ফুটবল ক্লাবই ডুরাও কাপ জয়ের সম্মান



ডুরাও কাপ ফাইনাল খেলার মহমেডান দলের গোলের সম্মুখের একটি দৃশ্য ; মহমেডান দল ২-১ গোলে বিজয়ী হয়েছে করেছিল। ভারতবর্ষের খেলোয়াড় মহলে তাদের গৌরবের অর্জন করতে সক্ষম হয়নি। ফাইনালে রয়েল ওয়ার উইক সংবাদ আজ অবদিত নয়। এবৎসর মহমেডান স্পোর্টিং ক্লাব সায়ার দলকে ২-১ গোলে তারা পরাজিত করে।

## ইষ্ট ইণ্ডিয়া লন টেনিস

### চ্যাম্পিয়ানসীপ ৪


কলিকাতা সাউথ ক্লাব কর্তৃক পরিচালিত ইষ্ট ইণ্ডিয়া লন টেনিসের খেলা শেষ হয়েছে। ভারতের এক নম্বর টেনিস খেলোয়াড় গাউস মহম্মদ প্রতিযোগিতায় যোগদান করেন নি। ফলে পাঞ্জাবের এস এস আর সোহানী পুরুষের সিঙ্গেলস ও মিক্সড ডবলসে সাফল্য লাভ করতে সক্ষম হন। শ্রেষ্ঠ প্রতিযোগিতায় সোহানীর এই কৃতিত্ব এইবারই

বিভিন্ন বিভাগের ফলাফল :

পুরুষদের সিঙ্গেলস—এস এস আর সোহানী ৬-১, ৬-৪, ৬-০ গেম জে মি মেটাকে পরাজিত করেন।

পুরুষদের ডবলস—এস এস আর সোহানী ও এইচ এল সোহানী—জেমি মেটা ও ওয়াই আর সাবুরকে পরাজিত করেন।

মিক্সড ডবলস—এস আর সোহানী ও মিসেস সি কারগিন ৬-৩, ৬-২ গেম জি মি মেটা ও মিসেস ফুটিটকে পরাজিত করেন।



ইষ্ট ইণ্ডিয়া টেনিস প্রতিযোগিতায় যোগদানকারী খেলোয়াড়গণ ও সাউথ ক্লাবের পরিচালকগণ

প্রথম। সুইডিস ডেভিস কাপ খেলোয়াড় ম্যাক্স এলমারের খেলা দর্শকদের মোটেই চমৎকৃত করতে পারেনি। ফাইনালে যাওয়া ত দূরের কথা সিঙ্গেলসের সেমি-ফাইনালেই তরুণ খেলোয়াড় জে মি মেটার কাছে হেরে যান।

মহিলাদের সিঙ্গেলস—মিসেস মাস্‌সি ৬-২, ৬-২ গেম মিস ডিক্‌সনকে পরাজিত করেন।

প্রবীণদের ডবলস—এস ব্রুক এডওয়ার্ডস ও এন আয়ার ৮-৬ গেম এইচ ব্রুক ও এস মেয়ারকে পরাজিত করেন।

## সাহিত্য সংবাদ

### নব-প্রকাশিত পুস্তকাবলী

নরেন্দ্র দেব প্রণীত "ওমর-ধৈর্য" ৭ম সং—৪।

ড. মনোমোহন মল্লিক প্রণীত উপন্যাস "হারাগো সুর"—২।

প্রভাস দাস প্রণীত "হিটলারের পতন"—১।

দেবেন্দ্রনাথ মিত্র এম-এ, বি-এল প্রণীত "কৌতুক কথা"—১।

মণিলাল বন্দ্যোপাধ্যায় প্রণীত উপন্যাস "আলো ছায়ার খেলা"—২।

মতিলাল দাশ প্রণীত নাটক "নব্যা ও সবিতা"—১।

অবেশচন্দ্র রায় ও নরেন্দ্রনাথ সিংহ প্রণীত "আধুনিক বুদ্ধ"—২।

উত্তর সত্যনারায়ণ প্রণীত "রোমাঞ্চক রাশিয়ার"—২।

সম্পাদক—শ্রীকণীন্দ্রনাথ মুখোপাধ্যায় এম-এ

কর্ণওয়ালিস্ ট্রাষ্ট, কলিকাতা, ভারতবর্ষ প্রিন্টিং ওয়ার্কস্ হইতে শ্রী:গাবিন্দ্রনাথ ভট্টাচার্য কর্তৃক মুদ্রিত ও প্রকাশিত



গাড়ির বো

শিল্পী—শ্রীযুক্ত কমলাকান্ত চট্টোপাধ্যায়

সংস্করণ—শ্রীযুক্ত উদয়ক





ফাল্গুন—১৩৫

শিক্ষাকে  
য সাধারণ

দ্বিতীয় খণ্ড

অষ্টাদি

তৃতীয় সংখ্যা

## হিন্দু-মুসলমান

এস, ওয়াজেদ আলি বি-এ (কেণ্টাব), বার-এট-ল

এদেশে প্রধানত দুই সম্প্রদায়ের বাস—হিন্দু এবং মুসলমান। এ কথা একান্তভাবে সুনিশ্চিত যে বাঙ্গলার ঘনত্ব ততক্ষণ আসবে না যতদিন এই দুই সম্প্রদায় পরস্পরকে ভালবাসতে না শিখবে, আর উভয় সম্প্রদায়ের লোক নিজেদের প্রথমত বাঙ্গালী—আর তারপর হিন্দু কিম্বা মুসলমান হিসাবে ভাবে না শিখবে। এই মঙ্গলপ্রসূ মানসিকতার সৃষ্টি কি করে করা যেতে পারে সেই হচ্ছে বাঙ্গালীর সবচেয়ে বড় সমস্যা। এ সমস্যার আলোচনায় তিনটি প্রশ্ন এসে দেখা দেয়; আর তাদের উত্তরের উপর সমস্যার সমাধান নির্ভর করে। প্রশ্নগুলি হচ্ছে—(১) দুই সম্প্রদায়ের বর্তমান বিরোধের কারণ কি, (২) কি উপায় অবলম্বন করলে সে বিরোধ দূরীভূত হতে পারে এবং (৩) কি উপায়ে দুই সম্প্রদায়ের মধ্যে নিবিড় একত্ববোধের সৃষ্টি করা যেতে পারে?

বিরোধের কারণ কি সেই প্রশ্নেরই প্রথমত আলোচনা করা যাক; মানুষ কেন ব্যক্তিবিশেষকে ভালবাসে, আর ব্যক্তিবিশেষের প্রতি বিদ্বেষের ভাব পোষণ করে? কেন সে সমাজবিশেষকে ভালবাসে আর সমাজবিশেষের প্রতি বিদ্বেষের ভাব পোষণ করে? পাঠক একটু ভেবে দেখলেই বুঝতে পারবেন আমাদের ভালবাসার কারণ হচ্ছে, যে সব জিনিসকে আমরা ভালবাসি, যে সব জিনিস আমরা চাই, সেইসব জিনিস ব্যক্তি এবং সমাজ-বিশেষের মধ্যে পাই বলেই তাদের আমরা ভালবাসি; পক্ষান্তরে বিরোধের কারণ হচ্ছে, যে সব জিনিসকে আমরা ভালবাসি—ব্যক্তি কিম্বা সমাজ-বিশেষ থেকে সে সব জিনিসের বিপদের কারণ আছে বলেই তাদের প্রতি আমরা বিরোধের ভাব পোষণ করি। আর যখন ব্যক্তি কিম্বা সমাজ-বিশেষ থেকে আমাদের প্রিয় জিনিসের সুবিধার কিম্বা বিপদের কোনটিরই

সম্ভাবনা থাকে না তখন সেই ব্যক্তি এবং সমাজের প্রতি আমরা ঔদাসীন্দের ভাব পোষণ করি। প্রতিবেশিক সমাবেশের দরুণ হিন্দু-মুসলমান উভয় সমাজের জীবন এমনই ঘনিষ্ঠভাবে সংশ্লিষ্ট যে, হয় তারা পরস্পরের জীবনকে সুভাবে প্রভাবান্বিত করবে, নয় কুভাবে প্রভাবান্বিত করবে; এক সম্প্রদায় অন্য সম্প্রদায়ের প্রভাব থেকে মুক্ত থাকতে পারে না। সুতরাং হয় তারা পরস্পরকে ভালবাসবে, নয় ঘৃণা করবে; ঔদাসীন্দের ভাব পরস্পরের প্রতি তারা পোষণ করতে পারে না।

আপাতত এই দুই সম্প্রদায়ের মধ্যে ঘৃণা অর্থাৎ বিরোধের ভাবটাই প্রবল। তার কারণ কি? আমার মনে হয় নিম্নলিখিত কারণগুলিই বর্তমান বিরোধের জন্ম মুখ্যত দায়ী, যথা—(১) ঐতিহাসিক শিক্ষার বর্তমান প্রণালী, (২) ধর্মগুরুদের অবাক্ষরিক প্রভাব, (৩) সাম্প্রদায়িক মনোবৃত্তিসম্পন্ন সংস্কৃত প্রভাব, (৪) চাকুরীজীবী মধ্যবিত্ত শ্রেণীর অত্যধিক প্রতিযোগিতা, (৫) বর্তমান রাজনীতিক জীবনে এই চাকুরী-জীবী মধ্যবিত্ত শ্রেণীর আধিপত্য, (৬) অতীতের সাম্প্রদায়িক রাষ্ট্রকে ফিরিয়ে আনবার ছুরাশা এবং দুঃস্বপ্ন, (৭) বিভিন্ন ধরণের জীবনধারণপ্রণালী, (৮) সম্মিলিত অনুষ্ঠান প্রতিষ্ঠানাদির অভাব, (৯) ভবিষ্যতের বিষয় কোন সুস্পষ্ট ব্যাপকতর সামবায়িক আদর্শের অভাব এবং (১০) বাঙ্গালীর বর্তমান জীবনে অবাক্ষালীর অতিরিক্ত প্রভাব।

ছেলেবেলা থেকে আমরা পড়ে আসছি সুলতান মাহমুদ ভারত আক্রমণ করে হিন্দুদের অসংখ্য মন্দির ধ্বংস করেছিলেন, মন্দিরের বিগ্রহাদিকে ধূলিসাৎ করেছিলেন, পুরোহিতদের লাঞ্ছিত নির্খ্যাতিত করেছিলেন, হিন্দু জনসাধারণকে নির্মমভাবে হত্যা করেছিলেন। তারপর আমরা পড়ি সুলতান আলাউদ্দীন কেমন করে রাণী পদ্মিনীর লোভে রিপুপরবশ হয়ে চিতোর রাজ্য আক্রমণ করেছিলেন। আমাদের বলা হয় চিতোরের বীর যোদ্ধারা অতুলনীয় বীরত্বের সঙ্গে যুদ্ধ করে রণক্ষেত্রে প্রাণ-বিসর্জন করেছিলেন, চিতোরের কুল-ললনারা রাণী পদ্মিনীর নেতৃত্বে প্রজ্বলিত চিতায় আত্মাহুতি দিয়েছিলেন। তারপর আমাদের পড়ান হয় আওরঙ্গজেবের গোড়ামির কথা। তাঁর গোড়ামির ফলে কি ভাবে মোগল সাম্রাজ্য ধ্বংস হয়েছিল,

মহারাজ্য বীরেরা কি ভাবে শিবাজীর নেতৃত্বে হিন্দুসাম্রাজ্য স্থাপনের চেষ্টা করেছিলেন, শিখেরা মহারাজ রণজিত সিংহের অধিনায়কত্বে কি ভাবে হিন্দু রাজ্যের পুনঃ প্রতিষ্ঠা করেছিলেন ইত্যাদি ইত্যাদি। তারপর আমরা বাঙ্গালার শেষ নওয়াব হতভাগ্য সিরাজদ্দৌলার অত্যাচার এবং স্বৈরাচারের বিষয় কত কি পড়ি। এইসব অর্ধ-ঐতিহাসিক, অর্ধ-কাল্পনিক বিষয় এমন ভাবে লিখিত হয়, এমনভাবে এ সবার শিক্ষা দেওয়া হয় যে হিন্দু ছেলেদের মনে মোস্লেম বিদ্বেষ আপনা থেকেই জেগে ওঠে। আর বাল্যজীবনের শিক্ষা এমন গভীর ভাবে ছাত্রের অন্তরে প্রবেশ করে যে, পরে তার বিষময় প্রভাব থেকে তার মনকে শত চেষ্টা সত্ত্বেও মুক্ত করা যায় না।

দেশে যদি নূতন আবহাওয়া সৃষ্টি আমরা করতে চাই, হিন্দু-মুসলমানের সম্প্রীতিকে যদি দৃঢ় ভিত্তির উপর প্রতিষ্ঠিত করতে চাই, তা হ'লে বিদ্যালয়ের পাঠ্য ঐতিহাসিক পুস্তকাদির আমূল পরিবর্তন করতে হবে, ইতিহাস শিক্ষার প্রণালীও বদলে দিতে হবে। ইতিহাসের লেখক এবং শিক্ষকদের একথা সর্বদা স্মরণ রাখতে হবে যে অত্যাচার এবং অত্যাচার মুসলমানেরও একচেটিয়া জিনিস নয়—আর হিন্দুরও একচেটিয়া জিনিস নয়। দু-একজন মুসলমান বাদশা যদি প্রজাপীড়ন করে থাকেন, তাঁরা মুসলমান হিসাবে তা করেন নি, তাঁদের স্বভাবেরই অনুসরণ করেছেন। তাঁদের স্বৈরাচারের সঙ্গে ইসলাম ধর্মের এবং মুসলমান জাতির কোন সম্পর্ক নেই। পক্ষান্তরে অসংখ্য মুসলমান বাদশা, নওয়াব, সুবেদার প্রভৃতি ঋণাত্মক এবং উদারতার যে পরকথা দেখিয়ে গেছেন তার ভূরি ভূরি প্রমাণ এবং দৃষ্টান্ত তো ভারতবর্ষের ইতিহাসেই পাওয়া যায়। দু-একজন অত্যাচারী শাসনকর্তার অত্যাচারের পুঙ্খানুপুঙ্খ আলোচনার চেয়ে অসংখ্য মহানুভব শাসনকর্তাদের মহানুভবতার কথা স্মরণ করাই ভাল।

ইতিহাসের লেখক এবং শিক্ষকদের ও শিক্ষা বিভাগের কর্তৃপক্ষদের সর্বদা এ কথা মনে রাখা দরকার যে, এ দেশে হিন্দু-মুসলমানকে একসঙ্গে বাস করতে হবে। সুতরাং অতীতের সেই সব ঘটনার বিষয়ের আলোচনার দরকার— যা থেকে উভয় সম্প্রদায়ের মধ্যে স্নেহ প্রীতি এবং ঐক্যের ভাব বাড়তে পারে। আর যে সব ঘটনার আলোচনা



পুরাতন ক্ষতকে নূতন ক'রে জাগিয়ে দেয়, সে সবেৰ যত কম উল্লেখ হয়, যেখানে সে সবেৰ উল্লেখ অপরিহার্য্য সেখানে নিরপেক্ষ ভাবে যাতে ঘটনাবলীর আলোচনা হয়, কোন বিশেষ জাতিকে দোষী না ক'রে যাতে প্রকৃত অপরাধীর উপরই দোষারোপ করা হয়, অন্তায় এবং অত্যাচার যে কোন বিশেষ জাতির কিম্বা সমাজের বিশেষত্ব নয়, বরং সর্বদেশেই এবং সর্ব সমাজেই একরূপ হয়ে থাকে, তার প্রতিকার জাতিবিশেষের প্রতি বিদ্বেষের ভাব জাগিয়ে তোলায় নয়, বরং তার প্রতিকার হচ্ছে, যে অজ্ঞতা এবং স্বেচ্ছাচারিতার দরুণ সেই সব অন্তায় এবং অত্যাচার সম্ভব হয়েছে সেই অজ্ঞতা এবং স্বেচ্ছাচারিতাকে সমাজ-জীবন থেকে বিদূরিত করা—এই সব মূল্যবান নীতি সম্মুখে রেখেই ঐতিহাসিকদের ইতিহাস রচনা করা দরকার; যারা পাঠ্য নির্বাচন কিম্বা প্রকাশ করেন, তাঁদের কর্তব্য হচ্ছে এই সব নীতি অনুসৃত হয়েছে কি-না সেইদিকে লক্ষ্য রেখে গ্রন্থ নির্বাচন এবং প্রকাশ করা; শিক্ষকগণেরও এ বিষয়ে গুরুতর দায়িত্ব আছে। ইতিহাস পড়বার সময় তাঁদের কর্তব্য হচ্ছে, ছাত্রদের এই সব সত্যের বিষয় অবহিত করা, আর ইতিহাসের শিক্ষা যাতে তাদের মনে জাতি-বিদ্বেষের বীজ বপন করতে না পারে তার দিকে সতর্ক দৃষ্টি রাখা!

ধর্মব্যবসায়ী যাজক এবং পুরোহিত সমাজ-জীবনে অপরিহার্য্য। অথচ ধর্ম নিয়ে যারা ব্যবসা করেন তাঁদের মধ্যে সর্বত্রই ভিন্ন ধর্মাবলম্বীদের, এমন কি সমধর্মাবলম্বী ভিন্ন সম্প্রদায়ের লোকদের প্রতি অনুদার ভাব এবং তাদের মানসিকতা বোঝবার ধৈর্য্য এবং ক্ষমতার অভাব সর্বত্রই পরিলক্ষিত হয়। এই অনুদারতা, অসহিষ্ণুতা এবং অজ্ঞতা কেবল ভারতীয় যাজক সম্প্রদায়ের মধ্যেই সীমাবদ্ধ নয়। পুরোহিত এবং ধর্মযাজকদের এই মানসিকতা সমাজ-জীবনে অশেষ অকল্যাণের সৃষ্টি করে। আর সেই জন্মই দেখতে পাই—যেখানে মানুষ রাষ্ট্রীয় জীবনকে নূতন ভিত্তিতে সৃষ্টি করবার চেষ্টা করেছে সেখানেই পুরোহিতদের তরফ থেকে প্রচণ্ড বাধা এসে দেখা দিয়েছে। রাষ্ট্র সংস্কারকদের তাই অধিকাংশ ক্ষেত্রে পুরোহিতদের কঠোরভাবে দমন করতে হয়েছে। ফরাসী বিপ্লব থেকে আরম্ভ ক'রে আমাদের যুগের তুর্কি বিপ্লব পর্যন্ত সেই একই সত্যের পুনরাবৃত্তি

হয়েছে। যারা বঙ্গদেশে জাতীয়তাবাদকে প্রতিষ্ঠিত করতে চান, এক কথায় যারা দেশে নূতন কিছু করতে চান, তাঁদেরই যাজক সম্প্রদায়ের প্রচণ্ড বিরোধিতার জন্ম প্রস্তুত হতে হবে। তাঁদের সহযোগিতা কখনও তাঁরা পাবেন না।

পুরোহিতরা মানুষের অজ্ঞতাকে অবলম্বন ক'রে চিরকাল স্বার্থসিদ্ধির চেষ্টা ক'রে এসেছেন। অজ্ঞ অসহায় নরনারীর উপরই তাঁদের প্রভাব সবচেয়ে বেশী। বলা বাহুল্য, অধিকাংশ ক্ষেত্রে এ প্রভাবের তাঁরা অপব্যবহারই করেছেন। তাঁদের প্রভাবকে সংযত করতে হ'লে আধুনিক বৈজ্ঞানিক শিক্ষার যাতে সাধারণের মধ্যে সম্যক বিস্তার হয় তার জন্ম আমাদের সচেষ্টি হতে হবে। কেবল বিদ্যালয়ের উপর নির্ভর করলে চলবে না। সাময়িক এবং সাধারণ সাহিত্যের সাহায্যে সে শিক্ষাকে জনসাধারণের মধ্যে পৌঁছে দিতে হবে। বক্তৃতার সাহায্যে সিনেমা, থিয়েটার, রেডিও প্রভৃতির সাহায্যে সে শিক্ষাকে প্রচার করতে হবে। আর সেই শিক্ষার সাহায্যে সাধারণের মধ্যে পরমতসহিষ্ণুতা, পর-ধর্মের প্রতি, ভিন্ন সংস্কৃতির প্রতি শ্রদ্ধা এবং ভক্তির সৃষ্টি করতে হবে। সেই শিক্ষার সাহায্যে তাদের মনে দেশপ্রেম জাগিয়ে তুলতে হবে। আর সেই শিক্ষার সাহায্যে তাদের মধ্যে আর্ন্ত মানবের প্রতি প্রীতি এবং সমবেদনার ভাবকে সঞ্চারিত করতে হবে।

ইংরেজ রাজত্বের সূচনার যুগেই আধুনিক বাঙ্গলা সাহিত্য জন্মলাভ করে। ইংরেজের প্রভাব তখন বাঙ্গালীর জীবনে এবং মানসক্ষেত্রে অপ্রতিহত। বাঙ্গালী হিন্দু ইংরেজকে তখন আদর্শ মানব বলেই মনে করত, আর ইংরেজের প্রবর্তিত শিক্ষাকে শিক্ষার আদর্শ-পন্থা বলেই বিশ্বাস করত। আর ইংরেজের বাক্যকে বেদবাক্যের মতই অকাট্য বলে তারা মেনে নিত। ইংরেজ মুসলমানদের কাছ থেকে ভারতবর্ষ ছলে বলে কৌশলে নিয়েছিলেন। স্বভাবতই তাঁরা মুসলমানদের প্রতি এবং তাদের ধর্ম ইসলামের প্রতি বৈর ভাব পোষণ করতেন। নিজেদের স্বার্থসিদ্ধির জন্ম এবং মনের স্বাভাবিক ভাব প্রকাশের জন্ম মুসলমান জাতি এবং ইসলাম ধর্মকে তাঁরা মসীবের্গে চিত্রিত করতে তখনকার যুগে কোনরূপ কুণ্ঠাবোধ করতেন না। তাঁদের লেখা পড়ে বাঙ্গালী হিন্দুর মনে মুসলমানদের প্রতি ঘৃণা এবং অবজ্ঞার ভাব স্বতই জেগে উঠত, আর সে ভাব

প্রকাশ পেত তাঁদের সৃষ্ট বাঙ্গালা সাহিত্যে। সে যুগের বাঙ্গালা সাহিত্য তাই মোসেলম বিদ্বেষে ভারাক্রান্ত! সে সাহিত্য হিন্দু-মোসলেম বিরোধ জাগিয়ে রাখতে বিশেষভাবে কার্যকরী হয়েছে।

তখনকার যুগের ভারতীয়েরা আমলাতন্ত্রমূলক ইংরেজ-শাসনকে চন্দ্র-সূর্য্য গ্রহ-তারকার মতই চিরস্থায়ী নিসর্গের অন্তর্গত বলে মনে করতেন, আর সেই শাসনের অধীনে হিন্দু-মুসলমানের নিবিড় মিলনের তাঁরা বিশেষ কোন প্রয়োজন অনুভব করতেন না; তাই তাঁদের সৃষ্ট সাহিত্যে সে মিলনের কোন উল্লেখযোগ্য প্রয়াস দেখতে পাওয়া যায় না। অবশ্য তখনকার যুগের কোন কোন কবি স্বাধীনতার বিষয় সুন্দর সুন্দর কবিতা লিখেছেন। কিন্তু তাঁদের সেই সব রচনাকে নিছক ভাবানুশীলনের উর্দ্ধে স্থান দেওয়া যায় না। স্বাধীন আত্মনিয়ন্ত্রণশীল ভারতবর্ষের কোন সুস্পষ্ট ছবি বা পরিকল্পনা তাঁদের মনে ছিল না। টড প্রভৃতি একদেশদর্শী গল্পমূলক ঐতিহাসিকদের লেখা পড়ে কবির স্বভাবসুলভ ভাবের আতিশয্যে কাল্পনিক এক স্বর্ণ যুগের সুখস্বপ্ন তাঁরা দেখেছিলেন এই পর্য্যন্ত।

এখন হিন্দু-মুসলমানের নিবিড় মিলনের প্রয়োজন আমরা হাড়ে হাড়ে অনুভব করি। এখন প্রত্যেক প্রকৃতিস্থ বাঙ্গালী বোঝেন, হিন্দু-মুসলমানের আন্তরিক মিলন না হলে এদেশ রসাতলে যাবে, বাঙ্গালী নিজ দেশে পথের ভিখারী হবে। সুতরাং এখন আমাদের জাতীয় সাহিত্যকে সম্পূর্ণ নূতন একটা রূপ দিতে হবে। হিন্দু বিদ্বেষ এবং মুসলমান বিদ্বেষ যাতে সাহিত্যে তিলমাত্র স্থান না পায় তার জন্ত সবিশেষ চেষ্টা করতে হবে। হিন্দু-মুসলমানের সম্প্রীতি এবং ঐক্যানুভূতি যাতে সাহিত্যে সম্যকভাবে ফুটে ওঠে তার জন্ত চেষ্টা এবং সাধনা করতে হবে। আর বাঙ্গালার জাতীয়তার আদর্শ যাতে সাহিত্যে সুপ্রতিষ্ঠিত হয়, তার জন্ত সজ্জবদ্ধ হয়ে সুনিয়ন্ত্রিত ধারাবাহিক সাধনায় আত্মনিয়োগ করতে হবে।

এযুগে সাময়িক সাহিত্যের প্রভাব খুব বেশী। দু-একটি দৈনিক এবং মাসিক পত্রিকা যেখানে যায় না এমন একটি পল্লীগ্রাম খুঁজে পাওয়া কঠিন। দুঃখের বিষয় এই পত্রিকা-সমূহের অধিকাংশ পরিচালকদের মধ্যে আদর্শের এবং দায়িত্ব-জ্ঞানের অভাব একান্তভাবেই পরিদৃষ্ট হয়। তাঁদের অসংযত

লেখা সাম্প্রদায়িকতার মারাত্মক বিষ প্রত্যহ দেশময় ছড়িয়ে দিচ্ছে। এ অবশ্য লাভের ব্যবসা, তা না হ'লে এমন অপকর্ম এত আগ্রহের সঙ্গে তাঁরা কেন করতে যাবেন? যারা বাঙ্গালার সত্যিকার মঙ্গল চান, আশা করি তাঁরা সজ্জবদ্ধভাবে এই ব্যাধির প্রতিকারে আত্মনিয়োগ করবেন। যারা মিথ্যার প্রচার ক'রে লাভবান হচ্ছেন, তাঁদের বিরুদ্ধে সত্যের প্রচার ক'রে তাঁদের লাভের বন্ডায় ভাঁটি আনতে পারা যায়। এসব লোক ব্যক্তিগত স্বার্থ ছাড়া আর কিছু বোঝেন না। বলাবাহুল্য, আর্থিক সঙ্কটের সম্ভাবনা দেখলেই এঁরা নূতন সুরে গাইতে আরম্ভ করবেন। এঁদেরই লেখা তখন আমাদের উদ্দেশ্যকে সার্থকতার পথে আগিয়ে দেবে।

ভারতে তথা বঙ্গদেশে মধ্যবিত্ত শ্রেণীই প্রথম রাজনৈতিক সমস্যার আলোচনা আরম্ভ করেন এবং রাজনৈতিক সংস্কার এবং পরিবর্তনের প্রচেষ্টায় আত্মনিয়োগ করেন। তাদের মধ্যেই প্রথম পাশ্চাত্য শিক্ষা প্রবেশ লাভ করে—আর তারই প্রভাবে পড়ে তাঁরা ভারতের রাষ্ট্রীয় জীবনকে নূতন রূপ দেবার চেষ্টা করেন। বঙ্গদেশের মধ্যবিত্ত শ্রেণীর শিক্ষিত লোকেরা অধিকাংশই হয় চাকুরীজীবী, অথবা তাঁদের সঙ্গে ঘনিষ্ঠভাবে সংশ্লিষ্ট। সুতরাং রাজনৈতিক আন্দোলন প্রথমত এই মধ্যবিত্ত শ্রেণীর চাকুরীজীবীদের অর্থনৈতিক স্বার্থের আলোচনাকেই প্রাধান্য দিতে থাকে। বর্তমানে অবশ্য রাজনৈতিক আন্দোলন অনেকটা জনসাধারণের মধ্যেও পরিব্যাপ্ত হয়ে পড়েছে। বর্তমানেও কিন্তু রাজনৈতিক আন্দোলনের নেতা এবং কর্মীদের অধিকাংশই মধ্যবিত্ত শ্রেণীর লোক। সুতরাং স্বভাবতই শ্রেণীগত স্বার্থই তাঁদের চক্ষে সবচেয়ে গুরুতর রাজনৈতিক সমস্যারূপে দেখা দেয়। আর তাঁদের দৃষ্টিভঙ্গির একদেশ-দর্শিতার ফলে ভারতের রাজনৈতিক জীবনে চাকুরীর ভাগ-বাটোয়ারাই সব সমস্যাকে কোন্ঠাসা ক'রে দেশের রাজনীতিকে তিক্ত এবং বিষাক্ত ক'রে তোলে। কেন না চাকুরীর সংখ্যার একটা সীমা আছে। পঞ্চাস্তরে উমেদারদের সংখ্যার কোন সীমা পরিসীমা নাই। বিভিন্ন সম্প্রদায়ের উমেদারদের মধ্যে চাকুরীর ভাগবন্টন নিয়ে কাড়াকাড়ি ছেঁড়াছিঁড়ি হয়। উমেদারদের রাজনীতিক সমর্থকেরা উদ্দেশ্য সিদ্ধির জন্ত এই কাড়াকাড়ি ছেঁড়াছিঁড়িকে অনাবশ্যক গুরুত্ব দিয়ে তাকে জটিল এক জাতীয় সমস্যায় পরিণত করেন। কলহ কোন্দলের

তাড়নায় প্রকৃত জাতীয় স্বার্থের কথা, দেশের প্রকৃত সমস্যা সমূহের কথা সকলে ভুলে যান। চাকুরী সমস্যার উপর প্রতিষ্ঠিত সাম্প্রদায়িক সমস্যা জটিল ও মীমাংসার অতীত এক সমস্যারূপে দেখা দেয়। প্রকৃত রাজনীতি ব্যাহত হয়; প্রকৃত রাজনৈতিক সমস্যার কথা সকলে ভুলে যায়। এর প্রতিকার কি?

অবশ্য যারা দৈনন্দিন রাজনীতি নিয়ে আছেন, তাঁরা এ সমস্যার মীমাংসা ভাগ-বাঁটোয়ারার সাময়িক একটা হার নির্দিষ্ট করে কতক পরিমাণে করতে পারেন। কিন্তু এভাবে এ সমস্যার স্থায়ী সমাধান হতে পারে না। কেন না, শিক্ষার হার শিক্ষিতের সংখ্যা প্রভৃতি বিষয় নিত্য পরিবর্তনশীল; স্মরণ্য দাবীর পরিবর্তন রোজই হতে থাকবে আর তাই নিয়ে নিত্য নূতন কলহের নিত্য নূতন তিক্ততার সূত্রপাত হবে। এখন উপায় কি?

প্রথম উপায় হচ্ছে, রাজনৈতিক আলোচনাকে এত ব্যাপক করে তোলা যে তার ফলে স্বাভাবিক ভাবে অর্থনৈতিক গণস্বার্থই রাজনৈতিক আন্দোলনের প্রথম এবং প্রধান বিষয় হয়ে দাঁড়াবে। দেশের লোকের মন যখন সত্যি এই বিরাট সমস্যার গুরুত্ব উপলব্ধি করবে, তখন মধ্যবিত্ত শ্রেণীর চাকুরী সমস্যা স্বভাবতই রাষ্ট্রীয় জীবনের অগতম তুচ্ছতর ব্যাপার হয়ে দাঁড়াবে। সে সমস্যা তখন দেশের লোককে লক্ষ্যভ্রষ্ট কিম্বা আদর্শভ্রষ্ট করতে পারবে না। তবে এ পরিস্থিতির সৃষ্টির জন্ত দেশব্যাপী শিক্ষাবিস্তারের প্রয়োজন এবং শিক্ষার সাহায্যে সাধারণের মনকে রাষ্ট্রীয় সমস্যার দিকে সন্মতভাবে আকৃষ্ট করার প্রয়োজন। একাজ হিন্দুদের মধ্যে কতকটা অগ্রসর হয়েছে, কিন্তু মুসলমানদের মধ্যে মোটেই হয় নি। তাই মুসলমানদের মধ্যে হাতুড়ে রাজনীতিকদের প্রভাব এত বেশী।

মুসলমানের শিক্ষার দৈন্ত এবং রাজনৈতিক চেতনার অভাব আজ সমস্ত দেশকে বিপন্ন করে তুলেছে। শিক্ষার দৈন্ত থেকেই আসে রাজনৈতিক চেতনার অভাব। স্মরণ্য মুসলমানদের মধ্যে যাতে শিক্ষার বিস্তার—আধুনিক শিক্ষার বিস্তার, যতদূর সম্ভব দ্রুত হয় তার জন্ত প্রত্যেক দেশ-প্রেমিকেরই সচেষ্ট হওয়া উচিত। এ বিষয়ে হিন্দুরা অনেক কিছু করতে পারেন। তাঁরা যদি নিঃস্বার্থভাবে মুসলমান জনসাধারণের মধ্যে শিক্ষাবিস্তারের চেষ্টা করেন, মুসলমানদের

বর্তমান যুগের উপযোগী আদর্শে অল্পপ্রাণিত করার সাধনায় সুসম্বন্ধভাবে আত্মনিয়োগ করেন, মাতৃভাষার প্রতি তাদের মনে ভালবাসার ভাব জাগিয়ে তোলবার কাজে ব্রতী হন, তা হ'লে তাঁদের সেই মঙ্গল প্রচেষ্টা থেকে অদূর ভবিষ্যতে আশাতীত ফল পাওয়া যেতে পারে। ইংরেজ মিশনারীরা এই ভাবেই বাঙ্গালা দেশে এক শতাব্দী পূর্বে আধুনিক জীবন-ধারার প্রবর্তন করেছিলেন। করাসী এবং আমেরিকার মিশনারীরা এই ভাবেই উনবিংশ শতাব্দীতে তুরস্ক সাম্রাজ্যে আধুনিক জীবনের সূত্রপাত করেছিলেন। বাঙ্গালা দেশে এ কাজ অপেক্ষাকৃত সহজসাধ্য বলেই আমার মনে হয়; মুসলমানদের বিশিষ্ট এক দল নিশ্চয় এ বিষয় আন্তরিকতার সঙ্গে হিন্দুদের সহযোগিতা করবে। আর মঙ্গল সাধনায় উভয় সম্প্রদায়ের সহযোগিতা ভবিষ্যতের রাজনীতির জন্ত সুদৃঢ় এক ভিত্তি রচনা করবে।

এক শ্রেণীর মানুষ আছে, যাদের মন স্বভাবতই সংকীর্ণতার দিকে যায়, উদারতার দিকে যায় না। তারা নিজের গ্রামের বিষয় এত পক্ষপাতিত্ব করে যে ভিন্ন গ্রামের লোকের সঙ্গে তাদের কলহ উপস্থিত হয়, নিজের শ্রেণীর প্রতি এত পক্ষপাতিত্ব করে যে ভিন্ন শ্রেণীর লোকের সঙ্গে তাদের কলহ উপস্থিত হয়। এই ভাবে তারা শ্রেণীগত স্বার্থ নিয়ে সর্বদাই বৃহত্তর সামাজিক স্বার্থের সঙ্গে কলহের রত থাকে। এই শ্রেণীর লোক তাদের মনের ক্ষুদ্রতা এবং স্বার্থপরতাকে সাম্প্রদায়িক আকার দিয়ে দেশের ভিন্ন সম্প্রদায়ের লোকদের সঙ্গে কলহ করে, আর বিভিন্ন সম্প্রদায়ের মধ্যে বিদ্বেষ এবং মনোমালিন্যের সৃষ্টি করে। এই শ্রেণীর লোকই হিন্দু-মুসলমান বিরোধের জন্ত প্রধানত দায়ী। হিন্দু সাম্প্রদায়িকতাবাদীরা হিন্দু রাষ্ট্রের স্বপ্ন দেখে—আর মুসলমান সাম্প্রদায়িকতাবাদীরা মুসলিম রাষ্ট্রের স্বপ্ন দেখে। উভয় স্বপ্নই যে আকাশ-কুসুমের মতই অলীক সে কথা তারা বোঝে না, বুঝতে চায় না এবং বোঝবার শক্তিও তাদের নাই। অজ্ঞ জনসাধারণ তাদের কথা শুনে ক্ষিপ্ত হয়ে ওঠে; আর তার ফলস্বরূপ দেখা দেয় সাম্প্রদায়িক বিদ্বেষ আর কলহ; মারামারি, কাটাকাটি আর খুনোখুনি!

সাহিত্যিকের কাজ হচ্ছে উদার সার্বজনীন মনোভাবের সৃষ্টি করা। সাধনার সাহায্যে নিজেদের মধ্যে উদার মনোভাবের সৃষ্টি করতে হবে, আর সেই উদার মনোভাব সাহিত্যে

প্রকাশ করতে হবে। তাঁরা যদি তা করতে পারেন তা হ'লে তাঁদের সাহিত্যসাধনা সার্থক হবে; আর তাঁদের সৃষ্ট সাহিত্যের সাহায্যে তাঁরা দেশের প্রভূত কল্যাণ সাধন করতে পারবেন। তবে একথা মনে রাখতে হবে যে কেবল কথার উদারতায় প্রকৃত কাজ হবে না; মানুষের সঙ্গে ব্যবহারে, দৈনন্দিন জীবনযাত্রাতেও সেই উদারতা দেখাতে হবে। ভিন্ন ধর্মাবলম্বী মহাপুরুষদের সম্মান করতে হবে, তাঁদের আদর্শের তাঁদের সাধনার সম্মান করতে হবে, তাঁদের জীবনে এবং সাধনায় যে সব প্রশংসনীয় জিনিস দেখতে পাওয়া যায়, মুক্তকণ্ঠে সে সব স্বীকার করতে হবে। তার পর পর-ধর্মের প্রতি, ভিন্ন সংস্কৃতির প্রতি, ভিন্ন জাতির প্রতি অসংযত আক্রমণ যাতে বিচারালয়ে দণ্ডনীয় হয় তার জন্ত দেশব্যাপী আলোচনা ও আন্দোলন চালাতে হবে। আর যারা এই সব গর্হিত আচরণ করে তারা যাতে কোন সমাজে প্রশ্রয় না পায়, তার জন্ত সচেষ্ট থাকতে হবে। আর তাদের মতবাদের অসারতা সৃষ্টির সাহায্যে প্রমাণ করতে হবে। তারপর দৃষ্টান্ত এবং প্রচারকার্যের দ্বারা উচ্চতর আদর্শের গৌরব দেশময় ঘোষণা করতে হবে। উচ্চতর আদর্শ সত্যই যদি একবার মাথা তুলে দাঁড়ায় তা হ'লে নীচতাকে পরাভব স্বীকার করতেই হবে। আকাশে সূর্য্যোদয় হ'লে অন্ধকার কতক্ষণ টিকে থাকতে পারে? উচ্চতর আদর্শ মাথা তুলে দাঁড়ায় নি বলেই নীচতার এতটা আক্ষালন। আমাদের সমস্ত চেষ্টা এবং সাধনাকে এই উচ্চতর আদর্শের প্রতিষ্ঠার কাজে নিয়োগ করতে হবে। সাফল্যের আসতে বিলম্ব হতে পারে বটে, কিন্তু সাফল্য সূনিশ্চিত। প্রয়োজন কেবল ধৈর্যের এবং ঐকান্তিক সাধনার।

যা অপরিচিত, তাকেই মানুষ ভয় করে সন্দেহের চক্ষে দেখে। আর যা পরিচিত, যত কুতসিং এবং অবাঞ্ছনীয়ই হোক, তাকে গ্রহণ করতে, তাকে নিয়ে ঘর করতে মানুষ দ্বিধাবোধ করে না। হিন্দু-মুসলমান বিরোধের অন্ততম প্রধান কারণ হচ্ছে, তাদের সামাজিক মিলনের বিরলতা, তাদের ভিন্ন ভিন্ন ধরণের জীবনধারণপ্রণালী, তাদের বিভিন্ন রীতিনীতি। সূখের বিষয় যে পাশ্চাত্য শিক্ষা এবং সভ্যতার প্রভাবে এই বিভিন্নতা এই দূরত্ব ক্রমেই কমে আসছে! বিশেষ ক'রে এই বাঙ্গালা দেশে। তিরিশ-চল্লিশ বৎসর পূর্বে

কে হিন্দু আর কে মুসলমান তা তাদের দেখলেই চেনা যেত— তাদের কথা শুনলেই বোঝা যেত; আর তাদের আচার ব্যবহার অতি স্পষ্ট ভাবেই তা ঘোষণা করত। কিন্তু এখনকার বাঙ্গালী হিন্দু-মুসলমানের বিষয়ে সে কথা বলা চলে না। তখনকার দিনে হিন্দু-মুসলমানের এক সঙ্গে বসে আহার বিহার করা অভাবনীয় ব্যাপার বলেই মনে হত। এখন কিন্তু তা নিত্যই ঘটছে। এইভাবে উভয় সম্প্রদায়ের আচার এবং সংস্কারগত বৈষম্য ক্রমেই কমে আসছে। যুগ-ধর্মের প্রভাবে এবং প্রকৃতির তাড়নাতেই এই পরিবর্তন হয়ে যাচ্ছে। আমরা যদি এখন মিলনের আদর্শ সম্মুখে রেখে সজ্জবদ্ধ হয়ে সুনিয়ন্ত্রিতভাবে যুগধর্মের সাহায্য এবং সমর্থন করি, তা হ'লে সম্প্রদায়গত দূরত্ব আরও দ্রুত কমে যাবে, আর ঐক্যের বন্ধন ক্রমেই দৃঢ় থেকে দৃঢ়তর হতে থাকবে।

প্রাচীন হিন্দু এবং মুসলমান সমাজ ধর্মের ভিত্তিতে গঠিত হয়েছিল, আর তাই সমধর্মাবলম্বীদের মধ্যে ঐক্য এবং প্রীতির বন্ধন যাতে দৃঢ় হয় তার দিকে লক্ষ্য রেখে বিভিন্ন প্রকারের উৎসব অনুষ্ঠান পূজা-পার্বণ প্রভৃতির ব্যবস্থা করা হয়েছিল। এই সব ধর্ম-অনুষ্ঠান প্রতিষ্ঠান প্রভৃতির বিষয় এখানে আমার কিছু বলবার নাই। তবে এখন আমরা আমাদের জীবনকে রাষ্ট্রীয় ভিত্তিতেও গড়তে চাই। সুতরাং তার উপযোগী অনুষ্ঠান প্রতিষ্ঠানাদির সৃষ্টি করা প্রয়োজন। বর্তমান যুগের অন্ততম রাষ্ট্র নেতা মুসলিনির সারগর্ভ বাক্য এক্ষেত্রে বিশেষভাবে প্রণিধান-যোগ্য। বিখ্যাত লেখক এমিন লুডবিন ইটালার রাষ্ট্র-নেতাকে জিজ্ঞাসা করেন, “Do you think there is any notable difference between the composition of a modern revolutionist and that of the early days?”

জবাবে মুসোলিনী বলেন,

“The form has changed. One condition, however, has been requisite through all the ages—courage, physical as well as moral. For the rest, every revolution creates new forms, new myths, new rites; and the would-be revolutionist, while using old traditions, must refashion them. He must create new festivals, new gestures, new forms which will

themselves in turn become traditional. The airplane festival in new today. In half a century it will be encrusted with the patina of tradition.”—Talks with Mussolini—Emil Ludwig.

মানুষকে যেমন ভাষার সাহায্যে মনের ভাব প্রকাশ করতে হয়, প্রত্যেক আদর্শকে তেমনি আত্মপ্রকাশ করতে হয় বিভিন্ন অনুষ্ঠান, প্রতিষ্ঠান, উৎসব, সম্মেলন প্রভৃতি symbol বা অভিজ্ঞানের সাহায্যে। জাতীয়তার আদর্শকে এদেশে সুপ্রতিষ্ঠিত করতে হ’লে এদিকে লক্ষ্য রেখে আমাদের কাজ করতে হবে। আর আমাদের সাধনাকে সার্থক করতে হলে, আমাদের আদর্শকে সুপ্রতিষ্ঠিত করতে হলে, আমাদের ভুলে যেতে হবে আমরা হিন্দু কি মুসলমান, আর্য কি অনার্য। এখন পর্য্যন্ত যে এ আদর্শ এদেশে সুপ্রতিষ্ঠিত হয়নি তার প্রধান কারণ হচ্ছে, যারা বাহ্যত এ আদর্শের অনুসরণ করেন তাঁদের অনেকেই বস্তুত এ আদর্শের আড়ালে ধর্ম কিম্বা গোষ্ঠীমূলক আদর্শ প্রচার করতে চেষ্টা করেন। ধর্মের সঙ্গে আমার বিবাদ নাই, গোষ্ঠীর সঙ্গেও আমার বিবাদ নাই। তবে ভণ্ডামির সঙ্গে সত্যই আমার বিবাদ আছে। যখন ধর্মীর আদর্শের অনুসরণ করি, তখন ধর্মের দিক থেকে কথা বলা দরকার। যখন গোষ্ঠীর আদর্শের অনুসরণ করি, তখন গোষ্ঠীর দিক থেকে কথা বলা দরকার। আর যখন জাতীয়তার আদর্শের অনুসরণ করি, তখন নিছক জাতীয়তার দিক থেকেই কথা বলা দরকার। অন্ত্যায় ব্যর্থতা অনিবার্য।

জাতীয়তার আদর্শ দিয়ে বিচার করলে যে স্বনামধন্য মহাপুরুষের নাম সর্বপ্রথমে আমার মনে আসে তিনি হচ্ছেন মোগল সম্রাট জালালুদ্দীন আকবর। হিন্দু, মোসলেম, খৃষ্টান, পারসিক প্রভৃতি বিভিন্ন ধর্মাবলম্বী ভারতবাসীর সম্মিলিত জাতীয়তার বিরূপ স্বপ্ন তিনিই সর্বপ্রথম দেখেছিলেন। ভারতীয় জাতীয়তার তিনিই হলেন সত্যিকার স্রষ্টা। আমার মনে হয় তাঁর সেই স্বর্গীয় স্বপ্নকে ভারতবাসীর মনে চিরতরে জাগিয়ে রাখবার জন্ত বৎসরের একটি দিনকে অস্ত্রত তাঁর উদ্দেশ্যে উৎসর্গ করা আমাদের কর্তব্য। দেশময় সেদিন আনন্দোৎসব হওয়া উচিত; রাত্রে প্রত্যেক গৃহকে প্রত্যেক রাজপথকে আলোক-মালায় সজ্জিত করা উচিত; সঙ্গীতে, নৃত্যে, আতসবাজীর ঐক্যজালিক মায়ার

সাহায্যে সেই প্রাতঃস্মরণীয় মহাপুরুষের প্রতি আমাদের অন্তরের শ্রদ্ধা নিবেদন করা উচিত।

বাঙ্গালার জাতীয়তার কথা ভাবতে গেলে প্রথম যে মহাপুরুষের কথা আমার মনে পড়ে তিনি হ’লেন শাহীদ নওয়াব সিরাজুদ্দৌলা। আনন্দ এবং আশার বিষয় এই যে তাঁর স্মৃতি রক্ষার বিষয় বাঙ্গালী এখন যথেষ্ট তৎপরতা দেখাচ্ছে।

বর্তমান যুগে দেশবন্ধু চিত্তরঞ্জন দাশই সর্বপ্রথম প্রকৃত বাঙ্গালী জাতীয়তার স্বপ্ন দেখেছিলেন। তাঁর স্মৃতি-উৎসবও উপযুক্তভাবে অনুষ্ঠিত হওয়া উচিত।

বৎসরের প্রথম দিনকে ধর্মনির্কিশেষে প্রত্যেক জাতিই সাদর সম্ভাষণ জানিয়ে থাকে। দিল্লীর মোগল বাদশারা প্রাচীন ইরানের নওরোজ পর্ব কত ধুমধামের সঙ্গে সম্পন্ন করতেন। আমার মনে হয়, এই বাঙ্গালা দেশে হিন্দু মুসলমান-নির্কিশেষে ১লা বৈশাখে সকলেরই মহাসমারোহের সঙ্গে জাতীয় পর্ব রূপে নববর্ষের উৎসব সম্পন্ন করা উচিত। আর এই পর্বকে উপলক্ষ্য করে সমগ্র জাতির সেদিন পরস্পরের সঙ্গে বিভিন্ন অনুষ্ঠানে মেলামেশা করা উচিত। এই ক্ষুদ্র প্রবন্ধে এর অধিক কিছু বলবার কিম্বা দৃষ্টান্তের সংখ্যা বাড়াবার দরকার নেই। জাতীয় আদর্শ সত্যই যদি কাম্য হয়, তা হ’লে সে আদর্শের প্রকাশ এবং প্রতিষ্ঠার উপযোগী উৎসব অনুষ্ঠান আচার ব্যবহার প্রভৃতির প্রবর্তন অনিবার্য। এই সত্যটি মনে রেখে আমাদের কর্মপদ্ধতি স্থির করতে হবে। আদর্শের প্রতি সত্যই যদি আমাদের নিষ্ঠা থাকে, ক্রিয়া কর্ম নিরূপণ করতে বেগ পেতে হবে না।

বার্নড শ চিন্তাকে দুই শ্রেণীতে বিভক্ত করেছেন, living thoughts—জীবন্ত চিন্তা এবং dead thoughts মৃত বা প্রাণহীন চিন্তা। ভাষার মধ্যে যেমন জীবন্ত এবং মৃত ভাষা আছে—চিন্তার মধ্যে, আদর্শের মধ্যেও তেমনি জীবন্ত চিন্তা, জীবন্ত আদর্শ এবং মৃত চিন্তা, মৃত আদর্শও আছে। মৃত ভাষায় কেউ কথা বলে না। কিন্তু মৃত চিন্তাকে নিয়ে অনেক ভাবুককেই ভাবের চর্চা করতে দেখি; মৃত আদর্শকে নিয়ে অনেক তথাকথিত আদর্শবাদীকে ঘাঁটাঘাঁটি করতে দেখি। তবে মৃত ভাষায় যেমন প্রাণের সঞ্চার করা যায় না, তেমনি মৃত ভাবের মধ্যে মৃত আদর্শের মধ্যেও প্রাণের সঞ্চার করা যায় না। পাঠক গালিব্বারের ট্রাভল্‌স্-এ পড়ে থাকবেন বামনদের রাজ্যে, লিলিপুট

দেশে ডিম্বের সৰু দিক থেকে ভাঙ্গা উচিত কি চওড়া দিক থেকে ভাঙ্গা উচিত তাই নিয়ে কুরুক্ষেত্রের মত মহা এক গৃহযুদ্ধ বেধে গিয়েছিল। আমাদের কাছে ব্যাপারটি তুচ্ছ বলে মনে হয়, কিন্তু যারা এই নিয়ে বিষম সমরানলের সৃষ্টি করেছিল, তাদের কাছে বিষয়টি মোটেই তুচ্ছ ছিল না। সমস্যাটি তাদের কাছে জীবন্ত আকারে দেখা দিয়েছিল, আর আমাদের কাছে সেটি প্রাণহীন মৃত। কিছুকাল পূর্বে বাঙ্গালী হিন্দুদের মধ্যে বিলাত প্রত্যাগত লোকদের সঙ্গে কোন সামাজিক সম্পর্ক রাখা উচিত কি-না তাই নিয়ে মহা এক আন্দোলন চলেছিল। এখন কিন্তু সে বিষয় নিয়ে কেউ উচ্চবাচ্য করে না। বিষয়টি একদিন জীবন্ত সমস্যার আকারে দেখা দিয়েছিল, আর এখন সেটি মৃত; তার মধ্যে প্রাণের সাড়া নাই। এই বাঙ্গালী মুসলমানদের মধ্যে নামাজের “আমীম” শব্দ জ্বোরে বলা উচিত কি-না মৃতভাবে মনে মনে বলা উচিত—তাই নিয়ে কত মারামারি, কাটাকাটি, এমন কি খুনোখুনি পর্যন্ত হয়ে গেছে। এখন কিন্তু সে নিয়ে কাউকে উচ্চবাচ্য করতে দেখি না। যে সমস্যা একদিন জীবন্ত প্রাণবন্ত সমস্যারূপে মানুষের মনে তুমুল আলোড়নের সৃষ্টি করত, সে সমস্যা এখন প্রাণহীন, নিষ্পন্দ, মৃত। তাকে নিয়ে মাথা ঘামাবার এখন কেউ প্রয়োজন অনুভব করে না। এখন সেটি dead thoughts, dead ideas-এর অন্তর্গত।

আমাদের দেশবাসীদের জড়তার প্রধান কারণ, হিন্দু মুসলমানের বিরোধের প্রধান কারণ—আমাদের জীবনের তুচ্ছতার প্রধান কারণ—আমরা জীবন্ত চিন্তা এবং মৃত চিন্তার মধ্যে প্রভেদ করতে শিখিনি। কোন্ ভাব কোন্ আদর্শটি সত্যই জীবন্ত, আর কোন্ ভাব কোন্ আদর্শটি প্রকৃত পক্ষে মৃত সে বিষয় স্থির ধীর বুদ্ধির সাহায্যে ভাবতে শিখিনি। যেদিন সে ভাবে ভাবতে শিখব, সেদিন আমাদের ব্যর্থতারও শেষ হবে। আমাদের জীবন সাধনা সেদিন সত্যিকার সার্থকতার পথে এসে পৌঁছাবে। এ বিষয় প্রতিভাশালী সাহিত্যিকেরা সত্যই দেশের যথেষ্ট উপকার করতে পারেন। মার্জিত বুদ্ধি এবং ধারালো বিশ্লেষণ শক্তির সাহায্যে তাঁরা বুঝতে পারবেন কোন্ চিন্তা আর কোন্ আদর্শ বর্তমান যুগে প্রাণহীন, অচল; কোন্ আদর্শ এবং চিন্তার মধ্যে প্রাণের স্পন্দন এখন পাওয়া যায়; তাতে নিপুণ লেখনীর সাহায্যে মৃত আদর্শের সংকারে

আর জীবন্ত আদর্শের সম্প্রসারণে তাঁরা যথেষ্ট সাহায্য করতে পারবেন। আমি দেখে সুখী হলুম, সুসাহিত্যিক বন্ধুবর কাজী আব্দুল ওদুদ সাহেব এই শ্রেণীর সাহিত্য রচনায় অগ্রসর হয়েছেন। তাঁর রচিত ‘পথ ও বিপথ’ গ্রন্থে তিনি প্রমাণ করতে চেষ্টা করেছেন যে বর্তমান যুগের কর্মপ্রবাহের প্রকৃত উৎস হচ্ছে গণসেবা। “ইহাই দেশের গৌরব সংবাদ—দেশ যে মৃতের দেশে পরিণত হয়নি তার প্রমাণ এই গণচেতনা।” বাঙ্গলাদেশে অনেক প্রতিভাশালী সাহিত্যিক আছেন—তাঁরা যদি এইভাবে এক একটি জীবন্ত আদর্শকে প্রতিষ্ঠিত করতে কিম্বা মৃত আদর্শের অন্ত্যেষ্টিক্রিয়া সম্পাদন করতে সচেষ্ট হন, তা হ’লে দেশ মঙ্গলের পথে দ্রুত আগিয়ে যাবে। সত্য নিজগুণে এবং নিজ শক্তিতে মানুষের মনে নিজেকে প্রতিষ্ঠিত করে, আমাদের প্রধান কাজ হচ্ছে, সত্যকে মানুষের চোখের সামনে ফুটিয়ে তোলা। বাকি কাজ সত্য নিজেই করে যাবে।

বিদেশীর প্রভাব বাঙ্গালীর জীবনে নিতাই বেড়ে চলেছে, আর তার ফল মোটেই ভাল হচ্ছে না। বিদেশীর গোঁড়ামি বাঙ্গালীর জীবনে সংক্রামিত হচ্ছে, বিদেশীর পশ্চাদমুখিতা বাঙ্গালীর জীবনে সংক্রামিত হচ্ছে, বিদেশীর সাম্প্রদায়িকতা বাঙ্গালীর জীবনে সংক্রামিত হচ্ছে, আর বিদেশীর অতীতমুখী মানসিকতা বাঙ্গালীর জীবনে সংক্রামিত হচ্ছে। বিদেশীর কুটিল প্রভাবে বাঙ্গালী তার জাতীয় স্বার্থের কথা ভুলে যাচ্ছে, বিদেশীর প্রভাবে বাঙ্গালী তার অতীতের কথা ভুলে যাচ্ছে, তার ভবিষ্যতের কথা ভুলে যাচ্ছে। বিদেশীর প্রভাবে বাঙ্গালী তার আদর্শের কথা, তার mission-এর কথা ভুলে যাচ্ছে। হিন্দু-মুসলমান নির্বিশেষে এখন বাঙ্গালীর প্রকৃত কাজ হচ্ছে, প্রকৃত কর্তব্য হচ্ছে, বাঙ্গালীদের জীবনদায়িনী আদর্শকে সম্মুখে রেখে নিজদেশে আত্মপ্রতিষ্ঠা হওয়া; বিদেশীর বিধাক্ত প্রভাব থেকে মাতৃভূমিকে মুক্ত করা। আমার বিশ্বাস, এই হচ্ছে বর্তমান যুগের বাঙ্গালীর সবচেয়ে জীবন্ত আদর্শ, এই আদর্শের সাধনাই তাকে মঙ্গলের পথে, সার্থকতার পথে নিয়ে যাবে; এই আদর্শের কল্যাণ-স্পর্শই সাম্প্রদায়িকতার বিষ থেকে তার সমাজ-দেহকে মুক্ত করবে; এই আদর্শের সঞ্জীবনী-সুধাই তাকে পূর্ণতর জীবনের সন্ধান দেবে। সব ছেড়ে এই আদর্শের সাধনাতে আত্মনিয়োগ করাই হ’ল বাঙ্গালীর জীবন-সাধনার প্রকৃষ্টতম পথ।

# জঙ্গম

বনফুল

১৫

যেমন করিয়া হ'উক রোজগার করিতে হইবে। উপার্জন করিতে না পারিলে মানুষের কোন মূল্যই নাই। টাকা দিয়া প্রেম কিনিতে যাইবার প্রয়াস হাশ্বকর সন্দেহ নাই, কিন্তু দরিদ্রের প্রেম করিতে যাইবার প্রয়াস অধিকতর হাশ্বকর। যে নিঃস্ব তাহার এই মানসিক বিলাসের অধিকার নাই। তাহার অন্তরের ঐশ্বর্য না থাকিলে তাহা খনির তিমিরগর্ভে রত্নরাজীর মত চিরকালই লোকচকুর অন্তরালে থাকিবে। অন্তরনিহিত ঐশ্বর্যকে প্রকাশ করিবার জন্যই বাহিরের ঐশ্বর্য প্রয়োজন। খনিকে খনন না করিলে মণির সন্ধান মিলিবে কিরূপে? মণি আবিষ্কার করিবার পর খনির অনাবশ্যক, কিন্তু আবিষ্কারের পূর্বে খনির না হইলে চলে না। খনির একটা চাই। কিছু টাকা না থাকিলে কিছুই করা যায় না। টাকাটা যে অতি তুচ্ছ জিনিস তাহাও টাকা না থাকিলে প্রমাণ করা যায় না। অর্থ থাকিলে তবেই তাহা ত্যাগ করিয়া ত্যাগের মহত্ব প্রকট করা সম্ভব, কপর্দকহীন দরিদ্রের মুখে ত্যাগের মহিমার কথা মানায় না। অর্থের অপেক্ষা প্রেম বড়, এ কথা মর্ম মুক্তোকে বুঝাইতে হইলে প্রথমেই মুক্তোকে পাওয়া দরকার এবং সেজন্য টাকার প্রয়োজন। মুক্তোকে আয়ত্তের মধ্যে পাইলে তাহার মনে নিজেকে শঙ্কর নিশ্চয়ই প্রতিষ্ঠিত করিতে পারিবে, এ বিশ্বাস নিজের উপর তাহার আছে। কিন্তু মুক্তোকে আয়ত্তের মধ্যে পাওয়ারই যে দুঃস্বপ্ন। অত টাকা কোথায় পাইবে সে! অবিলম্বে উপার্জন করা দরকার। কিন্তু কি করিয়া তাহা সম্ভব? এই কলিকাতা শহরে কে তাহাকে চেনে? চিনিলেও বা কত টাকার চাকরি সে পাইতে পারে, বড় জের মাসে পঞ্চাশ টাকার। কিন্তু তাহাতে কি হইবে? অল্প টাকায় মুক্তোকে তো পাওয়া যাইবে না! ... কেহ কিছু টাকা ধার দেয় না? মাসে মাসে তাহাকে শোধ করিয়া দিলেই চলিবে। কিন্তু কে-ই বা ধার দিবে? সহসা শঙ্করের শৈলর কথা মনে পড়িল। সে বড় লোকের পত্নী। তাহার হাতে কিছু টাকা থাকিতে পারে,

তাহার নিকট হইতে কোন ছুতায় ধার করিয়া আনাও শঙ্করের পক্ষে অসম্ভব হইবে না। তাহার পর ধীরে ধীরে টাকাটা পরিশোধ করিয়া দিলেই চলিবে। একটা চাকরি সংগ্রহ করিতে হইবে। প্রফেসার গুপ্ত চেষ্টা করিলে একটা টিউশনি হয় তো তাহাকে জোগাড় করিয়া দিতে পারেন।

রবিবারের দুপুর। শঙ্কর বিছানায় শুইয়া শুইয়া চিন্তা করিতেছিল, উঠিয়া বসিল। শৈলর সহিত আজই দেখা করিতে হইবে। প্রফেসার গুপ্ত চেষ্টা করিলে একটা টিউশনিও হয় তো তাহাকে জোগাড় করিয়া দিতে পারেন—তাঁহার সহিতও দেখা করা দরকার। শঙ্কর তাড়াতাড়ি জামাটা গায়ে দিয়া পথে বাহির হইয়া পড়িল। শৈল একদিন যাইতেও বলিয়াছিল তাহাকে। এখন হয় তো সে একা আছে।

রাস্তায় বাহির হইতেই অপ্রত্যাশিতভাবে প্রকাশবাবুর সহিত দেখা হইয়া গেল। শঙ্কর তাঁহাকে চিনিতে পারে নাই, তিনি কিন্তু শঙ্করকে চিনিয়াছিলেন। “নমস্কার শঙ্কর-বাবু, চিনতে পারছেন?”

চিনিতে না পারিলেও সব সময় সেটা বলা যায় না। শঙ্কর স্মিতমুখে চুপ করিয়া দাঁড়াইয়া রহিল।

প্রকাশবাবুই পুনরায় বলিলেন, “চেনবার কথা অবশ্য নয়, একটবার মাত্র তো দেখা। প্রফেসার মিত্রের বাড়িতে টি পার্টিতে—হয়ে গেল অনেকদিন!”

শঙ্করের মনে পড়িল। সোনাদিদি ইহাকে শঙ্করের সহিত আলাপ করাইয়া দিয়াছিলেন। ইহাও মনে পড়িল, সোনাদিদি ইহার নাম দিয়াছিলো অগতির গতি। ভদ্রলোক নাকি ভারি পরোপকারী লোক। শঙ্কর আর একবার প্রকাশবাবুর দিকে ভাল করিয়া চাহিল। শঙ্করের মোটা কোট ও মোটা চাদর গায়ে, কয়েক দিনের না-কামানো গৌরব দাড়ি মুখে, চকুতে স্বচ্ছ সরল দৃষ্টি। প্রকাশবাবু ঠিক তেমনি আছেন।

প্রকাশবাবু হাসিয়া বলিলেন, “আপনার কবিতাটা

পড়লাম কাগজে, তারি সুন্দর লাগলো। আমাদের একটা কাগজ বার হচ্ছে, তাতে আপনাকে লিখতে হবে কিন্তু—”

“আচ্ছা—”

“সেই হস্টেলেই থাকেন তো এখন ?”

“হ্যাঁ।”

“আচ্ছা যাব একদিন। এখন চলি, নমস্কার।”

“নমস্কার!”

প্রকাশবাবু চলিয়া গেলেন। শঙ্কর পুনরায় পথ চলিতে লাগিল। কিছুদূর অগ্রসর হইয়া হাঁটিবার পর সহসা তাহার মনে হইল—এ সে কি করিতেছে! শৈলর কাছে হাত পাতিয়া টাকা চাহিবে! শৈলর টাকা লইয়া সে ... না, তাহা অসম্ভব। তাহা সে কিছুতেই পারিবে না।

শঙ্কর ঘুরিয়া অল্প পথ ধরিল। একেবারে বিপরীত দিকে চলিতে শুরু করিল। ক্ষতবেগেই চলিতে লাগিল। কোথায় যাইবে ঠিক নাই। কেবল তাহার মনে হইতেছে অবিলম্বে একটা কিছু করিয়া ফেলিতে হইবে, অবিলম্বে একটা কিছু করিয়া ফেলিতে না পারিলে সে পাগল হইয়া যাইবে। ক্ষতবেগে পথ অতিবাহন করিতে করিতে সে ভাবিতে লাগিল—কি আশ্চর্য্য, টাকাটাই শেষে এত বড় হইয়া দাঁড়াইল! মুক্তো তাহাকে চায় না—টাকা চায়। আশ্চর্য্য!

কপাট ভেজানো ছিল, ঠেলিতেই খুলিয়া গেল।

শঙ্কর ভিতরে ঢুকিয়া দেখিল কেহ নাই। কি করিবে ভাবিতেছে, এমন সময় হঠাৎ মুক্তো আসিয়া প্রবেশ করিল।

“এ কি, হঠাৎ আপনি যে এ সময়ে!”

“এলাম”—

মুক্তো একদৃষ্টে খানিকক্ষণ শঙ্করের মুখের দিকে চাহিয়া রহিল। তাহার পর মুচকি হাসিয়া বলিল—“বসুন, আসি এখনি—”

শঙ্করকে কোন কথা বলিবার অবকাশ না দিয়া মুক্তো বাহির হইয়া গেল। অবকাশ দিলেও যে শঙ্কর বিশেষ কিছু বলিতে পারিত তাহা নয়। বলিবার মত কোন বক্তব্য তাহার গুণাগুণে ছিল না। শঙ্কর চুপ করিয়া বসিয়া রহিল, ভাবিতে লাগিল মুক্তো কিরিয়া আসিলে তাহাকে কি বলিবে। বলিবার তো কিছু নাই। সত্যই কি কিছু নাই? সত্যই কি মুক্তো টাকা ছাড়া আর কিছু বোঝে না?

মুক্তোর মুখ দেখিয়া কথাবার্তা শুনিয়া তাহা তো মনে হয় না।

“আপনি এখানে হামেসা কি করতে আসেন মোশায় বলুন তো—”

শঙ্কর চাহিয়া দেখিল—সুজিপুরা গুণ্ডা গোছের একটা লোক আসিয়া প্রবেশ করিয়াছে। ঘাড় একদম চুল নাই, সামনে ঘোড়ার মত চুল, মাংসল মুখে নিষ্ঠুর একজোড়া চোক, অধ-রোষ্ঠের নীচে এক গোছা মিশ কালো নূর, দাড়ি নাই, গৌফ আছে বটে—কিন্তু পুরাপুরি নাই, মাঝখানে খানিকটা কামাইয়া ফেলাতে মাত্র ঠোঁটের দুইপাশে খানিকটা করিয়া ঝুলিতেছে।

শঙ্কর সবিস্ময়ে লোকটার মুখের পানে চাহিয়া রহিল।

“মোতলবখানা কি মোসায়ের—”

শঙ্কর নির্ঝাঁক।

“জোবাব দিচ্ছেন না যে বড়—”

“তোমাকে জবাব দেব কেন, তুমি কে?”

“হামি তোমার বাপ! সালা হারামিকা বাচ্ছা, বেরিয়ে যাও এখান থেকে—”

“ধবরদার!”

শঙ্কর হঠাৎ ঘুষি পাকাইয়া দাঁড়াইয়া উঠিতেই মুক্তো ছুটিয়া আসিয়া প্রবেশ করিল।

“এ কি কাণ্ড, বাঘা এসব কি হচ্ছে—”

বাঘা বলিল, “বাঃ, তুমিই তো বিবিজান আসতে বললে হামাকে। আভি বলছো এসব কি হচ্ছে? গরদনিয়া না দিলে কি এ হারামির বাচ্ছা নিকলবে—”

“আচ্ছা, যা তুই—”

বিনা বাক্যব্যয়ে বাঘা বাহির হইয়া গেল। খেন পোষা কুকুর!

শঙ্কর প্রশ্ন করিল, “লোকটা কে?”

“ও বাঘা। আমাদের আপনার লোক।”

“আপনার লোক মানে?”

মুচকি হাসিয়া মুক্তো বলিল, “আপনার লোক মানে কি তা জানেন না? যারা বিপদে আপদে রক্ষা করে তারাই আপনার লোক। ওরা ছাড়া আমাদের আপনার লোক আর কে আছে বলুন—”

শঙ্কর বজ্রাহতের মত দাঁড়াইয়া রহিল। বিপদে আপদে রক্ষা করে!



“অমন ক’রে দাঁড়িয়ে রইলেন কেন ? বসুন, চা আনতে দিয়েছি।”

শঙ্কর কোন কথা না বলিয়া বাহির হইয়া গেল।

“শঙ্করবাবু, একটি কথা শুনে যান, দুটি পায়ে পড়ি আপনার—শুনুন—শুনে যান—”

শঙ্কর আর ফিরিয়া চাহিল না। যতক্ষণ দেখা গেল মুক্তো শঙ্করের পানে চাহিয়া রহিল, কিন্তু বেশীক্ষণ দেখা গেল না। কতটুকুই বা গলি, শঙ্কর দেখিতে দেখিতে তাহা পার হইয়া গেল। মুক্তো তবু সেইদিকে চাহিয়া দাঁড়াইয়া রহিল। তাহার পুণ্যলেশহীন অন্ধকার পতিতা-জীবনে একটিমাত্র পুণ্য-প্রেরণার শিখা জলিয়াছিল। সেই শিখার ইন্ধন জোগাইতে গিয়াই সে নিঃশ্ব হইয়া গেল। শঙ্করের মত ছেলেকে সে নষ্ট করিতে চাহে নাই। যেদিন তাহাকে প্রথম দেখিয়াছিল সেই দিনই মনে মনে প্রতিজ্ঞা করিয়াছিল—যেমন করিয়া হোক পঙ্কিলতা হইতে ইহাকে সে রক্ষা করিবে। অন্তর্দ্বন্দ্বেরে সে ক্ষত-বিক্ষত হইয়াছে, কিন্তু হার মানে নাই, শঙ্করকে পঙ্ককুণ্ড হইতে সত্যই রক্ষা করিয়াছে।

কিন্তু এখন তাহার সমস্ত নারী-হৃদয় উন্মথিত করিয়া যে দীর্ঘনিশ্বাস বাহির হইল তাহা স্বস্তির নিশ্বাস নহে। তাহার অন্তরের অন্তস্থল হইতে অশ্রুরুদ্ধ কর্ণস্বরে কে যেন বলিতেছিল—তুমি এ কি করিলে, এ কি করিলে—ও যে চলিয়া গেল ! মুক্তো বুঝিয়াছিল শঙ্কর আর আসিবে না। শূন্য গলিটার পানে চাহিয়া তবু সে দাঁড়াইয়া রহিল।

অনেকক্ষণ হাঁটিবার পর শঙ্কর অচমমন হইয়া এমন একটা গলিতে ঢুকিয়া পড়িয়াছিল যাহা তাহার সম্পূর্ণ অপরিচিত। কিছুদূর অগ্রসর হইয়া দেখিল ব্লাইণ্ড লেন, বাহির হইবার পথ নাই। ফিরিতে হইল। কিছুদূর আসিবার পর দেখিতে পাইল একটা বাড়ির দরজা খুলিয়া একটি মেয়ে বাহির হইয়া সামনের বাড়ির দরজার কড়া নাড়িতেছে। শঙ্কর দাঁড়াইয়া পড়িল।

“এই গলি থেকে বেরোবার রাস্তাটা কোন্ দিকে বলতে পারো, আমি রাস্তা হারিয়ে ফেলেছি।”

মেয়েটি বলিল, “আর একটু এগিয়ে গিয়ে ডান দিকে গেলেই রাস্তা পাবেন।”

শঙ্কর আগাইয়া গেল। আগাইয়া গিয়া সত্যই দেখিল—ডান দিকে বাহির হইবার পথ রহিয়াছে। আরও খানিকটা গিয়া বউবাজারে পড়িল। সামনেই একটা ট্রাম পাইয়া তাহাতে উঠিয়া বসিল। একটু পরেই কিন্তু নামিয়া যাইতে হইল। সঙ্গে পয়সা ছিল না এবং সেকথা মনেও ছিল না। শঙ্কর আবার হাঁটিতে লাগিল। গলির সেই মেয়েটির মুখখানি মাঝে মাঝে মনে ভাসিয়া আসিতে লাগিল। ভারি সুন্দর স্নিগ্ধ মুখখানি। মুক্তোর মুখখানিও মনে পড়িল। পড়ুক—কিন্তু মুক্তোর কাছে আর সে যাইবে না। যাইবার আর উপায় নাই। অত্যন্ত অপ্রত্যাশিতভাবে যবনিকাপতন হইয়া গিয়াছে। ভালই হইয়াছে। একটা অস্বস্তিকর দুঃস্বপ্ন হইতে সে যেন সহসা জাগিয়া উঠিয়াছে। আরও কিছুদূর গিয়া শঙ্করের চোখে পড়িল—একটা পাগলা ডাস্টবিন্ হইতে এঁটোভাত তুলিয়া খাইতেছে। মুখময় খোঁচা খোঁচা গৌফদাড়ি, গায়ে একটা ছেঁড়া কোট ছাড়া আর কিছু নাই। শঙ্করের মনে পড়িল—এই লোকটাই কিছুদিন আগে সাকুলার রোডে মাধায় কাগজের টুপি পরিয়া সকলকে নির্বিকারচিত্তে সেলাম করিয়া বেড়াইতেছিল। এখনও নির্বিকারচিত্তে ডাস্টবিন হইতে ভাত তুলিয়া খাইতেছে। ভগ্ন অথবা বস্ত্র মহাশয় দেখিলে মোস্তাককে চিনিতে পারিত।

শঙ্কর হাঁটিতে হাঁটিতে অবশেষে হস্টেলের দিকেই ফিরিতে লাগিল। মুক্তোর কাছে আর যাইবে না ইহা ঠিক করিবার পর হইতে শঙ্করের মন যেন অনেকটা হালকা হইয়া গিয়াছে। অনেক দিন কারাবাসের পর যেন সহসা মুক্তি পাইয়া বাঁচিয়াছে। হস্টেলে ফিরিয়া দেখিল তাহার নামে একটি জরুরি টেলিগ্রাম আসিয়াছে—বাবা অবিলম্বে বাড়ি যাইতে বলিতেছেন।

অবিলম্বে কলিকাতা ত্যাগ করিবার একটা ওজুহাত পাইয়া সে যেন বাঁচিয়া গেল।

যদিও সে মনে মনে এইরূপই কিছু একটা প্রত্যাশা করিয়া আসিতেছিল, কিন্তু এতটা প্রত্যাশা করে নাই। আসিয়াই যে দুইজন কন্ঠাপক্ষীর ভদ্রলোকের সম্মুখীন হইতে হইবে তাহা সে ভাবিতে পারে নাই। কিছুকাল

পূর্বে যখন সে বাবাকে চিঠি লিখিয়াছিল যে তাহার এখন বিবাহ করিবার ইচ্ছা নাই তখন তাহাই তাহার সত্য মনোভাব ছিল। কিন্তু এখন তাহার আর সে মনোভাব নাই। দুই দিনে সমস্ত বদলাইয়া গিয়াছে। তাহার সমস্ত মেহে মনে যে ক্ষুধা জাগিয়াছে তাহাকে নিবৃত্ত করিতে না পারিলে সে পাগল হইয়া যাইবে। মুক্তাকে সে পাইবে না, পাইতে পারে না এবং এখন পাইতে চাহেও না। তাহার পঙ্কিল স্পর্শ হইতে সে যে মানে মানে দূরে চলিয়া আসিতে পারিয়াছে এজন্ত সে আনন্দিত। পঙ্কিল স্পর্শ! এখন মুক্তার স্পর্শকে পঙ্কিল স্পর্শ মনে হইতেছে।

বাড়িতে আসিয়া দেখিল—বৈঠকখানায় দুইজন অপরিচিত ব্যক্তি বসিয়া রহিয়াছেন। পুরাতন ভৃত্য ব্রজ সর্কাগ্রে চুপি চুপি সংবাদটি দিল—ইহারা তাহার বিবাহের সম্বন্ধে পাকা কথা কহিতে আসিয়াছেন। সাড়া পাইয়া মা বাহির হইয়া আসিলেন। মায়ের চেহারা দেখিয়া শঙ্কর স্তম্ভিত হইয়া গেল। মা এত রোগা হইয়া গিয়াছেন! তাঁহার শরীরের সমস্ত রস কে যেন শোষণ করিয়া লইয়াছে, মুখের দিকে ভাকানো যায় না। শুক শীর্ণ পাণ্ডুর মুখচ্ছবি। চোখ-মুখের দীপ্তি নাই, কেমন যেন অসহায় অর্থহীনভাবে শঙ্করের মুখের দিকে চাহিয়া রহিলেন—যেন দেখিয়াও দেখিতেছেন না। শঙ্কর প্রণাম করিল। যন্ত্রচালিতবৎ তিনি আশীর্বাদ করিলেন। মস্তক চুষন করিয়া বলিলেন, “আয় ভেতরে আয়—”

শঙ্কর ঘরের ভিতর প্রবেশ করিল। শঙ্করকে বিছানায় বসাইয়া হাত দিয়া চিবুকটি তুলিয়া ধরিয়া মৃদু হাসিয়া মা বলিলেন, “একবারও মাকে মনে পড়ে না!”

শঙ্কর এতদিন যে জগতে বিবরণ করিতেছিল সে অল্প জগত। অনেকদিন পরে সহসা মায়ের কাছে আসিয়া সে যেন নিজেকে ঠিক স্বচ্ছন্দে প্রকাশ করিতে পারিতেছিল না। কেমন যেন ধাপ ধাইতেছিল না। মায়ের কথা শুনিয়া সে মনে মনে লজ্জিত হইল। মুখে বলিল, “কলেজের ছুটি ছিল না—”

মা ঋণকাল তাহার মুখের পানে চাহিয়া রহিলেন। তাহার পর বলিলেন, “হাতসুখ ধোও, খাবার আনি।”

বাহির হইয়া গেলেন।

শঙ্করের মনে সহসা সেকালের মায়ের মুখখানা ফুটিয়া উঠিল—যখন মা টকটকে লালপাড় শাড়ি পরিভেন, যখন তাঁহার মুখখানি মহিমায় প্রদীপ্ত ছিল। পরক্ষণেই পাগলিনীর ছবিটাও মনে পড়িল। জানালার গরাদের সঙ্গে হাত বাঁধা, অসংলগ্ন আর্দ্রচীৎকার! এখন আবার এ কি চেহারা—সশঙ্কিত অসমর্থ, ক্লান্ত—সমস্ত জীবনীশক্তি কে যেন নিঙড়াইয়া বাহির করিয়া লইয়াছে।

অধিকাবাবু আসিয়া প্রবেশ করিলেন।

“তুমি চা-টা খেয়ে বাইরে এসো একবার, ওঁরা তোমার সঙ্গে আলাপ করবেন একটু—”

“ওঁরা কারা?”

“শিরিষবাবু আর মুকুজ্যে মশাই, শিরিষবাবুর বন্ধু।

“শিরিষবাবুর মেয়ের সঙ্গে তোমার বিয়ের সম্বন্ধ হচ্ছে—”

যদিও শঙ্করের মত বদলাইয়াছিল, তথাপি সে বলিল—

“আমি তো বলেছিলাম—”

“জানি, চিঠি পেয়েছি তোমার। কিন্তু তোমার মতের সঙ্গে আমার মতের মিল হল না, আই অ্যাম সরি। চা-টা খেয়ে বাইরে এসো—”

“আমার মতের কি কোন দাম নেই বলতে চান?”

“তোমার নিজের দামই যখন এখনও পর্য্যন্ত অনিশ্চিত, তখন তোমার মতের দাম সুরিশ্চিত হবে কি করে?”

“তার মানে?”

“এটা কি সত্যি কথা নয় যে আমার দামেই তুমি সমাজে এখনও পর্য্যন্ত বিকোচ্ছ? সুতরাং তোমার সম্বন্ধে আমার অভিরূচি এবং অভিমতই মানতে হবে তোমাকে। তোমার স্বতন্ত্র মত তখনই সম্বন্ধ করব যখন স্বতন্ত্রভাবে নিজেকে প্রতিষ্ঠা করতে পারবে। যতক্ষণ তা না করতে পারছ ততক্ষণ আমার কথা শুনেই চলতে হবে তোমাকে!”

শঙ্করের মাথার ভিতর যেন দপ্ করিয়া আশ্বিন জলিয়া উঠিল—কে যেন সজোরে তাহাকে কশাঘাত করিল। ইচ্ছা হইল তখনই উঠিয়া বাহিরে চলিয়া যায়, কিন্তু সে পারিল না। কিছুই পারিল না। একটা কথা পর্য্যন্ত বলিতে পারিল না। বজ্রাহতের মত চুপ করিয়া বসিয়া রহিল।

অধিকাবাবু বাহিরে চলিয়া গেলেন। বলিয়া গেলেন—  
“চা-টা খেয়ে এসো বাইরে—ডোনট্ বি এ ফুল্—”

শঙ্কর শুক হইয়া বসিয়া রহিল। তাহার মানসপটে

মুক্তোর মুখচ্ছবি ফুটিয়া উঠিল, যেন শুনিতে পাইল মুক্তো বলিতেছে—“এ ক’টা টাকায় কি হবে, এই নিন্ আপনার টাকা, গরীবের ছেলের এসব ঘোড়ারোগ কেন বাপু।—”

টাকা, টাকা, টাকা! টাকা না থাকিলে পৃথিবীতে কেহ সম্মান করে না, এমন কি পিতাও না! শঙ্কর ভাবিতে লাগিল, কিন্তু উঠিয়া চলিয়া যাইতে পারিল না, তাহার অন্তর-বাসী আত্মসম্মানহীন কাঙালটা বিবাহ করিবার লোভে এতবড় অপমান সহ করিয়াও উন্মুখ হইয়া বসিয়া রহিল।

পাশের ঘরে কথাবার্তা চলিতেছে—শঙ্কর উৎকর্ণ হইয়া শুনিতেছিল।

শিরিষবাবু মিনতি সহকারে বলিতেছিলেন—“দেখুন, আমি অতি দরিদ্র, অত টাকা আমি দিতে পারব না। একটু বিবেচনা করতে হবে।”

অম্বিকাবাবু বলিলেন, “বিবেচনা ক’রেই বলছি। আড়াই হাজার টাকা এমন কিছু বেশী নয়।”

“আমার পক্ষে বেশী। আপনি দয়া না করলে—”

“দেখুন, যারা কথায় কথায় দয়া প্রার্থনা করে সেই সব আত্মসম্মানহীন লোকের ওপর আমার কেমন যেন শ্রদ্ধা কমে যায়। যখন পড়তাম তখন করালিচরণ বলে একটি ছেলে আমাদের মেসে থাকত। তার অনেক দোষ ছিল কিন্তু তার আত্মসম্মানের জন্তেই তাকে আমরা সবাই খাতির করতাম। আমাদের দাদা দাদা বলত, পড়াশোনায় খুব ভাল ছিল, কিন্তু তাকে শ্রদ্ধা করতাম তার ওই আত্মসম্মান-বোধের জন্তে। সেদিন অনেকদিন পরে তার সঙ্গে দেখা। সে জ্যোতিষ চর্চা করছে শুনে তার কাছে আমার এক আত্মীয়ের কুষ্ঠি নিয়ে গেলাম দেখাতে। সে প্রথমেই বললে—অম্বিকদা, দশ টাকা দক্ষিণা লাগবে কিন্তু। আমি তার মুখের দিকে চাইতেই সে বললে, দশ টাকা আপনার কাছে না নিলেও আমার চলে যাবে, কিন্তু আপনি শুধু শুধু আত্মসম্মানটা খোয়াবেন কেন? আমাদের দেশের লোক কিছুতে এ সামান্য কথাটা মনে রাখে না। তারা সর্বদাই সকলের কাছে গলবস্ত্র হয়ে কৃপাভিক্ষা করছে। আশা করি আপনি তাদের চেয়ে একটু স্বতন্ত্র।”

শিরিষবাবু এই তীক্ষ্ণ বক্তৃতাটি শুনিয়া একটু অপ্রতিভ হইয়া গেলেন। বলিলেন, “সত্যিই বড় দরিদ্র আমি।”

মুকুজ্যো মশাই শ্মিতমুখে বসিয়াছিলেন, বলিলেন—“আচ্ছা টাকার জোগাড় করা যাবে। উনি যা বলছেন তা ঠিকই—”

শিরিষবাবু চুপ করিয়া রহিলেন।

অম্বিকাবাবু বলিলেন, “আড়াই হাজার টাকা এমন কিছু তো বেশী নয়—”

শঙ্কর আর সহ করিতে পারিল না, দ্বার ঠেলিয়া ঘরের মধ্যে ঢুকিয়া পড়িল।

বলিল, “আমি এক পয়সা পণ চাই না। আপনারা যদি আমার সঙ্গে বিয়ে দিতে চান, বিনাপণেই আমি বিয়ে করে আসব। মেয়েও দেখতে চাই না আমি।”

সকলেই অবাক হইয়া গেলেন।

অম্বিকাবাবু শঙ্করের মুখের পানে চাহিয়া সিগারের ছাইটা ধীরে ধীরে ঝাড়িলেন। তাহার পর শিরিষবাবু দিকে চাহিয়া বলিলেন, “তা হ’লে তো মামলা মিটেই গেল। সংসার-সমুদ্রে বিনা নৌকোতে পাড়ি দেবার সাহস বাবা-জীবনের আছে দেখছি; আপনাদেরও যদি ওর দুঃসাহসের ওপর ভরসা থাকে, দিন ওর সঙ্গে আপনার মেয়ের বিয়ে—আই হ্যাভ নো অবজেকশন্। আমি ওদের সুবিধের জন্তেই নৌকোর চেষ্টা করি ছিলাম।”

চক্ষু বুজিয়া ভ্রুকুঞ্চিত করিয়া তিনি সিগারে একটি মূতুটান দিলেন। মুকুজ্যো মশাই একদৃষ্টে শঙ্করের দিকে চাহিয়াছিলেন। শঙ্কর আর দাঁড়াইল না, বাহির হইয়া গেল।

১৭

অল্পদিনের মধ্যেই শঙ্করের বিবাহ হইয়া গেল।

বলাবাহুল্য অম্বিকাবাবু বিবাহে যোগদান করেন নাই। শঙ্কর বন্ধুবান্ধব কাহাকেও, এমন কি ভণ্টুকেও খবর দেয় নাই। শিরিষবাবু অমিয়াকে গহনাপত্র ছাড়া নগদ এক হাজার টাকা দিতে চাহিয়াছিলেন, শঙ্কর সে টাকা গ্রহণ করে নাই। সত্যসত্যই বিনাপণে সে অমিয়াকে বিবাহ করিল। শুভদৃষ্টির সময় শঙ্কর সবিস্ময়ে লক্ষ্য করিল—মেয়েটি তো অচেনা নয়, কোথায় যেন ইহাকে দেখিয়াছে। হঠাৎ মনে পড়িল কিছুদিন আগে একটা রাইণ্ড লেনে ঢুকিয়া সে পথ খুঁজিয়া পাইতেছিল না। এই মেয়েটিই তাহাকে পথ দেখাইয়া দিয়াছিল।

অমিয়াও সবিস্ময়ে দেখিল যে একাগ্রমনে শিব-পূজা করা সন্ধ্যাও ক্যালেশ্বরের শিবের চেয়ে তাহার স্বামী ঢের বেশী সুন্দর হইয়াছে। শাস্তি, বিলু, কমলি, টগর, এমন কি রেণুদির বরের চেয়েও তাহার বর দেখিতে ভালো।

কেমন চমৎকার চোখ দুটি !

১৮

শঙ্কর হস্টেলে বিছানায় শুইয়া শুইয়া ভাবিতেছিল তাহার জীবনের এই প্রধান ঘটনাটি কত সহজে ঘটয়া গেল। কিছুদিন পূর্বে সে স্বপ্নেও ভাবে নাই যে সে বিবাহ করিবে। সহসা সে আবিষ্কার করিল যে তাহার জীবনের গতিকে যতবার সে নিয়ন্ত্রিত করিবার চেষ্টা করিয়াছে ততবারই তাহা ব্যর্থ হইয়া গিয়াছে। ম্যাট্রিকুলেশন পাশ করিবার পর সে ঠিক করিয়াছিল অবিবাহিত থাকিয়া আজীবন দেশ-সেবা করিবে। কংগ্রেসে ভনাট্টিয়ারি করিয়া, বঙ্গ-প্রদীপিতদের জঙ্ক চাঁদা আদায় করিয়া, দ্বারে দ্বারে খন্দর ফেরি করিয়া এবং ঘরে ঘরে চরকা বিতরণ করিয়া অদ্ভুত একটা উন্নাদনার মধ্যে কিছুকাল তাহার কাটিয়াছিল। এ উন্নাদনা কিন্তু বেশী দিন রহিল না। আই. এস-সি. এবং বি. এস-সি. পড়িতে পড়িতে বিজ্ঞানের নেশায় তাহাকে পাইয়া বসিল। দৃঢ় প্রতীতি জন্মিল যে বিজ্ঞানের সেবা করিলেই প্রকৃত দেশ-সেবা করা হইবে। অবৈজ্ঞানিক রীতিতে দেশ-সেবা অর্থহীন। এ যুগে চরকা চালাইবার চেষ্টা বাতুলতা। বৈজ্ঞানিক পন্থায় দেশের অর্থনৈতিক সমস্যার সমাধান-চেষ্টাই সমীচীন। সুতরাং ঠিক করিয়াছিল আজীবন অবিবাহিত থাকিয়া বিজ্ঞান-চর্চাই তাহাকে করিতে হইবে। কিন্তু এ সব মফঃস্বলীয় কল্পনা কলিকাতায় আসিয়া ধূলিসাৎ হইয়া গেল। কলিকাতায় আসিয়া শঙ্কর নিজেকে যেন পুনরায় আবিষ্কার করিল। দেখিল তাহার মন অনিবার্য টানে যে দিকে আকৃষ্ট হইতেছে তাহা বিজ্ঞান নয় সাহিত্য। আরও আবিষ্কার করিল যে নারী-সঙ্গ-বর্জিত জীবন আর যেই যাপন

করিতে পারুক সে পারিবে না। তাহার একজন সঙ্গিনী চাই। তাহার এই অন্তর্নিহিত কামনার টানে মিষ্টিদিদি, রিগি, মুক্তো আকস্মিকভাবে আসিল ও চলিয়া গেল। অমিয়ার মুখখানি তাহার মনে পড়িল। কত ছেলেমানুষ এবং কত লাজুক। ফুলশয্যার রাত্রে লজ্জায় চোখই খুলিল না। কোথায় ছিল এই অমিয়া? কোন্ অজ্ঞাতলোক হইতে সহসা বাহির হইয়া আসিয়া তাহার জীবনে এমন কায়েমি আসন দখল করিয়া বসিল।

পিওন আসিয়া প্রবেশ করিল এবং চিঠি দিয়া গেল। বাবার চিঠি। শঙ্কর এইরূপই কিছু একটা প্রত্যাশা করিতেছিল, তবু সে পত্রখানি পড়িয়া স্তম্ভিত হইয়া গেল। পত্রখানি এই—

কল্যাণবরেষু,

বিবাহ-ব্যাপারে তোমার স্বাধীন মনোরত্তির পরিচয় পাইয়া সুখী হইয়াছি। অপরের টাকা না লইয়া স্বাবলম্বী হইবার সাহস তোমার আছে ইহার প্রমাণ তুমি দিয়াছ; শক্তিও যে আছে সে প্রমাণও আশা করি দিতে পারিবে। সুতরাং আগামী মাস হইতে তোমার খরচ দেওয়া আমি বন্ধ করিলাম। যে সমর্থ তাহার অপরের সাহায্যের প্রয়োজন নাই। পৃথিবীতে অসমর্থ অসহায় লোক অসংখ্য। নিজেদের আত্মীয়, তোমার মামাতো ভাই নিত্যানন্দ টাকার অভাবে পড়াশোনা বন্ধ করিয়াছে। যে টাকাটা তোমাকে দিতাম তাহা তাহাকে দিলে সে বেচারা বোধ হয় এম. এ-টা পাশ করিতে পারিবে। টাকাটা তাহাকেই দিব স্থির করিয়াছি। ভগবানের নিকট প্রার্থনা করি, তিনি তোমাকে তোমার স্পর্ধার অহুরূপ শক্তি ও আত্মসম্মান দান করুন। আমার আশীর্বাদ জানিবে। ইতি

আশীর্বাদক

শ্রীঅধিকাচরণ রায়

( ক্রমশঃ )



# বৈজ্ঞানিক পরিভাষা

শ্রীকমলেশ রায় এম্-এস্-সি

## পদার্থ বিজ্ঞান আলোচনা

বর্তমান সাহিত্যে বিজ্ঞানের স্থান বড় অল্প নহে। বিজ্ঞান শুধু বিজ্ঞানই নহে, ইহা জাতীয় ভাষা সৌষ্ঠবেরও অঙ্গ। বহু মূলেখক বিদেশী বৈজ্ঞানিক শব্দের স্থান বাংলা প্রতিশব্দ প্রণয়ন করিয়া মাতৃভাষার ভাণ্ডার পূর্ণ করিয়াছেন ও করিতেছেন। কয়েক বৎসর যাবৎ বিভিন্ন পত্রিকায় বাংলা বৈজ্ঞানিক প্রবন্ধাদি নিয়মিত প্রকাশিত হইতেছে এবং ইহার চাহিদাও দিন দিন বাড়িতেছে।

কলিকাতা বিশ্ববিদ্যালয় বাংলা বৈজ্ঞানিক পরিভাষার আদর্শমান স্থাপনের ভার গ্রহণ করিয়াছেন। বিশ্ববিদ্যালয় হইতে প্রকাশিত পরিভাষা-পুস্তিকাবলী সকলের আদর্শ হইবে। বলা বাহুল্য ইহা এখনও অসম্পূর্ণ, ক্রমে ক্রমে ইহাতে আরও শব্দের সমাবেশ হইবে। কিন্তু এখন যাহা আছে তাহাদেরও সমালোচনা ও প্রয়োজন মতো সংশোধন হওয়া আবশ্যিক।

বর্তমান প্রবন্ধে পদার্থ বিজ্ঞানের (Physics) পরিভাষা সম্বন্ধে কিছু কিছু আলোচনা করিব। কিছু সংশোধন ও কিছু নূতন শব্দের অবতারণা করিব ইহাই ইচ্ছা। অবশ্য এস্থলে প্রদত্ত পরিভাষাই যে চরম হইবে তাহা নহে; ইহা লেখক, পাঠক ও বিজ্ঞানমণ্ডলীর অমুমোদন-সাপেক্ষ রহিল বলিয়া মনে করি।

পরিভাষা প্রবর্তনে কী কী বিষয় লক্ষ্য রাখিতে হইবে তাহা প্রথমে বিচার্য। শ্রীযুত রাজশেখর বসু তাঁহার চলন্তিকা অভিধানে লিখিয়াছেন “...পদার্থ বিজ্ঞান, রসায়ন, জীববিজ্ঞান প্রভৃতি আধুনিক বিজ্ঞান নব রচিত

পরিভাষা যদি বস্তুবাচক হয় তবে চলিবার পক্ষে বাধা আছে, কিন্তু যদি জাতি বা ক্রিয়া বাচক হয় তবে বহু পরিমাণে চলিবে।” (২য় সং ৬২৬ পৃঃ)।

পরিভাষা প্রবর্তনে নিম্নলিখিত বিষয়গুলির প্রতি লক্ষ্য রাখা উচিত বলিয়া মনে করি :

(১) সুপ্রচলিত বিদেশী শব্দের পরিবর্তন নিম্নপ্রয়োজন, যথা— অক্সিজেন, রেডিয়াম, ইলেক্ট্রন ইত্যাদি। এই শ্রেণীর মধ্যে বস্তুবাচক শব্দই প্রধান।

(২) প্রচলিত বাংলা শব্দ অপরিবর্তিত রাখিতে হইবে, পরিবর্তন করিয়া নূতন শব্দ প্রচলন করা অমুচিত; যথা :—Spectrum— বর্ণছত্র (প্রচলিত), বর্ণালি (নূতন)। Gravitation—মাধ্যাকর্ষণ (প্রচলিত), মহাকর্ষণ (নূতন বা স্বল্প প্রচলিত), ইত্যাদি।

(৩) ব্যাখ্যাশূলক বা অর্থহীনক প্রতিশব্দ পরিভাষা গঠনের পক্ষে বিশেষ উপযোগী।

(৪) একই শব্দের একাধিক প্রতিশব্দ চলিতে পারিবে, যদি সৃষ্টি হয়।

(৫) যে পর্যায়স্থ সৃষ্টি প্রতিশব্দ সঙ্কলিত না হয় তদবধি বিদেশী শব্দই ব্যবহার করা সমীচীন।

নিম্নলিখিত তালিকার বাম পার্শ্বে যে ক্রমিক সংখ্যা আছে সেই সংখ্যা অনুসারে তালিকার শেষে তাহাদের সমালোচনা প্রদত্ত হইল।

| বিদেশী শব্দ           | কলিকাতা বিশ্ববিদ্যালয় প্রবর্তিত পরিভাষা | সংশোধিত, নূতন (অস্থায়ী) | প্রবর্তক |
|-----------------------|--|--------------------------|----------|
| (১) Physics           | পদার্থ বিজ্ঞান                           | পদার্থ বিজ্ঞান           |          |
| (২) Alternating       | পরিবর্তী                                 | দ্বিরাতিমুখী             |          |
| (৩) „ current         | পরিবর্তী প্রবাহ                          | দ্বিরাতিমুখী প্রবাহ      |          |
| (৪) Alpha rays        | আলফা কণা                                 | আলফা রশ্মি               |          |
| (৫) „ particles       |  | আলফা কণা                 |          |
| (৬) Applied science   | ফলিত বিজ্ঞান                             | ব্যবহারিক বিজ্ঞান        |          |
| (৭) Axis, neutral     | উদাসীন অক্ষ                              | নিষ্ক্রিয়াক্ষ           | লেখক     |
| (৮) Axis, optical     | আলোক অক্ষ                                | কিরণাক্ষ                 | „        |
| (৯) Anion             | অ্যানায়ন                                | ধনাত্ম                   | „        |
| (১০) Amplitude        | বিস্তার                                  | ক্ষেত্র                  | „        |
| (১১) „ of oscillation | —  | দোলন ক্ষেত্র             | „        |
| (১২) „ „ Vibration    | —  | কম্পন ক্ষেত্র            | „        |

|        |                            |                    |   |                          |
|--------|----------------------------|--------------------|---|--------------------------|
| ( ১৩ ) | Boiler                     | বয়লার             | ( ফুটনাথার )                                    | লেখক                     |
| ( ১৪ ) | Bomb calorimeter           | বম্ব. ক্যালরিমিটার | ( বিস্ফোর তাপমান বা বিস্ফোর তাপমান বস্তু )      | "                        |
| ( ১৫ ) | Beam ( of light )          | রশ্মি              | কিরণ, রশ্মিগুচ্ছ                                | "                        |
| ( ১৬ ) | Circuit                    | বর্তনী             | ( চক্র )  | "                        |
| ( ১৭ ) | Chart                      | চিত্র              | তালিকা, তালিকা চিত্র, চিত্রতালিকা               | "                        |
| ( ১৮ ) | Coagulation                | তঞ্চন              | পিণ্ডভাঙ্গি<br>পিণ্ডায়ন                        | যোগেশচন্দ্র রায়<br>লেখক |
| ( ১৯ ) | C. G. S. System            | সি, জি, এস, মান    | সে, গ্রা, সে, মান                               | "                        |
| ( ২০ ) | Cation                     | ক্যাটায়ন          | ঋণাত্ম  | "                        |
| ( ২১ ) | Coil, Induction            | আবেশ কুণ্ডলী       | প্রণোদন কুণ্ডলী                                 | "                        |
| ( ২২ ) | Calorimeter                | ক্যালরিমিটার       | তাপমান, কলরিমান,                                | "                        |
| ( ২৩ ) | Charge, electrical         |                    | তড়িৎ, বিদ্যুৎ, তড়িৎ পরিমাণ,<br>বিদ্যুৎ পরিমাণ | "                        |
| ( ২৪ ) | Charge, bound              | বদ্ধ আধান          | বদ্ধ তড়িৎ, বদ্ধ বিদ্যুৎ                        | "                        |
| ( ২৫ ) | Charge, free               | মুক্ত আধান         | মুক্ত তড়িৎ, মুক্ত বিদ্যুৎ                      | "                        |
| ( ২৬ ) | Charge, induced            | আকৃষ্ট আধান        | প্রণোদিত বিদ্যুৎ,—তড়িৎ                         | "                        |
| ( ২৭ ) | To charge with electricity | —                  | বিদ্যুত্বাধান করা. তড়িত্বাধান করা              | "                        |
| ( ২৮ ) | Conduction                 | পরিবহন             | পরিচালন   | "                        |
| ( ২৯ ) | Convection                 | পরিচলন             | পরিবাহণ   | "                        |
| ( ৩০ ) | " current                  | —                  | পরিবাহন স্রোত                                   | "                        |
| ( ৩১ ) | Conductor                  | পরিবাহী            | পরিচালক   | "                        |
| ( ৩২ ) | Cathode ray                | ক্যাথোড রশ্মি      | ঋণরশ্মি   | "                        |
| ( ৩৩ ) | Cell                       | সেল                | কোষ, বিদ্যুৎকোষ                                 | জগদানন্দ রায়            |
| ( ৩৪ ) | Centre of gyration         | ত্রমিকেন্দ্র       | আবর্তনকেন্দ্র, আবর্তকেন্দ্র, ঘূর্ণ্যকেন্দ্র     | লেখক                     |
| ( ৩৫ ) | Carbon filament            | —                  | অঙ্গার তন্তু                                    | "                        |
| ( ৩৬ ) | Convergent                 | —                  | অভিসারী   | রাজশেখর বসু              |
| ( ৩৭ ) | Curve ( graph )            | —                  | ছকচিত্র   | লেখক                     |
| ( ৩৮ ) | Dispersion ( of light )    | বিচ্ছুরণ           | বিস্তার, বর্ণবিস্তার                            | "                        |
| ( ৩৯ ) | Dispersive power           | —                  | বিস্তার শক্তি,                                  | "                        |
| ( ৪০ ) | Discharge, oscillatory     | পরিবর্তি মোক্ষণ    | স্পন্দমোক্ষণ                                    | "                        |
| ( ৪১ ) | Filament                   | —                  | তন্তু   | "                        |
| ( ৪২ ) | " metal                    | —                  | ধাতব তন্তু                                      | "                        |
| ( ৪৩ ) | Focus                      | ফোকস               | কিরণকেন্দ্র,<br>দহন বিন্দু                      | নিখিলরঞ্জন সেন           |
| ( ৪৪ ) | Focal length               | ফোকস দূরত্ব        | কিরণকেন্দ্রান্তর                                | লেখক                     |
| ( ৪৫ ) | Focus, real                | সৎ ফোকস            | প্রত্যক্ষ কিরণকেন্দ্রান্তর                      | "                        |
| ( ৪৬ ) | Focus, virtual             | অসৎ ফোকস           | পরোক্ষ কিরণকেন্দ্রান্তর                         | "                        |
| ( ৪৭ ) | Finder (—telescope )       | —                  | নির্দেশক, ( —দূরবীক্ষণ )                        | "                        |
| ( ৪৮ ) | F. P. S. System            | এফ. পি. এস. পদ্ধতি | ফু. পা. সে. মান                                 | "                        |

|        |   |                        |   |                     |
|--------|---|------------------------|---|---------------------|
| ( ৪৯ ) | Graph paper, Squared<br>paper           | ছককাটা কাগজ            | ছক কাগজ   | লেখক                |
| ( ৫০ ) | Graph                                   | লেখ, চিত্র             | ছক চিত্র  | "                   |
| ( ৫১ ) | Gravitation                             | মহাকর্ষণ               | ( মাধ্যাকর্ষণ )                                 |                     |
| ( ৫২ ) | Graduation                              | অংশাঙ্কন               | ( ক্রমাঙ্কন )                                   | লেখক                |
| ( ৫৩ ) | Half-value period                       | —                      | অর্ধভ্রাস কাল                                   | "                   |
| ( ৫৪ ) | Horse power                             | আখ, হর্সপাওয়ার        | অখসামর্থ,<br>অখবল, অখশক্তি                      | রাজশেখর বহু<br>"    |
| ( ৫৫ ) | Heat unit                               | —                      | তাপমাত্রা, তাপ একক                              | লেখক                |
| ( ৫৬ ) | Induction                               | আবেশ                   | প্রণোদন   | "                   |
| ( ৫৭ ) | Induced                                 | আবিষ্ট                 | প্রণোদিত  | "                   |
| ( ৫৮ ) | Induction coil                          | আবেশ কুণ্ডলী           | প্রণোদন কুণ্ডলী                                 | "                   |
| ( ৫৯ ) | Isothermal                              | —                      | সমোত্তাপ  | "                   |
| ( ৬০ ) | Isotherm                                | —                      | সমোত্তাপ রেখা, সমোত্তাপ চিত্র                   | "                   |
| ( ৬১ ) | Lactometer                              | ল্যাক্টোমিটার          | ( দুগ্ধমান )                                    | "                   |
| ( ৬২ ) | Motion                                  | গতি                    | বেগ   |                     |
| ( ৬৩ ) | Momentum                                | —                      | বেগভার,<br>ঘাতমান                               | রাজশেখর বহু<br>লেখক |
| ( ৬৪ ) | Moment of force                         | —                      | ঘূর্ণ্যবল                                       |                     |
| ( ৬৫ ) | Moment, rotational                      | —                      | ঘূর্ণ্য শক্তি                                   | "                   |
| ( ৬৬ ) | Moment of inertia                       | —                      | ঘূর্ণ্যজাড্য                                    | "                   |
| ( ৬৭ ) | —meter ( e.g. Spectro—,<br>Sono—, etc.) | —মাপক                  | —মান, —মানযন্ত্র                                | "                   |
| ( ৬৮ ) | Neutral                                 | উদাসীন                 | নিষ্ক্রিয়                                      | লেখক                |
| ( ৬৯ ) | Normal pressure<br>( mechanics )        | —                      | অস্তিলম্ব চাপ                                   | "                   |
| ( ৭০ ) | Neucleus                                | নিউক্লিয়াস            | কেন্দ্রীণ, কেন্দ্রাণু, কেন্দ্রকণা,<br>পরমাণুবীজ | মেথনাদ সাহা<br>লেখক |
| ( ৭১ ) | Negative                                | নেগেটিভ                | ( ঋণাত্মক, ঋণ— )                                |                     |
| ( ৭২ ) | Note ( musical )                        | —                      | স্বর  | "                   |
| ( ৭৩ ) | Optical glass                           | —                      | বীক্ষণ কাঁচ                                     | "                   |
| ( ৭৪ ) | Optical quality                         | —                      | বীক্ষণ গুণ                                      | "                   |
| ( ৭৫ ) | Optical instrument                      | —                      | বীক্ষণ যন্ত্র                                   |                     |
| ( ৭৬ ) | Positive                                | পজিটিভ, পরা, পর        | ধনাত্মক, ধন                                     |                     |
| ( ৭৭ ) | Positive ray                            | পজিটিভ রশ্মি, পর রশ্মি | ধনরশ্মি   |                     |
| ( ৭৮ ) | Pole, negative                          | নেগেটিভ মেরু           | ঋণমেরু  |                     |
| ( ৭৯ ) | Pole, positive                          | পজিটিভ মেরু            | ধনমেরু  |                     |
| ( ৮০ ) | Parallax                                | লম্বন                  | তীর্ধ্যকতা, তীর্ধ্যতা                           | লেখক                |
| ( ৮১ ) | Parallax error                          | —                      | তীর্ধ্যকতা ভ্রম, তীর্ধ্যকভ্রম                   | "                   |
| ( ৮২ ) | Proportion                              | —                      | অনুপাত  |                     |

|         |                           |                        |                             |                  |
|---------|---------------------------|------------------------|-----------------------------|------------------|
| ( ৮৩ )  | Pressure                  | শ্বেষ, চাপ             |                             |                  |
| ( ৮৪ )  | Pressure, atmospheric     | বায়ু শ্বেষ, বায়ু চাপ |                             |                  |
| ( ৮৫ )  | Phase                     | দশা                    | ( কলা )                     |                  |
| ( ৮৬ )  | Photosphere               | —                      | আলোকমণ্ডল                   | লেখক             |
| ( ৮৭ )  | Pencil of rays            | —                      | রশ্মিশলাকা                  | লেখক             |
| ( ৮৮ )  | Quantum of energy         | —                      | শক্তিখণ্ড                   | "                |
| ( ৮৯ )  | Quantum of action         | —                      | কর্মখণ্ড                    | "                |
| ( ৯০ )  | Quantum theory            | —                      | শক্তিখণ্ড বাদ               | "                |
| ( ৯১ )  | Ratio                     | অনুপাত                 | অনুপাতাক                    |                  |
| ( ৯২ )  | Resonance box             | অনুনাদীবাঁজ            | তুষ, খোল, অনুনাদী তুষী—খোল  | লেখক             |
| ( ৯৩ )  | Resonator                 | —                      | অনুনাদক                     | যোগেশচন্দ্র রায় |
| ( ৯৪ )  | Real (—image, focus, etc) | সৎ                     | মূর্ত                       | লেখক             |
|         |                           |                        | প্রত্যক                     | "                |
| ( ৯৫ )  | Radio active              | তেজস্ক্রিয়            | ( বিকীরক )                  | "                |
| ( ৯৬ )  | Radioactivity             | তেজস্ক্রিয়া           | ( বিকীরকতা, বিকীরতা )       | "                |
| ( ৯৭ )  | Radioactivity, artificial | —                      | কৃত্রিম—                    | "                |
| ( ৯৮ )  | Radioactivity, induced    | —                      | প্রণোদিত—                   | "                |
| ( ৯৯ )  | Refrigerator              | হিমায়ক                | হিমাধার                     |                  |
| ( ১০০ ) | Radiation                 | —                      | বিকীরণ                      |                  |
| ( ১০১ ) | Rontgen ray               | রোন্জেন রশ্মি          | ( রঞ্জন রশ্মি )             | লেখক             |
| ( ১০২ ) | Resolution ( optical )    | —                      | বিশ্লেষণ                    | "                |
| ( ১০৩ ) | Resolving power           | —                      | বিশ্লেষণ শক্তি              | "                |
| ( ১০৪ ) | Sensitive                 | সুবেদী                 | ( সচেতন )                   | "                |
| ( ১০৫ ) | Siphon                    | সাইফন                  | শুণ্ডনল                     |                  |
| ( ১০৬ ) | Simple Harmonic           |                        |                             | "                |
|         | Motion                    | সরল দোল গতি            | সরল দোলন বেগ                | "                |
| ( ১০৭ ) | Source                    | প্রভব                  | ( উৎস, উৎসকেন্দ্র, উৎসমূল ) | লেখক             |
| ( ১০৮ ) | Sequence                  | —                      | পর্যায়, ক্রমপর্যায়        | "                |
| ( ১০৯ ) | Sacharimeter              | —                      | শর্করামান                   |                  |
| ( ১১০ ) | Solenoid                  | সলিনয়েড               | সর্পিলা ( সর্পিলা কুণ্ডলী ) |                  |
| ( ১১১ ) | Spectrum                  | বর্ণালি                | বর্ণছত্র                    | লেখক             |
| ( ১১২ ) | Spectrometer              | বর্ণালিমাপক            | বর্ণমান                     | "                |
| ( ১১৩ ) | Spectroscope              | বর্ণালিবীক্ষণ          | বর্ণবীক্ষণ                  | "                |
| ( ১১৪ ) | Spectrograph              | বর্ণালি-লিঙ্ক          | বর্ণছত্র গ্রাহক             |                  |
| ( ১১৫ ) | Velocity                  | বেগ                    | গতি                         |                  |
| ( ১১৬ ) | Variable                  |                        |                             |                  |
|         | (—velociy, motion )       | বিষম—                  | অসম—                        |                  |
| ( ১১৭ ) | Vacuum tube               | টরিসেলীয় নল           | শূন্য নল, বায়ু শূন্য নল    |                  |
| ( ১১৮ ) | Vertual (—focus, etc.)    | অসৎ—                   | অবৃর্ত—                     | যোগেশচন্দ্র রায় |
|         |                           |                        | ( পরোক— )                   | লেখক             |
| ( ১১৯ ) | Vibrating motion          | কম্পগতি                | কম্পনবেগ                    | "                |
| ( ১২০ ) | X-ray                     | এক্স-রশ্মি             | এক্স-রে                     |                  |



( ১ ) ‘—বিজ্ঞা’ শব্দটি applied science ক্ষেত্রে প্রযোজ্য ; Physics অর্থে ‘পদার্থ বিজ্ঞান’ বহুকালাবধি চলিয়া আসিয়াছে।

( ২, ৩ ) ‘দ্বিরাতিমুখী’ কথাটি ‘পরিবর্তী’ অপেক্ষা হৃদয় ও শ্রুতিমুখকর। কোনও প্রবন্ধ লেখককে এই শব্দটি ব্যবহার করিতে দেখিয়াছি, লেখকের নাম স্মরণ না থাকায় উল্লেখ করিতে পারিলাম না বলিয়া দুঃখিত।

( ৪, ৫ ) ইংরাজীতে alpha ray ও alpha partide উভয়ই প্রচলিত। অতএব আলফা রশ্মি ও আলফা কণা উভয়ই ব্যবহৃত হইতে পারে। বিশ্ববিদ্যালয় হইতে প্রকাশিত পরিভাষা পুস্তিকায় ray, beta—‘বীটা রশ্মি’ ও এই প্রসঙ্গে উল্লেখ যোগ্য।

( ৯ ) Positive ও Negative যথাক্রমে ধন ও ঋণ অভিহিত হইয়া থাকে। এক্ষেত্রে ion বা ionized atomকে ধনাত্মক ও ঋণাত্মক বলা অসঙ্গত হইবেনা—শব্দ দুইটি সরলও।

( ১৫ ) রশ্মি=ray.

( ১৬ ) চক্র বা বিদ্যুৎচক্র পূর্বে প্রচলিত ছিল।

( ১৯ ) লিখিবার ও বলিবার সময় সেন্টিমিটার—গ্রাম—সেকেন্ড ব্যবহৃত হইবে ; ইহাদের সংক্ষেপ বা আক্ষরিক সে-গ্রা-সে। গ্রা বা গ্রা উভয়ই চলিতে পারে। বাংলা হরফে সি, জি, এস লেখা অর্থহীন। F. P. S. System ক্ষেত্রেও একই যুক্তি, ৪৮ দ্রষ্টব্য।

( ২০ ) (২) দ্রষ্টব্য।

( ২১ ) আবেশ অর্থে ভাবাবেশ, বিহ্বলতা আসক্তি, অক্তিনিবেশ ইত্যাদি। প্রণোদন শব্দটি induction এর প্রকৃত অর্থ।

( ২২ ) তাপমাত্রা পরিমাপ করিবার যন্ত্রকে ‘তাপমান’ বা ‘তাপমান যন্ত্র’ বলা সঙ্গত। ‘ক্যালরি’ অথবা ‘ধার্ম’ উভয় এককেই তাপ পরিমাপ করা যাইতে পারে এই যন্ত্রের সাহায্যে। সাধারণ অর্থে ‘ক্যালরিমান’ও চলিতে পারে। Thermometer=উত্তাপমান বা উষ্ণতামান যন্ত্র।

( ২৪, ২৫, ২৬ ) এস্থলে charge অর্থে electrical charge। এক্ষেত্রে তড়িৎ বা বিদ্যুৎ শব্দ ‘আধান’ অপেক্ষা অধিক প্রযোজ্য ও সুস্পষ্ট অর্থজ্ঞাপক।

( ২৮ ) To conduct অর্থ পরিচালনা করা যেমন : To conduct music, orchestra, class ইত্যাদি। তাপ বিদ্যুৎ ইত্যাদির conduction ও ‘পরিচাল’ হইবে, ইহা পূর্বেকার বাংলা বিজ্ঞান পুস্তকাদিতেও পাওয়া যাইবে।

( ২৯ ) Convection=পরিবাহন, ইহাই পূর্বে ব্যবহৃত হইত। ইহাই ঠিক। তরল ও বায়বীয় পদার্থে তাপ এই উপায়ে প্রকৃতপক্ষে ‘বাহিত’ হয়।

( ৩১ ) ২৮ দ্রষ্টব্য।

( ৩২ ) ৯ দ্রষ্টব্য।

( ৩৪ ) ‘ক্রমণ’ অপেক্ষা ‘ঘূর্ণন’ ও ‘আবর্তন’ শব্দগণ gyration শব্দের অধিকতর উপযোগী।

( ৩৮ ) বিচ্ছুরণ শব্দটি radiation, বিশেষতঃ particle radiation, অর্থে উপযোগী। Dispersion সম্পূর্ণ ভিন্ন ব্যাপার, ইহার প্রতিশব্দ বিচ্ছুরণ একেবারেই অচল।

( ৪০ ) Oscillatory শব্দে স্পন্দন, কম্পন প্রভৃতি সুপ্রযোজ্য।

( ৪৩ ) অধ্যাপক সেন focus-এর জার্মান প্রতিশব্দ Brennpunkt (= Burning point ) হইতে দহনবিন্দু শব্দের পক্ষপাতী। তবে ‘দহন’ শব্দটি তাপের সহিত অধিক সংশ্লিষ্ট, ‘কিরণ’ যে-কোনও রশ্মির পক্ষে প্রযোজ্য।

( ৪৮ ) ১৯ দ্রষ্টব্য।

( ৫১ ) ‘মাধ্যাকর্ষণ’ বহুকাল হইতে প্রচলিত, উহাকে বাতিল করিবার প্রয়োজন নাই।

( ৫৪ ) ইহাদের মধ্যে ‘অধশক্তি’ শব্দটি সর্বাধিক প্রচলিত।

( ৫৬ ) ২১ দ্রষ্টব্য।

( ৬২ ) Motion ও Velocity’র প্রতিশব্দ উন্টাপাণ্টা করা হইয়াছে বলিয়া মনে হয়। সাধারণ অর্থেও Motion=বেগ। এতদ্ভিন্ন স্কুলপাঠ্য অনুবাদ পুস্তকাদিতে Velocity=গতি, Motion=বেগ ( Manual of Translation—বেণীমাধব গাঙ্গুলী ও অক্ষাণ্ড অভিধান দ্রষ্টব্য ) ছাত্রেরা পড়িয়া আসিতেছে।

( ৮৩, ৮৪ ) প্রেষণ শব্দের অর্থ প্রেরণ। প্রেষ শব্দটি প্রেষণ শব্দের অপভ্রংশ হইলে দৃষ্ট প্রয়োগ হইয়াছে। পেষণ শব্দের সহিত pressure-এর কিছু যোগ আছে। pressure হইতে ‘প্রেষ’ করা নিরর্থক।

( ৯১ ) Ratio ঠিক অনুপাত নহে, অনুপাত=proportion। Ratio একটি সংখ্যা বা অঙ্ক। অবশ্য proportion বা অনুপাতের সহিত ইহার বিশেষ যোগ আছে। এই সকল বিবেচনায় ‘অনুপাতাঙ্ক’ শব্দটি ratio’র উপযুক্ত প্রতিশব্দ বলিয়া মনে হয়।

( ৯৯ ) হিমায়ক শব্দটি Refrigeratorএর abstract অর্থ, ‘হিমাধার’ কথাটি refrigerator machineটির কথাই যেন স্মরণ করাইয়া দেয়।

( ১০১ ) প্রকৃত উচ্চারণ ‘রোয়েন্টগেন’, বানান Rontgen ( ০’র মাধ্যম দুইটি বিন্দু হইবে )। ইংরাজীতে Roentgenও লিখিত হয়। ‘রঞ্জনরশ্মি’ কথাটি প্রচলিত হইয়া গিয়াছে।

( ১০৬ ) Motion=বেগ, ৬২ দ্রষ্টব্য।

( ১১১ ) ‘বর্গছত্র’ বহুকাল হইতে প্রচলিত।

( ১১৫ ) ৬২ দ্রষ্টব্য।

( ১১৭ ) Toricellian tubeটি vacuum বটে, কিন্তু vacuum tube মাত্রেরই টরিসেলীয় নল নামে অভিহিত হইবে, ইহা সন্দেহ নহে।

( ১১৯ ) ৬২ দ্রষ্টব্য।

বারাস্তে অক্ষাণ্ড প্রতিশব্দের অবতারণা করিব ইচ্ছা রহিল।

# বার্লিনে অলিম্পিক

ডাঃ গোরচাঁদ নন্দী এম্-বি, এম্-সি-ও-জি

গ্রীক সভ্যতার পতনের পরেও অলিম্পিক উৎসবের স্মৃতি এবং মাধুর্য্য নষ্ট হয়নি, গল্পে, কবিতায়, ইতিহাসে চলে আসছে। অলিম্পিয়ার ধ্বংসাবশেষের মধ্যে পুরাতন মন্দির আবার খুঁজে বার করা হয়েছে। ১৮৯৪ খ্রীষ্টাব্দে ব্যারন Pierre De Coubertin এই ক্রীড়ার পুনরুদ্ধার করেন। তাঁর চেষ্টায় প্যারিসে একটি আন্তর্জাতিক কংগ্রেস হয়—সেই থেকে পুরাতন অলিম্পিকের আদর্শ নিয়ে তাকে বর্তমান সভ্যতার ছাঁচে ঢেলে প্রতি চার বছর অন্তর ভিন্ন ভিন্ন দেশে এই উৎসব চলেছে এবং দিনে দিনে মানুষ যতই স্থান এবং কালকে জয় করছে, ততই এই উৎসবে লোক সমাগম এবং এর আনন্দ বাড়ছে। আরম্ভ থেকে যথাক্রমে উৎসব হয়েছে—এথেন্স ১৮৯৬, প্যারিস ১৯০০, সেন্ট লুই ১৯০৪, লণ্ডন ১৯০৮, স্টকহল্ম ১৯১২—১৯১৬ সালে বার্লিনে হবার কথা ছিল কিন্তু যুদ্ধের জন্ম হয়নি। এন্টওয়ার্প ১৯২০, প্যারিস ১৯২৪, এমস্টারডাম ১৯২৮, লন্স এঞ্জেলস্ ১৯৩২, বার্লিন ১৯৩৬—১৯৪০ সালে ‘টোকিও’তে হবার কথা ছিল, কিন্তু যুদ্ধের জন্ম বন্ধ রইল।

অলিম্পিক ক্রীড়ায় যে শুধু শারীরিক শক্তির পরীক্ষা হয়, তা নয় এর আসল উদ্দেশ্য হচ্ছে সারা পৃথিবীর যৌবনের উৎসব, আর তার মধ্য দিয়ে বিভিন্ন দেশের বিভিন্ন জাতির ভিতর যে এক মহামানব জাতি আছে তার সন্ধান করা। এই রাজনৈতিক দ্বন্দ্ব কোলাহলে এবং যুদ্ধের মধ্যে দেখা যায়, অন্তঃত আমি যেটুকু দেখেছি তার থেকে ধারণা হয়েছে—যে যৌবন তার আনন্দ আর খেলার মধ্যে—যুদ্ধবিপদের ধার ধারে না। খেলায় হেরে গেলেও বিজ্ঞতার সঙ্গে এক সঙ্গে খেলে বেড়ায় তার জয়ে সুখ্যাতি এবং আনন্দ প্রকাশ করে। আর অলিম্পিক ক্রীড়া পল্লীতে (Olympic Village) ভিন্ন জাতীয় ছেলেরা সব যে কি আনন্দে দিন কাটিয়েছে তা তারা কোনদিন ভুলবে না। প্রত্যেক জাতির মোড়লরাই হচ্ছে যত নষ্টের গোড়া। তারাই জাতির স্বার্থ আর জাতীয় গৌরবের নামে যুবকদের নাচিয়ে

তোলে—যার ফলে জগতে বিরোধের সৃষ্টি হয়। যাক সব বড় বড় কথা!

সিটে ফিরে এসে দেখি গ্যালারি সবগুলিই প্রায় স্তরে উঠেছে, ধারে কিছু কিছু খালি আছে। সেদিন সকালের ‘প্রোগ্রাম’ ছিল Hammer Throw—৩১ জন প্রতিযোগী। সময় লাগবে অনেক। প্রত্যেককে তিনবার করে ছুঁড়তে দেওয়া হবে। ৩১ জন লোক সবাই ওভার-কোট পরে কম্বলমুড়ি দিয়ে সারবন্দী হয়ে সেই স্কুড্জ দরজা দিয়ে যখন মাঠে এসে পৌঁছিল তখন দর্শকদের মধ্যে সমবেত হাততালি এবং হর্ষধ্বনিতে ভীষণ শব্দ হল। ভিতরের মাঠের এক কোণে লাল মাটির একটি ছোট সার্কল বা গোলাকার গণ্ডি কাটা আছে, সেখান থেকে ছুঁড়তে হবে শিকে গাঁথা একটি ভারি লোহার বল। যে সবচেয়ে বেশী দূরে ছুঁড়তে পারবে সেই জিতবে। ছোঁড়বার জায়গা থেকে দূরত্ব মেপে তিনটে বৃত্ত কাটা আছে—৪৫, ৫০, ৫৫ মিটার। ৩১ জনের মধ্যে যারা অন্তত ৪৬ মিটার ছুঁড়তে পারবে, তারা সেমি-ফাইনালে উঠবে। তারপর তারা আবার তিনবার করে ছুঁড়তে পাবে। এতে প্রথম হল একজন জার্মান, দ্বিতীয়ও হল একজন জার্মান, আর তৃতীয় হল সুইডেন। জার্মানরা যখন ছুঁড়ছিল তখন সারা স্টেডিয়াম কাঁপিয়ে জয়ধ্বনি উঠছিল। ঘণ্টাখানেক এটা দেখে আমরা আবার বেরলাম। স্টেডিয়ামের মধ্যেই একটা দোকানে ‘ফিল্ম’ কিনতে পেলাম। অলিম্পিকের ছাপ দেওয়া কত জিনিষই বিক্রয় হচ্ছে, দেখলেই কিনতে ইচ্ছে করে। কিন্তু সঙ্গে রেশম কম—কাজেই সস্তা দেখে দু’একটা কিনলাম, একখানি অলিম্পিক রুমাল, একটা নোটকেস ইত্যাদি। তারপর জলযোগ করবার ইচ্ছায় বেরিয়ে পড়লাম। ‘টিউব স্টেশনের’ এর ধারে কালকের সেই রেষ্টোঁরাতে গিয়ে আঙুল দিয়ে দেখিয়ে দেখিয়ে—‘স্বানেজ’, রুটি আর দুধ নিয়ে খেতে বসা গেল। খেতে খেতে একদল আমেরিকার টুরিস্টদের আর একজন ক্যানাডাবাসীর সঙ্গে খানিক আলাপ করা গেল। বিকেলের খেলা তিনটেই আরম্ভ হল। এবেলা ভাল প্রোগ্রাম ছিল,

কাজেই ষ্টেডিয়াম একেবারে ভর্তি। Hammer Throw শেষ হলে ৪০০ মিটার 'বেড়া-দৌড়ে'র (Hurdle-race) হিট আরম্ভ হল। প্রত্যেক খেলার আগেই নাম ডাকা হচ্ছে মাঠ থেকে, আর আমরা সকলে লাউড স্পীকার দিয়ে খুব জোরে শুনতে পাচ্ছি। তারপর যখন বিজ্ঞতার এবং দেশের নাম ঘোষিত হল তখন আবার উত্তেজনা দেখা গেল দর্শকদের মধ্যে। বেশীরভাগই জয়ী হ'ল জার্মান। প্রত্যেক খেলার পরে বিজ্ঞতাদের সম্মান প্রদর্শনের যে অনুষ্ঠান হয় সেটা বড় চমৎকার। মাঠের একধারে একটা Platform বা উঁচু মঞ্চ আছে। তার উপরে উঠে মধ্যখানে বিজ্ঞতা দাঁড়ায়, তার দুপাশে আর দুজন—যারা দ্বিতীয় ও তৃতীয় হয়েছে। তাদের সামনে এসে দাঁড়ায় তিনটি সাদা পোষাকপরা মেয়ে, Laurel বা পুষ্পলতিকার মুকুট নিয়ে। প্রথমে নাম এবং দেশ ঘোষিত হলে প্রেসিডেন্ট তার সঙ্গে করমর্দন করেন এবং মাঝের মেয়েটা তার মাথায় পরিয়ে দেয় সেই 'ল্যারেল্' আর হাতে দেয় একটা ওক্ বৃক্ষের চারা—বিজ্ঞতা এটা নিজের দেশে নিয়ে গিয়ে পুতে দেবে—গাছ বড় হয়ে তাকে এবং তার দেশের লোককে তার বিজয়ের কথা বহুদিন স্মরণ করিয়ে দেবে। দ্বিতীয় এবং তৃতীয়কে আর দুটা মেয়ে 'ল্যারেল্' পরিয়ে দেয়। তারপর স্কোর বোর্ডের নীচের ব্যাণ্ড-ষ্ট্যাণ্ড থেকে বেজে ওঠে জার্মানীর জাতীয় সঙ্গীত—তখন সকলে দাঁড়িয়ে ওঠে, আর জার্মানরা নাজী স্ট্রালুটের ধরণে হাত উঁচু করে দাঁড়িয়ে থাকে—এর ছবি একটা তুলেছি। ঠিক এই অনুষ্ঠানের সময় স্কোর বোর্ডের উপরে তিনটা পতাকা ওড়ান হয়, বিজয়ীর দেশের জাতীয় পতাকা। যাদের দেশ জেতে তাদের মন গর্বে ভরে ওঠে।

এর পর একশো মিটার শ্লট রেসের দুটা 'হিট' হল। এগুলোয় আমেরিকারই প্রাধান্য দেখা গেল। আমাদের বেচারী গ্রেট ব্রুটেনের কোথাও পাত্তা পাওয়া গেল না! তারপর মেয়েদের ঐ রেসের ৬টা হিট হল। মেয়েরা ছেলেদের মতই সর্টস্ বা 'জাজিয়া' পরে দৌড়ায়, গায়ে থাকে জাতীয় চিহ্নাক্রিত একটা গেঞ্জী। মাঠে নামে অবশ্য ফুলপ্যান্ট আর সোয়েটার পরে, কিন্তু দৌড়াবার আগে বড় পায়জামা খুলে ফেলে। কোনরকম লজ্জা নেই, কেউ কিছু মনেও করে না। ছেলেরাও

দৌড়াতে এসেছে, মেয়েরাও এসেছে; কোন তফাত নেই। দেখাগেল, যারা দৌড় দিচ্ছে—তাদের মধ্যে অনেককে মেয়ে বলে চিনতেই পারা যায় না—বৈশিষ্ট্যের মধ্যে একটু দীর্ঘতর কেশ, তাও সকলের নয়। আমেরিকার যে মেয়েটা খুব ভাল দৌড় দিল—এবং শেষ পর্যন্ত 'ফার্স্ট' হয়েছিল—সে যেমনি লম্বা তেমনি পৌরুষ ভাবাপন্ন। তাই খেলার বিষয়ে সে সবচেয়ে উৎকৃষ্ট। ফাইনালে উঠল। দুজন আমেরিকান, তিনজন জার্মান, আর একজন পোলাণ্ডের মেয়ে। পোলাণ্ডের এই মেয়েটাই গেলবারে প্রথম হয়েছিল।

ছেলেদের একশত মিটার ফাইনালের সময় চারিদিকে ভীষণ চাঞ্চল্য। আমেরিকার তিনজন, আর জার্মানী হল্যান্ড সুইডেনের এক একজন করে দৌড়াচ্ছে। দৌড় দেখে সকলেই জানত—আমেরিকার ওই কাল লোকটাই জিতবে। তার নাম হচ্ছে জেসি আওয়েন্স্ (Jessi Owens.) আরম্ভ থেকেই সারা ষ্টেডিয়াম একেবারে গম্গম করতে লাগল। আমাদের যা উত্তেজনা হচ্ছিল—না জানি যারা দৌড়াবে তাদের কি অবস্থা হয়েছিল। দেখতে দেখতে দুটা কাল লোক এবং একটা সাদা লোক জিতল। শেষ সীমানার দুপাশে বিচারক এবং সময়রক্ষকরা সারবন্দি হয়ে দুটা কাঠের ছোট গ্যালারীতে বসেছিল। 'আওয়েন্স্' খুব সহজেই প্রথম হল। আগে থেকেই ফটোগ্রাফার ও সিনেমা গ্রহীতার সর্ব নিজস্ব জায়গায় মোতায়ন হয়ে বসে ছিল। টকাটক্ ছবি উঠতে লাগল, আর বন্দুকের শব্দের সঙ্গে সঙ্গে লক্ষ লক্ষ লোকের সপ্রশংস দৃষ্টি সেই দিকে। সমবেত জনসমুদ্রে সকলের মুখ থেকেই উত্তেজনার অক্ষুট ধ্বনি বেরিয়ে এক মহাধ্বনির সৃষ্টির করছে। এ বিরাট দৃশ্যের মহানতা না দেখলে বোঝা যায় না।

পরের দিন আমাদের বন্ধু Frau Schwalber আসার কথা, ৯টার সময় আমাদের গাড়ী করে খেলা দেখতে নিয়ে যাবে। 'লর্ডলি স্টাইলে' অর্থাৎ জমিদারী চালে যাব, আর 'কার-পার্ক' গাড়ী রাখব, এই সব ভাবতে আমাদের বেশ মজা লাগছিল। কিন্তু সাড়ে নটা বাজার পরও গাড়ী বা রঙিন মহিলা কারও দেখা নেই, আমরা একটু উদ্বিগ্ন হয়ে উঠলাম—ভাবলাম বোধ হয় ফস্কে গেল। কোন করতে শ্রীমতী বললেন, 'আমার উঠতে দেয়ী হয়ে গেছে—আমি দশ মিনিটের ভেতর

আসছি।’ সত্যিই এলেন তিনি। বন্ধুদ্বয় গাড়ীর পিছনের সিটে এবং আমি পাশে বসে রওনা দিলাম। যেতে যেতে এটা ওটা টুকরো টুকরো গল্প হতে লাগল। খেলার মাঝে বেরিয়ে কোথাও দূরে গিয়ে ‘ল্যান্ড’ করা হবে ঠিক হল। বার্লিনের আশে পাশে কত জায়গা আছে। আমার মন্দ লাগছিল না, উৎসবে মত্ত বার্লিন সহর, তার মধ্যে আমাদের গাড়ী ছুটেছে, পাশে সুন্দরী মহিলা—আর চাই কি? হলই বা ক্লগিক—তবু এই ক্লগিকের আনন্দই বা ক’জনের ভাগ্যে ভোটে? মনে মনে বরাতের তারিফ করতে লাগলাম। কিন্তু মনের কোণে এই মায়াবিনীর উদ্দেশ্য সম্বন্ধে একটু সন্দেহ জাগতে লাগল। পরে বুঝেছিলাম যে শ্রীমতী তাঁর নিসঙ্গ জীবনে—একটু বৈচিত্র্য খুঁজছেন। গাড়ী থাকাতে অলিম্পিকের Car Park বা ‘থান-কেয়ারি’ দেখবার সৌভাগ্য হল। মেও এক বিরাট ব্যাপার।

সেদিনও প্রোগ্রাম ভালই ছিল। লংজাম্প, ২০০ মিটারের হিট, আর মেয়েদের ডিস্ক-থ্রো—এই তিনটে সকালবেলা। লং জাম্প বহুকালব্যাপী, দু’জায়গায় হচ্ছিল—৬১জন প্রতিযোগী। একের পর একে ফাইনালে ওঠবার জন্ত চেষ্টা করতে লাগল—তাতে আমাদের তত মনোযোগ দেবার অবকাশ হয়নি, কারণ ওদের ফাইনালটাই হবে আকর্ষণীয়। ওদিকে Franenra( জার্মান ভাষায় ‘মহিলা’) ডিস্ক ছোঁড়া আরম্ভ করেছে। এই চাক্টি ছোঁড়াটা খেলার মধ্যে সবচেয়ে মাধুর্যপূর্ণ। ছোঁড়বার আগে এর অঙ্গভঙ্গী এবং কায়দা দেখলেই শারীরিক গঠন, শক্তি ও ভঙ্গীর একত্র সমাবেশ বুঝতে পারা যায়। Statue অর্থাৎ প্রতিমূর্তি কিংবা ছবি দেখেও তেমন প্রতীয়মান হয় না। আর এই খেলাটি সকালের অলিম্পিকেও ছিল। তাই পুরাতন গ্রীক ভাস্কর্যে এর অনেক প্রতিমূর্তি পাওয়া যায়। পুরুষদের ডিস্ক ছোঁড়া দেখবার সৌভাগ্য হয়নি—শুধু পৃথিবীর বাছা বাছা মেয়েদের এই চাক্টি নিক্ষেপ কৌশল দেখেই অনেক আনন্দলাভ করেছি। প্রথম হ’ল জার্মানী, দ্বিতীয় পোলাও এবং তৃতীয়ও জার্মানী—২০০ মিটারের আটটা হিট হ’ল। এই দৌড়ের জন্ত ৪৮জন প্রতিযোগী এসে ঢুকলেন—তখন সারা স্টেডিয়ামে বেশ চাক্টি পড়ে গেল—কারণ ২০০ মিটার দৌড়ান নাকি খুব উত্তেজনাপূর্ণ। প্রত্যেক হিটের আগে ৬জনের নাম ডাকা হ’ল—সঙ্গে সঙ্গে দেশের নাম ত আছেই। তারা ৬জনে,

ধানিক দৌড়ে এবং লাফালাফি করে শরীর গরম এবং পায়ের জড়তা ভেঙে নিল। তারপর ‘শুরু দাগা’ অর্থাৎ Starting Pointএর মাটি খুঁড়ে নিজেদের সুবিধে মত করে নিল—এ দৌড়ে Start বা শুরু করার উপরই হার জিত অনেকটা নির্ভর করে। সব কজন প্রতিযোগীর দৌড়ের মধ্যে সবচেয়ে চিত্তাকর্ষক হয়েছিল—‘আওয়েন্সের’ দৌড়—খুব দ্রুত, চমৎকার আর খুব সহজ ভঙ্গী—দ্বিতীয় লোকের সঙ্গে ছিল তার শুরুতেই অনেকখানি তফাত। শেষেও জিতেছিল আওয়েন্সই এবং রেকর্ড সময়ে। এর খুব নাম বেরিয়ে গেছে এবং যে ছবি ছাপা হয়েছিল, দুদিন পরে আর তা’ পাওয়া যায়নি। এর নাম বেরিয়ে গেল—Flying man আর Black Panther অর্থাৎ ‘উড়োবাজ’ আর ‘কেলেচিতে’! এবার ওলিম্পিকে কাল নিগ্রোদেরই জয় জয়কার বলে—সাদা লোকেরা মনের দুঃখে এবং হিংসায় বলে ফেলেছে—Black Man’s Olympic! নিগ্রোরা জিতেছে—১০০, ২০০, ৪০০ ও ৮০০ মিটার দৌড়, হাই জাম্প, লং জাম্প—আর সবগুলিতেই করেছে একেবারে নূতন রেকর্ড। তার মধ্যে কাল আওয়েন্স একাই তিনটিতে প্রথম হয়েছে, ১০০, ২০০ মিটারে ও লং জাম্প।

সকালের খেলা শেষ হবার আগেই সাড়ে বারটায় বেরিয়ে পড়লাম—দূরে কোথাও গিয়ে, নৈসর্গিক সৌন্দর্যের মধ্যে কোন নিষ্কর্জন হোটেলে একটু আরাম করে খাওয়া যাবে বলে। গাড়ী আছে আর ভাবনা কি? বার্লিনের জলাশয়ের সৌন্দর্য দেখবার সৌভাগ্য হল। আমাদের সঙ্গিনী ও পথপ্রদর্শিকা যেতে যেতে পরিষ্কার ইংরাজিতে সকল দ্রষ্টব্যের পরিচয় আমাদের দিলেন। একটা ব্রীজ পার হবার সময় গাড়ী থামিয়ে বার্লিনের সৌন্দর্য দেখালেন। লগুনের চেয়ে বার্লিনের সৌন্দর্য অনেক বেশী, কারণ পাহাড়, বন আর জলাশয়ের একত্র সমাবেশ এদেশে দেখিনি—বার্লিনের চারিদিকেই জলাশয় আর তাদের ভিন্ন ভিন্ন নামের শেষে আছে See তার মানে ‘লেক’। বড় রাস্তা ছেড়ে ছোট গ্রাম্য রাস্তায় এসে পড়লাম। গ্রাম্য হলেও পিচের রাস্তা, মোটর চালাবার খুব সুবিধা। মেমসাহেব বেশ জোরেই চালাচ্ছেন, ঘণ্টায় ৪০-৪৫ মাইল। একটা হোটেলে নামা হল। ভেতরে গিয়ে দেখি মস্ত মাঠ—ফুলের বাগান—লেকের ধারেই। টেবিল সব ভর্তি। লোকের ভিড় এবং দৃষ্টি এড়িয়ে

জলাশয়ের ধারে গেলাম—বেশ চমৎকার, বাঁধান ঘাট—সেখানে ছোট ছোট মোটর বোট বাঁধা আছে। গ্রীষ্মকালে বোটে ঘুরে বেড়াতে বেশ মজা। খানিক ঘুরে বেড়ান গেল। এখানে জলযোগ করা মেমসাহেবের মনঃপুত না হওয়ায় (বোধ হয় ভিড়ের জন্ত) আমাদের আরও ভাল জায়গায় নিয়ে চললেন। আমাদের আপত্তি নেই, যত ঘোরা যায় ততই ভাল। আর পল্লীগ্রামের গাছের ফাঁকে ফাঁকে জলাশয় দেখতে দেখতে—একটা ছোট নির্জন হোটেলে এসে পৌঁছলাম। এটা বেশ ভাল বলে মেমসাহেবের পছন্দ হল। খুব আরাম করে চোব্যাচোষলেছপেয় খেতে খেতে আমাদের দেশের এবং এদেশের অনেক গল্প করা গেল। মেমসাহেব আমাদের কাছে তাঁর দেশের অনেক কথা জানলেন—আমরা আমাদের দেশের অনেক কথা জানালাম—মেম সাহেব বললেন—অনেক ভেতরকার কথা, যা সাধারণ লোকের টের পাবার উপায় নেই। এখনকার গভর্নমেন্টের খারাপ দিকটা। আবার মেমসাহেব বলে দিলেন—কাউকে বলো না যেন, আমার গর্দান যাবে। আমরা আশ্বাস দিলাম—কোন ভয় নেই। এখানকার রান্না বেশ ভালই লাগল। চিংড়ি মাছের স্যালাড (Salad)—অনেকটা আমাদের দেশের রায়তার মত টকটক, তারপর মাংস—বেশ ভাল রান্না সিদ্ধ এবং ভাজার মাঝামাঝি, তারপর পিঠের মত একরকম জিনিষ, কমলাসব (Orange Wine) দিয়ে তৈরী করা—বেশ খেতে লাগল। আর পানীয় ছিল Apple Wine. অর্থাৎ আপেলের সরবৎ! Wine হলেও এতে মদ নেই। মেমসাহেব মদ খান না। এটা শেখা গেল। কোথাও খেতে গেলে এর পরে Apple Wine খেতাম। জল পাওয়া যায় না—তার বদলে ‘বীয়ার’ খাওয়াই রীতি—অনেক বাঙালীই খায়—এতে খুব অল্প পরিমাণ মদ আছে—একদিন খেয়েছিলাম একটা পার্টিতে—তিন বলে আমার একটুও ভাল লাগে নি। পেটভরে খেয়ে দেয়ে বেশ আরাম ও তৃপ্তি হল, কারণ এখানে এসে অবধি সেই গুপ্ত সাহেবের ‘পেটেন্ট’ রান্না আর মোটা ডাল-ভাতে অরুচি ধরে গিয়েছিল। ‘বিল’ এল, আমাদের মধ্যে একজন (Dr. Gadekar) টাকাটা দিলেন। কথা ছিল পরে ভাগাভাগি করা হবে। এখনো সময় আছে, প্রস্তাব হ’ল একটু বেড়িয়ে আসা যাক। গাঁয়ের রাস্তা দিয়ে সুন্দর সুন্দর বাংলা

দেখতে দেখতে কাঁচা রাস্তায় পড়লাম। একটা অতি সুন্দর ছবির মত বাড়ী দেখিয়ে মেমসাহেব বলল—এটা হচ্ছে একজন Film-actressএর সিনেমা অভিনেত্রীর বাড়ী—বাড়ীটা এত চমৎকার—একেবারে পাহাড়ের গায়ে—দেখে লোভ হতে লাগল। এখনো মাথায় বাড়ী করার সখ আছে, তাই ভাল বাড়ী দেখলে মনটা চঞ্চল হয়ে ওঠে। দুধারে ঘন বনের মধ্য দিয়ে কাঁচা রাস্তা, ঠিক আমাদের বাংলাদেশের মত—একটা ছবি তোলায় লোভ সংবরণ করতে পারিনি। একেবারে জলের ধারে এসে এদের Swimming Bathবা ‘সাঁতার ঘাট’ দেখলাম—বিলাতে যেমন সব Lido আছে—অর্থাৎ বড় বড় চৌবাচ্ছা—Swimming Pool—এখানে তার দরকার হয় না। এন্টার লোক পড়ে আছে—খুব সাঁতার কাটে এরা। মেমসাহেবের সাঁতারের বড় সখ, আমাদের নিমন্ত্রণ করেছিলেন—তবে আমরা তিন দিনের অতিথি, সময় করে উঠতে পারিনি—বললাম—আবার ত আসছি তখন আপনার সঙ্গে সাঁতারে পাল্লা দেওয়া যাবে।

ফিরবার পথে একবার গাড়ী বিগড়েছিল, মেমসাহেবের মুখ চুণ, ভাবটা যেন—এখন কি করি!—আমরা সবাই ত গাড়ী সম্বন্ধে একেবারে বড় ওস্তাদ। কাজেই আমার যেমন স্বভাব, বসে বসে মজা দেখতে লাগলাম, আর মেমসাহেবের মুখের চেহারার ঘনঘন পরিবর্তনটুকু বিশ্লেষণ আরম্ভ করলাম। শর্মা একজন mechanical Engineer অর্থাৎ ‘যন্ত্রবিদ’ নিজের গাড়ীও আছে—একটু আধটু উপদেশ দিল—যাহোক একটু পরেই গাড়ী আবার চলতে লাগল আপনা-থেকেই। কিছু না বললে খারাপ দেখায়—তাই বললাম—বোধ হয় কার্বুরেটরে ময়লা পড়ছে—পেট্রল অবাধে যেতে পাচ্ছেনা; দেখলাম কথাটা মেমসাহেবের মনঃপুত হল—বললেন—হ্যাঁ—মাঝে মাঝে আটকে যাচ্ছে বটে! যাক, বরাতে ধাপ্পাটা খুব লেগে গেল।

বিকেলের প্রোগ্রাম আরও ভাল ছিল। ২০০ মিটার দৌড়ের সেমিফাইনাল, মেয়েদের ১০০ মিটার দৌড়ের ফাইনাল, লঙ্-জ্যাম্পের ফাইনাল, ৮০০ মিটার দৌড়ের ফাইনাল, আর ৫০০০ মিটারের-হিট্। তিনটে ফাইনালই খুব উপভোগ্য হয়েছিল। তার মধ্যে ৮০০ মিটারটা সবচেয়ে বেশী। কি সুন্দর দৌড় দৌড়ায় ওই দুজন কাল ভদ্রলোক—সাদা চামড়ার কেউ তাদের ধরতেই পারে না। রেকর্ডএ

আছে, গ্রেট ব্রিটেনের আগে চার বার ফার্স্ট হয়েছে অর্থাৎ ১৬ বছর ধরে সে অপ্রতিদ্বন্দ্বী—কিন্তু এবারে তার পাত্তাই পাওয়া গেল না। ফার্স্ট হ'ল—আমেরিকা যুক্তপ্রদেশ, সেকেন্ড—ইটালি, থার্ড হল—ক্যানাডা। এত উত্তেজনার মধ্যেও দেখছিলাম মেমসাহেব বেজায় উস্খুস্ করছে এবং যাবার জন্তে অস্থির হয়ে উঠেছে। আমি বললাম—তোমার কি ভাল লাগছে না? বলে—খুবই ভাল লাগছে, কিন্তু আমার একটা বিশেষ জরুরি 'এনগেজমেন্ট' আছে—বাড়ীতে একজন বন্ধু আসবেন, ঠিক বেলা ৫টার সময়। আমরা বললাম—এর পরেই যে সব ভাল ভাল খেলার Item আছে—আর একটু বসে দেখে যাও। বলল—তাহলে আমি তাকে ফোন করে দেবীতে আসতে বলে দিয়ে আসি—বলে চলে গেল। একটা জিনিস লক্ষ্য করেছিলাম এবং চোখে বিন্দুশঠেঁকেছিল—বিজেতাদের বিজয়মাল্য পরাবার পর যখন জাতীয় সঙ্গীত হচ্ছিল, তখন মেমসাহেব একবারও হাত তোলেননি—যদিও ইনি জার্মান—জিজ্ঞাসা করব জেবেছিলাম, কিন্তু হয়ে ওঠেনি। আমার মনে হয় ইনি নাজিবিরোধী এবং পরে এঁর বেরূপ ইহুদীপ্রীতি দেখে-ছিলাম তাতে হয়ত ইহুদীর গুরুও এঁর মধ্যে থাকতে পারে। খেলা চলতে লাগল, আমাদেরও সিগারেট নিঃশেষ হতে লাগল, মাথার উপর দিয়ে দারুণ রৌদ্রের পর কয়েক পসলা বৃষ্টিও হয়ে গেল—তবে উৎসাহের চোটে সে সব গায়ে লাগল না। সবার শেষে ৫০০০ মিটারের হিট আরম্ভ হল—১২ পাক দৌড়। প্রথম বারে একজন ভারতীয় ছিল, তার দৌড়টা দেখবার জন্তই বসেছিলাম। পাঞ্জাবী শিখ—তার সুগঠিত চেহারা দেখে সকলেই আনন্দ পাচ্ছিল—কিন্তু হতাশ হয়ে পড়ল তার দৌড়ের বহর দেখে—অনেক পেছিয়ে—প্রায় দেড়পাক পেছনে পড়ে যখন সে দৌড় শেষ করল—তখন তার শেষ করার সাফল্যে খুবই হাততালি পড়েছিল—তবে দুঃখের বিষয় সেটা উপহাসের। মেমসাহেবের মুখের চেহায়ায় পালাই পালাই ভাবটা বড়ই ধরা পড়ছিল—কাজেই আমরাও তাঁর সঙ্গে উঠে পড়লাম। শর্মা হকি দেখতে গেল—আমরা দুজনে নিখরচার মোটর চড়বার আশায় বাঁকবীর সঙ্গ নিলাম। মেমসাহেব বললেন—বড় ক্লান্ত

লাগছে। বললাম—আমাদের আর বাড়ী পৌঁছে দিতে হবে না—বরং চল আমরাই তোমায় বাড়ী পর্য্যন্ত পৌঁছে দিয়ে যাই তারপর বাসে চলে যাব। গল্পের মাঝে মেমসাহেব নিজের বাড়ীর কথা অনেক বলেছিল—কেমন সুন্দর ছোট্ট বাড়ী তৈরী করেছে, নিচে কটা ঘর, ওপরে কটা ঘর, স্নানের ঘর, রান্নাঘর, ছোট বাগান, সবই বলেছিল—আমাদেরও দেখবার খুব সখ হয়েছিল। মেমসাহেব পথের পরিচয় দিতে দিতে আমাদের বাড়ী অবধি নিয়ে গেল। বাড়ীতে আর ঢুকলাম না। প্রবেশ দ্বারে 'গুডবাই' করে শ্রান্ত দেহে বিদায় নিলাম। ফিরে আবার আমাদের একটা পাটতে যেতে হবে। মেমসাহেব এর মধ্যে একদিন আমাদের নিমন্ত্রণ করলেন—কবে সেটা ফোনে ঠিক হবে সাব্যস্ত হ'ল। সারাদিন খেলা দেখার পর নূতন রাস্তায় পথ খুঁজে হাঁটতে বড়ই শ্রান্তি লাগছিল, দেশলাইএর অভাবে সিগারেট ধরাতে পারিনি। সেও এক ট্রাজেডি! বন্ধু গাড়েকার যেন আমার চেয়ে আরও বেশী বিমর্ষ হয়ে পড়েছিল—ভেবেছিলাম সারাদিনের ক্লান্তি—কিন্তু পরে বুঝতে পারলাম—তানয়—কারণটা হচ্ছে অর্থনাশ। কথায় কথায় টের পেলাম যে আজকে আমাদের মেমসাহেবকে নিয়ে খাবার বিল হয়েছে ৩৪ মার্ক! শুনে ত চক্ষু চড়কগাছ! এই ব্যাপার নিয়ে পরে অনেক হাসাহাসি করেছিলাম—সকলেই বলেছিলাম একবাক্যে যে এটা আমাদের ওলিম্পিকের আক্কেল সেলামী—এত যে বিল হতে পারে—ধারণা ছিল না। মনে মনে মেম-সাহেবের উপর অনেক রকম সন্দেহ হয়েছিল—হয়ত হোটেলওয়ালার কাছে 'কমিশন' মারবে কিংবা আরও কত কি; কিন্তু পরে সে সন্দেহ কমেছিল। মোট কথা, সেদিন ডিনার টেবিলে তিন জনে প্রাণ ভরে খুব হাসা গেল, আর প্রতিজ্ঞা করা গেল যে এ মায়াবিনীর সঙ্গ বর্জন করতেই হবে। ও বেচারীর হয় ত কোন দোষ না থাকতে পারে—তবে আমরা গরীব পরদেশী, বাঁধা পাথেয়ের পথিক—আমাদের কি এত দিলদরিয়া খরচ করা পোষায়! গাড়েকার ডিনার টেবিলের প্রতিজ্ঞা রেখেছিল। শর্মা কিছু দিন পরেই চলে গেল। আমিই একা শেষ পর্য্যন্ত বিদেশিনীর বন্ধুত্ব রক্ষা করেছিলাম এবং ফেরবার আগে একদিন সুন্দরীর কাছে বিদায় নিয়ে এসেছিলাম।

# পথ বেঁধে দিল

শ্রীশরদিন্দু বন্দ্যোপাধ্যায়

ফেড্ ইন্।

অপরাহ্ন। ঝাঝায় রঞ্জনের বাড়ীতে একটি ঘর। ড্রেসিং টেবিলের সামনে দাঁড়াইয়া রঞ্জন বেশভূষা করিতেছে ও মুহূর্তে সুর ভাঁজিতেছে। পাঞ্জাবীর গলার বোতামটা খোলা রাখিয়া দিয়া চুলে বুরুশ ঘষিতে ঘষিতে রঞ্জন আয়নার মধ্যে দেখিতে পাইল—ভৃত্য রমাই একটি পোস্টকার্ড হাতে লইয়া প্রবেশ করিতেছে।

রমাই মধ্যবয়স্ক কৃশ ও বেঁটে, পুরুলিয়া জেলার আদিম অধিবাসী। রঞ্জন আয়নার ভিতরে রমাইয়ের প্রতিবিম্বকে প্রশ্ন করিল—

রঞ্জন : কি রে রমাই ?

রমাই : একটি পোস্টকার্ড আইছেন আজ্ঞে।

রঞ্জন পোস্টকার্ড হাতে লইয়া বলিল—

রঞ্জন : বাবা লিখেছেন—

পড়িতে পড়িতে তাহার মুখ হর্ষোৎফুল্ল হইয়া উঠিল।

রঞ্জন : বাবা আসছেন। রমাই—বাবা আসছেন ! ভালই হ'ল—

রমাই : কবে আসতেছেন কুর্তাবাবু আজ্ঞে ?

রঞ্জন : অ্যা—কবে ? ( চিঠির উপর আবার চোখ বুলাইয়া )—কই তা তো কিছু লেখেন নি। আজ কালের মধ্যেই আসবেন নিশ্চয়। ভালই হ'ল—আমাকে আর কলকাতা যেতে হ'ল না—( রমাইয়ের পিঠে স্নেহে একটি চাঁটি মারিয়া ) কি চমৎকার যোগাযোগ দেখেছিস রমাই ? বাবাও ঠিক এই সময় এসে পড়ছেন—

রমাই : যোগাযোগটা কিসের আজ্ঞে ?

রঞ্জন বিস্মিতভাবে তাহার পানে তাকাইল, তারপর হাসিয়া উঠিল।

রঞ্জন : ও—তুই বুঝি জানিস না। শিগ্গিরি জানতে পারবি।—এখন যা, বাবার ঘর ঠিক ক'রে রাখ গে—

রঞ্জন চেয়ারের পিঠ হইতে একটা কোঁচানো চাদর তুলিয়া গায়ে জড়াইতে লাগিল।

রমাই : আজ কি বাড়ীতে চা খাওয়া হবেন না আজ্ঞে ?

মঞ্জন : না আজ্ঞে, আজ অন্য কোথাও চা খাওয়া হবেন আজ্ঞে।

বলিয়া হাসিতে হাসিতে রঞ্জন বাহির হইয়া গেল। রমাই তাহার প্রবীণ বহুদর্শী চক্ষুহুটি একটু কুঞ্চিত করিয়া সেই দিকে তাকাইয়া রহিল।

ডিঙ্কল্ভ।

কেদারবাবুর বাড়ীর সদর। সন্মুখের বন্ধ দরজা ভেদ করিয়া সঙ্গীতের চাপা আওয়াজ আসিতেছে।

কেদারবাবু ডাক্তারের বাড়ী গিয়াছিলেন ; ফিরিয়া আসিয়া দরজা ঠেলিয়া খুলিয়া ফেলিলেন ; অমনি সঙ্গীতের পূর্ণ আওয়াজ মেবভাঙা রৌদ্রের মত চারিদিকে ছড়াইয়া পড়িল।

কেদারবাবু ভিতরে প্রবেশ করিলেন।

কাট।

মঞ্জু পিয়ানোর সন্মুখে মিউজিক টুলে বসিয়া আপন মনে গান গাহিতেছে ; তাহার মন যেন কোন্ স্বপ্নলোকে ভাসিয়া গিয়াছে ; অন্তরের মাধুর্য্য-রসে আবিষ্ট চোখহুটি ফিরিয়া ফিরিয়া দেয়ালে টাঙানো রঞ্জনের ছবিটিকে স্পর্শ বুলাইয়া দিয়া যাইতেছে।

মঞ্জু গাহিতেছে—

“দখিন হাওয়া—

আমার বুকের মাঝে পরশ দিয়ে যার।

—দখিন হাওয়া।

কার নয়ন দুটি মরম বিঁধে চায়—

দখিন হাওয়া।

আমি মন হারালাম নদীর কিনারায়—

দখিন হাওয়া।”

গান শেষ হইবার পূর্বেই কেদারবাবু ঘরে প্রবেশ করিয়াছিলেন এবং নিঃশব্দে একটি সোফায় গিয়া বসিয়াছিলেন। মঞ্জু জানিতে পারে নাই। গান শেষ করিয়া

মঞ্জু যখন ফিরিয়া বসিল তখন সম্মুখেই পিতাকে দেখিয়া একটু যেন অপ্রতিভ হইয়া পড়িল; সলজ্জ ধরা-পড়িয়া- যাওয়া ভাব। তারপর সামলাইয়া লইয়া বলিল—

মঞ্জু : বাবা—! ডাক্তারের বাড়ী থেকে কখন ফিরলে ?

কেদার : এই খানিকক্ষণ। গান শেষ হয়ে গেল ?

মঞ্জু হাসিতে হাসিতে উঠিয়া কেদারের পাশে আসিয়া বসিল।

মঞ্জু : জাপানী গান কি-না, তাই তিন লাইনে শেষ হয়ে গেল।— ডাক্তার কি বললেন ?

কেদার বিরক্তি ও বিদ্রোহপূর্ণ মুখভঙ্গী করিলেন।

কেদার : কী আর বলবে! যত সব গো-বড়ি। রোগ আরাম করতে পারে না, বলে 'দাঁত তুলিয়ে ফেল।' হুঃ! কিন্তু মরুক গে ডাক্তার। তোমার সঙ্গে আমার একটা জরুরী কথা আছে।

কেদার যেরূপ গম্ভীরকণ্ঠে কথাটা বলিলেন তাহাতে চকিত আশঙ্কায় মঞ্জু তাঁহার মুখের পানে চোখ তুলিল।

মঞ্জু : কি কথা বাবা ?

কেদার পিঠ ঠেসান দিয়া বসিলেন; ফাঁসির ছকুম-জারি করার মত কঠোরকণ্ঠে বলিলেন—

কেদার : আমি তোমার বিয়ে ঠিক করেছি—

মঞ্জুর মুখ তপ্ত হইয়া উঠিল; কিন্তু উৎকণ্ঠা কমিল না।

কেদার হাকিমীকণ্ঠে বলিয়া চলিলেন—

কেদার : আমি তোমাকে উচ্চশিক্ষা দিয়েছি—সব বিষয়ে স্বাধীনতা দিয়েছি। কিন্তু তুমি আমার ইচ্ছের বিরুদ্ধে বিয়ে করতে চাইবে আশা করি এতটা স্বাধীন এখনও হওনি।

মঞ্জুর উৎকণ্ঠা বাড়িয়া গেল : চোখে উদ্বেগের ছায়া পড়িল। ঢোক গিলিয়া সে ক্ষীণকণ্ঠে বলিল—

মঞ্জু : না বাবা।

কেদার সম্ভ্রষ্ট হইয়া গলার মধ্যে একটি ছফার করিলেন। তাঁহার স্বর একটু নরম হইল।

কেদার : বেশ।—এখন আমার কাছে সরে আয়।

পূর্বগামী কথোপকথনের মধ্যে মঞ্জু নিজের অজ্ঞাতসারে কেদার হইতে একটু দূরে সরিয়া গিয়াছিল; এখন আবার তাঁহার পাশে ঘেঁষিয়া বসিল। কেদার সহসা ~~বল~~ প্রসারিত করিয়া রঞ্জনের ছবির দিকে নির্দেশ করিলেন—

কেদার : এবার চাখ্ দেখি, ঐ ছেলেটাকে পছন্দ হয় ? কেদার মঞ্জুর পানে চোখ ফিরাইলেন। মঞ্জু চকিত কটাক্ষে ছবিটা দেখিয়া লইয়া ঘাড় নীচু করিয়া ফেলিয়াছিল; অস্পষ্ট লজ্জারুদ্ধস্বরে বলিল—

মঞ্জু : আমি জানি না।

কেদার কিন্তু এরূপ অ-সন্তোষজনক কথায় তৃপ্ত হইবার পাত্র নয়; তিনি মঞ্জুর মুখের কাছে মুখ লইয়া গিয়া আবার জিজ্ঞাসা করিলেন—

মঞ্জু : (নতচক্ষে)—তুমি যা বলবে তাই হবে।

বলিয়া লজ্জারূপ মুখখানা কেদারবাবুর বগলের মধ্যে লুকাইয়া ফেলিল। কেদারের মুখে এতক্ষণে সত্যসত্যই প্রসন্নতা জাগিয়া উঠিল; হয় তো তাঁহার অধরোষ্ঠের কোণ উৎকণ্ঠী হইয়া একটু হাসির আভাসই প্রকাশ করিল।

কেদার : বেশ—আমার মেয়ের মুখ থেকে আমি এই কথাই শুনতে চাই—(রঞ্জনের ছবির উপর দৃষ্টি নিবদ্ধ করিয়া) ছোকরা সব দিক দিয়েই সুপাত্র! সায়েন্স পড়েছে—দেখতে শুনতেও ভাল—এখন কেবল ওর বংশ পরিচয়টা পেলেই—

বহির্দ্বারের কাছে গলা ঝাড়ার শব্দ শুনিয়া কেদার সেইদিকে ফিরিয়া দেখিলেন—রঞ্জন দ্বারের কাছে দাঁড়াইয়া ইতস্তত করিতেছে; পিতাপুত্রীর ঘনিষ্ঠ ভঙ্গী দেখিয়া বোধ হয় তাঁহাদের বিশ্রান্তালাপে বিঘ্ন করিতে সঙ্কচিত হইতেছে।

কেদার : (প্রশান্তকণ্ঠে) এসো রঞ্জন—তোমার অপেক্ষা করছি—

মঞ্জু পিতার কুক্ষি হইতে মুখ তুলিয়া রঞ্জনকে দেখিয়া উঠিয়া দাঁড়াইল। কেদারবাবু যতক্ষণে রঞ্জনকে সম্ভাষণ করিয়া বসাইতেছিলেন মঞ্জু ততক্ষণে অলক্ষিতে ভিতরের দরজা পর্য্যন্ত পৌছিয়াছিল; কিন্তু তাহার ঘর ছাড়িয়া পলায়নের চেষ্টা সফল হইল না। কেদারবাবু ডাকিলেন—

কেদার : মঞ্জু, তুই যাস নি—আমাদের কথা এমন কিছু গোপনীয় নয়—

দ্বারের কাছেই প্রিয়ানোর সম্মুখে মিউজিক টুল ছিল, মঞ্জু সঙ্কচিতভাবে তাহার উপর বসিয়া পড়িল।

রঞ্জন ইতিমধ্যে আসন গ্রহণ করিয়াছিল; কেদারবাবু



কেদার : তোমাকে ডেকেছিলুম।—মঞ্জুর এবার বিয়ে দেওয়া দরকার। আমার দাঁতের রোগ, কোন্ দিন আছি কোন্ দিন নেই—

রজন : আজ্ঞে সে কি কথা !

কেদার : না না, তোমরা ছেলেমানুষ বোঝ না— দাঁত বড় ভয়ঙ্কর জিনিষ ; কিন্তু সে যাক, তুমি কায়স্থ তো ?

রজন : আজ্ঞে হ্যাঁ—উত্তর রাঢ়ী।

কেদার : বেশ বেশ।

ওদিকে মঞ্জু চুপটি করিয়া বসিয়া শুনিতেছে ; সে একবার চোখ তুলিয়া আবার নামাইয়া ফেলিল। কেদার বলিতে লাগিলেন—

কেদার : এতদিন তুমি যাওয়া-আসা করছ অথচ তোমার কোনও পরিচয়ই নেওয়া হয়নি।—তোমার বাবার নামটি কি বল তো।

রজন : আজ্ঞে আমার বাবার নাম শ্রীপ্রতাপচন্দ্র সিংহ।

কেদারবাবু হাসিতে গিয়া হঠাৎ থামিয়া গেলেন ; তারপর ধীরে ধীরে সোজা হইয়া বসিলেন। তাঁহার চক্ষুদ্বয় চক্রাকৃতি হইয়া ঘুরিয়া উঠিল।

কেদার : প্র—! কি বললে তোমার বাপের নাম ?

রজন : আজ্ঞে শ্রীপ্রতাপচন্দ্র সিংহ।

কেদার ধড়মড় করিয়া উঠিয়া দাঁড়াইলেন। রজনও হতবুদ্ধিভাবে দাঁড়াইল। কেদারের কণ্ঠে একটি অস্বাভাবিক মেঘগর্জন হইল।

কেদার : প্রতাপ সিংগি ! তুমি—প্রতাপ সিংগির ব্যাটা—আঁ !

রজন : আজ্ঞে হ্যাঁ।—কিন্তু—

কেদারবাবু রক্তনেত্রে তাহাকে বাধা দিয়া বলিলেন—

কেদার : তোমার বাপের গালে এতবড় আবু আছে ? বলিয়া হাতে কমলালেবুর মত আকার দেখাইলেন।

রজন বুদ্ধিব্রষ্টের মত বলিল—

রজন : আজ্ঞে না, অতবড় নয়—এতটুকু—

বলিয়া সুপারির আকার দেখাইল। কেদার সহসা সিংহনাদ করিয়া উঠিলেন।

কেদার : ব্যস্—আর সন্দেহ নেই। তুমি সেই ছশমনের বাচ্ছা—!

মঞ্জু কাঠ হইয়া বসিয়া এই দৃশ্য দেখিতে লাগিল ; রজন বিভ্রান্তভাবে এদিক ওদিক তাকাইতে লাগিল ; কেদার তাহার মুখের সামনে তর্জনী আঁফালন করিয়া গর্জন করিতে লাগিলেন।

কেদার : তোমার আশ্পর্ক তো কম নয় ছোকরা ! প্রতাপ সিংগির ব্যাটা হয়ে তুমি আমার বাড়ীতে ঢুকেছ ? বেল্লিক বেয়াদপ !

হঠাৎ টেবিল হইতে একটি ফুলদানি তুলিয়া লইয়া তিনি ছুঁহাতে সেটা মাটিতে আছাড় মারিয়া ভাঙিয়া ফেলিলেন। মঞ্জু চীৎকার করিয়া উঠিল।

মঞ্জু : বাবা !

আহত সিংহের মত কেদার কণ্ঠের দিকে ফিরিলেন।

কেদার : খবরদার ! যদি আমার মেয়ে হোস্, একটি কথা কইবি না—

মঞ্জু উঠিয়া দাঁড়াইয়াছিল, অধর দংশন করিয়া আবার বসিয়া পড়িল। কেদার রজনের দিকে ফিরিলেন ; ডান হাতের মুষ্টি তাহার নাকের কাছে ধরিয়া এবং বাঁ হাতের তর্জনী বহির্দ্বারের দিকে নির্দেশ করিয়া তিনি চীৎকার ছাড়িলেন—

কেদার : ঐ দরজা দেখতে পাচ্ছ ? সোজা বেরিয়ে যাও। আর যদি কখনও আমার বাড়ীতে মাথা গলিয়েছ—মাথা ফাটিয়ে দেব। যা—ও !

রজন মোহাচ্ছন্নের মত কেদারবাবুর মুষ্টির দিকে তাকাইয়া দাঁড়াইয়াছিল, এখন মাথা ঝাড়া দিয়া নিজেকে কতকটা সচেতন করিয়া লইল, তারপর তন্দ্রাহতের মত বলিল—

রজন : আচ্ছা—আমি যাচ্ছি।

সে দ্বারের দিকে ফিরিল।

মঞ্জু মিউজিক টুলে বসিয়াছিল ; তাহার নিপীড়িত চক্ষু দুটি এতক্ষণ ব্যাকুলভাবে এই দৃশ্যের মর্মান্বসন্ধান করিতেছিল ; রজন দ্বারের অভিমুখী হইতেই সে পিয়ানোর উপর হাত রাখিয়া ধড়মড় করিয়া উঠিয়া দাঁড়াইল। পিয়ানো আর্ন্ত বেসুরাকণ্ঠে আপত্তি জানাইল।

কেদার চীৎকার করিয়া চলিলেন—

কেদার : যত সব ঠগ্ জোচ্চার দাগাবাজ ! প্রতাপ সিংগির ছেলে আমার মেয়েকে বিয়ে করবে ?

রঞ্জন ঘর পর্যন্ত পৌঁছিয়াছিল, একবার দাঁড়াইয়া পিছু ফিরিয়া চাহিল। অমনি কেদারবাবুর বজ্রনাদ আসিল—

কেদার : বেরোও !

রঞ্জন আর দাঁড়াইল না, জরতপদে দৃষ্টির অন্তরালে চলিয়া গেল।

মঞ্জু সেই দিকেই তাকাইয়া ছিল, এখন পিতার দিকে দৃষ্টি ফিরাইয়া দেখিল তিনি আর কিছু না পাইয়া গটগট করিয়া দেয়ালে লঙ্ঘিত রঞ্জনের ছবিটার পানে চলিয়াছেন। মঞ্জু অবরুদ্ধ কণ্ঠে বলিয়া উঠিল—

মঞ্জু : বাবা !

ছবির নিকটে পৌঁছিয়া কেদার কটমট করিয়া একবার মঞ্জুর পানে তাকাইলেন, তারপর দু'হাতে হেঁচকা মারিয়া ছবিটাকে দেয়াল হইতে ছিঁড়িয়া লইয়া জানালার বাহিরে নিক্ষেপ করিলেন।

অতঃপর ঝড়ের শক্তি ফুরাইয়া গেলে প্রকৃতি যেমন ক্রান্ত নিঝুম হইয়া পড়ে, কেদারবাবুর ক্রুদ্ধ আশ্ফালনও তেমনি ধীরে ধীরে মন্দীভূত হইয়া আসিল ; তিনি অবসন্ন-দেহে ফিরিয়া গিয়া একটা কোঁচে বসিয়া পড়িলেন। গালে হাত দিয়া একবার অনুভব করিলেন। যেন দস্তশূলের পূর্বাভাস পাইতেছেন।

মঞ্জু পিয়ানোর পাশে শক্ত হইয়া দাঁড়াইয়াছিল ; ফ্যাকাসে রক্তহীন মুখে ঠোঁটটুকি অন্ন কাঁপিতেছিল। কেদার তাহার দিকে কিছুক্ষণ তাকাইয়া রহিলেন ; তারপর দ্বিধা ভাঙা গলায় ডাকিলেন—

কেদার : মঞ্জু, এদিকে এস।

মঞ্জু একবার চোখ তুলিল ; তারপর ধীরে ধীরে তাঁহার পাশে আসিয়া দাঁড়াইল।

কেদার পাশে হাত রাখিয়া বলিলেন—

কেদার : বোসো।

যন্ত্রের পুতুলের মত মঞ্জু নির্দিষ্ট স্থানে বসিল। কেদার একবার গলা-খাঁকারি দিলেন ; যে জোর মনের মধ্যে নাই তাহাই যেন কণ্ঠে আনিবার চেষ্টা করিলেন ; তারপর অন্তর্দিকে তাকাইয়া বলিলেন—

কেদার : ও আমার শত্রুরের ছেলে ; ওর সঙ্গে তোমার বিয়ে হতে পারে না।

মঞ্জু প্রথমটা উত্তর দিল না, তারপর মনের ব্যাকুলতা যথাসম্ভব দমন করিয়া বলিল—

মঞ্জু : ঠুঁকে কেন অপমান করলে বাবা ? উনি তো কিছু করেন নি !

কেদারবাবুর মুখ একগুঁয়ে ভাব ধারণ করিল।

কেদার : না করুক—ওর বাপ আমার শত্রুর !

মঞ্জু : কিন্তু—কি নিয়ে এত শত্রুতা ?

কেদার স্মৃতির ফুটন্ত জলে অবগাহন করিলেন, কিন্তু অনুভূতিটা আরামদায়ক হইল না। ঝগড়ার কারণ অনুসন্ধান করিয়া দেখিতে গেলে তাহা অনেক সময় এমন লঘু প্রতীয়মান হয় যে প্রকাশ করিতে সঙ্কোচ বোধ হয়। কেদার প্রশ্নটা এড়াইয়া গেলেন।

কেদার : তা এখন আমার মনে পড়ছে না—পঁচিশ বছরের কথা। কিন্তু সে যাই হোক, ওর সঙ্গে তোমার বিয়ে হতে পারে না। বুঝলে ?

মঞ্জু হেঁটমুখে নীরব হইয়া রহিল। কেদার কন্ঠার মনের ভাবটা ঠিক বুঝিতে পারিলেন না ; আশঙ্কায় ও উদ্বেগে তাহার মুখের আকৃতি হৃদয়বিদারক হইয়া উঠিল। তিনি চাপা আবেগের স্বরে বলিলেন—

কেদার : মঞ্জু, আমার আর কেউ নেই, ছেলে বলতে মেয়ে বলতে সব তুই। তোর বুড়ো বাপের মনে যাতে আঘাত লাগে এমন কাজ তুই বোধ হয় করবি না—

মঞ্জু আর পারিল না, কেদারবাবুর উরুর উপর মাথা রাখিয়া ফোঁপাইয়া উঠিল ; তারপর বাষ্পরুদ্ধস্বরে বলিল—

মঞ্জু : না বাবা, সে ভয় তুমি কোরো না—

ডিঙ্কল্ভ ।

বাড়ীর পাশে জানালা হইতে কিছু দূরে রঞ্জনের ফটোখানা ভাঙা অবস্থায় পড়িয়া আছে। জাপানী ক্রেম কেদারবাবুর প্রচণ্ড দাপট সহ্য করিতে পারে নাই।

মঞ্জু পাশের একটা দরজা দিয়া সম্ভ্রপণে প্রবেশ করিল। কেহ কোথাও নাই দেখিয়া ছবিটি তুলিয়া ভাঙা ফ্রেম হইতে উদ্ধার করিল, তারপর বুকের মধ্যে লুকাইয়া যেমন সম্ভ্রপণে আসিয়াছিল তেমনি বাড়ীর মধ্যে অন্তর্হিত হইয়া গেল।

কাট ।

ঝাঝায় রঞ্জনের বাড়ীর সম্মুখস্থ খোলা বারান্দা। বাড়ীটি রাস্তা হইতে খানিকটা পিছনে অবস্থিত ; কটক পার হইয়া

বড় বড় ঝাউয়ের শাক্তী-রক্ষিত কাঁকরের সড়ক অর্ধচন্দ্রাকারে ঘুরিয়া বাড়ীর সম্মুখে পৌঁছিয়াছে। ফটক হইতে বারান্দা দেখা যায় না।

বারান্দার উপর টেবিল চেয়ার পাতা হইয়াছে; টেবিলের উপর চায়ের সরঞ্জাম, টোস্ট মাখন কেক ইত্যাদি। একটি চেয়ারে বসিয়া প্রতাপবাবু টোস্টে মাখন মাখাইয়া তাহাতে কামড় দিতেছেন এবং মাঝে মাঝে চায়ের পেয়ালায় চুনুক দিয়া গলা ভিজাইয়া লইতেছেন। ভৃত্য রমাই আশেপাশে প্রভুর আদেশ প্রতীক্ষায় ঘুরিয়া বেড়াইতেছে।

বারান্দার নীচে জুতার মশমশ শব্দ শুনা গেল; প্রতাপ পেয়ালা হইতে মুখ তুলিয়া চাহিলেন।

রঞ্জন বিষয় অন্তমনস্কভাবে আসিতেছিল, পিতাকে বারান্দার উপর আসীন দেখিয়া থমকিয়া দাঁড়াইয়া পড়িল। তাহার উদ্ভ্রান্ত মন এত শীঘ্র পিতৃদর্শনের জ্ঞান প্রস্তুত ছিল না; সে কতকটা বিস্ময়ভাবেই বলিয়া উঠিল—

রঞ্জন : বাবা !

তারপর আত্মসম্বরণ পূর্বক মুখে হাসি আনিয়া সে তাড়াতাড়ি বারান্দার উপর উঠিয়া গেল।

প্রতাপও কামিজের হাতায় মুখ মুছিতে মুছিতে উঠিয়া দাঁড়াইয়াছিলেন; রঞ্জন আসিয়া প্রণাম করিতেই তাহাকে স্নেহে আলিঙ্গন করিলেন। পিতাপুত্রের মধ্যে সম্বন্ধটা ছিল প্রায় সমবয়স্ক বন্ধুর মত।

প্রতাপ : কেমন আছিস ?

রঞ্জন : ( মুখ প্রফুল্ল করিয়া ) ভাল আছি বাবা। তুমি হঠাৎ চলে এলে যে !

প্রতাপ : এমনি—অনেক দিন তুই কাছছাড়া—ভালুম একবার দেখে আসি !

প্রতাপ স্বস্থানে ফিরিয়া গিয়া বসিলেন; রঞ্জন তাঁহার মুখোমুখি একটা চেয়ারে বসিল। পিতার কথায় সে একটু কোমল হাসিল।

রঞ্জন : ও। ভালই তো, তবু দুদিন বিশ্রাম করতে পারবে।—রমাই, আর একটা পেয়ালা নিয়ে আয়—

রমাই প্রস্থান করিল। রঞ্জনের পক্ষে প্রফুল্লতার মাত্রা বজায় রাখা কঠিন হইয়া উঠিতেছিল; প্রদীপে যখন তৈলের অভাব তখন কেবল মাত্র সলতে উজ্জ্বল হইয়া তাহাকে কতক্ষণ

বাঁচাইয়া রাখা যায়! প্রতাপ চায়ের পেয়ালা মুখে তুলিতে তুলিতে তীক্ষ্ণচক্ষে তাহাকে লক্ষ্য করিতেছিলেন।

রমাই পেয়ালা লইয়া ফিরিল; রঞ্জনের সম্মুখে রাখিতে রাখিতে বলিল—

রমাই : বাইরে চা খাওয়া হলেন না আজ্ঞে ?

রঞ্জন সচকিতে চোখ তুলিল; তাহার মুখ উত্তপ্ত হইয়া উঠিল। ঘাড় হেঁট করিয়া পেয়ালায় চা ঢালিতে ঢালিতে বলিল—

রঞ্জন : না।

প্রতাপ লক্ষ্য করিতেছিলেন; তাঁহার মুখ উদ্ভিন্ন হইয়া উঠিতেছিল। রঞ্জন একচুনক চা খাইয়া বাঁ হাত গালে দিয়া বসিল। প্রতাপ টোস্টের পাত্রটা তাহার দিকে ঠেলিয়া দিলেন, রঞ্জন মাথা নাড়িয়া সেটা তাঁহার দিকে ফেরত দিল। তখন প্রতাপ আর থাকিতে না পারিয়া বলিলেন—

প্রতাপ : কি হয়েছে রঞ্জন ?

রঞ্জন সোজা হইয়া বসিয়া মুখে হাসি আনিয়া প্রশ্নটা এড়াইয়া যাইবার চেষ্টা করিল।

রঞ্জন : কই—কিছুই তো হয়নি !

প্রতাপ : তবে গালে হাত দিয়ে অমন ক'রে বসে আছিস কেন?—( সহসা ) হাঁরে, দাঁতের ব্যথা নয় তো ?

বলিতে বলিতে তিনি নিজের পকেটে হাত পুরিলেন।

রঞ্জন হাসিয়া ফেলিল।

রঞ্জন : না বাবা, দাঁত ঠিক আছে।

প্রতাপ : তবে ? অমন ক'রে বসে আছিস, কিছু খাচ্চিস না—এর মানে কি ?

রঞ্জন চায়ের পেয়ালাটাও সরাইয়া দিয়াছিল, এখন আবার কাছে টানিয়া লইয়া তাহাতে একবার চুনুক দিল; মুখে হাসি আনিয়া যথাসম্ভব সহজ স্বরে বলিল—

রঞ্জন : বললুম তো বাবা, কিছু নয়—

প্রতাপবাবুর ধৈর্য ক্রমশ ফুরাইয়া আসিয়াছিল, তিনি হঠাৎ টেবিলের উপর একটা কিল মারিলেন। চায়ের বাসনগুলি সশব্দে নাচিয়া উঠিল।

প্রতাপ : নিশ্চয় কিছু।—আমি শুনতে চাই।

রঞ্জনের মুখ গম্ভীর হইল; সে কিছুক্ষণ প্রতাপের মুখের পানে চাহিয়া থাকিয়া ধীরে ধীরে প্রশ্ন করিল—

রঞ্জন : বাবা, কেনার রায় বলে কাউকে তুমি চেনো ?

প্রতাপ চেয়ার ছাড়িয়া প্রায় লাফাইয়া উঠিলেন।

প্রতাপ : কেদার—! সেই বেল্লিক হুমানটা ?—

( তিনি আবার দৃঢ়ভাবে বসিলেন ) হ্যাঁ, চিনতুম তাকে  
পঁচিশ বছর আগে। কিন্তু সে উল্লুকটার কথা কেন ?

রঞ্জন ক্রান্তভাবে উঠিয়া দাঁড়াইল।

রঞ্জন : না, কিছু নয়।—এখানে তাঁর মেয়ে মঞ্জুর সঙ্গে  
আমার আলাপ হয়েছিল—

প্রতাপ গুন-ছেঁড়া ধমুকের মত ছিটকাইয়া দাঁড়াইয়া  
উঠিলেন।

প্রতাপ : কি বললি—সেই ক্যাদার বোম্বের মেয়ের  
সঙ্গে তোর আলাপ ! আম্পর্কী কম নয় তো ক্যাদারের !  
আমার ছেলেকে ফাঁসাতে চায়—

ধমু প্রতিবাদের স্বরে রঞ্জন বলিল—

রঞ্জন : বাবা, তুমি ভুল করছ—তিনি—

তাহার কথা শেষ হইবার পূর্বেই প্রতাপ গর্জিতে  
আরম্ভ করিলেন—

রঞ্জন : হ'তে পারে না, হতে পারে না—

তিনি উন্মত্তবৎ হস্তদ্বয় আফালন করিয়া দাপাদাপি করিয়া  
বেড়াইতে লাগিলেন ; তারপর রঞ্জনের নিরীহ স্বন্ধে গদার  
মত বাহু সজোরে নিপাতিত করিয়া বজ্রনির্ঘোষে কহিলেন—

প্রতাপ : রঞ্জন, তুই যদি বাপের ব্যাটা হোস, আর  
কখনও ওর বাড়ীতে মাথা গলাবি নে—

রঞ্জন দীর্ঘশ্বাস ফেলিয়া বলিল—

রঞ্জন : না বাবা, তুমি নিশ্চিন্ত থাকো। কেদারবাবু

বলেছেন, তাঁর বাড়ীতে মাথা গলালেই তিনি আমার মাথা  
ফাটিয়ে দেবেন।

প্রতাপ আবার দাপাদাপি করিতে লাগিলেন।

প্রতাপ : কী ! এতবড় আম্পর্কী—আমার ছেলের মাথা  
ফাটিয়ে দেবে। দেখে নেবো—পুলিসে দেবো হতভাগা নচ্ছারকে—

দাঁড়াইয়া থাকিয়া কোনও লাভ নাই দেখিয়া রঞ্জন  
বাড়ীর ভিতর দিকে চলিল। প্রতাপ হাঁকিলেন—

প্রতাপ : শোন !

রঞ্জন ফিরিল।

প্রতাপ : কাল রাত্রে গাড়ীতে আমরা কলকাতায়  
ফিরে যাব—

রঞ্জন : ( উদাস কণ্ঠে ) বেশ !

রঞ্জন আবার গমনোচ্ছত হইল।

প্রতাপ :—আমি রাজার বাড়ীতে তোর বিয়ের সম্বন্ধ  
ঠিক করেছি।

রঞ্জন অধর দংশন করিল।

রঞ্জন : বিয়ে আমি করব না বাবা—

প্রতাপ : করবি না ! ( ক্রণেক নীরব থাকিয়া )  
আচ্ছা সে দেখা যাবে। কলকাতায় চল তো আগে। এ  
বুনো যায়গায় আর নয়, কালই রাত্রে গাড়ীতে।

রঞ্জনের মুখে চোখে একটা চকিত চিন্তার ছায়া পড়িল।  
সে অক্ষুটস্বরে আবৃত্তি করিল—

রঞ্জন : কাল রাত্রে গাড়ীতে—

ফেড় আউট।

( ক্রমশঃ )

## দোল-লীলা

শ্রীমধুসূদন চট্টোপাধ্যায়

কুমুম-উৎসবে পড়ে' গেছে সাড়া আজ, ব্রজনারী ছুটে চলে রঙ্গে ;

অরুণিত তরুশাখা, অরুণিত শুকশারী, রক্তিম যমুনা-তরঙ্গে !

ফাগুয়ার ছড়াছড়ি—রঙ যায় গড়াগড়ি, ছোট্ট লাল মধুকরপুঞ্জ ;

অরুণিত লতাকুল—অরুণিত মধুস্বর, অরুণিত কুমুম-নিকুঞ্জ !

নিদারুণ মন্থর ফুলশরে জর্জরা কামিনীরা রঙ-রসে মগ্না,

পিচ্কারী বরষায়, রাধা আজ কানু-পায় পিরীতির লালিমায় লগ্না !

সন্ধ্যার আকাশের আবীরের রঙ জিনি মধুবন যৌবনে মত্ত ;

মুকুলিত সরোরুহ অরুণিত সুরভিত, মাধবিকা রঙে রাঙা সত্য !

নির্মল জ্যোৎস্নায় লাল রঙ গলে' যায় জেগে ওঠে লালিমায় চন্দ্র,

আবরণ আভরণ লালে হল' সব লাল, বিকশিত হোলিয়ার ছন্দ !

# নারীর অবস্থাত্রয়

## যতীন্দ্র

বেদান্তাচার্য মহামনীষী বিষ্ণুগণ্যমুনি বলিয়াছেন—মাংসময়ী নারী ঈশ্বরের সৃষ্টি, তাঁহাকে মাতা, পত্নী, কন্যা, ভগিনী প্রভৃতি কল্পনা মানবের সৃষ্টি। একই নারী সৃষ্টি কাহারও জননী কাহারও পত্নী কাহারও কন্যা কাহারও ভগিনী হইয়া বিভিন্নরূপে বিভিন্নরূপে ভোগের সাধন হইতেছে।

### কন্যারূপিণী

কন্যাই পিতামাতার স্নেহের দুলালীরূপে তাঁহাদিগকে নানাভাবে আনন্দ দিয়া এই ঘাত-প্রতিঘাতময় বৈচিত্র্যপূর্ণ সংসারে তাঁহাদের দাম্পত্য জীবনকে সমধিক সুখী করিয়া গার্হস্থ্য জীবনকে মধুময় করিতেছে। মহামায়ী যেন স্বয়ং কন্যারূপ ধারণ করিয়া পিতামাতাকে তাঁর এই সংসার-বন্ধনের মধ্যে রাখিয়া খেলা দেখিতেছে। সেই খেলা যাঁহারা খেলিতেছেন তাঁহারা একেবারে মত্ত। আর তিনি ঐ খেলার মধ্যে জড়িত না হইয়া প্রফুল্লমনে নির্বিকারচিত্তে দেখিয়া যাইতেছেন। নবনীতকোমল অমল-ধবল মৃদুমন্দ গন্ধবিশিষ্ট—শেফালিকার মত স্নেহবিজড়িত অতি পবিত্র এই আনন্দময়ী সৃষ্টিই নারী জীবনের নির্বিকার নিষ্কলুষ অবস্থা। তাই শাস্ত্রে কুমারীকে সাক্ষাৎ জগদম্বার প্রতিমূর্তি বলিয়াছে। রক্তমাংসনির্মিত এই জীবন্ত প্রতিমায় দেবী বুদ্ধিতে কুমারী পূজার বিধান। কুমারীকে কুমারীজ্ঞানে নহে, সাক্ষাৎ জগদম্বা জ্ঞানে মহামায়ার অর্চনা।

পিতামাতার আদর্শ জীবনই কন্যার জীবনকে ধীরে ধীরে এমনভাবে গঠিত করে, যাহাতে সে ভবিষ্যতে গৃহিণী জননী হইয়া সংসারে ঘাত-প্রতিঘাতরূপ জীবন-সংগ্রামে জয়ী হইতে পারে। কন্যার ভবিষ্যত জীবনের জন্ত পিতামাতাই সম্পূর্ণ দায়ী। তাই কন্যাকেও পুত্রের মতই লালনপালন বা শিক্ষা দিবার বিধান।

### জয়ারূপিণী

সংসারের বিভিন্ন রীতিনীতি পিতামাতার নিকট হইতে শিক্ষা করিয়া কন্যা যখন অপরের কুললক্ষ্মী গৃহিণীরূপে পতিগৃহে প্রবেশ করেন, তখন তিনি পিতামাতার নিকট হইতে আশৈশব যাহা শিক্ষা করিয়াছেন তাহার সহায়ে নিজেকে সংসারের সমস্ত দায়িত্ব পালনের উপযুক্ত বিবেচনা করিয়া স্বেচ্ছায় পতির গৃহে পত্নী বা সহধর্মিণীরূপে প্রবেশ করেন। পতির সুখে সুখী দুঃখে দুঃখী হইয়া তাঁহার ভাগ্যের সহিত নিজ ভাগ্যকে যেন একীভূত করিয়া দিয়া এই সংসার পথের যাত্রী হন। দুইটি পৃথক প্রাণী ভাবে-প্রমে আশাআকাঙ্ক্ষার এক হইয়া যান বলিয়া জ্ঞান পতি উভয়কে দাম্পত্য বলে।

পত্নী পতির সর্বোত্তমভাবে অনুসরণকারিণী বলিয়া তাঁহাকে পতির

অর্ধাঙ্গিনী বলিয়া সম্মানিত করা হইয়াছে। পতিই একমাত্র উপাস্ত দেবতা, পতিই ধ্যান জ্ঞান, ইহলোক পরলোক, পতিই তাঁহার একমাত্র গতি—এ দৃষ্টান্ত হিন্দুসমাজেই খুব বেশী, তাই হিন্দুর পারিবারিক জীবন যত শান্তিপূর্ণ অশ্রু জাতির তত নয়। পতির সহধর্মিণীরূপে হিন্দু-নারীই সর্বোচ্চ শিখরে আরোহণ করিয়াছেন। হিন্দুধর্মের মহান আদর্শে অনুপ্রাণিত হইয়া কত পতিপ্রাণা সতী সাধ্বী নারী হিন্দু জাতিকে সতীত্বের শ্রেষ্ঠ গৌরবে ভূষিত করিয়া অমর হইয়াছেন। হিন্দু জাতির সেই চির-আরাধ্যা রমণীরত্ন সীতা, সাবিত্রী, সতী, দময়ন্তী, গান্ধারী প্রভৃতি যাঁহারা পতির জন্ত সম্পূর্ণরূপে আত্মত্যাগ করিয়া চিরতরে হিন্দু জাতিকে ধন্য করিয়া গিয়াছেন তাঁহাদের ত্যাগতিতিক্ষা আজ হিন্দুনারীর সম্পদ, জাতীয় জীবনের গৌরবের বস্তু।

সেই জনকনন্দিনী সীতা, যাঁহাকে প্রজারঞ্জনের নিমিত্ত আদর্শ রাজা শ্রীরামচন্দ্র ছলনাপূর্বক বনবাস দিয়াছিলেন, তিনি কিন্তু স্বামী শ্রীরামচন্দ্র কর্তৃক পরিত্যক্ত হইয়াও স্বামীর প্রতি একটিও কটুবাক্য প্রয়োগ না করিয়া বরং রামানুজ লক্ষ্মণকে বিদায় দিবার সময় লক্ষ্মণের নিকট বলিয়াছিলেন, “ত এব ভর্তা ন চ বিপ্রয়োগঃ”—তিনিই যেন জন্মে জন্মে আমার স্বামী হন, তবে এই বিয়োগ ব্যথা যেন আর আমার সহ্য করিতে না হয়। এই একটি মাত্র কথাতেই সতীকুলমণি জনক-নন্দিনী তাঁহার হৃদয়ের ভাব অভিব্যক্ত করিয়া পতিভক্তির একুষ্ঠ পরিচয় দিয়াছেন। তাঁহার অতুলনীয় ক্রমা চিরদিনের জন্ত তাঁহাকে দেবীত্বের আসনে বসাইয়া গিয়াছে। তাঁহার ঐ অত্যুচ্চল আদর্শে অনুপ্রাণিতা আজও বহু হিন্দু ললনা রহিয়াছেন যাঁহারা স্বামীর ভুলত্রুটি অশ্রু-অত্যাচার উপেক্ষাই করিয়া যান। তাঁহাদের এই সর্বসংহা ধর্মজীর শ্রায় ক্রমা গুণের সুযোগ লইয়া হিন্দুসমাজ বহু প্রকারে তাঁহাদের উপর অশ্রায় অত্যাচার করিলেও আজ তাঁহারা জননী জনকনন্দিনীর মতই উপেক্ষা করিয়া যাইতেছেন। এই অসীম ধৈর্য বা ক্রমা গুণের অধিকারিণী বলিয়াই তাঁহারা ‘দেবী’ নামে অভিহিত।

স বৈ নৈব রেমে, তন্মাদেকাকী ন রমতে, স দ্বিতীয়মৈচ্ছৎ। স হৈতাবানাস—যথা স্ত্রীপুমাংসৌ সম্পরিধক্তৌ ; স ইমমেবান্নানং যথা পাতয়ৎ ততঃ পতিশ্চ পত্নী চাতবতাং, তন্মাদিদং অর্ধবৃগলমিব স্ব ইতি(১) ইত্যাদি মন্ত্রে শ্রুতি স্বয়ংই জগৎসৃষ্টিকার্য্যে পুরুষ-প্রকৃতিকে সমান মর্যাদা দিয়াছে। বেদের ঐ ভাব অবলম্বনে পরবর্তীকালে পুরাণে শিবশক্তি আভেদ বা অর্ধ নারীধর্মসৃষ্টি প্রভৃতির প্রচার বা কল্পনা দেখিতে পাওয়া যায়।

(১) বৃহদারণ্যকোপনিষৎ। ১।৪।৩

আদি দর্শনশাস্ত্রকার মহামুনি কপিল সাংখ্যশাস্ত্রে পুরুষ-প্রকৃতি উভয়কেই অনাদি অনন্ত এবং ঐ দুইটিই চরমতত্ত্ব বলিয়া স্বীকার করিয়াছেন। পুরুষ নির্বিবকার চৈতন্যরূপ কিন্তু ভোক্তা। প্রকৃতি জড় হইয়াও পুরুষের সান্নিধ্যবশত পুরুষের ভোগাপবর্গ নিমিত্ত যেন চেতনের মত প্রবর্তিত হইতেছে। চুষক লৌহের নিকটে যেমন সাধারণ লৌহেরও গতি দেখা যায়—সেইরূপ। অষ্টমতবেদান্তাচার্য্যগণ একমাত্র পরমপুরুষ পরমাত্মারই সত্তা স্বীকার করিলেও ব্যবহারিক জগতে তাঁরই অনির্বিচনীয় শক্তি মায়ী স্বীকার করিয়াছেন। পুরুষ জ্ঞান শক্তি বা প্রজ্ঞা, আর মায়ী প্রাণশক্তি ক্রিয়াশক্তি বা প্রকৃতিস্থানীয়। জ্ঞানই একমাত্র পরমার্থ সত্য হইলেও প্রাণ বা ক্রিয়াশক্তির সহায়েই তাহার অনুভব সম্ভব। অতএব কোন কিছুর অনুভব করিতে হইলেই প্রকৃতি-স্থানীয় প্রাণের সাহচর্য্য একান্ত আবশ্যিক।

### জননীরূপিণী

অবাস্তুর দার্শনিক বিষয় ত্যাগ করিয়া এখন আবার প্রস্তাবিত বিষয়ের অনুবর্তন করিব। পত্নী সর্বতোভাবে স্বামীর মতানুবর্তন করেন বলিয়া তাঁহাকে সহধর্ম্মিণী বলে। কিন্তু উহাই তাঁহার সর্বশ্রেষ্ঠ অবস্থা নহে। তাঁহাকে জননী হইতে হইবে। জননী হইয়া সন্তান পালন করিতে হইবে। সন্তান পালনে জননীকে যে কত কষ্ট সহ্য করিতে হয় তাহার ইয়ত্তা নাই। মনু বলেন—অপত্য-জননে পিতামাতা যে কষ্ট সহ্য করেন, শত বর্ষেও সন্তান তাহা পরিশোধ করিতে পারে না। (২) সন্তানকে গর্ভে স্থান দিয়া অবধি মাতা নিজের রক্তে তাহাকে পোষণ করিতে থাকেন। তখন হইতে মাতার সমস্ত চেষ্টা সন্তানের কল্যাণে নিয়োজিত হয়। সন্তান ভূমিষ্ঠ হইবামাত্র নিজ রক্তরূপ স্তন্যদানে সন্তানের তৃষ্টি পূষ্টি বর্জন করেন। সন্তান কিসে সুস্থ থাকিবে, কিসে সে ভাল হইবে, কিসে তাহার বুদ্ধি পরিমার্জিত হইবে সত্যত সেই চিন্তা। এই কঠোর সাধনার মধ্য দিয়া লালনপালন করিলেও কিন্তু বিনিময়ে কোন কোন সন্তান সত্যত শুভাকাঙ্ক্ষিনী জননীর প্রতিও দুর্ব্যবহার করিতে কুণ্ঠিত হন না। তথাপি মাতা তাহাকে ক্ষমাই করেন। ক্ষমা ভিন্ন দুঃস্থ সন্তানের প্রতিও ক্রোধ হয় না; মাতার স্নেহের ধারা সর্বদা নিরন্তরমুখী, এই অহেতুক স্নেহ ধারায় একমাত্র মাতাই সন্তানের উত্তর হৃদয়কে সুশীতল করিতে সমর্থ। ইহাই মাতার মাতৃত্ব। “যা দেবী সর্বভূতেষু মাতৃরূপেণ সংস্থিতা।”

মাতৃত্বই নারী জাতির শ্রেষ্ঠ গৌরব। তাই তাঁহাদিগকে মাতৃজাতি বলিয়া অভিহিত করা হয়। তাঁহাদের মধ্যে উহাই সহজাত সংস্কারের দ্বারা আটপাশে অনুভূত। একটু লক্ষ্য করিলেই দেখা যায় ঐ ভাবটি শিশুকাল হইতেই রহিয়াছে—চলন-বলন ক্রীড়া-কৌতুক আলাপ-আলোচনা প্রভৃতির মধ্য দিয়া ঐ ভাবটিই পরিষ্কৃত। সৃষ্টিকর্তা তাঁহাদিগকে সৃষ্টি করিবার সময় এমন একটি দেহ দেন যাহা মাতা

হইবারই সম্পূর্ণ উপযোগী। রক্তমাংসপিণ্ড শরীর পুরুষ ও নারীর সমান হইলেও গর্ভধারণ ও সন্তান পালনের নিমিত্তই ভগবান তাঁহাদিগকে আরও কয়েকটি অবয়ব বেশী দিয়াছেন। জরায়ু গর্ভাশয় স্তনের স্থূলত্ব প্রভৃতিও নারীর মাতৃত্বই সূচিত করিতেছে। সৌন্দর্য্যবৃদ্ধির জন্ত তরুণীর তুঙ্গ-স্তনের যতটুকু সার্থকতা তদপেক্ষা স্তন্যদান করিয়া সন্তান পালনে গীর্ষু-পূর্ণ পীনপয়োধরের সার্থকতা অনেক বেশী। গর্ভাশয় বা জরায়ু প্রভৃতি বিশেষ অঙ্গ সকল গর্ভধারণেই সার্থক হয়। যে অঙ্গ দ্বারা নারী পুরুষের আনন্দদায়িনী হন, সেই অঙ্গ সহায়ে সন্তান প্রসব করিয়া জননী হন বলিয়া শাস্ত্র ঐ অঙ্গকে সৃষ্টিকর্তা “ব্রহ্মার তৃতীয় মুখ” বলিয়া সম্মানিত করিয়াছে এবং “গর্ভ ধেহি সিনীবালি” বলিয়া ঐ অঙ্গের পূজা শাস্ত্রসম্মত অনুষ্ঠান। নারী গর্ভধারণ ও সন্তানপালন করেন বলিয়াই বেদে পঞ্চাশিবিজ্ঞা উপাসনার “যোষা বাব গৌতমাগ্নিঃ” বলিয়া তাহাকে অগ্নি-রূপে কল্পনা করিতে উপদেশ দিয়াছে। নারীর শরীরই শুধু যে সন্তান ধারণ পালনের উপযোগী তাহা নহে, পরন্তু তাঁহার মনও স্নেহমমতা কল্পনা প্রভৃতি এমন কতকগুলি জননীমূলভ গুণসম্বিত যাহা নারীর নিজস্ব। পুরুষের মধ্যে তাহা নাই বলিলেই চলে। আজীবন মাতৃভাবে ভাবিত হইয়া নারী যখন সন্তানের জননী হন, তখন তিনি নিজেকে ধন্য মনে করেন এবং কুলকে পবিত্র করেন। তাঁহার দ্বারাই সেই বংশের ধারা অব্যাহত রহিল বলিয়া তাঁহার গর্ভানুভব করা স্বাভাবিক। তাঁহার হৃদয়ের রক্তে সৃষ্ট পুষ্ট সন্তান সেই বংশ রক্ষার জন্ত প্রসব করিয়াছেন বলিয়া সকলের নিকট তিনি অধিকতর আদরিণী হন। তাই জননীত্বই নারী জীবনের চরম পরিণতি।

নারী নিজের রক্তে সৃষ্ট পরিপুষ্ট সন্তান প্রসব করিয়া বংশের ধারা অব্যাহত রাখেন এবং পুত্রাম নরক ভোগ হইতে পুরুষকে রক্ষা করেন। নারী সন্তানের জননী হইলে তবেই শাস্ত্রবাক্যের মর্যাদা রক্ষা হয়। পুত্রলাভ করাই দাম্পত্য জীবনের উদ্দেশ্য, ভাষ্যাগ্রহণ হইতেছে ঐ উদ্দেশ্য-লাভের উপায়। “পুত্রার্থে ক্রিয়তে ভাষ্যা পুত্রপিণ্ডঃ প্রয়োজনম্” এবং ধর্ম্মপত্নীতে যে পুত্র বা প্রজা উৎপন্ন করা তাহা স্বামীর—পতির তৃতীয় জন্ম। পতিই জগৎ উপভোগ করিবার জন্ত পুত্রায় নিজেই পুত্ররূপে উৎপন্ন করেন। “আত্মা বৈ জায়তে পুত্রঃ”। পতিই পত্নীর মধ্য দিয়া জন্মলাভ করেন বলিয়া পত্নীর অপর নাম জয়া। ‘জায়তে পুত্ররূপেণ আত্মাহুস্তাস্মিতি’ এই অর্থে জয়া শব্দ প্রয়োগ হইয়াছে। অতএব জয়া—( জন্ + অক্ স্ত্রী আপ. ) শব্দের ব্যুৎপত্তিগত অর্থ, যাহাতে বা যাহার দ্বারা নিজের জন্মলাভ হয় (ক)। ইহার দ্বারাও প্রমাণিত হইল নারীকে জননী হইতে হইবে, মাত্র পুরুষের ভোগ্যবস্তু হইয়া উপভোগেচ্ছা-চরিতার্থ করিলেই চলিবে না।

মনুষ্যুতি সমাজের এবং নারীজাতির কল্যাণের নিমিত্ত তাঁহাদের বিবর অতিরিক্ত কঠোরতা অবলম্বন করিলেও সন্তান লাভের বিবরে

(ক) পতিভাষ্যাং সম্প্রবিজ্ঞ গর্ভোভূত্বেহজায়তে। জায়ামান্তি জায়াম্ যদস্তাং জায়তে পুনঃ। মনু, ৯।৮

ঠাহাদের প্রতি যথেষ্ট উদারতা দেখাইয়াছে। বংশ নাশের সম্ভাবনার বা অপূত্রক অবস্থায় পতিবিয়োগ হইলে ঠাহাদিগকে সম্ভান লাভে যথেষ্ট স্বাধীনতা দিয়াছেন। স্বামী বিস্ত্রমানে বা অবিস্ত্রমানে, স্বামীর আজ্ঞায় বা অজ্ঞ কোন গুরুজনের আজ্ঞায়, দেবর অথবা ঐ বংশের অপর কাহারও দ্বারায় সম্ভান উৎপন্ন করাইয়া বংশধারা রক্ষা করিবেন। (৩) মনু বংশলোপের সম্ভাবনায় বা নিজের অপত্যহীন অবস্থায় বিধবা হওয়ার বিবাহিতা যুবতী নারীকে পূর্বোক্ত উপায় অবলম্বন করিবার নির্দেশ দিয়াছেন। কণ্ঠা বা কুমারীর প্রতিও ঐ একই বিষয়ে মনু খুব উদার। তিনি বলিতেছেন, কণ্ঠা ঋতুমতী হইলে তিন বৎসরের মধ্যে পিতা যদি তাহাকে উপযুক্ত পাত্রের অর্পণ না করেন, তাহা হইলে কুমারী নিজেই আপনায় ইচ্ছানুযায়ী উপযুক্ত পতি গ্রহণ করিতে পারিবে। (৪) কণ্ঠার ঋতুকালে তাহাকে উপযুক্ত পাত্রের অর্পণ করিতে না পারায় ঋতুরোধে অপত্যরোধ করিয়াছেন বলিয়া সেই পিতা সেই কণ্ঠার উপর আধিপত্যরহিত হইয়াছেন (৫) কারণ গর্ভধারণ করিয়া সম্ভানের জননী হইবে বলিয়াই স্ত্রীলোকের সৃষ্টি। (৬) এই সকল শ্লোকের দ্বারায় জানা যায়, মনু স্মৃতি প্রভৃতির নির্দেশে নারীর জীবন মাতৃভেই পরিপূর্ণতা লাভ করে।

মহাত্মা গান্ধী নিজে বিবাহিত হইয়াও খুব সংযত জীবন যাপন করিয়াছেন এবং তিনি উপদেশ দিয়াছেন—যদি তুমি বিবাহিত হও তবে স্মরণ রাখিও তোমার স্ত্রী কেবল তোমার বন্ধু, তোমার সাথী এবং তোমার সহধর্মী মাত্র। তিনি তোমার বাসনা পরিতৃপ্তির যত্ন নহেন। তোমার শরীর ও মনের ধর্ম আত্মসংযম স্মরণে যৌনসম্মিলন তখনই হইতে পারে যখন এই কার্যে উভয়েরই সম্মতি থাকে। পূর্ব পূর্ব ঋষিগণের ও বর্তমান কালের শ্রেষ্ঠ মানব মহাত্মা গান্ধীর এই বাক্যকে অবজ্ঞা করিয়া উপভোগের উদ্দাম লালসায় কেহ কেহ এমন সাংঘাতিক কথাও বলিয়াছেন—স্ত্রী সহবাস সম্পূর্ণ বর্জন করিয়া বিবাহিত ব্যক্তিদের ব্রহ্মচর্য পালন করাবার উপদেশ আমি দিতে চাই না। সে দেবেন মহাত্মা গান্ধী প্রমুখ ধর্মপ্রাণ পুরুষেরা—যাঁরা গর্ভনিরোধের কোন প্রকার বৈজ্ঞানিক উপায় অবলম্বন করাকে পাপাচরণ বলে মনে করেন।” ধর্মভূমি ভারতমাতার স্মৃতিগণ—যাহারা বিজ্ঞান বুদ্ধিমান চিন্তাশীল, ঠাহারাও যখন আমাদের সনাতন রীতিনীতিকে অবজ্ঞা করিয়া, পাশ্চাত্যের দুর্দমনীয় কামোপভোগ বাসনায় হিতাহিতরহিত হইয়া স্বাস্থ্যরক্ষার মায়াবরণে নিজেদের বুদ্ধিবৃত্তির অবমাননা করেন এবং পাশ্চাত্যের অবাধ মিলন প্রচারে ব্রতী হন, তখন তাহা দেখিয়া আর্ধ্য ঋষির বংশধর মাত্রই দুঃখে ক্ষোভে ও লজ্জায় ত্রিয়মান হইবেন সন্দেহ নাই। কালের কুটিল গতিতে যাহারা ভোগ করিয়াও তাহার অবশুস্তাবী ফল গ্রহণে অনিচ্ছুক ঠাহারা যতই বৈজ্ঞানিক উপায় দেখান, তাহাকে মন গ্রহণ করিতে অস্বীকারই করে। কারণ তাহা জ্ঞান হত্যা বা তাহারই

নামাস্তর মাত্র। জন্মনিরোধের এই সকল উপায় দ্বারা নারীর স্বাভাবিক নিয়মের বিরোধিতা করিয়া তাহার স্বাস্থ্যের উন্নতি অপেক্ষা অবনতিই ঘটিতেছে। শ্রীযুক্ত চারুচন্দ্র মিত্র মহাশয় নারী প্রবন্ধে ধারাবাহিক ভাবে তাহা প্রকাশ করিতেছেন। তিনি ঐ প্রবন্ধে ভারতীয় নারী জীবনের মহত্ব এবং পাশ্চাত্য নারী ভোগের উদ্দাম প্রেরণায় কোথায় যাইতেছে তাহা পাশ্চাত্য মনীষীগণের মতানুযায়ী দেখাইয়াছেন।

পাশ্চাত্য নারী সমাজ পত্নীত্বকে আদর্শ করিয়া বা ভোগকেই জীবনের উদ্দেশ্য করিয়া কিসে স্থিরযৌবনা থাকা যায় তাহার জ্ঞান প্রাণপণ চেষ্টা করিতেছে; আর ভারতীয় নারী সমাজধর্মকেই জীবনের উদ্দেশ্য করিয়া সহধর্মিণীত্ব বা মাতৃত্বকে আদর্শ করিয়া সমস্ত চেষ্টা সমস্ত অশ্রুষ্ঠান করিয়া যাইতেছেন। প্রাচ্য ও প্রতীচ্য নারীর আদর্শ ও চিন্তাধারা তাই সম্পূর্ণ পৃথক। যে সকল বিজ্ঞান বুদ্ধিমান ব্যক্তি স্বাস্থ্যরক্ষার নামে ভারতীয় নারীগণকে ঠাহাদের নিজস্ব আদর্শ ত্যাগ করিয়া পাশ্চাত্যের অনুকরণ করিতে উপদেশ দেন তাহারা ভুলিয়া যান যে, পাশ্চাত্য নারীর আদর্শ ও ভারতীয় নারীর আদর্শ এক নহে। ভারতের জাতীয় আদর্শ ধর্ম বা ত্যাগ, পাশ্চাত্যের জাতীয় আদর্শ ভোগ বা অজ্ঞ কিছু। হিন্দুর বিবাহ সঙ্গত জীবন যাপন করিবার নিমিত্ত—পরস্পরের কামনা চরিতার্থই দাম্পত্য জীবনের উদ্দেশ্য নহে।

সম্ভান লাভের আশায় একদিন অসুখ্যাম্পা রাজরাণী বিশিষ্ট ঋষির আশ্রমে নন্দিনী কামধেনুর সেবা করিতেও দ্বিধা বোধ করেন নাই। এখনও ভারতীয় নারী স্বাভাবিক মাতৃভে প্রেরণায় অপরের পুত্রকে পালিত পুত্র করিয়া ঠাহাদের মাতৃভে আকাজ্ঞা পূর্ণ করেন। ইহা অবশ্য নিঃসন্তান বা বন্ধ্যা রমণীগণের পক্ষেই প্রযোজ্য। মা হইবার প্রবল প্রেরণাই অপরের সম্ভানকে নিজের সম্ভান বোধ করায়। সম্ভানের জননী হইবার আশায়, সমস্ত সখ স্বাচ্ছন্দ্য উপেক্ষা করিয়া মান সম্মান ভুলিয়া এখনও হিন্দু রমণী বীরেশ্বর তারকেশ্বর প্রভৃতি দেবতার দ্বারে হত্যা দেয়। তাহারা এখনও মনে করেন নিঃসন্তান নারীর জীবন বৃথা। অতি অপরিচিত ব্যক্তির মুখ হইতেও মা শব্দ শুনিলে ঠাহাদের হৃদয়ে বাৎসল্য ভাবের উদ্বেক হয়। তাই অপরিচিত ব্যক্তিকেও ঋণিকের মধ্যেই পুত্রবৎ ভাবিতে পারেন। আচার্য্য স্বামী বিবেকানন্দ যখন পাশ্চাত্যদেশে হিন্দু রমণীর আদর্শ সম্বন্ধে বক্তৃতা দিয়াছিলেন তখন তিনিও হিন্দুনারীর আদর্শ যে মাতৃভে তাহাই বলিয়াছিলেন—‘ভারতে যখন আমরা আদর্শ রমণীর কথা ভাবি, তখন একমাত্র মাতৃভাবের কথাই আমাদের মনে আসে—মাতৃভেই তাহার আরম্ভ এবং মাতৃভেই তাহার পরিণতি। নারীশব্দ উচ্চারণেই হিন্দু মনে মাতৃভাবের উদয় হয়। ভগবানকে তাহারা মা বলিয়া ডাকে।’

### তপস্বিনী বা ব্রহ্মচারিণী মূর্ত্তি

পূর্বোক্ত অবস্থাত্রয় ব্যতীত নারীর আর একটি অবস্থা আছে তাহা বৈধব্য বা তপস্বিনী—ব্রহ্মচারিণী অবস্থা। নারীর মধুময় জীবনকে বিবয়ন করিবার জ্ঞান ঠাহাকে তিলে তিলে দক্ষ করিবার জ্ঞান অদৃষ্টের

- ( ৩ ) মনুসংহিতা, ২।৫২  
 ( ৪ ) " ২।২০  
 ( ৫ ) " ২।২৩  
 ( ৬ ) " ২।২৬

কঠোর পরিহাসরূপে এই বৈধব্য দশা তাঁহার মিকট উপস্থিত হয়। যে নারী ভোগস্বপ্নের প্রাসাদ কল্পনা করিয়া আনন্দে আত্মহারা হইত তাঁহাকে বিধির বিধানে সমস্ত ভোগস্বপ্নের আশা-আকাঙ্ক্ষায় জলাঞ্জলি দিয়া ত্যাগের পোষাক পরিধান করিয়া সংসারের নশ্বরতা চিন্তা করিতে হইতেছে। একমাত্র ভগবানই সত্য, আর সব মিথ্যা এই বুদ্ধি দৃঢ় করিতে হইতেছে। ভগবানই সংসারের সার ভাবিয়া তাঁহার শোকাকুল চিন্তে কথঞ্চিৎ শাস্তি লাভ হইলেও হইতে পারে ভাবিয়া সকলেই তাঁহাকে জগৎপতিকে চিন্তা করিবার উপদেশ দেন। বিধবার এই সঙ্কল্প অবস্থা ভাবিলে মনে হয় তিতিক্ষা যেন মুর্ত্তিমতী হইয়া বিধবারূপে আবিভূতা হইয়াছেন।

পতির স্থল দেখ লোকলোচনের অন্তরালে চলিয়া গেলেও বিধবা

পত্নীর মনমধ্যে তিনি সদা অবস্থিত থাকেন। বাঁহারা পতির পরিবর্তে জগৎপতিকে হৃদয়সনে বসাইয়া পূজা করেন, তাঁহারাই জীবনে যথার্থ শাস্তিলাভ করিয়া ধন্ত হন। বিধবার জীবনসংগ্রাম অত্যন্ত ভীষণ, তাঁহাকে সমস্ত ভোগ্য বস্তুর মধ্যে বাস করিতে হইতেছে অথচ ভোগ্য বস্তুতে ভোগ্য বুদ্ধি না করিয়া ত্যাজ্য বুদ্ধি দৃঢ় করিতে হইতেছে। মহাকবি কালিদাসের ভাষায় ‘বিকার হেতৌ সতি বিক্রিয়ন্তে, যेषাং ন চেতাংসি ত এব ধীরাঃ।’ চিত্ত চাঞ্চল্যের হেতু থাকা সত্ত্বেও বাঁহাদের চিত্ত চঞ্চল হয় না তাঁহারাই ধীর ব্যক্তি। এই অবস্থা কুমারী অবস্থারই নামান্তর মাত্র। কুমারীর মন ভাবী ভোগ স্বপ্নের আকাঙ্ক্ষায় পরিপূর্ণ থাকে, বিধবার মন ভোগস্বপ্নের আশা আকাঙ্ক্ষা ত্যাগ করিয়া দিন দিন শুদ্ধ পবিত্র হইয়া যথার্থ আনন্দলাভের অধিকারিণী হয়। ইহাই পার্থক্য।

## মজিদ

শ্রীকুমুদরঞ্জন মল্লিক

৫  
লেখা-পড়া জান্ত অতি কম,  
বিষয়-আশয় ছিলই না ক মোটে,  
নাই ক কিছুই কিন্তু মনোরম—  
এমন কুসুম পথের ধারেই ফোটে।

২  
মিথ্যা কথা কইত সে যে ঢের,  
লেগেই ছিল অভাব অনটন,  
সাধু যে নয় নিত্য পেতাম টের।  
তবু তার কি ছিল আকর্ষণ!

৩  
ঠকতে ভাল লাগত তাহার কাছে,  
তাড়িয়ে দিলে আসত আবার ফিরে,  
এমন মানুষ কমই দেশে আছে  
বকলে যারে রাগতে দেখিনি রে।

৪  
না এলে সে লাগত ফাঁকা ফাঁকা,  
পুকুরধারে শঙ্খচিলের মত,  
না ডাকলেও ইচ্ছা হ'ত ডাকা  
শুণ দেখিনি—দোষ দেখেছি শত।

৫  
যেমন কঠিন, তেমনি ছিল নত—  
ভাল আমায় বাস্তু নিরুপটে,  
অজয়ের সে বানের জলের মত  
ময়লা ঘোলা তবু মধুর বটে।

৬  
ভৃত্য এবং বন্ধু ছিল দুইই—  
ব্যথার ব্যথী, না বললে হয় ভুল,  
সত্য বটে নয় সে টগর যুঁই  
‘কেয়া’ সে তার কাঁটাই যেন ফুল।

৭  
তার কত দর—কতই যে দরকার  
বুঝত না ক মনুষ্যসমাজ  
ধার ত না যে ফুল কি ফলের ধার  
আনন্দের সে পাতাবাহার গাছ।

৮  
রৌদ্রে মাঠের খেজুর গাছের প্রায়  
লাগত ভাল ছিন্ন তাহার ছায়া;  
নেই ক সে ত, আজকে কাঁদি হয়  
কোথায় ছিল এত গভীর মায়া!



# মৃত্যুবিজ্ঞান ও পরমপদ

( পূর্নানুবৃত্তি )

মহামহোপাধ্যায় পণ্ডিত শ্রীগোপীনাথ কবিরাজ এম্-এ

যোগধারণা কি প্রকারে করিতে হয় তাহার কিঞ্চিৎ আভাস আমরা পূর্বেই দিয়াছি। কুস্তকের প্রভাবে সমান বায়ু উত্তেজিত হইয়া ভিন্ন ভিন্ন সব নাড়ীকে এক নাড়ীতে পরিণত করে ( নাড়ী-সামরশ ) এবং সব বায়ুকে প্রাণের ধারাতে পর্যাবসিত করে। ইহাই যোজনা-ব্যাপারের রহস্য। দ্বার-সংঘম বা প্রত্যাহার দ্বারা যেমন মনের ইন্দ্রিয়াভিমুখী-বহুমুখী-ধারা রুদ্ধ হয় সেই প্রকার এই যোগধারণার প্রভাবে প্রাণের বহুমুখী ধারা একত্র মিলিত হয়। প্রাণের বিভিন্ন ধারা ইড়া ও পিঙ্গলা পথে দ্বিধা বিভক্ত হইয়া সাক্ষাদভাবে ক্র-মধ্যে গুপ্ত-ধারা সুষুম্নার সহিত মিলিত হয় ও একত্র লাভ করে। যোগিগণের উর্দ্ধ ত্রিবেণী-সঙ্গম ইহারই নামান্তর। অথবা প্রথমে মূলাধারে অধঃ ত্রিবেণী-ক্ষেত্রে ঐ দুই ধারা সুষুম্নার সঙ্গে সঙ্গত হয়, তার পর ঐ একীকৃত ধারা ক্রমশঃ উপরে উঠিয়া ক্র-মধ্যে আনীত হয় ও স্থির হয়। এদিকে বিক্ষিপ্ত মনঃশক্তিও চঞ্চলতা পরিহার করিয়া হৃদয়-প্রদেশে ঘুমাইয়া পড়ে। মন স্থির হইলে উহা আর নাড়ী পথে থাকে না, কারণ নাড়ীসকল মনের সঞ্চরণ মার্গ মাত্র। মন যতই স্থির হইতে থাকে ততই উহা নাড়ীচক্রস্থ বায়ুমণ্ডল হইতে সঙ্কুচিত হইয়া হৃদয়াকাশে প্রবিষ্ট হইতে থাকে। তখন মনের চঞ্চলতা শান্ত হয়—মন নিরুদ্ধবৃত্তিক হইয়া অবস্থান করে।

এই হৃদয় বা দহরাকাশই স্থির মনের আবাস—

যতো নির্ঘাতি বিষয়ো যস্মিন্শ্চৈব প্রলীয়তে।

হৃদয়ং তদ্ বিজানীয়ন্ননসঃ স্থিতিকারণম্ ॥

হৃদয় পুরীতং নাড়ী দ্বারা বেষ্টিত শূন্যময় অবকাশ। যখন মন এই অবকাশ প্রাপ্ত হয় তখন তাহা নির্ঘাত প্রদেশে অবস্থিত হয় বলিয়া অচল হয়। ইহাই মনের নিরোধ। মন নিষ্ক্রিয় হইলে বৃত্তিজ্ঞান থাকে না। এই জন্তই সুষুম্নিতে মানসিক বৃত্তিরূপ জ্ঞানের অভাব হয়। দ্বারসংঘম ও মনোরোধ হইতে বৃত্তিতে পারা যায় যে ঐ অবস্থাটি কিয়দংশে সুষুম্নির সদৃশ। দ্বারসংঘম বশতঃ ইন্দ্রিয়বর্গের সহিত বিষয়ের

সম্বন্ধ নিবৃত্ত হয় বলিয়া জাগ্রৎ জ্ঞান জন্মিতে পারেনা এবং মনের বৃত্তি স্তম্ভিত হওয়ার ফলে স্বপ্ন-জ্ঞানও উদিত হয়না। সূতরাং ইহা জাগ্রত ও স্বপ্ন নামক অবস্থাদ্বয়ের অতীত সুষুম্নিবৎ অবস্থা তাহাতে সন্দেহ নাই।

শুধু সুষুম্নি বলিলেও ঠিক ইহার পরিচয় দেওয়া হয় না— বস্তুতঃ ইহা একপ্রকার জড়বৎ অবস্থা। কারণ সুষুম্নিতে মনের কার্য না থাকিলেও প্রাণ স্থির থাকেনা। মনুষ্য অজ্ঞানে মগ্ন থাকিতে পারে, জ্ঞান ও জ্ঞানমূলক কোনও বৃত্তি তাহার না থাকিতে পারে, কিন্তু তখনও দেহরক্ষার উপযোগী শ্বাস-প্রশ্বাসাদি নানাবিধ প্রাণক্রিয়া বর্তমান থাকে। কিন্তু এই ক্ষেত্রে প্রাণ সকলও আপন আপন কার্য হইতে অবসর গ্রহণ করিয়া স্থান বিশেষে স্থির হইয়া থাকে। সূতরাং জ্ঞানেন্দ্রিয় ও কর্মেন্দ্রিয়ের গ্নায়, মন ও প্রাণ উভয়ই নিস্তব্ধ হওয়ার দরুন মনুষ্য একপ্রকার শব-অবস্থায় উপনীত হয়।

কিন্তু মনের এই সুষুম্নিবৎ স্থিরতা প্রকৃত স্বৈর্য্য নহে। ইহা তমোগুণের আবরণ—ইহাকে ঠিক নিরোধ বলা চলে না। কারণ একাগ্রতার পরই নিরোধের স্থান। একাগ্রতার ক্রমবদ্ধ সূক্ষ্ম ভূমি সকল অতিক্রম করিলে নিরোধ আপনিই উপস্থিত হয়। এই জন্ত যোগিগণ সম্প্রজ্ঞাত সমাধির পরই নিরোধাত্মক অসম্প্রজ্ঞাত সমাধিকে যোগপদে বরণ করেন। তাহা উপায়প্রত্যয় সমাধি। সম্প্রজ্ঞাত সমাধির আবির্ভাব না হইয়াও যদি প্রাকৃতিক কারণ বশতঃ মনের নিরোধ হয় তাহা হইলে উহা অসম্প্রজ্ঞাত হইলেও ভবপ্রত্যয় মাত্র, যোগ-পদবাচ্য নহে। মনকে শুদ্ধ না করিতে পারিলে তাহাকে স্থায়ী ভাবে নিরুদ্ধ করা যায়না, কারণ বীজসংস্কার ঐ প্রকার নিরোধেও অক্ষুণ্ণভাবেই বর্তমান থাকে। মগ্ন বস্তুর পুনরু-থানের গ্নায় আবার তাহার ব্যুত্থান হয় বা পুনরাবৃত্তি হয়। প্রজ্ঞার উদয় হইয়া ক্রমশঃ উহার নিরোধ হওয়া আবশ্যিক। যেমন পূর্ণিমার পর চন্দ্রকলার ক্রমিক ক্ষয় নিবন্ধন একেবারে কলাহীন অমাবস্তার উদয় হয়, ইহাও ঠিক সেই প্রকার।

এই জন্ত হৃদয় হইতে মনকে চেতন করিয়া উঠাইতে হয়।

বস্তুত: চেতন করা ও উঠান একই ব্যাপার। সুষুম্নার স্রোতই চৈতন্যের ধারা—মনকে জাগাইয়া উর্দ্ধমুখী সুষুম্নার ধারায় ফেলিতে হয়। এই জাগ্রৎ মনকে মন্ত্ররূপে বর্ণনা করা হইয়া থাকে—এক হিসাবে ইহা প্রবুদ্ধ কুণ্ডলিনীর মূর্তিরূপেও বর্ণিত হইতে পারে। শিবসূত্রে “চিত্তং মন্ত্রঃ” এই সূত্রে চিত্ত বা মনকেই মন্ত্র বলিয়া বর্ণনা করা হইয়াছে। প্রাণ সুষুম্না স্রোত বাহিয়া উর্দ্ধে উখিত হইয়াছে, এখন মনকেও ঐ স্রোতের আশ্রয় গ্রহণ করিতে হইবে। তবেই প্রাণ ও মনের পূর্ণ মিলন সম্ভবপর হইবে। এই মিলন সংঘটিত না হওয়া পর্য্যন্ত দিব্য জ্ঞানের উদয় হইতে পারে না। স্মতরাং হৃদয়ে যে মনোরোধের কথা পূর্বে বলা হইয়াছে তাহা অশুদ্ধ মনের রোধ বলিয়াই বুঝিতে হইবে। ইহার পর বিগুহ সঙ্করূপী মনের বিকাশ ও উর্দ্ধারোহণ পথে ক্রমিক নিবৃত্তি গীতা-বর্ণিত ঔকারের উচ্চারণান্তর্গত ব্যাপার বলিয়া গণনা করিতে হইবে।

৪

আর এক কথা। হৃদয়রূপ শূন্যে যেমন অসংখ্য নাড়ীর পর্য্যবসান হয়, তেমনি এই অসংখ্য নাড়ী একীভূত হইয়া যে উর্দ্ধস্রোতা মহানাড়ীর বিকাশ হয় তাহারও পর্য্যবসান এক মহাশূন্যে হইয়া থাকে। হৃদয়াকাশে যেমন সঞ্চার নাই, তেমনি সেই মহাকাশেও সঞ্চার নাই। হৃদয়াকাশ গতাগতির অতীত নহে—কারণ বহুমুখে চলনশীল মন এখানে আসিয়া লীন হইলেও ব্যুখিত হইয়া আবার বহুমুখেই চলিতে থাকে। তেমনি ঐ মহাশূন্যও গতাগতির অতীত নহে, কারণ ওখানে একীভূত মন বিলীন হইলেও আবার জাগিয়া উঠিয়া এক মুখেই ধাবিত হয়। বহুমুখীগতি চিরতরে নিরুদ্ধ হইয়া গিয়াছে কিন্তু চিরদিন নির্বিকার অবস্থা লাভ হয় নাই, সেই জন্ত ঐ মহাশূন্য হইতেও মনকে উঠাইয়া লইতে হয়। ইহার পর উঠিলে আর নাড়ী নাই, গতিও নাই। উহাই বাস্তবিক নিরোধ। তবে গতি না থাকিলেও ওখানেও মনের কিঞ্চিৎ স্পন্দন থাকে। উহা বিকল্পস্বরূপ, যাহাকে শাস্ত্রকারগণ মনের স্বভাব বলিয়া বর্ণনা করিয়া থাকেন। কিন্তু এই বিকল্পেরও উদয়াস্ত আছে। যখন এই কম্পনের পর্য্যবসান হয় তখনই বিকল্পহীন চৈতন্য-সূর্য্যের সাক্ষাৎকার হয়। ইহা মনের অতীত ভূমি। ইহার উদয়াস্ত

নাই বলিয়া ইহা নিত্য উদিত ও চির প্রকাশমান। ইহাই পূর্ণপ্রকাশ স্বরূপ আত্মা বা ব্রহ্ম। মন তখন ঐ প্রকাশের সঙ্গে অভিন্ন হইয়া বিমর্শ রূপে অথবা চিদানন্দময়ী স্বরূপশক্তি-রূপে অবস্থান করে। এই স্বরূপ বিমর্শই ব্রহ্মবিজ্ঞা, পরা বাক্ অথবা শব্দব্রহ্ম স্বরূপ ঔকার। ইহা নিষ্কল হইয়াও সর্ববিজ্ঞাস্বরূপ।

অতএব হৃদয় হইতে মূল মন্ত্ররূপ এই ঔকারের উচ্চারণই পূর্ণ ব্রহ্মবিজ্ঞা প্রাপ্তির সোপান। নিষ্কল ঔকাররূপী জ্যোতিতে উহার এগারটি কলার প্রকাশ হয়। উচ্চারণের প্রভাবে উহার এক একটি পর-পর বিকাশ প্রাপ্ত হয় ও সঙ্গে সঙ্গে তত্তৎ অনুভূতির উদয় হয়। ক্রম-বিকাশের মার্গে নিম্নস্থ কলার অনুভূতি উর্দ্ধস্থ কলার অনুভূতিতে অঙ্গীভূত হয়। যোগিগণ এই এগারটি কলার অনুভব পর-পর করিয়া থাকেন। ইহাদের নাম—অ, উ, ম, বিন্দু, অর্ধচন্দ্র, নিরোধিকা, নাদ, নাদাস্ত, শক্তি, ব্যাপিনী ও সমনা। ঔকার উচ্চারণ করিতে হইলে মন্ত্রের অবয়ব ক্রমশঃ এই এগারটি অবস্থাতে উপনীত হয়। ঔকারের এই এগার কলার অনুভবের পরই ইহার নিষ্কল অনুভব উদিত হয়—তাহাই পরম অনুভূতি। এই উভয় অনুভূতি এক সঙ্গে অদ্বৈত পূর্ণ ব্রহ্মবিজ্ঞারূপে বর্ণিত হইয়া থাকে। হৃদয় হইতে ব্রহ্মরঞ্জের দিকে যে পথ গিয়াছে উহাকে আশ্রয় করিয়াই সাধককে অগ্রসর হইতে হয়—প্রণবের যাবতীয় কলার ও তৎসংশ্লিষ্ট দেবতা এবং স্তর প্রভৃতির অনুভব ঐ পথেই হইয়া থাকে। মূলাধার অথবা নাভি হইতে যে গতির কথা হঠযোগাদি গ্রন্থে পাওয়া যায় তাহা জাগরণের পূর্বকালীন আনুষ্ঙ্গিক ব্যাপার। মন্ত্র চেতন হইলে হৃদয়াকাশে আদিত্যবৎ তাহার উদয় লক্ষিত হয়। হৃদয়, কণ্ঠ ও তালুমূল—এই স্থানত্রয় অ, উ ও ম এই তিন কলার কেন্দ্র। তালুটি মায়ী-গ্রন্থির স্থান। হৃদয় ও কণ্ঠেও দুইটি গ্রন্থি আছে। ব্র-মধ্য বিন্দুগ্রন্থির স্থান—এখানে জ্যোতির দর্শন পাওয়া যায়। এই জ্যোতিটি অ, উ এবং ম এই তিনটি মাত্রার মন্বন-জনিত উহাদেরই সারভূত তেজোবিশেষ। এই তিন মাত্রাতে জগতের যাবতীয় ভেদ অন্তর্গত এবং বিন্দু উহাদের পিণ্ডাকার অভিব্যক্ত স্বরূপ। এই স্বরূপ অবিভক্ত জ্ঞানাত্মক। অ, উ এবং ম—এই তিন কলাতে সমস্ত মায়িক জগৎ অবস্থিত। মূল, পর্য্যাপ্তক ( লিঙ্গ ) ও

শূন্য অথবা জাগ্রৎ, স্বপ্ন ও সুষুপ্তি—এই তিনভাগে বিভক্ত সমগ্র দ্বৈত জগৎ ঔকারের এই প্রথম তিন কলাতে প্রতিষ্ঠিত। চতুর্দশ ভুবনাত্মক ব্রহ্মাণ্ড ইহারই একদেশ মাত্র। মায়্যা-গ্রহি ভেদ হওয়ার সঙ্গে সঙ্গে মায়িক জগৎ ও তৎকারণ-স্বরূপিণী মায়্যা অতিক্রান্ত হইয়া যায়। মায়িক জগতে মন্ত্র ও দেবতা অথবা বাচক ও বাচ্যে ভেদ থাকে। এই জগতে দ্রষ্টা দৃশ্যমাত্রকে আপনা হইতে ভিন্ন ভাবে দর্শন করে। এই ভেদ-দর্শন মায়ার কার্য্য, ইহা মায়িক স্তরের সর্বত্রই উপলব্ধ হয়। বিন্দুতে এই বৈচিত্র্যের অন্তর্গত অভেদ মাত্র দেখিতে পাওয়া যায়। ইহা অনন্ত ভেদের একীভূত ভাবের অর্থাৎ অভিব্যক্ত রূপে দর্শন। অনন্ত জ্ঞেয় পদার্থ এখানে একটি জ্ঞানের আকারে প্রতিভাসমান হয়—ইহাই জ্যোতীরূপে দৃষ্টিগোচর হয়। এই জ্যোতিঃস্বরূপ বিন্দুই ঈশ্বর-তত্ত্বের অধিষ্ঠান ভূমি। ঈশ্বর যোগীশ্বর। যে সাধক বিন্দু সাক্ষাৎকার করেন তিনি এক হিসাবে নিখিল স্থলপ্রপঞ্চেরই দর্শন করেন। বিন্দু ধ্যান করিলে যে ত্রিকালদর্শী হওয়া যায় ইহাই তাহার কারণ। ধ্যানের উৎকর্ষ বশতঃ ঈশ্বর-সায়ুজ্য পর্য্যন্ত উপলব্ধ হইতে পারে। এই বিন্দুসিদ্ধিই লৌকিক দৃষ্টিতে দিব্যচক্ষু অথবা তৃতীয় নেত্রের বিকাশ বলিয়া বর্ণিত হয়।

যোগিগণ বিন্দু হইতে সমনা পর্য্যন্ত আটটি পদের সন্ধান পান। এইগুলি সবই আজ্ঞাচক্র হইতে সহস্রারের কর্ণিকা পর্য্যন্ত বিস্তৃত বিশাল মার্গের অন্তর্গত—এই মার্গ মায়ার অতীত হইলেও মহামায়ার সীমামধ্যে অবস্থিত। যাহারা অশুদ্ধ বিকল্পজালরূপী মায়িক বা ভেদময় জগৎ হইতে বিশ্রামলাভ করাকেই প্রার্থনীয় বলিয়া মনে করেন তাঁহারা আজ্ঞাচক্র ভেদ করিয়া মহামায়ার রাজ্যে প্রবেশ করাকেই মুক্তিলাভ বলিয়া বর্ণনা করিয়া থাকেন, কিন্তু বস্তৃতঃ ইহা মুক্তিপদ নহে। যদিও এখানে কর্মজাল উপসংহৃত ও মায়্যা ক্ষীণ, তথাপি বিপুল বিকল্প আছে। পরমপদের যাত্রীর পক্ষে তাহাও বন্ধ-স্বরূপ। মহামায়ার রাজ্য ভেদাভেদময়—অভেদ-দর্শন আছে বলিয়া ইহা উপাদেয় হইলেও চরম উপাদেয় নহে। কারণ ভেদ-দর্শন সম্যক্রূপে অন্তর্মিত না হইলে অর্থাৎ নির্বিকল্পক পদে আক্রমণ না হইতে পারিলে পূর্ণতার আন্বাদন পাওয়া যায় না।

মায়িক জগতে যেমন বিবিধ লোক আছে, মহামায়ার শুদ্ধ

রাজ্যেও তেমনি অনেক ধাম আছে। প্রত্যেক স্তরে সেই স্তরের উপযোগী জীব আছে, ভোগ্য বস্তু আছে, ভোগের উপকরণ আছে। প্রত্যেক স্তরের অনুভূতি পৃথক পৃথক। যতই উর্ধ্বে আরোহণ করা যায় ততই অভেদানুভব বাড়িতে থাকে, ঐশ্বর্য্য ও শক্তি প্রবলতা লাভ করে, ব্যাপ্তি অধিক হইতে থাকে এবং দেশ ও কালগত পরিচ্ছেদ কমিতে থাকে।

অকারের মাত্রা এক, উকারের দুই এবং মকারের তিন, সাকল্যের ছয় মাত্রা। বিন্দু অর্ধ-মাত্রা। অর্ধচক্র প্রভৃতির মাত্রা ক্রমশঃ আরও কম। বিন্দু হইতে সমনা পর্য্যন্ত মাত্রাংশ যোজনা করিলে এক মাত্রা হয়।\* মায়াজগতে মন্ত্রের ছয় মাত্রা হইলেও মায়াতীত পদে উহা এক মাত্রা মাত্র। ঐ এক মাত্রাও সূক্ষ্ম সূক্ষ্মতর হইতে হইতে সর্বত্র ব্যাপ্ত হইয়া কার্য্য করে।

আমরা পূর্বেই বলিয়াছি বিন্দুতে জ্ঞেয় ও জ্ঞান অথবা বাচ্য এবং বাচক অভিন্নরূপে জ্যোতির আকারে স্ফুরিত হয়। এই অভিন্নতা উপরে আরও পরিষ্কৃত হয়। এদিকে যতই উর্ধ্বে আরোহণ করা যায় ততই জ্ঞানাত্মক জ্ঞেয়ভাব ক্রমশঃ শাস্ত হইয়া আসিতে থাকে। অর্থাৎ জ্ঞাতা, জ্ঞান এবং জ্ঞেয় এই তিনের মধ্যে প্রথম অবস্থায় বা মায়ার ভূমিতে পরস্পর পার্থক্য খুব স্পষ্ট অনুভূত হয়। পরে অনন্ত বিভিন্ন জ্ঞেয় রাশি এক বিশাল জ্ঞানে পিণ্ডিত হইয়া তাহার সহিত অভিন্নভাবে প্রকাশমান হয়। এক অভেদ জ্ঞান তখন থাকে, তাহার গর্ভে যাবতীয় ভেদ নিহিত থাকে। এই জ্ঞান ও প্রাথমিক জ্ঞান এক প্রকার নহে। প্রাথমিক জ্ঞান অশুদ্ধ বিকল্পরূপ ছিল, কিন্তু এই জ্ঞান বিকল্পরূপ হইলেও

\* মাত্রাংশ এইরূপ—

|           |             |
|-----------|-------------|
| বিন্দু—   | অর্ধমাত্রা  |
| অর্ধচক্র— | ১/২ মাত্রা  |
| নিরোধিকা— | ১/৪ "       |
| নাদ—      | ১/৬ "       |
| নাদাস্ত—  | ১/৮ "       |
| শক্তি—    | ১/১৬ "      |
| ব্যাপিনী— | ১/১৮ মাত্রা |
| সমনা—     | ১/১৮ "      |
| সমষ্টি—   | ১ মাত্রা।   |

বিশুদ্ধ। ইহার পর ক্রমশঃ এই বিশুদ্ধ বিকল্প শাস্ত্র হইতে থাকে। মহামায়ার উর্দ্ধসীমা অতিক্রম করার সঙ্গে সঙ্গে এই বিশুদ্ধ বিকল্প একেবারে শাস্ত্র হইয়া যায়। তখন উহা জ্ঞাতাতে অন্তর্ভুক্ত হয়—একমাত্র জ্ঞাতাই তখন থাকে। ইহাই শুদ্ধ আত্মার দ্রষ্টারূপে স্বরূপ-অবস্থিত। বলা বাহুল্য, পূর্বাভ্যাসের জ্ঞাতা আর এখনকার জ্ঞাতা বা দ্রষ্টা ঠিক এক নহে। পূর্বের জ্ঞাতা বিকল্প স্পৃষ্ট ছিল, কারণ তাহার জ্ঞান হইতে বিকল্প বিদূরিত হয় নাই। কিন্তু এই জ্ঞাতা বিকল্পের অতীত। এই অবস্থায় দ্রষ্টা আত্মা সমগ্র মনোরাজ্য বা বিকল্পময় বিশ্ব হইতে উত্তীর্ণ হইয়া আপন বোধমাত্র রূপে প্রতিষ্ঠিত হয়। এই বিশ্বাতীত আত্মা নির্বিকল্প জ্ঞানের প্রভাবে সমন্য ভূমি লঙ্ঘন করিয়া নিজেকে নির্মল ও নির্বিকল্পরূপে চিনিতে পারে।

কিন্তু ইহা পূর্ণতা নহে। কারণ এই অবস্থায় বিশ্ব বা বিকল্প হইতে নিজ নির্বিকল্পস্বরূপের ভেদ প্রকাশমান থাকে। ইহা অক্ষর অবস্থা বটে, কিন্তু বস্তুতঃ ইহাতে পূর্ণতার সঙ্কোচ রহিয়াছে। ইহার পর পরাশক্তি বা উন্নয়ন শক্তির আশ্রয়ে কেবলী পুরুষ পরমাবস্থা বা পূর্ণব্রহ্মরূপে স্থিতি লাভ করে। তখন বিকল্প ও নির্বিকল্পের ভেদও তিরোহিত হইয়া যায়। পূর্ণ ব্রহ্ম সেই জন্ম নির্বিকল্প হইয়াও বিশ্বাতীত হইয়াও বিশ্বময়। উহা যুগপৎ নিরাকার ও সাকার এবং সাকার দৃষ্টিতেও যুগপৎ অভিন্ন একাকার ও ভিন্ন অনন্ত আকার-ময়। তখন বুঝা যায় এক পূর্ণই স্ব-স্বাতন্ত্র্য বলে বা আপন স্বরূপ-মহিমায় আপন নিরঞ্জন স্বরূপ হইতে অচ্যুত থাকিয়াও বিশ্বরূপে ভাসমান হয়।

প্রাণের সূক্ষ্ম কলার বিকাশের সঙ্গে সঙ্গে ঐ সকল কলার প্রতিপাত্ত তত্ত্ব, লোক ও পদার্থরাশি ফুটিয়া উঠে ও অনুভূতিগোচর হয়। ক্রমে নিম্নকলার অনুভূতি উর্দ্ধকলার অনুভূতির অঙ্গীভূত হইয়া যায়। সূত্রাং বিকল্প ভূমির যাহা অন্তিম অনুভূতি তাহা অবশ্যই জাগতিক অনুভূতির চরম—সেই অনুভূতিতে অধস্তন সকল স্তরের অনুভূতিই অঙ্গীভূতরূপে বর্তমান থাকে। কাজেই মহামায়া স্তরে সর্বজ্ঞত্ব প্রভৃতি ঐ স্তরের উপযোগী সকল গুণের বিকাশই থাকে। ইহাই দ্রষ্টা আত্মার ভিন্নাভিন্ন ভাবে বিশ্বরূপ দর্শন। পূর্ণ নির্বিকল্প জ্ঞানের পূর্বে ইহা অবশ্যই উদ্ভিত হয়।

৫

কিন্তু ইহাও সর্বাভ্যাস নহে। কারণ এই অবস্থায় আত্মা বিশুদ্ধ বা অনাভ্যবিক্ত নহে এবং বিশ্বকে অভিন্নরূপে দর্শন করে না। এই বিশ্বদর্শন শুদ্ধ বিকল্পময়—সূত্রাং মনোময়, ইহা মহামায়ার বিলাস মাত্র। বস্তুতঃ ইহাও অনাভ্যবস্ত। নির্বিকল্পবোধের দ্বারা ইহার পরিহার হইলে আত্মার শুদ্ধতা ও কেবলত্ব প্রতিষ্ঠিত হয়—তখন বিশ্বদর্শন থাকে না। তারপর স্বরূপভূতা চিদানন্দময়ী পরাশক্তির অনুগ্রহে—যে শক্তি স্বাতন্ত্র্যরূপে সদাকাল ভগবানের স্বরূপের অবিনাভূত—আত্মা ভগবানের সহিত নিজের একাত্মতা বুঝিতে পারিলে যে নিত্য দর্শন লাভ করে তাহা আত্মার স্বরূপেরই দর্শন, অনাভ্যদর্শন বা ভেদদর্শন নহে। কারণ তখন আত্মা বিশ্বাতীত হইয়া স্বরূপ শক্তির উল্লাসে বিশ্বকে নিজের সহিত অভিন্নরূপে অর্থাৎ স্বাতন্ত্র্যশক্তির বিকাশরূপে দর্শন করে। ইহা ব্রাহ্মীস্থিতি। এই অবস্থায় যে সর্বজ্ঞত্বাদি নিত্য ষড়্গুণের অভিব্যক্তি হয় তাহা মহামায়া স্তরের সর্বজ্ঞত্বাদি হইতে পৃথক, কারণ ইহা অভেদমূলক।

আমরা একাক্ষর ব্রহ্মের বা মূলমন্ত্রের উর্দ্ধপ্রবাহে বিন্দু অবস্থার আভাস কিঞ্চিৎ বর্ণনা করিয়াছি। ক্র-মধ্যস্থ বিন্দু-গ্রন্থি ভেদ করিয়া ঐ প্রবাহ অর্ধচন্দ্র ও নিরোধিকাতে গমন করে। বিন্দু ভেদ হইলেই এক হিসাবে ভেদময় সংসার উল্লঙ্ঘিত হয় বলা চলে। বিন্দু ভেদ করিতে পারিলেই সাধক স্থলদেহ ও সূক্ষ্ম দেহের বন্ধন হইতে মুক্তি লাভ করে। স্থলদেহ পাঞ্চভৌতিক প্রসিদ্ধ দেহ। সূক্ষ্মদেহ দুই প্রকার। একটি পূর্বাষ্টক স্বরূপ—ইহা পঞ্চ তনাত্রা এবং মনঃ বুদ্ধি ও অহঙ্কার এই আট অবয়ব বিশিষ্ট। (২) পূর্বাষ্টক ছাড়াও আর একটি সূক্ষ্ম দেহ আছে। তাহাকে শূন্যদেহ বলে। তাহা নিরবয়ব। বিন্দু অতিক্রান্ত হইলেই জীব এই তিন প্রকার দেহের অতীত

(২) সাংখ্য মতে লিঙ্গশরীরে সতের অথবা আঠার অবয়ব স্বীকৃত হইলেও বস্তুতঃ ইহার সহিত তাহার বিশেষ কোনও পার্থক্য নাই। কারণ এই আটটি অবয়বের সহিত পাঁচটি জ্ঞানেন্দ্রিয় ও পাঁচটি কর্মেন্দ্রিয় মিলিলেই অষ্টাদশ সংখ্যা পূর্ণ হইতে পারে। সুরেশ্বরচাৰ্য্যের মতে পূর্বাষ্টকের অবয়ব ৮টি পুরী এই :—জ্ঞানেন্দ্রিয়-সমষ্টি, কর্মেন্দ্রিয়-সমষ্টি, প্রাণ-সমষ্টি, অন্তঃকরণ-সমষ্টি, ভূত-সমষ্টি, অবিজ্ঞা ( বাসনা ), কাম ও কর্ম। জাগ্রৎ, স্বপ্ন ও সূক্ষ্ম এই তিন অবস্থাতে প্রাণ স্থল দেহ, পূর্বাষ্টক এবং শূন্য দেহকে আশ্রয় করিয়া থাকে।

হইয়া যায়। সূত্রাং বিন্দু লজ্বন করা এবং জাগ্রৎ, স্বপ্ন ও সুষুপ্তি এই তিনটি ভেদময় অবস্থা ছাড়াইয়া যাওয়া একই কথা। বিন্দু ঈশ্বরবাচক ও স্বয়ং ঈশ্বর-স্বরূপ। ইহার উপরে ললাটদেশে অর্ধচন্দ্র ও তাহার কিঞ্চিৎ উর্দ্ধে নিরোধিকার স্থান। শ্রেষ্ঠ যোগী ভিন্ন অন্য সাধকের উর্দ্ধগতি রোধ করে বলিয়া ঔকারের এই কলাকে আচার্য্যগণ নিরোধিকা বলিয়া বর্ণনা করেন। অর্ধচন্দ্র ভেদ করিয়া ইহাকেও ভেদ করিতে হয়। এক বিন্দু-জ্যোতিই ঐ দুই স্থান পর্য্যন্ত ব্যাপ্ত রহিয়াছে। বিন্দুতে জ্ঞেয়ের প্রাধান্য থাকে, তবে এই জ্ঞেয় অভিব্যক্ত একাকার জ্যোতি মাত্র। অর্ধচন্দ্রে জ্ঞেয়ের প্রাধান্য কতকটা কমিয়া যায় এবং নিরোধিকাতে উহা মোটেই থাকে না। সেইজন্ত নিরোধিকা কলা উর্দ্ধমুখ স্পষ্ট রেখারূপে অভিব্যক্ত হয়। বিন্দু, অর্ধচন্দ্র ও নিরোধিকা—ইহাদের প্রত্যেকটিতে পাঁচটি কলা আছে। সূত্রাং বিন্দুজ্যোতিতে পনেরটি কলা ভাসিতেছে। এই বিন্দু আবরণই প্রথম আবরণ—ইহার মধ্যে শান্ত্যতীত ভুবন, অর্ধচন্দ্র ভুবন ও নিরোধিকা ভুবন নামে পরিচিত তিনটি ভুবন রহিয়াছে। ইহার পর মন্ত্রশ্রোত ব্রহ্মরজ্জ ও শক্তিস্থানের দিকে প্রবাহিত হয়। ইহা প্রথমে নাদ ও নাদান্ত ভূমি আশ্রয় করে। ললাট হইতে মূর্ধা পর্য্যন্ত এই ভূমি বিস্তৃত। বিন্দুতত্ত্বে যে জ্ঞেয়-প্রাধান্যের পরিচয় পাই তাহা ক্রমশঃ নিরোধিকাতে শাস্ত হইয়া যায়। তাই এখানে সমস্ত বাচকের অভিন্নতার অনুভূতি প্রধান-ভাবে হইয়া থাকে। বিন্দুতে বাচ্য ও বাচকের ভিন্নতা তিরোহিত হয়; কিন্তু বিভিন্ন বাচকের পরস্পর ভিন্নতা তিরোহিত হয় না। নাদ ও নাদান্তে তাহাও তিরোহিত হয়। এই ভূমিতে সমস্ত বাচকের অভেদ বিমর্শপ্রধান ভাবে থাকে। পাঁচটি ভুবন নাদ-আবরণের অন্তর্গত এবং নাদান্তের ভুবন-সংখ্যা মাত্র একটি। নাদান্তে যে ভুবনটি আছে তাহা সুষুপ্তা নাড়ীর অধিষ্ঠাতা পরব্রহ্ম কর্তৃক অধিষ্ঠিত। এই নাদ ও নাদান্ত ভূমির সাধারণ অধিষ্ঠাতা—সদাশিব। ইনি স্ববাচক নাদ হইতে অভিন্ন ও শব্দাত্মক। নাদান্ত স্থান ব্রহ্মরজ্জ—এখানে নাদের বিশ্রাম হয়। ইহা দেহের উর্দ্ধ-কপাট-ছিদ্র। ইহা ভেদ করা অত্যন্ত কঠিন। মূর্ধার মধ্যদেশ শক্তিস্থান। এখানে শ্বাস-প্রশ্বাস বা প্রাণাপানের মিলন বশতঃ একটা অনির্বচনীয় স্পর্শময় তীব্র আনন্দের আন্বাদন পাওয়া যায়। সুষুপ্তার ক্রিয়া ভিন্ন অন্য ক্রিয়া

এখানে থাকে না। শব্দবৃত্তি এখানে শাস্ত হইয়া আনন্দস্পর্শ-রূপে পরিণত হয়। এখানে আসিলে সৃষ্টি ও প্রলয়ের মধ্যে কোনও প্রকার ভেদ থাকে না—নিত্যসৃষ্টি মাত্র থাকে, দিন ও রাত্রি একাকার হইয়া দিনমাত্রে পর্য্যবসিত হয়। স্থল প্রাণের সঞ্চরণ হৃদয় হইতে এই পর্য্যন্তই হইতে পারে। শক্তির আবরণে সূক্ষ্মাদি শক্তি চতুর্ষ্টয় যুক্ত পরাশক্তির একটি ভুবন আছে। অতি দুর্ভেদ্য এই শক্তিকলা ভেদ করিয়া উর্দ্ধপ্রবেশযোগে ব্যাপিনীকলা বা মহাশূন্তে প্রবেশ করিতে হয়। মহাশূন্তে প্রাণের সঞ্চরণ নাই, সুষুপ্তার ক্রিয়াও অন্তর্মিত, নিত্যসৃষ্টি সেখানে তিরোহিত এবং পূর্ববর্ণিত নিরবচ্ছিন্ন মহাদিনের আভাসও সেখানে পাওয়া যায় না। কলনাত্মক কাল সেখানে সাম্যরূপে অবস্থিত। এই মহাশূন্ত শক্তি পর্য্যন্ত নিম্নবর্তী সমগ্র বিশ্বের ব্যাপক ও ধারক। ব্যাপিনীতে পাঁচ কলার পাঁচটি ভুবন আছে। “দিব্যকরণ” ধারারূপ উপায় বিশেষের আশ্রয় না করিলে ব্যাপিনীকে ভেদ করা ও পরাগতি লাভ করা অসম্ভব। ব্যাপিনীর পরেই সমনা বা মহাসমনার বিকাশ অনুভব করা যায়। ইহার অধিষ্ঠাতা পঞ্চকৃত্যকারী শিব। মহামায়া মন, বিকল্প অথবা ইচ্ছাশক্তি নামে বিখ্যাত। মহামায়া অবস্থায় যে মননাত্মক বোধটি অবস্থিত থাকে তাহাতে স্পর্শ পর্য্যন্ত কোন বিষয়ই থাকে না। কারণ ঐ সকল পূর্বেই ক্ষীণ হইয়া গিয়াছে। উহা মন্তব্যহীন মনন। তাই উহা বস্তুতঃ নির্বিকল্প বোধ-স্বরূপ।

মনঃ অথবা মহামায়ার স্বরূপভূত এই মননকেও ত্যাগ করিতে হইবে। বলা বাহুল্য, এই মনের ত্যাগও মনের দ্বারাই সম্ভবপর। অবিকল্প মনের দ্বারা অবিকল্প শুদ্ধ মনকে পরিহার করিতে হয়। শুদ্ধ মন একাগ্রতার প্রকর্ষ লাভ করিলে আপনিই অব্যক্ত হইয়া যায়। ইহাকেই মনের ত্যাগ বলে। আত্মা বা জীব কর্তৃক স্বকীয় সঙ্কোচাত্মক জ্ঞানের প্রশমন এবং প্রকৃত মনোনিরোধ একই ব্যাপার। এই সঙ্কোচাত্মক স্বকীয় জ্ঞানের স্বরূপ জ্ঞেয়াভাসের ইচ্ছা ভিন্ন অপর কিছু নহে। এই ইচ্ছা পরিত্যক্ত হইলেই আত্মা শুদ্ধ জ্ঞাত্মাত্ররূপে, সত্যাত্ম স্বরূপে বা চিন্মাত্র স্বরূপে প্রতিষ্ঠিত হয়। ইহাই বিশুদ্ধ কৈবল্য—দ্রষ্টার স্বরূপাবস্থিতরূপ অবস্থা। এই অবস্থায় আত্মার আপন জ্ঞান-ক্রিয়া বা চৈতন্য উন্মুক্ত হয়। সকল প্রকার বন্ধন কাটিয়া যাওয়ার জন্ত এই অবস্থাকে মুক্তি বলিয়া বর্ণনা করা

হইয়া থাকে। ইহা মনের অতীত মননহীন বা ইচ্ছাহীন  
বিশুদ্ধ অবস্থা। কিন্তু বস্তুতঃ ইহাও পরমপদ নহে ও গীতোক্ত  
ভগবৎ-সাধন্য নহে। পূর্ণহস্তা ও চিদানন্দরসঘন স্বাতন্ত্র্যময়  
রূপ ইহার নাই। সুতরাং আত্মা বিশ্বোত্তীর্ণ ( Trans-  
cendent ) হইয়া স্বচ্ছ ও চিদরূপ হইলেও পূর্ণ হয় না।  
তাই উহা মুক্ত হইলেও ভগবদ্বন্দ্বের বঞ্চিত থাকে। এইখানে  
ভগবানের স্বাতন্ত্র্যময়ী নিত্যসমবেতা স্বরূপশক্তির বা উন্নয়ন  
শক্তির উল্লাসরূপিনী পরাভক্তির আবশ্যিকতা আছে। ভগবান্  
গীতাতে ( ৮।১০ ) “ভক্ত্যা যুক্তঃ” এই বাক্যাংশে পরা-  
ভক্তিকেই লক্ষ্য করিয়াছেন। (৩)

উন্নয়ন শক্তি যুগপৎ অশেষ বিশ্বের অভেদ দর্শনরূপে  
ক্ষুরিত হয়। আত্মা ঐ শক্তির আশ্রিত হইয়া ভগবানের  
সঙ্গে একাত্মতা বা পূর্ণত্ব লাভ করে। তখন আর চলন  
থাকে না, সঙ্কোচ একেবারে কাটিয়া যায়, আত্মা  
ব্যাপকতা লাভ করিয়া সমগ্র বিশ্বরূপে এবং তদুত্তীর্ণরূপে  
একসঙ্গেই প্রকাশ পায়। প্রথমতঃ আত্মা বিশ্বকে অতিক্রম  
করিয়া স্বীয় নির্বিকল্প পদে স্থিতি লাভ করে। পরে  
ভগবানের পরমা শক্তির অনুগ্রহে নিজের পূর্ণত্ব উপলব্ধি করে  
—ভগবদভিন্ন বলিয়া নিজেকে অনুভব করে। তখন বৃত্তিতে  
পারে ঐ পূর্ণ সামরসময় স্বরূপে একদিকে যেমন অনন্ত

(৩) কারণ অনন্ত ভগবান্ পরাভক্তিকে ব্রহ্মভূত প্রসন্নাত্মক রাগেষু  
প্রভৃতির অতীত অবস্থার পরবর্তী এবং ভগবানের তত্ত্বজ্ঞান ও তাদান্য়  
( প্রবেশ ) লাভের পূর্ববর্তী বলিয়া নির্দেশ করিয়াছেন।

শক্তির সামরসময়, অপর দিকে তেমনি শক্তি ও শক্তিমানেরও  
সামরসময়। উহাতে বিশ্ব ও বিশ্বাতীত, এক অথও বোধ বা  
প্রকাশরূপেই ক্ষুরিত হয়—বন্ধন-নোঙ্কের ভেদ, সবিকল্পক ও  
নির্বিকল্পের ভেদ, মনঃ ও আত্মার ভেদ, দৃশ্য ও দ্রষ্টার ভেদ  
চিরতরে বিগলিত হইয়া যায়। উহাই পুরুষোত্তম স্বরূপ বা  
ভগবৎ-স্বরূপ অথবা অব্যক্ত। ঐ অবস্থা অতীত অবস্থা উপলব্ধি  
করাই পরাগতি।

গীতাতে আছে ( ৮।২২ )—

পুরুষঃ স পরঃ পার্থ ভক্ত্যা লভ্যস্বনন্তয়া ।

যশ্চাস্তঃস্থানি ভূতানি যেন সর্বমিদং ততম্ ॥

পরম পুরুষই যে সমগ্র বিশ্বের ব্যাপক, তাঁহার অন্তরেই  
যে সর্বভূত ( বিশ্ব ) স্থিত রহিয়াছে, তাহা এখানে স্পষ্ট  
উল্লিখিত হইয়াছে। অনন্তা ভক্তি ভিন্ন তাঁহার এই  
স্বরূপ প্রাপ্ত হইবার দ্বিতীয় উপায় নাই। (৪) এই বিশ্বরূপই  
যে তাঁহার “পরমরূপ” তাহা ভগবান্ অর্জুনকে স্পষ্ট বুঝাইয়া-  
ছেন ( গীতা ১১.৪৭ )। (৫) ইহা “তেজোময়”—শুদ্ধ চিন্ময়-  
রূপ। “বেত্তা” ও “বেদ্য”—জ্ঞাতা ও জ্ঞেয়—ইহার অন্তর্গত  
( গীতা ১১।৩৮ )—ইহাই গীতোক্ত “পরম ধাম” ( গীতা  
১১।৩৮ ) বা বিষ্ণুর পরম পদ।

(৪) বিশ্বরূপদর্শন যে “অনন্তভক্তি” ভিন্ন অস্ত্র উপায়ে হয় না তাহা  
অস্ত্রও বলা হইয়াছে ( গীতা ১১, ৫৪ )—

ভক্ত্যা স্বনন্তয়া শক্য অহমেবংবিধোহর্জুন ।

জ্ঞাতুং দ্রষ্টুং চ তন্মেন প্রবেষ্টুং চ পরমমুপ ॥

(৫) রূপং পরং দর্শিতমাত্মযোগাৎ ।

## দুঃখ-ব্যথা কুসুম হ'য়ে—

শ্রীলতিকা ঘোষ

দুঃখ-ব্যথা কুসুম হ'য়ে  
ফুটুক মম অন্তরে—  
সকলি যে গো তোমার বরাভয় !

আঘাতে তব ধন্য হ'ব  
জপিব মধু মন্ত্রে—  
বিপদে যেন না করি কভু ভয় ।

বেদনা-ক্লেশ—দুঃখ-গ্লানি  
পথ চলার ছন্দ রে—  
কাহার কাছে না মানি পরাজয় !

নিবিড়ভাবে তোমারে প্রিয়  
পূজিব হিয়া কন্দরে—  
সকল দুঃখে করিব আমি জয় ।







## লক্ষাচরের মাঠ

শ্রীরবীন্দ্রনাথ ঘোষ

হাড়েমাসে মিলিয়া দোহার লক্ষা দেহ। প্রশস্ত বৃকের ছাতি ও লোহার মতই শক্ত কঠিন হাতের কজ্জি। মাথাভর্তি একরাশ কৌকড়ানো চুলের গোছা কাঁধের উপর লুটাইয়া পড়িয়াছে। একখানা লাঠির সাহায্যে দু-এক শ লোকের মহড়া লইবার শক্তি সে রাখে। লাঠিখেলায় বিশখানা গ্রামের ওস্তাদ, তাই সে অঞ্চলের সকলেই তাহাকে সর্দার বলিয়া ডাকিত।

সর্দার হইলেও কালুর অন্তঃকরণটা ছিল শিশুর মত স্বচ্ছ ও কোমল। বাবুরি চুল উড়াইয়া সে যখন সর্দারী মেজাজে হাঁক ছাড়িতে ছাড়িতে আগাইয়া চলে, তখন কে বলিবে যে ঐ পাথরের মত শক্ত দেহটির ভিতরে ভিতরে সঙ্গোপনে অন্তঃসলিলা যজ্ঞের মত নৈহের উৎস লুকাইয়া আছে। প্রত্যক্ষভাবে তখন মানুষ টের পায় যখন শ্রান্ত ক্লান্ত কালু সর্দার বাহির হইতে ফিরিয়া আসিয়া বাড়ীর উঠানে মাদুর বিছাইয়া বসিয়া পড়ে—আর পঙ্গপালের মত ছোট ছোট ছেলেমেয়েরা কোথা হইতে ছুটিয়া আসিয়া কেহ তাহার ঘাড়ে চড়িয়া বসে, কেহ বা পিঠে, কেহ বা বাবুরি চুলের মুঠি ধরিয়া তাহাকে আদর করিতে শুরু করিয়া দেয়। কালুর স্নেহশীলতা তখন উপ্চাইয়া পড়ে ওই কচি কচি নিম্নলক্ষ অবোধ শিশুগুলির উপর। লোক তখন চিনিতে পারে পাড়ার ছেলে মেয়েদের এই খেলার সাথীটির ভিতরের মানুষটিকে।

সংসারটি অতি ক্ষুদ্র। একমাত্র বিধবা ভগ্নী ও ছোট ছেলেটি। আর আপন বলিতে সংসারে তাহার কোথাও কেহ নাই। দুই বৎসর পূর্বেও সংসারের এমন স্ত্রী তাহার ছিল না। দেহ ও মন ঢালিয়া দিয়া যাহাকে একান্ত ভালবাসিয়াছিল সেই স্ত্রী অকস্মাৎ মারা গিয়া কালুকে দিশেহারা করিয়া দিয়া গিয়াছে। কিন্তু তাহাতেও ভগবান স্মৃথী হইলেন না। মাতৃহারা শিশুটিকে যাহার হেপাজতে রাখিয়া কালু নিশ্চিন্তে চলাফেরা করিত সেবার মহামারীর এক দম্কা হাওয়ায় সেই একমাত্র ভগ্নীটির জীবনপ্রদীপও নিভিয়া গেল। সেইদিন হইতে ক্ষুদ্র শিশুপুত্র হারাধনকে

ছাড়িয়া সর্দার এক পা-ও নড়িতে পারে না। অষ্টপ্রহর তাহাকে বৃকে পিঠে করিয়া মানুষ করিতে হয়।

ছোট দুইটি কচি বাচ্চ বাড়াইয়া দিয়া কালাচাঁদের গলাটি জড়াইয়া হারু ডাকে—বাব্—বা—বা! কম্পিত আগ্রহে শিশুর গুত্র গণ্ড অশ্রান্ত চুম্বনে রাঙাইয়া দিয়া সর্দার তাহার উত্তর দেয়—বাব্—বা—। ছোট ছেলেটিকে সম্মুখে বসাইয়া একটা রবারের বল গড়াইয়া দিয়া ছেলেকে লইয়া সর্দার খেলা করে। বলের মৃদু আঘাতে হারু খিল খিল করিয়া হাসিয়া ওঠে। নাচিয়া নাচিয়া ছোট দুইটি কচি হাতে শব্দহীন হাততালি দেয়।

এমনি করিয়াই ঐ মা-মরা ছেলেটি পিতার স্নেহ-কোমল পক্ষপুটে বাড়িয়া উঠিতে লাগিল। কালু ভুলিয়া গেল তাহার জীবনের নিঃসঙ্গতা ও বিগত দিনের স্তূপীকৃত ব্যথা।

ছোট ছেলেকে ঘরে রাখিয়া আগের মত দেশবিদেশে গিয়া আর রোজগারের সুবিধা নাই, তাই সর্দার নিকটেই নড়াইলের জমিদার বাড়ীতে চাকুরী লইল। অতি অল্পদিনের মধ্যে তাহার কার্যের তৎপরতা ও বিশ্বস্ততা বড়বাবুর দৃষ্টি এমন আকর্ষণ করিল যে, নিম্নতম সকল কর্মচারীর মধ্যে কালুই হইয়া উঠিল সবচেয়ে প্রিয় বরকন্দাজ। ব্যাঙ্কে যাইতে কালু, সদর খাজনা দিয়া আসিতে কালু, চেক ভাঙাইতে কালু। কালু সর্দার না হইলে যেন বড়বাবুর কোন কাজই হয় না।

সেবার লাটের খাজনা সদরে পৌছাইয়া দিতে হইবে।

বড়বাবু ডাকিলেন, কালু!

তৈলপক্ক বাঁশের লাঠিটা হাতে ভুলিয়া লইয়া হারুর হাত ধরিয়া গিয়া কালু সেলাম ঠুকিয়া বলিল—  
হজুর!

বড়বাবু বলিলেন, আগামী কাল লাটের খাজনা দেবার শেষ দিন। তোমার আজকেই যশোর যেতে হবে। শীগ্গির তৈরি হয়ে নাও গে।

ছোট ছেলে হারাধনকে কাঁধের উপর ভুলিয়া সর্দার

বলিল, কালুর আর তৈরি হওয়া কি কর্তা? সে—অষ্ট-প্রহর তৈরি হয়েই থাকে! তবে অন্নবিধা যা-একটু এই ছেলেটাকে নিয়ে।

সর্দারের কথায় জমিদার একটু হাসিয়া কহিলেন, কিন্তু কালু, তোমাকে ছাড়া এমন একটা দায়িত্বপূর্ণ কাজে নির্ভর করা চলে তেমন আর একজনও কর্মচারীদের মধ্যে আছে ব'লে আমার জানা নেই। তা ছাড়া, এত সময়ও এখন আর নেই যে ভেবে চিন্তে কাউকে পাঠাব।

বলিতে বলিতে আলমারি খুলিয়া জমিদার টাকার তোড়া ও কাগজ-পত্র বাহির করিয়া টেবিলের উপর রাখিলেন। সদরে গিয়া কাহার নিকটে কি কাজ করিতে হইবে বুঝাইয়া দিয়া দেবাজ টানিয়া বড়বাবু আরও পাঁচটা টাকা তাহার হাতে তুলিয়া দিয়া বলিলেন—যাও, তোমার হারুককে পোষাক আর খাবার কিনে দিও।

হারুককে কোলে করিয়া লাঠি হস্তে কালু জমিদারের আদেশ পালন করিতে সদলবলে বাহির হইয়া পড়িল। ছেলেকে লইয়া সে গ্রামের একটি দূরসম্পর্কের আত্মীয়ের কাছে রাখিবার জন্ত গেল, কিন্তু বুধা চেষ্টা। যতবার সে ছেলেটিকে আত্মীয়ের কোলে তুলিয়া দেয় ততবারই হারুক তাহার দুটি কোমল বাহু দিয়া পিতার গলা জড়াইয়া কাঁদিয়া ওঠে। ও যে ভূমিষ্ঠ হইবা মাত্র এগার দিন পরেই মায়ের সহিত স্নেহের সকল সম্পর্ক চুকাইয়া বাপের কোলেই বাড়িয়া উঠিয়াছে। ত আর কাহারও কোলে যাইতে চাহে না।

সহসা সাথীরা তাহার বলিয়া উঠিল, বেলা যে গেল সর্দার, এতটা পথ কখন যাবে?

আকাশের দিকে একবার চাহিয়া কালু দ্রুত কঠিন হস্তে হারুককে নিজের বক্ষ হইতে নামাইয়া আত্মীয়ের কোলে তুলিয়া দিল। যেমন দেওয়া আর সঙ্গে সঙ্গে হাত-পা ছুঁড়িয়া সে কাঁদিতে লাগিল। পুত্রের কান্না দেখিয়া কালু বুঝিল যে তাহাকে রাখিয়া যাওয়া একেবারেই অসম্ভব।

বেলা পড়িয়া আসিতেছে। আর বিলম্ব করিলে হয়ত মাঠের স্তূর্দীর্ঘ পথ অতিক্রম করিয়া ষ্টীমার ধরিতে পারা যাইবে না। অথচ খাজনা দিবার কালই শেষ দিন। কালু নিতান্তই নিরুপায় হইয়া এই দূরের পথেও তাহার

নিঃসঙ্গ জীবনের আশা ভরসা একমাত্র পুত্রটিকে সঙ্গে লইতে বাধ্য হইল।

বর্ষাকাল। গ্রামের সংকীর্ণ কর্দমাক্ত পথ পার হইলেই বিস্তীর্ণ ফাঁকা মাঠ। মাঠের উপর দিয়া স্তূর্দীর্ঘ একটি পথ অতিক্রম করিয়া যাইতে হইবে ষ্টীমারঘাটে। হারুককে স্বন্ধে তুলিয়া লইয়া কালু চলিয়াছে লাটের খাজনা পৌছাইয়া দিতে, সঙ্গে দুই জন লাঠিয়াল ও আরও একজন বন্দুকধারী সিপাই।

দেখিতে দেখিতে তাহারা গ্রাম ছাড়িয়া মাঠে আসিয়া পৌছিল। অদূরেই প্রাবিত ভৈরব নদের উজ্জলিত বন্যার ঘোলা জলে চতুর্দিক থে থে করিতেছে। মৃদু হাওয়ায় আন্দোলিত ধাত্তের কচি কচি সবুজপাতার উপর অন্তমান সূর্য্যের রশ্মি ঢেউ খেলিয়া যাইতেছে।

প্রাবিত মাঠের এক-তৃতীয়াংশ পথ তাহারা প্রায় অতিক্রম করিয়া আসিয়াছে এমন সময় নদীর অনতিদূরের এই সুবিস্তৃত জনমানবহীন প্রান্তরটিকে সন্ধ্যা অন্ধকারে ঢাকিয়া ফেলিয়া একটা ভীতির সঞ্চার করিয়া তুলিল। মাঠটা নিরাপদ নহে। আশেপাশে প্রায়ই খুন জখম লাগিয়াই আছে। কিন্তু এই স্থানটা ফাঁকা, কোথাও বন জঙ্গল নাই যে দুর্কৃত্তেরা অন্তরালে লুকাইয়া থাকিবে।

ক্রমশ অন্ধকার ঘনাইয়া আসিল। কালুরও ছোট দলটি তখন নিঃশব্দে দ্রুত হাঁটিয়া চলিয়াছে। কাহারও মুখে কোন কথা নাই। স্টেশনে পৌছিতে পারিলেই তাহারা এখন বাঁচে!

হঠাৎ অনন্তগ্রাসী অন্ধকারের গর্ভ হইতে মোটরের হেড-লাইটের মতন একটা তীব্র আলোর জ্যোতিঃ ঠিকরাইয়া পড়িয়া এক একবার পথের মলিনতা নাশ করিয়া দেয়, পরক্ষণেই আবার তাহাকে গাঢ়তর অন্ধকারে ডুবাইয়া ফেলে! মাঝে মাঝে দূরে রূপ-ঝাপ বৈঠার শব্দ ফাঁকা মাঠের মৃদু জলো-হাওয়ায় ভাসিয়া আসে। তারপরে ক্রমশই অতি নিকটে কল্কল হল্হল্ নৌকার দুধারে ঢেউ ভাঙার শব্দ। সহসা যোজনব্যাপী নিস্তরক রাত্রির অন্ধকার ভেদ করিয়া লক্ষাচর মাঠের বুকখানা প্রকম্পিত হইয়া উঠিল এক উৎকট বীভৎস চীৎকারে। আর সঙ্গে সন্ধ্যা নৌকা হইতে কতকগুলি লোক চক্ষের পলকে লাফাইয়া

পাড়ে আসিয়া পড়িল। দস্যুরা কালুর সম্মুখে বন্দুকধারী রক্ষীটির হাত হইতে বন্দুকটা ছিনাইয়া লইতেই—কালু আতঙ্কে সন্ত্রস্ত হইয়া উঠিল।

কিন্তু কালুসর্দার ঘাবড়াইবার মত মানুষ নহে। সে তখন দ্রুতহস্তে মাথার পাগড়ী খুলিয়া ভয়ে মুচ্ছিতপ্রায় ছেলোটিকে পিঠের সঙ্গে বাঁধিয়া ফেলিল। এদিকে জমিদারের অপর লাঠিয়াল দুইজন—যদিও নামেই মাত্র লাঠিয়াল, তবু তাহারা আত্মরক্ষার্থে প্রাণপণে একবার শেষ চেষ্টা করিতে কসুর করিল না। কিন্তু দুর্দর্শ দস্যুর লাঠির কঠিন আঘাতে দুইজনই আহত হইয়া তৎক্ষণাৎ ভূমিতে গড়াইয়া পড়িল। অস্বহীন হিন্দুস্থানী সিপাইটি প্রাণের ভয়ে দৌড়িয়া পলাইয়া গেল।

এইবার দস্যুদল তাহাদের সম্মিলিত শক্তি দিয়া কালু সর্দারকে আক্রমণ করিল। কিন্তু পাঁচ-দশজন লোকের মুষ্টিমেয় শক্তিকে ভয় করিবার মত মানুষ সে নয়! মুহূর্তের মধ্যে সে তাহার ওস্তাদের নাম স্মরণ করিয়া বিদ্যুতের মত জলিয়া উঠিয়া লাফাইয়া পড়িল দুর্বৃত্তদের উপর। সর্দারের লাঠির সম্মুখে লড়িবার শক্তি ডাকাতদের মধ্যে একজনেরও ছিল না। দৃঢ় মুষ্টিবদ্ধ লাঠির এক একটি আঘাতে—কেহ বস্ত্রের অধি জলে আহত হইয়া ছিটকাইয়া পড়িল, কেহ-বা রাস্তার উপরেই ফিন্‌কি-দেওয়া রক্তশ্রোতের মাঝে মৃত্যু যন্ত্রণার করুণ আর্জুনাদে নৈশ আকাশ মুখরিত করিয়া তুলিল! বাতাস ভারী হইয়া উঠিল মুমূর্ষুর তপ্ত দীর্ঘশ্বাসে, অন্ধকার হইয়া উঠিল আরও ভয়ঙ্কর।

লাঠির স্নুকোশল পাঁচে ডাকাতের কবল হইতে কালু ক্ষত দেহে জমিদারের টাকার থলিটা বাঁচাইল বটে; কিন্তু অচিন্তিত দুর্দৈবের হাত হইতে তাহার একমাত্র নয়নের মণি হারাধনকে বাঁচাইতে পারিল না। কোন এক অসতর্ক মুহূর্তে শত্রুপক্ষের নিক্সিপ্ত একটি স্ত্রীক্ষ সড়কির ফলা আসিয়া কচি দেহটি বিদ্ধ করিয়া ফেলিয়াছে—একটা ভয়াবহ দাক্ষার মধ্যে পড়িয়া তাহার সেদিকে হয়ত খেয়ালই ছিল না। একবার মাত্র ‘বাবা’ বলিয়াই হারাধন পিতার পৃষ্ঠদেশে নেতাইয়া পড়িল। তাজা গরম রক্তের প্রবল ধারায় কালুর কাপড়খানা রাঙাইয়া উঠিল।

কালুসর্দার অপলক চোখে মৃত পুত্রের দিকে খানিকক্ষণ চাহিয়া রহিল। চোখ তাহার শুষ্ক, মুখে একটা গভীর ভাব

—অতলস্পর্শ সীমাহীন সমুদ্রে ঝড়ের পূর্বকার শুষ্ক ভাবেরই মতন বৃষ্টি তাহা ভয়ঙ্কর!

কিছু সময় এইভাবে কাটিয়া যাওয়ার পর কালু তাহার সঙ্গীদের নাম ধরিয়া ডাকিল। কিন্তু সেই ডাক মাঠের বুকে প্রতিধ্বনি তুলিয়া অতল অন্ধকারে মিলাইয়া গেল। সাড়া আর আসিল না। তার পর পুত্রের শিথিল শীতল মৃত-দেহটি বৃকের উপর তুলিয়া লইয়া একাকীই আগাইয়া চলিল।

একে অন্ধকার আকাশ। তাহার উপর হঠাৎ অধিকতর পুরু আর একটা বিশ্বগ্রাসী অন্ধকারের কালো আবরণ পড়িয়া নক্ষত্রগুলিকে ঢাকিয়া ফেলিয়াছে। আর তথায় ভাদ্রের সীমাহারা কুলপ্রাবী অগাধ জলরাশি ভৈরবের বন্ধ মথিত করিয়া ছুটিয়া চলিয়াছে। আবর্তের পর আবর্তের প্রতিঘাতে তাহার উপকূলবর্তী এই পথটিও বিধ্বস্ত। হৃদয়ের তীব্র বেদনাকে উপেক্ষা করিয়া কালু যখন পুত্রের দাহকার্য্য সমাধা করিল, স্মদূর হইতে একটা বাজপক্ষীর উচ্চকর্ষ জানাইয়া দিল—রাত্রি তখন দ্বিপ্রহর।

ষ্টীমার স্টেশন। যাত্রীপূর্ণ ষ্টীমার ততক্ষণ শ্রোতের অমুকূলে বহুদূর চলিয়া গিয়াছে। পরের ষ্টীমারটা কাল সেই সকাল ছ’টায়! অল্প অল্প বৃষ্টি পড়িতে সুরু করিয়া দিয়াছে অথচ নিকটে কোথায়ও থাকিবার মতন তেমন সুবিধাও তাহার নাই যে রাত্রিটা সেখানে কাটাইয়া দেয়। সর্দার একটু চঞ্চল হইয়া উঠিল!

সহসা খানিকটা দূরে পথের সংলগ্ন একটা বাড়ীতে আলোর ক্ষীণরশ্মি দেখিয়া কালু সেদিকেই আগাইয়া চলিল। ছোট্ট একখানা খড়ের ঘর, তাহার মধ্যে মিট মিট করিয়া একটা তেলের বাতি জলিতেছে, মনে হয় যেন লোকও সেখানে আছে। আন্তে আন্তে সে ডাকিল—ঘরে কেউ আছে?

প্রথম দু-এক ডাকে তো সাড়াই মিলিল না। পরে একটু রুক্ষ কণ্ঠে উত্তর আসিল, এত রাত্রে এই ভরা গাঙে আর পাড়ি ধরি না।

কালু বৃষ্টি—বাড়ীর মালিক ঐ ঘাটেরই একজন পাটনী।

—পারে যেতে চাই না, একটু আশ্রয় চাই। নড়াইল

জমিদারবাবুদের আমি বরকন্দাজ, সকালের ষ্টীমারে যশোর যাব।

বাবুদের নামে এত রাত্রিতেও সে ওখানে একটু আশ্রয় পাইল।

পরের দিন প্রাতেই জমিদারের কানে এই দুর্ঘটনা উঠিল পলায়িত হিন্দুস্থানী দরওয়ানটির মুখে। টাকার ও কালুর দুশ্চিন্তায় বাবুরা উদ্ব্যস্ত হইয়া পড়িলেন। সঙ্গে সঙ্গে থানায় রিপোর্ট গেল, জরুরী টেলিগ্রাম পৌছিল সদরে কালেক্টর সাহেবের কাছে। ঘণ্টাকয়েক পরে তারের উত্তর আসিল, কালুসর্দারের মারফৎ জমিদারের মালগুজারি—সরকারী মালখানায় যথাসময়ে নিয়মিতভাবে জমা হইয়া গিয়াছে। সংবাদটি পাইয়া জমিদার দুশ্চিন্তার হাত হইতে হাঁফ ছাড়িয়া বাঁচিলেন।

দিনের পর রাত আসে আবার দিন হয়, কিন্তু কালু আর ফিরিয়া আসে না। সংবাদপত্র ও লোকের সাহায্যে জমিদারের অক্লান্ত চেষ্টা চলিল তাহাকে ফিরাইয়া আনিতে। সমস্ত চেষ্টাই ব্যর্থ হইল!

তাহার পর কত গুরু ও কৃষ্ণপক্ষের মধ্য দিয়া মাস, মাসের পর বৎসরও চলিয়া পড়িয়াছে কালের কোলে। খুঁজিয়া খুঁজিয়া ক্লান্ত জমিদার নিরাশ হইয়া পড়িলেন। কালুর আর কোন সংবাদই পাওয়া গেল না!

তিন বছর পরের কথা। ভৈরব নদের সেই ছোট জাহাজ ঘাটটির পাড়ে এক শীতের রাত্রে অবতরণ করিল অজয় ও মেনকা। কোলে তাহাদের দুই বৎসরের শিশুপুত্র।

অজয় এই অঞ্চলেরই লোক। পাঁচ বছর পরে সে কর্মস্থল হইতে দেশে ফিরিতেছে—বাড়ী তাহার লঙ্কাচর মাঠের ওপারে।

ঘাটের উপরেই একটা বৃড়া অশ্বখ গাছ। নিম্নে তাহার দুই-তিনটি প্রজ্জ্বলিত আগুনের কুণ্ড। কতকগুলি লোক তাহার চতুর্দিকে বসিয়া হাসি গল্পে সময় কাটাইতেছে। অদূরেই যে সব ছোট ছোট অস্থায়ী কুঁড়ে ঘর দেখা যায়, বোধ করি ঐগুলি গাড়োয়ানদেরই বসতি।

গ্রামে পৌঁছিতে অল্প কোনরূপ যান-বাহনাদির ব্যবস্থা সেখানে নাই। তাই গরুর গাড়ীর আড্ডায় গিয়া অজয়

গাড়ী ভাড়া করিতে চাহিলে কোন গাড়োয়ানই সম্মত হইল না। সকলেই চম্কাইয়া উঠিয়া ভীতকণ্ঠে বলিল—না কত্তা, গায়ে আমাদের অতো তাকত নেই। যে ডাকাতের মাঠ সে, দিনের বেলায়ই যেতে গা কেঁপে ওঠে, আর এখন ত রাত!

মেনকা বলিল—কি করবে এখন, আমার যে বড় ভয় করছে।

অজয় একটু হাসিয়া বলিল, ডাকাতি—হেঃ হেঃ! যত সব বাজে কথা। রাত্রিতেই যাব। নইলে এখানে থাকবে কোথায়? তা ছাড়া, এই কনকনে শীত, খোলা মাঠে নদীর ঠাণ্ডা হাওয়ায় ছেলেটা যে বাঁচবে না! দেখছ না, এরই মধ্যে ও তোমার কোলে কাঁপতে শুরু করেছে।

অতীত পাঁচ বছর এ অঞ্চলের খবর অজয় রাখিত না। নিকটেই যে সামান্য দু-চার ঘর পরিবার লইয়া একটা বিরল বসতি আছে তাহাতে বাস করে ছলে ও বাগ্দীশ্রেণীর ছোট জাত। একে তাহাদের শিক্ষার অভাব—তাহার উপর দারিদ্র্যের কশাঘাতই ইহাদিগকে হীন চৌর্যবৃত্তি, স্বেযোগ পাইলে ধনরত্নের বিনিময়ে নাশ্বরের জীবনকেও বিপদাপন্ন করিয়া তুলিতে শিখাইয়াছে। পথিকের ধনসামগ্রী লুণ্ঠন, কখনও বা বাধাদানে নিহত করা—এরূপ সংবাদ গল্পেরই মত সে যখন চাকুরীর পূর্বে গ্রামের বাড়ীতে থাকিত তখন লোকের মুখে শুনিয়াছে। তাই মনে হয় না যে সেখানে কোথাও থাকা আজ তাহাদের পক্ষে নিরাপদ।

অনেক বলিয়া কহিয়া বক্শিসের লোভ দেখাইয়া শেষ পর্যন্ত অজয় একজন কমবয়সী বলিষ্ঠ গাড়োয়ানকে সম্মত করাইল। বিদেশী এই গাড়োয়ানের গায়ে শক্তি আছে এবং সাহসও আছে প্রচুর, সর্বোপরি বক্শিসের লোভে কাহারও বাধা না মানিয়াই সে রাজি হইয়া গেল।

গরুর গলার ঘণ্টা বাজিয়া উঠিল, তখন রাত্রি প্রায় নয়টা। কিছুদূর যাইতেই মেনকা বলিল—ঐ ঘণ্টাগুলো খুলে ফেলতে হ'বে। কে জানে ওর শব্দ শুনে হয়ত ডাকাতেরা দূর থেকেও আমাদের সন্ধান পেতে পারে।

টাদের আলোয় অলস মধুরগতিতে গরুর গাড়ী লোকালয় ছাড়িয়া যে বিস্তৃত মাঠটায় আসিয়া পড়িল—সেইটাই লঙ্কাচরের মাঠ!

দিক-প্রসারিত ফাঁকা মাঠ। পথের বর্তমান বিপদের

সঙ্গে বিশেষ পরিচয় না থাকিলেও অগ্নাশ্র লোকের মুখে ডাকাতির কথা শুনিয়া পথিক ও চালক একটু ভয়ে ভয়েই চলিয়াছে। সুউচ্চ পথের নিম্নে দুই ধারে কলাই ও যবের ক্ষেত। হিমের ভারে উন্নত গাছগুলি নববধূর মত ঘোমটা টানিয়া লজ্জাবনত মুখে দাঁড়াইয়া আছে। আনত শীর্ষ-গুলির ডগায় শিশিরের ফোঁটা ফোঁটা জল চন্দ্রালোকে মনে হয় যেন মুক্তার নোলকের মতন ছলিতেছে। কদাচিৎ শস্তপূর্ণ সমতল প্রান্তরের মাটি খুঁড়িয়া খুঁড়িয়া আহার সন্ধানে মত্ত একাধিক বহু বরাহের বিকট গোঙানি, কখনও বা শূন্যে নিশাচর পেচকের কর্কশ কণ্ঠ ও ডানার ঝটপট শব্দ শুনিয়াই অনাগত বিপদের আশঙ্কায় তাহাদের বুকটা ছঁ্যাৎ করিয়া ওঠে।

আরও কিছুদূর এইভাবে চলিবার পর গুরুর পঞ্চমীর চাঁদের আলো ম্লান করিয়া দিয়া অন্ধকার মাঠের বৃকে নামিয়া আসিল।

অজয় গাড়ীর ভিতর বসিয়া বসিয়া তরল অন্ধকারে চতুর্দিকে সতর্ক দৃষ্টি রাখিয়া নিজের ও মেনকার বৃকের ভারটাকে কিঞ্চিৎ লঘু করিবার জন্তই তাহার সহিত নানারূপ হাসি তামাসা করিতে প্রবৃত্ত হইল।

অজয়ের হাঁটুর উপর মাথা রাখিয়া মেনকাও সেইদিকে তাকাইয়া বলিল—ওগো শুনছো, যদি সত্যি সত্যি কিছু ঘটে যায়, তা হ'লে কি হ'বে?

কি ঘটবে?

ঐ ডাকাত—

বাধা দিয়া অজয় বলিল, পাগল!...

অদূরে পথের ধারে একটা মরা খেজুরগাছের ঝোপ দেখাইয়া দিয়া মেনকা বলিল, দেখছো না কে ঐ দাঁড়িয়ে রয়েছে? বলিয়াই মেনকা আঁতকাইয়া উঠিয়া দুইবাহু বাড়াইয়া অজয়ের গলা এমন ভাবে জড়াইয়া ধরিল যে অজয় আর হাসিয়াই বাঁচে না।

হাসি শুনিয়া মেনকা বৃক্ষিতে পারিয়া বলিল—কি মানুষ তুমি গো, এতেও হাসি? অন্ধকারে ওটা দেখলে মানুষ ব'লে কা'র না মনে হয়?

অজয় বলিল, আত্মরক্ষার জন্ত তুমি এত ব্যস্ত যে ছেলেটাকে পর্যন্ত ভুলে গিয়েছিলে। গলাটা ছাড় ত একবার।

—না ছাড়ব না। আমার বৃক্ষি ভয় করে না?

অজয় হাসিয়া বলিল, আমার গলা ধরে থাকলেই কি ভয় ভয় পেয়ে পালিয়ে যাবে? দুষ্ট!

—যাবেই ত।

—কিন্তু গাড়োয়ানটা দেখে ফেললে কি ভাববে বল ত?

—কি আর ভাববে? ভাববে বাবুর স্ত্রীর সঙ্গে খুব ভাব।

ছেলেটা তখন জাগিয়া উঠিয়া মায়ের কোলে বসিয়া খেলিতে শুরু করিয়া দিল।

অজয় বলিল, তোমার চেয়ে দেখছি মণ্টুর সাহস চের বেশী।

—তা হ'বে না, ছেলে কার? নির্ভীক ত হ'বেই! অচেনা অজানা মুখ দেখলেও ওর ভয় করেনা। তার কোলে ঝাঁপিয়ে ওঠে। দু বছরের ছেলে কুকুর-বেরালের সঙ্গে খেলা করে, নতুন হাঁটতে শিখে জলে জঙ্গলে আঁধারে যেতেও যে ভয় পায় না। তা কি তুমি জান না?

সুদীর্ঘ মাঠ আর ফুরাইতে চায় না! অন্ধকারে দৃষ্টি হারাইয়া যায়। কোথায় যে ইহার শেষ হইয়াছে ঠাওর করিবার উপায় নাই। লক্ষাচরের মাঠের মধ্যস্থলে একটা বহুদিনের পরিত্যক্ত দীঘি আছে। সংস্কার অভাবে চতুঃপার্শ্ব তাহার অশ্বখ, পাকুড়, তাল, বেতস ও নানাজাতীয় জংলা গাছে সমাচ্ছন্ন। সূর্য্যের আলো ভয়ে সেখানে প্রবেশ করে না। এমনিই ঘন বনে সে স্থানটা আচ্ছাদিত।

নীরব নিথর রাত্রি, অন্ধকার ক্রমশ সূচীভেদ্য হইয়া উঠিতেছে! শীতের আকাশ ধম্ধম্ করিতেছে। সেই ভয়াবহ স্তব্ধতার মধ্যে এক অজ্ঞাত ভয়ে মেনকার গা-টা ছম্ছম্ করিয়া উঠিল।

মেনকা বলিল, আর কতদূর গো?

হঠাৎ একটা অজ্ঞাত মানুষের মুখ হইতে উচ্চ—বিকট—বীভৎস হাসির হাঃ হাঃ শব্দ সেখানকার আকাশ বাতাস কাঁপাইয়া উত্তর দিল, 'আর দূর নাই'!

মেনকা অজয়কে জড়াইয়া ধরিয়া ভয়জড়িত কণ্ঠে বলিয়া উঠিল—ও মা!

গাড়ী তখন দীঘির মাঝামাঝি পথে আসিয়া পড়িয়াছে।

অজয়ের মুখে আর কথা যোগাইল না। আসন্ন বিপদের  
বিভীষিকায় চম্কাইয়া উঠিয়া সে এদিক-ওদিক চাহিল।  
কোথায়ও কিছু দেখিতে পাইল না।

কিন্তু পরমুহূর্তেই কতকগুলি ভারী পদশব্দ শোনা গেল।  
কাহারা যেন দ্রুতপদে এদিকেই অগ্রসর হইতেছে। জমাট  
অন্ধকারের মধ্যে তাহার কারণ অনুসন্ধান করিতে অজয়  
বৃথাই দৃষ্টি প্রসারিত করিয়া দিল।

অনাগত বিপদের দুশ্চিন্তায় নির্বাক অজয়ের চোখ  
দুইটি জলে ভরিয়া উঠিল! শেষে কি-না স্ত্রী-পুত্রকে  
ডাকাতের হাতে সঁপিয়া দিতে হইবে।

পিছন ফিরিয়া গাড়োয়ান ডাকিল, বাবু!

অজয় উত্তর করিল, শুনেছি, জোরে হাঁকাও!

গাড়োয়ানের কণ্ঠ তখন মরুভূমির মত খাঁ খাঁ  
করিতেছে। গলা হইতে শব্দ আর বাহির হইতে চাহে না!

সঙ্গে সঙ্গে মশালের আলো জলিয়া উঠিল, আর বিদ্যুৎ-  
প্রবাহের মতই মরণের অগ্রদূতেরা খড়া হাতে হানা দিয়া  
বজ্রকণ্ঠে বলিল, সামাল যাত্রী!

ডাকাতদের ভীষণ কণ্ঠস্বরে সকলেই ভয়ে জড়সড় হইয়া  
পড়িল।

নিশুতিরাতে জনমানবহীন সেই লক্ষাচর প্রান্তরের বুক  
অসহায় যাত্রীদের মর্মান্বিত কৰুণ আর্তনাদে মুখর হইয়া  
উঠিল। গাড়ীর উপর হইতে প্রাণভয়ে ভীত গাড়োয়ান  
লাফাইয়া পড়িল পথের নীচে। কিন্তু মমতাহীন হিংস্র  
ডাকাতের নির্দয় অস্ত্রের মুখ হইতে সে রেহাই পাইল না।  
মুহূর্তে মাথাটি তাহার একটি মাত্র আঘাতেই দেহ ছাড়িয়া  
একটু দূরে ছিটকাইয়া পড়িল।

দস্যুসর্দারের বড় সাক্ষরদ মোঙলার হাতের প্রজ্বলিত  
মশালের তীব্রতায় আলোকিত মাঠের মর্মান্বিত এই হত্যা-  
কাণ্ডের বীভৎস দৃশ্যে মেনকা মণ্টুকে বৃকে চাপিয়া সংজ্ঞা  
হারাইয়া ফেলিল!

সবল হাতের দু টানেই গাড়ীর টিনের আচ্ছাদন কন্ কন্  
শব্দে ধুলিয়া ভাঙিয়া গড়িল। মশালের আলোর জ্যোতিঃ  
খড়্গের উপর ঠিকরাইয়া পড়িয়া সূর্য্য-কিরণের মতই চিক্  
চিক্ করিয়া জলিতেছে। টাটকা রক্তের ধারা তখনও  
বহিয়া পড়িতেছে তাহার গা দিয়া। কম্পমান অজয় ফ্যান্  
ফ্যান্ দৃষ্টিতে ডাকাতের মুখের দিকে চাহিয়াই বলিয়া

উঠিল, কে? কালু! তুমি...এর বেশী আর একটি কথাও  
তাহার মুখ হইতে বাহির হইল না।

কালুর শ্রুতিশক্তি তখন এক অতীত স্নেহের প্রবাহে  
পড়িয়া বিলুপ্ত হইয়া গিয়াছে। বাহিরের কথায় সাড়া দিবার  
মত জ্ঞানও আর তাহার নাই।

অকস্মাৎ তাহার উখিত খড়া শিথিল ভাবে নামিয়া  
আসিতেই বিস্ময়াভিভূত মোঙলা দেখিতে পাইল—ছোট  
শিশুটির পানে নিবন্ধ দৃষ্টি সর্দারের চক্ষু অশ্রুবন্তায় ভাসিয়া  
যাইতেছে। তাহার অস্ত্রের সন্ধান বরাবরই লক্ষ্যভেদ করিয়া  
চলিয়া গিয়াছে, কোন দিন কোন কারণেই ব্যর্থ হয় নাই—  
আজ তাহার এমন কেন হইল?

কালু তখন উদ্বেলিত হৃদয়ে বলিয়া উঠিল, ওরে মোঙলা,  
আমার হারাধনকে ফিরে পেয়েছি।—আমার হারাধন—  
হারু রে ..

মোঙলা বলিল, সে কি সর্দার! পাগল হ'লে নাকি?  
—ওরে না রে না, পাগল হইনি, দেখছিস না অবিকল  
সেই মুখ!

সহসা অতবড় শক্তিশালী হিংস্র দানবের হাত দুইটি  
কাঁপিয়া উঠিল—ছোট্ট একটা শিশুর সম্মুখে। মুষ্টিবদ্ধ  
হাত হইতে খড়া কোন এক সময় মাটির উপর খসিয়া  
পড়িয়া গিয়াছে। প্রবল রক্তপিপাসা—মুহূর্তে যেন কোথায়  
উড়িয়া গেল! পাহাড়ের বৃকে একটা খরশ্রোতা ঝরণার  
মতই স্নেহের শতধারা তাহার হৃদয় মথিত করিয়া বহিয়া  
চলিল একটা অতীত স্মৃতির উদ্দেশে।

আপনার অজ্ঞাতে দুর্দান্ত ডাকাতের রক্তমাখা হাত  
দুইটি কম্পিত আগ্রহে মণ্টুর দিকে আগাইয়া গেল।

দানবের এই আকস্মিক ভাববিকার লক্ষ্য করিয়া মৃত্যু-  
ভয়ে নির্জীব অজয়ের প্রাণে সাড়া আসিল। পাশেই  
সংজ্ঞাহীনা মেনকার বাহুবেষ্টন হইতে মুক্ত করিয়া অজয়  
মণ্টুকে ডাকাতের প্রসারিত হস্তে তুলিয়া দিল। কোলে  
উঠিয়াই সর্দারের গলার কণ্ঠীগাছ লইয়া মণ্টু খেলিতে  
খেলিতে তাহার মুখের দিকে চাহিয়া খিল্ খিল্ করিয়া  
হাসিয়া উঠিল। উৎক্লিষ্ট সে হাসির ঝরণায় পুত্রহারা  
পিতার স্নেহবৃত্তকে হৃদয় ভাসিয়া গেল।

মণ্টু অজয়ের দিকে চাহিয়া ডাকিল—বা—বা—বা।

শিশুকণ্ঠের সেই আধ আধ ডাক সর্দারের কানে

অমৃতের পরশ বুলাইয়া দিল। হারাধনও একদিন এমনি করিয়া ডাকিয়াছে। তারপর কোথা হইতে যেন কি হইয়া গেল !

সাহস পাইয়া অজয় বলিল, আমাদের ছেড়ে দাও সর্দার। আমাদের সঙ্গে টাকা পয়সা বিশেষ কিছু নেই, যা আছে আমি নিজে হাতে তোমায় তুলে দিচ্ছি।

কালু খানিকক্ষণ অজয়ের দিকে চাহিয়া পরে মোঙলাকে ডাকিয়া বলিল—ওরে জল নিয়ে আয়, মা আমার ভয়ে জ্ঞান হারিয়েছে !

কালু সর্দারের বুকে অন্তঃসলিলা ফস্কুর নিস্তরঙ্গ প্রবাহের মতই যে করুণার নিরঝরিনী লুকাইয়া ছিল, মোঙলার

সাকরেদী-জীবনের এই কয়বছরে তাহাকে দেখিয়া ইহার বিদ্বুবিসর্গও সে জানিতে পারে নাই। তাই আশ্চর্য হইয়া একবার সর্দারের মুখের দিকে চাহিয়া তাহার আদেশ পালন করিতে গেল।

মণ্টু আবার ডাকিয়া উঠিল—বা—ব্—বা !

কালু মণ্টুকে জোরে বক্ষে চাপিয়া ধরিল। যেন সেই কতদিনকার পলাইয়া যাওয়া বুকের নিধি—মাতৃহারা সেই হারাধনকে আজ তাহার অতৃপ্ত বক্ষে আবার ফিরিয়া পাইয়াছে।

মেনকা চোখ মেলিয়া চাহিতেই কালুসর্দার বলিল—মা, তুই ভয় পাস্ নি। আমিও তোর ছেলে।

## পতিতার দীক্ষা

শ্রীনীলরতন দাশ বি-এ

‘তোমার ও দেবদেহে এলে মোর পাপগেহে,  
কেমনে বরণ প্রভু করি ?

পঙ্কিল পঞ্চল সম কলুষিত দেহ মম,  
তোমারে বরিতে লাজে মরি।

নাহি পূজাফুলদল, আছে শুধু অঁখিজল,  
চরণ সেবিত মম সাধ ;

কলঙ্কিনী পতিতার আছে কি সে অধিকার ?  
কহ দেব ! ক্ষমি অপরাধ।’

শুনি’ আশ্রপালী কথা অন্তরে পাইয়া ব্যথা  
ভগবান্ বুদ্ধ তারে ক’ন,

‘তুমি অতি ভাগ্যবতী, নহ কভু হীন-মতি ;  
ব্যর্থ নহে তোমার জীবন।

করিয়াছ নিমন্ত্রণ, কর এবে আয়োজন  
অতিথির সমাদর তরে ;

বিগত জীবন স্মরি’ কাঁদ কেন দুঃখ করি’ ?  
মহোৎসব আজি তব ঘরে।

অঁধারে আলোক রাজে, তেমতি তোমার মাঝে  
জালি’ দিব দিব্য-প্রেম-শিখা,

সে অনলে করি’ দগ্ধ তোমারে করিব শুদ্ধ,  
মুছে দিব দুর্ভাগ্যের লিখা।

অমৃতের পাত্রখানি তব হস্তে দিব আনি’,  
মৃত্যুরে করিবে তুমি জয় ;

নব জন্ম করি’ দান তোমারে নূতন প্রাণ  
দিব, নারী ! নাহি তব ভয়।’

এত বলি’ তথাগত করিলেন মন্ত্রপূত  
পতিতার তনুমন প্রাণ ;

আশ্রপালী কহে, ‘প্রভু ! নাহি যেন ভুলি কভু  
করুণার তব অবদান।

তোমার চরণ ধূলি মাথায় লইয়া তুলি’  
যাব আমি দেশ-দেশান্তর,

তোমার দীক্ষার কথা প্রচারিব যথাযথা,  
বাণী তব শাস্ত্রত সুন্দর !’

# কৃষ্ণধামালীর গান

## শ্রীতারাশ্রম মুখোপাধ্যায়

কৃষ্ণধামালীর গান সম্বন্ধে আমাদের দেশের একদল পণ্ডিতের মধ্যে উপভোগ্য মতান্তর আছে। কেহ ইহার মধ্যে উৎকট অলীলতার গন্ধ পাইয়াছেন; তাহার মতে ধামালীশ্রেণী দুই ভাগে বিভক্ত করা হইয়াছে—কৃষ্ণধামালী ও শুক্লধামালী। কৃষ্ণ ও শুক্লের মধ্যে প্রভেদ শুধু অলীলতার পরিমাপে। সেজন্যই নাকি উক্ত গান মাঠে গীত হয়, লোকাবাসের বিশুদ্ধ বাতাসে তাহার স্থান নাই। আবার কেহ মনে করেন, ধামালী গানের এক প্রকার অস্তিত্বই নাই—তাহাদের স্বীকার করা শুধু মন-গড়া ছাড়া অণু কিছুই নহে।

সে যাহা হউক, শিক্ষার ধারা অমুসারে গবেষণার একটা মোহ আছে। একজন হয়ত পল্লীর প্রান্তর হইতে কিছু মাল-মদলা সংগ্রহ করিয়া আনিয়া সাহিত্য-ব্যঞ্জনের মধ্যে যোজনা করিলেন; কিন্তু পরিবেশন করিতে গিয়া দেখা গেল, কাহারও নিকট তাহা বিশ্বাস মনে হইয়াছে, তিনি পাচক ঠাকুরের আশ্রয় করিলেন; বেগতিক বুঝিয়া পাচকঠাকুরও খুসি (কলমরূপ) লইয়া ছুটিয়া আসিলেন এবং প্রমাণ করিতে চেষ্টা করিলেন যে, তিনি যাহা রক্ষণ করিয়াছেন তাহা উপাদেয়—ব্যঞ্জনের আশ্রয় গ্রহণ করিতে পারেন নাই, কারণ তাহার হয়ত কোন স্থানে ক্ষত আছে। বস্তুত এরূপ গবেষণায় আসল তথ্য :গলাইয়া গিয়া জট বাধিতে থাকে।

সেরূপ কোন গবেষণা করিবার ক্ষমতা আমাদের নাই। তবে পল্লী-গীতিকা সঙ্কলনের মধ্যে কতকগুলি শব্দের দিকে নজর পড়িয়াছে, কতকগুলি গানের সম্বোধন স্থলে কানাই, কালা, মাধব, কামু প্রভৃতি শব্দের প্রয়োগ দেখিতে পাই। সাধারণত পল্লীবাসীরা এরূপ সম্বোধনমূলক গানগুলিকে কানাইধামালীর গান বলিয়া আখ্যা করিয়া থাকে—তাহাই আমাদের আলোচনার বিষয়বস্তু। কানাইধামালীর গানই যে মার্জিত ভাষায় “কৃষ্ণধামালী” তাহা বোধ করি ভাষাতত্ত্ববিদেরা স্বীকার করিবেন।

শুক্লধামালীর গানের সন্ধান এখনও আমরা পাই নাই। কৃষ্ণের ঐপন্নীত শব্দ শুক্ল, এরূপ ধারণায়ও বিশেষ বিচার নাই। উহাকে অতিরিক্ত অলীলতা-ব্যঞ্জক বলিয়া স্বীকার করিয়া লইতেও আপত্তি থাকিতে পারে। তাহা করিলে পল্লীবিদের প্রতি বিশেষ অবিচার করা হয়—লীলতা বলা করিয়া তাহার গান করিতে পারে, ইহার প্রমাণ অনেক আছে। বিশেষত সাহিত্য যদি শুধু লীলতামূলক যত্নবান হইত, তাহা হইলে তাহাতে এত কাব্যের উদ্ভব সম্ভবপর হইত না। সাহিত্যক্ষেত্রে তাহা হইলে গীর্ধন হইয়া দাঁড়াইত এবং সেখানে স্তম্ভ ধ্যান ভিন্ন উপায় থাকিত না। লীলতা-অলীলতার মধ্যে সামঞ্জস্য করিয়াই সাহিত্য। সত্য শিব হৃদয়ের মোহ আদর্শবাদীদের পক্ষে প্রযোজ্য।

বাংলা দেশের বিভিন্ন অঞ্চলের পল্লীগীতিতে আমরা অল্পবিস্তর কৃষ্ণ-

ধামালী গানের সন্ধান পাই। দেশ কালের গণ্ডী অতিক্রম করিয়া গানগুলি বাংলার প্রায় সর্বত্রই ছড়াইয়া পড়িয়াছে। এই গানগুলি কোন জেলার নিজস্ব নহে—ভাষা পরিবর্তিত হইয়া ভাব পরিবর্তিত করিয়া তাহা বাংলার এক প্রান্ত হইতে অল্প প্রান্তে প্রসার লাভ করিয়াছে।

উত্তর বঙ্গের “ভাওয়াইয়া গানে”র মধ্যে আমরা কৃষ্ণধামালীর গান অনেক পাই। রঙ্গপুর, দিনাজপুর প্রভৃতি জেলায় চৈত্রমাসের মদনোৎসবের মধ্যেও কৃষ্ণধামালী গানের কিছু কিছু সন্ধান পাইয়া থাকি। উহাকে মদন কামের পূজা, কিংবা জাগ গান বলা হয়। “জাগ গান” আবার দুই ভাগে বিভক্ত—চেংড়া জাগ, বুড়ো জাগ। শ্রীকৃষ্ণের জন্ম হইতে আরম্ভ করিয়া শ্রীকৃষ্ণের অন্তলীলা পর্যন্ত জাগ গানের অন্তর্ভুক্ত।

রাধাকৃষ্ণের প্রেমলীলা-বিষয়ক গানগুলিতে উভয়কে প্রাকৃত বলিয়া ধারণা করা হইয়াছে।—তাহাদিগকে সাধারণ বাঙ্গালী পরিবারের পরিবেষ্টনীর মধ্যে আনা হইয়াছে। সেস্থানে কৃষ্ণ হয়ত হাল বহিতেছেন, মাঠে গরু চরাইতেছেন—রাধা কখনও কলসীতে জল ভরিতেছেন, কখনও জল সরাইয়া মাছ মারিতেছেন। এস্থলে কয়েকটি গান আংশিকভাবে উল্লেখ করিতেছি। কানাই রৌদ্রে হাল বহিতেছে, তাহার জন্ম কণ্ঠা\* উতলা হইয়া পড়িয়াছে। কানাইর বয়স হইয়াছে, কিন্তু এখনও তাহার বিবাহ হয় নাই।

ও সুন্দর কানাই রে—

আষাঢ় ( ৩ ) শ্রাবণ ( ৩ ) মাসে

আঁধার জলে কানাই মাটি ভেজে

ওদে না ঘামিল রে গাও।

ও সুন্দর কানাই রে—

দুয়ারের আগে রে কানাই,

হালখানি জুরিচ

ওদে না ঘামিল রে গাও ॥

ধিক্ ধিক্ তোর বাপ, রে মাও,

এমন ব'সে কানাই নাই হয় বিভাগ,

পড়া যাউক তোর দলান কোঠা বাড়ী রে—।

কোন সময় হয়ত কানাইকে বাক ঘাড়ে করিয়া মাথায় রাজপাগড়ী বাধিয়া মাঠের পথের দিকে যাইতে দেখা যাইতেছে। তাহাকে দেখিয়া

\* কণ্ঠা শব্দ পল্লী গীতিতে বিশেষ অর্থে ব্যবহৃত হইয়া থাকে।

কণ্ঠা অর্থে যুবতী স্ত্রী বুঝায়।



কন্যা উন্নয়ন হইয়া পড়িয়াছে। কানাই-এর মুখের দুইটা মধুর কথা  
শুনিবার জন্ত তাহার একান্ত আগ্রহ প্রকাশ পাইতেছে।—

কানাই, ঘাড়ে দেখোঁ তোর নাল বাকুয়া  
হস্তে দেখোঁ নাল সিকিয়া রে—  
মাখে দেখো মনির আজ পাগরী রে—  
ও তুমি কোথা হইতে কোথা যাও,  
রে নিঠুর, মধুর কথা কআ যাও ॥

কন্যা মাছ মারিতেছে, গায়ে কাদা মাখিতেছে, তাহাকে উপলক্ষ্য  
করিয়া কানাইও দুই-চারিটা গানের পদ ধরিল।

ঐ যে, নালি বান্দ রে কন্যা,  
পানি আরও ছেক।  
সুন্দর গায়ে কই না কাদা রে মাখ—  
পরপুরুষের সঙ্গে কিসের মৈচ্ছ মার রে ॥  
মাছ মার রে কন্যা ইলিসা,  
মাছ মার রে কন্যা খলিসা,  
বেছে মৈচ্ছ মার চন্দনা আর কুরুসারে ॥

এইরূপে আলাপ-পরিচয়ের মধ্য দিয়া কানাই-এর সহিত কন্যার  
পিরীতি হইয়াছে। পাড়ার লোক তাহা আবার জানিয়া ফেলিয়াছে—  
সেজন্ত তাহাকে অনেক নিন্দা সহ্য করিতে হইতেছে। কিন্তু সে ওরূপ  
নিন্দাকে অঙ্গের ভূষণ-স্বরূপ মনে করিয়াছে। দুঃখের বিষয়, কানাই-এর  
সহিত তাহার দেখা নাই। তাহার জন্ত সে বনবাসে বাড়ী বাঁধিয়াছে,  
তবুও কানাই আপন হইল না।

ও মোর কালা মানুষ ভাল,  
না বুঝে কালা সন্ধ্যা কাল,  
না বুঝে কালা একেলা নারীর কাম রে—  
ওদিয়া ( ১ ) গেইছেন কাইল,  
তার জন্ত মোরে পাড়ে গাইল,  
সেও গাইল মোর শুনে পাড়ার লোকে ॥  
ও তোর পিরীতির আশে,  
বাড়ী বান্দিমু বনবাসে,  
তবু কালা না হলু ( ২ ) রে আপন ॥

কালার জন্ত কলঙ্কের পসরা মস্তকে বহন করিয়া কন্যা বনবাসে  
আশ্রয় গ্রহণ করিয়াছে। সেখানে সুপারী গাছের “চারা” পাতিয়াছে,  
কলা গাছ রোপণ করিয়াছে। সুপারী গাছ বড় হইয়াছে, সুপারী  
ফলিয়াছে—কলা গাছে বড় পাতা হইয়াছে, কলা ধরিয়াছে, কিন্তু কালার  
সঙ্গে এখনও দেখা নাই।

( ১ ) ওদিয়া—ঐ দিক দিয়া ( ২ ) হইলে

ওরে বান্দিমু বাড়ী,  
শুয়া ( ৩ ) উমু সারি সারি—

শুয়ার বাগুচায় ঘিরিয়া লইলে বাড়ী রে—  
আসিবে মোর প্রাণের শুয়া ( ৪ )  
তায় পাড়াইবে গাছর শুয়া  
মুই নারীটা কাকিয়া ( ৫ ) খাইম তাক।  
ওরে আসিবে মোর প্রাণের নাথ  
তায় কাটিবে কলার পাত,  
মুই নারীটা বসিয়া খাইম ( ৬ ) বোল ভাত ॥  
ও কি ও প্রাণ কালা রে—  
ওরে মহাকালের ফল যেমন,  
মোর নারীর যৈবন যেমন ( ৭ )  
খাআ দেখ কালা যৈবন কেমন মিঠা রে ॥

কালার গানগুলিকেও কানাই ধামালীর গানের অন্তর্ভুক্ত করা যাইতে  
পারে। উত্তরবঙ্গের রঙ্গপুর, দিনাজপুর, জলপাইগুড়ি প্রভৃতি অঞ্চলে  
এরূপ গান অনেক শুনিতে পাওয়া যায়। ‘কালার’ ধূয়া ধরিয়া মাহতকে  
উপলক্ষ্য করিয়াও গান আছে—সেগুলিও কৃষ্ণ ধামালীর অন্তর্ভুক্ত কি-না,  
তাহা বিচারসাপেক্ষ। যাহা হউক, কালা কিংবা কানাই-এর জন্ত  
কন্যার আকৃতির অন্ত নাই—সে তাহার যথাসর্ব্বশ্ব কানাইর নিকট অর্পণ  
করিয়াছে। গোপনে তাহার নিকট সে অভিসার করিয়াছে—কিন্তু  
তাহাদের গোপন কথা কেমন করিয়া যেন প্রকাশ হইয়া পড়িল। কানাই  
মাঠে মাঠে দেখু চরাইয়া বেড়ায়, রক্ষা করিবার ক্ষমতা তাহার আছে।  
কিন্তু তাহাদের উভয়ের পিরীতির কথা নিজেদের মধ্যে রাখিতে পারিল  
না, ইহাই বিশেষ আক্ষেপের বিষয়। এমন কি, কানাই তাহাকে ছাড়িয়া  
যাইতে বাধ্য হইল। কানাই-এর সহিত বাল্যকালের প্রেম ভোলা যায়  
না—রহিয়া রহিয়া জাগিয়া ওঠে। তাই বুকে পামাণ বাঁধিয়া সে অতি  
কষ্টে রাত্রি যাপন করে।

ও নাগর কানাইরে—

ওরে অবোধকালে করিছি পিরীত  
তুমি আমি জানি।

এখন কেনে লোকের মুখে নানান কথা শুনি,  
ওরে দুইজনায় কইরাছি পিরীত, খাবার নিবার আশে।  
বাদি ( ৮ ) হইল পাড়ার লোকে, পিরীত ভাঙ্গল শেষে ॥

ওরে, নাউ কাটিমু কালা কালা,  
চালে থুমুরে ( ৯ ) দাও।  
অবোধ কালে করিয়া পিরীত  
আজিও ঝাঞ্জায় ( ১০ ) গাও ॥

( ৩ ) রোপণ করিলাম ( ৪ ) প্রিয় ( ৫ ) ফাক করিয়া ( অর্থাৎ কাটিয়া )  
( ৬ ) খাইব ( ৭ ) সে রকম ( ৮ ) বাদ সাধিল ( ৯ ) বাঁধিলাম, থুইলাম।  
( ১০ ) চিকমিক করে, আলা করে

ও নাগর কানাইরে—

বনে বনে চরাও রে ধেনু  
আখোয়ালে (১১) মতি ।  
এলা (১২) কেনে বেড়াইল তোর  
গোপন পিরীতি ॥  
ওরে, ধনেটি খাইল টিয়ে  
কেমনে কাটাও রাত্রি  
বুখে পাবাণ দিয়ে ॥

উপরি-উক্ত গীতাবলী উত্তরবঙ্গের ভাওয়ালীয়া গান হইতে উদ্ধৃত হইল—গানগুলি রঙ্গপুর দিনাজপুর অঞ্চলে বিশেষ ভাবে প্রচলিত। দক্ষিণবঙ্গেও অনুরূপ গান শুনিতে পাওয়া যায়। যশোহর জেলা হইতে উক্ত গানের অনুরূপ পদ যাহা পাইয়াছি, এস্থলে তাহার কিছু প্রকাশ করিতেছি।—

ও কি হায়, পরাণের মাধব রে—

যখন করিলাম পেম তুমি আর ও আমি ।  
এখন কেন সে সব কথা লোকের মুখে শুনি ॥  
যখনে করিলাম পেম  
সান বাঁধা খাটে ।  
আশমানের চল সূর্য্য তুলে দিল হাতে ॥  
বেলা গেল সন্ধ্যা (১৩) হল,  
সন্ধ্যা লাগাও বাতি ।  
ফুলশাখে (১৪) বিছানা পাতে  
জাগব কত রাত্রি ॥  
বাত (৩) এক পহরের কালে,  
চালে ডাকে চুরো । (১৫)  
পান খেয়ে যাও প্রাণের বন্ধু  
আড়ে কাটা গুরো ॥

\* \* \*

রাত (৩) প্রভাতের কালে পূবে উদয় ভানু  
রাধিকার অঞ্চল ধরে বিনায় মাগে কাশু ॥

কানাই কিংবা মাধবকে নিকটে পাইয়া সে যেন আকাশের চাঁদ হাতে পাইয়াছিল। এখন তাহার অদর্শনে মন কেমন করে—তাহার প্রসঙ্গ সে বিনিস্ত রজনী যাপন করে। শেষ রাত্রে তাহার গহিত দেখা হয়, আবার সূর্য্য উদয়ের সঙ্গে সঙ্গে চলিয়া যায়।—ইহাই উক্ত গানের প্রতি-পাদ্য বিষয়। খুলনা জেলায়ও অনুরূপ গান শোনা যায়।

ও নাগর কানাইরে—

বেলা গেল সন্ধ্যা হ'ল, ও কানাইরে—  
ও সে আলো সোমের বাতি ।

( ১১ ) রাখালের ভাব, রক্ষা করিবার প্রকৃতি । ( ১২ ) এখন ।

১৩) সন্ধ্যা ( ১৪ ) ফুলশাখা ( ১৫ ) হাঁচুর

না আনি মোর প্রাণনাথ,

আগবে কত রাত্রি ॥

ও নাগর কানাইরে—

রাত্রি একফর (১৬) হইল কানাইরে—  
বেড়ানে (১৭) দিলে মন ।  
রাখিয়া বাড়িয়া অন্ন, জাগব কতক্ষণ ॥  
রাত্র দুই ফর হইল  
ও সে গাছে ডাকে গুরো ।

গা তুলে খাও বাটার পান  
নারী কাটে গুরো ॥

\*

রাত্র চার ফর হইল কানাইরে—  
কোকিল ছাড়ে বাসা ।

রাধিকার সঙ্গে প্রেম করিয়া  
না পুরিল আশা রে ॥

ফরিদপুর অঞ্চলে মাধবকে উপলক্ষ্য করিয়া একটি গান শোনা যায়। যৌবনে মাধবের সঙ্গে প্রেম হইয়াছে, এ প্রেমের কথা শোলা যায় না। সাদা কাপড়ে কালির দাগের মত মনের মধ্যেও দাগ লাগিয়া গিয়াছে। মন পরিকার ভাবে তাহা বৃষ্টিতে পারে।

আজ কেন রে যৈবন তুই,  
মিছে পাগল করিসরে হায় !  
ধোপ্ কাপড়ে কালির ফোটা  
মাধব ! যাবে যৈবন রবে খোটা ॥

\*

আড়ায় যেমন ময়না রে পোবে,  
ও মাধব, ছুটে গেলি আর না আসে ॥  
আড়ায় যে মন ময়না রে পাখী,  
ও মাধব, তাই দেখে প্রাণ বেঁধে রাখি ॥

আমরা সাধারণভাবে কৃষ্ণামালী গানের উল্লেখ করিয়াছি। নদীর পাশে মাঝিরা যে সারি গান করে, তাহার মধ্যেও উক্ত গান পাওয়া যায়। খুলনা জেলার একটি সারি গান এখানে উল্লেখ করা বাইতেছে।—গানের বিষয়বস্তু এইরূপ ... কৃষ্ণও মাঝি হইয়া নৌকা লইয়া ঘাটের নিকট আসিয়াছে, রাখা দুধের পসরা মাথায় করিয়া ঘাটের কাছে দাঁড়াইয়াছে। তাহাকে ওপারে বাইতে হইবে, বেলা বহিয়া বাইতেছে, সেজন্য—সে মাঝির নিকট কাতর মিনতি জানাইতেছে। মাঝিও তাহাকে লইয়া ছলনা আরম্ভ করিয়াছে। সকল সখির নিকট হইতে সে “আনা” গ্রহণ করিবে, আর রাধিকার নিকট হইতে সে কানের সোনা লইবে।

পার কর পার কর কানাই,  
বেলায় দিকে চায়ে। (১৮)

( ১৬ ) এক প্রহর ( ১৭ ) বেড়াইতে ( ১৮ ) চাহিয়া ।

দধি দুধ জল নষ্ট

দিবা গেল বয়ে ॥

সকল সখি পার করিতে লব আনা আনা ।

রাধিকারে পার করিতে নিব কানের সোনা ॥

কানাই মাঝির চুক্তি স্বীকার করিয়া রাধা নৌকার উপর <sup>৩১৩</sup>সি  
বসিল, নৌকাখানি বৃষ্টি-বা ছুলিতে আরম্ভ করিয়াছে, রাধিকার ভার বোধ  
করি সহ্য করিতে পারিবে না ।\*

তুমি ও হৃন্দর কানাই

তোমার ভাঙ্গা নাও । (১৯)

কোথায় থোব দুধের পসর রে কানাই

কোথায় থোব পাও ॥

\*

—ভাঙ্গা নয় নৌকাখানি,

রাধে, পসরি সার ।

কত হস্তি ঘোড়া করলেম পার

তোর কি এত ভার ॥

\*

অর্ধেক গাঙে যায়ে কানাই

নৌকায় দিল নাচা । (২০)

উড়িল রাধিকার প্রাণ

কানাইর গাওর ভাঙ্গিল পাছা ॥

—বাহ বাহ বাহ কানাই,

বাহে ধর কুল ।

এ ধন যৌবন দিব কানাই—

গঙ্গায় দিব পুল ॥

রাধিকা ঘাটে আসিয়া কলসীতে জল ভরিতেছে। তাহাকে একা  
পাইয়া কানাই তাহার সহিত কথা বলিবার জন্ত ব্যস্ত হইয়াছে।  
রাধিকার ভয় করে পাছে যদি কেহ দেখিয়া ফেলে। সেজন্ত সে  
কানাইকে ঘরে কিরিয়া যাইতে অনুরোধ করিতেছে। কানাইও যেন  
নাছোড়বান্দা—তাহার সঙ্গে কথা কাটাকাটি আরম্ভ করিল। একটা  
কিছু না করিয়া যেন সে আজ কিরিবে না। তাহাদের মধ্যে উভয়ের  
যৌবনকে লক্ষ্য করিয়া আলোচনা চলিতে লাগিল।

জল পোরো রাই বিনোদিনী,

জলে দিয়া চেউ ।

নয়ন মেলে কও কথা

ঘাটে নাই কো কেউ ।

—দেখিয়া যমুনার কেউ রে

ও নাগর প্রাণ কাঁপে রে ধরে ।

আজ আমি কব না কথা

যা ফিরে তোর ঘরে ।—

—কেমন তোমার মাতা পিতে

কেমন তোমার হিয়ে ।

বার বছর হয়েছে বয়স

না দিয়েছে বিয়ে ॥

—ভাল আমার মাতা পিতে

ভাল আমার হিয়ে ।

তোমার চায়ে হৃন্দর কুমার

সেই করেছে বিয়ে ॥

পরের নারী দেখে কুমার জলে পুড়ে মর ।

নিজ ধন ভাঙ্গায়ে কুমার বিয়ে না রে কর ॥

—কোথায় পাব টাকাকড়ি

কোথায় পাব আইয়ে (২১) ।

তোমার মত হৃন্দরী নারী,

কোথায় পাব যাইয়ে ॥

—আমার মত হৃন্দর নারী,

কুমার যদি চাও ।

উলুর ছোটা কলসী নিয়ে

যমুনায় ভাসাও ॥

—কোথায় পাব কলসী নারী

কোথায় পাব দড়ী ।

তুমি হও যমুনার জল

আমি ডুবে মরি ॥

উপরি-উক্ত গানটি যশোহর জেলা হইতে সংগৃহীত হইয়াছে।  
খুলনা জেলার একটি গানের সঙ্গে উক্ত গানের শেষের দিকের সামঞ্জস্য  
আছে। এস্থলে তাহা উদ্ধৃত করিতেছি।

তুমি ও যে হৃন্দর কানাই,

আমি তোমার মামি ।

কোন্ সাহসে বল রে কানাই

জল ফেলাব আমি ॥

তুমিও যে হৃন্দর কানাই,

না করিলে বিয়ে ॥

পরের রমণী দেখি কানাই,

মর জলে পুড়ে ॥

কোথায় পাব টাকাকড়ি—

কোথায় পাব মাইয়ে (২২) ॥

\* নৌকাবিলাস গানের মধ্যেও অনুরূপ ভাব আছে।

(১৯) নাও—নৌকা (২০) নাচন।

(২১) আইয়ে, এরোতি—ইহার দ্বারা পরকীয়া ভজন সূচিত হয়।

(২২) মেরে।

তোমার মত সুন্দরী পেলে

করতম আমি বিয়ে ॥

দক্ষিণবঙ্গের পল্লী অঞ্চলে উক্তরূপ গান অনেক প্রচলিত আছে। আমরা এখানে উত্তরবঙ্গের রঙ্গপুর জেলার একটি গান তুলনার জন্ত উল্লেখ করিতেছি। রঙ্গপুরের সাধারণের গ্রাম্য “ভাওয়াইয়া গানের” মধ্যেও উহা শোনা গেলে “চলমল সাধুর গান” নামে একটি গানের উহা অন্তর্ভুক্ত।

“চলমল সাধুর” গানের বিষয়বস্তু এইরূপ। লক্ষ্মীমাতার পুত্র চলমল সাধুর সহিত পাটগ্রামের শঙ্খ রাজার কন্যা ছবুলার সহিত বিবাহ হইয়াছিল। বিবাহের পর সাধু বাণিজ্যে গমন করে, ছবুলার কাতর মিনতি তাহাকে নিবৃত্ত করাইতে পারে নাই। বার বৎসর ধরিয়া তাহার সহিত দেখা নাই। একদিন ঘাটের পথে সাধুর সহিত ছবুলা সুন্দরীর সাক্ষাৎকার হইল : কিন্তু কেহ কাহাকে চিনিতে পারিল না। না চিনিতে পারিলেও তাহারা উভয়ে পরস্পরকে উপলক্ষ্য করিয়া গান করিতে লাগিল। শেষে উভয়ের সহিত পরিচয় হইয়াছিল। নদীর ঘাটের পথে যে গান হইয়াছিল, তাহা এখানে উল্লেখ করা যাইতেছে। ইহার দ্বারা আমরা প্রমাণ করিতে চেষ্টা করিব যে, তিন শত মাইল দূরবর্তী পল্লী অঞ্চলে প্রচলিত গানের সহিত অসঙ্গত দূরবর্তী পল্লী অঞ্চলের সহিত ভাষা ও ভাবে মিল আছে।

ও নাথ কন্যা ও, জল ভর রে সুন্দর কইনা

জলে দিয়া ঢেউ

একলা ঘাটে আইসাহ কন্যা

সঙ্গে নাইকো কেউ ॥

—তুমি ত রাজার ছাইলা(২৩) বিভাও(২৪) করতে পার।

পরার রমণী দেখে কেন জলে পুড়ে মর ॥

—আমি ত রাজার ছাইলা বিভাও করতে পারি।

তোমার মত সুন্দর কন্যা মিলাইতে নারি ॥

—সাধু, আমার মত সুন্দর কন্যা যদি মিলাইতে চাও।

গলায় কলসী বেঁধে জলে ঝুপ দেও ॥

—কোথায় পাব কলস কন্যা কোথাও পাব দড়ি।

তুমি হইলেন সবুনার জল আমি ডুবে মরি ॥

পূর্ববঙ্গের পল্লীগীতির দিকে দৃষ্টি দিলে বোধ করি, আমরা পূর্বোক্ত প্রকারের গান পাইতে পারি। উত্তরবঙ্গের সুদূর পল্লী অঞ্চলে যে গান প্রচলিত আছে, দক্ষিণবঙ্গের পল্লী অঞ্চলেও সেরূপ পাইতেছি; পূর্ব কিংবা পশ্চিমবঙ্গের পল্লী অঞ্চলেও সেরূপ গান শুনিতে পাওয়া যাইবে।

মামা ও ভাগিনাকে উপলক্ষ্য করিয়া অনেক কুরুচিপূর্ণ গান পল্লী অঞ্চলে প্রচলিত আছে। রাধাকৃষ্ণের প্রেমলীলার প্রাকৃত ভাব তাহাতে আত্মগোপন করিয়া আছে। বাংলার পল্লী অঞ্চলের “মেঠোগ্রামে” উক্ত

ভাব অনেক পাওয়া যায়। কিন্তু তাহাকেই বড় করিয়া ধরিলে পল্লী-গীতির প্রতি বিশেষ অবিচার করা হইবে। এ বিষয়েও একটু তুলনা-মূলক আলোচনা করা যাইতেছে। রঙ্গপুরের একটি গান এখানে উল্লেখ করিতেছি।

ও চাঁদ, আমার বাড়ী তোমার বাড়ী

মধ্যে হীরা নদী।

কি যাব তোমার বাড়ী রে চাঁদ

পাখা (২৫) নাই দেয় বিধি ॥

একবার আসিয়া কি ও মোর সোনার চাঁদ

যান ত দেখিয়া হে ॥

আমার বাড়ী : তোমার বাড়ী,

মধ্যে ব্যাতের আড়া।

কি যাব তোমারে বাড়ী,

আমার কপাল পোড়া ॥

আমার বাড়ী তোমার বাড়ী,

একে ত আঙ্গিনা।

আত হ'লে ও মোর সোনার চাঁদ

দিন হইলে ভাগিনা ॥

গানটির প্রথম দিক্টি একেবারে মন্দ নয়; শেষের দিকে পদ পড়িয়া অনেকের নৈতিক মনে আঘাত লাগে। মামি ও ভাগিনার এইরূপ আপত্তিকর সংঘর্ষের মধ্যে আমরা কানাইধামালীর গানের গন্ধ পাইতে পারি। ষাঁহার কৃষ্ণধামালীর গানকে অলীলতার নামান্তর মাত্র বলিয়াছেন, তাহারা ইহাতে উল্লসিত হইয়া উঠিবেন সন্দেহ নাই।

পূর্বোক্ত গানের সহিত দক্ষিণবঙ্গের একটি গানের অপূর্ব মিল আছে। এখানে তাহার সামান্য কিছু উল্লেখ করিতে প্রয়াস পাইতেছি। গানটি খুলনা জেলায় শোনা যায়।

বঙ্গুর বাড়ী আমার বাড়ী,

মধ্যে কীরো নদী।

উড়ে যাবার আশায় করি

পরার (২৬) দেয় নি বিধি ॥

বঙ্গুর বাড়ী আমার বাড়ী,

মধ্যে নলের বেড়া।

হাত বাড়ায় পান দিতে

দেখলো দেওর (২৭) ছোড়া ॥

পান দিলাম সুপারী দিলাম,

চুণো দিয়ে খাইও।

আর(৩) কোন কথা থাকে,

কদমতলার খাইও ॥

(২৩)। ছাইলা = ছেলে। (২৪)। বিভাও = বিবাহ

(২৫) পাখা = পাখা। (২৬) পরার অর্থেও “পাখা” বুঝায়।

(২৭) দেবর, রঙ্গপুরে “দেওরা” বলে।

উত্তরবঙ্গের একটি গানের মধ্যে পাওয়া যায়—

আমার বাড়ী যান হে দেওরা,

খাইতে দিব পান ।

আর শুইতে দিমো (২৮) শীতল পাটি

যেবন করব দান ॥

পূর্ববঙ্গের “মহয়া”র গানের মধ্যে একস্থানে দেখিতে পাই।—

অতিথ বলিয়া যদি আইও আমার বাড়ি ।

বাপেরে কহিয়া আমি বইতে দিতাম পিড়ি ॥

(২৮) দিমো = দিমু ( পূর্ববঙ্গ ) = দিব ।

শুইতে দিতাম শীতল পাটি বাটা ভরা পান ।

আসত যদি সোনার অতিথ যৌবন করতাম দান ॥

আলোচনা করিতে করিতে আমরা এমন স্থানে আসিয়া পড়িয়াছি যেস্থান হইতে চলিয়া আসা বড়ই কষ্টসাধ্য । পাঠকের ঠেংয়ের বাধ না ভাবিলেও প্রবন্ধের গণ্ডী পার হইয়া যাইবে বলিয়া আশঙ্কা হয় । পল্লীর প্রেম-গীতি-কথা বলিয়া শেষ করা যায় না । কৃষ্ণধামালীর গানও যে উক্ত প্রেম-গীতির অংশস্বরূপ, তাহা নিঃসংশয়ে বলা চলে । তবে কৃষ্ণধামালীর গান যে প্রকৃতভাবে কাহাকে বলে, তাহা এখনও জানা যায় নাই—কল্পিত বিষয় কি না তাহাও বিচারসাপেক্ষ ।

## যে জন চলিয়া যাবে

কবিকল্পণ শ্রীঅপূর্বকৃষ্ণ ভট্টাচার্য্য

তোমারি তরে মা সঁপিয়া হৃদয়, তোমারি তরে মা সঁপিয়া দেহ,

সকল দুঃখ বরিয়া জীবনে যে জন একদা চলিয়া যাবে

অশ্রুপথের বেদনা মাখিয়া শূন্য করিয়া গেহ—

বল মা আমারে, তুমি কি সেদিন শোক-সঙ্গীত গাবে ?

একটি জীবন তোমারি সেবায় সহিয়া কত না নির্যাতন

আঁধার করিবে আপনার যশ মরুর ধূলায় তোমারি তরে,

স্নেহবঞ্চিত করিবে তাহারে কত আপনার জন,

অশ্রু তোমার রাখিবে কি মাগো তাহারি বুকের 'পরে !

যদিও সমাজ ঠেলে দেবে পায়ে, অরাতি দণ্ড দেবে গো এসে

ভগ্ন বীণায় তুলিয়া দীপক তুমি কি জাগাবে বহ্নিশিখা ?

স্বার্থের লাগি অরাতির কাছে যুগ্য হলেও শেষে—

তোমার সেবায় জীবন সঁপিয়া পরেছে হোমের টীকা ।

মরমে তোমার স্বর্গ-প্রেমের জড়ায়েছে তার স্বপ্ন যত,

এই ধরণীর আলোক-ছায়ার হেরিয়াছে রূপ তোমারি কোলে ;

জীবন-প্রভাতকুঞ্জে প্রথম শুনেছে কাকলী কত,

তোমারি তরে মা দুঃখ বেদনা সকল ভাবনা ভোলে ।

দখিনা বাতাস ছিল তার সাথে সোনালী মেঘেরা করিত খেলা,

নীরব রাতের বাতায়নে বসি' শুভ্র তারকা করিত গান ।

স্বপনের রাণী ঘুমেতে তাহার ভাসাত স্নেহের ভেলা,

চম্পকবাস শৈশবে তার জুড়াত কোমল প্রাণ ।

শেষের সময় দেবতার কাছে আত্মকাহিনী জানাবে যবে,

তোমার কথাটি ফুটিয়া উঠিবে তাহারি সকল কথার মাঝে ।

পিছল পথের রিক্ত পথিক কহিবে করুণ রবে—

‘আশিস্ কর মা, ফিরিয়া আসিতে পারি যেন তোর কাছে ।’

হয় তো ফিরিতে পারিব না আর তব গৌরব প্রভাতে আমি,

বন্ধুরা সব রহিবে তোমার বিজয়পতাকা উচ্ছে ধরি' ;

ধন্য তাহার—অভাগা শুধুই হৃদয়ের পথগামী—

সেদিন তুমি কি নয়নের জল ফেলিবে আমারে স্মরি' ?

তোমার লাগিয়া যে জন নিজেরে যুগের খড়্গে দিবে গো বলি,

ওপারে তাহার মহিমামুকুট গর্বে রচিবে স্বর্গলোক ।

যে জন একদা চলিয়া যাবে মা শত লাঞ্ছনা দলি'

তাহারি বিরহে মুক্তি-দিবসে করিবে কি তুমি শোক ?



# ইউরোপীয় ও ভারতীয় সঙ্গীতকলা

শ্রীবীরেন্দ্রকিশোর রায়চৌধুরী এম-এল-সি

সঙ্গীতকলার আলোচনা বর্তমানে আন্তর্জাতিক সমাজদারদের পক্ষে অতি কঠিন হয়ে পড়েছে। সঙ্গীতকলার কোন পরিচিত ধ্বনির অমুকরণ মাত্র নয়, গ্রীক মূর্তি বা রিনেসাঁস যুগের চিত্রের মত একে realistic ভাবে বিচার করা চলে না। জগতে নিখিল ধ্বনি-বিতানকে সুসম্বন্ধ করার সাধনার নানা সভ্যতার কৃতিত্ব বা সারবত্তার পরিচয় পাওয়া যায়। এ সমস্ত বিচিত্র ধ্বনিকে ছন্দের সূত্রে গ্রথিত না করতে পারলে সঙ্গীত বা সুরবীথিকা কলালীলার দাবী করতে পারে না। নিগ্রো সঙ্গীতের উল্লেখ উদ্ভটত্বকেও এষুগে মর্যাদা দেওয়া হয়েছে কারণ ইউরোপের দানের ভিতর একটা বিরাট অপূর্ণতা ও শূন্যতা আছে। এই শূন্যতা পূরণ এষুগে অবশ্যস্বাবী হয়েছে।

জার্মেণ কলাবিদগণ সঙ্গীতকলাকে “Anderstreben of all arts” বলে থাকেন। এর মানে হচ্ছে সঙ্গীতই সকল artএর লক্ষ্যস্থানীয়—সকল কলাই সঙ্গীতকলার মত abstract নিরূপাধি বা বস্তুনিরপেক্ষ হওয়ার চেষ্টা করছে। ইউরোপে subject matterকে মর্যাদা দিতে ইদানীং কোন আর্টই চেষ্টা করে না। সঙ্গীতে বাক্যটি প্রধান নয়—বিষয়বস্তুর মূল্য এতে কম—সুরের মূল্যই সবচেয়ে বেশী। কাজেই সুরের রাজ্যে প্রবেশ করে’ ইউরোপীয় সঙ্গীত বায়বীয় আবাস্তবের ক্ষেত্রে এসে পড়েছে। সঙ্গীতে ধ্বনি-রূপ রচনার patternই চরম ও শেষ কথা। সুরের pattern রচনা করাই হ’ল উচ্চসাধনার ব্যাপার। এ পথে ইউরোপ বেশী দূর যায় নি। অবস্তু তন্ত্র Abstract music ইউরোপের ইতিহাসের গোড়ায় ছিল। ক্রমশঃ তা প্রাণে দুঃসহ হয়ে পড়ল। এজন্ত সঙ্গীতকে operার সহিত যুক্ত করে Wagner এই কলাকে বস্তুতান্ত্রিক করে তুলেন। গল্পের হের কের, উত্থান পতন, সুখ দুঃখকে সুরের ভাষায় অমুকরণ করাই হল বড় কাজ। এভাবে একবার বাস্তবতার ক্ষেত্র হ’তে ক’রে সঙ্গীতকে ইউরোপ আবার বস্তুবাদের খাঁচায় পুরেছে।

এই গেল একদিক; অপরদিক হচ্ছে ইউরোপের সঙ্গীতের

রথ এক পক্ষীরাজ ঘোড়ায় চলে না। সাতটি হোক না হোক অনেক ঘোড়ায় তাকে চালান হয়—সে সব সাতদিকে ছোটে। Popley সহজ ভাষায় বলেন “In western music it is the cluster of notes rather than individual notes which have special value”. একরূপ অবস্থায় সুরের democracyর রাজ্যে ইউরোপ আত্মসমর্পণ করেছে। এটা নিম্নস্তরের কেলি—উচ্চ স্তরের আরোহণ নয়। ভারতীয় সঙ্গীতে ও ধ্বনির বৈচিত্র্য আছে, কিন্তু সেগুলো একটি পুষ্পহারের মত কল্পিত হয়ে’ কোন রাগিণীর সুষমাতে মুকুরিত ক’রে তোলে। তাতে পাঁচমিশেলি ভাব নেই। বস্তুতঃ ইউরোপীয় সঙ্গীতের ভিতর ঐক্যের মধ্যে বৈচিত্র্য ও ভারতীয় সঙ্গীতে বৈচিত্র্যের মধ্যে ঐক্যই লক্ষ্য করবার বিষয়।

তব্বের দিক হ’তে এই দুটি কলাকে বিচার করতে গেলে আরও গভীর জায়গায় উপস্থিত হ’তে হয়। ইউরোপীয় সঙ্গীতে বৈচিত্র্যই মুখ্য। এর মানে হচ্ছে ইউরোপে প্রত্যেকটি ধ্বনির একটা ইন্দ্রিয়গত বা ‘objective’ স্বাতন্ত্র্য স্বীকৃত হয়েছে। এই স্বতন্ত্র ধ্বনিগুলির ঘাত-প্রতিঘাতকে বাড়িয়ে তুলে একটা সাময়িক sensation জাগ্রত ক’রে চিত্তকে বিক্ষুব্ধ করাই হল এ শ্রেণীর সঙ্গীতকলার উদ্দেশ্য। তব্বের দিক হতে ভারতীয় কল্পনা একেবারে বিপরীত। ইউরোপ ‘নাদে’র সন্ধান নিতে হাতে মাঠে ছুটে গেছে। পাথরের টুকরোর মত সে সব সাজিয়ে সঙ্গীতকারেরা catalogue ক’রে রেখেছে। কাণে এ সবের মিশ্র একটা কিছু রচনা করাই হল ইউরোপের বাহাদুরী।

অপরদিকে হিন্দু কল্পনায় ‘নাদ’ কল্পনা অতি সুদূরগামী ব্যাপার। তার মূল তুরীয় স্তরে নিহিত। সমগ্র ব্যাপারটি subjective এবং তন্ত্রশাস্ত্রের প্রতিপাত্ত গভীর তত্ত্ব। কাজেই হিন্দু সঙ্গীতের ভিতর রাগ রাগিণী যে ঐক্যকে বহিরঙ্গ রূপ দিয়েছে—কোন বিশিষ্ট রূপ ও রসের লীলা-প্রসঙ্গে—হিন্দু অমুভূতি সে ঐক্যকে তুরীয় স্তরে অমুভব করেছে এবং সঙ্গীতকলার বহিরঙ্গ ধ্বনিসুখমার রত্নকদম্বকেও সে আলোকেই ঐক্যের পাদপীঠে স্থাপন করেছে।

হিন্দুকল্পনা সকল ধ্বনির ভিতর ঐক্য অনুভব করেছে। মতঙ্গ বলেন—“সা চ একা অনেকা বা একৈব শ্রুতিরিতি”

ধ্বনি এক—আবার তার অগুরণন অসীম। বর্ণ যেমন শুধু সাতটি নয় সীমাহীন, তেমন ধ্বনির রণনও বাইশটি বা ছয়ষটি শুধু নয়—তা’ অনন্ত। ব্যবহারিক দিক হ’তে হিন্দু সঙ্গীতকার বাইশটি শ্রুতিকে মুখ্য করেছে—কিন্তু তত্ত্বের দিক হ’তে তা’ অসীম। এ রকমের একটা বিরাট অনুভূতি হিন্দু সঙ্গীতকলার ভিত্তিস্থানীয় হয়েছে।

তা’ ছাড়া ভারতে ধ্বনিকে যে তুরীয় মর্যাদা দেওয়া হয়েছে—এমন আর কিছুকে দেওয়া হয় নাই। সঙ্গীত-রত্নাকর মতে ‘নাদ’ দুপ্রকার আহত ও অনাহত। যা’ আঘাত দ্বারা উৎপন্ন হয় তাহা আহত—যা’ স্বতই উৎপন্ন হয় তা’ অনাহত। শারদাতিলকতন্ত্রমতে পরা-শক্তি হইতেই নাদের উদ্ভব। সৃষ্টিকালে নাদ হতে উৎপন্ন মাতৃকার অ-উ-ম হ’তে ব্রহ্মা বিষ্ণু শিব উৎপন্ন হয়েছেন। রত্নাকর মতে এই দেবতারা নাদাত্মক। নাদ হ’তে ষড়্জাদি ধ্বনাত্মক স্বর একদিকে—অন্যদিকে বর্ণাত্মক শব্দ সমূহ উদ্ভূত হয়েছে। ধ্বনাত্মক নাদ হচ্ছে সঙ্গীতের উপাদান এবং বর্ণাত্মক নাদ হচ্ছে মন্ত্রাদির পরিপোষক।

হিন্দু সঙ্গীতকারগণ ধ্বনিকে তুরীয় শক্তিরই রূপান্তর বলেছেন। কাজেই বিচ্ছিন্ন প্রাকৃতিক যাদুঘর হ’তে প্রাপ্ত ধ্বনির টুকরোগুলির inspiration হিন্দু সঙ্গীতকারকে প্রবুদ্ধ বা অনন্দোলিত করেনি। নাদ অবাঙ্গ্‌মনসো-গোচর—“যতো বাচ্যে নিবর্তন্তে অপ্রাপ্য মনসাসহ”। ভূমার মাঝে তাঁরা ধ্বনির উৎস খুঁজেছেন এবং সৃষ্টির আদিতে ধ্বনিকে শক্তিরূপী প্রবর্তক বলে লক্ষ্য করেছেন। এরূপ অবস্থায় ধ্বনিলালিত্যের সহিত তুরীয় অখণ্ডতার যোগ স্থাপিত হয়েছে এবং মানুষের অন্তর্লোকেও অনুভূত অনাহত সুরের সুষমা ছায়াপাত করেছে।

ফলে সঙ্গীতকারগণ ধ্বনির ভিতর দিয়ে ধ্বনির অতীত লোকের সহিত সামাজিকতা করতে লোকদের উৎসাহিত করেছেন। এটা হ’ল সঙ্গীতের দ্বারা সিদ্ধ হওয়ার পথ।

ইউরোপীয় সঙ্গীতকলার শ্রী জাগ্রত হয় Harmony রচনার ভিতর। Harmonyর ভিতরকার মূল সূত্র হচ্ছে বিরোধ বা contrast—তা একান্তভাবে ব্যতিরেকী ব্যাপার।

প্রতিমুহূর্ত নূতন নূতন বিরোধ সৃষ্টি করে’ একটা বিরোধ-মূলক তান-সৃষ্টির মূলে আছে আমাদের ঐন্দ্রিয়িক অনুভূতিকেই ঐকান্তিক মর্যাদা দেওয়া। এর জন্ম কোন উচ্চতর প্রেষণার প্রয়োজন হয় না। কোন ইউরোপীয় আলোচক বলেন—“In western music the salient notes are made by the momentary impulse of the harmony, of the counterpoint and it is the cluster of notes rather than individual notes which have special value.”

ভারতীয় সঙ্গীতে এইরূপ বৈপরীত্যের ইমারত তৈরী হয় না—তা অস্থায়ী বা সাময়িক প্রেরণায় মূর্ত্তিমান। ভারতীয় কলার উদ্দেশ্য রসের ঐশ্বর্য উদ্ঘাটন। মানুষের অন্তরেই সকল রূপবীথিকার শেষ আবেদন চলে। সেই গভীর প্রদেশে উৎসারিত রসকদম্ব সাময়িক ব্যাপার নয় এবং কণিক উত্তেজনারও ব্যাপার নয়। সে সব চিরন্তন। অসীম মানবত্ব সৃষ্টির শেষ পুলক পর্য্যন্ত এই সমস্ত রসপ্রেরণায় শিহরিত হবে। শৃঙ্গার, করুণ, রৌদ্র প্রভৃতি রস কোন বিশেষ কাল স্থান বা জাতির আকস্মিক সম্পদ নয়। কাজেই এসব চিরন্তন ও চিরনবীন সৌন্দর্য্যস্বপ্নকে জাগ্রত করতে না পারলে সকল রচনাই ক্ষণভঙ্গুর হয়ে পড়ে। ইউরোপের ফ্যাশন দিন দিন বদলাচ্ছে—অপূর্ণতা অতৃপ্তি ও অধীরতায় পাশ্চাত্য সঙ্গীত পরিপূর্ণ—এজন্য সকল জাতির এমন কি নিগ্রোদেরও কলা লালিত্য হ’তে উপকরণ সংগ্রহ করতে ইউরোপ উৎসুক।

ভারতীয় কলা রাগরাগিনী কল্পনা করে’ এক একটি মনোবিহারের রাজপথ রচনা করেছে। এসব বদলান চলে না, যদিও নানা আলঙ্কারিক বিভবে এদের সুষোভন করা চলে। সে স্বাধীনতা ভারতের প্রতি রচনায় আছে। একই রাগিনী বিভিন্ন গায়কের কণ্ঠস্বরে একটা নূতন জ্যোৎস্না স্নাত সুষমায় মণ্ডিত হয়—কিন্তু কেউ মূল রাগিনীকে ধ্বংস করতে চায় না। এজন্য মার্গ বা classical সঙ্গীতের রাগ রাগিনী-গুলিকে এদেশের কলাবিদগণ অপৌরুষেয় বলেন। দেশী সঙ্গীতের বৈচিত্র্যের পশ্চাতে মার্গ সঙ্গীতের চিরন্তন প্রেরণা বর্তমান—একথা ভুললে চলবে না। ‘মার্গসঙ্গীত ইন্দ্রিয়ের জড় আবরণ ভেদ করে’ গভীরতর অধ্যাত্ম স্তরে উপস্থিত হয়—যে স্তরে জরা মরণ নেই—যা চিরনবীন ও চিরপ্রফুল্ল।

এজন্য এ শ্রেণীর সঙ্গীত সমগ্র জাতীয় চিত্তকে সংহত করে। মার্গসঙ্গীতের উৎপত্তি ও আদর্শ এজন্যই দিব্য বলা হয়। এ সঙ্গীত মুক্তিদান করে' ধর্মস্থানীয় হয়ে পড়েছে ভারতবর্ষে। অঘণ্টাঙ্ক সুরহিল্লোলে অর্থাৎ melodyতে চিত্ত একাগ্র হয়। যে জায়গা হ'তে নাদের আবির্ভাব সে জায়গার সহিত সামাজিকতা একরূপ একোমুখী শব্দকুণ্ডলী সম্ভব করে। সকল দুঃখ ও পীড়ার অপর পারেই মুক্তি। ধীরে ধীরে চিত্তকে এমনি ভাবে আন্দোলিত করে' ভারতের সঙ্গীতকলা হৃদয়ের সকল গ্রন্থিকে ভেদ করে দেয়—“ভিগ্নতে হৃদয়গ্রন্থি।” এই আরোহণ আনন্দের সহস্রারের দিকে নিয়ে যায়। অপরদিকে ছিন্নবৃন্ত অবরোহণ সাময়িক সঙ্গীতকে কতকগুলি জমকাল উত্তেজনা ও মনোহর বৃজরকীর ভিতর দিয়ে নিয়ে যায়— বিরোধী ব্যঞ্জনার সাহায্যে—যা ক্রণভঙ্গুর sensation সৃষ্টির সাহায্যে মুগ্ধ করে। এরকম সৃষ্টির স্থানও হিন্দু রচনায় আছে। শাস্ত্রোক্ত দেশী সঙ্গীতের উদ্গাদনার মূলে আছে এই জাগ্রত ধ্বনির নব নব ব্যূহ রচনার প্রয়াস।

আধুনিক চিত্র ও গান চায় বস্তুতন্ত্র ঐহিকতার মায়ায় আচ্ছন্ন হ'তে—এই ভাবেই ইউরোপীয় সঙ্গীতকলা সমাদৃত হচ্ছে। এই শ্রেণীর কলা চায় রূপরসগন্ধের স্বায়বিক sensation—চিত্তের পরম শাস্ত ও শিবভাব নয়। অথচ

আহত ধ্বনির সাহায্যে অনাহততে না পৌঁছলে তুরীয় গমকের সাহচর্য লাভ হয় না—অথণ্ড সৃষ্টি খোলে না। রাগ রাগিণীর ভিতর দিয়ে এই পরমলোকে বিচরণ মানুষের একটা অধিকার। যিনি রসস্বরূপ—তাঁকে পেতে হলে রসের অথণ্ড প্রকাশের পথে যাওয়া প্রয়োজন। ভারতীয় সঙ্গীতের ইতিহাসে ভক্তদের সঙ্গীতকাররূপে দেখতে পাওয়া যায়। বস্তুতঃ সঙ্গীতকলাকে শুধু কর্ণের বর্হিরঙ্গ সেবার বস্তুরূপে কেউ ভারতে দেখে নি। চিত্তের সকল দিককে ও মানবিকতার সকল আদর্শকে বিকশিত করে' ভারতীয় কলা অগ্রসর হয়েছে।

ভারতীয় সঙ্গীতকলা সাময়িক ও দেশী সঙ্গীতকেও স্থান দিয়েছে—তা' না হ'লে অধিকার ভেদে প্রত্যক্ষ অনুভূতি ও রসচর্চা ব্যর্থ হয়। অরূপের পথে রূপের সন্ধেও বোঝাপড়া প্রয়োজন। এ দুটিই অঙ্গাঙ্গী। এদেশেও বৈচিত্র্য ও বহুত্বের পথ বর্জিত হয় নি, এজন্য ইউরোপীয় সঙ্গীতকলায় শাস্ত্রত সংযম না থাকলেও হিন্দুকলা তা'কে গ্রহণ করতে পারে— যথাযোগ্য বর্হিরঙ্গ শোভনতা আরোপ করে। তা'তে ইউরোপীয় কলাও সমৃদ্ধ হবে এবং ভারতীয় সঙ্গীতও আধুনিক বাস্তবতার সহিত সঙ্গত হয়ে মহীয়ান হবে। একরূপে এ দুটি কলার যুগ্মকরের সম্বন্ধনায় মানব চিত্তের আনন্দ উপচিত হবে সন্দেহ নেই।

## নিখুঁত প্রেমেরি দায়

শ্রীকালীকিঙ্কর সেনগুপ্ত

ভালবেসো মোরে ভাল বাসো যদি নিখুঁত প্রেমেরি দায়  
দুরাপ বে প্রেম কৈবল্যের অমল অহৈতুকী—  
বাসিও আমারে দেহের কিনারে ভাসি প্রেম দরিয়ায়  
অমানিশীথের চকোর যে প্রেমে পাগল উর্দ্ধ মুখী।  
কমা কোরো প্রিয় ভাল বাসিও না ফুল হাসির রেখা  
বাসিও না ভালো সরস নধর ডালিম লালিমা ধর

কপোলে কপোলে কর চরণের গতিবিভঙ্গে লেখা  
নব সঞ্চার এ তনু লতায় অতনুর মর্শ্বর।  
ফাগুনের প্রেম কুসুমকোমল শুকায় ফুলেরি মত  
মলয়ের প্রেম মিলায় হেলায় তাহারি বিদায় সনে  
মেঘমল্লারে বরষার প্রেম পল্কা মেঘেরি মত  
চোখের মোহের মরীচিকা প্রেম শুধু পিপাসার ক্ষণে।

হৃদয়ের সনে অটুট বাঁধনে বাঁধা যায় পাকে পাকে

দিবে যদি সখা দাও সেই প্রেম বাঁধা দাও আপনাকে।





# গন দেবতা

শ্রীতারশঙ্কর বন্দ্যোপাধ্যায়

চণ্ডীমণ্ডপ

( পাচ )

গল্পে শোনা যায়, যমজ ভাইয়ের ক্ষেত্রে যমদূতেরা রামের বদলে শ্যামকে লইয়া যায়, শ্যামের বদলে আসিয়া ধরে রামকে। তাহাদের অনুকরণে হইলেও ক্ষেত্র বিস্তৃততর করিয়া লইয়া রাম অপরাধ করিলে মানুষ অতিবুদ্ধিবশতঃ প্রায়ই শ্যামকে লইয়াই টানাটানি করে। পুলিশও মানুষ, সূত্রাং এ ক্ষেত্রেও তাহার ব্যতিক্রম হইল না। পরদিনই একটা পুলিশ-তদন্ত হইয়া গেল। অনিরুদ্ধ আক্রোশের কারণ দেখাইয়া ছিঁকু পালকে সন্দেহ করিলেও পুলিশ আসিয়া মাঠ-আগলদার সতীশ বাউড়ীর বাড়ী খানাতল্লাস করিয়া তখনছ করিয়া তাহাকে টানিয়া আনিল। ঘণ্টার পর ঘণ্টা লোকটাকে জেরা করিয়া নাজেহাল করিয়া অবশেষে ছাড়িয়া দিল। অবশ্য একবার ছিঁকু পালের খামার-বাড়ীটাও ঘুরিয়া দেখিল—কিন্তু সেখানে দুই বিঘা জমির আধ-পাকা ধানের একগাছি খড়ও কোথাও মিলিল না।

পুলিশ আসিয়া গ্রামের চণ্ডীমণ্ডপেই বসিয়াছিল—গ্রামের মণ্ডল মাতব্বরেরাও আসিয়া চন্দ্রমণ্ডলের নক্ষত্র সভাসদের মত চারিপাশে জমিয়া বসিয়া উত্তেজিতভাবে ফিস ফিস করিয়া পরস্পরের মধ্যে কথা বলিতেছিল—ছিঁকু পাল বসিয়াছিল—পুলিশের অতি নিকটেই অত্যন্ত গম্ভীরভাবে। তাহার আকর্গবিস্তৃত মুখগহ্বরের পাশে চোয়ালের হাড় দুইটা কঠিন ভঙ্গিতে উঁচু হইয়া উঠিয়াছিল। অনিরুদ্ধ সম্মুখেই উপু হইয়া বসিয়াছিল। সে মাটির দিকে চাহিয়া ভাবিতেছিল। তদন্ত শেষে পুলিশ উঠিল। সঙ্গে সঙ্গে অনিরুদ্ধও উঠিল, সে চাহিয়া না দেখিয়াও বেশ অনুভব করিতেছিল যে সমস্ত গ্রামের লোক কঠিন প্রতিহিংসা-ভীর্ণ দৃষ্টিতে তাহার দিকে চাহিয়া আছে। প্রত্যক্ষ যন্ত্রণা সহ করা যায়—নিরুপায়ে মানুষকে সহ্যও করিতে হয়—কিন্তু যন্ত্রণার ভাবী ইঙ্গিত মানুষের পক্ষে অসহ্য। সে পুলিশেরই পিছন পিছন আসিয়া ডাক্তার জগন্নাথ ঘোষের ডাক্তারখানার দাওয়ার বসিল। ডাক্তার ওখানে যায় নাই, সে রোগী

বিদায় করিতেছিল। অনিরুদ্ধকে দেখিয়া হাসিয়া সে বলিল—কি রে, কোটোর মধ্যে ঢাক খুঁজে পেলে না দারোগাবাবু?

অনিরুদ্ধ খুঁটিতে ঠেস দিয়া একটা দীর্ঘনিশ্বাস ফেলিয়া বলিল—না।

মিনিম গ্লাসে ওষুধ ঢালিয়া—গ্লাসটা উঁচু করিয়া ধরিয়া ওষুধের পরিমাণ দেখিতে দেখিতে ডাক্তার বলিল—হু'খানা দরখাস্ত ক'রে দিচ্ছি দাঁড়া; একখানা পুলিশসারেবকে, একখানা এস-ডি-ও কে। জমাদার—ছিঁকু পালের এক-গ্লাসের ইয়ার।

অনিরুদ্ধ বলিল—আজ্ঞে না ডাক্তারবাবু; ও আর থাক।

ডাক্তারের চোখ মুহূর্তে মিনিম গ্লাস হইতে অনিরুদ্ধের মুখের উপর নিবদ্ধ হইল। পরমুহূর্তে হাসিয়া ডাক্তার বলিল—ভয় পেয়ে গেলি—এরই মধ্যে?

অনিরুদ্ধ হাত দুইটা উপরের দিকে তুলিয়া দেহখানাকে যথাসম্ভব টানিয়া হাই তুলিয়া আলস্য ভাঙিয়া লইল—তারপর বলিল—ভয় আর কি ডাক্তারবাবু, তবে ও-সব ঝঞ্জাট হাঙ্গামা কত পোয়াব বনুন? হাকিম পেশ্কার উকীল মোক্তার, আদালত ঘর—এ আর কত করব। তার চেয়ে দেখাই যাক—কতদূর কে করতে পারে! ধরতে যেদিন পারব ডাক্তারবাবু, সেদিন লোহা-পেটা ক'রে ছেড়ে দোব।

ডাক্তার বলিল—তাতে তোমার বিপদ হবে অনিরুদ্ধ।

অনিরুদ্ধ তাচ্ছিল্যভরে হাসিল—বিপদ? ছিঁকু পালের গাঙ্গা শরীর দেখে ভাবেন বুঝি ছিঁকু পাল সাক্ষাৎ ভীম? ডাক্তারবাবু, আমি কামারের ছেলে—আঙুনের আঁচে—লোহা পিটে আমি মানুষ। ধরতে পারলে—ওর হাড় আমি পিষে ফেলব। ক্রোধে প্রতিহিংসার অনিরুদ্ধ ভীষণ হইয়া উঠিল।

ডাক্তার তাহার সে মূর্তি দেখিয়া শিহরিয়া উঠিল, বলিল—না—না। বিপদ তোমার তাতেই হবে। চোর হোক আর ডাকাত হোক—খুন কিংবা সাংঘাতিক অধম তুমি

তাকে করতে পার না। তাতে উন্টে তোমারই সাজা হয়ে যাবে।

—কি হবে? জেল, না হয় ফাঁসী? তাই স্বীকার! অনিরুদ্ধ উঠিয়া পড়িল, পিছনের দিকে দুটি হাত নিবদ্ধ করিয়া ধীর দৃঢ় পদক্ষেপে ওই চণ্ডীমণ্ডপটার সম্মুখ দিয়াই সে আপনার বাড়ীর দিকে অগ্রসর হইল। স্থির দৃষ্টি সম্মুখের দিকে রাখিয়া সে চলিতেছিল—যেন কোনদিকে তাহার দৃকপাত নাই।

চণ্ডীমণ্ডপে তখন প্রচণ্ড কলরব উঠিতেছিল। পুলিশ চলিয়া যাইবার পরই সমবেত প্রত্যেক জনটি আপন আপন মন্তব্য ঘোষণা আরম্ভ করিয়াছে; কেহ কাহারও কথা শোনে না দেখিয়া প্রত্যেকেই কণ্ঠস্বরকে যথাসম্ভব উচ্চ করিয়া তুলিয়াছে। সঙ্গোপ সঙ্গোপের কেহই অবশ্য শ্রীহরি ঘোষকে স্ম-চক্ষে দেখে না; কিন্তু অনিরুদ্ধ কর্মকার যখন পুলিশে খবর দিয়া তাহার বাড়ী খানাতল্লাস করাইল, বাড়ীতে পুলিশ ঢুকাইয়া দিল, তখন অপমানটাকে তাহার সঙ্গোপায়িত করিয়া লইয়া উদ্ভেজিত হইয়া উঠিয়াছে। বিশেষ করিয়া সেদিন অনিরুদ্ধের সমাজকে উপেক্ষা করার ঔদ্ধত্যের অপরাধের ভিত্তির উপর আজিকার ঘটনাটা ঘটিয়া বিষয়টা উচ্চতায় এবং গুরুত্বে খুব বড় হইয়া উঠিয়াছে। স্পষ্টবক্তা দেবদাস ঘোষের গলাটা যেমন তীক্ষ্ণ তেমনি উচ্চ—সে মাইনর পাস—গ্রাম্য পাঠশালায় পণ্ডিত করিয়া থাকে—সকল কলরবের উর্দ্ধে তাহারই কণ্ঠস্বর শোনা যাইতেছিল। দেবদাস সমাজতন্ত্র লইয়া আপন মনেই দীর্ঘ একটি বক্তৃতা দিয়া চলিয়াছিল—কামার ছুতোর, ধোপা নাপিত, কাজ করব না বললেই তো হবে না। এর জন্তে রীতিমত নালিশ চলবে। হাইকোর্ট—বিলাত পর্য্যন্ত মামলা চলবে। এই ধর তোমার চৌকীদার—আগে চৌকীদার ছিল জমিদারের হাতে—গভর্নমেন্ট যেই চৌকীদার নিজের হাতে নিলে—অমনি জমিদারের কাছায় পাক দিয়ে চৌকীদারী চাকরাণ জমি বাজেয়াপ্ত ক'রে খাস ক'রে নিলে। গ্রামের যে যা কাজ করে—ছাড়তে হ'লে তার ক্ষতি-পূরণ লাগবে। ইয়ার্কি নয়।

শ্রীহরি কেবল তেমনি গম্ভীরভাবে দাঁতে দাঁত চাপিয়া বসিয়াছিল; এতখানি যে হইবে সে তাহা আশঙ্কা করে নাই। অনিরুদ্ধের দুর্দান্ত সাহসকে সে অস্বীকার করে না,

তাহার ভরসা ছিল—চকুলজ্জার ভয়; গ্রামবাসীর ওই বস্তুটিকেই ঢালের মত আড়াল দিয়া সে এতকাল স্বচ্ছন্দমত বিচরণ করিয়া আসিয়াছে। খানার জমাদার তাহার বন্ধু—সে শ্রীহরির মর্যাদা যথাসাধ্য বজায় রাখিয়াও ইচ্ছিতে তাহাকে সাবধান করিয়া গিয়াছে। নতুবা এখনই সে ছুটিয়া গিয়া অনিরুদ্ধের কণ্ঠনালীটা টিপিয়া ধরিত—যেমন করিয়া অন্ধকার রাত্রে লোকের গোয়াল হইতে পাটা-খাসীর কণ্ঠনালী রোধ করিয়া হত্যা করিয়া বাহির করিয়া আনে।

অনিরুদ্ধ একটা সুদীর্ঘ নিশ্বাসে শ্বাসস্থলী পূর্ণ করিয়া বুকটাকে আরও খানিকটা চওড়া করিয়াই চণ্ডীমণ্ডপটা পার হইয়া গেল। পথে শ্রীহরির খামার-বাড়ীতে শুকাইতে-দেওয়া ধান পায়ে পায়ে ওলোট-পালোট করিয়া দিতে দিতে ছিরুর মা অশ্লীল ভাষায় গাল ও নিষ্ঠুরতম আক্রোশে নিশ্বাসমতম অভিসম্পাত দিতেছিল। অনিরুদ্ধ সেও গ্রাহ্য করিল না, ধীর দৃঢ় গমনে সে সমস্ত পথটা অতিক্রম করিয়া বাড়ীতে গিয়া উঠিল।

পদ্ম উৎকণ্ঠিত দৃষ্টিতে পথের দিকে চাহিয়া বাহির-দরজাটিতেই দাঁড়াইয়াছিল। খানা-পুলিশকে তাহার বড় ভয়। ছিরুর মায়ের অশ্লীল গালি-গালাজ এবং নিষ্ঠুর অভিসম্পাতগুলি এখন হইতে স্পষ্ট শোনা যাইতেছিল। পদ্মও হুরস্ত মুখেরা মেয়ে—গালি-গালাজ অভিসম্পাত সেও অনেক জানে। কাহারও স্পষ্ট নামোল্লেখ না করিয়া—তাহার অবস্থার সহিত মিলাইয়া এমনভাবে অভিসম্পাত দিতে পারে যে শব্দ-ভেদী বাণের মত ঠিক ব্যক্তিটির একেবারে বুক গিয়া আমূল বিধিয়া যায়। কিন্তু আজ উৎকণ্ঠায় শাপ-শাপান্তগুলি মুখে আসিতেছিল না। অনিরুদ্ধকে দেখিয়া গভীর আশ্বাসে সে একটা আরামের দীর্ঘনিশ্বাস ফেলিল। পরমুহূর্তেই চোখ মুখ দীপ্ত করিয়া সে অনিরুদ্ধকেই বলিল—আমিও এইবার গাল দোব কিন্তু!

অনিরুদ্ধের অবস্থাটা ঠিক শীতের বরফের মত, অহুস্তপ্ত স্থির সংকল্পে সে অবিচলিত-চিত্ত। স্ত্রীকে একটা ঠেলা দিয়া সে বলিল—না, গাল দিতে হবে না—ঘরে চল।

পদ্ম ঘরে ঢুকিতে ঢুকিতে বলিল—না, ঘরে যাব কেনে? কানের মাথা খেয়েছ? গালগুলা গুনতে পাচ্ছ না?

—তবে যা, গাল দিগে; গলা ফাটিয়ে চীৎকার কর গিয়ে!

পদ্ম গজ গজ করিতে করিতে গিয়া ভাঁড়ার ঘর হইতে তেল বাহির করিয়া আনিয়া বলিল—কি খোয়ারটা আমার করছে, শুনতে পাচ্ছ না তুমি? পদ্ম ও অনিরুদ্ধ নিঃসন্তান, তাই ছিরুর মা অনিরুদ্ধের নিষ্ঠুরতম মৃত্যু কামনা করিয়া পদ্মের জন্ম কদর্যাতম অশ্লীল ভবিষ্যতের নির্দেশ দিয়া অভিসম্পাত দিতেছে। তেলের বাটি পাশে রাখিয়া সে স্বামীর একখানা হাত টানিয়া লইয়া তাহাকে তেল মাখাইতে বসিল। কর্কশ কঠিন হাত আঙনের আঁচে রোমগুলি পুড়িয়া কামানো দাড়ির মত করকরে হইয়া আছে। তেল দিতে দিতে পদ্ম বলিল—বাবা, হাত তো নয়, যেন উখো। শুধু হাত নয়—হাত পা বুক—মোট কথা দেহের সম্মুখ ভাগের অনাবৃত অংশটাই এমনি দন্ধরোম।

অনিরুদ্ধ সে কথায় কান না দিয়া বলিল—আমার গুপ্তিটা বার ক’রে বেশ ক’রে মেজে রাখবি তো।

পদ্ম স্বামীর মুখের দিকে চাহিয়া বলিল—আমারও দা আছে, কাল মেজে ঘবে সান দিয়ে রেখেছি। নিজের গলায় মেরে একদিন দুখানা হয়ে পড়ে থাকব কিন্তু।

—কেনে?

—তুমি খুন-খারাপী ক’রে ফাঁসী যাবে—আর আমি ‘হাড়ির ললাট ডোমের দুর্গতি’ ভোগ করতে বেঁচে থাকব না কি?

অনিরুদ্ধ কথার কোন উত্তর দিল না, কেবল বলিল—হঁ! অর্থাৎ পদ্মের ‘হাড়ির ললাট ডোমের দুর্গতির’ সম্ভাবনার কথাটা সে ভাবিয়া দেখে নাই, নতুবা ছিরেকে ঘায়েল করিয়া জেল খাটিতে বা হত্যা করিয়া ফাঁসী যাইতে বর্তমানে তাহার আপত্তি ছিল না।

—বারণ করলাম, থানা-পুলিশ ক’র না। কথা কানেই তুললে না। কিন্তু কি হ’ল? পুলিশ কি করলে? গাঁয়ের সঙ্গে কেবল ঝগড়া বিবাদ বেড়ে গেল। আর আমি গাল দোব বললেই—একবারে বাঘের মত হাঁকিড়ে উঠেছে—‘না, দিতে পাবি না।’

রুদ্ধ-ক্রোধ অনিরুদ্ধ বিরক্তিতে অসহিষ্ণু হইয়া উঠিল, কিন্তু কোন কঠিন কথা বলিতে তাহার সাহসও হইল না প্রবৃত্তিও হইল না। বক্ষ্যা পদ্মকে লইয়া তাহাকে বড়

সম্বর্পণে চলিতে হয়, সামান্য কারণে নিতান্ত বালিকার মত সে অভিমান করিয়া মাথা খুঁড়িয়া—কাঁদিয়া-কাটিয়া অনর্থ বাধাইয়া তোলে—আবার কখনও প্রবীণা প্রৌঢ়া যেমন ছুরস্ত ছেলের আবদার অত্যাচার সহ করে, তেমনি করিয়া হাসি-মুখে অনিরুদ্ধের অত্যাচার সহ করে—অনিরুদ্ধের হাতে মার খাইয়াও তখন সে খিল খিল করিয়া হাসে। কখন কোন্ মুখে পদ্ম চলে—সে অনিরুদ্ধ বেশ বুঝিতে পারে। আজিকার কথার মধ্যে তাহার আবদারের সুর ফুটিতে আরম্ভ কবিয়াছে—সেইটুকু বুঝিয়াই সে দারুণ বিরক্তি সত্ত্বেও আত্মসম্বরণ করিয়া রহিল। কোন কথা না বলিয়া সে আপনার পা-খানা টানিয়া লইয়া বলিল—কই, গামছা কই?

পদ্ম কিন্তু এটুকুতেও অভিমানে ফাঁস করিয়া উঠিল; মুখে সে কিছু বলিল না, কিন্তু বিদ্যুতগতিতে মুখ তুলিয়া বিচিত্র দৃষ্টিতে স্বামীর মুখের দিকে চাহিল—পরমুহূর্তেই তেলের বাটিটা তুলিয়া লইয়া উঠিয়া চলিয়া গেল।

বিরক্তিতে ক্রকুটি করিয়া অনিরুদ্ধ বলিল—বেলা পানে তাকিয়ে দেখেছিস? ছেঁয়া কোথা গিয়েছে দেখ। তিনটে বাজে।

গম্ভীরমুখে চকিত দৃষ্টিতে চাহিয়া বাড়ীর উঠানের ছায়া লক্ষ্য করিয়া পদ্ম গামছাখানা আনিয়া অনিরুদ্ধের হাতে দিয়া বলিল—ব’স, আমি জল এনে দি, বাড়ীতেই চান ক’রে নাও।

গামছাখানা কাঁধে ফেলিয়া অনিরুদ্ধ বলিল—সে দেবী হবে পদ্ম। আমি যাব আর আসব। পানকোড়ির মত ভুক ক’রে ডুবব আর উঠব। ভাত তুই বেড়ে রাখ। সে দ্রুতপদেই বাহির হইয়া গেল।

পদ্ম ভাত বাড়িতে রান্নাঘরের শিকলে হাত দিয়া ধমকিয়া দাঁড়াইল। ভাত ডাল তরকারী সব তো হিম হইয়া গিয়াছে। বাবুর মুখে রুচিবে কি? বাবু নয়, নবাব। যত আয়, তত ব্যয়। কামার কুমোর ছুতার নাপিত স্বর্ণকার ইহাদের অবশ্য খরচে বলিয়া চিরকাল বদনাম, কিন্তু উহার মত—অর্থাৎ অনিরুদ্ধের মত খরচে পদ্ম কাহাকেও দেখে নাই। ওপারে সহরে কামারশালা করিয়া খরচের বাতিক বাড়িয়া গিয়াছে। এক টাকা সেরের ইলিসমাছ কে এ গ্রামে খাইয়াছে? এখন একটা কিছু গরম না করিয়া

দিলে নবাব কেবল ভাতে আর হাতে ছুঁইয়াই উঠিয়া পড়িবে । খিড়কীর ডোবাটার পাড়ে পদ্ম প্রথম আশ্বিনেই কয়েক ঝাড় পেঁয়াজ লাগাইয়াছিল, সেগুলো বেশ ঝাড়ো গোছে বড় হইয়া উঠিয়াছে । পেঁয়াজের শাক আনিয়া ভাজিয়া দিলে কেমন হয় ? পদ্ম খিড়কীর দিকে অগ্রসর হইয়াই লক্ষ্য করিল— ছুয়ারের পাশে কে যেন দাঁড়াইয়া আছে । সাদা কাপড়ের খানিকটা মধ্যে মধ্যে দেখা যাইতেছে । সে শিহরিয়া উঠিল । তাহার মনে পড়িয়া গেল—গত কালের ছিরুপালের সেই বীভৎস হাসি ! কয়েক পা পিছাইয়া আসিয়া সে প্রশ্ন করিল—কে ? কে দাঁড়িয়ে গো ?

সাদা পাইয়া মানুষটি চকিত গতিতে ঘরে প্রবেশ করিল । পদ্ম আশ্বস্ত হইল—পুরুষ নয়, স্ত্রীলোক । পরমুহূর্তেই সে স্তম্ভিত হইয়া গেল—ছিরুপালের বউ ! চব্বিশ পঁচিশ বৎসরের মেয়েটি—এককালে সুন্দরী ছিল সে, কিন্তু এখন অকালবার্দ্ধক্যে জীর্ণ । চোখে তাহার সুরুষণ মিনতি । ছিরুপালের বউ বিনা ভূমিকায় দুটি হাত ঘোড় করিয়া বলিল—ভাই কামার বউ !

পদ্ম কোন কথা বলিতে পারিল না ; ছিরুপালের বউকে সে ভাল করিয়াই জানে, এমন ভাল মেয়ে আর হয় না । কত বড় ভাল ঘরের মেয়ে যে, তাও সে জানে । তাহার কত বড় দুঃখ তাও সে চোখে দেখিয়াছে—কানে শুনিয়াছে—ছিরুপালের প্রহার সে স্বচক্ষে দেখিয়াছে, ছিরুর মায়ের গালিগালাজ সে শুনিয়াছে ।

ছিরুর বউ তাহার সম্মুখে আসিয়া ঈষৎ নত হইয়া বলিল—তোমার পায়ে ধরতে এসেছি ভাই ।

দুই পা পিছাইয়া গিয়া পদ্ম বলিল—না—না—না !

—আমার ছেলে দুটিকে তোমরা গাল দিয়ে না ভাই ; যে করেছে তাকে গাল দাও—কি বলব আমি তাতে !

ছিরুপালের সাতটি ছেলের মধ্যে দুটি মাত্র অবশিষ্ট । তাও পৈত্রিক ব্যাধির বিবে জর্জরিত—একটি রুগ্ন, অপরটি প্রায় পঙ্গু ।

সন্তানবতী নারীদের উপর বক্ষ্যা পদ্মের একটা আত্ম-মজ্জাত হিংসা আছে ; এই মুহূর্তে কিন্তু সে হিংসাও তাহার শুক হইয়া গেল । সে কেবল একটা দীর্ঘনিশ্বাস ফেলিল ।

ছিরুপালের স্ত্রী বলিল—তোমাদের অনেক কৃতি করেছে । চাবীর মেয়ে—আমি জানি । তুমি ভাই এই

কটা রাখ—বলিয়া সে স্তম্ভিত পদ্মের হাতে দুইখানা দশ টাকার নোট গুঁজিয়া দিয়া আবার বলিল—লুকিয়ে এসেছি ভাই, জানতে পারলে আমার আর মাথা থাকবে না—বলিয়াই সে দ্রুতপদে ফিরিল । দরজার মুখে গিয়া সে আবার একবার ফিরিয়া দাঁড়াইয়া হাত দুটি ঘোড় করিয়া বলিল—আমার ছেলেদের কোন দোষ নাই ভাই ; আমি ঘোড়হাত ক'রে যাচ্ছি ।

পরমুহূর্তেই সে খিড়কীর দরজার ও-পাশে অদৃশ্য হইয়া গেল । পদ্ম যেন অসাড় নিম্পন্দ হইয়া দাঁড়াইয়া রহিল ।

\* \* \*

কিছুক্ষণ পরে তাহার এই স্তম্ভিত ভাব কাটিয়া গেল—অদূরবর্তী একটা কোলাহলের আধাতে । আবার একটা গোলমাল বাধিয়া উঠিয়াছে । সকল কোলাহলের উর্ধ্বে একজনের গলা শোনা যাইতেছে । পদ্ম উৎকণ্ঠিত হইয়া উঠিল ;—অনিরুদ্ধ ? না, সে নয় । তবে ? ছিরুপাল ? কান পাতিয়া শুনিয়া পদ্ম বুঝিল—এ ছিরুপালের কণ্ঠস্বরও নয় । তবে ? সে দ্রুতপদে আসিয়া বাহির দরজার সম্মুখে পথের উপর দাঁড়াইল । এবার সে স্পষ্ট বুঝিল—এ কণ্ঠস্বর এ গ্রামের একমাত্র ব্রাহ্মণবাসিন্দা হরেন্দ্র ঘোষালের । পদ্ম এবার নিশ্চিত হইল । মুখে খানিকটা ব্যঙ্গ-হাস্যও দেখা দিল । হরেন্দ্র ঘোষাল পাগলও খানিকটা, তাহাতে সন্দেহ নাই । এ গ্রামে সকলকে টেকা দিয়া তাহার চলা চাই । ছিরুপাল সাইকেল কিনিলে—সে সাইকেল এবং কলের গান কিনিয়া ফেলিল জমি বন্ধক দিয়া । ছিরুপাল নাকি রহস্য করিয়া রটনা করিয়াছিল—সে এবার ঘোড়া কিনিবে । হরেন্দ্র মানরক্ষার জন্য চিন্তিত হইয়া মায়ের সঙ্গে পরামর্শ করিয়াছিল—ছিরুপাল ঘোড়া কিনিলে সে একটা হাতী কিনিবে । আজ আবার বামুনের কি রোধ মাধ্যম চাপিয়াছে কে জানে ? পথে কেহ একটা ছোট ছেলেও নাই যে জিজ্ঞাসা করে !

ঠিক এই সময়েই পদ্ম দেখিল, অনিরুদ্ধ আসিতেছে । কাছে আসিয়া পদ্মের মুখের দিকে চাহিয়া অনিরুদ্ধ হো-হো করিয়া হাসিয়া উঠিল ।

পদ্ম বলিল—মরণ ! হাসছ কেনে ?

অনিরুদ্ধ হাসিয়া প্রায় গড়াইয়া পড়িল ।

—যা গেল ? কথা বলিই তো মানুষে হাসে !

চাঁচামেটি কিসের? হ'ল কি? হরু ঠাকুর এমন চাঁচামেটে কেনে?

বহু কষ্টে হাশু-সম্বরণ করিয়া অনিরুদ্ধ বলিল—তারা নাপিত ঠাকুরকে ভারী জন্ম করেছে। আধখানা কামিয়ে দিয়ে—আবার প্রবল হাশুচ্ছ্বাসে তাহার কথা বন্ধ হইয়া গেল।

কাপড় ছাড়িয়া খাইতে বসিয়া কোনমতে অনিরুদ্ধ কথাটা শেষ করিল। তারা নাপিতও তাহাদের দেখাদেখি বলিয়াছে, ধান লইয়া গোটা বৎসর সমস্ত গ্রামের লোকের ক্ষোরির কাজ সে করিতে পারিবে না! যাহাদের জমি নাই—হাল নাই—তাহাদের কাছে ধান পাওয়া যায় না। যাহাদের আছে—তাহারাও সকলে দেয় না। সুতরাং ধানের কারবার ছাড়িয়া সে নগদ কারবার শুরু করিয়াছে। হরুঠাকুর আজ কামাইতে গিয়াছিল—তারা নাপিত পয়সা চাহিয়াছিল। খানিকটা বকিয়া অবশেষে পয়সা দিব বলিয়াই হরুঠাকুর কামাইতে বসে।

অনিরুদ্ধ বলিল—তারা নাপিত—একে নাপিত ধৃত্ত—তায় তারা। আধখানা কামিয়ে বলে—কই, পয়সা দাও ঠাকুর? হরু বলে—কাল দোব। তারাও অমনি ক্ষুর ভাঁড় শুটিয়ে ঘর ঢুকে ব'লে দিয়েছে—তা হ'লে আজ থাক—কাল বাকীটা কামিয়ে দেব। এই চাঁচামেটি গালাগাল—হিন্দী—ফার্সী ইংরিজী! গায়ের লোক আবার জটলা পাকাচ্ছে। অনিরুদ্ধ আবার প্রবল কোতুকে হাসিয়া উঠিল—সে হাসির তোড়ে তাহার মুখের ভাত ছিটাইয়া উঠানময় হইয়া গেল।

পদ্মের খানিকটা শুচি-বাই আছে; তাহার হাঁ-হাঁ করিয়া উঠিবার কথা, কিন্তু সে আজ কিছুই বলিল না। অনিরুদ্ধের এত হাসিতেও সে এতক্ষণের মধ্যে একবারও হাসে নাই। কথাটা অনিরুদ্ধের অকস্মাৎ মনে হইল। সে গভীর বিষয়ে পদ্মের মুখের দিকে চাহিয়া প্রশ্ন করিল—তোর কি হ'ল বল দেখি?

দীর্ঘনিশ্বাস ফেলিয়া পদ্ম বলিল—ছিরু পালের বউ এসেছিল।

—কে? বিষয়ে অনিরুদ্ধ সচকিত হইয়া উঠিল।

—ছিরু পালের বউ। তারপর ধীরে ধীরে সমস্ত কথা বলিয়া পদ্ম কাপড়ের খুঁটে বাঁধা নোট দু-খানি দেখাইল।

অনিরুদ্ধ নীরব হইয়া রহিল।

পদ্ম আবার দীর্ঘনিশ্বাস ফেলিয়া বলিল—মায়ের প্রাণ!

অনিরুদ্ধ আরও কিছুক্ষণ স্তব্ধ হইয়া থাকিয়া অকস্মাৎ গা-ঝাড়া দিয়া উঠিয়া পড়িল, যেন ঝাঁকি দিয়া নিজেকে টানিয়া তুলিল—বলিল—বাবাঃ, রাজ্যের কাজ বাকী প'ড়ে গিয়েছে। এই খেয়ে-দেয়ে এক কোশ পথ ছুটতে হবে।

পদ্ম কোন কথা বলিল না। হাতমুখ ধুইয়া মশলা মুখে দিয়া একটা বিড়ি ধরাইয়া অনিরুদ্ধ একমুখ হাসিয়া বলিল—একখানা নোট আমাকে দে দেখি।

পদ্ম ক্র কুণ্ঠিত করিয়া অনিরুদ্ধের মুখের দিকে চাহিল। অনিরুদ্ধ আরও খানিকটা হাসিয়া বলিল—লোহা আর ইম্পাত কিনতে হবে পাঁচ টাকার। ছিরে শালাকে টাকা দিতে খদ্দেরের পাঁচ টাকা ভেঙেছি। আর—

পদ্ম কোন কথা না বলিয়া একখানা নোট অনিরুদ্ধের সম্মুখে ফেলিয়া দিল।

অনিরুদ্ধ কুড়াইয়া লইয়া হাসিয়া বলিল—আমি নিজে একটি—মাইরী বলছি—একটি টাকার বেশী একটি পয়সা আমি খরচ করব না। কতদিন খাই নাই বল দেখি।

অর্থাৎ মদ।

পদ্ম তবুও কোন কথা বলিল না। অকস্মাৎ 'যেন অনিরুদ্ধের উপর তাহার মন বিরূপ হইয়া উঠিয়াছে।

( ছয় )

হরু ঘোষালের আধখানা দাড়ি কামাইয়া বাকীটা রাখিয়া দেওয়ায় তারা নাপিতের যতই পরিহাস-রসিকতা প্রকাশ পাইয়া থাকুক এবং গ্রামের লোকে প্রথমটা হরু ঘোষালের সে অর্ধনারীশ্বরের মত রূপ দেখিয়া হাসিয়া যতই হাশু কর ব্যাপার করিয়া তুলুক—প্রতিক্রিয়ার ঘটনাটা কিন্তু ততই ঘোরালো এবং গভীর হইয়া উঠিল।

হরিশ মণ্ডল প্রবীণ মাতব্বর ব্যক্তি—লোকটির বোধ-শক্তিও আছে। সেই প্রথম বলিল—হাসিস না তোরা; হাসির ব্যাপার এটা নয়। গায়ের অবস্থাটা কি হ'ল ভেবে দেখেছিস?

সকলেই হাসির বেগের প্রবলতা খানিকটা সম্বরণ করিয়া হরিশের মুখের দিকে চাহিল। হরিশ গভীরভাবে বলিল—অরাজক!

ভবেশ পাল—ছিরুর কাকা—স্থল ব্যক্তি, তবুও বুদ্ধি-মস্তার ভাগ তাহার আছে, সেও গভীরভাবে বলিল—তা বটে !

দেবদাস বুদ্ধিমান যুবক—সে ব্যাপারটা চকিতে অস্বস্তি করিয়া লইয়া বলিল—তা তো হবেই আপনার। সে আপনি আটকাবেন কি করে? গাঁয়ের জোটান আছে আপনাদের? ওই কামার ছুতোরের ব্যাপারে—ছিরু--দ্বারিক চৌধুরীর অপমান করলে, চৌধুরী উঠে চলে গেল; জগন ডাক্তার তো এলই না—উণ্টে অনিরুদ্ধকে উস্কে দিলে।

ভবেশ একটা দীর্ঘনিশ্বাস ফেলিয়া বলিল—হরি নাম সত্য হে! ‘কলি শেষে একবর্ণ হইবে যবন’—এ কি আর মিথ্যে কথা বাবা! এমনি ক’রেই ধর্ম-কর্ম সব যাবে।

হরিশ বলিল—লুটনী দাই কি বলেছে জান? আমার বউমায়ের ন’মাস চলছে তো! তাই বলে পাঠিয়েছিলাম যে রাত-বিরেতে কোথাও যদি যাস, তবে আগে খবর নিয়ে যাস যেন! তা বলেছে—আমাকে কিন্তু নগদ বিদেয় করতে হবে।

গভীর চিন্তায় ভোর হইয়া ভবেশ বলিল—হঁ!

হরিশই বলিল—রাজা বিনে রাজ্যনাশ যে বলে—কথাটা মিথ্যে নয়। আমাদের জমিদার যে হয়েছে—থেকে না-খাকা!

দেবদাস বলিল—জমিদারের কথা বাদ দেন। জমিদার আমাদের বরং ভালই। এ কাজ তো জমিদারের নয়—আপনাদের। আপনারা কই শুরু হয়ে ব’সে ডাকুন দেখি মজলিস; ঘাড় হেঁট ক’রে সবাইকে আসতে হবে। আসবে না—চালাকী না কি? বিপদ আপদ নাই তাদের? লোহাতে মুড় বাঁধিয়ে ঘর ক’রে সব? চৌধুরীকে ডাকুন—জগন ডাক্তারকে ডাকুন—ডেকে আগে ঘর বুঝুন—তারপর কামার, ছুতোর, বায়েন, দাই, ধোপা, নাপিত এদের ডাকুন। আর ছায়া বিচার করুন।

হরিশ মাতব্বরগণের মুখের দিকে চাহিয়া বলিল—দেবদাস কিন্তু বলেছে ভাল। কি বলেন গো সব?

ভবেশ বলিল—উত্তম কথা।

নটবর বলিল—হ্যাঁ, তাই করুন তা হলে।

দেবদাসের উৎসাহের সীমা ছিল না, সে বলিল—আজই ধসুন সব ঈর্ষ্যের সময়। আমি আসর ক’রে দিচ্ছি,

ইস্কুলের চল্লিশ বাতীর আলো এনে দিচ্ছি; খবরও দিচ্ছি সকলকে। কি বলছেন?

হরিশ আবার সকলের দিকে চাহিয়া জিজ্ঞাসা করিল—কি গো?

—তা বেশ!

—খানিকটা তামাক আর আগুনের যোগাড় যেন রেখে বাপু!

বহুকাল পরে চণ্ডীমণ্ডপটা আবার আলোকোজ্জ্বল হইয়া গ্রাম্য-মজলিসে জন্মিয়া উঠিল। পঞ্চাশ বৎসর পূর্বেও চণ্ডীমণ্ডপটা এমনি ভাবে নিত্য সন্ধ্যায় জম-জমাট হইয়া উঠিত। গ্রাম্য-বিচার হইত, সংকীর্ণ গান হইত, পাশা-দাবাও চলিত, সলা-পরামর্শে গ্রামখানির কেন্দ্রস্থল ছিল এই চণ্ডীমণ্ডপটি। গ্রামে কাহারও কুটম-সজ্জন আসিলে—এই চণ্ডীমণ্ডপেই বসানো হইত। ক্রিয়া-কর্ম—অন্নপ্রাশন বিবাহ শ্রাদ্ধ সবই অনুষ্ঠিত হইত এইখানে। ধূলায় এবং কাল গতিকের—অবলুপ্তপ্রায় বহু বসুধারার চিহ্ন এখনও শিব-মন্দিরের দেওয়ালে এবং চণ্ডীমণ্ডপের খামের গায়ে দেখা যায়। তখন গ্রামে ব্যক্তিগত বৈঠকখানা বা বাহিরের ঘর কাহারও ছিল না। জগন ডাক্তারের পূর্বপুরুষ—জগনের পিতামহই কবিরাজ হইয়া বাহিরের ঘর বা বৈঠকখানার পত্তন করিয়াছিল। প্রথমে সে অবশ্য এই চণ্ডীমণ্ডপেই বসিয়া রোগী দেখিত। তারপর অবস্থার পরিবর্তনের জন্তও বটে এবং জমিদারের গমস্তার সঙ্গে কি কয়েকটা কথাস্তরের জন্তও বটে—কবিরাজ ঔষধালয় এবং বৈঠকখানা তুলিয়া তামাক ও পানের স্বাচ্ছল্যে মজলিস জমাইয়া—চণ্ডী-মণ্ডপের মজলিসে ভাঙন ধরাইয়া দিয়াছিল। তারপর ক্রমে ক্রমে অনেকের বাড়ীতেই একটি করিয়া বাহিরের ঘরের পত্তন হইয়াছে; সেইগুলিকে কেন্দ্র করিয়া সমগ্র গ্রাম জুড়িয়া অনেকগুলি ছোট মজলিস জন্মিয়া উঠে। কেহ বা একাই একটি আলো জালিয়া সম্মুখস্থ অন্ধকারের দিকে চাহিয়া চুপ করিয়া বসিয়া থাকে। তবে এখনও জগন ডাক্তারের ওখানেই মজলিসটি বড় হয়। জগনের রুঢ় দাস্তিকতা সত্ত্বেও—রোগীর বাড়ীর লোকজন যায়; আরও কয়েকজন যায়—ডাক্তারের অর্ধ-সাপ্তাহিক খবরের কাগজের সংবাদের প্রত্যাশায়। দেবদাস ঘোষ এত বিরাগতা সত্ত্বেও

যায়। সেই চীৎকার করিয়া কাগজ পড়ে, অল্প সকলে শোনে। অসহযোগ আন্দোলন তখন শেষ হইয়াছে, স্বরাজপাটির উগ্র বক্তৃতায় এবং সমালোচনায় কাগজের স্তম্ভগুলি পরিপূর্ণ। শ্রোতাদের মনে চমক লাগে— স্তিমিতগতি পল্লীবাসীর রক্তে যেন একটা উষ্ণ শিহরণ অহুভূত হয়।

আজ দেবদাসই সকলকে সম্বাষণ করিতেছিল, সেই উন্মোক্তা। মজলিস আরম্ভ হইবার পূর্বে হইতেই সে বেশ আসর জমাইয়া তুলিয়াছে। চণ্ডীমণ্ডপের বাহিরে দেবস্থলের আড়িনায় পুরানো বকুলগাছটি গ্রামের ষষ্ঠীতলা, একটি বাসুদেব মূর্তি সেখানে গাছের শিকড়ে একেবারে আঁটিয়া বসিয়া আছে; সেইটিই ষষ্ঠীদেবী বলিয়া পূজিত হয়। সেখানে একটা মোটা গুকনা ডাল জালিয়া আগুন করা হইয়াছে। সেই আগুনের চারি পাশে গ্রামের জনকতক হরিজন আসিয়া বসিয়া গিয়াছে। মজলিস কেবল জন-কয়েকের জন্ত অপেক্ষা করিতেছে। দ্বারকা চৌধুরী, জগন ডাক্তার, ছিরু পাল এবং আরও দুই একজন এখনও আসে নাই।

চল্লিশ-বাতীর আলোয় উজ্জ্বল চণ্ডীমণ্ডপটির উপরের দিকে চাহিয়া ভবেশ বলিল—বেশ লাগছে বাপু!

হরিশও একবার চারিদিক দেখিয়া লইয়া বলিল—এইবার কিন্তু একবার মেরামত করতে হবে—চণ্ডীমণ্ডপটিকে। বলিয়া সে সপ্রশংস কণ্ঠে বলিল—কি কাঠামো দেখ দেখি! ওঃ—কি কাঠ!

দেবদাস বলিল—ষড়দলে লেখা আছে কি জানেন?—যাবৎ চন্দ্রার্ক মেদিনী। মানে চন্দ্রসূর্য্য পৃথিবী যতদিন থাকবে—এও ততদিন থাকবে।

—তা থাকবে বাপু! বলিহারী—বলিহারী! ভবেশ পাল অকারণে উচ্ছ্বসিত এবং পুলকিত হইয়া উঠিল।

ঠিক এই সময়েই দ্বারকা চৌধুরী লাঠি হাতে ঠুক-ঠুক করিয়া আসিয়া বলিলেন—ওঃ, তলব যে বড় জোর গো!

দেবদাস ব্যস্ত হইয়া উঠিয়া গেল—জগন ডাক্তার ও ছিরুর জন্ত। আবার সে ছুটি ছেলেকে দুজনের কাছে পাঠাইয়া দিল। কিন্তু জগন ডাক্তার আসিল না, সে স্পষ্ট বলিয়া দিয়াছে—তাহার সময় নাই। চোখে চশমা লাগাইয়া সে নাকি খবরের কাগজ পড়িতেছে। ছিরুও আসে নাই;

তাহার জ্বর হইয়াছে, তবে সে বলিয়াছে—‘পাঁচ জনে বা করবেন তাই আমার মত।’

দেবদাস আশ্চর্য্য হইয়া গেল—ছিরুর বিনয়ে।

\* \* \*

ছিরুর কথাটা অস্বাভাবিক দোষে দুষ্ট; বিনয়ের ধার শ্রীহরি ঘোষ ধারে না। জ্বর তাহার হয় নাই। সে নিশ্চয়ম আক্রোশে গর্ভের ভিতরের আহত অঙ্গগরের মত মনে মনে পাক খাইয়া ঘুরিতেছিল। বাড়ীর ভিতরে দাওয়ার উপর উপু হইয়া বসিয়া সে প্রকাণ্ড বড় ছঁকাটায় ক্রমাগত একঘেষে টান টানিয়া যাইতেছিল ও প্রথর নির্নিমেষ দৃষ্টিতে উঠানের একটা বিন্দুর উপর দৃষ্টি নিবদ্ধ করিয়া বসিয়াছিল। নানা চিন্তা তাহার মাথার মধ্যে ঘুরিতেছে।

ঘরে আগুন লাগাইয়া দিলে কি হয়? মনটা আনন্দে চঞ্চল হইয়া উঠে। পরক্ষণেই মনে হয়, না। সত্ত-সত্ত আক্রোশের কথাটা বড় হইয়া—আবার এমনি ক্যাসাদে পড়িতে হইবে। আজই পঞ্চাশ টাকা জমাদার বন্ধুকে দিতে হইয়াছে! সেই লইয়া তাহার মা এখনও বক-বক গজ-গজ করিয়া তাহাকে গালি পাড়িতেছে।

—মর তুই মর রে! এমনি রাগ তোর! সবুর্ষ মুই! হাঁদা—গাড়োল কোথাকার! পঞ্চাশ টাকা আমার খল-খল করে বেরিয়ে গেল! বুকে বাঁশ চাপিয়ে যাও তুমি—আমার হাড় জুড়োক!

শ্রীহরি চুপ করিয়া আছে। অল্প সময় হইলে এতক্ষণ সে বুড়ীর চুলের মুঠা ধরিয়া উঠানে আছাড় মারিয়া ফেলিয়া নিশ্চয়ম প্রহার আরম্ভ করিত। কিন্তু আজ গভীর নিষ্ঠুরতম চিন্তায় একেবারে মগ্ন হইয়া গিয়াছে।

—অনিরুদ্ধ ওপার হইতে রাত্রি নয়টা দশটার সময় ফেরে। অতর্কিত আক্রমণে—না! সঙ্গে গিরীশ ছুতার থাকে। দুজনকেও ঘায়েল করা অবশ্য খুব শক্ত নয়; শেষ করিয়া দেওয়াই বা এমনি কি কঠিন? শ্রীহরির মিতে চন্দ্র গড়াগ্ণী সানন্দে তাহাকে সাহায্য করিবে।

পরক্ষণেই সে চমকিয়া উঠিল। ফাসী হইয়া যাইবে! তাহার সে চমক এত পরিষ্কৃত যে তাহার ক্ষীণ দৃষ্টি বৃদ্ধা মা পর্য্যন্ত দেখিয়া ফেলিল। অত্যন্ত রূঢ় ভাষায় সে বলিল—মর মুখপোড়া! ছোট ছেলের মত চমকে উঠে যেন, দেয়ালা করছে!

শ্রীহরি অত্যন্ত কঠিন দৃষ্টিতে মাগের দিকে একবার ফিরিয়া চাহিল—পরক্ষণেই দৃষ্টি ফিরাইয়া—হঁকা হইতে কঙ্কেটা নামাইয়া দিয়া বলিল—এই! কঙ্কেটা পাণ্টে দে!

কথাটা বলা হইল তাহার স্ত্রীকে। ছিরুর স্ত্রী উনান-শালে ভাতের হাঁড়ির দিকে চাহিয়া বসিয়াছিল। পাশেই ল্যাম্পের আলোয় ছিরুর বড় ছেলেটা বই খুলিয়া—একদৃষ্টে বাপের দিকে চাহিয়া বসিয়া আছে। শীর্ণ রুগ্ন বছর দশেকের ছেলেটা—গলায় এক বোঝা মাদুলী—বড় বড় চোখে অদ্ভুত স্থির অকম্পিত দৃষ্টি দিয়া বাপের প্রতিটি ভঙ্গিমা লক্ষ্য করিতেছে। শ্রীহরির ছোট ছেলেটা প্রায় পশু এবং বোবা; সেটাও একপাশে বসিয়া আছে—মুখের লালায় সমস্ত বুকটা অনবরত ভিজিতেছে। বড় ছেলেটিই উঠিয়া আসিয়া কঙ্কেটা লইয়া গেল। শ্রীহরি ছেলেটার দিকে একবার চাহিল। ছেলেটা অদ্ভুত, শ্রীহরির মার খাইয়াও কাঁদে না, স্থির দৃষ্টিতে চাহিয়া থাকে। উহার জন্ত এখন উহার মাকে প্রহার করা কঠিন হইয়া উঠিয়াছে। মাকে সে যেন আগলাইয়া ফেরে। মারিলে পশুর মত হিংস্র হইয়া উঠে। সেদিন একটা সূচ সে প্রহার-রত শ্রীহরির পিঠে বিঁধিয়া দিয়াছিল। ছেলেটার দিক হইতে দৃষ্টি ফিরাইয়া শ্রীহরি স্ত্রীর দিকে চাহিল—উনানের আঙনের আভায় শীর্ণ গোরবর্ণ মুখখানা লাল হইয়া উঠিয়াছে—চামড়ায় ঢাকা কঙ্কালসার মুখ! শ্রীহরি দৃষ্টি ফিরাইয়া লইল।

—অনিরুদ্ধের অল্পপস্থিতিতে পাঁচাল ডিঙাইয়া—পদ্ম কামারনীকে বাঘের মত মুখে করিয়া—শ্রীহরির বুকখানা ধক ধক করিয়া লাফাইয়া উঠিল! দীর্ঘাঙ্গী সবল দেহ কামারনীর দাখানা কিন্তু বড় শাণিত! চোখের দৃষ্টি তাহার শীতল এবং কুর! দাখানার রৌদ্র-প্রতিফলিত ছটায় ছিরুর চোখ ধাঁধিয়া গিয়াছিল!

—বায়েনদের দুর্গা—কামারনীর চেয়ে দেখিতে অনেক ভাল—বোবনও তাহার উচ্ছ্বসিত। দেহবর্ণে সে গোরী। লীলা-লাস্ত্রও তাহার অপূর্ণ। কিন্তু তাহার আকর্ষণ শ্রীহরিকে আর তেমন বিচলিত করে না। দুর্গার দাদা পাতু আবার তাহার নামে জমিদারের কাছে নালিশ করিয়াছে। শ্রীহরির মুখে তাছিলোর ব্যঙ্গ-হাস্য ফুটিয়া উঠিল। জমিদারের ছেলের সোনার নিমফলের গোট তাহার কাছে বাঁধা আছে! শ্রীহরি অকস্মাৎ উঠিল।

শ্রীহরির স্ত্রী কঙ্কেতে নতুন তামাক সাজিয়া আনিয়া নামাইয়া দিল। তামাক শ্রীহরিকে আকর্ষণ করিল না। দেওয়ালে-পোতা পেরেকে ঝুলানো জামাটা হইতে বিড়ি দেশলাই বাহির করিয়া লইয়া সে চলিয়া গেল। অন্ধকার গলিপথে পথে ঘুরিয়া সে আসিয়া হরিজন পল্লীর প্রান্তে উপস্থিত হইল।

প্রচণ্ড কলরব উঠিতেছে! পল্লীর প্রান্তে বহুকালের বৃদ্ধ

বটগাছ, গ্রামের ধর্মরাজতলায়—প্রতি সন্ধ্যায় উহাদের মজলিস বসে। গান-বাজনা হয়, ভাসান, বোলান, ঘেঁটু গানের মহলা চলে—আবার দুর্নিবার কলহও বাধিয়া উঠে। আজ কলহ বাধিয়াছে। শ্রীহরি একটা গাছের অন্ধকারের মধ্যে আত্মগোপন করিয়া দাঁড়াইয়া কান পাতিয়া শুনিতে আরম্ভ করিল।

পাতু চীৎকার করিয়া আশ্ফালন করিতেছে।

দুর্গার তীক্ষ্ণ কণ্ঠের আওয়াজও উঠিতেছে—ভাত দেবার ভাতার লয়, কিল মারবার গোসাই। দাদা সাজছে—দাদা! মারবি কেনে তু? আমি যা খুসী তাই করব। হাজার নোক আসবে আমার ঘরে, তোর কি?

সঙ্গে সঙ্গে দুর্গার মাও চীৎকার করিতেছে। শ্রীহরি হাসিল—তাহাকে লইয়াই আন্দোলন চলিতেছে!

সহসা সে গাছের আড়াল হইতে বাহির হইয়া নিঃশব্দে অগ্রসর হইল দুর্গাদের পল্লীর দিকে। পল্লীটা খাঁ খাঁ করিতেছে। সব গিয়া ওইখানে জুটিয়াছে। শ্রীহরি সম্ভরণে ঢুকিয়া পড়িল দুর্গাদের বাড়ীতে। বাড়ী অর্থে প্রাচীর-বেষ্টনীহীন একটুকরা উঠানের দুইদিকে দুখানা ঘর; একখানা দুর্গা ও দুর্গার মায়ের—অপরখানা পাতুর। শ্রীহরির তীক্ষ্ণ দৃষ্টি পাতুর ঘরখানার দিকে। পাতুর সেই মোটাসোটা ছোটখাটো বিড়ালীর মত বউটা কোথায়? শ্রীহরি হতাশ হইল। দরজাটা বন্ধ—দাওয়াটাও শূন্য।

একটা কুকুর অকস্মাৎ গৌ শব্দ করিয়া ছুটিয়া পলাইয়া গেল। বোধ হয় চুরি করিয়া চামড়া খাইতে আসিয়াছিল। শ্রীহরি হাসিয়া একটা বিড়ি ধরাইল, স্নকৌশলে হাতের মধ্যে সেটাকে সম্পূর্ণভাবে লুকাইয়া টানিতে টানিতে বাহির হইল। দুর্গার জন্ত কতকণ অপেক্ষা করিতে হইবে কে জানে? গাছের আড়ালে আবার সে আসিয়া দাঁড়াইল।

ওদিকে কিন্তু ঝগড়াটা ক্রমশই প্রবলতর হইয়া উঠিতেছে। শ্রীহরি আবার একটা বিড়ি ধরাইল। কিছুকণ পরে সে গাছতলা হইতে বাহির হইয়া জলন্ত বিড়িটা পাতুর চালের মধ্যে গুঁজিয়া দিয়া দ্রুত লঘুপদে আপন বাড়ীর দিকে চলিয়া গেল।

চণ্ডীমণ্ডপে প্রবল আলোচনা চলিতেছে।

শ্রীহরি হাসিল।

কিছুকণ পরেই গ্রামের উর্দ্ধলোকে অন্ধকার আকাশ রক্তাভ আলোয় ভয়াল হইয়া উঠিল। আকাশের নক্ষত্র মিলাইয়া গিয়াছে। পোড়া খড়ের জলন্ত অঙ্গার আকাশে উঠিয়া নিবিয়া যাইতেছে ফুলঝুরির মত। আশুন! আশুন! আর্ন্ত চীৎকার—শিশু ও নারীর উচ্চ কান্নার রোলে শূন্য-লোকের বায়ুতরঙ্গ মুখর হইয়া উঠিল।

চণ্ডীমণ্ডপের মজলিস ভাঙিয়া গেল।

(ক্রমশঃ)



# ত্রীনিকেতন

## শ্রীস্বধীরজ্ঞান মুখোপাধ্যায়

অকস্মেৎ 'বিশ্বভারতী' বাসের গতি মন্থর হয়ে এলো।

মেঘে মেঘে মগ্ন মধ্যাহ্ন। রাঙা মালির পথের ধারে-  
ধারে গাছের শাখা-প্রশাখায় আছড়ে পড়েছে শ্রাবণের



শ্রী স্বধীরজ্ঞান মুখোপাধ্যায় এম-এ, এম-বি-ই

স্বিমিত রোদুর। ত্রীনিকেতনের সীমানা য আমরা  
প্রবেশ করলাম।

ছায়া আমাদের নিরে এগিয়ে গেল। ভিজে মাটির  
সৌন্দর্য গন্ধে পাখীর কাকলীতে প্রকৃতির সজীব  
সৌন্দর্যে মুগ্ধবিত আশ্রম। আমাদের শহরে চোখে নামলো  
পানহীন বিনয়।

ত্রীনিকেতনের চার পাশ কোনও দিন ছিল অরণ্যে ঘেবা  
—আজও সেকথা বোঝা যায়। এখানকার কর্মীরা ক্রমে  
ক্রমে নিশ্চিন্ত করে ফেলছেন অরণ্য—বর্ষা বাধা পায় বলে।  
অরণ্য ধ্বংস করতে গিয়ে বহু প্রযোজনীয় বৃক্ষও নষ্ট হয়ে  
যায়। এতেও প্রচুর ক্ষতি হয় গ্রামবাসীর।

শ্রীস্বধীরজ্ঞান মুখোপাধ্যায় তাঁর 'বৃক্ষরোপণ' বার্ষিক উৎসবের আয়োজন  
করেছেন। এ উৎসবে মহাসমারোহে বেদ-সঙ্গীতে চারদিক  
প্রতিশব্দিত করে গ্রামবাসী প্রযোজনীর বৃক্ষ রোপণ করেন।

দেশের অপকল্প রূপ একদিন স্মৃত হয়ে উঠেছিল  
গ্রামের পাতার শাখায়। শহরের সংহারে আজ সে-সৌন্দর্য  
ভস্মীভূত। আজ শুধু পড়ে আছে কঙ্কাল। এই কঙ্কাল  
প্রাণপ্রতিষ্ঠা করাই ত্রীনিকেতনের উদ্দেশ্য।

শ্রীস্বধীরজ্ঞান মুখোপাধ্যায় সাহিত্যিক নন। তিনি কর্মী, তিনি দেশ-  
প্রেমিক। মর্মে মর্মে তিনি উপলব্ধি করেছেন দেশের রক্ষার  
উন্নতি করতে হ'লে সর্বপ্রথম প্রয়োজন গ্রাম-সংস্কার। তাঁর  
১৯২২ সালে শান্তিনিকেতন থেকে মাইল জেডেক দূরে  
শ্রীস্বধীরজ্ঞান মুখোপাধ্যায় আশ্রম প্রতিষ্ঠা করেন। উৎসবের  
বলা চলে, 'The Abode of Prosperity'.

অকস্মাৎ শ্রাবণের সজল হাওয়া আমাদের গায়ে কাঁসলো।  
মর্মর শুরু হল গাছে গাছে। মাথার উপরে কঙ্কাল  
বিশাল আকাশ—আর চারপাশে সুদূর দূরত্বের  
নামলো। ক্ষুদ্র পদক্ষেপে উপস্থিত হওয়া  
কর্মীরা শ্রীস্বধীরজ্ঞান মুখোপাধ্যায় চট্টোপাধ্যায়

ত্রীনিকেতনের শ্রীবৃদ্ধির অস্ত্রে ধারা অর্পণ  
করেছেন তাঁদের মধ্যে স্বর্গীর কালীমোহন বোস  
নাম সর্বপ্রথম উল্লেখ করা সমীচীন। আজ তিনি



স্বর্গীর কালীমোহন বোস

কিন্তু এই আশ্রমের প্রতিষ্ঠা করাই তাঁর প্রধান  
যাক্য হ'ল।

বর্তমানে শ্রীযুক্ত সুকুমার চট্টোপাধ্যায় মহাশয় শ্রীনিকেতনের সেবায় আত্মনিয়োগ করেছেন। অনেকাংশে এই আশ্রম তাঁর কাছে ঋণী। শ্রীনিকেতনের অতীত ও বর্তমান সম্বন্ধে সুকুমারবাবু আমাদের অনেক কথাই শোনালেন এবং নিজে আমাদের নিয়ে বেরুলেন আশ্রমের বিভিন্ন বিভাগগুলি দেখাতে। ওদিকে বৃষ্টির অবসান হল।

গ্রামবাসীদের শক্তি হয়তো আছে কিন্তু উপযুক্ত শিক্ষার অভাবে সে-শক্তি অনেক সময় চাপা পড়ে যায়। শ্রীনিকেতনের কক্ষ কক্ষ শিক্ষার বিচিত্র সুর ধ্বনিত।

কর্তৃপক্ষ নিরক্ষর গ্রামবাসীর জন্ম সম্বন্ধে প্রাথমিক শিক্ষার ব্যবস্থা করেছেন। শিক্ষার্থীদের দিক থেকেও

সাহায্যে গ্রামের স্বাস্থ্য, কৃষি ও সমবায় সমিতির উন্নতির কথা শিক্ষকেরা তাদের বুঝিয়ে দেন।

গ্রাম্য শিক্ষকদের জন্মে আবার আলাদা 'ভবন' খোলা হয়েছে। তার নাম 'শিক্ষা-চর্চা-ভবন'। শিক্ষকদের শিক্ষা আরও উন্নত করাই এই ভবনের উদ্দেশ্য—যেন তারা ভবিষ্যতে সুবিবেচনার সঙ্গে গ্রাম-সংস্কার করতে পারেন।

আজ শ্রাবণের জলভরা সরস মধ্যাহ্নে কে যেন অকস্মাৎ আমাদের টেনে এনেছে নূতন পৃথিবীতে। অপক্লম প্রাকৃতিক সৌন্দর্যের সীমানায় ক্ষণে ক্ষণে কাণে বাজে মহাসঙ্গীত। প্রকৃতির প্রাণময় প্রকাশমুহূর্তে আমাদের চোখের সামনে বিচিত্র জগতের দ্বার উন্মুক্ত করে দিল। বাঁচার গানে, জাগরণের মন্ত্রে, জীবনের জীবন্ত প্রকাশে সজীব চারধার।



পল্লী সংস্কার প্রতিষ্ঠান ও তাহার কতিপয় কর্মী

সজীব সাড়া পাওয়া গেছে। গ্রাম্য বালকের চরিত্র গঠনের দিকেও শিক্ষকেরা সতর্ক দৃষ্টি রাখেন। তাদের মন প্রকল্প করতে, জীবনের চঞ্চল শ্রোতে তাদের মাতিয়ে রাখতে এরা সতত সতর্ক। নাচ, গান এবং নানাপ্রকার খেলার মাতিয়ে শিক্ষকেরা ছাত্রদের মন জয় ক'রে নেন—সম্পর্ক সহজ ক'রে তোলেন।

স্বল্পশিক্ষিত জনসাধারণের জন্মও এই ব্যবস্থা করা হয়েছে। শিক্ষার প্রতি আকৃষ্ট করার উদ্দেশ্যে অপরাহ্নে প্রায়ই তাদের সঙ্গে নানাপ্রকার আলোচনা করা হয়, সরল ভাষায় সহজ বস্তু পড়ে শোনানো হয় এবং ম্যাডিক্যাল্যাটার্নের

এখানকার বিভিন্ন ক্ষেত্রের প্রতি চেয়ে অপার আনন্দে মন ভরে যায়। মনে হয় আবার ফিরে এসেছে গ্রামে সে-সৌন্দর্য, সে-অনাবিল আনন্দ। চোখে পড়ে বাঙালার সত্যিকারের রূপ।

এরা উৎপাদন করেছে নানাপ্রকার ধান, গম, আলু, আক—এমন কি, তামাকও। এই আশ্রম মন দিয়েছে আশে পাশের গ্রামগুলির সংস্কারে। তাই ক্রমে ক্রমে এদের শক্তি ও সাহস বেড়ে যাচ্ছে। নব উত্থোগে, নব উৎসাহে, নব অহুপ্রেরণায় গ্রামবাসীরা আজ ভেগে উঠেছে। আবার আগের মত সোনা ফলবে ক্ষেত্রে-ক্ষেত্রে—আবার

জেগে উঠবে ঘুমন্ত নির্জীব প্রাসাদের প্রতি কক্ষ। তার আর দেবী নেই।

সমবায় সমিতিগুলির প্রতি গুরুদেবের আস্থা প্রচুর। শ্রীনিকেতনে নানাপ্রকার সমবায় সমিতি আছে, আর এগুলি ভালভাবে পরিচালনা করবার জন্য কো-অপারেটিভ সেন্ট্রাল ব্যাঙ্ক প্রতিষ্ঠিত হয়েছে।

দেবার দায়ে গ্রামবাসীর জীবন বর্তমানে জ্বালাময় দুঃস্থপন্ন হয়ে উঠেছে। অনাহারে অনিদ্রায় প্রচুর পরিশ্রম করাও তাদের পক্ষে সুকঠিন—একথা সর্বজনবিদিত।

এই ব্যাঙ্ক শুধু গ্রামবাসীদের অল্প স্বেদে টাকা ধার

এদের সব সময় খুব অল্প মূল্যে ওষুধ দেওয়া হয়। এখানকার প্রধান চিকিৎসক সুযোগ্য এবং শুণী।

আমরা শহরবাসী। পল্লু প্রভাত, স্নান মধ্যাহ্ন, নীরস দিন নীরবে অতিবাহিত করি প্রাচীর ঘেরা নিঃসাড় কারাকক্ষে—শহরের সংকীর্ণ সসীম সীমানার বসে ভাবি, শহর-সভ্যতার বোঝা নামিয়ে কোন দিনও কি আমরা ছুটে যাব না আমাদেরই একান্ত আপনার জনের কাছে—বাংলার পল্লীতে-পল্লীতে? গুরুদেবের মহান আদর্শ কোন দিনও কি আমাদের চোখে আঙুল দিয়ে দেখিয়ে দেবে না—যারা আমাদের মেরুদণ্ড তাদেরই মেরুদণ্ডে আজ ধরেছে যুগ!



শ্রীনিকেতনে তাঁত শিল্প

দেয় না—আরও অনেক জনহিতকর কাজে অর্থের সদ্যবহার করে। পুকুর খনন, জল সেচন প্রভৃতি উল্লেখযোগ্য।

অবশ্য এখানকার কর্তৃপক্ষ একথা মুহূর্তের জন্যও ভোলেন নি যে, গ্রামবাসীদের প্রকৃত কর্মী ক'রে তুলতে হ'লে দৃষ্টি রাখতে হবে তাদের স্বাস্থ্যের প্রতি। দূর করতে হবে তাদের পারিবারিক দৈনন্দিন অশান্তি।

কোন কালে বীরভূম অঞ্চলের লোকালয়গুলি স্বাস্থ্যে সৌন্দর্যে আনন্দ-মুগ্ধরিত ছিল। কিন্তু বর্তমানে আর সেদিন নেই। ম্যালেরিয়া প্রভৃতি নানাপ্রকার ছুরারোগ্য ও সংক্রামক রোগে সে-আনন্দ আজ কোথায় মিলিয়া গেছে।

শ্রীনিকেতনের হাসপাতাল যথাসাধ্য চেষ্টা করে এই সমস্ত রোগের হাত থেকে জনসাধারণকে রক্ষা করছে।

আর কতদিন অলীক অহঙ্কার বৃকে ব'য়ে উলাসীনতার চাপে নিশ্চিত্তে আমরা দূরে সরে থাকব!

মধ্যাহ্নের যত্ন হল। অপরাহ্নের আরম্ভ। আকাশ পরিষ্কার। বৃষ্টি বিচিত্র—এই আসে, এই যায়। আমরা এবার কুটীর-শিল্পের দিকে মনোযোগ দিলাম।

শ্রীনিকেতনের কুটীরশিল্প সত্যিই আকর্ষণীয়। মৃৎ-শিল্প, বয়ন শিল্প, কাঠের কাজ, চামড়ার কাজ সমস্তই এখানে শেখানো হয়। বর্তমানে এদের কর্মের যথেষ্ট উন্নতি দেখা যাচ্ছে, কারণ জনসাধারণের দৃষ্টি আকর্ষণ করেছে এরা আজ। এদের কাজের প্রথম ও প্রধান বিশেষত্ব—কঠিন পরিচয়। ব্যাগ, জুতা, চটি প্রভৃতির ডিজাইন্স এত সুন্দর যে দেখলেই

কিনতে হচ্ছে। কয়েক জনস্বার্থীদের উন্নয়ন ছবিটার ভিত্তিতে কনগ্রেসে—আজকের ছবিতে আলোতে বাশরী উঠেছে কলকাতার শ্রীনিকেতনের একটি শাখা খোলা হয়েছে। বেজে।



গ্রামে সজী চাষ

এই সমস্ত শেখানো হচ্ছে গ্রামবাসীদের স্বাধীন জীবন যাত্রার জন্য, তাদের আত্মনির্ভর করে তোলবার জন্য। সেদিক দিয়ে দেখতে গেলে পূর্ণ সাফল্য লাভ করা গেছে আজ।

আজ শ্রীনিকেতন শ্রীমণ্ডিত হয়ে উঠেছে রূপে রসে বঙে। সজীব ঘাসে ছাওয়া মাঠে-মাঠে, রজনীগন্ধার গন্ধে

“দুঃসহ ব্যথা হ’য়ে অবসান  
জন্ম লভিবে কি বিশাল প্রাণ।  
পোহায় রজনী, জাগিছে জননী  
বিপুল নীড়ে,  
এই ভারতের মহা-মানবের  
সাগব-তীরে।”

## তোমারে পূজিব শুধু

শ্রীদুর্গাদাস ঘোষাল

তোমাবে পূজিব শুধু  
ধন মান তেযোগিয়া দবে,  
তোমারে ভাবিব শুধু  
অস্তরের অস্ততম পুরে।  
ডাকিব তোমারে শুধু  
কভু যদি নাহি দাও সাড়া,  
তব ধ্যান শুধু মোরে  
হয়বে করিবে আত্ম-হারা।  
তোমারে বন্দিতে দেব,  
সারা বিশ্ব পায়ে দিব বলি,

শত সূখ শত ব্যথা  
ছাব হ’তে ধাবে দূরে চলি।  
করুণা পবশে তব  
মুগ্ধপ্রাণ রবে অবিরল,  
তপ্ত অশ্রুধারা হবে  
একমাত্র মম কাম্য ফল।  
সার্থক জীবন মম  
চিরানন্দে রহিবে ডুবিয়া,  
অনন্তের পূজারী যে  
অনন্তেতে যাইব মিশিয়া।



কথা ও সুর :—কাজী নজরুল ইসলাম

স্বরলিপি :—জগৎ ঘটক

## দোলন-চম্পা \*

তাল—হৃতালী

দোলন চাপা বনে দোলে,  
 দোল পূর্ণিমা রাতে চাদের সাথে ।  
 শ্রাম পল্লব কোলে যেন দোলে রাখা  
 লতার দোলনাতে ॥  
 যেন দেব-কুমারীর শুভ্র হাসি,  
 ফল হ'য়ে দোলে ধরায় আসি,  
 আরতির মূহু জ্যোতি প্রদীপ কলি  
 দোলে যেন দেউল-আঙ্গিনাতে ॥  
 বন-দেবীর ওকি রূপালী-ঝুম্কা  
 চৈতী সগীরণে দোলে,  
 রাতের সলাজ আঁখিতারা  
 যেন তিমির আঁচলে ।  
 ও-যেন মৃষ্টিভরা চন্দন-গন্ধ  
 দোলেরে গোপিনীর গোপন আনন্দ,  
 ও-কিরে চুরিকরা শ্রামের নূপুর  
 চন্দ্রা বামিনীর মোহন হাতে ॥

II সা -গা ক্কা পা | -১ ক্কা পা -১ | -১ গা মা ষনা | ধ্বা -১ ১ ১ I  
 দো • ল ন • চা পা • • ব নে দো লে

I ১ ১ না সঁ | সঁধা -গা ধা পা | ক্কা পা -১ গা | মা -১ রা সা I  
 • • দো ল পূ • নি মা রা তে • চা দে র সা থে

I ৷ ৷ গা -৷ | মা -৷ রা সা | রা -৷ সা -৷ | ৷ গা ক্রা I  
 • • শ্রা ম্ প ল্ ল ব কো • লে • • • • যে ন

I পা -ক্রা পা -ক্রা | গা মা মধা -৷ | না সী -৷ ধা | ধা পা ধা পা II  
 দো • লে • • রা • ধা • ল তা • র্ দো ল না তে

II পা ক্রা পা -ধা | গা মা মধা -৷ | পা -না ধা সী | না -৷ -৷ -৷ I  
 যে ন দে ব্ কু মা রী র্ শু • ভ্র জা সি • • •

I সী র্গা মী -রী | সী -ননসী মধা -পা | ধা পা -৷ ধা | পা -৷ -৷ -৷ I  
 ফু ল্ হ' য়ে দো • • • • লে • ধ রা য্ আ সি • • •

I সা গা ক্রা -পা | সা গা -৷ ক্রা | পা -৷ ক্রা পা | -৷ ক্রা পা -৷ I  
 আ র তি র্ মৃ ছ • জো তি • প্র দী প্ ক লি •

I গা -মা রা -সা | মধা গধধা -গপা -৷ | না সী -৷ -সী | ধা পা ধা পা II  
 দো • লে • • যে • • • ন • দে উ • ল্ আ ডি না তে

II ৷ রা সা সা | গা -৷ ক্রা পা | ধা না সী -৷ | মধা -৷ পা -৷ I  
 • ব ন দে বী র্ ও কি রু পা লী • বু ম্ কা •

I ৷ ধা -সী ধা | পা ক্রপা গা মা | মনা সনননা -সধা -৷ | -৷ -৷ -৷ -৷ I  
 • চৈ • তী স মী • র গে দো • • • • লে • • • •

I ক্রা পা -৷ -ক্রা | গা মা -গমা রা | গা -৷ রা মনা | সা -৷ সা না I  
 রা তে • র্ স লা • জ্ আ • থি তা রা • যে ন

I সা গা ক্রা পা | ক্রা পা -৷ ক্রা | পা -৷ -৷ গমা | মসী ধা -৷ -৷ I  
 তি মি র আ চ লে • দো লে • • • দো • লে • • • •

I পা -না ধা সী | সী সী সী সী | সী -৷ সী সী | মধা -গা ধপা -৷ I  
 ও • যে ন মু ঠি ভ রা চ ন্ দ ন • গ ন্ ধ • •

I সী না সী সী সী | সী সী সী সী -। | না সী না সী | সী -না ধী -। I  
 দো লে • রে • গো পি নী র গো প ন আ ন ন্দ •

I ধী -সী ধী পা | ধী সী ধী পা | সী সী পা সী | পা -। -। -। I  
 ও • কি রে চু রি ক রা শা মে স্ নু পু • • স্

I । গী -। মী | রা রা সী -। | গী মী রা সী | রা -। সী -। II II  
 • চ ন্দ্রা যা মি নী র মো • হ ন হা • তে •

\* রাগটি কবি কাজী নজরুল ইসলাম-রচিত। আদি কয়েকটি রাগ-রাগিনীর মিশ্রণ-ফলে কত যে নূতন রাগের সৃষ্টি এতাবৎকাল হ'য়ে এসেছে এবং হ'তে পারে, এই রাগটি তাহার অগ্ৰতম দৃষ্টান্ত। এমনি ক'রেই ভারতের সঙ্গীত-সম্পদ চিরদিন বৃদ্ধি পেয়ে এসেছে। ইহার পিছনে থাকি দরকার—কৃষ্টি ও প্রতিভা।

এ-রাগের আরোহাবরোহ :—সী গী সী পা, গী মী না ধী, পা না ধী সী।

সী না ধী না ধী পা সী পা, গী মী রা সী ॥

বাদী—পঞ্চম। সঙ্গীত—যত্ন। গতি—বক্র।

## নিশীথ আকাশে ডুবে যায় চাঁদ

বন্দে আলী মিয়া

কৃষ্ণতিথির আধো-জোছনায় ঘরখানি গেছে ভরি  
 নিশীথ বাতাসে স্নেহে স্নেহে বেন কাঁপিতেছে শরীরী ;  
 দুর্গ বনতলে জ্বলিছে জোনাকি মাটির তারকা সম  
 কাক-জোছনায় আজি এ ধরণী সুন্দর অন্তরম।  
 নারিকেল শাখা কাঁপে থর থরি  
 রজনীগন্ধা উঠিছে শিহরি  
 শেফালী ঝরিয়া আঁকে আলিপনা সবুজ ঘাসের 'পরে  
 আমি চেয়ে আছি ম্লান নভতলে দুর্গ অচেনার তরে।

আজি স্নেহে স্নেহে আসে সৌরভ করবীর ফুল হতে  
 জানি তুমি গেছ চির-পর হয়ে—আসিবে না কোন মতে,  
 সে-দিন কাননে ফুলতোলা ছলে মোর পানে তুলি আঁখি  
 ইসারাতে কেন ঘর হতে তুমি নিয়েছিলে মোরে ডাকি।

যদি জান মনে মিছে এ স্বপন  
 ভেঙে যাবে এই বৃথা আয়োজন  
 তবে কেন বল আসি বারে বারে করিলে এ অভিনয় !  
 আজি একা ঘরে মনে মনে তাই মানি তোমা পরাজয়।

হয় তো বা আজ নবীন সাথীর বাঁধা আছ বাছ ডোরে  
 জানি গো পাষাণী স্নেহকের লাগি মনে পড়ে না কো মোরে,  
 আমার আকাশে তেমনি প্রভাত তেমনি সন্ধ্যা হয়  
 তোমার লাগিয়া কুসুম কুসুমে জাগে আজি বিশ্বয়।  
 নতুন সাথীর শিথিল বাঁধনে  
 একদা আমারে পড়িবে গো মনে  
 সে দিন আমি যে ভুলে যাব তোমা মনে রাখিব না আর  
 নিশীথ আকাশে ডুবে যায় চাঁদ—ঝেরিয়া আসে আঁধার।



# বনজ্যোৎস্না

শ্রীঅনিলকুমার ভট্টাচার্য্য

নিত্য নূতন শাড়ীর চমক লাগাইয়া চলনভঙ্গীর ভিতর অপূর্ণ  
ছন্দ-মাধুর্য্য তুলিয়া বান্ধবীদের সহিত কলহাস্তে মুখরিত হইয়া  
মহানগরীর রাজপথ বহিয়া যে মেয়েটি বহু পুরুষের ঈপ্সিত  
দৃষ্টির মাঝে চলিয়া ফিরিয়া বেড়াই তাহার কথাই বলিতেছি।

বনজ্যোৎস্না—বাড়ীতে এবং বান্ধবীদের কাছে স ফিগু  
হইয়াছে বন।

সাধারণ গৃহস্থের মেয়ে। বাপ মসিছীবি কেরাণী—  
মার্চেন্ট অফিসের বিশ বৎসরের চাকরি-জীবনের মাঝে  
রিটারার করিবার সময় একশত টাকা বেতন হইয়াছে।  
গোটা তিনেক ছেলে—সবাই অমানুষ। কেহ বাজাবেব  
পরমা মারিয়া ফোর্থ ক্লাশে সিনেমা দেখে—কেহ বেস কোর্সে  
যায় কিংবা ওস্তাদ রাখিয়া খেয়াল ঠুংবী শোনে।

মা কিছুটা একেলে—উকীলের কন্যা এবং ডাক্তারের  
ভগিনী। আধুনিক কালের কচিসম্পন্ন ভ্রাতৃবধূদের সংস্পর্শে  
একেলে মতবাদটাই আদর্শরূপে গ্রহণ কবিয়াছেন। ভ্রাতৃ-  
সুত্রীরা তাঁহার ডায়োশেসনে পড়ে—টেনিস খেলে—সে  
বস্তুর ছোঁয়া তাঁহার জীবনেও স্পর্শ কবিয়াছে। ছেলেদের  
আশা ছাড়িয়া তাই মেয়েটিকেই মানুষ করিতে চলিয়াছেন।

মার্চেন্ট অফিসের কেরাণী মাঝে মাঝে প্রতিবাদ জানান  
—এত পরমা খরচ ক'রে মেয়েকে লেখা-পড়া শেখাচ্ছে—  
কি হবে তুমি? সব ভয়ে ঘি চালা—শেষ পর্য্যন্ত ওই তোমার  
মতন হেঁসেলের হাঁড়ি ঠেলা বইতো নয়।

গৃহিনী পাণ্টা জবাব দেন—সাংসারিক বুদ্ধি তোমার  
একটুও নেই। এই প্রগতির যুগ—তোমরা সব সেকেলে।  
এই লেখা-পড়া গান-বাজনা শেখানো মানেই মেয়েকে ভালো  
ধরে বিয়ে দেওয়া। ছেলেগুলো তো সব অমানুষ হল, এখন  
কি কিছু ভরসা আমাদের বন। ওই মিত্তির বাড়ী দেখ—এক  
মেয়ে ইলা ভাল বর-ধরে পড়ে বাপের বাড়ীর সমস্ত সংসার  
চালাচ্ছে।

সেই হইতে বনজ্যোৎস্না বন—সাজিয়া গুলিয়া বাসে  
চাপিয়া কুবে যায়। কত হইলে বাস ভাড়ার খরচও বাঁচিয়া  
পেছে।

—কেন মা মিথ্যে বাসেব ভাড়া, কত মেয়ে তো হেঁটেই  
কলেজে যায়!

মাও বুঝিলেন এ অপব্যয়ের কোন যুক্তি নাই, মেয়ে যখন  
শিক্ষিত ও সোমত্ব হইয়া এই স্বাধীন মত প্রকাশ করিয়াছে  
—সংসারেরও যখন সাশ্রয় হয়।

ম্যাট্রিক পাশ করিয়া বন কলেজে পড়িতেছে। বাড়ীতে  
সঙ্গীতশিক্ষক রাখিয়া বাংলা গানও শিখিতেছে।

ভাইয়েবাও বলে—বন একটু বুঝে শুঝে চলিস্—হাজাব  
ছোক মেয়েমানুষ তো—পাড়ার লোকেবা সব যা-তা  
নিন্দে কবে।

বন ক্ষেপিয়া ওঠে—যত সব ইডিয়ট, কাজকর্ম নেই,  
কেবল মেয়েদের নিয়ে আলোচনা।

কিন্তু বনের ভুলেবও অভাব নাই।

সামনের বাড়ীর প্রফেসর বোস -পাশের বাড়ীর এম্-বি,  
ডি-টি-এম্ ডাক্তার—ওদিককার বাড়ীর এম্-এ, বি-এল্  
বন বলিতে অজ্ঞান। বনের মার্জিত রুচি—নিত্য নূতন  
শাড়ীর ডিজাইন - তাহার কর্তনিস্বত ববীন্দ্র-সঙ্গীত বুকি বা  
সকলকেই পাগল কবিয়া তুলিয়াছে। আব কলেজের  
ছেলেদের তো কথাই নাই—বন তাহাদের করুণার চক্ষেই  
দেখে।

পিছনের ঘাড়-কামানো সঙ্গীতশিক্ষকটি সেদিন গান  
শিখাইতে গিয়া অর্গানের রিডটি সংশোধনকালে অনুলি-  
স্পর্শ কবিয়া ফেলে।

বিদ্যাতের তেজে বন জলিয়া ওঠে—আপনি আর কাল  
থেকে আসবেন না—আপনার মতন অভয় লোকের কাছে  
আমি আর গান শিখব না।

বেচারি ঘাড়-কামানো নিরুত্তরে বাহির হইয়া যায়। বন  
রেডিও কিনিয়া প্রতি রবিবার সকালে পঙ্কজ মল্লিকের কণ্ঠে  
কণ্ঠ মিলায়—

‘একম মিলে গানের বলা যায়—’



বনের পিতা সেদিন এক পাত্রে সঙ্ক আনিলেন। তাঁহারই অফিসের নবনিযুক্ত এক কেরাণী—বি-এ পাশ করিয়াছে।

ফাষ্ট'-এপয়েন্টমেন্ট চল্লিশ টাকা পাইয়াছে। ছেলেটি দেখিতে শুনিতেও মন্দ নয়।

গৃহিণী বাধা দিলেন—ভারী বি-এ পাশ! আর আড়াই বছর পরে বনও আমাদের বি-এ পাশ করবে? আমি ভাবলুম—কোন ব্যারিষ্টার কিংবা ডাক্তার বৃষ্টি!

কর্তা নীরব রহিলেন।

—যা খুলী করগে—আমি আর তোমাদের এর মধ্যে নেই।

বনের পড়িবার ঘরে সেদিন টেবিল ঝাড়িবার কালে রাইটিং প্যাডখ্যানির ভিতর হঠতে একখানি গোলাপী খাম বাহির হইয়া আসিল।

প্রফেসর বোস কবিতায় চিঠি দিয়াছেন—সে সব কি লেখা—বনের মা হাজার হোক কেরাণীর স্ত্রী, অতশত বৃষ্টিলেন না।

প্রথমে বিরক্ত হইলেও শেষে অস্তুরে খুসী হইলেন। যাহোক মেয়েটার একটা হিলে হ'ল!

সঙ্কের প্রস্তাবনাকালে প্রফেসর বোস তো হাসিয়াই খুন! বনকে তিনি স্নেহ করেন—তার রুচির এবং কৃষ্টির তিনি ভক্ত—তাই বলে বিয়ে?

আর যে মহান ব্রত তাঁহার—শিক্ষকতা করিয়া দেশের ছেলেমেয়েদের মানুষ করিয়াই তিনি তাঁহার আদর্শ জীবন কাটাইবেন।

বন শুনিল এবং সেইদিন হইতে সামনের বাড়ীর দিকে ঘন করিয়া পর্দা আঁটিয়া দিল।

কয়েকদিন ধরিয়া এম্-বি, ডি-টি-এম্ ডাক্তারটি খুবই আসা-যাওয়া করিতেছে বনেদের বাড়ী।

বনের ইনফ্রুয়েঞ্জায় রাত্রি জাগিয়া চিকিৎসা করিল। ফিস্ দিতে গেলে হাসিয়া বলিল: আমি আপনাদের বাড়ীরই ছেলে—এতটা চামার হইনি যে আপনাদের কাছে ফিস্ নেবো। আপনারা স্নেহ করেন—এই আমার সৌভাগ্য!

ছেলেটির যেমন মিষ্ট কথা তেমনি ভদ্র ব্যবহার।—গৃহিণী কর্তাকে বলিলেন—একবার দেখ না, ছেলেটি তো বেশ!

প্রসঙ্গ তুলিতেই ডাক্তারের পিতা বলিলেন: তা ছেলের যদি মত হয়ে থাকে আমার তাতে অবিশি অমত নেই—কিন্তু ধরুন, ছেলের বিয়েতে তো আর ঘর থেকে খরচ করতে পারি নে—কমে-সমে দশ হাজার।

দশ হাজার! বনের পিতা মাথায় হাত দিয়া বসিলেন। এম্-বি, ডি-টি-এম্-এর গমনাগমন বন্ধ হইয়া গেল।

এম্ এ, বি-এন্ উকীল ভিন্ন জাতি—ভিন্ন গোত্র।

বনের বয়স বাড়িয়া চলিয়াছে।

দেহ-যৌবন রূপমাধুর্য্য কলেজের পুস্তকের ভারে আর বৈশাখের খরদীপ্ত প্রখরতায় দিনে দিনে পরিপ্লান হইয়া আসে।

বিচিত্র শাড়ীর ঔজ্জ্বল্য আর চলার ভঙ্গী—তাও যেন অতি পুরাতন হইয়া আসিয়াছে।

সিনেমায় বাসে মহানগরীর রাজপথে গৃহ-বাতায়নের ফাঁকে যে রূপটি প্রভাতের সূর্যের সোনালী রং-এ উদ্ভাসিত ছিল আজ যেন তা অস্তমিত—শুধু গোধূলির গাঢ় অবসাদ আর ক্ষীণ স্তিমিত ধূসর রেখায় পর্যাবসিত।

বয়স পঁচিশ পার হইয়া গেছে। রূপেণ্ডে পছন্দ-সই বর আর মিলিল না।

তবুও জনতার শ্রোতে ডুবিয়া যাওয়া যায় না।

বি-এ পাশ করিয়া বন শিক্ষয়িত্রীর কাজ করিতেছে। বৃদ্ধ মাতাপিতা, অল্পযুক্ত ভাইদের ভরণপোষণ চালাইতেছে।

ক্রান্ত অবসাদ-মুহূর্ত্তে দক্ষিণের বিষ্ণুবিরে বাতাসে রাত্রির অন্ধকারে দেখা যায় কয়েকটি জীবনের কয়েকটি চিত্র। প্রফেসর বোসের আদর্শ শিক্ষানীতি—পাঁচটি সন্তানের জনক। এম্-বি, ডি-টি-এম্-এর দশ হাজার বর-পণে বিক্রীত স্ত্রী—তাহাদের সংসার! দিবসের সাংসারিক মালিগ্নের পর নীল আলো জ্বলাইয়া রাত্রির কাব্য!

পাড়ার চিরবিচ্ছিন্ন কুখ্যাত বাড়ীটির অধিবাসিনী বন নিদ্রাহীন গাঢ় রজনীর দীর্ঘতর অবকাশে গভীর দীর্ঘশ্বাসে কল্পনা করে—তাহার ছেলেমেয়ে হইলে কি আদর্শ শিক্ষাতেই না সে তাহাদের মানুষ করিয়া তুলিত।

# বৌদ্ধধর্মের বিস্তার

ডক্টর শ্রীবিমলাচরণ লাহা এম-এ, বি-এল, পি এইচ-ডি

( পূর্বাত্মবৃত্তি )

বহু পুরাকাল হইতে বৌদ্ধদিগের নিকট চীনরাজ্য সুপরিচিত ছিল। প্রবাদ আছে যে সম্রাট অশোকের ধর্মপ্রচারকেরা চীনদেশে বৌদ্ধধর্ম আনয়ন করেন। হান রাজ্যের কোন একজন রাজা বুদ্ধদেবের ভক্তগণের অশ্রমে দুইটি রাজদূত প্রেরণ করেন। এই দুইটি রাজদূত কাশ্মপ মাতঙ্গ ও ধর্মরত্ন নামে দুইজন ভারতীয় ভিক্ষু সমভিব্যাহারে চীন রাজধানীতে ফিরিয়া আসেন। এই দুইটি ভারতীয় ভিক্ষু সর্বপ্রথম চীনভাষায় বৌদ্ধগ্রন্থ অনুবাদ করেন। এই দুইজন ভিক্ষুর আগমনের পূর্বে চীনদেশে বৌদ্ধধর্ম সুপ্রতিষ্ঠিত ছিল। কোন একজন চৈনিক রাজদূত ইণ্ডো-সিথিয়ান রাজদরবার হইতে একটি বৌদ্ধগ্রন্থ আনেন। নাগার্জুনিকোণ্ড শিলালিপি হইতে জানা যায় যে চৈনিক স্থবীরেরা খৃষ্টীয় দ্বিতীয় কিংবা তৃতীয় শতাব্দীতে ভারতবর্ষে আসেন।

চীনদেশে বৌদ্ধধর্ম বিস্তারের জন্ত চীন ও ভারতবর্ষের মধ্যে অনেকগুলি চলাচলের পথ ছিল। চৈনিক পর্যটক হইলেন সাং ভারতবর্ষে আসিবার সময়ে উত্তরদিকস্থ পথ অবলম্বন করেন। তিব্বতের মধ্য দিয়া চীন ও ভারতবর্ষের মধ্যে খৃষ্টীয় সপ্তম শতাব্দীর প্রারম্ভে একটি পথ খোলা হয়। এই পথ দিয়া প্রত্যেক মিত্র চীনে গমন করেন। চীন ও ভারতবর্ষের মধ্যে গমনাগমনের জন্ত যেমন স্থলপথ ছিল তেমনি জলপথও ছিল। চীনদেশে বৌদ্ধধর্ম বিস্তারে তিব্বতীরা যথেষ্ট সাহায্য করিয়াছিল।

কাছোডিয়া, চম্পা, জাভা এবং সুমাত্রায় বৌদ্ধধর্মের চিহ্ন পরিলক্ষিত হয়। লোকচেম নামে একজন সুপণ্ডিত বৌদ্ধভিক্ষু কতকগুলি সুপ্রসিদ্ধ মহাযান বৌদ্ধগ্রন্থ চীন ভাষায় অনুবাদ করেন। তাঁহারই একজন শিষ্য শতাধিক বৌদ্ধগ্রন্থ চীনভাষায় অনুবাদ করিয়াছিলেন। ইণ্ডো-সিথিয়ার সুপ্রসিদ্ধ পণ্ডিত ধর্মরত্ন বৌদ্ধধর্মজ্ঞ ছিলেন। তিনি অনেক সংস্কৃত পুস্তক চীনভাষায় অনুবাদ করেন। পার্শ্ববাসী লোকোত্তম অনেক বৌদ্ধগ্রন্থ চীনভাষায় তর্জমা করেন। পার্শ্ববাসীর পরে বৌদ্ধধর্ম সগ্দিয়ায় বিস্তারিত হয়।

খৃষ্টীয় চতুর্থ শতাব্দীর শেষভাগ হইতে ভারতীয় বৌদ্ধধর্ম ব্যাখ্যাকার্যে কাচবাসী কুমারজীব চীনদিগকে যথেষ্ট সাহায্য করিয়াছিলেন। মহাযান বৌদ্ধধর্ম কুমারজীব সর্বপ্রথম চীনভাষায় প্রণয়ন করেন এবং যে সকল মহাযান বৌদ্ধগ্রন্থ অনুবাদ করেন তাহাদের মধ্যে কতকগুলি উল্লেখযোগ্য, যথা—অশ্ব ঘোষ বিরচিত সূত্রালঙ্কারশাস্ত্র, নাগার্জুনকৃত দশভূমি বিভাস শাস্ত্র, বসুবন্ধু প্রণীত শতশাস্ত্র, হরিবর্ষকৃত সত্যসিদ্ধিশাস্ত্র এবং ব্রহ্মপালসূত্র।

চীনদেশে বৌদ্ধধর্ম প্রচারে খোটান যথেষ্ট সাহায্য করিয়াছিল। কোন একজন চৈনিক বৌদ্ধ ভিক্ষু বৌদ্ধধর্ম শিক্ষার জন্ত খোটানে আগমন করেন। তিনি চীনভাষায় বৌদ্ধগ্রন্থের তালিকা প্রস্তুত করেন। আর একজন খোটানদেশীয় বৌদ্ধ ভিক্ষু চীনে গমন করেন এবং পঞ্চবিংশতি-সাহস্রিকা প্রজ্ঞাপারমিতা নামক সুপ্রসিদ্ধ মহাযান গ্রন্থ চীনভাষায় অনুবাদ করেন। খৃষ্টীয় পঞ্চম শতাব্দীর প্রারম্ভে কোন একজন চৈনিক যুবরাজ খোটানে আসিয়া বুদ্ধসেন নামে একজন ভারতীয় শিক্ষকের নিকট মহাযান বৌদ্ধগ্রন্থ অধ্যয়ন করেন। পঞ্চম শতাব্দীতে খোটান এমন একটি মহাযান বৌদ্ধধর্মের সুপ্রসিদ্ধ কেন্দ্র হইয়াছিল যে কাশ্মীর হইতে ধর্মক্লেম নামে একজন ভারতীয় ভিক্ষু মহাযান বৌদ্ধধর্ম অধ্যয়নের জন্ত এখানে আসিয়াছিলেন। পরে তিনি চীনদেশে গমন করিয়া চীনভাষায় মহাপরিনির্বাণসূত্র তর্জমা করেন।

খৃষ্টীয় সপ্তম শতাব্দীর মধ্যভাগে তিব্বতের রাজা অং-শ্যান-গ্যাম-পো একটি চীন ও একটি নেপালদেশীয় রাজকন্যাকে বিবাহ করেন। এই দুই রাজকন্যা তিব্বতে বৌদ্ধধর্ম প্রণয়ন করেন। ইহাদের সাহায্যে বৌদ্ধধর্ম তিব্বতে সুপ্রতিষ্ঠিত হয়। রাজা পদ্মসম্ভবকে এবং শাস্ত্ররক্ষিত নামে আর একজন সুপ্রসিদ্ধ পণ্ডিতকে তিব্বতে নিমন্ত্রণ করেন। তিব্বতে লামাধর্মের প্রবর্তক ছিলেন পদ্মসম্ভব। সাম্-এ নামে একটি বিহার বৌদ্ধশিক্ষার প্রসিদ্ধ কেন্দ্র

ছিল। বহু দেশ-দেশান্তর হইতে ভিক্ষুরা এখানে আসিয়া সংস্কৃত বৌদ্ধগ্রন্থ তিব্বতীয় ভাষায় অনুবাদ করেন। খৃষ্টীয় একাদশ শতাব্দীতে তিব্বতে সুপ্রসিদ্ধ আচার্য্য দীপঙ্কর শ্রীজ্ঞানের আবির্ভাব হয়। তিব্বতীয় বৌদ্ধ ইতিহাসে তাঁহার স্থান সর্বোচ্চে। যখন মুসলমানেরা বাকলা ও বিহার জয় করে তখন অনেকগুলি ভারতীয় বৌদ্ধভিক্ষু ও পণ্ডিত তিব্বত ও নেপালে পলায়ন করেন। চীন ও মধ্য এশিয়ার প্রচলিত ধর্মের উপর তাঁহাদের প্রভাব অধিক ছিল। কুবলাই খাঁ নামে কোন একজন লোকের নেতৃত্বে বৌদ্ধধর্ম সুপ্রতিষ্ঠিত হইয়াছিল। তাঁহারই পৃষ্ঠপোষকতায় অনেকগুলি বৌদ্ধগ্রন্থ চীন ভাষায় অনূদিত হয়; তাহাদের মধ্যে মূলসর্বাস্তিবাদ কর্ম্মবাচার নাম উল্লেখযোগ্য। চীন ও তিব্বতীয় বৌদ্ধ ত্রিপিটকের একটা তালিকা প্রস্তুত করা হইয়াছিল। ইহা ব্যতীত ত্রিপিটকের কতকগুলি সংস্করণ প্রকাশ করা হয় এবং কতকগুলি চীন বৌদ্ধগ্রন্থ তিব্বতীয় ভাষায় অনূদিত হয়।

খৃষ্টীয় পঞ্চম শতাব্দীতে কাশ্মিরের রাজা কোণ্ডিয়া জয়বর্ষ্মণ চীন-রাজদরবারে নাগসেন নামে একজন ভারতীয় বৌদ্ধকে পাঠাইয়াছিলেন। ফু-নান অর্থাৎ প্রাচীন কাশ্মিরের মন্দসেন এবং সজ্বভরত নামে দুইজন ভিক্ষু চীনদেশে গমন করিয়া কতকগুলি বৌদ্ধগ্রন্থ চীন ভাষায় অনুবাদ করেন।

চম্পা দেশে চাম্ব অক্ষরে লিখিত অনেকগুলি বৌদ্ধগ্রন্থ ছিল। সপ্তম শতাব্দীতে জাভা ও সুমাত্রা বৌদ্ধশিক্ষার কেন্দ্র ছিল। এই দেশদ্বয়ে সুপ্রসিদ্ধ চীন পর্য্যটক ইংসিং, বৌদ্ধ শাস্ত্রে সুপণ্ডিত দীপঙ্কর শ্রীজ্ঞান এবং বজ্রবোধি আসেন।

চীন সাম্রাজ্যের তাংদিগের সময় বৌদ্ধধর্ম উন্নত ছিল। এই সময়ে কতকগুলি ভারতীয় পণ্ডিত চীনদেশে গমন করিয়া চীনভিক্ষুর সহিত একত্র কার্য্য করেন। আরও দেখা যায় যে, এই সময়ে সুপ্রসিদ্ধ চীন বৌদ্ধভিক্ষু ছয়েন্ সাং, ইংসিং, সং-য়ুন প্রভৃতি সকলে ভারতীয় বৌদ্ধধর্ম জানিবার জন্ত ভারতবর্ষে পদার্পণ করেন। চীনদেশবাসীর গার্হস্থ্য জীবনের উপর বৌদ্ধধর্মের প্রভাব বিশেষভাবে পরিলক্ষিত হয় এবং বৌদ্ধধর্মের উন্নতিকল্পে ভারত চীনদেশকে যথেষ্ট সাহায্য করিয়াছিল।

ভারত ও চীনের সহযোগিতার ফলে সুপ্রসিদ্ধ চীন

ত্রিপিটকের সৃষ্টি হয়। বৌদ্ধধর্মের আটটি বিভিন্ন সম্প্রদায়ের পুস্তক এবং কতকগুলি ব্রাহ্মণ্যপুস্তক এই ত্রিপিটকের অন্তর্গত।

কোরিয়া হইতে বৌদ্ধধর্ম জাপানে সর্বপ্রথমে আসে এবং চীন ত্রিপিটকের সর্বপ্রথম সংস্করণ কোরিয়ায় ছিল; পরে জাপানে আনা হয়। খৃষ্টীয় ষষ্ঠ শতাব্দীর মধ্যভাগে কোরিয়ার সহিত জাপানের কলহ হয় এবং কোরিয়া জাপান সম্রাটের সহিত সন্ধিসূত্রে আবদ্ধ হইবার ইচ্ছায় তাঁহাকে কতকগুলি বৌদ্ধগ্রন্থ ও মূর্তি উপহার দেয়। ভারত ও তিব্বত হইতে কতকগুলি বণিক ও ধর্মপ্রচারক কোরিয়ায় গমন করেন। খৃষ্টীয় দশম শতাব্দী হইতে চতুর্দশ শতাব্দী পর্য্যন্ত ওয়াং রাজ্যের পৃষ্ঠপোষকতায় বৌদ্ধধর্মের উন্নতি সাধিত হয়। অনেক সুন্দর সুন্দর বিহার নির্মিত হয় এবং বৌদ্ধধর্ম রাজ্যের ধর্ম বলিয়া পরিগণিত হইয়াছিল। খৃষ্টীয় পঞ্চদশ শতাব্দীতে বৌদ্ধধর্মের প্রতি বিরুদ্ধাচরণ করা হয়। বৌদ্ধমূর্তি নষ্ট করা এবং রাজ্যে বৌদ্ধশিক্ষা বিস্তার নিষিদ্ধ বলিয়া ঘোষণা করা হয়।

জাপানে বৌদ্ধদিগের বারটি সম্প্রদায় ছিল, যথা—কুশ, যোযিৎসু, রিসুসু, স্তানরনু, হোসুসো, কেগন, টেনডাই, সিঙ্গন, জোডো, জেন, সিন্ এবং নিচিরেন। এই সকল সম্প্রদায়ই মহাযান বৌদ্ধধর্মাবলম্বী; কেবল কুশ, যোযিৎসু ও রিসুসু হীনযান বৌদ্ধধর্মের সহায়ক ছিল। জাপানে সামাজিক, রাজনৈতিক এবং সামরিক বিষয়ের উপর বৌদ্ধধর্মের প্রভাব বিদ্যমান ছিল।

সিংহলে থেরবাদ বৌদ্ধধর্ম প্রচলিত। এখানে বৌদ্ধধর্ম প্রচারের জন্ত সম্রাট অশোক স্থবীর মহেন্দ্র এবং ভিক্ষুণী সজ্জমিত্রাকে প্রেরণ করেন। দেবানং প্রিয় তিস্র এই সময়ে সিংহলের রাজা ছিলেন। তিনি তাঁহাদিগকে সাদরে আহ্বান করেন। বহু সংখ্যক নরনারী বৌদ্ধধর্মে দীক্ষিত হন। এখানে বৌদ্ধধর্ম সুপ্রতিষ্ঠিত হইবার ফলে অনেক বিহার ও স্তুপ নির্মিত হয় এবং বৌদ্ধ প্রতিষ্ঠান স্থাপিত হয়। সিংহলের রাজা দুর্টগামণির সময়ে সিংহল দ্বীপের সামাজিক উন্নতিকল্পে বৌদ্ধধর্ম যথেষ্ট সাহায্য করিয়াছিল। রাজা বর্টগামণির সময়ে বৌদ্ধ নীতিশিক্ষাগুলি লিখিত হয়। খৃষ্টীয় প্রথম শতাব্দীতে সিংহল বৌদ্ধসভ্য কলহের সৃষ্টি হয়। মহাবিহারের ভিক্ষুগণের সহিত অভয়গিরি বিহারের বৈতুল্য ভিক্ষুগণের

বহুদিন ব্যাপী কলহ চলিতেছিল। খৃষ্টীয় পঞ্চম শতাব্দীর প্রথম ভাগে সুপ্রসিদ্ধ বৌদ্ধ টীকাকার বুদ্ধঘোষ দক্ষিণ ভারত হইতে সিংহল দ্বীপে পদার্পণ করেন। তৎকালীন সিংহলের রাজা মহানামের পৃষ্ঠপোষকতায় তিনি বৌদ্ধ পিটকের অন্তর্গত পুস্তকগুলির অর্থকথা প্রণয়ন করেন। তিনি যে সকল টীকা লিখিয়াছিলেন তাহাদের মধ্যে বিশুদ্ধমার্গ, সমস্তপাসাদিকা, স্তম্ভলবিনাসিনী, পপঞ্চসুদনী, মনোরথ-পুরণী এবং সারথপ্রকাশিনী বিশেষ উল্লেখযোগ্য। খৃষ্টীয় ষাটশ শতাব্দীর মধ্যভাগে রাজা পরাক্রমবাহুর পৃষ্ঠপোষকতায় বৌদ্ধধর্ম নূতন জীবন লাভ করে। তিনি বহু বিহারের সংস্কার করেন এবং ভিক্ষুদিগের জীবনযাত্রার জ্ঞাত কতকগুলি নিয়ম করেন। তাঁহার মৃত্যুর পর সিংহল দ্বীপের রাজনৈতিক গোলমালের সৃষ্টি হয়; কিন্তু দক্ষিণ ভারতের অন্তর্গত চোড় দেশের ভিক্ষুগণের সাহায্যে বৌদ্ধধর্ম পুনরায় প্রতিষ্ঠিত হয়। ইহার পরবর্তী সময়ে সিংহলে বৌদ্ধধর্মের পতন পরিলক্ষিত হয়। শরণঙ্কর নামে একজন বৌদ্ধশ্রমণের সাহায্যে তৎকালীন শ্রীবিজয়রাজসিংহ নামে একজন সিংহলের রাজা বৌদ্ধধর্ম পুনঃ প্রতিষ্ঠার জ্ঞাত শ্রাম দেশ হইতে ভিক্ষুগণকে সিংহলে আনয়ন করেন। ১৮১৫ সালে সিংহল দ্বীপ ইংরেজদিগের হস্তগত হয় এবং এখনও পর্যন্ত খেরবাদ বৌদ্ধধর্ম উন্নতাবস্থায় এখানে বিद्यমান আছে।

শ্রাম দেশেও খেরবাদ বৌদ্ধধর্ম প্রচলিত। এখানকার কতকগুলি পুরাতন স্থানে বৌদ্ধ স্থাপত্যের সুন্দর নিদর্শন পাওয়া যায়। শ্রাম রাজ্যে আজকাল যে বৌদ্ধধর্ম প্রচলিত আছে তাহা হীনযান বৌদ্ধধর্ম হইতে কিঞ্চিৎ বিভিন্ন বলিয়া মনে হয়। শ্রামবাসীরা সিংহল বৌদ্ধসম্প্রদায়ের প্রাচীনতা স্বীকার করে এবং সিংহল হইতে একজন ধর্মপ্রচারককে তাহাদের দেশে নিমন্ত্রণ করিয়া আনে। খৃষ্টীয় চতুর্দশ শতাব্দীর মধ্যভাগে শ্রামরাজ্যের রাজধানী অজুথিয়ায় স্থানান্তরিত করা হয়। এখানে অনেক বৌদ্ধমূর্তি এবং বৌদ্ধপ্রতিষ্ঠানের ভগ্নাবশেষ দেখিতে পাওয়া যায়। কান-তাক-সিন্ নামে একজন চৈনিক ব্যক্তিকে রাজধানী প্রতিষ্ঠিত করেন এবং চক্রী নামে কোন একজন লোক কর্তৃক তিনি রাজ্যচ্যুত হন। শ্রামরাজ্যের পরবর্তী ইতিহাসে দেখিতে পাওয়া যায় যে সমগ্র বৌদ্ধ ত্রিপিটক সংশোধিত হইয়া একটি বড় হ্রদ ধরে সুরক্ষিত হয়।

প্রবাদ আছে যে সম্রাট অশোক ব্রহ্মদেশে বৌদ্ধধর্ম আনয়ন করেন। সংস্কৃত ভাষায় লিখিত যে সকল বৌদ্ধ পুস্তক পুরাতন প্রোম দেশে পাওয়া গিয়াছে তাহা হইতে বেশ বুঝা যায় যে পূর্ব-ভারতের মগধের অন্তর্গত দেশগুলির সহিত ব্রহ্মদেশের একটা নিকট-সম্বন্ধ ছিল। পুরাতন প্রোমে অনেকগুলি বৌদ্ধ স্মৃতিস্তম্ভ এবং স্থাপত্য আবিষ্কৃত হইয়াছে। পেগান দেশে খেরবাদ বৌদ্ধধর্ম সুপ্রতিষ্ঠিত ছিল। নিম্ন ব্রহ্মদেশে সিংহলীয় সম্রাট সজ্জ ক্রমশঃ সুপ্রতিষ্ঠিত হয়। ব্রহ্মদেশীয় সম্রাট উন্নতিকর সিংহল দেশবাসী ভিক্ষুগণ যথেষ্ট সাহায্য করেন এবং রাজা ধর্মচেতির সংস্কারের ফলে সিংহলীয় সম্রাট উন্নতি সাধিত হয়। চৈনিক ভূপর্যটক ইংসিংএর বিবরণ হইতে জানা যায় যে খৃষ্টীয় সপ্তম এবং অষ্টম শতাব্দীতে সর্বাঙ্গিবাদ বৌদ্ধধর্ম ব্রহ্মদেশে প্রচলিত ছিল। উচ্চ ব্রহ্মদেশে মহাযান বৌদ্ধধর্ম এবং তান্ত্রিক ধর্ম এই দুই ধর্মের অস্তিত্ব দেখা যায়। মিন্দান-মিন্ নামে একজন ব্রহ্মদেশবাসী ব্রহ্মদেশীয় বৌদ্ধসম্রাট যথেষ্ট উন্নতিসাধন করেন। ভিক্ষু-দিগের জ্ঞাত তিনি কতকগুলি নিয়ম করেন।

খৃষ্টীয় দ্বিতীয় কিংবা তৃতীয় শতাব্দীতে ইণ্ডোচীনে বৌদ্ধধর্মের নিদর্শন পরিলক্ষিত হয়। খৃষ্টীয় নবম শতাব্দীর পূর্বে ইণ্ডোচীনের অন্তর্গত চম্পা রাজ্যে বৌদ্ধধর্ম সম্বন্ধে কোন কিছু সংবাদ পাওয়া যায় না। সমস্ত নামে পাণ্ডুরাজ দেশের একজন বৌদ্ধ জিন এবং শিবের উদ্দেশ্যে বিহার এবং মন্দির উৎসর্গ করেন। চম্পা, জাভা এবং সুমাত্রায় শৈবধর্মের সহিত বৌদ্ধধর্মের নিগূঢ় সম্বন্ধ ছিল। রাজা দ্বিতীয় ইন্দ্রবর্ষ লোকেশ্বরের বিখ্যাত বৌদ্ধবিহার নিৰ্মাণ করেন। ইহার পর আর একজন মহাযান বৌদ্ধ স্ববীর আর একটা লোকেশ্বরের বিহার নিৰ্মাণে যথেষ্ট সাহায্য করেন। চম্পা রাজ্যে মহাযান বৌদ্ধধর্ম প্রচলিত ছিল। পাণ্ডুরাজ দেশের রাজা মহাযান বৌদ্ধধর্মাবলম্বী ছিলেন এবং বুদ্ধ লোকেশ্বরের একটা মূর্তি নিৰ্মাণ করেন। চম্পার ভগ্নাবশেষ হইতে লোকেশ্বরের এবং প্রজ্ঞাপারমিতার শিলামূর্তি পাওয়া গিয়াছে। খৃষ্টীয় সপ্তম শতাব্দীতে চম্পার বৌদ্ধেরা আর্য্যসমিতি সম্প্রদায়ভুক্ত ছিল এবং তাহাদের মধ্যে কতকগুলি সর্বাঙ্গিবাদ সম্প্রদায়ভুক্তও ছিল। খৃষ্টীয় পঞ্চদশ শতাব্দীর শেষভাগে চম্পায় মহাযান বৌদ্ধধর্মের অবনতি পরিলক্ষিত হয়।

চম্পার জায় ফিউনান রাজ্যে শৈব এবং বৌদ্ধধর্ম একত্র অবস্থিত ছিল। ইংসিংএর মতে ফিউনানের লোকেরা সর্বপ্রথমে দেবদেবীর উপাসক ছিলেন : পরে সেখানে বৌদ্ধধর্ম উন্নতি লাভ করে। ফিউনান রাজ্যের কোন একজন নিষ্ঠুর রাজা বৌদ্ধদিগকে সেখান হইতে বিতাড়িত করেন এবং একটা মাত্র ভিক্ষুকেও সেখানে থাকিতে দেন নাই। ফিউনান রাজ্যের ভিক্ষুরা বৌদ্ধধর্মের পুস্তকগুলি অনুবাদের জন্ত চীনদেশে আনেন এবং ইহাদের মধ্যে সজ্বপাল ও মঙ্গসেনের নামোল্লেখ করিতে পারা যায়।

ফিউনান রাজ্যের দক্ষিণে অবস্থিত মালয় দেশ একটা বৌদ্ধকেন্দ্র ছিল। খৃষ্টীয় ষষ্ঠ শতাব্দীর মধ্যভাগে কাছোজেরা ক্ষমতাশালী হইয়া ফিউনান রাজ্য ধ্বংস করে। কাছোডিয়ায় বৌদ্ধদেবতা লোকেশ্বরের পূজা প্রচলিত ছিল। বৌদ্ধধর্মাবলম্বী প্রথম সূর্যাবর্ষণ পরমনির্বাণপাদ নামে প্রসিদ্ধ ছিলেন। লোফবুরির চতুর্দিকস্থ দেশগুলিতে মহাযান বৌদ্ধধর্ম প্রচলিত ছিল। খৃষ্টীয় পঞ্চদশ শতাব্দীতে খামার রাজত্ববর্গ তাঁহাদের রাজধানী পরিত্যাগ করিতে বাধ্য হইয়াছিলেন এবং রাজধানী পরিত্যাগ করার সঙ্গে সঙ্গে হিন্দু ও মহাযান বৌদ্ধধর্ম নষ্ট হয়।

সুপ্রসিদ্ধ চীন পর্যটক ফাহিয়ানের মতে জাভা দেশে বৌদ্ধধর্মের চিহ্ন পরিলক্ষিত হয়। তিনি আরও বলেন যে, এখানে ব্রাহ্মণদের প্রাধান্য অধিক ছিল। খৃষ্টীয় পঞ্চম শতাব্দীতে কাশ্মীরের সুবরাজ গুণবর্ষণ এখানে আসেন এবং বৌদ্ধধর্ম প্রচারে তিনি কতদূর সমর্থ হইয়াছিলেন সে বিষয়ে আমাদের জানা নাই। খৃষ্টীয় ষষ্ঠ শতাব্দীতে মধ্য জাভার প্রাধান্য পরিলক্ষিত হয়। খৃষ্টীয় অষ্টম শতাব্দীর মধ্যভাগে জাভা—বিশেষতঃ মধ্য এবং পশ্চিম জাভা—শৈব রাজত্ববর্গের হস্ত হইতে সুমাত্রার কোন একটা বৌদ্ধরাজ্যের অধীনে আসে। সুমাত্রা ব্যতীত মধ্য জাভা এবং মালয় পর্য্যন্ত সুবিস্তৃত রাজ্য শ্রীবিজয়ের শৈলেন্দ্রদের অধীনে ছিল। শৈলেন্দ্ররা মহাযান বৌদ্ধধর্মাবলম্বী ছিলেন। তাঁহাদের মধ্যে কোন একজন রাজা মহাযান তারাদেবীর সন্মানের জন্ত মধ্য জাভায় কলমান মন্দির নির্মাণ করেন। মধ্য জাভার অন্তর্গত

বরবুদুরের সুপ্রসিদ্ধ বৌদ্ধমন্দির শৈলেন্দ্রদিগের দ্বারায় নির্মিত। চৈনিক ভূপর্য্যটক ইংসিংএর মতে সুমাত্রা একটা হীনযান বৌদ্ধশিক্ষার কেন্দ্র ছিল। ইংসিংএর পরে শৈলেন্দ্রদিগের পৃষ্ঠপোষকতায় এখানে মহাযান বৌদ্ধধর্ম উন্নতি লাভ করে। খৃষ্টীয় দশম শতাব্দীতে মাজাজের অন্তর্গত নেগাপতম দেশে শৈলেন্দ্রদিগের কোন এক রাজার অর্থায়নক্রমে এবং একজন চোড় যুবরাজের অহুমতিতে একটা বৌদ্ধমন্দির নির্মিত হয়। নালন্দায় বলপুত্রদেব নামে আর একজন শৈলেন্দ্ররাজ্যের বৌদ্ধধর্মাবলম্বী রাজা একটা বিহার নির্মাণ করেন। নালন্দার সুপ্রসিদ্ধ গুরু ধর্মপাল সুমাত্রায় শেষ জীবন অতিবাহিত করেন। পাল রাজাদিগের সময়ে বান্দালা ও মগধে মহাযান বৌদ্ধধর্ম উন্নত ছিল। সুমাত্রা, জাভা এবং কাছোডিয়ার কোন কোন অংশে বৌদ্ধ এবং তান্ত্রিক এই দুই ধর্মের সমন্বয় দেখিতে পাওয়া যায়। জাভা দেশে অনেকগুলি সুপ্রসিদ্ধ বৌদ্ধগ্রন্থ আবিষ্কৃত হইয়াছে এবং বরবুদুরের মন্দির বৌদ্ধ ইতিহাসে চিরস্মরণীয় হইয়া থাকিবে। খৃষ্টীয় দশম শতাব্দীর মধ্যভাগে মধ্য জাভা হইতে দূরীভূত হইয়া শৈব রাজত্ববর্গ পূর্ব জাভায় বসবাস করেন। শৈলেন্দ্রদিগের নিকট হইতে তাঁহাদের নষ্ট রাজ্যগুলি পুনরুদ্ধার করেন এবং মধ্য জাভায় শৈবধর্মের পুনরুত্থান হয়। বর্তমান জাভায় বৌদ্ধধর্ম স্থাপনের জন্ত অনেক সময় লাগিয়াছিল। হলাণ্ডের অন্তর্গত লাইডেনের ষাটঘরে যে সুপ্রসিদ্ধ প্রজাপারমিতার মূর্তি রক্ষিত আছে তাহা খৃষ্টীয় ত্রয়োদশ শতাব্দীর শেষভাগে কেন্ এয়ারক্ রাজ্যে ছিল। হাম উরুকএর রাজত্বকালে ভূজঙ্গ নামে কতকগুলি সুশিক্ষিত ধর্মযাজক ছিলেন। তাঁহারা রাজ্যের অনেক কার্য করিতেন। তাঁহাদের মধ্যে কতকগুলি ব্রাহ্মণ এবং কতকগুলি বৌদ্ধ ছিল। রাজধানীর দক্ষিণদিকে বৌদ্ধেরা বাস করিত। এই সময়ে কতকগুলি সুন্দর বৌদ্ধ চৈত্য ও বিহার নির্মিত হয়। বলিদেশে বৌদ্ধধর্ম বিশেষ উন্নতির দিকে অগ্রসর হইতে পারে নাই। যদিও এই দ্বীপে এখনও বৌদ্ধধর্ম বিদ্যমান, তাহা হইলেও এখানে হিন্দু ধর্মের প্রাধান্য যথেষ্ট আছে।

সমাপ্ত



## প্রতিধ্বনি

### শ্রীরথীন্দ্রকান্ত ঘটক চৌধুরী

বৈশাখের এক দুর্ধোগ রাত্রে চলিয়াছি বল্লভগঞ্জ হইতে মেঘনা-নদী পাড়ি দিয়া সাত ক্রোশ দূরস্থিত সাতারপুর গ্রামে। নৌকা তীব্র বেগে ছুটিয়া চলিয়াছে মাঝখানের জমাট বাধা অন্ধকার ভেদ করিয়া। বিদ্যুতের তীব্র আলোকচ্ছটায় এক একবার চোখ ঝলসাইয়া যাইতেছে, আমি ত্রাসার্ত—চীৎকার করিয়া ডাকিতেছি, “মাঝি!” নির্বিকার মাঝি হাল ধরিয়া বসিয়া আছে। বিদ্যুতের আলোতে মাঝির নিশ্চিন্ত মুখচ্ছবি দেখিয়া আমি চমকিয়া উঠিতেছি।

“বাবু!”—নিতান্ত সহজ উত্তর।

“আকাশের অবস্থা দেখছ তো। কোথাও পারে ভিড়িয়ে না হয় কিছুক্ষণ অপেক্ষা করো। শীগ্গির-ই ঝড় বইতে শুরু করে দেবে।”

“আপনার কিছু ভয় নেই, বাবু। সামনে কোথাও পার নেই। ভোর নাগাদ আপনাকে সাগরপুরে নির্বিঘ্নে পৌঁছে দেব। বোশেখ মাসে এরকম ঝড়-বৃষ্টি হয়েই থাকে।”—সেই নিতান্ত সহজ উত্তর।

“কিন্তু এ তো সামান্য ঝড়-বৃষ্টির লক্ষণ নয়, মাঝি”—আমার কণ্ঠস্বর তীব্র হইয়া ওঠে।

“মেঘনায় বোশেখ মাসে এই ঝড়-বৃষ্টির লক্ষণ সামান্যই বাবু।”

অগত্যা চুপ করিয়া থাকিতে হয়। শংকিত মনটা লইয়া আকাশের দিকে আর একবার চাহিয়া দেখি। অশান্ত ধমনীগুলি তুলিয়া তুলিয়া ওঠে। প্রাণপণ শক্তিতে চোখ বন্ধ করিয়া থাকি।

“বাবু!” মাঝি ডাকিতেছে। প্রথমটায় ইচ্ছা করিয়াই উত্তর দিলাম না।

“ঘুমিয়ে পড়েছেন?”

উত্তর দিলাম, “না।”

“আপনি একটুকুও ভয় করবেন না। ছিদাম মাঝি আজকের লোক নয়। বোশেখের বহু দুর্ধোগ রাত্রিতে সে মেঘনা নদী পাড়ি দিয়েছে। এর চেয়ে শত গুণে ভয়ংকর রাত্রি—শত গুণে।”

“কিন্তু দৈবের কথা বলা যায় না তো।” আমি অন্ধকারে মাঝিকে দেখিবার বৃথা চেষ্টা করিয়া কহিলাম। তাহার জীবন্ত দেহটা অন্ধকারের সঙ্গে কোথায় যেন জমাট বাধিয়া গিয়াছে।

উত্তর পাইলাম, “দৈব টেব কিছু নয় বাবু। এসব ক্ষেত্রে সব অভিজ্ঞতা। আমার পঞ্চাশ বছরের অভিজ্ঞতা আজকের দুর্ধোগ রাত্রির কাছে কিছুতেই হার মানবে না।”

উত্তর দিবার কোনও প্রয়োজন বোধ না করায় চুপ করিয়া রহিলাম।

এম্-এ পাশের পর জীবনে প্রথম চাকুরী করিতে চলিয়াছি সাগরপুরে এই দুর্ধোগ রাত্রে। মনে হইতেছে, আমার এই যাত্রাটা যেন একটা দুঃস্বপ্ন। এই ঝড়-ঝঞ্ঝা সকলই যেন মিথ্যা, সকলই যেন অর্থহীন। আকাশ ধরণীর এ কি পাগলামি! এ কোন্ নিষ্ঠুর খেয়াল! চমকিয়া উঠিলাম, শানিত বিদ্যুত আকাশের এক প্রান্ত হইতে আর এক প্রান্তে ছুটিয়া পালাইয়া গেল তীব্র অর্তনাদে।

“নদীর কোথাও বাজ পড়েছে বোধ হয় মাঝি?” ডাকিয়া জিজ্ঞাসা করিলাম।

উত্তর আসিল—“হুঁ”। আবার সমস্ত শুরু। মাঝে মাঝে শোনা যাইতেছে নদীর জলের ছলাৎ ছলাৎ শব্দ।

“রাত্রি প্রায় শেষ হয়ে এলো—ভোর নাগাদ আমরা নিশ্চয় পৌঁছে যাব। পালে বেশ হাওয়া লাগছে”—মাঝি কহিল। আমি বিন্দুমাত্রও উৎসাহ প্রকাশ না করিয়া চুপ করিয়া গেলাম।

মাঝি বলিয়া চলিল, “আপনাদের কোনও সাহস নেই বাবু। মেঘনার তীরে বাস ক’রে মেঘনাকেই আপনারা ভয় ক’রে চলেন! মেঘনা আমাদের মা। কালী করাল মূর্তি ধারণ করলেও কখনও সন্তানের অমংগল করেন না।”

আমি বিরক্তিপ্রকাশ করিয়া কহিলাম, “ওসব আমি কিছু বিশ্বাস করিনে মাঝি।”

“কিন্তু দৈব?” মাঝি অটহাস্ত করিয়া উঠিল। হিংস্র

নদীবক্ষে উপরে মাঝির অটহাস্ত ভয়ংকর হইয়া আমার কানে বাজিয়া উঠিল।

\* \* \*

নাগরপুর হইতে মেঘনার অপর পারে বল্লভগঞ্জে যাইতেছি। মাঝখানে দিগন্ত প্রসারি মেঘনা নদী। আকাশের সূর্য তখন পশ্চিম হেলিয়া পড়িয়াছে। চতুর্দিক নিস্তব্ধ। মাঝি আপন মনে দাঁড় টানিয়া সারি গান গাহিতেছে। কর্মস্থল হইতে ফিরিয়া চলিয়াছি পেন্সন্ লইয়া। যৌবনের দুর্যোগ রাত্রির অন্ধকারের বাত্মা ফুরাইয়া গিয়াছে।

অশান্ত তরংগগুলি সুদীর্ঘকাল দাপাদাপির পরে যেন বিষ-দাত-ভাঙা সাপের মত ঝাঁপির অন্তরালে চুপ করিয়া আছে। মাঝি সাতাশ-আঠাশ বছরের যুবক। ধমনীতে যৌবনের উদ্দামতা, দেহে যৌবনের কঠোরতা। কর্মশ্রোতের তীব্র গতিতে ভাসিয়া চলিয়াছে।

ডাকিলাম, “মাঝি !”

উত্তর পাইলাম, “আজ্ঞে।”

“বল্লভগঞ্জে কখন নৌকা লাগবে বলতে পারো?”

“তা বাবু সন্ধ্যা নাগাদ পৌছবে বলেই তো আশা করছি।”

মাঝি ফস্ করিয়া একটি বিড়ি জ্বালাইয়া লইল। চাহিয়া দেখিলাম মাঝির বাহর মাংসপেশিগুলি যেন যৌবনের তেজে উদ্ভত হইয়া আছে।

আমি স্তব্ধ হইয়া বসিয়া আছি। মনের মধ্যে কত অস্পষ্ট কথা ভাসিয়া উঠিয়া মিলাইয়া যাইতেছে। মনে পড়িল এক দুর্যোগ রাত্রির কথা। এই মেঘনার হিংস্র তরংগগুলি আমাদের নৌকাটাকে লইয়া সেদিন কি মাতা-মাতিই না করিয়াছে!

“আর কখনও যাননি বুঝি সাগরপুরে?” মাঝি বিড়িটায় শেষটান দিয়া নদীর জলে ছুঁড়িয়া ফেলিয়া দিল।

“যাব না কেন? সাগরপুরেই যে আমার বাস্তুভিটে।” আমি হাসিয়া উত্তর দিলাম।

কথায় কথায় গল্প জমিয়া উঠিল, মাঝি কহিল, “আমার বাবা ছিল দশ-বিশ ক্রোশের মধ্যে সেরা মাঝি। ঝড়-ঝঞ্ঝা

দুর্যোগ রাত্রি কোন কিছুই গ্রাহ্য করত না সে। আমরা বলতাম, ‘বাবা, তুমি সাপ নিয়ে খেলা করছ, একটা আপদ বিপদ ঘটতে কতক্ষণ?’ বাবা দিব্যি সহজ হেসে উত্তর দিত, ‘বিষ দাত ভেঙে ফেলে দিয়েছি রে—ভয় কম্বার আর কিছুই নেই।’ বাবার একটি মাত্র মন্ত্র সঞ্চল ছিল—‘মাতৈঃ’। আমাদের সে সাহসও নেই, সে শক্তিও নেই।”

মাঝি নৌকার মোড় ফিরাইয়া দিল। নদীর জলে শব্দ উঠিতেছে ছলাং ছলাং ছপ্ ছপ্। দিগন্তবিস্তারি জল-রেখা ঝক্ ঝক্ করিয়া মূহ মূহ হুলিতেছে। নৌকা চলিয়াছে মাঝ নদীর উপর দিয়া।

আমি ভাবিতেছি, আমার জীবনে একটি দুর্যোগ রাত্রি আসিয়াছিল সেই কথা।

মাঝি বলিয়া চলিল, “ছিদাম মাঝির নাম আজ পর্যন্ত গায়ের ছোট ছেলেটিও জানে। আমার বাবা মরেছিল এক দুর্যোগ রাত্রিতেই এই মেঘনার বুকে ঝাপ দিয়ে অল্প নৌকার এক আরোহিনীকে রক্ষা করতে গিয়ে। আরোহিনীকে নৌকায় তুলে দিয়েই বাবা ঝুপ্ ক’রে তলিয়ে গেল, আর উঠল না। পরে জানতে পেরেছিলাম, কুমীরে তাকে পা ধরে টেনে নিয়ে গিয়েছিল।”

শুনিলাম মাঝি দীর্ঘ নিশ্বাস ছাড়িতেছে। নৌকাটা একটু ঘুরিয়া আবার দক্ষিণ দিক ধরিয়া চলিতে লাগিল।

আমি কহিলাম, “তোমার বাবা শ্রীদাম মাঝি! সে এক দুর্যোগ রাত্রে আমাকে মেঘনা নদী পাড়ি দিয়ে সাগরপুর গ্রামে পৌছে দিয়েছিল। সে আজ পচিশ-ছাব্বিশ বছর আগেকার কথা।”

বিস্মিত মাঝি আমার দিকে একবার ফিরিয়া চাহিল এক মুহূর্তের জন্য। তার পরে দুজনেই চুপ্ চাপ্।

বল্লভগঞ্জের ঘাটে নৌকা ভিড়িয়াছে। বিদায়ী সূর্য তখন পশ্চিমের দিকবলয়ে রক্তরাগ লেপিয়া দিয়াছে। নৌকা হইতে নামিবার সময় দেখিলাম কাঠের বৈঠার উপরে বড় বড় অঙ্করে খোদাই করা নামটি “শ্রীদাম তাঁতি।”

মাঝি প্রণাম করিয়া বিদায় লইল।

আমি তখনও এক দুর্যোগ রাত্রির কথা ভাবিয়া চলিয়াছি।

# কৃত্তিবাস

কবিশেখর শ্রীকালিদাস রায়

বাংলার বাগ্মীকি কবি, দেবীর আদেশ লভি'  
শুভক্ৰমে কবে নাহি জানি,  
সীতার নয়ন জলে বসিয়া অশোক-তলে  
লিখেছিলে রামায়ণখানি ।

তাল-পত্রে সেই লেখা সে-ত অক্ষ জল-রেখা,  
অনল অক্ষরে আজ জলে,  
বাংলার ঘরে ঘরে তার তাপে সুধা করে,  
পাষণ হৃদয়-ও তায় গলে ।

জানকীর আঁধি নীর গৃহে গৃহে গৃহিণীর  
ক্ষণে ক্ষণে তিতায় বসন,  
তাদের পায়ের কাছে নতশিরে আজ্ঞা যাচে  
শত শত দেবর লক্ষণ ।

কাঙালের তুচ্ছ পুঁজি তাই নিয়ে যোঝাযুঝি  
ভায়ে ভায়ে, তুচ্ছ তা ত নয়,  
হে কবি, তোমার গান গলায় তাদের প্রাণ,  
আঁধি জল হৃদয় করে জয় ।

শাওড়ী তোমার গানে বধুরেও বক্ষে টানে,  
ভুলে যায় অবলা-পীড়ন,  
স্মরিয়া সীতার কথা ভুলে যায় সব ব্যথা  
গৃহে গৃহে অভাগিনীগণ ।

কি মহিমা রচনার ! উদয়ন-কথা আর  
কহে না ক' গ্রাম-বৃদ্ধদল,  
তাহাদের চারি পাশে যুবা শিশু কেন আসে ?  
তব বাণী তাদের সম্বল ।

পশারী পশরা শিরে ধমকি দাঁড়ায় কিরে  
গুনে যদি রামায়ণ পাঠ ;  
শুক্কের ভাগ্য স্মরে, ছই চোখে ধারা ঝরে,  
ভুলে যায় বেচা-কেনা, হাট ।

বঞ্চক 'মুরারি শীল' ছাড়ে না যে একতিল,  
মেকি দিতে তারও হাত কাঁপে,  
পাপ করি দিন কাটে, সঁঝে রামায়ণ পাঠে  
রাতে গুয়ে মরে অল্পতাপে ।

শিখাইলে কী যে সত্য, গ্রামে গ্রামে 'ভাঁড়ু দস্ত'  
মিথ্যা সাক্ষ্য দিতে ভুলে যায়,  
রূপণ তোমার গানে ভিক্ষুকে ডাকিয়া আনে,  
বঞ্চদেরও হৃদয় গলায় ।

দিনে হাটে হট্টগোল কাড়াকাড়ি ডামাডোল,  
সন্ধ্যায় সকলি চূপচাপ ।  
লক্ষাকাণ্ড শেষ করি উত্তরা কাণ্ডটি পড়ি  
দোকানী দোকানে দেয় কাঁপ ।

বৈকালে বটের ছায় সুর করি নিতি গায়  
দা-ঠাকুর কাহিনী সীতার,  
কৃষকেরা দলে দলে ভাসিয়া নয়ন জলে  
একই কথা গুনে বার বার ।

তব বাণী মধুচ্ছন্দা নন্দিত করেছে সন্ধ্যা,  
নিষ্ক শাস্ত, গ্রীষ্মের দিবস,  
জরা-জীর্ণ গ্রন্থখানি, কি সুধা তাতে না জানি,  
শুক্ক দৈন্তে করেছে সরস ।

মোদকের থই-চূড় তব গীতি স্মধুর  
আরো যেন মিঠা ক'রে ভুলে ।  
তব গ্রন্থখানি ছাড়ি উঠে যায় বারবারই  
দাম নিতে যদি যায় ভুলে ।

জমিদার ঘরে ঘরে প্রজা-নির্ধাতন করে  
'তব পুঁথি পড়ে মাতা তার,  
প্রজা রঞ্জনের সুর লাগে তার স্মধুর,  
গ'লে যায় তার কর-ভার ।



রাজা রাণী রাজভ্রাতা      রাজার নন্দিনী, মাতা—  
দৈবদণ্ড তাহাদেরই কত !

একথা বতই স্মরে      বৈরাগ্যে হৃদয় ভরে,  
দুঃখী ভুলে নিজ দুঃখ শত ।

অসংযত রসনার      যে ভ্রম করিল হায়  
অযোধ্যার নির্বোধ প্রজারা,  
আজি বন্ধ ঘরে ঘরে      তারি প্রায়শ্চিত্ত করে,  
চক্ষে ঝরে সরযুর ধারা ।

চির শিরঃসজ্জাহীন      এই বন্ধ দীন হীন,  
নগ্ন শিরে ছিল লজ্জা-ভার,  
রাম-নামাবলীখানি      আর্ষাবর্ত হ'তে আনি  
জড়াইলে নত শিরে তার ।

সপ্তকাণ্ড দীপ-ভাতি      দিয়া তুমি সারা রাত  
ভারতীর করিলে আরতি,

সেই দীপ হ'তে আজি      জ্বলে লক্ষ দীপরাজি,  
তোমা তারা জানায় প্রণতি ।

আর কারে নাহি জানি      মানি শুধু তব বাণী,  
শুনিয়াছি বাণীকির নাম,

তব চিত্তভূমে কবি      নূতন জনম লভি  
অবতীর্ণ বন্ধে পুন রাম ।

এ রাম মোদেরি মত      সেধেছে, কেঁদেছে কত,  
অদৃষ্টেরে দিয়াছে ধিকার,

এ রাম মোদেরি মত      করিয়াছে ভক্তি নত  
নীল পদ্মে পূজা অধিকার ।

এ নামে আপন জানি      বন্ধে লইয়াছি টানি,  
দুঃখে তাঁর হয়েছি অধীর,

লক্ষণের সাথে সাথে      অবিরল অশ্রুপাতে  
পল্লী হৃদে-বাড়ায়েছি নীর ।

রাম নারায়ণ নিজে      সীতাদেবী মা লক্ষ্মী যে  
একথা ত পড়ে না ক' মনে,

হৃদয়-শোণিত ছানি      সীতার প্রতিমাখানি  
গড়ি মোরা যজ্ঞ সমাপনে ।

তুমি রস-গন্ধা হ'তে      আনিলে নূতন শ্রোতে  
আগে আগে দেখাইয়া পথ

নব রস-ভাগীরথী,      উদ্বেল তাহার গতি,  
তুমি তার নব ভাগীরথ ।

সে প্রবাহ অনাবিল      ভাসাইল খাল বিল,  
একাকার গোপদ পঞ্চল,

সে ধারার দুই কূলে      লতা-তুণে শস্ত্রে কূলে  
ফলিতেছে সোনার ফসল ।

বধূরা গাগরী ভরে      নিয়ে যায় ঘরে ঘরে  
তুবা তৃপ্ত করে সেই বারি,

করি তায় নিত্য নান      জুড়ায় তাপিত প্রাণ,  
'জয় রাম' গায় নর-নারী ।

সেই রসধারা বাহি'      জয় সীতারাম গাহি'  
ভেসে যায় কত 'মধুকর' ।

লক্ষায় বাণিজ্য তরে      যুগে যুগে যাত্রা করে,  
ধনপতি চাঁদ সদাগর ।

শত শাখা-প্রশাখায়      সে লক্ষ্মী বহিয়া যায়,  
উদ্বেলিত অশ্রুয় কুদানে,

'এহো বাহু' নহে শেষ      চলে যায় নিরুদ্ধেশ .  
শেষ ধারা অনন্তের পানে ।




# তাসের খেলা

যাছুকর পি-সি-সরকার

আলোচ্য প্রবন্ধে 'ভারতবর্ষ'এর পাঠক পাঠিকাঙ্গিকে দুইটি অত্যন্তব্য তাসের খেলা শিখাইব মনস্থ করিয়াছে। ম্যাজিকের কৌশল কোনটিই খুব কঠিন নহে। যে-কোন ব্যক্তি বাড়ীতে কয়েক ঘণ্টা অভ্যাস করিলেই সর্বপ্রকার খেলা দেখাইতে সক্ষম হইবেন। আমি এদেশে এবং বিদেশে যাছুবিজ্ঞা প্রদর্শন করিয়া যে অভিজ্ঞতা সঞ্চয় করিয়াছি তাহাতে বুঝিয়াছি যে, পৃথিবীর কোন দেশের ম্যাজিকই কঠিন নহে। লণ্ডন ও আমেরিকাতে বর্তমানে

গুপ্তবিজ্ঞার উপর প্রতিষ্ঠিত। কাজেই ইউরোপীয় খেলাগুলি যে-কেহ শিখিতে পারিলেও প্রকৃষ্ট ভারতীয় যাছুবিজ্ঞা



রবারের স্তর সাহায্যে প্রস্তুত-প্রণালী


একমাত্র সাধনা দ্বারাই সম্ভবপর। বলা বাহুল্য, পুনঃ পুনঃ অভ্যাস করাকেই সাধনা বলে। জাপানের ও চীনের



হাতকড়ি ও মড়ির বন্ধন হইতে মুক্ত হইতে

রত যাছুকর পি-সি-সরকার

যে সমস্ত খেলা দেখান হয় সেগুলি অধিকাংশই যত্নকৌশলে সাধিত হয়। বহু মূল্যবান যন্ত্র, বাস্তব, স্ত্রীং, বিদ্যুৎ, চুম্বক প্রভৃতির সাহায্য লইয়া তাহাদের খেলা রচিত হয়। আর অপরপক্ষে ভারতীয় যাছুবিজ্ঞা প্রধানত হস্তকৌশল, মনঃসংযোগ, ইচ্ছাশক্তি চালনা, চিন্তাপাঠ প্রভৃতি অতিশয়




আঠা দ্বারা প্রস্তুতের প্রণালী

ম্যাজিকও অত্যন্ত কঠিন। উহা শিক্ষা করিতে হইলেও কঠোর অভ্যাসের প্রয়োজন হয়। সে যাহা হউক, এইবার

দুইটি আধুনিক অথচ চমকপ্রদ খেলার কৌশল প্রকাশে প্রয়াস পাইব।

সকলেই দু-চারটি তাসের খেলা দেখাইতে ইচ্ছুক এবং পৃথিবীর সকল দেশের যাত্রাকরগণই অপরাপর খেলার সঙ্গে



আঠা ছারা প্রস্তুতের অপর একটি প্রণালী

তাসের কতকগুলি খেলা দেখাইবেন ইহা স্মৃতিশীল। কাজেই তাসের কতকগুলি লেখা উদ্ভিন্নরূপে অভ্যাস করিয়া বাখা যুক্তিযুক্ত। অনেকে হয়ত দেখিয়া থাকিবেন যে ব্যবসায়ী যাত্রাকরগণ রঙ্গমঞ্চে কোন তাসের খেলা আরম্ভ করিবার পূর্বে যখন তাসের প্যাকেট হাতে সর্বসমক্ষে উপস্থিত হন তখন তাঁহারা আশ্চর্যজনকভাবে সাকল (shuffle) করেন। তাসগুলি এক হাত হইতে অন্য হাতে বিদ্যুৎবেগে চলিয়া যায়। এই সাকল করার নানারূপ নাম আছে। একপ্রকার সাকলের নাম জলপ্রপাত (waterfall shuffle), কারণ ইহাতে জলপ্রপাতের স্তায় এক হাত হইতে অপর হাতে একটি একটি তাস সোঁ-সোঁ শব্দে চলিয়া যায়। কেহ কেহ ইংরেজীতে ম্যাজিক সাকল বা ইলেকট্রিক

সাকলও বলিয়া থাকেন। বলা বাহুল্য প্রত্যেক খ্যাতিমান যাত্রাকরই তাসের খেলা দেখাইবার পূর্বে ও পরে এই ম্যাজিক সাকল দেখাইয়া থাকেন। কারণ ইহা দেখিয়া দর্শকগণ যাত্রাকর সম্বন্ধে খুব উচ্চ ধারণা করেন। কিন্তু এই অত্যাশ্চর্য্য খেলাটির কৌশল অতিশয় সহজ। ইহা নানাভাবে সম্ভবপর। প্রথমত নিয়মিত অভ্যাস দ্বারা। দ্বিতীয়ত তাসের প্যাকেটে কৌশলযুক্ত তাস ব্যবহার করিয়া। আমি বহু বৎসব অভ্যাসের পর কিছুদিন হই হস্তকৌশলে ইহা কবিত্তে সক্ষম হইয়াছি। এ যাবৎ কাল আমি কৌশলযুক্ত প্যাকেট ব্যবহার করিয়াই এই খেলা দেখাইয়াছি। কিকপে তাসের প্যাকেটে আমি কৌশল করিতাম এইবার তাহাই বর্ণনা কবিব। আমি বিলাত হইতে ম্যাজিকেব সুরু রবারেব সূতা (thread elastic) কিনিয়া আনিয়া তাহার সাহায্যে সমুদয় তাসগুলি গাঁথিয়া এই খেলা দেখাইতাম। তাহাতে এক হাত হইতে তাসগুলি লাফাইয়া অপর হাতে যাইত। সূতায় মাঝে মাঝে গাঁট দেওয়া থাকিত বলিয়া তাসগুলি দ্বিতীয় চিত্রের অমুরূপভাবে যাতায়াত করিত। ইহা দেখিতে খুবই আশ্চর্য্যজনক। তবে যাহা বিলাত হইতে ঐ সূতা না আনাটয়া কাজ করিতে চাছেন তাঁহারা বাজীতে বসিয়া অমুরূপ 'ট্রিক প্যাকেট'




বিশেষ প্রস্তুত প্যাকেটের সম্বন্ধের দৃশ্য

তৈয়ার করিয়া লইতে পারেন। উহা নানাভাবে তৈয়ার করা সম্ভবপর : তবে তৃতীয় ও চতুর্থ চিত্রে সর্বাপেক্ষা সহজ প্রণালী দুইটি বুঝাইয়া দেওয়া হইয়াছে। চিত্রগুলি

ভাল করিয়া লক্ষ্য করিলে সকলেই ইহা অতিশয় সহজে বুঝিতে পারিবেন। তৃতীয় চিত্রে তাসগুলি ভাঁজ করিয়া হারমোনিয়ামের বেলোজের ন্যায় তৈয়ার করিতে হয়। তৃতীয় চিত্রে দুইটি সরল রেখা ও দুইটি চক্ররেখা দ্বারা উহার প্রস্তুত-প্রণালী বুঝাইয়া দেওয়া হইয়াছে। চক্ররেখা দ্বারা প্রদর্শিত তাস দুইটিকে ভাঁজ করিয়া লইতে হয়। তারপর উহাদিগকে ভাল তাসের সঙ্গে আঠা দ্বারা আটকাইয়া লইতে হয়। এইভাবে প্রস্তুত তাসের প্যাকেট দেখিতে অনেকাংশে ফোল্ডিং হারমোনিয়ামের ন্যায় দেখাইবে। সাফল্য করিবার প্রণালীও উক্ত বাস্তবস্ত্রের ন্যায়ই। এইভাবে বিশেষ প্রস্তুত প্যাকেটের উপরে ও নীচে কতকগুলি আঙ্গা (loose)

এইবার ম্যাজিক সাফলের সর্বাপেক্ষা সহজপ্রণালী বর্ণনা করিব। চতুর্থ চিত্রে উহা উত্তমরূপে বুঝাইয়া দেওয়া হইয়াছে। ইহাতে এক প্যাকেটের প্রত্যেকটি তাস এমন ভাবে জোড়া দেওয়া হয় যে তাসের উপরের অংশ উপরের তাসের সহিত এবং নীচের অংশ নীচের তাসের সহিত লাগান থাকে। চতুর্থ চিত্রটি ভাল করিয়া দেখিলে ইহার প্রস্তুত-প্রণালী সহজে বোধগম্য হইবে। যে-কেহ এই চিত্রের নির্দেশ অনুযায়ী বাড়ীতে তাসের প্যাকেট প্রস্তুত করিয়া খেলা দেখাইতে পারিবেন। আমার অভিজ্ঞতা হইতে এই দৃঢ় ধারণা জন্মিয়াছে যে, এই খেলাটি দেখিয়া ষাট বৎসরের নীচের সমস্ত ছেলেমেয়েই অত্যন্ত আনন্দিত (ও বিস্মিত) হইবেন।



বিশেষ প্রস্তুত প্যাকেটের পেছনের দৃশ্য

ভাল তাস রাখিতে হয়। খেলা দেখাইবার পূর্বে হঠাৎ হাত হইতে আঙ্গা তাসগুলি মাটিতে ফেলিয়া দিতে হয়। ঐগুলি পড়িবামাত্র ছড়াইয়া যাইবে। যাদুকর ঐ অসম্ভবতার জন্ত দুঃখ প্রকাশ করিয়া একে একে ঐ আঙ্গা তাসগুলি তুলিয়া লইবেন এবং তারপর খেলাটি দেখাইবেন। এরূপ করিবার একটি বিশেষ কারণ আছে। তাসগুলি ছড়াইয়া পড়ায় দর্শকগণের ধারণা হইল যে ঐ প্যাকেটের সবগুলি তাসই এরূপ আঙ্গা অর্থাৎ বিশেষ প্রস্তুত নহে। যদিও তাহা সত্য নহে—অর্থাৎ সমস্তই বিশেষভাবে তৈয়ারী। তারপর খেলা দেখাইলে দর্শকগণ আরও বিস্মিত হন।

মায়ামন্ত্র প্রভাবে ঠিক সেই তাসটি ঐ প্যাকেট হইতে অদৃশ্য হইবে। যতজন খুশী বা যতটি খুশী তাস চিন্তা করিলেও যাদুকর সেই তাস কয়টি অদৃশ্য করাইবেন। খেলাটি দেখিতে বা শুনিতে অতিশয় কৌতূহলোদ্দীপক ও বিস্ময়কর—কিন্তু ইহার কৌশল অ, আ, ক, খ-এর ন্যায় সহজ। এই খেলা দেখাইতে মাত্র ২৬-টি তাস ব্যবহার করিতে হয় এবং প্রত্যেকটি তাসই বিশেষ প্রস্তুত। অর্থাৎ উহাদের কোনটিরই পেছন নাই দুইদিকই তাস। এক প্যাকেটের মধ্য হইতে যে-কোন ২৬টি তাস বাছিয়া লইয়া উহার পিছনে অপর ২৬টি তাস আটা দ্বারা পিঠাপিঠি করিয়া আটকাইয়া দিতে হয়।

তবে একদিক হইতে দেখাইলে যে ২৬টি তাস দেখাইবে  
প্যাকেটটি কোশলে উল্টাইয়া ধরিলে অপর ২৬টি তাস  
দেখা যাইবে। প্রদত্ত চিত্র হইতে ইহা সহজে বুঝান যাইবে।  
পঞ্চম চিত্রে মনে করুন ২৬টি ( বা কতকগুলি ) তাস দেখান  
হইয়াছে যাহা হইতে দর্শকগণ যে-কোন একটি তাস মনে  
করিবে। মনে করুন দর্শকগণ মনে করিল হরতনের ছয়  
বা চিড়াতনের বিবি। তারপর তাসগুলি উল্টাইয়া যাদু কর

যখন ষষ্ঠ চিত্রের ন্যায় দেখাইবেন তখন দর্শকগণ দেখিবেন  
সমস্ত তাসই আছে কেবল তাঁহাদের চিড়াতনের বিবি বা  
হরতনের ছয়—উহাই নাই। খেলাটি যতবার খুশী করা চলে।  
অথচ কোশল জানা না থাকিলে—যত চালাকই হউন না  
কেন, কেহই ইহার মূলমন্ত্র আবিষ্কার করিতে সক্ষম  
হইবেন না—ইহা সূনিশ্চিত। আপনারা বাড়ীতে চেষ্টা  
করিয়াই দেখুন।

## ওই যায় !

### শ্রীমতী সাহানা দেবী

আজি সোনার স্বপনে রঙিন গগন এ কী এ আলোকে চায়  
আজি ধরণীর পারে সুনীল সরণী উজলি' ওই কে যায়।  
আজি কে যায় নবীন লগন মেলে,  
কে যায় অপার আঁধার ঠেলে,  
কে যায় মরণ-শিরেরে জ্বলে

আপন অমরতায় !

আজি ধূলায় জীবন রাঙিয়া কে ওই আপনা বিকায়ে যায়।

আজি রাতের আকাশে কত চাঁদ হাসে কত যে তারকা গায়,  
আজি উষার পবনে সুখশিহরণে এ কী এ হরষ ছায়।

আজি গগনে ভুবনে কোন এ খেলা,  
ধূসর উষরে রঙের মেলা,  
রুদ্ধ শিলার প্রাণের ভেলা

কে আজি উজানে বায়।

আজি ধূলায় জীবন রাঙিয়া কে ওই আপনা বিকায়ে যায়।

আজি ওপারের ঢেউ ভেসে এসে লাগে এ পারের এই কূলে,  
আজি ধূলিমাখা বীণা ঝঙ্কারি' ওঠে অপরূপ সুর তুলে।  
আজি কে লয় তুলিয়া কমল করে  
পথিক-পরাণ আপন ঘরে,  
গতি ছন্দিয়া জীবন 'পরে

চুমিয়া চিত কে ভায়।

আজি ধূলায় জীবন রাঙিয়া কে ওই আপনা বিকায়ে যায়।

তার একটি রেখায় উছল অসীম আবারি' সীমার গান,  
তার একটি আঁখির তারায় উজল লক্ষ রবির দান।

তার একটি মণির অতলতলে  
অসীম আলোর রং উথলে  
হিয়ায় নিখিল বিশ্বদোলে

নিঃস্ব মধুরিমায়া,

আজি ধূলায় জীবন রাঙিয়া কে ওই আপনা বিকায়ে যায়।

আজি অপার সে ওই সত্যায় মোর তনু মন হ'ল লয়,  
আজি তারি সুরে মোর জীবন জলধি শত তরঙ্গে বয়।

মোর কুল নাই আমি অকূলধারা,  
মোর কুল নাই আমি অকূলধারা,

নিমেঘে নিমেঘে রভসে হারা !

মোর প্রাণে আজি চন্দ্রতারা

কিরণ পরশ পায়।

আজি অপার সে ওই সত্যায় মোর তরীধানি ডুবে যায়।

# কলঙ্কিত খাল

শ্রীরাধিকারঞ্জন গঙ্গোপাধ্যায়

পরদিন ভোরে উঠিয়াই মনোহর কাহারও সহিত দেখা-সাক্ষাৎ করা অপ্রয়োজন বোধে দেখা-সাক্ষাৎ না করিয়াই চলিয়া গেল। ইহাতে বিস্মিত কেহ হইল না, কেন না মনোহরের প্রকৃতিই ঐপ্রকার, লৌকিকতা আত্মীয়তার সে বড় ধার ধারে না।

মনোহরের এই যে আসা-যাওয়া—ইহাকে বড় করিয়া দেখার প্রয়োজন কাহারও হয় না—একমাত্র টিয়ার ছাড়া। টিয়া মনোহরের এই যাতায়াত উদ্দেশ্যহীন বলিয়া প্রথম প্রথম ভাবিত সন্দেহ নাই; কিন্তু এখন আর তাহা সে ভাবিতে পারে না। টিয়া কাল সারারাত বিনিদ্র কাটাইয়া ছোট-মা রূপসীর কথাটাই হৃদয়ঙ্গমের চেষ্টা করিয়াছে এবং ছোট-মা যে নেহাত মিথ্যা কিছু বলে নাই সে-সম্বন্ধেও নিঃসন্দেহ হইতে পারিয়াছে। মনোহর এখানে আসে তবে তাহার দিদির সঙ্গে দেখা করিতে নয়, আসে তাহারই সঙ্গে দেখা করিতে, আসে একটু রঙ্গ-তামাসা করিতে! টিয়া এ-কথা যতবারই ভাবিয়া দেখে ততবারই ছোট-মা'র মনের অন্তঃস্থলে কি যে পৈশাচিক উল্লাস ভবিষ্যতের পানে একটা সুতীক্ষ্ণ দৃষ্টি প্রসারিত করিয়া দিয়া নিথর বসিয়া আছে—একটা ষোগ্য মুহূর্তের জন্ত তাহাই অসুমান করিয়া অন্তরে গিরিপ্রদেশের হিম-শৈত্য অনুভব করিয়াছে, কিন্তু সে জানে ইহার প্রতিবাদ তাহার শক্তি ও সামর্থ্যের বাহিরে। যদি তাহার দিক হইতে মনোহরের এই গতয়াতের প্রতিবাদ ধ্বনিত হয় তো রূপসীর দিক হইতে অমনি আসিবে আবেগময় সমর্থন—যাহার তোড়ে তাহার ভীক প্রতিবাদ সামান্য তৃণধণ্ডের মত বিপুল জলধির ঘূর্ণাবর্তে নিমেষে নিমজ্জিত হইয়া যাইবে। তাই প্রতিবাদেও তাহার প্রবৃত্তি নাই। সে জানে সে নিরুপায়।

বর্তমানে মনোহর যে আবার কিছুদিনের জন্ত নিরুদ্দেশ হইয়াছে তাহারই আনন্দে টিয়া ভোরের আলোককে গুণ্ডের সূচনা বলিয়া সহজে গ্রহণ করিতে পারিল। রাত্রে এঁটো বাসনের পাজা লইয়া সে খালের ঘাটে গেল, ঘাটে বাসনগুলি নামাইয়া রাখিয়া উপরে উঠিয়া গেল—ছাই আর শুষ্ক তৃণ

সংগ্রহ করিতে—অবশ্য যে-ঘাটে নিত্য বাসন মাজা হয় সে-ঘাটে যে এ-সবের অভাব থাকা সম্ভব নয় তাহা জানিয়াও সে উপরে উঠিয়া আসিল—সেই বাতাবি লেবু গাছটির কাছে। এখান হইতে ভৈরব দত্তের বাড়ীর রান্নাঘরের বেড়াটা পর্যন্ত দৃষ্টি চলে—আর ঐ রান্নাঘরের দক্ষিণ দিয়াই বাড়ীর উঠান হইতে খালের ঘাট পর্যন্ত পায়—চলা পথের রেখাটি আমবাগানের ভিতর দিয়া আঁকিয়া ঝাঁকিয়া নামিয়া আসিয়াছে। সুন্দরকে আসিতে হইলে ঐ পথেই ঘাটে আসিতে হইবে। সুন্দর আসিলেও আসিতে পারে। এতক্ষণে কি আর তাহার ঘুম ভাঙে নাই। আলস্য ভাঙিতে ভাঙিতে সে যদি ঘাটে এখন চোখ-মুখ ধুইতে আসে—সে বেশ হয়! কিন্তু আবার যদি সুন্দরের মাথায় সেদিনের মত দুর্কুঙ্কি চাপে, আবার যদি সে তাহাকে পূর্ববৎ পিটুলি ফল ছুঁড়িয়া মারিয়া তাহার উপস্থিতি সম্বন্ধে সচেতন করিয়া তুলিতে চেষ্টা পায়। টিয়া সঙ্গে সঙ্গে একবার কপালে হাত ব্লাইয়া ফেলিল; কিন্তু সে-দাগ তখন আর বর্তমান নাই, রাত্রে মায়ায় সে যেন কোথায় মিলাইয়া গেছে।

টিয়া ওপারের চতুর্দিকে একবার তন্ন তন্ন করিয়া দৃষ্টি ব্লাইল, তারপরে পাড় হইতে কতকটা দুর্কুঙ্কি ছুঁড়িয়া লইয়া ঘাটে নামিয়া আসিল, যোহেতু ছোট-মা'র ঘুম ভাঙার আগেই তাহাকে বাসন মাজিয়া ঘরে ফিরিয়া বাড়ীর উঠান-ঘরের দাওয়া প্রভৃতি নিকাঁইয়া রাখিতে হইবে এমনভাবে—যেন রূপসী ঘর হইতে বাহির হইয়া ভিজা দাওয়া বা উঠানে পা ফেলিয়া না অপ্রতিভ হইয়া ওঠে পায়ের দাগ পড়ার দরুণ। তাহা হইলে টিয়ার আর রক্ষা থাকিবে না এবং যে গাল-মন্দ অবিলম্বে সুরু হইয়া যাইবে তাহা সারা দিনমান তো বিনা ক্রেশে চলিবেই, রাত্রেও ধামিবে কি-না বলা দুষ্কর। তবে রক্ষা এই যে, রূপসীর যে-বেলায় ঘুম ভাঙে সে সময়ের মধ্যে একটা খাল শুকাইয়া যাওয়াও খুব যে বিচিত্র একটা কিছু ব্যাপার তাহা বলিয়া তো বোধ হয় না।

টিয়া বন্ বন্ করিয়া ক্ষিপ্ততার সঙ্গে ঘাটের উপর

বাসন ঘুরাইয়া ঘুরাইয়া মাজিতেছিল। গত বর্ষায় বেদিয়াদের কাছ হইতে সে যে চারগাছি রঙীন কাঁচের চুড়ি দুই হাতের জন্ত কিনিয়াছিল তাহার দুইগাছি কবেই ভাঙ্গিয়া গিয়াছে, এখন যে দুইগাছি বাঁ-হাতে অবশিষ্ট ছিল তাহা বাসনের গায়ে লাগিয়া মাঝে মাঝে চিন্ চিন্ করিয়া উঠিতেছিল—যে-কোন মুহূর্ত্তে হয় তো বা থান্ থান্ হইয়া ভাঙ্গিয়া যাইতে পারে ; তাহা তো যাইতেই পারে। সেদিকে টিয়ার কোন খেয়াল ছিল না। শুধু সর্পাকারে স্বর্ণ-বলয় দুইটি সে দুই হাতের শীর্ষসম্ভব স্থানে ঠেলিয়া আঁটিয়া রাখিয়া দিয়াছিল যাহাতে বার বার সে দুইটিকে না সরাইতে হয়, কেন না কাজের তাহাতে ব্যাঘাত জন্মিবার সম্ভাবনা আছে।

টিয়া কাজ করিয়া চলিয়াছিল সত্য, কিন্তু মন তাহার পড়িয়াছিল দত্তদের পাছ-দুয়ারের খালের ঘাটের দিকে।

হঠাৎ একসময় টিয়া দৃষ্টি তুলিয়া ওপারের ঘাটের দিকে চাহিতেই দেখিতে পাইল, সুন্দর একখানি বৈঠার উপর দেহের ভার আনমিত করিয়া দিয়া নিনিমেষ বেহায়া দৃষ্টি পাতিয়া যেন তাহারই পানে চাহিয়া আছে। কুমারী কন্নার ঘোমটা টানিয়া মুখ ঢাকিবার রীতি নাই, থাকিলে টিয়া যেন স্বস্তি অনুভব করিতে পারিত ; কাজেই সামান্য একটু সে ঘুরিয়া বসিয়া মুখটি যথাসম্ভব আড়াল করিতে প্রয়াস পাইল এমনভাবে—যাহাতে সুন্দরকে ইচ্ছামত সে যে-কোন অবস্থায় প্রয়োজন হইলেই দেখিতে পায়, আর সুন্দর সেই ঘাটে বতক্ণ রহিল ততক্ণ প্রয়োজন তাহার আর ফুরাইল না।

সুন্দর তাহাদের নৌকার 'পরে গিয়া উঠিয়া বসিল। নৌকা জলে বোঝাই হইয়া ছিল—কাজেই বৈঠাটি পাশে পাটাতনের উপর নামাইয়া রাখিয়া নৌকার ভিতরে রক্ষিত নারিকেলের মালাটি লইয়া সুন্দর জল সेंচিয়া ফেলিতে লাগিল। আর এত ঘট ও শব্দ করিয়া সুন্দর জল সेंচিতে লাগিল যে ওপারে আনত-শির টিয়া মুখে কাপড় চাপা দিয়া হাসিতে বাধ্য হইল। সুন্দর তাহা বুঝিতে পারিয়াও নিরস্ত হইল না। নৌকার জল সेंচা শেষ হইলে খুব চিন্তিতের মত সে বৈঠা তুলিয়া লইয়া নৌকা ছাড়িয়া দিয়া বসিয়া রহিল। খালে স্রোতের তেমন কোন প্রাবল্য ছিল না যে নৌকা মুহূর্ত্তে কোথাও ভাসাইয়া লইয়া যাইবে, নৌকা একস্থানেই যেন হেলিয়া

তুলিয়া ঐকান্তিক বিরাম খুঁজিতেছিল, নৌকার উপরের আরোহী সুন্দর যেন ততোধিক। অথচ এ আচরণে সুন্দর যে টিয়ার কাছে ধরা পড়িয়া গিয়াছে তাহাও সে বুঝিয়া ফেলিয়াছিল, কাজেই বাধার দিকটা বহু পূর্বেই লক্ষ্য হইয়া গিয়াছিল। সুন্দর হঠাৎ এ বিসদৃশ অসামঞ্জস্যের হাত হইতে নিজেকে মুক্ত করিয়া লইতে গিয়া একটু অপ্রত্যাশিত আচরণের আশ্রয় লইতে বাধ্য হইল। হঠাৎ বৈঠা জলে নামাইয়া একটা চাড় দিয়া নৌকার আগা-গলুইটা টিয়ার দিকে ফিরাইয়া আর একটা ঈষৎ চাপে নৌকাটিকে সজ্জন-বাড়ীর ঘাটের দিকে ঠেলিয়া দিয়া অকারণ অর্থহীন উল্লাসে সহসা হাসিয়া উঠিয়াই আবার থামিয়া গেল। টিয়া তেজ্জ্বল দৃষ্টিতে সকলই লক্ষ্য করিল এবং নৌকা ঘাটের দশ হাতের মধ্যে আসিয়া পড়ার আগেই কাপড়টা অপরিচ্ছন্ন হাতে সামলাইয়া ধরিয়া ফিক করিয়া হাসিয়া ফেলিয়া সহজ লঘু স্বচ্ছন্দ গতিতে পাড়ে উঠিয়া গেল। তাহার ভাব-ভঙ্গী দেখিয়া মনে হইল, সুন্দর যেন তাহাকে ঘাট হইতে জোর করিয়া তাহার নৌকায় তুলিয়া লইতে আসিয়াছে। সুন্দর অমনি মুহূর্ত্তে নিজেকে সামলাইয়া লইয়া বৈঠা চাপিয়া ধরিল এমন ভঙ্গীতে যেন তাহার কঠোর কর্তব্য সহসা স্বরণে জাগিয়াছে। কিন্তু তখন আর লুকাইবার সাধ্য কিছু সুন্দরের ছিল না, সে টিয়ার কাছে ধরা দিয়াছে খামোখা একেবারে, এটুকু দৌর্বল্য ধরা সে না দিলেও পারিত। সেজন্ত আফসোস করা অবশ্য সুন্দরের স্বভাবও নয়, রীতিও নয়। সে তাই টিয়ার দিকে ফিরিয়া সহজ অবিজড়িত কণ্ঠে বলিয়া উঠিল—আমি যেন কেউটে সাপ একটা, পাছে ছোবল্ মারি তাই পালালে বুঝি ?

টিয়া কথা বলিবে না ভাবিয়াছিল, কিন্তু না বলিয়া এত বড় স্বেযোগকে ব্যর্থ হইতে দিতেও সে পারিল না ; তাই বলিল, না, সাপ কেন হতে যাবে। শিখিপুচ্ছের সজ্জন-বংশের চিরকালের শত্রু তোমরা, তাই সেদিন পিটুলি ফল ছুঁড়ে মেরে শত্রুতার প্রথম নমুনা যা দেখালে তাতে ভয় না ক'রেও তো পারি না।

সুন্দর একটু হাসিয়া বলিল, তা শত্রু চিরদিন শত্রুই থাকে।

টিয়া এইবার বিশেষ ঠেস্ দিয়া কথা কহিল, বলিল, তা

শক্রতাই যদি করবার সাধ তো গায়ে প'ড়ে আলাপ করতে এলে কেন? একেবারে সড়্কি-বল্লম নিয়ে বেরুলেই পারতে। কলঙ্কিনীর খাল আবার লালে লাল হ'য়ে উঠত, দেশের লোক সম্মম ও আতঙ্কে চেয়ে থাকত। ভৈরব দত্তের ছেলের নামে টি টি প'ড়ে যেত—সেই-তো বেশ হ'ত!

হুঁ, তা হ'ত বই-কি! কিন্তু ভৈরব দত্তের ছেলে তো আর তা' বলে নিশি সজ্জনের মেয়ের সঙ্গে লড়াই করতে বেরতে পারে না সড়্কি-বল্লম নিয়ে! দেশের লোক যে হাসবে তা হ'লে!—বলিয়া সুন্দর মুহু একটু হাসিয়া আবার বলিল, তাই তো সড়্কি-বল্লম ছেড়ে এবার তীর-ধনুক নিয়ে বেরিয়েচি। দেখা বাক ফলাফল!

টিয়া সহসা বলিয়া ফেলিল, অ! টিয়া পাখী বিধবার মতলবে বৃষ্টি এবার তীর-ধনুক সম্বল করেচ? ঠিকই তো, যার যেমন অস্ত্র!

বলিয়া ফেলিয়াই টিয়া মুহূর্তে সেখান হইতে অদৃশ্য হইয়া গেল। সুন্দর টিয়ার কথা বলার অপূর্ব ভঙ্গী দেখিয়া মুগ্ধ হইল, টিয়ার সলাজ বঙ্কিম পলায়ন-তৎপর ভঙ্গীটি আরও চমৎকার, আরও মনোমুগ্ধকারী। সুন্দর আজিকার ভোরের এই নিরুদ্দেশ যাত্রাকে সার্থক জয়োল্লাসে পরিপূর্ণ ও বর্ষণকান্ত রাত্রের পর ভিজা সূর্য্যের সলাজ উকি-ঝুঁকির মত অস্তরঙ্গ বলিয়া মনে করিল।

বাসনগুলি ঘাটেই পড়িয়া রহিয়াছে, কাজেই টিয়া বেশীক্ষণ আর বাগানের মধ্যে অর্থহীন ঔদাস্য লইয়া ঘুরিয়া বেড়াইতে পারিল না। কিন্তু সুন্দর তখনও সেই ঘাটের নিকটবর্তী কোনও স্থানে নোকা লাগাইয়া অপেক্ষা করিতেছে কি-না কে জানে, সেই ভয়েই সে ঘাটের দিকেও অগ্রসর হইতে পারিতেছিল না। একটু একটু করিয়া ভয়-বিব্রত পদে সে আবার ঘাটে নামিয়া আসিল। সুন্দর আশে-পাশে কোথাও নাই দেখিয়া একটা স্বস্তির নিশ্বাস ফেলিয়া বাঁচিল। বাসনগুলি মাজিয়া ঘষিয়া আবার যখন সে সেগুলিকে পাজা করিয়া বাড়ীর উঠানে প্রবেশ করিল তখন বেশ বেলা চড়িয়া গিয়াছে, কারণ তখনই ঠিক তাহার সৎ-মা রূপসী তাহার ঘরের দরজায় দাঁড়াইয়া একটি কঠিন অসন্তোষ-ব্যঞ্জক ভঙ্গিমায় নিবিড় আলস্য ভাজিতে গা মটকাইতেছিল। টিয়াকে উঠানে আসিয়া দাঁড়াইতে

দেখিয়াই মুহূর্তে সে কঠিন একটি সরল রেখায় স্পষ্ট হইয়া দাঁড়াইল এবং টিয়া একটি ঢোক গিলিয়া নিজেকে সামলাইয়া লইবার পূর্বেই বলিয়া উঠিল—কি, মনোহর বিদেয় হয়েচে বৃষ্টি, তার ঘরের দরজা যে খোলা রয়েছে দেখচি? আবার কবে আসবে ব'লে গেল শুনি?

টিয়া বিরক্তি বোধ করিয়া বলিল—কেন, সে কি আমার আত্মীয়-কুটুম্ব যে আমাকে ব'লে যাবে? ব'লে যদি কিছু যেতই তো সে তো তোমাকেই ব'লে যেত, আমাকে কিসের জন্তে বলতে যাবে শুনি?

না, আমার তখনও ঘুম ভাঙেনি কি-না সে জন্তেই একথা জিগোস্ করলাম। যদি তোকে কিছু ব'লে গিয়ে থাকে—এই আর কি!—বলিয়া রূপসী নিজের পুরু ঠোট কেমন একটু জিব দিয়া চাপিয়া ধরিয়া নিজেকে সামলাইল।

টিয়াও রান্নাঘরের দিকে চলিয়া যাইতে যাইতে বলিল, সে হয় তো রাত থাকতেই উঠে চ'লে গেছে, আমার ঘুম তখনও ভাঙে নি।

রূপসী দেখিল, এদিক দিয়া টিয়াকে তেমন সুবিধা করা গেল না, আর একদিক দিয়া তাহাকে তবে আক্রমণ করা যাক। অমনি সে আবিষ্কার করিয়া ফেলিল যে, তখনও ঘরের দাওয়া ও উঠান নিকানো শেষ হয় নাই। রান্নাঘরের দিকে গলা বাড়াইয়া তাই সে ডাকিল, অ টিয়া, বলি রাত থাকতে উঠে তো ঘাটে যাওয়া হয়েছিল, আর ফেরা হ'ল তো এই বেলা ন'টা নাগাদ! বাবা! বাবা! কি যে মেয়ের মনের কথা, আর কি যে তার কাজের ছিঁরি! এ যেন পরের বাড়ীর কাজ করা হচ্ছে, প্রাণ নেই কোন কাজে। বনি, এই এত বেলায়ও ঘর-দোর-উঠান সবই তো প'ড়ে আছে, একটু গোবর জলের ছিঁটে বুলোতেও এত আলিস্তি! আমারও যেমন কপাল!

টিয়া রান্নাঘরে বাসন নামাইয়া রাখিয়া নিরুত্তরে আবার বাহিরে আসিয়া দাঁড়াইল। ছোট-মা'র সকল কথাই তাহার কানে গিয়াছিল, কিন্তু উত্তর দেওয়ার কোন প্রয়োজন আছে বলিয়া সে বোধ করিল না। অবশ্য, উত্তর দিলে বিবাদ বেশী এবং উত্তর না দিলেও সে বিপশ্যুক্ত নয়, কাজেই বৃথা বাক্য-দ্ব্যয়ের স্পৃহা তাহার মধ্যে জাগিল না। ঘরের দাওয়া ও উঠান নিকানোর কাজেই সে নিজেকে ব্যাপ্ত করিল। রূপসী আশে-পাশে কণিকের জন্ত







বাকা-মুশল ঘুরাইয়া টিয়াকে হতভঙ্গ করিয়া দেওয়ার চেষ্টায় ঘুরিয়া বেড়াইল, কিন্তু তেমন কোন কিছু সে তম্বুহুর্ন্তেই হাতড়াইয়া না পাওয়ার ক্ষুণ্ণ হইয়া শেষে বলিয়া ফেলিল— অনেক দেমাকী দেখেছি এযাবৎ, মাকে দেখিনি, কিন্তু তার ছাঁটিকে দেখি ; আর এই যদি তার নমুনো হয় তো ভগবান আমাকে খুব বাঁচান বাঁচিয়েচেন—

বলিয়া রূপসী আপন বাক-পটুতার ভূয়সী গর্কে হেলিয়া ছলিয়া ঘাটের দিকে চলিয়া গেল চোখ মুখ ধুইতে—সর্ব্বাঙ্গে তখনও তাহার জড়াইয়া আছে রাত্রির অবসাদ, যেমন করিয়া ভোরের দুর্বাদলকে জড়াইয়া থাকে রাত্রের শিশির।

টিয়ার সহসা আজ আবার মায়ের কথা মনে পড়িয়া গেল। সে আজ প্রায় পাঁচ-ছয় বৎসর আগেকার কথা— যখন সজ্জন-বাড়ী বলিতে সেই একমাত্র মহিয়সী নারীর কথাই সর্ব্বাঙ্গে সকলের মনে জাগিত। এখনও তাহার সুখ্যাতি গাঁয়ের ঘরে ঘরে কারণে-অকারণে উচ্চারিত হইয়া থাকে। রূপসীর কানেও সেকথা যে লোকে গুঞ্জরণ করে নাই এমন নয় এবং তাহা হইতেই রূপসীর কেমন একটা ধারণা জন্মিয়াছিল যে, সে চতুর্দিকে শত্রুবেষ্টিত হইয়া বসবাস করিতেছে, কাজেই পাড়ার অন্ত্রাণ মেয়ে ও বধুদের কাহারও সহিত সে তেমন অন্তরঙ্গ হইয়া উঠিতে পারে নাই বা চাহেও নাই।

টিয়া সকলের অলক্ষ্যে চোখের জল দিয়া মায়ের স্মৃতি-তর্পণ করিল এবং মুহূর্ত্তে আবার তাহা সে সামলাইয়াও উঠিল। টিয়ার মন অনেকটা বালির মত—দাগ পড়িলেও মিলাইতে বেশী সময়ের প্রয়োজন হয় না, জল পড়িলেও অবিলম্বে আবার তাহা শুকাইয়া নিশ্চিহ্ন হইয়া যায়।

কিন্তু এই যে বালির মত টিয়ার মন সে-মনেও একটা জিনিষ গভীরভাবে দাগ কাটিয়াছে এবং সে-দাগ আর কখনও মিলাইবে বলিয়াও তো মনে হয় না—সে সুন্দর। সুন্দরকে তাহার ভাল লাগিয়াছে, বড় ভাল লাগিয়াছে, যেমন ভাল লাগে বিজয়োদ্ধত ফেনোর্নি-উচ্ছ্বসিত সাগরকে বেলাভূমির ঠিক তেমনটি। ফলে ঘাটের কাজ তাহার বাড়িয়াছে, একবারের জায়গায় যে কতবার সে বাতাবী লেবু গাছটার তলা দিয়া ঘাটে যাইতেছে তাহার আর ঠিক নাই। কিন্তু

বেশী সময়ই তাহাকে ব্যর্থ হইয়া ফিরিয়া আসিতে হয়, কেন না সুন্দরের দেখা প্রায়ই মেলে না।

সজ্জন-বাড়ীর সামনের দিকে শিখিপুচ্ছের রায়েদের একটা প্রকাণ্ড দীঘি আছে। সেই দীঘির জলই শিখিপুচ্ছের গৃহস্থের পানীয় জল। প্রত্যহ বৈকালের দিকে গ্রামের মেয়ে ও বধুরা দল বাঁধিয়া পশ্চিম দিকের শান-বাঁধানো ঘাটে যায় গা ধুইতে ও কলসী ভরিয়া পানীয় জল তুলিয়া আনিতে। টিয়া এতদিন বৈকালে সেখানেই গা ধুইতে ও কলসী ভরিয়া জল আনিতে যাইত ; কিন্তু এখন শুধু সে একবার যায় কলসী ভরিয়া পানীয় জল তুলিয়া আনিতে এবং গা-ধোওয়ার কাজ খালের জলেই অনায়াসে চলিতে পারে বলিয়া অধুনা তাহার ধারণা জন্মিয়াছে ও তাহাই সে মানিয়া চলিতেছে।

সেদিনও তাই টিয়া রান্না ও পানীয় জল রায়েদের দীঘি হইতে কলসী ভরিয়া আনিয়া দিয়া একটা গামছা কাঁধে ফেলিয়া খালের ঘাটের দিকে চলিয়া গেল। সম্মুখ ঘনাইয়া আসার তখনও কিছু বিলম্ব আছে, কিন্তু আশে-পাশে চতুর্দিকে বেশ একটা ছায়া-সুনিবিড়তা বিরাজ করিতেছে, শুধু পাখীর কল-কাকলি অদূরের বন-বিতানে একটা তন্দ্রাতুর মূর্ছনা জাগাইয়া বসিয়াছে।

টিয়া ক্ষণিকের জন্ত একবার বাতাবী লেবুর আভূমি-হুইয়া-পড়া ডালটার উপর মাটিতে পা রাখিয়া উপরের আর একটা ডাল ধরিয়া বসিয়া রহিল কিসের যেন প্রতীক্ষায়। সুন্দরের ঘাটের নোকাটি তখন ঘাটে ছিল না। হয় তো সুন্দরই নোকাযোগে কোথাও বাহির হইয়াছে। এখনই হয় তো আবার ফিরিয়া আসিবে—নাও আসিতে পারে। খাল দিয়া বার বার তিন-চারখানি নোকা চলিয়া গেল—তন্মধ্যে একখানি আবার বেপারীদের নোকা। সব নোকাই উপর দিকে উজান ঠেলিয়া চলিয়াছে বকফুলী নদীর উদ্দেশ্যে হয় তো, মাত্র একখানি দক্ষিণ দিকে শ্রোতের মুখে মুখে চলিয়া গেল হাজারখুনীর বিলের পানে। এই হাজারখুনীর বিল এ-অঞ্চলের মধ্যে একটি প্রসিদ্ধ জিনিষ—বর্তমানে তাহার যে-কোন এক পার হইতে সূর্য্য ওঠার সঙ্গে সঙ্গে নোকায় রওনা হইলে অপর পারে পৌঁছিতে সূর্য্য অস্তে নামিয়া যায়, এত বড় বিল এ-অঞ্চলে আর নাই। আবার গ্রীষ্মকালে হাজারখুনীর বিলের মাঝ দিয়া পারে-চলা পথও প্রস্তুত হয়—

শুধু কতকগুলি বিশেষ বিশেষ স্থানে জল বারোমাসই বর্তমান থাকে এবং সেগুলিকে অনেকটা বৃহৎ পুষ্করিণী বা দীঘির মত দেখিতে হয়। বর্ষাকালে হাজারখুনীর বিল নৌকায় পাড়ি দেওয়া বেশ বিপদসঙ্কুল—কেন না একটু জ্বোরে বাতাস বহিতে শুরু করিলেই জলরাশি উত্তাল হইয়া ওঠে—এ-প্রান্ত ও-প্রান্ত পর্য্যন্ত সাগর-সদৃশ ঢেউ উচ্ছল কলহাসি হাসিয়া ওঠে। আর ঝড় উঠিলে তো কথাই নাই। হাজারখুনীর বিলের তাই নাম-ডাক আছে। উত্তর দিকের বকফুলীও নাম-ডাক আছে—অশান্ত দামাল বলিয়া নয়, বরং তাহারই উল্টা; তবে বকফুলীও শ্রোত সাধারণ নদী অপেক্ষা কিঞ্চিৎ ধরধার। দুই পাড়ে নানা গঞ্জ, বাজার-হাট, বসতি-বহুল গ্রাম, মঠ ও মাঠ রাখিয়া বহুদূর পর্য্যন্ত তাহার গতি। বকফুলীই এ অঞ্চলের বাবসা-বাণিজ্যের জন্ত প্রশস্ত রাজপথ। দিনে ও রাত্রে তিনখানি ষ্টীমার এই বকফুলী দিয়া যাতায়াত করে, মোটর-বোট বা লঞ্চের তো কথাই নাই। আর নৌকা চলে অসংখ্য—দিবারাত্রের সমস্ত সময় জুড়িয়া।

টিয়া কখন যে আচ্ছন্ন হইয়া গিয়াছিল নিজের চিন্তায় তাহা নিজেও সে বুঝিতে পারে নাই। হঠাৎ তাহার চমক ভাঙ্গিল ওপারে সুন্দরের গলা শুনিয়া। সুন্দর পাড়ে দাঁড়াইয়া নৌকার 'পরে উপবিষ্ট তাহারই সমবয়সী শ্রীমন্তকে ডাকিয়া বলিল, উঠে আর শ্রীমন্ত। আজ জ্যোৎস্না রাত আছে, রাত ক'রে যাওয়া যাবে'খন হাজারখুনীর বিলে।

শ্রীমন্ত একলাফে ডাঙায় গিয়া উঠিল। তারপরে সুন্দরের একটা হাত চাপিয়া ধরিয়া বলিল, এই যে--ওপারে, ওই তো নিশি সজ্জনের মেয়ে টিয়া না?

শ্রীমন্ত আশ্চর্য করিয়া কিছু আর বলে নাই। কাজেই টিয়ার কানে তাহার সব কথাই পৌঁছিল। সুন্দর কি যেন শ্রীমন্তের কানের কাছে লইয়া গিয়া আশ্চর্য করিয়া বলিয়া একটা ঝটকা টানে শ্রীমন্তকে বাগানের দিকে টানিয়া লইয়া গেল। শ্রীমন্ত তবুও একবার সুন্দরের টানে আত্মসমর্পণ করা সত্ত্বেও পিছু ফিরিয়া টিয়ার দিকে দৃষ্টি ফেলিল। টিয়া অমনি অল্প দিকে মুখ ফিরাইয়া লইল। টিয়া ইতিপূর্বে শ্রীমন্তকে আরও কয়েকবার দেখিয়াছে, আর শ্রীমন্তও যে টিয়াকে দেখিয়াছে তাহাতে টিয়ার সন্দেহ নাই। তবে শ্রীমন্ত কেন যে আজ আবার তাহাকে এমন বিশেষ করিয়া দেখিয়া লইল

তাহা কে জানে। হয় তো সুন্দর তাহারই সঙ্ক্ষে শ্রীমন্তকে কিছু বলিয়াছে এবং বিশেষ কিছুই হয় তো বলিয়াছে। টিয়ার সহসা মুখে-চোখে কেমন যেন একটু লজ্জার রং ধরিল। আবার মুহূর্তে নিজেকে সে সামলাইয়া লইয়া ঘাটে নামিল। যত দ্রুত সম্ভব গা-ধোওয়া অনাড়ম্বরে শেষ করিয়া শ্রীমন্তের ফিরিয়া চাওয়ার যথা-কারণ গবেষণা করিতে করিতে বাড়ীর দিকে ভিজা কাপড় পরিয়াই বাতাবি লেবুর গাছের ডালের উপর রক্ষিত শুকনো কাপড়খানি হাতে করিয়া তুলিয়া লইয়া চলিয়া গেল। ঘাটে কাপড় ছাড়িতে আজ তাহার কেমন যেন বাধিল।

রাত্রে নিরালা নির্জন অন্ধকার শয্যায নিদ্রাহীন চোখ বুজিয়া টিয়া চেষ্টা করিয়াছে কলঙ্কিনীর খাল দিয়া একখানি নৌকা চলার শব্দ শুনিতে, কিন্তু ব্যর্থ হইয়াছে। একবার যেন সে ঐ খালের দিক হইতেই একটা বাঁশের বাঁশী ফুকানিয়া উঠিতে শুনিতে পাইয়াছিল বলিয়া তাহার মনে হয়, কিন্তু ভাল করিয়া কিছুই সে ঠিক বুঝিতে পারে নাই। হইতে পারে—সুন্দর আর শ্রীমন্ত খাল দিয়া নৌকা বাতিয়া চলিয়াছে হাজারখুনীর বিলের দিকে, তাহাদেরই মধ্যে কেহ হয় তো বাঁশী বাজাইতেছে—আবার তাহা নাও হইতে পারে। বাহিরে জ্যোৎস্না তখন ঝলমল করিতেছে। আজ রাত্রে সুন্দর আর শ্রীমন্ত হাজারখুনীর বিলে হয় তো নৌকা লইয়া বিলাস-ভ্রমণে বাহির হইয়াছে। না জানি তাহারা কাহার কথা একান্তে আলোচনা করিতেছে। হইতে পারে তা--যে শ্রীমন্ত সুন্দরকে টিয়ার কথা তুলিয়া বিব্রত করার প্রয়াস পাইতেছে। তাহা তো আর খুব কিছু অসম্ভব না। কারণ শ্রীমন্ত আজ বৈকালের দিকে টিয়াকে ঘাটে অমন বার বার নিরীক্ষণ করিয়া তবে দেখিল কেন? নিশ্চয় তবে তাহাদের মধ্যে তাহাকে লইয়া কথা উঠিয়াছে। আর এই রাত্রের নিঃসঙ্গ আকুলতার মধ্যে উভয়ে অত কাছাকাছি নৌকায় বসিয়া তরঙ্গায়িত জ্যোৎস্নার নিবিড়তম আবেশের মধ্যে ডুবিয়া গিয়া সে কথা নূতন করিয়া আবার তুলিবে না কি! হয় তো তুলিলে তুলিতেও পারে। আবার টিয়ার কেমন জানি মনে হয়, বা তুলিয়া তাহাদের যেন আর নিস্তার নাই। সেই পিটুলি ফল ছুঁড়িয়া মারার গল্প কি আজ সুন্দর না করিবে। লজ্জায় টিয়ার সমস্ত মুখ রাঙা হইয়া উঠিল।

টিয়ার ঘরের পিছনের বাগানের নিস্তর গভীর বিজনতা ভাঙিয়া দিয়া—একটা কি পাখীর ডানা যেন ঝটপট করিয়া উঠিল—তারপরেই রাত্রে নিস্তর বৃকে ঘা মারিয়া গুরু-গভীর নাদে ধ্বনিত হইল—বুদ-বুদম্। টিয়ার এ ডাকের সঙ্গে পূর্ব-পরিচয় ছিল তাই; তাহা না হইলে ভয় পাইয়া চীৎকার করিয়া ওঠাও কিছু অশ্রায় হইত না। পাখীটির নাম ভূতুম-পেঁচা, যেমন কদাকার ও বিশাল তাহার মূর্তি, তেমনই আবার বিপুলায়তন ঘোরালো দুইটি চকু, আবার ডাকটিও তেমনই ভয়-জাগানে। নিশীথে সহসা প্রথম পরিচয় ঘটিলে সংজ্ঞা হারানো খুব আশ্চর্য ঘটনা বলিয়া কেহ বিবেচনা করিবে না। টিয়ার পূর্ব-পরিচয় থাকা সত্ত্বেও কেমন জানি ভয় করিতে লাগিল। মুহূর্তে সে হাজারখুনীর বিলে সুন্দরের নৌকা যে ছলাৎ-ছল শব্দ তুলিয়া ভাসিয়া বেড়াইতেছে তাহা ভুলিয়া গেল। বকফুলীর দিক হইতে একটা মোটর-বোটের সিটির ফুঁ যেন দিগ্-দিগন্ত মাড়াইয়া দিল। টিয়া নিদ্রায় সমস্ত ভুলিয়া থাকিতে চেষ্টা পাইল।

সকালবেলা শ্রীমন্ত সোজা একেবারে সজ্জন-বাড়ীর উঠানে আসিয়া দাঁড়াইল। শ্রীমন্ত বনপলাশীর অনাদি ঘোষের তৃতীয় পুত্র। এককালে অনাদি ঘোষের পয়সা ছিল—এখন আছে শুধু দেমাক। টিয়া উঠানে একটা বঁটি পাতিয়া একরাশ নারিকেল পাতা লইয়া পাতা হইতে কাঠিগুলি ছাড়াইতেছিল, আর একপাশে সেগুলিকে জড়ো করিয়া রাখিতেছিল। এমন সময় শ্রীমন্ত সেখানে আসিয়া প্রবেশ করিল। টিয়া কণিকের জন্ত একটু সঙ্কোচ অনুভব করিল। তারপরেই আবার সে সহজ অবস্থায় ফিরিয়া আসিল।

শ্রীমন্ত আশে-পাশে আর কাহাকেও না দেখিতে পাইয়া টিয়াকেই জিজ্ঞাসা করিল—হ্যাঁ টিয়া, তোমার বাবা গেলেন কোথা?

টিয়া সমাজকণ্ঠে জবাব দিল, বাবা এই তো এতক্ষণ এখানেই ছিলেন, আবার বৃকি রায়েদের বাড়ীর দিকেই গেলেন তবে। আপনি দাওয়ায় উঠে চেয়ারটায় বসুন না—আমি রায়েদের বাড়ী থেকে বাবাকে ডেকে নিয়ে আসি।

বলিয়া টিয়া কাপড়টা সামলাইয়া লইয়া উঠিয়া দাঁড়াইল। শ্রীমন্ত অমনি বলিল—না থাক, তোমার আর কষ্ট ক’রে রায়েদের বাড়ী গিয়ে কাজ নেই, আমিই বরং পথে তাঁর সঙ্গে দেখাটা ক’রে যাব’ধন।

টিয়া অধিকতর লজ্জাকাতর একটি ভঙ্গিমায় বলিল—না, কষ্ট আর কি!

তবু!—অতি আশ্বে করিয়া বলিয়া শ্রীমন্ত মুহূর্তে টিয়ার সর্বাঙ্গে যেন একটা প্রখর দৃষ্টি ব্লাইয়া লইয়া চলিয়া গেল। টিয়ার সহসা মনে হইল, শ্রীমন্ত যেন তাহাকেই দেখিতে আসিয়াছিল; দেখা হইয়াছে, চলিয়া গেল। কাজ শুধু তাহার অছিল। একথা মনে জাগার সঙ্গে সঙ্গেই টিয়ার সমস্ত ব্যাপারটা কেমন যেন বিসদৃশ ও শ্রীমন্তের পক্ষে বাড়াবাড়ি বলিয়া তাহার মনে হইতে লাগিল। শ্রীমন্ত ইহা ভাল করে নাই, এই কথাই তাহার কেবল মনে জাগিতেছিল।

শ্রীমন্ত চলিয়া গেলে রূপসী তাহার ঘর হইতে বাহির হইয়া আসিয়া বলিল—অ টিয়া, ও এসেছিল কে শুনি?

ছোট-মা’র কথার ভঙ্গীতে টিয়ার সর্ব শরীর জ্বালা করিয়া উঠিল। সে যথাসম্ভব নিজেকে সংযত রাখিয়া বলিল, বনপলাশীর অনাদি ঘোষের ছেলে শ্রীমন্ত ঘোষ এসেছিল বাবার খোঁজে।

অঃ! আমি বলি কে না কে আবার!—বলিয়া রূপসী আবার তাহার ঘরের মধ্যে গিয়া প্রবেশ করিল।

(ক্রমশঃ)

## স্বপ্ন-ভঙ্গ

### শ্রীকমলাপ্রসাদ বন্দ্যোপাধ্যায়

মৌন শরীরী কোলে তারা-দীপ নির্ঝাপিত-প্রায়,  
বিশীর্ণা নটিনী নদী নিঃসার-কল্লোলে যাহ বহি’,  
অমুচ্চ উভয় কূলে নিশীথের তন্দ্রা রহি রহি  
টুটে যায়;—চিন্ত মম নিঃসনেহ হ’তে নাহি চায়।

স্বপ্নের কল্পিত রূপ লক্ষ্য থেকে অলক্ষ্যে মিলায়;  
নিতল তিমির অন্ধে দীপ্তিহীন তারকা জাগিছে,  
অমর্ত্য পুলকম্পর্শ হারা-হৃদি নিয়ত মাগিছে,  
কল্পনার আদি-অন্ত স্বপ্নভঙ্গে কোথায় লুকায়?

# চারুকলার ক্রমোন্নতি

শ্রীনরেন্দ্রনাথ বসু

সম্প্রতি কয়েক বৎসর হইতে বাংলাদেশে কলাশিল্পের যেন বৎসরের মধ্যে আজ তাহা বিশেষ উৎকর্ষ লাভ করিয়াছে। একটা মুহূর্তে বহিতেছে। অনাদৃত চারুকলাশিল্পের পক্ষে এত অল্প কালের মধ্যে এই নিঃস্ব দেশের কলা-সম্পদের যে



‘বাগের পেশা’

—হেমেন্দ্রনাথ মজুমদার

উন্নতি দেখা দিয়াছে তাহাতে দ্বিধা হীন ভাবে বলা যায়— যদি সাধনার বিঘ্ন না ঘটে তবে আর পঁচিশ বৎসরে দেশ শিল্প-গোরবে যে কোন স্বাধীন দেশের সঙ্গে তুলনীয় হইতে পারিবে। অথচ অনাদৃত সত্ত্বেও ললিতকলার এতাদৃশ শ্রীবৃদ্ধিতে আমরা যথার্থ ই বিশেষ গোরবের অধিকারী হইয়াছি।

শিল্পকলা দেশের ব্যবসা বাণিজ্যের পরম মিত্র। এই সাধারণ কথাটি আমরা অল্প প্রবন্ধেও বলিয়াছি, কিন্তু আমাদের দেশের লোক তাহা যথার্থ উপলব্ধি করিতে পারে

এইটী খুবই আশার কথা। অবশ্য ইহাতে বিশেষ আশ্চর্য্য বোধ করিবার হেতু নাই, কারণ কোন জাতির মধ্যে যথার্থ প্রাণ-শক্তি থাকিলে সাময়িক দুর্বলতা সেখানে কখনই স্থায়িত্ব লাভ করিতে পারে না।

ত্রিশ চল্লিশ বৎসর পূর্বে আমাদের চারুকলাশিল্পের ভাঙারে কোন উল্লেখযোগ্য সম্পদ ছিল না। তখন দেশের শিল্পীর কোন উচ্চ জ্ঞান ও দানের পরিচয় আমরা পাই নাই। পটের নামান্তর ছিল—তৈল চিত্র। সে চিত্র কোন মূল্য বহন করিত না। কালের গুণে কয়েক



‘রামধনু’

—কুমার রবীন রায়

না। তাহাদের ধারণা—দেশের শ্রীবৃদ্ধির পথে অনায়াসলব্ধ বহু ফলের মধ্যে ‘কদলী’ ত্যাগ করিলেও তেমন ক্ষতি বৃদ্ধি হইবে না। একরূপ ধারণা নিতান্তই অনিষ্টকর। এই কলার প্রকৃত নাম—রূপ, সৌন্দর্য্য। সমস্ত জগৎই রূপের দাস। রূপ আগে, গুণ তাহার পরে। ইহার দৃষ্টান্ত নিয়তই আমাদের সম্মুখে রহিয়াছে, তথাপি আমরা দেখিয়াও বুঝি না।

এতদিন পর্য্যন্ত কলিকাতায় প্রতিবৎসর শীতকালে কলা-শিল্পের মাত্র একটি প্রদর্শনী হইত। কিন্তু গতবৎসর হইতে

কোন সম্পর্ক ছিল না, শুধু ঐশ্বর্য্য ও আভিজাত্যের বন্ধনীতে উহা আবদ্ধ থাকিত। ইহা ব্যতীত আর একটি অভাবও ছিল। প্রদর্শনীর উচ্চোক্তাগণ বহু আয়াসে যে শিল্পসংগ্রহ করিতেন তাহা দোষগুণের বিচারের বিশেষ অধীন হইত না। প্রদর্শনীর কলেবর বৃদ্ধির দিকেই অধিক দৃষ্টি থাকিত।



‘হুড়ু প্রপাত’

কলিকাতার কলাকটাকের কলে এই নিয়মের একটু ব্যতিক্রম ঘটিল। প্রদর্শনীর সংখ্যা বৃদ্ধি পাইয়াছে। পূর্বে দেশের সাধারণ লোকের সঙ্গে এই শ্রেণীর প্রদর্শনীর বিশেষ



‘শকুন্তলা’


—বিমল মজুমদার

—ভাস্কর কে.সি.রায়, এ.আর.সি.এ

সম্প্রতি সোসাইটি অফ মডার্ন আর্ট নামক শিল্প-প্রতিষ্ঠান কলিকাতার চৌরঙ্গীতে একটি বিশিষ্ট চিত্র প্রদর্শনীর আয়োজন করিয়াছিলেন। তাহাদের উদ্দেশ্য ছিল—স্বার্থ

শিল্প ও শিল্পীর যোগ্য সমাদর করা। এই প্রদর্শনীটি আয়তনে কুত্র হইলেও প্রকৃতপক্ষে ইহাতে সম্পদ ছিল যথেষ্ট। প্রথম

গিয়াছেন। ঐ সব আলোচ্যে শারীরিক গঠনের ত্রুটির কথা দর্শকের কেহ কেহ উল্লেখ করিলেও, ভাব এবং নির্মাণের শক্তিতে চিত্রগুলি যে উচ্চতরের তাহা স্বীকার না করিবার উপায় নাই। ‘বুদ্ধ ও সহচরগণ’ চিত্রখানিতে শিল্পীর বর্ণের খেলা বেশ উজ্জ্বল ও কৌশলপূর্ণ।



‘চিন্তাশ্রোত’

—পূর্ণচন্দ্র চক্রবর্তী

শ্রীবুদ্ধ পুলিন কুণ্ডুর “প্রিয়-মার্কা” সি গা র টী বেশ সম্বন্ধে চিত্রিত করা হইয়াছে। স্বাভাবিক মুখমণ্ডলের ত্রিসীমানায়ও চিন্তার দৌরাভ্যা নাই। প্রতিকৃতি চিত্রে ইনি অনেককাল পূর্বেই ধ্যান্তি অর্জন করিয়াছেন।

শিল্পী হেমেন্দ্রনাথ মজুমদারের “অনন্তের সুর” চিত্রটি সর্বোংশে প্রদর্শনীর গৌরব বৃদ্ধি করিয়াছে।


বৎসরের অহুষ্ঠান দর্শকের মনে যে আশার সঞ্চার করিয়াছে, তাহাতে আমরা নিঃসন্দেহে বলিতে পারি এরূপ প্রদর্শনীর দ্বারা কলা-শিল্পের প্রভূত উন্নতি সাধনেরই সহায়তা হইবে।

প্রদর্শনী-কক্ষে বিভিন্ন চরিত্রের চিত্রকে একস্থানে উপযুক্ত-ভাবে সন্নিবেশ করা সর্বোপেক্ষা শ্রমজনক কার্য। এই কার্যে মার্জিতরুচি, ঐক্যতার জ্ঞান ও সূক্ষ্ম বিচারশক্তির প্রয়োজন। বর্ণোজ্জ্বল বিশাল একটি নৈসর্গিক চিত্রের পার্শ্বে মৃদু-মধুর সলজ্জ নারিকাকে স্থাপন করিলে তাহা মৃত্যুদণ্ড তুল্য হয়। এই কারণে স্থান, কাল, পাত্র বিবেচনা করিয়া অতি অভিজ্ঞ ব্যক্তির দ্বারা প্রতি চিত্রের স্থান দান করা কর্তব্য। উল্লিখিত চিত্র প্রদর্শনীটি এই কার্যে সিদ্ধিকাম হইয়াছে, তাহা স্বচক্ষে বলা বাইতে পারে।

স্বর্গীয় গগনেন্দ্র নাথ ঠাকুরের ‘বিসর্জন’ নামক রঙ্গীণ চিত্রটি বিশেষ উপভোগ্য হইয়াছে। ইহা প্রতিমা নিরঙ্গনের একটি সাক্ষ্য-দৃশ্য। সামান্ত বিষয়বস্তুকে বেশ গাভীর্যপূর্ণ করিয়া শিল্পী চিত্রিত করিয়াছেন।

স্বর্গীয় সারদা উকীলের বহু চিত্র প্রদর্শনীতে ছিল। পেনসিলে অঙ্কিত চিত্রগুলিতে মাধুর্য ও রেখার কোমলতা উভয়ই বিদ্যমান। কুকীলার বহু চিত্র এই শিল্পী অঙ্কন করিয়া

ককীরের শুক চিত্রে ভাব, প্রেম ও কল্পনার এত রস সঞ্চালন যিনি করাইতে পারেন তিনি অশেষ শক্তিশালী সন্দেহ



‘অনন্তী সুর’

—শৈলজ মুখার্জি



নাই। তাঁহার 'কর্দমে কমল' প্রদর্শনীতে একটা চাঞ্চল্য সৃষ্টি করিয়াছিল। তাঁহার 'শ্রীঅর-বিন্দ' অপূর্ব হইয়াছে। অস্ত-রের ভাব তিনি বাহ্যিকরূপে—মুখে প্রতিফলিত করিয়া-ছেন। স্বামী অভেদানন্দও অতি সুন্দর হইয়াছে।

শিল্পী পূর্ণ চন্দ্র চক্রবর্তীর "চিন্তাস্রোত" একটা উৎকৃষ্ট জল-রং চিত্র। তী ব্রোঞ্জ ল বর্ণপ্রয়োগ না করিয়াও যে মধুর ও প্রাণ সম্পর্শী চিত্র নিশ্চয় সম্ভব হয়, পূর্ণবাবু



'শ্রীকৃষ্ণের দেহভ্যাগ'


—শর্মা সারদা চন্দ্র

তাঁহার উৎকৃষ্ট দৃষ্টান্ত দেখাইয়াছেন। তাঁহার 'অহরতের বাস'টা বেশ মূল্যবান। 'চৈতন্য'র চিত্রটিতে বেশ একটা দেবভাব রহিয়াছে।

শ্রীযুক্ত নন্দলাল বসুর 'বিষ্ণু' চিত্রখানি আধুনিক হইলেও নির্মাণ চাঞ্চল্যে নৃত্যময় আছে। সুন্দর তুলিকার সাহায্যে সোপানী পশ্চাদ্গতের উপর মূর্তিটা নির্মিত। চিত্রখানি প্রদর্শনীর শোভা বর্ধন করিয়াছিল।

শ্রীযুক্ত অতুল বসুর বহু চিত্র আনন্দ দেখিয়াছি। প্রতিকৃতি চিত্র অঙ্কনে ইনি পূর্বেই খ্যাতি অর্জন করিয়াছেন। কিন্তু প্রদর্শনীতে তাঁহার নৈসর্গিক চিত্রগুলিও সকলের বিশেষ দৃষ্টি আকর্ষণ করিয়াছে। 'সেতুর পাশে নৌকা' চিত্রটি বর্ধাই সুন্দর। 'অজানা স্থান' চিত্রটিতে বর্ণের খেলা বেশ উচ্চাঙ্গের হইয়াছে।

শিল্পী বামিনী গাঙ্গুলীর নাম এ দেশের লোকের নিকট সুপরিচিত। যদিও তিনি প্রাকৃতিক দৃষ্টি বশবী, তথাপি তাঁহার 'গৃহহারা' চিত্রটি দর্শক মাত্রেই অস্তর স্পর্শ করিয়াছে।



'কৈকেয়ীর বর প্রার্থনা'

—রমেশ চন্দ্র

পাঞ্জাবের শিল্পী ঠাকুর সিংএর দান এবার তাঁহার নৈসর্গিক চিত্র অপেক্ষা 'এ্যালিফেণ্টা গুহা'তেই অধিক



'ঘাড়া' —ভাস্কর প্রমথ মল্লিক

আকর্ষক। কাশ্মীরের দৃশ্যগুলিতে ইনি বিশেষ দক্ষতার পরিচয় প্রদান করিয়াছেন।

শ্রীযুক্ত সতীশ সিংহের 'মা ও ছেলে' খড়ি-চিত্রটি সবিশেষ উল্লেখযোগ্য। সামান্ত কয়েকটি রেখাপাতেই অবাধ্য ছেলের স্বরূপটি শিল্পী ফুটাইয়া তুলিয়াছেন।

শ্রীযুক্ত রমেন্দ্র চক্রবর্তীর অঙ্কিত রমোরণের চিত্রাবলী সকলেরই দৃষ্টি আকর্ষণ করিয়াছিল। 'কৈকেয়ীর বরপ্রার্থনা' চিত্রটির ভাবব্যঞ্জনা অতি সুন্দর হইয়াছে।

শ্রীযুক্ত শৈলজ মুখার্জির চিত্রে একটু বৈশিষ্ট্য আছে। 'তীক্ষণী তরুণী'র মুখখানায় তুলিকার বেশ সবলতা দেখা যায়। তাঁহার 'সিকিম তোরণ'ও উল্লেখযোগ্য চিত্র।

শ্রীযুক্তবিমল মজুমদার যে প্রাকৃতিক দৃশ্য অঙ্কনে উচ্চস্থান অধিকার করিয়াছেন, তাহা তাঁহার প্রতি চিত্রেই অল্প বিস্তর প্রমাণ পাওয়া যায়। রাঁচীর 'হুড়ু প্রপাত' এবারকার শ্রেষ্ঠ চিত্র।

কুমার রবীন রায়ের লাক্ষা নিশ্চিত চিত্রগুলি প্রদর্শনীতে অনেকেরই দৃষ্টি আকর্ষণ করিয়াছিল।

বিভিন্ন বর্ণের লাক্ষাকে শিল্পী প্রয়োজন মত ভাব ও কল্পনার মূর্তিতে রূপান্তরিত করিয়া বিশেষ নূতনত্বের ও নৈপুণ্যের পরিচয় দিয়াছেন।

প্রদর্শনীতে আর একটি দর্শনীয় ও উপলব্ধির উপযুক্ত বিষয় ছিল—রাগ-রাগিনীর কল্পিত প্রাচীন মূর্তিগুলি। দুই-শত বৎসর পূর্বের বর্ণপাত বর্তমানেও সমভাবেই উজ্জল দেখা গিয়াছিল।

প্রদর্শনীতে ভাস্কর্যের উৎকর্ষের নিদর্শনও যথেষ্ট ছিল। শ্রীযুক্ত প্রমথ মল্লিকের 'শৌর্য' শ্রেষ্ঠ স্থান পাইবার যোগ্য। তাঁহার 'ঘাড়া' গ্রাম্য মাঝির নিখুঁৎ প্রতিমূর্তি। ভাস্কর কে, সি, রায়ের 'শকুন্তলা' প্রদর্শনীকে সুন্দরতর করিয়াছিল বলা যাইতে পারে। দেহভঙ্গী, লাস্ত্র ও কোমলতা একত্রে মিলিয়া কঠিন উপাদানকেও নম্রতর করিয়াছে। শ্রীযুক্ত চিন্তামণি কর, কামাক্যা দাস, হরীকেশ দাসও প্রকৃতির শিল্পগুলিও বিশেষ উল্লেখযোগ্য।



# প্রহেলিক

নাটক

শ্রীযামিনোমোহন কর

## পরিচয়

গিরিজাপ্রসন্ন ভট্টাচার্য ( ডিটেক্টিভ ইন্সপেক্টর ), কার্তিকচন্দ্র বিশ্বাস ( তাঁর সহকারী ), দামোদর সামন্ত ( হোটেল “ক্যাসিনো”র ম্যানেজার ), সুশীলা ( হোটেলের ঝি ), রতনলাল মণ্ডল ( পুলিশ জমাদার ), নীহার রায়, মালিনী দেবী, গণেশদাস সর্কসেরিয়া ( হোটেলের অধিবাসী ), বংশী, অনাথ ( হোটেলের লিফট-মেন ), বনমালী সাহা, ত্রিদিবেন্দ্র-নারায়ণ নন্দী ( আগন্তুক ), ডাক্তার দে ( পুলিশ ডাক্তার )

## প্রথম অঙ্ক

হোটেল ক্যাসিনো। কুমার জগদীশপ্রসাদ পাইনের ফ্ল্যাট। সকাল সাড়ে সাতটা। ইন্সপেক্টর গিরিজাপ্রসন্ন ভট্টাচার্য টেলিফোন করছেন

গিরিজা। ( ফোনে ) হ্যালো—হ্যাঁ, ম্যানেজার সাহেবকে একবার ডেকে দিতে পারেন ? আচ্ছা, ধন্যবাদ—

ডিটেক্টিভ কার্তিকচন্দ্র বিশ্বাসের প্রবেশ

তারপর কার্তিক, ডেড্ বডি ঠিক ক’রে পাঠিয়ে দিয়েছ তো ?

কার্তিক। আজ্ঞে হ্যাঁ।

গিরিজা। ডাক্তার কি বললেন ?

কার্তিক। বললেন—“রাইগর মর্টিস সেট ইন করেছে, আর এখনও রয়েছে। সাত-আট ঘণ্টা তো বটেই।”

গিরিজা। তা হ’লে রাত্রি বারোটা-একটা নাগাদ ধরা যেতে পারে।

কার্তিক। আজ্ঞে হ্যাঁ। বুলেটটা বার করা হ’লেই আপনাকে ফোনে খবর দেবেন বলেছেন।

গিরিজা। আচ্ছা। ( ফোনে ) হ্যালো—কে ? ম্যানেজার সাহেব ? একবার ওপরে এলে ভাল হয়। দু-চারটে কথা জিজ্ঞেস করবার ছিল। না, না, বেশীক্ষণ লাগবে না !

টেলিকোন রাখলেন

গিরিজা। লোকটার সম্বন্ধে কোন খোঁজ পেলে ?

কার্তিক। আজ্ঞে না। “হুজ হু” “ইয়ারবুক” “প্রমিনেন্ট মেন” কোনটাতেই ওঁর নাম খুঁজে পাওয়া গেল না।

গিরিজা। আশ্চর্য্য !

কার্তিক। হয় ত ওঁর নাম পদবী সবই মিথ্যে।

গিরিজা। হতে পারে। হ্যাঁ, ওঁর মনিব্যাগ, সিগার কেস—

কার্তিক। দেবাজেই সব রেখে দিয়েছি।

গিরিজা। হুঁ। দেখ কেউ যেন হাতটাত না দেয়। আঙ্গুলের ছাপ পাওয়া যেতে পারে। তোমার তো এই প্রথম মার্জার কেস ?

কার্তিক। আজ্ঞে হ্যাঁ !

গিরিজা। খুব মন দিয়ে সব লক্ষ্য করবে। কি ভাবে রু ধরতে হয়, কোন্ লাইনে জেরা করতে হয়—বুঝলে ? বই পড়া বিদ্যা আর সত্যিকারের কেস টাই করা, দুটোতে অনেক প্রভেদ। বুদ্ধি, দৃষ্টি, চিন্তা—সব অতি প্রথমে হওয়া চাই। সব শুদ্ধ খুনের কেস পনেরোটা করেছি, তার মধ্যে বারোটাকেই ধরে দোষী প্রমাণ করেছি। এরকম রেকর্ড সচরাচর থাকে না বললেও অত্যাঙ্গি হবে না।

কার্তিক। আর তিনটের স্মরণ কি হ’ল ?

গিরিজা। সে অনেক কথা।

কার্তিক। আপনার অ্যাভারেজটা নষ্ট করে দিলে।

গিরিজা। কি ?

দরজায় খট, খট, ধ্বনি

আসুন—

দরজা খুলে ম্যানেজার দামোদর সামন্ত দাঁড়িয়ে রইলেন

ভেতরে আসুন—

সেইখান থেকেই চারিধারে ভীতভাবে দেখতে লাগলেন

কার্তিক। ভয়ের কিছু নেই। লাশ তো চালান দেওয়া হয়েছে।

ধীরে ধীরে এগিয়ে এলেন

গিরিজা। বহুন। আর কোন খবর জানতে পারলেন ?

দামোদর। ( বসে ) আজ্ঞে না। খাতায় তো আর কিছু লেখা নেই। মাস দুয়েক থেকে এখানে আছেন। প্রত্যেক মাসের টাকা অগ্রিম দিয়ে দেন, সুতরাং—

গিরিজা। সে তো বটেই। আচ্ছা, কোন লোকজন—  
দামোদর। আমি ঠিক জানি না। হোটেলের স্টাফ,  
ঝি চাকর তারাও কিছু বলতে পারলে না।

গিরিজা। মুস্থিল!

দামোদর। বিলক্ষণ! কিন্তু আমার অবস্থাটা একটু  
ভাবছেন? হোটেলের বদনাম—হয় ত ভয়ে কেউ আর  
আসবেই না। লোকটা নিজের মাথার খুলি নিজে উড়িয়ে  
দিয়ে—

কার্তিক। নিজে নয়—

দামোদর। মানে?

গিরিজা। অল্প কোন ব্যক্তি—

দামোদর। অ্যা! বলেন কি?

গিরিজা। অনেক প্রমাণ পাওয়া গেছে।

দামোদর। অর্থাৎ আমার এই হোটেল “ক্যাসিনো”তে  
কুমারবাহাদুরকে হত্যা করা হয়েছে?

কার্তিক। তাই তো মনে হচ্ছে। ব্যাড্ লাক্।

গিরিজা। আপনার হোটেলের চারতলায় ঝাঁরা আছেন,  
তাঁদের নামের একটা লিস্ট করেছেন?

দামোদর। হ্যাঁ। সন্নেই এনেছি।

গিরিজা বাবুর হাতে একটা স্লিপ দিলেন

গিরিজা। ধন্যবাদ। এঁরা বুঝি এই তলায়ই থাকেন?  
বেশ, বেশ। আচ্ছা, এই দরজাটা দিয়ে কোন্ ঘরে  
যাওয়া যায়?

একটা দরজা দেখালেন

দামোদর। ওদিকে আর একজন থাকেন। আর  
বারে একজন খুব বড় ফ্ল্যাট চাওয়ায় দেওয়ালে এই দরজাটা  
ফুটিয়ে দিয়েছিলুম। এখন ওটা বন্ধ ক’রে দু’টো ফ্ল্যাট  
ক’রে দিয়েছি।

গিরিজা। ওঘরে কে থাকেন?

কার্তিক দরকারী কথা নোট করছেন

দামোদর। নিশিকান্ত মুখোপাধ্যায় বলে এক ভদ্রলোক।

গিরিজা। আপনার লিফ্টে ক’জন লোক কাজ করে?

দামোদর। দু’জন। একজন সকাল সাতটা থেকে  
চারটে, আর একজন চারটে থেকে রাত বারোটা অবধি।  
অবশ্য অনেক বেশী লোক বাইরে থাকলে একটা অবধিও  
থাকে। দিনে থাকে বংশী, আর রাতে অনাথ। কালকে

অনাথ রাত্রে বিশেষ কাজ থাকার দরুণ আমাকে জিজ্ঞেস  
ক’রে বংশীর সঙ্গে ডিউটি বদলাবদলি ক’রে নিয়েছিল—

গিরিজা। এখন লিফ্টে কে আছে?

দামোদর। বংশী।

গিরিজা। আচ্ছা, এই সব ঘরের কাজকর্ম কে করে?

দামোদর। ঘর পরিষ্কার আর বিছানা ঠিক ক’রে  
রাখার ভার স্নানীলার ওপর।

গিরিজা। তার কাছ থেকে হয় ত—

দামোদর। তাকে পাঠিয়ে দেব?

গিরিজা। দিলে ভাল হয়।

দামোদর দরজার কাছে গেলেন

আচ্ছা, আর একটা কথা। আনাদের আসার আগে এঘরে  
কেউ এসেছিল?

দামোদর। প্রথমে স্নানীলা, তারপর আমি।

গিরিজা। মেজের কাটিঞ্জ কেস পড়েছিল?

দামোদর। কিছু দেখেছি বলে তো মনে হচ্ছে না।

গিরিজা। আচ্ছা। আপনাকে অনেক কষ্ট দিলুম।

দামোদর। কষ্ট ত আপনাদের। আমি নীচে অফিসেই  
রইলুম। যখনই কোন দরকার হবে খবর দেবেন। ফোন  
করলেই হবে। তাঁকে যে এত তাড়াতাড়ি এখান থেকে  
সরিয়ে নিয়ে গেছেন এর জন্ত অসংখ্য ধন্যবাদ।

গিরিজা। কিছু না। আমাদের কর্তব্য। আর এখানে  
তো পোস্টমর্টেম হতে পারত না।

দামোদর। পোস্ট—না, না, বটেই তো, বটেই তো—

প্রস্থান

কার্তিক। ভদ্রলোক অত্যন্ত নার্ভাস হয়ে পড়েছেন।

গিরিজা। খুব স্বাভাবিক। ঝিকে নিয়ে বিপদে পড়তে  
না হয়।

কার্তিক। কেন? মাথায় ছিটফিট আছে নাকি?

গিরিজা। ছিট না থাকলেও ফিট থাকতে পারে।

কার্তিক। নীচে থেকে এক বাগতি জল দিয়ে যেতে বলব?

দরজায় খট খট ধ্বনি

গিরিজা। ভেতরে এস।

ঝাঁটা হাতে স্নানীলার প্রবেশ

স্নানীলা। (দূর থেকে) আমাকে ডেকে পাঠিয়েছেন?

কার্তিক। ভেতরে এস না। ভয় পাচ্ছ কেন?

সুশীলা । ভয় পেতে যাব কেন ?

এগিয়ে এল

গিরিজা । তোমার নাম কি ?

সুশীলা । সুশীলা । ম্যানেজারবাবুর কাছে শোনেননি ?

গিরিজা । কোথায় থাক ?

সুশীলা । কখন ?

কার্তিক । কখন মানে ?

সুশীলা । দিনে না রাতে ?

গিরিজা । ( রেগে ) দিনে রাতে আবার কি ?

সুশীলা । ( চোঁচিয়ে ) দিনে থাকি এই হোটেলে, আর  
রেতে থাকি আমার বাসায় ।

গিরিজা । তোমার বাসার কথাই জিজ্ঞেস করা হচ্ছে ?

সুশীলা । কেন ?

কার্তিক । জান, আমরা পুলিশের লোক ।

সুশীলা । পুলিশ তো কি হয়েছে ? তারা কি আমাদের  
পাড়ায় যায় না নাকি ? আমি থাকি কাঁসারীপাড়ায় ।

গিরিজা । তুমি ভয় পেয়েছ বলে ত মনে হচ্ছে না ।

সুশীলা । ভয় পাব কেন ? এ সব আমার গা-সওয়া  
হয়ে গেছে । যেখানেই চাকরি করতে যাই সেখানেই  
একজন না একজন কেউ মরে । হয় ছাত থেকে পড়ে, না  
হয় বাস চাপা পড়ে, কিংবা ঘরে আগুন লেগে অথবা বিষ  
খেয়ে । সেই জন্মেই ত এবার হোটেলে চাকরি নিয়েছি ।  
এক সঙ্গে তো আর সব লোক মরতে পারবে না ।

কার্তিক । ওঃ । অপঘাতে মৃত্যু তা হ'লে অনেক  
দেখেছ ! আমরা কি প্রশ্ন করব—

সুশীলা । সে আমার জানা আছে । এঁর এখানে কে  
আসত, শেষ কখন দেখেছি, গোলমাল শুনেছি কি না—

গিরিজা । থাক, আর বলতে হবে না । এই ঘরে  
তুমিই প্রথম এসেছিলে না ?

সুশীলা । আজ্ঞে হ্যাঁ । ঘর পরিষ্কার করতে ।

গিরিজা । এসে কি দেখলে ?

সুশীলা । সে তো আপনারা জানেনই ।

গিরিজা । ঘরের মেজের কাট্টিজের কেস দেখেছিলে ?

সুশীলা । কাঠের কেস ?

গিরিজা । না—না । ( দেরাজ থেকে একটা রিভলবার  
বার করে ) এটা কার জানো ?

সুশীলা । না । ও আমারও আছে, দু'আনা দিয়ে  
দোলার সময় রং খেলার জন্মে কিনেছিলুম ।

গিরিজা । নাঃ, তুমি এবার যেতে পার ।

সুশীলা । অনেক সময় নষ্ট হয়ে গেল, এতক্ষণ কত  
কাজ এগিয়ে যেত ।

কার্তিক । কুমারবাহাদুর লোক কেমন ছিলেন জান ?

সুশীলা । আজ্ঞে না—আমার সঙ্গে তাঁর বিশেষ  
ভালবাসা ছিল না ।

গিরিজা । ( রেগে ) যাও এখান থেকে ।

সুশীলার গ্রহান

কার্তিক । কি ফাজিল রে বাবা !

গিরিজা । হোটেলের ঝি ওইরকমই হয়ে থাকে ।

কার্তিক । হিস্টরিয়াকি ফিট কিছু তো হ'ল না ।

গিরিজা । হুঁ । ডাকের চিঠিগুলো আন তো, দেখি ।

কার্তিক । আনছি ।

পাশের ঘরে গেলেন

গিরিজা । কেসটা কোথায় গেল ?

চারধারে খুঁজতে লাগলেন । পাশের ঘর থেকে কার্তিক  
চিঠিগুলো নিয়ে ফিরে এলেন

কার্তিক । এই নিন্ । কি দেখছেন ?

গিরিজা । রিভলবার রয়েছে । একটা গুলি ছোঁড়া  
হয়েছে । কিন্তু কেস কই ? ( একটু পরে ) দেখি চিঠিগুলো ।

একটা নিয়ে খুলতে গেলেন

কার্তিক । খুলবেন ?

গিরিজা । বাজে বোকো না । স্রেফ দেখে যাও কি  
ভাবে কাজ করতে হয় । ( একটা চিঠি খুলে ) জমিদার  
ত্রিদিবেন্দ্রনারায়ণের চিঠি । চৌরঙ্গী টেরেস । লিখেছেন—  
“বড়ই দুঃখের সঙ্গে জানাচ্ছি যে ২২শে মে রাত্রিতে  
আটটার সময় আমার বাড়ী আপনার ডিনারের যে নিমন্ত্রণ  
ছিল, তাহা ক্যানসেল করা হইল ।” হুঁ, তবে তো  
ত্রিদিবেন্দ্রবাবুর সঙ্গে কুমারবাহাদুরের আলাপ ছিল বলে  
মনে হচ্ছে ।

কার্তিক । কিন্তু কতখানি—

গিরিজা । তাতে আমাদের বিশেষ প্রয়োজন নেই ।  
ডিরেক্টরী থেকে তাঁর নম্বর দেখে তাঁকে ফোন কর ।

চিঠিটা ভাল করে পরীক্ষা করতে ও নোট বুক লিখতে লাগলেন

কার্তিক । হ্যালো, সাউথ ০৫২৭ । ইয়েস প্লীজ ।

গিরিজা । ( চিঠির খাম দেখে ) ভারী আশ্চর্য্য তো ?

কার্তিক । কেন ? কি হ'ল ?

গিরিজা । চিঠির ওপর লেখা আছে তিন তারিখ, আর খামের ওপর ছাপ রয়েছে সতেরোই অর্থাৎ কালকের ।

কার্তিক । তাই তো । এতদিন চিঠিটা কোথায় ছিল ?

গিরিজা । নিশ্চয়ই তাকে দেওয়া হয় নি । কিন্তু সেটা গাফিলি না ইচ্ছাকৃত ?

কার্তিক । হয় তো চাকরদের দোষ । ( টেলিফোনে ) হ্যালো, ইজ্জট সাউথ ০৫২৭ ? ত্রিদিবেন্দ্রবাবু আছেন ? একবার দয়া ক'রে ডেকে দেবেন ? বলবেন পুলিশের লোক । আচ্ছা, ধরে আছি । ( গিরিজাকে ) ত্রিদিবেন্দ্রবাবুকে ডাকতে গেছে ।

গিরিজা । দেখি আমাকে দাও । ( ফোন নিয়ে ) হ্যাঁ—কে ? ত্রিদিবেন্দ্রবাবু ? নমস্কার ! দেখুন, আপনি কুমার জগদীশপ্রসাদ পাইনকে চেনেন ? তাঁর এক আকস্মিক বিপদ—হ্যাঁ, কি বললেন ? চেনেন না ! নাম পর্য্যন্ত শোনেন নি ? কি আশ্চর্য্য ! কিন্তু—আচ্ছা দেখুন, যদি কিছু মনে না করেন, একবার হোটেল “ক্যাসিনো”তে আসতে পারবেন ? আমি সেইখান থেকেই কথা বলছি । না না, তা সম্ভব নয় । হ্যাঁ, বটেই তো । বুঝতে পারছি কিন্তু এটা অত্যন্ত জরুরী কাজ । বেশী দেরী হবে না । আসা প্রয়োজন । উপায় নেই ! আমার কর্তব্য—মাফ করবেন । হ্যাঁ, এখুনি । যত তাড়াতাড়ি হয় । বেশীক্ষণ লাগবে না । আচ্ছা—ধন্যবাদ ।

রিসিভার রেখে দিলেন

কার্তিক । আসতে চাইছিলেন না ?

গিরিজা । না । বললেন, কুমারবাহাদুরকে চেনেন না । হয় তো খুনের ব্যাপারে জড়িয়ে পড়তে চান না ।

কার্তিক । কিন্তু খুনের কথা তো আপনি বলেন নি ।

গিরিজা । ( ভেবে ) তা বটে । ( একটু পরে ) হ্যাঁ, ততক্ষণ হোটেলের কতকগুলো লোককে জেরা ক'রে দেখা যাক । অবশ্য বিশেষ কিছু সুবিধা হবে ব'লে মনে হয় না ।

কার্তিক । হতেওঁ তো পারে । এদের মধ্যে কারুর সঙ্গে আলাপও তো থাকতে পারে ।

গিরিজা । হঁ । রাত্রে কোন গোলমাল যদি শুনে

পাকে । রতনলালকে নামগুলো দিয়ে এস আর এক এক জন ক'রে পাঠিয়ে দিতে বলে দাও ।

কার্তিক । আচ্ছা সুর ।

কার্তিক চলে গেলেন ও অল্পক্ষণ পরেই ফিরে এলেন । ইত্যবসরে গিরিজা একটা চেয়ার এক জায়গায় সম্ভরণে সরিয়ে রাখলেন

কার্তিক । ওটা কি করছেন ?

গিরিজা । এই জায়গাটায় রক্তের এবং পায়ের দাগ রয়েছে । পাছে নাড়িয়ে ফেলে চেয়ার দিয়ে ঢেকে রাখলুম ।

কার্তিক । ( বুঁকে দেখে ) পায়ের ছাপ স্পষ্ট দেখা যাচ্ছে । হীললেস জুতো ।

গিরিজা । রবার সোল বলেই মনে হচ্ছে ।

কার্তিক । তবে আর কি, একটা ক্লু তো পাওয়া গেল ।

গিরিজা । তোমার মাথা । কলকাতায় লাখ লাখ লোক রবার সোলের জুতো পরে । মনে হয় জমিদার ত্রিদিবেন্দ্রের কাছ থেকে অনেক দরকারী তথ্য পাওয়া যেতে পারে ।

রতনলালের প্রবেশ

রতন । মিস্ নীহারবালা রায়ের সঙ্গে এখন দেখা করবেন ?

গিরিজা । হ্যাঁ । পাঠিয়ে দাও ।

রতনলাল বাইরে গেল । মিস্ রায় ঢুকলেন

গিরিজা । আসুন । কার্তিক, একটা চেয়ার দাও । বসুন ।

কার্তিক একটা চেয়ার গিরিজাবাবুর সামনে এগিয়ে

রাখলেন । মিস্ রায় বসলেন

নীহার । ধন্যবাদ ।

গিরিজা । বড়ই দুঃখিত । আপনাকে কষ্ট দিতে হ'ল । বেশীক্ষণ আটকাব না । আমি ইন্সপেক্টর গিরিজা-প্রসন্ন ভট্টাচার্য্য, আর ইনি হ'লেন আমার সহকারী ।

কার্তিক । নমস্কার !

নীহার । নমস্কার !

গিরিজা । আপনার নাম ?

নীহার । নীহারবালা রায় ।

গিরিজা । আপনি কোথায় থাকেন ?

নীহার । এই হোটেল ।

গিরিজা। মানে, এই হোটেলে তো আপনি সম্প্রতি এসেছেন। তার আগে—

নীহার। দেশ বর্ধমান জেলার চুরপুনী। তবে এখন এইখানে স্থায়ীভাবে থাকব মনে করেছি।

গিরিজা। কলকাতায়—হোটেলে!—

নীহার। হ্যাঁ। একটা মেয়ে কলেজে চাকরি পেয়েছি। একলা থাকার পক্ষে হোটেলই প্রশস্ত। (একটু থেমে) এসব জিজ্ঞেস করবার কারণ জানতে পারি কি?

গিরিজা। আজ এই ঘরে একজনকে মৃত অবস্থায় পাওয়া গেছে। কেউ তাকে হত্যা করেছে বলে সন্দেহ করি।

নীহার। কি ভয়ানক কথা!

গিরিজা। মৃতের নাম কুমার জগদীশপ্রসাদ পাইন। তাঁর সঙ্গে আপনার পরিচয় ছিল কি?

নীহার। না। নামও শুনি নি।

গিরিজা। লম্বা দোহারা চেহারা, বড় বড় গোঁফ, ফরসা রঙ—

নীহার। না, দেখিনি। মাত্র দু দিন এসেছি। চোখ নিয়ে একটু কষ্ট পাচ্ছি বলে ঘর থেকে মোটে বাব হই নি।

গিরিজা। কাল ক'টার সময় শুতে গিছিলেন?

নীহার। রাত দশটা হবে।

গিরিজা। রাত্রে গোলমাল কি অন্য কোন শব্দে আপনার ঘুম ভেঙে গিছিল কি?

নীহার। না। সকালে ঝি চা নিয়ে আসায় ঘুম ভাঙল।

গিরিজা। আচ্ছা, ধন্যবাদ। অনেক কষ্ট দিলুম।

নীহার। না, না, কষ্ট আর কি।

উঠে দরজার কাছে গেলেন

গিরিজা। এখন ঘরেই থাকবেন তো? যদি দরকার হয়—

নীহার। কিন্তু আমার যে দু-চারটে কাজ রয়েছে—

গিরিজা। ঘণ্টা তিনেকের জন্য অন্তত আপনাকে থাকতে অনুরোধ করছি—

নীহার। দরকারী কাজ ছিল—

গিরিজা। এটাও তো খুব দরকারী। যদি কোনো সাহায্য—

নীহার। আমি যা জানি বলেছি। 'এ ছাড়া আর—

গিরিজা। তবুও—সরকারী কাজ, মাফ করবেন।

নীহার। অগত্যা।

মিস্‌ মায়ের প্রস্থান

কার্তিক। বিশেষ এগোলো বলে তো মনে হচ্ছে না।

গিরিজা। না।

কার্তিক। উনি তো কিছুই জানেন না সুর। মিথ্যে ওঁকে আটকে রাখলেন! বেচারীর কাজকর্মের ক্ষতি হ'ল। সমস্ত রাতই উনি ঘুমিয়ে ছিলেন।

গিরিজা। কি ক'রে জানলে? তুমি কি কাছে ছিলে?

কার্তিক। (লজ্জিত হয়ে) আজ্ঞে না। এই প্রথম দেখলুম।

গিরিজা। পুলিশের কাজে কাউকে বিশ্বাস করতে নেই।

রতনলালের প্রবেশ

রতন। মালিনী দেবী এসেছেন।

গিরিজা। পাঠিয়ে দাও।

রতন। (দরজার কাছে গিয়ে) ভেতরে আশ্বন।

মালিনী দেবীর প্রবেশ ও রতনলালের প্রস্থান

কার্তিক। দাঁড়িয়ে রইলেন? বসুন।

চেয়ার এগিয়ে দিলেন

মালিনী। (হেসে) নিশ্চয়ই, বসব বই কি!

চেয়ারে বসলেন

গিরিজা। আমি ইন্সপেক্টর গিরিজাপ্রসন্ন ভট্টাচার্য্য।

মালিনী। আলাপ ক'রে সুখী হলুম।

গিরিজা। আপনি কি করেন?

মালিনী। আমার নাম শোনেন নি!

গিরিজা। হয় তো শুনে থাকব। ঠিক মনে পড়ছে না।

মালিনী। আগে নীরেন বোসের দলে নাচতুম। এখন

ফিল্মে। আমার ছবি "বিজনচারিণী", "যৌবনপাথী"—

কার্তিক। হ্যাঁ, এইবার মনে পড়েছে। আপনি একজন

ফিল্মস্টার।

গিরিজা। স্বামীর সঙ্গে কেস—

মালিনী। সে তো অনেক পুরোনো কথা।

গিরিজা। আপনি বাবু মৃগাঙ্কনাথ দত্তের স্ত্রী না?

মালিনী। ছিলুম। এখন চিত্রতারকা মালিনী দেবী।

গিরিজা। আপনার তখন নাম ছিল—

মালিনী। মাধবী।

কার্তিক । ঠিক হয়েছে । আপনি স্বামীর সঙ্গে ঝগড়া ক'রে স্বামী ও পুত্রকে ছেড়ে দিয়ে আলাদা হয়ে গিছিলেন ।

মালিনী । দেড়শ' টাকা মাইনের জ্যুর্নালিস্টের স্ত্রী থাকলে আজ হোটেল "ক্যাসিনো"তে থাকা আর দু'খানা গাড়ী রাখা সম্ভবপর হ'ত না । আর যখন ফিল্মে নামবই ঠিক করলুম তখন একটা ছেলে নিয়ে লটবহর বাড়ানো প্রয়োজন মনে করলুম না ।

গিরিজা । আপনাকে দু-চারটে কথা জিজ্ঞেস করব ।

মালিনী । বেশ তো । কোন কাগজে বেরোবে ?

গিরিজা । তার মানে ?

মালিনী । খবরের কাগজে ছাপবেন তো ?

গিরিজা । না । এই ঘরে কুমার জগদীশপ্রসাদ পাইন থাকতেন । কেউ তাকে হত্যা করেছে । মৃতদেহ ঘরে পাওয়া গেছে ।

মালিনী । শুনেছি । সুশীলা বলেছে । ( চারিধারে চেয়ে ) ঘরটা বেশ সাজানো । ভদ্রলোক বেশ পয়সাওয়ালা ।

গিরিজা । কাল আপনি তাঁকে দেখেছিলেন ?

মালিনী । না । কাল সকাল ছ'টায় বেরিয়েছিলুম আর ফিরলুম রাত বারোটায় । শুটিং ছিল । "আজকালকার মেয়ে"তে আমি নায়িকার ভূমিকায় নামছি ।

গিরিজা । আপনাদের শুটিং শেষ হ'ল ক'টার সময় ?

মালিনী । দশটায় ।

গিরিজা । তারপর কি করলেন ?

মালিনী । সোজা বাড়ী চলে এলুম ।

গিরিজা । তাতে দু'ঘণ্টা লাগল ?

মালিনী । কখন ফিল্মে প্লে করেছেন ?

গিরিজা । না ।

মালিনী । তবে বুঝবেন না । শুটিং শেষ হলে রেস্ট নিয়ে, মুখ হাত ধুয়ে, কিছু খেয়ে ব্যারাকপুর থেকে এখানে আসতে দশ মিনিটের বেশী সময় লাগে ।

গিরিজা । বারোটা বেজেছে কি করে জানলেন ?

মালিনী । ঘড়ি কেনবার পয়সা আমার আছে ।

গিরিজা । একলা ফিরলেন ?

মালিনী । এসব কথার উত্তর দিতে আমি বাধ্য নই ।

উঠে দাঁড়ালেন

গিরিজা । কথার উত্তর দিন । একলা ফিরলেন ?

মালিনী । ( বসে ) হ্যাঁ । কেন ?

গিরিজা । লিফ্টে চড়ে ওপরে উঠেছিলেন ?

মালিনী । নিশ্চয় । সমস্ত দিন খেটেখুটে রাতবারোটায় সময় হেঁটে সিঁড়ি দিয়ে চারতলায় ওঠবার সখ হয়নি ।

গিরিজা । লিফ্টম্যান আপনাকে ওপরে নিয়ে এল ?

মালিনী । কেন আসবে না ? আমি কি অমনি থাকি ?

গিরিজা । ঘরে গিয়ে কি করলেন ?

মালিনী । হাসলুম, কাসলুম, একবার ডানদিকে চাইলুম, তারপর বাঁ দিকে চাইলুম—

কার্তিক । না, না, তা নয় । উনি জিজ্ঞেস করছেন ঘরে গিয়ে কি আপনি কিছুক্ষণ জেগে গল্পের বই পড়লেন, না তখন ঘুমিয়ে পড়লেন, অথবা জেগে শুয়ে রইলেন—

মালিনী । ( হেসে ) সোজা গিয়ে ঘুমিয়ে পড়লুম । বড্ড ক্লান্ত হয়ে গিছিলুম কি-না ।

গিরিজা । শুয়েই ঘুমিয়ে পড়লেন ?

মালিনী । না । তিন মিনিট সাড়ে ছাপ্লান্ন সেকেন্ড জেগেছিলুম ।

গিরিজা । রাত্রে আপনার ঘুম ভেঙেছিল কি ?

মালিনী । না ।

গিরিজা । কোন শব্দ শুনেছিলেন ? ধরুন গুলির শব্দ ?

মালিনী । কি বলছেন কিছুই বুঝতে পারছি না । ঘুমিয়ে ঘুমিয়ে গুলির শব্দ—স্বপ্নে বলছেন কি ?

গিরিজা । আপনার ঘুমোবার আগে, এই ঘরে কোন রকম গোলমাল, কি ঝগড়া—

মালিনী । না, কিছু শুনি নি ।

গিরিজা । ধন্যবাদ । এবার যেতে পারেন ।

মালিনী উঠে দাঁড়ালেন

কার্তিক । এখন কিছুক্ষণ ঘরেই থাকবেন । কোথাও বার হবেন না ।

মালিনী । ( উৎসাহিত হয়ে ) কেন, আপনি আসবেন ?

কার্তিক । ( লজ্জিত হয়ে ) না, না, তা বলছি না—

মালিনী । ( হেসে ) আচ্ছা থাকব । আপনাদের এই ব্যাপার তো কাগজে বেরোবে । তাতে আমাকে একটু পাবলিসিটি দিয়ে দেবেন । আপনাদের আমার লেটেষ্ট একখানা ছবি দেব । সেইটাও সঙ্গে দিলে চমৎকার হবে ।

কার্তিক । গ্র্যাণ্ড হবে । ছবিতে নাম লিখে দেবেন ।



মালিনী। নিশ্চয়ই। আচ্ছা তবে যাই।  
 মালিনীর প্রস্থান  
 কার্তিক। বেশ নেয়েটি—  
 গিরিজা। মেয়ে দেখতে গেলে আর এসব কাজ এগোবে না। ভয়ানক মিথ্যাবাদী।  
 কার্তিক। কি বলেন স্মর ?  
 গিরিজা। কখন এসেছিল, একলা না সঙ্গে কেউ ছিল, কত রাত অবধি সঙ্গী এখানে ছিল—  
 কার্তিক। সে তো লিফ্টম্যানকে জিজ্ঞেস করলেই খোঁজ পাওয়া যাবে।  
 গিরিজা। হুঁ। তাকে ডেকে পাঠাতে হবে।  
 রতনলালের প্রবেশ  
 রতন। গণেশদাস সকসেরিয়াকে পাঠিয়ে দেব ?  
 গিরিজা। হ্যাঁ, দাও।  
 রতনলালের প্রস্থান ও গণেশদাসের প্রবেশ  
 গণেশ। রাম রাম বাবু। সোব ভালো আছেন ?  
 গিরিজা। নমস্কার।  
 কার্তিক। বসুন।  
 চেয়ার এগিয়ে দিলেন। গণেশদাস বসলেন  
 গণেশ। কেঁও বাবু, কিছু চোরী হয়েছে ?  
 গিরিজা। তার চেয়ে বেশী। খুন হয়েছে বলে মনে হচ্ছে।  
 গণেশ। খুন! হত্ভিয়া!! কুমারবাহাদুর—  
 গিরিজা। হ্যাঁ।  
 গণেশ। তিনি কাকে হত্ভিয়া করেছেন ?  
 গিরিজা। তিনি করেন নি। তাঁকে কেউ হত্যা করেছে।  
 গণেশ। রাম রাম। এটা তো বোড়ো অন্ডায় আছে।  
 গিরিজা। আপনাকে দু-একটা কথা জিজ্ঞেস করব।  
 গণেশ। বোলেন।  
 গিরিজা। আপনার নাম ?  
 গণেশ। গণেশদাস সকসেরিয়া, ( একটু থেমে ) লিঃ।  
 কার্তিক। লিমিটেড !  
 গণেশ। হ্যাঁ। হামি তো একঠো কম্পানী আছে।  
 গিরিজা। কুমারবাহাদুরকে চিনতেন ?  
 গণেশ। কেনো চিনবে না। হামরা দু'জনেতে একই তলায় থাকে। হামারও গুরই মতন বড়া ফ্ল্যাট। বেশ ভালো আদমী ছিলেন। কে তাঁকে মেরেছে জানেন ?

গিরিজা। সেইটাই তো আমরা বার করবার চেষ্টা করছি। আচ্ছা, আপনার সঙ্গে কি রকম আলাপ ছিল ?  
 গণেশ। দেখা হোনেসে “রাম রাম”, “নমস্কার” এই সব বোলেছে।  
 গিরিজা। কুমারবাহাদুর কিছু বলতেন না ?  
 গণেশ। না। তিনি বড়া আদমী ছিলেন। আচ্ছা বাবুজী, হামি এবার চোলে।  
 উঠে দাঁড়ালেন  
 গিরিজা। এক মিনিট। আর দু-একটা কথা আছে।  
 গণেশ। একটু জলদি কোরেন।  
 গিরিজা। কুমারবাহাদুরের কোন বন্ধুবান্ধব ছিল ?  
 গণেশ। আমি জানে না।  
 গিরিজা। কাল তাঁকে দেখেছিলেন ?  
 গণেশ। না।  
 গিরিজা। কাল রাত্রে ?  
 গণেশ। না। এবার হামি একটু যাবে। আমার খুব জরুরী কাজ আছে। নিজের ঘরে থাকবে। দরকার হোলে ডেকে পাঠাবেন।  
 গিরিজা। কেন ? এত তাড়া কিসের ?  
 গণেশ। বোলনেসে আপনি বুঝতে পারবেন। হামি শেষারের দালালি করে। একজনকে কুছু শেষার বিকুরী কোরবে। হামার ঘরে সে বসে আছে। আগের দফায় এই লোক যখন আসিয়াছিলে, তখন সত্যবাবু হামাকে ঠসিয়ে হামার নাম লিয়ে এর সঙ্গে কাজ করেছিলে। পরে এই লোক হামার কাছে বলেছিলে। দেরী হোলে সে আবার চলিয়া গেলে হামার লুকসান হোবে।  
 গিরিজা। না, দেরী হবে না। রাত্রে কখন ফিরেছিলেন ?  
 গণেশ। সাড়ে এগারা হোবে।  
 গিরিজা। সিঁড়ি দিয়ে উঠেছিলেন না লিফ্টে।  
 গণেশ। সিঁড়ি দিয়ে। লিফ্ট উপরে ছিলো। ঘণ্টি বাজিয়েছিলে, লেকিন লিফ্ট নামলে না। খারাব হয়েছিলো।  
 গিরিজা। কোন্ তলায় লিফ্টটা আটকে ছিল ?  
 গণেশ। হামি উপরে এসে দেখলে হামাদের তলে লিফ্ট খড়া আছে, লেকিন তাতে কোনো আদমী আছে না।  
 গিরিজা। ওঃ। তারপর আপনি গুতে গেলেন ?  
 গণেশ। হ্যাঁ।

গিরিজা। কোন গোলমাল কি গুলির আওয়াজ শুনেছিলেন ?

গণেশ। না।

কার্তিক। এমন কিছু আপনি জানেন কি, যাতে আমাদের কোন সাহায্য হতে পারে ?

গণেশ। যদি কিছু টাকা কোরতে চান তো এই সময় জুট কিনতে পারেন। আয়রণও খারাব হোবে না—

গিরিজা। আপনাকে অনেক কষ্ট দিলুম। যান, আপনার কাজ সেরে ফেলুন।

গণেশ। কিছু না। সীতারাম সোব ঠিক কোরে দেবে।

কার্তিক। ঘণ্টা দু'য়েক কোথাও বেরোবেন না। হঠাৎ কোনো দরকার হোতে পারে।

গণেশ। আমি নিজের ঘরে থাকবে। আচ্ছা, রাম রাম।

প্রস্থান

গিরিজা। যাক, কিছু সন্ধান মিলল। রাত্রি সাড়ে এগারোটার সময় বংশী লিফ্ট ছেড়ে এই তলায় কি করছিল ?

কার্তিক। প্রায় কুমারবাহাদুরের মৃত্যুর সময়।

গিরিজা। বংশীকে একবার ডেকে পাঠাতে হবে।

রতনলালের প্রবেশ

রতন। নিশিকান্তবাবুর কোনো খবর পাচ্ছি না।

গিরিজা। ম্যানেজারকে বলে দিলুম সকলকে ঘরে থাকতে বলতে। দেখি, মাঝের দরজাটা ধাক্কা দিয়ে।

দরজার কাছে গেলেন। কার্তিকও সঙ্গে গেলেন

গিরিজা। এ কি! দরজার ছিটকিনি খোলা!

কার্তিক। ( ধাক্কা দিয়ে ) কিন্তু ওখার দিয়ে বন্ধ।

গিরিজা। এ দিকটাও তো বন্ধ থাকা উচিত ছিল। নাঃ, কিছু বুঝতে পারছি না। রতন, লিফ্টম্যান বংশীকে আর ম্যানেজার দামোদরবাবুকে পাঠিয়ে দাও।

রতন। আজ্ঞে দিচ্ছি।

রতনের প্রস্থান

কার্তিক। “হোটেল ক্যাসিনো” লেখা কাঁধের ব্যাগটা কোন চাকরের পোষাক থেকে খুলে পড়েছে বলেই মনে হয়।

টেবিল থেকে ব্যাগটা তুলে নিয়ে পরীক্ষা করতে লাগলেন

গিরিজা। হয় তো কোনো রকম বুটোপুটি হয়েছিল, সেই সময় ছিঁড়ে পড়েছে। কেউ লক্ষ্য করে নি।

কার্তিক। বংশীর আঙ্গুলের ছাপ নেওয়া দরকার।  
গিরিজা। হঁ।

একটা অ্যাশটে রুমাল দিয়ে ভালো কোরে মুছে  
দূরে টেবিলে রেখে দিলেন

এইতেই কাজ চলে যাবে।

কার্তিক। দেবাজে যে নোটগুলো আছে তাতে রক্তমাখা আঙ্গুলের ছাপ আছে। ট্রের ছাপের সঙ্গে মিলে গেলে—

রতনলালের প্রবেশ

রতন। বংশী এসেছে শ্রু র।

গিরিজা। পাঠিয়ে দাও।

রতনলালের প্রস্থান। ঘরে ঢুকে বংশী দরজার কাছে দাঁড়িয়ে রইল

বংশী। ( সেইখান থেকে ) আমাকে ডেকেছেন হুজুর ?  
কার্তিক। হঁ, এগিয়ে এস।

বংশী এগিয়ে এল

গিরিজা। আমরা পুলিশের লোক, জানো বোধ হয় ?

বংশী। হ্যাঁ হুজুর।

গিরিজা। কুমারবাহাদুর মারা গেছেন, শুনেছ ?

বংশী। আজ্ঞে হ্যাঁ।

গিরিজা। কেউ তাঁকে খুন করেছে মনে হচ্ছে। তুমি নিশ্চয়ই তাঁকে রোজ দেখতে, তার সঙ্গে কথা বলতে—

বংশী। দেখেছি বটে কিন্তু কথা প্রায় বলিনি বললেও চলে। খুব গম্ভীর ছিলেন। অনাথকে একটু ভালবাসতেন।

কার্তিক। অনাথ কে ? যে লিফ্টম্যান রাতে থাকে ?

বংশী। আজ্ঞে হ্যাঁ।

গিরিজা। তাকে স্নেহ করতেন কি ক'রে জানলে ?

বংশী। আপনি অনাথকেই জিজ্ঞেস করবেন। সে রোজ রাতে কুমারবাহাদুরকে বিছানায় শুইয়ে দিত।

কার্তিক। কেন ?

বংশী চুপ ক'রে রইল

গিরিজা। অত্যন্ত মদ খেতেন কি ?

বংশী। আজ্ঞে হ্যাঁ। মাতাল হয়ে ঘরময় ঘুরে বেড়াতেন। জোর করে না শুইয়ে দিলে শুতেন না।

অনাথ একদিন তাই দেখতে পেয়ে তাকে ব্যবস্থা ক'রে শুইয়ে দিয়েছিল। তারপর থেকেই রোজই—

গিরিজা। কাল রাতে অনাথের জায়গায় তুমি ছিলে।  
তুমিও কি গিয়ে তাঁকে শুইয়ে দিয়েছিলে ?

বংশী। আজ্ঞে না। আর কাউকে উনি বিশ্বাস  
করতেন না। কারুর সঙ্গে দেখা পর্যন্ত করতে চাইতেন না।

গিরিজা। কাল কত রাতে উনি বাড়ী ফিরেছিলেন ?

বংশী। রাত সাড়ে ন'টা হবে।

গিরিজা। তারপর আর বেরিয়েছিলেন ?

বংশী। ( একটু ভেবে ) আজ্ঞে না।

কার্তিক। ( একটা সিগারেট ধরিয়ে ) বংশী !

বংশী। আজ্ঞে।

কার্তিক। ঐ অ্যাশট্রেটা দাও তো।

বংশী। ( অ্যাশট্রে এনে ) এইখানে রাখব ?

কার্তিক। হ্যাঁ, রাখ।

সামনের টেবিলে রাখল

গিরিজা। কাল রাতে লিফ্ট ছেড়ে কোথা গিছিলে ?

বংশী। আজ্ঞে না।

গিরিজা। ঠিক ক'রে মনে ক'রে দেখ। ধর, এই  
চারতলায় কোন সময়—

বংশী। না হুজুর।

গিরিজা। মালিনী দেবী ক'টার সময় এসেছিলেন ?

বংশী। মনে পড়ছে না। বারোটোর কাছাকাছি হবে।

গিরিজা। আর মিস্‌ রায় ?

বংশী। তিনি সন্ধ্যার সময়ই ফিরে এসেছিলেন।

গিরিজা। গণেশবাবু ক'টায় এসেছিলেন ?

বংশী। দশটার সময়।

গিরিজা। এঁরা সকলেই একা এসেছিলেন ?

বংশী। হ্যাঁ হুজুর।

গিরিজা। আচ্ছা দেখ, নিশিবাবু কেমন লোক ?

বংশী। আজ্ঞে, আমি তাঁকে কোনদিন দেখি নি।

গিরিজা। সে কি রকম ? এখানে থাকেন—

বংশী। হয়ত' লিফ্ট খোলবার আগেই চলে যান,  
রাতে ফেরেন। তাই আমার সঙ্গে দেখা হয় না।

গিরিজা। এই তলায় কাল কেউ নতুন এসেছে ?

বংশী। আজ্ঞে না।

গিরিজা। কাল রাতে কোন রকম গোলমাল কি  
গুলির আওয়াজ কিছু শুনেছিলে ?

বংশী। না হুজুর।

গিরিজা। কুমার বাহাদুরের সঙ্গে কেউ কখনও দেখা  
করতে এসেছিল ?

বংশী। না। ( একটু ভেবে ) একটা কথা—

গিরিজা। কি ? বল।

বংশী। একজন লোক একদিন গুর খোঁজ করতে  
আসে। তিনি তখন বাইরে। আসতেই তাঁকে জানাই।  
তাতে বলেছিলেন কখনও যেন লোকটাকে আসতে দেওয়া  
না হয়। অনাথকেও বলেছিলেন।

গিরিজা। তাই নাকি ! ভদ্রলোকের নাম কি ?

বংশী। আজ্ঞে নামটা পেটে আছে, মুখে আসছে না।

গিরিজা। এটা কতদিন আগেকার ঘটনা ?

বংশী। প্রায় মাসখানেক হবে। তারপর সেই ভদ্রলোক  
'আট-দশবার কুমার বাহাদুরের খোঁজে এসেছিলেন।

গিরিজা। অনাথও তাঁকে দেখেছে ?

বংশী। না হুজুর। তিনি বিকেলের আগে আসতেন।  
কখনও পরে আসেন নি।

গিরিজা। অনাথের হয়ত' নামটা মনে থাকতে পারে ?

বংশী। তা পারে।

গিরিজা। অনাথ এসেছে ?

বংশী। আজ্ঞে না। অতদিন এতক্ষণ এসে পড়ে।  
এবার যাব হুজুর ? লিফ্টে আমিই এখন আছি।

গিরিজা। আচ্ছা যাও।

কার্তিক। এক মিনিট। তোমাদের এই পোষাকগুলো  
তো বেশ। সকলকে দেওয়া হয় বুঝি ?

বংশী। আজ্ঞে না। শুধু লিফ্ট ম্যানদের।

কার্তিক। ক'টা ক'রে দেওয়া হয় ?

বংশী। আমার একটা, আর অনাথের একটা।  
অনাথের আগে যে লিফ্টম্যান ছিল তার পোষাকটা নীচের  
ঘরে পড়ে আছে। সেটা আমাদের কারুর গায়ে হয় না।

কার্তিক। ওঃ। আচ্ছা যাও। কিন্তু হোটেলের  
বাইরে যেও না, দরকার হতে পারে।

বংশী। আচ্ছা হুজুর।

বংশীর প্রস্থান

কার্তিক। বংশীর পোষাকের কাঁধটা তৌ ছেঁড়া ছিল না।

গিরিজা। না। তবে বদলে নেবার সময় পেয়েছে।

কার্তিক । জামা তো ওদের মোটে একটা ক'রে ।

গিরিজা । তা বটে ।

কার্তিক । গণেশবাবুকে লিফ্টে ক'রে আনবার কথাটা নিয়ে একটু গোল হচ্ছে ।

গিরিজা । হঁ । একজন কেউ মিথ্যে কথা বলছে । আঙ্গুলের ছাপ কি রকম উঠেছে ?

কার্তিক । ( অ্যাশট্রে ভালভাবে দেখে ) পরিষ্কার ।

গিরিজা । বেশ । রতনলাল !

রতনলালের প্রবেশ

রতন । কি বলছেন স্ত্র ?

গিরিজা । এই নোটগুলো নাও—রুমালে ক'রে নাও, হাত দিও না, আর এই অ্যাশট্রেটাও নাও ।

কার্তিক । দু'টোতেই আঙ্গুলের ছাপ আছে । আপিসে মিলিয়ে দেখে ফলাফল আমাদের ফোনে জানাবে ।

গিরিজা । রুমালে বেঁধে খুব সাবধানে নিয়ে যাবে । যেন ছাপ মুছে না যায় ।

রতন । না স্ত্র ।

সব রুমালে বেঁধে নিল

গিরিজা । হোটেলের কেউ কুমারবাহাদুরকে চিনত বললে ?

রতন । না স্ত্র । সকলেরই এক কথা । মুখচেনা আছে মাত্র । তিনি কারো সঙ্গে মিশতেন না ।

গিরিজা । হঁ । দামোদরবাবুকে আসতে বলেছ ?

রতন । হ্যাঁ । একটা কাজ সেরেই আসছেন বললেন ।

গিরিজা । আচ্ছা যাও । হ্যাঁ শোন, তুমি নিজে না গিয়ে আর কাউকে দিয়ে পাঠিয়ে দাও ।

রতন । আচ্ছা স্ত্র ।

রুমালে বাঁধা জিনিষ নিয়ে রতনলালের প্রস্থান

কার্তিক । আঙ্গুলের ছাপ এক হ'লে কাজ অনেকটা এগোতে পারে ।

গিরিজা । আর যদি না মেলে তা হ'লে বংশীকে বাদ দেওয়া চলবে ।

কার্তিক । বংশী যে লোকের কথা বললে—যাকে কুমার-বাহাদুর খুব ভয় করতেন—

গিরিজা । এখনও কিছু বলা শক্ত । বংশী যদি দোষী হয় তো সে তাঁওতা দেবার চেষ্টা করবে বই কি ।

দরজায় খট খট ধ্বনি

কার্তিক । কে ? ভেতরে আসুন ।

দামোদরবাবুর প্রবেশ

দামোদর । কিছু মনে করবেন না । একটা কাজে আটকে পড়ে দেরী হয়ে গেল ।

গিরিজা । না, না, ঠিক আছে । বসুন ।

দামোদরবাবু বসলেন

পাশের ঘরের নিশিকান্তবাবুর সম্বন্ধে কি জানেন বলুন তো ।

দামোদর । বিশেষ কিছু জানিনে । তিনি অদ্ভুত লোক । অবশ্য খারাপ ভাবে একথা বলছি না—

গিরিজা । একটু পরিষ্কার ক'রে বলুন ।

দামোদর । তিনি চিঠি লিখে ঘর ভাড়া করেন, সঙ্গে এক সপ্তাহের ভাড়াও পাঠিয়ে দেন । চিঠিটা “নেডেলস” হোটেল থেকে এসেছিল । যিনি ওরকম হোটেলের থাকেন, তাঁর সম্বন্ধে সন্দেহের কারণ থাকতে পারে না ।

কার্তিক । শুধু এক সপ্তাহের ভাড়া ?

দামোদর । হ্যাঁ । তিনি লিখেছিলেন যে একটা ফ্ল্যাট চাই, কিন্তু তিনি যে আসবেনই তার কোন ঠিক নেই । অবশ্য ব্যাপারটা আমার কাছেও কেমন কেমন লেগেছিল, তবে যখন অগ্রিম টাকা দিচ্ছেন—

গিরিজা । সে তো বটেই ।

দামোদর । কখন আসেন কখন যান টেরই পাই না ।

কার্তিক । কেউ এলে আপনারা খোঁজ রাখেন না ?

দামোদর । কতলোক আসছে যাচ্ছে, আমি আপিসে বসে কি তার খোঁজ রাখতে পারি । প্রথমে ভেবেছিলুম এক সপ্তাহ পরে ফ্ল্যাট ছেড়ে দেবেন, কারণ তাঁর আসবার কোন চিহ্নই দেখলুম না । কিন্তু গত সোমবারে একজন চাকর এসে আমায় একটা সীল করা খাম দিল । খুলে দেখি নিশিকান্তবাবু আর এক সপ্তাহের ভাড়া পাঠিয়ে দিয়েছেন, আর ফ্ল্যাটের চাবিটা চেয়েছেন । চাকরটা চাবি নিয়ে চলে যাবার পর হঠাৎ মনে হল কিছু জিজ্ঞেস করলে হ'ত । তখন সে চলে গেছে । আর করকরে টাকা হাতে এলে—

কার্তিক । কে আর ছাড়তে চায় ?

দামোদর । ( হেসে ) আজ্ঞে হ্যাঁ ।

গিরিজা । আপনি কখনও তাঁকে দেখেন নি ?

দামোদর। না, বোধ হয় কেউই দেখে নি। ( একটু ভেবে ) হ্যাঁ, ঠিক হয়েছে। অনাথ একদিন দেখেছিল। রাত্রি সাড়ে আটটা হবে। আমি তখন একটা কাজে বাইরে গিচ্ছলুম। অনাথ লিফ্ট থেকে উকি মেরে দেখলে নিশিকান্ত-বাবুর ঘর থেকে কে একজন বেরিয়ে এসে লিফ্টে উঠলেন। জিজ্ঞেস করতে তিনি বললেন—‘আমার নাম নিশিকান্ত মুখোপাধ্যায়। কাল আসব বলে ঘরটা একবার দেখতে এসেছিলুম।’ তার পর লিফ্ট নীচে নামতেই চলে গেলেন।

কার্তিক। আপনাকে এসব কথা কে বললে ?

দামোদর। আমি ফিরে আসতে অনাথ বলেছিল।

গিরিজা। আচ্ছা, ওঘরটা একবার খুলতে পারেন ? দরজার এধারটা খোলা রয়েছে—

দামোদর। ( দরজার কাছে গিয়ে দেখে ) কিন্তু তা তো থাকবার কথা নয়। দু দিক থেকেই বন্ধ থাকা উচিত। ( ধাক্কা দিয়ে ) ও দিকটা বন্ধ রয়েছে। আমি গিয়ে খুলে দিচ্ছি। আমার কাছে সব ঘরের ডুপ্লিকেট চাবি আছে। মালিকের অনুপস্থিতিতে সেই চাবি দিয়ে দরজা খুলে বি-চাকররা ঘর পরিষ্কার করে।

প্রস্থান

কার্তিক। কিছুই তো কুলকিনারা পাওয়া যাচ্ছে না।

গিরিজা। না। এই নিশিকান্তবাবুকে নিয়ে আবার এক ফ্যাসাদ। লোকটার অমন লুকোচুরির দরকার কি ?

কার্তিক। আর আসব বলে এলেনই না বা কেন ?

গিরিজা। তার ওপর আবার কেউ তাঁকে চেনে না।

কার্তিক। এক অনাথ ছাড়া।

গিরিজা। সেও একবার মাত্র দেখেছে। টুকে নিচ্ছ তো ?

কার্তিক। ( নোটবুক দেখিয়ে ) হ্যাঁ। প্রত্যেক কথাটি নোট ক’রে নিচ্ছি। শর্ট হ্যাণ্ডে।

গিরিজা। দামোদরবাবু ও ঘরে ঢুকেছেন। দরজা খোলবার চেষ্টা করছেন, শুনতে পাচ্ছ ?

কার্তিক। হ্যাঁ। এ ঘরে নড়া চড়া করলে আর এক ঘর থেকে শোনা যায়। সুতরাং কুমারবাহাদুরের গতিবিধি লক্ষ্য করবার জন্য ওঘরে ওৎপেতে থাকা আশ্চর্য্য নয়।

গিরিজা। ধীরে। বড্ড তাড়াতাড়ি এগোচ্ছে।

মাঝের দরজা খুলে দামোদর ঢুকলেন

দামোদর। এ ঘরের এখনও কাজ হয় নি—

গিরিজা। ( দরজার কাছে গিয়ে ) সাবধান ! নড়বেন না। পায়ের দাগ দেখছি। কার্তিক দেখ, এ ঘরের পায়ের দাগের সঙ্গে ওঘরের পায়ের দাগ হুবহু মিলে যাচ্ছে।

কার্তিক। ( দেখে ) একই রবার সোলের জুতো—

গিরিজা। একেবারে এক। কোনও ভুল নেই।

হঠাৎ ওঘরে গিয়ে কার্তিক দরজার পাশ থেকে

কি একটা ভুলে নিয়ে এলেন

কার্তিক। এ যে কার্টিজ কেস দেখছি।

গিরিজা। ( দেখে ) তাই তো। ( রিভলভারটা টেবিলের ওপর থেকে নিয়ে ফিট ক’রে ) ঠিক ফিট করেছে। আমি এইটাই ভেবেছিলুম, তবে ওঘরে আশা করি নি।

দামোদর। ( অবাক হয়ে ) কিন্তু এসবের অর্থ কি ?

গিরিজা। অর্থ এই যে, নিশিকান্তবাবু আর ফিরবেন না।

দামোদর। কেন ? তিনিই কি কুমারবাহাদুরকে—

গিরিজা। বলা যাচ্ছে না, তবে তাঁর বিরুদ্ধে প্রমাণ—

দামোদর। এ তো ভারী মুস্কিল। হোটেলটা দেখছি এরাই পাঁচজনে মিলে উঠিয়ে দেবে।

প্রস্থান

গিরিজা। এইবার ঠিক হয়েছে।

কার্তিক। কি ?

গিরিজা। নিশিবাবু আর কুমারবাহাদুর ষাঁকে ভয় করতেন উভয়ে এক লোক। বংশী তাঁকে দেখেছে। তাই নাম ভাঁড়িয়ে ঘর ভাড়া করলেন। আর রাতে ছাড়া আসতেন না, কারণ বংশী রাতে থাকে না।

কার্তিক। তা হ’লে নিশিকান্ত তাঁর নাম নয় ?

গিরিজা। না।

কার্তিক। ও ঘরে কার্টিজ কেসটা গেল কেমন ক’রে ?

গিরিজা। আমার মনে হয়, এই মাঝের দরজাটা খুলে এইখানে দাঁড়িয়ে কুমারবাহাদুরকে গুলি করা হয়েছিল।

কার্তিক। গুলি ক’রে কার্টিজ কেসটা বার না করলে কি সেটা আপনি বেরিয়ে পড়ে ?

গিরিজা। সাধারণত বেরোয় না, তবে হঠাৎ হাতের চাপ লেগে বেরিয়ে গেলেও যেতে পারে।

কার্তিক। যে রিভলভারটা ফেলে গেছে, সে গুলি কববার পর নিজে ইচ্ছে ক’রেই খালি কেসটা বার করে নি।

গিরিজা। মনে তো হয় না। রিভলভারে নম্বর লেখা আছে। থানায় পাঠিয়ে দিই। লাইসেন্স বুক থেকে মালিকের নাম-ধাম সংগ্রহ হয়ে যাবে।

একটা কাগজ হাতে রতনের প্রবেশ

কার্তিক। কি খবর? হাতে রক্তমাখা ওটা কি?

রতন। আমি বাইরে যে বেঞ্চটায় বসে আছি, সেটার তলায় এটা পড়েছিল। একটু আগে হঠাৎ নজরে পড়ল।

গিরিজা। প্রথম থেকেই ছিল কি?

রতন। বলতে পারি না স্মর। লক্ষ্য করিনি।

গিরিজা। কাগজটা দেখি। (হাতে নিয়ে) এ যে কি লেখা রয়েছে! আচ্ছা, তুমি যাও।

রতনের প্রস্থান

কার্তিক। তাই ত। যেন নভেল মনে হচ্ছে।

গিরিজা। পড় ত' শুনি।

কার্তিক। (পাঠ) “মুঘলধারে বৃষ্টি আর ঝড়। যেন প্রলয় উপস্থিত। আকাশ গুমরে গুমরে কাঁদছে আর দীর্ঘনিশ্বাস ফেলছে। বাসন্তীর মনের অবস্থাও তদ্রূপ। সে ভাবছে—” এ কি!

গিরিজা। কি হ'ল?

কার্তিক। এই দেখুন। লেখা বন্ধ ক'রে একটু ফাঁক দিয়ে আবার কি একটা—

গিরিজা। (কাছে গিয়ে দেখে) তাই তো!

কার্তিক। “বনমালী সাহা রিভলভার হাতে পিছন থেকে ঘরে ঢুকেছে। সামনে আরশিতে দেখতে পাচ্ছি। যদি আমার কিছু হয়, তবে—” এইখানে লেখা থেমে গেছে।

গিরিজা। ভারী আশ্চর্য্য ব্যাপার তো। কাগজটার ওপর কালকের তারিখ রয়েছে। সামনে আরশিও রয়েছে।

কার্তিক। তবে এ ঘটনা সত্যি। কালই ঘটেছিল, আর আততায়ীর নাম বনমালী সাহা।

গিরিজা। ঠিক হয়েছে। (চেষ্টা করে) রতন, রতন! (কার্তিকের প্রতি) হয়ত' এই লোকটাকেই কুমারবাহাদুর ভয় করতেন।

কার্তিক। সে তো বংশীকে জিজ্ঞেস করলেই জানা যাবে।

রতনের প্রবেশ

গিরিজা। রতন, বংশী কোথায়?

রতন। লিফ্টে।

গিরিজা। এফুনি পাঠিয়ে দাও।

রতন। দিচ্ছি।

প্রস্থান

গিরিজা। (মাতের দরজা বন্ধ ক'রে দিয়ে) নিশিকান্ত আর বনমালী যে একই লোক—তাতে আর সন্দেহ নেই।

কার্তিক। অর্থাৎ বনমালী নাম ভাঁড়িয়ে নিশিকান্ত সেজে পাশের ঘরে থাকতেন।

গিরিজা। হুঁ। (রিসিভার তুলে) লাইন শ্রীজ। (কার্তিককে) “মেডেঙ্গ” হোটেলের নম্বর কত?

কার্তিক। জানি না।

গিরিজা। পুলিশে চাকরি কর আর এত বড় হোটেলটার নম্বর জান না। ডিরেক্টরী থেকে দেখে দাও।

কার্তিক। (দেখে) পি. কে. ০১২৩

বংশীকে নিয়ে রতনলালের প্রবেশ

গিরিজা। রতন, “মেডেঙ্গ” হোটেল চেন? (ফোনে) পি. কে. ০১২৩ শ্রীজ, ইয়েস। (রতনকে) একবার এখুনি সেখানে যাবে। গিয়ে—(ফোনে) মিস্টার বনমালী সাহা আছেন? না, না, ডাকতে হবে না।—কি বললেন? আজই চলে যাবেন। ওঃ, এমনি জিজ্ঞেস করছিলুম।—না কিছু বলতে হবে না। ধন্যবাদ। (ফোন রেখে) হ্যাঁ, সেখানে গিয়ে বনমালীবাবুকে সঙ্গে ক'রে নিয়ে এখানে চলে আসবে। কোন আপত্তি শুনবে না। বলবে ডিটেক্টিভ পুলিশের কাজ। আর একবার মিস্ রায়কে আমার সঙ্গে দেখা করতে বলে যাবে।

রতনের প্রস্থান

বংশী, নামটা শুনে কিছু মনে পড়ছে?

বংশী। আজে হ্যাঁ। যে লোকটির সঙ্গে কুমার-বাহাদুর দেখা করতে নারাজ ছিলেন, এ তাঁরই নাম। তখন ঠিক মনে করতে পারছিলুম না।

কার্তিক। তাঁকে দেখলে চিনতে পারবে তো?

বংশী। আজে হ্যাঁ। কতবার দেখেছি।

গিরিজা। অনাথ এসেছে?

বংশী। না। হয়ত' অসুখ করেছে। তা না হ'লে

এতক্ষণ এসে পড়ত।

কার্তিক। কোথায় থাকে? ডাকতে পার?

বংশী। কাছেই। এখুনি লোক পাঠিয়ে দিচ্ছি।

গিরিজা। হ্যাঁ। গিয়ে একবার দেখ।

বংশীর প্রস্থান

কার্তিক। অনাথকে না পাওয়া গেলেই মুন্সিল।  
বনমালীকে নিশিকান্তরূপে কেবলমাত্র অনাথই দেখেছে।

গিরিজা। আর নিশিকান্তকে বনমালীরূপে বংশী  
দেখেছে। স্মৃতরাং দু'জনকেই এক সঙ্গে চাই। তুমি  
এই রিভলভারটা কাউকে দিয়ে থানায় পাঠাবার ব্যবস্থা কর।

রিভলভার নিয়ে কার্তিকের প্রস্থান

টেলিফোন বাজল। গিরিজা রিসিভার তুলে নিলেন

হ্যালো—হ্যাঁ, আমি গিরিজা। গুলিটা বের করেছ ?  
রিভলভারটা পাঠাচ্ছি। ফিট হয় কি-না দেখ। হ্যাঁ,  
আঙ্গুলের ছাপের জন্তু কতকগুলো নোট আর একটা  
অ্যাশট্রে পাঠিয়েছি। পেয়েছ ? ওঃ পরীক্ষা চলছে।  
আচ্ছা, হ'লেই খবর দিও। অ্যাঁ, কি বললে ? ডান হাতের  
ন'খে থানিকটা চামড়া আর রক্ত লেগেছিল ? হ্যাঁ বুঝেছি।  
কাউকে খিমচে নিলে যে রকম হয়। মাংস শুদ্ধ উঠে  
এসেছে। ওঃ আচ্ছা ধন্যবাদ।

রিসিভার রেখে দিলেন। দরজায় খট্, খট্, ধনি

গিরিজা। আসুন, ভেতরে আসুন।

মিস্ নীহার রায়ের প্রবেশ

বসুন মিস্ রায়।

নীহার। ( বসে ) যা জানতুম সবই তো বলেছি।

গিরিজা। কুমারবাহাদুরের মৃত্যু সম্বন্ধে আপনাকে  
আরও দু-একটা কথা জিজ্ঞাসা করবার ছিল।

নীহার। আমার শরীর অত্যন্ত খারাপ।

গিরিজা। এই পাশের ঘরের নিশিকান্তবাবুকে  
চিনতেন ? অ্যাঁ, কি হ'ল ! মিস্ রায়—( দরজার কাছে  
গিয়ে ) কার্তিক, শিগ্গির এস।

কার্তিক। ( দরজায় এসে ) কি স্মর ?

গিরিজা। মিস্ রায় অজ্ঞান হয়ে গেছেন।

কার্তিক। তাই তো, ভারী মুন্সিল।

গিরিজা। তুমি গিয়ে সুশীলাকে চট ক'রে ডেকে আন।

কার্তিকের প্রস্থান

গিরিজা ব্যস্তভাবে রাইটিং প্যাড তুলে নিয়ে হাওয়া করতে লাগলেন

একটু পরে সুশীলাকে নিয়ে কার্তিকের প্রবেশ

সুশীলা। আমার ঘরের কাজ—

গিরিজা। দেখ, ইনি অজ্ঞান হয়ে গেছেন—

সুশীলা। ও কিছু নয়। মুখে জল দেন নি কেন ?

ঘরের কোণের কুঁজো থেকে এক গ্লাস জল এনে সুশীলা মিস্ রায়ের  
চোখে মুখে ছিটিয়ে দিল। একটু হাওয়া করতেই জ্ঞান ফিরে এল

নীহার। আমি—এ কি !

গিরিজা। আপনি অজ্ঞান হয়ে গিছিলেন।

নীহার। ছিঃ ছিঃ, আপনাদের কষ্ট দিলুম।

গিরিজা। না, না। বরং আমরাই আপনাকে কষ্ট  
দিলুম। সেজন্য খুবই দুঃখিত।

নীহার। এখন যেতে পারি ? বড় ক্লান্ত মনে হচ্ছে।

গিরিজা। নিশ্চয়ই। সুশীলা, গুঁকে ঘরে পৌঁছে দাও।

নীহার। আমি একলাই যেতে পারব।

উঠে ধীরে ধীরে চলে গেলেন

সুশীলা। এবার আমিও যাই। আমার কাজকর্ম—

গিরিজা। তুমি এই পাশের ঘরের লোকটিকে দেখেছ ?

সুশীলা। না, একবারও না।

গিরিজা। দেখলে চিনতে পারবে ?

সুশীলা। আপনি পারেন ?

প্রস্থান

গিরিজা। কি বললে ?

কার্তিক। যাকে দেখনি তাকে কি ক'রে চিনবে ?

গিরিজা। তাও তো বটে।

কার্তিক। মিস্ রায় হঠাৎ অজ্ঞান হয়ে গেলেন কেন ?

গিরিজা। জানিনে। এসেই বললে শরীর খারাপ। পরে  
পাশের ঘরের লোকটিকে চেনেন কি-না জিজ্ঞেস করতেই  
অজ্ঞান।

কার্তিক। এইবার স্মর আমিও অজ্ঞান হব।

গিরিজা। কেন ? তোমার আবার কি হ'ল ?

কার্তিক। খিদেয় প্রাণ যে বাপাস্ত।

গিরিজা। হ্যাঁ, একটু চা খেলে মন্দ হ'ত না।

কার্তিক। চলুন হোটেলের রেস্টুরাঁ থেকে কিছু খেয়ে  
আসি।

গিরিজা। কিন্তু ঘরটা—

কার্তিক। তালা বন্ধ করে দেব। আর বাইরে একটা  
পুলিশ মোতায়েন ক'রে দেওয়া যাবে।

গিরিজা। বেশ, চল।

উভয়ের প্রস্থান

( ক্রমশঃ )

# চলতি ইতিহাস

## শ্রীতিনকড়ি চট্টোপাধ্যায়

### মধ্যপ্রাচ্য

সিদিবারাণীর পতনের পর বৃটিশ সৈন্যগণ যে উত্তর আফ্রিকায় ইটালীয় বাহিনীকে মিশর হইতে তাড়াইয়া লিবিয়ার সীমান্ত পর্য্যন্ত পৌঁছিয়াছে, এ কথা ভারতবর্ষের গত সংখ্যাতেই উল্লেখ করা হইয়াছে। বৃটিশ বাহিনীর উৎকৃষ্টতর রণ-কৌশলের ফলে সল্লাম ও ক্যাপুজো দুর্গের পতন হয়। ইহার পর লিবিয়ায় প্রবেশ করিয়া বৃটিশ সৈন্য ইটালীর গুরুত্বপূর্ণ ঘাঁটি বার্দিয়া দুর্গ অবরোধ করে। তিন সপ্তাহের অধিক কাল প্রবল যুদ্ধের পর বার্দিয়ার পতন ঘটে। লণ্ডন হইতে এই মর্মে ঘোষণা করা হইয়াছে যে সিদিবারাণী ঘাঁটির ইটালীয় অধিনায়ক জেনারেল আর্জেণ্টিনা বার্দিয়ার পতনের পর ত্তোত্রক অভিমুখে পলায়ন কালে বৃটিশ সৈন্যদের হস্তে বন্দী হইয়াছেন। গত সংখ্যায় আবিসিনিয়ার বিদ্রোহ আসন্ন বলিয়া যে সংবাদ দেওয়া হইয়াছিল, রয়টারের সংবাদে প্রকাশ সম্রাট হাইলে সেলাসী সে বিষয়ে অনেকটা কৃতকাণ্য হইয়াছেন। কয়েকজন দুঃসাহসী বৃটিশ অফিসার হাবসীদিগকে সজ্ববদ্ধ করিবার চেষ্টা করিতেছেন। একদল বিদ্রোহী হাবসীবাহিনী সংগঠিত হইয়াছে। তাহাদিগকে অস্ত্রশস্ত্র দিয়া আধুনিক রণ-কৌশলে শিক্ষাদান করা হইতেছে। আবিসিনিয়ার মেটেমা অঞ্চলে বৃটিশ টহলদারী বাহিনীর হস্তে একদল ইটালীয় সৈন্য পর্য্যাদস্ত। ইরিত্রিয়া হইতে ১৮ মাইল উত্তরে ইন্দ-মিশরীয় সূদান সীমান্তে অবস্থিত কামালা দুর্গ বৃটিশ-বাহিনী পুনরায় অধিকার করিয়াছে। সমগ্র রণক্ষেত্র হইতে ইটালীয় বাহিনী পশ্চাদপসরণ করিতেছে। এদিকে বৃটিশ সৈন্য ত্তোত্রক লক্ষ্য করিয়া অগ্রসর। মার্শাল গ্র্যাংসিয়ানী যে সৈন্যবাহিনী লইয়া মিশরের প্রান্তে অবস্থিত সিবা মরুজ্ঞানের উপর আক্রমণ চালাইবার সঙ্কল্প করিয়াছিলেন, সেই সৈন্যদল ত্তোত্রক হইতে দেড়শত মাইল দক্ষিণে জেরাবুব মরুজ্ঞানে বৃটিশবাহিনী কর্তৃক পরিবেষ্টিত হইয়া অবরুদ্ধ। ইটালীয় সৈন্যবাহিনীর সহিত তাহাদের সংযোগ বিচ্ছিন্ন হইয়াছে। এদিকে রোমের রেডিও হইতেই নাকি ঘোষণা করা হইয়াছে যে সমগ্র ইটালীয় সাম্রাজ্যই ইটালী হইতে বিচ্ছিন্ন হইয়া গিয়াছে। একমাত্র বিমান পথ ব্যতীত উভয়ের মধ্যে অস্ত্র কোন সংযোগ আর নাই। আফ্রিকার উত্তরাঞ্চলে ইটালীর ন্যূনাধিক আড়াই লক্ষ সৈন্যের সমাবেশ হইয়াছিল। তন্মধ্যে হতাহত ও বন্দীর সংখ্যা নাকি প্রায় এক লক্ষ! এইমাত্র খবর পাওয়া গেল, বৃটিশের হস্তে ত্তোত্রকের পতন হইয়াছে। এই সকল সংবাদ নিভুল হইলে ইটালীর অবস্থা যে সত্যই শোচনীয় হইয়া উঠিয়াছে সে বিষয়ে কোনই সন্দেহ নাই।

মুসোলিনী সমস্ত উক্তির দ্বারা বারবার প্রতিপন্ন করিবার চেষ্টা করিয়াছেন যে, ভূমধ্যসাগরে ইটালীর প্রভুত্বই এখনও প্রতিষ্ঠিত আছে।

কিন্তু উল্লিখিত ঘটনায় তাহার উক্তির অসারতা ধরা পড়িয়া গিয়াছে, বিড়াল আজ খলি হইতে বাহির হইয়া পড়িয়াছে। ভূমধ্যসাগরে ইটালীর অপ্রতিহত প্রভুত্ব থাকিলে মার্শাল গ্র্যাংসিয়ানী তিনমাসকাল ধরিয়া নিয়মিত উপকরণ সরবরাহের নিশ্চয়তা লাভ না করায় নিশ্চেষ্ট হইয়া বসিয়া থাকিতেন না, ইটালীয় সাম্রাজ্যের সহিত ইটালীয় সংযোগও আজ বিচ্ছিন্ন হইয়া যাইত না। বৃটিশের প্রভুত্বই যে ভূমধ্যসাগরে সুপ্রতিষ্ঠিত ইহা যেমন সুনিশ্চিত, আফ্রিকায় বৃটিশ-বাহিনীর সাফল্যজনক বিজয়লাভও তেমনই উল্লেখযোগ্য। ইহাও প্রকাশ যে, এই যুদ্ধে ভারতীয় সৈন্যদলের সাহায্য বিশেষভাবে গণ্য করা হইয়াছে। এই যুদ্ধে জয়লাভ একদিকে যেমন বৃটিশের উল্লেখযোগ্য বিজয়, অপরপক্ষে তেমনই ইটালীর এই পরাজয়ে ক্ষতির পরিমাণ অপরিমিত। পূর্ব-ভূমধ্যসাগরের উত্তর তীরে ইজিযান সাগরের তীর পর্য্যন্ত এবং দক্ষিণ তীরে আলেকজান্দ্রিয়া ও সুয়েজ পর্য্যন্ত অধিকার বিস্তারের আকাঙ্ক্ষা ও পরিকল্পনাকে আর ইটালী মনের কোণেও স্থান দিতে পারিবে না। অধিকার বিস্তারের স্থানে তাহার অধিকারভুক্ত লিবিয়াই বিপন্ন হইয়া উঠিয়াছে। এদিকে একের পর এক পরাজয়ে সৈনিকদের উপর নৈতিক ফলাফলও আশঙ্কাজনক।

আফ্রিকায় বৃটিশের সহিত যুদ্ধে ইটালী যেমন কৃতিত্ব দেখাইতে পারে নাই, গ্রীসের সহিত যুদ্ধেও সেইরূপ ইটালী বিশেষ কোন সাফল্য অর্জন করিতে অক্ষম হইয়াছে। গত মাস অপেক্ষা ইটালী বর্তমানে সামান্যই উন্নতিলাভ করিয়াছে বলা যাইতে পারে। ডিসেম্বর মাসের শেষ সপ্তাহে গ্রীকবাহিনী থিমেরা দখল করিয়াছে। উত্তরাঞ্চলে তাহারা এলবাসান্ লক্ষ্য করিয়া অগ্রসর হইয়াছে; অপর দল জ্যালোনার সন্নিকটে উপস্থিত। গ্রীক ও বৃটিশ বিমানবাহিনীর পুনঃ পুনঃ আক্রমণে জ্যালোনার বন্দর বিধ্বস্ত ও অকর্মণ্য হইয়া পড়িয়াছে। জানুয়ারীর প্রথম সপ্তাহের শেষভাগ হইতে গ্রীক বাহিনীর আক্রমণের তীব্রতা হ্রাস পাইয়াছে। ইহার কারণ হিসাবে প্রাকৃতিক দুর্ভোগের কথা উল্লেখ করা হইয়াছে। কিন্তু প্রাকৃতিক দুর্ভোগে উভয় পক্ষেরই সমান অসুবিধা হইবার কথা। অসুবিধাকর আবহাওয়া শুধু গ্রীকদের আক্রমণের সময় বাধা সৃষ্টি করিবে, অথচ ইটালীয় প্রতিরোধ বাহিনীর কোনই অসুবিধা সৃষ্টি করিবে না, এরূপ বিশ্বাস করিবার কোন সঙ্গত কারণ না থাকাই স্বাভাবিক। প্রকৃতপক্ষে ইটালীর প্রতিরোধ ক্ষমতা বৃদ্ধি পাইয়াছে। জানুয়ারী মাসের তৃতীয় সপ্তাহের শেষ অবধি তাহারা জ্যালোনার নিকটবর্তী একমাত্র ক্লিসুরা অধিকার করিতে সক্ষম হইয়াছে।



কিন্তু সম্প্রতি ইটালীর প্রতিরোধ ব্যবস্থার কিছু উন্নতি হইলেও এবং তদুদ্দেশ্যে আলবানিয়ায় বহু সুদৃঢ় দুর্গশ্রেণী নির্মাণ করিলেও ইটালীর অবস্থা নৈরাশ্রজনক। গ্রীসের সহিত যুদ্ধেও তাহার বহু সৈন্য বিনষ্ট হইয়াছে। আলবানিয়ায় ইটালীর প্রধান সেনাধ্যক্ষ জেনারেল সোদু পদত্যাগ করিয়াছেন। সরকারী ঘোষণা অনুসারে তিনি অস্থিত্যের জন্ত কার্যভার পরিত্যাগ করিয়াছেন। তবে তাঁহাকে অস্ত্র কোন কারণে উক্ত পদ হইতে অপসারিত করা হইয়াছে বলিয়া যদি ভবিষ্যতে কোন সংবাদ শোনা যায়, তাহাতেও বিস্মিত হইবার কোন কারণ নাই। জেনারেল হিউগো ক্যাবেল্লো তাহার কার্যভার গ্রহণ করিয়াছেন। আবার রয়টারের সংবাদদাতা জানাই-তেছেন যে, যে সকল আলবানিয়ান সৈন্যকে বলপূর্ব্বক ইটালীর সৈন্যবাহিনীর অন্তর্ভুক্ত করা হইয়াছিল তাহারা বিদ্রোহ করিয়াছে। ফলে ইটালীয়দের যথেষ্ট ক্ষতি হয়। ইটালীর কয়েকখানা জাহাজ ও ডেপুটার নিমজ্জিত হইয়াছে। বুল্দিসি ও কয়েকটি বন্দরে মুসোলিনীর বিরুদ্ধে নাকি বিক্ষোভ প্রদর্শন করা হইয়াছে। হিটলারের প্রধান সহযোগী 'এক্সিস্' শক্তির অস্ত্রতম সন্ত্য ইটালী ভূমধ্যসাগরের উত্তর তীরের রণক্ষেত্রেই বিপন্ন হইয়া পড়িয়াছেন।

যে মহামানবের প্রতি ঐকান্তিক শ্রদ্ধায় মহাত্মা গান্ধী বড়দিনের সময় ভারতের সত্যগ্রহ স্থগিত রাখিয়াছিলেন, পূর্ণিমা অমাবস্যা মানিতে প্রস্তুত হিটলারের সে মহামানবের কথা স্মরণ করিবার অবসর হয় নাই। রণ-দানবের পৈশাচিক লীলা বড়দিনের সময় ইয়োরোপে সমভাবেই চলিয়াছে। শেফিল্ড, মিডল্যাণ্ড, পোর্টস্মাউথ প্রভৃতি স্থানে সমভাবে বোমাবর্ষণ দ্বারা ধ্বংস সাধনের চেষ্টা করা হয় নাই। স্থানে স্থানে অগ্নিশ্রদ্ধালক বোমাও নিক্ষেপ করা হইয়াছে। গিল্ডহল, ট্রিনিটি হাউস এবং কয়েকটি গির্জা ক্ষতিগ্রস্ত হইয়াছে।

বৃটিশবিমানবহরও সমানভাবেই পান্টা আক্রমণ চালাইয়াছে। খাস বার্লিন, ব্রিমন, কীল, ম্যান্‌হিম জেলা, নেপল্‌স, মিলান, জেনোয়া প্রভৃতি স্থানে বৃটিশ বিমান বাহিনী বোমাবর্ষণ করিয়াছে। লোরিয়েট এবং বর্দোর ইউ-বোট-খাঁটিও বোমার আঘাতে ক্ষতিগ্রস্ত। দুর্ঘোষণাপূর্ণ আবহাওয়ার মধ্যেও বৃটিশ রণ-বিমান ফ্রান্স, বেলজিয়াম, নরওয়ে, হল্যান্ড, জার্মানী এবং ইটালীর বিভিন্ন কেন্দ্রে বোমা বর্ষণ করিয়া আসিয়াছে। কিন্তু তাহা হইলেও ইংলণ্ডের উপর জার্মানীর আক্রমণের গুরুত্ব অত্যধিক। বৃটেনের ক্ষতিও হইয়াছে যথেষ্ট। এ পর্য্যন্ত নাৎসী আক্রমণে নিহত বৃটিশের সংখ্যা মিঃ চার্চিল তাহার বক্তৃতায় উল্লেখও করিয়াছেন।

শুধু ইংলণ্ডে নহে, সমুদ্র বক্ষেও জার্মানীর তৎপরতা হ্রাস পায় নাই। জার্মানীর অর্থনীতিক অবরোধের সঙ্কল্পের কথা গত সংখ্যাতেই উল্লিখিত হইয়াছে। খাজা অথবা উপকরণ যাহাতে বৃটেনে সরবরাহ হইতে না পারে, সে বিষয়ে জার্মানী বিশেষ সচেতন। বৃটেনের সহিত অষ্ট্রেলিয়ার ও দক্ষিণ আমেরিকার সামুদ্রিক সংযোগ বিচ্ছিন্ন করিবার উদ্দেশ্যে জার্মানী ব্রেট, সেন্টলেজার, বর্দো প্রভৃতি খাঁটি সকল ব্যবহার করিতেছে।

তদুপরি আয়র্লণ্ড নিরপেক্ষ থাকার জার্মানীর সুবিধা হইয়াছে যথেষ্ট। দক্ষিণ আয়র্লণ্ডের খাঁটিসকল বৃটেন ব্যবহার করিতে না পারার কিঞ্চিৎ অসুবিধা উপলব্ধি করাই তাহার পক্ষে স্বাভাবিক।

যুদ্ধের গতি সম্বন্ধে আগ্রহশীল ও অসুরাগী ব্যক্তিগণ সম্প্রতি উৎকর্ষিত হইয়া পড়িয়াছিলেন। জার্মানী কি করিবে, তাহার গতি কোন্ দিকে হইবে, এ সম্বন্ধে জল্পনা কল্পনার অন্ত ছিল না। জার্মানীর সহিত অপরাপর রাষ্ট্রের সম্বন্ধের কথা লইয়াও অনেকে অনেকরূপ সন্দেহ করিতেছিলেন। ফ্রান্স ও জার্মানীর মধ্যে মতবৈধ ক্রমশ গুরুতর আকার ধারণ করায় যে-কোন মুহূর্ত্তে একটা অপ্রত্যাশিত পরিস্থিতির আশঙ্কা করা যাইতেছিল। মঁসিয়ে পিয়ারে লাভালের পুনর্নিয়োগ লইয়া মঁসিয়ে পেঠ্যার উপর জার্মানী চাপ দেওয়ার যে সমস্তার উদ্ভব হইয়াছিল, সম্প্রতি তাহার সমাধান হইয়া গিয়াছে। মঃ পেঠ্যা ও মঃ লাভালের মধ্যে যে মতান্তরের সৃষ্টি হইয়াছিল, সরকারীভাবে ঘোষণা করা হইয়াছে যে, সেই সকল কারণ দূরীভূত হইয়াছে। ভিসি মন্ত্রিসভার পুনর্গঠন সংক্রান্ত কার্যাবলী ধীর গতিতে চলিয়াছে। ফ্রান্সের রণপোত এবং সমুদ্রতীরের খাঁটিসকল জার্মানী বহুদিন হইতেই নিজ কর্তৃত্বাধীনে আনিবার জন্ত দাবী করিয়া আসিতেছে। লাভাল-পেঠ্যা খচিত সমস্তার সমাধান হওয়ার সঙ্গে সঙ্গে এ বিষয়েও জার্মানীর সহিত ফ্রান্সের যে কিছু বোঝাপড়া হয় নাই, সে কথাও নিঃসন্দেহে বলা চলে না। কারণ হিটলারের মুখ্য উদ্দেশ্য হইতেছে বৃটিশ শক্তির কেন্দ্রস্থল ইংলণ্ডে আঘাত করা। এই উদ্দেশ্য সাধনের নিমিত্ত এবং সামুদ্রিক পথ অবরোধ করিয়া ইংলণ্ডের অর্থনীতিক অবরোধ সফল করিবার জন্ত ফ্রান্সের পশ্চিম কুলের খাঁটিসকল এবং নৌশক্তি জার্মানী নিজ কর্তৃত্বাধীনে আনিবার চেষ্টা করিতে ক্রটি করিবে না।

এদিকে সাংবাদিক ও পর্য্যটক বেশে বহু জার্মান সৈন্য নাকি বুলগেরিয়ায় প্রবেশ করিয়াছে। বুলগেরিয়া-সরকার অবশ্য জানাইয়াছেন যে, কোন বৈদেশিক শক্তি তাঁহাদের রাজ্যে নাই; কিন্তু তথাপি তুরস্ক এই সৈন্য প্রবেশের অসুস্থতি দানের বিরুদ্ধে প্রতিবাদ করিয়াছে। রুশিয়া হইতে বলা হইয়াছে যে, সৈন্য প্রবেশের পূর্বে জার্মানী তাহাকে কিছুই জানায় নাই, বুলগেরিয়াও এ সম্বন্ধে তাহার সহিত কোন পরামর্শ গ্রহণ করিতে আসে নাই। অর্থাৎ রুশিয়ার ভাব হইতেছে, তোমরা দুজনে যাহা ভাল বোধ কর। যতদূর সম্ভব, এই সৈন্য প্রবেশে রুশিয়ার বিশেষ কোন আপত্তি অন্তত বর্তমানে নাই।

অবশ্য অনেকে সন্দেহ করিয়াছিলেন যে, শীঘ্রই বোধ হয় জার্মানীর সহিত রুশিয়ার বিরোধ আসন্ন হইয়া উঠিবে। 'রেড স্টারে' এক স্বাক্ষরিত পত্রে মঃ স্ট্যালিন লিখিয়াছিলেন যে, রুশিয়া শীঘ্রই এক বিরুদ্ধ সামরিক শক্তির সম্মুখীন হইতেছে। অসতর্ক অবস্থায় শত্রুরা যাহাতে তাহাকে আক্রমণ করিতে না পারে, সে বিষয়ে তাহাকে সতর্ক থাকিতে হইবে। রুশিয়ার এই উক্তি এবং কিছু দিন যাবৎ তাহার রহস্যজনক নীরবতার সকলে অধীর উৎকর্ষায় তাহার ভবিষ্যৎ কার্যকলাপ দর্শনের প্রতীক্ষা করিতেছিলেন। কিন্তু বর্তমানে তাহার মনোভাব স্পষ্ট।

সম্প্রতি জার্মানীর সহিত তাহার একটি অর্থনৈতিক চুক্তি হইয়া গিয়াছে। এই চুক্তির একটি সর্ভ অমুসারে জার্মানী কলকজার বিনিময়ে রুশিয়া হইতে খাম্ব্রব্য ও কাঁচা মাল পাইবে।

রুমানিয়াতেও জার্মান সৈন্তসংখ্যা যথেষ্ট বৃদ্ধি পাইয়াছে। কয়েক ডিভিসন নূতন জার্মান সৈন্ত রুমানিয়ার প্রবেশ করিয়াছে এবং ঐ সংখ্যা শীঘ্রই আরও বৃদ্ধি পাইবে বলিয়া আশঙ্কা করা যাইতেছে।

বুটেনের উপর সম্প্রতি কয়েক দিন ধরিয়া প্রবল ভাবে বোমা বর্ষণ করা হইতেছে। জার্মানীর তুলনায় বুটেনের সমর সম্ভার যে কম এবং বৃটিশ সৈন্তগণ যে পূর্ণভাবে অস্ত্রশস্ত্রে সজ্জিত নয়, একথা মিঃ চাচ্চিল ডিসেম্বরের তৃতীয় সপ্তাহের বক্তৃতায় উল্লেখ করিয়াছেন। সম্প্রতি আমেরিকার নিকট যে সাহায্য প্রার্থনা করা হয়, তাহাতে প্রেসিডেন্ট রুজভেল্ট বুটেনকে “অস্ত্রশস্ত্র ইজারা দেওয়া বা ধার দেওয়া” সংক্রান্ত একটি বিল কংগ্রেসে পাশ করাইতে ইচ্ছুক। এই দিক দিয়া বুটেন নিঃসন্দেহে যথেষ্ট লাভবান হইতেছে। এতদিন পর্যন্ত নগদ মূল্যের বিনিময়ে বুটেনকে অস্ত্রশস্ত্র ক্রয় করিতে হইতেছিল। ইহাতে বুটেনের প্রত্যক্ষ যুদ্ধ জয়ের উপর মার্কিন বণিক সম্প্রদায়ের বিশেষ নজর দিবার প্রয়োজন হয় নাই। মালের বিক্রয় এবং নগদ মূল্যপ্রাপ্তির মধ্যেই উভয়ের সম্পর্ক সীমাবদ্ধ ছিল। কিন্তু উক্ত বিল পাশ হইলে আমেরিকার সরকার ও বণিকদিগের স্বার্থ যুদ্ধে বিশেষভাবে জড়িত হইবে। দ্বিতীয়ত “জন্মন এন্ট”কেও বুটেন এইভাবে এড়াইতে সক্ষম হইল।

কিন্তু বুটেনের উপর আক্রমণাত্মক কার্য সমভাবে চালাইলেও প্রকৃতপক্ষে জার্মানীর গোল বাধিয়াছে ইটালীকে লইয়া। আফ্রিকা এবং পূর্ব-এশিয়ায় বুটেনের বিরুদ্ধে সংগ্রাম করিতে হইলে ভূমধ্যসাগরকে সম্পূর্ণরূপে নাৎসী-ফ্যাসিস্ত কর্তৃত্বাধীনে রাখা প্রয়োজন। এই উদ্দেশ্য সাধনের নিমিত্ত হিটলার তাহার অত্যন্ত সহযোগী মুসোলিনীর উপর যথেষ্ট নির্ভর করিয়াছিলেন। কিন্তু তাহার আশা সফল হয় নাই। আফ্রিকায় ইটালীয় সৈন্ত একটির পর একটি যুদ্ধে পরাজয় স্বীকার করিয়াছে, গ্রীসের বিরুদ্ধে যুদ্ধেও ইটালী সাফল্যলাভ করিতে পারে নাই, ভূমধ্যসাগরও এখনও সম্পূর্ণরূপে বৃটিশ-প্রভাবান্বিত অঞ্চলরূপে আছে। ইটালীর শোচনীয় পরাজয়ে এবং নিজ উদ্দেশ্য সাধনের জন্য জার্মানীকে বাধ্য হইয়া এই দিকে মনোযোগ দিতে হইয়াছে। সিসিলি দ্বীপ জার্মান-বাহিনী অধিকার করিয়াছে। ইটালীর অভ্যন্তরেও বহু জার্মান সৈন্ত পৌঁছিয়াছে। জার্মানীর সিসিলি দ্বীপ অধিকার করার গুরুত্ব অত্যন্ত অধিক। আফ্রিকার ইটালীয় সৈন্তদের সাহায্য করিতে হইলে ভূমধ্যসাগরে শক্তি বিস্তারের বিশেষ প্রয়োজন। অধিকন্তু গ্রীসের অস্থবিধার সৃষ্টি করিতে হইলে বৃটিশের সহিত গ্রীসের সংযোগ বিচ্ছিন্ন করা একান্ত আবশ্যিক। এই উদ্দেশ্য সফল করিতে হইলে পূর্ব-ভূমধ্যসাগর অস্তিমুখে চালিত বৃটিশ জাহাজগুলিকে মধ্যপথে আটক করা দরকার। সঙ্গে সঙ্গে ভূমধ্যসাগরের বৃটিশ ঘাঁটিগুলিকেও শক্তিহীন করা প্রয়োজন। সম্ভবত এই উদ্দেশ্যেই জার্মানী সিসিলি অধিকার করার পরেই ম্যান্টার উপর বোমাবর্ষণ করিতে আরম্ভ করিয়াছে। স্পেনের সহযোগিতায় পশ্চিম ভূমধ্যসাগরে শক্তি বিস্তারের উদ্দেশ্যে জিব্রাল্টার আক্রমণের সম্ভাবনাও এখনও দূরীভূত হয় নাই। সম্প্রতি হিটলার এবং মুসোলিনী আবার গোপনে সাক্ষাৎ করিয়াছেন। আমরা প্রতিবারই লক্ষ্য করিয়াছি যে, কোন নূতন পরিকল্পনা অমুযায়ী কার্যারম্ভের পূর্বে উভয়ের মধ্যে সাক্ষাৎ হইয়াছে এবং সাক্ষাতের পরেই যুদ্ধের গতি পরিবর্তিত হইয়াছে। এবারেও অনুরূপ ধারণা করিবার কোন কারণ

না থাকাই সম্ভব। ‘এক্সিন’ শক্তির এই ছুই পাণ্ডার সাক্ষাতের ফলাফল বিশেষ লক্ষ্য করিবার।


### সুদূর প্রাচী

ইন্দোচীন ও থাইল্যান্ডের সর্ব্বত্র ক্রমশই জমিয়া উঠিতেছে। উভয় দেশের সীমারেখায় অবস্থিত মেকং নদীর নিকটবর্তী ভূ-ভাগ সম্পর্কে থাইল্যান্ড দাবী উত্থাপন করাতেই এই সর্ব্বত্রের সূত্রপাত। মাসাধিক কাল পূর্বে সীমান্ত বিরোধের শান্তিপূর্ণ অবসান ঘটাইবার জন্য থাইল্যান্ড-সরকার ফরাসী ইন্দোচীনের নিকট “সীমান্ত কমিশন” নিয়োগের অনুরোধ জানাইয়াছিলেন। কিন্তু শেষ পর্যন্ত কোন মীমাংসা না হওয়ায় সর্ব্বত্রেরও অবসান হয় নাই। থাইল্যান্ডের বিমান হইতে বোমা বর্ষণের ফলে কাখোডিয়া এবং সিসোফেন নগর ক্ষতিগ্রস্ত হিটবোল সারাগারে অবস্থিত ফরাসী ইন্দোচীনের সৈন্তগণের আক্রমণ থাইল্যান্ডের দ্বারা প্রতিহত হইয়াছে। মেকং নদীতে ফরাসী ইন্দোচীনের সৈন্ত বোঝাই সাতখানি নৌকা থাইল্যান্ড বিমানবাহিনী ডুবাইয়া দিয়াছে। অপর পক্ষে থাইল্যান্ডের দুইখানি রণতরী ডুবাইয়া দেওয়া হইয়াছে বলিয়া ইন্দোচীন দাবী করিতেছে। ফরাসী দূতাবাসের ভারপ্রাপ্ত কর্মচারী মিঃ গ্যারো নাকি থাইল্যান্ডের সহকারী পররাষ্ট্র সচিবের নিকট থাই-সৈন্তদের গুলিবর্ষণ বন্ধ রাখিবার আদেশ দিতে অনুরোধ জানাইয়াছেন।

এদিকে চীনের বিরুদ্ধে সংগ্রামে জাপান দুইটি যুদ্ধে পরাজিত হইয়াছে। ইচাং বন্দরের চতুঃপার্শ্বে প্রচণ্ড সংগ্রাম চলিতেছে। আক্রমণ-রত জাপ সৈন্ত দুইবার প্রতিহত হইয়া ফিরিয়া আসে। এখানকার বিমান ঘাঁটি অধিকার করিতে পারিলে চীনের রাজধানী আক্রমণ করা সুবিধাজনক বলিয়াই এই যুদ্ধ এত তীব্ররূপে ধারণ করিয়াছে। নানা সাহায্যে উদ্ভীষ্ট চীন সংগ্রাম চালাইয়াছে প্রবলভাবে। সম্প্রতি রুশিয়ার সহিত চীনের একটি সন্ধি স্বাক্ষরিত হইয়াছে। এই চুক্তি অমুসারে রুশিয়া চীনকে সমরোপকরণ প্রেরণ করিবে এবং বিনিময়ে চীন পনের লক্ষ ষ্ট্যালিং মুদ্রার চা রুশিয়ায় সরবরাহ করিবে। চীনের খনিজ উৎসের পরিবর্তে রুশিয়ার উৎপাদন যন্ত্রাদির বিনিময় ব্যবস্থাও ইহার মধ্যে আছে। স্মরণ থাকিতে পারে, জাপান কিছুদিন পূর্বে নানকিং গভর্নমেন্টের অধিনায়ক ওয়াং-চিঙ্গ-ওয়েইর সহিত চুক্তি করিয়াছিলেন। এই চুক্তির সর্ব্বত্রের মধ্যে একটি কমিট্যান-বিরোধী ধারা সন্নিবিষ্ট হইয়াছিল। জাপান ইহার কারণ সম্বন্ধে রুশিয়াকে নানাভাবে বুঝাইতে চেষ্টা করিলেও রুশিয়া যে উক্ত চুক্তির কথা বিশ্বস্ত হয় নাই, চীনের সহিত বর্তমান চুক্তিই তাহার বিশেষ প্রমাণ।

সম্প্রতি জাপ ডায়েটে পররাষ্ট্র সচিব মিঃ মাৎসুকা এক বক্তৃতা প্রসঙ্গে বলিয়াছেন যে—রুশিয়ার সহিত যে ভাস্তিপূর্ণ মনোভাবের সৃষ্টি হইয়াছে, তাহা দূর করিয়া কূটনৈতিক ক্ষেত্রে সুদূর প্রসারী সম্পর্ক স্থাপনের চেষ্টা হইতেছে। প্রসঙ্গক্রমে আমেরিকার কথা উল্লেখ করিয়া মিঃ মাৎসুকা বলেন যে, মার্কিন যুক্তরাষ্ট্র যদি বর্তমান ইয়োরোপীয় সংগ্রামে শেষ পর্যন্ত জড়াইয়া যায়, তাহা হইলে জাপানও সেই যুদ্ধে যোগদান করিতে বাধ্য হইবে। এদিকে সমরসচিব লেঃ-জেনারেল টোজো বলেন যে চীন-জাপান যুদ্ধের পরিসমাপ্তি সাঙ্কল্যপূর্ণ। কিন্তু তাহা হইলেও চীন-জাপান বিরোধের অবসানের আশু সম্ভাবনা নাই বলিয়াই তিনি মত প্রকাশ করিয়াছেন। আমেরিকা হইতে সাহায্যপ্রাপ্ত চীন যখন রুশিয়ার সহিত বাণিজ্যসূত্রে আবদ্ধ এবং তাহার অবস্থা যখন পূর্বাংকশ উন্নত, তখন সে যে রাতারাতি জাপানের সহিত সন্ধি করিতে ছুটিবে না ইহা স্বাভাবিক।





### দেবানন্দপুরে শরৎ স্মৃতিবার্ষিকী—

গত ২৬শে জানুয়ারী রবিবার অপরাহ্নে অপরাহ্নে কপাশিঙ্গী শরৎচন্দ্র চট্টোপাধ্যায় মহাশয়ের জন্মভূমি হুগলী-জেলার দেবানন্দপুর গ্রামে তাহার স্মৃতিবার্ষিকী উৎসব



সম্রাট বঠ জর্জ সৈন্যদল পরিদর্শন করিতেছেন

সমারোহের সহিত সম্পন্ন হইয়াছিল। এবার ঐ সন্ধ্যা ববিবাসবের অধিবেশনের আয়োজন হওয়ায় জলঝড় সত্ত্বেও সেদিন দেবানন্দপুরে কলিকাতা হইতে বহুলোক গমন করিয়াছিলেন। রবিবাসবের সর্বাধ্যক্ষ রায় বাহাদুর অধ্যাপক শ্রীযুত খগেন্দ্রনাথ মিত্র মহাশয় উৎসবে সভাপতিত্ব করিয়াছিলেন। সভায় দেবানন্দপুরের অধিবাসীরা ছাড়াও নিকটস্থ স্থানগুলির বহু অধিবাসী উপস্থিত ছিলেন। শরৎচন্দ্র-স্মৃতিসমিতির সভাপতিরূপে হুগলী জেলাবোর্ডের চেয়ারম্যান শ্রীযুত তারকনাথ মুখোপাধ্যায় মহাশয় সভায় সকলকে জানাইয়াছেন—শরৎচন্দ্রের পৈতৃক বাসভবন সংলগ্ন প্রাঙ্গণটি ও তদুপরিস্থ বৈঠকখানা গৃহখানি স্থানীয় পল্লীসেবক সমিতি স্মৃতিমন্দির নির্মাণের জন্ত জয় করিয়াছেন এবং তথায় একটি স্মৃতিস্তম্ভ প্রতিষ্ঠা করিয়াছেন। স্মৃতিমন্দিরের জন্ত অর্থ সংগৃহীত হইতেছে এবং শীঘ্রই মন্দির নির্মিত হইবে। মন্দিরের

একদিকে পল্লী-পাঠাগার রাখা হইবে ও অপর দিকে একটি মাতৃমঙ্গলকেন্দ্র খোলা হইবে। কিন্তু এখনও আকস্মিক অর্থ সংগৃহীত হয় নাই। সে জন্ত তিনি সকলের নিকট আবেদন জ্ঞাপন করিয়াছেন। খগেন্দ্রবাবু সভাপতির অতিশয় যত্নে যাহা বলিয়াছেন, তাহা সকলের পক্ষেই বিশেষ ফলপ্রসূ হইয়াছিল। তাহার একাংশ আমরা এখানে তুলিয়া দিলাম—“মানুষকে শরৎচন্দ্র যে মর্যাদা দিয়েছিলেন, তার মধ্যে শুনতে পাওয়া যায়, বর্তমান যুগের যুগবানী। যুগে যুগে পরিবর্তমান জগতে যে অনবস্থা ঘটছে, তাকে ভালই বলি আর মন্দই বলি—তাকে অস্বীকার করার উপায় নাই। বর্তমানে মানবতার দাবী আকাশ বাতাস মাতিয়ে তুলেছে। জগতে ব্যক্তিত্বের চিরনিষ্পেষিত বার্তা আজ আর্ন্তনাদ করে উঠেছে সকল বাধাবিধান অতিক্রম করে। এমনটি আগে কখনও হয়নি। সমাজকে আমরা চিরদিন খুব বড় করেই দেখেছি। এমন এক সময় ছিল যখন মানুষ সমাজকেই ব্রহ্ম



ডিউক অফ্‌ উইন্সটার ও তাহার পত্নী বাহামাতে এক ক্রাবে পুরস্কার বিতরণ করিতেছেন

সত্য বলে মনে নিরেছিল এবং ব্যক্তিত্বকে তার নিকট স্থান দিতে কুণ্ঠিত হয়নি। কিন্তু আজ মানুষ তার ব্যক্তিত্ব

আবিষ্কার করেছে কলকাতার হাটবাজারের মধ্যে। কুলি মজুর দীনদরিদ্র—যাদের দিকে আমরা কখনও মুখ তুলে চাই



দক্ষিণ আমেরিকার লর্ড ও লেডী উইলিংডন

নি—তারাই আজ পৃথিবীর অধিকার করায়ত্ত করবার জন্ত লক্ষ হাত বাড়িয়েছে। আমরা যতই দাঁতে দাঁতে পিষে জগতের এই পবিত্রতিকে অভিসম্পাত করি না কেন, একে অস্বীকার করবার অধিকার কাবও নেই। পুরাতনের

শিকলে যাদের মন এখনও দাঁড়ের পাখীর মত উড়ে উড়ে দাঁড়েতেই আছাড় খাচ্ছে, তাদের পক্ষে নূতনের সঙ্গে ছন্দ রক্ষা করে চলা কঠিন হয়ে পড়েছে। আমরা গণতন্ত্র, সমাজতন্ত্র, শ্রমিকতন্ত্রকে এখনও ঠিক মনের সঙ্গে বরণ করে উঠতে পাবি নি। কিন্তু বর্তমান যুগের এই তন্ত্র না মেনে ত উপায় নাই। মহানির্বাণতন্ত্র রুদ্র-যামলতন্ত্রের দিন চলে গেছে—নূতন যুগের নূতন তন্ত্রকে মানতেই হবে। পুর্বাতন সোধে অশ্বখ বট ধ্বংসেব শিকড় প্রবেশ কবিয়েছে। স্মৃতবাং সে প্রাচীন সোধের মায়া ত্যাগ করতেই হবে। শবৎচন্দ্র এই সত্য যেমন কবে বুঝেছিলেন, তেমন কবে বোধ হয় আব কোন লেখকই বুঝতে পারেন নি।” ষাঁদের চেষ্টায় সে দিন দেবানন্দপুরে শবৎচন্দ্র স্মৃতিসভা সাফল্যমণ্ডিত হয়েছে, তাবা দেশবাসী সকলের ধন্বাদেব পাত্র—কারণ তাঁদের জন্তই এতগুলি লোক শবৎচন্দ্রেব জন্মভূমি দর্শন কবে ধন্ব হতে পেবেছিলেন।

#### শবৎচন্দ্রেব স্মৃতিরক্ষার ব্যবস্থা—

অপরাজেয় কথাশিল্পী স্বর্গত শবৎচন্দ্র চট্টোপাধ্যায়েব স্মৃতিরক্ষাব উদ্দেশ্যে যে তিন হাজার টাকা সংগৃহীত হইয়াছে, স্মৃতিরক্ষা কমিটি তাহা কলিকাতা বিশ্ববিদ্যালয়ের হাতে অর্পণ কবিয়াছেন। এই টাকাব সুদ হইতে প্রতি তিন



ভারতে আনীত ইটালীয় বন্দী

বৎসর অন্তর বাঙ্গালা ভাষার সর্বশ্রেষ্ঠ বাঙ্গালা গ্রন্থের লেখককে একটি স্বর্ণপদক পুরস্কার দেওয়া হইবে। স্মৃতিরক্ষা-কমিটির এই সিদ্ধান্ত সর্বতোভাবে সমীচীন হইয়াছে; শরৎ-চন্দ্রের স্মৃতিরক্ষার ইহার অপেক্ষা শ্রেষ্ঠতর উপায় আমাদের জানা নাই। তবে এই প্রসঙ্গে অত্যন্ত দুঃখের সহিত স্বীকার করিতে হইবে যে বাঙ্গালার সর্বজনপ্রিয় ঔপন্যাসিকের স্মৃতিরক্ষায় মাত্র তিন হাজার টাকার বেণী সংগৃহীত হইল না!

### হাইকোর্টের নুতন বিচারপতি—

কলিকাতা হাইকোর্টের বিচারপতি শ্রী বি. এন্. রাও ভারত সরকারের অধীনে বিশেষ কার্যের ভার পাওয়ায়

### পরলোককে জেম্‌স্‌ জয়েন্স—

সুপ্রসিদ্ধ আইরিশ ঔপন্যাসিক মিঃ জেম্‌স্‌ জয়েন্স মাত্র ছাপান্ন বৎসর বয়সে পরলোকগমন করিয়াছেন। তিনি একাধারে ছিলেন কবি ও ঔপন্যাসিক হিসাবে জগৎপ্রসিদ্ধ ব্যক্তি ও মণীষী। তাঁহার লেখা একদল পাঠক সানন্দে বরণ করিয়া লইয়াছিল, আর একদল তেমনই নাসিকা কুঞ্চন করিয়া দূরে ঠেলিয়া দিয়াছিল। তাঁহার সুবৃহৎ ও বহুনির্মিত-প্রশংসিত 'ইউলিসিস' একদা জগতের পাঠকসমাজকে উদগ্র আধুনিকতার প্রভাবে অভিভূত করিয়াছিল। তাঁহার প্রশংসা ও নিন্দা এমন পাশাপাশি প্রচারিত হয় যে, তাঁহার প্রতিভার সঠিক বিচার করা সহজসাধ্য নহে। তাঁহার প্রচারিত নীতি



১৯৪০ এর অক্টোবরে লণ্ডনের দৃশ্য—নাজি বোমাবর্ষণ সবেও ঠিক আছে

বড়লাট কলিকাতা হাইকোর্টের প্রতিষ্ঠাবান য্যাড্‌ভোকেট ডক্টর রাধাবিনোদ পাল মহাশয়কে বিচারপতি শ্রী বি. এন্. রাওয়ের অস্থগতিস্থিতিকালে কিংবা পুনরাদেশ পর্য্যন্ত হাইকোর্টের বিচারপতি নিযুক্ত করিয়াছেন। ডক্টর পাল একজন প্রসিদ্ধ ব্যবহারাজীব, সুপণ্ডিত। তাঁহার যোগ্যতা স্বীকৃত হইয়াছে দেখিয়া আমরা প্রীত হইলাম।

ও সত্যের নির্ভীক নগ্নতা দেখিয়া কোন কোন রাজ-সরকার তাঁহার গ্রন্থ পড়া নিষিদ্ধ করিয়া দিয়াছিলেন। তাঁহার এই অকালমৃত্যুতে একজন প্রকৃত শক্তিমান লেখকের অভাব হইল।

### ভারতীয় বিজ্ঞান কংগ্রেস

এবার ভারতীয় বিজ্ঞান কংগ্রেসের অষ্টাবিংশতিতম অধিবেশন বিশেষ সাকল্যের সহিত কাশীধামে সুসম্পন্ন

হইয়াছে। বিভিন্ন শাখার সভাপতিদের অভিভাষণগুলি হইতে ও বিভিন্ন শাখায় আলোচিত বিষয় হইতে ভারতে বিজ্ঞান প্রচেষ্টার যে সকল তথ্য জানিতে পারা যায়—তাহাতে স্বতই মনে হয় যে আমাদের দেশে বিজ্ঞানচর্চা দ্রুত উন্নতির পথে অগ্রসর হইতেছে। ভারতীয় বিজ্ঞানীদের মধ্যে একজন নোবেল পুরস্কার পাইয়াছেন এবং আরও কয়েকজন ইউরোপ ও আমেরিকার বিদ্বৎসমাজে খ্যাতিলাভ করিয়াছেন। তাহা সত্ত্বেও একথা অস্বীকার করিবার জো নাই যে, আমাদের ভাব-জীবনে এখনও বিজ্ঞানের একটি

আর্থিক ও সাংস্কৃতিক দৈন্তেরই পরিচয় দেয়। বিজ্ঞান-কংগ্রেস ভারতীয় বিজ্ঞানের গতিকে আত্মকেন্দ্রিক খাতে প্রবাহিত করিয়া বিশ্বের অপরাপর দেশের বিজ্ঞান প্রচেষ্টার সমপর্যায়ে উন্নীত করিবেন ইহাই আমরা সাগ্রহে কামনা করিতেছি।

**শরৎচন্দ্রকে ব্যাডেন পাওয়েল—**

তিরানী বৎসর বয়সে স্বাউট আন্দোলনের প্রবর্তক লর্ড ব্যাডেন পাওয়েল সম্প্রতি পরলোকগমন করিয়াছেন। ১৯০৮ সালে তিনি স্বাউট আন্দোলন প্রবর্তন করেন এবং এই অল্প



পশ্চিম মরুভূমিতে ভারতীয় সৈন্যদল


আবহাওয়া গড়িয়া ওঠে নাই—প্রত্যক্ষ জীবনেও বিজ্ঞানের প্রভাব পূর্ণভাবে পরিস্ফুট হয় নাই। তাহার প্রধান কারণ, বিজ্ঞান এখনও আমাদের দেশের মাটি হইতে রস আহরণের সুযোগ পায় নাই; আমরা এখনও পাশ্চাত্যের মুখের দিকে তাকাইয়া আছি—নিজের গবেষণা ও অন্বেষণের ভিত্তি করিয়া ইহা এখনও জাতির নিজস্ব সম্পদে পরিণত হইতে পারেন নাই। বিজ্ঞানের এই পরমুখাশেপিতা আমাদের

সময়ের মধ্যে বলিতে গেলে প্রায় সমগ্র সভ্যজগতে তাহা ছড়াইয়া পড়িয়াছে। এই আন্দোলনের ফলে ছেলেরা নিয়মানু-বর্তিতা, পরোপকার ও জনসেবার আদর্শে অনুপ্রাণিত হইয়াছে।

**কাশ্মীর রাজ্যের উর্দু—**

কাশ্মীর রাজ্যের নরপতি হিন্দু, কিন্তু বেশীর ভাগ প্রবাহী মুসলমান; তাই রাজ্যের প্রাথমিক বিদ্যালয়গুলি হইতে হিন্দু

ভাষার সাহায্যে শিক্ষার ব্যবস্থা তুলিয়া দিয়া উর্দু ভাষার প্রবর্তন করা হইয়াছে। ফলে হিন্দুদের মধ্যে বিকোভ দেখা দেয়; হিন্দি-উর্দু বিতর্কের মীমাংসা করিতে গিয়া স্থির হইয়াছে যে, কাশ্মীর রাজ্যের সমস্ত প্রাথমিক বিদ্যালয় হইতে ভাষা হিসাবে হিন্দি বা উর্দু শিক্ষা দেওয়া হইবে না। প্রাথমিক ( মাধ্যমিকও ) বিদ্যালয়ে সাধারণ উর্দুই শিক্ষার বাহন হইবে। প্রথম শ্রেণী হইতে পঞ্চম শ্রেণী পর্যন্ত সরল উর্দু দেবনাগরী অথবা পারসী অক্ষরের সাহায্যে শিক্ষা দেওয়া হইবে। সকল বিতর্কের সহজ ও অভিনব সমাধানের জন্ত ছাত্রদের মাতৃভাষা শিক্ষার ব্যবস্থাই তুলিয়া দিতে হইবে। একেই ত ইংরেজী শিক্ষার দাপটে লোক মাতৃ-ভাষার সম্মান দিতে চাহে না, তার উপর যা-ও দেশী ভাষায় শিক্ষার ব্যবস্থা প্রবর্তিত হইবার ফলে ইহার প্রতিকার সম্ভাবনায় আমরা আশাবিত্ত হইয়া উঠিয়াছিলাম কিন্তু কাশ্মীর রাজ্যের এ ব্যবস্থায় আমাদের আশঙ্কা বাড়িল বই কমিল না। জিজ্ঞাসা করি—নিজাম রাজ্যের হিন্দু প্রজারা যদি অসুস্থ দাবী করিয়া বসে তাহা হইলে তাহাদের দোষ দেওয়া যায় কি ?



বিশ্ববিদ্যালয়ে যাহাতে আয়ুর্বেদের অধ্যাপনার ব্যবস্থা হয় সে জন্ত চেষ্টা করিবেন বলিয়া আশ্বাস দান করেন। প্রথম দিনের সভায় অভ্যর্থনা সমিতির সভাপতি কবিরাজ শ্রীযুত অনাথনাথ রায় ও মূলসভাপতি শ্রীযুত সতীশচন্দ্র সেন মহাশয় তাঁহাদের অভিভাষণ পাঠ করিয়াছিলেন। দ্বিতীয় দিন কবিরাজ শ্রীযুত বিমলানন্দ তর্কতীর্থ মহাশয়ের সভাপতিত্বে সম্মিলন হয়। সভায় গভর্নমেন্ট কর্তৃক গঠিত 'স্ট্রেট ফ্যাকাল্টি অফ আয়ুর্বেদিক মেডিসিনের' বহু কার্যের তীব্র নিন্দা করিয়া প্রস্তাব গৃহীত হইয়াছে এবং যাহাতে অতঃপর নির্বাচিত সদস্যদ্বারা ফ্যাকাল্টি গঠিত হয় সেজন্ত গভর্নমেন্টকে জানান হইয়াছে। বোম্বাই প্রদেশে আয়ুর্বেদীয় চিকিৎসকগণের স্বার্থরক্ষার জন্ত গভর্নমেন্ট ১৯৩৮ সালে

আয়ুর্বেদ

সম্বন্ধে

আলোচনা-

সম্মিলন—

গত ২৫শে ও ২৬শে জাহুয়ারী শনি ও রবিবারে কলিকাতা বিশ্ববিদ্যালয়ের আশুতোষ হলে বঙ্গীয় আয়ুর্বেদীয় চিকিৎসক মহাসম্মিলনের এক বিশেষ অধিবেশন হইয়া গিয়াছে। প্রথম দিনে দেশনেতা শ্রীযুত শরৎচন্দ্র বসু মহাশয় তথায় ধর্মস্তায়ি পতাকা উত্তোলন করেন এবং ডক্টর শ্রীযুত শ্রীমা প্রসাদ মুখোপাধ্যায় মহাশয় সম্মিলনের উদ্বোধন করেন। শরৎবাবু তাঁহার বক্তৃতায় দেশবাসীকে পুনরায় বিদেশী চিকিৎসাপদ্ধতি ত্যাগ করিয়া দেশীয় চিকিৎসাপদ্ধতির অঙ্গরূপী হইতে আহ্বান করেন এবং শ্রীমা প্রসাদবাবু

আমানসোলে কুষ্ঠাশ্রমে বাঙ্গলার গভর্নর—সার ষ্ট্যানলী

হার্কাট'—সঙ্গে মন্ত্রী সার বিজয়প্রসাদ সিংহ রায়

যেরূপ আইন গঠন করিয়াছেন, বাঙ্গলাদেশের ব্যবস্থা পরিষদকে তদনুরূপ আইন স্থির করিতেও অসুযোগ করা হইয়াছে। ফ্যাকাল্টির দ্বারা কবিরাজগণ উপকৃত না হইয়া বরং অপকৃত হইতেছেন—এ কথা সম্মিলনে সকলেই স্বীকার করিয়া লইয়াছিলেন এবং কবিরাজগণ যাহাতে এলোপ্যাথিক ডাক্তারগণের সহিত তুল্যাধিকার লাভ করেন, সেজন্তও গভর্নমেন্টকে সকলে একবাক্যে দাবী জানাইয়াছেন। বাঙ্গলার মকস্বল হইতে বহু কবিরাজ এই সম্মিলনে যোগদান করার সম্মিলনটি সাফল্যমণ্ডিত হইয়াছিল। কবিরাজ শ্রীযুত ইন্দুভূষণ সেন, কবিরাজ

শ্রীযুত রামকৃষ্ণ শাস্ত্রী প্রভৃতির একান্ত চেষ্টায় এবার আয়ুর্বেদীয় চিকিৎসকগণের বহু অসুবিধার কথা এই



গত ১৭ই ডিসেম্বর কলিকাতায় সিভিক গার্ড  
প্রদর্শনীতে বাঙ্গালার গভর্নর —কটো পান্না সেন

সম্মিলনের মারফতে সর্বসাধারণের প্রকাশ করার ব্যবস্থা  
হইয়াছিল।

### সিন্দুরের সুব্রহ্মণ্য মল্লিক স্মৃতি—

হুগলী জেলাবোর্ডের চেয়ারম্যান শ্রীযুত তারকনাথ  
মুখোপাধ্যায় ১৯৩৯-৪০ বর্ষের বোর্ডের কার্যের যে বার্ষিক  
বিবরণ সম্প্রতি প্রকাশ করিয়াছেন, তাহাতে একটি বিষয়  
সকলেরই দৃষ্টি আকর্ষণ করিবে। স্বর্গত দেশপ্রেমিক  
সুব্রহ্মণ্য মল্লিক মহাশয়ের পত্নী শ্রীমতী স্বর্ণপ্রভা দেবী  
তাঁহার স্বামীর স্মৃতিরক্ষার্থ হুগলী জেলার সিন্দুর গ্রামে  
মোট ৯১ হাজার ৫শত টাকা দান করায় ঐ অর্থে তথায়  
একটি স্বাস্থ্যকেন্দ্র ও প্রসূতি চিকিৎসালয় স্থাপিত হইয়াছে।  
জেলা বোর্ডের পরিচালনাধীনে ঐ প্রতিষ্ঠান নির্মিত হইয়াছে  
এবং আমেরিকার যুক্তরাজ্যের 'রকফেলার ফাউণ্ডেশন'  
হইতেও ঐ প্রতিষ্ঠানকে সাহায্য করার ব্যবস্থা হইয়াছে।  
স্বাস্থ্য কেন্দ্রে প্রথম ৫ বৎসর যে অর্থ ব্যয়িত হইবে, তাহার  
কিছু অংশ 'রকফেলার ফাউণ্ডেশন' হইতে পাওয়া যাইবে।  
ভারতবর্ষে এরূপ প্রতিষ্ঠান এই নূতন। শুধু অর্থ হইলেই  
কোন বড় কাজ হয় না। বাঙ্গালার স্বাস্থ্য বিভাগের  
ডিরেক্টর ও হুগলী জেলা বোর্ডের চেয়ারম্যানের সমবেত  
চেষ্টায় শ্রীমতী স্বর্ণপ্রভা দেবীর প্রদত্ত অর্থে এরূপ একটি  
প্রতিষ্ঠান পড়িয়া উঠিল—ইহা সমগ্র বাঙ্গালার লোকের  
পক্ষেই গৌরবের বিষয় সন্দেহ নাই। সুব্রহ্মণ্য মল্লিক

মহাশয় যে প্রকৃতই একজন দেশপ্রেমিক ছিলেন, তাহা তাঁহার  
স্মৃতিরক্ষা ব্যবস্থার সাফল্যের দ্বারা প্রমাণ হইয়া গেল।

### অস্ত্রশস্ত্র নির্মাণের কারখানা—

মিড্‌ল্‌স্ট কম্যাণ্ড ও ফার্স্ট কম্যাণ্ডের রিপোর্ট  
হইতে জানা যায় যে যুদ্ধ বাধিবার পর হইতে অস্ত্রশস্ত্র  
নির্মাণের কারখানা প্রসারের কর্মতালিকা গ্রহণ করিবার  
ফলে ভারতবর্ষ ক্রমশ বিদেশের অর্ডার সরবরাহে সমর্থ  
হইতেছে। সাত কোটি টাকা ব্যয়ে অস্ত্রশস্ত্র নির্মাণের  
কারখানা প্রসারের যে দ্বিতীয় পরিকল্পনা গ্রহণ করা  
হইয়াছে, বর্তমানে সেই অনুসারে কাজ আরম্ভ হইয়াছে।  
এই পরিকল্পনা অনুযায়ী প্রত্যেক কারখানায় আধুনিক  
ধরণের অস্ত্রশস্ত্র এবং গোলাবারুদ প্রস্তুতের ব্যবস্থা হইতেছে।

### নূতন ধরণের আলু—

আলুতে মেদবৃদ্ধি করে আশঙ্কায় কেহ কেহ আলু  
ব্যবহারের পক্ষপাতী নহেন। সম্প্রতি আমেরিকার নিউ-  
ইয়র্ক প্রদেশে কোন বাগানের মালিক শ্বেতসারবিহীন আলু  
উৎপাদন করিয়াছেন। ইহার নাম 'টপাটো'। আলু  
এবং টমাটোর বীজের সমন্বয় করিয়া ইহা উৎপন্ন হয়।  
শ্বেতসার-বিনষ্টকারী টমাটো আলুর শ্বেতসার নষ্ট করিয়া  
দেয় এবং এই শ্রেণীর আলু ব্যবহারে মেদ বৃদ্ধির আশঙ্কা  
নাই বলিয়া উক্ত বাগানের মালিক দাবী করিতেছেন।  
টপাটো আলুর গায়ই একপ্রকার উদ্ভিদ। মাটির নীচে  
টপাটো এবং মাটির উপরে টমাটো জন্মায়। প্রায় সাতটি



ভারতীয় বিমান বাহিনীতে একদল যুবক বিমান-চালক-  
ইহারা যুদ্ধকে ভয় করে না



রাসায়নিক দ্রব্যের সাহায্যে এই নব আবিষ্কৃত আলু উৎপন্ন হয়।

### পৃথিবীর কৃষিজীবীর সংখ্যা—

লণ্ডন স্কুল অফ ইকনমিকস্-এর অধ্যাপক মিঃ হল জাতি-সংঘের অর্থনীতিক সমিতির নিকট জীবিকা-নির্বাহের উন্নততর ব্যবস্থার উপায় উদ্ভাবন সম্পর্কে একখানি স্মারক-লিপি প্রেরণ করিয়াছেন। মিঃ হল উক্ত স্মারকলিপিতে উল্লেখ করিয়াছেন যে বিভিন্ন দেশে যে আদমসুমারি গৃহীত হইয়াছে তাহার উপর ভিত্তি করিয়া এবং যে সকল দেশে তাহা গৃহীত হয় নাই তাহার আনুমানিক সংখ্যা-বিবরণীর উপর নির্ভর করিয়া দেখা যায় যে গত ১৯৩৮ সালে পৃথিবীর লোকসংখ্যা দুইশত কোটির উপর ছিল। তাহার

বছরের এই সময়ের আয় অপেক্ষা ৮ কোটি ৬৬ লক্ষ টাকা বেশী।

### শ্রমিক ধর্মঘটের হিসাব নিকাশ—

১৯৪০ সালের ১ এপ্রিল লইতে ৩০ জুন পর্যন্ত ভারতের বিভিন্ন প্রদেশে মোট ১০১টি শ্রমিক ধর্মঘট সংঘটিত হইয়াছিল। ইহাতে ২ লক্ষ ৬৮ হাজার ৫শত ৮০জন শ্রমিক সংশ্লিষ্ট ছিল এবং মোট ২৪ লক্ষ ৭৪ হাজার ২শত ৬৩টি কাজের দিন নষ্ট হইয়াছে। উক্ত ১০১টি ধর্মঘটের মধ্যে ৬২-টিই ছিল মজুরীবৃদ্ধির দাবী সংক্রান্ত। এই সময়ে আসামে ২, বাঙ্গালায় ৩৫, বিহারে ৪, বোম্বাইয়ে ২৫, মধ্যপ্রদেশে ৭, মাদ্রাজে ১২, উড়িষ্যায় ১, পাঞ্জাবে ৯, সিন্ধুতে ২ এবং সংযুক্ত প্রদেশে ৪-টি ধর্মঘট হয়। ধর্মঘটের



ভারতীয় পদাতিক সৈন্যগণ ইরিত্রীয়ার সীমান্তে আটবারা নদী পার হইতেছে—নদীতে কুস্তীর উপদ্রব খুব বেশী

মধ্যে নব্বই কোটি লোক লাভজনক কাজে জীবিকা নির্বাহ করিত এবং তাহার মধ্যে কৃষিকার্যে আনুমানিক পঞ্চাশ কোটি লোক নিযুক্ত ছিল। উহার অর্ধেকের বেশী এশিয়া মহাদেশের। কেবলমাত্র ভারতবর্ষেই বিশ কোটির অধিক লোক কৃষিকার্যের দ্বারা জীবিকা নির্বাহ করে বলিয়া মিঃ হল উল্লেখ করিয়াছেন।

### সরকারী রেলপথের আয়—

বিগত ১লা এপ্রিল হইতে ৩০শে নবেম্বর পর্যন্ত আট মাসে সরকারী রেলপথসমূহের মোট আয়ের পরিমাণ দাঁড়াইয়াছে ৬৯ কোটি ৫৫ লক্ষ টাকা। ইহা গেল বছরের এই সময়ের আয়ের তুলনায় ৭ কোটি ৭৪ লক্ষ টাকা এবং তারও আগের

শ্রেণী বিভাগ করিলে দেখা যায়—কাপড়ের কলে ৩৮-টি, চটকলে ৮-টি, ইঞ্জিনিয়ারিং কারখানায় ৪-টি এবং বিভিন্ন শিল্পে বাকী ৪৫-টি ধর্মঘট হইয়াছিল। এই এতগুলো ধর্মঘটের ২০-টিতে ধর্মঘটীরা সাফল্যলাভ করে, আটটিতে তাহাদের দাবী আংশিক মিটানো হইয়াছে এবং ১৭টি ধর্মঘট ব্যর্থ হইয়াছে।

### পরলোকক আঁন্নি বার্গশ —

প্রসিদ্ধ ফরাসী দার্শনিক ও পৃথিবীবিখ্যাত মনীষী আঁন্নি বার্গশ পরলোকগমন করিয়াছেন। মৃত্যুর সময় তাঁহার বয়স হইয়াছিল বিরাণী বৎসর। ইনি জাতিতে ছিলেন ইহুদি, তাই শক্তিমান নাৎসীদের হাতে লাঞ্ছনা ও উৎপীড়ন

অনেকখানিই তাঁহাকে ভোগ করিতে হইয়াছে। আধুনিক বিজ্ঞানে পরমাণু আবিষ্কারে যে বিরাট বিপ্লব সংঘটিত হইয়াছে এবং পদার্থজগৎ মনোজগতের আভাসমাত্র বলিয়া যে আধ্যাত্মিক বিজ্ঞানবাদ প্রাধান্য লাভ করিয়াছে—বার্গশ'র 'স্বতঃস্ফূর্ত বিবর্তন'-এর মতবাদের দৌলতে তাহা অনেকখানি সমৃদ্ধ। জীন্স, গ্যাডিংটন প্রমুখ বিশ্ববিখ্যাত বৈজ্ঞানিক-গণের দার্শনিক আলোচনায় যে মতবাদ অসম্পূর্ণভাবে অভিব্যক্ত—বার্গশ'র দর্শনেই তাহা পাওয়া যায় পরিণত ও পূর্ণরূপে। মণীষার উপর বর্ষরোচিত অত্যাচারের পাল্লা

হইবে। এই আইনের বলে ম্যাজিস্ট্রেট যে-কোন ভিক্ষুককে উক্ত আশ্রমে ভর্তি করিবার নির্দেশ দিতে পারিবেন। কর্মসূচী ভিক্ষুকদের জন্য মাদ্রাজ কর্পোরেশন একটি আশ্রম খুলিবার পরিকল্পনা করিয়াছেন—রুগ্ন এবং বয়স্ক ভিক্ষুকদের জন্যও কালক্রমে কর্পোরেশন আর একটি পৃথক আশ্রম প্রতিষ্ঠা করিতে ইচ্ছা করেন। উক্ত বিলের মর্ম এই যে, ষোল বৎসরের অধিকবয়স্ক কর্মসূচী ভিক্ষুকদের বিচার করিবেন প্রেসিডেন্সী ম্যাজিস্ট্রেট এবং উক্ত বিচারকই এই শ্রেণীর ভিক্ষুকদিগকে ভিক্ষুকশালায় ভর্তির নির্দেশ দিবেন।



ভারতীয় রাজকীয় নৌবাহিনীতে নবনিযুক্ত যুবকবৃন্দ—সকলেই নাবিকবেশে সজ্জিত

পৃথিবীতে আজও শেষ হয় নাই; তবু বার্গশ'র জায় মণীষীরা অমর—কোন ডিক্টেটোরের রক্তচক্ষু তাহাকে ম্লান করিতে পারে নাই, পারিবেও না কোনদিন।

### ভিক্ষুক-সমস্যা সমাধানের চেষ্টা—

আইনের সাহায্যে মাদ্রাজ শহরের ভিক্ষুক সমস্যা সমাধানের জন্য মাদ্রাজ সরকার সম্প্রতি একটি বিল প্রণয়ন করিয়াছেন। ইহা আইনে পরিণত হইলে ভারতবর্ষের সর্বত্র সর্বপ্রথম মাদ্রাজেই একটি ভিক্ষুকশালা প্রতিষ্ঠিত

তিন বৎসরের অধিককাল কোন ভিক্ষুককে এই ওয়ার্ক-হাউসে রাখা হইবে না। ভবিষ্যতে ভিক্ষা না করার প্রতিশ্রুতি দিলে কর্মসূচী ভিক্ষুকদিগকে ছাড়িয়া দেওয়া হইবে। বিলে ভিক্ষুকদের জন্য কর্মসংস্থান এবং কর্ম গ্রহণে অসম্মত হইলে ভিক্ষুককে শাস্তি দেওয়ারও বিধান আছে। কলিকাতার এরকম একটা ব্যবহার প্রত্যাশা কি আমরা করিতে পারি না?


### আড়িম্বল বিলে কচুদীপানা—

আড়িম্বল বিল ঢাকা জেলার মুন্সিগঞ্জ ও দক্ষিণ সদর



অনন্তের স্মরণ

ঈহেমেন্সনাথ মজুমদার



মাদ্রাজে ডা. বিবলচন্দ্র রায়—মাদ্রাজ এবং বঙ্গদেশের আইনজীবীগণের কতক সম্মেলন



মুম্বইতে কংগ্রেসের সভাস্থলে বঙ্গদেশের আত্মপরিচয়



কলিকাতায় নিখিলভারত হে. ডি. ইউনিয়ন কংগ্রেসের নেতৃপক্ষ

মহকুমার শ্রীনগর, দোহার ও নবাবগঞ্জ থানার মধ্যে বিস্তৃত। ইহার আয়তন সমগ্র ঢাকা জেলার ষোল ভাগের এক ভাগ অর্থাৎ ১২৪ বর্গ মাইল। যত দূর জানা যায়, ১৯২১ সালে প্রথম এই বিলে কচুরী পানা আসে এবং অল্প সময়ের মধ্যে সমস্ত বিল ছাইয়া ফেলে। ফলে চাষীদের ফসল নষ্ট হইতে থাকে। কচুরী আসার আগে বিলে প্রচুর ধান ফলিত, চাষীরাও প্রচুর ফসল পাইত; কিন্তু কচুরীপানার আবির্ভাবের পর হইতে তাহাদের ক্ষতির পরিমাণ অসম্ভব হইয়া দাঁড়াইয়াছে। অথচ চাষীদের জমির খাজনা নিয়মিতই জোগাইতে হইতেছে। যাহাতে বিলে কচুরীপানা আসিতে না পারে তাহার জন্ত বেড়া দেওয়ার ব্যবস্থা সরকার হইতে করা হইয়াছে; অবশ্য তাহার ব্যয় চাষীদের নিকট হইতেই

১১জন, নিখিল ভারত কংগ্রেস কমিটির সদস্য ১৭৬ জন; কেন্দ্রীয় পরিষদের সদস্য ২২ জন ও প্রাদেশিক আইন সভার সদস্য ৪০০ জন ধৃত ও দণ্ডিত হইয়াছেন। এই সত্যগ্রহের পরিণাম কি, কে বলিবে।

### ইংলণ্ডে বিমান আক্রমণে হতাহত—

গত সেপ্টেম্বর হইতে ডিসেম্বর এই চারিমাসে বৃটেনে যে জার্মানীর বিমান আক্রমণ হইয়াছে তাহাতে মোট ২৪,৬৬৯ জন নিহত ও ৩১,৩০৮ জন আহত হইয়াছে। ইহার মধ্যে ডিসেম্বর মাসে মোট ৩,৭৯৩ জন অসামরিক ব্যক্তি নিহত হয় এবং ৫,০৪৪ জন অসামরিক ব্যক্তি আহত হইয়া হাসপাতালে ভর্তি হইয়াছে। ইহাদের



খুলনা বালিকা বিদ্যালয়ে গভর্নর-পত্নী লেডী মেরী হার্বার্ট

আদায় করা হয়। অথচ এ সম্বন্ধে চাষীরা বিশেষ ফললাভ করিতে পারিতেছেন না। ইহার প্রতীকার কল্পে সম্প্রতি ঢাকার মালিকানায ডাঃ সুরেশচন্দ্র বন্দ্যোপাধ্যায়ের সভাপতিত্বে এক সম্মেলন আহূত হইয়াছিল। অবিলম্বে কচুরীপানার প্রতীকার করিতে না পারিলে নিরন্ন কৃষক-কুলকে বাঁচানো সম্ভব হইবে না। আমরা সরকারকে এ বিষয়ে তৎপর হইতে সনির্বন্ধ আবেদন জানাইতেছি।

### ভারতে সত্যগ্রহ—

মহাত্মা গান্ধীর নির্দেশে যে সত্যগ্রহ আন্দোলন শুরু হইয়াছে তাহাতে এ যাবৎ ভারতের আঠারটি বিভিন্ন প্রদেশের ২৯ জন ভূতপূর্ব মন্ত্রী, ওয়ার্কিং কমিটির সদস্য

মধ্যে ১,৪৩৪ স্ত্রীলোক ও ৫২১ জন শিশু নিহত হয় এবং আহতদের মধ্যে ১,৭৭৫ জন স্ত্রীলোক ও ৩০৭টি শিশু আছে। এই লোকক্ষয়কর মহাযুদ্ধ যে কবে শেষ হইবে এবং কি তাহার পরিণাম তাহা কে বলিবে?

### ঠাকুর ল-লেকচারার—

কলিকাতা বিশ্ববিদ্যালয়ে ১৯৪১ সালে ঠাকুর ল লেকচার দিবার জন্ত শ্রী নৃপেন্দ্রনাথ সরকারকে অহুরোধ করা হইয়াছে। তিনি এই পদ গ্রহণ করিতে সম্মত হইলে 'বৃটিশ ভারতে সালিসী'—এই বিষয়ে তাঁহাকে বারটি বক্তৃতা দিতে হইবে। আমাদের বিশ্বাস, তাঁহার মত একজন কৃতি আইনজ্ঞের দ্বারা বিশ্ববিদ্যালয় উপকৃত হইবে।

### ভারত সরকারের আয়ব্যয়—

সম্প্রতি সংশোধিত আকারে ভারত সরকারের আয়-ব্যয়ের যে মাসিক বিবরণ প্রকাশিত হইয়াছে তাহা হইতে জানা যায়—গত নবেম্বর মাসের শেষে পূর্ববর্তী বৎসরের তুলনায় রাজস্বের আয় প্রায় পাঁচ কোটি টাকা কম পড়িয়াছে। ১৯৪০-৪১ সালের প্রথম আট মাসে পূর্ববর্তী বৎসরের এই সময়ের তুলনায় শুধু বিভাগের আয় পাঁচ কোটি টাকা, কর্পোরেশন ট্যাক্স বাবদ আয় চব্বিশ লক্ষ টাকা ও লবণ-শুল্কের আয় দুই কোটি আটশ লক্ষ টাকা হ্রাস পাইয়াছে। অপর দিকে কেন্দ্রীয় আবগারী বিভাগের আয়

তির্যাস্তর লক্ষ টাকা বৃদ্ধি পাইয়া পনের কোটি আটশ লক্ষ টাকা দাঁড়াইয়াছে। আলোচ্য আট মাসে রাজস্বের খাতে ত্রিশ কোটি আটশ লক্ষ টাকা ঘাটতি হইয়াছে বলিয়া দৃষ্ট হয়; ইহার পরিবর্তে রেল বিভাগ এবং ডাক ও তার বিভাগের আয় যথাক্রমে পঁচিশ কোটি আটশ লক্ষ এবং ছিব্বটি লক্ষ টাকা হওয়ায় উক্ত ঘাটতির পরিমাণ হ্রাস পাইয়া পাঁচ কোটি টাকায় পরিণত হইয়াছে।

### জাপানী শণ্যের আমদানী বৃদ্ধি—

গত নবেম্বর মাস পর্যন্ত আট মাসে ভারতে জাপান হইতে ভারতে আমদানী বাণিজ্যের পরিমাণ তের কোটি



মাদ্রাজে বাঙ্গালার ব্রতচারী দল

এবং আয়কর ও অন্যান্য ট্যাক্স বাবদ আয়ের পরিমাণ আলোচ্য সময়ে যথাক্রমে এক কোটি চুরাশী লক্ষ, একশ লক্ষ এবং উনিশ লক্ষ টাকা বাড়িয়াছে। গত নবেম্বর মাসের শেষে ভারত সরকারের মোট ব্যয়ের পরিমাণ সাতাত্তর কোটি একষট্টি লক্ষ টাকা দাঁড়াইয়াছে। আগের বৎসর ঐ সময় ইহার পরিমাণ উনসত্তর কোটি পঁচানব্বই লক্ষ টাকা ছিল। দেশরক্ষা বিভাগের ব্যয়ের পরিমাণ ছত্রিশ কোটি একশ লক্ষ টাকা দাঁড়াইয়াছে। আগের বৎসর এই সময়ে এই ব্যয়ের পরিমাণ আটশ কোটি আঠার লক্ষ টাকা ছিল। বিবিধ খাতে ব্যয়ের পরিমাণ

টাকার অধিক দাঁড়াইয়াছে। পূর্ববর্তী বৎসরে এই সময় ইহার পরিমাণ ছিল সাড়ে এগার কোটি টাকা। আলোচ্য সময়ে যন্ত্রপাতি, রঞ্জনদ্রব্য এবং এই প্রকার অন্যান্য জাপানী জিনিষের আমদানী বৃদ্ধিতে মনে হয় যে বর্তমান যুদ্ধের জন্ত ইংলণ্ড ও ইউরোপের অন্যান্য দেশ হইতে ভারতে উপরোক্ত জিনিষের আমদানী বন্ধ হওয়ায় জাপান তাহার সুযোগ গ্রহণে অগ্রসর হইয়াছে। অপর পক্ষে, ঐ সময়ে জাপানে ভারতীয় রপ্তানী বাণিজ্যের পরিমাণ পৌনে ছয় কোটি টাকা হ্রাস পাইয়াছে। আগের বৎসর ইহার পরিমাণ ছিল সাড়ে আট কোটি টাকারও উপর। ভারতে কার্পাসজাত

জাপানী পণ্যের আমদানিই ছিল বেশী, কিন্তু বর্তমানে তাহা কমিয়া গিয়াছে। অপর পক্ষে জাপানী যন্ত্রপাতি ও রজন-দ্রব্য ইত্যাদির আমদানি বাড়িয়াছে। যুদ্ধের জন্য প্রত্যেক



আমসেদপুরে প্রবাসী বঙ্গ সাহিত্য সম্মিলনে সমবেত—মূল সভাপতি  
শ্রীশঙ্করদয় দত্ত, রামানন্দ চট্টোপাধ্যায়, অন্নদাশঙ্কর রায়,  
শ্রীমতী কুমুদিনী বসু প্রভৃতি

জিনিষের দাম বাড়িয়াছে বটে, কিন্তু তাহা সত্ত্বেও এইরূপ জিনিষের আমদানি বাড়িতেই দেখা যায়।

#### বিক্রয় কর বিল ও পাঞ্জাব পরিষদ—

পাঞ্জাবেও বাঙ্গালার মতই একটি বিক্রয় কর বিল উপস্থাপিত হইয়াছে। সম্প্রতি পাঞ্জাব ব্যবস্থা পরিষদে এই বিলটি উপলক্ষ করিয়া একটি ভারী মজার ব্যাপার ঘটিয়াছে। জাতিগঠন বিভাগের ভারপ্রাপ্ত মন্ত্রী মহাশয় সরকারের পক্ষ হইতে এই বিলটি পরিষদে পেশ করিয়াছেন; কিন্তু বিলটি আলোচনার সময় তাঁহার পার্লামেন্টারী সেক্রেটারী শ্রী উইলিয়াম রবার্ট বিলের বিরোধিতা করিয়া এই মন্তব্য প্রকাশ করিয়াছেন যে, এই বিল পাশ হইলে পাঞ্জাবের শিল্প-বাণিজ্যের সমূহ ক্ষতি হইবে। কংগ্রেসী দলের অধিকাংশ সভ্য অনুপস্থিত বিধায় পরিষদের বাহিরের মতামত সংগ্রহ করাই জনমত নির্ধারণের প্রধান উপায় বলিয়া তিনি এই বিলটি প্রচারের প্রস্তাব সমর্থন করেন। অবস্থা সুবিধার নয় বলিয়া স্বয়ং প্রধানমন্ত্রী মহাশয় জবাব দিতে বাধ্য হন। বাহাতে কোন পক্ষই ক্ষতিগস্ত না হয় সেদিকে

ভারপ্রাপ্ত মন্ত্রী মহাশয় বিশেষ দৃষ্টি রাখিবেন বলিয়া প্রধান মন্ত্রী আশ্বাস দেন। পাঞ্জাবের তুলনায় বাঙ্গালার বিক্রয় করের পরিমাণ চের বেশী, অথচ সেই অবস্থায় পাঞ্জাবে বিক্রয় করের বিরুদ্ধে যে প্রবল প্রতিবাদ উঠিয়াছে তাহা লক্ষ্য করিয়া বাঙ্গালার মন্ত্রিমণ্ডলী কি তাঁহাদের কর্তব্য স্থির করিবেন?

#### খাকসার আন্দোলন দমন চেষ্টা—

সম্প্রতি পাঞ্জাব ব্যবস্থা পরিষদের প্রস্তোত্তরকালে সরকার পক্ষ হইতে জানা গিয়াছে যে পাঞ্জাবে খাকসার আন্দোলন দমনের জন্য সরকারের ১৯৪০ সালের নবেম্বর মাস পর্য্যন্ত ১,৯৪,৭৩০ টাকা ব্যয়িত হইয়াছে। ইহা ছাড়া এক বৎসরকাল লাহোর শহরে এই প্রসঙ্গে একজন পুলিশের ডেপুটি সুপারিন্টেণ্ডেন্ট, একজন ইন্সপেক্টর, বিশজন হেড কনস্টেবল ও ছয়শত কনস্টেবল মোতায়ন করিতে হইয়াছিল; ইহাতে মাসে ২১,৭৭০ টাকা খরচ হইয়াছে। এই বিপুল অর্থব্যয় করিয়া খাকসারদের বতটুকু দমন করা হইয়াছে তাহা কতদিন স্থায়ী হইবে জানা নাই; অথচ পরিষ্ক দেশের অতগুলো টাকা খামকাই ব্যয়িত হইল! ইহার জবাবদিহি কে করিবে?

#### কুমারী কবিতা মিত্র—

কুমারী কবিতা মিত্র বা রা ক পু র নি বা সী শ্রীযুত কালীপদ মিত্র মহাশয়ের কণ্ঠ। ইনি অতি অল্পকালে



কবিতা মিত্র

অপূর্ব নৃত্য প্রদর্শন করিয়া নানা স্থানে প্রশংসা লাভ করিয়াছেন।

### শ্রীমান অমল সাহা—

আমেরিকার কলম্বিয়া বিশ্ববিদ্যালয় হইতে অঙ্কদিগকে শিক্ষাদানপদ্ধতি শিক্ষা করিয়া শ্রীমান অমল সাহা সম্প্রতি



অমল সাহা

জাপান, চীন ও ব্রহ্মদেশ হইয়া কলিকাতায় প্রত্যাবর্তন করিয়াছেন। তিনি ভারতে অঙ্কদের চিকিৎসাদান বিষয়ে অগ্রণী পরলোকগত রেভাঃ এল-বি-সাহার পৌত্র। অমলের বয়স মাত্র ২৪ বৎসর। তিনি এদেশে অঙ্কদের শিক্ষাদানে আত্মনিয়োগ করিবেন।

### ভারতীয় কাগজশিল্প—

গত বৎসর ইউরোপীয় যুদ্ধের অন্ত বিদেশী কাগজ এদেশে খুব কম আমদানি হওয়ার ভারতীয় কাগজের কলগুলিতে কাগজের উৎপাদন বৃদ্ধি পাইয়াছে। আগের বৎসর এই উৎপাদনের পরিমাণ ছিল যে স্থানে ১০ লক্ষ ৭৬ হাজার হন্দর, আলোচ্য বর্ষে সেই স্থানে তাহা ১১ লক্ষ ৮৪ হাজার হন্দরে দাঁড়াইয়াছে। নরওয়ে ও সুইডেন প্রভৃতি দেশ হইতে কাগজের আমদানি বন্ধ হইবার কলে বর্তমানে বিদেশী প্রতিনিয়োগ হইতে ভারতীয় কাগজ-শিল্প অনেকটা রক্ষা পাইয়াছে। তবে কাগজের মূল্যের সহিত কাগজ প্রস্তুতের উপাদানগুলিরও দাম বাড়িয়া গিয়াছে বটে, কিন্তু

তাহা সবেও ভারতীয় কাগজশিল্পের সম্মুখে প্রচুর সুযোগ বিদ্যমান। আলোচ্য বৎসরে ভারতে মোট ১৩টি কাগজের কলের জন্ত ২২ লক্ষ টাকার ২ লক্ষ ৩৪ হাজার হন্দর কাঠের মণ্ড আমদানি হয়। আগের বৎসরে তাহার মূল্য ও পরিমাণ ছিল যথাক্রমে ২৬ লক্ষ টাকা এবং ২ লক্ষ ৭৭ হাজার হন্দর। এ বৎসর নরওয়ে ও সুইডেন হইতে মোট ১ লক্ষ ৫২ হাজার হন্দর এবং যুক্তরাষ্ট্র হইতে ৭১ হাজার হন্দর কাঠের মণ্ড আমদানি হয়। তার আগের বৎসর উক্ত দেশগুলি হইতে যথাক্রমে ১ লক্ষ ৪০ হাজার হন্দর এবং ১ লক্ষ ২১ হাজার হন্দর মণ্ড আমদানি হইয়াছিল। বাকী অংশ ফিনল্যান্ড হইতে আমদানি হয়। আলোচ্য বৎসরে কাগজ ও পোস্টবোর্ডের আমদানির পরিমাণ আগের বৎসরের ৩১ লক্ষ হন্দর হইতে কমিয়া ২৭ লক্ষ ৯৯ হাজার হন্দরে দাঁড়াইয়াছে। কিন্তু কাগজের মূল্য বৃদ্ধি পাওয়ার তাহার মূল্যের পরিমাণ ৩ কোটি ২৩ লক্ষ টাকা হইতে ৩ কোটি ৪৬ লক্ষ টাকায় বৃদ্ধি পাইয়াছে।

### ঈশানচন্দ্র দাশগুপ্ত—

জলপাইগুড়ির খ্যাতনামা উকীল পরম ধার্মিক ঈশানচন্দ্র দাশগুপ্ত মহাশয় সম্প্রতি এক শত বৎসর বয়সে পরলোক-গমন করিয়াছেন। তিনি প্রিন্সিপাল ডাঃ পি-কে-রায়, সার



ঈশানচন্দ্র দাশগুপ্ত

কে-বি-গুপ্ত প্রভৃতির সহপাঠী ছিলেন। প্রথম জীবনে শিক্ষকতা আরম্ভ করিয়া পরে ১৮৮৪ সাল হইতে তিনি



লপাইগুড়িতে ওকালতী করিয়াছিলেন। বিক্রমপুর জেলার বদগাঁওয়ে তাঁহার বাসস্থান ছিল। তাঁহার পুত্রগণও কলেই কৃতী। বঙ্গীয় ব্যবস্থা পরিষদের কংগ্রেসী সদস্য যাতনামা কংগ্রেসকর্মী শ্রীযুত খগেন্দ্রনাথ দাশগুপ্ত তাঁহার বৃহত্তম পুত্র।

### শান্তি মধুসূদন ভট্টাচার্য্য—

২৪ পরগণা বারাকপুর তালপুকুরনিবাসী খ্যাতনামা শান্তি মধুসূদন ভট্টাচার্য্য মহাশয় সম্প্রতি ৯৮ বৎসর বয়সে পরলোকগমন করিয়াছেন। তিনি বহুদিন যাবৎ সরকারী চাকরীর পর অবসরগ্রহণ করিয়াছিলেন এবং শেষ জীবনে টাল প্রতিষ্ঠা করিয়া সংস্কৃত শিক্ষার প্রচারে ব্রতী



মধুসূদন ভট্টাচার্য্য

হইয়াছিলেন। বাঙ্গালা দেশের সর্বত্র তাঁহার বহু কৃতী ছাত্র বর্তমান।

### শিবলোক স্বামী প্রণবানন্দজী—

‘ভারত সেবাশ্রম সঙ্ঘ’ প্রতিষ্ঠাতা স্বামী প্রণবানন্দজীর দেহরক্ষা করার সংবাদে বাঙ্গালী মাজাই-দুঃখিত হইবেন।

তাঁহার গাইন্যাশ্রমে নাম ছিল বনোদাবহারী দাস, ফরিদপুর জেলার বাজিৎপুরে তাঁহার জন্ম হয়। প্রথম যৌবনে তিনি



স্বামী প্রণবানন্দ

বাজিৎপুর ষড়যন্ত্র মামলায় লিপ্ত হইয়া পড়েন, পরে সন্ন্যাস-জীবন গ্রহণ করেন; কিন্তু সন্ন্যাসীর নীরব তপস্যা তাঁহার মনে স্থায়ীভাবে বাসা বাঁধিতে পারে নাই; তাই তিনি ‘ভারত সেবাশ্রম সঙ্ঘ’ স্থাপন করিয়া তাহাকে বিশ বৎসরের মধ্যে বাঙ্গালা ও বাঙ্গালার বাহিরে এক বিরাট প্রতিষ্ঠানরূপে গড়িয়া তুলিয়াছিলেন। তাঁহার সেবা, ত্যাগ, নিষ্ঠা ও অক্লান্ত পরিশ্রমেই ইহা সম্ভব হইয়াছে। বিভিন্ন তীর্থস্থানে ধর্মশালা নির্মাণ করিয়া স্বামীজী অসংখ্য তীর্থকামীর অশেষ উপকার করিয়া গিয়াছেন। তাঁহার এই অকাল-বিয়োগে বাঙ্গালার হিন্দুরা একজন প্রকৃত কর্মী সন্ন্যাসীকে হারাইল।

### বাঙ্গালার মোতামেদগড় শিল্প—

একখানি বৃহদাকার পুস্তকে সকল শিল্পের সাধারণ পরিচয় থাকা অপেক্ষা এক একটা শিল্প সম্বন্ধে সকল জ্ঞাতব্য বিষয় সন্নিবেশিত করিয়া অপেক্ষাকৃত ক্ষুদ্র আকারে কয়েকখানি পুস্তক লিখিত হইলে শিল্পের প্রসারের অনেক

সুবিধা হইয়া থাকে। ইহাতে বিভিন্ন পুস্তকের মূল্য হ্রাস পায় এবং যাহার যে ধানি প্রয়োজন তাহা ক্রয় করিয়া পাঠ করিলেই উদ্দেশ্য সিদ্ধ হইয়া থাকে। বাঙ্গালা সরকার হইতে ইতোপূর্বে বাঙ্গালার কার্ণাস শিল্পের উপর একধানি পুস্তিকা বাঙ্গালা গভর্নমেন্টের শিল্প বিভাগের শ্রীমুকুল গুপ্ত কর্তৃক লিখিত হইয়া প্রকাশিত হইয়াছে। আমরা যতদূর জানি তাহা সাধারণের নিকট বিশেষ সমাদর লাভ করিয়াছে। বর্তমানে বাঙ্গালার মৌজা গেঞ্জি সংক্রান্ত ব্যবসা সম্বন্ধে যে পুস্তিকা প্রকাশিত হইয়াছে তাহা বহু তথ্যে পরিপূর্ণ। পুস্তিকা পাঠ হইতে উক্ত শিল্পের নানা দিক অবগত হইয়া কোনও নূতন ব্যবসায়ী কার্যে প্রবৃত্ত হইবেন কি না তাহা বুঝিয়া লইতে পারিবেন। বাঙ্গালায় ৩৩ লক্ষ টাকা মূলধনে ১২৫টি মিল চলিতেছে, তাহাতে কম বেশ ৪৫০০ লোক উপজীবিকা অর্জন করে। ইহা ছাড়া কুটীরশিল্প হিসাবে প্রস্তুত দ্রব্যাদি মিলিয়া প্রায় ৬০ লক্ষ টাকার মত মাল প্রতি বৎসরে উৎপাদিত হয়। ১৯৩২ সালে স্থাপিত রক্ষণশুদ্ধ দ্বারা জাপানী প্রতিদ্বন্দিতার হাত হইতে শিল্পটিকে রক্ষা করা হয় এবং ভারতবর্ষে বিশেষতঃ বাঙ্গালায় অনেকগুলি কারখানা স্থাপিত হয়। এখন স্বদেশী মিলগুলির মধ্যে ভীষণ প্রতিদ্বন্দিতা দেখা দিয়াছে এবং শিল্পে প্রভূত ক্ষতি হইতেছে। মিল-মালিকরা সজ্জবদ্ধ হইয়া ইহার প্রতিকারের জন্য সচেষ্ট হইয়াছেন। বাঙ্গালার শিল্প সম্বন্ধে সম্যক জ্ঞান লাভ করিতে হইলে




গঙ্গাসাগর মেলায় সেমাকার্যে রত কলিকাতা কারমাইকেল  
মেজিকেল কলেজের ছাত্রবৃন্দ

জাপানের অবস্থা-জ্ঞাত হওয়া প্রয়োজন; এই পুস্তিকায় তাহাও সুবিদ্যারে আলোচিত হওয়ার বিশেষ সুবিধা হইয়াছে।

### শ্রীযুত দিগম্বর চট্টোপাধ্যায়—

কলিকাতা বিশ্ববিদ্যালয়ের কৃতী ছাত্র শ্রীমান দিগম্বর চট্টোপাধ্যায় এম-এস-সি সম্প্রতি লণ্ডনস্থ পলিটেকনিক



দিগম্বর চট্টোপাধ্যায়

কলেজ হইতে 'সিউও এঞ্জিনিয়ারিং' বিভাগ ডিপ্লোমা প্রাপ্ত হইয়াছেন। কলিকাতা বিশ্ববিদ্যালয় কর্তৃক প্রেরিত হইয়া যুদ্ধের সময় নানা অসুবিধা সম্বন্ধে তিনি লণ্ডনে থাকিয়া বিদ্যাশিক্ষা করিতেছেন। সম্প্রতি তাঁহাকে বৃটীশ কিনেম্যাটোগ্রাফিক সোসাইটীর সদস্য করা হইয়াছে। ইনি দমদম কাঁদিহাটী নিবাসী শ্রীযুত শান্তিনাথ চট্টোপাধ্যায়ের পুত্র। আমরা ইহার জীবনে সাফল্য কামনা করি।

### মাধ্যমিক শিক্ষক বিল ও সিনেটের

#### সিদ্ধান্ত—

মাধ্যমিক শিক্ষা বিল বাঙ্গালার প্রতিক্রিয়াশীল মন্ত্রিমণ্ডলীর সাম্প্রদায়িক ভেদবুদ্ধির জলস্ত দৃষ্টান্ত বলিয়া দেশের সকল সম্প্রদায়ের বুদ্ধিমান ব্যক্তিমাত্রই মনে করিয়া থাকেন। সম্প্রতি এই বিল সম্বন্ধে কলিকাতা বিশ্ববিদ্যালয়ের পক্ষ হইতে যে রিপোর্ট তৈয়ারি হইয়াছিল বহু ভোটে সেই রিপোর্ট সিনেট সভায় গৃহীত হইয়াছে। সরকারের পক্ষ হইতে এই বিরুদ্ধতাকে রাজনৈতিক-বার্ধপরতা প্রণোদিত হিন্দুদের আন্দোলন বলিয়া তারত্বরে ঘোষণা করা হইলেও সরকার পক্ষের সকল

চেষ্টা ব্যর্থ হইয়াছে। সিনেট সভার ভোটের তালিকা দেখিলেই বুঝা যাইবে যে হিন্দু-মুসলমান ও খৃস্টান নির্বিশেষে সকল স্বাধীনমনা চিন্তাশীল ব্যক্তিমাত্রই রিপোর্ট সমর্থন করিয়া বিলের বিরোধিতা করিয়াছেন। জনকয়েক শান্তিকামী ব্যক্তি নিরপেক্ষ ছিলেন এবং যে একুশ জন রিপোর্টের বিরোধিতা করিয়াছেন তাঁহারা সরকারী কর্মচারী, লীগ সদস্য বা লীগদলের সমর্থক। খানবাহাদুর তসদক আহমেদ, অধ্যাপক এম্ জেড সিদ্দিকী, এম্ ওয়াজেদ আলী প্রভৃতি মুসলিম প্রধানগণ লীগদলের বিরোধিতা সশ্রমে স্বাধীন-চিত্তের পরিচয় দিয়া জনসাধারণের ধন্যবাদার্থ হইয়াছেন।

বাকালার মস্তিষ্কগুলীর মনে সে বিষয়ে আর কোন সন্দেহ থাকিবে না। অতঃপর তাঁহাদের চৈতন্যোদয় হইবে বলিয়া কি আমরা আশা করিতে পারি না?



সরস্বতী ইন্সটিটিউসনের সরস্বতী প্রতিমা—ফটো—শ্রীপদ্মা সেন

কিন্তু আমরা শ্রীযুক্ত অপূর্বকুমার চন্দ্রের আচরণে অবাক হইয়া গিয়াছি। তিনি যে শুধু রিপোর্টের বিরোধিতাই করিয়াছেন তাহা নয়, তিনি যে ভাবে ডক্টর জেঙ্কিন্সের সমর্থন করিয়াছেন তাহাতে তাঁহার বুদ্ধি, বিজ্ঞা ও সংস্কৃতির উপর সন্দেহ হওয়া অস্বাভাবিক নহে। সে যাহাই হোক, সিনেটের জায় শিক্ষা সম্পর্কে অভিজ্ঞদের দ্বারা গঠিত সভাও যে বিলের বিরুদ্ধে অভিমত প্রকাশ করিয়াছেন তাহা নিছক 'রাজনৈতিক স্বার্থপরতা প্রণোদিত হিন্দুদের আন্দোলন' নয়। আশা করি,



ঢালা স্পোর্টিং ক্লাবের সরস্বতী প্রতিমা—ফটো—মাস্টার গুপলু

পরলোকে প্রতিমা দেবী—

নলডাঙ্গা রাজপরিবারের কণা ও হেতমপুররাজের দৌহিত্রী কলিকাতার খ্যাতনামা এঞ্জিনিয়ার মিঃ এস, সি, চট্টোপাধ্যায়ের পত্নী প্রতিমা দেবী গত ১৮ই পৌষ



প্রতিমা দেবী

পরলোকগমন করিয়াছেন জানিয়া আমরা ব্যথিত হইলাম। তাঁহার সাহিত্য ও শিল্পের প্রতি বিশেষ অহুরাগ ছিল এবং দানের জগৎ তিনি বহুজনপরিচিত ছিলেন।

### শ্রীমান শৈলেশকুমার বসু—

শৈলেশকুমার দানাপুর ক্যান্টনমেন্টনিবাসী রায় সাহেব প্রবোধচন্দ্র বসুর দ্বিতীয় পুত্র। ইনি এখার পাটনা



শৈলেশকুমার বসু

বিদ্যালয়ের বি-এ পরীক্ষায় অর্থনীতির অনাসে' প্রথম হইয়াছেন। শ্রীমানের বয়স মাত্র ১৮ বৎসর।

### সুভাষচন্দ্র—

গত ১৩ই মাঘ রবিবার শ্রীযুক্ত সুভাষচন্দ্র বসুর আকস্মিক নিরুদ্দেশ যাত্রায় বাঙ্গালার নরনারী কিংকর্তব্যবিমূঢ় হইয়া পড়িয়াছে। কিছুদিন আগে প্রেসিডেন্সী জেলের কর্তৃপক্ষ রাজনৈতিক কয়েদীদের সম্বন্ধে দাবী উপেক্ষা করায়

কয়েদীরা অনশন ধর্মঘট করেন। সুভাষচন্দ্র ইহাদের প্রতি সহানুভূতি দেখাইতে গিয়া নিজে অনশন অবলম্বন করেন এবং দিন কয়েক বাদে অসুস্থ অবস্থায় মুক্তিলাভ করিয়া চিকিৎসিত হইতেছিলেন। ইতিমধ্যে ভারতরক্ষা আইনের বলে তাঁহার বিরুদ্ধে এক মামলা দায়ের হয়। কিন্তু



শ্রীযুক্ত সুভাষচন্দ্র বসু

অসুস্থতার জগৎ আদালতে হাজির হইতে না পারিয়া তিনি মুক্ত ছিলেন। ঐ দিন সহসা তাঁহাকে আর তাঁহার ঘরে দেখা গেল না। এক বস্ত্রে তিনি গৃহত্যাগ করিয়াছেন। কেহ বলেন তিনি সন্ন্যাসগ্রহণ করিয়াছেন, আর কেহ বা বলেন অস্ত্র কিছু। সম্ভব অসম্ভব জল্পনাকল্পনার আর সীমা নাই। দেশবাসীমাত্রই এই ঘটনায় মর্শ্মাহত। তিনি সুস্থ দেহে পুনরায় ফিরিয়া আসিয়া আরক্কা কার্য গ্রহণ করুন শ্রীভগবানের নিকট ইহাই আমরা প্রার্থনা করি।






বাংলাদেশে প্রবাসী বাঙালীদের 'দীপালী সম্মেলন' এর বার্ষিক উৎসব, সভাপতি—আচাধ্যক আব্দুল হক রায়,



নিম্নলিখিত বঙ্গ সাহিত্য সম্মেলন—১৩৪৭, সভাপতি—অধ্যাপক শ্রিয়রঞ্জন সেন



কলিকাতা বাহুরে ফাইন আর্টস একাডেমীর প্রদর্শনীতে গভর্ণর-পত্নী লেডী হাবার্ট



গঙ্গাসাগরের একটি মন্দির—দূরে সমুদ্রে বহু যাত্রীপূর্ণ ষ্টিমার





### শ্রীক্ষেত্রনাথ বায়

ভাইসরয়ের একাদশ—৩০২ ও ১৮৯ (৭ উইকেট)

বাকলা গভর্নরের একাদশ—৩৬৪ ও ১২৩

ভাইসরয়ের একাদশ ৩ উইকেটে বিজয়ী হয়েছে।

ইডেন উদ্যানে খেলা শুরু হয়েছে। আবহাওয়া বেশ চমৎকার, দর্শক সংখ্যাও খেলায় উপযুক্ত। দর্শকবা একটু হতাশ হ'লেন, পাতৌদীব নবাব হাঁটুর আঘাতের ফলে খেলতে পারবেন না ব'লে। তাঁর স্থানে বাকলাব গভর্নরের একাদশের ক্যাপ্টেন হ'য়েছেন মেজর নাইডু। ইংলণ্ডের ভূতপূর্ব টেস্ট খেলোয়াড় পাতৌদী ভারতবর্ষে প্রথম শ্রেণীর ম্যাচে আজ পর্যন্ত অবতীর্ণ হননি এবং ভবিষ্যতে কখনও হবেন কিনা সন্দেহ। ইতিপূর্বে যতবার তিনি বড় বড় ম্যাচে খেলবার জন্ম নিমন্ত্রিত হ'য়েছেন প্রতিবারই শারীরিক অসুস্থতার জন্ম তা রক্ষা ক'রতে পারেননি।

নাইডু টেসে জিতে মাস্তক ও গাঙ্গুলীকে ব্যাট ক'রতে পাঠালেন। উইকেটের অবস্থা বেশ ভাল। বল কচ্ছেন নিসাব ও অমবনাথ। গাঙ্গুলী খুব সতর্কতা অবলম্বন ক'বে

খেলছেন। মাস্তকেব খেলা খুব নির্ভীক; তাঁর দৃষ্টি দ্রুত বান তোলার দিকে। প্রথম ওভাবেই তিনি অমবনাথকে ছুবাব বাউণ্ডারীতে পাঠিয়েছেন। নিসাবের ২য় ওভাবে একটা ক্যাচ দিয়েছিলেন, আজমৎ নিতে পারলেন না। ৪০ মিনিট খেলে তাঁর নিজস্ব ৫০ বান পূর্ণ হলো।

নিসাবকে বদলে আমীর এলাহিকে আনা হ'য়েছে। তাঁর বলে মাস্তক আজমতের হাতে ধবা দিলেন, নিজস্ব ৫৯ বানের মাথায়। পালিয়া গাঙ্গুলীকে সঙ্গে যোগ দিলেন। এক ঘণ্টায় দলের শত বান পূর্ণ হ'লো। বান বেশ দ্রুত উঠছে। গাঙ্গুলী পিটিয়ে খেলতে শুরু ক'রেছেন কিন্তু ২৮ বানের মাথায় নিসাব তাঁকে স্লিপে লুফলেন। মেজর নাইডু এসেই মানকদকে বাউণ্ডারী ওপর পাঠিয়েছেন। তবে তিনি বেগম্বা উইকেটে থাকতে পারেননি; মিড-অফে মানকদের বলেই নিসাবেব হাতে আটকে গেলেন। নিশ্বল কোন বান কবাব আগেই মানকদ তাঁকে বোল্ড ক'রলেন। মানকদ আবার পরেব ওভাবেই পালিয়ার উইকেট পেলেন;



সি এস নাইডু

এস ব্যানার্জি

মাস্তক আলি

টম লংকিন্ড

তাঁর বল মারাত্মক হ'চ্ছে। ১৩৫ রানে পাঁচটা উইকেট পড়ে গেল। ভাল ব্যাটসম্যান সকলেই আউট হ'য়ে গেছেন। নাইডু ব্যানার্জিকে পাঠালেন। ব্যানার্জির ওপর তাঁর



অমরনাথ

জাহাঙ্গীর খাঁ

যথেষ্ট আস্থা। ভাঙ্গনের মুখে টীমকে রক্ষা ক'রে ব্যানার্জি এবারও সে আস্থা অক্ষুণ্ণ রেখেছেন। দিলওয়ার ও ব্যানার্জি খেলছেন। রানসংখ্যা বেশ উঠছে। আমীর বেশী রান দেওয়ায় তাঁকে বদলে দেওয়া হ'লো। লাঞ্চের সময় ৫ উইকেটে রান উঠেছে ১২০। ২২০ রানের মাধ্যমে অমরনাথ, দিলওয়ার ও ব্যানার্জির জুটি ভাঙলেন। তাঁদের ষষ্ঠ উইকেট জুটিতে ৮৫ রান ওঠে। দিলওয়ার ৩১ রান ক'রে আউট হ'লেন; চার ছিলো ৬টা। দলের আর ২৪ রান যোগ হবার পর ব্যানার্জি আমীরের বলে ষ্টাম্পড হ'লেন। তাঁর নিজস্ব ৬২ রান ক'রতে ৭২ মিনিট সময় লাগে। দলের সর্বট মুহুর্তে এসে তিনি উইকেটের চারিদিকে নির্ভীকভাবে পিটিয়ে খেলে দলের সর্বোচ্চ রান ক'রেন; তাঁর খেলায় বাউণ্ডারী ছিলো ৮টা। লংফিল্ড ১৮ রান ক'রে আউট হ'য়েছেন। জাহাঙ্গীর খাঁ ও রামসিং মিলে আবার দ্রুত রান তুলছেন। চায়ের সময় ৮ উইকেটে রানসংখ্যা উঠেছে ৩৩৭। জাহাঙ্গীর বোলারদের অত্যন্ত তাচ্ছিল্যের সঙ্গে পিটিয়ে খেলছেন এবং মাত্র ৩১ মিনিটে নিজস্ব ৫০ রান ক'রেছেন। রামসিংও সহযোগিতা দেখে দ্রুত রান তুলছেন।

চায়ের পর এখন খেলা শুরু হ'ল মহারাজা নিজে বল ক'রতে এলেন। ৩৫০ রানের মাধ্যমে কোমরুদ্দিন আমীরের বলে জাহাঙ্গীরকে লুফলেন। বাঙ্গলা-গভর্নর দলের ইনিংস শেষ হ'ল ৩০৪ রানে। রামসিংয়ের ৪৫ উল্লেখযোগ্য।

তাইসরয়ের একাদশের ব্যাটিং শুরু ক'রলেন হিন্দেলকার ও মানকদ। হিন্দেলকার লংফিল্ডকে ছুবার বাউণ্ডারীতে পাঠিয়ে তাঁরই বলে উইকেটের পিছনে ধরা দিলেন। মারওয়াৎ মানকদের সঙ্গে যোগ দিলেন। ১৮ রানের মাধ্যমে ব্যানার্জি মারওয়াতের উইকেট নিলেন। সেদিনের মত খেলা শেষ হ'ল।

দ্বিতীয় দিনের খেলা শুরু হ'ল। আগের দিনের নট-আউট ব্যাটসম্যান মানকদ ও কোমরুদ্দিন খেলছেন। ৪৪ রানের মাধ্যমে লংফিল্ড আশ্চর্য্যভাবে মানকদকে এক হাতে লুফলেন; ক্যাচটি নেওয়া প্রায় অসম্ভব ছিলো। অমরনাথ এসে খেলায় যোগ দিলেন। রান বেশ দ্রুত উঠতে লাগলো। ৮০ রান ওঠার পর পালিয়ার স্থানে মেজর নাইডু নিজে বল ক'রতে এলেন।

কোমরুদ্দিন জাহাঙ্গীরের বলে দিলওয়ারের হাতে ধরা দিলেন। তিনি ৬৫ মিনিট খেলে রান তুলেছেন ৪২; চার ছিলো ৫টা। তাঁর খেলা বেশ দর্শনীয়। শত রান পূর্ণ হবার পর জাহাঙ্গীরের স্থানে ব্যানার্জি বল ক'রতে এলেন। ব্যানার্জির বল অত্যন্ত 'ফাষ্টি' হ'চ্ছে, অপর দিকে রামসিং 'স্লো' বল দিচ্ছেন। ব্যানার্জির 'বাম্পার' ব্যাটসম্যানকে ছাড়িয়ে যাচ্ছে। অমরনাথ কিন্তু বেশ স্বচ্ছন্দে খেলছেন। নাইডুর ঘন ঘন বোলার পরিবর্তনেও কোন ফল হ'চ্ছে না। লাঞ্চের সময় ৪ উইকেটে ১২৯ রান উঠেছে।

৯৫ মিনিট খেলে অমরনাথ নিজস্ব ৫০ রান পূর্ণ ক'রলেন। তিনি খুব দায়িত্ব নিয়ে খেলছেন। ১৯১ রানের মাধ্যমে মেজর খুব তৎপরতার সঙ্গে নাজির আলিকে রান আউট ক'রলেন। এইবার মহারাজা নিজে এলেন,



দিলওয়ার হোসেন

হিন্দেলকার

আর প্রথম ওস্তারেই রামসিংকে তিনবার বাউণ্ডারীতে পাঠালেন। ব্যানার্জির বাম্পারে তিনি অস্বস্তি বোধ



ক'রছিলেন। রামসিংই শেষ পর্যন্ত তাঁকে ঠকালেন তাঁর নিজস্ব ২৪ রানের মাথায়। দলের রান সংখ্যায় আর মাত্র দুইরান যোগ হবার পর অমরনাথ জাহাঙ্গীরের বলে



পাতিয়ালা মহারাজ

দিলওয়ারের হাতে ধরা দিলেন। অমরনাথকে ইতিপূর্বে এতবেশী সতর্কতার সঙ্গে খেলতে দেখা যায়নি। তবে খুব দায়িত্ব নিয়ে খেললেও তাঁর খেলার স্বচ্ছন্দগতি ক্রম হয়নি। তিনি বিভিন্ন রকম দর্শনীয় মার দেখিয়ে সকলকে মুগ্ধ ক'রেছেন। ১৮৫ রানেমাতটা ভাল ভাল উইকেট চলে গিয়েছে। ব্যাট কচ্ছেন উদীয়মান খেলোয়াড় আজামাং হায়াং ও রামা বলীন্দর। ২১২ মিনিটে ২০০ রান উঠলো। নাইডু নতন বল নিতে দেরী কচ্ছেন দেখে দর্শক বিশেষ চাঞ্চল্য প্রকাশ ক'রলেন। ৫৫ রান তুলে অষ্টম উইকেট জুটি ভাঙলো; বলীন্দর আউট হ'লেন। ২৫০ রান ও ঠবার পর নাইডু ব্যানার্জিকে নতন বল দিলেন।

২৯৯ রানের মাথায় হায়াং-এলাহী জুটি ভাঙলো। এঁদের জুটি রান তুলেছেন ৫৯। আশীর ২৯ রান ক'রে আউট হ'লেন।

তিনি ষাবার পরই আজমং পালিয়ার হাতে ধরা দিলেন। এই ম্যাচে তাঁর রানই সর্বোচ্চ। দেড় ঘণ্টার ওপর নিষ্ফল ও নির্ভীক ভাবে ব্যাট ক'রে আজামাং নিজস্ব ৬৫ রান ক'রেছেন। ৩০২ রানে ভাইসরয়ের একাদশের ইনিংস শেষ হ'য়েছে। সময়ভাবে খেলাও সেদিনের মত শেষ হ'ল।

দ্বিতীয় দিনের খেলায় কতকগুলি দর্শক বার বার নাইডুকে বোলার পরিবর্তনের জন্ত চীৎকার ক'রেছেন। জাহাঙ্গীর তাঁদের দিকে বল ছুঁড়ে এই গোলমাল থামাবার চেষ্টা ক'রে বিফল হননি। দর্শকরা যদি অস্ত্রায় ক'রে থাকেন তাহলে জাহাঙ্গীরের কাজও প্রশংসনীয় নয়। নাইডুরও মত তাঁরও এটাকে উপেক্ষা ক'রলেই ভাল হ'ত। নাইডু কে ভট্টাচার্য্যকে আরও বেশী ওভার বল না দেওয়ার অনেকে খেলার মাঠে ও বাইরে নাইডুর বিরুদ্ধ সমালোচনা ক'রেছেন শুনেছি। তাঁদের মতে ভট্টাচার্য্যের ওপর নাকি অবিচার করা হ'য়েছে। ক্রিকেটে এই অবিচার কথার কোন মূল্য নেই। টিমের জন্ত ব্যক্তিগত ভাবে ত্যাগ স্বীকার এখানে ক'রতেই হবে। টিমে যখন একই টাইপের তিনজন বোলার র'য়েছেন তখন ক্যাপ্টেনের পক্ষে তাঁদের সকলের প্রতি সমান বিচার করা একটু



মেজর নাইডুর একাদশ ও মোহনবাগান ক্লাবের সম্মিলিত খেলোয়াড়বৃন্দ

শক্ত। তাছাড়া নাইডু যে স্নো বোলারদের উপর আজমংয়ের বেশীর ভাগ দায়িত্ব দিয়েছিলেন তাঁরা নিঃসন্দেহে

ভট্টাচার্যের ভুলনায় ভাল বল ক'রেছেন। মনে পড়ে অষ্ট্রেলিয়ার বিখ্যাত কাপ্টেন উডফুল তাঁর ক্রিকেটের বইতে এক স্থানে লিখেছেন—‘A few years back in a Test Match against South Africa, that champion of Australian slow bowlers of my day, Clarrie Grimmett was not called upon to bowl a single ball in either innings. This must have been a unique experience in his long and honoured career,..... the diminutive South Australian was not given the opportunity of demonstrating his prowess, and yet we heard no words of complaint.’ অবশ্য তাই ব'লে আমরা বলছি না, যে সেখানে ব্যারাকিং হয় না। ব্যারাকিং সব

অমরনাথের বল খুব কার্যকরী হ'য়েছে। তিনি ১৪ ওভার বল দিয়ে ৩০ রানে ৪টে উইকেট পেয়েছেন। ক্যাচ না ফেললে তিনি আরও বেশী উইকেট পেতেন।

হিন্দেলকার ও মানকদ ভাইসরয়ের একাদশের ২য় ইনিংস শুরু ক'রলেন। আরম্ভ ধারাপ হয়নি। নাইডু কয়েকবার বোলার পরিবর্তন ক'রে কোন ফল পেলেন না। শেষে নিজে বল করাতে মানকদের উইকেট পেলেন। এর পর ভান্ডন শুরু হ'ল। কোমরুদ্দিন ২, অমরনাথ ০, নাজির আলি ৭ ক'রে আউট হ'লেন। হিন্দেলকারও বেশীক্ষণ থাকতে পারলেন না। ৫টা উইকেট পড়ে গেল ৭৭ রানে। আজামাৎ হায়াৎ ও মহারাজা খেলার গতি ঘুরিয়ে দিলেন।



রামকৃষ্ণ ইনস্টিটিউটের উদ্যোগে সিভিক গার্ডসদের সাত মাইল সাইকেল রেসে প্রতিযোগিতা ও উপস্থিত ব্যক্তিগণ

দেশের দর্শকরাই ক'রে থাকেন। অষ্ট্রেলিয়া এবং ইংলণ্ডের দর্শকও, যেখানে শতাব্দী ধরে ক্রিকেট খেলা চলছে।

তৃতীয় দিনের খেলা দারুণ উত্তেজনার সৃষ্টি ক'রেছিলো ; আর সে উত্তেজনা খেলার শেষ মুহূর্ত পর্যন্ত ছিলো।

৬২ রানে এগিয়ে থেকে নাইডু, মাস্তক ও গান্ধুলীকে ব্যাট ক'রতে পাঠালেন। গভর্ণর একাদশের প্রথম ইনিংস মাত্র ১২৩ রানে শেষ হ'ল। এবারও ক্যানার্লি সর্বোচ্চ রান ক'রেছেন ২৯। সকলেই খুব কম সময়ের ভেতর দ্রুত রান তোলার চেষ্টায় ছিলেন কিন্তু কেউও বিশেষ সফল হননি


মহারাজা খুব দ্রুত রান তুলছেন, আজামাৎ খেলছেন খুব ধীরে ধীরে। মহারাজা লংফিল্ডের বলে নাইডুর হাতে ধরা দিলেন। ৭ উইকেট গেল ১২৪ রানে। এখনও গভর্ণরের একাদশের জয়লাভের আশা রয়েছে। নাইডু বহু রকমভাবে লোভনীয় বল দিয়েও আজামাৎকে বিচলিত ক'রতে পারলেন না। শেষপর্যন্ত তিনি ৬১ রান ক'রে নট আউট রইলেন। ভাইসরয়ের একাদশ জয়ী হ'লেন ৩ উইকেটে। সমগ্র ম্যাচের ভেতর ব্যাটিংয়ে কৃতিত্ব দেখিয়েছেন তরুণ খেলোয়াড় আজামাৎ হায়াৎ, অমরনাথ, এস ক্যানার্লি, মাস্তক ও

জাহাঙ্গীর খাঁ এবং বোলিংয়ে মেজর নাইডু, অমরনাথ ও মানকদ। তৃতীয় দিনের খেলায় মেজর একেবারে বিশ্রাম না নিয়ে দেড় ঘণ্টা ব্যাপী যেরূপ সুন্দর ভাবে বল ক'রে গেছেন তা আমাদের বহুদিন মনে থাকবে। লং ফিল্ড ও রাম সিংয়ের বোলিংও প্রশংসনীয়। উইকেট কিপিংয়ে হিন্দলকার ও দিলওয়ার উভয়েই সমান কৃতিত্ব দেখিয়েছেন। তবে দিলওয়ার বহুবার আম্পায়ারকে অহেতুক আবেদন জানিয়েছেন। এইখানে হিন্দলকার তাঁর শ্রেষ্ঠত্ব বজায় রেখেছেন। গভর্নরের একাদশের ফিল্ডিং উন্নততর। আম্পায়ারিং সম্বন্ধে কোনরূপ সমালোচনা করা উচিত হবে না যদিও কয়েকটি বিচারে আমাদের যথেষ্ট সন্দেহ ছিলো।

ইনিংস ও ১৬৮ রানে কাশী বিশ্ববিদ্যালয় দলকে শোচনীয় ভাবে পরাজিত করেছে।

বোম্বাই বিশ্ববিদ্যালয়ের প্রথম ইনিংসের ব্যাটিংয়ে কৃতিত্ব দেখান এইচ অধিকারী ১২৯ রান ও আর এস কুপার ১২৪ রান করে। এছাড়া সিক্কির নট আউট ৯২, এস সোহানীর ও ইউ চিপ্পার ৪৩ রান উল্লেখযোগ্য। রজরাজ ১১৪ রানে ৪, গুরুদাচারী ১৮৮ রানে ৩ ও ফান-সালকার ১১ রানে ১টি উইকেট লাভ করেন।

কাশী বিশ্ববিদ্যালয়ের প্রথম ইনিংস শেষ হয় :৭৪ রানে। জে ফানসালকার দলের সর্বোচ্চ ৬৬ রান করেন। এম রায়জী ৪৪ রানে ৫টা, ইউ চিপ্পা ৩৬ রানে ২টি উইকেট



ঢাকুরিয়া 'জুনিয়ার কোর্স' বিজয়ী কলিকাতা বিশ্ববিদ্যালয়ের 'ফু'

অবশ্য যে সব খেলোয়াড়রা মাঠে ছিলেন তাঁরা এবং ব্যাটসম্যানরা নিজেকে এ সম্বন্ধে কিছু বলতে পারেন। তাঁদের মতে, অনেকেই আম্পায়ারিংয়ের ক্রটির জন্ত তাঁদের ভেতর অনেকের লাভ ও ক্ষতি হ'য়েছে।

### রোহিণ্টন বার্লিয়া ক্রিকেট কাপ ৪

বোম্বাই বিশ্ববিদ্যালয়—৪৯২

কাশী বিশ্ববিদ্যালয়—১৭৪ ও ১৫০

আন্তঃবিশ্ববিদ্যালয় রোহিণ্টন বার্লিয়া ক্রিকেট কাপ প্রতিযোগিতার ফাইনালে বোম্বাই বিশ্ববিদ্যালয় দল এক

পান। কাশী দলের দ্বিতীয় ইনিংসে একমাত্র গুরুদাচারী ৬৬ রান ক'রে যা কিছু ব্যাটিংয়ে কৃতিত্বের পরিচয় দেন।

এন কোলা ২৬ রানে ৪ এবং এস সিক্কি ৩২ রানে ৪ উইকেট লাভ করেন। এইবার নিয়ে বোম্বাই বিশ্ববিদ্যালয় দল উপর্যুপরি তিনবার উক্ত কাপ বিজয়ের সম্মান লাভ করলে।

### কুচবিহার কাপ ফাইনাল ৪

কাষ্টমস—২৫৮ ও ১১ (কোন উইকেট না হারিয়ে)

ট্রপিক্যাল কুল—১৮৭ ও ৮০

কাষ্টমস ১০ উইকেটে ট্রপিক্যাল স্কুল দলকে পরাজিত ক'রে কুচবিহার কাপের ফাইনালে বিজয়ী হয়েছে।

ট্রপিক্যাল স্কুল দলের উভয় ইনিংসেই সন্তোষ গাঙ্গুলি দলের সর্বোচ্চ ৪৮ ও ৪৪ রান করেন। প্রথম ইনিংসে পি মুখার্জির ৪০ রান উল্লেখযোগ্য। গাঙ্গুলির দ্বিতীয় ইনিংসের খেলায় বিজিত দলের যা কিছু গৌরব ছিল। গাঙ্গুলি সাতবার দড়ির ধারে বল পাঠিয়ে দলকে পরাজয়ের হাত থেকে রক্ষা করবার চেষ্টা করেছিলেন। কিন্তু দুর্ভাগ্যক্রমে তিনি রান আউট হ'য়ে যান। ট্রপিক্যাল স্কুলের প্রথম ইনিংসে কংকরোষ্ট ২৯ রানে ৫টা উইকেট পান। কাষ্টমস দলের প্রথম ইনিংসে হার্ভেজনষ্টন উভয় দলের সর্বাপেক্ষা

ইন্টার কলেজ ক্রিকেট লীগের ফাইনালে বিজ্ঞানাগর কলেজ ১০৭ রানে প্রেসিডেন্সি কলেজকে পরাজিত ক'রে লীগ চ্যাম্পিয়ানসীপ পেয়েছে।

বিজ্ঞানাগর কলেজের প্রথম ইনিংসে হিমাংশু মুখার্জি উভয় দলের প্রথম ইনিংসের সর্বোচ্চ ৫০ রান করেন। এস মুস্তাফির ৪৯ রান উল্লেখযোগ্য।

ডি দাস ৪৪ রানে ৩ ও নির্মল চ্যাটার্জি ৬০ রানে ৩ উইকেট পান।

প্রেসিডেন্সির প্রথম ইনিংসে অধিক রান তুলেন এন চ্যাটার্জি ৪৭। হিমাংশু মুখার্জি উভয় দলের দ্বিতীয় ইনিংসেও সর্বাধিক ৩২ রান করেন।

জে দত্ত ১৩ রানে ৩ ও মুস্তাফি ২৩ রানে ৩টে উইকেট পান।


প্রেসিডেন্সির দ্বিতীয় ইনিংসে অনিল দত্ত ২৯ রানে ৪ ও মুস্তাফি ২২ রানে ৪ উইকেট পেয়েছেন।

আন্তঃবিশ্ব-

বিজ্ঞানালয়

স্পোর্টস ৪

আন্তঃবিশ্ববিজ্ঞানালয় স্পোর্টস প্রতিযোগিতা পাঞ্জাব বিশ্ববিজ্ঞানালয়ের মাঠে শেষ হয়েছে। প্রতিযোগিতায় বিভিন্ন বিশ্ববিজ্ঞানালয় থেকে ছাত্ররা যোগদান করলেও প্রতিযোগিতাটি প্রথম শ্রেণীর হয়নি। আন্তঃবিশ্ববিজ্ঞানালয় স্পোর্টসে বহুদিন থেকেই পাঞ্জাব বিশ্ববিজ্ঞানালয়ের ছাত্রদের যথেষ্ট খ্যাতি রয়ে গেছে। সুতরাং পাঞ্জাব বিশ্ববিজ্ঞানালয় যে বর্তমান বৎসরেও নিজদের পূর্ব অর্জিত সুনাম রক্ষা করতে সক্ষম হবে এ



আমেরিকান টেনিস প্রতিযোগিতায় যে সব দর্শক মূল্য দিয়াও টিকিট সংগ্রহ করতে পারেননি সেই সব উৎসাহী ক্রীড়ামোদীর ভীড়

বেশী ৮৩ রান করেন। এ কে দাস করেন ৬৩ রান। কে ভট্টাচার্য ৮২ রানে পান ৪টা উইকেট। ট্রপিক্যালের দ্বিতীয় ইনিংসে হজেসের বলই মারাত্মক হয়েছিল। হজেস ৩৬ রান দিয়ে উইকেট নিয়েছিলেন ৫টা।

ইন্টার কলেজ ক্রিকেট লীগ ৪

বিজ্ঞানাগর কলেজ—১৭৬ ও ১৩৫

প্রেসিডেন্সি কলেজ—১০১ ও ১০৩

সম্বন্ধে ক্রীড়ামোদীদের কিছুমাত্র সন্দেহ হয়নি। আমরা কয়েক বারই তাদের প্রতিযোগিতায় প্রতিদ্বন্দ্বিতা করতে দেখেছি। প্রতিযোগিতায় সাফল্য লাভ করা ছাড়াও তাদের ছাত্রদের সুষ্ঠু দৈহিক গঠন এবং উত্তম যে কোন বিশ্ববিজ্ঞানালয়ের ছাত্রদের অপেক্ষা উল্লেখযোগ্য। কলিকাতা বিশ্ববিজ্ঞানালয়ের সঙ্গে যতবার স্পোর্টস হয়েছে ততবারই তারা আমাদের ছাত্রদের বহু দূরত্ব পয়েন্টে শোচনীয়ভাবে পরাজিত করেছে। উপযুক্ত শিক্ষকের অভাব, ছাত্রদের এবং কর্তৃপক্ষদের মধ্যে

দলাদলি, নিরুৎসাহ এবং অমনোযোগীতাই যে এর কারণ সে বিষয়ে কোন সন্দেহের অবকাশ নেই।

কিন্তু সবচেয়ে দুঃখের বিষয় ধারা ছাত্রদের ভাগ্য-নিয়ন্ত্রা তাঁরাই নিশ্চিতভাবে বসে আছেন।

এ বৎসর পাঞ্জাব বিশ্ববিদ্যালয়ের ছাত্ররা বেশীর ভাগ বিষয়েই প্রথম স্থান অধিকার করেছেন। মোট পয়েন্টের ফলাফল : (১) পাঞ্জাব বিশ্ববিদ্যালয় ১১৪ (২) লক্ষ্মী ১৪ ও আলীগড় ১৪ (৩) পাটনা ১ পয়েন্ট।

### ইন্টার কলেজ স্পোর্টস ৪

ইন্টার কলেজের ২৮তম বার্ষিক খেলাধুলায় প্রেসিডেন্সি কলেজের ছাত্র আনন্দ মুখার্জি ৩৬ পয়েন্ট পেয়ে ব্যক্তিগত চ্যাম্পিয়ানসীপ লাভ করেছেন। প্রতিযোগিতায় বিভিন্ন কলেজের ছাত্ররা যোগদান করেছিল। বিভিন্ন বিষয়ে স্থান লাভ করা ছাড়া আনন্দ মুখার্জি লং জাম্প, হাই জাম্প ও পোলভর্গেট প্রথম স্থান অধিকার করেন।

কলেজ চ্যাম্পিয়ানসীপ—সিটি কলেজ (৯৮ পয়েন্টস), (২) আশুতোষ কলেজ (৬০ পয়েন্টস), (৩) স্কটিশচার্চ কলেজ (৪৯ পয়েন্টস)।

### এলিস মার্কেলের পরাজয় ৪

ভূতপূর্ব ব্রিটিশ ইন্টার স্ক্যানাল টেনিস খেলোয়াড় মিস্ মেরী হার্ডউইক সাতটা পেশাদারী খেলায় পরাজিত হ'য়ে সম্প্রতি আমেরিকান এবং উইম্বলডন চ্যাম্পিয়ান মিস্ এলিস মার্কেলকে ৬-৪, ৪-৬, ৬-২ গেমের পরাজিত করেছেন। ১৯৩৮ সালে উইম্বলডন চ্যাম্পিয়ানসীপের সেমি-ফাইনাল খেলায় মিস্ মার্কেল প্রথম পরাজিত হ'ন মিস্ হেলেন জ্যাক-



এলিস মার্কেল

আনন্দ মুখার্জি

বের কাছে। সেই থেকে তিনি কারও কাছে পরাজয় স্বীকার করেন নি।

মিস্ এলিস মার্কেল প্রথম পেশাদার টেনিস খেলায়

৮-৬, ৮-৬ গেমের মিস্ মেরী হার্ডউইককে ম্যাডিসন স্কয়ারে গার্ডনে পরাজিত করেন।

### আমেরিকান লন টেনিস ৪

আমেরিকান লন টেনিস এসোসিয়েশন তাদের টেনিস খেলোয়াড়দের নামের একটি ক্রমপর্যায় তালিকা সরকারী



ম্যাকনীল

ভাবে প্রকাশ করেছেন। ডোনাল্ড ম্যাকনীল পুরুষদের তালিকায় পৃথিবীর এক নম্বর টেনিস খেলোয়াড় ববি ব্রিগসকে স্থানচ্যুত করে প্রথম স্থান অধিকার করেছেন। কিং টিলডেন,






শিল্পী—শ্রীকান্ত দেবীপ্রসাদ রায়চৌধুরী

শিকারী

ভারতবর্ষ প্রিন্টিং ওয়ার্কস







চৈত্র-১৩৪৭

দ্বিতীয় খণ্ড

অষ্টাবিংশ বর্ষ

চতুর্থ সংখ্যা

## ভারতীয় সভ্যতার ভবিষ্যত

শ্রীঅনিলবরণ রায়

আজও আমাদের দেশে উচ্চশিক্ষিত ও নেতৃস্থানীয় ব্যক্তি-গণের মধ্যে এমন অনেকেই রহিয়াছেন যাহারা মনে করেন যে, ভারতের প্রাচীন সভ্যতার বৈশিষ্ট্য কিছুই নাই, তাহা মরিয়া ভূত হইয়া গিয়াছে, তাহা লইয়া আলোচনা করা কেবল সময় ও মস্তিষ্কের অপব্যবহার নহে, পরন্তু দেশের পক্ষে সাফাভাবে অনিষ্টকর; কারণ যত শীঘ্র আমরা আমাদের অতীতের সহিত সকল সম্বন্ধ ছিন্ন করিয়া আধুনিক ভাব ও আদর্শ-সকল গ্রহণ করিতে পারিব ততই আমাদের কল্যাণ ও প্রগতির পথ পরিষ্কৃত হইবে।\* কিন্তু বিশেষ লক্ষ্য করিবার বিষয় এই যে, যদিও আমাদের

দেশের পাশ্চাত্য-ভক্তেরা ভারতীয় সভ্যতার প্রতি উদাসীন, এমন কি বিরুদ্ধভাবাপন্ন—পাশ্চাত্য দেশের মনীষীরা আদৌ সেরূপ নহেন। দৃষ্টান্ত স্বরূপ পাশ্চাত্য সভ্যতার কেন্দ্রস্থল আমেরিকার কথা উল্লেখ করা যাইতে পারে। সেখানে ভারতীয় সভ্যতা সম্বন্ধে শিক্ষা ও গবেষণার বিশেষ আয়োজন আছে—আটটি প্রধান বিশ্ববিদ্যালয়ে† সংস্কৃত ও Indology পড়াইবার সুব্যবস্থা (chair) আছে এবং ২১৮-টি প্রধান প্রধান মিউজিয়ম ও লাইব্রেরীতে ভারতীয় কৃষ্টির বিভিন্ন বিভাগের অমূল্য নিদান করিবার উপযোগী নানা পুস্তক, পাণ্ডুলিপি ও অন্যান্য উপাদান সংগৃহীত আছে; কিন্তু আমেরিকার সুধীগণ ইহাতেও সন্তুষ্ট নহেন। তাঁহারা

\* "If India breaks away completely from her ancient life and tradition and accept modern ways and ideals—the day she does so her progress will be stupendous."—Pandit Jawaharlal Nehru.

† Harvard, Yale, Columbia, Princeton, Johns-Hopkins, Pennsylvania, Chicago and California.

এখন বলিতেছেন যে, আমেরিকার প্রত্যেক ছাত্রকে ভারতীয় সভ্যতার জ্ঞান লাভ করিতে হইবে। American Council of Learned Societies হইতে আমেরিকায় ভারত-বিষয়ক চর্চা ও অনুশীলন সম্বন্ধে যে পুস্তিকা প্রকাশিত হইয়াছে ( Bulletin No. 28, 1939 ) তাহাতে W. Norman Brown লিখিয়াছেন :—

“The aim is to indicate by brief reference the importance which Indic civilization has had for the world, still has and may be expected to have, with the deduction that it demands our extended study.... We must remember that the students now passing through our educational machinery will live their effective lives during the second half of the twentieth century and it takes no gift of prophecy to predict that at that time the world will include a vigorous India, possibly politically free, conceivably a dominant power in the Orient and certainly intellectually vital and productive. How can Americans who have never met India in their educational experience be expected to live intelligently in such a world? ... We believe consequently, that no department of study, particularly in the humanities, in any major university can be fully equipped without a properly trained specialist in the Indic phases of its discipline. We believe too, that every college which aims to prepare its graduates for intelligent work in the world which is to be theirs to live in, must have on its staff a scholar competent in the civilization of India. And we believe that every library or museum which means to meet more than strictly provincial interests must include Indic materials in its collections and Indic specialists on its staff.”

ইহার ভাবার্থ—ভারতের সভ্যতা অতীতে জগতের জন্ম কি করিয়াছে, এখন কি করিতেছে এবং ভবিষ্যতে কি করিতে পারে তাহার সংক্ষিপ্ত পরিচয় দিয়া আমরা এই সিদ্ধান্ত করিতে চাই যে, আমাদের দেশে ভারতীয় সভ্যতার অধ্যয়নের ব্যবস্থা আরও বিস্তৃতভাবে করা আবশ্যিক। এ-কথা বলিতে ভবিষ্যৎজ্ঞার শক্তির প্রয়োজন হয় না যে, বিংশ

শতাব্দীর দ্বিতীয় ভাগে—যখন আজিকার ছাত্রগণ সাংসারিক জীবনে প্রবেশ করিবে—ভারত জগতের মধ্যে তখন একটি শক্তিশালী দেশ হইয়া উঠিবে, সম্ভবত সে রাজনৈতিক স্বাধীনতা লাভ করিবে, এমনও হইতে পারে যে সে প্রাচ্য দেশে প্রাধান্যশালী শক্তি হইয়া দাঁড়াইবে, আর জ্ঞান-বিজ্ঞানে সে যে জীবন্ত ও সৃষ্টিশীল হইয়া উঠিবে সে-সম্বন্ধে সন্দেহের কোনও স্থান নাই। তাহা হইলে যে-সকল আমেরিকাবাসী শিক্ষালাভকালে ভারতীয় সভ্যতার সহিত পরিচিত না হইবে, তাহারা তখন কেমন করিয়া সূচুভাবে জীবনযাত্রায় অগ্রসর হইবে?

ভারতের ভবিষ্যত অন্ধকার ভাবিয়া যাহারা ম্রিয়মান হইয়া পড়িয়াছেন, আমেরিকার শ্রেষ্ঠ বিদ্বজ্জন প্রতিষ্ঠানের মুখপত্রে এই আশার বানী শ্রবণ করিয়া তাঁহারা নিশ্চয়ই আশ্বাসিত হইবেন। ভারতীয় সভ্যতার নব অভ্যুদয়কে সম্মানের সহিত অভ্যর্থনা করিবার জন্ম আমেরিকা প্রস্তুত হইতেছে, আর আজও আমাদের দেশের শিক্ষিত সমাজ ভারতীয় সভ্যতার নামে নাসিকা কুঞ্চন করিতেছেন! আমেরিকা এবং অন্যান্য পাশ্চাত্য অগ্রগামী দেশে ভারতীয় দর্শন, সাহিত্য ও আর্টের চর্চা ক্রমশই বৃদ্ধি পাইতেছে, আর আমাদের দেশের যে কয়েকটি বিশ্ববিদ্যালয় আছে তাহারা আজও পাশ্চাত্য ভাবধারা শিক্ষা দিতেই তাহাদের প্রায় সমস্ত শক্তিটুকু ব্যয় করিতেছে। কলিকাতা বিশ্ব-বিদ্যালয়ে যাহারা দর্শনশাস্ত্রে এম-এ পরীক্ষা দেন তাঁহাদিগকে আটটি প্রশ্নপত্রের জন্ম প্রস্তুত হইতে হয়, তাহাদের মধ্যে কেবল একটিতে ভারতীয় দর্শন নামমাত্র স্থান পাইয়াছে! লর্ড রোনাল্ড্‌শে যখন বাংলার গবর্নর ছিলেন তখন তিনি এই ব্যবস্থা দেখিয়া সাতিশয় বিন্দু প্রকাশ করিয়াছিলেন। বিজ্ঞানে ভারত পাশ্চাত্যের যত পশ্চাতেই পড়িয়া থাকুক না কেন, দর্শনশাস্ত্রে ভারত যে জগতের নীর্ঘস্থান অধিকার করিয়া রহিয়াছে, তাহা পাশ্চাত্য পণ্ডিতমণ্ডলী মুক্তকণ্ঠে স্বীকার করিতেছেন। উল্লিখিত আমেরিকান পুস্তিকায় মিঃ ব্রাউন লিখিয়াছেন :—

“No other people of record has been so greatly preoccupied with these subjects as has the Indian and has joined them in a team, with philosophy always functioning to serve religion ... When the intellectual West dis-

covered the *Vedas* at the end of the eighteenth century, this Indian attitude of mind had a profound influence, which helped to mould the German romantic movement of the nineteenth century and in another field, led to the scientific study of the history and comparison of religions. When Schopenhaur read the *Upanishads* in a Latin translation of a Persian translation from the Sanskrit, he felt that he had at last come to a clear and beautiful, though early and unsystematic treatment of the fundamental problem of man's relation to the universe and he found in those texts "the comfort of his life, the solace of his death." Indic thought was responsible for many of the most important currents in our own American Transcendentalist School, probably the most distinctive American philosophical movement of the nineteenth century. Long before the eighteenth century, classic Greece had in India a by-word for metaphysical profundity."

ভারতবাসী যে দর্শন ও আধ্যাত্মিকতা লইয়া যুগ যুগ ব্যাপ্ত ছিল, যাহার উপর প্রতিষ্ঠিত ভারতের সভ্যতা শুধু চীন, জাপান ও সমগ্র প্রাচ্য দেশ নহে, ইউরোপ ও আমেরিকাতেও এত প্রভাব বিস্তার করিয়াছে, ভারতীয় বিশ্ববিদ্যালয়গুলিতে আজও তাহার স্থান এত নগণ্য কেন? ভারতীয় দর্শনশাস্ত্রের একটি কথা না জানিয়াও কলিকাতা বিশ্ববিদ্যালয়ে দর্শনশাস্ত্রে গ্রাজুয়েট হওয়া যায় কেন? শিক্ষায় এই গোড়ায় গলদ থাকতেই আমাদের দেশের শিক্ষিত সমাজ এমন পরানুবাদ ও পরানুকরণ-প্রিয় হইয়া উঠিয়াছে। এই মারাত্মক ত্রুটি সংশোধনের দিন কি আজিও আইসে নাই? কেহ কেহ হয়ত আপত্তি তুলিতে পারেন যে, ভারতীয় দর্শনে বহুকাল হইতেই চর্কিত চর্কণ চলিতেছে, নূতন কিছুই সৃষ্টি হইতেছে না, তাই আমাদের পাশ্চাত্যের মুখাপেক্ষা করিতে হয়। মিঃ ব্রাউন ইহার উত্তর দিয়াছেন, "Whether that be true or not hardly signifies. The important point is that Indian thinkers to-day have become aware of the problems which modern science has brought to philosophy. It is only fair to suppose that with a

reflective tradition of at least three thousand, and possibly five thousand years behind them, they may make definite contributions to modern thinking which would not have come from westerners, because the Indians will draw from their own philosophic heritage as well as from that of Europe and will employ both in their treatment of current problems."

কিন্তু বাস্তবিকই কি দার্শনিক চিন্তায় আধুনিক ভারতের মৌলিক দান কিছুই নাই? শ্রীঅরবিন্দের মধ্যে প্রাচ্য ও পাশ্চাত্য, প্রাচীন ও আধুনিক চিন্তাধারার যে অপূর্ব সমন্বয় ও অভিবিকাশ হইয়াছে তাহার সহিত যাহারা কিছুমাত্র পরিচিত আছেন তাহার কখনই এমন কথা বলিতে পারিবেন না। তাঁহার অধুনা প্রকাশিত *THE LIFE DIVINE* গ্রন্থখানি দার্শনিক চিন্তার ক্ষেত্রে যুগান্তর আনয়ন করিয়াছে, এ-কথা বলিলে অত্যাুক্তি হইবে না। তাঁহার বাণীর সহিত পরিচিত না হইয়াও আমাদের দেশের ছেলে-মেয়েরা দর্শনশাস্ত্রে বি-এ ও এম-এ ডিগ্রী লাভ করিতেছেন, এরূপ শিক্ষা-ব্যবস্থার সংশোধন অবশ্যকর্তব্য।

ভারতীয় সাহিত্যে দর্শন ও আধ্যাত্মিকতার প্রাধান্ত থাকিলেও সাহিত্যের অন্যান্য বিভাগেও সমুচ্চ বিকাশ হইয়াছিল—ঋগ্বেদ হইতে আরম্ভ করিয়া সে ধারা আজ পর্য্যন্ত শুষ্ক হয় নাই। যে-সভ্যতা সাহিত্যে ও সুকুমারশিল্পে এমন সুদীর্ঘকালব্যাপী বহুল বৈচিত্র্য সৃষ্টি করিয়াও পরিশ্রান্ত হইয়া পড়ে নাই, এখনও নূতন নূতন আদর্শ ও সৌন্দর্যের বিকাশ করিয়া চলিয়াছে, সে সভ্যতার অন্তর্নিহিত শক্তি যে কতখানি তাহা সহজেই অনুমেয়। মিঃ ব্রাউন ভারতের কাব্য, নাটক ও অলঙ্কারশাস্ত্রের মহত্বের কথা উল্লেখ করিয়াছেন এবং দেখাইয়াছেন যে গল্পসাহিত্যে জগৎ ভারতের নিকট যেমন ঋণী, এমন আর অন্য কোন প্রাচীন জাতির নিকটেই নহে। সাধারণভাবে তিনি বলিয়াছেন, "To day, as throughout her whole known history India maintains a vigorous and productive literary tradition, not an imitator of any other people, but ever independent and creative." ভারতের স্থাপত্য, ভাস্কর্য্য, চিত্রাঙ্কন প্রভৃতি চারুকলা সম্বন্ধে তিনি বলিয়াছেন, "Architecture and the plastic arts have had a career in India

which we can study since the third millennium B. C. and can claim to understand since the third century B. C. India's art has had a unique history of them and technique, and has never been excelled for imaginative power."

শুধু কালচারের উচ্চতর জিনিষগুলিতেই নহে, কার্যকরী বিজ্ঞানেও প্রাচীন ভারতীয় সভ্যতা কিছুমাত্র ন্যূন ছিল না; তাহা উল্লেখ করিয়া মিঃ ব্রাউন বলিয়াছেন, "Science—natural, social and humanistic—has had a long and important treatment in India. Medicine, astronomy, mathematics, law, political and social organisation are all described in many books belonging to a tradition coming from antiquity, with increasing amplification in the hands of successive authors."

প্রশ্ন উঠিতে পারে যে ভারতীয় সভ্যতা অতীত কালে মহান ও সর্বতোমুখী ছিল ইহা স্বীকার করিলেও এখন আর সে-সবের চর্চা করিয়া লাভ কি? ভারতের সেই সভ্যতা ত ভারতকে অধঃপতন হইতে রক্ষা করিতে সমর্থ হয় নাই—এখন কি নূতন দিক হইতে নূতন জীবনীশক্তি আহরণের চেষ্টা করাই ঠিক নহে? ইহার উত্তর এই যে, ব্যক্তিগত মানুষের জীবনের ঞ্চায় একটা জাতি বা সভ্যতার জীবনেও তারুণ্য, যৌবন, বার্দ্ধক্য আসে এবং শেষ অবস্থায় সে নিজেকে পুনরুজ্জীবিত করিতে পারে এমন কোন অন্তর্নিহিত শক্তি যদি তাহার না থাকে তাহা হইলে সে বিলুপ্ত হইয়া যায়। ভারতীয় সভ্যতা এই শক্তির আশ্চর্য পরিচয় দিয়াছে, কতবার তাহার গ্লানি ও পতনের অবস্থা আসিয়াছে কিন্তু সে মরে নাই—সে সভ্যতার ভিত্তি যে আধ্যাত্মিকতা, যাহার উৎস রহিয়াছে বেদ, উপনিষদ, গীতায় এবং শত শত মহাপুরুষের সাধনায়—তাহাই মৃতসঞ্জীবনীর ঞ্চায় যুগে যুগে ভারতকে নূতন জীবন প্রদান করিয়াছে এবং আজও আমরা আমাদের চক্ষের সম্মুখে এইরূপই এক নব অভ্যুত্থান প্রত্যক্ষ করিতেছি। অতএব পাশ্চাত্য হইতে বহু জিনিষ গ্রহণ করা আমাদের পক্ষে প্রয়োজন হইলেও আমাদের এই যে বিরাট, মহান, অপূর্ব জীবনীশক্তি-সম্পন্ন অধ্যাত্ম-সভ্যতা, ইহাকে অবহেলা করিয়া যেন আমরা পরধর্ম গ্রহণ করিতে ধাবিত না হই। পাশ্চাত্য রূপের অন্তরালে উৎকৃষ্ট যাহা কিছু আমাদের নিকট এখন আসিতেছে, তাহা যে আমাদের স্বকীয় প্রাচীন জ্ঞানে উপেক্ষিত হইয়াছে শুধু তাহাই নহে,

পরন্তু সেইখানে তাহাদের এমন গভীরতর ও মহত্তর অর্থ পাওয়া যাইবে যাহা হইতে আমরা আরও মহান ও উৎকৃষ্ট রূপ-সংগঠনের সন্ধান পাইব। যাহাদের নিকট আমরা নূতন সভ্যতা শিক্ষা করিতে চাহিতেছি তাহারা ই আজ ক্রমবর্ধমান আগ্রহে ভারতীয় সভ্যতা হইতে শিক্ষা ও শক্তি আহরণ করিবার প্রয়াস করিতেছেন। এ-বিষয়ে মিঃ ব্রাউন বলিয়াছেন—

"The stream of ancient Indic culture is beating against the co-ercive banks of Islamic and European-Christian culture at more points than political. In literature, despite the stifling effect of a college educational system—not based upon the culture of the country, there has been an unceasing productivity in the vernacular languages ...

"The considerations advanced in the foregoing discussion justify us in making two major generalisations about India today. One is that her civilization has been a continuum for twentyfive hundred years, possibly five thousand, varying in detail and development, yet having a common skeletal basis of religion, art, thought. It is a culture which has been attacked by at least three powerful invading cultures and is still under attack from two of them. The other is that the reshaping of India now taking place, is not a process of discarding the traditional civilization for a new one imported from the West, but rather consists in adapting the inherited to meet the demands of the modern world with its improved industrial organization, means of communication and political and social theory. The current conflicts spring from the resistance which the indigenous offers to the foreign; the resolution of the conflicts will come when India has selected from the foreign those things which she thinks necessary to perfect her destiny.

"Since India's culture is bound to persist, it follows concomitantly that we must study India and her culture to gain from it those features, large or small, that will contribute to our own and to assist her in getting from

us those phases of our own civilization which she can use. We need intellectual understanding on each side to make a satisfactory adjustment of East with West.”

ভারতীয় সভ্যতার প্রতি আমেরিকার সুধীজনের কিরূপ মনোভাব, এখানে তাহার একটু বিস্তৃত পরিচয় কেন দিলাম তাহার কারণ সুস্পষ্ট। শ্রীরামকৃষ্ণের নিকট একজন লোক আসিয়া হিন্দুশাস্ত্রের নিন্দা করিত। একদিন সে গীতার প্রশংসায় পঞ্চমুখ হইয়া উঠিল। শ্রীরামকৃষ্ণ তাহা শুনিয়া বলিয়াছিলেন, “বুঝি কোনও ইংরেজ গীতার প্রশংসা করেছে!”

উল্লিখিত পুস্তিকায় মিঃ ব্রাউন ভারতীয় সভ্যতার বহিরঙ্গেরই কিছু পরিচয় দিয়াছেন, কিন্তু ঐ সভ্যতার বাহ্য মর্ম্মকথা—যেনাহং নামতা শ্রাম তেনাহং কিং কুর্যাম্— তাহার নিগূঢ় রহস্য তিনি উপলব্ধি করিয়াছেন বলিয়া মনে হয় না। বেদ ও উপনিষদের যুগের ঋষিরাই ভারতীয় সভ্যতার ভিত্তি স্থাপন করেন। তাহার পূর্বেও ভারতে যে সভ্যতা ছিল তাহার কিছু নিদর্শন পাওয়া গেলেও সে সভ্যতা তাহার বৈশিষ্ট্য লইয়া স্থায়ী হইতে পারে নাই—তাহার মধ্যে সারবস্তু বাহ্য কিছু ছিল আর্ধ্য সভ্যতার মধ্যেই গৃহীত হইয়াছে এবং ভারতীয় সভ্যতা বলিতে আমরা এখন এই সভ্যতাই বুঝি, এই সভ্যতাই অন্তত তিন সহস্র বৎসর কাল আপন বৈশিষ্ট্য বজায় রাখিয়া তাহার পরম লক্ষ্যের দিকে অগ্রসর হইয়াছে। ইহার নিগূঢ় মর্ম্ম বুঝিতে হইলে ভারতের সেই প্রাচীন ঋষিদের সাধনা ও দৃষ্টি অন্তত কতক পরিমাণে থাকা প্রয়োজন, শুধু বুদ্ধিচালনা ও পাণ্ডিত্যের দ্বারা তাহা সম্ভব নহে। তাই আমাদের সভ্যতার প্রকৃত মর্ম্ম বুঝিতে আমাদের দেশেরই যোগী ও ঋষিদের শরণাপন্ন হইতে হইবে। শ্রীঅরবিন্দ যোগলব্ধ দিব্যদৃষ্টি লইয়া আর্ধ্য পত্রিকায় ভারতীয় সভ্যতার যে গভীর ও বিস্তৃত পরিচয় দিয়াছেন তাহা হইতেছে ভারতের আধ্যাত্মিকতা, ধর্ম্ম, দর্শন, সাহিত্য, আর্ট, রাজনীতি, সমাজনীতির অপূর্ব দিক্‌দর্শন—এই অতিপ্রয়োজনীয় জ্ঞানের ক্ষেত্রে আর আমাদের অন্ধকারে হাতুড়াইতে হইবে না। A DEFENCE OF INDIAN CULTURE নামে সেই প্রবন্ধগুলি এখনও পুস্তকাকারে প্রকাশিত হয়

নাই।\* তাঁহার THE RENAISSANCE IN INDIA † নামক ক্ষুদ্র পুস্তকটিতে ভারতের নব-অভ্যুত্থান সম্বন্ধে অনেক গভীর কথা বলা হইয়াছে।

আমরা যে অপূর্ব ঐতিহ্যের উত্তরাধিকারী হইয়া জন্মগ্রহণ করিয়াছি, বাহ্য অলক্ষ্যে আমাদের প্রাণ, মন, আমাদের স্বভাব, চরিত্র গঠন করিয়াছে তাহার সহিত আমরা যত ঘনিষ্ঠভাবে পরিচিত হইতে পারি ততই ভাল, নতুবা আমরা নিজদিগকে ভাল করিয়া চিনিতে পারিব না।

আমাদের এই প্রাচীন সভ্যতা অন্য কোন সভ্যতার তুলনায় হীন নহে, মানবজীবনকে পূর্ণ করিয়া তুলিতে ইহার মধ্যে অপূর্ব শক্তি ও সম্পদ নিহিত রহিয়াছে; আমরা যে আমাদের সভ্যতার গৌরব বোধ করি সেটা বৃথা গর্ব্ব নহে। অনেক বিষয়েই আমাদের এই সভ্যতা জগতের অগ্গাণ্ড প্রাচীন ও আধুনিক সভ্যতা হইতে শ্রেষ্ঠ। ইহার অর্থ এই নহে যে, ভারত এতদিন যে সভ্যতার বিকাশ করিয়াছে ইহাই মানবজাতির চরম সীমা, ইহার উর্দ্ধে আর মানুষ যাইতে পারিবে না—আমরা যে সব প্রাচীন অগ্গাণ্ডান ও রীতিনীতি হারাইয়াছি, সেই কালকে ফিরাইয়া আনিবার চেষ্টা করাই আমাদের পক্ষে যথেষ্ট। একরূপ মনোভাব মারাত্মক হইবে। এ-বিষয়ে শ্রীঅরবিন্দ তাঁহার IS INDIA CIVILISED? ‡ গ্রন্থে বলিয়াছেন :— “নিজেদের উপর এবং নিজেদের কৃষ্টির অন্তর্নিহিত সত্যের উপর বিশ্বাস, ইহাই হইতেছে স্থায়ী ও শক্তিশালী জীবনের জন্ম প্রথম প্রয়োজন; দ্বিতীয় প্রয়োজন হইতেছে দোষ ত্রুটি গুলি স্বীকার করা এবং মহত্তর সম্ভাবনাসকল দর্শন করা; ইহা ব্যতীত সুস্থ ও জয়যুক্ত নবজীবন লাভ করা সম্ভব নহে। আমাদের ভবিষ্যতের যে চেষ্টা—তাহাতে আমরা একটি সত্যকে সর্বোৎকৃষ্ট পথপ্রদর্শক বলিয়া গ্রহণ করিতে পারি। বিবেকানন্দ এই সত্যটিকে অতি স্পষ্টভাবেই দেখিয়াছিলেন,

\* এই গ্রন্থের শেষ চারি অধ্যায়ে ভারতের রাষ্ট্রনীতিক প্রতিভা ও শক্তি সম্বন্ধে যে গভীর আলোচনা ও সুস্পষ্ট পথ-নির্দেশ আছে তাহা বাংলা ও হিন্দীতে অনূদিত হইয়া ইতিমধ্যেই পুস্তকাকারে প্রকাশিত হইয়াছে।

† এই পুস্তকটি “ভারতের নবজন্ম” নামে বাংলার অনূদিত হইয়াছে।

‡ “ভারত কি সভ্য” নামে এই মূল্যবান গ্রন্থখানি বাংলা ও হিন্দী ভাষায় অনূদিত হইয়াছে।

—সত্যটি এই যে, যদিও আমাদের সভ্যতার অন্তর্নিহিত ভাব ও আদর্শসকল খুবই উৎকৃষ্ট ছিল এবং তাহাদের অধিকাংশই মূল তত্ত্বে চিরকালের জ্ঞান মূল্যবান এবং আভ্যন্তরীণ ও ব্যক্তিগতভাবে সে-সব আমাদের দেশে খুবই ঐকান্তিকতা ও শক্তির সহিত অনুসৃত হইয়াছিল ( অন্তত নেতৃস্থানীয় ব্যক্তিগণ ও তাহাদের অনুবর্তীগণের মধ্যে )—তথাপি সমাজের সমষ্টিগত জীবনে সে-সবের প্রয়োগ আমাদের দেশে কখনই যথেষ্ট সাহস ও পূর্ণতার সহিত করা হয় নাই এবং তাহা ক্রমশই বেশী বেশী সঙ্কীর্ণ ও ক্রটিপূর্ণ হইয়া উঠিয়াছিল এবং আমাদের সমাজের উপর দুর্বলতা ও পরাজয়ের একটা ক্রমবর্ধমান ছাপ মারিয়া দিয়াছিল। প্রথম প্রথম বাহিরের জীবন ও আভ্যন্তরীণ আদর্শ এই দুইয়ের মধ্যে কোনরকম সমন্বয় সাধন করিবার একটা উদার প্রয়াস ছিল, কিন্তু ইহার পরিসমাপ্তি হয় সমাজের অচলায়তন বিধি-বিধানে; অধ্যাত্ম আদর্শবাদের একটা নীতি ভিত্তিস্বরূপ থাকে, বাহ্যিক ঐক্য ও সহযোগিতা-মূলক নির্দিষ্ট অনুষ্ঠান-সকলকে বাঁচাইয়া রাখা হয়; কিন্তু সমাজের সাধারণ জীবনে কড়াকড়ি বন্ধন ও ভেদবৈষম্যমূলক জটিলতার ভাব ক্রমশই বাড়িয়া ওঠে, আর স্বাধীনতা, ঐক্য, মানবের মধ্যে দেবত্ব—এই সব মহান বৈদাস্তিক আদর্শ কেবল ব্যক্তিগত অধ্যাত্ম সাধনার জন্তই রাখিয়া দেওয়া হয়। এই ভাবে ঘটিল প্রসারণ ও গ্রহণ-শক্তির ন্যূনতা এবং ইহার পরিণাম হইল এই যে, যখন বাহির হইতে প্রবল ও আক্রমণ-শীল শক্তিসকল—ইসলাম—ইউরোপ—ভিতরে আসিয়া প্রবেশ করিল তখন সমাজ কেবল সীমাবদ্ধ ও গতিহীন আত্মরক্ষাতেই সন্তুষ্ট রহিল—যেমন সঙ্কীর্ণভাবেই হউক, আত্মরক্ষার বিকাশ

যত ক্ষুণ্ণ করিয়াই হউক, কোন প্রকারে বাঁচিয়া থাকাই একমাত্র লক্ষ্য হইয়া পড়িল। এইভাবে স্থিতি ও জীবন রক্ষা হইল বটে, কিন্তু সে স্থিতি বস্তুত সুনিশ্চিত ও প্রাণময় নহে, কারণ বৃদ্ধি ও বিকাশ ব্যতীত তাহা অসম্ভব, আর সে জীবন-রক্ষাও মহান সতেজ জয়শীল হইল না। কিন্তু এখন আর প্রসারণ ব্যতীত জীবনটি রক্ষা করাও সম্ভব নহে। এখন আমাদের পক্ষে প্রয়োজন হইতেছে, আমাদের যে মহত্তর প্রয়াস বাধাপ্রাপ্ত হইয়াছিল পুনরায় সেইটি আরম্ভ করা এবং ব্যক্তিগত ও সামাজিক জীবন, আধ্যাত্মিকতা, দর্শন, ধর্ম, আর্ট, সাহিত্য, শিক্ষা, রাজনীতি, অর্থনীতি, সমাজ-সংগঠন সর্বত্রই আমাদের শ্রেষ্ঠ আদর্শ ও জ্ঞানের পূর্ণ ও মহান অর্থ অনুধায়ী সাহসের সহিত এবং সর্বাত্ম-সম্পন্নভাবে জীবনের বিস্তার করা। আমরা যে সামঞ্জস্য বিকাশ করিয়াছিলাম তাহা ছিল অতিমাত্রায় সীমাবদ্ধ ও স্থিতিশীল; আমরা ভুলিয়া গিয়াছিলাম যে, যতদিন না আমরা পূর্ণতার অবস্থা লাভ করিতেছি ততদিন সামঞ্জস্যের রূপটি অপূর্ণ ও সাময়িক ভিন্ন আর কিছুই হইতে পারে না; তাহার প্রাণশক্তি বজায় রাখিতে হইলে এবং তাহার চরম লক্ষ্য সিদ্ধ করিতে হইলে তাহাকে এমনভাবে নিজেকে পরিবর্তিত ও প্রসারিত করিতেই হইবে যেন তাহা প্রশস্ততর ও অধিকতর বাস্তব ঐক্যের দিকে অগ্রসর হইতে পারে। আমাদের কালচার ও সভ্যতার এইরূপ বৃহত্তর প্রসারের চেষ্টাই এখন আমাদের করিতে হইবে—আমাদের সমাজের মধ্যে আধ্যাত্মিক ও মানসিক ঐক্যের মহত্তর বিকাশ এবং সমগ্র মানবজাতির সঙ্গে, অন্তত শেষপর্যন্ত, একটা সামঞ্জস্য ও ঐক্যসাধন।

## তুমি আর আমি

শ্রীসমরেন্দ্র দত্ত রায়

তব নয়নের নীলাভ ছায়ার তলে

মোর হৃদয়ের কবিতা বেঁধেছে নীড়

তব বিরহের অশ্রুঝরণা জলে

আমার ছন্দ খোঁজে সুর বাঁশরীর।

তব জীবনের প্রেমের প্রদীপখানি

• এই ভুবনের যেখানে রয়েছে জ্বালা

মোর সাধনার মানসী-মর্মবাণী

নিভূতে সেথায় গাঁথিছে জয়ের মালা।

তুমি আর আমি এক হয়ে আছি মিলে

অচিন্তনীয় সুগভীর পরিচয়ে

পূর্বাচলের সোনালী রূপালী নীলে

• যুগে যুগান্তে অমরার সূধা লয়ে।

# পথবেঁধে দিল

শ্রীশরদিন্দু বন্দ্যোপাধ্যায়

ফেড্ ইন্

পরদিন অপরাহ্ন। রঞ্জন নিজের ঘরে বসিয়া খানিকটা রবার ও একটা দ্বিভুজ পেয়ারার ডাল দিয়া গুল্‌তি তৈয়ার করিতেছে। কাজটা যে সে গোপনে সম্পন্ন করিতে চায় তাহা তাহার দ্বারের দিকে সতর্ক নজর হইতে প্রমাণিত হয়।

গুল্‌তি প্রস্তুত শেষ করিয়া সে রবার টানিয়া পরীক্ষা করিল, ঠিক হইয়াছে। একটা কাগজ গুলি পাকাইয়া গুল্‌তিতে সংযোগ করিয়া অদূরস্থ ড্রেসিং টেবিলে রক্ষিত একটি গ্লাসটারের পরীর দিকে লক্ষ্য করিয়া ছুঁড়িল। পরী টলিয়া পড়িলেন।

সন্তুষ্ট হইয়া রঞ্জন গুল্‌তি পকেটে রাখিল; তারপর দ্বারের দিকে সতর্ক দৃষ্টি রাখিয়া চিঠি লিখিতে আরম্ভ করিল।

চিঠি লেখা হইলে ভাঁজ করিয়া পকেটে রাখিয়া রঞ্জন উঠিয়া সন্তর্পণে দ্বারের দিকে চলিল।

কাট্।

এই বাড়ীরই আর একটা ঘরে প্রতাপ রেলজার্নির উপযুক্ত সাজ-পোষাক করিয়া অত্যন্ত অধীরভাবে পায়চারি করিতেছেন। ঘরের একটা জানালা বাগানের দিকে। সেই জানালা হইতে দরজা পর্য্যন্ত পিঞ্জরাবদ্ধ পশুরাজের মত যাতায়াত করিতে করিতে প্রতাপ মাঝে মাঝে জেব-ঘড়ি বাহির করিয়া দেখিতেছেন।

একবার জানালার সম্মুখে দাঁড়াইয়া ঘড়ি দেখিলেন; তারপর বিরক্তভাবে নিজ মনেই বিড়্ বিড়্ করিলেন—

প্রতাপ : সময় যেন কাটতে চায় না। এখনও ট্রেনের সময় হতে—পাঁচ ঘণ্টা।

হঠাৎ জানালার বাহিরে দৃষ্টি পড়িতেই প্রতাপ একেবারে নিস্পন্দ হইয়া গেলেন; তারপর জানালার গরাদ ধরিয়া অপলকচক্ষে চাহিয়া রহিলেন।

জানালার বাহিরে কিছুদূরে একটা মেতির ঝাড়ের বেড়া বাড়ীর সমান্তরালে চলিয়া গিয়াছিল। প্রতাপ দেখিলেন, বেড়ার ওপারে সন্তর্পণে গা ঢাকিয়া কে একজন চলিয়া যাইতেছে। তাহার মুখ বা দেহ পাতার আড়ালে ঢাকা

পড়িয়াছে; কেবল ঝাড়ের পত্রবিরল তলার দিক দিয়া সঞ্চরমান পদযুগল দেখা যাইতেছে। পদযুগল যে কাহার তাহা প্রতাপের চিনিতে বিলম্ব হইল না।

যতক্ষণ দেখা গেল প্রতাপ পদযুগল দেখিলেন; তারপর চক্ষু চক্রাকার করিয়া চিন্তা করিলেন। গালের আঁট ধরিয়া টিপিতে টিপিতে তাহার মাথায় একটা কূটবুদ্ধির উদয় হইল, চাদর কাঁধে ফেলিয়া ঘর হইতে বাহির হইলেন।

কাট্।

বাড়ীর ফটকের ঠিক অভ্যন্তর। ফটকের পাশে দরোয়ানের কুঠুরি, তাহার পাশে গারাজ-ঘর। একজন গুর্খা দরোয়ান রঞ্জনের মোটর বাইক বাহির করিয়া আনিতেছে; রঞ্জন ফটকের সম্মুখে দাঁড়াইয়া আছে।

মোটর বাইক রঞ্জনের সম্মুখে উপস্থিত করিয়া গুর্খা দরোয়ান দুই পা জোড় করিয়া শ্রালুট করিল। রঞ্জন গাড়ীতে চাপিয়া বসিয়া স্টার্ট দিতে গিয়া খামিয়া গেল। শব্দ করা হয় তো নিরাপদ হইবে না, এই ভাবিয়া সে নামিয়া পড়িল। মাথা নাড়িয়া বলিল—

রঞ্জন : না, হেঁটেই যাব।

বলিয়া মোটর বাইক আবার দরোয়ানকে প্রত্যর্পণ করিয়া রঞ্জন দ্রুত পদক্ষেপে ফটক হইতে বাহির হইয়া গেল।

কাট্।

বাগানের একটা ঝাউগাছের আড়ালে প্রতাপ লুকাইয়া দাঁড়াইয়া ছিলেন; রঞ্জন বাহির হইয়া যাইবার পর তিনি গলা বাড়াইয়া উঁকি মারিলেন; তারপর বাহিরে আসিয়া দেখিলেন দরোয়ান গাড়ীটা আবার গারাজে ফিরাইয়া লইয়া যাইতেছে। তিনি চাপা গলায় ডাকিলেন—

প্রতাপ : এই! সন্দ!

গুর্খা দরোয়ান পিছু ফিরিয়া মালিককে দেখিয়া তৎক্ষণাৎ জোড় পদে শ্রালুট করিয়া দাঁড়াইল।

প্রতাপ কাছে আসিয়া জিজ্ঞাসা করিলেন—

প্রতাপ : ছোটবাবু কোন্ দিকে গেল?

দরোয়ান হিটলারি কায়দায় হস্ত প্রসারিত করিয়া রঞ্জন

যেদিকে গিয়াছিল সেইদিকটা দেখাইয়া দিল। প্রতাপ আবার তৎক্ষণাৎ ক্ষিপ্ৰচরণে ফটক পার হইয়া সেই পথ ধরিলেন।

ডিজল্ভ ।

ঝাঝার একটি পথ। দুই-চারিটি পথিক দেখা যায়। রঞ্জন পথের মাঝখান দিয়া দীর্ঘ পদক্ষেপে অগ্রসর হইয়া আসিতেছে। বহুদূর পশ্চাতে প্রতাপ রাস্তার ধার ঘেঁষিয়া নিজেকে যথাসম্ভব প্রচ্ছন্ন রাখিয়া তাহার অনুসরণ করিতেছেন।

ক্রমে রঞ্জন দৃষ্টিবহির্ভূত হইয়া গেল; প্রতাপ কাছে আসিতে লাগিলেন। একটা কুকুর তাঁহার সন্দেহজনক ভাব-ভঙ্গী দেখিয়া ঘেউ ঘেউ করিতে করিতে তাঁহার পিছু লইল। উত্ফুল্ল হইয়া শেষে প্রতাপ একটি ঢিল কুড়াইয়া লইয়া কুকুরের উদ্দেশে নিক্ষেপ করিলেন। কুকুর পলায়ন করিল।

ডিজল্ভ ।

কেদারবাবুর বাড়ীর পাশ দিয়া একটি সঙ্কীর্ণ গলি গিয়াছে। কলিকাতার গলি নয়; পদতলে সবুজ ঘাসের আন্তরণ, দুই পাশে ফণি-মনসার ঝাড়। ঝাড়ের অপর পাশে বাগান-ঘেরা বাড়ী।

রঞ্জন সাবধানে এই গলির একটা মনসা-বেড়ার ধারে আসিয়া দাঁড়াইল; সম্মুখে কেদারবাবুর দ্বিতল বাড়ীর পার্শ্বভাগ। রঞ্জনের দৃষ্টি অনুসরণ করিলে একটি জানালা চোখে পড়ে। দ্বিতলের জানালা, গরাদ নাই, কিন্তু কাঁচের কবাট বন্ধ।

কাট্ ।

দ্বিতলের ঘরে মঞ্জুর শয়ন করুক। নানাপ্রকার ছোট-খাট মেয়েলি-আসবাব চোখের প্রীতি সম্পাদন করে। ঘরটি কিন্তু বর্তমানে ঈষদন্ধকার।

মঞ্জু নিজের শয্যার উপর উপুড় হইয়া শুইয়া দু হাতে রঞ্জনের ছবিখানি সম্মুখে মাথার বালিসের উপর ধরিয়া একদৃষ্টে দেখিতেছে। তাহার মুখখানি অত্যন্ত বিরস।

দেখিতে দেখিতে তাহার চোখদুটি জলে ভরিয়া উঠিল; অশ্রুনিরোধের চেষ্টায় তাঁট কামড়াইয়া ধরিয়াও কোনও কল হইল না; ছবির উপর মাথা রাখিয়া মঞ্জু নিঃশব্দে কাঁদিতে লাগিল।

কাট্ ।

রঞ্জন জানালার দিকে তাকাইয়া ছিল, সেখান হইতে

দৃষ্টি নামাইয়া মাটিতে এদিক ওদিক খুঁজিতে লাগিল। তারপর একটি ছোট মুড়ির মত পাথর কুড়াইয়া লইয়া পকেট হইতে চিঠিখানি বাহির করিয়া তাহাতে মোড়কের মত মুড়িতে লাগিল।

ইতিমধ্যে প্রতাপবাবু কিয়দূর পশ্চাতে বেড়ার পাশে আসিয়া লুকাইয়া ছিলেন; উৎকণ্ঠিতভাবে গলা বাড়াইয়া উকি মারিতেই তাঁহার পশ্চাৎদিকে ফণিমনসার কাঁটা ফুটিল। তিনি চকিতে আবার খাড়া হইলেন।

রঞ্জন গুল্ফি বাহির করিয়া তাহাতে মুড়িটি বসাইয়া-ছিল, এখন অতি যত্নে জানালার দিকে লক্ষ্য ত্রির করিয়া মুড়ি নিক্ষেপ করিল।

জানালার একটা কাচ ভাঙিয়া মুড়ি ঘরের মধ্যে অদৃশ্য হইয়া গেল।

কাট্ ।

মঞ্জু ঘরের মধ্যে পূর্ববৎ কাঁদিতেছিল, কাচ ভাঙার শব্দে মুখ তুলিল। কাচ-ভাঙা জানালা হইতে তাহার চক্ষু মেঝের উপর নামিয়া আসিল; কাগজ মোড়া মুড়িটি দেখিতে পাইয়া সে তাড়াতাড়ি উঠিয়া আসিয়া সেটি কুড়াইয়া লইল।

চিঠিতে লেখা ছিল—

“মঞ্জু, আজ আমি কলকাতা চলে যাচ্ছি, আমারও বাবা এসেছেন। যাবার আগে তোমাকে একবার দেখতে ইচ্ছে হচ্ছে। যে পাথরের আড়ালে রোজ আমাদের দেখা হত, সেইখানে আমি অপেক্ষা করব। তুমি আসবে কি ?

তোমার রঞ্জন”

চিঠি পড়া শেষ হইয়া যাইবার পরও মঞ্জু চিঠি হাতে ধরিয়া তেমনিভাবে দাঁড়াইয়া রহিল; চিঠিখানা স্থলিত হইয়া মেঝের পড়িল। মঞ্জু অক্ষুট স্বরে উচ্চারণ করিল—

মঞ্জু : একবার—শেষবার—

কাট্ ।

বেড়ার ধারে রঞ্জন ব্যগ্র উর্ধ্বমুখে চাহিয়া আছে।

জানালা খুলিয়া গেল; মঞ্জুর পাংগু মুখখানি দেখা গেল। নিম্নাভিমুখে তাকাইয়া সে কিছুক্ষণ রঞ্জনকে দেখিল, তারপর আন্তে আন্তে সম্মতিজ্ঞাপক ঘাড় নাড়িল।

ডিজল্ভ ।

দ্বিতলে মঞ্জুর শয়নকক্ষের দরজার সম্মুখে কেদারবাবু



দাঁড়াইয়া আছেন ; দরজা ভেজানো রহিয়াছে । কেদারের মুখে ক্লক বিষণ্ণতা । মঞ্জুর মনে দুঃখ দিয়া তিনিও স্তব্ধ নন ।

কেদার দ্বারে মূঢ় টোকা দিলেন, কিন্তু কোনও উত্তর আসিল না । দ্বিতীয়বার টোকা দিয়াও যখন জবাব পাওয়া গেল না, তখন তিনি ডাকিলেন—

কেদার : মঞ্জু !

এবারও সাড়া নাই । কেদার তখন উদ্বিগ্নমুখে দ্বার ঠেলিয়া ঘরে প্রবেশ করিলেন ।

ঘরে কেহ নাই । কেদার বিস্মিতভাবে চারিদিকে তাকাইলেন । ভাঙা জানালাটা চোখে পড়িল ; তারপর মেঝের চিঠিখানা পড়িয়া আছে দেখিতে পাইলেন ।

চিঠি তুলিয়া লইয়া পড়িতে পড়িতে তাঁহার মুখ ভীষণাকৃতি ধারণ করিল ; তিনি সেটা মুঠির মধ্যে তাল পাকাইয়া গলার মধ্যে ছুঁকার দিলেন, তারপর দ্রুতবেগে ঘর হইতে নিষ্কাশিত হইলেন ।

দ্রুত ডিজল্ভ ।

কেদারবাবুর বাড়ীর সদর । মিহির জাপানী ছন্দে হেলিতে ছলিতে ফটক দিয়া প্রবেশ করিতেছিল, হঠাৎ সম্মুখ হইতে প্রচণ্ড ধাক্কা খাইয়া প্রায় টাউরি খাইয়া পড়িল । কেদারবাবু ক্লক বস্ত্র মহিষের মত তাহার পাশ দিয়া বাহির হইয়া গেলেন । মিহির কোনও মতে সামলাইয়া লইয়া চক্ষু মিটিমিটি করিয়া বাহিরের দিকে তাকাইয়া রহিল ।

ডিজল্ভ ।

পার্বত্য স্থান । যে পাথরের টিবিটার উপর রঞ্জন ও মঞ্জু প্রথম দিন আরোহণ করিয়াছিল, তাহারই তলদেশে একটা পাথরে ঠেস দিয়া দাঁড়াইয়া রঞ্জন প্রতীক্ষা করিতেছে । যেদিক দিয়া মঞ্জু আসিবে, তাহার অপলক দৃষ্টি সেইদিকে স্থির হইয়া আছে ।

কাট ।

পার্বত্য স্থানের আর এক অংশ । প্রতাপ একটা ঝোপের আড়াল হইতে অনিশ্চিতভাবে উকিঝুঁকি মারিতেছেন—যেন কোন্ দিক দিয়া অগ্রসর হইলে অলঙ্ঘ্য রঞ্জনের নিকটবর্তী হওয়া যায় তাহা ঠাহর করিতে পারিতেছেন না । শেষে তিনি ঝোপের আড়ালে থাকিয়া বিপরীত মুখে চলিতে আরম্ভ করিলেন ।

কাট ।

মঞ্জু আসিতেছে । যেখানে সাধারণত তাহাদের গাড়ী আসিয়া দাঁড়াইত সেখান হইতে সিধা রঞ্জনের দিকে আসিতেছে । শুক মুখে করুণ আগ্রহ ; চুল ঈষৎ ক্লক ও অবিকৃত । সম্মুখ দিকে চাহিয়া চলিতে চলিতে সে একবার হেঁচট খাইল, কিন্তু তাহা জানিতেও পারিল না ।

রঞ্জন মঞ্জুকে দেখিতে পাইয়াছিল ; সে কাছে আসিতেই দুই হাত বাড়াইয়া তাহার দুই হাত ধরিল ।

দু'জনে পরস্পর মুখের দিকে তাকাইয়া দাঁড়াইয়া আছে ; মুখে কথা নাই । দু'জনের চোখেই আশাহীন ক্ষুধিত আকাঙ্ক্ষা ! মঞ্জুর শ্বাস একটু দ্রুত বহিতেছে । অবশেষে রঞ্জন ধরা-ধরা গলায় বলিল—

রঞ্জন : মঞ্জু ! এই আমাদের শেষ দেখা—আর দেখা হবে না ।

মঞ্জু হঠাৎ বরঝর করিয়া কাঁদিয়া ফেলিল । নীরবে মাথা নাড়িয়া অন্ত দিকে তাকাইয়া রহিল । রঞ্জন একটা দীর্ঘ নিশ্বাস ফেলিল ।

রঞ্জন : বেশ, দেখা না হোক । কিন্তু তুমি চিরদিন আমাকে এমনি ভালবাসবে ?

মঞ্জু রঞ্জনের দিকে চক্ষু ফিরাইয়া বলিল—

মঞ্জু : বাস্বো ।—আমাদের ভালবাসা তো কেউ কেড়ে নিতে পারবে না !—

রঞ্জন দৃঢ়মুষ্টিতে হাত ধরিয়া তাহাকে আরও একটু কাছে টানিয়া আনিল ।

কাট ।

পাথরের পশ্চাতে কিছুদূরে অসমতল কঙ্করপূর্ণ জমির উপর দিয়া কেদার হামাগুড়ি দিয়া চলিয়াছেন ।

কাট ।

মঞ্জু ও রঞ্জন । দু'জনের চক্ষু যেন পরস্পরের মুখের উপর জুড়িয়া গিয়াছে । রঞ্জন একটু মলিন হাসিল ।

রঞ্জন : আমরা কেউই নিজের বাবার মনে দুঃখ দিতে পারব না ; তা যদি পারতুম আমরা নিজেরা খেলা হয়ে যেতুম, আর আমাদের ভালবাসাও তুচ্ছ হয়ে যেত—

মঞ্জুর চোখে আরতি প্রদীপের স্নিগ্ধ জ্যোতি ফুটিয়া উঠিল ।

মঞ্জু : কেমন ক'রে তুমি আমার মনের কথা জানলে ?

রঞ্জন : তোমার মনের কথা আর আমার মনের কথা এক হয়ে গেছে মঞ্জু—

কাট্।

প্রতাপ কঙ্করপূর্ণ ভূমির উপর হামাগুড়ি দিতেছেন।

কাট্।

মঞ্জু বিদায় চাহিতেছে। তাহাদের হাতে হাত আঙুলে আঙুল শৃঙ্খলিত হইয়া আছে; রঞ্জন এখনও তাহাকে ছাড়িয়া দিতে পারিতেছে না। মঞ্জু রুদ্ধস্বরে বলিল—

মঞ্জু : এবার ছেড়ে দাও—

ধীরে ধীরে রঞ্জনের অঙ্গুলির শৃঙ্খল শিথিল হইয়া গেল; মঞ্জু স্থলিতপদে অশ্রু-অন্ধ নয়নে নিষ্ক্রান্ত হইয়া গেল। চোখে অপরিসীম বিয়োগ-ব্যথা লইয়া রঞ্জন সেই দিকে চাহিয়া রহিল।

মঞ্জু চলিয়া যাইতেছে; যাইতে যাইতে একবার পিছু কিরিয়া চাহিল, আবার চলিতে লাগিল।

কাট্।

কঙ্করপূর্ণ স্থান। ভিন্ন ভিন্ন দিক হইতে হামাগুড়ি দিয়া প্রতাপ ও কেদার প্রবেশ করিতেছেন। ক্রমে তাঁহারা অজ্ঞাতসারে পরস্পরে নিকটবর্তী হইতে লাগিলেন।

তারপর কাছাকাছি পৌঁছিয়া দুজনে একসঙ্গে মুখ তুলিয়া পরস্পরকে দেখিতে পাইলেন। তাঁহাদের গতি রুদ্ধ হইল; পঁচিশ বৎসরের অদর্শন সত্ত্বেও চিনিতে বিলম্ব হইল না।

দুইটি অপরিচিত কুকুর পথে সান্ধাৎকার ঘটিলে যেমন দস্ত নিষ্ক্রান্ত করিয়া গৃঢ় গর্জন করে, ইহারাও তদ্রূপ গর্জন করিলেন; তারপর চতুষ্পদ ভাব ত্যাগ করিয়া উঠিয়া দাঁড়াইলেন।

কেদার প্রথম কথা কহিলেন।

কেদার : এ—: ! তুই ! আমার বোঝা উচিত ছিল যে এ একটা নচ্ছার উল্লুকের কাজ।

প্রতাপ : চোপ-রও ভালুক কোথাকার ! আমার ছেলে ধরবার জন্তে ফাঁদ পেতেছিল !

যুৎস্নভাবে উভয়ে উভয়কে প্রদক্ষিণ করিতে লাগিলেন।

কেদার : ( সচীৎকারে ) ফাঁদ পেতেছ ! দাঁড়া রে নচ্ছার, তোর ছেলেকে পেলে তার হাড় একঠাই—মাস এক ঠাই করব। এতবড় আশ্পর্কা, আমার মেয়েকে চিঠি লেখে !

প্রতাপ ( আশ্ফালন করিতে করিতে ) তবে রে বেঁড়ে-

ওস্তাদ ! মায়বি আমার ছেলেকে ! পুলিশ ডেকে তোকে হাজতে না-পুরি তো আমার নাম প্রতাপ সিংগিই নয়—

কাট্।

রঞ্জন যথাস্থানে পূর্ববৎ দাঁড়াইয়া ছিল; রুমাল বাহির করিয়া মুখখানা মুছিয়া ফেলিল। মুছিতে মুছিতে হঠাৎ থামিয়া সে শুনিতে লাগিল, অনতিদূর পশ্চাৎ হইতে কঙ্কর কলহের আওয়াজ আসিতেছে।

রঞ্জনের বিস্মিত মুখের ভাব ক্রমশ সন্দিগ্ধ হইয়া উঠিল; সে উৎকর্ণ হইয়া শুনিতে লাগিল।

কাট্।

কেদার ও প্রতাপ। তাঁহাদের দ্বন্দ্ব ক্রমে সপ্তমে চড়িতেছে।

কেদার : শয়তানি করবার আর জায়গা পাসনি— হতভাগা হাতী—

প্রতাপ : বাঘের ঘরে ঘোগের বাসা—রাফেল রামছাগল !

কাট্।

রঞ্জন শুনিতেছিল; এতক্ষণে কণ্ঠস্বর চিনিতে পারিয়া তাহার মাথার চুল প্রায় খাড়া হইয়া উঠিল। তাহার বিবর্ণ মুখ হইতে বাহির হইল—

রঞ্জন : বাবা ! কেদারবাবু !

কি করিবে স্থির করিতে না পারিয়া রঞ্জন কিছুক্ষণ হাত কচলাইল; তারপর দ্বিধাভরে মল্লভূমির দিকে চলিল।

কাট্।

কেদার যথাযোগ্য হস্ত আশ্ফালন সহকারে বলিতেছেন—

কেদার : ইচ্ছে করে এক চড় মেয়ে তোর আব-শুদ্ধ গালটা চ্যাপ্টা ক'রে দিই।

প্রত্যুত্তরে প্রতাপ কেদারের মুখের সিকি ইঞ্চি দূরে নিজের বদ্ধ মুষ্টি স্থাপন করিয়া বলিলেন—

প্রতাপ : ইচ্ছে করে একটি ঘুবি মেয়ে তোর দাঁতের পাটি উড়িয়ে দিই।

কেদার উত্তর দিবার জন্ত হাঁ করিলেন; কিন্তু তাঁহার মুখ দিয়া বাক্য বাহির না হইয়া সহসা আর্ন্ত কাতরোক্তি নির্গত হইল। তিনি হাত দিয়া গাল চাপিয়া ধরিলেন।

কেদার : অ্যা—উ ! উ হ হ হ—আ রে রে রে রে—  
বহুণায় তিনি মাটির উপর সজোরে পদাঘাত করিতে লাগিলেন।

প্রতাপ ভাবাচাকা খাইয়া গিয়াছিলেন; নিজের মুষ্টির দিকে উদ্বিগ্ন সংশয়ে দৃষ্টিপাত করিয়া ভাবিলেন—হয় তো অজ্ঞাতসারে মুষ্ঠ্যাঘাত করিয়া বসিয়াছেন। কেদারবাবুর আক্ষেপোক্তি হাস না পাইয়া বৃদ্ধির দিকেই চলিল। তখন প্রতাপ ধমক দিয়া বলিলেন—

প্রতাপ : কি হয়েছে—কঁাদছিস কেন? আমি তোকে মেরেছি—মিথ্যাবাদী কোথাকার?

কেদার : আরে রে রে রে রে—দাঁত রে লক্ষ্মীছাড়া—  
দাঁত—রে রে রে রে—

প্রতাপ কণ্টকবিদ্ধবৎ চমকিয়া উঠিলেন।

প্রতাপ :—দাঁত?

কেদারের স্বক্ধ ধরিয়া ঝাকাঝাকি দিয়া বলিলেন—

প্রতাপ : কি বল্লি—দাঁত? দাঁত ব্যথা করছে?

কেদার : হাঁ রে বোম্বটে—দস্তশূল! নইলে তোকে আজ—হ হ হ—

প্রতাপ : দস্তশূল! এতক্ষণ বলিস্ নি কেন রে গাধা?

স্মরিতে পকেট হইতে গুলি বাহির করিয়া তিনি কেদারের সম্মুখে ধরিলেন।

প্রতাপ : এই নে—খেয়ে ফ্যাল। দু'মিনিটে যদি তোর দস্তশূল সেরে না যায় আমার নামই প্রতাপ সিংগি নয়—

কেদার সন্দ্বিগ্নভাবে বড়ি নিরীক্ষণ করিলেন।

কেদার : এঁ :? খুনে কোথাকার, বিষ খাইয়ে মারবার মৎলব? অ্যা—উ!

কেদার হাঁ করিতেই প্রতাপ বড়ি তাঁহার মুখের মধ্যে ফেলিয়া দিলেন।

প্রতাপ : নে—খা। আহাম্মক—

অগ্রপশ্চাৎ বিবেচনা করিবার পূর্বেই কেদার বড়ি গিলিয়া ফেলিলেন।

কাট্।

রঞ্জন অনিশ্চিত পদে অগ্রসর হইতেছিল; তাহার উৎকণ্ঠিত দৃষ্টি সম্মুখে নিবদ্ধ। কিছু দূর আসিয়া সে একটা পাথরের আড়ালে আত্মগোপন করিয়া দাঁড়াইল। কলহের কলস্বরে মন্দা পড়িয়াছে; কেদারবাবু থাকিয়া থাকিয়া কেবল একটু কুহন করিতেছেন। রঞ্জন অন্তরালে দাঁড়াইয়া সবিস্ময় আগ্রহে দেখিতে লাগিল।

কাট্।

দুইটি টিবির উপর কেদার ও প্রতাপ বসিয়া আছেন। কেদারের মুখ বিস্ময়ে হতবুদ্ধি; তাঁহার দস্তশূল যে এমন মস্তবৎ উড়িয়া যাইতে পারে তাহা যেন তিনি ধারণাই করিতে পারিতেছেন না; বিহ্বলভাবে গালে হাত বুলাইতে বুলাইতে প্রতাপের দিকে আড় চক্ষে তাকাইতেছেন। প্রতাপের মুখে বিজয়-দীপ্ত হাসি সুপরিষ্ফুট। শেষে আর থাকিতে না পারিয়া প্রতাপ মস্তকের উন্নত ভঙ্গী করিয়া বলিলেন—

প্রতাপ : কি বলেছিলুম? সারলো কি না?

কেদার মিন্-মিন্ করিয়া বলিলেন—

কেদার : আশ্চর্য ওষুধ! কোথায় পাওয়া যায়?

প্রতাপ অট্টহাস্য করিয়া উঠিলেন।

প্রতাপ : হে: হে: হে:—এ আমার তৈরি ওষুধ। চালাকি নয়, নিজে আবিষ্কার করেছি—

কেদার : (ঘোর অবিশ্বাসভরে) আবিষ্কার করেছিস! তুই?

প্রতাপ : হ্যাঁ হ্যাঁ, আমি না তো কে?—

তিনি উঠিয়া গিয়া কেদারের টিবির উপর বসিলেন।

প্রতাপ : এর নাম হচ্ছে বৃহৎ দস্তশূল উৎপাটনী ব্লটিকা। বুঝলি? এই বড়ি বার ক'রে সতের লাখ টাকা করেছি—

কেদার একেবারে অভিভূত হইয়া পড়িলেন।

কেদার : বলিস্ কি! আমি যে অত্নের খনি ক'রে মোটে এগারো লাখ করেছি—

প্রতাপ সপ্রশংস নেত্রে কেদারের পানে তাকাইলেন।

প্রতাপ : তাই নাকি!—তা এগারো লাখ কি চাটখানি কথা না কি! কটা লোক পারে?

তিনি কেদারের পিঠে প্রশংসা-জ্ঞাপক চপেটাঘাত করিলেন। কেদারের মুখে সহসা হাসি ফুটিল।

কাট্।

রঞ্জন পূর্বস্থানে দাঁড়াইয়া দেখিতেছিল; তাহার মুখ অপরিসীম আনন্দে যেন ফাটিয়া পড়িবার উপক্রম করিতেছিল। এই সময় কেদার ও প্রতাপ উভয়ের সম্মিলিত হাসির আওয়াজ ভাসিয়া আসিল।

রঞ্জন পা টিপিয়া টিপিয়া পিছু হটিতে আরম্ভ করিল; তার-পর পিছু ফিরিয়া সোজা দৌড় দিল। দৌড়িতে দৌড়িতে সে যে “মহু” “মহু” উচ্চারণ করিতেছে তাহা সে নিজেই জানে না।

কাট্ ।

কেদারবাবুর গৃহের ফটকের সম্মুখ। মঞ্জুর মোটর দাঁড়াইয়া আছে। মঞ্জু ফটকের ভিতর হইতে বাহির হইয়া আসিল; পশ্চাতে মিহির।

মিহির : চলেন ? একটা জাপানী কবিতা লিখেছিলুম—

মঞ্জু মোটরের চালকের সীটে প্রবেশ করিতে করিতে ভারী গলায় বলিল—

মঞ্জু : মাপ করবেন মিহিরবাবু, আমার সময় নেই।—  
হ্যাঁ, বাবা এলে বলে দেবেন, তাঁর জন্তে ম্যাণ্টেলপীসের ওপর চিঠি রেখে গেলুম—

গাড়ীতে স্টার্ট দিয়া মঞ্জু চলিয়া গেল। মিহির করুণ দৃষ্টিতে তাকাইয়া দাঁড়াইয়া রহিল।

কাট্ ।

রঞ্জনের বাড়ীর ফটক। গুর্খা দরওয়ান স্বস্থানে দণ্ডায়মান আছে। রঞ্জন দৌড়িতে দৌড়িতে বাহির হইতে প্রবেশ করিতেই দরওয়ান পদযুগল সশব্দে জোড় করিয়া দাঁড়াইল।

রঞ্জন : দরওয়ান, জলদি—জলদি ফট্‌ফটিয়া নিকালো—

দরওয়ান শ্যালুট করিয়া মোটর বাইক আনিবার জন্ত প্রস্থান করিল। রঞ্জন নিজের উৎফুল্ল অথচ ঘর্ম্মাক্ত মুখখানা রুমাল দিয়া মুছিতে লাগিল।

কাট্ ।

টিবির উপর পরম্পরের স্বন্ধ জড়াজড়ি করিয়া প্রতাপ ও কেদার বসিয়া আছেন; উভয়েরই চক্ষু আর্দ্র। পুনর্মিলনের অকাল বর্ষা দু'জনেরই মন ভিজাইয়া দিয়াছে।

কেদার : ( নাক টানিয়া ) ভাই, আমি কি মিছিমিছি তোমার ওপর রাগ করেছিলুম ? তুই আমাকে 'কতু রায়' বলেছিলি কেন ? আমার নামটাকে বেকিয়ে অমন করে ডাকা কি তোমার উচিত হয়েছিল ?

প্রতাপ : ভাই, তুইও তো আমাকে 'আবু হোসেন' বলেছিলি। আমার গালে আবু আছে বলে আমাকে আবু হোসেন বলা কি বন্ধুর কাজ হয়েছিল ?

কেদার : ( চক্ষু মুছিয়া ) রেখে দে ওসব পুরানো কথা—চল্ বাড়ী যাই।

উভয়ে উঠিলেন।

প্রতাপ : আগে আমার বাড়ীতে তোকে যেতে হবে কিন্তু।

কেদার : না, আমার বাড়ীতে আগে—

উভয়ে চলিতে আরম্ভ করিলেন।

কেদার : আমার মেয়েকে তো তুই এখনও দেখিস নি। ( সর্গর্বে ) অমন মেয়ে আর হয় না—

প্রতাপ : ( গর্কোদীপ্ত কণ্ঠে ) আর আমার ছেলে ? তুই তো দেখেছিস—কেমন ছেলে ?

সন্তানগর্বে উভয়ে উভয়ের পানে চাহিয়া হাস্ত করিতে করিতে চলিলেন।

কাট্ ।

কেদারবাবুর ফটকের সম্মুখ। রঞ্জনের মোটর বাইক আসিয়া দাঁড়াইল। রঞ্জন ফটকের ভিতরে প্রবেশ করিয়া দেখিল সিঁড়ির উপর মিহির বিমর্ষভাবে গালে হাত দিয়া বসিয়া আছে।

রঞ্জন : মিহিরবাবু ! মঞ্জু কোথায় ?

মিহির : ( বিরস কণ্ঠে ) তিনি মোটরে চড়ে চলে গেলেন। আমার জাপানী কবিতা শুনলেন না—

রঞ্জন : চলে গেলেন ? কোথায় চলে গেলেন ?

মিহির : তা জানি না। ঐ দিকে। আপনি শুনবেন কবিতা—

রঞ্জন আর দাঁড়াইল না; লাফাইয়া গিয়া গাড়িতে চড়িল।

রঞ্জন : আর এক সময় হবে।

তাহার মোটর-বাইক তীরবেগে বাহির হইয়া গেল।

কাট্ ।

গ্র্যাণ্ডট্রাক্ রোড। মঞ্জুর মোটর কলিকাতার দিকে চলিয়াছে। মঞ্জু চালকের আসনে বসিয়া; তাহার দৃষ্টি সম্মুখে স্থির হইয়া আছে; ঠোঁট দুটি দৃঢ়বদ্ধ।

কাট্ ।

রঞ্জনের গাড়ী ঝাঝার সীমানা পার হইয়া গ্র্যাণ্ডট্রাক্ রোডে আসিয়া পড়িল। গাড়ী উদ্ধার বেগে ছুটিয়াছে। একটা গ্রাম্য-কুকুর কিছুদূর পর্য্যন্ত খেউ খেউ করিতে করিতে তাহাকে তাড়া করিয়া আসিল, তারপর হতাশ হইয়া হাল ছাড়িয়া দিল।

কাট্ ।

বাড়ীর সম্মুখের, বারান্দায় মিহির, কেদার ও প্রতাপ দাঁড়াইয়া আছেন। কেদার বড়ই খাব্‌ড়াইয়া গিয়াছেন।

কেদার : আঁ - চলে গেছে ! কোথায় চলে গেছে ?

মিহির : তা তো জানি না।—কিছুক্ষণ পরে রঞ্জনবাবু এলেন, তিনিও খবর পেয়ে মঞ্জু দেবীর পিছনে মোটর বাইক ছোটালেন।

কেদার ও প্রতাপ উদ্বিগ্নভাবে মুখ তাকাতাকি করিতে লাগিলেন।

মিহির : মঞ্জু দেবী আপনার জন্তে ম্যাটেলপীসের ওপর চিঠি রেখে গেছেন—

কেদার : ( থিঁচাইয়া ) এতক্ষণ তা বলনি কেন ?—এস প্রতাপ।

দুজনে বাড়ীর মধ্যে প্রবেশ করিলেন। অনাহৃত মিহির আবার সিঁড়ির উপর বসিয়া পড়িয়া গালে হাত দিয়া রাস্তার দিকে চাহিয়া রহিল।

কিছুক্ষণ পরে তাহার চোখে সহসা প্রাণ-সঞ্চার হইল। ফটকের সম্মুখ দিয়া চারিটি তরুণী—ইন্দু মলিনা সলিলা মীরা—যাইতেছেন। তাঁহারা প্রত্যেকেই নিরীহ বাড়ীটার দিকে তীব্র কটাক্ষবাণ নিক্ষেপ করিয়া গেলেন।

তাঁহারা অন্তর্হিত হইতে না হইতেই মিহির চমকিয়া উঠিয়া দাঁড়াইল, তারপর দ্রুতপদে সিঁড়ি নামিয়া তরুণীদের পশ্চাদ্ধর্তী হইল।

কাট্।

ড্রয়িং রুমে কেদার মঞ্জুর পত্রপাঠ শেষ করিয়া বিহ্বল প্রতাপের পানে তাকাইলেন।

কেদার : কলকাতায় চলে গেছে !—কি করি প্রতাপ ?

প্রতাপ আশ্বাস দিয়া কেদারের পৃষ্ঠে কয়েকটি মুছ চপেটাঘাত করিলেন।

প্রতাপ : কিছু ভেবো না, আমার রঞ্জন তাকে ঠিক ফিরিয়ে আনবো—বোসো—

উভয়ে একটি সোফায় বসিলেন ; কেদারের মন কিন্তু নিরুদ্ধেগ হইল না।

কেদার : ছেলেমানুষের কাণ্ড—কিছু বোঝে না—আমাদের মত মাথা ঠাণ্ডা তো নয়।—শেষে কি করতে কি করে বসবে—

প্রতাপ : আরে না না, কোনও ভয় নেই। আসল কথা, দু'টোতে দু'জনের প্রেমে পড়ে গেছে—ভীষণভাবে।

কেদার : হঁ—দুটোই বেহারা। সেই তো হয়েছে ভাবনা।—কি করা যায় এখন !

প্রতাপ ক্ষণকাল চিন্তা করিলেন, বোধ করি মনে মনে রাজকন্ঠাকে পুত্রবধু করিবার উচ্চাশায় জলাঞ্জলি দিলেন। তারপর কেদারের উরুর উপর একটি চাপড় মারিলেন।

প্রতাপ : ঠিক হয়েছে ! এক কাজ করি এসো—

কেদার সপ্রসন্ন নেত্রে চাহিলেন।

প্রতাপ : ও দুটোর বিয়ে দিয়ে দেওয়া যাক !

কিছুক্ষণ পরস্পর তাকাইয়া রহিলেন। তারপর উভয়ে একটু হাসিলেন ; হাসি ক্রমে প্রসারলাভ করিল। শেষে উভয়ে পরস্পর হাত ধরিয়া দীর্ঘকাল কর-কম্পন করিতে লাগিলেন।

কাট্।

মঞ্জুর গাড়ী চলিয়াছে।

মঞ্জুর দুই চোখ জলে ভরিয়া উঠিয়াছে ; ঠোঁট কাঁপিতেছে ; মুখের বাহু দৃঢ়তা আর রক্ষা হইতেছে না।

সহসা সে চলন্ত গাড়ীর স্টীয়ারিং হুইলের উপর মাথা রাখিয়া ফুঁপাইয়া কাঁদিয়া উঠিল।

অবশ্যম্ভাবী দুর্ঘটনা কিন্তু ঘটিতে পাইল না ; গাড়ী স্বেচ্ছামু-যায়ী কিছু দূর গিয়া ক্রমে মন্দবেগ হইয়া অবশেষে থামিয়া গেল।

মঞ্জু অশ্রু-ধৌত মুখ তুলিয়া দেখিল গাড়ী নিশ্চিন্তভাবে দাঁড়াইয়া আছে। সে সেল্ফ-স্টার্টার দিয়া গাড়ীর শরীরে প্রাণ-সঞ্চারের চেষ্টা করিল, কিন্তু এঞ্জিনের স্পন্দন পুনরুজ্জীবিত করিতে পারিল না।

বার্থ হইয়া মঞ্জু গাড়ী হইতে নামিবার উপক্রম করিল।

কাট্।

রঞ্জনের মোটর-বাইক উর্দ্ধ্বাসে ছুটিয়া আসিতেছে।

কাট্।

মঞ্জু একান্ত ম্রিয়মান মুখচ্ছবি লইয়া মোটরের ফুটবোর্ডে বসিয়া আছে। তাহার যেন আর বাঁচিবার ইচ্ছা নাই।

দূরে অস্পষ্ট ফট্-ফট্ শব্দ শোনা গেল ; ক্রমে শব্দ স্পষ্টতর হইতে লাগিল। মঞ্জু প্রথমটা কান করে নাই ; তারপর সচকিতে ঘাড় তুলিয়া সেইদিকে তাকাইল।

দূরে রঞ্জনের মোটর বাইক আসিতেছে দেখা গেল। শব্দ ও গাড়ী নিকটতর হইতে লাগিল। শেষে রঞ্জনের মোটর-বাইক মঞ্জুর পাশে আসিয়া দাঁড়াইল।

রঞ্জন আসনের উপর পাশ ফিরিয়া বসিল, মুখ গম্ভীর। কিছুক্ষণ দুজনে নীরবে দু'জনের পানে তাকাইয়া রহিল।

রজন : গাড়ী খারাপ হয়ে গেছে ?

মঞ্জু উত্তর দিতে পারিল না, শুধু ঘাড় নাড়িল।

রজনের অধরপ্রান্ত একটু নড়িয়া উঠিল।

রজন : আমি জানি কি হয়েছে—পেট্রোল ফুরিয়ে গেছে—

মঞ্জু অধর দংশন করিয়া অধোমুখে রহিল।

রজন উঠিয়া আসিয়া তাহার সম্মুখে দাঁড়াইল। মঞ্জু চোখ তুলিয়া রুদ্ধস্বরে বলিল—

মঞ্জু : আবার কেন এলে ?

রজন গম্ভীরভাবে একটু হাসিল।

রজন : তোমাকে একটা খবর দিতে এলাম।—তোমার বাবার সঙ্গে আমার বাবার আবার ভাব হয়ে গেছে— ভীষণ ভাব।

বিস্ফারিত নেত্রে চাহিয়া মঞ্জু আশ্বে আশ্বে উঠিয়া দাঁড়াইল।

মঞ্জু : কি—কি বললে ?

রজন আর গাম্ভীর্যের অভিনয় বজায় রাখিতে পারিল

না; অন্তরের চাপা উল্লাস উদ্বেলিত হইয়া পড়িল। সে দু'হাতে মঞ্জুকে নিজের কাছে আকর্ষণ করিয়া লইয়া উচ্ছ্বসিত কণ্ঠে বলিল—

রজন : যা বললুম—দুজনে একেবারে হরিহর আত্মা !  
—চল, ফিরে যেতে যেতে সব বলব।

ডিঙ্কল্ড ।

মঞ্জুর গাড়ী ফিরিয়া চলিয়াছে। রজনের মোটর বাইক তাহার পিছনের সীটে উঁচু হইয়া আছে।

রজন গাড়ী চালাইতেছে। পাশে মঞ্জু। মঞ্জুর মাথাটি রজনের স্কন্ধের উপর আশ্রয় লইয়াছে; চক্ষুদুটি পরিতৃপ্তির আবেশে স্বপ্নাতুর।

রজন একবার ঘাড় ফিরাইয়া দেখিল; তারপর মঞ্জুর নরম চুলের মধ্যে নিজের গাল রাখিয়া স্নেহে একটু নাড়া দিল। মঞ্জু সুখাবিষ্ট চোখ তুলিল।

ফেড আউট।

শেষ

## যক্ষের মিনতি

শ্রীনীলরতন দাশ

ওগো আষাঢ়ের নব জলধর ! বারেক থামো না ভাই,  
তাপিত প্রাণের গোপন মিনতি তোমারে জানাতে চাই।  
হেরি বাদলের বারিধারা আজি উদ্বেল মম হিয়া,  
অন্তর-ভরা বিরহ বেদনা স্মরি' মোর প্রাণপ্রিয়া।  
গৃহহারা আমি বঞ্চিত-প্রিয়া-চারু-মুখদরশন  
বরষের তরে রামগিরি শিরে লভেছি নির্কাসন।  
যক্ষরাজ্যের নাহি ক' বিচার, ত্রুঙ্ক সে নিরদয় ;  
একা মোর দোষে প্রেয়সীও শেষে কত না যাতনা সয় !  
কোথায় অলকা কুবেরনগরী—কোথা রামগিরি আর—  
দু'জনের মাঝে ব্যবধান আজি বিরহের পারাবার !  
সহচরহারা বিরহবিধুরা চক্রবাকীর সম  
অঝোরে অশ্রু ফেলিছে নীরবে হায় প্রিয়তমা মম !  
আমার বারতা ল'য়ে যাও সখা, কুবেরের অলকায়—  
কাস্তা যেথায় যাপিছে জীবন বিচ্ছেদ-বেদনায়।  
কহিও প্রিয়ারে রামগিরিশিরে কোন মতে তব স্বামী  
বিরহের ব্যথা বহিয়া বন্ধে জাগিছে দিবসযামি।

শয়নে স্বপনে তোমারই মূর্তি ধ্যান করি' প্রতিদিন  
অন্তরে তার জাগে হাহাকার, শরীর শীর্ণ ক্ষীণ।  
বান্ধবী ! শুন, কাতরা হইয়া করিও না দেহপাত,  
শাপ অবসানে দয়িতের সনে হ'বে পুনঃ সাক্ষাৎ।  
শীতঋতুগতে নববসন্তে প্রকৃতি পুলক-ভরা,  
বিরহঅন্তে মিলন তেমনি মধুর পাগল করা।  
চারি মাস পরে কান্ত তোমারে লইবে বন্ধে তুলি'  
শুভ মিলনের আশায় রহ গো বিরহবেদনা তুলি'।  
আমার বার্তা জানায়ে প্রিয়ারে তাহার কুশল আনি'  
বাঁচাও, দরদী বন্ধু আমার প্রবাসী পরাণখানি।  
মহৎ বংশে জন্ম তোমার, পুঙ্কর তব নাম—  
হে মহান্ মেঘ ! দয়া ক'রে মোর পুরাও মনস্কাম।  
তৃষিত ধরণী কর স্নানীতল ঢালি' তুমি শীতল বারি—  
আমি কি পাব না তোমার করুণা, হে জলদ তৃষাহারী ?  
সুন্দর ! আজ বন্ধুর কাজ কর তুমি দয়া ক'রে—  
বিরহী যক্ষ মরে যে কাঁদিয়া বিরহিণী প্রিয়া তরে !

# বাসুদেব সার্বভৌম

অধ্যাপক শ্রীদীনেশচন্দ্র ভট্টাচার্য এম্-এ

শ্রীচৈতন্যচরিতের উপাদান বিষয়ে মহামহোপাধ্যায় শ্রীযুক্ত কণিভূষণতর্কবাগীশ মহাশয়ের আলোচনামূলক প্রবন্ধরাজি অঙ্কনশলাকার মত নূতন নূতন তত্ত্ব ও বিতর্ক উন্নীলিত করিয়া ভারতবর্ষের পাঠক-মণ্ডলীকে ধম্ম করিতেছে। আমরা বহুকাল এ জাতীয় অপূর্ক আলোচনা মাসিকপত্রে দেখি নাই। তাঁহার কতিপয় প্রবন্ধেই বাঙ্গালার তৎকালীন মহামণীষী বাসুদেব সার্বভৌমের বিবরণ প্রদত্ত হইয়াছে। সার্বভৌম সম্বন্ধে অনেক নূতন তথ্য এখনও অপ্রকাশিত রহিয়াছে। আমরা অশেষশ্রদ্ধাভাজন শ্রীযুক্ত তর্কবাগীশ মহাশয়ের প্রবন্ধের পরিশিষ্টরূপে তাহা প্রকাশ করিতে চেষ্টা করিব।

বাঙ্গালার নব্যনৈয়ায়িকগণ সকলেই পরিজ্ঞাত আছেন যে, রঘুনাথ শিরোমণি “অনুমান-দীপ্তি”র বহুস্থলে “সার্বভৌম” মত উদ্ধৃত করিয়া প্রায়শঃ খণ্ডন করিয়াছেন। অনূন ৬০ বৎসর পূর্বে অধুনালুপ্ত “পণ্ডিত” পত্রিকার পরিশিষ্টে কাশীর বিখ্যাত সরস্বতীভবনে রক্ষিত হস্তলিখিত সংস্কৃত গ্রন্থের তালিকা মুদ্রিত হয়। তন্মধ্যে বাসুদেব সার্বভৌম রচিত দুইটি গ্রন্থের নাম ছিল—সমাসবাদ ও চিন্তামণিব্যাখ্যা। (Supplement to the Pandit, Vols. VII-IX, p. 150 & 188) সমাসবাদ পরবর্তী রামভদ্র সার্বভৌম রচিত, বাসুদেব রচিত নহে, এ বিষয়ে এখন কোন সন্দেহ নাই। ১৮৮৮ খৃঃ অধ্যক্ষ Venis সাহেব পুথির তালিকা গ্রন্থাকারে পৃথক্ মুদ্রিত করেন, তন্মধ্যে (পৃঃ ১৯৯) বাসুদেব সার্বভৌম রচিত (১৮৫ সং পুথি) চিন্তামণিব্যাখ্যার নাম “সারাবলী” এবং পত্র সংখ্যা ১৯৯ লিখিত আছে। কতিপয় বৎসর পূর্বে কাশী সংস্কৃত কলেজের তদানীন্তন অধ্যক্ষ মহামহোপাধ্যায় শ্রীযুক্ত গোপীনাথ কবিরাজ মহাশয় অশেষ পরিশ্রমসহকারে এই গ্রন্থ এবং অন্যান্য বিনুপ্তপ্রায় গ্রন্থহইতে অজ্ঞাতপূর্বে বহু উপাদান সংগ্রহ করেন এবং বাসুদেব, তদ্ব্রাতা বিভাবাচস্পতি, পুত্র জনেশ্বর বাহিনীপতি এবং পিতা মহেশ্বর রচিত গ্রন্থের আবিষ্কারমূলে বাঙ্গালার নব্যন্যায়চর্চার ইতিহাসে আলোকপাত করেন। অজ্ঞেয় কবিরাজ মহাশয়ের ইংরাজি প্রবন্ধ বাঙ্গালার বিশেষপ্রচার লাভ করে নাই। কিন্তু শ্রীযুক্ত তর্কবাগীশ মহাশয়ের প্রবন্ধ হইতেই বহু নূতন কথা অনেকে পরিজ্ঞাত হইয়াছেন।

উল্লিখিত গ্রন্থগুলি বাঙ্গালার নৈয়ায়িক সম্প্রদায় কর্তৃক বিশেষভাবে আলোচিত হওয়া আবশ্যিক। দুঃখের বিষয় নব্যন্যায়চর্চার বর্তমান শোচনীয় পরিণতির ফলে অধ্যাপকগণ এ বিষয়ে সম্পূর্ণ উদাসীন। বাসুদেব সার্বভৌম রচিত নব্যন্যায় গ্রন্থের আলোচনার কোন সার্থকতা আছে, ইহা পরিগ্রহ করা তাঁহাদের সাধ্যাতীত। আমরা এ বিষয়ে প্রবীণ শ্রীযুক্ত তর্কবাগীশ মহাশয়ের আগ্রহ দেখিয়া পুলকিত হইয়াছি এবং প্রধানতঃ তাঁহারই উৎসাহে উল্লিখিত গ্রন্থগুলি কথঞ্চিৎ আলোচনা করিয়া

দেখিয়াছি।<sup>১</sup> তাহার ফলে অজ্ঞেয় শ্রীযুক্ত কবিরাজ মহাশয়ের প্রবন্ধের স্থানে স্থানে সংশোধন আবশ্যক হইয়াছে। প্রথমে সংক্ষেপে তাহার কারণ বলিব।

১। “প্রত্যক্ষমণি মাহেশ্বরী” নামে একটি গ্রন্থ কাশীর সরস্বতীভবনে রক্ষিত আছে। শ্রীযুক্ত কবিরাজ মহাশয় (Saritswati Bhanana Studies, vol IV., pp. 61-69) এই মহেশ্বর বাসুদেব সার্বভৌমের পিতা মহেশ্বর বিহারদ হইতে অভিন্ন হইতেও পারে, এইরূপ কল্পনা করিয়াছেন। কিন্তু তাহার ঐ কল্পনা প্রমাণসিদ্ধ নহে। এই গ্রন্থ আমরা আলোচনা করিয়া দেখিয়াছি—(ইহার নূতন সংখ্যা স্তায় বৈশেষিক ৩০১) ইহা আন্তঃস্থখণ্ডিত। প্রথম পত্র নাই; দ্বিতীয়পত্রের আরম্ভে আছেঃ—“\* \* \* মণিনামধারণোপযোগিমণিসারস্বত্যাং—যত ইতি। প্রসঙ্গাদিতি স্মৃতস্তোপেকানর্হাদিত্যর্থঃ। কেচিদিহোপোদবাতঃ সঙ্গতিঃ নিফলশ্চ উক্ত্যসম্ভবেন উক্তসিদ্ধার্থদ্বাদেতচ্চিস্তায়া ইত্যাহঃ।” ৩০৯ক পত্রে আছে—“বিশেষণোপলক্ষণ বিচারঃ সমাপ্তঃ। অতঃপরমা-সমাপ্তিমূলব্যাখ্যা।” ২৭৪খ পত্রে পাওয়া যায়, “ইদঞ্চালোককৃৎ যদ্বা ইত্যত্র চ বক্ষ্যতি।” “আলোককৃৎ” এই শব্দের দ্বারা এই গ্রন্থ যে পক্ষধরমিশ্রের আলোকের প্রত্যক্ষখণ্ডের টীকা, তদ্বিষয়ে সন্দেহ নাই। পরন্তু গ্রন্থোপরি প্রথমতঃ “মাহেশী আলোকটীকা” এইরূপ পরিচয়লিপি ছিল, তাহা কাটিয়া (মহামহোপাধ্যায় বিদ্যোৎসবীপ্রসাদ কর্তৃক) “প্রত্যক্ষমণি মাহেশ্বরী” পরে লিখিত হইয়াছে। সৌভাগ্যক্রমে সরস্বতী-ভবনে ‘মহেশ ঠাকুর রচিত “আলোকদর্পণে”র (প্রত্যক্ষখণ্ডের অন্তর্হীন) দুইটি প্রতিলিপি রক্ষিত আছে (স্তায়-বৈশেষিক, ৩৫০ এবং ৩৫১ সং পুথি)—উভয় স্থলেই পূর্বেদ্যুক্ত ২য় পত্রের বাক্য অবিকল পাওয়া যায় (৩৫০ সং গ্রন্থের ৩ক পত্রের ২-৩ পঙক্তি এবং ৩৫১ সং গ্রন্থের ৭ক পত্রের ৭-৮ পঙক্তি)। “আলোকদর্পণে”র আরম্ভে দেখা যায়—

শঙ্কর জগদম্বিকয়োরকে পঙ্কেন খেলন্তঃ।

লঘোদরমবলঘে যং বেদ ন তত্ত্বতো বেদঃ ॥

গৌর্যা গিরীশাদিব কার্ত্তিকেরো যোধীরয়া চন্দ্রপভেরলভি।

আলোকমুদীপয়িতুং নবীনং স দর্পণং ব্যাতমুতে মহেশঃ ॥

অত্র শ্লোকানাং ব্যাখ্যা টীকাকৃত্য হৃকরত্নাছুপেক্ষিতা সা ত্রয়ং—প্রারম্ভিত ... (৩৫১ সং পুথি)।

অপর পুথিতে (৩৫০) শ্লোকত্রয়ের মধ্যে কৃষ্ণ, বিরিকি, শিব এবং

১। কাশী সংস্কৃত কলেজের অধ্যক্ষ ডঃ শান্ত্রী এবং সরস্বতীভবন পুথিখালাধ্যক্ষ শ্রীযুক্ত নারায়ণ শান্ত্রী মহাশয়দের নিকট পুথি দেখার অনুমতি এবং সুযোগ দানের জন্য অশেষ কৃতজ্ঞতা জ্ঞাপন করিতেছি।

সরস্বতীর নমস্কারস্বরূপ অতিরিক্ত ৪টা শ্লোক পাওয়া যায়। এই মহেশের অন্ততর ভ্রাতা ভগীরথ ঠকুর, নামান্তর মেঘ ঠকুর, পক্ষধরমিশ্রের ছাত্র ছিলেন। মহেশ তাঁহার গ্রন্থের কতিপয় স্থলে প্রগলভের মত উদ্ধৃত করিয়াছেন, যথা—

“শ্রীপ্রগলভস্ত উভয়বাদিসিদ্ধং প্রামাণ্যগ্রাহকত্বং যশাস্তুভিমা  
যাবতী জ্ঞানগ্রাহিকা সামগ্রী তদগ্রাহত্বং যতস্বমিত্যাহ।”

( ৩০১ সং পৃথির ৪২খ পত্র, ৩৫১ সং পৃথির ৪৩-৪৪ পত্র )

২। সরস্বতী ভবনে “বিজ্ঞাবাচস্পতি” রচিত চিন্তামণি টীকার ( শব্দ খণ্ডের ) এক প্রতিলিপি রক্ষিত আছে। শ্রীযুত গোপীনাথ কবিরাজ মহাশয় গ্রন্থকারকে বাহুদেব সার্কভৌমের ভ্রাতা রঞ্জাকর (?) বিজ্ঞাবাচস্পতির সহিত অভিন্ন ধরিয়াছেন। এই আত্মস্বহীন গ্রন্থ ও ( জায়বৈশেষিক ২৮১ সং পৃথি ) আমরা পরীক্ষা করিয়া দেখিয়াছি। প্রথম পত্র না থাকায় গ্রন্থকারের নাম কিম্বা উপাধি গ্রন্থ মধ্যে কোথায়ও পাওয়া গেল না। নাগরাক্ষরে লিখিত প্রতিলিপির পার্শ্বে পরিচয়সূচক “বি. বা”, “বিজ্ঞা”, “বি. শা” এবং “বিজ্ঞাবা” লিখিত আছে। এই গ্রন্থ ও পক্ষধর মিশ্রের আলোকের ( শব্দ খণ্ডের ) উপর টীকা বটে। ২য় পত্রের প্রারম্ভাংশ আমরা “গুণানন্দ বিজ্ঞাবাগীশ” রচিত “শব্দালোকবিবেক” গ্রন্থের একটি অস্থহীন ( ৩৬৬ সং ) প্রতিলিপির সহিত মিলাইয়া দেখিয়াছি—অবিকল একই গ্রন্থ। বিনুগুপ্রায় এই বিখ্যাত বাঙ্গালী গ্রন্থকারের পরিচয় শ্লোক নাগরাক্ষরে লিখিত। শেষোক্ত প্রতিলিপি হইতে আমরা উদ্ধৃত করিলাম :

নমো দৈত্যকুলাক্রান্তভুবোভারজিহীর্ষবে।

বৃক্ষিবংশাবতীর্ণায় চতুর্কূহায় বিষ্ণবে।

মধুহৃদনসম্ব্যাখ্যা-স্বধাক্কালিত চেতসা।

গুণানন্দেন কৃতিনা শব্দালোকো বিবিচ্যতে।

সুতরাং বাহুদেব সার্কভৌমের পিতা ও ভ্রাতা নব্যজ্ঞায়ের গ্রন্থকার ছিলেন এবিষয়ে প্রমাণ এখনও পাওয়া গেল না। (৩) সরস্বতী-ভবনের “সারাবলী” গ্রন্থের প্রতিলিপিও নাগরাক্ষরে লিখিত এবং আত্মস্বহীন—প্রথম ৩ পত্র নাই এবং শেষেও কতিপয় পত্র নাই। অনুমানখণ্ডের অনুমিত হইতে বাহুদেবের কিয়দংশ পর্য্যন্ত চিন্তামণির টীকা ইহাতে পাওয়া যায় এবং রঘুনাথ শিরোমণির “অনুমানদীপ্তি” অপেক্ষা এই গ্রন্থ আকারে বৃহৎ বলিয়া বোধ হইল। ব্যাপ্তিবাদের টীকা অপেক্ষাকৃত ক্ষুদ্র। এই গ্রন্থ মধ্যেও ( জায়বৈশেষিক ২৮০ সং পৃথি ) গ্রন্থকারের নাম কিম্বা গ্রন্থের নাম আমরা কোথায়ও খুঁজিয়া পাই নাই—কেবল পার্শ্বে “চি. সা”, “সার্ক” এবং “সার্ক টী” লিখিত আছে। প্রতিলিপির উপরে গ্রন্থের নাম “সারাবলী” লিখিত রহিয়াছে—ইহাও বিদ্যোৎসর্গী-প্রসাদের কল্পিত বলিয়া ধনে হয়। সুতরাং এই গ্রন্থ যে বাহুদেব সার্কভৌম রচিত, তাহা সম্পূর্ণ বিচারসাপেক্ষ। কিন্তু আমরা এ বিবেকে যে সামান্য আলোচনা করিয়াছি, তদ্বারা এই গ্রন্থই যে “দীপ্তি”কার

রঘুনাথ শিরোমণি খণ্ডন করিয়াছিলেন, ইহার প্রমাণ পাওয়া যায়। সংক্ষেপে তিনটি প্রমাণ লিখিত হইল :—

(ক) ব্যাপ্তিপঙ্ককের দ্বিতীয় লক্ষণে দীপ্তিকার “সাধ্যবস্তিগ্নে যঃ সাধ্যাভাবঃ...° বলিয়া ৭মী তৎপুরুষ ব্যাখ্যা করিয়াছেন। “দীপ্তিপ্রসারিণী”কার কৃষ্ণদাস সার্কভৌম ঐস্থলের ব্যাখ্যায় লিখিয়াছেন ( ৪০ পৃঃ ) “সাধ্যাভাবপদবৈয়র্থ্যমিতি সার্কভৌমদূষণমঙ্কর্তৃমাহ—সাধ্যবস্তিগ্নে য ইতি।” তৃতীয়লক্ষণের অবতারণাকালে বস্তুতঃই সরস্বতী-ভবনের উল্লিখিত গ্রন্থে এইরূপ আশঙ্কা করা হইয়াছে :—

“সাধ্যাভাবপদশ্চ বৈয়র্থ্যমাশঙ্ক্যাহ সাধ্যবদিতি” ( ১২২ পত্র )

(খ) “সিংহব্যাঙ্গীর দীপ্তি”গ্রন্থে “কেচিস্তু” বলিয়া যে মত উদ্ধৃত হইয়াছে, তাহা “সার্কভৌমমত” বলিয়াই টীকাকারগণ ব্যাখ্যা করিয়াছেন। কিন্তু তৎকালীন নৈয়ায়িকগণ পূর্বতন গ্রন্থের বচন অবিকল উদ্ধৃত না করিয়া “সপরিষ্কার” কিম্বা “বহুধা পরিদুর্ক্বন” এতই পরিবর্তিত আকারে উদ্ধৃত করেন যে চিনিয়া লওয়া প্রায় অসাধ্য। বর্তমান স্থলে দীপ্তির সন্দর্ভ এই :

“কেচিস্তু, সাধ্যাসামানাধিকরণ্যং হেতুতাবচ্ছেদকসম্বন্ধেন হেত্বধিকরণে তেনৈব সম্বন্ধেন সাধ্যবস্তিগ্নাভাবস্তদধিরণভিন্নত্বমর্থঃ তেন...ইত্যাহঃ।”

সরস্বতী-ভবনগ্রন্থের ( “সারাবলী”র ) সন্দর্ভ এই : ( ১২২ পত্র )

“সাধ্যাসামানাধিকরণ্যং সাধ্যাসামানাধিকরণ্যাভাব স্তদনধিকরণত্ব-মিত্যর্থঃ।”

দীপ্তিকার এখানে সার্কভৌমের ক্ষুদ্র উক্তি আশুল পরিবর্তন ও পরিবর্ধন করিয়া বিস্তারপূর্বক উদ্ধৃত করিয়াছেন। সৌভাগ্যক্রমে একজন অজ্ঞাতপূর্ব দীপ্তি টীকাকারের গ্রন্থে এই পরিবর্তন ও তাহার সার্থকতা স্পষ্টাক্ষরে লিখিত হইয়াছে। সরস্বতী-ভবনেই রঘুনাথ বিজ্ঞালকার রচিত “অনুমান দীপ্তিপ্রতিবিশ্ব” নামক গ্রন্থের এক খণ্ডিত প্রতিলিপি ( ব্যাধিকরণ ধর্ম্মাবচ্ছিন্নাভাবপ্রকরণ পর্য্যন্ত ) অপ্রত্যাশিত ভাবে আমাদের হস্তগত হয়। তন্মধ্যে সিংহব্যাঙ্গীর উক্ত স্থলের টীকায় লিখিত হইয়াছে :—

“ননু সাধ্য-সামানাধিকরণ্যাভাবস্তদধিকরণত্বমিত্যেবং সার্কভৌমোক্তং কিমিত্যুপেক্ষিতমিত্যত আটাই তেনেতি।” ( ৫৬ খ )

সরস্বতী-ভবনের তথাকথিত “সারাবলী” গ্রন্থ যে বস্তুতঃই সার্কভৌম রচিত, তাহার প্রমাণ পাওয়া গেল।

(গ) ব্যাধিকরণধর্ম্মাবচ্ছিন্নাভাবপ্রকরণে দীপ্তিকার সার্কভৌমের ‘কূট’-ঘটিত এক ব্যাপ্তিলক্ষণ উদ্ধৃত করিয়াছেন। যথা,—

“অগ্নে তু বৃন্তিমদবৃন্তয়ো যাবস্তঃ সাধ্যাভাব সমুদায়াদিকরণ বৃন্তি-ত্বাভাবান্তবৃন্তং...ইত্যাহঃ, তন্ন” ইত্যাদি। এই লক্ষণ ও প্রায় অবিকল ঐ গ্রন্থে পাওয়া বাইতেছে—

“সৈবং, সাধ্যাভাবকূটাদিকরণবৃন্তিত্বাভাবা বৃন্তিমদবৃন্তয়ো যাবস্ত-ত্বাভাবান্তবৃন্তং ব্যাপ্তিরিতি বিবক্ষণাৎ।” ( ১৪ ক পত্র )

বাহুদেব সার্কভৌম এই গ্রন্থে পূর্বতন গ্রন্থকারদের মত বহুস্থলে



উদ্ধৃত করিয়াছেন। শ্রীযুক্ত কবিরাজ মহাশয় তাহার সৃষ্টি প্রকাশ করিয়াছেন। যজ্ঞপতির বচন ১২ বার উদ্ধৃত এবং খণ্ডিত হইয়াছে। ৫৩ক পত্রে “নরসিংহ” নামক সম্পূর্ণ অজ্ঞাত এক নব্যনৈয়ায়িকের বচন লিখিত হইয়াছে। ১৫৪ক এবং ১৬৮ক পত্রে যথাক্রমে “প্রত্যক্ষমণি পরীক্ষা” এবং “শক্ষমণি পরীক্ষা” গ্রন্থের দোহাই আছে—সম্ভবতঃ তাহা তাঁহার স্বরচিত গ্রন্থেরই পৃথক অংশ। এতদনুসারে বর্তমান গ্রন্থের নাম “অনুমানমণিপারীক্ষা” বলিয়া অনুমান করা যাইতে পারে, “সারাবলী” নহে। তাঁহার নিজ অধ্যাপকের মত দুইস্থলে উদ্ধৃত আছে ; যথা,—

অত্রান্দগুরুচরণাঃ—সাধ্যতাবচ্ছেদকপ্রকারেণ প্রকৃত সাধ্যব্যাপ্ত্য-বগাহি-পক্ষতাবচ্ছেদকপ্রকারক-পক্ষতোপরুক্ত-পক্ষধর্ম্যতাবগাহি-জ্ঞানজ্ঞোতঃ সাক্ষাৎ কার্যশাকোহনুমিত্তিরিত্যর্থঃ। ইথমপি তু...ইত্যাহঃ। ( ৮-৯ পত্র, অনুমিত্তিপ্রকরণ )

অত্রান্দগুরুচরণাঃ—ধূমাদিহেতো অঙ্গনবহাদ্রাপাধিতানিরাসায় ব্যভি-চারোন্নয়নসমর্থত্বে সতীতি বিশেষণীয়ং, ন চৈবং সাধনা-ব্যাপকপদবৈয়র্থ্যং ...ইত্যাহঃ। ( ৯৮ খ. উপাধিবাদ )

কিন্তু বাহুদেবের এই গুরু কে ছিলেন, এখনও অজ্ঞাত রহিয়াছে। পক্ষধর্মমিশ্রের অনুমানালোকের অনুমিত্তিপ্রকরণে উদ্ধৃত বচন আমরা খুঁজিয়া পাইলাম না। সুতরাং বাহুদেব পক্ষধর্মমিশ্রের ছাত্র ছিলেন, এই প্রবাদ প্রমাণসিদ্ধ নহে। তবে এ বিষয়ে আরও বিচারালোচনা আবশ্যিক। এতদ্ভিন্ন ‘কেচিত্তু,’ ‘উত্তানাস্ত,’ ‘কশ্চি-দ্বিপশ্চিন্মতো’ প্রভৃতি নির্দেশপূর্বক সমসাময়িক এবং পূর্বতন কত নব্য নৈয়ায়িকের মত যে উদ্ধৃত হইয়াছে, তাহার ইয়ত্তা করা কঠিন। ইহাদের মধ্যে অনেকেই বাঙ্গালী ছিলেন সন্দেহ নাই। বাহুদেবের পূর্বগামী নৈয়ায়িকদের মধ্যে অন্ততঃ একজন যে বাঙ্গালী ছিলেন, তাহার প্রমাণ পাওয়া গিয়াছে। ব্যাধিকরণধর্ম্যাবচ্ছিন্নাভাব প্রকরণের একস্থলে বাহুদেব লিখিয়াছেন :—

“উত্তানাস্ত সাধ্যাভাববতি যদ্বন্তৌ প্রকৃতানুমিত্তিবিরোধিত্বং নান্তি তদ্বং লক্ষণমাহঃ তন্ন...” ( ১৪ক পত্র )

রঘুনাথ শিরোমণির দীধিতি গ্রন্থেও এই মত অবিকল উদ্ধৃত হইয়া খণ্ডিত হইয়াছে এবং একমাত্র মথুরানাথ ব্যতীত দীধিতির সমস্ত টীকাকারগণ ( কৃষ্ণদাস হইতে গদাধর পর্যন্ত ) ইহা প্রগল্ভের তৃতীয় লক্ষণ বলিয়া ব্যাখ্যা করিয়াছেন। এই প্রগল্ভ বাঙ্গালী ছিলেন, তাহার প্রমাণাবলি আমার পৃথক এক প্রবন্ধে মুদ্রিত হইয়াছে। মথুরানাথ অনুমান দীধিতির টীকায় উদ্ধৃত মতটিকে বিশারদ মত বলিয়া ব্যাখ্যা করিয়াছেন— “বিশারদলক্ষণমুপলভ্য দুষ্যতি যদ্বিত্যাদিনা” ( ২ ) কিন্তু বিশারদ

বলিতে তৎকালে একমাত্র সার্বভৌমের পিতা বিশারদকেই বুঝাইত। সার্বভৌম কখনও “উত্তানাস্ত” বলিয়া পিতৃমতের উপর কটাক্ষ করিতে পারেন না। মথুরানাথের উক্তি অগ্রাহ্য হইলেও ইহাতে “বিশারদ” নামক শিরোমণির পূর্বগামী একজন বাঙ্গালী নব্য-নৈয়ায়িকের অস্তিত্ব সম্ভব হয় বলিয়া আমাদের ধারণা এবং তিনি আপাততঃ বাহুদেব-পিতা হইতে অভিন্ন ধরা যাইতে পারে।

### বিশারদ ভট্টাচার্য্য

এখানে প্রসঙ্গক্রমে বাহুদেবের পিতার সম্বন্ধে জ্ঞাতব্য বিষয় সংক্ষেপে সংগৃহীত হইল। কাশীর সরস্বতী ভবনে বাহুদেব সার্বভৌমের পুত্র ( জলেশ্বর ) “বাহিনীপতি মহাপাত্র ভট্টাচার্য্য” বিরচিত “শব্দালোকোত্তোত” গ্রন্থের সম্পূর্ণ একটি প্রতিলিপি আছে ( স্মারবৈশেষিক ৩৫৮ সং পৃষ্টি, পত্র সংখ্যা ৫২, লিপিকাল ১৬৪২ সম্বৎ )। শ্রীযুক্ত কবিরাজ মহাশয় এই অজ্ঞাতপূর্ব গ্রন্থের পরিচয় প্রদান করিয়া বাঙ্গালী এক মহানৈয়ায়িকের লুপ্তকীর্তির উদ্ধার সাধন করিয়াছেন। এই গ্রন্থ বাহুদেবের জীবদ্দশায় রচিত হইয়াছিল এবং গ্রন্থকার মঙ্গলাচরণে কোম দেবতার নমস্কার মা করিয়া নিজ পিতৃদেব সার্বভৌমের বন্দনা করিয়া অপূর্ব দুইটি শ্লোক রচনা করিয়াছিলেন। যথা,—

নৈগমে বচসি নৈপুণং বিধে:

সার্বভৌমপদ সান্তিধং মহঃ।

জীর্ণ তর্কতনু জীবমৌষধং

জৈমিনের্জয়তি জঙ্গমং যশঃ ॥১

কংসরিপোরবতারে

বংশে বৈশারদে জাতং।

উত্তংসং খলু পুংসা ( ২ )

তং বন্দে সার্বভৌমাধ্যং ॥২

এই শ্লোকে বিশারদ-সার্বভৌমের পিতাপুত্র সম্বন্ধ পরিষ্কৃত না হইলেও এ বিষয়ে সন্দেহের অবসর নাই। কারণ উক্ত জলেশ্বর বাহিনী-পতির পুত্র মহাপণ্ডিত স্বপ্নেশ্বরচাৰ্য্য শাণ্ডিল্যান্ড্রের ভাষ্য শেষে আত্ম-পরিচয়স্থলে লিখিয়াছেন :—

গৌড়স্বাবলয়ে বিশারদ ইতি খ্যাতাদভূত্বমুগে:

সর্বোর্বাপতি-সার্বভৌম-পদভাক্ প্রজ্ঞাবতামগ্রীণীঃ।

তন্মাদাস জলেশ্বরো বৃধবরো সেনাধিপঃ স্মাতৃত্তাং

স্বপ্নেশেন কৃতং তদঙ্গজমুখা সদন্তজি মীমাংসনম্ ॥

( শাণ্ডিল্যান্ড্র, মহেশ পালের সং, পৃ ১০২ )

এই শ্লোকেও “ভূমণি” বিশারদের সমগ্র গৌড়দেশে প্রতিষ্ঠার কথা

(২) অনুমান দীধিতির মাধুরী টীকা হ্রস্বাপ্য। বঙ্গীয় সাহিত্য পরিষদে একটি খণ্ডিত প্রতিলিপি আছে ( ১০৩৮ সং সংস্কৃত পৃষ্টি, ব্যাপ্তিবাদ, ৪৩ক পত্র ত্রুটব্য )। ঢাকা বিশ্ববিদ্যালয়ের পুথিশালায়ও একটি প্রতিলিপি আছে ( ২০২৮ সং পৃষ্টি, ৬৮ খ পত্র )। আমরা

উত্তর প্রতিষ্ঠানের কর্তৃপক্ষের নিকট আমাদের কৃতজ্ঞতা জ্ঞাপন করিতেছি।

খ্যাপিত হইয়াছে। এতদ্ভিন্ন, সার্ক্‌ভৌমত্বা বিজ্ঞানচন্দ্রিত্তির পুত্র বিজ্ঞানিবাস এবং পৌত্র রুদ্রস্বয়ম্বাচন্দ্রিত্তিও স্ব স্ব গ্রন্থে বিশারদ হইতেই আত্মপরিচয় দিয়াছেন। এই বিশারদের প্রকৃত নাম মাত্র দুই স্থলে লিপিবদ্ধ আছে—চৈতন্য ভাগবতে মহেশ্বর বিশারদ এবং সার্ক্‌ভৌমের স্বরচিত অষ্টমতমকরনের টীকায় নরহরি বিশারদ। শেবোক্ত শ্লোক শ্রীযুক্ত ফণিভূষণ তর্কবাগীশ মহাশয়ও উদ্ধৃত করিয়াছেন। যথা—

শ্রীকন্যাশয়কৈরবামৃতরূপে বেদান্ত বিজ্ঞানময়ং

ভট্টাচার্য্যবিশারদান্নরহরেণ (ঃ) প্রাপ ভাগীরথী। ইত্যাদি

এস্থলে সার্ক্‌ভৌম পিতামাতার নামদ্বয়ই (নরহরি বিশারদ এবং ভাগীরথী) কীর্তন করিয়াছেন বলিয়া আমরা মনে করি। শ্রীযুক্ত তর্কবাগীশ মহাশয়ও পরে তাঁহার “স্বায় পরিচয়” পুস্তকের দ্বিতীয় সংস্করণের ভূমিকায় এইমতই গ্রহণ করিয়াছেন। অবশ্য “নদীয়া কাহিনী” নামক গ্রন্থের এক পাদটীকায় নরহরি বিশারদকে সার্ক্‌ভৌমের পিতামহ বলা হইয়াছে (পৃ ১৫৭, ২য় সং), যদিও মূল গ্রন্থমধ্যে (পৃ: ১১০) এইরূপ উক্তি নাই। পরে, ‘ভারতবর্ষের’ জনৈক লেখক ( ১৩৩৬ বাং, আশ্বিন সংখ্যা, পৃ: ৫২৭-৮ ) তাহাই বিনা বিচারে গ্রহণ করিয়াছেন। কিন্তু আমরা নবদ্বীপ অঞ্চলে বহু অনুসন্ধান করিয়া দেখিয়াছি, নদীয়া কাহিনীর এই উক্তি কল্পমাত্র। আমরা পরে দেখিব, কোন কুলপঞ্জিকা দ্বারা ইহা সমর্থিত হয় না। আশ্চর্যের বিষয়, গ্রন্থকার ও প্রবন্ধলেখকগণ নির্বিবাদে এইরূপ কল্পিত বস্তু মুদ্রিত করিয়া সত্যনির্ধারণে বিশ্ব উপস্থিত করিতে কুঠা বোধ করেন না।

সার্ক্‌ভৌমের বচনানুসারে তাঁহার পিতা নরহরি বিশারদ বেদান্তজ্ঞ ছিলেন এবং মথুরানাথের উক্তি হইতে তাঁহার নৈয়ায়িকত্বও সপ্রমাণ হইতে পারে। এতদ্ভিন্ন, বিশারদ নামে একজন বিখ্যাত স্মৃতিনিবন্ধকার বঙ্গের সুলতান বারবকসাহের রাজত্বকালে ১৩২৭ শকাব্দের পরে গ্রন্থ রচনা করেন। (৩) তিনিও অভিন্ন বলিয়া মনে হয়। কারণ নবদ্বীপের প্রবাদ অনুসারে সার্ক্‌ভৌমের পিতা স্মার্ত ছিলেন। (নবদ্বীপ মহিমা, ১ম সং, পৃ: ৩৪ ; ২য় সং, ১৫৭ পৃ:)। সার্ক্‌ভৌমের পিতা নরহরি বিশারদ চৈতন্যদেবের মাতামহ নীলাখর চক্রবর্তীর সহায়ী ছিলেন। (চৈতন্য চরিতামৃত মধ্য-বর্ষ এবং কর্ণপুরের চৈতন্যচন্দ্রোদয়নাটকের বর্ষাঙ্ক দ্রষ্টব্য)। শচীদেবীর প্রথম পুত্র বিশ্বরূপের ( ১৪৭৫ খৃ: ) জন্মের পূর্বে সাত আটটি কন্যা সন্তান নষ্ট হয়। সুতরাং নীলাখরের জন্ম-তারিখ অনুমান ১৪১৫-২০ খৃ: মধ্যে পড়িবে এবং তাঁহার সহায়ারীর স্মৃষ্ট পুত্র বাসুদেব সার্ক্‌ভৌমের জন্মতারিখ অনুমান ১৪৪৫-৫০ খৃ: ধরা যায়।

সার্ক্‌ভৌমের চিন্তামণিবাখ্যা নবদ্বীপ অবস্থান কালে রচিত হইয়াছিল সন্দেহ নাই। এই গ্রন্থের রচনাকাল অনুমান করিতে হইলে সার্ক্‌ভৌমের

উড়িষ্যাবাসীর আনুমানিক কাল নির্ণয় করা কর্তব্য। ১৫০২ খৃ: সার্ক্‌ভৌমের সহিত চৈতন্যদেবের প্রথম সাক্ষাৎ, তৎকালে সার্ক্‌ভৌম উড়িষ্যায় পূর্ণপ্রতিষ্ঠিত এবং প্রতাপশালী রাজপুরুষের মধ্যে পরিগণিত। সুতরাং ১৫০০ খৃ: পূর্বেই তিনি উড়িষ্যায় গমন করিয়াছিলেন। এইরূপ অনুমান করা অসঙ্গত হইবে না। জয়ানন্দের মতে চৈতন্যদেবের জন্মের পূর্বেই তিনি উৎকল গমন করেন, কিন্তু তৎকালে প্রতাপরুদ্র রাজা নহেন; সুতরাং জয়ানন্দের উক্তি সর্ব্বাংশে গ্রহণীয় নহে। ১৪৮০-৯০ খৃ: মধ্যে তাঁহার নব্যশাস্ত্রের টীকা রচিত হইয়া থাকিবে।

যাহারা নবদ্বীপের নৈয়ায়িক বাসুদেব সার্ক্‌ভৌম ও উড়িষ্যায় বৈদান্তিক বাসুদেব সার্ক্‌ভৌম পৃথক্ বলিয়া মনে করেন, জলেশ্বর বাহিনী-পতির নব্যশাস্ত্র গ্রন্থের আবিষ্কারে তাহাদের মত নিস্প্রমাণ প্রতিপন্ন হইতেছে। জলেশ্বরের প্রথম মঙ্গলাচরণ শ্লোকে সার্ক্‌ভৌমের বেদান্ত, স্বায়, বৈশেষিক এবং মীমাংসা শাস্ত্রে প্রবীণতা স্পষ্টাক্ষরে কীর্তিত হইয়াছে। পঞ্জাবলীতে উদ্ধৃত তাঁহার এসিদ্ধ শ্লোকে ও তিনি ষড়্দর্শনবিদ্ব বলিয়াই মিজেকে খ্যাপন করিয়াছেন :

জাতং কাণভুজং মতং, পরিচিঠৈবায়ীক্ষিকী, শিক্ষিতা  
মীমাংসা বিদিতৈব সাংখ্যসরণি যোগে বিতীর্ণা নতিঃ।  
বেদান্তাঃ পরিশালিতাঃ সরভসং, কিন্তু ক্ষুরমাধুরী  
ধারা কা চন নন্দনুসুমুরলী মচ্চিত্ত মাকগতি ॥

( ৯৯ শ্লোক )

জলেশ্বরের “শকালোকোচ্ছোত” গ্রন্থে একাধিক স্থলে “পিতৃচরণান্ত” এবং “অস্মাকং পৈতৃকং পদ্মাঃ” বলিয়া সার্ক্‌ভৌমের নব্যশাস্ত্রশাস্ত্রীয় মত উদ্ধৃত হইয়াছে। এই জলেশ্বর যে উড়িষ্যাবাসী ছিলেন, “মহাপাত্র” উপাধি হইতেই তাহা প্রমাণিত হয়।

উড়িষ্যায় রাজসভায় অবস্থানকালে সার্ক্‌ভৌম “অষ্টমতমকরন”র টীকা রচনা করিয়াছিলেন। এই গ্রন্থের মঙ্গলাচরণ শ্লোক চূড়ান্তভাবে অষ্টমতমবাদের নির্দেশক।

দেবো নিজাজ্ঞানবশেন সাক্ষী জীবো মনঃ স্পন্দিতমীশ্বরশ্চ।  
জগন্তি জীবানপি বীক্ষতে যঃ স্বহঃ স্বয়ং জ্যোতিরহং স একঃ ॥

সুতরাং এই গ্রন্থরচনাকালে তিনি চৈতন্য মত অবলম্বন করেন নাই। গ্রন্থশেষে সার্ক্‌ভৌম স্বকীয় পৃষ্ঠপোষকের নামোল্লেখ করিয়াছেন :

কর্ণাটেশ্বর-কুকারায়-নৃপতে-পর্কায়িনির্কোপকো।  
যত্র স্তম্ভরোহ ভবৎ গজপতিঃ শ্রীকৃষ্ণভূমীপতিঃ।  
তস্ত ব্রহ্মবিচারচক্রমন সঃ শ্রীকৃষ্ণবিজ্ঞাধর  
শ্রানন্দো মকরন্দ শুদ্ধিবিধিনা সাল্লো ময়া মন্ত্রিতঃ ॥

কর্ণাটরাজ কুকারায় ১৫১০ খৃ: সিংহাসনারোহণ করেন। ১৫১২ খৃ: তাঁহার উৎকল অভিযান আরম্ভ হয়। সুতরাং এই গ্রন্থ ১৫১১ খৃ: এর পূর্বে রচিত হওয়া সম্ভবপর নহে। চৈতন্যচরিতকারদের মতে ১৫০২ খৃ: চৈতন্যদেব সার্ক্‌ভৌমকে প্রথম দর্শন কালেই স্বমতে আনয়ন করিয়াছিলেন।

(৩) অনুলিখিত “হরিবাস তর্কচর্চা” প্রবন্ধ—বঙ্গীয় সাহিত্য-পরিষৎ পত্রিকা, ১০৪৭।

কিন্তু তাহা হইলে সার্কর্ভৌম ঐ সময়ের পরে “অষ্টমত মকরন্দে”র টীকা করিয়া অষ্টমতমত সমর্থন করিতে পারেন না।

মহাপ্রভুর অন্তর্দ্বানের পূর্বে ১৫৩২ খৃঃ সার্কর্ভৌম পুরীত্যাগ করিয়া বারাণসী গমন করিয়াছিলেন। চৈতন্যচরিতামৃতের মধ্যখণ্ডে শেষলীলার সূত্রবর্ণনায় পাওয়া যায় ;—

“পথে সার্কর্ভৌম সহ সত্তার মিলন।

সার্কর্ভৌম ভট্টাচার্য্যের কাশীতে গমন ॥”

কিন্তু আশ্চর্য্যের বিষয়, কবিরাজ গোস্বামী যথাস্থানে ইহা বর্ণনা করিতে ভুলিয়া গিয়াছেন। কবিকর্ণপুরের চৈতন্যচন্দ্রোদয়নাটকের শেষ অঙ্কে বারাণসীগামী সার্কর্ভৌমের উক্তি পাওয়া যায় :—“হঠাদেবাহং বারাণসীং গতা ভগবন্ততঃ গ্রাহয়ামীতি”। তিনি শেষজীবন কাশীতেই যাপন করিয়াছিলেন। কাশীখণ্ডের টীকাকার রামানন্দবন বাঙ্গালী ছিলেন। তিনি এক “বাসুদেব” নামক শ্রেষ্ঠ ব্রাহ্মণের বাক্যাগ্রহে টীকা রচনায় প্রবৃত্ত হইয়াছিলেন এবং প্রথম শ্লোকের গণেশবন্দনার ব্যাখ্যায় লিখিয়াছেন :—“অত এ বেদানীমপি গণেশস্তাগ্রে শ্রীসার্কর্ভৌম ভট্টাচার্য্যা দক্ষিণাত্যাশ্চ স্বকর্ণৌধৃতা শিরোধুননঃ শিরঃ কুটনঞ্চ কুর্ক্বস্তীতি”। উক্ত বাসুদেব এবং সার্কর্ভৌম উভয়ই আমাদের আলোচ্য বাসুদেব সার্কর্ভৌম হইতে অভিন্ন বলিয়া মনে হয়। ১৪ সার্কর্ভৌম খৃঃ ১৬শ শতাব্দীর চতুর্থ দশকেও প্রায় নবতিবয়স বয়সে জীবিত ছিলেন এইরূপ অনুমান করা চলে।

সার্কর্ভৌম পুত্র জলেশ্বর একাধিক গ্রন্থ রচনা করিয়াছিলেন। শব্দ-লোকোত্তোত্তের ২৮১ পাত্রে লিখিত আছে—

অধিকং শংখিকরণে ( ? ) প্রপঞ্চিতমস্মাভিঃ।

ইহা মীমাংসাশাস্ত্রীয় কোন গ্রন্থ হইতে পারে। শেষপত্রে আছে :—

“এবং প্রত্যয়ঃ বিনাপীত্যাদি ছন্দ ( ? শব্দ )-প্রকাশটিগ্ন্যাং প্রপঞ্চিতং তত্রৈবাসুসঙ্কেয়ম্”। এই “শব্দপ্রকাশ” গ্রন্থ বর্তমান সম্পূর্ণ অজ্ঞাত, নব্যশাস্ত্রের শব্দখণ্ডের জ্ঞায় কোন গ্রন্থ হইবে সন্দেহ নাই।

জলেশ্বর-পুত্র স্বপ্নেশ্বরচাৰ্য্য ষড়দর্শনবিৎ মহাপণ্ডিত ছিলেন। শাণ্ডিল্য সূত্রশাস্ত্রের একস্থলে আছে :—

“প্রমাণ বিচারো, স্মৃতি স্মৃতিতত্ত্বনিকষে বেদান্ততত্ত্বনিকষে চ নিরূপিত ইতি নেহ প্রতত্ত্বতে।” ( পৃঃ ১০৬-৭, মহেশ পালের সং )। এতদ্বিত্ত্ব, তিনি বাচস্পতিমিশ্রের তত্ত্ব-কৌমুদীর উপর “প্রভা” টীকা রচনা করিয়াছিলেন।

Hall : contributious p. 6 ) কিন্তু ভক্তিসূত্রের ভাষ্যকাররূপেই তিনি চিরজীবী হইয়াছেন। ভক্তিসূত্রের অষ্ট টীকাকার মৈথিল ভবদেব মিশ্র স্বপ্নেশ্বরের মত প্রকাশসহকারে পদে পদে উল্লেখ করিয়াছেন। এখানে বলা আবশ্যিক যে জলেশ্বর কিম্বা স্বপ্নেশ্বর চৈতন্যমতাবলম্বী ছিলেন না, তাহাদের গ্রন্থ হইতে ও এইরূপ প্রতিপন্ন হয় এবং চৈতন্যসম্প্রদায়ের

শাখাবর্ণনায়ও সার্কর্ভৌম ভিন্ন তাহার এবং তাহার জাতা বিভাবাচস্পতির অধস্তন কোন বংশধরের নাম পাওয়া যায় না।

বঙ্গীয় নৈয়ায়িক সম্প্রদায়ের চিরপ্রচলিত প্রবাদ অনুসারে রঘুনাথ শিরোমণি—সার্কর্ভৌমের ছাত্র ছিলেন। যদিও নৈয়ায়িক সম্প্রদায়ের অনেক প্রবাদই অমূলক প্রতিপন্ন হইতেছে—তথাপি বিরুদ্ধ প্রমাণ আবিষ্কার না হওয়া পর্য্যন্ত ইহা সত্য বলিয়া ধরিতে হইবে। সনাতন গোস্বামী এবং সম্ভবতঃ জলেশ্বর বাহিনীপতি ও তাহার নিকট অধ্যয়ন করিয়াছিলেন। এতদ্বিত্ত্ব সার্কর্ভৌমের অষ্ট কোন ছাত্রের নাম আবিষ্কৃত হয় নাই। স্মার্ত রঘুনন্দন তাহার ছাত্র ছিলেন, এরূপ কোন প্রমাণ নাই। শ্রীযুক্ত ফণিভূষণ তর্কবাগীশ মহাশয় এ বিষয়ে যথেষ্ট বিচার করিয়াছেন। কৃষ্ণানন্দ আগমবাগীশ রঘুনন্দনের ও পরবর্তী ছিলেন, এরূপ প্রমাণ রহিয়াছে।

পরন্তু প্রায় ৫০ বৎসর ধরিয়া যুক্তি ও প্রমাণপক্ষপাতী বহু ঐতিহাসিক ও প্রবন্ধকার পুনঃ পুনঃ প্রমাণ করিয়াছেন যে, চৈতন্যদেব সার্কর্ভৌমের ছাত্র ছিলেন না। কিন্তু বৃন্দাবনদাস, কবিকর্ণপুর, জয়ানন্দ, কবিরাজ গোস্বামী প্রভৃতির প্রামাণিক উক্তি উপেক্ষা করিয়া বাহারা এখনও অষ্টমতপ্রকাশের অমূলক উক্তিই আকড়াইয়া ধরিয়া আছেন, তাহাদের চিন্তাবৃত্তির স্বরূপবর্ণনায় অগ্রসর হইলে কাহাকেও দোষ দেওয়া চলে না। আমরা এ বিষয়ে আর একটি নূতন প্রমাণ উপস্থিত করিতেছি। ঢাকা বিশ্ববিদ্যালয়ের বিপুল পুঁথি সংগ্রহে চৈতন্যচরিত বিয়য়ক একটি নূতন গ্রন্থ আবিষ্কৃত হইয়াছে :—ব্রজমোহন দাস রচিত চৈতন্যতত্ত্বপ্রদীপ ৫ ( গ্রন্থসংখ্যা ১৬৭৩, পত্রসংখ্যা ৫০, লেখক কৃষ্ণবল্লভ গর্ভা, লিপিকাল ১৬২৫ শক ১৩ ফাল্গুন )। এই গ্রন্থে কতিপয় অজ্ঞাত-বৈকবগ্রন্থের উল্লেখ দৃষ্ট হয় ; যথা, চৈতন্যতত্ত্বামৃত, ভক্তিশাবপ্রদীপ, জয়কৃষ্ণ দাস ঠাকুর রচিত বিচার-সুধার্ণব, নরহরি দাস রচিত চৈতন্যসহস্র-কৃষ্ণতত্ত্বপ্রকাশ, নারায়ণতত্ত্বপ্রকাশ প্রভৃতি। বৃন্দাবনদাস ও যুগ্মায়ির চরিতগ্রন্থ ইহার উপাদান এবং গ্রন্থমধ্যে একস্থলে চৈতন্যচরিতামৃতের ( ১৩ ক পত্রে ) এবং “শ্রীকৃষ্ণসন্দর্ভে শ্রীজীবগোস্বামী”র বচন উদ্ধৃত হইয়াছে। অনুমান হয় জীবগোস্বামীর জীবদ্দশায় খৃঃ ১৭শ শতাব্দীর প্রথম ভাগে এই গ্রন্থ রচিত হইয়াছিল। গ্রন্থে চৈতন্যের অবতারতত্ত্ব, বিভিন্ন জন্ম পাট নির্ণয়, শাখা নির্ণয় এবং মহাপ্রভুর লীলা সূত্র বর্ণিত হইয়াছে—সর্বত্র কিছু নূতন কথা পাওয়া যাইবে। মহাপ্রভুর বিদ্যা শিক্ষা বিষয়ে এই গ্রন্থে পাওয়া যায় :—

গঙ্গাদাস দ্বিজস্থানে পড়িবারে দিল।

অল্পে অধ্যাপক প্রভু সর্কর্ভৌম হৈল ॥

৪। অন্যান্নিখিত ইংরাজি প্রবন্ধ I. H. Q., XOL., 1p. 66-7 দ্রষ্টব্য।

৫। ঢাকা বিশ্ববিদ্যালয়ের সংস্কৃত ও বাঙ্গালা পুঁথিখালার অধ্যক্ষ—সুযোগ্য শ্রীমান্ সুবোধচন্দ্র বন্দ্যোপাধ্যায় এম্ এ এই গ্রন্থ এবং অজ্ঞাত দুস্ত্রাপ্য গ্রন্থের প্রতি আমাদের দৃষ্টি আকর্ষণ করিয়া আমাদের অশেষ কৃতজ্ঞতা অর্জন করিয়াছেন। ‘ভক্তিশাবপ্রদীপ’ নামক একটি আত্মস্বীয় বৈকবগ্রন্থের প্রতিলিপিও ( ৪৪২২ সং পুঁথি ) দ্রষ্টব্য।

পড়িল সকল বিজ্ঞা করি গুরু লক্ষ্য।

অষ্টাদশ বিজ্ঞা এতে প্রভু হৈলা দক্ষ।

( ৪৫ খ পত্র )

এই গ্রন্থে সার্কর্ভৌমের একটি অভিনব শ্লোক ও উদ্ধৃত হইয়াছে :

“শুন সার্কর্ভৌম ভট্টাচার্য্যের বচন। তথাহি—

অবতরতি জগত্যাং কৃষ্ণচৈতন্যদেবে,

ন ভবতি বিমলাধী ধনু তশ্চৈব ন শ্রাৎ।

উদয়তি দিননাথে সৎপথে যশ্চ দৃষ্টি ( : )

প্রসরতি নহি কিঞ্চা তশ্চ শক্তা তমিস্রে।”

( ৪০ ক পত্র )

### কুলপরিচয় ও বংশাবলী

সার্কর্ভৌম অষ্টমতমকরন্দের টাকায় “শ্রীবন্দ্যোদয়” বলিয়া কুলপরিচয় দিয়াছেন। নদীয়া, ফরিদপুর প্রভৃতি অঞ্চলে “বন্দ্য আখণ্ডল” বংশীয় বহু পরিবার বিদ্যমান আছে—অনেকে বাহুদেব সার্কর্ভৌমের বংশধর বলিয়া পরিচয়ও দিয়া থাকেন, কিন্তু কেহই বাহুদেব হইতে বিশ্বাসযোগ্য নামমালা দেখাইতে পারেন না। বাহুদেবের জন্মভূমি নবদ্বীপ অঞ্চলে একটি চিরপ্রসিদ্ধ প্রবাদ আছে যে, আড়বান্দির বিখ্যাত ( বন্দ্যোপাধ্যায় ) ভট্টাচার্য্য পরিবার বাহুদেব বংশসম্মত। ৬ আমরা এই প্রসিদ্ধ বংশের প্রাচীন দলীল পত্র আলোচনা করিয়া দেখিয়াছি—ইহার নবদ্বীপরাজ রাঘব রায়ের দানভাজন মহামহোপাধ্যায় গোবিন্দজ্ঞানবাগীশ হইতে নাম গণনা করেন। কিন্তু বাহুদেব হইতে গোবিন্দ পর্য্যন্ত নাম পরম্পরা তাঁহাদের অজ্ঞাত। আখণ্ডলবংশে বহুকাল যাবৎ কুলান্তাব ঘটয়াছে এবং সম্বন্ধনির্গম-পুত্র মুলো পঞ্চাননের এক কারিকামুসারে অনেক অজ্ঞাত কুল বংশ “আখণ্ডল” বলিয়া পরিচয় দিয়া থাকে।


বাসে যথাযথ কুলে, কাঁটা খনে বলে।

আমাটে, কলিকাতা, বন্দ্যো আখণ্ডলে।

( সম্বন্ধ নির্গম—বংশাবলী, ১২৬ পৃঃ )


এইভাবে বাহুদেবের কোন অধস্তন বংশধরের বিশ্বাসযোগ্য কোন পরিচয় পাওয়া না গেলেও স্বর্গত নগেন্দ্রনাথ বহু মহাশয় ১৩০৫ সনে আখণ্ডল বংশের সার্কর্ভৌম প্রভৃতির ধারা মুদ্রিত করিয়া এক অভিনব বস্ত্র প্রকাশ করেন। ( বঙ্গের জাতীয় ইতিহাস, ( ব্রাহ্মণকাণ্ড ) প্রথম ভাগ, প্রথমাংশ ১ম সং, পৃঃ ২৯৫-৬ )। যে একখানি মাত্র গ্রন্থ দেখিয়া ইহা মুদ্রিত হইয়াছে, তাহা রাণাঘাট নিবাসী ৮ সাতকড়ি ঘটকসংগৃহীত কুল পঞ্জিকা ( ত্র, ২৩৬ পৃ পাদটীকা )। অজ্ঞ ৪০ বৎসর যাবৎ বাঙ্গালার শিক্ষিত সমাজ নির্বিকারে এই বংশাবলী ও শ্লোকসমূহের প্রামাণ্য মুদ্রিত হইতে গ্রহণ করিয়া আসিয়াছে। এই

জাতীয় মুদ্রিত বস্ত্র উপর প্রতিষ্ঠিত ৪০ বৎসরের সংস্কার এখন দূর করা অতিদুরূহ ব্যাপার। স্বর্গত সতীশচন্দ্র মিত্র মহাশয় ( যশোহর খুলনার ইতিহাস, ২য় খণ্ড, পৃ ৪৬০-৬২ ) প্রামাণিক কুলপঞ্জিকার সহিত উক্ত বংশাবলীর অংশবিশেষের ( নলডাঙ্গা শাখার ) মারাত্মক বিরোধ প্রদর্শন করিয়াছিলেন। কিন্তু বর্তমানে কুলশাস্ত্র ও তাহার প্রামাণ্যবিষয়ে শিক্ষিত সমাজে যেরূপ বিরাট অজ্ঞতা ও উদাসীনতা বিরাজমান, তাহাতে কৃত্রিম অকৃত্রিম ভেদ নির্গমপূর্বক সত্যনির্ধারণ প্রায় অসাধ্য হইয়াছে এবং যাহা কিছু সর্বাগ্রে ছাপার অক্ষরে প্রকাশিত হয়, তাহারই প্রামাণ্য অব্যাহত থাকিয়া যাইতেছে। বহুধৃত কুলপঞ্জিকামুসারে আখণ্ডল বংশের বংশলতার প্রয়োজনীয় অংশ এই :—



এই বংশে কুলান্তাব ঘটিলেও নলডাঙ্গারাজ শাখার গৌরবে ঘটকগণ ইহাকে সম্পূর্ণ উপেক্ষা করেন নাই। ক্রবানন্দের মহাবংশাবলীর পর মহেশ মিশ্রের নির্দোষকুলপঞ্জিকা রাঢ়ীয় কুলীনগণের একমাত্র প্রামাণিক কুলগ্রন্থ। এই গ্রন্থের পরিবর্তিত সংস্করণ রাঢ়-বঙ্গের সর্বত্র ঘটকসমাজে প্রচারিত ছিল। আমরা এখানে বিভিন্নস্থানে ইহার ৭ খানা প্রতিলিপি পরীক্ষা করিয়াছি। বঙ্গীয় সাহিত্য পরিষদের ও নবদ্বীপ লাইব্রেরীর পুথিতে আখণ্ডল বংশ নাই। কাশীর সরস্বতীভবনে রক্ষিত পুথিতে নলডাঙ্গা শাখা মাত্র লিপিবদ্ধ আছে। ঢাকা বিশ্ববিদ্যালয়ে সংগৃহীত ৪ খানা পুথিতে নলডাঙ্গার সহিত বিশারদ শাখার ও বর্ণনা আছে— পরম্পর অনৈক্যসত্ত্বেও বংশলতা বিস্তৃতভাবে যতদূর নির্গম করা গিয়াছে নিয়ে প্রকাশিত হইল :—

৬। নবদ্বীপ-মহিমা ( ১ম সং, পৃঃ ৩৪ ), নদীয়া-কাহিনী ( ২য় সং, পৃঃ ৩৩২ )



৪ খানা পুথিতে তপনের পুত্র “শিব-ব্যাস-বামনকাঃ” লিখিত আছে। একখানি মাত্র পুথিতে আছে, তপনের পুত্র “দামো-নিলো-পশোকাঃ”— সতীশচন্দ্র মিত্র মহাশয়ের সংগৃহীত পুথিতেও শেষোক্ত নাম রহিয়াছে। ইহাই প্রমাণসিদ্ধ ; কারণ, পশোক অর্থাৎ প্রভাকরের কুলক্রিয়ার বর্ণনা আছে “পশোকস্তাতি চং ধর্ম উচিত মুং বশিষ্ঠ”। ঋবানন্দের মহাবংশের ৩১শ সমীকরণকারিকায় ( ৩৪ পৃঃ ) মুখবংশীয়বশিষ্ঠের কুলক্রিয়ার বর্ণনায় “বন্দ্যপ্রভাকরে”র নাম আছে। যে সকল পুথিতে পশোকের নাম বাদ পড়িয়াছে তাহাতে বামনের পুত্র “সতানন্দ রত্নাকরো” লেখা আছে। একক পুথিখানিতে নারায়ণের পুত্র “রতোসাবোকো” রহিয়াছে, আমরা তাহাই গ্রহণ করিয়াছি। এই শেষোক্ত পুথিতেই জলেশ্বর এবং চন্দ্রনেখর ও তাঁহাদের পরবর্তী নামগুলি পাওয়া যায়—অল্প ৩টি পুথিতে একমাত্র জলেশ্বরের নাম উল্লেখপূর্বক বংশলতা সমাপ্ত হইয়াছে। চন্দ্রনেখর ও বিন্দুতপ্রায় স্বপ্নেশ্বরের নাম থাকায় এই তালিকার প্রামাণ্য নিঃসন্দেহ। কুলক্রিয়ার অংশ পুথিখানা হইতে সম্পূর্ণ উদ্ধৃত হইল : “নারায়ণস্তাতি চং চকো ক্ষেম্য চং বিশো অত্রহানিঃ তৎসুতো রতোসাবোকো। রতো অকুতী তৎসুতাঃ শ্রীনাথ চক্রবর্তী বিশারদ ভট্টাচার্য্য শ্রীকান্তাঃ। বিশারদস্তাতি গাং শ্রীকান্ত উচিত মুং হিরণ্য ক্ষেম্য চং গোপীনাথ আচার্য্যঃ। তৎসুতাঃ সার্বভৌম-বিজ্ঞাবাচস্পতি রত্নপতিভট্টাচার্য্য বিজ্ঞা-নিবেশকাঃ ( ? )। সার্বভৌমস্ত ক্ষেম্য মুং রাঘব চক্রবর্তী চং পরমানন্দ চং মুকুন্দ ভট্টাচার্য্যঃ তৎসুতো জলেশ্বর-চন্দ্রনেখরো, জলেশ্বরস্ত

বাহিনীপতিখ্যাতি লভ্য চং কৃষ্ণানন্দ আর্তি গাং শৌ তৎসুতাঃ সপনেখর-নীলকণ্ঠ-পোপীনাথাঃ...”

( পুথি M 3/38 ১৬৪ পত্র )

আমরা বাহুল্য ভয়ে নলডাঙ্গা শাখার আলোচনা করিলাম না— সতীশবাবুর গ্রন্থে তাহা দ্রষ্টব্য। বহু-ধৃত বংশলতার দুইটিশাখার (নলডাঙ্গা ও বিশারদ) উদ্ধৃতনামপণ্ডায় সম্পূর্ণ কৃত্রিম বলিয়া প্রতিপন্ন হইতেছে এবং সঙ্গে সঙ্গে বিজ্ঞাবাচস্পতি ও বিজ্ঞানিবাসের নামস্বয় রত্নাকর এবং কাশীনাথ সম্পূর্ণ কল্পিত বলিয়া প্রমাণিত হইতেছে। পিতামহ-পৌত্রের এক নাম থাকা অসম্ভব। বহু-ধৃত বংশলতার তৃতীয় স্মার্ত-ভট্টাচার্যের ধারা ও সম্পূর্ণ কল্পিত—রঘুনন্দন আখণ্ডল বংশীয় বংশজ ছিলেন না—তিনি সাগরদিয়ার বিখ্যাত কুলীনবংশীয় ছিলেন ইহাই চিরন্তন প্রবাদ। ৪০ বৎসর পূর্বে সঙ্ঘর্ষ নির্ণয়কার যে ক্ষিতীশ বংশের কারিকা মুদ্রিত করিয়াছিলেন, তাহাতে সাগরদিয়াকুলের বর্ণনায় স্পষ্টাক্ষরে লিখিত আছে :

“রঘু গঙ্গা-পৌত্র স্মার্ত, পিতা হরিহর।”

( সঙ্ঘর্ষনির্ণয়—বংশাবলী, পৃ ২৭ )

এ বিষয়ে আমরা সাদরে বিশেষজ্ঞগণের আলোচনা আহ্বান করিতেছি—সত্য নির্ধারিত হইয়া কৃত্রিমতার স্বরূপ সম্যক প্রকাশিত হউক। ঋবানন্দমিশ্রের বর্ণনায় আখণ্ডলের ৫ পুত্র ( ৩ পুত্র নহে ) “হতকুল

ছিলেন তাহা মোটেই বুঝা যায় না। আমাদের উক্ত বচনে স্পষ্ট প্রমাণ হইতেছে বিশারদের পিতামহ প্রথমতঃ কুলভঙ্গ করেন এবং পিতা “অকৃতী” অর্থাৎ কুলক্রিয়ায় নিকৃষ্ট ছিলেন। তাহার ফলে বংশের কৌলীশ্ব ধ্বংস হয়। মহেশের কুলগ্রন্থে উল্লেখ আছে বাহিনীপতির কস্তা বিবাহ করিয়া দুইজন মহাকুলীনের কুলভঙ্গ হইয়াছিল—ফুলিয়া-মেলের জগদানন্দ মুখোপাধ্যায়ের পুত্র অনন্তের পুত্র রঘু ( “অয়ং জলেধরে মগ্নঃ পরীবর্তী ভাবঃ” ) এবং কাচনার মুখবংশীয় স্ত্রীানন্দ পুত্র বিশাই ( “বাহিনীপত্যাং গতঃ” )। সংগৃহীত বিবরণে বিশারদ জামাতা গোপীনাথচাৰ্য্য ছাড়া সার্কভৌমের তিন জামাতার নাম নূতন পাওয়া

যাইতেছে। সার্কভৌমের অধস্তন ৬ পুরুষ পর্য্যন্ত নাম পাওয়া যাইতেছে। এই অনন্তসাধারণ প্রতিভাসম্পন্ন বংশের সমস্ত ধারা বিলুপ্ত হইয়াছে ইহা আমাদের বিশ্বাস হয় না। নব্বীপাদি অঞ্চলে নিশ্চয়ই এই বংশ এখনও বাচিয়া আছে—কিন্তু তাহাদের পরিচয় উদ্ধার করা প্রায় অসাধ্য।

আখণ্ডল লক্ষ্মণসেনের সমসাময়িক ( ঘর্ষাংশু পুত্র ) দেবলের প্রপৌত্র ছিলেন। দেবলের বাড়ী ছিল “ভাবড়াহুরা” গ্রামে, একখানা পুথিতে তদনুসারে বন্দ্যবংশের এই ধারার নাম “ভাবড়াহুরিয়া” প্রকরণ লিখিত হইয়াছে। দেবল হইতে বিশারদ ৯ম পুরুষ অধ্যস্তন এবং কালগণনায় ইহাতে কোনই অসামঞ্জস্য ঘটে না।

## নিশি শেষে

### শ্রীকুমুদরঞ্জন মল্লিক

আজি নিশি-শেষে চাহি নীল নভে  
ফিরাতে পারিনে আঁখি,  
গগনেতে চলে এত সমারোহ  
আনি কি খপর রাখি ?  
জ্যোতি সুন্দর অগণিত তারা—  
আমারে করিল যেন দিশেহারা  
সুর-প্রতিভার হেন সমাবেশে  
বিমুগ্ধ হয়ে থাকি।

২

এত আলো, এত সুমধুর আলো—  
এত আলো মনোলোভা,  
বিরাটের এ যে বিরাট আরতি  
এ ত নয় শুধু শোভা !  
এ যে প্রেমলিপি আলোক-আঁধরে  
প্রাণকে মাতায় বিমোহিত করে,  
এ যে ইঙ্গিত নয়নে নয়নে  
একেবারে মাখামাখি।

৩

নিম্নে আঁধার—উপরে আলোর  
উৎস উৎসারিত,  
জনম ভরিয়া দেখিতাম—যদি  
হাজার নয়ন দিত।  
শ্বাসনা যবে প্রসন্ন হ'ন  
সাধক কি হেরে এমনি গগন ?  
এত রূপ, এত মধু কি কখনো  
থাকে—না রাখিলে ঢাকি ?

৪

দিন ত নেহাৎ দীন এর কাছে  
রাতে সমারোহ এত !  
শেষেই যাহার এত মধু তার  
প্রথমে না জানি কত ?  
এ রূপের কেন পাই নাই ওর  
হায় রে নদীর যৌবনে মোর !  
দুর্বল আঁখি বৃষ্টিতে নারিছে  
কত কি যে দিলে ফাঁকি।

৫

বিশ্বরূপ ত দেখিয়া ফেলিছ  
কি রয়েছে আর বাদ  
কণিকা হউক, আমি ত পেয়েছি  
অমৃতের আশ্বাদ।  
মন্দির-পথ পেয়েছি আলোকে—  
গরুড়-স্তম্ভ পড়িয়াছে চোখে,  
দেখা ত হবেই, হোক যত দেবী—  
দুয়ারে বসিয়া ডাকি।

৬

সমীরে আসিছে কুমুমের বাস  
মঙ্গল স্নান গণি'  
পুরাঙ্গনারা আনে 'ইতু' ঘট  
উঠিছে ছলুধ্বনি।  
জীবনে অমর মুহূর্ত্ত মোর  
লয়ে—হ'ল আজ শুভ নিশি ভোর,  
গণ্ডুষে পান করেছি সাগর  
যা থাকে থাকুক বাকি।

# গন দেবতা

শ্রীতারশঙ্কর বন্দ্যোপাধ্যায়

চণ্ডীমণ্ডপ

সাত

একা পাতুর ঘর নয়, পাতুর ঘরের আগুন ক্রমশ বিস্তৃত হইয়া প্রায় সমস্ত হরিজন-পল্লীটাই পুড়িয়া গেল। বড় গাছের আড়াল পাইয়া খান দুই-তিন ঘর কেবল বাঁচিয়াছে।

অতি অল্প সময়ের মধ্যেই পুড়িয়া গেল। সামান্য কুটারের মত ছোট ছোট ঘর—বাঁশের হালকা কাঠামোর উপর অল্প খড়ের পাতলা ছাউনি—কার্তিকের প্রথম হইতে বৃষ্টি না হওয়ায় রোদে শুকাইয়া বারুদের মত দাহ্য বস্তু হইয়াই ছিল; আগুন তাহাতে স্পর্শ করিবামাত্র বিস্ফোরণের মতই অগ্নিকাণ্ডটা ঘটয়া গেল। গ্রামের লোক অনেকেই ছুটিয়া আসিয়াছিল—বিশেষ করিয়া অল্পবয়সী ছেলের দল, তাহারা চেষ্টাও অনেক করিয়াছিল, কিন্তু জল তুলিবার পাত্রের অভাবে এবং বহিমান সংকীর্ণ চালগুলিতে দাঁড়াইবার স্থানের অভাবে—তাহারা কিছু করিতে পারে নাই। তাহাদের মুখপাত্র ছিল জগন ডাক্তার। অগ্নিদাহের সমস্ত সময়টা চীৎকার করিয়া সেনাপতির মত আদেশ উপদেশ বাতলাইয়া এগন গলা ফাটাইয়া ফেলিল যে, আগুন নিভিতে নিভিতে তাহার আওয়াজ বসিয়া গেল।

রাত্রে উহাদের সকলকে চণ্ডীমণ্ডপে আসিয়া শুইতে অনুমতি দেওয়া হইল, কিন্তু—আশ্চর্য্য মাতুষ উহারা—কিছুতেই ওই পোড়াঘরের মায়া ছাড়িয়া আসিল না। সমস্ত রাত্রি উহারই মধ্যেই কোনরূপে স্থান করিয়া এই হেমস্তের শীতজর্জর রাত্রে অনাবৃত স্থানে রাত্রি কাটাইবে। ছেলেগুলো অবশ্য ঘুমাইল, মেয়েগুলো গানের মত সুর করিয়া বিনাইয়া বিনাইয়া কাঁদিল, আর পুরুষেরা পরস্পরকে দোষ দিয়া নিজের কৃতিত্বের আক্ষালন করিল এবং দম্ভগৃহের আগুন তুলিয়া ক্রমাগত তামাক খাইল। প্রায় ঘরেই দু-একটা গরু, দু-চারিটা ছাগল আছে, আগুনের সময় সেগুলোকে তাহারা মুক্ত করিয়া দিয়াছিল, সেগুলো এদিকে ওদিকে কোথায় গিয়া পড়িয়াছে—রাত্রে সন্ধানের উপায়

নাই। হাঁস-মুরগীও প্রত্যেকেরই আছে—তাহার কতকগুলো পুড়িয়াছে—চোখে দেখা না গেলেও গন্ধে অনুমান করা গিয়াছে। যেগুলো পলাইয়া বাঁচিয়াছে—সেগুলো ইতিমধ্যেই আসিয়া আপন আপন গৃহস্থের জটলার পাশে পালক ফুলাইয়া যথাসম্ভব দেহ সঙ্কুচিত করিয়া বসিয়া গেল। অল্প সম্পদের মধ্যে কতকগুলো মাটির হাঁড়ি—দু-চারিটা পিতল কাঁসার বাসন—ছেঁড়া-কাপড়ের জীর্ণ এবং ময়লায় দুর্গন্ধযুক্ত কয়েকখানা কাঁথা-বালিশ মাদুর-চ্যাটাই, মাছ ধরিবার পলুই, দু-চারিখানা কাপড়—তাহার কতক পুড়িয়াছে বা পোড়াচালের ছাইয়ের মধ্যে চাপা পড়িয়াছে। যে যাহা বাহির করিয়াছে—সে সেগুলি আপনার পরিবার-বেষ্টনীর মাঝখানে—যেন সকলে মিলিয়া বুক দিয়া ঘিরিয়া রাখিয়াছে। শেষরাত্রে হিমের তীক্ষ্ণতায় কুণ্ডলী পাকাইয়া সকলে কিছুক্ষণের জন্ত কাতর কাস্তির নীরবতার মধ্যে কখন তন্দ্রায় আচ্ছন্ন হইয়া পড়িয়াছিল। সকাল হইতেই জাগিয়া উঠিয়া মেয়েরা আর এক দফা শোকোচ্ছ্বাস প্রকাশ করিতে কাঁদিতে বসিল। একটু রোদ উঠিতেই কোমর বাধিয়া মেয়ে-পুরুষে পোড়া খড়ের ছাইগুলি বুড়িতে করিয়া আপন আপন সারগাদায় ফেলিয়া ঘর দুয়ার পরিষ্কার করিতে লাগিয়া গেল। পোড়া কাঠগুলি একদিকে জড়ো করিয়া রাখা হইল—জালানির কাজে লাগিবে। ছাইয়ের গাদার ভিতর হইতে চাপা-পড়া বাসন যাহার যাহা ছিল—সেগুলি স্বতন্ত্র করিয়া রাখিল। এ সমস্ত কাজ ইহাদের মুখস্থ। ঘরের উপর দিয়া বিপর্য্যয় ইহাদের প্রায়ই ঘটয়া থাকে। প্রবল বর্ষা হইলে—জীর্ণ-আচ্ছাদন ঘরগুলি পড়িয়া যায়, নদীর বাধ ভাঙিলে বস্তার জল আসিয়া পাড়াটা ডুবাইয়া দিলে ব্যাপকভাবেই ঘরগুলি ধবসিয়া পড়ে; মধ্যে মধ্যে জালানির জন্ত সংগৃহীত শুকনা পাতায় মণ্ডবিভোর সঙ্ক্যায় নিজেরাই আগুন লাগাইয়া ফেলে। বিপর্য্যয়ের পর সংসার গুছাইবার শিক্ষা এমনই করিয়া পুরুষাভুঁক্রমেই ইহাদের হইয়া আসিতেছে। ঘর দুয়ার পরিষ্কারের পর আহাৰ্য্যের ব্যবস্থা

করিতে হইবে। গত সন্ধ্যার বাসী ভাতই সকালে ইহাদের খাণ্ড, ছোট ছেলেদের মুড়ি দেওয়া হয় ; কিন্তু ভাত বা মুড়ি সবই নষ্ট হইয়া গিয়াছে। ছোট বাচ্চাগুলো ইহারই মধ্যে চীৎকার আরম্ভ করিয়া দিয়াছে—কিন্তু তাহার আর উপায় নাই। দু-একজন ছেলেগুলার পিঠে দুম দাম করিয়া কিল চড় বসাইয়া দিল।

—রাক্ষসাদের প্যাটে যেন আগুন লেগেছে। মর মর, তোরা মর !

ঘর দুয়ার পরিষ্কার হইয়া গেলে মনিব-বাড়ী যাইতে হইবে—তবে আহাৰ্য্যের ব্যবস্থা হইবে। মনিবেরা এসব ক্ষেত্রে চিরকাল সাহায্য করিয়া থাকে। এপাড়ার প্রায় সকলেই চাষীদের অধীনে কাজ করিয়া থাকে। বাঁধা বেতনে অথবা বৎসরের উৎপন্ন ভাগের চুক্তিতে শ্রমিকের কাজ করে। ছোট ছেলেরা পেটভাতায় ; অথবা মাসে ভাতের হিসাব মত ধান এবং বৎসরে চারখান সাত হাত কাপড় লইয়া রাখালি করে। অপেক্ষাকৃত বয়স্কেরা মাসে আট আনা হইতে এক টাকা পর্য্যন্ত মাহিনা পায়—ধানের পরিমাণও তাহাদের বেশী। পূর্ণ জোয়ানেরা অধিকাংশই উৎপন্নের এক-তৃতীয়াংশ পাইবার চুক্তিতে চাষের শ্রমিকের কাজ করে। মনিব, সমস্ত চাষের সময়টা ধান দিয়া ইহাদের সংসারের সংস্থান করিয়া দেয়—ফসল উঠিলে ভাগের সময় সুদ সনেত সে ধান কাটিয়া লয়। সুদের হার প্রায় শতকরা পঁচিশ হইতে ত্রিশ পর্য্যন্ত। অজন্মার বৎসরে—এই ঋণ শোধ না হইলে—আসল এবং সুদ এক করিয়া তাহার উপর আবার ঐ হারে সুদ টানা হয়। এ প্রথার মধ্যে অন্তায় কিছু ইহারা বোধ করে না—বরং সক্রতজ্ঞ আহুগত্যই অন্তরে অন্তরে পোষণ করে। দায়-দৈবে মনিবেরা চিরকাল সাহায্য করে। সেইটাই অতিরিক্ত করুণা। সেই করুণার ভরসায় আহাৰ্য্যের চিন্তায় এমন ব্যাকুল তাহারা নয়। মেয়েরাও অবস্থাপন্ন চাষী গৃহস্থদের ঘরে সকালে বিকালে বাসন মাজা—আবর্জনা ফেলিয়া পাট-কাজ করে। সেখান হইতেও কিছু পাওয়া যাইবে। এ ছাড়াও দুধের দাম কিছু কিছু পাওনা আছে। সে পাওনা কিন্তু গ্রামে নয়। চাষীর গ্রামে চাষীদের ঘরেই দুধ হয়, হরিজনেরা তাহাদের গরুর দুধ পাশের বড়লোকের গ্রাম করুণায় বেচিয়া আসে। ঘুঁটেও সেখানে বিক্রয় হয়।

পাতুর কিন্তু এসব ভরসা নাই। সে জাতিতে বায়েন বা বাণকর অর্থাৎ মুচি। তাহার কিছু চাকরান জমি আছে ; গ্রামের সরকারী শিবতলা কালীতলা এবং পাশের গ্রামের চণ্ডীতলায় নিত্য ঢাক বাজায়, সেই হেতু বৎসরে দেবোত্তর সম্পত্তির কিছু ধান সে পিতামহের আমল হইতে পাইয়া থাকে। নিজের দুইটা বলদ আছে—সেই হালে করুণার ভদ্রলোকের কিছু জমি ভাগে চাষ করে। এ ছাড়া ভাগাড়ের মরা গরু-মহিষের চামড়া ছাড়াইয়া পূর্বে সে চামড়া-ব্যবসায়ী সেখদের বিক্রয় করিত। আপদে-বিপদে তাহারাই দু-চারি টাকা দানদ স্বরূপে দিত। কিন্তু সম্প্রতি জমিদার ভাগাড় বন্দোবস্ত করায় এ আয় তাহার অনেক কমিয়া গিয়াছে। নেহাত পারিশ্রমিক অর্থাৎ—তিন-চার আনা মজুরি ছাড়া কিছুই পাওয়া যায় না। এই লইয়া চামড়াওয়ালার সঙ্গে মনাস্তরও হইয়া আছে। সে কি আর এ সময় সাহায্য করিবে ? যে ভদ্রলোকের জমি ভাগে চাষ করে সে কিছু দিলেও দিতে পারে, কিন্তু ভদ্রলোকে খত না লেখাইয়া কিছু দিবে না। সেও অনেক হাজামার ব্যাপার। খতকে পাতুর বড় ভয়। শেষ পর্য্যন্ত নালিশ করিয়া বাড়ীটা লইয়া বসিলে—সে কোথায় যাইবে ! পৃথিবীর মধ্যে তাহার সম্পত্তি এই বাড়ীটুকু।

নির্ঝাক হইয়া অত্যন্ত দ্রুতগতিতে সে ছাই জড়ো করিয়াই চলিয়াছিল। ছিরুপালের কাছে সেদিন মার খাইয়া তাহার মনে যে উত্তেজনা জাগিয়া উঠিয়াছিল—সে উত্তেজনা দিন-দিন বাড়িয়াই চলিয়াছে। সেই উত্তেজনা বেশেই সেদিন অমরকুণ্ডার জোলে দ্বারকা চৌধুরীর কাছে ছিরুপাল সম্পর্কে আপনার সহোদরা দুর্গার যে কলঙ্কের কথা প্রকাশ করিয়াছিল—জমিদারের কাছেও সেই কথা প্রকাশ করিয়া নালিশ করিয়াছিল। সেই লইয়া গত সন্ধ্যায় স্বজাতির মধ্যে তাহার লাঞ্ছনা হইয়া গিয়াছে। স্বজাতিরা কথাটা লইয়া ঘোঁট পাকাইয়া তাহাকে প্রশ্ন করিয়াছিল—তুমি তো আপন মুখেই বলেছ হে ; চৌধুরী মশায়ের কাছে বলেছ, জমিদারের কাছারিতে বলেছ ! বলেছ কি না ?

—হ্যাঁ, বলেছি।

—তবে ? তুমি পতিত হবে না ক্যানে, তা বল !

কথাটা পাতুর ইহার পূর্বে খেয়াল হয় নাই। সে চমকিয়া



উঠিয়াছিল। কিছুক্ষণ চূপ করিয়া থাকিয়া সে হন-হন করিয়া বাড়ী গিয়া বোন দুর্গার চুলের মুঠিতে ধরিয়া হিড় হিড় করিয়া টানিয়া মজলিসের সম্মুখে হাজির করিয়াছিল। ধাক্কা দিয়া দুর্গাকে মাটির উপর ফেলিয়া দিয়া বলিয়াছিল—সে কথা এই হারামজাদী ছেনালকে শুদোও। ভিনুভাতে বাপপড়ণী; আমি ওর সঙ্গে পেথকাম।

দুর্গার পিছনে-পিছনে তাহার মা চীৎকার করিতে করিতে আসিয়াছিল, সকলের পিছনে পাতুর বিড়ালীর মত বউটাও গুন গুন করিয়া কাঁদিতে কাঁদিতে আসিয়াছিল। তারপর সে এক চরম অশ্লীল বাক-বিতণ্ডা। শৈরিনী দুর্গা উচ্চকণ্ঠে পাড়ার প্রত্যেক মেয়েটির কু-কীর্তির গুপ্ত ইতিহাস প্রকাশ করিয়া পাতুর মুখের উপর সদস্তে ঘোষণা করিয়াছিল—ঘর আমার, আমি নিজের রোজকারে করেছি, আমার খুশী যার ওপর হবে—সে-ই আমার বাড়ী আসবে। তোর কি? তাতে তোর কি? তু আমাকে খেতে দিস, না দিবি? আপন পরিবারকে সামলাস তু।

পাতু আরও ঘা-কতক লাগাইয়া দিয়াছিল। পাতুর বউটি ঘোমটার ভিতর হইতে তীক্ষ্ণকণ্ঠে ননদকে গাল দিতে শুরু করিয়াছিল। মজলিসের মধ্যে উত্তেজিত কলরব হাতাহাতির উত্তাপের সীমানায় বোধ করি গিয়া পৌছিয়াছিল—ঠিক এই সময়েই আগুন জলিয়া ওঠে।

এই দুই দিনের উত্তেজনা, তাহার উপর এই অগ্নিদাহের ফলে গৃহহীনতার অপরিমেয় দুঃখ তাহাকে রুদ্ধমুখ আগ্নেয়-গিরির মত করিয়া তুলিয়াছিল। সে নীরবেই কাজ করিতেছিল। পাতুর বউ কিন্তু এখনও গুন গুন করিয়া কাঁদিতেছে। সে এতক্ষণ ছাগল গরুগুলিকে অদূরবর্তী খেজুর-গাছগুলির গোড়ায় খোঁটা পুতিয়া বাঁধিয়া, হাঁসগুলিকে নিকটবর্তী পুকুরের জলে নামাইয়া দিয়া স্বামীর কাজে সাহায্য করিতে আসিল; জড়ো-করা ছাই বুড়িতে পুরিয়া সে সারগাদায় ফেলিতে আরম্ভ করিল। পাতু হিংস্র জানোয়ারের মত দাঁত বাহির করিয়া গর্জন করিয়া উঠিল—এ্যাই দেখ, মিহি-গলায় আর ঢং ক'রে কাঁদিস না বলছি। মেরে হাড় ভেঙে দোব বলছি—হ্যাঁ।

ঘর পুড়িয়া যাওয়ার দুঃখে এবং সমস্ত রাত্রি কষ্টভোগের ফলে পাতুর বউয়ের মেজাজও খুব ভাল ছিল না, সে বস্ত্র-

বিড়ালীর মত হিংস্র ভঙ্গিতে ফাঁস করিয়া উঠিল—ক্যানে, ক্যানে আমার হাড় ভেঙে দিবি শুনি! বলে—‘দরবারে হেরে, মাগকে মারে ধ’রে’—সেই বিস্তান্ত। নিজের ছেনাল বোনকে কিছু বলবার ক্ষমতা নাই—

পাতুর আর সহ্য হইল না, সে বাঘের মত লাফ দিয়া বউকে মাটিতে ফেলিয়া তাহার বুকে বসিয়া গলা টিপিয়া ধরিল। তাহার সমস্ত কাণ্ডজ্ঞান তখন লোপ পাইয়া গিয়াছে।

পাতুর ঘরের সম্মুখেই—একই উঠানের ওপাশে দুর্গা ও তাহার মায়ের ঘর; তাহারাও ঘরের ছাই পরিষ্কার করিতেছিল। বউয়ের কথা শুনিয়া দুর্গা দংশনোত্ত সাপিনীর মতই ঘুরিয়া দাঁড়াইয়া ছিল; কিন্তু পাতুর নির্যাতন-ব্যবস্থা দেখিয়া বউকে আর দংশন করিল না, বিজ্ঞভাবে ভাইকেই বলিল—হ্যাঁ, বউকে একটুকুন শাসন কর, মাথায় তুলিস না!

সেই মুহূর্তেই জগন ডাক্তারের ধরা-গলা শোনা গেল, সে হাঁ হাঁ করিয়া বলিল—ছাড়, ছাড়, হারামজাদা বায়েন, ম’রে যাবে যে!

কথা বলিতে বলিতেই ডাক্তার আসিয়া পাতুর চুলের মুঠি ধরিয়া আকর্ষণ করিল; পাতু বউকে ছাড়িয়া দিয়া হাঁপাইতে হাঁপাইতে বলিল—দেখেন দেখি হারামজাদীর আম্পদা, ঘরে আগুন টাণ্ডন লাগিয়ে—

—জল আন, জল। জলদি, হারামজাদা গোয়ার!—জগন বলিয়া উঠিল। বউটা অচেতন হইয়া অসাড়ের মত পড়িয়া আছে। ডাক্তার ব্যস্ত হইয়া নাড়ী ধরিল।

পাতু এবার শঙ্কিত হইয়া বুঁকিয়া বউয়ের মুখের দিকে চাহিয়া অকস্মাৎ একমুহূর্তে হাউ-হাউ করিয়া কাঁদিয়া উঠিল—ওগো—আমি বউকে মেরে ফেললাম গো!

পাতুর মা সঙ্গে সঙ্গে চীৎকার করিয়া উঠিল—ওরে বাবা! কি করলি রে!

ডাক্তার ব্যস্ত হইয়া বলিল—ওরে জল—জল, জল আন! ছুটিয়া জল লইয়া আসিল দুর্গা। সে বউয়ের মাথাটা কোলে তুলিয়া লইয়া বসিয়া বুকে হাত বুলাইতে আরম্ভ করিল; ডাক্তার ছপাছপ জলের ছিটা দিয়া বলিল—কই, মুখে মুখ দিয়ে ফুঁ দে দেখি দুর্গা! •

কিন্তু ফুঁ আর দিতে হইল না, বউ আপনিই একটা দীর্ঘ-নিশ্বাস ফেলিয়া চোখ মেলিয়া চাহিল। কিছুক্ষণ পর সে

উঠিয়া বসিয়া তারস্বরে কাঁদিতে আরম্ভ করিল—আমাকে আর মেমতা করতে হবে না রে, সংসারে আমার কেউ নাই রে! গলা তাহার ধরিয়! গিয়াছে, আওয়াজ বাহির হয় না, তবু সে প্রাণপণে চীৎকার আরম্ভ করিল।

\* \* \*

জগন ডাক্তার কতগুলি ঘর পুড়িয়াছে গণনা করিয়া নোটবুকে লিখিয়া লইল—কতগুলি মানুষ, তাহাও লিখিয়া লইল। খবরের কাগজে পাঠাইতে হইবে, ম্যাজিস্ট্রেট সাহেবের কাছে একটা আবেদনের খসড়া সে ইতিমধ্যেই করিয়া ফেলিয়াছে। স্থানীয় চার-পাঁচখানা গ্রামের অধিবাসীদের নিকট হইতে ভিক্ষা করিয়া খড়, বাঁশ, চাল, পুরানো কাপড়, অর্থ সংগ্রহের জন্ত একটা সাহায্য-সমিতি গঠনের সংকল্পও তাহার আছে। সকলকে ডাকিয়া ডাক্তার বলিল—সব আপন-আপন মুনবের কাছে যা, গিয়ে বল, দুটো ক'রে বাঁশ—দশ গণ্ডা ক'রে খড়, পাঁচ-সাত দিনের মত খোরাকি আমদিগে দিতে হবে। আর যা লাগবে—চেরে-চিন্তে আমি যোগাড় করছি। ম্যাজিস্ট্রেট সায়েবের কাছে একটা দরখাস্ত দিতে হবে—আমি লিখে রাখছি, ও-বেলায় গিয়ে সব টিপসই দিয়ে আসবি।

সকলে চুপ করিয়া রহিল, সায়েবের নামে তাহারা ভড়কাইয়া গিয়াছে। সায়েব-সুবাকে ইহারা শাসনকর্তা বলিয়াই জানে; কনেস্টবল দারোগার উপরওয়ালা হিসাবে সায়েবের নামে পর্য্যন্ত আতঙ্কিত হইয়া ওঠে। তাহার কাছে দরখাস্ত পাঠাইয়া আবার কোন্ ফ্যাসাদ বাধিবে কে জানে!

জগন বলিল—বুঝলি আমার কথা? চুপ ক'রে রইলি যে সব!

এবার সতীশ বাউরী বলিল—আজ্ঞে, সায়েবের কাছে—  
—হ্যাঁ, সায়েবের কাছে।

—সে আবার কি না কি ফ্যাসাদ হবে মাশায়।

—ফ্যাসাদ কিসের? জেলার কর্তা, প্রজার সুখ দুঃখের ভার তার ওপর। দুঃখের কথা জানালেই তাকে সাহায্য করতে হবে। করতে বাধ্য।

—আজ্ঞে, উ মাশায়—

—আবার কি?

—আজ্ঞে, কনেস্টবল দারোগা—থানা পুলিশ—সে মাশায় হাজার হাজার!

ডাক্তার এবার ভীষণ চটিয়া গেল, তাহার কথায় প্রতিবাদ করিলে সে চটিয়া যায়। তাহার উপর এই স্লোগানে ম্যাজিস্ট্রেটের সহিত পরিচিত হওয়ার একটা প্রবল বাসনা তাহার ছিল। স্থানীয় ইউনিয়ন বোর্ডের সভ্য-শ্রেণীভুক্ত হইবার আকাঙ্ক্ষা তাহার অনেক দিনের। কেবলমাত্র মান-মর্যাদা লাভের জন্তই নয়, দেশের কাজ করিবার আকাঙ্ক্ষাও তাহার আছে। কিন্তু কল্লণার বাবুরাই ইউনিয়ন বোর্ডের সমস্ত সভ্যপদগুলি দখল করিয়া রহিয়াছে। ইউনিয়নের সমস্ত গ্রামগুলিই কল্লণার বিভিন্ন বাবুদের জমিদারি, ভোট প্রকাশে দিতে হয়, কাজেই সকলে আপন আপন জমিদারদের ভোট দিতে বাধ্য হয়। গতবার জগন ঘোষ প্রতিদ্বন্দ্বিতায় নামিয়া মাত্র তিনটি ভোট পাইয়াছিল। সরকার-তরফ হইতে মনোনীত সভ্যপদগুলিও কল্লণার বাবুদের একচেটিয়া। সায়েব-সুবা উহাদেরই চেনে, কল্লণাতেই তাহাদের যাওয়া-আসা; সভ্য মনোনয়নের সময় তাহাদের দরখাস্তগুলিই মঞ্জুর হইয়া যায়। এই কারণে এমন একটি পরহিত-ব্রত লইয়া সায়েবের সহিত দেখা করিবার সংকল্পটি ডাক্তারের বহু-আকাঙ্ক্ষিত এবং পরম কাম্য। সেই সংকল্প পূরণের পথে বাধা পাইয়া ডাক্তার ভীষণ চটিয়া উঠিল। বলিল—তবে মরু গে তোরা, প'চে মরু গে! হারামজাদা মুখ্যর দল সব!

—কি হ'ল কি, ডাক্তার?—বলিয়া ঠিক এই মুহূর্তটিতেই বৃদ্ধ দ্বারকা চৌধুরী পিছনের গাছপালার আড়াল অতিক্রম করিয়া সম্মুখে আসিয়া উপস্থিত হইল। চৌধুরী ইহাদের এই আকস্মিক বিপদে সহানুভূতি প্রকাশ করিতে আসিয়াছে। এ তাহাদের পূর্বপুরুষের প্রবর্তিত কর্তব্য। সে কর্তব্য চৌধুরী আজও যথাসাধ্য পালন করে। ব্যবস্থাটার মধ্যে দয়ারই প্রাধান্য, কিন্তু প্রেমও থানিকটা আছে।

ডাক্তার চৌধুরীকে দেখিয়া বলিল—দেখুন না, বেটাদের মুখ্যমি। বলছি—ম্যাজিস্ট্রেট সায়েবের কাছে একটা দরখাস্ত কর। তা বলছে কি জানেন? বলছে,—থানা-পুলিশ, দারোগা—

চৌধুরী বলিল—এর জন্তে আর সায়েব-সুবো কেন ভাই? গাঁয়ের পাঁচজনের কাছ থেকেই ওদের কাজ হয়ে যাবে। আমি তোমার প্রত্যেককে দুগণ্ডা ক'রে খড় দোব। পাঁচটা বাঁশ দোব। এমনি ক'রে—

ডাক্তার আর শুনিল না, হন্ হন্ করিয়া সে চলিতে আরম্ভ করিল। যাইবার সময় সে বলিয়া গেল—যাস বেটারা এর পর আমার কাছে। আরও কিছুদূর আসিয়া দাঁড়াইয়া সে চীৎকার করিয়া বলিল—কাল রাত্রে কে কোথায় ছিল রে? কাল রাত্রে?

চৌধুরী একটু চিন্তা করিয়া বলিল—তা দরখাস্ত করতেই বা দোষ কি বাবা সতীশ? ডাক্তার বলছে। আর সায়েবের যদি দয়াই হয়—সে তো তোমাদেরই মঙ্গল! তাই বরং তোমরা যাও ডাক্তারের কাছে।

সতীশ বলিল—তা হাঙ্গামা কিছু হবে না তো চৌধুরী মাশায়? আমাদের সব সেই ভয় হচ্ছে কিনা!

—না। হাঙ্গামা কিছু হবে ব'লে তো মনে নেয় না বাবা! না—না। হাঙ্গামা কিছু হবে না।

অপরাত্নে সকলে দল বাঁধিয়া ডাক্তারের কাছে হাজির হইল। আসিল না কেবল পাতু।

ডাক্তার খুঁশী হইয়া উঠিয়াছিল, সে বেশ করিয়া সকলকে দেখিয়া লইয়া বলিল—পাতু কই—পাতু?

সতীশ বলিল—পাতু, আজ্ঞে আসবে না। সে মাশায় গায়েই থাকবে না বলছে।

—গায়েই থাকবে না? কেন, এত রাগ কেন রে?

—সে মাশায় সে-ই জানে। সে আপনার উপারে জংসনে গিয়ে থাকবে। বলে—যেখানে খাটব সেইখানে ভাত!

—দেবোত্তরের জমি ভোগ করে যে!

—জমি ছেড়ে দেবে মাশায়। বলে—ওতে পেটই ভরে না, তা উ নিয়ে কি হবে! উ-সব বড়নোকের কথা ছেড়ে দেন। পাতু বায়েন আমাদের বড়নোক। উকিল ব্যালেষ্টার মাগুষ।

—আহা তাই হোক। সে বড়নোকই হোক। তোমার মুখে ফুলচয়ন পড়ুক। দলের পিছনে ছিল দুর্গা, সে ফৌস করিয়া উঠিল। তারপর বলিল—সে যদি উঠেই যায় গা থেকে—তাতে নোকের কি গুনি? উকিল ব্যালেষ্টার—সাত-সতেরো ক্যানে গুনি? সে যদি চ'লেই যায়—তাতে তো ভাল হবে তোদেরই। ভিক্কের ভাগ তোদের মোটা হবে।

জগন ডাক্তার ধমক দিয়া উঠিল—থাম্—থাম্।

—ক্যানে, থামবে ক্যানে? কিসের লেগে? এতকথা

কিসের?—বলিয়াই সে মুখ ফিরাইয়া আপনার পাড়ার দিকে পথ ধরিল।

—ওই! এই দুর্গা, টিপ-সই দিয়ে যা!

—না।

—তা হ'লে কিন্তু সরকারী টাকার কিছুই পাবি না তুই।

এবার ঘুরিয়া দাঁড়াইয়া মুখ মচকাইয়া দুর্গা বলিল—আমি টিপ-সই দিতে আসি নাই। তোমার তালগাছ বিক্রী আছে শুনে এসেছিলাম কিনতে। ভিখ করব ক্যানে? গলায় দড়ি! সে আবার মুহূর্তে ঘুরিয়া আপন মনেই পথ চলিতে আরম্ভ করিল।

পথে বাঁশ জঙ্গলে ভরা পালপুকুরের কোণে আসিয়া দুর্গা দেখিল, বাঁশবনের আড়ালে শ্রীহরি পাল দাঁড়াইয়া আছে। দুর্গা হাসিয়া ইঙ্গিত করিয়া বলিল—টাকা চাই। এতগুলি! ঘর করব।

শ্রীহরি গ্রাথ করিল না, প্রশ্ন করিল—কিসের দরখাস্ত হচ্ছে রে?

—সায়েবের কাছে। ঘর পুড়ে গিয়েছে—তাই—

—তাই আমাকে স্নবে ক'রে দরখাস্ত করছে বুঝি? শালা ডাক্তার, শালাকে—। শ্রীহরির মুখখানা ভীষণ হইয়া উঠিল।

দুর্গা গম্ভীর মুখে তীক্ষ্ণ দৃষ্টিতে ছিরুর দিকে চাহিয়া বলিল—তুমিই তো দিয়েছ আগুন!

—দিয়েছি! তুই দেখেছিস?

—হ্যাঁ দেখেছি।

—চূপ কর, এতগুলো টাকাই দোব আমি।

দুর্গা আর উত্তর করিল না। ঠোঁট বাঁকাইয়া বিচিত্র দৃষ্টিতে শ্রীহরির দিকে মুহূর্তের জন্ত চাহিয়া দেখিয়া—আপন পথে চলিয়া গেল। দন্তহীন মুখে হাসিয়া ছিরু তাহার গমন-পথের দিকে চাহিয়া রহিল।

আট

দুর্গা মেয়েটি বেশ সুশ্রী মেয়ে। তাহার দেহবর্ণ পর্য্যন্ত গৌর, যাহা তাহাদের স্বজাতির পক্ষে দুর্লভ এবং আকস্মিক। ইহার উপর দুর্গার রূপের মধ্যে এমন একটা কিছু আছে যাহা মানুষের মনকে মুগ্ধ করে—আকর্ষণ করে।

পাতু নিজেই দ্বারকা চৌধুরীকে বলিয়াছিল—আমার মা হারামজাদীকে তো জানেন; হারামজাদীর স্বভাব আর গেল

না। দুর্গার রূপের আকস্মিকতা পাতুর মায়ের সেই স্বভাবের জীবন্ত প্রমাণ।

এ স্বভাব দমনের জন্য কোন কঠোর শাস্তি বা পরিবর্তনের জন্য কোন আদর্শের সংস্কার ইহাদের সমাজে নাই। অল্পস্বল্প উচ্ছ্বলতা স্বামীরা পর্য্যন্ত দেখিয়াও দেখে না; বিশেষ করিয়া উচ্ছ্বলতার সহিত যদি উচ্চবর্ণের স্বচ্ছল অবস্থার পুরুষ জড়িত থাকে। কিন্তু দুর্গার উচ্ছ্বলতা সে সীমাকেও অতিক্রম করিয়া গিয়াছে। সে স্বেচ্ছাচারিণী—শৈরিণী, কোন সীমাকেই অতিক্রম করিতে তাহার বিধা নাই। নিশীথ রাত্রে সে কঙ্কণার জমিদারদের প্রমোদভবনে যায়, ইউনিয়ন বোর্ডের প্রেসিডেন্টকে সে জানে, লোকে বলে—দারোগা হাকিম পর্য্যন্ত তাহার অপরিচিত নয়। সেদিন ডিষ্ট্রিক্ট বোর্ডের ভাইস-চেয়ারম্যান মুখার্জী সাহেবের সহিত সে পরিচয় করিয়া আসিয়াছে গভীর রাত্রে, দফাদার তাহার শরীর-রক্ষীর মত সঙ্গে সঙ্গে গিয়াছিল। দুর্গা ইহাতে অহঙ্কার বোধ কবে, নিজেকে স্বজাতীয়দের অপেক্ষা শ্রেষ্ঠ মনে করে। নিজের কলঙ্ক সে গোপন করে না। এ স্বভাবের জন্য লোকে দায়ী করে তাহার মাকে। তাহার মা নাকি কন্যাকে স্বামী পরিত্যাগ করাইয়া এই পথ দেখাইয়া দিয়াছে। কিন্তু দায়ী তাহার মা নয়। তাহার বিবাহ হইয়াছিল কঙ্কণায়। দুর্গার শাশুড়ী কঙ্কণার এক বাবুর বাড়ীতে ঝাড়ুদারণীর কাজ করিত। একদিন শাশুড়ীর অস্বথ করিয়াছিল—দুর্গা গিয়াছিল শাশুড়ীর কাজে। বাবুর বাড়ীর চাকরটা সকল কাজের শেষে তাহাকে ধমক দিয়া বাবুর বাগান-বাড়ী ঝাঁট দিবার জন্য একটা নির্জন ঘরে ঢুকাইয়া দিল। ঘরে ছিল বাবু; দুর্গা সমস্ত হইয়া পিছনের দরজার দিকে ফিরিবার চেষ্টা করিতেই দেখিল—দরজা বাহির হইতে বন্ধ। বাড়ী ফিরিল সে—কাপড়ের খুঁটে বাধা পাঁচ টাকার একখানা নোট লইয়া। আতঙ্কে ভয়ে এবং সঙ্গে সঙ্গে অর্থপ্রাপ্তির আনন্দে—সেইদিনই সে পলাইয়া আসিয়াছিল মায়ের কাছে। মায়ের চোখে বিচিত্র দৃষ্টি ফুটিয়া উঠিয়াছিল—একটা উজ্জ্বল আলোকিত পথ সহসা যেন তাহার চোখের সম্মুখে উদ্ভাসিত হইয়া উঠিয়াছে। সেই পথ সে কন্যাকে দেখাইয়া দিল। তাহার পর হইতে দুর্গা সেই পথ ধরিয়া চলিয়াছে।

ছিরু পালের সহিত দুর্গার একান্তভাবে ব্যবসায়ের সম্বন্ধ। তাহার প্রতি এতটুকু কোমলতা কোন দিন

তাহার ছিল না। আজ তাহার প্রতি দুর্গার ঘৃণা—আক্রোশ জন্মিয়া গেল। পাতুর সহিত তাহার যতই বিরোধ থাক, জাতি জাতিদের যতই সে হীন ভাবুক—আজ তাহাদের জন্যই সে মমতা অনুভব করিল।... ছিরু পালের মদের সঙ্গে গরু-মারা বিষ মিশাইয়া দিলে কি হয়?

—ডাক্তার কি বললে? গাছ বেচবে?—প্রশ্ন করিল দুর্গার মা। চিন্তা করিতে করিতে দুর্গা কখন আসিয়া বাড়ী পৌছিয়াছে—থেয়াল ছিল না।

সচকিত হইয়া দুর্গা উত্তর দিল—না।

—বেচবে না?

—জিজ্ঞেসা করি নাই।

—মরণ! গেলি ক্যানে তবে চং ক'রে!

দুর্গা একবার কেবল তীব্র তীর্ষাক দৃষ্টিতে মায়ের দিকে চাহিল, কথার কোন জবাব দিল না।

কন্যার আত্মবিক্রয়ের অর্থে মা এখন বাচিয়া আছে—দুর্গার চোখের দৃষ্টির তীক্ষ্ণতা দেখিয়া মা সঙ্কচিত হইয়া চুপ করিল। কিছুক্ষণ পর সে বলিল—হাম্‌তু স্মাথ পাইকার এসেছিল।

দুর্গা এবারও কথার উত্তর দিল না।

মা আবার বলিল—আবার আসবে, ধম্মরাজতলায় পাড়ার নোকের সঙ্গে কথা কইছে।

দুর্গা এবার বলিল—ক্যানে কি দরকার তার? আমি বেচব না গরু ছাগল। দুর্গার একপাল ছাগল আছে, কয়েকটা গাই এবং একটা দামড়া বাছুরও আছে। অগ্নিকাণ্ডের সংবাদ পাইয়া সেখ নিজেই ছুটিয়া আসিয়াছে। এই পাড়ায় ছাগল গরু কেনে—প্রয়োজনে চার আনা আট আনা হইতে দু চার টাকা পর্য্যন্ত অগ্রিমও দেয় হাম্‌তু সেখ। পরে ছাগল গরু লইয়া টাকাটা সুদ সমেত শোধ লইয়া থাকে। আজও সে আসিয়াছে ছাগল গরু কিনিতে, দু একজনকে অগ্রিমও দিবে। এত বড় বিপদে এই দারুণ প্রয়োজনের সময়—হাম্‌তু কর্ত্ত করিয়া টাকা লইয়া আসিয়াছে। দুর্গার পালিত দামড়া বাছুরটার জন্য হাম্‌তু অনেকবার তোষামোদ করিয়াছে, কিন্তু দুর্গা বেঁচে নাই। আজ সে আবার আসিয়াছে এবং দুর্গার মাকে গোপনে চার আনা পয়সা দিয়াছে। সওদা হইলে, পশ্চিম মুখে দাঁড়াইয়া আরও চার আনার প্রতিশ্রুতি হাম্‌তু দিয়াছে। মেয়ের কথাটা

মায়ের মোটেই ভাল লাগিল না—খানিকটা ঝাঁঝ দিয়া বলিল—বেচবি না তো, ঘর কিসে হবে শুনি ?

—তোমার বাবা এসে দেবে, বুঝলি হারামজাদী ! আমি আমার শাঁখাঝাঁখা বেচব। দুর্গা দুই-চারিখানা সোনার গহনাও গড়াইয়াছে ; অত্যন্ত সামান্য অবশ্য, কিন্তু তাহাই ইহাদের পক্ষে স্বপ্নের কথা ।

দুর্গার মা এবার বিস্ফোরক বস্তুর মত ফাটিয়া পড়িবার উপক্রম করিল, কিন্তু দুর্গা তাহাতে দমিবার মেয়ে নয়, সে বলিয়াই গেল—ক' আনা নিয়েছিস—হামতু স্মাখের কাছে ? আমি কিছু বুঝি না মনে করছিস, ধান চালের ভাত আমি খাই না, নয় ?

বিস্ফোরণের মুখেই দুর্গার মা প্রচণ্ড বর্ষণে যেন ভিজিয়া হিম হইয়া গেল। সে অকস্মাৎ কাঁদিতে আরম্ভ করিল, প্যাণ্টের মেয়ে হয়ে তু এতবড় কথা আমাকে বলিল !

দুর্গা গ্রাহ্য করিল না, বলিল—দাদা কোথা গেল ? বউটাই বা গেল কোথা ?

মা আপন মনেই কাঁদিতে আরম্ভ করিল, দুর্গার প্রশ্নের উত্তরও তাহারই মধ্যে ছিল—গভো আমার আঙুন ধরিয়ে দিতে হয় রে, নেকনে আমার পাথর মারতে হয় ! জ্যাশ্তে আমাকে দক্ষে দক্ষে মারলে রে। যেমন ব্যাটা—তেমুনি বেটা। বেটা বলছে চোর। আর আর ব্যাটা হ'ল ছাশের-বার ! ছাশের লোকে তালপাতা কেটে আপন আপন ঘর ঢাকলে—আর আমার ব্যাটা গা ছেড়ে চললো। মরুক—মরুক ড্যাকরা—এই অপ্রাণের শীতে মরুক।

অত্যন্ত রুচন্বরে দুর্গা বলিল—বলি, রান্না-বাগ্না করবি, না প্যান-প্যান ক'রে কাঁদবি ? পিণ্ডি গিলতে হবে না ?

—না মা, আর পিণ্ডি গিলব না মা। তার চেয়ে গলায় দড়ি দোব মা !—দুর্গার মা বিনাইয়া বিনাইয়া জবাব দিল।

দুর্গা আর কিছু বলিল না, উঠিয়া ঘরের ভিতর হইতে একগাছা গরু-ঝাঁখা দড়ি লইয়া মায়ের কোলের কাছে ফেলিয়া দিল ; তারপর সে পাড়ার মধ্যে চলিয়া গেল আঙুনের সন্ধানে।

হরিজন-পল্লীর মঙ্গলিসের স্থান—ওই ধর্মরাজের বকুল-গাছতলা। বহুদিনের প্রাচীন বকুলগাছটি পত্রপল্লবে পরিধিতে বিশাল ; কাণ্ডটি প্রায় শূন্যগর্ত এবং বহুকাল পূর্বের

কোন প্রচণ্ড ঝড়ে অর্ধোৎপাটিত হইয়া ভূমিশায়ী হইয়াই আজও বাঁচিয়া আছে। ইহা নাকি ধর্মরাজের আশ্চর্য্য লীলা। এমন করিয়া শায়িত অবস্থায় কোথায় কোন্ গাছ কে দেখিয়াছে ! গাছের গোড়ায় স্তূপীকৃত মাটির ঘোড়া, মানত করিয়া লোকে ধর্মরাজকে ঘোড়া দিয়া যায়। আশ-পাশের ছায়াবৃত স্থানটি পরিচ্ছন্ন তক তক করিতেছে। পল্লীর প্রত্যেকে প্রতি প্রভাতে একটি করিয়া মাড়ুলী দিয়া যায়, সেই মাড়ুলীগুলি পরস্পরের সহিত যুক্ত হইয়া—গোটা স্থানটাই নিকানো হয়। হামতু সেখ সেইখানে বসিয়া পল্লীর লোকজনের সঙ্গে গরুছাগল সওদার দরদস্তুর করিতেছিল ; কয়টা ছাগল—দুইটা গরু অদূরে বাঁধিয়া রাখিয়াছে—এগুলি কেনা হইয়া গিয়াছে।

পুরুষেরা সকলেই গিয়াছে জগন ডাক্তারের ওখানে, হামতুর কারবার চলিতেছিল মেয়েদের সঙ্গে। মেয়েরা কেহ মাসী, কেহ পিসী, কেহ দিদি, কেহ বা চাচী, কেহ ভাবী। হামতু একটা খাসী লইয়া এক বাউড়ী ভাবীর সঙ্গে দর করিতেছিল—ইয়ার কি আছে, তুই বল ভাবী ! সেরেফ খালটা, আর হাড় ক'খানা। পাঁচ স্মার গোস্তও হবে না ইয়াতে। স্মার তিনেক হবে। ইয়ার দাম পাঁচ সিকা বলেছি—কি অন্ঠায় বলেছি বল। পাঁচজনা তো রয়েছে—বলুক পাঁচজনায়। আর ই অসময়ে লিবে কে বল ? গরজ এখনি, তুর না—গরজ পরের, তুর বুঝ কেনে। বলিতেই সে চীৎকার করিয়া ডাকিল—ও দুগ্গা দিদি, শুন গো, শুন। তুর বাড়ী পাঁচবার গেলম। শুন—শুন !

দুর্গা আঙুনের সন্ধানে পাড়ায় বাহির হইয়াছিল, সে দূর হইতেই বলিল—বেচব না আমি।

—আরে না বেচিস, শুন—শুন। তুকে বেচতে আমি বলি নাই।

—কি ? দুর্গা আসিয়া দাঁড়াইল।

—আরে বাপরে ! দিদি যে একবারে ঘোড়ায় সওয়ার হয়ে এলি গো !

—হ্যাঁ, তাই বটে ! গিয়ে আমাকে রাঁধতে হবে। কি বলছ, বল ?

—ভাল কথাই বলছি ভাই ; বলছি ঘরে টিন দিবি ? সন্ধানে আমার সস্তায় টিন আছে।

—টিন ?

—হ্যাঁ গো ! একবারে নতুন । কলওয়ালারা বেচবে ।  
কিনবি ? একবারে নিশ্চিন্দ ! দেখ ! গোটা চালিশ টাকা ।

দুর্গা কয়েক মুহূর্ত ভাবিল । মনশ্চক্রে দেখিল—তাহার  
ঘরের উপর টিনের আচ্ছাদন—রোদের ছটায় রূপার পাতের  
মত ঝকমক করিতেছে ! পরমুহূর্তেই সে আত্মসম্বরণ  
করিয়া বলিল—উহ ! না ।

—তুর টাকা না-থাকে, আমাকে ইয়ার পরে দিস ।  
ছ মাস, এক বছর পরে দিস !

—উহ ! দুর্গা হাসিয়া ঘাড় নাড়িয়া বলিল—উ—হ—!  
ও দামড়ার নামে তুমি হাত ধোও তো হামদু ভাই । ও  
আমি এখন দু-বছর বেচব না ।—বলিয়া হাসিতে হাসিতেই  
সে চলিয়া গেল । আগুন লইয়া বাড়ী ফিরিয়া দেখিল—  
দড়িগাছটা সেইখানেই পড়িয়া আছে, মা সেটা স্পর্শও করে  
নাই । উনানে আগুন দিয়া এখন সে পাতুর সঙ্গে বচসায়  
নিবৃত্ত । দুই বোঝা ভালপাতা উঠানে ফেলিয়া পাতু  
হাঁপাইতেছে এবং মায়ের দিকে ক্রুদ্ধ বাঘের মত চাহিয়া  
আছে । পাতুর বউ, কাঠকুটা কুড়াইয়া জড়ো করিতেছেন,  
রান্না চড়াইবে ।

দুর্গা বিনা ভূমিকায় বলিল—বউ, রান্না আর করতে হবে  
না । আমিই রাঁধছি, একসঙ্গেই খাব সব ।

পাতু দুর্গার দিকে চাহিয়া বলিল—দেখ দুর্গা—দেখ !  
মায়ের মুখ দেখ ! যা মন তাই বলছে ! ভাল হবে না  
কিন্তুক !

—কি করবি বল ? আমিই বা কি করব বল ? গভো  
ধরেছে ! মা ! তাড়িয়েও দিতে পারবি, খুন করতেও  
পারবি ।

—একশো বার । তোর কথার কাটান নাই । কিন্তুক  
—ই গাঁয়ে থাকব কি স্নেহে—তুই বল দেখি !

—সত্যিই তুই উঠে যাবি নাকি ? হ্যাঁ দাদা ? ভিটে  
ছেড়ে উঠে যাবি ?

পাতু কিছুক্ষণ চুপ করিয়া রহিল । তারপর বলিল—  
তাতেই তো আবার এই অবেলাতে ভালপাতা কেটে আনলাম

দুর্গা ! নইলে—জংসনের কলে কাজ—ঘর সব ঠিক  
ক'রে এসেছিলাম দুপর বেলাতে ।—দু'হাত ছাঁদাছাদি  
করিয়া তাহারই মধ্যে মাথা গুঁজিয়া পাতু মাটির দিকে  
চাহিয়া বসিয়া রহিল ।

দুর্গা বলিল—ওঠ । ওই দেখ্ কখানা লম্বা বাঁশ  
রয়েছে আমার ; ওই কখানা চাপিয়ে—ভালপাতা দিয়ে  
ঘরখানা ঢাক । পিতি-পুরুষের ভিটে ছেড়ে কেউ কখনও  
যায় নাকি ? তুই চালে ওঠ, আমি বউ দু'জনাতে তুলে  
দিচ্ছি সব ।

একটা দীর্ঘনিশ্বাস ফেলিয়া পাতু উঠিল । দুর্গা কাপড়ের  
আঁচল কোমরে আঁট-সাঁট করিয়া বাঁধিতে বাঁধিতে বলিল—  
ওই গাঁদা সতীশ ! সতীশ বাউড়ী, মিনষে—জগন ডাক্তারকে  
বলছে—পাতু বায়েন বড় লোক, ব্যালেষ্ঠার—উকীল ! তা  
আমি বললাম—আগ তোর মুখে ফুল চন্নন পড়ুক ! বলে  
—বড় নোক গা থেকে উঠে যাবে ! যাবে ! তোদিগে—  
ভিটে দানপত্ত লিখে দিয়ে যাবে । তোরা ভোগ করবি !

বিড়ালীর নত হুঁপুঁপ পাতুর বউটা খাটিতে পারে খুব,  
খাটো পায়ে—ক্রতগতিতে লাটিমের মত পাক দিয়া ফেরে ।  
সে ইহার মধ্যে বাঁশগুলোকে টানিয়া আনিয়া ফেলিয়াছে ।

—পাতু রয়েছ ? পাতু ?

—কে ?

—আমি থানদার ভূপাল লোহার ! থানদার অর্থে  
চৌকীদার । চৌকীদারের আবির্ভাবে সকলেই শঙ্কিত হইয়া  
উঠিল । পাতুর হাতের ভালপাতাখানা খসিয়া নীচে  
পড়িয়া গেল ।

—কিগো থানদার ?

—আবার কি ! তোমার সব ডাক পড়েছে হে !

—কোথা ?

—পেসিডেন বাবুর কাছে, ইউনান বোডে । গাঁয়ের  
লোকের কাছেও বটে । ট্যাক্সের ঢোল দিতে হবে আর  
নবায়োর ঢোল ।

( ক্রমশঃ )



# প্রহেলিকা

শ্রীযামিনীমোহন কর

দ্বিতীয় অঙ্ক

একই দৃশ্য

গিরিজা। এতক্ষণে মালিনী দেবীর আসা উচিত ছিল।  
কার্ত্তিক। হয় ত' ছবি নিয়ে ব্যস্ত আছেন। আমি  
তো বহুক্ষণ তাকে ডাকতে লোক পাঠিয়েছি।

দরজায় খটখট ধ্বনি

ঐ বোধ হয় এসেছেন। (দরজা খুলে) আসুন, মালিনী দেবী।

মালিনী। (টুকে) কই আমার ঘরে গেলেন না?

কার্ত্তিক। কাজে বড্ড ব্যস্ত ছিলাম।

গিরিজা। বসুন।

মালিনী। (বসে) খ্যাক ইউ।

গিরিজা। আপনাকে ডেকে পাঠিয়েছিলুম, কারণ—

মালিনী। এক মিনিট। (কার্ত্তিকের প্রতি) দেখুন বেছে  
বেছে এই ছবিটা আমার পছন্দ হয়েছে।

কার্ত্তিককে ছবি দিলেন

কার্ত্তিক। (নিয়ে) ধন্যবাদ।

মালিনী। ভাল ক'রে দেখুন।

কার্ত্তিক। (দেখে) চমৎকার!

মালিনী। বেশ ভাল উঠেছে। কি বলেন? কারা  
তুলেছে জানেন? ঐ যে বোর্নিও না কি আছে—

কার্ত্তিক। বোর্নিও অ্যান্ড গিল্ডারস্টেন—

মালিনী। হ্যাঁ, হ্যাঁ। বোর্নিও অ্যান্ড গিল্ডারস্টেন।  
কেমন পোজটা?

গিরিজা। এইবার কাজের কথা আরম্ভ করা যাক।

মালিনী। নিশ্চয়ই। দেখুন ছবি কিন্তু বার করা চাই।

গিরিজা। আমরা এই পাশের ঘরের লোকটির সম্বন্ধে  
জানতে চাই।

মালিনী। গিয়ে আলাপ ক'রে এলেই পারেন।  
আপনারা পুলিশের লোক। যার বাড়ীতে ইচ্ছে টুকে পড়া,  
যাকে তাকে হায়রাণ করা—এ তো আপনাদের নিত্য কর্ম।

গিরিজা। পরামর্শটা ভাল, কিন্তু তিনি এখন নেই।  
আপনার ঘরের সামনে তার ঘরের দরজা, তাই—

মালিনী। তাই কি?

গিরিজা। যদি আপনার সঙ্গে তাঁর আলাপ হয়ে  
থাকে। তাঁর নাম নিশিকান্ত মুখোপাধ্যায়।

মালিনী। না, আমি তাঁকে চিনি না। আপনি কি  
বলতে চান ঘরের সামনে দরজা থাকলেই গায়ে পড়ে গিয়ে  
আলাপ করব। সে রকম মেয়ে আমি নই।

গিরিজা। কিন্তু স্বামীর ঘর থেকে বেরিয়ে যাবার মত  
মেয়ে তো আপনিই।

মালিনী। তাতে আপনাদের কি? বার বার এক  
কথা বলার কি প্রয়োজন? বেশ করেছি, চলে এসেছি।  
একটা জার্নালিস্ট স্বামী, দেড়শ' টাকা মাইনে আর ত্রিশ  
টাকার ফ্ল্যাট। তাতে আমার পোষাতো না। আমার বাবা  
গদাই মিত্তির শেয়ার মার্কেটে অনেক টাকা করেছিলেন।  
আমার রুচিও তেমনি হয়েছিল। যে সব সোসাইটীতে তিনি  
আমায় মিশিয়েছিলেন তারপর অমন লোকের সঙ্গে বিয়ে  
দেওয়াটাই তাঁর অন্ডায় হয়েছিল। কিন্তু আপনি সে  
কথা ক্রমাগত তুলছেন কেন? এ কেসের সঙ্গে তার  
কি সম্বন্ধ?

গিরিজা। কিছু না। তবুও তুলছি, কারণ আপনার  
স্বামী আর আমি একসঙ্গে স্কুলে পড়েছিলুম। আচ্ছা,  
আপনি এখন যেতে পারেন।

মালিনী। দেখা হ'লে আপনার বন্ধুকে বলবেন যে  
মাস্টার আর জার্নালিস্টদের বিয়ে করা শোভা পায় না,  
বিশেষ ক'রে আমাদের মত মেয়েদের।

কার্ত্তিকের হাত থেকে ছবি কেড়ে নিয়ে প্রস্থান

গিরিজা। ওকে দেখলে আমার পিত্তি জলে যায়।  
কার্ত্তিক গণেশবাবুকে ডেকে দিতে বল।

. কার্ত্তিক চলে গেলেন

চেয়ারে বসে গিরিজা কার্তিকের নোট বইতে লিখতে  
লাগলেন। কার্তিক এলেন

কার্তিক। একটা চাকর যাচ্ছিল। তাকে বলে  
দিয়েছি। লোকটা এবার ক্ষেপে উঠবে।

গিরিজা। উপায় কি? তবে সময় নষ্ট করাবে না।  
আমাদের চেয়ে ও বেশী ব্যস্ত।

কার্তিক। বনমালীবাবুকে নিয়ে রতনের এতক্ষণ ফেরা  
উচিত ছিল।

গিরিজা। তুমি একবার মিস্ রায়ের কাছে যাও।  
নিশিকান্তবাবুকে চেনেন কি-না জিজ্ঞেস করো।

দরজার কাছে গণেশকে দেখা গেল

আমুন গণেশবাবু, ভেতরে আসুন।

গণেশ এলেন ও কার্তিক চলে গেলেন

গণেশ। এবার কি চাহেন? জানেন আমার কাজের—

গিরিজা। কিছু মনে করবেন না। আধ মিনিট। বসুন।

গণেশ। ( বসে ) জন্দি করিয়া বলিয়া ফেলেন।

গিরিজা। এই পাশের ঘরের লোকটির সম্বন্ধে আপনি  
কি জানেন? নাম নিশিকান্ত—

গণেশ। হামি কুছু জানে না।

গিরিজা। এই হোটেলে কোন দিন তাঁকে দেখেছেন?

গণেশ। কেমন দেখতে আছেন?

গিরিজা। তা তো আমি জানি না।

গণেশ। আপ যাকে দেখা নহিঁ সেই আদমীকে হামি  
চেনে কি-না—বাবুজী, আপকে লিয়ে হামি এক গিলাস  
সরবত পাঠিয়ে দেবে।

গিরিজা। মানে, আমি জিজ্ঞেস করছিলুম, এই ফ্ল্যাটে  
কাউকে আসতে যেতে দেখেছেন কি?

গণেশ। না।

গিরিজা। আচ্ছা, এখন যেতে পারেন। ধন্যবাদ।

গণেশ চলে গেলেন

গিরিজা খাতায় লিখতে লাগলেন। কার্তিক এলেন

গিরিজা। মিস রায় কি বলেন? চেনেন?

কার্তিক। না। কখনও দেখেন নি পর্য্যন্ত।

গিরিজা। আমিও তাই ভেবেছিলুম। এখন অনাথ  
এসে পড়লে বাঁচি। হ্যাঁ, আপিস থেকে কোন করছিল,

কুমারবাহাদুরের ডান হাতের নখে রক্ত আর চামড়া  
লেগেছিল।

কার্তিক। তার মানে হটোপাটির সময় কারুর গা  
ধিমচে গিছিল।

দরজায় খটখট ধ্বনি

কে? কি চাও?

অনাথ। ( নেপথ্যে ) আমায় ডেকেছিলেন?

কার্তিক। কে তুমি?

অনাথ। ( নেপথ্যে ) আমি এখানকার লিফ্‌টম্যান।  
আমার নাম অনাথ।

গিরিজা। ওঃ! অনাথ? ভেতরে এস।

অনাথের প্রবেশ

গিরিজা। এতক্ষণ কোথায় ছিলে?

এক দৃষ্টে অনাথকে দেখতে লাগলেন

অনাথ। আজ্ঞে আমার একটু জরের মত হয়েছিল।

গিরিজা। ওঃ। অনাথ—তোমার নাম কি?

অনাথ। অনাথ।

গিরিজা। আর কোন নাম আছে?

অনাথ। আজ্ঞে না।

গিরিজা। তোমায় যেন কোথায় দেখেছি মনে হচ্ছে।

অনাথ। আমি কিন্তু আপনাকে এই প্রথম দেখলুম।

গিরিজা। অনেক দিন আগেকার কথা। তুমি  
কিংবা ঠিক তোমার মত দেখতে কেউ—হ্যাঁ, আমরা  
পুলিশের লোক। কুমার জগদীশপ্রসাদ পাইনকে আজ  
সকালে মৃত অবস্থায় এই ঘরে পাওয়া যায়। মাথায়  
গুলির আঘাত।

অনাথ। এই মাত্র এসে বংশীর মুখে শুনলুম।

গিরিজা। এখুনি একজন ভদ্রলোক আসবেন। তুমি  
তাঁকে চেন কি-না বলবে।

অনাথ। কে?

গিরিজা। পাশের ঘরের নিশিকান্তবাবু। তাঁকে চেন?

অনাথ। আজ্ঞে হ্যাঁ। একবার তাঁকে দেখেছিলুম।

গিরিজা। আবার দেখলে চিনতে পারবে তো?

অনাথ। পারবু। লিফ্‌টে ওপর থেকে নীচে নিয়ে  
গিছিলুম। দু-একটা কথাও হয়েছিল।



গিরিজা। কোন ভুল হবে না ?

অনাথ। না।

গিরিজা। যাক বাঁচা গেল। তিনি ঘরে ঢুকবেন, তুমি তাঁকে ভাল করে দেখে ঘর থেকে বেরিয়ে যাবে। যতক্ষণ না ডেকে পাঠাই বাইরে অপেক্ষা করবে। চিনতে পেরেছ তা জানতে দেবে না।

অনাথ। কাকে চিনব ?

গিরিজা। তুমি দেখে বলবে সেই ভদ্রলোক নিশিকান্ত-বাবু কি-না। তিনি অন্য নামে পরিচয় দেবেন।

অনাথ। কি নাম ?

গিরিজা। বনমালী সাহা।

অনাথ। ঠিকই তো কুমারবাহাদুর ভয় পেতেন। আমাদের বলে দিয়েছিলেন উনি এলেই যেন বলে দিই যে তিনি ঘরে নেই।

গিরিজা। তুমি বনমালীবাবুকে দেখেছ ?

অনাথ। না। বংশী অনেকবার দেখেছে।

রতনলাল এলেন

রতন। বনমালীবাবু এসেছেন।

গিরিজা। ভেতরে পাঠিয়ে দাও।

রতন চলিয়া গেলেন ও বনমালীবাবু এলেন

বনমালী। আমাকে এরকমভাবে ডেকে আনবার কারণ জানতে পারি কি ?

অনাথ চলে গেলেন

গিরিজা। বসুন।

বনমালী। ( বসে ) ধন্যবাদ।

গিরিজা। আমি ইন্সপেক্টর গিরিজাপ্রসন্ন ভট্টাচার্য্য, আর ইনি আমার সহকারী।

বনমালী। এটা তো থানা নয় ?

গিরিজা। না। হোটেল 'ক্যাসিনো'। কেন, আপনি কি আগে কখনও এখানে আসেন নি ?

বনমালী। না। কলকাতায় এই প্রথম এসেছি।

গিরিজা। কুমার জগদীশপ্রসাদ পাইনকে চিনতেন ?

বনমালী। জগদীশপ্রসাদ পাইন ? কই না। এ নামে কাউকে চিনি বলে তো মনে পড়ছে না।

গিরিজা। তাই নাকি ?

বনমালী। এক কাজ করুন না। আমার কথায় বিশ্বাস না হয় তো তাকে এখানে ডেকে এনে জিজ্ঞেস করুন আমায় চেনেন কি-না ? তা হ'লেই সব ল্যাঠা চুকে যায়।

গিরিজা। উপায় থাকলে তাই করতুম। তাঁকে কাল রাত্রে কেউ হত্যা করেছে।

বনমালী। তা হ'লে আর কি করা যাবে বলুন ?

গিরিজা। তিনি মারা গেছেন শুনে আপনি বিশেষ দুঃখিত হলেন বলে তো মনে হয় না।

বনমালী। রোজ কত কোটি লোক মারা যাচ্ছে। সকলের জন্ম দুঃখ করতে হলে তো কেঁদে কেঁদেই মরতে হয়। যাকে চিনি তার মরা-বাঁচায় আমার কি ?

গিরিজা। তা বটে। আচ্ছা, আপনি কি হোটেল ক্যাসিনোতে এই প্রথম এলেন ?

বনমালী। হ্যাঁ। কারণ এখানে আসতে হলে কলকাতায় আসা দরকার।

গিরিজা। কার্তিক, একবার বংশীকে ডেকে আন' তো।

কার্তিক চলে গেলেন

আপনার স্মরণশক্তি কি একটু কম ?

বনমালী। পুলিশে চাকরির চেষ্টা কখনও করি নি, তাই ঠিক বলতে পারছি নে।

গিরিজা। বংশী নামে এখানে একজন লিফ্টম্যান আছে, তাকে চেনেন ?

বনমালী। না। এখানে কখনও এলুম না—অথচ এখানকার লিফ্টম্যানকে চিনব, এ কি কম কথা ?

গিরিজা। তা ঠিক। আচ্ছা বনমালীবাবু, আপনি লোকের চেহারা মনে রাখতে পারেন ?

বনমালী। তা একটু পারি বলেই মনে হয়।

বংশীকে নিয়ে কার্তিকের প্রবেশ

গিরিজা। বংশী, তুমি এঁকে চেন ?

বংশী। আজ্ঞে হ্যাঁ। ইনি কয়েকবার এসে কুমার-বাহাদুরের খোঁজ করেছিলেন।

গিরিজা। কুমারবাহাদুর দেখা করেছিলেন ?

বংশী। আজ্ঞে না। তিনি বলে দিয়েছিলেন যে ইনি এলেই যেন বলে দেওয়া হয় যে তিনি বাইরে গেছেন।

গিরিজা। কোন ভুল হচ্ছে না তো ?

বংশী। আজ্ঞে না। ঠিক চিনতে পেরেছি।

গিরিজা। এঁর নাম বলতে পার ?

বংশী। বাবু বনমালী সাহা।

গিরিজা। বনমালীবাবু কি বলেন ?

বনমালী। যাক, এ নিয়ে বেশী—

গিরিজা। বংশী, তুমি এবার যেতে পার।

বংশী চলে গেল

আপনি তবে কুমারবাহাদুরকে চিনতেন ?

বনমালী। হ্যাঁ।

গিরিজা। এতক্ষণ মিথ্যা কথা কইছিলেন কেন ?

বনমালী। মানে—সামান্য একটু আলাপ ছিল মাত্র।

গিরিজা। প্রায়ই গুর খোঁজে আসতেন কেন ?

বনমালী। আমার কাছ থেকে উনি কিছু টাকা ধার করেছিলেন। তারই তাগাদায়।

গিরিজা। রিভলভার উচিয়ে কি টাকা আদায় করেন ?

বনমালী। হঠাৎ এ প্রশ্ন কেন ?

গিরিজা। কাল রাত্রে টাকা আদায় করতে আপনি কুমারবাহাদুরের ঘরে ঢুকেছিলেন কি ?

বনমালী। না। কাল এই হোটেলের কাছেও আসি নি।

গিরিজা। মিথ্যা কথা। আমি জানি—

বনমালী। কি ক'রে জানলেন ?

গিরিজা। কুমারবাহাদুরের কাছ থেকে।

বনমালী। তিনি মরবার পর আপনাকে বলেছেন—

গিরিজা। না, তিনি মরবার আগে লিখে গিছিলেন।

কার্তিক। যাতে লোকে জানতে পারে কে তাঁকে ত্যা করেছে। ( পাঠ ) “বনমালী সাহা রিভলভার হাতে পিছন থেকে ঘরে ঢুকছে। সামনের আরশিতে দেখতে পাচ্ছি। যদি আমার কিছু হয় তবে—” বাস্, এইখানেই তাঁর লেখা শেষ হয়ে গেছে—

গিরিজা। এবং সেই সঙ্গে তাঁর জীবনেরও শেষ।

বনমালী। ( হঠাৎ চমকে উঠে ) তাই তো, চেয়ারে বসলে আরশিতে সব দেখা যায় দেখছি।

গিরিজা। এইবার ব্যাপারটা কি রকম দাঁড়িয়েছে বুঝতে পারছেন বোধ হয় ?

বনমালী। আপনারা কি ননে করেন আমি দোষী ?

গিরিজা। ঘটনাটকে তাই দাঁড়িয়েছে।

বনমালী। আমি কিন্তু কুমারবাহাদুরকে ইচ্ছে করে হত্যা করিনি। অ্যাকসিডেন্ট—

গিরিজা। আপনি তবে স্বীকার করলেন—

বনমালী। ( চমকে ) অ্যা, কি বললেন ?

গিরিজা। স্বীকারোক্তি দিতে রাজী আছেন ?

বনমালী। অগত্যা।

গিরিজা। মনে থাকে যেন যে আপনি স্বেচ্ছায় দোষ স্বীকার করছেন, আমরা বাধ্য করিনি। আর দরকার হ'লে আপনার বিরুদ্ধে স্বীকারোক্তি ব্যবহার করতে পারি।

বনমালী। তা জানি।

গিরিজা। বলুন। কার্তিক, এঁর বক্তব্য একটা আলাদা কাগজে লিখে নাও।

বনমালী বলতে ও কার্তিক লিখতে লাগলেন

বনমালী। আমি খুব গরীবের ছেলে। কলেজে কুমারবাহাদুরের সঙ্গে আলাপ হয়েছিল। তার দু-একটা হীন কাজে সাহায্যও করেছিলুম। তারপর বহুদিন তার সঙ্গে দেখাসাক্ষাৎ হয় নি। আমি অনেক কষ্টে লেখাপড়া শিখে উকিল হই। সেই সময় একটা জঘন্য কাজের জন্ত সে আমার সাহায্য চায়। আমি রাজী হই না। উকিল হয়ে পয়সার জন্ত দু-চারটে এমন কাজ করেছিলুম যু-নীতি কিংবা ঞায়ের চোখে গর্হিত। কুমারবাহাদুর কোন রকমে তা জানতে পারে এবং দু-একটা অকাটা প্রমাণ জোগাড় ক'রে আমার কাছে আসে। বলে, তার কাজটা ক'রে দিলে প্রমাণগুলো ফেরত দেবে, নইলে প্ল্যাকমেল ক'রে টাকা আদায় করবে। ক'বছর থেকে তার পীড়ন সমভাবে চলছিল। কিন্তু এবছর আমি দু-একটা ভাল কেস পাওয়াতে টাকার পরিমাণ বাড়িয়ে দিতে বলে। আমি মরিয়া হয়ে একটা হেস্তনেস্ত করার জন্ত ব্যস্ত হয়ে উঠি। দেশে অনেক লোকের মধ্যে থাকে বলে সুবিধা হত' না। সে হঠাৎ কলকাতায় আসতে আমিও অমুসরণ করি। কাল সুযোগ বুঝে আমি তার ঘরে ঢুকি। তখন রাত একটা হবে। আমার তাকে হত্যা করবার উদ্দেশ্য ছিল না। শুধু ভয় দেখিয়ে তার কাছ থেকে প্রমাণগুলো আদায় করতে এসেছিলুম। ঘরের দরজায় ধাক্কা দিতেই খুলে গেল। আমি রিভলভার উচিয়ে ঢুকে দেখি সে মাতাল অবস্থায় কি যেন লিখছে। নাম ধরে ডাকতেই চমকে উঠে আমার দিকে

চেয়ে বললে—“কে ? বনমালী ? কি চাও ?” তার নেশা ছুটে গেছে। আমি বললুম—“তোমার কাছে আমার বিরুদ্ধে যা প্রমাণ আছে সেগুলো দাও।” সে দাঁড়িয়ে উঠে বললে—“ওটা নামাও, দিচ্ছি।” আমি রিভলভার না নামিয়েই বললুম—“আগে দাও।” যন্ত্রচালিতের মত সে সেল্ফের কাছে গিয়ে হঠাৎ বললে—“আরে চাবিটা যে দেরাজে রয়ে গেছে।” এই বলে ফিরে এসে দেরাজ খুললে। একটু অশ্রমনস্ক হয়েছি, এমন সময় দেখি সেও রিভলভার বার করে আমায় বলেছে—“যাও, এখান থেকে বেরিয়ে যাও।” আমি গতাস্তর না দেখে তার ঘাড়ে লাফিয়ে পড়ি। বুটোপুটিতে রিভলভারটা আমার হাত থেকে পড়ে যায়। আর কুমারবাহাদুরেরটা কি ক’রে যেন ছুঁড়ে যায়। সে আমার হাতের মধ্যে নেতি য় পড়ে। দেখলুম তার মাথার মধ্যে গুলি ঢুকে গেছে। সে মারা গেছে। আমি তাড়াতাড়ি নিজের রিভলভারটা কুড়িয়ে নিয়ে সরে পড়ি।

গিরিজা। ধনুবাদ। আপনার স্টেটমেন্টে প্রায় সবই সত্যি কথা বলেছেন। অবশ্য দু-একটা—

বনমালী। কেন আমি তো সবই সত্যি বলেছি।

গিরিজা। যা বলেছেন তা সত্য, কিন্তু কিছুটা বাদ গেছে।

বনমালী। কই মনে পড়ছে না তো।

গিরিজা। এই পাশের ঘরটা কি ভাড়া নিয়েছিলেন ?

বনমালী। ( অবাক হয়ে ) না।

গিরিজা। কার্তিক, একবার অনাথকে ডেকে আন তো।

কার্তিক চলে গেলেন

আপনি কি বলতে চান যে নিশিকান্ত মুখোপাধ্যায় নামে পরিচয় দিয়ে এই পাশের ঘরটা ভাড়া নেন নি ? এ হত্যাকাণ্ডে এ্যাকসিডেন্ট নয়, আগে থেকে হিসেব করে ঠাণ্ডা মেজাজে—

অনাথকে নিয়ে কার্তিক এলেন

অনাথ, তুমি নিশিকান্ত বাবুকে চেন ?

অনাথ। একবার দেখেছিলুম।

গিরিজা। আবার দেখলে চিনতে পারবে ?

অনাথ। আজ্ঞে হ্যাঁ।

গিরিজা। এই ঘরে নিশিকান্তবাবু কে ?

অনাথ চুপ ক’রে দাঁড়িয়ে রইল।

কই দেখাও। চুপ করে রয়েছ কেন ?

অনাথ। তিনি তো এ ঘরে নেই।

গিরিজা। বল কি ! ( বনমালীকে দেখিয়ে ) ইনি নিশিকান্তবাবু ন’ন ?

অনাথ। না।

গিরিজা। ( নিরাশ হয়ে ) আচ্ছা, তুমি যেতে পার’। নীচে থেক’।

অনাথ চলে গেলেন

কার্তিক। আপনি যখন ঘরে ঢোকেন তখন কোন্ আলোটা জ্বলছিল ?

বনমালী। টেবুল ল্যাম্প।

গিরিজা। বুটোপুটিতে আলোটা পড়ে ভেঙ্গে গেছিল ?

কার্তিক। আমরা সকালে এসে সেটা ভাঙ্গা অবস্থায় পাই।

বনমালী। না, আমার সামনে সেটা ভাঙেনি। অজানা নতুন ঘরে হঠাৎ আলো নিভে গেলে নিজের রিভলভার খুঁজে নিয়ে পালানো সম্ভবপর হ’ত না।

গিরিজা। আপনার হাতে রক্ত লেগেছিল ?

বনমালী। তা একটু লেগেছিল। টেবিলের ওপর রুমাল ছিল। তাড়াতাড়িতে তাতে হাত মুছে পকেটে ক’রে নিয়ে গিয়েছিলুম। এই সেই রুমাল। কুমারবাহাদুরের নাম লেখা আছে।

পকেট থেকে একটা রক্তমাখা রুমাল বার ক’রে গিরিজাকে দিলেন

গিরিজা। কুমারবাহাদুরের পকেট থেকে একতাড়া নোট পড়ে গিয়েছিল, লক্ষ্য করেছিলেন ?

বনমালী। প্রাণ নিয়ে পালাবার জন্য এত ব্যস্ত ছিলাম যে ও সব লক্ষ্য করতে পারি নি।

গিরিজা। তা হ’লে আপনি তাতে হাত দেন নি ?

বনমালী। যা দেখলুম না তাতে হাত দেব কি ক’রে বুঝতে পারছি না।

কার্তিক। আচ্ছা, ভিজে ফুটপাথে পড়ে যেতে পারেন তো ?

বনমালী। হঠাৎ এ প্রশ্ন কেন ?

কার্তিক। রবার সোল জুতো জলে পিছলে যায় না ?

বনমালী। কি বলছেন আপনি ?

কার্তিক। দেখি আপনার জুতোর স্তলা।

বনমালী। আপনি ক্ষেপে গেলেন নাকি ?

পা উঁচু ক’রে দেখালেন

কার্তিক। তাই তো! রবার সোল তো নয়।

বনমালী। আমি তো তা বলি নি।

কার্তিক। কিন্তু কার্পেটের ওপর রবার সোল জুতোর ছাপ রয়েছে।

বনমালী। তার আমি কি করতে পারি বলুন?

গিরিজা। (ফোনে) হ্যালো—দামোদরবাবুকে ডেকে দিন তো—কে? আপনিই দামোদরবাবু। হ্যাঁ দেখুন, এই তলায় কোন ঘর খালি আছে?—বাইশ নম্বর, খোলা আছে? আচ্ছা, ধন্যবাদ। (ফোন রেখে) রতনলাল—বনমালী বাবু, আপনাকে কিছুক্ষণ ঐঘরে অপেক্ষা করতে হবে।

রতনলাল এলেন

রতন, এঁকে বাইশ নম্বর ঘরে বসিয়ে রেখে এস। আর দরজার বাইরে একজন পুলিশ মোতায়েন ক'রে দেবে যেন কেউ ঘরে না ঢোকে। বুঝলে?

রতন। আজ্ঞে হ্যাঁ। (বনমালীর প্রতি) আসুন।

রতনলাল ও বনমালী চলে গেলেন

কার্তিক। জুতোর কথাটা স্মরণ কি রকম কায়দা ক'রে জিজ্ঞেস করলুম, দেখলেন?

গিরিজা। ভদ্রলোক তোমায় পাগল মনে করেছেন। ও তো এমনিই দেখা যায় রবার সোল কি না।

কার্তিক। বনমালীর জবানবন্দী কি সত্য বলে মনে হয়?

গিরিজা। তাই তো মনে হচ্ছে। আমাদের ক্লুর সঙ্গে প্রায় মিলে যাচ্ছে।

রতনলাল এলেন

কি রতন? বনমালীবাবুকে বসিয়ে দিয়ে এসেছ তো?

রতন। আজ্ঞে হ্যাঁ। হরিকিষণকে পাহারায় রেখে এসেছি। এক ভদ্রলোক দেখা করতে এসেছেন।

গিরিজা। কে? কি নাম?

রতন। ত্রিদিবেন্দ্রনারায়ণ নন্দী।

গিরিজা। তাঁকে এক্ষুণি পাঠিয়ে দাও।

রতনলাল চলে গেলেন

কার্তিক। ভদ্রলোক আসতে অনেক সময় নিয়েছেন।

ত্রিদিবেন্দ্র এলেন

গিরিজা। আসুন। আপনাকে কষ্ট দিলুম—

ত্রিদিবেন্দ্র। না, না, কষ্ট আর কি। আমি একটা কাজে ব্যস্ত থাকায় আসতে দেরী হ'ল।

গিরিজা। বলুন।

ত্রিদিবেন্দ্র। না, আর বসব না। আমার একটু তাড়া আছে। তারপর, ব্যাপারটা কি?

গিরিজা। কুমার জগদীশপ্রসাদ পাইনকে চেনেন?

ত্রিদিবেন্দ্র। না। আগ্রহও নেই। কেন, কি হয়েছে?

গিরিজা। তাঁকে হত্যা করা হয়েছে।

ত্রিদিবেন্দ্র। হত্যা! কি ভয়ানক কথা!

গিরিজা। আপনি তাঁকে চিনতেন?

ত্রিদিবেন্দ্র। পৃথিবীতে এত লোক থাকতে হঠাৎ আমার কাছে খোঁজ নিচ্ছেন কেন?

গিরিজা। হয়ত' কোথাও কিছু ভুল হয়েছে।

নেপথ্যে দু'জন কথা কইছে। ঘরের ভেতর থেকে শোনা যাচ্ছে

অনাথ। (নেপথ্যে) আমায় ভেতরে যেতে দিন।

দরকারী কথা আছে।

রতন। (নেপথ্যে) গুঁরা এখন ব্যস্ত।

গিরিজা। কে গোলমাল করছে রতন?

রতনলাল এলেন

রতন। আজ্ঞে অনাথ বলছে আপনার সঙ্গে দেখা করতে চায়। ভয়ানক দরকারী কথা।

গিরিজা। আচ্ছা, তাকে পাঠিয়ে দাও।

রতন চলে গেলেন ও অনাথ এলেন

অনাথ। আপনি নিশিকান্তবাবুর খোঁজ করছিলেন? উনিই নিশিকান্তবাবু।

ত্রিদিবেন্দ্রের দিকে দেখালেন

গিরিজা। তুমি ভুল করছ'। ইনি জমিদার ত্রিদিবেন্দ্র-নারায়ণ নন্দী।

অনাথ। জমিদার হতে পারেন, কিন্তু ইনিই নিশিবাবু।

ত্রিদিবেন্দ্র। পাগল।

ত্রিদিবেন্দ্র। পাগল হতে যাব কেন? আপনাকেই আমি সেদিন ওঘর থেকে বার হতে দেখে জিজ্ঞেস করেছিলুম—“আপনি কে?” আপনি নিজের মুখেই বলেছিলেন—“আমার নাম নিশিকান্ত মুখোপাধ্যায়। কাল আসব বলে ঘরটা একবার দেখতে এসেছিলুম।”

ত্রিদিবেন্দ্র । কি যা-তা বলছ হে ?

অনাথ । আজকে নীচে আপনি যখন লিফ্টে উঠছেন, আমি বংশীর সঙ্গে গল্প করছিলুম । আপনাকে দেখে আমি নমস্কার করলুম । আপনিও মাথা নেড়ে লিফ্টে চড়ে ওপরে চলে এলেন । আমিও এঁদের খবর দিতে এলুম । সিঁড়ি দিয়ে হেঁটে আসতে যতটুকু দেবী ।

ত্রিদিবেন্দ্র । মিথ্যা কথা ।

অনাথ । কি ! আমি মিথ্যে কথা বলছি ? এসব লুকোচুরি কিসের—

গিরিজা । অনাথ, চুপ কর । তা হ'লে স্বীকার করছেন যে আপনিই নিশিকান্ত নামে পাশের ঘরটা ভাড়া নিয়েছিলেন ?

ত্রিদিবেন্দ্র । হ্যাঁ । ( অনাথকে দেখিয়ে ) ওর সামনে ছাড়া কথা কি চলতে পারে না ?

গিরিজা । নিশ্চয়ই পারে । অনাথ, তুমি বাইরে গিয়ে অপেক্ষা কর । দরকার হ'লে ডেকে পাঠাব ।

অনাথ চলে গেলেন

আপনি নাম ভাড়িয়ে এই ঘরটা ভাড়া নিয়েছিলেন কেন ?

ত্রিদিবেন্দ্র । আমার দরকার ছিল ।

গিরিজা । কি দরকার জানতে পারি কি ?

ত্রিদিবেন্দ্র । মাহুষের প্রাইভেট জীবন নিয়ে টানাটানি করা উচিত নয় ।

গিরিজা । আমিও করতুম না, যদি না আপনার চালচলন এত মিস্টারিয়াস হ'ত ।

ত্রিদিবেন্দ্র । আমার পাওনাদার অনেক, অথচ সমস্ত টাকা ব্যবসায় আটকে রয়েছে । তাই কিছুদিন গা ঢাকা দিয়ে থাকবার মতলবে এই ফ্ল্যাটটা ভাড়া করেছিলুম ।

গিরিজা । যদি তাই আপনার মতলব ছিল, তবে এমন ঘর নিলেন কেন—যার পাশের ঘরে পরিচিত লোক থাকেন ।

ত্রিদিবেন্দ্র । এখানে আমার পরিচিত লোক কোথায় ?

গিরিজা । কেন ? কুমারবাহাদুর—

ত্রিদিবেন্দ্র । ( উত্তেজিত হয়ে ) আমি বারবার বলছি, তাঁকে চিনি না তবুও আপনি একই কথা বলে যাচ্ছেন । আপনি কি বলতে চান যে আমি মিথ্যা কথা কই ?

গিরিজা । সব সময় ক'ন কি-না জানি না, তবে এখন যে বলছেন সে বিষয়ে আমার কোন সন্দেহ নেই । অপরিচিত লোককে কেউ বাড়ীতে থাকার নিমন্ত্রণ করে না ।

ত্রিদিবেন্দ্র । তার মানে ?

গিরিজা । আপনি কুমারবাহাদুরকে ২২শে মে ডিনারে নিমন্ত্রণ করেছিলেন ।

ত্রিদিবেন্দ্র । একেবারে বাজে কথা ।

গিরিজা । প্রমাণ আমাদের কাছেই আছে । কার্তিক চিঠিটা পড় তো ।

কার্তিক । ( চিঠি বার ক'রে পাঠ ) “—নং চৌরঙ্গী টেরেস, থার্ড মে । বড়ই দুঃখের সঙ্গে জানাচ্ছি যে ২২শে মে রাত্রি আটটার সময় আমার বাড়ী আপনার ডিনারের যে নিমন্ত্রণ ছিল তাহা ক্যানসেল করা হ'ল ।”

গিরিজা । চিঠির কাগজও আপনার । ওপরে মনোগ্রাম করা রয়েছে ।

ত্রিদিবেন্দ্র । ( দেখে ভীত হয়ে ) এ কি রকম ক'রে হ'ল । আমি এ চিঠি ডিস্ট্রিক্ট করেছি তিন তারিখে, আর আজ আঠারোই । এতদিন কোথায় ছিল ?

গিরিজা । আজ কুমারবাহাদুরের নামে সকালের ডাকের অণ্ড সব চিঠি-পত্রের সঙ্গে এটাও ছিল । তা হ'লে আপনি তাঁকে চিনতেন ?

ত্রিদিবেন্দ্র । ( চমকে ) না ।

গিরিজা । কিন্তু এখুনি যে নিজের মুখেই স্বীকার করলেন যে আপনি তাঁকে চিঠি লিখে বারণ করেছিলেন । নিমন্ত্রণও আপনিই করেছিলেন, স্মতরাং পরিচয়ও ছিল ।

ত্রিদিবেন্দ্র । এখন দেখছি অস্বীকার করা বৃথা । আমি তাঁকে চিনতুম বটে, কিন্তু দু' চক্রে দেখতে পারতুম না । অথচ তিনি গায়ে পড়ে আমার সঙ্গে মিশতেন । সেদিনকার নিমন্ত্রণটা তিনি অনেকটা জোর ক'রে আদায় করেছিলেন বলা যায় । পাচজনের সামনে বলতে আর আপত্তি করিনি । বাড়ী গিয়েই তাই চিঠি লিখে নিমন্ত্রণ ক্যানসেল করেছিলুম । আমার সেক্রেটারী চিঠিটা কোথায় ফেলে—

গিরিজা । বুঝেছি । সেইজন্য আপনি তার সঙ্গে আলাপ ছিল সেটা অস্বীকার করছিলেন ।

ত্রিদিবেন্দ্র । হ্যাঁ । আমি যখন এইখানে ঘর ভাড়া নিই তখন জানতুম না যে উনি পাশের ঘরে থাকেন ।

গিরিজা । সেক্রেটারীকে চিঠি ডিস্ট্রিক্ট করবার পর কুমারবাহাদুরের ঠিকানাটাও নিশ্চয়ই ব'লে দিয়েছিলেন ?

ত্রিদিবেন্দ্র । তা বলেছিলুম বই কি ?

গিরিজা। তবু আপনি বলতে চান যে কুমারবাহাদুর এখানে থাকেন জানতেন না ?

ত্রিদিবেন্দ্র। ( ভ্যাভাচ্যাকা খেয়ে ) আপনার এভাবে প্রশ্ন করার ভঙ্গী আমি পছন্দ করি না।

গিরিজা। তজ্জন্ম আমি দুঃখিত। আপনি সাধারণত রাত্রি ছাড়া এখানে আসতেন না।

ত্রিদিবেন্দ্র। না।

গিরিজা। শেষ কবে এসেছিলেন ?

ত্রিদিবেন্দ্র। দু-তিন রাত্রি আগে।

গিরিজা। কাল রাত্রে তবে এখানে আসেন নি ?

ত্রিদিবেন্দ্র। না।

গিরিজা। আপনার জুতোর তলা রবারের দেখছি।

ত্রিদিবেন্দ্র। হ্যাঁ। কেন ?

গিরিজা। বেশ স্টাইল। কাদের তৈরি দেখি। পা-টা একটু উঁচু করবেন ?

ত্রিদিবেন্দ্র। কি আবোল-তাবোল বকছেন। নিন, দেখুন।

অনিচ্ছাসঙ্গেও পা উঁচু করলেন। গিরিজা ঝুঁকে পড়ে দেখলেন

গিরিজা। ধন্যবাদ। XXX মার্ক। ঠিক অবিকল এই জুতোর ছাপ ঐ ঘরে কার্পেটের ওপর আছে। ঘরের কাজ রোজ সকাল-সন্ধ্যা করা হয়। সূতরাং ঐ দাগ কাল সন্ধ্যার পরের।

ত্রিদিবেন্দ্র। আমার ঘরে যদি আমি এসেই থাকি—

গিরিজা। ( উঠে একটা চেয়ার সরিয়ে ) এই দাগের সঙ্গেও মিলে যাচ্ছে। আপনি এ ঘরেও এসেছিলেন।

ত্রিদিবেন্দ্র। ( একটু ভেবে ) শরীরটা খারাপ লাগতে ভালুম একটু ব্র্যাণ্ডি খাই। মাকের দরজায় খটখট করতে এ ঘরের ভদ্রলোক নিজের দিকের ছিটকিনি খুলে দিলেন। আমার দিকেরটা খুলে দরজা খুলতেই—

গিরিজা। কুমারবাহাদুরকে দেখে অবাক হয়ে গেলেন!

ত্রিদিবেন্দ্র। নিশ্চয়ই। তাঁকে দেখব আশা তা করি নি—

গিরিজা। একটু অপ্রস্তুতও নিশ্চয়ই হলেন। নিমন্ত্রণ ক্যানসেল ক'রে আবার তাঁরই কাছে—

ত্রিদিবেন্দ্র। বিলক্ষণ অপ্রস্তুতে পড়লুম।

গিরিজা। কিন্তু দরজা খোলবার আগে তো আপনি জানতেন না যে কুমারবাহাদুর এঘরে—

ত্রিদিবেন্দ্র। সে তো বটেই। জানলে কি আর তাঁকে—

গিরিজা। অথচ ঠিকানাটা আপনি নিজেই সেক্রেটারীকে ডিক্টেট করেছিলেন—

ত্রিদিবেন্দ্র। ( মুস্কিলে পড়ে ) আপনি লোককে ঠিক-ভাবে গুছিয়ে কথা বলতে দেন না।

গিরিজা। না। ভেবে চিন্তে মিথ্যা কথা গুছিয়ে বলতে দিই না। আপনি কাল এঘরে রাত্রে এসেছিলেন। ব্র্যাণ্ডি অথবা অল্প কোন কারণে—

ত্রিদিবেন্দ্র। ব্র্যাণ্ডির জন্ম।

গিরিজা। আপনি এই হত্যা সম্বন্ধে কি জানেন ?

ত্রিদিবেন্দ্র। কিচ্ছু না।

গিরিজা। আপনার জুতায় “টো”য়ের কাছটায় সামান্য একটু রক্ত লেগে রয়েছে।

ত্রিদিবেন্দ্র। ( দেখে ভীতভাবে ) তাই তো !

গিরিজা। এইবার বলবেন ?

ত্রিদিবেন্দ্র। আমার কিচ্ছু বলার নেই।

গিরিজা। ( পকেট থেকে কাট্‌জ কেম বার ক'রে ) এটা আপনার ঘরে কি ক'রে গিছল বোঝাতে পারেন ?

ত্রিদিবেন্দ্র। ( নার্ভাস হয়ে ) আমার ঘরে পেয়েছিলেন ?

গিরিজা। হ্যাঁ।

ত্রিদিবেন্দ্র। এতক্ষণ একথা বললেই পারতেন। অস্বীকার করবার চেষ্টা করতুম না।

গিরিজা। আপনি তবে এই হত্যা সম্বন্ধে কিচ্ছু জানেন ?

ত্রিদিবেন্দ্র। আমার দ্বারাই তিনি হ'ত হয়েছেন। তবে ইচ্ছাকৃত নয়, হঠাৎ।

গিরিজা। হত্যা করেছেন! স্বীকারোক্তি দেবেন ?

ত্রিদিবেন্দ্র। হ্যাঁ দেব।

গিরিজা। আপনি স্বেচ্ছায় স্বীকার করছেন, আমরা বাধ্য করিনি। আর দরকার হ'লে আপনার বিরুদ্ধে স্বীকারোক্তি ব্যবহার করতে পারি।

ত্রিদিবেন্দ্র। জানি, তবুও যা বলবার বলব।

গিরিজা। কার্ত্তিক, এঁর বক্তব্য আলাদা কাগজে লিখে নাও।

ত্রিদিবেন্দ্র বলতে ও কার্ত্তিক লিখতে লাগলেন

ত্রিদিবেন্দ্র। আমার ভাইঝি বাসন্তী একটু বেশী মাত্রায় মডার্ন হয়ে পড়েছিল। আমি দেশে জমিদারী দেখাওনা করতুম। দাদা রেলের একটা বড় চাকরি করতেন। বেশীর

ভাগ সময়ই ট্যারে থাকতেন। বাসন্তী এলাহাবাদে হোস্টেলে থেকে পড়ত। সেইখানেই কুমারবাহাদুরের সঙ্গে তার আলাপ হয়। হঠাৎ একদিন দাদার চিঠিতে জানলুম যে কুমারবাহাদুর বাসন্তীকে নিয়ে কোথায় সরে পড়েছে। দাদা সেই শোকে মারা গেলেন। আমি প্রতিশোধ নেবার সুযোগ খুঁজতে লাগলুম। সন্ধান নিয়ে জানলুম সে কলকাতার হোটেল “ক্যাসিনো”তে উঠেছে। আমিও অনুসরণ করলুম। প্রথমে বাড়াতে নিমন্ত্রণ করে খাবারে বিষ মিশিয়ে দেব মনে করেছিলুম। পরে ভেবে দেখলুম তাতে জানাজানি হবার সম্ভাবনা। তাই নিমন্ত্রণ বাতিল করে দিলুম। তারপর নিশিকান্ত নামে তার পাশের ঘর ভাড়া নিলুম। দিনে আসতুম না, পাছে দেখে ফেলে। মধ্যে মধ্যে রাত্রে এসে সুযোগ সন্ধান করতুম। কাল ওর দরজায় ধাক্কা দিতে দেখি খোলা। তখন রাত সাড়ে বারোটা হবে। মাঝের দরজার ছিটকিনি খুলে রেখে নিঃশব্দে রিভলভার হাতে ওর ঘরে ঢুকলুম। গিয়েই এদিককার মানের দরজার ছিটকিনিটা খুলে দিলুম। সে চেয়ারে বসে নেশায় তুলছিল। শব্দ শুনে আমার দিকে ফিরে চাইলে। রিভলভার দেখে নেশার ঘোর ছুটে গেল, ভীতভাবে আমায় জিজ্ঞেস করল—“আপনি কে?” আমি বললুম—“আমি বাসন্তীর কাকা। সে কোথায়?” সে উত্তর দিলে—“জানি না। অনেক দিন আমাদের ছাড়াছাড়ি হয়ে গেছে।” আমি বললুম—“আমাদের অপমানের আজ প্রতিশোধ নেব। তোমায় খুন করব।” সে ভয়ে আমার পায়ের কাছে বসে পড়ল। আমি একটু অন্তমনস্ক হয়ে গিচ্ছলুম, হঠাৎ সে লাফিয়ে উঠে আমার হাতে সজোরে ঘুঁষি মারলে। রিভলভারটা ছটকে বেরিয়ে গেল। সে তাড়াতাড়ি টেবিলের দেরাজ থেকে রিভলভার বার করে আমার দিকে লক্ষ্য করলে। প্রাণের ভয়ে আমি তার ওপর ঝাঁপিয়ে পড়লুম। বুটো-পুটিতে টেবল ল্যাম্পটা পড়ে ভেঙ্গে চুরমার হয়ে গেল। সেই সময় হঠাৎ তার হাতের রিভলভারটা আপনিই ছুঁড়ে গেল। আমার হাতের মধ্যে সে নেতিয়ে পড়ল। আমার ঘর থেকে একটু একটু আলো আসছিল। দেখলুম গুলি তার মাথায় প্রবেশ করায় সে মরে গেছে। তাড়াতাড়ি তাকে রেখে দিয়ে নিজের ঘরে এসে মাঝের দরজাটা বন্ধ করে

দিলুম। তারপর একটু দম নিয়ে নিঃশব্দে হোটেল থেকে সরে পড়লুম।

গিরিজা। তা হলে আর একটা রিভলভার থাকবার কথা। এ ঘরটা তো তন্ন তন্ন করে খুঁজেছি, কিন্তু—

ত্রিদিবেন্দ্র। হয় তো আমার ঘরে আছে। টেবিলের তলায় কিংবা—

কার্তিক দরজা খুলে পাশের ঘরে গেলেন। একটা রিভলভার হাতে বেরিয়ে এলেন। মাঝে দরজাটা আবার বন্ধ করে দিলেন

কার্তিক। এই যে আর একটা রিভলভার ওঘরের টেবিলের তলা থেকে পাওয়া গেছে।

ত্রিদিবেন্দ্র। ঐটাই আমার। বাঁটে নাম লেখা আছে।

কার্তিক। (দেখে) তা আছে বটে।

গিরিজা। কুমারবাহাদুরের পকেট থেকে একতাড়া নোট পড়ে যেতে দেখেছিলেন কি?

ত্রিদিবেন্দ্র। না, তা লক্ষ্য করিনি।

গিরিজা। (ফোনে) হ্যালো—দামোদরবাবুকে ডেকে দিন। (ত্রিদিবেন্দ্রের প্রতি) আপনাকে এখন কিছুক্ষণ এইখানে থাকতে হবে। (ফোনে) কে? দামোদরবাবু? হ্যাঁ, শুনুন—আর কোন ঘর খালি আছে? দোতালায় ১৩ নম্বর—একটু ব্যবহার করতে পারি? আচ্ছা, ধন্যবাদ। (ফোন রেখে) কার্তিক, রতনকে একবার ডাক’।

কার্তিক চলে গেলেন

ত্রিদিবেন্দ্র। আমার ঐ গর্দভ সেক্রেটারীর জঞ্জাই ধরা পড়ে গেলুম। সে যদি ঠিক সময় চিঠি পাঠাতো, তা হলে এতদিনে কুমারবাহাদুর চিঠি পড়ে ছিঁড়ে ফেলে দিত।

গিরিজা। আমাদেরও বিলক্ষণ অসুবিধা হত।

কার্তিক ও রতন এলেন

রতন, তুমি এঁকে সঙ্গে করে দোতালার ১৩ নম্বর ঘরে বসিয়ে রেখে এস। দরজায় একটা পুলিশ মোতায়েন করে দিও। ত্রিদিবেন্দ্রবাবু, আপনি এর সঙ্গে যান।

রতন। আপনার সঙ্গে একটা কথা ছিল, স্মরণ।

গিরিজা। ঠুঁকে আগে পৌঁছে এস।

ত্রিদিবেন্দ্র ও রতন চলে গেলেন

আচ্ছা মুন্সিলে পড়া গেল। ইনিও তো স্বীকার করে বসলেন।

টেলিফোনের ঘণ্টি বাজল। কার্তিক ধরলেন

কার্তিক। হ্যালো—হ্যাঁ, হোটেল ‘ক্যাসিনো’ থেকে

বলছি। আমি কার্তিক। আপিস থেকে—আচ্ছা। গুলি  
বেগ ভেদ ক’রে গেছে?—তক্ষুণি মারা গেছেন।—রিভলভার  
পরীক্ষা করা হয়েছে? গুলিটা ঐ রিভলভার থেকেই ছোঁড়া  
—হ্যাঁ। সাইলেন্সার ফিট করা ছিল—ঠিক হয়েছে, তাই  
কেউ শব্দ শোনে নি। ওঃ, এখানকার লাইসেন্স নয়। নাম  
ধাম পরে পাওয়া যাবে। নোট আর অ্যাশটের আঙ্গুলের ছাপ  
এক নয়?—রেকর্ডের সঙ্গে মিলিয়ে দেখে বলবেন—আচ্ছা।

ফোন রেখে দিলেন

সব শুনলেন তো?

গিরিজা। বংশীকে তবে বাদ দেওয়া যেতে পারে।  
একটু আগে আমরা তো ওকেই দোষী মনে করেছিলুম।

রতন এলেন

এই যে রতন, কি বলবে বলছিলে না?

রতন। আজ্ঞে, কিছুক্ষণ আগে যে টেলিফোন ক্লার্ক  
রাড্রে ডিউটিতে থাকে তার সঙ্গে কথা হচ্ছিল। সে বললে  
—কাল রাতে কুমারবাহাদুর লাইন চেয়েছিলেন।

গিরিজা। তিনিই যে চেয়েছিলেন তা সে কি করে বুঝলে?

রতন। ঘরের নম্বরে আর গলার আওয়াজে। তিনি  
প্রায়ই টেলিফোন ব্যবহার করতেন। তাই তাঁর গলার  
আওয়াজ তারা চিনত। কিন্তু আশ্চর্য্য এই যে, লাইন চেয়ে  
তিনি রিসিভার রেখে দিয়েছিলেন।

কার্তিক। ক’টার সময়?

কার্তিক নোট বই দেখতে লাগলেন

রতন। রাত দু’টো।

কার্তিক। কি ক’রে জানলে?

রতন। খাতায় ওরা লোকের নাম আর সময়  
টুকে রাখে।

গিরিজা। আচ্ছা, তুমি যেতে পার। বাইরেই থেক।

রতন চলে গেলেন

কার্তিক। কি রকম বুঝছেন সুর?

গিরিজা। আর কিছুক্ষণ এ রকম চললে পাগল হয়ে যাব।

কার্তিক। হোটেলের লোকেরা মিথ্যে কথা বলছে।  
একজনের সঙ্গে আর একজনের কথা মিলছে না। এই ধরন,  
বংশী আর গণেশবাবুর কথা।

গিরিজা। ওদের দু’জনকে একসঙ্গে হাজির করি!

রতন!

রতন এলেন

বংশী আর গণেশবাবুকে এক্ষুণি আসতে বল।

রতন চলে গেলেন

কার্তিক। (নোট বই দেখে) সাড়ে বারোটোর সময়  
টেবল্ ল্যাম্প ভেঙ্গে চুরমার হয়ে গেল, অথচ একটার সময়  
বনমালীবাবু এসে ল্যাম্পকে জলন্ত অবস্থায় সুস্থ শরীরে  
দেখতে পেলেন—

গিরিজা। কিছুই বুঝতে পারছি না।

কার্তিক। কুমারবাহাদুর কিছ বেষ রসিক লোক।  
একবার সাড়ে বারোটায় মরলেন, আবার দেড়টার সময়  
ঝুটোপুটি করে মরলেন। তারপর দু’টোর সময় টেলিফোন  
করতে গেলেন এবং তাতেও মত বদলালেন। কিছুতেই  
আর মনস্থির করতে পারলেন না। তার ওপর আবার  
বনমালীবাবুর পকেট থেকে কুমারবাহাদুরের রক্তমাখা রুমাল  
আর ত্রিদিবেঙ্গবাবুর জুতায় রক্ত—আর ঘর থেকে খালি  
কাটিজ্জ কেস পাওয়া গেল।

গিরিজা। এ দেখছি সব ভূতুড়ে কাণ্ড।

দরজার খটপট শব্দ

কে। কার্তিক দেখ ত।

কার্তিক। (দরজা খুলে দেখে) আসুন গণেশবাবু,  
ভেতরে আসুন।

গণেশ এলেন

গণেশ। আবার হামিকে কি জন্তু বুলায়েছেন?

গিরিজা। কাল রাড্রে লিফ্ট কাজ করছিল না বলে  
আপনি সিঁড়ি দিয়ে ওপরে উঠেছিলেন—না?

গণেশ। এ কথা তো আগেই বলেছে।


গিরিজা। কিন্তু লিফ্টম্যান বলছে লিফ্ট কাজ  
করছিল। তারপর আপনি ওপরে এসে দেখলেন লিফ্ট  
খালি—কেমন?

গণেশ। হ্যাঁ, তাতে কোন আদমী ছিলে না।

গিরিজা। কিন্তু সে বলছে যে লিফ্ট ছেড়ে সে  
একদণ্ড কোথাও যায়নি।

গণেশ। তার হামি কি করতে পারে?







গিরিজা। কোন্টা সত্যি ?

গণেশ। হামি জানে না। লেকিন মিথ্যে কথা বোলবার জন্তু ঝুটমুট এতনা সিঁড়ি উঠিবার হামি হাসি দেখে না।

গিরিজা। লিফ্টম্যানও এখুনি এল' বলে।

গণেশ। হামাকে আগে বুলালেন কেন ? কত কাজের লুকসান—

রতন এলেন

রতন। বংশী এসেছে।

গিরিজা। পাঠিয়ে দাও।

রতন চলে গেলেন ও বংশী এলেন

বংশী, কাল গণেশবাবুকে লিফ্টে ওপরে এনেছিলে ?

বংশী। আজ্ঞে হ্যাঁ।

গিরিজা। উনি কিন্তু তা স্বীকার করছেন।

বংশী চুপ করে রইল

তোমার কি বলবার আছে বল।

তবুও চুপ করে রইল

এই ফ্ল্যাটে একটা খুন হয়েছে। মিথ্যে কথা বললে বিপদে পড়তে হবে।

বংশী। আমার হয়ত' ভুল হয়েছে। উনি যদি রাত্রে বাড়ী না ফিরে থাকেন—

গণেশ। হুঁ। এইবার হামি রাত্রে বাড়ী ফেরে না বলছে। সব ঝুট আছে—

গিরিজা। তুমি সব সময়েই লিফ্টে ছিলে ?

বংশী। আজ্ঞে হ্যাঁ। একদণ্ডও লিফ্ট ছেড়ে যাইনি।

গিরিজা। গণেশবাবু, আপনি কি বলছেন ?

গণেশ। হামি বলছে, কাল রাত্রে অনেকবার ঘণ্টি বাজিয়ে লিফ্ট নামলে না দেখে সিঁড়ি দিয়ে হেঁটে ওপরে এসেছে। এসে দেখেছে যে লিফ্টে কোন আদমী নেই।

গিরিজা। বংশী, সত্যি বল। হত্যা সম্বন্ধে কি জান ?

বংশী। ( ভীতভাবে ) আজ্ঞে, কিছু না। আমি এ

সবের কিছু মধ্য নেই। ( একটু থেমে ) আমি হুজুর কাল লিফ্টে ছিলুম না।

গিরিজা। তুমি ছিলে না! তবে কে ছিল ?

বংশী। অনাথ।

গিরিজা। অনাথ কাল ছুটিতে ছিল না ?

বংশী। শেষ মুহূর্তে আমাকে বলে আবার কাজে লেগেছিল। বলেছে শনিবারে ছুটি নেবে। অবশ্য কৰ্ত্তা জানেন না।

গণেশ। যো কোই ছিল হামি হেঁটে সিঁড়ি উঠেছে। এবার হামি যাচ্ছে। হামার অনেক কাজ পড়ে আছে—

গিরিজা। আপনি এবার যেতে পারেন। ধন্যবাদ।

গণেশ চলে গেলেন

কার্ত্তিক। ( নোট বইয়ে কাটাকুটি করে ) এতক্ষণ এ কথা বল'নি কেন।

বংশী। চাকরির ভয়ে।

গিরিজা। যত সব মিথ্যা বলে সব পণ্ডশ্রম ক'রে দিলে। যাও এখান থেকে। অনাথকে পাঠিয়ে দাও।

বংশী। সে নিজের বাসায় গেছে—

গিরিজা। যেখান থেকে হোক তাকে ধরে আন। তোমার জন্তুই যা-কিছু গুণগোলের সৃষ্টি হয়েছে। যাও—

বংশী চলে গেলেন

কার্ত্তিক। সব বুঝি ভেসে যায়।

গিরিজা। আমার মাথা ঘুরিয়ে দিয়েছে।

কার্ত্তিক। এই সময় আর এক কাপ চা খেলে ধাতস্থ হওয়া যেতে পারে।

গিরিজা। হুঁ। রতন!

রতন এলেন

নীচে থেকে এখুনি আসছি। দরজা থেকে নড়ো না।

রতন। আজ্ঞে হ্যাঁ।

কার্ত্তিক। ঘরে চাবিও দিয়ে যেতে হবে।

গিরিজা। নিশ্চয়ই।

সকলে চলে গেলেন

ক্রমশঃ



# বনবাস

## শ্রীবিজয়রত্ন মজুমদার

দিনকতক বাহিরে যাইবার দরকার হইয়া পড়িয়াছিল। পরীক্ষার খাতাগুলো দেখা হইবে, শরীরটাকে কতকটা চাঙ্গা করিয়া লওয়া হইবে। স্থান নির্বাচন করাই মুশ্কিল। যেখানেই অজ্ঞাতবাস করি না, “স্মার, আমার নম্বরটা স্মারের” দল সেখানেই হানা দেয়। জগদীশ্বর সর্বজ্ঞ ও সর্বত্র বিরাজমান কি-না সে বিষয়ে মতদ্বৈধ থাকিতে পারে, কিন্তু ইহারা অমনিপ্রেজেন্ট ইহা সর্ববাদীসম্মত সত্য। এক সহকর্মী কহিলেন, তাঁহার স্বর্গীয় স্বপ্তুর মহাশয় এককালে রহমতপুরে একখানি সুন্দর বাঙলো নির্মাণ করিয়াছিলেন, দু’একবার গিয়াছিলেনও, শেষকালে রামঃ করিয়া ত্যাগ করিয়াছিলেন। বাঙলোখানি পড়িয়া আছে। জলবায়ু উত্তম, স্থানও নির্জন। দু’তিন ক্রোশের মধ্যে বসতি নাই, মাহুষের মুখও দেখা যায় না, গরু বাছুরও বিরল। ষ্টেশন হইতে তিন মাইল মাঠের মধ্য দিয়া পথ। মাইল চারেক দূরে একটি গ্রামে সপ্তাহে একদিন হাট বসে, খাণ্ডদ্রব্যাদি সেই হাটে সংগ্রহ না করিলে একাদশীর ব্যবস্থা প্রশস্ত। আমি এই রকম স্থানেরই সন্ধান করিতেছিলাম। বাঁচা গেল—বলিয়া যাত্রা করিলাম। ছোট ষ্টেশন, ফ্যাগ ষ্টেশন বলিয়াই মনে হইল। প্লো প্যাসেঞ্জার ছাড়া অন্য গাড়ী থামে না; ষ্টেশনে মাষ্টার, পোর্টার, ঘন্টি-মারো, সিগন্যালম্যান যা-কিছু সব একজন। তিন মাইল হাঁটিয়া বাঙলোয় আসিয়া উঠিলাম। স্থানটি বিহারের অন্তর্গত হইলেও মার্চমাসের শেষেও খুব গরম নয়। হাঁ, নির্জন যাকে বলে—এতখানি পথ আসা গেল, একটি জনমানবের মূর্তি দেখিলাম না।

সেদিন হাটবার, চাকরেরা হুলা করিয়া হাট করিতে গেল, বাসায় একলাই রহিলাম। বনবাস বলা যায় না, কেননা বন বড় নাই, তবে প্রান্তর-বাস নিঃসন্দেহে বলা চলে। বাঙলোর বামদিকে রশি পাঁচেক দূরে একটি মসজিদ, তাহার নীচে একটি পুকুর; আর সামনে খানিকটা তফাতে একটি ক্ষুদ্র মন্দির। অতীতকালেও বোধ করি হিন্দু মুসলমানের সমস্তাটা একদিন জটিল হইয়া উঠিয়াছিল এবং সামঞ্জস্য-বিধান জন্ত উভয় পক্ষকেই ঐ ভাবে শান্ত করা হইয়া

থাকিবে। মসজিদের পুকুরটা ছোট কিন্তু পরিষ্কার, জল যেন কাচ, তর তর করিতেছে। বসিয়া বসিয়া সেইটাই দেখিতাম। আর কি দেখিব, ছাই? কোনদিকে যে কিছু নাই!

মসজিদটায় মাঝে মাঝে অনেক লোকসমাগম হইত। কোথা হইতে আসে কে-জানে। আজান শুনিবামাত্র পিল্ পিল্ করিয়া লোক আসিত। পুকুরে নামিয়া হাত পা ধুইত; মসজিদের বারাণ্ডায় দাঁড়াইয়া ও বসিয়া উপাসনা করিত।

আমি আশ্চর্য হইয়া ভাবি, এত বড় দিগন্তব্যাপী প্রান্তরটা—একটাও গাছ নাই কেন? এ অঞ্চলে মহুয়া গাছ ত প্রসিদ্ধ, তাহাও যদি একটা থাকিত তবে খানিকটা সবুজও চোখে পড়িত, তা’ও না। ঘাস, তা’ও নয়। যদি বা কোনখানে খানিকটা ঘাস দেখা যায়, সেগুলার রূপ ও রঙ এমনই যে ঘাস মনে না হইয়া কাঁকরই মনে হয়। অজ্ঞাতবাসের পক্ষে উত্তম স্থান সন্দেহ নাই। তবে মনে হইতেছে এতখানি উত্তম না হইয়া কিঞ্চিৎ অধম হইলেই ভাল হইত।

মাঠে মাঠে সকাল বিকাল একটু ঘুরি—কিন্তু ভাল লাগে না। মাঠ হইলে ভাল লাগিত, দুদশটা গরু চরিতে দেখা যাইত, দু’টা ড়হর জনারের ক্ষেত্র দেখিতাম, কিন্তু এ যে তা’ও না। সহকর্মীর স্বপ্তুর মহাশয়কে ধন্ববাদ দিব কিম্বা নিন্দা করিব, ভাবিয়া ঠিক করিতে পারিতেছি না। লক্ষণ যদি সীতাদেবীকে এই রকম স্থানে বনবাসে দিয়া যাইতেন, আমি শপথ করিয়া বলিতে পারি দেবী একটি দিনও বাঁচিতে পারিতেন না। লব কুশের হাতে বীণ দিয়া রামায়ণ গান গাওয়াইবার সাধও—না ফুটিতে ফুল ঝরিত মুকুল হইত না। আমাদের নাকি ছেলে-ঠেদান কড়া জান, তাই এই ধাপ-ধাড়া প্রান্তরবাসেও অক্ষুণ্ণ অধও রহিয়া গেলাম।

সেদিন দূরে বেড়াইতে না গিয়া, সেই মন্দিরটার দিকেই অগ্রসর হইলাম। সন্ধ্যা হয় নাই, তবে খুব বেশী দেবীও নাই; আলো আকাশ ছাড়িয়া যায় নাই, যাইবার জন্ত

প্রস্তুত বটে! বিদায়কালে লালসা-করণ চোখে পৃথিবীটা দেখিয়া লইতেছে। ওদিকের মসজিদটায় নমাজ সুরু হইয়া গিয়াছে। মন্দিরটা খুবই কাছে, মাঠ পার হইয়া গেলে হয়ত তিন চার মিনিটও লাগে না, রাস্তা ঘুরিয়া গেলে অনেকটা পথ। মন্দিরের ভিতরটায় অন্ধকার, সিঁড়ির নীচে দাড়াইয়া বিগ্রহটি কি তাহাই ঠাহর করিবার চেষ্টা করিতেছি, শুকনো খেজুর গাছ সদৃশ একটি মেয়ে ঠাকুর প্রণাম করিয়া বাহির হইয়া আসিয়া বলিল—তুমি বামুন?

প্রশ্নটা এত অকস্মাৎ, আর অকস্মাৎ বলিয়া এত অভদ্র যে জবাবটা মুখে আসিয়াও আসিল না।

আমাকে নিরুত্তর দেখিয়া সে বোধ করি বুঝিয়া লইল, আমি নিম্নজাতীয় লোকই হইব; বলিল—বামুন নয়, তবে আর কি হবে!—তাহার কথাগুলো নৈরাশ্রব্যঞ্জক।

এবার কথা কহিলাম, জিজ্ঞাসা করিলাম, বামুন হ'লে কি হ'ত?

মেয়েটি যেন রণচণ্ডী। ঝঙ্কার দিয়া বলিয়া উঠিল, কি আবার হবে! বাবার মাথায় দু'টো ফুল ফেলে দিতে। সারাদিন বাবার মাথায় আজ জল পড়লো না।

আমি যে দেখলুম, তুমি পূজো ক'রে প্রণাম করে উঠলে!

মেয়েটি উগ্রস্বরে বলিল, পূজো করলুম না আমার মুণ্ডু করলুম! মাথা করলুম। আমি শুধু ফুল বিবিপত্নর আর নৈবিদ্যিটা নামিয়ে রেখে বললুম—বাবা মহাদেব, আমাদের অপরাধ নিয়ো না বাবা। আমি এই সব রেখে যাচ্ছি, তুমি আপনি চান করো, আপনি খাও।

আমি বলিলাম, ঐ ত পূজো হলো। ওর নামই পূজো।

মেয়েটা এইবারে হাসিয়া ফেলিয়া বলিল, দূর! মস্তুর না বললে বুঝি পূজো হয়! তুমি আমারই নত মুখ্য। বামুন হ'লে জানতে, মস্তুর না পড়লে ঠাকুরদের পূজো হয় না।

হয়ত তাহার কথাই ঠিক। বহুবিধ জটিল শব্দ সমন্বয়ে বহুল অং বং ব্যতিরেকে ঠাকুরদের হয়ত ক্ষুধাও হয় না, আহায়ে রুচির উদ্রেকও হয় না—তাই আজও এমন মগ্ন রচিত হয় নাই যাহাতে অং বং না আছে। দেবতার দেবভাষা ছাড়া অন্য ভাষাও বোধ করি জানেন না, তাই বিবাহে প্রাক্তে দেবভাষা উচ্চারণ করিতে যাহাদের কণ্ঠতালু আরবের মরুভূমি হইয়া যায়, তাহাদিগকে দিয়াও মটর কড়াই গম পিষাইয়া লইবার সনাতন ব্যবস্থা আজও অব্যাহত।

মেয়েটি কিছুক্ষণ ম্লানমুখে মন্দিরের বিগ্রহের দিকে চাহিয়া বলিল, আমি আর কি করবো ঠাকুর, বাবা আসতে পারলে না; নিশ্চয়ই কাজে আটকে পড়েছে, তুমি ত জানতেই পারছ ঠাকুর, অপরাধ নিয়ো না। বলিয়া মন্দিরের দরজা বন্ধ করিল; শিকলটা তুলিয়া দিয়া আমাকে বলিল, তুমি বুঝি ঐ বাড়ীটায় থাকো? রোজ এই দিকে তুমিই হাঁ করে চেয়ে বসে থাকো, না?

কথাগুলো এমন রসকসহীন এবং বলার ভঙ্গিটাও এমন কদর্য যে ঠাস করিয়া চড় বসাইয়া দিতে ইচ্ছা করে।

সে আবার বলিল, কি দেখো বল ত?

রাগ তুলিয়া, একটু রসিকতা করিলাম। বলিলাম, আর কি দেখবো, তোমাকেই দেখি!

মেয়েটা যে এমন কদর্য অর্থ করিবে তাহা জানিলে ও পথেই ঘেসিতাম না! বলিল কি-না, ঘরে বুঝি তোমার মা মেয়ে নেই! মর মিসে!

কিন্তু আমি যে অসদভিপ্রায়ে ঐ কথা বলি নাই সেই কথাটা তাহাকে বুঝাইয়া দিব, সে কিন্তু সে সময়টুকুও দিল না। গায়ের আঁচলটা টানিয়া, চাবির গোছাটা ঝনাৎ করিয়া পিঠের উপর ফেলিয়া হন্ হন্ করিয়া চলিয়া গেল।

আমি ডাকিলাম, শোন, শোন খুকী—

মেয়েটা আরও জোরে জোরে চলিতে চলিতে বলিল, তোর মা খুকি, তোর বোন খুকি, তোর সাতপুরুষ খুকী!—অদৃশ হইয়া গেল।

রাগিব কি, হাসি চাপিতে গিয়া বিষম খাইলাম। হাঁ, পাড়াকুঁড়লী বটে! মা, বোন, মেয়ে ইহারা যে পুরুষ-জাতীয় জীব নয় এবং সাতপুরুষের তালিকায় তাহাদের স্থান থাকিতে পারে না, কোঁদলের সময় সেটুকু তারতম্য করিবার দরকারও দেখিল না। বংশের আগত বিগত ও অনাগত নারীমাত্রকেই এককথায় পুরুষ বানাইয়া দিয়া কেমন হন্ হন্ করিয়া চলিয়া গেল। বাহাজুরী আছে বটে!

পরদিন প্রাতঃভ্রমণ করিয়া আসিয়া বারান্দায় ইজি-চেয়ারে বসিলাম। চাকর পড়িবার বই, অভিধান, খাতা-পেন্সিল, চুরুট-দান রাখিয়া গেল। একটা চুরুট ধরাইয়া মন্দিরটার পানে চাহিয়া রহিলাম। চাহিয়া থাকিও মুন্সিল, কেবল হাসি আসে। অজীর্ণ রোগীর পেটের ভিতরটা গুলাইয়া

উঠিয়া শুড় শুড় করিয়া উপরের দিকে কি-যেন উঠিতে চায়, আমার হাসিটাও তেমনই। যত মনে করি আর কত হাসিব, ততই হাসি আসে। আর আসিলে ধামাইতে পারি না। বই খুলিলাম, কিন্তু পড়িব কি ছাই, হাসি আসে আর অন্তমনস্ক করিয়া দেয়। এমনই হাসিতে হাসিতে বইএর পাতা হইতে চোখ তুলিবামাত্র দেখি, মন্দিরের সিঁড়িতে দাঁড়াইয়া সেই মেয়েটি দুইটি বুদ্ধাঙ্গুষ্ঠ উত্তোলিত করিয়া আমাকে কদলী ভক্ষণের নির্দেশ দিতেছে। তা'ও একবার দুইবার নয়, বোধ করি মিনিট দুই তিনের মধ্যে সে আমাকে বুড়িখানেক মর্তমান রস্তুা ভোজন করাইল। ফলে যা হইল, তাহা ভীষণ। এতক্ষণ যে হাসিটা পেটের ভিতরে ও দু'টি বন্ধ ওষ্ঠাধরে নিবদ্ধ ছিল, তাহাই এক্ষণে সশব্দে উৎকট হইয়া বাহিরিয়া পড়িল। আমি যত হাসি, সে তত কলা আগাইয়া দেয়। হাসির শব্দটা যে এত জোর হইয়াছিল, তাহা বুঝি নাই। ঠাকুর, চাকর, মায় দরোয়ান আসিয়া উকি দিতেছে দেখিয়া সামলাইবার চেষ্টা করিতে লাগিলাম; কিন্তু 'তা সে হবে কেন'! কলার কাঁদি তখনও অরূপণ করে ও অকাতরে বিতরিত হইতেছে। আমি মুখে রুমাল গুঁজিয়া ইঞ্জি-চেয়ারটায় শুইয়া পড়িলাম। মেয়েটার কলার কাঁদি বোধ হয় নিঃশেষ হইয়াছিল। করিল কি জানেন? একবার দাঁত খিঁচাইয়া, দীর্ঘ জিব বাহির করিয়া, আবার দাঁত খিঁচাইয়া, ছপ্ ছপ্ করিয়া মন্দিরে ঢুকিয়া গেল।

ঘড়িতে দেখিলাম, ১২টা বাজে। স্নানাহার করিতে হয়। কিন্তু অতগুলি কলার জন্ত কৃতজ্ঞতা প্রকাশ করিতে না পারিলে সুস্থির হওয়াও যায় না। চাকরকে ডাকিয়া বলিলাম, স্নানের জল ঠিক কর, আমি আসছি।

মন্দিরের সিঁড়িতে পদশব্দ শুনিয়া মেয়েটি এদিকে চাহিয়া আমাকে দেখিবামাত্র—ও বাবা, দেখো না—বলিয়াই হড় মড় করিয়া দরজাটা বন্ধ করিয়া দিল। আমি যে মা কালীর লক লকে জিহ্বাখানি কাটিতেই আসিয়াছি বুদ্ধিমতী তাহা ঠিক ধরিয়া ফেলিয়াছিল।

কিন্তু আমার যে ভাব না করিলেই নয়। কয়েক মিনিট দাঁড়াইয়া থাকিয়াও যখন দরজা খুলিল না, তখন যেন চলিয়া যাইতেছি এই ভাবে শব্দ করিয়া বাঁ দিকে সরিয়া গেলাম। মেয়েটাও বুকিল, আমি চলিয়া গিয়াছি, তবে সে নাকি অনেকগুলো অপরাধ করিয়া বসিয়াছে, একেবারে নিঃসন্দেহ

হইতে পারিল না। দরজাটা একটুখানি খুলিয়া, মুখ বাড়াইয়া উকি মারিয়াই—ওগো বাবা গো—বলিয়া ঝপাৎ করিয়া দরজা বন্ধ করিয়া দিল। এবার খিল আঁটিবার শব্দটুকুও পাওয়া গেল। স্মৃতরাং আজ আর বৃথা চেষ্টা—ভাবিয়া চলিয়া আসিবার উদ্যোগ করিতেছি, এমন সময়—কাকে চান ম'শয় আপনি?—ফিরিয়া দেখি, মেয়েটার বাবাই হইবেন, চেহারা একই রকম বটে! বলিলাম, চাই নে কাকেও, মন্দিরে ঠাকুর দেখতে—

কোথায় থাকা হয়? আপনারা? এই পটলি হারামজাদি, দরজা বন্ধ ক'রে কি করছিস? দরজা খোল। হ্যাঁ, কোথায় থাকেন বললেন?

আমি কিছুই বলি নাই, এখনও বলিলাম না। দরজা খুলিয়া গেল। মেয়েটি ভয়ে ভয়ে পাশে সরিয়া গেল।

এই হারামজাদি, পা ধোবার জল দে না, বলিয়া ব্রাহ্মণ হুকুম ছাড়িলেন। তারপর আমার দিকে চাহিয়া কণ্ঠস্বর অনেকটা মোলায়েম করিয়া বলিলেন, বাবার পূজা দেবেন?

পূজা দিতে আপত্তি ছিল না; কিন্তু উদ্দেশ্য যে তাহাই এমন কথাও বলিলাম না; চুপ করিয়া দাঁড়াইয়া রহিলাম। পটলি একটা কালো ছাতাধরা ঘটি আনিয়া সিঁড়ির উপর ঠক করিয়া নামাইয়া রাখিল। ব্রাহ্মণ পদপ্রক্ষালন করিতে লাগিলেন। পটলি ভালমাহুষটির মত দাঁড়াইয়া রহিল, একটু আগেও যে-আমাকে বাগান উজাড় করিয়া সাদরঘড়ে অনেকগুলো কলা খাওয়াইয়াছে, সেই-আমার পানে একটি-বার ফিরিয়াও চাহিল না। বুদ্ধ ব্রাহ্মণ মন্দিরে ঢুকিবার পূর্বে পুনর্বার জিজ্ঞাসা করিলেন, পূজা দেবেন?

বলিলাম, আজ থাক।

ব্রাহ্মণ চটিয়া গেলেন বুঝিলাম, কারণ একটা অগ্নিদৃষ্টি নিক্ষেপ করতঃ গর গর করিতে করিতে মন্দিরে প্রবেশ করিলেন। আমিও ফিরিলাম। যাইতে যাইতে এইটুকু শুনিলাম, কে রে লোকটা? উত্তর হইল—ঐ বাড়ীটায় থাকে। পটলি নালিশ দায়ের করে কি-না জানিয়া লইবার জন্ত এক মিনিট দাঁড়াইতে হইল। না, পটলি অসাধারণ বুদ্ধিমতী। সে জানিত, আমার বিরুদ্ধে কিছু বলিলে দশগুল ফিরাইয়া বলিবার মালমসলা সেই আমাকে অগ্রিম উপহার দিয়া রাখিয়াছে, আমি সেই উৎসৃষ্ট কলার কাঁদির সহ্যবহার করিব। ব্রাহ্মণের হাতের

ঘণ্টা নড়িতে লাগিল, কাল ঠাকুরের উপবাস গিয়াছে আজ ভালই পারণ করিবেন ভাবিতে ভাবিতে বাসায় ফিরিলাম।

সেই একটিবেলা! ঠাকুর দিনান্তে ঐ একবারই খান। কারণ সন্ধ্যাবেলা পটলির বাবাকেও দেখিলাম না, পটলিকেও দেখিলাম না। ইহাদের ঠাকুরটি ভাল, অতিশয় নিরীহ এবং অল্পেই সন্তুষ্ট, সাথে কি আর আশুতোষ নাম! ওদিকের মসজিদটায় নমাজ হইতেছিল, প্রতিদিন বোধ করি প্রতি প্রহরেই হয়! ভোরে, প্রায় রাত থাকিতে আজানের বিচিত্র মধুর ধ্বনি শুনি; আবার দিবাবসানেও নিত্য সেই সুর কাণে বাজে। জানি-না একই লোক আজানু দেয় কি-না, যেই দিক, কণ্ঠস্বর যেমন মিষ্ট, তেমনই উচ্চ। সুগায়কেরা কণ্ঠ সাধনা করিয়া থাকে শুনিয়াছি; ইহারাও তাহাই করিয়াছে সন্দেহ নাই। বিহারের পল্লীগ্রাম, কিন্তু মুরগীর ডাকে কোনদিন ঘুম ভাঙে নাই, ঐ আজানই আমার নিদ্রাভঙ্গ করিত। ধর্ম-কর্ম বলিতে যা বুঝায় তাহা লইয়া মাথা ঘামাইবার অবসর কখনও হয় নাই। তবে ভোরের বেলা বিছানায় আড়মোড়া ভাঙ্গিতে ভাঙ্গিতে এই কথাটাই ভাবিতাম—এই যে নিরলস নিষ্ঠা, অখণ্ড ঐকান্তিকতা, অস্ত্রে এমনটি দেখি না কেন? কাশীতে বাবা বিশ্বেশ্বরের ভোগারতি দিনে-রতে পঁচিশবার হয়, হোক—চিরদিন হোক; কিন্তু সে যাহারা করে, যাহারা দেখে, সে শুধু তাহাদেরই—কাশীর বাবা বিশ্বনাথ বিশ্বব্যাপী, সে ভক্তের মনে, তিনি ত সর্বত্র রূপ পরিগ্রহ করিয়া নাই! কাশী গিয়া, বৈষ্ণবাথে গিয়া, তারকেশ্বরে গিয়া, চন্দ্রনাথ কেদারে গিয়া হত্যা দিবার মাথা খুঁড়িবার লোকের অভাব নাই, তা'ও জানি। কিন্তু আমি এখানে নিত্য যে দৃশ্য দেখিতেছি, যে করুণ-গম্ভীর প্রার্থনা নিয়ত শুনিতেছি, তাহার সঙ্গে মিল কোথায় আছে কিছুতেই খুঁজিয়া পাই না কেন? দূরে কাছে বস্তী ত বড় কথা, একখানি কুটীর পর্যন্ত দেখি না, অথচ আজানের আহ্বানে এতো লোক জড়ো হয় কোথা হইতে? কই, ঐ মন্দিরে ত মহাদেব রহিয়াছেন, কে আসে! যাক, ধর্মপ্রচার করাও আমার উদ্দেশ্য নয়, ধর্মের গ্লানি করিবার জন্তও লেখনী ধারণ করি নাই। বড় কাছাকাছি—প্রায় পাশাপাশি জায়গায় যে দুইটা দৃশ্য নিয়ত চোখে পড়িতেছে, কিছুমাত্র সাদৃশ্য অথবা স্যামঞ্জস্য নাই বলিয়াই কথাগুলি স্বতোৎসারিত হইয়া পড়িল।

পরীক্ষার খাতাগুলো ফেরত দিবার দিন সন্নিহিতবর্তী, কাল সারারাত খাতা দেখিয়াছি। ভোরে ঘুমাইয়া পড়িয়াছিলাম, উঠিতে অনেক বেলা হইল। সঙ্গে সঙ্গে গোটাকতক চোঁয়া ঢেঁকুর উঠিয়া পড়িল। রাত্রে না ঘুমানোর ফল। দিবাভাগে আহার করিব না বলিয়া দিলাম। এক পেয়ালা চা ও পরে এক গ্লাস পাতিলেবুর সরবত খাইয়া বারান্দার ইজিচেয়ারটার পড়িয়া রহিলাম। ঘুমাইয়া পড়িয়াছিলাম বোধ হয়, হঠাৎ এক সময়ে চক্ষু চাহিয়া সোজা উঠিয়া বসিয়া দেখি, আমার স্নেহময়ী কদলীদাত্রী বাবার মন্দিরের সিঁড়িতে বসিয়া আছে। বাবার বরাতে আহার তখনও জুটে নাই, বুঝা গেল।

পটলি আমাকে আসিতে দেখিয়াই দাঁড়াইয়া উঠিয়াছিল। মনে হইল তরজা-গানটা মোহড়া দিয়া লইতেছে—কিন্তু আশ্চর্য্য হইয়া গেলাম, আমি কাছে আসিতেই একগাল হাসিয়া কাশ্মীর হইতে কন্ঠাকুমারিকা পর্যন্ত মাড়ি বাহির করিয়া বলিয়া উঠিল—তবেরে মিথ্যাবাদী! তুমি ত বামুন। সেদিন যে বড় বললে বামুন নয়।

বলিতে পারিতাম যে এতবড় মিথ্যাটা শুধু সেদিন নয়, কোন দিনই বলি নাই; কিন্তু কিছুই বলিলাম না, শুধু হাসিলাম। আসিবার সময় তাড়াতাড়িতে জামার বোতামগুলো দিই নাই—বোধ করি কদলীর লোভ ব্রাহ্মণ-গণের পক্ষে দুর্নিবার—আমার ব্রাহ্মণস্বের পতাকা দোতুল্যমান, তাহা দেখা যাইতেছিল।

পটলি বলিল, মহাদেবের পূজোটা ক'রে দাও না। বাবা সদরে গেছে মামলা করতে, বলেছিল ১২টার মধ্যে আসবে। তা দুটো বেজে গেল, এখনও এল না। বলিয়া সে আকাশের দিকে চাহিয়া দেখিল।

আমি যখন বাসা হইতে বাহির হই, তখনই দেখিয়াছিলাম, ২টা বাজিয়া মিনিট দুই তিন হইয়াছে। পটলি সূর্য্যের পানে চাহিয়াই নিভুল সময় বলিয়া দিল দেখিয়া বিস্মিত হইলাম। যদিও জানিতাম, এককালে সুইস্ বড়ীর নামও যখন কেহ শুনে নাই সূর্য্যঘড়ির চলনই ভারতবর্ষে প্রসিদ্ধ ছিল। পটলি আবার বলিল, বাবা মহাদেব রোজ রোজ উপুসী থাকেন, সে কি ভাল? লক্ষ্মীটি, দাওনা দু'টো ফুল ফেলে—তুমি মস্তুর জান ত! বলিয়াই একটু হাসিল; আবার বলিল, বামুন যখন, নিশ্চয়ই জান মস্তুর।

বলিলাম, আমি প্রায় তোমারই মত বিদ্বান।

পটলি হাসিয়া বলিল, মিথ্যে কথা। না করবার শুধু ফন্দী।

কিন্তু আমি কথাটা মিথ্যা বলি নাই, পূজা-পাঠে আমি যে কোনদিন পটলিকে ছাড়াইয়া বাইতে পারিয়াছি এমন কথা বলিতে পারি না। শিবপূজার “ধ্যায়েন্নিতং মহেশং” পর্য্যন্তই আমার দৌড়। তবে একটা কথা মনে পড়িয়া গেল, বাসায় পঞ্জিকা আছে। আজকালকার পঞ্জিকায় গুরু হারাইলে গুরু পাওয়া যায়, সব মন্ত্রও আছে, শিবপূজার মন্ত্র থাকিবে না? বলিলাম, মন্ত্র ঠিক মনে নেই পটলি—

আমার নাম জানে রে! বলিয়া পটলি আবার সেই সিমলা-শিলঙবিস্তৃত মাড়ী বাহির করিয়া হাসিল।

হাত গুণতে জানি।

মাইরি? দেখনা আমার হাতটা! না, এখন নয়, আগে বাবার মাথায় জলটি দাও—

তবে দাঁড়াও, মন্ত্রের বইটা আনি।

বই কোথায়? বাসায়?

হ্যাঁ। যাব আর আসবো।

পটলি কিন্তু আস্তা স্থাপন করিতে পারিল না; বলিল, তাই বলে পালাবে! ওরে ধূর্তু। তা হচ্ছে না, তুমি থাক, আমি চেয়ে আনছি বই।

আমি গম্ভীরভাবে বলিলাম, পালাব না, এখনি আনছি।

পঞ্জিকায় মন্ত্র পাওয়া গেল। মন্দিরে প্রবেশ করিতে যাই, পটলি গালে আঙুল রাখিয়া বলিল, হ্যাঁ গা, তুমি কি রকম বামুন গা? রাস্তার পায়ে বাবাকে ছোঁবে? দাঁড়াও, পা ধোও।—বলিয়া সেই বিবর্ণ ঘটিটি আনিয়া দিল।

বাবার মাথায় জল ঢালিলাম, কয়েকটি ফুলও দিলাম। দু'একটি পড়িয়া গেল, দু'তিনটি থাকিয়া গেল।

শাঁক বাজাইয়া পূজা শেষ করিয়া মুখ ফিরাইতে দেখি, পটলি ঠিক দরজার সামনে হাত দু'টি জোড় করিয়া বসিয়া আছে; দু'টি চোখে তাহার সহস্র ধারা। এ বস্তু জীবনে দেখি নাই; এমনটা যে সম্ভব হইতে পারে, ভাবিও নাই। চোখের জলে তাহার দৃষ্টি আচ্ছন্ন, আমি যে নিঃশব্দে তাহার পানে চাহিয়া আছি সে তাহা জানিতেও পারিল না। জানিলে বোধ হয় লজ্জা পাইত।

ঠিক তাই! আমি আসন ছাড়িয়া দাঁড়াইয়া উঠিলাম,

শতছিন্ন আসন, কুশগুলির ধস্ ধস্ শব্দ হইবামাত্র পটলি চকিতে দাঁড়াইয়া উঠিল, আবার তখনি বসিয়া পড়িয়া মাটাতে মাথা রাখিয়া প্রণাম করিল। প্রণাম করাটা, বোধ হয়, ছল। চোখের জল গোপন করিবার জন্তই ব্যগ্রতা।

আমি নিঃশব্দে পঞ্জিকাহস্তে বাহিরে আসিয়া দাঁড়াইলাম। পটলি একবার ওদিকে সরিয়া গেল, একটু পরেই বাহিরে আসিয়া দাঁড়াইল। চোখ দু'টা তাহার সেই গড়ের মত কাপড় দিয়া খুব জোরে মুছিয়াছে, সেটা বেশ বুঝা গেল; ঘর্ষণের চোটে তাহার সেই প্রায়-মসীকৃষ্ণবর্ণ বেগুনের রঙ হইয়া উঠিয়াছে; চোখের পাতায় যে রোমগুলি, তাহাদেরই ফাঁকে ফাঁকে জলের স্ফুলিঙ্গগুলি তখনও ছিল, তাহাও দেখা গেল।

বাহিরে আসিয়া পটলি বলিল, যেদিন বাবার আসতে দেবী হবে, তোমায় ডেকে আনবো কেমন? তুমি বেশ পূজো কর; খুব ভাল মন্ত্র পড়লে। বাবা কি যে বলে, কি যে করে কিছু বোঝা যায় না। আর এক মিনিটে সেরে দেয়। বাবা মহাদেব তোমার ওপর খুব সন্তুষ্ট হয়েছেন।

রক্ত করিয়া বলিলাম, কিসে বুঝলে?

ও আমি বুঝতে পারি। মহাদেব আমার সঙ্গে কথা কয়। খুব খুসী হয়েছেন।

আর তুমি? তুমি খুসী হয়েছ?

হিঃ, খুব—বলিয়া পটলি দাঁত ও মাড়ী দুইই দেখাইল।

তাহার চোখের পাতা দু'টাও যেন কাঁপিয়া কাঁপিয়া উঠিতেছিল।

বলিলাম, আর কলা দেখাবে না ত?

পটলি একটু দূরে সরিয়া যাইতে যাইতে বলিল, আমার পানে অমন হাঁ করে চেয়ে ছিলে কেন? তাই ত—

তোমায় দেখতে ভাল লাগে, তাই ত চেয়ে থাকি।

পটলি পূর্বমূর্তি ধরিবার উপক্রম করিতেছিল, বলিল, কেন, ভাল লাগে কেন? আমি কি সঙ?—বলিয়াই সে মন্দিরের ভিতরে ঢুকিতেছিল, আবার বলিল, যাই বাড়ী যাই।

তোমরা পাঠিকারাগীরা, যে কোন কদর্থ করিতে বাসনা কর করিতে পার, আমি কবুল করিতেছি, পটলির সঙ্গস্থে বঞ্চিত হইবার বাসনা আমার এতটুকু ছিল না; বলিলাম, এখনি বাড়ী গিয়ে কি করবে, বসোনা, একটু গল্প করি।



পটলির সোজা জবাব—ওঃ, কি আমার মাসীমার কুটুম্ব এলেন গো। তিনপোর বেলায় আমি গুর সঙ্গে বসে গল্প করি, আর ক্ষিধেয় আমার পেট চুঁই চুঁই করুক। ভারি কথা বললেন !

এত বেলা পর্য্যন্ত খাওনি ?

ঠাকুরপূজো না হ'লে কেউ খায় নাকি ? তুমি কি ভাত খেয়েদেয়ে বাবার পূজো করলে নাকি ? ওমা, কেমন বামুন তুমি !

না, ভাত খাইনি।

তাই বল !—বলিয়া পটলি স্বস্তির নিঃশ্বাস ফেলিয়া যেন বাঁচিল। বলিল, এখন খাওগে না।

আজ আর খাব না। তোমাদের বাড়ী এখন থেকে কতদূর ?

তা' এক ক্রোশের বেশী।

মনটা দুঃখে ভরিয়া গেল। এই রোদ্রে একক্রোশ পথ হাঁটিয়া বেলা ৪টার সময় এই কচি মেয়েটা ছুঁটা ভাত খাইতে পাইবে। জিজ্ঞাসা করিলাম, তোমাদের বাড়ীতে আর কে আছে পটল ?

পটলি ঝঙ্কার দিয়া বলিল, মিসের আবার সোহাগ হচ্ছে, পটল ! পটল নয় গো ঠাকুর, পটল নয়, পটলি ! পটল যে পুরুষ মানুষের নাম, ঘটে এটুকু বিছোও নেই বুঝি ?

না, ঘট একেবারে খালি। কে আছে বললে না ?

কে আবার থাকবে, আমি আর বাবা।

তোমার মা ?

নেই, ওবছর মরে গেছে।

এখন বাড়ী গিয়ে রাঁধতে হবে ত ?

না। সকালে রেঁধে রেখেছি।

কি রেঁধেছ ?

কেন, শুনে তোমার কি হবে ? খাবে ? চল, ভাত দোব, সিম সেক দোব, মুগুরির ডাল দোব। যাবে ? তুমি ভাত খাওনি কেন ?

প্রশ্ন করিয়া উত্তর শুনিবার ধৈর্য্য পটলমণির নাই ; পুনশ্চ প্রশ্ন করিল, তোমার বউ কোথা ?

মারা গেছে।

আর বিয়ে করনি ?

না।

কেন করো নি ?

একটি কৃত্রিম দীর্ঘনিঃশ্বাস ফেলিয়া মুখ চূণ করিয়া বলিলাম, মনের মত ক'নে পাইনি পটল। তুমি যদি রাজী থাক ত বলো—

পটলি চোখ পাকাইয়া হাতের ঘটিটা তুলিয়া বলিল, দেখেছ এই ঘটি, মাথায় মারলে—

মাথা ভেঙ্গে যাবে, কেমন ?

হ্যাঁ। একেবারে হিলু বেরিয়ে যাবে।—বলিয়া দুপ দুপ করিয়া মন্দিরের ভিতরে ঢুকিয়া নৈবেদ্যের আলোচাল কয়টি (আর কিছু থাকে না) আঁচলে বাঁধিয়া মন্দির বন্ধ করিয়া পথে নামিয়া পড়িল ; আমার প্রতি দৃকপাতও করিল না। আমি কিন্তু সঙ্গ ছাড়িলাম না। কয়েক পা গিয়া পটলি থমকিয়া দাঁড়াইল, তুমি 'পেছনে পেছনে' (বলা বাহুল্য, সে অত্র শব্দ ব্যবহার করিয়াছিল) কোথায় আসছ ?

বলিলাম—কেন, এই যে বললে ভাত দেবে, ডিম সেক দেবে—

পটলি ক্রুদ্ধ হইয়া বলিল, কি দোব ?

ডিম সেক, পাঠার কালিয়া—

চোখমুখ ঘুরাইয়া পটলসুন্দরী বলিল—আহা, ঝাকরা দেখে আর বাঁচি নে ! যাও, বাড়ী যাও।

ছুঁচারবার মুখ ঝামটা খাওয়ার পর সন্ধি হইয়া গেল। যে সমস্ত ঐতিহাসিক তত্ত্ব জানা গেল, প্রোফেসরীর পক্ষে সেগুলো অপ্রয়োজনীয় হইলেও বর্তমানে অপরিহার্য্য নয়। এই মন্দিরের প্রতিষ্ঠাতা কে—তাহা পটলি জানে না—দেব সেবার উদ্দেশে অথবা সেবায়ের উদ্দেশে দশ বিঘা জমি লাখেরাজ দিয়া গিয়াছিলেন, তাহাদের তাহাতেই গ্রাসাচ্ছাদন চলে। একজন সঁওতাল-ঘাটোয়াল দশ বিঘার এক বিঘা ভোগা মারিবার চেষ্টা করিতেছে বলিয়া পটলির বাবাকে প্রায়ই সদরে মামলা করিতে যাইতে হইতেছে। পটলিদের বড় কষ্ট। একখানি বই কাপড় নাই, এইটি পরিয়া স্নান করে, গায়েই শুকায় ; কাপড়খানিও শতচ্ছিন্ন, শত সেলাই, বুঝি সেলাইয়েরও আর যায়গা নাই। তাহার উঠানের বেড়ার গায়ে ক'টা সিম গাছ হইয়াছে, সেইগুলিই তরকারী ; মুন কেনে, কিন্তু তেল কেনে না, অত পয়সা নাই। পটলি এই বলিয়া উপসংহার করিল, পেটে দু'টো গেলেই হোল ; তুমি কি বল, তাই না ?

আমার চোখ দিয়া জল পড়িতেছিল; পটলি পাছে দেখিয়া কেলে ও তাহার স্বভাবসিদ্ধ ভাষায় গালির ছড়া শুরু করিয়া দেয়, তাই অন্ধ দিকে চাহিয়া আস্তে আস্তে বলিলাম—পটলি, আমি যদি একজোড়া নতুন শাড়ী দিই, তুমি নেবে ?

পটলি বিনাধিকায় বলিল, হিঁঃ, কেন নোব না ? তবে এমনি এমনি নোব না, তুমি মন্দিরে বাবাকে উচ্ছুণ্ড্য ক'রে দিলে নোব ।

এইটুকু এই অশিক্ষিতা গ্রাম্য মেয়েটার দেবতায় ভক্তি দেখিয়া মনটা ভারী প্রসন্ন হইল । কোন কথা বলিবার আগেই পটলি ধপ্ করিয়া বসিয়া পড়িল । তারপর মাটিতে বার কতক মাথা ঠুকিয়া এক-কপাল ধূলা লইয়া দাঁড়াইতে, আমি বলিলাম—ওকি পটলি, অত ঘট ক'রে মাথা ঠোকা হোল কার কাছে ? আনার কাছে নাকি ?

পটলি মুখ গম্ভীর করিয়া, জিব কাটিয়া বলিল—ছিঃ, বলতে নেই !—বলিতে বলিতে তাহার মুখটা হাসিতে ভরিয়া গেল । আবার বলিল, উঃ, বাবা মহাদেব কি জাগ্রত ঠাকুর দেখলে ! তাহার মুখখানি ভক্তির আলোকে যেন উজ্জ্বল হইয়া উঠিল ।

জিজ্ঞাসা করিলাম, কিছুই ত দেখলুম না । কিন্তু হঠাৎ ও কথা মনে হোল কেন বল ত পটলি ?

পটলি বলিল, শুনবে কেন ? তবে শোন, বলি । কাল রাত্রে বাবাকে মনে মনে বলছিলুম, বাবা কাপড়খানি যে একেবারে শতকুটি হয়ে গেছে বাবা, আর যে পরা যায় না ! বাবা তাইতেই আজ তোমাকে পাঠিয়ে দিয়েছেন, তোমাকে বলে দিয়েছেন, কাপড় দিতে ।—হঠাৎ আমার মুখের পানে চাহিয়া বলিয়া উঠিল—বাবা তোমায় স্বপ্ন দিয়েছেন না গো ? —পটলির করুণ চোখ দু'টিতে যেন জল আসিয়া পড়িতেছিল ।

আমি হাসিলাম, কিন্তু হাঁ অথবা না কিছুই বলিলাম না । তাহার অগাধ বিশ্বাস ভাঙ্গিয়া দিতে কষ্ট হইতেছিল । পটলি বকিতে বকিতে চলিল—বাবাকে উচ্ছুণ্ড্য না ক'রে আমি কিছু খাই নে, পরি নে । আঁচলে বাধা চাল ক'টা দেখাইয়া বলিল, কালকে এই ক'টা রাখবো । আজ আর কাছে সিম ছিল না, বাবাকে দিতে পারি নি, তাই কাল আর সিম সেদ্ধ করবো না, শুধু ভাতই রাখবো । হুন আর ভাত ।

অশ্রু সম্বরণ করা ক্রমেই অসাধ্য হইয়া পড়িতেছিল ; কিন্তু ভয়ও ছিল । আমার প্রাস্তর-প্রিয়তমার যে মেজাজ—বাপ্ ! মাঠের শেষে একটা গ্রাম দেখা যাইতেছিল, মুখটা ঘুরাইয়া সেই দিকে চাহিয়া চলিতে লাগিলাম ।

পটলি বলিল, সত্যি তুমি আমাদের বাড়ী যাবে ?

এই ত যাচ্ছি, দেখছ না ?

রোদে তোমার কষ্ট হচ্ছে না ?

না । তোমার কষ্ট হয় ?

আমার ! বলিতেই সে কি হাসি । পটলি যেন লুটাইয়া মাঠের সেই আলের উপর শুইয়া পড়ে ! অনেকক্ষণ ধরিয়া হাসিল, যেন দম বন্ধ হইয়া যাইবে এমন হাসি । তারপর বোধ হয় পেটে খিল ধরিয়া গেল, পটলি হাসি বন্ধ করিয়া বলিল, আমি যে ঠাকুর, ছ' বছর বয়েস থেকে এই কুড়ি বছর বয়েস পর্যন্ত রোজ—রোজ—রোজ আসছি, আর যাচ্ছি । রোদদুর, বৃষ্টি, ঝড়, বিহ্যৎ, শিল কিছু মানিনে ! বুঝলে ঠাকুর ।

তোমার বয়স কত বললে ? কুড়ি ?

হ্যাঁ, কুড়িই ত ! এই ভাদ্র মাসে একুশ হবে । কেন ?

বিপদ অবশ্যস্তাবী বুঝিয়াও বলিলাম, তোমার বিয়ে হয় নি সে ত বুঝতেই পারছি । তোমার বাবা বিয়ে দেবে না ?

পটলির স্পষ্ট কথা । বলিল, দিলেই বা করছে কে ? আর বিয়েতে টাকা লাগে না বুঝি !

একমুহূর্ত্ত নীরব থাকিয়া বলিলাম—যদি কেউ টাকা না নিয়ে বিয়ে করে ?

কার মরণ নেই এই শ্রাওড়াতলার পেঙ্গীকে বিয়ে করতে যাবে !

কথাটা মিথ্যা নয়, অতিরঞ্জিত একটুও নয় ! পটলি যদি কাছা দিয়া কাপড় পরিত, আর গায়ে একটা গেঞ্জি দিত, কাহার সাধ্য বলে যে সে স্ত্রীজাতীয়া এবং যৌবনটা পার করিয়া আরও অনেকখানিদূর আগাইয়া গিয়াছে । বিধাতা যেন ঝাঁকুড়া দেশের রাখাল-ছোড়ান্ গড়িতে গড়িতে রাগ করিয়া মাঝখানেই ছাড়িয়া দিয়া বলিলেন, যা মরণে যা ! কিন্তু নারীই যখন গড়িয়াছেন, তখন উহার যোগ্য পুরুষ গড়েন নাই কি ? কুস্তকার হাঁড়ী গড়িয়াই কর্তব্যের শেষ করে না, সরাও গড়ে ।

আবার বলিলাম—ধরো, তেমন লোক যদিই থাকে—  
যদি কেউ টাকা না নিয়ে তোমায় বিয়ে করে ?

পটলি আমার পানে স্থিরদৃষ্টিতে চাহিয়া, বোধ করি বা  
বুঝিতে চেষ্টা করিল যে আমি রহস্য করিতেছি কি-না।  
তারপরই হাসিয়া ফেলিল ; বলিল—তুমি করবে নাকি ?

আমি মনের ভিতরে আঁকুইয়া উঠিলাম। এ কথা  
শোনাও বরাতে ছিল ! হা হরি ! বলিলাম—না, আমি  
নয়। তবে অন্ত সঙ্কল্প করতে পারি, যদি তুমি বল।

বাবাকে বলো, বলিয়া পটলি বাঁধের ধারে একখানা  
মাটির ঘর দেখাইয়া বলিল, ঐ আমাদের বাড়ী। হ্যাঁগা,  
সত্যি তোমার খাওয়া হয় নি ?

আজ খাই নি, পটলি, সত্যি।

পটলি মুখখানি করুণ করিয়া কণ্ঠস্বরে মিনতি ভরিয়া  
বলিল—দুটি ভাত খাবে আমাদের ঘরে ? শুকনো ককড়ে  
হয়ে গেছে, তা কি করবো বলো, সেই কোন্ সকালে রেঁধে  
মন্দিরে গেছি। বল না, খাবে দু'টি ?

তাহার এই অভুক্ত সঙ্গিটির জন্ত তাহার কাটখোটা  
হৃদয়ের অভ্যন্তরটা আর্দ্র হইয়া উঠিয়াছিল, তাহা মনে  
করিতেই আমার চোখ ছলছল করিয়া আসিল। অতিকষ্টে  
অশ্রু সঞ্চার করিয়া বলিলাম, কাল রাত্রে খাওয়াটা হজম হয়  
নি বলেই আজ খাই নি। একেবারে রাত্রে খাব।

বলিতে বলিতে আমরা তাহাদের ঘরের সামনে আসিয়া  
দাঁড়াইলাম। এই আমার সিম্ গাছ—পটলি দেখাইল।—  
তুমি সিম্ খাও ?—খাই গুনিয়াই বলিল, আজ খাবার মত  
হয় নি, কাল তোমার জন্তে চাউনি নিয়ে যাব।

দাঁড়াও, তোমায় একটা বসবার ষায়গা দিই, বলিয়া  
পটলি দরজার তিন পয়সানে তালাটা খুলিয়া ধরে ঢুকিতে  
ঢুকিতে কহিল, কে জানে আসন-ফাসন আছে কি-না ! নেই  
বোধ হয়। ওমা, একি কাণ্ড ?

আসনের কোন দরকার নাই বলিবার পূর্বেই, পটলি  
একখানা ছেঁড়া কুশাসন হাতে বাহির হইয়া আসিল। মন্দিরে  
একখানি ছিল, ইহারই জোড়া বোধ হয়। আসনটা দাওয়ায়  
পাতিয়া দিয়া বলিল, বাবা মহাদেব আজ আর বরাতে ভাত  
মাগান্ নি দেখছি।

জিজ্ঞাসা করিলাম, কেন ?

পোড়ার দশা আমার মনের ! জানলা বন্ধ করি নি,

বেরাল ঢুকে চেটে পুটে খেয়ে রেখেছে। বেশ হয়েছে  
যেমন উঠতে বসতে ভুল, তেমনই হয়েছে। মরণ দশা ! বলিয়া  
পটলি হাসিতে লাগিল।

আমি তাহার আঁচলের কোণে বাঁধা চাল ক'টি দেখাইয়া  
বলিলাম—দু'টি ভাত চড়িয়ে দাও-না, চাল ত রয়েছে।

পটলি বলিল, তুমি ত বেশ বললে ঠাকুর, কাল তখন  
কি হবে ?

কালকের কথা কাল হবে, আজ ত—

তা হয় না গো ঠাকুর ; হয় না, মাপা চাল, এদিক ওদিক  
হবার জো নেই।

তাই ব'লে উপোস ক'রে থাকবে।

অমন কতদিন থাকি। পটলি হাসিল।

কাছে দোকান টোকান আছে ?

তা আছে, কেন ?

কিছু কিনে নিয়ে এস—

পয়সা—

পকেটে ব্যাগ ছিল, বাহির করিতে করিতে বলিলাম—  
যাও, কিছু কিনে এনে খাও।

পটলি হাসিল ; বড় করুণ হাসি, বলিল—তোমার ও  
পয়সা ত নোব না। বাবার মাথায় না চড়ালে ত আমি  
কিছু নিই নে। তুমি হুঁখু করো না, উপোস করা আমার  
খুব সওয়া আছে ; প্রায়ই করতে হয়। বাবাও করে,  
আমিও করি।

পটলি পয়সা লইল না। তাহার জেদের কাছে আমাকে  
হার মানিতে হইল। তবে আমার পীড়াপীড়িতে এইটুকু  
অহুগ্রহ পটলমণি করিলেন যে আঁচলের চাল ক'টির অর্ধেক  
লইয়া ভাত বসাইয়া দিলেন। আমি প্রতিশ্রুত হইয়াছিলাম  
যে তাহার বাবা মহাদেবের জন্ত চাল ও অন্ন সামগ্রী আমি  
যেখান হইতেই পারি রাত্রে মধ্যেই সংগ্রহ করাইয়া রাখিব,  
তাহার মাপ জোপ করা চালে টান পড়িবে না, তাহার  
পিতৃদেবের নিকট গালি খাইতেও তাহাকে হইবে না।

উনানে ভাত বসাইয়া দিয়া, পটলি আমার কাছে  
বসিয়া জিজ্ঞাসিল—ঠাকুর, তুমি হাত দেখতে জানো, দেখে  
ত আমার হাতটা ?

কি দেখতে হবে পটলি, কবে বিয়ে হবে, এই ত ?

তোমার মুণ্ডু।—কিন্তু গালভরা হাসি।

ভবে কি দেখবো ?

কবে আমার মরণ হবে, তাই !

রাগ করিয়া বলিলাম, ওসব আমি দেখি নে।

পটলি বলিল, তুমি হাত দেখতে জান না-ছাই জান !  
বলিতে বলিতেই তাহার মুখ চিন্তায়ুক্ত হইল, কহিল—জানে  
বোধ হয়, নইলে আমার নাম জানলে কি করে !

না পটলি, আমি হাত দেখতে জানি নে। যদি বলো,  
তোমার নাম জানলুম কি করে ? মনে নেই সেই যেদিন  
আমাকে কাঁদি কাঁদি কলা খাইয়েছিলে, তোমার বাবা এসে  
ডাকলেন, পটলি হারামজাদি দরজা বন্ধ করেছিল কেন ?

ও, তাই—বলিয়া পটলি উনানে কাঠ ঠেলিয়া দিতে  
উঠিয়া গেল। উনানটা নিবিয়া আসিতেছিল।

আমার বাসার পাচকের নাম নীলমণি চক্রবর্তী, সে  
বাঁকুড়া জেলার লোক। বার বার তিনবার ছুটি লইয়া বিবাহ  
করিতে গিয়াছিল, প্রতি বারই আশা ভঙ্গে শুষ্ক মুখে ফিরিয়া  
আসিয়াছিল। চেহারাটা ভাল নয় তাহা বরাবর দেখিয়াছি,  
আজ ভাল করিয়া দেখিতে গিয়া দেখিলাম, পটলির কাউন্টার-  
ফয়েল ! চেক বই বা লটারির টিকিটের যে অংশটা পরহস্তে  
চলিয়া যায়, সেই অংশটায় এরং কিছু রঙ চঙ বাহার টাহার  
ধাকে, কাউন্টার-ফয়েল একেবারে নীরস, বিবর্ণ ! তাহাকেই  
পটলির যোগ্যপাত্র বিবেচনা করিয়া নীলমণিকে ডাকিলাম।

বিয়ে করবে ? একটি বামুনের মেয়ে আছে।

নীলমণি মনিবকে ঘটকালি করিতে দেখিয়া বিস্মিত  
হইয়াছিল সন্দেহ নাই ; বোধহয় কিছু লজ্জাও হইয়াছিল।  
জবাব দিল না, মাথা নীচু করিয়া দাঁড়াইয়া রহিল।

আমি প্রস্রাঙ্গলা পুনরায় করিলাম। নীলমণি এইবারে  
দেওয়ালের চূণ-বালিতে আঁচড় কাটিতে কাটিতে কহিল,  
আজ্ঞে, মেয়েটি দেখতে কেমন ? কি ঘর, মেল—

বলিলাম, নীলমণি, মেল ত পাঞ্জাব মেল, ডিল্লী মেল,  
বোম্বাই মেল—সে সব নিয়ে কি করবে তুমি ! বামুনের মেয়ে,  
বছর কুড়ি বয়স, স্বভাব চরিত্র ভাল ( বলিলাম না যে একটু  
ঝগড়াটে ! ) সংসারের কাজ কর্ম জানে। বল ত—

নীলমণি প্রলুব্ধ হইয়াছিল, বলিল—পণটন দেবে ত ?

আমার রাগহইল, বলিলাম—কর ত রাঁধুনী বামুনগিরি,  
ঐ ত বুঝকাঠ চেহারা, কি দেখে পণ দেবে তোমাকে ?

কেন আজ্ঞা, আমরা কুলীন—

কুল নিয়ে ধুয়ে খাও গে, যাও। তিন তিনবার ত গেলে  
বিয়ে করতে, ক'টা বিয়ে করেছ—শুনি ? যাও।

যাইতে বলিলাম, কিন্তু সে গেল না। দেওয়ালে নাক  
ঠেকাইয়া দাঁড়াইয়াছিল, তেমনই রহিল।

আমি রাগতভাবে চাহিতেই নীলমণি বলিল, আজ্ঞে কিছুই  
দেবে না ? ঘরখরচটাও দেবে না ?

হাসিয়া ফেলিয়াছিলাম। সাধ্যমত গাঙ্গীর্ধ্য ফিরাইয়া  
আনিয়া বলিলাম—আচ্ছা, দেখবো'খন কথা কয়ে।

বেলা অনেক হইয়াছিল। বারান্দায় আসিতেই দেখি  
পটলি এই দিকে চাহিয়া দাঁড়াইয়া আছে, আমাকে দেখিবা-  
মাত্র হাত নাড়িয়া ডাকিতে লাগিল। তারপর আঁচলটা  
তুলিয়া দেখাইল। বলিলাম পটলমণি আমার জন্ত সিম  
আনিয়াছে। আমি তাহাকে ডাকিলাম।

আজ আর কিছুমাত্র আপত্তি করিল না—ইঙ্গিতে  
'আসছি' বলিয়া মন্দিরের দোর বন্ধ করিয়া আমার বাড়ীর  
দিকে আসিতে লাগিল—দূর পথে নয়, মাঠটুকু অতিক্রম  
করিয়া আসিল। আমি গেট ঘুরিয়া আসিতে বলিলাম।

পটলি বলিল, সিম এনেছি—বলিয়া আঁচল খুলিয়া  
দেখাইল।

আমি ডাকিলাম, নীলমণি।

নীলমণি আসিলে বলিলাম, সিমগুলো নিয়ে যাও,  
রাঁধ গে।

পটলি সিম কয়টি—বেশী নয়, শুটি পাঁচ ছয়—ঠাকুরের  
হাতে দিয়া বলিল, তুমি রাঁধ বুঝি ? সিম ছেঁচকি করতে  
জান ? সেদ্ধ ক'রে নিয়ে তেলে একটা লঙ্কা, গোটা কতক  
সর্ষে দিয়ে—

নীলমণির পক্ষে এই ঔদ্ধত্য অসহ্য ও অমার্জনীয়, তিক্ত-  
কটুকঠে কহিল—থাম্ থাম্, জানি জানি !

পটলি বলিল, জানলেই ভাল।

নীলমণি চলিয়া গেলে বলিল—বাবা কাল রাতে আসে  
নি, আজ এখনও ত এলো না, কে জানে কখন আসবে !  
দেবে, বাবার মাথায় কুল ক'টা দিয়ে ?

তা চল দিই গে—সে প্রস্থানোত্ত হইলে বলিলাম—  
পটলি, তুমি এই কাপড় জোড়াটা নিয়ে চলো, আমি আসছি।  
—কাল রাতেই বাজার হইতে লাগপাড় শাড়ী জোড়া

আনাইয়া রাখিয়াছিলাম। পটলির হাতে দিলাম। তাহার মুখে কৃতজ্ঞতা স্ফুট হইয়া উঠিল। বলিল, খুব ভাল কাপড়। অনেক দাম, না?

উত্তরটা এড়াইয়া গিয়া বলিলাম—তুমি নিয়ে যাও, মহাদেবের মাথায় চড়িয়ে দোব, তারপর—

এ ত বাবার মাথায় চড়ানো হবে না।

কেন?

বা রে! না কেচে বুঝি ঠাকুরকে দিতে আছে! তুমি কি রকম বামুন গো?

মনে মনে বলিলাম—বোধ করি কুলিন, নীলমণিরই জুড়িদার! বলিলাম, তাইত!

পটলি বলিল, আজ কাচিয়ে শুকিয়ে রেখে দাও না, কাল তখন বাবার মাথায় ছুঁইয়ে আমায় দিও।

পটলির মত দরিদ্র দুঃখীও অনাচারের আশঙ্কায় এতখানি লোভ অবহেলে সঞ্চরণ করিল দেখিয়া শ্রদ্ধা না হইয়া পারে না।

পটলি বলিল, তুমি শীগগির ক'রে এসো। বুঝলে?

বিকালে নীলমণিকে ডাকিয়া বলিলাম, মেয়ে ত দেখলে? পছন্দ হয়েছে?

কই আজ্ঞা, বলিয়া নীলমণি হাঁ করিয়া চাহিল।

সেই যে সিম্ দিয়ে গেল ওবেলা।

নীলমণি বলিল, ঐ আজ্ঞা। ওকে ত রোজ দেখি ঐ মন্দিরে আসে। ও, আজ্ঞা, হিজলী!

হিজলী কি আবার, বলিতে বলিতে থামিয়া গেলাম। নীলমণি যাহা বলিতে চাহিতেছে তাহা বুঝিয়া হাসি চাপা দায় হইয়া পড়িল! তবু বলিলাম, হিজলী কি? নোনা হিজলী, মেদিনীপুর জেলা—যেখানে রাজবন্দীদের জন্ত গারদ আছে—

আজ্ঞে না, ওটা নপুংস।

তোমার মুণ্ডপুংশ! ওকেই তোমায় বিয়ে করতে হবে। এক শ' টাকা পণ পাবে।

নীলমণি গৌজ হইয়া দাঁড়াইয়া রহিল দেখিয়া আবার বলিলাম, না-হয় আরও গোটা পচিশ টাকা বেশী পাবে, যাও। এই মাসেই বিয়ে করতে হবে।

নীলমণি তবুও রাজী নয়, মুখ দেখিয়াই বুঝিলাম। সে কি বলিতে উত্তত হইয়াছিল, বলিলাম, আমার এই ছকুম, যাও। তবু দাঁড়িয়ে রইলে যে বড়? আমার কাছে কাজ

করতে হলে আমার ছকুম তামিল করতে হবে, না পার, অন্ত্র কাজের চেষ্টা করগে যাও, তোমায় আমি জবাব দিলাম। যাও আমার স্মৃথ থেকে। প্যাচার মতো মুখ ক'রে দাঁড়িয়ে থাকতে হবে না।

কি করে! নীলমণি চলিয়া গেল। যে হাসিটা এতক্ষণ বহু কষ্টে চাপিয়া রাখিয়াছিলাম, আর পারিব কেন? হাসিতে হাসিতে বাড়ীর বাহির হইয়া গেলাম। আমার বাড়ীর ঠাকুর চাকর কেহ তাড়াইয়া দিলেও যায় না। কারণ আছে। কাজ কম; বকুনি বকুনি নাই; খাওয়া দাওয়ার নিরবচ্ছিন্ন স্বাধীনতা; তাহারাই কর্তা, তাহারাই গিন্নী; সারা ভাঁড়ার ঘরটাই তাহাদের। বাজারের হিসাব মিলাইতে গলদবর্ষ হইতে হয় না; মাসের শেষভাগে তেল কম, ঘি কম, ময়দা কম করিয়া বাড়ী মাথায় করিবার লোকও কেহ নাই, সুতরাং চাকর বাকরদের একাদশে বৃহস্পতি। নীলমণিটা আছে দশএগারো বছর।

বেটা গো-বেচারীর মত থাকে, সাত চড়ে কথা বলে না, যেন ভিজা বিড়ালটি। কিন্তু ধুকড়ীর ভিতর এমন খাসা চাল তাহা ত জানিতাম না! আমি বাড়ী নাই, বেড়াইতে গিয়াছি, এখনও ফিরি নাই ভাবিয়া রান্নাঘরের রোয়াকে চাকরদের বৈঠকে নীলমণি খুব আসর জমাইতেছিল, ভালই ত, স'শ টাকা পণ ত পেয়ে গেলুম। তারপর হিজলীর ঘাড়ে ঢোলক দিয়ে যাদের বাড়ীতে ছেলেপুলে হবে নাচিয়ে পয়সা রোজগার করলেই হবে। চাকরদের মধ্যে কেহ বোধ হয় হিজলীর নৃত্যের অভিজ্ঞতায় সন্দেহ প্রকাশ করিয়াছিল; শুনিলাম নীলমণি বলিতেছে, শিথিয়ে নোব রে, শিথিয়ে নোব। ভারী ত গান—“নন্দরাণীর কোলে নন্দতুলসী দোলে।” সঙ্গে সঙ্গে হাসির ছল্লোড়।

মনে হইল, নীলমণি নাচের পা'টাও উহাদের দেখাইয়া দিল। সন্ধ্যা হইয়া গিয়াছিল, বাগানে অন্ধকারে আর থাকি নয় ভাবিয়া গলাধাঁকারি দিয়া গোবরাকে ডাকিলাম। সব ভালমাসুয়! গোবরা বলিল, আজ্ঞে, আলো জ্বালি।

রাত্রে খাইতে বসিয়া জিজ্ঞাসা করিলাম, কিহে কি ঠিক করলে? নীলমণি প্রথমটা জবাব দিলনা। কড়া করিয়া প্রশ্ন পুনরাবৃত্তি করিলাম।

নীলমণি বলিল, আজ্ঞা, আপনি যখন ছকুম করছেন—কথাটা সে শেষ করিল না; দরকারও ছিল না।

বলিলাম, বেশ, বেশ ।

নীলমণি আমতা-আমতা করিয়া বলিল, তবে, আজ্ঞা—  
সে খামিল ।

আবার কি আজ্ঞা করছেন ?

নীলমণি নতমুখে মুচকি হাসিয়া বলিল, পণ্টা দেড়শ  
হয় না ?

বলিলাম, তা হয় ত হতে পারে । কিন্তু বিয়ে করে দেশে  
নিয়ে গিয়ে মেয়েটাকে যত্ন টত্ন করবে ত ? না—

‘না’ টা খুলিয়া বলিতে পারিলাম না ।

নীলমণি জিব কাটিয়া বলিল, সে কি কথা, আজ্ঞা !

হিজলী-নৃত্যের কথাটা আমি ‘শুনি নাই’, অন্ততঃ আমি  
শুনি এমন ইচ্ছা তাহাদের ছিল না । কাজেই সে কথা  
বলিতে পারা গেল না । তবু যতখানি বলা যায়, বলিলাম ।

যদি শুনি মেয়েটার যত্ন আত্ম হুছে না, জান ত,  
কলকাতার পুলিশ. ম্যাজিস্ট্রেট সব আমার ছাত্র, ধরে  
তোমায় পুলি-পোলাও চালান করে দোব । মনে  
থাকে যেন !

মনে থাকিবে, মুখভাবে ইহাই জানাইয়া দিয়া নীলমণি  
প্রস্থান করিল । গভীর রাতে ঘরে গাহুঘের পদশব্দ শুনিয়া  
বিস্মিত হইয়া বলিলাম, কে রে ?

আজ্ঞা, আমি নীলমণি ।

কি চাও ?

আজ্ঞা, একটা কথা—

কি কথা, চট করে বলে ফেলো ।

তবু বলে না দেখিয়া জোর একটা ধমক দিলাম ।

আজ্ঞা, পণ্টা দু’শ হয় না ?

আমি মহা গরম হইয়া বলিলাম, না হয় না ! একি  
ছাপল ভেড়া কেনাবেচা হুছে নাকি ? যাও, তোমায় বিয়ে  
করতে হবে না, আমি অন্ত লোক দেখছি ।

নীলমণি কঁাদ কঁাদ হইয়া বলিল—আজ্ঞা, না, সে কথা  
ত বলছি না—বলিতে বলিতে সে চলিয়া যাইতেছিল,  
বলিলাম, আজ্ঞা দেখি, দু’শ টাকাই দেওয়াব ।

অন্ধকারেও নীলমণির দস্তশোভা নিরীক্ষণ করিতে  
লাগিলাম । পুনরায় বলিলাম, আর সেই কথাটা মনে  
আছে ত ? পটলির যদি একটু অযত্ন হয়—

নীলমণি হাতে পায়ে পড়ার মত গলার স্বর করিয়া

বলিয়া উঠিল, সে কি হুজুর আজ্ঞা, আপনার হুকুম, মাঠাকরুণ  
ক’রে রাখবো । তেমন বামুন আমরা নই আজ্ঞা !

আজ্ঞা যাও । নীলমণি চলিয়া গেল ।

বেটা কে গো ! বলে কি-না মা-ঠাকরুণ করে রাখবো !

কাপড়জোড়া দিয়া নীলমণিকে মন্দিরে পাঠাইয়া দিলাম ।  
বলিয়া দিলাম, আমি দাড়ীটা কামাইয়া পরে আসিতেছি ।  
মহাদেবের মন্দির—শৈলেশ্বর মহাদেব একই কথা—পূর্বরাগ  
অনুরাগ একটু হয় ত হোক না ! দোষ কি ? জগৎসিংহটি  
ভাল, তিলোত্তমার ত কথাই নাই । আমি বিমলা, পরে  
আসিলেও চলিবে । একালের নিয়মে না আসিলেও চলিতে  
পারে । কাজটা অগ্রসর হউক-না !

কিন্তু কিছুই হয় নাই । নীলমণি রাস্তায় গোবর না-কি  
মাড়াইয়া গিয়াছিল, সিঁড়িতে পা দিবামাত্র পটলি তাহাকে  
ঝাঁটা গঙ্গাজল দিয়া সম্বর্ধনা করিয়াছে । আমার সঙ্গে পথে  
দেখা, তাহার অন্ধকার মুখ দেখিয়াই বুঝিলাম—সেকালের  
জগৎসিংহ ও তিলোত্তমার সঙ্গে একালের অনেক তফাৎ !

পটলি তখনও সোপানগুলি মার্জনা করিতেছিল, বলিল,  
তোমার ঘাটের মড়া পথ থেকে ঠাকুর কি যে মাড়িয়ে এলো,  
মরণ, চোখ দু’টো আছে কি করতে ! ঠাকুরকে তখনও  
দেখা যাইতেছিল, পটলি এক একবার তাহাকে দেখে—আর  
জোরে জোরে ঝাঁটা ঘসে ।

পটলি আমাকে পা ধুইবার জল দিল, পা ধুইতে ধুইতে  
বলিলাম, তোমার বাবা কালও আসেন নি বুঝি ?

পটলির মেজাজটা আজ চড়াপর্দায় বাধা ছিল, বলিল,  
না । মরেছে বোধ হয় । তিন তিনটে দিন তুই যে সদরে  
বসে রইলি ঠাকুরকে উপোসী রেখে, এক বিঘে জমির জন্তে,  
সেই এক বিঘেই থাকবে নাকি ? ঠাকুর বুঝি কিছু দেখছেন  
না ? বুঝছেন না ? কোন্ আক্কেলে তুই রইলি বল  
দিকিন্ !

বুঝিলাম সুর বড় চড়া, বাঙনিম্পত্তি করিলাম না ।  
পূজায় বসিলাম । শেষ করিয়া কাপড় জোড়াটা শিবলিঙ্গের  
অধোদেশে স্পর্শ করাইয়া উঠিয়া দাড়াইয়া পটলির হাতে  
দিলাম । পটলি একগাল হাসিয়া নতজাহু হইয়া মহাদেবকে  
প্রণাম করিল । আমায় বলিল, একবার বাইরে এসো ত !  
বাহিরে আসিলে পটলী যে-ভাবে ঠাকুর প্রণাম করিয়াছিল,  
সেইভাবে আমাকেও প্রণাম করিল । পারের ধূলা লইয়া

জিবে ঠেকাইল। উঠিয়া সক্রতঃ হাসিমুখে কহিল, আমার চারবছরের খোরাক হলো, বলিয়া কাপড়ছোড়াটা দেখাইল।

তাহার আনন্দের পরিমাপটা বুঝাইতে পারি, ভাষার সে সমৃদ্ধি আমার নাই; তবে অনুভূতিতে সাধ্যসাধ্যের কোন কথাই নাকি নাই—তাই সেটা হৃদয় দিয়াই অনুভব করিলাম। বলিলাম, পটল, তোমার সঙ্গে কথা আছে, একটু বসো দিকি।

পটলি বলিল, আবার পটল। বলিছি না পটল পুরুষ মানুষের নাম! বলিয়া সে চাপটালি খাইয়া বসিল।

আমি বলিলাম, আচ্ছা আচ্ছা পটলি, আর ভুল হবে না। মন দিয়ে শোন—

বল-না, আমি শুনছি ত!

তোমার বিয়ের ঠিক ক'রে ফেলেছি। আজ বুধবার, শুক্রবারে ভাল দিন আছে, সেইদিন—

পটলি হাসিয়া বলিল, দিনও ঠিক হয়েছে?

বলিলাম, হ্যাঁ, সব ঠিক হয়েছে।

পণ লাগবে?

তা কিছু লাগবে বৈ কি!

পটলি গরম হইয়া বলিল, কি তোমায় বুদ্ধি! কে দেবে পণ? বাবা পারবে না। গলাটা একটু নরম করিয়া বলিল, কত টাকা পণ?

শ'হুই।

পটলি চোখ দু'টা কাণের গোড়া পর্যন্ত বিস্ফারিত করিয়া বলিল, দু'শ টাকা! দু—শো টা—আ—কা!

হ্যাঁ গো, দু—শো টাকা। তা' তোমার বাবাকে তার জন্তে ভাবতে হবে না। সে হয়ে যাবে'খন। বুঝলে?

পটলি মাথাটাকে বার দুই উপর নীচ করিয়া নাড়িয়া হাসিয়া বলিল, তুমি দেবে বুদ্ধি!

তা দিলামই বা!

পটলি খুব খুসী হইল। একমিনিট চুপ করিয়া—লজ্জায় নয়, সেটা তাহার খাতসহ নয়, তা জানি—বলিল, তারা আমার কি দেবে?

তুমি কি চাও বলো।

পটলি একটু ভাবিয়া বলিল, আমাকে একটি নথ দিতে বলো না।

তা বলবো। কিন্তু নথ তোমাকে মানাবে না। তারিফে,

মোর্টা আর গোলগাল মুখের ওপর নথ বেশ মানায়। তুমি যে ছেলেমানুষ!

ছেলেমানুষ, না, হাতি!—এই সেই চিরদিনের পটলি।

তারচেয়ে সোণার মাকড়ি কিছা চুড়ী—

পটলির মুখ হাসিতে রঞ্জিত হইয়া উঠিল; বলিল, মাকড়ী ত খুব ভালো। মাকড়ী পরার আমার ভারি ইচ্ছে। তবে মাকড়ী একটা হলে ত হবে না, দু'টো ছ'কাণে চাই ত! তাতে খরচ অনেক হবে, তাই নথের কথা বলছিলুম। নথ একটাই ত হয়।

পটলির গণিতশাস্ত্রে যেরূপ ব্যুৎপত্তি, আমাদের কলেজে প্রোফেসরী করিতে পারে! হাসিয়া বলিলাম, দুটো মাকড়ীই হবে।

এইবার পটলি কাজের কথা পাড়িল, বলিল—পান্তর কোথায় থাকে? মন্তর টন্তর জানে ত?

বিয়ের মন্তরের কথা বলছো ত? সে ত পুরুতে পড়াবে, পটলি।

পটলি হাসিয়া বলিল, সেই মন্তর আমি বলছি বুদ্ধি?

বলিলাম, পান্তরটিকে তুমি দেখেছ পটলি।

পটলি মাড়ি বাহির করিয়া বলিল, কবে গো?

নীলমণি, আমার ঠাকুর। দেখনি।

ওমা, ওয়ে গরু!—বলিয়া পটলি হাসিয়াই গড়াইয়া পড়িল।

বলিলাম, হলোই বা গরু! তুমি পাঁচন বাড়ী হাতে হেট

হেট করে চালাতে পারবে না?

পটলি বোধ করি মনশ্চকুতে সেই 'রাখাল গরুর পাল লয়ে যায় মাঠে' দৃশ্যটা দেখিয়া লইল; বোধ করি কেমানান্ বা অসঙ্কত মনে হইল না। হাসিয়া চুপ করিয়া রহিল। বুঝিলাম, বর অপছন্দ হয় নাই। অপছন্দ হইবেই বা কেন! এ পিঠ আর ওপিঠ বৈ ত নয়। পটলির বাবা মহাদেব যেন রাজ-ঘোটক করিয়াই দু'টিকে তৈরী করিয়াছেন।

জিজ্ঞাসা করিলাম, তাহ'লে পণ'ই ঠিক?

পটলি বলিল, বেশ লোক তুমি। দাঁড়াও বাবা আনুক, তাকে বলো।

তুমি বলো-না।

পটলি প্রবলবেগে মাথা নাড়িয়া বলিল—দূর মিলে, আমার বিয়ের কথা আমি বুদ্ধি বাপকে বলতে পারি? আমার লজ্জা করে না বুদ্ধি!

হরি ! হরি ! পটলিরও তবে লজ্জা আছে ।

পটলি বলিল, আচ্ছা, তুমি ত সেদিন বললে তুমি শীগগির চলে যাবে ।

তা যাব । দিন পাঁচেক পরেই যেতে হবে । কলেজ খোলবার সময় হলো ।

তোমার ঠাকুরকে বুঝি রেখে যাবে ? সেখানে অত্র ঠাকুর রাখবে ?

বলিলাম, তা কেন ? ও বিয়ে ক'রে তোমায় নিয়ে ওর বাড়ী যাবে ; দিনকতক থেকে আবার আমার কাছে কাজ করতে আসবে । আবার কিছুদিন পরে ছুটি নিয়ে আবার দেশে যাবে ।

পটলি ফ্যাল ফ্যাল করিয়া চাহিয়াছিল, আশু আশু বলিল, ও এখানে থাকবে না ?

না ।

পটলি বলিল, তাহ'লে বিয়ে হবে না ত ।

আমি বিস্ময়ে অবাক হইয়া পড়িয়াছিলাম । বলিলাম, হবে না কেন ?

আমি বুঝি মন্দির ছেড়ে বাবা বিশ্বনাথকে ছেড়ে যাব ভেবেছ ! তা আমি যাব না, মরে গেলেও না ।—বলিতে বলিতে পটলির চোখে জল আসিয়া পড়িয়াছিল ; পটলি নূতন জোড়া কাপড়ের একটা জায়গা তুলিয়া চোখ মুছিয়া ফেলিয়া বলিল—বাবা বিশ্বনাথকে ছেড়ে আমি কোথাও যাব না, কোথায়ও না ।

আমি বলিলাম, তোমার বাবা আছেন, পটলি—

পটলি যেন লাফাইয়া উঠিল ; বলিল, থাকলই বা বাবা ! আমি বলে বিশ্বেশ্বরের দাসী—

কেশ ত, মাঝে মাঝে আসবে ।

পটলি বলিল, না, না, না, সে হবে না, কিছুতে হবে না ।

আমি বাবার মন্দির ছেড়ে এক পা যাব না, মেরে ফেললেও যাবো না, কেটে ফেললেও যাবো মা ।

আচ্ছা তোমার বাবা আসুন—

পটলি হঠাৎ কাঁদিয়া ফেলিয়া আমার পা দু'টা জড়াইয়া ধরিয়া বলিল, তোমার পায়ে পড়ি বাবাকে একথা বলো না, তোমার পায়ে পড়ি, বলো না ।

পটলি এক মিনিট ধরিয়া আমার মুখের পানে অনিমেষ মননে চাহিয়া রহিল ; তারপর কাকুতি করিয়া বলিল, বাবা

ত এমনই দিনরাত 'বিদেয় ক'রে দোব,' 'দূর ক'রে দোব,' 'তোকে তাড়িয়ে তবে জলগ্গরণ করবো' করে, তার ওপর তোমার মুখে ঐ কথা শুনলে তখুনি বিদেয় করবে তবে ছাড়বে ।

বলিলাম, তোমার বাবা তোমায় দিন রাত দূর-ছাই ক'রে কেন বলো ত ?

পটলি আমার গলার স্বরে ব্যথা অনুভব করিয়াছিল কি-না কে জানে, মাথাটা নীচু করিয়া বলিল—ওর ঐ রোগ । মা'কেও অমনি করতো । মা-সতী লক্ষ্মী ভাগিমানি, ড্যাং ড্যাং ক'রে কেমন চলে গেলো । একদিন ভুগলো না, কাউকে কষ্ট দিলে না, ডাক্তার ডাকতে হোল না, যেন পাকা আমটি, পাকলো আর টুপ ক'রে মাটীতে পড়ে গেল ।

আমি নীরবে শুনিতেছিলাম, পটলি এবার করুণ রস ছাড়িয়া বীর রসের অবতারণা করিয়া বলিল, রাগ করি কি সাধে ! যার দৌলতে পেটে ধাচ্ছি, কোমরে পরছি সেই বাবাকেই ও দিনের মধ্যে দশবার গো-ভাগাড়ে ফেলে দিয়ে আসতে চায় ! ভোলানাথ না হয়ে আর কোনও ঠাকুর হোলে কবে মন্দির ছেড়ে চলে যেতো । নিজে মালি মামলা ক'রে আজ হেথা, কাল হোথা ক'রে বেড়াবে, বাবার পূজো হয় না, আমি বলতে গেলেই আমায় বিদেয় করে, বাবাকেও—বলিতে বলিতে থামিয়া গিয়া পটলি মহাদেবের উদ্দেশে প্রণাম করিল । আমি কোন কথাই বলিতে পারিলাম না । কিই বা বলিব ? কেই বা বলিতে পারে ?

আমাকে নির্ঝাক দেখিয়া কাঁদিতে কাঁদিতে বলিল—বলো, বলবে না ! নইলে তোমার পায়ে আমি মাথা মুড় খুঁড়ে মরবো ।—বলিয়াই সে পায়ের কাছে শানের উপর নাথা ঠুকিতে সুরু করিয়া দিল ।

শশব্যস্তে বলিলাম—আচ্ছা, বলবো না, তুমি ওঠ ।

পটলি উঠিতে উঠিতে বলিল, ভগবানের রোয়াকে দাঁড়িয়ে বললে, মনে থাকে যেন !

এ কথাটা ভাবি নাই । ভাবিয়াছিলাম, এখন ত মাথা হেঁচা থামাই, তারপর দেখা যাইবে । কিন্তু—মনটা দমিয়া গেল ; বলিলাম, পটলি, বিবাহ মাহুষমাত্রেয়ই ধর্ম, তা জান ।

পটলি এতখানি ধর্মজ্ঞ তাহা জানিতাম না । বলিল, ঢের মাহুষ আছে, ধর্ম তারা করুক গে ।

মেয়েটার জন্ত সত্যই বড় দুঃখ হয় । বোধ করি পটলিকে



ভালবাসিতে শুরু করিয়াছিলাম। আবার চেষ্টা করিতে উদ্যত হইলাম। বলিলাম, পটলি ভাল ক'রে ভেবে দেখ। তুমি জীলোক, আজ তোমার বাবা আছেন—সংসারে কিছুই আটকাচ্ছে না, কিন্তু তিনি বুড়ো হয়েছেন, কতদিন আর বাচবেন বলা! তখন তুমি একলা, অসহায় জীলোক—

পটলি হাসিয়া রাগিয়া ঝাঁঝাইয়া উঠিয়া বলিল, বাবার বাবা রয়েছে না! তুমি ত ভারি মুখ্য! বলিয়া সে মন্দিরের ভিতরে চাহিল। বিগ্রহ তাহাকে আশ্বাস দিল না, ইহা নিশ্চয়; কিন্তু সে পরম নিশ্চিত্তমনে বলিল, বাবা থাকতে ভয় কি! সরো, মন্দির বন্ধ ক'রে বাড়ী যাই।

পটলি আবার নত হইয়া ঠাকুর প্রণাম করিল; চাল ক'টি, সিম ক'খানি আঁচলে বাঁধিল, নতুন কাপড় জোড়া বগলে চাপিয়া দরজা বন্ধ করিয়া হাসিমুখে বলিল, সিম খেয়েছিলে? কাল আবার চাটি আনবো।—বলিয়া চলিয়া গেল।

ওদিকের মসজিদটার পানে চাহিয়া দেখি, বড় সমারোহ! আজ শুক্রবার—জুম্মা।

তারপর যে ক'টা দিন ছিলাম, দেখিতাম পিতাপুত্রীতে আসিয়া পূজা করিয়া মন্দির দ্বার বন্ধ করিয়া চলিয়া যায়, ব্যতিক্রম হয় না। পটলি আসিবার সময় ও যাইবার কালে আমার বাসাটার দিকে চায় বটে। কিন্তু আমি বুঝি সে চাহনিতো আগ্রহের আভাসমাত্র নাই। বরং খানিকটা যেন ভয়ে ভয়েই এই বাড়ীটার পানে চাহিয়া পলাইতে পারিলে বাঁচে এই ভাব!

নীলমণি ক'দিন বা রান্না রাঁধিল, সে আর কি বলিব!

যাহারা ছেলে ঠেকায়, তাহাদের হাতে আর জোর থাকে না, তাই নীলমণির পিঠ ও কাণ অক্ষত ও অখণ্ডই থাকিতে পারিয়াছিল। বেচারার দুঃখটাও ত বুঝি, তাই আলুনী খোলে লবণ সংযোগ করিয়া, জলের গ্লাস হইতে দুধটা দুধের বাটীতে নিজেই ঢালিয়া লইয়া সে ক'টা দিন চালাইয়া দিয়া যেদিন “রহমৎপুর” ছাড়িলাম, সেই নির্জন মন্দির ও সেই বহুজনসেবিত মসজিদ তেমনই দাঁড়াইয়া নিঃশব্দে আমাদের বিদায় দিল। যেদিন আসিয়াছিলাম, সেদিনও উহারাই এমনই নীরবে অভ্যর্থনা করিয়াছিল।

নীলমণির দুঃখটা বুঝিয়াছিলাম। শুধু অহুমান নয়, স্বর্ণেরেই কিছু কিছু শ্রবণও করিয়াছিলাম। আমাকে বলে নাই বটে, তবে এই সকল মূল্যবান কথা গোপনও থাকে না। নীলমণি চাকরমহলে প্রকাশ করিয়াছিল, না-হয় সে-দেশেই থাকতুম। বাবুরও শরীরটা ভাল হচ্ছিল, গুরই বা ফিরে আসবার দরকারটা কি ছিল? একলা ত মানুষ, কি দরকার চাকরী করবার, বাবুর যা আছে, তা'তেই সচ্ছন্দে চলে যেতো। চাকররা নীলমণিকে সমর্থন করে নাই; তাহারা বলে, আরে নীলমণি সে-যে বনবাস!

নীলমণি ইহার কি উত্তর দিয়াছিল শুনিবেন? রামায়ণ মহাভারত উজাড় করিয়া এমন সব অকাটা দৃষ্টান্ত দিয়াছিল যে কাহারও মুখ দিয়া কতকগুলো দীর্ঘনিঃশ্বাস ছাড়া রা শব্দটি বাহির হয় নাই। মোদ্দা কথাটি এই যে, রামচন্দ্র সীতাদেবীকে লইয়া বনবাসেই থাকিতেন; চাকর গোবরা যখন তাহাকে দাদা বলিয়া ডাকে—দেবর লক্ষণের পাট্টা সেই প্লে করিত!

## পথিক

এস, শাম্‌সুল হুদা

পথিক তুমি যাবে অনেক দূরে  
নীলের ছাওয়া ওই সে তোমার ঘর,  
পথ তোমারে ডাকে করুণ সুরে  
সামনে জাগে ধূসর বালুচর।  
ক্লাস্ত চরণ চালিয়ে নিয়ে শুধু  
সামনে চল, এগিয়ে চলার সুরে,  
থাক না পথে ভীষণ মরুর ধূ-ধু  
নাই যদি কেউ কাঁদে তোমার দুখে।  
মনে পড়ে বে'র হয়েছ কবে  
এ-দুনিয়ার পাছশালার দ্বারে?

যা গিয়াছে, গেছেই যদি তবে  
আর ফেরা যে তোমার সাজে না রে।  
দিনের আলো নিভায় যদি রাত্তি  
একলা তোমার চলার পথে হায়;  
কেউ-বা যদি নাহি দেখায় বাতি—  
নাইবা ডাকে ‘শ্রান্ত ওরে আয়।’  
সাহস ভরে চল কোন মতে  
আধার করে বিজন পথের সাথী;  
শুকতারটি গগন-সীমা হ'তে  
ওই যে তোমায় দেখায় আশার বাতি!

# প্রাপ্তবয়স্কের শিক্ষা

শ্রীক্ষিতীশচন্দ্র কুশারী বি-এ, বি-টি

বাংলা দেশে বয়স্ক-নিরক্ষরের সংখ্যা হিসাব করিয়া লাভ নাই। যে দেশের পাঁচ কোটি লোকের মধ্যে শতকরা ৮ জন মাত্র লিখিতে পড়িতে পারে সে দেশের অগণ্য নিরক্ষর জনসাধারণের হিসাব অঙ্ক কবির বাহির না করিলেও এমন বিশেষ কিছু আসিয়া যায় না। অথচ আশ্চর্যের বিষয় এই যে আমরা ইহাদের কথা বড় বেশী ভাবিনা, ভাবিয়া দেখিনা এই বিরাট বিপুল মুক জনসাধারণ জাতীয় উন্নতিকে কি ভাবে ব্যাহত করিতেছে, জগদল পাথরের মত জাতির বুকে কি ভাবে চাপিয়া পড়িয়া আছে।

হয়ত বাংলা দেশের তথা ভারতবর্ষের ইহাই নিয়ম। এই সনাতন দেশে শিক্ষার ধারাই ত সনাতন নিয়মেই চলিয়া আসিতেছে। বৌদ্ধ-যুগের পূর্বে বোধ হয় কোন কালেই জনসাধারণের মধ্যে শিক্ষা প্রচলিত ছিল না। শ্রেণী বিশেষের মাত্র শিক্ষায় অধিকার ছিল। মনুসংহিতায় ইহার কিছু কিছু আভাস আছে এবং অনধিকারীরা যদি বেদ পড়ে অথবা শিক্ষার চেষ্টা করে তাহা হইলে তাহাদের জন্ত যে শাস্তির বিধান ছিল সে শাস্তির রূপ বর্তমান যুগের পিনাল কোড কল্পনাও করিতে পারে নাই। কাণে তপ্ত সীসা ঢালিয়া দেওয়া হইত অনধিকারীর অনধিকার চর্চার জন্ত—তাহার পশ্চাদ্দেশে তপ্ত লোহার শলা বিদ্ধ করিয়া দিবার ব্যবস্থা পর্যাপ্ত ছিল। বৌদ্ধ যুগে ইহার প্রতিকারের চেষ্টা হইয়াছিল। কিন্তু তাত্ত্বিকতার বীভৎসতার মধ্যে বৌদ্ধ ধর্ম ডুবিয়া গেল, জনসাধারণের শিক্ষার প্রসার ও সঙ্গে সঙ্গে প্রতিহত হইল। তাহার পর অনেকদিন চলিয়া গেল, কত রাজা গেল, রাজত্ব গেল, জনসাধারণের শিক্ষার কথা আর উঠিল না।

ইংরাজ রাজত্ব আরম্ভ হইল। সাধারণের শিক্ষার কথাও উঠিল। কিন্তু অলস নিষ্ক্রিয় জাতির সনাতন মন তাহাতে সায় দিলনা। তাহার ফল হইল এই—বাহারা নূতন শিক্ষায় শিক্ষিত হইল তাহাদের সঙ্গে অশিক্ষিতদের বিশেষ ক্রমশঃ বাড়িয়াই চলিল। এই কৃত্রিম বিশেষদের কুকল, সমাজের দিক দিয়া, অর্থনীতির দিক দিয়া এবং রাজনীতির দিক দিয়া আমরা এখন বেশ বুঝিতেছি। করাসী-বিপ্লবের কিংবা রুবিয়ার নববিধানের মূলে শিক্ষিত ও অশিক্ষিতের এই কৃত্রিম বিভাগ মস্তুর মত কাজ করিয়াছিল।

আমাদের দেশে নানা দিক দিয়া পরিবর্তন হ্রস্ব হইয়াছে। সমাজ জাতিগণ গিয়াছে, শ্রেণীগত বৃত্তি লোপ পাইয়াছে, কুটীরশিল্প আর নাই। বর্তমান যুগ বস্ত্রের যুগ, গতির যুগ। এই ব্যতিক্রম সত্যতার সঙ্গে, এই গতির সঙ্গে জনসাধারণ আর যোগ রাখিতে পারিতেছে না, তাই নানা সমস্যা ও বিরোধ দিনের পর দিন দেখা দিতেছে। শাসন ক্রমশঃ গণতান্ত্রিক হইতেছে, লোকের ভোটাধিকার ক্রমশঃ প্রসারিত হইতেছে—

অথচ জনসাধারণ এই নূতন আবেষ্টনের মধ্যে আপনাদিগকে ঠিক খাপ খাওয়াইতে পারিতেছেন না। ইহার প্রধান কারণ নিরক্ষরতা, ভোটাধিকারের সঙ্গে শিক্ষার একটা গভীর যোগ আছে। নিরক্ষরদের প্রজ্ঞার দায়িত্ব সম্বন্ধে সম্যক জ্ঞান নাই। ইহার ফলে জাতির সর্ববিধ দুর্গতিরও শেষ নাই।

সুখের বিষয় দেশের লোক এখন নিরক্ষরদের শিক্ষা সম্বন্ধে ভাবিতে আরম্ভ করিয়াছে এবং গবর্নমেন্টও এ সমস্যা সমাধানের জন্ত আলোচনা করিতেছেন।

ইহা ভালই। সমস্যার আলোচনারও ফল আছে—ইহাতে সমাধানের পথ কতকটা স্পষ্ট হয়।

বয়স্কদের শিক্ষার কথা উঠিলেই মনে একটা বিচিত্রভাব আসে—নিরক্ষর যুবক প্রোট ও বৃদ্ধ ছাত্রহিসাবে লোভনীয় নহে, ইহাদের জনতাও অশোভন। কিন্তু লোভন ও শোভন লইয়াই কথা নহে, ভাবিতে হইবে প্রয়োজন এবং এই প্রয়োজনের উদ্দেশ্য।

প্রয়োজনের কথা আগেই বলিয়াছি।

ডেনমার্ক বয়স্কদের শিক্ষার জন্ত অনেক বিদ্যালয় আছে। এখানে সাধারণভাবে লেখা পড়া শিখান হয়, স্বাস্থ্য ও কৃষির সম্বন্ধে জ্ঞান দান করা হয় এবং বয়স্কদিগকে তাহাদের পৌরদায়িত্ব সম্বন্ধে সজাগ করিয়া তুলিবার চেষ্টা করা হয়। এইখানেই শিক্ষার শেষ নহে। কাজের অবসরে কি ভাবে সকলকে গ্রামের সঙ্গে জড়িত করিয়া রাখিতে হইবে, কি ভাবে নিজদের পন্নীকে হুম্মর ও শোভন করিতে হইবে, সমাজের সংহতি দৃঢ় করিতে হইবে, শ্রমের মর্যাদা বাড়াইয়া আর্থিক সমস্যা দূর করিতে হইবে এবং সর্বোপরি ভগবানে বিশ্বাস রাখিতে হইবে—তাহাও শিক্ষা দেওয়া হয়।

ডেনমার্কের মত স্বাধীন দেশে বাহা সম্ভব হইয়াছে হয়ত এদেশে তাহা সম্ভবপর হইবেনা। কিন্তু আদর্শ অনুসরণ করিতে দোষ নাই।

এখানে একটা কথা স্পষ্ট করিয়া বলা ভাল। শুধু বয়স্কদের লেখা-পড়া শিখানোই এই আন্দোলনের উদ্দেশ্য হওয়া উচিত নহে। লেখা-পড়া শিখানোর সঙ্গে সঙ্গে এই সব ছাত্রকে মোটামুটিভাবে শিক্ষা দিতে হইবে—পন্নী, স্বাস্থ্য ও গার্হস্থ্য স্বাস্থ্যবিজ্ঞান, আরব্যয়ের নীতি, কি ভাবে কৃষির উন্নতি করা যায়, কি ভাবে জমিতে সার দেওয়া উচিত, গবাদি পশুর পালন ও রক্ষণ—লাজল ও অস্ত্রান্ত কৃষিসম্বন্ধীয় বস্ত্রপাতির নির্মাণ ও উন্নতি, কৃষিজাত দ্রব্যের সহজ বিক্রয় ব্যবস্থা, গ্রামের রাজস্ব নীতি, মহাজনের ধার দিবার পদ্ধতি ও সমবার নীতি। সমাজের দিক হইতে ইহাদিগকে সজ্ঞান করিয়া তুলিতে হইবে—নিজের সঙ্গে গ্রামবাসীদের সম্পর্ক, গ্রামের আপদে বিপদে উৎসবে ব্যসনে পরস্পরের

দারিদ্র, ঋণদান সমিতি অথবা সমবায় সমিতির সঙ্গে নিজের সম্পর্ক। ইহা ছাড়া এই সব ছাত্রদিগকে জানিতে হইবে, গ্রামের যানবাহনের কথা, নদীর কথা, পোষ্টাফিসের কার্যপদ্ধতি, যাতায়াতের রাস্তার কথা। সামাজিক দিক দিয়া তাহাদের আরও জানিতে হইবে সামাজিক দোষত্রুটি—অল্প বয়সের বিবাহের কুফল, জাতিভেদপ্রথার দোষ, স্ত্রীজাতির বর্তমান দুঃস্বস্থা ও উচ্চনীচ ভেদাভেদের বিষময় ফল।

মোটের উপর ইহাদের শিক্ষা হইবে আনন্দের ভিতর দিয়া। বাঙ্গালী জাতির জীবনে আজকাল আনন্দের স্থান নাই—বয়স্কের শিক্ষার মধ্য দিয়া এই আনন্দকে আবার ফিরাইয়া আনিতে হইবে। তাহাদিগকে শিক্ষা দিতে হইবে কি ভাবে আনন্দে অবসর সময় কাটানো যায়—গানে, গল্পে, কথাবার্তায় কি ভাবে জীবনকে ভোগ করা যায়। যদি এই আনন্দের মাধ্যমে বয়স্কদের শিক্ষার মধ্যে বহাইয়া দেওয়া যায় তাহা হইলেই ইহাদের শিক্ষা হইবে সার্থক এবং শিক্ষার আনন্দ তাহাদের কর্মজীবনকে মধুময় ও সুন্দর করিয়া তুলিবে।

কিন্তু বয়স্কদের শিক্ষার গোড়ার কথা ভুলিলে চলিবে না। নিরক্ষরতা দূর করাই এই আন্দোলনের মুখ্য উদ্দেশ্য। প্রথমেই কথা উঠিতে পারে—যে বয়সে এই সব ছাত্র বিজ্ঞালয়ে আসিবে, তাহারা সত্যি কিছু শিখিতে পারিবে কি না? অর্থাৎ তাহাদের শিক্ষাগ্রহণের ক্ষমতা আছে কি না? হয়ত এই সম্বন্ধে বৈজ্ঞানিক গবেষণা হইয়াছে এবং হইতেছে। বৈজ্ঞানিক গবেষণার ফল যাহাই হউক একথা স্বীকার্য যে মানুষের মন নামক পদার্থটা জীবন্ত; ইহার গ্রহণ করিবার শক্তি অক্ষুরন্ত, বাহিরের সংঘাতে ইহা চির-চঞ্চল। হয়ত অল্পবয়স্ক বালকগণের মনের দ্রুতগতি বয়স্কদের নাই, কিন্তু বয়স্কদের মনের শিক্ষাগ্রহণের শক্তি আছে ইহা বৈজ্ঞানিকগণও স্বীকার করিয়াছেন।

আমি আগেই বলিয়াছি, বয়স্করা সাধারণ ছাত্র নহে—ইহারা অসাধারণ। সুতরাং ইহাদের শিক্ষাব্যবস্থাও নূতন রকম হওয়া উচিত। সময় যত কম লাগে ততই ভাল, এক বৎসরের মধ্যেই পাঠ্য-তালিকা শেষ করা বিধেয়।

ক, খ কিংবা অ, আ হইতে বয়স্কদের শিক্ষা আরম্ভ করিলে চলিবে না। বর্ণশিক্ষার মধ্যে কোন আনন্দ নাই, শব্দশিক্ষার মধ্যে আনন্দ আছে। যদি সেই বর্ণের সঙ্গে চিত্র থাকে তবে ত সোনার সোহাগা। এই বয়স্কদের শিক্ষাক্ষেত্রে চিত্র অথবা চার্টের একটা বিশেষ উপযোগিতা আছে। বোর্ডে চিত্র লিখিয়া যদি চিত্রের চিত্রটি আঁকিয়া রাখা যায়, তাহা হইলে শিক্ষার্থীর মনের সঙ্গে শব্দ ও চিত্রের একটা অদৃশ্য যোগাযোগ ঘটিয়া যায় এবং শব্দটা মনে না থাকিলেও চিত্র দেখিয়া তাহা সহজেই মনে পড়ে। এইভাবে সাধারণ ও প্রচলিত শব্দ পড়া শিখানো চলিতে পারে এবং আবশ্যিক মত শব্দ বিশ্লেষণ করিয়া বর্ণজ্ঞান দেওয়াও সম্ভব হয়। বুদ্ধিমান শিক্ষক বিভিন্ন শব্দ দ্বারা বিচিত্র কবিতাও রচনা করিতে পারেন এবং ছাত্রগণ ঐ কবিতা দ্বারা শব্দগুলি সহজেই মনে রাখিতে পারে।

সহরে দোকানে দোকানে বিজ্ঞাপনের ছড়াছড়ি, দেওয়ালে

দেওয়ালে বিজ্ঞাপন, রাস্তার রাস্তার রাস্তার নাম লেখা—সহরের ছেলেরা ইহা হইতে নিজের অজ্ঞাতেই কতকটা শব্দজ্ঞান আরম্ভ করিয়া লয়। বয়স্কদের শিক্ষাগৃহে যদি সহজ এবং অতি সাধারণ প্রবাদ বাক্য, ধর্ম-শাস্ত্রের সহজ সরল কথা, সরল নীতিকথা প্রভৃতি বিজ্ঞাপনের মত বড় বড় অক্ষরে লেখা থাকে তাহা হইলে ইহা দ্বারা অতি সুকৌশলে পড়া শিখানো যায়। বিভিন্ন লেখাগুলি ক্রমাগত কয়েকদিন শিক্ষার্থীকে পড়িয়া দেওয়া হইল। তার পর শিক্ষক মহাশয় ছাত্রদিগকে বলিবেন—অমুক লেখাটি কোথায় দেখাও দেখি। ইহার ফল হইবে এই—স্বতঃই শিক্ষার্থীর মন উহাতে আকৃষ্ট হইবে এবং তাহাদের মনে পড়ার জন্ত একটা একান্ত আগ্রহ সৃষ্টি হইবে।

মোট কথা এই বয়স্ক শিক্ষার্থীদের এমন একটা মানসিক অবস্থা সৃষ্টি করিতে হইবে যে যেন তাহারা এই শিক্ষা ব্যাপারটাকে খুব সহজ বলিয়া মানিয়া লয়। বাহিরের কৃত্রিম যন্ত্র সাহায্যে শিক্ষাদান ক্ষেত্রে বড় বেশী-দূর অগ্রসর হওয়া যায় না। ইহার ক্ষেত্র সীমাবদ্ধ। যন্ত্রগুলি হইবে গোঁপ এবং ইহাদিগকে কেন্দ্র করিয়া শিক্ষার্থীর মনে শিখিবার আগ্রহ জন্মাইতে হইবে।

বয়স্কদের পড়িতে শিখাইতে যতটা বেগ পাইতে হইবে, লেখা শিখাইতে ততটা পরিশ্রম হইবে না। ইহার প্রধান কারণ ইহাদের হাতের আঙ্গুলের গতি সংযত। ছোট ছেলের আঙ্গুলের মত অস্থির নহে। ইহাদের মধ্যে অনেকেই কারিকর, তাঁতী, অঙ্কনপটু ইত্যাদি থাকিবে। সুতরাং যদি তাহাদের মনের মধ্যে শব্দের ছবিটা থাকে তাহা হইলে অতি সহজেই কলমের ডগায় তাহার চিত্ররূপ ফুটিয়া উঠিবে।

এই ত গেল শিক্ষার কথা। কিন্তু শিক্ষক কাহার হইবেন? আমি অর্থসমস্যার কথা মোটেই তুলিতেছি না। এক একটু স্কুল চালাইতে হইলে যে খুব বেশী অর্থের প্রয়োজন তাহা নহে। বোধ হয় বাৎসরিক ১০০ টাকা হইলেই একটু স্কুল চলিয়া যাইতে পারে। আরও কম খরচে হয়। বিনা খরচেও হয়। চীনদেশে হইতেছে, রুবিয়ায় হইতেছে, স্কুল কলেজের ছাত্রছাত্রীরা অবসর সময়ে জাতীয়তার দিক হইতে এই জন-কল্যাণের কাজ করিতেছে। আমাদের দেশে আমাদের ছাত্ররা হয়ত এই সব কাজ এক দিন করিবে, হয়ত একটু বিলম্ব আছে। এখন এ কার্যের ভার প্রাথমিক স্কুলের শিক্ষকদিগকেই গ্রহণ করিতে হইবে, সামান্য কিছু অতিরিক্ত পারিশ্রমিকের বিনিময়ে। প্রথম প্রথম তাহারা একটু বেগ পাইবেন, একটু বেশী পরিশ্রম হইবে—তিন মাস পরেই এই পরিশ্রমের কিঞ্চিৎ লাঘব হইবে। কারণ বয়স্কছাত্রেরাই তাঁহাদিগকে ক্রমশঃ সাহায্য করিবে। ছাত্রেরা শিক্ষক মহাশয়কে সাহায্য করিয়া আশ্রয়প্রসাদ লাভ করিবে—আশ্রয়নির্ভর হইবে, তাহাদের নিজের উপর বিশ্বাস আসিবে। শিক্ষার্থীরা যদি প্রত্যেকে মাসিক এক পরমা কিংবা দু' পরমা করিয়া দেয় তাহা হইলেই শিক্ষক মহাশয়ের পারিশ্রমিক পাওয়া সম্বন্ধে বিশেষ চিন্তা করিতে হইবে না। স্থানীয় ইউনিয়ন বোর্ড ইচ্ছা করিলেও কিছু সাহায্য করিতে পারে এবং সাহায্য করা উচিত।

বিদ্যালয় গৃহ সম্বন্ধে ভাবিবার আবশ্যিক নাই। স্থানীয় ক্লাবঘর, লাইব্রেরী, মন্দির বা মসজিদের উঠান, আখড়া—নিতান্ত পক্ষে পাঠশালা-গৃহই হইবে শিক্ষা মন্দির। সাধারণতঃ কাজকর্মের অবসরে এই বিদ্যালয়ের কার্য হইবে এবং নাচ পান আনন্দের ফাঁকে ফাঁকে, বিড়ি, সিগারেট ও ছাঁকার ধূঁয়ায় ধূঁয়ায় পাঠদান কার্য চলিবে। বয়স্কদের শিক্ষাদানকালে শিক্ষক মহাশয়ের পৃথক অস্তিত্ব থাকিবে না। ছাত্রদের সঙ্গে তাঁহাকে সমান ভাবে মিশিয়া যাইতে হইবে।

এখানে আর একটা কথা মনে রাখা আবশ্যিক। এক বৎসর পরে বয়স্করা বিদ্যালয় পরিত্যাগ করিবে। চর্চার অভাবে হয়ত তাহারা তাহাদের অধীত বিজ্ঞা ভুলিয়া যাইবে। এই অবস্থার প্রতিকারের জন্ত প্রতি ইউনিয়নে ছোট-খাট সাধারণ গোছের গ্রন্থাগার থাকা উচিত এবং যাহাতে এই গ্রন্থাগারের গ্রন্থের সঙ্গে এই বয়স্কদের যোগ থাকে তাহার ব্যবস্থা না করিলে সমস্ত পরিশ্রমই পণ্ড হইবে। গ্রামের বড়লোকদের সাহায্যে ইউনিয়ন বোর্ড অতি সহজেই এই গ্রন্থাগার স্থাপন করিতে পারিবে ও পরিচালন করিতে পারে।

স্থানীয় ইউনিয়ন বোর্ড বয়স্কদের শিক্ষাসমস্যার সমাধানের যথেষ্ট সহায়তা করিতে পারে। ইউনিয়ন বোর্ড ভিন্ন পল্লী উন্নয়ন সমিতি, সমবার সমিতি এবং স্থানীয় দাতব্য প্রতিষ্ঠানসমূহও বয়স্কদের শিক্ষা আন্দোলনে যোগ দিয়া ইহাকে সার্থক করিয়া তুলিতে পারে।

এই শিক্ষা সমস্যার আর একটা দিক আছে, যাহা সহজেই লোকের চোখে এড়াইয়া যায়। বয়স্কদের শিক্ষার প্রতি কি ভাবে তাহাদের আগ্রহ জন্মাইতে হইবে তাহার কিঞ্চিৎ আলোচনা করিয়াছি ; কিন্তু তাহারা খুব সহজে বিদ্যালয়ে যাইবেনা। এ জন্ত কিছু কিছু প্রচার কার্য আবশ্যিক ; তবে শুধু প্রচারেই কিছু হইবে না। অজ্ঞ ভাবে চাপ দিতে হইবে। যদি সমবার সমিতি নিয়ম করে টিপসাহি দেওয়া লোককে ঋণ দেওয়া হইবে না, ঋণ দান সমিতির সন্ত্য করা হইবে না ; ইউনিয়ন বোর্ড যদি বলে নিরক্ষর চৌকিদার দফাদার পিয়ন প্রভৃতি কর্মে গ্রহণ করা হইবে না, যাহাদের চাকর ও মুনিষ রাখিবার সঙ্গতি আছে তাহারা যদি নিরক্ষর লোক কর্মে নিযুক্ত না করে—তাহা হইলে সম্ভবতঃ এই নিরক্ষর বয়স্করা শিক্ষার প্রতি একটু আগ্রহীল হইবে। এতদ্ভিন্ন আরও নানা উপায় আছে, তাহা অনেকেই জানেন, বাহুল্য ভয়ে তাহার উল্লেখ নিষ্প্রয়োজন।

যদি এই বয়স্কদের শিক্ষার কোন ব্যবস্থা না করিতে পারা যায়, তবে দেশের শিক্ষার সর্বাঙ্গীণ উন্নতি সম্ভব হইবে না ; যেখানে গাঢ় অন্ধকার যোজন ব্যাপিয়া রহিয়াছে দুই একটা প্রদীপের শিখা সেখানে কত আলো যোগাইবে? দেশের উন্নতির জন্ত, দেশের উন্নতির জন্ত, জাতির উন্নতির জন্ত, রাষ্ট্রের উন্নতির জন্ত সকলকে এই আন্দোলনে মনে-প্রাণে যোগ দিতে হইবে।

## যাত্রী

শ্রীঅশ্বিনীকুমার পাল এম-এ

অসীম তিমির যাত্রি,  
আমরা পথের যাত্রী।  
যেতে হবে দূরে বহু দূরে  
গিরি নদী বন ঘুরে ঘুরে,  
অন্ধকার দাঁড়াইয়া ছুয়ার সম্মুখে।  
মৌন অধোমুখে।

তৃষ্ণাতুর এই দুটি অন্ধকার চোখে নাই আলোকের লেশ ;  
তমসা অশেষ,  
ঘনাইছে হিয়ায় হিয়ায়।  
শিহরায়  
মরু মরীচিকা ওই চারিদিক থেকে,  
সর্ব অঙ্গে ক্ষত চিহ্ন এঁকে।

ওগো আর কত দূর !

যে কান্নার সুর

ঝরে পড়ে দিগন্তের অন্তরাল হতে,

মেঘে ঢাকা অন্ধকার পথে।

আকাশ ভূধর তাই করিছে ক্রন্দন,

ছিঁড়িতে বন্ধন।

দিকে দিকে উঠিতেছে ধ্বনি—আর কতদূর ?

যাত্রী আমি চলিতে হইবে পথ দূর—বহু দূর।

# রাজবল্লভের গয়ায় ভূমিদান ও তৎকালীন দলিল-পত্র


শ্রীযোগেন্দ্রনাথ গুপ্ত

বাঙ্গালাদেশের ইতিহাসাহুরাগী ব্যক্তিমাত্রই রাজনগরের মহারাজা রাজবল্লভের নামের সহিত পরিচিত আছেন। তাঁহার সম্বন্ধে বাঙ্গালা সাহিত্যে কয়েকখানি প্রামাণিক গ্রন্থও আছে। 'বিক্রমপুরের ইতিহাস'-এর প্রথম সংস্করণে (১৩১৬ সাল) আমি রাজবল্লভের জীবনী সম্বন্ধে আলোচনা করিয়াছিলাম। সম্প্রতি আমার লিখিত 'বিক্রমপুরের ইতিহাস' দ্বিতীয় সংস্করণ—প্রথমখণ্ড প্রকাশিত হইয়াছে। দ্বিতীয়খণ্ডও মুদ্রিত হইতেছে। তাহাতে রাজবল্লভ সম্পর্কে বিস্তারিত আলোচনা করিয়াছি। এখানে প্রসঙ্গত তাঁহার একটি দান সম্পর্কিত দলিলপত্র লইয়া আলোচনা করিব। উহা হইতে সেকালের অর্থাৎ অষ্টাদশ শতাব্দীর শেষভাগের জমিদারগণের বিচারপদ্ধতি, সেকালের দলিল-দস্তাবেজ ও বাঙ্গালাভাষার আদর্শ সম্বন্ধে একটা ধারণা জন্মিবে।


শঙ্কুনাথ কোঠি গয়ালীকে বিষ্ণুপ্রতি উৎসর্গ করিয়া মূল্যবান ভূসম্পত্তি দান করেন। উত্তর বিক্রমপুরের মাল্লাগ্রাম সেই সম্পত্তির অন্তর্ভূত থাকায় ঐ গ্রাম গয়ালি-মাল্লা নামে পরিচিত হইয়া আসিতেছে। রাজবল্লভ গয়ার পাণ্ডাঠাকুরকে ৯২৩/ বিঘা ভূমি দান করেন। ঐ দান ১১৬৫ সালে অর্থাৎ ইংরেজী ১৭৫৮ খৃষ্টাব্দে সম্পন্ন হয়—ঠিক পলাশি যুদ্ধের এক বৎসর পর। তদবধি গয়ালি পাণ্ডাঠাকুর ও তাঁহার বংশধরেরা তদীয় যজমান রাজবল্লভের প্রদত্ত ভূসম্পত্তি ভোগদখল করিতে থাকেন; কিন্তু তাঁহাদের পক্ষে গয়া হইতে সম্পত্তির রক্ষণাবেক্ষণ করা সম্ভবপর ছিল না বলিয়া তাঁহারা সম্পত্তি রক্ষার ভার বা তাঁহাদের প্রতিনিধিরূপে তদ্বির করিবার ও আদায়-ওয়াসিলের ভার একজন তহসীলদারের উপর সমর্পণ করেন।

মহারাজা রাজবল্লভ গয়াতে পিতৃকার্য্য করিতে গিয়া

আমরা শ্রীশিবশঙ্কর বিশ্বাস নামক এক ব্যক্তির বরাবরে



১১৬৫ সালের দলিলের প্রথমাংশ



১১৬৫ সালের দলিলের শেষাংশ

ঐরূপ দুইখানি তহসীলদার নিয়োগপত্র পাইতেছি। উহার একখানার তারিখ ১২৩৯—২২ বৈশাখ। আর একখানার ১২৩০...পরের অঙ্কটির স্থান পোকায় কাটিয়া নষ্ট করিয়া ফেলিয়াছে; কাজেই অঙ্কটি বুঝা গেল না, সম্ভবত ১২৩৮ হইবে। তারিখ ২৫ চৈত্র। এই দলিল দুইখানি ১০৮ বৎসরের পুরানো। ইহা দ্বারা বুঝা যাইতেছে যে শম্ভুনাথ কোঠি গয়ালির বংশধরগণের মধ্যে ভাগ-বাটোয়ারা হওয়ার দরুণই 'ব্রহ্মত্র'প্রাপ্ত ভূমির অংশীদারগণ স্বতন্ত্রভাবে শ্রীশিবশঙ্কর বিশ্বাসকে তহসীলদার নিযুক্ত করিয়াছিলেন। আমরা এখানে দলিল দুইখানির পাঠ প্রদান করিলাম। মহারাজা রাজবল্লভ ১১৬৫ সালে শম্ভুনাথ কোঠি গয়ালিকে বিষ্ণুপ্রীত্যর্থ ব্রহ্মত্র দান করেন। আর শ্রীশিবশঙ্কর বিশ্বাসকে তহসীলদার নিযুক্ত করিলেন তাহার পরবর্তী বংশধরেরা ১২৩৯ সালে অর্থাৎ ৭৪ বৎসর পরে।

১২৩৯ সালের ২২শে বৈশাখের দলিলখানির ও ১২৩০... ২৫শে চৈত্র তারিখের দলিলের পাঠ নিম্নে লিখিত হইল।

### শ্রীশ্রীদুর্গাসহায়

শ্রীশিবশঙ্কর বিশ্বাস যু চরিতেষু আগে—

আমার ব্রহ্মত্র প্রাপ্ত তালুক পরগণে রাজনগর—ঢাকা মুরপুর কিসমত মাদরা দত্ত মহারাজা রাজবল্লভ বনামে শম্ভুনাথ গয়ালি উপর লিখা জ্ঞাএ উক্ত কিসমত মজকুরের তহসীলদারি কর্ত্তে ভূমি নিযুক্ত আছ এই কিসমতের খাজনা উমূল তহসীল করিয়া মবলগ ৪৮১, চাইরশ একাশী টাকা আমার সরকারে আদাএ করিবা এহার পর জাহা বিক্রী সূত্র তাহা ভূমি পাইবা আমার দাবী নাই তোমার পাটারী মাহিআনা জমী তিনকানী আর নগদ ৩৬, ছত্রীশ টাকা পাইবা আর বাজে জমা রাজধুতি গয়রহ জাহা হত্র তাহার অর্দেক সরকারে দাখিল করিবা অর্দেক ভূমি নিবা ইতি সন ১৩২৯—তারিখ—২২ বৈশাখ।

এই দলিলে স্বাক্ষর করিয়াছেন—শ্রীমতী দুর্গাগয়ালিন দেব্যা অণ্ডে মৃত হকুমচাঁদ কুঠি গয়ালি ঠাকুর সাং গয়াধাম মহলা নাওয়াগারি। নাম স্বাক্ষর রহিয়াছে দলিলের উপরে ডান দিকে।

দ্বিতীয়খানির অমূল্যপি এইরূপ :

শ্রীশিবশঙ্কর বিশ্বাস মোহরের যুচরিতেষু আগে—

আমার ব্রহ্মত্র জমি পরগণে রা...র ( রাজনগর ) 'রা'-র পরের অক্ষর তিনটি ছিন্ন। চাকলে মুরপুর কিসমত মাদরা বনামে শম্ভুনাথ গয়ালী ঠাকুর লিখা জ্ঞাএ এই কিসমত মজকুরে তোমাকে উমূল তহসীল কারণ চাকর মকরর আছ ভূমি হামেশা গ্রাম মজকুরে হাজীর থাকিবা—জখন জে কার্য্যকর্ম হয় তাহা করিবা এবং খাজানা গয়রহ ওমূল তহসীল করিয়া খাজানা আমার নিকট হস্তী করিয়া পাঠাইবা হাওলাদারি পাট্টা আমার বিনা এতলায় কেহকে দিবা না—তোমার মাহীনা বৎসর ময়...খোরাক ৪২, বেয়াল্লীষ টাকা সীকা পাইবা এবং পাটোয়ারি মাহিনায় জে জমি আছে তাহা ভোগ করিয়া মামলী খরচ জে ২ আছে করিবা গরহাজীর থাকীয়া কর্মের লোকসান কর মাহীনা বাজেয়াপ্ত বাজে দফা জেতক হয় তাহার অর্দেক ভূমি পাইবা অর্দেক সরকারে দাখিল করিবা ইতি সন ১২৩০ ( ছিন্নাংশ ) তারিখ—২৫শে চৈত্র। এইখানিও শ্রীমতী দুর্গা গয়ালীন স্বাক্ষরিত এবং জমি তিনকানী উল্লিখিত আছে। বোধ হয় বিভিন্ন অংশ অনুযায়ী তহসীলদার নিযুক্ত করা হইয়াছিল।

এই দুইখানিই শিবশঙ্কর বিশ্বাসকে গয়ালী-মাদ্রার কর্মচারী নিয়োগ পত্র।

মহারাজা রাজবল্লভ ১১৭০ বাঙ্গলা এবং ইংরেজী ১৭৬৩ খৃষ্টাব্দে যুত্য়মুখে পতিত হন। তাঁহার জমিদারি পরবর্তী বংশধরগণ মধ্যে বিভিন্ন অংশে বিভক্ত হইয়া পড়ে। ইংরেজী ১৭৯২ এবং বাঙ্গলা ১১৯৮ সালের একখানি বাটোয়ারা বাজে জমা পত্রে গয়ালীদিগের প্রদত্ত ব্রহ্মত্র জমির বিষয় মহারাজা রাজবল্লভের পাঁচ পুত্রের নামোল্লেখ দেখিতে পাওয়া যায়। তাহার আংশিক প্রতিলিপি এখানে

খোলশা নকল একোয়ান বাটোয়ারা বাজে জমী পরগণে রাজনগর গএরহ সরকার ফথেয়াবাদ ও গয়রহ জমীদার শ্রীরাজা লক্ষ্মীনারায়ণ রায় বাটোয়ারা আমীন শ্রীবুত মে: তামসেন সাহেব সন ১৭৯২ সতরশত বিয়ানক্বই ইংরেজী মতাবেক সন ১১৯৮ এগারশত আটানক্বই বাঙ্গলা

১২১ ফর্দের পোস্তে—হিঃ রায় গোপালকৃষ্ণ চাকলে  
হুরপুর আসামী—জমি—ভিটি—নাল—মজকুনি—ভিটি—  
নাল—নাগায়ত সন ১১৯৬ ভিটি—নাল—উৎসর্গ—ভিটি—  
নাল—বাস্তপূজা—ভিটি নাল—

কিঃ—মান্দরা জমি ২১/৭ ভিটি ২১৮ মজকুনি ২১/৩৬  
ভিটি ৯/১৫৥ নাল ২১৮.....

হিঃ রাজা গঙ্গাদাস

৮৬ ফর্দের পোস্তে

জমি ২১/৩৬ ভিটি ৯/১৫৥ নাল, ২১৮ মজকুনি ২১/৩৬

ভিটি ৯/১৫৥ নাল ২১৮

হিঃ কেবলরাম বাবু

১৯ ফর্দের পোস্তে

জমি ২১/৩৬ ভিটি ৯/১৫৥ নাল ২১৮ মজকুনি ২১/৩৬

ভিটি ৯/১৫৥ নাল ২১৮

হিঃ রাজা কৃষ্ণদাস বাহাদুর—

৪৫ ফর্দের পোস্তে—জমি ২১/৩৬ ভিটি ৯/১৫৥ নাল ২১৮

মজকুনি ২১/৩৬ ভিটি ৯/১৫৥ নাল ২১৮...

হিঃ রায় রাধামোহন

১৫৭ ফর্দের রোধে জমি ২১/৩৬ ভিটি ৯/১৫৬ নাল ২১৮

মজকুনি ২১/৩৬ ভিটি ৯/১৫৬ নাল ২১৮

১২/১৮ ৥/১৭৬ ১১১/৬ ১২/১৮৬ ৥/১৭৬ ১১১/৬

শ্রীকেবলরাম সেনগোপ্তা, শ্রীরাধামোহন সেনগোপ্তা  
বং শ্রীনিলমণি সেনগোপ্তা, শ্রীরামগোপাল সেনগোপ্তা বং  
শ্রীপীতাম্বর সেনগোপ্তা, শ্রীরাজা গঙ্গাদাস সেন বং  
শ্রীকালীশঙ্কর সেন, শ্রীরাজা কৃষ্ণদাস বাহাদুর বং  
শ্রীরাজকৃষ্ণ সেন।

অতঃপর আমরা নং ৫৩ সন ১৮৫৯৬০ তারিখের একটি  
মোকদমার কাগজপত্র হইতে এই গয়ালী-মাস্ত্রা গ্রামের  
ব্রহ্মত্র জমি সম্পর্কে যে একটি মোকদমা উপস্থিত হয়  
উহাতে রাজার পঞ্চম পুত্র গোপালকৃষ্ণ কর্তৃক একটি  
বিচারের মীমাংসার দলিল (ফয়সালা) দাখিল হয়।  
সেই দলিলটিতে রাজা গোপালকৃষ্ণের স্বাক্ষর রহিয়াছে।  
সেই দলিলখানির অংশ আমরা এই প্রবন্ধে প্রকাশ  
করিলাম।

মহারাজা রাজবল্লভ সলরজঙ্গ বাহাদুরের সাত পুত্র  
ছিলেন।

মহারাজা রাজবল্লভ সলরজঙ্গ  
|  
|  
|  
(১) দেওয়ান রামদাস (২) রাজা কৃষ্ণদাস (৩) রাজা  
গঙ্গাদাস (৪) রায় রতনকৃষ্ণ (৫) রায় গোপালকৃষ্ণ  
(৬) রায় রাধামোহন (৭) কেবলবাবু।

মহারাজা রাজবল্লভের প্রথম পুত্র দেওয়ান রামদাস ও  
চতুর্থ পুত্র রতনকৃষ্ণ পিতার জীবদ্দশায় মৃত্যুগুণে পতিত  
হইয়াছিলেন। এজ্ঞা তাঁহাদের দত্তকগণ জমিদারীর অংশ  
না পাইয়া ভরণপোষণার্থ প্রত্যেকে মাসিক ৫০০ টাকা  
প্রাপ্ত হইলেন।

মহারাজা রাজবল্লভের পুত্রগণের পরিচয় দেওয়ান  
এইক্ষণে গয়ালী-মাস্ত্রার বিষয়টি পাঠকগণের বুদ্ধিতে বিশেষ  
সুবিধা হইবে।

যে মোকদমার দরুন রায় গোপালকৃষ্ণ স্বাক্ষরিত ফয়সালা-  
খানি দাখিল হইয়াছিল, এখানে সেই দলিলখানির অঙ্কলিপি  
প্রদান করিলাম।

বোরকারি কাচারি ডিপুটি কালেক্টারি জেলা ঢাকা  
মোকাম ঢাকা—শ্রীযুত বাবু রামকুমার বহু ডিপুটি  
কালেক্টর সন ১৮৬০ সন ইংরেজী—১৯ জানওয়ারি  
মোতাবেক সন ১২৬৬ সন ৭ মাস—

সরকার বাহাদুর—বাদী

প্রাণনাথ কুটী গয়ালী সাংনাওয়াগাড়ি পরগণে গয়ালী  
জিলে বেহার—প্রতিবাদী

পরগণে রাজনগর কিঃ মান্দরা মধ্যগত ৯২৩/ বিঘা—  
নিষ্কর ভূমি তদন্তের মকদমা...

অথ এই মকদমা প্রতিবাদীর মোক্তার মহেশচন্দ্র চক্রবর্তী  
ও গোলোকচন্দ্র সেনের সাক্ষাতে উপস্থিত করিয়া নথির  
কাগজাৎ...বিদিত হইল জে থাকবন্তের শ্রীযুত সুপ্রেটেন্ট  
সাহেব বাহাদুর...তারিখের বোরকারি দ্বারা উক্ত নিষ্কর  
ভূমির নকসা এই...কালেক্টারিতে প্রেরণ করিয়াছিলেন যে  
মহারাজা রাজবল্লভের দত্তা উক্ত কিসমতের নিষ্কর ভূমি  
তাহার জমিদারি সংক্রান্ত বিধায় তত্ত ৫ পাচ পুত্রের মধ্যে  
মেঃ তামশান সাহেব কর্তৃক ৫ পাচ অংশে বণ্টক হইয়া  
তাহা গবর্নরমেন্ট পর্য্যন্ত মঞ্জুর হইয়াছে এই নিষ্কর ভূমি  
তজবিজ হওনান্তর রেহাই পাও প্রকাশ নাই এ প্রবন্ধে এই  
নিষ্করের সিদ্ধান্তীদের বিচার কালেক্টার হইতে আমলে

আনা জায় তদানুসারে শ্রীযুত কালেক্টার সাহেব বাহাদুর ১৫ আগষ্ট তারিখে এই আদেশ এই মকদ্দমার কাগজাত অত্র কাচারিতে অর্পণ করিয়াছেন জে এ পক্ষ ঐ নিষ্কর ভূমির উচিত তদন্ত আমলে আনিয়া রায় সম্বলিত কাগজাত... নিয়া শ্রীযুতের হুজুরে প্রবল করে সেমতে প্রমাণ তলবে প্রতিবাদীর নামে এডলানামা জারি করাতে প্রতিবাদী গত সেপ্তাম্বর মাসের ১৩ তারিখে ১ এক কেতা দরখাস্ত দাখিল করিয়াছে জে উক্ত ভূমি পরগণে রাজনগরের সামিল ঐ পরগণে রাজনগরের পূর্ব মালিক রাজা রাজবল্লভ সেনগুপ্ত ১১৬৫ সনে উক্ত কিসমতের ভূমি প্রতিবাদীর পূর্ব পুরুষ মৃত শম্ভুনাথ কুটি গয়ালীকে বিষ্ণু প্রতি দান বিক্রির সত্য বলে নিষ্কর দিয়া সনদ দওতে তদবধি ১০০ এক শত বৎসরের অধিক কাল পর্যন্ত তাহার দখিলকার আছে পরে ১১৯৮ সনে মেঃ তামসেন সাহেব কর্তিক ঐ পরগণে রাজনগর ঐ রাজা রাজবল্লভের ৫ পাচ পুত্রের স্থলে ৫ পাচ অংশে বাটওয়ারা হইয়া উক্ত কিসমত বাটওয়ারা কাগজে প্রতি হিষ্শাতে ২/৩৫ করা জমী নিষ্কর লিখা জায় ও ১১৯২ সনে কানাই বেলদার নামক এক বেঙ্গী ঐ কিসমতের জমী বেলদার জায়গীর উল্লেখে মকদ্দমা উপস্থিত করাতে হাকিমের বিচারে ঐ জমি প্রতিবাদীর পূর্ব পুরুষের প্রাপ্ত নিষ্কর সাব্যস্ত হইয়াছে অত্র স্থলে ঐ জমী সরকারে বাজেআপ্তের অযুগ্য ও আপন এজাহারের প্রমাণ জৈষ্ঠ ১১৯২ সালের ২৭ জ্যৈষ্ঠের লিখিত ফএছলা ১ কেতা ও ১১৯৮ সালের মেঃ তামসেন সাহেবের কর্তিক খোলাষা বাটওয়ারার নকল ও ৫ কেতা ও ১১৯০ সালের ৩রা ফাল্গনের লিখিত রায় গোপাল-কৃষ্ণ সেনগুপ্ত সালীশের দস্তখতী ফএছলা ১ এক কেতা একুনে ৭ সাত কেতা দস্তাবেজ ও রাজবল্লভ সেনগুপ্তের দস্তা ১১৬৫ সালের ২৬ ফাল্গনের লিখিত সনদ ১ কেতা দাখিল করিয়াছে ইতি—

জেহেতুক প্রতিবাদীর দাখিলী রাজবল্লভ সেনগুপ্তের দস্তা ১১৬৫ সালের ২৬ ফাল্গনের সনদে লিখিত আছে জে ঐ কিসমত মান্দরা ঐ রাজা রাজবল্লভের জমিদারি তপে হুরনগর সামিল ঐ কিসমতের সদর জমা ঐ রাজা রাজবল্লভ তাহার জমীদারি সামিল রাখিয়া ঐ কিসমত সমুদয় ৬বিষ্ণু প্রীতে শম্ভুনাথ কুটি গয়ালীকে ব্রহ্মোত্তর দিয়াছিলেন ও কালেক্টরীর মহাক্ষেত্রের দাখিলী গত নবাম্বর মাসের ১৯ তারিখের

কৈফিয়ত ও প্রীতিবাদীর দাখিলী মেঃ তামসেন সাহেবের কর্তিক খোলাষা একোণান বাটওয়ারা দিষ্টে পষ্ট প্রকাশ যে ঐ কিসমত মান্দরা রাজা রাজবল্লভের স্বকর জমিদারি পরগণে রাজনগরের অন্তঃপাতী এবং তাহার সদর জমা ঐ রাজা রাজবল্লভের ৫ পাচ পুত্রের ৫ পাচ অংশে বাটওয়ারা হইয়া জে ঐ ৫ পাচ হিষ্শার সদর জমা প্রথক ২ হইয়াছে ঐ ৫ পাচ মহালের সামিলই সরকার দাখিল হইতেছে কেননা জমি ঐ কিসমত ঐ ৫ পাচ হিষ্শার স্বকর মহালের সামিল না হইবেক তবে কখনও ঐ কিসমত ঐ ৫ পাচ হিষ্শায় বাটওয়ারার সামিল হইত না। তাহা ঐ বাটওয়ারা হইতে বর্জিত থাকিত অত্রাবস্থায় জখন ঐ কিসমতের জমা উক্ত ৫ পাচ হিষ্শা সামিল সরকারে দাখিল হইতেছে এবং প্রতিবাদীর দাখিলী পূর্ব উক্ত সনদে ঐ কিসমত ঐ স্বকর মহালের সামিল ব্রহ্মর্ভ প্রাপ্ত লিখিত আছে তখন আর উক্ত নিষ্কর ভূমিতে সরকার বাহাদুর পুনরায় কর বসাইতে পারেন না এতাবতা এ পক্ষের বিবেচনাতে উক্ত নিষ্কর ভূমি সরকারের দাবি হইতে ছারান পাবার যুগ্য জানিয়া—

হুকুম হইল জে—

এই মকদ্দমা এই কাচারির বাকী খাত হইতে খারিজ করত উচিত হুকুম প্রদান কারণ কাগজাত শ্রীযুত কালেক্টার সাহেব বাহাদুরের হুজুরে পাঠান জায় ইতি—

ম শ্রীরাজকিশোর সেন একটিন সেরেস্তাদার নং ১২১২২ হুকুম হইল জে মোতফরকাতে নম্বর দিয়া পেষ হয় সন ১৮৬০ সন তারিখ ২৫ জানুয়ারি—অণ্ড পেষ হইয়া হুকুম হইল জে জমী খালাষ দেও জায় ও নম্বর খারিজ হএ সন ১৮৬০ সন তারিখ ২৭ ফেব্রুয়ারি—

এই নকল রোয়কারি ১৮৬০ সন ১০ মাই ( মে ) সন ১২৬৭ সালের ২৯ বৈশাখ প্রাণনাথ কুটির মোক্তার গোলোকচন্দ্র সেনের হাওলা করা গেল ইতি—

এই হুকুমনার নকল হইতে আমরা জানিতে পারিলাম যে মহারাজা রাজবল্লভ ১১৬৫ সালের ২৬শে ফাল্গুন এক সনদ দ্বারা কিসমত মান্দরা রাজা রাজবল্লভের জমিদারি সামিল বিষ্ণু প্রীতিতে শম্ভুনাথ কুটি গয়ালীকে দান করিয়াছিলেন। পলাশীর যুদ্ধ—২৩শে জুন, ১৭৫৭ খৃষ্টাব্দে ঘটে। আর রাজা রাজবল্লভ শম্ভুনাথ কুটি গয়ালীকে সনদ দান করেন—১৭৫৮ খৃষ্টাব্দের মার্চ মাসের শেষভাগে—



যুদ্ধের নয়মাস পর। আমরা রাজবল্লভ প্রদত্ত সনদখানি দেখিতে পাই নাই। কোথায় কাহার নিকট ঐ সনদখানি আছে অনুসন্ধান করিয়াও জানিতে পারি নাই। ঐখানির অনুসন্ধান হওয়া আবশ্যিক। কেহ কেহ বলেন গয়ালি পাণ্ডাদের গৃহেই রহিয়াছে। কিন্তু এই মোকদ্দমার কাগজপত্র হইতে জানা যায় যে সনদখানি আদালতে দাখিল হইয়াছিল।—সেই সনদখানার সন্ধান কেহ দিতে পারিলে উপকৃত হইব।

খোলাষা বাটাওয়ারারে প্রতিলিপি এখানে প্রদত্ত হইয়াছে। দ্বিতীয় গয়ালীপক্ষের দাখিলী নিষ্কর ভূমির প্রমাণপক্ষে রায় গোপালকৃষ্ণ সেনগুপ্তের সালিশের নিজ দস্তখতী ফয়ছালাখানা বিশেষভাবে উল্লেখযোগ্য।

এই ফয়ছালাখানার কাগজখানি অবশ্যে বিনষ্ট হইতে চলিয়াছে। একান্ত দুঃখের বিষয় এই যে, রায় গোপালকৃষ্ণের স্বাক্ষরটিরও কোন কোন অংশ নষ্ট হইয়া গিয়াছে।

ফয়ছালাখানার তারিখ ১১৯০ সালের ৩রা ফাল্গুন। ইংরেজী—১৭৮৩ খৃষ্টাব্দ। পলাশীর যুদ্ধের ২৬ বৎসর পরের। এই দলিলের তিনটি অংশ। প্রথম অংশ—বাদীর অভিযোগ। দ্বিতীয় অংশে—প্রতিবাদীর উত্তর এবং সর্বশেষে রায় গোপালকৃষ্ণ সেনগুপ্তের মীমাংসা বা হুকুম-নামা। এই ফয়ছালাখানার প্রতিলিপি প্রদত্ত হইল।

হকিগত তজবিজনামা কাচারি পরগণে রাজনগর জমিদারি শ্রীযুত রাজা লক্ষ্মীনারায়ণ রায় তজবিজ শ্রীযুত রায় গোপালকৃষ্ণ সেনগুপ্ত বতারিখ মাহে ২৭ মাঘ

|               |                        |
|---------------|------------------------|
| মুদাই         | মুদালয়                |
| কানাই ভূইমালি | শ্রীহুকুমচন্দ্র গয়ালি |
| সাকিম মান্দরা | সাকিম তথা              |

... কানাই ভূইমালি মজকুর মোচলকা লিখিয়া দিল যে মুদালয় শ্রীহুকুমচন্দ্র গয়ালি ... রতরপ লোক দিয়া মুদে ভূইমালি মজকুরের একখান পাতাম নোকা জবরদস্তি ( করিয়া ) নিয়াছেন আর মুদে মজকুরের জায়গীরের জমির ধাত্ত কাটাইয়া নিয়াছেন ও জায়গীরের ভিটাতে কাপাস রোয়াইয়াছেন ও মুদে মজকুরের খানে বাড়ির আমলে জোর জবরদস্তী আমল করেন ও বাড়ি চড়াও করিয়া লুটিয়া নিয়াছেন এ সকল দফা প্রমাণ করিবেক যদি প্রমাণ করিতে না পারে তবে গুনাগার—

... ( মুদা ) লয় গয়ালি মজকুর মোচলকার উত্তর মোচলকা লিখিয়া দিল মুদে ভূইমালি মজকুরকে মোচলকা লিখিয়া দিয়াছে এমত নহে মোজে মান্দরা মদালয় মজকুরের বি ( স্ত ? ) তাহার আমলি গাছের আমলি পাড়িতে কয়েকজন লোক পাঠাইয়াছিল সেই লোককে মুদে ভূইমালি মজকুর মাইরপিট করিতেছিল সেই সোর শুনিয়া মদালয় গয়ালি মা ... ( ন্দরা ) গ্রামের সিকদারকে পাঠাইয়াছিল তাহার সঙ্গে খাজানা হ ছিল তাহা বেম... মাইরপিট জখমি লবেজান করিয়া খাজানা লুটিয়া নিয়া নোকা ফেলাইয়া গিয়াছিল মুদে মজকুরের পাতাম নোকা জবরদস্তী করিয়া নেয় নাই এবং মদালয় গয়ালি মজকুরের আপন বিত্তির জমির ধাত্ত কাটাইয়া নিয়াছে মুদে ভূইমালি মজকুরের জায়গীরের জমির ধাত্ত কাটাইয়া নেএ নহে আপন বিত্তির ভিটাতে কাপাস রোয়াএ নহে মদালয় গয়ালি মজকুরের আপন বিত্তির ভিটায় আমলি গাছ আমল করে মুদে ভূইমালি মজকুরের খানে বাড়ির আমলি গাছ জবরদস্তি আমল করে নহে। আর মুদে মজকুরের বাড়ি চড়াও করিয়া লুটিয়া নেএ নহে যদি মুদে ভূইমালি মজকুর এ সকল দফা প্রমাণ করিতে পারে তবে মদালয় মজকুর গুনাগার।

এহাতে মুদে ভূইমালি মজকুরের ঠাই প্রমাণ সাক্ষী তলব হইল পরে মুদে মজকুর প্রমাণ সহি লিখিয়া দিল মদালয় গয়ালি মজকুর সাক্ষী সহি করিল এবং মুদে ভূইমালি মজকুর এক ফারখতি জাহির করিল মদালয় গয়ালি মজকুর সেই ফারখতি ওদল করিল পরে ফারখতিতে ইসাদ জে জে ছিল তাহার ঘরেই মদালয় গয়ালি মজকুর সহী করিল এ সকল সাক্ষির আপন আপন জবানি লিখিয়া দিল তাহাতে ( শ্রীদেব ? ) নোকার সাক্ষি শ্রীআনন্দিরাম শর্মা জবানি লিখিয়া দিল.....

মাহে আশ্বিন বেলা প্রহর আড়াইকের কালে শ্রীআরাধন ভূইমালি ও শ্রীকানাই ভূইমালি ও শ্রীবদাই ভূইমালি এহারা শর্মা মজকুরের বাড়ীর পাচ বাড়ির ঘাটে নোকা লাগাইয়া বাড়িতে উঠিয়া কহিল দেখ আমার ঘরে লড়াইয়া আসিছে পরে শ্রীযুত গয়ালির লোক আসিয়া কহিল আমার ঘরে স্কুন করিয়া আসিছে একথা কহিয়া গয়ালির লোকে ভূইমালির নোকার উপর চড়িয়া নোকা বাহিয়া গেল আর

জমির সাক্ষি শ্রীদয়ারাম মিত্র জবানি লিখিয়া দিল খালের পূর্ব পথের উত্তর এককোঠা আর এই কোঠার পূর্বে এক কোঠা আর এই কোঠার দক্ষিণে পূর্বে লাগ তিন কোঠা একুনে পাচ কোঠা জমি হুরপুর তপা কাএম থাকিতে মিত্র মজকুর কড়া জোত করিয়াছিল খাজনা তপা মজকুরের এতমামদায় শ্রীরাম হালদার ও কানাই কর এহার ঘরে ঠাই দিয়াছে মহারাজা হুরপুর তপা খরিদ করিলেন পরে মহারাজার এতমামদারে তাহার ঠাই হতে জমি ছাড়াইয়া নিল পরে এহার এক কোঠা জমি রাম হালদার জোত করিয়াছিল তাহার ঠাই হতে সেই কোঠা শ্রীদয়ারাম ভূইমালি ও শ্রীজয়সিংহ ভূইমালি এহারা নিয়া চাস করিয়া জিরাত ধান্ত বুনিয়াছিল মহারাজা মান্দরা গ্রাম গয়ালিরে উৎসর্গ দিলেন পর গয়ালির গোমস্তা হরি তহবিলদার জিরাত কাটাইয়া নিয়া জমি আমল করিল আর বাড়ি লুটের সাক্ষি শ্রীগোপিনাথ পাল জবানি লিখিয়া দিল বাড়ি লুটের ব্রহ্মাস্ত্র জানেনা আর আমলি গাছের প্রমান মদেও মদালয় উভয় সম্মত হইয়া শ্রীরাধাকৃষ্ণ চাঠাতিকে আমিন লইয়া সরে জমিনে জাইয়া হক সফির লোক লইয়া তহকিক করিল মদালয় গয়ালি মজকুরের বিস্তির ভিটাতে আমলি গাছ সেই গাছ ( গাছ ) গয়ালি মজকুর আমল করে আর ফারখতির সাক্ষি শ্রীতিতারাম শর্মা ও সেক তিতাই ও হেসামদিখা এহারা জবানি লিখিয়া দিল এহাতে সেক তিতাই ও হেসামদিখা এই দুইজন জবানি লিখিয়া দিল তাহারা এ ফারখতির ব্রহ্মাস্ত্র ( বৃত্তাস্ত্র ) কিছু জানে না তিতারাম শর্মা জবানি লিখিয়া দিল মহারাজা মান্দরা গ্রাম গয়ালিরে উৎসর্গ দিয়াছেন তাহাতে এই গ্রাম গয়ালি ঠাকুরের ঠাই হরি তহবিলদার ইজারা লইয়া তাহার জানিবে পাচু সিকদারকে গ্রামের এতমামদারি দিল তাহার তরপ মুহুরির শর্মা মজকুর ছিল পর সন ১১৭০ সনে হালইওদাএ উহার বর তরপ হইল গ্রাম গজেব চক্রবর্ত্তি ইজারা লইল পর জয়সিংহ ভূইমালি পেয়াদা আনিয়া পাচু সিকদারকেও শর্মা মজকুরকে পাকড়াও করিয়া কহিল তোমার ঘরে তাকানিব নও বা আমার জমির ফারখতি দেও ইহাতে শর্মা মজকুর সিকদার মজকুরের সঙ্গে পরামর্শ করিল গ্রাম আমার ঘরে আমল নায়াহ জদি পেয়াদাএ পাকড়িয়া ঢাকা নেএ তবে পেয়াদার রোজ ধোরাক কথা হইতে দিব চল

আমরা ফারখতি দিয়া খালাস হইয়া জাই পরে শর্মা মজকুর কহিল আমার ঘরে চিঠার জমি কি প্রকার ফারখতি দিব সিকদার মজকুর কহিল যে প্রকার ভূইমালি মজকুর কহে সেই প্রকার লিখিয়া দেও পরে শর্মা মজকুর চিঠার জমি মনাকসা বুনিয়া ফারখতি লিখিল পাচু সিকদার ফারখতিতে দস্তখত করিয়া দিল ফারখতি পাইয়া ওহার ঘরে ছাড়িয়া দিয়া ভূইমালি মজকুর পেয়াদা লইয়া গেল।

অতয়েব তজবিজ কহ ( কহ ? ) জানা গেল ভূইমালি মজকুর পেয়াদা আনিয়া গয়ালি মজকুরের তগিবই বারাদারের গোমস্তা পাকড়িয়া ফারখতি লইয়াছে এমত ধারার ফারখতি ভূইমালি মজকুরের জমি না পোচে এবং হুরপুর তপা দস্তরের সাবেক চিঠা তহকিক করা গেল এসকল জমি তপা মজকুরের চিঠার সামিল আছে অতএব চিঠা তহকিক এবং তাহার সাক্ষিরঘরের জবানি মতে ভূইমালি মজকুরকে তাহার পাতাম নোকা জবরদস্তি নেওয়া ও জায়গিরের জমির ধান্ত জবরদস্তি কাটাইয়া নেওনেও জায়গিরের ভিটাতে কাপাষ রোহানওয়ানে বাড়ির আমলি গাছ জবরদস্তী আমল করনও বাড়ি চড়াও করিয়া লুটিয়া নিয়াছে এসকল দফার প্রমাণ করিতে না পারিল ভূইমালি মজকুর জে পাতাম নোকা ফেলাইয়া গিয়াছিল সেই নোকার রসিদ গয়ালি মজকুরকে ভূইমালি মজকুর দিয়া তাহার নোকা মায় সরঞ্জাম বুঝিয়া লইয়া গেল ইতি সন ১১৯০ তেরিখ ৩ ফাস্তুন।

আমরা রাজা বা রায় গোপালকৃষ্ণের এই ফয়ছালাখানা পাঠকগণকে বিশেষ মনোযোগ সহকারে পাঠ করিতে বলি। প্রথমত ভাষার দিক দিয়া দেখিতে গেলে দেখা যায় যে, দলিলখানি তৎকাল প্রচলিত আরব্য ও পারস্য ভাষার বহু শব্দ সম্বলিত হইলেও বক্তব্য বিষয় বেশ সুস্পষ্টভাবে সহজ বাঙ্গালা ভাষায় বর্ণিত হইয়াছে।

মুদাই, মুদালয়, মজকুর, মোচলকা, মজকুর, জায়গীর, জবানী, আমল, জবরদস্তী, দফা, গুণাগার, মোজে, আমলি গাছ ( তেঁতুল গাছ ), খানে, ফারখতি, ইসাদ, ইসাদি, জাহির, সহী, তপা, জোত, এতমামদার, গোমস্তা, তহবিলদার, মনাকসা, লবেজান, ফয়ছালা ইত্যাদি। মুদাই অর্থে বাদী বা plaintiff, মুদালয় বা মুদালেহে—প্রতিবাদী defendant, মজকুর, উল্লিখিত cited above, মোচলকা,

মুচলেকা—আদালতের আদেশ প্রতিপালনের অঙ্গীকৃতি, জায়গীর—রাজসরকার হইতে প্রদত্ত নিষ্কর জমি free grant of land, জবানী—মৌখিক উক্তি verbal, জবরদস্তী-বলপ্রয়োগ high-handedness, দফা—পরিচ্ছেদ item, গুণাগার—দণ্ড penalty, মৌজে—মৌজা গ্রাম village, নির্দিষ্ট গোছদ্বীভুক্ত স্থান, খানা খানে গৃহ, ফারখতি, ফারখত—ছাড়পত্র, acquittance, release ইসাদ—সাক্ষ্য, ইসাদী সাক্ষী, জাহির—প্রকাশ করা reveal, সহী—স্বাক্ষর signature, তপা, ৩প্ পা—কয়েকটি মৌজার জোত—প্রজার কৃষিসম্বন্ধ যুক্ত জমি, holding, এতমামদার—রক্ষণাবেক্ষণকারী, গোমস্তা,—জমিদারের কর্মচারী, তহবিলদার—ধনাধ্যক্ষ treasurer, মনাকবা যে জমির বিষয় চিঠাতে উল্লিখিত আছে, অথচ প্রজার অধিকারভুক্ত নহে, ফয়ছালা, ফয়সলা—রায়, বিচার নিষ্পত্তি, লবেজান—ওষ্ঠাগত প্রাণ।

এই দলিল কয়খানিতে যে যে আরবী ও পারসী শব্দ ব্যবহৃত হইয়াছে এখানে তাহার অর্থ লিখিয়া দিলাম, ইহা দ্বারা পাঠকগণ অতি সহজেই দলিলের বা ফয়সলার বিষয় পড়িয়া সেকালের জমিদারের বিচারপদ্ধতির আদর্শ বুঝিতে পারিবেন।


এখানে আর একটি বিষয় লক্ষ্য করিবেন, অষ্টাদশ শতাব্দীর শেষভাগেও বিক্রমপুরে কার্পাস বুন হইত। ফয়সলার দুই স্থানেই “জায়গীরের ভিটাতে কাপাস রোয়াইয়াছেন” উল্লিখিত আছে।

বাটোয়ারা পত্রে মেসাস তামসেনের নাম আছে। ইহার নাম জর্জ টমসন্ ( Mr. George Thomson )। এই বাটোয়ারা সম্পর্কে একটু বলিতেছি।

মহারাজা রাজবল্লভ মুলফংগঞ্জ ( Mulfatgunj ) থানার অন্তর্গত রাজনগরের অধিবাসী ছিলেন। বাকরগঞ্জের অন্তর্গত বুজারউমেদপুর পরগণা রাজবল্লভ ঢাকায় আগা বাকরের ( Aga Bakar ) মৃত্যুর পর স্বাধিকারভুক্ত করেন। বাঙ্গালা ১১৬৭ সনে ইংরেজী ১৭৫৯ খৃষ্টাব্দে ঐ পরগণার জরিপ হইয়া জমা বৃদ্ধি করা হয়। রাজা রাজবল্লভের জীবনের ইতিহাসের সহিত ঢাকা ফরিদপুর এবং বাকরগঞ্জের ইতিহাসেরও সংশ্রব রহিয়াছে। তবে তাঁহার সহিত ঢাকা ও ফরিদপুরের ইতিহাসেরই ঘনিষ্ঠ সংশ্রব রহিয়াছে, বাকরগঞ্জের সহিত ততটা নাই।

রাজা রাজবল্লভ ও তাঁহার দ্বিতীয় পুত্র কৃষ্ণদাস মুন্সেরে কিরূপ শোচনীয় ভাবে মৃত্যুমুখে পতিত হইয়াছিলেন তাহা সকলেই অবগত আছেন। রাজবল্লভ ও কৃষ্ণদাসের মৃত্যুর পর রায় বা রাজা গোপালকৃষ্ণ ( রাজবল্লভের পঞ্চম পুত্র )

সমুদয় জমিদারীর কর্তৃত্বভার গ্রহণ করিয়াছিলেন। রায় গোপালকৃষ্ণ ১১৯৪ সনের ২৪শে আষাঢ় ইংরেজী ১৭৮৭ খৃষ্টাব্দের ৬ই জুলাই প্রাণত্যাগ করেন। যে ফয়সলার বিষয় লইয়া আমরা আলোচনা করিলাম, রায় গোপালকৃষ্ণ তাঁহার মৃত্যুর চারিবৎসর পূর্বে উহা করিয়াছিলেন। রায় গোপালকৃষ্ণের তিন পুত্র ছিলেন, যথা :



পীতাম্বরের সহিত রাজবল্লভের অন্তিম পৌত্রগণের সঙ্গে বিষয়সম্পত্তি লইয়া নানা গোলযোগ ও অশান্তির সৃষ্টি হইতে থাকে। ১৭৯০ খৃষ্টাব্দে ঢাকার কালেক্টার তদানীন্তন এসিস্ট্যান্ট কালেক্টার মিঃ জর্জ টমসন ( Assistant to the Collector of Dacca ) সাহেবকে বৈষয়িক গোলযোগ নিষ্পত্তি করিয়া সম্পত্তি বাটোয়ারা করিবার জন্ত প্রেরণ করেন। সম্পত্তি বাটোয়ারা করিয়া আপোষ নিষ্পত্তির জন্ত দেওয়ান রামদাসের পৌত্র কালীকিঙ্কর ১১৮৯ বাংলা সন ইংরেজী ১৭৮২ খৃষ্টাব্দে ঢাকার দেওয়ানী আদালতে দরখাস্ত করেন এবং তাঁহার আবেদনও মঞ্জুর হইয়াছিল। ১১৯৪ বাংলা সনের বৈশাখ মাসে ও ইংরেজী ১৭৮৭ খৃষ্টাব্দে সেই আদেশই বহাল থাকিলে, ঢাকার কালেক্টার মিঃ ডে ( Mr. Day )—বুজার উমেদপুর, রাজনগর, কার্তিকপুর, মুজাবাদ পরগণা প্রভৃতি বাটোয়ারা নিষ্পত্তি না হওয়া পর্যন্ত সরকারের তত্ত্বাবধানে রাখিয়াছিলেন। প্রাচীন দলিলপত্র হইতে দেখা যায় যে, পীতাম্বর সেনের চক্রান্তেই অনেককাল পর্যন্ত আপোষ নিষ্পত্তিতে সম্পত্তি বাটোয়ারা হয় নাই। অবশেষে মিঃ টমসন সাহেব সম্পত্তির ভাগ-বাটোয়ারা করিয়া গভর্নমেন্টের নিকট হইতে প্রশংসা লাভ করিয়াছিলেন। আমাদের প্রবন্ধোক্ত বাটোয়ারা জমির খোলশা নকলে যে মেসাস তামসেন সাহেবের উল্লেখ আছে, তিনিই এই Mr. George Thomson, assistant to the Collector of Dacca. আর ১২৩৯ সালে শ্রীমতী দুর্গা গয়ালীন শ্রীশিবশঙ্কর বিশ্বাসকে যে নিয়োগপত্র দিয়াছেন, এই শিবশঙ্কর বিশ্বাস, গয়ালী-মাস্তার নিকটবর্তী পল্লী হারিয়া-মুন্সিয়া গ্রামের ব্রাহ্মণ বংশীয় বিশ্বাস পরিবারের একজন পূর্বপুরুষ। হারিয়ামুন্সিয়া বিশ্বাস পরিবারের অনেকেই গয়ালি ঠাকুরদের তহসীলদারের কাজ করিয়াছেন।





কথা, সুর ও স্বরলিপি—শ্রীজগন্নাথ বন্দ্যোপাধ্যায় এম্-এ

চন্দ্রকান্ত—ত্রিতাল ( মধ্যলয় )

রূপসী চন্দ্রা মাধবী রাতে

উছল হ'ল মলয় বাতে ।

কি যেন মোহে আকুলি' তাহে

রূপালি মায়া রাঙাতে চাহে,

গোপন দিষ্টি

হানিয়া মিষ্টি

অলস স্নিগ্ধ নয়ন-পাতে ॥

II { <sup>১</sup>ন্রা -সনা ধ্‌পা ধ্‌না | <sup>২</sup>রগা -১ -১ গা | ( <sup>৩</sup>রগা -পা ধক্ষা গা | <sup>০</sup>গপা -পরা সা -১ ) } ।  
 রু . . . প . সী . চ ন . দ্রা মা . . ধ . বী রা . তে .

<sup>৩</sup>সনা -ধ্‌না ধ্‌ পা | <sup>০</sup>পসা -না -রা -গা | <sup>১</sup>ন্রা -রা সা -১ | <sup>২</sup>রগা -পধা ধনা -১ |  
 উ . . . ছ ল হ' . . . . . ল . ম . . . ল .

<sup>৩</sup>ধক্ষা -গরা -রপা -১ | <sup>০</sup>পরা -গা -রা সা ॥  
 র . . . . বা . . . তে

II { <sup>১</sup>গপা -ধনা ধা পা | <sup>২</sup>পর্সা -১ -১ সর্সা | <sup>৩</sup>ধনা -রর্গা রা সর্না | <sup>০</sup>বর্সা -১ -১ সর্সা } ।  
 কি . . . যে ন মো . . . হে আ . . . কু লি' . তা . . . হে

|                |             |                   |                  |
|----------------|-------------|-------------------|------------------|
| ১              | ২'          | ৩                 | ০                |
| না -ধনা ধা পা  | না -া -া না | গপা -ধনা ধা ক্ষগা | গপা -া -া পা } I |
| রু . . . পা লি | মা . . . যা | রা . . . ঙা তে .  | চা . . . হে      |

|                 |              |              |               |
|-----------------|--------------|--------------|---------------|
| ১               | ২'           | ৩            | ০             |
| গধা ধগা গপা গরা | গগা -া -া -া | গনা রা গা রা | সা -া -া -া I |
| গো প ন দি       | ঠি . . .     | হা নি যা মি  | ঠি . . .      |

|                   |              |                      |                     |
|-------------------|--------------|----------------------|---------------------|
| ১                 | ২'           | ৩                    | ০                   |
| ধনা -রগা পা ক্ষগা | গপা -া -া পা | নধা ক্ষগা পক্ষা -গরা | রা -গা -রা সা II II |
| অ . . . ল স .     | নি . গ্ ধ    | ন . য . ন . . .      | পা . . . তে         |

**দ্রষ্টব্য :**—চক্রকান্ত কল্যাণ মেলের একটি অপ্রচলিত রাগ। স্থূলতঃ ইহা খাড়ব-সম্পূর্ণ, যেহেতু আরোহে মধ্যম (কড়ি) লাগে না ও অবরোহে সাতটা পদ্ধাই লাগে। কিন্তু অবরোহ সম্পূর্ণ হইলেও, পঞ্চম ব্যবহারের বৈচিত্র্যটুকু চোখে না পড়িয়া যায় না। প্রায়ই দেখা যায় যে 'না ধা পা ক্ষা গা' স্বর-বিজ্ঞাসের পঞ্চম-সারল্য ইহাতে থাকে না, বরং 'না ধা ক্ষা গা পা' বা 'না ধা ক্ষা গা রা পা'ই রাগ-বাচক বলিয়া মনে হয়। ফলে, ইংরাজী সুরের কিছু আভাসও থাকিয়া যায় (অবশ্য, এ কথা কল্যাণ মেলের একাধিক রাগ সম্বন্ধেই সাধারণ ভাবে বলা চলে)।

রাগটীর আকৃতি থেকে আরও বোঝা যায় যে ইহা শুদ্ধ কল্যাণের প্রচুর প্রভাব থেকে মুক্ত নয়, যদিও আরোহে নিখাদে প্রাবল্য ও অবরোহে পঞ্চমের নূতনত্ব কিছু রাগ-বৈশিষ্ট্য না আনিয়া পারে না। কিন্তু 'জোরদার' হইলে হেতু, আবার ইমনেরও কিছু ছায়া আসিয়া যায়।

ইহার বাদী 'গ' ও সঙ্গী 'ন' এবং রাগ-রূপ প্রায়ই মন্দ্র ও মধ্য সপ্তকে নিবদ্ধ বলিয়া স্বর-গতি ধীর।

—সুরদাতা।

## কবি

শ্রীস্ববোধ রায়

যেই কথাটি বলতে গিয়ে  
বলতে নারি বারে বারে,  
চিত্ত যেথায় স্তব্ধ গভীর  
অর্থশালী শব্দহারে ;  
বুকের শোণিত, চোখের জলে,  
গভীরভাবে, হাসির ছলে,  
জীবন-পটে রঙে রূপে  
সুটিয়ে তোলে সেই সে ছবি  
যেই কুশলী নিপুণ হাতে—  
সেই তো সাধক—সেই তো কবি।

দেওয়া নেওয়া, বেচা-কেনা  
চলছে যেন হাটের মেলা,  
হৃদয় নিয়ে ছিনিমিনি  
বে-দরদী প্রাণের খেলা।  
সেথায় যে জন আপন ভুলে  
বিকায় নিজে বিনি মূলে,  
জীবন-যাগে সবার ভাগে  
দেয় যে নিত্য প্রেমের হবি ;  
নীরস ধরায় সরস করে  
সেই দরদী, সেই তো কবি।

# গান্ধার-শিল্পে কয়েকটি জাতক কাহিনীর চিত্র

শ্রীগুরুদাস সরকার

অনুসন্ধানী পণ্ডিতগণের চেষ্টায় ইহা নিঃসন্দেহরূপে প্রমাণিত হইয়াছে যে. জন্মান্তরবাদ অতিপ্রাচীন কাল হইতেই হিন্দুদিগের মধ্যে প্রচলিত আছে। ঋগ্বেদের একস্থলে মৃত্যুর পর জীবাত্মা বারি ও বৃক্ষাদিতে পরিণত হয় এইরূপ উক্ত হইয়াছে। ব্রাহ্মণখণ্ডেও জন্মান্তরের আভাস পাওয়া যায়। ছান্দোগ্য ও বৃহদারণ্যক উপনিষদে পুনর্জন্মের যে উল্লেখ আছে তাহা অতি সুস্পষ্ট। উপনিষদগ্রন্থের মধ্যে এই দুইখানিই প্রাচীনতম।

উপনিষদের যুগ বুদ্ধের আবির্ভাবের বহু পূর্ববর্তী। বুদ্ধদেব দেহরক্ষা করিয়াছিলেন ৮০ বৎসর বয়সে, আনুমানিক খৃঃ-পূঃ ৪৭৮ হইতে ৪৮৩ অব্দের মধ্যে। প্রাচীনতর উপনিষদগুলির রচনা কাল যে খৃঃ-পূঃ ৫৫০ অব্দের পরে ঠেলিয়া লওয়া চলে না তাহা ইউরোপীয় প্রাচ্যতত্ত্ববিদেরাও স্বীকার করেন। বুদ্ধ তাঁহার অভ্যুদয়কালীন প্রচলিত ধর্মমত হইতে, উহার অঙ্গীভূত এই কর্ম ও জন্মান্তরমূলক দৃঢ়বদ্ধ মতবাদ নিজ ধর্মে স্থান দিতেন না যদি উহা লোকসমাজে শাশ্বত সত্যরূপে না স্থান পাইত। আমি বা আমার নিজের কেহ কর্মদোষে মনুষ্যতর যোনিতে জন্মগ্রহণ করিতে পারি এই বিশ্বাসে আস্থা স্থাপন করিলে অহিংসার ভাব আপনা হইতেই আসিয়া পড়ে, হুতরাং জন্মান্তরবাদের সহিত কর্মফলবাদ ও অহিংসাবাদের অঙ্গাঙ্গী সখ্যক রহিয়াছে। পাশ্চাত্য পণ্ডিতেরা অনুমান করেন বৌদ্ধযুগের পূর্ব হইতেই যে সকল উপদেশমূলক জনপ্রিয় কাহিনী এতদ্রুপে প্রচলিত ছিল, তাহাতে কোথাও বা মানব, কোথাও বা মানবের জীব, কোথাও বা যক্ষ রক্ষ কিম্বার বিভিন্ন ভূমিকায় অবতীর্ণ; সেইগুলিই কিছু পরিবর্তিত ও পরিবর্দ্ধিত আকারে বুদ্ধের পূর্বজীবনের কোনও না কোন কাল্পনিক ঘটনা সমাবেশে জাতক-কাহিনীর রূপ ধারণ করিয়াছে। প্রাচীনকালের আচার-ব্যবহার এবং রাজনৈতিক ও সামাজিক বিধি-নিয়মাদি সম্বন্ধে জাতক-কাহিনী হইতে অশেষ জ্ঞান লাভ করা যায়। বহুজন্ম জাতক হইতে আমরা জানিতে পারি যে, বাবীলনের সহিত ভারতের বাণিজ্যসম্পর্ক ছিল এবং ভারতবর্ষ-জাত বিহঙ্গম ময়ূর তদ্রূপে ভারতবর্ষ হইতেই আনীত হইয়াছিল। অপর একটি জাতক-কাহিনীর গল্পাংশ আরব্য উপজাতির একটি সুপরিচিত আখ্যায়িকার সহিত বিশেষ সাদৃশ্যযুক্ত। প্রবাদপরম্পরায় লক্ষ এই সুবিশাল একত্রগ্রথিত কথা-সংগ্রহের সহিত সাক্ষাৎ পরিচয় লাভ, স্বর্গত রায় ঈশানচন্দ্র ঘোষ বাহাদুরের বঙ্গানুবাদের রূপান্তরিত পাঠক মাত্রেরই অনাগাস-সাধ্য হইয়াছে।

কলিকাতা সম্মুখে তত্রস্থ গান্ধার-গৃহের উত্তর-পশ্চিম কোণে ছয়খানি প্রস্তরখণ্ডে খাদিত তিনটি জাতক-কাহিনীর চিত্র—একটি কাচের আবরণ-বিশিষ্ট আধারে রক্ষিত হইয়াছে। ১নং ফলক পেশোয়ার জেলার জালগড়িতে এবং ২নং হইতে ৫নং ফলক

লোরিয়াল তাক্রাই নামক স্থানে প্রাপ্ত। ৬নং ফলকের প্রাপ্তিস্থান অজ্ঞাত। নিম্নে স্বর্গত ননীগোপাল মজুমদার মহাশয়ের রচিত পরিচিতি অবলম্বনে এই চিত্রগুলির বিস্তারিত বিবরণ প্রদত্ত হইল। ১নং হইতে ৪নং ফলকে দীপঙ্কর জাতকের চিত্র, ৫নং ফলকে চন্দ্র-কিম্বার জাতকের চিত্র এবং ৬নং-এ ঋতুশৃঙ্গ জাতকের চিত্র। দীপঙ্কর জাতকের কাহিনী এইরূপ। সুমতি নামক একজন বেনজ্ঞ ব্রাহ্মণ যুবককে বাসব নামে এক রাজা যজ্ঞান্তে পাঁচটি দান গ্রহণ করিতে অনুরোধ করেন; স্বর্ণময় দণ্ড ও জলাধার পাত্র, স্বর্ণ ও রত্নখচিত শয্যা, পাঁচশত কাধাপণ (১) মুদ্রা ও একটি সালঙ্কারা কণ্ঠা। ব্রহ্মচর্যের ওজুহাতে কণ্ঠাটির প্রার্থনা উপেক্ষা করিয়া তাহাকে গ্রহণ করিতে অস্বীকার করেন। প্রত্যাখ্যাতা কণ্ঠা তাহার দেহের অলঙ্কারগুলি কোনও উজ্জানপাল মালিকরূপে দান করিয়া দেবসেবায় নিযুক্ত হ'ন। দীপঙ্কর বুদ্ধ যেদিন দীপাবতী নগরীতে আগমন করিবেন—স্বপ্নাদিষ্ট হইয়া ব্রাহ্মণ-কুমারও সেই দিন দীপাবতীতে আসিয়া উপস্থিত হ'ন। দেশের রাজা দীপঙ্করের পূজার জন্ত নগরে যেখানে যত পুষ্প ছিল তাহা সমস্তই সংগ্রহ করিয়াছিলেন, কেবল সাতটি কমল বাহা দৈবপ্রভাবে সেই মালীর সরোবরে ফুটিয়াছিল তাহাই লইতে পারেন নাই। যে কণ্ঠার নিকট মালী বহুমূল্য রত্নাভরণ লাভ করিয়াছে তাহার মনস্তটীর জন্ত তাহাকে সে এই পুষ্প কয়টি লইতে দিবে তাহাতে আর বিচিত্র কি? কণ্ঠা পূর্বাহ্নেই পদ্ম কয়টি তুলিয়া একটি কলস মধ্যে লুকাইয়া রাখিয়া ছিলেন। তাঁহারও উদ্দেশ্য যে তিনি এই পদ্মসপ্তকে দীপঙ্করের পূজা করিবেন। ব্রহ্মচারী যখন পুষ্প না পাইয়া ব্যর্থমনোরথ হইয়া ফিরিতে ছিলেন তখন কুমারী তাহার কলসটি লইয়া দীপঙ্করের দর্শনাশায় গমন করিতেছিলেন। ব্রাহ্মণ নিকটবর্তী হইতেই পদ্মকয়টি আপনা হইতেই কলস হইতে বাহির হইয়া আসে। ব্রাহ্মণ মূল্য দিয়া উহা ক্রয় করিতে চাহিলে কণ্ঠাটি তাহাতে অস্বীকৃতা করেন। অবশেষে পুষ্পাঞ্জলি দিবার সময় তাঁহাকেই জন্মান্তরবাদের পত্নীরূপে পাইবেন, মনে মনে এই অভীষ্ট পোষণ করিবেন, এইরূপ অঙ্গীকারে আবদ্ধ হইয়া তিনি কুমারীর নিকট হইতে পাঁচটি পদ্ম গ্রহণ করেন। অপর দুইটি কণ্ঠা নিজেই বুদ্ধকে অর্পণ করিবেন বলিয়া রাখিয়া দেন। জনতা ভেদ করিয়া দীপঙ্কর সমাপনর্তী হওয়া তাঁহাদের উভয়ের পক্ষেই একরূপ

(১) মানবধর্মশাস্ত্র মতে ৮০ রতি ওজন তাম্রে এক কাধাপণ হইত। বুদ্ধঘোষ স্বর্ণ ও রৌপ্যময় কাধাপণের উল্লেখ করিয়াছেন হুতরাং বৌদ্ধযুগে কাধাপণ (কাধাপণ) যে মুদ্রাবাচক শব্দরূপে ব্যবহৃত হইত তাহাতে সন্দেহ নাই। (প্রাচীন মুদ্রা : রাখালদাস বন্দ্যোপাধ্যায়, হিন্দী সংস্করণ, পৃঃ ৫ ও ৮)

অসম্ভব হইয়া পড়িয়াছিল। বুকের কুণায় হঠাৎ সেই সময়ে বারিবর্ণন হওয়ার জনতা বিক্ষিপ্ত হইয়া পড়ে। তখন ছইজনে বুকের নিকটে পঁতছিয়া তাঁহার মেহ লক্ষ্য করিয়া পুষ্প কয়টি নিক্ষেপ করেন ; কিন্তু উহা কোনটিই মাটিতে না পড়িয়া—দীপঙ্করের শিরোদেশস্থ প্রভামণ্ডল সংলগ্ন হইয়া থাকে। ব্রাহ্মণ নিজের কেশ দ্বারা দীপঙ্করের পদদ্বয় মুছাইয়া দেন। সেই সময়ে দীপঙ্কর ভবিষ্যদ্বাণী করেন যে ব্রাহ্মণ পরবর্তীকালে বৃদ্ধ শাক্যমুনিরূপে জন্মগ্রহণ করিবেন। চিত্রে দেখিতে পাই যে, দীপঙ্করের নিকট বজ্রপাণি দাঁড়াইয়া আছেন।

এনং প্রস্তরখণ্ডে উৎকীর্ণ চন্দ্র-কিন্নর জাতকের আখ্যানাংশ সংক্ষিপ্ততর। বোধিসত্ত্ব তাঁহার এক পূর্বজন্মে হিমালয়ের কোন প্রদেশে কিন্নররূপে জন্মগ্রহণ করেন। তাঁহার নাম ছিল চন্দ্র এবং তাঁহার পত্নীর নাম চন্দ্রা। একদিন উভয়ে তাঁহাদের পর্বত-গৃহ ত্যাগ করিয়া বনবিহারার্থ বাহিরে আগমন করেন। চন্দ্র বীণাবাদন করিতে থাকেন এবং চন্দ্রা নৃত্যগীতে নিবিষ্ট হন। তৎকালীন কালী-নরেশ সেই সময়ে সশস্ত্র তথায় আসিয়া উপস্থিত হন। চন্দ্রার রূপলাবণ্য তাঁহাকে মুগ্ধ করে এবং তিনি তাঁহাকে স্ত্রীরূপে পাইবার দুরভিসন্ধিতে তাঁহার স্বামীর প্রতি স্বর নিক্ষেপ করেন। শরে বিদ্ধ হইয়াই চন্দ্র মৃত্যুমুখে পতিত হন এবং ভূতলে পড়িয়া যান। কিন্নরীর কাতর প্রার্থনায় শত্রু (ইন্দ্র) দয়া করিয়া তাঁহার স্বামীকে বাঁচাইয়া দেন। খোদিত চিত্রে দেখিতে পাই, চন্দ্র বীণা বাজাইতেছেন এবং তাঁহার স্ত্রী চন্দ্রা নৃত্য করিতেছেন। নিকটস্থ পাহাড়ের পশ্চাৎ দিক হইতে ধনুর্ধারী এক ব্যক্তি তাঁর ছুঁড়িতেছে। ডাহিন দিকের ফলকে চন্দ্র মাটিতে পড়িয়া আছেন, তাঁহার বীণা চিত্রের সম্মুখ-ভাগে ভূপৃষ্ঠে পতিত ; চন্দ্রা তাঁহার স্বামীর মাথার নিকট বসিয়া কাতর-ভাবে ক্রন্দন করিতেছে এবং পিছন হইতে একজন—অসুমান হয় এই

পুরুষটিই বারাগসীর অধীশ্বর—তাঁহাকে টানিয়া লইয়া যাইবার চেষ্টা করিতেছে।

এনং চিত্র অলম্বুবা জাতকের কাহিনী হইতে গৃহীত। ভারতের প্রস্তর বেষ্টনীতেও ঠিক এইরূপ চিত্র খোদিত দেখা যায়। সে চিত্রের নিম্নে “ঋষ্যশৃঙ্গ জাতক” এইরূপই লিখা আছে। বোধিসত্ত্ব তাঁহার পূর্বজন্মে এক ঋষি হইয়া তপস্চরণে প্রবৃত্ত হইয়াছিলেন। তাঁহার শৌচাদির জন্তু যে স্থানটি নির্দিষ্ট ছিল সেই স্থানের মৃত্তিকা একটি মৃগী জিহ্বার দ্বারা চাটিয়া লওয়ার তাহার গর্ভসঞ্চারণ হয়। সে যে শিশুটিকে প্রসব করে সেই শিশুই ঋষ্যশৃঙ্গ। তাহার মন্তক শৃঙ্গ-শোভিত ছিল। ঋষ্যশৃঙ্গ যজ্ঞ করিবার জন্ত রাজসভায় আনীত হইয়াছিলেন—রামায়ণে এইরূপ বর্ণিত আছে। রামায়ণের আখ্যানিকা ও বৌদ্ধকাহিনীতে এইটুকু মিল দেখা যায় যে, ঋষ্যশৃঙ্গকে আশ্রম হইতে ডুলাইয়া আনিয়াছিল কোনও স্ত্রীলোক। শেষোক্ত বর্ণনামতে সেই তরুণী অপর কেহ নহে, রাজকন্যা স্বয়ং, ইঁহারই সহিত পরে ঋষ্যশৃঙ্গের বিবাহ হয়। ঋষ্যশৃঙ্গ আজন্ম ঋষির আশ্রমে পালিত ; তিনি শিশুর মত সরল ছিলেন। রমণী জাতির সহিত পূর্বে তাঁহার কোনও পরিচয় হয় নাই, তাই তিনি স্ত্রী-পুরুষের ভেদ বুঝিতেন না। মোদক এক প্রকার হুমিষ্ট ফল বলিয়াই বিশ্বাস করিয়াছিলেন। মহাকবির কল্পনামাধুর্যে ঋষ্যশৃঙ্গ উপাখ্যান কবিতায় কি অপূর্ব সৌন্দর্য্যে মণ্ডিত হইয়াছে তাহা রবীন্দ্রনাথের “পতিতা” পাঠ করিলে বুঝা যায়।

পূর্বোক্ত তিনটি জাতক-কাহিনী ব্যতীত আরও চারিটি (বড়দস্ত-জাতক, শ্রাম জাতক, বেসমান্তর জাতক ও শিবি জাতক) যে গাঙ্কার-ভাস্কর্য্য-নিদর্শনের মধ্যে আবিষ্কৃত হইয়াছে এ স্থলে এ কথার উল্লেখ বোধ হয় অপ্রাসঙ্গিক হইবে না।

## প্রিয়া ও আমি

কাজি আফসার-উদ্দিন আহমদ

আজিকে শোনাবো দু-টি গান অতি সংগোপনে  
ধীরে অতি ধীরে  
দেবে কী উত্তর তার ? চমকিয়া যাবে অকারণে  
ক্ষিপ্ত পদভরে ?  
নছিলে দোলায়ে গ্রীবা - তুলি দু-টি রোষ তীক্ষ্ণ আঁধি  
নিয়ন্ত্রে দৃষ্ট হাসি  
সরে যাবে এলোচুলে : আমারে কী রাখিবে না ঢাকি ?  
ওগো চঞ্চলা উর্বশি !  
চরণের তালে তালে রেখে যাবে বিপ্লবের ঝড়  
হেরিবে না চাহি ?  
এমন বরিষা রাতে আমারে ভাবিলে তুমি পর !  
আমি যাবো বাহি—

আমার তরুণী নিয়ে উৎক্ষিপ্ত তরঙ্গদল মাঝে  
বিপদ বহুল ;  
তোমার সে-কুর হাসি সর্পিলা চাহনি শত কাজে  
করিবে গো ভুল ?  
তুমি কী সুন্দর হাসি' ভালোবেসে কাঁপায় নয়ন  
সরু দু-টি করে  
টানিয়া লইবে মোরে ওগো প্রিয়া, পাতিবে শয়ন  
তুংগ বন্ধপরে ?  
তোমার বসনপ্রাস্তে রাখি মুখ দুটি আঁধি তুলি',  
তম্বর আভায়  
আমার প্রশস্তি-গীতি, জালিবে কী প্রেমের দীপালি  
সবুজ শোভায় ? .

# জঙ্গম

বনফুল

তৃতীয় অধ্যায়

১

একটি সঙ্কীর্ণ গলি-পথে বাইকটি ঠেলিয়া ভনটু চলিয়াছিল। বাইকের পিছনের চাকাটায় গোলমাল হইয়াছে, হাওয়া বাহির হইয়া যাইতেছে। শীঘ্র সারাইবার সম্ভাবনা নাই, কারণ পকেটশূন্য। একেবারে শূন্য নয়, একটি অর্দ্ধভুক্ত কাঁচা পেয়ারা আছে। সকালে আপিস যাইবার মুখে মৃন্ময়ের বাসায় সে কিছু টাকার চেষ্টায় গিয়াছিল। মৃন্ময় চিন্ময় কেহই বাড়িতে ছিল না, ছিল হাসি। পেয়ারা কিনিয়া সে গোয়াভা জেলি প্রস্তুত করিবার আয়োজন করিতেছিল। হাসির নিকট হইতে টাকা চাওয়া যায় না, কিন্তু পেয়ারা চাওয়া যায়। গোটা দুই ডাশা পেয়ারা সে সংগ্রহ করিয়াছিল। ভাগ্যিস করিয়াছিল, তাই আপিসের পর কথঞ্চিৎ ক্ষুণ্ণবৃত্তি করিতে পারিয়াছে। এখন চলিয়াছে নিবারণবাবুর নিকট, ধারের চেষ্টায়। অবিলম্বে কিছু টাকার প্রয়োজন। এক—আধ টাকা নয় সাড়ে পাঁচশত টাকা। করালিচরণ ড্রাবিড় যাইবে বলিয়া ক্ষেপিয়া উঠিয়াছে। আগামী সপ্তাহের মধ্যে যেমন করিয়া হোক টাকাটা তাহাকে দিতেই হবে। কি কুক্ষণেই যে সে করালিচরণের টাকায় হাত দিয়াছিল। এ টাকা না পাইলেও তাহার সংসার নিশ্চয়ই চলিয়া যাইত। খুচখুচ করিয়া টাকাগুলি ধরচ হইয়া গিয়াছে, এখন মহামুগ্ধ! হঠাৎ সাড়ে পাঁচশত টাকা জোগাড় করা কি সহজ? বৌদিদির অলঙ্কারগুলিও নাই। দাদা তাহার কিয়দংশ পূর্বেই সাবাড় করিয়াছিলেন, তাহার বি. এস-সি. পরীক্ষার ফি জমা দিবার সময় রুলি জোড়া গিয়াছিল, ফনতির অস্ত্রখের সময় হারটা গিয়াছে। নিরাভরণা বৌদিদি শাঁখা লোহা ও সিঁড়রের সহায়তায় সধবার ঠাট কোনরকমে বজায় রাখিয়াছেন। বিড়ডিকার এ বিষয়ে মুখে অবশ্য কখনও কিছু বলেন না, কিন্তু না বলিলেও ভনটু সব বুঝিতে পারে। কিন্তু বুঝিতে পারিয়াও বা কি করিবে, গহনা ণড়াইয়া দিবার সামর্থ্য তো তাহার নাই। বরং মনে হইতেছে বৌদিদির গহনাগুলি এ সময়ে

থাকিলে কাজে লাগিত। তিন দিন হইতে সে করালিচরণকে এড়াইয়া চলিতেছে, টাকা না লইয়া তাহার সহিত দেখা করা অসম্ভব। শঙ্করের বহুদিন হইতে দেখা নাই। সেদিন হস্টেলে গিয়া সে যাহা শুনিল তাহা অবিশ্বাস। শঙ্কর নাকি লেখা-পড়া ছাড়িয়া দিয়া জিনিসপত্র বিক্রয় করিয়া বিবাগী হইয়া গিয়াছে। হস্টেলের দারোয়ানটা বলিল। দারোয়ানের কথায় আস্থা স্থাপন করিয়া নিশ্চিন্ত থাকিবার পাত্র ভনটু নয়। সে আরও খোঁজ করিয়া জানিল—ভীমজালে পড়িয়া ছোকরা গা-টাকা দিয়াছে। অত লদকালদকি করিলে ভীমজালে পড়িবে না! ইদানীং সে যে বড় একটা ধরা ছোঁয়া দিত না তাহার কারণ এতদিনে স্পষ্ট বুঝা যাইতেছে। কয়েকদিন পূর্বে ওরিজিণ্ডাল অর্থাৎ দশরথের মুখেও সে অতিশয় চমকপ্রদ একটি সংবাদ শুনিয়াছে। আধুনিক ছোকরাদের গালাগালি প্রসঙ্গে তাহাদের হ্যাংলামির উদাহরণ-স্বরূপ ওরিজিণ্ডাল শঙ্কর নামক একটি যুবকের উল্লেখ করিলেন। সে নাকি লুকাইয়া ওরিজিণ্ডালের রক্ষিতার নিকট যাতায়াত করে! কলেজের দুই-একজন প্রাক্তন সহপাঠীর নিকটও ভনটু শঙ্করের সম্বন্ধে নানাকথা শুনিয়াছিল এবং সমস্ত শুনিয়া তাহার প্রতীতি জন্মিয়াছিল যে “চাম্ গ্যান্টঅ” ভীমবেগে রসাতলের উদ্দেশ্যেই রানিং আপিস খুলিয়াছে। এখন যদি ছোকরার একবার নাগাল পাওয়া যাইত বড় ভাল হইত। আর যাই হোক, রাসকেলটার মাথা বড় সাফ—কাব্যিরোগেই উহাকে খাইয়াছে!

মেজকাকা অর্থাৎ বাবাজি পুনরায় অন্তর্হিত হইয়াছেন। মায়ের বিষয়টি বাঁধা দিয়া কিছু অর্থসংগ্রহ করিয়াছিলেন এবং তাহারই সাহায্যে তিনি নাকি কুমারিকা অন্তরীপের সন্নিহিত কোন নির্জনস্থানে চলিয়া গিয়াছেন। ভনটুর মনে হইল বাবাজির বিষয়টা হস্তগত করিয়া লইলে মন্দ হইত না। এ সময়ে অন্তত তাহা কাজে লাগিতে পারিত। বাবাজি তো দিতেই চাহিয়াছিলেন।

অন্ধকার গলি। গলির দুইপাশে ঘেঁষাঘেঁষি খোলার



ঘর। কোন ঘরে কলহের, কোন ঘরে বেগুনভাজার, কোন ঘরে হারমোনিয়মের, কোন ঘরে শিশুর ক্রন্দন রোল উঠিয়াছে। ভনটুর কিন্তু এসব দিকে লক্ষ্য নাই। বাইকটি ঠেলিতে ঠেলিতে নানা এলোমেলো চিন্তার মধ্যে একটি কথাই সে কেবল ভাবিতেছে—হঠাৎ এতটাকার কথা নিবারণবাবুর কাছে পাড়িবে কি করিগা!

পৃথিবী বৈচিত্র্যময়ী। বিচিত্র লীলায় বিচিত্র ভঙ্গীতে বিচিত্র বিধানে জীবনধারার বিচিত্র বিকাশ। এই বৈচিত্র্যকে আমরা অন্তরের সহিত উপলব্ধি করি না বলিয়াই অপ্রত্যাশিত কিছু ঘটিলে বিস্মিত হই। বস্তুত প্রকৃতির বিচিত্র লীলানিকেতনে অপ্রত্যাশিত বলিয়া কিছু নাই। কোন কিছুকে আমরা অপ্রত্যাশিত বলিয়া মনে করি আমাদের কল্পনার দৈন্যবশত। আগাদের আরও একটা অভ্যাস—আমরা নিজেদের রুচি, বুদ্ধি, সংস্কার ও সুবিধা অনুযায়ী প্রত্যাশা করি এবং নিজেদের রুচি, বুদ্ধি, সংস্কার ও সুবিধার প্রতিকূল কিছু ঘটিলেই তাহাকে অপ্রত্যাশিত আখ্যা দিয়া বিস্মিত অথবা মর্সাহত হই, ভুলিয়া যাই যে বৈচিত্র্যই পৃথিবীর প্রাণধর্ম। প্রাণধর্মের প্রেরণায় প্রত্যাশিত, ঈষৎ প্রত্যাশিত, অপ্রত্যাশিত সর্বপ্রকার ঘটনাই ঘটে। আমরা ইহা জানি, বিচারের ক্ষেত্রে ইহা স্বীকার করি—কিন্তু ব্যবহারিক জীবনে এতদনুসারে চলি না। ব্যবহারিক জীবনে আমরা আশা করি যে আমাদের সংস্কার, সুবিধা এবং নৈতিক আদর্শ অনুযায়ী সব কিছু ঘটবে। কিন্তু তাহা ঘটে না, কাহারও জীবনে ঘটে না, নিবারণবাবুর জীবনেও ঘটিল না। নিজের মেয়েকে কেহ মন্দ ভাবে না, নিজের বন্ধুর চরিত্র বিশ্বাস করাও মানুষের স্বাভাবিক প্রবৃত্তি। এই সুবিধা-জনক স্বাভাবিক ধারণার আরামদায়ক আবেষ্টনীতে মন নিশ্চিন্ত থাকে। রাত্রে ঘুমন্ত অবস্থায় নানা বিপদ ঘটিতে পারে জানিয়াও আমরা ঘুমাই। সুতরাং মাঝে মাঝে অপ্রত্যাশিত রকমে চমকিত হইতে হয়। সকালে উঠিয়া দেখি চোরে সিঁধ কাটিয়াছে। অথবা ঘরে আগুন লাগিয়া গিয়াছে। নিবারণবাবুর মুখে সমস্ত গুনিয়া ভনটু স্তম্ভিত হইয়া গেল। মাস্টার আসমিকে লইয়া সরিয়াছে।

২

ছোট স্টেশনটি এতক্ষণ নিবিড় অন্ধকারে অবলুপ্ত ছিল। রাত্রি বারোটোর সময় কিছুক্ষণের জন্য তাহা সজীব হইয়া উঠিল। একটা গাড়ি আসিবে। স্টেশনের বাহিরে গভীর অন্ধকার বিল্লীশ্বরে স্পন্দিত হইয়া উঠিতেছে। চারিদিকে কেবল মাঠ। একটি সরু রাস্তা স্টেশন হইতে মাঠের ভিতর দিয়া অঁকিয়া বাঁকিয়া গিয়া দুই ক্রোশ দূরবর্তী বড় রাস্তায় মিশিয়াছে। স্টেশনের নিকট রেলোয়ের দুই-একটি কোয়ার্টার ছাড়া আর কোন ঘরবাড়ি নাই। আশেপাশে কেবল দিগন্তব্যাপী প্রান্তর। অগাবস্তার সূচীভেদে অন্ধকারে চতুর্দিক সমাচ্ছন্ন। ... ট্রেন আসিল, দুই মিনিট থামিল এবং চলিয়া গেল। ট্রেন হইতে জন কয়েক যাত্রী নামিলেন, চিন্ময়ও নামিল। নির্দেশমত এই স্টেশনেই তাহার নামিবার কথা। অন্য যাত্রীদের সহিত চিন্ময়ও স্টেশনের বাহিরে সরু রাস্তাটার উপর আসিয়া হাজির হইল। অন্য যাত্রীরা আপন আপন গন্তব্যস্থলে চলিয়া গেলেন। চিন্ময় একা চূপ করিয়া দাঁড়াইয়া রহিল। একটি ছেলের আসিবার কথা, কিন্তু কই, কেহই তো আসে নাই। এই অন্ধকারে পথ চেনাও মুস্কিল। চিন্ময় অনিশ্চিতভাবে এদিক ওদিক চাহিতে লাগিল।

“আপনি কি জাফরাণপুর যাবেন?”

কোমল বালককণ্ঠে অন্ধকারের মধ্যে কে যেন প্রশ্ন করিল।

“আপনি কে?”

“আমি আপনাকে নেবার জন্তেই দাঁড়িয়ে আছি এখানে।”

“তাই নাকি, আচ্ছা এদিকে এস।”

অন্ধকারে একটি ছায়ামূর্তি নিকটে সরিয়া আসিল।

“আলোর কাছে চল দেখি তুমি কে।”

স্টেশনের নিকটবর্তী হইয়া স্টেশনের আলোকে চিন্ময় চিনিতে পারিল। কলিকাতায় তাহাদের দলপতি দূর হইতে একদিন এই বালকটিকেই চিনাইয়া দিয়াছিলেন।

চিন্ময় প্রশ্ন করিল, “কতদিন পূর্বে তুমি কোলকাতা গিয়েছিলে?”

“ওমাসের পঁচিশে।”

তারিখটাও মিলিয়া গেল।

“চল তা হ'লে যাওয়া বাক ।”

আবার তাহার মাঠের দিকে অগ্রসর হইতে লাগিল ।  
বালক প্রশ্ন করিল—“আপনার নাম কি ?”

“বাইশ নম্বর ।”

“চলুন ।”

তরুণকান্তি পনেরো-ষোল বছরের একটি কিশোর ।  
তাহারই উপর নির্ভর করিয়া চিন্ময় অন্ধকার মাঠে নামিয়া  
পড়িল । সমস্ত সন্ধ্যাটা গুমোট করিয়াছিল, এখন বেশ  
ঝিরঝির করিয়া বাতাস বহিতে আরম্ভ করিয়াছে । কিন্তু  
চারিদিকে কি ভীষণ অন্ধকার ! চিন্ময় সহসা লক্ষ্য করিল  
ছেলেটি তাহার পাশে পাশে নয় আগে আগে চলিয়াছে ।

“তুমি আগে আগে যাচ্ছ কেন ?”

“আমি আগেই থাকি—আপনি আমার পিছু পিছু  
আসুন ।”

“কেন বল তো”

বালক কোন উত্তর দিল না । সে কিন্তু চিন্ময়ের সহিত  
চলিতে পারিতেছিল না, চিন্ময় তাহাকে বারম্বার ধরিয়া  
ফেলিতেছিল । তখন সে ছুটিয়া আবার খানিকটা আগাইয়া  
যাইতেছিল । চিন্ময়কে সে কিছুতেই আগাইয়া যাইতে  
দিবে না ।

চিন্ময় হাসিয়া বলিল, “অমন ছুটে ছুটে এগিয়ে যাবার  
দরকারটা কি ? একসঙ্গে পাশাপাশি যাই চল না ।”

“না, আমি এগিয়ে থাকব ।”

“কেন ?”

“এমনি”

চিন্ময় যে কার্যে চলিয়াছে সে সম্বন্ধে আলোচনা করা  
মানা । এই কিশোর তাহাকে জাফরাণপুর অবধি  
পৌছাইয়া দিবে । সেখান হইতে অল্প উপায়ে কর্মস্থলে  
পৌছিতে হইবে । উভয়ে নীরবে মাঠ পার হইতে লাগিল ।  
উভয়েই বেশ দ্রুতপদে চলিয়াছে, তাহার সঙ্গী আগাইয়া  
থাকিবার জন্য প্রায় ছুটিয়া চলিয়াছে । চিন্ময় পুনরায় প্রশ্ন  
না করিয়া পারিল না ।

“অত ছুটে চলবার দরকার কি ?”

“আসুন না আপনি”

“তুমি পাশাপাশি না চললে আমি যাব না”

“আসুন না”

“তুমি কেন এগিয়ে থাকতে চাও না বললে আমি  
যাব না ।”

কিছুক্ষণ নীরব থাকিয়া একটু ইতস্তত করিয়া ছেলেটি  
অবশেষে বলিল—“এ মাঠে বড় বড় গোধরো সাপ আছে ।  
আমার টর্চ আনা উচিত ছিল, কিন্তু আমি ভুলে গেছি ।”

“তাতে কি হয়েছে !”

“আপনাকে যদি সাপে কামড়ে দেয় ? আমার উপর  
ভার আছে আপনাকে জাফরাণপুরে নিরাপদে পৌঁছে  
দেবার । আপনি আসুন ।”

“তোমাকে যদি সাপে কামড়ায় ?”

“আমার চেয়ে আপনার প্রাণের দাম ঢের বেশী ।  
আসুন ।”

৩

শঙ্কর বিবাগী হইয়া যায় নাই ।

পিতার পত্র পাইবার পরদিনই সে হস্টেল ছাড়িয়া দিল,  
জিনিসপত্র ও বই বিক্রয় করিয়া খুচরা ধারপুলা শোধ করিয়া  
ফেলিল এবং উদভ্রান্তচিত্তে অনিশ্চিতভাবে রাস্তায় রাস্তায়  
ঘুরিতে লাগিল । পকেটে সাড়ে বারো আনা পয়সা মাত্র  
সম্বল । বিরাট কলিকাতা নগরীতে মাথা গুঁজিবার স্থান  
নাই । শঙ্কর সহসা অহুভব করিল কলিকাতায় ধনী  
স্থান আছে দরিদ্রের স্থান আছে, কিন্তু মধ্যবিত্তের স্থানাভাব ।  
ধনীর প্রাসাদ আছে, দরিদ্রের ফুটপাথ আছে কিন্তু  
মধ্যবিত্তের, চক্ষুলাজ্জাসম্পন্ন ভদ্রতাজ্ঞানবিশিষ্ট মধ্যবিত্তেরই  
মুঙ্কিল । এখানে বিনা পরিচয়ে অথবা বিনা পয়সায়  
ভদ্রভাবে কোন আশ্রয় পাইবার উপায় নাই । শঙ্করের  
যাহারা পরিচিত তাহারা এত বেশী পরিচিত যে শঙ্কর  
অসঙ্কোচে তাহাদের নিকট যাইতে পারে না । কোন্  
লজ্জায় সে শৈলর বাড়ি যাইবে ! যাহাকে সে চিরকাল  
অনুগ্রহ করিয়া আসিয়াছে তাহার নিকট যাইবে অনুগ্রহ  
ভিক্ষা করিতে ! এই একই কারণে ভনুটুর নিকট যাওয়াও  
অসম্ভব । তাছাড়া ভনুটুদের অবস্থা সে ভাল করিয়াই  
জানে । তাহাকে আশ্রয় দেওয়ার মত সঙ্গতি তাহাদের  
নাই । শিরিষবাবু বদলি হইয়া গিয়াছেন, থাকিলেও শঙ্কর  
এমন দীনবেশে স্বপ্নরবাড়ি যাইতে পারিত না । প্রফেসার  
গুপ্তের শরণাপন্ন হইয়া অবিলম্বে একটা টিউশনির বন্দোবস্ত

করিয়া ফেলিতে পারিলে অনেকটা নিশ্চিত হওয়া যায়। প্রফেসর গুপ্ত কি অবিলম্বে একটা টিউশনির ব্যবস্থা করিয়া দিতে পারিবেন? যখন প্রয়োজন ছিল না তখন একদিন তিনি বলিয়াছিলেন তাহাকে একটা টিউশনি তিনি জোগাড় করিয়া দিতে পারেন। এখনও কি পারিবেন? শিয়ালদহের সামনে একটা মুসলমানী দোকানে ঢুকিয়া শস্তায় কিছু রুটিমাংস কিনিয়া শঙ্কর ক্ষুধিবৃত্তি করিল। স্টেশনের ঘড়ীটাতে দেখিল আড়াইটা বাজিয়াছে। রবিবার, প্রফেসর গুপ্ত হয় তো বাড়িতেই আছেন। তাঁহার বাড়ির দিকেই শঙ্কর অগ্রসর হইল। কোনক্রমে দশ-পনেরো টাকার মতো একটা টিউশনিও যদি জুটিয়া যায়। পথ চলিতে চলিতে মায়ের কথা তাহার মনে পড়িল। বাবা যে তাহার খরচ বন্ধ করিয়াছেন মা কি তাহা জানেন? খুব সম্ভবত জানেন না। বাবা মায়ের দুর্বল মস্তিষ্কে পারতপক্ষে বিচলিত করিতে চাহিবেন না। সে যে বিবাহ করিয়াছে সে কথাও কি মা জানেন না। কিম্বা হয় তো সব জানেন, বাবার ভয়ে কিছু করিতে পারিতেছেন না। জাহ্নু আর না-ই জাহ্নু শঙ্কর নিজে তাঁহাকে কখনও জানাইবে না। মাকে নিজের অবস্থার কথা জানানোর সরল অর্থ বক্রপথে পিতার অমুগ্রহ প্রার্থনা করিতে যাওয়া। তাহা সে মরিয়া গেলেও করিবে না। সহসা অমিয়ার কথা তাহার মনে হইল। সে শিরিষাবুর সঙ্গেই তাঁহার নূতন কর্মস্থল দিনাজপুরে গিয়াছে। অমিয়ার শিশুর মতো সরল মুখখানা চোখের উপর ভাসিয়া উঠিল। নিতান্ত সরল! শঙ্করকে পাইয়া যেন বস্তিয়া গিয়াছে! এমন স্বামী যেন কাহারও নাই, হইতে পারে না। এতটা সরলতা কিন্তু শঙ্করের ভাল লাগে নাই। শঙ্করের পরিণত মনের ক্ষুধা কি ওই শিশু প্রকৃতির অমিয়া মিটাইতে পারিবে? উহাকে নেহ করা চলে, উহার অযৌক্তিক সারল্য দেখিয়া কৌতুকাঙ্কিত হওয়া চলে, কিন্তু উহার সহিত রোমাণ্টিক প্রেম করা চলে না। ওইটুকু মেয়ে, ভালবাসার কি বোঝে ও! শঙ্কর যেন নূতন রকম একটা দামী পুতুল এবং তাহারই একান্ত নিজস্ব এই আনন্দেই অমিয়া বিভোর। শঙ্করের মনের নিগূঢ় আকৃতির বিচিত্র পিপাসার কোন ধরন রাখা উহার পক্ষে সম্ভবই নয়। ও যদি কুটিল হইত, অপাদের বিলোল কটাক্ষে মুগ্ধ করিয়া ক্রতঙ্গী সহকারে

ব্যাহত করিতে পারিত তাহা হইলে শঙ্করের ভাল লাগিত। এ অতিশয় সরল, অত্যন্ত সহজ। বিনা প্রতিবাদে বাহুবন্ধে ধরা দেয়, বিনা প্রশ্নে সমস্ত কিছু বিশ্বাস করে, বিনা সঙ্কোচে কৃতজ্ঞ হয়। কোন জটিলতা নাই, মনকে উৎসুক করিয়া তোলে না।

প্রফেসর গুপ্তের বাসায় পৌঁছিয়া শঙ্কর যাহা দেখিল তাহা অপ্রত্যাশিত। প্রফেসর গুপ্ত ও মিষ্টিদিদি দক্ষিণ দিকের নির্জন বারান্দায় বসিয়া চা পান করিতেছেন। বাড়িতে বালক ভৃত্যটি ছাড়া আর কেহ আছে বলিয়াও মনে হইল না।

শঙ্করকে দেখিয়া মিষ্টিদিদিই হাস্তমুখে সম্বন্ধনা করিলেন। “এ কি শঙ্করবাবু যে! অনেক দিন পরে দেখা হ’ল আপনার সঙ্গে, বসুন।”

নির্ভীকারভাবে মিষ্টিদিদি কথাগুলি বলিলেন। শঙ্কর অবাক হইয়া গেল।

“মুখখানা বড় শুকনো শুকনো দেখাচ্ছে যে, বসুন না।”

শঙ্কর উপবেশন করিল।

প্রফেসর গুপ্ত বালক ভৃত্যটিকে ডাকিয়া আর এক পেয়ালা চা ফরমাস করিলেন। তাহার পর শঙ্করের দিকে চাহিয়া একটু হাসিয়া বলিলেন, “আমাদের কাব্য আলোচনা হচ্ছিল। কিং লিয়ারের গনেরিল আর রেগানকে কেমন লাগে তোমার?”

শঙ্করের কিং লিয়ার পড়া ছিল না, তবু বলিল, “ভালই লাগে।”

মিষ্টিদিদি সবিস্ময়ে বলিলেন, “ভালো লাগে আপনার? আপনার রুচি বদলেছে তা হ’লে বসুন। আগে তো ঝাঁজালা জিনিস বরদাস্ত করতে পারতেন না আপনি!”

প্রফেসর গুপ্ত বলিলেন, “ওর রুচির ধরন রাখেন না কি আপনি?”

“সামান্য একটু পরিচয় নিয়েছিলুম একদিন। একদিন একটু ঝাঁজালা সম্ চাখিয়েছিলুম, খেতে পারলেন না। কম ঝাঁজালা মিষ্টি আরও খাবার ছিল, সেগুলো পর্যন্ত খেতে পারলেন না, উঠে যেতে হ’ল ওঁকে!”

“তাই নাকি? আমার তো ধারণা ছিল শঙ্কর খুব ঝালের ভক্ত!”

শঙ্কর নির্ঝাঁক হইয়া বসিয়া রহিল। মুখ পাংশুবর্ণ হইয়া গেল কি না তাহা সে নিজে দেখিতে পাইল না, কিন্তু তাহার কান দুইটা গরম হইয়া উঠিল। মিষ্টিদিদি হাসিমুখে পুনরায় প্রশ্ন করিলেন, “তারপর, আছেন কেমন বলুন, অনেকদিন আপনার কোন খবর পাই নি। পড়াশোনা হচ্ছে কেমন?”

“পড়াশোনা ছেড়ে দিয়েছি”

“ওমা সে কি, এটা আপনার এগজামিনের বছর না?”

প্রফেসার গুপ্তের চক্ষু দুটিও প্রশ্নাকুল হইয়া উঠিয়াছিল। তিনি বলিলেন, “পড়াশোনা ছেড়ে দিয়েছ?”

“হ্যাঁ।”

“কেন, হঠাৎ হল কি!”

“বাবা খরচ দেওয়া বন্ধ করেছেন, তাঁর অমতে বিনাপণে বিয়ে করেছি বলে!”

মিষ্টিদিদি মুখে একটা বিস্মিত সহানুভূতির ভাব ফুটাইতে চেষ্টা করিলেন, কিন্তু তাঁহার চোখ দুটি হইতে একটা চাপা হাসি উপচাইয়া পড়িতে লাগিল। প্রফেসার গুপ্ত বলিলেন, “হঠাৎ তাঁর অমতে বিয়ে করতে গেলে কেন?”

“একটি কন্যাদায়গ্রস্ত ভদ্রলোকের উপর অনুকম্পা হ’ল—”

মিষ্টিদিদি একটু মুচকি হাসিয়া বলিলেন, “তবু ভাল, আমি ভাবছিলাম বুঝি আর কিছু—”

শঙ্কর আত্মসম্বরণ করিতে পারিল না। স্থানকাল বিস্মৃত হইয়া বলিয়া ফেলিল, “আপনি ভাববেন বই কি!”

এই কথায় মিষ্টিদিদি কলকণ্ঠে হাসিয়া উঠিলেন। উচ্ছ্বসিত হাস্যতরঙ্গে শঙ্করের ব্যঙ্গোক্তি কোথায় ভাসিয়া গেল, তাঁহাকে স্পর্শই করিতে পারিল না। চায়ের পেয়ালার বাকী চা-টুকু নিঃশেষ করিয়া মিষ্টিদিদি উঠিয়া পড়িলেন। বলিলেন, “আমি এবার চলি তা হ’লে। আপনি একটা লোকের চেষ্টায় থাকবেন কিন্তু, আমরা আমাদের সমিতির থেকে রোজ আট আনা ক’রে দিতে পারব। এর চেয়ে বেশী দেওয়ার ক্ষমতা নেই সমিতির। অত শস্তায় কোন ট্রেন্ড নাস’ পাওয়া যাবে না মানি, ট্রেন্ড নাসের দরকারও নেই, পাহারা দেবার মতো একজন লোক পেলেই হ’ল। বেঘোরে খাট থেকে পড়ে টড়ে না যান

ভদ্রলোক। ওষুধ খাওয়াবারও হাদ্যামা নেই। ওষুধ দিচ্ছেন আমাদের প্রকাশবাবু, হোমিওপ্যাথি, পনেরো দিন অন্তর এক ফোঁটা—” বলিয়া একটু মুচকি হাসিলেন। প্রফেসার গুপ্ত বলিলেন, “আচ্ছা, চেষ্টায় থাকব—অত শস্তায় কোন বিশ্বাসযোগ্য লোক পাওয়া শক্ত—”

“ওর চেয়ে বেশী দেবার ক্ষমতা আমাদের সমিতির নেই। অত দেবারও ক্ষমতা নেই, মিসেস স্ত্রানিয়ালের বোন চুনচুনের স্বামী বলেই আমাদের যা ইন্টারেস্ট। নিজেদের মধ্যে চাঁদা তুলে কিছু টাকা জোগাড় করেছি আমরা—”

“টি. বি. বলে সন্দেহ করছেন—সেইটেই হয়েছে আরও মুশ্কিল কি না—”

“ডাক্তাররা তাই বলছে, আমরা কি করব বলুন—”

একটু হাসিয়া মিষ্টিদিদি আবার বলিলেন, “কি ক’রে চুনচুন যে ওই রোগা কুচ্ছিত লোকটার ‘লাভে’ পড়লো তাই ভেবে অবাক লাগে আমার—”

প্রফেসার গুপ্ত মিষ্টিদিদির মুখের পানে ঋণিক চাহিয়া রহিলেন। ক্রমশ তাঁহার মুখে মৃদু একটা হাসিও ফুটিয়া উঠিল। মিষ্টিদিদিও হাসিলেন। তাহার পর বলিলেন, “মনে রাখবেন কথাটা। মিসেস স্ত্রানিয়াল আমার ওপর ভার দিয়েছেন, আমাকে অপ্ৰস্তুত করবেন না যেন। শঙ্করবাবুকেও বলুন না ব্যাপারটা খুলে, উনিও হয়তো কোন লোকের সন্ধান দিতে পারবেন। অনেক জায়গায় ঘোরেন তো, পুরুষ মানুষ হ’লেও চলবে—” তাহার পর হাতঘড়িটা দেখিয়া বলিলেন, “উঃ বড় দেরি হয়ে গেছে আমার। এবার চলি আমি—”

মিষ্টিদিদি চলিয়া গেলেন।

শঙ্কর জিজ্ঞাসা করিল, “ব্যাপারটা কি?”

“মিসেস মিত্রের একজন বান্ধবীর বোন—চুনচুন কিছুদিন আগে যতীন হাজরা বলে একটি লোককে লুকিয়ে বিয়ে করে। যতীন হাজরার তিনকুলে কেউ নেই, প্রেসে না কোথায় একটা কাজ করত, কোন রকমে চলে যাচ্ছিল। এখন সেই যতীন হাজরার হয়েছে টি. বি.—নাস’ করবার লোক পাওয়া যাচ্ছে না। চুনচুনের দিদি মিসেস স্ত্রানিয়াল চুনচুনকে কিছুতে সেখানে যেতে দেবে না। ওদের সমিতি থেকেই তাঁর চিকিৎসার খরচ চলছে, তার থাকবার অল্পে একটা ঘরও ভাড়া ক’রে দিয়েছেন ওঁরা,

এখন সেবা করবার একজন লোক চাই। রোজ আট আনা ক'রে পাবে সে। আছে এমন লোক তোমার সন্ধানে ?”

“আমিই করতে পারি।”

“তুমি !”

“আপত্তি কি, আমি আপনার কাছে এসেছিলাম একটা টিউশনির চেষ্টায়। যতদিন সেটা না জুটেছে ততদিন এই করা যাক—”

“সত্যি সত্যি তুমি পড়াশোনা ছেড়ে দেবে না কি ! ব্যাপারটা কি খুলে বল তো।”

“ওই তো বললাম, বাবা খরচ দেওয়া বন্ধ করেছেন।” প্রফেসার গুপ্ত কিছুক্ষণ নীরব থাকিয়া বলিলেন, “বেশ তো টিউশনি ক'রেই পড়াশোনা কর। পরীক্ষাটা দিয়ে ফেল—”

“ডিগ্রী লাভ করার কোন সার্থকতা দেখতে পাচ্ছি না। বর্তমান যুগে টাকাটাই আসল, সময় নষ্ট না ক'রে টাকা রোজগারের চেষ্টাতেই লেগে যাওয়া উচিত।”

“কিন্তু টাকা রোজগারের পথে বাঙালীর ছেলের ডিগ্রীটাই আসল সম্বল। ওটা নিতান্ত তুচ্ছ করবার জিনিস নয়—”

“ডিগ্রী সম্বল বলেই বাঙালীর ছেলের এত দুর্দশা—

“তা হ'লে কি বলতে চাও লেখাপড়া করাটা অনর্থক ?”

“যারা লেখাপড়ার জন্তেই লেখাপড়া করতে চায় তারা তা করুক এবং সম্পূর্ণভাবে তার উপযুক্ত হোক। আমি ভেবে দেখেছি আমার দ্বারা ও সম্ভব নয়।”

“তার মানে ?”

“বিদ্যার্থী হবার মত মনের জোর নেই আমার। সকলে ব্রাহ্মণস্ব লাভের উপযুক্ত নয়।”

“তুমি যে একেবারে মরিয়া হয়ে উঠেছ দেখছি।”

শঙ্কর কোন উত্তর দিল না। বালক ভৃত্যটি এক পেয়ালা চা দিয়া গেল। শঙ্কর নীরবে চা পান করিতে লাগিল।

“তুমি টিউশনি ক'রেই টাকা রোজগার করবে ঠিক করেছ ? ব্যবসা হিসেবে ওটা তো খুব প্রশস্ত পথ নয়।”

“যতদিন অন্য কোন একটা উপার্জনের পথ না পাই

ততদিন টিউশনি ক'রেই চালাব, তাছাড়া উপায় কি। আপনি আপাতত যাহোক কিছু একটা জোগাড় করে দিন আমাকে—”

“একটি আই. এস-সি. ছেলেকে কোচ করতে পারবে ?”

“পারব।”

“কত মাইনে চাও ?”

“আপনি যা ঠিক ক'রে দেবেন।”

“গোটা চল্লিশ হ'লে চলবে ?”

“চলবে।”

“দুবেলা পড়াতে হবে কিন্তু।”

“তাই পড়াব।”

“আচ্ছা বলব তাদের তা হ'লে। একটা জুনিয়র প্রফেসারের সঙ্গে তাঁরা কথা বলেছেন, দরে বনছে না, সে ভদ্রলোক ষাট টাকা চান। তুমি চল্লিশ টাকার রাজি তো ?”

“হ্যাঁ। কবে থেকে পড়াতে হবে ?”

“আসচে মাস থেকে।”

“ততদিন তা হ'লে এই টি. বি. রোগীটার সেবা করা যাক।”

“ও সবে মধ্য আবার গিয়ে কি করবে। রোগটা ছোঁয়াচে এবং মারাত্মক।”

“তা হোক, তবু আমি যাব।”

“আচ্ছা পাগল তো ! তোমার জীবনের মূল্য এখন অনেক বেশী, বিয়ে করেছ।”

শঙ্কর উত্তরে শুধু একটু হাসিল।

কিছুক্ষণ নীরবতার পর প্রফেসার গুপ্ত বলিলেন, “তোমার সেই বান্ধবীটির খবর শুনেছ ?”

“কোন বান্ধবীটির ?”

“বেলা মল্লিক।”

“না, অনেকদিন কোন খবর জানি না।”

“সে এক বুড়ো সায়েবের সঙ্গে জুটেছে।”

“তার মানে ?”

“একদিন বেলা সিনেমার সেকেন্ড শো থেকে বাড়ি ফিরে এসে দেখে তার বাড়ির ঠিক সামনে একটা বুড়ো সায়েব অজ্ঞান হয়ে পড়ে রয়েছে। চতুর্দিকে জনপ্রাণী কেউ

নেই। বেলা জনার্দনকে ডেকে ধরাধরি ক'রে অজ্ঞান সায়েবকে ঘরে নিয়ে এল। শুধু তাই নয়, একজন ডাক্তার ডাকলে এবং সেবা গুঞ্জবা ক'রে সায়েবকে চাঙ্গা ক'রে তুললে।”

“সায়েবটা নিশ্চয় মাতাল।”

“না, তার স্ট্রোক হয়েছিল। অর্ধেক শরীরে পক্ষাঘাত হয়ে গেছে।”

“তারপর ?”

“সায়েবের জ্ঞান হবার পর জানা গেল সায়েব খাঁটি বিলিতি সায়েব, এখানে একটা সায়েবি দোকানে বড় চাকরি করে, কিছুদিন পরে রিটারার করে দেশে ফেরার কথা, এমন সময় এই বিপদ।”

“বেলায় বাসার সামনে এল কি ক'রে।”

“সায়েব নাকি এক ট্যাক্সিতে ছিল, ট্যাক্সিতেই অজ্ঞান হয়ে যায়। যতদূর মনে হচ্ছে ওই ট্যাক্সিওলাই বেগতিক দেখে ওই নির্জন গলিতে সায়েবকে নামিয়ে দিয়ে সরে পড়েছে। অজ্ঞান সায়েব নিয়ে সে আর কামেলায় ঢুকতে চায় নি।”

“তারপর ? এ যে রীতিমত রোম্যান্টিক ব্যাপার !”

“Truth is stranger than fiction.”

“তারপর কি হল ?”

“তারপর যোগাযোগও দেখ অদ্ভুত, সাহেবের তিন-কুলে কেউ নেই, থাকবার মধ্যে আছে একটি পিয়ানো। বেলাও নাকি মিস্টার বোসের বাড়িতে পিয়ানো বাজাতে শিখেছে।”

শঙ্কর বলিল, “হ্যাঁ, শৈলর পিয়ানোটা ও বাজাতো শুনেছি—”

“ফলে, বেলা এখন রোজ সন্ধ্যাবেলায় সেই পক্ষাঘাতগ্রস্ত সায়েবকে পিয়ানো বাজিয়ে শোনায়। সায়েবের ‘কার’ এসে ওকে নিয়ে যায় দিয়ে যায়।”

“মাইনে নিশ্চয় পায় এর জন্তে।”

“সেটা ঠিক জানি না আমি। তবে সায়েব জাত কারো কাছে অমনি কিছু নেয় না। নিশ্চয়ই কিছু দিচ্ছে।”

শঙ্কর চুপ করিয়া রছিল।

প্রফেসার গুপ্তও বাতায়ন-পথে খানিকক্ষণ নীরবে চাহিয়া রছিলেন।

শঙ্কর অল্প প্রসঙ্গ উত্থাপিত করিল।

“মানতুরা কি এখানে নেই না কি, কারো সাড়াশব্দ পাচ্ছি না।”

“না, ওরা অপর একটা বাড়িতে আছে। মানতুর বিয়ে—”

“তাই না কি ?”

“হ্যাঁ।”

প্রফেসার গুপ্ত কেমন যেন একটু অন্তমনস্ক হইয়া পড়িয়াছিলেন।

“মিসেস মিত্রকে আপনি কি একটা চিঠি দেবেন ? না, আমিই মুখে গিয়ে বলব—”

“তুমি ওই যক্ষ্মারোগীর সেবা না ক'রে ছাড়বে না ?”

“না।”

“তবে আর চিঠি লেখবার দরকার কি, নিজেই গিয়ে বল—”

“তবু একটা লিখে দিন।”

স্মিত হাস্য করিয়া প্রফেসার গুপ্ত বলিলেন, “তা হ'লে প্যাডখানা আর কলমটা নিয়ে এস ওই টেবিলটা থেকে।”

শঙ্কর আনিয়া দিল।

প্রফেসার গুপ্ত লিখিলেন—

মিসেস মিত্র, অন্তলোক খোঁজার দরকার নেই। শঙ্করই সেবা করতে রাজি হয়েছে। এত শস্তায় এত ভাল লোক পাওয়া যেত না। কালকের এনগেজমেন্টের কথা মনে আছে তো ? ইতি

গুপ্ত

শঙ্কর পত্রখানি লইয়া চলিয়া গেল।

প্রফেসার গুপ্ত আসন্ন এনগেজমেন্টের কথা ভাবিতে লাগিলেন। হঠাৎ তাঁহার মনে হইল—ইভার চিঠির উত্তর দেওয়া হয় নাই। প্রায় দুইমাস হইল বেচারি চিঠি লিখিয়াছে। প্যাডখানা টানিয়া লইয়া তিনি ইভাকে চিঠি লিখিতে বসিলেন। উচ্ছ্বাসপূর্ণ দীর্ঘ একটা চিঠি লিখিয়া তখনই সেটা পাঠাইয়া দিলেন। তাহার পর অন্তমনস্ক-ভাবে ‘কুমারসম্ভব’খানা লইয়া উল্টাইতে লাগিলেন। সহসা তাঁহার দৃষ্টি এই প্লোকাটিতে আটকাইয়া গেল—

শুচৌ চতুর্গাং জলতাং শুচিন্মিতা  
হবিভূজাং মধ্যগতা স্তমধ্যমা  
বিজিত্য নেত্র প্রতিঘাতিনীং  
প্রভমনশ্চদৃষ্টিঃ সবিতারমৈকুত ।

শুচিন্মিতা কুশোদরী তপস্চারতা উমা গ্রীষ্মকালে অনন্ত-  
দৃষ্টিতে সূর্যের পানে চাহিয়া আছেন! তুমারশীতল  
হিমালয়ের কন্যা উমা—যে হিমালয়ে

'ভাগীরথী নির্ঝরশীকরাগাং বোঢ়া মুহঃ কম্পিত দেবদারঃ ।  
যদ্বায়ুরষিষ্টয়ুগৈঃ কিরাঠৈরাসেব্যতে ভিন্নশিখণ্ডিবর্হঃ ।

সেই হিমালয়ের স্নুকুমারী কন্যা উমা শ্মশানবিলাসী সন্ন্যাসীর  
জন্ত অগ্নিপরিবেষ্টিতা হইয়া সূর্যের দিকে চাহিয়া আছেন ।

প্রফেসার গুপ্তের সহসা মনে হইল এই দুক্লহ তপস্চরণ  
আজকাল আর কেহ করে না । শিবই আজকাল নানা উপহার  
লইয়া উমার পিছু পিছু ছুটিয়া বেড়াইতেছে !

ক্রমশঃ

## ব্যাধনৃত্য

শ্রীক্ষারোদবিহারী ভট্টাচার্য্য

রিনিঝিনি নিকণে  
ঝংকৃত তন্তুলতা—  
ভাবলীলায়িত লাশ্বে,  
মৃদু বায়ু হিল্লোলে  
চঞ্চল বল্লরী  
পুলকি ঝলকে কলহাশ্বে ।

আজি নর্তনে অস্থিত কোন্ গান !  
স্বররস ঝরণায়  
ঝর ঝরে নির্ঝরি  
মুগধিল অন্তর কোন্ তান !

মঞ্জীর কলরোলে  
মৃদুল মাদল বোলে  
বেয়াকুল মন করে আন্ধান ।

ঐ বুঝি উড়ে যায়  
মারি এক পাকশাট,  
শালগাছে চঞ্চল ময়না ;  
কপট চাহনি হানি  
মুনকী' লথায় বলে—  
'হঁসিয়ার !' আর যেন যায় না ।

কাঁটাভরা বেত বনে  
সব্ সর্ শব্দে,  
কি যেন কি ছুটে চলে চমকি !  
নিঃশ্বাস রুধি বুকে  
সামলায় লথিয়াকে  
সাপে তোরে কেটেছিল আর কি !  
“ধুৎতোর শয়তান !  
চুপ কর—পাতি কান,  
নইলে এ বনে পাখী পাবি নে ।”  
ফিন্‌কি হাসির ছলে,  
লখাই কাতরে বলে—  
“তোরে দেখে ভুলে যাই, পারিনে ।”

বেয়াদব চুপ কর,  
ঐ দেখ্ কবুতর  
নীড় মাঝে করে কেলি-কসরত ।  
লক্ষ্য করিয়া থির,  
বক্ষে হানিল তীর  
ছটফটি পড়ে ঝোপে পারাবত ।  
বুকফাটা শেষ ডাক  
নীড়হারা পায়রার,  
খণ্ডিত বিচ্ছেদ বেদনায় ;  
ক্রন্দিত নর্তনে  
বুক ভেদি বনানীর  
শোকবারি বাহিরায় ঝরণায় ।

# বাইবেলে ব্রজলীলা

শ্রীবিনোদলাল বন্দ্যোপাধ্যায় এম-এ বি-এল্

“নিকুঞ্জ মন্দির মাঝে শুভল কুমুম শেজে  
ছ'ছ' দোঁছা বাঁধি ভুঞ্জপাশে।”  
“চরণে চরণে একাকারে, কেবা তাহা ছাড়াবারে পারে,  
এক তনু ধরি যদি টানে ছুই তনু আসে তার সনে।”

মহাপুরাণ শ্রীমদ্ভাগবতের দশম স্কন্ধে শ্রীভগবান শ্রীকৃষ্ণের লীলা বর্ণিত আছে, এই লীলা আদি, মধ্য ও অন্ত—তিন ভাগে বিভক্ত। আদিলীলা—বৃন্দাবন বা ব্রজলীলা। মধ্যলীলা—মথুরালীলা। অন্তলীলা—দ্বারকালীলা।

বৃন্দাবন বা ব্রজলীলা আবার সখ্য, বাৎসল্য, মধুর-শেদে তিন ভাগে বিভক্ত, যথা :—ব্রজবালকদিগের সঙ্গে সখ্যলীলা ; মাতা যশোদা, পিতা নন্দ ও মাতাপিতৃ-স্থানীয় গোপ-গোপীর সঙ্গে বাৎসল্য লীলা এবং ব্রজ-বধুদিগের সহিত মধুরলীলা, এই শেখোক্ত লীলাই বৈষ্ণব ভক্তগণের হৃদয়ের ধন। এই লীলা-কথামৃত দান ও গান করিয়া বহু ভাগ্যবান ব্যক্তি অমরত্ব লাভ করিয়াছেন, যথা শ্রীমদ্ভাগবতে :—

“তব কথামৃতং তপ্ত-জীবনং  
কবিশ্রীড়িতং কল্যাণপং।  
শ্রবণ মঙ্গলং শ্রীমদাততঃ  
ভুবি গৃনস্তি যে ভূরিদা জনাঃ।” ভাঃ ১০-৩১-৯

অনুবাদ :— তব কথামৃত কবি কুলে স্তম্ব  
শ্রবণ মঙ্গল তপত-প্রাণ।  
কলুষ নাশন, হৃদাতা সেজন  
যে করে বিস্তারে ভুবনে দান ॥

এই শ্লোকরত্ন শ্রীচৈতন্য মহাপ্রভুর অতি প্রিয় ছিল।

কৃষ্ণলীলা শুধু পুরাণে সীমাবদ্ধ মহে, প্রাচীন গোস্থামীপাদগণ এই পবিত্রলীলা অবলম্বনে বহুপাণ্ডিত্যপূর্ণ বৈষ্ণবগ্রন্থ প্রণয়ন করিয়া গিয়াছেন। যথা :—ললিতমাধব, বিনয়মাধব, উজ্জ্বলনীলমণি প্রভৃতি ; বিখ্যাত বৈষ্ণব কবিগণ :—জয়দেব, বিষ্ণুপতি, চণ্ডীদাস প্রভৃতি মনোহর পদাবলী রচনা করিয়া গিয়াছেন, যাত্রা, কীর্তন, ধিয়েটার, কবিগান, কথকথা প্রভৃতিতে এই লীলা সর্বদা অভিনীত হইয়া আসিতেছে। শুধু তাহাই নহে, পূর্ববঙ্গে ছাতপেটা, খানকাটা, নৌকা-দৌড়, বিবাহ ইত্যাদিতে গীত প্রাম্যগীত সকল এই লীলা অবলম্বনেই রচিত। মোটকথা “কানু বিনা গীত নাই।” সুতরাং এই লীলার বিষয়বস্তু এ দেশে সুবিদিত, অধিক বর্ণনা বাহ্যিক মাত্র। কিন্তু এই লীলা-রসান্বাদ করিবার যোগ্যতা ও অধিকার অনেকেরই নাই।<sup>১</sup> যাহারা এই সুপবিত্র লীলাকে প্রিয় ভক্তের

সহিত ভগবানের লীলা, প্রকৃতির সহিত পুরুষের লীলা, পরমাত্মার সান্নিধ্য লাভ হেতু জীবাত্মার তীব্র আকাঙ্ক্ষা মনে করেন সেই সমস্ত ভাগ্যবান ব্যক্তি এই লীলা-কথামৃত কিঞ্চিৎ পান করিয়া কৃতার্থ হইয়া যান। আর যাহারা ইহাকে পার্থিব নায়ক-নায়িকার কুৎসিত কামক্রীড়া মনে করিয়া কবির ভারতচন্দ্রের বিজ্ঞানস্বন্দরের পর্য্যয়ে ফেলিয়া উপহাস বিদ্রূপের লাগি যাত্রায় সং দিবার উদ্দেশ্যে রাধাকৃষ্ণের স্বকীয়রসের পরকিয়াভিনয় উল্লেখ করে তাহারা নিশ্চয় নিজের সর্বনাশ নিজেরাই ডাকিয়া আনে, সুতরাং করুণার পাত্র সন্দেহ নাই। এই জগুই বলা হয় মধুর লীলা কীর্তন শুনিবার বা আলোচনা করিবার অধিকার সকলের নাই। ইহাতে হয়ত অনেকে বিরক্ত হইতে পারেন কিন্তু কথটা ঠিকই; ইহাতেই সুপবিত্র বৈষ্ণব সমাজে ব্যভিচার প্রবেশ করিয়া নেড়া-নেড়ীর সৃষ্টি করিয়াছে।

পাশ্চাত্য শিক্ষিত সম্প্রদায়ের মধ্যে অনেকে এই লীলার নাম শুনিয়া নাসিকা কুঞ্জন ও কর্ণে অঙ্গুলি প্রদান করিয়া থাকেন। বড় বড় মণীষীদিগের মধ্যেও একাধিক ব্যক্তি এই লীলা বিশেষত রাস-লীলা শ্রীমদ্ভাগবতে প্রসিদ্ধ বলিয়া অভিমত প্রকাশ করিতেও কুঠা বোধ করেন নাই। সমালোচনা সমালোচকের মনের ভাবের উপর অনেকটা নির্ভর করে। পূর্ব হইতে কোন একটা সংস্কার লইয়া বিচার করিতে বসিলে বিচারনিরপেক্ষ হওয়া সম্ভব নয় ; বিশেষতঃ পাশ্চাত্য পণ্ডিতদিগের ভ্রান্ত মতবাদের দ্বারা আমাদের মতবাদ প্রায়ই প্রভাবান্বিত হইয়া পড়ে। ধর্মগ্রন্থ সম্বন্ধে আমাদের দেশের ঐরূপ শিক্ষিত লোকের এই শোচনীয় অবস্থার সুযোগ লইয়া খ্রীষ্টান পাদ্রিগণ তাঁহাদের প্রচারকার্যের সুবিধার জন্ত এই লীলা অতি কুৎসিত বলিয়া নিন্দাবাদ এবং কৃষ্ণচরিত্রে অকথ্য দোষারোপ করিয়া থাকেন। ইহাদের ভ্রান্তি দূর করিবার জন্ত এই প্রবন্ধে আমরা দেখাইতে চেষ্টা করিব যে, তাঁহারা যে বাইবেলকে অপৌরুষেয় ও ঈশ্বরাদেশে প্রচারিত অতি পবিত্র গ্রন্থ বলিয়া প্রগাঢ় ভক্তিভাবে গ্রহণ করেন সেই পবিত্র পুস্তকেও মধুর ব্রজলীলার অনুরূপ লীলা দৃষ্ট হয়।

পূর্বে আমরা “গীতা ও বাইবেল” প্রবন্ধে বাইবেলের বিষয়বস্তু সংক্ষেপে বর্ণনা করিয়াছি, এখানে আর উহার পুনরুক্তি করিয়া প্রবন্ধের কলেবর বৃদ্ধি করিব না। ( ভারতবর্ষ, ১৩৪৬, আষাঢ় সংখ্যা দৃষ্টব্য )।

বাইবেলে (Old Testament) অষ্টাশ্র বিষয়ের মধ্যে দাউদের গীত (Psalms of David) ও সোলেমান গীত (Solomon's Song) নামক দুইটি বিষয় সন্নিবেশিত আছে এবং উহা ইহুদী ও খ্রীষ্টান সমাজে অতি ভক্তিভাবে গৃহীত এবং বাইবেলের অষ্টাশ্র অংশের স্থায় ভূল্যরূপে সমাদৃত।

ঈশা দাউদের-বংশধর। দাউদ ও তৎপুত্র সুলেমান বাদশা ঈশ্বরের অতি অনুগৃহীত ভক্ত ও ভবিষ্যৎবক্তা (Prophets)। সুলেমান ঈশ্বরের এতই

১ “বহিরঙ্গ সনে করে নামসংকীর্ণন।  
অন্তরঙ্গ সনে করে রস আন্বাদন।”—১৫, ৮,



প্রিয় ছিলেন যে, একদিন স্বপ্নে আবির্ভূত হইয়া ঈশ্বর সুলেমানকে বর দিতে চাহিলেন, সুলেমান ধনদৌলত প্রভৃতির বর না লইয়া দিব্যজ্ঞান লাভের বর চাহিলেন। ভগবান (Jihova) ইহাতে অতিশয় তুষ্ট হইয়া ঐ বরই তাঁহাকে প্রদান করিলেন এবং এই জ্ঞানপ্রাপ্তির পরীক্ষা পরের দিনই হইয়া গেল। এ সম্বন্ধে বাইবেলে একটি ক্ষুদ্র আখ্যায়িকা আছে, এখানে উহা উদ্ধৃত করিবার লোভ সম্বরণ করিতে পারিলাম না, বোধ হয় অপ্রাসঙ্গিক হইবে না। আখ্যায়িকাটি এইরূপ :—

এক বাড়ীতে দুইটি স্ত্রীলোক বাস করে, সে বাড়ীতে আর কেহ থাকে না। উভয়েই সম্মান-সম্ভাবিতা। বড় একটি পুত্র প্রসব করিল। কয়েক দিন পরে ছোটরও এক পুত্র জন্মিল। কিছুদিন পরে ছোটর পুত্রটি একদিন রাতে হঠাৎ মারা গেল। ছোট ঐ মৃত পুত্রটি নিজিতা বড় স্ত্রীর পার্শ্বে রাখিয়া তাহার জীবিত পুত্রটি লইয়া আসিল। নিজা ভাঙ্গিয়া বড় দেখিল ছেলেটি মৃত এবং সে তাহার ছেলেও নয়। তখন সে ছোটর ঘরে গিয়া দেখে তাহার পুত্র ছোটর নিকট রহিয়াছে। সে ঐ পুত্র তাহার বলিয়া দাবী করিলে ছোট উহা অস্বীকার করে, অগত্যা তাহাকে বিচারার্থ রাজদরবারে যাইতে হয়। বাদশা সুলেমান জীবিত পুত্রসহ উভয়কে তলব করিলেন। বিচার আরম্ভ হইল। উহারা প্রত্যেকে ঐ পুত্র তাহার বলিয়া দাবী করিল। কোন প্রমাণ নাই। তখন বাদশা একখানি তলোয়ার আনাইয়া বলিলেন—যখন কোন প্রমাণ নাই তখন ঐ পুত্রকে দ্বিখণ্ড করিয়া প্রত্যেককে অর্ধেক করিয়া দিবার ব্যবস্থা করিলাম। ছোট ইহাতে তুষ্ট হইল ; কিন্তু বড় কাঁদিয়া কহিল, “ধর্ম্মাবতার আমি ছেলের অংশ চাহি না, ছেলে আমার বেঁচে থাক, কখন না কখন দেখতে পাব।” ইহাতে বাদশা অত্যন্ত সন্তুষ্ট হইয়া ঐ পুত্র বড়কে দিবার আদেশ দিলেন এবং ছোটকে তিরস্কারপূর্বক বাহির করিয়া দিলেন। এই বিচারে বাদশা সুলেমানের নাম জগদ্বিখ্যাত হইল।

এই সুলেমান বাদশাই বহু ব্যয়ে জেরুজিলাম নগরে মন্দির প্রস্তুত করাইয়া দিয়াছিলেন, উহা এখনও বর্তমান আছে। আমাদের কাশী, গয়া, বৃন্দাবন, শ্রীক্ষেত্রের স্থায় ইহা ইহুদী ও খ্রীষ্টানদিগের মহাতীর্থস্থান। দাউদ ও তৎপুত্র সুলেমান বাদশা ইহুদী ও খ্রীষ্টান সকলেরই বিশেষ সমাদৃত ও সম্মানিত। মুসলিম জগতেরও ইহারা অতিশয় শ্রদ্ধার পাত্র। হজরত মহম্মদ স্বয়ং ইহাদিগকে নবী (Prophets) বলিয়া স্বীকার করিয়া গিয়াছেন এবং শ্রদ্ধার চক্রে দেখিয়াছেন। এ-হেন সুলেমান গীতান্তেই আমরা ব্রজলীলার অনুরূপ লীলা দেখিতে পাই। ইহা আট অধ্যায়ে সম্পূর্ণ। দাউদের গীতের (psalms of David) পঞ্চচত্বারিংশতম স্তোত্রে ইহার পুত্রপাত, পরে বাদশা সুলেমান বিস্তৃতভাবে উহার আলোচনা করেন, ইহা ঈশ্বরাদেশে রচিত। খ্রীঃগবানের পরম গুরু বা গুরুমণ্ডলীর (Church) সহিত ভগবানের \* এই নিত্যলীলা। এই লীলার নায়ক

ভগবান ও নায়িকা গুরুমণ্ডলী, উভয়ের মধ্যে বর-বধুর মিলন। আশ্চর্যের বিষয় এখানেও নায়ক শ্যামসুন্দর, (“black but comely”)। সেখানে গোপাল এখানে মেঘপাল, সেখানে ব্রজবালাগণ এখানে ইহুদী বালাগণ, সেখানে গোচারণ এখানে মেঘচারণ, সেখানে রাজনন্দিনী এখানেও রাজনন্দিনী, সেখানে নিকুঞ্জ মিলন, এখানে উজ্জান মিলন ইত্যাদি ইত্যাদি। কিছুই অঙ্গহানি দৃষ্ট হয় না।

যাঁহারা আমাদের সুপবিত্র স্বর্গীয় বৃন্দাবন লীলার অনর্থক নিন্দা করিয়া থাকেন তাঁহাদের জ্ঞানচক্ষু উন্মীলনের জন্য এই লীলার কোন কোন স্থান, অনুবাদ ও স্থানে স্থানে তুলনামূলক ভাগবতের শ্লোক ও বৈষ্ণব পদাবলী সহ নিয়ে উদ্ধৃত হইল :—

(১) I am black, but comely.

O ye, daughters of Jerusalem. 1—5

Look not upon me, because I am black. 1—6

অনুবাদ :— বটে আমি কালো, দেখিতে তো ভাল

ইহুদী বালিকাগণ,

কালো বলে তাই কয়ে না আমায়

অবজ্ঞা এ নিবেদন।

“এমন কালিয়া চাঁদে কে আনিল দেশে

অকলঙ্ক কুলেতে কলঙ্ক রইল শেষে।”—ইত্যাদি

—চণ্ডীদাস

(২) Tell me, o thou whom my  
Soul loveth, where thou feedest,

Where thou makest to rest thy

flock at noon. 1—7

অনুবাদ :— পরাণের প্রিয় তুমি যে আমার

বল হে আমারে সত্য।

কোথায় চরাও

পশুপাল তব

বিশ্রাম কর নিত্য।

এই ত তোমার আলোক দেখু

কোথায় বসে বাজাও বেণু!

চরাও মহাগগন তলে ?

—রবীন্দ্রনাথ

চলসি যজ্ঞাচারয়ন্ পশুণ,

নলিনসুন্দরং নাথ তে পদং

শিলতৃণাঙ্কুরৈঃ সীদতীতিনঃ

কলিলতাং মনঃ কাস্ত গচ্ছতি। ভাঃ ১০।৩১।১১

ব্রজ ছাড়ি যবে চল গোচারণে

নলিনসুন্দর পদে তোমার

শিলা তৃণাঙ্কুর বাজিছে ভাবিয়া

হৃদয়ে বেদনা বাড়ে সবার।

(৩) Thy cheeks are comely with rows of jewels,  
Thy neck with chains of gold. 1—10

কবে নীরব হস্তমুখে আসবে তুমি বরের সাজে

জীবন-বধু হবে তোমার নিত্য-অনুগতা—

বিজ্ঞান রাতে পতির সাথে

মিলবে পতিব্রতা।

—রবীন্দ্রনাথ—

গণ্ডে তোমার মাণিক্যের ছটা

কিবা সুশোভন অতি,

হেম-হারে যেরা কণ্ঠ শোভিত

ধরিয়া তাহার দ্যুতি ।

মণিময় মকর মনোহর কুণ্ডল মণ্ডিত গণ্ডমুদারম্ ।

—জয়দেব, ২।৭

কাঞ্চন মণিগণ যেন নিরমাণ্ডল

রমণী মণ্ডলী মাঝ ।

মাঝ হি মাঝ মহা মরকত সম

শ্রামর নটবর রাজ । —গোবিন্দদাস

(৪) He shall be all night betwixt my breasts. 1—13

সারা নিশি সে যে থাকিবে শয়ানে

কুচ যুগ মাঝে মোর ।

যন্তে স্জাতচরণাবুহুং স্তনেষু

ভীতাঃ শনৈঃ প্রিয় দধীমহি কর্কশেষু ।

তেনাটবীমটসি তদ্যথতে ন কিং শ্বিৎ

কূর্পাদিভিত্ত মতি ধীর্ভবদায়ুযাং নঃ ॥ ভঃ, ১০।৩১।১৯

( তোমার ) কোমল কমল পদ রাখি মোরা ধীরে

ভয়েতে কর্কশ কুচে পাছে তায় লাগে ।

কঙ্করে বাজে না তাকি বনে বিচরণে

এই চিন্তা প্রাণনাথ সদা প্রাণে জাগে ॥

কিশলয়শয়ননিবেশিতয়া

চিরমুরসি মমৈব শয়ানম্ । জয়দেব ২।১৩

শ্রিতকমলাকুচমণ্ডল ! ১।১৭

(৫) Behold thou art fair, my beloved ;  
behold thou art fair, thou hast dove's eyes. 1-15

দেখ দেখ কত সুন্দর তুমি

কপোতনয়না প্রেমসী মোর ।

চন্দ্রবদনী ধনী যুগনয়নী

রূপে গুণে অনুপমা রমণী মণি,

—রঘুনাথ দাস

(৬) Behold thou art fair, my beloved.  
Yea pleasant, also our bed is green. 1—16

কি সুন্দর তুমি কিবা মনোহর

আনন্দদায়িনী প্রিয়ে,

সস্ত বিছান শয্যা মোদের

অভুক্ত রয়েছে চেয়ে ।

(৭) His left hand is under my head,  
And his right hand doth embrace me. 2—6

সইব বাঁধা বাহ ডোরে । —রবীন্দ্রনাথ

( সে যে ) বাম বাহ রাখি শিতামে আমার

বামেতর ভুজে বাঁধয়ে মোরে ।

সেখা বাহিরের আবরণ নাহি রয়,

যেখা আপনার উলঙ্গ পরিচয় । —রবীন্দ্রনাথ

“নাগরের বাহ করিয়া শিতান

বিধান বসন ভূষা ।” —দাস জগন্নাথ

“ভুজে ভুজে বন্ধন নিবিড় আলিঙ্গন

যেন কাঞ্চন মণি জোড় ।”

“নাগর সঙ্গে সঙ্গে যব বিল সই

কুঞ্জে শুভলি ভুজ পাশে ।” —গোবিন্দদাস

“ভুজে ভুজে বান্ধি উরে উরছান্দে

হিয়ার উপরে হিয়া ।”

পিঙ্গল বরণ বসনখানিতে

মুখানি আমার মোছে,

শিতান হইতে মাথাটি বাহুতে

রাখিয়া শুভলি কাছে ॥ —চণ্ডীদাস

(৮) My beloved is like a roe or a young hart ;  
behold, he standeth behind our wall,  
he looketh forth at the window, showing  
himself through the lattice. 2—9

প্রাণের হরিণ পিয়া যে আমার

( দেখ ) দাঁড়য়ে গৃহের বাহিরে,

বাতায়ন-পথে দেখে চেয়ে চেয়ে

দেখা দিতে আসে আমারে ।

ওলো সই, কিবা আলা হল কালা কানুর পিরীতে,

প্রাণ কাঁদে আঁখি বুঝে কিনা হ'ল চিতে ।

খাইতে সোয়ান্তি নাই নিদ গেও দূরে,

দিবা নিশি প্রাণ মোর কানু লাগি বুঝে ॥ —চণ্ডীদাস

My beloved spoke and said unto me,  
rise up, my love, my fair one and come away. 2-11  
For lo, the winter is past, the  
rain is over and gone. 2—11  
The flowers appear on the earth :  
the time of the singing of birds is come,  
and the voice of the turtle is heard in our land. 2-12

বায়েরক আসিয়া মোর বাতায়ন-পথে চেয়েছিলে । —রবীন্দ্রনাথ

ঝরোমা সব খুলে যেত হৃদয়-বাতায়নে । —রবীন্দ্রনাথ

অনুবাদ :—

প্রিয়তম মোরে কহিল ডাকিয়া

উঠ উঠ প্রিয়ে এস বাহিরিয়া ।

শিশির গিয়াছে বরিষা শেষ ;

ফুলে ফুলে দেখেছে দেশ,

এখনই শুনিয়ে পাখীর গান  
ঐ যে কপোত ধরেছে তান ।

“দশ দিশ নিরমল ভেল পরকাশ,  
সখীগণ মনে ঘন উঠয়ে তরাস ।  
আম্রৈ কোকিল ডাকে কদম্বে ময়ূর  
দাড়িয়ে বসিয়া কীর \* বোলয়ে মধুর ॥”—শিশিশেখর

(১০) My beloved is mine and I am his,  
he feedeth among the lilies 2—16.

আমি সে পিয়ার পিয়া সে আমার  
কমলের মধু করে সে পান ।

(১১) Until the day break and the shade  
flee away, turn my beloved. 2—1

এখনও রজনী আছে গুণমণি,  
আঁধার ছাড়েনি বিখ,  
ফিরে এস নাথ, না হ'তে প্রভাত  
করো না আমারে নিঃশ্ব ।  
“এমন পিরীতি কভু দেখি নাহি শুনি ।  
নিমিষে মানয়ে যুগ কোরে দূর মানি ॥  
এক তনু হয়ে মোরা রজনী গোয়াই ।  
স্বপ্নের সাগরে ডুবি অবধি না পাই ॥  
রজনী প্রভাত হইলে কাতর হিয়ায়,  
দেহ ছাড়ি যেন মোর প্রাণ বাহিয়ায় ।  
সে কথা কহিতে সই বিদরে পরাণ,  
চণ্ডীদাস কহে ধনি সব পরমাণ ।”

(১২) By night on my bed I sought him  
whom my soul loveth, I sought him.  
but I found him not, 3—1

শয্যার 'পরে প্রাণেশে আমার  
খুঁজিলাম কত নিশিতে,  
খুঁজিয়া না পাই কি করি উপায়  
না পাই তাঁহারে দেখিতে ।

(১৩) I will rise now and go about the city ;  
in the streets and in the broad ways,  
I will seek him whom my soul loveth :  
I sought him but I found him not 3—2

উঠিব এখনি বাইব নগরে—  
ঘাটে মাঠে বাটে খুঁজিব পিয়ারে ;  
খুঁজিলাম কত গিরা ঘারে ঘারে  
কোথাও না পাই তাঁহারে ।

“গায়ন্ত্য উচ্চৈরমুমেব সংহতা  
বিচিকুৎসুৎসুৎকবদ্বাঘনং ।  
পত্রচ্ছুরাকাশবদন্তরং বহি—  
ভূ'তেষু সন্তঃ পুরুষঃ বনস্পতীন্ ॥”

—ভাঃ, ১০।৩০।৪

মিলি সবে উচ্চ তানে গাহি তাঁর গান  
পাগলিনী প্রায় তাঁরা খোঁজে বনে বনে,  
অস্তরে বাহিরে যিনি সর্বভূতে স্থিত  
জিজ্ঞাসে বারতা তাঁর যত তরুণণে ।

“গোরমা বসন, বিভূতিভূষণ, শঙ্খের কুণ্ডল পরি,  
যোগিনীর বেশে যাব সেই দেশে যেথায় নিঠুর হরি ।  
মথুরা নগরে প্রতি যবে যবে খুঁজিব যোগিনী হ'রে,  
কারণ যবে যদি মিলে গুণনিধি বাঁধিব বসন দিয়ে ।

—জ্ঞানদাস

(১৪) The watchmen that go about the city  
found me ; to whom I said, saw you whom  
my soul loveth. 3—3.

প্রহরী যাহারা আছিল নগরে  
দেখিতে পাইল আমারে,  
শুধাইলু আমি দেখেছে কি তারা  
নগরে আমারে পিয়ারে ।  
কহ ত কহ ত সখি,

বোলত বোলত যে  
হামারি পিয়া কোন দেশ রে ।  
পিয়া বিলু সগরি নৈরাশ রে ॥ —বিভাপতি

ধৈর্য্যং কুর ধৈর্য্যং রাধে,  
গচ্ছং মথুরায়ৈ ।

চুঁড়ব পুরী, প্রতি প্রত্যকে,  
যাঁহা দরশন পাওয়ে ॥

ভঙ্গং অতি ভঙ্গং শীঘ্রং কর গমনা,  
অবিলম্বনে মথুরাপুরে প্রবেশ করল ভ্রমণা ।

মথুরাবাসিনী এক রমণী  
দুতী তাকব পুছে ।

নন্দাজ্জ কুক খ্যাত কাহার  
ভবনে আছে ॥

শুনি কহে ধনি, তাহে নাহি চিনি  
সো কাহে হিঁরা আরব ।

মোরা জানি বহু-দেবকী-সুত  
রামানুজ খ্যাত  
কংশযাতী নাথব ।



ছুঁতে পারি বসনধানি  
 একটুকু হাত বাড়ালে । —রবীন্দ্রনাথ  
 আজ ঝড়ের রাতে তোমার অভিসার  
 পরাণ বন্ধু হে আমার । —রবীন্দ্রনাথ  
 কহলো স্তম্ভরী দয়িত তোমার  
 গেল কোথা, কোন গলিতে,  
 খুঁজিব কোথায় বল না তাহারে  
 আমরা তোমার সহিতে ।

(২৩) Turn away thine eyes from me for they  
 have overcome me. 5-6

ফিরাও ফিরাও আঁখি চেও না আমার পানে  
 মোহিত করেছ মোরে মোহের মদিরা দানে ।  
 দুইটি মোহন নয়নের বাণ  
 দেখিতে পরাণে হানে,  
 পশিয়া মরমে, ঘুচায়ে ধরমে  
 পরাণ সহিতে টানে । —চণ্ডীদাস  
 বন্ধিমে নয়নে চিত হরি নিল মোর । —বিজ্ঞাপতি

(২৪) How beautiful are thy feet with shoes, O prince's  
 daughter, the joints of thy thighs are like jewels  
 the work of the hands of a cunning workman. 7-1

নরেশ নন্দিনী কি স্তম্ভর তব  
 \* পাছুকা পরাণ পা দুখানি ;  
 কোন কারিকরে গড়া উক্জোড়া  
 যেন রে খচিত রতনমণি ।  
 “পুনহি দরশনে জীবন জুড়ায়ব,  
 টুটব বিরহক গুর ।  
 চরণে যাবক হৃদয়ে পাবক  
 দহই সব অঙ্গ মোর ।  
 শুনয়ে বিজ্ঞাপতি, সে যে যুবতী  
 চিত খির নাহি হোর ।  
 সে যে রমণী সরস গুণমণি  
 পুন কি মিলব মোয় ॥” —বিজ্ঞাপতি  
 চরণ যুগল জিনিয়া কমল  
 আলতা-রঞ্জিত তায় । —চণ্ডীদাস

(২৫) Come my beloved, let us go forth into the field,  
 let us lodge in the village 7-33.

এস প্রিয়ে মোর চল যাই মাঠে,  
 -পল্লী ভবনে করিগে বাস ।

(২৬) Many waters cannot quench love, neither can  
 the floods drown it : If a man would give all

'the substance of his house for love it would  
 utterly be condemned, 8-7

পিরীতি অনল নিবাইতে জল,  
 কোথাও নাহিক মিলে ।  
 প্রাণে না যায়, তুচ্ছ মনে হয়  
 সর্ব্বস্ব সঁপিয়া দিলে ॥  
 “পিরীতি, পিরীতি, পিরীতি অনল  
 দ্বিগুণ জলিয়া গেল !  
 বিষম অনল নিবাইল নহে \*  
 হিয়ায় রহল শেল ॥  
 চণ্ডীদাস বাণী শুন বিনোদিনী  
 পিরীতি না কহে কথা ।  
 পিরীতি লাগিয়া পরাণ ছাড়িলে  
 পিরীতি মিলয়ে তথা ॥”

আমরা আরও দুই-একটি কথা বলিয়া এই প্রবন্ধ শেষ করিব ।  
 এই পার্থিব বর-কন্য়ার মিলন-লীলা যে কেবল প্রাচীন বিধানে ( Old  
 Testament ) দেখিতে পাওয়া যায় তাহা নহে, নব বিধানেও ( New  
 Testament ) ইহার পরিষ্কার উল্লেখ আছে, যথা:—জনের শিক্তগণ  
 আসিয়া ঈশাকে জিজ্ঞাসা করিল, “আমরা সর্ব্বদা উপবাস করি, তোমার  
 শিয়েরা সেরূপ করে না কেন?” ইহার উত্তরে ঈশা বলিলেন,  
 “Can the children of the bride chamber mourn, as  
 long as the bridegroom is with them? But; the  
 days will come when the bridegroom shall be taken  
 from them and then shall they fast.” —Math., IX-15

বর যে পর্য্যন্ত তাহাদের সঙ্গে আছেন সে পর্য্যন্ত বরের ঘরের লোকেরা  
 কি শোক করিতে পারে? কিন্তু এমন দিন আসিবে যেদিন বরকে  
 তাহাদের নিকট হইতে চলিয়া যাইতে হইবে এবং তখন তাহারা উপবাস  
 করিবে। দেখা যায় ঈশা এখানে নিজেকেই বর বলিয়া বর্ণনা  
 করিয়াছেন। আর এক স্থানে ( মথি ২৫ অধ্যায় ) ষীশু বর আসবে  
 বলে দশটি কুমারী প্রদীপ লইয়া দেখিতে গিয়াছেন। অধিক রাত্রি  
 হওয়ার তাহারা ঘুমাইয়া পড়িল, অনেক রাত্রে বর আসিতেছে বর  
 আসিতেছে শব্দ শুনিয়া পাঁচটি বোকা মেয়ে দেখে—তাহাদের প্রদীপ  
 নিবিয়া গিয়াছে এবং সঙ্গেও তেল নাই, তখন তাহারা বুদ্ধিমতী অপর  
 পাঁচ জনের নিকট তেল ধার চাহিলে তাহারা বলিল যে-তেল আছে  
 তাহাতে তাহাদের কোনরূপে চলিতে পারে, ধার দেওয়া চলে না। তখন  
 তাহারা বাজারে তেল কিনিতে গেল। ইত্যবসরে বর আসিয়া পড়ায়  
 বুদ্ধিমতী কুমারী পাঁচ জন বরের সঙ্গে বরের ঘরে প্রবেশ করিলে দরজা  
 বন্ধ হইয়া গেল, আর পাঁচটি বাজার হইতে ফিরিয়া ঘরে প্রবেশ করিতে  
 পারিল না। সেই সকল ভাগ্যবতী যাহারা বরের ঘরে প্রবেশ করিয়াছিল  
 তাহারাও বরকে লইয়া বিমল মিলনানন্দ উপভোগ করিস।

\* দেশ কাল পাত্র ভেদে আলতার স্থান পাছুকা পাইয়াছে ।

\* নিবিল না ।

আপতঃদৃষ্টিতে এই লীলা ব্যাপারটি কেমন কেমন লাগে বটে কিন্তু ভিতরে প্রবেশ করিয়া সকল দিক বিবেচনা করিয়া দেখিলে এই নর-নারায়ণ মিলনের মধ্যে কোন অসৎ বা অশ্লীল ভাব থাকিতেই পারে না। ইহা স্বর্গীয় সৌরভে সুরভিত অপার্থিব বস্তু। ভোগ্য বিষয়ের সংস্পর্শে ইন্দ্রিয়জ যে ভোগ তাহা দুঃখের আকর এবং তাহার আদি ও অন্ত আছে সুতরাং অসীম অনন্ত ব্রহ্মানন্দের সহিত তুলনা হইতে পারে এমন ভোগ বা বস্তু এখানে কোথায়, তবে কিঞ্চিৎ আশাস দেওয়া মাত্র। এই লীলা যে কেবল এদেশের প্রকৃত বৈকব ভক্তগণেরই সতত ধ্যানের বস্তু এবং ধর্মের প্রধান অঙ্গ তাহা নহে, মধ্যযুগীয় প্রকৃত খৃষ্টানগণও এই লীলা উপাসনা করিয়া গিয়াছেন এবং এ বিষয়ে বৈকব মহাজনগণের শ্রায় তাঁহাদেরও পদাবলী দৃষ্ট হয়, যথা :—

Upon my flowery breast  
Wholly for him and save  
Himself for none  
Where did I give sweet rest  
To my beloved one.

—St. John of the Cross

উরস উপরে কুমুমশয্যা  
( শুধু ) রচিতা তাঁহারি তরে,  
প্রদানিন্দু স্তম্বে বিশ্রাম সেখা  
প্রাণেশে পাইয়া যরে।

উভয় দেশের মহাজনগণই যে একই আধ্যাত্মিক ভাবধারা দ্বারা পরিচালিত হইয়াছেন তাহা ইহার দ্বারা প্রতীয়মান হয়। এক্ষণে উক্ত মহাপুরুষের একটি গানের সহিত বিজ্ঞাপতি ঠাকুরের একটি পদের তুলনা করিয়া এই প্রবন্ধ শেষ করিব।

“Upon an obscure night  
fevered with love's anxiety  
( Oh ! hapless happy plight. )  
I went, none seeing me;  
By night secure from sight.  
And by a secret stair disguisedly.”

—St. Johan of the Cross

## আমিই শুধু ঢুলছি হেথা

আব্দুর রহমান

সরাইখানা শূন্য ক'রে  
বন্ধুরা সব গেছে ঘরে।  
আমিই শুধু ঢুলছি হেথা  
শূন্য সোরাই বন্ধে ধ'রে।  
শীতের রাতে স্তম্ভ পুরী,  
শিশির বৃষ্টি পড়ছে বুরি ;  
শামাদানে মোমের বাতি  
বুধাই যেন জাগছে রাতি—

নব অমুরাগিণী রাধা,  
কছু নহি মানয়ে বাধা।  
একলি করল পয়াণ,  
পছ বিপদ নহি মান।

\* \* \*

যামিনী ঘন আন্ধারিয়ারা,  
মনমথে হেরি উজিয়ারা।  
বিঘিনি বিধারিত বাট,  
প্রেমক আয়ুধে কাট। —বিজ্ঞাপতি

ইহারা কেহ কাহারও দ্বারা প্রভাবিত নহেন ইহা নিশ্চয়। ইহাদের প্রত্যেকেরই একইরূপ আধ্যাত্মিক অনুভূতি হইয়াছে, ইহাতে ভৌতিক দেহেল্লিয়ার ভোগের কোন কথা নাই, যেহেতু উহা নশ্বর।

“যে হি সংস্পর্শজা ভোগা দুঃখ যোনয় এব তে।

আন্তস্তবস্তঃ কৌন্তের ন তেষু রমতে বৃধঃ ॥

—গীতা, ৫।২২

ইন্দ্রিয়জ ভোগ বাহা দুঃখের আকর তাহা,  
আদি অন্ত আছে যার কুস্তীর নন্দন  
তাই তাতে রত নয় পণ্ডিত যে জন।

এখন উভয় গ্রন্থের লীলার উপরে উক্ত স্থানগুলি বিশেষ আলোচনা করিয়া দেখিলে প্রতীয়মান হইবে যে, উহা মূলত একই—কামগন্ধশূন্য ভগবত প্রেমের খেলা, নশ্বর ভৌতিক দেহের সহিত দেহের মিলন নহে, আত্মার সহিত আত্মার মিলন, জীবের সহিত ভগবানের লীলা। শ্রীভগবান জীবকে আত্মসাৎ করিবার জন্ত সর্বদাই প্রস্তুত। জীবকে ধরা দিতে তাঁহার আগ্রহ না থাকিলে জীবের কি সাধ্য তাঁহাকে ধরিতে বা তাঁহার সহিত মিলিতে পারে। ভক্ত কবি গাহিয়াছেন :—

“ছোট ছুটি ভুজ পাশে সে যদি না নিজে আসে,

অনন্ত মহান সে যে—মিছে আশা তারে ধরা ;

( তবে ) মিছে আশা তার সাথে নীরব নিধর রাতে—

প্রাণে প্রাণে অতি ধীরে প্রেম বিনিময় করা।”

ছুটু সাকী হাসছে দূরে  
কী যেন এক করুণ সুরে।  
জীবনটাকে ভাবছি একা  
( যেন ) সাহায্যে সরল রেখা  
আঁকা বাঁকা নাইক' কোথা  
যতদূর ওর যাচ্ছে দেখা। \*

\* ওমর খৈয়াম অনুসরণে

# কলঙ্কিত খাল

শ্রীরাধিকারজন গঙ্গোপাধ্যায়

সুন্দর বাড়ীর প্রশস্ত উঠানে একখানি মোড়ার উপর বসিয়া একটি অতি ধারালো কাটারি লইয়া একখানি সুপারির বৈঠা চাঁচিয়া তাহাকে কার্যোপযোগী করিয়া তুলিতেছিল। এমন সময় সেখানে শ্রীমন্ত সারা মুখে দুষ্ট বাঁকা হাসি ফুটাইয়া তুলিয়া প্রবেশ করিল। সুন্দর মুখ তুলিয়া চাহিতেই শ্রীমন্ত ফিক্ করিয়া হাসিয়া ফেলিয়া বলিল, হুঁ, দেখে এলাম, দেখবার মতই বটে!

সুন্দর বিব্রত হইয়া উঠিয়া দাঁড়াইয়া তাড়াতাড়ি বলিল, আঃ, চূপ কর। তোর যদি একটুও কাণ্ডাকাণ্ড জ্ঞান থাকে!

এমন সময় সুন্দরের মা পূর্ণলক্ষ্মী ঘরের দাওয়া হইতে একখানি মোড়া লইয়া উঠানে তাহাদের কাছে নামিয়া আসিয়া মোড়াটি শ্রীমন্তর কাছে মাটিতে পাতিয়া দিয়া বলিল, বোস্বে শ্রীমন্ত, দাঁড়িয়ে থাকবি কেন। সুন্দরের যেমন—লোকে এলে বসতে দিয়ে তবে ত তার সঙ্গে কথা বলে বাপু, তা না—যে এল সে দাঁড়িয়েই থাকুক। নিজের মোড়াটাওত ওকে ছেড়ে দিতে পারতিস্।

—হুঁ, তা পারতাম মা—সুন্দর এইখানে একবার থামিয়া বলিল, কিন্তু ও যে আমার সর্বনাশ ক'রে এসেচে!

পূর্ণলক্ষ্মী চমৎকার একটু হাসিয়া বলিল, তোমার সর্বনাশ করবার জন্তে ত লোকের চোখে নিদ্রে নেই। শ্রীমন্তকে আমি চিনি—সে যাবে তোমার সর্বনাশ করতে! শোন দিকিনি ছেলের কথা!

তুমি তবে চেনো ওকে ছাই, ও একটি বিচ্ছু, ও না পারে এমন কাজই ছুনিয়ায় নেই।—বলিয়া সুন্দর ক্রভঙ্গী করিল।

শ্রীমন্ত এতক্ষণে কথা কহিল, বলিল—না জ্যেঠাইমা, ওর কেন আমি সর্বনাশ করতে যাব শুনি? বরং সর্বনাশ যাতে না হ'তে পারে তাই দেখব। তা কি ও স্বীকার করবে! আর একথা ও বলেচে তোমাকে শুধু ভয় দেখাবার জন্তেই জ্যেঠাইমা।

—সে কি আর আমি বুঝি না শ্রীমন্ত।—বলিয়া পূর্ণলক্ষ্মী

আপনার কাজে চলিয়া যাইতেছিল, আবার সহসা ফিরিয়া দাঁড়াইয়া বলিল—হ্যাঁরে শ্রীমন্ত, দুধ-কলা দিয়ে মুড়ি দেব, খাবি চারটি? কাঞ্চনপুরের তাল-পাটালি আছে ঘরে। সেদিনও দিতে চাইলাম, খেয়ে যাবার তোদের সময় হ'ল ন।

—তা ছাড়বে না যখন দাও।—বলিয়া শ্রীমন্ত সুন্দরের দিকে ফিরিয়া বলিল, ও আবার কিছু ভাবলে কি-না কে জানে। কিন্তু ভাল ক'রেই এবার দেখে এসেচি—এমন কি বা দিককার তিলটা পর্যন্ত।

সুন্দর কৃত্রিম বিষয় প্রকাশ করিয়া বলিল, বলিস্ কি! তা দেখতে গেলি, খাবার-দাবার খাইয়ে তবে ছাড়লে ত?

—তা আর না! আমি তখন পালাবার পথ খুঁজিচি। বলে কি-না আবার আদর-আপায়ন। পালিয়ে তবে হাঁপ ছেড়ে বাঁচলাম।

সুন্দর ইতিমধ্যে আবার বৈঠাটির দিকে নজর দিয়াছিল। কাজেই শ্রীমন্তর কথার আর কোনও উত্তর দিল না, বা নূতন কোন কথাও আর তুলিল না। শ্রীমন্ত ক্ষণিক নীরব থাকিয়া বিরক্তি বোধ করিয়া বলিল, তবে তুই বৈঠাই চাঁছ, আমি পালাই।

বলিয়া শ্রীমন্ত উঠিতে যাইতেছিল, সুন্দর তাড়াতাড়ি বাধা দিয়া বলিল, বাঃ, পালাবি কি রকম? আমি ত কোন কথাই তোর শুনিনি এখনও। সব ছবছ আমাকে বলবি তবে ত তোকে ছাড়ব। পালালেই হ'ল যেন! মা কখন আবার ঝট্ ক'রে এসে পড়েন সেই ভয়েই ত তোকে বলতে দিচ্ছি না।

শ্রীমন্ত ভান রাখিয়া আবার চাপিয়া বসিল।

সুন্দর তখন বলিল, ভাল কথা, আজ নূপুরগঞ্জের হাটবার ত, যাবি একবার হাটে?

—কেন, তোর কি কাজ আছে কিছু? বাড়ীর জন্তে কিছু সওদা করতে হবে নাকি?

—না, এম্নিই একবার যাব ভাবচি। অনেক দিন যাইনি, গেলে মন্দ হয় না। সন্ধ্যার সময় ফেরবার পথে বকফুলী পার হ'য়ে নোকা বেয়ে আসতে চমৎকার লাগবে।

—তা ত চমৎকার লাগবে! কিন্তু সত্যি কি সেই কারণেই শুধু নুপুরগঞ্জের হাটে যাবি?

—হঁ, তা, তা একরকম শুধু শুধুই বই কি!

শ্রীমন্ত সুন্দরের কথা শুনিয়া কেন জানি একটু হাসিল। তারপরে বলিল, কার জন্তে কিনবি সে ত আমার জানাই আছে, কিন্তু কি কিনবি আগে জানতে পাই না কি?

সুন্দর তখন জোর দিয়া বলিল, সত্যি কিছু কিনব না, কাউকে কিছু দেবও না, একটু ঘুরে আসবার জন্তেই শুধু যাব।

—বেশ, তবে তাই। তা যাওয়া যাবে। আর—সে জন্তেই কি বৈঠা তৈরী হচ্ছে নাকি?—বলিয়া শ্রীমন্ত মুখ ফিরাইতেই দেখিল, সুন্দরের মা একটি বাটিতে করিয়া দুধ-কলা-মুড়ি-পাটালি ও এক গ্লাস জল লইয়া আসিয়া উপস্থিত। শ্রীমন্ত হাত বাড়াইয়া সেগুলি গ্রহণ করিল।

পূর্ণলক্ষ্মী সেখান হইতে চলিয়া যাইতেই সুন্দর বলিল, দেখতে যাওয়ার জলপানি, ঘুষ বলতেও পারিস্। কিন্তু মনে থাকে যেন। তা যে-কোন এক পক্ষ থেকে আপ্যায়িত হ'লেই হ'ল।

শ্রীমন্ত অমনি বলিল, ও তাই নাকি? তবে ত জ্যেষ্ঠাইমাকে ডেকে আমার শুনিয়ে যাওয়া উচিত—কেমন দেখলাম।

—থাক্, আর বাহাদুরিতে কাজ নেই!—বলিয়া সুন্দর আবার বৈঠার প্রতি মন দিল।

শ্রীমন্ত দুধ-কলা-মুড়ি ও পাটালি একত্রে মাখিয়া লইয়া বলিল, তা হ'লে সত্যিই যাবি তুই আজ নুপুরগঞ্জের হাটে?

সুন্দর বলিল, নিশ্চয়।

শ্রীমন্ত বলিল, তবে এক কাজ করিস্, আমাদের ঘাটে নৌকো লাগিয়ে আমাকে ডেকে নিয়ে যাস্।

তা যাব'খন।—বলিয়া সুন্দর নিজের মনে মনেই কেন জানি একটু হাসিল।

শ্রীমন্ত কিন্তু তাহা লক্ষ্য করে নাই।

বকফুলী নদীর ওপদরটারই নাম নুপুরগঞ্জ। এই নুপুরগঞ্জের ঘাটেই স্টীমার ভিড়িয়া থাকে। আর স্টীমার-বাটা হইতে সামান্ত কিছু পশ্চিমে প্রায় নদীর তীরেই নুপুরগঞ্জের

হাট। সপ্তাহে একদিন মাত্র এখানে হাট জমে, কিন্তু মস্ত বড় হাট জমে; আর কত দূর দেশ হইতে যে বেপারীর দল মালপত্র বোঝাই দিয়া দুই মাল্লাই, তিন মাল্লাই, চার মাল্লাই, এমন কি ততোধিক বিরাট ঘাসি নাও লইয়া আসে তাহা সত্যিই ভাবিয়া দেখিবার জিনিষ। হাটের দিনে নুপুরগঞ্জে জন-সমাগম আর বকফুলীর উত্তর পাড়ে নৌকার সমাগম একটা দেখিবার বস্তু। বকফুলীতেও নৌকা চলাচলের আর বিরাম থাকে না, বকফুলীতে সে যেন নৌকা-উৎসব সুরু হইয়া যায়। এই হাটের দিনে বকফুলী দিয়া চলাচল করিতে স্টীমার ও মোটর-বোটগুলির খুব অসুবিধা যে হয় তাহাতে আর সন্দেহ করিবার কিছু নাই।

নুপুরগঞ্জের হাটের লাগাও পশ্চিমে একটা কাটা খাল আছে, বকফুলী হইতে তাহা কিছুদূর পর্যন্ত গ্রামের ভিতরে প্রবেশ করিয়া শেষ হইয়া গেছে। এই কাটা খাল পূর্বাঙ্গেই নৌকায় নৌকায় একেবারে ছাইয়া যায়, তিল-ধারণের আর স্থান থাকে না। এই খাল হইতে নৌকা বাহির করিয়া আনা শেষে এক মহা সমস্তার বিষয় হইয়া দাঁড়ায়।

বেলা তিনটা সাড়ে-তিনটা নাগাদ সুন্দর শ্রীমন্তদের ঘাটে গিয়া নৌকা লাগাইল এবং বাড়ীর চাকর গন্ধাকে নৌকায় রাখিয়া শ্রীমন্তকে ডাকিয়া আনিতে পাড়ে উঠিয়া গেল। শ্রীমন্ত সুন্দরের ডাকের জন্ত একপ্রকার প্রস্তুত হইয়াই ছিল। উভয়ে আসিয়া নৌকায় উঠিল, দুইজনে দুইটি বৈঠা তুলিয়া লইল, শ্রীমন্ত গিয়া পিছু গলুইয়ে হাল ধরিয়া বসিল। আর গন্ধা সুন্দরের আদেশ মত মাঝখানে পাটাতনের ওপর নিশ্চুপ বসিয়া রহিল।

থালে নৌকা কিছুদূর অগ্রসর হইতেই শ্রীমন্ত মূঢ় হাসিয়া সুন্দরকে বলিল, এখন সত্যি ক'রে বল ত—পাখীর জন্তে কি কি কিনবি ঠিক করেচিস্?

সুন্দরও সলজ্জ একটু হাসিয়া উত্তর দিল, পাখীর জন্তে কিনতে হ'লে তো কিনতে হয় একটা দাঁড় আর কিছু ছোলা।

শ্রীমন্ত বলিল, রাখ্ তোর কাজলামি সুন্দর, আমি যেন তোর মনের কথা কিছুই আর ধরতে পারিনি। এখন যা বলি তাই শোন, মাধবী-কঙ্কনের জোলায়া ত হাটে তাঁতের শাড়ী নিয়ে আসে নানা রঙ-বেরণের—তারই একটা পছন্দ ক'রে কিনে নেব'খন, চমৎকার মানাবে!



হঁ, তা মানাবে জানি, কিন্তু দেবে কে শুনি ? আবার শেষে কি বহুপুরুষের শত্রুতায় নতুন ক'রে রঙ চড়াব নাকি ?—বলিয়া সুন্দর হাসিল ।

—তা কেন, শত্রুতা চিরদিনের মত শেষ ক'রে দিবি, যাতে আর শত চেষ্টায়ও কারও নতুন রঙ না চড়ে ।—বলিয়া শ্রীমন্ত পাণ্টা হাসি হাসিতে লাগিল ।

এমন করিয়া ঠারে ও ইসারায় হাসি-তামাসার ভিতর দিয়া তাহারা বকফুলীতে আসিয়া পড়িল । বকফুলীতে শ্রোতের টান ভীষণ—গঙ্গাও কাজে কাজেই আর একখানি বৈঠা তুলিয়া লইল । শ্রোতের টানের সঙ্গে যুদ্ধে মাতিয়া ওঠায় রঙ্গ-কথা তাহাদের আপনা হইতেই বন্ধ হইয়া আসিল ।

গঙ্গাকে নোকায় রাখিয়া উভয়ে তাহারা নুপুরগঞ্জের হাটে উঠিয়া গেল । হাটে পা দিয়াই সুন্দর বলিল, হাটে এসেচি কেন জানিস্ শ্রীমন্ত ? তোরা কেউ হাজার ভেবেও তা ঠিক করতে পারবি না । কিন্তু যদি তা না পাই, সব দিন তো হাটে তা ওঠে না ।

শ্রীমন্ত বলিল, কি এমন অপরূপ জিনিষ তা শুনি আগে ?

সুন্দর বলিল, হাস্‌বি না বল্—একটা টিয়াপাখী কিনব ব'লে এসেচি ।

—টিয়াপাখী ? সত্যি ?—শ্রীমন্তর যেন তাহা বিশ্বাসই হইতেছিল না ।

সুন্দর বলিল, সত্যি । আর এত সত্যি যে, এর চেয়ে বড় কিছু সত্যি হয় না, হ'তে পারে না ।

শ্রীমন্তের সহসা কেন জানি সুন্দরের মতলবটা অতি অভিনব, চমৎকার ও কোতুকপ্রদ বলিয়া মনে হইল । সে আনন্দে তাই সুন্দরের একটা হাত ধরিয়া তাহাকে অতি কাছে টানিয়া আনিয়া বলিল, মাঝে মাঝে ত হাটে উঠতে দেখেচি, আজ যেমন ক'রে হোক একটা খুঁজে বের করতে হবে কিন্তু । টিয়া ভারী জঙ্গ হ'য়ে যাবে তা হ'লে । এ কিন্তু আজ পাওয়াই চাই ।

—তবে যে আমার কথা তোর বিশ্বাস হচ্ছিল না ?—বলিয়া সুন্দর হাসিতে লাগিল ।

শ্রীমন্ত বলিল, তখন কি আর সব দিক ভেবে দেখেছিলাম যে হবে । সত্যি, চমৎকার হয় কিন্তু তা হ'লে ! ভারি মজা হয় ! চমৎকার !

শিখাপুচ্ছের কমল গোসাইয়ের মেয়ে নবদুর্গা আবার খণ্ডরবাড়ী হইতে ফিরিয়া আসিয়াছে আজ অপরাহ্নে । ফিরিয়া আসার অনতিবিলম্বেই সে টিয়ার সঙ্গে দেখা করিতে আসিল, সঙ্গে তাহার আসিল অমিয় সরকারের দ্বিতীয়া কণ্ঠা বাবলি ।

নবদুর্গার সাড়া পাইয়া টিয়া আনন্দে উঠানে নামিয়া আসিল এবং নবদুর্গা ও বাবলিকে লইয়া গিয়া পশ্চিমের বড় ঘরটার দাওয়ায় একটা মাদুর পাতিয়া বসিতে দিল ।

টিয়া কিছুক্ষণের জন্ত নবদুর্গার দিকে সবিস্ময়ে চাহিয়া রহিল । নবদুর্গাকে সত্যই বড় চমৎকার দেখাইতেছিল । নবদুর্গার মুখে কেমন একটি পরিপূর্ণ কোতুক-উল্লাস, সারা অঙ্গে কেমন জানি ঢল নামিয়াছে, চোখ দুইটিতে আনন্দ যেন উপ্‌চাইয়া পড়িতেছে, কপালে সিঁহুর যেন আশাতীত মানাইয়াছে, হাতের বালা ও চুড়ি কয়গাছি যেন সোহাগে ঝলমল করিতেছে, কানের স্বর্ণদুল দুইটি থাকিয়া থাকিয়া ঝিলমিল করিয়া উঠিতেছে, গলার 'পরে মপ্‌ চেন্‌টি যেন ভরা নদীতে টাঁদের রেখাটির মত দেখাইতেছে । নবদুর্গার ভাব-ভঙ্গী কথা-বার্তা চাল-চলনে আসিয়া গিয়াছিল একটা সলজ্জ সোহাগের জড়িমা । এই কয়দিনেই কিন্তু নবদুর্গা নূতন জীবনের আভাস অঙ্গে জড়াইয়া ফিরিতে পারিয়াছিল । নবদুর্গাকে টিয়ার আজ ভারি ভাল লাগিতেছিল ।

নবদুর্গা পূর্বের চাইতে একটু মোটাও যেন হইয়াছে । টিয়া তাই ঠাট্টা করিয়া প্রথম বলিল—মাসখানেকও স্বর্ণকমলে থাকিস্‌নি বোধ করি, আর এরই মধ্যে কি মোটাই হ'য়ে এসেচিস্‌ দুর্গা, আমাদের অবাক ক'রে ছাড়লি তুই ।

বাবলি বলিল, আর বছরখানেক সেখানে কাটলে তো তুই দেখতে হবি একটা সাজা হাতীর মত । বাবা ! বাবা ! এখনই যা দেখতে হয়েচিস্‌ !

নবদুর্গা খিল্‌ খিল্‌ করিয়া হাসিয়া উঠিল । তারপরে বলিল, যাঃ, তোদের আবার যত বাড়াবাড়ি কথা ! তা একটু মোটা হয়েচি বই কি !

টিয়া তাড়াতাড়ি বলিল, একটু নয়, বেশ মোটা হয়েচিস্‌ । তারপরে খণ্ডর-শাওড়ী, নন্দ-জায়েরা তোর কেমন হ'ল তাই বল্ ?

নবদুর্গা বেশ একটু সময় লইয়া ভিতরে ভিতরে

কৌতুকোচ্ছল হাসি চাপিয়া রাখিয়া বলিল, স্বপ্ন-শাঁওড়ী আমার চমৎকার লোক, সবচেয়ে চমৎকার আমার মেজো ননদ—নাম তার কনকচাঁপা—সবাই ডাকে কনকদিদি, আমার চেয়ে বছর তিন-চারের বড় হবেন হয় তো, কিন্তু সে তার চেহারা দেখে ধরবার জো-টি নেই, বিয়ে হয়েছে তার চন্ননদুলের জমিদারদের ছেলের সঙ্গে। চব্বিশ ঘণ্টা মুখে তার হাসিটি যেন লেগেই রয়েছে, আর সময় নেই অসময় নেই কাজ না থাকলেই তার কেবল তাস পেটা—সঙ্গে ক’রে নিজেই তাই চন্ননদুল থেকে তিন জোড়া ‘গ্রেট মোগল’ তাস নিয়ে এসেছিলো। বাপ্পে বাপ্পে, তার জালায় রাত্রে কি ঘুমোবার জো ছিল। এক একদিন রাত দু’টো-তিনটেও বাজিয়ে দিয়েচি তাস পিটে! আর তাসের আড্ডাটি জমতো আমাদেরই ঘরে।

বাবুলি এইখানে কথা কহিল, বলিল—তোদের তো তা হ’লে খুব কষ্টে কাটত রাত।

নবদুর্গা হাসিয়া গড়াইয়া পড়িয়া প্রতিবাদ করিতেই যেন বাবুলির গা টিপিয়া দিয়া বলিল, কষ্টে কাটলে আর মোটা হলাম কেমন ক’রে রে?

টিয়া হাসিয়া বলিল, বাস্, এই তো চমৎকার কথা বলতে শিখেচিস্ দুর্গা! তা হ’লে তোর মাস্টারটি ভালই পেয়েচিস্ বল, শিক্ষা তোর ভালই হচ্ছে তবে?

—হঁ, তা হচ্ছে বই কি!—বলিয়া নবদুর্গা কৌতুক আর চাপিতে না পারিয়াই যেন টিয়ার গায়ের উপর গড়াইয়া পড়িল।

টিয়া ও বাবুলি নবদুর্গার ভাব দেখিয়া হাসিয়া গড়াইয়া পড়িতে চাহিল। টিয়া নবদুর্গাকে দুই হাত দিয়া সামলাইয়া ধরিয়া তাহার মুখের কাছে মুখ লইয়া সুর করিয়া বলিয়া উঠিল,—

ভাবে গদ গদ রাই,

(ও তারে) কি পোড়া কথা বা শুধাই! ...

মনোহরের মুখের শোনা কথা বলিয়া ফেলিয়া টিয়া খুব খুশী হইতে পারিল না, কিন্তু নবদুর্গা ও বাবুলি একেবারে উচ্ছলিত আবেগে খিল্ খিল্ করিয়া হাসিয়া উঠিল।

হাসি থামিলে পর টিয়াই আবার বলিল, অত বাজে ব’কে মরচিস্ কেব দুর্গা? সরাসরি আমাদের সরোজবাবুর কথা কিছু শুনিয়া দিলেই তো আমরা নিশ্চিন্ত হ’তে পারি।

বাবুলি অমনি বলিল, সত্যি, তার কথা তো একবারও বলিলি না দুর্গা। প্রথম তোদের কি কথা-বার্তা হ’ল, কেমন ক’রে লজ্জা ভেঙ্গে প্রথম কথা কইলি—সেই সব বল, তা না যত বাজে কথা।

নবদুর্গা এইবার একটু বিপদেই পড়িল। সেই কথা বলিতেই তো আসা, কিন্তু কেমন করিয়া যে শুরু করা যায় তাহা সে কিছুতেই ভাবিয়া পাইতেছিল না; আর বলিতে চাহিলেই কি সে সব এত সহজে বলা যায় নাকি, আর গুছাইয়া বলিতে পারাও কি সহজ! নবদুর্গা কাজে কাজেই কেমন যেন একটু লজ্জায় কাতর হইয়া পড়িল। তারপরে বলিল, বিশেষ তেমন আর কি যে বলব ছাই!

টিয়া মুহূর্তে নবদুর্গার কাঁধের উপর হাত রাখিয়া বলিল, দেখি তোর মুখ আমরা ভাল ক’রে—বিশেষ কিছু কিনা তা আমরাই ব’লে দিতে পারব।

তবে তো তোরা জানিস্ সবই।—বলিয়া নবদুর্গা মূহ একটু হাসিল।

টিয়া বলিল, কেন, আমরা কি সন্দেহ, না আমরা স্বামীর ঘর করতে গেছি কখনও? সরোজবাবু লোকটি কেমন তাই বল না, না, তা বলতেও লজ্জা করে? বাবা! বাবা! আর সাধতে পারি না!

নবদুর্গা সোহাগে গলিয়া গিয়া বলিল, তা লোক বেশ ভালই।

বাবুলি নবদুর্গাকে একটা ধমক্ দিয়া বলিল, থাক্, খুব হয়েছে, তোর আর বলতে হবে না কিছু।

টিয়া বলিল, ভারি যে তোর দেমাক লো দুর্গা! যা, আর সাধতে পারি না!

তখন দুর্গা একটা চোক্ গিলিয়া যেন আড়ষ্টকণ্ঠে বলিতে লাগিল, প্রথম কথাই ও বললে কি জানিস্? বললে, শুধু দুর্গাতে মানাচ্ছিল না বুঝি, তাই নবদুর্গা নাম রাখা হ’ল? উত্তরে বললাম, শুধু নবদুর্গাতেও আর মানাচ্ছিল না, কাজেই না তোমার ধোঁজ হ’ল।

—ব-স্-লি!—বাবুলি এমনভাবে নবদুর্গার কথার পিঠে কথা কহিল যে মনে হইল, নবদুর্গার উত্তরটা সে যেন কিছুতেই বিশ্বাস করিতে পারিতেছে না।

নবদুর্গা বলিল, হঁ, সত্যিই বললাম বই কি। আর ও



জন্ম—১২৪৭ সাল, ৩রা পৌষ

উমেশ দত্ত

মৃত্যু—১৩১৪ সাল, ৪ঠা আষাঢ়



এমন ঠাই যে কথা আপনিই জুগিয়ে যায়, বিশ্বাস না করবার এতে আছে কি ?

বাবলি সোৎসুক্যে বলিল, তারপর ?

নবদুর্গা বাবলির 'তারপর' বলার ভঙ্গী দেখিয়া হাসিয়া ফেলিল। টিয়াও সে হাসিতে যোগ দিল।

তারপর নবদুর্গা একাই কত কথা যে বলিয়া চলিল, তাহার আর যেন শেষ নাই। এমন কি, একদিন যে তাহার মেজো ননদ কনকচাঁপার চোখে তাহাদের সামান্য একটা দুর্বলতা ধরা পড়িয়া গিয়াছিল তাহাও বলিতে সে ভুল করিল না। কথা বলিতে বলিতে নবদুর্গার মুখ-চোখ ঈষৎ রাঙিয়া উঠিয়াছিল, ললাটে ও কপোলে যুক্তাফলের ত্রায় স্বেদবিন্দু দেখা দিয়াছিল।

কথায় কথায় বেলা গড়াইয়া গেল। ঠিক হইল, তিনজনে একত্রে আবার বহুদিন পরে রায়েদের দীঘিতে গা ধুইতে ও কলসী ভরিয়া জল আনিতে যাইবে।

টিয়া একটি পিতলের কলসী, একখানি গামোছা ও একখানি শাড়ী সঙ্গে লইয়া তাহাদের সঙ্গে প্রথম সরকেল-বাড়ী এবং সেখান হইতে নবদুর্গাদের বাড়ী গেল। নবদুর্গা প্রস্তুত হইয়া আসিলে তাহার মা ডাকিয়া বলিয়া দিল, বর্ষার জল বাপু, একটু তাড়াতাড়ি যেন গা ডুবিয়ে উঠে আসা হয়।

নানা গাছের নীচ দিয়া সরু একফালি চির-ছায়ায়-ঘেরা গ্রাম্য পথ—নির্জন ও অভিমানিনী প্রিয়ার মত থম্‌থমে—অসমতল ও আঁকাবাঁকা, সেই পথ ধরিয়াই হাসি-গুঞ্জে তাহারা রায়েদের দীঘির পানে আগাইয়া চলিল।

নবদুর্গার কাঁধে আজ গামোছার পরিবর্তে একখানি লাল বর্ডার দেওয়া দামী তোয়ালে—এখনও তাহাতে যেন সুবাসিত তৈলের একটা সুমিষ্ট ভ্রাণ মুচ্ছিতপ্রায় হইয়া আছে, নবদুর্গার সারা অঙ্গে কেমন যেন একটা ঘুমন্ত সুবাস।

নানাকথার মধ্যে পথ চলিতে চলিতে দীঘির প্রায় কাছে আসিয়া বাবলিকে ঠেলিয়া সরাইয়া দিয়া টিয়ার প্রায় গায়ের উপর আসিয়া পড়িয়া নবদুর্গা বলিল—হাঁরে টিয়া, আসল কথাই তোকে আমি জিগ্যেস করতে ভুলে গেছি। সত্যি কথা বলবি তো ?

টিয়া অত্যন্ত সহজভাবেই বলিল—কেন বলব না, নিশ্চয় বলবো।

—হ্যাঁ রে, রায়েদের দীঘিতে আজকাল বিকেলে নাকি তুই গা-ধোওয়া বন্ধ করেচিস্ ? খালের জলই নাকি তোর মন ভুলিয়েচে শুনতে পাই ? এ কি সত্যি ?

টিয়া সহজভাবেই বলিল—হঁ, তা সত্যি বই কি ! খালের জলও তো নতুন জল—বেশ পরিষ্কার। আবার পচতে শুরু করলেই দীঘিতে গা ধোবো। কেন, একথা হঠাৎ ?

নবদুর্গা কোনও উত্তর না দিয়া বাবলির গায়ের উপর আসিয়া যেন হাসিয়া লুটাইয়া পড়িল।

—আ মরণ তোমার !—বলিয়া বাবলি সরিয়া দাঁড়াইল। ইহাতে নবদুর্গার হাসির মাত্রা যেন আরও বাড়িয়া গেল। শেষে হাসি থামাইয়া নবদুর্গা বলিল—একথা হঠাৎ কেন ? হঠাৎই শুনলাম যে, তাই হঠাৎ বলা।

বাবলি অল্প দিকে মুখ ফিরাইয়া মুখ টিপিয়া হাসিতেছিল।

টিয়া কিন্তু ইহাতেও অপ্রতিভ হইল না, বলিল—হঠাৎ শুনলেও সত্যি কথাই শুনেচিস্ দুর্গা।

নবদুর্গা বাবলির দিকে চাহিয়া কোনও রকমে হাসি চাপিয়া বলিল, তা মিথ্যে হবে কেন—সে তো আর তোর শত্রু নয়।

—ও, শত্রু নয় বুঝি।—বলিয়া টিয়া চুপ করিল, আর সে এবিষয়ে কোনও কথা কহিবে না এমনই ভাবে।

( ক্রমশঃ )



# আচার্য্য উমেশচন্দ্র দত্ত

শ্রীমন্ন্যথনাথ ঘোষ এম-এ, এফ্-এস্-এস্, এফ্-আর-ই-এস্

শত বর্ষ অতীত হইল, বাঙ্গালার এক নিভৃত গ্রামে উমেশচন্দ্র দত্ত জন্মগ্রহণ করিয়াছিলেন। বাল্যে পিতৃহীন হইয়া দারিদ্র্যের মধ্যে প্রতিপালিত হইয়া উৎকৃষ্ট বিদ্যালয়ে শিক্ষা-লাভের সুযোগের অভাব সত্ত্বেও, তিনি প্রশংসনীয় স্বাবলম্বন, অবিচলিত অধ্যবসায় এবং গভীর বিদ্যানুরাগের বলে উচ্চশিক্ষা লাভ করিয়াছিলেন এবং নানা শাস্ত্রে পাণ্ডিত্য অর্জন করত প্রায় অর্ধ শতাব্দী ব্যাপিয়া অধ্যাপনাদ্বারা দেশবাসীর মধ্যে জ্ঞান বিতরণ করিয়াছিলেন। তিনি কলিকাতার অন্ততম প্রথম শ্রেণীর কলেজের—সিটি কলেজের প্রতিষ্ঠাকালাবধি তাঁহার মৃত্যুকাল পর্য্যন্ত উহার অধ্যক্ষতা করিয়া উহাকে গৌরবের সমুচ্চ শিখরে স্থাপিত করিয়াছিলেন। যখন দেশ কুসংস্কারে আচ্ছন্ন, তখন তিনি স্বগ্রামে ও নিকটবর্তী গ্রামসমূহে স্ত্রীশিক্ষা বিস্তার প্রভৃতি বহুবিধ সংস্কার সাধিত করিয়াছিলেন এবং অসংখ্য পুরিকাগণের মানসিক উন্নতি সাধনার্থ প্রায় অর্ধশতাব্দীকাল “বামাবোধিনী” নামী সুপ্রসিদ্ধ পত্রিকা সম্পাদিত ও প্রচারিত করিয়া এবং বঙ্গমহিলাগণকে উহাতে লিখিতে উৎসাহিত করিয়া এতদেশীয় নারীগণের মানসিক উন্নতি সাধন ও মাতৃভাষার শ্রীবৃদ্ধি সম্পাদন করিয়াছিলেন। মুক ও বধিরগণের জন্ম বিদ্যালয় তাঁহারই যত্নে সর্বপ্রথম এদেশে প্রতিষ্ঠিত হয়। তাঁহার চায় পরদুঃখকাতর, পরোপকারী, সাধু, অহমিকাশূন্য, সরল, মিষ্টভাষী, মধুরস্বভাব ব্যক্তি অতি বিরল। অধ্যয়ন ও অধ্যাপনাতে তিনি সমগ্র জীবন অতিবাহিত করিয়াছিলেন; কিন্তু কবি কামিনী রায় যথার্থই বলিয়াছেন,

“অধ্যয়ন, অধ্যাপন, নহে রে দুষ্কর,  
দুষ্কর চরিত্রে শাস্ত্র করা প্রতিভাত।”

উমেশচন্দ্রের চরিত্রে হিন্দুশাস্ত্রের মহত্তম আদর্শ প্রতিফলিত হইয়াছিল। এই জন্ম তিনি হিন্দুধর্মের একটি বিশিষ্ট শাখায় বহুদিন নেতৃত্ব করিবার নিমিত্ত নির্বাচিত হইয়াছিলেন। আজ ‘ভারতবর্ষ’ সমগ্রমে তাঁহার পবিত্র স্মৃতির উদ্দেশে প্রকানিবেদন করিতেছে।

১৮৪০ খৃষ্টাব্দে ১৬ই ডিসেম্বর দিবসে ( ১২৪৭ বঙ্গাব্দে ৩রা পৌষ ) কৃষ্ণপক্ষ নবমী তিথিতে চব্বিশ পরগণার অন্তঃপাতী মজিলপুর গ্রামে উমেশচন্দ্র জন্মগ্রহণ করেন।

উমেশচন্দ্রের পিতা হরমোহন দত্ত মজিলপুরের দত্ত জমিদারগণের অধীনে তহশীলদারের কার্য্য করিতেন। তিনি কর্তব্যপরায়ণ ও ধর্ম্মভীরু ব্যক্তি ছিলেন। ১২৫৭ সালে ২৪শে অগ্রহায়ণ তিনি তিন পুত্র ( অভয়চরণ, উমেশচন্দ্র ও দীননাথ ) এবং দুই কন্যা রাখিয়া অকালে পরলোকগমন করেন। তাঁহার শোকে তাঁহার জননী উম্মাদিনী হন। উমেশচন্দ্রের জননী সর্বমঙ্গলা তাঁহার উম্মাদিনী স্বশ্রমাতা, অপ্রাপ্তবয়স্ক সন্তানগণ এবং পরিবারের আশ্রিত আত্মীয়গণকে লইয়া অকূল পাথারে পতিত হন। কিন্তু অনন্তসাধারণ পরিশ্রমশীলতা ও প্রত্যুৎপন্নমতিত্ব গুণে তিনি সংসারের গুরুভার বহন করিয়াও পুত্রগণকে ‘মাতৃষ’ করিতে পারিয়াছিলেন। জ্যেষ্ঠ পুত্রকে অল্পবয়সেই জমিদারগণের অধীনে স্বল্প বেতনে কার্য্যে প্রবৃত্ত হইতে হয়। অত্যধিক সাংসারিক চিন্তায় অভয়চরণের মস্তিষ্কবিকৃতি ঘটে এবং তাঁহাকে বাতুলালয়ে প্রেরণ করিতে হয়। পুত্রবিরহে সর্বমঙ্গলা অত্যন্ত শোকবিহ্বলা ও রোগগ্রস্তা হইয়া পড়েন এবং অভয়চরণ সুস্থ হইয়া ফিরিয়া আসিবার অল্পকাল মধ্যেই ইহলোক পরিত্যাগ করেন ( ১২৭৪ সাল ২২শে চৈত্র )।

বাল্যকালে উমেশচন্দ্রের বিদ্যাশিক্ষার নানা বাধা উপস্থিত হইয়াছিল। আজ এ পাঠশালায়, কাল ঐ পাঠশালায় এইরূপে নানাস্থানে তিনি বিদ্যাশিক্ষা করেন। গ্রামের কোনও পাঠশালা অধিক দিন চলিত না। যুক্তারাম পণ্ডিতের পাঠশালায় একটা পরাক্রম কৃতিত্ব দেখাইয়া তিনি বিদ্যোৎসাহী ব্রজনাথ দত্তের স্নেহদৃষ্টি লাভ করেন। ইহার পুত্র শিবকৃষ্ণের সহিত উমেশচন্দ্রের বিশেষ ঘনিষ্ঠতা হয়। শিবকৃষ্ণ বিদ্যানুরাগী ছিলেন এবং গ্রামে শিক্ষাবিস্তারে যথেষ্ট আগ্রহ প্রকাশ করিতেন। তিনি সাহিত্যানুরাগী ছিলেন এবং লুক্‌রিশয়ার উপাখ্যান বাঙ্গালা পণ্ডে অনুবাদিত করিয়াছিলেন। ইনিই সর্বপ্রথম মজিলপুরে ব্রাহ্মধর্ম্মের

বার্তা লইয়া যান। ইঁহারই সাহায্যে উমেশচন্দ্র রাজনারায়ণ বসুর গ্রন্থাবলী এবং তত্ত্ববোধিনী পত্রিকা প্রভৃতি পাঠের সুযোগ পান এবং উহা পাঠ করিয়া বাঙ্গালা সাহিত্যের ও ব্রাহ্মধর্মের প্রতি আকৃষ্ট হন। উমেশচন্দ্র ও তাঁহার বন্ধুগণ মজিলপুরে একটি “বিদ্যোৎসাহিনী সভা” স্থাপিত করেন; উহাতে তাঁহারা বাঙ্গালা সাহিত্যের আলোচনা করিতেন। উমেশচন্দ্র সঙ্গীতপ্রিয় ছিলেন এবং কেবল সঙ্গীতের চর্চা করিতেন তাহাই নহে, তিনি স্বয়ং অনেক সঙ্গীত রচনা করিয়াছিলেন; উহার কতকগুলি ‘সঙ্গীত রত্নাবলী’তে মুদ্রিত হইয়াছিল। তিনি ইতিহাস পাঠ করিতেও খুব ভালবাসিতেন এবং পঞ্চদশ বর্ষ বয়সে রোমরাজ্যের একটি সংক্ষিপ্ত ইতিহাস রচনা করিয়াছিলেন। উহা ১৮৫৯ খৃষ্টাব্দে প্রকাশিত হয়।

মজিলপুরে কিছুদিন একটি ইংরেজী বিদ্যালয় প্রতিষ্ঠিত ছিল। উমেশচন্দ্র উহাতে ইংরেজী শিক্ষা করেন। ১৮৫৯ খৃষ্টাব্দে উহা উঠিয়া যায়। অতঃপর শিবকৃষ্ণ দত্তের চেষ্টায় তিনি ভবানীপুরে লণ্ডন মিশন ইনষ্টিটিউসনে প্রথম শ্রেণীতে প্রবিষ্ট হন এবং সেই বৎসরেই কলিকাতা বিশ্ববিদ্যালয়ের প্রবেশিকা (এন্ট্রান্স) পরীক্ষায় সসম্মানে উত্তীর্ণ হইয়া ছাত্রবৃত্তি লাভ করেন।

অতঃপর উমেশচন্দ্র মেডিক্যাল কলেজে প্রবিষ্ট হন। ১৮৬০-১ খৃষ্টাব্দে এই বিদ্যালয়ে পাঠ করিবার পর তাঁহাকে বৃত্তির অভাবে পড়াশুনা বন্ধ করিতে হয়। তাঁহার জ্যেষ্ঠ ভ্রাতার পীড়ার জন্ত সংসারের সমস্ত ভার তাঁহার উপর পড়িয়াছিল এবং অতিরিক্ত পরিশ্রমে তাঁহার নিজেরও মস্তকের ও চক্ষুর পীড়া হইয়াছিল। ইহাও কলেজ ত্যাগের অন্তিম কারণ।

১৮৬২ খৃষ্টাব্দে তিনি জয়নগরে ইংরেজী বিদ্যালয়ের দ্বিতীয় শিক্ষকের পদ গ্রহণ করেন। এই সময়ে তিনি, শিবকৃষ্ণ দত্ত, কালীনাথ দত্ত, হরনাথ বসু প্রভৃতি বন্ধুগণের সহিত মিলিত হইয়া গ্রামের সর্ববিধ উন্নতি সাধনে যত্নবান হন। ইঁহারা একটি বালিকা বিদ্যালয় সুপ্রতিষ্ঠিত করেন। ইঁহারা ‘বঙ্গহিতার্থিনী’ নামক একখানি পত্রিকা প্রকাশ করেন, শিবকৃষ্ণ উহার সম্পাদক এবং উমেশচন্দ্র উহার সহকারী সম্পাদক ছিলেন। ইঁহারা একটি হিতৈষিনী সভা স্থাপন করিয়া গ্রামের দুঃখ দুর্দশা ঘুচাইতে যত্নবান হন। ব্রাহ্মধর্মের প্রতি অনুরাগের জন্ত ইঁহারা হিন্দু জমিদারবাবুদের নিকট বহু নির্যাতন লাভ

করেন এবং অবশেষে উমেশচন্দ্রকে বাধ্য হইয়া জয়নগরের শিক্ষকের পদ পরিত্যাগ করিতে হয়।

অতঃপর উমেশচন্দ্র কলিকাতায় পুনরাগমন করেন এবং কলিকাতা ট্রেনিং একাডেমীর শিক্ষক হন। এই বিদ্যালয় পরে বিদ্যাসাগর মহাশয়ের মেট্রোপলিটান ইনষ্টিটিউসন নামে প্রসিদ্ধি লাভ করে। এই সময়ে মহর্ষি দেবেন্দ্রনাথ ঠাকুর ও ব্রহ্মানন্দ কেশবচন্দ্রের সহিত তাঁহার বিশেষ পরিচয় হয়। মেডিক্যাল কলেজের ছাত্র আর-এল-দত্ত, বিহারী ভাদুড়ী, বিজয়কৃষ্ণ গোস্বামী প্রভৃতির সহিত উমেশচন্দ্র প্রায়ই মিলিত হইয়া ধর্ম ও সমাজ সংস্কার সম্বন্ধে আলোচনা করিতেন। এই সকল আলোচনার ফলে স্ত্রীশিক্ষা প্রচার কল্পে ১৮৬৩ খৃষ্টাব্দে বামাবোধিনী পত্রিকা প্রচারিত হয়। উমেশচন্দ্র প্রথমাবধি তাঁহার মৃত্যুকাল পর্যন্ত উহার সম্পাদক ছিলেন। বাঙ্গালার প্রসিদ্ধ মহিলা লেখিকাগণ প্রায় সকলেই কোন না কোন সময়ে উহার সহিত সংশ্লিষ্ট ছিলেন এবং উমেশচন্দ্রের নিকট উৎসাহ প্রাপ্ত হইয়াছিলেন।

এই সময়ে উমেশচন্দ্র কলিকাতা বিশ্ববিদ্যালয়ের এল-এ পরীক্ষা দেন ও সসম্মানে উত্তীর্ণ হন। অতঃপর কিছুদিন হিন্দু স্কুল, বেথুন স্কুল, দক্ষিণ বহুড়ু স্কুল ও নিবোধই মধ্য বাঙ্গালা-ইংরেজী স্কুলে শিক্ষকতা করিয়া ১৮৬৬ খৃষ্টাব্দে উমেশচন্দ্র রাজপুর স্কুলের দ্বিতীয় শিক্ষকের পদে নিযুক্ত হন। সোমপ্রকাশ-সম্পাদক সুপণ্ডিত দ্বারকানাথ বিদ্যাভূষণ মহাশয় এই বিদ্যালয়ের অন্ততর সম্পাদক ছিলেন। কিছুদিন পরে বিদ্যাভূষণ মহাশয় কোন কারণে উক্ত বিদ্যালয়ের সহিত সকল সংস্রব ত্যাগ করিয়া স্বয়ং “হরিনাভি ইংরেজী-সংস্কৃত বিদ্যালয়” স্থাপন করেন এবং উমেশচন্দ্রকে উহার প্রধান শিক্ষক নিযুক্ত করেন। এই সময়ে উমেশচন্দ্র শিক্ষকরূপে কলিকাতা বিশ্ববিদ্যালয়ের বি-এ পরীক্ষা দেন এবং সসম্মানে উত্তীর্ণ হন। অতঃপর তিনি দর্শনশাস্ত্রে এম-এ পরীক্ষা দিবার জন্ত প্রস্তুত হন, কিন্তু শারীরিক অসুস্থতার জন্ত পরীক্ষা দিতে পারেন নাই।

হরিনাভিতে অবস্থানকালে উমেশচন্দ্র কতিপয় বন্ধুর সাহায্যে তথায় একটি ব্রাহ্মসমাজ স্থাপন করেন। ছাত্রগণ উমেশচন্দ্রকে দেবতাজ্ঞানে পূজা করিত এবং অনেকে তাঁহার প্রভাবে ব্রাহ্মসমাজে যাতায়াত করিত। এইজন্য উমেশচন্দ্র

ও তাঁহার-বন্ধুগণ যথেষ্ট নির্যাতন ভোগ করিতেন; কিন্তু উমেশচন্দ্র যেমন কুসুমাপেক্ষা কোমল ছিলেন, তেমনি বজ্রাপেক্ষা কঠোর ছিলেন। যাহা সত্য, শিব ও সুন্দর, তাহার সাধনার জন্ত তিনি সকল প্রকার দুঃখ, কষ্ট ও নিগ্রহ ভোগ করিতে সর্বদা প্রস্তুত ছিলেন।

১৮৬৬ খৃষ্টাব্দে কেশবচন্দ্র আদি ব্রাহ্মসমাজ পরিত্যাগ করিয়া ভারতবর্ষীয় ব্রাহ্মসমাজ স্থাপন করেন। উমেশচন্দ্র নূতন সমাজে যোগদান করেন। ১৮৬৯ খৃষ্টাব্দে ৭ই ভাদ্র ভারতবর্ষীয় ব্রাহ্মসমাজ মন্দির প্রতিষ্ঠার দিন দ্বারকানাথ বিদ্যাভূষণ মহাশয়ের ভাগিনেয় শিবনাথ শাস্ত্রী মহোদয় ব্রাহ্মধর্মে দীক্ষা গ্রহণ ও উপবীত ত্যাগ করিলেন। ইহার পর হইতে বিদ্যাভূষণ মহাশয় কেশবচন্দ্রের দলকে তদীয় সোমপ্রকাশ পত্রে আক্রমণ করিতে লাগিলেন। হরিনাভি-নিবাসী রক্ষণশীল হিন্দুগণের প্রবল আন্দোলনে উমেশচন্দ্রের অধ্যক্ষতায় পরিচালিত বিদ্যালয়টির অনিষ্ট হইবার আশঙ্কা হইল। অবশেষে উমেশচন্দ্র হরিনাভি স্কুল হইতে বিদায় লইলেন।

১৮৬৯ খৃষ্টাব্দের শেষভাগে উমেশচন্দ্র কোল্লগর বিদ্যালয়ের প্রধান শিক্ষকের পদে নিযুক্ত হন। এই বিদ্যালয় ১৮৫৪ খৃষ্টাব্দে ১লা মে প্রাতঃস্মরণীয় শিবচন্দ্র দেব কর্তৃক প্রতিষ্ঠিত হইয়াছিল। উমেশচন্দ্র কয়েক বৎসর উক্ত বিদ্যালয়ের অধ্যক্ষতা করিয়া উহার যথেষ্ট উন্নতিসাধন করেন। তিনি শিবচন্দ্র দেব কর্তৃক কোল্লগরে প্রতিষ্ঠিত ব্রাহ্মসমাজেও নিয়মিতভাবে ব্রহ্মোপাসনা করিতেন।

১৮৭২ খৃষ্টাব্দে উমেশচন্দ্র কলিকাতায় প্রত্যাগমন করেন। এই সময়ে ব্রাহ্ম যুবকগণ “সঙ্গত-সভা” নামক একটি সভায় মিলিত হইয়া ধর্মালোচনা করিতেন। এই সকল ধর্মালোচনা “ধর্মসাধন” নামক একটি পত্রিকায় প্রকাশিত হইত। উমেশচন্দ্র এই পত্রিকার সম্পাদক নির্বাচিত হন। বোধ হয় ১৮৭৫ খৃষ্টাব্দ পর্য্যন্ত এই পত্রিকা প্রচলিত ছিল।

১৮৭৮ খৃষ্টাব্দে ভারতবর্ষীয় ব্রাহ্মসমাজের নেতা কেশবচন্দ্র যখন তৎপ্রবর্তিত নিয়ম ভঙ্গ করত অভিনব পদ্ধতিতে স্বীয় অপ্রাপ্তবয়স্ক কস্তার সহিত কুচবিহারের অপ্রাপ্তবয়স্ক হিন্দু নরপতির বিবাহের আয়োজন করিলেন, তখন ব্রাহ্মসমাজে মহা আন্দোলন উপস্থিত হয় এবং উন্নতিশীল ব্রাহ্মগণ

প্রকাশ্য সভায় কেশবচন্দ্রকে আচার্য্যের পদ হইতে বিচ্যুত করিয়া বিজয়কৃষ্ণ গোস্বামী, শিবচন্দ্র দেব, রামকুমার বিদ্যারত্ন, উমেশচন্দ্র দত্ত ও যদুনাথ চক্রবর্তীকে পর্যায়ক্রমে আচার্য্যের কার্য্য করিতে নিযুক্ত করেন। ইহার অনতিকাল পরে সাধারণ ব্রাহ্মসমাজ নামক নূতন ব্রাহ্মসমাজ প্রতিষ্ঠিত হয় এবং আনন্দমোহন বসু উহার প্রথম সভাপতি, শিবচন্দ্র দেব উহার প্রথম সম্পাদক এবং উমেশচন্দ্র দত্ত উহার সহকারী সম্পাদক নিযুক্ত হন।

ইহার পর আনন্দমোহন বসু মহাশয় বিদ্যাশিক্ষার সহিত নীতিশিক্ষা ও চরিত্রগঠনের আবশ্যকতা হৃদয়ঙ্গম করিয়া অভিনব প্রণালীতে একটি নূতন বিদ্যালয় প্রতিষ্ঠার সংকল্প করেন। ১৮৭৯ খৃষ্টাব্দে ১লা জ্যৈষ্ঠ্যারী এই বিদ্যালয় সিটি স্কুল নামে স্থাপিত হয় এবং আদর্শ শিক্ষক, আদর্শচরিত্র উমেশচন্দ্র উহার প্রধান শিক্ষকের পদে নিযুক্ত হন। ১৮৮১ খৃষ্টাব্দে উহা দ্বিতীয় শ্রেণীর কলেজে পরিণত হয় এবং উমেশচন্দ্র উহার প্রথম অধ্যক্ষ হন। ১৮৮৩ খৃষ্টাব্দে উহাতে আইন শ্রেণী খোলা হয়। শ্রী গুরুদাস বন্দ্যোপাধ্যায় বিনা বেতনে এই বিদ্যালয়ে আইনের অধ্যাপনা করিতেন। ১৮৮৪ খৃষ্টাব্দে উহা প্রথম শ্রেণীর কলেজে পরিণত হয় এবং উহাতে বি-এ ( পাশ ও অনার্স ) এবং এম-এ পড়াইবার ব্যবস্থা হয়। আনন্দমোহন বসু, শ্রী সুরেন্দ্রনাথ বন্দ্যোপাধ্যায়, হের্ষচন্দ্র মৈত্র, শিবনাথ শাস্ত্রী প্রভৃতি কলেজে পড়াইতেন। এই বিদ্যালয় উমেশচন্দ্রের অধ্যক্ষতাকালে গৌরবের সমুন্নত শিখরে প্রতিষ্ঠিত হইয়াছিল এবং উহার ছাত্রগণ—জানকীনাথ ভট্টাচার্য্য, রামানন্দ চট্টোপাধ্যায় প্রভৃতি কেবল বিশ্ববিদ্যালয়ের পরীক্ষাতেই শীর্ষস্থান অধিকার করেন নাই, চরিত্রগুণে জাতীয় গৌরব-ভাণ্ডার সমৃদ্ধ করিয়াছেন। উমেশচন্দ্র সিটি কলেজের প্রতিষ্ঠাদি বিষয়ে আনন্দমোহনের দক্ষিণ হস্তস্বরূপ ছিলেন। তাঁহাকে কেবল অধ্যক্ষের কার্য্যই করিতে হয় নাই, কলেজের জন্ত অর্থসংগ্রহও তাঁহাকে করিতে হইয়াছিল।

উমেশচন্দ্র বহুদিন কলিকাতা বিশ্ববিদ্যালয়ের সেনেট সভার সদস্য ছিলেন।

হুর্গামোহন দাশ, দ্বারকানাথ গাঙ্গুলী প্রভৃতির সহযোগে উমেশচন্দ্র বালিকাদের জন্ত বঙ্গমহিলা বিদ্যালয় স্থাপিত করিয়াছিলেন। উহা পরে বেধুন বিদ্যালয়ের সহিত



সংযুক্ত হইলেও উমেশচন্দ্র উহার সহিত সংযোগ রক্ষা করিয়াছিলেন।

পূর্বেই উক্ত হইয়াছে ১৮৮০ খৃষ্টাব্দে উমেশচন্দ্র সাধারণ ব্রাহ্মসমাজের সহকারী সম্পাদক নিযুক্ত হইয়াছিলেন। ১৮৮১, ১৮৮২, ১৮৮৩ খৃষ্টাব্দে শিবচন্দ্র দেবের সভাপতিত্বকালে তিনি উহার সম্পাদক নির্বাচিত হইয়াছিলেন। পুনরায় ১৮৮৯ ও ১৮৯০ খৃষ্টাব্দে মহাত্মা আনন্দমোহন বসুর সভাপতিত্বকালে উমেশচন্দ্র উহার সম্পাদক মনোনীত হন। ১৮৯১ ও ১৮৯২ খৃষ্টাব্দে উমেশচন্দ্র সাধারণ ব্রাহ্মসমাজের সভাপতির পদ অলঙ্কৃত করেন। সমাজে প্রদত্ত তাঁহার উপদেশগুলি অত্যন্ত হৃদয়গ্রাহী হইত।

উমেশচন্দ্র জাতিধর্মনির্বিশেষে মহাপুরুষগণের পূজা করিতে ভালবাসিতেন। ডেভিড হেয়ারের স্মৃতিপূজা তিনি পুনঃপ্রবর্তিত করেন। রাজা রামমোহন রায়ের নিয়মিত ভাবে স্মৃতিপূজার তিনিই প্রবর্তন করেন এবং সিটিকলেজে নিয়মিতভাবে এই সকল স্মৃতিসভা আহ্বান করিতেন। অনেকে হয়ত বিশ্বত হইয়াছেন যে, মাইকেলের সমাধির উপর স্মৃতিস্তম্ভ প্রধানত উমেশচন্দ্রের চেষ্টাতেই রচিত হয়। এতৎসম্বন্ধে মধুসূদনের চরিতকার যোগীন্দ্রনাথ বসু মহাশয় লিখিয়াছেন :—

“অর্থাভাবে মধুসূদনের মৃতদেহ নিতান্ত হীনভাবে সমাহিত হইয়াছিল এবং বহুদিন পর্য্যন্ত তাঁহার সমাধির উপর কোনরূপ স্মৃতিস্তম্ভ সংস্থাপিত না হওয়ায় তাহা ক্রমে লুপ্ত ও অগোচর হইবার সম্ভাবনা হইয়াছিল। কিন্তু বিধাতা বঙ্গদেশকে সে কলঙ্ক হইতে রক্ষা করিয়াছেন। সর্ববিধ সংকল্পে অমুরাগী, বামাবোধিনী সম্পাদক বাবু উমেশচন্দ্র দত্ত মহোদয়ের উद्यোগে এবং যশোহর-খুলনা-সম্মিলনীরও মধ্য-বঙ্গালা-সম্মিলনীর চেষ্টায় তাঁহার সমাধির উপর এক স্মৃতিস্তম্ভ প্রতিষ্ঠিত হইয়াছে। \* \* ১৮৮৮ খৃষ্টাব্দের ১লা ডিসেম্বর ব্যারিস্টার মনোমোহন ঘোষ মহাশয় সাধারণের সমক্ষে সেই সমাধিস্তম্ভ প্রতিষ্ঠা করিয়াছিলেন।”

অক্ষ, মুক, বধির প্রভৃতি উমেশচন্দ্রের সহায়ত্ব হইতে বঞ্চিত ছিল না। ১৮৯৩ খৃষ্টাব্দে উমেশচন্দ্র যামিনীনাথ বন্দ্যোপাধ্যায়, শ্রীনাথ সিংহ এবং মোহিনীমোহন মজুমদারের সহযোগিতায় কলিকাতা মুক-বধির বিদ্যালয় (The Calcutta Deaf & Dumb School) প্রতিষ্ঠা করেন।

উক্ত বৎসর মে মাসে দুইটা ছাত্র লইয়া বিদ্যালয় স্থাপিত হয়। সিটি কলেজের একটা গৃহে তখন উহা বসিত। উমেশচন্দ্র প্রথমাবধি মৃত্যুকাল পর্য্যন্ত উহার সম্পাদক ছিলেন। তাঁহার কার্য্য অরণ করিয়া উক্ত বিদ্যালয় এক্ষণে নিজগৃহে একটা স্মৃতিশিলা স্থাপিত করিয়াছে। উহাতে লিখিত আছে :—

In Memory of

Umes Chandra Dutt.

One of the Founders and a Trustee of the Calcutta Deaf & Dumb School, of which he acted as Honourary Secretary from its inception in May 1893 until the day of his death, 19th June 1907.

This tablet has been erected in recognition of the great services rendered by the late Secretary to the cause of Deaf & Dumb education and to this institution in particular.

উমেশচন্দ্রের পারিবারিক জীবন মধুময় ছিল। পঞ্চবিংশ-বর্ষ বয়ঃক্রম কালে (আনুমানিক ১৮৬৫ খৃষ্টাব্দে) তিনি নৃত্যগোপাল সরকার মহাশয়ের ভগিনী কৈলাসকামিনীর পাণিগ্রহণ করিয়াছিলেন। ৩৩ বৎসর নিরবচ্ছিন্ন দাম্পত্য সুখভোগের পর তাঁহার সাক্ষী সহধর্মিণী স্বর্গারোহণ করেন। ইহার কিছুকাল পরে উমেশচন্দ্রের এক কন্যাও পরলোক-গমন করেন। এই দুইটা শোক উমেশচন্দ্রকে সহ্য করিতে হইয়াছিল। ১৯০৭ খৃষ্টাব্দে ১৯শে জুন (৪ঠা আষাঢ় ১৩১৪ বঙ্গাব্দ) বুধবার রাত্রি ১০।১টার সময় তিনি চারি পুত্র ও তিন কন্যা রাখিয়া স্বর্গারোহণ করেন।

তাঁহার স্বর্গারোহণের পর ১৯শে জুলাই বঙ্গমহিলাগণ তাঁহার স্মৃতিরক্ষাকল্পে একটা সভা আহূত করেন। মহাত্মা আনন্দমোহন বসুর সহধর্মিণী স্বর্ণপ্রভা বসু এই সভার প্রধান উদ্যোগকর্ত্রী ছিলেন এবং তাঁহার গৃহেই সভার অধিবেশন হয়। এই সভা “উমেশচন্দ্র দত্ত ধনভাগার” নামক একটা ফণ্ড স্থাপন করিয়া সংগৃহীত অর্থের আয় হইতে দুঃস্থ বালিকাদিগকে শিক্ষাদানের ব্যবস্থা করিতে সংকল্প করেন। বামাবোধিনী পত্রিকা সুপরিচালিত করিবার জন্তও মহিলাগণ একটা সমিতি নিযুক্ত করেন।

উমেশচন্দ্র সুরাপান নিবারণের জন্তও অনেক চেষ্টা করিয়াছিলেন। তিনি মেট্রোপলিটান টেম্পারেন্স এণ্ড পিউরিটি সভার অন্ততম প্রতিষ্ঠাতা ও সহকারী সভাপতি ছিলেন। এই সভাও উক্ত বৎসর ১০ই আগষ্ট একটা শোকসভায় নিম্নলিখিত প্রস্তাব গ্রহণ করেন :

“মহাত্মা উমেশচন্দ্র দত্ত যিনি এই সভার মূল পত্তন হইতে ষাটজন ইহার অন্ততম সহকারী সভাপতি ছিলেন, যাহার সমস্ত জীবন পবিত্রতা ও সংযমশীলতায় লোকপাবন দৃষ্টান্তস্বরূপ, সেই সাধুপুরুষের পরলোকগমন জন্ত

এই সভা হৃদয়ের গভীরতম শোকোচ্ছ্বাস প্রকাশ করিতেছেন।”

সিটি কলেজেও তাঁহার একটা চিত্র প্রতিষ্ঠিত হইয়াছিল। বাঙ্গালা সাময়িক সাহিত্যের ইতিহাসে, বাঙ্গালা দেশে শিক্ষা বিস্তারের ইতিহাসে, বাঙ্গালার সামাজিক উন্নতির ইতিহাসে এবং ব্রাহ্মসমাজের ইতিহাসে, সাহিত্যের একনিষ্ঠ সেবক, শিক্ষার অকৃত্রিম সুহৃদ, সমাজসংস্কারে অক্লান্তকর্মী এবং ব্রাহ্মসমাজের পবিত্রচেতা পুরোহিত উমেশচন্দ্র দত্তের নাম চিরদিন স্বর্ণাক্ষরে লিখিত থাকিবে।

## জলে প্রেমের উজল শত বাতি

শ্রীঅনুরাধা দেবী

তোমায় ভালোবাসি,  
একথা কি বলতে হবে নিতুই কানে কানে ?  
বুঝে নিও চোখের ভাষা ওগো,  
ক্লমকালের নীরব অমুমাণে।  
তোমার সাথে এই যে জানাজানি,  
দেহ মনের নিবিড় পরিচয় ;  
এ কি প্রিয় একটি জীবনের ?  
জাগরণের স্বপ্ন এ তো নয় !  
অজানা কোন্ স্রোতের পারাবারে  
পারাপারের খেয়ায় ছুটি হিয়া  
সঙ্গহারা চলাপথের শেষে  
মিতালি চায় গোপন আঁধি দিয়া ;  
পলকে সেই পলকহারা ক্লমে  
দুজনারে দুজনারই চাওয়া,  
সেই কি প্রিয় প্রথম পরিচয় !  
সেই কি ওগো প্রথম কাছে পাওয়া ?  
একলা যখন চুপটি করে ভাবি  
ব'সে ওগো নিরালা ওই ছাদে,  
দূর আকাশে জলের কণা ভাসে,  
বন্ধনী দেয় একাদেশীর চাঁদে,  
তখন আমার নিখর দেহ মনে  
'এই কথাটিই নিত্য জাগে যেন—

তোমার প্রেমে সিক্ত শিকর-কণা  
আমায় ঘিরে চাঁদের শোভা হেন  
রচেছে এক কল্পলোকের মায়ী  
দূর অকাশের স্বপ্ন পারাবার,  
তোমার সাথে আমার পরিচয়  
নিত্য কালের গ্রহি অনিবার।  
ওষ্ঠে আমার তোমার দেহ কাঁপে,  
ভুঙ্গ তুমি কমল-কলি 'পরে ;  
মর্মে আমার কাঁদে চকোর হিয়া,  
তৃষ্ণা তুমি তুমি তোমার ঝরে।  
ভালোবাসার জানি না কোন্ রূপ,  
বৃকের মাঝে কোন্‌খানে তার বাসা !  
মনে মনে খুঁজতে গিয়ে দেখি  
তোমায় ঘিরে আমার সকল আশা  
অজানা এক তৃপ্তি-লোভাতুর  
রাত্রিদিনের রচে স্বপনলোক ;  
মনে হয় ও-হিয়ার পরশ লভি'  
এ তুমুমন সফল আমার হোক।  
সন্ধ্যাতারা ঘুমিয়ে পড়ে যবে,  
আকাশ পারে ঘনিরে আসে রাত্রি,  
নিরালা মোর দেবালয়ের কোণে  
জলে প্রেমের উজল শত বাতি।

# ভূতের গল্প

প্র-না-বি

আজ একটা ভূতের গল্প বলিব—একেবারে নিছক সত্য ঘটনা। আমি নিজে দেখিয়াছি কি না, জানিতে চাও? নিজে না দেখিলেও এক রকম দেখাই; পাড়ার ঘটনা, বন্ধুবান্ধব দেখিয়াছে; ঘটনার ঠিক পরেই তারা ভয়ে কাঁপিতে কাঁপিতে আসিয়া উপস্থিত হইয়াছে, কাজেই দেখা ছাড়া আর কি?

আমাদের পাড়াতে একটা বাড়ীকে লোকে ভূতের বাড়ী বলিত। ছেলেবয়সে বাড়ীটাতে ভাড়াটে থাকিতে দেখিয়াছি; কিন্তু হঠাৎ একদিন শুনলাম বাড়ীটাতে নাকি ভূতের উৎপাত হইয়াছে। ভাড়াটে আসে না, আসিলেও থাকিতে পারে না; ভূতের উৎপাতে দু-চার দিন পরেই উঠিয়া যায়। শেষে আর ভাড়াটে জোটে না; ‘টু লেট’ লেখা কাঠের তক্তা সারা বছর মাদুলীর মত বাড়ীর গায়ে বাতাসে ছুলিতে থাকে। প্রকাণ্ড বাড়ী—এই সস্তার বাজারেও আশী টাকা ভাড়া নিশ্চয় হইত।

বাড়ীটাতে নাকি ব্রহ্মদৈত্য থাকে। উৎপাত আর কিছু নয়, মাঝ রাতে হাওয়া নাই, বাতাস নাই, হঠাৎ দরজা জানলা সব একসঙ্গে খুলিয়া গেল। উঠিয়া দরজা-জানলা দিয়া শোও, আবার খুলিয়া যাইবে। গরমের রাতে দরজা-জানলা খুলিয়া ঘুমাও, হঠাৎ সব বন্ধ হইবার শব্দে ঘুম ভাঙিয়া যাইবে।

মাঝ রাতে বিছাতের আলোগুলা দপ করিয়া জলিয়া উঠিল; কিম্বা হয়তো সব আলো একসঙ্গে নিভিয়া গেল। বেশি রাতে ঘুম ভাঙিয়া গিয়া শুনিতে পাইবে ছাদের উপরে কে যেন খড়ম পায়ে দিয়া খট খট করিয়া ঘুরিয়া বেড়াইতেছে; গ্রহণে বা ঐ জাতীয় কোন যোগ উপলক্ষে অনেকে গভীর রাতে ছাদের উপরে সংস্কৃত মন্ত্রের আবৃত্তি শুনিয়াছে—স্বর ঈষৎ অনুনাসিক। লোকে প্রথমে মনে করিত ব্যাপার আর কিছু নয়—ছুটলোকের উপদ্রব; পাড়ার ছেলেরা পাহারা বসাইল, পুলিশে পাহারা দিল, কিন্তু এ সব উপদ্রব কমিল না।

তখন বাড়ীর মালিক রিষড়ার বিখ্যাত ভূতের ওঝাকে

ডাকিয়া আনিল; সে আসিয়া অনেকক্ষণ ধরিয়া একটা ঘর বন্ধ করিয়া কি করিল জানি না; বাঁহির হইয়া আসিলে জানা গেল চোর-বাটপাড় কিছু নয়, ব্রহ্মদৈত্য ভর করিয়াছে। কথাটা দেখিতে দেখিতে পাড়ায় রাষ্ট্র হইয়া গেল, বাড়ীতে ভাড়াটে আসা বন্ধ হইল, আর ব্রহ্মদৈত্য পরম স্নুখে সেখানে কাল যাপন করিতে লাগিল। এসব আমাদের অল্প বয়সের কথা; তারপরে সেই ভূতের বাড়ীর অস্তিত্ব সকলে একরকম ভুলিয়াই গিয়াছিল; হঠাৎ কি করিয়া এই বাড়ীর প্রসঙ্গ উঠিল, সেই কথাই আজ বলিব।

২

হঠাৎ একদিন মুন্সের হইতে রাম-দা আসিয়া উপস্থিত। রাম-দা’র পরিচয় কি দিব ভাবিতেছি; আমরা পাড়াতে সকলে তাঁকে মুন্সেরের রাম-দা বলিয়া জানিতাম, পরিচয়ের কোন প্রয়োজন ছিল না। এত বড় বিরাট পুরুষ আমি কখনো দেখি নাই—যেন রামায়ণ-মহাভারতের একটা বীরপুরুষ পথ ভুলিয়া চলিয়া আসিয়াছে।

এহেন রাম-দা’র জীবনে দুটি আসক্তি ছিল, তিনি ভূতে বিশ্বাস করিতেন। ভূত দেখিবার আশায় তিনি যে কত শ্মশানে, কত পোড়ো বাড়ীতে, কত অমাবস্যার রাত্রিতে ঘুরিয়াছেন তার হিসাব নাই। আর কবিতা পড়িবার জন্য নূতন বই সংগ্রহ করিতে তিনি যে কত লাইব্রেরি, কত দোকান, কত কবির বাড়ী ঘুরিয়াছেন, তারও হিসাব অপরে জানে না। রাম-দা ইংরেজী ভাষা জানিতেন না, বাংলা কবিতাই বেশি পড়িতেন।

রাম-দা আমার বাসায় আসিয়া বিনা ভূমিকায় বলিলেন—ওহে সাহিত্যিক, (আমি একজন সাহিত্যিকের পাশের বাড়ীতে থাকিতাম বলিয়া তিনি আমাকে সাহিত্যিক বলিতেন) নূতন কবিতার বই কিছু দাও। তাঁর অন্তে আমি আগেই এক বোঝা বাংলা কবিতার বই সংগ্রহ করিয়া রাখিয়াছিলাম, বিরাট কাব্য-গন্ধমাদনটিকে অনায়াসে কুক্ষীগত করিয়া যখন তিনি উঠিতেছেন, শুধাইলাম—রাম-দা, ভূতের দেখা মিলল?

পুঁথির বোঝাটা ধপ্ করিয়া তক্তপোষের উপরে ফেলিয়া বলিলেন—যা নেই তার দেখা মিলবে কি ক’রে?—এই বলিয়া নিজের আধুনিকতম ভৌতিক এড্‌ভেঞ্চারের কাহিনী বিবৃত করিলেন। গল্প শেষ করিয়া মস্তব্য প্রকাশ করিলেন—না হে, ও জিনিস নেই।

আমার পাশেই রমেশ বসিয়াছিল, সে একরকম পুরাতাত্ত্বিক, অর্থাৎ পুরানো বাড়ীর দালাল; সে বলিল—রাম-দা, এ পাড়ায় একটা ভূতের বাড়ী আছে।

এই পর্য্যন্ত বলিয়া আমার দিকে তাকাইয়া বলিল—সেই ঘোষেদের তেতালা বাড়ীটার কথা বলছি হে।

পূর্বোক্ত পুরাতন ভূতের বাড়ীর কথা আমার মনে পড়িয়া গেল। আমি বলিলাম—হাঁ, ওটাতে ভূতের উপদ্রব আছে শুনেছি।

রাম-দা’র মুখ উজ্জ্বল হইয়া উঠিল—ভূত আছে এ বিশ্বাসে নয়, একটা এড্‌ভেঞ্চার জুটিল এই আশায়।

তিনি বলিলেন—চল হে যাওয়া যাক।

আমাদের মধ্যে যতীন ডিটেক্টিভ, কারণ রহস্য-পিরামিড সিরিজের ১৫২-খানা বই পড়িয়া ফেলিয়াছে; সে বলিল—রাম-দা, রাত ছাড়া তো সুবিধে হবে না।

রাম-দা বলিলেন—যা দিনেও নেই, তা রাতেও নেই। বেশ রাতেই যাবো। বাড়ী-ওলাকে ব’লে রাতটা সেখানে থাকবার ব্যবস্থা ক’রে দাও।

রমেশ বাড়ী-ওলার অমুমতি আনিতে গেল, আর যতীন টর্চ-বাতি, চায়ের সরঞ্জাম প্রভৃতি সংগ্রহ করিবার জন্ত উঠোগী হইল। তারা রাম-দা’র সঙ্গে ঐ বাড়ীতে রাত্রি যাপন করিবে।

রাম-দা বলিলেন—রাতটা জাগতে হবে, আমি একটু ঘুমিয়ে নিইগে।

তারপরে বলিলেন—যাক ভালই হ’ল—রাতটা যখন জাগতে হবে, নূতন কবিতার বউগুলো পড়ে ফেলা যাবে। কি বল?

বলিলাম—ভালই হবে।

রাম-দা রাত্রির ঘুম আগাম ঘুমাইয়া লইবার জন্ত বাসায় রওনা হইলেন।

রাত্রি আহা়াস্তে রাম-দা দলবল লইয়া ঘোষেদের ভূতের বাড়ীতে গিয়া আশ্রয় লইলেন। দোতালার হলধরটি

আগেই পরিষ্কার করিয়া রাখা হইয়াছিল, সেখানে শতরঞ্চি বিছাইয়া সকলে শুইয়া পড়িল। পোড়ো বাড়ীতে আর বিছাতের আলো কে রাখে? গোটা ছই হারিকেন লঠন জ্বলিতে থাকিল; বিপদের জন্ত গোটা কয়েক টর্চবাতি আনা হইয়াছিল।

রাত্রি বারটার মধ্যে বার কয়েক চা হইলেও ঘুমে চোখের পাতা ভার হইয়া আসিতেছিল।

রমেশ বলিল—রাম-দা, ঘুম পাচ্ছে যে!

যতীন বলিল—রাম-দা, কবিতাই যখন পড়ছ, উচ্চ স্বরে পড়ো, আমরাও শুনি।

রাম-দা বাংলা কবিতার বোঝা সঙ্গে আনিয়াছিলেন; তিনি এতক্ষণ একমনে পড়িতেছিলেন, এবারে মুখ তুলিয়া বলিলেন—এসব কি তোমাদের ভাল লাগবে?

—বল কি? আসন্ন ভূতের ভয়ের সম্মুখে বাংলা কবিতা মনোরম লাগবে না, বাংলা সাহিত্যের প্রতি এমন অশ্রদ্ধা আমার নেই।

রাম-দা স্বগতভাবে বলিলেন—যা বল, আজকালকার কবিরা খাসা লিখছে হে।

—পড়ুন, রাম-দা, পড়ুন। কবিতা শোনবার এমন পরিপূর্ণ অবসর দুর্লভ।

—ভূত, না ছাই। এই দেখ না রাত একটা।—একবার ঘড়ির দিকে তাকাইয়া রাম-দা এই কথাগুলি বলিলেন। তারপরে সকলের আগ্রহাতিশয্যে পড়িতে লাগিলেন—শোন তবে, এই দেখ, ঈগল পাখীর উপরে কি সুন্দর কবিতা!

“অধুর্যোর তপস্তার নৈরাজ্য বিলাসে  
তপস্তর মহীয়ান্!  
হৃন্দুভি, দামামা!  
হোরা, অক্ষ, জ্রাঘিমা, লঘিমা,  
ঈডিপাস্ বিষম কম্প্রেকস্।”

চমৎকার! চমৎকার!—রাম-দা নিজেই উৎসাহ দিতে লাগিলেন।—এইবারে দেখ—ঈগল আর সাপে যুদ্ধ হচ্ছে!

“পীগম্যাগিয়ন রক্তা আর  
সুন্দরী মেমকা।  
মৈনাক কৈ নাক দন্ত  
ফুৎকার চীৎকার।

অন্ধ হ'ল রক্ত তব ।  
মার্ক'স্ কই আলো ?  
লেনিন লণ্ঠন জ্বালো ।  
মধ্যবিত্ত হাসি আর অশ্রু আভিজাত্য ।  
তাজমহলের গম্বুজ,  
দা-ডিঞ্চির তুলি,  
ছইটম্যানের দাড়ি,

“পর্বত চাহিল হ'তে বৈশাখের নিরুদ্দেশ মেঘ”

... .. — — ?? ... !! — —

মিলিয়নের মিলেনিয়াম ।

সাগ আর ঈগল ।”

—কি হে, ঘুমোলে নাকি ?

রমেশ বলিল—কি যে বল রাম-দা । এমন কবিতা  
শুনলে স্বয়ং কুলকুণ্ডলিনী জেগে ওঠেন, আর আমরা  
ঘুমোব ?

রাম-দা বলিলেন—ওয়াণ্ডারফুল !

যতীন অতিসঙ্কোচে বলিল—অর্থ বোঝা কঠিন ।

—কিছু কঠিন নয় । তোমাদের মধ্যবিত্ত সংস্কার ত্যাগ  
করলেই বুঝতে পারবে ।—এই বলিয়া রাম-দা সেই সরল ও  
সরস কবিতা পড়িয়া যাইতে লাগিলেন ।

এমন সময়ে হঠাৎ হলের দরজা-জানলা খুলিয়া গেল ।  
সকলে লাফাইয়া উঠিল, ব্যাপার কি ? বাতাস নাই, ঝড়  
নাই, জানলা খুলিল কেমন করিয়া ? কবিতা পাঠে বাধা  
পাইয়া রাম-দা বিরক্ত হইলেন ; উঠিয়া দরজা-জানলা বন্ধ  
করিয়া দিয়া বসিয়া আবার কবিতা পাঠ আরম্ভ  
করিলেন—চন্দ্রগ্রহণ সম্বন্ধে আধুনিক বাংলার সেই শ্রেষ্ঠ  
কবিতাটি ।

“কীটদষ্ট চক্রবাক্

উন্মোচিত, হে বাচাল,

জনতা সজ্বাতে তব অন্তঃসূর্যমাতে ।

পোস্ট-কার্ড আর খাম

বেড়েছে তার দাম ।

বেশি দিন নয় আর

আসছে লাল দানব

ওই শোনা যায় ছঙ্কার

ইনক্কাব কৈজাবাদ !

স্বেচ্ছাচারী ট্রাম

ক্রতুকৃতমের শেষ

আকাশে চাঁদ, আর এরোপ্লেন

বোমা আর শিলাবৃষ্টি

অজবন্ধু মাতরিখা

ট্রয়, দিল্লী, ব্যাবিলন ।”

আবার সশব্দে দরজা-জানলা খুলিয়া গেল । ব্যাপার কি ?  
এমন সময়ে সকলে দেখিল অতি বিরাট ও অতি  
কুৎসিত এক পুরুষ ঘরে ঢুকিতেছে । পায়ে তার খড়ম,  
গলায় রুদ্রাক্ষের মালা, খাটো একখানা কাপড় পরণে,  
কাঁধে গামছা । রমেশ ও যতীন রাম-দা'র পিছনে গিয়া  
লুকাইল ।

রাম-দা শুধাইলেন—মশায় কে ?

কিন্তু সেই পুরুষ তার উত্তর না দিয়া অত্যন্ত করুণভাবে  
বলিল—আপনারা আমাকে আর কষ্ট দেবেন না, ছেড়ে দিন ।

—লোকটার স্বর ঈষৎ অমুনাসিক ।

রাম-দা শুধাইলেন—আপনি কে ?

—আজ্ঞে আমি এই বাড়ীতে থাকি ।

রাম-দা বলিলেন—এতক্ষণ দেখিনি কেন ?

—আজ্ঞে পাশের বেল গাছটার উপরে বসে' হাওয়া  
খাচ্ছিলাম ।

রাম-দা—আপনি কি ?

—আজ্ঞে হাঁ, আপনারা যাকে ব্রহ্মদৈত্য বলেন  
আমি সেই ।

রমেশ ও যতীন গৌঁ গৌঁ করিয়া মূর্চ্ছা গেল ।

রাম-দা বলিলেন—আপনি যেখানে খুশী বসে' হাওয়া  
খান, কিন্তু এখানে কেন ?

—আজ্ঞে আমাকে আর কষ্ট দেবেন না ।

রাম-দা বলিলেন—কষ্ট দিলাম কোথায় ?

সে বলিল—ওই যে ভূত তাড়াবার মন্ত্র পড়ছিলেন, ওতে  
আমার বড় কষ্ট হচ্ছে ।

রাম-দা বলিলেন—ভূতের মন্ত্র কোথায় পেলেন ? এ তো  
কবিতা, আধুনিক কবিতা !

সে বলিল—আজ্ঞে ভূতের মন্ত্র তো কবিতাতেই  
লেখা হয় ।

তারপরে সে বইয়ের গালা দেখিয়া ভয়ে কাঁপিতে

লাগিল। বলিল—সর্বনাশ। ভূতের মস্তুর এতগুলো বই ছাপা হয়েছে! আমি হচ্ছি নবাব আলীবর্দীর সময়ের ভূত। তখনকার দিনে সেরা ভূতের ওঝা ছিল লালগোলার হোসেন মিস্ত্রী। সে আর কটা মস্তুর জানতো?

রাম-দা বলিলেন—এ যে ভূতের মস্তুর তা কে বলল?

লোকটা বলিল—আমি নিজে ভূত, আমি বলছি। আপনার প্রত্যেকটি শ্লোক তপ্ত লোহার মত আমার গায়ে বিঁধছিল। কিছুকাল আগে এই বাড়ীর মালিক রিষড়ে থেকে ওঝা এনেছিল। সুবা বাংলার শ্রেষ্ঠ ওঝা। সে-ও আমাকে তাড়াতে পারেনি। কিন্তু আপনি আমাকে হার মানিয়েছেন। এবারে অহুমতি করুন, আমি বাড়ী ছেড়ে পলাই।

তারপরে একটু থামিয়া বলিল—নাঃ, বাড়ীটা বেশ ছিল। একদিকে বেল গাছ, একদিকে তাল গাছ, হাওয়া খাবার কি সুবিধেই না ছিল।

আবার একটু থামিয়া বলিল—ধন্য আপনার শিক্ষা! এই সব মস্তুর আবার যখন ছাপা হয়েছে, বাংলা দেশে আর আমাদের বাস করা চলল না দেখছি। বাঙালী ভূত বাংলার বাইরে গেলে কি আর আজকাল জায়গা মিলবে? ছাতু ভূত, মেড়ো ভূত, বেহারী ভূত, পাঞ্জাবী

ভূত—সবাই বলবে, “বাঙালী ভূত বাংলায় ধাঁও।” তা তাদের তাড়া খাই, সেও ভাল; না হয় পাগড়ী পরে’ বাঙালীকে গাল দিয়ে রাষ্ট্রভাষা শিখে নিয়ে জাত ভাঁড়াবো, কিন্তু আপনার মস্তুর অসহ।

এই বলিয়া সে গলায় গামছা দিয়া রাম-দা’র পায়ের কাছে একটা প্রণাম করিয়া অদৃশ্য হইয়া গেল। সঙ্গে সঙ্গে সেই প্রকাণ্ড বাড়ীটা কাঁপিয়া উঠিল।

অনেক চেষ্টার পরে যতীন ও রমেশের মূর্ছা ভাঙিল। রাত্রি প্রায় শেষ হইয়া আসিয়াছিল, তাহারা বাসায় ফিরিয়া আসিল।

ঘটনা নানা লোকে নানাভাবে বলিতে লাগিল। কেহ বলিল—রাম-দা লড়াই করিয়া ব্রহ্মদৈত্য তাড়াইয়াছেন; কেহ বলিল—শর্ষে পড়া দিয়া; আবার কেহ বা বলিল—মস্তুর পড়িয়া। আসল রহস্য কেহই জানিল না, তবে সকলেই দেখিল যে বাড়ীটাতে আর কোনমতেই পাত নাই।

রাম-দা এখন নামজাদা ভূতের ওঝা; তিনি ভিজিট লইয়া ভূত তাড়ান; মানুষকে ভূতে পাইলে ভূত ছাড়ান; খান দুই বাড়ীও কলিকাতায় করিয়াছেন। রাম-দা’র কবিতা-পাঠ অত্যন্ত অপ্রত্যাশিতরূপে সার্থক হইয়াছে। তাঁর ঠিকানা চাই? ঠিকানা দেওয়া বাহুল্য মাত্র—তাঁর পরিচয় আজ কে না জানে?

## ভাষাতীত

কাব্যরঞ্জন শ্রী আশুতোষ সান্যাল এম্-এ

সখি, কেমনে কহিব কেমন সে মুখখানি?—  
যদি না পারি বলিতে বুঝে নিস অহুমানি!  
শুধু দিয়া মানবের ভাষা—  
তারে ফোটাতে যে বুধা আশা;—  
ওগো সে মাধুরী কভু ফোটাতে পারে কি বাণী?

বল্ কি ফল কেবল তাঁদের উপমা দিয়া?  
চাঁদ হ’য়ে যেত ম্লান সে বয়ান নিরখিয়া!  
যদি শনীতে সে শোভা পাই—  
আজ গগনের পানে ধাই;  
দিই কাটায়ে জীবন চন্দ্র-কিরণ পিয়া!

সখি, ফুলের মাঝারে সে মাধুরী কোথা বল্?—  
আমি দেখেছি খুঁজিয়া বসন্ত-বনতল!  
যার পঙ্কজ ফোটে পায়—  
আর জোছনা লুটায় গায়,  
তার বদনের তুল্ হয় কি কুসুমদল?

আহা কেমনে কহিব—কেমন সে মুখ তার?  
মোরে শুধালে জাগে যে মরমের হাহাকার।  
কভু হৃৎকের স্বাদ হায়,  
শুধু জলে কিগো বুঝা যায়?  
দিয়া বস্তুর রূপ—কেমনে ফুটাই বা শুধু কল্পনার!

# মজলিস

নাটক

( দ্বিতীয় বৈঠক )

ভাস্কর

মজলিস বসিয়াছে। বিবেকরক্ষা এবং আলোক-নিয়ন্ত্রণের ব্যবস্থা পূর্ববৎ ( ভারতবর্ষ, কার্তিক, ১৩৪৭ )। আজকার বিবেকরক্ষী ও ডঃ নন্দী।

ডঃ নন্দী। আজ প্রথমেই একটা কথা আমায় বলতে হচ্ছে। সেদিন আমাদের আলোচনা বড় নীচে নেমে গিয়েছিল। আমাদের সকলেরই এ বিষয়ে অবহিত হওয়া উচিত। আমাদের ভুলে চলবে না যে, আমরা একটা উচ্চ প্লেনের অধিবাসী। আমাদের চিন্তা আমাদের আলোচনা যেন কখনই অমন নিম্নভূমিতে নেমে না আসে।

ডঃ দে। আপনি ঠিকই বলেছেন, আমাদের সকলেরই এবিষয়ে সাবধান হওয়া উচিত।

ডঃ বোস। এই সাবধানতার আবশ্যকতাটাই আমার কাছে লুডিক্রাস মনে হচ্ছে। আমাদের কালচার্ড মনগুলো তো উঁচুতেই থাকে। নেমে আসাটা একটা অ্যাক্সিডেন্ট।

ডঃ মুখার্জি। অ্যাক্সিডেন্টটা যেন ঘন ঘন না হয়! এবিষয়ে আমাদের দায়িত্বটা কত বড়, তা আমাদের মনে রাখতে হবে। গীতায় আছে, যদ্ যদাচরতি শ্রেষ্ঠশুদেবেতরো জনঃ। স যৎ প্রমাণং কুরুতে লোকশুদনুবর্ততে ॥ আমাদের মনে রাখতে হবে, আমরা হচ্ছি সমাজের ইন্টেলেকচুয়াল পাইলটস্। আমরা যা ভাবব, যা বলব, অপর লোকে, অর্থাৎ অ-ডক্টর অ-বিলেতফেরত লোকরাও তাই ভাববে, তাই করবে। আমরা যেন আমাদের এই মহান দায়িত্ব ভুলে না যাই।

ডঃ নন্দী। আজকার আলোচনাটা আরম্ভ করা যায় কি দিয়ে?

ডঃ মিটার। আরম্ভটা ব্রহ্ম দিয়েই হোক। আলোটা তো একশ'তেই আছে।

ডঃ বোস। ব্রহ্ম সম্বন্ধে আলোচনায় কোন অসুবিধে নেই। কারণ সর্বং খণ্ডিত ব্রহ্ম। সূতরাং যে-কোন বিষয়ে আলোচনা করলেই সেটা ব্রহ্ম বিষয়েই হবে। ব্রহ্মের বাইরে তো কিছু নেই!

মিস্ চ্যাটার্জি। ( সোফার স্ট্রীংএর উপর ঈষৎ নাচিয়া ) তাই যদি হয়, তবে এসব বিবেকরক্ষা, আলোর খেলা, এসবের কি দরকার?

ডঃ দে। দরকার আসলে কিছু নেই। তবে কি-না আমাদের মজলিসের বিশেষত্ব, সূতরাং—

ডঃ ঘোষ। ওটা বজায় রাখতেই হবে।

ডঃ মুখার্জি। এই যে, সর্বং খণ্ডিত ব্রহ্ম, একথাটার তাৎপর্য সত্যই খুব গভীর।

ডঃ দে। নিশ্চয়ই। আমরা যা-কিছু দেখি, শুনি, অনুভব করি—ইন্দ্রিয়গ্রাহ্য এবং অতীন্দ্রিয় যা-কিছু আছে, সবই মূলত এক এবং অদ্বিতীয় সত্তার মধ্যে বিলীন; এটা মনে, জানে, ধ্যানে আয়ত্ত করা এক মহাকঠিন ব্যাপার। মানুষের মন অতটা তীক্ষ্ণ, অতটা গভীর, অতটা স্বচ্ছ, অতটা নির্মল, অতটা পবিত্র যে হতে পারে, সেটা কল্পনা করাও কঠিন।

ডঃ নন্দী। সেই জন্তই তো আমরা শুনি, ইতিহাসে পড়ি, এই অদ্বৈত সাধনায় সিদ্ধিলাভ কল্পবার জন্ত শঙ্করাদি কত মহাপুরুষ জীবনপাত করে গেছেন। কৃতকার্য কতদূর হয়েছেন, তা আমাদের পক্ষে বিচার করা যেমন কঠিন, তেমনি অসম্ভব।

ডঃ ব্যানার্জি। এ যুগের একটা প্রধান বিশেষত্ব এই যে, আমাদের চিন্তাধারা তথাকথিত বৈজ্ঞানিক যুক্তিধারা অবলম্বন করে চলতে চায়। এপথে কিন্তু বেশি দূর এগোনো যায় না। সেই জন্তই বেদ, উপনিষদ্ প্রভৃতির প্রতি অনেক আধুনিক পণ্ডিতের একটা উপেক্ষার ভাব দেখা যায়। এই কারণেই দ্বৈতবাদ, অদ্বৈতবাদ বা অন্য কোনপ্রকার দার্শনিক মতবাদই বর্তমান যুগের যুক্তিবাদের কাছে শ্রদ্ধা পায় না।

ডঃ মুখার্জি। এসব দার্শনিক বাদের মধ্যে কি যুক্তি নেই? দার্শনিকরাও তো যুক্তির সাহায্যেই তাঁদের মতবাদ সমর্থন করেন।

ডঃ ব্যানার্জি। কিন্তু দার্শনিক যুক্তির ধারা, আর আজকালকার বৈজ্ঞানিক যুক্তির ধারা ঠিক একপ্রকার নয়। দুটোর ফিল্ডই আলাদা। একটা মনোজগতের এবং তারও উপরের ব্যাপার, আর একটা ল্যাবরেটরির ব্যাপার। এ দুটো ধারার সামঞ্জস্য সহজ নয়।

ডঃ বোস। সামঞ্জস্য নাই বা হ'ল। যদি সত্যিই মানুষের মন কোনদিন একটা সর্বশ্রেষ্ঠ যুক্তির ধারা মেনে চলতে সমর্থ হয়, তখন সামঞ্জস্য আপনিই হবে। নতুবা ধরে বেঁধে, টিকি আর ইলেকট্রিসিটির মত, একটা ছেলে-ভুলোনা যুক্তির ছড়া বেঁধে মিষ্টিসিজ্‌ম্ আর র্যাশনালিজ্‌মের আধ-সিদ্ধ খিচুড়ি না পাকানোই ভাল।

মিস্ চ্যাটার্জি। ড্যাম্ ইয়োর মিষ্টিসিজ্‌ম্। ওসব ইয়ে আজকালকার দিনে শিকেয় তুলেই রাখা উচিত। যা চোখে দেখা যায় না, যা কোন ইন্ড্রিয়ের গোচর নয়, যা লেবরেটরিতে পরীক্ষা করা যায় না, এক কথায় যা—এক, দুই, তিন, চার ক'রে গোনা যায় না, এষুগে তার কোন মূল্যই নেই।

ডঃ বোস। অন্তত এ মজলিসের সভ্য ও সভ্যাদের মধ্যে সবাই যে পিওর র্যাশনালিস্ট, সে বিষয়ে তো কোন সন্দেহই নেই।

ডঃ চক্রবর্তী। বেশি জোর করে কিছু বলা যায় না।

ডঃ বোস। মানে ?

ডঃ চক্রবর্তী। আমার ধারণা, আমরা সকলেই বাইরে র্যাশনাল, ঘরে মিষ্টিক।

মিস্ চ্যাটার্জি। অফ্ কোর্স্ নট্! তাই যদি হয়, আমি প্রস্তাব আনবো, আমাদের মজলিসে মিষ্টিকতা চলবে না।

ডঃ বোস। আবার প্রস্তাব ? সেবারের সে প্রস্তাবের কথা মনে আছে তো ?

ডঃ দে। কোন্ প্রস্তাব ? আমি তো জানিনে কিছু !

ডঃ বোস। আপনি তখনো মজলিসে আসেন নি। একবার আমরা প্রস্তাব করেছিলাম, যে আমাদের মজলিসে চাকরি, মাইনে, ট্রান্সফার, প্রমোশন আর টেল-বেয়ারিং, এ কয়টা আইটেম বাদ দিতে হবে। প্রস্তাবটা ইউজানিমাঙ্গলি পাশ হয়ে গেল। তারপর দুমাসের মধ্যে আমাদের সভ্য-সংখ্যা ১৪২ থেকে নেমে ৩৭-এ এসে দাঁড়াল।

মিস্ চ্যাটার্জি। তা হোক গে। র্যাশনালিজ্‌ম্ যদি আমাদের ব্যক্তিগত, সামাজিক এবং নৈতিক প্রিন্সিপল্ হয়, তা হলে তার জন্য সব রকম ত্যাগ স্বীকারের জন্যই প্রস্তুত থাকতে হবে।

ডঃ দে। আপনি ঠিকই বলেছেন, মিস্ চ্যাটার্জি। আমাদের প্রিন্সিপল্ ঠিক রাখতে হবে বৈকি।

মিসেস ভৌমিকের প্রবেশ

ডঃ নন্দী। এই যে মিসেস্ ভৌমিক, নমস্কার !

মিসেস্ ভৌমিক। নমস্কার ! নমস্কার ! সবাইকেই নমস্কার ! একটু দেরী হয়ে গেছে, না ? কি করি, এক দালাল এসে যা এক রাবিশ গাড়ী গতিয়ে দিয়ে গেছে ! পঞ্চাশ মাইলের বেশি স্পীডই হয় না।

মিস্ চ্যাটার্জি। (সোৎসাহে) আপনি গাড়ী বদলেছেন বুঝি ? কত টাকায় কিনলেন, ইফ্ ইউ ডোন্ট মাইণ্ড্ ?

মিসেস্ ভৌমিক। কিনেছি ন'শ টাকায়, তবে মজলিসের বাইরের লোকের কাছে বলি, উনত্রিশ শ'।

মিস্ চ্যাটার্জি। কেন বলুন তো ?

মিসেস্ ভৌমিক। আমার পোজিশনের লোকের ন'শ টাকার গাড়ীতে বেড়ানটা—বোঝেনই তো ! তাছাড়া সত্য কথা বলতে কালচারে বাধে।

ডঃ মিটার। যাক্ গে। আজ আমাদের প্রধান আলোচ্য বিষয়—র্যাশনালিজ্‌ম্। মিসেস্ ভৌমিকের এ বিষয়ে বক্তব্য কি ?

মিসেস্ ভৌমিক। আই অ্যাম্ আউট এ্যাণ্ড্ আউট এ র্যাশনালিস্ট, এতে আপনাদের কারো কোন সন্দেহ আছে নাকি ?

ডঃ বোস। সন্দেহ একেবারেই নেই।

মিসেস্ ভৌমিক। রাওলপিণ্ডিতে এতদিন ছিলুম, আমার র্যাশনাল মোড্ অফ্ লিভিং দেখে সবাই অবাক হত। কোন রকম বস্তা-পচা সেন্টিমেন্ট কোনদিন আমার কাছে অ্যাপীল করে নি।

মিস্ চ্যাটার্জি। তাই তো চাই আমরা। বাংলা দেশটা কেমন যেন মিয়িয়ে যাচ্ছে। আমাদের দেখতে হবে, যাতে সারা বাংলা আবার চাঙা হয়ে উঠতে পারে।

ডঃ নন্দী। আমাদের ডঃ পুরকায়স্থ এবার ট্রায়াম্ফ্ অফ্ র্যাশনালিজ্‌ম্ সম্বন্ধে যে বইখানা লিখেছেন, আমাদের



উচিত সেখানা খুব প্রচার করা। মিস্ চ্যাটার্জি নিশ্চয়ই বইখানা পড়েছেন।

মিস্ চ্যাটার্জি। পড়িনি এখনও। তবে রিভিউ দেখেছি, শিগ্গিরই পড়বার ইচ্ছা আছে।

ডঃ নন্দী। হ্যাঁ, আপনারা সকলেই পড়বেন আশা করি। বইখানা সত্যিই যুগোপযোগী হয়েছে।

ডঃ ভট্টাচার্যের প্রবেশ

ডঃ নন্দী। এই যে ডঃ ভট্টাচার্য, আসুন, নমস্কার।

ডঃ ভট্টাচার্য। নমস্কার, গুড ইভনিং টু এভ'রিবডি।

ডঃ মিটার। আগেই আমরা আপনাকে কনগ্রাচুলেশন্স জানাচ্ছি। আপনার অ্যামস্টারডাম রিভিউয়ের সেই পেপারটা—থিওরি অ্যাণ্ড প্রাক্টিস্ অফ লুনার এক্লিপ্‌স্—খুব ভাল হয়েছে।

মিস্ চ্যাটার্জি। তাই নাকি! আমি তো দেখিনি এখনো।

ডঃ নন্দী। পরে দেখবেন—একটা চমৎকার র্যাশ-ন্যালিস্টিক আউটলুক।

মিস্ চ্যাটার্জি। নিশ্চয়ই পড়ব। ডঃ ভট্টাচার্য, একখানা বই কিন্তু আমি চাই।

ডঃ ভট্টাচার্য। বেশ তো!

ডঃ মুখার্জি। মিস্ চ্যাটার্জি, আপনার পড়া হলে বইখানা আমাদের দেবেন কিম্বা।

ডঃ মিত্র। আপনার পড়া হয়ে গেলে আমাদের দেবেন।

ডঃ বোস। আপনাদের সবার পড়া হয়ে গেলে আমি যেন একবার পাই!

ডঃ নন্দী। আচ্ছা, আজ ডঃ বটব্যাল তো এলেন না!

ডঃ দে। বটব্যাল তো পাগল হয়ে গেছেন। বোধ হয় রাঁচীতে আছেন।

ডঃ মিটার। সে কি! কালও তো তাঁর সঙ্গে বেচু চ্যাটার্জি স্ট্রীটের মোড়ে দেখা। সে রকম কোন লক্ষণ ত—

ডঃ দে। শুধু দেখে ঠিক বোঝা যায় না।

ডঃ চক্রবর্তী। কেন, পরশুদিন তো তার সঙ্গে জুট-ফোরকার্ট নিয়ে দু'ঘণ্টা আলোচনা হ'ল। কোন রকম ইন্টেলিজেন্স—

ডঃ দে। শুধু কথা বললে বোঝা যায় না।

ডঃ ভট্টাচার্য। আমি তো গত সামারে দুমাস দেবাদুনে

গুর 'বাসায় ছিলাম। একসঙ্গে খাকা, একসঙ্গে খেলা, একসঙ্গে বেড়ান, একসঙ্গে শীকারে যাওয়া—সবই তো ক'রেছি। কই, কোনরকম ইডিওসিনক্রেসিও তো আছে বলে মনে হ'ল না!

ডঃ দে। এগ্জ্যাক্টলি! গুর পাগলামির আসল লক্ষণই এই যে 'কেউ জানুতি পারে না'।

মিস্ চ্যাটার্জি। ডঃ দে, এটা আপনার 'উইশ্‌ফুল থট' নয় তো!

মিসেস ভৌমিক। কিম্বা একটা সাইকলজিক্যাল নেসেসিটি!

ডঃ দে। কি যে বলেন আপনারা!

ডঃ সিংহ। কিংবা একটা এক্সপেরিমেণ্ট ইন্ অটোসাজেশন্স! দশজনে মিলে বলতে বলতে যদি সত্যিই—

ডঃ দে। আপনারা ভারি ইয়ে—

ডঃ সিংহ। আমার কথাটা একেবারে উড়িয়ে দেবেন না। আমাদের সাইকলজি-শাস্ত্রে ওটা কিন্তু একটা খুব প্রচলিত থিওরি—অনেক এক্সপেরিমেণ্টের নজির আছে। তাছাড়া, ডঃ বটব্যাল এরকম এক্সপেরিমেণ্টের পক্ষে খুব কন্ভিনিয়েন্ট সাবজেক্ট—একটু শাই, একটু সেন্টিমেন্টাল, একটু সেন্সিটিভ—

ডঃ নন্দী। দেখুন, আমাদের কথার মধ্যে বড় বেশি ইংরেজি কথা ঢুকে যাচ্ছে।

ডঃ সিংহ। সরি। আচ্ছা, এখন থেকে একটু সাবধান হওয়া যাবে।

ডঃ চক্রবর্তী! তাছাড়া, আমাদের আলোচনাগুলো বড় এলোমেলো হয়ে যাচ্ছে। আজকের আসল বিষয়টা কিন্তু র্যাশানালিজম্।

মিসেস ভৌমিক। দেখুন একটু আনন্দ, একটু বিশ্রাম, একটু আড্ডা—এর জন্তই এখানে আসা। এখানেও যদি লজিক আর ইউটিলিটির নিক্রিতে ওজন ক'রে কথা বলতে হয়, তাহ'লে তো ভারি মুশ্কিল।

ডঃ নন্দী। না, অতটা অবশ্য নয়। তবে আমাদের মজলিসের বিশেষত্ব, মানে একটা হায়আর ইন্টেলেক্চুয়াল লেভেল—সেটা থেকে বেশি না নামলেই হ'ল।

ডঃ দে। আপনারা যাই বলুন, সত্যিই ডঃ বটব্যাল—

ডঃ মুখার্জি। আবার বটব্যাল! অল্প কথা পাড় ন।

মিসেস্ ভৌমিক । দেখুন, মজলিসটা মোটেই 'বেন জম্ছে না ।

ডঃ চক্রবর্তী । কেন বলুন তো ?

মিসেস্ ভৌমিক । আপনারা তো দেখছি মোটে আটাশ জন । এত অল্প লোকে কি আড্ডা জমে ? আমাদের রাওলপিণ্ডিতে তো কোরামই হয় পঞ্চাশ জনে ।

ডঃ চক্রবর্তী । এটা বাংলাদেশ কি না । এখানে সবই একটু ছোট-ছোট । আপনারা রাওলপিণ্ডিতে সবই একটা গ্র্যাণ্ড স্কেলে হয় । এই নিন্, একটা সিগারেট খান ।

মিসেস্ ভৌমিক । ( সিগারেট ধরাইয়া ) থ্যাঙ্ক্‌স্ ।

ডঃ করের প্রবেশ

ডঃ বোস । এই যে ডঃ কর, এত দেরী যে !

ডঃ কর । আর বলেন কেন, একটা নারী সমিতিতে গিয়ে পড়েছিলাম, বেরুতে দেরী হয়ে গেল ।

মিসেস্ ভৌমিক । আপনি নারী সমিতিতে গেলেন কি হিসেবে ?

ডঃ কর । আমার স্ত্রীর স্বামী-হিসেবে । সেখানে আজ দুটো খুব উচ্চাঙ্গের প্রস্তাব পাশ হয়েছে ।

ডঃ মুখার্জি । ইউ মীন, খুব র্যাশন্সাল প্রস্তাব ।

ডঃ কর । হ্যাঁ । একটা প্রস্তাব হচ্ছে যে, নারীরা এখন থেকে ঠিক পুরুষদের নৈতিক আচরণ ছবছ নকল করবে । আমি একটা সংশোধন প্রস্তাব করেছিলাম, 'আমাদের সমাজে পুরুষেরা নারীর প্রতি যে সকল অবিচার করে, তার প্রতিবিধানকল্পে আইন এবং সামাজিক ব্যবস্থার যথোচিত পরিবর্তন করা হোক ।' আমার প্রস্তাব শুনেই তো সবাই ভীষণ চটে গেলেন । এষুগে নারীর প্রতি পুরুষের বিচার-অবিচারের কোন প্রশ্নই ওঠে না । আদিম কালে যখন নারীকে রক্ষা করবার জন্তে নরের দরকার হ'তো, তখন এসব যুক্তি চলতো । এখন থানা রয়েছে, পুলিশ রয়েছে, পেনাল কোড রয়েছে—সুতরাং বিচার-অবিচারের কর্তা তো আর স্বামীরা নয় ! একথার উত্তরে আমি বললুম, 'তাহলে আমি আর একটা সংশোধন প্রস্তাব করবো, অনুমতি দিন ।' সভানেত্রী বললেন, আমাকে আর কোন সংশোধন প্রস্তাব করবার অনুমতি দেওয়া হবে না । আমি বললুম, 'আপনাদের প্রস্তাবের অর্ধটা কি এই যে, পুরুষেরা যেমন

সিগারেট খায়, লেমনেড খায়, ক্লাবে সারারাত আড্ডা দেয়, তেমনি মেয়েরাও—?' সভানেত্রী বললেন, 'ওসব ডিটেল্‌স্ পরে ঠিক করা যাবে । এতবড় সভায় ওসব খুটিনাটি আলোচনা করা চলে না ।' আমি চুপ করে রইলুম । প্রস্তাব সর্বসম্মতিক্রমে পাশ হয়ে গেল ।

ডঃ বোস । ভেরি ইন্টারেস্টিং ! আচ্ছা, দ্বিতীয় প্রস্তাবটা কি ?

ডঃ কর । দ্বিতীয় প্রস্তাব হলো, 'সন্তান-সন্ততির মধ্যে বৈধ এবং অবৈধ বলে কোন প্রভেদ থাকবে না ।' আমি বললুম, 'একটা সংশোধন প্রস্তাব আনতে পারি কি ?' সভানেত্রী বললেন, 'হ্যাঁ, একটা সংশোধন প্রস্তাবের অনুমতি দিতে পারি । কিন্তু তার বেশি নয় ।' আমি বললুম, 'আমি প্রস্তাব করি যে সমাজ থেকে বিবাহ-ব্যাপারটা তুলে দেওয়া হোক ।' শুনে সবাই ভয়ানক খাপ্পা !

মিসেস্ ভৌমিক । কেন বলুন তো ?

ডঃ কর । আমার পাশে ধারা বসেছিলেন, তাঁরা বললেন, 'এ আমরা কিছুতেই সমর্থন করবো না । এ প্রস্তাব পাশ হ'লে আমরা জয়ঢাক ঘাড়ে করবার লোক কোথায় পাব ?' আমাকে প্রস্তাব প্রত্যাহার করতে হ'ল । মূল প্রস্তাব সর্বসম্মতিক্রমে গৃহীত হলো ।

ডঃ বোস । এ প্রস্তাবটার ইম্প্লিকেশনটা কি, তা একবার আপনারা ভেবে দেখেছেন !

ডঃ নন্দী । ভেবেই দেখুন, এখানে আর আলোচনায় কাজ নেই, আলো নিভে যাবে ।

মিসেস্ ভৌমিক । না, না, আলো নিভিয়ে দেবেন না । আপনারা যাই বলুন, আমার তো মনে হয় ভারতীয় সভ্যতার কিংবা মানব-সভ্যতার জন্ম থেকে এ পর্যন্ত নারীর নিজের মুখে এমন র্যাশন্সাল প্রস্তাব এ পর্যন্ত শোনা যায় নি ।

ডঃ বোস । মানে, ব্যাক্ টু নেচার !

মিসেস্ ভৌমিক । বাট্ র্যাশন্সালি অ্যাণ্ড্ লজিক্যালি ।

ডঃ মুখার্জি । এটা কিন্তু বড় বাড়াবাড়ি হচ্ছে । এরকম আইডিয়া সাধারণের মধ্যে প্রচার করাটা অত্যন্ত অশ্রাব্য ।

ডঃ নন্দী । আমারও তাই মত । আমার মনে হয়, প্রথম বিলাতী সভ্যতার থাকায় যেমন বাঙালী পুরুষগুলোর মাথা ঠিক ছিল না, এখন তেমনি উচ্চশিক্ষা এবং নারী-প্রগতির একটা আচমকা থাকা এসে আমাদের ছেলেমেয়েদের

মাথা গুলিয়ে দিচ্ছে। স্বাধীনতা আর উচ্ছৃঙ্খলতার ভেদরেখা এরা মানতে চায় না।

মিসেস ভৌমিক। (তড়াক করিয়া চেয়ার হইতে লাফাইয়া উঠিয়া)। ঐ-স্ব-বাঃ—

ডঃ নন্দী। কি হ'ল?

ডঃ বোস। ছারপোকা বুঝি?

ডঃ চক্রবর্তী। আপনার হ্যাণ্ড ব্যাগ হারিয়েছে বুঝি?

মিসেস ভৌমিক। না, না, ওসব কিছু না। আজ পাঞ্জাব মেলে উনি রাওলপিণ্ডি যাচ্ছেন, স্টেশনে সী-অফ করতে যাবার কথা ছিল—শ্রেফ ভুলে গেছি। (হাতের ঘড়ির দিকে চাহিয়া) এখনও বোধ হয় সময় আছে। আচ্ছা, আজ আসি।

নিষ্কাশ

ডঃ কর। আজ তো ডঃ দাসের একটা কবিতা পড়ার কথা ছিল। কই, পড়লেন না তো!

মিস চ্যাটার্জি। থাক, ওঁর আর কবিতা পড়ে কাজ নেই। আমার একটুও ভাল লাগে না।

ডঃ নন্দী। কেন বলুন তো?

মিস চ্যাটার্জি। উনি বড় শিগগির শেষ ক'রে ফেলেন।

মিসেস নন্দী। যা বলেছ, একটু ভাব না জমলে কি কবিতা ভাল লাগে?

ডঃ ভট্টাচার্য। একস্কিউজ মি, দেখুন আমাকে আজ একটু সকাল সকাল বাড়ী ফিরতে হবে।

ডঃ মুখার্জি। কেন বলুন তো?

ডঃ ভট্টাচার্য। আজ আটটা সাতান্ন মিনিটে চন্দ্রগ্রহণ। তার আগেই খাওয়া-দাওয়া শেষ করতে হবে। হাঁড়ি-কুড়িগুলো সব ফেলে দিতে হবে তো ...

মিস চ্যাটার্জি। আপনিও এসব মানেন নাকি? আপনিই না অ্যাস্ট্রনমিতে গবেষণা করেছেন?

ডঃ ভট্টাচার্য। মানে, কথাটা কি জানেন, সবই কি আর আজকালকার সায়েন্স দিয়ে বোঝা যায়? দেয়ার্স আন্স মোর থিংস্ ইন হেভন্স্ অ্যাণ্ড্ আর্থ্, হেরেসিও, ছান্ আন্স ড্রেম্ট্ অফ্ ইন্ ইওর ফিলজফি—বুঝলেন কি না।

ডঃ বোস। হ্যাঁ, বুঝেছি। মানে, ট্রায়াম্ফ্ অফ্ র্যাশনালিজম্ আর কি!

ডঃ ভট্টাচার্য। তা ঠাটা করতে হয় করুন। আমি তো আর বিজ্ঞানে রিসার্চ ক'রে নাস্তিক হ'য়ে যাইনি।

ডঃ বোস। গ্রহণে হাঁড়ি ফেলার সঙ্গে নাস্তিকতা বা আস্তিকতার সম্বন্ধটা ঠিক বোঝা গেল না।

ডঃ ভট্টাচার্য। সবাই সব জিনিষ বোঝে না, ডঃ বোস।

ডঃ বোস। আঞ্জে না।

ডঃ ভট্টাচার্য। আচ্ছা আসি তা হ'লে। নমস্কার!

নিষ্কাশ

ডঃ মিটার। দেখুন, আমাকে আজ একটু শিগগিরই যেতে হবে।

ডঃ নন্দী। আপনারও কি গ্রহণ-সমস্যা নাকি?

ডঃ মিটার। আঞ্জে না। আমার প্রয়োজনটা আরো আর্জেন্ট।

মিস চ্যাটার্জি। ব্যাপার কি?

ডঃ মিটার। (পেণ্টুলেনের পকেট হইতে একটি দুই-ড্রাম হোমিওপ্যাথিক ঔষধের খালি শিশি বাহির করিয়া) এই দেখুন, আমাকে একবার যেতে হবে ঠনঠনের কালীবাড়ী। মা-কালীর চরণামৃত একটু নিয়ে গিয়ে খাওয়াতে হবে আমার ভাইঝিকে—

ডঃ দাস। কি আশ্চর্য! আপনি আবার ওসব—

ডঃ মিটার। আঞ্জে, মানে—আমি ওসব মানিনে। তবে মেয়েদের ব্যাপার কি না, মানে—তাছাড়া কিসে কি হয় বলা তো যায় না। দেয়ার্স আন্স মোর থিংস্ ইন হেভন্স্ অ্যাণ্ড্ আর্থ্—

ডঃ বোস। তা তো বটেই!

ডঃ মিটার। আচ্ছা, আজ উঠি। নমস্কার! নিষ্কাশ

ডঃ সিংহ। দেখুন, আমাকেও একটু আগেই যেতে হচ্ছে।

ডঃ কর। কেন, আপনার আবার কি হ'ল।

ডঃ সিংহ। ভাবছিলুম, একবার থিয়েটারে যাব। প্রায় দুবছর থিয়েটার দেখিনি।

ডঃ পালিত। থিয়েটার! দেখুন কিছু মনে করবেন না, মনে হয়, এ মঙ্গলসিন্দে সভ্যদের এসব মিডীভ্যাল আমোদ-চর্চায় যোগ দেওয়া মানায় না। এ দেশের থিয়েটারের ইন্টেলেক্চুয়াল এবং কাল্চারাল লেভেল বড় নীচু।

ডঃ সিংহ। আমি অবশ্য অতটা সিরিয়াস্‌লি ভেবে দেখিনি। একটু সময় কাটানো—হুঁ-চারটে গান-টান শোনা—হুঁ-একটা হাসি-রসিকতা—মন্দ কি! চলুন না, আপনিও।

ডঃ পালিত। আমি? কি বে বঙ্গম! আমি ও

ধরণের আমোদ একেবারেই পছন্দ করি নে। তাছাড়া, আজ আমার একটা খুব দরকারী এনগেজমেন্ট আছে। শুধু আজ নয়, এ সপ্তাহের সবগুলি সন্ধ্যাই এক রকম বুকড্ !

ডঃ সিংহ। কি এত এনগেজমেন্ট আপনার ?

ডঃ পালিত। আজ মিসেস্ গাঙ্গুলীর বাড়ীতে ছাত্রছাত্রীদের উদ্দাম নাচ, কাল মিঃ ভূঁইয়ার বাড়ীতে মেয়েদের এবং মেয়েদের সাঁওতালী নাচ, পরশু ডঃ বাড়রীর বাড়ীতে মিকস্ ড ব্রীজ, তারপর দিন খিচুড়ী-ক্লাবের প্রীতি-ভোজ, তারপর দিন কাজিন-ক্লাবের বাৎসরিক উৎসব, তারপর দিন—

ডঃ সিংহ। থাক, আর বলতে হবে না। আপনার থিয়েটার-বিরাগের কারণ বোঝা গেল।

ডঃ পালিত। আপনাদের মন অত্যন্ত—। থাক্গে, আচ্ছা আজ আসি তাহলে। নমস্কার! নিষ্ক্রান্ত

ডঃ দাস। আমাকেও এবার উঠতে হ'ল।

ডঃ নন্দী। এখনই ?

ডঃ দাস। হ্যাঁ।

ডঃ নন্দী। কোথায় যাবেন এখন ?

ডঃ দাস। যাব ফারপোতে। কয়েকটি ফিরিস্তী মেয়ে আসবেন, তাঁদের সঙ্গে একটা সময় ঠিক করতে হবে। ওকি ? আলো কমে গেল কেন ?

ডঃ নন্দী। অন্ এ পয়েন্ট অব অর্ডার ! এ মজলিসে ওসব আলোচনা চলবে না।

ডঃ দাস। সাট্ আপ্ প্লিজ। এই রকম নীচ আর সন্দ্বিষ্ট মন নিয়ে আপনি মজলিসের বিবেক রক্ষা করবেন ? শিগগির আলো বাড়িয়ে দিন।

ডঃ নন্দী। তা দিচ্ছি। কিন্তু আপনার ওই কথাগুলোর একটা র্যাশনাল এবং কালচারাল ইন্টারপ্রিটেশন চাই।

ডঃ দাস। তা দিচ্ছি। গুঁয়ারা আমার ভাগ্যের বিয়ের বরষাত্রী। কবে কখন কোথা থেকে রওয়ানা হয়ে কোথায় যাবেন তাই ঠিক করবার জন্তু ফারপোয় যাচ্ছি ! গুঁয়ারা তো আর আমাদের পাড়ায় বেশি যাতায়াত করেন না ! আচ্ছা, আসি তা হ'লে। নমস্কার ! গুড্ নাইট্ টু এন্ড্রি বডি।

নিষ্ক্রান্ত

ডঃ ঘোষ। এক্সকিউজ্ মি, আমিও এবার উঠব।

মিস্ ঘোষ। কেন ? এত সকালেই যে ! মিসেসের হুকুম বুঝি ?

ডঃ ঘোষ। না না, ওসব কিছু না। আমাকে একবার যেতে হবে হারিসন রোডে। সেন্ট্রাল অ্যাভিনিউ-এর মোড়ে একটা পশ্চিমা সাধুর কাছে অম্বলের অম্বলের মাহুলী পাওয়া যায়। দিনের বেলায় যেতে লজ্জা করে। ভাবছি, বাড়ী ফিরবার পথে নিয়ে যাব।

মিস্ ঘোষ। আপনি আবার মাহুলীও বিশ্বাস করেন নাকি ?

ডঃ ঘোষ। বিশ্বাস আমি করিনে। তবে মেয়েদের ব্যাপার—মন জুগিয়ে চলাই ভাল। তাছাড়া কিসের কি গুণ, বলা তো যায় না। দেয়ার আর মোর থিংস্ ইন হেভেন অ্যাণ্ড্ আর্থ—

ডঃ বোস। ট্রায়াম্ফ্ অফ্ র্যাশান্টিজম্ !

ডঃ ঘোষ। অমন ঠাট্টা সবাই করে। আবার অবস্থার ফেরে পড়ে মত বদলাতেও দেরি হয় না।

ডঃ বোস। তা তো বটেই—বিশেষত আল্ট্রা-র্যাডিক্যালদের।

ডঃ ঘোষ। আচ্ছা, আসি তা হ'লে। বেশি দেরি হ'লে আবার সে ব্যাটাকে পাওয়া যাবে না। গুড্ নাইট্।

নিষ্ক্রান্ত

ডঃ ব্যানার্জি। আমিও ভাবছি, এখন উঠলে হয়।

ডঃ নন্দী। আপনিও ?

ডঃ ব্যানার্জি। হ্যাঁ। আমাকে একবার যেতে হবে এক পণ্ডিতের কাছে—একখানা কোণ্ট্রী সন্থকে খোঁজ করতে।

ডঃ মুখার্জি। কোণ্ট্রী ?

ডঃ ব্যানার্জি। হ্যাঁ, একখানা ঠিকুজী দিয়েছি, তাই থেকে কোণ্ট্রী তৈরি করতে হবে। একটি মেয়ের সঙ্গে আমার ভাইপোর বিয়ে ঠিক হয়েছে। সবই ঠিক, কিন্তু কোণ্ট্রীটা নিয়ে একটু গোলযোগ বেধেছে।

ডঃ মুখার্জি। আজকালকার দিনে ওসব আবার আছে না কি ? বিশেষত আপনার মত একজন আধুনিক রাশান্টিয়াল র্যাডিক্যাল লোকের পক্ষে—

ডঃ ব্যানার্জি। মানে, আসল কথাটা কি জানেন, আমরা মুখে বা মিটিং-এ যতটা রাশান্টিয়াল, মনে তা নই। তাছাড়া এই যে আমাদের জ্যোতিষ-শাস্ত্র—এটা যে একেবারে জুরো—তাই বা বলি কি করে ?

ডঃ বোস। মানে, র্যাশভালিজম্‌টা একটা বাগা!

ডঃ ব্যানার্জি। অতটা মানতে আমি রাজি নই।

ডঃ বোস। সেটা আরো ধারাপ! মানে, সুবিধে বুঝে মানি। আমি তো দেখেছি, যখন দরে বনিবনাও না হয়, তখন কোণ্টার তলব পড়ে। আবার যখন দরদস্তুরটা বেশ সুবিধে মত হয়ে যায়, তখন জ্যোতিষীকে পাঁচ সিকে দিলেই আবার রাজঘোটক হতেও দেরি লাগে না।

ডঃ ব্যানার্জি। আপনার সব বিষয়েই একটা সিনিক্যাল এবং স্টাটিক্যাল ভাব; এটা কিন্তু আমার পছন্দ হয় না।

ডঃ বোস। বেশ, বলব না। ঠিকুজি-কোণ্টা বা যা-খুণী দেখে আপনার ভাইপোর বিয়ে দিন। আন্তরিক আশীর্বাদ রইল।

ডঃ ব্যানার্জি। থ্যাঙ্কস্‌। আমারও অনুরোধ রইল, আপনি ওসব জিনিষকে অত বাজে মনে করবেন না। আমাদের বর্তমান যুগের লেবরেটরির বাইরে যে আর কোন সত্য নেই, তা আমি বিশ্বাস করি না। দেয়ার আর মোর থিংস্‌ ইন হেভেন্‌ অ্যাণ্ড আর্থ—

ডঃ বোস। নিশ্চয়ই। নিশ্চয়ই। আমাদের আল্ট্রা-র্যাডিক্যালদের অনেকের মুখেই তো ওই কথাই শুনলুম।

ডঃ ব্যানার্জি। আচ্ছা, আজ উঠি। কোণ্টার একটা হেস্তনেস্ত না হওয়া পর্যন্ত পাকা দেখাটা হয়ে উঠছে না। আচ্ছা, নমস্কার!

মিফ্রাঙ্ক

ডঃ রুদ্র। আই অ্যাম অ্যাক্রেড, আই শুড্‌ লীভ নাউ।

ডঃ নন্দী। আপনারও কি ঠিকুজী-সমস্যা নাকি?

ডঃ রুদ্র। আজে না। আমাকে এখন একবার যেতে হবে বাগবাজারে। আমার এক ভাঞ্জে একটা বামুনের মেয়েকে বিয়ে করতে চায়। যেমন করে হোক, তাকে নিরস্ত করতে হবে।

ডঃ বোস। কেন? যদি মেয়ের পক্ষের মত থাকে, তবে আপনি কেন বারণ করবেন?

ডঃ রুদ্র। দেখুন, র্যাশভালিজম্‌ হই আর র্যাডিক্যালিজম্‌ হই, আমাদের পারিবারিক মর্বাদা ক্ষুণ্ণ করতে দিতে পারিলে।

ডঃ বোস। আমার মনে হয়, এসব ব্যাপারে পারিবারিক মর্বাদার আদর্শটা পরিবর্তন করার সময়

এসেছে। উচ্চ শ্রেণীর হিন্দুর মধ্যেও যদি এই সমীচী কুলিনীয়ানা না যায়, তা হলে কেমন করে আমরা আশা করব যে আমরা সবাই সবাইকে একজাতিভুক্ত মনে করব?

ডঃ রুদ্র। বুঝি তো সবই, কিন্তু দেখুন কিছু বুদ্ধি দিয়ে বোঝা আর কাজে করা, এতটোর মধ্যে তফাৎ অনেক।

ডঃ বোস। অশিক্ষিত, আনুকালাচার্ড লোকের কাছে এ তফাৎ যত বেশি, আমাদের মত র্যাশভালিজম্‌ লোকের কাছে অত বেশি হওয়া উচিত নয়।

ডঃ রুদ্র। তা ঠিক। তবে কি জানেন, পুরুষপুরুষ থেকে পাওয়া পারিবারিক ট্রাডিশন—

ডঃ বোস। একেই বলে ট্রায়ানফ্‌ অফ্‌ র্যাশভালিজম্‌!

ডঃ রুদ্র। ঠাট্টাই করুন আর যাই করুন, আমি বামুন-কায়েতের বিয়েতে কিছুতেই মত দেবো না।

ডঃ বোস। নিশ্চয়ই না।

ডঃ রুদ্র। আচ্ছা, আসি তা হলে। দেখি কতদূর ব্যাপারটা গড়িয়েছে। তাই বুঝে ব্যবস্থা করতে হবে। আচ্ছা, নমস্কার!

মিফ্রাঙ্ক

ডঃ পুরকায়স্থ। আমাকে কিন্তু একটু একস্কিউজ করতে হবে।

ডঃ বোস। আপনার এখন কি কাজ? কোন গণৎকারের কাছে হাত দেখাতে যাবেন না কি?

ডঃ পুরকায়স্থ। না না, ওসব বুজরুকিতে আমার বিশ্বাস নেই।

মিস্‌ চ্যাটার্জি। তবু ভাল, অন্তত একজন র্যাশভালিজম্‌ লোক এখানে আছেন, যিনি এসব বুজরুকি বিশ্বাস করেন না।

ডঃ নন্দী। বুজরুকি আমরা কেউই বিশ্বাস করি না। যে সব ব্যাপার আমাদের মধ্যে কারো কারো কাছে বুজরুকি বলে মনে হয়, হয়তো তার মধ্যে খানিকটা সত্যও থাকতে পারে।

ডঃ মুখার্জি। সত্য আছে কি-না—সেটা ভাল করে না জেনে শুধু শ্রদ্ধা ভক্তি আর বিশ্বাসের দোহাই দিয়ে যা-তা করা আর যা-তা মানা—এটা তো র্যাশভালিজম্‌ নয়!

ডঃ বোস। ঠিকুজী, কোণ্টা, হীত-দেখা, এসবেরও অনেক র্যাশভালিজম্‌ ব্যাখ্যা আছে হয় তো!

ডঃ মুখার্জি। তা হলে তো অগতে স্বদেশিক আন্দোলন

বলে কিছুই থাকতে পারে না। সব কিছুই একটা  
র্যাশন্সাল ব্যাখ্যা খাড়া করা যায়।

ডঃ বোস। তা' যার বলেই তো সবাই নিজেকে  
র্যাশন্সাল মনে করে; আর সেই জন্যই সব রকম অন্ধ  
সংস্কার আমাদের পেয়ে বসে।

ডঃ সিংহ। কিন্তু আমাদের মজলিসের সভ্যরা তো  
সে লেভেলের লোক নন। এঁদের মন কখনো ওসব অন্ধ  
সংস্কারে আবদ্ধ হ'তে পারে না।

ডঃ বোস। তবে কি না, দেয়ার আর মোর থিংস্ ইন্  
হেভন্ অ্যাণ্ড্ অর্থ—

ডঃ পুরকায়স্থ। তা হ'লে আমি উঠি এবার।

মিসেস্ নন্দী। আচ্ছা আসুন! আপনার স্ত্রী তো  
সবে আজ নাসিক থেকে এসেছেন। বিয়ের পর এই বোধ  
হয় আপনাদের প্রথম দেখা।

মিস্ চ্যাটার্জি। তাই নাকি? কি আশ্চর্য! আর  
আজ আপনি এখনো মজলিসে বসে আছেন? ও, আপনিই  
তো 'ট্রায়াম্ফ্ অফ্ র্যাশন্সালিজ্' লিখেছেন, তাই আপনার  
অত সেটিমেন্টালিটি নেই। কি বলেন?

ডঃ পুরকায়স্থ। হ্যাঁ, তা কতকটা বটে। তবে আমি  
এখন উঠছি একটু অন্য প্রয়োজনে। অবশ্য প্রচার করবার  
মত কিছু নয়, তবে কি না বিটুইন্ আওয়ারসেলভ্—

মিসেস্ নন্দী। হ্যাঁ, তা বেশ তো—বলুন না। আমরা  
তো আর—

ডঃ পুরকায়স্থ। না না, তা তো বটেই। আপনারা  
তো আর—। মানে, আজ আমার বাড়ীতে গুরুদেব  
আসবেন।

ডঃ বোস। এই রাত্রে!

ডঃ পুরকায়স্থ। আমার জীবনের একটা প্রধান ব্রত  
এই যে, কোন কিছু নিজে গ্রহণ করবার আগে গুরুদেবকে  
নিবেদন করি। যখন বাজারে প্রথম আম ওঠে, প্রথমে  
গুরুদেবকে অর্পণ ক'রে পরে আমি খাই। যখন শীতের  
দিনে সোয়েটার পরি, তখন আগে গুরুদেবকে একটি  
সোয়েটার পরিয়ে তবে সেটা আমি পরি। এমনি সব  
বিষয়েই—

ডঃ বোস। অ্যানাদার ট্রায়াম্ফ্ অফ্ র্যাশন্সালিজ্!

ডঃ পুরকায়স্থ। আপনাদের হরতো এ জিনিষটা তেমন  
অ্যাপীল করছে না। কিন্তু, দেয়ার আর মোর থিংস্ ইন্  
হেভন্ অ্যাণ্ড্ অর্থ—

ডঃ বোস। যে আজ্ঞে!

ডঃ পুরকায়স্থ। আচ্ছা, আসি তা হ'লে। নমস্কার!  
নিষ্ক্রান্ত

মজলিসস্থ সকলেই কিছুক্ষণ গালে হাত দিয়া তন্ময় হইয়া  
কি যেন ভাবিতে লাগিলেন। কিছুক্ষণ পরে ডঃ নন্দী  
বলিলেন, আজ মজলিসটা এখানেই শেষ হোক। সকলেই  
সম্মতি জ্ঞাপন করিলেন এবং ধীরে ধীরে গৃহ হইতে নিষ্ক্রান্ত  
হইলেন।

## বর্ষশেষে লহ নমস্কার

শ্রীহীরেন্দ্রনারায়ণ মুখোপাধ্যায়

ওগো রুদ্র,  
হে বহুদেবতা!  
বর্ষশেষে লহ মোর মধ্যাহ্নের শত  
নমস্কার;

প্রদীপ্ত ভাবর!  
বিজয় ডমরু তব  
বাজাইয়া গুরুগুরু তালে—অমিবার  
তনাত বিধির দ্বারে  
বিখ্যাত অমর সঙ্গীত,  
যার কল-কলোল উঠাসে

জাগিয়া উঠিবে নব মন্দাকিনী ধারা,  
অমৃতের ছন্দোময়ী লীলা অশরীরী,  
স্পর্শে তারি মুকুটিন প্রাণ  
মুক্তি-স্নানে হবে আত্মহারা।  
পশ্চাতের স্মৃতি  
পশ্চাতে পড়িয়া থাক,  
যুছে বাক অতীতের অবসর গানি;  
কালের ককাল হ'তে  
ওগো মহাকাল  
এনে দাও নৃতনের অর্ঘ্যপাত্রধানি।

## চলতি ইতিহাস

### শ্রীতিনকড়ি চট্টোপাধ্যায়

#### মধ্যপ্রাচী

অধীর উৎকর্ষা ও দীর্ঘ প্রতীকার মধ্য দিয়া পূর্ণ একটি মাস অতিবাহিত হইয়াছে। প্রাচী ও প্রতীচী উভয় রণক্ষেত্রেই ইতিমধ্যে বহু পরিবর্তন সাধিত হইয়াছে। উত্তর আফ্রিকার ইতালীয় ঘাঁটি তোক্রকের পতনের পর বৃটিশ-বাহিনী দার্না অধিকার করে। তাহার পর সাইরিন বন্দর অধিকার করিয়া বৃটিশ-বাহিনী অগ্রসর হইলে ইতালীয় সৈন্তগণ পশ্চাদপসরণ করিতে বাধ্য হয়। কয়েকদিন পূর্বে লিবিয়ার মার্শাল গ্রাৎসিয়ার্নীর সর্বশেষ ঘাঁটি বেনঘাজী বন্দরের পতন হইয়াছে। উত্তর আফ্রিকায় এই বন্দরটির গুরুত্বই ছিল সর্বাধিক। ইতালী হইতে সকল রণসজ্জার আহাজে করিয়া প্রথমে এই বন্দরে প্রেরণ করা হইত। এপান হইতে সেইসকল রণোপকরণ অস্ত্রাস্ত্র ঘাঁটিতে প্রেরণের ব্যবস্থা করা হইত। সুতরাং উত্তর ইতালীতে এই বন্দরটিকেই সমস্ত শক্তির কেন্দ্র বলা যাইতে পারে। কাজেই বেনঘাজীর পতন হওয়ায় ইতালীর ক্ষতি হইয়াছে যথেষ্ট।

তবে জেনারেল ওয়েভালের সাকল্যের কারণ হ'ল, নৌ ও বিমান বাহিনীর যুগপৎ সহযোগিতা। ভূমধ্যসাগরে বৃটিশ নৌশক্তি এখনও

আফ্রিকার অস্ত্রাস্ত্র অঞ্চলেও ইতালীর সৈন্তগণ বিশেষ স্তুবিধা করিতে পারে নাই। হাবসী সৈন্তদের কল্পা গত সংখ্যাতেই উল্লেখ করা হইয়াছে। বৃটিশ সৈন্তাধ্যক্ষের শিক্ষাদানে ও সম্রাট হাইন্ডে সেনাসীর নেতৃত্বে একদল রণদক্ষ হাবসী বাহিনী গঠিত হইয়াছে। এরিক্সার বৃটিশবাহিনী ইতালীরদের নিকট হইতে আগোরদাৎ ও বারেন্ড অধিকার করিয়া লইয়াছে। আবিসিনিয়ার সোণ্ডার রোড ধরিত্তা বৃটিশ বাহিনী অপ্রতিহত গতিতে অগ্রসর হইতেছে। ইতালীর সোমালিন্যাতে সীমান্ত হইতে ৪৫ মাইল অভ্যন্তরে একটি শত্রুঘাঁটি বৃটিশের অধিকৃত। সংক্ষেপে আফ্রিকার সকল রণক্ষেত্রেই ইতালীর সৈন্ত বৃটিশ-বাহিনীর হস্তে পর্যুষ্ট। লিবিয়ার দশম ইতালীয় বাহিনীর অধিনায়ক জেনারেল টেলেরা বেনঘাজীতে আহত ও বন্দী হইয়া মারা গিয়াছেন। মার্শাল গ্রাৎসিয়ার্নীর দক্ষিণ হস্তধরপ জেনারেল বারগান্জলি বেনঘাজীতে বন্দী হইয়াছেন। বেনঘাজী দখলের কলে সাইরেনিকায় ইতালীর ত্রিশ বৎসরের আধিপত্য ক্ষুণ্ণ হইয়াছে। ইতালীর সহিত আবিসিনিয়ার যোগাযোগও আজ বিচ্ছিন্ন। সমগ্র উত্তর আফ্রিকা ইতালীর হস্তচ্যুত করা বৃটিশের উন্নত রণকৌশল ও সাকল্যের পরিচায়ক।



তবরক আক্রমণের পথে বৃটিশ সৈন্তগণ কাঁটা তারের বেড়ার কাঁকের মধ্য দিয়া যাইতেছে

সুপ্রতিষ্ঠিত। আফ্রিকার বৃটিশ সৈন্ত এখনই কোন লক্ষ্যভিত্তিক অগ্রসর হইয়াছে নৌ ও বিমান বাহিনী সেই সময়ে যোগাযোগ করিয়া স্থলসৈন্তের অগ্রসর হইতে যথেষ্ট সহায়তা করিয়াছে। অপর পক্ষে আফ্রিকায় ইতালীর সৈন্তগণ প্রয়োজনমত নূতন সৈন্তদলের সাহায্য লাভ করিতে পারে নাই। কলে আশ্চর্যকর অন্তত্ব সুবিধামাত্র ইতালীর গণ বৃথা সৈন্তদের নিবারণার্থে আত্মসমর্পণ করিয়াছে, অথবা ঘাঁটি ত্যাগ করিয়া পশ্চাদপসরণ করিয়াছে। এই কারণেই আফ্রিকার বৃটিশের হস্তে লক্ষাধিক ইতালীর সৈন্ত বন্দী হইয়াছে।

আফ্রিকায় বৃটিশের এই বিজয়ে ভূমধ্যসাগরে বৃটিশ প্রভুত্ব সুপ্রতিষ্ঠিত হইল। প্রকৃতপক্ষে লিবিয়া হইতে সুরেন্দ্র পর্যন্ত ভূমধ্যসাগরের সমগ্র দক্ষিণাংশ বৃটিশের নিয়ন্ত্রণাধীনে আসিল বলা যায়। ইতালীর দ্বারা প্রস্তুত পথ ঘাট ব্যবহারের স্তুবিধাও বৃটিশ-বাহিনী সম্পূর্ণরূপে লাভ করিবে। কিন্তু এই জয় সামরিক হিসাবে বর্তমানে ওরূপপূর্ণ হইক না কেন, ইহাতে অত্যধিক উন্নতি হইবার কোন কারণ নাই। বিঃ চাউলও একথা বিদ্যুত হন নাই। আসলে এই জয়ে বৃটিশের লাভ কতটুকু? বে মুসোলিনীকে তাহার মরুভূমি-সুফানর অস্ত্র ঠাটা

করিয়াছিলেন, বর্তমানে সেই মরুভূমিই তাঁহাদের হস্তগত হইয়াছে যাত্র। জার্মানীর দ্রুত আক্রমণ-পদ্ধতির অমুকরণে বৃটিশ সৈন্যদল আফ্রিকার 'রিজক্রিপ্ট' আক্রমণের একটা পরীক্ষা দিল বলা যাইতে পারে। কিন্তু যুদ্ধের প্রকৃত গুরুত্ব এখানে নয়। মিঃ চার্চিল একথা ভাল করিয়া জানেন বলিয়াই তাঁহার বক্তৃতার সংঘের অভাব হয় নাই। বৃটেনের প্রকৃত শত্রু জার্মানীর বিরুদ্ধে বর্তমানে আত্মরক্ষার নিরত বৃটেন যখন এইরূপ প্রতি আক্রমণ চালাইতে সক্ষম হইবে, তখনই বৃটেন প্রকৃত বিজয়ের পৌরষ অমুকরণ করিতে পারিবে।

গ্রীসের বিরুদ্ধে ইতালীর যুদ্ধের অবস্থা আফ্রিকার তুলনায় উন্নততর বলা যাইতে পারে। গত একমাসে গ্রীস বিশেষ কোন উল্লেখযোগ্য জয়লাভ করিতে পারে নাই। একমাত্র তেপেলিনিতে গ্রীক-বাহিনী কিঞ্চিৎ সাকল্য অর্জন করিয়াছে। গ্রীকদিগের বিজয় সম্বন্ধে বিভিন্ন প্রকারের সংবাদ পরিবেশিত হইতেছে বটে, তবে সে সকল স্থানের গুরুত্বও কিছু নাই, বিজয়ও আদৌ উল্লেখযোগ্য নয়। আলবানিয়ায় ইতালীর সৈন্যসংখ্যা বৃদ্ধি পাইয়াছে। ইতালী পাণ্টা আক্রমণ চালাইতেছে বলিয়াও খবর আসিতেছে। তাহা হইলেও গ্রীক-বাহিনী যে সাকল্য লাভ করিতেছে ইহা নিঃসন্দেহ।

উত্তর রণক্ষেত্রেই ইতালীর এই শোচনীয় পরাজয় জার্মানীকে বিচলিত করিয়াছে। হিটলার যে বর্তমান যুদ্ধে ধীর ও স্থিতিস্থিত পন্থায়ে অগ্রসর হইতে ইচ্ছুক ইহা নিঃসন্দেহ। কাইজারের ভুলেই যে গতযুদ্ধে জার্মানী পরাজিত হইয়াছে, ইহা হিটলারের অজানা নয়। সেই জন্যই তিনি বর্তমান যুদ্ধে একসঙ্গে একাধিক রণক্ষেত্রে যুদ্ধ চালাইতে অনিচ্ছুক। কাজেই সম্পূর্ণরূপে বৃটেনের দিকে মনোনিবেশ করিবার অভিপ্রায়ে হিটলার মধ্যপ্রাচীর সম্পূর্ণতার ইতালীর হস্তে প্রদান করিয়াছিলেন। কিন্তু মুসোলিনীর অকৃতকার্যতার কলে তাঁহার সমস্ত পরিকল্পনা নষ্ট হইবার উপক্রম হইয়াছে। সুতরাং স্বাধ্য হইয়াই জার্মানীকে আজ এইদিকে মনোনিবেশ করিতে হইতেছে। জার্মানী যে সিসিলি অধিকার করিয়াছে, একথা গত সংখ্যাত্তই উল্লেখ করা হইয়াছে। জার্মানী কর্তৃক সিসিলি দ্বীপ অধিকারের উল্লেখ বঞ্চে। সিসিলি ও টিউনিসিয়ার মধ্যে অবস্থিত প্যাপ্টেরিলিয়া দ্বীপটি ইতালীর। এই উত্তর দ্বীপের মধ্যবর্তী সমুদ্রাংশ দিয়া জাহাজের গমনাগমনের পথ। সুতরাং ভূমধ্যসাগরে বৃটিশ নৌশক্তির প্রত্যক্ষ ক্রম করিতে হইলে সিসিলিকে বাঁটরূপে ব্যবহার করার প্রয়োজন ও উপযোগিতা বঞ্চে। গ্রীস অভিযুখে চালিত বৃটিশ জাহাজগুলিকে এই পথেই বাধা প্রদান করার সুবিধা সর্বাপেক্ষা অধিক। এতদ্ব্যতীত ইতালীর সহিত আফ্রিকার যোগাযোগ সাধন করিতে হইলেও ভূমধ্যসাগরে বৃটিশের নৌশক্তিকে হীনবল করা প্রয়োজন।

বৃটিশের নৌশক্তি যে ক্ষয়ের একথা হিটলার ভাল করিয়াই জানেন। সেইজন্যই ফ্রান্সের নৌবহর হস্তগত করিবার চেষ্টা জার্মানীর পক্ষে বাস্তবিক। কাজেই লাতাল-পেট্যা মন্ত্রিসভার সুসমাধানের অজ্ঞান পরিচালিত হওয়ার যুদ্ধের গতি সম্বন্ধে আশঙ্কিত ও অনুরাগী ব্যক্তিবৃন্দ

উৎকর্ষিত হইয়া পড়িয়াছেন। অনেকে আশঙ্কা করিতেছেন যে, জার্মানী বোধ হয় ফ্রান্সের সহিত এ বিষয়ে একটা বোঝাপড়া করিয়া লইতে চায়। এডমিরাল কার্ল অমুক যোগা করিয়াছেন যে, করাচী-নৌবহর আত্মসমর্পণ করিবে না। আবার সংবাদে প্রকাশ যে, হিটলার নাকি ভিসি সরকারকে জানাইয়াছেন যে কেন্দ্রকারী মাসের মধ্যেই জার্মান-করাচী সমস্তার সম্পূর্ণ সমাধান করিতে হইবে। মার্শাল পেট্যা বরাট্ট-সচিব ও সর্বোচ্চ পরিষদের সদস্যরূপে মঃ লাভালকে করাচী মন্ত্রিসভার গ্রহণের প্রস্তাব করিয়াছিলেন। কিন্তু মঃ লাভাল কর্তৃক উহা প্রত্যাখ্যাত হইয়াছে। মার্শাল পেট্যাকে মন্ত্রিসভা পুনর্গঠন ব্যাপারে পূর্ণ স্বাধীনতা প্রদানের নিমিত্ত মঃ লাভালের পরবর্তী পররাষ্ট্রসচিব মঃ ক্লাদী পদত্যাগ করিয়াছেন বলিয়া প্রকাশ। জার্মানীর দাবীর কলেই নাকি মঃ ক্লাদীকে পদত্যাগ করিতে হইয়াছে। তাঁহার স্থানে এডমিরাল কার্ল পররাষ্ট্র বিভাগীয় মন্ত্রীরূপে নিযুক্ত হইয়াছেন। ফ্রান্স-ইতালীর সীমান্ত পথে মার্শাল পেট্যা ও জেনারেল ফ্রান্সের মধ্যে সাক্ষাৎকার হইয়াছে। মুসোলিনীর সহিত সাক্ষাৎকালে জেনারেল ফ্রান্সে ইতালী আসিয়াছিলেন। ইতালী নাকি যুদ্ধ বিরতির ইচ্ছা করিতেছে ও বৃটিশের সহিত নাকি সে পৃথকভাবে সন্ধি করিতে চায় বলিয়া যে সংবাদ রটিয়াছিল জেনারেল ফ্রান্সে তাহা অস্বীকার করিয়াছেন।

মুসোলিনীর পরাজয়ে অনেকের মনে উদ্ভিখিত সন্ধি সম্বন্ধে সন্দেহ জাগিলেও এ বিষয়ে বিশেষ লক্ষ্য করিবার ব্যাপার আছে। ইতালী উত্তর রণক্ষেত্রেই যুদ্ধে সুবিধা করিতে পারিতেছে না বটে, কিন্তু এ পর্যন্ত সে যৌর জয়লাভের নিমিত্ত নিজ নৌবহর সুদীর্ঘ ব্যবহার করে নাই। ইতালীর নৌবহরের অজ্ঞেয় শক্তি সম্বন্ধে মুসোলিনী বহুপূর্বেই যোগা করিয়াছিলেন, কিন্তু এ পর্যন্ত তাহা ব্যবহার না করা বিশেষ বিস্ময়ের বিষয় সন্দেহ নাই। ভূমধ্যসাগরে বৃটিশ নৌবহরের তৎপরতার যখন ইতালী-আফ্রিকা সংযোগ বিচ্ছিন্ন হইবার উপক্রম, 'এল্লিগ' শক্তির অন্ততম সহযোগীকে সাহায্যের জন্য জার্মানী যখন সিসিলি দ্বীপে বাঁটি সংস্থাপন করিল, তখনও ইতালীর নৌবহর রণক্ষেত্রে হইতে দূরে অবস্থান করাই যুক্তিবৃত্ত বলিয়া বোধ করিল কেন? বৃটিশ নৌবহরের শক্তিকে জার্মানী উপেক্ষা করিতে পারে না বলিয়াই ইতালীর রণশোভা-গুলিকে পূর্ব হইতে যুদ্ধে ক্ষতিগ্রস্ত হইতে না দেওয়ার বাসনা ও মুসোলিনীর সহিত তদনুযায়ী ব্যবস্থা করা কি জার্মানীর পক্ষে অসম্ভব? সম্প্রতি ফ্রান্সে-মুসোলিনী সাক্ষাৎকার হইয়া গিয়াছে। মিত্রাণ্টার সম্বন্ধেও সেই সময়ে কোন ব্যবহার পরিকল্পনা হইয়াছে কি না কে বলিবে? ভূমধ্যসাগরে বৃটিশ নৌবহরকে দুর্বল করার প্রয়োজন কেন এবং তদ্ব্যতীত কি ব্যবস্থা অবলম্বন করা সম্ভব, সে সম্পর্কে গোঁবের 'ভারতবর্ষ'-এ বিস্তারিত আলোচনা করা হইয়াছে।

বকান ও লক্ষিণ-পূর্ব ইয়োরোপে সঙ্কট আসার হইয়া উঠিয়াছে। সমগ্র বকানে জার্মানীর ব্যাপক সন্ধারোজন চলিতেছে। গত জার্মানীর শেখ দিকে কমান্ডারের আয়রণ-পার্শ্বের বিপদজনক বিস্তারিত করে- কিন্তু জেনারেল এডমেন্ড সৈন্যবিভাগের সহায়তার এই বিস্তারিত দমন করিতে



সক্ষম হওয়ার উহা ব্যর্থ হয়। কয়েক ডিভিসন জার্মান সৈন্য যে রুম্যানিয়ার প্রবেশ করিগাছে এ সংবাদ পূর্বেই দেওয়া হইয়াছে। বর্তমানে উহাদের সংখ্যা আরও বৃদ্ধি পাইগাছে। তবে বিজোহীদের বিরুদ্ধে এই সৈন্য বণ্ঠে সাহায্য করিতে পারে নাই। কারণ রুম্যানিয়া প্রকৃতপক্ষে জার্মানীর প্রভুত্বাধীন হইলেও উহা এখনও একটি স্বতন্ত্র দেশরূপে থাকার অন্ত্যস্তরীণ ব্যাপারে জার্মানীর হস্তক্ষেপ করা বিপদজনক। কাজেই বিজোহের সময় জার্মান-বাহিনী কয়েকটি সরকারী ভবন অধিকার করা ব্যতীত অধিক কিছু করিতে সক্ষম হয় নাই। জেনারেল এন্ড্রস্কোর প্রাণনাশের আশঙ্কা এখনও দূর হয় নাই। রুম্যানিয়ার বৃটিশ রাজদূত স্তুর রেঞ্জিয়াও হোর পদত্যাগ করিয়া প্রত্যাবর্তন করিগাছেন। বৃটিশ সরকার ১৫ই ফেব্রুয়ারী হইতে রুম্যানিয়াকে শত্রু-অধিকৃত দেশ বলিয়া সরকারীভাবে ঘোষণা করিগাছেন। সম্প্রতি কনষ্টাঞ্জা বন্দরে পঞ্চাশ হাজার জার্মান সৈন্যের সমাবেশ হইগাছে। কনষ্টাঞ্জা বন্দর হইতে উত্তর ও দক্ষিণে প্রায় পনের মাইল পর্যন্ত কুকসাগরের তীর জাহাজ চলাচলের পক্ষে বিপদজনক বলিয়া

যে, কংগ্রেসে শান্তি রক্ষার কশিরা আগ্রহান্বিত। প্রায় বেড় মাস পূর্বে সোভিয়েট পররাষ্ট্র বিভাগের উচ্চপদস্থ কর্মচারী মঃ সর্বোমিক্স-কালিনিন সম্মেলনে যোগদান করিতে বাইবার পথে সোফিয়ার আসিগাছিলেন। অনেক রাজনৈতিক মহলের ধারণা যে তিনি রাজা বরিশকে জানাইগা ছিলেন। সোভিয়েট বুলগেরিয়াকে স্বাধীন রাষ্ট্র বলিয়া স্বীকার করে। হুতরাং সে স্বীয় রাজ্যে বিদেশী সৈন্য চাকনার অসুস্থতি প্রদান করিলে সোভিয়েটেরও ইচ্ছামত কার্যকরিবার অধিকার থাকিবে এবং বকান অঞ্চলে যুদ্ধ বিস্তৃতি লাভ করিলে রাইখের নিকট সোভিয়েটের কোন বাধ্যবাধকতা থাকিবে না। কিন্তু এ সংবাদের কোন মূল্য না থাকাই সম্ভব। বর্তমান যুদ্ধে বিশেষ বকান অঞ্চলের ব্যাপারে, জার্মানী কশিয়ার সহিত পূর্ব হইতে কথাবার্তা না চালাইয়া স্বেচ্ছামত কোন কার্য করিবে ইহা প্রায় অবিদ্যস্ত। কিন্তু গোল বাধিগাছে তুরস্ককে লইয়া। বুলগেরিয়ার সৈন্য প্রবেশ করিলে তুরস্কে নিরাপত্তা ব্যাহত হইবার আশঙ্কা প্রতি পদে। অথচ এই সময়ে তুরস্ক হঠাৎ বুলগেরিয়ার সহিত এক অনাক্রমণ চুক্তি করিয়া বসিল। এই চুক্তির সর্বও অভিন্নব। পররাষ্ট্র আক্রমণ



ডানার পতন—একটি দুর্গের উপর আক্রমণ—দুর্গ দখলের জন্ত সৈন্যগণ অগ্রসর হইতে

ঘোষণা করা হইগাছে। রুমাল হইতে মিডিয়ম পর্যন্ত এই এলাকার অস্তিত্ব। সাঙ্কেতিক আলোক নির্বাপিত করিয়া সামরিক কর্তৃপক্ষ সমগ্র রুম্যানিয়ার নিম্নদীপের কড়াকড়ি ব্যবস্থা করিগাছেন। রাজ্যে রাজ্যে খুঁপাম পর্য্যন্ত নিবিদ্ধ। রেলপথ ও অস্ত্রের কারখানা সকল সরকারী নিয়ন্ত্রণাধীনে গৃহীত। রুম্যানিয়া সরকার যে-কোন মুহূর্তে বৃটিশ বিমান আক্রমণের আশঙ্কা করিতেছেন বলিয়া প্রকাশ।

রুম্যানিয়াকে জার্মানীর একটি প্রধান কেন্দ্ররূপে ব্যবহার করার পশ্চাতে আছে বকানে জার্মান প্রাধান্য প্রতিষ্ঠার অভিপ্রায়। বুলগেরিয়ার জার্মান সৈন্য প্রবেশের সংবাদ গত সংখ্যাতই উল্লিখিত হইগাছে। যুগোস্লাভিয়ার সহিতও জার্মানী সহযোগিতা লাভে আগ্রহ প্রকাশ করিগাছে। কয়েকটি স্থান তাহাকে ছাড়িয়া দিয়া তৎপরিবর্তে যুগোস্লাভিয়াকে গ্রীসের যুদ্ধে নিয়পেক থাকিতে অসুস্থতা করা হইতেছে। বুলগেরিয়া অস্ত্র তাহার রাজ্যে বৈদেশিক সৈন্যের আগমনের অভিযত্ন করিগাছে। এরূপ সংবাদ ও প্রচার করা হইতেছে

হইতে বিরত থাকার কথা চুক্তির মধ্যে আছে বটে, কিন্তু উত্তর রাষ্ট্রের রাজনৈতিক সম্পর্ক কিরূপ থাকিবে সে বিষয়ে চুক্তিতে কোন উল্লেখ নাই। তবে জার্মানী যে বৃথা সময় নষ্ট করিতে ইচ্ছুক নয়, একথা স্পষ্ট। গত ১৮ই ফেব্রুয়ারী গ্রীসের উপর জার্মান বিমান টহল দিয়া আসিগাছে অর্থাৎ এককথার ইতালীয় বিরুদ্ধে গ্রীসকে যুদ্ধ বন্ধ করিতে চাপ দেওয়ার উদ্দেশ্যে জার্মানী “বায়ু-যুদ্ধ” আরম্ভ করিগাছে বলা বাইতে পারে।

তবে ইতালীয় দৌর্ভাগ্যহেতু মধ্য প্রাচীতে জার্মানীকে মনোনিবেশ করিতে হইলেও বুটেনই তাহার প্রধান লক্ষ্য। আগভাগের বসন্ত ও গ্রীষ্মে হিটলার যে একলভাবে বুটেন আক্রমণ করিবে, অধিকাংশ রাজনীতি বিশেষজ্ঞদের ইহাই ধারণা। মিঃ আমেরি, মিঃ ইন্ডেন, কর্ণেল মন্স প্রভৃতি সকলেই বুটেন দীর্ঘই আক্রান্ত হইতে পারে বলিয়া আশঙ্কা করিতেছেন। মিঃ চার্চিলও তাহার বক্তৃতার সেই কথার উল্লেখ করিগাছেন। তবে বুটেনের অবস্থা অপেক্ষা বর্তমান বুটেনের প্রতিরোধ ক্ষমতা বেশী বৃদ্ধি পাইগাছে। বুটেনের প্রধান স্থায়ী তাহার বক্তৃতার

জানাইরাছেন যে, সৈন্তের প্রয়োজন বৃটেনের নাই। বৃটেনের প্রয়োজন কুন্দসামগ্রী ও উপকরণের। এতৎ প্রসঙ্গে উল্লেখ করা বাইতে পারে যে, মিঃ উইলকিন্স বনেশে কিরিয়া গিয়া বৃটেনকে যে অনতিবিলম্বে এবং বখাসাধা সাহায্য করা প্রয়োজন একথা উল্লেখ করিয়াছেন। বৃটেনের নৌগতিব কর্মেল নলের মত বৃটেনকে মৃতন কোন ডেট্রয়ার দেওয়া সম্ভব নয়। তবে মিঃ ক্রজভেণ্টের কথা হইতে বোধ হয় যে, বৃটেন ভবিষ্যতে আরও কিছু পাইতে পারে। কর্মেল নলের ঘোষণার পরেও বৃটেনকে ৪০খানি ডেট্রয়ার দিবার ব্যবস্থা হইয়াছে এবং সেগুলি যে কর্মেল নলের বিবৃতির মধ্যে পড়ে না, একথাও জানাইয়া দেওয়া হইয়াছে। আরও ৪০খানি ডেট্রয়ার শীঘ্রই বৃটেনের পাইবার আশা আছে। মিঃ চার্চিল আরও বলিয়াছেন যে, সমুদ্র ও বিমান উভয় স্থানেই আধিপত্য স্থাপন করিতে না পারিলে বৃটেনে অভিযান চালানো দুঃসাধ্য। হিটলারও যে একথা বোঝেন না তাহা নহে। সেই জন্যই বৃটেনের উপর বিমান আক্রমণ চলিতে থাকিলেও জার্মানীর সামুদ্রিক তৎপরতা কিছুমাত্র কমে নাই। ফেব্রুয়ারী মাসের দ্বিতীয় সপ্তাহে হিটলারের সহকারী কডলক্ হেস বক্তৃতা প্রসঙ্গে বলিয়াছেন যে, সাবমেরিন যুদ্ধ বলিতে যাহা বুঝায় তাহা বসন্তকালেই আরম্ভ হইবে। জার্মান সাবমেরিনের বিরুদ্ধে বৃটিশ জাহাজ যে বিশেষ সূক্ষ্মতা করিতে পারিতেছে না একথা কর্মেল নলই বিবৃত করিয়াছেন। মিঃ উইলকিন্স এমন কথাও বলিয়াছেন যে আমেরিকা হইতে ডেট্রয়ার পাওয়া সম্বন্ধে বৃটেন সমুদ্র ও পশ্চাতে দুইখানি 'কনভয়' জাহাজ রাখিয়া ৪০।৫০খানি বাণিজ্যপোত লইয়া বাতায়িত করিতেছে। গত ১৪ই জুলাই হইতে আন্দুল্লারী পর্যন্ত সাড়ে ছয় মাসে বৃটেনের ১৭ লক্ষ ৪৭ হাজার টন বাণিজ্য জাহাজ জলমগ্ন হইয়াছে। আর ঐ সময়ের মধ্যে জার্মানীর ৬ হাজার গিরাছে ১৩ লক্ষ ৩০ হাজার টন এবং ইতালীর গিরাছে ৬ লক্ষ ২৩ হাজার টন। ক্রান্তের পশ্চিম সমুদ্রোপকূলের ঘাটগুলি ব্যবহার করিতে পারায় বৃটেনের বাণিজ্য জাহাজ ক্ষতি করিবার সূক্ষ্মতা জার্মানী পাইয়াছে বশেষে। তবে আরম্ভে মধ্যপথে পড়ায় জার্মানীকে কিঞ্চিৎ বাধা স্বীকার করিতে হইতেছে। যে সকল জাহাজ উত্তরের পথে আরম্ভের উপর দিয়া আসে সেগুলিকে ক্ষতিগ্রস্ত করা জার্মানীর পক্ষে কষ্টকর। বর্তমান যুদ্ধে কোন ক্ষুদ্র শক্তির পক্ষে নিরপেক্ষ থাকা সম্ভব নয়। বসন্তের প্রারম্ভে জার্মানীর সামুদ্রিক তৎপরতা বৃদ্ধি পাইলে আরম্ভের দ্বীপগুলি জার্মানীর পক্ষে ঘাঁটিরূপে ব্যবহার করিবার চেষ্টা চলিতে পারে। কয়েকদিন পূর্বে মিঃ ডি ভ্যালেরা এক রেডিও বক্তৃতায় যুদ্ধের গতির অনিশ্চয়তার কথা উল্লেখ করিয়া ডাবলিন হইতে শিশু ও নারী স্থানান্তরকরণের কথা বলিয়াছেন। সন্তোষজনক কলের অভাব হইলে বাধ্যতামূলক ব্যবস্থা অবলম্বনের আভাবও তিনি দিরাছেন। এক সপ্তাহের মধ্যেই ডাবলিন ও কিংস্টন বন্দরের আধিবাসীদের মধ্যে আড়াই লক্ষ লোক স্থানান্ত্রাণের জন্য লিপাইয়াছে। আগামী বসন্তে বৃটেনে বিমান আক্রমণের তীব্রতা বৃদ্ধির সঙ্গে জার্মানীর সামুদ্রিক তৎপরতা বশেষে বৃদ্ধি পাইবে বলিয়া আশঙ্কা করা বাইতেছে। তবে পূর্বাপেক্ষা রাজকীয় বিমান বাহিনীর কার্যতৎপরতা বশেষে বৃদ্ধি পাইবে বলিয়া আশঙ্কা করা বাইতেছে। তবে

পূর্বাপেক্ষা রাজকীয় বিমানবাহিনীর কার্যতৎপরতা বশেষে বৃদ্ধি পাইয়াছে এবং বৃটেনও যুদ্ধারম্ভকাল অপেক্ষা বর্তমানে বশেষে অধিক শক্তিশালী হইয়াছে।

বৃটেনকে "অস্ত্র-শস্ত্র ইজারা দেওয়া বা ধার দেওয়া" সংক্রান্ত যে বিলটি প্রেসিডেন্ট রুজভেল্ট কংগ্রেসে পাশ করাইতে ইচ্ছুক ছিলেন, মার্কিন প্রতিনিধি-পরিষদে তাহা গৃহীত হইয়াছে। ইহার বিরুদ্ধে যে সংশোধন প্রস্তাব আনীত হইয়াছিল, তাহা বিস্তর ভোটাধিক্যে (২০৬-১৪৫) অগ্রাহ হইয়া যায়। প্রতিনিধি পরিষদে বিলটি গৃহীত হইবার সপ্তাহ কাল মধ্যেই সেনেট কাল বিলম্ব না করিয়া উক্ত বিল লইয়া বিতর্ক আরম্ভ করিয়াছেন। বিলটি গৃহীত হইবার সম্ভাবনাই অধিক। বিলটি পাশ হইলে বৃটেন কিভাবে লাভবান হইবে সে সম্বন্ধে বিস্তারিত আলোচনা ভারতবর্ষ'-এর গত সংখ্যায় হইয়া যাওয়ার এখানে পুনরুল্লেখ নিম্প্রয়োজন।

### সুদূর প্রাচী

থাই-ইন্দোচীনের বিরোধ গুরুতর আকার ধারণ করিবার মুখে হঠাৎ চাপা পড়িয়াছে। জাপানের মধ্যস্থতায় থাইল্যান্ড ও ইন্দোচীনের মধ্যে সাময়িক যুদ্ধবিরতি হইয়াছে। প্রথমে এক সপ্তাহের জন্য এই যুদ্ধ-বিরতি ঘোষিত হইয়াছিল। পরে আরও দুই সপ্তাহ সময় বৃদ্ধি করিয়া দেওয়া হয়। ফেব্রুয়ারীর চতুর্থ সপ্তাহে ঘোষণার মেয়াদ শেষ হইবে।

এদিকে জাপানের অনিচ্ছা সত্ত্বেও চীন-জাপানে যুদ্ধ চলিয়াছে। কয়েকদিন পূর্বে হংকং-চীন সীমান্তের শাটাউকোং ও শাউইয়ুং নামক দুইটি স্থান জাপানসৈন্য দখল করিয়াছে। তামসুই ও শাইউচুং অধিকার করার কোলুন ও ক্যান্টনের যোগাযোগ বিচ্ছিন্ন হইয়াছে। শাইউচুং ও কোলুনের মধ্যে জলপথের সংযোগও বন্ধ। কয়েক স্থানে চীনা বাহিনীও জাপানের অগ্রগতিতে বাধা প্রদানে সক্ষম হইয়াছে। কিন্তু চীনের যুদ্ধকে টানিয়া লইয়া চলিবার আশ্রয় আর জাপানের নাই। কিছুদিন আগে প্রিন্স কনোয়ে জানাইয়াছিলেন যে চীন-জাপান যুদ্ধের জন্য ব্যক্তিগতভাবে তিনিই দায়ী। আবার জাপান নানকিং-এর ওয়াংচিঙ্গ-ওয়েইর গবর্নমেন্টকে স্বীকার করিলেও জাপানের পররাষ্ট্রমন্ত্রী মিঃ মাংহুকা এক বিবৃতিতে বলিয়াছেন যে, তাহার চূংকিং গবর্নমেন্টকেও স্বীকার করিতে চাহেন না। এই দুই উক্তির যোগসূত্র ও অন্তর্নিহিত অর্থ সুস্পষ্ট। প্রশান্ত মহাসাগরে শক্তি বিস্তারের চেষ্টা করিলে তাহাকে যে অধিকতর বিপদের সম্মুখীন হইতে হইবে ইহা উপলব্ধি করিয়া জাপান আজ চীনের সহিত একটা মিটমাট করিতে ইচ্ছুক।

রয়টারের সংবাদে প্রকাশ যে, ইতালীর দরজা লক্ষ্য করিয়া জার্মানী জাপানকে যুদ্ধে নামাইবার চেষ্টা করিতেছে। আগামী বসন্তে যখন বৃটেনের বিরুদ্ধে তীব্র আক্রমণ পরিচালিত হইবে সেই সময়ে জাপান বাহাতে গুলন্দাজ পূর্বভারতীয় দ্বীপপুঞ্জ ও মালয় আক্রমণ করে, হিটলার তাহারই চেষ্টা করিতেছেন। কৃষিকার সহিত একটা আপোষ করিয়া কোলিয়ার জন্তও জাপান জার্মানী কর্তৃক অনুমতি হইয়াছে। মনোভে পুনরায় রুশ-জাপান বাণিজ্য আলোচনা আরম্ভ হইয়া গিয়াছে।

সমুদ্র-পথেও জাপান বিশেষ তৎপর হইয়া উঠিয়াছে। দক্ষিণাভিমুখে আক্রমণোদ্দেশে জাপান হাইনান দ্বীপে খাঁটি নির্মাণ করিতে আরম্ভ করিয়াছে। সরকারী পত্রিকা সেন্ট্রাল ডেলি নিউজের সংবাদে প্রকাশ যে, হাইনান ব্যতীত সিন্গাপুরী দ্বীপপুঞ্জ, ক্যান্টন, ফরাসী ইন্দোচীন প্রভৃতি স্থানে জাপান সৈন্যসমাবেশ করিয়াছে। উহারা নাকি সাইগন ও কামরা উপসাগর দখলের জন্ত নির্দিষ্ট। এই অগ্রগতির কারণের জন্ত বুটেনও আমেরিকাকে দোষী করা হইয়াছে। 'নিচিনিচি সিন্ধুন' পত্রিকায় ঘোষিত হইয়াছে যে বুটেনও আমেরিকা চুংকিং গবর্নমেন্টকে সাহায্য প্রদান করিবার নীতি অবলম্বন করিবার পর হইতেই জাপান দ্রুত অগ্রসর হইতে আরম্ভ করিয়াছে।

জাপান নৌ বিভাগীয় বিমান পোতের অবিরাম বোমা বর্ষণের ফলে

ভাবেই আসে যে, পূর্বভারতীয় দ্বীপপুঞ্জ আক্রমণ করার অর্থ বুটেনও আমেরিকার বিরুদ্ধে সংগ্রামে প্রবৃত্ত হওয়া। চীন-যুদ্ধ হইতে সরিয়া আসা তাহার পক্ষে দুষ্কর। কারণ সংশ্লিষ্ট শক্তিবর্গ চীনকে সাহায্য দ্বারা জাপানকে চীনে নিবৃত্ত রাখিতে সচেষ্ট। যদিও বা সে সরিয়া আসে এবং জার্মানীর জার রুশিয়ার সহিত সখ্য নৃত্ত্রে আবদ্ধ হয়, তাহা হইলেও তাহাকে যথেষ্ট ক্ষতি স্বীকার করিতে হইবে। ইহাতে রণনীতি, অর্থ-নীতি, সাম্রাজ্যনীতি প্রভৃতি সকল দিক দিয়াই তাহাকে ক্ষতির সম্মুখীন হইতে হইবে। সুতরাং লাভালাভের প্রম্ন তাহার বিশেষরূপে বিবেচনা করা প্রয়োজন। তর্কের খাতিরে ধরা গেল, যদি অসম্ভবও সম্ভব হয়, যদি যুদ্ধে জাপান কিঞ্চিৎ সাফল্য অর্জন করিতে সক্ষম হয়, তাহা হইলেও ভবিষ্যতে জার্মানী, রুশিয়া প্রভৃতির সহিত ভাগ-বাটোয়ারার



ডান্না আক্রমণের দৃশ্য—কামান হইতে ডান্নার উপর বোমা ফেলা হইতেছে

ব্রহ্ম রাজপথ প্রায় বিধ্বস্ত। মেকং নদীর উপরস্থ কুংকুরো সেতু ধ্বংস করা হইয়াছে। আশেপাশে ২৫০-খানারও অধিক লরি আটক পড়িয়াছে।

এদিকে বৃটিশ সরকার কর্তৃক দ্রুতগতিতে প্রতিরোধ ব্যবস্থা অবলম্বিত হইতেছে। সিঙ্গাপুর প্রণালীর পূর্বদিকস্থ প্রবেশ-পথে মাইন স্থাপন করা হইয়াছে। বিমানবহরের সংখ্যা যথেষ্ট বৃদ্ধি করা হইয়াছে, বহু অস্ট্রেলিয়ান সৈন্য সিঙ্গাপুরে অবতরণ করিয়াছে। আমেরিকা হইতে আড়াই শত বিমান আসিয়া দলে যোগ দিয়াছে।

স্তবে জাপানের এই অগ্রগতি সত্ত্বে বিশেষ ভাবিবার কথা আছে। মিঃ চার্চিল অবশ্য বক্তৃতায় বলিয়াছেন যে, শত্রু ভারতের দ্বারে আসিয়া উপস্থিত হইলেও তাহার পরাজয় অনিবার্য। কিন্তু জাপান বেশ ভাল

প্রম্ন আছে। অর্থাৎ এশিয়ায় একচ্ছত্র আধিপত্য বিস্তারের আশা তাহার বিলীন হইবে। কাজেই সকল অবস্থা হিসাব করিয়া দেখিলে জাপানের ক্ষতির মাত্রাই অধিক হইবে বলিয়া বোধ হয়। সুতরাং জার্মানীর চাপে পাড়িয়া যুদ্ধে অবতীর্ণ হইলেও জাপান বিশেষ সক্রিয় কোন অংশ গ্রহণ করিবে বলিয়া বোধ হয় না। প্রশান্ত মহাসাগরে নৌবহর সজ্জিত করিয়া এবং ছমকি দেখাইয়া সে একটা “স্বায়-যুদ্ধ” করিতে থাকিবে বলিয়াই বোধ হয়। ফলে বৃটিশ শক্তিকেও এদিকে খানিকটা ব্যাপৃত থাকিতে হইবে এবং বসন্তকালীন আক্রমণে হিটলার সেই সামান্য সুযোগটুকু গ্রহণের চেষ্টা ব্যতীত অধিক কিছু লাভে সমর্থ হইবে না।



# মাইকেল মধুসূদন

## শ্রীভোলানাথ সেনগুপ্ত

একে একে গাহি গান বজের কাননে  
বিভাপতি-চণ্ডীদাস-আদি কবিদল  
চলি যবে গেলা স্বর্গপুবে—মুক্ত-প্রাণ  
বিহ্বলম গাহি গান কান্তার প্রাবিয়া,  
আত্মহারা হয় যথা দূর-দূরান্তবে—  
তখন কহগো দেবি, অমৃতভাষিনি,  
বরি কাবে বরপুত্রপদে, পাঠাইলে  
অবশেষে এ বঙ্গ-অঙ্গনে ? কহ মাতঃ,  
কার কণ্ঠে কোন্ সুব দিয়া, কোন্ ছন্দে,  
কোন্ ভাবে, কি আনন্দে বঙ্গে বিপূর্ণিলা ?  
বঙ্গে তুমি চিররূপাময়ী, তোমাব প্রসাদে,  
কবিশূন্য হয় নাই বঙ্গ-সিংহাসন ।

\*

স্বপনে ভ্রমিহু আমি কবিতা-কাননে ।  
বিরহি-বৈষ্ণব-হৃদে আগিয়া বেহাগ  
খেমে গেল গাহিয়া গাহিয়া । সেই সুর

যতদূরে, তত মৃদু, তত স্নমধুর  
বিমোহিত করিল হৃদয় । অকস্মাৎ  
বজ্রকণ্ঠে উঠিল গজ্জিয়া, বজ্রগর্ভ  
নবজলধরবর্ণ মেঘনাদ-কবি ।  
ক্ষণে মূর্ছমূর্ছ ক্রণপ্রভা-প্রভা জিনি  
বীবাঙ্গনাগণ বিমোহিয়া মনঃপ্রাণ  
দ্বীপিলা অম্ববে । পবিত্রতিল স্বপ্ন ।  
ভাতিল গগনে তূর্ণ পূর্ণ শশধব  
সে কিবণ উদ্ভাসিয়া ব্রজেব নগবে  
বচিল অপূর্ণ মায়া ( ইন্দ্রজাল হেন )  
স্নেহে, সখ্যে, দাস্ত্রে, প্রেমে পবিত্র স্নন্দব ।  
ত্রিয়ামা মধ্যম যামে সহসা ধ্বনিল  
গভীব, হৃদয়স্পর্শী — ব্রজবধুটির  
বিবহেব করুণ সঙ্গীত । কোথা গেল  
ঘন-গরজন ? সত্যই স্বপন ইহা ।

\*

নমি তব পদাঘুজে বৈষ্ণব-খুস্টান,  
মহাকবি মাইকেল শ্রীমধুসূদন !  
প্রাচ্য আর পাশ্চাত্যের পূণ্য-যোগবীজ  
প্রথম স্থাপিলে তুমি । তুমি গাহিয়াছ  
প্রতীচ্যেব ছন্দে রচি প্রাচ্যেব সঙ্গীত ।  
পাশ্চাত্য-স্ববেশধারী কৃষ্ণাক পুরুষ  
যোগমগ্ন কাষ্ঠাসনে পুরাণ-চিন্তায়  
সৃজিলা কজ্জলবর্ণ অক্ষয় অক্ষরে  
জানকীর তপ্ত অক্ষধাবা । সনেটে বন্দিলে  
কাশীবাম-কুন্তিবাসে—পষাবের কবি ।  
পাশ্চাত্যেব অবযব, প্রাচ্যের হৃদয়  
এক করি গঠিলে যে কীর্তি স্মন্দির  
কৌশলে স্থাপিতে তব প্রাণ-দেবতায়—  
হে বৈষ্ণব, তুমি তার প্রথম সেবক,  
হে খুস্টান, তুমি তার আদি  
পুরোহিত ।

## রূপ-সমুদ্র

### শ্রীরামেন্দু দত্ত

সাগরের জলে জেগেছে জোয়ার, রেগে যত চেউ উঠিছে ফুলে  
বেগে ছুটে তারা ভেঙ্গে লুটে সারা রাজা ছুটি তব চবণমূলে ।  
তুমি দেখিতেছ ফুল সাগর, আমি অনিমিত্ত মুক্ত আঁখি—  
তব দেহতটে যে জোয়ার লোটে, সেই দিক পানে চাহিয়া থাকি ।

\*

\*

ধ্বসে বালু-বেলা, চেউয়ের উপবে চেউ এসে পড়ে ক্রমাঙ্ঘয়ে—  
তব দেহ-বেলা-নিগবে তেমনি বাঁধ-ভাঙ্গা রূপে জোয়ার বহে ।  
ধ্বসে বসনের ভঙ্গুর বাধা, রূপ-ভরঙ্গ উছলি' ওঠে  
আভরণ তারে আবরণ দিবে ? সরমে ভূষণ চরণে লোটে ।  
কাঁকন কাঁদিছে বালুর শরনে, মেথলা ফেলিছে আঁখির লোর—  
লবণ সলিলে সিননি করিয়া মুকুতার মালা কাঁদে অঝোর ।  
কাঞ্চী, কেয়ুর, সিঁথির ময়ূর, মণি, মরকত, পদ্মরাগ—  
কনক, প্রবাল, চুনী ও পারা, গোমেদ, হীরার মনভাগ ।  
ও বারিধি চুঁড়ে কুবেরের পুরে মিলে যে অতুল বসু-নিচয়  
এই বসুধার ধন-ভাণ্ডার স্তার কাছে হায় কিছুই নয় ।

\*


\*

রত্নধা হ'তে রত্নেশ্বরী, কমলার মত সুলক্ষণা—  
বারি-ময়ূনে দ্বিতীয়া লক্ষ্মী, উন্মি নেহারী অম্বমনা !  
এখনো অঙ্গে নীলতবঙ্গ, বীচি-বিভঙ্গে লীলাযমান ।  
গগন-সুবভী চুখন-লোভী মুক্ত পবন প্রবহমান ।  
এখনো তোমার জাগর-অরুণ ডাগব আঁখিতে সাগব-লীন  
বাডব-বহি অলিছে তম্বী, তরল বিজলী তন্দ্রাহীন !  
পূর্ণিমা চাঁদ আননের ছাঁদ—চূর্ণ অলক চুমিছে সুখে ।  
শীকব-কণায় যেন সুধাকর লভে সমাদর বারিধি বৃকে ।

\*

\*

উদাস চাহনি ভেসেছে সূদূরে—নহে ত শুধু এ নীলের মারা—  
তুমি তিলে তিলে গড়িয়া উঠিলে ;—তিলোত্তমাটি লভিলে কায়া !  
যেখানে যেটুকু সুখমা ধরে তা দিল যে বিধাতা অধীর হাতে  
শেষে বর-তম্ব সাঙ্গালো অতনু আপনি সে কোন্ চাঁদিনী রাতে ।  
মধুমুখী দেব-সখিরা তখন সুধার ভাণ্ড হরিয়া আনে  
চন্দন বনে লুকায়ে গোপনে তুঘিল তোমারে অমিয়া-দ্বানে !  
না হ'লে অমন কমনীয় তনু, রমণীয় রূপ কোথায় পেলে ?  
অমরাবতীর দেব-আরতির হেম-দীপ-শিখা মরতে এলে !  
'মর-অমরার মিলন-মেলার প্রসাদী পুষ্প এনেছ বহি'  
ও রূপ-নিগয়ে পশিব কি লয়ে ? অহরহ তাই বিরহ সহি !



### এলাহাবাদে বঙ্গ সাহিত্য সম্মেলন—

সম্প্রতি এলাহাবাদ হিমি হলে এলাহাবাদ বিশ্ববিদ্যালয়ের ভাইস-চ্যান্সেলার পণ্ডিত অমরনাথ বা বঙ্গসাহিত্য সম্মেলনের দ্বিতীয় বার্ষিক অধিবেশনের উদ্বোধন করেন। উদ্বোধন বক্তৃতায় তিনি বঙ্গ সাহিত্যের উচ্চ প্রশংসা করিয়া বলেন যে উহা একটি সার্বজনীন ভাষা এবং আধুনিক হিন্দী সাহিত্য বঙ্গসাহিত্যের নিকট অনেক বিষয় ঋণী। সম্মেলনের সভাপতি শ্রীযুক্ত রামানন্দ চট্টোপাধ্যায় মহাশয় তাঁহার সুচিন্তিত অভিভাষণে বলেন যে বাঙ্গালীরা যদি সত্যসত্যই ভাল করিয়া বাঙ্গালা শিখিতে চাহে তাহা হইলে তাহাদিগকে অত্যান্ত ভাষাও শিক্ষা করিতে হইবে। আদান প্রদানেই ভাষার সমৃদ্ধি সাধিত হয়; সুতরাং যে ব্যক্তি অপরের ভাষা জানে না সে নিজের ভাষাও জানিতে পারে না। বাঙ্গালার বাহিরে এই ধরণের সম্মিলনের সার্থকতা অনেক বেশী ইহা বলাই বাহুল্য।

### মেদিনীপুরে সাহিত্য সম্মেলন—

গত ১৭ই ও ১৮ই ফাল্গুন বঙ্গীয় সাহিত্য পরিষদের মেদিনীপুর শাখার ২৮শ বার্ষিক অধিবেশন মেদিনীপুরে বিদ্যাসাগর স্মৃতিমন্দিরগৃহে প্রসিদ্ধ সাহিত্যরসিক শ্রীযুক্ত অতুলচন্দ্র গুপ্ত মহাশয়ের সভাপতিত্বে সুসম্পন্ন হইয়া গিয়াছে। সাহিত্যশাখার সভাপতি হইয়াছিলেন কথা-সাহিত্যিক শ্রীযুক্ত অন্নদাশঙ্কর রায়। সাহিত্যাদর্শ সম্পর্কে শ্রীযুক্ত সজনীকান্ত দাস ও শ্রীযুক্ত অন্নদাশঙ্কর রায় মহাশয়ের মধ্যে আলোচনা হয় এবং মূল সভাপতি শ্রীযুক্ত অতুলচন্দ্র গুপ্ত উভয়ের আলোচনার সম্পর্কে নিজের অভিমত জ্ঞাপন করেন। সম্মেলন উপলক্ষে একটি শিল্প প্রদর্শনীও আয়োজন করা হইয়াছিল। তথায় শ্রীযুক্ত জ্ঞানাজন নিয়োগী মেদিনীপুরের শিল্প সম্ভাবনার বিষয় ওজস্বিনী ভাষায় বক্তৃতা দেন; পরে ‘মাহুষের

জয়যাত্রা’ সম্বন্ধে ছায়াচিত্র সংযোগে আর একটি বক্তৃতায় তিনি আদিমানব হইতে বর্তমান সভ্যতার পরিণতি ও বর্তমান যুগ পর্য্যন্ত আবেগময়ী ভাষায় বর্ণনা দেন। আমরা মেদিনীপুর সাহিত্য পরিষদের এই বার্ষিক উৎসবের উত্তরোত্তর সাফল্য কামনা করি।

### বীরভূমে সাহিত্য সম্মেলন—

বীরভূম জেলার চণ্ডীদাস নারুর গ্রামে গত ১১ই ফাল্গুন বীরভূম জেলা-সাহিত্য-সম্মিলনের ষষ্ঠ অধিবেশন এবং ১২ই ফাল্গুন চণ্ডীদাস সাহিত্য সম্মিলনের অধিবেশন হইয়া গিয়াছে। জেলা সাহিত্য সম্মিলনে অধ্যাপক ডক্টর শ্রীকুমার বন্দ্যোপাধ্যায় মহাশয় মূল-সভাপতির, শ্রীযুক্ত নিত্যনারায়ণ বন্দ্যোপাধ্যায় সাহিত্যশাখার সভাপতির ও শ্রীযুক্ত হরেকৃষ্ণ মুখোপাধ্যায় সাহিত্যরত্ন ইতিহাসশাখার সভাপতির আসন গ্রহণ করিয়াছিলেন। কলিকাতা বিশ্ববিদ্যালয়ের অধ্যাপক ডক্টর সুকুমার সেন চণ্ডীদাস সাহিত্য সম্মিলনে সভাপতিত্ব করিয়াছিলেন। স্থানীয় সাহিত্যিকগণের চেষ্টায় প্রতি বৎসরই বীরভূমে জেলা সাহিত্য সম্মিলনের অধিবেশন হইয়া থাকে। এবার চণ্ডীদাস সাহিত্য সম্মিলনে স্থির হইয়াছে, চণ্ডীদাস স্মৃতি-পূজা কমিটি চণ্ডীদাসের ভিটা ও বিশালাক্ষী মন্দিরের ধ্বংসস্তুপ খনন করাইয়া অভ্যন্তরস্থিত সম্পদের সন্ধান ও উদ্ধার করিবেন। সম্মিলনে রায় বাহাদুর শ্রীযুক্ত নির্মলশিব বন্দ্যোপাধ্যায়, সাহিত্যিক তারাশঙ্কর বন্দ্যোপাধ্যায় প্রভৃতি বহু বিশিষ্ট ব্যক্তিও উপস্থিত ছিলেন।

### ফুলিয়ায় কৃষ্ণিবাস উৎসব—

গত ২৭শে মাঘ রবিবার নদীয়া জেলার ফুলিয়া গ্রামে বাঙ্গালা ভাষায় রামায়ণলেখক মহাকবি কৃষ্ণিবাসের বার্ষিক স্মরণ উৎসব হইয়া গিয়াছে। গত প্রায় ২০ বৎসর

কাল তথায় ঐ উৎসব সম্পন্ন হইতেছে এবং গত কয়েক বৎসর হইতে কলিকাতার বহু লোক ঐ উৎসবে যোগদান করিতে গমন করিয়া থাকেন। যাহাতে ঐ সময়ে তথায় একটি মেলা হয়, সেজন্য উদ্যোগ আয়োজনের কথা হইতেছে বটে কিন্তু এখনও তাহা কার্যে পরিণত হয় নাই। এবার ভারতবর্ষসম্পাদক শ্রীযুত ফণীন্দ্রনাথ মুখোপাধ্যায় ঐ উৎসবে সভাপতিত্ব করিয়াছিলেন এবং বঙ্গীয় ব্যবস্থা পরিষদের সদস্য শ্রীযুত অতুলকৃষ্ণ ঘোষ রামায়ণ প্রদর্শনীর উদ্বোধন করিয়াছিলেন। শান্তিপুর সাহিত্য পরিষদ, কৃষ্ণনগর সাহিত্য সঙ্ঘীতি, রাণাঘাট সাহিত্য সংসদ প্রভৃতির যত্নেই উৎসবটি দিন দিন জনপ্রিয় ও বড় হইয়া উঠিতেছে।

### আচার্য্য জহ্নস্বামী প্রদর্শনী—

আচার্য্য প্রফুল্লচন্দ্র রায় মহাশয়ের ৮০ বৎসর বয়স হওয়ায় যে জয়ন্তী উৎসবের আয়োজন করা হইতেছে তৎসম্পর্কে কলিকাতা কর্পোরেশনের কমাসিয়াল মিউজিয়াম হইতে একটি ‘কেমিকেল ও ফার্মাসিউটিকাল’ প্রদর্শনীর আয়োজন করা হইতেছে। সে জন্ত কলিকাতা বিশ্ববিদ্যালয়ের বিজ্ঞান কলেজের ফলিত রসায়নের অধ্যাপক ডক্টর বি-সি-গুহকে সভাপতি করিয়া একটি প্রদর্শনী বোর্ডও গঠন করা হইয়াছে। আচার্য্য রায় সারা জীবন ধরিয়া যে কেমিকেল ও ফার্মাসিউটিকাল শিল্পের উন্নতির জন্ত অক্লান্ত পরিশ্রম করিয়াছেন, আজ তাঁহার জয়ন্তী উৎসবে সেই শিল্পের ইতিহাস, বর্তমান অবস্থা ও ভবিষ্যতের কথা দেশবাসীর নিকট উপস্থিত করাই তাঁহার প্রতি সম্মান প্রদর্শনের শ্রেষ্ঠ উপায় বলিয়া বিবেচিত হইবে। আমাদের বিশ্বাস, এই প্রদর্শনী সর্বদক্ষমন্দের করিবার জন্ত যত্নের ও চেষ্টার অভাব হইবে না।

### ভারত গভর্নমেন্টের আয় ব্যয়—

গত ২৮শে ফেব্রুয়ারী কেন্দ্রীয় ব্যবস্থা পরিষদে ভারত গভর্নমেন্টের বার্ষিক আয়ব্যয়ের যে হিসাব উপস্থিত করা হইয়াছে তাহাতে দেখা যায় যে ভারত গভর্নমেন্টের আয় অপেক্ষা ব্যয় : ১৯০-৪১ সালে ৮ কোটি ৪২ লক্ষ টাকা এবং ১৯৪১-৪২ সালে ২০ কোটি ৪৬ লক্ষ টাকা অধিক

হইবে। কাজেই ভারত গভর্নমেন্ট ঐ ব্যয় সম্বলানের জন্ত দেশলাইএর উপর শুক বিক্রয় করিয়া দেড় কোটি টাকা, নকল রেশম ও রেশমী সূতার উপর শুক বাড়াইয়া ৩৫ লক্ষ টাকা ও টায়ার টিউবের শুক বাড়াইয়া ৩৫ লক্ষ টাকা সংগ্রহ করিবেন। তাহা ছাড়া অতিরিক্ত লাভ-কর বাড়াইয়া এবং আয়কর ও সুপার ট্যাক্সের উপর কেন্দ্রীয় সারচার্জ বাড়াইয়া অর্থ সংগ্রহ করা হইবে। কিন্তু তাহাতেই কুলাইবে না—কাজেই বাকী টাকা ভারত গভর্নমেন্ট ঋণ গ্রহণ করিবেন। যুদ্ধের জন্ত গভর্নমেন্টের ব্যয় বৃদ্ধি করিতে হইয়াছে। কাজেই এ অবস্থায় গভর্নমেন্টের এইরূপ অসাধারণ ব্যবস্থা করা ছাড়া গত্যন্তর নাই। তাহা সহ্যও যাহাতে সাধারণ প্রজার কোনরূপ কষ্ট না হয়, সে বিষয়ে গভর্নমেন্টের অবহিত থাকা উচিত।

### পুরীধামে দোলযাত্রা—

এ বৎসর দোলযাত্রার দিন সন্ধ্যায় চন্দ্রগ্রহণ হওয়ায় পুরীধামে সমুদ্র স্নানের জন্ত বহু হিন্দু যাত্রী সমবেত হইবেন। একসঙ্গে জগন্নাথদেবের দোলযাত্রা দর্শন ও গ্রহণে সমুদ্র-স্নানের সুযোগ সহজে মিলে না। পুরী যাত্রীদের জন্ত বেঙ্গল নাগপুর রেলও নানা প্রকার বিশেষ সুবিধার ব্যবস্থা করিয়াছেন জানিয়া আমরা সুখী হইলাম।

### কমলা নেহরু হাসপাতাল—

গত ২৮শে ফেব্রুয়ারী মহাত্মা গান্ধী এলাহাবাদে কমলা নেহরু প্রসূতি হাসপাতালের উদ্বোধন করিয়াছেন। পণ্ডিত জহরলালের সহধর্মিণী কমলা নেহরুর মৃত্যুর পর তাঁহার স্মৃতিরক্ষার জন্ত যে ৫ লক্ষ ১০ হাজার টাকা সংগৃহীত হইয়াছিল, তাহা দ্বারা এই হাসপাতাল খোলা হইল। পণ্ডিত মদনমোহন মালব্য অসুস্থ শরীর লইয়াও ঐ উৎসবে যোগদান করিতে গিয়াছিলেন।

### প্রবর্তক জুট মিলের উদ্বোধন—

গত ১৬ই ফেব্রুয়ারী রবিবার ২৪পরগণার বেলঘরিয়া গ্রামে বারাকপুর ট্রাক রোডের ধারে প্রবর্তক সংঘ কর্তৃক গঠিত প্রবর্তক জুট মিল লিমিটেডের উদ্বোধন উৎসব হইয়া গিয়াছে। বর্তমানের মহারাজাধিরাজ সার বিজয়চাঁদ

মহতাব বাহাদুর উৎসবে সভাপতিত্ব করিয়াছিলেন এবং কলিকাতা হইতে সেদিন কয়েক শত গণ্যমান্ত লোক বেলঘরিয়ায় গমন করিয়াছিলেন। প্রবর্তক সংঘের বহুমুখী কার্য-পদ্ধতির কথা এখন বাঙ্গালা দেশে সুপরিচিত। তাঁহারা যে কার্যে হস্তক্ষেপ করেন, তাহাই সাফল্যমণ্ডিত হয়। আমাদের বিশ্বাস, তাঁহাদের এই পাটকলও বাঙ্গালা দেশের সুনাম বৃদ্ধি করিবে।

### বাঙ্গালা সরকারের বাজেট—

এবার বাঙ্গালা সরকারের অর্থসচিব মিঃ সুরাবর্দী বঙ্গীয় ব্যবস্থাপরিষদে ১৯৪১-৪২ সালের যে বাজেট উপস্থাপিত করিয়াছেন তাহাতে কিছুমাত্র নূতনত্ব ত নাই, উপরন্তু পূর্ক পূর্ক বৎসরের মত এবারেও আয়ের তুলনায় ব্যয়ের পরিমাণ অনেক বেশী হইয়াছে; ফলে এই ব্যয় সঙ্কুলানের জন্য দেশবাসীর উপর নূতন কর বসাইবার কথা জানানো হইয়াছে। গতবারে যখন বাজেট পেশ করা হয় সেই সময় ১৯৩৯-৪০ সালের রাজস্বের খাতে আয়-ব্যয়ের হিসাবে চৌদ্দ লক্ষ টাকা ঘাটতি পড়িবে বলিয়া অনুমান করা হইয়াছিল। কিন্তু ঐ বৎসরের শেষের দিকে আয়ের পরিমাণ অপ্রত্যাশিতভাবে ২৯ লক্ষ টাকা বাড়িয়া যাওয়ায় এবং ব্যয় ৪৫ লক্ষ কমিয়া যাওয়ায় এই বৎসরে ১৪ লক্ষ টাকা ঘাটতির বদলে ৬০ লক্ষ টাকা উদ্ধৃত থাকে। কিন্তু ইহার মধ্যে হিসাবের পদ্ধতি পরিবর্তনের জন্য ৪২ লক্ষ টাকা বাঁচিয়াছে এবং ১০ লক্ষ টাকা জেলাবোর্ড ইত্যাদি স্থানীয় প্রতিষ্ঠানের হিসাবে জমা রহিয়াছে। কাজেই এই বৎসর বাঙ্গালা সরকারের আয় হইতে ব্যয় সঙ্কুলান হইয়া মাত্র ৮ লক্ষ টাকা বাঁচিয়াছে বলা যায়। ১৯৪০-৪১ সালে রাজস্বের হিসাবে আয়ের তুলনায় ব্যয় ৫৬ লক্ষ ৯৫ হাজার টাকা এবং মূলধন খাতে আয়ের তুলনায় ২৫ লক্ষ ৭১ হাজার টাকা অধিক ব্যয় হইবে বলিয়া গত বৎসর বাজেট পেশ করিবার সময় বলা হইয়াছিল। কিন্তু গত নয়-দশ মাসের হিসাব অনুযায়ী অর্থসচিব জানাইয়াছেন যে, চলতি বৎসরে রাজস্বের হিসাবে ১ কোটি ৩ লক্ষ টাকা ঘাটতি হইবে। তবে মূলধন খাতে এ বৎসর ৭৯ লক্ষ টাকা উদ্ধৃত হইবে। অবশ্য এই ৭৯ লক্ষ টাকা ঋণ গ্রহণ করিয়া উদ্ধৃত দেখান

হইয়াছে। কাজেই দেখা যাইতেছে, চলতি বৎসরে রাজস্ব খাতে ঘাটতি এবং মূলধন খাতে উদ্ধৃত—এই দুই মিলিয়া সরকারের তহবিলে ২৪ লক্ষ টাকা ঘাটতি হইয়াছে। আগামী বৎসর সরকারের রাজস্বের অবস্থা আরও শোচনীয় হইবে। ঐ বৎসর রাজস্বের খাতে সরকারের মোট আয় ১৪ কোটি ৩ লক্ষ টাকা এবং মোট ব্যয় ১৫ কোটি ৩৭ লক্ষ টাকা ধরা হইয়াছে। মূলধন খাতেও ২৫ লক্ষ টাকা ঘাটতি হইবে। কাজেই উভয় দফায় মোট ঘাটতির পরিমাণ হইবে ১ কোটি ৫৯ লক্ষ টাকা। আলোচ্য বর্ষের প্রথমে সরকারের হাতে মজুদ তহবিলের পরিমাণ দাঁড়াইবে ১ কোটি ৯২ লক্ষ টাকা। ইহা হইতে ঘাটতি বাবদ যদি ১ কোটি ৫৯ লক্ষ টাকা চলিয়া যায় তাহা হইলে আগামী বৎসরের শেষে সরকারের হাতে মাত্র ২৪ লক্ষ টাকা উদ্ধৃত থাকিবে। যাহাদিগকে বৎসরে রাজস্ব ও মূলধন—এই দুই খাতে সাড়ে বত্রিশ কোটি টাকা ব্যয় করিতে হয় তাহাদের পক্ষে হাতে মাত্র ২৪ লক্ষ টাকা লইয়া কাজ করা একরূপ অসম্ভব। মন্ত্রী মহাশয় এই অবস্থার প্রতীকার কল্পে প্রস্তাবিত বিক্রয় করের দিকে তাকাইয়াছেন। বিলটি কি ভাবে গৃহীত হইবে এবং তাহাতে কত টাকা সরকারের ব্যয় হইবে তাহা বুঝা যাইতেছে না। তবে মন্ত্রী মহাশয় আশা করেন যে, এক এই বিলের দৌলতেই আগামী বৎসরের ঘাটতি পূরণ করিয়া জাতিগঠনমূলক কাজের জন্য সরকারের পক্ষে অধিকতর অর্থ ব্যয় করা সম্ভব হইবে। এই প্রসঙ্গে মন্ত্রী মহাশয় আরও জানাইয়াছেন যে, বিক্রয় করই দেশের উপর সর্বশেষ ট্যাক্স নহে এবং অবিলম্বেই নূতন কর ধার্য করা হইবে। অথচ যে যুদ্ধ উপলক্ষ করিয়া ঘাটতি মিটাইবার জন্য মন্ত্রিমণ্ডল ট্যাক্সের পর ট্যাক্স চাপাইয়া চলিয়াছেন তাহাও যে শীঘ্র মিটিবার নহে, সে সম্পর্কে ভবিষ্যদ্বাণী করা যাইতে পারে।

### প্রবাসী বাঙ্গালীদের কীর্তিকাহিনী—

বিহারের বাঙ্গালী সমিতির পক্ষ হইতে বিহার প্রবাসী বাঙ্গালীদের অতীত ও বর্তমান কীর্তিকাহিনীর বিবরণ সংগ্রহ করা হইতেছে। এই তথ্যসংগ্রহের মূলসূত্র হইবে—প্রবাসী বাঙ্গালীরা প্রবাসের জন্য নিঃস্বার্থভাবে কতটুকু করিয়াছেন তাহার পরিচয় প্রদর্শন। এইগুলি পরে ষথার্থভাবে সম্পাদনা করিয়া ধারাবাহিকভাবে সাময়িকপত্রে প্রকাশিত

হইবে। বিহারপ্রবাসী বাঙ্গালীর সাংস্কৃতিক, সামাজিক, অর্থনৈতিক ও রাজনৈতিক সমস্যাগুলির সম্বন্ধে আলোচনা ইহাতে সন্নিবেশ করিবার সংকল্প আছে। এই সঙ্কলন-প্রচেষ্টা মুখ্যত বিহারপ্রবাসী বাঙ্গালী সম্বন্ধীয় হইলেও ভারতের অন্যান্য প্রদেশে ক্রীতদাস বিক্রিপ্ত বাঙ্গালী সমাজের আলেখ্য সংগ্রহেও সমিতি সচেষ্ট থাকিবেন। এইরূপ দিবরনী গৃহীত হইলে শ্রীযুক্ত রামানন্দ চট্টোপাধ্যায় কর্তৃক আরম্ভ ‘প্রবাসী বাঙ্গালীর কৃতি’ সঙ্কলনও সহজতর হইবে—এজ্ঞ আশা করা যায় যে এই প্রচেষ্টায় সকলেরই সহযোগিতা ও সহায়ত্ব পাওয়া যাইবে। তথ্যাদি শ্রীযুক্ত মণীন্দ্রচন্দ্র সমাদার (সম্পাদক, বেহার হেরাল্ড ও প্রভাতী), “পাটলিপুত্র” কদমকুয়া, পাটনা—এই ঠিকানায় প্রেরিতব্য।

### হিন্দু শিক্ষার্থীদের জন্য মন্ত্রণা—

সম্প্রতি বাঙ্গালার ব্যবস্থা পরিষদে একটি প্রশ্নের উত্তরে বলা হইয়াছে, গত ১৯৩৮ সালের পর হইতে মন্ত্রণার হিন্দু ছাত্রসংখ্যা বাড়িয়া চলিয়াছে। ১৯৩৮ সালে ৩২ হাজার ১ শত ৪৯ জন হিন্দু ছাত্র মন্ত্রণে পড়াশুনা করিত। ১৯৪০ সালে এই সংখ্যা বাড়িয়া ৭৪ হাজার ৫ শত ৬ জন হইয়াছে। রঙ্গপুর জেলায় ১৯৩৮ সালে মন্ত্রণে-পড়া হিন্দু ছাত্রের সংখ্যা ছিল ৯ শত ৬০ জন, কিন্তু ১৯৪০ সালে এই সংখ্যা বাড়িয়া গিয়া ১৫ হাজার ৬ শত ৯০ জন হইয়াছে। বলাবাহুল্য এতগুলি হিন্দু ছাত্র স্বেচ্ছায় মন্ত্রণে পড়িতে যায় নাই, অন্য স্কুলের ব্যবস্থা নাই বলিয়াই মন্ত্রণের আশ্রয় লইতে বাধ্য হইয়াছে। পাকে চক্রে বাঙ্গালার সমগ্র শিক্ষা-পদ্ধতিকেই মুসলমানভাবাপন্ন করিবার নীতি বাঙ্গালার মন্ত্রীরা যে গ্রহণ করিয়াছেন—এবারকার বাজেটে তাহার সুস্পষ্ট পরিচয় রহিয়াছে। সুতরাং অদূর ভবিষ্যতের দিকেই হিন্দুদের তাকাইয়া থাকিতে হইবে, বর্তমান মন্ত্রীদের হাতে ইহা অপেক্ষা অন্য ব্যবস্থা আশা করা যায় না।

### বার্ষিক ব্রতচারী সম্মেলন—

গত ৯ই ফেব্রুয়ারী রবিবার কলিকাতার নিকটস্থ বেহালায় ব্রতচারী গ্রামে বাঙ্গালী গভর্নমেন্টের অন্ততম মন্ত্রী কাসিমবাজারের মহারাজা শ্রীযুক্ত শ্রীশচন্দ্র নন্দীর

সভাপতিত্বে ব্রতচারী আন্দোলনের বার্ষিক প্রতিষ্ঠা দিবস উৎসব ও ব্রতচারী সম্মেলন হইয়া গিয়াছে। প্রতিষ্ঠাতা শ্রীযুক্ত গুরুসদয় দত্ত মহাশয় সকলকে ঐ দিন ব্রতচারী আন্দোলনের উদ্দেশ্য ও সার্থকতার কথা বুঝাইয়া দিয়াছিলেন। মহারাজা তাঁহার বক্তৃতায় গ্রামোন্নতি কার্যে ব্রতচারীদের কর্তব্যের কথা বিবৃত করিয়াছিলেন।

### বিশ্ববিদ্যালয়ের ভৌগোলিক প্রদর্শনী—

কলিকাতা বিশ্ববিদ্যালয়ের দ্বারভাঙ্গা হলে গত ১৮ই ফেব্রুয়ারী ডক্টর শ্যামাপ্রসাদ মুখোপাধ্যায় মহাশয় একটি স্থায়ী ভৌগোলিক প্রদর্শনীর উদ্বোধন করিয়াছেন। ঐ প্রদর্শনীতে প্রয়োজনীয় মানচিত্র, চার্ট, ছবি প্রভৃতি দেখান হইয়াছে। গত ৩০ বৎসর বিশ্ববিদ্যালয়ে ভূগোল শিক্ষার ভাল ব্যবস্থা ছিল না—এখন সে ব্যবস্থা সম্পূর্ণ করা হইয়াছে। সে জন্য সকল প্রকার আসবাবপত্র একত্র করিয়া এই প্রদর্শনী খোলা হইল। ম্যাট্রিকুলেশন, আই-এ ও বি-এ তে এখন ভূগোল পড়ান হয় এবং ভূগোল শাস্ত্রে এম-এ পরীক্ষারও পরিকল্পনা প্রস্তুত হইতেছে।

### বৈজ্ঞানিকের শোচনীয় মৃত্যু—

কানাডার পৃথিবীবিখ্যাত চিকিৎসক স্যর ফ্রেডারিক ব্যাপ্টিং বিমান দুর্ঘটনায় সম্প্রতি মৃত্যুবরণ করিয়াছেন। মৃত্যুকালে তাঁহার বয়স ৩৫ইয়াছিল মাত্র পঞ্চাশ বৎসর। ১৯২২ সালে তিনি বহুমূত্র রোগের ‘ইন্সুলিন’ নামে একটি ঔষধ আবিষ্কার করিয়া মানব সমাজের অশেষ কল্যাণ সাধন করেন। ১৯২৩ সালে তাঁহার এই আবিষ্কারের জন্য তিনি বিজ্ঞানে নোবেল পুরস্কার পাইয়াছিলেন। এই সব মানব-হিতৈষীর অকালমৃত্যু জগতের ক্ষতির কারণ।

### ডক্টর সুশীলকুমার মুখোপাধ্যায়—

আমরা জানিয়া অতীব দুঃখিত হইলাম যে কলিকাতার সুপ্রসিদ্ধ চকু-চিকিৎসক হুগলী তেলিনীপাড়া নিবাসী ডক্টর সুশীলকুমার মুখোপাধ্যায় মহাশয় গত ১৩ই ফেব্রুয়ারী মাত্র ৫৫ বৎসর বয়সে তাঁহার তেলিনীপাড়ায় ভবনে সহসা পরলোকগমন করিয়াছেন। তিনি বহুবার কলিকাতা মেডিকেল কলেজের চকু চিকিৎসা বিভাগের প্রধান



অধ্যাপকের কার্য্য করিয়াছিলেন—কিন্তু ১১ বৎসর ঐ কাজ করার পর ১৯৩৯ সালের মার্চ মাসে বাঙ্গালা গভর্নমেন্ট ঐ পদে তাঁহার দাবী উপেক্ষা করায় তিনি পদত্যাগ



ডক্টর শ্যামলকুমার মুখোপাধ্যায়

করিয়াছিলেন। তিনি অক্সফোর্ডের ডি-ও, লণ্ডনের ডি ও-এম-এস, এডিনবরার এফ-আর-সি-এস এবং বাঙ্গালার এফ-এস-এম-এফ উপাধিধারী ছিলেন। তিনি কারমাইকেল মেডিকেল কলেজেরও চক্ষুচিকিৎসার প্রধান অধ্যাপক ছিলেন। বহু বৎসর যাবৎ তিনি কলিকাতা বিশ্ববিদ্যালয়ের সিনেট ও সিন্ডিকেট সভার সদস্য ছিলেন এবং ফাইনাল এম-বি পরীক্ষার ও বেঙ্গল স্টেট মেডিকেল ফ্যাকাল্টির পরীক্ষক ছিলেন। ১৯৩৭ সালের ডিসেম্বর মাসে কায়রো সহরে যে পঞ্চদশ আন্তর্জাতিক চক্ষুচিকিৎসক কংগ্রেসের অধিবেশন হয় শ্যামলবাবু ভারত গভর্নমেন্টের প্রতিনিধি হইয়া তাহাতে যোগদান করিয়াছিলেন। তিনি ইউরোপ ভ্রমণে যাইয়া জুরিচ, ভিয়েনা ও উটরেঞ্চেটের চক্ষুচিকিৎসা কেন্দ্রগুলি দেখিয়া আসিয়াছিলেন। বাঙ্গালা দেশে অন্ধতা নিবারণের জন্ম যে সমিতি প্রতিষ্ঠিত হইয়াছে, তিনি তাহার অগ্রতম প্রধান উদ্যোক্তা ছিলেন এবং অন্ধতা নিবারণ সম্বন্ধে 'ভারতবর্ষে' তাঁহার প্রবন্ধ প্রকাশিত হইয়াছিল। চিকিৎসা কার্য্যের সঙ্গে সঙ্গে তিনি নানা স্থানের বহু জনহিতকর প্রতিষ্ঠানের সহিত

সংশ্লিষ্ট ছিলেন। তিনি অপুত্রক ছিলেন। আমরা তাঁহার শোকসন্তপ্ত পরিবারবর্গকে তাঁহাদের এই শোকে আন্তরিক সমবেদনা জ্ঞাপন করিতেছি।

#### পরলোককে সুরেন্দ্রমোহন মৈত্র—

রাজসাহীর প্রবীণ কংগ্রেস নেতা ও বঙ্গীয় ব্যবস্থা পরিষদের সদস্য সুরেন্দ্রমোহন মৈত্র ব্লাড প্রেসার রোগে অকালে পরলোকগমন করিয়াছেন। সুরেন্দ্রমোহন প্রথম যৌবনেই কংগ্রেস ও দেশের সেবায় আত্মনিয়োগ করেন এবং দীর্ঘকাল যাবৎ একনিষ্ঠভাবে দেশের ও দশের সেবা করিয়া আসিতেছিলেন। একাধিকবার তিনি কারাবরণও করিয়াছেন। তাঁহার মৃত্যুতে দেশের অশেষ ক্ষতি হইল। ব্যক্তিগত জীবনে তিনি নিরহঙ্কার, সরল ও অমায়িক প্রকৃতির লোক ছিলেন। আমরা তাঁহার শোকসন্তপ্ত পরিজনদের প্রতি গভীর সমবেদনা জ্ঞাপন করিতেছি।

#### হরিন্দাস মুখোপাধ্যায়—

গত ১৬ই ফেব্রুয়ারী রবিবার ভোরে (শনিবার রাত্রি শেষ) ২৪পরগণা কামারহাটী নিবাসী হরিন্দাস মুখোপাধ্যায়



হরিন্দাস মুখোপাধ্যায়

মহাশয় ৬৭ বৎসর বয়সে পরলোকগমন করিয়াছেন জানিয়া আমরা ব্যথিত হইলাম। হরিন্দাসবাবু বহু বৎসর

কামারহাটী মিউনিসিপালিটির কমিশনার, কিছুকাল উহার চেয়ারম্যান ও বেঞ্চের অনারারী ম্যাজিস্ট্রেট ছিলেন। সরকারী চাকরী হইতে অবসর গ্রহণের পর তিনি সর্বদা নানা জনহিতকর কার্যে নিযুক্ত থাকিতেন। তিনি কামারহাটী ও তৎসন্নিহিত গ্রামসমূহের সর্বসাধারণের বিশেষ প্রিয় ছিলেন। আমরা তাঁহার শোকসন্তপ্ত পরিবার-বর্গকে আন্তরিক সমবেদনা জ্ঞাপন করিতেছি।

### কলিকাতায় নূতন টাঁকশাল—

আলীপুর অঞ্চলে শীঘ্রই একটি টাঁকশাল তৈয়ারি হইবে বলিয়া জানা গিয়াছে। যুদ্ধের জন্ত দেশে মুদ্রার চাহিদা অতি মাত্রায় বাড়িয়া যাওয়ার জন্ত বর্তমানে বোম্বাই ও কলিকাতায় টাঁকশালে কাজের চাপ বৃদ্ধি পাওয়ায় টাঁকশাল সম্প্রসারণের এই ব্যবস্থা হইতেছে। নূতন টাঁকশালটির নিৰ্ম্মাণে ৬২ লক্ষ টাকার অধিক ব্যয় হইবে। প্রথমে এই নূতন টাঁকশালে কেবলমাত্র রোপ্য মুদ্রাই প্রস্তুত হইবে। স্বাভাবিকভাবে কাজ চলিলে দিনে ৬ লক্ষ করিয়া মুদ্রা প্রস্তুত হইতে পারিবে এবং পূর্ণোৎসর্গে অতিরিক্ত সময় কাজ চালাইলে দিনে প্রায় ১২ লক্ষ মুদ্রা তৈয়ারি করা চলিবে। স্বাভাবিক অবস্থা দেখা দিলেই কলিকাতার পুরানো টাঁকশালটি বন্ধ করিয়া নবনিৰ্ম্মিত বাড়ীতে টাঁকশাল তুলিয়া লইয়া গিয়া নিকেলের ও ব্রোঞ্জের মুদ্রা তৈয়ারির ব্যবস্থা করা হইবে। সরকার অনুমান করেন যে বর্তমান টাঁকশালটি যে স্থানে অবস্থিত সেই স্থানে যে পরিমাণ জমি আছে তাহা বিক্রয় করিয়া পঞ্চাশ লক্ষ টাকা পাওয়া যাইবে।

### পরলোক শচীন্দ্রপ্রসাদ বসু—

বিগত স্বদেশী আন্দোলনের প্রসিদ্ধ কর্মী ও প্রবীণ সাংবাদিক শচীন্দ্রপ্রসাদ বসু গত ২৮শে মাঘ অকালে পরলোক-গমন করিয়াছেন। তিনি ছাত্রাবস্থাতেই দেশের কাজে আত্মনিয়োগ করেন। স্বদেশী আন্দোলনের সময় তাঁহার কর্মশক্তি ও বাগিতার পরিচয় দেশবাসী পাইয়াছিল। সেই সময় যে নয়জন জননেতাকে সরকার তিন আইনে আটক করেন শচীন্দ্রপ্রসাদ তাঁহাদের একজন ও সর্বকনিষ্ঠ। পরবর্তীকালে কংগ্রেসের সঙ্গে তাঁহার যোগ ছিল হয় এবং তিনি উদারনীতিক মতাবলম্বী হইয়াছিলেন। তাঁহার

দেশপ্ৰীতি ছিল অসীম। দীর্ঘকাল তিনি 'ব্যবসা ও বাগিজ্য' নামক মাসিক পত্রিকা স্বেচ্ছাবে সম্পাদন করিয়া আসিতেছিলেন। আমরা তাঁহার পত্নী স্বনামধ্যাত শ্রীযুক্তা কুমুদিনী বসু ও অনাগ্র পরিজনদিগকে আমাদের আন্তরিক সমবেদনা জ্ঞাপন করিতেছি।

### বাঙ্গালা সরকারের অমিতব্যয়িতা—

ভারতের বিভিন্ন প্রদেশ যখন সিভিলিয়ানী শাসনের অধীন ছিল তখন দেশের রাজস্ব লইয়া দেশের সিভিলিয়ানগণ যথেষ্ট ব্যবহার করিয়াছেন। কিন্তু গত ১৯৩৭ সালের এপ্রিল হইতে যে নূতন শাসন প্রবর্তিত হয় তাহাতে দেশবাসীর নিৰ্ব্বাচিত প্রতিনিধিদের প্রতিনিধি-স্থানীয় মন্ত্রিমণ্ডলের উপর প্রাদেশিক রাজস্বের শতকরা ৮৫ ভাগ তাঁহাদের ইচ্ছামত ব্যয় করিবার অধিকার দেওয়া হয়। ফলে দেশবাসী স্বতই মনে করিয়াছিল যে নূতন শাসনতন্ত্রের আমলে দেশের শাসকরূপে মন্ত্রীরা যথাসম্ভব কম পারিশ্রমিকে কাজ করিবেন এবং দেশবাসীর প্রদত্ত অর্থের অন্তত শতকরা ৮৫ ভাগের প্রত্যেকটি পয়সা দেশের সর্বোচ্চ স্বার্থের প্রতি লক্ষ্য রাখিয়া ব্যয়িত হইবে। কিন্তু দুঃখের বিষয়, জনসাধারণের আশা-ভরসা সম্পূর্ণরূপে ব্যর্থ হইয়াছে। মন্ত্রীরা নিজেরা কোন স্বার্থত্যাগে রাজী ত হনই না, উপরন্তু দেশবাসীর প্রদত্ত অর্থের যাহাতে সদ্ব্যয় হয় সে বিষয়ে উৎসাহ প্রদর্শন করেন নাই। শুধু তাহাই নহে, নূতন শাসনতন্ত্রে শাসনকার্যের ব্যয় এত বাড়িয়া গিয়াছে যে ইতিমধ্যেই দেশবাসীর উপর নূতন কর বসিয়াছে এবং আরও যে অনেক কর বসিবে তাহার লক্ষণ স্পষ্ট দেখা যাইতেছে। এই কয় বৎসরের অভিজ্ঞতা হইতে দেশবাসীর মনে হওয়া খুবই স্বাভাবিক যে, তথাকথিত প্রাদেশিক স্বায়ত্তশাসন হইতে সিভিলিয়ানী শাসন অনেক ভাল ছিল। অথচ ইহার জন্ত ইংরেজকে দায়ী করা সঙ্গত হইবে না; কেন না দেশ এখন শাসন করিতেছে আসলে দেশবাসীরই নিৰ্ব্বাচিত প্রতিনিধিরা। তাঁহারা যদি হঠাৎ রাজশক্তি পাইয়া অমিতব্যয়ী হন—তাঁহার জন্ত দোষ দিতে হইলে দেশবাসীর নিৰ্ব্বাচনকেই দিতে হয়। বাঙ্গালা সরকারের বাজেট আলোচনা করিতে গেলে এই কথাই মনে হয়। বাঙ্গালার বর্তমান মন্ত্রীরা যখন দেশের শাসনভার গ্রহণ করেন ঠিক

তাহার আগের বৎসর ( ১৯৩৬-৩৭ ) রাজস্বের হিসাবে বাঙ্গালার আয় ছিল ১২ কোটি ১৪ লক্ষ টাকা। মন্ত্রীদেব আমলে রাজস্বের আয় অনেকখানি বৃদ্ধি পাইয়াছে।

|              |                 |
|--------------|-----------------|
| ১৯৩৬-৩৭ সালে | ১২ কোটি ১৪ লক্ষ |
| ১৯৩৭-৩৮      | ১৩ ”            |
| ১৯৩৮-৩৯      | ১২ ” ৭৬ ”       |
| ১৯৩৯-৪০      | ১৪ ” ৩১ ”       |
| ১৯৪০-৪১      | ১৩ ” ৮২ ”       |

কাজেই দেখা যাইতেছে যে গত চার বৎসরে পূর্বাশামনের তুলনায় মন্ত্রীদেব হাতে ৫ কোটি ৩০ লক্ষ টাকা অতিরিক্ত আমদানি হইয়াছে। তাহা ছাড়া সিভিলিয়ানী আমলে ঋণের সুদ বাবদ বৎসরে গড়ে ১৮ লক্ষ টাকা দিতে হইত, বর্তমানে সেই সুদও মকুব করা হইয়াছে; এই দিক দিয়াও ৪ বৎসরে ৭২ লক্ষ খরচ বাঁচিয়াছে। ইহা ছাড়া সন্থাসবাদ দমনের জন্ত সরকার বৎসরে প্রায় ৬০ লক্ষ টাকা ব্যয় করিতেন; কিন্তু মন্ত্রীদেব আমলে তাহাও ব্যয়িত হয় বলিয়া শুনি নাই। ফলে এই চারি বৎসরে ২ কোটি ৪০ লক্ষ টাকা ব্যয়ভার কমিয়াছে। মোট ৮ কোটি ৪৫ লক্ষ টাকা অতিরিক্ত অখলাভ হইয়াছে। এত বেশী টাকা পাইয়াও ঠাহারা বাঙ্গালার দুঃখ এতটুকু কনাইতে পারিয়াছেন বলিয়া শোনা যায় নাই; বরং অতিরিক্ত ট্যাক্স ধাৰ্য্য করিয়া রোগ-শোক-অভাব অনাটন-ঋণভার পীড়িত জনগণকে আরও অতিরিক্ত ট্যাক্সের ভারে প্রপীড়িত করিতে উচ্চোগী হইয়াছেন।

### ভারতীয় রেলপথের আয়-ব্যয়—

রেলওয়ে বোর্ডের গত ১৯৩৯-৪০ সালের বিবরণ প্রকাশিত হইয়াছে। তাহাতে দেখা যায় সমস্ত খরচ বাদ মোট ৪ কোটি ৩৩ লক্ষ টাকা উদ্ধৃত হইয়াছে এবং এই টাকাটা ভারত সরকারের রাজস্ব তহবিলে গুস্ত করা হইয়াছে। আলোচ্য বর্ষে সরকারী রেলপথগুলির মোট আয় হইয়াছে ৯৭ কোটি ৬৫ লক্ষ টাকা। ইহার পূর্ব বৎসরে এই আয়ের পরিমাণ ছিল ৯৪ কোটি ৪৮ লক্ষ টাকা। সাধারণ কার্য পরিচালনা ব্যয় ৭৫ লক্ষ টাকা বাড়িয়া যাওয়া সত্ত্বেও ব্যয়ের হার আগের বৎসরের শতকরা ৫৩.১ স্থলে আলোচ্য বৎসর ইহা শতকরা ৫২.০০ ভাগ পর্য্যন্ত হ্রাস পাইয়াছে।

যাত্রীদের ভাড়া বাবদ আয়ের পরিমাণ আগের বৎসরের ৩০ কোটি ৭৩ লক্ষ টাকা হইতে কমিয়া গিয়া ৩০ কোটি ৪৭ লক্ষে দাঁড়াইয়াছে। মালের ভাড়া বাবদ আয় ৭০ কোটি ৫৬ লক্ষ টাকায় দাঁড়াইয়াছে। এত আয় সত্ত্বেও ভারতের তৃতীয় শ্রেণীর যাত্রীদের দুঃখের এতটুকু লাঘব করার দিকে ভারতীয় রেলওয়ে বোর্ডের কিছুমাত্র প্রবৃত্তি দেখা যাইতেছে না ইহাই সর্বাপেক্ষা পরিতাপের বিষয়।

### বাজিতপুরে হিন্দু সম্মেলন—

সম্প্রতি ভারত সেবাশ্রম সঙ্ঘের উচ্চোগে ফরিদপুর জেলার বাজিতপুর সেবাশ্রমে প্রসিদ্ধ ঐতিহাসিক শ্রীযুক্ত যোগেন্দ্রনাথ গুপ্তের সভাপতিত্বে একটি বিরাট হিন্দু সম্মেলন অনুষ্ঠিত হইয়াছে। সভায় বাঙ্গালার বিভিন্ন স্থান হইতে অসংখ্য নরনারী যোগদান করিয়াছিল। তথায় হিন্দু জনসাধারণকে বর্তমান আদনসুমারী কার্যে হিন্দুর সংখ্যা



বাজিতপুর হিন্দু সম্মেলনের সভাপতি

শ্রীযুক্ত যোগেন্দ্রনাথ গুপ্ত

যথাযথ লিপিবদ্ধ যাহাতে হয় তাহাতে সহায়তা করিতে অনুরোধ, বাঙ্গালার সর্বত্র ব্যাপকভাবে জোর সংগঠন কার্য পরিচালনের ব্যবস্থা ইত্যাদি বিষয়ে চারিটি প্রস্তাব গৃহীত হইয়াছে।

### আয়ুর্বেদীয় যক্ষ্মা নিবারণ সম্মেলন—

গত ৮ই ফেব্রুয়ারী শনিবার অপরাহ্নে কলিকাতা কলেজ-স্কোয়ার মহাবোধী সোসাইটি হলে কবিরাজ শ্রীযুক্ত যক্ষ্মা নিবারণ গুপ্ত মহাশয়ের সভাপতিত্বে আয়ুর্বেদীয় যক্ষ্মা নিবারণ সম্মেলন হইয়া গিয়াছে। কবিরাজ শ্রীযুক্ত রামকৃষ্ণ শাক্তী

কাব্যব্যাকরণতীর্থ মহাশয় অভ্যর্থনা সমিতির সভাপতিরূপে এক বক্তৃতায় এদেশে যক্ষ্মা রোগের প্রকোপ ও তাহা নিবারণের উপায় সম্বন্ধে বিস্তৃতভাবে আলোচনা করিয়াছিলেন। আয়ুর্বেদীয় চিকিৎসায় যে সত্ত্বর যক্ষ্মারোগীর উপকার হইতে পারে, সে বিষয়টি সভাপতি মহাশয়ও সকলকে বুঝাইয়া দেন। আয়ুর্বেদীয় চিকিৎসকগণও যে



কবিরাজ শ্রীরামকৃষ্ণ শাস্ত্রী

দেশে যক্ষ্মা রোগের বিস্তৃতি দেখিয়া তাহা নিবারণের জন্ত উद्यোগী হইয়াছেন, ইহা দেশের পক্ষে মঙ্গলের বিষয় সন্দেহ নাই।

### জাপান-ভারত বাণিজ্য—

জাপান হইতে ইদানীং ভারতে আমদানির পরিমাণ অত্যধিক বাড়িয়া যাওয়ায় এবং সেই তুলনায় জাপান ভারতবর্ষ হইতে মালপত্র ক্রয় না করায় তাহার প্রতীকারের জন্ত ভারত সরকার এদেশে জাপানী মালের আমদানি নিয়ন্ত্রণ করিয়া দিবেন বলিয়া একটি খবর প্রকাশিত হইয়াছে। গত বৎসর এপ্রিল হইতে ডিসেম্বর পর্যন্ত নয় মাসে জাপান হইতে ভারতে ১৩ কোটি ৪০ লক্ষ টাকা মূল্যের মালপত্র আমদানি হয় এবং ভারত হইতে জাপানে ৯ কোটি ৬১ লক্ষ টাকার পণ্য রপ্তানি হয়। কাজেই গত বৎসর জাপান এ দেশে যত টাকার পণ্য বিক্রয় করিয়াছিল তাহা অপেক্ষা ৩ কোটি ৬৯ লক্ষ টাকার কম পণ্য এদেশ হইতে ক্রয় করে। এবার এই নয়

মাসে জাপান হইতে ভারতে আমদানির পরিমাণ ১৫ কোটি টাকা এবং ভারত হইতে জাপানে রপ্তানির পরিমাণ ৬ কোটি ৭৭ লক্ষ টাকায় পরিণত হইয়াছে। কাজেই এবার জাপান ভারতে যত টাকার পণ্য বেচিয়াছে তাহার তুলনায় ৮ কোটি ২৩ লক্ষ টাকার কম পণ্য ক্রয় করিয়াছে। এরূপ অবস্থায় গুরু বৃদ্ধি দ্বারাই হোক বা মুদ্রা বিনিময় নিয়ন্ত্রণ করিয়াই হোক, জাপান হইতে ভারতে আমদানির পরিমাণ কমানো আবশ্যিক। ইহার ফলে আর যাহাই হোক, ভারতীয় শিল্প প্রতিষ্ঠানগুলি জাপানের প্রতিযোগিতা হইতে অনেকটা রক্ষা পাইবে।

### ডাক ও তার বিভাগের কার্যবিবরণ—


ভারত সরকারের তার ও ডাক বিভাগের গত বর্ষের (১৯৩৯-৪০) কার্যবিবরণে প্রকাশ, আলোচ্য বর্ষে বিভিন্ন প্রকারের যানবাহনে ভারতে মোট এক লক্ষ আটান্ন হাজার মাইল ব্যাপী ডাক চলাচল হয়। আগের বৎসরে ইহার পরিমাণ ছিল এক হাজার মাইল কম। বিমান-ডাক চলাচল এই হিসাবে ধরা হয় নাই। আলোচ্য বর্ষে ৭ কোটি ২২ লক্ষ ৭৫ হাজার টাকার ডাকটিকিট বিক্রয় হইয়াছে। আগের বৎসরের তুলনায় ইহা ৩২ লক্ষ ৯৩ হাজার টাকা অধিক। সার্ভিস স্ট্যাম্প বিক্রয়ের পরিমাণ আগের বৎসরের অপেক্ষা ৮ লক্ষ ৩৩ হাজার টাকা বাড়িয়া এ বৎসরে তাহা ১ কোটি ১৩ লক্ষ ১৯ হাজার টাকা দাঁড়াইয়াছে। গত ১৯৪০ সালের ৩১শে মার্চ পর্যন্ত শহর ও পল্লী অঞ্চলে মোট ২৪ হাজার ৭৪১টি ডাকঘর ছিল। আগের বৎসরে ঐ সময় ইহার সংখ্যা ছিল ২৪ হাজার ৩০৫টি। শহর ও পল্লী অঞ্চলে চিঠির বাক্সের সংখ্যা ছিল ৫৪ হাজার ৪৭৪টি। আগের বৎসরে ছিল ৫২ হাজার ৮৫১টি। গত ১৯৩৯ সালের ৩১ মার্চ পর্যন্ত ভারতে ১১১৬টি ডাকঘর পরীক্ষামূলকভাবে পরিচালিত হইতেছিল। এই সালে আরও ৪১৯টি নূতন ডাকঘর খোলা হয়। এই ১৫৩৫টি নূতন ডাকঘরের মধ্যে শহর অঞ্চলে ২০টি এবং পল্লী অঞ্চলে ৪৭২টি স্থায়ী ডাকঘর বলিয়া গণ্য হয়। ৭৯টি ডাকঘর বন্ধ করিয়া দেওয়া হয় এবং ৯৬৪টি পরীক্ষামূলকভাবেই বজায় রাখা হয়। এ বৎসরে ৬০ লক্ষ ১৪ হাজার চিঠিপত্রাদি ডেট-লেটার আপিসে প্রেরিত হয়; আগের বৎসরে ইহার সংখ্যা ছিল ৫৭ লক্ষ ৩৩ হাজার।



কলিকাতা ইউনিভার্সিটি ইনস্টিটিউটের আন্তর্জাতিক ১৬ মাইল দ্রুত প্রতিযোগিতার পুরস্কার বিতরণ উৎসব—স্টিশচাচ্ কলেজের  
 নিতাই বসাক (ছবির নীচের দিকে বামদিক হঠতে দ্বিতীয়) প্রথম কে-সি-শাল (নীচে বামদিকে প্রথম)  
 দ্বিতীয় ও ডি-মেঞ্জিস (নীচে দক্ষিণদিকে) তৃতীয় হইয়াছেন



ডক্টর রাধাবিনোদ পাল কলিকাতা হাইকোর্টের বিচারপতি নিযুক্ত হওয়ায় তাহার সম্বন্ধনা—মধ্যে মালা গলায় বিচারপতি পাল,  
 তাহার দক্ষিণে বিচারপতি বিজনকুমার মুখোপাধ্যায় ও বামে বিচারপতি কপেন্দ্রচন্দ্র মিত্র



গডেরমাঠে ক্যালকাটা ফুটবল গ্রাউণ্ডে কপ্তী কানিভালের দর্শ

এলাহাবাদে নিখিলভারত ফটো প্রতিযোগিতা।



প্রথম—এন. সি. চন্দ্রোপাধ্যায়




দ্বিতীয়—দেবেন্দ্রনাথ বন্দ্যোপাধ্যায়



তৃতীয়—শ্রীমতী পূর্ণিমা ঘোষ



চতুর্থ—শ্রীমতী ইলা বন্দ্যোপাধ্যায়



## শিল্প-প্রচেষ্টা ও মূলধন সমস্যা—

বান্দালায় শিল্পদ্রব্য প্রস্তুতের উপযোগী কাঁচা মাল, শিল্প-জাত দ্রব্যের চাহিদা, শিল্প কারখানায় কাজ করিবার



চট্টগ্রামে নতন মন্দিরে প্রতিষ্ঠিত ঠাকুর  
রামকৃষ্ণদেবের দারুমূর্তি

উপযোগী শ্রমিক—কিছুরই অভাব নাই। এই সব সুযোগ-সুবিধা থাকা সত্ত্বেও যে এখানে শিল্পের বিশেষ প্রসার হইতেছে না তাহার প্রধান কারণ—মূলধনসংগ্রহের সমস্যা। ঠাহাদের হাতে টাকা আছে তাঁহারা সেই টাকা শিল্প ব্যবসায় খাটানো অপেক্ষাকোম্পানীর কাগজ বা ব্যাঙ্কের সুদের উপরই নির্ভর করেন বেশী। ফলে টাকার অভাবে এদেশে নতন কোন শিল্প ব্যবস্থা গড়িয়া উঠিতেছে না। শুধু তাহাই নহে, ঠাহারা ইতিমধ্যেই শিল্প কারখানা গড়িয়া তুলিয়াছেন তাঁহারা আরও অতিরিক্ত মূলধনের সুবিধা না থাকায় তাহার প্রয়োজনানুরূপ বিস্তৃতি সাধন করিতে পারিতেছেন না। এই উদ্দেশ্যে অবিলম্বে উপযুক্তসংখ্যক ইণ্ডাস্ট্রিয়াল ব্যাঙ্ক স্থাপন দরকার। আমাদের বিশ্বাস, কেৱলী বান্দালীর অপেক্ষা বিত্তশালী ও ব্যবসায়ী শ্রেণীর দৃষ্টি এই অত্যাবশ্যকীয় ব্যাপারে অধিক নিয়োজিত হইয়া দেশের মহোপকার সাধন করিবে।

## চাউলের মূল্য হ্রাসের আশঙ্কা—

সরকারী বিজ্ঞপ্তিতে প্রকাশ যে যুদ্ধের জন্ত জাহাজ-গুলিকে সরকারী প্রয়োজনের জন্ত নিয়োজিত করা আবশ্যক হইয়া পড়িবে। তাই ব্রহ্মদেশ হইতে ভারতে চাউলের

আমদানির পক্ষে অন্তরায় উপস্থিত হইয়া চাউলের মূল্য বাড়িতে পারে। হইয়াছেও তাহাই। তবে এ অবস্থাটা সাময়িক বলিয়াই সরকারের ধারণা; কাজেই কিছুকালের মধ্যেই ব্রহ্ম হইতে চাউল আমদানি সম্ভবপর হইবে। কিন্তু অবস্থা যেরূপ দাঁড়াইতেছে তাহাতে সমগ্র প্রাচ্যখণ্ডেই যুদ্ধের বেড়া আঙুন জলিয়া উঠিতে পারে এবং তাহা হইলে ব্রহ্ম হইতে চাউলের আমদানি অনির্দিষ্ট কাল পর্যন্ত বন্ধ থাকিবে বলিয়াই মনে হয়। অপর পক্ষে ব্যবসায়ীরা যে এই সুযোগে চাউলের দাম বাড়াইয়া দিবে তাহাতে কোন সন্দেহ নাই। অবিলম্বে ইহার প্রতিকার হওয়া দরকার; বান্দালা সরকার পণ্যদ্রব্য-মূল্য-নিয়ন্ত্রণের জন্ত একজন অফিসার নিযুক্ত করিয়া-ছিলেন, তিনি এই বিষয়ে কি করিতেছেন?

## ফাঁকিবাজির চরম—

কিছু দিন আগে পাট কেনা-বেচা সম্পর্কে দিল্লীতে বান্দালা সরকার ও চটকল সমিতির যে চুক্তি হইয়াছিল তাহা যে পাটচাষীর সঙ্গে একটা প্রচণ্ড ফাঁকিবাজী, তাহা দিন দিনই স্পষ্ট হইয়া ধরা পড়িয়াছে। ঐ চুক্তির সর্ত ছিল, গত ১৫ই জানুয়ারী পর্যন্ত এক মাসে চটকলগুলি ১৫ লক্ষ বেল এবং ইহার পর ১৫ই ফেব্রুয়ারি পর্যন্ত এক মাসে ১০ লক্ষ বেল পাট ক্রয় করিবে। তবে যদি চটকলগুলি এই পরিমাণ পাট কিনিতে অক্ষম হয় তাহা হইলে বান্দালা সরকার



চট্টগ্রামে ডক্টর শামাপ্রসাদ মুখোপাধ্যায়

প্রয়োজনানুরূপ পাট কিনিয়া কৃষকের পক্ষে উক্ত পরিমাণ পাট-বিক্রয়ের সুযোগ করিয়া দিবেন; উক্ত চুক্তির সর্ত অনুযায়ী

চটকলগুলি গত ১৫ই জানুয়ারী পর্যন্ত ১৫ লক্ষ বেলের বদলে ১৩ লক্ষ ৫৮ হাজার ৭৪৫ বেল পাট ক্রয় করে। কিন্তু বাঙ্গালা সরকার ঐ তারিখের মধ্যে বাকি ১ লক্ষ ৪১ হাজার ২৫৫ বেল পাট কিনিয়া ১৫ লক্ষ বেল পূরণ করিয়া দেন নাই। ইহার পরবর্তী একমাস শেষ হইল; যতদূর জানা গিয়াছে তাহাতে এই এক মাসে—অর্থাৎ—গত ১৫ই ফেব্রুয়ারি পর্যন্ত চটকলগুলি ১০ লক্ষ বেলের পরিবর্তে মাত্র পাঁচ-ছয় লক্ষ বেলের বেণী পাট কেনেন নাই। কাজেই



কলিকাতা ধর্মভঙ্গা ষ্ট্রীটস্থ ইণ্ডিয়ান আর্ট স্কুলের সরস্বতী মূর্তি—স্কুলের মডেলিং ক্লাসের ছাত্র কেশবলাল ভৌমিক নির্মিত

চুক্তির সর্ব অস্থায়ী এই সময়ে বাঙ্গালা সরকারের চার-পাঁচ লক্ষ বেল পাট ক্রয় করা কর্তব্য ছিল। কিন্তু প্রথম মাসের মাত্র দ্বিতীয় মাসেও বাঙ্গালা সরকার এক তোলা পাটও কেনেন নাই। সরকারের যখন পাট কেনার ইচ্ছা বা সামর্থ্য নাই তখন দিল্লীতে এই ধরনের একটা চুক্তি করিয়া কৃষককে স্তোক দিলেন কেন? এই চুক্তির পর দায়িত্বশীল মন্ত্রীরা মফঃস্বলে কৃষকদের অল্প দামে পাট বিক্রয় করিতে নিবেদ

করিয়া বেড়াইয়াছেন। কিন্তু চুক্তি অস্থায়ী দুই পক্ষই কৃষকদের নিরাশ করিতেছেন। শুধু তাহাই নহে, ইহার ফলে ফাটকা বাজারে পাটের দর প্রতি বেল ৫টাকা কমিয়া গিয়াছে এবং মফঃস্বলেও ইহার প্রতিক্রিয়া দেখা যাইতেছে। মন্ত্রীদের কথায় বিশ্বাস করিয়া কৃষককে যে ক্ষতিগ্রস্ত হইতে হইল তাহা পূরণ করিবে কে?

### ঐতিহাসিকের বর্তমান অবস্থা—

ভারতের ঐতিহাসিকের বর্তমান অবস্থা সম্পর্কে তথ্য সংগ্রহ করিবার জন্য যে কমিটি কিছুদিন আগে গঠিত হইয়াছে, শোনা গেল তাঁহারা কাজ আরম্ভ করিয়া দিয়াছেন।



সম্রাটের মহারাজকুমার শ্রীরবীন্দ্রনাথ রায়চৌধুরী পরিষ্কৃত দক্ষিণ কলিকাতার হুবহু স্বর্ণ সরস্বতী—পার্শ্ব রবীন্দ্রনাথ দণ্ডায়মান

ভারতের বস্ত্রশিল্পের উন্নতির সঙ্গে সঙ্গে ঐতিহাসিকের আর্থিক অবস্থা ধারাপ হইয়াছে বটে, কিন্তু ঐতিহাসিক একেবারে সমূলে নষ্ট হয় নাই। এখনও ভারতের বস্ত্রের মোট চাহিদার প্রায় এক চতুর্থাংশ গ্রাম্য ঐতিহাসিকই সরবরাহ করিয়া থাকে। ঐতিহাসিকের সর্বপ্রধান অস্থবিধা ঘটায় কাপড়ের কলগুলি। বেশীর ভাগ কাপড়ের কল সূতাও কেনে এবং সূতার দাম ইহার এমনভাবে বাধিয়া রাখে—যাহাতে ঐতিহাসিকের কাপড়ের দর কলের কাপড়ের দর অপেক্ষা খুব বেশী নীচে নামিতে না পারে। রেলওয়ে কর্তৃপক্ষও সূতা চালান দেওয়ার সময় ঐতিহাসিকের স্তবিধা দেখার প্রয়োজন বোধ করেন না। এইসব কারণে দরিদ্র ঐতিহাসিকের মূলধন-



হান তাঁতিকে তাঁত শিল্প যে কত কষ্টে বাঁচাইয়া রাখিতে হইতেছে তাহা সহজেই অল্পমেয়। আমরা এই কমিটির রিপোর্টের জন্ত সাগ্রহে প্রতীক্ষা করিতেছি।

### বাঙ্গালার শিশুমৃত্যু—

গত ১৯৩৮ সালে বাঙ্গালায় মোট ২ লক্ষ ৮০ হাজার ৯২৩টি শিশু জন্মবার পর মৃত্যুমুখে পতিত হইয়াছে। উহার মধ্যে ১ লক্ষ ৫৪ হাজার ৪৭৪ জন জন্মবার একমাস কাল মধ্যে, ৮১ হাজার ৬৪০ জন জন্মবার ছয়মাস মধ্যে ও ৪৪ হাজার ৮০৯ জন ছয়মাস হইতে এক বৎসরের মধ্যে মৃত্যুমুখে পতিত হইয়াছে। ১৯৩৭ সালে হাজার-করা ১৭৬২ জন শিশু ঐভাবে জন্মবার পর প্রাণত্যাগ করিয়াছিল। ১৯৩৮ সালে মৃত্যুসংখ্যা বাড়িয়া হাজার করা ১৮৪৭ জন দাঁড়াইয়াছে।

### রাজা জানকীনাথ রায়—

বাঙ্গালার খ্যাতনামা ব্যবসায়ী ঢাকা ভাগ্যকুলের রাজা জানকীনাথ রায় সম্প্রতি ৯৩ বৎসর বয়সে কলিকাতায় পরলোকগমন করিয়াছেন। তিনি মাত্র ১৩ বৎসর বয়সে ব্যবসায় প্রবৃত্ত হন এবং গত ৮০ বৎসর কাল নানাপ্রকার শিল্প ও ব্যবসায় নিযুক্ত থাকিয়া বহু অর্থ উপার্জন করিয়াছিলেন। জ্যেষ্ঠ ভ্রাতা রাজা ৩শ্রীনাথ রায় ও কনিষ্ঠ ভ্রাতা রায় বাহাদুর ৩সীতানাথ রায়ের সহিত একযোগে লবণ, চাউল ও পাটের ব্যবসা করিয়া তাঁহারা প্রথমে প্রতিপত্তি লাভ করেন। তাঁহাদের প্রতিষ্ঠিত ইষ্টবেঙ্গল রিভার টিম সাভিস লিমিটেড বাঙ্গালীর জাহাজের ব্যবসার

উৎকৃষ্ট নিদর্শন। কিছুদিন পূর্বে তাঁহারা প্রেমচাঁদ জুট মিলস্ নামে পাটের কল প্রতিষ্ঠা করেন এবং সম্প্রতি ইউনাইটেড ইণ্ডাস্ট্রিয়াল ব্যাঙ্ক নামে একটি ব্যাঙ্কও তাঁহারা প্রতিষ্ঠা করিয়াছেন। খেতাব ব্যবসায়ীদের সহিত প্রতিযোগিতার জন্ত রাজা হৃষীকেশ লাহা প্রভৃতির সহিত রায়েরা যে 'বেঙ্গল গ্রাশানাল চেম্বার অফ কমার্স' প্রতিষ্ঠা



রাজা জানকীনাথ রায়

করিয়াছিলেন, আজ তাহা দেশীয় ব্যবসায়ীদের স্বার্থরক্ষার প্রধান কেন্দ্রে পরিণত হইয়াছে। রাজা জানকীনাথের তিন পুত্রের মধ্যে দুইজন যোগেন্দ্রনাথ ও নরেন্দ্রনাথ পূর্বেই পরলোকগমন করিয়াছেন। আমরা তাঁহার শোকসন্তপ্ত পরিবারবর্গকে সমবেদনা জ্ঞাপন করিতেছি।





শ্রীক্ষেত্রনাথ রায়

রঞ্জিত ট্রফি সেমিফাইনাল ৪

মহারাষ্ট্র :- ৭৯৮

উত্তর ভারত :- ৪৪২

মহারাষ্ট্র ৩৫৬ রানে জয়ী হ'য়েছে।

রঞ্জিত ট্রফি সেমিফাইনালে মহারাষ্ট্র উত্তর ভারতের কাছে বিপুল রানে জয়ী হ'য়েছে। শুধু সেমিফাইনালেই

প্রতিবারই ভারতের ক্রিকেটে নূতন নূতন রেকর্ড স্থাপন ক'রেছে। ইতিপূর্বে কোন প্রদেশ ব্যাটিংয়ে প্রতি ম্যাচে এরূপ ক্রমোন্নতি দেখাতে পারেনি আর পারবে ব'লে মনেও হয় না। অথচ টীমে একটিও টেস্ট খেলোয়াড় নেই। দলের একমাত্র প্রবীণ খেলোয়াড় দেওধর ৫০ বৎসর বয়সেও এখনো তরুণের মতই শক্তি রাখেন। তাঁর অধিনায়কত্বের উচ্ছ্বসিত প্রশংসা না ক'রে থাকা যায় না। অন্ততঃ পাঁচটি



ইন্টার কলেজ ক্রিকেট লীগ বিজয়ী বিভাগসাগর কলেজ টীম

ফটো—জে কে সান্তাল

নয় এবারের রঞ্জিত ট্রফির প্রতি ম্যাচেই মহারাষ্ট্রের বিপুল প্রথম শ্রেণীর ব্যাটসম্যান এঁদের টীমে আছেন যারা রানসংখ্যা অপর পক্ষের খেলাকে ম্লান ক'রেছে এবং প্রত্যেকেই অল-ইণ্ডিয়া টীমে স্থান পাবার যোগ্য। একটি

প্রদেশের পক্ষে এটি যে কত বড় গৌরবের কথা তা সকল ক্রীড়ামোদীই জানেন।

উত্তর ভারতের সঙ্গে খেলায় মহারাষ্ট্র টেসে জিতে প্রথমে ব্যাট করে এবং ৭৯৮ রান ক'রে সকলে আউট



প্রফেসর দেওধর

হয়। প্রথম দিনের খেলায় মহারাষ্ট্র ৪ উইকেটে ২৭৭ রান তোলে। তরুণ খেলোয়াড় ভাজেকার ১২০ রান করে নট আউট থাকেন। শত রান ক'রতে তাঁর সময় লেগেছিলো

প্রতিবারই বেশ ভাল হয়। এবারও প্রথম উইকেট পড়েছে ১৫৮ রানে।

দ্বিতীয় দিনের খেলায় ভাজেকার আর কোন রান না ক'রেই আউট হ'য়ে গেছেন। ক্যাপ্টেন দেওধর খেলায় যোগদান করে, তাঁরা অভাব বৃদ্ধিতে দেন নি। লাঞ্চার সময় মহারাষ্ট্রের ৫ উইকেটে ৩৮৯ রান হ'য়েছে। দেওধর নট আউট আছে ৫২ ক'রে। তিনি স্লিপে একটা স্লুগোং দিয়েছিলেন। ক্যাচটা অবশ্য বেশ শক্ত ছিলো।

লাঞ্চার পর খেলা শুরু হল রানও বেশ দ্রুত উঠছে; ২০৪ মিনিট খেলে দেওধর তাঁর নিজস্ব শত রান পূর্ণ ক'রলেন। তেরোটা বাউণ্ডারী ক'রেছেন। বেশীর ভাগই হক ও ড্রাইভ ক'রে। চায়ের সময় ৬ উইকেটে ৫২৫ রান হ'য়েছে।

৬০১ রানের মাথায় গোথলে তাঁর নিজস্ব ৭৫ রান ক'রে আউট হ'লেন। দিনের শেষে ৭ উইকেটে ৬১২ রান উঠলো। দেওধর ও যাদব যথাক্রমে ১৬৪ ও ৬ রান ক'রে নট আউট রইলেন।

তৃতীয় দিনের খেলায় মহারাষ্ট্র সব উইকেট হারিয়ে ৭৯৮ রান তুললে। ভারতবর্ষের রণজি ট্রফির তঞ্চ প্রথম



ইন্টার কলেজ ক্রিকেট লীগের ফাইনালে পরাজিত প্রেসিডেন্সি কলেজ টিম

ফটো—সরকার টু ডিও

২৪৫ মিনিট। তিনি উইকেটের চতুর্দিকে খুব চমৎকার ভাবে পিটিয়ে খেলেছেন। তাঁর ফুট-ওয়ার্ক বেশ ভাল। খেলায় 'চার' ছিলো ১৫টা। মহারাষ্ট্রের ওপনিং

শ্রেণীর খেলায় ইহাই সর্বোচ্চ রান। পূর্বে মহারাষ্ট্র বোম্বায়ের বিরুদ্ধে ৬৭৫ রান ক'রে রেকর্ড ক'রে ছিলো। দেওধর মাত্র চার রানের দ্রুত ডবল সেঞ্চুরী ক'রতে পেলেন না।

তিনি সাড়ে ছয়টা খেলে উক্ত রান সংখ্যা তুলেছেন। বাউণ্ডারী ছিলো ২৫টা। এছাড়া যাদব 'নাইটম্যান' গিয়ে ১১৫ রান ক'রে অস্তুত কৃতিত্ব দেখিয়েছেন। মাত্র চারজন খেলোয়াড় ছাড়া মহারাষ্ট্রের প্রত্যেক ব্যাটসম্যানের রান সংখ্যা ৬০এর উপর, ফলে তাঁদের পাঁচটি জুটি শতাধিক রান ক'রেছেন। দে ও ধ র পর পর তিনটি ঐরূপ জুটির সহযোগিতা ক'রেছিলেন। ব্যাটিংএর এত চমৎকার রেকর্ড সচরাচর দেখা যায় না। রান এত বেশী উঠলেও উত্তর ভারতের ফিল্ডিং বেশ উচ্চ শ্রেণীর হ'য়েছে।

উত্তর ভারতের ৪ উইকেটে ১৪৪ রান হবার পর সেদিনের মত খেলা শেষ হ'ল। রামপ্রকাশ ও সরীফ যথাক্রমে ৬৯ ও ৬৬ রান ক'রে নট আউট রইলেন।

শেষ দিনের খেলা উত্তর ভারতের ৪৪২ রানে ইনিংস শেষ হ'ল। সরীফ ১১৮ রান ক'রে আউট হ'য়েছেন। সময় লেগেছিলো ৩১৩ মিনিট আর বাউণ্ডারী ছিলো ১২টা। মহারাষ্ট্র বিপুল রানে জয়ী হ'লেও এই ম্যাচে ব্যক্তিগত কৃতিত্ব সবচেয়ে বেশী দাবী ক'রতে পারেন বিজিত ক্যাপ্টেন রামপ্রকাশ। তাঁর টিমের রান সংখ্যা যখন মাত্র ৩০ তখন তিনি খেলায় যোগদান ক'রেছিলেন আর যখন

খেলা শেষ হ'ল তখন পর্যন্ত তিনি নট আউট ২০৯। একমাত্র সরীফ ছাড়া দলের আর কোন খেলোয়াড়ের কাছ

থেকে তিনি সহযোগিতা পাননি। সরীফের সহযোগিতায় ৫ম উইকেটে রান উঠেছিলো ২১৭। রামপ্রকাশ নির্ভীকভাবে উইকেটের চতুর্দিকে সমানভাবে পিটিয়ে খেলে গেছেন। কোন বোলারই তাঁর ভীতি উৎপাদন ক'রতে



কুচবিহার কাপ বিজয়ী কাষ্টমস দল

ফটো—জে কে সাহালা



কুচবিহার কাপের কাইনালে পরাজিত ট্রপিক্যাল স্কুল ফটো—জে কে সাহালা

পারেননি। তাঁর খেলা অধিনায়কের মতই হ'য়েছে। সব্বাতে ৬৯ রানে চারটে উইকেট পেয়েছেন।

মাদ্রাজ :—২৭১ ও ১৫৮

ইউ পি :—২৫৫ ও ১৪৯

মাদ্রাজ মাত্র ২৫ রানে জয়ী হয়েছে।

রঞ্জিট্রফির অপরদিকের সেমি ফাইনালে মাদ্রাজ ইউ পি কে মাত্র ২৫ রানে পরাজিত করে ফাইনালে উঠেছে। মাদ্রাজ প্রথমে ব্যাট করে ২৭১ রান করে। গোপালম ১০১ রান করে নট আউট রইলেন আর রামসিং মাত্র



গোপালম

৯ রানের জঘ সেঞ্চুরী করতে পারলেন না। এই দুজন খেলোয়াড় না থাকলে মাদ্রাজের অবস্থা খুবই খারাপ হ'ত। ৮ উইকেটে যখন ২০০ রান হ'য়েছে তখন গোপালমের রান সংখ্যা মাত্র ৪৬। বাকী ৭১ রানের ভেতর ৫৫ রান তিনিই ক'রেছেন। আফতাব ৯৬ রানে পাঁচটা উইকেট পেয়েছেন।

ইউ পির প্রথম ইনিংস শেষ হ'য়েছে ২৫৫ রানে। ক্যাপ্টেন পালিয়া একাই ১১০ ক'রেছেন এবং শেষ পর্যন্ত আউট হননি। তিনি আড়াই ঘণ্টার উপর ব্যাট ক'রেছিলেন চার ছিলো ৬টা। এছাড়া গুরুদাচরের ৪৪ রানও উল্লেখযোগ্য। রঙ্গচারী ৭৫ রানে পাঁচটা উইকেট পেয়েছেন।

আলেকজাণ্ডারের বলে মাদ্রাজের কোন ব্যাটসম্যানই দ্বিতীয় ইনিংসে খেলতে পারেন নি। তাঁর বল অদ্ভুত রকম ভাল হ'য়েছিলো। ২১ ওভার বল দিয়ে মাত্র ২৯ রানে তিনি ৭টা উইকেট পেয়েছেন। মাদ্রাজের দ্বিতীয় ইনিংস

শেষ হ'য়েছে ১৫৮ রানে। এত কম রানে তাদের নামিয়ে দিয়েও ইউ পি চতুর্থ ইনিংসের মাঠে মোটেই সুবিধা করতে পারেনি। তাদেরও ইনিংস শেষ হ'য়েছে খুব অল্প রানে। মাত্র ১৪৯। ইউ পি আর একটু ধীরভাবে খেললে হয় তো জিততে পারতো। ভেঙ্কটে সন ও রঙ্গচারী উভয়ে যথাক্রমে ২৩ ও ৩১ রানে ৩টে করে উইকেট পেয়েছেন।

মাদ্রাজ ফাইনাল খেলবে মহারাষ্ট্রের সঙ্গে। ব্যাটিংয়ে মহারাষ্ট্রের সঙ্গে তাদের তুলনাই চলে না। তবে মাদ্রাজের বোলিং ভাল এবং সেই সুবিধাতেই যদি তারা কিছু করতে পারে। আরও একটি সুবিধা অবশ্য মাদ্রাজ পাচ্ছে। তাঁরা নিজেদের মাঠে খেলবে। এই সুবিধাটি মোটেই কম নয়।

### রঞ্জিট্রফি ৪

পশ্চিম ভারত ষ্টেট :—৪৫৯

মহারাষ্ট্র :—৪৬০ (৩ উইকেট)

মহারাষ্ট্র প্রথম ইনিংসে অগ্রগামী থাকার ফলে জয়ী হ'য়েছে।

রঞ্জিট্রফির ওয়েস্ট জোন ফাইনালে মহারাষ্ট্র পশ্চিম ভারত ষ্টেট টীমকে অদ্ভুতভাবে পরাজিত ক'রেছে। পশ্চিমভারত ষ্টেট প্রথমে ব্যাট করে ৩৪৪ তোলে। সর্বোচ্চ রান করেন সৈয়দ আমেদ নট আউট ৮০। মানভাদারের নবাবের ৬২ এবং আকবর খাঁর ৫৭ রানও উল্লেখযোগ্য। মহারাষ্ট্রের বিরুদ্ধে এতবেশী রান তোলার ফলে পশ্চিমভারত ষ্টেটের সমর্থকরা তাঁদের জয়লাভ সম্বন্ধে বোধ হয় নিশ্চিত ছিলেন। নিরপেক্ষ ব্যক্তিরও মহারাষ্ট্র যে সহজে জয়লাভ করতে পারবে নিশ্চয় একথা ভাবতেও পারেন নি। মহারাষ্ট্র অদ্ভুত ব্যাটিং নৈপুণ্য দেখিয়ে সকলকে চমৎকৃত ক'রেছে। চতুর্থ উইকেটে ৩৪২ রান উঠবার পরও কোন ব্যাটসম্যান আউট হন নি। সোহনী ক'রেছেন ২১৪ আর হাজারে ১৬৪। সোহনী বোম্বাই ও গুজরাটের বিরুদ্ধে সেঞ্চুরী ক'রেছিলেন। ইতিপূর্বে কোন খেলোয়াড় পরপর তিনবার শতাধিক রান করতে পারেনি।

### ক্রীড়া প্রতিযোগিতায় যাঁরা

#### ডবল সেম্বুরী করেনঃ

৩১৬—ভি এস হাজারী ( মহারাষ্ট্র )

১৯৩৯-৪০ সালে পুণাতে বরোদার বিরুদ্ধে।

২৪৬—প্রফেসার দেওধর ( মহারাষ্ট্র )

১৯৪০-৪১ সালে পুণাতে বোম্বাইয়ের বিরুদ্ধে।

\* ২২২—ক্যাপটেন ওয়াজীর আলী ( দক্ষিণ পঞ্জাব )

১৯৩৮-৩৯ সালে কলকাতায় বাঙ্গলা প্রদেশের বিরুদ্ধে।

\* ২১৮—এস ডবলউ সোহনী ( মহারাষ্ট্র )

১৯৪০-৪১ সালে পুণাতে পশ্চিম ভারত স্টেটের বিরুদ্ধে।

\* ২০৯—রামপ্রকাশ ( উত্তর ভারত ) ১৯৪০-৪১ সালে

পুণাতে মহারাষ্ট্রের বিরুদ্ধে।

২০৩—জে নওমল ( সিন্ধু ) ১৯৩৮-৩৯ সালে নওনগরে

নওনগরের বিরুদ্ধে।

২০২—রঙ্গনেকার ( বোম্বাই ) ১৯৪০-৪১ সালে পুণাতে

মহারাষ্ট্রের বিরুদ্ধে।

\* তারকা চিহ্নগুলি নট আউট রান নির্দেশ করে।

### ইন্টার স্কুল স্পোর্টস

ইন্টার স্কুল স্পোর্টসের ত্রয়োদশ বার্ষিক অনুষ্ঠান শেষ হয়েছে।

ব্যক্তিগত চ্যাম্পিয়ানসীপ ( সিনিয়র ) এ হায়েস ( খড়্গপুর )—২৫

ইন্টারমিডিয়েট—জিতেন দাস ( ফরিদপুর )—১৬ পয়েন্টস

জুনিয়র—নিতাই ঘোষ ( ছগলী ) ২৪ পয়েন্ট

স্কুল-চ্যাম্পিয়নসীপ : (১) বি এন আর ইন্ডিয়ান এইচ ই স্কুল (খড়্গপুর) ৮১ পয়েন্টস (২) ঈশ্বরগঞ্জ হাই স্কুল ( ময়মনসিং ) ২৪ পয়েন্টস

এসোসিয়েশন চ্যাম্পিয়নসীপ : (১) খড়্গপুর ১০৫ পয়েন্টস (২) কলিকাতা ৬২ পয়েন্টস

অল রাউন্ড এক্টিভিটিস : কলিকাতা—১৬ পয়েন্টস

### ঢাকায় ক্রিকেট ম্যাচঃ

বেঙ্গল জিমখানা :—৩৪১ ও ২১৪

বেঙ্গল গভর্নরের দল :—৪১৮

ওয়ার ফণ্ডে সাহায্যের জন্তু ঢাকায় বেঙ্গল জিমখানার সঙ্গে বেঙ্গল গভর্নরের একাদশের একটি ক্রিকেট ম্যাচের ব্যবস্থা হয়। খেলাটি অসমীয়াসিতভাবে শেষ হয়েছে। গভর্নরের টিমের ক্যাপ্টেন ছিলেন মেজর নাইডু, এছাড়া এস ব্যানার্জি, মানকান্দ নওমল ও নাজির আলির মত

অল-ইণ্ডিয়া খেলোয়াড় ও উক্ত দলে খেলেছিলেন। বাকী কলকাতা ও ঢাকার কয়েকজন তরুণ খেলোয়াড় দিয়ে অপর



মেজর নাইডু

দলটি গঠিত হয়েছিলো। বেঙ্গল জিমখানার পক্ষে নির্মল, পি ডি দত্ত ও এ দেব মনোনীত হয়েছিলেন কিন্তু খেলতে



বেঙ্গল এথলেটিক স্পোর্টসের ১৫০০ মিটার সাইকেল রেস

বিজয়িনী কুমারী শোভা গাঙ্গুলী ফটো—সরকার ছুঁড়ি প্যারেননি। তাতে টিম একটু দুর্বল হয়ে পড়ে। পি ডি দত্তের স্থান এস দত্ত বেশ ভাল খেলেছেন। ১২ জন ক



যাদবপুর যক্ষ্মা হাসপাতালে রোগীদের বার্ষিক খেলা উৎসবে সভাপতি সার নৃপেন্দ্রনাথ সরকার ( মধ্যস্থলে ) ও  
ডাক্তার কুমুদশঙ্কর রায় ( বামে )



যাদবপুর যক্ষ্মা হাসপাতালের রোগীদের খেলার একটি দৃশ্য—( বাম হইতে দ্বিতীয় ) স্মৃশাল সেন প্রথম হইয়াছেন



কলিকাতা বেহালায় ডায়মণ্ডহারবার রোডে ব্রতচারী গ্রামে ব্রতচারীদের বার্ষিক উৎসব—সভাপতি কাশিমবাজারের মহারাজা  
সহ সভাপতি কলিকাতার ডাক্তার কুমুদশঙ্কর রায় ও পতিষ্ঠাতা শ্রীঅক্ষয়সারথী দত্ত পার্শ্ব বসিয়া আছেন



যশোহরে কৃষিশিল্প প্রদর্শনীতে উৎসব—( বামদিক হইতে চতুর্থ ) ডেলা মার্জিষ্ট্রেট মিঃ এন, এম, খান উপবিষ্ট



বোম্বায়ে বেঙ্গল ক্লাবের খেলা উৎসবে সমবেত প্রবাসী বাঙ্গালীবৃন্দ—বোম্বাই হাইকোর্টের বিচারপতি  
শ্রীযুক্ত ক্ষিতীশচন্দ্র সেন পুরস্কার বিতরণ করিতেছেন



এলাহাবাদে কমলা নেহেরু প্রসূতি হাসপাতাল—পণ্ডিত জহরলাল নেহেরুর পরলোকগতা পত্নীর স্মৃতিরক্ষার্থ নিৰ্মিত



খেলোয়াড় নিয়ে যখন টিম গঠিত তখন এস দত্তের মত খেলোয়াড়ের এমনিতেই স্থান পাওয়া উচিত ছিলো। বিশেষত এই ম্যাচের কিছুদিন আগে দত্ত জ্যাকসনকাপে যেভাবে খেলা দেখিয়েছেন।

বেঙ্গল জিমখানার ক্যাপ্টেন কে বসু টসে জিতে ব্যাট ক'রতে পাঠালেন। দিনের শেষে সব উইকেট হারিয়ে রান সংখ্যা উঠলো ৩২৯। দলের সর্বোচ্চ রান ক'রেছেন কার্তিক নিজে। তিনি নিখুঁত ও চমৎকার ভাবে উইকেটের চারিদিকে পিটিয়ে খেলে দেখিয়েছেন যে, মেজর নাইডু, এস ব্যানার্জি, মানকাদ, নওমল ও নাজির আলির

সূচনা খুব ভাল হ'য়েছে। ওপনিং ব্যাটস এস ব্যানার্জি ও মানকাদ আউট হ'য়েছেন যথাক্রমে ৭৬ ও ৬৪ ক'রে। এবং এর পরই কিন্তু ভাঙ্গন শুরু হয়। শেষে নাইডু নিজে এসে খেলার গতি ঘুরিয়ে দিলেন। নাইডুর ব্যাটিং সকলকে স্তান ক'রে দিয়েছে। অনেকদিন পরে নাইডু আবার এত চমৎকার খেললেন, বোলারদের সকলকেই সমানভাবে পিটিয়েছেন। জে এন ব্যানার্জি এক ওভারে রান দিয়েছেন ২৪। ৩টে ৬ আর একটা চার ছিলো। শতরান পূর্ণ হবার পর তিনি নিজস্ব ভঙ্গীতে অত্যন্ত সহজভাবে বোলারদের পিটিয়ে গিয়েছেন। তাঁর ১৫৬ রান ক'রতে

সময় লেগেছিলো ১৭০ মিনিট, ঐ রানের মাথায় তিনি এস দত্তের বলে রামচন্দ্রের হাতে ধরা দেন। তাঁর খেলায় 'চার' ছিলো তেরোটা আর 'ছয়' নটা। কমল ৯০ রানে ছটা উইকেট পেয়ে বিশেষ কৃতিত্ব দেখিয়েছেন।

৭৭ রানে পিছিয়ে থেকে বেঙ্গল জিমখানা দ্বিতীয় ইনিংস শুরু ক'রলে এবং ২১৪ রানে ইনিংস শেষ হবার সঙ্গে সঙ্গে খেলাও শেষ হ'ল। এবার দলের সর্বোচ্চ রান ক'রলেন এ দাস ৫০।

এছাড়া গাঙ্গুলী, কে বোস ও কে ভট্টাচার্য ব্যাটিংয়ে

ফটো—কাকন মুখার্জি  
নৈপুণ্য দেখিয়েছেন। নওমলের বোলিং খুব কার্যকরী হ'য়েছিলো। তিনি ৭৭ রানে ৯টা উইকেট পেয়েছেন। সময়ভাবে খেলা অমীমাংসিতভাবে শেষ হ'ল।

জ্যাকসন কাপ ফাইনাল ৪

কালীঘাট :—১৫৮ ও ৩৫০

ই বি আর ম্যানসন :—২৮৬ ও ১৫৫

কালীঘাট ৬৭ রানে ই বি আর ম্যানসন ইনস্টিটিউটকে পরাজিত ক'রে ঢাকার বিখ্যাত জ্যাকসন কাপ বিজয়ী



ভারত স্ত্রী শিক্ষা সমন্বয় বালিকাগণ কর্তৃক পিরামিড দৃশ্য

মত অল-ইণ্ডিয়া খেলোয়াড় নিখুঁতভাবে বল ফেললেও রান তোলা মোটেই অসম্ভব নয়। তিনি এইরকম নির্ভীকভাবে খেলার জন্মই দলের অন্তিম তরুণ খেলোয়াড়রাও বেশী সহজে রান তুলতে সক্ষম হ'য়েছেন। এস দত্ত, রামচন্দ্র ও টি ভট্টাচার্যের যথাক্রমে ৪৭ (নট আউট), ৩৯ ও ৩২ রান উল্লেখযোগ্য। জব্বর হতাশ ক'রেছেন। বেঙ্গল জিমখানার রান সংখ্যা বেশ সম্মানজনক। মানকাদ ৯৯ রানে ৪টে উইকেট পেয়েছেন।

বেঙ্গল গভর্নমেন্ট টিমের প্রথম ইনিংস শেষ হয় ৪১৮ রানে।

হয়েছে। ই বি আর ম্যানসন গতবার উক্ত কাপ বিজয়ী হয়েছিলো। কালীঘাট টেসে জিতে প্রথমে ব্যাট করে এবং তাদের ইনিংস শেষ হয় মাত্র ১৫৮ রানে। কল্যাণ বসু একাই ৮২ রান করেন। টি ভট্টাচার্য্য ৩৮ রানে ৪টে উইকেট পান।

ই বি আর প্রথম ইনিংসে ২৮৬ রান তোলে, জব্বর ১১৯ রান করেন; চার ছিলো ১১টা আর একটা ছয়। এছাড়া জে ব্যানার্জি, দিলীপ সোম ও টি ভট্টাচার্য্যের যথাক্রমে ৪৬, ৪৭ ও ৩৫ রানও উল্লেখযোগ্য। এস দত্ত ১২৩ রানে ৭টা উইকেট পেয়েছেন।

কালীঘাট ১২৮ রান পিছিয়ে থেকে দ্বিতীয় ইনিংস শুরু

পারলেন না। ই বি আরের দ্বিতীয় ইনিংস শেষ হ'ল মাত্র ১৫৫ রানে। রামচন্দ্র ও এস দত্ত উভয়ে ৫টা করে উইকেট পেলেন যথাক্রমে ২৮ ও ৬৭ রানে।

### মহিলাদের আন্তঃ কলেজ স্পোর্টস ৪

কলিকাতা বিশ্ববিদ্যালয়ের ছাত্রীদের ষষ্ঠ বার্ষিক আন্তঃ কলেজ স্পোর্টস শেষ হয়েছে। আমাদের দেশের স্কুল কলেজের মেয়েরা যে শরীর গঠনের জন্ম খেলাধুলায় বিশেষ দৃষ্টি দিয়েছেন তার কিছুটা পরিচয় মেয়েদের বিভিন্ন স্পোর্টসের মধ্যে পাওয়া যায়। স্কুল কলেজের ছাত্র ছাত্রীদের স্বাস্থ্য ক্রমশই অবনতির দিকে অগ্রসর হয়েছে; জাতীয়



মহিলাদের ইন্টার কলেজ স্পোর্টসের টিম চ্যাম্পিয়ানসীপ বিজয়িনী সিক্টোরিয়া ইনস্টিটিউটের ছাত্রীগণ

ফটো—বি বি মৈত্র

করে এবং খুব দৃঢ়তার সঙ্গে খেলে ৩৫০ রান তোলে। পি ডি দত্ত খুব নির্ভীকভাবে খেলে ১০৯ রান করেন তাঁর খেলায় বাউণ্ডারী ছিলো ১৭টা। দত্ত একজন ফাষ্টবোলার হ'লেও তাঁর ব্যাটিংয়ের যথেষ্ট নৈপুণ্য আছে বিশেষতঃ এবছর অনেকদিন আগেই সহস্রাধিক রান পূর্ণ করে যথেষ্ট কৃতিত্ব দেখিয়েছেন। কল্যাণ বসু দ্বিতীয় ইনিংসেও বেশ ভাল খেলে ৬৩ রান করেছেন।

২২৩ রান তুলতে পারলেই জয় হবে। ই বি আর ব্যাটিং শুরু করলো কিন্তু চতুর্থ ইনিংসের উইকেটে একমাত্র দিলীপ সোম ছাড়া আর কোন ব্যাটসম্যানই সুবিধা করতে

জীবনের এই সঙ্কট অবস্থায় ছাত্রদের অটুট স্বাস্থ্য সঞ্চয়ের যেমন প্রয়োজন মেয়েদেরও তেমনি। বর্তমান সভ্যতার ক্রমবিস্তারে আমাদের জাতীয় জীবনের ধারা অনেকখানি পরিবর্তন হয়েছে। এ পরিবর্তন স্বাভাবিক। সেই পরিবর্তনের বিবর্তে পড়ে আমরা আমাদের স্বাস্থ্য হারাতে বসেছি। বর্তমান শিক্ষাধারার ভারে আজ দুর্বল স্বাস্থ্য নিয়ে জগতের সকল জাতির কাছে আমরা ক্রমশই নানা দিক থেকে পিছনে পড়ছি। পল্লীজীবনে মেয়ে পুরুষ যতখানি উন্মুক্ত আলোবাতাসের অধিকারী হয় নগরবাসী ততখানি সুযোগ পায় না। স্বাস্থ্য রক্ষার পক্ষে

এই দুইয়ের যে অধিক প্রয়োজন সে সম্বন্ধে আমাদের জ্ঞান পরিপূর্ণ থাকলেও আমরা সহরে থেকে এদের ভোগ করতে পারি না।

স্কুল কলেজের ছাত্রীরা ছাত্রদের মতই ক্রমশই ক্ষীণজীবী হয়ে পড়ছে। সুখের বিষয় বিভিন্ন প্রতিষ্ঠানের কর্তৃপক্ষগণ শিক্ষাদানের অবসরে ছাত্রছাত্রীদের খেলাধুলার ব্যবস্থা দিয়ে স্বাস্থ্যরক্ষা পালনের ব্যবস্থা করেছেন। এ বিষয়ে বিশ্ববিদ্যালয়েরও যথেষ্ট কর্তব্য আছে বলে আমরা মনে করি। বিশ্ববিদ্যালয়ের Students welfare Commit'ee নামে একটি প্রতিষ্ঠানের নাম আমরা কাগজে দেখে আসছি।

বিশ্ববিদ্যালয়ের কর্তৃপক্ষগণ ইচ্ছা করলে এই প্রতিষ্ঠানের

বর্তমান বৎসরের বার্ষিক খেলাধুলায় স্কটিশচার্চ কলেজের ছাত্রী একা ৩৬ পয়েন্ট লাভ করে ব্যক্তিগত চ্যাম্পিয়ানসীপ লাভ করেছেন। ভিক্টোরিয়া ইনষ্টিটিউশন ৭৩ পয়েন্ট পেয়ে কলেজ চ্যাম্পিয়ানসীপ পেয়েছে। প্রতিযোগিতায় ছাত্রীদের মধ্যে তীব্র প্রতিদ্বন্দ্বিতা চলে, সকলের মধ্যে বেশ উদ্দীপনার পরিচয় পাওয়া যায়।

### পাঞ্জাব লন টেনিস চ্যাম্পিয়ানসীপ ৪

পাঞ্জাব লন টেনিস চ্যাম্পিয়ানসীপে এস এল আর সোহানী পুরুষদের সিঙ্গেলস, ডবলস এবং মিক্সড ডবলসে বিশেষ কৃতিত্বের পরিচয় দিয়েছেন।



মহিলাদের ইন্টার কলেজ স্পোর্টসের রীলে রেস বিজয়িনী বেথুন কলেজের ছাত্রীগণ

ফটো—তারক দাস

সাহায্যে ছাত্রছাত্রীদের স্বাস্থ্যরক্ষা ব্যাপারে বহু সংকার্য করতে পারেন। ছাত্রছাত্রীদের স্বাস্থ্যরক্ষা বিষয়ে বিশ্ববিদ্যালয়ের যে একটা বড় কর্তব্য রয়েছে এটা আমরা স্বীকার করি; কিন্তু অপরের কর্তব্যপরায়ণতার উপর নির্ভর করে আমাদের ছাত্রছাত্রীরা যেন নিশ্চেষ্ট হয়ে না থাকেন। স্বাস্থ্যরক্ষা করতে হলে শরীরধারণকারীরও একটা কর্তব্য আছে—সে কর্তব্য অবহেলার নয়, আমরা সেই কর্তব্যে ব্রতী হতেই তাদের অনুরোধ করি; আর আমাদের বিশ্বাসবহুজনের সাধনা এবং ইচ্ছার বিরুদ্ধে কোন প্রতিষ্ঠানই নির্বিকার ভাবে দাঁড়িয়ে থাকবে না।

ফলাফল :

পুরুষদের সিঙ্গেলসে সোহানী ৬-২, ৬-৩ গেমের নরেন্দ্রনাথকে পরাজিত করেন।

মহিলাদের সিঙ্গেলসে মিসেস মাসি ৬-২, ৬-২ গেমের মিসেস হাউলালকে পরাজিত করেছেন।

পুরুষদের ডবলসে ফাইনালে সোহানী ও সোনী ৬-১, ৬-১, ৬-৩ গেমের সভারা ও সফিকে পরাস্ত করেছেন।


মহিলাদের ডবলসে ফাইনালে মিসেস মাসি ও মিসেস স্পেনসার ৬-৩, ৬-২ গেমের মিসেস কোশেন ও কারেকে পরাজিত করেন।

মিক্সড ডবলসে সোহানী ও মিসেস মাসি ৬-৪, ৬-০ গেমের সোহানী ও কারেকে পরাজিত করেন।

প্রবীণদের ডবলসে কৃষ্ণপ্রসাদ ও ব্রুক এডয়ার্ডস ৬-৪, ৬-২ গেমের স্লীম ও ঘুলারকে পরাস্ত করেছেন।

### প্রাদেশিক স্পোর্টস ৪

বেঙ্গল প্রভিন্সিয়েল স্পোর্টসের অষ্টাদশ বার্ষিক অনুষ্ঠান শেষ হয়েছে। আই এ ক্যাম্পের এস কে সিংহ ৪৮ পয়েন্ট পেয়ে ব্যক্তিগত চ্যাম্পিয়ানসীপ পেয়েছেন। টিম চ্যাম্পিয়ান-



টেবল টেনিস চ্যাম্পিয়ানসীপ বিজয়ী অরুণ গুহ



এস কে সিংহ বেঙ্গল প্রভিন্সিয়েল স্পোর্টসের ৫০০০ মিটার ওয়াকিংএ নূতন রেকর্ড করেছেন ফটো—বি বি মৈত্র

চ্যাম্পিয়ানসীপ লাভ করেন। ক্যালকাটা ওয়েস্ট ক্লাব ১৩৭ পয়েন্টে মহিলাদের টিম চ্যাম্পিয়ানসীপ পায়।

৫০০ মিটার ওয়াকিং রেস এস কে সিংহ ২৫ মিঃ ৫৬-৩/৫ সেকেন্ডে শেষ করে ভারতীয় ২৭ মি ১৮ সেকেন্ডের রেকর্ড ভঙ্গ করেন। কিন্তু অলিম্পিকের কর্মকর্তারা এই



মহিলাদের ইন্টার কলেজিয়েট স্পোর্টসের ব্যালেন্স রেস। কুমারী করুণা গুহ ( তিষ্ঠোরিয়া) প্রথম হ'ন

ফটো—ভারক দাস

রেকর্ডকে সরকারী ভাবে ভারতীয় রেকর্ড বলে গ্রহণ করতে  
অস্বীকার করেছেন। তাঁদের ধারণা সময় নিরূপণ ব্যাপারে



আশুতোষ কলেজের মহিলা বিভাগের স্পোর্টসে ব্যক্তিগত  
চ্যাম্পিয়ানসীপ বিজয়িনী কুমারী তপতী ভট্টাচার্য্য

ফটো—পান্না সেন

কোনরূপ ক্রটি আছে। উপস্থিত দর্শক এবং খেলোয়াড়রা  
অলিম্পিক কমিটির কর্মকর্তাদের এ বিচারে একমত হ'তে  
পারেন নি। ৪০০ মিটার দৌড় ৫১ সেকেন্ডে শেষ করে  
এম ফেরোন বাঙ্গলার নূতন রেকর্ড স্থাপন করেছেন। তাঁর  
বয়স মাত্র ১৯, এই অল্প বয়সেই আলোচ্য প্রতিযোগিতায়



দশ সের ভার বহনসহ দশ মাইল ওয়াকিং  
রেস বিজয়ী রবিন সরকার

একাধিক অস্থানে বিশেষ কৃতিত্বের পরিচয় দিয়েছেন।  
এছাড়া কলকাতায় অস্থিত বিভিন্ন প্রতিযোগিতায় বিশেষ

সাফল্য লাভ ক'রে বর্তমানে একজন শ্রেষ্ঠ এথলেটসের  
সম্মান অর্জন করেছেন।

ইণ্টার কলেজ ১৬ মাইল

সাইকেল চালনা ৪

ইণ্টার কলেজ ১৬ মাইল সাইকেল চালনায় প্রেসিডেন্সি,  
স্কটিশ, আশুতোষ, সেন্টজেরভিয়াস, সিটি ও সেন্টপলস



মিস বি বিক

বেঙ্গল প্রভিন্সিয়েল স্পোর্টসের মহিলাদের বিভাগে ব্যক্তিগত  
চ্যাম্পিয়ানসীপ পেয়েছেন ফটো—কাকন মুখার্জি

কলেজ থেকে মোট ছ'জন ছাত্র যোগদান করে। স্কটিসের  
ছাত্র নিতাইচাঁদ বসাক ৫১ মিঃ ২৯ সেকেন্ডে নির্দিষ্ট পথ  
অতিক্রম ক'রে প্রথম হয়েছেন।

খেলাধুলায় বিশিষ্ট ব্যক্তির দান ৪

আন্নামলাই বিশ্ববিদ্যালয়ের ভূতপূর্ব ভাইস-চ্যান্সেলার  
শ্রী এম আর এম আন্নামলাই চেটিয়ার আস্তঃ বিশ্ববিদ্যালয়  
স্পোর্টসের ছাত্রদের উৎসাহ দেবার জন্তু ১,৫০০ টাকা দান

করেছেন। ঐ টাকা থেকে প্রতিবৎসর প্রতিযোগিতায় বিজয়ী দলকে একটি শীল্ড দান করবার ব্যবস্থা দেওয়া হয়েছে। পাঞ্জাব বিশ্ববিদ্যালয় এ বৎসর উক্ত শীল্ড বিজয়ের সম্মান প্রথম অর্জন করেছে।

জয়পুরের ( উড়িষ্যা ) মহারাজা বিশ্বরমা দেও বর্ষা ২,০০০ টাকা মূল্যের একটি শীল্ড দিয়েছেন। উক্ত শীল্ডটি ইণ্টার ভার-সিটি টেনিস টুর্নামেন্টের বিজয়ী দলকে উপহার দেওয়া হবে। এ বৎসর পাটনা বিশ্ববিদ্যালয় প্রথম এই শীল্ডটি লাভ করেছেন।

বিভিন্ন দেশের বিশিষ্ট মহিলা টেনিস খেলোয়াড় :



ওলিভ ফ্রেজ—দক্ষিণ আফ্রিকার পঞ্চম খেলোয়াড়



হেলেন জ্যাকব—আমেরিকার দুই নম্বর খেলোয়াড়



• এনিটা লিভানা ( চিলি )  
কোন'সেটে পরাজিত না হয়ে ইউ এস এ সিন্সলস বিজয়িনী হন



এস স্পার্কলিং জার্মানি : ক্রাফ ও জার্মান টাইটলস বিজয়িনী



এস হেনরোতি  
১৩৩৭ সালের ইউএস এ কভার-কোর্ট বিজয়িনী



এলিস মার্কেল  
আমেরিকার একনম্বর খেলোয়াড়



নানসি গ্যাননি  
অস্ট্রেলিয়ার ডবলস বিজয়িনী



মিসেস সারহা ফেবিয়ান  
ইউ এ এ ডবলস বিজয়িনী

**জো লুই'র সম্মান** §

পৃথিবীর সর্বশ্রেষ্ঠ মুষ্টি ঘোঁকা জো লুই, গন্ডোরাজিওকে নক্ আউটে পরাস্ত ক'রে পর্যায়ক্রমে চতুর্দশবার তাঁর পৃথিবীব্যাপী সম্মান অক্ষুণ্ণ রাখলেন।

**গানবোটের সাফল্য** §

পেশাদার বক্সিং টুর্নামেন্টে ওরিয়ান্ট চ্যাম্পিয়ান গানবোট জ্যাক সহজেই অল্ ইণ্ডিয়া রেলওয়ে চ্যাম্পিয়ান ডানকান ছট্‌রটনকে পরাজিত করেন। দশ রাউণ্ড লড়াইয়ের পর গানবোট পয়েন্টে জয়ী হ'ন।

**ইন্টার ভারসিটি হকি** §

ইন্টার ভারসিটি হকি খেলার ফাইনালে লক্ষ্মী ও এলাহাবাদ বিশ্ববিদ্যালয়ের খেলা চার বার খেলানর পরও গোলশূন্য 'ড্র' হওয়ায় অমীমাংসিত ভাবে খেলাটি শেষ করতে হয়েছে।

**উত্তর ভারত টেনিস চ্যাম্পিয়ানসীপ** §

পুরুষদের সিঙ্গেলস ফাইনালে ডেনমার্কের ২নং খেলোয়াড় এফ বেকিভোগু ৭-১, ৬-২ গেমের সি বার্কারকে (বাঙ্গালোর) পরাজিত করেন।

পুরুষদের ডবলসে এফ বেকিভোগু ও জে টিউ ৬-৪ ৬-১ গেমের আর পণ্ডিত ও এন ভি লিমায়িকে পরাস্ত করেছেন।

মিক্সড ডবলসে এম কে হাজী ও এম সি বকজী ৬-৩, ৬-১ গেমের মিস এস উডব্রীজ ও এ আজীমকে পরাজিত করেন।

**ইন্টার কলেজিয়েট পেমস** §**টেবল টেনিস:**

ইন্টার কলেজ টেবল টেনিসের ফাইনালে কলিকাতা ল' কলেজ, কারমাইকেল কলেজকে পরাজিত ক'রে এবার নিয়ে পর পর চারবার চ্যাম্পিয়ানসীপ লাভের সম্মান পেয়েছে। ল' কলেজের অধিনায়ক হিসাবে কমল ব্যানার্জিকে টেবল টেনিসের ট্রফি প্রদান করা হয়।

মহিলাদের ক্যারাম খেলার ফাইনালে আশুতোষ কলেজের অনিলা সেন বিজয়িনী হয়েছেন।

টেবল টেনিসের (মহিলাদের) ফাইনালে বিজয়িনী হয়েছেন আশুতোষ কলেজের নির্মলা পুরী।

**আই এফ এ** §

আই এফ এ-র বার্ষিক সভায় নিম্নলিখিত ব্যক্তিগণ আগামী বৎসরের জন্ম বিভিন্ন পদে নির্বাচিত হয়েছেন।

প্রেসিডেন্ট—মি: এইচ আর নর্টন

ভাইস-প্রেসিডেন্ট—মি: বি সি ঘোষ, বার-এট ল'

জয়েন্ট সেক্রেটারী—মি: এম দত্ত রায় ও জে পেস্টনী

কোষাধ্যক্ষ—পি এন ঘোষ

**সাহিত্য সংবাদ****নব-প্রকাশিত পুস্তকাবলী**

সৌরীন্দ্র মহম্মদার প্রণীত "কংসনদীর তীরে"—১।

রাধিকারঞ্জন গঙ্গোপাধ্যায় প্রণীত "সবিনয় নিবেদন"—২।

বারোয়ারী উপস্থাপন "বান্ধবী"—১।

কৃষ্ণগোপাল ভট্টাচার্য প্রণীত "মিস্ত্রীর মেয়ে"—১।

গোকুলেশ্বর ভট্টাচার্য ও পঞ্চানন চক্রবর্তী প্রণীত "দীপাবলিতা"—১।

জিতেন্দ্রলাল মৈত্র প্রণীত "মেঘনগরের অন্ধকারা"—১।

মণিলাল বন্দ্যোপাধ্যায় প্রণীত "আলো ছায়ার খেলা"—২।

বলাইচাঁদ মুখোপাধ্যায় ( বনফুল ) প্রণীত "নির্দোষ"—২।

প্রবোধকুমার সান্তাল প্রণীত "নববোধন"—১।

পশুপতি ভট্টাচার্য প্রণীত "দুই নৌকা"—২।

নিরুপমা দেবী প্রণীত "অমুকর্ষ"—২।

গৌর সী প্রণীত নাটক "ঘূর্ণি"—১।

বিধায়ক ভট্টাচার্য প্রণীত নাটক "রত্নদীপ"—১।

অচিন্ত্যকুমার সেনগুপ্ত প্রণীত "মেঘসাহেব"—১।

রাধারমণ দাস প্রণীত "নীল সাগরের রক্ত-সীল"—১।

হেমেন্দ্রকুমার রায় প্রণীত "দেড়শ খোকায় কাণ্ড"—১।

ব্রহ্মচারী পরিমলবন্ধু দাস প্রণীত "প্রভু জগবন্ধু"—১।

শ্রীমতী সরলা দেবী বিলিখিত


"শ্রীগুরু বিজয়কৃষ্ণ দেবশর্মাশ্রুতিত শিবরাত্রিপূজা"—১।

নরেশচন্দ্র বন্দ্যোপাধ্যায় প্রণীত "গীত-রাজিকা"—৩।

সম্পাদক—শ্রীকণীন্দ্রনাথ মুখোপাধ্যায় এম-এ

২০৩।১।১, কর্ণওয়ালিস্ স্ট্রিট, কলিকাতা, ভারতবর্ষ প্রিন্টিং ওয়ার্কস্ হইতে শ্রীগোবিন্দপদ ভট্টাচার্য কর্তৃক মুদ্রিত ও প্রকাশিত









বৈশাখ-১৩৪৮

দ্বিতীয় খণ্ড

অষ্টাবিংশ বর্ষ

পঞ্চম সংখ্যা

## বঙ্কিমচন্দ্র ও রবীন্দ্রনাথের উপন্যাসিক দৃষ্টিভঙ্গি

অধ্যাপক শ্রী বিশ্বপতি চৌধুরী

উপন্যাস ক্ষেত্রে বঙ্কিমচন্দ্রের সহিত রবীন্দ্রনাথের ভাব ও আদর্শগত পার্থক্য কোথায়—বাক্যলার এই শ্রেষ্ঠ দুই মনীষীর ব্যক্তিত্বের মধ্যে, দৃষ্টিভঙ্গির মধ্যে, জীবনকে দেখিবার ও বুঝিবার বিশিষ্ট প্রণালীর মধ্যে প্রভেদ কোন্ স্থানে এবং ইহাদের উপন্যাসের মধ্য দিয়া এই পার্থক্য কোন্ পথে কেমন করিয়া আত্মপ্রকাশ করিয়াছে, এই প্রবন্ধে তাহাই আমরা দেখিতে এবং বুঝিতে চেষ্টা করিয়াছি।

বঙ্কিমচন্দ্রকে আমরা তাঁর উপন্যাস-সাহিত্যের মধ্য দিয়া যেভাবে দেখিতে পাই, তাহাতে তাঁহাকে আমরা আমাদের দেশের এবং জাতির একজন শ্রেষ্ঠ চিন্তানায়ক এবং সংস্কারক বলিয়া মনে করিতে পারি।

স্বজাতিকে বড় করিতে হইলে, মানুষ করিয়া তুলিতে হইলে, জাতির মধ্যে শৌর্য্য-বীর্য্য-মনুষ্যত্ব জাগাইয়া তুলিতে হইলে যাহা কিছু প্রয়োজন, সে সকলই তিনি তাঁহার

উপন্যাসগুলির ভিতর দিয়া আমাদের মধ্যে সঞ্চারিত করিয়া দিতে চেষ্টা করিয়াছেন।

ইহা হইতে কেহ যেন মনে না করেন যে—বঙ্কিমচন্দ্রের উপন্যাসগুলি নিছক উদ্দেশ্যমূলক হইয়া উঠিয়া একটা অস্বাভাবিক, কৃত্রিম এবং মনগড়া মানবসমাজ এবং মানব-জীবনের অবাস্তব কাহিনী মাত্রে পর্য্যবসিত হইয়াছে।

মানব-জীবনের সত্যকার ঘাত-প্রতিঘাত, আশা-আকাঙ্ক্ষা, সুখ-দুঃখকে তিনি কোথাও অস্বীকার করেন নাই। এ সকলকে স্বীকার করিয়া লইয়াই তিনি মানব-জীবনকে একটি স্মৃতিস্তিত, স্মনীয়স্তিত পথে পরিচালিত করিতে চাহিয়াছেন।

বঙ্কিমচন্দ্রের উপন্যাসের আদর্শচরিত্রগুলি অনেকস্থলে সাধারণ মানুষ অপেক্ষা অনেক বড় হইয়া উঠিয়াছে সত্য, কিন্তু তাহারা কোথাও অতিমানব হইয়া উঠে নাই।

তাহারা আমাদেরই রাজ-সংস্করণ। আমাদের অপেক্ষা তাহারা বড় মানবত্বের শ্রেষ্ঠতায়, অতিমানবত্বের লোকোত্তরত্বে নয়। তাঁহার সত্যানন্দ, মাধবাচার্য্য, ভবানীপাঠক প্রভৃতি মহাপুরুষগণ চরিত্রের দিক হইতে যত বড়ই হউন না কেন, আমাদের সুখ-দুঃখ আশা-আকাঙ্ক্ষার সহিত তাঁহারা নিবিড়ভাবে জড়িত। আমাদের জীবনকে অস্বীকার করিয়া তাঁহারা কোন তুরীয় সত্যের সন্ধানে বাহির হইয়া পড়েন নাই।

বঙ্কিমের উপন্যাস স্থানে স্থানে মানব-জীবনের সাধারণ সুর ছাড়াইয়া খুব উচু পর্দায় বাজিয়া উঠিয়াছে সত্য, কিন্তু মানবজীবনের বিচিত্র সঙ্গীতকে ছাড়াইয়া অনাহত ধ্বনির শূন্যতায় পর্য্যবসিত হয় নাই।

পূর্বেই বলিয়াছি, বঙ্কিমচন্দ্র আমাদের জাতির কবি, দেশের কবি। আমাদের মধ্যে যেখানেই তিনি গলদ দেখিয়াছেন, ভুল-ভ্রান্তি ও ত্রুটি দেখিয়াছেন, সেইখানেই তার সংশোধনের পথ দেখাইবার জন্ত সুদৃঢ় হস্তে লেখনী ধারণ করিয়াছেন। কিন্তু জাতিকে বড় করিতে গিয়া ধর্মকে তিনি কোনদিন উপেক্ষা করেন নাই। তাঁহার ভারতবর্ষীয় মন সে পথে তাঁহাকে যাইতে দেয় নাই।

তিনি ধর্মকে মানিয়াছেন সত্য, কিন্তু জাতি-নিরপেক্ষ, দেশ-নিরপেক্ষ, সমাজ-নিরপেক্ষ অশরীরী, তুরীয় ধর্মকে তিনি কোনদিন সমর্থন করেন নাই। তাই ধর্মের সহিত জাতির, ধর্মচেতনার সহিত দেশাত্মবোধের একটা সামঞ্জস্য-বিধানের চেষ্টা তাঁহার উপন্যাসগুলির মধ্য দিয়া বার বার আত্মপ্রকাশ করিয়াছে।

বঙ্কিমচন্দ্র ধর্মচেতনাকে জাতি-চেতনা ও স্বদেশ-চেতনার সহিত যুক্ত করিয়া দিয়াছেন এবং তাহার ফলে তাঁহার ধর্মচেতনা যেমন একটা বিশিষ্ট রূপ লাভ করিয়া শরীরী হইয়া উঠিয়াছে, সেইরূপ তাঁহার জাতি-চেতনা ও স্বদেশ-চেতনা একটা বৃহত্তর ও মহত্তর সার্থকতা লাভ করিয়াছে।

রবীন্দ্রনাথ কিন্তু ভিন্নপথ অবলম্বন করিয়াছেন। তিনি ধর্মের সহিত কোন কিছুরই রফা করিতে চান নাই। তিনি ধর্মকে চিরদিন ছাড়িয়া রাখিয়াছেন, আজ রাখিয়াছেন, মুক্ত রাখিতে চাহিয়াছেন। ফলে ধর্ম তাঁহার উপন্যাসে দেশ-নিরপেক্ষ, জাতি-নিরপেক্ষ, সমাজ-নিরপেক্ষ একটি অশরীরী তত্ত্ব হইয়া দেখা দিয়াছে এবং এই অশরীরী

নির্লিপ্ত, অন্তর্মুখী ধর্মচেতনার আওতায় পড়িয়া দেশ-চেতনা ও জাতি-চেতনা কোন স্পষ্ট রূপ লাভ করিতে পারে নাই। এইখানেই বঙ্কিম ও রবীন্দ্রনাথের উপন্যাস-সাহিত্যের ভাবগত পার্থক্য।

তাঁহার প্রথম-প্রকাশিত উপন্যাস ‘বৌঠাকুরাণীর হাট’ হইতেই রবীন্দ্রনাথ বঙ্কিমচন্দ্রের ভাবধারা ছাড়িয়া এক নূতন পথে চলিতে সুরু করিয়াছেন।

‘বৌঠাকুরাণীর হাট’-এর মধ্যে আমরা রবীন্দ্রনাথের যে চিন্তাধারার সহিত পরিচিত হই, তাহা বঙ্কিমচন্দ্রের চিন্তা ও ভাবধারা হইতে সম্পূর্ণ পৃথক। রবীন্দ্রনাথ যখন ‘বৌঠাকুরাণীর হাট’ লেখেন, তখন তাঁহার বয়স মাত্র উনিশ কি কুড়ি। কিন্তু আশ্চর্য্য এই যে, এত অল্প বয়সেই তিনি তাঁর নিজস্ব দৃষ্টিভঙ্গি এবং চিন্তা-প্রণালী স্থির করিয়া ফেলিয়াছেন। ইহা তাঁহার একটা খামখেয়াল বা সাময়িক ধারণা মাত্র নয়, কেন না তাঁহার অল্পবয়সের এই চিন্তাধারা এবং ভাবধারার ক্রমবিবর্তনই আমরা তাঁহার পরিণত বয়সের উপন্যাসগুলির মধ্যে দেখিতে পাই।

‘বৌঠাকুরাণীর হাট’ এবং পরবর্ত্তী উপন্যাসগুলির মধ্যে আমরা লেখকের যে চিন্তা ও ভাবধারার সহিত পরিচিত হই, তাহা বঙ্কিমচন্দ্রের উপন্যাসের ভাবধারা হইতে যে সম্পূর্ণ পৃথক, তাহাই এখন আমরা দেখাইতে চেষ্টা করিব। ‘বৌঠাকুরাণীর হাট’ হইতেই সুরু করা যাক।

বঙ্কিমচন্দ্র তাঁহার অনেক উপন্যাসেই দেশপ্রেম এবং জাতি-চেতনাকে চরম উচ্চাসন দিয়াছেন। এই সকল উপন্যাসে তিনি দেশপ্রেমিক মহাপুরুষদের সাধনা ও আত্মত্যাগের কাহিনী জলন্ত ভাষায় লিপিবদ্ধ করিয়া গিয়াছেন।

‘বৌঠাকুরাণীর হাট’-এ আমরা কিন্তু ইহার ঠিক বিপরীত চিত্র দেখিতে পাই। সেখানে রবীন্দ্রনাথ দেশাত্মবোধের সহিত ধর্মচেতনার একটা শোচনীয়, মর্মান্তিক বিরোধের চিত্র অঙ্কিত করিয়াছেন। এখানে তাঁহার চিন্তাধারা বঙ্কিমের ঠিক বিপরীত পথে চলিতে সুরু করিয়াছে। ইহার কারণ খুবই সুস্পষ্ট।

বঙ্কিমচন্দ্র দেশ ও জাতির সহিত ধর্মকে খাপ খাওয়াইতে চেষ্টা করিয়াছেন, আর রবীন্দ্রনাথ ধর্মকে অব্যাহত রাখিয়া দেশ ও জাতিকে তাহারই অনন্ত ব্যাপ্তির মধ্যে বিন্দুবৎ

নিরীক্ষণ করিতে চাহিয়াছেন। ফলে দেশ ও জাতি তাঁহার নিকট নিতান্তই নগণ্য হইয়া পড়িয়াছে। তাই দেশভক্তিকে লইয়া মাতামাতি রবীন্দ্রনাথের ধাতে কোনদিন সহ্য নাই। তাঁহার প্রথম প্রকাশিত উপন্যাস ‘বোঁঠাকুরাণীর হাট’-এ তিনি দেশপ্রেমিকের এমন উৎকট চিত্র আঁকিলেন, যাহার পানে চাহিয়া আমরা শিহরিয়া উঠি, ঘুণায় নাসিকা কুঞ্চিত করি। অবশ্য একথা ঠিক যে, প্রথম বয়সের রচনা বলিয়া ‘বোঁঠাকুরাণীর হাট’-এ দেশপ্রেমের প্রতি কটাক্ষটা অতিরিক্ত তীব্র এবং স্পষ্ট হইয়া উঠিয়াছে।

‘গোরা’ নামক উপন্যাসে কটাক্ষপাতের তীব্রতা কমিয়াছে বটে, কিন্তু ব্যঞ্জনা আরও বাড়িয়াছে। গোরার দেশপ্রেমের মধ্যে পাপ বা দুর্নীতির কোন স্থান নাই, একথা স্বীকার করিয়া তাহার প্রতি শ্রদ্ধানিবেদন করিতে রবীন্দ্রনাথ কার্পণ্য করেন নাই সত্য, কিন্তু তাঁহার দেশপ্রেম যে সঙ্কীর্ণতার পরিপোষক এবং বিশ্বপ্রেমের পরিপন্থী, একথা বলিয়া তাহার দুর্বলতার প্রতি অহুকম্পা প্রদর্শন করিতে তিনি ছাড়েন নাই। গোরা পাপ করে নাই বটে, কিন্তু সে ভুল করিয়াছে, একথা রবীন্দ্রনাথ বার বার ইঙ্গিত করিয়াছেন। তাহার পর ‘ঘরে বাইরে’-র সন্দীপের ভিতর দিয়া রবীন্দ্রনাথ দেশপ্রেমের যে কদর্য্য রূপ ফুটাইয়া তুলিয়াছেন, তাহা যেমন জঘন্য, তেমনি ভীতিপ্রদ। ইহার পর ‘চারঅধ্যায়’-এর মধ্যে তিনি দেশপ্ৰীতি অপেক্ষা মানুষের স্বাভাবিক স্নিকুমার বৃত্তিগুলিকে অনেক বড় উচ্চাসন দিয়াছেন। তিনি দেখাইয়াছেন, জোর করিয়া মানুষের মনে দেশপ্ৰীতি সঞ্চারিত করিয়া দেওয়াটা কোনক্রমেই বাঞ্ছনীয় নয় এবং তাহার ফল কোনদিনই শুভ হইতে পারে না, দেশের দিক হইতেও নয়, ব্যক্তিবিশেষের দিক হইতেও নয়।

আসল কথা, দেশপ্রেমের মাতামাতি রবীন্দ্রনাথ কোনদিনই বরদাস্ত করিতে পারেন নাই। দেশপ্রেম জিনিসটা রবীন্দ্রনাথের নিকট যে পরিমাণে সঙ্কীর্ণ এবং স্থূল বলিয়া মনে হইয়াছে, বঙ্কিমচন্দ্র আজ বাঁচিয়া থাকিলে রবীন্দ্রনাথের বিশ্বপ্রেম তাঁহার নিকট হয়ত ঠিক সেই পরিমাণেই ফাঁকা এবং শূন্য বলিয়া মনে হইত। আসল কথা, বাঙ্গালার এই দুইজন অনন্তসাধারণ প্রতিভার মনের গঠন এবং দৃষ্টিভঙ্গি সম্পূর্ণ ভিন্নজাতীয়।

শুধু দেশাশ্রবোধ সম্পর্কেই নয়, মানুষের অন্তাত্ম আদর্শ সম্বন্ধেও রবীন্দ্রনাথের সহিত বঙ্কিমের ভাবগত বা চিন্তাগত মিল নাই। যে কারণে রবীন্দ্রনাথ দেশকে এবং জাতিকে স্বতন্ত্র করিয়া বিশেষ করিয়া দেখিতে পারেন নাই, ঠিক সেই কারণেই তাঁহার মন দেশের প্রচলিত ধর্মকে, সমাজকে, নীতিকে খুব শ্রদ্ধার চক্ষে দেখিতে পারে নাই। এইগুলি তাঁহার নিকট ছোট বলিয়া, সঙ্কীর্ণ বলিয়া, সীমাবদ্ধ বলিয়া মনে হইয়াছে। তাই ‘বোঁঠাকুরাণীর হাট’-এ দেশপ্রেমের কদর্য্যরূপ দেখাইয়াই তিনি ক্ষান্ত হন নাই, পরবর্তী উপন্যাস ‘রাজর্ষি’-তে প্রচলিত সাম্প্রদায়িক ধর্মের গ্লানি এবং সঙ্কীর্ণতার প্রতিও তীব্র কটাক্ষপাত করিয়াছেন।

বঙ্কিমচন্দ্রও যে দেশের এবং সমাজের সকল ব্যবস্থাকেই অপরিবর্তিত অবস্থায় রাখিতে চাহিয়াছেন, তাহা নয়। তিনি অবস্থানুসারে, প্রয়োজনানুসারে সমাজ ও ধর্মের পুরাতন ব্যবস্থাগুলির সংস্কার চাহিয়াছেন। কিন্তু সে পরিবর্তন এবং সংস্কারের মূলে একটা নির্দিষ্ট লক্ষ্য ছিল। তিনি চিন্তার দ্বারা, বিচারের দ্বারা একটা নির্দিষ্ট আদর্শ ঠিক করিয়া লইয়াছিলেন এবং সেই সূনির্দিষ্ট আদর্শের পানে দেশ ও জাতিকে পরিচালিত করিয়া লইয়া যাইতে বিধিমত চেষ্টা করিয়াছেন। বঙ্কিমচন্দ্র জানিতেন, পুরাতনকে বর্তমান কালের সহিত খাপ খাওয়াইয়া নূতন করিয়া লইতে হয়। তাই তিনি দেশের ও জাতির পুরাতন ধর্ম, সমাজ ও নৈতিক আদর্শকে পরিত্যাগ না করিয়া তাহাদের যুগোপযোগী নূতন রূপ দিতে চাহিয়াছেন।

রবীন্দ্রনাথ কিন্তু সে-পথে যান নাই। তিনি জাতি বা দেশের মুখের পানে চাহিয়া তাহাদের চিরকালের জিনিস-গুলিকে যুগোপযোগী পরিবর্তনের ভিতর দিয়া সংশোধিত করিতে চান নাই;—তিনি যুগ ও কাল-নিরপেক্ষ, সমাজ ও জাতি-নিরপেক্ষ শাস্ত্র সত্যের বিরাট অনন্ত বিস্তৃতির মধ্যে দেশ ও জাতির সংস্কার এবং ধ্যানধারণাকে হারাইয়া ফেলিয়াছেন।

আমাদের মন হইতে স্বদেশ প্রেম মুছিয়া গিয়াছিল। বঙ্কিমচন্দ্র তাহাকে জাগাইয়া তুলিবার জন্ত প্রাণপাত করিয়াছেন। রবীন্দ্রনাথ কিন্তু সেদিক দিয়াই গেলেন না। তিনি বিশ্বপ্রেমের অধুনাভূতির দ্বারা দেশপ্রেমের খণ্ড এবং স্পষ্ট অধুভূতিগুলিকে ঢাকিয়া ফেলিতে লাগিয়া গেলেন।

সমাজের দিক হইতেও তিনি ঐ একই পথ অবলম্বন করিয়াছেন। বঙ্কিমচন্দ্র আমাদের সমাজ-ব্যবস্থার মধ্যে প্রয়োজনীয় পরিবর্তন আনয়ন করিয়া তাহাকে যুগোপযোগী করিয়া তুলিতে চাহিয়াছেন। রবীন্দ্রনাথ ( শেষের দিকে ) সমাজকে ব্যক্তিস্বাধীনতার পরিপন্থীরূপে দেখিয়া তাহার প্রতি কটাক্ষপাত করিতে ছাড়েন নাই। বঙ্কিমচন্দ্র চাহিতেন, মানুষ সমাজকে মানিয়া চলিবে ( অবশ্য সে সমাজ যদি আদর্শ সমাজ হয় )—আর রবীন্দ্রনাথ বলিতে চান, প্রত্যেক ব্যক্তি এতই একক, এতই স্বতন্ত্র যে, কোন আদর্শ সমাজই তাহার ব্যক্তিগত স্বাধীন চিন্তাকে অবাধ মুক্তি দিতে পারে না।

ধর্ম সম্বন্ধেও রবীন্দ্রনাথের মত ঐ একই জাতীয়। তিনি সাম্প্রদায়িক বা আনুষ্ঠানিক কোন ধর্মেরই আস্থাবান নন।

ঐহার ধর্ম কোন দেশ বা জাতির ধর্ম নয়—তাহা একটি উদার অসাম্প্রদায়িক মনোভাব মাত্র। বিরাটের সহিত মানব-মনের একটা ধ্যানগত ঐক্যের ভিতর দিয়াই ঐহার সমস্ত ধর্মচেতনা আত্মপ্রকাশ করিয়াছে। তাই ‘রাজর্ষির’ গোবিন্দমাণিক্যকে আমরা মন্দির অপেক্ষা উন্মুক্ত প্রকৃতির মধ্যেই ঐহার ভাগবত চেতনাকে সার্থক করিয়া তুলিতে দেখি। তাই পরেশবাবুর ভাগবত উপলক্ষের পীঠস্থান ব্রাহ্মমন্দির অপেক্ষা বৃক্ষমূলেই অধিক স্থায়িত্ব লাভ করিয়াছিল।

আসল কথা, রবীন্দ্রনাথ সকল দিক হইতেই নিজেকে দেশ ও জাতিনিরপেক্ষ করিয়া তুলিতে চাহিয়াছেন; আর বঙ্কিমচন্দ্র সকল দিক হইতে নিজেকে দেশের ও জাতির ধ্যানধারণা, আশা-আকাঙ্ক্ষার সহিত জড়িত করিয়া তুলিতে চেষ্টা করিয়াছেন। ফলে বঙ্কিমচন্দ্রের উপন্যাসের ক্রমবিবর্তন হইয়াছে ধর্ম ও দেশাত্মবোধের সামঞ্জস্যের অভিমুখে। তাই ‘যুগলিনী’ ও ‘রাজসিংহ’ বর্ণিত দেশপ্রেম ‘আনন্দমঠ’ ও ‘সীতারামে’ আসিয়া ধর্মের সহিত যুক্ত হইয়া একটা বিশেষ পরিণতি লাভ করিয়াছে। আর রবীন্দ্রনাথের দেশ ও জাতিনিরপেক্ষ মনোভাব চরম পরিণতি লাভ করিয়াছে—‘চতুরঙ্গ’, ‘ঘরে-বাইরে’, ‘শেষের কবিতা’ এবং ‘চার অধ্যায়’-এর ব্যক্তিস্বাতন্ত্র্যের অবাধ মুক্তির ক্ষেত্রে।

বঙ্কিমচন্দ্র একটা আদর্শ সমাজ, আদর্শ ধর্ম, আদর্শ জাতি গড়িতে চাহিয়াছেন এবং সেই সমাজ, ধর্ম ও জাতির সহিত মানুষকে খাপ খাওয়াইয়া তাহাদের জীবনকে সুনিয়ন্ত্রিত করিতে চাহিয়াছেন। আর রবীন্দ্রনাথ মানুষকে দেখিতে চাহিয়াছেন ব্যক্তিস্বাতন্ত্র্যের অবাধ মুক্তির ক্ষেত্রে, যেখানে সে একক, যেখানে সে স্বতন্ত্র এবং স্বাধীন।

পূর্বেই বলিয়াছি, বঙ্কিমচন্দ্রের উপন্যাসের আদর্শ মানবগুলি দেশ ও জাতির স্বার্থ এবং ধ্যানধারণার সহিত নিজেদের নিবিড়ভাবে জড়িত করিয়া তাহাদেরই একজন হইয়া উঠিয়াছেন। দেশের চিন্তা, জাতির চিন্তা এই সকল আদর্শ চরিত্রকে চিরদিন সচল এবং কর্মব্যস্ত করিয়া রাখিয়াছে। জাতি ও দেশপ্ৰীতি ঐহাদের চিন্তা ও ধ্যানধারণাকে কোনদিন অন্তর্মুখী ভাবুকতায় পরিণত হইতে না দিয়া বহিমুখী কর্মপ্রচেষ্টায় রূপায়িত করিয়া তুলিয়াছে। তাই বঙ্কিমচন্দ্রের উপন্যাসে আদর্শ চরিত্রের প্রাদুর্ভাবে কর্ম ও ঘটনা বাড়িয়াছে বই কমে নাই। কিন্তু রবীন্দ্রনাথের উপন্যাসে ইহার ঠিক বিপরীত ব্যাপার ঘটিতে দেখা গিয়াছে। ঐহার উপন্যাসে আদর্শচরিত্রের যতই প্রাদুর্ভাব হইয়াছে, ততই ঐহার উপন্যাসগুলির মধ্যে ঘটনা ও কর্মপ্রবাহ মন্দগতি হইয়া আসিয়াছে।

বঙ্কিমচন্দ্রের উপন্যাসের বিবর্তন কর্ম হইতে উৎকৃষ্টতর কর্মে; আর রবীন্দ্রনাথের উপন্যাসের বিবর্তন কর্ম হইতে কর্মহীন ভাবুকতায়। তাই বঙ্কিমচন্দ্রের শেষ তিনখানি উপন্যাস ‘আনন্দমঠ’, ‘দেবী চৌধুরাণী’ এবং ‘সীতারাম’-এ ধর্ম ও আদর্শের কথা যতই থাকুক না কেন, কর্মের দিক হইতে, ঘটনাবৈচিত্র্যের দিক হইতে উপন্যাসগুলি আরও সজাগ এবং সচেতন হইয়া উঠিয়াছে। অপরপক্ষে রবীন্দ্রনাথের শেষ বয়সের উপন্যাসগুলির মধ্যে যতই আদর্শ চরিত্রের প্রাদুর্ভাব হইয়াছে, উপন্যাসগুলি ততই কর্ম ও ঘটনামূলক হইয়া কর্মহীন তত্ত্বকথা অথবা ঘটনাহীন, ভাবময়, উচ্ছ্বাসময় কবিত্ব ও ভাবুকতায় পর্যাবসিত হইয়াছে।

ইহা খুবই স্বাভাবিক। মানব-মন যেখানে একক, সেখানে হয় তাহা কবিত্বের উচ্ছ্বাসের দ্বারা ভারমুক্ত হইয়া শূন্যে উঠিতে থাকে, আর না হয় তত্ত্বজ্ঞানের গভীর নির্জন গুহায় আশ্রয় গ্রহণ করে। হয় তাহা শূন্যে উঠে, আর না হয় পাতালে প্রবেশ করে; মাটির পৃথিবীতে হাঁটিয়া চলার পালা তাহার বন্ধ হইয়া যায়।

রবীন্দ্রনাথের শেষ বয়সের উপন্যাস কয়টির প্রধান চরিত্রগুলি ঠিক এই কারণেই হয় অতিরিক্ত মাত্রায় তত্ত্বাশ্রয়ী—আর না হয়, অতিমাত্রায় উচ্ছ্বাসবহুল ও সঙ্গীতময় হইয়া উঠিয়াছে। ‘চতুরঙ্গ’, ‘ঘরে-বাইরে’, ‘শেষের কবিতা’, ‘দুইবোন’ এবং ‘চার অধ্যায়ে’ প্রত্যেক মানবজীবন অপেক্ষা মানব-জীবনের গভীর তত্ত্ব অথবা মানবাত্মার কবিত্বময় সঙ্গীতের কথাই আমরা বেশি করিয়া শুনিতে পাই।

## গণনীয় নন্দকিশোর

শ্রীজগদীশ গুপ্ত

অদম্য জ্ঞানপিপাসার প্রেরণায় নয়, ভদ্রভাবে এবং যথোচিত উদরান্নসংগ্রহের জন্তই নন্দকিশোর লেখাপড়া শিখিয়াছে ইহা যেমন সত্য, সে-সুযোগ সহজে মিলিবার নয় ইহাও তেমনি সত্য। কিন্তু নন্দকিশোরের ভদ্রভাবে এবং যথোচিত উদরান্নসংগ্রহের উদ্যম অংশত সফল হইল মণীন্দ্রবাবুর অনুরোধে ...

মণীন্দ্রবাবু নন্দকিশোরকে তাঁর পুত্রের গৃহশিক্ষক নিযুক্ত করিলেন। পুত্রের জন্ম গৃহশিক্ষক নিযুক্ত করা তাঁর একান্ত প্রয়োজন—অনুরোধ বিতরণের আকাঙ্ক্ষা তার মূলে আদৌ নাই; কিন্তু এত লোক ঐটুকুর জন্ম লালায়িত হইয়া ছুটিয়া আসিলেও তাহাকেই নিযুক্ত করা অনুরোধ ভিন্ন আর কি! তিনি অধিকতর গুণবান্ অপর কাহারো উপর ছেলের শিক্ষার ভার দিলেই পারিতেন—সেখানে তাঁর অবাধ স্বাধীনতা, জবাবদিহির প্রশ্নই ওঠে না; কিন্তু তা না দিয়া দিলেন তিনি নন্দকিশোরকে—যার “কলেজ কেরিয়ার” ধর্ষব্যই নয়। নন্দকিশোর এই অপার সুখময় প্রভূত অনুরোধ সর্বাস্তুরূপে স্বীকার করিল ...

“কাজ পাইয়া” অর্থাৎ অত্যন্ত কর্মপ্রার্থীগণকে পরাস্ত করিয়া, নন্দকিশোরের যতই পুলক হউক, গুনিলে সে নিশ্চয়ই আশ্চর্য হইয়া যাইবে যে মণীন্দ্র তাহাকে মনোনীত করিয়াছেন তার গুণাগুণ বিচারপূর্বক সঙ্কষ্ট হইয়া নয়, তার চেহারা দেখিয়া। গুণের ওজন বিচারের তুল্যদণ্ডে চাপাইলে নন্দ গিয়া ঠেকিত একেবারে মাটিতে—কিন্তু তার চেহারাটা ভালো—আর সব বাদ দিয়া মণীন্দ্র তার চেহারাটাই পছন্দ করিলেন ...

মেয়েলি ছাঁদের সুকোমল আর স্বাস্থ্যোজ্জ্বল পুষ্ট চেহারা নন্দর—বড় বড় শাস্ত চোখ; চোখ দেখিলেই মনে হয়, সরল বিশ্বাসে পৃথিবীকে আত্মসমর্পণ করিয়া এ সুখী হইয়াছে—মনে গানি কি কপটতা নাই। গোঁফ অতি সামান্যই উঠিয়াছে—একটু বেশি বয়সেই উঠিয়াছে; কিন্তু

মুখ পাকিয়া ওঠে নাই, আর দাড়ি কর্কশ ঘোরতর কালো হইয়া কালো কুৎসিত হইয়া ওঠে নাই; ললাট রেখাহীন মৃগ—গণ্ডমূলও তাই অর্থাৎ ব্রণ কলক একটিও সেখানে নাই; মণীন্দ্র আরো লক্ষ্য করিলেন, আঙুল আর করতল দিব্য নরম—আঙুলের গিঁঠগুলি রূঢ় পৌরুষে প্রকট হইয়া নাই। ভুরুও ভাল, চোখও ভাল, কিন্তু ঐ দুটি শোভার আধার আবার যেন পরস্পর বিচ্ছিন্ন—তাদের সমন্বয়ে একটা সৌকুমার্যের উদয় হয় নাই, এমন অনেক দেখা যায়; কিন্তু নন্দকিশোরের তা হইয়াছে—ভুরু আর চোখ যেন ভাবোন্মেষের চিরস্থির আলিঙ্গনে আবদ্ধ আর একাকার হইয়া গভীর সুন্দর স্বচ্ছ একটি প্রেম-পরিবেশ সৃষ্টি করিয়াছে ... দেখিলেই মনে হয়, এ আপন হইয়া যাইতে বিলম্ব করে না—প্রীতির আদান প্রদানে এ প্রশ্ন কি সন্দেহ করিতে জানে না। তার উপর, ইহাও দ্রষ্টব্য যে নন্দকিশোরের ঠোঁট দুখানিও রমণীমূলভ সরস ও লাবণ্যযুক্ত।

ঐসব লক্ষ্য করিয়া মণীন্দ্র তাহাকে পছন্দ না করিয়া পরিলেন না—

জিজ্ঞাসা করিলেন, তুমি বিয়ে করেছ ?

নন্দ লজ্জায় লাল হইয়া উঠিল—অত্যন্ত মৃদুভাবে ঘাড় নাড়িয়া জানাইল, বিবাহ সে করিয়াছে।

—করেছ। বলিয়া নির্নিমিষচক্ষে মণীন্দ্র কয়েক মুহূর্ত কি যেন ধ্যান করিলেন, বোধ হয় স্ত্রী-পুরুষের নিত্যসম্বন্ধটি।

তারপর বলিলেন—তোমার বয়স কত ?

—তেইশ।

—ছেলেপিলে হয়েছে ?

—আজ্ঞে না।

গুনিয়া মণীন্দ্র পুনরায় পূর্ববৎ নির্নিমিষ চক্ষে কি যেন ধ্যান করিলেন আরো গাঢ়তরভাবে—তারপর চক্ষু মুদ্রিত করিলেন, যেন ধ্যেয় সামগ্রীটি তাঁর মুদ্রিত চক্ষুর সম্মুখে

সর্বতোভাবে পরিস্ফুট আর অধিকতর উপভোগ্য হইয়া উদ্ভাটিত হইয়াছে ...

বলিলেন—বেশ। কিশোর আর কিশোরী। বলিয়া এবার আর ধ্যান করিলেন না, চক্ষু অর্ধনিমীলিত করিয়া প্রসন্ন বদনে একটু হাসিলেন।

নন্দকিশোর এ-সব অর্থাৎ লেখাপড়ায় দিগ্‌গজ লায়েক লায়েক লোককে বিদায় করিয়া দিয়া তাহাকে নিবৃত্ত করিবার কারণ কিছুই জানে না—সে কেবল ধন্ত এবং কৃতজ্ঞ হইল ...

পরম কৃতজ্ঞতা বশে সে তাঁদের সব আদেশই শিরোধার্য মনে করিয়া প্রাণপণে—আর বাজারের ভিতর চক্ষুলজ্জা বিসর্জন দিয়াও—পালন করে। বাড়ীর চাকরটাও সেই সুযোগে নন্দর উপর মাঝে মাঝে একহাত কৌশল খাটায়—তাহার জ্বানি গৃহিণী আদেশ করিতেছেন বলিয়া নন্দকে দিয়া সে চাকরের কাজ করাইয়া লয়।

নন্দকিশোরের বাড়ীতে আছেন বিধবা মা, আর আছে ছোটভাই বিষ্টু, আর স্ত্রী মমতাময়ী। কিন্তু তাঁদের জন্ম ভাবনা যে খুবই দুস্তর আর নৈরাশ্রজনক হইয়া আছে তা নয়—তবে নগদ খরচের জন্ম তাঁদের নগদ টাকার দরকার আছে; তা ছাড়া আজকার দিনই ত চরম দিন নহে—অনন্ত প্রয়োজন আর সুখ দুঃখের দিন আছে সম্মুখে—তখন চোখে অন্ধকার দেখিয়া হাহাকার করিতে না হয় তাহারই জন্ম প্রস্তুত হইতে হইবে। নন্দকিশোর তাই মণীন্দ্রবাবুর ছেলেকে পড়াইতে আসিয়াছে... ছেলেকে সে বাড়ীতে পড়ায়, সঙ্গে লইয়া বাহিরে বেড়ায়, মনের পক্ষে হিতকর আর বুদ্ধির পক্ষে পুষ্টিকর গল্প উপদেশ শুনায়, আনন্দ আর উৎসাহ দেয় এবং করে নিজের আসল যে কাজ তাই—ভালো চাকরির সন্ধান করে।

মণীন্দ্রবাবু কয়েকদিন আড়চোখে নন্দকিশোরের শিক্ষা-দানের কৌশল, কথাবার্তা, রুচি, সহবৎ, অভ্যাস প্রভৃতি লক্ষ্য করিয়া নিশ্চিত হইয়া আছেন—ছেলেও পাঠগ্রহণে মনোযোগী হইয়াছে।

মণীন্দ্রবাবুর এই ছেলেটি তাঁর প্রথম পক্ষের। তাঁর প্রথম পক্ষের স্ত্রী পরলোকগমন করিয়াছেন এবং মণীন্দ্র

সম্প্রতি অর্থাৎ বছর দেড়েক হইল, দ্বিতীয়বার দারপরিগ্রহ করিয়াছেন।

রাস্তার লোকেও জানে যে, মণীন্দ্রবাবুর টাকার অভাব নাই—কাজে হাঁশ আর মনে উদারতারও অভাব নাই; তার অকাটা প্রমাণ এই যে, নন্দকিশোরকে মাসিক আটটি টাকা তিনি যথাসময়ে, না চাহিতেই, দেন, আর “খাওয়াদাওয়া” করিতে দেন অস্তঃপুরেই; আগে অবশ্য অনুমতি দেন নাই, কারণ অজ্ঞাতকুলশীলশ্র ইত্যাদি হিতোপদেশটি তাঁর অজানা নয়; কিন্তু নন্দকিশোরের কুলশীল অর্থাৎ প্রকৃত পরিচয় বেশিদিন অজ্ঞাত রহিল না—নন্দকিশোর ঠাকুরের ডাকে তখন অস্তঃপুরে অর্থাৎ রন্ধনালয়ে গিয়া আহার করিতে লাগিল।

মণীন্দ্রবাবুর দ্বিতীয় পক্ষের স্ত্রীকে—এই গৃহের গৃহিণীকে—নন্দ দেখিয়াছে, খুব সুন্দরী তিনি। অস্তঃপুরে কি সাম্নাসাম্নি দেখে নাই, দেখিয়াছে অস্তঃপুরের বাহিরে—যখন তিনি স্বামীর সঙ্গে বাহির হন, আর ফিরিয়া আসেন, অর্থাৎ অতিশয় সুসজ্জিত অবস্থায়; কৃত্রিমতা আর একটা অভিনয়ের ভঙ্গীর ভিতর দূর হইতে তাঁহাকে নন্দ দেখিয়াছে।

খুবই সুন্দরী তিনি—

আধুনিকতম বেশ আর সপ্রতিভ গতিভঙ্গী এবং ছনিয়াকে নিতান্ত অবহেলা করিয়া তাঁর দৃষ্টিচালনা নন্দ দেখিয়াছে; আর মনে মনে কত যে বিস্মিত হইয়াছে আর প্রশংসাও করিয়াছে তাহার লেখাজোখা নাই; কিন্তু মণীন্দ্রবাবুকে দ্রষ্টা করিবার কি তাঁর স্ত্রীর প্রতি লুক্ক দৃষ্টি নিক্ষেপ করিবার মতো ইতর মন তার নয়—দৃশ্য হিসাবে অনিন্দনীয় আর আনন্দপ্রদ, এ-বিষয়ে এই মাত্র তার চেতনা, সজ্ঞান অনুভূতি...

ঐ সঙ্গে তার খুবই মনে পড়ে স্ত্রী মমতার কথা—নাম তার মমতাময়ী এবং সত্যই সে মমতাময়ী।

এঁর তুলনায় মমতার রূপ প্রণিধানযোগ্যই নয়, তর্কের অবসর না দিয়া তা বলা চলে না; কিন্তু পার্থক্যও আকাশ পাতাল।... নন্দ জানে, রূপ ত প্রসাধন আর মার্জন সাপেক্ষ কৃত্রিম বস্তু নয়—দেহলগ্ন বাহিরের বস্তু তা নয়। সে দেখিয়াছে ইঁহার বাহিরের রূপ; কিন্তু উদ্ভিন্ন উন্মুখ অন্তরের ছাতিতে দীপ্ত হইয়া প্রেমের যে রূপটি দেহে বিকশিত হয় তাঁর সে-রূপটি নন্দ দেখে নাই—কল্পনাও করে না, সে ছুঁই বুদ্ধি



তার নাই। ইঁহাকে যখনই সে দেখে তখনই দেখে ইঁহার রূপের অর্থাৎ রূপসজ্জার, বিলাসবিভঙ্গ—এমন একটা চঞ্চল মূর্তি—যার স্বাদ নাই; কিন্তু মমতার রূপ প্রসাধনপটুতা আর বেশরচনার কঠোর অন্তরাল হইতে উগ্র লীলায়িত হইয়া তার সম্মুখে নাই—

মমতা অতি সহজ, খুব স্বাভাবিক; আর তার মন অজানা আধারে লুক্কাইত নহে বলিয়াই তাহাকেই ভাবিতে নন্দর সব চাইতে ভাল লাগে—মনে হয়, এমন মধুর একাত্মতার অন্তর্ভূতি দেওয়া পৃথিবীর মধ্যে কেবল মমতার দ্বারাই সম্ভব ...

নন্দকিশোরের আরো মনে হয়, ইনি হয়ত খুবই শিক্ষিতা, “কলেজ কেরিয়ার” হয়ত তারই সমান; হয়ত খুবই বাকপটু, খুবই প্রেমময়ী, খুবই আদরিণী ইত্যাদি; এবং ইঁহার পদক্ষেপ যেমন ক্ষিপ্ত অর্থাৎ অশান্ত, মুখের কথাও হয়ত অত্যন্ত স্পষ্ট ঋজুতম আকারে তেমনি ক্ষিপ্তবেগে নির্গত হইতে থাকে ...

ভাবিয়া নন্দর মনে হয়, ভারি জটিল; আর তার ভয় হয়—

কিন্তু তার অদৃষ্ট ভাল, মমতার তা নয়—মমতার মুখের কথা চমৎকার অস্পষ্ট, আর চমৎকার মৃহ; তার এই অস্পষ্টতা আর মৃহতা এমন মুগ্ধকর যে, ভুলিতে পারা যায় না—ভাবিতে গেলে স্নেহে মন উদ্বেল হইয়া ওঠে। তবু সে রসিকা—নিজের ধরণে সে বেশ রসিকা—হাসায় সে খুব, কিন্তু যেন অজ্ঞাতসারে; তার চোখের চেহারা কি ঠোঁটের ভঙ্গী দেখিয়া অনুমান করিবার কিছুমাত্র উপায় থাকে না যে সে মনে মনে তৈরী হইয়া আছে; কিন্তু কথার জবাব দেয় এমন স্থিরভাবে, আর হাসির কথার সঙ্গে তার শান্ত মুখের এমন অপূর্ব অসামঞ্জস্য দেখা যায় যে, তাকে ভারি নিরীহ, ভারি নির্দোষ আর ভারি ভদ্র সরল মনে হয়। ... চোখে তার আবেগ নাই, চঞ্চলতা নাই, বিলাস নাই, তীক্ষ্ণতা নাই, অথচ আলস্যও নাই, নির্বুদ্ধিতাও নাই—আছে কেবল কোমল একটা ভাষা, অসীম মাধুর্য্য আর নির্ভরতা, আর চোখের ভাবের সঙ্গে মুখের কথার অপূর্ব মধুর অসংগতি ...

আর ভারি ভীক সে—

স্বামীর আদর গ্রহণ করিতে করিতে সেও আদর করে—হঁহাতে স্বামীর হাত জড়াইয়া ধরিয়া অধিকতর নিকট-

বর্তিনী হইতে হইতে—স্বামীর আঙুলগুলি লইয়া খেলা করিতে করিতে হঠাৎ সে সরিয়া যায় ...

নন্দ বলে, ও কি, অমন ক’রে ত্যাগ ক’রে গেলে যে!  
মমতা বলে, তুমি যদি রাগ করো!

—রাগ করবো কেন! এ স্নেহের কথা না রাগের কথা!

—যদি অন্ডায় মনে করো!

মমতার মুখের এমনি টুকটাক কথাগুলি নন্দর ভারি মিষ্টি লাগে, আর তার ভারি হাসি পায় ...

বলে, অন্ডায়ের জ্ঞান তোমার কিছুই নেই।

মমতা তখন হাসিয়া বলে, বাঁচলাম।

কিন্তু তার আচরণ কেহ অন্ডায় কিংবা তাহাকে কেহ প্রগল্ভ মনে করিবে এই ভয়ে সে সর্বদা সত্যই সাবধান—স্বামীকে সঙ্গ আর আনন্দদানেও তার বাড়াবাড়ি কোথাও নাই।

তবু সে মাঝে মাঝে ইয়ারকি দেয়—

বলে, অমন ক’রে তাকিয়ে আছ যে?

নন্দ বলে, একটু ইয়ারকি দেব ভাবছি।

—উ হুঁ, ভয় পেয়েছ।

নন্দ বুদ্ধিতে পারে না যে মমতা ইয়ারকি সুরু করিয়াছে ...

বলে, তার মানে?

—সেদিন রান্নাঘরে একটা বেরাল কেবলি ছোক ছোক করছিল, ‘হেই’ বলে’ ধমক দিতেই সেটা খানিক পিছিয়ে ঠিক তোমার মতো ক’রে তাকিয়ে থাকল ...

নন্দর মুখে হাসি দেখা দেয়; বলে—তারপর?

—আবার ‘হেই’ করতেই দিল পিটুটান। আমি ত তোমাকে কিছু বলিনি যে পালাবে!

নন্দ তখন হাসিয়া উল্লাসে আকুল হইয়া যায়—আগাইয়া গিয়া তাহাকে ধরে—হঁহাতের চাপের ভিতর তাহাকে জড়ো করিয়া লয়—চোখ বন্ধ করিয়া তার নিজের আর মমতার রক্তের উত্তপ্ত নাচন অনুভব করে।

মমতা চিঠি লেখে—

নন্দকিশোরও লেখে; নন্দকিশোর চিঠিতে চুখন জানায়, কিন্তু মমতা তা জানায় না। নন্দ মনে মনে খুঁত খুঁত

করিয়া একবার অপরিমিত তৃষ্ণা জ্ঞাপন করিয়া ঐ বস্তুটি ভিক্ষা চাহিয়া আর অনেক মিনতি ও কাতরোক্তি করিয়া এক পত্র ডাকে দিল—

‘পুনশ্চ’ দিয়া লিখিল : “চাই কিন্তু . . .”

কিন্তু মমতা লিখিল : যদি হঠাৎ কেউ তোমার চিঠি দেখে ফেলে তবে সে মনে করবে কি ! তোমরা লিখতে পারো ; কিন্তু মেয়েরা কথাটা লিখলে কেমন যেন অশ্রায় আর ‘অভদর’ মনে হয় ।

ঐ অশ্রায় আর অভদর শব্দটা ব্যবহার না করার কারণ দেখাইয়া মমতা অনেক কথাই লিখিতে পারিত—লিখিতে পারিত যে হাতে-কলমে সত্যিকার জিনিসই যখন চাওয়ামাত্র দিয়ে থাকি তখন পত্রের মারফৎ নিরবয়ব বস্তুর দরকার কি ? তার জন্তে এত লোলুপতা কেন ? এসে নিয়ে যাও, একবার নয়, দু’বার নয়, অগুণতি, যত ইচ্ছে তত . . .

কিন্তু তা সে লেখে নাই ।

নন্দকিশোর বিবাহিত মণীন্দ্র তা জানেন ; নন্দ বাড়ী যাইবার অনুমতি চাহিলেই তিনি আগে মুচকি হাসেন ; তারপর বলেন, “বাড়ী যাবে ? যাও, কিন্তু দু’রাত্রির বেশি নয় . . .”

দিনের কথা না বলিয়া মণীন্দ্র বলেন রাত্রির কথা—কোন দিকে ইঙ্গিত করেন তা’ নন্দ পরিষ্কার বোঝে . . .

তারপরই মণীন্দ্র বলেন, অত শীগগির চলে’ আস্তে মন চাইবে না, না ? বোটিকে এখানে নিয়ে এলেও ত পারো !

মনে হইতে পারে, বধুটিকে এতদিনেও তাঁহার গৃহে লইয়া না আসায় মণীন্দ্র যুহু অকুযোগ করিলেন এবং এই নিমন্ত্রণে এই অমায়িক ভ্রমলোকটির নিষ্পাপ হৃদয়তা ব্যতীত আর কিছুই নাই ।

নন্দকিশোর মনে করিল তাই এবং সুখী হইল—

বলিল—মাকে একা থাকতে হয়, আর—

মণীন্দ্র বাধা দিয়া বলিলেন—এদিকে তুমি যে একা থাকো । বয়স কত তোমার ?

—তেইশ ।

—তেইশ বছর বয়সে বিয়ের পরও একা থাকা কত কষ্ট তা যারা থাকে তারাই জানে । নিয়ে এসো—আনন্দে থাকা যাবে । বলিয়া মণীন্দ্র যেন জরুরী একটা তাগিদই দিলেন ।

তাঁর আনন্দ কিরূপ, কোথায় এবং কেন অর্থাৎ গৃহ-শিক্ষকের আনন্দেই অনুকম্পাশীল অভিজ্ঞ ঐ ব্যক্তির আনন্দ কি না—তাহা নন্দ ঠিক বুঝিয়া উঠিতে পারে না—

ইতস্তত করিয়া বলে, যাবো ?

—যাও, কিন্তু . . .

—আজ্ঞে, পরশুই চলে’ আস্ব ।

—দু’রাত্রি পাবে ?

নন্দ জবাব দেয় না—

মণীন্দ্র বলেন, দিনে গাড়ী কখন ?

—তিনটেয় ।

—তা হ’লে দুপুরটাও পাচ্ছ । বলিয়া মণীন্দ্র সম্পর্ক-বিগর্হিত এবং বয়সের তারতম্য হিসাবেও অত্যন্ত অনুচিত একটা ইঙ্গিতের হাসিতে মুখমণ্ডল উদ্ভাসিত করিয়া তোলেন . . . নন্দ এতক্ষণে টের পায়, একটা ইন্দ্রিয়লালসা যেন মণীন্দ্রের কথায়, সুরে, মুখে, চোখে সঞ্চিত হইয়া আছে ।

মমতা বলিল—আস্তে দিলে ?

—হ্যাঁ ।

—লোকটি ত ভালো ।

—হ্যাঁ, দয়া আছে । তেইশ বছরের যুবক স্ত্রীর সঙ্গে ছাড়াছাড়ি হ’য়ে থাকতে যে কষ্ট পায় তা তিনি জানেন, বলিয়া নন্দ হাসিল ।

—তিনি যে জানেন তা তুমি জানলে কেমন ক’রে ?

—বললেনই পষ্ট । দরদ দেখালেন খুব ; বললেন, বোঁকে নিয়ে এসো এখানে—তেইশ বছর বয়সে বোঁ-ছাড়া হ’য়ে থাকা যে কত কষ্ট তা কেবল ভুক্তভোগীই জানে ।

মমতা অবাক হইয়া বলিল—তোমার সঙ্গে ঐসব কথা হয় না কি ?

—হ’ল এবার, মানে, তিনিই বললেন ।

—বয়স কত তাঁর ?

—প্রায় চল্লিশ । দ্বিতীয় পক্ষ ।

—তা-ই নাকি ! দ্বিতীয়কে দেখেছ ?

—হঁ ।

—কেমন ?

—খুব সুন্দরী ।

মমতার মুখ হঠাৎ তারি বিমর্ষ হইয়া উঠিল, ওখানকার

দ্বিতীয় পক্ষের স্ত্রীটি সুন্দরী বলিয়া নয়, আর তিনি বুদ্ধের ভাৰ্যা এবং স্বামী অনাত্মীয় যুবক এবং সেই গৃহবাসী বলিয়াও নয়, অন্য কারণে ; তার মনে হইল, ভদ্রসন্তান আর গৃহ-শিক্ষক হিসাবে গৃহশিক্ষকের যে-মর্যাদা অবশ্য প্রাপ্য সে-মর্যাদা স্বামীকে দেওয়া হয় নাই, আর ভদ্র ব্যক্তি এবং বয়সের পার্থক্য হিসাবে যে সংঘম আর গাভীর্য রক্ষা করা মানুষের উচিত তাহা রক্ষিত হয় নাই—হয় নাই জঘন্য কারণে ; পরস্পরী সম্বন্ধে কুর্থাহীন আলোচনায় রত হইয়া তিনি সেই শিষ্ট রীতি লঙ্ঘন এবং আত্মসন্মান বিস্মৃত হইয়াছেন—তিনি এই নির্লজ্জতা আর আত্মসংঘমের অভাব দেখাইয়া অমার্জনীয় অজ্ঞায় করিয়াছেন ... বলিল—তুমি ওখানে আর থেকে না ।

—কেন ?

—ভদ্রলোক লোক ভাৱে নয় ।

নন্দ তা বুঝিয়াছে—

এবং মমতাও তা' বুঝিয়াছে দেখিয়া নন্দ ভারি বিস্মিত আর পুলকিত হইয়া গেল ... বলিল—আমার অনিষ্ট তিনি কিছু করতে পারবেন না । তুমি যাবে সেখানে ?

—দশ বছর তোমার দেখা না পেলেও নয় ।

শুনিয়া নন্দকিশোর উৎসাহে পরিপূর্ণ হইয়া মমতাকে আরো ভালবাসিল ।

নন্দর পারিবারিক অস্তিত্বকে মণীন্দ্র আদৌ ভুলিতে পারিতেছেন না বলিলে সবটা বলা হয় না—আরো নিবিড়তা তিনি চান ...

দু'দিন বাদেই নন্দ কিরিয়া আসিলে তাহাকে কিরিতে দেখিয়া মণীন্দ্র পরম বিস্মিত হইয়া গেলেন ; বলিলেন—কথা ঠিক রেখেছ দেখছি ! তোমার দিব্যি, আমি ভেবেছিলাম, একটি দিন তুমি চুরি করবেই ; তুমি না করো তোমাকে দিয়ে করাবে একজন ।

কে তাহাকে আসিতে দিবে না, দিন চুরি করাইবে, তাহা নন্দ বুঝিল এবং একটু হাসিয়া মাসিক আট টাকা বেতনদাতা আর রোজ দু'বেলাকার অন্নদাতার মান রাখিল ; প্রায় অর্থহীনভাবে বলিল -- আজে, না ।

মণীন্দ্র বলিলেন—তোমার এই বয়সে আমি এ-বিষয়ে খুব হাতেতে' ছাংলা ছিলাম । কিন্তু বৌকে আনলে না যে ?

বলিয়া পরক্ষণেই বলিলেন, সখীর মতো দু'জনে থাকতো ভালো—একা থাকে ত সর্বদাই ।

কথাটা সংস্কৃত এবং মন্দ শুনাইল না ; নন্দ তৎক্ষণাৎ মিথ্যা উক্তি সাজাইয়া তুলিল, বলিল—মা বললেন, বিষ্টুর পরীক্ষেটা হ'য়ে যাক তা'পর না-হয় যাবে ।

—তোমার বোনের বুঝি বিয়ে হয়ে গেছে ? বলিয়া মণীন্দ্র পুনরায় ভারি লিপ্ত হইয়া উঠিলেন—নন্দর মেয়েলি ছাঁদের স্বচ্ছ মন্থণ সুগঠিত মুখের দিকে তিনি স্থিরচক্ষে তাকাইয়া রহিলে—কি তিনি কল্পনা করিতে লাগিলেন তা' তিনিই জানেন ; বোধ হয় ইহাই যে, নন্দর ভগিনীর স্বাস্থ্য নিবিড়, মন প্রফুল্ল, মুখ সহস্র এবং রূপৈশ্বর্য্য অপরিমিত হওয়াই সম্ভব ...

নন্দ বলিল, বোন্ আমার নেই ।

নন্দর বোনের ঝগড়াট নাই দেখিয়া মণীন্দ্র যেন সঙ্গে সঙ্গে ঝাঁচিয়া গেলেন বলিলেন, যাক, বেঁচেছ । ... কিন্তু আর ছুটি শীগ'গির পাবে না বলে' দিচ্ছি ।

বলিয়া তিনি নন্দকে শাসাইয়া রাখিলেন এবং ফিক্ ফিক্ করিয়া হাসিতে লাগিলেন—স্ত্রীর সঙ্গে দীর্ঘ বিচ্ছেদের ভয় দেখাইয়া তিনি যেন একটা দর্শনু আঁচর পবিত্র কৌতুক-রসের সৃষ্টি করিয়াছেন ।

মণীন্দ্রের ছেলে রাখাল জড়বুদ্ধি ছেলে—পাঠ্য বিষয় তার মস্তিষ্কে যেন ঠেলিয়া ঠেলিয়া ঢুকাইতে হয় ।

চাকর বলরাম আফ্লাদে' গোছের—কথা বলিবার সময় দাঁত বাহির করিয়া কেবলই গা দোলায় ; আর, ঠাকুর হরেরাম গোবেচারী, যা' বলা তাতেই রাজি ।

ছেলে কেমন পড়ছে, মাস্টার ? জিজ্ঞাসা করিয়া ছেলের পড়িবার অর্থাৎ নন্দর থাকিবার ঘরে প্রবেশ করিয়া মণীন্দ্র চেয়ারে উপবেশন করেন ।

নন্দ বলে, বুঝতে কিছু দেরী হয়, কিন্তু আগ্রহ আছে ।

—তোমারও কিন্তু বুঝতে দেরী হয়, আর আগ্রহও নাই । তোমার কোনো অনুবিধা হ'চ্ছে না ত ?

—আজে না ।

—ধরটাকে আর একটু সাজানো দরকার ; ছেলেমানুষ তুমি ; কিন্তু বুড়োর ধরণ তোমার ; তোমার সখ কিছু নেই । তুমি জানো না বোধ হয়, বুড়ো মানুষ আমি

একেবারেই পছন্দ করিনে—বুড়োমাগুণের দিকে চাইলেই আমার বুক যেন ঠাণ্ডা লাগে ...

মনিবের তুষ্টিসম্পাদন করিতে নন্দ একটু হাস্য করিল।

—হাসলে তুমি—বোধ হয় ঠাণ্ডা লাগার কথায়। কিন্তু দেখ, আমার বাড়ীতে যারা আছে সবাই যুবক।

নন্দ তা স্বীকার করিল, আক্ষেপে হ্যাঁ।

—কেন বলো ত ?

—তা ত জানিনে।

—জানো না। ... আর, সবাই বিবাহিত ; ঠাকুর, চাকর আর ভূমিও। বিয়ে ক'রে দায়িত্ববোধ বেড়েছে বলে' কাজ ভালো পাব এ আমার উদ্দেশ্য নয়।

কি ঠাঁহার উদ্দেশ্য তাহা জানিবার উদ্দেশ্যে—তিনি তা প্রকাশ করিবেন এই আশায়—নন্দ ঠাঁহার মুখের দিকে চাহিয়া রহিল ...

উদ্দেশ্য প্রকাশ করিবার পূর্বে, উদ্দেশ্যকে জোরালো এবং হৃদয়গ্রাহী করিবার উদ্দেশ্যে মণীন্দ্র একটু হাসিলেন—খুব নিপুণ আর উচ্চস্তরের আত্মগরিমার হাসি—

বলিলেন—ঘরে যুবতী স্ত্রী যার আছে সে সুখী নয় কি ? সুখী। আমি তার সুখের অংশ গ্রহণ করি।

নন্দ হঠাৎ বলিয়া উঠিল : কেন রে' ?

—মনে মনে ছাড়া আর কেমন ক'রে ! একেবারে বালক। বলিয়া মণীন্দ্র এমন একটা ভঙ্গী করিয়া উঠিয়া গেলেন যেন নন্দর সঙ্গে কথা কহিয়া সুখ পাওয়া যাইতেছে না।

নন্দকিশোর ভাবিয়া পাইল না, মনে মনে কেমন করিয়া তা সম্ভব হয় !

পরীক্ষার রাখাল জীবনে এই প্রথম সকল বিষয়ে পাশ করায় মণীন্দ্র হরষিত হইয়া নন্দকিশোরের বেতন দু'টাকা বাড়াইয়া দশ টাকা করিয়া দিলেন—

সুখ উজ্জ্বল করিয়া জানিতে চাহিলেন—খুশী ত ?

নন্দ খুশী বই কি—বলিল, আক্ষেপে হ্যাঁ।

কিন্তু মণীন্দ্র তখন একটা সূচিস্থিত অভিলাষবশত খুব ধোশমেজাজে আছেন ; বলিলেন, তুমি ত খুশী এখানে ; ওখানে তোমার বউকেও আমি খুশী করতে চাই। তাকে একখানা নীলাশ্বরী কিনে' দিও। দিও, বুঝলে ?

মণীন্দ্রের এই ব্যাকুল আগ্রহ দেখিয়া নন্দ অবাক হইয়া গেল—ঘাড় নাড়িয়া সন্ততি দিতেও তার মন উঠিল না—তার এই অবিচলতা প্রতিবাদের মতো দেখাইতেছে বুঝিয়াও সে অবিচলিতই রহিল ...

তার স্ত্রী নীলাশ্বরী পরিধান করিলে এই মানুষটির ইচ্ছার সার্থকতা কিসে ! নন্দর মনে হইল, লোকটি অদ্ভুত এবং ইঁহার আচরণ যেন হৃদকম্পজনক—অস্বচ্ছ একটা সন্দেহের মধ্যেই তার মনে হইল, এখানে থাকা নিরাপদ নয়—বুদ্ধি বিপথে চালিত এবং আত্মা অধোগামী হইতেছে। নারীপ্রসঙ্গে এমন নির্লজ্জ দুর্নিবার লোলুপতা সে কল্পনা করিতে পারিল না, এমনই তা অভদ্র ...

কিন্তু মণীন্দ্র তখনও সেখানে বসিয়া মানসচক্ষে দেখিতেছেন, নীলাশ্বরী পরিহিতা রমণী অভিসারে যাত্রা করিয়া জ্যোৎস্নালোকে পথ খুঁজিয়া পাইয়াছে।

কিন্তু নন্দকে শীঘ্রই উর্দ্ধ্বাসে পলায়ন করিতে হইল মণীন্দ্রের অরূপ রসের উপদ্রবে নয়, অন্য কারণে।

সেদিন বৈকালে বলরামকে সে ডাকিয়া পাইল না—সে বাড়ীতে নাই ; ঠাকুর এখনও আসে নাই ; রাখালকে তার জনৈক বন্ধু ডাকিয়া লইয়া কোথায় গেছে ঠিক নাই ...

বাবু আছেন “ওপরে”—

এদিকে টেলিগ্রাম-পিওন আসিয়া টেলিগ্রাম লইয়া দাঁড়াইয়া আছে—তার বিলম্ব করিবার উপায় নাই—আর, ‘কাম সার্প্’ ছাড়া আর-কোনো সংবাদই তারে আসে না—সুতরাং নন্দ সিদ্ধান্ত করিল যে পরিস্থিতি গুরুত্বপূর্ণ।

বাবু বলিয়া চীৎকার করাও অসম্ভব—লজ্জা করে ; অতএব এমন সাংঘাতিক জরুরী ব্যাপারে উপরে গিয়া সংবাদ দিতে বা সাক্ষাৎ করিতে বাধাটা কি ! বাবু তাহাতে অসন্তুষ্ট হইবেন না নিশ্চয়ই ...

গবেষণাপূর্বক এবং কর্তব্যপালনে মাগুণের ষে-সাহস থাকা দরকার সেই সাহস তাহারও আছে—ইহাই মনে করিয়া নন্দ, বাবু যে উর্দ্ধলোক রহিয়াছেন সেই উর্দ্ধলোকের অর্থাৎ দ্বিতলের অভিমুখে রওনা হইল ... হাতে টেলিগ্রামের লেফাফা এবং রসিদের কাগজখণ্ড ...

সিঁড়ি দিয়া উঠিবার সময় নিষ্পাপ মন, ছুরতিসন্ধির অভাব এবং কর্তব্যপালনের সংসাহস সস্বৈর তার বুক

একটু একটু কাঁপিতে লাগিল, যেন অদৃষ্টের উপর প্ৰভাশক্তির ভার দিয়া অপরিচিত আর সঙ্কটসঙ্কুল স্থানে সে চলিয়াছে—এত কষ্ট করিয়া সে সিঁড়ি ভাঙিতেছে ক্রুর নিয়তির বশে—যেমন খাণ্ড অন্বেষণ করিতে করিতে ব্যাং গিয়া লাফাইয়া পড়ে সাপের একেবারে মুখে।

মমতা শুনিলে স্বামীর ভীকৃতায় হাসিবে নিশ্চয়ই, কিন্তু পরের অন্তঃপুরে প্রবেশ-উত্তম নন্দর পক্ষে এমনিই ভয়ঙ্কর।

সিঁড়ি দিয়া উঠিয়া সম্মুখেই প্রশস্ত চৌকোণ বারান্দা— দু’দিকে, বায়ে এবং সম্মুখে প্যাসেজ—প্রত্যেক ঘরে প্রবেশের দরজা ঐ প্যাসেজে... কিন্তু নন্দ দেখিল, সবগুলি ঘরেরই দরজা বন্ধ। মাত্র একটি ঘরের দরজা খোলা আছে বলিয়া তার মনে হইল—সম্মুখের প্যাসেজ দিয়া অনেকটা অগ্রসর হইয়া গেলে দক্ষিণে সেই দরজা পাওয়া যাইবে—এবং ঘরের ভিতরটা দেখা যাইবে—

কিন্তু ঐ ঘরেই বাবু আছেন কি না কে জানে!... পরক্ষণেই তার ত্রাস জন্মিল গৃহিণী যদি চুঠাৎ বাহির হইয়া তাহাকে দেখিয়া চীৎকার করিয়া ওঠেন! তখন চক্ষের পলক না ফেলিতেই অবস্থাটা কি দাঁড়াইবে! মাস্তুলের সে-অবস্থা ভাবিতেই পারা যায় না... অপরাধ হাল্কা করিয়া আনিতে নন্দ ডাকিল, বাবু?

মগীন্দ্রকে নন্দ কোনো সম্পর্ক ধরিয়া কি কিছু বলিয়াই ডাকে না—ভাবিয়া চিন্তিয়া সে বাবু বলিয়া ডাকিল—কিন্তু আহ্বান তার ভয়ে সঙ্কোচে এত মূঢ় যে, আহ্বানে ফলোদয় হইল না—বাবুর সাড়া আসিল না—

কিন্তু আসিল মধুর একটি গন্ধ—দামী সাবানের উৎকৃষ্ট স্রাগ ...

টেলিগ্রাম-পিওন কঠোর স্বরে বলিয়া দিয়াছে, বাবু, জলদি করুন ...

নন্দ আর-দু’পা অগ্রসর হইয়া গেল—অনুমান করিল, সাবানের স্রাগ আসিতেছে ঐ খোলা-দরজা দিয়া; বাবু ঐ ঘরে বসিয়াই অভিজাত সাবান-সহযোগে বৈকালিক ক্লোরকার্য সমাধা করিতেছেন...

তারপর সে আরো বুক বাঁধিল ইহাই মনে করিয়া যে, যদি দুর্ভাগ্যবশত গৃহিণীর সম্মুখে সে পড়িয়া যায় তবে সে কি কাতরস্বরে বলিবে, মা, এই টেলিগ্রাম এসেছে—

অত্যন্ত জরুরী বলেই আমি নিয়ে এসেছি—নীচেয় আর কেউ নেই। আমাকে ক্ষমা করুন।

স্বয়ং বাবুর হাতেই টেলিগ্রাম পৌছাইয়া দেওয়া সম্বন্ধে প্রায়-নিঃসন্দেহ হইয়া নন্দ খোলা-দরজা লক্ষ্য করিয়া অগ্রসর হইল... এবং দরজার সম্মুখে পৌছিয়াই পরমুহুর্তে হাতের কাগজ ফেলিয়া দিয়া সে উর্দ্ধ্বাসে পলায়ন করিল... হুঁশ রহিল না, এখন সে কোথায়, আলো না অন্ধকার, সিঁড়িতে পা দিয়া, না গড়াইয়া নামিতেছে, আর কোথায় সে চলিয়াছে। এক মুহুর্তে ফলগর্ভ এত বড় দৈবযোগ ইতিহাসে আর ঘটে নাই।

কিন্তু আসিল সে ঠিক পথেই—পৌছিল সে নিজের ঘরেই এবং ধপ্ করিয়া বসিয়া পড়িল নিজের চেয়ারটিতেই—

তখন ঘামে তার সর্বাঙ্গ ভিজিয়া গেছে—মাথার ভিতর কেমন করিতেছে—সেই কেমন-করাটা অসাড়তা না যন্ত্রণা না ঘূর্ণন—তাহা উপলব্ধ হইতেছে না এবং মস্তিষ্কের সেই অবর্ণনীয় অবস্থার দরুণ তার চিন্তাশক্তি এবং নিজেকে হৃদয়ঙ্গম করিবার সন্ধিৎ লোপ পাইয়া গেছে ...

টেলিগ্রাম-পিওনের প্রশ্ন তার কানে গেল না।

তারপর জন্মিল দুঃসহ প্রবল ত্রাস—

মা’র খাইয়া বিদায় লইতে হইবে—মারিবে জুতা না বেত!

নন্দর চক্ষু দেয়ালের দিকে নিম্পলক হইয়া রহিল ... ক্রোধে আশ্বিন হইয়া তার শাস্তিদাতার ক্ষিপ্ত অবতরণের বিলম্ব আর কত!

যাহা দেখিবার নয় নন্দকিশোর দৈবাৎ তাহাই দেখিয়াছে সন্দেহ নাই—মূঢ়তার বশে ক্ষমার অযোগ্য অপরাধ সে করিয়াছে—অসাধুতার নয়, মূঢ়তার শাস্তি তাহাকে পাইতেই হইবে ...

বাবু ঐ ঘরেই আছেন, কেবল উৎকৃষ্ট সাবানের গন্ধ পাইয়া তাহা অনুমান করা বুদ্ধির চূড়ান্ত জড়তা, অথবা যে-নিয়তির বশে খাণ্ডাশ্বেষণে নির্গত ব্যাং লাফাইতে লাফাইতে গিয়া পড়ে সাপের একেবারে মুখে সেই নিয়তির ক্রীড়া ছাড়া আর কি!

সে জানিত না যে...

কিন্তু অপরাধ চিরকালই অপরাধ, আর না-জানিয়া অপরাধ করিলে সর্বদাই তার ক্ষমা আছে এবং ফলভোগ

করিতে হয় না—এমনও নয়, যথা আগুনে আঙুল পড়িলে আঙুল পুড়িবেই, আগুনে আঙুল দৈবাৎই পড়ুক, কি জানিয়া গুনিয়াই দাও।

ছি ছি—

ঐ শব্দ দু'টি নন্দকিশোর, আতঙ্কে অভিভূত হইয়াও পুনঃ পুনঃ আবৃত্তি করিতে লাগিল ...

সর্ব্বনেশে সেই টেলিগ্রামকে মনে হইয়াছিল দুঃসংবাদের বাহক, কারো শেষ মুহূর্ত্তের ডাক; সে-ই করিল এই সর্ব্বনাশ! আর, মাটি করিয়াছে সাবানের সেই গন্ধ—

সাবানের গন্ধের অশ্রুসরণ করিয়াই ত সে দরজায় গিয়া দাঁড়াইয়াছিল—মনে করিয়াছিল, বাবু খেউরি করিতেছেন; কিন্তু দরজায় গিয়া দাঁড়াইতেই দেখা গেল, অন্ত লোক—

“একেবারে যাচ্ছে তাই ব্যাপার”।

প্রভুপত্নী, তরুণী রমণী, মান একখানি তোয়ালে কটি-তট হইতে বিলম্বিত করিয়া দিয়া দাঁড়াইয়া আছেন—দীর্ঘ কেশদামে পৃষ্ঠদেশ আবৃত—ধোত চুলে চিরুণী লাগাইয়া তিনি হাত তুলিয়া চিরুণী টানিয়া আনিতেছেন পিছনের চুলের ভিতর—দাঁড়াইয়া আছেন দরজার দিকে পিছন ফিরিয়া এবং সুরহৎ দর্পণের পটভূমিকায় তাঁর সর্ব্বাঙ্গের ছায়া প্রতিবিম্বিত হইয়াছে ...

এক-পলকে নন্দ তাহা দেখিল—না-দেখা অসম্ভব; নন্দ আরো দেখিল যে, তাহারও প্রতিবিম্ব পড়িল সেই পাপ দর্পণেই, প্রভুপত্নীর বহু পশ্চাতে ...

আর সে দাঁড়ায় নাই; আর কিছু সে দেখে নাই; তারপর কিছু ঘটিল কি না তাহা সে জানে না; কিন্তু পরিণামে কি ঘটিতে পারে অর্থাৎ ফলভোগ কিরূপ হইবে, তাহা সে জানে ...

সে পলাইবে না কি! থাক বাস্তব বিছানা মাহিনা—মানরক্ষা সর্ব্বাগ্রে ...

কিন্তু মানরক্ষার্থে পলায়ন করিবার পূর্বেই অর্থাৎ মিনিট পাঁচ-ছয় পরেই মণীন্দ্রের পদশব্দ আসিল সিঁড়ি হইতে—অপমানিত প্রভু যত্ন বিভীষিকার মতো অনিবার্য রুদ্র মূর্ত্তিতে অবতরণ করিতেছেন ... নন্দর মনে হইল, তিনি যেন চীৎকার করিতেছেন: “কই সে ব্যাটা?” ... নন্দ ছট্‌কাইয়া উঠিয়া দাঁড়াইল—কোণের দিকে সরিয়া

গেল—তখনই সরিয়া আসিল বৃহদাকার টেলিগ্রাম-পিওনের পশ্চাতে ...

মণীন্দ্র আসিয়া দরজায় দাঁড়াইলেন—চোকাঠ ডিঙাইয়া ঘরে প্রবেশ করিলেন—নন্দকিশোরের কম্পমান শ্রাণ ওষ্ঠাগত হইল—ক্রোধে যে ব্যক্তি একেবারে নিঃশব্দ হইয়া যায়, সে-ই হয় আরো ক্ষমাহীন—

কিন্তু মণীন্দ্র তারস্বরে তাহাকে খুঁজিলেন না; সহজ লোক যেমন সহজভাবে কথা কয় তেমনি সহজভাবে তিনি বলিলেন—এই নাও। একটু দেবী হ'ল। বলিয়া পিওনের হাতে রসিদ দিলেন।

পিওন চলিয়া গেল—

তৎক্ষণাৎ দেখা দিল ভারি একটা মুশকিল—নন্দর বুক ভাঙিয়া আসিল, দেখিল, তাহার আর ঔর মাঝখানে অন্তরাল আর নাই ...

নন্দ ঢোক গিলিল—

মণীন্দ্র কলকণ্ঠে বলিয়া উঠিলেন, আরে, তুমি ছিলে কোথায়? টেলিগ্রাম বুঝি তুমি দিয়ে এসেছ ওপরে!

স্বীকার করিতে গিয়া নন্দর গুঞ্চ কণ্ঠ এবং গুঞ্চ জিহ্বা আরো আড়ষ্ট হইয়া গেল—ঠোঁটের ফাঁক দিয়া শব্দের স্থানে খানিক বায়ু বাহির হইল কেবল।

মণীন্দ্র বলিলেন, রাখাল কি বলরাম ছিল না এখানে?

নন্দ আগে দিল একটু গলা-খাঁকারি—তারপর উহাতে বাকশক্তি একটু কার্যকরী হইল, সে বলিল, না ...

সঙ্গে সঙ্গে সিঁড়িতে হিল্-উঁচু জুতার খটখট ক্ষত শব্দ উঠিল—গৃহিণী আসিতেছেন ...

তাহার সম্মুখেই তাহার বিরুদ্ধে অভিযোগ স্বামীর কাছে করিবেন এবং প্রতিকার চাহিবেন এমন তেজে আর এমন জ্বল হইয়া যে ...

কিন্তু কিছুই ঘটিল না—

স্বামীর জন্ত তিনি দাঁড়াইলেন না পর্যন্ত—একাই অগ্রসর হইয়া গেলেন রোজ যেমন যান—মণীন্দ্র তার অশ্রুগমন করিলেন; বলিয়া গেলেন, তুমি বুঝি বেড়াও না মাস্টার?

নন্দকিশোর তখন গিয়া চেয়ারে বসিল—একেবারে গা ছাড়িয়া দিয়া অবিলম্বেই একটি নিঃশ্বাস মুক্ত করিয়া দিল এবং সেই নিঃশ্বাসের সঙ্গে তার জ্বালা যন্ত্রণা উৎকণ্ঠা ভয় প্রভৃতি সমুদয় মানি বহিষ্কার হইয়া গেল, ওয়ার

স্বংকারে বিষের মতো... তারপর ক্রমে সে খুশী হইয়া উঠিল : এমনি ক্ষমাই ত মানুষকে করা উচিত ; অজানত দৈবাৎ যে-অপরাধ ঘটয়া যায়, যথার্থ ভদ্রলোক নিজেরই মনে তার উপযুক্ত শাস্তি ভোগ করে—বাহিরের শাস্তি কখনো অতিরিক্ত, কখনো অত্যাচার।

যে-ব্যাপার সংক্ষেপে তুমুল এবং মারাত্মকভাবে ক্ষতি-জনক হইয়া উঠিতে পারিত তাহা ক্ষমাময় উদার নিলিপ্ততার ভিতর দিয়া নিঃশব্দে শেষ হইয়া গেছে। অন্ত দিক্ দিয়া তাহার আর শুরুই রহিল না—কেবল রহিল নিষ্কৃতি দানের দরুণ তাঁদের প্রতি অপার কৃতজ্ঞতা, আর অতুল আনন্দ...

পরদিন দ্বিপ্রহরে মণীন্দ্র আচার্য্যে তাঁর কাজে বাহির হইয়া গেলেন।

নন্দকিশোর থাইতে বসিয়াছে—

ঠাকুর কুণ্ঠিতভাবে জিজ্ঞাসা করিল—ডাঙটা কেমন হয়েছে, বাবু ?

নন্দ বলিল—ভালো হয়েছে।

—ঝোলটা ?

—ঝোলটাও ভালো হয়েছে।

—কিন্তু বাবু ত কিছু বললেন না !

মণীন্দ্র রোজ তারিফ বা নিন্দা করেন।

নন্দ তাহাকে সাস্তুনা দিল ; বলিল—ভুলে গেছেন হয় ত। বলিয়াই নন্দ অনুভব করিল, ঘরের ভিতর মানুষের ছায়া পড়িল—ছায়া ভৌতিক নয়, কারণ পরক্ষণেই কণ্ঠস্বর শুনা গেল : ঠাকুর, বলরাম কোথায় ?

শুনিয়াই নন্দকিশোর অধোমুখ শশব্যস্ত ত্রস্ত এবং মনে মনে পলায়নোচ্ছত হইয়া উঠিল—মুখে ভাতের গ্রাস তোলার চাঞ্চল্য বন্ধ হইয়া গেল—এবং দরজার আসিয়া দাঁড়াইলেন গৃহিণী...

ঠাকুর বলিল—তাকে আমি একটু বাজারে পাঠিয়েছি মা, এক পয়সার পান আনতে।

ঠাকুর বড় পান খায় এবং একটি করিয়া পয়সা সে রোজ পান-খরচা পায়।

কিন্তু গৃহিণী তখন মাস্টারবাবুকে লক্ষ্য করিতেছেন—বলিলেন—ঠাকুর এ-বাবুকে গাদার মাছ দিয়েছ যে ?

ঠাকুর হাত কচলাইতে লাগিল—

গৃহিণী ঠাকুরকে আদেশ করিলেন, পেটির মাছ দেবে।... খান্ আপ্নি ; খাওয়া বন্ধ করলেন কেন ?

ঠাকুরকে যেমন তাহাকেও তেমনি আদেশই তিনি করিলেন ; নন্দকিশোরের মনে হইল, আদেশ মান্ত করিতে সে বাধ্য। লজ্জায় চোখ মুখ লাল করিয়া আর ছোট ছোট গ্রাস মুখে পুরিয়া নন্দ আদেশ মান্ত করিতে লাগিল...

গৃহিণী পুনরায় আদেশ করিলেন—ঠাকুর, দু'পয়সার মিছরি নিয়ে এস ত শীগ্গির। আমি এঁর খাওয়ার কাছে দাঁড়াচ্ছি।

নন্দকিশোরের মনে হইল, গৃহকত্রীর এ-আচরণ খুবই অন্তকম্পাময়, খুবই শিষ্ট, খুবই দায়িত্ববোধের পরিচায়ক।

ঠাকুর পয়সা লইয়া মিছরি আনিতে গেল—

একা পড়িয়াই নন্দকিশোরের বুক আবার বেজায় টিপ্ টিপ্ করিতে লাগিল—গৃহকত্রীর অন্তকম্পা, শিষ্টতা এবং দায়িত্ববোধ যতই স্নিগ্ধ আর শান্তিদায়ক হউক, স্নিগ্ধতা আর শান্তির সেই আবহাওয়া টিকিতে পারিল না—অপরাধের স্মৃতি সজীব আর কত্রীর উপস্থিতি সেই মুহূর্তেই নিদাক্ষণ উদ্বেগজনক হইয়া উঠিল...

সে এতক্ষণে যেন তার একটা ভুল বুদ্ধিতে পারিল : নিজেরই হাতে খেতেছ আর অবিসম্বাদিত শাসনক্ষমতা থাকিতে ইনি ঘটনার যথার্থ এবং আহুপূর্ব্বিক বর্ণনা দিয়া স্বামীর কাছে অকারণে লজ্জা পাইতে যাইবেন কেন ! পার্পীকে দণ্ড দিবার হক তাঁর আছে—তাই দিতে তিনি আসিয়াছেন...

কিন্তু সব তার আগাগোড়া ভুয়ো, ভুল, আর ভুসোর মত কালো আর হালকা। নন্দ যাহাকে চণ্ডিকা, শাসনকত্রী আর দণ্ডদাত্রী মনে করিয়া ভয়ে লজ্জায় ক্ষোভে এতটুকু হইয়া গেছে আর অনর্গল ঘামিতেছে, তিনি তখন তার অবনত মুখের দিকে তরল চক্ষে চাহিয়া মৃদু মৃদু হাসিতেছেন...

হাসিটুকু নন্দ দেখিতে পাইল না, কিন্তু স্বর শুনিল : দণ্ডমুণ্ডের কত্রী বলিলেন—কাল হঠাৎ অমন ক'রে এসে দাঁড়ানো আপনার উচিত হয়নি।

খুঁজিলে ভৎসনার বিষ ঐ কথার ভিতর পাওয়া ঘাইতে পারে।

ক্ষমা ভিক্ষার স্বেযোগ পাইয়া নন্দর কথা ফুটিল, বলিল,

আজ্ঞে সেজ্ঞে আমি অপরাধী আর অহুতপ্ত—আমাকে ক্ষমা করুন।

প্রার্থনাবাক্য উচ্চারণ করিয়াও নন্দ তীব্রতম তিরস্কারের প্রতীক্ষা করিতে লাগিল ... কিন্তু তার কাতরতাকে অবিশ্বাস কেহ করিতে পারিবে না।

—আমি তখন কেবল গা ধুয়ে এসে দাঁড়িয়েছি, হঠাৎ আয়নার ভিতর আপনাকে দেখলাম—আপনার ছায়া গড়ল'...

নন্দ তা জানে—

উনি বলিলেন, কিন্তু অমন ক'রে ছুটে পালিয়ে গেলেন ভয়ে, লজ্জায় না ঘৃণায় ?

ইহার কি উত্তর আছে ! নন্দ কথা কহিল না, উঠিবার উপক্রম করিল ...

—ভয় পাবার কি ছিল ! ঘৃণাই বা করবেন কেন ! লজ্জা পেয়েছিলেন বুঝি ! ও কি, খাওয়া শেষ না করেই উঠছেন যে ? আমি তবে যাই এখন থেকে ...

চলিয়া গেলেন না—বোধ হয় মিছ'রি না লইয়া তিনি যাইবেন না। নন্দ উঠিল না, খাইতে লাগিল ...

—আপনার বিয়ে হয়েছে ?

নন্দ ধীরে ধীরে মাথা কাঁত করিয়া জানাইল, তার বিবাহ হইয়াছে।

তবে ত বোঝেনই সব। কিন্তু আর কখনো যদি ওপরে আসেন তবে খবর দিয়ে আসবেন ?

উপরে আসিতে নিষেধ তিনি করিলেন না।

নন্দ বলিল, আজ্ঞে।

—তা-ই করবেন। আর একটা কাজ করবেন, আমার হুকুম ...

বলিয়া তিনি চুপ করিয়া রহিলেন—

আদেশ গ্রহণ করিতে মনে মনে মাথা পাতিয়া নন্দ হঠাৎ মুখ ভুলিয়া চাহিল ; সম্মুখবর্তিনীর মুখের উপর তার দৃষ্টি পড়িল—তাঁহাকে না দেখিয়া সে পারিল না এবং দেখিল যে, রূপ অজস্র—এত যে, আর এমন বিভ্রম ঘটানো

তার উজ্জ্বলতা যে, দৃষ্টি রূপ দেখিতে দেখিতে রূপ দেখিতে ভুলিয়া গিয়া রূপের দিকেই নির্নিমেষ হইয়া থাকিতে চায়...

তবু সে তাড়াতাড়ি চোখ নামাইল—

কর্ত্তী বলিলেন—আমার হুকুম মানবেন ত ?

নন্দ যেমন করিয়া বিবাহের কথা স্বীকার করিয়াছিল, ভয়ে ভয়ে মাথা কাঁত করিয়া হুকুম মানিতেও সে তেমনি রাজি হইল—

কিন্তু সেটা যে এমন হাসির কথা হইবে তা কে জানিত ! কর্ত্তী খিলখিল করিয়া হাসিয়া উঠিলেন ; বলিলেন—পালাবেন না, আমাকে যেমন দেখেছেন তেমনি দেখা আমার ভালো লাগে—আপনাকে আরো ... আপনি নিরোধ, তা-ই দিশে পান না—পালান্।

বলিয়া তিনি থামিলেন।

নন্দ সাষ্টাঙ্গে মাটির সঙ্গে মিশাইয়া গিয়াও সর্বাস্তঃকরণ দিয়া অনুভব করিতে লাগিল যে, তিনি তাহাকে নিরীক্ষণ করিতেছেন, আর হাসিতেছেন ...

পরক্ষণেই তাঁর কাপড়ের খসখস শব্দ উঠিল—তিনি প্রশ্ন করিলেন।

তারপর নন্দ কি করিল, কেমন করিয়া করিল ; উঠিল, না বসিয়াই রহিল ; খাওয়া শেষ করিল কি না : কোথা দিয়া সময় যাইতেছে ; কেমন করিয়া আর কোন্ পথে আসিয়া সে তার তরুণপোষে আছড়াইয়া পড়িল, তাহা সে জানে না ...

খানিক অসাড় অবস্থায় পড়িয়া থাকিবার পর সময়ের শুশ্রুষায় ক্রমে তার চোখে দৃষ্টি, বুকে নিঃশ্বাস, মস্তিষ্কে চিন্তার চৈতন্য এবং তার হাত পা নাড়িবার সামর্থ্য ফিরিল ...

নন্দ যেন বহুদিন পরে রোগশয্যা ছাড়িয়া উঠিয়া বসিল।

সেইদিনই বাস্তু বিছানা আর কুড়ি দিনের বেতন ফেলিয়া সে চলিয়া আসিল—

মাকে বলিল, তাড়িয়ে দিলে।

মমতাকে বলিল, পালিয়ে এলাম। বলিয়া তার মুখ-চুষন করিল।





# গোবিন্দদাসে শ্রীরাধার অভিসার

শ্রীশুভব্রত রায়চৌধুরী

গোবিন্দদাসের “রাধা” গাইলেন,

—“এ সখি, বিরহ মরণ নিরদন্দ ।

ঐছনে মিলই যব গোকুলচন্দ ॥”—

শ্রামের সাথে এমনি করে’ নিজেকে-হারিয়ে-ফেলা মিলনে যদি মিলিত হওয়া যায়, তবে জীবন-মৃত্যু, বিরহ-মিলন সব যে সিঙ্কলীনা তটিনীর মত এক হয়ে যাবে—জীবনের সাথে মৃত্যুর—মিলনের সাথে বিরহের রইবে না কোন ঘন্দ, কোন বিরোধিতা! সব কিছু সেখানে বিলীন হয়ে গড়ে’ তুলবে বিচ্ছেদ-বিধুরতার অতীত এক মহামিলন। সে মিলন চিরস্থান—বিচ্ছেদবিহীন—মৃত্যুঞ্জয়ী!

যে প্রেমে এই মিলন—সেই প্রেমের সাধনাই রাধার জীবনের লক্ষ্য—তার প্রাণের আরাধনা। কিন্তু কেমন করে’ সে এই সাধনাকে সফল করে’ তুলবে? এই সাধনার পথ যে কভু গহন জটিল,

“কভু পিচ্ছল ঘন পঙ্কিল,

কভু সঙ্কট ছায়া-শঙ্কিল,

বঙ্কিম ছুরগম।”

হাঁ! রাধা তা জানে—তাই—

—“দূতর পশু- গমন ধনী সাধয়ে

মন্দিরে যামিনী জাগি’ ॥—

তাই নব-অনুরাগিণী রাধার সাধনা শুরু হয়েছে তারই মন্দির মাঝে! “বিঘিনি বিথারল বাটে” তাকে চলতে হবে বিনিত্র রজনী যাপন করে’। কণ্টক-শঙ্কিল বারি-পংকিল পথে তার অভিসার।—তারই জন্তে রাধা গোপন সাধনার মগ্ন হয়েছে—আপন মন্দিরে—

“কণ্টক গাড়ি’ কমলসম পদতল

মঞ্জীর চীরহি ঝাঁপি।

গাগরি-বারি চারি’ করি’ পিছল

চলতহি অঙ্গুলি চাপি’।”—

এমনি করে’ সে কণ্টকপথে চলবার সাধনা করছে নীরবে—মঞ্জীর-গুঞ্জন, চরণধ্বনি সব সম্বর্পণে শুরু করে’। যে অভিসারের উদ্দেশে সে যাত্রা করবে—তাতে কি কোন বাহ্যিক আড়ম্বর, কোন কোলাহল থাকতে পারে!...—সেখানে যে সব কিছুকে শুরু হ’তে হবে—নিষ্কম্প-প্রদীপশিখা হয়ে চিত্ত শুধু অস্তীপ্তিতের তরে জ্বলবে! সমাহিত সাধনার নিবিড় তন্ময়তার মাঝে মিলিয়ে যাবে বাহিরের সকল কলগুঞ্জরণ! সাধক প্রেমিক যখন অন্তর-দেবতার অধেষণে আকুল হয়ে ওঠে, তখন তার কাছে বহিরাড়ম্বর হয় শুধুই বিঘ্ন। সে তার

প্রেমের পূজার অর্থ্য রচনা করে তার হৃদয়ের নিভৃত মন্দিরে—অতি সংগোপনে। বাহিরের দিক থেকে সে নিজেকে করে’ তোলে রিক্ত—কিন্তু অন্তর তার ভরে’ ওঠে ঐশ্বর্যে। রাধার সাধনায় তাই নাই কোন আড়ম্বর, নাই কোন অমুঠান।—“অন্তরে ঐশ্বর্য তার অন্তরে অমৃত।”—নিন্দা-অপবাদের ভয় তার নেই—ঘর সংসারের বাধন তাকে বাধতে পারে নি—দ্বিধা ঘন্দ সব তার গেছে স্ত্রেঙ্গে।—

এত দিনে ভাঙ্গল ঘন্দ

কানু-অনুরাগ-

ভুজঙ্গের গরাসল

কুল-দাহুরি মতি-মন্দ।”—

সে জানে কি তার সাধনা। সে তার হৃদয়-দেবতাকে প্রতিষ্ঠিত করেছে তার হৃদয়-মন্দিরে—সেখানে সে চিরজাগ্রত করে’ রেখেছে তার প্রেম-প্রহরীকে—

—হৃদয়-মন্দিরে মোর

কানু ঘুমাওল

প্রেম-প্রহরী রহ জাগি’!—

নিন্দা-তিরস্কার, গুরুজন-গঞ্জনা? কীই বা বিকোভ তারা আনবে, আর—কেমন করেই বা আনবে? সে সব কথা যে তার কানেই যায় না—সে সব কথা শুনলে সে যে “ঝাঁপি রহত চুহ কান।” গুরুজন বচনে রাধা “বধির সম মানই”—আর, “পরিজন বচনে যুগধি সম হাসই।” এই নিন্দা-উপহাসের ভীতিই না চলার পথের স্মৃধে বিস্তার করে’ দেয় মসীমাখা কালো ছায়া—অস্তর্জগৎকে ঢেকে দেয় সংসারের তমসায়! কিন্তু এ অন্ধকার তারই কাছে—বাহিরের আধি যে রেখেছে খুলে—বাহিরের পানে যে রয়েছে চেয়ে। তাই বহিমুখী চক্ষু ছুটিকে বন্ধ করে’ অন্তর-জাঁধির অনিমেষ দৃষ্টি মেলে রাধা চলেছে সাধনার পথে “তিমির পয়ানক আশে”, যেন অন্ধকার সৃষ্টি না করতে পারে তার চলার পথে কোন বাধা। এই তো অভিসার! রাধা তা জানে—তাই, “কর যুগে নয়ন” আবরিত করে’ সেই পথে চলবার সাধনাই সে করছে। তার শ্রবণকে সে যেমন করে’ বধির করেছে—নয়নকে সে তেমনি করেই আবরিত করবে—‘বাহির-দুয়ারে’ সে এমনি করেই ‘কপাট’ দেবে! কিন্তু পথ যে বড়ই ছুস্তর—“চলইতে শঙ্কিল পঙ্কিল বাট!”—আশাকে আহত করে’, সাধনার প্রত্যয়কে ধূলিসাৎ করে’, অন্তরে নৈরাশ্রের অন্ধকার সৃষ্টি করার মত প্রত্যবায় যে পথে প্রচুর! এ পথের যাত্রী যারা—সংসার কেবলই চায় তাদের অন্তর-জগতে প্রবেশ করতে আপনার মুখে-মধু-বিষে-ভরা ভোগ সামগ্রী নিয়ে, ঠিক যেমন করে’ সাপ চার অন্ধকারে তার বিবদস্তে বিলাস্ত পথচারীকে অতর্কিতে আঘাত করতে। তাই সে—

—শণিকঙ্কণ-পণ কণিমুখ-বন্ধন  
শিখই ভুঞ্জগ-গুর পাশে।—

সাংসারিক বৈভব হাসিমুখে উৎসর্জন করে' রাধা তার অন্তরতমের নিকট হতে যে চিরন্তন বাণীর সন্ধান পাবে—সেই হবে তার পরম মন্ত্র—তারই বলে সে রক্ষ করে' দেবে সংসারের দংশনোত্তম বিষমুখ!

এত উত্তোপ—এত প্রচেষ্টা! রাধা কি তবে এ অভিসারে যাত্রা করবেই? তবে যে অনেক দুঃখ অনেক দৈন্ত্য তাকে সহিতে হবে! নিজের দেহ-মন্দিরের রক্ষা হ্রাস খুলে তাকে যাত্রা করতে হবে দেহকে দূরে সরিয়ে! একে তো পথ অতি 'শঙ্কিল, পঙ্কিল'—আবার “ভীহি অতি দূরতর বাধর দোল!” এরা সবাই যে তাকে কত বিকৃত করে' তুলবে! কীই বা আছে তার যা তাকে রক্ষা করবে! কীই বা তার আশ্রয়—কীই বা তার সহায়! শুধু আছে তার একখানি 'নীল-নিচোল', কিন্তু “বারি কি বারই নীল-নিচোল?” বাহিরের বাধাকে সে না হয় অতিক্রম করলো—দেহের বাধাকে সে না হয় উপেক্ষা করলো,—কিন্তু “হরি রহ মানস-স্বরধুনি-পার”—হরি রয়েছে যে মানস-গঙ্গার পরপারে! এই মনকে পার হতে হবে গোকুলচন্দ্রের সাথে মিলিত হতে। কামনা বাসনা—অহং-এর যারা অনুচর—তারা সবাই উতল হয়ে মনকে করে' তুলতে চায় ঝড়ের রাজির বজ্রনাদবিন্দুক উত্তাল তরংগসংকুল নদীর মত। এরই মধ্য দিয়ে “সুন্দরি, কৈছে করবি অভিসার?” এই সদা-বিন্দুক মানস-গঙ্গাকে জয় করতে হবে—তাকে তরণ করে' যেতে হবে শ্রামের মহামিজন ক্ষেত্রে। সুখে এই বিপদসংকুল তটিনী—তার ওপর আবার “ঘন ঘন ঘন ঘন বজ্রনিপাত।”—

—ইথে যব, সুন্দরি, তেজবি গেহ।

প্রেমক লাগি' উপেক্ষি দেহ।—

কিন্তু এই সতর্কতার বাণী কার তরে? রাধা তো কোন বাধাই মানবে না,—

—নব অনুরাগিণী রাধা

কছু নাহি মানয়ে বাধা।—

ঘনতমসাম্পন্ন যোর রজনী? না—আধারের ভয় তার নেই—রাধার প্রাণে যে প্রেমের আলো জ্বলছে তারি ছটার কেটে যাবে সকল আধার—

—বামিনি ঘন আধিরার

মনমথ হিরে উজিরার।—

ঝঞ্জা-বিলোড়িত মানস-তটিনী?—না ও ভয়ও সে করে না,

—নিজ-মরিবাদ- সিজু-সঞ্চে পঙরগু'

তাছে কি তটিনী অগাধা?—

আত্ম-অভিসানরূপ সিজুকে 'সে তরণ করে' এসেছে—'মানস-স্বরধুনি' তার কাছে আর দুর্লভ্য নয়! কামনা-বাসনার বাধা? সে তো অতি তুচ্ছ! রাধা এসেছে তার “অহং”এর মৌলিপিত্তর হতে মুক্ত হয়ে—‘আমিত্বের পতী অতিক্রম করে'। এখন কি আর কামনা-বাসনার

মোহ কিংবা দেহের দুঃখ তার প্রেমাম্পদের সাথে মিলনের এ শুভ অভিসারে কোন বিঘ্ন ঘটতে পারে? প্রেমের দেবতার 'কোটি কুহুম-শর' যাকে অবিরত বিদ্ধ করছে—তার কাছে বৃষ্টিধারা! প্রেমের অগ্নি যার অন্তরকে প্রতিনিয়ত দগ্ধ করছে—তার কাছে বজ্রের অনল! না, না, সে ভয় তার আর নেই! দেহকে ঘিরে যে সব কামনা বাসনা আশা আকাঙ্ক্ষা বিরাজ করে, তাদের সবাইকে সে পশ্চাতে ফেলে এসেছে—তাদের উদ্দীপক 'অহং'কে সে পরিপূর্ণরূপে রোধ করেছে।—দেহের বাধা তার কাছে কোন বাধাই নয়। সে যাবেই—সে যাবে তারই কাছে যার তরে তার অন্তর-প্রদীপখানি সদা উজ্জ্বলিখা হয়ে জ্বলছে—যার তরে মানসগঙ্গার সংকট-স্বাবর্ত মাঝে সে ছুটে চলেছে নির্ভীক পরাণে।—সে যাবে তারই কাছে “যছু পদতলে নিজ জীবন সোঁপগু'।” মানবে না সে কোন মান। নদ নদী পর্বত সিজুর কলরোল অশনিসম্পাত সব তুচ্ছ করে'—দেহের গর্জন আমিত্বের ক্রকুটি সব উপেক্ষা করে' সে যাবে তার প্রেমাম্পদের কাছে। ভয়?.....ভয় কোথায়!

—ভয় বাধা সব অন্তর মুরতি ধরি'

পঙ্ক দেখাওব মোর।—

বিঘ্ন?.....

—বিঘিনি বিধারল বাট

প্রেমক-আয়ুধে কাট।—

প্রেমের আয়ুধ তার পথের বাধা সব কাটিয়ে দিয়ে এমনি করে' তাকে সর্বজনী করে' পৌঁছে দেবে শ্রামের সমীপে। পথের সঞ্চল?—পথের সঞ্চল তার ঐ নীল নিচোল। শুধু নীল নিচোল? হ্যাঁ—কিন্তু সে কি সামান্ত! লোকে হয় তো ভাবে তাই। হয়তো ভাবে—মানুষের বিশ্বাসের মতই সে চঞ্চল—হৃৎকথের দমকা হাওয়ার সে উড়ে যেতে চাইবেই। মানুষের বিশ্বাসটুকু যে চঞ্চল অঞ্চলের মত সদাই দোলারমান। দুর্ভেদের অভিঘাতে অতিস্থির বিশ্বাসও তো উবেজিত হয়ে ওঠে। কিন্তু রাধার বিশ্বাস!—সে যে তার ঐ নীল নিচোলখানির মতই তার প্রাণের পরতে পরতে জড়িয়ে রয়েছে একেবারে স্থির ভ্রুব অচঞ্চল হয়ে! ঝড় ঝঞ্জা আঘাত অভিঘাত কিছুই পারবে না তাকে দোলাতে। দুঃখ নিন্দা নিরুৎসাহ পারবে না তাকে লক্ষ্য হতে অষ্ট করতে! সে ছুটে যাবে তার শ্রামের পানে এমনি অবিচলিত বিশ্বাসভরে। এই ভ্রুব বিশ্বাসের বলেই ঐসে সার্থক করে' তুলবে তার সাধনাকে। সংসার কি করে' তার দুর্জয় অন্তরকে রোধ করবে? সে যে তার প্রিয়তমের জন্ত ব্যাকুল হয়ে ছুটে চলেছে। তার প্রিয়তম যে তারই আশাপথ চেয়ে বসে আছে,

—যেছে হৃদয় করি' পঙ্ক হেরত হরি

সোঙরি সোঙরি মন কুর।—

সজল মননে তার প্রাণপ্রিয় যে তারই প্রতীক্ষা করছে!...একথা যেমনি তার মনে পড়ে এমনি সারাটি হৃদয় বাধার জয়ে' যার—তার প্রেম

ছলছল নয়ন দুটি বেয়ে নেমে আসে বারিধারা। তার বিরহ-বিধুর কণ্ঠে  
যেন ধ্বনিত হতে চায়,

—বিরহ তাপে তব

অবহ' ঘুচাওব,

কুঞ্জ বাট পর

অবহ' ম ধাওব

সব কিছু টুটইব বাধা।—

সে তার প্রিয়তমের সাথে এমনি নিরবচ্ছিন্ন মিলনে মিলে থাকতে চায়  
যেন নিমেষের তরেও কোন ব্যবধান না ঘটে। ধরণীর ধূলি হয়ে সে  
সেই পথে ছড়িয়ে থাকবে “যাঁহা পছ অরুণচরণে চলি' যাত।” সে সেই  
সরোবরের সলিল হয়ে থাকবে যেখানে তার শ্রাম “নিতি নিতি নাহ।”

সে চার নিখিল প্রকৃতির মাঝে আপনাকে ছড়িয়ে দিতে যেখানে তার  
জলধর শ্রাম নিত্য বিরাজমান। তার প্রেম তাকে বিশ্বের সাথে মিলিয়ে  
দিতে চায়—বিশ্বের শ্রামলিমার মাঝে তার প্রিয়তমকে প্রকাশ করে'।  
আপন প্রাণের স্পন্দন বিশ্বপ্রাণের স্পন্দনের মাঝে উপলব্ধি করা—এই  
তো ভূমার প্রেম! এই প্রেম এমনি করে' যার হৃদয়ে জেগেছে—বাকে  
এমনি করে' আশ্রয় করে' তুলেছে, তার মিলন-অভিসারে কি কোন  
বাধা অগ্রসর হতে পারে? তার অশীর্ণিত অভিসারে যাত্রা সে করবেই।  
প্রেমের কবি গোবিন্দদাস তাই আনন্দাপ্ত হৃদয়ে—পুলক-কল্পিত কণ্ঠে  
গেয়ে উঠলেন :—

“বিরহ মরণ নিরদম্ব

ঐছনে মিলই যব গোকুলচন্দ।”

## রিক্ত পথিক! হতাশ হ'লে কি ঝড়ে ?

শ্রী অপূর্বকৃষ্ণ ভট্টাচার্য

রাত্রি গভীর—আধারের মাঝে আলোকের স্মৃতি ভোলা,

রিক্ত পথিক! হতাশ হ'লে কি ঝড়ে ?

আশা-নিরাশার দ্বন্দ্ব তোমার বিষাদে জটিল হোলো,

হৃদয় ভাঙিয়া পড়ে।

বসুন্ধার বৃকে নিদ্রাবিভোল জীবন-প্রভাতখানি,

জাগিতে চাহে না শুনিয়া আর্তরব।

চলার চেতনা শেষ হয়ে আসে, থেমেছে কণ্ঠে বাণী,

সমুখে গলিত শব।

অশথ বটের শাখা-প্রশাখায় শুকায় গিয়াছে লতা,

কৃষ্ণচূড়ার ঝরে গেছে মঞ্জরী।

আজিকার গানে আজিকার সুরে তুলিয়া দুঃখ ব্যথা

ভেসেছে স্বপ্নতরী।

কাঁদিয়ে পথিক, কানপেতে শোনো সঘন অন্ধকারে

দুঃখ করিয়া কি হবে বন্ধু—বলো ?

পাবে না সেদিন যে গেছে চলিয়া কুসুম-গন্ধভারে,

ধীরে ধীরে পথ চলো।

কত শুভদিন এসেছিল হেথা আলোর মেখলা পরে'

চন্দনমাখা ত্রিদিবের মালা গলে।

পাতার কুটীর পরমানন্দে গেছে চুম্বন ক'রে

উদার আকাশতলে।

এসেছিল কত ছন্দবলাকা ভাব ভারতীর গানে

মধুমিলনের মুখর মঞ্জু স'ঝে।

রূপালী গগনে প্রথম তারকা দেখেছিল এইখানে,

এই বনানীর কাছে।

বনকুন্তলে লক্ষ জোনাকা শোভিত সজোপনে

নাহন করিয়া হৃদয়ের নির্বরে,

কুছ ও কেকায় ছলিত বিটপী লতাপল্লব সনে

আবেশ আবেগ ভরে।

কত উৎসব হয়ে গেছে হেথা শ্রামল কানন ছায়ে

প্রাণের কুসুম বসিত প্রেমের জপে।

নৈশ ন রা নৃত্য করিত মন্দ মধুর বায়ে

বড়ঝতু কলরবে।

রিক্ত পথিক! আজিকে সে সব তুলিতে পারি না আর,

তোমার আমার দুর্যোগপথে বিপুল অন্ধকার।



# সাধনার ফল

শ্রী আশালতা সিংহ

১

নমিতাদের স্কুলে যিনি নূতন হেডমিষ্ট্রেস হইয়া আসিয়াছেন, বয়স তাঁহার বেশি নয়; খুব বেশি হয় তো জোর কুড়ি কিংবা একুশ হইবে। কিন্তু বুদ্ধিতে বিজ্ঞায় ব্যক্তিতে মেয়েদের প্রিয় রেবাদি অতি আপন হইয়া উঠিয়াছেন। সেদিন ম্যাট্রিকের খবর বাহির হইয়াছে। স্কুলে খবর আসিয়াছে আগে। নমিতার রেবাদি মনের আনন্দ চাপিতে না পারিয়া গাড়ী-ভাড়া করিয়া একেবারে নমিতাদের বাড়ী আসিয়া উপস্থিত হইলেন। প্রকাণ্ড বড় বাড়ী এবং ততোধিক বৃহৎ সংসার। সামনের হাতায় কয়েকটি ছেলে মার্কেল খেলিতেছিল। খেলা থামাইয়া একজন কহিল, ওরে গাড়ীতে ক'রে কোথা থেকে মেয়েছেলেরা বেড়াতে এসেছেন। ভিতরে পিসীমাকে খবর দিয়ে আসি।

আর একজন বলিল, খবর দিয়ে আর কি হবে, একেবারে সঙ্গে ক'রে ভিতরে নিয়ে যা না।

হেডমিষ্ট্রেস মিস রেবা রায় এমনই একটি ছোট ছেলেকে অগ্রবর্তী করিয়া খিড়কির দরজা দিয়া বাড়ীর ভিতরে ঢুকিলেন।

তখন সকাল বেলা। আটটা কি সাড়ে আটটা হয় তো বাজিয়াছে। গৃহস্থের অন্তঃপুরে কাজকর্মের একটা সন্ধিক্ষণ। সকলেরই ব্যস্ততার আর সীমাপরিসীমা নাই। ছেলেদের স্কুল-কলেজ আছে, বাবুদের কাছারি-আফিস আছে। কাঁহারও দশটা, কাহারও সাড়ে দশটার ভাত চাই। মেয়েরা ভরকারির ঝড়ি, রান্নার জোগাড় লইয়া ব্যস্ত। নমিতা পিসীমার নির্দেশমত কাচাকাপড় পরিয়া শুদ্ধ হইয়া আচারের হাঁড়ি রোদে দিতেছিল, হঠাৎ রেবাদিকে দেখিয়া তাহার মুখ শুকাইয়া উঠিল। দুই হাতে আচারের তেল হলুদ লাগিয়া রহিয়াছে, পরণের কাপড়টায় কালির দাগ। এবাড়ীর গৃহিণী বিধবা পিসীমা ন'হাতি খাট তসরের ধুতি পরিয়া মালা করিতে করিতে কাজ কর্মের তদারক করিয়া ফিরিতেছেন। ন'বৌদির কোলের মেয়ে কেস্টিটা সম্পূর্ণ উলঙ্গ হইয়া বালির বাটি হাতে তারথরে কালা জুড়িয়াছে।

এই দৃশ্য ও এই পরিবেশের মাঝে রেবাদিকে দাঁড়াইয়া থাকিতে দেখিয়া নমিতার মনে হইতে লাগিল, এই মুহূর্তে যদি কোন উপায়ে মিস্ রায়ের চোখের স্নমুখ হইতে সে বিলুপ্ত হইয়া যাইতে পারিত তাহা হইলে ভগবানের কাছে আর কিছুই চাহিত না। কিন্তু ততক্ষণে মিস্ রেবা রায় তথায় আসিয়া আনন্দ-অকৃত কণ্ঠে কহিলেন, ম্যাট্রিকের রেজাল্ট বার হয়েছে, স্কুলে খবর এসেছে। নমিতা তুমি ফাস্ট ডিভিশনে পাশ হয়েছে, আর পঁচিশ টাকা ক'রে স্কলারশীপ পেয়েচ। আই কনগ্র্যাচুলেট ইউ। তোমার অন্তে স্কুলের মুখ উজ্জ্বল হ'ল। খবরটা তোমাকে তাড়াতাড়ি দিতে ছুটে এলুম।

নমিতা অভিভূত হইয়া শুনিতেছিল, পিসীমা ওদিক হইতে ভীষণ ভঙ্গী করিয়া কহিলেন, তোর রকমটা কি বল দেখি না নমিতা! কাগে মুখ দিচ্ছে না হাঁড়িগুলোতে। দেখতে পাচ্চিস না? লোকে কথায় বলে আচার, বিনা আচারে এসব জিনিষ দুদিনে পচে গোবর হয়ে উঠবে না। আশ্রুক আজ বরেন বাড়ীতে। তোমার রাতদিন পড়া আর পড়া আমি বার করচি। একটি কাজ যদি পাবার জো আছে এতবড় খাড়ি মেয়েকে দিয়ে—বলিয়া তিনি রেবার দিকে অপাঙ্গে একবার ক্রকুটিকুটিল চক্ষে চাহিয়া সম্পূর্ণ নির্লিপ্তভাবে ঘন ঘন হরিনামের মালা সঞ্চালন করিতে লাগিলেন। বাড়ীর মেয়েদের মধ্যে নমিতার রাঙাবৌদির রুচি মার্জিত এবং এখনও ছেলেপুলে হয় নাই বলিয়া ঘরখানি পরিষ্কার পরিচ্ছন্ন।

নমিতা তাহার রেবাদিকে সঙ্গে করিয়া আনিয়া সেই ঘরে একটি চেয়ারে বসাইল এবং ইঙ্গিতে রাঙাবৌদিকে একটুখানি চা-জলখাবারের আয়োজন করিতে বলিল। ঘরের দেওয়ালে ক্যালেন্ডারের ছবিতে মাকালীর একটি পট টাঙানো ছিল, সেইদিকে চাহিয়া মিস্ রেবা বলিলেন— আশ্চর্য্য নমিতা তুমি, এই বাড়ীতে এই আবহাওয়ার মাঝে হয়েও তুমি এত তীক্ষ্ণবুদ্ধি! এ যেন কখনোতে আনতেও বাধে।

নমিতার মুখ লাল হইয়া উঠিল, কহিল, আমার বড়দা আর মেজদার কথা শুনি, তাঁরা নাকি সব বিষয়ে যুনিভার্সিটিতে রেকর্ড মার্ক পেয়েছিলেন। রাঙাদা সেই স্কুল থেকে এম-এ পর্য্যন্ত বরাবর ফাস্ট হয়েছেন। ছোটদা প্রফেসারি করছেন, কুর্ভূপক্ষ শীগ্গীর স্টাডি লিভ্ দিয়ে নিজেদের খরচে তাঁকে বিলেত পাঠাচ্ছেন। শিক্ষাবিভাগে এর মধ্যে তাঁর সুনাম হয়েছে খুব।

রেবা বা চোখ একটুখানি কুঞ্চিত করিয়া কহিল, আশ্চর্য্য তো। বাইরে থেকে দেখলে লোকে মনে করবে, একটা অত্যন্ত কুসংস্কারাচ্ছন্ন পরিবার। আর তোমার ঐ পিসীমা, উনি তো রীতিমত ভীতির ব্যাপার। আমি তো প্রথমটায় ভীষণ অপ্রস্তুত হয়ে পড়েছিলাম, এসেই বিপদ।

এমন সময় পিসীমার কাংশুকঠ ঝন্ ঝন্ করিয়া উঠিল, ও রাঙাবৌ, একবার দেখে এস দিকি মা, নমিতা আবার কোথায় গেল। ওই খ্রীস্টানীকে ছুঁয়ে সেই কাপড়ে আবার সৃষ্টি একাকার করছে নাকি মা। এই স্লেচ্ছর সংসারে আর আমার থাকা চলবে না দেখচি! আশুক আজ বরেন বাড়ী, আমার একটা ব্যবস্থা ক'রে দিক। একটা মিনিটও আর আমার এখানে থাকতে ইচ্ছা করে না। রমেন আবার বলে বিলাত যাব।

রাঙাবৌ মিনতির সুরে বলিতেছে, আপনার পায়ে পড়ি পিসীমা, চূপ করুন। অত জোরে টেঁচাবেন না। উনি তো সামনেই আমার ঘরে বসে রয়েছেন, সমস্তই শুনতে পাবেন যে। তা ছাড়া, উনি খ্রীস্টানই বা হতে যাবেন কেন; শুনলে অবাক হবেন, উনি আমাদেরই জাত। এই বয়সে বি-এ, বি-টি পাশ করেছেন। কত শিক্ষিতা। আজকাল কত ভদ্রঘরের মেয়ে চূপচাপ বাড়ীতে বসে কবে বিয়ে হবে সেই অপেক্ষায় না থেকে নিজেরা কাজ ক'রে উপার্জন করছেন। এ তো আর কিছু মন্দ কাজ নয়। নমিতা যে ওর রেবাদের মহাভক্ত, ওর কাছেই সব শুনেচি কি-না।

পিসীমা উত্তপ্ত কণ্ঠে কহিলেন, নাও আর মেলাই বাজে বোকো না মা। খুব ভালো কাজ। তোমাদের মাথায় রম্ণা এই সব ঢুকিয়েচে। বাবু নিজে বেলাত যাবেন, তাই বসে বসে বাড়ীশুদ্ধ সবাইকে বিবি বানানো হচ্ছে।

রাঙাবৌদ্বির ঘরের খোলা জানালা-পথে সমস্ত কথাবার্তাই শোনা যাইতেছিল। ক্ষোভে হুঃখে নমিতা উত্তরোত্তর

ব্যাকুল হইয়া উঠিতেছিল। রেবা চেয়ার ছাড়িয়া উঠিয়া দাঁড়াইলেন, আর তো আমি থাকতে পারিনে নমিতা, স্কুলের বেলা হচ্ছে। তোমার পিসীমাকে বুঝিয়ে বোলো যে, তোমার পাশের খবরে ভারি আনন্দই হয়েছিল তাই খবরটা দিতে এতদূর এসেছিলাম। এছাড়া আমার অল্প অভিসন্ধি ছিলো না। বুঝিয়ে দিলে হয় তো বা তিনি অবিখ্যাস না-ও করতে পারেন।

নমিতা অমূনয় করিয়া কহিল, গুর অমনি কথা। আমরা তো অষ্টপ্রহর ঐ শুনচি। আপনি চলে যাবেন না রেবাদি। রাঙাবৌদি আপনার জন্তে একটু চা আর খাবার তৈরী করছেন। না খেয়ে গেলে তাঁর ভারি হুঃখ হবে।

রেবা গম্ভীর হইয়া কহিল—না, সে হয় না নমিতা। তুমি বুদ্ধিমতী, সমস্তই তো বুঝতে পারচ। সামান্ত একটা ব্যাপার নিয়ে অশান্তি ঘটতে চাও কেন? তোমাদের বাড়ীর যে সব পাত্রে আমাকে খেতে দেবে, খ্রীস্টান বলে সেগুলো হয় তো ফেলা যাবে, তোমার পিসীমা ...

দরজার পর্দা ঠেলিয়া ছাব্বিশ-সাতাশ বছরের একটি স্ত্রী যুবা ঘরে ঢুকিল। নমস্কার করিয়া রেবার দিকে চাহিয়া বলিল, মাপ করবেন। আপনারা দয়কার হলে তো অনাখ্যায় পুরুষের সঙ্গে কথা বলেন, তাই আমি দুটো কথা আপনাকে বুঝিয়ে বলার লোভ কিছুতেই সংবরণ করতে পারলাম না। পাশের ঘরে বসেছিলাম, আপনাদের কথাবার্তা কানে গেল। আচ্ছা, এত অল্পতেই চটে উঠেছেন কেন বলতে পারেন? কিন্তু কথা শুনিবে কি তাহার দিকে চাহিয়া রেবার চোখ আর কিছুতেই ফিরিতে চাহিল না। কী দীপ্ত আভা সারা মুখে। প্রশস্ত ললাটে যেন বুদ্ধির আলো জলিতেছে। দৃপ্ত তেজ এবং অত্যন্ত কমনীয়তার সমন্বয়ে সে মুখ অপূর্ব।

রমেন তখন বলিয়া চলিয়াছে, ভারতবর্ষের ইতিহাস তো পড়েছেন, দেখেছেন ভারতের সাধনার ধারাটা কোন্ দিকে। কত বিরুদ্ধ মত, কত বিরুদ্ধ সংঘাত, কত বিভিন্ন জাতিকে সে নিজের কোলে টেনে এনে সমন্বয়ে আনতে চেয়েছে। হিন্দু পরিবার সেই সাধনারই ছোট সংস্করণ। একথাটা যদি বুঝতেন, তাহলে আমি হলাক ক'রে বলতে পারি, আজ কখনই রাগ করতে পারতেন না। আমাদের এই বাড়ীতেই দেখুন না—পিসীমা আছেন; নমিতা আছে,

রাণীবৌদি আছেন, আবার আমিও আছি। প্রত্যেকের স্বতন্ত্র মত, স্বতন্ত্র আদর্শ, তবু কাউকে বাদ দেবার উপায় নেই। পিসীমা আছেন তাঁর বড়ি, আচার, জপেরমালা, হাঁড়ি ইত্যাদি নিয়ে, নমিতা যাবে বেথুনে আই-এ পড়তে। তার মনটা ভাঁড়ারের হাঁড়ি-কুঁড়ির বাইরে উধাও হয়েছে। আমিও শীগ্‌গীর স্টাডি লিভ্‌ নিয়ে বিলেত যাচ্ছি। প্রত্যেকেই কত আলাদা বলুন তো! তবু প্রত্যেকেরই এবাড়ীতে অক্ষুণ্ণ অধিকার আছে। একটা সমস্যার সাধনা বুঝলেন না?

পিছন হইতে কে মিষ্টকণ্ঠে কহিল, খুব বুঝেচেন। কিন্তু ঠাকুরপো, এখন তোমার বক্তৃতা একটু ধামাও ভাই, উনি চা খাবেন।

নমিতার রাণীবৌদি চায়ের ট্রে ও জলখাবার লইয়া ছুয়ারের কাছে দাঁড়াইয়া আছেন।

রাণীবৌদি মিষ্ট হাসিয়া কহিলেন, এটি আমার ছোট দেওর, শ্রীযুক্ত রমেনবাবু। কিন্তু প্রফেসরি করতে করতে এঁর ভারি একটি কু-অভ্যাস হয়েছে যখন তখন বক্তৃতা দেওয়া। সাধারণ ভাষায় কথা বলতে যেন ভুলেই গেছেন। ... ও কি ছোটঠাকুরপো, রাগ করলে নাকি? রমেন ঘর হইতে চলিয়া যাইবার উপক্রম করিতেছিল, কহিল, না। কিন্তু আমার ঘরেও শীগ্‌গীর এক পেয়লা চা পাঠিয়ে দিও। দেখো যেন ঠাণ্ডা হয়ে যায় না।

তাহার কথায় উপস্থিত সকলেই হাসিয়া ফেলিল। নমিতা আশ্চর্য হইয়া দেখিল—তাহার রেবাদের আর রাগ নাই।

প্রহানোত্তর রমেনের দিকে চাহিয়া রেবা কহিল, দেখুন, আপনাদের বাড়ীর এই সব বাসনে চা খেলে ভারতবর্ষের ইতিহাসের সমস্যার সাধনা সেগুলো বাঁচাতে পারবে কি? আমার ভয় হয়, আপনার পিসীমার ক্রোধানলেপুড়ে সেগুলো নষ্ট না হয়ে যায়।

রমেন সর্গর্ষে কহিল, ভারতবর্ষের সাধনা কত অসাধ্য সাধন করেছে জানেন? এ আর তার কাছে কি! নমিতার কাছে শুনেচি, আর আজ নিজেরও দেখলাম, আপনি তো আমাদেরই মত, আমাদের চেয়ে কোথাও আলাদা নয়। কিসের সঙ্কোচ আপনার?

রমেন চলিয়া গেলেও তাহার শেষের কথাগুলি রেবার দুই কান ভরিয়া বাজিতে লাগিল এবং কিরিবার পথে অপমানের সমস্ত আঁগা নিভাইয়া দিয়া তাহার সমস্ত মন এক

অনির্কচনীয় মাধুর্য্যরসে কেন যে ডুবিয়া রছিল তাহা কিছুতেই সে ঠাহর করিতে পারিল না। আসিবার সময় ঠাট্টা করিয়া নমিতার রাণীবৌদি বলিয়াছিলেন, আপনার মত কারো সঙ্গে যদি ঠাকুরপোর বিয়ে হয় তবেই আশা আছে; নয় তো আমাদের মত মূর্খের কাছে অবিপ্রান্ত বক্তৃতা দিয়ে দিয়ে সে যেমন বক্তৃতা দিতে শিখেচে চিরদিনই তার পুনরাবৃত্তি ঘটবে।

একলা গাড়ীর গদিতে ঠেস দিয়া সেই কথাটা মনে হইতেই সে লজ্জায় অকস্মাৎ রাঙা হইয়া উঠিল।

২

সেদিন সকালের ডাকে রেবার নামে একখানা চিঠি আসিয়াছিল, খুলিয়া দেখিল কাকা লিখিয়াছেন।

“মা, একটা সুখবর আছে, আমিও সামনের মাস হইতে—পুরে বদলি হইয়াছি। তুমি যদি বোর্ডিং ছাড়িয়া আমার বাড়ীতে এস, তবেই জানিব তুমি যে শহরে চাকরি করিতেছ তথায় বদলি হওয়া আমার পক্ষে সৌভাগ্যজনক হইয়াছে। আর একটা কথা মা বলি বলি করিয়াও তোমাকে বলা হয় নাই। অনেকেই মনে করে এবং কেহ কেহ প্রকাশ্যেও বলিতেছে, তোমার বাবা নাই বলিয়া আমি তোমার বিবাহের অবধা দেবী করিতেছি। কিন্তু লোকের কথায় কিছু আসে যায় না; এ বিষয়ে তোমার মত কি যথার্থরূপে জানিবার জন্য তোমার সঙ্গে দেখা না হওয়া অবধি অপেক্ষা করিয়া রহিলাম।”

রেবার মনের মধ্যে কিছুদিন হইতেই একটা পরিবর্তন কাজ করিতেছিল, চিঠিখানা পড়া শেষ হইয়া গেলে মুড়িয়া রাখিয়া অন্তমনস্ক হইয়া জানালার বাহিরে চাছিল। বিবাহের কথায় এতদিন সে ঔদাসীন্য দেখাইয়াছে, নেহাৎ যদি কল্পনার কখনও সে কথা উঠিয়াছে তাহা হইলে নিরালা নিভৃত স্থানে কোন সিভিলিয়ান বা বড় চাকুরের বাড়ীর অজস্র আরাম এবং স্বাধীনতার ছবিটাই মনে জাগিয়াছে। কিন্তু এখন সর্বদাই মনে যে দৃশ্য ভাসিয়া ওঠে তাহার স্বরূপ টের পাইয়া সে শিহরিয়া উঠিল। নমিতাদের বাড়ীর সেই অকৃত গোড়ামি, সেই অসহ্য ক্রটি ও অসম্ভব কৌলাহল, আর সে সমস্ত ছাপাইয়া একটি দৃশ্য উজ্জল আশ্চর্য্য সুন্দর মুখ।

কয়েক দিন আগে গঙ্গার ধারের চরটার বেড়াইতে গিয়া দূরে রমেনকে পায়চারি করিতে দেখিয়াছে কিন্তু একটা ভদ্রতার নমস্কার মাত্র সারিয়া রেবা একরকম ছুটিয়া পলাইয়া আসিয়াছে। নিজের মনকে যাচাই না করিয়া আর মুখোমুখি গল্প করিবার ভরসা তাহার হয় না।

৩

সন্ধ্যার বিখরক অবকাশে বোর্ডিংয়ের দক্ষিণ দিকের বারান্দায় সভা বসিয়াছিল। মিস্ বেলা শুধু একটা হাই তুলিয়া বলিলেন, নাঃ, আর ভালো লাগে না। রোজ রোজ সেই খাড়াবড়ি খোড়, আর খোড় বড়ি খাড়া। তার উপর ফিফ্ ক্লাস আর নাইন্থ্ ক্লাসের মেয়েরা এমন নির্জীব, এমন ডাল্ (dull), রোজ রোজ ওদের অঙ্ক কষাতে পারিনে, সে এক শাস্তি।

শিপ্রা মল্লিক বলিলেন, শাস্তিটা আর কার কম, চল না একদিন সবাই মিলে ওপারে পিকনিক ক'রে আসা যাক। খানিকটা সময় ভালো কাটবে এই একটানা রুটিনের মধ্যে।

অরুণা রায় কহিল, মন্দ প্ল্যান নয়, গেলেও হয়। তোমরা সব বন্দোবস্ত কর না। কিন্তু রেবাদি, সেদিন আপনি যে ব্লাউজটা পরেছিলেন, কাইণ্ড্‌লি সেটা আমাকে একবার লেণ্ড্ করতে হবে। ভারি চমৎকার প্যাটার্ন, তুলে নেব ভাবচি।

সুনীতি উচ্ছ্বাসভরে কহিল, নাও নাও, এখন তোমার প্যাটার্ন রাখ, কি চমৎকার সিনারি হয়েছে দেখ। গাছের আড়াল দিয়ে চাঁদ উঠচে, গ্লোরিয়াস!

বেলা অক্ষুট গদগদ কণ্ঠে কহিল, মাই গড্, হাউ লাভ্‌লি!

রেবাও বসিয়াছিল, এতদিন সে ইহাদেরই সঙ্গে গল্প করিয়া অবসর এবং চিত্ত-বিনোদন করিয়াছে, কিন্তু আজ তাহার মনে হইতেছিল, জীবনের সমস্ত গুরুদায়িত্ব ও বাস্তবতাবর্জিত হইয়া পাঁচ বছরের ছেলে যেমন খেলনা হাতে উচ্ছ্বাসভরে চেষ্টায়, অনর্থক বকে, অকারণে হাসে, ইহারাও যেন তেমনই করিতেছে। সত্যকার জীবনের সহিত ইহার কোথাও কোন যোগ নাই।

সুনীতি কহিল, শুনলুম রেবাদি, আপনি নাকি সেদিন সকালে নমিতাদের বাড়ী গেছিলেন! কেমন লাগলো?

ঐ জিনিষটি কিন্তু বাপু আমার আদৌ বরদাস্ত হয় না। ম্যাট্রিক ক্লাসের উদ্বাসিনী অনেক জেদাজেদি করায় একদিন তাদের বাড়ী গিয়েছিলুম। বাবা, সে কি গোলমাল, একপাল ছেলের চ্যা ভাঁগ, বিরক্তিকর একেবারে। সেই থেকে আর কখনো কারো বাড়ী যাইনে বেড়াতে। ইচ্ছে হ'লে গঙ্গার ধারে বা খোলা মাঠে বেড়ালেই হ'ল। তাতে শরীর ও মনের উন্নতি হয়।

রেবা ঈষৎ হাসিয়া কহিল, কেন, ছেলেপুলের একটু কান্নার উপর এত বিরাগ কেন? এরপর নিজের যখন হবে তখন গঙ্গার ধারে গিয়ে কেমন ক'রে বসে থাকবে শুনি?

জবাব শুনিয়া সুনীতি, বেলা, অরুণা পরস্পরের মুখ চাওয়া-চাওয়ি করিতে লাগিল। বিশ্বয়ে হতবাক হইয়া গেল তাহারা, এই সেই রেবাদি! যাহার নিখুঁত আভিজাত্য এবং ওজন-করা কথা এতদিন তাহাদের সপ্রশংস শ্রদ্ধা অর্জন করিয়াছে। তাহাদের এতদিনকার উপাস্ত দেবতার সম্বন্ধে তাহাদের মত পরিবর্তন করিবার প্রয়োজন আসন্ন হইয়া উঠিল।

৪

প্রায় মাসখানেক হইল রেবার কাকা আসিয়াছেন এবং তাহার কাছেই রেবা উঠিয়া আসিয়াছে। সেদিন সন্ধ্যাবেলায় তাহার কাকাকে চা দিতে বাহিরের ঘরের দিকে আসিতে আসিতে একটা পরিচিত কণ্ঠস্বর শুনিয়া সে থমকিয়া দাঁড়াইল। খোলা জানালা দিয়া স্পষ্ট চোখে পড়িল, রমেন বসিয়া তাহার কাকার সহিত গল্প করিতেছে।

ভিতরে ঢুকিয়া শাস্তভাবে সে নমস্কার করিল।

রমেন হাসিয়া কহিল, আমাদের বাড়ীতে একদিন গিয়ে যা অভ্যর্থনা পেয়েছিলেন আর যেতে সাহস হয় না বোধ হয়, না?

রেবা গম্ভীর হইবার চেষ্টা করিয়াও হাসিয়া কেলিয়া কহিল, ঠিকই অনুমান করেচেন। কিন্তু আপনার সাহসের তো কিছু অভাব দেখচিনে। ধরুন, আজ যদি সেই অভ্যর্থনার শোধ নিই।

রমেন কহিল, তা হ'লে হয় তৌ আপনার মনের কোমল খানিকটা কমে। কিন্তু উজ্জল বাতির আলোয় রেবা স্পষ্ট দেখিল, রমেনের হাসি হাসি মুখখানি একেবারে ম্লান হইয়া

গেছে। কি একটা অত্যন্ত আশা করিয়া সে যেন হতাশ হইয়াছে।

রেবা অন্ততঃ কহিল, ও কথাটা আমি তামাসা ক'রে বলুম মাত্র।

রমেন মৃদুস্বরে বলিল, আপনি কি মনে করেন তামাসা আমি বুঝতে পারিনে, বুঝিয়ে দেবার প্রয়োজন হয়!

রেবা কহিল, তা খানিকটা মনে করি বই-কি। আমার মতে আপনি ছনিয়ার মধ্যে এক ভারতবর্ষের ইতিহাসই সম্যকরূপে বোঝেন। আর কিছু বড় একটা বোঝেন না।

রমেন অন্ত দিকে চাহিয়া কহিল, আপনি যে খুব বেশি বোঝেন তাও আমি মনে করিনে। যে মানুষ অল্পেতেই যোগে যার সে ধীরভাবে বুঝবে কি?

রেবা কহিল, বেশ, ঝগড়া এখন থাক। যাই, আমি আপনার চা নিয়ে আসি।

রেবার কাকাবাবু ডাকিয়া কহিলেন, অমনি চায়ের সঙ্গে কিছু খাবার নিয়ে এস রেবা। রমেনের সঙ্গে ভোরবেলায় বেড়াতে বেরিয়ে রোজই যে আমার দেখা হয়। বড় ভালো, বড় জানী ছেলেটি।

রমেন একটু হাসিয়া রেবার দিকে চাহিয়া কহিল, যান, এঁর অতিথি সৎকারের আয়োজন করুনগে। কি আর করবেন বলুন—শুরুজনের আদেশ।

বাসথানেক পরে একদিন রেবার কাকা তাহাকে ডাকাইয়া ভূমিকা না করিয়াই কহিলেন, তোমার একটা মন্ত না নিয়ে তো আমি হাঁ না কিছুই বলতে পারিনে মা। রমেনের বড়দাদা তোমার সঙ্গে রমেনের বিবাহের প্রস্তাব ক'রে পাঠিয়েছেন। বেশি দেয়ী করবার সময় নেই। রমেন সামনের মাসে ইংল্যান্ড যাচ্ছে।

বহু চেষ্টা করিয়াও না শব্দটা রেবা কিছুতেই মুখে আনিতে পারিল না।

বিবাহের পর রমেন বলিল, আমি তো চলে যাব, কিন্তু সে সময়টা তুমি থাকবে কোথায়? কাকার বাড়ীতে? সেই ব্যবস্থাই ভালো। রেবার চোখেমুখে কৌতুকহাস্ত উচ্ছল হইয়া উঠিল, কহিল, কেন সে ব্যবস্থা ভালো কেন? আমার নিজের বাড়ী কি নেই যে কাকার বাড়ীতে থাকবার ব্যবস্থা হবে।

রমেন তাহার দিকে একদৃষ্টে চাহিয়া কহিল, সত্যি তাই কি মনে কর? এইটুকু যদি সম্বল পাই তা হ'লে একটা বছর দেখতে দেখতে কেটে যায়। কিন্তু পিসীমা...

রেবা বাধা দিয়া কহিল, সে আমি জানি। পিসীমা একটু আচার বিচার মেনে চলেন বলেই যে নিজের বাড়ী ছেড়ে আমায় থাকতে হবে তার কোন মানে আছে কি?—তারপর একটু খামিয়া আবার বলিল, তা ছাড়া, এই ঘরটি ছেড়ে এখন বোধ হয় আর একটা রাত্রিও আমি অন্ত্র থাকতে পারিনে। আমি যখন তোমার জীবনে ছিলাম না, তখনও তুমি এই ঘরে তোমার কত চিন্তা কত আশা ও আদর্শ নিয়ে দিন কাটিয়েছ। এর চারিদিকেই তো তুমি।

রমেন কি বলিতে যাইতেছিল, তাহাকে ধামাইয়া দিয়া রেবা হাসিয়া কহিল, দোহাই তোমার, আর এক বক্য কেন ভারতবর্ষের ইতিহাস আর তার সাধনার পালা শোনাতে বোসো না। তোমার ঐ স্কুল মাস্টারি আমার ধাতে সহবে না। মাস্টারি জিনিষটার উপরই বিতৃষ্ণা ঘটেছে। অনেক করেচি কি-না, সেই জন্তেই বোধ হয়।

রমেন কহিল, না, ভারতবর্ষের সাধনার কথা আর বলার প্রয়োজন হবে না। কারণ সেই সাধনার ফল তো প্রত্যক্ষ দেখতে পাচ্চি সামনেই।





# গভীর অরণ্যে একটি রাত্রি

শ্রীদেবীপ্রসাদ রায়চৌধুরী এম-বি-ই

সন্ধ্যা আগত প্রায়। জনমানবহীন মেঠো পথ। গরুর গাড়ী চলিয়া চলিয়া দুই ধারে ফুটখানেক করিয়া গভীর হইয়া গিয়াছে। গাড়ী চলিলে রেলের লাইনের মত সোজাই চালাইতে হয়, মোড় ফিরাইবার উপায় নাই। পাড় ওঠার মত স্থানটি ঘাসে আচ্ছাদিত থাকিলেও মাঝে মাঝে এখনও পাথরের কুচি দেখিতে পাওয়া যায়। কোনও সময় ইহা রাজপথ ছিল। ইহার রক্ষণাবেক্ষণের ভার হস্তান্তরিত হইতে হইতে বর্তমানে এমন একটি গোষ্ঠীর নিকট আসিয়া পৌঁছিয়াছে যাহাদের নিকট বৎসারান্তে কয়েক ঝুড়ি মাটির বেশী প্রত্যাশা করিবার উপায় নাই। কিছুদিন পূর্বে কর্তাদের নেকনজর যে এদিকে আকর্ষিত হইয়াছিল, সে বিষয়ে সন্দেহ নাই; কারণ নূতন ফেলা মাটি মাঝে মাঝে চিপির আকার ধারণ করিয়াছে। লেভেল করা হয় নাই—হইবেও না। সকলে জানে উপযুক্ত সময় গরুর গাড়ীর চাকাই এই সামান্য ক্রটি ঠিক করিয়া লইবে। উদ্দেশ্য সাধু হইলেও কীর্ষিটি কর্তাদের হৃদয়হীনতার পরিচায়ক হইয়া আছে। প্রমাণ আমার নাসিকা এবং টাকযুক্ত মাথা। ইতিমধ্যে যে কয়বার হেঁচকা খাইয়াছি, তাহাতেই উক্ত অঙ্গের স্থানে স্থান বিশেষ ক্ষীত ও চিকণ হইয়া উঠিয়াছে এবং যে কয়টি হেঁচকা বাকী আছে, তাহাতে যে রক্তস্রাব আরম্ভ হইবে সন্দেহ করি না। শুকনা বাখারির ছাউনির সহিত সজোরে সংঘর্ষিত হইলে মাসুখের চামড়া আর কত সহ্য করিতে পারে।

সরকারী কাজ। গভীর অরণ্যে মন্দিরের ছবি পরীক্ষা করিয়া ফিরিতেছিলাম। গাড়োয়ান ও স্থানীয় বাসিন্দাদের আপত্তি সত্ত্বেও ক্যাম্পে ফিরিতে বাধ্য হইয়াছিলাম। তারযোগে উপরওলা তাড়া দেওয়ায় সকলেই না খাইয়া ক্যাম্প হইতে বাহির হইয়াছিলাম। সমস্ত দিন অনাহারে কাটিয়াছে, তাহার উপর রাত্রেও যদি অতুষ্ক থাকিতে হয় তাহা হইলে সমরমত রিপোর্ট লেখা আর সম্ভব হইবে না। গো-স্থানে নাসিকার সামান্য বিকৃতি মারাত্মক নয়, কারণ আমার তাহাতে সৌন্দর্যহানির সম্ভাবনা নাই; কিন্তু

রিপোর্টের বিলম্ব হইলে কর্ণ ও প্রাণ পর্য্যন্ত দলিত হইতে পারে। নিকটবর্তী গ্রামে আহার ও রাত্রিবাসের ব্যবস্থা করিতে পারিতাম, কিন্তু আহার সম্বন্ধে আমার শুচিবাই ছিল। পাশাপাশি দুইটি গ্রামের মাঝে একটিমাত্র পুকুরিণী;—তাহাতেই স্থানীয় লোকেরা অবগাহন জান হইতে আরম্ভ করিয়া কাপড় কাচা, খালা ধোয়া এবং পানীয় জলের ব্যবস্থা করিয়া থাকে। সুতরাং প্রত্যাবর্তন সম্বন্ধে মনকে দৃঢ় করা ছাড়া উপায় ছিল না।

আমরা চলিয়াছি। ঈশান কোণে তখন বিক্ৰিণ্ড ধূসরবর্ণ মেঘের টুকরা ক্রমাগত ঘোরতর কৃষ্ণ হইয়া উঠিতেছে। ঝড় ও বৃষ্টির আশু সম্ভাবনা অসুভব করিতেছি ঠাণ্ডা বাতাসে। মাঝে মাঝে দম্কা হাওয়ায় শুকনা খাচার বাসগুলি তুলিয়া উঠিতেছে। রাত্তার দুই ধারে পানের বরোজ। মাঝে মাঝে খাড়াই ঘাস, নারিকেল, খেজুর ও বট গাছ। গম্ভব্য স্থানে পৌঁছিতে তখন আট মাইল পথ বাকী। পথের মাঝে দুই মাইল প্রস্থ জিশ মাইল দীর্ঘ জঙ্গল। তাহার পর হিন্দুপুরের মাঠ। মাঠ উত্তীর্ণ হইলে গ্রাম। কোন প্রকারে জঙ্গলটা পার হইতে পারিলেই নিশ্চিত হওয়া যায়। মেঠো পথ, বাদলা হাওরা, চাকার কাঁচর কাঁচর খট শব্দ, ঝিল্লি পোকা এবং ভেকের ডাকে যে ঐক্যতান সৃষ্টি হইয়াছিল, তাহাতে কেমন একটা বরস-কমান প্রভাব ছিল। অজানা প্রিয়া এবং ছোট্ট একটি নিরিবিলি ঘর যে মনে মনে গড়িয়া তুলি নাই বলিতে পারি না। তুলিয়া গিয়াছিলাম, আমি একজন ডিসিপ্লিন্ড সরকারী অফিসার। সরকারী কর্তব্য সাধনই আমার বাচিয়া থাকার একমাত্র উদ্দেশ্য। প্রিয়ার স্থান সেখানে নাই। চমক ভাজিল হঠাৎ গাড়ীটা একদিকে কাৎ হইয়া যাওয়ায়। খাচা সামলাইয়া নাসিকার গঠনের পরিবর্তন হস্তের দ্বারা অসুভব করিতেছিলাম—বহু দূরে শৃগাল ডাকিয়া উঠিল। চারপাশে তাকাইয়া দেখিলাম গোবৃন্দের শেষ দীপ্তি নিঃশেষিত হইয়া আসিয়াছে। অদূরে কন্যায় গভীর হইয়া আসিয়াছে এবং তাহার গাঢ় ছায়ার ঘোরতর

অন্ধকার সৃষ্টি করিয়াছে। তাহারই গর্ভে আমাদের রক্তাটী ধীরে ধীরে অদৃশ্য হইয়া গিয়াছে। সামনেই ভাঙ্গা পোল। তাহার জন্ম-ইতিহাস জানিতে হইলে সুদূর অতীত অনুসন্ধান করিতে হয়। খিলানগুলিতে বালির চিহ্ন মাত্র নাই, ইটগুলিও গলিয়া গিয়াছে। মাঝে মাঝে ভীতিপ্রদ ফাটল মরীচিপের আবাস স্থান হইয়া আছে। প্রথম দৃষ্টিতেই মনে হয়—পোলটি এখনি বৃষ্টি ধসিয়া পড়িবে। পোলের ভাঙ্গা নলাটিও ভয়াবহ। ফাটলের প্রতিবিম্ব নানারূপ ধরিয়া জীবন্ত হইয়া উঠিয়াছে। গাড়োয়ান অশ্রাব্য ভাষায় গালি দিয়া গরু দুইটাকে টিপি অভিক্রম করাইবার চেষ্টা করিতেছে। কিন্তু জেদী জন্তু দুইটা—কিছুমাত্র ক্রম্পন নাই। কান খাড়া করিয়া পাশের খাড়াই ঘাসের দিকে মুখ ফিরাইয়া আছে। আতঙ্কের কারণ অদৃশ্য হইলেও কলদ দুইটার কাছে তাহার অস্তিত্ব সুনিশ্চিত।

আমারও কান খাড়া করা ব্যাপারটা সুবিধার ঠেকিতে ছিল না। গত বৎসরই ত ঠিক এই ঘটনার পরমুহূর্ত্তে বাঘের মুখ হইতে বাঁচিয়া গিয়াছিলাম। খানসামাটা ঠিক সময় দেখাইয়া না দিলে এবং তৎক্ষণাৎ রাইকেলে টিগার না টিপিলে আজ আমার বাৎসরিক শ্রাব্যের আয়োজন চলিত। পাঁচ-ছয় হাত তফাতে নয় ফিট ব্যাঘ্রের যে মূর্ত্তি দেখিয়াছিলাম তাহা আজও ভুলিতে পারি নাই। টিপ করিবার পর্য্যন্ত সময় ও সাহস ছিল না। চোখ কান বুজিয়া ঘোঁড়া টিপিয়াছিলাম মাত্র। ৪২৫ বোর্স হইতে নির্গত ঘূর্ণায়মান গুলি বাঘকে এফোড় ওফোড় করিয়া পিছনের গাছে প্রায় তিন ইঞ্চি ঢুকিয়া গিয়াছিল। অতীত ও বর্ত্তমান ঘটনার বোগাযোগ ভাবিতেই অজানা প্রিয়া ও গোপন ঘর উধাও হইয়া গেল। অভ্যাস মত বসিবার স্থানটি হাতড়াইতে লাগিলাম—রাইকেল নাই। মোটা কোটের পকেট খুঁজিলাম—রিভলবার নাই। হেড আপিসের তাড়ায় দুইটি অস্ত্রই সঙ্গে লইতে ভুলিয়াছি। ড্রইংরুমে তর্ক উঠিলে সব সময় চার্কাককে সমর্থন করিতাম। কিন্তু ঈশ্বরের অস্তিত্ব ও নিরাকারে বিশ্বাস তো দূরের কথা, শিব, দুর্গা, কালী সব কয়টি দেবদেবীর আরাধনা একযোগে শুরু করিয়া দিলাম। কবর ঘোরতরভাবে স্পন্দিত হইতে আরম্ভ করিয়াছে। ত্রাহি মধুসূদন ব্যতীত অন্য কোন চিন্তা অস্তরে নাই। জন্তু যে পাইয়াছি তাহা প্রকাশ করিবারও উপায় নাই।

হাজার হোক লোকে ভাবে আমি একজন উচ্চপদস্থ রাজকর্মচারী, আমার অধীনে ...


ভাবিলাম, গাড়োয়ানটার গা ঘেঁষিয়া বসি। হোক না সে গাড়োয়ান, তবু মাহুষ তো। বিপদের সময় মাহুষ মাহুষকেই সাহায্য করিয়া থাকে। কিন্তু গোলামির জাত্যাভিমান আমার বাহ্যিক প্রকাশকে ভিন্নমুখী করিয়া দিল। আমি গদিয়ান চালে তাহাকে দ্রুত গাড়ী চালাইতে ছকুম করিলাম। সুদূর পল্লীগ্রামের নিরীহ গাড়োয়ান বন্য হিংস্র জন্তু অপেক্ষা রাজকর্মচারীকে বেশী ভয় করে। বিশেষ করিয়া আমার মত একজন মাতঙ্গর ব্যক্তিকে। উঠিতে বসিতে জম্‌কালো পরিচ্ছদভূষিত আরদালীকে সে সামরিক প্রথায় সেলাম ঠুকিতে দেখিয়াছে। কখন কিসে আমি বিগড়াইয়া যাইব ঠিক নাই। সে চাবুক ও পদাঘাত করিয়া জন্তু দুইটাকে অস্থির করিয়া তুলিল, কিন্তু গাড়ী চলিল না। চলিবে কেমন করিয়া—বলদ নড়িলে তবে তো গাড়ী চলে?—জন্তু দুইটা সেই যে কান খাড়া করিয়াছে তাহা আর নামাইবার নাম নাই। ইচ্ছা হইতেছিল চাবুকটা কাড়িয়া লইয়া কানের উপর বসাইয়া দি। কান নীচু দিকে ঝুলিলে অস্ত্রত ভয় কিছু কমিতে পারে।

হঠাৎ দেখিলাম বলদের দ্রষ্টব্য স্থানটি নড়িয়া উঠিল। উঁচু ঘাস উপরের দিকে ছলিতেছে। ইহাতে ধানের উপর চেউ খেলার কবিতা নাই। খাঁটি ধাবমান জানোয়ারের একটি নির্দিষ্ট গতি—তাহারই দোলা উপরে সঙ্কেত করিতেছে। গরু দুইটা ফোঁস ফোঁস করিয়া উঠিল। গাড়োয়ান হঠাৎ তারম্বরে গান ধরিল;—তামাকের সরঞ্জামের টিনের বাস্‌টা লইয়া মরিয়া হইয়া তবলা বাজাইবার অহুকরণে পিটিতে আরম্ভ করিল। তাল নাই, সুর নাই—তথাপি সঙ্গতের সহিত তাহা সঙ্গীত বলিয়া মানিয়া লইলাম। পদমর্যাদা তখন ভুলিয়াছি, ত্রাসে জিহ্বা শুকাইয়া গিয়াছে। আমিও গাড়োয়ানের ভাষায় বিকট চীৎকার করিয়া গান ধরিলাম। কোন সুর গাহিয়াছিলাম মনে নাই, তবে তাহা কোন রাগ-রাগিনীর অন্তর্ভুক্ত নহে। অহুপ্রাণিত হইয়া গাড়োয়ানের পিঠে যে প্রচণ্ড দুইটি সম্‌ঠুকিয়াছিলাম তাহা মারাত্মক অস্ত্রের অন্তর্ভুক্ত। বিনা লাইসেন্সে যে বে-আইনী করিয়াছিলাম তাহা অস্বীকার করি না। কিন্তু কোন উপায় ছিল না। ভয় আমাকে গ্রাস করিয়াছিল। অস্তরে

যে বিভীষিকা দেখিতেছিলাম তাহারই প্রকাশ হইয়াছিল গাড়োরানের পিঠে সমের দ্বারা।

উৎকট সম—গাড়োরানের গান—বলদের লাজুলমর্দনের মাঝে কখন গাড়ীটা চিপি পার হইয়া আবার সমতল মাটির উপর আসিয়া পড়িয়াছিল। গাড়ি চলিতে আরম্ভ করিল। আমরা নালাটার একেবারে নিকটে আসিয়া পড়িয়াছি। আর কয়েক হাত অগ্রসর হইলেই পোলের উপর গাড়ীটা উঠিবে, এমন সময় বাম দিকের খিলানের তলায় দেখিলাম একটি জন্তু ঢুকিয়া পড়িল। সম্পূর্ণ দেহ আবৃত হইল না।

ছুট দিল। সঙ্গে সঙ্গে দেখিলাম, আর একটি জন্তু বাঘের মত লাক দিয়া বলদটাকে তাড়া করিয়াছে। সমস্ত শরীর কণিকের জন্তু হিম হইয়া আসিল। কেন বলিতে পারি না খিলানের তলায় নিজের অজ্ঞাতে চোখ চলিয়া গেল। সেখানে লুকায়িত জন্তুর লেজ অদৃশ্য হইয়াছে। হঠাৎ মনে আসিল আগুনই এখন প্রাণ বাঁচাইতে পারে। গাড়োরানটাকে বাঁকুনি দিলাম, কিন্তু সে কেমন অড়ভরতের মত হইয়া গিয়াছে। অগত্যা নিজেই আমার বসিবার স্থান হইতে খানিকটা খড় লইয়া মশালের আকারে বাণ্ডুল



আমিও গাড়োরানের ভাষায় গান ধরিতা দিলাম

লেজ ও পিছন অংশ বাহিরে থাকিয়া গেল। লেজটি কুকুরের নয়, শৃগালের নয়, আকার তাহার মোটা বোড়া সাপের মত, ছলিতেছে। অকস্মাৎ বাম দিকের বলদটা বিকটভাবে কৌস্ কৌস্ আওয়াজ করিতে করিতে এমন ভাবেই মাথা ঝাড়া দিল যে জ্যোত খুলিয়া গাড়ীটা কাৎ হইয়া পড়িল। গাড়োরানের হাত হইতে দড়ি তখন ঝলিত হইয়াছে। বলদটি বন্ধনমুক্ত হইয়া সামনের রাস্তা ধরিতা

করিতাম। দিয়াশলাই খুঁজিতে গিয়া দেখি কোনখানে তাহার অস্তিত্ব নাই। বসিবার স্থানটি তখনই করিয়া ফেলিলাম। কোন জায়গায় দিয়াশলাই খুঁজিয়া পাইলাম না। মৃত্যুর বিভীষিকা তখন প্রত্যক্ষ হইয়া উঠিয়াছে। মাত্র আর কয়েক মুহূর্তের জন্তু পৃথিবীর বুকে আমার স্থান। তাহার পর একটি খাবার প্রাণবায়ু নির্গত হইয়া যাইবে। স্ত্রী-পুত্রের কথা মনে আসিল, তাহাদের সংস্থানের কথা

ভাঙ্কিলাম। তাহার পরই মনে হইল সবই মায়া। কে কাহার! যিনি সৃষ্টি করিয়াছেন তিনিই রক্ষা করিবেন। আমি ত উপলক্ষ মাত্র। এই অল্প সময়ের ভিতরেই কেমন একটা বিমান ভাব আসিয়া পড়িয়াছিল। কাঠ পিপড়ার কামড় খাইয়া বেদনার স্থানে হাত দিতেই অসুভব করিলাম দিয়াশলাইটি আমার মুঠার মধ্যেই রহিয়াছে। তবে চ্যাপ্টা হইয়া গিয়াছে! উদ্ভেজনা ও ভয়ে কখন তাহা সজোরে চাপিয়া ফেলিয়াছি! যাহা হউক, দুই-চারিটি সম্পূর্ণ কাঠি পাইতে বিলম্ব হইল না। মশাল জ্বালাইয়া বাহির হইয়া আসিলাম। গাড়োয়ানটাকে মশাল ধরিতে বলিলাম। কিন্তু তখন তাহার জ্ঞান লুপ্ত হইয়াছে। এখন করি কি? তাহাকে এ অবস্থায় ফেলিয়া গাছেও ওঠা যায় না। আবার ঝাঁকুনি দিলাম, কোন সাড়া নাই। এমন সময় অনতিদূরে যে দিকে বলদটা পলাইয়াছিল, সেই দিক হইতে ঘড়্ ঘড়্ শব্দ আসিল—চিত্তাধাঘের শিকার ধরার মত আওয়াজ। কাল বিলম্ব না করিয়া প্রজ্জ্বলিত মশালটা ফেলিয়া নিকটবর্তী নারিকেল গাছটার দিকে ছুটিবার চেষ্টা করিলাম। কিন্তু পা দুইটা কে যেন শৃঙ্খলাবদ্ধ করিয়া রাখিয়াছে। যতই ক্ষত চলিবার চেষ্টা করি ততই গতি মধুর হইয়া আসে। যেন পশু হইয়া গিয়াছি। তথাপি প্রাণের মায়ার জোর করিয়া গাছটার দিকে আসিলাম। তলার যে ঝোপ ভরিয়াছে তাহাতে গাছের গোড়ায় যাওয়াও শক্ত। কোনপ্রকারে বাধা ঠেলিয়া ফিট দুই উঠিয়াছি, এমন সময় শুনিলাম ফৌস শব্দ! একেবারে জাত সাপ ছোবল মারিয়াছে। লক্ষ্য আমার পায়ের দিকেই ছিল। কিন্তু ঠিক যে মুহূর্তে ছোবলটি মারিয়াছিল সেই সময়ই ভাগ্যশুণে আমার পা দুইটা দুই ফুট উপরে উঠিয়াছিল। ঘটনাটি স্বরণ করিতেও আজ শিহরণ আসে। প্রাণপণ শক্তিতে দেহটাকে টানিয়া হেঁচড়াইয়া উপরে উঠাইতে লাগিলাম। ডগায় পৌছাইতে বেশীকাল সময় লাগিল না। দুই-চারিটি পাতার গোড়া জোর করিয়া একত্রিত করিয়া তাহার উপর বসিলাম এবং দুই হাতে অল্প পাতার গোড়া চাপিয়া ধরিলাম। গাছটি উচু না হইলেও বাঘ সন্ধ্যাে নিরাপদ কা চল।

বুকের ভিতর স্পন্দন এমনভাবেই চলিয়াছিল যে ভীত হইয়া পড়িয়াছিলান—হয় তো বা খাস-প্রখাসের ক্রিয়া এখন

বন্ধ হইয়া যাইবে। তুষায় তালু শুকাইয়া গিয়াছে—মাঝে মাঝে মাথাটা ঘুরিয়া উঠিতেছিল। কতক্ষণ এই ভাবে কাটিয়াছিল বলিতে পারি না।

মেঘলা জ্যোৎস্নায় দেখিলাম মশালটি নির্ঝাপিত হইয়াছে। ঝটিকার সহিত বারি পতনে আমি সিক্ত হইয়া গিয়াছি। কনকনে ঠাণ্ডা হাওয়া হাড়ের ভিতর পর্যন্ত কাঁপাইয়া দিতেছে। দৃষ্টি তখন ঝাপসা আলোর অভ্যস্ত হইয়া আসিয়াছে। প্রথমেই মনে আসিল গাড়োয়ানটার কথা। তাহার বসিবার স্থানটি ভাল করিয়া লক্ষ্য করিলাম। সে ঠিক সেই অবস্থাতেই রহিয়াছে। বলদ নিশ্চল ভাবে দাঁড়াইয়া। অসুমান করিলাম—ভয় বলদটাকে সন্মোহিত করিয়া ফেলিয়াছে। তাহার দৃষ্টি তখনও সন্নিহিত স্থানের দিকে। তবে কি বিপদ কাটিয়া যায় নাই! পলাতক গরুটির পিছনে যে একটি বৃহৎ আকারের চিতাবাঘ ছুটিয়াছিল সে বিষয়ে কোন সন্দেহ নাই, কারণ বিতাবাঘের শিকার ধরাব পর ঘড়্ ঘড়্ শব্দ শুনিয়াছি। চিতা বড় না হইলে একটি পূর্ণাবয়ব বলদকে তাড়া করিত না। তাড়া করিবার পর ঘড়্ ঘড়্ শব্দের অর্থ ভুল হইবার নয়। বলদটা মরিয়াছে এবং সঞ্চলভ্য শিকার ছাড়িয়া চিতা এদিকে আসে নাই। তবে কি আর একটি মাংসালী ওৎ পাতিয়া আছে! অসুমান সত্য হইলে পলাইবার সময় আমাকে আক্রমণ করিল না কেন? ধাবমান শিকারকেই ব্যাভ্রজাতীয় জন্তুরা আগে আক্রমণ করিয়া থাকে। সব কেমন গোল পাকাইয়া যাইতেছিল।

নালাটার দিকেই মুখ করিয়া বসিয়াছিলাম। এমন সময় ঘোঁৎ ঘোঁৎ শব্দ শুনিলাম। ঝাপসা আলোর যতটা দেখা যায় তাহাতে মনে হইল প্রায় গোটা বার বস্ত্র বরাহ জল খাইতে আসিয়াছে। তাহাদের মধ্যে শুণ্ডাটি মাঝে মাঝে সচকিতভাবে বলদের দৃষ্টি অসুসরণ করিতেছে। আবার নাসিকার অগ্রভাগের সাহায্যে মাটি খোঁচাইতেছে; পুনরায় খাড়াই ঘাসের দিকে তাকাইতেছে। হঠাৎ শুণ্ডাটি বুদ্ধঃ দেহির মত ক্ষণিকের জন্য দাঁড়াইল, তাহার পরই সদলে যে দিক দিয়া আসিয়াছিল সেদিকে চলিয়া গেল। ইহার পর মুহূর্তে হঠাৎ দ্বিতীয় গরুটাও দড়ি ছিঁড়িয়া নালায় দিকে বেগে ছুট দিল। গাড়ীটার অকলখন না থাকায় সামনের দিকে সম্পূর্ণ ঝুঁকিয়া পড়িল, গাড়োয়ানও গড়াইতে গড়াইতে

মাটিতে পড়িয়া গেল। অদ্বৈত দৃশ্য! একটি জীবন্ত মানুষকে কুমড়ার মত গড়াইতে দেখিলাম। যে-কোন মুহূর্তে অদৃশ্য দানব বাহির হইয়া আসিতে পারে এবং আসিলেই গাড়োয়ানকে অক্লেশে লইয়া যাইবে, আমি কিছুই করিতে পারিব না। প্রত্যেকটি মুহূর্তে অবর্ণনীয় আতঙ্কের মধ্য দিয়া কাটিতে লাগিল। ...

রাত গভীর হইতে আরম্ভ করিয়াছে। দাড়ুরীর কোলাহলে কোন জন্তুর পদশব্দ শুনিবার উপায় নাই। মনে মনে হাসিলাম। কিছুকাল আগে এই দাড়ুরীর ডাকই

ডানা কাপটাও ধাইলাম। তাহাদের কিচির মিচির শুনিয়া কতকটা অন্তমনস্ক হইয়াছিলাম। রাত্রি পলে পলে অগ্রসর হইয়া চলিয়াছে। ঝড় ও বৃষ্টি তখন ধামিয়া গিয়াছে। আকাশের মেঘাচ্ছন্ন ভাব কাটিয়া যাওয়ায় শুভ্র জ্যোৎস্নার আলোয় নিকটবর্তী সব কিছুই প্রায় স্পষ্ট দেখিতে পাইতেছি। গাড়োয়ান বেচারার পায়ের দিকের খানিকটা অংশ বৃষ্টির জলে ডুবিয়া গিয়াছে। একটা হাত মুচড়াইয়া আছে। মুখটা বোধ হয় মাটির দিকে। ঘন কাদায় নাক পড়িলে দম বন্ধ হইয়া মারা পড়িবে। চাকাটা উহার উপর পড়ে নাই



এমন সময় দেখিলাম গাড়ীর ছাউনির উপর সেই বিরাট অজপর

আমার মনকে কি ভাবে আচ্ছন্ন করিয়াছিল। একদৃষ্টিতে গাড়োয়ানটার দিকে তাকাইয়া আছি। ভাবিতেছিলাম— যদি লোকটার জ্ঞান ফিরিয়া আসে তখন কি করিব। করিবার আছে কি—ভাবিয়া কুল-কিনারা পাইতেছিলাম না। এমন সময় একটি বিরাট বাজুড় আসিয়া পাশের বট গাছটার আশ্রয় লইল। তাহার পর আর একটা; দেখিতে দেখিতে অসংখ্য বাজুড়ের ভিড় লাগিয়া গেল; দুই-একটার

তো! পোলের নাগার শ্রোতের কল্ কল্ শব্দ শুনিতে পাইতেছি। মেঘ গর্জন ও বৃষ্টির পর রহস্যপূর্ণ নিস্তব্ধতা আমার পারিপার্শ্বিক আবেষ্টনীকে বিরিয়া ফেলিয়াছে। একটা সন্দেহজনক শব্দ শুনিলাম—বাঘের আওয়াজের মত—অতি নিকটে। কাপা স্থানে রক্ষিত বড় শীলে নোড়া ঘষার শব্দের সহিত ইহার মিল নাই। নিশ্চিত হইলাম—শব্দটি চিতাব নর, অভিজাত কুলোত্তম দুর্দীপ্ত শার্দূল তাহার

অস্তিত্ব ঘোষণা করিতেছে। তাহার পর রাত্তার পাশের ঘাস নড়িয়া উঠিল। ঘাসের দোলা ক্রমাগত আরও নিকটে আসিল। আবার গুরু গভীর সঙ্কেত—যেন এখনি বঙ্গ মিনাদে সমস্ত বনানীর নিস্তরতা আলোড়িত হইয়া উঠিবে। কিন্তু তাহা হইল না—ঘাস নাড়া ধামিয়া গেল। এক দৃষ্টিতে সন্মোহিতের মত গাড়োয়ান ও খাড়াই ঘাসের দিকে তাকাইয়া রহিলাম। মনের অবস্থা তখন কি রকম হইয়াছিল প্রকাশ করা সম্ভব নয়। মাঝে মাঝে সমস্ত শরীরে একটা কম্পন অনুভব করিতেছিলাম। যদি শিথিলতাবশত নীচে পড়িয়া বাই তাহা হইলে আমাকেও—। আর ভাবিতে পারিলাম না। কিন্তু গাড়ীর ছাউনির উপর, ওটা কি—আহাজ বাধিবার বিরাটাকার দড়ির মত, ওটা নড়ে না যে! ভগাটা কুটখানেকের উপর মাথা খাড়া করিয়াছে। আবার নীচ হইল। পরমুহুর্তে মড় মড় করিয়া ছাউনির পিছন দিকটা মুচড়াইয়া গেল—ঠিক যে ভাবে দিয়াশলাইটা আমার হাতে নিষ্পেষিত হইয়াছিল। নিশ্চয় উহা ময়াল, দৈত্যের আকার লইয়া আসিয়াছে। গাড়ির গোটা ছাউনিটির পরিধি যে জীবদেহের দ্বারা আবেষ্টন করিতে পারে তাহার পূর্ণশরীর কত বড় হইবে অনুমান করিতে পারিলাম না। ক্রমাগত বিশাল সরীসৃপ ছাউনির পিছন দিকে নামিতে আরম্ভ করিল। দেহ তার সম্পূর্ণ মাটিতে পড়িবার পূর্বে মুহুর্তে গাড়ীটা প্রায় সোজা হইয়া আসিল। সরীসৃপ দেহের অনেকটা অংশ মাটির তলার ঝুলাইয়া দিয়াছে। গাড়ীটা তখন দাঁড়ি পান্নার মত উঠিতেছে ও নামিতেছে। সমস্ত দেহটা মাটির সংস্পর্শে আসিতেই গাড়ীটা আবার সামনের দিকে সশব্দে পড়িয়া গেল। মনে হইল বলাদ জুতিবার আরগাটা গাড়োয়ানের পায়ের উপরই আঘাত করিয়াছে। অঙ্গরের কুণ্ডলায়িত দেহ ক্রমাগত বিস্তারিত হইতে লাগিল; তাহার পর গাড়ীর ছাউনির উপর যেভাবে মাথা তুলিতেছিল ঠিক সেইভাবে পুনরায় মাঝে মাঝে ছুলাইয়া খুঁজিতে লাগিল তাহার প্রতিদ্বন্দ্বী কে! হঠাৎ বিকট গর্জনে কাণে প্রায় তালা লাগিয়া গেল। মনে হইল সহস্র বজ্রাঘাত একই সঙ্গে আকাশ কাটাইয়া ধরিত্রীর বুকে পড়িয়াছে। ... পৃথিবী চূর্ণবিচূর্ণ হইয়া গেল। \* তাহার পর আবার গর্জন! অনুভব করিলাম—আমার হস্তের বন্ধন শিথিল হইয়া আসিতেছে। প্রাণপণ শক্তিতে পাতাগুলি আরও ভাল করিয়া ধরিলাম।

এইটুকু শক্তিকেই আর বিশ্বাস করিতে পারিতেছি না। পরক্ষণেই দেখিলাম মহাপরাক্রমশালী অরণ্যের অধিপতি শার্দূল খাড়াই ঘাস সজোরে সরাইয়া একেবারে রাত্তার উপর আসিয়া পড়িয়াছে। কি বিরাট দেহ! পূর্ণবয়স্ক বাংলার গরুর মত, কিন্তু পিছনকার পা-টা ভাঙ্গা। সোজা চলিবার উপায় নাই;—হেঁচড়াইয়া অগ্রসর হইতেছে এবং মাঝে মাঝে ক্রমশে ফিরিয়া তাকাইতেছে। মানুষ তাহার সামনে পড়িয়া আছে, সেদিকে তাহার লক্ষ্য নাই। আততায়ীর নিশ্চিত আক্রমণ তাহার গতি সংযত করিয়াছে। ইতিমধ্যে বাঘ গাড়ীর চাকার পাশে আসিয়া দাঁড়াইয়াছে। যেন একটু নিশ্চিত ভাব। একবার ঘুরিয়া মাঝুবাট দেখিল, তাহার পর আবার কি ভাবিয়া মাটি শুঁকিতে আরম্ভ করিল। শত্রু সেখানে নাই। বুভুক্ষের আহার রাজভোগের মত সামনে রক্ষিত। বাঘ গাড়োয়ানের দিকে মুখ ফিরাইয়া বসিল। গাড়ীর ছাউনি তখন মাথার উপর মৃদুভাবে ছলিতে আরম্ভ করিয়াছে। বাতাস নাই অথচ ছাউনি ছলিতেছে কেন? অনুমান করিলাম হয়তো বাঘের গায়ে ধাক্কা লাগিয়া থাকিবে। বাঘের লাঙ্গুলের তখন উত্থান-পতন চলিয়াছে; লক্ষ প্রদানের পূর্বে সঙ্কেত। বাস্তবিকই বাঘটা লাফাইবার চেষ্টা করিল, কিন্তু লক্ষ হইল না। সর্বদেহে একটা ঝাঁকুনি দেখিলাম মাত্র। যখন সে উঠিয়া গাড়োয়ানের দিকে অগ্রসর হইবে ঠিক করিয়াছে, এমন সময় লক্ষ্য করিলাম গাড়ীর ছাউনির উপর সেই বিরাট অঙ্গর। মুখটা নীচের দিকে ঝুলাইয়া ছুলাইতেছে। দেখিতে দেখিতে মুহুর্তের ভিতরে সমস্ত দেহটাকে বাঘের উপর কেলিয়া দিল এবং সার্কাসে ঘোড়ার খেলার লম্বা চাবুকে যেভাবে চেউ খেলিয়া থাকে ঠিক সেই ভাবে অঙ্গর দৈত্যের বিরাট দেহ বাঘের পিঠে চেউ খেলিতে লাগিল। এই সময় যে কয়টি গর্জন শুনিয়াছিলাম তাহার বর্ণনা দিবার চেষ্টা করিব না। একটি পাক পুরাপুরি দিবার আগেই চকিতে বাঘ নিজেকে যুক্ত করিয়া সামনের পা দিয়া ধাবা মারিল। তৎক্ষণাৎ বাক্স বিস্ফুরিত হাউই বাজির মত সন্মুখের দেহের খানিকটা অংশ সোজা প্রায় উড়াইয়া সাপ বাঘের মুখে ছোবল মারিল। চোখের উপর ছোবল মারে নাই তো? হইতেও পারে। বাঘ যেন বিধ্বস্ত হইয়া পড়িয়াছে। রণে ভঙ্গ দিয়া আবার ঘাসের দিকে অগ্রসর হইল। অরণ্যের আদি প্রবৃত্তি কেপিয়া

উঠিয়াছে। যুদ্ধে একজন আর একজনকে সম্পূর্ণ বিনাশ না করিয়া থাকিবে না। সন্ন্যাস বাঘের পিছু লইল। বাঘ তখন খাড়াই ঘাসের আড়ালে চলিয়া গিয়াছে।

আমি গাছের উপর স্তম্ভিত হইয়া বসিয়া আছি। ইহার পরের ঘটনা কি হইবে অসুস্থান করা শক্ত। গাড়োয়ানের আশা ছাড়িয়া দিয়াছি, কারণ যুদ্ধের পর একজন—যে কেহ আসিয়া তাহার ভবলীলা সাজ করিয়া দিবে। নানা চিন্তা মনে আসিতেছিল; এমন সময় রাস্তা হইতে একটু দূরে ঘাসের আড়ালে অকস্মাৎ বাঘের উপস্থিতির গর্জন শুরু হইল, যেন সৃষ্টি এখন ধ্বংস হইয়া যাইবে। যেখান হইতে শব্দ আসিতেছিল তাহার অনেকখানি পরিধি লইয়া ঘাসগুলি দারুণ ভাবে আলোড়িত হইতে লাগিল। ক্রমান্বয়ে বাঘের চীৎকার গোঙানিতে পরিবর্তিত হইল; যে শব্দ আসিতেছিল তাহা ক্ষীণ হইতে ক্ষীণতর হইতে আরম্ভ করিয়াছে। ঘাসের আলোড়ন নাই। অনেকক্ষণ বাদে একটা দমবন্ধ হওয়ার মত আওয়াজ কানে আসিল। কিছুক্ষণ পরে আবার নিস্তরুতায় পূর্ণ হইয়া উঠিল।

পূর্বাবস্থায় আছি।

একটির পর একটি করিয়া কতগুলি প্রহর কাটিয়া গিয়াছে জানিবার উপায় ছিল না। হাতে পায়ে খিল ধরিবার উপক্রম হইয়াছে। একটু নড়িয়া বসিবার সাহস নাই। নিস্তরুতা যেন গুরুভার কঠিন বস্তুর মত আমার মনের উপর ভর করিয়াছে।

প্রভাতের আগমন-বার্তা দূরে পাথার কাকলিতে শুনিতে পাইতেছি। দিকভ্রম হইয়াছে। কোন দিক পূর্ব, কোন দিক পশ্চিম স্মরণ করিতে পারিতেছি না। আশ্বে আশ্বে আকাশ ফরসা হইয়া আসিতে লাগিল।

ইতিমধ্যে নবজাত অরুণকিরণ গাছের ডাল পালার পাশ কাটাইয়া রাস্তায় আসিয়া পড়িয়াছে। গাড়োয়ানটার কথা মনে আসিতেই স্মরণীয় ঘটনাস্থানটি লক্ষ্য করিলাম। দেখিলাম বেচারী ঠিক সেই ভাবেই পড়িয়া আছে। মাথার নিকটে খানিকটা স্থান জমাট রক্তে লাল হইয়া উঠিয়াছে।

শিহরিয়া উঠিলাম! তবে কি বাঘ লোকটিকে খাবা মারিয়াছিল? কই, যতদূর মনে পড়ে বাঘকে তো অত নিকটে আসিতে দেখি নাই। হইতেও পারে। মনের অবস্থা তখন এমন ছিল না, যাহার উপর সম্পূর্ণ আস্থা রাখা চলে।

একটু নড়িয়া বসিবার ইচ্ছা আসিল। চেষ্টা করিলাম, কিন্তু পারিলাম না। হাতে খিল ধরিয়াছে। মুঠা দুইটা কে যেন রক্ত দ্বারা পাতার গোছার সহিত দৃঢ় ভাবে বাঁধিয়া দিয়াছে। নিরুপায় হইয়াই পথিকের আসার আশায় অপেক্ষা করিতে লাগিলাম।

সকাল হইয়া গিয়াছে। অনতিবিলম্বে দেখিলাম সদলবলে জঙ্গলীর দল শুকনা কাঠ কুড়াইবার জন্ত আমার দিকে আসিতেছে। নিকটবর্তী হইতে তাহাদের দৃষ্টি আকর্ষণ করিবার জন্ত প্রাণপণ শক্তিতে ডাক দিলাম। সকলে আমার নিকট ছুটিয়া আসিল, কিন্তু গাড়োয়ানের অবস্থা দেখিয়া খতমত খাইয়া গেল। গত রাত্রের বাঘের গর্জন নিশ্চয় তাহারা শুনিয়াছিল। গাড়োয়ানকে রক্তাক্ত অবস্থায় পড়িয়া থাকিতে দেখিয়া, অসুস্থান করিল বাঘ নিকটেই আছে। তাহাদের মধ্যে প্রাচীন ও অভিজ্ঞব্যক্তি ইতিমধ্যে বাঘের খাবা আবিষ্কার করিতে গিয়া অজগরের অস্তিত্বও জানিয়া ফেলিয়াছে। খবরটি সকলের গোচর হইতেই একটা আনন্দের সাড়া পড়িয়া গেল। তাহার পরই একত্রিত হইয়া কাঠে কাঠে ঠুকিয়া বিকট খটাখট শব্দ আরম্ভ করিয়া দিল। বুড়াই যে দলপতি—বুঝিলাম। সে সাপের গতি ও বাঘের খাবা লক্ষ্য করিয়া গত রাত্রের ভয়াবহ স্থানটির দিকে অগ্রসর হইতে লাগিল। পিছনে দলের লোক তখন চীৎকার জুড়িয়া দিয়াছে। বেশীদূর যাইতে হইল না। তাহাদের ভিতর অনেকের মাথা দেখিতে পাইতেছিলাম। একটি স্থানে আসিয়া সকলেই দাঁড়াইয়া গিয়াছে এবং মাঝে মাঝে নীচু হইয়া কি দেখিতেছে। বুঝিলাম, অসুস্থানের ফল শুভ। তাহার পর বেশীক্ষণ সময় কাটে নাই। দেখিলাম—দশ-বার জন মিলিয়া বহুকষ্টে রাত্রের অজগরকে লইয়া আসিতেছে। বিশাল শক্তির মূর্তরূপ। মাথার অস্তিত্ব যেটুকু আছে তাহাতে জীবিত অবস্থায় কি ছিল জানিবার উপায় নাই। একটা চোখ একেবারে বাহির হইয়া পড়িয়াছে। অজগরের মূর্ত দেহটা গাড়ীর নিকটে আনিতে গাড়োয়ানের প্রতি দৃষ্টি পড়িল। দেখিলাম—লোকটা যেন পাশমুড়ি দিবার চেষ্টা করিতেছে। দিনের বেলা এবং অতগুলি লোক উপস্থিত না থাকিলে আমি কি করিতাম বলিতে পারি না। নিশ্চিত হইলাম, লোকটা মরে নাই। মরিলে রিপোর্টের ভিতর এতবড় ঘটনাটা বাদ দিতে পারিতাম

না। লোকটাকে মনে মনে ধন্যবাদ দিলাম। 'I have the honour to submit-এর গোলামি মস্ত্রে চার পাতা লেখার কর্তব্য হইতে সে আমাকে বাঁচাইয়া দিয়াছে।

সদর আপিসে গদিয়ানি পোষাক পরিয়া আড়ষ্ট হইয়া উঠিয়াছে কি না ভাবিতেছিলাম, এমন সময় ডাক আসিল। তহসিলদার লিখিয়াছেন, মাহুস-থেকে বাঘ মারার জন্য কালেকটার জঙ্গলীদের পুরস্কৃত করিয়াছেন এবং বাঘের আসল ধ্বংসকারী অজগর নিজে মরিয়া জঙ্গলীদের বিরাট

ভোজের ব্যবস্থা করিয়াছিল। শেষের দিকে গাড়োয়ানের বলদ দুইটার জন্য সুপারিশ করিয়াছেন—যেন গরীব সৎকে আমার উদার মনে কলঙ্কের ছাপ না পড়ে। কলঙ্কের বোঝা যথেষ্ট আছে, উপরি ফাউ বহন করিবার ইচ্ছা ছিল না। পরের ডাকেই বখ্‌শিস্ সহ শার্দুলভুক্ত ও পলাতক বলদের দাম মনি অর্ডার যোগে পাঠাইয়া দিয়াছিলাম।

বলিয়া রাখা ভাল, টি-এ বিলে এই বাড়তি খরচের অঙ্ক সরকারকে লিখিতে ভুলি নাই।

## কে তুমি ?

শ্রীমানকুমারী বসু

( ১ )

সে যে ছিল বড় আপনার  
তাই প্রাণে ওঠে হাহাকার।  
আজিও সুনীলাকাশে রবি আসে শনী আসে  
ছয় ঋতু আসে বার বার  
সে-ই শুধু আসে না ক' আর।

( ২ )

আসিয়াছে বসন্ত আবার  
বনে বনে ফুল ফোটে  
মলয় বাতাস ছোটে প্রকৃতির তেমনি বাহার  
মুঞ্জরিত তরুশাখে তেমনি কোকিল ডাকে  
স্বললিত মধুর ঝঙ্কার।  
শুনি সেই কুহু কুহু  
প্রাণে আসে উছ উছ  
মনে পড়ে মুখখানি তার  
সে-ই শুধু আসে না ক' আর।

( ৩ )

গণিয়া গণিয়া দিন  
আমার ফুরাল দিন  
দেখিব না মুখখানি তার।  
এ জীবনে অহরহ  
কি যে ব্যথা দুর্কিসহ  
বলিতে পারি না তা যে আর  
সেই মুখ দেখিব না আর।

( ৪ )

এ কি দশা হয়েছে আমার  
ভাবিতে পারি না তা আর।  
নয়নে নাহিকো দৃষ্টি  
তমময় বিশ্বসৃষ্টি  
বন্ধ গেছে হয়ে চুরমার।  
তবু অলক্ষিতে থাকি কে দিতেছে মেহমাধি  
ভগ্ন বন্ধে শক্তি সঞ্চার।

দেখা নাই কথা নাই,  
তবু যেন কাছে পাই ;  
কে মুছাও তপ্ত অশ্রুধার  
হেন দিনে “কে তুমি” আমার।



# একই

শ্রীপৃথ্বীশচন্দ্র ভট্টাচার্য্য এম-এ

মণিকা কি ধরণের মেয়ে সেকথা এককথায় বলে বুঝানো বড় কঠিন—সে শিক্ষিতা সুন্দরী এবং অত্যন্ত আধুনিক ধরণের ত বটেই—কিন্তু সেইটাই তার সব নয়।

রুশিয়ার বিশ্ববিখ্যাত নর্তকী কলকাতায় এসে একদিন বাঙালী মেয়ের বেশকে পৃথিবীর সর্বশ্রেষ্ঠ আসন দিয়েছিলেন, কিন্তু যে সব বাঙালীমেয়ে তাদের সেই জাতীয় রুচিজ্ঞানকে বিসর্জন দিয়ে মাদ্রাজী ধরণের বেশভূষা করা শুরু করেছে মণিকা তাদের দলেও বটে—অর্থাৎ নতুনের মোহে সে তার নিজস্বটুকু অন্যায়সে ত্যাগ করতে পারে।

আমার সঙ্গে তার যে পরিচয় হয়েছিল সেটাও আশ্চর্য্য-রকমের। আমরা উভয়েই পোস্ট গ্রাজুয়েটেই তখন পড়ি। মণিকা ও আমার ইকনমিক্স ছিল, কিন্তু তার বেশভূষা দেখে চিরদিন মাদ্রাজী বলেই ভুল করে এসেছি। অকস্মাৎ সিঁড়ির মাঝে একদিন সে আমাকে প্রশ্ন করলে—আপনার নাম সব্যসাচী বন্দ্যোপাধ্যায় ?

স্পষ্ট বাংলাভাষা শুনে অবাক হয়েছিলাম, তাই বললুম—আজ্ঞে হ্যাঁ।

—আপনি অবাক হ'য়ে গেছেন দেখছি।

—হ্যাঁ।

— কেন, আমি আলাপ করছি দেখে ?

—না।

—তবে ?

—আপনার বাংলা শুনে।

—তার মানে ?

—আপনি বহুদিন বাংলায় আছেন ?

—তার মানে ? আমি বাঙালী, তা বাংলা ছাড়া যাবো কোথায় ?

লজ্জিত হইয়া বলিলাম—ও, আমি ভুল করেছি ক্ষমা করবেন। আমি ভেবেছিলুম আপনি মাদ্রাজবাসী।

মণিকা খুব খানিকটা হেসে নিয়ে বললে—আপনি কার্টক্লাস অনার্স পেয়েছিলেন না ?

—হ্যাঁ।

—কিন্তু প্রদেশ সম্বন্ধে এবং মাহুভের চেহারা সম্বন্ধে আপনি অনার্স-এরই উপযুক্ত নয়।

আমি হাতজোড় করে বললাম—আমি ভুল করেছিলাম।

—আপনি ত লেখেনও।

—হ্যাঁ, আপনি জানলেন কি ক'রে ?

—প্রফেসর গোস্বামী সেদিন বলছিলেন আপনার কথা।

—ও তাই।

মণিকা আমার হাতের বইখানার পানে চেয়ে ছিল, হঠাৎ অশোভন প্রশ্ন করলে—আপনি অত সিগারেট খান কেন ?

—অত ?

—হ্যাঁ, এই আঙুল দু'টোর অমন রং হ'ল কেন তা নইলে ?

—সামান্য খেলেও হয়।

—না, আমার দাদার হাতেও অমনি দেখেছি, সে ত রোজ তিরিশটা সিগারেট খায়। বাক, আপনাদের বাড়ী কোথায় ?

—গড়পার।

—আপনি কুস্তি করতে পারেন ?

—না।

—আমার ধারণা ছিল, যাদের বাড়ী গড়পার তারা সব কুস্তিগীর। আমাদের বাড়ী বালীগঞ্জ—হিন্দুস্থান পার্কে—আট নম্বর। আমাদের ওখানে যাবেন ? আমরা একসঙ্গে পড়াশুনো করলে সুবিধে হ'তে পারে—মোট কথা, আপনার সঙ্গে আলাপ করবার উদ্দেশ্য হ'চ্ছে আপনি খুব পড়াশুনো ক'রে যে নোটগুলো করবেন, আমি তা বিনাক্রমশে সংগ্রহ করতে চাই।

আমি হেসে জবাব দিলাম—বহুক্রমশেও আমি তা আপনাকে দিতে প্রস্তুত আছি।

—আচ্ছা, শনিবার বিকেলে আপনার চা'র নেমস্তন্ন রইল।

আজ হ'লে মণিকার নিমন্ত্রণকে কি মনে করতাম তা বলা কঠিন, কিন্তু সেই উচ্ছ্বসিত যৌবনে সুন্দরী তরুণীর এই

নিমন্ত্রণকে আমি আরও অনেকের মতই ভাগ্য বলে মনে করেছিলাম এবং শনিবার দিন বেশটাকে যথাসম্ভব ভদ্রস্থ করে নির্দিষ্ট সময়ে যে উপস্থিত হয়েছিলাম একথা বলাই বাহুল্য।

বৈঠকখানায় প্রবেশ করে বসেছিলাম—চাকর-দারোয়ান কাউকেই পাই নাই। হঠাৎ এক ভদ্রলোক এসে প্রশ্ন করলেন—কা'কে চাই ?

—মিস্ মণিকাকে।

—আপনি ?

—আপনি দয়া করে তাকে বলুন, আমার নাম সব্যসাচী বন্দ্যোপাধ্যায়।

—ও আচ্ছা।

একটু পরেই মণিকা এসে বললে—ও এসেছেন ! আসুন, আমরা পড়বার ঘরে গিয়ে বসি।

পাশের ঘরে আলমারি-বোঝাই হরেক রকমের কেতাব। আমি ভয়ে ভয়ে একটা চেয়ারে বসলাম। মণিকা তার দাদা, মা, বোন—সকলের সঙ্গে আমার পরিচয় করিয়ে দিয়ে বললে—আগামী বারে ফাষ্ট প্লেস ওর বাঁধা—আমরা এক সঙ্গেই পড়বো।

সকলেই এই ব্যাপারে উৎসাহ দিলেন এবং আমাদের ছ'জনকে পড়বার সুযোগ দিয়ে তাঁরা প্রশ্রয় করলেন। মণিকা বললে—একটু চা খাবেন বলেছিলাম, সেটা বলে আসি।

মণিকা বাড়ীর ভিতর থেকে ফিরে এসে বললে—আচ্ছা, এত ত পড়ছেন, কি করবেন ? আই. সি. এস.-এর জন্তে চেষ্টা করছেন ?

পুরু চশমা ও স্বাস্থ্যের প্রতি ইঙ্গিত করে বললাম—এ জীবনে ও রাজসিক চাকরি করার সৌভাগ্য হবে না, তবে একটা প্রফেসরী পেলেই খুশী, কিন্তু—

মণিকা উৎসাহ দিয়ে বললে—তা নিশ্চয়ই হবে।

চাকর চা ও অল্পাল্প খাবার দিয়ে গেল। মণিকা প্লেটটা ঠেলে দিয়ে, চা ঢেলে বসে নিজে এক চুমুক খেয়ে নিয়ে বললে—মিষ্টি আর লাগবে ?

—না।

—ওহো, আপনি ত সিগারেট খান, কি সিগারেট ?

—হ'লেই হ'ল, এ বিষয়ে আমি সর্বভূক—

মণিকা চাকরকে সিগারেট আনতে আদেশ দিয়ে বললে—আজ প্রথম পরিচয়েই পড়ার কথা বলা চলে না, আজ গল্পই করা যাক। আচ্ছা, বাংলা সিনেমা আপনার কেমন লাগে ?

আমি বললাম—বাংলা সাহিত্যে যেমন উচ্চাঙ্গের বস্তু পাওয়া যায় ছবিতে তার এক-শতাংশও পাওয়া যায় না—সেগুলো আমাদের অর্থাৎ বাংলার রুচিজ্ঞানের তুলনায় নিম্নস্তরের।

—আমার ত মনে হয়, একতকগুলো ঞ্চাকামিছাড়া আর কিছুই নয়, অবশ্য বিদেশী ফিল্মও ঞ্চাকামিই—কিন্তু তার প্রকাশটা একটু ভদ্রস্থ।

—বাংলা ছবিতে দেখেছেন, কেমন অকারণ রসিকতা, নাচ এবং গান লাগিয়ে দেওয়া হয়—

—আচ্ছা, চলুন আজ একটা ফিল্ম দেখে আসি, যাবেন ? এখনও তিন কোয়ার্টার সময় রয়েছে।

—আপত্তি নেই, চলুন—

—আচ্ছা, আপনি এই মাসিকখানা পড়ুন, আমি ততক্ষণে কাপড় ছেড়ে আসি—

মণিকা ট্রামে উঠে আমার পাশে ব'সে বললে—সিগারেট আপনি খুব খেতে পারেন, ওতে আমার কোন অসুবিধেই হয় না।

সিগারেটেই টান দিলাম, হঠাৎ মণিকা ব'লে উঠল—আমার সম্বন্ধে আপনি কি ভেবেছেন ?

—এখনও ভাবি নি, তবে ভাবতে ইচ্ছে আছে—

—তা নয়, কি ইম্প্রেশন হয়েছে ?

আমি চিন্তা করে জবাব দিলাম—আমার জীবনে দু-দশজন মহিলার সঙ্গে আলাপ হয়নি যে অস্ত্রের সঙ্গে তুলনা করতে পারি ; উচ্চ শিক্ষিতা মহিলা কেবল আপনি—তাই এ সম্বন্ধে আপনাকে আমি আধুনিক মেয়েদের প্রতীক বলে ধরে নিয়েছি।

—সকল আধুনিক মেয়েই কি এক রকমের হয় ? হ'তে পারে ?

—না হওয়াই সম্ভব।

—তবে আমার মধ্যে বৈশিষ্ট্য কি দেখেছেন ?

—একটি জিনিস দেখেছি যে, বাঙালী মেয়ের মত অত্যন্ত

লজ্জা ও আড়ষ্টতা আপনার পা দুটোকে অচল করতে পারেনি।

মণিকা সম্ভবত এটাকে একটা প্রশংসা মনে ক'রে হেসে উঠল। কিছুক্ষণ পরে বললে—মেয়েরা যে পুরুষের মতই, একথা কি আপনি অস্বীকার করেন ?

—নিশ্চয়ই করি, নারী পুরুষের মত হ'লে তাদেরও ত দাড়ি কামাতে হ'ত।

মণিকা রসিকতাটাকে তারিফ ক'রে হেসে উঠল।

ছবিটার বিষয়বস্তু ছিল এই যে, একটি বাঙালীমেয়ে তার নিষ্ঠা, ত্যাগ ও আত্মসমর্পণের দ্বারা তার অত্যাচারী উচ্ছৃঙ্খল স্বামীকে বশীভূত করেছিল।

মণিকা আমার পাশে পাশে হাঁটতে হাঁটতে বললে—এটা কি স্বাভাবিক বলে মনে হয় ?

—কি ?

—মেয়েটির পক্ষে এই ত্যাগ, সহনশীলতা ?

—অন্যদেশে না হ'লেও আমাদের দেশে এ খুবই স্বাভাবিক। আমাদের দেশ সীতার কাছ থেকে এটা শিখেছে—

—মনস্তপ্ত হিসাবে এটা ভুল—

—না, সভ্যতা মানুষকে জানোয়ার থেকে বর্তমান অবস্থায় এনে দিয়েছে ; আর হিন্দুসভ্যতা তার পারিবারিক জীবনে দিয়েছে এই ত্যাগ, নিষ্ঠা ও আত্মসমর্পণ। বিদেশী ছবিতে এটা দেখলে অস্বাভাবিক বলতুম নিশ্চয়ই, কারণ তাদের সভ্যতার ধারা অন্তরূপ।

—কিন্তু আমি হ'লে কবে বিদ্রোহ করতুম।

—অনু অনেকই করতো, কিন্তু তাতে সে লাভবান হ'তে পারতো না নিশ্চয়ই। বিদেশ হ'লে সে অন্তকে বিবাহ করতো, আবার তাকে এমনি ক'রে বিদ্রোহ করতে হ'ত। ঘর খুঁজতে খুঁজতে তাকে জীবন কাটাতে হ'ত—কিন্তু ঘরে সে মাথা গুঁজতে পারতো না।

মণিকা চিন্তা ক'রে বললে—আপনার মাঝে সংস্কার রয়েছে প্রচুর—

বললাম—হ'তে পারে, তবে এটা আমি বিচার ক'রে দেখেই বলেছি, কারণ মেয়েদের এবং পুরুষের শারীরিক ধর্ম এক নয় বলেই তাদের বিভিন্নরূপ ব্যবস্থাও দরকার।

আর্থিক জগতে তারা স্বাধীন হ'লেও গৃহ ও সন্তান তাদেরই প্রয়োজন।

—সেই জন্তে পুরুষের দাসত্ব তার অবশ্য করণীয় ?

—টাকার জন্তে যদি দাসত্ব মানুষে করতে পারে, তবে গৃহ ও সন্তানের জন্তে দাসত্ব—যদি তাই হয়—কেন করবে না—আনন্দে করবে।

মণিকা হঠাৎ নমস্কার জানিয়ে বললে—কবে আসবেন ?

—যেদিন বলবেন।

—যেদিন খুশী, আমি কদাচিৎ বেরুই।

‘আপনি’র গণ্ডী পার হ'য়ে আমি আর মণিকা কিছুদিনের মধ্যে ‘তুমি’র গণ্ডীতে এসে পৌঁছলাম। ভালবাসায় নয়, বন্ধুত্বের নৈকট্যে এবং অধ্যয়ন-অধ্যাপনার ঘনিষ্ঠতার মধ্যে। এর মাঝে কতদিন, কত সময়, মণিকাকে আমার গৃহে বধূরূপে প্রতিষ্ঠিত ক'রে মনে মনে দেখেছি, মনে মনে আনন্দ ও অব্যক্ত একটা সুখাবেশ অনুভব করেছি। এই যদি ভালবাসা হয়, আমি মণিকাকে ভালবেসেছিলাম—কিন্তু তাকে বলবার সুযোগ কোন দিনই আমি পাইনি—তার প্রয়োজনও আমার হয়নি।

পরীক্ষার পরেও মাঝে মাঝে তাদের বাড়ীতে গিয়েছি। একদিন চা খেতে খেতে প্রশ্ন করলাম—এখন কি করবে ভাবছ ?

—সেইটাই ত সমস্যা।

—বিয়ে ক'রে ঘরকন্না করবে ?

—করতে পারি।

—আচ্ছা কি রকম ছেলেকে তুমি বিয়ে করবে বলা ত ?

তোমার বাবা যেমন ছেলে এনে দেবেন ?

—না, যার সঙ্গে পরিচয় নেই তাকে বিয়ে করবো কি ক'রে ? তবে কি পেলে সুখী হই তা বলা কঠিন, কারণ এখনও সেটা ভেবে দেখিনি। আচ্ছা, তুমি কি করবে ?

—প্রথমে চাকরি সংগ্রহ করতে হবে, তারপর বিবাহ—

—কি রকম মেয়ে বিয়ে ক'রবে ?

—যে আমার সুখে সুখী হতে পারবে, দুঃখে দুঃখিত হ'তে পারবে। আমার অক্ষমতাকে মার্জনা করবে ...

—যে ভালবাসবে সে-ই ত তা হতে পারবে।

—অর্থাৎ যে আমাকে স্বামী বলেই ভালবাসবে, আমার

চাকরি, অর্থ, সৌন্দর্য্য, গুণ প্রভৃতি দেখে ভালবাসবে না। এমন দিন যদি আসে যে চাকরি, অর্থ, সৌন্দর্য্য কিছুই না থাকে, তবে সে তবুও আমাকেই ভালবাসবে এবং আমার অক্ষমতাকে ঢেকে রাখবে।

মণিকা খুব খানিকটা হেসে নিয়ে বললে—তবে তোমার আর বিয়ে করা হবে না।

'আমিও হেসে বললাম—যদি না-ই হয় তবে কি করবো ?

—তুমি একজনকে ভালবেসে বিয়ে ক'রে ফেল, যা হয় হবে।

—বরাত ঠুকে ?

—হ্যাঁ, তাই।

—তুমিও তাই করবে ?

—আমি ত তোমার মত চাই না, আমি পরিচয় ক'রে দেখবো যদি পছন্দ হয়—ক'রবো।

—যদি পছন্দ ডুল হয় ?

—ফিরে আসবো, নিজে ত অক্ষম নয়। না পোষায়, বিদায় নেব।

—ধর, আমার মত পরিচিতকে কি বিয়ে করতে পার ?

আমার মুখখানা তীক্ষ্ণ দৃষ্টিতে দেখে নিয়ে মণিকা বললে,  
—তার মানে ?

—আমার কথা বলছি না, আমার মত ছেলের কথা বলছি—

মণিকা মুখতর্জি ক'রে বললে—তুমি বড্ডো পড়, তোমাকে বিয়ে করা যায় না। তারপরে ধর, তোমাকে ত আমি ভালবাসতে পারবো না, তোমার অর্থ—যা নেই তাকে, সৌন্দর্য্য যা নেই তাকে, ভালবাসতে ত পারবো না। আর তুমিও আমাকে বিয়ে ক'রে পড়বে সমস্তায়—

—সমস্তাটা কি ?

—তোমার অক্ষমতাকে ত মার্জনা করতে পারবো না। বাধা দেব, পতি পরম গুরু মনে ক'রে চোখের জলে বাশিশ ভিজিয়ে শিবপূজা করতে পারবো না।

আমি হেসে বললাম—এটা সমস্তাই—সন্দেহ নেই। তবে তুমি সুখী হবে কি না তা ত বললে না। আমি কি হব আমি জানি।

মণিকা ক্রভজি ক'রে আবার বললে—আমি ? সুখী হ'তে পারতুম—কিন্তু তুমি বড্ডো বেঁটে, বড্ডো রোগা আর ভয়ানক বাজে কথা বলো।

আমি হেসে বললাম—অর্থাৎ, আমি যদি বাঁশের মত লম্বা, হাতীর মত মোটা ও পেচকের মত গভীর হ'তে পারতুম তা হ'লে তুমি বিয়ে করলেও করতে পারতে—

মণিকা কাণের ঢুল ঢুলিয়ে মাথা নেড়ে বললে—হ্যাঁ।

মণিকাকে আর একদিন প্রশ্ন করেছিলাম—ধর, তুমি যাকে ভালবাসলে সে যদি তোমাকে ভাল না বাসতে পারে ?

মণিকা ওষ্ঠটা উন্টিয়ে জবাব দিলে—ব'য়ে গেল। এ ত খুবই স্বাভাবিক, আর একজনকে ভালবাসবো—

—সেও যদি তাই করে বা বিশ্বাসঘাতকতা করে ?

—তবে, আবার আর একজনকে ভালবাসবো—সেও যদি অমন হয় তবে বিয়ে করবো না।

—বিয়েই করবে না ?

—না—তুমি ডন-বৈঠক দিয়ে কুস্তিগীর হ'লেও তোমাকে বিয়ে করছি না ; আমি ত আর সীতার মত নই যে দুঃখ হ'লে কেবল কাঁদবই, ঝগড়া করতে পারবো না।

আমি সভয়ে বললাম—ঝগড়া করবে ? তবে ত তোমাকে বিয়ে কেউ করবে না।

মণিকা অভিমানপূর্ণ কণ্ঠে বললে—আমার বিয়েই হবে না ?

—না।

আমরা উভয়েই প্রগলভের মত হেসে ওঠলাম।

মণিকার আন্দাজ মত আমি ফার্স্ট ই ~~ক্লাস~~ ফার্স্ট ক্লাস, মণিকা সেকেন্ড ক্লাস ফার্স্ট হয়েছিল। পরীক্ষা দেওয়ার পরে সেও জানতো যে ফার্স্ট ক্লাস তার হবে না। পরীক্ষার খবর জানাতে যেদিন তার ওখানে গেলাম সেদিন অনেক মিষ্টিপূর্ণ একখানা প্লেট ঠেলে দিয়ে বললে—এটা আমার পাশের খাওয়ানয়, তোমার ফার্স্ট হওয়ার খাওয়া। আমার ভবিষ্যৎ-বাণী সফল হয়েছে, দেখলে ত ?

বললাম—দেখলাম ত, কিন্তু সবগুলো ফলে গেলে ত মুঞ্চিল।

—আর কোন্টা ?

—ওই তুমি যে বলেছিলে আমার বিয়ে হবে না।

মণিকা হেসে বললে—ভয় নেই, হবে এমন একটা মেয়ের সঙ্গে যে কথা বললেই কাঁদবে, তোমার সর্দি লাগলেই তারকেই হত্যা দেবে।

আমি হৃষ্টমনে বললাম—যাহোক, হবে তা হ'লে ?

মণিকা ঠাট্টার সুরে বললে—হবে মশাই হবে, আচ্ছা বিয়ে-পাগলা ত !

মণিকা অকস্মাৎ গম্ভীর হ'য়ে বললে—আমি ফার্স্ট হ'লে তুমি দুঃখিত হ'তে ?

বললাম—হঁ, তুমি ফার্স্ট হলে বলে নয়, আমি হ'তে পারিনি ব'লে—কারণ তা হলে চাকরি পাওয়ার সম্ভাবনা মোটেই থাকতো না।

—মোটেই সম্ভাবনা থাকতো না কেন ?

—মেয়েলোক ফার্স্ট হয়েছে, আমি তার নীচে একথা শুন্লে কি আর কেউ চাকরি দেয়।

মণিকা কৃত্রিম ক্রোধে বললে—ওই ত তোমাদের দোষ, মেয়েরা কি ফার্স্ট হ'তে পারে না ?

—পারে, বছবার পেরেছে।

—তবে ?

—যারা সেকেণ্ড হয়েছে তারা চাকরি পেয়েছে শুনিনি।

মণিকা হেসে বললে—তবে ত বড় অন্ডায় হয়েছে, তোমাদের এই সুপিরিয়রিটি কমপ্লেক্সটা আমি কিছুতেই বরদাস্ত করতে পারি নে। কেন, আমরা মানুষ নয় ?

—না, মেয়েমানুষ।

মণিকা পরাজিত হ'য়ে বললে—আমি যদি তোমায় বিয়ে করতাম তবে তোমাকে সাত ঘাটের জল খাইয়ে দেখাতুম মেয়েমানুষ কি চিঙ্গ।

—তুমি কেন। যে ছিচ্-কাঁতুনে মেয়ের কথা বললে সেও পারবে আশা করি। কারণ পুরুষেই ভালবাসে, মেয়েদের ত সে বালাই নেই। যে ভালবাসে তারই বিপদ—

—ফার্স্ট প্লেসের মত ওটাও তোমাদের একচেটে ?

চায়ের বাটিতে চুমুক দিয়ে বললাম—হঁ—দেখতেই পারছো।

—তার মানে, তুমি আমাকে ভালবেসেছে ?

—আমি বেঁটে, রোগা, আমি কি তোমায় ভালবাসতে পারি ? তুমি শিক্ষিতা সুন্দরী, তার উপর বড়লোকের মেয়ে।

—বড়লোকের মেয়েরা বুঝি বেঁটে রোগা লোককে ভালবাসে না ?

—বাসে ?

—বাসতে পারে, তবে আমি ভালবাসিনি।

—তুমি ভালবাসবে একটি আট ফুট লম্বা পাঁচ ফুট চওড়া ও বাইশ মণ ওজনের লোককে।

মণিকা হেসে উঠে ব'ললে—পারলে না বলতে, আমি ভালবাসবো এমন লোককে যে ষ্টীমারের সঙ্গে গাধাবোটের মত নির্বিকার চিন্তে চলবে।

আমি হাত উচু ক'রে বললাম—স্বস্তি ! স্বস্তি !

প্রফেসারী পেয়েছিলাম—

একদিন রাত্রে আহালাদির পর বৌদি এসে ডাকলেন—তোমার দাদা ডাকছে, ঠাকুরপো।

বললাম একটা গুরুতর কিছু নইলে এমন সময় ডাক পড়া সম্ভব নয়। চাকরি করলেও শ্রদ্ধায় ভয়ে তখনও দাদার সঙ্গে কথা কইবার সাহস হয় না। ভয়ে ভয়ে দাদার বিছানায় বসলাম। দাদা গড়গড়ার নলটা রেখে বললে—শোন।

তার মুখের দিকে চেয়ে রইলাম।

দাদা বললে—আমি একটি ভাল মেয়ে ঠিক করেছি, আমারই এক বন্ধুর বোন। সর্বস্বলক্ষণা এইবার ম্যাট্রিক দেবে ...

দাদা ক'নের সর্ববিধ বর্ণনা দিয়ে পরিশেষে বললে, ইচ্ছে হ'লে তুমি দেখে আসতে পার। টাকা পয়সা ত দেখে মন্দ নয়। ফাল্গুন মাসেই দিন একরকম ঠিক করেছি। তুমি লেখাপড়া শিখেছ, একবার জিজ্ঞেস করা দরকার, আমার কথায় অমত তুমি করবে না জানি, তা তোমার মতামত তোমার বৌদিকে ব'লো—

—কিন্তু।

দাদা আমার মুখের পানে চেয়ে বললে—কিন্তু মানে বিয়ে করবে না, আজীবন কুমার থেকে পড়াশুনো করবে এই ত বলতে চাও ? তা তাই ক'রো, এই কেবল মন্ত্র কটা প'ড়ে আমাকে একটা বৌমা এনে দাও, আর কিছু তোমাকে করতে হবে না। তোমার কোন সম্পর্ক নেই আর তার সঙ্গে—

দাদা বৌদি একসঙ্গে হেসে উঠলো, আমি লজ্জিত হ'য়ে চ'লে এলাম।

মণিকার কথাই ভাবছিলাম—তাকে পেলে আমি আনন্দিত হতাম সন্দেহ নেই কিন্তু মণিকা হয়ত আমার চেয়েও অনেক বেশী আশা করেছে—আমাদের এই দরিদ্র

গৃহস্থালীর মাঝে সে হয়ত তৃপ্তি পাবে না, তাঁর মত মেয়ে হয়ত এ গৃহকে কল্পনাও করে নাই। তাকে বহুদিন পরোক্ষে প্রশ্ন করেছি, তার উত্তর যা সে দিয়েছে তার অর্থ সুপরিষ্কার—আমার সন্দেহের অবকাশও নেই।

সুনলাম পাশের ঘরে দাদা ও বৌদিতে তর্ক হচ্ছে—

দাদা বললে—গলার হার দিয়ে মুখ দেখব—ওই যে বড় বড় লকেট থাকে—

বৌদি বললে—না, আর্মলেট দিয়ে।

—আর্মলেট—আর্মলেট মানুষে পরে ?

—মেয়েমানুষে পরে।

—আমি হারই দেব।

—দাও গিয়ে, আমি আমার চুড়ি ভেঙ্গে আর্মলেট দেবই।

দাদা বললে—আমার সেই সোনার মেডেল ভেঙ্গে আমি এততো বড়ো লকেট দেব। চুড়ি ভাঙলে বাণীর টাকা পাবে কোথায় ?

বৌদি ক্রুদ্ধ হ'য়ে বললে—তুল বেচবো। ভারী টাকার ভয় দেখাচ্ছে !

অকস্মাৎ বৌদি এসে দরজায় ধাক্কা দিয়ে বললে—ঘুমুলে ঠাকুরপো ?

—না। কেন ?

—তা হ'লে ফাস্তনেই দিন ঠিক হোক ?

অগত্যা জবাব দিলাম—আমাকে কিছু না জানিয়েই যখন এতদূর করেছ তখন বিয়েটাও তোমরাই করলে পারতে !

বৌদি হেসে বললে—মেয়ে দেখাবো, ভয় নেই, ভয় নেই।

উত্তরের অপেক্ষা না ক'রেই বৌদি চলে গেলেন।

ফাস্তনের প্রথমে দাদা কতকগুলো ছাপানো কার্ড দিয়ে বললে—তোমার বন্ধুবান্ধবদের নেমস্তয় ক'রো, তা ত আর আমি পারবো না।

বিবাহের নিমন্ত্রণপত্র নিয়ে মণিকার সঙ্গে দেখা করতে উপস্থিত হলাম। মণিকা বললে—বেশ, এতদিন আসনি কেন ? পড়াগুলো নিয়ে এতদিন ত ছিলাম বেশ, এখন দিন ত কাটে না আর। তা তোমারও যেমন—

—কলোজে তিনঘণ্টা পড়াতে হয়, পড়তে হয়, জানো ?

—অতএব খাওয়া, ঘুমানো, বেড়ানো সব বন্ধ ; চাকরি এক ভূমিই করলে শাহোক।

আমি অভিমানের সঙ্গে বললাম—আমি আসিনি ব'লে আর যেই অভিযোগ করুক, অস্তুত তুমি করবে না বলেই আমার বিশ্বাস ছিল—

—ভালকথা, এর মাঝে এক কাণ্ড হয়েছে। এক বিলাত ফেরত ব্যারিস্টার এসেছিলেন আমার পাণি প্রার্থনা করতে। তিনি প্রশ্ন করলেন—আমি যদি ত্রিফলেস ব্যারিস্টারিই সারাজীবন রয়ে যাই, আপনি কি তখন আমার দারিদ্র্যকে ব্যঙ্গ করবেন ? আমি উত্তর ক'রলাম, দারিদ্র্যকে ব্যঙ্গ আমি করি না তবে পছন্দও করি না। যদি ত্রীফ্লেসই থাকবেন তবে বিয়ে করতে চান কেন ? ভদ্রলোক ভয়ে প্রশ্নান করেছেন।

—বটে ! তুমি অসম্ভব বীরত্ব করেছ সন্দেহ নেই।

মণিকা চটে উঠে বললে—বীরত্বটা কি দেখলে ? স্পষ্ট কথা বলেছি মাত্র।

আমি বক্তব্য প্রকাশ করবো মনে ক'রে বললাম—আমারও অমুরূপ একটা ঘটনা ঘটেছে—

মণিকা বাধা দিয়ে বললে—অত্যন্ত বেঁটে ও রোগা বলে মেয়েপক্ষ পছন্দ করেনি ত ? বেশ করেছে—

মাথা নেড়ে বললাম—তা নয়, ব্যাপার সাংঘাতিক—

বিবাহের খামে ভরা নিমন্ত্রণপত্রটা তার হাতে দিয়ে বললাম—এবংবিধ ব্যাপার।

মণিকা পাংশুমুখে অত্যন্ত তাড়াতাড়ি খামখানা খুলে চিঠিখানা এক নিশ্বাসে পড়ে ফেলে বললে—তার মানে ?

—চিঠির ভাষাটা কি দুর্কোধ্য বলে মনে হচ্ছে ?

মণিকা বিশ্বয়-কম্পিত-কণ্ঠে বললে—তুমি বিয়ে করতে যাচ্ছেো তা আমার কাছে একটা কথোও জিজ্ঞাসা করার প্রয়োজন বোধ করলে না ?

—তার মানে ?

—তুমি কি এতদিন আমাকে নিয়ে ছেলেখেলা করেছ !

—আমি কিছুই করিনি, তোমার কথা আর একটু পরিষ্কার ক'রে বল।

মণিকার চোখ দুটি জলে ভরে উঠেছিল, যথাসাধ্য চেষ্টায় তাকে দমন ক'রে সে বললে—আমার মনের কথা তোমার ত না জানা ছিল এমন নয়, তবুও তার মর্যাদা দাওনি, বিশ্বাস-ঘাতকতা করেছ।

আমি ব্যথিত হয়েছিলাম ; বললাম—আমি আজ যা

জানবার সন্ধ্যোগ পেলাম আর পনের দিন আগে তা জানতে পারি নি এ আমার দুর্ভাগ্য কিন্তু এখন আমি উপায়-হীন। কিন্তু বিশ্বাসঘাতকতা আমি করিনি, তুমি নিজের সঙ্গেই নিজে বিশ্বাসঘাতকতা করেছ। তুমি আত্মবঞ্চনা করেছ—

মণিকা নিম্নকণ্ঠে বললে—আমি ?

—হ্যাঁ, নিজের মাঝে তুমি নিজেকে চিন্তে পারনি। আমার দরিদ্রগৃহে তোমার স্থান বোধ হয় ভগবানের অভিপ্রেত নয়।

মণিকা বিরক্তির সঙ্গে বললে—ভগবানের দোহাই রেখে দাও, আমার প্রগলভতার মূল্য কি আমার চেয়েও বেশী !

—তা নয় মণিকা। তুমি ফুলের মত—তোমাকে ভালবাসতে ইচ্ছে হয়, আদর ক'রে সৌন্দর্য্যকে উপভোগ করা যায়, তোমার সঙ্গে ফ্লার্ট করা চলে এবং সে আনন্দ সত্যই আমার জীবনের স্মরণীয় গৌরব—কিন্তু তোমাকে গৃহে স্থান দিতে আমি সত্যই ভয় পেয়েছি, তোমাকে না হ'লেও তোমার নতুনত্বের মোহকে আমি ভয় করি।

মণিকা নমিতনেত্রের সজলদৃষ্টি নীরবে আমার মুখের উপর স্তম্ভ ক'রে রইল মাত্র।

আমি আবার বললাম—আজিকার বেদনা তোমার জীবনের শ্রেষ্ঠ অভিজ্ঞতা হয়ে থাক। আশা করি, ভবিষ্যৎ জীবনে তুমি নিজেকে নিজে প্রতারণা করবে না।

মণিকা ক্লান্ত বিষাদার্ত্র কণ্ঠে বললে—তোমার উপদেশ

পেয়ে কৃতার্থ হলাম সন্দেহ নেই, তবে ভবিষ্যৎ জীবনে তার প্রয়োজন হবে না।

আমি খোলা জানালার ভিতর দিয়ে অকারণেই দূর দিগন্তের একফালি কালি-কালো মেঘের পানে চেয়েছিলাম। অন্তায়মান সূর্য্যের সোনালী রৌদ্র মেঘের গায়ে ছড়িয়ে পড়েছে—

অকস্মাৎ চেয়ে দেখি, মণিকা পিছন ফিরে সজোপনে একফোঁটা অশ্রু হাতের তালুতে মুছে ফেলে আবার ধীর শাস্ত-ভাবে আমার পানে তাকালো।

আমি আগ্রহের সঙ্গে বললাম—আমায় কমা ক'রো মণিকা।

মণিকা হাসতে চেষ্টা ক'রে বললে—কমা করেছি। তুমি বিয়ে ক'রে বৌ কেমন হ'ল গল্প করতে আসবে ত আর একবার ?

—তাতে তুমি সুখী হবে ?

—নিশ্চয়ই।

—তবে আসবো।

ফুলশয্যার দিনে মণিকা এসে দু'টো ফুলের মালা উপহার দিয়ে অনাড়ম্বরই বৌ দেখে গিয়েছিল। আর আমার স্ত্রী সেই রাত্রে প্রথম প্রশ্নই করেছিল—যে মেয়েটি ফুল দিল সে কে ?

আমি বলেছিলাম—সহপাঠিনী।

স্ত্রী অবিখাসের সঙ্গে প্রশ্ন করছিল—মাত্র ?

## ছবি

### শ্রীসত্যব্রত মজুমদার বি-এ

তুষারের শিরে স্বর্ণতপন

কনকপ্রদীপ জ্বলে ;

বলাকার পাতি চেউ তুলে যায়

আষাঢ় গগন-ভালে।

নদীর কৃষ্ণ জলের উপর

শ্বেততরঙ্গ হাসে ;

অস্তকিরণ সন্ধ্যাদেবীর

নিবিড় চুলেতে ভাসে।

চিত্রনিচয় তুলিকা চালনে

আঁকে না কো কোন মায়া,

অস্তরতটে ফেলে এরা শুধু

কোন্ মানবের ছায়া !

# রেফুজি-সংসর্গের স্মৃতি

শ্রীচিন্তামণি কর

ফেব্রুয়ারী মাসের শেষ। রাস্তার উপর জমাট বরফ একটুও কমেনি। মাঝে মাঝে দু-একদিন পাখীর পালকের মত খুর খুর করে ভুসারপাতও হয়ে যায়। কাফের মধ্যে বসে টেবিলে খালি কাপটার দিকে চেয়ে দার্শনিক কিছু চিন্তা করবার চেষ্টা করছি, কারণ পকেটে হাত দিলে কেবল মাত্র পকেটটাই সাদরে করমর্দন করে জানায়—ওর বেশী আর কিছু দেবার তার ক্ষমতা নেই। বিরস, উদ্বেগপূর্ণ মনে ভাবছিলাম অর্থাভাবে শেষে কি বিদেশে না খেয়েই মরব। তখনই মনে হ'ল, আমি ত তবু খাচ্ছি—কিন্তু সেদিনের দেখা স্প্যানিস্ রেফুজি ছেলে-মেয়েরা কয়েক টুকরো শুখনো রুটির জন্তে কত কাড়াকাড়ি আঁরামারি করলে। ওদের পেট চালাতে



এন্কার্ণার চিঠি

পারীর রক্তক্ষয়ে নেচে অর্থোপার্জন করতে দেখেছি। লোকে নাচ দেখে বাহবা দিয়েছে, ফুলের তোড়া দিয়েছে, কিন্তু তারা কেমন থাকে, খেতে পায় কি না, জানতে কারো কৌতূহল হয়নি।

এমিল জোলার “নানা” উপন্যাসে জুভিসি স্থানটির নাম দেখেছিলাম। ঘটনাচক্রে সেই জুভিসিতে গিয়ে পড়েছিলাম। জুভিসির রেলস্টেশন থেকে দুই মাইল দূরে ড্রাভেই-এর প্যাভিয়ঁরো গ্রামটিতে চাষীদের বাস। পারী থেকে কল্পবেই যেতে বাসেও এখানে নামা যায়। বই পড়ে কল্পনার মত সুন্দর না হলেও প্যাভিয়ঁরোর বেশ একটা মোহ আছে।

একবার গেলে দুবার যেতে মনকে তাগিদ দেয়। এই গ্রামে চাষীদের ফসল রাখার একটি খালি বারাকে প্রায় তিরিশটি রেফুজি মেয়ে-পুরুষে কোন মতে মাথা রক্ষা করছে। এরা পাড়ার লোকের সহানুভূতি যে পায় না তা নয়, কিন্তু তা অবাধ নয়, কারণ তাতে পুলিশের ছকুমকে অগ্রাহ্য করতে হয়। এদের অপরাধ—এরা রাষ্ট্রের কর্ণধারদের নরমেধযজ্ঞের বাইরে-পড়া আছতি। রবিবারটা প্রায়ই রেফুজিদের সঙ্গে হৈ-টৈ করে কাটাতাম। এক রবিবারে প্যাভিয়ঁরোতে পৌঁছে দেখি যে, যতটুকু পেরেছে কালো কাপড়ের টুকরো সংগ্রহ করে মাথায় হাতে বেঁধে গোলভাবে দাঁড়িয়ে আছে। কারো মুখে শব্দ নেই, কোন ভাবলক্ষণও তাদের মুখে প্রকাশ পাচ্ছে না, নিষ্পন্দ স্থির, তারা যেন কোন মায়াবীর যাদুতে পাথর হয়ে গেছে। সকলের মাঝে কালো কাপড় ঢাকা একটি ছোট কফিন। একটি মেয়ে কফিনের একপ্রান্তে মাথা রেখে নিরালম্বভাবে বসে আছে, আর তার একখানি হাত ধরে দাঁড়িয়ে রয়েছে যুদ্ধে বিকৃত ভগ্নাঙ্গ একটি স্প্যানিস যুবক। তাদের চোখে পলক পড়ছিল না—যেন মমির উপর আঁকা চোখ। একজনকে জিজ্ঞাসা করলাম, “কে মারা গেছে?” লোকটি বেশ একটু তিক্ত স্বরে বললে, “মারিয়ার ছেলেটি।” বছর দুইয়েকের ছেলে। সাতদিন আগে দেখে গেছি প্রত্যেকের কোলে ঝাঁপিয়ে পড়ে চুল টেনে নাক ধরে ব্যতিব্যস্ত করছে। সব কিছু সজীবের চেয়েও তাকে যেন বেশী সজীব দেখাত, আর আজ তার অসাড় দেহপিণ্ড হাজারবার কারো কোলে ছুঁড়ে দিলেও কিছু বলবে না, খল খল হেসে উঠবে না। বড় মর্মান্বিত হলাম। জিজ্ঞাসা করা অবাস্তর, তবু বললাম, “কি হয়েছিল তার? এই ত সাতদিন আগে তাকে দেখেছিলাম বেশ ভাল ছিল।” লোকটি তেমনি নির্লিপ্ত তিক্ত স্বরে বলল, “হবে আবার কি, আমরা রেফুজি, এই দারুণ শীতে মাথায় আচ্ছাদন নেই, গায়ে শীতনিবারক বস্ত্র নেই, পেটে এক-কণাও খাদ্য নেই, মরাটাই আমাদের পক্ষে স্বাভাবিক, বেঁচে আছি ভাবতেও দ্বিধা হয়। ঐ ছেলেটিকে বেশী ভাগ্যবান



বলব, কারণ ওর সহ ক্ষমতা আমাদের মত নয়, মৃত্যু ওকে সহানুভূতি দেখিয়ে আজ শান্তি দিয়েছে।” শুনে স্তম্ভিত হলাম! পকেটে সামান্য যা-কিছু ছিল তাদের দিয়ে বললাম, আমার ক্ষমতা অতি সামান্য, তোমাদের অভাবের বিরাট বিভীষিকাকে একটুও প্রশমন করতে পারি না, একমাত্র হৃদয়ের সহানুভূতি দিতে পারি যা তোমাদের এই দৈন্ত দশায় কোন কাজে লাগবে না।

এইবার কফিনটি নিয়ে যাবে। মায়ের রেকুজি ছিন্ন ক’রে কফিন নিতে সকলেই ভয় করছিল। গৃহযুদ্ধ তাদের শাস্তিময় আশ্রয়ে আশুন জালিয়ে সর্বস্বহীন ক’রে জগতের নিষ্ঠুরতার মাঝে ছেড়ে দিলেও তাদের মনের মমতার কোমল তন্ত্রীটি তখনও ছেঁড়েনি। মেয়েটির স্বামী মাঝে মাঝে তার মাথায় হাত বুলিয়ে অশ্রুতভাবে বলছিল, “শান্ত হও মারিয়া।” মেয়েটি নিজেই কফিনটি ছেড়ে একপাশে সরে দাঁড়াল, তারপর হঠাৎ আমার দিকে এসে অল্পবয়সের সুরে বললে, “তিন দিন আগে এলে না কেন কর? তুমি বলছ সামান্য, কিন্তু ঐ সামান্য দান পেলে আমার ছেলেকে মরার আগে একটু দুধ পেতে দিতে পারতাম। বাছা আমার মরে যাবার আগে খেয়েছে শুধু জল—ময়লা জল!”

এরপর আর সেখানে দাঁড়িয়ে তাদের মর্মান্বন দৃশ্য দেখবার মত সাহস আমার রইল না, পালিয়ে গেলাম।

এর পর প্রায় দুসপ্তাহ প্যাতিয়ান্নোতে যাবার আমার সাহস হয়নি। পরের রবিবার গ্রামটিতে যাবার মোহ আমাকে ফের পেয়ে বসল। প্রায় ১১টা হবে, পৌছে দূর থেকে দেখি ব্যারাকটির চারিধারে যেন নানা রঙের অতিকায় প্রজাপতির মেলা। ব্যারাকে উপস্থিত হয়ে দেখি বিরাট ব্যাপার। কোন কম্যুনিষ্ট পার্টির অধিবেশন উৎসবে নাচ দেখাতে তাদের আমন্ত্রণ এসেছে, তাই তাদের জাতীয় পোষাক রঙ-বেরঙের ঘাঘরা-ওড়না সব পরিষ্কার ক’রে বাইরে শুখাতে দিয়েছে। আমায় ধরে বসল, তাদের সঙ্গে যেতে হবে। দুটি লরীর উপর চারখানি বেঞ্চ সাজিয়ে তার উপর বসে আমরা সবাই যাত্রা করলাম। যেতে হ’বে ভিল্ জুইভ্ গ্রামে, প্রায় ৬১ কিলোমিটার দূর। রাস্তায় ছেলে-মেয়েরা সমস্বরে তাদের জাতীয় সঙ্গীত গাইছিল। আমরা প্রায় সাড়ে চারটেয় পৌছানর পর বহুলোক এসে আমাদের দলটিকে সম্বর্দ্ধনা ক’রে নিয়ে গেল। পারীতে


সাঁ মার্ভা’র রক্তক্ষে নাচগান শুনিতে ‘জুনেস্ ছাস্পান্ (স্পেনের কিশোরদল) প্রায় সারা ফ্রান্সের শহরে, গ্রামে, পল্লীতে বিখ্যাত হয়েছিল। কিছু পরেই মুক্ত প্রাঙ্গণে ছেলে-মেয়েরা কখন দৃষ্ট কখন করুণ অর্কেষ্ট্রার সুরের সঙ্গে তাদের জাতীয় জীবন, সহজ সরল পল্লীপ্রাণ, ঘরোয়া সংগ্রামের মর্মান্বন কাহিনী ফুটিয়ে তুলল তাদের নাচে গানে। ছেলে-মেয়েদের মধ্যে পেপিতা ও এন্কারনা নাচ দেখিয়ে সকলের প্রশংসা লাভ করলে। পাকিতা মেয়েটি গ্রাম্য চাষীর মেয়ে। নাচ কোন দিন কোন বিজালায়ে শেখার সৌভাগ্য হয়নি। গ্রামান্ত্যে সহজ সরলভাবে সে দেখাল শিশুর



মৃত্যুরতা এন্কারনা

হুমপাড়ানো গানে রতা মায়ের ছবি। ছেলেদের মধ্যে মোজেস্ মারিয়ানো আঙ্কেল দেখাল কর্মীবসানে স্থখী চাষীর সরল উল্লাস। এমন প্রাণঢালা নাচগানে ভুলে যেতে হয় এদের আসল অবস্থাকে। কে বলে এরা নিঃস্ব, সর্বহারা! অলিম্পিয়ার দেবশিশুরা যেন মর্তে নেমে এসেছে। ব্যারাকে ফিরতে বেশ রাত হয়ে গেল। সে রাত পারী ফিরে যাবার কোন উপায় ছিল না, কারণ শেষ ট্রেন এবং বাস অনেক আগেই চলে গেছে। গ্রামের একটি রেস্টুরাঁতে নৈশাহার সেরে যখন ব্যারাকে ফিরলাম তখন রেকুজিরা তাদের

স্বপ্নে একটি বহু বারের মেয়ে বসে ছিল, তার নাম ললিতা। স্পেনের মেয়েদের নামগুলি প্রায় আমাদের দেশের মেয়েদের নামের মত শোনায়। ললিতা স্পেনে খুব সাধারণ এবং আদরের নাম। মেয়েটির আপন বলতে কেউ নেই। শুনলাম তার বাপ কাকা রিপাবলিকান গবর্নমেন্টের পক্ষে লড়াইয়ে ট্রেন্সে মারা গেছে। তার একটিমাত্র ভাইকে ফ্রান্সের দল অর্জনিত অবস্থায় বন্দী করে এবং পরে বিচারের অভিনয়



আধুনিক নৃত্যরতা পেপিতা

শেষ হলে গুলি করে মারে। গভীর রাতে কেবল বুক আর শিশুরা ঘুমোচ্ছে। সক্ষম নারীরা পুরুষের পাশে দাঁড়িয়ে বুক করতে ট্রেন্সে চলে গেছে। বুক বৃদ্ধা শিশুদের ঘুম গভীর শান্তিপূর্ণ ছিল না, আসন্ন বিপদের আতঙ্কে তারা মাঝে মাঝে চমকে উঠছিল। যে-কোন মুহুর্তে তাদের ঘুম চিরনিদ্রায় পরিণত হতে পারে। এমনি এক রাতে বাসিলোনা শহরের পথ, বাড়ী, মাটী, শিশুদের বুক কাঁপিয়ে

সাইরেন্ বেজে উঠল। আকাশে এয়ারোপ্লেনের গুরু গর্জন শোনা গেল। পরমুহুর্তে বিরাট কান-ফাটা বিস্ফোরণ শব্দ। করুণ কণ্ঠের অস্তিম চীৎকার বম্ফাটার শব্দ-প্রতিধ্বনির যেন শেষ রেশ। অন্ধকারে এয়ারোপ্লেনগুলিকে এক ঝাঁক শব্দলোলুপ শকুনের মত দেখাচ্ছিল। মেসিনগানের কড় কড় শব্দ যেন ধবংসোন্নত প্রেতের পৈশাচিক হাসি। চাপা ভয়ানক চীৎকার ক'রে লোকজন রাস্তায় ছুটাছুটি করছে। কে একজন ডাকল, “ললিতার মা, তোমার মেয়ে ছুটিকে নিয়ে এখুনি বাইরে এস, পালাতে হবে।” বড় মেয়েটি কিছুতেই বাইরে এল না। সে বলল “বাইরে মাথায় বম্ পড়ার বেশী সম্ভাবনা, আমি ঘরেই থাকব।” ভাববার সময় ছিল না, বৃদ্ধা ও ললিতাকে একজন বাইরে টেনে নিল। একটা আগুনের চমক ও সঙ্গে সঙ্গে প্রচণ্ড শব্দ—তারপর কি হ'ল মা-মেয়ে জানতে পারেনি। যখন তারা চোখ মেলে চাইলে তখন ভোর হয়েছে। কয়েকটি মেয়ে ও পুরুষ তাদের চারিপাশে বিরস বিবর্ণ মুখে বসে ছিল, আহত কেউ বা যন্ত্রণায় গোঙাচ্ছিল। বৃদ্ধা চীৎকার ক'রে উঠল, “আমার বড় মেয়ে কোথায়! এ কি! এ মাঠের মাঝে আমরা কি ক'রে এলাম?” সন্দের অতীত হলেও বৃদ্ধাকে শুনতে হ'ল, যেখানে তার মেয়ে গুয়েছিল, তারা জ্ঞান হারাবার পর সেখানে বাড়ীর ভাঙা স্তূপ আর কয়েকটি গর্তে রক্ত জড়ান মাংসের দু-এক টুকরো পড়েছিল মাত্র। প্রাণভয়ে পালাবার সময় আর সকলে তাকে আর ললিতাকে কুড়িয়ে নিয়ে এসেছে। এদের যেতে হবে বহু দূর ফরাসী সীমান্তে, এই আশায় যদি ফরাসীরা আশ্রয় দেয়। এদের পিছনের টান ছিল না। আপন বলতে সব কিছুই বন্ধন ছিন্ন হয়েছে। এরা কারো পক্ষে নয়, বিপক্ষে নয়; তবু এদেরই হারাতে হয়েছে সব কিছু। রাষ্ট্র-নায়করা তাঁদের মত প্রতিষ্ঠিত করতে নিশ্চিন্তভাবে এই নিরীহদের করেছেন বলি। সীমান্তে এসে রাস্তায় কি একটা পায়ে ফুটায় ললিতার মা বেশ কাহিল হয়ে পড়েছিল। মাত্র তিনদিন জ্বর ভোগ করার পর বৃদ্ধা ফ্রান্সের চেয়ে আরো নিরাপদ স্থানে চলে গেল—যেখানে ফ্রান্সে নেই, স্পেনের গৃহযুদ্ধ নেই, হতাহত নেই, হাহাকার নেই। তারপর আরো বহু ঘটনার মধ্য দিয়ে ললিতা এসে পড়েছে এই জুনেস্ ট্রাসপান্-এর মাঝে।

নানা কথার ফাঁকে বললাম, “ললিতা আমাদের দেশেও

অতি সাধারণ নাম। তা ছাড়া, ললিতাকে যদি আমাদের দেশের পোষাক পরিয়ে কোন ভারতীয়কে বলা যায়— আমাদের দেশের মেয়ে, তাতে কেউ অবিশ্বাস করবে না।” তারা বললে, “কর, ওকে তোমার বোন ক’রে নাও না।” বললাম “তা ত আছেই, আবার নতুন ক’রে সম্পর্ক করবার দরকার কি?” ওরা বলল, “তা নয় হে, আমাদের দেশে যে-কোন মেয়ে বা ছেলেকে ভাই বা বোন হিসাবে গ্রহণ করা যায়। তুমি তাতে রাজী আছ?” বললাম, “হ্যাঁ।” কিন্তু ব্যাপারটি প্রথমে ভাল বুঝিনি। তারা সকলেই পান-পাত্রগুলি পরস্পরে ঠেকিয়ে বললে, “আজ থেকে কর আর ললিতা ভাই-বোন।” পাত্রে অবশ্য জল ছাড়া অন্য পানীয় ছিল না—পাবে কোথায়! তারপর ললিতা সকলের করমর্দন ক’রে ধন্যবাদ জানালে, আমাকেও অঙ্কুরপ করতে হ’ল। কথাগুলো বললাম, “ললিতা, দেশে ত তোমার কেউ নেই, আমাদের দেশে যাবে?” সে বলল, “না, এয়ারমানে কর, তোমাকে আমরা খুব ভালবাসি, কিন্তু আমি ফিরে যেতে চাই স্পেনে। আমার কেউ নেই সত্যি, কিন্তু স্পেনের মাটিতে আমার জন্ম, তার সঙ্গে আমার সংযোগ কেউ ছিন্ন করতে পারবে না। সে আমার সবচেয়ে আপন, আমি তার কোলেই আশ্রয় পেতে চাই।” বয়সে অনেক ছোট হ’লেও সেদিন থেকে ললিতাকে শ্রদ্ধার চোখে দেখতাম। আমরা বহুদিনের পরাধীনতার মোহে নিজের দেশকে কতখানি ভালবাসতে হয়, শ্রদ্ধা করতে হয়, তা বোধ হয় ভুলে গেছি।

দেখতে দেখতে কয়েক মাস কেটে গেছে। এই কয়েকটা মাস দুর্ভাগ্যের সঙ্গে লড়াই ক’রে এরা কোনমতে প্রাণটাকে বাঁচিয়ে রেখেছে। জুনেস্‌ ট্রাস্‌পানের আগে যেমন আদর ছিল, নিমন্ত্রণ ছিল, এখন আর তা নেই। ইউরোপে এই ক’মাসে অশান্তির আগুন দাবানলের মত একদেশ থেকে আর একদেশে ছড়িয়ে পড়েছে। ফ্রান্স নিজের ঘরের দরজায় যুদ্ধের বিভীষিকা দেখছে। কয়েকটা বিদেশী রেফুজির কে খোঁজ নেয়, কার এত মাথা ব্যথা। কয়েকজন রেফুজি চেষ্টা ক’রে রাশিয়া বা স্পেনে চলে গেছে। যে ক’জন পড়ে আছে, তারাও ভাবছে অল্পতর যাবার কথা। ফ্রান্স এখন আর নিরাপদ আশ্রয় নয়। তারা এক যুদ্ধস্থল থেকে আর এক বৃহত্তর যুদ্ধস্থলের সামনে এসে পড়েছে।

এদের দলে এক অতি-বৃদ্ধ দম্পতি ছিল। স্বামীর বয়স ছিয়ান্তর, স্ত্রীর বয়স বাহান্তর। বৃদ্ধ তার স্ত্রী, মেয়ে, জামাই ও একটিমাত্র নাতনী লাকিতার সঙ্গে পালিয়ে এসেছে। তার জামাই ছিল রোথো রিপাবলিকান্ সৈন্যদলের একজন অফিসার, যুদ্ধের চিহ্ন তার সর্বাঙ্গে



মাতৃস্নেহ স্মৃতি লাকিতা

পরিস্ফুট। যুদ্ধের পূর্বে এরা ছিল বাসিলোনার এক গ্রামের সরল চাষী পরিবার। বিদেশে বড় কষ্ট পায় দেখে একদিন বৃদ্ধকে বললাম, তোমরা স্পেনে চলে যাও না, এখন ত যুদ্ধ থেমে গেছে। বৃদ্ধ বললে, “যাব ত, কিন্তু স্পেনে প্রবেশের হুকুম পাব কি করে।” বললাম, “ওঃ, তোমার

জামাই যে আবার রাজনৈতিক ব্যাপারে লিপ্ত, কাজেই তোমার ফ্রাঙ্কোর দল পেলে মেরে ফেলবে।” কিন্তু বৃদ্ধ নিশ্চয় ক’রে জানাল রোধোর জন্ত তাকে ফ্রাঙ্কোর দল দোষী করবে না। সেলিয়র রোধোকে বছবার জিজ্ঞাসা করেছিলাম, বৃদ্ধ কোন রাজনৈতিক ব্যাপারে জড়িত ছিল কি-না; কিন্তু প্রতিবারই সে গভীরভাবে বলত—“না।” অনেক চেষ্টা ক’রে অল্পমতি-পত্র পেয়ে বৃদ্ধবৃদ্ধা স্পেনে চলে গেল। দিন দশেক পরে প্যাভিয়ঁরোতে গিয়ে দেখি সকলের মুখ অন্ধকার হয়ে আছে, যেন ঝড় আসবার পূর্বে প্রকৃতির ধমধমে ভাব। কি হয়েছে জিজ্ঞাসা করায়, লাকিতা



লালিতা

একটি টেলিগ্রাম এনে আমার হাতে দিল। তাতে লেখা ছিল, “তোমার স্বস্তর ও শাপুড়ীকে সীমান্তে যথাবিহিত সম্মানে গুলি করা হয়েছে।” প্রেরক ফ্রাঙ্কো গবর্নামেন্টের এক অফিসার। লোকটি অতি ভদ্র বলতে হবে, না হ’লে খোঁজ ক’রে জামাইকে স্মৃতিবরটি পাঠাত না। কি বলব, সাস্তনা দেবার মত কিছুই নেই। এদের দুঃখের জীবনে এ ঘটনা নতুন নয়। কিন্তু আমার মনে বিঁধতে লাগল, আমি অকারণ তাদের মৃত্যুর নিমিত্ত হলাম। শুধু সেলিয়র রোধোকে জিজ্ঞাসা করলাম, “তাদের মারল কেন, তারা

ত কোন অপরাধ করেনি বা কোন রাজনৈতিক সংশ্রবও তাদের ছিল না।” সে বলল, “তারা লেবার ফ্রেডারেশনের সেক্রেটারী ছিল।” অত্যন্ত বিচলিত ক্ষুব্ধ হয়ে বললাম, “রোধো, তুমি জেনে শুনে তাদের মৃত্যুর দরজায় পাঠিয়ে আমায় নিমিত্ত করলে?” রোধো উত্তর দিল, “তারা এখানেও না খেয়ে মরত?” ভেবেছিলাম তাদের বয়েস দেখে ছেড়ে দেবে, কিন্তু শূয়োরেরা কি পাষণ্ড! শাস্তি এইটুকু যে তাদের রক্ত নিজের দেশের মাটিকে ভিজিয়েছে। বিদেশী মাটিতে কবর দিলে তাদের মরা হাড়গুলোও হয়ত আমাদের অভিশাপ দিত।

এর কিছু দিন পরে একদিন গল্পে মত্ত হওয়ায় ঘড়ির দিকে খেয়াল ছিল না। যাবার জন্ত প্রস্তুত হয়ে দেখি—ট্রেন ও বাস সে রাতে আর পাওয়া যাবে না। রোধো বলল, “তোমার যদি আপত্তি না থাকে ত আমার ওখানে আজকের রাতটা কাটাতে পার।” সে থাকে ব্যারাক থেকে প্রায় চার মাইল দূরে এক কারখানার ছোট একটি শেড-এ। তার স্ত্রী ও মেয়ে আগেই শেডের দিকে রওনা হয়েছে। রোধো বললে, “চল হে, যেতে হবে অনেকখানি।” চাষের জমির মাঝ দিয়ে পথ। কিছুদূর অগ্রসর হয়েছি, এমন সময় ঝড়ের বেগে কে একজন বিপরীত দিক থেকে আমাদের অতিক্রম ক’রে গেল। রোধো চীৎকার ক’রে ডাকল, “লাকিতা, কোথা যাস?” উত্তর এল সক্রন্দনে, “মরতে।” আমি ত অবাক! রোধো চূপ ক’রে দাঁড়িয়ে গেল, বললাম, “মেয়েটি এই অন্ধকারে গেল কোথায় দেখ শিগ্গির।” মেয়েটি অদূরবর্তী একটি দীঘির পাড় থেকে জলের দিকে ছুটে নেমে যাচ্ছিল। অতি কষ্টে তাকে ফিরিয়ে আনা গেল। তখনও সে কাঁদছিল আর বলছিল, “আমার জীবনে শাস্তি নেই, আমি মরব।” স্তেনর রোধো নতমুখে দাঁড়িয়েছিল। আমার কাছে সবটাই হেঁয়ালী লাগছিল। একটু রুগ্নভাবেই বললাম, “রাস্তায় দাঁড়িয়ে অভিনয় না ক’রে বলই না কি হয়েছে?” লাকিতা রুগ্নভাবে জবাব দিল, “ওই যে লোকটা তোমার সামনে দাঁড়িয়ে, ও আমার নিজের বাবা নয়। আমার বাবা আমার দু’বছর বয়েসের সময় মারা গেছে। রোধো তার এক বছর পরে আমার মাকে বিয়ে করেছে, কিন্তু তখন আমাকে ওরা চায়নি। বারো বছর যা আমার কোন খোঁজ করেনি,

আমি ছিলাম আমার দিদিমা ও দাদামশাই-এর কাছে। ওদের কোন সন্তানাদি না হওয়ায় আজ এক বছর হ'ল রোখো তার মেয়ে হিসেবে আমায় দত্তক নিয়েছে। হয়ত রোখো আমায় নিজের মেয়ের মত ভালবাসে, কিন্তু হায় রে আমার ভাগ্য! আমার মা মনে করে আমার প্রতি রোখোর ভালবাসাটা মোটেই বাৎসল্য নয়। মাকে দেখিয়ে রোখো আমার প্রতি খারাপ ব্যবহার করে, মা'র ব্যবহার না বলাই ভাল। আমার আজ কেউ আপন নেই যার কাছে দাঁড়াতে পারি। আমার একমাত্র অবলম্বন দিদিমা, দাদামশাইকে তোমরাই চক্রান্ত ক'রে মেরেছ। তোমরা তাদের দেশে যেতে উত্তেজিত না করলে বা পাথেয় জোগাড় ক'রে না দিলে তারা মরত না। আমার জীবনকে বিষময় করবার জন্ত তোমরাই দায়ী।” আমি ত চুপ, রোখোও নীরব রইল, একটি কথাও জবাব দিল না। নিজেদের ঘরোয়া কথা ঝোঁকের মাথায় ব'লে লাকিতা একটু অপ্রস্তুত হয়ে পড়ল। তখনকার মত ব্যাপারটা মানিয়ে নিলেও বাধ্য না হ'লে সে রাতে রোখোর বাড়ী যেতাম কি-না সন্দেহ। অস্বস্তিকর মনস্তাপ সমস্ত রাত আমাকে খোঁচা দিয়েছিল। ভাবছিলাম, রাজনৈতিক কারণে ঘটা অশান্তি ও পারিবারিক অশান্তির মধ্যে কোনটা তীব্রতর। এর পর প্যাভিয়ঁর মোহ আর আমাকে টানতে পারে নি।

যে যুদ্ধাতঙ্কে ফ্রান্স এতদিন দূরে ঠেলে রেখেছিল উপরোক্ত ঘটনার কয়েকদিন পরে বিরাট আকারে তা ফ্রান্সের সীমান্তে ছমকি দিচ্ছিল। হিটলার কর্তৃক পোল্যান্ডের দাবী তীব্র হতে তীব্রতর হচ্ছিল। দালাদিয়ের সমানে ছমকি দিলেও তার মধ্যে ভয় ও উদ্বেগের মিশ্রণ ছিল। রাত-দিন যখন-তখন সাইরেন বেজে লোকজনের ঝাড়ুগুলিকে ছিন্ন-বিচ্ছিন্ন করছিল। ঘরবাড়ী, স্মারকস্তুভ, মূর্তি, শিল্পসম্পদ বালির বস্তা দিয়ে ঢেকে, আলো নিভিয়ে ফ্রান্স আত্মরক্ষার ব্যবস্থায় ব্যস্ত হয়েছে। আমার প্রফেসার জিওভানেল্লি দূরগ্রামে চলে গেলেন। তাঁর এবং গ্রাঁদ শমিয়ের-এর স্টু ডিয়ো বন্ধ হয়ে গেল। ঘরে বসে ভাবছি এখানে থাকব, না দেশে ফিরে যাব। হোটেলের পরিচারিকা এসে খবর দিল—নীচে দু'টি মহিলা আমার সঙ্গে দেখা করতে চায়। নেমে দেখি এন্কারনা আর তার মা মাদাম মারিয়া দাঁড়িয়ে। অভিযান-কুশলসংবাদাদির পালা শেষ হ'লে

মারিয়া বললেন, “কর, আমরা বড় বিপদে পড়ে তোমার কাছে এসেছি।” কি বিপদ জিজ্ঞাসা করায় তিনি বললেন— তাঁর স্বামী অনেক খুঁজে অতি কষ্টে ঠিকানা যোগাড় ক'রে



সকন্যা মাদাম মারিয়া

বার্সিলোনা থেকে চিঠি দিয়েছেন স্পেনে ফিরবার অনুরোধ জানিয়ে। কিন্তু নবনিযুক্ত কন্সাল কিছুতেই প্রবেশের হুকুম দিচ্ছে না। যে কাণ্ড করে শেষে হুকুম ও পাথেয় মিলল তা সবিস্তারে লিখলে একটি মহাকাব্য হয়ে যেত। মারিয়া বললেন “কর, আমরা চলে যাব, আর হয়ত দেখা হবে না; কিন্তু তোমাকে আমাদের কাছ থেকে কিছু নিতে হবে।” শুনে বললাম, “পাগল হলে নাকি! তোমরা একেবারে নিঃস্ব, আহাৰ্য্য পাথেয়—এমন কি পরণের উপযুক্ত কাপড়টুকুও যার নেই কি চাইব তাহাদের কাছে। একে উপকার করা হ'ল মনে ক'রে প্রতিদান নিলে নিজের কাছে এবং নিজের দেশের কাছে লজ্জিত হব। এতটুকু উপকার আমাদের দেশে লোকে লোকের প্রতি ক'রে থাকে। পরাধীন হ'লেও আমাদের দেশে হৃদয় একেবারে মরে যায় নি। যদি একান্তই কিছু ভালবেসে দিতে চাও ত দেশে গিয়ে পাঠিয়ে।” তারা বলল, “দেশে ফিরে আমাদের দুর্গতি আরো বাড়বে ছাড়া কমবে না। দেশে থাকার কই, অর্থই বা কোথায়! ব্যবসা, বাণিজ্য, চাষ—সবই ত বন্ধ। সত্যিই

আমরা তোমাকে কিছুই দিতে পারি না। তুমি আমাদের কিছু কাজ দাও যা ক’রে আমরা তৃপ্ত হব।” তাদের কিছুতেই নিবৃত্ত করা গেল না। শেষে বললাম, “প্রতিদান হিসাবে নয়, তোমাদের সঙ্গে জীবনের কয়েকটা মুহূর্ত কেটেছে, তার স্মৃতি-হিসাবে তোমাদের একটি প্রতিকৃতি এঁকে নিই।” যাবার দিন মারিয়া এন্কারনাকে স্পেনের বর্তমান অবস্থা সম্বন্ধে লিখে জানাতে অনুরোধ করেছিলাম। লিখে জানান সম্ভব হয় নি। কিন্তু এন্কারনা একটি ছবিওয়াল পোস্টকার্ড পাঠিয়ে জানিয়েছিল স্পেনের বর্তমান অবস্থা কি। ছবিতে ছিল ভুলুষ্ঠিতা শোকাবনতা একটি নারীর প্রস্তরমূর্তি। লিখে বোধ হয় সে এত পরিষ্কার ক’রে জানাতে পারত না তাদের দেশের হতসর্বস্ব অবস্থাকে।

পয়লা সেপ্টেম্বর থেকে যুদ্ধ বেধে গেছে। পরিচিত সকলেই চলে গেছে। আমি পড়ে দিন গুণছি পাথের আশায়। অধ্যাপক জিওভানেল্লি বহবার অনুরোধ করেছিলেন তাঁর সঙ্গে গ্রামে গিয়ে থাকতে। এই সহানুভূতির জন্ত তাঁর কাছে আমি চিরকৃতজ্ঞ, কিন্তু ফিরবার বহু কারণ আমাকে তাগিদ দিয়ে ভাবিয়ে তুলল। একদিন আমার



রেজুঞ্জি ছেলেরা ও আমি

জিনিষগুলি জিওভানেল্লির কাছে নিয়ে গিয়ে বললাম, “জানি না ভাগ্যে কি আছে; বহুদিন আমার সংবাদ না পেলে

অনুগ্রহ ক’রে এগুলি আমার দেশের ঠিকানায় যেন পাঠিয়ে দেন।” তাঁর কাছে বিদায় নিয়ে খালি স্ট্রাকেশ হাতে কয়েক মিনিট রাস্তা চলতেই পাশের একটি পার্ক থেকে প্রচণ্ড শব্দে বিমান ধ্বংসী কামান গর্জে উঠল। এক মুহূর্তে রাস্তা জনশূন্য হয়ে গেল। কি করব ভাবতে পারছি না, হতবস্ব হয়ে গেছি। যে লোকের কামান দেখা দূরের কথা, এত কাছে বিস্ফোরণে তার মস্তিষ্ক বিকল হওয়া কিছু আশ্চর্য্য নয়। একটি পুলিশ ছুটে এসে কানের কাছে বাঁশী বাজিয়ে এক ধাক্কাই আমায় ফুটপাথের এক প্রান্তে ঠেলে দিল। সামনের বাড়ীর দরজায় লেখা ছিল “আশ্রয়” (আশ্রয়)। ঢুকে পড়লাম। “কাভ”-এ (ভূগর্ভস্থ ঘর) নেমে দেখি কয়েকটি নেয়ে প্রায় উলঙ্গ অবস্থায় তাদের শিশুগুলি কোলে ক’রে বসে আছে। আতঙ্কে তারা যে যে অবস্থায় ছিল ছুটে আশ্রয়ে এসেছে, কাপড় পরবার সময়টুকু পর্য্যন্ত পায়নি। তাদের বিস্মৃত চুল, চোখের ভয়-বিস্ফারিত দৃষ্টি যুদ্ধের বীভৎসতাকে আমার সামনে প্রকট ক’রে তুলল। তারা শিশুগুলিকে নিজেদের কুক্ষিতে দৃঢ়ালিঙ্গনে চেপে ধরেছিল। নিজেদের শরীর দিয়ে ঢেকে সন্তানকে আরো নিরাপদ করবার আশ্রয় প্রয়াসে মনে হচ্ছিল তারা আশ্রয়েও নিরাপদ অনুভব করছে না। সকলের চোখ দিয়ে অশ্রু অবিরলধারে পড়ছিল, আর মাঝে মাঝে কাতরোক্তি যেন তাদের বুক চিরে বেরুচ্ছিল, “হায় আমাদের এ কি সর্বনাশ হ’ল!” কারো স্বামী, ভাই বা বাপ যুদ্ধে চলে গেছে। অনেকের আত্মীয়স্বজন বিগত মহাযুদ্ধ-বৈতরণীর পার থেকে ফিরে এসেছে। এরা কেউই হয় ত তখন ভাবেনি আবার তাদের ফিরে যেতে যবে যুদ্ধ-দেবতার খর্পর রুধিরে ভরে দিতে। পুরুষ যুবক হয়ে, এদের মাঝে কাপুরুষের মত দাঁড়িয়ে থাকতে লজ্জা হ’ল, উপরে উঠে এলাম। সব সময় প্রাণের ভয়ই যে বড় হয়ে ওঠে না, সেদিন তা মর্মে মর্মে অনুভব করেছিলাম। পারিপার্শ্বিক অবস্থা ও তার প্রভাব অতি কাপুরুষকেও কামানের মুখে দাঁড় করিয়ে দিতে সক্ষম। আমাদের দেশে ভীকু বলে নিন্দিত শ্রমিক চাষীরাও আত্মদান ক’রে তার প্রমাণ দেখিয়েছে।

পাথের মিলেছে। ফিরবার জন্ত জাহাজও পাওয়া গেছে। কিন্তু আনন্দ কি দুঃখ হচ্ছে তা বুঝলাম না। অন্তত আনন্দের উল্লাস বা দুঃখের তীব্রতা কোনটাই অনুভব

করিনি। স্টেশনে উপস্থিত হয়ে দেখি, ছিন্ন মলিন পোষাকে বিষণ্ণ মুখে কয়েকজন রেফুজি প্রেতের মত দাঁড়িয়ে। ঘণ্টা বাজল, রেলের কর্মচারীরা “আঁ ভোয়াতুর সিলভুপ্লে” (যাত্রীরা অনুগ্রহ করে গাড়ীতে উঠুন) বলে চীৎকার করতে লাগল। তারা একে একে আমার হাত চেপে ধরে বিদায় জানাল। মুখে কিছু বলবার ভাষা আমাদের ফুরিয়ে গিয়েছিল। কিন্তু ঐ সামান্য চাপেই অনুভব করেছিলাম অন্তরের অকৃত্রিম বিচ্ছেদ বেদনাকে। আর কোন দিন তাদের

সঙ্গে দেখা হবে কি-না জানি না। বহুদূরের বিদেশী ভালবাসার বোঝা বড় ভারী। গাড়ী ছাড়বার জন্ত বাঁশী বাজল। রুমাল বা হাত নেড়ে বিদায়ের অভিনয়কে দীর্ঘ করার ইচ্ছে হয় নি। বিদায়ের শেষ মুহূর্তে তাদের মুখের ভাব দেখবার মত সাহসও ছিল না। সামনের জানালার পর্দাটা কাঁচের উপর টেনে দিলাম। ইউরোপের সামান্য কয়েকমাসের বাস্তব ছবিকে চোখের সামনে থেকে মুছে দিতে পেরেছি কি-না অন্তরই সে প্রশ্নের জবাব দেবে।

## সতী প্রয়াণে

মহারাজা শ্রীযোগীন্দ্রনাথ রায়

তুমি চলে গেলে সতী,

শান্তিময় স্বর্গলোকে—

মোরা রহু দূরে—

হেথা কেন থাকিবে গো ?

যখন যাইতে পার

স্বরগের পুরে ?

মাতৃরূপে দেখেছিহু

তোমারে গো ওগো সতী

কিবা কব আর

করণায় ভরা আঁখি

কে বলিবে দেখে নাই

এপারের পার ?

যদি সবই জেনেছিলে

কেন তবে চলে গেলে

সব কিছু ফেলে ?

জীবন-সঙ্গীরে তব

তব রাজ্য, তব সব

তব মেয়ে-ছেলে।

অন্তরাল হতে তুমি

একবার দেখ নিজে

নিচেকার ছায়া।

দুঃখ পাবে জানি তাহা

মন তব কবে আহা !

এতো নহে মায়া।

প্রসন্ন কালিকা মাতা

প্রসন্না তোমার প্রতি

সত্য ইহা, মিথ্যা কভু নয়।

সতী গেল স্বর্গপুরে

সঙ্গীতের সুরে সুরে

সুরহীনা সে কি কভু রয় ?



# সাক্ষী

শ্রীস্বধাংশুকুমার ঘোষ বি-এস-সি

কলিকাতা থেকে মোটরে আমি দুইজন বন্ধুকে সঙ্গে নিয়ে রামগড় কংগ্রেসে ভিজিটার হ'য়ে গিয়েছিলাম। অধিবেশনের দিন প্রাতে আকাশে মেঘের ঘটা দেখে বৃষ্টি আরম্ভ হবার আঙ্গাই আমরা মজহরপুরী ত্যাগ করেছিলাম। ফেরবার পথে রাজরঙ্গার ৩ ছিন্নমস্তার প্রাচীন প্রস্তর মন্দির দেখে যাবার আমার খুব ইচ্ছা হয়েছিল। সঙ্গী বন্ধুদ্বয় সময়ভাবে রাজরঙ্গা যেতে রাজী হলেন না। আমি তাঁদের রাঁচি রোড স্টেশনে তুলে দিয়ে নিজে মোটরে রাজরঙ্গা অভিমুখে ড্রাইভার সহ রওয়ানা হলাম। চিতরপুরের মিশন হাসপাতালে বিহারের সাব-ডেপুটি ৩ দুলালহরি ঘোষের স্মৃতি-ফলকও দেখবার ইচ্ছা ছিল। সেখানকার হাসপাতালের ডাক্তার মুখার্জির নামে একজন বন্ধু একটি চিঠি দিয়েছিলেন। ডাক্তার মুখার্জি উক্ত বন্ধুর আত্মীয়। পথে চিতরপুর থেকে একটা গাইড্ সঙ্গে নেবো ঠিক ছিল। ছোটনাগপুরের ছোট ছোট পাহাড় ও জঙ্গলের ভেতর দিয়ে—উঁচু পাথরের রাস্তা। এক এক স্থানে এমন বঁক আছে যে সামান্য বেতাল হ'লে মোটর আরোহী সহ ষাট ফিট পর্যন্ত নীচে গিয়ে পড়তে পারে। এই অঞ্চলের জঙ্গল কংসরাজার কয়েদখানা রূপে ব্যবহৃত হ'ত—এরূপ প্রবাদ আছে। ছোট ছোট নদীর ওপর বড় বড় পুল বাধা আছে। নদীগুলি গ্রীষ্মকালে কেবল বালুগর্ভ—কিন্তু বর্ষাকালে ভীষণা ধরস্রোতার আকার ধারণ করে। চিতরপুরে যখন পৌঁছলাম, ডাক্তার নিকটস্থ লারী নামক গ্রামে রোগী দেখতে গেছিলেন। 'মেমসাহেব'ও সঙ্গে গেছিলেন। লারী গ্রামে অনেক বাঙ্গালীর বাস আছে। ডাক্তারের ছোট বাংলোর সংলগ্ন আর একটি ছোট বাংলো আছে। সেটি ভিজিটার্স্ রেস্ট্ হাউস্ রূপে ব্যবহৃত হয়। আমি ডাক্তারের অস্থপস্থিতিতে সেই রেস্ট্ হাউসে আশ্রয় নিলাম। ইচ্ছা ছিল, পরদিন প্রত্যুষে একজন গাইড্ সঙ্গে নিয়ে রাজরঙ্গা রওয়ানা হব। ড্রাইভার আমার মোটর নিয়ে মাইলখানেক দূরে এক গ্যারেজে বিশ্রাম করতে গেল। দ্বিপ্রহরে এক ঘুম ঘুমিয়ে উঠে দেখলাম—আকাশে

মেঘের ছুটাছুটি লেগে গেছে—পশ্চিম আকাশ ঘোর কৃষ্ণবর্ণ ধারণ করেছে। একটু পরেই ঠাণ্ডা হাওয়া দিয়ে মুম্বলধারে বৃষ্টি এসে পড়ল। অল্পক্ষণ মধ্যেই রাস্তাঘাট প্রবল বৃষ্টিতে ভ'রে গেল। বাংলোর নিকটস্থ 'গান্ধীজমী' নামক নালাটি এক পার্কতা খরস্রোতে পরিণত হ'ল। ডাক্তারের বাংলোর দিকে মুখ ক'রে আমি নিজের ঘরে বসেছিলাম। ডাক্তারের 'বয়' একটি পাঁচবৎসরের বালিকাকে তার পিতামাতার ফেরবার আর দেবী নেই—এইরকম বোঝাচ্ছিল। ভীষণ বর্ষায় তার পিতামাতার জন্ম মেয়েটি একটু ব্যাকুল হয়েছে—বোঝা গেল। মেয়েটিকে খাওয়াতে সে চেষ্টা করছিল—কিন্তু সে কিছুতেই খেতে রাজী ছিল না। হঠাৎ মেয়েটি জোর ক'রে 'বয়ে'র হাত ছাড়াতে গিয়ে সিমেন্টের মেঝের ওপর প'ড়ে গেল। তৎক্ষণাৎ চীৎকার ক'রে সে কেঁদে উঠল। কান্নার সুরের মধ্যে বেদনা অপেক্ষা পিতামাতার দীর্ঘকাল অস্থপস্থিতির অভিমানের অভিব্যক্তি আমার কাণে বেশী লাগল। বৃষ্টির মধ্যে ছুটে চ'লে এসে আমি তাকে কোলে নিলাম। অপরিচিতের কোলে উঠে সঙ্কোচে ও বিস্ময়ে সে কান্না বন্ধ করল, কিন্তু ফোঁপাতে লাগল। তার গা ঢেকে আমি তাকে নিজের ঘরে নিয়ে গেলাম। সেখানে আর্নিকা মাদার টিঞ্চারের পটি তার বেদনার স্থানে দিয়ে আর্নিকা ৬ ক্রম তাকে খাইয়ে দিলাম এবং তার হাতে রামগড়ের মেলায় কেনা দুটো পুতুল, বিস্কুট, লেবেনচুস প্রভৃতি ঘুষ দিয়ে তাকে শান্ত করলাম। সে খুশী হ'য়ে আমার দিকে দেখতে লাগল। নাম জিজ্ঞেস করায় সে বলল—তার নাম সুধীরা, তার মা তাকে সুধী ব'লে ডাকেন। আমার মনটা কেমন ছাঁক ক'রে উঠল। আমার নিজের নাম সুধীর। কিছুক্ষণ তার সঙ্গে গল্প করার পর সে ঘুমিয়ে পড়ল—তাকে আমার বিছানায় শুইয়ে দিলাম। রাত্রি আটটা নাগাদ আকাশ বেশ পরিষ্কার হ'য়ে যাওয়ার পর সপ-স্বীক ডাক্তার তাঁর মোটরে ফিরলেন। মোটর থেকে নেমেই মেমসাহেব মেয়ের শোবার ঘরে মেয়েকে দেখতে গেলেন। বয় তখন ভয়ে ভয়ে সন্ধ্যার ঘটনা সব বললে।



মেমসাহেব বেশ পরিবর্তন না ক'রেই আমার বাংলায় প্রায় ছুটে এলেন। আমি ইঙ্গিতে নিদ্রিতা স্নুধীরাকে দেখিয়ে দিলাম। তিনি আমাকে সক্রতজ্ঞ ধনুবাদ জানিয়ে মেয়ে নিয়ে নিজের ঘরে উঠলেন। আমি বারান্দায় দাঁড়িয়ে-ছিলাম—ঘরের আলো মুখে পড়ায় চিন্তে পারলাম, ডাক্তার মুখার্জির জায়া ওরফে 'মেমসাহেব' আমার পোস্ট গ্র্যাজুয়েট ক্লাসের সহপাঠিনী বীথিকা ব্যানার্জি। বীথিকা বারান্দায় পৌঁছে স্নুধীরাকে জাগিয়ে তার মুখে চুমু দিয়ে তার অভিমান ভাঙালো। এদিকে ডাক্তার 'বয়ে'র কৈফিয়ৎ শুনতে শুনতে ক্লাস্তদেহে হঠাৎ ধৈর্য হারিয়ে তাকে এমন পদাঘাত করলেন যে, সে বেচারী ধাক্কা সামলাতে না পেরে দূরে ছিটকে পড়ল। ভয়ে সে আধমরা হ'য়েই ছিল। পড়বার আগে তার মুখ থেকে মাত্র একটা অক্ষুট কাতরোক্তি বেরোল।

ডাক্তার রাগে গম্ গম্ ক'রতে ক'রতে কাপড় চোপড় ছাড়তে উঠলেন। আমার ঘরে আলো জ্বলতে দেখে, আমার বারান্দায় উঠে এলেন। প্রথমে মেয়েকে ফাস্ট-এড দেওয়ার জন্তু আমাকে ধনুবাদ দিলেন। তারপর আমার আগমন-উদ্দেশ্য, বন্ধুর পরিচয় প্রভৃতি জেনে আমাকে বললেন—পার্বত্য ভেড়া নদী এত বৃষ্টিতে ভীষণ আকার ধারণ করেছে। তার ওপর কোনও পুল নেই। সে নদী হেঁটে পার হ'য়ে রাজরপ্পায় মার মন্দিরে যেতে হয়। যদি আর বৃষ্টি না হয়, তবে চার-পাঁচ দিন অন্তত না অপেক্ষা করলে সে নদী হেঁটে পার হওয়া যাবে না। দামোদর ও ভেড়া নদীর সঙ্গমস্থলে জঙ্গলের মধ্যে মার মন্দির অবস্থিত। সেখানে বাঘের অত্যাচারের কথা প্রায়ই শোনা যায়। মনটা এসব শুনে বড় খারাপ হ'য়ে গেল। নিকটে খরস্রোতা গাঙ্গী-জমার গর্জন বাংলা থেকে শোনা যাচ্ছিল। কল্লার ক্রন্দন শুনে ডাক্তার নমস্কার ক'রে নিজের বাংলার বারান্দায় উঠলেন।

টিফিন বাস্কেটে খাবার ছিল—তাই খেয়ে নিয়ে বারান্দায় ইজিচেয়ারে চোখ বুজে পড়েছিলাম। চারিদিকে নিস্তব্ধতা ও অন্ধকার বিরাজ করছিল। ভাবছিলাম মানুষ কত রকম ভাবে, আর অদৃষ্টের অদৃশ্য সঙ্কেতে বাস্তবে তার কত ওলট-পালট হ'য়ে যায়। এই বীথিকার সঙ্গে আমার বিবাহ একরকম পাকাপাকি স্থির হ'য়েই ছিল। পরস্পরের

পরস্পরকে কত ভাল লাগত। আমি বিলাতে থাকতে প্রতি মেলে উভয়ের চিঠি লেখালেখি ছিল। সিভিল সার্ভিস পরীক্ষার ফল বেরোবার সঙ্গে সঙ্গে সব কি রকম বদলে গেল। 'ভাইভা ভোসি'তে আমি কিছু কম নম্বর পাওয়ার জন্তু পরীক্ষায় আমার স্থান নীচে হ'য়ে গেল। আই. সি. এন্স হ'তে পারলাম না। খবর বেরোবার পর বীথিকার চিঠি আসা বন্ধ হ'য়ে গেল। তার বাবা 'ফর্ম্যালি' হুঃখ ক'রে চিঠি লেখেন, আরও লেখেন—তোমার প্রতি আমার অনেক আশা ছিল—যা হোক, বীথিকে আর আটকে রাখা সম্ভব নয়, আগামী মাসে ডাক্তার মুখার্জির সঙ্গে তার ইত্যাদি। বীথিকার বাবার সে চিঠি পেয়ে আমি প্রায় পাগলের মত হয়ে গিয়েছিলাম। প্রবাসে একমাত্র মাতৃসমা ল্যাণ্ডলেডীর স্নেহচর্যায় অতি কষ্টে সে ধাক্কা সামলাতে পেরেছিলাম। আমার বাবা লিখলেন দ্বিতীয় বার সিভিল সার্ভিস পরীক্ষার জন্তু লগুনে থেকে প্রস্তুত হ'তে। কিন্তু সিভিল সার্ভিস পরীক্ষা দিতে আমি আর মনে জোর পেলাম না। ব্যারিস্টারী পরীক্ষা দিয়ে পাশ ক'রে কলকাতা ফিরলাম। তারপর কয়েক বছর কেটে গেছে। বাবা মারা গেছেন। সংসারে এখন আমি একলা—সম্পূর্ণ একলা। তাই খেয়াল-গুলো কিছু উদ্দাম। রাজরপ্পা যাব ব'লে ক'লকাতা থেকে বেরিয়েছি—এতদূর এসে ফিরে যাব কি না ভাবছি—চোখ বুজে—আপন মনে। হঠাৎ মাথার কাছে 'স্নুধী' 'স্নুধী' ডাক শুনলাম। এই নামে বীথি আমাকে ডাকত। মনে হ'ল ঘুমিয়ে পড়েছি, আর স্বপ্ন দেখছি। সেই ডাক আবার শুনলাম। চোখ মেলে দেখি, বীথি মাথার কাছে চেপ্টারে গা দিয়ে আমাকে ডাকছে। আমি উঠে তাকে একটা চেয়ারে ব'সতে দিলাম। সে আমার হাত ধ'রে কাঁদ কাঁদ স্বরে বললে—কি হবে স্নুধী, বয়টা যে ম'রে গেল! আমি চমকে উঠলাম। বীথি আমার হাত দুটি ধ'রে তার ওপর মাথা রেখে ফুঁপিয়ে ফুঁপিয়ে কাঁদতে লাগল। আমি বললাম, কি ছেলেমানুষী ক'রো, ডাক্তার মুখার্জি এখনই দেখতে পেলো কি মনে করবেন! সে জানালো—ডাক্তার প্রচুর বিয়ার পান ক'রে অচেতন হ'য়ে আছে; এমনই ভাবে তার দাম্পত্য জীবনের প্রতিটি দিন কাটছে। মেয়েটি যদি তাদের মধ্যে না আসত, তাহ'লে সে এতদিন নিশ্চয় বিব

খেয়ে মরত। আমি তাকে সাহুনা দিলাম এবং স্থির হ'তে বললাম। আমার সহানুভূতি পেয়ে সে বালিকার মত আমার কোলে মাথা রেখে ফুলে ফুলে কাঁদতে লাগল। সে ব'লে যেতে লাগল—আমার দিক থেকে তুমি যে রকম ব্যবহার পেয়েছ, তথাপি তুমি আমার ওপর এত অনুকম্পা দেখাচ্ছ। আমার মা'র ইচ্ছা ছিল না তোমার সঙ্গে এনগেজ্-মেন্টে ভাগা। কিন্তু বাবা কিছুতেই সে সময় ডাক্তারকে হাতছাড়া করতে রাজী হ'লেন না। আমার শেষ চিঠির উত্তর তোমার কাছে পাবার আশায় কত অছিলায়, কত কষ্টে আমি বিয়ে আটকে রেখেছিলাম, তা কেবল আমি জানি। সে চিঠির যখন কোন উত্তর পেলাম না, তখন আমার সব জোর চ'লে গেল। পরে জেনেছিলাম, আমার লেখা সে চিঠি তোমার কাছে যেতে দেওয়া হয় নেই।

বীথিকার বাক্যশ্রোতে বাধা দিয়ে বললাম, বয়টার মৃতদেহের কি ব্যবস্থা হবে? বীথিকা ব'ললে, নেশার ঘোরে ডাক্তার একবার বলেছিল, গাঙ্গীজমীর শ্রোতের মুখে ফেলিয়ে দাওগে। জলে ডুবে মরেছে ব'লে দেবো। আমি ভাবলাম, ডাক্তার হ'য়ে যদি মুখার্জির এই মত হয়, তা হ'লে তার নেশা খুব হয়েছে। কারণ এ হ'ল মৃতদেহে বিষ গিলিয়ে বা ফুঁড়ে দিয়ে বিষ খেয়ে মরেছে বলবার চেষ্টার মত। রিগর মর্টিস আরম্ভ হবার পর ধমনীতে রক্ত সঞ্চালন আশা করার জায় মেডিকাল জুরিস্‌প্রুডেন্সের অভিজ্ঞতা কোনও ডাক্তারের সজ্ঞানে হ'তে পারে না।

বীথিকাকে সাহুনা দিয়ে তার ঘরে পাঠালাম। আমার মনটা খুব খারাপ হ'য়ে গেল। বারান্দায় লঘু পদক্ষেপে পায়চারি করছি। রাত প্রায় এগারটা। ডাক্তার মুখার্জি ভয়াবহভাবে আমার কাছে এলেন। আমি বিস্মিত হ'য়ে মুখের দিকে চাইতে তিনি বললেন, সন্ধ্যায় একটা গ্যাকসিডেন্ট হ'য়ে গেল, আপনি ব্যারিস্টার, বলুন ত'—ইন্টেনশান্ টু কিল্ না থাকলে এতে কন্‌ভিকশান্ হ'তে পারে? আমি বললাম, 'মার্ডার চার্জে না হ'লেও গ্রিভাস্ হার্টের চার্জে ৩২৬ ধারায় হ'তে পারে। 'ইন্টেনশান্' ছেড়ে আপনি 'প্রভোকেশান্', 'সেল্‌ফ্-ডিফেন্স্', 'গ্যালিবি' প্রভৃতির 'ডিফেন্স্' দিলে কিছু সুবিধা হ'তে পারে। ডাক্তার বললেন, তার ত 'ইন্ডিপেন্ডেন্ট্ উইটনেস্' চাই। আমি আকাশ থেকে পড়লাম। সামনে চেয়ে দেখি বীথিকা

আমার ঘরের দিকে উন্মুখ হ'য়ে নিজের বাংলোর বারান্দা থেকে চেয়ে আছে। আমি হঠাৎ ব'লে ফেললাম, আপনি 'গ্যালিবি ডিফেন্স্' দেবেন, আমি সাক্ষী দেবো। ডাক্তার আমার পায়ে হাত দিয়ে ব'লে উঠলেন, ভগবান আমাকে বাঁচাবার জন্ত আজ আপনাকে এখানে পাঠিয়েছেন। আপনি এখানে থাকুন, নদীর জল একটু কম হোক, আমি আপনাকে সঙ্গে নিয়ে রাজরপা যাব। মিশনের চাকরদের ডাকাডাকি করে 'বয়'টার মৃতদেহ সংকারের ব্যবস্থা হ'ল। তারা জান্নল বৈকালে ডাক্তার সাহেবের অনুপস্থিতিতে 'বয়ে'র বুকে একটা ব্যথা ওঠে। সে কথা আমাকে বলে সে শুয়েছিল। তার পর তাকে আর দেখা যায় নাই। ডাক্তার ফিরে এসে পরীক্ষা ক'রে দেখেন সে হার্টফেল হ'য়ে মারা গেছে। পরদিন প্রাতে মিশনের একজন ধর্মযাজক আমার উক্ত মর্মে একটা স্টেটমেন্ট লিখে নিলেন। আমি নির্বিকার-চিত্তে 'স্টেটমেন্টে' সই ক'রে দিলাম। ধর্মযাজক ব'ললেন, ডাক্তার মুখার্জি তাঁদের মধ্যে খুব 'পপুলার ফিগার'। গুঁর চিকিৎসায় সকলের খুব রোগ সারে। তিন বৎসর বিলাতে ডাক্তার মুখার্জির অধ্যয়নের সুখ্যাতি ক'রে এবং আমার করমর্দন ক'রে তিনি চ'লে গেলেন।

ডাক্তার মুখার্জি তারপর আমাকে পেয়ে বসলেন—বীথিকার সঙ্গে আলাপ ক'রতে ব'ললেন। ঘণ্টাখানেকের মধ্যে হাসপাতালে গিয়ে ৬তলালহরিবাবুর দান আলমারী, যন্ত্র ও স্বত্বফলক দেখে এলাম। ডাক্তার মুখার্জি হাসপাতালের কাজ সেরে যখন বাংলায় ফিরলেন, তখন দেখলেন বীথিকার সঙ্গে আমার আলাপ বেশ জমে গেছে। তিনি আমাকে বললেন—বীথিকা অতি সহজেই সকলের সঙ্গে আলাপ করতে পারে—এটা তার মস্ত গুণ। বীথিকা আমার 'প্ল্যান্ অফ্ লাইফ্' সম্বন্ধে সব জেনে নিয়েছিল। আমি যখন তাকে বললাম, পরজন্মে যদি বিয়ে করা ভাগ্যে থাকে, তবে হবে—এ জন্মে হল না—তখন তার মেয়েকে আমার কাঁধে ফেলে দিয়ে সে খুব গা ঘেঁষে দাঁড়াল। আমার তখন মনে হ'ল—পোস্ট্ গ্র্যাডুয়েট ক্লাসে আমরা কাল পর্যন্ত পড়েছি। মাঝের সব ঘটনা স্বতি থেকে মুছে গেছে।

বীথিকা আমাকে নিজে রেঁধে খাওয়াল। চার দিন পরে আমাদের রাজরপা যাবার দিন স্থির হ'ল। দুপুরে

ভারতবর্ষ



শিল্পী—ঈশ্বর প্রসন্ন চক্রবর্তী

বুলবুল

ভারতবর্ষ প্রিন্টিং ওয়াকস্



নিজের ঘরে একটু ঘুমোলাম। একটা সুখস্বপ্ন দেখে ঘুম ভেঙ্গে গেল। উঠে শুন্লাম, ডাক্তার ও 'মেমসাহেব' নিকটস্থ পোনা গ্রামে মোটরে বেড়াতে গেছেন। একটু পরে তাঁরা যখন ফিরলেন, আমি ততক্ষণ নিজের জিনিষপত্র গুছিয়ে মোটরে তুলে ফেলেছি। ডাক্তার ব্যস্ত হয়ে কারণ জিজ্ঞাসা করলেন—আমি বললাম চার-পাঁচ দিন ব'সে থাকার ছুটি নেই! আকাশ পরিষ্কার হ'য়ে গেছে, তাই কলকাতা ফিরে যাচ্ছি। বীথিকা সুধীরাকে আমার কোলে

তুলে দিল। তাকে কয়েকটা চুমু বখশিস্ দিয়ে ডাক্তারের কোলে তুলে দিলাম। গুঁরা বারান্দায় উঠতে উঠতে au revoir ব'লে বিদায় জানালেন। আমি মোটরে উঠে বসলাম, ড্রাইভার স্টার্ট দিয়ে দিল। গান্ধীজমীর উঁচু পুণের ওপর গাড়ী যখন উঠল—একটা বেক পার হ'য়ে—ঘাড় ফিরিয়ে দেখি বীথিকা তখনও বারান্দায় দাঁড়িয়ে রয়েছে—সুধীরাকে কোলে নিয়ে। রাজরঞ্জা দর্শন কপালে নেই, বুঝলাম।

## ভারতচন্দ্র

### শ্রীভোলানাথ সেনগুপ্ত

রূপনগরীতে রসের পসরা  
বেসানি করিতে গিয়া,  
কবি-সদাগর রায়গুণাকর  
ফিরিলে কলঙ্ক নিয়া ॥ ১ ॥

যে কলঙ্কে কলঙ্কিলে লেখনী তোমার,  
বৃথা কাল নিল তাহা মুছিবার ভার।  
অশ্লীল বলিয়া লোকে মনে বাসে রাগ,  
সহজে ছাড়ে না তোমা যদি পায় বাগ।  
আদিরসগতপ্রাণ সুরত-রসিক  
যেইজন, সেই পারে বৃথিতে সঠিক।  
শুনিতে কামনা বাড়ে বিদগধ-চিত্তে,  
মন্দমতি তব দোষ অক্ষম কহিতে।  
দোষকে করিয়া গুণ লয় যারা মনে  
দুষ্ট বলি তব কাব্য তাহার না গণে।  
পড়িতে পড়িতে মন ভুলি কোন্ ছলে,  
মজ্বিতে মজ্বিতে ডুবে যায় রসাতলে!  
হে ভারত, কবিদলে হয়ে সমাসীন,  
লোকচক্ষে সর্বজনে করিয়াছ হীন।

ভাষার নগরে ভাবের পসরা  
বেসানি করিতে গিয়া,  
কথাখে কাটিয়া হৃদয়ের গাঁটি  
ফিরিলে স্ময়শ নিয়া ॥ ২ ॥

রচিলে যে রসকাব্য রায়গুণাকর,  
শব্দে, ছন্দে, অলঙ্কারে সর্বগুণাকর।  
ভাষারে পরালে তুমি নানা অলঙ্কার,  
বধুরূপা-মাতৃ-অঙ্গে-দিব্য-অলঙ্কার।  
বিদগ্ধজনের মুখে শুনি এইরূপ,  
রূপ গুণ বিচারিতে আগে চাই রূপ।  
কাঁচা-সোনা দিয়ে গড়ি উপমার হার,  
যতনে মাতার কর্ণে দিলে উপহার।  
রূপাতে রচিলে তুমি রূপকের মল,  
জননী চরণে তাহা করে ঝলমল।  
স্বভাবোক্তি, কাকু, শ্লেষ, বক্রোক্তি যমক,  
মণি-সম মাঝে মাঝে বাড়ায় জমক।  
সাবধানে ধরি দেখি বিচারের তুল,  
ভাষাতে অপরে নহে ভারতের তুল।

কলঙ্ক=অপবাদ, কালি। রাগ=ক্রোধ, অমুরাগ। আদিরস=কামরস, আদি=ঈশ্বর। সুরত=উত্তম কাব্যে রত, অশ্লীল কাব্যে।  
বিদগ্ধ=বি-দগ্ধ (পোড়া), বিদগ্ধ=বিদ্বান। গুণ=গুণন, (multiply), গুণ=(qualification)।

# গোবিন্দচন্দ্র ও ময়নামতী

অধ্যাপক শ্রীবিজনবিহারী ভট্টাচার্য এম-এ

বাঙ্গালা দেশে রাজা গোবিন্দচন্দ্র বা গোপিচাঁদের নাম তেমন সুপরিচিত নয়। কিন্তু বাঙ্গালা সাহিত্যের ইতিহাসে গোবিন্দচন্দ্র এবং তাঁহার মাতা ময়নামতীর একটি বিশিষ্ট স্থান আছে। বাঙ্গালা দেশের উত্তরাংশে গোবিন্দচন্দ্রের কাহিনী অবলম্বনে যে সব গ্রাম্য গাথা এবং গান প্রচলিত আছে তাহার সংখ্যা নিতান্ত অল্প নয়। গোবিন্দচন্দ্রের কাহিনী বিষয়ক কয়েকটি পুস্তকও প্রকাশিত হইয়াছে। গোবিন্দচন্দ্র বা তাঁহার মাতার জীবনকাহিনী সর্বসাধারণের কাছে প্রচার করা এই সকল পুস্তকের উদ্দেশ্য নহে। সম্পাদকগণ ভাষা সাহিত্য এবং ধর্মের তত্ত্বপিপাসু পণ্ডিতের এবং তত্ত্বাশ্বেষী বিদ্বান্ধীর সাহায্যকল্পেই এই সকল পুস্তক প্রকাশে মনোযোগী হইয়াছেন।

গ্রিয়ার্সন সাহেবের সংকলিত “মাণিকচন্দ্রের গান”, নলিনীকান্ত ভট্টশালী ও বৈকুণ্ঠনাথ দত্ত সম্পাদিত “ময়নামতীর গান”, নলিনীকান্ত ভট্টশালী সম্পাদিত “গোপিচাঁদের গীত”, শিবচন্দ্র শীল সম্পাদিত “গোবিন্দচন্দ্র গীত”—গোপিচাঁদের আখ্যান প্রসঙ্গে এই পুস্তকগুলির নাম উল্লেখযোগ্য। কিন্তু বটতলা বা বঙ্গবাসী সংস্করণ পুস্তকের দ্বারা যে কাজ পাওয়া যায় এ সমস্ত বইয়ের দ্বারা সে কাজ পাওয়া অসম্ভব, পাওয়ার আশা করাও উচিত নয়। আজ ফুল্লরা কালকেতু, বেহুলা লখিন্দর, লহনা খুলনা, শ্রীমন্ত ধনপতি বাঙ্গালীর কাছে যে ধরণের পুস্তকের সাহায্যে ঘরের লোক হইয়া উঠিয়াছে ময়নামতী বা গোপিচাঁদের আখ্যান সম্বন্ধে সে রকম পুস্তক বাঙ্গালা ভাষায় বিরল। প্রাদেশিক ভাষার রূপ অব্যাহত রাখিবার জন্য সুপণ্ডিত সম্পাদকগণ পুঁথির লেখা যেমন আছে তেমনই ছাপেন। তত্ত্বসঙ্কেত আছে তাহার মূল্য আছে, কিন্তু যে গল্প চায় তাহার কাছে সে ভাষার মূল্য কি?

আজ বঙ্গের এক উত্তরাংশ ব্যতীত অল্প কোথাও গোবিন্দচন্দ্রের নাম শোনা যায় না; কিন্তু বঙ্গের বাহিরে ভারতের অন্যান্য প্রদেশে এই বাঙ্গালী রাজার নামে গান ও কাহিনী অত্যাধিক প্রচলিত আছে।

উত্তরবঙ্গে প্রচলিত গোপিচাঁদের আখ্যানগুলি কিংবদন্তী অবলম্বনে রচিত। গোপিচাঁদ বিষয়ক যে সকল গ্রন্থ প্রকাশিত হইয়াছে, তাহাদেরও কোনোটির মধ্যে প্রকৃত ঐতিহাসিক তথ্য নাই। বস্তুতঃ আখ্যানকারগণ সাল তারিখ মিলাইয়া গোবিন্দচন্দ্রের জীবনচরিত লিখিতে বসেন নাই। চমৎকার গল্প শুনাইয়া শ্রোতা ও পাঠকের মনোরঞ্জন করাই তাঁহাদের উদ্দেশ্য ছিল। দু-দশ জায়গায় সত্যের অপলাপ হইবে না—এমন প্রতিজ্ঞা করিয়া তাঁহারা গল্প রচনা করেন নাই।

প্রকাশিত যে কয়টি গ্রন্থের নাম করা হইয়াছে এগুলিও গ্রামাঞ্চলে প্রচলিত আখ্যান ও কিংবদন্তীরই অসংস্কৃত সংস্করণ; ছাপার অক্ষরে মুদ্রিত হইলেও মৌখিক উপন্যাসের সহিত ইহাদের প্রকৃতিগত মিল আছে। ইহারাও গল্প মাত্র, ইতিহাস নহে।

তবে এই সমস্ত গল্পের মধ্যে অনেক বিষয়ে মিল আছে। চরিত্রের নামে, স্থানের নামে এমন কি কাহিনীর নানা অংশেও ভিন্ন ভিন্ন বইয়ের মধ্যে কিছু কিছু সঙ্গতি দেখা যায়। মূল কাহিনীতে মিল তো আছেই।

প্রকাশিত সব কয়টি গ্রন্থ অবলম্বন করিয়া বাঙ্গালী রাজা গোবিন্দচন্দ্র এবং তাঁহার মাতা ময়নামতীর কাহিনীটি সংকলন করা হইয়াছে। গোবিন্দচন্দ্রের ইতিহাস সম্বন্ধে যোগেশচন্দ্র রায় বিদ্বানিধি, স্বর্গীয় দীনেশচন্দ্র সেন, নলিনীকান্ত ভট্টশালী প্রমুখ উপাধ্যায়গণ অনেক আলোচনা করিয়াছেন, এক্ষণে কাহিনীটি জনসাধারণের মধ্যে প্রচারিত হউক এই কামনা করি। বাঙ্গালা দেশের যাত্রা, থিয়েটার এবং সিনেমায় খাঁটি বাঙ্গালার কাহিনীগুলি বরাবর সমাদৃত হইয়া আসিতেছে। চণ্ডীমঙ্গল, মনসামঙ্গল, ধর্মমঙ্গল—এমন কি পূর্ববঙ্গের ছড়াগুলিও নাট্যরূপ পাইয়াছে। গোবিন্দচন্দ্রের কাহিনীর মধ্যে নাট্যসম্ভাবনা অল্প নয়। এ বিষয়ে তাঁহারা চিন্তা করেন তাঁহাদের দৃষ্টি আকর্ষণ করি।

প্রায় নয় শত বৎসর পূর্বে মেহারকুল অঞ্চলে তিলকচন্দ্র নামক এক প্রজারাজক ও পুণ্যশীল নরপতি রাজত্ব

করিতেন। তাঁহার দুই কন্যা, জ্যেষ্ঠার নাম ময়নামতী এবং কনিষ্ঠার নাম সিন্দুরমতী। তখন বিক্রমপুরের রাজা ছিলেন মাণিক্যচন্দ্র। এই মাণিক্যচন্দ্র বা মাণিকচাঁদের সহিত রাজকন্যা ময়নার বিবাহ হয়। কিন্তু বিবাহকালে বয়স অত্যন্ত অল্প ছিল বলিয়া ময়না পিতামাতাকে ছাড়িয়া এক সঙ্গে অনেক দিন খণ্ডুরালয়ে থাকিতে পারিতেন না, মধ্যে মধ্যে পিত্রালয়ে আসিয়া বাস করিতেন।

সেইকালে গোরক্ষনাথ নামক এক সিদ্ধ যোগীর আবির্ভাব হয়। তিলকচন্দ্রের রাজবাটিতে এই যোগীর যাতায়াত ছিল, সেখানে তিনি বালিকা ময়নামতীকে প্রায়ই দেখিতেন। ময়নাকে দেখিয়া তাঁহার মনে স্নেহের সঞ্চার হইল। তিনি মনস্থ করিলেন, ইহাকে মহাজ্ঞান শিক্ষা দিবেন। অনন্তর বালিকার সম্মুখে গোরক্ষনাথ স্বীয় অভিপ্রায় ব্যক্ত করিলে ময়নামতী সানন্দে তাঁহার নিকটে দীক্ষা লইতে সম্মত হইলেন। দীক্ষা দানের জন্ত যে সমস্ত অমুল্যবানের প্রয়োজন সে সকল সম্পন্ন হইলে মন্ত্র গ্রহণের যোগ্যতা পরীক্ষা করিবার জন্ত যোগিবর ময়নামতীকে দ্বাদশ বৎসরের আহাৰ্য মুহূর্ত মধ্যে প্রস্তুত করিবার জন্ত আদেশ দিলেন। আজ্ঞামাত্র ময়না পুরীমধ্যে প্রবেশ করিয়া কাঁচা হাঁড়ি ও কাঁচা পাতিলে অন্ন রন্ধন করিলেন এবং সোনার খালে সেই অন্ন বাড়িয়া ঘৃত, ‘আউটা দুধ’ এবং ‘চম্পা কলা’ সহযোগে তাহা গুরুর নিকট উপস্থিত করিলেন। তখন—

“অন্ন লইয়া গোরক্ষনাথ মনে মনে ঘুণে।

সতী কি অসতী কন্যা বুঝিব কেমনে।”

সতীত্ব পরীক্ষার নিমিত্ত

“বার সূর্যের তাপ সিদ্ধা তলপ করিল।

যতেক সূর্যের তাপ মৈনার গায়ে দিল।”

এক সূর্যের তেজই মানুষ সহ্য করিতে পারে না কিন্তু দ্বাদশ সূর্যের তেজ ময়নামতী অবলীলাক্রমে সহ্য করিলেন। গোরক্ষনাথ বুঝিলেন এই কন্যার চরিত্র নিঃকলঙ্ক। ময়নার হস্তের অন্ন গ্রহণে আর কোন বাধা রহিল না দেখিয়া গোরক্ষ যোগী আহাৰে বসিলেন এবং ময়নামতী ভক্তি সহকারে গুরুর মস্তকে আরাধিছত্র ধরিয়া রহিলেন।

“তা দেখিয়া গোরক্ষনাথ মনে মনে গুণে।

এমন স্নন্দরী যাইবে যমের ভবনে ॥”

না, যেমন করিয়াই হউক ইহার মৃত্যু রহিত করিতে হইবে। এই মহীরসী রমণীকে অমর করিয়া মেহেরকূলে একটা কীর্তি রাখিয়া যাইব। ইহা স্থির করিয়া গোরক্ষনাথ সেই দিন হইতেই শিষ্যার শিক্ষা দীক্ষায় মনোযোগ দিলেন। তীক্ষ্ণ বুদ্ধি এবং গভীর অধ্যবসায়ের ফলে ময়নামতী অচিরকাল মধ্যেই মন্ত্রে তন্মুদ্রে বিচক্ষণ হইয়া উঠিলেন। গুরুর আশীর্বাদে জরা-মৃত্যু-ব্যাধি তাঁহার করতলগত হইল। স্বয়ং যমরাজ খত লিখিয়া দিলেন। তাঁহার শরীর অগ্নিতে দগ্ধ হইবে না, জলে ডুববে না, অস্ত্রে বিদ্ধ হইবে না। অধিক কি

“গুরু বোলে দিনে মৈলে মৈনামতী আই।

সূর্য বান্দি মাঙ্গাইব এড়া এড়ি নাই ॥

রাত্রিতে পড়িয়া মৈলে মএনামতী আই।

চন্দ্র বান্দি মাঙ্গাইব এড়া এড়ি নাই ॥”

মূৰ্খ স্বামীর ভাগ্যে বিদুষী পত্নী জুটিলে গৃহধর্ম পালন করা অনায়াসসাধ্য হয় না, সংসার পথ দুর্গম হইয়া পড়ে; মাণিকচন্দ্রেরও তাহাই হইল। স্ত্রীর শক্তির পরিচয় পাইয়া তিনি সর্বদাই সন্ত্রস্ত থাকিতেন। বাহিরে যতই পোকুস দেখান না কেন, মনে মনে তিনি স্ত্রীকে সর্বদাই ভয় করিয়া চলিতেন। এই হেয়তাবোধগ্রস্থি রাজা মাণিকচন্দ্রকে অষ্টপ্রহর পীড়িত করিতে লাগিল। ইতিমধ্যে আর একটা ব্যাপারে রাজা স্ত্রীর উপর ভয়ানক ক্রুদ্ধ হইলেন। একদিন ময়না ধ্যানে বসিয়া জানিতে পারিলেন যে মাণিক্যচন্দ্রের পরমাণু ফুরাইয়া আসিয়াছে। ইহা বুঝিতে পারিয়াই তিনি স্বামীকে বিরলে ডাকিয়া মহাজ্ঞান শিখিবার জন্ত অহুরোধ করিলেন। মহাজ্ঞান সাধন ব্যতীত বিধাতার নির্দিষ্ট পরমাণু বৃদ্ধি করিবার আর কোন উপায় নাই। আসন্ন মৃত্যু হইতে রক্ষা করিবার জন্ত পতিব্রতা পত্নী স্বামীকে সেই গুপ্ত মন্ত্র দান করিতে অভিলষী হইলেন।

কিন্তু স্ত্রীর নিকট হইতে মন্ত্র গ্রহণ করিতে মাণিক্যচন্দ্রের পোকুসে বাধিল। পুরুষ হইয়া নারীর নিকট শিষ্যত্ব গ্রহণ করিলে রাজ্যের লোক তাঁহাকে উপহাস করিবে, লজ্জায় লোকসমাজে তাঁহার মুখ দেখাইবার উপায় থাকিবে না। স্ত্রীলোক পুরুষের, বিশেষতঃ স্বামীর গুরু হয় এমন কথা তো

কেহ কোথাও শুনে নাই, কোন শাস্ত্রেও এরূপ বিধান দেখা যায় না। তিনি বীরের জায় উত্তর করিলেন—

“জন্মিলে মরণ আছে সর্বলোকে কএ।

আমি হব নারীর সেবক মরণের ভয়ে ॥”

অকালে মরি মরিব তথাপি স্ত্রীকে গুরু বলিয়া স্বীকার করিতে পারিব না। এই পৌরুষদর্পীর দৃঢ় প্রতিজ্ঞা বিচলিত হইবার নয়—ইহা বুঝিতে পারিয়া ময়না অতিশয় শঙ্কিত হইয়া উঠিলেন। কারণ তিনি জানিতেন মহাজ্ঞান ব্যতীত মৃত্যু দেবতার আক্রমণ রোধ করিতে পারে এমন শক্তি বিশ্বব্রহ্মাণ্ডে আর কাহারও নাই।

দৈব অলঙ্ঘনীয়, তাহা না হইলে রাজা মন্ত্র গ্রহণ করিতে অসম্মত হইবেন কেন? ময়নামতী বারংবার ইহাই ভাবেন। হায় হায় শক্তি থাকিতেও পতির প্রাণ রক্ষা করা অসম্ভব হইল? একবারে নিরাশ না হইয়া পুনরায় চেষ্টা করিলেন, যদি রাজার মতের পরিবর্তন হয়, কিন্তু রাজার সেই উত্তর—প্রাণের জন্ত কাতর হইয়া পত্নীর নিকটে জ্ঞান লইব না। স্ত্রীর শিষ্য হইয়া প্রাণলাভ করা অপেক্ষা মৃত্যুও অনেক গুণে শ্রেয়। বার বার প্রত্যাখ্যাত হইয়াও ময়নামতী মধ্যে মধ্যে রাজাকে উপদেশ দিতে ছাড়েন না; অবশেষে রাজা ময়নার উপর অতিশয় বিরক্ত হইয়া আর কয়েকটি বিবাহ করিলেন এবং প্রথমা পত্নীর সাহচর্য যতদূর সম্ভব এড়াইয়া চলিতে লাগিলেন।

নূতন বধুগণের মধ্যে দেবপুরের পাঁচটি সুন্দরী কন্যা ছিলেন। ইহাদের প্রতিই রাজার প্রগাঢ় অমুরাগ পরিলক্ষিত হইল।

নবীনা সপত্নীগুলি স্বামীর প্রেম পাইলেও সংসারের কর্তৃত্বভার জ্যেষ্ঠার হাতেই রহিয়া গেল। দেবপুরিকাগণ ইহাতে সন্তুষ্ট হইতে পারিলেন না, সুতরাং কোন্দল বাধিল। তাঁহারা কর্তা এবং কর্তৃত্ব উভয়কেই চান, একটি লইয়া সুখী হইবেন কেন? রাজা কলহের মীমাংসা করিতে গিয়া নবতনীদেরই পক্ষ লইলেন এবং প্রথমা পত্নীকে গৃহ হইতে বহিষ্কৃত করিয়া দিয়া ফেরুসা নামক নগরে পাঠাইয়া দিলেন। রাজবধু ময়না সেখানে গিয়া একটি ক্ষুদ্র কুটার বাধিয়া অনাধিনীর জায় বাস করিতে লাগিলেন। একদিকে সুসজ্জিত প্রাসাদে বহুপত্নী-পরিবৃত হইয়া

“মহারাজা রাজ্য করি খায় পাটের উপর।”

আর অন্য দিকে

“মএনামতী চরকা কাটি ভাত খায় বন্দরের ভিতর ॥”

মাণিকচাঁদের রাজত্বে নিধন বলিয়া কেহ ছিল না। দেশে সোনারূপার ছড়াছড়ি। কৃষকের পুত্র যে, সেও সোনার ভাটা লইয়া নির্ভয়ে খেলা করে। যে কাঠ-পাতা বিক্রয় করিয়া সংসার চালায়, হাতী না চড়িয়া সেও বেড়াইতে বাহির হয় না। যে নিতান্ত দরিদ্র সেও খাসা তাজী ঘোড়ায় চড়ে। চাটাই বিছাইয়া হীরা মণি মাণিক্য শুকাইতে দেয়। প্রত্যেকের বাড়িতেই বড় বড় পুষ্করিণী, কেহ অপরের পুষ্করিণী হইতে জল আনিবার প্রয়োজন অনুভব করে না।

ঋণ কাহাকে বলে দেশে কেহ জানে না। গৃহস্থের মেয়েরা সোনার কলসীতে জল আনে এবং সোনার পাছড়া পরিধান করে। দাসী পর্যন্ত পাটের কাপড় পরিতে ঘৃণা বোধ করে। মাণিকচাঁদের রাজত্বে লোকে রাম রাজত্বের সঙ্গে তুলনা করে বটে, কিন্তু এত সুখ এত ঐশ্বর্য বোধ হয় রামচন্দ্রের রাজত্বেও ছিল না। কিন্তু এহেন রাজত্বেও দুঃখ দারিদ্র্য দেখা দিল। ময়নামতীর ফেরুসাগমনের পর হইতেই মাণিকচন্দ্র পীড়িত হইলেন, রাজকর্মচারিগণ স্লযোগ পাইয়া ধনরত্ন লুণ্ঠন করিতে লাগিল। অধিক অর্থ উপার্জনের আশায় দেওয়ান কর বৃদ্ধি করিয়া দিল। শেষে এমন অবস্থা হইল যে প্রজারা আর কর দিতে পারে না। কৃষক লাঙ্গল ও বলদ বিক্রয় করে, ফকির দরবেশকে খোলা কাঁথা বেচিতে হয়, সাধু সদাগর নৌকা বেচিয়া রাজার কর দেয়। এমন কি

“খাজনার তাপত বেচে দুধের ছাওয়াল।”

রোগশয্যায় শুইয়া মাণিকচাঁদ সবই শুনিতেছেন। কিন্তু তিনি করিবেন কি? শয্যা হইতে উঠিবার পর্যন্ত তাঁহার সামর্থ্য নাই। প্রজাদের জন্ত চিন্তা করিয়া করিয়া তাঁহার রোগ আরও বৃদ্ধি পাইতে লাগিল। ময়নামতীর জন্তও যে হৃদয়ের এক কোণে একটু বেদনা ছিল না তাহাই বা কে বলিতে পারে? দূর দেশান্তর হইতে কত বৈজ্ঞ কত ধর্মস্তুরি আসিয়া উপস্থিত হইলেন। তাঁহাদের ব্যবস্থা মত নানা রকমের ঔষধ ও পথ্য প্রস্তুত হইতে লাগিল।

কিন্তু সকল চেষ্টা ব্যর্থ করিয়া রাজার পীড়া উত্তরোত্তর বাড়িয়াই চলিল। ওদিকে স্বর্গে বসিয়া শমন রাজা চিত্র-



শুণ্ডকে জিজ্ঞাসা করিলেন—মাণিকচন্দ্রের আর কত বাকি ?  
চিত্রশুণ্ড দণ্ডর দেখিয়া উত্তর দিলেন—ছয়মাস।

একদিন দুইদিন করিয়া দেখিতে দেখিতে ছয়মাস প্রায় অতিবাহিত হইতে চলিল। মাণিকচন্দ্রের জীবন প্রদীপও প্রায় নিবু নিবু হইয়া আসিয়াছে। বিধাতৃদেবের আজ্ঞা পাইয়া গোদা নামক যমদূত ‘চামের দড়ি’ এবং লোহার ‘ডাক’ সহ উপস্থিত। আর কয়েক মুহূর্তের মধ্যেই রাজার প্রাণবায়ু বহির্গত হইবে। রাজা বুঝিতে পারিলেন—আর বিলম্ব নাই সময় ঘনাইয়া আসিয়াছে। মৃত্যুকালে সকলের সঙ্গেই দেখা হইল। রাজা আশা করিয়াছিলেন, ময়নামতীও দেখা করিতে আসিবেন কিন্তু তিনিই কেবল আসিলেন না। ময়নামতী নারী হইলেও সাধারণ স্ত্রীলোকের সহিত তাঁহার অনেক বিষয়ে পার্থক্য ছিল। অতিশয় দুঃখের কারণ ঘটিলেও তিনি বিহ্বল হইতেন না এবং পরম আনন্দের সময়েও শাস্ত ও সংযত থাকিতেন। স্বামীর মৃত্যু যখন অবশুস্তাবী তখন সেখানে গিয়া অন্ত্যস্ত সপত্নীর সহিত নিষ্ফল রোদন করিয়া কোন লাভ নাই। মৃতসঞ্জীবনী ত্যাগ করিয়া হলাহল সেবন করিতে যে ব্যক্তি বরুপরিষ্কার, তাহার নিকটে গিয়া অক্ষুবিসর্জন করা কি একান্ত নিরর্থক নয় ?

মৃত্যু রোধ করিবার শক্তি তাঁহার ছিল এবং সে শক্তি তিনি স্বতঃপ্রণোদিত হইয়া প্রয়োগ করিতে গিয়াছিলেন; কিন্তু মাণিকচাঁদ তাহা গ্রহণ করেন নাই, এখন কেবলমাত্র চক্ষুজল সম্বল করিয়া মুমূর্ষু স্বামীর শয্যাপার্শ্বে দাঁড়াইতে তাঁহার ইচ্ছা হইবে কেন ? মরণসাগরের প্রান্তদেশে দাঁড়াইয়া আজ মাণিকচাঁদের মনে অল্প চিন্তা নাই। অতিদূরে যাহার অবস্থান কেমন করিয়া সে-ই যেন আজ আপনার জন হইয়া উঠিল। পৃথিবীর কাছে শেষ বিদায় লইবার পূর্বে তিনি একবার ময়নাকে দেখিবার ইচ্ছা জানাইলেন। রাজবাক্য লইয়া বার্তাবহ ফেরুসা নগরে ময়নামতীর কুটীরে আসিয়া অভিবাদনাস্তে নিবেদন করিল—

“ছয়মাসের কহিলা রাজা মহলের ভিতর।

দেখা করিবারে চায় রাজরাজেশ্বর ॥”

সংবাদ শুনিয়াই ময়নামতী ধ্যানে বসিলেন এবং মুহূর্তমধ্যে রাজার অবস্থা জ্ঞাত হইয়া বেঙ্গাপাত্রের সহিত রাজবাটা অভিমুখে যাত্রা করিলেন। সেখানে পৌছিতেই

“যখন ধর্মী রাজা ময়নাকে দেখিল।

কপালে মারিয়া চড় রাজা কান্দিতে লাগিল ॥”

যিনি একদিন দর্পভরে বলিয়াছিলেন—জন্ম হইলেই মৃত্যু হইবে, সেই বীরই আজ প্রাণভয়ে ব্যাকুল হইলেন।

ময়না প্রবোধ বাক্যে রাজাকে আশ্বস্ত করিয়া বলিলেন—মহারাজ, চিন্তা করিও না, আমি থাকিতে থাকিতে মৃত্যু তোমার কি করিতে পারে ? আমার একটি মাত্র থাক্য রক্ষা কর, শমন রাজার কোন অধিকার তোমার উপরে থাকিবে না।

“কিছু জ্ঞান কহি দিমু আড়াই অক্ষর।

পৃথিবী টলিলে না বাইবে যমঘর ॥”

এখনও সময় আছে, মহাজ্ঞান গ্রহণ করিয়া অক্ষয় যৌবন এবং অনন্ত জীবন লাভ কর। গর্বান্বিত হইয়া মহামূল্য প্রাণ বৃথা নষ্ট করিয়া লাভ কি ?

মহাজ্ঞানের প্রস্তাবে রাজার সুপ্ত চৈতন্য আবার জাগরিত হইল। মনের সকল দুর্বলতা নিমেষমধ্যে দূর হইয়া গেল। অকম্পিত কর্ণে রাজা উত্তর করিলেন—প্রাণভয়ে ভীত হইয়া রাজা মাণিকচন্দ্র স্ত্রীর জ্ঞান গ্রহণ করিবে না। পূর্বের সূর্য পশ্চিমে উদয় হইলেও মাণিকচন্দ্রের প্রতিজ্ঞা অটল।

ময়না বুঝিলেন—বিধাতার এইরূপই ইচ্ছা, তাহা না হইলে আসন্ন মৃত্যু দেখিয়াও রাজার মতি পরিবর্তিত হইল না কেন ?

মহাজ্ঞান গ্রহণ করিতে রাজা কোনরূপে স্বীকৃত হইলেন না দেখিয়া ময়নামতী স্বীয় শক্তির দ্বারা স্বামীর মৃত্যু রোধ করিবার জন্ত চেষ্টা আরম্ভ করিলেন। রাজার শয়নকক্ষে চারিটা রক্ষা প্রদীপ জ্বালাইয়া দেওয়া হইল, প্রদীপগুলি দিবারাত্র জ্বলিতে থাকিল। তাহার পর—

“চাইর কলসী জল থুইলে বিরলে ভরিয়া।

যেই রোগের যেই দাওয়া আনিল ধরিয়া ॥”

ঔষধপত্র প্রস্তুত হইলে ময়নামতী গুরুস্মরণ করিয়া স্বামীর পদতলে বসিলেন। বসিতেই দেখিলেন কৃষ্ণদেহ ভীষণ আকৃতি এক পুরুষ পাশ এবং দণ্ড ধারণ করিয়া রাজার শিয়রে দণ্ডায়মান। ময়নার কিছু অজ্ঞাত ছিল না, এই বিরাটকায় পুরুষটিকে দেখিয়াই তিনি বুঝিলেন—ইনি শমনের প্রেরিত জনৈক দূত এবং মাণিকচন্দ্রের প্রাণ লইয়া যাইবার উদ্দেশ্যেই ইঁহার এখানে পদার্পণ। তথাপি প্রথ

করিলেন—হে নবাগত, ইতিপূর্বে রাজগৃহে তোমাকে কখনও দেখিয়াছি বলিয়া ত স্বরণ হয় না। তোমার পরিচয় কি? কোথা হইতে তোমার আগমন? কেনই বা তুমি শিরোদেশে দাঁড়াইয়া আছ? গোদায়ম আত্মপরিচয় দিয়া উত্তর করিল—বিধাতার আদেশে তোমার স্বামীর প্রাণপুরুষকে লইয়া যাইবার জন্ত এখানে আসিয়াছি। ইহা শুনিয়া ময়না অহুনয় বিনয় করিয়া যমদূতের নিকট স্বামীর প্রাণ ভিক্ষা চাহিলেন। যমদূত উত্তর করিল—আমি আজ্ঞাবহ মাত্র, প্রাণ ভিক্ষা দিবার আমার তো কোন অধিকার নাই। কিন্তু ময়না তাহার কথায় কান না দিয়া রোদন করিতে লাগিলেন।

ময়নার ক্রন্দনে ব্যথিত হইয়া এবং পুরস্কারস্বরূপ একটি টাঙ্গন লাভ করিয়া গোদা যম সেদিনকার মত ফিরিয়া আসিল।

প্রথম দিন আসিয়াছিল একজন, দ্বিতীয় দিন আসিল দুইজন, তৃতীয় দিনে সংখ্যা আরও বাড়িল। এই ভাবে গোদা যম সাজোপাজ লইয়া প্রতিদিনই মাণিকচাঁদের বাড়ি যাতায়াত করিতে লাগিল এবং ময়নামতীও প্রতিদিন ধন রত্ন দিয়া যমকে ফিরাইয়া দিতে লাগিল। অবশেষে যমদূতকে সন্তুষ্ট করিবার জন্ত মহুশ্য জীবন পর্যন্ত দান করিতে হইল। স্বামীকে রক্ষা করিবার জন্ত ময়না নিজের ভ্রাতাকে যমদূতের হাতে সমর্পণ করিলেন। ভেট পাইলে যমদূত একদিনের জন্ত রাজাকে ত্যাগ করিয়া যায় আবার পরদিনই বহু অহুচর সহ দেখা দেয়। এইভাবে কিছুদিন চলিলে রাজ-ভাণ্ডার শূন্য হইয়া গেল, হস্তিশালার সব হস্তী, অশ্বশালার সব অশ্ব শেষ হইল। যমদূতের হাতে অর্পিত হইবার ভয়ে দাস-দাসী আত্মীয়-স্বজন বাড়ি ছাড়িয়া প্রস্থান করিল। এবার ময়না প্রমাদ গণিলেন। এখন কেমন করিয়া যমকে প্রতিনিবৃত্ত করিবেন তাহা ভাবিয়া রাগীর মন অত্যন্ত উদ্বিগ্ন হইল।

শেষে স্থির করিলেন—অদৃষ্টে যাহা আছে তাহা কে লঙ্ঘন করিতে পারে? তথাপি আর একবার শেষ চেষ্টা করিয়া দেখিব। যদি স্বামীর মত পরিবর্তন করিতে পারি। এই সংকল্প করিয়া ময়না স্বামীর চরণে ধরিয়া গলদশ্রনয়নে বলিলেন—প্রিয়তম, এখনও আমার কথা রাখ। মানুষের জীবন অবহেলার বস্তু নয়। সামান্ত জিদের বশবর্তী হইয়া তাহা ত্যাগ করা তোমার জ্ঞান বুদ্ধিমাম ব্যক্তির পক্ষে

শোভা পায় না। আমি যথাসাধ্য চেষ্টা করিয়াছি। কিন্তু এবার যমদূত আসিলে আর বোধ হয় তাহাকে বাধা দিতে পারিব না। মহারাজ, আর প্রত্যাখ্যান করিও না। জীলোক বলিয়া আমাকে সহস্রবার উপেক্ষা করিতে পার—তাহাতে আমি দুঃখ করিব না, কিন্তু মহাজ্ঞান তো তাচ্ছিল্যের বস্তু নয়। পণ্ডিতগণ কুস্থান হইতেও কাঞ্চন তুলিয়া লইবার পরামর্শ দেন। নারীকে ঘৃণা করিলেও নারীর মন্ত্রকে অবজ্ঞা না করিয়া গ্রহণ কর। এস প্রস্তুত হও

“আমার শরীরের অমর জ্ঞান তোমাকে শিখাই।

স্ত্রী পুরুষে বুদ্ধি করি যমের দায় এড়াই।”

কিন্তু রাজা হিমালয়ের স্তায় অচল। তিনি স্থির কণ্ঠে উত্তর করিলেন

“এমনি যদি আমার প্রাণ যায় ছাড়িয়া।

তবুত মাইয়ার জ্ঞান না নিব শিখিয়া ॥”

ময়নামতী দীর্ঘশ্বাস ফেলিলেন।

পরদিবস সাজসজ্জা করিয়া গোদায়ম বহু অহুচর সহ যথাসময়ে উপস্থিত হইল। আজ তাহারা প্রতিজ্ঞা করিয়া আসিয়াছে—কোন প্রলোভনে মুগ্ধ হইবে না, কোন ভীতি প্রদর্শন গ্রাহ্য করিবে না, কোন বাধা বিপত্তি মানিবে না—যেমন করিয়াই হউক মাণিকচাঁদের প্রাণ শমনরাজের দরবারে উপস্থিত করিবেই করিবে।

ময়নামতী প্রস্তুত ছিলেন, তিনিও স্বামীর প্রাণরক্ষার জন্ত যথারীতি অহুনয় বিনয় আরম্ভ করিলেন; কিন্তু গোদা বিচলিত হইল না, আজ সে রাজার প্রাণ লইবেই, তখন ময়নামতী নানাবিধ উপঢৌকন আনিলেন, গোদায়ম তাহাও প্রত্যাখ্যান করিল। রাজমহিষী তখন অনন্তোপায় হইয়া

“মহামন্ত্র গিয়ান লইল হৃদয়ে জপিয়া।

চণ্ডী কালীরূপ হইল কায় বদলিয়া ॥”

রুদ্রচণ্ডীর মূর্তি ধরিয়া হাতে তৈল পাটের খাঁড়া লইয়া ময়না যমদূত বাহিনীর সঙ্গে যুদ্ধ করিবার জন্ত অগ্রসর হইলেন। তাহার রণরঙ্গিনী মূর্তি দেখিয়া গোদায় সাহস অস্তহিত হইল, ভয়ে পলায়ন করিয়া সে সরাসরি মহাদেবের নিকটে গিয়া উপস্থিত হইয়া নিবেদন করিল—

“মহাদেব অহিত ময়না গিয়ানে ডাকর ।

কেমন করি আইনবেন রাজাকে যমপুরীর ভিতর ॥”

মহাদেব বুঝিলেন ময়নামতী পতিপার্শ্বে থাকিতে কাহারও সাধ্য নাই যে রাজার প্রাণ বাঁধিয়া লইয়া আসে । সুতরাং মাণিকচাঁদের মৃত্যু ঘটাইতে হইলে সর্বাগ্রে ময়নাকে স্থানান্তরিত করা দরকার । ইহা ভাবিয়া মহাদেব সব যমদূতকে একত্র করিয়া প্রত্যেককে পৃথক পৃথক কাজের ভার দিলেন । আদেশ পাইয়া ‘বাওথুকরা যম’ বায়ুরূপে রাজার শয্যাগৃহে গিয়া চারিটি প্রদীপ নিবাইয়া চার কলসী গন্ধাজল ঢালিয়া ফেলিল । ‘ভাড়ায়া যম’ বিড়ালরূপ ধরিয়া ময়নার সংগৃহীত ঔষধগুলি ভক্ষণ করিল ।

‘নলুয়া’ যম ব্রহ্মনলদ্বারা খেত কুয়ার জল শুষিয়া লইল । ‘হতাশন’ নামধারী যম স্নযোগ দেখিয়া ঠিক এই সময় রাজার কণ্ঠে মরণ তৃষ্ণা জাগাইয়া তুলিল । তৃষ্ণায় অস্থির হইয়া রাজা জল চাহিতেই দাসীরা জল আনিবার উদ্যোগ করিল ; কিন্তু ‘বুদ্ধি যম’ রাজাকে বুদ্ধি দিল—ময়নার হাতে ভিন্ন জল খাইও না । অমনি রাজা বলিয়া উঠিলেন—

“এমনি যদি আমার প্রাণ যায় চলিয়া ।

তবু বান্দির হাতের জল খাব না পালকে শুতিয়া ॥”

অগত্যা জল আনিবার জন্ত সোনার ঝারি লইয়া ময়নাকেই যাইতে হইল । গিয়া দেখেন রাজ-প্রাসাদের নিকটবর্তী কোন স্থানে বিন্ধুমাত্র জল নাই, খেতকুয়া পর্য্যন্ত সম্পূর্ণ শুষ্ক ; সুতরাং বাধ্য হইয়া ময়না গন্ধাভিমুখে চলিলেন । যমদূতগণ প্রস্তুত হইয়াই ছিল, রাজপথে পা দিতেই তাহারা সকলে মিলিয়া রাজার হাত পা বাঁধিয়া বার মোকামে বার ডাক বসাইয়া দিল । আর গোদা

“রাজার জিউ নিল লাংটিত বাকিয়া ।

সোনার ভমরা হৈল যম কায়া বদলাইয়া ॥

যে মাটিতে জল ভরে ময়না হেট মুণ্ড হৈয়া ।

মাথার উপর দিয়া জিউ নিগ্যাল বাকিয়া ॥”

ময়না নীচের দিকে মুখ করিয়া জল ভরিতেছেন গোদা যম ভ্রমরের রূপ ধরিয়া যে আকাশ পথে উড়িয়া যাইতেছে তাহা তিনি দেখিতে পান নাই । কিন্তু সে গন্ধাদেবীর দৃষ্টি এড়াইতে পারিল না । ভ্রমররূপী গোদাকে দেখিয়াই গন্ধা

বুঝিতে পারিলেন যে মাণিকচাঁদের প্রাণ লইয়া সে পলাইতেছে । তখন গন্ধা ময়নাকে ডাকিয়া বলিলেন—

“ওগো মা, যার জন্তে জল ভরো তুমি হেট মুণ্ড হৈয়া  
সে তোর দুলাল স্বামী গেল পার হৈয়া ॥”

ইহা শুনিয়াই ময়না চমকিত হইয়া কপালে করাঘাত করিতে লাগিলেন । তাঁহার শীর্ষের সিন্দূর এবং হস্তের শঙ্খ মলিন হইয়া আসিল । জল আনিবার জন্ত কেন স্বামীকে ত্যাগ করিয়া আসিলাম—এই বলিয়া তিনি অনুতাপ করিতে লাগিলেন । হায় হায় মুহূর্তের ভুলে স্বামীকে চিরজীবনের মত হারাইলাম । পথে বাহির হইবার পূর্বে কেন ভাবিয়া দেখি নাই যে রাজার মরণ পিপাসা আর কিছু নয়, যমেরই ছলনা মাত্র ? এই ভাবে পতিশোকে কাতর হইয়া ময়না কিছুক্ষণ রোদন করিলেন কিন্তু অগোণেই তাঁহার সংজ্ঞা ফিরিয়া আসিল, মনে মনে ভাবিলেন—এ আমি কি করিতেছি ? শোকে অভিভূত হইয়া অনর্থক কালক্ষেপ করিতেছি কেন ? যতক্ষণ নিজের প্রাণ আছে ততক্ষণ পতির প্রাণের আশা বিসর্জন দিব না । স্বামীকে বাঁচাইবার জন্ত আমার সকল শক্তি প্রয়োগ করিব । এতদিন ধরিয়া কি সাধনা করিলাম আজ তাহার পরীক্ষা হইবে । এই বলিয়া ময়না যমালয়ের অভিমুখে যাত্রা করিলেন । কিছুদূর অগ্রসর হইতে না হইতেই দেখিলেন সম্মুখে এক বৃহৎ নদী । সে নদী প্রস্থে এত বড় যে একবার খেয়া দিতে হইলে অন্তত একবৎসর সময় লাগে । নৌকা করিয়া যাইবারও উপায় নাই । এমন স্রোত যে এক খণ্ড তৃণ পড়িলে শতখণ্ড হইয়া যায় তাহার উপর

“এক এক চেউ উঠে পর্বতের চূড়া”

মহাজ্ঞানের অধিকারীর পক্ষে এই সকল বাধা অতি তুচ্ছ । গুরু স্মরণ করিয়া এবং ধর্মদেবের নাম লইয়া ময়নামতী অবলীলাক্রমে নদী পার হইয়া গেলেন । মন্ত্রপ্রভাবে পথের সকল বাধা অতিক্রম করিয়া রাণী যখন যমপুরীতে উপস্থিত হইলেন তখন সেখানকার সকলে ভয়ে নিজ নিজ ইষ্টদেবের নাম স্মরণ করিতে আরম্ভ করিল । গোদা যম নিশ্চিন্ত-মনে অন্তঃপুরে বসিয়াছিল, ময়নার আগমন-সংবাদ পাইয়া

“হাতে মাথে গোদাযম কাঁপিয়া উঠিল ।”

বিপদ আসন্ন দেখিয়া গোদা প্রাণ ভয়ে একটা খড়ের স্তূপের

অস্তরালে লুক্কায়িত হইয়া রহিল। ময়না জ্ঞানদৃষ্টির দ্বারা তাহা দেখিতে পাইয়া সর্পরূপ ধারণ করিলেন।

“চাঁদা বোড়া হইয়া ময়না এক ঝম্প দিল।

চটকি যাইয়া গোদা যমের ঘাড়েতে বসিল ॥”

গোদা উপায়ান্তর না দেখিয়া মূষিকরূপ ধারণ করিয়া গভীর মধ্যে আত্মগোপন করিল। কিন্তু ময়নার হাতে নিস্তার নাই, তিনিও বিড়ালরূপ পরিগ্রহ করিলেন। গোদাযম যেক্রপই গ্রহণ করে, ময়না তৎক্ষণাৎ তাহার ভক্ষকের আকৃতি ধারণ করেন। অবশেষে গোদার আত্মরক্ষার সকল চেষ্টা নিষ্ফল করিয়া ময়না তাহাকে ধরিয়া ফেলিলেন। তাহার পর সে কি শাস্তি! হাত পা চর্ম রজ্জু দিয়া বাঁধিয়া তাহার মুখে ঘোড়ার লাগাম পরাইয়া

“এক লক্ষ দিয়া গোদার পিঠেতে চড়িল।

লোহার মুদগর দিয়া ডাক্তাইতে লাগিল ॥”

প্রহারে জর্জরিত হইয়া গোদাযম উচ্চৈশ্বরে রোদন আরম্ভ করিল কিন্তু ময়নার হাত হইতে পরিত্রাণ করিবে কে? গোদার চীৎকারে স্বর্গ মর্ত্য পাতাল কাঁপিয়া উঠিল কিন্তু কেহ সাহস করিয়া তাহার নিকটে আসিল না; তখন স্বয়ং মহাদেব আসিয়া নানা প্রবোধবাক্যে ময়নাকে শাস্ত করিয়া বলিলেন যে, রাজার আয়ুষ্কাল ফুরাইয়া যাওয়ায় দেবতাগণের আদেশেই গোদাযম তাঁহার প্রাণপুরুষকে আনয়ন করিয়াছে। ইহাতে তাহার কোন অপরাধ নাই এবং বিধাতৃ-নির্দিষ্ট কর্মে বাধা দেওয়া তাঁহার মত জ্ঞানসম্পন্ন নারীর পক্ষে সম্ভব নয়। তাঁহার পরামর্শে গোদাযমকে

দণ্ড না দিয়া ময়নামতী বরং তাহাকে মুক্তি দিন। তাহা হইলে দেবতাগণ সন্তুষ্ট হইয়া তাঁহাকে আশীর্বাদ করিবেন।

ময়না বুঝিলেন বিধাতৃনির্দেশ অনুধা করা অসম্ভব। সুতরাং মহাদেবের উপদেশ অনুযায়ী গোদাকে ছাড়িয়া দিলেন। দেবতাগণও সন্তুষ্ট হইয়া আশীর্বাদ করিয়া ময়নাকে বিদায় দিলেন।

ময়নামতী যখন রাজবাটী ফিরিয়া আসিলেন তখন মাণিকচন্দ্রের পত্নীগণ এবং জ্ঞাতিবর্গ শোকে মুহমান হইয়া মৃতদেহ বিরিয়া বসিয়া আছেন। তখনও পর্যন্ত সংকারের কোন উদ্যোগ আয়োজন হয় নাই। ময়না আসিয়াই লোকজন ডাকাইয়া শব তুলিবার ব্যবস্থা করিলেন। কীর্তন্যাগণ নামগান করিতে লাগিল, হরিধ্বনি সহকারে মাণিকচাঁদের মৃতদেহ গঙ্গাতীরে আনীত হইল। ময়নার অহুরোধে গঙ্গাদেবী মাঝদরিয়ায় বালুচর করিয়া দিলেন। সে বালুচরে চিতাশয্যা প্রস্তুত হইলে মাণিকচন্দ্রকে তদুপরি শায়িত করাইয়া সাধ্বী ময়না স্বয়ং তাঁহার পার্শ্বে শয়ন করিলেন। জ্ঞাতিগণ চিতার চতুর্পার্শ্বে চন্দন কাঠ শুঁপাকার করিয়া সাজাইয়া তাহার উপর ঘৃত তৈল প্রভৃতি সহজ দাহ্য পদার্থসমূহ ঢালিয়া দিয়া দূরে সরিয়া আসিল। ময়নামতী তখন সকলের নিকটে শেষ বিদায় প্রার্থনা করিয়া স্বহস্তে চিতায় অগ্নি সংযোগ করিলেন, দাউ দাউ করিয়া আগুন জলিয়া উঠিল। সাত দিন সাত রাত্রি ধরিয়া চিতা জলিল, মর্ত্যের ধূম স্বর্গে পৌঁছিল। এই হতাশনের তাণ্ডবলীলা দেখিতে দেখিতে লোকে আহার নিদ্রা ভুলিয়া গেল।

( আগামীবারে সমাপ্য )

## কবিতা

### শ্রীমতী ছায়া বন্দ্যোপাধ্যায়

কর্মময় দিবসের তীব্র কোলাহলে  
উন্মত্ত ব্যস্ততা লয়ে লোক দলে দলে  
চলে শুধু স্বার্থে স্বার্থে বাধায়ে সংঘাত—  
নীচতা, বঞ্চনা, ঈর্ষা আসে অকস্মাৎ  
দর্দম, দুঃসহ বেগে। সৃষ্টি অকরণ—  
মোদের দুঃখেতে নিত্য করিছে দ্বিগুণ

আনি ভরা, ব্যাধি, মৃত্যু, উলঙ্গ তিক্ততা,  
ব্যথা মৌন ধরা বুকে অসহ রিক্ততা।

তবু ত বেসেছি ভাল এ ধরার ধূলি :  
স্নেহ, প্রেম, প্রীতি স্পর্শে যখন অঙ্গুলি  
সযত্নে মুছিয়া লয় কণ্ঠের ক্রন্দন  
ভুলি ব্যথা, প্রাণে জাগে প্রাণের স্পন্দন।

দিনান্তের ক্লাস্তি শেষে শান্ত মিশ্র ছায়া  
ধরায় রচেছে স্বর্গ কবিতার মায়া।



কথা—কাজী নজরুল ইসলাম

স্বর—শ্রীনিতাই ঘটক

স্বরলিপি—কুমারী বিজলী ধর

শ্রামা-সঙ্গীত—দাদরা

মা মেয়েতে খেলব পুতুল                      আয় মা আমার খেলা ঘরে ।  
 ( আমি ) মা হ'য়ে মা শিখিয়ে দেব                      পুতুল খেলে কেমন ক'রে ॥  
 কাঙাল অবোধ করবি যা'রে  
 বুকের কাছে রাখিস্ তা'রে ( মা ) ।

আধর :—                      [ নইলে কে তা'র দুখ্ ভোলাবে ?  
 ( যারে ) রত্ন মাণিক দিবি না মা উচিত সে তার মাকে পাবে । ]  
 ( আবার ) কেউ বা ভীষণ দামাল হবে, কেউ থাকবে গৃহকোণে প'ড়ে ॥  
 মৃত্যু সেথায় থাকবে না মা, থাকবে লুকোচুরি খেলা  
 রাত্রি বেলায় কাঁদিয়ে যাবে আসবে ফিরে সকাল বেলা ।  
 কাঁদিয়ে খোকায় ভয় দেখিয়ে  
 ভয় ভোলাবি আদর দিয়ে ( মা )

আধর :— [ বেশী তা'রে কাঁদাস্ না মা—মা ছেড়ে সে পালিয়ে যাবে ]  
 ( সে ) খেলে যখন শ্রাস্ত হবে ঘুম পাড়াবি বন্ধে ধ'রে ॥

II { গা -১ রসা | সগা গা -১ I গমা -খপা মা | গা রসা -১ I  
 মা • মে                      যে                      তে •                      খে •                      ল্                      ব                      পু                      তু                      ল্

I গা -মা পা | সগা গা পা I গা পা মা | গা (-রগা -সরা) } I গা মা I  
 আ র্ মা •                      আ মার                      খে লা ঘ                      রে • • • • : আ মি

[ -১ ]

I { ধা -১ ধা | সর্গা ধা -১ I ধা ধর্সর্গা সর্গা | ধা পা (-গমা) } I  
 মা • হ            যে মা •            শি থি •            যে            দে ব            ••

I গা গা -মা | পধা মপা -সর্গা I গা পধা -মপা | মা গা -সরা II  
 পু তু ল            থে• লে• •            কে ম• • নু            ক রে ••

-১ -১ II { ১ ১ পক্ষা | ধপা মগা মা I পা -না নসর্গা | না নসর্গা -১ I  
 ••            •• কা•            ঙাল্ অ বোধ            ক ঙ্ বি•            যা রে• •

I -১ -১ সর্গা | সর্গা র্গা র্গা I সর্গা সর্গা -র্গা | সর্গা না -পধা I  
 •• বু            কেষ্ কা ছে            রা থি• • স্            তা রে ••

I ধা সর্গা -১ | -১ -১ -১ } I মা -গা মা | পা পধা -সর্গধা I  
 মা • •            • • •            ন ই লে            কে তা • • ঙ্

I পা -পধা মা | গা মা -গা I রা -১ -১ | -১ পা পা I  
 হু • ঙ্ ভো            লা বে •            • • •            • যা রে

I পা -ধা ধা | ধা ধা -১ I ধা গা ধা | গধা -পমা -গা I  
 র ত্ ন            মা নি ক্            দি বি না            মা• •• •

I গমা রগা -মা | পা পধা -সর্গধা I পধা -মপধা পমা | গা মা গরা I  
 উ• চি• ত্            সে তা• • ঙ্            মা• ••• কে            পা বে ••

I -১ -১ -১ | -১ মা পা I পা না না | না না -সর্গা I  
 • • •            • আ বায়            কে উ বা            ভী ষ গ্

I ধনা পধা -নসর্গা | না নসর্গা -১ I -১ -১ -১ | -১ সর্না -সর্গা I  
 দা • মা • ল্            হ বে• •            • • •            • কে• উ

I পা -না সর্গা | -সর্গা গা গধা I পধা মপধা পমা | গমা -রগা -সরা II  
 ধা ক' বে•            •• গৃ হ •            কো• গে•• প            ডে• •• ••

|         |              |   |                   |                |   |                  |
|---------|--------------|---|-------------------|----------------|---|------------------|
| -১-১ II | সা -রা রা    | । | রা রগা -মপা I     | মা -গা 'গরা    | । | রা রা -১ I       |
| ••      | য় • ভূ      |   | সে থা • • য়      | থা ক বে •      |   | না মা •          |
| I       | রা -গা মা    | । | -পা পা পধা I      | মপা পধা মপা    | । | মগা রা -১ I      |
|         | থা ক্ বে     |   | • লু কো •         | চু • রি • থে   |   | লা • • •         |
| I       | গা -পা ধা    | । | স'গা ধা -১ I      | ধা ধা গা       | । | ধা গধা -পা I     |
|         | রা • ত্রি    |   | বে লা য়          | কাঁ দি য়ে     |   | যা বে • •        |
| I       | পা -ধা পধা   | । | -গস' গা ধা I      | পধা মা -গমা    | । | রগা গপা -১ I     |
|         | আ স্ বে •    |   | •• ফি রে          | স • কা • ল্    |   | বে • লা •        |
| I       | { মা পা পনা  | । | না না -ধা I       | না -১ স'১      | । | ধনা স'১ -১ I     |
|         | কাঁ দি য়ে • |   | থো কা য়          | ভ য় দে        |   | থি য়ে •         |
| I       | স'১ -র'১ র'১ | । | র'১ র'গা -র'স'১ I | স'১ স'গা -র'গা | । | স'১ না -পধা I    |
|         | ভ য় ভো      |   | লা বি • •         | আ দ • • র      |   | দি য়ে • •       |
| I       | ধস'১ -১ -১   | । | -১ -১ -১ } I      | মা গা -পমা     | । | পা পধা -স'গধা I  |
|         | মা • •       |   | • • •             | বে শী •        |   | তা রে • •        |
| I       | পধা পমা -১   | । | গা মগা রা I       | মপা -১ ধা      | । | ধা ধা -১ I       |
|         | কাঁ • দা স্  |   | না মা • •         | মা • ছে        |   | ড়ে সে •         |
| I       | ধা ধা গা     | । | ধা গধা -পমা I     | মা রগা -মা     | । | পা পধা -স'গধা I  |
|         | পা লি য়ে    |   | যা বে • •         | বে শী •        |   | তা রে • •        |
| I       | পধা পমা -১   | । | গা মগা রা I       | -১ -১ -১       | । | -১ মা -পা I      |
|         | কাঁ • দা স্  |   | না মা • •         | • • •          |   | • সে •           |
| I       | পা পনা -১    | । | না না -ধা I       | না -নস'১ স'১   | । | না স'১ -১ I      |
|         | থে লে • •    |   | য থ ন্            | শ্রা • ন্ ত    |   | হ বে •           |
| I       | পা -না স'র'১ | । | স'র'১ র'গা -ধপা I | পধা -মপধা পা   | । | মা গা -সরা II II |
|         | ঘু ম্ পা •   |   | ভা • বি • •       | ব • • • • ক্   |   | ধ রে • •         |

# অন্ধের বো

## শ্রীমানিক বন্দ্যোপাধ্যায়

বিবাহের একবছর পরে ধীরাজ অন্ধ হইয়া গেল। চোখের একটা অস্থখ আছে, বড় বিপজ্জনক অস্থখ, চোখের ভিতরের চাপ যাতে বাড়িয়া যায়। অবস্থা বিশেষে একদিনের মধ্যেই মাসুকের দৃষ্টিশক্তি নষ্ট হইয়া যাইতে পারে।

আগের দিনটা ছিল বিবাহের বার্ষিক তিথি। রাত্রিটা ছুঁজনে জাগিয়া কাটাইয়া দিয়াছিল। সারারাত কয়েক মিনিটের জন্তুও চোখ না বুজিয়া প্রতিদিন সকালে একেবারে সূর্যের মুখ না দেখিলেও রাত জাগাটা তাদের অবশ্য বেশ অভ্যস্ত হইয়া আসিয়াছিল। বিবাহের প্রথম বছরে রাত ছুঁটোর আগে ফিসফিসানি শেষ হওয়াটা সাধারণ স্বামী-স্ত্রীর পক্ষেও স্বাভাবিক নয়।

চোখে একটু যন্ত্রণা বোধ করিতেছিল, ধীরাজ একটু ঝাপসা দেখিতেছিল। বাহির হইতেও চোখ দুটিকে তার বেশ লাল দেখাইতেছিল। কিন্তু বিবাহের বার্ষিক তিথিকে ষষ্ঠাযোগ্য সন্মান করার উৎসাহে ও সব সামান্য বিষয়কে তারা গ্রাহ্যও করে নাই। সুনয়না বলিয়াছিল, 'তাই বলে আজ রাতে ঘুমোতে পাবে না। কাল সারাদিন ঘুমিও, সব ঠিক হয়ে যাবে। আমারও তো চোখ জ্বালা করছে।'

'তবে একটু সেইরকম নাচ দেখাও?'

'চোখ বোজো?'

পরদিন বিকালের দিকে ডাক্তার ডাকা হইল। তারপর তাড়াহুড়া ছুটাছুটি করিয়া করা হইল অনেক কিছুই। কিন্তু তখন বড় বেশী দেবী হইয়া গিয়াছে। ভোরে সুনয়নার হাত ধরিয়া ছাদে দাঁড়াইয়া নুতন সূর্যকেও ধীরাজ যখন ঝাপসা দেখিতেছিল তখন সঙ্গে সঙ্গে ব্যস্ততা করিলেও হয় তো কিছু হইতে পারিত। কিন্তু তখন কে ভাবিয়াছিল টকটকে লাল চোখ, চোখের যন্ত্রণা, ঝাপসা দেখা, চোখের মধ্যে আলোর ঝলক মারা এসব ধীরাজের একেবারে অন্ধ হইয়া যাওয়ার ভূমিকা! ও সব তারা পরস্পরকে ভালবাসিয়া রাতজাগার সাধারণ ও স্বাভাবিক লক্ষণ বলিয়া ধরিয়া লইয়া নিশ্চিন্ত হইয়াছিল।

বিশেষজ্ঞ অনেক রকম পরীক্ষা করিলেন, কিন্তু অপারেশন

করিতে অস্বীকার করিলেন। বলিলেন, আর কিছুই করিবার নাই।

পরদিন সকালে জগতের আলোর উৎস ষষ্ঠাসময়ে আকাশে দেখা দিল কিন্তু ধীরাজ সেটা টেরও পাইল না। তার চোখের আলো চিরদিনের জন্তু নিভিয়া গিয়াছে।

চোখের ডাক্তার স্পষ্টই বলিয়া দিয়াছেন, রাত জাগা ধীরাজের অন্ধ হওয়ার আসল কারণ নয়। রাত না জাগিলেই অবশ্য ভাল ছিল, কিন্তু তাতেও যে ধীরাজের চোখ বাঁচিত তাই বা জোর করিয়া কে বলিতে পারে? এ বড় সাংঘাতিক অস্থখ, কত লোকের চোখ নষ্ট করিয়া দিয়াছে। কিন্তু মাসুকের মন কি সহজে এসব যুক্তি মানিতে চায়? সুনয়নার কেবলি মনে হয়, ওভাবে জোর করিয়া স্বামীকে রাত না জাগাইলে চোখের অস্থখটা কখনও এত তাড়াতাড়ি এরকম বাড়িয়া যাইত না। অস্ত্র রোগের লক্ষণগুলিকে রাত জাগার ফল ভাবিয়া নিশ্চয় তারা অবহেলা করিত না, সকালবেলাই চোখের অবস্থা দেখিয়া ভয় পাইয়া তাড়াতাড়ি চিকিৎসার ব্যবস্থা করা হইত। সুনয়না এসব কথা ভাবে আর চোখের জলে সকালবেলার আলো এমন ঝাপসা দেখায় যেন সেও আধাআধি অন্ধ হইয়া গিয়াছে।

সেই ঝাপসা দৃষ্টিতে স্বামীর বিকৃত মুখখানা দেখিতে দেখিতে সে হাউ হাউ করিয়া কাঁদিয়া ফেলিল, 'ওগো, আমার জন্তেই আমাদের এ সর্বনাশ ঘটল।'

ধীরাজ মরার মত বলিল, 'তোমার কি দোষ?'

সুনয়না সজোরে নিজের কপালে করাঘাত করিয়া বলিল, 'কার দোষ তবে? কে তোমার টকটকে লাল চোখ দেখেও তোমায় ঘুমোতে দেয় নি? সকালে কে তোমায় বলেছে, একটু ঘুমোলেই সব সেরে যাবে? আমি তোমায় চোখ নষ্ট করেছি—স্বামীর চোখখাগী হতভাগী আমি, আমার মরণ নেই। আমিও অন্ধ হয়ে যাব—নিজের চোখ উপড়ে ফেলব। যদি না উপড়ে ফেলি, মা কালীর দিব্যি করে বলছি—'

'চুপ, ও সব কানে নেই।'



ধীরাজ ব্যস্ত হইয়া সুনয়নার একখানা হাত হাতড়াইয়া খুঁজিতে আরম্ভ করায় সুনয়না হঠাৎ শিহরিয়া অশ্রুট আর্তনাদ করিয়া উঠিল। ধীরাজের কাকা অন্ধ, প্রথম এবাড়ীতে আসিয়া তাকে প্রণাম করার পর এমনভাবে আন্দাজে তার গায়ে মাথায় শীর্ণ হাত বুলাইয়া কাকা তাকে অভ্যর্থনা আর আশীর্বাদ জানাইয়াছিলেন।

‘কি খুঁজছ? কি খুঁজছ তুমি?’

‘তোমার হাত কই?’

‘এই যে—’

তার একটি হাত নিজের হাতের মধ্যে গ্রহণ করিয়া ধীরাজ সাধনার সুরে বলিতে লাগিল, ‘ওসব কথা মনেও এনো না। তোমার চোখ গেলে আমি বাঁচব কি ক’রে? এখন থেকে তোমার চোখ দিয়েই তো আমি দেখব? তুমি আমার সেবা করবে, কাজ ক’রে দেবে, বইটাই পড়ে শোনাবে—’

সুনয়নার হাত ছাড়িয়া দিয়া ধীরাজ তার মাথায় হাত বুলাইয়া দিতে থাকে। সুনয়নার মাথাটা হঠাৎ এমন জোরে তার বুকে আসিয়া পড়িয়াছে যেন সে তার বুকেই মাথা কুটিয়া মরিতে চায়। যে অন্ধ হইয়া গিয়াছে, সাধনা আর সাহস পাওয়ার বদলে সে নিজেই অপরজনকে বুঝাইয়া আদর করিয়া শাস্ত করিতেছে, এটা দু’জনের কারও কাছে খাপছাড়া মনে হইল না। ভালবাসার এই অন্ধ ব্যাকুলতার মত দুর্ভাগ্যের ভাল ওষুধ জগতে আর কি আছে?

ধীরাজ বেশী ব্যাকুল হয় নাই। কতকটা বজ্রাহত মাহুষের মত সে বিছানায় পড়িয়া আছে, মুখে বেশী কথা নাই, অদৃষ্টকে ধিক্কার দেওয়া নাই, কি পাপে তার এমন শাস্তি জুটিল ঈশ্বরের কাছে সে কৈফিয়ৎ দাবী করা নাই, লোভী শিশুর মত সকলের সহানুভূতি গিলিবার অধীর আগ্রহও নাই। এখনও সে নিঃসন্দেহে বিশ্বাস করিয়া উঠিতে পারে নাই, চিরদিনের জন্ত সে অন্ধ হইয়া গিয়াছে। মনের ভলে এখনও তার একটা যুক্তিহীন অন্ধ আশা জাগিয়া আছে, হয় তো সব ঠিক হইয়া বাইতে পারে। ইতিমধ্যেই সুনয়নাকে সে বলিয়াছে, ‘তা ছাড়া কি জান, কিছুদিন পরে হয় তো একটু একটু দেখতে পাব। ভাল দেখতে পাব না বটে, চশমা টশমা নিয়ে হয় তো

ধোঁয়াটে ঝাপসা মত কাছের জিনিষ শুধু দেখতে পাব, তবু দেখতে পাব তো! খুব বড় একজন স্পেশালিস্টের কাছে যেতে হবে।’

ধীরাজের মধ্যে ষতখানি হতাশা জাগা উচিত ছিল, ধীরাজের কাছে আমল না পাইয়া তার সবখানি যেন আশ্রয় করিয়াছে সুনয়নাকে—আর সমস্তক্ষণ কাবু করিয়া রাখিয়াছে তাকে; ধীরাজের আফসোস আর হা-হতাশ যেন মুক্তি পাইতেছে তার মুখে।

পরপর দু’টি রাত্রি সে ঘুমায় নাই। একটি রাত্রি জাগিয়াছে স্বামীর সোহাগ ভোগ করিয়া, আর একটি রাত্রি জাগিয়াছে অন্ধ স্বামীর স্ত্রী হইয়া জীবন কাটানোর বীভৎস অসুবিধাগুলির কথা কল্পনা করিয়া। সারারাত সে আলো নিভায় নাই। প্রথম রাত্রে তারা আলো নিভায় নাই, দুজনে দু’জনকে দেখিবে বলিয়া। পরের রাত্রে সে আলো নিভায় নাই, অন্ধকারের ভয়ে। হাসপাতাল হইতে ধীরাজ বাড়ী ফিরিয়াছিল রাত্রি প্রায় এগারটার সময়, শ্রান্ত, ক্লান্ত, ঘুমের নেশায় আচ্ছন্ন, অন্ধ ধীরাজ। একবাটি দুধ চুমুক দিয়া খাইয়াই সে শুইয়া পড়িয়াছিল। শুইয়া পড়িতে তাকে সাহায্য করিয়াছিল বাড়ীর প্রায় সকলে, মা বাবা ভাই বোন পিসী খুড়ী ভাইপো ভাইঝি ভাঞ্জে ভাঞ্চার দল। বাড়ীর ঠাকুর চাকর পর্যন্ত দরজায় আসিয়া দাঁড়াইয়াছিল। শুধু আসে নাই ধীরাজের সেই অন্ধ কাকা। ধীরাজের মায়ার মূঢ় কান্নার শব্দ শুনিতে শুনিতে তখন সুনয়নার কানের মধ্যে হঠাৎ ভাঞ্জা কাঁসির বেতালা আওয়াজের মত কি যেন বম্ বম্ করিয়া বাজিয়া উঠিয়াছিল, বিদ্যুতের আলোয় উজ্জল ষতখানা পাক খাইয়া খাইয়া হইয়া গিয়াছিল অন্ধকার।

মূর্ছা নয়, মূর্ছা গেলে সুনয়না পড়িয়া যাইত, জান থাকিত না। একটু টলিতে থাকিলেও সেইখানে দাঁড়াইয়া দাঁড়াইয়া সে প্রায় মিনিটখানেক চোখ দিয়াই যেন সেই গাঢ় সং্যাতসেঁতে অন্ধকার দেখিয়াছিল। কানের মধ্যে তখন ভাঞ্জা কাঁসির বম্ বম্ মানির শব্দ ধামিয়া গিয়াছে। বাহিরেও কোন শব্দ নাই। সেই স্তব্ধতাকেও সুনয়নার মনে হইয়াছিল সাময়িক অন্ধকারের অন্ধ।

তারপর সেই নিবিড় কালো অন্ধকার পরিণত হইয়াছিল গাঢ় কুয়াশায় এবং ক্রমে ক্রমে কুয়াশাও কাটিয়া গিয়াছিল। সকলের কথার গুঞ্জনধ্বনি হঠাৎ স্পষ্ট ও বোধগম্য হইয়া

উঠিয়াছিল। কিন্তু এক অজানা আতঙ্কে তখন সুনয়নার বুকের মধ্যে টিপ্ টিপ্ করিতেছে। সে আতঙ্ক ধীরাজের চোখের জন্ত নয়—চোখ যে তার নষ্ট হইয়া গিয়াছে সুনয়না আগেই সে খবর পাইয়াছিল। অন্তমনস্ক অবস্থায় হঠাৎ কানের কাছে প্রচণ্ড একটা 'আওয়াজ হইলে কিছুক্ষণের জন্ত মাহুয যেমন বেহিসাবী আতঙ্কে অতিভূত হইয়া যায়, কি জন্ত আতঙ্ক তাও বুঝিবার ক্ষমতা থাকে না, চিন্তাশক্তি ফিরিয়া আসিবার পরেও সুনয়না অনেকক্ষণ পর্য্যন্ত সেইরকম একটা আতঙ্ক অনুভব করিয়াছিল।

তাকে চমক দিয়া বাস্তবে টানিয়া আনিয়াছিল ঘর খালি হওয়ার পর ধীরাজের অস্ফুট প্রশ্ন : 'আলো নিভালে না ?'

এ প্রশ্ন সুনয়না অনেকবার শুনিয়াছে। শোয়ার আগে আলো নিভাইতে তার প্রায়ই খেয়াল থাকে না, ধীরাজ মনে পড়াইয়া দেয়। এই পরিচিত সাধারণ প্রশ্নটি শুনিয়া আকস্মিক উত্তেজনায় তার দম যেন আটকাইয়া আসিয়াছিল। ধীরাজ কি তবে ঘরের আলো দেখিতে পাইতেছে !

'তুমি আলো দেখতে পাচ্ছ ?'

ধীরাজ সাড়া দেয় নাই। তখন সুনয়না বুঝিতে পারিয়াছিল, ঘুমের ঘোরে অভ্যাসবশে ধীরাজ ওকথা বলিয়াছে। ঘরে আলো জ্বালানো থাক্ বা নিভানো হোক, ধীরাজের কাছে সব সমান।

বুকের অস্বাভাবিক টিপটিপানি কমিয়া তখন স্বাভাবিক কারণ বুকের ভিতর হইতে ঠেলিয়া উঠিয়াছিল, কিন্তু ধীরাজের ঘুম ভাঙ্গিয়া যাওয়ায় ভয়ে প্রাণ খুলিয়া সে কাঁদিতেও পারে নাই।

তারপর কখনও সপ্তর্পণে বিছানায় উঠিয়া কিছুক্ষণ শুইয়া থাকিয়া আবার নামিয়া আসিয়া, কখনও একদৃষ্টিতে ঘুমন্ত স্বামীর মুখ দেখিয়া, কখনও জানালার শিক ধরিয়া পাশের বাড়ীর উঠানে আবছা চাঁদের আলোয় চেনা জিনিষগুলিকে নূতন করিয়া চিনিবার চেষ্টা করিয়া—আর সমস্তক্ষণ আকাশ-পাতাল ভাবিয়া সে রাত কাটাইয়াছে। ঘরের আলো নিভানোর কথা একবারও আর মনে পড়ে নাই।

বেলা বাড়িলে কয়েকজন প্রতিবেশী দেখা করিতে এবং চুঃখ জানাইতে আসিলেন। আগে সুনয়না ঘর ছাড়িয়া চলিয়া যাইত, আজ সে উদ্ধতভাবে বিছানার কাছ হইতে

শুধু একটু তাকাতে সরিয়া দাঁড়াইল। এই সামান্য ব্যাপারে তার এমন বিরক্তি বোধ হইতে লাগিল যে বলিবার নয়। সমবেদনার গাষ্টীর্থে বিকৃত সকলের মুখ দেখিয়া আর অর্থহীন ভদ্রতার মিঠা মিঠা কথা শুনিয়া গায়ে যেন তার আশ্বন ধরিয়া যাইতে লাগিল। একজন অকালবৃদ্ধ সবজাস্তা ভদ্রলোক যখন অদ্ভুত একটা আক্ষসোসের শব্দ করিয়া বলিলেন যে এলোপ্যাথি না করিয়া হোমিওপ্যাথি করিলে হয় তো উপকার হইত, তখন বাধিনীর মত তার উপর ঝাঁপাইয়া পড়িয়া আঁচড়াইয়া কামড়াইয়া তাকে ঘরের বাহির করিয়া দেওয়ার ইচ্ছাটা দমন করা কাল রাত্রে কান্না চাপিয়া রাখার চেয়েও সুনয়নার কঠিন মনে হইতে লাগিল।

হঠাৎ সে শুনিতে পাইল—তার গলার আওয়াজে তারই মনের কথা কে যেন উচ্চারণ করিতেছে : 'আপনারা এখন আসুন, উনি একটু বিশ্রাম করবেন।'

সকলে আহত বিস্ময়ে তার এলোমেলো চুল, স্কিষ্ট মুখ আর বিস্ফারিত চোখের দিকে তাকায়। ধীরাজ ভদ্রতার খাতিরে বিছানায় উঠিয়া বসিয়া বিনয়ের হাসি হাসিবার চেষ্টা করিতেছিল, তার মুখের হাসি মিলাইয়া যায়।

সকলের আগে কথা বলেন অকালবৃদ্ধ ভদ্রলোকটি : 'চলো হে চলো, আপিসের বেলা হ'ল।'

ধীরাজের ছোট ভাই বিরাজ সকলকে সঙ্গে করিয়া ঘরে আনিয়াছিল, সকলে চলিয়া গেলে সে বলিল, 'তুমি সকলকে তাড়িয়ে দিলে বৌদি !'

ধীরাজ ভৎসনার সুরে বলিল, 'তোমার কি মাথা ধারাপ হয়ে গেছে ?'

সুনয়না উদ্ভ্রান্তভাবে বাঁ হাতের বৃড়া আঙ্গুল দিয়া নিজের কপালটা ঘষিতে থাকে, কথা বলে না। বিরাজ বছর তিনেক ডাক্তারি পড়িতেছে, সুনয়নার মুক্তি দেখিয়া এতক্ষণে তার খেয়াল হয়, হয় তো তার অসুখ করিয়াছে।

'তোমার অসুখ করেছে নাকি বৌদি ?'

সুনয়না মাথা নাড়িয়া ঘরের বাহিরে চলিয়া গেল। একটু পরেই বিরাজ গিয়া খবর দিল, 'দাদা ডাকছে বৌদি।'

ঘরে ফিরিয়া গিয়া ধীরাজের পরিবর্তন দেখিয়া সুনয়না স্তম্ভিত হইয়া গেল। কয়েক মিনিটের মধ্যে তার মুখখানা যন্ত্রণায় বিকৃত হইয়া গিয়াছে, ডান হাতে সে নিজের চুলগুলি সজোরে মুঠা করিয়া ধরিয়া আছে।

সুনয়না সভয়ে জিজ্ঞাসা করিল, ‘কি হয়েছে?’

ধীরাজ অস্বাভাবিক চাপা গলায় বলিল, ‘তোমার অসুখ করেছে তো? আমি টেরও পাইনি! বিরাজ না বললে জানতেও পারতাম না। এবার থেকে তোমার অসুখ করবে, আর আমি না জেনে তোমায় খাটিয়ে মারব, বকব—’

সুনয়না চুপ। কি বলিবে সে, তার কি বলিবার আছে? জীবন আর এখন জীবন নয়, নিছক নাটক। লাগসই অভিনয় করিতে সে ভো কোনদিন শেখে নাই।

ধীরাজ হঠাৎ যেন আর্ন্তনাদ করিয়া উঠিল ‘ঠকাও, ঠকাও, তুমিও আমার ঠকাও। চোখে তো দেখতে পাই না, যা ইচ্ছা তাই বলে কচি ছেলের মত ভুলাও আমাকে।’ বলিয়া ধীরাজ কাঁদিতে আরম্ভ করিয়া দিল।

আগের মত শাস্তভাবে ধীরাজ কথাগুলি বলিলে সুনয়না হয় তো তার পাশে বিছানায় আছড়াইয়া পড়িয়া কাঁদাকাটা আরম্ভ করিয়া দিত। স্বামীর ব্যাকুলতা আর কান্না দেখিয়া নিজেকে সে সংযত করিয়া ফেলিল। ধীরে ধীরে পাশে বসিয়া স্বামীর মাথাটি বুকে চাপিয়া ধরিয়া কয়েকঘণ্টা আগে ধীরাজ যেভাবে তার মাথায় হাত বুলাইয়া তাকে সান্ত্বনা দিয়াছিল তেমনিভাবে এখন তার মাথায় হাত বুলাইয়া দিতে দিতে বলিল, ‘ওরকম কোরো না। পাগল হয়েছ, তোমায় ঠকাব? ঠাকুরপোর কি কাণ্ডজ্ঞান আছে? ভাবনায় চিন্তায় রাত জেগে মুখ একটু শুকনো দেখাচ্ছে, ওম্নি ঠাকুরপো ধরে নিল আমার অসুখ হয়েছে। অসুখ হ’লে তোমায় বলব না?’

‘কিন্তু বিরাজ যে বলল তোমার নার্ভাস ব্রেকডাউনের উপক্রম হয়েছে?’

‘ঠাকুরপো তো মস্ত ডাক্তার!’

এমন সময় আসিলেন পিসীমা। সুনয়নার দিকে কেউ নজর দিতেছে না বলিয়া বিরাজ বোধ করি বাড়ীর সকলকে একটু খোঁচাইয়া দিয়াছিল; ঘরে ঢুকিয়াই পিসীমা বলিতে আরম্ভ করিলেন, ‘নাওয়া নেই খাওয়া নেই, তুমি কি আরম্ভ ক’রে দিয়েছ বোমা? কাল থেকে উপোস দিচ্ছ, এয়োস্ত্রী মানুষ—’

পিসীমার পিছনে পিছনে কাকীমাও আসিয়াছিলেন, তিনি তাড়াতাড়ি বলিলেন, ‘আহা, থাক থাক। এসো বোমা, একটু কিছু খেয়ে নেবে এসো।’

কাকীমা একটু গভীর চুপচাপ মানুষ, কারও সঙ্গে বেশী মেলামেশা করেন না। এতদিন মানুষটাকে দেখিনেই সুনয়নার বড় মায়া হইত, মনে হইত, আহা দশ-বার বছর বেচারী অন্ধ স্বামীকে লইয়া ঘর করিতেছে। আজ কাকীমার শাস্ত কোমল মুখখানা দেখিয়া তার গভীর বিতৃষ্ণা বোধ হইতে লাগিল; আন্তরিক মমতাভরা কথাগুলি শুনিয়া মনে হতে লাগিল, সুযোগ পাইয়া তাকে যেন কাকীমা ব্যঙ্গ করিতেছেন। পিসীমার মৃদু ভৎসনার প্রতিবাদ করিয়া যেন ইঞ্জিতে বলিতেছেন, আহা থাক থাক, ওকে আপনি বকবেন না, ও এখন আমার দলের।

একটু আগে সুনয়না হয় তো নিজেকে সামলাইতে না পারিয়া প্রতিবেশী ডাক্তারদের মত গুরুজন দু’জনকে অপমান করিয়া বসিত। কিন্তু ধীরাজের আকস্মিক উদ্ভ্রান্তভাব তার সমস্ত সজ্জত ও অসজ্জত উচ্ছ্বাসের বাহির হওয়ার পথ তখনও বন্ধ করিয়া রাখিয়াছিল। একটু ঘোমটা টানিয়া দিয়া সে নীরবে কাকীমার সঙ্গে চলিয়া গেল।

একবার ভাঙ্গিয়া পড়িয়াই ধীরাজের ধৈর্য আর সংযম যেন নষ্ট হইয়া গেল। এতক্ষণে সে যেন টের পাইয়াছে তার চারিদিকে যে অন্ধকার নামিয়া আসিয়াছে সেটা রাত্রির সাময়িক অন্ধকার নয়, ভাগ্যের চিরস্থায়ী বন্দোবস্ত। কখনও দুঃখে সে একেবারে মুষড়াইয়া পড়িতে লাগিল, কখনও অধীর হইয়া ছটফট করিতে লাগিল। মা একবার ছেলেকে দেখিতে আসিয়া ছেলের অবস্থা দেখিয়া দাঁড়াইতে পারিলেন না, চোখে আঁচল দিয়া পলাইয়া গেলেন। বাড়ীর সকলে আসিয়া নানাভাবে তাকে শান্ত করিবার চেষ্টা করিল, কিন্তু তাতে সে যেন আরও অশান্ত হইয়া উঠিতে লাগিল।

সব কথার জবাবে গুমরাইয়া গুমরাইয়া কেবলি বলিতে লাগিল, অন্ধ হয়ে বেঁচে থেকে কি হবে, এর চেয়ে মরাই ভাল।

ধৈর্য আর সংযম দেখা দিল সুনয়নার মধ্যে। মনের সমস্ত অবাধ্য ও উচ্ছ্বাল চিন্তাকে সে যেন জোর করিয়া মনের জেলে পুরিয়া ফেলিল, বাহিরে আর তাদের অস্তিত্বের কোন চিহ্নই প্রকাশ পাইল না। দুঃজনের দ্রুত পরিবর্তন দেখিয়া মনে হইতে লাগিল, তারা যেন পরামর্শ করিয়া পরস্পরের মানসিক অবস্থাকে অদলবদল করিয়া লইয়াছে। ধীরাজ বতরুণ শাস্ত ছিল ততরুণ পাগলামী করিয়াছে

সুনয়না, এবার ধীরাজকে পাগল হওয়ার সুযোগ দিয়া সুনয়না আত্মসম্বরণ করিয়াছে।

কারও বলার অপেক্ষা না রাখিয়া মান করিয়া সুনয়না দু'টি ভাত খাইল। গুরুজনদের কাছে প্রয়োজনীয় লজ্জা বজায় রাখিয়া চলিতে লাগিল। নীরবে সকলের স্নেহাত্মক সমবেদনার উচ্ছ্বাসভরা অসহ্য কথা শুনিয়া গেল। আর প্রতি মুহূর্তে অনুভব করিতে লাগিল, ভিতরের বন্দী ব্যাকুলতা আর উচ্ছ্বাস ক্রমে ক্রমে যেন ফুলিয়া ফাঁপিয়া উঠিতেছে।

বিকালে থাকিতে না পারিয়া সে পলাইয়া গেল ছাতে। সেখানে অনায়াসে নিজের মনে পাগলের মত ষত ইচ্ছা কাঁদাকাটা করিয়া আর গুড়া শ্রাওলার ধূলাতে গড়াগড়ি দিয়া ভিতরে আটকানো প্রচণ্ড আবেগকে সে কতকটা হালকা করিয়া ফেলিতে পারিত। কিন্তু নির্জনে হিষ্টিরিয়াকে প্রশ্রয় দিতে মেয়েদের ভাল লাগে না। মাহুষের সামনে যে অন্ধ উচ্ছ্বাস বাহিরে আসিবার জন্ত দুরস্তপনা আরম্ভ করে, নির্জনে সেটা রূপান্তরিত হয় উদ্ভ্রান্ত কল্পনার। কিছুদূরে পুরানো একটা বাড়ীর পিছনে সূর্য্য আড়াল হইয়া যাওয়ার উপক্রম করিতেছে। সোজাসুজি সূর্য্যের দিকে চাহিয়া ঝলসানো চোখে চারিদিক আবছা হইয়া গিয়াছে দেখিয়া সুনয়নার রীতিমত তৃপ্তি বোধ হয়। এই কি তার শাস্তির সূচনা? স্বামীকে সে অন্ধ করিয়াছে, তাই সেও অন্ধ হইয়া যাইতেছে? তাই ভাল, চোখ উপড়াইয়া ফেলার চেয়ে ধীরাজ যেমন ঝাপসা দেখিতে আরম্ভ করিয়া অন্ধ হইয়া গিয়াছে, তারও সেভাবে অন্ধ হওয়াই ভাল। রাতের পর রাত জোর করিয়া জাগাইয়া রাখিয়া ধীরাজের চোখ সে নষ্ট করিয়াছে, তার চোখে জল দেখার ভয়ে নিজের চোখের কথা ধীরাজ ভাবে নাই, আজ ধীরাজ একা সেই রাত জাগার ফল ভোগ করিবে কেন?

চারিদিক আবার স্পষ্ট হইয়া উঠিয়াছে দেখিয়া সুনয়না গভীর হতাশা বোধ করে। কাল রাত্রে কিছুকণের জন্ত যেমন অন্ধকার দেখিয়াছিল নিজের জগতে স্থায়ী ভাবে সেই রকম অন্ধকার টানিয়া আনিবার জন্ত মন তার ছটকট করিতে থাকে। চারিদিক অন্ধকার হইয়া যাইবে সে জানে, কিন্তু ধৈর্য্য ধরিয়া সে অন্ধ অপেক্ষা করা তার যেন অসম্ভব

মনে হয়। সূর্য্যও বাড়ীটার আড়ালে চলিয়া গিয়াছে, সূর্য্যের দিকে যতক্ষণ পারে তাকাইয়া আবার বে একটু সময়ের জন্তও ঝাপসা দেখিবে তারও উপায় নাই।

সূর্য্য একেবারে ডুবিয়া গিয়া সন্ধ্যা নামিয়া আসে, কিন্তু অন্ধকার কই? আকাশে তারা ফুটিয়াছে, চাঁদ উঠিয়াই আছে, নীচে ঘরে ঘরে রাস্তায় ঘাটে হাজার হাজার আলো জলিয়াছে। এখানে ওখানে ধণ্ড ধণ্ড পাতলা অন্ধকার আর ছায়া লুকাইয়া আছে, আলোময় জগতে অস্তিত্বের লজ্জা রাখিবার ঠাই আনাচে কানাচে ছাড়া খুঁজিয়া পাইতেছে না।

বিরাজ আসিল। বৌদির জন্ত বেচারীর দুর্ভাবনার অস্ত নাই।

‘এখানে কি করছ বৌদি?’

‘দাঁড়িয়ে আছি।’

‘চলো নীচে যাই।’

সুনয়না মূহু হাসিয়া বলিল, ‘তুমি বুঝি ভাবছ ঠাকুরপো, ছাত পেকে নীচে লাফিয়ে পড়ব?’

খুব সম্ভব ওরকম কিছুই বিরাজ ভাবিতেছিল, কিন্তু তাড়াতাড়ি অস্বীকার করিয়া বলিল, না না, কি যে বল তুমি! ‘দাদা ডাকছে।’

ঘরে আলো জলিতেছে। ধীরাজের জন্ত নয়, যারা ঘরে আসা যাওয়া করিতেছে তাদের জন্ত। ঘরে পা দিয়াই সুনয়নার মনে হইল, আলো যেন অস্বাভাবিক রকম উজ্জ্বল হইয়া উঠিয়াছে, বালবুটা সূর্য্যের মত তীব্র জ্যোতিতে চোখ ঝলসাইয়া দিতেছে। পরক্ষণে কালরাত্রির মত কানের মধ্যে ঝমঝমানি আরম্ভ হইয়া চারিদিক চটচটে অন্ধকারে ঢাকিয়া গেল, ঝমঝমানি থামিয়া পৃথিবী ডুবিয়া গেল স্তব্ধতায়।

মিনিট ধানেক পরে সে স্বামীকে দেখিতে পাইল, তার কথাও শুনিতে পাইল।

‘কে এল? তুমি নাকি?—’

সুনয়না আগে আলোটা নিভাইয়া দিয়া বিছানার কাছে গেল। আলো তার সহ্য হইতেছিল না। ধীরাজের সঙ্গে কথা বলার চেষ্টামাত্র না করিয়া মোটা চাদর মুড়ি দিয়া বালিশে মুখ গুঁজিয়া শুইয়া পড়িল।

‘কি হয়েছে? ওয়ে পড়লে যে?’

‘শরীরটা ধারাপ লাগছে।’

তেমনিতাবে চাদর মুড়ি দিয়া বালিশে মুখ শুঁজিয়া ঘণ্টার পর ঘণ্টা স্নানস্নান নিষ্পন্দ হইয়া পড়িয়া রহিল। ঘরে মাহুষের আসা যাওয়া চলিতে লাগিল, মাঝে মাঝে স্নাইচ টেপার শব্দে সে টের পাইতে লাগিল, আলো জ্বলিতেছে নিভিতেছে। সে ঘুমাইয়া পড়িয়াছে ভাবিয়া কেউ তাকে ডাকিল না। এক সময় ধীরাজের খাবার আসিল, কাকীমা নিজের কাছে বসিয়া তাকে খাইতে সাহায্য করিলেন। বিরাজের হাত ধরিয়া সে বাহির হইতে ঘুরিয়া আসিল। চুরুটের গন্ধে স্নানস্নান বৃদ্ধিতে পারিল, বিছানায় ওঠার বদলে সে আরাম কেদারায় বসিয়া চুরুট ধরাইয়াছে।

কাকীমা আস্তে আস্তে তাকে ঠেলিয়া বলিলেন, ‘খাবে এসো বৌমা।’

তখনও স্নানস্নান মুখ তুলিয়া চাহিল না।—‘কিছু খাব না। শরীরটা বড় খারাপ লাগছে।’

‘একটু গরম দুধ খাও তবে? বিকেলে চা-ও তো খাওনি।’  
‘কিছু খেলেই বমি হয়ে যাবে।’

কিছুক্ষণ পরে ধীরাজ তাকে ডাকিল, কিন্তু সে সাড়া দিল না। আরাম কেদারা ছাড়িয়া উঠিয়া ধীরাজ ঘরে হাতড়াইয়া ফিরিতেছে টের পাইয়া তার ইচ্ছা হইতে লাগিল, উঠিয়া গিয়া স্বামীকে বিছানায় শুইতে সাহায্য করে। কিন্তু আজ একদিন সাহায্য করিয়া আর কি হইবে? আজ-কালের মধ্যে সেও তো অন্ধ হইয়া যাইবে!

হাতড়াইয়া হাতড়াইয়া দরজা দিয়া ধীরাজ শুইয়া পড়িল। ধীরাজ ঘুমাইয়া পড়িয়াছে বুঝিবার পর স্নানস্নান অনুভব করিতে লাগিল, ইতিপূর্বে দু’বার চোখে অন্ধকার দেখিবার সময় যে দম আটকানো স্তব্ধতা চারিদিকে নামিয়া

আসিয়াছিল ঠিক সেইরকম স্তব্ধতা তাকে ঘিরিয়া জমাট বাধিয়া উঠিতেছে। দামী রুকটার ঘণ্টা বাজার গভীর আওয়াজ পর্যন্ত যেন অস্পষ্ট হইয়া যাঠিতেছে। বমির মত কি যেন ভিতর হইতে ঠেলিয়া বাহির হইবার চেষ্টা করিতেছিল— কেবল বুক ভাঙ্গিয়া নয়—মাথাটা পর্যন্ত যেন চুরমার করিয়া দিয়া বাহির হইয়া আসিতে চায়।

রাত বারোটা বাজিবার পর সে আর শুইয়া থাকিতে পারিল না। বাহিরে গিয়া বমি করিয়া আসিলে ভাল লাগিবে ভাবিয়া সে উঠিয়া পড়িল। ঘর অন্ধকার। ঘরে আলো জ্বলিবার সময় দু’বার মিনিট থানেকের জন্ত যেমন গাঢ় চটচটে অন্ধকার দেখিয়াছিল, তার চেয়েও ঘন অন্ধকার। আন্দাজে স্নাইচের কাছে গিয়া স্নাইচে হাত দিয়া সে স্তব্ধভাবে খানিকক্ষণ সেই ভাবেই দাঁড়াইয়া রহিল।  
স্নাইচ নামানোই ছিল।

ধীরাজ হাতড়াইয়া হাতড়াইয়া দরজা বন্ধ করিয়াছে, আলো নিভায় নাই। এই অন্ধকার ঘরে এখনো আলো জ্বলিতেছে। সে তবে সত্যই অন্ধ হইয়া গিয়াছে?

যে স্পেশালিস্ট ধীরাজের চোখ পরীক্ষা করিয়াছিলেন পরদিন তিনিই নানাভাবে স্নানস্নান চোখও পরীক্ষা করিলেন। তারপর বিব্রতভাবে আরও একজন বড় চোখের ডাক্তারকে ডাকিয়া আনিলেন। কিন্তু অনেক রকম পরীক্ষা আর পরামর্শের পরও দুজনে ঠিক বুঝিয়া উঠিতে পারিলেন না, স্নানস্নান চোখ কেন নষ্ট হইয়া গিয়াছে। তখন ভাবিয়া চিন্তিয়া স্পেশালিস্ট মত প্রকাশ করিলেন: এটা অপটিক্ নার্ভের অসুখ। কদাচিত্ মাহুষের এ অসুখ হয়।

## পথ-হারা

শ্রীনীলাশ্বর চট্টোপাধ্যায়

যেদিন প্রথম বাহির হইলু পথে  
সেদিন রজনী ছিল দুর্ব্যোগে ভরা,  
পরিচিত যারা রহিল পিছনে পড়ে  
বাহিরে এলেম শুনিয়া তোমার সাড়া।

সেইদিন হ’তে কত নিশাস্ত ধরি’  
সম্মুখপানে চলেছি নিরুদ্দেশ,  
পদতলে কাঁটা ফুটিয়াছে কতবারই,  
কত বন্ধুর পথ হ’য়ে গেছে শেষ।

কত বসন্ত কত উৎসব রাত্তি  
একে একে হ’ল নীরবে বাহিত সব,  
যাহা কিছু ছিল বিলায়ে দিলেম সাথী,  
এবার থামিবে জীবনের কলরব:

তবু পুরাতনে কেন মনে পড়ে বারে,  
গাল বেয়ে কেন বারে অশ্রুর ধারা,  
একেলা পাগল রাতের অন্ধকারে  
আর কত দিন চলিব পথ-হারা!

# প্রহেলিকা

নাটক

শ্রীযামিনীমোহন কর

## তৃতীয় অঙ্ক

একই দৃশ্য

গিরিজা। অনাথ এখনও এল না!

কার্তিক। আমি বংশীকে জিজ্ঞেস করেছি। সে বললে, অনাথ এক্ষুণি আসছে। বাড়ী গিয়ে শুয়েছিল। জ্বর বেড়েছে।

দরকার খট খট ধনি

গিরিজা। কে? অনাথ?

অনাথ। (নেপথ্যে) আজ্ঞে হ্যাঁ।

বেমানান বড় একটা ইউনিকর্ন পরে অনাথ ঢুকল

কার্তিক। এ পোষাক তো তোমার নয়? তোমারটা কোথায়?

অনাথ। খুঁজে পাচ্ছি না।

গিরিজা। মিথ্যা কথা বলে এতক্ষণ আমার সময় নষ্ট করছিলে কেন? কাল তো তুমিই লিফটে ছিলে।

অনাথ চুপ করে রইল

কথার উত্তর দাও। ছিলে কি না?

অনাথ। আজ্ঞে হ্যাঁ।

গিরিজা। হঠাৎ ডিউটি বদল করেছিলে কেন?

অনাথ। বেহালার ডগ রেসের হঠাৎ একটা খুব ভাল টিপ পেয়েছি। তাই কাল কাজ করেছি, শনিবারে ছুটি নেব বলে।

গিরিজা। বংশী তো সমস্ত মিথ্যা কথা বলেছে। এখন তুমি সত্যিকারের কি ঘটেছিল বল। কোন রকম আওয়াজ কি ঝগড়া কিছু শুনেছিলে?

অনাথ। আজ্ঞে না।

গিরিজা। কাল রাতে মিস্ রায় কখন ফিরেছিলেন?

অনাথ। জানি না। লিফট ব্যবহার করেন নি।

গিরিজা। কার্তিক তোমার রেকর্ড দেখ।

কার্তিক। (নোটবই দেখে) ঠিক আছে। মিস্ রায় কাল ঘর থেকে বার হন নি।

গিরিজা। মালিনী দেবী কখন ফিরেছিলেন?

অনাথ। জানি না। তিনিও লিফট ব্যবহার করেন নি।

গিরিজা। তিনি যে বললেন, লিফটে ওপরে এসেছেন— কার্তিক। (নোট বই দেখে) এই রাত বায়োটার সময়। অনাথ। আমি বলতে পারছি না। লিফটে উঠলে আমার নিশ্চয়ই মনে থাকত।

গিরিজা। আচ্ছা। তাঁকে ডেকে দিয়ে তুমি বাহিরে অপেক্ষা কর। বাড়ী যেও না, তোমায় এখুনি দরকার হতে পারে।

অনাথের প্রশ্ন

ভারী আশ্চর্য্য তো!

কার্তিক। কি?

গিরিজা। এই লোকটাকে যত দেখছি, ততই মনে হচ্ছে কোথাও যেন দেখেছি।

কার্তিক। মনে করতে পারলে সুবিধা হত।

গিরিজা। বহুদিন আগেকার কথা। তবে মনে পড়বেই।

কার্তিক। মালিনী দেবীর কাছ থেকে কি সাহায্য পাওয়া যাবে?

গিরিজা। কে মিথ্যা বলছে? অনাথ না মালিনী দেবী? কেন বলছে?

খট খট ধনি

কার্তিক। ভেতরে আসুন।

মালিনী দেবীর প্রবেশ

মালিনী। (হেসে) এখনও সেই একই কাজ চলছে?

গিরিজা। হ্যাঁ। আপনি আগে যা সব বলেছেন তার দু-একটা কথা কেমন যেন গুলিয়ে যাচ্ছে।

মালিনী। তা যাবেই। আমি থাকলে আরও বেশী গুলিয়ে যেতে পারে।

গিরিজা। আপনি কাল-রাত বায়োটার সময় লিফটে উপরে উঠেছিলেন, ঠিক তো?

মালিনী। তাই ত মনে হচ্ছে।

গিরিজা। লিফটে কে ছিল? অনাথ না বংশী?

মালিনী। লিফটম্যানদের সঙ্গে আমার নাম জানবার মত বন্ধুত্ব এখনও হয় নি।

গিরিজা। তাদের চেহারা তো মনে আছে?

মালিনী। বিশেষ না।

গিরিজা। একজন রোগী আর একজন মোটা। কে লিফ্টে ছিল ?

মালিনী। যে রোগী সে-ই বোধ হয়।

গিরিজা। সে কাল লিফ্টে ছিল না।

মালিনী। তবে সেই মোটা লোকটা।

গিরিজা। সে বলছে আপনি কাল রাতে লিফ্ট মোটে ব্যবহারই করেন নি।

মালিনী। তা কি ক'রে হতে পারে ?

গিরিজা। তাকে ডাকব ?

মালিনী। না, ডাকবার দরকার নেই।

গিরিজা। দেখুন মালিনী দেবী, এই ফ্ল্যাটে একটা খুন হয়েছে। আপনি সত্য কথা না বললে বিপদে পড়তে হবে।

মালিনী। (ভীতভাবে) আমি এসবের কিছুই জানি না। আমি কাল এখানে—

খামলেন

গিরিজা। বলুন, খামবেন না।

মালিনী। আমি কাল রাতে এখানে ছিলামই না।

গিরিজা। একথা এতক্ষণ বলেন নি কেন ?

মালিনী। আপনাদের ভয়ে। আপনারা যে রকম ব্যস্তবাগীশ লোক, হয় ত এর একটা ভুল মানে ক'রে বসবেন।

গিরিজা। কাল রাতে কোথায় ছিলেন ?

মালিনী। শুটিং ঠিক শেষ হয়ে এসেছে এমন সময় আমার ভয়ানক পেট কামড়াতে লাগল। দুপুর বেলা স্টুডিওতে চিংড়ি মাছ, মাংস ইত্যাদি অনেক খাওয়া হয়েছিল। ডিরেক্টর রঙীনবাবু বললেন—“হোটেল গিয়ে কষ্ট পাবে। কেই বা দেখবে। তার চেয়ে আমার ওখানে চল।” তাই তাঁর সঙ্গে গেলুম। কি একটা ওষুধ দিলেন, খেলুম। অনেকটা আরামও পেলুম। তখন রাত অনেক হয়ে গিছিল, তাই তিনি বললেন—“আজ এখানেই থেকে যাও। কাল সকালে পৌছে দেব।” আমিও আর বিরক্তি করলুম না।

গিরিজা। হঁ।

মালিনী। আপনি আবার তাঁকে যেন টেলিফোন ক'রে বসবেন না। আমি যা বলছি সবই সত্য।

গিরিজা। তাই মনে হচ্ছে, তবুও একবার জিজ্ঞেস করা দরকার।

মালিনী। বেশ। দশটার পর যখন স্টুডিওতে

যাবেন, তখন জিজ্ঞেস করবেন। বাড়ীতে ফোন করবেন না। আজ সকাল আটটার গাড়ীতে ঔর স্ত্রীর বাপের বাড়ী থেকে ফেরবার কথা। তিনি যদি এসে শোনেন—

কার্তিক। (হেসে) ওঃ! তবে করব না।

গিরিজা। আপনার শরীর কি প্রায়ই খারাপ হয় ?

মালিনী। নতুন ডিরেক্টর এলে দু-চার বার শরীর খারাপ হয় বই কি।

গিরিজা। আচ্ছা ধন্যবাদ। এবার যেতে পারেন।

মালিনী। (যেতে যেতে) বাড়ীতে ফোন করবেন না যেন। ঔর স্ত্রী আবার উল্টো মানে করতে পারেন। সে এক বিপদ!

হেসে প্রশ্ন

কার্তিক। ভদ্রমহিলাকে অনর্থক লজ্জায় ফেলা হ'ল।

গিরিজা। কি করব ? ক্রমাগত মিথ্যা কথা বলছিলেন। তবে এক রকম ভালই হয়েছে। এই আমার বন্ধু মৃগাঙ্কের স্ত্রী। এরই জন্তু সে আর বিয়ে করেনি। বলে—“মতি গতি ফিরলে সে ঠিক ফিরে আসবে।” এই কথা জানালে তার উপকার হ'তে পারে। হঁ, অনাথকে ডাক।

দরজা খুলে কার্তিক বাহিরে গেলেন ও অনাথকে নিয়ে ঢুকলেন

গিরিজা। অনাথ, কাল রাতে কোনও সময় লিফ্টে ছেড়ে তুমি কোথাও গিছলে ?

অনাথ। আজ্ঞে না।

গিরিজা। একবারও না।

অনাথ। না।

গিরিজা। মনে করে দেখ। এক মিনিটের জন্তুও যাওনি কি ?

অনাথ। তা হজুর একবার গিছলুম। কিন্তু মাত্র মিনিট দু'য়েকের জন্তু।

গিরিজা। লিফ্ট তখন কোন্ তলায় ছিল ?

অনাথ। একেবারে নীচের তলায়।

গিরিজা। অল্প কোন তলায় লিফ্ট দাঁড় করিয়ে তুমি কোথাও যাওনি ?

অনাথ। না হজুর।

গিরিজা। কার্তিক, গণেশবাবুকে নিয়ে এস।

কার্তিক। (যেতে যেতে) তিনি এবার আমায় কামড়ে দেবেন।

প্রশ্ন

গিরিজা। এখনও ঠিক ক'রে বল।

অনাথ । ঠিকই বলছি হজুর ।

গিরিজা । তোমার পোষাক কাল কোথায় ছিল ?  
এটা তো তোমার নয় ।

অনাথ । কাল রাতে তো আমি পরেছিলুম । তারপর  
যাবার সময় আমাদের নীচেকার ঘরে টাঙ্গিয়ে রেখে গিছলুম ।  
আজ আর খুঁজে পাচ্ছি না ।

গিরিজা । কতদিন এখানে কাজ করছ ?

অনাথ । বেশী দিন না । মাস দেড়েক হবে ।

গণেশ ও কার্তিকের প্রবেশ

গণেশ । যদি কুমারবাহাদুরকে আমি হস্তিয়া করেছি  
বলে শাস্তি পেতে পারে তো তাই স্বীকার করবে ।

গিরিজা । না, না । দয়া ক'রে আপনি আবার স্বীকার  
ক'রে বসবেন না । কাল রাত্রে হোটেলে ফেরবার পর  
আপনি কি দেখলেন, আর একবার বলুন তো ।

গণেশ । বার বার ঘণ্টী বাজায় লিফ্ট নামলে না  
দেখে আমি হেঁটে সিঁড়ি দিয়ে ওপরে যখন এসেছি, তখন এই  
তলায় লিফ্ট দাঁড়িয়ে ছিলে লেकिन তাতে কোন আদমী  
ছিলে না । এক কাম করিয়ে । একঠো কাগজে এই  
সব লিখে দেন আমি দসখৎ করে দেবে । ফের বার বার  
আসতে হোবে না ।

গিরিজা । অনাথ, গণেশবাবু কি বললেন শুনলে ?

অনাথ । আজ্ঞে হ্যাঁ ।

গিরিজা । গণেশবাবু আপনি ক'টার সময় ফিরেছিলেন ?

গণেশ । অনেকবার তো বলেছে । এগারো হোবে ।

গিরিজা । ধস্তাবাদ ! আপনি এবার যেতে পারেন ।

গণেশের প্রস্থান

অনাথ, এইবার সত্য কথা বল । কোথায় গিছলে ?  
পরোপকার করতে ?

অনাথ । কি বলছেন ?

গিরিজা । কুমারবাহাদুরকে শুইয়ে দিতে ?

অনাথ । ( চমকে ) আপনি কি ক'রে জানলেন ?

গিরিজা । ঘেরকম ক'রেই হোক, জেনেছি । এখন  
আমার কথার উত্তর দাও ।

অনাথ । আজ্ঞে না । কাল তার ঘরে যাইনি । ছুটি  
নিরেছিলুম কি না । পাছে জানাজানি হয়ে যায়—

একটা লিফ্টম্যানের পোষাক নিয়ে দামোদরের প্রবেশ

দামোদর । দেখুন, আমি এই—( অনাথকে দেখে )  
এখনও এই পোষাক ! হোটেলটা দেখছি তোমরা  
পাঁচজনে মিলে—

গিরিজা । আপনার কথাটা কি খুব দরকারী  
দামোদরবাবু ?

দামোদর । আপনাদের দরকারে লাগতে পারে ।

টেলিফোনের ঘণ্টা বাজল । কার্তিক গিয়ে ধরলেন

কার্তিক । ( ফোনে ) হ্যালো—আমি কার্তিক । বলুন,  
আচ্ছা, ধরে আছি, ডেকে আনুন ।

গিরিজা । বলুন দামোদরবাবু, কি বলবেন ?

দামোদর । অনাথকে বড় পোষাক পরে থাকতে দেখে  
আমি ওদের নীচেকার ঘরে খোঁজ করেছিলুম । কেউ  
তক্তাপোষের তলায় এই পোষাকটা পুঁটলীর মত ক'রে ফেলে  
রেখেছিল । বার করে খুলে দেখি রক্তের দাগ । এই  
দেখুন ।

খুলে দেখালেন

গিরিজা । ( পরীক্ষা ক'রে ) রক্তের দাগই তো মনে  
হচ্ছে । কাঁধের ব্যাজটাও ছেঁড়া রয়েছে ।

কার্তিক । ( ফোনে ) হ্যাঁ, বলুন । নোটের উপরে যে  
আঙ্গুলের ছাপ ছিল—হ্যাঁ, রেকর্ডে পাওয়া গেছে—কার ?  
বৃন্দাবন দাস, আচ্ছা—ছবি খুঁজে পেলে পাঠিয়ে দেবেন ।  
ডাকাত ছিল—ওঃ । আচ্ছা—

ফোন রেখে দিলেন

গিরিজা । আর ছবি পাঠাবার দরকার নেই ।  
( অনাথকে দেখিয়ে ) সামনেই বৃন্দাবন দাঁড়িয়ে রয়েছে ।

অনাথ দরজার দিকে যাচ্ছে দেখে গিরিজা চৌচিয়ে উঠলেন

চুপ করে দাঁড়িয়ে থাক' । পালাবার চেষ্টা বৃথা ।

অনাথ । সত্যি বলছি হজুর—

কেঁদে কেঁদে

গিরিজা । চুপ কর ।

দামোদর । আপনি কি বলতে চান অনাথ জেল-ফেরত  
আসামী ?

গিরিজা । হ্যাঁ । প্রায় পনেরো বছর আগে এক  
ডাকাতী কেসে ধরা পড়ে । দশ বছর সশ্রম কারাদণ্ড পায় ।  
আট বছর পরে “জ্বলে ভাল ব্যবহারের” জন্তু তাকে ছেড়ে  
দেওয়া হয় । তার পর সাত বছর এর কোন সন্ধান পুলিশ  
পায় নি ।



দামোদর। (উত্তেজিতভাবে) আমার এ হোটেল আর টিকবে না। এরাই পাঁচ জনে মিলে উঠিয়ে দেবে দেখছি।

প্রহান

গিরিজা। এইবার তোমার কি বলবার আছে বল'।

অনাথ চুপ করে রইল

তোমার রক্তমাথা আঙ্গুলের ছাপ নোটের তাড়ায় পাওয়া গেছে। তুমি রাত্রে কুমারবাহাদুরের ঘরে নিশ্চয়ই এসেছিলে।

অনাথ। (কাঁদ কাঁদ স্বরে) হুজুর ইচ্ছে করে নয়—  
হঠাৎ—

চুপ করল

গিরিজা। হঠাৎ কি? বল, চুপ করে থেকে না।

অনাথ। আমি কুমারবাহাদুরকে হত্যা করেছি।

গিরিজা। অ্যা!

কার্তিক। কি বলছ! তুমি হত্যা করেছ?

অনাথ। আজ্ঞে হ্যাঁ। কিন্তু হঠাৎ।

গিরিজা। কি কি ঘটেছিল সমস্ত খুলে বল'।

কার্তিক। ওকে আগে সাবধান করে দিন।

গিরিজা। মনে থাকে যেন তুমি স্বেচ্ছায় জবানবন্দী দিচ্ছ, আমরা বাধ্য করি নি। আর দরকার হ'লে তোমার বিরুদ্ধে আমরা তা ব্যবহার করতে পারি।

অনাথ। আজ্ঞে হ্যাঁ।

গিরিজা। কার্তিক, এর বক্তব্য একটা আলাদা কাগজে লিখে নাও।

অনাথ বলতে ও কার্তিক লিখতে লাগলেন

অনাথ। রোজ রাত্রে কুমারবাহাদুরকে আমি এসে শুইয়ে দিতুম। তিনি তখন মাতাল অবস্থায় থাকতেন। কোন রকম হুঁশ থাকত না। আমিও তাঁর জামা খুলে টাঙ্গিয়ে রাখবার সময় দু-চার টাকা সরিয়ে নিতুম। তিনি কোন দিন টের পেতেন না। কালও তাঁকে শুইয়ে দেবার পর জামা খুলে রাখতে গিয়ে দেখি পকেটে একতাড়া নোট। রোজকার মত কিছু নিতে ইচ্ছে হ'ল, কিন্তু লোভ সামলাতে না পেরে তাড়া শুদ্ধ নিয়ে যেই যাব, অমনি কুমারবাহাদুর উঠে বসে ডাকলেন—“অনাথ!” আমি থমকে দাঁড়াতে, তিনি উঠে এসে দেওয়াল থেকে রিভলভার বার করে আমার দিকে উঠিয়ে বললেন—“অনাথ, আমি তোমায় বিশ্বাস করতুম। তুমি রোজ আমার পকেট থেকে চুরি

কর'। ভাব আমি বুঝি জানতে পারি না। আজ আর তোমার নিস্তার নেই।” আমি ভীত হয়ে বললুম—“আমায় পুলিশে দেবেন না।” তিনি বললেন—“না, তোমায় আমি খুন করব।” বললুম তাঁর নেশার ঘোর তখনও কাটেনি। আমি প্রাণভয়ে তাঁর ঘাড়ে লাফিয়ে পড়লুম। বুটোপাটি করতে করতে তাঁর হাতের রিভলভারটা কি রকম করে আপনি ছুঁড়ে গেল। তিনি আমার হাতের মধ্যে নেন্টিয়ে পড়লেন। নিশ্বাস পড়ছে না দেখে বললুম মারা গেছেন। আমার হাতে জামায় রক্ত মাখামাখি। নোটগুলো পায়ের কাছেই পড়েছিল, তুলে নিয়েও আসছিলুম, কিন্তু ধরা পড়বার ভয়ে সেইখানেই ফেলে রেখে চলে এলুম। আসবার সময় ধাক্কা লেগে টেবুল ল্যাম্পটা পড়ে গিয়ে ভেঙ্গে চুরমার হয়ে গেল।

কার্তিক। তখন রাত ক'টা?

অনাথ। বারোটা। নোটগুলোর জন্মই ধরা পড়লুম। নিয়ে গেলেই ভাল হ'ত।

কার্তিক। দামোদরবাবুকে আর একটা ঘরের কথা জিজ্ঞেস করব?

গিরিজা। না, এবার মারতে আসবেন। রতন!

রতনের প্রবেশ

নিশিকান্তবাবুর ফ্ল্যাটটা খালি আছে। একে ঐ পাশের ঘরে বসিয়ে রেখে এস। বাইরে একজন পুলিশ মোতায়ন করে দিও। অনাথ, কোন রকম গুণ্ডাগোল করার চেষ্টা কোরো না।

রতন ও অনাথের প্রহান

কার্তিক। এ ব্যাপার মন্দ নয়। একই টেবুল ল্যাম্প একবার বারোটায় ভাঙ্গল, আবার সাড়ে বারোটায় ভাঙ্গল—তারপর একটার সময় জোড়া লেগে জ্বলতে লাগল। একই লোক বারোটা, সাড়ে বারোটা, একটা, তিন তিন বার বুটোপাটি করে মারা গেলেন, তারপর দু'টোর সময় বেঁচে উঠে টেলিফোন করতে গেলেন, শেষে সে মতও বদলে ফেললেন।

গিরিজা। এ রকম কেস তো কখনও দেখি নি। আমার তো ভয় হচ্ছে পাগল হয়ে যাব।

কার্তিক। এক কাজ করলে হয়।

গিরিজা। কি বল তো।

কার্তিক। ওদের দিয়েই প্রকৃত আসামী খুঁজে বার করা যাক।

গিরিজা। তুমিও কি খেপে গেলে নাকি ?

কার্তিক। আজে না। ওরা সকলেই মনে করছে তার দোষ প্রমাণ হয়ে গেছে, তাই জবানবন্দী দিয়েছে। যদি জানতে পারে যে সে ছাড়া আরও দু'জন দোষ স্বীকার করেছে তাহলে প্রত্যেকে নিজেকে বাঁচাবার চেষ্টা করবে।

গিরিজা। ঠিক বলেছ। ওদের তিনজনকে এই কথা জানিয়ে দিয়ে একসঙ্গে এইখানে হাজির করি। দেখি ব্যাপারটা কি রকম দাঁড়ায়।

কার্তিক। আমার বিশ্বাস তাতে কাজ কিছু এগোবে।

গিরিজা। দেখ তো রতন ফিরে এসেছে কি না।

কার্তিক। (দরজার কাছে গিয়ে) রতন, একবার ভিতরে এস।

রতনের প্রবেশ

গিরিজা। রতন, তুমি গিয়ে অনাথকে এই ঘরে নিয়ে এস। কার্তিক, তুমি বনমালীবাবুকে আনবে, আর আমি ত্রিদিবেন্দ্রবাবুকে সঙ্গে করে নিয়ে আসব। আর শোন, এই ঘরে একটা মাইক্রোফোন ফিট করে ওপাশের ঘরে কনেকশন দেবে। বুঝলে ?

রতন। আজে হ্যাঁ।

গিরিজা। জেল ভ্যান এসেছে ?

রতন। এখনও আসে নি। ফোন করে দেব ?

গিরিজা। আর একটু অপেক্ষা করে দেখ।

তিন জনের প্রস্থান

চতুর্থ অঙ্ক

একই দৃশ্য

ও অনাথের প্রবেশ

রতন। তুমি এখানে একটু অপেক্ষা কর। ইন্সপেক্টর সাহেব এলেন বলে।

অনাথ। আবার অপেক্ষা কেন ? একেবারে ধানায় নিয়ে গেলেই—

রতন। চুপ কর।

কার্তিক ও বনমালীর প্রবেশ

কার্তিক। বনমালীবাবু, আপনি এইখানে একটু অপেক্ষা করুন। বেনীকরণ লাগবে না।

রতন ও কার্তিকের প্রস্থান

বনমালী। এখানে বসে থেকে আবার কি হবে ?

অনাথ। সেই কথা তো আমিও জানতে চাইছি।

ত্রিদিবেন্দ্র ও গিরিজার প্রবেশ

গিরিজা। বসুন। বনমালীবাবু, আপনিও বসুন। দাঁড়িয়ে রইলেন কেন ?

বনমালী। বসছি।

ত্রিদিবেন্দ্র ও বনমালী বসলেন

ত্রিদিবেন্দ্র। কিন্তু আমাকে এখানে আনবার উদ্দেশ্য কি ?

গিরিজা। আমি আপনাদের তিনজনকে—

কার্তিকের প্রবেশ

কার্তিক। আপনার সঙ্গে একটা কথা আছে—

গিরিজা। পরে হবে। আগে এঁদের—

কার্তিক। কথাটা আগে শুনুন। খুব দরকারী।

গিরিজা। বেশ, বল।

কার্তিক। এখানে বলা চলবে না। বাহিরে চলুন।

গিরিজা। কি এমন কথা ! দেখুন, আমি এক্ষুণি আসছি। আপনারা বসুন।

কার্তিক ও গিরিজার প্রস্থান। কিছুক্ষণ তিন জনে চুপ করে রইলেন। পরে চাপা কণ্ঠে কথা বলতে আরম্ভ করলেন

ত্রিদিবেন্দ্র। সব ঠিক হয়েছে ?

বনমালী। হ্যাঁ। যেমন বলে দিয়েছিলেন। আপনার ?

ত্রিদিবেন্দ্র। নিখুঁত হয়েছে বলেই তো মনে হচ্ছে।

অনাথ। খুব সহজেই কাজ হাসিল হয়েছে, কিন্তু—

ত্রিদিবেন্দ্র। কিন্তু আবার কিসের ?

অনাথ। সে দিন রবিবারে আমরা যখন পরামর্শ

করলুম—

ত্রিদিবেন্দ্র। চুপ, কেউ শুনতে পাবে।

বনমালী। না, কেউ এখানে নেই।

অনাথ। কি কথা ছিল আপনার মনে আছে ?

ত্রিদিবেন্দ্র। গটারীতে বার নাম উঠবে সে-ই হত্যা

করবে। কিন্তু যে-ই হত্যা করুক না কেন, তুমি সব কুণ্ডলো আমার কথা মত সাজিয়ে রেখে দেবে।

অনাথ। তাই তো করেছি, তবে—

বনমালী। তবে আবার কি ?

অনাথ। আমি দাগ-কাটা লটারীর কাগজ তুলেছিলুম বলেই তো মনে হচ্ছে। অথচ—

ত্রিদিবেন্দ্র। কি বলছ ? কে দাগ-কাটা কাগজ তুলেছিল তাই আমি এখন অবধি জানতুম না। আমি তুলিনি—

অনাথ। আপনি না হত্যা করে থাকলে উনি করেছেন ?

বনমালী। না, না। আমি দাগ-কাটা কাগজ তুলিনি। তাই ভেবেছিলুম হয় তুমি, না হয় উনি তুলেছেন।

অনাথ। তবে এ কি ক'রে হ'ল ?

ত্রিদিবেন্দ্র। কি হ'ল ?

অনাথ। আপনারা ঠিক বলছেন যে হত্যা করেন নি ?

ত্রিদিবেন্দ্র। আমি করি নি।

বনমালী। আমিও না।

অনাথ। তবে কে করেছে ?

ত্রিদিবেন্দ্র। আমরা দু'জনে যখন করি নি, তখন তুমিই করেছ। দাগ-কাটা কাগজ তো তুমিই তুলেছিলে ?

অনাথ। তা তুলেছিলুম। কিন্তু এসে দেখি কুমার-বাহাদুর মৃত অবস্থায় এই খানটায় পড়ে আছেন। শরীরের অর্ধেকটা টেবিলের তলায়। মাথার মধ্যে দিয়ে গুলী চলে গেছে।

ত্রিদিবেন্দ্র। তা কি করে হ'বে !

অনাথ। আমি ভাবলুম আপনারা কেউ হঠাৎ এসে পড়ে স্ত্রীবিধা বুঝে কাজ শেষ ক'রে রেখে গেছেন।

ত্রিদিবেন্দ্র। আমি এ সবে ক'রে কিছুই জানি না।

বনমালী। আমিও না।

অনাথ। আমি ভাবলুম চিহ্নগুলো রেখে যাবার ভার আমার ওপর দিয়ে আপনারা নিশ্চিত হয়ে আছেন। তাই—

বনমালী। তাই তো ! যে হত্যা আমরা কেউ করি নি, চিহ্নগুলো রেখে আসার দরুণ মিছিমিছি তাতে জড়িয়ে পড়লুম !

অনাথ। তার আমি কি জানি। যা যা আমায় করতে ব'লে দিয়েছিলেন সবই সেই মত করলুম। কুমারবাহাদুরকে তুলে চেয়ারে বসালুম, টেবিলের ওপর নোটের তাড়া

রাখলুম, আপনার ঘরের টেবিলের তলায় আপনার রিভলভারটা রেখে দিলুম, রক্তমাখা লেখা কাগজটা টেবিলে রাখতে ভুলে গিছিলুম। যখন মনে পড়ল তখন এসে দেখি ঘরে লোক রয়েছে, তাই বাইরে বেঞ্চের তলায় তাড়াতাড়ি ফেলে দিয়ে পালিয়ে গেলুম, পাছে আমায় কেউ দেখে ফেলে—

ত্রিদিবেন্দ্র। তবে কি আত্মহত্যা করলে ?

অনাথ। মনে হয় না, কারণ তাঁর রিভলভারটা কাছাকাছি কোথাও খুঁজে পাইনি। অনেক কষ্টে খালি কেস খুঁজে আপনার দরজার পাশে রেখে দিলুম। লেখা কাগজটা টেবিলের ওপর রেখে আলোটা ভেঙে দিয়ে ঘর থেকে বেরিয়ে গেলুম।

ত্রিদিবেন্দ্র। তা হ'লে আর কেউ এসে তাকে খুন করেছে।

বনমালী। কিন্তু কে করলে ?

অনাথ। যদি আমরা কেউ না ক'রে থাকি, তবে তো অনর্থক অনেক বিপদে—

গিরিজা। ( নেপথ্যে ) হ্যাঁ, তা ঠিক—

ত্রিদিবেন্দ্র। চুপ, ওরা আসছে।

গিরিজা ও কার্তিকের প্রবেশ

গিরিজা। আপনারা একটু পাশের ঘরে গিয়ে বসুন।

ত্রিদিবেন্দ্র, বনমালী ও অনাথকে মাঝের দরজা খুলে ওঘরে পৌঁছে দিয়ে এসে কার্তিক দরজা বন্ধ ক'রে দিলেন

সব শুনলে তো। এরা কেউই হত্যাকারী নয়।

কার্তিক। ত্রিদিবেন্দ্রবাবুই এ ষড়যন্ত্রের নেতা। তাঁর কথা মত—

নীহার। ( নেপথ্যে ) আমায় ভেতরে যেতে দিন। বিশেষ দরকার আছে—

গিরিজা। মিস্ রায়ের গলা মনে হচ্ছে। যাও, নিয়ে এস।

কার্তিক। ( দরজা খুলে ) আসুন মিস্ রায়, ভেতরে আসুন।

মিস্ রায়ের প্রবেশ

নীহার। আপনাকে একটা কথা বলবার আছে।

গিরিজা। বলুন।

নীহার। আপনারা জমিদার ত্রিদিবেঞ্জ নন্দীকে ধরে এনেছেন কেন ?

গিরিজা। কর্তব্যের খাতিরে।

নীহার। তিনি কি এই হত্যার জন্ত দায়ী ?

গিরিজা। হ্যাঁ। দোষ স্বীকারও করেছেন।

নীহার। সম্পূর্ণ মিথ্যা কথা বলেছেন। তিনি হত্যা করেন নি।

গিরিজা। আপনি কি ক'রে জানলেন যে তিনি—

নীহার। কারণ—কারণ আমি হত্যা করেছি।

গিরিজা। আপনি ! কি বলছেন ?

নীহার। ঠিকই বলছি। তিনি কেন যে স্বীকার করলেন বুঝতে পারছি না। তবে এটা ঠিক যে কাকা মিথ্যা কথা বলেছেন।

গিরিজা। কাকা ! কার কাকা ? আপনার কাকাকে তো আমরা—

নীহার। তাঁকে আপনি যখন এ ঘরে আনছিলেন তখন আমি দেখেছি।

গিরিজা। জমিদার ত্রিদিবেঞ্জ নন্দী আপনার কাকা ?

নীহার। হ্যাঁ। আমিই এই খুন করেছি, কাকা নয়।

গিরিজা। আমি সাবধান ক'রে দিচ্ছি। আপনি যা বলেছেন—

নীহার। কাকার সঙ্গে একবার দেখা হতে পারে ?

গিরিজা। না।

নীহার। ( কঁাদ কঁাদ স্বরে ) দয়া করে একটিবার—

গিরিজা। আচ্ছা। ( উঠে গিয়ে মাঝের দরজা ঝং ঝং করে ) ত্রিদিবেঞ্জবাবু, একবার এ ঘরে আসুন।

ত্রিদিবেঞ্জ এ ঘরে এলেন। গিরিজা দরজা বন্ধ ক'রে দিলেন

ত্রিদিবেঞ্জ। ( চমকে ) কে ? বাসন্তী !

নীহার। কাকা !

ত্রিদিবেঞ্জ। তুমি এখানে কি করছ ?

নীহার। কাকা, আমি যা করেছি তার জন্ত দুঃখিত নই, মোটেই দুঃখিত নই—

ত্রিদিবেঞ্জ। কি করছ ?

গিরিজা। মিস্ রায় বলেছেন যে তিনি কুমারবাহাদুরকে হত্যা করেছেন।

নীহার। হ্যাঁ কাকা।

ত্রিদিবেঞ্জ। কিন্তু—

হঠাৎ খেমে গেলেন। বুঝলেন যে নীহার সত্য কথা বলেছেন।

তাড়াতাড়ি সামলে নিলেন

কিন্তু কি পাগলের মত বকছ ? অসম্ভব যত সব মিথ্যা কথা—গিরিজাবাবু—

গিরিজা। সত্য কথাটা কে বলছে ?

ত্রিদিবেঞ্জ। আপনি নিশ্চয়ই এ সব যা-তা বিশ্বাস করছেন না।

নীহার। এ যা-তা নয়, একেবারে সত্য কথা। আমাকে বাঁচাবার জন্ত—

ত্রিদিবেঞ্জ। চুপ কর। ছেলেমানুষীরও একটা সময় আছে। আমি বলছি যে আমিই—

নীহার। কিন্তু তুমি নও কাকা, আমি করেছি—

গিরিজা। দয়া ক'রে আপনারা চুপ করুন। তর্ক করবেন না। আমি পাগল হয়ে যাব। ( নীহারের প্রতি ) আপনার কি বলবার আছে বলুন। মনে রাখবেন আপনি স্বেচ্ছায় দোষ স্বীকার করেছেন, আমরা বাধ্য করি নি। আর দরকার হ'লে আপনার স্বীকারোক্তি আমরা আপনার বিরুদ্ধে ব্যবহার করতে পারি। বলুন। কার্তিক, একটা আলাদা কাগজে গুর বক্তব্য টুকে নাও।

নীহার বলতে ও কার্তিক লিখতে লাগলেন

নীহার। আমি যখন এলাহাবাদে হস্টেলে থেকে পড়তুম তখন কুমারবাহাদুরের সঙ্গে আমার পরিচয় হয়। তিনি আমাকে বিবাহ করবেন অঙ্গীকার করায় আমি তাঁর সঙ্গে চলে যাই। কিছুদিন আমায় খুব আদর যত্ন করেন। কিন্তু বিবাহ করতে বললেই গোলমাল করতেন। ক্রমে আমার প্রতি অভ্যস্ত খারাপ ব্যবহার আরম্ভ করলেন। মাতাল হয়ে মেয়েমানুষ নিয়ে বাড়ী আসতেন। আপত্তি করলে মার-ধর করতেন। শেষে একদিন হঠাৎ আমায় ফেলে কোথায় সরে পড়লেন, আর ফিরলেন না। আমি তখন অন্তঃসত্তা ছিলাম। চ্যারিটেবল হাসপাতালে একটি মৃত সন্তান হয়। সেই থেকে আমি তাঁর খোঁজ ক'রে বেড়াচ্ছি। তিনি কলকাতার হোটেল “ক্যাসিনো”তে রয়েছেন খবর পেয়ে আমি আর থাকতে পারলুম না। ঠিক করলুম তাঁর সঙ্গে শেষ বোঝা-পড়া করব। এখানে এসে মিস্ নীহারবালা রায় নামে পরিচয় দিয়ে এই ভাষায় একটা ঘর ভাড়া করলুম। দিনে

অনুধের অজুহাতে ঘর থেকে বেরোতুম না, পাছে আমার দেখে ফেলেন। কাল রাত্রে প্রায় দেড়টার সময় গুর ঘরের দরজায় ধাক্কা দিয়ে দেখি—খোলা আছে। ভেতরে ঢুকে দেখলুম নেশায় চুর হয়ে তিনি চেয়ারে বসে আছেন। আমি যে ঘরে ঢুকেছি তা শুদ্ধ টের পান নি। ঘুণায় বিরক্তিতে আমার মন ভরে উঠল। নাড়া দিতে তিনি চোখ খুলে আমাকে দেখে চমকে উঠলেন। তাড়াতাড়ি টেলিফোনের রিসীভারটা তুলে লাইন চাইলেন। আমি হাত থেকে ফোন কেড়ে নিয়ে রেখে দিয়ে বললুম—“তুমি আমার সমস্ত জীবনটা নষ্ট করেছ। আমি আজ সমাজের যে স্তরে নেমে গেছি তার থেকে ফেরা অসম্ভব।” তিনি রেগে কতকগুলো অশ্লীল ইঙ্গিত করে দেবাজ থেকে রিভলভার বার করে আমার দিকে উচিয়ে ধরলেন। আমি কাড়তে গেলুম। বুটোপটির মধ্যে তাঁর হাতের রিভলভারটা কি রকম করে ছুঁড়ে গেল। সঙ্গে সঙ্গে তিনি আমার পায়ের কাছে লুটিয়ে পড়লেন। পরীক্ষা করে দেখলুম, নিশ্বাস পড়ছে না। তিনি মারা গেছেন।

গিরিজা। আপনি ঠিক বলছেন যে তিনি আপনার পায়ের কাছে পড়েছিলেন?

নীহার। হ্যাঁ। এই জায়গাটায়, অর্ধেকটা টেবিলের তলায়। বুঁকে দেখলুম তিনি—

গিরিজা। মৃত।

নীহার। হ্যাঁ।

গিরিজা। সকলেই বলছেন যে বুটোপটি করতে করতে হঠাৎ মারা গেলেন। কিন্তু আমরা এসে তাঁকে চেয়ারে বসা দেখলুম।

নীহার। কিন্তু তা কি করে সম্ভব হবে?

গিরিজা। এই ঘটনায় অনেক অসম্ভব জিনিষও সম্ভব হয়ে পড়ছে। (ত্রিদিবেঙ্গের প্রতি) মিস্ রায় যে কলকাতায় আছেন তা আপনি জানতেন?

ত্রিদিবেঙ্গ। না—মানে—আমি—

গিরিজা। (নীহারের প্রতি) অথচ আপনি বলছেন যে আপনাকে বাঁচাবার জন্তু উনি স্বেচ্ছায় নিজের ঘাড়ে দোষ মিচ্ছেন।

নীহার। ঠিক বুঝতে পারছি না। হয় ত—

ত্রিদিবেঙ্গ। গিরিজাবাবু, ওর কোন কথা—

গিরিজা। (নীহারের প্রতি) আসল ব্যাপার হচ্ছে এই যে, আপনি যখন ঢুকে যাচ্ছেন সেই সময় দেখলেন আপনার কাঁকা কুমারবাহাদুরের ঘর থেকে বেরিয়ে যাচ্ছেন। আপনি ঘরে ঢুকে দেখলেন যে কুমারবাহাদুরকে গুলী করে মারা হয়েছে। তখনই বুঝতে পারলেন এ আপনার কাঁকার কাজ। ভেবেছিলেন হয় ত তিনি ধরা পড়বেন না। কিন্তু গুঁকে আমরা ঘরে ফেলেছি দেখে আপনি গুঁকে বাঁচাবার জন্তু মিথ্যা কতকগুলো—

ত্রিদিবেঙ্গ। (আগ্রহ সহকারে) ঠিক বলেছেন। আমারও তাই মনে হয়।

নীহার। না, না, তা নয়। আমি যা বলেছি সব সত্য।

গিরিজা। প্রমাণ কি?

নীহার। কাল রাত্রে বুটো-পাটির সময় তার নখে আমার কাঁধের খানিকটা ধিমচে গিছিল। এই দেখুন।

কাঁধের কাছ থেকে সাড়ীটা সরালেন। ধিমচে বাওয়ার দাগ স্পষ্ট দেখা গেল

কার্তিক। (নোট বই দেখে) কুমারবাহাদুরের ডান হাতের নখে রক্ত ও মাংস লেগেছিল।

নীহার। এবার বিশ্বাস হ'ল?

কার্তিক। ঠিক মিলে যাচ্ছে।

গিরিজা। এইবার ওদেরও ডাকি।

গিরিজা চেয়ার ছেড়ে উঠলেন। ত্রিদিবেঙ্গ তাড়াতাড়ি মাঝের দরজার কাছে গেলেন

ত্রিদিবেঙ্গ। না, না, ওদের আর ডাকবেন না।

নীহার। কাদের? ও ঘরে কে আছেন?

গিরিজা। আরও দুজন লোক যারা স্বীকার করেছে যে তারাই কুমারবাহাদুরকে হত্যা করেছে।

গিরিজা দরজার কাছে গেলেন

নীহার। কি আশ্চর্য!

ত্রিদিবেঙ্গ। গিরিজাবাবু, আমার একটা অহুরোধ—

গিরিজা। কি?

ত্রিদিবেঙ্গ। বাসন্তীকে এখান থেকে নিয়ে যাই। ওকে আর এদের সঙ্গে জড়াবেন না।

গিরিজা। বিলক্ষণ জড়িয়ে পড়েছেন। আর এখন উপায় নেই। সরুন।

ত্রিদিবেন্দ্র সরে এলেন। গিরিজা মাঝের দরজাটা খুললেন।

গিরিজা। আপনারাও এ ঘরে আসুন।

এ ঘরে প্রথমে অনাথ ও পরে বনমালী ঢুকলেন। ত্রিদিবেন্দ্র

ব্যস্ত হয়ে উঠলেন। বনমালী ও বাসন্তী উভয়ে

উভয়কে দেখে চমকে উঠলেন

বনমালী। বাসন্তী!

নীহার। অ্যা—তুমি!

নীহার অজ্ঞান হয়ে মেজের পড়ে যাচ্ছিলেন, এমন সময় বনমালী

ছুটে গিয়ে ধরলেন। ত্রিদিবেন্দ্রও এগিয়ে গেলেন।

দু'জনে মিলে নীহারকে আন্তে আন্তে

কোঁচে শুইয়ে দিলেন

ত্রিদিবেন্দ্র। বাসন্তী, বাসন্তী—

গিরিজা। ( ব্যস্ত হয়ে ) কি হ'ল ?

ত্রিদিবেন্দ্র। বাসন্তী অজ্ঞান হয়ে গেছে। গিরিজাবাবু,

আমি আগেই বলেছিলাম—

গিরিজা। আমি কি ক'রে জানব যে এমন হবে ?

বনমালী। (হঠাৎ চীৎকার ক'রে) বাসন্তী—বাসন্তী—  
কাকাবাবু, বাসন্তী আর নেই।

ত্রিদিবেন্দ্র। নেই! কি বলছ বনমালী। (নাড়ী  
দেখে) তাই তো। গিরিজাবাবু, আমার ভাইঝি  
মারা গেছে।

গিরিজা। মারা গেছে! হার্ট ফেল করেছে ?

ত্রিদিবেন্দ্র। তাই মনে হচ্ছে। শকুটা বড্ড বেশী  
লেগেছে, সামলাতে পারে নি। নিজের মনের স্বন্দেই ও  
মৃতপ্রায় হয়েছিল। মরেছে, ভালই হয়েছে। সমাজে তো  
ওর স্থান ছিল না। ও যে মেয়ে। সংসারের সমুদ্র-মহুনে  
পুরুষ নিঃশেষে অমৃত পান ক'রে মেয়েদের জন্তু শুধু গরল  
রেখে দেয়।

গিরিজা। (ফোনে) লাইন প্রীজ।

ত্রিদিবেন্দ্র। কাকে ফোন করছেন ?

গিরিজা। ডাক্তারকে। (ফোনে) ইজ ছাট এক্সচেঞ্জ ?  
গিভ্ মী পি-কে-০০৫. ইয়েস প্রীজ।

ত্রিদিবেন্দ্র। কিন্তু তিনি এসে এইভাবে বাসন্তীকে  
দেখলে—

গিরিজা। মাই ডিউটি। (ফোনে) হ্যালো—কনেট  
মী টু ডক্টর দে।

ত্রিদিবেন্দ্র। জানাজানি হয়ে পড়বে—

গিরিজা। নিরুপায়। (ফোনে) কে? ডক্টর দে?  
হ্যাঁ, আমি গিরিজা। এক্ষুণি হোটেল “ক্যাসিনো”তে  
আসুন। একজন মহিলা মারা গেছেন। বোধ হয় হার্টফেল  
ক'রে। হ্যাঁ—এসে আমার নাম করলেই নিয়ে আসবে।  
আচ্ছা—যত তাড়াতাড়ি পারেন। ধন্যবাদ। কোন রেখে দিলেম  
ত্রিদিবেন্দ্র। শেষে মেয়েটা এর মধ্যে জড়িয়ে পড়ল।

বাসন্তীর বুকে মাথা রেখে বনমালী কাঁদছেন

অনাথ। দাদাবাবু, কাঁদবেন না। উঠুন।

ত্রিদিবেন্দ্র। গিরিজাবাবু, সমস্ত ঘটনাটা আপনাকে  
পরিষ্কার ক'রে বলি। আপনাদের করুণা কিংবা দয়া  
চাইছি না। তবুও বলছি, না হ'লে দম ফেটে মারা যাব।  
আপনি ব্যাপারটা বোধ হয় কিছুই ধরতে পারছেন না।

গিরিজা। না। সমস্তই অস্বুত মনে হচ্ছে। আপনার  
কাহিনী জবানবন্দী-হিসেবে লিখে নিতে পারি ?

ত্রিদিবেন্দ্র। নিশ্চয়ই। বাসন্তী যখন মারাই গেল,  
আর আমাদের বলতে আপত্তি নেই। তবে একটা অমুরোধ,  
ওর নামটা না জড়িয়ে যদি তদন্ত করতে পারেন—

গিরিজা। ঘটনাটা সমস্ত না শুনলে বলতে পারছি না।  
বলুন। কার্তিক, লিখে নাও।

ত্রিদিবেন্দ্র বলতে ও কার্তিক লিখতে লাগলেন

ত্রিদিবেন্দ্র। বনমালীর সঙ্গে বাসন্তীর বিয়ে হবে ঠিক  
ছিল। হঠাৎ কুমারবাহাদুর বাসন্তীকে নিয়ে সরে পড়ে।  
অনাথ এক সময় চুরী ডাকাতি করে সংসার চালাতো।  
জেলেও গিছিল। সেখান থেকে বেরিয়ে বাড়ী ফিরে দেখলে—  
তার বাপ মা সব মরে গেছে। সেই সময় বনমালীর কাছে  
সে চাকরি নেয়। অনাথের একবার অসুখের সময়  
বনমালী প্রাণপাত ক'রে ওকে বাঁচায়। সেই থেকে  
বনমালীকে অনাথ দেবতার মত ভক্তি করে। বাসন্তী চলে  
যেতে বনমালীর মনে খুব দা লেগেছিল। দাদা মারা যাবার  
পর আমরা কুমারবাহাদুর আর বাসন্তীর খোঁজ ক'রে  
বেড়াই। শেষে কলকাতায় হোটেল “ক্যাসিনো”তে ওর  
সন্ধান পেয়ে আমরাও কলকাতায় এসে হাজির হই।  
ঠিক করলুম ওকে খুন করতে হবে। কে করবে? একটা  
নাগ-কাটা আর দু'টো শাদা কাগজ নিয়ে লটারী করা

হ'ল। যে দাগ-কাটা কাগজ তুলবে সে-ই খুন করবে, কিন্তু কে তুলেছে তা কাউকে বলতে পারবে না। নিখুঁত খুন প্রায় অসম্ভব বলে আমি অনাথকে এমন সব ক্লু রেখে দিতে বলেছিলুম যাতে আমাদের তিনজনের ওপরেই সন্দেহ পড়ে। ওদের জবানবন্দীও আমি মুখস্ত করিয়ে দিয়েছিলুম। সারকামস্ট্যানশিয়াল এভিডেন্সে আমাদের কাউকেই দোষী প্রমাণ করা যাবে না, কারণ প্রত্যেকের জবানবন্দীতে গরমিল আছে। কিন্তু—

গিরিজা। কিন্তু সব প্র্যান উন্টে গেল। অনাথ দাগ-কাটা কাগজ তুলেছিল, কিন্তু এসে দেখলে তার আগে কেউ খুন ক'রে গেছে।

অনাথ। (চমকে) আপনি কি ক'রে জানলেন?

গিরিজা। ঐ যে মাইক্রোফোন ফিট করা রয়েছে। ও ঘর থেকে সমস্ত কথা আমরা শুনেছি। জবানবন্দীতে অনেক গলদ রয়েছে, সেটা আগেই লক্ষ্য করেছি। কোন সলিউশন পাচ্ছিলুম না বলেই আপনাদের একত্র করে আমরা চলে গিচ্ছিলুম—

বনমালী। এখন পেয়েছেন?

গিরিজা। হ্যাঁ।

বনমালী। কে?

গিরিজা। উনি। বাসন্তীকে দেখালেন

ত্রিদিবেন্দ্র। কোন ভুল হচ্ছে না তো?

গিরিজা। না। কেবলমাত্র গুর জবানবন্দীই সমস্ত ক্লুগুলোর সঙ্গে মিলেছে। আপনাদের স্বীকারোক্তি আর ক্লু সাজানোর মধ্যে কনট্রিডিক্ট নেই।

বনমালী। গিরিজাবাবু, সবই তো শুনলেন। বলুন, বাসন্তীর নাম বাঁচিয়ে রিপোর্ট দিতে পারবেন কি-না?

ত্রিদিবেন্দ্র। আমাদের ফীলিংস্ বৃদ্ধিতে পারছেন তো।

গিরিজা। পারছি। কার্তিক, জেল ভ্যান এসেছে কি-না দেখ। কার্তিকের প্রস্থান

আপনাদের চালান আমায় করতেই হবে। খুন না করলেও চেষ্টা যে করেছেন সে বিষয়ে কোন সন্দেহ নেই। স্বরোপিত ক্লু এবং জবানবন্দীতে আপনারা দোষী। তবে আপনাদের প্র্যান অনুসারে হয় তো কনভিকশন হবে না।

বনমালী। কিন্তু বাসন্তীর—

কার্তিক ও ডাক্তার দে'র প্রবেশ

কার্তিক। জেল ভ্যান এসেছে।

গিরিজা। বেশ। ডাক্তার দে, এঁকে একবার পরীক্ষা করে দেখুন। ডাক্তার দে বাসন্তীকে পরীক্ষা করলেন

ডাক্তার। ডেথ্ বাই হার্ট ফেলিওর। অন্তত এখন তাই মনে হচ্ছে। থানায় লাশ পাঠাবার ব্যবস্থা করুন।

গিরিজা। উনি এই তলার একটা ঘরে থাকতেন। গুর নাম মিস্ নীহার রায়। হার্টটা খারাপই ছিল। একটু আগে অজ্ঞান হয়ে গিচ্ছিলেন। আমার কাজ সকলকে জেরা করা। হঠাৎ কথা কইতে কইতে পড়ে যান। তারপর আমাদের সন্দেহ হ'তে আপনাকে খবর দিই।

ডাক্তার। ডেড্ বডি মর্গে পাঠিয়ে দিন, ভাল ক'রে পরীক্ষা করতে হবে। ডাক্তার দে'র প্রস্থান

ত্রিদিবেন্দ্র। আপনাকে কি বলে ধন্যবাদ জানাব।

গিরিজা। জানাতে হবে না।

নীহারের জবানবন্দীর কাগজটা ছিঁড়ে ফেললেন

ত্রিদিবেন্দ্র। ভগবান আপনার মঙ্গল করুন।

গিরিজা। কার্তিক, এঁদের নিয়ে যাও।

কার্তিক। আপনার অ্যাভারেজটা—

গিরিজা। চুলোয় যাক।

গিরিজা বাতীত সকলের প্রস্থান

(ফোনে) লাইন প্লীজ। ইজ্ ছাট এক্সচেঞ্জ। গিভ্ মী পি, কে, ০০৫. ইয়েস। হালো—থানা? আমি গিরিজা। হোটেল “ক্যাসিনো”তে একটা অ্যাম্বুলেন্স কার পাঠিয়ে দাও। ডেড্ বডি নিয়ে যেতে হবে। হ্যাঁ—এখানকার কাজ এক রকম মিটেছে। থ্যাক্ ইউ। রিসীতারটা রাখলেন

হস্তদস্ত হয়ে দামোদরবাবুর প্রবেশ

দামোদর। আবার এক ফ্যান্সাদ হয়েছে। সুলীলা খাবার নিয়ে গিয়ে ফিরে এল, মিস্ রায়কে পাওয়া যাচ্ছে না।

কৌচটা গিরিজার পিছনে আড়ালে ছিল। বাসন্তীর মৃতদেহ দামোদর দেখতে পান নি। গিরিজা সরে এসে দেখালেন

গিরিজা। ঐ যে মিস্ রায়।

দামোদর। অ্যা, অজ্ঞান হয়ে গেছেন?

গিরিজা। আর জ্ঞান হবে না। মারা গেছেন।

দামোদর। কি ভয়ানক! না, আর টিকতে দিলে না। এরা পাঁচজনে মিলে হোটেলটা উঠিয়ে দিলে দেখছি।

বেগে প্রস্থান

গিরিজা বাসন্তীর মৃতদেহের দিকে কিছুক্ষণ চেয়ে দাঁড়িয়ে রইলেন।

পরে পকেট থেকে কয়লা বার করে মুখটা ঢেকে দিলেন।

একটা সিগারেট ধরালেন। ধীরে ধীরে রবানকা পড়ল

# জঙ্গম

বনফুল

৪

অমিয়ার বিবাহ হইয়া গিয়াছে, রাজমহলের ভবেশবাবু ছাড়া পাইয়াছেন, মুকুজ্যে মশায়ের এবার নিশ্চিত হওয়ার কথা, কিন্তু তিনি নিশ্চিত নহেন। নিশ্চিত থাকা তাঁহার স্বভাব নয়। কোন একটা কিছু লইয়া ব্যাপ্ত থাকিতে না পারিলে তিনি কেমন যেন স্বস্তি পান না। একটা কিছু জুটিয়াও যায়। মুকুজ্যে মশায় হরেরামবাবুর নিকটে গিয়াছিলেন। মফঃস্বলের একটি ক্ষুদ্র গ্রামে হরেরামবাবু পোর্টমাস্টারি করেন। নিতান্ত নিরীহ লোক, কাহারও সাত্তে পাঁচে থাকেন না। থাকিবার অবসরই নাই। সকাল হইতে স্নান করিয়া রাত্রি আটটা নয়টা পর্যন্ত আপিসের কাজকর্ম শেষ করিতেই কাটিয়া যায়। নিড়বিড়ে নিষ্ঠাবান ব্রাহ্মণ, অতিশয় ভালোমানুষ। মুকুজ্যে মশাই কিন্তু হরেরামবাবুকে বড় ভালবাসেন এবং বছরে অন্তত একবার আসিয়া হরেরামবাবুর কাছে কয়েকদিন কাটাওয়া যান। এবারে আসিয়া কিন্তু কিছু অধিকদিন থাকিতে হইল। পাকেচক্রে অবস্থা একটু জটিল হইয়া উঠিল।

হরেরামবাবুর জ্যেষ্ঠপুত্র ভোম্বল তাঁহাকে মুন্সিলে ফেলিয়া দিয়াছে। ভোম্বলের বয়স দশ এগারো বছর মাত্র। কিন্তু হইলে কি হয়, বাঘ-বকরি খেলায় সে মুকুজ্যে মশাইকে বারবার তিনবার হারাইয়া দিয়াছে। মুকুজ্যে মশাই বাজি রাখিয়া হারিয়া গিয়াছেন। মুকুজ্যে মশাই বাজি রাখিয়াছিলেন যে ভোম্বল যদি তাঁহাকে তিনবার উপযুক্ত হারাইয়া দিতে পারে তাহা হইলে ভোম্বল যাহা খাইতে চাহিবে মুকুজ্যে মশাই তাহাই তাহাকে প্রাণ ভরিয়া খাওয়াইবেন। বিজ্ঞতা ভোম্বল মাংস খাইতে চাহিয়াছে। মুরারিপুর যদি শহর হইত অথবা হরেরামবাবু যদি একটু কম নিষ্ঠাবান হইতেন তাহা হইলে মুকুজ্যে মশায়ের পক্ষে এই সামান্য প্রতিশ্রুতিটুকু পালন করা অসম্ভব হইত না। মুরারিপুরে কশাইয়ের দোকান নাই, হরেরামবাবু বৃথা মাংস পছন্দ করেন না। মুকুজ্যে মশাই অনুরোধ করিলে হরেরামবাবু অনিচ্ছাসত্ত্বেও হয়তো রাজি

হইতেন; কিন্তু কাহারও প্রিন্সিপলে আঘাত করা মুকুজ্যে মশায়ের স্বভাববিরুদ্ধ। যে যাহা লইয়া সুখে আছে— থাকুক, ইহাই তাঁহার মত। স্তুরাং হরেরামবাবুকে এ অনুরোধ তিনি করিলেন না। কিন্তু ইহার পরিবর্তে তিনি যাহা করিলেন তাহা প্রিন্সিপল সঙ্গত হইলেও হরেরামবাবুর পক্ষে আরও সাংঘাতিক হইল। হরেরামবাবুকে ডাকিয়া তিনি বলিলেন, “হরেরাম আসচে অমাবস্মাতে এসো কালীপূজা করা যাক—”

মণিঅর্ডার-রেজেষ্ট্রি-ভিপি-ইনশিওর-বিস্কু হরেরাম প্রথমে কথাটা হৃদয়ঙ্গমই করিতে পারিলেন না।

“কি বলছেন?”

“আগামী অমাবস্মাতে এসো কালীপূজা করা যাক!”

“কালীপূজা!”

হরেরাম আকাশ হইতে পড়িলেন। তিনি সমস্তদিন আপিস লইয়া ব্যস্ত থাকেন; ভোম্বলের সহিত মুকুজ্যে মশায়ের বাজির কোন খবরই তিনি রাখেন না। বস্তুত ভোম্বল এবং মুকুজ্যে মশাই ছাড়া আর কেহই এ খবর জানে না। বিস্মিতনেত্রে হরেরাম চাহিয়া রহিলেন।

মুকুজ্যে মশাই বলিলেন—“শাক্তবংশের ছেলে তুমি, কালীপূজা করবে তাতে হয়েছে কি। তোমাকে কিছু করতে হবে না, আমিই সব ব্যবস্থা করব। একটি কালীমূর্তি আর একটি ভাল দেখে কালো পাঁঠা জোগাড় করতে হবে।”

মুকুজ্যে মশায়ের সহিত হরেরামের অনেকদিনের পরিচয়। তিনি মুকুজ্যে মশায়ের মুখভাব দেখিয়া বুঝিতে পারিলেন যে আপত্তি করা বৃথা। মুকুজ্যে যাহা ধরেন তাহা না করিয়া ছাড়েন না। তাছাড়া দেবীপূজার আপত্তি তুলিতে তাঁহার ধর্মভীরু মন ভীত হইল।

বলিলেন, “অমাবস্মার আর কদিন বাকী—”

“দশ দিন”

“এর মধ্যে কি সব হয়ে উঠবে?”

“এর মধ্যে ছোটখাটো মূর্তি একটা হবে না? খোঁজ কর, গ্রামে নিশ্চয় গড়তে পারে কেউ—”



মাথা চুলকাইয়া হরেরাম বলিলেন—“দেখি, বংশীকে বলে’। আমি কিছুই জানি না—”

বংশী পিওন।

বংশীর সহায়তায় সাতআটদিনের মধ্যে ছোট একটি প্রতিমা এবং নধর একটি পাঠা জোগাড় হইয়া গেল। ভোঙ্কল উল্লসিত হইয়া উঠিল। নিষ্ঠাবান পিতার সম্মান হইলে কি হয়, মাংসের প্রতি তাহার খুব লোভ। মাংস খাইতে পায় না বলিয়া লোভটা আরও বেশী। তাহার ভারী আনন্দ হইল। পিতামাতার জ্ঞাতসারে সে অবশ্য বেশী হর্ষপ্রকাশ করিতে সাহস করিল না। বাঘ-বকরি খেলার তুচ্ছ বাজির জন্ত মুকুজ্যে মশাই এতকাণ্ড করিতেছেন তাহা প্রকাশ হইয়া পড়িলে হরেরামবাবু অত্যন্ত চটিয়া যাইবেন। নিরীহ হরেরাম চটিয়া গেলে মারধোর অথবা হাঁকডাক করেন না, নীরবে উপবাস করিতে থাকেন। সুতরাং সহসা কেহ তাঁংকে চটাইতে চাহে না। মুকুজ্যে মশাই বাঘ-বকরি প্রসঙ্গ তাঁহার নিকট উত্থাপিতই করিলেন না। ভোঙ্কলও ভালমাহুষের মতো চুপ করিয়া রহিল।

বংশীর আনুকূল্যে মুকুজ্যে মশাই কালীপূজার আয়োজন যখন শেষ করিয়া আনিয়াছেন এমন সময় অত্যন্ত অপ্রত্যাশিত রকম একটি বাধা আসিয়া উপস্থিত হইল। পোস্টাল সুপারিন্টেণ্ডেন্টের এক চিঠি আসিয়া হাজির! তাহার সারমর্ম—মুরারিপুরের কয়েকজন মুসলমান অধিবাসী অভিযোগ করিয়াছেন যে মুরারিপুর পোস্টাফিসে নাকি কালীপূজা করা হইতেছে। অভিযোগ যদি সত্য হয় তাহা হইলে এতদ্বারা হরেরামবাবুকে পোস্টাফিসে কালীপূজা করিতে নিষেধ করা হইতেছে। কোন গভর্নমেন্ট আপিসে এরূপ পূজাদি করা নিয়মবিরুদ্ধ।

ভোঙ্কল অত্যন্ত দমিয়া গেল। সঙ্কল্পিত এবং আয়োজিত দেবীপূজায় বিঘ্ন উপস্থিত হওয়াতে হরেরামবাবুও মনে মনে উদ্ভিগ্ন হইলেন। দমিলেন না মুকুজ্যে মশাই। তিনি হাসিয়া বলিলেন, “ওর জন্তে আর ভাবনা কি, ওই সামনের মাঠটায় একটা চালা তুলে কেলে সেইখানেই পূজা করা যাবে। পোস্টাফিসে পূজা নাই বা করলাম আমরা। কি বল ভোঙ্কল—”

ভোঙ্কল ভালমাহুষের মতো একবার আড়চোখে চাহিয়া চুপ করিয়া রহিল। নিকটে উপবিষ্ট বংশীকে সম্বোধন করিয়া মুকুজ্যে মশাই বলিলেন, “তুমি ছ’চারটে জনমজুর ডাকাও, বুঝলে বংশী—একটা ছোটখাটো চালা তুলতে আর কতক্ষণ যাবে। গ্রীষ্মকালে মাঠের মাঝখানে বরং ভালই হবে। ও জমিটা তো রামকিশুণের—সে বোধহয় আপত্তি করবে না। তাকেও তুমি একবার জিগ্যেসা করে এসো—”

বংশী রামকিশুণের অল্পমতি লইবার জন্ত চলিয়া গেল এবং একটু পরে ফিরিয়া আসিয়া বলিল যে রামকিশুণের আপত্তি তো নাই-ই—সে বরং খুশীই হইয়াছে। সাধুবাবা ওখানে কালীমায়ির পূজা করিবেন ইহাতে আপত্তি করিবার কি আছে! সে কৃতার্থ হইয়া গিয়াছে। ইহার জন্ত আরও যদি কোন সাহায্যের প্রয়োজন হয় সে করিতে প্রস্তুত আছে। মুকুজ্যে মশাই বংশীকে চালা তুলিবার ব্যবস্থা করিতে বলিলেন এবং খড় বাঁশ প্রভৃতি কিনিবার জন্ত টাকা বাহির করিয়া দিলেন। পূজার যাবতীয় খরচ মুকুজ্যে মশাই-ই বহন করিতেছেন, হরেরামের অল্পরোধ সত্ত্বেও তিনি হরেরামের নিকট হইতে এক পরস্যাও লইতে রাজি হন নাই।

আয়োজিত কালীপূজায় বিঘ্ন উপস্থিত হওয়াতে হরেরাম মনে মনে শঙ্কিত হইয়াছিলেন, এখন কর্তৃপক্ষের অমতে কালীপূজা করিতে আবার তিনি মনে মনে ইতস্তত করিতে লাগিলেন। যদিও পোস্টাফিসে করা হইতেছে না, একেবারে পোস্টাফিসের সীমানার বাহিরেই হইবে; তথাপি কর্তৃপক্ষের অমতেই তো হইবে! চাকরির যা বাজার, কোথা হইতে কি হইয়া যায় কে বলিতে পারে। অথচ নিষ্ঠাবান হিন্দুসন্তান হইয়া আয়োজিত পূজা না করাটাও—! একদিকে মা কালী অন্যদিকে পোস্টাল সুপারিন্টেণ্ডেন্ট, নিরীহ নিষ্ঠাবান হরেরাম মর্মান্তিক দোটারায় পড়িয়া গেলেন। কিন্তু মুকুজ্যে মশাই মা কালীর পক্ষে, নিরুপায় হরেরামকে চুপ করিয়াই থাকিতে হইল।

মুকুজ্যে মশাই মহা উৎসাহে জনমজুর লইয়া রামকিশুণের মাঠে চালাঘর তুলিতে লাগিয়া গেলেন। ভোঙ্কল মুকুজ্যে-মশায়ের নিকট হইতে ফর্দ ও টাকা লইয়া ভাল দি গরম-মশলা প্রভৃতির সন্ধানে বাজারের নানা দোকানে ঘুরিতে

লাগিল। মুকুজ্যে মশাই এতরকম মশলার কিরিস্তি দিলেন যে মুরারিপুর্বে সবগুলি মেলাই মুকিল হইয়া উঠিল। সিকা এবং জাকরণ এ দুইটি জব্য তো কোথাও মিলিল না।

বেলা তিনটা নাগাদ চালা খাড়া হইয়া গেল। চালার ব্যাপার শেষ করিয়া মুকুজ্যে মশাই মাংসের ব্যাপারে মন দিলেন। মুকুজ্যে মশাই ঠিক করিয়াছেন—রাত্রে পূজা হইয়া যাইবার সঙ্গে সঙ্গেই মাংসটা রাখিয়া ফেলিবেন। তিনি নিজেই রাখিবেন। ভোম্বল এবং তাহার কয়েকজন সঙ্গী গোল গাল করিয়া নৈনিতাল আলু ছাড়াইতেছে। আলু ছাড়ানো হইয়া গেলে আলুগুলির গায়ে ছোট ছোট ছিদ্র করিয়া ভাজা মশলা পুরিতে হইবে। মুকুজ্যে মশাই নানারকম মশলা ভাজিয়া গুঁড়া করাইতেছেন। অনেক কষ্টে জিওলপুর গ্রামের দৌলতরাম মাড়োরার নিকট জাকরণ পাওয়া গিয়াছে। সিকা পাওয়া যায় নাই। মুকুজ্যে মশাই টক দই দিয়া তাহার অভাব পূর্ণ করিয়া লইবেন আশ্বাস দিয়াছেন। কালীপূজার আয়োজন পুরাদমে চলিতেছে, এমন সময় একটি অভাবনীয় ঘটনা ঘটিল। সন্ধ্যার প্রাক্কালে গো-শকটে আরোহণ করিয়া স্বয়ং পোস্টাল সুপারিন্টেণ্ডেন্ট মহাশয় হাজির হইলেন। তিন ক্রোশ দূরবর্তী স্টেশন হইতে মুরারিপুর্বে আসিতে হইলে গো-শকট ছাড়া অন্য কোন যান নাই, সুতরাং মাননীয় সুপারিন্টেণ্ডেন্ট মহাশয়কে গো-শকটেই আসিতে হইয়াছে। প্রকাশ্যে সুপারিন্টেণ্ডেন্ট মহাশয় বলিলেন—তিনি মুরারিপুর্বে পোস্টাফিস ভিজিট করিতে আসিয়াছেন। কিন্তু যেহেতু তিনি মুসলমান সেই হেতু সকলে অহুমান করিতে লাগিল যে তাঁহার কালীপূজা-সম্পর্কিত আদেশ বর্ণে বর্ণে প্রতিপালিত হইতেছে কি না তাহাই প্রত্যক্ষ করিবার জন্ত তিনি আসিয়াছেন। চাকুরিজীবী নিরীহ হরেরাম বেশ একটু ঘাবড়াইয়া গেলেন। মুকুজ্যে মশাই ছিদ্রিত আলুগুলিতে মশলা পুরিতে পুরিতে একটু হাসিলেন এবং হরেরামকে বলিলেন, “তুমি তোমার সুপারিন্টেণ্ডেন্টকে স্মাশলাও গিয়ে, এখানে আসবার দরকারই নেই তোমার। আমরা সব ব্যবস্থা করে নিয়েছি—”

হরেরাম সুপারিন্টেণ্ডেন্ট সামলাইতে লাগিলেন। মুকুজ্যে

মশাই ভোম্বলের মার্চেন্ট অব্ ভেনিসের গল্প বলিতে বলিতে মাংস রান্নার আয়োজনে ব্যাপৃত রহিলেন। সন্ধ্যা নাগাদ কালীপ্রতিমা আসিয়া চালায় প্রতিষ্ঠিত হইয়া গেলেন, গ্রামের পুরোহিত মহাশয় পূজার আয়োজন করিতে লাগিলেন।

কালীপূজা হইয়া গিয়াছে। অমাবস্তার অন্ধকার রাত্রি ধমধম করিতেছে। চালাঘরের পাশেই একটি তোলা উলুনে মুকুজ্যে-মশাই মাংস রান্না করিতেছেন, সৌরভে চতুর্দিক আমোদিত। নিকটেই ভোম্বল ও তাহার তিন-চারজন সঙ্গী গুটি স্নুটি হইয়া বসিয়া আছে। পুরোহিত মহাশয়ও মহাপ্রসাদ আশ্বাদন করিবেন বলিয়া অপেক্ষা করিতেছেন। জমির মালিক রামকিশুণ ও তাহার সখক্ষী খুবলালও সোৎসাহে জাগিয়া বসিয়া আছে। যদিও রাত্রি দ্বিপ্রহর উত্তীর্ণ হইয়া গিয়াছে, কাহারও চোখে ঘুম নাই। মুকুজ্যে মশাই খুব জমাইয়া একটি ভূতের গল্প শুরু করিয়াছেন।

আগামী কল্য বেলা দশটার আগে ট্রেন নাই। সুতরাং সুপারিন্টেণ্ডেন্ট মহাশয়কে পোস্টাফিসেই রাত্রিবাস করিতে হইতেছে। তিনি কালীপূজা সম্পর্কে হরেরামবাবুর কোন খুঁত ধরিতে না পারিয়া আপিসের কাগজপত্র নাকি তন্ন তন্ন করিয়া পরীক্ষা করিয়াছেন। ভোম্বল মাঝে মাঝে উঠিয়া গিয়া সংবাদ সংগ্রহ করিয়া আনিয়াছে যে রাত্রি দশটা পর্যন্ত তিনি নাকি খাতাপত্র দেখিয়াছেন। পোস্টাফিসের বাহিরের ঘরটাতে তাঁহার শয়নের ব্যবস্থা হইয়াছে এবং স্থানীয় মাস্তাসার মৌলভী সাহেব তাঁহাকে স্বগৃহে নিমন্ত্রণ করিয়া পরিপাটিক্রমে আহার করাইয়াছেন। বংশী বলিল—এই উপলক্ষে মৌলভীগৃহে মুর্গিও নাকি নিহত হইয়াছে। এখন সুপারিন্টেণ্ডেন্ট মহাশয় পোস্টাফিসের বাহিরের ঘরটাতে নিদ্রিত।……মাংস প্রায় সিদ্ধ হইয়া আসিয়াছে, ভূতের গল্পও বেশ জমিয়া উঠিয়াছে—এমন সময় পোস্টাফিসের বাহিরের ঘর হইতে একটা চৈচামেচি শোনা গেল।

সাপ—সাপ!

সকলেই সচকিত হইয়া উঠিল।

মুকুজ্যে মশাই বলিলেন, “বংশী তুমি লঠনটা নিয়ে একটু

এগিয়ে দেখ—”। শুধু বংশী নয় খুবলাল, রামকিশুণ, পুরোহিত, ভোম্বল সকলেই আগাইয়া গেল। সত্যই সাপ বাহির হইয়াছে। বিরাট এক কেউটে পোস্টাফিসের কোণে ফণা তুলিয়া দাঁড়াইয়া আছে। সুপারিন্টেণ্ডেন্টের অবস্থা অবর্ণনীয়। সাপটাকে মারা গেল না, কোথায় যে চকিতের মধ্যে অদৃশ্য হইয়া পড়িল বোঝা গেল না। সুপারিন্টেণ্ডেন্ট পোস্টাফিসে শুইতে চাহিলেন না। শশব্যস্ত হরেরাম তাঁহাকে কোথায় শুইতে দিবেন চিন্তায় পড়িলেন। রামকিশুণ বলিল, মৌলভী সাহেবের বাড়িতে খবর পাঠানো হউক। তাহাই হইল। সুপারিন্টেণ্ডেন্ট মৌলভী সাহেবের বাহিরের ঘরটাতে শুইতে গেলেন। কিন্তু সেখানেও তাঁহার সুনিদ্রা হইল না। চোখ বুজিলেই তাঁহার মনে হইতে লাগিল—প্রকাণ্ড কৃষ্ণকায় সর্পটা হিংস্র ফণা উন্মত্ত করিয়া তর্জ্জন করিতেছে। অতি প্রত্যাষেই তিনি মুরারিপুর ত্যাগ করিলেন। রামকিশুণ প্রথমে ব্যাপারটা ভালভাবে প্রণিধান করে নাই; কিন্তু পরে সমস্ত হৃদয়ঙ্গম করিয়া প্রভাতে আসিয়া ভক্তিতরে মুকুজ্যে মশাইকে সাষ্টাঙ্গে প্রণিপাত করিল। সাধুবাটা তো সহজ লোক নহেন! এত বড় অকাটা প্রমাণ পাইয়া সে যেন চরিতার্থ হইয়া গিয়াছিল। প্রকাণ্ড কেউটে আসিয়া হাজির হইয়া গেল! স্নেহ সুপারিন্টেণ্ডেন্ট পলাইতে পথ পাইল না। রামকিশুণের এতাদৃশ ভক্তিবাহুল্যে মুকুজ্যে মশাই কিন্তু মনে মনে শঙ্কিত হইয়া উঠিলেন—লোকটা মাহুলি অথবা মজ্ঞ চাহিয়া না বসে! এই জাতীয় অনেকগুলি ভক্ত তাঁহার জীবনে অনিবার্যভাবে জুটিয়া গিয়াছে, আর সংখ্যা বাড়াইতে তিনি চান না। রামকিশুণ মাহুলি কিম্বা মজ্ঞ চাহিল না; কিন্তু অহুরোধ করিল আরও দুই চারিদিন তাঁহাকে থাকিয়া যাইতে হইবে। তাহার কণ্ঠার ‘গওনা’ অর্থাৎ দ্বিরাগমন আর কয়েক দিন পরেই অহুষ্ঠিত হইবে। সে সময় পর্য্যন্ত যদি সাধুবাটা ‘কিরপা’ করিয়া থাকিয়া যান, বড় ভাল হয়। তাঁহার আশীর্বাদ নবদম্পতীর জীবনের অমূল্য সম্পদ হইবে।

মুকুজ্যে মশাই মনে মনে প্রমাদ গণিলেন। ভোম্বল মাংস খাইয়া খুশি হইয়াছে, কালীপূজা নির্বিঘ্নে সম্পন্ন হইয়াছে। সুপারিন্টেণ্ডেন্ট স্টেশন অভিমুখে রওনা হইয়া গিয়াছেন, হরেরামবাবুর কাজকর্মে কোনরূপ গাফিলতি

ধরা পড়ে নাই; স্মৃতরাং নিশ্চিতচিত্তে মুকুজ্যে মশাই এবার যাইবার আয়োজন করিতেছিলেন—হঠাৎ রামকিশুণের নির্বন্ধাতিশয্যে তিনি একটু বিব্রত হইয়া পড়িলেন। এই সরলপ্রকৃতির লোকটিকে ক্ষুণ্ণ করিয়া চলিয়া যাইতে তাঁহার বাধিতেছিল, অথচ মুরারিপুরে আর তাঁহার ভাল লাগিতেছিল না। একস্থানে বেশী দিন থাকা তাঁহার স্বভাব নয়। হয় তো শেষ পর্য্যন্ত তিনি রামকিশুণের অহুরোধ অগ্রাহ্য করিতে পারিতেন না, কিন্তু সকালের ডাকে একখানি পত্র পাইয়া তিনি বিচলিত হইয়া পড়িলেন। সেইদিনই তাঁহাকে কলিকাতা যাত্রা করিতে হইল। জরুরি পত্রের বিষয় অবগত হইয়া রামকিশুণও আর আপত্তি করিল না। পত্রখানি হাসির। হাসিকে তিনি মুরারিপুরের ঠিকানা দিয়া আসিয়াছিলেন। সাধারণত তিনি কাহাকেও ঠিকানা দিয়া আসিতে চান না। কিন্তু হাসি নূতন লিখিতে শিখিয়াছে, মুকুজ্যে মশাইকে চিঠি লিখিবে বলিয়া জোর করিয়া তাহার নিকট হইতে ঠিকানা আদায় করিয়া লইয়াছিল। হাসির চিঠি পাইয়া মুকুজ্যে মশাই স্তম্ভিত হইয়া গেলেন। বড় বড় আঁকা-বাঁকা অক্ষরে হাসি লিখিয়াছে—

শ্রীচরণেশু,

বড় বিপদে পড়ে আপনাকে চিঠি লিখছি। ঠাকুরপো তার এক বন্ধুর বিয়েতে বরযাত্রী যাচ্ছি বলে একদিন সন্ধ্যার সময় চলে যায়। সেই থেকে ঠাকুরপো আর ফেরে নি। এখন শুনছি সে নাকি পুলিশের হাতে ধরা পড়েছে, তার কাছে বোমা আর রিভলভার পাওয়া গেছে। ঠাকুরপো এখন হাজতে। আজ শুনছি গুঁরও নাকি চাকরি থাকবে না। উনি যখন মজঃফরপুর গিয়েছিলেন তখন গুঁকে আমি একটা চিঠি লিখেছিলাম। গুঁদের সঙ্গে মিস্টার ঘোষ বলে কে এক মুখপোড়া নাকি কাজ করে— চিঠিখানা তার হাতে পড়েছে। আমার চিঠির ভেতর সে কি দেখতে পেয়েছে জানি না, কিন্তু তা নিয়ে নাকি গুঁর চাকরি যাচ্ছে। আমি কিছুই বুঝতে পারছি না। আপনি শিগগির চলে আসুন। আমি বাবাকেও চিঠি লিখলুম। ইতি—হাসি

পুনশ্চ।

দেখেছেন আমার মাথার একেবারে ঠিক নেই।

তাড়াতাড়িতে আপনাকে প্রণাম দিতেই ভুলে গেছি।  
ভক্তিপূর্ণ প্রণাম নিন। ইতি—হাসি

মুকুজ্যে মশাই সেইদিনই কলিকাতা অভিমুখে  
যাত্রা করিলেন।

৫

‘নীরব গভীর রাত্রি।

মরণোন্মুখ যতীন হাজারার শয়ন শিয়রে শঙ্কর একা  
জাগিয়া বসিয়া আছে। ঘরের এককোণে টেবিলের উপর  
একটি বাতি জ্বলিতেছে। আপেল, বেদানা, কমলালেবু  
প্রভৃতি দুই চারিটি ফলও টেবিলে সাজানো আছে।  
মিষ্টিদ্রিদি এগুলি পাঠাইয়া দিয়াছেন কিন্তু যতীনবাবু  
একটিও স্পর্শ করেন নাই। যতীনবাবু লোকটি অদ্ভুত-  
প্রকৃতির। আর কিছু নয়, অদ্ভুত রকম নীরব। শঙ্করের  
সহিত এ পর্য্যন্ত একটিও কথা হয় নাই। শীর্ণ পাণ্ডুর  
মুখ, অতিশয় ক্লাস্তিব্যঞ্জক কোটরগত চক্ষু দুইটি বুজিয়া  
সর্বক্ষণই চুপ করিয়া শুইয়া থাকেন। নীরবে বিনা  
প্রতিবাদে মৃত্যুর কাছে এমন আত্মসমর্পণ শঙ্কর আর কখনও  
দেখে নাই। শঙ্কর যতীনবাবুর মুখের দিকে চাহিয়া চুপ  
করিয়া বসিয়া থাকে। লক্ষ্য করে তাঁহার গলার দুই পাশের  
শিরা দুইটা অহরহ স্পন্দিত হইতেছে। মাঝে মাঝে  
দীর্ঘনিশ্বাস পড়ে, সন্ধ্যার পর কাসিটা বাড়িয়া ওঠে।  
প্রয়োজন হইলে নিজেই উঠিয়া বাধকমে যান, একটি বালক-  
ভৃত্য খাবার আনিয়া দুইবেলা তাঁহাকে খাওয়াইয়া যায়;  
প্রকাশবাবু প্রত্যহ সন্ধ্যায় একবার করিয়া আসেন,  
প্রকাশবাবুর প্রশ্নের উত্তরেই অতি সংক্ষেপে দুই চারিটি  
কথা যতীনবাবু বলেন, প্রকাশবাবু চলিয়া গেলে আবার  
চোখ বুজিয়া শুইয়া থাকেন। শঙ্কর যে দিবারাত্রি তাঁহার  
নিকটে রহিয়াছে তাহা তিনি মোটে লক্ষ্যই করিতে চান  
না। শঙ্কর পাড়ার একটা শস্তা হিন্দু হোটেলে আহালাদি  
সমাধা করিয়া আসে (নিজের গরম ওভার-কোটটা  
বিক্রয় করিয়া সে কিছু অর্থ সংগ্রহ করিয়াছে) এবং  
নির্ভীক হইয়া এই ফরা রোগীর মরণ শিয়রে জাগিয়া  
বসিয়া থাকে।

হয়তো থাকিত না, কিন্তু চুনচুনের জন্ত থাকিতে হয়।  
সকলের ব্যরণ সবেও গভীর রাত্রে চুনচুন লুকাইয়া স্বামীকে

দেখিতে আসে। গভীর রাত্রে শঙ্কর কপাট খুলিয়া দেয়,  
চুনচুন চোরের মত আসিয়া প্রবেশ করে। চুনচুন প্রবেশ  
করিলে শঙ্কর বাহিরে চলিয়া যায়। চুনচুন বেশীক্ষণ থাকে  
না। যতক্ষণ থাকে শঙ্কর ফুটপাথে পায়চারি করিতে  
করিতে চুনচুনের কথাই ভাবে। চুনচুন খুব রোগা, খুব  
কালো, কিন্তু চোখ দুটি তাহার সুন্দর। চোখ দুটি বড়  
নয় কিন্তু অপক্লপ। চুনচুনের সমস্ত অন্তরের ছবি যেন  
ওই কালো চোখ দুটি। গভীর রাত্রে এই গোপন  
অভিসার শঙ্করের মনকে উতলা করিয়া তোলে। প্রেমাস্পদকে  
গোপনে বিবাহ করিয়া চুনচুন গোপনেই তাহার জন্ত  
প্রায়শ্চিত্ত করিতেছে। হিতৈষিনী দিদি এবং দিদির বান্ধবীর  
দল চুনচুনকে কিছুতেই তাহার স্বামীর সংশ্রবে আসিতে  
দিবে না, এমন কি মৃত্যুকালেও নয়! ছোঁয়াচে রোগের  
ওজুহাতে এ যেন প্রতিশোধ লওয়া! আজ যদি মিসেস্  
স্মানিয়ালের ওই রোগ হয়—চুনচুনকে কি তিনি কাছে  
বাইতে দিবেন না? কিন্তু এসব লইয়া দিদির সহিত তর্ক  
করিবার কল্পনা করাও চুনচুনের পক্ষে অসম্ভব। অতিশয়  
মার্জিতরুচি মৃদুপ্রকৃতির মেয়ে। শঙ্করের মনে হয়  
অতিশয় নিগূঢ় প্রকৃতির। তাহা না হইলে গোপনে বিবাহ  
করিতে পারিত না, গভীর রাত্রে একা স্বামীর সহিত দেখা  
করিতে আসিত না। শঙ্করের মনে হয় চুনচুন সমাজের  
সহিত ইতরের মতো কলহ করিতে চায় না, কিন্তু নিজের  
মতে নিজের পথে চলিতে চায়। প্রকাশভাবে চলিবার  
যদি বাধা থাকে, বাধা অতিক্রম করিবার জন্ত সে অকারণে  
শক্তিক্রয় করে না—গোপনতার আশ্রয় লয়। নিমিত্ত  
যতীনবাবুর পাণ্ডুর মুখের পানে চাহিয়া শঙ্কর চুনচুনের  
কথাই ভাবে। চুনচুনকে ঘিরিয়া তাহার মন উৎসুক হইয়া  
উঠিয়াছে। উৎসুক হইয়া না উঠিলে শঙ্কর এই নীরব  
মৃত্যু-পথ-যাত্রীর মাথার শিয়রে এমনভাবে হয় তো দিনের  
পর দিন বসিয়া থাকিতে পারিত না। পাশের বাড়ির  
ঘড়িতে বারোটা বাজিয়া গেল। আর একটু পরেই চুনচুন  
আসিবে। দ্বারে মৃদু করাঘাতটির প্রত্যাশায় শঙ্কর সজাগ  
হইয়া বসিয়া রহিল।

কতক্ষণ কাটিয়া গিয়াছিল শঙ্করের খেয়াল ছিল না।  
সে টেবিলের একধারে বসিয়া ‘অ্যানা ক্যারেনিনা’ পড়িতে

ছিল। হঠাৎ লক্ষ্য করিল যতীনবাবু একদৃষ্টে তাহার মুখের পানে চাহিয়া আছেন। শঙ্কর বিস্মিত হইয়া গেল, একটু ভয়ও পাইল।

“শুধুন—”

শঙ্কর তাড়াতাড়ি তাঁহার বিছানার কাছে উঠিয়া গেল। যতীনবাবু ধীরে ধীরে বলিলেন, “আমার একটি উপকার করবেন দয়া করে—”

“কি বলুন—”

যতীন হাজরা কয়েক মুহূর্ত শঙ্করের মুখের পানে স্থির-দৃষ্টিতে তাকাইয়া রহিলেন। তাহার পর বলিলেন, “আপনাকে বিশ্বাস করতে পারি তো?”

“নিশ্চয়”

যতীনবাবু আবার কিছুক্ষণ চুপ করিয়া রহিলেন। তাহার পর বলিলেন, “দেখুন আমি বুঝতে পেরেছি আমি আর বাঁচব না। আমার ভেতরটা কেমন যেন খালি খালি হয়ে আসছে—”

আবার চুপ করিলেন।

শঙ্কর নীরবে সোৎসুক চাহিয়া রহিল।

ক্ষণকাল পরে যতীনবাবু বলিলেন, “মারা যাব সেজ্ঞ হুঃখ নেই, আমার সবচেয়ে হুঃখ যে মরেও আমি শাস্তি পাচ্ছি না। আমার মনে হচ্ছে যে আমার মৃত্যুর পরও অশান্তি ভোগ করার জ্ঞান আমার মনটা বোধ হয় বেঁচে থাকবে—”

শঙ্কর চুপ করিয়াই রহিল।

যতীনবাবু বলিতে লাগিলেন, “কিন্তু আপনি তাকে বলবেন যে অমৃত্যুতে আমার বুকটা পুড়ে থাক হয়ে যাচ্ছে। আমি এ ক’দিন খালি তার কথাই ভাবছি, আর কোন কিছু ভাববার শক্তিও নেই আমার—”

“আপনি কার কথা বলছেন?”

“আমার জ্বর—”

শঙ্কর চুপ করিয়া রহিল।

যতীনবাবু বলিলেন, “চুনচুনের নয়, আমার প্রথম জ্বর। সে এখনও বেঁচে আছে। আমি তাকে ফেলে পালিয়ে এসেছিলাম; সে নিরপরাধ জেনেও তার মাথায় কলঙ্কের বোঝা চাপিয়ে দিয়ে ত্যাগ করে এসেছিলাম। সে এখনও বেঁচে আছে। আপনি একবার দয়া করে যাবেন তার কাছে? তাকে বলবেন যে আমি—”

যতীনবাবু ক্রান্ত হইয়া পড়িয়াছিলেন।

একটু চুপ করিয়া বলিলেন, “হ্যাঁ, বলবেন আমার পাপের পুরো প্রায়শ্চিত্ত করে জলে পুড়ে অমৃত্যু করতে করতে আমি মরেছি। আপনি কাল একবার দয়া করে যাবেন তার কাছে। গিয়ে বলবেন যে জীবনের শেষ মুহূর্ত পর্যন্ত তারই কথা ভেবেছি, মনে মনে তার পায়ে ধরে ক্ষমা চেয়েছি—”

শঙ্কর বলিল, “চুনচুন, মানে মিসেস হাজরা কি একথা কিছুই জানেন না?”

“না। লুকিয়ে বিয়ে করেছি ওকে, সে অনেক ইতিহাস—বলবার এখন সময় নেই।”

একটু চুপ করিয়া পুনরায় বলিলেন, “মেয়েমানুষ, দুটো মিষ্টি কথা বললেই ভুলে যায়, অতি সহজেই ভুলে যায়। আপনি ওকে যেন ওসব কথা বলবেন না, বৃথা কষ্ট পাবে। একি—একি—এখনি সব অক্ষকার হয়ে আসছে যে—আপনি—তার—”

সব শেষ হইয়া গেল।

প্রথম জ্বর ঠিকানাটা আর শঙ্করকে বলা হইল না। নির্ঝাঁক শঙ্কর পাথরের মূর্তির মতো দাঁড়াইয়া রহিল।

৬

প্রথম দিন ভনটু কথাটা পাড়িতে পারে নাই। ওইরূপ নিদারুণ সংবাদ শোনার পর টাকার কথা গাড়া সম্ভবপর হয় নাই। আজও যে জিনিসটা সহজ হইয়াছে তাহা নয়, কিন্তু আজ না পাড়িয়া উপায় নাই। কাল রাতে করালীচরণ স্বয়ং না কি টাকার তাগাদায় তাহার বাড়িতে আসিয়াছিল। ভাগ্যে সে বাড়িতে ছিল না। বউদিদি বলিলেন যে সে বাড়িতে নাই। গুনিয়াও করালী নড়িতে চাহে নাই। ভনটুর অপেক্ষায় রাত্তার ঘোড়ে অনেকক্ষণ দাঁড়াইয়াছিল। যাইবার সময় বলিয়া গিয়াছে—ভনটু যেন অতি অবশ্য অবিলম্বে তাহার সহিত সাক্ষাৎ করে। দ্রাবিড়ী লদকা-লরকির নেশায় চাম গ্যান্‌ডঅ যেরূপ ক্ষেপিয়া উঠিয়াছে তাহাতে রিক্তহস্তে তাহার সহিত দেখা করিলে রক্তসিক্ত হইয়া ফিরিতে হইবে। স্মরণ্য অশোভন হইলেও নিবারণ-বাবুকে আজ না খজলাইয়া উপায় নাই। কিন্তু কিরূপে! মুখবন্ধটা কি প্রকারে করা যায়। ভনটু ভাবিতে ভাবিতে

অগ্রসর হইতে লাগিল; কিন্তু সমস্তার সমাধান করিতে পারিল না। এরূপ ক্ষেত্রে ঠিক কথাগুলি গুছাইয়া মনে মনে মহড়া দিয়া লইলে সুবিধা হয় বটে, কিন্তু ঠিক কথাগুলি কিছুতেই মনে আসে না। কার্যক্ষেত্রে যথাসময়ে যাহোক করিয়া ব্যাপারটা আপনিই সম্পন্ন হইয়া যায়। হইলও তাই। ভনটু গিয়া দেখিল নিবারণবাবু ম্লানমুখে চুপ করিয়া বসিয়া আছেন। ভনটুকে দেখিলে পূর্বে যেরূপ সোচ্ছ্রাসে সম্বন্ধনা করিতেন এখন তাহার কিছুই করিলেন না। ক্রান্তকণ্ঠে কেবল বলিলেন—“আসুন”

ভনটু উপবেশন করিল। ভনটু কবিনয়—তবু তাহার মনে একটা উপমার উদয় হইল। লোকটায়েন নিবিয়া গিয়াছে। কিছুক্ষণ নীরবতার পর ভনটু বলিল, “কোন খবর টবর পেলেন?”

“কিছু না। পুলিশে খবর দিয়েছি আমি—”

ভনটু নীরব রহিল।

সহসা নিবারণবাবু উদ্দীপ্তকণ্ঠে বলিলেন, “এর জন্তে যত টাকা লাগে খরচ করব আমি। ও ব্যাটাকে আমি দেখে নেব যেমন করে হোক—”

ভনটু তথাপি নীরব।

“আসমিকে জানতেন তো, অত্যন্ত সরল সাদাসিধে মেয়ে সে; স্বাউণ্ডেলটা নিশ্চয়ই কোনরকম ভাঁওতা দিয়ে নিয়ে গেছে তাকে। বুঝছেন না আপনি—”

ভনটু স্বেযোগ পাইল, হাসিয়া বলিল—“খুব বুঝছি। আসমির কতই বা বয়েস, দারজি হলেও বা কথা ছিল।”

“দারজিও ওসব কিছু বোঝে না, আমাদের গুষ্টিরই ধারা অস্ত্র রকম। এই রাঙ্কেলটা জুটেই না এই হাল হল!”

ভনটু একটু হাসিয়া বলিল, “সে কি আর আমি জানি না! এতদিন আপনার বাড়িতে আসছি যাচ্ছি—আপনার মেয়েদের গলার স্বরটি পর্যন্ত শুনতে পাইনি কোনদিন—”

“ওই যে বললাম আপনাকে—আমাদের গুষ্টিরই ধারা অস্ত্র রকম—”

নিবারণবাবুর গুষ্টির ধারা কি রকম তাহা লইয়া আলোচনা করিতে ভনটু আসে নাই, স্মরণ্য সে চুপ করিয়া গেল। আসল কথাটা কোন ফাঁকে পাড়িবে তাহাই চিন্তা করিতে লাগিল।

ক্ষণকাল পরে নিবারণবাবু বলিলেন—“পুলিশের পাল্লার পড়লে টিটু হবেন বাছাধন—”

ভনটু বলিল, “পুলিশের হাঙ্গামা করলে আবার একটা কেলেঙ্কারি না হয়। কাগজে হয় তো এই নিয়ে ঘাঁটাঘাঁটি করবে, আপনাকে আবার দারজির বিয়ে দিতে হবে তো!”

“হলেই বা, সত্যি কথা বললে কেউ বিশ্বাস করবে না বলতে চান?”

ভনটু নিবারণবাবুর মুখের দিকে দৃষ্টি নিবদ্ধ করিয়া মন্তব্য করিল, “আপনার মতো সরল ধর্মভীরু লোক হুনিয়ায় খুব বেশী নেই নিবারণবাবু—”

নিবারণবাবু কোন উত্তর দিলেন না, ক্রকৃষ্ণিত করিয়া পা দোলাইতে লাগিলেন। ভনটুও আর কোন কথা বলিল না। তাহার মনে হইতে লাগিল লোকটি অতিশয় ভালো-মাহুষ এবং ভালোমাহুষি জিনিসটা নির্কুঙ্কিতারই নামান্তর।

সহসা নিবারণবাবু ভনটুর দুটি হাত ধরিয়া বলিলেন, “দারজির জন্তে দিন না একটা পাত্র জুটিয়ে ভনটুবাবু, মেয়েটা মুখ শুকিয়ে ঘুরে বেড়ায়—ভারি কষ্ট হয় আমার। টাকা আমি খরচ করব। তিন হাজার নগদ, গয়না, দানপত্র—যথাসাধ্য দেব আমি। ভদ্রবংশের ছেলে দিন একটি জোগাড় করে, গরীব হলেও ক্ষতি নেই, ওদের ভরণ-পোষণের যাহোক একটা বন্দোবস্ত আমি করে যেতে পারব। আমার ওই মেয়েরা ছাড়া আর কে আছে বলুন! তাও তো আসমিটা—”

নিবারণবাবুর কণ্ঠস্বর রুদ্ধ হইয়া গেল। তিনি বক্তব্য শেষ করিতে পারিলেন না। উদ্যত অশ্রু গোপন করিবার জন্ত অশ্রুদিকে মুখ ফিরাইয়া লইলেন।

বিহ্বাৎসমকের মতো ভনটুর মাথায় একটা বুদ্ধি খেলিয়া গেল। দুই এক মিনিট সে ক্রকৃষ্ণিত করিয়া ভাবিল এবং তাহার পর বলিল, “আপনি যদি কিছু মনে না করেন তাহলে একটা প্রস্তাব করি—”

“কি বলুন—”

“আমার সঙ্গে আপনার মেয়ের বিয়ে দেবেন?”

নিবারণবাবু সত্যই ইহা প্রত্যাশা করেন নাই। তিনি বিস্ফারিতচক্রে ভনটুর মুখের পানে চাহিয়া রহিলেন। বাক্য-স্ফুর্তি হইলে বলিলেন, “আমার ওই কুচ্ছিত মেয়েটাকে নেবেন আপনি?”

ভনটু বলিল, “দেখুন আমি আপনার কাছে কিছুই গোপন করব না। আপনি আমার অবস্থা ভাল করেই

জানেন। দু'কুড়ি সাতের খেলা কোনক্রমে খেলে যাচ্ছি—  
তা-ও চারিদিকে ধার হয়ে গেছে। যা মাইনে পাই তাতে  
কুলোয় না। দাদার চেঞ্জের খরচ, সংসারের খরচ—সব  
আগাকে ওই মাইনে থেকে চালাতে হয়। চারদিকে ধার  
হয়ে গেছে। আপনি যদি কিছু টাকাকড়ি দেন, ধারটারগুলো  
শোধ করে একটু ঝাড়া হাত পা হতে পারি। টাকার  
জত্নেই আমার বিয়ে করা। এক জায়গায় সাড়ে পাঁচ শো  
টাকা ধার আছে, দু' একদিনের মধ্যে দিতে না পারলে  
অপমানিত হতে হবে। আমি আপনার কাছেই টাকাটা  
চাইব ভাবছিলাম, আপনার এই অবস্থা দেখে কেবল চাইতে  
পারছিলাম না। এখন আপনার কথা শুনে মনে হল—  
আপনি স্বজাতি, পালটি ঘর, আমার সঙ্গে স্বচ্ছন্দে আপনার  
মেয়ের বিয়ে হতে পারে। আপনারও কষ্টাদায় উদ্ধার হয়,  
আমিও একটু ঝাড়া হাত পা হই। বিয়ে তো একদিন  
করতেই হবে। চিঠিও আসছে নানা জায়গা থেকে—”

নিবারণবাবু বলিলেন, “আপনি দারজিকে দেখেছেন  
ভাল করে?”

“যা দেখেছি তাই যথেষ্ট—”

“আপনার বাবা রাজি হবেন তো?”

“চেষ্টা কোরব—”

নিবারণবাবু উঠিয়া ভিতরে চলিয়া গেলেন এবং কয়েক  
মিনিট পরে একটি চেক বহি লইয়া ফিরিয়া আসিলেন।

“কত টাকা চাই বললেন আপনার?”

“সাড়ে পাঁচ শো”

নিবারণবাবু তৎক্ষণাৎ চেক লিখিয়া দিলেন।

“কথা তাহলে পাকা তো!”

“একদম পাকা—”

এই বলিয়া ভনটু হেঁট হইয়া নিবারণবাবুর পদধূলি  
লইল। এবার আর নিবারণবাবু আপত্তি করিলেন না।

ক্রমশঃ

## গৃহদীপ

কবিশেখর শ্রীকালিদাস রায়

লক্ষ লক্ষ দীপ জলে

গৃহে গৃহে আজি এই

যে গৃহটি আলো করে

হাহাকার উঠে তার,

আঁধার সন্ধ্যায়,

সে গৃহ আঁধার।

বিশ্বভরা অন্ধকার

যেমন তেমনি থাকে

রাষ্ট্র বল' দেশ বল'

সমাজ সংসার বল'

নাহি ঘুচে তার।

কারো মোরা নই,

বিশ্বভরা অন্ধকারে

দীপের জীবন সে ত

কারো চিরদিনকার'

আঁধার ঘুচাতে পারি

জোনাকির মত।

সে শক্তি কই?

ধিরাট বিশ্বের সনে

সূর্য্যচন্দ্রমারি যোগ

আমরা গৃহের রবি

ক্ষীণপ্রাণ দীপ, তবু

তাহাই শাস্ত।

গৃহ করি আলো,

শত শত নিভে যদি

দুর্যোগের বঞ্জাবাতে

বিনা বায়ে কম্পমান

কখনো স্তিমিত হই

কিবা আসে যায়?

কখনো জোরালো।

নিভিছে জলিছে কত

কে রাখে হিসাব তার,

গৃহই মোদের সব,

প্রাণরসে করি তার

কে তাহা খতায়?

তিমির হরণ,

নিভে যদি কোন দীপ

আলোর সঞ্চলটুকু

নিভি যদি কার ক্ষতি?

গৃহের ক্ষতির আর

লুপ্ত তবে কার?

হয় না পূরণ।

# খাদ্য ও পরিপাক সম্বন্ধে আলোচনা

শ্রীকালিদাস মিত্র

গত ১৩৪৭ জ্যৈষ্ঠ সংখ্যা 'ভারতবর্ষ'-এ ( ৮৩৫-৮৩৯ পৃঃ ) প্রকাশিত "খাদ্য ও পরিপাক" প্রবন্ধের আলোচনা যখন লিখি তখন স্বপ্নেও ভাবি নাই যে এই সামান্য ব্যাপারে আবার কালির আঁচড় টানার প্রয়োজন হবে। মূল প্রবন্ধ ( খাদ্য ও পরিপাক—ডাঃ পশুপতি ভট্টাচার্য্য ডি-সি-এম ভারতবর্ষ পৌষ ১৩৪৬, ৬৯-৭৪ পৃঃ ) কতকগুলি অসম্পূর্ণ ও ভ্রমাত্মক উক্তি নজরে পড়ায় সেগুলির প্রতিবাদ করি। প্রতিবাদ করার মূখ্য উদ্দেশ্য ছিল যে বর্তমান কালে খাদ্য ও পুষ্টি বিজ্ঞানের প্রগতির যুগে বাংলা ভাষায় সম্পাদিত 'ভারতবর্ষ'এর মত সুবিখ্যাত মাসিক পত্রিকার পাঠকপাঠিকারা যাহাতে এ সম্বন্ধে ভ্রান্ত ধারণা পোষণ না করেন। হয়ত মূল প্রবন্ধ ও তাহার আলোচনা, যিনি খাদ্য ও পুষ্টি সম্বন্ধে বিশেষভাবে চর্চা করিতেছেন, এমন কোনও বিশেষজ্ঞের কাছে মতামতের জন্ত পাঠালে আলোচনার 'উত্তর' (জ্যৈষ্ঠ ১৩৪৭, ৮৩৬-৮৩৯ পৃঃ) লেখার প্রয়োজন হোত না। বাংলা দেশে কোন কোন কলেজে এ সম্বন্ধে গবেষণা হচ্ছে তাহার উল্লেখও আলোচনার মধ্যে ছিল।

যখন প্রবন্ধ লেখক মহাশয় অকাটা (?) নজীর পুঁথিপত্র থেকে দেখাতে চেষ্টা করেছেন তখন ব্যাপারটা জনহিতার্থে বিশদভাবে আলোচনার প্রয়োজন। খাদ্য ও জনস্বাস্থ্যের সম্বন্ধে এতই ঘনিষ্ঠ যে এ ব্যাপারে 'বিজ্ঞানের নামে অজ্ঞানের প্রচার' হলে তার যথায়ুক্ত প্রতিবাদ করাটা অবশ্যকর্তব্য হয়ে পড়ে। একথা বোধহয় সকলে স্বীকার কর্কেন যে নজীরগুলি বিজ্ঞানসম্মত হতে হলে এমন বৈজ্ঞানিকের লেখা থেকে হওয়া চাই যার খাদ্য বিজ্ঞান সম্বন্ধে গবেষণা বা প্রত্যক্ষ অভিজ্ঞতা আছে। ডাক্তার ভট্টাচার্য্য তাঁহার 'উত্তরে' তিনজন গ্রন্থকর্তার নাম উল্লেখ করেছেন। এবারে দেখা যাক তাঁহাদের খাদ্য বিজ্ঞান সম্বন্ধে অভিজ্ঞতা কিরূপ।

(১) কর্ণেল চোপ্তা ; ইনি একজন বিশ্ববিখ্যাত ভেটেরিনারিবিদ। জীবগুণ সম্বন্ধে তাঁহার মৌলিক গবেষণা প্রত্যেক ভারতবাসীর দ্বাধার বিবরণ। তাঁহার প্রণীত Therapeutics সম্বন্ধে সুবৃহৎ গ্রন্থে খাদ্য-বিজ্ঞান সম্বন্ধে অল্পবিস্তর আলোচনা আছে পরিশিষ্ট হিসাবে।

(২) ডাক্তার আলেক্সান্ডার ব্রাইস ; ইনি 'বিখ্যাত স্বাস্থ্য তত্ত্ববিদ' কিনা জানিনা। তবে ইনি Ideal Health বলে একখানা পুস্তক (দাম আশ্রাজ ৩৬০) প্রণয়ন করেছেন সম্প্রতি, তাছাড়া ইনি Dietetics, Modern theories of Diet সম্বন্ধে আরও ২।১খানা কেতাব লিখেছেন। তবে খাদ্য বিজ্ঞান সম্বন্ধে মৌলিক গবেষণা করেছেন বলে জানা নেই।

(৩) কুহুর পুষ্টি প্রয়োগশালার অধ্যক্ষ ডাক্তার এক্রেডেড। খাদ্য বিজ্ঞান সম্বন্ধে তাঁর মৌলিক গবেষণা আছে, কয়েকখানি পুস্তকও লিখিয়াছেন এবং তজ্জন্তু যথেষ্ট খ্যাতি আছে। ডাঃ এক্রেডেড সম্পাদিত

"হেল্থ বুলেটিন নং ২৩" একখানা উচ্চাঙ্গের নজীর—যদি না তাঁহার লেখার কদর্থ বা বিপরীত অর্থ করা হয়ে থাকে। হাঁ—এইবেলা একটা সামান্য প্রতিবাদ করে রাখি কলিকাতাহ পাঠকবর্গের সুবিধার জন্ত। বইখানার জন্ত ডাঃ ভট্টাচার্য্যের নির্দেশমত চার আনা পরমা খরচ কর্তে হবে না, এ অমূল্য গ্রন্থখানি কেবলমাত্র দুই আনা দামে পাওয়া যাবে হেষ্টিং স্ট্রীটস্থ ভারত সরকারের বুক ডিপোতে। কয়েক মাস আগেও সেখান থেকে পাওয়া গেছে। আমার মত 'বৈজ্ঞানিক না হয়েও' ( ডাঃ ভট্টাচার্য্যের ভাষায় ) যারা খাদ্য সম্বন্ধে বিজ্ঞানের নির্দেশ জানিতে চাহেন তারা এই পুস্তিকা পাঠে বিশেষ তৃপ্তিলাভ করিবেন।

এইবার বাদামুবাদের বিগয়ীভূত উক্তিগুলির আলোচনা করা যাউক, ডাঃ ভট্টাচার্য্যের লিখিত উত্তরের পর্যায়ামুক্রমে।

(১) উত্তর লেখক ( ৮৩৬ পৃঃ ২য় কঃ ও ৮৩৭ পৃঃ ১ম কঃ ) মহাশয় প্রায় এক কলমব্যাপী বাক্য বিজ্ঞাস দ্বারা বোঝাতে চেষ্টা করেছেন যে খাদ্যের কাজ 'শরীরের ক্ষয়পূরণ করা নহে, ক্ষয় নিবারণ করা এবং খাদ্যের সংজ্ঞার মধ্যে শরীর গঠনের উল্লেখ থাকিলে সে সংজ্ঞা নাকি দোষাত্মক হবে। বেশ বুঝতে পারা যাচ্ছে এরূপ 'স্মায়ের' তর্কের অবদান কোমও দিন হবে না। তাছাড়া এ বাদামুবাদে মূলপ্রবন্ধ লেখক ( ডাঃ ভট্টাচার্য্য ) বা সমালোচক ( এ রচনার দীন লেখক ) যে কোনও পক্ষই জয়ী হোন না কেন, কলে তাঁহার সুস্তিগত আহ্বানাদি ছাড়া পাঠকপাঠিকাবর্গের খাদ্য নির্বাচনে সহায়তা কর্কেন না। কাজেই আমার বক্তব্যের ( ৮৩৫ পৃঃ ২য় কঃ ) বাহিরে আর কিছু বলিতে চাহিনা।

(২) লেখক মহাশয় তাঁহার ২নং পর্যায়ের ( ৮৩৭ পৃঃ ১ম কঃ হইতে ৮৩৮ পৃঃ ১ম কঃ ) এক পৃষ্ঠাব্যাপী ওজঃস্বিনী ভাষায় যে দীর্ঘ উত্তরটা দিয়াছেন তাহা অনুশীলন করিলে দেখা যায় যে মূলপ্রবন্ধের আলোচনা প্রসঙ্গে আমি যে তিনটা উক্তি করিয়াছি ( যথাক্রমে ক, খ এবং গ ) তিনি তাহার প্রতিবাদ করিয়াছেন। আমার উক্তিগুলি হচ্ছে (ক) 'সবচেয়ে সেরা প্রোটিন হচ্ছে মাংস—তা সে যে কোনও জন্তুরই হউক' এবং 'রীতিমত প্রোটিন বলতে মাছ মাংসগুলোকেই বুঝায়' এই উক্তি দুইটির কোনও বৈজ্ঞানিক ভিত্তি আছে বলে মনে হয় না। পৌষ্টিক হিসাবে জুকের প্রোটিনই শ্রেষ্ঠ। (খ) 'নানা রকম জন্তুর মধ্যে মুরগীর মাংস ও ছাগলের মাংস সবচেয়ে ভাল' এরূপ উক্তির হেতু বোধা হুঙ্কর। কারণ এদেশে নানাবিধ মাংসের পৌষ্টিকতা ( পুষ্টিকরতা ? ) সম্বন্ধে তুলনামূলক গবেষণা হয়েছে বলে মনে হয় না। 'ভাল, বরবটী, পেতা, বাদামের' মধ্যে প্রোটিনের অংশ কম এরূপ উক্তি হুস্পাত্য।' এইবার আমার উক্তিগুলির ( মূলপ্রবন্ধের প্রতিবাদে ) বৈজ্ঞানিক ভিত্তি পরীক্ষা করে দেখা যাউক—যথাযথ নজীর দিয়ে।



(ক) লেখক মহাশয় যখন নিজেকে ট্রপিকাল স্কুলের ভূতপূর্ব ছাত্র হিসাবে পরিচয় দিয়াছেন তখন তাঁর পক্ষে জানাই সম্ভব যে ১৯২৭ সালে ডিসেম্বর মাসে কলিকাতা ট্রপিকাল স্কুলের কর্তৃপক্ষের তত্ত্বাবধানে প্রাচ্যের চিকিৎসকবৃন্দের (Far Eastern Association of Tropical medicine) এক বৈঠক হয়। সমবেত বৈজ্ঞানিকমণ্ডলীর সেই অধিবেশনে ভারতের বিখ্যাত খাদ্যতত্ত্ববিদ জেনারেল স্যর রবার্ট ম্যাক্কারিসন্ একটি প্রবন্ধে ভারতের বিভিন্ন জাতির খাদ্যের পৌষ্টিকতা সম্বন্ধে তাঁহার গবেষণার বিবরণ (Trans 7th Cong. F. E. A. T. M. (3) p. 322-23)\* দেন। পরীক্ষা করা হয়েছিল জীব শরীরের উপর এবং ফলে দেখা যায় যে বিভিন্ন জাতির মধ্যে 'শিখ' জাতির খাদ্য শরীরগঠনশীল গুণে সর্বশ্রেষ্ঠ। এমন কি পাঠানের খাদ্যে মাংসাধিক্য থাকলেও শরীরগঠন হিসাবে তাহার স্থান দুগ্ধবহুল শিখ ভোজ্যের নিম্নে।

লীগ্ অফ্ নেশন্সের একটি স্বাস্থ্য বিভাগ (Health Section, League of Nations) আছে; তাহাতে সর্বদেশের (অবশ্য বর্তমান ব্যাপক যুদ্ধ অন্তর্ধানের অব্যবহিত পূর্বের কথা বলা হচ্ছে) শ্রেষ্ঠ বৈজ্ঞানিক-গণ সমবেত হয়ে জনস্বাস্থ্য সম্বন্ধীয় সমস্যাগুলি (public health problems) সমাধানের জন্ত আলোচনা করেন বা করিতেন। এই বিভাগ হইতে স্বাস্থ্যসম্বন্ধীয় গবেষণাপূর্ণ একটি পত্রিকা প্রকাশিত হয় (প্রথমে ত্রৈমাসিকী পরে ষ্টিমাসিকী)। সেই পত্রিকার (Quart. Bull. Health, Organis. L. o. N. V. 3. p 458, 1936) একটি সংখ্যায় প্রায় ৩০ বৎসর পূর্বে প্রকাশিত একটি প্রবন্ধে প্রোটিন সম্বন্ধে পুষ্টিগুণ-রূপে তুলনামূলক সমালোচনা (e.g. minimum protein content of diet which permits of growth, weight increment in gramme per gramme, biological value, protein retention etc.) দ্বারা প্রমাণিত করা হয়েছে যে জাস্তব প্রোটিনগুলির মধ্যে দুগ্ধের প্রোটিনের স্থান সুউচ্চে। এখানে ইংরেজিতে লিখিত ফরাসী বৈজ্ঞানিকপ্রবরের উক্তিটুকু তুলে দেবার লোভ সম্বরণ কর্তে পারলুম না। "although they differ inter se the animal proteins (milk, egg, meat, viscera) display an unquestioned and marked superiority over all proteins of vegetable origin. Among the former, those of milk occupy a wholly privileged position and are utilised in high proportion by the growing organism."

কলাম্বিয়া বিশ্ববিদ্যালয়ের অধ্যাপক এবং সুবিখ্যাত পুষ্টিতত্ত্ববিদ প্রফেসর শরমন্ তাঁহার একখানি বহুল প্রচলিত পুস্তকে (Sherman H.C.—Chemistry of Food and Nutrition. Macmillan

\* প্রফেসর ডাঃ উটাচার্ঘ্য ও পাঠকপাঠিকাদের মধ্যে বাহারি বিজ্ঞানের চর্চা করেন তাঁহাদের পক্ষে নজীরের সংক্ষিপ্ত উল্লেখই যথেষ্ট। পরবর্তী নজীরগুলিও এইভাবে দেওয়া যাবে।

Co, Newyork 1937. p. 232.) বিভিন্ন প্রোটিনের তুলনামূলক সমালোচনার বলেছেন যে দুগ্ধের প্রোটিন মাংসের প্রোটিনের চেয়ে যে শ্রেষ্ঠ (measurably superior) একথা প্রমাণিত হয়ে গেছে। যারা বিশদভাবে প্রমাণ প্রমাণ চাহেন তাঁরা এই পুস্তকখানিতে সব খবর পাবেন। বিশ্ববিখ্যাত পুষ্টিতত্ত্ববিদ জনহপ্‌কিন্স বিশ্ববিদ্যালয়ের অধ্যাপক ও ভাইটামিনের শ্রেণীবিভাগের আবিষ্কারক ষ্টি ম্যাক্‌কলাম (Mc Collum E. V. et al. The newer knowledge of Nutrition. Macmillan & Co. 1930 p 130) তাঁহার পুস্তকে জাস্তব প্রোটিনের তুলনামূলক গবেষণা করিয়া দেখাইয়াছেন যে বিভিন্ন মাংসের চেয়ে দুগ্ধ ও ডিম্বের প্রোটিন শ্রেষ্ঠ। এই পুস্তকখানির পরিশিষ্টে অনেকগুলি জাস্তব প্রোটিনের Biological value এবং কোন কোন বৈজ্ঞানিকের গবেষণা থেকে এসব তথ্য পাওয়া গেছে তাহার খবরও দেওয়া আছে। এখানে একটা কথা বলে রাখা ভাল। খাদ্যতত্ত্ববিদের মধ্যে কেহ কেহ বর্তমানে মাংসকে নহে—বরঞ্চ ডিম্বের প্রোটিনকে দুগ্ধের উপরে স্থান দিতে চাহেন। এ বিষয়ে এখনও বিশেষভাবে কিছুই স্থিরীকৃত হয় নাই।

এরপরেই মূল প্রবন্ধলেখক উপদেশ দিয়াছেন যে মাংসের প্রতি আমার এতটা বিবেচ্য থাকা উচিত নহে। তিনি হয়ত বিশ্বাস করতেন না যে আমি জ্ঞানপাপী অর্থাৎ দুগ্ধের চেয়ে মাংসটাই আমার ভোজ্য হিসাবে প্রিয়। কিন্তু আমি যাই হই না কেন, তাহাতে বড় কিছু যায় আসে না; কারণ বৈজ্ঞানিক হিসাবে যারা দুগ্ধের জয় ঘোষণা করেছেন তাঁহাদের মধ্যে অনেকেই ভোজ্য হিসাবে চতুষ্পদ জীবের মধ্যে কোনওটাকেই বাদ দেন না, যারা প্রকৃতই বৈজ্ঞানিক আবিষ্কার জাতির কল্যাণ কামনাযু নিয়োগ কর্তে চাহেন তাঁদের ব্যক্তিগত বিবেচ্য বা প্রেমটা প্রচারকার্যে স্থান পায় না এবং প্রয়োজন হলেই নিজের ভুলটা স্বীকার কর্তে তাঁরা কার্পণ্য করেন না। প্রফেসর লেখকমহাশয় দেশবাসীকে মাংস ভোজনে সচেতন করার স্বার্থে 'ভারতে খাদ্য সম্বন্ধে শ্রেষ্ঠ গবেষণাকারীর' উক্তির (৩৩৭ পৃঃ ২২ কঃ) উল্লেখ করিয়া যে আক্ষেপ করিয়াছেন তাহা পড়ে মনে হয় যেন প্রমত্তকর্তা (ডাঃ এ ক্রয়েড) animal protein অর্থে 'মাংসের' ইঙ্গিত করেছেন। মূল নজীর বা হেলথ বুলেটিন খুলে দেখা যায় এ ক্রয়েড সাহেব ঐ নজীরোক্ত ভাষণের অব্যবহিত পূর্বেই বলেছেন যে দুগ্ধই হচ্ছে শ্রেষ্ঠ জাস্তব প্রোটিন (animal protein)—তা সে দুগ্ধ গরুরই হোক বা ঐ জাতীয় যে কোনও জন্তুরই হউক, ক্রমবর্ধমান বালক বালিকাদের পক্ষে। একথা বলা বাহুল্য যে প্রোটিনের প্রধান কার্য হচ্ছে শরীর গঠন; কাজেই প্রোটিন সম্বন্ধে তুলনামূলক সমালোচনাকালীন কষ্টপাথর হচ্ছে বর্তমান (বর্ধনশীল?) জীব দেহ।

এইবার 'মধুরেণ সমাপয়েৎ' হিসাবে বিশেষজ্ঞদের ব্যক্তিগত অভিমত ছাড়িয়া দিয়া দুইটি বৈজ্ঞানিক মণ্ডলীর মতবাদের উল্লেখ করব। একটা হচ্ছে লীগ্ অফ্ নেশন্সের পুষ্টিতত্ত্ব কমিটির রিপোর্ট। তাঁরা বলেন (L. O. N. loc. cit-p 408) "milk should form a conspicuous element of the diet at all ages," অর্থাৎ মানুষের জন্ম

ইহাতে মৃত্যু পর্যন্ত সব বয়সেই দৈনিক খাদ্যাবলীর মধ্যে ছুকের প্রাধান্য যেন সর্বদাই ফুটে উঠে। দ্বিতীয় মতবাদ হচ্ছে ইংলণ্ডের জনস্বাস্থ্য বিভাগের ভারপ্রাপ্ত মন্ত্রীমহাশয় সেখানকার শ্রেষ্ঠ বৈজ্ঞানিক সমন্বয়ে এক কমিটি গঠন করেন—সেই কমিটির রিপোর্ট ( Ministry of Health. Advisory Committee on Nutrition. First Report H. M. stationery office. London )। রিপোর্টের ৩৫ পৃষ্ঠায় বলা হয়েছে—“A food which contains all the materials essential for growth and maintains of life in a form, ready for utilisation of the body is obviously of high value. Milk alone is the the food which nearly fulfils this condition” অর্থাৎ যে খাদ্যদ্রব্যের মধ্যে শরীর গঠন ও জীবনধারণের উপযোগী সারীভূত পদার্থগুলি এমন ভাবে বিরাজমান যে তাহা খাইবা-মাত্রই জীব শরীরের কাজে লেগে যায় সেরূপ খাদ্যের মূল্য খুবই বেশী এবং ছুঁই একমাত্র শোভা বাহাতে উপরিউক্ত গুণগুলি সম্যকভাবে এক সঙ্গে পাওয়া যেতে পারে।

আমার আলোচনার মধ্যে কোথাও বলি নাই যে মাংস খাওয়া ধারাপ ; আমি কেবল এই কথা বলিতে চাহিয়াছিলাম যে বাঙ্গালী জাতিকে ব্যাপকভাবে মাংসভুক করাইয়া যাহারা দেশের কল্যাণ কামনা করেন (৩৭ পৃ: ১ম ক: পুরোভাগে) তাঁদের বিপক্ষে বলার কিছু নেই ; তবে তাঁরা যদি প্রচার করেন যে মাংসের প্রোটিন ছুকের প্রোটিনের চেয়ে শ্রেষ্ঠ তাহলে সে উক্তি বিজ্ঞানসম্মত হবে না। কিছুদিন পূর্বে ভারতীয় কৃষি গবেষণা মন্ডির (Imperial Council of Agricultural Research) যে যে প্রদেশে ছুকের প্রচলন আছে সেখানে সেখানে গড়পড়তা জন পিছু ছুকের বরাদ্দ কত তাহার এক নিকাশ দেন—এ বিষয়ে দীর্ঘ অনুসন্ধানের পরে। রিপোর্ট পড়ে দেখা যায় যে তাহাতে পাঞ্জাব, যুক্তপ্রদেশ, মধ্যপ্রদেশ ও বিহার প্রদেশের নাম আছে কিন্তু বাংলা দেশের নাম নাই। সত্য কথা বলিতে কি, খাদ্যসম্পদে ছুঁই শ্রেষ্ঠ হলেও বাংলাদেশে তাহার প্রচলন বড়ই কম। তাই বাঙ্গালীর শরীরের গঠন এবং বাংলার জনস্বাস্থ্য ভারতের অনেক প্রদেশের চেয়ে নিকৃষ্ট।

এইবার (খ) বিষয়ীভূত উক্তির পর্যালোচনা করা যাক। ছাগলের মাংস ও মুরগীর মাংসের তুলনামূলক গবেষণা এদেশে হয় নাই। পুষ্টিকরতা বা পৌষ্টিকতা ইংরাজিতে ‘অনুবাদ করিলে হয় nutritive value। আমি সেই কথাই উল্লেখ করিয়াছিলাম। লেখক মহাশয় যদি এই প্রসঙ্গে Biological value সম্বন্ধে নজীর দেখাতেন তাহার ‘উত্তরে’ তাহলে ব্যাপারটা সহজে মীমাংসা হোত। তাহা না করে তিনি মুরগী ও ছাগলের মাংসে প্রোটিনের অংশ বেশী এই কথা দেখিয়েছেন। তিনি ‘তুলনামূলক পৌষ্টিকতা’ এবং ‘প্রোটিন শতকরা কতটা আছে’ এই দুই উক্তির মধ্যে আকাশ পাতাল তফাৎ তাহা জানেন বেশ ভাল করে ( সে কথা পরে দেখাইয়াছি ) ; কিন্তু এক্ষেত্রে পুঁথিপত্রের লাকী তাহার পক্ষে সুবিধাজনক নহে বরূতে পেরে অপ্রাসঙ্গিক বিবরণের অবতারণা করেছেন। মাংসের Biological value সম্বন্ধে ভারতবর্ষে কোথায় কাজ হয়েছে তা জানেন কি না এ সাদা কথাটা এড়িয়ে গেছেন।

(গ) আমি মূল প্রবন্ধের উল্লেখ করে লিপিগাছিলাম যে ‘ডাল, বরবটী, পেতা বাদামের মধ্যে প্রোটিনের অংশ কম এ উক্তি ছুপ্পাচ্য ; এক্ষেত্রে প্রতিবাদটা ছিল প্রোটিনের অংশ নিয়ে তুলনামূলক ভাবে ; তাহাদের পৌষ্টিকতা সম্বন্ধে কোনও উল্লেখ ছিল না। কিন্তু তাহলে কি হয় ; আমি যে ‘আসলে প্রোটিন সম্বন্ধে গোড়ার কথাটা হজম করিতে’ পারি নাই এই অজুহাতে নেহাৎ অবাস্তর হলেও Biological value সম্বন্ধে এক নাতিদীর্ঘ ভাষণে ( বহুতায় ? ) ব্যাপারটা চাপা দেবার চেষ্টা করেছেন। এই বাদানুবাদে বিশেষভাবে উপভোগ্য হচ্ছে ‘আলোচনার’ ‘উত্তরে’ ডাঃ ভট্টাচার্য মহাশয়ের তর্কের প্রণালী। যেখানে পৌষ্টিকতা নিয়ে তর্ক ( যেমন ছাগ ও মুরগীর মাংসের শ্রেষ্ঠত্ব ) সেখানে শতকরা প্রোটিনের অংশ কত তাহার আলোচনা ; আর যেখানে প্রোটিনের অংশ কত তাহা নিয়ে তর্ক ( যেমন ডাল, বরবটী ইত্যাদি ) সেখানে অহৈতুকী ভাষণ পৌষ্টিকতা নিয়ে। বিজ্ঞানের আলোচনায় ( প্রতিপক্ষ চিকিৎসক বা বৈজ্ঞানিক না হলেও ) ‘সুবিধাবাদ’কে দূরে রাখিলে তবেই সত্যের মর্যাদা রক্ষিত হয়।

আমি মূল প্রবন্ধের আলোচনা প্রসঙ্গে বলেছিলাম যে পুষ্টিবিজ্ঞান বর্তমান যুগে এমন দ্রুত তালে চলেছে যে খুব ঘনিষ্ঠভাবে এর চর্চা না করিলেই তাল কাটিয়া যাবার সম্ভাবনা। ডাঃ ভট্টাচার্য মহাশয়ের ‘উত্তরে’ থেকেই একটা উদাহরণ দেই। তিনি লিখেছেন ( ৮৩৮ পৃ: ১ম ক: ১ম পংক্তি ) ‘এ পর্যন্ত ১৮ রকমের গ্যামিনো-গ্যামিড চেনা গেছে’। যদি ‘এ পর্যন্ত’ কথাটার অর্থ ১৯৩৫ সাল না হয়ে ১৯৩৯ খৃষ্টাব্দ পাল হয়ে যাবার পরে হয় তাহলে তাঁর উক্তিটা ভুল। ১৯৩৯ সালে অন্ততঃ ২২টা গ্যামাইনো-গ্যাসিডের অস্তিত্ব প্রমাণিত হয়ে গেছে নিভুল ভাবে এবং আরও ৭৮টার অস্তিত্ব ‘বিবেচ্য’ অবস্থায় পড়ে আছে বিশ্বের বৈজ্ঞানিকবৃন্দের বিচারালয়ে। এর পর নজীর দিলে পাঠক-পাঠিকাবর্গের ধৈর্যচ্যুতির ভয় বঞ্চিত তাই বিরত রহিলাম। তবে যদি প্রবন্ধ ডাঃ ভট্টাচার্য বা রসায়ন শাস্ত্রামোদী কোনও পাঠক ( বা পাঠিকা ) আমার উক্তির বৈজ্ঞানিক ভিত্তি জানিতে চাহেন তাহার কৌতূহল চরিতার্থ করার চেষ্টা কোর্কো সম্পাদক মহাশয়ের মারফৎ। কর্ণেল মকাইএর নামের বানান ও উচ্চারণ নিয়ে লেখক মহাশয় ইচ্ছিতে ( ৮৩৮ পৃ: ১ম ক: মধ্যভাগে ) প্রতিবাদ করেছেন। বানানটা কিন্তু Macay নহে Mccay। ঠিক উচ্চারণ কি হবে তাহা জানি না। মেডিকেল কলেজের ছাত্রদের মুখে “ম্যাক্কে” উচ্চারণটা বেশী শুনেছি আবার কেউ কেউ বলতেন “মকাই”। ইংরাজদের মুখে শুনেছি অনেকটা যেমন “ম্যক্-কাই”।

(৩) যিরে স্বল্প পরিমাণ ভাইটামিন বর্তমান থাকে বাহা উক্তিও তৈলে নাই ( অবশ্য Redpalm oil বাদে ) একথা ডাঃ ভট্টাচার্য স্বীকার করতে চাহেন না। ‘হেল্থ বুলেটিন ২৩ নং’ আমার পড়ে দেখতে বলেছেন। তাঁর আদেশ অনুসারে হেল্থ বুলেটিন পুস্তিকাখানি খুলিয়া দেখিলাম যে ৫ম পৃষ্ঠায় বেশ প্রাঞ্জল ভাষায় লেখা আছে—সাধারণতঃ উক্তিও তৈলে ‘ক্যার-অটিন’ বা ভাইটামিনএ থাকে না। ভাইটামিন

'সি'এর কথা উঠেই না কারণ 'সি' ভাইটামিন হচ্ছে একটা এ্যাসিড (Ascorbic Acid) এবং স্নেহজাতীয় পদার্থের মধ্যে তাহা দ্রবীভূত অবস্থায় থাকে না। সম্পূর্ণ বিপরীত অর্থ নজীর হিসাবে তাঁর প্রতিপক্ষের যুক্তির খণ্ডন করতে বা পাঠকবর্গের গোচর কর্তে কেহ যে পারেন তাহা বিশ্বাস হয় না। তাই সময়ে অনুমান কর্তে হয় যে শ্রদ্ধের লেখক মহাশয় হয়ত কেতাবখানা ভাল করে পড়ে দেখবার অবকাশ পান নাই বা গোটা সরিষার দানার (তেলের নহে) বিশ্লেষণ ঐ পুস্তকের ৩২ পৃষ্ঠায় দেখে এবং তলার লেখা ছোট ছোট অক্ষরে নোটটী না পড়ে এই ভুলটা করে বসেছেন।

(৪) এইবার আলোচ্য বিষয় হচ্ছে ভাইটামিন কয়টা বা কয়রকমের আবিষ্কৃত হয়েছে। লেখক মহাশয় মূল প্রবন্ধে মোট ছয়টার নাম করেন এবং একথাও বলেন যে এই ছয়টার অভাবে ছয়রকমের রোগ হয়। আমি এই উক্তিটির সমালোচনা প্রসঙ্গে বলি যে ইহা অসম্পূর্ণ। লেখক মহাশয় 'উত্তর' প্রসঙ্গে কর্ণেল চোপারার সুবৃহৎ এবং সুবিখ্যাত গ্রন্থের নজির দিয়ে বলেছেন যে ঐ কেতাবের নির্দেশ মত তিনি এই ছয়টার উল্লেখ করেছেন। বেশ ভাল কথা; কিন্তু এটা ভুলে যাওয়া উচিত নহে যে পুস্তক ছাপা হয়েছে ১৯৩৬ সালে এবং বাদামুবাদ চলেছে ১৯৪০ সালে। কেতাব ছাপা হওয়ার পরে (Nicotinic acid) নিক্-অটিনিক-এসিড ভাইটামিন পর্যায় ভুল করা হয়েছে এবং বিশুদ্ধ

অবস্থায় isolate করা হয়েছে। শুধু তাহাই নহে Nicotinic acid দ্বারা রোগের চিকিৎসাও হচ্ছে। আর সবগুলো ছেড়ে দিলেও 'কে' ও 'পি' ভাইটামিন সম্বন্ধে গত দুবৎসরে অনেক কথা জানা গেছে। ছয় রকম রোগের কথাও প্রতিবাদ করিয়াছিলাম; তাহার উল্লেখ উত্তরে নাই দেখিয়া সুখী হইয়াছি। কারণ 'জের'টা এত লখা হয়ে চলেছে যে ভাইটামিন সম্বন্ধে প্রমাণ প্রমের বৈজ্ঞানিক পত্রিকার জগু মূলতুবী রাখাই ভাল।

সমালোচনার এ দীর্ঘ জের টানার জগু মূলপ্রবন্ধ লেখক ডাঃ শুট্টাচার্য্য মহাশয়, সম্পাদক মহাশয় ও পাঠক পাঠিকাবর্গের মধ্যে যঁারা ঐধর্য্য সহকারে এতদূর পড়ার অবকাশ পেয়েছেন তাঁদের সকলের কাছে ক্ষমা শিক্ষা করি। অত্যন্ত লজ্জার সহিত স্বীকার করিতেছি ভাবাজ্ঞান বড় কম, তাই অক্ষমতাবশতঃ ইংরাজি উক্তিগুলির ভাল অনুবাদ করিতে পারি নাই। আমি জানি যে জনসাধারণের জগু লিপিত প্রবন্ধে বৈজ্ঞানিক খুঁটিনাটির (details) স্থান নাই। কিন্তু মূলপ্রবন্ধলেখক শ্রদ্ধের ডাঃ শুট্টাচার্য্য প্রবল প্রতিপক্ষ, নজীরের উপর তাঁর প্রগাঢ় অমুরাগ, তাই অত নজীরের উল্লেখ কর্তে বাধ্য হয়েছি। তাঁর মত মাতৃভাবার সেবার নিযুক্ত থাকলে হয়ত বক্তব্য বিষয়গুলি আরও সংক্ষেপে অথচ বিশদভাবে বোঝাতে পারতুম তজ্জগু যথেষ্ট ধিকার দিচ্ছি নিজেকে। \*

\* এ বিষয়ে কোন আলোচনা আর প্রকাশ করা হইবে না। ভাঃ সঃ

## রঙে রাঙায়ে তোল—

### শ্রীদেবনারায়ণ গুপ্ত

কিসের পরশনে  
ফাগুন বনে বনে  
লেগেছে উৎসব  
বল না গো—

প্রকৃতি যেন আজ  
করেছে নব সাজ  
করিতে সবাকায়  
ছলনা গো!

হেথা কি পুনরায়  
আসিবে শ্রামরায়  
শঙ্খ-চক্র-গদা  
পদ্ম নিয়া,

তারি-ই আয়োজন  
জানায় সমীরণ  
মাতায়ে তুলিয়াছে  
লাখো হিয়া ?

'এস হে নটবর'  
জুড়িয়া শতকর  
অজুত হিয়া ডাকে  
বারে বারে ;

এস হে মনোরম  
নিদয়া নিরুপম  
রঙে রাঙায়ে তোল—  
আজ তারে।

# গণ দেবতা

শ্রীতারশঙ্কর বন্দ্যোপাধ্যায়

চণ্ডীমণ্ডপ

নয়

এ কাজ দুইটায় পাতুর আপত্তি ছিল না। কারণ কাজ দুইটাতেই নগদ বিদায়ের ব্যবস্থা আছে। ইউনিয়ন-বোর্ডে যে-কোন ঘোষণার সঙ্গে তাহাকে ঢোল-সহরৎ করিতে হয়, তাহার জন্ত সে ট্যাক্স হইতে অব্যাহতি পায়। বোর্ড হইতে ইউনিয়নের মজুর শ্রেণীর উপরেও ট্যাক্স ধার্য আছে, একদিনের মজুরী। মজুরীর হার নির্দিষ্ট আছে ছয় আনা। পাতুকে মজুর খাটিতে হয় না, সে ঢোল দিয়া খালাস পায়। অবশ্য বোর্ড-বাজেটে প্রতিবার ঢোল-সহরতের জন্ত ছয় পয়সা মজুরী ধার্য আছে। প্রতিবারই পাতু ভাউচারের পিছনে বুড়া আঙুলের টিপছাপ দেয়। ঢোলসহরতও তাহাকে বৎসরে আটবার দশবার করিতে হয়, বৎসরের শেষে সেক্রেটারী দুগাই মিশ্র তাহার নামে ছয় আনার একখানা রসিদ কাটিয়া ভূপাল চৌকীদার মারফৎ পাঠাইয়া দেয়। খরচ পড়ে পনের আনা, জমা হয় ছয় আনা, কিন্তু সে সংবাদ দুগাই ছাড়া কেহ জানে না; প্রেসিডেন্টবাবু টিপ দেখিয়া ভাউচারে সই করেন; পাতুরও তাহাতেই আনন্দ--ঢোল বাজাইয়া ট্যাক্স হইতে নিষ্কৃতিই তাহার পরম লাভ।

গ্রামের সামাজিক ঘোষণা হইলেও—নবান্নের ঢোল দিতেও তাহার আপত্তি নাই। নবান্নের ঢোল দেওয়ার জন্ত বিদায়টা তাহার প্রায় নগদ-বিদায়। প্রতি গৃহস্থ হইতে সে একখান্ন প্রসাদ পাইবে। পরিমাণে কম দিলেও সমস্ত গ্রাম কুড়াইয়া যে ভাত-তরকারী জমে—তাহা দুই তিন দিন ধাইয়াও শেষে গরুর মুখে ধরিয়া দিতে হয়। তিন দিনের পর আর খাওয়া চলে না।

ভূপাল চৌকীদার, ইউনিয়ন বোর্ডের মোহর দেওয়া একখানা নোটিশ হাতে করিয়া চলিয়াছিল, আগে-আগে ডুগ-ডুগ শব্দে নাগোরা ধরণের একটা চন্দ্রবাজ বাজাইয়া চলিতেছিল পাতু।

“এক সপ্তাহের মধ্যে আষাঢ়-আশ্বিন দুই কিস্তির বাকী

ট্যাক্স আদায় না দিলে—জরিমানা সমেত—দেড়গুণ ট্যাক্স অস্থাবর ক্রোক করিয়া আদায় করা হইবে।”

জগন ডাক্তার একেবারে আশুনের মত জলিয়া উঠিল।

—কি? কি? কি করা হবে?

ভূপাল সভয়ে হাতের নোটিশখানি আগাইয়া দিয়া বলিল—আজ্ঞে এই দেখেন কেনে!

জগন কঠিন দৃষ্টিতে ভূপালের দিকে চাহিয়া বলিল—সরকারী উর্দি গায়ে দিখে মাথা নোয়াতেও ভুলে গেলি যে!

অপ্রস্তুত হইয়া ভূপাল তাড়াতাড়ি ডাক্তারের পায়ের ধূলা মুখে লইয়া বলিল—আজ্ঞে দেখেন দেখি, তাই ভোলে! আপনকারাই আমাদের মা-বাপ!

পাতু বলিল—নিশ্চয়!

জগন নোটিশখানি দেখিয়া একেবারে গর্জন করিয়া উঠিল—এয়ার্কি নাকি! এ সব কি পৈত্রিক জমিদারী পেয়েছে সব! লোকের মাঠের ধান এখনও মাঠে রইল, বাবুরা একেবারে অস্থাবরের নোটিশ বার ক’রে দিলেন! মানুষকে উৎখাত ক’রে ট্যাক্স আদায় করতে ব’লেছে গবর্নমেন্ট? আজই দরখাস্ত করব আমি!

ভূপাল হাতঘোড় করিয়া বলিল—আজ্ঞে আমরা চাকর, আমাদের যেমন ব’লেছে তেমনি—

—তোদের দোষ কি? তোরা কি করবি? তোরা ঢোল দিয়ে যা!

পাতু ঢোলটায় গোটা কয়েক কাঠির আঘাত করিয়া বলিল—আজ্ঞে ডাক্তার বাবু, ‘নবান্ন’ হবে বাইশে তারিখ।


—নবান্ন? বাইশে?

—আজ্ঞে হ্যাঁ।

—আর সব লোককে বল গিয়ে। গাঁয়ের লোকের সঙ্গে আমার কোন সন্দ্বন্ধ নাই। আমি নবান্ন করব—আমার যেদিন খুসী।

পাতু আর কোন উত্তর না দিয়া পথে অগ্রসর হইল,

বিত্তবহু



শিল্পী—ঈদুত্ত সাতান কুতু

নাচন্দা

ভারতবর্ষ ত্রিভিঃ ওয়ার্কস্



ডাক্তার জুন্ধ গাঙ্গীর্ঘ্যে থমথমে মুখে তাহার দিকে চাহিয়া বলিল—এই পেতো—শোন !

—আজ্ঞে ! পাত্তু ঘুরিয়া দাঁড়াইল।

—কাল যে দরখাস্ততে টিপসই দিতে এলি না বড় ! খুব বড়লোক হয়েছিস, না ? সহরে গিয়ে বাড়ী করবি, এ গায়েই আর থাকবি না, শুনছি !

বিরক্তিতে পাত্তুর জুন্ধ কুঁচকাইয়া উঠিল। কিন্তু কোন উত্তর দিল না। ডাক্তার ঘরে ঢুকিয়া দরখাস্তখানা বাহির করিয়া আনিয়া সন্নেহ শাসনের সুরে বলিল—দে, টিপছাপ দে ! তোর জন্তেই আমি ছাড়ি নাই দরখাস্ত।

পাত্তু এবার বিনা আপত্তিতেই টিপছাপ দিল। কাল যে সে আসে নাই, সমস্ত দিনটাই গ্রামত্যাগের সংকল্প লইয়া জংসন সহর পর্য্যন্ত ঘুরিয়া আসিয়াছে—সে সমস্তই সাময়িক একটা উত্তেজনার প্রেরণায় ; আজ যে সে মুহূর্তপূর্বে ডাক্তারের কথায় ক্রুদ্ধিত করিল—সেও ডাক্তারের কথার কটুত্বের জন্ত। নতুবা সাহায্য বা ভিক্ষা লইতে তাহার আপত্তি নাই, গভীর কৃতজ্ঞতার সহিতই সে টিপছাপ দিল। টিপছাপ দিয়া বুড়া আঙুলের কালি মাথায় মুছিতে মুছিতে কৃতজ্ঞভাবে হাসিয়া বলিল—ডাক্তারবাবুর মতন গরীবগুনোর উপকার কেউ করে না। ডাক্তারের জুতার ধূলা আঙুলের ডগায় লইয়া সে মুখে ও মাথায় বুলাইয়া লইল। সঙ্গে সঙ্গে ভূপাল চোকীদারও লইল।

ডাক্তার ইহারই মধ্যে কিছু যেন চিন্তা করিতেছিল, চিন্তা শেষে বার দুই ঘাড় নাড়িয়া বলিল—দাঁড়া ! আরও একটা কাগজে টিপছাপ দিয়ে যা।

—আজ্ঞে ? পাত্তু সভয়ে প্রশ্ন করিল। অর্থাৎ আবার টিপছাপ কেন ? টিপছাপকে ইহাদের বড় ভয়।

—এই ট্যাক্স-আদায়ের জন্তে একটা দরখাস্ত দোব। তোদের ঘর পুড়ে গিয়েছে, চাষীদের ধান এখনও মাঠে, এই সময় অস্থাবরের নোটিশ ! এ কি মগের মলুক না কি ?

এবার ভয়ে পাত্তুর মুখ শুককাইয়া গেল, ইউনিয়ন-বোর্ডের হাকিমের বিরুদ্ধে দরখাস্ত ! সে ভূপাল চোকীদারের দিকে চাহিল—ভূপালও ভয়ে বিব্রত হইয়া উঠিয়াছে। ডাক্তার তাগিদ দিয়া বলিল—দে, টিপছাপ দে !

—আজ্ঞে না মশায়। উ আমি দিতে পারব না ! পাত্তু এবার হন হন করিয়া পথ চলিতে আরম্ভ করিল। পিছনে

পিছনে ভূপাল পলাইয়া হাঁপ ছাড়িয়া বাঁচিল। ভূপাল ভাবিতেছিল—খবরটা আবার ‘পেসিডেন’ বাবুকে গিয়া দিতে হইবে। না হইলে সন্দেহ আসিবে—ভূপালেরও ইহার সহিত যোগসাজস আছে।

ডাক্তার ভীষণ জুন্ধ হইয়া পাত্তু ও ভূপালের পিছনের দিকে চাহিয়া দাঁড়াইয়া রহিল, কয়েক মুহূর্ত পরই সে ফাটিয়া পড়িল—হারামজাদার জাত, তোদের উপকার যে করে সে গাধা ! বলিয়াই সে দরখাস্তখানা ছিঁড়িয়া ফেলিবার উপক্রম করিল।

—ছিঁড়োনা, ডাক্তার ছিঁড়ো না। বাধা দিল পাঠশালার পণ্ডিত দেবদাস ঘোষ। সে কিছু দূরে দাঁড়াইয়া সবই দেখিয়াছিল। এ-সব ব্যাপারে তাহারও আন্তরিক সহানুভূতি আছে এবং এ-ক্ষেত্রে প্রতিদ্বন্দ্বী বলিয়াই ডাক্তারের সহিত তাহার সদ্ভাব নাই। কিন্তু আজ ডাক্তারের কথাটা তাহার বড় ভাল লাগিয়াছে। সত্যই তো, ইউনিয়ন-বোর্ড কাহারও পৈত্রিক জমিদারী লাখেবাজ নয়। দশজনের সুবিধা-অসুবিধার দিকে ক্রক্ষেপ না করিয়া—এমনভাবে অস্থাবরের নোটিশ বাহির করিবার অধিকার প্রেসিডেন্টের নিশ্চয় নাই !

ডাক্তার দেবদাসের মুখের দিকে চাহিয়া বলিল—ছিঁড়তে বারণ করছ ? ওই বেটাদের উপকার করতে বলছ ? দেখলে তো সব !

দেবদাস বলিল—তা’ দেখলাম। ওদের ওপর রাগ ক’রে কি ক’রবে বল ! দাও তোমার ট্যাক্সের দরখাস্ত, আমি সই করছি, আর দশজনার সইও করিয়ে দিচ্ছি !

ডাক্তার একটা বিড়ি ও দেশলাই পণ্ডিতকে দিয়া বলিল—বস। তারপর বাড়ীর দিকে মুখ ফিরাইয়া চীৎকার করিয়া বলিল—মিহু, দু কাপ চা !

মিহু ডাক্তারের মেয়ে।

ডাক্তার আবার আরম্ভ করিল—লোকে ভাবে কি জান দেবনাথ ? ভাবে—এ সবে মধ্য আমার বুঝি কোন স্বার্থ আছে। অন্তায় অত্যাচারের প্রতিকার হলে বাঁচবে সবাই, কিন্তু রাজা হয়ে যাব আমি !

দেবদাস বিড়ি ধরাইয়া দেশলাইটা ডাক্তারের হাতে দিয়া একটু হাসিয়া বলিল—তা’ স্বার্থ একটু আছে বই কি ডাক্তার,

স্বার্থ? ডাক্তার রুদ্ৰ অণচ বিস্মিত দৃষ্টিতে দেবদাসের দিকে চাহিল।

পণ্ডিত হাতের বিড়িটার আগুনের দিকে চাহিয়া—  
চক্ষুজ্জ্বালিত অতিক্রম করিয়া বলিল—স্বার্থ আছে বৈ কি!  
দশজনের কাছে গণ্যমান্য হবে তুমি, দুদিন বাদে ইউনিয়ন  
বোর্ডের মেম্বার হতে পার; স্বার্থ রয়েছে বৈ কি!

ডাক্তারের কপাল কুঞ্চিত হইয়া উঠিল—বলিল, ওটা  
যদি স্বার্থ হয়, তবে তো সাধু-সন্ন্যাসীর ভগবানের তপস্যা  
করার মধ্যেও স্বার্থ আছে। বুদ্ধদেবও স্বার্থপর!

এবার পণ্ডিত চুপ করিয়া রহিল।

ডাক্তার বলিল—ইউনিয়ন বোর্ডের মেম্বার আমি হ'তে  
চাই, আলবৎ হ'তে চাই। সে হ'তে চাই দশজনের সেবা  
করবার জন্তে। পরলোক-ফরলোক জপতপ ও-সবে আমার  
বিশ্বাস নাই। ওই ছিঁক পাল—চুরী করবে—ব্যাভিচার  
করবে—আর ঘরে ব'সে জপতপ করবে—কালীপূজা করবে  
ঘটা করে, ও রকম ধর্মের মাথায় মারি আমি পাঁচ ঝাড়ু।

অতঃপর ডাক্তার আরম্ভ করিল এক সুদীর্ঘ বক্তৃতা।  
“জীবন ধন্য করিতে কে না চায় এ সংসারে? কেহ জপ তপ  
করিয়া ঈশ্বরকে পাইয়া জীবন ধন্য করিতে চায়। কেহ  
মানুষের সেবা করিয়া ধন্য হইতে চায় ইত্যাদি—ইত্যাদি।”  
বক্তৃতার উত্তরে বক্তৃতা দেবদাসও দিতে পারিত, সেও  
অনেক ভাল-ভাল কথা জানে। কিন্তু আজ সে কোন  
বক্তৃতা দিল না, কেবল বলিল—দশজনের ভাল করতে  
চাও—গাঁয়ের মঙ্গল করতে চাও, খুব ভাল কথা ডাক্তার।  
কিন্তু গাঁয়ের লোককে ‘হেঁটা-কেঁটা’ কেন কর তুমি? আজ  
বললে—গাঁয়ের লোকের সঙ্গে নবান্ন করবে না তুমি! ক’দিন  
আগে দু দুটো মজলিস হ'ল গাঁয়ে—তুমি ত' গেলেই না,  
উণ্টে অনিরুদ্ধ কামারকে তুমি উশ্বে দিলে।

—কখনও না। গাঁয়ের লোকের বিরুদ্ধে আমি উশ্বে  
দিই নাই। অনিরুদ্ধের জমির ধান কেটে নিলে—আমি  
তাকে ছিরের নামে ডাইরী করতে বলেছি। এই পর্যন্ত!

—বেশ কথা! মজলিসে গেলে না কেন?

—মজলিস? যে মজলিসে ছিঁক পাল টাকার জোরে  
মাতব্বর—সেখানে আমি যাই না।

—ভাল। নবান্ন করবে না কেন তুমি গাঁয়ের  
লোকের সঙ্গে?

এবার ডাক্তার কাবু হইয়া পড়িল। কিছুক্ষণ পরে  
বলিল—করব না এমন প্রতিজ্ঞা আমি করি নাই।

দেবদাসও এবার খুসী হইয়া বলিল—হ্যাঁ। ‘দশে  
মিলে করি কাজ, হারি-জিতি নাহি লাজ।’ যা ক'রবে  
দশজনাতে এক হয়ে কর। দেখ না, তিনদিনে সব টিট  
হয়ে যাবে। অনে কামার, গিরে ছুতোর, তারা নাপিত,  
পেতো মুচি—মায় তোমার ছিরেকেও নাকে কানে খত-  
ইরে তবে ছাড়ব।

ডাক্তার বলিল—বেশ! কোনও আপত্তি নাই আমার।  
তবে এক হতে হ'লে সব কাজেই হ'তে হবে। গাঁয়ের গরজের  
সময় জগন ডাক্তার আর দেবু পণ্ডিত; আর ইউনিয়ন  
বোর্ডের ভোটের সময় কঙ্কনার বাবুরা কিছা ছিরে পাল—

বাধা দিয়া দেবদাস বলিল—খেপেছ তুমি? এবার  
তিন নম্বর ওয়ার্ড থেকে তুমি আর আমি দাঁড়াব। কই  
লেখ তুমি দরখাস্ত।

\* \* \*

দেবদাস ও জগন ডাক্তার দু'জনে মিলিত উৎসাহে কাজ  
আরম্ভ করিয়া দিল। দরখাস্ত পাঠানো হইয়া গিয়াছে।  
নবান্নের দিনে দু'জনে পরামর্শ করিয়া একটা উৎসবেরও  
ব্যবস্থা করিয়াছে। সন্ধ্যায় চণ্ডীমণ্ডপে মনসার ভাসান  
গান হইবে; ভাসান গানের দলকে এখানে ‘বেহুলার দল’  
বলিয়া থাকে। বাউড়ীদের একটি বেহুলার দল আছে;  
সেই দলের গান হইবে। চাঁদা করিয়া চাল তুলিয়া উহাদের  
মদের ব্যবস্থা করা হইয়াছে—তাহাতেই দলের লোকের  
মহা আনন্দ। এই ভাসান গানের ব্যবস্থার মধ্যে একটি  
উদ্দেশ্য আছে; নবান্নের দিনে ছিঁক পাল, বাড়ীতে অন্নপূর্ণা  
পূজা করিয়া থাকে; সেই উপলক্ষে সন্ধ্যায় গ্রামের সমস্ত  
লোকই গিয়া জমায়েত হয় ছিঁকর বাড়ীতে। তামাক খায়,  
গালগল্প করে, খোল বাজাইয়া অন্ন স্বল্প সংকীর্তন গান-ও  
হয়। তামাক-লোভী গ্রামের লোক যাহাতে ছিঁকর বাড়ী না  
যায়—জগন ডাক্তার এবং দেবদাস তাহারই জন্ত এ ব্যবস্থা  
করিয়াছে। গ্রামকে সম্বন্ধ করিবার প্রচেষ্টায় জগন ও  
দেবদাসের এটি প্রথম ব্যবস্থা বা ভূমিকা।

চাষীর গ্রামে নবান্নের সমারোহ কিছু বেশী, সত্যকারের  
সার্কজনীন উৎসব। চাষের প্রধান শস্ত হৈমন্তী ধান  
পাকিয়া উঠিয়াছে; এইবার সেই ধান কাটিয়া ঘরে তোলা



হইবে। কার্তিক সংক্রান্তির দিনে কল্যাণ করিয়া আড়াই মুঠা ধান কাটিয়া আনিয়া লক্ষ্মীপূজা হইয়া গেছে। এইবার লঘু ধানের চালে নানা উপকরণ তৈয়ারী করিয়া পিতৃলোক এবং দেবলোকের আজ ভোগ দেওয়া হইবে; ঘরে ঘরে আজ লক্ষ্মীপূজা হইবে। ছেলেমেয়েরা সকাল বেলাতেই স্নান করিয়া ফেলিয়াছে। অগ্রহায়ণের তৃতীয় সপ্তাহে শীত বেশ পড়িয়াছে, তবুও নবান্নের উৎসাহে ছেলেরা পুকুরের জল ঘোলা করিয়া তবে উঠিয়াছে। তাহারা সব এখন চণ্ডীমণ্ডপের আঙিনায় রোদে দাঁড়াইয়া খোঁড়া পুরোহিতের কঙ্কালসার ঘোড়াটাকে লইয়া কলরব করিতেছে। বুড়া শিব এবং ভাঙা কালীর মন্দিরে ভোগ না হইলে নবান্ন আরম্ভ হইবে না। কুমারী কিশোরী মেয়েরা ভিজা চুল পিঠে এলাইয়া দিয়া নতুন বাটিতে নতুন ধানের আতপ চাল, চিনি, মগু, দুধ, কলা, আখের টিকলী, আদাকুচি, মূলা-কুচি সাজাইয়া মন্দিরের বারান্দায় নামাইয়া দিতেছে। যাহাদের বাড়ীতে কুমারী মেয়ে নাই তাহাদের প্রবীণারা সামগ্রী লইয়া আসিতেছে। গ্রামের পুরোহিত—খোঁড়া চক্রবর্তী বসিয়া সামগ্রীগুলি লইয়া দেবতার সন্মুখে রাখিয়া দিতেছে। মধ্যে মধ্যে ধমক দিতেছে ওই ছেলেগুলিকে—  
এ্যাই—এ্যাই! এ্যাই ছেলে! এ তো ভারী বদ! যাসনা কাছে, চাট ছোঁড়ে তো পিলে ফাটিয়ে দেবে! অর্থাৎ ওই ঘোড়াটা। ঘোড়াটা পিছনের পা ছুঁড়িলে গ্রাহা ফাটাইয়া দিবে! খোঁড়া চক্রবর্তী গ্রাম-গ্রামান্তরে ওই ঘোড়ার উপর সওয়ার হইয়া যজ্ঞমান সাধিয়া ফেরে। ফিরিবার সময় ঘোড়ার উপর থাকে সে—তাহার মাথায় থাকে চাল-কলা ইত্যাদির বোঝা। ঘোড়া খুব শিক্ষিত, চক্রবর্তী লাগাম না ধরিয়া দুই হাতে বোঝা ধরিয়া অনায়াসে চলে, অবশ্য ইচ্ছা করিলেই চক্রবর্তী মাটিতে পা নামাইয়া দিতে পারে। মাটি হইতে মাত্র ফুটখানেক উপরে তাহার পা দুইটা ঝুলিতে ঝুলিতে যায়। ছেলেগুলি দূর হইতে চেলা ছুঁড়িয়া ঘোড়াটাকে ক্রমাগত মারিতেছিল। পুরোহিত ভয়ানক চটিয়া উঠিল। কিন্তু কোন উপায় সে খুঁজিয়া পাইল না। একটি বিধবা প্রৌঢ়া ভোগের সামগ্রী লইয়া আসিয়াছিল—সেই পুরোহিতের উপায় করিয়া দিল—সে বলিল—এঁ্যা—তোরা সব ঘোড়া ছুঁলি? বলি ওরে—ও মেলেছোর দল! যা সব আবার চান করগে যা।

পুরোহিত বলিল—দেখ বাছা দেখ, বজ্জাত ছেলেদের কাণ্ড দেখ। চাট ছোঁড়ে তো পিলে ফাটিয়ে দেবে। তখন নাম-দোষ হবে আমার।

বিধবা কিন্তু একথাটা মানিল না, সে বলিল—ও-কথা আর বল না ঠাকুর। ছাগলের মত ঘোড়া নাকি পিলে ফাটিয়ে দেবে! ওই ছাগলের মত ঘোড়া—তার ওপর আচার-বিচের কিছু নাই। সামনের দুটো পায়ে বেঁধে ছেড়ে দাও, রাজ্যের আস্তাকুড়, পাতা, ময়লা মাড়িয়ে চরে' বেড়ায়। সে-দিন আমাদের গাঁয়ে এসে নতুন পুকুরে- পাড়ে—মা-গোঃ, মনে করলেও বমি আসে—চান করতে হয়—সেইখানে দেখি ঘাস খাচ্ছে। আর তুমি ওই ঘোড়াতে চেপে এসে দেবতার পূজো কর?

পুরোহিত বলিল—গজাজল দি, মোড়ল পিসী, রোজ সন্ধ্যাবেলা বাড়ী ফিরলে গজাজল দিয়ে তবে ওকে ঘরে বাঁধি!

—মিছে কথা!

—ঈশ্বরের দিব্যি! এই পৈতে ছুঁয়ে বলছি আমি। গজাজল না দিলে কিছুতেই ঘরে ঢোকে না। বাইরে দাঁড়িয়ে চিহি চিহি ক'রে চেষ্টাবে!

মোড়ল পিসী কি বলিতে গিয়া শশব্যস্ত হইয়া সন্মুখের দিকে খানিকটা আগাইয়া গিয়া ফিরিয়া দাঁড়াইল—কে লো? হন হন ক'রে আসছে দেখ! পিছন দিক হইতে কোন আগন্তকের দীর্ঘ ছায়ার মাথাটা তাহার পায়ের উপর পড়িতেই মোড়ল পিসী সংস্পর্শের ভয়ে সরিয়া আসিয়া প্রসন্ন করিল—কে?

একটি বধু; দীর্ঘাঙ্গী—অবগুণ্ঠনাবৃত মুখ; সে উত্তর করিল না, নীরবে ভোগের সামগ্রীর পাত্রখানি পুরোহিতের সন্মুখে নামাইয়া দিল।

—অ! কামার বউ! আমি বলি কে-না-কে!

এই মুহূর্তেই জগন ও পণ্ডিত আসিয়া চণ্ডীমণ্ডপে প্রবেশ করিল। দেবদাস বিনা ভূমিকায় বলিল—ঠাকুর, কামারের পূজো গায়ের সামিলে আপনি করবেন না; সে হ'তে আমরা দোষ না!

জগন ও দেবদাস এই স্ফযোগটিরই প্রতীক্য করিয়া নিকটেই কোথাও ছিল, পক্ষকে চণ্ডীমণ্ডপে প্রবেশ করিতে দেখিয়া তাহারাও আসিয়া হাজির হইয়াছে।

ঠাকুর কিছুক্ষণ পণ্ডিতের মুখের দিকে চাহিয়া থাকিয়া প্রশ্ন করিল—সে আবার কি রকম? গা-সামিলে পূজো না-হলে, কি ক'রে পূজো হবে?

—সে আমরা জানি না, কর্মকার বুঝে করবে! সে যখন গায়ের নিয়ম লঙ্ঘন করেছে, তখন আমরাই বা তাকে গায়ের সামিলে ক্রিয়া-কর্ম্মে নোব কেন?

পদ্ম তেমনি অবগুণ্ঠনে মুখ ঢাকিয়া স্থির হইয়া দাঁড়াইয়াই রছিল, একটুকু চাঞ্চল্য দেখা গেল না। ঠাকুর তাহার দিকে চাহিয়া নিতান্ত নিরুপায়ভাবে বলিল—আমি কি করব মা!

দেবদাস পদ্মকে লক্ষ্য করিয়া বলিল—পূজো তুমি ফিরিয়ে নিয়ে যাও, বলগে কর্ম্মকারকে, পূজো দিতে দিলে না গায়ের লোকে।

পদ্ম এবার ধীরে ধীরে চলিয়া গেল, কিন্তু পূজার পাত্র তুলিয়া লইল না, সেটা সেইখানেই পড়িয়া রছিল।

পুরোহিত বিব্রত হইয়া বলিল—ওগো বাছা, পূজোর টাইটা; ও বাছা কামার-বউ!

জগন এবার বলিল—থাক না। কামার তো আসবেই। মা হোক একটা মীমাংসা আজ হবেই। জগন ডাক্তারের গোপনতম অন্তরে কর্ম্মকারের উপর একটু সহানুভূতি এখনও আছে।

পুরোহিত ব্যাপারটা ভাল বুঝিতে পারে নাই, বুঝিবার ব্যগ্রতাও তাহার ছিল না। উপস্থিত একবাড়ীর আতপ দুধ মণ্ডা প্রভৃতি পূজোর সামগ্রী বাদ পড়িতেছে—সেই চিন্তাটাই তাহার বড়। তাহার ক্র-কুণ্ঠিত হইয়া উঠিল। বলিল—বলি হাঁহে ডাক্তার—ও পণ্ডিত—

পণ্ডিত বাধা দিয়া দৃঢ় আদেশের ভঙ্গিতে তাহাকেই বলিল—গিরীশ ছুতোয়, তারা নাপিত এদের পূজোও হবে না ঠাকুর। বলে রাখছি আপনাকে। আমরা অবিশ্বি একজন না একজন থাকব—তবে যদি না থাকি—সেই জন্তে আগে থেকে বলে রাখছি আপনাকে।

ঠিক এই সময়েই ছিরু পাল আসিয়া ডাকিল—ঠাকুর! ছিরুর পরণে আজ গরদের কাপড়, গায়ে একখানি রেশমী চাদর; ভাবে ভঙ্গিতে ছিরু পাল আজ একটি স্বতন্ত্র মানুষ; প্রথম দৃষ্টিতেই সেটা যেন বেশ বুঝা যায়।

পুরোহিত চক্রবর্তী ব্যস্ত হইয়া বলিল—এই যাই বাবা।

আর আধ ঘণ্টা। ও পণ্ডিত, ও ডাক্তার, কই হে সব আসছে না কেন?

গম্ভীরভাবে জগন ডাক্তার বলিল—এত তাড়াতাড়ি করলে তো হবে না ঠাকুর! আসছে সব, একে একে আসছে। একঘর যজ্ঞমানের জন্ত দশজনকে ব্যতিব্যস্ত করতে গেলে তো চলবে না!

ছিরু বলিল—বেশ—বেশ! দশের কাজ সেরেই আসুন ঠাকুর! আমি একবার তাগাদা দিয়ে গেলাম। তারপর ছিরু তাহার প্রকাণ্ড বিশ্রী মুখখানাকে যথাসাধ্য কোমল এবং বিনীত করিয়া বলিল—ডাক্তার, একবার যাবেন গো দয়া ক'রে। দেবু খুড়ো—দেখে শুনে দিয়ো বাবা—

কথা তাহার শেষ হইল না, অনিরুদ্ধের প্রচণ্ড ক্রুদ্ধ চীৎকারে চণ্ডীমণ্ডপটা যেন অতর্কিতে চমকিয়া উঠিল।

—কে? কার ঘাড়ে দশটা মাথা; কোন নবাব বাদশা আমার পূজো বন্ধ ক'রেছে শুনি? অনিরুদ্ধের সে মূর্ত্তি যেন রুদ্ধ মূর্ত্তি!

চক্রবর্তী হতভম্ব হইয়া গেল, দেবদাস সোজা হইয়া দাঁড়াইল, জগন ডাক্তার বিজ্ঞ সাস্ত্বনা দাতার মত একটু হাসিয়া আগাইয়া আসিল, ছিরুপাল কিন্তু আজ অচঞ্চল স্থির ভাবেই দাঁড়াইয়া রছিল।

ডাক্তার বলিল—থাম, থাম, চীৎকার করিস না অনিরুদ্ধ—চকিতে ব্যঙ্গভরা ঘৃণিত দৃষ্টিতে একবার ডাক্তারের দিকে চাহিয়া অনিরুদ্ধ মন্দিরের দাওয়া হইতে পদ্মের পরিত্যক্ত পূজার পাত্রটা তুলিয়া লইল। পাত্রটা সে দুই হাতে তুলিয়া যেন দেবতাকে দেখাইয়া বলিল—হে বাবা শিব, হে মা কালী—থাও বাবা, থাও মা; থাও! আর বিচার ক'র, তোমরা বিচার ক'র! বলিয়াই সে পাত্রটা লইয়া যেমন হনহন করিয়া আসিয়াছিল—তেমনি হনহন করিয়াই চলিয়া গেল।

ডাক্তার ও দেবুর চোখ দিয়া যেন আগুন বাহির হইতেছিল, কিন্তু অনিরুদ্ধকে ধরিয়া নির্ধ্যাতন করিবার কোন উপায় ছিল না।

পুরোহিত চক্রবর্তী এবার অনিরুদ্ধের উপরেই মর্মান্তিক চটিয়া গিয়াছিল—বেটা কর্ম্মকারের ছেলের আশ্পর্ক দেখে দেখি! শূদ্র হয়ে—দেবতাকে ভোগ দেখিয়ে বলে কিনা—থাও বাবা, থাও মা!

ছিরু কিন্তু আজ অবিচলিত ধৈর্যে—স্থির প্রশান্ত ভাবেই চণ্ডীমণ্ডপ হইতে নামিয়া বাড়ীর পথ ধরিল। আজ সে কাহারও সহিত বিরোধ করিবে না, কাহারও অনিষ্ট করিবে না, পৃথিবীর ঞায়অন্য় কিছুরই সহিত আজ তাহার সংশ্রব নাই। আজিকার ছিরু স্বতন্ত্র—এই ছিরু যে কেমন করিয়া ব্যাভিচারী পাষণ্ড ছিরুর প্রচণ্ড ভার ঠেলিয়া দেবপূজাকে উপলক্ষ করিয়া মধ্যে মধ্যে বাহির হইয়া আসে—সে অতি বিচিত্র সংঘটন ; কিন্তু সে আসে। পাষণ্ড ছিরুর অন্য় বা পাপে কোন ভয় নাই, দেবসেবক ছিরুরও সে পাপ খণ্ডনের জন্ত ব্যগ্রতা নাই ; আছে কেবল পরমলোক প্রাপ্তির জন্ত একটি নিষ্ঠাভরা তপস্যা এবং অকপট বিশ্বাস। দিন ও রাত্রির মত পরস্পরের সঙ্গে মুখোমুখী দেখা কখনও হয় না কিন্তু কোন বিরোধও নাই। তবে ছিরুর দিনগুলি শীতের দিন—সংক্ষিপ্ততম তাহার আয়ু।

দশ

প্রচণ্ড রাগের উপরেই অনিরুদ্ধ হন হন করিয়া বাড়ী ফিরিয়া আসিল। পূজা-ভোগের সামগ্রীর পাত্রটা ঘরের মেঝের উপর নামাইয়া দিয়া বলিল—ওই নে ; পূজা ভোগ দিয়ে দিয়েছি আমি।

পদ্ম চুপ করিয়া ঘরের দেওয়ালে ঠেস দিয়া বসিয়াছিল, একটি বিষন্ন উদাসীনতা তাহার সর্ব্বাঙ্গে পরিস্ফুট হইয়া উঠিয়াছে। কয়েক দিন হইতেই পদ্ম যেন কেমন হইয়াছে। দেহ যেন ক্লান্ত, মন যেন অহরহ ভারাক্রান্ত। অনিরুদ্ধ এটা লক্ষ্য করিয়াছে ; কিন্তু তেমন গ্রাহ্য করে নাই, মাস্তুরের রক্ত-মাংসের দেহ তো ! পাথরের তো নয় যে ভালো মন্দ কিছু থাকিবে না। আজ কিন্তু ত্রুণ অনিরুদ্ধের এটা বরদাস্ত হইল না, জলন্ত আগুনের মত দৃষ্টিতে কিছুক্ষণ নিরন্তর পদ্মের দিকে চাহিয়া থাকিয়া অকস্মাৎ প্রচণ্ড চীৎকার করিয়া প্রশ্ন করিল—বলি, তোর হ'ল কি ?

শান্ত স্বরে পদ্ম জবাব দিল—কি হবে ! কিছু হয় নাই !

দাঁতে দাঁতে ঘষিয়া অনিরুদ্ধ বলিল—তবে ? তবে যে বিরহিনী রাধার মত বসে রয়েছিস, চালের কাঠের দিকে চেয়ে ?

পদ্ম যেন দপ করিয়া জলিয়া উঠিল—মুহূর্ত্তে তাহার ডাগর চোখ দুটি ক্রোধে রক্তাভ এবং উগ্রভঙ্গিতে বিস্ফারিত

হইয়া উঠিল—স্থির দৃষ্টিতে সে স্বামীর দিকে চাহিয়া রহিল। অনিরুদ্ধের মনে হইল—তুই টুকরা লোহা যেন কামার-শালার জলন্ত অঙ্গারের মধ্যে আগুনের চেয়েও দীপ্তিময় এবং উত্তপ্ত হইয়া গলিতেছে ; পদ্মের দেহখানা পর্য্যন্ত জলন্ত অঙ্গারের মত অসহনীয় উত্তাপ ছড়াইতেছে বলিয়া তাহার বোধ হইল। এ মূর্ত্তি পদ্মের নতুন। সে ভয় পাইয়া গেল ; পদ্ম এইবার কি বলিবে—সেই আশঙ্কায় তাহার মন অস্থির হইয়া উঠিল। পদ্ম কিন্তু মুখে কিছু বলিল না, তাহার ক্রোধ, পাত্র-আবদ্ধ জলন্ত ধাতুর মতই দৃষ্টি এবং দেহভঙ্গির মধ্যেই গণ্ডীবদ্ধ হইয়া রহিল। একটা গভীর দীর্ঘ-নিশ্বাস ফেলিয়া সে ধীরে ধীরে উঠিয়া পূজা-ভোগের পাত্রটা লইয়া লক্ষ্মীর ঘরে ঢুকিল।

সসঙ্কোচে অনিরুদ্ধ প্রশ্ন করিল—লক্ষ্মী পেতেছিস ? লক্ষ্মী ?

সংক্ষিপ্ততম উত্তর আসিল—হুঁ !

—কই শাঁখ বাজালি না ? শাঁখ ?

পদ্ম শাঁখটা আনিয়া অনিরুদ্ধের সম্মুখে নামাইয়া দিল।

অপ্রতিভের মত হাসিয়া অনিরুদ্ধ বলিল—আমি শাঁখ বাজাতে পারি ? জিজ্ঞেস করছি বলি—শাঁখ বাজিয়েছিস তো ?

উত্তর না দিয়া শাঁখটা তুলিয়া পদ্ম আবার তাহাতে একটা ফুঁ দিল।

—শহরের দু'জনাকে নেমন্তন্ন করেছি। আর গিরীশকে বলেছি। সেও আসবে !

পদ্ম এবারও কোন উত্তর দিল না, শাঁখটার মুখে জল দিয়া ধুইয়া সেটাকে লক্ষ্মীর ঘরে যথাস্থানে রাখিয়া দিল।

অনিরুদ্ধ আবার অধীর হইয়া উঠিতেছিল, পদ্মের এই শান্ত বিষন্ন নির্লিপ্ততার রহস্য ত্রুতই গভীর যে—তাহার শ্বাস যেন রুদ্ধ হইয়া আসিতেছে। বারকয়েক তদ্বীরভাবে ঘাড় নাড়িয়া হয় আকাশকে—নয় আপনার ঘরদুয়ারকে লক্ষ্য করিয়াই যেন বলিল—এ কি বিপদ বল দেখি বাপু ! মুনি কথাও কয় না, ভিক্ষেও নেয় না। অসুখ-বিসুখ কিছু হয় তো—দেখতে পাই, মুখে যদি বলে—তবে বুঝতে পারি—

এবার বাধা দিয়া পদ্ম যেন কত ক্লান্ত আর্ন্ত স্বরে কহিল—ওগো, তোমার দুটি পায়ে পড়ি তুমি চোঁচিও না, থাম !

অনিরুদ্ধও কাতরস্বরে প্রশ্ন করিল—তোমার হ'ল কি তাই বল ?

—কিছু হয় নি বাপু, তুমি থাম, একটু বাইরে যাও ! আমাকে কাজ-কর্ম করতে দাও !

অনিরুদ্ধ আবার জুঁক হইয়া উঠিল, সে ক্রোধভরে বাড়ীর বাহিরে যাইবার উদ্যোগ করিল। যাইতে যাইতে হঠাৎ ধমকিয়া দাঁড়াইয়া বলিল—আমিই হয়েছি তোমার দু-চক্ষের বিষ ! বুঝিলি ! বলিয়াই সে বাড়ীর বাহিরে চলিয়া গেল।

পদ্মের চোক্ষে জল আসিল। মনে হইল—তাহার অপেক্ষা দুঃখী এ সংসারে কেহ আর নাই। এত করিয়াও এই কথাটা তাহাকে শুনিতে হইল ? ওই ছিঁকু পালের জ্বর ভাগ্যের নিন্দা করে লোকে—কিন্তু পদ্মের ভাগ্য আরও মন্দ। ছিঁকু পাল স্ত্রীকে প্রহার করে কিন্তু অবিধ্বাস কখনও করে না ! এই তো আজই দেখা হইয়াছিল—স্নানের সময়, বেণে-পুকুরের ঘাটে। ওই কাঠির মত শীর্ণ দেহে এক কাঁখে ঘড়া অল্প কাঁখে সেই পঙ্গুপ্রায় ছেলেটাকে লইয়া চলিয়া গেল—কিন্তু এক বিন্দু দুঃখের ছাপ তো তাহার মুখে সে দেখে নাই ! ডগ-ডগে লালপেড়ে মটকার শাড়ী পরিয়া আপন সৌভাগ্যে যেন ডগমগ করিতেছে ছিঁকুর স্ত্রী ! পদ্ম একটা দীর্ঘ নিশ্বাস ফেলিয়া ধীরে ধীরে রান্নাশালায় আসিয়া উনানে আগুন দিল। নবান্নের সকল আয়োজনই তাহার হইয়া গিয়াছে, লক্ষ্মী পাতা হইয়াছে, চাল দিয়া নবান্নের আয়োজন ধরে ধরে সে সাজাইয়া রাখিয়াছে, ঘরের মেঝে হইতে উনান পর্য্যন্ত নিকাইয়া আন্ননার বিচিত্র চিত্রে ভরিয়া দিয়াছে, বাকী এখন কেবল রান্না। উনান জালিয়া সে কোটা তরকারীর পাত্রগুলি বাহিরে আনিয়া রাখিল, উনানের উপর কড়াখানা চাপাইয়া দিয়া—তেল আনিবার জন্ত উঠিল। কিন্তু যাইবার কি জো আছে। ঘরের চালের উপর কাকগুলি সারি দিয়া বসিয়া আছে। সুযোগ পাইলেই ঝাঁপ দিয়া পড়িবে। পাঁচবছরের একটা ছেলে থাকিলেও—তাহাকে লাঠি হাতে বসাইয়া রাখিলে চলিত। বাহিরে অনিরুদ্ধের সাড়া-শব্দও পাওয়া যাইতেছে না। পদ্ম অত্যন্ত বিরক্ত হইয়া নিজেই কাকগুলিকে তাড়াইতে আরম্ভ করিল—হু—স, ধা—! হু—সু ! কিন্তু এমন হতভাগা পাজী জাত কি আর আছে ? তাড়া দিলে লাক দিয়া এপাশ হইতে ওপাশে সন্নিয়া যায় ;

বড় জোর খানিকটা উড়িয়া আবার যথাস্থানে আসিয়া বসে।

—কস্মকার ! কস্মকার গো ! ওগো—ও—কস্মকার ! কে ডাকিতেছে ! পদ্ম মৃদুস্বরেই সাড়া দিয়া প্রশ্ন করিল—কে গো !

—আমি ভূপাল খানদার ! কস্মকারকে ডেকে দাও। ইউনিয়ন বোর্ডের অস্থাবর আছে। সেক্রেটারী বাবু ডাকছে—চণ্ডীমণ্ডপে !

পদ্ম শিহরিয়া উঠিল। অস্থাবর ! অস্থাবর কাহাকে বলে পদ্ম তাহা জানে। জমিদারের গমস্তার সঙ্গে অনিরুদ্ধ একবার ঝগড়া করিয়াছিল; সেই আক্রোশে গমস্তা খাজনার জন্ত নালিশ করিয়া অস্থাবর ক্রোকের পরোয়ানা আনিয়াছিল। ধানের মরাই ভাঙিয়া ধান তছনচ করিয়া—ঘরের বাসন কাঁসা-বাহির করিয়া সে কি কাণ্ড ! সেই সময়েই অনিরুদ্ধ ছিঁকুর কাছে দশটাকা ধার করিয়াছিল। ছিঁকু কিন্তু তখন চাহিবামাত্র দিয়াছিল। ওই গুণটি ছিঁকুর আছে, বিপদে হাত পাতিলে ছিঁকু কখনও ফিরাইয়া দেয় না।

ভূপালের অনেক কাজ—গোটা গ্রামের লোকের অস্থাবর আসিয়াছে, প্রত্যেক লোকটিকে ডাকিতে হইবে—সে আবার হাঁকিয়া বলিল—পাঠিয়ে দিয়ো চণ্ডীমণ্ডপে।

পদ্ম এবার একটু অগ্রসর হইয়া সদর দরজা হইতে মুখ বাড়াইয়া বলিল—খানদার গিরীশচুতোরের বাড়ী তো তুমি যাবে—ওইখানে—

ভূপাল বলিল—দেখা পাই তো বলব ! বলিতে বলিতেই সে পথের বাঁকে অদৃশ হইয়া গেল।

পদ্ম ফিরিয়া দেখিল দশবারোটা কাক আসিয়া রান্নাশালায় নামিয়া পড়িয়াছে। সে ছুটিয়া গেল, কিন্তু ইচ্ছা হইল—জিনিষপত্র সমস্ত তছনচ করিয়া ছড়াইয়া ফেলিয়া দেয়, ঘরে আগুন ধরাইয়া দেয়। এমন কপাল ! ছি ! ছি ! এমন কপাল ! তাহাকে সাহায্য করিতে একটা পাঁচবছরের শিশু পর্য্যন্ত নাই ! ছি !

\* \* \* \*

চণ্ডীমণ্ডপে ততক্ষণে গ্রামের প্রায় সমস্ত লোকই আসিয়া জড়ো হইয়াছে। আটচালার মাঝখানে ইউনিয়ন বোর্ডের সেক্রেটারী দুর্গাই মিশ্র বেশ জাঁকিয়া বসিয়াছে। সঙ্গে

একখানা বাঁধানো খাতা, একগাদা পরোয়ানা, একখানা রসিদ বই। তাহার হাপহাতা কামিজের বুক পকেটে ক্লিপ আঁটা একটা পেন্সিল—একটা ফাউন্টেন পেন। সে চালকাঠের দিকে চাহিয়া—নিতান্ত নির্লিপ্তভাবে বিড়ি টানিতেছে। সমবেত সকলেরই মুখ শুকাইয়া গিয়াছে। আজ এই মাস্তুলিক পূর্বের দিন, ঘরে ঘরে লক্ষ্মী পাতা হইয়াছে। এখন কেমন করিয়া ঘর হইতে কড়ি বাহির করা যায়! আর কড়ি অর্থাৎ টাকাই বা কোথায়? এখনও হৈমন্তী ধান মাঠে। আউশ যে কয়টি হইয়াছিল তাহা বেচিয়া আলু বসাইবার খরচ চালানো হইয়াছে; কিছু মুনিষ মাহিন্দারকে দেওয়া হইয়াছে; কিছু নিজেদের জন্ত আছে। এই নবান্নের খরচের জন্তও সে ধানও কিছু বিক্রী করা হইয়াছে। নিয়ম লঙ্ঘন করিয়াও দিব বলিলেই বা আসিবে কোথা হইতে। বৃকের ভিতর উদ্বেগ লইয়া গুঁড়মুখে সকলে নির্ঝাক হইয়া বসিয়াছিল। বকিতেছিল—জগন ডাক্তার। ইউনিয়ন বোর্ডের কর্তৃপক্ষের অন্য় এবং অত্যাচার সে অনর্গল বর্ণনা করিয়া চলিয়াছিল।

মিশ্র বিড়িটা ফেলিয়া দিয়া একসময় প্রশ্ন করিল—হ্যাঁ গো মোড়লরা, তা হ'লে—রসিদ লিখি?

প্রোট হরিশ বলিল—আজ যে নবান্ন মিশ্রি, লক্ষ্মীপাতা হয়েছে। আজ তো টাকা দিতে নাই বাপু!

মিশ্র বলিল—সে তো বুঝছি, কিন্তু সরকারী কাজে তো আমাবস্তে, পূর্ণিমে, লক্ষ্মীপূজা—সরস্বতী পূজোর বিধেন নাই বাপু। সরস্বতী পূজোর দিনেও কালী-কলম নিয়ে আমাদের কাজ করতে হয়—

জগন বাধা দিয়া বলিল—ওহে বাপু, আমরা সময় চেয়ে দরখাস্ত করেছি—

—কই, কোন দরখাস্ত তো পাই নাই আমরা!

—তোমরা? তোমরা কে হে? আমরা দরখাস্ত করেছি, এস-ডি-ওর কাছে।

সবিনয়ে মিশ্র বলিল—এস-ডি-ও তো আমাদের কাছে কোন খবর কি হুকুম পাঠান নি বাপু! আমরা কি ক'রে জানব? বোর্ডে যদি দরখাস্ত করতে তা' হ'লে অবশ্য একশোবার বলতে পারতে। বিবেচনা করতে বাধ্য ছিলেন প্রেসিডেন্ট!

দেবদাস গুম হইয়া দাঁড়াইয়াছিল—সে এবার অত্যন্ত

তীক্ষ্ণস্বরে বলিল—তা' হ'লে সেইটাই হ'ল আসল কথা। প্রেসিডেন্টের কাছে দরখাস্ত না ক'রে এস-ডি-ওর কাছে দরখাস্ত করাটাই হ'ল কারণ! তাই বেছে—বেছে নবান্নের দিনে অস্থাবরের ব্যবস্থা, না—কি' গো মিশ্রি মশায়?

দুগাই মিশ্র তীর্থ্যক দৃষ্টিতে দেবদাসের দিকে একবার দৃষ্টি নিক্ষেপ করিয়া পরমুহুর্তেই পূর্বের মত নির্লিপ্ত ভঙ্গিতে সন্মুখের দিকে চাহিয়া বলিল—তাই যদি ভাব, তবে তাইই হ'ল!

জগন বলিয়া উঠিল—আপনারা শুধুন গো সব, শুনে রাখুন!

পণ্ডিত বলিল—এনকোয়েরী হ'লে বলতে হবে আপনাদিগে।

—আসছে বার ভোট দেবার সময় মনে করবেন কথাটা! কথাটা বলিয়া জগন বিদ্রোহীর মত উদ্ধত ভঙ্গিতে চারিদিকে একবার দেখিয়া লইল।

দুগাই মিশ্র কথাটা বলিয়া একটু অপ্রতিভ হইয়াছিল। কিন্তু কথাটা সত্য। দরখাস্তের সংবাদ ভূপাল জানাইয়াছিল, তাই বাছিয়া বাছিয়া আজিকার দিনেই অস্থাবরের ব্যবস্থা প্রেসিডেন্ট করিয়াছেন। বিনীত আত্মসমর্পণের বিনিময়ে মার্জনা করিতেও প্রস্তুত আছেন। সে কথাটা দুগাই জানে। কিন্তু সে বার্তা প্রকাশের পূর্বে সে নিজের প্রাপ্যটা আদায় অথবা ভবিষ্যৎ প্রাপ্তি সম্বন্ধে নিঃসংশয় হইতে চায়। নিজের অপ্রতিভ ভাবটা গোপন করিবার জন্ত এবার সে অত্যন্ত কঠোর কর্তব্যপরায়ণ হইয়া উঠিল—বলিল—তা হ'লে আমার আর দোষ দেবেন না কেউ। কর্তব্য কাজ আমাকে করতে হবেই। ভূপাল! সে বেটা আবার কোথা গেল?

মিশ্রের সঙ্গে চৌকীদার ছিল আরও কয়েকজন, তাহাদেরই একজন বলিল—হুজুর। সে এখনও ডাক দিয়ে ফেরে নাই।

—হুঁ! তামাক খেতে জমে গিয়েছে কোথাও আর কি! বেটা—

ঠিক এই সময়েই ভূপাল ফিরিল—তাহার সঙ্গে সঙ্গে কয়েকজন কালীপুরের অধিবাসী, তাহাদের সকলের পিছনে বৃদ্ধ দ্বারকাচৌধুরী।

মিশ্র একটু সন্ত্রস্ত করিয়া চৌধুরীকে সম্বাষণ করিল—আম্বন চৌধুরী আম্বন।

চৌধুরী হাসিয়া বলিল—প্রণাম! সম্ভাষণ আগেই জানিয়েছে আপনার ভূপাল।

কথাটার খোঁচায় দুগাই একটু অপ্রস্তুত হইল। চৌধুরীকে সে একটু সম্মম করিয়াই চলে। প্রাচীন অভিজাত্যের দাবীতে এবং চৌধুরীর অমুক্ত মিষ্ট ব্যবহারে সম্মম অবশ্য সকলেই করে; কিন্তু দুগাইয়ের বেলায় অতিরিক্ত কারণ কিছু আছে। একখানা নূতন ঘর তৈয়ারী করিতে মিশ্র স্বেভার তালগাছের জন্ম বৃদ্ধকে ধরিয়াছিল; দ্বারকা চৌধুরী বিনামূল্যে পাঁচটা তালগাছ দুগাইকে দিয়াছিল। মিশ্রের প্রার্থনা ছিল দুইটা গাছ। সময়টা ছিল বৈশাখ মাস—বেলা প্রায় দ্বিপ্রহর। চৌধুরী দুগাইয়ের মুখের দিকে চাহিয়া ততক্ষণাৎ দুইটা গাছ দিতে প্রতিশ্রুত হইল—এবং অনুরোধ করিল—মিশ্রমশাই, স্নান করুন, তারপর আহার করে বিশ্রাম করে—ও বেলায় যাবেন।

মিশ্রের কিন্তু সময় ছিল না; তাহার পূর্ব-রাত্রে প্রচণ্ড ঝড় জল হইয়া গেছে—দেয়ালের খানিকটা ক্ষতিও হইয়াছে, সেইদিনই তালগাছের ব্যবস্থা করিতে প্রতিজ্ঞা করিয়া সে বাহির হইয়াছে—সে বলিয়াছিল—আজ মাফ করুন চৌধুরী মশায় অন্তদিন বরং হবে। আজ আমাকে মেলানপুর যেতে হবে। আরও তিনটে তালগাছ আমার চাই। আজ প্রতিজ্ঞা করে বেরিয়েছি বাড়ীথেকে—

তাহার মুখের দিকে—এবং আকাশের দিকে চাহিয়া চৌধুরী হাসিয়া বলিয়াছিলেন—ব্রাহ্মণের প্রতিজ্ঞা বৈশাখ মাসে কি অপূর্ণ থাকে মিশ্র মশায়; পূর্ণ হতেই হবে। সে হবে। নিন এখন স্নান করুন, আহার করুন, বৈকালে তালগাছ দেখুন—দেখে বাড়ী ফিরবেন। পাঁচটা গাছই আমার কাছেই আপনি পাবেন!

এই কারণেই মিশ্র আজ অপ্রস্তুত হইল—অন্তজন হইলে সে উত্তর একটা দিত, বেশ যুতসই উত্তরই দিত। অপ্রস্তুত হইয়া সে বলিল—পেটের দায় চৌধুরী মশায়—আর আমার অনৃষ্ট; নইলে এই চাকরী কি মামুষে—করে! চাকরে আর কুকুরে কি সমান। প্রেসিডেন্টের হুকুম—

বাধা দিয়া চৌধুরী বলিল—হুকুম তামিল করুন দেখি এখন; রসিদ কাটুন! আমার, নিশিখুজ্জের—

—হ্যাঁ গো। চৌধুরী মশায়—আজ যে নবায়—লক্ষ্মীর দিন! প্রৌঢ় হরিশের আর বিশ্বয়ের সীমা রহিল না।

হাসিয়া চৌধুরী বলিল—লক্ষ্মী কি আছেন পাল মশায়—যে লক্ষ্মীর দিন! লক্ষ্মীছাড়ার আবার লক্ষ্মী! চৌধুরী দশ-বারোজন গ্রামবাসীর নাম করিয়া বলিল—এদের রসিদগুলো কেটে ফেলুন। একটু হাত চালিয়ে কাজ করুন।

—এঁদের সবারই আপনি দেবেন? চৌধুরীকে জানিয়াও মিশ্র একটু বিস্মিত হইল।

—হ্যাঁ।

—মহাশয় লোক কি আর সাথে বলে লোকে? এমন লোক যে গাঁয়ে থাকে—সে গাঁয়ের লোকে বাস ক'রে পাহাড়ের আড়ালে! কত বড় বংশ! দুগাই মিশ্র উচ্ছ্বসিত হইয়াই কথাটা বলিল।

—না-গো না! ঠুঁরা সব আমাকেই দিলেন—দেবার জন্তে।

—আর না গো! মিশ্র বলিল—আমরাও মামুষ চৌধুরী মশায়—। বৃদ্ধি সব। দশ-বিশ খানা গ্রাম নিয়ে আমার কারবার, কই কাউকে তো এমন দেখলাম না। রসিদ লিখতে লিখতেই মিশ্র বলিয়া গেল।

সমবেত লোকগুলি স্তব্ধ হইয়া বসিয়াছিল। জগন ও দেবদাস ঘোষ পর্যন্ত স্তব্ধ! দুগাই মিশ্র রসিদ লিখিয়া টাকা লইয়া—রসিদগুলি কাটিয়া চৌধুরীর হাতে দিল—চৌধুরী চলিয়া গেল।

মিশ্র বলিল—এই ত বাপু, চৌধুরী টাকা দিলেন—নবায়-লক্ষ্মী তো ঠুঁর বাড়ীতেও আছে!

ছিরু পাল আগাইয়া আসিল—ডাকিল—হরিশ কাকা! ছোটকাকা একবার শুনুন! ছিরু অত্যন্ত গম্ভীর—চোখে বিচিত্র দৃষ্টি।

হরিশ ও ভবেশ আশ্চর্য হইয়া গেল! ছিরুর কথাটা তাহাদের বিশ্বাস হইতেছে না। ছিরু বলিল—আমি ট্যাক্সের টাকাটা দিয়ে দি, অবিশিষ্ট যে যে রাজী হবে, আমাকে আপনারা পরে দেবেন। কি বলেন? ছোটকাকা—তুমি বাপু একটা কাগজে কার কত ট্যাক্স লিখে রাখ, পরে আবার গোল না হয়! মিশ্র মশায়—আপনিও একবার শুনুন! আজ এ বেলাটা আমার বাড়ীতেই থাকতে হবে আপনাকে। আমি ট্যাক্স সব দিয়ে দিচ্ছি। টাকাটা আমি জংসনে কলওয়ালার গদীতে আনতে পাঠাচ্ছি।

লক্ষ্মীর-দিন, ঘরে থেকে তো টাকা দিতে নাই! আপনার সম্মান আমি করব গো!

দুগাই উচ্ছ্বসিত হইয়া উঠিল—বেশ তো! বেশ তো!

ছিরুর এই মহানুভবতায় গ্রামের লোক মুগ্ধ উচ্ছ্বসিত হইয়া উঠিল। বিপদে আপদে ছিরু অবশ্য টাকা ধার বরাবরই দিয়া থাকে। হ্যাগনোট অথবা জিনিষবন্ধক রাখিয়া টাকা দিতে কখনই সে আপত্তি করে না, শত্রুকেও না। কিন্তু আজিকার আচরণ অপ্রত্যাশিত অদ্ভুত।

প্রেরণটা অবশ্য—চৌধুরীর কাছ হইতে আসিয়াছে। ওই চৌধুরীকে সে ঘণা করে, হিংসা করে! এই দুইখানা গ্রামের মধ্যে ছিরুই এখন সর্বাপেক্ষা বিত্তশালী; চৌধুরী সে হিসাবে সামান্য ব্যক্তি। কিন্তু কোন প্রাচীন-কালে তাহাদের সমৃদ্ধি ছিল বলিয়া বর্তমানে তাহার সমৃদ্ধিকে উপেক্ষা করিয়া চৌধুরীকে লোকে সম্মান করে—এটা ছিরুর সহ হয় না। তা ছাড়াও চৌধুরীর ওই মিষ্ট মিষ্ট কথা যেন ছিরুর গায়ে বিষ ছড়াইয়া দেয়। সে কিছুতেই এমন করিয়া কথা বলিতে পারে না। মহেশ্বের প্রতিযোগিতায় ছিরু আজ অকস্মাৎ এমন করিয়া ফেলিল; আলোকচ্ছটার প্রতিচ্ছটার মতই তাহার এ আচরণের মধ্যে আলোকের পবিত্রতা-দীপ্তি-উদ্ভাপ সবই আছে। ছিরুর মুখের মধ্যে আত্মপ্রসাদ আছে—আত্মস্মৃতিও হয়তো আছে; কিন্তু সে আত্মস্মৃতি উগ্র নয় রূঢ় নয় মানুষকে আঘাত করে না। দেবু ছিরুর কাছে আসিয়া বলিল—আমার টাকাটাও দিয়ে দিস বাবা! এই তো চাই রে!

ছিরু বলিল—নিশ্চয়! যেয়ো কিন্তু খুড়ো, অন্নপূর্ণা পূজোর সব দেখে শুনে দিয়ে।

—নিশ্চয়! সন্ধ্যাতে ভাসানর গান আজ তোর ওখানেই হবে!

—বেশ! বেশ! কাছে-পিঠে যাত্রার দল নাই খুড়ো—তা হ'লে না হয় কাল—; ছিরু উৎসাহিত হইয়া উঠিয়াছে।

তাহাদের কথাবার্তায় বাধা পড়িল। জগন ঘোষ ডাক্তার দস্তভ'রেই বলিতেছিল—আমি হাত-ও কারুর কাছে পাতব না, ট্যান্ডও দেব না আজ লক্ষ্মীর দিনে! কর তুমি আমার অস্থাবর! সে শ্রাণালটা পায়ে দিয়া ফটফট

করিয়া চলিয়া গেল। ডাক্তারের সঙ্গে সঙ্গে আরও একজন উঠিয়া গেল। সে অনিরুদ্ধ!

অনিরুদ্ধ বাড়ী আসিয়া বিনা ভূমিকায় পদ্যকে বলিল—সেই নোটখানা দে তো!

পদ্য ঘড়া হইতে ঘটিতে জল ঢালিতেছিল, তাহার হাত নিশ্চল হইয়া গেল—সেই নতভঙ্গিতেই সে শুধু মুখ তুলিয়া স্বামীর মুখের দিকে চাহিল। দৃষ্টিতে তাহার বিস্ময়—বিরক্তি যেন পুঞ্জীভূত হইয়া আছে!

—সেই ছিরুর বউয়ের দরুণ টাকা! অনিরুদ্ধ টাকাটার কথা পদ্যকে স্মরণ করাইয়া দিল!

পদ্যের দৃষ্টির অর্থ কিন্তু তাহা নয়; তাহার দৃষ্টির অর্থ—লক্ষ্মীর দিন—একি লক্ষ্মী ছাড়ার আচরণ!

—বলি, দিবি? না—হাঁড়িকুঁড়ি ভেঙে বার করতে হবে?

এতক্ষণে পদ্য একটি কথা বলিল—লক্ষ্মীর দিন—

—নিকুচি ক'রেছে, তোর লক্ষ্মীর!—দাঁতে দাঁতে ঘষিয়া অনিরুদ্ধ বলিল, সে যেন বর্ষের পশু হইয়া উঠিয়াছে।

পদ্য ঘড়া ও ঘটিটা ছাড়িয়া দিয়া কাপড়ের আঁচলে হাত মুছিয়া ঘরের ভিতর হইতে নোটখানা আনিয়া অনিরুদ্ধের সম্মুখে ফেলিয়া দিল।

অনিরুদ্ধ নোটখানা আনিয়া দুগাইয়ের সম্মুখে ফেলিয়া দিল। দুগাই তখন দু'খানা চেয়ার লইয়া ব্যস্ত। জগন ডাক্তারের চেয়ার ক্রোক করা হইয়াছে। জগন গম্ভীর-ভাবে দাঁড়াইয়া আছে ডাক্তারখানার দাওয়ায়।

\* \* \* \*

সন্ধ্যায় অনিরুদ্ধ ছুটিয়া আসিয়া ডাকিল—ডাক্তারবাব, ঘোষ মশায়!

ডাক্তার বাড়ীর ভিতর গ্রামোফোন লইয়া বসিয়াছিল। ছিরুর বাড়ী ভাসান গান হইতেছে, ডাক্তার ঘরে গ্রামোফোন জুড়িয়াছে। এক মক্কেলের গ্রামোফোন, আজই সেটাকে আনা হইয়াছে! অনিরুদ্ধ সাড়া না পাইয়া বাড়ীর ভিতরেই ঢুকিয়া পড়িল। ডাক্তার প্রশ্ন করিল—কে?

—আমি অনিরুদ্ধ। একবার আসুন। আমাদের বউ কি রকম করছে। দাঁত লেগেছে। গৌ-গৌ করছে। ডাক্তার আজ অনিরুদ্ধের উপর বিশেষ তৃষ্ণা ছিল—

অনিরুদ্ধ ছিরুর কাছে টাকা লয় নাই! হাসিয়া জগন বলিল—নবানে ধেরে দেয়ে অঞ্চল হয়েছে—আর কি! চল!

—আজ্ঞে না; আজ দাঁতে কুটো কাটে নাই। রাগ করে কিছুই খায় নাই।

বাস্ত হইয়া ডাক্তার উঠিয়া পড়িল।

বিসর্গিল গতি গ্রাম্যপথখানি গাছের ছায়া ও জ্যোৎস্নার আলোয় অজগরের মত বিচিত্রিত। জনহীন স্তব্ধ। ছিরুর বাড়ীর প্রাঙ্গণে ভাসানের গানের সুর এবং শ্রোতাদের কলরব উঠিতেছে। আলোর ছটা দেখা যাইতেছে। ছিরুর বাড়ীর পাশ দিয়াই পথ। ডাক্তার সহসা জনহীন অন্ধকার

চণ্ডীমণ্ডপটার ভিতর দিয়া মোড় ফিরিয়া বলিল—এই দিক দিয়ে আয়। চট ক'রে হবে।

চণ্ডীমণ্ডপের ভিতর দিয়া গেলে চট করিয়া যাওয়া যায়, ছিরুর বাড়ীর সান্নিধ্যও এড়াইয়া চলা চলে। কিন্তু রাত্রে কেহ দেবস্থান দিয়া যায় না। ডাক্তার মোড় ফিরিতে অনিরুদ্ধও তাহার অনুসরণ করিল—তাহার আর দ্বিধা হইল না।

জনহীন—অন্ধকার চণ্ডীমণ্ডপ! কেবল অতীত ইতিহাস-লেখার মত আল্পনার সাদা রেখাচিত্রগুলি অন্ধকারের মধ্যে বলমল করিতেছে।

ক্রমশঃ

## রূপবতী

জসীম উদ্দীন

কে আসিলে তুমি ওগো রূপবতি! জবাকুসুমের ছাতি তোমার সোনার অধর ঘেরিয়া করিছে রূপের স্তুতি। তরল বিজলী-তরঙ্গে ছলি খেলিছে তোমারে লয়ে। সন্ধ্যার মেঘ জড়াইছে গায়ে রাঙা অমুরাগ হয়ে।

মেরু কুহেলীর তুষারভবনে লক্ষ বরষ ভরি,  
রঙিন স্বপনে ঘুমায়েছ কি গো অনন্ত বিভাবরি?  
শিয়রে তোমার অনন্ত রাত্তি জ্বলাইয়া কোটি তারা  
অনন্ত চোখে করিয়াছে ধ্যান হইয়া আত্ম-হারা।  
মহাকাল সেখা স্তব্ধ হইয়া অনন্ত যুগ ধরি  
শত বরণের আঁকিয়াছে রেখা তোমার অঙ্গ ভরি।  
নয়নে তোমার ভরিয়াছে আনি আকাশের নীল মায়া  
আর আঁকিয়াছে সূদূর ধূসর বনানীর শ্রাম-ছায়া।  
কুম্বলে তব মেরু কুহেলীর অনন্ত আঁখিয়ার  
জড়ানে জড়ানে আঁকিয়াছে বসি মহারহস্য তার।  
তারাগুলি সেখা তোমার বেণীর মণিমাণিক্য হয়ে  
জলেছে নিবেছে অনন্ত কাল তব রূপকথা কয়ে।  
নিখিল নরের মমতা-কুম্বম একটি একটি ছিঁড়ে  
তব কর্ণের মন্দার হার গ'ড়ে দিয়েছিল ধীরে।  
বরণে তোমার বহি জালিয়া ত্রিলোক কামনানলে  
স্ববির সেকাল কল্পের শেষে উঠেছিল জলে জলে।

ওগো রূপবতি! আজি এলে তুমি ভাঙিয়া মেরুর ঘুম  
সোনার অঙ্গে মাখিয়া এসেছ কুহেলীর নিজ্ঝুম।  
আমি কি তোমার রূপের দেবতা, বাঁকায়ে কুম্বম-তীর  
লক্ষ বছর স্তবের মস্ত্রে ভেদিয়াছি তব নীড়।  
আমার কামনা লক্ষ বছর জালিয়া কি হোমানলে  
আজি স্কুটিয়াছে মন্ত্র-সিদ্ধ বাসনার শতদলে।

এ মন-মানস কোটি মরালীর ডানার আঘাত লয়ে  
শত তরঙ্গে হ'য়ে বিতাড়িত দিকে দিগন্তে ব'য়ে :  
আজি কি তাহার প্রসারিত বুক হয়েছে এমন স্থান,  
তুমি এসে হেথা ওগো অঙ্গরি, করিবে কেলির স্নান!  
আকাশ বাতাস কাঁপে থর থর মুরছে দিগন্তনা,  
গ্রহতারাগুলি ছলিয়া শূণ্য পড়িতেছে বন্দনা।  
ওগো রূপবতি, সঘর তব সঘর রূপজাল,  
নতুবা এখনি কোটিধরা লয়ে ভেঙে যাবে মহাকাল।  
ও বাহ-বাঁকান বিহ্যৎ ধনু—আমি হীন মৃগ তার  
ও রূপবহি হবে না তৃপ্ত আমি যদি দহি আর।  
এ নয়নে আছে কতটুকু তৃষা, কোটি গ্রহতারা ছাড়ি  
উদিয়াছে যার বহির শিখা কোটি মহাকাল ফাড়ি—  
এ নয়নে আছে কত প্রসারতা, সে রূপ জ্যোতিরে লয়ে  
ছড়িয়ে পড়িব যুগ হ'তে যুগে স্তবের কুম্বম হয়ে।  
ওগো রূপবতি, তবু সাধ জাগে, গ্রহতারা ধরা ভরা  
ঋতুর চক্রে শত খণ্ডিত মাটির বসুন্ধরা ;  
তৃণে আর ফলে কুম্বমগন্ধে বিহগকাকলী লয়ে  
এই বুক যেন প্রসারিত হ'ল সূদূর দিকবলয়ে  
যেন দিগন্ত ভরিয়া আসিল সূদূর প্রসারি ঘুম  
তব অঙ্গের মাধুরীর মত মোহভরা নিজ্ঝুম।  
তবু সাধ জাগে ওগো রূপবতি, কোটি কোটি যুগ ভরি,  
ও সতী-অঙ্গ স্বন্ধে করিয়া চলি গ্রহপথ ধরি।  
গ্রহ হ'তে গ্রহে কালে মহাকালে চলি আর শুধু চলি,  
তোমার সোনার অঙ্গ হইতে ধসিয়া রূপের কলি ;  
দেশে আর দেশে গড়িয়া উঠিবে দেবীর পীঠস্থান  
যুগে যুগে সেখা পূজারীরা আসি রচিবে রূপের গান।



# চণ্ডীদাস-নানুর

শ্রীহরেকৃষ্ণ মুখোপাধ্যায় সাহিত্যরত্ন

“নানুরের মাঠে           পাতের কুটীর  
নিরঞ্জন স্থান অতি ।  
বাসুলী আদেশে       চণ্ডীদাস নিতি  
ভজন করয়ে তথি ॥”

নানুর বাঙ্গালার অন্ততম সারস্বত-তীর্থ। নানুর বাঙ্গালীর  
আদি মহাকবির বাণী-সাধনার পুণ্য-পীঠ। যখন বাঙ্গালায়  
চণ্ডীদাস-সম্রাট লইয়া কোন গণ্ডগোল ছিল না, সে দিন—  
প্রায় ৬৮ বৎসর পূর্বে, স্বর্গগত রামগতি ছায়রত্ন মহাশয়  
তঁাহার “বাঙ্গালা-ভাষা ও বাঙ্গালা সাহিত্য-বিষয়ক প্রস্তাব”  
গ্রন্থের ১ম খণ্ডে ( ১৮৭৩ খ্রীঃ ) লিখিয়াছিলেন—“চণ্ডীদাস

যেমন মাঠের উল্লেখ পাইতেছি, তেমনই দুই শতাব্দিক  
বৎসর পূর্বে রচিত “ভক্তি-রত্নাকর” প্রণেতা নরহরি  
চক্রবর্তীর “গীত-চন্দ্রোদয়” গ্রন্থে চণ্ডীদাস বন্দনার পদে  
পাইতেছি—

“নানুর গ্রামেতে           নিশা সময়েতে  
বাসুলী প্রসন্ন হইয়া ।  
রাই কাহু হুঁহু           নওল চরিত  
কহল নিকটে গিয়া ।”

শতাব্দিক বৎসর পূর্বে রচিত অকিঞ্চন দাসের বিবর্ত-বিলাসে  
পাইতেছি—



বীরভূম জেলার চণ্ডীদাস-নানুরে চণ্ডীদাস স্মৃতিপূজা সমিতি কর্তৃক স্থাপিত চণ্ডীদাস সাধারণ পাঠাগার ও  
বিষ্ণামন্দির ( চণ্ডীদাস মেমোরিয়াল উচ্চ ইংরাজি বিদ্যালয় )

জাতিতে ব্রাহ্মণ ছিলেন, নানুর নামক গ্রামে তঁাহার  
নিবাস ছিল। এই গ্রাম বীরভূম জেলার অন্তর্গত  
সাকুলীপুর থানার অব্যবহিত পূর্বদিকে অবস্থিত।” এখন  
থানার নামও নানুর, গ্রামের নাম চণ্ডীদাস-নানুর।

উপরের উক্ত পদে এবং আরো একটি পদে—

“নানুরের মাঠে হাটের নিকটে বাসুলী বৈসে যথা ।  
বাসুলী আদেশে কহে চণ্ডীদাসে স্মৃথ যে পাইবে কোথা ।”

“নিত্যের আদেশে বাসুলী চলিল সহজ জানাবার তরে ।  
ভ্রমিতে ভ্রমিতে নানুর গ্রামেতে প্রবেশ যাইয়া করে ॥”

মালদহের ঐতিহাসিক স্বর্গগত রজনীকান্ত চক্রবর্তী  
মহাশয় “গোড়ের ইতিহাস” ১ম খণ্ডের একস্থলে লিখিয়াছেন,  
“বীরভূমে নলবংশীয় রাজগণ রাজত্ব করিতেন।” স্থানীয়  
বিবরণ হইতে জানা যায়, নানুর এই নলবংশীয় রাজগণের  
রাজধানী ছিল। নানুরে আজিও নলরাজার ভিটা,

রাজবাড়ীর তেলগড়া, ঘিগড়া প্রভৃতি ছোট ছোট পুষ্করিণীর বিলুপ্তাবশেষ বর্তমান রহিয়াছে। বর্তমান নাহুর ও সাকুলীপুরের দক্ষিণ-পশ্চিমাংশে এই ধ্বংসস্তূপ বেড়িয়াই প্রাচীন নাহুর অবস্থিত ছিল। বীরভূমের নলহাটী, সন্ধিগড় প্রভৃতি স্থানেও নলবংশীয় রাজগণের স্মৃতি-বিজড়িত ধ্বংসাবশেষ এক প্রবাদ বর্তমান আছে।

নাহুরের নলবংশীয় শেষ রাজার নাম সাতরায় বা সত্য রায়। গোপভূমের রাজধানী অমরার গড়ের রাজা মহেন্দ্র রায়ের সেনাপতি কীর্ণাহার বা কর্ণহার এই সত্য রায়কে পরাজিত করিয়া নাহুর অধিকার করেন এবং রাজভবন ধ্বংস করিয়া নিজ নামে কীর্ণাহার বা কর্ণহার গ্রাম প্রতিষ্ঠাপূর্বক তথায় রাজধানী স্থাপন করেন। তদবধি প্রাচীন নাহুরের অধিবাসীগণ ধীরে ধীরে পূর্বদিকে

প্রসঙ্গত বলিয়া রাখি—নাহুরের এক ক্রোশ উত্তরে প্রাচীন কীর্ণাহার গ্রাম। এই স্থানের কীর্ণাহার বা কর্ণহার-বংশীয় শেষ রাজার নাম কিঙ্কিন, চণ্ডীদাস ইহারই সভাকবি ছিলেন। কীলগির খাঁ নামক একজন পাঠান-বংশীয় যোদ্ধা এই কিঙ্কিন রাজাকে নিহত করিয়া কীর্ণাহার ও নাহুর অঞ্চল অধিকার করেন। কীর্ণাহারে কিঙ্কিনের রাজবাটী ও দেবালয়ের ধ্বংসস্তূপ দেখিতে পাওয়া যায়। প্রবাদ আছে, কীলগির খাঁই চণ্ডীদাসের হত্যার আদেশ দেন, এদিকে কীর্ণাহারের একস্থানে সংকীর্ণন সময়ে নাটমন্দির পতনে চণ্ডীদাস সমাধিস্থ হন।

নাহুরে রামী রজকিনী সঙ্ঘে নানারূপ প্রবাদ প্রচলিত আছে। রামীর পিত্রালয় ছিল তেহাই গ্রামে। রামী যে পুষ্করিণীতে কাপড় কাচিত সেই “দেবখাত পুষ্করিণী” ও



চণ্ডীদাসের ভিটা ও বিশালাক্ষী মন্দিরের ধ্বংসস্তূপ

সরিয়া আসিয়া বসতি স্থাপন করিলে বর্তমান নাহুরের প্রতিষ্ঠা হয়। নাহুরের চণ্ডীদাসের ভিটা নামে পরিচিত স্তূপটী যে বাসলী মন্দিরের ধ্বংসস্তূপ সে বিষয়ে কোন সন্দেহ নাই। কারণ এই স্তূপের নিকটেই মাঠের শিব বা হাটতলার বুড়ো শিবের মন্দির ছিল। এই স্থানেই যে চণ্ডীদাসের কুটীর ছিল, শতাধিক বৎসর পূর্বে রচিত একখানি সহজ সাধনের পুঁথিতে তাহার উল্লেখ আছে—

নাহুর গ্রামের ঈশান কোণেতে।

তথা হইতে একপোয়া নিকট সাক্ষাতে ॥

চণ্ডীদাসের কুটীর। বর্তমান চণ্ডীদাসের ভিটা প্রাচীন নাহুরের ঈশান কোণেই অবস্থিত।

“রামীর কাপড়-কাচা পাটা” ( একখানি প্রস্তরীভূত কাষ্ঠ ) আজিও নাহুরে বর্তমান রহিয়াছে।

চণ্ডীদাসের উপাস্ত্রা দেবী “বাগীশ্বরী”, “বাসলী” বা “বিশালাক্ষী” নাহুরে আজিও পূজা পাইতেছেন। রামগতি শ্রায়রত্ন মহাশয় লিখিয়া গিয়াছেন—“ঐ গ্রামে বাসলী নামে এক শিলাময়ী দেবী অষ্টাপি বর্তমান আছেন। ইনি চণ্ডীদাসের উপাস্ত্রা দেবতা বলিয়া বিখ্যাত। ইহার প্রকৃত নাম বিশালাক্ষী, অপভাষায় ইহাকে বাসুলী বলে।” এই মূর্তির দুই হাতে বীণা, একহাতে পুস্তক ও অগ্ৰহাতে জপমালা। অগ্নিপুরাণে এইরূপ মূর্তির উল্লেখ আছে— “পুস্তাকমালিকাহস্তা বীণাহস্তা সরস্বতী”। বাগীশ্বরী—

তান্ত্রিক, বৈদিক, শাক্ত, সকল সম্প্রদায়েরই উপাস্তা। এই দেবীর সঙ্গে সাধনার এক গূঢ়রহস্য জড়িত আছে। তান্ত্রিক হোমের এই মন্ত্রটী সেই সাধনার ইঙ্গিত।

“বাগীশ্বরীমৃত্ত্বু স্নাতাং নীলেন্দীবরলোচনাং।

বাগীশ্বরেণ সংযুক্তাং ক্রীড়াভাবসমম্বিতাং ॥”

এই সাধনায় হোমকুণ্ড, ঘৃত, বহ্নি-স্থাপন, পুষ্প, ইন্ধন প্রভৃতি সমস্ত শব্দগুলিই এই রহস্যময় সাধনার গূঢ়ার্থ-ব্যঞ্জক পারিভাষিক শব্দ। কবি চণ্ডীদাসের সহজসাধন বা ঐক্যপ কোন সাধনার কথা যদি সত্য হয়, তাহা হইলে তিনি যে এই বাগীশ্বরীরই উপাসক ছিলেন, সে বিষয়ে কোন সন্দেহেরই কারণ নাই। বাগীশ্বরীই অপভ্রংশে বাসলী হইয়াছেন। ইহার প্রণামে ইহাকে বিশালাক্ষীও বলা হইয়াছে।

সরস্বতি মহাভাগে বিত্তে কমললোচনে।

বিশ্বরূপে বিশালাক্ষি বিত্তাং দেহি নমোস্তুতে ॥

নান্দুরের জমিদারবংশীয় শ্রীমান্ অনাদিকিঙ্কর রায় প্রমুখ কয়েকজন উৎসাহী কর্মী নান্দুরে চণ্ডীদাসের স্মৃতিরক্ষাকল্পে “চণ্ডীদাস পাঠাগার” ও “চণ্ডীদাস উচ্চ-ইংরেজী-বিদ্যালয়” স্থাপন করিয়াছেন। সম্প্রতি নান্দুরে যে বীরভূম-জেলা-সাহিত্য-সম্মেলন ও চণ্ডীদাস-সাহিত্য-সম্মেলন হইয়া গেল, এই সম্মেলনে চণ্ডীদাসের ভিত্তি খননের উদ্দেশে স্থানীয় প্রতিষ্ঠা-ভাজন যুবক খানসাহেব মোলভী সৈয়দ আবদুল মজিদকে লইয়া একটি শক্তিশালী কমিটী গঠিত হইয়াছে। স্তূপটী গভর্ণমেন্ট কর্তৃক সংরক্ষিত। আমরা আশা করি গভর্ণমেন্ট এই স্তূপ খননের অনুমতি দিবেন এবং প্রত্নতত্ত্ব বিভাগ ও কলিকাতা বিশ্ববিদ্যালয় এই বিষয়ে অবহিত হইবেন। বাঙ্গালায় এই ধরনের স্তূপ খননের বেসরকারী প্রচেষ্টা এই প্রথম। সুতরাং এদিকে বাঙ্গালার বিদ্যালয়গামী বিত্তশালী সম্প্রদায় ও শিক্ষিত বাঙ্গালীর দৃষ্টি আকর্ষণ করিতেছি। চণ্ডীদাস বাঙ্গালার কবি, বাঙ্গালীর প্রথম মহাকবি। সুতরাং তাঁহার মর্যাদানুরূপ স্মৃতিরক্ষায়ও সকলেরই সচেতন হওয়া কর্তব্য।

চণ্ডীদাস যে বাঙ্গালার আদি কবি এবং মহাকবি, সে বিষয় বিতর্কের অতীত। শ্রীচৈতন্য-পূর্বকালের যে দুইজন মহাকবির নাম একসঙ্গে উচ্চারণ করিতে পারি, তাঁহার

একজন বাঙ্গালার চণ্ডীদাস, অন্যজন মিথিলার বিদ্যাপতি দুইজন কবিই এক গোষ্ঠীভুক্ত। ইঁহারা কেহই বৈষ্ণব



দেবখাত পুষ্করিণী চণ্ডীদাস-নান্দুর। এই পুকুরে চণ্ডীদাস

মাছ ধরিতেন ও রামী কাপড় কাচিত। সম্মুখে

রামীর কাপড় কাচিবার পাটা

সম্প্রদায়ের লোক ছিলেন না, অথচ রাধাকৃষ্ণ প্রেমলীলা লইয়া কবিতা রচনা করিয়াছিলেন; দুইজনই মহাপণ্ডিত ও মহাকবি। দুইজনই রাজসভার কবি। সংক্ষেপে পরিচয় দিতে হইলে বলিতে হয়—

বিদ্যাপতি ছিলেন একজন সিদ্ধ-স্থপতি। মানবের পরমাশ্রয় প্রেমের প্রাসাদসৌধ নির্মাণেই ছিল তাঁহার আনন্দ। এইরূপে তিনি এমন এক গৃহ নির্মাণ করিলেন, যাহা বিগ্রহেরই বাসোপযোগী মন্দির; সাধারণ নরনারীর উপাসনার স্থল। যাহা ধরণীর ধূলামাটীতে থাকিয়াও উর্দ্ধদিকে শীর্ষোত্তোলন করিয়া বৈকুণ্ঠ স্পর্শ করিয়াছে। বিদ্যাপতি ধন্ত হইলেন, তাঁহার রচিত মন্দির সেই অনাদি-অব্যয় চির-প্রেমময়ের পাদস্পর্শে ধন্ত হইল। বিদ্যাপতির মানব-প্রেমের বাস্তবাত্মভূতি অপ্রাকৃত প্রেমের দিব্যানুভূতিতে রূপান্তরিত হইয়া গেল।

চণ্ডীদাস ছিলেন আজন্ম-সিদ্ধ ভাস্কর। নরনারীর প্রেমের মূর্তিনির্মাণই তাঁহার নিত্যকার্য ছিল। কিন্তু অকস্মাৎ এক শুভ মুহূর্তে বিস্মিত চণ্ডীদাস অনুভব করিলেন, তাঁহার নির্মিত মূর্তয় নরনারী না জানি কখন চিন্ময়-সুগলবিগ্রহে রূপান্তরিত হইয়াছে। মর্তের মানব অমৃতের বাঁধা বহন করিয়া

আনিয়াছে। নির্মাতা চণ্ডীদাস কখন স্রষ্টা চণ্ডীদাসে পরিণত হইয়াছেন। তাই চণ্ডীদাসের কবিতা মানুষের ভাষায় কথা কহিতে গিয়া সেই শাশ্বত প্রেম-কল্পলোকের অমৃত বাণীই উচ্চারণ করিয়াছে।

যাহারাই শ্রীকৃষ্ণকীর্তন পাঠ করিবেন, তাহারাই আমার কথার সত্যতা স্বীকার করিবেন। যিনি শ্রীকৃষ্ণকীর্তনে বলিয়াছেন—

যে কাহু লাগিয়া মো আননা চাহিলেঁ বড়াই  
না মানিলেঁ লঘু গুরু জনে।

হেন মনে পরিহাসে আনা উপেখিয়া রোষে  
আন লঞা বঞ্চে বৃন্দাবনে ॥



বাস্কর্যদেবী—চণ্ডীদাস-নাহুর—ধ্বংসস্তূপ হইতে  
ইহা পাওয়া গিয়াছে

বড়াই গো কত দুখ কহিব কাহিনী।  
দহ বুলি ঝাঁপ দিলেঁ। সে মোর শুখাইল লো  
মুঁই নারী বড় অভাগিনী ॥

প্রেমের এই যে সুধাবিষের জ্বালা, আনন্দের এই যে অসহনীয় বেদনা, দহে ঝাঁপ দিতে গেলেও দহ শুকাইয়া যায়, প্রেমের অকূল-পাথারে কুল শীল লজ্জা ধৈর্যের সঙ্গে কুল ( তীর ) ও কোথায় মিলাইয়া যায়—চণ্ডীদাস পদাবলীর পরতে পরতে এই সুর। বাঙ্গালার নিত্য-নীল-গগনাজনে এই প্রেম-করণ-কণ্ঠ পাপিয়ার সেই সুর, সেই অমৃত-মদির সঙ্গীত আজিও প্রতিধ্বনিত হইতেছে—

ধিক রহু জীবনে পরাধিনী যেহ।  
তাহার অধিক ধিক পরবশ নেহ ॥  
এ পাপ কপালে বিহি এমতি লিখিল।  
সুধার সাগর মোর গরল হইল ॥  
ছায়া দেখি বসি যদি তরুলতা বনে।  
জলিয়া উঠয়ে তরু লতাপাতা সনে ॥  
শীতল বলিয়া যদি পাষণ করি কোলে।  
পিরীতি আনল তাপে পাষণ যে গলে ॥  
যমুনার জলে যদি দিয়ে যাঞা ঝাঁপ।  
পরান জুড়াবে কি অধিক উঠে তাপ ॥

বাঙ্গালায় এই গান মূর্ত্তি পরিগ্রহ করিয়াছিল। বাঙ্গালী বিদ্যাপতি-বিরচিত রত্নমন্দিরে চণ্ডীদাসের প্রেমের হেম-বিগ্রহ শ্রীমন্ মহাপ্রভুর দর্শনলাভে কৃতার্থ হইয়াছিল। বাঙ্গালা ধন্ত হইয়াছে। বাঙ্গালীর প্রেমসাধনা সার্থকতা লাভ করিয়াছে।

## কৃষ্ণবসন্ত

### শ্রীপ্রভাতকিরণ বসন্ত

পেয়েছিহু নির্জ্জনতা শান্তিভরা নিভৃত আঙনে ;  
তবুও মনের কথা প্রিয়তমে র'য়ে গেল মনে।  
অধু সময় ছিল, অবসর ছিল সীমাহীন,  
হাতে কাজ ছিল না কো, তবু হায় কল্পনা রঙীন  
হ'ল না দিবসগুলি, সুমধুর হ'ল না রজনী ;  
সুন্দর সুযোগ যত, তুলিল না কোনো প্রতিধ্বনি !  
তবু কি পিপাসা নেই ? মিথ্যা কথা বলিব কি ক'রে ?  
আশা জাগে, চূর্ণ হয় রাত্রিদিন মনেরি ভিতরে।

বলিব যা ভেবেছিহু তোমারে টানিয়া প্রিয়ে কাছে,  
কিছুই হ'ল না বলা। শুভলগ্ন চলিয়া গিয়াছে।

শুধু ব্যর্থতার গ্লানি ক্ষয় আনে কৃষ্ণবসন্তের ;  
আকাশের তৃষ্ণা জাগে আন্দোলনে নীচে অরণ্যের ;  
সূর্য্য ওঠে, অস্ত যায়, তারাগুলি করে ঝলমল,  
তবুও দেয় না ধরা কাননের শ্রামল অঞ্চল।  
জীবনের বাত্ৰাপথে কত স্বপ্ন ভেঙেছে এমনি,  
তুমি জানো আমি জানি বৃথা হ'ল কত নিবেদনই !  
হাহাকারে ভরা বুকে কেন জাগে রোমাঞ্চ নবীন ?  
কেন এ নির্জ্জনবাস—বেদনার পূর্ণ রাত্রিদিন ?

# কলকিত্তিৰ খাল

শ্ৰীৰাধিকারজন গঙ্গোপাধ্যায়

ৰায়েদের দীঘির শাণ-বাঁধানো ঘাট মেয়েদের কলকঠের কাকলিতে মুখর হইয়া উঠিল। নব-পরিণীতা নবদুৰ্গাকে ঘিরিয়া যত রঙ্গ-পরিহাস বাদামুবাদ স্কন্ধ হইয়া গেল। একে একে সেখানে পাড়ার আরও অনেক মেয়ে ও বধূরা আসিয়া জুটিল এবং দীঘির কাকচক্ষু—অধুনা বর্ষার ঘা খাইয়া একটু ঘোলাটে-হইয়া-ওঠা জলে গলা পর্য্যন্ত ডুবাইয়া কত রঙ্গ-পরিহাসের কথাই না জুড়িয়া দিল। সবারই লক্ষ্যবস্তু নবদুৰ্গা, কাজেই নবদুৰ্গা সবার মাঝে পড়িয়া যেন হাঁপ লইতে লাগিল। কিন্তু নবদুৰ্গার এসব ভালই লাগিতেছিল; সে যে আবার কোন দিন সবার দৃষ্টি এমন একান্ত করিয়া আকৃষ্ট করিতে পারিবে তাহা ভাবিতে পারে নাই। টিয়া ও বাবুলির কাছে ইতিপূৰ্বে বর্ণিত ঘটনাগুলিরই পুনরাবৃত্তি তাহাকে করিতে হইল। ৰায়েদের ছোট তরফের ছোটবাবুর ছোট মেয়ে রেণি—সেটি আবার ফাজিল কম না, সে একসময় নবদুৰ্গাকে অপ্ৰতিভ করিয়া তুলিবার জন্ত সহসা নবদুৰ্গার গণ্ডের একস্থানে একটি আঙুলের ডগা সকোতুকে স্পর্শ করাইয়া বলিয়া উঠিল, হাঁরে ছুগ্গি, এ দাগটা তোর তো আগে ছিল না।

নবদুৰ্গার মুখ-চোখ একেই পূৰ্বে হইতে কিঞ্চিৎ রাঙিয়া ছিল, তাহাতে রেণির কথা যেন আরও রঙ চড়াইয়া দিল।

নবদুৰ্গা কোনক্রমে রেণির কথার উত্তরে বলিল, তা অত কি আগে লক্ষ্য করেচি, আর নতুন হওয়াও খুব বিচিত্র না। তা তুই যখন বলচিস্ তখন হয় তো সত্যিই ছিল না।

সকলেই মুখ টিপিয়া হাসিতে লাগিল। ইহাতে নবদুৰ্গা বেশী অপ্ৰতিভ হইল, না রেণি, তাহা বিচার্য্য বটে!

ৰায়েদের দীঘির ঘাটে কল-কৌতুক যখন বন্ধ হইল তখন সন্ধ্যা স্নানবিড় হইয়া ঘনাইয়া নামিয়াছে। টিয়া, নবদুৰ্গা ও বাবুলি ত্ৰস্তে কাপড় ছাড়িয়া কলসী ভরিয়া জল তুলিয়া লইয়া চলিয়া গেল। টিয়া অন্ধকার-ঘনানো পথ দিয়া নীরবে চলিতে চলিতে ভাবিতেছিল, আজ না জানি কপালে তাহার কত গাল-মন্দই লেখা আছে। ছোটমা

এতক্ৰমে নিশ্চয় ঘরের দাওয়ায় বসিয়া টিয়াকে বিদ্ধ করিবার মত তীক্ষ্ণ তীক্ষ্ণ বাক্য-বাণ সংগ্রহ করিয়া রাখিতেছিল। টিয়া পথে সাথীদের বিদায় দিয়া যখন গৃহে ফিরিল, পা তখন আর তাহার যেন গৃহের দিকে চলিতেছিল না।

টিয়া উঠানে পা দিতেই নিশি সজ্জন প্রথম কহিল, এত দেরি হ'লো যে তোর দীঘির ঘাট থেকে ফিরতে ?

টিয়া চকিতে উঠান ও ঘরের দাওয়াগুলির দিকে একবার দৃষ্টি বুলাইয়া লইয়া ছোটমা রূপসীকে দেখিতে না পাইয়া একটা স্বপ্তির নিখাস ফেলিয়া দিল; আজ নবদুৰ্গা স্বপ্তরবাড়ী থেকে এসেচে কি না—সেই তারই জন্তে এত দেরী হ'য়ে গেল। তুমি আজ নূপুরগঞ্জের হাটে গিচলে বুঝি? এই ফিরে আসচো?

না, ফিরেচি আমি অনেকক্ৰমে। ফিরে দেখি একটা লোকও ঘরে নেই যে এই জিনিষগুলো ঘরে তুলে নেবে। শেষে আমাকেই একটা একটা ক'রে ঘরে তুলতে হ'চ্ছে—এ যেন এক লক্ষ্মীছাড়া বাড়ী হয়েছে।—বলিয়া নিশি সজ্জন উঠানে জড়ো করা অবশিষ্ট কয়েকটি বুনা নারিকেল তুলিতে যাইতেছিল, টিয়া তাড়াতাড়ি তাহার কাজে বাধা দিয়া বলিল—যাক বাবা, আমি যখন এসেই পড়েচি তখন আর তোমাকে কষ্ট ক'রে ওগুলো তুলতে হবে না।

নিশি সজ্জন কাৰ্য্য হইতে বিরত হইল। তারপরে টিয়ার আর একটু কাছে আগাইয়া আসিয়া আশ্তে করিয়া বলিল, তোর ছোটমা'র কি জ্বর হয়েছে নাকি টিয়া?

কই, আমি তো জানি না।—বলিয়া টিয়া রান্নাঘরের দিকে জলের কলসী লইয়া চলিয়া যাইতেছিল—নিশি সজ্জন আবার কি মনে করিয়া যেন বলিল, ভাল কথা টিয়া, আজ নূপুরগঞ্জের হাটে মনোহরের সঙ্গে দেখা হ'লো। সে বললে, বকফুলীর ওপারে ধবলীর কুণ্ডের বাড়ী তারা পালা গাইতে এসেচে। কাল সময় পেলে সে এসে দেখা ক'রে যাবে'খন।

টিয়া কথাটা শুনি, কিন্তু কিছুমাত্র খুশী হইতে না পারিয়া নিজের কাজেই চলিয়া গেল। কারণ, ছোটমা'র

যখন জর তখন সাতদিন সাতরাত্রি তো সে আর কোন কাজেই হাত দিবে না, আর স্নান থাকিলেই বা কি—টিয়াকেই গৃহের প্রায় সমস্ত কাজ করিতে হয়। উনন তখনও ধরে নাই—রাত্রের রান্না তো পড়িয়াই আছে।

টিয়া জলের কলসী রান্নাঘরে নামাইয়া রাখিয়া উঠানের নারিকেলগুলি যথাস্থানে—অর্থাৎ উত্তরের ঘরের ‘কারে’ তুলিয়া রাখিয়া উনন ধরাইতে গেল। উনন ধরাইয়া রান্না চাপাইয়া দিয়া ছোটমা’র শয্যার পাশে গিয়া বসিতেই রূপসী যেন খেপিয়া উঠিল। অন্য দিকে পাশ ফিরিয়া শুইয়া রূপসী বলিল, আমি বলে কি-না জরের তাড়সে ম’রে যাচ্ছি, আর এই সোমন্ত মেয়ের কি-না রাত দশটা বাজিয়ে দীঘির ঘাট থেকে আড্ডা ভেসে ফেরা হ’লো!

টিয়া ক্ষুব্ধ হইয়া বলিল, ঘাটে যাওয়ার আগেও তোমাকে ভাল দেখে গেলাম—কই, তাড়াতাড়ি ফেরার কথাও কিছু বলে দিলে না। আমি তো আর গুণতে জানি না যে—

অ, গুণতে জানো না বুঝি!—বলিয়া রূপসী অতি কঠিন শ্লেষ করিল; তারপরে বলিল, কিন্তু গুণতে জানো বলেই তো পেত্যয় লাগে, নইলে এ ক’দিন তো খালের ঘাটেই গা ধু’তে যাওয়া হচ্ছিল, আজ আবার দীঘির ঘাটে যাওয়া হ’লো কেন? দস্ত-বাড়ীর ছেলে আজ নূপুরগঞ্জের হাটে গেছে, ফিরতে তার রাত হবে—সে সব তো গুণতে পারো দেখচি।

টিয়ার সর্ব্বশরীর কাঁপিয়া উঠিল—রাগে, না দুঃখে সে ঠিক বুঝিতে পারিতেছিল না। দস্ত-বাড়ীর সুন্দর যে আজ হাটে গেছে তাহা তো তাহার জানা ছিল না, আর ছোটমা’ই বা লে-খবর জানিল কেমন করিয়া? তবে একটা কথা তাহার মনে হইল, হইতে পারে তাহার পিতার সহিত স্নানঘরের হাটে সাক্ষাৎ হইয়াছে, কথায় কথায় সে হয় তো ছোটমা’র কাছে সে কথা বলিয়াছে। কিন্তু সে একবারও ভাবিতে পারিল না যে, রূপসী অপরাহ্নে খালের ঘাটে গিয়াছিল নিজের কাজে এবং সুন্দর ও গন্ধাকে সে নৌকায় উঠিতে দেখিয়াছিল, আর নৌকা ছাড়ার কালে সুন্দরের মা পূর্ণলক্ষ্মীকে পাড়ে দাঁড়াইয়া হাঁকিয়া বলিতেও শুনিয়াছিল, নূপুরগঞ্জের হাটে যাচ্ছিঁস্ যা, কিন্তু ফিরতে যেন রাত বেশী হয় না। তাড়াতাড়ি ক’রে ফিরিস্ কিন্তু সুন্দর।

সে যাহাই হউক, রূপসীর এই কঠিন ইঙ্গিতে—আর ইঙ্গিতই বা বলি কেমন করিয়া, ইহাতো স্পষ্ট করিয়াই বলা, টিয়া একেবারে স্তম্ভিত হইয়া গেল। তবু টিয়া নিজেকে অতিকষ্টে সংযত রাখিয়া বলিল—নবদুর্গা আর বাবলি এসেছিল বলেই রায়েদের দীঘিতে গেলাম গা ধু’তে, নইলে খালের ঘাটেই যেতাম।

রূপসী সপাঞ্চে একবার টিয়ার মুখের দিকে চাহিয়া দৃষ্টি ফিরাইয়া লইল এবং আর কোনও কথা বলার প্রয়োজন সে অনুভব করিল না।

টিয়া কিছুক্ষণ সেখানে নীরবে দাঁড়াইয়া থাকিয়া শেষে আবার বলিল, তোমার জন্তে কি পথ্য হবে জানতে পেলো পরে ছোটমা—

রূপসী সহসা শয্যায় উঠিয়া বসিল এবং পরমুহূর্তেই উঠিয়া দাঁড়াইয়া বলিল, পথ্য হবে মানে? আমাকে পথ্য করাবার জন্তে এত কিসের গরজ তোদের শুনি? আমার হয়েছোটা কি? ছপুর্বে আজ যুমুতে পারিনি তো তোদের তিনজনার দাওয়ায় ব’সে গজন্ গজন্ করতেই, আর তারই ফলে সন্ধ্যা হ’তে-না-হ’তেই ধরেচে মাথা। আমাকে পথ্য করতে পারলেই যেন তোদের সবার মনের সাধ মেটে?—

বলিয়া রূপসী অদ্ভুত একপ্রকার মুখভঙ্গী করিল—যেন নিজের অদৃষ্টকেই সে ক্রোভে মুখ ভেংচাইল।

টিয়ার বিস্ময়ের আর সীমা পরিসীমা রহিল না। ছোটমা’র প্রকৃতি আজিও সে সম্যক চিনিয়া উঠিতে পারে নাই, কখন যে কোন্ বিচিত্র পথে তাহার মনের ধারা বহিতে থাকে তাহা সে যেন নিজেও ঠিক বুঝিয়া উঠিতে পারে না, অপরের তো কথাই নাই।

টিয়া আর একটা কথাও না বলিয়া অন্তত্বে চলিয়া গেল। মাহুঘের চরিত্র যে কত বিচিত্র ও হীন হইতে পারে তাহা যেন সে আজ মর্মে মর্মে উপলব্ধি করিল।

ওপারের ঘাটের দিকে দৃষ্টি ফেলিয়া টিয়া লজ্জায় মরিয়া গেল। কিন্তু লজ্জায় মরিয়া যাওয়ার মত এমন কিছু কাণ্ড আর সুন্দর করে নাই। দস্ত-বাড়ীর ঘাটে বাধা নৌকার গোলুইয়ের উপর বসিয়া সুন্দর একটা পিতলের পাড়ে শিকল দিয়া বাধা টিয়াপাখীটিকে খালের

জলে স্নান করাইতেছিল। টিয়া এই অপ্রত্যাশিত ব্যাপার দেখিয়া নিজেদের ঘাটে দাঁড়াইয়া মুখে কাপড় তুলিয়া দিয়া সলজ্জ চাপা হাসি হাসিতে লাগিল। সুন্দরের সেদিকে সহজেই দৃষ্টি পড়িল, কিন্তু দৃষ্টি যে পড়িয়াছে তাহা বুঝিতে না দেওয়ার ভান করিয়া অন্ত দিকে মুখ ফিরাইয়া রহিল। তবে পাখীটিকে স্নান করানোর ঘটা কিঞ্চিৎ বাড়িয়া গেল।

টিয়া ঘাটে আসিয়াছিল সামান্য গোটা দুই বাসন লইয়া, তাড়াতাড়ি সেগুলিকে মাজিয়া ধুইয়া লইয়া সে উঠিয়া যাইতেছিল এমন সময় পাখীটার অস্বাভাবিক চীৎকারে আবার সে ফিরিয়া চাহিল। টিয়া ফিরিয়া চাহিয়া যে দৃশ্য দেখিল তাহা উপভোগ্য হইলেও করুণ। পাখীটি সুন্দরের বাঁ-হাতের একটা আঙুল যেন আক্রোশে কামড়াইয়া ধরিয়া আছে, আর সুন্দর সেই আঙুলটা ছাড়াইয়া লওয়ার জন্ত যেন প্রাণান্ত চেষ্টা করিতেছে। টিয়া এ দৃশ্য দেখিয়া বিশেষ বিচলিত হইয়া পড়িয়াছিল; কাজেই সুন্দরকে লক্ষ্য করিয়া সে বলিয়া ফেলিল, পাখীটাকে জলে ডুবিয়ে ধরো—শীগগির, নইলে কি ছাড়ানো সহজ!

সুন্দর সঙ্গে সঙ্গে একেবারে দাঁড়-সমেত পাখীটিকে জলের মধ্যে চুর্বাইয়া ধরিল এবং কেমন একপ্রকার লজ্জায় সে না হাসিয়াও থাকিতে পারিল না। টিয়ার বুদ্ধি কাজে লাগিল। পাখীটি আত্মরক্ষার্থ সুন্দরের আঙুল ছাড়িয়া দিতে বাধ্য হইল। সুন্দর পরমুহূর্তেই আবার ক্রিপ্রতার সঙ্গে দাঁড়-সমেত পাখীটিকে নৌকার উপরে তুলিল। টিয়া তখন রহস্য-কৌতুকে মুখ চাপিয়া হাসিতেছিল। সুন্দর তাহা লক্ষ্য করিয়াই বলিয়া উঠিল, তা শত্রুরের সর্বনাশ হ'তে দেখলে কেই বা না খুশী হয়।

হঁ, তা খুশী তো হয়েচি। আর কেনই বা খুশী হবো না শুনি? আমাকে যারা ঠাট্টা করবে—তা সে শত্রুই হোক, আর মিত্রই হোক—তাদের দুঃখে আমি খুশী হবোই, একশোবার হবো।—বলিয়া বিজয়গর্বে টিয়া মাটিতে পা ফেলিয়া ঘাট হইতে উঠিয়া গেল।

বাতাবী লেবু গাছটার কাছ বরাবর আসিতেই তাহার নজরে পড়িল মনোহর—সে ঘাটের দিকেই আসিতেছে। টিয়া আর মুহূর্তমাত্রও সেখানে দাঁড়াইল না, বাড়ীর দিকে হাঁটিয়া চলিল। মাথা সে নীচু করিয়াই অগ্রসর হইতেছিল।

মনোহরের অতি নিকটে আসিয়াও সে মাথা তুলিয়া চাহিল না, মনোহর ইহাতে হাসিয়া ফেলিয়া বলিল—সকালবেলা আমার মুখ দেখাও কি পাপ নাকি টিয়াপাখী? একেবারে মাথা গুঁজে যে চলেছো? এমন কি অপরাধ করেছি তোমার কাছে শুনি?

টিয়া থমকিয়া পথের মাঝেই দাঁড়াইয়া গেল।

মনোহর টিয়াকে নীরব দেখিয়া আবার বলিল—আমি যে আজ আসবো তা নিশ্চয় জানতে? কাল নূপুরগঞ্জের হাটে জামাইবাবুর সঙ্গে দেখা হয়েছিল, তাঁকে সে কথা তো ব'লে দিয়েছিলাম, বলেন নি বুঝি কিছুই?

টিয়া বলিল—হঁ, তা বলেচেন বই কি! ধবলীর কুণ্ডলের বাড়ী পালা খাটতে এসেছিলে বুঝি?

মনোহর ভারি খুশী হইল। টিয়া তো তবে তাহার সকল খবরই রাখে। কাজেই মনোহর বলিল, কাল রাত্তিরে যাত্রা গেয়ে রাত থাকতেই রওনা হ'য়ে পড়েছি এখানে এসে তোমার সঙ্গে দেখা করবার জন্তে। আরও আগে এসে পৌছুতে পারতাম, কিন্তু বকফুলী পার হওয়ার জন্তে স্তবধে মত নৌকা পাওয়া গেল না, শেষে তিন আনা পয়সা খরচ ক'রেই পার হ'তে হ'লো; আর একটু দেরী করলে অবশ্য তাও লাগতো না। তা তিন আনা পয়সা এমন কিছু বেশীও আর না।

টিয়া এইবার একটু রুঢ় হইয়া কহিল—কেন, তিন আনার পয়সাই বা খামোকা খরচ করতে গেলে কেন?

মনোহরও ইহাতে রুঢ় না হইয়া পারিল না, বলিল—আমার পয়সা আমি খরচ করবো তাতে কার কি বলার আছে? বেশ করেচি।

টিয়া মুখ টিপিয়া হাসিল। হাসিয়াই টিয়া পথ ছাড়িয়া ঘাসের জমির উপর দিয়া মনোহরকে পাশ কাটাইয়া চলিয়া যাইতেছিল। মনোহর অমনি ফিরিয়া দাঁড়াইয়া বলিল—একটা কথা আমার শুনে যাও টিয়া।

মনোহরের ভারী কর্তৃত্ব টিয়াকে চম্কাইয়া দিল, সে দাঁড়াইয়া গেল। মনোহর দুই পা অগ্রসর হইয়া টিয়ার মুখের প্রতি গভীর দৃষ্টি ফেলিয়া বলিল, এই যে আমার আসা-যাওয়া এ তোমার একেবারেই পছন্দ হয় না—তাই না কি টিয়া? আমাকে তুমি দেখতে পারো না, না? কিন্তু আমি এমন কি অন্তায় করেচি শুনেতে পাই না কি?

টিয়া কণিক নীরব থাকিয়া বলিল—না, তুমি কেন আবার অজ্ঞায় করতে যাবে শুনি? আমার অদৃষ্ট মন্দ তাই আমার ব্যবহারে কেউ খুশী হয় না। নইলে, এত খেটেও তো ছোটমা'র মন যোগাতে পারি না।

মনোহর স্নযোগ পাইয়া বলিল, সে আমি জানি। আর দিদি তো চিরকালই এমনি—তার মন জোগাতে পারে এমন মানুষ বোধ করি পৃথিবীতে আজও জন্মায় নি। বাবার মত ভালমানুষই দিদিকে সহ্য করতে পারতেন না, তা অল্পের তো কথাই নেই। দিদির বিয়ের পরে বাবা তাই স্বস্তির নিশ্বাস ফেলে বলেছিলেন—যাক, এতদিনে পাপ বিদেয় হ'লো। দিদির গুণের আর ঘাট নেই। সত্যি কথা বলতে কি টিয়া, দিদির সঙ্গে দেখা করতে আমি শিখীপুচ্ছে আসি না কোনদিনই... তা তোমার যদি পছন্দ না হয় তো আর সত্যিই আসবো না।

টিয়া লজ্জা পাইয়া তাড়াতাড়ি বলিল—আসবে না কেন, নিশ্চয় আসবে। তোমার আসা-যাওয়া যে আমি পছন্দ করিনে এ খবর কি তোমার কাছে বাতাসে পৌঁছেচে?

বলিয়া হাসিয়া ফেলিয়া টিয়া দ্রুত বাড়ীর দিকে চলিয়া গেল। মনোহর খুশী হইয়া ঘাটের দিকে চলিয়া গেল ভাল করিয়া মুখ হাত পা ধুইয়া আসিতে।

টিয়া সত্য গোপন করিয়া মিথ্যার আশ্রয় লইয়া মনোহরকে খুশী করিতে গিয়া কত বড় বিপদ যে সেই সঙ্গে ডাকিয়া আনিল তাহা বুদ্ধিতে তাহার বিশেষ বিলম্ব হইল না। টিয়া মনোহরের নিকট হইতে বিদায় লইয়া রান্নাঘরে আসিয়া ঢুকিল। মনোহর কিন্তু টিয়াকে রান্নাঘরে স্বস্তিতে রান্নার কাজে ব্যাপ্ত থাকিতে দিল না, অবিলম্বে ঘাট হইতে ফিরিয়া আসিয়া সে রান্নাঘরের দরজা ধরিয়া দাঁড়াইল। সেখানে দাঁড়াইয়া দুই-একটা অবাস্তুর কথা তুলিল এবং পরমুহূর্ত্তেই রান্নাঘরের বেড়ার গায়ে ঠেস্ দিয়া দাঁড় করাইয়া রাখা পীড়িগুলির মধ্য হইতে একখানি পীড়ি মেঝের পাতিয়া বসিয়া পড়িয়া বলিল, এককালে শিখীপুচ্ছের রায়েদের বাড়ীতে নাকি খুব যাত্রা-গান হ'তো শুনেচি, আর সেকথা মিথ্যেও নয়, কারণ অধিকারী ম'শায়ের মুখেই সেকথা আমার শোনা। এখন কই, সে সব আর হয় না। হ'লে পরে বেশ হ'তো কিন্তু টিয়া, তা হ'লে আমি তোমাকে

আমাদের দলের যাত্রা শোনাতে পারতাম। তা'হলে বুঝতে পারতে যে আমি বড়-একটা সামান্য লোক নই। আজকাল দলের মধ্যে গ্যাঙ্কিং-এ আমি সেকেণ্ড্ যাচ্ছি, শালুকখালির কেশব চৌধুরীকে কিছুতেই আর এঁটে ওঠা গেল না, ও-লোকটা যেন একটা বর্ন-গ্যাঙ্কিং, আর কি খাসা গলাখানা! তেমনি আবার তাঁর চেহারা! সভার মধ্যে এসে যখন—'সখে বাসুদেব!' ব'লে দাঁড়ায়—তখন সাধ্য আছে কি কোন লোকের যে কাণ না খাঁড়া ক'রে থাকে! হ্যাঁ, ও-লোকটার কাছে হার স্বীকার ক'রেও আনন্দ আছে। হ্যাঁ, গ্যাঙ্কিং যদি বলি তো—কেশবদা' আমাদের একজন গ্যাঙ্কিং বটে!

কেশব চৌধুরীর অভিনয় যত চমৎকারই হউক না কেন, টিয়া মনোহরের কথায় কোন চমৎকারিত্ব খুঁজিয়া পাইতেছিল না। কিন্তু মনোহরকে সেখান হইতে কি উপায়ে যে ক্ষুণ্ণ না করিয়া বিদায় লইতে বলা যায় তাহাও সে ভাবিয়া পাইতেছিল না। তাহার ভয় হইতেছিল ছোটমা'র জন্ত, কেন না এখানে আসিয়া এমন কিছু কঠিন কথাই হয় তো বলিয়া ফেলিল যে, তাহারই চোট সামলাইয়া উঠিতে টিয়ার সারাদিন কাটিয়া যাইবে। কারণ, রূপসীর এবস্থিৎ হঠকারিতা ও বুদ্ধিবৃত্তির নিকৃষ্টতার বহু প্রমাণই সে এ যাবৎ পাইয়াছে।

টিয়া তাই বলিয়া ফেলিল—এখন তুমি উঠে গিয়ে ছোটমা'র ঘরে একটু ব'সো। আমার কাজ-কর্ম্মো সারা হ'লে পর তোমার কাছে তোমাদের যাত্রার গল্প শুনবো'খন। কাজের সময় গল্প করছি দেখলে ছোটমা হয় তো চটবেন আবার!

মনোহর ইহাতে বিশেষ ক্ষুণ্ণ হইল না, বরং দিদির বুদ্ধিবৃত্তির একটু নিন্দা করার স্নযোগ পাইয়া সে যেন ঝাঁচিয়া গেল। বলিল—হ্যাঁ, দিদি আবার চটবেন, আর তা আবার নাকি লোককে গ্রাহ্য ক'রেও চলতে হবে! পেয়াদার আবার স্বগুরবাড়ী! দিদি তো অষ্টপ্রহর চ'টেই আছেন, একটা লোককেও যদি দুনিয়ায় দেখতে পারলেন। অমন স্বার্থপর আর কাণ্ডজ্ঞানহীন যে মানুষ আবার হয় কেমন ক'রে—তা তো আমি ভেবে পাই না।

টিয়া মনোহরকে তাড়াতাড়ি থামাইবার জন্ত বলিল—তুমিও তো খুব লোক-বা-হোক মনোহরমামা। তাঁরই বাড়ীতে ব'সে তাঁরই নিদ্রা করছো।



নিশ্চয় আবার কি রকম? যা সত্যি তাই তো আমি বলছি।—বলিয়া মনোহর একটু হাসিতে চেষ্টা পাইল। যাক এখন সে সব কথা, আমাদের একটু চা খাওয়াতে পারো টিয়া, কাল সারারাত জেগে পালাগেয়ে গলাটা আমার কেমন একটু ড্যামেজ হয়েছে, চা না হ'লে আর চলছে না যে।

চা? চা'র কোন আয়োজনই তো এ বাড়ীতে নেই। আচ্ছা, তবু একবার চেষ্টা ক'রে দেখি, যদি বাবুলিদের বাড়ী থেকে চারটি চা চেয়ে-চিন্তে পাই কোন রকমে। তা হ'লেই এক খাওয়াতে পারবো, নইলে হবে না।—বলিয়া টিয়া উঠিয়া দাঁড়াইল এবং বাবুলিদের বাড়ীর উদ্দেশ্যে বাহির হওয়ার মুখে বলিয়া গেল, তুমি ততক্ষণ ছোটমা'র ঘরে গিয়ে গল্প করো, আমি চেষ্টা ক'রে দেখি তোমাকে চা ক'রে খাওয়াতে পারি কি না।

টিয়ার সঙ্গে সঙ্গে মনোহরও রান্নাঘর হইতে বাহির হইল।

বাবুলিদের বাড়ী হইতে টিয়া চা সংগ্রহ করিয়া আনিয়া মনোহরকে চা দিলে পর মনোহর বলিল, থ্যাঙ্কিউ!

কথাটা ইংরেজি হইলেও এবং মনোহরের উচ্চারণে যথেষ্ট ত্রুটি থাকিলেও টিয়া অর্থগ্রহণে সক্ষম হইল, আর রূপসীর সম্মুখে তাহা হওয়ায়ই নিজেকে কেমন যেন বিপন্ন মনে করিল। মানুষ যে কতদূর বিরক্তিকর হইতে পারে তাহা মনোহরকে না দেখিলে টিয়া কোনদিনই অনুভব করিতে পারিত না। কি প্রয়োজন ছিল তাহার এই বিজাতীয় ভাষা প্রয়োগের, আর কথা বলারই বা তাহার হইয়াছিল কি; সে তো নীরবে গ্রহণ করিলেই টিয়া নিজের শ্রম সার্থক জ্ঞান করিতে পারিত। টিয়ার কেমন যেন ইহাতে লজ্জা করিতে লাগিল। ভবিষ্যতে ছোটমা'র কাছে এই কথারই ধার যে কত গুণিতে হইবে তাহা সে এখনই ধারণা করিতে পারিল।

সমস্ত মধ্যাহ্ন টিয়ার মহা অস্বস্তিতে কাটিল।

অপরাহ্নে নবদুর্গা একবার দেখা করিতে আসিয়াছিল, কিন্তু তাহার বিশেষ কাজ থাকায় সেও বেশীক্ষণ দাঁড়াইয়া কথা কহিতে পারে নাই। নবদুর্গা যখন উঠানের একপাশে টিয়াকে ডাকিয়া লইয়া কথা কহিল তখন মনোহর উত্তরের ঘরের দাওয়ার একটু গড়াইয়া লইতেছিল, আর রূপসী তাহারই পাশে বসিয়া কি যেন সব অবাস্তব কথা-বার্তা বলিয়া চলিয়াছিল।

নবদুর্গা চলিয়া গেলে পর টিয়া কাজ করিতে চলিয়া গেল। ঘরের কাজ সারিয়া রায়েদের দীঘি হইতে দুই কলস জল আনিয়া রান্নাঘরে রাখিয়া একখানি শাড়ী ও গামছা কাঁধে ফেলিয়া খালের ঘাটে সে গা. ধুইতে গেল। বেলা তখন একেবারেই পড়িয়া গেছে, সন্ধ্যার গাঢ়তম বেদনা ঘনাইয়া আসার আর যেন বিলম্ব নাই।

ওপারের ঘাটে কোন নৌকা ছিল না—ইহা যেন সুন্দরের বাড়ী না থাকার নিশানা। টিয়া নিশ্চিতমনে খালের জলে নামিয়া গলা পর্যন্ত ডুবাইয়া গামছা দিয়া গা মাজিল, তারপরে ঘাটের গাবের খাটিয়াটার উপর উঠিয়া বসিয়া জলে পা বুলাইয়া রাখিয়া মুখে জল লইয়া কুলি করিতে করিতে সকালে-দেখা সুন্দরের কাণ্ডটার কথাই সে ভাবিতেছিল। সুন্দর তাহাকে জন্ম করিবার জন্ত খামোকা একটা টিয়াপাখী সংগ্রহ করিয়া আনিয়াছে। টিয়াপাখীটি যে সুন্দরের আঙুল কামড়াইয়া ধরিয়া তাহাকে ভারি জন্ম করিয়া ছাড়িয়াছে তাহা মনে করিয়া টিয়া মনে মনে হাসিল। কে জানে, সুন্দরের আঙুলে আবার কিছু হয় নাই তো! সুন্দরের আঙুলের জন্ত টিয়ার কেন জানি ভাবনা ধরিল। আবার একথাও সে ভাবিল, বেশ হইয়াছে, যেমন তাহাকে জন্ম করিতে যাওয়া সুন্দরের! এইবার নিজেই সে জন্ম হইয়া গেছে!

সন্ধ্যা গাঢ় হইয়া নামিতেই টিয়া ঘাটে দাঁড়াইয়া গা মুছিয়া কাপড় পান্টাইল এবং ভিজা কাপড়খানি ভাল করিয়া ধুইয়া নিংড়াইয়া লইল। তারপরে সহজ গতিতে উপরে উঠিয়া আসিল। উপরে উঠিয়াই সে চম্কাইয়া গেল। মনোহর নীরবে বাতাবী লেবু গাছটার একটি ডাল ধরিয়া পথের পরেই দাঁড়াইয়া আছে। কে জানে—এমন সে কতক্ষণ দাঁড়াইয়া আছে। টিয়ার সারা দেহে তখন ভীষণ উত্তেজনাপূর্ণ শিহরণ খেলিতেছিল, কাজেই একটা কথাও সে বলিতে পারিল না। আর যত রুঢ় করিয়া প্রথম বাক্যটি প্রয়োগ করা এক্ষেত্রে প্রয়োজন বলিয়া সে মনে করিতেছিল, ঠিক ততখানি রুঢ়তার সন্ধান নিজের মধ্যে সে পাইল না। ফলে তাহাকে চূপ করিয়া থাকিতেই হইল।

মনোহর বিকৃত একটু হাসিয়া বলিল—আমাকে তুমি যত ধারাপ ভাবচো টিয়া, তত ধারাপ আমি সত্যিই নই। আজ আমি সেই কথাই গুনতে এসেছি, তোমাকে বলতে হবে—

কেন তুমি আমাকে দেখতে পারো না। সমস্ত দিনে সেকথা জিগোস করবার সুযোগ ক'রে উঠতে পারিনি, তাই তোমার ধোঁজে এখানে আসতে আমি বাধ্য হয়েছি। কাল ভোরেই আবার আমাকে চ'লে যেতে হবে। তার আগে আমি শুনতে চাই, কেন তুমি আমাকে দেখতে পারো না ?

টিয়া তখনও চুপ করিয়া রহিল।

• মনোহর আর একটু অগ্রসর হইয়া বলিল—কি, বলবে না টিয়া ? দিদির জন্ত কি আমিও তোমার চোখে চিরদিন বিষ হ'য়ে থাকবো ?

টিয়া তথাপি নীরব রহিল।

মনোহর আবার বলিল, আমি যাত্রার দলের ছেলে হ'তে পারি টিয়া, কিন্তু এই যে এতদিন আসি-যাই কখনও কি কোন ধারাপ ব্যবহার করেছি তোমাদের কারও সঙ্গে ? তবে তুমি আমাকে কেন দেখতে পারবে না ? আমাকে যে কত কষ্ট স্বীকার ক'রে দল ছেড়ে পালিয়ে আসতে হয় শিখীপুচ্ছে, তা বললে কি তোমরা কেউ বিশ্বাস করবে ? আর আসি তো সে শুধু তুমি এখানে আছ ব'লেই, নইলে দিদির জন্তে ভারি আমার মাথা ব্যথা ! ওর মুখ দেখাও আমি পাপ মনে করি টিয়া। আর এ যদি তোমার পছন্দ না হয়, তুমি যদি এ না চাও তো আমি চাই না এখানে এসে তোমাকে এভাবে বিরক্ত করতে। তুমি যদি আসতে বারণ করো তো সত্যি আর কখনও আমি আসবো না।

টিয়া মনোহরের কণ্ঠের আর্দ্রতায় কেমন একটু বিচলিত হইয়া বলিল—সে কি কথা, তুমি আসবে না কেন, নিশ্চয় আসবে। তুমি তো আর আমার শত্রু নও যে তোমাকে আমি দেখতে পারি না। আর আমি কেন তোমাকে এ বাড়ীতে আসতে বারণ ক'রে দেব শুনি ? তা যদি কেউ পারে তো ছোটমা'ই একমাত্র পারেন। চাই কি আমাকেও একদিন প্রয়োজন হ'লে তাড়িয়ে দিতে পারেন।

মনোহর সহানুভূতি প্রকাশ করিয়াই বলিল—সে আমি ভাল ক'রেই জানি টিয়া। আর সেই কারণেই দিদিকে আমি আরও সহ্য করতে পারি না। তোমার মত মেয়েকেও যে ভালবাসতে পারেনি সে যে কত বড় পাবণ তা আমি বহুপূর্বেই ঠিক ক'রে ফেলেছি।

মনোহর টিয়ার আরও নিকট হইয়া দাঁড়াইল, টিয়া মনোহরের এতখানি ঘনিষ্ঠতার নিজেকে বিশেষ বিব্রত মনে

করিল। কিন্তু মনোহরকে আপনার সামান্য রাচতার দ্বারাও আজ আর কিছুতেই যে সে আঘাত দিতে পারিবে না তাহা সে সহজেই বুঝিল। নিজের কাছে নিজেকে আজ তাহার ভারি দুর্বল বোধ হইতে লাগিল। তাই সে সেখান হইতে মুক্তি পাওয়ার চেষ্টাতেই যেন বলিল—ওদিকে আবার সন্ধ্যা উত'রে গেল, তুলসীতলায় সন্ধ্যা-পিদিম দেওয়া হ'লো না, ছোটমা'র একবার সেদিকে খেয়াল হ'লেই হয়—আমার আর রক্ষণ থাকবে না। আর ভাল কথা, এবেলা চা খাবে কি, তা'হলে না হয় ক'রে দি একটু জল ফুটিয়ে।

মনোহর নিজেকে সামলাইয়া লইয়া বলিল—চা' তো আমার দু'বেলা খাওয়াই অভ্যেস, কিন্তু বলি না পাছে তোমার আবার কষ্ট হয় টিয়া। আর তোমাদের এখানে যে চায়ের কোন ব্যবস্থাই নেই কিনা। না থাক, আমার জন্তে আর তোমার অনর্থক কষ্ট ক'রে লাভ নেই।

না, না, কষ্ট আবার কি !—বলিয়া টিয়া মনোহরের পাশ দিয়া অগ্রসর হইতে যাইতেছিল, মনোহর কি মনে করিয়া টিয়ার পিছন হইতে টিয়ার কাঁধে ঝুলানো গামছাটার প্রান্তভাগ ধরিয়া তুলিয়া লইয়া বলিল—আপত্তি না থাকলে গামছাটা তোমার নিলাম টিয়া, ঘাট থেকে একটু ঘুরে আসি।

টিয়া একটু চমকাইয়াছিল সন্দেহ নাই, কিন্তু মুহূর্তেই আবার নিজেকে সামলাইয়া লইয়া বলিল—না, আপত্তি আবার কিসের ! কিন্তু ঘাট থেকে একটু চট ক'রে ফিরো, আমি সন্ধ্যা-পিদিম দিয়েই কিন্তু বাঁশপাতা ধরিয়ে তোমার চায়ের জল চাপিয়ে দেব।

মনোহর টিয়ার গামছাটা নিজের কাঁধে ফেলিয়া বলিল, দেবী হবে না নিশ্চয়ই। বাঃ, তোমার গামছাটায় তো ভারি চমৎকার মিঠে গন্ধ টিয়া ! সুগন্ধি তেল মেখেছিলে নিশ্চয় ?

টিয়া লজ্জায় হাসিয়া ফেলিয়া বলিল—আমি কি মেখেছি ছাই, নবদুর্গা জোর ক'রে মাথায় ঢেলে দিলে তাই। আমার আবার অত সখ থাকলেই তো হয়েছিল !

মনোহর অমনি বলিল—বাঃ, সখ তোমার থাকবে নাই বা কেন ? এখন সখ থাকবে না তো—থাকবে আবার কবে শুনি ? এবার যেদিন আসবো—তোমার জন্তে একশিশি

সুগন্ধি তেল কিনে আনবো। ‘চম্পল’-এর নাম শুনেচো নিশ্চয়—তাই একশিশি নিয়ে আসবো।

টিয়া আর সেখানে দাঁড়াইল না, মনোহরও ঘাটে নামিয়া গেল।

মনোহরের বেশীদিন কোথাও থাকিবার উপায় নাই। কাজেই তাহাকে পরদিন ভোরেই চলিয়া যাইতে হইল। এবার সে সকলের সঙ্গে দেখা করিয়াই গেল।

মনোহর চলিয়া গেলে টিয়া একটা নিবিড় স্বস্তিঘন নিঃশ্বাস ফেলিয়া পূর্বরাত্রের উচ্ছিষ্ট বাসনের পাজা লইয়া খালের ঘাটের দিকে চলিয়া গেল। কিন্তু বেশীদূর আর তাহাকে স্বচ্ছন্দ সহজগতিতে অগ্রসর হইতে হইল না। বাগানের পথে পা দিয়াই গতি তাহার কেমন বিব্রত ও সলাজ হইয়া উঠিল এবং পরমুহূর্তেই গতি তাহার একেবারে স্তব্ধ হইয়া গেল। সে পথের মাঝেই তাই দাঁড়াইয়া গেল—নীরব, নিথর, নিস্পন্দ।

সুন্দরের পক্ষে ইহা সম্পূর্ণ অসম্ভব। কিন্তু সুন্দর পথের পাশের কাঁঠাল গাছটার নীচে সত্যিই দাঁড়াইয়া আছে। সেখানে কি যে তাহার প্রয়োজন থাকিতে পারে তাহা টিয়া সত্যিই ভাবিয়া পাইল না। সুন্দরকে এত কাছে পাওয়া টিয়ার পক্ষে অতি বড় ভাগ্যের কথা, কিন্তু ভাগ্য যদি বা আজ সুপ্রসন্ন হইল তো টিয়া এত ভয় পাইতেছে কেন? সুন্দরকে এত নিকটে দেখিয়া টিয়ার ভয় পাওয়ার কথা না, কিন্তু বুক তাহার কেমন যেন দুর্বলতায় কাঁপিয়া উঠিল। টিয়ার মুখ-চোখ পাংশু হইয়া আসিল। সুন্দর কি তবে পূর্বপুরুষের শত্রুতা একেবারেই ভুলিয়া গেল? দুইবাড়ীর রক্তে যে সে-অতীতের শত্রুতার বিষ এখনও জড়ানো আছে তাহা কি তাহার একেবারেই খেয়াল নাই? সামান্য সংঘর্ষে যে আবার কলঙ্কিনীর খালে বিষাক্ত রক্ত নাচিয়া উঠিতে পারে, তাহা কি সে একবারও ভাবিয়া দেখে নাই?

কিন্তু টিয়া কেন জানি ইহাতে খুশী না হইয়াও পারিল না। টিয়া কি কোনদিন আবার ভাবিতে পারিয়াছে যে, সে সুন্দরকে সমস্ত অতীত নিশ্চিহ্ন করিয়া ভুলাইয়া দিয়া এপারে টানিয়া আনিতে পারিবে। যে জীবনে কখনও এপারে ভুলেও পা ছোঁয়ায় নাই, সে তো আজ টিয়ার মায়াতেই এপারে পা বাড়াইয়াছে। গর্বোন্মাদে টিয়া একেবারে নিস্তব্ধ হইয়া গেল।

সুন্দর টিয়াকে দেখিয়া ম্লান একটু হাসিল এবং লজ্জাকাতরকণ্ঠেই বলিল, টিয়ার মায়াতেই আমাকে এপারে আসতে হ’লো, আমাকে একেবারে দৌড় করিয়ে মারলে। শেষ পর্য্যন্ত উড়ে এসে বসেচে তোমাদের এই কাঁঠালগাছের শিক-ডালে।

টিয়া মুহূর্তের জন্য একটু বিচলিত হইল, তারপরেই নিজেকে সে সামলাইয়া লইয়া বলিল—টিয়াপাখীটা উড়ে এসেছে বুঝি? বা, দাঁড়ের শেকল কেটে পালালো কেমন ক’রে?

সুন্দর বলিল, পায়ে ওর পাছে লাগে তাই শেকলের আংটাটা একটু আল্গা ক’রে রেখেছিলাম, ঠোঁট দিয়ে টেনে টেনে খুলেই পালিয়েছে বোধ করি। কি মুন্সিলেই যে পড়া গেছে।

টিয়া মুহূ একটু হাসিয়া বলিল—বনের পাখী তো পালাবেই। মিছে ওর পেছনে ছোটা, আর ও কি ধরা দেবে নাকি! এবার আর একটা টিয়া এনে পোষো, টিয়ার মায়াতেই যখন পড়েছো।

ই্যা, মায়া না!—বলিয়া সুন্দর উর্ধ্বে গাছের দিকে দৃষ্টি ফেলিতেই দেখিল, টিয়াপাখীটি সংসা সেখান চাইতে অন্ত্র উড়িয়া চলিল। এবার আর সজ্জন-বাড়ীর বাগানের কোন গাছেই বসিল না, বহুদূরে উড়িয়া গেল। সুন্দর হতাশ হইয়া বলিল, এপারে আমাকে এনে তবে ছাড়লে, কিন্তু ধরাও তো দেবার মতলব কিছু দেখি না। লজ্জা-অপমানই বোধ হয় ভাগ্যের লেখা!

টিয়া সুন্দরের মুখের দিকে মুখ তুলিয়া বলিল—সত্যিই তো, উড়ে পালালো যে! পালিয়েছে, বেশ হয়েছে, আমি খুশীই হয়েছি, যেমন আমাকে খামোকা জন্ম করার জন্য টিয়া কেনা। সুপুরগঞ্জের হাট থেকে টিয়া কিনে এনে যেমন আমাকে জন্ম করতে চাওয়া, বেশ হয়েছে, আমি ধম্মো দেখেছি।...আহা! সত্যিই যে উড়ে গেল! বেশ ছিল কিন্তু দেখতে পাখীটা। বনপলাশীর ভৈরব দত্তের ছেলের না হ’লে যদি আর কারও ও-পাখী হ’তো তো আমি প্রথম দিনই ঠিক চেয়ে বসতাম। আমার বেশ লেগেছিল সত্যি তোমার ঐ পাখীটা।

সুন্দর এতক্ষণে দুষ্টামির হাসি হাসিয়া বলিল—এটা যে শিখীপুচ্ছের নিশি সজ্জনের মেয়ের মত কথা হয়েছে তা’তে আর সন্দেহ নেই, কিন্তু এটা তোমার মনের কথা হ’লোনা টিয়া।

টিয়া বলিল—না, মনের কথা হ’লো না, আমার মন জানো আবার কি! আমার মন যেন তোমার ছয়োরে

বাধা রেখেছি, তুমি তার সব খবর জানো ! কিন্তু আমার মনের খবর না রেখে, বাবার মনের খবর রাখলে নিজের ভাল হ'তো। বাবা যদি একবার দেখতেন যে ভৈরব দত্তের ছেলে তাঁর ভিটের মাটিতে পা ঠেকিয়েচে—তা হলে এতক্ষণে মহাপ্রলয় হ'য়ে যেত। তোমার টিয়া এখানে আছে ব'লে নিশ্চয়ই তাঁর হাত থেকে পার পেতে না।

.সুন্দর হাসির মাত্রা সামান্য আর একটু চড়াইয়া বলিল— তা পার না পেতে পারতাম, কিন্তু সত্যি কথাই বলা হ'তো তো।

টিয়া সুন্দর করিয়া একটু হাসিয়া ফেলিল। কারণ, ইহার পরে আর কি যে কথা বলিয়া সুন্দরকে সেখানে আরও কিছুক্ষণের জন্য আটকাইয়া রাখিয়া ভবিষ্যতের আলাপের পথটা অধিকতর প্রশস্ত এবং সহজ নির্বাধায় চলমান করিয়া তোলা যায় তাহা ভাবিয়া পাইতেছিল না। এখনও সে সুন্দরের সঙ্গে আলাপে নিজেকে ঠিক বাধামুক্ত মনে করিতে পারিতেছিল না। আজিকার এই ক্ষণিকের কৌতুক-পরিহাস-বিজড়িত আলাপের পরেও ভবিষ্যতে হয় তো সামান্য কথার আদান-প্রদানেও উভয়ের মধ্যে আসিয়া ঘাইবে পূর্বেকার অনালাপী দিবসের কঠিন জড়তা। সেই ভয়েই আরও সে ভাষা বন্ধ করিয়া প্রাণের সমস্ত আনন্দ ও অভ্যর্থনা ঐকান্তিকভাবে হাসির ভিতর ঢালিয়া দিয়া সুন্দরকে নিকটতম করিয়া তোলার প্রয়াস পাইল।

কিন্তু টিয়ার পিছনে দাঁড়াইয়া সেই সঙ্গেই প্রায় যে হাসিয়া উঠিল সে টিয়ার অদৃষ্ট নয়—টিয়ার ছোটমা—রূপসী। আর হাসি তাহার মনে মনে হইলেও কথা ছিল, একেবারে চরম।

সুন্দর পূর্বেরই চম্কাইয়াছিল অদূরে রূপসীর আবির্ভাবে এবং টিয়াও চম্কাইল রূপসীর হাসি শুনিয়া। সে হাসি শুনিয়া টিয়ার হাত হইতে বাসনের পাজা খসিয়া পড়িলেই হয়তো তাহার মনোভাবের যথার্থ পরিচয় পাওয়া হইত; কিন্তু পড়িতে সে দেয় নাই, যেহেতু সুন্দরের কাছে নিজেকে সে অতখানি দুর্বল বলিয়া পরিচয় দিতে কিছুতেই রাজী হইতে পারে নাই।

রূপসী হাসিয়া থামিলেই যথেষ্ট ছিল, কিন্তু বাড়াবাড়ি দোষে দুষ্ট যে তাহার স্বভাব সে-স্বভাবের নিখুঁত পরিচয় দেওয়া হয় না বলিয়াই যেন সে বলিয়া ফেলিল—অ, তাই না বলি, রাত থাকতে উঠে মেয়ের খালের ঘাটে যাওয়ার আর আলিঙ্গি নেই। মরণ আর কি ! শতুরের সঙ্গে চলেছে তবে গোপনে মিতালি ! হা, হা, হা !

টিয়া মুহূর্তে কঠিন হইয়া ফিরিয়া দাঁড়াইয়া বলিল— শতুর-পুরীতে যার বাস সে মিতালি করতে মিত্র পাবে কোথায় শুনি। আমার খুশী, আমি করবো শতুরের সঙ্গেই মিতালি। কিন্তু শতুরের সামনে বেহায়াপনা করতে তোমার লজ্জা করে না সজ্জন-বাড়ীর বউ হ'য়ে ?

রূপসী আনন্দে সত্যই মাত্রা হারাইয়াছিল এবং সজ্জন-বাড়ীর বউয়ের মাথায় দস্ত-বাড়ীর ছেলের সামনে ঘোমটা না থাকটা যে অপরাধের তাহা তাহার খেয়ালই ছিল না। টিয়া তাহা তাহার স্বরণে আনিয়া দিতেই সে টিয়াকে বিজ্রপের ভঙ্গীতেই বলিয়া গেল—ই—স্ !

আর চলিয়া যাওয়ার কালে মাথায় ঘোমটাটি তুলিয়া দিয়াই রূপসী চলিয়া গেল।

সুন্দর এতক্ষণ যেন প্রস্তুতমুর্জিতে রূপান্তরিত হইয়া নিম্পন্দ হইয়া গিয়াছিল; সহসা সস্থিত ফিরিয়া পাওয়ার মত করিয়া জাগিয়া উঠিয়াই যেন বলিল—এপারে টিয়া ধরতে এসে তোমার বহু-গঞ্জনার কারণ হ'য়ে রইলাম টিয়া। এ নিয়ে তোমাকে বহু কথাই হয়তো শুনতে হবে ভবিষ্যতে।

টিয়া রূপসীর আবির্ভাবে যত না বিব্রত হইয়াছিল ততোধিক বিব্রত হইল সুন্দরের অহুতাপ-মিশ্রিত কণ্ঠের করুণ আর্দ্রতায়। কোন রকমে নিজেকে সামলাইতে চেষ্টা পাইয়া বলিল—গঞ্জনা যার অদৃষ্টের লেখা তার কারণ হ'তে হয় না দুনিয়ার কাউকে। আর তুমি যদি সত্যিই আমার গঞ্জনার কারণ হ'য়ে ওঠো তো—সে-গঞ্জনা আমি সইতে পারবো অনায়াসেই, তা'তে আমার থাকবে তবু সাঙ্ঘনা। সে ঘাই হোক, সজ্জন-বাড়ীর সীমানার মধ্যে আর তো তোমার দাঁড়িয়ে থাকা উচিত হবে না, কারণ বহু পুরুষের ঘুমন্ত শত্রুতা আবার আমাকে ছুঁয়ে জাগতেই বা কতক্ষণ !

সুন্দর বলিল—তা যদি জাগেই টিয়া তো জাণ্ডুক, এ ছাই-চাপা আঁশনের চেয়ে সে ঢের ভাল।

টিয়া মূহু হাসিয়া বলিল, ভাল বুঝি ! তবে জাণ্ডুক, সজ্জন-বংশের রক্তের পরিচয় দিতে আমিও তখন পিছপাও হবো না জেনো।

সুন্দরও হাসিয়া বলিল, পিছপাও হবে কেন, আর হ'তেই বা আমি বলবো কেন; একেবারে গিরে দস্তবাড়ীর ঘাটেই কাড়া-নাকাড়া বাজিয়ে উঠো, সজ্জনবাড়ীর লক্ষীকে সাদরে বনপলাশীর দস্তরা সেদিন ঘরে তুলে নেবে।

ক্রমশঃ

# ডায়াবিটিস্ বা বহুমূত্র

ডাক্তার শ্রী প্রবোধকুমার বন্দ্যোপাধ্যায় এম্-বি

বহুমূত্র রোগের আর একটি নাম মধুমেহ। এ্যালোপ্যাথিক শাস্ত্রে এই রোগটিকে ডায়াবিটিস্ মেলাইটাস্ বলে। এই প্রবন্ধে বহুমূত্র বা ডায়াবিটিস্ সম্বন্ধে কিছু বলব—কারণ এই অস্থখ আমাদের দেশে যথেষ্ট থাকলেও এর বিষয় যতখানি সাধারণের জ্ঞান প্রয়োজন, তার কিছুই সাধারণে জানে না। পাশ্চাত্যদেশে বিশেষজ্ঞ পণ্ডিতেরা ডায়াবিটিস্ সম্বন্ধে সাধারণের জ্ঞান সহজ, সরল ও সুপাঠ্য বই লিখেছেন—যা পড়ে রোগীরা নিজেই নিজেদের নিত্যনৈমিত্তিক জীবন শাস্ত্রমত নিয়ন্ত্রিত করতে পারে। সেরকম বই আমাদের বাঙ্গালা ভাষায় একখানিও লিখিত হয়নি।

এইরকম বই লেখার বিশেষ প্রয়োজন আছে; কারণ না লিখলে পড়বেই বা কি করে সাধারণ লোক—বুঝবেই বা কি করে যে তাদের অস্থখটা কি—গুরুত্ব কত এবং কেমন করে তারা সুস্থভাবে জীবন-যাপন করতে পারে কতক-গুলি মাত্র নিয়ম পালন করে। বহু লোক এই অস্থখে প্রাণ হারাচ্ছে অকালে এবং অকারণে—অথচ তাদের অনেকেই বেঁচে থাকতে পারতো বহু বৎসর—পক্ষু হয়ে নয়—সংসারের এবং সমাজের প্রয়োজনীয় হয়ে।

আমার ব্যবসায়-জীবনের অভিজ্ঞতা থেকে আমি এই সিদ্ধান্তে উপনীত হয়েছি—যে অজ্ঞতাই অধিকাংশক্ষেত্রে এই সব অকালমৃত্যুর কারণ। অদৃষ্টবাদিতাও আমাদের দেশে অনেক অযথা বিপদ ঘটায়, কিন্তু এর মূলেও সেই অজ্ঞতা। এ ছাড়া নিয়মানুবর্তিতা (discipline) আমাদের ধাতে নয়—বীথা-ধরা নিয়মের মধ্যে জীবন-যাপন করবার মত সংযম আমাদের অধিকাংশ লোকের নেই। নিয়ম মানতে হলে প্রাণ হাঁকিয়ে ওঠে—মন বিদ্রোহী হয়—নিয়ম-কানুন মেনে সে চলতে চায় না।

এই নিয়মানুবর্তিতা-বিরোধী মনকে বিশেষভাবে পথ-ভ্রষ্ট করে পুরাতন রোগীর দল। বলে—“ডাক্তারের কথা ছেড়ে দাও। এই তো আমি দশ বৎসর অস্থখ সম্বন্ধে বেঁচে আছি—তাদের কথা না শুনে। খাও-দাও বেপরওয়া হয়ে—মৃত্যু যেদিন হবার সেদিন হবেই—তোমার ডাক্তারে তা ঠেকাতে পারবে না।” নতুন রোগীর কাণে তা সুখা-বৃষ্টি করে—নিয়মের বাঁধন মুহূর্তে কেটে সে বেরিয়ে পড়ে ভাগ্যের দোহাই দিয়ে। তারপর? সেও সেই ভাগ্য। দুর্ভাগা না হলে সে শুনে কেন ও উপদেশ, বিচার না করে? কিন্তু বিচার করবেই বা সে কেমন করে? বিচার করতে হলে তার যে জ্ঞান দরকার—অস্থখটা কি—এতে প্রাণের ভয় হতে পারে কি কি কারণে—সে কারণগুলি কি করলে না ঘটে বা ঘটলে কেমন করে প্রশমিত করা যায়। সে জ্ঞান তার নেই—তাই সে অন্ধের সাহায্য নিয়ে সর্বনাশের পথের পথিক হয়।

এই প্রবন্ধে তাই ডায়াবিটিসের কথা বলবো—সাধারণের সুবিধার জন্যে যতখানি সম্ভব স্পষ্ট ও প্রাঞ্জলভাবে।

## ডায়াবিটিস্ রোগটি কি ?

প্রত্যেক রোগীই জানে যে এই রোগে প্রস্রাবে চিনি বা গ্লুকোজ (glucose) থাকে। বারবার প্রভূত পরিমাণে প্রস্রাব হয়। তেঁটা যথেষ্ট থাকে। যতই জল খাওয়া যায় ততই প্রস্রাব বাড়ে। রাত্রে একাধিকবার উঠতে হয়।

সুস্থলোকের প্রস্রাবে চিনি থাকে না। দিনে ৪৬ বারের বেশী প্রস্রাব সাধারণত হয় না। রাত্রে কদাচিৎ উঠতে হয়। তেঁটাও এমন কিছু অস্বাভাবিক থাকে না।

ডায়াবিটিসের (বহুমূত্র রোগীর) প্রস্রাবে এই চিনি বা গ্লুকোজ কেন আসে? এবিষয় জানতে হলে কার্বো-হাইড্রেট মেটাবলিজম (carbohydrate metabolism) সম্বন্ধে কিছু বলা দরকার।

ভাত, রুটি, আলু চিনি প্রভৃতি খাদ্যকে কার্বো-হাইড্রেট খাদ্য বলা হয় এবং শরীরাত্ম্যন্তরে এই খাদ্যের স্বাভাবিক পরিণতি বা ব্যবহারকে মেটাবলিজম্ বলা হয়। উদাহরণ স্বরূপ ধরুন—একটা জলন্ত উনানে কয়লা দিলে কি হওয়া স্বাভাবিক? ধোঁয়া—আঁচ—ছাই। এটাই হচ্ছে কয়লার স্বাভাবিক পরিণতি উনানের শরীরের মধ্যে বা উনানের খাদ্য কয়লার মেটাবলিজম—উনান মহাশয়ের শরীরের মধ্যে। বুঝলেন? ডায়াবিটিস্ অস্থখে এই কার্বো-হাইড্রেট মেটাবলিজম-এর বা কার্বো-হাইড্রেট খাদ্যের শরীর-অভ্যন্তরের স্বাভাবিক পরিণতির ব্যাঘাত ঘটে।

ভাত, রুটি প্রভৃতি কার্বো-হাইড্রেট খাদ্য আমরা যখন খাই তখন মুখ থেকেই তার পরিপাক বা digestion-এর কাজ শুরু হয় এবং শেষ হয় সরলান্তরের (small intestine) ভিতরে। এই পরিপাক একটি রাসায়নিক ক্রিয়া—যার দ্বারা সমস্ত কার্বো-হাইড্রেট খাদ্য গ্লুকোজ বা আঙুরের চিনিতে পরিবর্তিত হয়ে যায়। মজার কথা নয়? খেলাস ভাত—পেলাস আঙুরের চিনি; তাজব ব্যাপার! আঙুরের চিনি বলার মানে হচ্ছে যে—এই চিনির রাসায়নিক formula বা কাঠামো আর ভাত বা রুটির চিনির কাঠামো এক। প্রস্রাবে চিনি (sugar) বলতে বৈজ্ঞানিকেরা এই কাঠামোর চিনিই (glucose) ভেবে থাকেন। গ্লুকোজ বা আঙুরের চিনি যদি খাওয়া যায় তাকে আর পরিপাক করবার দরকার হয় না, কারণ কার্বো-হাইড্রেট পরিপাকের শেষ বস্তুই যে গ্লুকোজ। তাহলে এটা নিশ্চয় বোঝা গেল যে, কার্বো-হাইড্রেট খাদ্য পেটের মধ্যে পরিপাক হয়ে গ্লুকোজে পরিণত হয়। এই গ্লুকোজে

পরিণতি এটাকে হজম বা digestion বলা হয়—এটা মেটাবলিজম নয়। মেটাবলিজম-এর কথা এই বার বলব।

উপরে যে গ্লুকোজের কথা বললাম—সেই গ্লুকোজ অম্ল থেকে (intestine) রক্তে শোষিত বা absorbed হল এবং প্রথমে লিভার বা যকৃতের ভিতর দিয়ে গিয়ে সাধারণ রক্ত-স্রোতে ছড়িয়ে পড়লো। লিভারের ভিতর দিয়ে গ্লুকোজ গেল কেন? এ কি গ্লুকোজের মর্জি? না, তা নয়। এই পথ ছাড়া অন্য পথ দিয়ে যাবার তার যো নেই—তাই। লিভার বড়ই সফরী—ভবিষ্যৎ ভেবে কাজ করে। যেই অনেকখানি গ্লুকোজ পেলে অমনি প্রাণপণে তাকে নিয়ে যতখানি পারে গ্লাইকোজেন (glycogen—starch জাতীয় এক প্রকার বস্তু) তৈরী করে নিজের ভাঁড়ারে তুলে রাখলে। বাকী গ্লুকোজ—যা লিভার থেকে বেরিয়ে গেল—তা থেকে শরীরের মাংসপেশীরাও সাধামত গ্লাইকোজেন তৈরী করে নিয়ে নিজের ভাঁড়ারে রেখে দিলে। গ্লুকোজের পরিশেষ যা রইলো—তা সাধারণ রক্ত-স্রোতে ভেসে বেড়াতে লাগলো শরীরের আপাতত প্রয়োজন যোগান দিতে। ব্যাপারটা অনেকটা এই রকম। ১,০০০ টাকার একটি নোট (starch, ভাত বা কার্বো-হাইড্রেট) ব্যাঙ্ক (পরিপাক-বস্তু) থেকে ভাঙিয়ে টাকা (গ্লুকোজ) করে গিন্নীর (লিভার) হাতে দেওয়া হল। গিন্নী দেখলেন—এত কাঁচা টাকার তো দরকার নেই এখন। তাই তিনি তাঁর বিবেচনা মত সে টাকার অনেকটা দশ-টাকার নোট, (glycogen),—যা সহজেই সর্বত্র ভাঙানো যায়—গাঁথিয়ে বাস্তব চাবি দিয়ে তুলে রাখলেন। কিন্তু গৃহিণী কুপন নন—যে টাকা দিলেন সরকারকে (muscles) তা সংসারের প্রয়োজনের চেয়ে অনেক বেশী। সরকার হিসেবী ভালো লোক। সে আবার তা থেকে দশ টাকার কতকগুলো নোট গাঁথালো—ক-একটা টাকা মাত্র দৈনন্দিন প্রয়োজন মত খরচা করতে লাগলো। এ টাকা কটি যেমন ফুৎতে লাগলো—তবিল থেকে দশ টাকার নোট ভাঙিয়ে ভাঙিয়ে টাকা করে নেওয়া চলতে লাগলো। তাহলে দেখা যাচ্ছে, বড় নোট ভেঙে—টাকা—টাকা জুড়ে ছোট নোট আবার ছোট নোট ভেঙে টাকা। এ টাকা কিন্তু ক্রমশই খরচা হয়ে যাচ্ছে—তাই নোটের পর নোট ভাঙতে হচ্ছে—নইলে দিন চলবে না। তেমনি কার্বো-হাইড্রেট ভেঙে গ্লুকোজ—গ্লুকোজ জুড়ে গ্লাইকোজেন—গ্লাইকোজেন ভেঙে আবার গ্লুকোজ। গ্লুকোজ কিন্তু ফুরিয়ে আসে—তখন গ্লুকোজ যোগান দাও ভাঁড়ারের গ্লাইকোজেন থেকে। ওদিকে ভাঁড়ার খালি হয়ে আসবার ভয়ে কার্বো-হাইড্রেট খাদ্য থেকে গ্লুকোজ তৈরী করে ভাঁড়ারে পাঠাও—গিন্নী গ্লাইকোজেন গেঁথে ভাঁড়ারে জমান—নইলে তাঁর ভাঁড়ার শীঘ্রই বাড়ন্ত হয়ে উঠবে। এই যে শোষিত বা absorbed গ্লুকোজের শরীরের মধ্যে ব্যবহার বা পরিণতি—একেই কার্বো-হাইড্রেট মেটাবলিজম বলা হয়।

আগে বা বলা হয়েছে তা থেকে এটা বেশ বোঝা গেল যে, রক্তস্রোতে সকল সময়ই খানিকটা গ্লুকোজ বা চিনি আছে। এই চিনিকেই ব্লাড-সুগার (blood-sugar) বলা হয়। অনেক সময় শুনি, গোকো বলে,

যে তাদের blood-sugar নেই। এটা অসম্ভব কথা—কারণ blood-sugar না থাকলে মানুষ এক মুহূর্তও বাঁচতে পারে না। তবে এই blood-sugar-এর পরিমাণ সব সময়ে এক নয়। আহারের পরে তা বাড়ে কিন্তু অল্প কয়েক ঘণ্টার মধ্যেই তা আবার কমে আসে। সবচেয়ে কম blood-sugar পাওয়া যায় অনশনে থাকলে। অর্থাৎ এই blood-sugar-এর হার বা value নির্ভর করে—কতখানি গ্লুকোজ শরীর পাচ্ছে—কতখানি তার গ্লাইকোজেন হয়ে জমা থাকচে—আর কতখানিই বা তার ব্যবহার হচ্ছে—তার উপর।

সাধারণত সুস্থ অবস্থায়—Blood-sugar ০.০৮-০.১%-এর কম হয় না বা ০.১৮%-এর বেশী হয় না। Blood-sugar percentage বলতে আমরা কি বুঝি? শতকরা হার? গোলমাল লাগে বুঝতে—নয়? ধরা যাক, blood-sugar যদি ০.১% হয়—তা হলে কি বুঝবো? বুঝবো যে ১০০ সি'সি রক্তে ০.১ গ্রাম চিনি আছে। ১০০ সি'সি মানে হচ্ছে ৩১ আউন্স—কারণ ৩০ সি'সিতে ১ আউন্স হয়। ০.১ গ্রাম মানে হচ্ছে  $\frac{1}{10} \times 10 = 1$  গ্রেন, কারণ ১০ গ্রেনে ১ গ্রাম হয়। তাহলে ০.১% sugar মানে হল—৩১ আউন্স রক্তে ১ গ্রেন গ্লুকোজ বা আউন্স-পিছু ২ গ্রেন গ্লুকোজেরও কম। একটা ধারণা হলো তো? কিন্তু বৈজ্ঞানিকেরা এইভাবে হিসেব না করে গ্রাম বা মিলিগ্রাম ( $\frac{1}{1000}$  গ্রাম) ও সি'সিতেই হিসেব রাখেন। ০.১%কে ০.১ গ্রাম% বা ১০০ মিলিগ্রাম% বলা যেতে পারে। যতক্ষণ পর্যন্ত blood-sugar ০.১৮%-এর বেশী না হয়—ততক্ষণ প্রস্রাবে চিনি আসে না। কিন্তু যদি কোন প্রকারে ০.১৮%-এর চেয়ে বেশী blood-sugar করা যায়—তাহলে সুস্থ লোকেরও প্রস্রাবে চিনি এসে পড়ে। দেখা গেছে যে একজন সুস্থ লোক যদি একসঙ্গে ১৫০-২০০ গ্রাম গ্লুকোজ খায়—তার প্রস্রাবে চিনি আসে না। এতে এই প্রশ্ন হচ্চে যে এতখানি গ্লুকোজ একসঙ্গে খেলেও শরীরের ভিতরে এত শীঘ্র ও এত পরিমাণে গ্লাইকোজেন তৈরী করে ফেলা হয় যাতে করে blood-sugar ০.১৮%-এর বেশী বাড়তে পারে না। এর বেশী যদি বাড়তো তাহলে উৎকৃষ্ট চিনি প্রস্রাবে উপস্থিত পড়তো। এই ০.১৮% (বা ১৮০ মিলিগ্রাম%) কিডনি থ্রেস্‌হোল্ড (kidney thresh-hold) বলা হয়। এই থ্রেস্‌হোল্ডকে মূত্রগ্রহীত (kidney-র) রক্ষণশীল সীমা—বা বাঁধ বা হার বলা যেতে পারে। যতক্ষণ এই রক্ষণ-শীল সীমা বা বাঁধ blood-sugar না টপকাচ্ছে ততক্ষণ চিনি প্রস্রাবে উপস্থিত পড়তে পারে না। এইখানে বলা ভালো যে, কিডনি থ্রেস্‌হোল্ড কারো বা ০.১৬%-এ, কারো বা ০.১৮%-এ। সেই ক্ষেত্রে ০.১৭% (১৭০ মিলিগ্রাম%)—কেই কিডনি থ্রেস্‌হোল্ড বলে কোন কোন চিকিৎসক ধরে থাকেন। এখন প্রশ্ন হচ্চে কেন সুস্থ লোকের blood-sugar রক্ষণশীল সীমার বেশী হয় না? বেশী হতে মানা করে কে—কে ঠেকায়? সেই কথাই বলবো।

### ইন্সুলিন

আমাদের পেটের ভিতর একটি গ্রন্থি (gland) আছে—তার নাম প্যানক্রিয়াস্ (Pancreas)। এই প্যানক্রিয়াসের কাজ ছুরকমের।

একরকম কাজ—খাদ্য হজম করানো—ইজমী রস তৈরী করে অস্ত্রের মধ্যে নল দিয়ে ঢেলে দিয়ে। অল্প কাজটি হচ্ছে কার্বো-হাইড্রেট মেটাবলিজম্ চালানো—অর্থাৎ গ্লুকোজ থেকে গ্লাইকোজেন তৈরী করানো ও গ্লুকোজ-এর ব্যবহার মাংসপেশীর মধ্যে চালানো। এই দ্বিতীয় কাজটি চালাচ্ছে প্যানক্রিয়াসের আর একটি রস—তার নাম ইনসুলিন (Insulin)। ইনসুলিন কোন নল দিয়ে আসে না—একেবারে রক্তে মিশে যায়। ইনসুলিন তৈরী হয় প্যানক্রিয়াসের শরীরের মধ্যের কতকগুলি বিশেষধরণের সেল-সংগ্রহ (cell group) হতে—যাদের islets of Langerhans বা ল্যাংগারহানের দ্বীপপুঞ্জ বলা হয়। ল্যাংগারহান একজন বৈজ্ঞানিকের নাম। ইনিই এই সেল-সংগ্রহগুলি প্রথম অবিকার করে দেখিয়েছিলেন। সুস্থ লোক যদি অনেকটা গ্লুকোজ খায় তৎক্ষণাৎ এই সব দ্বীপপুঞ্জ হতে উপযুক্ত পরিমাণ ইনসুলিন বেরিয়ে সেই গ্লুকোজের সন্ধ্যাবহার করে। তাই সুস্থ লোকের blood-sugar স্তরগুলির রক্ষণশীল সীমা (০.১৮% বা ১৮০ মিলিগ্রাম%) ডিঙিয়ে যেতে পারে না। Blood-sugar এই সীমা ছাড়াবার আগেই অধিকাংশ গ্লুকোজকেই গ্লাইকোজেন তৈরী করে দেয় ইনসুলিন।

### মানুষের শরীর একটা জটিল মেশিন

মানুষের শরীরের সঙ্গে ষ্টীম্ এন্জিনের বেশ একটা তুলনা করা যেতে পারে। ষ্টীম্ এন্জিন্ চালু রাখতে হলে তাতে জল, কয়লা, আগুন তেল প্রভৃতি জিনিস সরবরাহ করতে হয়—খারাপ হলে মেরামত করতে হয়। মানুষ এন্জিনেরও এসব দরকার—তবে প্রভেদ হচ্ছে লোহার এন্জিন্ বন্ধ করে মেরামত করা চলে—মানুষ এন্জিন্কে বন্ধ করা চলে না—চালু অবস্থাতেই তার মেরামতি চালাতে হয়। অধিকাংশ মেরামত সে আপনি করে নেয়—কিন্তু কখনো কখনো এন্জিনিয়ারের সাহায্য লাগে।

লোহার এন্জিন্ আর মাংসের এন্জিন্—দুটোকেই চালাতে হলে চালকশক্তি (energy) দরকার। সেই চালকশক্তি বা energy পাওয়ার যার দাহ বস্তু (fuel) থেকে। লোহার এন্জিনের দাহ বস্তু কয়লা এবং দাহিকাবস্তু আগুন। মানুষ এন্জিনের দাহ বস্তু গ্লুকোজ এবং দাহিকাবস্তু ইনসুলিন। সুতরাং দেখা গেল উত্তর এন্জিনেরই চালু অবস্থার তাদের জ্বিতর একটা দাহ (combustion) সর্বদাই চলছে। আর চলছে বলেই গারে হাত দিলে আমরা একটা উত্তাপ বোধ করতে পারি। মানুষ মরে গেলে সে উত্তাপ আর থাকে না—কল খেঁবে যাবার সঙ্গে সঙ্গেই দাহও খেঁমে যায়।

কিন্তু মানুষ এন্জিন লোহার এন্জিনের তুলনার অত্যন্ত জটিল। গ্লুকোজ মানুষ এন্জিনের কয়লা বটে কিন্তু গ্লুকোজ ছাড়াও ফ্যাট (চর্বি) এবং প্রোটিন (মাংস) উভয়ই দাহবস্তুর মত অল্প-বিস্তর ব্যবহার হয়। সব চেয়ে বেশী পোড়ে গ্লুকোজ, সবচেয়ে কম পোড়ে প্রোটিন এবং মাঝামাঝি পোড়ে ফ্যাট, ফ্যাট, বা চর্বিদাহ নির্ভর

করে গ্লুকোজ-এর দাহর উপর—অর্থাৎ গ্লুকোজ যদি বেশ দাউ-দাউ করে পোড়ে—তাহলে আঁচ খুব ভালো হয়—আর সেই আঁচে ফ্যাট, বা চর্বি সম্পূর্ণভাবে পুড়ে যায়। কিন্তু যদি গ্লুকোজ-এর আঁচ ভালো না হয়—টিমে হয়—চর্বি ভালো করে পুড়তে পারে না—আধপোড়া কতকগুলি বিক্রী জিনিস (ketone bodies) তৈরী হয়ে যায়। এর কথা পরে আবার বলবো। তাছাড়া, শরীর ফ্যাট ও প্রোটিন থেকে প্রয়োজনমত গ্লুকোজ তৈরী করে নিতে পারে।

তাহলে সুস্থ শরীরে কার্বো-হাইড্রেট খাওয়ার পরিণতি আমরা দেখলাম। কার্বো-হাইড্রেট পরিপাক হয়ে গ্লুকোজ তৈরী হয়। রক্তে সেই গ্লুকোজ শোষিত হলে লিভার ও মাংসপেশীতে গ্লুকোজ থেকে গ্লাইকোজেন তৈরী করে জমিয়ে রাখা হয়। প্রয়োজন মত গ্লাইকোজেন ভেঙে ভেঙে গ্লুকোজ করে নেওয়া হয়। শরীরের দাহ চলে প্রথমত গ্লুকোজ পুড়িয়ে। গ্লুকোজ পোড়াতে হলে ইনসুলিনের আগুন দরকার। ইনসুলিন শুধু গ্লুকোজ পুড়িয়ে এনার্জি যোগায় না—প্রয়োজনের অতিরিক্ত গ্লুকোজ জুড়ে গ্লাইকোজেন তৈরী করে—যা লিভার ও মাংসপেশীতে ভবিষ্যৎ প্রয়োজনের জন্য জমা থাকে। গ্লাইকোজেন কথাটির মানে হচ্ছে—গ্লুকোজের জন্মদাতা (glyco=glucose or চিনি gen=generator বা জন্মদাতা)

গ্লাইকোজেন তৈরী করতে ইনসুলিন সক্ষম হলেও—গ্লাইকোজেন ভেঙে গ্লুকোজ করবার ক্ষমতা ইনসুলিনের নেই। এই কাজ করতে এড্রিনালিনের (adrenalin) প্রয়োজন। মন যদি সহসা ভাব-প্রবণ হয়ে পড়ে—সে ভাব যে রকমেরই হোক—ভয়, আনন্দ, দুঃখ, রাগ প্রভৃতি—তৎক্ষণাৎ এড্রিনালিন বেশী পরিমাণে শরীরের মধ্যে উৎপন্ন হয়। এই ভাবপ্রবণতার অব্যবহিত পরেই আছে কাজ—বেমন, রাগের পরেই চিৎকার বা মারামারি, আনন্দের পরেই অলিঙ্গন বা লক্ষন, ভয়ের পরেই পলায়ন ইত্যাদি। অর্থাৎ সহসা দেহের মাংসপেশীর কাজ বেড়ে যায় ভাবপ্রবণ হবার পরেই। সেই জন্তু—সৃষ্টির এমন কৌশল যে, এই ভাবপ্রবণতা হলেই বেশী পরিমাণ এড্রিনালিন রক্তে এসে পড়ে। কি দরকার বেশী এড্রিনালিনের—কি জন্তু আসে? বেশী করে গ্লাইকোজেন ভেঙে গ্লুকোজ তৈরী করতে—গ্লুকোজের প্রয়োজন যে এখনি বেড়ে যাবে, শরীরের কাজ বাড়বার সঙ্গে সঙ্গেই। আশ্চর্য হাঁটতে যতখানি এনার্জি বা চালকশক্তির প্রয়োজন—দে-দৌড় দিলে তার অপেক্ষা অনেক বেশী এনার্জি বা চালকশক্তির দরকার। সেই বেশী এনার্জি যোগান যার কি করে? না—বেশী গ্লুকোজ পুড়িয়ে। তাই বেশী এড্রিনালিন এসে বেশী করে গ্লাইকোজেন ভেঙে গ্লুকোজ তৈরী করে রক্তস্রোত দিয়ে মাংস পেশীতে পাঠিয়ে দিলে। ইনসুলিন বেশী করে এলো, অনেক গ্লুকোজ পোড়াতে হবে কি-না। ভাবপ্রবণ ব্যক্তি হয়তো তখন মারামারি শুরু করে দিয়েছেন—ইয়া-ইয়া ঘুসি চালাচ্ছেন—আর ভেতরে সেই ঘুসি চালাবার এনার্জি যোগাচ্ছে এড্রিনালিন গ্লাইকোজেন ভেঙে গ্লুকোজ যোগান দিয়ে—আর ইনসুলিন সে যোগান-দেওয়া গ্লুকোজকে দাউ দাউ জ্বালিয়ে। এখানে এটাও প্রমাণ হচ্ছে যে

এড্রিনালিন ইন্সুলিনের বিরোধী। ইন্সুলিন গ্রাইকোজেন গড়ে, এড্রিনালিন গ্রাইকোজেন ভাঙে। ইন্সুলিন গ্লুকোজ পুড়িয়ে ব্লাড-সুগার কমায়, এড্রিনালিন গ্রাইকোজেন ভেঙে blood-sugar বাড়ায়। এ ছাড়া এক দেখা যাচ্ছে—যে বেশী blood-sugar হলে ইন্সুলিন বেশী তৈরী হয়—বা ল্যাংগারহ্যান ঘীপপুঞ্জ উত্তেজিত হয়ে ওঠে। এড্রিনালিন—এড্রিনাল গ্রন্থি বা গ্রাণ্ড এর রস। এই গ্রন্থি দুটি। এক একটি রক্ত গ্রন্থি বা কিডনির ঘাড়ে বসে আছে।

এই এড্রিনাল গ্রন্থি ছাড়া শরীরে আরো দুটি গ্রন্থি আছে—যার রস ইন্সুলিনের বিপক্ষে কাজ করে। একটি থাইরয়েড আর একটি পিটুইটারী। এরা উত্তেজিত হলে blood-sugar বেড়ে যায়।

### ডায়াবিটিস রোগে কার্বো-হাইড্রেট মেটাবলিজম্

ডায়াবিটিস রোগে এই কার্বো-হাইড্রেট মেটাবলিজম্-এর ব্যাঘাত ঘটে। সেই ব্যাঘাতের মূখ্য কারণ উপযুক্ত পরিমাণ ইন্সুলিনের অভাব—অর্থাৎ ইন্সুলিন প্রয়োজনের চেয়ে কম তৈরী হয়। আগেই বলেছি সে ল্যাংগারহ্যানের ঘীপপুঞ্জ হতে ইন্সুলিনের জন্ম। যদি কোন কারণে এই ঘীপপুঞ্জগুলি ক্রান্ত বা জখম হয় তাহলে ইন্সুলিন তৈরী করবার ক্ষমতার হ্রাস হয়ে পড়ে।

যদি অতিরিক্ত কার্বো-হাইড্রেট অনেকদিন ধরে খাওয়া হয় তাহলে কালক্রমে এই ঘীপপুঞ্জগুলি হাঁপিয়ে পড়তে পারে এবং হাঁপিয়ে পড়বার জন্তেই ইন্সুলিন উপযুক্ত পরিমাণ তৈরী করতে পারে না। কিন্তু এই হাঁপানো অবস্থাতেই তারা উপযুক্ত পরিমাণ ইন্সুলিন যোগান দিতে প্রাণপণ বৃথা চেষ্টা করে—কর্তব্যপারায়ণ কি-না। হাঁপাতে হাঁপাতে তারা যতই বেশী চেষ্টা করে ততই আরো বেশী হাঁপিয়ে পড়তে থাকে। শেষে কতকগুলি ঘীপ ক্রান্ত হয়ে নিরীভ হয়ে পড়ে—কতকগুলি হয়তো সত্যই মরে যায়।

অল্প কারণেও এই ঘীপপুঞ্জ আহত হতে পারে—যেমন প্যানক্রিয়াসের chronic inflammation বা পুরাতন বা ধীর-গতি-শীল প্রদাহ। এই প্রদাহে ধীরে ধীরে ঘীপপুঞ্জগুলি আক্রান্ত হয়—এবং ধীরে ধীরে মরতে থাকে। এখন যদি কার্বো-হাইড্রেট খাওয়া সমান পরিমাণই খেয়ে যাওয়া যায়—তাহলে এই আক্রান্ত ঘীপপুঞ্জ বধাসাধ্য ইন্সুলিন যোগাতে চেষ্টা করে, ফলে আরো জখম হয়ে পড়ে এবং আরো শীঘ্র মরতে থাকে।

ইন্সুলিন উৎপাদন যদি এই রকম ক্রমশই কমে যেতে থাকে তাহলে ইন্সুলিনের দুটি কাজেই ক্রমশ ঘাটতি পড়ে। অর্থাৎ স্বাভাবিক পরিমাণ গ্রাইকোজেন তৈরী হয় না—এবং স্বাভাবিক পরিমাণ গ্লুকোজও পোড়ে না। ফলে কি দাঁড়ায়?—রক্তে স্বাভাবিকের চেয়ে বেশী গ্লুকোজ জমতে থাকে—blood-sugar percentage বা ব্লাডসুগারের শতকরা হার স্বাভাবিকের চেয়ে ক্রমশই বাড়তে থাকে এবং বাড়তে বাড়তে blood-sugar—কিডনি খেসহোন্ড বা রক্ষণশীল সীমা পার হয়ে যায়—ফলে প্রস্রাবে গ্লুকোজ বা চিনি উপস্থিত পড়ে। বোঝা গেল, কেন ডায়াবিটিস-এ প্রস্রাবে চিনি আসে?

এখন এই চিনি বেরতে অনেক জলের দরকার। ধরুন, একটি ছাঁকনি আছে যার জালির ফুটাগুলো ছোট ছোট। এই ছাঁকনিতে গুড় ঢেলে দিলে তো তা বেরতে পারবে না—খানিকটা জল দিয়ে গুড় পাতলা করে দিলে বেরবে। তেমনি খুব ঘন চিনি গোলা কিডনি ছাঁকনি দিয়ে বেরতে পারে না। তাই শরীরে যে জল আছে তাই টেনে নিয়ে চিনির-গোলা পাতলা করে বের করে প্রস্রাবে। এদিকে শরীরের জল বত বেরিয়ে যেতে থাকে—ততই শরীর সে জল কিরে পেতে চায়—ফলে বাড়ে তেষ্ঠা। তেষ্ঠা পেলেই খাওয়া হয় জল—শরীরের বেরিয়ে যাওয়া জল সরবরাহ করতে। আবার প্রস্রাবে সে জল বেরিয়ে আসে চিনি-গোলা হয়ে—আর প্রস্রাবের পরিমাণও সে জন্তে বেড়ে যায়। তাহলে বোঝা গেল—কেন ডায়াবিটিসে এত তেষ্ঠা পায় এবং কেনই বা এত ঘন ঘন প্রস্রাব পরিমাণে প্রস্রাব হয়।

আগে বলেছি যে শরীরের চালকশক্তি বা এনার্জি যোগান গ্লুকোজ ইন্সুলিন-এর আশ্রয়ে পুড়ে। এও বলেছি যে চর্কি বা ফ্যাট গ্লুকোজ-এর আঁচে পোড়ে। ক্রমশে ক্রমশে এই আঁচ এমন কম-জোরী হয়ে যায়—যাতে চর্কি সম্পূর্ণ পুড়তে পারে না—ফলে কতকগুলো আঁচ-পোড়া বিক্রী এবং বিবাক্ত জিনিষ তৈরী হয়ে পড়ে। এই বিবাক্ত জিনিষ রক্তে জমতে জমতে শেষে এত বেশী জমে উঠতে পারে যে, তার জন্ত প্রাণহানি ঘটাত আশ্চর্য নয়। এই বিবাক্ত জিনিষগুলিকে কিটোন বডি (ketone bodice) এবং তাদের বিধ-ক্রিয়াকে কিটোসিস (ketosis) বলা হয়। এই কিটোসিসই হচ্ছে ডায়াবিটিসের একটি ভয়াবহ উপসর্গের কারণ। সেই উপসর্গের নাম ডায়াবিটিক কোমা (diabetic coma) বা অচেতন অবস্থা।

### স্বাভাবিক প্রোটিন মেটাবলিজম্

প্রোটিন বলতে আমরা মাছ, মাংস বা ছানা-জাতীয় খাদ্য মনে করি। তবে প্রোটিন মিরামিষ খাদ্য থেকেও পাওয়া যায়, যেমন—ডাল।

কার্বো-হাইড্রেট খাওয়ার (ভাত, রুটি প্রভৃতি) পরিপাক-ফল যেমন গ্লুকোজ প্রোটিনের পরিপাকফল, তেমনি এ্যামাইনো-এ্যাসিডস্ (Amino-acids)। এই এ্যামাইনো-এ্যাসিডস্-এর প্রধান কাজ শরীরের ক্ষতি-পূরণ ও বর্ধন। প্রতিদিন আমাদের শরীরের প্রোটিন ক্ষয় হচ্ছে (tissue waste)। সেই ক্ষতি এই এ্যামাইনো-এ্যাসিডস্ পূরণ করে নতুন টিসু তৈরী করে। যখন 'বাড়ের' বয়স থাকে—তখন বেশী করে নতুন টিসু তৈরী করে শরীরকে বাড়ায় এই এ্যামাইনো-এ্যাসিডস্। শরীরের চালকশক্তি বা এনার্জি যোগান প্রোটিনের প্রধান কাজ নয়। সে কাজ প্রধানত কার্বো-হাইড্রেট ও ফ্যাটের।

কিন্তু যত এ্যামাইনো-এ্যাসিডস্ প্রোটিন থেকে আমরা পাই—বিশেষত বেশী প্রোটিন খাদ্য খেলে সবটাই তার এই ভাবে (ক্ষতিপূরণ ও বর্ধন) ব্যবহার হয় না—অনেকটা উচ্ছ্ব থেকে যায়। সেই উচ্ছ্ব এ্যামাইনো-এ্যাসিডস্ থেকে নাইট্রোজেন (nitrogen) অংশ ভেঙে নিয়ে লিভার ইউরিয়া (urea) তৈরী করে। নাইট্রোজেনহীন অংশ থেকে আণাআধি (৫০-৫০) গ্লুকোজ ও ফ্যাটি এ্যাসিড (fatty acid) তৈরী হয়। গ্লুকোজ থেকে গ্রাইকোজেন আর ফ্যাটি এ্যাসিডস্ থেকে ফ্যাট (fat) তৈরী হয়ে জমা থাকে। ইউরিয়া (urea) প্রস্রাব দিয়ে শরীর থেকে বেরিয়ে যায়।

সাধারণত ডায়াবিটিসে প্রোটিন মেটাবলিজমের ব্যাঘাত ঘটে না। তবে অত্যন্ত গুরুতর ডায়াবিটিসে শরীরের প্রোটিন অতিরিক্ত মাত্রায় ক্ষয় হয় এবং এই প্রোটিন থেকে গ্লুকোজ বেরিয়ে ব্লাড-সুগার (blood-sugar) অত্যন্ত বাড়ায়। এক্ষেত্রে শরীরের ক্ষতি ক্ষয় হয়ে থাকে।

### স্বাভাবিক ফ্যাট মেটাবলিজম্


ফ্যাট মেটাবলিজমের কথা কার্বো-হাইড্রেট মেটাবলিজমের সঙ্গেই কিছু বলেছি। এখানে এই সম্বন্ধে আর একটু বলবো। ফ্যাট (fat) দুটি জিনিষের সংযোগে তৈরী—একটি গ্লিসারিন (glycerine) আর একটি ফ্যাটি এ্যাসিড (fatty acid)। ফ্যাট (চর্কি-জাতীয় খাদ্য) খেলে—পরিপাকের সময় এই সংযোগ বিচ্ছিন্ন হয়ে গ্লিসারিন (glycerin) আর ফ্যাটি এ্যাসিড (fatty acid) আলাদা হয়ে যায়। এই বিচ্ছিন্ন অল্প সময়ের জন্তে, কারণ শোষিত (absorbed) হবার পর আবার তাদের মিলন ঘটে—আবার ফ্যাট তৈরী হয়। এই ফ্যাট শরীরের মধ্যে দানা স্থানে জমা থাকে ভবিষ্যতের প্রয়োজনের জন্তে। আমরা দেখতে পাচ্ছি যে ফ্যাটে গ্লিসারিন আছে। এই গ্লিসারিন থেকে গ্লুকোজ তৈরী হতে পারে। ফ্যাট থেকে ১০% গ্লুকোজ, আর ৯০% ফ্যাটি এ্যাসিড পাওয়া যায়।



গ্লুকোজের আঙুনে যখন ক্যাট সম্পূর্ণ পোড়ে—তার শেষ ফল কার্বন ডাই অক্সাইড (CO<sub>2</sub>) আর জল (H<sub>2</sub>O)—গ্লুকোজ দ্বাৰা শেব ফলও তাই। কিন্তু ক্যাট যদি আধ-পোড়া হয় তাহলে রক্তে কিটোন বডি স্ জমে ওঠে। কিটোন বডি স্-এর (ketone bodies) নাম অক্সি-বিউটাইরিক এ্যাসিড, ডাই-এসেটিক এ্যাসিড আর এ্যাসিটোন

(oxybutyric acid, di-acetic acid, Acetone) রক্তে জমে উঠলে প্রস্রাব দ্বি়ে কিটোন বডি স্ বেরতে থাকে।

নীচে কার্বো-হাইড্রেট, প্রোটিন ও ক্যাটর পরিপাক শোষণ ও মেটাবলিজ্ স্ এক সঙ্গে দেখান গেল। অভিন্ন লাইন স্বাভাবিক পরিণতি দেখাচ্ছে। ছিন্ন লাইন ডায়াবিটিসে কি পরিবর্তন হয় তাই বুঝিয়ে দিচ্ছে।



# চলতি ইতিহাস

## শ্রীতিনকড়ি চট্টোপাধ্যায়

### মধ্য প্রাচী

লিবিয়ার ইটালীর সর্বশেষ ঘাঁটি বেনঘাজির পতনের পর ইটালীর সোমালিল্যান্ডের রাজধানী মগাদিশু অধিকার বৃটিশবাহিনীর উল্লেখযোগ্য বিজয়। ইটালীয় বাহিনীর এই শোচনীয় পরাজয়-প্রসঙ্গে মুসোলিনি বলিরাছেন যে, যুদ্ধের সৈন্যদলে নূতন সৈন্য প্রেরণের অক্ষমতাই পরাজয়ের প্রধান কারণ। ভূমধ্যসাগরে বৃটিশ নৌশক্তির প্রভুত্ব যে দৃঢ়রূপে এখনও সুপ্রতিষ্ঠিত আছে, ইহাই তাহার প্রমাণ। ইটালীর সহিত আফ্রিকার জলপথের সংযোগ বিচ্ছিন্ন হওয়ার ফলেই নূতন ইটালীয় বাহিনী ও প্রয়োজনীয় সমরোপকরণ প্রেরণ করা সম্ভব হয় নাই।

এদিকে বেনঘাজির দক্ষিণে স্বাধীন ফরাসীবাহিনীর হস্তে ইটালীয় ঘাঁটি কুফ্রা আত্মসমর্পণ করিয়াছে। ইটালীয় সোমালিল্যান্ডের সন্নিকটস্থ কেরিয়ার বৃটিশসৈন্যের হস্তগত। কিসমাউ বন্দর অধিকারের সময় চারখানি ইটালীয় জাহাজ আত্মনিমজ্জন করিয়াছে। এতদ্ব্যতীত মোট ২৮,০০০ টনের ছয়খানি ইটালীয় জাহাজ বৃটিশের হস্তগত হইয়াছে। বৃটিশ সোমালিল্যান্ডের রাজধানী বারবেরা পুনরধিকার বৃটিশবাহিনীর পরবর্তী উল্লেখযোগ্য সাফল্য। ইটালীর এক ইস্তাহারে জানান হইয়াছে যে, শত্রুপক্ষের নৌবাহিনীর প্রবল গোলাবর্ষণের মুখে ইটালীয় সৈন্যগণ সহজেই অভিভূত হইয়া পড়িয়াছিল। কেরেনের জিজিগা বৃটিশের অধিকারে আসিয়াছে। আদিস আবাবা অভিমুখে একদল বৃটিশ সৈন্য সাফল্যের সহিত অগ্রসর হইতেছে। যুদ্ধ বর্তমানে কেরেনের চতুর্পার্শ্ব সীমাবদ্ধ।

গ্রীসের যুদ্ধেও ইটালীবাহিনী যথেষ্ট সাফল্য লাভ করিতে পারে নাই। নূতন ইটালীয় সৈন্যদলের আগমন বন্ধ করিবার উদ্দেশ্যে রাজকীয় বিমানবাহিনী ভেলোনা ও ডুরাজোর প্রবলভাবে বোমাবর্ষণ করিতেছে। সম্প্রতি তেপেলিনি গ্রীক সৈন্যদের হস্তগত হইয়াছে। কিন্তু তাহা হইলেও রণনীতির দিক হইতে গ্রীসের অবস্থা যে বর্তমানে বিশেষ আশঙ্কাজনক ইহা নিঃসন্দেহ। তুরস্ক ও বুলগেরিয়ার মধ্যে অনাক্রমণ চুক্তির কথা গত সংখ্যাতেই উল্লিখিত হইয়াছে। ইহার অব্যবহিত পরেই জার্মান সৈন্য বুলগেরিয়ার প্রবেশ করে। বুলগেরিয়া অধিকারের কারণ সম্বন্ধে জার্মানীর পক্ষ হইতে বলা হইয়াছে যে, দক্ষিণ-পূর্ব ইয়োরোপে বৃটিশ যে প্রভাব ও শক্তি বিস্তার করিতে অগ্রসর, তাহা হইতে মুক্ত রাখিবার জন্তই জার্মানী এই পন্থা অবলম্বন করিয়াছে।

কিন্তু বুলগেরিয়া অধিকারের প্রকৃত কারণ স্পষ্ট। গ্রীক-যুদ্ধের পরিসমাপ্তির জন্তই জার্মানবাহিনী বুলগেরিয়ার প্রবেশ করিয়াছে। গ্রীসের যুদ্ধের অবসান ঘটাইবার জন্তই জার্মানীর এই 'স্নায়ু-যুদ্ধের'

আয়োজন। তবে উহা কার্যকরী না হইলে সে অন্তর্ধারণে বাধ্য হইবে। এই 'স্নায়ু-যুদ্ধে' সাফল্য লাভের উদ্দেশ্যেই যুগোশ্লাভিয়াকেও জার্মানীর নিজ প্রভুত্বাধীনে আনা প্রয়োজন। জার্মানসৈন্যের বুলগেরিয়ার প্রবেশের পর সোভিয়েট সরকার বুলগেরিয়া সরকারের এই নীতির প্রতিবাদ করিয়া জানাইয়াছেন যে, বুলগেরিয়ার এই নীতি অবলম্বনের ফলে বালকান অঞ্চলে শান্তি প্রতিষ্ঠা দূরে থাকুক, রণ-ক্ষেত্র অধিক বিস্তৃত হইয়া পড়িবার আশঙ্কাই বৃদ্ধি পাইয়াছে। অনেকেই ইহাকে জার্মানীর সহিত রুশিয়ার বিশেষদের সহজপাত বলিয়া মনে করিতেছেন। কিন্তু জার্মানীর বিরুদ্ধে এই প্রতিবাদের গুরুত্ব কতখানি তাহা বিশেষভাবে বিবেচ্য। এই প্রতিবাদের কোন স্থানে সোভিয়েট সরকার জার্মানীর নামোল্লেখ পর্যন্ত করেন নাই, অথচ বালকান অঞ্চলের এই যুদ্ধবিস্তৃতিতে জার্মানীর দায়িত্ব যথেষ্ট। এতদ্ব্যতীত, সোভিয়েট সরকার প্রতিবাদ জানাইলেন তখনই, যখন জার্মানবাহিনী বুলগেরিয়ার নিশ্চিত পদক্ষেপে প্রবেশ লাভ করিয়াছে। বুলগেরিয়া অভিমুখে জার্মানবাহিনীর অভিযানের নিশ্চয়তার যে সংবাদ বিশ দিন পূর্বে বৃটেনে পৌঁছিয়াছে, যেরের পাশে সোভিয়েট সরকার যে সে সংবাদ বুলগেরিয়া অধিকারের পূর্বে পায় নাই, ইহা একরূপ অসম্ভব বলিয়াই বোধ হয়। অধিকন্তু সোভিয়েট সরকারকে বালকান অঞ্চলের কার্যপদ্ধতির বিন্দু বিসর্গ পর্যন্ত না জানাইয়া যে জার্মানী তথায় স্বীয় নীতি ও পরিকল্পনা প্রণয়ন ও কার্যকরী করিবে ইহাও বিশ্বাস করা কঠিন। যতদূর ধারণা করা যায়, বুলগেরিয়া সরকারের নীতির প্রতিবাদ করিয়া রুশিয়া নিজেকে দায়িত্ব-মুক্ত করিয়া রাখিল মাত্র।

তবে যুগোশ্লাভিয়া ও তুরস্ককে লইয়া বালকান অঞ্চলের জটিলতা বৃদ্ধি পাইয়াছে। লণ্ডনের কূটনৈতিক মহল বলেন যে, তুরস্কের উপর সরাসরি আক্রমণ চালাইয়া ইরাক ও ইরানের মধ্য দিয়া মোসুল তৈল খনির দিকে পথ করিয়া লওয়াই হিটলারের উদ্দেশ্য। কিন্তু বুলগেরিয়ার প্রবেশের পর হিটলার যে কূটনৈতিক আলাপ আলোচনা ব্যতীত আর কিছুই করিতেছেন না, ইহা জার্মান সৈন্যের নিশ্চেষ্টতা হইতে বেশ বুঝা যায়। বুলগেরিয়ার প্রবেশের পরই হিটলার স্বয়ং তুরস্কের রাষ্ট্রপতি ইনেউমুকে ব্যক্তিগত পত্র পাঠাইয়াছেন। সম্প্রতি এই পত্রের উত্তরও পাঠান হইয়াছে। কিন্তু কি উত্তর প্রদান করা হইয়াছে তাহা এখনও অজ্ঞাত। যুগোশ্লাভিয়ার সহিতও জার্মানীর কি আলোচনা চলিতেছে, কোন পক্ষের দাবী কিরূপ, এবং আপত্তির মূল কোথায় সে সব খবরও জানিবার উপায় নাই। বিভিন্ন আনুমানিক তথ্য হইতে এইটুকু বুঝা যাইতেছে যে, যুগোশ্লাভিয়া ত্রিশক্তি চুক্তিতে অসম্মত। আকারা রেডিও হইতে যুগোশ্লাভিয়াকে সতর্ক করিয়া দেওয়া হইয়াছে যে,

চক্রশক্তিতে যোগদানের অর্থ হইতেছে যুগোশ্লাভিয়ার রাজনৈতিক যুত্ব। দার্দানেলিস ও বস্কোরাস্ প্রণালীতে একটি সঙ্ঘীর্ণ খাল বাদ দিয়া তুরস্ক মাইন স্থাপন করিয়াছে। অন্তত ছয় ঘণ্টা পূর্বে না জানাইয়া এবং তুরস্কের অনুমতিব্যতিরেকে উক্ত প্রণালী দিয়া জাহাজের গমনাগমন নিবিদ্ধ বলিয়া ঘোষিত হইয়াছে। এদিকে যুগোশ্লাভিয়ার জার্মানীর বিরুদ্ধে দৃঢ় মনোভাব অবলম্বন করিয়া সশস্ত্র বাধাপ্রদান করিলে তুরস্ক যে যুগোশ্লাভিয়াকে সাহায্য করিবে এরূপ আশাও প্রদত্ত হইয়াছে। যুগোশ্লাভ নেতারা জার্মানীর দাবী সম্পর্কে নাকি 'হয় গ্রহণ অথবা পরিত্যাগ কর' এইরূপ নীতি অবলম্বন করিয়াছেন। ডেইলি টেলিগ্রাফের আঙ্কারাস্থিত সংবাদদাতা জানাইতেছেন যে, সোভিয়েট সরকারের নির্দেশেই যুগোশ্লাভিয়ার জার্মানীর সহিত চুক্তিবদ্ধ হইতে ইতস্তত করিতেছে। এ সংবাদের সত্যতা কতখানি সে সম্বন্ধে সঠিক নিশ্চয়তা না থাকিলেও জার্মানী যে বস্কানে যথেষ্ট বলপ্রয়োগে ইতস্তত করিতেছে ইহা অস্বীকার করা চলে না। যুগোশ্লাভিয়ার আক্রান্ত হইলে তুরস্ক হয়তো যুদ্ধে লিপ্ত হইতে পারে ; ফলে বস্কানে আবার এক নূতন রণক্ষেত্রের সৃষ্টি হইবে। কিন্তু হিটলার গত মহাযুদ্ধে কাইজারের স্মার ভুল করিতে প্রস্তুত নন। বৃটিশ শক্তির প্রাণকেন্দ্র বৃটেনে সমস্ত শক্তি প্রয়োগ না করিয়া আরও বিভিন্নস্থানে নূতন রণক্ষেত্রের সৃষ্টি করিতে তিনি একান্ত অনিচ্ছুক। এতদ্ব্যতীত বৃটেন যদি এই নবসৃষ্ট রণক্ষেত্রে সৈন্য প্রেরণ করে তাহা হইলে যুদ্ধের অবস্থা বিশেষ আশঙ্কাজনক হইয়া উঠিবে। তবে বৃটেন অস্থায়ী হইতে সৈন্য সরাইয়া আনিয়া এখানে ব্যাপৃত রাখিবে কি না সে বিষয়ে সন্দেহের অবকাশ আছে। কিন্তু বস্কানে ইহা অপেক্ষা অধিক বিচার্য বিষয় রুশিয়া ও তাহার স্বার্থ এবং মনোভাব। তুরস্কের যুদ্ধে লিপ্ত হওয়ার অর্থ বস্কানে রুশিয়ার স্বার্থ ক্ষুণ্ণ হওয়া। কাজেই তুরস্ক যুদ্ধে জড়াইয়া পড়িলে তাহাকে রক্ষার জন্য সোভিয়েটের আগ্রহ হওয়া যেমন স্বাভাবিক, জার্মানীর পক্ষেও দুশ্চিন্তাগ্রস্ত ও আশঙ্কিত হওয়া তেমনই সম্ভব। মার্কিন যুক্তরাষ্ট্র যেমন বৃটেনের প্রধান সহায়, রুশিয়াও সেইরূপ জার্মানীর ভরসা স্থল। সুতরাং তাহার স্বার্থ ক্ষুণ্ণ করিয়া সোভিয়েট সরকারের বিরাগভাজন হওয়া জার্মানীর আদৌ অভিপ্রেত নয়। যুগোশ্লাভ সরকার যদি স্বেচ্ছায় ত্রিশক্তি চুক্তিতে স্বাক্ষর করিয়া জার্মানবাহিনীকে ভার্দার উপত্যকাপথে গ্রীস অভিমুখে অগ্রসর হইতে বাধা প্রদান না করেন, তাহা হইলেই সকল দিক রক্ষা করিয়া জার্মানীর উদ্দেশ্য সিদ্ধ হয়। সেইজন্যই গ্রীস আক্রমণ আসন্ন হইলেও জার্মানী কূটনৈতিক চাল এখনও বন্ধ করে নাই এবং সফলকাম হইলে জার্মানী লাঠি না ভাঙ্গিয়া সাপ মারিতে সক্ষম হইবে। তবে তুরস্ক সম্বন্ধে জার্মানী বিশেষ অবহিত হইলেও যুগোশ্লাভিয়ার সম্বন্ধে হিটলার ততটা গ্রাহ করেন না। কূটনৈতিক চাল ব্যর্থ হইলে যুগোশ্লাভিয়ার উপর শক্তিপ্রয়োগ অসম্ভব নাও হইতে পারে, এবং যুগোশ্লাভিয়ার স্মার ক্ষুদ্র রাষ্ট্রের অনমনীয় দৃঢ়তা ও বাধা প্রদানের অভিলাষের মূল্য কতটুকু, গত এক বৎসরের ইতিহাসে তাহার যথেষ্ট প্রমাণ পাওয়া গিয়াছে।

জার্মানীর সামুদ্রিক তৎপরতা ও বৃটেনের উপর বিমান আক্রমণ বিশেষ বৃদ্ধি পাইয়াছে। হিটলারের সহকারী রডলফ্ হেস্ ফেব্রুয়ারী মাসের দ্বিতীয় সপ্তাহে বস্কো-প্রসঙ্গে বলিয়াছিলেন যে, সাবমেরিন যুদ্ধ বলিতে যাহা বোঝায় তাহা বস্কো কালেই আরম্ভ হইবে। এ কথা 'ভারতবর্ষ-এর' গত সংখ্যাতেই উল্লিখিত হইয়াছে। কর্নেল নক্স ও মিঃ উইলকির কথাও সেইসঙ্গে গত সংখ্যায় বিবৃত হইয়াছে বলিয়া বাহুল্যবোধে এখানে পুনরুল্লেখ করা হইল না। গত ২৫এ ফেব্রুয়ারী মিউনিকে হিটলার এক বস্কোয় বলিয়াছেন, মার্চ ও এপ্রিলে আমরা ইউ-বোট লইয়া এরূপ সামুদ্রিক যুদ্ধ আরম্ভ করিব, যাহা আমাদের শত্রুর কল্পনাভীত। বস্কো মার্চের প্রথমেই এই কথা সত্যতা প্রমাণিত হইয়াছে। ২রা মার্চ যে সপ্তাহ শেষ হইয়াছে, সেই সপ্তাহে শত্রুর আক্রমণে জাহাজ ডুবির পরিমাণ অপ্রত্যাশিতভাবে বৃদ্ধি পাইয়াছে। উক্ত সপ্তাহে মোট ১ লক্ষ ৪৮ হাজার ৬৮ টনের ২৯ খানি জাহাজ সলিল সমাধি লাভ করিয়াছে। ইহার মধ্যে ২০খানি বৃটিশ জাহাজ, ৮খানি মিত্রপক্ষের ও একখানি নিরপেক্ষ রাষ্ট্রের। যুদ্ধ আরম্ভ হওয়ার পর হইতে এই তৃতীয়বার এত অধিক জাহাজ ডুবি হইল। ইহার পরবর্তী সপ্তাহে মোট ২৮ হাজার ৮ শত ৩২ টনের ২৫খানি জাহাজ জলমগ্ন হইয়াছে। ইহার মধ্যে ২০খানি জাহাজ বৃটিশের, অপর ৫ খানি মিত্রশক্তির। গত ১৮ই মার্চ ইঙ্গ-মার্কিন সম্প্রীতি-মূলক এক ভোজসভায় মিঃ চার্চিল বস্কো-প্রসঙ্গে এই অত্যধিক পরিমাণে জাহাজ ডুবি ও বৃটিশ জাহাজের অরক্ষিত অবস্থার উল্লেখ করিয়াছেন।

বৃটেনের সহিত অপর সকল দেশের সামুদ্রিক সংযোগ বিচ্ছিন্ন করিবার জন্য জার্মানীর এই বিরাট আয়োজন ও উদ্ভমকে প্রবল ভাবে বাধা দেওয়া বৃটেনের পক্ষে আশু প্রয়োজন। মার্কিন যুক্তরাষ্ট্র ও অন্যান্য বৃটিশ উপনিবেশ হইতে যে সকল সমরোপকরণ ও বিবিধ প্রয়োজনীয় মাল সকল জাহাজে প্রেরিত হইতেছে, সেই সকল জাহাজের নিরাপদে বৃটেনে পৌঁছানর উপর বৃটেনের জয়লাভ একরূপ নির্ভর করিতেছে বলিলেই চলে। আমরা গত দুইমাস হইতেই জার্মানীর এই অভিপ্রায়ের কথা বলিয়া আসিতেছি। শুধু সমরোপকরণ নহে, বৃটেনের প্রতি প্রযুক্ত জার্মানীর এই অর্থনৈতিক অবরোধ সফল হইলে বৃটেনে খাদ্য সমস্যাও জটিল হইয়া দেখা দিবে। কিছুদিন পূর্বে কৃষি মন্ত্রী মিঃ হাড্‌সন্ এক বস্কোয় খাদ্য-সমস্যার কথা উল্লেখ করিয়া যথাশক্তি পরিশ্রমের প্রয়োজনীয়তা জানাইয়াছেন।

বৃটেনের উপর বিমান আক্রমণের তীব্রতাও বিশেষ বৃদ্ধি পাইয়াছে। ক্লাইডস্, পোর্টস্মাউথ্, প্রভৃতি অঞ্চলে অগ্নিপ্রকালক বোমায় মলোটভ ব্রেড্ বাস্কেট প্রভৃতি প্রচণ্ডভাবে বর্ষিত হইতেছে। হতাহতের সংখ্যাও যথেষ্ট বাড়িয়া গিয়াছে। রাজকীয় বিমান বাহিনীর তৎপরতা ও কার্য-দক্ষতা যথেষ্ট বৃদ্ধি পাইয়াছে। গেন্সেনকির্চেন ও ডসেল ডফের শিল্প-প্রধান এলাকা ও সামরিক লক্ষ্যস্থলের উপর এবং পশ্চিম জার্মানীর শিল্প-প্রধান অঞ্চলে বৃটিশ বোমাবর্ষী বিমানসমূহ আক্রমণ চালাইয়া উক্ত অঞ্চল-সমূহের যথেষ্ট ক্ষতি করিয়াছে। উপকূলরক্ষী বিমানসমূহ নরওয়ে হইতে ব্রেট পর্যন্ত শত্রু আবিষ্কৃত উপকূল এলাকার বোমা বর্ষণ করার বিভিন্ন স্থানের বিমান ঘাঁটি, ডক ও শত্রু জাহাজসমূহ ক্ষতিগ্রস্ত।

এতদ্ব্যতীত কয়েকখানা ইটালীয় ও জার্মান জাহাজ আক্রমণের ফলে ডুবিয়েছে। ৫১,০০০ টনের জার্মান জাহাজ 'ত্রিমেন' অগ্নিগন্ধ। ভারত মহাসাগরেও একখানি সশস্ত্র ইটালীয় জাহাজকে ডুবাইয়া দেওয়া হইয়াছে। অপরপক্ষে বৃটেনের যুদ্ধ জাহাজের সংখ্যাও দ্রুতগতিতে বাড়িয়া চলিয়াছে।

আরও সন্দেহে গত সংখ্যার আমরা যে আশঙ্কা প্রকাশ করিয়াছিলাম বর্তমানে তাহার সত্যতা প্রমাণিত হইয়াছে। সম্প্রতি মিঃ ডি, ভ্যালেরা এক বক্তৃতায় বলিয়াছেন যে, বর্তমান যুদ্ধে তাঁহার নিরপেক্ষ থাকিলেও রণনীতির দিক হইতে আরও বিশেষ গুরুত্বপূর্ণ, তজ্জন্ত সর্বদা প্রস্তুত থাকা প্রয়োজন।

বৃটেনকে অস্ত্রশস্ত্র ইজারা দেওয়া বা ধার দেওয়া "সংক্রান্ত বিলটি যে প্রতিনিধি পরিষদে গৃহীত হইয়া সেনেটে উপস্থাপিত হইয়াছিল, তাহা গত সংখ্যাতেই উল্লিখিত হইয়াছে। কয়েকটি সংশোধন প্রস্তাব সহ তাহা সেনেটে ৬০-৩১ ভোটে গৃহীত হইয়াছে। সামান্য সংশোধন থাকায় বিলটি পুনরায় প্রতিনিধি পরিষদে প্রেরিত হয়। ৩১-৭১ ভোটে বিলটি পাশ হইলে প্রেসিডেন্ট রুজভেল্টের স্বাক্ষরিত হইয়া উহা আইনে পরিণত হইয়াছে। উক্ত বিলে যুক্তরাষ্ট্রের প্রেসিডেন্টকে এক্সপ ক্ষমতা প্রদান করা হইয়াছে যে, যুক্তরাষ্ট্রের কল্যাণার্থে তিনি যে-কোন রাষ্ট্রকে সমরোপকরণ বিক্রয়, হস্তান্তর, ঋণ অথবা ইজারা প্রদান করিতে পারিবেন। এই ক্ষমতা প্রয়োগের কাল ১৯৪৩ খৃষ্টাব্দের জুলাই মাস পর্যন্ত নির্ধারিত হইয়াছে। সেনেটে উহা এই মর্মে সংশোধিত হইয়াছে যে, বর্তমানে মার্কিন যুক্তরাষ্ট্রের যে সমরোপকরণ আছে, উহা হইতে ২২ কোটি ৫১ লক্ষ পাউণ্ডের অধিক মূল্যের উপকরণ হস্তান্তর করা চলিবে না। এই বিলের বিধান কার্যকরী হইলে মাত্র সামরিক দিক হইতে নহে, কূটনীতির ক্ষেত্রেও বৃটেন যে কতদূর লাভবান হইবে সে বিষয়ে গত কালের 'ভারতবর্ষ-এ' বিস্তারিত আলোচনা হইয়াছে।


বিলটি স্বাক্ষরিত হইবার অব্যবহিত পরেই প্রেসিডেন্ট রুজভেল্ট বৃটেন ও গ্রীসে রণসত্তারের প্রথম কিস্তি প্রেরণ অনুমোদন করিয়াছেন। রুজভেল্টের অনুরোধে প্রতিনিধি পরিষদের সাব কমিটিতে বৃটেনের জন্ত সাত শত কোটি ডলার মঞ্জুর হইয়াছে। চীনকেও সাহায্য প্রেরণ করা হইয়াছে। ৪০খানি বিমানপোত চীনে পৌঁছিয়াছে। গত ১৫ই মার্চ প্রেসিডেন্ট রুজভেল্ট তাঁহার বক্তৃতায় বলিয়াছেন যে, বৃটেন, গ্রীস, চীন আমেরিকা হইতে জাহাজ, খাদ্য, সমরোপকরণ প্রভৃতি প্রয়োজনমত চাহিবা-মাত্রই পাইবে। প্রেসিডেন্ট স্পষ্টই বলিয়াছেন : আমাদের দেশ গণতন্ত্রের আশ্রয়। বর্তমানে মার্কিন যুক্তরাষ্ট্রকে আর 'নিরপেক্ষ দেশ' বলা চলে না। বস্তুত, মার্কিন যুক্তরাষ্ট্রের বর্তমান নীতি ও ন্যাৎসী ফ্যাসিস্ট শক্তির বিরুদ্ধে যুদ্ধ ঘোষণায় পার্থক্য খুব সামান্যই। এরূপ অবস্থায় যে-কোন সময়ে যে-কোন অস্থির যুদ্ধে নামিয়া পড়া আমেরিকার পক্ষে আদৌ বিচিত্র নহে।

গত এক মাসে হুদূর-প্রাচীর ঘটনাবলীরও যথেষ্ট পরিবর্তন হইয়াছে। জাপানের মধ্যস্থতার খাইল্যাণ্ড ও ইন্দোচীনের মধ্যে শান্তি স্থাপিত হইয়াছে। খাইল্যাণ্ড এই সর্বের ফলে যে ভূভাগ লাভ করিয়াছে, তথাকার সৈন্যদল ভাঙ্গিয়া দেওয়া হইয়াছে এবং সেখানকার অধিবাসীরা খাইবাসীদের জ্ঞান ব্যবহার ও খাইবাসীদের প্রাপ্য সকল অধিকার পাইবে বলিয়া স্থির হইয়াছে। এই মিটমাটের ফলে বৃহত্তর এশিয়ার যে শান্তি স্থাপিত হইবে এবং জাপান ও খাইল্যাণ্ড এবং জাপান ও ইন্দোচীনের সম্পর্ক যে ঘনিষ্ঠতর ও অধিকতর উন্নত হইবে এ বিষয়ে তিনটি দেশই নাকি একমত।

চীন-জাপান যুদ্ধের গতিও উল্লেখযোগ্য। জাপানে সরকারীভাবে স্বীকৃত হইয়াছে যে, জাপানি কৌশলী প্রদেশের অগ্রবর্তী ঘাঁটিসমূহ হইতে সরিয়া আসিয়াছে। ইচাংএর পশ্চিমাঞ্চলে ইয়াংসী নদীর দক্ষিণ উপকূল-পথে সেচুয়েনের দিকে অগ্রগামী বিশ হাজার জাপানি চীনা বাহিনীর প্রবল আক্রমণে পঞ্চাদশসরগ করিতে বাধ্য হইয়াছে। কোয়াংচুর অন্তর্গত কোয়াংহাই শহর তাহাদের হস্তগত। আমেরিকাও বিমান পাঠাইয়া চীনকে সাহায্য করিতেছে এবং ভবিষ্যতেও সাহায্য করা হইবে বলিয়া রুজভেল্ট বক্তৃতায় উল্লেখ করিয়াছেন। এদিকে স্ত্রাননা পিপল্‌স্ কাউন্সিলে মার্শাল চিয়াং-কাই-শেক চীনা কমিউনিস্টদের বিরুদ্ধে গুরু অভিযোগ আনয়ন করিয়াছেন। এতদ্ব্যতীত মধ্য কোং থাকা কি অসম্ভব? গণতন্ত্রের জন্ত ঐক্যবদ্ধ শ্রেণীভেদে যদি উপ-কি করিয়াছেন যে, জাপানকে হুদূর প্রাচ্যে ব্যাপ্ত রাখিতে হইলে চীনের শক্তিবৃদ্ধির প্রয়োজন সেইদিন হইতেই জাপানের সর্বগ্রামী ক্ষুধা হইতে চীনকে রক্ষা করিবার জন্ত সাহায্য আসিতে আরম্ভ হইয়াছে। শ্রেণী গণতন্ত্রের সুবিধার জন্ত চীনকে যেমন জাপানের কক্ষীগত হইতে না দেওয়া প্রয়োজন, তেমনি চীনে রুশিয়ার প্রভাব ও প্রতিপত্তি সুপ্রতিষ্ঠিত হউক, ইহাও অনতিশ্রুত। কাজেই চিয়াং-কাই-শেকের পুনরায় এই কমিউনিস্ট-বিরাগের মূলে যে সংশ্লিষ্ট জাতির কোন প্রভাব কার্য করিতেছে না, এ কথা নিঃসন্দেহে বলা চলে কি?

এদিকে রাইখ গভর্নমেন্টের আমন্ত্রণে জাপানের পররাষ্ট্রসচিব মিঃ মাৎসুকা খাই-ইন্দোচীন বিরোধ অবসানের পরেই মন্ডো, বালিন ও রোমে ভ্রমণোদ্দেশ্যে যাত্রা করিয়াছেন। মাৎসুকা সীমান্ত ও রেলপথ এবং সাধারণ অঞ্চলে মৎস্যসংগ্রহ লইয়া জাপ-সোভিয়েট বিরোধের অবসান হওয়ার জাপান ও সোভিয়েটের মধ্যে অনাক্রমণ চুক্তি হওয়া অসম্ভব নয়। চীনের যুদ্ধ হইতে জাপান যদি সরিয়া আসিতে না পারে, তাহা হইলেও উক্ত অনাক্রমণ চুক্তি সম্পাদিত হইলে জাপান প্রশান্ত মহাসাগরে মনোনিবেশ করিতে পারে। হাইনান্, ক্যান্টন, ফরাসী-ইন্দোচীন প্রভৃতি স্থানে জাপান সৈন্য সমাবেশ করিয়াছে। এতদ্ব্যতীত প্রভাব বিস্তার করিতে হইলে সিঙ্গাপুরে যে আঘাত করা প্রয়োজন একথা জাপান জানে। খাইল্যাণ্ডের ভূ-পূর্ব রাজ্য প্রজাধিপক এক বিবৃতিতে বলিয়াছেন যে, জাপানীরা স্থলপথে সিঙ্গাপুরের দিকে অগ্রসর হইতে চাহিলে ইন্দোচীন এবং খাইল্যাণ্ড তাহাদের দখল করা প্রয়োজন। খাইল্যাণ্ড জাপানের প্রভাবাধীন অঞ্চল। সামরিক দিক হইতে ইন্দোচীনেরও বিশেষ গুরুত্ব আছে। ব্রহ্মদেশের লোভনীয় চাউল এবং তৈল অধিকার করিতে হইলে ইন্দোচীনের মধ্য দিয়া স্থলপথে ব্রহ্মদেশে পৌঁছান যাইতে পারে। চুংকিং সরকার সমরোপকরণ নির্মাণের কারখানা নাকি ব্রহ্মদেশে স্থানান্তরিত করিয়াছেন বলিয়া জাপান অভিযোগ করিয়াছে। চুংকিং সরকার অবশু ইহার প্রতিবাদ করিয়াছেন। কিন্তু ইহার মূলে জাপানের কোন দুর্বৃত্তিসম্বন্ধি কাজ করিতেছে কি না বলা দুঃস্বপ্ন। তবে ইয়োয়োপের যুদ্ধ যে জাপানের স্বার্থসিদ্ধির পক্ষে "স্বর্ণ সুযোগ" এ কথা জাপান গোপন রাখে নাই। জাপান যদি এই "স্বর্ণ সুযোগে" কিছু করিয়া লইতে চায় তাহা হইলে তাহার সামুদ্রিক তৎপরতা বৃদ্ধি পাওয়া এবং সিঙ্গাপুরের বিরুদ্ধে অভিযান বিশেষ বিপন্নকর হইবে না। কারণ সিঙ্গাপুরের এই বৃটিশ ঘাঁটিকে অক্ষত রাখিয়া উক্ত অঞ্চলে জাপানের পক্ষে অধিকার ও প্রভাব বিস্তার অসম্ভব। সুতরাং হিটলারকে সাহায্য করিবার ইচ্ছা অথবা স্বীকৃত ক্ষমতা বৃদ্ধির অভিলাষ যাহাই থাকুক না কেন, সেই উদ্দেশ্যে সকল করিতে হইলে জাপানের পক্ষে সর্ব্ব্ব এড়াইয়া চলা আদৌ ফলপ্রসূ হইবে না।





## বঙ্গভাষা প্রচারের অভিযান—

দুই বৎসর পূর্বে বিভিন্ন প্রদেশবাসী বাঙ্গালী সমাজে বাঙ্গালা ভাষার প্রতি অমুরাগ বৃদ্ধি এবং ভারতের অন্যান্য প্রদেশে জনসাধারণকে বাঙ্গালা ভাষার ঐশ্বর্যের প্রতি আকৃষ্ট করার উদ্দেশ্যে বঙ্গভাষা প্রচার সমিতির প্রতিষ্ঠা হইয়াছিল। সম্প্রতি এই সমিতির বার্ষিক উৎসব শ্রীযুক্ত হীরেন্দ্রনাথ দত্ত মহাশয়ের সভাপতিত্বে অনুষ্ঠিত হইয়াছে। এই উদ্দেশ্য কার্যকরী করিতে হইলে প্রত্যেক বাঙ্গালীর সর্বপ্রকারের সহযোগিতা করা উচিত। এই কার্যের জ্ঞান যেমন প্রচুর অর্থ আবশ্যিক, সেই সঙ্গে প্রচুর নিষ্ঠাবান কর্মীরও প্রয়োজন। আমাদের বিশ্বাস, বর্তমান পরিচালক সমিতি আন্তরিকতার সহিত কার্য করিলে সমিতির উদ্দেশ্য সফল হওয়ার পক্ষে কোন অন্তরায়ই থাকিবে না। এই সভা যে দুইটি প্রস্তাব গ্রহণ করিয়াছেন তাহা হইতেই এই সমিতির উপযোগিতা কত বেশী তাহা উপলব্ধি করা সম্ভব হইবে—

(ক) বঙ্গের বাহিরে বেতার কেন্দ্রসমূহের অনুষ্ঠান লিপিতে বঙ্গভাষায়ও অনুষ্ঠান তালিকা প্রবর্তনের জ্ঞান ভারত সরকারের বেতার বিভাগের কার্যাবলীকে এই সমিতি অনুরোধ করিতেছে।

(খ) ভারত সরকারের সেন্ট্রাল বোর্ড অফ এডুকেশনের পরামর্শ কমিটি কর্তৃক নিযুক্ত বৈজ্ঞানিক পরিভাষা কমিটির প্রতি নিখিল ভারত বঙ্গভাষা ও সাহিত্য প্রচার সমিতির দৃষ্টি আকৃষ্ট হইয়াছে। কিন্তু এই কমিটিতে কোন বাঙ্গালী সদস্যের স্থান না দেওয়ার এই সমিতি ক্ষোভ প্রকাশ করিতেছে। বৈজ্ঞানিক পরিভাষা সম্বলনে বহু পূর্ক হইতেই বাঙ্গালী সুধীগণ কার্য করিতেছেন। বঙ্গীয় সাহিত্য পরিষৎ ও কলিকাতা বিশ্ববিদ্যালয় এই কার্যে যথেষ্ট অগ্রসরও হইয়াছেন। সেই নিমিত্ত এই সমিতি ভারত সরকারের নিকট উপরোক্ত বোর্ডে বাঙ্গালী সদস্য গ্রহণের দাবী করিতেছেন।

## শ্রী সেকেন্দরের ঘোষণা—

পাঞ্জাবে সাম্প্রদায়িক ঐক্য প্রতিষ্ঠায় সরকার অসমর্থ হওয়ার সরকারের নিন্দা করিয়া উত্থাপিত একটি ছাঁটাই

প্রস্তাব সম্পর্কে বিতর্কের উত্তরদান প্রসঙ্গে সম্প্রতি পাঞ্জাব ব্যবস্থা পরিষদে প্রধানমন্ত্রী শ্রী সেকেন্দর হায়াৎ খান ভারতের ভবিষ্যৎ শাসনতন্ত্র সম্বন্ধে তাঁহার পরিকল্পনা ব্যক্ত করেন। এই প্রসঙ্গে তিনি একটি খাঁটি কথা উচ্চারণ করিয়াছেন; কথাটি খাঁটি হইলেও তাঁহার স্বধর্মাবলম্বীরা তাহা মানিয়া চলিবেন কি না জানি না। না মানিলেও কথাটা সত্য এবং ভারতের মুক্তির পক্ষে, শান্তির পক্ষে, অগ্রগতির পক্ষে তাহা অপরিহার্য। তিনি বলেন,

“পাঞ্জাবে পরিপূর্ণ মুসলিম-রাজ প্রতিষ্ঠাই যদি পাকিস্থানের অর্থ হয় তাহা হইলে ঐরূপ পাকিস্থানের সহিত তাঁহার কোন সম্পর্ক নাই। তিনি স্বাধীন পাঞ্জাবের আদর্শ হৃদয়ে পোষণ করেন, যেখানে সমস্ত সম্প্রদায়গুলি স্বায়ত্তশাসন অধিকার ভোগ করিবে। প্রধানমন্ত্রী ঘোষণা করেন যে পাঞ্জাব মন্ত্রিসভা লীগপন্থী মন্ত্রিসভা নহে, ইহা সম্পূর্ণভাবে পাঞ্জাবীদের মন্ত্রিসভা।”

ইহার উত্তরে বাঙ্গালার প্রধান মন্ত্রী কি বলেন তাহা জানিবার কৌতূহল আমাদের পক্ষে অস্বাভাবিক নহে।

## বাঙ্গালার মন্ত্রীদেবের খেয়াল—

বাঙ্গালার মন্ত্রীদেব ভ্রমণব্যয় যে দিনদিনই বাড়িয়া চলিয়াছে সম্প্রতি বঙ্গীয় ব্যবস্থা পরিষদে মন্ত্রীদেব ভ্রমণব্যয় ও বারবরদারী মঞ্জুরীর সময় মৌলবী জালালুদ্দীন হাসেমী এক ছাঁটাই প্রস্তাব পেশ করিয়া তাহা দেশবাসীর দৃষ্টি-গোচর করিয়া ধন্ববাদাই হইয়াছেন। তাহাতে অনেক রহস্যই ফাঁস হইয়া গিয়াছে। হাসেমী সাহেব অভিযোগ করিয়াছেন—

(ক) জনৈক মন্ত্রী তাঁহার ব্যক্তিগত ধর্মসংক্রান্ত ব্যাপারে আজমীর শরীফ গিয়া থাকিলেও সরকারী তহবিল হইতে তাহার টাকা আদায় করা হইয়াছে; (খ) মুসলিম লীগের অধিবেশনে যোগদান করিতে যখন কোন মন্ত্রী বাঙ্গালার বাহিরে বোম্বাই, দিল্লী, মাদ্রাজ প্রভৃতি স্থানে গিয়াছেন তখনও তাহার ব্যয় সরকারী তহবিল হইতেই দেওয়া হইয়াছে; (গ) মন্ত্রীরা যখন নিজ নিজ বাড়ীতে গিয়াছেন তখনও ভ্রমণ-ব্যয় এবং নির্দিষ্ট দৈনিক ভাতা আদায় করিয়াছেন, (ঘ) দলের উদ্দেশ্য

সাধনের জন্য তাঁহারা যখন কোন উপনির্বাচনে নিজ দলের প্রার্থীকে সমর্থন করিতে কোথাও গিয়াছেন, তখনও তাঁহার আবশ্যকীয় ব্যয় সরকারী রাজস্ব হইতেই গৃহীত হইয়াছে; (৬) বাঙ্গালা সরকারের সেরেস্তা যখন দার্জিলিং-এ তখনও মন্ত্রীরা হামেশা নিজের প্রয়োজনে কলিকাতা বা অন্তর গমনাগমন করিয়াছেন এবং দৈনিক ভাতা আদায় করিয়াছেন।

হাসেমী সাহেবের অভিযোগ যে সত্য নহে অর্থসচিব মিঃ সুরাবর্দী তাহা অস্বীকার করেন নাই; পরন্তু দলের কাজও যে সরকারী কাজ তাহাই স্পষ্টাক্ষরে জানাইয়া দিয়াছেন। সুতরাং ক্রমতার এইরূপ ব্যবহার তাঁহারা স্বজ্ঞানে করেন যতদিন তাঁহাদের হাতে ক্রমতা থাকিবে ততদিন তাঁহারা তাহার সুযোগ অবশ্যই গ্রহণ করিবেন—তাঁহাতে দেশের নিরন্ন জনসাধারণ না খাইয়াই মরুক, আর খাইতে না পাইয়া আত্মহত্যা করুক, তাঁহাতে তাঁহাদের কিছু যায় আসে না।

### শ্রী সি-ভি-রামনের নুতন সম্মান—

আমেরিকার যুক্তরাষ্ট্রের ফিলাডেল্ফিয়ার ক্র্যাঙ্কলিন ইনস্টিটিউট প্রসিদ্ধ বৈজ্ঞানিক শ্রী চন্দ্রশেখর বেকট রামন মহাশয়কে ক্র্যাঙ্কলিন পদক দিয়া সম্মানিত করিবেন স্থির করিয়াছেন। ইতিপূর্বে এই পদক অধ্যাপক আইনস্টাইন, ডঃ মিলিকান, ডঃ কম্পটন প্রমুখ বৈজ্ঞানিকগণ লাভ করিয়াছেন। শ্রী চন্দ্রশেখর বেকট রামনের এই সম্মানে উক্ত প্রতিষ্ঠানও যেমন যোগ্যতার সমাদর করিয়া ধন্য হইলেন, আমরাও তেমনই তাঁহার সম্মানে গৌরববোধ করিতেছি।

### বিশ্ববিদ্যালয়ের সমাবর্তন উৎসব—

কলিকাতা বিশ্ববিদ্যালয়ের এই বৎসরের সমাবর্তন উৎসব সম্প্রতি সারকুলার রোডস্থ বিজ্ঞান কলেজের প্রাঙ্গণে অনুষ্ঠিত হইয়াছে। বিশ্ববিদ্যালয়ের চান্সেলর বাঙ্গালার লাট শ্রী জন্ হার্বার্ট অনুষ্ঠানে সভাপতিত্ব করেন। প্রসিদ্ধ ব্যবহারাজীব শ্রী তেজবাহাদুর সাপ্র সমাবর্তন-বক্তৃতা দিবার জন্য আহূত হইয়াছিলেন। তাঁহার বক্তৃতায় একটি বিষয়ে আমরা—আজিকার বাঙ্গালীরা অত্যন্ত খুশী হইয়াছি। আজিকার দিনে প্রাদেশিকতা একশ্রেণীর শিক্ষিত, অর্ধ-শিক্ষিত বাঙ্গালীকে এত মোহগ্রস্ত করিয়া তুলিয়াছে যে তাঁহারা মনে করে ভারতের অন্যান্য প্রদেশবাসীরা বাঙ্গালাকে অবজ্ঞা করে। এই প্রকার একটা ক্ষোভ একটা

জাতিকে নিয়ত পীড়া দিলে কিংবা হতাশা জাতির মনপ্রাণকে আচ্ছন্ন করিয়া ফেলিলে সেই জাতির জয়-যাত্রা ব্যাহত হয়। এই অবহেলার জন্য বাঙ্গালী জাতির যে মর্শ্বপীড়া তাহা যে বাস্তব সত্যের উপর প্রতিষ্ঠিত নয়, তাহা বহু মণীষীই আমাদের কাছে শুনাইয়াছেন। শ্রী তেজবাহাদুরও তাহাই বলিয়াছেন এবং তাঁহার উক্তি আতিথেয়তার প্রতিদানে শুধু স্তোকবাক্য বলিয়া মনে করিলে তাঁহার প্রতি অবিচার করা হইবে। প্রথম যৌবনে অর্থাৎ পঞ্চাশ বৎসর আগে তাঁহার ছাত্র জীবনে বাঙ্গালা হইতে সামাজিক ও রাষ্ট্রনৈতিক আন্দোলনের তরঙ্গ গিয়া তাঁহাদের তরুণ মনকে আচ্ছন্ন করিয়া দিত। সামাজিক জীবনে রামমোহন ও কেশবচন্দ্রের বাণী, রাষ্ট্রীয় জীবনে সুরেন্দ্রনাথ, লালমোহন, আনন্দমোহন ও কালীচরণের উদাত্ত আহ্বান তাঁহাদের চিত্ত আকুল করিয়া তুলিত। যুক্তপ্রদেশের মানসিক চিন্তার ধারা যে শুধু বাঙ্গালার দ্বারাই গড়িয়া উঠিতেছিল তাহাই নহে, উহা সম্পূর্ণভাবে বাঙ্গালার দ্বারাই আচ্ছন্ন হইয়াছিল। আজও বিশ্ববিদ্যালয়ে স্কুলে বহু বাঙ্গালী শিক্ষাদানে ব্যাপৃত আছেন। শ্রী তেজবাহাদুর মনে করেন যে, নানা জাতি ও নানা ভাষার বিচিত্র লীলা-নিকেতন এই ভারতে মহামানবের এক নবমিলন-মন্দির গড়িয়া উঠিতেছে, সকল সংঘাতের অন্তরালেই এক অখণ্ড ভারত গড়িয়া উঠিতেছে। সকলের অলক্ষ্যে যে অখণ্ড ভারত ধীরে ধীরে গড়িয়া উঠিতেছে, তাহাকেই মূর্ত্ত করিয়া তোলা, প্রস্ফুটিত করিয়া তোলাই বিশ্ববিদ্যালয়ের কাজ। শ্রী তেজবাহাদুর সকল বৈষম্যের মধ্যে যে সাম্যকে দেখিয়াছেন, সকল হৃদ্যাতীত যে অখণ্ড ভারতকে দেখিয়াছেন, সাম্প্রদায়িক ভেদবুদ্ধিকে বিনাশ করিয়া সেই ভারত দেখা দিবে কবে?

### বাল্যবিবাহ ও হায়দ্রাবাদ—

আধুনিক সভ্য সমাজ হইতে বাল্যবিবাহ তুলিয়া দেওয়ার একটা চেষ্টা চলিয়া আসিয়াছে এবং কোন দেশে সজে সজেই চেষ্টা সাফল্য অর্জন করিয়াছে; কোন কোন দেশের নরনারী চিরাগত সংস্কারকে কোন মতেই অস্বীকার করিতে পারিতেছে না। হায়দ্রাবাদ পরিষদে নিজাম সরকারের রাজ্যে বাল্যবিবাহ বন্ধ করিবার জন্য যে আইনের প্রস্তাব করা হইয়াছিল তাহা অগ্রাহ হইয়াছে। নিজাম



লাহোরে হিন্দু সম্মেলন—সভাপতিপদে ডক্টর শ্যামাশ্রসাদ মুখোপাধ্যায়—সঙ্গে ভাই পরমানন্দ, রাজা নরেন্দ্রনাথ প্রভৃতি



ভারতীয় বণিকসমিতি সঙ্ঘের বার্ষিক সভা—সভাপতি অমৃতলাল ওঝা, সঙ্গে ঘনশ্যামদাস বিরলা, সার লালা শ্রীরাম প্রভৃতি



দ্বিতীয় কলিকাতা বয়স্কাউট সমিতি—সভাপতি জে-পি-আগারওয়াল—সঙ্গে বিচারপতি বিজনকুমার মুখোপাধ্যায়



খিদিরপুরে বঙ্গীয় গোরক্ষা সমিতির সভা—প্রধান অতিথি ভাওয়ালের কুমার রমেন্দ্রনারায়ণ রায়



তিস্তা নদীর উপর নিশ্চিত নতুন পুল—ইহা দাঙ্গলিঃ জেলার সহিত ডুয়াসের সংযোগ করিয়াছে



চগলী শ্রীরামপুরে শিবশঙ্কর জিউ প্রদর্শনীর উদ্বোধন—মহকুমা হাকিমঃসভাপতিত্ব করিয়াছিলেন



রাজ্যের সনাতনপন্থী সংখ্যাগরিষ্ঠ হিন্দুরা তীব্র প্রতিবাদ করায় সরকার পক্ষ ও মুসলমান পক্ষ নাকি প্রস্তাবটি সমর্থন করিতে সাহসী হন নাই। তাঁহাদের যুক্তি এই যে,

আসীন হইয়া তিনি আমেরিকা ও ইংলণ্ডের ব্যবহারাজীবদের সহিত ঘনিষ্ঠ সম্পর্ক স্থাপন করেন। তাঁহার অকালবিয়োগে আলিগড় বিশ্ববিদ্যালয়ের অপূরণীয় ক্ষতি হইল; কেন না,



ভিক্টোরিয়া কলেজের ছাত্রীবৃন্দ ( কনভোকেশন উৎসবে )

ফটো—ডি, রতন এণ্ড কোং

প্রস্তাবটি সমর্থন করিলে হিন্দু প্রজারা মনে করিবে যে তাহাদের ধর্ম্মানুদিত সংস্কারকে অমর্যাদা দেওয়া হইল। ভাল কথা, কিন্তু মজা এই যে—সমাজ সংস্কারের ব্যাপার ছাড়া অন্য কোন আইন ( তা সে আইন দেশের ও দেশের যত অকল্যাণই করুক না ) জারি করিতে তাঁহারা জনমতের দিকে কখনও ত তাকাইয়া নিষ্ক্রিয় বসিয়া থাকেন না। তবে ?

**পরলোককে স্মরণ মোহাম্মদ শাহ**

**সুলেমান—**

ভারতের ফেডারেল কোর্টের বিচারপতি স্মরণ মোহাম্মদ শাহ সুলেমানের মৃত্যুতে যে শুধু একজন বিশিষ্ট ভারতীয় আইনজ্ঞের অভাব হইল তাহাই নহে, একজন বিশিষ্ট বৈজ্ঞানিকেরও অভাব হইল। স্মরণ মোহাম্মদ এলাহাবাদ হাইকোর্টের বিচারপতি, পরে প্রধান বিচারপতি হিসাবে বিশেষ কৃতিত্ব প্রদর্শন করেন। সঙ্গে সঙ্গে গণিতশাস্ত্রী ও বৈজ্ঞানিক বলিয়া তাঁহার নাম সভ্যসমাজে ছড়াইয়া পড়ে। ভারতীয় যুক্তরাষ্ট্রীয় আদালতের বিচারপতির পদে

তিনি এই বিশ্ববিদ্যালয়ের ভাইস-চ্যান্সেলার ছিলেন। আমরা স্মরণ মোহাম্মদের শোকসন্তপ্ত পরিজন ও গুণগ্রাহীদের প্রতি সমবেদনা জ্ঞাপন করিতেছি।

**ব্রাহ্ম্যমান চক্ষু চিকিৎসাশালার—**

বঙ্গীয় অন্ধত্ব নিবারণী সমিতি বাঙ্গালার বিভিন্ন স্থানে ব্রাহ্ম্যমান চক্ষু চিকিৎসাশালার ব্যবস্থা করিয়াছেন। এপর্যন্ত সিরাজগঞ্জ ( পাবনা ), কুমিল্লা, ষাটাল ( মেদিনীপুর ) জলপাইগুড়ি ও মুর্শিদাবাদ জেলায় কার্য আরম্ভ হইয়াছে। জনসাধারণের পক্ষে ইহার চাহিদা থাকিলে এবং প্রয়োজনানুরূপ স্থানীয় টাকা পাওয়া গেলে ক্রমে ক্রমে ঐ ব্যক্কা বর্ধিত করা যাইতে পারে। আমাদের বিশ্বাস আছে, এই সমিতির কার্যে জনসাধারণের সহযোগিতা ও সাহায্যের অভাব কখনও হইবে না।

**বঙ্কিমচন্দ্র সুবর্ণ পদক—**

১৯৪০ সালের কলিকাতা বিশ্ববিদ্যালয়ের বি. এ. পরীক্ষায় বাঙ্গালা ভাষায় প্রথম স্থান অধিকার করায়

প্রেসিডেন্সী কলেজের শ্রীযুক্ত অমিয়কুমার বসুকে বঙ্কিমচন্দ্র স্মরণ পদক প্রদত্ত হইয়াছে। আমরা অমিয়কুমারের জীবনে সর্বদীন সাফল্য কামনা করি।

### প্রধান মন্ত্রী ও আদমশুমারি—

কিছুদিন হইতেই আদমশুমারি উপলক্ষ করিয়া বাঙ্গালার প্রধানমন্ত্রী মৌলবী ফজলুল হক প্রতিদিন অন্তত একখানি করিয়া ইস্তাহার জারি করিতেছিলেন। এই সকল ইস্তাহারের কটুক্তির বিরুদ্ধে বাঙ্গালার বিভিন্নশ্রেণীর হিন্দু জনসাধারণের অভিমত সুস্পষ্টভাবে অভিব্যক্ত হইয়াছে। সম্প্রতি প্রধান মন্ত্রী আদমশুমারি উপলক্ষ করিয়া একটি ইস্তাহারে বলেন, ‘ইহা ছাড়া আর অন্য কিছুই ঘটাই সম্ভব নহে—যখন ব্যবহারাজীবী, বৈজ্ঞানিক, অধ্যাপক, লেকচারার, জমিদার, ব্যবসায়ী, ব্রাহ্মণ, অত্রাহ্মণ এবং অন্যান্য বহুজাতি ও উপজাতি তাহাদের সংখ্যা বাড়াইবার জন্ত মিথ্যা বলিতে এবং মিথ্যা বিবৃতি দিতে ঐক্যবদ্ধ হইয়াছে।’ তাঁহার এই মন্তব্যের প্রতিবাদ জন্ত সম্প্রতি শ্রী নৃপেন্দ্রনাথ সরকারের সভাপতিত্বে কলিকাতা টাউন হলে হিন্দু সম্প্রদায়ের সর্বদলের এক বিরাট সভার অধিবেশন হইয়া গিয়াছে। কতখানি শালীনতা, শিষ্টাচার এবং আত্মসম্মানশূন্য হইলে ব্যক্তি-

তাহাই ভাবিয়া আমরা বিস্ময় বোধ করি। সভাপতি শ্রী নৃপেন্দ্রনাথ প্রধান মন্ত্রীর এই স্বেচ্ছাচারিতা দূর করিবার জন্ত বাঙ্গালার লাট শ্রী জন হার্বার্টকে সনির্বন্ধ অনুরোধ জ্ঞাপন করিয়াছেন যে, তিনি অবিলম্বে এই ব্যক্তিকে বাঙ্গালার প্রধান মন্ত্রীর গদি হইতে অপসরণ করিয়া দেশের শান্তি ও শৃঙ্খলা স্থাপনে সাহায্য করুন।

### বাঙ্গালা ও পাঞ্জাব—

বাঙ্গালা ও পাঞ্জাব—এ দুইটি প্রদেশই মুসলমানপ্রধান এবং মোসলেম লীগের পাণ্ডুরাই মন্ত্রীমণ্ডলী—তথা দেশের শাসন চালাইতেছেন কিন্তু তবু এই দুই প্রদেশের মন্ত্রীমণ্ডলীর চালচলনে যথেষ্ট পার্থক্য দেখা যায়। বাঙ্গালা দেশের মন্ত্রীরা বে-হিসাবী অর্থব্যয় করিয়া এমন অবস্থায় আসিয়া পৌঁছিয়াছেন যে, দেশশাসনের জন্ত তাঁহাদের করভারনিপীড়িত জনগণের উপর দিন দিনই ট্যাক্সের মাত্রা চড়াইতেছেন। তাহাতেও হালে পানি পায় না বলিয়া বেহালায় কুকুর দৌড়ের জুরাথেলায় উৎসাহ দিতে উদ্বৃত্ত হইয়াছেন। অপর পক্ষে পাঞ্জাবের প্রধান মন্ত্রী শ্রী সেকেন্দর পাঞ্জাবে সাম্প্রদায়িক মৈত্রী প্রচারের জন্ত একলক্ষ টাকা ব্যয় করিতে মনস্থ করিয়াছেন। এই পরিকল্পনা অনুযায়ী পরস্পরের প্রতি



বেথুন কলেজের ছাত্রীবৃন্দ ( কনভোকেশন উৎসবে )

ফটো—ডি, রতন এণ্ড কোং

নির্বিচারে সাধারণভাবে একটা সমগ্র সম্প্রদায়কে লোক সহিষ্ণুতা ও সম্প্রীতির পরিচায়ক ইতিবৃত্তসমূহ সংগৃহীত এই প্রকার অভঙ্গ ভাষায় গালাগালি দিতে পারে ও প্রকাশিত হইবে, বিশিষ্ট ব্যক্তিগণের বক্তৃতার ব্যবস্থা

করা হইবে, যে সকল সংবাদপত্র ও সাময়িক পত্রিকা মৈত্রী প্রচারে সহায়তা করিবে তাহাদিগকে সাহায্য করা



প্রেসিডেন্সি কলেজের ভূবিজ্ঞানের ছাত্রবৃন্দ  
( কনভোকেশন উৎসবে )

হইবে, সকল ধর্মের মহাপুরুষ-গণের জন্মদিবস ও অশ্রু কয়েকটি উৎসব যৌথভাবে অনুষ্ঠানের ব্যবস্থা করা হইবে। পাঞ্জাবে যখন এই ব্যবস্থা, বাঙ্গালার মন্ত্রীরা তখন সাম্প্রদায়িকতার বিষ ছড়াইবার জন্য প্রতিদিন ইস্তাহার জারি করিতেছেন।

### নিখিল-ভারত

#### শিল্প সম্মিলন—

সম্প্রতি বোম্বাইয়ে শ্রম এন্ড বিস্বেশ্বরায়ার সভাপতি

নিখিল-ভারত শিল্প সম্মিলনের অধিবেশন হইয়া গিয়াছে। এই সম্মিলনে ভারতের ছোট ও মাঝারি শিল্পের মূলধন

সংগ্রহ সম্পর্কে যথোপযুক্ত সুবিধা দানের জন্য সরকারকে অনুরোধ করিয়া একটি প্রস্তাব গৃহীত হইয়াছে। বিদেশী প্রতিযোগিতা হইতে ভারতীয় শিল্পগুলি বাহাতে আত্মরক্ষা করিতে পারে সেজন্য আরও কড়াকড়িভাবে সংরক্ষণ-মূলক ব্যবস্থা অবলম্বনেরও দাবী জ্ঞাপন করা হইয়াছে। ভারতে বিদেশী মূলধনের অবাধ আমদানি এবং বিদেশীয়গণ দ্বারা শিল্পপ্রতিষ্ঠান স্থাপনের ফলে দিয়াশলাই, সাবান, বৈদ্যুতিক ব্যাটারি, সিগারেট, রং ইত্যাদি দেশীয় শিল্পে যে অনিষ্টকর প্রতিক্রিয়া দেখা দিয়াছে তৎসম্পর্কে অনুসন্ধানের জন্য একটি তদন্ত কমিটি গঠনের জন্য সম্মিলন সরকারকে অনুরোধ করিয়াছেন। অন্যান্য প্রস্তাবে দেশের মধ্যে দেশীয় শিল্পজাত দ্রব্যের অবাধ চলাচল সম্পর্কে অধুনা প্রচলিত শ্রেণীবিভাগ এবং রেল ভাড়ার পরিবর্তনের দাবী করা হইয়াছে এবং বর্তমানে বিভিন্ন শিল্পে ব্যবহার্য্য কতিপয় বিদেশী জিনিষের আমদানি সম্পর্কে যে সকল অনসুবিধা দেখা দিয়াছে সেইদিকে সরকারের দৃষ্টি আকর্ষণ করা হইয়াছে। সভাপতি তাঁহার বক্তৃতায় বলেন যে, সরকারকে অবহিত হইতে হইবে যে কেবলমাত্র যুদ্ধের জন্য প্রয়োজনীয় শিল্প প্রতিষ্ঠায় উৎসাহ দান করিলেই তাঁহাদের কর্তব্য শেষ হইবে না; পরস্তু যুদ্ধের সময় এবং যুদ্ধের পর ভারত



বিভাগীয় কলেজের ছাত্রীবৃন্দ ( কনভোকেশন উৎসবে )

বাহাতে বিভিন্ন শিল্পদ্রব্য সম্পর্কে আত্মনির্ভরশীল হইতে পারে সরকারের পক্ষে সেজন্য চেষ্টা ও যত্ন নিয়োগ করা

কর্তব্য। পরিশেষে তিনি ভারতীয় শিল্পপতিগণকে পরম্পরের মধ্যে সাহায্য ও সহযোগিতা স্থাপনের জন্ত অনুরোধ করিয়াছেন।



কনভোকেশন উৎসবে বাঙ্গালার গভর্নর ( চ্যান্সেলার ) ও  
সার এম আজিজুল হক ( ভাইস-চ্যান্সেলার )


### ইতিহাস রচনার উপকরণ—

সম্প্রতি কলেজ স্কোয়ার আগতোষ হলে কলিকাতা বিশ্ববিদ্যালয়ের ইতিহাসের প্রধান অধ্যাপক ডক্টর হেমচন্দ্র রায়চৌধুরীর সভাপতিত্বে কলিকাতা বিশ্ববিদ্যালয়ের ইতিহাস বিভাগের ছাত্রছাত্রী ও অধ্যাপকদিগের এক সম্মেলন হইয়া গিয়াছে। সম্মেলনের উদ্বোধন করিতে গিয়া অধ্যক্ষ প্রমথনাথ বন্দ্যোপাধ্যায় মহাশয় তাঁহার সারগর্ভ অভিভাষণে বলেন, ‘ইতিহাসের মালমশলাকে একটি নূতন দৃষ্টিভঙ্গী দিয়া স্ফুট রূপ দিবার যুগ আসিয়াছে। নূতন যুগের ধারা ঐতিহাসিকের দৃষ্টিভঙ্গী সম্পূর্ণরূপে বদলাইয়া দিয়াছে। বর্তমান মহাযুদ্ধ সারা পৃথিবীকে প্রকম্পিত করিয়াছে এবং সেই কম্পনের সাড়া আমাদের দেশের হৃদয়েও পড়িয়াছে। যুদ্ধ জাতীয় সংস্কৃতির নিম্নদীপ মহড়া-স্বরূপ। জাতীয়

শিক্ষা, সংস্কৃতি ও সভ্যতাকে আমূল পরিবর্তিত করিয়াছে এই যুদ্ধ। এই আলোড়নের মধ্য হইতেই ইতিহাস রচনার জটিল উপকরণ সঞ্চিত হইবে।’ বিশ্ববিদ্যালয়ের পোস্ট গ্রাজুয়েট ঐতিহাসিক সমিতির এই উত্তম বিশেষ প্রশংসার যোগ্য। ইতিহাসের ছাত্র-ছাত্রীদের সংস্কৃতিমূলক উত্তম জাতীয় ইতিহাসের পাতায় জলন্ত অক্ষরে লিপিবদ্ধ থাকিবে।

### বিত্রস্ত কল্প বিজ্ঞ—

দরিদ্র, করুণারপীড়িত বাঙ্গালার অধিবাসীদের স্বক্ষে একটির পর একটি করিয়া নূতন কর চাপাইয়া দিয়া বাঙ্গালা সরকার ইহাই প্রমাণিত করিতে চাহেন যে, শাসন করিবার যোগ্যতা তাঁহাদের নাই; কেন না, বেহিসাবী ব্যয় না করিলে বাঙ্গালার রাজস্ব বাঙ্গালার শাসন কার্য পরিচালনা অবশ্যই হইতে পারে বলিয়া আমরা বিশ্বাস করি। কিন্তু বাঙ্গালা সরকারের পক্ষে অত হিসাব করিয়া চলিবার কোন আগ্রহ ত



শিবপুর ইঞ্জিনিয়ারিং কলেজের ছাত্রবৃন্দ ( কনভোকেশন উৎসবে )  
নাইই, বরং ঘাটতি মিটাইবার জন্ত তাঁহারা একটা পর একটা  
চ্যাক বসাইয়া দেশের অবস্থা সঙ্গীন করিয়া তুলিতেছেন।

সম্প্রতি বঙ্গীয় ব্যবস্থা পরিষদে বিক্রয় কর বিল গৃহীত হওয়ায় আমাদের উক্ত অভিমত যে সত্য তাহাই প্রমাণিত হইল। কংগ্রেস, কৃষকপ্রজা ও তপশীলী দলের সমবেত তীব্র প্রতিবাদ ও বিরুদ্ধতা উপেক্ষা করিয়া মন্ত্রিসভার সমর্থক কোয়ালিশন দল খেতাজ দলের সহায়তায় বিলটি ভোটে পাশ করিয়া লইয়াছে। করের হার টাকায় এক পয়সা হিসাবে ধার্য্য হইয়াছে। বৎসরে আমদানি ও প্রস্তুত দ্রব্যের ক্ষেত্রে অনূন দশ হাজার টাকা এবং অস্থায়ী দ্রব্যের ক্ষেত্রে অনূন পঞ্চাশ হাজার টাকা খুচরা বিক্রয় হইলে এই কর দিতে হইবে। সরকারের এই সব স্বেচ্ছাচার দেশকে কোথায় লইয়া গিয়া ফেলিতেছে তাহা চিন্তা করিবার সময় কি দেশবাসীর এখনও আসে নাই ?

### বর্ধমানের রবিবাসর—

গত ২৫শে ফাল্গুন শ্রীযুক্ত তিনকড়ি দত্ত মহাশয়ের আহ্বানে বর্ধমানে রবিবাসরের অধিবেশন হইয়াছিল। ঐ সভায় বাসরের সর্বাধ্যক্ষ রায় বাহাদুর অধ্যাপক খগেন্দ্রনাথ মিত্র মহাশয় সভাপতিত্ব করিয়াছিলেন এবং স্নকবি শ্রীযুক্ত সুরেন্দ্রনাথ মিত্র মহাশয় ‘কাব্যে অনুবাদ’ শীর্ষক এক প্রবন্ধ পাঠ করিয়াছিলেন, বর্ধমানবাসীরা রবিবাসরের সদস্যগণকে স্থানীয় টাউন হলে সম্বর্ধনা করিয়াছিলেন। রবিবাসরের বহু সদস্য ঐ দিন বর্ধমানে উপস্থিত থাকিয়া উৎসবটিকে সাফল্যমণ্ডিত করিয়াছিলেন।



বর্ধমানে রবিবাসর

### শরলোকে শ্রর জর্জ গ্রিয়ারসন—

ভারতীয় সিভিলিয়ানরা যে এদেশে কেবল শাসন করিতেই আসে এবং প্রসঙ্গত প্রচুর ধনার্জন করিয়া দেশে ফিরিয়া যায়, আমাদের মধ্যে এই ধারণাটাই বন্ধমূল। কিন্তু মধ্যে মধ্যে দুই-একজন এমন লোকেরও সন্ধান পাওয়া যায় যাহারা এ দেশকে ও দেশবাসীকে প্রকৃত ভাল-

বাসিয়াছেন। শ্রর জর্জ গ্রিয়ারসন ইহাদের অন্যতম। ইনি ১৮৫১ সালে আয়ারল্যান্ডের ডাবলিন কাউন্টিতে জন্মগ্রহণ করেন। এবং ১৮৭৩ সালে ভারতীয় সিভিল সার্ভিসে যোগদান করেন। তিনি কর্মজীবনে বাঙ্গলা ও বিহার প্রদেশে নানা পদে আসীন ছিলেন। ১৯০৩ সালে কর্ম হইতে অবসর গ্রহণ করিয়া স্বদেশে ফিরিয়া গিয়া ভারতীয় ভাষার আলোচনায় মৃত্যুর দিন পর্যন্ত ব্যাপৃত ছিলেন। তিনি ডাবলিন, ক্যান্সিডজ ও অক্সফোর্ড বিশ্ববিদ্যালয় হইতে সম্মানিত ডি. লিট. (সাহিত্যাচার্য্য) উপাধি লাভ করেন। পাঁচ বৎসর ভারতীয় লিঙ্গুইস্টিক সার্ভের কর্তৃত্বভার পরিচালনা করেন। কিছুদিনের জন্ত তিনি কলিকাতা বিশ্ববিদ্যালয়ের ফেলো নির্বাচিত হন। ভারতীয় ভাষা ও ভাষাতত্ত্ব সম্বন্ধে তিনি বহু পুস্তক রচনা করেন এবং ভারতের প্রচলিত ও অপ্রচলিত প্রায় সবগুলি ভাষাতেই প্রবেশ করিয়াছিলেন। তাঁহার মৃত্যুতে ভারতীয় ভাষা ও ভাষাতত্ত্বের একজন বিশিষ্ট বিশেষজ্ঞের অভাব আমরা অনুভব করিতেছি।

### উপাধি বিতরণ—

এই বৎসর কলিকাতা বিশ্ববিদ্যালয়ের উপাধি বিতরণ উপলক্ষ্যে মোট ৫ হাজার ৩৩৪জন ছাত্র-ছাত্রী ডিগ্রি পান। ইহাদের মধ্যে এম্. এ. ৫৪৯, এম্. এম্-সি ১১১, বি. এ. ২৭৩৬, বি. এম্-সি ৭১৮, বি. কন্ ২৯৯, বি. টি. ২১৬, বি. এল্. (জুন) ২২৮ (ডিসেম্বর) ১২৬, এম্. বি.

(এপ্রিল) ১১০ (নবেম্বর) ৯২, বি. ঈ ৪৫, ডি. পি. এল. ৩২ ও এম. এল. ২জন। ইহা ছাড়া পি.-এইচ. ডি. উপাধি পাইয়াছেন শ্রীযুক্ত নলিনচন্দ্র গঙ্গোপাধ্যায়, শ্রীযুক্ত কমলকৃষ্ণ বসু ও শ্রীযুক্ত শশিভূষণ দাশগুপ্ত। ডি. এম্-সি উপাধি পাইয়াছেন ডাঃ নীলরতন সরকার, মনোহর রায়, সুধীরকুমার বসু ও হীরেন্দ্রনাথ দত্ত। এম্. ডি. পাইয়াছেন ডাঃ কণীন্দ্রনাথ ব্রহ্মচারী, ডাঃ কৃষ্ণধন চট্টোপাধ্যায় ও শ্রীযুক্ত সুশীল দত্ত। সকলকেই আমাদের আন্তরিক প্রীতি ও শুভেচ্ছা জ্ঞাপন করিতেছি।

### শ্যামাচরণ কবিরত্ন—

পণ্ডিতপ্রবর শ্যামাচরণ কবিরত্ন মহাশয় গত ৭ই চৈত্র কাশীলাভ করিয়াছেন। ১২৬০ সালের ২৯শে পৌষ হাওড়া জেলার চেঙ্গাইল গ্রামে তাঁহার জন্ম হয়। তিনি খ্যাতনামা পণ্ডিতের বংশে জন্মগ্রহণ করেন এবং অতি অল্প বয়স হইতে



পণ্ডিত শ্যামাচরণ কবিরত্ন

সংস্কৃত শিক্ষা করিয়া ১৩ বৎসর বয়সেই গভীর পাণ্ডিত্যের পরিচয় দান করেন। দারিদ্র্যের জন্ত তিনি শিক্ষালাভের সুযোগ তেমন পান নাই—কিছুকাল সংস্কৃত কলেজে শিক্ষালাভের পর ২০।২১ বৎসর বয়সে তাঁহাকে

চাকরি গ্রহণ করিতে হয়। তাঁহার রচিত 'সরল কাদম্বরী', 'প্রবেশিকা দর্পণ' প্রভৃতি পুস্তক তাঁহার যশ ও অর্থের কারণ হইয়াছিল। ১৯১৩ খৃষ্টাব্দে তিনি অবসর গ্রহণ করিয়া কাশীবাসী হন। তাঁহার 'ত্রিবেদীয় ক্রিয়াকাণ্ড পদ্ধতি' হিন্দুকে তাঁহাদের ক্রিয়ার নূতন পথ দেখাইয়াছিল। তাঁহার মৃত্যুতে বাঙ্গালা দেশের যে ক্ষতি হইল, তাহা আর পূর্ণ হইবার নহে।

### কর্পোরেশনের প্রধান কর্মকর্তা—

কলিকাতা কর্পোরেশনের প্রধান কর্মকর্তা শ্রীযুক্ত জ্যোতিষচন্দ্র মুখোপাধ্যায়ের কার্যকাল উত্তীর্ণ হওয়ায় তাঁহাকে পুনরায় ঐ পদে দুই বৎসরের জন্ত রাখিবার প্রস্তাব কর্পোরেশন-সভায় গৃহীত হয়। কিন্তু বাঙ্গালা সরকার কোন অজ্ঞাত কারণে এই পুনর্নিয়োগে সম্মতি দিতে অসম্মত হন। অথচ ১লা এপ্রিলের মধ্যে প্রধান কর্মকর্তার পদে কাহাকেও নিয়োগ না করিলে কর্পোরেশনে অচল অবস্থা আসিয়া পড়ে, তখন অগত্যা সরকার নানাধিক বিবেচনা করিয়া শ্রীযুক্ত মুখোপাধ্যায়কে ১৫ মাসের জন্ত পুনর্নিয়োগের আদেশ প্রদান করেন। তিনি কর্পোরেশনের মুখ চাহিয়া এই প্রস্তাবে রাজী হইয়া আমাদের ধন্যবাদার্থ হইয়াছেন। সমস্যাটার আপাতত যেভাবে সমাধান হইল তাহাতে আমরা তাঁহার সাধুবাদ করিতেছি।

### বীমা কোম্পানীর সাফল্য—

গত কয়েক বৎসরের মধ্যে যে সকল বীমা কোম্পানী বাঙ্গালীর পরিচালনাধীনে থাকিয়া উন্নতির চরম শিখরে উঠিয়াছেন, আর্ধ্যস্থান ইন্সিওরেন্স কোম্পানী তাঁহাদের অগ্রতম। সম্প্রতি তাঁহারা চিত্তরঞ্জন এভেনিউতে (কলিকাতা) নিজস্ব প্রসাদোপম অট্টালিকায় অফিস স্থানান্তরিত করিয়াছেন। তাঁহাদের সম্পত্তির পরিমাণ বর্তমানে প্রায় ১০ লক্ষ টাকা এবং লাইফ ফণ্ডে এ পর্যন্ত ৮ লক্ষ টাকার অধিক জমিয়াছে। এত অল্প দিনের মধ্যে বীমা কোম্পানীর পক্ষে একরূপ কার্য করা বাস্তবিকই প্রশংসনীয়। আমরা কোম্পানীর ম্যানেজার শ্রীযুক্ত সুরেশচন্দ্র রায়কে একান্ত অভিনন্দিত করিতেছি।

## ঈশ্বর শুশ্রূষা স্মৃতি-উৎসব—

গত ৯ই মার্চ ই, বি, রেলের কাঁচরাপাড়া স্টেশনের অনতিদূরে কাঞ্চনপল্লী গ্রামে কবি ঈশ্বরচন্দ্র শুশ্রূষা মহাশয়ের জন্মভিটাতে কবির স্মৃতি-উৎসব সম্পন্ন হইয়াছে। স্থানটি নদীয়া জেলার অন্তর্গত, রাণাঘাট সাহিত্য-সংসদের সদস্যগণ ঐ উৎসবের উদ্যোগ ছিলেন এবং শ্রীযুত রামানন্দ চট্টোপাধ্যায় মহাশয় উৎসবে সভাপতিত্ব করিয়াছিলেন। কলিকাতা হইতে ভারতবর্ষ সম্পাদক শ্রীফণীন্দ্রনাথ মুখোপাধ্যায়, কবিকঙ্কণ অপূর্বকৃষ্ণ ভট্টাচার্য্য, কবিরাজ ইন্দুভূষণ সেন প্রভৃতি বহু লোক উৎসবে যোগদান করিতে গিয়াছিলেন। কলিকাতা হইতে শ্রীযুত যতীশচন্দ্র দে মহাশয় সেদিন কাঞ্চনপল্লীতে নিজ বাটীতে গিয়া সকলকে আদর আপ্যায়ন করিয়াছিলেন। আমরা যে ক্রমে সকল খ্যাতিনামা ব্যক্তির স্মৃতি-পূজা করিতেছি, ইহা জাতির পক্ষে জীবনের লক্ষণ সন্দেহ নাই।

## সাংবাদিকের পরলোকগমন—

লক্ষপ্রতিষ্ঠ সাংবাদিক কেশবচন্দ্র সেন মাত্র ৩৭ বৎসর বয়সে কলেরা রোগে পরলোক গমন করিয়াছেন জানিয়া আমরা মর্মান্বিত হইলাম। বহুদিন যাবৎ তিনি সাংবাদিকতার কাজে বহু সংবাদপত্রের সহিত সংশ্লিষ্ট ছিলেন। দারিদ্র্যের সহিত ক্রমাগত সংগ্রাম করিয়া তিনি তাঁহার যোগ্যতা প্রতিষ্ঠিত করিবার সুযোগ পান নাই। তা সত্ত্বেও আমরা তাঁহার কর্মদক্ষতায় ও সাংবাদিকতায় বিশেষ মুগ্ধ ছিলাম। নারীচরিত্র বাদ দিয়া তিনি ছেলেদের জন্য খানকয়েক নাটক রচনা করিয়া প্রসিদ্ধি অর্জন করিয়াছিলেন।

## শিল্পের উন্নতিতে সরকারী সাহায্য—

যুক্তপ্রদেশের ছোট ও মাঝারি শিল্পের উন্নতিতে সাহায্য করিবার জন্য যুক্তপ্রদেশ সরকার সম্প্রতি একটি পরিকল্পনা অনুমোদন করিয়াছেন। এই পরিকল্পনা অনুযায়ী শিল্প বা ব্যবসায়ের বিস্তৃতির জন্য সরকারী তহবিল হইতে বিভিন্ন ব্যক্তি ও প্রতিষ্ঠানকে আবশ্যিক মত দেড় হাজার টাকা পর্য্যন্ত এবং সমবায় সমিতি ও পল্লী-উন্নয়ন সমিতিগুলিকে পাঁচ হাজার টাকা পর্য্যন্ত ঋণদানের ব্যবস্থা হইবে। আবশ্যিক হইলে ইহা অপেক্ষা বেশী টাকাও দেওয়া

হইবে। প্রদত্ত ঋণের জন্য শতকরা একটাকা হারে সুদ আদায় করা হইবে। উপযুক্ত কিস্তিতে সাত বৎসরের মধ্যে ঋণ পরিশোধ করিতে পারিবেন। দেশের শিল্প ব্যবসায়ের ক্ষেত্র বাহাতে প্রসারিত হয় এবং দেশের শিক্ষিত যুবকেরা বাহাতে অধিক মাত্রায় শিল্প ব্যবসাতে আত্মনিয়োগ করে, সেইজন্যই সরকার এই কার্যক্রম গ্রহণে আগ্রহীল হইয়াছেন। বাঙলার সরকার কিন্তু এই ধরনের কোন পরিকল্পনা ভাবিতেই পারেন নাই। তাঁহাদের নীতি—লাগে টাকা দিবে গৌরী সেন। তাই নূতন নূতন ট্যান্ড বসাইয়া নিরন্ন বাঙালীকে উপবাসী রাখিতে মনস্থ করিয়াছেন।

## মণিকুমার মুখোপাধ্যায়—

বালীগঞ্জ ব্যাঙ্কের অগ্রতম প্রতিষ্ঠাতা প্রসিদ্ধ ব্যবসায়ী মণিকুমার মুখোপাধ্যায় গত ৩০শে জানুয়ারী কাণীধামে মাত্র ৪৮ বৎসর বয়সে পরলোকগমন করিয়াছেন জানিয়া আমরা ব্যথিত হইলাম। বঙ্গবাসী কলেজের অধ্যাপক হিসাবেও তিনি খ্যাতি লাভ করিয়াছিলেন। ১৮৯৩ সালের



মণিকুমার মুখোপাধ্যায়

১লা মার্চ আগড়পাড়ার প্রসিদ্ধ মুখোপাধ্যায় বংশে তাঁহার জন্ম হয়। দরিদ্র অবস্থা হইতে তিনি নিজের যত্ন, চেষ্টা ও অধ্যবসায়ের দ্বারা কৃতিত্ব অর্জন করিয়াছিলেন; আমরা তাঁহার শোকসন্তপ্ত পরিবারবর্গকে সমবেদন জ্ঞাপন করিতেছি।



### শ্রীক্ষেত্রনাথ রায়

রূপজি ট্রফি ফাইনাল ৪

মাদ্রাজ :—১৪৫ ও ৩৪৭

মহারাষ্ট্র :—২৮৪ ও ২১০ ( ৪ উইকেট )

মহারাষ্ট্র ৬ উইকেটে মাদ্রাজকে পরাজিত করে পর পর দু'বার রূপজি ট্রফি বিজয়ী হলো। ইতিপূর্বে বোম্বাই অল্পরূপভাবে উক্ত প্রতিযোগিতায় সাফল্য লাভ করেছিলো। মহারাষ্ট্রের এই জয়লাভে আমরা তাঁদের আন্তরিক অভিনন্দন জানাচ্ছি। তাঁরা যেকোন কৃতিত্বের সঙ্গে প্রতি ম্যাচ জয়লাভ করেছেন তাতে ভারতের প্রত্যেক নিরপেক্ষ ক্রীড়ামোদী মাত্রই তাঁদের এই সাফল্যের জন্য অভিনন্দন না করে পারবেন না। ব্যাটিংয়ে মহারাষ্ট্র ভারতের সকল প্রদেশের চেয়ে শক্তিশালী। ইতিপূর্বে ভারতের কোন প্রাদেশিক টীমে এতগুলি শক্তিশালী ব্যাটসম্যানের সমন্বয়

খেলোয়াড়। একমাত্র প্রবীণ খেলোয়াড় ক্যাপ্টেন দেওধর পঞ্চাশ বৎসর বয়সে তরুণের চেয়েও বেশী উৎসাহী ও শক্তিশালী। ভারতের ক্রিকেটের ভবিষ্যৎ মহারাষ্ট্রের এই তরুণ খেলোয়াড়বৃন্দের উপর অনেকখানি নির্ভর কচ্ছে। এখনও যদি টেস্ট টীম গঠন করা হয় তাহলে মহারাষ্ট্র থেকেই সবচেয়ে বেশী ব্যাটসম্যান তাতে স্থান পাবেন। এবারের রূপজি প্রতিযোগিতায় মহারাষ্ট্র ৬ ইনিংস খেলে ৪৭ উইকেটে ২৯৪৫ রান করেছে। অর্থাৎ প্রতি ইনিংসের এভারেজ রান ৪৯১ এবং প্রতি উইকেটের প্রায় ৬২.৭। একা সোহানীই ৬৫৫ রান করেছেন। হাজারী ৫৬৫ এবং ক্যাপ্টেন দেওধরের ৫০৮ রানও উল্লেখযোগ্য। হাজারীর এভারেজ সোহানীর চেয়ে বেশী হলেও সোহানীর ব্যাটিংয়ের কৃতিত্ব হাজারীর চেয়ে কোন অংশে কম তো নয়ই বরং বেশী।



এস সোহানী




প্রফেসর দেওধর



সি টি সারবাত্তে

দেখা যায়নি এবং অদূর ভবিষ্যতে হবে বলেও মনে হয় না। সোহানীর এভারেজ ১৩১, হাজারীর ১৪১.২ এবং দেওধরের আর সবচেয়ে উল্লেখযোগ্য দলের সকলেই উদীয়মান ৮৪.৬। সারবাত্তে যদিও ২৪টা উইকেট পেয়েছেন তাঁকে তবু






ট্রেনিং জাহাজ 'ডফ্রিন'—ইহাতে ভারতীয় শিক্ষার্থীদেরকে জাহাজ-চালান শিক্ষা দেওয়া হইতেছে



যুদ্ধে যে সকল ভারতীয় বন্দী হইয়াছে, তাহাদের জন্ম লগুনস্থ ভারতীয় মহিলারা খাদ্য পাঠাইতেছেন



কলিকাতা বিশ্ববিদ্যালয়ের সমাবস্তু উৎসবে সার তেজবাহাদুর সান্দ্র বক্তৃতা করিতেছেন



চট্টগ্রামের রায় বাহাদুর উপেন্দ্রলাল রায় মহাশয়ের বাটীর দুই শত বৎসরের পুরাতন তৈল চিত্র—মহীভদ্রনন্দে মহাপ্রভু—  
রাণাঘাট শ্রীগৌরাক্ষ আশামের শ্রীযুত বটকৃষ্ণ দাস কর্তৃক সংগৃহীত



২৪ পরগণা পানিহাটিতে গঙ্গাভীরে মহারাজ চন্দ্রকেতু নিশ্চিত ৭ শত বৎসরের প্রাচীন ঘাট ও তহুপরি  
বটবৃক্ষ—মহাপ্রভু চৈতন্যদেব এই ঘাটে নামিয়াছিলেন

খুব উচ্চ শ্রেণীর বোলার আমরা বলতে পারি না অন্ততঃ ব্যাটিংয়ে মহারাষ্ট্রের যে রকম রেকর্ড সেই তুলনায় বোলিং কিছুই নয় বললেও চলে। ফিল্ডিংয়ে মহারাষ্ট্রের স্থান অত্যন্ত নিম্নে।

আমরা আগের মাসেই আভাস দিয়েছিলাম যে মাদ্রাজের উইকেট ভাল নয়। একাধিকবার এর প্রমাণ পাওয়া গেছে; এবারও বিশ্বাসঘাতকতা করতে ছাড়ে নি। তবে



প্রথমে সেটা হ'য়েছে মাদ্রাজের উপরেই। তারা টেসে জিতে প্রথমে ব্যাট ক'রতে যায়। আরম্ভ খুবই খারাপ হ'য়েছে। ৪ রানে দুটো ভাল ভাল উইকেট পড়ে গেল। এরপর সাময়িকভাবে দু'একজন খেলোয়াড় খেলার গতি একটু ফেরাতে পেরেছিলেন বটে কিন্তু তাতে বিশেষ

ভি এস হাজারী কোন ফল হয়নি। শেষদিকের বরং কয়েকজন খেলোয়াড় পিটিয়ে খেলে একটু রান তুলেছেন। দলের সর্বোচ্চ রান ক'রেছেন ভেঙ্কটেশন ৩১। ইনিংস শেষ হ'য়েছে মাত্র ১৪৫ রানে। যাদব ২৩ রানে ৪টে উইকেট পেয়েছেন, সারবাতে ৩৬ রানে ৩টে। মাদ্রাজের ব্যাটিং অবশ্য ভাল নয় তাই ব'লে এত কম রানে তারা নেবে যাবে তা ভাবা যায়নি। দেওধর ব'লেছেন যে মাদ্রাজের অধিকাংশ খেলোয়াড়ের সাধারণ ফুট-ওয়ার্কেরও একান্ত অভাব দেখা গেছে।

মহারাষ্ট্রের ব্যাটিংও ভাল হয়নি। সোহনী এই প্রথম অকৃতকার্য হ'য়েছেন। দিনের শেষে ৬টা ভাল ভাল উইকেট হারিয়ে রান সংখ্যা উঠেছে মাত্র ১১৩। অবস্থা মোটেই আশাপ্রদ নয়। একমাত্র ভরসা হাজারী। তিনি ২৭ রান ক'রে নট আউট আছেন।

দ্বিতীয় দিনের খেলা শুরু হ'য়েছে; হাজারী খুব ধীরভাবে খেলছেন। সারবাতে ৩৩ রান ক'রে অপ্রত্যাশিতভাবে আউট হ'য়ে গেলেন। হাজারী ১০৮ মিনিট খেলে নিজস্ব ৫০ রান ক'রলেন। দ্রুত রান তোলার দিকে তাঁর মোটেই ঝোঁক ছিল না। টিমের সমস্তই এখন তাঁর উপর নির্ভর কচ্ছে। পরবর্তী ৫০ রান তুলতে কিন্তু তাঁর সময় লেগেছে মাত্র ৪৫ মিনিট। বোলারদের মোটেই গ্রাহ্য করেননি। প্রথম দিনের খেলার শেষে যে রকম অবস্থা

দাঁড়িয়েছিল তাতে মাদ্রাজ প্রথম ইনিংসে অগ্রগামী হ'লেও কিছু আশ্চর্যের ছিল না। হাজারী স্বীয় দলকে পতনের হাত থেকে যেভাবে রক্ষা ক'রেছেন তাতে তাঁর উচ্ছ্বসিত প্রশংসা না ক'রে থাকা যায় না।

১৩৯ রানে পিছিয়ে মাদ্রাজ দ্বিতীয় ইনিংস শুরু ক'রলে। এবার তাদের সূচনা ভালই হ'য়েছে। প্রথম উইকেট পড়লো ৭৮ রানে। মাদ্রাজের ক্যাপ্টেন জনষ্টোন নিজস্ব ৪৯ রানের মাধ্যমে আউট হ'য়েছেন। মাদ্রাজ বেশ দৃঢ়তার সঙ্গে খেলেছে। দিনের শেষে তাদের ২ উইকেট হারিয়ে রান উঠেছে ১০৭।

মাদ্রাজের দ্বিতীয় ইনিংস শেষ হ'ল ৩৪৭ রানে। দ্বিতীয় ইনিংসের খেলায় তাদের ব্যাটসম্যানদের দৃঢ়তা প্রশংসনীয়। রামসিং স্বীয় দলের সম্মান রক্ষা করবার জন্য আশ্রয় চেষ্টা ক'রেছেন। তরুণ খেলোয়াড় নেলারের প্রচেষ্টাও উল্লেখযোগ্য। তাঁরা যথাক্রমে ৭১ ও ৫৪ রান ক'রে আউট হ'ন। দলের সর্বোচ্চ রান ক'রেছেন রামসিং; চার ছিলো দশটা।



ইন্টার কলেজ ক্যাম্পের প্রতিযোগিতায়

আগুতোব কলেজের ছাত্রীগণ কটো : বি বি মৈত্র

তাঁর হক্, ড্রাইভ ও কাট বেশ দর্শনীয়। সারবাতে ৬টা উইকেট পেয়েছেন ৮৩ রানে। ২০৯ রান ক'রলেই মহারাষ্ট্র জয়লাভ ক'রতে পারবে। সোহনী ও ভাজেকার খেলা শুরু ক'রলেন। দিনের শেষে কেউ আউট না হ'য়ে রানসংখ্যা তুললেন ৫২।

শেষদিনের খেলায় দর্শক সমাগম বেশী হয়নি। বোধ হয় মহারাষ্ট্রের নিশ্চিত জয়লাভের কথা চিন্তা করে। প্রয়োজনীয় রান তুলতে মহারাষ্ট্র মাত্র চারটি উইকেট হারালে। সোহনী সেঞ্চুরী করেছেন। দেওধর আউট হয়েছেন ৩২ রান করে। রণজি ট্রফিতে মহারাষ্ট্রের খেলায় প্রতি ইনিংসে তাদের কোন না কোন খেলোয়াড় শতাধিক রান করেছেন। আশা করি আগামী বারের রণজি প্রতিযোগিতায় মহারাষ্ট্র তাদের এবারের সম্মান অক্ষুণ্ণ রাখবে এবং আরো উন্নততর খেলা দেখিয়ে ভারতের ক্রিকেট ইতিহাসকে সমৃদ্ধ করবে।

## মাদ্রাজ

## প্রথম ইনিংস

|  |     |
|--|-----|
| সি পি জনস্টোন...কট সোহনী . ব পটবর্ধন     | ৪   |
| ডি এন মাধব রাও . কট গোখলে...ব সোহনী      | ১২  |
| এ জি রামসিং . কট নাইডু...ব পটবর্ধন       | ০   |
| আর নেলার...ব যাদব                        | ১৯  |
| সি রামস্বামী...ব যাদব                    | ১৪  |
| এম জে গোপালন...কট গোখলে . ব যাদব         | ১   |
| জি পার্থসারথী...ব সারবাতে                | ১১  |
| জে এ জি সি ল'...কট এবং ব...সারবাতে       | ৩   |
| এন জে ভেঙ্কটেশন... কট হাজারী...ব সারবাতে | ৩১  |
| বি এস কৃষ্ণ রাও... নট আউট                | ২৯  |
| সি আর রঙ্গচাৰী...ব যাদব                  | ৪   |
| অতিরিক্ত...                              | ১৩  |
| মোট...                                   | ১৪৫ |

## মহারাষ্ট্র

## প্রথম ইনিংস

|   |        |
|---|--------|
| আর ডি ভাজেকার...ব রঙ্গচাৰী              | ২৭     |
| এস ডবলউ সোহনী...কট জনস্টোন...ব রঙ্গচাৰী | ১১     |
| আর বি নিম্বলকার...এল-বি...ব রামসিংহ     | ৫      |
| ডি বি দেওধর...এল-বি...ব রঙ্গচাৰী        | ১১     |
| ডি এস হাজারী...কট জনস্টোন...ব রঙ্গচাৰী  | ১৩৭    |
| এম এম নাইডু...কট জনস্টোন...ব কৃষ্ণরাও   | ০      |
| কে এম যাদব...কট জনস্টোন...ব রামসিং      | ১৫     |
| সি টি সারবাতে...ব ভেঙ্কটেশন             | ৩৩     |
| গোখলে...কট রামস্বামী...ব রঙ্গচাৰী       | ১৪     |
| সিঙ্কে...                               | নট আউট |
| পটবর্ধন...এবং ব ভেঙ্কটেশন               | ৯      |
| অতিরিক্ত...                             | ৯      |
| মোট...                                  | ২৮৪    |

## মাদ্রাজ

## দ্বিতীয় ইনিংস

|                                      |     |
|--------------------------------------|-----|
| সি পি জনস্টোন...কট গোখলে...ব সারবাতে | ৪৯  |
| জে ল'...কট নাইডু...ব সারবাতে         | ৩৩  |
| মাধব রাও... রান আউট                  | ৩৪  |
| রাম সিং...কট ভাজেকার... ব যাদব       | ৭১  |
| নেলার...কট সোহনী...ব সারবাতে         | ৫৪  |
| সি রামস্বামী...কট এবং ব হাজারী       | ১   |
| পার্থ সারথী... নট আউট                | ১৮  |
| গোপালন...কট দেওধর...ব সারবাতে        | ৪৩  |
| ভেঙ্কটেশন...কট নাইডু...ব সারবাতে     | ১০  |
| কৃষ্ণ রাও...ব হাজারী                 | ২   |
| সি আর রঙ্গচাৰী...ব সারবাতে           | ০   |
| অতিরিক্ত...                          | ৩২  |
| মোট...                               | ৩৪৭ |

## মহারাষ্ট্র

## দ্বিতীয় ইনিংস

|                                   |     |
|-----------------------------------|-----|
| আর ডি ভাজেকার...ব রামসিং          | ১৬  |
| এস সোহনী...কট জনস্টোন...ব রামসিং  | ১০৪ |
| আর নিম্বলকার...কট ল'...ব রঙ্গচাৰী | ২১  |
| ডি দেওধর...এল-বি...ব রামসিং       | ৩২  |
| ডি হাজারী... নট আউট               | ৬   |
| কে যাদব... নট আউট                 | ২   |
| অতিরিক্ত...                       | ১৯  |
| মোট ( ৪ উইকেট )...                | ২১০ |

## রণজি ট্রফিতে শতাধিক রান

## মহারাষ্ট্র দলের খেলোয়াড় :

|               |      |                      |
|---------------|------|----------------------|
| প্রফেসর দেওধর | ২৪৬  | বোম্বাইয়ের বিরুদ্ধে |
| প্রফেসর দেওধর | ১৯৬  | উত্তর ভারতের "       |
| ডি এস হাজারী  | *১৬৪ | পশ্চিম "             |
| ডি এস হাজারী  | ১৩৭  | মাদ্রাজের "          |
| ডি এস হাজারী  | ১১৭  | গুজরাটের "           |
| এস ডবলউ সোহনী | ২১৮* |                      |
| এস ডবলউ সোহনী | ১৩৪  | গুজরাটের "           |
| এস ডবলউ সোহনী | ১২০  | বোম্বাইয়ের "        |
| এস ডবলউ সোহনী | ১০৪  | মাদ্রাজের "          |
| আর ভাজেকার    | ১২০  | উত্তর ভারতের "       |
| কে এম যাদব    | ১১৫  | উত্তর ভারতের "       |

## পূর্ববর্তী বিজয়ী দল

|         |         |         |            |
|---------|---------|---------|------------|
| ১৯৩৪-৩৫ | বোম্বাই | ১৯৩৫-৩৬ | বোম্বাই    |
| ১৯৩৬-৩৭ | নওনগর   | ১৯৩৭-৩৮ | সিদ্ধ      |
| ১৯৩৮-৩৯ | বাজলা   | ১৯৩৯-৪০ | মহারাষ্ট্র |

## ক্রিকেট লীগ ৪

সম্প্রতি বেঙ্গল জিমখানার এক সভায় সর্ব সন্মতিক্রমে এই প্রস্তাব গৃহীত হ'য়েছে যে, আগামী শীতকাল থেকে জিমখানার তত্ত্বাবধানে ক্রিকেট লীগ খেলা শুরু হবে। বিভিন্ন ক্রিকেট দলের বার্ষিক ক্রিকেট খেলার তালিকা প্রস্তুত ক'রতে যাতে কোন রকম অসুবিধা না হয় তার জন্ত জিমখানা থেকে লীগ তালিকা জুলাই মাসের মধ্যেই প্রতিযোগী টীমকে প্রেরণ করা হবে। জিমখানা কর্তৃপক্ষ তাঁদের অন্তর্ভুক্ত সকল দলকেই লীগে যোগদান করবার জন্ত আহ্বান ক'রবেন। অবশ্য হাওড়ার জন্ত স্বতন্ত্র এক লীগ খেলার ব্যবস্থা করা হবে আর তাতে কেবল হাওড়ার

সঙ্গে দেড় দিন ব্যাপী খেলার তালিকা প্রস্তুত করবার জন্ত অসুরোধ করবেন।

বেঙ্গল জিমখানার এই প্রচেষ্টা খুবই ভাল এবং এই ব্যবস্থা কার্যকরী হ'লে স্থানীয় ক্রিকেটের যথেষ্ট উন্নতি হবে ব'লে মনে হয়। কেবলমাত্র প্রীতি-সম্মেলনে খেলায় প্রতিদ্বন্দ্বিতা ভাল হয় না। যদিও কুচবিহার কাপ প্রতিযোগিতা কয়েক বছর থেকে চলছে তবু নক-আউট টুর্নামেন্ট হওয়ার ফলে একটি টীম একটি ম্যাচ ভাল না খেলতে পারলে প্রতিযোগিতা থেকে বিদায় নিতে হয়। তাছাড়া এত বড় দেশের পক্ষে ঐ একটিমাত্র প্রতিযোগিতা যথেষ্ট নয়। লীগে প্রত্যেক টীম প্রত্যেকের সঙ্গে খেলবার



এশিয়াটিক ভারোত্তোলন প্রতিযোগিতায় বিজয়ী প্রতিযোগীগণসহ উপস্থিত বিশিষ্ট ব্যক্তিবৃন্দ

দলসমূহ যোগদান করবে। বাংলার অন্ত সকল জেলাতেও যাতে ক্রিকেট খেলার অনুরূপ ব্যবস্থা হয় জিমখানা সেখানকার পরিচালকদের এ বিষয়ে অসুরোধ করেছেন। কলকাতায় প্রথম বৎসর লীগ খেলা হবে ২০টি দল নিয়ে। এই ২০টি দলকে দুটি বিভাগে ভাগ করা হবে আর প্রতি বিভাগের প্রথম পাঁচটি দলকে প্রথম শ্রেণীর দল ব'লে গণ্য করা হবে। লীগের প্রত্যেক ম্যাচ দেড় দিন ক'রে খেলা হবে। জিমখানার অন্তর্ভুক্ত কলেজ টীমগুলি উক্ত লীগে যোগদান ক'রতে পারবে না। তবে জিমখানা থেকে স্থানীয় প্রত্যেক বিশিষ্ট টীমকেই কলিকাতা বিশ্ববিদ্যালয়ের

সুযোগ পাবে এবং প্রত্যেক খেলাতেই একটা তীব্র প্রতিদ্বন্দ্বিতা দেখা যাবে। কর্তৃপক্ষ জানিয়েছেন যে, খেলা দেড় দিনব্যাপী হবে কিন্তু কোন পক্ষ কতকক্ষণ খেলতে পারে সে সম্বন্ধে কিছু বলা হয়নি। আমাদের মনে হয় লাক্ষাশায়ার লীগের অসুরোধে সমস্ত সময়টিকে সমান দুভাগে ভাগ ক'রে উভয় দলকে ব্যাট করবার সুযোগ দেওয়া উচিত। তার ভেতর যারা বেশী রান খুলতে পারবে তারাই জিতবে। এরকম না হ'লে অধিকাংশ ম্যাচ ড্র হবার সম্ভাবনা। যারা প্রথম ব্যাট করবে তাদের ইনিংস শেষ হ'তে যদি পুরো একদিন বা তার চেয়েও বেশী

সময় লাগে এবং অপর পক্ষের সকলে আউট হবার আগেই যদি সময় উত্তীর্ণ হ'য়ে যায় তাহ'লে জয় পরাজয় নিস্পত্তি করা সম্ভব হবে না। কিন্তু উভয় পক্ষকে যদি ব্যাট



ভারত স্ত্রীশিক্ষা সমন স্পোর্টসের ব্যক্তিগত চ্যাম্পিয়ানশীপ  
বিজয়িনী কুমারী নিভা সেন

করবার সময় সমান ভাবে নির্ধারিত করে দেওয়া হয় তাহ'লে ঐ সময়ের ভেতর যে দল বেশী রান তুলতে পারবে সেই বিজয়ী হবে। এই রান তুলবার জন্য উইকেট কম বা বেশী হারানোর উপর জয় পরাজয় কিছুই নির্ভর ক'রবে না। বিশ্ববিদ্যালয় সম্বন্ধে যে ব্যবস্থা করা হ'য়েছে তাতে ছাত্রদের খেলার যথেষ্ট উন্নতি হবে বলে আশা করা যায়। কিছুদিন থেকে দেখা যাচ্ছে স্থানীয় বিশ্ববিদ্যালয়ের খেলোয়াড়রা মোটেই ভাল খেলা দেখাতে পাচ্ছেন না অথচ বোম্বাই, পাঞ্জাব, আলীগড় বা বেনারস বিশ্ববিদ্যালয়ের খেলোয়াড়রা তাঁদের প্রবেশের হ'য়ে এবং বিশ্ববিদ্যালয়ের হ'য়ে খেলে যথেষ্ট সুনাম অর্জন ক'চ্ছেন। সব দেশেই দেখা যায় উদীয়মান খেলোয়াড়রা আসে বেশীর ভাগ ছাত্রদের থেকে, এখানকার ছাত্রদের খেলার যেটুকু উন্নতি তা বেবল ক্লাবের সঙ্গে সংশ্লিষ্ট থাকার ফলে। বিশ্ববিদ্যালয়ের এদিকে কোন রকম দৃষ্টি নেই। ছেলেরা নিজের নিজের ক্লাব থেকে খেলা শিখবে বিশ্ববিদ্যালয় শুধু টীম মনোনয়নের সময়

কয়েকটি ট্রায়াল ম্যাচ খেলাবেন। এইখানেই যেন তাঁদের দায়িত্ব শেষ হ'য়ে গেল। সম্মেলিতভাবে বিশ্ববিদ্যালয়ের টীমের সঙ্গে শক্তিশালী ক্লাবগুলির বার্ষিক ক্রিকেট খেলার তালিকা প্রস্তুত করা বিশেষ প্রয়োজন। বাংলা দেশের ক্রিকেট খেলার উন্নতির জন্য উপরোক্ত নূতন ব্যবস্থা প্রবর্তন করার প্রথম প্রস্তাবক শ্রীযুক্ত আই ঘোষকে আমরা আন্তরিক ধন্যবাদ জানাচ্ছি।

### হকি লীগ ৪

হকি লীগ খেলা প্রায় শেষ হ'য়ে এসেছে। পুলিশ যে চ্যাম্পিয়ান হবে তা সুনিশ্চিত। পুলিশ এবার একটা খেলাতেও হারেনি অবশ্য তাদের এখনও একটা খেলা বাকী আছে লিলুয়ার সঙ্গে। লীগের প্রায় সর্ব নিম্ন স্থান অধিকারী লিলুয়ার কাছে তারা নিঃসন্দেহে জিতবে। অবশ্য লিলুয়ার কাছে হেরে গেলেও চ্যাম্পিয়ানশীপের পথে তা মোটেও বাধা সৃষ্টি করবে না। কারণ লীগের দ্বিতীয় স্থান অধিকারী রেঞ্জার্স অনেক পয়েন্ট পিছিয়ে আছে। রেঞ্জার্স যদি সবক'টা জেতে এবং পুলিশ তাদের শেষ খেলায় হেরে যায় তাহ'লেও পুলিশই চ্যাম্পিয়ান হবে। পুলিশ



ইন্টার কলেজ টেবিল টেনিস প্রতিযোগিতায়

আশুতোষ কলেজের ছাত্রীগণ কটো : বি বি মৈত্র

ইতিপূর্বে কখনও লীগচ্যাম্পিয়ান হয়নি। এবার তারা ১৫টা ম্যাচ খেলে জিতেছে ১৩টা আর ড্র ক'রেছে কাষ্টমস

ও মেসারাসের সঙ্গে, হারেনি একটাও। গোল দিয়েছে ৩৪টা আর গোল খেয়েছে ১২টা। পোর্টকমিশনার্স ও রেঞ্জার্সের কাছে তাদের জয়লাভ কৃতিত্বপূর্ণ। পোর্টকমিশনার্স গোড়ার দিকে বেশ ভাল খেলছিলো আর আশা করা গিছিলো তারা হয়ত লীগচ্যাম্পিয়ান হ'তে পারবে কিন্তু শেষরক্ষা ক'রতে পারলে না। এবারের লীগে তারাই সবচেয়ে কম গোল খেয়েছে মাত্র ৮টা। এবার সেন্টজেভেরিয়ান্সদের অবস্থা বড়ই শোচনীয়; তারা ১৪টা খেলে মাত্র ১ পয়েন্ট পেয়েছে অর্থাৎ একটি ড্র ক'রে বাকী সবক'টা হেরেছে। তারা গোল দিয়েছে ৪টে আর খেয়েছে ৩৪টা দ্বিতীয় বিভাগের লীগে কালীঘাট অদ্ভুত খেলায়।

অনুগ্রহে এবারও প্রথম বিভাগেই রয়ে গেল। তিন বৎসর ধরে ক্যালকাটা লীগে শেষ স্থান অধিকার ক'রে আসছে।

১৩৪৫ সাল

| খেলা | জয় | ড্র | হার | পক্ষে | বিপক্ষে | পয়েন্ট |
|------|-----|-----|-----|-------|---------|---------|
| ২২   | ৪   | ৭   | ১১  | ৯     | ২৩      | ১৫      |

১৩৪৬ সাল

|    |   |   |    |    |    |    |
|----|---|---|----|----|----|----|
| ২৪ | ৩ | ৮ | ১৩ | ২৩ | ৪০ | ১৪ |
|----|---|---|----|----|----|----|

১৩৪৭ সাল

|    |   |   |    |    |    |    |
|----|---|---|----|----|----|----|
| ২৪ | ৩ | ৮ | ১৩ | ১৮ | ৩৪ | ১৪ |
|----|---|---|----|----|----|----|

এর পর এ বছর ওঠা নামা বন্ধ কাজে কাজেই এবারও শেষ স্থান অধিকার ক'রলে নামবে না। আর এবারও যে তারা তাদের গত তিন বছরের রেকর্ড অক্ষুণ্ণ রাখবে সে বিষয়ে



এশিয়াটিক ভারোত্তোলন প্রতিযোগিতার প্রতিযোগী এবং বিশিষ্ট কর্মকর্তাগণ

ফটো : ভারক দাস

প্রথম বিভাগের অনেক টিমের চেয়ে ভাল। তবে এবার কোন লাভ নেই; ওঠা নামা বন্ধ।

### ফুটবল ৪

হকির মত ফুটবলেও এবার ওঠা নামা স্থগিত রইলো। আই এফ এর এক সভায় সর্বসম্মতিক্রমে এই ব্যবস্থা স্থির হ'য়েছে। আই এফ এর ভবিষ্যৎ গঠন সম্বন্ধে বহুক্ষণ আলোচনা ও বাদ প্রতিবাদের পর এ বৎসরের মত ও প্রসঙ্গ স্থগিত রাখা হয়। ক্যালকাটা ক্লাব আই এফএর সভ্যদের

আমরা সন্নিহিত। ক্যালকাটা সম্বন্ধে একটা প্রস্তাব পাশ করিয়ে নিলেই ভাল হ'ত যে, তারা ভবিষ্যতে ষতবারই শেষ স্থান অধিকার করুক দ্বিতীয় বিভাগে নামবে না। আত্মসম্মান সম্পন্ন কোন টিম পর পর তিনবার শেষ স্থানে থেকে এবং এ রকম নিকৃষ্ট খেলা দেখিয়ে প্রথম বিভাগে থাকতে পারে ব'লে মনে হয় না। এতে প্রথম বিভাগের ষ্ট্যাণ্ডার্ড নষ্ট হ'য়ে যায়।

### আপানী ফুটবল খেলা ৪

কলকাতার ফুটবল মরসুমের এখনও দেয়ী আছে। তবে ইতিমধ্যে প্রথম পর্ব শেষ হয়েছে। অপেক্ষাকৃত সুবিধালাভে

এবং ভবিষ্যতের সম্মানের লোভে বিভিন্ন ক্লাবের ২০৬ জন ফুটবল খেলোয়াড় অন্তর্ভুক্ত ফুটবল খেলবার জন্য ছাড়পত্রে আবেদন করেছেন। ইউরোপের নামজাদা ফুটবল খেলোয়াড়দের একটা আকর্ষণ আছে। প্রচুর অর্থের বিনিময়ে তাঁরা বড় বড় ফুটবল ক্লাবে প্রকাশ্যভাবে নিমন্ত্রণ গ্রহণ করেন। ওদেশে ক্রীড়াঙ্গণে সখের খেলোয়াড়দের যেমন সম্মান আছে তেমনি পেশাদার খেলোয়াড়দেরও সম্মান কোন অংশে কম নেই। খেলার উৎকর্ষসাধনে পেশাদার খেলোয়াড়দের যথেষ্ট প্রয়োজনীয়তা রয়েছে, সেটা উপেক্ষার নয়। একদিকে যেমন সখের তরুণ খেলোয়াড়দের

দেশের জনসাধারণের মধ্যে সম্ভব নয়। অন্নচিন্তার সঙ্গে মনের আনন্দের একটা বড় সম্বন্ধ রয়েছে। আমাদের দেশের খেলোয়াড়দের মধ্যে আজ সেই অন্নচিন্তাই প্রকটভাবে দেখা দিয়েছে। কিন্তু চাকুরীর বাজারে খেলাধুলার মূল্য আর কতখানি! এ অবস্থা দেখে আমাদের দেশের ভবিষ্যত খেলোয়াড়দের মধ্যে খেলাধুলার আকর্ষণ কিঞ্চিৎ হ্রাস পাবে। চিত্তবিনোদনের প্রয়োজনে খেলাধুলা আজ আর খুব বেশী খেলোয়াড়কে আকর্ষণ করে না। আমাদের দেশে পেশাদার খেলোয়াড়ের চলন নেই, খেলোয়াড়দের পেশাদার শ্রেণীভুক্ত করবে এমন কোন প্রতিষ্ঠানও নেই আর ব্যবস্থাও



৫০নং মুক্তারাম বাবু স্ট্রীটস্থ শ্রীযুক্তবাবু শরৎচন্দ্র মল্লিক মহাশয়ের বাটীতে প্রতিষ্ঠিত "মল্লিক টেনিস ক্লাবের" ১৯৪০ সালের

প্রতিযোগিতায় পুরস্কার বিতরণ। ডবলসে বিজয়ী—শ্রীমান্ প্রণব যোষ ও অনিল সেন কটো : ডি রতন এণ্ড কোং

উপযুক্ত শিক্ষকের শিক্ষাধীনে রেখে উন্নত ক্রীড়া কৌশল শিক্ষা দেওয়া হয় অপর দিকে তেমনি বিভিন্ন ক্লাবগুলি ক্রীড়ামোদিদের প্রথম শ্রেণীর খেলা দেখাবার জন্যে প্রচুর অর্থের বিনিময়ে খেলোয়াড়দের পেশাদার দলভুক্ত করেন। খেলাধুলা নিতান্তই সখের এবং অবসর সময়ের চিত্তবিনোদনের প্রয়োজনই ইহার যথেষ্ট এ সংস্কার আমাদের মন থেকে দূর না হলে খেলাধুলার একটা ব্যাপক জাগরণ

নেই। ভূয়া আত্মসম্মানে আমরা গৌরব অহুভব করি এবং বর্ণচোরা আধা পেশাদার খেলোয়াড়দের প্রতিষ্ঠানগুলি যথেষ্ট প্রশ্রয় এবং আশ্রয় দিয়ে থাকেন। অপর কোন সভ্য দেশের কাছে এই শ্রেণীর আদর্শের কোন মূল্য নেই। কুস্তিবীর এবং ক্রিকেট খেলোয়াড়দের চাকুরী দিয়ে খেলাধুলায় উৎসাহ দান করার বনিয়াদী খেলা দেশীয় রাজাদের মধ্যে অনেকদিন থেকে রয়েছে। আমাদের



দেশের যে সব প্রতিষ্ঠান জাতীয় স্বাস্থ্য উন্নতির জন্য আগ্রহীল তাদের প্রধান কর্তব্য খেলোয়াড়দের অন্নচিন্তার সমস্যা দূর করা। এ বৃহৎ ব্যাপারে তাদের ছাড়াও অপর অনেকের যে কর্তব্য আছে তা আমরা ভাল ভাবেই জানি। তবে যে পরিমাণ কর্তব্য তাদের আছে সে কর্তব্যে তারা যে একেবারেই উদাসীন রয়েছে সে বিষয়ে নিশ্চিত। আজ পেশাদার-খেলোয়াড় দলে যোগদান করা খেলোয়াড়দের যথেষ্ট প্রয়োজন হয়েছে। সেটা কেবল মাত্র আর্থিক ব্যাপারে নয় খেলার উৎকর্ষলাভের দিক দিয়েও। পৃথক সমাজ হলেও সখের এবং পেশাদার খেলোয়াড়দের ক্রীড়ানৈপুণ্য সমভাবেই ক্রীড়ামোদিদের চিন্তাবিনোদন করবে যদি শিক্ষাদানের কার্পণ্য আমরা না করি। খেলোয়াড়দের সখের এবং পেশাদার এই দুই দলে বিভক্ত করলে বর্ণচোরাদের প্রভাব হ্রাস পাবে, প্রথম শ্রেণীর ক্রীড়াচার্যের সঙ্গে আমরা পরিচিত হব। এবিষয়ে দেশীয় প্রতিষ্ঠানগুলির কর্মকর্তাদের সহযোগিতার একান্ত প্রয়োজন—আশা করি তাঁরা ভবিষ্যতের কথা ভেবে সচেতন হবেন।

বিশিষ্ট খেলোয়াড়দের ক্লাব পরিবর্তন—

এরিয়ান্স ক্লাবের এ ভৌমিক ও কে প্রসাদ, কালীঘাট ক্লাবের এস জোসেফ ও ধীরাজ দাস, ইষ্টবেঙ্গল ক্লাবের গোলরক্ষক ডি সেন এবং মহারাণা ক্লাবের ব্যাক এস সি দাস মোহন বাগান ক্লাবে যোগদান করেছেন! এরিয়ান্স ক্লাবে এসেছেন অনেকগুলি উদীয়মান খেলোয়াড়। কালীঘাট ক্লাবে মোহন বাগানের ব্যাক পি চক্রবর্তী ও মহারাণা ক্লাবের গোলরক্ষক বি বল এবংসর খেলবেন। ইষ্টবেঙ্গল ক্লাবে গোলরক্ষক কে দত্ত, কালীঘাটের আপ্পারাও ও রামালু যোগ দিয়েছেন। ভবানীপুর ক্লাবে গেছেন মহামেডান স্পোর্টিং ক্লাবের সূজাতালী এবং কালীঘাটের কাইজার।

মহামেডান স্পোর্টিং ক্লাবের নামজাদা একজন ব্যতীত সকলেই রয়ে গেছেন। তার উপর ক্লাবের শক্তি বাড়ান হয়েছে ই বি আর দলের ওসমান ও ইষ্টবেঙ্গলের সাজাহানকে নিয়ে। জানা গেছে এবংসর নাকি বিশিষ্ট খেলোয়াড় ওসমান নিয়মিত খেলবেন।

খেলোয়াড়দের ক্লাব পরিবর্তনের ফলে মোহনবাগান, ইষ্টবেঙ্গল এবং মহামেডানস্পোর্টিং দলের শক্তি বৃদ্ধি পেয়েছে। কালীঘাট ক্লাবের বিশিষ্ট খেলোয়াড়রা ভিন্ন ভিন্ন ক্লাবে যোগদান করার তাদের দলের শক্তি হ্রাস পেয়েছে। যদিও দু'একজন বিশিষ্ট খেলোয়াড় দলে এসেছেন। তবে বহুদিন যাবৎ নামজাদা খেলোয়াড় আমদানী করেও তারা বিশেষ কিছু করতে পারেনি।

এশিয়াটিক ভারোত্তোলন

প্রতিযোগিতা ৪

নিখিল ভারত ভারোত্তোলন প্রতিযোগিতার নাম পরিবর্তন করে এশিয়াটিক ভারোত্তোলন নাম দেওয়া হয়েছে। নামের

গুরুত্বের সঙ্গে সঙ্গে যদি পরিচালকমণ্ডলী এশিয়ার বিভিন্ন স্থান থেকে প্রতিনিধি যোগদানের ব্যবস্থা করতেন অথবা সত্যসত্যই যদি এশিয়ার বিভিন্ন উল্লেখযোগ্য স্থান থেকে প্রতিনিধিরা যোগদান করতেন তাহলে এরূপ নামের যেমন একটা গুরুত্ব বজায় থাকত তেমনি পরিচালকমণ্ডলীর সম্মানও অক্ষুণ্ণ থাকত।

আমরা জানি তাঁরা অদূর ভবিষ্যতের কোন ভরসা পেয়েছেন কি না! পেয়ে থাকলেও পূর্বাচ্ছেই নামের আমূল পরিবর্তনে ক্রীড়ামোদিদের চোখে চমক লাগানো ছাড়া প্রতিযোগিতার এত বড় নামের আর কিছু গুরুত্ব আছে বলে ত আমাদের মনে হয় না। বিশেষতঃ যখন এবারের প্রতিযোগিতাটিকে সমগ্র ভারতবর্ষের একটি প্রতিনিধিমূলক



ইণ্ডিয়ান লাইফ সেভিং সোসাইটির এথলেটিক স্পোর্টসের টিম চ্যাম্পিয়ান-  
সীপ বিজয়ী সাউথ এণ্ড পার্ক ইনঃ দল ফটো : পান্না সেন

হিসাবে তাঁরা গৌরবান্বিত করতেও পারেননি। প্রতিযোগিতার বিভিন্ন বিভাগে বাঙালী ভারোত্তোলনকারিগণ বিশেষ সাফল্যের পরিচয় দিয়েছেন। এ সাফল্যে আমরা সাময়িক আনন্দ প্রকাশের স্ফুর্গ হারাতে পারি না—কিন্তু এটাই আমাদের সবথেকে বড় নয়। ভারোত্তোলনের বিজ্ঞানসম্মত কৌশল উপযুক্ত ব্যায়াম প্রতিষ্ঠানের অভাবে আমাদের দেশে এখনও ব্যায়ামবীরদের কাছে অজ্ঞাত রয়েছে। অর্থের প্রয়োজনকে স্বীকার করলেও ব্যায়াম প্রতিষ্ঠানগুলির যে একান্ত উৎসাহ এবং কর্মপ্রচেষ্টার অভাব রয়েছে একথা

অধীকার করবার নয়। অমুঠানের বাহ্যিক আড়ম্বরটাই আমরা সাধারণের কাছে আকর্ষণীয় বস্তু করে তুলি। একপ প্রতিষ্ঠানই আমাদের দেশের জাতীয় স্বাস্থ্য-গঠনের ভার নিয়েছে— তা দে র সংখ্যাধিক্যই আমাদের চিন্তার কারণ। বাগবাজার জিমক্লাসিয়াম ক্লাবের উপর আমাদের যথেষ্ট আস্থা আছে, আশা করি ক্লাবের পরিচালক-মণ্ডলী এবিষয়ে সচেতন থাকবেন।



মিস্ একা (স্বটিস কলেজ) ইন্টার কলেজ মহিলাদের স্পোর্টসে ব্যক্তিগত চ্যাম্পিয়ান-সীপ বিজয়িনী

প্রতিযোগিতার ফলাফল :

ব্যান্টম ওয়েট : ১ম—জি মল্লিক। দুইহাতে মিলিটারীপ্রেস, স্ম্যাচ, ক্লিন ও জার্ক—মোট ৪৮৪½ পাউণ্ড।

ফেদার ওয়েট : ১ম—বিজয়কৃষ্ণ বসু। দুইহাতে মিলিটারীপ্রেস, স্ম্যাচ, ক্লিন ও জার্ক—মোট ৪৭৭ পাউণ্ড।

লাইট ওয়েট : ১ম—এ গফুর। দুইহাতে মিলিটারী-প্রেস, স্ম্যাচ, ক্লিন ও জার্ক—মোট ৪৮২ পাউণ্ড।

মিডল ওয়েট : ১ম—এ কে সেন। দুইহাতে মিলিটারী-প্রেস, স্ম্যাচ, ক্লিন ও জার্ক—মোট ৫৫৫ পাউণ্ড।

লাইট হেভী ওয়েট : ১ম—সুবল ঘোষ। দুইহাতে মিলিটারী স্ম্যাচ, ক্লিন ও জার্ক—মোট ৫০০ পাউণ্ড।

হেভী ওয়েট : ১ম—পি জি উইলিশ। দুইহাতে মিলিটারী, স্ম্যাচ, ক্লিন ও জার্ক—মোট ৫৫৫ পাউণ্ড।

বালিকাদের ইন্টার-স্কুল

চ্যাম্পিয়ানসীপ :

সিনিয়ার :—কমলা হাই স্কুল—৪৮ পয়েন্টস

জুনিয়ার :—প্রেসিডেন্সি স্কুল—৫৮ ”

ইন্টারমিডিয়াট লেক স্কুল— ৪৩ ”

ব্যক্তিগত চ্যাম্পিয়ানসীপ : কুমারী উমা বসু (ব্রাহ্ম স্কুল)—৩৬

ইন্টারমিডিয়াট :—কুমারী নমিতা পাল (পেয়ারীচরণ গার্লস স্কুল)—২৪

জুনিয়ার :—কুমারী ডলি সেন (মডেল একাডেমি)—২৪

ভ্রমসংশোধন : গতমাসের খেলাধুলায় অল্প সময়ের মধ্যে প্রফ দেখার দরুণ কিছু কিছু ভুল হয়ে গেছে। ৫৪০ পৃষ্ঠার একটি ব্লকের নীচে টেবল টেনিস... ‘অরুণ গুহ’ ছাপা হয়েছে। ঐ স্থানে ‘অরুণ ঘোষ’ হবে। ৫৩৫ পৃষ্ঠায় গোপালম-এর স্থানে গোপালন এবং ৫৩৬ পৃষ্ঠায় ডানদিকের কলামের দ্বিতীয় লাইনের ‘অপর’ কথাটি ‘কয়েকজন’-এর পূর্বে বসবে অর্থাৎ কথাটি ‘অপর কয়েকজন’ হবে।

## সাহিত্য সংবাদ

### নব-প্রকাশিত পুস্তকাবলী

ভার্মাশঙ্কর বন্দ্যোপাধ্যায় প্রণীত গল্পপুস্তক “তিন শূত্র”—২,  
শান্তিনুখা ঘোষ প্রণীত উপন্যাস “১৯৩০ সাল”—২।  
নন্দগোপাল সেনগুপ্ত প্রণীত উপন্যাস “ধোঁয়া”—২,  
রামপদ মুখোপাধ্যায় প্রণীত উপন্যাস “প্রেম ও পৃথিবী”—২।  
মণিলাল বন্দ্যোপাধ্যায় প্রণীত “গল্পদাতার বৈঠক”—৬।  
সরোজননাথ ঘোষ প্রণীত “কুরো ডেভিস” বা কোথা যাও—২,  
ঐ দ্বিতীয়—২, ঐ তৃতীয়—২,  
মতিলাল দাস প্রণীত “বন্ধন ও মুক্তি”—২,  
শিবরাম চক্রবর্তী প্রণীত “সেয়েদের মন”—১।  
বীরেন্দ্র দাস এম, এ প্রণীত “ষ্টালিন”—১,  
শিবেন্দ্রনাথ গুপ্ত প্রণীত “বৈক্যব-কবিতার রস”—১।  
রাধারমণ দাস প্রণীত “ত্রিমূর্তির চক্রান্ত”—৬।

শরদিন্দু বন্দ্যোপাধ্যায় প্রণীত চিত্রোপন্যাস “পথ বেঁধে দিল”—১।  
ঈনিত্যনারায়ণ বন্দ্যোপাধ্যায় প্রণীত নাটক “ভুল”—১,  
মধুসূদন চট্টোপাধ্যায় প্রণীত “সমুদ্র”—১,  
বাণী দাস প্রণীত “প্রাথমিক বেহালা শিক্ষা”—১।  
শৈলেন রায় ও কৃষ্ণচন্দ্র দে প্রণীত “সুরের মালা”—১,  
বুদ্ধদেব বসু প্রণীত “ফেরিওলা ও অস্ত্রান্ত গল্প”—১।  
বিধায়ক ভট্টাচার্য্য প্রণীত নাটক “কুহকিনী”—১,  
বিভূতিভূষণ বন্দ্যোপাধ্যায় প্রণীত উপন্যাস “বেণীগির কুলবাড়ী”—২,  
অসনন্দ মুখোপাধ্যায় প্রণীত “মিস্ মারা বোর্ডিং হাউস”—২,  
ঈশ্বরবিন্দু প্রণীত “যোগ সাধনার ভিত্তি”—১।  
মণীন্দ্রনাথ পাল বি-এ প্রণীত “গুপ্ত রাজপুরীর রহস্য”—১।  
ঈশ্বরোত্তম রায় প্রণীত “কৃষ্ণ-গায়িকা”—৬।

সম্পাদক—শ্রীকীর্ত্তনাথ মুখোপাধ্যায় এম-এ







জ্যৈষ্ঠ-১৩৪৮

দ্বিতীয় খণ্ড

অষ্টাবিংশ বর্ষ

ষষ্ঠ সংখ্যা

## ভাগবত-জীবন

( শ্রীঅরবিন্দের Life Divine গ্রন্থের সর্বশেষ পরিচ্ছেদের মূল কথা )

শ্রীচারুচন্দ্র দত্ত আই-সি-এস ( অবসরপ্রাপ্ত )

Life Divine গ্রন্থের প্রথম খণ্ডের আরম্ভে শ্রীঅরবিন্দ বলিয়াছেন যে মানব বহু বহু যুগ পূর্বেই সন্ধান পাইয়াছিল—জরা মৃত্যু শোক তাপ সুখ দুঃখের অতীত এক দিবা জীবনের, দিবা লোকের। শুধু যে সন্ধান পাইয়াছিল তাহা নহে, সেই উর্দ্ধতম লোকে যে সে উঠিতে পারে—এরূপ প্রতীতিও তাহার জন্মিয়াছিল। সেই অর্ধপরিণত আদিম মানব আর নাই, আজ তাহার বুদ্ধিবৃত্তি তীক্ষ্ণ ও মার্জিত, সে প্রকৃতির সহিত অহরহ যুদ্ধ করিয়া জয়ী হইয়াছে, প্রাকৃতিক শক্তিসমূহ আজ দাসী-বান্দীর মত তাহার আজ্ঞাপালন করিতেছে। শুধু তাহাই নয়, মনোবাহ্যেও তাহার শক্তি অপ্রতিহত, তাহার দৃষ্টি আজ সুদূরপ্রসারিত। সে পরিবার গোষ্ঠী জাতি প্রভৃতি ক্রমবর্ধমান ক্ষুদ্র ক্ষুদ্র সংঘটনে কৃতকার্য হইয়া মহাজাতি

সংঘটনে মনোনিবেশ করিয়াছে, জগৎব্যাপী এক অখণ্ড সম্মিলিত রাষ্ট্রেরও স্বপ্ন সে আজ দেখিতেছে। এই পরিচ্ছেদে শ্রীঅরবিন্দ মানবের বহুসহস্রবৎসরব্যাপী সংগঠন প্রচেষ্টা, একটীর পর একটা বিশ্লেষণ করিয়া দেখাইয়াছেন, কেন মানুষ সমগ্র নরজগতের মঙ্গলের জন্ত এক হইতে পারে নাই, গলদ কোথায় এবং কেন?

জড়বস্তু হইতে যুগযুগান্তব্যাপী ক্রমিক পরিণতির ফলে যেরূপ পূর্ণদেহ পূর্ণমস্তিষ্ক মানবের উদ্ভব হইয়াছিল, তেমনই আজ বহু শতাব্দী ধরিয়া সেই বুদ্ধিজীবী পূর্ণমানবের সামাজিক ও রাষ্ট্রীয় অভিব্যক্তি চলিয়া আসিয়াছে। এই সমস্ত সময়টা মানুষ যে মরীচিকার পশ্চাতে ধাবিত হইয়া তাহার আদিমতম দিবা আত্মপ্ৰাহাকে (aspiration) ভুলিয়া রাখিয়াছে, তাহাও ঠিক নয়। বরং যগে যগে নানারূপে সে বিশ্বাতীত

পরম সত্যের সন্নিকটস্থ হইতে চেষ্টা করিয়াছে। কখন তাহার ঐহিক ও আধ্যাত্মিক লক্ষ্য এক হইয়াছে, কখনও বা সে দুই বিভিন্ন পথে অগ্রসর হইতে চেষ্টা করিয়াছে। তথাপি উৎকর্ষমনের এই যে মাহুষের নানামুখী প্রচেষ্টা, ইহা এপর্যন্ত ব্যর্থ হইয়াছে বলিলে ভুল হয় না। কেন, তাহা শ্রীঅরবিন্দ এই পরিচ্ছেদে বুঝাইয়াছেন।

মানবজাতির সংস্কৃতির অভিব্যক্তি নির্ভর করিতেছে, ব্যক্তিগত যোগ্যতা ও উৎকর্ষের উপর—the individual is indeed the key of the Evolutionary movement. কারণ, ব্যক্তিগত মানবচেতনা অন্তর্মুখী হইবে, তাহার মধ্যে পরম সত্যের আলোক অবতরণ করিবে, তবে না সমগ্র জাতির মধ্যে ভাগবত-জীবনের প্রতিষ্ঠা ঘটিবে!

অতএব প্রথমেই দেখিতে হইবে যে, অচেতন বা অবচেতন জড়জগতের আবেষ্টনে যে আমাদের মত একটা সচেতন সত্তার অবস্থান—তাহার অর্থ কি, তাহার পশ্চাতে কি সত্য মিহিত রহিয়াছে? এই অবস্থান, এই অস্তিত্ব কি জড়শক্তির খেলা মাত্র বা বিশ্বকর্মার খেলা মাত্র?

If there is a Being that is becoming, a Reality of existence that is unrolling itself in Time, what that Being, that Reality secretly is, is what we have to become, so to become is our life's significance.

যদি ইহা সত্য হয় যে এক অখণ্ড অনন্ত সং দেশকালের মধ্যে বহুরূপে ব্যক্ত হইতেছেন, তাহা হইলে সেই অখণ্ড সত্যের যাহা যথার্থ স্বরূপ, সেই স্বরূপ আমাদের কাছেও লাভ করিতে হইবে। ইহাই আমাদের ইহজীবনের তাৎপর্য। এক সত্যের বহুরূপে প্রকট হওয়ার পশ্চাতে যে সত্য, তাহাই আমাদের জীবনের অর্থ। সেই অর্থের দ্বারাই নির্দিষ্ট আমাদের নিয়তি। এই যে নিয়তি, ইহা আমাদের বর্তমান সত্তাতে বীজরূপে অন্তর্নিহিত, যদিচ আমরা তাহা উপলব্ধি করি না। শ্রীঅরবিন্দ বলিতেছেন, Our destiny is something that already exists in us as a necessity and a potentiality.

দেশকালাতীত বস্তুর দেশকালের সীমার মধ্যে যে পরিণতি ঘটিতেছে, তাহার মূলে দুইটা তত্ত্ব, চেতনা ও প্রাণশক্তি। এই দুই তত্ত্বকে শ্রীঅরবিন্দ বলিতেছেন

key-words to what is being worked out in Time. এই তত্ত্ব দুটাকে বাদ দিলে জড়জগতের কোন অর্থ থাকে না, বিশ্ব হইয়া যায় একটা আকস্মিক ব্যাপার বা নিশ্চেতন জড়শক্তির ক্রীড়া।

তবে আজ আমাদের চেতনা ও প্রাণ যাহা, তাহাই শেষ কথা নয়। কেন না—তাহারা ত অপরিণত, তাহাদের ক্রমোত্তরণ চলিতেছে। মানবের মন, মানবের চেতনা অপূর্ণ ও অবিচ্ছিন্ন। এই চেতনার আরও অপূর্ণ রূপ পূর্বে ছিল, পূর্ণপরিণত রূপ ভবিষ্যতে আসিবে—self luminous, জ্যোতিমান। আমাদের যে চেতনা তাহা মূল নিশ্চেতন অবস্থা হইতে বাহির হইয়া আসিয়াছে, এখনও অজ্ঞান-আচ্ছন্ন। এই অবস্থা হইতে স্বতঃ-ভাস্বর দিব্যমানসে ক্রমোত্তরণ আমরা বুঝিতে পারিব—যদি আমরা উপলব্ধি করি যে মূল অজ্ঞানের মধ্যেও এই দিব্যমানস প্রচ্ছন্ন প্রসুপ্ত-রূপে নিহিত ছিল।

পূর্ণ-পরিণত বিজ্ঞান স্বভাবতই আত্মজ্ঞ, স্বতঃ-ভাস্বর। কেন না তাহা চরম সত্যের, পরমাত্মনের চেতনা, যাহা আমাদের মধ্যে প্রচ্ছন্ন রহিয়াছে ও ধীরে ধীরে প্রকট হইতেছে। শ্রীঅরবিন্দের ভাষায়, For that evidently must be the consciousness of the Reality, the Being, the Spirit, that is secret in us and slowly manifesting here.

চেতনা যদি হয় সৃষ্টির অন্তর্নিহিত গূঢ় রহস্য—তবে প্রাণ তাহার বাহ্যিক কার্যকরী শক্তি। Life is the exterior and dynamic sign. কিন্তু যেমন আমাদের মন অপরিণত ও অপূর্ণ, আমাদের প্রাণও তাহাই। মানবের জীবন imperfect বা অসম্পূর্ণ, কেন না তাহার মন সত্যের চেতনার নিম্নতর প্রকাশ মাত্র। কিন্তু মন পূর্ণতা প্রাপ্ত হইলেও তাহার অবাঞ্ছিত অনবাঞ্ছিত রহিল, কারণ যে তত্ত্বের বিধে অবতরণ ঘটিয়াছে তাহা মন নয়—আত্মা এবং শ্রীঅরবিন্দের কথায়, mind is not the native dynamism of consciousness of the spirit. আত্মার চেতনা কাজ করে মন দিয়া নয়, দিব্যমানস দিয়া। এই দিব্যমানস বা Gnosis-এর আবাহনই দিব্যজীবন প্রতিষ্ঠার একমাত্র উপায়।

All spiritual life is in its principle a growth into divine living. দিব্যমানসের জাগরণ

মানেই দিব্যজীবনের প্রতিষ্ঠা, আধ্যাত্মিক জীবনের সূত্রপাত। মন ও দিব্যমানসের মধ্যবর্তী সীমা নির্দেশ করা কঠিন। বাধাধরা কোন সীমা নাই। মনে প্রাণে দিব্য আলোকের সঞ্চার আরম্ভ হইলেই they put on or reflect something of the divinity, মনপ্রাণ ধীরে ধীরে দিব্যরূপ পরিগ্রহ করিতে আরম্ভ করে, ক্রমশঃ সমস্ত সত্তা জ্যোতির্মান হইয়া উঠে। কিন্তু পূর্ণ অভিব্যক্তির জন্য মনপ্রাণ দেহকে দিব্য আলোকে পুনর্গঠিত করিয়া লইতে হইবে, নবীন ভাস্বর রূপ দিতে হইবে। আবার শুধু ব্যক্তিগত পূর্ণতা আসিলেও হইল না। বিজ্ঞানময় মানবের সমষ্টি ও সমাজ গঠন করিয়া সৃষ্টির ক্রমোত্তরণকে সার্থক করিতে হইবে। শ্রীঅরবিন্দের ভাষায়, a collective life of gnostic beings established as a highest power and form of the becoming of the spirit in the earth nature. আমাদের অন্তরে এমন স্বর্গরাজ্য প্রতিষ্ঠিত হইতে পারে যাহা বাহিরের রূপের উপর নির্ভর করিতেছে না। অন্তরের জ্যোতি অবশ্য কতকটা বাহিরের কার্যে প্রতিফলিত হইবে। কিন্তু একরূপ হইলেও ব্যক্তিগত মুক্তি বা পরিণতি সাধিত হইল, আবেষ্টন অপরিবর্তিত রহিল। ইহাকে total consummation বা পূর্ণ অভিব্যক্তি বলা যায় না। শ্রীঅরবিন্দ এই পূর্ণতম অভিব্যক্তির লক্ষণ বর্ণনা করিয়াছেন—a greater dynamic change in earth nature itself, a spiritual change of the whole principle and instrumentation of life and action, the appearance of a new order of beings and a new earth life, জড়প্রকৃতির জড়তা পরিহার, প্রাণশক্তি ও তাহার জিয়ার আধ্যাত্মিক রূপপরিগ্রহ, নবমানবের আবির্ভাব ও জগতে নবজীবনের প্রতিষ্ঠা—ইহাই হইল চরম পরিবর্তন। ইহার পূর্বের ধণ্ড ধণ্ড পরিবর্তনগুলিকে এই চরমে উঠিবার ধাপ বলা যাইতে পারে। এই চরম অভিব্যক্তিকে শ্রীঅরবিন্দ বলিয়াছেন a gnostic way of dynamic living—জড়তা মাত্রের সম্পর্কহীন বিজ্ঞানময় জীবন ধারা।

বিজ্ঞানময় জীবন সক্রিয় বটে। কিন্তু তথাপি মনে রাখিতে হইবে যে, এই জীবনের ভিত্তি স্বভাবতঃ সর্বদা অন্তর্মুখী, বহির্মুখী নয়। এই অন্তর্মুখী ভাব, আধ্যাত্মিক

মূল, spiritual origination ব্যতিরেকে দিব্যজীবন সম্ভব নয়। আমাদের বর্তমান বহির্মুখী জীবনে মনে হয় যেন বিশ্ব আমাদের স্রষ্টা, কিন্তু আধ্যাত্মিক ভাগবত-জীবনে আমরাই আপনার তথা বিশ্বের স্রষ্টা। সৃষ্টির এই মর্ম উপলব্ধি হইলে সহজেই বোঝা যায় যে, inner life অন্তর্জীবনই বড় জিনিস, বাকী যাহা—তাহা এই অন্তর্জীবনের প্রকাশ ও পরিণাম মাত্র। আমাদের পরিণতি লাভের প্রচেষ্টায় এই ব্যাপার স্পষ্ট প্রতীয়মান হয়। বাহিরের প্রকৃতি জড় মুক অন্ধ অবিজ্ঞাচ্ছন্ন; তাহারই মাঝে আমাদের বাস, অথচ আমরা নিরন্তর অনুভব করিতেছি যে অন্তরে কি একটা শক্তি আমাদের আবেষ্টন অতিক্রম করিয়া পূর্ণতার পানে লইয়া চলিয়াছে!

শ্রীঅরবিন্দ বলিতেছেন, Thus to look into ourselves, enter into ourselves and live within is the first necessity for transformation of nature and for the divine life.

আমাদের স্বভাব পরিবর্তন করিয়া ভাগবত-জীবন প্রতিষ্ঠা করিতে হইলে প্রথম প্রয়োজন—অন্তর পানে দৃষ্টি, অন্তরে প্রবেশ ও অন্তরের অন্তরতম প্রদেশে বাস। সাধারণ বহির্মুখী চেতনার পক্ষে এ কাজ দুর্লভ। কিন্তু গতাস্তরও নাই। জড়বাদী বলেন যে দৃশ্যমান বাহিরের জগৎই একমাত্র নিরাপদ স্থান, চেতনাকে বহির্মুখী রাখাই ভাল, ভিতরে যাওয়া মানেই ত তমসাচ্ছন্ন শূন্যতাতে প্রবেশ, সমতা হারান, নিরানন্দ নির্জীব মনোভাব! তাহার মতে প্রাকৃতিক জগৎই একমাত্র সত্য, তাহার উপর দাঁড়াইয়া ভিতরের যেটুকু দেখা যায় তাহাই ভাল। এ রকম মন অন্তর্মুখী হইবে কেমন করিয়া!

তেনমই কুদ্ভেতা মানুষেরও গোলযোগ আছে। তাহার মন অন্তরের পানে ফিরাইলে সে দেখিবে—আপন প্রাণ, আপন মন—Life-ego, mind-ego—আধ্যাত্মিক সত্তা তাহার নজরে পড়িবে না। যে মন নিয়ত বাহিরে বাস করিয়াছে, তাহার দশাই এই। তাহার অন্তর সম্বন্ধে ধারণা বাহিরের অভিজ্ঞতার উপরই গঠিত। শ্রীঅরবিন্দের ভাষায়, It has a constructed internal experience which depends on the outside world for the materials of its being.

কিন্তু বাহ্যিক সত্তার মধ্যে অন্তরে বাসের—a more

inner living-এর—ক্ষমতা প্রবিষ্ট হইয়াছে, সে ভিতরে অন্ধকারও দেখিবে না, শূন্যতাও দেখিবে না। সে পাইবে, শ্রীঅরবিন্দের কথায়, an enlargement, a rush of new experience, a greater vision, a richer delight, a big more real and various than what he has experienced outside. অর্থাৎ চেতনার বিস্তার, নব নব অভিজ্ঞতা, সূক্ষ্মতর দৃষ্টি, পূর্ণতর আনন্দ, সত্যতর বৈচিত্র্যময় জীবন।

ভিতরে যে নীরবতা ও শূন্যতা আছে তাহাতে কৃত্রিম চিন্তা ভয় পাইতে পারে, কিন্তু সে নীরবতা আত্মাপুরুষের নীরবতা, তাহা আনিয়া দেয় গভীরতর জ্ঞানশক্তি ও আনন্দ। সে শূন্যতা শূন্যতা নয়, কেন না আধার দেবলোকের অমৃতে পূর্ণ হইবে বলিয়া তাহার মধ্যের সমস্ত আবর্জনা ফেলিয়া দিয়া প্রস্তুত করিয়া রাখা হইয়াছে। শ্রীঅরবিন্দের অরূপম ভাষায়, Silence is the silence of the spirit which is the condition of a greater knowledge power and bliss, the emptiness is the emptying of the cup of our natural being, a liberation of it from its turbid contents—so that it may be filled with the wine of God.

এই যে অন্তরের মধ্যে বাস, ইহার অর্থ বন্ধন নয়, মুক্তি—সৎ হইতে অসতে প্রবেশ নয়, বৃহত্তর মহত্তর সত্তাতে প্রবেশ, যথার্থ বিশ্বজনীনতার পানে প্রথম পদক্ষেপ। বহিমুখী চেষ্টা দ্বারা বিশ্বচেতনার সহিত এক হওয়া যায় না। যাহা মনে হয় নিরহঙ্কার, তাহা অনেক সময়ে অহঙ্কারেরই সূক্ষ্মতর রূপ মাত্র। বহিমুখী মানুষ আপনার সত্তা, আপনার কল্পনা অপরের উপর চাপাইতে যায়। পরের কাজ যাহা করিতে যায় তাহা আংশিক অস্থায়ী, তাহার প্রেরণা অপূর্ণ। কেন না হৃদয় মনের যোগ আছে বটে, কিন্তু অভিন্নতা নাই। আপন পরের ভেদ ঘোচে নাই। শ্রীঅরবিন্দ বলিতেছেন, our being does not embrace the being of others as ourselves. আধ্যাত্মিক চেতনা আসিলে, আধ্যাত্মিক জীবন প্রতিষ্ঠিত হইলে, ব্যাপার সম্পূর্ণ বিপরীত হইয়া যায়। কারণ তখন প্রেরণা আসে অন্তরের অনুভূতি হইতে, অন্তরের একত্ববোধ হইতে, তখন পরও যাহা আপনিও তাহা। শ্রীঅরবিন্দের ভাষায়, it bases its action in the collective life

upon an inner experience and inclusion of others in our own being, an inner sense of reality and oneness.

দিব্যজীবনে বিজ্ঞানময় মানব অপরের মন প্রাণ দেহকে আপনারই বলিয়া জানিবে। সে কাজ করিবে বাহিরের দরদ ভালবাসার প্রেরণাতে নয়, অন্তরের একত্ববোধের ফলে, সবার হৃদয়ে যে ব্রহ্ম বিরাজমান তাহার জন্ত— for the Divine in others and the Divine in all.

The gnostic being finds himself not only in his own fulfilment which is the fulfilment of the Divine Being and Will in him, but in the fulfilment of others.

বিজ্ঞানময় মানব কাজ করে শুধু তাহার আপন হৃদিস্থিত নারায়ণের তুষ্টির জন্ত নয়, সকলের তুষ্টির জন্ত, সকলের সার্থকতার জন্ত। আসল কথা তাহার স্বতন্ত্র সত্তা নাই, সে নিজের জন্ত কি করিতে পারে! সে সর্বত্র ব্রহ্মকে দেখিতেছে, ব্রহ্মের ইচ্ছা পূর্ণ হইতেছে বুঝিতেছে। তাহার কাজ মানে তাহার অন্তরস্থ দিব্যজ্যোতি ও দিব্যইচ্ছাশক্তিরই কাজ। This universality in action is the law of his Divine living—এই বিশ্বজনীন ভাবই তাহার ভাগবত-জীবনের বিধি।

ভাগবত-জীবনের প্রতিষ্ঠার জন্ত তাহা হইলে তিনটি বস্তুর প্রয়োজন। প্রথম—ব্যক্তির পূর্ণ পরিণতি অন্তরে, বাহিরে। দ্বিতীয়—ব্যক্তি ও তাহার আবেষ্টনের মধ্যে পূর্ণ-সঙ্গতি। তৃতীয়—নবীন জগৎ ও সেই জগতে পূর্ণতম সমবেত জীবন।

প্রথমটি আসিলেই দ্বিতীয়টি আসিবে। পূর্ণ-পরিণত ব্যক্তি সহজেই তাহার আবেষ্টনের সহিত সঙ্গতি আনিতে পারিবে। কিন্তু জগতে দিব্যজীবন আনিতে হইলে নবীন সমাজ, new common life-এর প্রতিষ্ঠা করিতে হইবে। নবীন সমাজ মানে কি? আজ আমাদের যে সমস্ত সমাজ গোষ্ঠী জাতি রাষ্ট্রাদি আছে তাহা নয়। এ সকলকে শ্রী শ্রীঅরবিন্দ physical collectivity বাহ্যিক সমবায় বলিয়াছেন। ইহাদের মূলে রহিয়াছে—এক আকাঙ্ক্ষা, এক সংস্কৃতি, একপ্রকার জীবন ধারা ইত্যাদি।

বিজ্ঞানময় মানবের সমাজ এরূপ বাহ্যিক ব্যাপার হইবে না। সেখানে ঝগড়াঝাঁটি, কে-বনতির কোন সম্ভাবনা থাকিবে



না, মিটমাট জোড়াতালিরও কোন প্রয়োজন হইবে না। তাহা হইলে সে সমাজের বন্ধন কি হইবে? শ্রীঅরবিন্দ বলিতেছেন—All will be united by the evolution of the Truth-consciousness in them. \* \* \* They will feel themselves to be embodiments of a single self, souls of a single Reality. অর্থাৎ ঋতচিত্তের জাগরণে তাহারা এক হইবে। তাহারা অনুভব করিবে যে তাহারা বহু দেহে একই আত্মার প্রকাশ, একই চরম সত্যের বহু রূপ। সে সমাজে শৃঙ্খলা থাকিবে, বিধিবিধান থাকিবে, কিন্তু সব আত্ম-নিয়ন্ত্রিত, স্বভাবজাত। শ্রীঅরবিন্দের কথায়, The whole formation of the common existence would be a self building of the spiritual forces that must work themselves out spontaneously in such a life. বিজ্ঞানময় জীবের সমাজ গঠিত হইবে তাহারই অন্তর্নিহিত আধ্যাত্মিক শক্তিসমূহের দ্বারা, সমাজের জীবনধারা কার্যধারা হইবে স্বতঃস্ফূর্ত। অথচ much anisation বা standardisation তাহার লক্ষণ হইবে না—যন্ত্রবৎ হইবে না সে সমাজ, বৈচিত্র্য থাকিবে বিস্তর, সবাইকে এক ছাঁচে ঢালাই করিতে হইবে না। অন্তরের অনুভূতি, অন্তরের দিব্যজ্ঞান, অন্তরের প্রেরণা থাকিবে এক, কিন্তু তাহার প্রকাশ হইবে নানারূপী, বিচিত্র। তথাপি সে সমাজে কোন বিরোধ বা বিশৃঙ্খলতা ঘটিবে না। ঘটিতে পারিবে না। কারণ অন্তরে যে একই সত্য সদাজাগ্রত! শ্রীঅরবিন্দের ভাষায়, a diversity of our Truth of knowledge and one Truth of life would be correlation and not an opposition. ব্যক্তিগত মতামত, ব্যক্তিগত ইচ্ছা, ব্যক্তিগত স্বার্থের ধাক্কাধাক্কি ধ্বংসাত্মক সেখানকার দিব্যশাস্তি নষ্ট করিবে না। সবটা হইবে একই সত্যের একই আত্মনের বিচিত্র বিকাশ, খাঁটি সোনা, অহমিকার খাদ তাহাতে থাকিবে না। শ্রীঅরবিন্দের কথায়, no ego insistence on personal idea and no push and clamour of personal will and interest. বিশ্বজনীন ভাবের সাধে থাকিবে একটা ব্যক্তিগত নমনীয়তা, অন্তরের একত্বের সাধে থাকিবে বাহিরের বৈচিত্র্য। বাহিরের রূপের অন্তরের সত্যের উপর কোন প্রভাব থাকিবে না। বিজ্ঞানে জাগ্রত gnostic মানবের তার আবেষ্টনের সঙ্গে অসঙ্গতি কিছুতেই হইবে না, যাহাই কেন তাহার স্থান হউক না gnostic সমষ্টির

মাঝে। প্রয়োজনমত সে নেতাও হইবে নীতও হইবে, নিয়ন্ত্রণও হইবে নিয়ন্ত্রিতও হইবে, সে জানিবে কখন কি করা চাই সমষ্টির জন্ত, সবই তাহাকে সমান আনন্দ দিবে। একত্ববোধ ও সঙ্গতি দিব্যজীবনের বিধান ও লক্ষণ inescapable law.

এই ভাবে মানুষ মনোময় জগৎ হইতে বিজ্ঞানময় জগতে উন্নীত হইবে। অবিজ্ঞান অজ্ঞান হইতে আধ্যাত্মিক জ্ঞান ও বিশ্বজ্ঞানে উঠিবে। উত্তরণ অবশ্যস্বাভাবী, কেন না সেই উন্নততর স্বভাব, super nature, তাহারই আপন স্বভাব, যদিচ তাহার বর্তমান চেতনার অগোচর। অজ্ঞানে অবস্থিত থাকিয়া আমরা যে জীবনধারা প্রবর্তিত করিতে পারি তাহাতে জীবনের পূর্ণতা আসিতে পারে না। যাহা গড়িয়া তুলি তাহাতে ভাল, সুন্দর যে একেবারে নাই তাহা নহে, কিন্তু বেশী রহিয়াছে মন্দ ও অসুন্দর। শ্রীঅরবিন্দের ভাষায়, a constructive half rightness mixed with much that is wrong and unlovely and unhappy. ফলে আমাদের গঠিত সংস্থাগুলিও তাহাদের কার্যধারা স্থায়ী হয় না, কিছুকাল কাজ করিয়া ধ্বংসপথে যায়। Imperfect, we cannot construct perfection—আমরা নিজেরা অপূর্ণ, পূর্ণ জিনিষ গড়িব কেমন করিয়া! সংঘটনগুলি বাহিরে কার্যকরী দেখাইতে পারে, কিন্তু টিকে না।

আমাদের প্রকৃতি, আমাদের চেতনা, একরূপ যে আমরা পরস্পরকে চিনি না, জানি না, আমরা পরস্পর বিচ্ছিন্ন, বিভিন্ন—rooted in divided ego. নানা সমষ্টির মাঝে আংশিক সঙ্গতি হয়ত আমরা আনিতে পারি, একটা সামাজিক সংহতিও সাধিত করি, কিন্তু মোটের উপর আমাদের পরস্পরের সম্বন্ধ ক্রমাগত বিকৃত হইয়া যায় পূর্ণ দরদের অভাবে, পূর্ণ বোঝাপড়ার অভাবে, ভুল বোঝার দরুণ, অসন্তোষের দরুণ, বিরোধবিবাদের দরুণ—by imperfect sympathy, imperfect understanding, gross misunderstandings, strife, discord, unhappiness এ ছাড়া আর কি হইবে বস্তুক্ষণ না আত্মজ্ঞান প্রতিষ্ঠিত হয়, অন্তরে একত্বের অনুভব না আসে! আমরা যাহা গড়িয়া তুলি, তাহা জোড়াতালি-গোছের। একতা—constructed unity—ব্যক্তি ও ব্যক্তিগত স্বার্থের সমবায়, আইনকানূনের চাপেই সে একতা বজায় থাকে। আত্মজ্ঞান

ও অন্তরের একস্ববোধকে ভিত্তি করিয়া আমাদের প্রকৃতিকে তাহার সীমা অতিক্রম করিতেই হইবে, তবে না আমাদের জীবন হইবে সমঞ্জস ও সুন্দর! যদি তাহা না হয়, যদি আমাদের প্রকৃতি যাহা আছে তাহাই থাকে, তাহা হইলে জীবনের পূর্ণ পরিণতি অসম্ভব, স্থায়ী সুখও মানুষের অদৃষ্টে নাই। কোন রকমে জোড়াতালি দিয়া ইহলোকে যেটুকু সুখ পাওয়া যায় তাহাই লইয়া সন্তুষ্ট থাকিতে হইবে। যথার্থ সুখ ও পূর্ণ জীবন লাভ করিবার জন্য কোন উর্দ্ধতর লোকে যাওয়া পর্য্যন্ত অপেক্ষা করিতে হইবে। নতুবা কোন নিঃশুঁণ নিরঞ্জন সত্তার মধ্যে লীন হইয়া নিষ্ক্রিয় সুখশাস্তির চেষ্টা দেখিতে হইবে। শ্রীঅরবিন্দ বার বার বলিয়াছেন যে জগতের অভিব্যক্তির পর্য্যবসান হয় নাই, নিশ্চয়তন জড় হইতে আরম্ভ করিয়া সৃষ্টির যে উর্দ্ধগতি চলিয়া আসিয়াছে তাহা বর্তমান অপূর্ণসত্তা মানব পর্য্যন্ত আসিয়া থাকিয়া যাইবে কেন?

সুপ্ত ঋতুচিং জাগ্রত হইবেই, it is our spiritual destiny to manifest and become that super nature—for it is the nature of our true self, our still occult, because unevolved whole being—ইহাই মানবের নিয়তি; মানবের যথার্থ পূর্ণ সত্তার যে প্রকৃতি, সেই পরাপ্রকৃতিকে মানবের উপলব্ধি করিতেই হইবে। আমাদের চাই পূর্ণ চেতনাতে জাগ্রত আধ্যাত্মিক জীবন। এই জাগরণের অবশ্যজ্ঞাবী ফল আত্মজ্ঞান, পূর্ণ পরিণত জীবন, চিরন্তন সুখ ও পরম আনন্দ। ক্রমবিবর্তনের পথে এই জাগরণও আসিতে বাধ্য।\* (ক্রমশঃ)

\* প্রবন্ধে মূল গ্রন্থ হইতে ইংরেজী বাক্য এখানে সেখানে উদ্ধৃত করিয়াছি। ইংরেজীতে অনভিজ্ঞ পাঠক সেগুলি বাদ দিয়া পড়িবেন, অর্থবোধের কোন গোলযোগ হইবে না। তর্জমা সর্বত্র দিয়াছি। যাহারা ইংরেজী বোঝেন তাহারা সবটাই পড়িবেন, শ্রীঅরবিন্দের অমুগম ভাষা ও লিখনশৈলীর পরিচয় পাইবেন।

## প্রিয় বান্ধবী শিপ্রা

শ্রীলতিকা ঘোষ

প্রিয় বান্ধবী শিপ্রা, আজিকে নিশীথ রাতে—  
খুম নাই মোর করুণ সজল নয়ন পাতে।  
জ্যোছনায় ভরা ধরণী বিভল  
চাঁদ তারে চুমে করি নানা ছল  
কবি জানে শুধু কিসে কানাকানি সেথায় চলে—  
নিশানাথ ওগো নিশিগন্ধারে কি, কথা বলে!  
পূবালি হাওয়ায় নিভে গেল দীপ সোহাগ ভরে—  
শিখা আর বায়ু কোলাকুলি করে কণেক তরে।  
বিন্দু সোনালি আলো লেগে গায়  
তাহাদের প্রেম ধরা পড়ে যায়  
প্রদীপ লভিল মরণ-মলয় ছুটিয়া চলে—  
মধুপের সখী চম্পক রাণী দেখে তা ছলে!

দীঘির কৃষ্ণ জলের বুকেতে পদ্ম-ফুল—  
গুন্ গুন্ করে মোমাছির দল পুলকাকুল।  
সেথায় প্রেমের গুঞ্জনধ্বনি  
নিশানাথ শোনে আর আমি গুনি  
আকাশে বাতাসে আঁধারে আলোকে একই খেলা—  
লুকোচুরি আর কানাকানি চলে রাতের বেলা!  
রাতের পূর্ব-তোরণে দাঁড়াল প্রভাত রবি—  
সকলের সাথে প্রণাম করিল মুগ্ধ কবি।  
ওগো সখি শোন কল্পনা নয়  
প্রকৃতির প্রেম প্রাণময় হয়  
আড়ি পেতে তাই দেখিলাম সব—বুঝিলে মিতা—  
জাগিয়া যেজন রহিল নিশীথে—তোমারি নীতা।

## ভদ্র ভিখারী

শ্রীসৌরীন্দ্রমোহন মুখোপাধ্যায়

সত্ত্ব সিনেমা ভাঙ্গিয়াছে। বাহিরে প্রচণ্ড বৃষ্টি। এ-বৃষ্টিকে গ্রাহ্য করিলে যাহাদের চলে না, বৃষ্টি মাথায় করিয়া তাহারা পথে বাহির হইয়াছে; বাকী লোক সিনেমার লাউঞ্জে ভিড় করিয়া দাঁড়াইয়া আছে। গাড়ীতে গিয়া উঠিবে, উপায় নাই! ভিজিয়া একশা হইতে হইবে!

পথে রিক্‌শ্-ওয়ালার ঘণ্টা বাজাইয়া আহ্বান-সঙ্কেত জানায়; ফিটন-গাড়ীর আপাদ-মস্তক-মুড়ি-দেওয়া কোচম্যান বার-বার ফিটন লইয়া সিনেমার সামনের পথে ঘোরা-ফেরা করে; ট্যান্ডিওয়ালার থাকিয়া-থাকিয়া হর্ণ বাজায়। কেহ সে-সব ডাকে সাড়া দেয় না—লাউঞ্জে দাঁড়াইয়া আছে! ছবি দেখিয়া সত্ত্ব যে তৃপ্তি-সুখ, তাহার উপর এ যেন অন্তস্তির কাঁটা!

পথে একজন বাঙ্গালী ভদ্রলোক। জীর্ণ-মলিন বেশ... ভিজিয়া চেহারা এমন হইয়াছে যে তাহার পানে চাহিলে বুকখানা কেমন করিয়া ওঠে! বেচারীর হুঁচোখে যেমন বেদনা, তেমনি আকুল মিনতি! লাউঞ্জের বাহিরে আসিয়া সকলের মুখের পানে তাকায়—কি যেন চায়! মুখে কিন্তু স্বর কোটে না!

হাত পাতিয়া যদি কিছু চাহিত, এই সব অলস-সৌখিনের মধ্যে হয়তো কেহ কিছু দিত! কিন্তু সে চাহিল না! সকলের পানে তাকাইয়া ভাবিতেছিল, চাহিলে কেন এরা দিবে? আমার কিছু নাই, তাহার দায় সম্পূর্ণ আমার! অপরের কি রহিয়া গিয়াছে! সহরে আমার মতো অভাবগ্রস্তের সংখ্যা গণিয়া শেষ করা যায় না! যাহাদের আছে, কতজনকে তাহারা দিবে? কত দিবে?

এই কথাই সে ভাবিতেছিল। আরো ভাবিতেছিল, এই বৃষ্টিতে এত লোক ছবি দেখিতে আসিয়াছে... ছবি দেখিয়া বৃষ্টিতে কিরিতে পারে নাই... দাঁড়াইয়া আইস-ক্রীম খাইতেছে, চকোলেট খাইতেছে, সিগারেট টানিতেছে! এ-সব না খাইলে মাহুকের বাধে না... আটকায় না! এ-সবে যে-পরস্বা অপব্যয় করে সে-পরস্বায় আমাদের মতো কতজন

হুঁবেলা পেট ভরিয়া খাইতে পায়! কিন্তু আমরা মুখে অন্ন দিতে পারি না বলিয়া সৌখীন-বিলাসীরা কেন ছাড়িবে তাহাদের বিলাস-লীলা?

বৃষ্টির বেগ একটু কমিল...

ভিড়ের মধ্য হইতে সুকুমার সহসা বাহিরে আসিল... চারিদিকে চাহিয়া হাত নাড়িয়া ইঙ্গিত করিল। সঙ্গে সঙ্গে সিনেমার সামনে আসিয়া দাঁড়াইল প্রকাণ্ড মোটর। সামনে বসিয়া উর্দী-পরা ড্রাইভার। সুকুমার চাহিল লাউঞ্জে এক সজ্জিতা তরুণীর পানে; কহিল—এসো...

তরুণী আসিল। এবং সেই বাঙ্গালী ভদ্রলোকটির পাশ দিয়া ছুজনে মোটরে চাপিয়া বসিল। মোটর চলিল পশ্চিম দিকে।

তরুণীর নাম অতসী। অতসী সুকুমারের দিদি। তাহার বিবাহ হইয়াছে সহরের মস্ত ধনী-ব্যবসায়ী বিদ্যুৎ-বরণের সঙ্গে।

গাড়ীতে উঠিতে গিয়া বাঙ্গালী ভদ্রলোকটির চোখে যে-দৃষ্টি অতসী লক্ষ্য করিল, সে-দৃষ্টিতে গভীর হতাশা— তেমনি আবার অনেকখানি প্রত্যাশা! সে-দৃষ্টি তার মনে বিধিল... মনটা খচ্-খচ্ করিতে লাগিল।

গাড়ীর পিছন-দিককার কাঁচ দিয়া দেখিল, লোকটি তেমনি দাঁড়াইয়া আছে... যেন পাথরের মূর্তি!

কি মনে হইল, অতসী কহিল—গাড়ী রাখো ড্রাইভার... ড্রাইভার গাড়ী থামাইল। অতসী কহিল—দেখেছি সবে সুকু, সিনেমার সামনে একজন লোক... গো-বেচারীর মতো চেহারা...

সুকুমার বলিল—দেখেছি। বেকার ভদ্রলোক... বাঙ্গালী...

অতসী বলিল—এই জলে ঠায় ভিজছে! বোধ হয় কিছু চায়...

ড্রাইভারকে কহিল—একবার যাও তো ড্রাইভার,  
ঐ গরীব লোকটিকে ডেকে আনো।

এই জলে নামিতে হইবে... ড্রাইভার বিরক্ত হইল। কিন্তু  
সে বিরক্তি-প্রকাশের উপায় নাই। চাকরি করে বড়-  
লোক মনিব! সে তাকে ডাকিতে গেল।

ভিখারী আসিল।

অতসী কহিল—তোর কাছে খুচরো টাকা আছে  
সুকু? ... দুটো?

সুকুমার পার্শ্ব খুলিল, বলিল—না। খুচরো আছে  
পাঁচ-সিকে... বাকী নোট!

—পাঁচ টাকার নোট আছে?

—আছে।

—দে একখানা।

সুকুমার দিল পাঁচ টাকার নোট। নোট লইয়া  
অতসী ভিখারীকে ডাকিল। ভিখারী গাড়ীর পাশে  
আসিয়া দাঁড়াইল।

অতসী কহিল—এই নাও...

ভিখারী হাত পাতিয়া লইল। পাঁচ টাকার নোট!  
তাহার হুঁচোখ জলিয়া উঠিল! ভাবিয়াছিল, দু'চারিটা পয়সা  
মিলিবে... না হয় বড়-জোর একটা সিকি! তাঁর বদলে পাঁচ-  
পাঁচ টাকার নোট! সে অতসীর পানে চাহিল।

অতসী তার পানেই চাহিয়াছিল... মমতার দৃষ্টি!

ভিখারী কহিল—যদি একটা চাকরি আমাকে ছান্...  
আমি খুব খাটতে পারি।... আমি ভিক্ষা চাই না... চাইতে  
পারি না। ভিক্ষা মানুষ ক'দিন চাইবে? লোকে ভিক্ষা  
দেবেই বা ক'দিন... তার চেয়ে হুঁবেলা হুঁমুঠো বাঁধা অন্ন  
আর থাকবার একটু আশ্রয়!... পথে পথে আর ঘুরতে  
পারছি না।

বেচারীর কয়লার মতো কালো চোখ সে-চোখে  
গভীর হতাশা... অতসী বুঝিল, ভিক্ষায় এ-লোকটার রুচি  
নাই! অতসীর মনে চিরকালের যে-নারী বসিয়া আছে...  
এই বিলাস-ভূষণ প্রমোদ-হাসির অন্তরালে... সে-নারীর  
মন মমতার গলিয়া গেল।

অতসী কহিল—কাজ করবে?

অতসী চাহিল সুকুমারের পানে। সুকুমার কাঁঠ হইয়া  
বসিয়া আছে... উদাসীন নির্বিকার... জয়ুগ কুণ্ডিত।

সুকুমার কোনো কথা কহিল না।

অতসী চাহিল ভিখারীর পানে, কহিল—কিন্তু  
উপস্থিত তেমন কাজ তো নেই।... তা আচ্ছা, পারবে  
বাগানের কাজ করতে?

ভিখারী কহিল—যে-কাজ বলবেন, আমি করবো।

অতসী বলিল—বেশ, তাহলে এসো আমার সঙ্গে।

গাড়ীতে উঠে বসো...

ভিখারী তখনি গাড়ীতে উঠিয়া বসিল... ড্রাইভারের  
পাশে। ড্রাইভার হুঁচোখে আগুন জালিয়া কঠিন ভঙ্গীতে  
ভিখারীর পানে চাহিল। তার এই পরিষ্কার উদ্দী... সে-উদ্দী  
বেঁধিয়া ময়লা-ভিজা-টুকনি-পরা এই ভিখারী...

নিরুপায়! পরের ঘরে সে চাকরি করে এবং এখানে  
মনিব-গৃহিণীর এ ব্যবস্থা...

পাঁচ টাকার নোটখানা অতসীর দিকে ধরিয়া ভিখারী  
বলিল—এটা রেখে দিন। আশ্রয় আর অন্নের সংস্থান হলো,  
নোট নিয়ে আমি করবো কি?

অতসী বলিল—রেখে দাও। ভিক্ষা নয়... তোমার  
মাহিনার দরুণ কিছু আগাম...

ভিখারীর হুঁচোখে... সে যে কি... দেখিয়া অতসীর মন  
ভরিয়া গেল!

গাড়ী চলিল।

মৃহকণ্ঠে সুকুমার বলিল—জামাইবাবু কি বলবেন বলো  
তো? এই দামী গাড়ীতে তুমি ওকে তুললে!

হাসিয়া অতসী বলিল—এ-সব ছোট জিনিষ তিনি  
চোখ তুলে দেখেন না কখনো!

সুকুমার বলিল—কি কাজ ও করবে, শুনি? থাকবে  
কোথায়?

অতসী বলিল—মালীর লোক চলে গেছে। সে একটা  
লোক চায়—সেই কাজ এ করবে। আর থাকবে মালীর  
ঘরের সামনে যে পাকা দালান, সেই দালানে। ক্যাম্প-খাট  
পড়ে আছে বাড়ীতে... তাতে শোবে'ধন। না হলে  
ভদ্রলোক... বাজালী ভদ্রলোক... মালীর মতো থাকতে  
পারবে না তো! বোধ হয় লেখাপড়া জানে... কথাগুলো  
বেশ ভদ্র... না?

এ-কথা ভিখারীর কানে গেল না। গাড়ীতে বসিয়া

বন্ধ কাঁচের মধ্য দিয়া সে বাহিরে পথের পানে চাহিয়াছিল... আলো-আঁধারের অস্পষ্ট ঝাপটা চোখের উপর দিয়া জলিয়া-নিবিয়া সরিয়া-সরিয়া চলিয়াছে... অত্যন্ত দ্রুত বেগে।

অতসী বসিয়া ভাবিতেছিল, স্বামী বিদ্যুৎবরণের কথা! এই যে অতসী আজ মমতা-বশে এক পথের ভিখারীকে আশ্রয় দিতেছে, ইহা লইয়া এতটুকু মাথা ঘামাইবেন না! সংসারের কোনো-কিছুতে কোনোদিন তাঁহাকে পাওয়া যায় না। না চান কারো পানে সদয় দৃষ্টিতে...না করেন কাকেও রূঢ় ভৎসনা...কোনোদিন নয়! মুখে হাসির রেখাটুকু সব সময়ে লাগিয়া আছে। হাসির সে-রেখায় কাহারো মনে ছোট একটি দীপও জ্বলে না! তাঁর সে-হাসি এমন নিজীব যে সে-হাসিতে ছনিয়ায় না হয় কোনো লাভ...এবং সে-হাসি নিবিয়া গেলে ছনিয়ার কোথাও এতটুকু ছায়া ঘনায় না! তাহার এই নিজের জীবনে...স্বামীর কাছ হইতে সে কি পাইয়াছে? বিলাস-ভূষণ মান-মর্যাদা, সহজ-স্বাচ্ছন্দ্য...এ-সবের কোথাও এতটুকু ক্রটি নাই! কিন্তু...

স্বামী বিদ্যুৎবরণ বিদ্যা-বুদ্ধির জাহাজ...বিদ্যা লইয়া স্বামী প্রাচীন কাব্যের বিচার করিতেছেন, আর বুদ্ধি লইয়া বাজারে ব্যবসা-বাণিজ্য চালাইতেছেন। এ বিদ্যাবুদ্ধির সঙ্গে ছনিয়ার প্রাণের সংযোগ কোথাও নাই! অতসী দেখে, স্বামী যেন তুঙ্গ গিরি-পর্বত! সে-গিরির মহিমা-গৌরবে মন মাতিয়া আছে...কিন্তু ও-গিরির বৃকে আশ্রয় পাইবে কি, গিরির নাগালই পায় না!

অতসী বিদূষী। একালের পাশ-করা। এ-বয়সে স্বামীর কাছ হইতে নারীর যা পাইবার কথা, অর্থাৎ নারী যা চায়, মনের পিপাসা মিটাইতে...বিদ্যুৎবরণের কাছে সে তাহার কিছুই পায় নাই! স্বামীর ঐশ্বর্য্য-সম্পদের আর-পাঁচটা আসবাবের মতো সে একটা উপকরণ মাত্র! দামী মোটর-গাড়ী, সৌখীন বাড়ী-ঘর, দামী সোফা-কোচ-আলমারি-খাট-পালঙ-রেফ্রিজারেটরের গর্বে স্বামী যেমন গৌরব বোধ করেন, রূপসী বিদূষী স্ত্রীও তাঁহার তেমনি গর্বের সামগ্রী এবং এই গর্ব-গৌরবের আশ্রয়ে সমাজে-সংসারে অতসী রক্ত-আসন পাতিয়া বাস করিতেছে!

নিজের নিঃসঙ্গতার বেদনায় অর্জ্বরিত হইয়া অতসী কতবার ভাবিয়াছে, এমন করিয়া মাহুষ বাঁচিতে পারেনা!...

তবু সে এখানে এই বিদ্যুৎবরণের গৃহে তাঁহার আসবাব হইয়া পড়িয়া আছে! এখান হইতে নড়িতে পারে না! সমাজে এত মান, এমন সম্মম...এ শুধু স্বামীর জন্ত! কাজেই স্বামীর উপর তাহার কৃতজ্ঞতার সীমা নাই! ভালোবাসা...

সে-কথা অতসী আর ভাবে না। ভাবিতে গেলে মাথা বিম্ব-বিম্ব করে...চোখের সামনে হইতে পৃথিবী যেন বলের মতো গড়াইতে গড়াইতে কোথায় অদৃশ্য হইয়া যায়!

চাঁদের জ্যোৎস্না-ধারা...ফুলের গন্ধ...দক্ষিণ বাতাস...অতসীর মনকে বার-বার দোলা দেয়...নিজের অজ্ঞাতে তন্দ্রালস-ভরে অতসী আসিয়া দাঁড়ায় স্বামীর পাশে...স্বামী মোটা-মোটা বইয়ে দুর্গ রচিয়া সে-দুর্গে নিজেকে আবদ্ধ রাখিয়াছেন! সে-দুর্গে অতসী গিয়া হানা দেয়, স্বামী দু'হাতে ঠেলিয়া তাহাকে সরাইয়া দিয়া বলে—কাজের সময় বিরক্ত করো না অতসী...এখন যাও...

সারা মন অশ্রুর তরঙ্গে উদ্বেল করিয়া অতসী সরিয়া আসে। স্বামীর কাজের সময় কোনোদিন আর শেষ হইল না! স্বামীর এক-নিমেষ অবসর নাই অতসীর পানে ফিরিয়া চাহিবেন! নিখাসের বাষ্পে মন ভরিয়া ওঠে! অতসীর মনে হয় বুকখানা বৃষ্টি এ-নিখাসের চাপে ফাটিয়া চূর্ণ হইবে!

প্রাণ চূর্ণ হয় না! মনকে অতসী তাই দু'পায়ে চাপিয়া মাড়াইয়া জীবনের পথে চলিয়াছে! মাহুষ কি সব পায়...যা চায়? এ-জন্মে অতসী যা পাইয়াছে, তার বেশী পাইবার ভাগ্য সে করে নাই! যা পায় নাই, তার জন্ত দুঃখ করিয়া কি ফল? কাজেই অতসী এদিকে আর ফিরিয়া তাকায় না!...

গাড়ী আসিয়া গৃহে পৌছিল।

পর্চের সামনে ছিল বিদ্যুৎবরণ। ভিখারীকে দেখিয়া বিদ্যুৎবরণের চোখে একরাশ বিস্ময়! অতসী লক্ষ্য করিল। বলিল—এ লোকটিকে পণে পেলুম। তোমার মালীর লোক ছুটি নিয়ে দেশে গেছে...তার জায়গায় কাজ করবে।

তাহার পর অতসী চাহিল ড্রাইভারের দিকে, বলিল—একে মালীর কাছে নিয়ে যাও...আজ থেকে বাহাল হলো।

একে যেন তার বিছানা-পত্র ছায়। ওর অন্ত শুকনো জামা-কাপড় আমি পাঠিয়ে দিচ্ছি বিত্তর হাত দিয়ে।

বিশ্ব খানশামা।

রাত প্রায় দশটা। বৃষ্টি থামিয়া গিয়াছে। আকাশ-ভরা জ্যোৎস্না। বারান্দায় ইজিচেয়ারে বসিয়া অতসী ..একা। ভিখারীর কথা ভাবিতেছিল। এ-জলে নিরাশ্রয় কোথায় পড়িয়া থাকিত...এখানে আশ্রয় পাইয়া বাঁচিয়াছে!

সুকুমারের একখানা পুরানো ধূতি, স্বামী বিদ্যাবরণের হাত-কাটা একটা পুরানো সার্ট পাঠাইয়া দিয়াছে...বিশ্ব ক্যাম্প-খাট দিয়া আসিয়াছে...মালীর সেই লোকের বিছানা আছে মালীর কাছে...বলিয়া দিয়াছে—উহাকে দিতে!

মনে তৃপ্তির সীমা নাই! সে তৃপ্তিতে মন ভরিয়া আছে। অলস-বিলাসে সারাক্ষণ ডুবিয়া থাকে, আজ মস্ত একটা কাজ করিয়াছে...নিরাশ্রয়কে আশ্রয়-দান!

ভাবিতেছিল, ঘরে সে এমন আরামে বাস করে—আর বাহিরে উহার মতো কত নিরাশ্রয়...কত নিরন্ন হাহাকার করিতেছে...মাথায় ছাদের একটু আবরণ মেলে না! দারিদ্র্যের সে রুদ্র-রূপ স্মরণ করিয়া অতসী শিহরিয়া উঠিল!

পরের দিন।

নিত্যকার জীবন-ধারায় দেহ-মন ভাসিয়া চলিয়াছে। সকালে ঘুম-ভাঙ্গার সঙ্গে সঙ্গে লোকটির কথা মনে পড়িল। ভাবিল, একবার গিয়া দেখিয়া আসে, কৃতজ্ঞতায় বিগলিত হইয়া অতসীর পায়ে লুটাইয়া সে কি বলে...

অতসী ডাকিল—সুকু...

সুকু পাশের ঘরে শেভ্ করিতেছিল, বলিল—কেন?

অতসী আসিল। কহিল—তোমার মনে একটু দয়া-মায়া নেই রে? লোকটাকে কাল পথ থেকে নিয়ে এলি, তা তার একটু ধোঁজ-ধবর নে...

সুকুমার কহিল—হঁঃ...মস্ত মানী কুটুম্ব-লোক। সকালে উঠেই যাবো তার তত্ত্ব নিতে!

কথাটা অতসীর ভালো লাগিল না। সে বলিল—না হয় গরীব! মাঝে তো! ভদ্রলোক! অবস্থা একদিন ভালোই ছিল হয়তো!

অতসী চলিয়া গেল। সুকুমার বুকিল, দিদি রাগ করিয়াছে।

কাজ চুকিলে নিঃশব্দে সুকু আসিল বাগানে। লোকটি গাছের গোড়া হইতে আগাছা সাফ করিতেছে। সুকুমার বলিল—রাত্রে খাওয়া-দাওয়া হয়েছিল?

সে বলিল—হ্যাঁ।

সহজ স্বর—সে স্বরে বিগলিত ভাব নাই।

সুকুমার বলিল—দিদি তোমায় আশ্রয় দেছে...তোমার কুলুজী কেউ জানে না...বেইমানী করো না যেন!

সে জবাব দিল না...মুখ তুলিয়া সুকুমারের পানে চাহিলও না।

সুকুমার বলিল—মন দিয়ে যদি কাজ করো, তাহলে চাকরি এখানে পাকা হবে বুঝলে?

এবারো সে না তুলিল মুখ, না দিল জবাব!

সুকুমার কহিল—তোমার বাড়ী কোথায়? কে আছে? আগে কোথাও চাকরি-বাকরি করেছো?

লোকটির গ্রাহ নাই! জবাব দিল না...নিজের মনে আগাছা উপড়াইতে লাগিল।

সুকুমারের রাগ হইল। ভাবিল, লোকটার কৃতজ্ঞতার লেশ নাই! পথে পড়িয়াছিলি কুকুরের মতো...মাথায় করিয়া আনিয়া তোকে দিলাম আশ্রয়...কৃতজ্ঞতার ভারে হুইয়া থাকিবি! না, গ্রাহ নাই! যেন নবাব-বাহাদুর!

রাগে জলিয়া সে চলিয়া আসিল।

আগাছা সাফ করিয়া মালীর নির্দেশে লোকটা এক জায়গায় কোদাল ধরিয়া মাটি কোপাইতেছে, অতসী আসিয়া সামনে দাঁড়াইল।

মুখে তৃপ্তির হাসি, অতসী কহিল—কোনো অসুবিধা হচ্ছে না?

মুখ তুলিয়া সে বলিল—না।

অতসী বলিল—বিছানা পেয়েছিলে?

—পেয়েছিলুম।

অতসী বলিল—বালিস-টালিস আছে তো ঠিক!

লোকটা বলিল—আমি দেখিনি।

—ত্যাখোনি!...কিসে শুলে?

—খাটে।

—বিছানা?

—অন্ত লোকের শোয়া-বিছানায় আমি শুতে পারি না।

কথাটায় অতসীর মনে যেন ছাঁকা লাগিল! এমন কথা চাকরের মুখে শুনিবে, ইহা ছিল কল্পনাতীত! বামুন-চাকর আসে যায়...সরকারী বিছানা পায় চিরদিন। সে-বিছানা লইয়া এমন সুরে এ পর্য্যন্ত কেহ প্রতিবাদ তোলে নাই! বুঝিল, লোকটা কথা কহিতে জানে না!...কার সঙ্গে কি ভাবে কথা কহিতে হয়...বোধ হয়, তেমন ঘরে কখনো কাজ করে নাই!

অতসী বলিল—কিন্তু সব মালী ঐ বিছানাতেই শোয়। তোমার জন্তে নতুন বিছানা তৈরী হতে পারে না তো...

মুহূ হাস্তে সে বলিল—আজ্ঞে না, তা আমি বলিনি...

ঐ কথা...তার পর এই হাসি...এ যেন বিদ্রূপ!

অতসীর রাগ হইল। একটু আগে স্নুকু বলিয়াছে, লোকটা দারুণ অসভ্য...কোনো-পুরুষে লোকের বাড়ী চাকরি করে নাই...একেবারে অধম ভিখারী!...তাই বটে!

অতসী বলিল—এখানে যদি কাজ করতে চাও, মানুষ হওঁ হবে। কার সঙ্গে কি করে' কথা কহিতে হয়, শিখতে হবে।...এ-বাড়ীতে তুমি চাকরি করছো...তুমি চাকর...মনে রেখো।

সে বলিল—আজ্ঞে হ্যাঁ, চাকর। আমি তা জানি। কাজ করছি তো!

অতসী চলিয়া আসিতেছিল...কি মনে হইল, দাঁড়াইল। দাঁড়াইয়া প্রশ্ন করিল—তোমার নাম?

লোকটা বলিল—নাম নিয়ে কি হবে? আমার কাজ নিয়ে কথা।

মুখের উপর কথা! এমন কথা! অতসীর রাগ হইল...বলিল—মানুষের একটা নাম থাকে। তোমাকে ডাকতে হলে বাবু-মশাই বলে' তো লোকে ডাকবে না...কি তোমার নাম?

সে বলিল—ও...আমাকে কান্তি বলে ডাকবেন!

অতসী দাঁড়াইল না; চলিয়া আসিল।

বিরক্ত লাগিল...রাগ হইল। পথে পড়িয়াছিল নিরাশ্রয়, নিঃসম্বল...ডাকিয়া ঘরে আনিয়া ঠাই দিলাম, তার জন্ত...এ যেন কী! বাড়ীতে আরো পাঁচজন লোক আছে...দাস-দাসী ডাইভার-মালী...তাদের সঙ্গে অতসী কথা কহিতে যায় না!

কোনো কথা কহিলে সন্মুখে তারা নত হয়...সে কথা কি করিয়া শোনে...কতখানি বিনয়-নম্র হইয়া সে কথার জবাব দেয়...

না, ইহাকে রাখা চলিবে না...অন্ত দাস-দাসীদের স্বভাব বিগড়াইয়া দিবে...

তবু কান্তিকে বিদায় দেওয়া গেল না।

রাগ পড়িলে মনে হইল, কি এমন অপরাধ করিয়াছে? পরের ব্যবহার-করা বিছানায় শুইতে ঘৃণা হয়! অতসীরও হয়...অপরের তোয়ালে-গামছা সে ব্যবহার করিতে পারে না! সে তোয়ালে-গামছা আপন-জনের হইলেও না! ও যদি মালীর বিছানা ব্যবহার করিতে না পারে! না পারিবার কথা! ভদ্রলোক...নিশ্চয় একদিন ও...নহিলে ভিক্ষা চাহিতে পারে না?

মনে মনে কান্তিকে তখনি মার্জনা করিল এবং কান্তি এ গৃহে রহিয়া গেল।

মালীর ঘরের সামনে ঢাকা-দালান...সেখানে সে থাকে। খাওয়ার সময় ঠাকুর ডাকিয়া পাঠায়, আসিয়া খাইয়া যায়। বাসন মাজিতে পারে না...বলে, কলাপাতা কাটিয়া আনিব, সেই পাতায় ভাত দিয়ো! মন দিয়া কাজ করে...মালী যা বলে, করে। মাটি কাটে...আগাছা সাফ করে...মাটিতে চার! বসায়...গাছে জল দেয়। কাজে অলস নাই এক তিল! তারপর কাজ চুকিলে চুপচাপ বাগানে বসিয়া থাকে। কি ভাবে...কাহারো সঙ্গে মেশে না। অতসী কত দিন এ-সব লক্ষ্য করিয়াছে।

বিশু আসিয়া বলে—আশ্চর্য্য মানুষ মা! এ্যাদিন আছে...আমাদের সঙ্গে বসে একদিন দুটো কথা কহিলে না! আমরা কথা কহিতে গেলে সরে চলে যায়! যেন নবাব-পুতুর!

ঠাকুর বলে—কলাপাতা সামনে নিয়ে বসে...যা দি, চুপ করে খায়। কোনোদিন বলে না, আর-দুটি ভাত দাও, কি একটু ডাল দাও!...পাগল, না, কি ও মা?

অতসী ভাবে, সত্য...আশ্চর্য্য লোক!

তারপর ঐ যে চুপচাপ বসিয়া থাকে! ও কি ভাবে?

এখানে আজ আশ্রয় পাইয়াছে...ভিখারীর সে-কদর্য্য-তার ছোপ্-আর নাই। উবিয়া গিয়াছে! চেহারা যা হইয়াছে...মালীর কাজে কান্তিকে মানায় না!

বিরল-অবসরে কান্তির কথা অতসীর মনে চাপিয়া বসে।

সেদিন অতসী বাগানে আসিল। বাগানে মণ্ডমী ফুল ফুটিয়াছে। কান্তি কাছেই কাজ করিতেছিল...কোন গাছে কলম বাধিতেছিল।

অতসী কহিল—লোকজনের সঙ্গে মেশো না কেন তুমি? একসঙ্গে কাজকর্ম করো সকলে... এক মনিব... পরস্পরে মিশবে—পরস্পরে পরস্পরের সুখ-দুঃখ বুঝবে...ওরা কত বলে সেজন্ত!

মুহু হাসিয়া কান্তি বলিল—ওদের সঙ্গে কি কথা কইবো? ওরা হলো আলাদা ক্লাশের লোক...

আলাদা ক্লাশ!

অতসী কান্তির পানে চাহিল। তার দু'চোখে বিস্ময়!

অতসী কহিল—তা যদি বলো, তাহলে আমরা তো তোমার সঙ্গে কথা কওয়া উচিত নয়!

কান্তি বলিল—আপনি আমার সঙ্গে কথা কন...তার মানে, আপনি মনিব, আমি চাকর। আপনার দয়া হয়, দরকার হয়, তাই আপনি কথা কন।...যারা উঁচু কোঠায় থাকেন, তাঁরা যখন নীচু কোঠার পানে তাকান... ভাবেন, দয়া করছেন!...যারা খুব বড়, আর যারা খুব ছোট...তরাই সকলের সঙ্গে মিশতে পারে, কথা কইতে পারে...কোথাও বাধে না!

কথাগুলো অতসী মন দিয়া শুনিল। নূতন কথা! এ কথা শুনিয়া সে বলিল—কিন্তু ওদের সঙ্গে কথা কইতে তোমার কেন বাধবে? ওরা যা, তুমিও তাই।

কান্তি এ'কথার জবাব দিল না... পাশে ছিল একটা শিউলি ফুলের গাছ... দাঁড়াইয়া সে-গাছের পাতা ছিঁড়িতে লাগিল।

অতসীর মুখে কথা নাই... নিঃশব্দে সে প্রস্থান করিল।

সারা মনে দারুণ অস্বস্তি! মনে হইতেছিল, কান্তি যে দুর্ভেদ্য দুর্গ রচিয়া তার মধ্যে এমন নির্ঝিকারচিত্তে বাস করে, ও দুর্গে কি এমন শক্তি সে সঞ্চিত রাখিয়াছে! কেন সে গ্রাহ্য করে না? অতসী বাগানে গেলে মালী যেখানে যে ভালো ফুলটি ফুটিয়াছে, আনিয়া সসজ্জমে তার হাতে উপহার দেয়! ঐ মণ্ডমী ফুলের রাশ...কান্তির একবার মনে হইল না যে ও'ফুল আনিয়া...

ফুল আনিয়া দেওয়া দূরে থাকুক, অতসী কথা কহিলে কান্তি সে-কথার জবাব দেয় কতখানি তাচ্ছিল্য-ভরে... যেন কথা কহিয়া অতসীকে সে কৃতার্থ করিয়া দিবে!

এ লোকটাকে কি করিয়া বুঝাইয়া দিবে, অতসীর অহুগ্রহে শুধু আশ্রয় মিলিয়াছে? অতসী যদি আজ তাহাকে আবার তাড়াইয়া দেয়, তাহা হইলে...

অতসী আসিল বিদ্যাবরণের কাছে। পাঁচখানা বই খুলিয়া বসিয়া বিদ্যাবরণ খাতার পাতায় কি সব লিখিতেছে।

অতসী ডাকিল—ওগো...

বই হইতে মুখ না তুলিয়া বিদ্যাবরণ কহিল—কেন?

—তোমার ঐ নতুন মালী। ও ভারী অকৃতজ্ঞ। ভারী বেইমান...

বিদ্যাবরণ বলিল—হুঁ...

অতসীর পানে নিমেষের জন্য তাকাইল না... উঠিয়া আলমারি হইতে আর একখানা মোটা বই আনিয়া পাতা উল্টাইতে লাগিল।

রাগে অতসী কাঠ! বলিল—মানুষ কথা কইতে এসেছে, তা গ্রাহ্য নেই!

বিদ্যাবরণ বলিল—বুঝছো না ভারী interesting... ঐ চণ্ডীদাস এমনি নজীর পেয়েছি, যার জোরে প্রমাণ করে দেবো তিনি শুধু বৈষ্ণব পদাবলী লেখেননি... একশো খানি শ্রামা-সঙ্গীত লিখে গেছেন। Internal evidence যা পাচ্ছি...

নিশ্বাস ফেলিয়া অতসী চলিয়া আসিল।

সোজা স্কুর ঘরে আসিল। স্কু একখানা বিলাতী সিনেমা-পত্রিকা দেখিতেছে।

অতসী বলিল—সিনেমায় যাবি?

স্কুমার লাফাইয়া উঠিল, কহিল—কোন্টায় যেতে চাও?

—টিভোলীতে।

—যাবো। ওখানে খুব ভালো ছবি আছে! নর্মার ছবি।

তাই হয়। অতসী ভাবে, ভাগ্যে স্কু এখানে আছে... নহিলে কি করিয়া তার দিন কাটিত!



এ-বয়সে স্বামী মুখের পানে চাহিতে জানে না! প্রাচীন কবিদের কাব্যে কি পাইয়া তাহাতে মশগুল থাকেন! অতসীর দেহে-মনে যে কাব্য আছে, তার পাশে চণ্ডীদাস-বিদ্যাপতি!

এক-একবার মনে হয়, কোথাও চলিয়া যাই! কাছে আছে বলিয়া স্বামী তার দাম বুঝিল না...দূরে গেলে বুঝিতে পারিবে! কিন্তু কোথায় যাইবে?

ইহার চেয়ে যদি গরীবের ঘরে গরীব-স্বামী...সে যত্ন করিত, আদর করিত...

পরক্ষণে শিহরিয়া উঠিল। তাহা হইলে এ ঐশ্বর্য্য-সম্পদ...বিলাস-ভ্রমণ . দাস-দাসী...বাড়ী-গাড়ী...মান-সম্মত...

পূর্ণিমার রাত। নিজেকে ভাঙ্গিয়া নিংড়াইয়া তার সমস্ত জ্যোৎস্নাটুকু পৃথিবীর বুকে নিঃশেষে যেন ঝরাইয়া দিয়াছে!

সিনেমা দেখিয়া অতসী বাড়ী ফিরিল।

সিনেমায় তরুণ-মনের প্রমোদ-বাসরের যে-ছবি সত্ত্ব দেখিয়া আসিয়াছে, তাহার রেশে মন ভরিয়া আছে...

● দোতলার বড় বারান্দায় আসিয়া দেখে বিদ্যাবরণ কাগজ লইয়া কি সব লিখিতেছে...

অতসী বলিল—শুনছো?

বিদ্যাবরণ জবাব দিল না...নিবিষ্ট মনে লিখিতে লাগিল।

অতসী বলিল—চমৎকার জ্যোৎস্না! লেখা রেখে চলো না মোটরে চড়ে' দুজনে একটু বেড়িয়ে আসি। গঙ্গার ধারে কি লেকের দিকে। বড্ড ইচ্ছা করছে বেড়াতে যেতে...

বিদ্যাবরণ এবার চাহিল অতসীর দিকে...কহিল—হুঁ...

অতসী কহিল—তোমার চণ্ডীদাসের পদাবলীর চেয়ে ঢের ভালো লাগবে গঙ্গার ধার...এই জ্যোৎস্না...পাশে আমি...

অতসীর পানে বিদ্যাবরণ চাহিয়া রহিল...অবিচল দৃষ্টি। ...সে-দৃষ্টি এ মাটির পৃথিবীতে নাই...অতসী বুঝিল, সে দৃষ্টি অলীক-কল্পলোকে!

অতসী বলিল—আমার কথা কানে যাচ্ছে না বুঝি?

বিদ্যাবরণ বলিল—এ-পদটা শোনো দিকিনি

সখি, মরম কহিছু তোরে ॥

আড়-নয়নে ঈষৎ হাসিয়া

বিকল করিল ঘোরে ॥

এমন-কথা কোনো দেশের আর কোনো কবি লিখতে পেরেছেন?...আমার এ-প্রবন্ধে আমি তাই লিখছি...

অতসীর মনে আশুভ জ্বলিল। সে আশুভের স্পর্শ লাগিয়া আকাশের চাঁদ নিমেষে পাংশু হইয়া গেল।

অতসী বলিল—চুপ করো।...তুমি যখন এ-সব কথা বলো, তখন আমার কি মনে হয়, জানো?...মনে হয়, তুমি মাহুষ নও...পাথরের পুতুল!...কবিতা নিয়ে মশগুল হয়ে আছো...আর আমি তোমার স্ত্রী...আমার এই বয়স...তোমার চণ্ডীদাসের রাধার চেয়ে কুশ্রী-কুরুপ নই!...আমি যদি তোমার ঐ চণ্ডীদাসের রাধার মতো কৃষ্ণপ্রেমে উধাও হয়ে যমুনা-তীরে চলে যেতুম?...জানো, তা পারবো না...

স্বর কাঁপিয়া ভাঙ্গিয়া গেল...অতসীর কথা শেষ হইল না। অতসী সেখান হইতে চলিয়া আসিল...

ঘরে গেল না...নীচে গেল না...গেল একেবারে তিন-তলার বড় ছাদে।...ছাদের উপর উপুড় হইয়া শুইয়া পড়িল...হুঁ' চোখে বগা নামিল!

যখন ঘুম ভাঙ্গিল...অনেক রাত্রি। সারা গৃহ নিস্তরক নিরুন্ম। আকাশে সেই চাঁদ...সে-চাঁদে সেই জ্যোৎস্না-ধারা...

অতসী উঠিল...উঠিয়া আল্শের ধারে আসিয়া দাঁড়াইল। বাগানে জ্যোৎস্নার লহর। গাছে-পাতায় ফুলে-ফুলে যেন গলা-রূপা ঢালিয়া দিয়াছে! ঐ নালীর ঘর...সে ঘরের সামনে ঢাকা বারান্দার বাহিরে চুপ করিয়া বসিয়া আছে কান্তি।

যুমায় নাই! কি ভাবিতেছে! এত কি ভাবে?

হয়তো অতীত দিনের কথা...হয়তো ঘরে একদিন ছিল তরুণী স্ত্রী . হয়তো কাজের মাতনে তার পানে ফিরিয়া চাহে নাই...হয়তো অতসীর মতো বেদনা সহিয়া সহিয়া একদিন সেই স্ত্রী...! সে-স্ত্রী যতদিন পাশে ছিল, তার পানে হয়তো চাহিয়া দেখে নাই! আজ সে পাশে নাই, হয়তো তাই তার স্মৃতিতে বিভোর হইয়া আছে! সে-ব্যথায় আকুল বলিয়া হয়তো কাহারো সঙ্গে মেশেনা...তাই হয়তো কাহারো সঙ্গে কথা কয় না...

কিছু হয়তো, তরুণী স্ত্রী ওর পানে ফিরিয়া তাকায় না... হয়তো মনের দুঃখ স্ত্রীকে বলিতে গিয়াছে বহুবার, হয়তো স্ত্রী সে-কথায় কান দেয় নাই!

তাই যদি, তো কি-সুখে ও বাঁচিতে চায় ? পথ ছাড়িয়া  
ঘরে আশ্রয় খোঁজে ?

মন বলিল, কাস্তির কাছে গিয়া জিজ্ঞাসা করিবে চলো,  
কি তুমি এত ভাবো কাস্তি ?

কে যেন অতসীকে তার অলক্ষ্যে আকর্ষণ করিতেছিল !  
বলিতেছিল, চাকর নয়... মনিব নয়... মানুষ... দুজনেই ব্যথী...

অতসী ছাদ হইতে নামিল। সামনে বারান্দা পাশে  
ঘর... সে-ঘরে শয্যা... শয্যায় বিদ্যুৎবরণ ঘুমাইতেছে।...  
অতসী ভাবিল, আশ্চর্য্য মানুষ ! অতসী রাগ করিয়া কোথায়  
গেল... কি করিল... বাঁচিল, না মরিল, খোঁজ নাই ? বিছানায়  
অতসী নাই নিশ্চয় দেখিয়াছে... একবার খবর লইল না ?  
হায়রে, কি সুখে অতসী বাঁচিয়া আছে ? কিসের আশায় ?  
কিসের লোভে ? ..

একটা নিশ্বাস ! অতসী দাঁড়াইল না . নিঃশব্দে বাগানে  
আসিল। কাস্তি বেখানে বসিয়াছিল, একেবারে সেইখানে...  
কাস্তির সামনে ! ডাকিল—কাস্তি...

কাস্তি চমকিয়া অতসীর পানে চাহিল, কহিল—আপনি !  
—হ্যাঁ। তোমার সঙ্গে কথা কইতে এলুম। ঘুম হচ্ছিল  
না... বারান্দা থেকে দেখলুম, তুমি জেগে আছো...

কাস্তি কথা কহিল না... নিরুত্তরে চাহিয়া রহিল অতসীর  
পানে।

অতসী বলিল—একলাটি থেকে কখনো তোমার মনে  
হয় না কাস্তি, কারো সঙ্গে কথা কই ?

কাস্তি বলিল—আগে হতো... যখন লোকালয়ে বাস  
করতুম।

—লোকালয়ে বাস করতে ! তার মানে ?

—তার মানে, যখন মানুষ ছিলাম। কারো যখন কেউ  
কথাও থাকে না—কিছু থাকে না, তখন তার মনে হয়,  
সে যেন লোকালয়-ছাড়া সে যেন লোকালয়ের বাইরে  
বাস করছে !

এ-কথায় কতখানি ব্যথা, অতসী বুঝিল। তাহার  
নেজেরো থাকিয়া-থাকিয়া এমনি মনে হয় !... অতসী বলিল—  
কিন্তু এখন তো তুমি লোকালয়েই বাস করছো কাস্তি !  
কাজকর্ম করছো !

—কাজ-কর্ম করছি... একে বাস করা বলে না।... কিন্তু  
আপনি দাঁড়িয়ে রইলেন !... ক্যান্স খাটখানা আনি...

—না, না, দাঁড়িয়ে বেশ আছি।...

তারপর একটা নিশ্বাস ! নিশ্বাস ফেলিয়া অতসী  
বলিল—তুমি বোধ হয় খুব আশ্চর্য্য হচ্ছে। যে আমি  
মনিব, এই রাত্রে তোমাকে ডেকে তোমার সঙ্গে কথা কইতে  
এসেছি...

কাস্তি বলিল—আশ্চর্য্য হই নি ! আশ্চর্য্য হয়েছিলুম  
সেদিন, যেদিন ঐ বর্ষায় আমাকে গাড়ীতে তুলে এই  
বাড়ীতে নিয়ে এলেন ! জানা নেই, শোনা নেই... তাছাড়া  
এ-বয়সে দুনিয়ায় আমি এত কিছু দেখেছি-শুনেছি যে  
কোনো কিছুতে আর আশ্চর্য্য হই না ! তা ছাড়া মানুষ  
যখন ব্যথা পায়, ছোট-বড়র ভেদ তখন সে ভুলে যায়...  
সব মানুষকে তখন সমান দেখে। আপনি বোধ হয় তেমনি-  
কিছু ব্যথা পেয়েছেন, তাই...

অতসী কঁপিয়া উঠিল ! কল্পিত স্বরে কহিল—আমার  
আবার কিসের ব্যথা ?

কাস্তি হাসিল... মুহূ হাসি। কহিল—আমি বুঝি।  
.. এ-ব্যথা খুব আপন-জনের কাছেই পেয়েছেন—এমনি  
ব্যথাতেই মানুষের চেতনা থাকে না... সব কেমন একাকার  
হয়ে যায়।... আমি জানি !

অতসীর বুকখানা ধড়াস করিয়া উঠিল... সেই সঙ্গে  
এ-কথায় ব্যথার ঘনাকারে যেন একটু আলোর রশ্মি...

অতসীর মনে হইল, তাহার সব যেন ধরা পড়িয়া গিয়াছে !  
যে গোপন-ব্যথার কথা কেহ জানে না, লোকালয়-ছাড়া  
এ লোকটির কাছে সে-ব্যথা যেন গোপন নাই... প্রকাশ  
হইয়া পড়িয়াছে ! এ-চিন্তায় অস্বস্তির সঙ্গে কেমন একটু  
সাম্বনা...

অতসী ভাবিয়া পড়িল। নিশ্বাস ফেলিয়া অতসী বলিল,  
—তুমি সত্যি কথাই বলেছো কাস্তি। আমার সাজগোজ  
অলঙ্কার-ঐশ্বর্য্য দেখে কেউ বুঝতে পারে না, আমার দুঃখ  
আছে কি না। তাই আমি আশ্চর্য্য হচ্ছি যে তুমি আমার  
কি-বা জানো... কতটুকু আমাকে দেখেছো, অথচ তুমি ..

কাস্তি বলিল—আমি জানি। বড়-ঘরে জাঁকজমক  
ঐশ্বর্য্য যেমন বড়, ব্যথাও সেখানে তেমনি বড়। গরীবকে  
এ-সব বড় দুঃখ পেতে হয় না... তাদের দুঃখ ছোটখাট সে  
দুঃখ ঘোচে। কিন্তু বড় ঘরের দুঃখ শুচোবার সামর্থ্য্য কারো  
নেই... শুচোবার উপায়ও নেই !

কে এ? এত কথা কি করিয়া জানিল? যে-কথা কাহারো জানিবার নয়...সেই ব্যথার কথা এ-লোকটি...

তারপর কথায় কথায় সমবেদনার ঘায়ে মনের কপাট কখন খুলিয়া গেল...প্রভু-ভৃত্যের সম্পর্ক ভুলিয়া স্ত্রী-পুরুষের ব্যবধান ভুলিয়া একান্ত-বিশ্বস্ত-সাথীর মতো কাস্তির কাছে অতসী খুলিয়া বলিল তার এতদিনকার পুঞ্জিত বঞ্চনা-ব্যর্থতার কাহিনী। বলিল, স্বামী বিদ্বান, বুদ্ধিমান, ঐশ্বর্য্যবান, অথচ—এই বয়স আর রূপ লইয়া অতসী স্বামীর মনে এতদিনেও একটু রেখাপাত করিতে পারিল না! স্বামী তাঁহার বই আর কাগজপত্র লইয়া বিভোর হইয়া আছেন! কি তাহাতে পান্...অতসী যাচিয়া আদর চাহিয়া প্রত্যাখ্যানের বাণে আহত হইয়া ফিরিয়া আসে! বারে-বারে ফিরিয়া আসিয়াছে! অভিমানে-অপমানে কাতর হইয়া কতবার ভাবিয়াছে, কোথাও চলিয়া যাইবে...! যাইতে পারে না। মনে হয়, এই ঐশ্বর্য্য মান সম্বল সম্পদ-ভূষণ, এ সব চিরদিনের জন্ত ক্রোয়াইয়া বসিবে...চলিয়া গেলে সমাজে কলঙ্ক রটিবে...কোনোদিন আর সমাজে মাথা তুলিয়া দাঁড়াইতে পারিবে না!

কাস্তি বলিল—সমাজ! হাজার জাঁতায় মানুষকে পিষে...পিষে খেঁতো করে' পাত্ করে' ফেলছে!.. একটি জাঁতা ঐ বিয়ের মন্তর...সে-জাঁতায় পিষে আপনি খেঁতো হচ্ছেন। আর এক জাঁতা অভাব! এ জাঁতায় আমি পিষে চূর হচ্ছি!...নাহলে কি না ছিল আমার?...লেখাপড়া শিখেছিলুম...বিয়ে করে' ছিলুম। স্ত্রী...আপনার পাশে দাঁড়ালে তাকে বেমানান্ দেখাতো না। ছেলেমেয়ে...সংসার...কিন্তু এই অভাবের জাঁতায় কি হয়ে গেল!...ছনিয়ার উপর রাগ হয়। যে-শক্তি আছে, পারিনা সে শক্তিতে এ অভাব মোচন করতে? পারি। কিন্তু ভয় হয়। আইনের ভয়...পুলিশের ভয়!...তবু আমার এ দুঃখ...আপনার দুঃখের কাছে কিছুই নয়! আমার এ অভাব ভিক্ষা পেলে ঘোচে! হাত পেতে অন্ন-বস্ত্র ভিক্ষা করা চলে...কিন্তু ভালোবাসা ভিক্ষা করা চলে না! ভিক্ষায় মানুষ সব-কিছু পায়, পায় না শুধু ভালোবাসা!

মন দিয়া অতসী শুনিল কাস্তির প্রত্যেকটি কথা। এত কথা কাস্তি কি করিয়া জানিল?...এত-বড় সত্য কথা...ভিক্ষায় সব পাওয়া যায়...পাওয়া যায় না শুধু ভালোবাসা!

মাথার উপর চাঁদের আলো নিমেষের জন্ত যেন মলিন-ম্লান...একখানা মেঘ আসিয়া চাঁদকে ঢাকিয়া দিল।

অতসীর মনে হইতেছিল, কাস্তি যেন শাপগ্রস্ত কোনো রাজপুত্র...যেন কোন্ মুনির শাপে এখানে ভৃত্যগিরি করিতেছে!...

সত্যই তাই? ..

কাস্তির মুখের পানে সে চাহিয়া রহিল...অবিচল দৃষ্টি!

সহসা মাথা কেমন বিম্-বিম্ করিয়া উঠিল। চাঁদকে সে মেঘখানা যেন বন্দী করিয়াছে! চারিদিকে যেন অন্ধকারের ছায়া নামিতেছে...এ ছায়া ঘন...আরো ঘন...মেঘ যেন তার বিরাট দেহ প্রসারিত করিয়া জ্যোৎস্নার শেষ রশ্মিটুকুকে চাপিয়া মারিয়া ফেলিল...আকাশ-পৃথিবী অন্ধকারে ভরিয়া গেল। ..

তারপর আবার যখন আলো ফুটিল, চোখ মেলিয়া অতসী দেখে, সে শুইয়া আছে...কাস্তির কোলে মাথা! কাস্তি তার মাথায়-মুখে হাত বুলাইয়া দিতেছে!

কাস্তির হাতের স্পর্শ...অতসীর দেহ-মন অশুচি-বিষে রী-রী করিয়া উঠিল।

ধড়মড়িয়া সে উঠিয়া বসিল। হু'চোখে আগুন জালিয়া কাস্তির পানে চাহিল, ডাকিল—কাস্তি...

রুচ স্বর।

কাস্তি কহিল—আজ্ঞে...

—তুমি ভুলে গেছ তুমি চাকর...আমি তোমার মনিব!...

কাস্তি বলিল—আপনিও সে-কথা ভুলে গিয়েছিলেন। দুজনেই ব্যথা পেয়েছি কি না! ব্যথায় মানুষ ছোট-বড়র ভেদ ভুলে যায়।

অতসী কহিল—তোমার সম্পর্ক বড় বেশী...

অতসীর দেহে-মনে আগুনের জ্বালা...কাস্তির ঐ হাত... মনে হইতেছিল, মুখ আর মাথা যেন পুড়িয়া বাইতেছে!

অতসী ক্রত-পায়ে গৃহে ফিরিল।...মুখ-হাত ধুইয়া ফেলিল...খোঁপা খুলিয়া মাথায় জল ঢালিল...

সকালে যখন ঘুম ভাঙিল, বেলা আটটা। মাথা ভারী হইয়া আছে...সমস্ত দেহে-মনে দারুণ অবসাদ। রাজির কথা মনে পড়িল। দুঃখ দেখিরাছে?...না...

অতসী উঠিয়া বাহিরে আসিল।

সব কথা মনে পড়িল। স্বপ্ন নয়। রাত্রে বাগানে গিয়াছিল...ঐ মালীকে ডাকিয়া যে-সব কথা বলিয়াছে... তারপর মাথা ঘুরিয়া পড়িয়া গেল...আর ঐ মালী...

অতসী বাগানের দিকে চাহিল...

কোদাল লইয়া কাস্তি মাটা কোপাইতেছে...

অতসী গেল জানের ঘরে। গায়ে-মাথায় অজস্র জল ঢালিয়া নান করিল। দু'বার তিনবার পাঁচবার সাতবার সর্ব্বদে সাবান মাখিল। গায়ে-মাথায় আবার জল ঢালিল। তারপর ফর্সা তোয়ালে দিয়া গা-মাথা মুছিয়া ফর্সা শাড়ী-সেমিজ পরিল। পরিয়া আয়নার সামনে দাঁড়াইয়া কপালে সমস্তে আঁকিল সিঁদুরের টিপ...চিরুণীর ডগায় সিঁদুর লাগাইয়া সে-সিঁদুরে সিঁথিতে রেখা টানিল...

তারপর বাগানে আসিল...কাস্তির সামনে। ডাকিল—  
কাস্তি...

কোদাল রাখিয়া কাস্তি চাহিল অতসীর পানে। কাল রাত্রিকার সে মোহিনী-মূর্ত্তি নয়—এ যেন বিজয়িনী রাজেন্দ্রাণীর মূর্ত্তি!

অতসী বলিল—তোমার মাইনে নিয়ে এখান থেকে তুমি চলে যাবে...এখনি...বুঝলে! এখানে তোমার চাকরি করা চলবে না।...দু'মাসের মাইনে পাবে। না হয় তিন মাসেরই। সরকার মশাইকে বলে দেবো, তোমাকে পঁচিশ টাকা দেবেন। টাকা নিয়ে আজই তুমি চলে যাবে।

কাস্তি কহিল—যাবো। কিন্তু টাকা আমি চাই না...

—টাকা চাও না?...অতসীর স্বরে বিস্ময়!

কাস্তি বলিল—না!

অতসীর মনে অস্বস্তি! অতসী বলিল—তাহলে যে কদিনের মাইনে পাওনা হয়েছে, তাই নিয়ে য়েয়ো।

—যাবো।...

—হ্যাঁ, যাবে।...

অতসী চলিয়া আসিতেছিল...কাস্তি আসিয়া সামনে দাঁড়াইল...

অতসী কহিল—কি চাও?

লোহার একটা মাথার-কাঁটা লইয়া কাস্তি বলিল—এটা কাল রাত্রে ফেলে গিয়েছিলেন। আজ সকালে দেখতে পেয়ে আমি কুড়িয়ে রেখেছি...

অতসী বলিল—ও আমি চাই না। ফেলে দাওগে।

কাস্তি হাসিল...বলিল—আমি যদি এটা রেখে দি?

অতসী কোনো কথা কহিল না... গৃহ-মুখে যাত্রা করিল।

কাস্তি কহিল—আর-একটা কথা...

—বলো...

—আজ না গিয়ে যদি কাল যাই?

অতসী দ্রুতকণ্ঠে কহিল। কহিল—কেন?

—মানে, একটা আশ্রয় খুঁজে নেনবো। এতদিন ঘরে বাস করে' চট করে' পথে দাঁড়াতে পারবো না হয়তো। তাই...

—বেশ। কিন্তু কাল নিশ্চয় চলে যাবে।

—যাবো।...

গৃহে ফিরিয়া অতসী আসিল একেবারে বিদ্যুৎবরণের কাছে...বিদ্যুৎবরণ খবরের কাগজ পড়িতেছে।

অতসী তার পায়ের উপর লুটাইয়া পড়িল, বলিল—  
ওগো তোমার দুটি পায়ে মিনতি জানাচ্ছি...এখানে একদণ্ড আমার মন টিকছে না। পাঁচ দিনের জন্ত...না হয় দুদিনের জন্ত অন্ততঃ আমাকে নিয়ে বাইরে কোথাও চলো। না হলে সত্যি বলছি, আমি পাগল হয়ে যাবো...আমি মরে যাবো...

অতসীর হাত ধরিয়া বিদ্যুৎবরণ তাকে তুলিল। অতসীর দু'চোখে শ্রাবণের ধারা! অতসীকে এমন সে কখনো দেখে নাই!

বিদ্যুৎবরণ ডাকিল—অতসী...

অতসী বলিল—চলো...চলো...যেখানে হোক...আজই...একটু দয়া করো...কখনো আমার পানে চেয়ে দেখোনি...আমাকে কোথাও নিয়ে চলো...যেখানে তোমার খুশী...

চণ্ডীদাসের রজকিনী রামীর ব্যথা বিদ্যুৎবরণের মনে তখনো আঁটিয়াছিল! বিদ্যুৎবরণ বলিল—একদিন কেন্দুবিষ যাবো ভাবছিলুম। সেখানে, চণ্ডীদাসের ভিটে আছে... বাণলিদেবীর মন্দির...

অতসী বলিল—চলো গো সেইখানেই চলো। আজই খেয়েদেয়ে। আমি দেখবো কেন্দুবিষ...তোমার তীর্থ...

বিদ্যুৎবরণ বলিল—হঁ...বেশ!

তারপর কণেক স্তব্ধতাব!

বিদ্যুৎবরণ ডাকিল—সুকু...

পাশের ঘর হইতে সুকুমার জবাব দিল—জামাইবাবু...

বিদ্যুৎবরণ বলিল—লগেজ বাঁধো। তুমি, আমি আর তোমার দিদি... To Kenduvilwa... আজই থাওয়া-দাওয়া সেরে... বুঝলে...

একসপ্তাহ পরে ফেরা হইল... আবার এই বাড়ী... তখন সন্ধ্যা হইয়াছে।

ঘরে আসিয়া গহনা তুলিতে গিয়া অতসী দেখে, আলমারির কল ভাঙ্গা...

আলমারি খুলিয়া ড্রয়ার টানিল। দেখে, সর্বনাশ! দামী নেকলেস আর ব্রেসলেটের কেশ-ছটা খালি... সাত-আটটা আংটির কেশও ড্রয়ারের মধ্যে পড়িয়া আছে মাথার একটা কাঁটা... লোহার কাঁটা!

এ কাঁটা এখানে আসিল কি করিয়া? অতসী রাখে নাই... কখনো রাখে না!...

পরক্ষণে দেহে রোমাঞ্চ-রেখা! এ কাঁটা... কাস্তি মালী রাখিয়াছিল... কাস্তি!

কোথায় সে?

শুনিল, যেদিন তারা চলিয়া যায়, তার পরের দিনেই কাস্তি চলিয়া গিয়াছে!

এ তার কাজ! ভুল নাই! শুধু বেইমান নয়... চোর! টেলিফোনের বই খুলিয়া অতসী নম্বর দেখিল, থানা...

কিন্তু...

থানা-পুলিশে খপর দিলে তারা যদি কাস্তিকে ধরিয়া আনে? ধরা পড়িলে কাস্তি যদি বলে, ঐ মাথার কাঁটা... কি করিয়া সে পাইয়াছে... কার মাথার কাঁটা... সেই সঙ্গে সে-রাত্রে সে-কাহিনী যদি সে বলিয়া বসে? সে-কথায় স্বামী যদি সন্দেহ করেন?...

অতসী শিহরিয়া উঠিল।

তার কথা কে বিশ্বাস করিবে? ব্যথার ভারে চেতনা হারাইয়া সে-রাত্রে অতসীর বাগানে যাওয়া... তার মধ্যে দোষের কিছু ছিল না...

কিন্তু কেহ বুঝিবে না... স্বামী-সংসার... সমাজ... কেহ না!...

এ চুরির কথা বলা চলে না... কাহাকেও না!... কিন্তু সে চুরি করিল কেন?... টাকা দিতে চাহিয়াছিলাম, বলিল, টাকা চাহে না!...

শয়তান!

সুকু আসিয়া ডাকিল—দিদি...

অতসী চমকিয়া উঠিল। কহিল—কেন রে?

সুকু বলিল—তোমার ঐ পুষ্টিপুতুর... ঐ কাস্তি ব্যাটা... অতসীর বৃকে মেঘ ডাকিল... কম্পিত-স্বরে অতসী বলিল—কি করেছে সে?

উত্তরে কি শুনিবে... অতসী কাঁটা হইয়া রহিল!

সুকু বলিল—বিশু বলছিল আমার ছুটো কোট, ছ'খানা ধুতি, আর একজোড়া পাম্পশু-জুতো নিয়ে ভেগেছে। মালীর কাছ থেকে দশটাকা ধার নিয়ে গেছে যাবার সময়। বলে' গেছে, মা-ঠাকরুণ ফিরলে মাইনের টাকা চেয়ে শোধ দেবে।... আমি বলি, থানায় খবর দি...

আবার থানা?

অতসী বলিল—না, না... সামান্য জিনিষ নিয়ে আর থানা-পুলিশ করে না। বাড়ীতে পুলিশ আসবে... একটা হৈ-হৈ ব্যাপার...

সুকু হাসিয়া বলিল—জানি, তোমার মায়া আছে ব্যাটার উপর! কিন্তু আমি ভাবছি, ব্যাটা তোফা ছিল এখানে তোমার পুষ্টিপুতুর হয়ে... এ দুর্ভাগি হঠাৎ হলো তার...

অতসী জবাব দিল না।

বিশু আসিল... তার ঘাড়ে স্যুটকেস্। বলিল—স্যুটকেস আজ তো আর খুলবেন না, মা?

—না। চ, কোথায় রাখবি, আমি দেখিয়ে দি...

স্বস্তির নিশ্বাস ফেলিয়া অতসী গেল বিশুর সঙ্গে; বলিল—তুই নেয়ে নে সুকু... যদি চান্ করতে চাস্... তারপর আমি ঢুকবো বাথ-রুমে... দেরী করিস্ নে।



# হরিশ্রের কারিকা

ডক্টর শ্রীরমেশচন্দ্র মজুমদার এম-এ, পিএইচ-ডি (ভাইস চ্যান্সেলার, ঢাকা বিশ্ববিদ্যালয়)

১৩৪৬ সনের ভারতবর্ষে “বঙ্গীয় কুলশাস্ত্রের ঐতিহাসিক মূল্য” নামে আমি পাঁচটি প্রবন্ধ লিখি। কার্তিক মাসে প্রকাশিত প্রথম প্রবন্ধে অশ্রান্ত প্রাচীন ও প্রসিদ্ধ কুলগ্রন্থের সূত্রে “হরিশ্রের কারিকা” সম্বন্ধে আলোচনা করি। পরলোকগত নগেন্দ্রনাথ বসু এই গ্রন্থখানিকে খৃষ্টীয় ত্রয়োদশ শতাব্দীর রচিত বলিয়া অনুমান করেন এবং কুলগ্রন্থের মধ্যে “সর্বপ্রাচীন ও মৌলিক” বলিয়া গ্রহণ করেন। এই গ্রন্থের একমাত্র পুঁথি তাঁহার নিকট ছিল এবং বঙ্গের জাতীয় ইতিহাস সম্বন্ধে তাঁহার বহুবিধ তথ্য এই গ্রন্থের উপর নির্ভর করিয়াই লিখিত হয়। এই সম্বন্ধে ১৩৪৬ সনের ভারতবর্ষের কার্তিক মাসের প্রবন্ধে আমি নিম্নলিখিতরূপ মন্তব্য করি :

“৮বসু মহাশয় হরিশ্রের কারিকা ও এড়ুমিশ্রের কারিকার পুঁথি পাইয়াছেন এবং এ দুইখানিই অতি প্রাচীন ও প্রামাণিক কুলগ্রন্থ এইরূপ মত প্রকাশ করিয়াছেন। ৮বসু মহাশয়ের পূর্ববর্তী আধুনিক কোন লেখক এই দুইখানি গ্রন্থের সন্ধান পাইয়াছেন বলিয়া মনে হয় না। সুতরাং সাধারণের নিকট এই দুইখানি গ্রন্থের পরিচয় দেওয়া ৮বসু মহাশয়ের অবশ্যকর্তব্য ছিল। পূর্বোল্লিখিত কয়েকটি ঘটনায় তাঁহার সংগৃহীত কুলগ্রন্থের অকৃত্রিমতা সম্বন্ধে সন্দেহ করার যথেষ্ট ও যুক্তিসঙ্গত কারণ ছিল। তথাপি পুনঃ পুনঃ অনুরোধ ও প্রকাশ্য সংবাদপত্রে আন্দোলন সত্ত্বেও ৮বসু মহাশয় তৎসংগৃহীত এই দুইখানি গ্রন্থ কাহারও সমক্ষে উপস্থিত করেন নাই এবং ইহাদের কোন বিশিষ্ট বিবরণও প্রকাশ করেন নাই।

মরণকাল পর্যন্ত বঙ্গের ধনের স্তায় এই গ্রন্থ দুইখানি বসু মহাশয় কি কারণে লোকচক্ষুর অন্তরালে গোপন করিয়া রাখিয়াছিলেন তাহা বুঝিতে পারিলাম না। কিন্তু সমুদয় অবস্থা পর্যালোচনা করিলে বসু মহাশয় সংগৃহীত এই দুইখানি গ্রন্থ সম্বন্ধে ষতই সন্দেহ জন্মে।” ( ৬৬ঃ পৃষ্ঠা )

সম্প্রতি ঢাকা বিশ্ববিদ্যালয়ের কর্তৃপক্ষগণ ৮নগেন্দ্রনাথ বসুর সংগৃহীত সমুদয় কুলগ্রন্থাবলী ক্রয় করিয়াছেন। এই কুলগ্রন্থগুলি ঢাকার অনীত হইলে আমি পুঁথিশালার অধ্যক্ষ

আমার ভূতপূর্ব ছাত্র শ্রীমান সুবোধচন্দ্র বন্দ্যোপাধ্যায়কে উক্ত হরিশ্রের কারিকাখানি অনুসন্ধান করিতে বিশেষ-ভাবে উপদেশ দেই। শ্রীমান সুবোধ অনেক অনুসন্ধানের পর একখানি পুরাণ অমৃতবাজার পত্রিকার মলাটযুক্ত প্রাচীন পুঁথির চারিখানা পাতা আমার সম্মুখে উপস্থিত করেন। পুঁথির মধ্যে হরিশ্রের কোন উল্লেখ নাই, কিন্তু প্রতি পাতার উপরের বাম কোণে ভিন্ন কালীতে এবং ভিন্ন হস্তাক্ষরে “হরিশ্র” এই কথাটি লিখিত আছে। পুঁথির মলাটে “৮৭” এই সংখ্যাটি এবং ‘হরিশ্র’ এই নামটি দেখিতে পাওয়া যায়। পুঁথির স্তূপের মধ্যে কয়েকখানি ইংরাজী ও বাঙ্গালায় লিখিত পুঁথির তালিকা পাওয়া গিয়াছে। দুইখানি বাঙ্গালা তালিকায় ৮৭ সংখ্যায় হরিশ্রের কারিকার উল্লেখ আছে এবং সঙ্গে এই মন্তব্য আছে যে, যে বাঙ্গে জমিদারী কাগজ-পত্র আছে সেই বাঙ্গেই এই পুঁথি রক্ষিত হইয়াছে। ইংরাজী তালিকায় এই গ্রন্থ সম্বন্ধে বলা হইয়াছে যে, ইহাতে কয়েকখানি “দুপ্রাপ্য পৃষ্ঠা” ( a few rare leaves ) মাত্র আছে। ৮নগেন্দ্রনাথ বসু শেষজীবনে কুলগ্রন্থগুলি বিক্রয় করিবার জন্য বিশেষ চেষ্টিত ছিলেন। সম্ভবতঃ এই কারণেই তিনি ইহার কতকগুলি তালিকা প্রস্তুত করিয়াছিলেন। এইরূপ কয়টি তালিকা পুঁথিগুলির সঙ্গে পাওয়া গিয়াছে—কিন্তু ইহার কোন তালিকায়ই একাধিক ‘হরিশ্র কারিকার’ পুঁথির উল্লেখ নাই।

এই সমুদয় বিবেচনা করিলে সহজেই প্রতীতি হইবে যে, যে খণ্ডিত পুঁথিখানির চারিটি পাতা মাত্র সম্বন্ধে জমিদারীর প্রয়োজনীয় দলিলপত্রের সঙ্গে একটি বাঙ্গে পৃথক রক্ষিত ছিল তাহাই ৮নগেন্দ্রনাথ বসু কর্তৃক সংগৃহীত “হরিশ্রের কারিকা”।

কিন্তু বিষয়টির গুরুত্ব বিবেচনায় আমি আরও বিশেষ-ভাবে ইহার পরীক্ষা করিতে মনস্থ করিলাম। আমার নির্দেশক্রমে শ্রীমান সুবোধ ৮বসু মহাশয় হরিশ্রের কারিকা হইতে যে সমুদয় শ্লোক “বিষকোষ”-ও “বঙ্গের জাতীয়

ইতিহাস"-এ উদ্ধৃত করিয়াছেন তাহা সংগ্রহ করিয়া ঐ সমুদয় শ্লোক আমাদের আলোচ্য খণ্ডিত পুঁথিখানিতে আছে কি-না তাহার পরীক্ষা করিয়াছেন। শ্রীমান বহু আয়াস ও পরিশ্রম পূর্বক এই কার্য সম্পাদন করিয়া একটি বিস্তৃত বিবরণ লিপিবদ্ধ করিয়াছেন। বঙ্গীয় সাহিত্য পরিষৎ পত্রিকায় এই গ্রন্থের পরিচয়-প্রসঙ্গে আমি ইহার সবিস্তারে আলোচনা করিব। বর্তমানে ইহা বলিলেই যথেষ্ট হইবে যে, ৬বঙ্গ মহাশয় তাঁহার গ্রন্থাদির নানাস্থানে হরিশমিশ্রের কারিকা হইতে যে ৭৮টি শ্লোক উদ্ধৃত করিয়াছেন তাহার মধ্যে ৭৩টি এই পুঁথিতে আছে, অবশিষ্ট পাঁচটি শ্লোক সম্বন্ধে শ্রীমান সুবোধ নিম্নলিখিতরূপ মন্তব্য করিয়াছেন।

১-২। এই দুইটি শ্লোক মহেশের নির্দোষ কুল-পঞ্জিকায় আছে।

৩। এই শ্লোকটি ৬লালমোহন বিদ্যানিধি কৃত সম্বন্ধ-নির্ণয়ের 'কুলরমা' হইতে উদ্ধৃত হইয়াছে।

৪। সম্বন্ধনির্ণয়ে এই শ্লোকটি বাচস্পতিমিশ্রকৃত বলিয়া উল্লিখিত হইয়াছে। বল্লাল চরিতেও এই শ্লোকটি আছে।

৫। এই শ্লোকোক্ত বিষয়টি আলোচ্য পুঁথিতে অল্প একটি শ্লোকে আলোচিত হইয়াছে।

এই সমুদয় আলোচনার ফলে সন্দেহমাত্র থাকে না যে, আমাদের আলোচ্য খণ্ডিত পুঁথিখানিই ৬বঙ্গ মহাশয় সংগৃহীত 'হরিশমিশ্র কারিকা' গ্রন্থ-যাহা অর্ধশতাব্দী কাল লোক-লোচনের অন্তরালে থাকিয়া দৈববিপাকে ঢাকা বিশ্ববিদ্যালয়ের পুঁথিশালায় আশ্রয় লাভ করিয়াছে।

এক্কে বিচার্য বিষয় এই যে, এই গ্রন্থখানিকে হরিশমিশ্রের কারিকা বলিয়া গ্রহণ করার কোন যুক্তিসঙ্গত কারণ আছে কি-না। গ্রন্থখানির প্রথম ও শেষ অংশ নাই, মধ্যের চারিটি পাতা মাত্র আছে। ইহার কোন স্থানেই ইহা হরিশমিশ্রের কারিকা বলিয়া উল্লিখিত নাই। সুতরাং ইহা যে হরিশমিশ্রের কারিকা—৬নগেন্দ্রনাথ বঙ্গর এই অসম্মানের কোন যুক্তিসঙ্গত কারণ আছে বলিয়া মনে হয় না। প্রতি পাতার বাম কোণে 'হরিশমিশ্র' এই কথাটি লিখিত আছে, কিন্তু ইহার কালী ও অক্ষর মূল পুঁথির কালী ও অক্ষর হইতে বিভিন্ন—সুতরাং ইহার উপর কোন আস্থা স্থাপন করা যায় না। যাহারা পুরাতন পুঁথির আলোচনা করিয়াছেন তাঁহারা জানেন যে, এই প্রকার গ্রন্থের নামোল্লেখের প্রথা অতি আধুনিক কালের পূর্বে প্রচলিত ছিল না। পুঁথি আবিষ্কৃত হইবার পরে সম্ভবতঃ ইহাকে হরিশমিশ্রের কারিকা মনে করিয়া অথবা ঐ

নামে ইহাকে পরিচিত করিবার উদ্দেশ্যেই যে কেহ ঐ শব্দটি লিখিয়া রাখিয়াছেন এই অসম্মানই স্বাভাবিক। এই প্রসঙ্গে শ্রীমান সুবোধ একটি বিষয়ে আমার দৃষ্টি আকর্ষণ করিয়াছেন। ৬বঙ্গ মহাশয় তাঁহার বঙ্গের জাতীয় ইতিহাস ও বিশ্বকোষে হরিশমিশ্রের কারিকা হইতে নিম্নলিখিত শ্লোকাদি উদ্ধৃত করিয়াছেন :

“কিন্তু সাগ্নিমহাশাপি বিপ্রাটৌর্বিবলা সভা।”  
আলোচ্য পুঁথিখানিতে এই শ্লোক আছে কিন্তু ইহার 'শাপি' অংশটি কাটিয়া দেওয়া হইয়াছে। যে কালী দিয়া এই শব্দাংশটি কাটা হইয়াছে তাহা মূল পুঁথিতে ব্যবহৃত কালী হইতে ভিন্ন; কিন্তু 'হরিশমিশ্র' শব্দটি যে কালীতে লিখিত হইয়াছে তাহার অক্ষরূপ। এই পুঁথিখানিই যে ৬বঙ্গ মহাশয় হরিশমিশ্রকারিকারূপে ব্যবহার করিয়াছেন ইহা তাহার অন্ততর প্রমাণ। ইহা হইতে আরও অসম্মিত হয় যে, এই পুঁথিখানি যখন ৬বঙ্গ মহাশয়ের হস্তগত হয় তখন 'হরিশমিশ্র' এই নামটি পুঁথিতে ছিল না। পরবর্তী কালে পুঁথিখানি সংশোধিত হইয়াছে ও ঐ নামটি ইহাতে জুড়িয়া দেওয়া হইয়াছে। বঙ্গ মহাশয় এখন পরলোকগত ও যুক্তি-তর্কের অতীত। চূড়ান্ত প্রমাণ না পাইলে তাঁহার সম্বন্ধে কোন বিরুদ্ধ মন্তব্য করা সমীচীন নহে।—অসম্ভব নহে যে কোন কারণে তিনি এই খণ্ডিত পুঁথিখানিকে হরিশমিশ্রের কারিকা বলিয়া মনে করিয়াছিলেন এবং এই বিশ্বাসের বশবর্তী হইয়াই ইহার প্রতি পাতার বাম কোণে 'হরিশমিশ্র' শব্দটি যোগ করিয়াছিলেন। তাঁহার এই বিশ্বাসের মূলে কি যুক্তি-প্রমাণ ছিল তাহা আর এক্ষণে জানিবার উপায় নাই। কিন্তু তিনি মৃত্যুকাল পর্য্যন্ত এই পুঁথিখানি সাধারণের গোচরীভূত না করায় স্বতঃই সন্দেহ জন্মে যে, তাঁহার যুক্তিপ্রমাণের মূল বিশেষ দৃঢ় ছিল না। ৬নগেন্দ্রনাথ বঙ্গর মত ও বিশ্বাস যাহাই থাকুক একথা স্বীকার করিতেই হইবে যে, আলোচ্য পুঁথিখানিকে "হরিশমিশ্রের কারিকা" বলিয়া গ্রহণ করিবার কোন যুক্তিসঙ্গত কারণ নাই। সুতরাং তথাকথিত হরিশমিশ্রের কারিকার উপর ভিত্তি করিয়া প্রাচীন কুলশাস্ত্র সম্বন্ধে যে সমুদয় সিদ্ধান্ত করা হইয়াছে তাহা সর্বথা বর্জনীয়। অল্প প্রমাণ না পাওয়া পর্য্যন্ত ভবিষ্যৎ ঐতিহাসিক আলোচনায় 'হরিশমিশ্রের কারিকা' হইতে উদ্ধৃত কোন শ্লোক প্রামাণিক বলিয়া গৃহীত হইতে পারে না। ৬নগেন্দ্রনাথ বঙ্গ এই গ্রন্থখানিকে "সর্বপ্রাচীন ও মৌলিক"রূপে গ্রহণ করিয়া যে সমুদয় সিদ্ধান্তে উপনীত হইয়াছেন তাহার ঐতিহাসিক মূল্য কতটুকু পাঠক মাঝেই তাহা বিচার করিবেন।



## শ্বেত ময়ূর

শ্রীপাঁচুগোপাল মুখোপাধ্যায়

রাত্রি প্রায় নয়টার সময় একরাশ নূতন কাপড়ের বাণ্ডিল, একবান্ধ সাবান, পুরা এক পাউণ্ড চা এবং আরও কতকগুলি জিনিস লইয়া অশোক বাড়ী ফিরিতেছিল। সমস্ত দিন অফিসের খাটুনির পর মীর্জাপুর ষ্ট্রিটের কাপড়ের দোকানটায় বসিয়া প্রায় একঘণ্টা চীৎকার করিবার পর এখন সে রীতিমত অবসন্ন বোধ করিতেছিল। তবুও আজ তাহার পায়ের গতি অসম্ভব দ্রুত এবং মুখচোখের ক্লাস্তির রেখাগুলিও কিছু অপরিষ্কৃত।

বাড়ীর দরজায় আসিয়া অশোক কড়া নাড়িল। কিন্তু কড়া নাড়িবার সঙ্গে সঙ্গেই দরজা খুলিয়া যাইবার উপায় ছিল না। কারণ খণ্ড-বিখণ্ড এই ভাড়াটে বাড়ীর যে অংশটায় তাহার বাস সেটা অনেকখানি ভিতরের দিকে। সেখান হইতে এতদূরে আসিয়া দরজা খুলিয়া দিতে বিভার বেশ একটু সময় লাগে। কড়া যখন নাড়িয়া ওঠে তখন হয় ত সে তরকারিতে মশলার ভাগ লইয়া উৎকলদেশীয় নিরীহ জীবটির সহিত বকাবকি করিতেছে—কিন্ধা ছোট ছেলোটিকে কোলে এবং বড়টিকে পাশে বসাইয়া পান সাজিতে বসিয়াছে। এই সব কাজ সারিয়া দরজা পর্য্যন্ত আসিতে পাঁচ-সাত মিনিট পর্য্যন্ত দেবী হইয়া যাওয়া মোটেই বিস্ময়ের বিষয় নয়। কোন কোন দিন ছোট ছেলেটা হয় ত কোল হইতে নামিতেই চাহে না, কাঁদিয়া এবং চীৎকার করিয়া বাড়ীর অন্তর্য অন্তের বাসিন্দাদের পর্য্যন্ত উত্যক্ত করিয়া তোলে। সেদিন বিভা আসিতেই পারে না। উপর হইতে সাধ্যসাধনা করিয়া পুরী জিলার অধিবাসীটিকে দরজা খুলিতে পাঠাইয়া দেয়। পাচক ঠাকুরটির বয়স হইয়াছে; তারপর অফিসের চর্চাও আছে একটু, নড়াচড়া করিতে হইলে সে রাগিয়া খুন হয়। বিড় বিড় করিতে করিতে কোন রকমে দরজাটা খুলিয়া দিয়া সে রান্নাঘরে ফিরিয়া আসে এবং পিঁড়িটার উপর বসিয়া পড়িয়া আবার বিমাইবার চেষ্টা করে।

সেদিন কিন্তু বিভাই দরজা খুলিয়া দিল। অশোক হাতের কাপড়ের বাণ্ডিলটা বিভায় হাতে দিয়া ছোট একটা নিঃশ্বাস

ফেলিল, তারপর বিভার খিলদেওয়া পর্য্যন্ত অপেক্ষা না করিয়াই উঠিয়া আসিল উপরে।

বিভা যখন উপরে পৌঁছিল অশোক তখন হাতের বাকী জিনিসগুলি টেবিলের উপর রাখিয়া জামা খুলিয়া বিছানার উপর শুইয়া পড়িয়াছে।

হাতপাখার হাওয়া করিতে করিতে বিভা জিজ্ঞাসা করিল, হঠাৎ এত সব জিনিসপত্র কিনে আনলে যে ?

অশোক বলিল, হঠাৎ অনেকগুলো টাকা পাওয়া গেল, তাই।

বিভা খুসী হইল কি না বোঝা গেল না।

অশোক এবার নিজেই ব্যাপারটা সবিস্তার বর্ণনা করিল। যুদ্ধের বাজারে কোম্পানি এবছর অনেক টাকা লাভ করিয়াছে—আর সেই লাভের ভগ্নাংশ দিয়া কর্তৃপক্ষ কর্মচারীদের খুসী করিবার চেষ্টা করিয়াছেন। সাদা কথায় তাহারা ‘বোনাস’ পাইয়াছে।

সুসংবাদ সন্দেহ নাই।

একবছর খাটিয়া দুই মাসের বেতন ফাউ !

বিভা কিন্তু তবুও কোন রকম উচ্ছ্বাস প্রকাশ করিল না।

অশোক মনে করিয়াছিল, বিভার চোখ দুইটি আজ অনেকদিন পরে ঠিক আগেকার মত কৌতুক আর আনন্দে উজ্জ্বল হইয়া উঠিবে। দুটি ছেলেই আজ ঘুমাইয়া পড়িয়াছে, হঠাৎ বিভাকে কাছে টানিয়া আনিলে আজ হয় ত সে রাগ করিবে না, এমনই কত কথা সে শুইয়া শুইয়া ভাবিবার চেষ্টা করিতেছিল। কিন্তু বিভার মুখের দিকে চাহিয়া অশোক হঠাৎ কিছুই বুঝিতে পারিল না।

বিভা একটু চুপ করিয়া থাকিয়া ভয়ে ভয়ে বলিল, এত জিনিসপত্র না কিনে, দেনার টাকা কিছু শোধ করলে বোধ হয় ভাল হ'ত !

মাঝে এক বছর অশোকের চাকরি ছিল না। সেই সময় বাড়ীভাড়া এবং আরও কতগুলি কারণে প্রায় শ'পাঁচেক টাকা দেনা হইয়াছে। এই চাকরিটা পাইয়া অশোক মনে করিয়াছিল, দেনাটা অল্পে অল্পে সে শোধ করিয়া ফেলিবে।



কিন্তু সংসারের নানা ছিদ্ৰপথ দিয়া অভাবের মূর্তিটা ক্রমেই এমন ভাবে প্রকট হইয়া উঠিতেছিল যে, নিত্যকার প্রয়োজন মিটাইয়া অন্ত কোন দিকে দৃষ্টি দেওয়া তাহার পক্ষে সম্ভব হয় নাই। দেনাটা যে আর বেশী দিন ফেলিয়া রাখা সম্ভবও নয়, এ কথাও অশোক মনে মনে ভাল করিয়া জানিত। কিন্তু কি উপায়ে যে সেটার হাত হইতে নিষ্কৃতি পাওয়া যায় তাহা সে ঠিক করিতে পারে নাই।

আজ বিভার সামান্য এই কয়টি কথায়, সন্ধ্যা হইতে তাহার মনের মধ্যে যে মধুর ভাবলোক গড়িয়া উঠিতেছিল তাহা ভাঙ্গিয়া যেন চুরমার হইয়া গেল।

সে বলিল, দেনাটা শোধ করা যে দরকার সে কথা আমিই হয় ত সবচেয়ে বেশী বুঝি। কিন্তু ভদ্রভাবে বাঁচবার পক্ষে যে সব ছোটখাট বিলাসিতার প্রয়োজন আছে, সেগুলিকে অস্বীকার ক'রে বেঁচে থাকবার ক্ষমতা আমার নেই। তোমার কাছে আমার একটি মাত্র অনুরোধ বিভা, হিতোপদেশের বেত হাতে ক'রে তুমি মাস্টারি করতে এসো না।

বিভা অবস্থাপন্ন ঘরের মেয়ে। তাহার বাপ মা ঘর দেখিয়া তাহার বিবাহ দেন নাই, বিবাহ দিয়াছিলেন কেবল বর দেখিয়া। অশোক সেই মাত্র এম-এ পাশ করিয়া বাহির হইয়াছে। বাঙ্গালীর ছেলেদের মধ্যে তাহার মত সুদর্শন তরুণ সচরাচর দেখা যায় না। কাজেই বিভার আত্মীয়-স্বজন যদি শুধু তাহারই উপর নির্ভর করিয়া বিবাহ দিয়া থাকেন তাহাতে আশ্চর্য্য হইবার কিছুই নাই। কিন্তু পৃথিবীতে একদল লোক আসে ভাগ্যের সঙ্গে কেবল লড়াই করিবার জন্য। সমস্ত ব্যক্তিত্ব এবং সমস্ত যোগ্যতা সম্বন্ধে টাকাকড়ির লেন-দেনের বাজারে তাহারা নিজেদের প্রতিষ্ঠিত করিতে পারে না। অশোককেও আমরা সেই দলে ফেলিতে পারি। সে ভাবিতে পারে অনেক কিছু, কিন্তু তাহার একাংশও করিয়া উঠিতে পারে না। সংসারে দারিদ্র্যের মূর্তিটাকে বিভাও যে ঠিক সহ্য করিতে পারে তাহাও নয়, তবুও সেটার সঙ্গে মানাইয়া চলিবার চেষ্টা তাহাকে প্রতিমুহূর্তে করিতে হয়। অশোকের বাপ মা অনেকদিন আগেই মারা গিয়াছেন, সে হিসাবে বিভা তাহার সংসারের একছত্র অধীশ্বরী। মাঝে রান্নাবান্নার ভারটাও সে নিজের হাতেই তুলিয়া লইয়াছিল; কিন্তু নুতন চাকরিটা পাইয়া অশোক উৎকল-

দেশীর পাচকটিকে বাহাল করিয়াছে। ঠিকা ঝি আসিয়া দুইবেলা অল্প কাজগুলি করিয়া দিয়া যায়।

তাই বাহির হইতে অশোকের এই ছোট সংসারটিকে দেখিলে উহার ভিতরে ঘুণ ধরিয়াছে কি না সেটা বুঝিবার উপায় নাই। বর্ষার সন্ধ্যায় এখনও সে রজনীগন্ধার গুচ্ছ কিনিয়া আনে। শুইবার ঘরে বকের পালকের মত পরিষ্কার বিছানার পাশেই ছোট টেবিলের উপর ফুলদানিতে রজনীগন্ধাগুলি বর্ষারাত্তিকে বিছল করিয়া তোলে। গায়ে ঘাম অশোক সহ্য করিতে পারে না। তাই ফ্যানও একটা রাখিতে হইয়াছে।

ছেলে দুইটির অসম্ভব দৌরাহ্ম্যে অশোকের মাঝে মাঝে মনে হয় এ সব ফেলিয়া শীঘ্রই একদিন সে কোথাও পালাইয়া যাইবে। ছেলে দুইটিকে সে যে ভালবাসে না, এমন কথা বলা চলে না। হাতে পয়সা থাকিলে তাহাদের সম্ভব অসম্ভব সকল রকম আবদারই সে মিটাইয়া আসিয়াছে; কিন্তু সাধারণত তাহার মনটা সর্বদা নিজেকেই কেন্দ্র করিয়া ঘোরে বলিয়া এত নৈকট্যের মাঝখানেও সে যেন নির্লিপ্ত। রবিবারের বিকালে ফরসা কাপড় জামা পরিয়া যখন সে ক্লাবে ব্রীজ খেলিতে যায়, তখন ছোট ছেলেটা কোলে উঠিবার ব্যয়না ধরিলে সে তাহাকে প্রীতিপ্রকল্প মুখে বুকে তুলিয়া লইতে পারে না। বরং একটু রাগিয়া যায়। অশোকের এই প্রত্যাখ্যানের প্রতিক্রিয়াটা সহ্য করিতে হয় বিভাকে। অশোক তাহাও জানে। সেই জন্যই কতবার একটা ছোকরা চাকর রাখিবার জন্য সে বিভাকে পীড়াপীড়ি করিয়াছে।

একটা চাকর থাকিলে বিভা তবু একটু স্বস্তির নিঃশ্বাস ফেলিয়া বাঁচিতে পারিবে। কিন্তু বিভা রাজী হয় নাই।

“পাঁচটা নয়, সাতটা নয়, দুটি মাত্র ছেলে; তাদের জন্যে ঝি, চাকর, বামুন...এতগুলো লোকের দরকার কি?”

একুশ বছর বয়সেই বিভা পুরাদস্তুর গৃহিণী হইয়া পড়িয়াছে!

সব কথাই যে বিভা ভালর জন্য বলে এটুকু বুঝিবার মত বয়স এবং বুদ্ধি অশোকের হইয়াছে। কিন্তু তাহার সাংসারিক অস্বচ্ছলতাকে কেহ কৃপাদৃষ্টিতে দেখিতেছে, এই ভাবটা সে কিছুতেই সহ্য করিতে পারে না। আত্মীয় অনাথীয় অনেকেই তাহারকে দেশের বাড়ীতে বউছেলেকে

রাখিয়া আসিবার পরামর্শ দিয়াছেন। কলিকাতা হইতে তাহাদের দেশ খুব বেশী দূরে নয়, মাইল চল্লিশের মধ্যেই। কত লোক ডেলি প্যাসেঞ্জারি করে। সপ্তাহান্তিক টিকিটের রূপায় কত লোক শনিবার বাড়ী গিয়া প্রফুল্ল মনে সোমবার ঝিমাইতে ঝিমাইতে অফিসে ফিরিয়া আসে। ইহার যে-কোন একটা উপায় অবলম্বন করা অশোকের পক্ষে সকল দিক দিয়া ভাল। সংসার বাড়িতেছে। তাহার আর্থিক অস্বাচ্ছল্যের জন্ত সময়ের চাকা খামিয়া যায় নাই। সংসার আরও বাড়িবে, আজ যাহারা দুরন্তপনায় তাহাকে ব্যতিব্যস্ত করিয়া তুলিতেছে, তাহারা একদিন বড় হইবে; স্কুলে যাইবে, কলেজে যাইবে।

ভবিষ্যতের সমস্ত দিগন্তটাই অশোক চোখের সামনে স্পষ্ট দেখিতে পায়; সেখানে ছায়া নাই, বিশ্রামের অবসর নাই। জীবনের সঙ্গে শুধু উদয়ান্ত ক্রমহীন সংগ্রাম।

এই ছবিটা চোখে পড়িলেই অশোক যেন ক্লেপিয়া ওঠে। না, মাথা সে কিছুতেই নীচু করিবে না। দাঁড়াইয়া থাকিতে থাকিতেই পীঠের শিরদাঁড়া একদিন হয় ত বাঁকিয়া যাইবে, তবু পথের ধারে বসিয়া পড়িয়া ভাগ্যদেবতার পায়ের লাখি সে ধাইবে না।

এই বিরাট ও বিচিত্র শহর যেন তাহার রক্তের সঙ্গে মিশিয়া গিয়াছে। নয় বছর বয়সে যেদিন সে প্রথম হাওড়ার পুল পার হইতে গিয়া বিস্ময়ে অবাক হইয়াছিল, সেদিন হইতে আজ পর্য্যন্ত যে ইহার বিস্ময়ের শেষ খুঁজিয়া পাইল না। এই বিরাট নগর প্রতিদিন দিনে ও রাত্রিতে তার মনে মনে যে মহাকাব্য রচনা করিয়া চলিয়াছে, চটকল অফিসের লেজার বুক কিম্বা তাহার সংসার ধরচের হিসাবে উহার কোন পরিচয় নাই।

অফিস হইতে ফিরিবার সময় এখনও কতদিন সে অকারণে পথে পথে ঘুরিয়া বেড়ায়; ইচ্ছা করিয়া বাড়ী ফিরিতে দেয়ী করে। বাড়ীতে বিভা যে ততক্ষণ ছেলে ছুইটির আবদার ও উপদ্রবে অস্থির হইয়া পড়িতেছে, একথা তাহার মনে থাকে না।

ডবল ডেকার বাসের উপরে চড়িয়া চৌরঙ্গী পার হইবার সময় মনে মনে সে যেন নিউ-ইয়র্কের ফিক্‌স্‌ এভিনিউয়ে চলিয়া যায়। আর্নি এণ্ড নেভি হইতে শুরু করিয়া এধারের মোড় পর্য্যন্ত একটা স্বস্তি পৃথিবী, নূতন সৌরজগত। যেখানে

শুধু সমারোহ, শুধু বর্ণচ্ছটা। নভেম্বর মাসের মাঝামাঝি হইতে ক্রিশমাস সেল, গ্র্যাণ্ড রিডাকশান সেল এবং আরও কত রকম সেল শুরু হইয়া গেছে। ফার্মোর সামনে শ্রেণীবদ্ধ ট্যান্ডির ভিড়—পটিয়াক হইতে মার্মেডিক্স বেএজ পর্য্যন্ত! নিয়নসাইনের সরু সরু রেখাগুলিকে তাহার প্যারিস-বাসিনী তরুণীদের পেন্সিলে আঁকা ভুরু বলিয়া ভুল হয়। কার্জন পার্কটা যেন ট্রাফালগার স্কোয়ার, কিম্বা প্যাগে ছ কনকর্ড। অশোক মনে মনে হাওড়া স্টেশনের নাম দিয়াছে—গ্র্যাণ্ড সেন্ট্রাল টার্মিনাস! তাহাকে পাগল বলিয়া ভুল হইতে পারে, কিন্তু তাহার মনের ভাবনা চিন্তাগুলো এই ধরণের অসম্ভব যত পথ ধরিয়াই যাতায়াত করে। কলিকাতাকে সে তাহার নাড়ীতে নাড়ীতে অনুভব করে। কলিকাতা তাহার কাছে শহর নয়, কোন শহরের নাম নয়, অতীত নয়, ইতিহাস নয়, পুরাণ নয়, বিরাট বর্তমান! ট্রাম-বাস-মোটর-রিফ্লা-সাইকেল-মোটর-বাইক আর লরীর ঘড়-ঘড় ঝড়-ঝড় ধ্বনিতে সেই কর্ণচঞ্চল বর্তমানের জয়ধ্বনি। চারিদিকে কি প্রচণ্ড স্পীড, উন্নত গতিশীলতা আর সে গতিশীলতা কি সংক্রামক! কিছুতেই সে ইহার হাত হইতে আত্মরক্ষা করিতে পারে না।

অনেকদিন সে বাস হইতে নামিয়া পড়িয়া, যে মেয়ে দুইটি হয় ত সিনেমা হইতে বাহির হইয়া হাইহিলের শব্দে ফুটপাত মুখরিত করিয়া যাইতেছে, তাহাদের পিছনে পিছনে নিতান্ত অকারণে ঘুরিয়া বেড়াইয়াছে।

বর্ণোজ্জ্বল এই কলিকাতা হইতে সরিয়া আসিয়া তাহাকে অনেক কষ্টে পাঁচজনের অতি সাধারণ কলিকাতায় ফিরিয়া আসিতে হয়। কত অনুচ্চারিত বেদনায় সমস্ত মনটা তাহার সেই সময় আচ্ছন্ন হইয়া থাকে সেকথা সাধারণকে বুঝাইবার নহে।

তিনদিন পরের কথা বলিতেছি।

রবিবারের সকাল। ঘুম ভাঙিয়া অশোক দেখিল আকাশে অল্প অল্প মেঘ করিয়াছে। মেঘের সঙ্গে অশোকের মনের কোথায় যেন নিভৃত ঘনিষ্ঠতা আছে। মেঘময় আকাশ দেখিলে তাহার সমস্ত অশান্তি আপনিই স্নিগ্ধ হইয়া আসে।

বিছানা হইতে উঠিয়া অশোক মুখ ধুইয়া আসিল। জলযোগ এবং চা-পানের পালাটা চুকাইয়া কেলিয়া

কামাইবার সরঞ্জামগুলি লইয়া সে পুরাণ ড্রেসিং টেবিলটার সামনে বসিল। কিন্তু মনটা তাহার এত বেশী খুসী হইয়া উঠিয়াছে যে কামাইবার সৌধীনতা সম্বন্ধেও সে কেমন একটা নিস্পৃহতা বোধ করিতেছে।

এমন সময় স্নান সারিয়া বিভা ঘরে ঢুকিল। এলোচুলের যে অংশটুকু শাড়ীর অবরোধ মানে নাই, সেখানে ছোট্ট একটি গিঁঠ দেওয়া। ব্যাপারটা কিছুই নয়, তবু অশোকের ভাল লাগিল।

বিভা টিপের কোঁটা হইতে টিপ লইয়া কপালে পরিতেছিল। সেইদিকে চাহিয়া থাকিতে থাকিতে অশোকের মনে হইল, বিভার যৌবনকে ইতিহাসের কোঠায় স্থান দিবার সময় হয় ত এখনও আসে নাই। গোধূলি আসন্ন হইলেও দিনের ত্রিয়মান আলো তখনও তরঙ্গহীন নদীর জলে ঝিকমিক করিতেছে।

অশোক বলিল, সন্ধ্যার পর তোমার সংসারের কাজগুলো একটু তাড়াতাড়ি সেরে নিও। রাত্রিতে সিনেমায় যাব।

পল্লার স্বরে আনন্দের সঙ্গে বিস্ময় মিশাইয়া বিভা বলিল, রাত্তিরে ?

অশোক বলিল, রাত্রিতে কলকাতার শহরে বাঘভাল্লুক বা'র হয় না ; ভয় পাবার কি আছে ? ছেলে দুটো যাতে সকাল সকাল ঘুমোয় তার ব্যবস্থা ক'রো।

‘ওদের রেখে যেতে হবে ?’

‘নিশ্চয়ই হবে। কারণ আমরা কোন পৌরাণিক ছবি দেখতে যাব না, যাব ‘নিউ এম্পায়ার’ কিম্বা ‘লাইট হাউস’-এ।’

‘কিন্তু এরা থাকবে কার কাছে ?’

‘বুড়ো ঠাকুর পাহারা দেবে।’

ছেলে দুইটি যদি সকাল সকাল ঘুমাইতে না চাহে সেই ভয়ে বিভা সমস্ত দিন তাহাদের ঘুমাইতে দিল না।

সন্ধ্যার পরেই তাহাদের আহ্বারের পর্কটা শেষ করিয়া দেওয়া হইল। কিন্তু তাহারা বোধ হয় বাতাসে কিসের একটা আভাস পাইয়াছে। আটটা বাজিতে চলিল, কিন্তু দুইজনেই বিছানায় শুইয়া দিব্যি প্যাটপ্যাট করিয়া তাকাইয়া আছে।

অশোক স্নানের জন্ত নীচে নামিতে নামিতে বলিল, ঠিক পৌনে ন'টার গাড়ী আসবে—আমি ট্যান্ডি ব'লে

রেখেছি। প্রথমে আমরা যাব সোডা-ফাউন্টেনে ; সেখান থেকে লাইটহাউস। সাড়ে আটটার মধ্যে তৈরী হওয়া চাই।

বিভার ছোট্ট কপালটিতে বিন্দু বিন্দু ঘাম ফুটিয়া উঠিল। ঘড়িতে আটটা বাজিতে আর পাঁচ মিনিট বাকী।

অর্থাৎ তাহার হাতে পঁয়ত্রিশ মিনিটের বেশী সময় নাই। ছেলে দুইটি ঘুমাইয়া পড়িলে সে ইহার আগেই তৈরী হইতে পারে। কিন্তু ...

অশোক উপরে উঠিয়া আসিতে বিভা যেন আরও বিব্রত হইয়া পড়িল। দেখিল, ছেলেরা একবার করিয়া চোখ বুঁজিতেছে, তারপরেই চোখ খুলিয়া তাহাদের রহস্যজনক গতিবিধি লক্ষ্য করিতেছে।

বাপ-মায়ের ভাবভঙ্গী সম্বন্ধে তাহারা আজ রীতিমত সন্দেহান ! তবুও ঘড়িতে এক সময়ে সাড়ে আটটা বাজিয়া গেল এবং তাহার কিছুক্ষণ পরে সদর রাস্তায় ট্যান্ডি আসিয়া থামিবার শব্দও বিভা শুনিতে পাইল।

ভাগ্য সুপ্রসন্ন, মিনিট সাতেক আগে ছেলে দুইটি সত্যিই ঘুমাইয়া পড়িয়াছিল। তাহারই মধ্যে বিভা পাশের ঘরে গিয়া নিজের কেশ ও বেশ যথাসম্ভব পরিপাটি করিয়া লইতেছিল।

অশোক সিঙ্কের পাঞ্জাবীটার মাথা গলাইতে গলাইতে বলিল, জুতোটা পায়ে দিতে ভুলো না, খালি পায়ে ওখানে যাওয়া চলবে না।

বিভা ট্রাকের তলা হইতে গতবারের পূজার জুতাটা বাহির করিয়া পরিয়া লইল।

অনেক দিনের অব্যবহারে জুতোজোড়ার গায়ে একটু আধটু ছাতা ফুটিয়া উঠিয়াছিল—কিন্তু তখন আর পরিষ্কার করিবার সময় নাই।

নিউ ইয়র্ক সোডা ফাউন্টেনে তিন টাকা চার আনার বিল চুকাইয়া দিবার পর আবার ট্যান্ডিতে চড়িয়া তাহারা যখন ‘লাইট হাউস’-এ পৌঁছিল, তখন ‘শো’ আরম্ভ হইয়া গিয়াছে।

‘লাইটহাউস’-এর লবিতে দাঁড়াইয়া বিভার মনে হইল, সে কোন রূপকথার রাজবাড়ীতে পৌঁছিয়াছে। ডিনারের সারবে-মেম তখনও আসিয়া টিকিট ধরিত

করিতেছিল। তাহাদের বিচিত্র পোষাক ও এই বিচিত্র পরিবেশের মধ্যে বিভার বৃকের কাঁপুনি অসম্ভব ক্ষুভ হইয়া উঠিয়াছে। টিকিট কিনিয়া অশোক বলিল, চলো।

বিভার কপালে আবার ঘাম ফুটিয়া উঠিয়াছিল। পাংশু মুখে সে অশোকের পিছনে পিছনে ভিতরে গিয়া ঢুকিল।

অশোক যদি বিভার পিছনে পিছনে যাইত তাহা হইলে বিভার আগতা-পরা পায়ের মলিন স্রাণ্ডালের অসামঞ্জস্য দেখিয়া সে মর্মান্বিত হইত।

যে ছবিখানা তাহারা দেখিতে গিয়াছিল, সেটির বিষয়-বস্তু গড়িয়া উঠিয়াছে দক্ষিণ দ্বীপের কয়েকটি ঘটনাকে কেন্দ্র করিয়া। নাচ, গান, আর প্রণয়-নিবেদনের দৃশ্যে ছবিখানি ভরপুর।

ইন্টারভ্যালের সময় অশোক বিভার মুখের দিকে চাহিয়া দেখিল, তাহার বিস্ময়-বিস্ফারিত দুইটি চোখ প্রেক্ষাগারের এ প্রান্ত হইতে আর এক প্রান্ত পর্যন্ত ঘুরিয়া বেড়াইতেছে।

অশোক মনে মনে লজ্জিত বোধ করিল। বলিল : কেমন দেখে চো।

বিভা জবাব দিতে পারিল না। তাহার চোখ দুইটি যখন আলোয়-উদ্ভাসিত প্রেক্ষাগারের দিকে চাহিয়া বিস্ময়ে বিস্ফারিত হইয়া উঠিয়াছিল তখন মনে মনে সে—ছেলেরা উঠিয়া এতক্ষণে আবার কান্নাকাটি জুড়িয়াছে কি না তাহাই ভাবিবার চেষ্টা করিতেছিল।

এ গল্প তাহার কাছে শুধু ছবি, কাহিনী নয়।

পাত্র-পাত্রীর একটা কথাও সে বুঝিতে পারে নাই।

ছবি শেষ হইবার পর বাহিরে আসিয়া তাহারা যখন আবার ট্যান্ডিতে উঠিল, তখন আকাশ ভাঙ্গিয়া বর্ষা নামিয়াছে। বৃষ্টি শুরু হইয়াছে অনেক আগেই, ভিতরে বসিয়া তাহারা ইহার কিছুই টের পায় নাই। প্রকাণ্ড সিডানবডি ক্যাডিলাক গাড়ী; চলিবার সময় একটুকু শব্দ হয় না, দেখিতে দেখিতে সেটা বড় রাস্তায় আসিয়া পড়িল।

উইণ্ড স্ক্রীনটা সরাইয়া দিয়া বৃষ্টিভেজা মাঠের দিকে চাহিয়া অশোক বলিল, চমৎকার।

আজিকার অতি সাধারণ ছবির গল্পটা তাহার ভাল লাগে নাই। এতক্ষণে সে ফোভটা তাহার মন হইতে নিঃশেষে মুছিয়া গেল।

তাহার স্বপ্নের কলিকাতায় রাত্রি নামিয়াছে, আর সেই রাত্রিকে মুখর ও বিহ্বল করিয়া তুলিয়াছে বৃষ্টি! কি তুমুল কলরোল এই বৃষ্টির! মনে হইতেছে, মাঝ সমুদ্রে 'টাইফুন' উঠিয়াছে; তাহাদের ঘরবাড়ী ভাঙ্গিয়া কোথায় ভাসিয়া গিয়াছে কে জানে! কোন রকমে উঠিয়া তাহারা ছোট্ট একটি নৌকায় আশ্রয় লইয়াছে—তাহারা দুইটি প্রাণী। এটা ট্যান্ডি নয়, ময়ূরপঙ্খী নৌকা, তাহাদের 'ফ্যান্টম গণ্ডোলা!' কাচের হাওয়া-জানালাটা খোলা থাকায় ভিতরে বাতাস আসিতেছিল হ হ করিয়া—আর সেই সঙ্গে বৃষ্টির ছাট! বিভা আজ গন্ধ-তেল মাখিয়াছিল। ট্যান্ডির সীটে মাথা হেলাইয়া দিয়া অশোক চোখ বুজিয়া ভাবিতেছিল, হাওয়াই দ্বীপ হইতে হাওয়ার বগা আসিতেছে আর সেই বাতাসে বহিয়া আসিতেছে আকুল, উগ্র, গন্ধ—পয়সেটা, না ইর্যাসমিক, কিসের তা সে কি করিয়া বলিবে?

গন্ধের কখনও নাম দেওয়া যায়!

বিভা বলিল : ভিজ্জে গেলাম যে! জানালাটা বন্ধ ক'রে দাও।

অশোক বলিল, না, ওটা খোলা থাকবে। একটু প্রাণ ভ'রে নিঃশ্বাস নাও; একটু অসভ্য হও, একটু বর্বর—

বলিতে বলিতে বিভার এলো খোঁপাটা টানিয়া সে একেবারে বিপর্যস্ত করিয়া দিল।

বিভা বিব্রত হইয়া ড্রাইভারের দিকে চাহিয়া বলিল, লোকটা কি ভাবে বল ত?

অশোক বলিল, ওরা এর চেয়ে অনেক রোম্যান্টিক দৃশ্য দেখেছে এই গাড়ীর ভিতরে; ওরা এত সহজে আশ্চর্য্য হবে না।

পীচ-ঢালা রাস্তায় রীতিমত জল জমিয়াছে। আর সেই জলের উপর আসিয়া পড়িয়াছে গ্যাসের আলো।

ট্যান্ডির চাকা চলিয়াছে সেই জলের ভিতর দিয়া, দুই পাশে ছোট ছোট ঢেউ ভাঙ্গিয়া চুরমার হইয়া যাইতেছে।

অশোক বলিল : এটা কলকাতার রাস্তা নয় বিভা; হয় দুধমতী নদী, কিম্বা মেঘনা কি পদ্মা! বানে আমাদের ঘর ভেসে গেছে। আমরা একটা ভেলায় চড়ে সভ্য সমাজের বাইরে ভেসে চলেছি। রাস্তার ওপারে ওই যে আলোটা দেখেচো, ওটা লাইট হাউস!—সিনেমা নয়, সমুদ্রের ধারে জাহাজগুলোকে পথ দেখাবার আলো!

বিভা সম্মুখে অশোকের কাঁধে মাথা রাখিয়া বলিল, ভূমি মন্ত একটা পাগল!

অশোক বলিল : পৃথিবীর লোক বড় বেশী হিসেবী হয়ে পড়েছে। সবাইকে অস্তুত এক দিনের জন্ত পাগল করে দেওয়া দরকার!

অশোকের কল্পনার সেই দুধমতী নদী, মেঘনা বা পদ্মা পার হইয়া ট্যান্ডির চাকা যখন গলির প্রান্তে থামিল, ঘড়িতে তখন একটা বাজিয়া গিয়াছে। সমস্ত পাড়াটা চুপচাপ।

ড্রাইভারের হর্নের ঘন ঘন শব্দে চকিত হইয়া পাচক বনমালী পাণ্ডা আসিয়া দরজা খুলিয়া দিল।

উপরে ওঠা পর্য্যন্ত অপেক্ষা করিতে হইল না। নীচেই বনমালীর মুখে খবর পাওয়া গেল যে তাহারা চলিয়া যাইবার আধঘণ্টা পরেই ঘুম হইতে উঠিয়া ছেলেরা যে চীৎকার শুরু করিয়াছে, এখনও তাহার বিরাম নাই। সে দুধ এবং লজ্জা আনিয়া তাহাদের শাস্ত করিবার যথাসাধ্য চেষ্টা করিয়াছে, কিন্তু সবই হইয়াছে ভস্মে যি ঢালা!

সরু গলিটা পার হইতেই তাহাদের চীৎকার বিভার কানে গেল। তাড়াতাড়ি সে উপরে উঠিয়া আসিল।

ঘরের মধ্যে সে এক রোমাঞ্চকর দৃশ্য!

ছেলে দুইটি বিছানার উপর বসিয়া এ-উহার মাথার চুল ধরিয়া টানিতেছে আর চীৎকার করিতেছে। বনমালী যে দুধের বাটীটা আনিয়াছিল সেটা তাহারা উল্টাইয়া ফেলিয়াছে। আর যে সব ছোটখাট অপরাধ করিয়াছে সেগুলি লিখিবার মত নয়।

বিভাকে ঘরে ঢুকিতে দেখিয়া ছোট ছেলেটা আধ আধ জড়িত গলায় অভিযোগ করিল যে দাদা তাহার দুধ খাইয়া ফেলিয়াছে। কেন খাইয়া ফেলিয়াছে সেই প্রশ্নই সে ঘুরিয়া ফিরিয়া বার বার করিতে লাগিল।

বিভা ভাল কাপড়টা পর্য্যন্ত ছাড়িয়া রাখিবার অবসর পাইল না। সেই অবহাতেই ছোট ছেলেটিকে কোলে তুলিয়া লইয়া শাস্ত করিবার চেষ্টা করিতে লাগিল।

পাশের ঘরে অশোক জামাটা খুলিয়া রাখিয়া সিগারেট ধরাইতেছিল। ঘরের দক্ষিণ দিকের জানালাটা সে খুলিয়া দিয়াছে। বাতাসের ঝাপটার তিন দিন আগে ধরিদ-

করা রজনীগন্ধাগুলি বিছানার পাশের টিপরের উপর ফুলদানিতে তুলিতেছে।

বৃষ্টি তখনও থামে নাই। বমবম শব্দে এখনও চারিদিক মুখর হইয়া আছে। সেই মুখরতার মধ্যে পাশের ঘরে ছেলে দুইটির অকারণ একঘেয়ে বিলাপ তাহার কানে যাইতেছে না।

বৃষ্টিধ্বনিমুখরিত এই গভীর রাত্তিতে অশোকের মনের মধ্যে অদৃশ্য একটি ভাবমণ্ডল গড়িয়া উঠিয়াছে। পরিচিত পারিপার্শ্বিকতার সহিত সে কোথাও নিজের এতটুকু যোগ খুঁজিয়া পাইতেছে না! এই সময় একবার যাক্ষরের ছাদে কিম্বা ভিক্টোরিয়া হাউসের উপরে দাঁড়াইয়া শহরটাকে ভাল করিয়া দেখিতে পারিলে হইত!

একঘণ্টা পরে।

অশোকের কিছুতেই ঘুম আসিতেছিল না। বারান্দার পায়চারি করিতে করিতে সে পাশের ঘরে আসিয়া ঢুকিল। ঘরের এলোমেলো অপরিচ্ছন্নতা তাহাকে এক মিনিটের মধ্যেই পীড়িত করিয়া তুলিল। তবু সে বিছানার দিকে আরও খানিকটা অগ্রসর হইল।

ভাবিয়াছিল, বিভা এখনও জাগিয়া আছে। তাহাকে এ ঘরে ডাকিয়া আনিয়া দুইজনে পাশাপাশি বসিয়া কিছুক্ষণ গল্প করিবে। বিছানার কাছে গিয়া দেখিল বিভা ঘুমাইয়া পড়িয়াছে—ছেলে দুইটিকে শাস্ত করিতে করিতেই এক সময় সে ডুবিয়া গিয়াছে ঘুমের অতল সমুদ্রে। সিনেমায় যে জামা-কাপড় পরিয়া গিয়াছিল সেগুলি খুলিয়া রাখিবার অবসরও তাহার হয় নাই।

ছোট ছেলেটি অপরিপুষ্ট দুই হাতে বিভার গলা জড়াইয়া ঘুমাইতেছে। বিভাকে ডাকিয়া আনিতে গেলে সেও উঠিয়া চীৎকার শুরু করিবে নিশ্চয়।

অশোক চোরের মত আশ্বে আশ্বে ঘর হইতে বাহিরে আসিয়া দাঁড়াইল।

বৃষ্টির জল-তরঙ্গ তখনও থামে নাই। কিন্তু ট্যান্ডিতে আসিতে আসিতে যে মেয়েটি তাহার মনের আকাশে চুলের পেশম মেলিয়া ধরিয়াছিল, এ বাড়ীর ঘরে তাহার কোন সন্ধান পাওয়া যাইতেছে না।

# ম্যাক্সিম গোর্কী

শ্রীঅমল সেন

গোর্কীকে বাঙ্গালা পাঠক-সমাজের কাছে বিশেষভাবে পরিচিত ক'রে দেওয়ার উদ্দেশ্য এ নয় যে তিনি বিশ্ব-বিখ্যাত ঔপন্যাসিক। বিশ্ব-সাহিত্যে তাঁর যা অদ্বিতীয় দান তা হচ্ছে বৈপ্লবিক চরিত্রসৃষ্টি; বিপ্লবকে সাহিত্যের মধ্য দিয়ে সৃষ্টি এবং সঞ্চালিত করা—তারই একটু পরিচয় দেব আমরা।

গোর্কীর বলিষ্ঠ জীবনী কল্পণ প'ড়ে তাঁর উপন্যাসগুলি পড়লে স্পষ্ট বোঝা যায়, নিজ জীবনের তিক্ত অভিজ্ঞতাকে ভিত্তি ক'রেই তাঁর বিপ্লব-সাহিত্য গ'ড়ে উঠেছে। তাঁর সব বইয়ের ভিতরেই আমরা তাঁকে খুঁজে পাই। গোর্কী সর্বত্র নিজের বেদনাময় অভিজ্ঞতাকে কেন্দ্র ক'রে ছুনিয়ার সর্বহারাদলের অকৃত্রিম ছবি এঁকেছেন। তাই গোর্কীর বই পড়লে শুধু যে গোর্কীর পরিচয় পাই তাই নয়—নিজেদেরও যেন আমরা ভাল ক'রে চিনি। গরীব আমরা, একদিকে দারিদ্র্য, অবিচার, অবজ্ঞা এবং অসাম্য, অন্যদিকে যুক্তি, জ্ঞান, বিকোমল এবং বিজ্ঞোহের মধ্যে অহর্নিশি রণা ক'রে চলেছি যারা শুধু ভগবান এবং পরকালের মুখ চেয়ে—তারাও যেন নিজের জীবনকে নতুন ক'রে পাঠ করতে শিখি; নতুন মন্ত্র আওড়াতে শিখি; নবীনতম ব্যাখ্যা নিয়ে জীবনের নব-অধ্যায়ে প্রবেশ করতে চাই। এককথায়, গোর্কী আমাদের অশাস্ত ক'রে তোলে।

তাঁর বহু বই। সবগুলির ইংরেজী অনুবাদও বেরিয়েছে কি-না সন্দেহ। তার মধ্য থেকে যে কয়খানিতে এই বিপ্লববাদ পরিপুষ্ট এবং পরিপূর্ণ হ'রে রয়েছে, তারই আলোচনা আমরা করব।

বলা বাহুল্য, 'মা' এই হিসাবে তাঁর সর্বশ্রেষ্ঠ বই। 'মা' বই-এর দৌলতে ম্যাক্সিম গোর্কী আজ বিশ্ব-সাহিত্যের দরবারে সুপরিচিত; গোর্কীর চাইতে বড় সাহিত্যিকের হয় তো অভাব নেই—অভাব, তিনি যেমন ক'রে, যতখানি দরদ দিয়ে, আবেগ দিয়ে, উজ্জ্বলতা দিয়ে মজুরদের এবং চাষীদের কথা বলেছেন, তেমনি ক'রে বলার লোকের। 'মা'কে তাই মজুর-চাষী তথা বিপ্লব আন্দোলনের অগ্নিবন্দ বলা চলে।

এই অগ্নিময় গোর্কীর জীবনে ধীরে ধীরে প্রস্ফুটিত হয়েছিল নানা ঘটনাবলি।

গোর্কীর রচিত সাহিত্য এবং আত্মকাহিনীতে তাই আমরা এই অগ্নিবন্দে ক্রমবিকাশ দেখতে পাই। গোর্কীর 'মা' বিশেষভাবে সব কল্প সমাদৃত হয়েছে।

কিন্তু আমরা হুকু ক'রব তাঁর অন্তিম বই দিয়ে। কারণ যে অশাস্ত বিজ্ঞোহ 'মায়ের পাতার পাতার আচ্ছাদ্যমান, তারই পূর্বসূচনা এইগুলিতে।

মাল্ভা

ভেসিলি এক গরীব চাষী; পাড়াগাঁয়ে তার অভাব কিছুতেই মেটাতে না পেরে দূরে এক বন্দরে চ'লে এসেছে, ভাগ্যাবেশে—একা। তার বউ এবং ছেলে বাড়ীতে—সে বন্দরে। ক্ষুধা তাকে স্ত্রীর কাছ থেকে ছিনিয়ে এনেছে। কিন্তু নারীসঙ্গও মানুষের কাছে ক্ষুধার মতই অপরিহার্য। ভেসিলি বন্দরে এসে নারী মাল্ভাকে অবলম্বন করতে বাধ্য হ'ল। মাল্ভা সুন্দরী, স্বাধীনা ... রুশ পতি-দেবতা স্ত্রী-দাসীকে যে যুগযুগান্ত ধ'রে নির্ঘাতন ক'রে এসেছেন, তারই উগ্র প্রতিবাদ।

এমন সময় গ্রাম থেকে জ্যাকফ এসে দেখল পিতার অবস্থা।

অনেক সুন্দর সুন্দর মিষ্টি মিষ্টি বিশেষণে বিশেষিত ক'রে জীবনকে আমরা সহজ ক'রে নিতে চেষ্টা করেছি। কিন্তু পারিনি।

জীবন মূলত যে সংগ্রাম, সেই সংগ্রামই র'য়ে গেছে।

সুদূর অতীতে হয় তো এমন দিন ছিল, যখন মানুষের সম্মুখে বিস্তৃত ছিল অফুরন্ত ভাণ্ডার আর অফুরন্ত আনন্দ। তাকে খাবার জন্ত ভাবতে হ'ত না, ঘুমোবার জন্ত মাথা ঘামাতে হ'ত না।

কিন্তু ইতিহাস সেদিনকার সাক্ষ্য দেয় না। খাবার অফুরন্ত থাকলেও তা অনায়াসলভ্য কোন দিনই ছিল না ব'লে চিরকালই তাকে ভাবতে হয়েছে। বিশাল ছুনিয়া প'ড়ে থাকতেও তাকে মাথা রাখার একটু ঠাইয়ের জন্ত পরের অনুগ্রহ ভিক্ষা করতে হয়েছে। জীবন তার কাছে সংগ্রামই ছিল—ঠিক এখনকারই মতম।

শুধু কি খাবার নিয়ে, মাটি নিয়ে সংগ্রাম? এর চাইতেও বড় যুদ্ধ মানুষের মনে। প্রবৃত্তি নিয়ে যুদ্ধ।

দেহের মত মনও তার চির-ক্ষুধিত, চির-অশান্ত, চির-বিজ্ঞোহী।

সকলের সঙ্গে তার সংঘর্ষ এই নিয়ে—সকলের সঙ্গে তার সংগ্রাম। মাল্ভা এই সংগ্রাম-চঞ্চল জীবনের ছবি।

দরিদ্র এক কুবক পাড়াগাঁ ছেড়ে বন্দরে এসেছে, বাধ্য হ'য়ে এসেছে। ভিক্তর হিউপোর সেই জাঁ ভালজাঁ থেকে হুকু ক'রে আজ পর্যন্ত পাড়া-গাঁয়ে এই অবস্থা। পরিভ্রম ক'রেও অন্ন জোটে না। অভাব কম, কিন্তু ততটুকু অভাবও মেটে না। 'মাল্ভা'র ভেসিলি বলেছে ...

আমরা কুবকেরা বেশী কিছুই চাই না। একখানি কুঁড়ে, এক টুকরো রুট, আর পরবের দিনে এক-আধ গ্রাস মদ—বাস্, এ হ'লেই আমরা খুশী। কিন্তু এও আমরা পাই না। পেলে বাড়ী-ঘর ছেড়ে কি এখানে এসে প'ড়ে থাকতুম? গাঁয়ে ছিলুম আমি নিজের কর্তা নিজে, সমস্তের সমান ... কিন্তু এখানে? এখানে আমি চাকর! ...

এই চাকুরী জীবনের মর্ষকথা।

রুটির জন্তু তাকে পরের গোলামি ক'রতে হয়। তার স্বাধীনতা চ'লে যায়। আর সঙ্গে সঙ্গে যায় আর একটা অমূল্য বস্তু—তার চরিত্র।

আহার মিত্রা জ্বর মৈথুন—সব করটা তাকে সমানভাবে চালিত ক'রে। তাই সব করটার খোঁরাক তাকে যোগাতে হয়। তার খাচ্চ চাই, তার শয্যা চাই—আর চাই নারী। ... বন্দরে এসে ভেসিলি নারী মালভাকে অবলম্বন করেছে।

ছেলে জ্যাকক এল পিতার সঙ্গে দেখা করতে। ভেসিলি তখন কুঠায় চঞ্চল হ'য়ে উঠল—ছি ছি, কি ভাবছে ছেলে! কিন্তু নিরুপায়!—সে যে সম্পূর্ণ নিরুপায়! এ যে প্রবৃত্তি—একে রোধ করা যায় না। তাই একা পেয়ে ছেলেকে সে বলছে ...

... কি করব! প্রথম প্রথম তো ঠিকই ছিলুম! কিন্তু পারলুম না শেষ রক্ষা করতে। অভ্যাগ কি-না ... তা ছাড়া ... মরণকেও এড়ানোর জো নেই, মেয়েমানুষকেও এড়ানোর জো নেই। ...

এই বন্দর-জীবনের করুণ ইতিহাস। স্ত্রী-পুত্র-পরিবার হ'তে বিচ্ছিন্ন হতভাগ্য গোলামের দল এমনি ক'রে প্রবৃত্তির অদম্য তাড়নায় অমূল্য চরিত্র বিক্রয় করে। নারী এখানে রূপোপজীবিনী।

পাড়া-গাঁয়ে নারী কাজের দিক দিয়ে অপরিহাযা। আর এখানে নারী আনন্দ ... নারী পাপ ...

মালভা এই বন্দরের নারী। স্কন্দরী, তরুণী, চপলা, জীবনের স্রোতে উচ্ছ্বসিত তটিনীর মত। পাড়া-গাঁয়ের নারী-জীবনের কথা ভেবে সে শিউরে ওঠে।

... নারীর জীবন সেখানে চোখের জল ছাড়া আর কিছুই নয়। ... পাড়া-গাঁয়ের আমার মন চাক কি নাই চাক, বিয়ে করতেই হবে। আর একবার বিয়ে হ'লেই নারী জন্মদাসী। স্ত্রীতো কাট, তাঁত বোনো, গোপালন কর, আর সন্তান প্রসব কর। তার নিজের জন্তু বাকি কি রইল?—কিছুই না। শুধু পতি-দেবতার গালি ও প্রহার।

রুশ নরনারীর এই অভিশপ্ত জীবন গোর্কী নিজের চোখে দেখেছেন। একদিকে দারিদ্র্য, আর একদিকে অশিক্ষা—একদিকে অনশন, আর একদিকে অভ্যাচার—এই ছিল রুশের ভাগ্যলিপি।

গোর্কী ছেলেবেলায় মামাবাড়ীতে মানুষ হয়েছেন। সেখানে দেখেছেন, তাঁর এক মামা মামীকে কিল চড় দিতে দিতেই মেরেছিলেন। দিদিমাও প্রায়ই দাদামশাইয়ের মার খেতেন।

এই তিস্ত অভিজ্ঞতা নিয়েই গোর্কীর বাল্যজীবন শুরু হয়। দরিদ্র রুশ, অবজ্ঞাত রুশ—তাকে তিনি তাই এমন অকৃত্রিমভাবে এবং এমন দরদ দিয়ে আঁকতে পেরেছেন।

মালভা তাই স্বভাব্য—স্বাধীন। উদ্দাম তার বোঁবন, অবাধ তার গতি। আমরা যাকে পাপ ব'লে শিউরে উঠি, তা সে পাপ বলেই মনে করে না।

রুশ বর্তমানে যেভাবে জীবনযাত্রা নির্বাহ করছে, তারই যেন পূর্বসূর্য এই মালভার।

মরের চাই নারী—নারীর চাই নয়।

নর নারীকে পাবেই—নারী নরকে পাবেই।

এই পাওয়া স্কন্দর হয়, সহজ হয়, স্বাভাবিক হয়—যদি এই মিলনের মধ্যে কোন বন্ধন না থাকে।

নারী-বাঁট ব্যাপারকে তারা একটা লজ্জার, একটা অপৌরুষের বস্তু ব'লে জাহির ক'রে প্রেমকে অসহজ ক'রে তুলেছেন। তাদের বিধাম না মেনে ভালবাসলে হয় পাপ, হয় ব্যাভিচার। জীবনের সর্বোত্তম আনন্দ তাই আজ সর্ব-গর্হিত অবনতির সাজ প'রে বের হচ্ছে।

... জীবন ... জীবন ... এই-ই সংসারের গতি। বা নিবিদ্ধ, চিরকাল তারই জন্তু মানুষের অতৃপ্ত বুড়ুকা। জীবনের কথা মাঝে মাঝে ভাবি ... ভেবে শঙ্কিত হই ...

এই প্রেম-সঙ্কটের সঙ্গে সঙ্গে আর একটা স্ত্রী ফুটে উঠেছে মালভায়।

—মানুষের অবিচার, অত্যাচারের বিরুদ্ধে বিজ্রোহের স্ত্রী।

দুনিয়া আজ মানুষের বাথার ভারে আড়ুর। অনাহার, উপবাস, হাহাকার আজ পৃথিবীময়।

ভারতবর্ষও তেমন একটি দেশ। এর উপর চাকচিক্যময়, অভিজাত ধনী শিক্ষিত সম্প্রদায়, আর বেশীর ভাগ লোক—কোটি কোটি নর-নারী অন্ধকারে পচছে। দারিদ্র্য এবং অশিক্ষা সেখানে মানুষকে ক'রে যেথেকে পশুর মত হিংস্র, মানুষ সেখানে ভাল হ'তে চাইলেও ভাল হ'তে পারে না, মন্দ পথে চলতে বাধ্য হয়।

কেন এরা খেতেও পায় না?

কেন?

কেন এ ব্যাথা? কেন এ অনাহার? কেন এ হাহাকার? এর জবাবে বলা হয়—একজন চাহিদার বেশী—অনেক বেশী নেয় ব'লেই বাকি যারা, তারা অভাবে ভোগে, অনাহারে মরে।

গোর্কীও তাই বলছেন মালভায়—সিদ্ধু-শকুন উড়ছে, মাছ নিয়ে কাড়াকাড়ি মারামারি করছে ...

... কেন ওরা মারামারি করছে? জলে যে মাছ তাতে কি ওদের সকলেরই কুলোয় না? মানুষ—মানুষও তো এমনি চেষ্টা করছে পরস্পর পরস্পরকে জীবন হ'তে বঞ্চিত ক'রতে। ... কেউ যদি পছন্দসই কিছু বোগাড় ক'রে নেয়, অস্ত্রে তার টু'টি টিপে তা ছিনিয়ে নেবে। কেন? জীবনে তো প্রত্যেকের জন্তুই প্রচুর আছে। আমি যা পেরেছি, তা কেন অস্ত্রে কেড়ে নেবে? ...

কিন্তু মালভা শুধুই বিজ্রোহের স্ত্রী নয়। নর-নারীর বিচ্ছিন্ন মনস্তত্ত্ব স্কন্দরভাবে ফুটে উঠেছে এর পাতায় পাতায়।

সমুদ্রের বর্ণনা এর চমৎকার।

অনেকের মতে মালভার এ বর্ণনা বিশ্ব-সাহিত্যে অভুলন—স্পেশাল লেখক ইবানেজের “ক্যাবিন” ছাড়া অন্য কোন বইয়ে এমন বর্ণনা নেই।

বিরিট সমুদ্রের বন্দনা ক'রে গোর্কী মানুষের বিরিট জীবনের ছবি এঁকেছেন মালভায়।

## অর্জফ-দম্পতি

মুচি অর্জফ দীনাতিদীন, কিন্তু এ তার বাইরের অবস্থা। তার মন কিন্তু উদ্দীপ্ত। সে সম্ভাব্যের পক্ষপাতী নয়, সে অশাস্ত, সে বুভুক্ষু, সে অতৃপ্ত, গ্রাস তার বৃহৎ, দাবী তার ঘোল আনা ... কিন্তু এক পাইও মেলে না। অন্তর্ভূত পাগল হ'য়ে সে বউকে মারে, মদ খায়, মাতলামি করে, ছটফট করে, তারপর আবার জুতো সেলাইয়ে মন দেয়। ... নামকা-ওরাস্তে অতি-মাত্রায় অস্থির হ'য়ে সে খালি নাম করার সুযোগ খুঁজছে। অবশেষে এল সুযোগ। কলেরার এপিডেমিক পড়ল শহরে, হাসপাতাল সরগরম ... হাসপাতালে গেলে সকলের নজরে পড়বে। সে ... আনন্দে অর্জফ-দম্পতি সেই ছোঁয়াচে রোগের আড়তায় কাজ নিল।

গোকারী মুচি-জীবনের অভিজ্ঞতা দিনের আলোর মত ফুটে আছে অর্জফ-দম্পতিতে।

মুচি ব'লে যাকে আমরা নিত্য নিত্য তুচ্ছ ক'রে চ'লে যাই, যাকে মান দিতে চাই না, স্থান দিতে চাই না সমাজে—সেই মুচিও যে মানুষ, ঠিক আমাদেরই মত রক্ত-মাংসে গড়া মানুষ, আমাদেরই মত আশা-আকাঙ্ক্ষা-কল্পনা-প্রবণ মানুষ—গোকারী তাই দেখিয়েছেন।

স্বামী-স্ত্রী নিয়ে সংসার। সুখের নয়, গভীরতম দুঃখের। কি অন্ধকার অপরিচ্ছন্ন অপরিসর তাদের বাসগৃহ—একটা ভূ-গহ্বর মত ; মৃত্যুর মত শীতল। এই অন্ধকারে তারা জীবন কাটিয়ে দিচ্ছে।

অনেকের ধারণা—যা এই সেদিন পর্য্যন্তও চ'লে এসেছে—যে অন্ধকারের জীব যারা, তারা অন্ধকারেই অভ্যস্ত ; তাদের জীবন-যাত্রা শোচনীয় হ'তে পারে, কিন্তু তারা তাদের ঐ জীবন-যাত্রা নিয়েই সন্তুষ্ট। কোন অভিযোগ তারা করে না।

ধর্মশাস্ত্রও এই নীচুদের নীচু ভাবতেই শেখায়। পাছে তারাও জাগতে চায়, তারাও উঠতে চায়, তারাও আলোকের উদগ্র আকাঙ্ক্ষায় ক্ষেতে ওঠে, তাই শাস্ত্র খুব চমৎকার চমৎকার বুলির আমদানি করেছে। কর্কশল—তুমি যেমন কাজ করছ, তেমনি ফল পাচ্ছ। অতএব অন্ধকার অসম্ভাব্য প্রকাশ করলে তোমার শুধু অস্থায়ী হবে না, পাপও হবে। নীচু তারা, তারাও এ মানে, কারণ তারা যে ছোটকাল হ'তে শিখছে—শাস্ত্র অজান্তে, শাস্ত্র অপৌরুষেয়। তারা ত জানে না যে, এ সব শাস্ত্র মানুষের তৈরি—আর সেই সব মানুষেরই তৈরি, যারা ব্যক্তিবিশেষ বা সম্প্রদায়বিশেষের স্বার্থের জন্ত ইচ্ছা ক'রে মানুষে মানুষে এই অসাম্যের সৃষ্টি করেছে, নীচুকে নীচু রাখার আবশ্যিকতাকে শাস্ত্রবাদের মুখোমুখি পরিণে বের করেছে।

শাস্ত্র শুধু এখানেই থাকেনি !

কর্কশলের উপর আবার পরকাল, জন্মান্তর। রে দুঃখীর দল, তোরা কাঁদিসনি ; ছোট এ জীবনটা দুঃখ স্বীকার ক'রেও ধর্মপথে কাটিয়ে দে, তারপর অনন্ত সুখের জীবন তোদের সামনে। তোদের উপর অত্যাচার করছে কেউ ? না রে, ও অত্যাচার নয় ! আর যদিই বা অত্যাচার হয়, তোরা স'য়েই বা—অত্যাচারের শাস্তি দেবার তোরা কে ? শাস্তি পাবে

ওরা পরকালে—শাস্তি পাবে ওরা ভগবানের হাতে, শাস্তি পাবে ওরা পরজন্মে !

চমৎকার মানুষ-ভোলাবার মন্ত্র !

কিন্তু ভুল, ভুল মানুষের এ ধারণা,—শাস্ত্রের সত্যকে চেপে রাখার এ স্পর্ধা। অন্ধকার তত দিনই সর, যত দিন আলোকের সাড়া চোখে না লাগে। তাই অন্ধকারের জগতে আজ এই দুর্নিবার চাকলা !

গোকারী অর্জফ এই চাকল্যের পূর্ণমূর্তি। নিজের জীবন-যাত্রা নিয়ে সে সুখী নয়—আবদ্ধ বাষ্পের মত কেবলই সে এই ক্ষুদ্র পরিসর জীবনের মধ্যে ব'সে গর্জাচ্ছে।

... তারা গান করছে। তাদের আনন্দহীন জীবনের যত-কিছু শূন্যতা, যত-কিছু ধৈর্য, সব চেলে দিচ্ছে তারা হুরে হুরে। প্রাণের অর্ধজাগ্রত আশা-আকাঙ্ক্ষার ভাবশ্রোত যেন আজ প্রকাশের পথ পাবার জন্ত আকুলি বিকুলি করছে। কখনও কখনও গ্রীষ্ম গান গায়—ওগো ! ভাবতেও পারি না—এই আমার জীবন ! কি অভিশপ্ত জীবন ! প্রাণে বেদনা, কি স্নিগ্ধ বেদনা ! এই তিন্ত পুঞ্জীভূত ব্যথা, এই দুঃখ-দুর্দশার ভার, সব আজ যেন তার অসহ। বউ অতশত বোঝে না। গান শুনে ঠাট্টা ক'রে বলে, এতই যদি বেদনা—তবে মরণ দেখে চেঁচাও কেন কুকুরের মত ?

অর্জফ বউ-এর উপর রেগে ওঠে, কিন্তু বোঝাতে পারে না, প্রাণে তার ব্যথার চাইতেও বিপুল যে জিনিষটা আছে—সে জাগতে চায়, উঠতে চায়, মানুষের মত বাঁচতে চায় এবং মরলেও মরতে চায় এমনভাবে যাতে একটা নাম রেখে সে যেতে পারে। পৃথিবীতে অজ্ঞাত অখ্যাত জীবন সে চায় না। মরণের সঙ্গে সঙ্গে ধরার বুক হ'তে মুছে যেতে সে চায় না।

এক কথায়, সে চায় যত্ন—জীবনে এবং মরণে। কিন্তু এ কথা কাউকে বলা যায় না—অথচ চেপে রাখাও অসম্ভব। অর্জফের বুক এই আকাঙ্ক্ষার অগ্নি-নাচন।

এই বন্ধ, সংকীর্ণ, অন্ধকার সমাহিত জীবন সে চায় না।

গ্রীষ্ম বলছে, এ তো জীবন নয়—এ দস্তুরমত নরক। কিসের মন্ত্র যেন মুক্ত ক'রে রেখেছে আমাদের। কেন এ জীবন ? কিসের জন্ত এ জীবন ? কাজ আর ক্লাস্তি, ক্লাস্তি আর কাজ ...

জীবনের আর কোনও উদ্দেশ্য যেন সে খুঁজে পাচ্ছে না ! তাই শেখানো বুলি বলছে।

... সব ভগবানের বিধান। তাঁরই বিধানে মায়ের পেটে জন্মেছি,— জীবন পেয়েছি। অভিযোগ করা নিরর্থক ! ... তারপর ব্যবসা শিখলুম। ... কেন শিখলুম ? ছুনিয়ার কি মুচির কস্তি ছিল যে আমারও মুচির কাজ না শিখলে চলত না ? ...

মুচি সে ইচ্ছে ক'রে হয়নি। ছুনিয়ার অস্ত্র সকল ছুরারে বৃথাই করাঘাত ক'রে সে এই বৃত্তি নিতে বাধ্য হয়েছিল। এও বুলি ভগবানের বিধান ! ... মুচি হলুম। তারপর ? জান কি হ'ল ? ... এইখানে এই গর্ভে ব'সে বুট সেলাই করছি। ... করতে করতে



মরব। শহরে মড়ক কলেরার ... আমাদের খুঁজে নেবেই। তারপর সবাই শুধু বলবে, গ্রীগরি অর্জফ ব'লে এক মুচি ছিল, সে কলেরায় মারা গেছে। কি লাভ হবে তাতে? কি লাভ আমার এ বাঁচায়? এ জুতো সেলাই ক'রে বাঁচায়? সেলাই ক'রে এ জীবনপাত করায়?

কোন লাভ নেই, দিনের আলোকের মত সে তা দেখতে পেল। শান্ত্র তাকে পরকালের কথা কপচিয়ে শান্ত্র করতে পারল না—মুচির কাজ যে বড় কাজ, এ ছেঁদো যুক্তি তার হৃদয়কে স্পর্শ করতে পারল না।

... আমরা এখানে প'ড়ে আছি কুকুর-বেরালের মত ডাকাডাকি ক'রে। হিংস্র জানোয়ারের মত ছিঁড়ে খাচ্ছি পরস্পরের মাংস। কেন, কেন এমন হ'ল? ... এই বুঝি আমার ভাগ্য ...

কিন্তু বনে আগুন লাগে, কাঁচা পাতাও নিঃশেষে পুড়ে যায়। তার এ কাঁচা সান্দ্রনা ভাগোর দোহাইও পুড়ে গেল তীব্র অসন্তোষের আগুনে! তার পরই জাগতে লাগল নিরাশা—আলোকের অন্ধকার যেমন বেশী ক'রে জাগে।

সে ভাবতে চেষ্টা করে, কিন্তু ভাবনার খেই হারিয়ে ফেলে।

বউ বলে, একটা ছেলেও যদি থাকত! তাকে নিয়ে জীবনে একটা আনন্দ গ'ড়ে উঠত।

হ'লেই তো পারত!

হবে কি ক'রে? তুমি আছ সব সময়ই কোমরে লাথি মারতে!

রাগের সময় কি অত জায়গা বাছাই ক'রে মারা যায়?—ব'লেই সে বোঝে—কিন্তু এটা আদৌ কৈফিয়তই নয়। বউকে কেন সে মারে? কেন? কেন?

বউয়ের উপর রেগে নয়—নিজের জীবনের উপর বিতৃষ্ণ হ'য়ে, বিজোহী হ'য়ে।

বউকে বলে, এটা ঠিক, আমি পশু নই! মেরে হাতের স্থখ ক'রে নেওয়ার জন্তু মারি না। মারি, যখন বুকে সেই কথাটা জাগে, যখন তাকে সামলাবার কোন পথই খুঁজে পাই না।

এ আমার অদৃষ্টলিপি। অনেকেই দেখি হেসেথলে দিন কাটায়।

কিন্তু আমি পারি না ওরকমভাবে বাঁচতে। একটা চাঞ্চল্য বুকে নিয়ে আমি এসেছি ছুনিয়ায় ... স্বভাবও পেয়েছি তেমনি। ওদের জীবন সরল যন্ত্রির মত, আমার জীবন যেন স্ত্রীং—একটু আঘাতেই নেচে ওঠে। রাস্তা দিয়ে চলি, দু'পাশে সুন্দর সুন্দর জিনিষের মেলা ... কিন্তু ওর কিছুই আমার নয়। মন বিজোহী হ'য়ে ওঠে। ওরা এর কিছুই চায় না, আমি ভেবে কেঁপে উঠি। এও কি সম্ভব যে, ওদের এসব কোন জিনিষেরই দরকার নেই! কিন্তু আমি? আমি যে সব চাই। হাঁ—যত-কিছু সব চাই। ...

অল্প পেয়ে খুশী নয় অর্জফ। সে সব চায়, কিন্তু ব্যর্থ তার চাওয়া। সবহারী জীবনের বিবমভার তাকে দিনের পর দিন ব'য়ে বেড়াতে হচ্ছে।

কিন্তু আমি এইখানে ব'সে আছি, সকাল থেকে রাত অবধি কাজ ক'রে চলেছি, কিন্তু বৃথা—বৃথা—সব বৃথা। ... জীবনধারণে কোনও আনন্দ নেই। ... এই জীবন, এই গর্ভ—এ তো কারাগার, এ তো জীবন্ত সমাধি! বউ ভাবল যরটা বুঝি অর্জফের পছন্দ হয়নি।

বলল, তা অস্ত্র কোন ধরে চল না।

অর্জফ বলল, ওগো, তা নয়, তা নয়! শুধুই যর নয়। আমা সমস্ত জীবনটাই গর্ভের মত!

এ ক্রন্দন শুধু একা অর্জফের নয়, গর্ভের অধিবাসী নিপীড়িত জনগ চিরন্তন আর্তনাদ এ।

কিন্তু বৃথা এ বিলাপ। কেউ এতে কান দেয় না।

যখন দয়া পেলে বেঁচে যায়, তখন দয়া পায় না।

দয়া পায় যখন মরে।

হাসপাতালের চমৎকার বিধি-ব্যবস্থা, অনবচ্ছিন্ন পরিষ্কার পরিচ্ছন্ন দেখে অর্জফ এই কথাই বলছে।

... এইখানে প'ড়ে আছি আমরা! কেউ আমাদের ডেকে জিজ্ঞেস করে না, আমরা কেমন আছি? কি করছি? সুখী না দুঃখী? খে পাই, না ভুগে মরি? কিন্তু যেই মরতে চলেছি, আমরা কেউই নেই, এমন কিছু নেই যা আমাদের জন্তু না করা হয় তখন। অর্জফ যদি তারা এসব করত—তাদের দুঃখ দূর করার জন্তু যারা জীবিত।

অর্জফ ঠিক করল, এভাবে সে বাঁচবে না। শুধু কাজ আর ক্লাস্তি আর কাজ, আর মরণে ভয় পেয়ে মৃত্যু ... না, এ সে চায়! সে হাসপাতালে যাবে—কলেরা যেখানে হাজার করছে, সেখানে এগিয়ে যাবে মরণকে আলিঙ্গন করতে।

অর্জফ গেল, তার বউও গেল। হাসপাতালে রোগীর শুষ্ক করে। মৃত্যুর তাণ্ডবকে উপেক্ষা ক'রে জীবনকে উপভোগ ক'রতে চা শূন্যতা বিদূরিত হ'য়ে জীবন যেন কানায় কানায় ভ'রে উঠছে।

একদিন তার বউ বলল, ঐ শুনছ ব্যাঙ বাজনা?

অর্জফ স্বপ্নোথিতের মত বলল, ব্যাঙ! ও কি ব্যাঙ শুন্য আমার বুকে কান দাও, বুঝবে কি এক সঙ্গীত-স্রোত ব'য়ে যাচ্ছে অর্জফ অন্তরে অন্তরে। ... এই সঙ্গীতই একমাত্র শোনার উপযোগী।

কোন সঙ্গীতের কথা বলছ?

কি সে সঙ্গীত, তা আমি নিজেই জানি না ঠিক ঠিক। বর্ণনার হুঁজু পাই না, আর বললেও বুঝবে না। আমার আত্মা যেন জ্যোতির সাগরে ভাসছে। আমি যাত্রা করতে চাই দূরে ... অনেক দূরে আমি কাজে লাগাতে চাই আমার সমস্ত শক্তি। আমার বুকের ভিতরে টের পাচ্ছি। এক শক্তির সমুদ্র টগবগ ক'রে ফুটছে।

এমনি ক'রে ব'য়ে চলে অর্জফের জীবন-স্রোত। গোর্কী পাশাপাশি ছবি এঁকেছেন—দীনদরিজের পাশেই কলেরার ছবি। দীনদরিজের জীবন যেন চিরন্তন কলেরা। তাঁর নায়ক অর্জফ তাই বলছেন। ... স্থানে ... মানুষ যদি ভাল ক'রে চোখ খুলে দেখে তবে বুঝতে পারে যে, মানুষের জীবন অনেক সময় কলেরার চেয়েও যন্ত্রণাদায়ক।

গোর্কী লিখেছেন তাঁর সমস্ত দরদ দিয়ে, তাঁর হৃদয়ের পুঞ্জীভূত বি অভিজ্ঞতা দিয়ে। মানবজীবনের আশা-আকাঙ্ক্ষা যেন নিরাশ হাহাকারের সঙ্গে জড়াজড়ি ক'রে চলেছে।

মুচি অর্জফের সঙ্গে কুটে ওঠে মানুষ অর্জফ, আর কুটে ওঠেন ব গোর্কী। তাঁর বাল্যজীবনের ব্যথা বেদনা এবং ব্যর্থ অভিলাসরাশি নিয়ে

# জঙ্গম

বনফুল

৭

প্রথম চিঠি লেখার উৎসাহে কিছুদিন পূর্বে হাসি চিন্ময়কে ঢুকাইয়া যে চিঠিখানি স্বামীকে লিখিয়াছিল তাহা যে মৃন্ময়ের সহকর্মী মিস্টার ঘোষের হাতে পড়িয়া এত অনর্থ সৃষ্টি করিবে তাহা হাসির কল্পনাতীত ছিল। মৃন্ময়ও কল্পনা করে নাই যে হাসি তাহাকে চিঠি লিখিতে পারে। মৃন্ময় জানিত হাসি নিরক্ষর। হাসি যে দিবানিদ্ৰা পরিত্যাগ করিয়া রোজ হাতের লেখা অভ্যাস করিতেছিল এ খবর মৃন্ময়ের অজ্ঞাত ছিল। মৃন্ময়কে অবাক করিয়া দিবে বলিয়া হাসি যুগাকরেও মৃন্ময়কে কিছু জানায় নাই। মজঃফরপুরের কাজ সারিয়া মৃন্ময় যখন কলিকাতায় চলিয়া আসেন তখন সেখানকার পোস্টাফিসে বলিয়া আসিয়াছিলেন যে, তাঁহার নামে যদি কোন চিঠিপত্র আসে তাহা যেন কলিকাতায় তাঁহার অফিসের ঠিকানায় পাঠাইয়া দেওয়া হয়। তাঁহার ধারণা ছিল যদি কোন চিঠি আসে তাহা অফিসেই চিঠি হইবে। সুতরাং বাড়ির ঠিকানা দিয়া আসিবার কল্পনাও তাঁহার মাথায় আসে নাই।

হাসির চিঠি যখন মজঃফরপুর ঘুরিয়া কলিকাতার অফিসে আসিয়া পৌছিল তখনও মৃন্ময় অফিসে ছিলেন না। অফিসে ছিলেন মিস্টার ঘোষ, দৈবক্রমে চিঠিখানা তাঁহারই হাতে পড়িয়া গেল। দাবার ছকে নিবন্ধদৃষ্টি কোন দাবা-খেলায় ঝড় ভাল একটা চাল হঠাৎ আবিষ্কার করিলে যেমন আনন্দিত হইয়া ওঠেন, মিস্টার ঘোষও ঠিক তেমনি আনন্দিত হইয়া উঠিলেন। এই তো বাজি মাং হইয়া গিয়াছে! ঠিক, এই হাতের লেখারই তো তিনি অগুসন্ধান করিতেছিলেন! অসঙ্কোচে তিনি চিঠিখানা খুলিয়া পড়িয়া ফেলিলেন। কে এই হাসি! খেই হোক, মৃন্ময়বাবুর সহিত বেশ মাথামাথি আছে দেখা যাইতেছে। উত্তেজনায় আনন্দে মিস্টার ঘোষের নাসারন্ধ্র বিস্তারিত হইয়া উঠিল। দৃঢ়নিবন্ধ ওষ্ঠাধরে অর্ধ-বিকশিত জুর একটা হাসি নীরবে যেন বলিতে লাগিল—এইবার তো লোকটাকে কবলে পাওয়া গিয়াছে। একেবারে হাতেনাতে ধরা পড়িয়াছে, এতদিন বাছাধন

ডুবিয়া ডুবিয়া জলপান করিতেছিলেন। মিস্টার ঘোষ অতিশয় আনন্দিত হইয়া উঠিলেন। শুধু যে বাজিমাং হইয়া গিয়াছে তাহা নয়, এক টিলে দুইটি পক্ষীই নিহত হইয়াছে। সেদিন যে অ্যানার্কিস্ট ছোকরা ধরা পড়িয়াছে এবং তাহার নিকট যে চিঠির টুকরাটা পাওয়া গিয়াছে তাহার লেখা আর মৃন্ময়বাবুর এই হাসির লেখা তো হুবহু এক। লিপি-সমস্তার সমাধান এইবার সহজে হইয়া যাইবে। শুধু তাহাই নয়, চাকরি-জগতের প্রবল প্রতিদ্বন্দ্বী মৃন্ময় মুখোপাধায়ের নিষ্কলঙ্ক চাকুরি-জীবনে বেশ মোটা একটা কলঙ্কও দাগিয়া দেওয়া যাইবে। চিন্ময় নামে যে ছোকরা ধরা পড়িয়াছে শোনা যাইতেছে সে নাকি মৃন্ময়বাবুরই সহোদর ভাই। এ হাসিটা মৃন্ময়ের কে হয়!

পরদিনই খোদ বড়সাহেব মৃন্ময়কে তলব করিলেন। মৃন্ময়ের মুখের দিকে ক্ষণকাল স্থিরদৃষ্টিতে তাকাইয়া প্রশ্ন করিলেন, “চিন্ময় তোমার কে হয়?”

“ভাই।”

“হাসি তোমার কে হয়?”

“স্ত্রী।”

“ইহারা যে এ ব্যাপারে লিপ্ত ছিল তুমি জানিতে?”

“না।”

“সত্য কথা বল।”

“সত্য কথাই বলিতেছি।”

সাহেব ক্ষণকাল মৃন্ময়ের দিকে চাহিয়া রহিলেন। তাহার পর বলিলেন—“আচ্ছা, যাও।”

মৃন্ময়ের খণ্ডর মহাশয় পুলিশের বড় চাকুরে। তাঁহারই খাতিরে এবং চেষ্টায় মৃন্ময় ও হাসি রেহাই পাইয়া গেল অর্থাৎ তাহাদের জেল হইল না। মৃন্ময়ের চাকুরিটি কিন্তু গেল। মুকুজ্যে মশাই আসিয়া দেখিলেন—চাকুরিবিহীন মৃন্ময় অত্যন্ত মুবড়াইয়া পড়িয়াছে এবং হাসি তাহাকে এই

বলিয়া প্রবোধ দিতেছে যে, জীব দিয়াছেন যিনি আহার দিবেন তিনি। এই হতভাগা চাকরি গিয়াছে ভালই হইয়াছে। অল্প চাকরি একটা জুটিয়া যাইবেই। এত লোকের জুটিতেছে, মূয়েরই জুটিবে না?

মুকুজ্যে মশাই কলিকাতায় আসিয়া আর একটি সংবাদ পাইলেন। শিরিষবাবু লিখিতেছেন, “বেহাই মশাই নাকি শঙ্করের পড়ার খরচ বন্ধ করিয়াছেন। শুনিতেছি তিনি তাহাকে ত্যজ্যপুত্র করিবেন। সংবাদ যদি সত্য হয় তাহা হইলে ইহা ভয়ানক সংবাদ। আমি কি করিব কিছুই বুঝিয়া উঠিতে পারিতেছি না। শঙ্করকে একখানি পত্র লিখিয়াছিলাম যে আমিই কোনক্রমে তাহার পড়ার খরচ চালাইব, সে যেন পড়া বন্ধ না করে। উত্তরে শঙ্কর লিখিয়াছে যে, সে চাকুরির চেষ্টা করিতেছে, আর পড়াশোনা করিবার তাহার ইচ্ছা নাই। আপনি যদি একবার সুযোগ পান তাহার সহিত দেখা করিবেন এবং তাহাকে বুঝাইয়া বলিবেন সে যেন পড়া বন্ধ না করে। আমি যেমন করিয়া হোক তাহার খরচ চালাইব—”

এই দুইটি জটিল সমস্যার সম্মুখীন হইয়া মুকুজ্যে মশাই উৎসাহিত হইয়া উঠিলেন। কিছুদিনের মত খোরাক পাইয়া তাঁহার মস্তিষ্ক সক্রিয় হইয়া উঠিল।

৮

সংবাদপত্রে নিম্নলিখিত বিজ্ঞাপনটি বাহির হইতেছিল : “একটি শিক্ষিত বাঙালী পাত্রের জন্ম বাঙালী পাত্রী চাই। পাত্রী যে-কোন জাতির হইলেই চলিবে, কিন্তু শিক্ষিতা পাত্রী অথবা গানবাজনা-জানা মেয়ে একেবারেই চলিবে না। অক্ষর-পরিচয়হীনা বয়স্হা পাত্রীই প্রয়োজন। পণ লাগিবে না। পাত্র শিক্ষিত, উপার্জনক্ষম। ... নং পোষ্টবক্সে আবেদন করুন।”

এদেশে অশিক্ষিতা পাত্রীর অভাব নাই, কল্যাণদায়গ্রস্ত পিতাও ধরে ধরে বিরাজমান, তথাপি এই বিজ্ঞাপনের উত্তরে আশাহুরূপ সংখ্যায় আবেদন আসিয়া জুটিল না। “পাত্রী যে-কোন জাতির হইলেই চলিবে” এই কথায় পুরাতন-পহীরা এবং “শিক্ষিতা অথবা গান-বাজনা-জানা মেয়ে একেবারেই চলিবে না” এই কথায় আধুনিক-পহীরা ভড়কাইয়া গেলেন। সকলেই ভাবিলেন লোকটার মাথায় ছিট অথবা কোন কুমতলব আছে। নিজে শিক্ষিত, জাত মানে না অথচ

অক্ষর-পরিচয়হীনা বয়স্হা পাত্রী বিবাহ করিতে চায়—এ আবার কি রকম!

বেলার উপর চটিয়া প্রিয়নাথ মল্লিক অবশেষ বিবাহই করিবেন ঠিক করিয়াছিলেন কিন্তু সঙ্গে সঙ্গে ইহাও ঠিক করিয়াছিলেন যে, শিক্ষিত মেয়ে বিবাহ করিবেন না। কিছুতেই না। উহাদের মুখ দর্শন করিলেও পাপ হয়। কিন্তু তাঁহার বিজ্ঞাপনের ধরণ দেখিয়া শিক্ষিতা অশিক্ষিত কোন মেয়েই জুটিল না। একেবারেই যে জোটে নাই তাহ নয়, কিন্তু যে দুই চারিজন আসিয়াছিলেন তাঁহারা কোলা গৃহত্যাগের বিবরণ শুনিয়া আর অগ্রসর হওয়া সম্বিবেচনা কার্য মনে করেন নাই। কেহ যদি সত্য সত্যই অগ্রসর হইতেন তাহা হইলেই যে প্রিয়নাথ বিবাহ করিতেন তাহা সুনিশ্চিত বলা যায় না। তিনি হঠাৎ খেয়ালের বটে বিজ্ঞাপনটি দিয়া ফেলিয়াছিলেন, মনে হইয়াছিল কি হইবে এমনভাবে বেলার পথ চাহিয়া। সে যদি না-ই আসিতে চা চুলায় যাক, আমি বিবাহ করিয়া সুখী হইব। সত্যসত্য বিবাহের সুযোগ উপস্থিত হইলে হয় তো তিনি পিছাই যাইতেন। কিন্তু বিজ্ঞাপন দিয়া যখন কোন পাত্রীই পাও গেল না তখন ব্যাহত প্রিয়নাথ ক্রোধে আক্রোশে মনে মনে গুমরাইতে লাগিলেন। তাঁহার মনের উত্তাপ ক্রমাৎ বাড়িতে লাগিল। তাঁহার একমাত্র চিন্তা হইল, কোঁ করিয়া বেলাকে জন্ম করা যায়। যেমন করিয়া হোক তাহ দর্পটা চূর্ণ করিতে হইবে—ছলে বলে কোঁশলে—যে করিয়া হোক।

৯

বৃষ্টি পড়িতেছে।

ভিজিয়া ভিজিয়াই শঙ্কর হাঁটিয়া চলিয়াছে। তখন রাগে তাহার মাথার শিরাগুলো দপ দপ করিতেছি অপদার্থ লোকটার স্পর্ধা তো কম নয়! হাঁদা জরু ছেলেটাকে টাকার জোয়েই রাতারাতি বুদ্ধিমান ক' তুলিবে ভাবিয়াছে! অক কিছু তো জানেই না, বুঝ দিলেও বুঝিতে পারে না, তাহাকে কিজিক পড়া হইবে। তা-ও না হয় চেষ্টা করা যাইত কিন্তু উহ অর্ধোত্তাপ অত্যন্ত বেশী, শঙ্করের পক্ষে অসম্ভব। হু ছেলেটার পিছনে শঙ্কর যে এতটা কলিয়া সময় নষ্ট করি

তাহার অন্ত কৃতজ্ঞতা-প্রকাশ করা দূরে থাকুক, ছেলের বাবা এমন ভাবে কথাবার্তা বলেন যেন ছাত্র-শিক্ষকের সম্পর্ক প্রভু-ভৃত্য সম্পর্কের চেয়ে কোন অংশে বড় নয়। আজ স্বল্পে তাহাকে বলিয়া বসিলেন, “ওহে মাস্টার, আজ আমাদের চণ্ডীবাবু বলছিলেন যে পড়াশোনা তেমন নাকি সুবিধে হচ্ছে না! ফিজিক্সের কি একটা কোর্সেই ক’রেছিলেন উনি, কিছুই বলতে পারলে না। চণ্ডীবাবু বলছিলেন আর কটা টাকা বেশী দিয়ে কলেজের একজন প্রফেসার রাখলেই ভাল হয়। কি বলেন আপনি, হবে আপনার দ্বারা পড়ানো—টাকার জন্তে আমি ভাবি না, বাঁহা বাহান্ন তাঁহা তিপ্পারো—প্রফেসারই না হয় রাখি একটা—”

শহরের মাথার মধ্যে যেন আগুন জলিয়া উঠিল। তথাপি সে শাস্তকণ্ঠেই প্রশ্ন করিল—“চণ্ডীবাবু কে?”

“একজন রিটার্ড ইঞ্জিনিয়ার। আমাদের পাড়াতেই থাকেন। তিনিই কাল জীবুকে ডেকে দু-চারটে কোর্সেই করলেন, ও তো কিছুই বলতে পারলে না, হাঁ করে রইল।”

শহর বলিয়া বসিল, “ও হাঁ ক’রেই থাকবে—ওর দ্বারা কিছু হবে না। ওর মাথায় কিছু ঢুকতে চায় না সহজে—”

“টোকাতে জানলেই টোকে। জীবু বলছিল আপনি নাকি কেবল অঙ্কই কমান, ফিজিক্স কিছুই পড়ান না।”

“অঙ্ক না জানলে ফিজিক্স পড়া যায় না।”

এই কথা শুনিয়া গড়গড়ায় একটা টান দিয়া হাঁটু দোলাইতে দোলাইতে এমন টানিয়া টানিয়া তিনি হাসিতে লাগিলেন যেন শহর হান্তোদীপক অসম্ভব কিছু একটা বলিয়া ফেলিয়াছে।

“দেখুন, কারো ক্রটি আমি সহজে মারতে চাই না, কিন্তু মন দিয়ে একটু পড়ানেন টড়ানেন—”

“আমি আর কাল থেকে আসব না, আপনি কলেজের প্রফেসারকেই বাহাল করুন।”

শহর বাহির হইয়া যাইতেছিল—ভদ্রলোক ডাকিয়া বলিলেন, “মাইনেটা তা হ’লে চুকিয়ে দি দাঁড়ান। ক’দিন কাজ করেছেন আপনি?”

“আমার ঠিক মনে নেই।”

“দাঁড়ান, আমার টোকা আছে।”

কিয়ৎকাল পরে ফিরিয়া আসিয়া বলিলেন, “আপনি

আজ নিয়ে একুশ দিন কাজ করেছেন, মাসিক চল্লিশ টাকা হিসেবে আপনার আটশ টাকা পাওনা—এই নিন। গুপ্ত মশায়কে বলবেন যে আমি আপনাকে ছাড়াইনি, আপনি নিজেই ছেড়ে গেলেন। আমার ছেলে ওই কলেজেই পড়ে, গুপ্ত মশায়ের কথায় প্রিন্সিপাল ওঠেন বসেন শুনেছি, তাঁকে আমি চর্চাতে চাই না। আপনি নিজেই ছেড়ে গেলেন এই কথাটা দয়া করে জানিয়ে দেবেন তাঁকে।”

“আচ্ছা।”

হন হন করিয়া চলিতে চলিতে শহর ভাবিতেছিল এইবার কি করিবে। মাত্র এই কটা টাকা, কলিকাতা শহরে দেখিতে দেখিতে ফুরাইয়া যাইবে। যে মেসে সে উঠিয়াছে তাহার চার্জ মিটাইতেই তো কুড়িটা টাকা লাগিবে। নূতন কাজের সন্ধান করিলেই কি মিলিবে? তাহার উপর কয়দিন হইতে যে বৃষ্টি শুরু হইয়াছে কোথাও বাহির হওয়াই মুশকিল। সমস্ত আকাশে চাপ চাপ মেঘ, দিবারাত্রি বৃষ্টির বিরাম নাই। সহসা শহরের মনে হইল—আকাশ নির্মেষ হইলেই বা সে কি করিত, বৃষ্টির দোহাই দিয়া তবু কয়েকটা দিন অকর্মণ্যতাটাকে সহ্য করা যাইতেছে। আকাশ একদিন না একদিন নির্মেষ হইবেই কিন্তু তাহার সমস্তার সমাধান কি তাহা হইলেই হইয়া যাইবে!

“শহরবাবু নাকি!”

শহর ফিরিয়া দেখিল, বেলা মল্লিক। অবাধ হইয়া গেল। মাথায় ছাতা, পরনে বন নীল রঙের শাড়ি, বাঁ হাতে ভ্যানিটি ব্যাগ, পায়ে হাই হীল জুতা, গ্রীবাভঙ্গী-সহকারে অধরোষ্ঠি দংশন করিয়া তাহার দিকে চাহিয়া মূহু মূহু হাসিতেছে। সমস্ত অবয়বে এমন একটা আভিজাত্যমণ্ডিত স্ত্রী সূচিয়া উঠিয়াছে যে, শহর চোখ ফিরাইতে পারিল না, মুগ্ধ বিম্বিত দৃষ্টিতে চাহিয়া রহিল। বেলা মল্লিকই পুনরায় কথা বলিলেন, “কোথায় চলেছেন?”

“মেসে।”

“আজকাল মেসে থাকেন নাকি? আমার ধারণা ছিল আপনি হোটলে থাকেন।”

“আপনি কিছুই শোনেন নি তা হ’লে?”

“না। শোনবার মত কিছু আছে নাকি?”

শঙ্কর একটু হাসিল। তাহার পর বলিল, “শোনবার কিবা শোনাবার মত কিছু অবশ্য নয়—”

“ভনিতা ছাড়ুন, ব্যাপারটা কি?”

“ব্যাপার কিছুই নয়, পড়াশোনা ছেড়ে দিয়ে উদরায়ের জন্ত কলকাতার রাস্তায় রাস্তায় টো টো ক’রে ঘুরে বেড়াচ্ছি—”

“পড়াশোনা ছেড়ে দিলেন কেন হঠাৎ?”

“ধরচ জুটলো না।”

“তার মানে?”

শঙ্কর আর একটু হাসিয়া বলিল, “তার মানে ওই।”

“টাকার অভাবে আপনাকে পড়াশোনা বন্ধ করতে হ’ল একথা বিশ্বাস করতে রাজি নই। আপনি যে গরীবের ছেলে নন, তা আমি জানি।”

“বাবা বড়লোক তো আমার কি!”

বেলা ক্রভঙ্গী-সহকারে খানিকক্ষণ শঙ্করের মুখপানে চাহিয়া রহিলেন! তাহার পর বলিলেন, “আপনার এখন সময় আছে কি?”

“প্রচুর, কেন?”

“তা হ’লে আনুন আমার সঙ্গে।”

“কোথায়?”

“আমার বাসায়।”

শঙ্কর বিস্মিতকণ্ঠে বলিল, “কেন বলুন তো?”

“এমনি একটু গল্পসল্প করা যাবে। আজ একটু ছুটি পেয়ে গেছি।”

“চলুন।”

১০

ভনুটর বৌদিদি বসিয়া বসিয়া বড়ি দিতেছিলেন। রবিবার, আপিসের তাড়া নাই। ভনুট অদূরে একটি মোড়ার উপর বসিয়া নাকে, কানে, নাভি-বিবরে, পায়ের আঙুলগুলির ফাঁকে ফাঁকে তৈল-নিষেক করিয়া অতিশয় পরিপাটিক্রমে সর্ব্বদে তৈল মর্দন করিতেছিল। এই একদিনে ভনুট সাত দিনের মত তৈল মাখিয়া লয়। সপ্তাহের বাকি ছয় দিন তৈল মাখিবার অবসর থাকে না। কোন ক্রমে মাথার দুই ঘটি জল ঢালিয়া এবং নাকে-মুখে যাহোক কিছু গুঁড়িয়া উর্দ্ধ্বাসে আপিসে ছুটিতে হয়। এই

৯০

রবিবার দিনই বেচারী প্রাণ ভরিয়া নানাহার করে। বৌদিদিও রবিবার দিন আহারের একটু বিশেষ রকম আয়োজন করিয়া থাকেন।

ভনুট সশব্দে নাসা-রন্ধে খানিকটা তৈল টানিয়া লইয়া বলিল, “বাকু কি ইটিং আপিস খুলেছেন?”

“তোমার আসবার আগেই বাবা খেয়ে নিয়েছেন। আচ্ছা ঠাকুর পো, তুমি ক’রছ কি, একেবারে আচার হয়ে গেলে যে—”

ভনুট কিছু না বলিয়া আবার খানিকটা তৈল নাসারন্ধে সশব্দে টানিয়া লইল।

বৌদিদি বলিলেন, “ওই জন্তেই তো জামাকাপড় তৈল চিটচিটে হয়ে যায়। সাবান দিলেও পরিষ্কার হতে চায় না।”

“অয়েলিশ অ্যাফেয়ারে বড় সুখ!”

ভনুট বাম তালুতে খানিকটা তৈল ঢালিয়া লইয়া গর্দানায় ঘসিতে লাগিল।

বৌদিদি এক নজর সেদিকে চাহিয়া দেখিলেন ও বলিলেন, “তোমার আর কি, তোমাকে তো সাবান কামড়া হয় না, যাকে কাচতে হয় সে-ই বোঝে—”

ভনুট গর্দানায় তৈল মাগিশ করিতে করিতে অর্ধ-নিমীলিত-নেত্রে বলিল “বড় সুখ—”

বৌদিদি আর কিছু না বলিয়া বড়ি দিতে লাগিলেন।

দুই-এক মিনিট নীরবতার পর ভনুট বলিল, “আজ কি কি রান্না করেছ বৌদি?”

“আলুর দম, পটল ভাজা, মাছের ঝাল, মাছের অঙ্ক, মুড়ো দিয়ে মুগ ডাল—”

“বাকুকে ওই সমস্ত খেতে দিয়েছ না কি?”

“তা দিয়েছি বই কি।”

“ধীরেন ডাক্তার বলছিল ওঁকে এখন ওসব গুরুপাক জিনিস খেতে না দেওয়াই ভাল। চোখের কোল ফুলেছে, কিডনী ধারাপ হয়েছে নিশ্চয়ই—”

“ধরে ভালমন্দ রান্না হলে ওঁকে না দিয়ে কি পারবার জো আছে—”

একটু খামিয়া বৌদিদি বলিলেন, “এমনিতেই জো পান থেকে চূণ ধসলে ভুলকালাম কাণ্ড। সেদিন রাত্রে পরোটার সামান্ত একটু ময়ান কম হয়েছিল, বললেন “এ পরোটা না পরেনঠা।”

ভনটুর মুখ হাসিতে উদ্ভাসিত হইয়া উঠিল।

“আজকাল বাকু আর সে রকম করেন না, না বৌদি?”

“কি রকম?”

“রাগ হলে ‘ক্ষুধা নেই’ বলে মশারি টশারি ফেলে তার ভেতর বসে শ্রীমন্তাগবৎ পড়তে শুরু করে দিতেন সেই যে—”

বৌদিদি হাসিয়া বলিলেন, “না, অনেকদিন তো সে রকম করেন নি—”

ভনটু বাকুর ঘরের দিকে একবার দৃষ্টি নিক্ষেপ করিয়া বলিল, “বাকু স্নিপিং আপিস খুলেছেন বোধ হয়। কোন সাড়াশব্দ পাওয়া যাচ্ছে না।”

“হ্যাঁ, বোধ হয় যুমুচ্ছেন।”

ভনটু উঠিয়া দাঁড়াইল। পেটে ও পিঠে তেল মাখিতে মাখিতে বলিল, “আসল ব্যাপারের কতদূর কি সেটল করলে? বাকুর কাছে পেড়েছিলে কথাটা?”

“না, নিবারণবাবুর টাকা তুমি ফেরত দাও।”

“কেন, দারজি মেয়েটি তো মন্দ নয়। চমৎকার শেলাই কোঁড়াই জানে—”

“রং কি রকম?”

“কালো, কিন্তু কুৎসিত নয়। অনেকটা কচি নিমপাতার মতো, একটু লালচে আভা আছে।”

বৌদিদি হাসিয়া ফেলিলেন। তাহার পর বলিলেন, “রঙের জন্তে কিছু এসে যাচ্ছে না, আমার রঙই বা কি এমন করসা; কিন্তু যে বাড়িতে অমন কেলেঙ্কারি ঘটেছে সে বাড়িতে বিয়ে করতে হবে না টাকার জন্তে। টাকাটা ফেরত দিয়ে দাও।”

“টাকা তো গভীর গাড্ডায়—”

“গাড্ডায় মানে?”

“করালীচরণকে দিয়ে এসেছি।”

“তোমাকে মানা করলুম, তবু তুমি দিয়ে এলে! ওকে দুদিন পরে দিলেই তো চলত। এইবার তো তোমার দাদা এসে কাজে জরেন করবেন, দুজনে মিলে কিছুদিন পরেই না হয় শোধ করে দিতে টাকাটা—”

“কেতুরাজ করালীচরণকে তুমি চেনো না, তাই কলায়ের ডালের বড়ি দিতে দিতে স্বচ্ছন্দে কথাগুলো বলতে পারলে। চিনলে সর্টান টোক গিলে যেতে. ও-কথা আর উচ্চারণ করতে না।”

দুই বগলে তেল চাপড়াইতে চাপড়াইতে ভনটু বলিল, “চাম লদ করালী দ্রাবিড়ে লদকা-লদকি করতে যাচ্ছে, তাকে আটকায় কার সাধ্য!”

“তা হলে অন্ন কোথাও থেকে টাকা জোগাড় ক’রে নিবারণবাবুকে দিয়ে দাও। ও বাড়ির মেয়ে ঘরে আনা চলবে না।”

পাশের ঘর হইতে গদাম্ করিয়া একটা শব্দ হইল।

বৌদিদি ভনটুর মুখের পানে চাহিয়া বলিল, “কেউ যুমোয় নি, সব মটকা মেরে পড়ে আছে তোমার ভয়ে।”

ভনটু তেল মাখিতে মাখিতে আগাইয়া গেল ও জানলা দিয়া উকি মারিয়া দেখিল একটা পাশ বালিশ মাটিতে পড়িয়াছে। ছেলেরা সকলে চোখ বুজিয়া শুইয়া আছে, সকলেরই চোখ মিটমিট করিতেছে।

“এই ফন্তি, বালিশ ফেললে কে?”

ফন্তি ঘাড় ফিরাইয়া নাকি সুরে বলিল, “দাদা আমাকে কাতুকুতু দিচ্ছে খালি।”

“শনটু, বেত না খেলে পিঠ স্ফুস্ফুড় করছে, নয়?”

শনটু আত্মপক্ষ সমর্থন করিবার চেষ্টা করিল না, চোখ বুজিয়া চুপ করিয়া পড়িয়া রহিল।

“পাশ বালিশটা তুলে চুপ ক’রে শুয়ে থাক সব। ফের যদি কোন আওয়াজ শুনেছি তো পিঠের চাম তুলে ফেলব আমি সকলের—”

ফন্তি পাশ বালিশটা তুলিয়া লইল এবং সকলে আর একবার নড়িয়া চড়িয়া শুইল।

বৌদিদি আবার তাগাদা দিলেন।

“তুমি এবার চান কর, আর কত বেলা করবে, সব যে ঠাণ্ডা হয়ে গেল—”

“তুমি ভাত বাড় না, আমার চান করতে কতক্ষণ যাবে!”

“তোমাকে ঘেন চিনি না আমি। দাঁত মাজতেই তো একষুগ যাবে এখন—”

ভনটু মুখ বিকৃত করিয়া বৌদিদির মুখের পানে চাহিল।

আহারাদির পর ভনটু ছোট একটি হাত আয়না এবং ছোট একটি কাঁচি লইয়া মোড়ার উপর বসিয়া গুঁফসংস্কার

করিতেছিল। বৌদিদিও আহার সমাপন করিয়া ছেলেদের পাশেই একটু গড়াইয়া লইতেছিলেন। তাঁহার তজ্জার মধ্যেও তিনি স্বপ্ন দেখিতেছিলেন—স্বামী আসিয়াছেন, শরীর বেশ সারিয়া গিয়াছে, আর জ্বর হয় না, মুখের সে রুগ্ন ভাব আর নাই, গাল চিবুক বেশ ভারি হইয়াছে।

একটা মোটরের হর্নের শব্দে তাঁহার তজ্জা ভাঙিয়া গেল। বাড়ির সামনে একটা মোটর আসিয়া থামিয়াছে। ভনটু আয়না ও কাঁচি কুলুঙ্গিতে রাখিয়া সদর দরজা খুলিয়া দেখিতে গেল কাহার মোটর তাহার বাসার সামনে আসিয়া থামিল। দরজা খুলিয়া ভনটু বিস্মিত হইয়া গেল। তাহার আপিসের বড়বাবু! কেরাণীমহলের যিনি সর্কেসর্কা স্বয়ং তিনিই আসিয়াছেন। ভনটুর আপিসের বড়বাবু বড়লোক। মোটা মাহিনা পান, তা ছাড়া ধনীর সম্ভান। নিজের মোটর আছে। ভনটু সসম্মানে নমস্কার করিল।

বড়বাবু মোটর হইতে অবতরণ করিয়া সহাস্রমুখে বলিলেন, “ভালই হ’ল, তুমিও এখন বাড়িতে আছ। তোমার বাবার সঙ্গে একটু আলাপ করতে এলাম—”

হঠাৎ বাকুর সহিত বড়বাবু কেন আলাপ করিতে আসিলেন তাহা বিস্মিত ভনটু হৃদয়ঙ্গম করিতে না পারিলেও মুখে সোচ্ছ্বাসে আহ্বান করিল।

“আম্বন, আম্বন—”

তাহার পর একটু সঙ্কোচভরে বলিল, “বাবা কানে একটু কম শোনেন, একটু জোরে জোরে কথা বলতে হবে কিন্তু—”

“আচ্ছা।”

ভনটু বড়বাবুকে লইয়া বাকুর ঘরে প্রবেশ করিল।

ষষ্ঠাধানেক পরে বড়বাবু যখন চলিয়া গেলেন তখন ভনটু আরও বিস্মিত হইয়া গেল। এ যে স্বপ্নাতীত আবুহোসেনী কাণ্ড! বড়বাবু নিজের মেয়ের সহিত ভনটুর সম্বন্ধ করিতে আসিয়াছিলেন! বউদিদি উল্লসিত হইয়া উঠিলেন।

“এখন স’পাচ আনা পয়সা দাও দিকি—”

“কেন?”

“আমি মনে মনে হরির লুট মানসিক করেছিলাম যাতে ওই নিবারণবাবুর মেয়ের সঙ্গে তোমার বিয়ে না হয়—”

“পাগল! উইনটার ক্যাপিটাল অফ বেঙ্গল-গভর্নরকে অগ্রাহ্য করা সোজা নাকি—”

“উইনটার-ক্যাপিটাল কি—”

“দার্জিলিঙ্”।

বৌদিদি সবেগে মাথা নাড়িয়া বলিলেন, “না, ওখানে তোমার বিয়ে হতেই পারে না।”

“না, না ছি—অমন অসময়ে এককথায় করকরে সাড়ে পাঁচশোটা টাকা গুণে দিলে, তাছাড়া বৃশ্চিকরাশি, মকর লুগ্ন জ্যেষ্ঠা নক্ষত্রে জন্মগ্রহণ করেছে, নিবারণকে এমনভাবে ল্যাডারিং করা কি ঠিক হবে?”

ল্যাডারিং কথাটা ভনটু সঙ্গে সঙ্গে সৃষ্টি করিল।

বৌদিদি মানে বুঝিতে না পারিয়া বলিলেন, “তার মানে?”

“মানে, নিশ্চিত নিবারণ গাছে উঠে মজাসে গোঁফে তা দিচ্ছে, এখন মইটা সরিয়ে নিলে লোকে বলবে কি—”

“লোকে যা-ই বলুক, ওখানে বিয়ে হবে না। আজই তুমি তাঁকে বলে এসো—বাড়ির কারো মত হচ্ছে না। কারো মত হবেও না—ওকথা শুনলে বাকু, তোমার দাদা, কেউ রাজি হবেন না। সকলের অমতে তুমি বিয়ে করবে নাকি?”

“কিন্তু ফাইভ এণ্ড হাফ্ সেঞ্চুরির মহড়া সামলাব কি করে! সেটা ভাবছ না কেন?”

“সে আবার কি?”

“বেশ খাসা আছ তুমি! সাড়ে পাঁচশো টাকাটা তো স’পাচ আনার সিম্বি দিলেই উবে যাবে না! আর আমাদের গুপ্তিসূত্রকে ছাতু করে ফেললেও পাঁচ টাকা বেরবে কি-না সন্দেহ। তোমার গয়নাগুলি তো বহু পূর্বেই বিক্রমপুর হয়ে গেছে। এক্ষেত্রে উপায় কি সেইটে বল, সিম্বি নিয়ে লদকালেই তো চলবে না।”

“পণ হিসেবে বড়বাবু নিশ্চয় কিছু দেবেন, তার থেকেই দিয়ে দিও নিবারণবাবুকে—”

“বড়বাবু কত দেবে তার ঠিক কি। যেরকম গোঁফ আর জুলপি, লোকটার কিছুই বিশ্বাস নেই।”

“বা, নিশ্চয়ই দিতে হবে—বাকুকে সব শিথিয়ে পড়িয়ে দিচ্ছি, দাঁড়াও না—”

“বাকু তোমাকে একহাতে কিনে আর একহাতে বেচা পারে! বাকুকে শেখাবে তুমি!”

বাকুও এই বিষয়ে আলাপ করিবার জন্তু আঁকু পা করিতেছিলেন। তিনি বাহির হইয়া আসিলেন।

“কই গো বড় বোমা, এস না একবার এদিকে। ভনটুর আপিসের বড়বাবুর প্রস্তাবটা বিবেচনা ক’রে দেখা যাক। চা-ও চড়াও। চা খেতে খেতে বেশ জাঁকিয়ে বিবেচনা করা যাক। এস—”

বৌদিদি ভনটুর দিকে চাহিয়া বাকুর পিছু পিছু ঘরে গিয়া ঢুকিলেন এবং তাঁহার কানে কানে কি বলিয়া হাসিমুখে বাহির হইয়া আসিলেন।

বাকুর কণ্ঠস্বর পুনরায় শোনা গেল—“বলে লাখ কথা না হ’লে বিয়ে হয় না—”

বৌদিদি চা চড়াইতে গেলেন।

ভনটু পিছন হইতে তাঁহাকে ভ্যাঙাইতে লাগিল।

১১

অন্ধকার রাত্রি।

করালীচরণ বকসীর ঘরে মোমবাতির স্নান আলোকে অন্ধকার ঘনতর হইয়া উঠিয়াছে। বোতলের মুখে গোঁজা যে মোমবাতিটি জলিতেছে তাহারও আয়ু নিঃশেষিতপ্রায়, আর বেশীক্ষণ টিকিবে বলিয়া মনে হইতেছে না। বেশীক্ষণ টিকিবার আর প্রয়োজনও নাই। বকসী মহাশয়ের গোছানো শেষ হইয়া গিয়াছে, এইবার তিনি বাহির হইয়া পড়িবেন। মোমবাতির স্বল্পালোকে বকসী মহাশয় মিরিষ্টচিত্তে ক্র কুঞ্চিত করিয়া একখানি পত্র পড়িতেছিলেন। সমস্ত মুখে বিরক্তির চিহ্ন ফুটিয়া উঠিয়াছে, ওষ্ঠদ্বয় দৃঢ়নিবদ্ধ, চিবুক কুঞ্চিত ও প্রসারিত হইতেছে। ড্রাবিড়ে যাইবার মুখে এ কি এক ক্যাসাদ, আসিয়া জুটিল! পত্রের সহিত দলিল গোছের কি একটা কাগজ ছিল। পত্রটি এবং দলিলখানি আছোপান্ত পুনরায় পড়িয়া করালীচরণ সেগুলিকে লম্বা খামের ভিতর পুরিয়া ফেলিলেন। ড্রাবিড় হইতে ফিরিয়া তারপর বাহা হয় ব্যবস্থা করা যাইবে। ভনটুবাবু এখন তাড়াতাড়ি ফিরিলে যে বাঁচা যায়। ভনটুকে তিনি কিছু মাল এবং ট্রিকিট কিনিবার জন্ত পাঠাইয়াছেন। প্রায় ষণ্টা ছুই হইয়া গেল, এখনও ফিরিতেছে না কেন। অধীর করালীচরণ উঠিয়া দাঁড়াইলেন। সহসা তাঁহার চোখে পড়িল দ্বারপ্রান্তে ছারামুর্তির মত কে যেন দাঁড়াইয়া রহিয়াছে।

“কে?”

“আমি!”

ছারামুর্তি আগাইয়া আসিল, মোড়ের সেই পানওয়ালীটা। একমুখ হাসিয়া মিসি-লাগানো দাঁতগুলি বাহির করিয়া পানওয়ালী বলিল, “জিনিসপত্রের সব বাঁধা-ছাঁদা হচ্ছে, আজ সকাল থেকে দেখছি, কোথাও যাওয়া হবে নাকি ঠাকুরের?”

করালীচরণ কিছু না বলিয়া তাহার দিকে কয়েক সেকেণ্ড তাকাইয়া রহিলেন, এই অযাত্রাটা ঠিক যাইবার সময় আসিয়া হাজির হইয়াছে!

“আমি যেখানেই যাই না, তোর তাতে কি! দূর হ তুই এখান থেকে—”

পানওয়ালী কিন্তু নড়িল না, স্মিতমুখে দাঁড়াইয়া রহিল। “আচ্ছা আমার ওপর তোমার এত রাগ কেন বল তো ঠাকুর! আমি তো তোমার ভাল ছাড়া মন্দ কোন দিন করিনি—”

করালীচরণের চোখটা দপ করিয়া জলিয়া উঠিল।

তিনি গর্জন করিয়া দাঁড়াইয়া উঠিলেন, “তুই নড়বি কি-না বল ওখান থেকে—”

পানওয়ালী তথাপি নড়িল না।

“আমার ওপর তোমার এত রাগ কেন তা না বললে আমি যাব না—”

“ছারামজানী ছোটলোক বেশা, তোর মুখদর্শন করলে যে পাপ হয় তা তুই জানিস না? আবার কৈফিয়ৎ তলব করছেন!”

পানওয়ালীর মুখের হাসিটা সহসা নিস্প্রভ হইয়া গেল। তথাপি সে সপ্রতিভ ভাবটা বজায় রাখিবার জন্ত আর একটু হাসিয়া বলিল, “ওমা, এই জন্তেই এত রাগ! আমি ভেবেছিলাম বুঝি বা আর কিছু! মুখ দেখলে পাপ হয় আর আমার কাছ থেকে সিগারেট পান নিলে বুঝি কিছু হয় না। ধন্ত শাস্তর তোমাদের!”

“দূর হ বলছি—”

করালীচরণ তাড়া করিয়া গেলেন। পানওয়ালী অন্ধকারে অন্তর্দ্বন্দ্ব করিল। প্রায় সঙ্গে সঙ্গেই ভনটু আসিয়া পড়িল। “উঃ বড্ড দেরি করলেন আপনি ভনটুবাবু, সব জিনিসপত্র পেয়েছেন তো?”

“হ্যাঁ।”

ভনটু ছুই বোতল মদ, ছোট একটা কাচের গ্লাস, পাঁচ



টিন সিগারেট, এক ডজন দেশলাই, দুই প্যাকেট মোমবাতি এবং টুকিটাকি আরও নানা রকম জিনিস টেবিলের উপর সাজাইয়া রাখিল।

“টুকিট করেন নি?”

“নিশ্চয়। এই যে, নিন না—”

ভনটু ভিতরের পকেট হইতে ব্যাগ বাহির করিল এবং তাহার ভিতর হইতে টুকিট ও বাকি টাকা বাহির করিয়া দিল।

করালীচরণ আলমারির মাথায় দাঁড়কাকের খাঁচাটা দেখাইয়া বলিলেন, “আর ওটার?”

“ওটার সম্বন্ধে নানা বখেড়া। খাঁচার মাপ জোক চাই, তাছাড়া অনেক খরচ—”

গভীর বিশ্বয়ের সহিত করালীচরণ বলিলেন, “খরচ! খরচ বলে কি এতদিনের সঙ্গীটাকে এখানে ফেলে রেখে যাব নাকি! কে খেতে দেবে ওকে?”

ভনটু বলিল, “সে ভার না হয় আমি নিচ্ছি; আপনি বিদেশে যাচ্ছেন কোথায় ওই ঝামেলা নিয়ে ঘুরবেন! তার চেয়ে ওকে এখানে রেখে যান, আমিই দেখাশোনা করব বরং—”

“আপনি ঠিক দেখাশোনা করতে পারবেন তো?”

“ঠিক পারব।”

“দেখুন—”

“বলছি ঠিক পারব?”

“তা হ’লে গোটা বিশেক টাকা রেখে দিন আপনি। ওকে মাছ মাংস ছাত্তু দেবেন রোজ। আমও বেশ খায়। দেখবেন যেন কষ্ট না পায়, আপনি ভার নিচ্ছেন বলেই ভরসা ক’রে রেখে যাচ্ছি—”

“টাকার দরকার নেই, আমি সব ব্যবস্থা করব এখন।”

“না, না, টাকাটা রাখুন, টাকাই হচ্ছে পেয়াদা, ওই তাগাদা দেবে আপনাকে। বাই নারায়ণ! বিনা টাকায় কিছু হবার জো আছে আজকাল—”

ভনটুকে টাকা লইতে হইল।

“এবার চলুন স্টেশনে যাওয়া যাক তা হ’লে। ট্রেনের আর দেরি কত?”

“ঘণ্টাখানেক আছে আর—”

“মাত্র ঘণ্টাখানেক? চলুন, চলুন আর দেরি নয়, ট্যাক্সি ডাকুন আপনি—”

ভনটু ট্যাক্সি ডাকিতে বাহির হইয়া গেল।

করালীচরণ পুনরায় লম্বা খামটা হইতে চিঠি ও দলিলটা বাহির করিয়া পড়িতে লাগিলেন এবং আবার সমস্ত আত্মোপাস্ত পড়িয়া স্বগতোক্তি করিলেন—‘বাই নারায়ণ’ এবং পুনরায় সেগুলি খামে পুরিয়া আলমারির ভিতর রাখিয়া দিলেন।

ট্যাক্সি আসিয়া পড়িল।

ঘণ্টা দুই পরে ভনটু ফিরিয়া আসিয়া দেখিল—রুদ্ধ দ্বারের সম্মুখে পানওয়ালী চুপ করিয়া বসিয়া আছে। ভনটু পানওয়ালীকে চিনিত। বাইক হইতে অবতরণ করিয়া বলিল, “ভালই হ’ল তোমার সঙ্গে দেখা হয়ে গেল!”

“কেন বলুন তো?”

“বকসী মশায়ের ঘর-দোরের কি ব্যবস্থা করা যায় তাই ভাবতে ভাবতে আসছিলাম। উনি আমার ওপরই সব ভার দিয়ে গেলেন। তুমি পারবে দেখাশোনা করতে?”

“কি করতে হবে বলুন—”

“এই ঝাঁট-পাট দেওয়া আর কি, বকসী মশায়ের একটা কাগ আছে, সেটাকেও খেতে টেতে দিতে হবে। পারবে তুমি?”

“পারব!”

“তা হ’লে এই টাকা একটা রাখ, মাছ মাংস ছাত্তু আম যা দরকার কিনে দিও।”

“টাকার দরকার নেই।”

“বকসী মশায় দিয়ে গেছেন যে—”

“আপনাকে দিয়ে গেছেন, আমাকে তো আর দেন নি! আপনি কেবল একটি উবগার করবেন—”

বিস্মিত ভনটু বলিল, “কি?”

“ওঁকে জানাবেন না যে ওঁর ঘরের ভার আপনি আমাকে দিয়েছেন।”

অধিকতর বিস্মিত হইয়া ভনটু বলিল, “কেন?”

মিসি-মণ্ডিত দস্তপাতি বিকশিত করিয়া পানওয়ালী উত্তর দিল, “আমি ওঁর দুচক্ষের বিষ ছিলুম।”

ভনটু কি বলিবে ভাবিয়া পাইল না।

পানওয়ালী পুনরায় হাসিয়া বলিল, “দিন, চাষি দিন। ওঁকে জানাবেন না কিছু—”

“জানাব কি ক’রে, ঠাণ্ডা ঠিকানাই জানি না।”

“আচ্ছা, উনি কোথায় গেলেন বলুন তো।”

“জাবিড়ে।”

“সে আবার কোথা! সেখানে কেন?”

“পড়তে।”

“পড়ে পড়েই সারা হ’ল। দিবারাত্রি আর কোন কাজ নেই—”

পানওয়ালী মুচকি হাসিয়া বলিল, “আচ্ছা, মানুষে এত পড়ে কেন বলুন তো। যত পড়ে ততই তো মাথা গোলমাল হয়ে যায় দেখছি—”

ভনটু সহসা অশ্রুভব করিল, ‘নাই’ পাইয়া মাগি বোধ হয় লদকা-লদকিতে ঢুকিবার চেষ্টায় আছে।

গম্ভীরভাবে বলিল, “লেখাপড়ার মর্মে সবাই বুঝলে আর ভাবনা ছিল কি—”

“ইনি খুব বিদ্বান না?”

লদকা-লদকি ঘনীভূত হইবার উপক্রম করিতেছে দেখিয়া ভনটু এ কথার আর জবাব দিল না।

বলিল, “চাবিটা রাখ তা হ’লে। কাগটাকে খেতে টেতে দিও। কাল আবার আসব আমি—”

সে বাইকে সওয়ার হইল।

চাবিটা হাতে করিয়া অন্ধকার গলিতে পানওয়ালী করালীচরণের রুদ্ধদ্বারের সম্মুখে একা দাঁড়াইয়া রহিল। রাত্রি ঘরটা খুলিতে তাহার সাহস হইল না।

(ক্রমশঃ)

## বৈশাখ

শ্রীকনকভূষণ মুখোপাধ্যায়

বৎসরের পুঞ্জীভূত ধূলিক্রিম বেদনার দিনে  
হে বৈশাখ তুমি এলে বসন্তের অন্তরাগ শেষে—  
পরিপূর্ণ রক্ত সুর ঝঙ্কারিছে মর্মে মনোবীণে  
ভয়াল ধূর্জটি তুমি মর্মে এলে মনোহর বেশে।

অফুরন্ত আনন্দের তুমি যেন নব অগ্রদূত  
দিগন্ত ভোলানো তব পিকল সে ধূম্র জটাজাল—  
ভুবনের খেলাঘরে হে ভীষণ স্নন্দর অসুত  
তোমার চলার ছন্দে নৃত্যরত হ’ল মহাকাল।

মরুভূর দাব-দাহে আজি মোর বিগুহ জীবন  
অপূর্ব জ্রভঙ্গ নিয়া এসো বন্ধু ছন্দে নটরাজ—  
প্রেরণীর স্মিতহাস্তে ল’ব মাধি আনন্দ চন্দন  
দহনের ব্যর্থতারে নিৰ্বিচারে দেখাইব লাজ।

‘স্নন্দর ধরণীতল’,—আনন্দের এই বার্তা নিয়া—  
আমি কবি ধরণীতে আগাইব প্রাণ সঞ্চারি।

## প্রেম

শ্রীগোপাল ভৌমিক

তোমার আমার মাঝে চুৎক-প্রবাহ—  
নিশিদিন চলমান, হে বাহুবী তাই—  
বাহির অগতে নাই হোক বা উদ্বাহ—  
অন্তর-জগতে তুমি রয়েছ সদাই।

মির্মম এ পৃথিবীর ডাকে, দূর হ’তে  
দূরান্তরে অবিরাম স’রে স’রে যাও;  
ভাব অচঞ্চল প্রেম নহে কোনমতে,  
মানসিক বিবর্তনে বৃষ্টি জয় পাও।

একনিষ্ঠ এ প্রেম আমার, মিছে তয়—  
মিছে দ্বিধা ক’র না ক’র না অলুক্ষণ;  
আপাদের এই প্রেম মিথ্যা কতু নয়—  
ব্যর্থ নয় আপবিক এই আকর্ষণ।

তাই ত নির্ভয়ে তোমা বেতে দেই দূরে—  
চুৎক-আবেশে জানি আসিবেই ঘুরে।

# বর্ণ, পণ—না ভবিতব্য ?

শ্রীকালীচরণ ঘোষ

কষ্কার বিবাহসমগ্রা ক্রমশই গুরুতর আকার ধারণ করিতেছে। ইংরেজি শিক্ষা প্রবর্তিত হওয়া এবং আমাদের রুচির পরিবর্তন ঘটায় সঙ্গে গৃহস্থের কষ্কার বিবাহে যে সকল অন্তরায় দেখা দিয়াছিল, তাহার কোনটাই দূর হয় নাই, উপরন্তু কতকগুলি নূতন আপদ আসিয়া জুটিতেছে। বরপণ ছাড়া, স্ত্রীশিক্ষা প্রসারের সঙ্গে শিক্ষিতা পাত্রী, নৃত্যগীত প্রচলনের সহিত গীতনৃত্যপটীয়সী পাত্রী এবং সিনেমা প্রচারের সহিত “তারকা”র সন্ধান এবং পশ্চাৎকাল, আমাদের রুচির ক্রমোন্নতির বিকাশ দর্শাইয়া থাকে। কালের গতির সহিত পাত্রীর বিবাহকালের বয়সের হিসাব অনেক ধাপ পার হইয়াছে। এখন আবার স্থানে স্থানে স্বল্পবয়স্ক কষ্কা ( সর্দা আইনের মর্যাদা রক্ষা করিয়া ) শিক্ষা-প্রাপ্ত অথচ সাধারণ বিদ্যালয় বা কলেজে পড়ে নাই, “লেক” বা সিনেমায় যাওয়ার অভ্যাস নাই, এরূপ পাত্রীর রুচিৎ খোঁজ পড়িতেছে !

এই সকলের উপর আরও এক আপদ ব্যাপকভাবে জুটিয়াছে ; গৌরবান্বিতা—মেম, ইহুদী, ইরানী প্রভৃতি ষেতাঙ্গী মহিলাকে যে পাত্রী বর্ণে হার মানাইতে পারে, তাহার খোঁজই চলিতেছে। কিন্তু ইহার মধ্যে এক বিচিত্রতা প্রায় সর্বক্ষেত্রেই লক্ষ্য করিয়া আসিতেছি। অধিকাংশ স্থলেই এই দাবীর পশ্চাতে আসল লক্ষ্য থাকে পণের পরিমাণ ; অছিল, রং ( সোন্দর্য্য নয় ) মাত্র। কোথাও কোথাও যে কেবল বর্ণের জন্তই বিবাহে সন্নিবিধা হইতেছে না, তাহা বলা যায় না। কিন্তু ইহা খুবই কম।

সম্প্রতি এই বর্ণের ব্যাপারে আমার এক অভিজ্ঞতা জন্মিয়াছে। একস্থানে পাত্রী দেখিতে আসিলেন পাত্রের পিতা, জ্যেষ্ঠ ভ্রাতা ও পাত্রের অন্তরঙ্গ এক বন্ধু। পাত্রীর প্রতি প্রশ্নের পরিমাণ ও বৈচিত্র্য লক্ষ্য করিয়া পাত্রীর পিতা মনে করিলেন যে পাত্রীকে চাক্ষুষ পছন্দ হইয়াছে, গুণের পরীক্ষায় উত্তীর্ণ হইলেই বিবাহকাৰ্য্য সম্পন্ন হইতে পারে। তবে পণের যে বিশাল সমুদ্র পড়িয়া আছে, তাহাতে এখনও আলোচনার দাঁড় পড়ে নাই, এই এক দারুণ সমগ্রা।

পাত্রী “দেখা” হইল, পাত্রী বাঁচিল। গান বাজনা নৃত্য এবং কলা সম্বন্ধিত আবৃত্তি জানে না বলিয়া তাহার প্রাকটিক্যাল ডিমন্সট্রেশন দিতে হইল না এবং “বাস্তুর” ও অবাস্তুর প্রশ্নের ষথাসম্ভব উত্তর দিয়া হাঁক ছাড়িয়া, প্রশংসা করিয়া, অতি ধীরে ধীরে গৃহ হইতে বাহির হইয়া গেল।

পাত্রীর পিতা সসঙ্কোচে পরীক্ষার ফলাফল জানিবার জন্ত জিজ্ঞাসিলেন, “কেমন দেখলেন ?”

ছোট্ট একটা উত্তর “মন্দ কি” বলিয়া বরকর্তা সারিয়া লইলেন। “বাড়ীতে পরামর্শ ক’রে আপনাকে পরে জানাবো।”

“আর পরে কেন ? আপনি ত বরের বাপ, আপনারও ত একটা মতামত আছে। তা ছাড়া ছেলের দাদা—আপনার ভ্রাতৃপুত্র সঙ্গে

আছেন, আপনাদের কথার ত একটা দাম আছে ? আপনাদের মতামতটা জানিয়ে দিন, কেন আর দুশ্চিন্তায় রাখবেন ? যা বলবার ব’লে ফেলুন, মেয়ের বাপ আমি, নানারকম মতামত শোনার অভ্যাস আমার আছে।”

কিছুক্ষণ কাহারও মুখে কোনও কথা নাই।

“আমার বড় বৌমা দেখতে ঠিক ইহুদীর মতন।”

“তা হবে” বলিয়া কনের বাপ বোকার মতন মনে করিলেন যে একটা যখন হুন্দরী বধু হইয়াছে, অপরটা অত হুন্দরী না হইলেও বোধ হয় আপত্তি হইবে না।

“আমায় ঝাঁকের কই ঝাঁকে মেশাতে হবে ত ? তা না হ’লে এ ছেলে পরে আমায় ছুঁবে।”

“সামান্য ভুল করেছেন, যখন ইহুদীর মেয়ে দরকার, তখন এই পাড়ায় আসা একটু ভুল হয়ে গেছে ; তারা ত এ পাড়ায় বাস করে না।”

“আমার যে রকম দরকার আমি বলেছি, আমার খুব হুন্দরী মেয়ে চাই ; আপনার এ কথা বলবার অধিকার কি আছে ?”

“সে রকম মেয়ে কটা ঘরে আছে ? হয়ত কলকাতার মত শহরে পাঁচ ছ ঘর বিত্তশালী আছে, যারা কিছু চায় না, চান কেবল রং ; কুল, গোত্র, সামাজিক পরিচয়, শীলতা, শালীনতা, সাংসারিক বিচারবুদ্ধি, এমন কি দেহের গড়ন, শ্রী—কিছুই চায় না, কেবল রং হ’লেই তাদের চলে। তারা একদল রংএর এয়ারিষ্ট্রোক্যাট ; আর সব বিষয় বিচার করলে, আমাদের মতন মধ্যবিত্ত ভঙ্গ গৃহস্থ, খুব সন্নিবিধা পেলেও তাদের সঙ্গে কুটুম্বিতা করতে নারাজ হবে।”

“অনেক কথাই বলছেন আপনি ; কিন্তু কি করব মশাই, আজকাল এই না হলে চলে না ; সবাই চায় রং, আমার ছেলেদের ত আবার তাদের মেয়ের বিয়ে দিতে হবে। আমায় ভবিষ্যৎ ভেবে কাজ করতে হবে।”

“তত দিনে আর এ সকল বালাই থাকবে না। মেয়ে পুরুষে আর বিবাহের ব্যাপার, ধনী বা মধ্যবিত্ত ঘরে থাকবে ব’লে মনে হয় না। অর্থ-নৈতিক দুর্দশা ত আছেই, তার ওপর আবার এই বাছাবাছির কলে পাত্রপাত্রীর বয়স বেড়েই চলেছে ; সকলেই শুকদেব আর সতী হবে—এই আশা ক’রে বসে থাকলে চলবে না। চারিদিকে ভোগের খেলা চলছে ; কষ্কার বাপ, মা, ভাই, অজ্ঞাত বোনের, আত্মীয় কুটুম্ব সকল স্থানেই বৌন জীবনের সমস্ত লক্ষণ প্রকাশ পাচ্ছে, অবাধ মেলামেশার সুযোগ ক্রমশই বেড়ে যাচ্ছে ; সে ক্ষেত্রে, যুবতী যুবকে সাধু সচ্চরিত্র হ’য়ে ব’সে থাকবে না। আমাদের ছেলেপুলের ছেলেমেয়েদের বিবাহকালে ‘কম্পানিয়ন-ম্যারেজ’ চালু হ’য়ে যাবে। তখন রংএর বিচার করবার সময় হবে না, বৌবনের তরঙ্গ ধার ঘাটে যখন টানবে, তরী সেই ঘাটেই ভেড়াতে হবে।”

“না, না, ও কথা কি বলছেন ? হিন্দুর ঘরে ওসকল ঘটনা চলেতেই পারে

না। বেদের আমল থেকে যে আচার চলে আসছে, ধর্মপ্রাণ হিন্দু তাই আজও পালন করছে, এ কি একটা কম কথা? যাই হ'ক, কালের ধর্মে একটু বাড়াবাড়ি হ'য়ে পড়েছে। আপনার মেয়ে ত সকল দিকেই যোগ্য, কিন্তু আরও ফরসা চাই, আমার বাড়ীর তাই রেওয়াজ হয়ে দাঁড়িয়েছে। এখন একটু খুঁজলেই আমি সুন্দরী মেয়ে পাব; আরও অনেক পাত্রী দেখেছি যারা আপনার মেয়ের মত মেয়ে নিয়ে অনেক টাকা দেবার জন্ত সাধাসাধি করছে; আমি কিন্তু মত করিনি।”

পাত্রীর পিতা বলিলেন “আমি ত ঠিক এই কথাই বলতে যাচ্ছিলাম। মেয়ের রং কটা করবার অনেক উপায় আছে। যখন থিয়েটার বায়োগ্রাফে অত “সুন্দরী” ভারতের মত কালমাটিতেও একসঙ্গে দেখতে পাওয়া যায়, তখন শিশি বোতলে যে রং ভরা আছে তা বেশ বুঝতেই পারি। আপনাকে যে মেয়ে দেখানো হ'ল, এর গায়ে পাউডারের একটু গুঁড়োও পড়েনি, অল্প রং চঙের কথা ছেড়ে দিন। তার ওপর যাতে সকল দিক উজ্জ্বল হয়ে ওঠে, সে জিনিসের পরিচয় এখনও দিতে পারি নি। একটা ঘটনা বলি শুধু—

পাত্রীটী ভালভাবে ডাক্তারী পাশ করবার পর, পাত্রের মামা আর দাদা উঠে প'ড়ে লেগে গেলেন সুন্দরী পাত্রী খুঁজতে। পাত্রী আর পছন্দ হয় না; কার্যেতর ঘরের আঠারো থেকে চব্বিশ পর্যন্ত যত আইবুড়ো পাত্রী দেখা হ'লো, কোনটাই পছন্দ হয় না। এক জ্বলোক দেখলেন পাত্রপক্ষের ঐ “সুন্দরী” খোঁজার পশ্চাতে কেন দৃষ্টি আরও দূরে চলে গেছে। পাত্রদের বাড়ীঘর নেই, অন্তত কলকতায় নেই। উঠতি অবস্থা, আভিজাত্য বজায় রাখতে গেলে যে সকল বস্তুর প্রয়োজন, পাত্রপক্ষের তার অনেক কিছুই অভাব আছে। তিনি একদিন ব'লে পাঠালেন—তার এক সুন্দরী কন্যা আছে। পাত্র পক্ষ এসে দেখলেন—সুসজ্জিত প্রকাণ্ড এক কামরা, ধনীরা ধন যত প্রকারে আশ্চর্যকর করে পারে, ঘরের মধ্যে তার কোনও ত্রুটি নেই। তারই একপাশে প্রকাণ্ড এক কালো আলমারি—আবলুয়ের হবে—আবলুয়ের পালিশ নিয়ে রূপবিস্তার ক'রে ব'সে আছে। পাত্রী এসে অত বড় ঘরের আর কোথাও না ব'সে একেবারে আলমারির সামনে বসলেন। মূল্যবান আভরণসমিতি কল্যা আলমারির ব্যাকগ্রাউণ্ডে “সুন্দরী” হ'য়ে উঠলেন। তা না হ'লে পাত্রীর রূপ বরপক্ষীদের মুখে বেশ প্রতিফলিত হ'য়ে উঠেছিল। বয়স, শিক্ষিতা মহিলা—সুতরাং সসঙ্কমে তাঁকে জিজ্ঞাসাবাদ ক'রে ছেড়ে দিতে হ'ল। পাত্রী যখন উঠে যাচ্ছেন, দাঁড়িয়ে উঠে একটা নমস্কার মাত্র ক'রে—তখন পাত্রীর পিতা আলমারির হাতল ধ'রে টান মারলেন। আলমারি খুলে যাবার আগে, জিজ্ঞাসা করলেন—“কেমন দেখলেন?” উত্তর—“মন্দ কি!” আর কথা অগ্রসর হবার পূর্বেই আলমারি খুলে গেছে; তাতে দেখা গেল সেই আবলুয়ের আলমারির ভিতর স্তরে স্তরে সাজানো রয়েছে কারেশীর নূতন টাকা; তারা এক সঙ্গে ঝক্‌ঝক্‌ ক'রে উঠল। কত হবে?—আন্দাজ করলেন পাত্র পক্ষ, দশ হাজারের কম নয়; আরও কিছু বেশী হ'তে পারে। পাত্রীর পিতা বলতে লাগলেন—ঐ

গহনা, এই আলমারি, টাকা, ঘরের বহু আসবাবপত্র নাম ধ'রে ধ'রে ব'লে দিলেন, সুধমার বিবাহের জন্ত ক'রে রেখেছেন।—আরও কত কি দেবেন, তারও একটা ফর্দ মুখে মুখে দিলেন; ব'লে দিলেন তালিকা এখনও অসম্পূর্ণ। বিশ্বাস করবেন না, মশাই—পাত্রীকে পুনরায় ডেকে এনে তখনই আশীর্বাদ হ'য়ে গেল। সেই বর এই সেদিন বিলাত থেকে বড় বড় ডিগ্রী নিয়ে এসেছে, কাগজে কাগজে ছবি বেরিয়েছে। সেই ক'নে সঙ্গে ছিলেন, তিনিও বিলাতী খেতাব প্রভৃতি নিয়ে এসেছেন, এখন “ভদ্রসমাজে” তিনি একজন মাতঙ্গর। কিন্তু সেই মামা হৃদরোগে মারা প'ড়েছেন শুনেছি। আর বড় ভাই, অতিকষ্টে যিনি সুন্দরী পাত্রী খুঁজে ভাইকে সুখী করতে চেয়েছিলেন, তিনি “যে তিমিরে সেই তিমিরে”ই আছেন। ভাই ভাজবধু সময় সময়, তাও সময় প্রায়ই হয় না—এক একবার খবর নেন।”

“টাকা নেওয়া হবে নাই বা কেন? আমার মেয়ের বর সময় কেউ ত আমাকে ছাড়ে না। তার ওপর মেয়ের বেতে খরচ করব—আবার ছেলের বেতেও ঘর থেকে খরচ করব! এ সকল রীতি চ'লে এসেছে তাই লোকে ইচ্ছে ক'রেই টাকা দিতে চায়; আপনার কথা স্বতন্ত্র, আপনি চান বিনা ব্যয়ে একটা কালো মেয়ে গছাতে। তা হয় না, যেমন মেয়ে তার সঙ্গে তেমনই পণ দিতে হয়। আমার উপযুক্ত ছেলে, লোকে এসে কত ধরপাকড় করছে, আমার যাচাই ক'রে নেবার ক্ষমতা আছে, আমি ছাড়ব কেন?”

“তা হ'লে তাই বলুন যে, টাকা পোলে আপনি যা হ'ক পাত্রী নিতে পারেন। তবে ইহুদী চাই বলে টাকা আসবে কোথা থেকে? যার ইহুদীর মত মেয়ে থাকবে সে আপনার ছেলের মত পাত্র দেবে কেন? তাছাড়া কি জানেন, আগে মানতাম না, এখন দেখছি, জ্যাঠামশায় যা বলতেন ভবিতব্য একটা জিনিস, যাকে না মেনে চলে না। আপনি ‘ইহুদী’ খুঁজছেন, ভবিতব্য থাকে ত কাক্রী এসে জুটতেও পারে। তবে ধরে বসে থাকলে টাকা আসবে বলতে পারি।”

“ভবিতব্য মানতে হয় বটে, তবে আমি কেন চেষ্টা করব না, সুন্দরী মেয়ের সঙ্গে বিয়ে দিয়ে ঐ ভবিতব্যের খেয়াল মেটাতে? পণ যা পাওয়া যায়, তা দেখব কল্যার বাপ স্বেচ্ছায় দিচ্ছেন। পীড়াপীড়ি না করলেই হ'ল।”

“সব ঠিক হয় না। জ্যাঠামশায় যা বলতেন তার একটা দাম আছে; এক মহাতপা ঋষি বহুকাল তপস্যায় রত আছেন। একদিন তাঁর নগ্ন উরুর ওপর শীতলম্পর্শ কোমল একটা ছোট বস্ত্র পড়ল, তিনি মুদ্রিত নয়নেই সেটা বুঝতে পারলেন। মাথার ওপর গাছে তখন কতগুলো কাক চীৎকার করছে। তিনি মনে করলেন—বহির্জগতের সঙ্গে যখন কোনও সম্পর্ক নেই তখন চোখ না খুলে ঘটনাটাকে উপেক্ষা করবেন। আবার মনে করলেন যদি কোনও জীবই হয়, তাঁর অবহেলায় সেটা হয়ত নষ্ট হ'তে পারে। চোখ খুলে দেখেন—একটা সুবিক শিশু, চন্দ্র পর্যন্ত তার খোলেনি, মনে হ'ল কার্কের মুখ থেকেই পড়েছে। বহু যত্নে সেটা পালন করলেন। কিন্তু যদিও তপস্বীগে তিনি তাঁকে রক্ষা করতে পারতেন,



১৯৭১

১৯৭১

১৯৭১



তবুও তাঁর সমস্তা হ'ল সেটাকে নিয়ে। ফিরে আনতে বিলম্ব হ'লে তিনি কাতর হ'য়ে পড়তেন, কোথায় কে হয়ত হনন ক'রেছে। তিনি স্থির করলেন তাহাকে বিবাহ দেবেন—সেটা একটা মুণ্ডিকী। মনে করলেন তাঁর পালিতা কচ্ছা, যিনি সর্বাপেক্ষা শক্তিশালী তাঁকেই কচ্ছা দান করবেন এবং সঙ্গে সঙ্গে সূর্য্যদেবকে স্মরণ করলেন। তপঃ প্রভাবে অমিততেজা ঋষির আহ্বান মরিচীমালী টের পেয়েই এসে উপস্থিত হলেন। তাঁকে ঋষি সমস্ত বল্লেন এবং কচ্ছা গ্রহণ করতে আদেশ করলেন। সূর্য্যদেব বিপদ গণলেন, ভাবলেন এক নেংটি ইঁদুর নিয়ে কি বিপদেই পড়বেন, ঋষিবাক্য অবহেলা করলে এ দিকে শাপগ্রস্ত হ'তে হবে। তিনি যখন বুঝলেন তাঁর বীর্ঘ্যবস্তার জঙ্ক তাঁকে এই বিবাহ করতে হবে, তখন তিনি ঋষিকে বুঝালেন, মেঘ যখন গগন আচ্ছন্ন করেন, তখন তাঁর কোনও তেজই থাকে না, একেবারে ম্লান হ'য়ে পড়তে হয়, দিনের পর দিন অদৃশ্য হ'য়ে থাকতে হয় বহু সময়। ঋষির অত ভাববার সময় নেই। তিনি কণাটা শুনেই সূর্য্যকে ছুটি দিয়ে পর্জ্জ্বদেবকে ডেকে দিতে বললেন। সূর্য্যদেব হাঁফ ছেড়ে বাঁচলেন, পর্জ্জ্বদেব এসে সমস্ত কথা শুনলেন ; তাঁর মনের অবস্থা সূর্য্যদেবের চিন্তার সমস্ত স্তরই ধাপে ধাপে পার হ'য়ে গেল। বুদ্ধিমানের মত প্রকাশ করলেন—পবনদেবের শক্তিতে তিনি বিপর্য্যস্ত এবং বিশ্বের সর্বাপেক্ষা শক্তিমান বলিতে যা বুঝায় তিনি স্বয়ং তা নন ; সূতরাং তিনি সকল রকমেই ঐ কচ্ছার অনুপযুক্ত পাত্র। প্রভঞ্জন এলেন, স্বন্ স্বন্ রবে দিগন্ত কম্পিত ক'রে। সকল বার্তা শুনে, বিপদ হ'তে উদ্ধার হ'লেন এক ফন্দিতে। তিনি বুঝিয়ে দিলেন, তাঁর সকল শক্তি ব্যর্থ হয়েছে হিমাচলের কাছে চিরকাল। হিমালয়ের ডাক পড়ল, তিনি সব শুনে ভাবলেন কত কোটা ছুচুন্দর তাঁর দেহে অবস্থান করছেন, আর একটা বাড়লে ক্ষতি বৃদ্ধি কিছুই নেই। কিন্তু কে বাবা, ঋষির ইঁদুরের ঝামেলা নিতে যায়। বুঝিয়ে দিলেন, তিনি বাইরের খোলসখানিমাাত্র সঞ্চল ক'রে দাঁড়িয়ে আছেন, তাঁর ভিতরটা কোঁপরা ক'রে ফেলেছে, তাঁর দেহের বলকে উপেক্ষা ক'রে

দুর্ব্বল ক'রে ফেলেছে, অজস্র ইন্দুরে। সূতরাং প্রমাণিত হচ্ছে ইঁদুর শক্তিশালী হচ্ছেন, সূর্য্য, জলদ, পবনদেব, এমন কি হিমালয়ের চেয়ে। সাড়ম্বরে ঋষি-কচ্ছার বিবাহ হ'লো, মুণ্ডিকরাজের সঙ্গে। ঋষি ভাবলেন “ভবিতব্য”।

“সূতরাং আপনার ছেলের যেখানে সেখানে বের চেষ্টা করলেই যে হবে, তা ত বলা যায় না ; আমারও মেয়ে পাঁচটা, চেষ্টা করতে হবে। ইহুদী-টিহুদী খুঁজবেন না, ছেলে ত ষাট টাকা মাইনের কেমিষ্ট, শতখানেক পণ্যস্ত হবে শুনেছি। বাড়ীটা আপনাদের বড় বটে, কিন্তু তাতে তু শুর্নাছি পাত্র বা পাত্রের পিতার কোনও স্বত্ব নেই—সবটাই তার জ্যাঠামশায়ের। সূতরাং অত সূন্দরী নিয়ে এসে কি করবেন ? গেরস্তুর ঘরের স্বাস্থ্যবতী স্ত্রী মেয়ে নিয়ে আসুন, রং দেখে দেবেন, কিন্তু পার্শী, ইহুদীতে আর কাজ নেই।”

পাত্রের পিতা আর ধৈর্য্য সঞ্চরণ করিতে পারিলেন না ; আমিও মনে করিতেছিলাম, কচ্ছার পিতা খুব বেশী ভাবে নিরীহ ভ্রমলোকদিগকে বাড়ীতে পাইয়া আক্রমণ করিতেছেন। বলা বাহুল্য ইহার মধ্যে পাত্রপক্ষের অপর দুইজন এবং কচ্ছাপক্ষের লোকদের কথায় কথায় নরম গরম নানা আলোচনা হইয়াছে ; কাগজের মহার্ঘ্যতার দিনে সে সকল এখানে লিপিবদ্ধ করা গেল না। কেবল শেষটা না জানাইলে আমার ক্রটি থাকিয়া যায়, তাই পাত্রের পিতার উক্তিটা দিতে বাধা হইলাম—

“ভারি মেয়ে দেখিয়েছেন মশাই, তার আবার অত চ্যাটাং চ্যাটাং কথা। দেখিয়ে দেব কি রকম বউ আনি, আর কত টাকা তারা স্বেচ্ছায় দেয়। আপনাকে নিমন্ত্রণ করব, যাবেন ত ?”

পাত্রীর পিতার নিকট শুনিয়াছি, নিমন্ত্রণ হয় নাই, কিন্তু বিবাহ হইয়া গিয়াছে। নববধুর সহিত ইহুদী সাদৃশ্যমাত্র আছে কেশের বর্ণ, এমন কি, অন্ধ-তারকাতেও নয় ; আর পাত্রীপক্ষ “স্বেচ্ছায়” চার হাজার টাকা দিয়াছেন।

## দ্বিজেন্দ্রলাল

### শ্রীস্ববোধ রায়

দেশের দুখে বুকের ব্যথা গোপন করার ছলে,  
মুখে তোমার ফুটল মধুর হাসি,  
হাসির গানের তলে তব ফল্গুধারা চলে,  
বিষাদভরা উছল অশ্রুশি।  
গানের রাজা, প্রাণের রাজা, দরদ ভরা কবি,  
যেথায় লোকে হাঙ্কা হাসি হাসে,  
সেথায় ভুমি হাসির স্রোতে ভাসিয়ে ব্যথার ভেলা  
ইন্দ্রধনু আঁকলে কাব্যাকাশে।  
নূতন ছন্দে, মেঘমস্ত্রে, ধরলে নূতন তান,  
জননী ও জন্মভূমির লাগি,

জন্মভূমির মেঘের জীবন গডালিকা ত্যজি  
মানুষ হ'তে উঠল সবাই জাগি !  
নাট্যশালার হাসিখেলার নৃত্য-গীতের মাঝে  
হঠাৎ এ যে নূতন চমক লাগে।  
প্রাচীন দিনের বীরকাহিনীর হৃদুভি যে বাজে,  
রক্তে যেন পুলক নাচন জাগে।  
তোমায় আমি স্মরণ করি, বরণ করি কবি,  
ভাবছি মনে আসবে সেদিন কবে ?  
যেদিন তোমার অশ্রু হাসি সকল ধনু করি  
তোমার প্রাণের স্বপ্ন সফল হ'বে।

# কলঙ্কিত খাল

শ্রীরাধিকারঞ্জন গঙ্গোপাধ্যায়

সুন্দর দস্ত-বাড়ীর ঘাটে 'নৌকা লাগাইয়া উপরে উঠিয়া গেল। এই উপরে ওঠার সামান্য পথটুকু এবং উপরে উঠিয়াও সে কতবার যে সজ্জন-বাড়ীর ঘাটের দিকে দৃষ্টি ফেলিল তাহার আর হিসাব নাই; শেষে নিজের কাছেই নিজেকে ভারি তাহার লজ্জা পাইতে হইল, কাজেই আর সেখানে দাঁড়ানো তাহার পক্ষে সম্ভব হইল না। লজ্জা-বোধের চকিত হাসি হাসিয়া সে বাগানের পথ ধরিয়া বাড়ীর দিকে যেন একটু দ্রুতই চলিয়া গেল।

টিয়া এপারের ঘাটে বসিয়া ওপারে সুন্দরের কাণ্ড দেখিয়া মনে মনে খুশীর হাসিই হাসিল। দুই-একবার লজ্জায় সেও যে সুন্দরকে যতদূর পর্য্যন্ত যাইতে দেখা গেল ততদূর পর্য্যন্ত দৃষ্টি বিস্কৃত করিয়া দিয়া সে দেখিল, তারপরে দৃষ্টির বাহিরে চলিয়া গেলে কেমন যেন মন-মরা হইয়া পড়িল। অতি-নিকট ভবিষ্যতে বাড়ী ফিরিয়া যে কলুষিত রক্তমঞ্চে তাহাকে অবতীর্ণ হইতে হইবে তাহারই আশঙ্কা বোধ করি তাহার সমস্ত স্নায়ুগুণীতে একটা সুনিবিড় অবসাদ ঘনাইয়া তুলিল।

টিয়ার বাসন মাজিয়া ঘাট হইতে ফিরিতে তাই আজ অধিক বিলম্ব হইয়া গেল। বাড়ীর উঠানে যখন তাহার পা ঠেকিল তখন মনে হইল রূপসীর বিকৃত হাসির ঢেউ যেন মাটিতে আসিয়া ঠেকিতেছে এবং তাহারই দোলা যেন সে সে-মাটির স্পর্শে সর্বদা বিদ্যুৎপ্রবাহের মত ক্রণ-বিচ্ছুরিত হইয়া গেছে বলিয়া অনুভব করিল।

রূপসী তাহার ঘরের দাওয়ার একটা খুঁটিতে ঠেস দিয়া বসিয়া সত্যই হাসিতেছিল। টিয়াকে বিব্রত করিতে পারার বাহাদুরিতেই যেন সে হাসিয়া খুন হইতেছিল। টিয়ার সে যে আপনার মা না হইলেও মাতৃস্থানীয়া তাহা তাহার খেয়ালই যেন ছিল না। টিয়া তাহার সখী-স্থানীয়া হইলে একমাত্র এ-হাসি মানাইতে পারিত; কিন্তু সামঞ্জস্য-বোধহীনতা রূপসীর জন্মগত সঙ্গল, সেখানে সে নিতুল এবং একেবারে অস্বীকারী।

টিয়ার ক্রণিকের জন্ত একবার সে নিলজ্জ হাসি শুনিয়া মনে হইয়াছিল, ও-মুখ পা দিয়া মাড়াইয়া দিয়া ও-হাসি বন্ধ করাই যেন উচিত, কিন্তু পরমুহুর্তেই এ-চিন্তার জন্তও অশুশোচনায় মন তাহার তিক্ত হইয়া উঠিল। তাহারপরেই নিশ্চয় নিয়তির বিরুদ্ধে নিজেকে স্থির রাখিবার সংকল্পে মন তাহার দৃঢ় হইয়া উঠিল। সে সুসংযত পাদবিক্ষেপে রান্নাঘরের দিকে বাসনের পাজা লইয়া এমন ভাবে চলিয়া গেল যেন রূপসীকে সে দেখেও নাই, বা তাহার হাসি তাহার কানেও যায় নাই।

কিন্তু রান্নাঘরে প্রবেশ করিয়াই মন তাহার কেন জানি আবার বিকল হইয়া গেল। আজ নিজের গর্ভধারিণী বর্তমান না থাকার নৈরাশ্রই যেন তাহার সর্বদা মুষড়াইয়া দিল। আজ দুনিয়ায় তাহার এমন একজন নাই যাহার কাছে সে একটা আশ্রয় জানাইতে পারে, অশ্রায় অপরাধের পরেও অভয় পাইতে পারে, সাহসনা খুঁজিতে পারে। সেই একজনেরই অভাবে আজ সমস্ত দুনিয়া যেন তাহার সঙ্গে বৈরিতা সাধিতে উঠিয়া পড়িয়া লাগিয়াছে, আর সে যেন শত্রু-বেষ্টিত হইয়া সমর-প্রাঙ্গণে নিরস্ত্র দাঁড়াইয়া অতর্কিত আঘাতের জন্ত নিজেকে সর্বদা প্রস্তুত রাখিতে প্রয়াস পাইতেছে। না, এ কণ্টকিত মৃত্যু-শঙ্কাপূর্ণ ভয়াবহ জীবন একেবারে অসহ্য।

টিয়া কাপড়ে মুখ চাপিয়া ফুঁপাইয়া কাঁদিয়া উঠিল। এই ফুলিয়া ফুলিয়া আকুল হইয়া কান্নার মধ্যেও তাহার মায়ের মুখ আজ তাহার চোখের সন্মুখে সুস্পষ্ট হইয়া জাগিয়া রহিল। এমন করিয়া টিয়া মায়ের জন্ত আর কখনই জীবনে কাঁদে নাই, অশ্রু এমন গভীরভাবে জীবনে তাহার প্রয়োজনও সে আর কখনও অনুভব করে নাই।

টিয়া অঝোরে কাঁদিয়াই চলিয়াছিল। কাঁদিতে তাহার ভাল লাগিতেছিল।

তাহার পিঠের উপরে মাহুঘের হাত ঠেকিতেই সে সহসা চম্কাইয়া সোজা হইয়া বসিল। কিন্তু মুখের উপর হইতে কাপড় সরাইয়া লইতে তাহার কিছু বিলম্ব হইল।



মনোহর একেবারে টিয়ার পাশেই উবু হইয়া বসিয়া তাহার পিঠের উপর হাত রাখিয়াছিল। বলিল, ছিঃ টিয়া, তুমি কাঁদচো ?

টিয়া কোনরকমে নিজেকে সামলাইয়া লইয়া বলিল, হুঁ, কাঁদচি বই কি ! আমি কাঁদব না তো কাঁদবে কে শুনি ? দুনিয়ায় আমার মত দুঃখিনী আর কে আছে ? মা'র কথা মনে প'ড়ে গেলে আমি না কেঁদেও পারি না যে !

মনোহর সে-কথায় যেন কর্ণপাত না করিয়াই বলিল, আমাকে ফিরে আসতে দেখে তুমি অবাক হ'চ্ছ না টিয়া ? কই, সে কথা তো একবারও জিগ্যেস করলে না ?

টিয়া তাড়াতাড়ি বলিল, আমার মনের অবস্থা আজ ভাল না, তাই ভুল হ'য়ে গেছে। সত্যি, তুমি আবার ফিরেই বা এলে কেন ?

—ফিরে এলাম—কেন ? আমি নিজেই তা এখন ভেবে পাচ্ছি না।—বলিয়া মৃদু একটু হাসিয়া মনোহর আবার বলিল, তোমাকে সত্যিই ছেড়ে যেতে পারলাম না টিয়া। যাত্রার দল যে তোমার হু'চক্কের বিষ সে আমি বেশ বুঝতে পেরেচি ; না, আর কখনও যাত্রার দলে আমি ফিরে যাব না। তোমাদের শিখীপুচ্ছের বাজারখোলা পর্য্যন্ত গিয়েই মন আমার কেমন বিগড়ে গেল টিয়া। এবার ঠিক করেচি, নূপুরগঞ্জের হাটে একটা মনিহারি দোকান খুলব আমি, ব্যবসায় মন দেব। আর ভাল কথা, তোমার জন্তে তোমাদের শিখীপুচ্ছের বাজার থেকে একটা তেল কিনে এনেচি টিয়া। 'চম্পল'-এর খোঁজ ক'রে না পেয়ে শেষে কমলালেবু রঙের একটা তেল নিয়ে এলাম, কে জানে যে হবে তা কে জানে। কথা আমার রেখেচি, এই দেখো টিয়া।

বলিয়া মনোহর পকেট হইতে একটা কাগজে মোড়া তেলের শিশি বাহির করিয়া টিয়ার সম্মুখে ধরিল।

টিয়া সেদিকে চাহিয়া নিজে একটু সামান্য পিছাইয়া গিয়া বলিল, কি তোমার আকল মনোহর মামা, আমি কি সুগন্ধি তেল ব্যাভার করি কখনও—যে তুমি পয়সা খরচ ক'রে আবার তা নিয়ে এলে ?

মনোহর সহজভাবেই বলিল, বা রে বা, আমি দিলে ছুমি তা ব্যাভার করবেই বা না কেন ? আর, আমি তো তোমার পর নই টিয়া, আমি তোমাকে আমার অতি

আপনজন ব'লেই মনে করি। তুমি এ তেল না নিলে আমি সত্যিই মনে বড় ব্যথা পাব।

টিয়া বিশেষ বিব্রতভাবে মনোহরের দান নিতান্ত অনিচ্ছাসঙ্গেও গ্রহণ করিল। মনোহরের প্রতি অবজ্ঞা প্রকাশ করিতে তাহার বাধিল।

টিয়ার এ সামান্য দান গ্রহণে মনোহর বেশ একটু সলজ্জ হইয়া উঠিল। তাড়াতাড়ি তাই সে উঠিয়া দাঁড়াইয়া বলিল, দিদিকে তার ঘরে দেখেও কথা না ক'য়ে তোমার সঙ্গে এসে দেখা করলাম। দিদির আবার মেজাজ যে রকম—তাতে হয় তো তোমাকেই এর জন্তে আজ্ঞে-বাজে দশকথা শুনিতে দেবে। যাই বাপু, তার সঙ্গে দেখাটা ক'রে ব'লে আসি যে ফিরে এলাম।

মনোহর রান্নাঘর হইতে বাহির হইয়া গেলে টিয়া নিজেকে সম্পূর্ণরূপে সামলাইয়া লইয়া উঠিয়া দাঁড়াইল এবং রান্নার জিনিষপত্র আনিবার জন্ত অস্ত্র চলিয়া গেল।

রূপসী মনোহরকে দেখিয়া খুশী হইতে পারিল না। কিন্তু একজন কথা কওয়ার মত লোক পাইয়া সে বাঁচিয়া গেল। নিশি সজ্জন সকালবেলা মনোহরের বিদায়ের পরেই যে কি কাজে কোথায় বাহির হইয়া গিয়াছে কেহই জানে না, এখন পর্য্যন্ত সে ফিরিয়া আসে নাই, কখন যে আসিবে তাহারও কিছু ঠিক নাই। কাজেই সকালবেলা আজ ঘাটের পথে যে-দৃশ্যটি তাহার চোখে পড়িয়াছে তাহারই একটা অতিরঞ্জিত বর্ণনা কাহারও কাছে দিতে না পারিয়া রূপসীর মন হাঁপাইয়া উঠিয়াছিল। কিন্তু মনোহরকে যে সেকথা বলিয়া খুব সুখ হইবে না সে তাহাও বুঝিল, যেহেতু টিয়ার প্রতি মনোহরের বিশেষ একটু পক্ষপাতিত্ব আছে বলিয়াই সে জানে। তবু না বলিয়াও থাকিতে পারিল না।

কিন্তু রূপসী সুরু করিতেই মনোহর দিল বাধা। তাহার এই হঠাৎ ফিরিয়া আসার কারণ এবং উদ্দেশ্য সর্বোগ্রহে ব্যক্ত করা সে প্রয়োজন মনে করিল। রূপসী আবার জন্মাইল মনোহরের বাক্য সুরুর পূর্বেই বাধা। শেষ পর্য্যন্ত রূপসীর বাসনাই জয়ী হইল। সে আত্মোপাস্ত সমস্ত ঘটনাটা একটা উপাখ্যানের মত করিয়া বর্ণন্য করিবার প্রবল লোভে বিকৃত এবং সত্যবর্জিত একটা কিছু গড়িয়া তুলিল

সত্য, কিন্তু মনোহরকে সে বিশেষ চিন্তিত করিয়া তুলিতে পারিল না।

মনোহর সমস্ত শুনিয়া বলিল, আমি বিশ্বাস করতে পারি না যে, সুন্দর আবার এপারে এসে কাঁঠাল গাছের নীচে দাঁড়াবে। সাত পুরুষের শক্রতা ভুলে এপারে আসা যেন চারটিখানি কথা।

—ও মা-গো! তবে কি আমি মেয়ের নামে একটা গল্পো রচনা করে বলচি নাকি? আমার যেন তা হলে নরকেও স্থান হয় না।—বলিয়া রূপসী এমন একটা ভঙ্গী করিল যে মনোহর রীতিমত শঙ্কাক্রান্ত হইয়া উঠিল, পাছে রূপসী আবার বসিয়া মরা কান্না শুরু করিয়া দেয়। কিন্তু রূপসী তেমন কিছু করিল না দেখিয়া মনোহর আশ্বস্ত হইয়া বলিল, তা টিয়ার সঙ্গে শক্রতা ভুলে এপারে আসাটা খুব বিচিত্র বলেও আমি মনে করি না দিদি। তোমার সতীনের মেয়েটি সত্যিই ভাল দিদি।

—অঃ, আমার মরণ!—বলিয়া রূপসী রাগে যেন দাপাইয়া দাপাইয়া নিজের ঘরের দিকে চলিয়া গেল। এমন কি, মনোহরের ডাকেও সে ফিরিয়া দাঁড়াইল না এবং মনোহরের বলার যাহা ছিল তাহাও আর বলা হইল না।

টিয়া রান্নাঘরের দরজায় ফিরিয়া আসিয়া দাঁড়াইয়া দাঁড়াইয়া সমস্তই শুনিল। কারণ, তাহাকে শুনাইয়াই কথাগুলো বলা হইয়াছিল। এতক্ষণে টিয়ার হাসি পাইল, দুঃখের মাঝেও তাহার হাসি পাইল, রূপসীর নির্ভুক্তিতা এবং নীচতা মাহুষকে না হাসাইয়াই যেন পারে না—এমনই টিয়ার মনে হইল।

রূপসী ঘরের ভিতর গিয়া প্রবেশ করার সঙ্গে সঙ্গে মনোহর কেমন যেন দুর্বল হইয়া উঠিল, মন তাহার বিঘ্ন ভারাতুর হইয়া উঠিল। টিয়ার মন কি সত্যিই তবে সুন্দর পাইয়াছে, সেখানে কি তাহার আর স্থান হওয়ার কোন আশাই নাই, তবে কি ফিরিয়া আসা তাহার একেবারে অর্ধশূন্য হইয়া যাইবে? কিন্তু কেনই বা সে টিয়ার মন পায় না? টিয়া কেন সুন্দরকে তাহার অপেক্ষা যোগ্য বলিয়া মনে করে? এই সব সাধারণ প্রশ্নগুলিই সহসা মনোহরের মনে জাগিয়া উঠিল, কিন্তু সছত্তর কিছু মিলিল না। আর কোন দিন মিলিবে বলিয়াও সে আশা করিতে পারিল না। শুধু মনে হইল, ফিরিয়া আসিয়া সে ভাল

করে নাই। কিন্তু টিয়াকে যে সত্যিই তাহার ভাল লাগে, বড় ভাল লাগে, বিচার-বুদ্ধি-বিবেচনা যে পিছনে পড়িয়া যায়—তাই তো তাহাকে ছুটিয়া আসিতে হইয়াছে। এখন সে-কারণে আবার তাহাকে অনুতাপও করিতে হইতেছে। নিজের জন্ত আজ তাই তাহার দুঃখও হইল, অনুকম্পাও জাগিল।

নিশি সজ্জনের বাড়ী ফিরিতে একটু বিলম্ব হইল, কিন্তু ঘটনা শুনিতে বিলম্ব হইল না। তাহার বাড়ী ফেরার সঙ্গে সঙ্গেই রূপসী বারান্দায় একটা বেতের মোড়া পাতিয়া তাহাকে বসিতে দিয়া নিজে একটা হাতপাখা লইয়া সম্মুখে বসিল। আজ জীবনে এই প্রথম যেন নিশি সজ্জন ক্রান্ত হইয়া বাড়ী ফিরিয়াছে, রূপসীর হাব-ভাবে তেমনই কিছু মনে হয়। রূপসী এযাবৎকাল কখনও পাখা লইয়া নিশি সজ্জনের পাশে বসে নাই। নিশি সজ্জন রূপসীর এ নূতন মূর্ত্তি দেখিয়া এমনই বিমুগ্ধ হইয়া গেল যে, এ ব্যাপারের অসঙ্গতিটুকু তাই তাহার চোখেও পড়িল না। কিন্তু ঘটনা যখন রূপসী আত্মোপাস্ত বিবৃত করিয়া উঠিল তখন নিশি সজ্জনের চোখে রূপসীর এই পাখার বাতাসের সহজ অর্থটা ধরা পড়িল, তাহার পূর্বে ধরা পড়ে নাই।

নিশি সজ্জন সমস্ত শুনিয়া শুধু বলিল, এ সমস্তই সত্যি? বেশ, আবার শুরু হ'ল তা হ'লে, আবার কলঙ্কিনীর খাল লাল হ'য়ে উঠবে। আমার ডাঙায় পা দেবে দন্ড-বাড়ীর ছেলে, আর আমি মুখ বুজে তা সহিব—অসম্ভব! টিয়া কোথায়? ... টিয়া, অ টিয়া! তাকে খুন করে তবে আজ আমার অস্ত্র কাজ। সে আমার মেয়ে হ'য়ে কি-না আমার মান-সম্মান সমস্ত দেবে জলাঞ্জলি, এই হ'ল কি-না সজ্জন-বাড়ীর মেয়ের মত কাজ?

টিয়া নিশি সজ্জনের কাছে আসিয়া মাথা নীচু করিয়া দাঁড়াইল। সকলপ্রকার লাঞ্চার জন্ত সে প্রস্তুত হইয়াই আসিয়াছিল। মনোহর কোথা হইতে ছুটিয়া আসিয়া টিয়াকে নিশি সজ্জনের দৃষ্টি হইতে একপ্রকার আড়াল করিয়া দাঁড়াইয়া বলিল, দিদির কথায় যেন কান দেবেন না জামাইবাবু, টিয়ার কথাই আগে শুনে নি। দিদির তো গুণের ঘাট নেই, প্রয়োজন হ'লে অপরের নামে হাজার কথা বানিয়ে বলতেও ওর জিবে আটকায় না।

টিয়া তাড়াতাড়ি অমনি বলিল, না মনোহর মামা, তুমি যা জান না তা নিয়ে কেন কথা কও। ছোটমা তো সত্যি কথাই সব বলেছেন। দত্ত-বাড়ীর ছেলে সুন্দর এপারে সত্যিই আজ এসেছিল। তার টিয়াপাখী উড়ে এসে বসেছিল আমাদের কাঁঠালগাছের ওপর, কাজেই সে আসতে বাধ্য হয়েছিল।

রূপসী টিয়ার কথা শেষ হওয়ার সঙ্গে সঙ্গেই একেবারে মনোহরের দিকে চাহিয়া সম্মুখ-সমরে আহ্বানের ভঙ্গীতে বলিয়া উঠিল—কেমন, হ'ল তো এইবার! বানিয়ে বলা কথা, জিবে আমার আটকায় না! বলি, অত গরজ কারও জন্তে কারও ভাল না। আমাকে মিথ্যুক বানাতে গিয়ে পুড়ল তো মুখ নিজের? ওপরে ভগবান আছেন!

বলিয়া রূপসী মনের আনন্দে উপস্থিত সকলকে ভুলিয়া গিয়া এক অতি হাস্যকর ভঙ্গীতে অল্পদেয়ে হাত মুক্ত করিয়া ভুলিয়া ধরিয়া প্রণিপাত করিল।

নিশি সজ্জন এতক্ষণ ঘটনাটি ভাল করিয়া হৃদয়ঙ্গম করিতে চেষ্টা পাইতেছিল, কিন্তু হৃদয়ঙ্গম হওয়ার সঙ্গে সঙ্গেই মেজাজ তাহার উত্তেজনার চরম সীমায় পৌঁছিয়া নিস্তব্ধ হইয়া রহিল। কিন্তু এ অবস্থায়ও তাহার বেশীক্ষণ কাটিল না। টিয়া সম্মুখে নীরবে দাঁড়াইয়া উপযুক্ত শাস্তির প্রতীক্কাই করিতেছিল।

নিশি সজ্জন সহসা উঠিয়া দাঁড়াইয়া একেবারে টিয়ার উপর যেন সগজ্জনে লাফাইয়া পড়িয়া বলিল, না, না ... এ আমাদের বিখ্যাত সজ্জন-পরিবারের মান-সম্মান নিয়ে টানাটানি। এ আমি কিছুতেই সহ করতে পারব না। আমি বেঁচে থাকতে এসব হ'তে পারবে না, কিছুতেই না। হ'তে পারে তার টিয়া, কিন্তু সে কেন আমার সাতপুরুষের ভিটের মাটিতে পা ছোঁয়াবে। আমি বাড়ী থাকলে আজ তাকে খুন ক'রে তবে হ'ত অল্প কথা! লক্ষীছাড়া মেয়ে, তোর জন্তে মান-কান আমার সব ডুবল। বেরিয়ে যা আমার সম্মুখ থেকে। নইলে, খুন ক'রে আমি আমার আফসোস মেটাবো।

মনোহরই আবার বাধা দিল। নিশি সজ্জনের বলিষ্ঠ বাহুয় সে সবলে চাপিয়া ধরিয়া বলিল, এ আপনি করছেন কি জামাইবাবু? টিয়ার কি দোষ হয়েছে শুনি? সে কি কোমর বেঁধে বাবে নাকি দত্ত-বাড়ীর ছেলের সঙ্গে

লড়াই করতে, না তাই কখনও সম্ভব? কি যে করেন, মিছে ওকে আর কাঁদাবেন না। দিদির কথাতেই ওর যথেষ্ট হয়েছে। দেখছেন না—কি ভাবে কেঁদে কেঁদে চোখ ফুলিয়েচে।

টিয়া ইতিমধ্যেই চোখে কাপড় তুলিয়া দিয়াছিল, কারণ পিতার এ রূঢ়তায় নিজেকে সে আর সামলাইতে পারে নাই।

নিশি সজ্জন আবার যথাস্থানে গিয়া বসিল এবং অনুপশাসিত উত্তেজনার বিকোভে বলিয়া উঠিল, আচ্ছা, তবে সুরুই হোক। আমিও দেখে নেবো।

কিন্তু সুরু যে হইবে না তাহা নিশি সজ্জন ভাল করিয়াই জানে। ভৈরব দত্ত লোকটা নিশি সজ্জনের মতে মহা কাপুরুষ, কিছুতেই সে কলঙ্কিনীর খালের দুই পারের দুই বাড়ীতে আবার কলঙ্কের সূত্রপাত হইতে দিবে না। কত বার তো নিশি সজ্জন চেষ্টা করিয়া দেখিয়াছে, কিন্তু স্বার্থে আঘাত লাগা সত্ত্বেও ভৈরব দত্ত নীরবে তাহা সহ্য করিয়া গেছে। কাজেই নিশি সজ্জনের উত্তেজনার মধ্যেও কেমন যেন একটা হতাশা প্রকাশ পায়, কেমন যেন একটা দুর্বলতা থাকিয়া যায়।

আনন্দ-উল্লাস যখন মাত্রা ছাপাইয়া যায় তখন মানব-হৃদয়ে জাগে কেমন একপ্রকার অকরণ শূন্যতা। সুন্দরের হৃদয়েও সেই শূন্যতা বিরাজ করিতে লাগিল। বাড়ী কিরিয়া সুন্দর মহা সমস্যার পড়িল। কাহারও সম্মুখে বাহির হইতে তাহার কেমন যেন বাধিতেছিল, মুখে না জানি তাহার মনের ছায়া পড়িয়াছে, না জানি লোকে তাহার মনের কথাটাই বুঝিয়া ফেলিল। কিন্তু এত বড় আনন্দ-ঘন দিনও তো জীবনে তাহার আর কখনও ইতিপূর্বে আসে নাই, কাজেই আজ লোকের সম্মুখে না দাঁড়াইতে পারিলেও যে সে স্বস্তি অনুভব করিতেছে না। নূপুরগঞ্জের হাট হইতে টিয়াটা কিনিয়া আনা তাহার সার্থক হইয়াছে, টিয়াটা—যে বন্ধন কাটাইয়া মুক্তিলাভ করিয়াছে তাহাতেও তাহার এখন আর ক্ষোভ নাই; সে তাহার পরিবর্তে সুন্দরকে বিশেষভাবে লাভবান করিয়া গেছে। তাহারই দরুণ সে শুধু সজ্জন-বাড়ীর সীমানার মধ্যে পা দাঁড়াইয়াছিল, আর তাহারই ফলে নিশি সজ্জনের মেয়ে টিয়াকে কথার জাল কাঁদির ধরিবার একটা সুবর্ণ সুযোগও সে পাইয়াছিল। কিন্তু

বিশ্ব-ভুবনে যে এক অপূর্ব কুহক সৃষ্টির আদি-অন্ত পর্যন্ত তাহার সাতরঙা মায়াজাল বিস্তৃত করিয়া দিয়া বসিয়া আছে সেই মায়াজালে তাহারা ইতিপূর্বেই উভয়ে ধরা পড়িয়া গিয়াছিল; আজ হয় তো নড়িয়া চড়িয়া তাহারা সে-জাল আর একটু শক্ত করিয়া অঙ্গের সঙ্গে জড়াইল।

সুন্দর কেবলই টিয়ার কথাগুলি মনে মনে আলোচনা করিয়া দেখিতে লাগিল। কত রকম যে তাহার অর্থ হইতে পারে, কত রকম যে তাহাতে ইঙ্গিত থাকিতে পারে তাহাই সে আবিষ্কার করিতে চেষ্টা পাইল। কিন্তু কিছুতেই সে স্বস্তি লাভ করিতে পারিতেছিল না। একথা কাহারও কাছে ব্যক্ত না করিয়া তাহার যেন আর মুক্তি নাই। শ্রীমন্ত সহসা আসিয়া গেলে বেশ হইত। কিন্তু শ্রীমন্তর সঙ্গে বাড়ী বহিয়া গিয়া দেখা করিতেও তাহার আজ কেমন যেন বাধিতেছিল। শ্রীমন্ত হয় তো ইহা লইয়া কত অকারণ বিক্রপ করিবে, সুন্দর লজ্জায় পড়িয়া যাইবে। অথচ, সে-কারণে এক একবার তাহার লোভও জন্মিতেছিল। শেষ পর্যন্ত সে শ্রীমন্তদের বাড়ী গেল। সেখানে বসিয়া আজ-বাজে অনেক কথাই সে বলিল, কিন্তু যাহা বলিতে সে গিয়াছিল তাহা আর বলা হইল না। না বলিয়াই সে মুখে লাজ-কোতুক জড়াইয়া ফিরিয়া আসিল। তবে শ্রীমন্তকে সে রাজা করাইয়া আসিল যে, আজ রাত্রে উভয়ে নৌকা লইয়া হাজারখুনীর বিলে বেড়াইতে যাইবে। রাত্রে নিভৃত নিরালায় মনের কথা খুলিয়া বলিতে সুন্দর খুব সহজেই পারিবে। এই বন্দোবস্ত করিয়া সে কতকটা তবু স্বস্তি অনুভব করিল।

রাত্রে আহালাদির পর শ্রীমন্ত তাহাদের নৌকা লইয়া সুন্দরকে ডাকিতে আসিল। সুন্দর প্রস্তুত হইয়াই ছিল। শ্রীমন্তর সঙ্গে নৌকায় আসিয়া উঠিল।

নৌকা হাজারখুনীর বিলের দিকে ধীরমুহুর গতিতে অগ্রসর হইতে লাগিল।

নৌকা কিছুদূর অগ্রসর হইলে শ্রীমন্তই প্রথম কথা কহিল। বলিল, আর তো একমাসের মধ্যেই পূজো। দেখতে দেখতে পূজো এসে গেল একেবারে!

সুন্দর আশ্চর্য করিয়া প্রথম শুধু বলিল, হঁ। তারপরে একটু সময় লইয়া গভীর চিন্তাশ্রিতের মত বলিল, এবার পূজোয় বিপদ আছে অনেক।

শ্রীমন্ত তাড়াতাড়ি প্রশ্ন করিল, সে কি, বিপদ আবার কিসের?

সুন্দর বলিল, সে অনেক কথা। এবার সত্যি আমার অদৃষ্টে বিপদ লেখা আছে। কিন্তু সে সব আমি গ্রাহি করি না। আমিও মহেশ দত্তের নাতি—সজ্জনের আমিও কমা করব না।

শ্রীমন্ত বিস্মিত হইয়া বলিল, সে আবার কি!

সুন্দর একটু সময় লইয়া বলিল, দত্ত-বংশের রক্ত বইচে আমারও মধ্যে, শত্রুর সঙ্গে আমারও চুটিয়ে শত্রুতা। সজ্জন-বাড়ীর ঐ একরত্তি মেয়ের কথা শুনে গা আমার জ্বলে যাচ্ছে। কি ওর আস্পর্শ—আমাকে কি-না মুখের ওপর চ্যালেঞ্জ করলে আজ! এবার আর মিষ্টি কথা না—সড়কি-বল্লম নিয়েই বেরুতে হবে। দেখা যাক এবার, কোথাকার জল কোথায় গড়ায়।

শ্রীমন্ত নীরবে সুন্দরের সব কথা শুনিয়া বিপুল বেগে হাসিয়া উঠিল। সুন্দর সে-হাসির বেগে চম্কাইল না, কিন্তু বলিতেও কিছু পারিল না।

শ্রীমন্ত বিক্রপ-ধনকণ্ঠে বলিল, এই গভীর প্রেম—আর এরই মধ্যে চ্যালেঞ্জ একেবারে! শেষ পর্যন্ত যাত্রার দলের সেই ছেলেটিরই বৃষ্টি জয় হ'ল? তা তো হবেই—সে হ'ল গিয়ে গাইয়ে-বাজিয়ে চোকস্ ছেলে, তোর সঙ্গে কি তার তুলনা হয়! বেশ, বেশ, এখন যুদ্ধং দেহি ছাড়া আর উপায় কি!

সুন্দর সহসা হাসিয়া ফেলিয়া বলিল, না রে না, আজ সকালে ভারি এক মজার ব্যাপার হ'য়ে গেছে। তাড়াতাড়ি একটু বেয়ে চল, হাজারখুনীর বিলে গিয়েই তোকে সেকথা বলব, নইলে কে কোথায় আবার তা শুনে ফেলবে।

শ্রীমন্ত অমনি ঠোঁট কাটিয়া বলিল, হঁ, মজার ব্যাপার বৃষ্টি! তা আজকাল তো উঠতে বসতে তোর মজার ব্যাপার ঘটবে জানি।

—তা তো ঘটবেই।—বলিয়া সুন্দর খালের জলে বৈঠার ঘা মারিয়া শ্রীমন্তর গায়ে খানিকটা জল ছিটাইয়া দিল এবং সঙ্গে সঙ্গেই প্রায় সে হাসিয়া উঠিল।

শ্রীমন্ত গায়ে জল লাগায় একটু চকিত হইয়া বলিয়া উঠিল, এতদিনে সত্যিই তুই মরেচিস্ দেখতে পাচ্ছি। বেশ, বেশ, এইবার একটা শুভদিন দেখে—

সুন্দর বৈঠার ঘায়ে আরও খানিকটা জল শ্রীমন্তর গায়ে তুলিয়া দিয়া তাহাকে মাঝপথেই নীরব করিয়া ছাড়িল। শেষে বলিল, আর বলবি কখনও ?

এমনই সব হাসি-ঠাট্টার ভিতর দিয়া নৌকা তাহাদের খাল ছাড়াইয়া সুবিস্তৃত হাজারখুনীর বিলে আসিয়া পড়িল। দিগন্ত জুড়িয়া জলরাশি—তাহারই 'পরে রাত্রির আঁধার যেন বুঁকিয়া পড়িয়া কান পাতিয়া দিয়া প্রিয়তমের মত প্রেম-গুঞ্জরণ শুনিতেছে—প্রিয়ার কণ্ঠ যেন আবেশ-আবেষ্টনে জড়াইয়া আছে; আর জলরাশি গরবিলী প্রিয়ার মত অকুণ্ঠিতকণ্ঠের সুধা যেন ঢালিয়া দিয়া চলিয়াছে উল্লাস-সুখ প্রিয়তমের সতর্ক কর্ণকুহরে।

হাজারখুনীর বিলে পড়িয়াই সুন্দর সমস্ত সঙ্কোচ কাটাইয়া উঠিয়া সকালের ঘটনা বিবৃত করিতে শুরু করিল। বিনা বাধায় আঘোপান্ত বিবৃত করিয়া যখন একটা নিশ্বাস চাপিয়া গিয়া সে থামিল তখন শ্রীমন্ত মুখ টিপিয়া একটু হাসিয়া লইয়া বলিল, সা-বা-স্!

এভাবে টানিয়া টানিয়া বলায় সুন্দর একটু বিচলিত হইল সন্দেহ নাই, কিন্তু কিছুমাত্র ক্ষুণ্ণ হইল না; কারণ শ্রীমন্ত তাহাকে ক্ষুণ্ণ করার জন্ত যে বিক্রম করে নাই তাহা সে সহজেই বুঝিল।

সুন্দর মুহূর্তে নিজেকে সামলাইয়া লইয়া বলিল, তুই তো সাবাস্ বলেই খালাস, কিন্তু এর ফল যে কি সাংঘাতিক দাঁড়াবে সে জানি আমি। টিয়ার সৎ-মা যখন আমাকে সেখানে দেখে গেছে একবার তখন কলঙ্কিনীর খাল আবার রক্তে লাল না হ'য়েই পারে না। পূজোও এসে গেল—এইবার ভাসান নিয়েই হয় তো বাঁধে দু'বাড়ীতে।

ধাক্, আর না বাঁধতে হ'লো!—বলিয়া শ্রীমন্ত চমৎকার বিক্রমের ভঙ্গীতে একটু হাসিল, তারপরে বলিল—না, না, বাঁধতেই হবে—একটা সাঁকো, এপার-ওপার ক'রে।

সুন্দর শ্রীমন্তর কথার ভঙ্গীতে না হাসিয়া আর পারিল না। বলিল, হ্যাঁ, সাঁকো যদি বাঁধতেই হয় তো তোকে ডাকব সেদিন।

শ্রীমন্ত সঙ্গে সঙ্গে বলিয়া উঠিল, এই রাত ক'রে হাজার-খুনীর বিলে যে আমাকে পিষতে ডেকে আনা হয়েছে সে তো ঐ সাঁকো বাঁধবার জন্তেই। ডাক তো আমার বহু আগে থেকেই পড়েছে, আর আমিও আমার যথাসাধ্য করছি।

সুন্দর শ্রীমন্তর কথায় খুশী হইয়া গিয়া বলিল, খুব যে আজকাল কথা কইতে শিখেচিস্ দেখতে পাই!

—সত্যি নাকি?—বলিয়া শ্রীমন্ত একটু হাসিল, তারপরে বলিল, সেটা হয়েছে তবে তোর সংসর্গ দোষে। তোর মত ভাল মানুষের মুখ দিয়েই যা সব কথা বেরুচ্ছে আজকাল, তা আমার আর না বেরুবেই বা কেন!

সুন্দর আর কথা খুঁজিয়া না পাইয়া বলিল, খুব হয়েছে, এখন বাড়ী ফিরে যাই চ'।

শ্রীমন্ত তাড়াতাড়ি বলিল, হ্যাঁ, চল, ফিরেই যাওয়া যাক। আর তোর কাজ যখন শেষ হয়েছে তখন আর থেকেই বা লাভ কি!

সুন্দর অমনি বলিল, না রে না, রাত হ'য়ে গেছে অনেক। শ্রীমন্ত হাসিয়া ফেলিয়া বলিল, হাজারখুনীর বিলে এই প্রথম আমাদের অনেক রাত হ'য়ে গেল সুন্দর! সত্যি, ফিরেই চ'।

—তবে আর তোর ফিরে কাজ নেই।—বলিয়া সুন্দর তাহার বৈঠাটি নৌকার পাটাতনের উপর তুলিয়া রাখিয়া দিয়া নিশ্চিন্ত হইয়া বসিল।

শ্রীমন্ত চাপিয়া চাপিয়া হাসিয়া উঠিল। সুন্দর এতক্ষণে সত্যই বিবৃত হইয়া পড়িল। কিন্তু শ্রীমন্তের উপর তাহার কিছুমাত্র বিদ্বেষ জাগিল না; যেহেতু সুন্দর জানিত, শ্রীমন্ত একটু রঙ্গপ্রিয়। সুন্দর নিজেও তাই হাসিয়া ফেলিল।

পরদিন ভোরেই আবার মনোহরকে যাত্রার দলের উদ্দেশ্যে রওনা হইতে হইল। তাহার এমন সুকল্লিত ব্যবসা নিশি-সজ্জনের মনে ধরিলেও রূপসীর মনে ধরিল না। কথাটা ভাল সময়েই মনোহর জামাইবাবুর কানে তুলিয়াছিল, কিন্তু কাজে আসিল না, তাহার দিদিই বাধা দিল এবং নিদারুণ-ভাবেই বাধা দিল। নিশি সজ্জন শেষ পর্য্যন্ত তাই রাজী হইতে পারিল না। গত রাত্রে মনোহর জামাইবাবুর পাশে যখন আহায়ে বসিয়াছিল এবং টিয়া পরিবেশন করিতেছিল তখন রূপসীকে সেখানে অনুপস্থিত দেখিয়া সে কথাটা তুলিয়াছিল যে, শিখীপুঞ্জের বাজারখোলায় একখানি মনিহারি দোকান খুলিলে ব্যাপারটা খুব লাভজনক হইয় দাঁড়ায়। কথাটা নিশি সজ্জন অনায়াসেই বিশ্বাস করিতে পারিল—লাভজনক যে তাহাতে সন্দেহ করিবার আর কি

আছে। নিশি সজ্জন বে-হিসাবী লোক নয়, কাজেই মনোহরের উপর নির্ভর করা চলিতে পারে কি-না সেই কথাই সর্বাগ্রে সে চিন্তা করিতে লাগিল। পরে ভাবিল, নিজে একটু তত্ত্বাবধান করিলেই দুর্ভাবনার কিছু আর থাকিবে না এবং সে মনোহরের প্রস্তাবে অবিলম্বেই রাজী হইয়া গেল।

কিন্তু রূপসীর স্বভাব তাহাদের ঠিক জানা ছিল না, সম্মুখে দাঁড়াইয়া কাহারও কোন কথা শোনা অপেক্ষা নেপথ্যে থাকিয়া চুপিসাড়ে শুনিতে পারিলে সে বিশেষ খুশী হইয়া উঠিত। কাজেই স্ত্রীগো পাইলেই সে চুপি দিয়া কথা শুনিতে ব্যগ্র হইয়া উঠিত। এক্ষেত্রেও সে চুপি দিতে ছাড়ে নাই। বেড়ার আড়ালে থাকিয়া সে শালা-ভগ্নীপতির শলা-পরামর্শ সকলই শুনিল। শুনিয়াই তাহাদের সম্মুখে বাহির হইয়া আসিয়া মনোহরকে লক্ষ্য করিয়া বলিল, কি, আবার বুঝি ব্যবসা ফাঁদরার মতলব হয়েছে? এবার বুঝি মনিহারি কোথায়?

তারপরে নিশি সজ্জনের দিকে ফিরিয়া বলিল—আর রাজ্যে বায়ুন নেই—এইবার শালা-ভগ্নীপতিতে ব্যবসা শুরু হবে বুঝি? বেশ! কিন্তু ক'দিন সে-ব্যবসা টিকবে শুনি?

মনোহর কেমন একটু বিব্রত হইয়া মাথা নীচু করিল, আর নিশি সজ্জন মাথা তুলিয়া বলিল, সে তুমি নাই শুনলে, ব্যবসার তুমি বোঝ কি?

—বুঝি গো বুঝি, তোমার চেয়ে ঢের বেশী বুঝি!—বলিয়া রূপসী ক্রকুটি করিয়া বলিতে শুরু করিল, ব্যবসা করতে হয় কর, কিন্তু টাকা-পয়সা কখনও বিশ্বাস ক'রে যেন মনোহরের হাতে দিও না। সেবার—বাবা তখন বেঁচে ছিলেন, বাবাকে ছেলে বেয়ালে যে তিনশো টাকা তাকে ব্যবসার জন্মে দিলে—মাসে তিনশো টাকা সে লাভ হেঁদিয়ে দেবে। বাবা ছিলেন ভালমানুষ, মনোহরের কথা বিশ্বাস ক'রে দিলেন ওর হাতে তিনশো টাকা। বাস, টাকা পেয়েই সেই যে গুণধর ভাই আমার উধাও হলেন, আর

চার মাসের মধ্যে দেখাই নেই। ওকে বিশ্বাস ক'রে টাকা দিলেই ডুববে তুমি। আমার যা বলা উচিত তা আমি ব'লে দিলাম, এখন তোমার যা খুশী তাই তুমি করগে'।

বলিয়াই রূপসী সেখান হইতে দেমাক-দুর্ভিনীত পাদ-বিক্ষেপে অন্ত্র চলিয়া গেল।

মনোহর একটা কথা কহিয়াও ইহার আর প্রতিবাদ করিতে পারিল না, কেন না এ দুর্ঘটনা একদিন সত্যই ঘটয়াছিল। নিশি সজ্জনেরও মন কেমন যেন বিগ্ড়াইয়া গেল, সে আর ব্যবসা সম্বন্ধে একটা কথাও কহিল না। উভয়ে নীরবে আহারাদি শেষ করিয়া উঠিয়া গেল।

রান্নাঘরে টিয়া সমস্ত জিনিষপত্র সাজাইয়া রাখিতে রাখিতে নিজের মনে মনেই বলিয়া উঠিল, বাবা, বাবা, কি মেয়েমানুষ, কারও যদি একটু ভাল দেখতে পারেন! এমন কি, নিজের ভাইয়েরও না।

কিন্তু টিয়া ইহাতে বরং খুশীই হইল। মনোহর যে শিখীপুচ্ছের বাজারে মনিহারি দোকান খুলিয়া এখানে কায়েম হইয়া বসিল না তাহাতে আনন্দ হইল তাহারই। মনোহরের প্রতি তাহার তেমন কোন বিদ্বেষ নাই, কিন্তু মনোহরের উপস্থিতিতে সে কেমন জানি অস্বস্তি অনুভব করে। কাজেই সে চিরন্তন অস্বস্তির হাত হইতে মুক্তি পাইয়া খুশীই হইল।

মনোহর ইহার পরে আর ব্যবসার কথা নিশি সজ্জনের কাছে তুলিতে পারে নাই, রূপসীর কথাও প্রতিবাদ কিছু করে নাই, টিয়ার সঙ্গেও দেখা করে নাই; যাত্রার দলেই আবার যোগ দিতে শিখীপুচ্ছ ছাড়িয়া ভোরের দিকেই চলিয়া গিয়াছে। রূপসী সত্যই তাহার দুর্বল স্থানে আঘাত করিয়া টিয়ার চোখে তাহাকে অত্যন্ত হের প্রতিপন্ন করিয়া ছাড়িয়াছে। ব্যবসা সে করিতে পারিল না—সে কারণে তাহার দুঃখ হইল না, কিন্তু টিয়া যে তাহাকে কত ছোট ভাবিল তাহাতেই সে যেমন ছোট হইয়া গেল তেমন দুঃখও আবার তাহার গভীরতর হইয়া দেখা দিল।

( ক্রমশঃ )



# মাদ্রাজ গভর্ণমেন্ট আর্টস্কুলের শিল্প-প্রদর্শনী

শ্রীশশীলকুমার মুখোপাধ্যায়

দাক্ষিণাত্যে শিল্পপ্রদর্শনীর স্রষ্টা, অক্সফোর্ডের শিল্পাচার্য্য শ্রীযুক্ত দেবীপ্রসাদ রায়চৌধুরীর উদ্যোগে এবং তাঁহার ছাত্র-ছাত্রীদের চেষ্টায় মাদ্রাজ আর্টস্কুলের নবম বার্ষিক শিল্প প্রদর্শনীর শুভ উদ্বোধন হইয়া গেল। প্রদর্শনী সম্বন্ধে কিছু বলিবার পূর্বে দেশবাসীর পক্ষ হইতে শ্রীযুক্ত রায়চৌধুরীকে আন্তরিক ধন্যবাদ জানাই এই জন্ত—যে তিনি তাঁহার অল্পত কর্মপ্রেরণার দ্বারা দাক্ষিণাত্যবাসীর মনে শিল্পবোধ এবং রসজ্ঞান গড়িয়া তুলিয়াছেন।

শিল্পরসিক-হিসাবে প্রদর্শনীর উদ্বোধনের দিন নিমন্ত্রিত হইয়াছিলাম। প্রদর্শনী-গৃহে প্রবেশ করিতেই প্রথম

না। দেবীপ্রসাদ তখন অফিসসংক্রান্ত কাজে ভুবিয়া আছেন। তাঁহাকে আর বিরক্ত করা অসুচিত মনে করিয়া চিত্রগৃহের দিকে অগ্রসর হইলাম।

নরনারীর ভিড় কাটাইয়া সহজে চলিবার উপায় নাই। কোন মতে অগ্রসর হইতেছি, হঠাৎ মেয়েলী গলার আওয়াজ পাইয়া দাঁড়াইলাম। মুখ তুলিতে দেখি একজন অতি-আধুনিক তরী তাঁহার সঙ্গীকে বলিতেছেন, “এই শিল্পীদের যদি একটুও কাণ্ডজ্ঞান থাকিত! রাজকুমারীর ছবি আঁকিয়াছে দেখ। ছি—ছি—ছি—মুখটা কি বিক্রী!” যে ছবিটি লইয়া আলোচনা চলিয়াছে, কৌতুহলী



প্রদর্শনীতে গভর্ণর পত্নী লেডী হোপ, তাঁহার কন্যা ও প্রিন্সিপাল শ্রীযুক্ত দেবীপ্রসাদ রায়চৌধুরী ( বাম হইতে তৃতীয় )

দেবীপ্রসাদবাবুর সহিত সাক্ষাৎ হইল। ভারতের তেজীমান, নির্ভীক শিল্পী দেবীপ্রসাদের ব্যবহারে অহমিকার লেশ মাত্র দেখিলাম না। নিতান্ত পরিচিত বন্ধুর মত তিনি আমাকে সযোজন করিলেন। আকৃষ্ট না হইয়া পারিলাম।

হইয়া সেটির দিকে তাকাইয়া দেখি একখানা অতিসুন্দর ছবি—রং, রস ও রচনার মধুরো ছবিখানি যে-কোন সত্যকার শিল্পরসিককে আকৃষ্ট করিবে। তাহালাই, এই কেতা-ছরভ, ক্যানভাসে বেরসিকাঘের নিকট হইতে দূরে

ধাকাই ভাল। উহাদের নিকটে থাকিলে হুহু মাহুহুও হোয়াছে রোগে আক্রান্ত হইয়া পড়ে। ব্যাধি ঢুকিলে আর ছাড়িতে চায় না। ক্রমশ মৃত্যুর পথে অগ্রসর



আনন্দোনা—শিল্পী শ্রীশ্রীলক্ষ্মীমুখার্জী

করিয়া কে—ঐহিক মৃত্যু নয়, মনের মৃত্যু, রসবোধের অবসান! শিল্পী রসের উপাসক। উপাস্যস্তর না থাকায় সেখান হইতে সরিয়া গড়িলাম। ভালই হইল। বে ছবিটির নিকটে আসিলাম পড়িলাম, তাহা একটি অতি উচ্চাঙ্গের ছবি। “ফেটিভ প্যাণ্ডাল”—শিল্পী শ্রী পি. শ্রীনিবাসম্। ফ্র্যাঙ্ক ব্র্যাঙ্কুইন (Frank Branguyn) এবং চেম্বুরী যেন মিলিতভাবে শিল্পীকে প্রেরণা জোগাইয়াছেন। স্ফটিকাত্মক, বর্ণসমাধেশ এবং যথার্থ টোনভ্যালু—সমস্ত মিলিয়া এক কথার ছবিটিকে অতি চমৎকার করিয়া তুলিয়াছে। উপযুক্ত সুরোগ এবং উৎসাহ পাইলে তরুণ শিল্পী ভবিষ্যতে যে শিল্পজগতে একটি বিশিষ্ট স্থান পাইবেন সে বিষয়ে সন্দেহ নাই।

এই ছবির পূর্বেই শিল্পী কে-শ্রীনিবাসম্ অঙ্কিত “বেগারম্ ফেটিভ্যাল” শিল্পী রং-এর অত্যন্ত খেলা দেখাইয়া গঠনের দোহা চাকিবাবর ছেঁই করিয়াছেন। তবুও ছবিটি ভাল বলিতে হইবে। শিল্পী রসিক।

কবি গোপাল অঙ্কিত “নৌজীবী” পাশ্চাত্য প্রথার অঙ্কিত জল-রং-এর একখানি নিখুঁত নমুনা। শিল্পী জল-রং-এর স্বচ্ছতা অতি সুন্দরভাবে বজায় রাখিয়াছেন। সমস্ত ছবিখানি বল মনু করিতেছে। কোথাও একটুখানি মেটে মারিয়া যায় নাই। অল্পের বুক গাছ, মাহুহু এবং

নৌকার প্রতিবিম্ব যেন “মায়া” সৃষ্টি করিয়াছে। শিল্পীর শিল্প-প্রচেষ্টা সার্থক হইয়াছে।

এদিক ছাড়িয়া একটু অগ্রসর হইতেই চোখে পড়িল “লভার্স” (Lovers)—শিল্পী শ্রীদামোদর প্রসাদ। প্রেমিক প্রেমিকার নিকটে বিদায় লইতে আসিয়াছে। মুখাবয়ব তাহার বিষাদাচ্ছন্ন। উদ্ভিন্ন যৌবনা নারী কামোন্মাদ হইয়া পুরুষকে জড়াইয়া ধরিয়াছে। তাহার চোখের কোণে অশ্রুবিন্দু। যেন বলিতে চাহিতেছে—আমাকে ছাড়িয়া কোথায় যাইবে? ছবিটি মোটের উপর মন্দ নয়। শিল্পী কিন্তু টোনভ্যালুতে বিরাট গোল বাধাইয়াছেন। রৌপ্য অলঙ্কারগুলি যেন দর্শকের চোখের সামনে আসিয়া চীৎকার আরম্ভ করিয়া দিয়াছে—আমরা অলঙ্কার—আগে আমাদের দেখ! ছবির আসল বিষয়বস্তু রৌপ্য-অলঙ্কারের ঔজ্জ্বল্যে এবং চাপে যেন নিস্প্রভ হইয়া হাঁপাইতেছে। দেবীপ্রসাদের ছাত্রের নিকটে এইরূপ মারাত্মক গলদ আশা করি নাই।

পাশ্চাত্য প্রথায় অঙ্কিত দৃশ্য-চিত্রের ভিতর কে. সি. এম. পাণিকর এবং গোবিন্দরাজের নাম উল্লেখযোগ্য। ইহাদের ছবি পূর্বেও অসংখ্য প্রদর্শনীতে দেখিবার সুযোগ ঘটিয়াছে এবং দেখিয়া যথেষ্ট আনন্দও পাইয়াছি। উভয় শিল্পীই তাঁহাদের কাজে পূর্বের একাগ্রতা যেন হারাইয়া ফেলিয়াছেন। ইহা দুঃখের বিষয় সন্দেহ নাই। শ্রীযুক্ত পাণিকর “গ্রামের



‘ডইংকম আসবাবপত্র’—শ্রীদেবীপ্রসাদ রায়চৌধুরী পরিকল্পিত

ছবিখানিতে রং ও রচনার অভিনব দেখাইয়া তাঁহার পূর্বের স্ট্যাণ্ডার্ড খানিকটা বজায় রাখিয়াছেন।



ভারতীয় পদ্ধতিতে অঙ্কিত ছোট ছবির মধ্যে শ্রীযুক্ত রাজমের অঙ্কিত “বর” ছবিখানি দৃষ্টি আকর্ষণ করে। ছবিটি সুন্দর রেখা এবং টোন ভ্যালুর গুণে চিত্রাকর্ষক



পূর্ব রাগ—শিল্পী শ্রীসুশীলকুমার মুখার্জী

হইয়াছে। কিন্তু ছবির নামকরণ আমার মতে ঠিক হয় নাই। ঐরূপ রূপবান্ বরের স্বপ্ন অথবা শ্রালক হইবার লোভ কাহারও প্রবল হইয়া উঠিবে কি না জানি না। যদি দুর্ঘটনাবশত হয়ই, তাহা হইলে বুদ্ধি—স্বপ্ন মারা পড়িয়াছে, শ্রালকটি বাঁচিয়াছে। আমরা তো বলিয়াই থাকি—‘হতভাগা শালা।’ ছবির চোখের চুলু চুলু ভাব এবং বন্ধিম ভঙ্গী দেখিয়া “নেশা ধরিয়াছে” নামকরণটাই আমার মতে যুক্তিসঙ্গত হইত বলিয়া মনে হয়। যাক,




শীতের সন্ধ্যা—শিল্পী শ্রী কে-সি-এস পানিকর

ছবির বিচার যখন করিতে বসিয়াছি, তখন নামের বিচার লইয়া মাথা ঘামাইবার প্রয়োজন বোধ করি না।

ইহার পর ডেকোরেটিভ্ চিত্রবিভাগের নিকট আসিয়া

উপস্থিত হইলাম। এই বিভাগে সুশীল মুখার্জীর ছবিগুলি অস্বাভাবিক শিল্পীর ছবিকে নিশ্চয় করিয়া দিয়াছে। সহজলভ্য উজ্জলতার সত্তা প্যাচ মারিয়া নয়, বর্ণসমাবেশ এবং রচনার বৈচিত্র্য ও বৈশিষ্ট্যে। শিল্পীর কম্পোজিশনের জ্ঞান অতি চমৎকার। নির্ভুল কম্পোজিশন্ ও যথাযথ টোন-ভ্যালুর গুণে ডেকোরেটিভ্ ছবি যে কত সুন্দর হইয়া ওঠে, তাহা এই তরুণ শিল্পীর কাজ দেখিলে বোঝা যায়। “মায়াপুরী”—শিল্পী সুশীল মুখার্জী। ছবিটি ঘিরিয়া কেমন একটা ভীতিপ্রদ থমথমে ভাব, অথচ রোম্যান্সেরও অভাব নাই। সত্যই মায়াপুরী বটে। খুঁজিলেই বুদ্ধি সোনার



বর—শিল্পী শ্রীরাজম

কাঠি, রূপার কাঠি এবং তৎসহ যুমন্ত রাজকন্য়ার দেখাও মিলিতে পারে। “কুটারবাসিনী” উক্ত শিল্পীরই অঙ্কিত আর একখানি ছবি। রসে ভরপুর হইয়া উঠিয়াছে।

ঘুরিতে ঘুরিতে বাঙ্গালী-ধরণে শাড়ী-পরা একজন মহিলাকে দেখিয়া কে জানিবার কোতূহল দমন করিতে পারিলাম না। একটি ছাত্রশিল্পীকে প্রশ্ন করিতেই জানিতে পারিলাম—উনি এই ফুলেরই ছাত্রী শ্রীমতী আইরিশ্ ধান্, বাঙ্গালী। সুদূর কলিকাতা হইতে মাদ্রাজে শিল্প শিক্ষার্থিনী হইয়া আসিয়াছেন। মহিলাটিকে দেখিয়া আমার ভিতরের সমালোচক নিশ্চিন্ত হইতে পারিল না। তাঁহার ছবি

খুঁজিয়া বাহির করিলাম। শ্রীমতী খান্ অঙ্কিত “বধু” ছবিখানি উল্লেখযোগ্য। আধুনিক যুগের বধুর বয়সের কোন নির্দিষ্টতা নাই। গৌরীদানও হয়, আবার মরিবার



শেষ বিদায়—শিল্পী শ্রীদামোদর

দুইদিন পূর্বেও বিবাহ হয়। বধুটি পুরাতন। তাহা হউক। মোটমাট চলিয়া যায়। অন্তত গহনা পরান চলে।— “কুঙ্কম ডেকোরেটর”—শিল্পী শচীন্দ্রনাথ মুখোপাধ্যায়। ছবিখানি মোটের উপর ভালই হইয়াছে। তবে শচীন্দ্রনাথের পূর্বেই যে কাজ দেখিয়াছি তাহার সহিত তুলনা করিলে বলিব এই ছবিখানি তাহার স্ট্যাণ্ডার্ড বজায় রাখেন নাই।—শিক্ষাকেন্দ্র ছাড়িলেই অধিকাংশ ভারতীয় শিল্পীরই যে এই দুর্দশা হয় তাহা আমরা লক্ষ্য করিয়াছি। ইহা জাতীয় কলক, শিল্পীর নয়। কারণ শিল্পীকে বাঁচিতে হয় অর্থের বিনিময়ে রসকে সমাধিস্থ করিয়া। আমাদের দেশের এই শিল্পীদের কথা মনে করিয়া মন সমবেদনায় পূর্ণ হইয়া উঠিল।

অন্তমনস্থ হইয়া ভাবিতে ভাবিতে খানিকক্ষণ চলিয়াছিলাম, হঠাৎ মুখ তুলিতে দেখিলাম—একটি অতি সুন্দর মূর্তির নিকট আসিয়া পড়িয়াছি। রসগ্রাহী মন নূতন রসের সন্ধান পাইয়া সব কিছু তুলিয়া গেল। “দি য়োড্ - সেকার”—ভারতীয় শ্রীকৃষ্ণমূর্তি। মূর্তিটির ভেজিয়ান

প্রকাশভঙ্গীতে শিল্পী নিজের গুরু নাম বজায় রাখিয়াছেন। ভারতবর্ষের প্রায় সমস্ত আর্ট স্কুল এবং তাহাদের চিত্র ও মূর্তির প্রদর্শনী দেখিবার সুযোগ ঘটিয়াছে। কিন্তু মাদ্রাজ আর্ট স্কুলের ভাস্কর্য বিভাগ যে অগ্রান্ত আর্ট স্কুল অপেক্ষা কত বেশী উন্নত কৃষ্ণমূর্তির এই মূর্তিটি আমার সেই বিশ্বাসকে আরও দৃঢ় করিল।

ইহার পরই শ্রীযুক্ত শা (বোম্বাই জে. জে. আর্টস্কুলের প্রাক্তন ছাত্র) গঠিত “শিকারী” মূর্তিটি উল্লেখযোগ্য। শিকারী অব্যর্থ সন্ধানে তাহার বল্লমের তীক্ষ্ণ ফলা দিয়া শিকারের বন্ধ বিদীর্ণ করিয়াছে। মূর্তিটি একেবারে অভিনব না হইলেও মোটামুটি সুন্দর হইয়াছে বলিতে হইবে।

অনেকক্ষণ ধরিয়া ছবি এবং মূর্তি দেখিয়া বেড়াইলাম। ছাত্র ও ছাত্রী শিল্পীদের কাজের ক্রমোন্নতি লক্ষ্য করিয়া আনন্দও পাইলাম, কিন্তু একটা জিনিষের অভাব মনকে সর্বক্ষণই পীড়া দিতে লাগিল। শিল্পী দেবীপ্রসাদ এইবারকার প্রদর্শনীতে একটিও ছবি কিংবা মূর্তি দেন নাই। এই বিরাত অভাব পূর্ণ করা কি উদীয়মান তরুণ শিল্পীদের দ্বারা সম্ভব হইতে পারে। বেশ একটু মনস্কুল হইয়াই মাথা নীচু করিয়া চলিয়াছি, হঠাৎ বাধা পাইয়া দাঁড়াইলাম।



প্রসাধন—শিল্পী শ্রীশচীন্দ্র মুখার্জী

মহুয়দেহের সহিত ধাক্কা লাগিয়াছে। মুখ তুলিতে দেখি একজন বাঁটি মেমসাহেব।

ঘাবড়াইয়া গিয়াছিলাম। বেয়াদপি হইল না ত? আপনা হইতেই মুখ হইতে কথা বাহির হইল, “মাপ করবেন…… আমি……”



বার্দ্ধক্য—শিল্পী অমলরাজ

ভদ্রমহিলা হাসিয়া বলিলেন, “তুমি অন্তমনস্ক ছিলে। লজ্জিত হইবার কোন কারণ ঘটে নাই।” তাহার পর জিজ্ঞাসা করিলেন, “আচ্ছা, মিস্টার রায় চৌধুরীর ছবি ও মূর্তি কোথায় রাখা হইয়াছে আমাকে বলিতে পার?”...

এইবারকার প্রদর্শনীতে দেবীপ্রসাদের ছবি এবং মূর্তি না দেওয়ার পিছনে কোন বিশেষ কারণ আছে কি-না জানি না। তবে ইহাতে বহু দর্শকই যে রীতিমত মনক্ষুণ্ণ হইয়াছেন তাহাতে সন্দেহ নাই।

চিত্রগৃহ হইতে বাহির হইয়া কারুশিল্প-প্রদর্শনী-গৃহে প্রবেশ করিলাম। এইবার মাদ্রাজ স্কুলের কারুশিল্পের প্রত্যেকটি ‘ডিজাইনেই’ বেশ একটু বৈশিষ্ট্য দেখিলাম। কারণ অনুসন্ধান জানিলাম—ডিজাইনগুলি প্রায় সমস্তই দেবীপ্রসাদের।

এটিং বিভাগের নিকট আসিয়া চমৎকৃত হইলাম। এতদিন মনে যে অভিলাষ পোষণ করিয়া রাখিয়াছিলাম তাহা পূর্ণ হইল। দেবীপ্রসাদ এটিং করিয়াছেন। রং ও

পাথর ছাড়িয়া শিল্পী মাত্র রেখা দ্বারা নিজেকে প্রকাশ করিয়াছেন। তিনি শুধু এটিং করেন নাই, এটিং করিয়া দেখাইয়াছেন যে তাঁহার রেখার জোরের সামনে ভারতীয় অন্য কোন শিল্পীর এটিং ক্ষুদ্র এবং সাধারণ মনে হওয়াটা কিছুমাত্র অস্বাভাবিক নয়। আমাদের দেশের শিল্পীরা দুর্বল হস্তের আঁকা-বঁকা রেখাকে কি বলিয়া যে ছন্দপ্রধান বলিয়া চালান, তাহা ভাবিয়া মর্মান্বিত হই। মনে পড়িল কোন বিখ্যাত বিদেশী সমালোচকের একটি কথা, “Delicacy of line comes from strength and strength alone.” দেবীপ্রসাদের এটিং-এ শক্তিমান হস্তের টান রেখাগুলিকে লীলায়িত এবং সজীব করিয়া তুলিয়াছে।

দেবীপ্রসাদের ছবি ও মূর্তি না দেখায় মনে যে অভাব অনুভব করিতেছিলাম তাহা কতকটা পূরণ হইল। মনে মনে তাঁহাকে সহস্র ধন্যবাদ না দিয়া পারিলাম না। ভারতের শিল্পী কন্দর্ভীর দেবীপ্রসাদ দীর্ঘজীবী হইয়া প্রতিবৎসর নূতন নূতন তেজীয়ান শিল্পী গড়িয়া ভারতীয় শিল্পের লুপ্ত গৌরব ফিরাইয়া আনুন, আমাদের দেশকে আবার শিল্প-সভায়



দি রোড মেকার

উচ্চ আসন লাভ করিতে সাহায্য করুন, একান্তভাবে ইহা কামনা করি।



# গন দেবতা

শ্রীতারশঙ্কর বন্দ্যোপাধ্যায়

চণ্ডীমণ্ডপ

এগারো

পদ্মের মূর্ছা—ক্রমে মূর্ছার ব্যাধিতে দাঁড়াইয়া গেল।

বক্ষ্যা পদ্মের সবল পরিপুষ্ট দেহখানি কয়েক মাসের মধ্যেই দুর্বল শীর্ণ হইয়া পড়িয়াছে। ঈষৎ দীর্ঘাকী মেয়ে পদ্ম; এই শীর্ণতায় এখন তাহাকে অধিকতর দীর্ঘাকী বলিয়া মনে হয়; দুর্বলতাও বড় বেশী চোখে পড়ে, চলিতে ফিরিতে দুর্বলতাবশত সে যখন কোন কিছুকে আশ্রয় করিয়া দাঁড়াইয়া আত্মসম্বরণ করে, তখন মনে হয় দীর্ঘাকী পদ্ম যেন ধর ধর করিয়া কাঁপিতেছে। বলিষ্ঠ ক্রিপ্রচারিণী পদ্মের প্রতি পদক্ষেপে এখন ক্লান্তি ফুটিয়া ওঠে—ধীর মনঃগতিতে চলিতে চলিতেও তাহার পা যেন কাঁপে। কিন্তু তাহার চোখের দৃষ্টি অস্বাভাবিক প্রথর হইয়া উঠিয়াছে দুর্বল পাণ্ডুর মুখের মধ্যে পদ্মের ডাগর চোখ দুইটা অনিরুদ্ধের সখের শাণিত বগি-দাখানায় আঁকা পিতলের চোখ দুইটার মত ঝকঝক করে; স্ত্রীর চোখের দিকে চাহিয়া অনিরুদ্ধ শিহরিয়া ওঠে।

অনটনের দুঃখের উপর এই দারুণ দুশ্চিন্তায় অনিরুদ্ধ বোধ করি পাগল হইয়া যাইবে। অগ্রহায়ণ পৌষ মাঘ ফাল্গুন এই কয়মাসে সাধ্যমত কিছু করিতে সে বাকী রাখে নাই। জগন ডাক্তার, কঙ্কণার হাসপাতালের ডাক্তার, জংশনের রেলের ডাক্তার—সকলকেই সে দেখাইয়াছে। ডাক্তারের পর কবিরাজ, কবিরাজও দেখানো হইয়াছে।

জগন বলিয়াছে—মূর্ছারোগ।

হাসপাতালের ডাক্তার, রেলের ডাক্তার বলিয়াছে—এ একরকম মূর্ছারোগ। বক্ষ্যা মেয়েদেরই নাকি এ রোগ বেশী হয়।

কবিরাজ বলিয়াছে—বারুরোগ।

পাড়া-পড়শীরা কিন্তু প্রায় সকলেই বলে—দেবরোষ! বাবা বুড়াশিব—মা ভাদ্রাকালীকে উপেক্ষা করিয়া কেহ কোন্ কালে পার পায় নাই! নবাবের ভোগ দেবহলে আনিয়া সে বস্তু তুলিয়া লওয়ার অপরাধ তো সামান্য নয়!

কিন্তু অনিরুদ্ধ গ্রাহ্য করে না। তাহার মত কাহারও সহিত মেলে না। তাহার ধারণা দুষ্ট লোকে তুক করিয়া এমন করিয়াছে। ডাইনী-ডাকিনী বিচার অভাব দেশে এখনও হয় নাই। ছিরুর বন্ধু চন্দ্র গড়াঞী এ বিচারে ওস্তাদ। সে বাণ মারিয়া মানুষকে পাথরের মত পঙ্গু করিয়া দিতে পারে। পদ্মের একটা কথা যে, তাহার মনে অহরহ জাগিতেছে।

প্রথম দিন প্রথম মূর্ছা জগন ডাক্তার ভাঙাইয়া দেওয়ার পর—সেই রাত্রেই ভোরের দিকে পদ্ম ঘুমের ঘোরে একটা চীৎকার করিয়া আবার মূর্ছিত হইয়া পড়িয়াছিল। সেই নিষুতি রাত্রে অনিরুদ্ধ আর জগনকে ডাকিতে পারে নাই, আর সেই রাতে মূর্ছিত পদ্মকে ফেলিয়া তাহার যাওয়ারও উপায় ছিল না। কষ্টে পদ্মের চেতনা সঞ্চা হইলে নিতান্ত অসহায়ের মত পদ্ম তাহাকে জড়াইয়া ধরিয়া বলিয়াছিল—আমার বড় ভয় লাগছে গো!

—ভয়? ভয় কি? কিসের ভয়?

—আমি স্বপ্ন দেখলাম—

—কি? কি স্বপ্ন দেখলি? অমন করে টেঁচিয়ে উঠলি কেনে?

—স্বপ্ন দেখলাম—মস্ত একটা কাল কেউটে আমাকে জড়িয়ে ধরছে।

—সাপ?

—হ্যাঁ, সাপ! আর—

—আর?

—সাপটা ছেড়ে দিয়েছে—ওই মুখপোড়া—

—কে? মুখপোড়া কে?

—ওই শত্রু!—ছিরে মোড়ল। সাপ ছেড়ে দিয়ে

আমাদের সদর দুয়ারের চালাতে দাঁড়িয়ে দাঁড়িয়ে হাসছে।

পদ্ম আবার ধর ধর করিয়া কাঁপিয়া উঠিয়া তাহাকে জড়াইয়া ধরিয়াছিল।

কথাটা অনিরুদ্ধের মনে আছে। পদ্মের অসুখের কথা

মনে হইলেই—ওই কথাটাই তাহার মনে পড়ে। ডাক্তারেরা যখন চিকিৎসা করিতেছিল, তখন মনে হইলেও কথাটাকে সে আমল দেয় নাই। কিন্তু দিন দিন ধারণাটা তাহার মনে বদ্ধমূল হইয়া উঠিতেছে। সে রোজ্জার কথা ভাবিতেছে, অথবা কোন দেবস্থল!

তাহার এই ধারণার কথা বিশেষ কেহ জানে না, পদ্মকেও সে বলে নাই। বলিয়াছে কেবল—মিতা গিরীশ ছুতারকে। জংশনের দোকানে যখন তাহারা যায়, তখন অনেক সুখদুঃখের কথা হয়। অনেক কল্পনাই হুজনে করে। সমস্ত গ্রামই এখন একদিক, তাহাদিগকে জঙ্গ করিবার একটা ধারাবাহিক প্রচেষ্টা চলিতেছে। ছিরু পালকে এখন নামে গ্রামের প্রধান খাড়া করিয়া দেবদাস ঘোষ বসিয়া বসিয়া কল টিপিতেছে। অনিরুদ্ধের সঙ্গে আরও কয়েক জন আছে—জগন ডাক্তার ও পাতু বায়েন। তারাচরণ নাপিতের সঙ্গে হাকামাটা মিটিয়া গিয়াছে। গ্রামের লোকেই মিটাইতে বাধ্য হইয়াছে, কারণ সামাজিক ক্রিয়াকলাপে নাপিতের প্রয়োজন বড় বেশী। জাতকর্ষ হইতে শ্রীক পৰ্য্যন্ত প্রতিটি ক্রিয়ায় নাপিতকে চাইই। তারাচরণ এখন নগদ পয়সা লইয়াই কাজ করিতেছে, রোট অবশ্য বাজারের রেটের অর্ধেক, কেবল দাড়ি-গোঁফ কামাইতে এক পয়সা, চুল কাটিতে দু'পয়সা, চুলকাটা এবং কামানো একসঙ্গে হইলে তিন পয়সা। অল্পদিকে সামাজিক ক্রিয়া-কলাপে নাপিতের প্রাপ্যও কমিয়া গিয়াছে। নগদ বিলায় ছাড়া—চাল কাপড় ইত্যাদি যে পাওনা নাপিতের ছিল, সেটার দাবী নাপিত পরিত্যাগ করিয়াছে। তারাচরণ নাপিত ঠিক কোন দিকেই নয়, অনেকটা নিরপেক্ষ ব্যক্তি। জগন—অথবা অনিরুদ্ধ বা গিরীশ জিজ্ঞাসা করিলে চুপি চুপি সে গ্রামের লোকের সকল পরামর্শের কথাই বলিয়া যায়। আবার অনিরুদ্ধ জগন গিরীশের সংবাদ গ্রামের লোক জিজ্ঞাসা করিলে তাও কিছু কিছু বলে। এ স্বভাবটা তাহার নূতন নয়, চিরকালের; শুধু তাহারই বা কেন—এ স্বভাবটা তাহাদের জাতিগত। রাজ্যের সংবাদ তাহাদের নখদর্পণে। ধনী দরিদ্র সকলের ঘরেই তাহাদের যাওয়া-আসা নিয়মিত সপ্তাহে দুই দিন বা এক দিন আছেই; রাসকে কামাইতে বসিয়া শ্রামের বাড়ীর গল্প করে, বহুর বাড়ীতে গিয়া গল্প করে রামের। তবে তারাচরণের আকর্ষণ

অনিরুদ্ধ গিরীশ জগনদের দিকেই একটু বেশী। পাতুর সহিত সম্বন্ধ তাহার নাই। কিন্তু জগনকে দরকার অসুখ-বিসুখ, অনিরুদ্ধকে প্রয়োজন কুর নরুণের জন্ত—এ ছাড়াও তারা-নাপিত জংশনে গিয়া কুর ভাঁড় লইয়া হাটের পাশেই একটা গাছতলায় বসিতে আরম্ভ করিয়াছে। পাঁচখানা গ্রামে তাহার যজ্ঞমান আছে, তাহার মধ্যে তিনখানার কাজ একেবারে ছাড়িয়া দিয়াছে। বাকী দুইখানার একখানি নিজের গ্রাম—অপরখানি মহগ্রাম। মহগ্রামের ঠাকুর মশায় বলেন মহাগ্রাম, এই ঠাকুর মহাশয় শিবশেখর স্মারতীর্থ জীবিত থাকিতে ও গ্রামের কাজ ছাড়া অসম্ভব। স্মারতীর্থ সাক্ষাৎ দেবতা। এই দুইখানা গ্রামে দুদিন বাদে—সপ্তাহের পাঁচদিন সে অনিরুদ্ধ গিরীশের সঙ্গে সকালে উঠিয়া জংশনে যায়। এই যাওয়া আসার জন্তও বটে এবং আরও একটা অকারণ গোপন সহায়ভূতি তারাচরণ অনিরুদ্ধ গিরীশ এবং জগনের জন্ত অসুখ করে—যাহার জন্ত আকর্ষণ একটু ইহাদের দিকেই বেশী।

পদ্মের অসুখ সম্বন্ধে নিজের ধারণার কথা অনিরুদ্ধ গিরীশকে বলিলেও তারাকে বলে নাই। তারাচরণকে তাহারা জানে—সে যেমন তাহাদের সম্পূর্ণরূপে ষোগ দেয় নাই, তেমনি তাহারাও তাহাকে হৃদয়ের সঙ্গে গ্রহণ করে নাই।

কিন্তু তারাচরণ অনেক সন্ধান রাখে, ভাল রোজা, জাগ্রত দেবতার অথবা শ্রেত দানার স্থান, যেখানে ভয় হয়—এ সবের সন্ধান তারা নাপিত দিতে পারে। অনিরুদ্ধ ভাবিতেছিল—তারা নাপিতকে কথাটা বলিবে কি না!

সেদিন মনের আবেগে অনিরুদ্ধ কথাটা তারাচরণের পরিবর্তে বলিয়া ফেলিল জগন ডাক্তারকে। ষিপ্রহরে জংশনের কামারশালা হইতে ফিরিয়া অনিরুদ্ধ দেখিল, পছ মুচ্ছিত হইয়া পড়িয়া আছে। কখন যে মুচ্ছা হইয়াছে—হে জানে! মুখে চোখে জল দিয়াও চেতনা হইল না। কামারশালায় তাতিয়া পুড়িয়া এতটা আসিয়া অনিরুদ্ধ মেজাজ ভাল ছিল না। বিরক্তিতে ক্রোধে সে কাণ্ডজা হারাইয়া ফেলিল। জলের ঘটটা ফেলিয়া দিয়া—পছে চুলের মুঠি ধরিয়া সে নিষ্ঠুরভাবে আকর্ষণ করিল। কি পদ্ম অসাড়। চুল ছাড়িয়া দিয়া তাহার মুখের দিকে চাহি

ধাকিতে ধাকিতে অনিরুদ্ধের বুকের ভিতরটা কামার  
আবেগে ধর ধর করিয়া কাঁপিয়া উঠিল। সে পাগলের মত  
ছুটিয়া গিয়া ডাকিয়া আনিল জগন ডাক্তারকে। জগনের  
ভেতী ওষুধের ঝাঁবে পদ্ম অচেতন অবস্থাতেই বারকয়েক  
মুখ সরাইয়া লইয়া—অবশেষে গভীর একটা দীর্ঘনিশ্বাস  
ফেলিয়া চোখ মেলিল।

ডাক্তার বলিল—এই চেতন হয়েছে। কাঁদছিস কেন তুই ?

অনিরুদ্ধের চোখ দিয়া দরদর ধারে জল পড়িতেছিল।  
সে ক্রন্দনজড়িত কণ্ঠেই বলিল—আমার অদেষ্ট দেখুন দেখি  
ডাক্তার! আশুন তাতে পুড়ে এই এককোশ দেড়কোশ  
এসে আমার ভোগান্তি দেখুন দেখি!

ডাক্তার বলিল—কি করবি বল ? রোগের ওপর তো  
হাত নেই! এ তো আর কেউ ক'রে দেয় নাই।

অনিরুদ্ধ আজ আর আত্মসম্বরণ করিতে পারিল না,  
সে বলিয়া উঠিল—মানুষ। মানুষেই ক'রে দিয়েছে ডাক্তার;  
আর আমার এতটুকু সন্দেহ নাই। রোগ হ'লে এত ওষুধ  
এত পত্র—একটুকু বারণ শোনে না! এ মানুষের কীর্তি।

জগন ডাক্তার হইলেও প্রাচীন সংস্কার একেবারে  
ভুলিতে পারে নাই, রোগীকে মকরধ্বজ এবং ইনজেকশন  
দিয়াও সে দেবতার চরণোদকের উপর ভরসা রাখে, সে  
অনিরুদ্ধের মুখের দিকে চাহিয়া বলিল—তা যে না হ'তে  
পারে, তা নয়। ডাইনী ডাকিনী দেশ থেকে একবারে  
যায় নাই। কিন্তু ডাক্তারে তো তা বিশ্বাস করে না।  
ওরা বলে—

বাধা দিয়া অনিরুদ্ধ বলিল—বলুক। এ কীর্তি ওই  
হারামজাদা ছিরের। ক্রোধে ফুলিয়া সে এতখানি  
হইয়া উঠিল।

সবিস্ময়ে জগন প্রশ্ন করিল—ছিরের ?

—হ্যাঁ, ছিরের! ক্রুদ্ধ আবেগে অনিরুদ্ধ সেই স্বপ্নের  
কথাটা আত্মপূর্বিক ডাক্তারকে বলিয়া বলিল—ওই যে  
চন্দ গড়াঞী, ছিরে শালার প্রাণের বন্ধু—ও শালা ডাকিনী  
বিড়ে জানে। যোগী গড়ায়ের বিধবা মেয়েটাকে কেমন  
বশীকরণ ক'রে বের ক'রে নিলে—দেখলেন তো! ওকে  
দিয়েই এই কীর্তি করেছে ছিরে!

গভীর চিন্তায় নিমগ্ন হইয়া গেল জগন, কিছুক্ষণ পর  
বার ছুই বাড় নাড়িয়া বলিল—হঁ।

ক্রোধে অনিরুদ্ধের ঠোঁট দুইটা ধর ধর করিয়া  
কাঁপিতেছিল, সে কোন উত্তর দিল না। পদ্ম এই কথা-  
বার্তার মধ্যে উঠিয়া বসিয়াছিল; দেওয়ালে ঠেস দিয়া  
বসিয়া সে হাঁপাইতেছিল। অনিরুদ্ধের ধারণার কথাটা  
শুনিয়া সে বিস্ময়ে স্তম্ভিত হইয়া গেল। সেদিনের স্বপ্নটা  
আত্মপূর্বিক তাহার মনশ্চক্ষে ভাসিয়া উঠিল। সেই কালো  
সাপটা, দৈত্যের মত ছিঁকু পালের হাশুবীভৎস মুখ, মনে  
পড়িয়া সে শিহরিয়া উঠিল। সন্ধে সন্ধে মনে হইল, তাহার  
বগি-দাখানার কথা। কোথায় সেখানা ?

জগন আবার বলিল—তাই তুই দেখ্ অনিরুদ্ধ; রোজা-  
কি দানা হ'লেই ভাল হয়! তারপর সহসা বলিল—দেখ্,  
একটা কথা কিন্তু আমার মনে হচ্ছে, দেখিস তুই এ ঠিক  
ক'লে যাবে। নিজের বাণে বেটা নিজেই মরবে।

অনিরুদ্ধ স্থির দৃষ্টিতে জগনের মুখের দিকে চাহিয়া  
রহিল। জগন বলিল—সাপের স্বপ্ন দেখলে কি হয়  
জানিস ?

—কি ?

—বংশ বৃদ্ধি হয়, ছেলে হয়। তোদের কপালে ছেলে  
নাই, কিন্তু ছিরে নিজে যখন সাপ ছেড়েছে, তখন ওই  
বেটার ছেলে ম'রে—তোর ঘরে এসে জন্মাবে। তোরা  
নাই, কিন্তু ও নিজে থেকে দিয়েছে।

জগনের এই বিচিত্র ব্যাখ্যা শুনিয়া অনিরুদ্ধ বিস্ময়ে  
প্রায় স্তম্ভিত হইয়া গেল; চোখ দুইটা তাহার বিস্ফারিত  
হইয়া উঠিয়াছিল, সে জগনের মুখের দিকে স্থিরদৃষ্টিতে  
চাহিয়া রহিল। তাহার দৃষ্টি দেখিয়া জগন বিজ্ঞভাবে  
মৃদু হাসিয়া বলিল—দেখিস, আমি ব'লে রাখলাম! এর  
পরে আমাকে বলিস।

পদ্মের মাথার ঘোমটা অল্প সরিয়া গিয়াছে, সেও স্থির  
বিচিত্র দৃষ্টিতে চাহিয়াছিল সন্মুখের দিকে। তাহার মনে  
পড়িয়া গেল—ছিঁকুর শীর্ণ গৌরবর্ণা স্ত্রীর কথা। তাহার  
চোখ মুখের মিনতি, তাহার সেই কথা—‘আমার ছেলে  
ছুটিকে যেন গাল দিয়ো না ভাই! তোমার পারে ধরতে  
এসেছি আমি।’

জগন ও অনিরুদ্ধ কথা বলিতে বলিতে বাহিরে চলিয়া  
গেল। জগন বলিল—চিকিৎসে অবিশ্বি এর তেমনি কিছু  
নাই। তবে মাথাটা একটু ঠাণ্ডা থাকে, এমনি একটা

কিছু চলুক। আর তুই বাপু, একবার সাওগ্রামের শিবনাথ-তলাটাই না হয় ঘুরে আয়। শিবনাথতলার নাম ডাক তো খুব!

শিবনাথতলার ব্যাপারটা ভৌতিক ব্যাপার। কোন পুত্রহারা শোকাক্তা মায়ের অবিরাম কান্নায় বিচলিত হইয়া নাকি তাহার মৃত পুত্রের প্রেতাঙ্গা নিত্য সন্ধ্যায় মায়ের কাছে আসে। অন্ধকার ঘরের মধ্যে তাহার মা খাবার রাখিয়া দেয়, আসন পাতিয়া রাখে, প্রেতাঙ্গা আসিয়া সেই ঘরে বসিয়া মায়ের সঙ্গে কথাবার্তা বলে। সেই অবসরে নানা স্থান হইতে লোকজন আসিয়া রোগ দুঃখ অভাব অভিযোগ প্রেতাঙ্গার কাছে নিবেদন করে, প্রেতাঙ্গা সে সবে প্রতিকারের উপায় বলিয়া দেয়।

অনিরুদ্ধ বলিল—তাই দেখি।

—দেখি নয়, শিবনাথতলাতেই যা তুই। দেখ না কি বলে!

একটা গভীর দীর্ঘনিশ্বাস ফেলিয়া অনিরুদ্ধ একটু হাসিল—ম্নান হাসি। বলিল—এদিকে যে দেওয়ালে পিঠ ঠেকেছে ডাক্তারবাবু, এগিয়ে যাই কি করে!

ডাক্তার অনিরুদ্ধের মুখের দিকে চাহিল, অনিরুদ্ধ বলিল—আমার পুঁজি ফাঁক হয়ে গেল ঘোষমশাই, বর্ষাতে হয়তো ভাত জুটবে না। বাকুড়ির ধান মূলে-চুলে গিয়েছে, গাঁয়ের ধান লোকে দেয় নাই, আমিও চাইতে যাই নাই; তার ওপর মাগীর রোগে কি খরচটা গেল, তা তো আপনি সবই জানেন! শিবনাথের স্তনেছি বেজায় ধাঁই।

প্রেত-দেবতা শিবনাথ রোগ দুঃখের প্রতিকার করিয়া দেয়—কিন্তু বিনিময়ে তাহার মাকে মূল্য দিতে হয়। সেটা হাজির করিতে হয় প্রথমেই।

জগন বলিল—পাঁচ দশ টাকা হ'লে না হয় কোন রকমে দেখতাম অনিরুদ্ধ, কিন্তু বেশী হ'লে তো—

অনিরুদ্ধ উচ্ছ্বসিত হইয়া উঠিল—ডাক্তারের অসমাপ্ত কথার উত্তরে সে বলিয়া উঠিল, তাতেই হবে ডাক্তারবাবু, তাতেই হবে; আরও কিছু আমি ধার-ধোর ক'রে চালিয়ে নোব। গিরীশের কাছে কিছু নোব, আর আপনার দুগ্গার কাছে—

ডাক্তার ক্র-কুণ্ঠিত করিয়া প্রশ্ন করিল—দুগ্গা?

অনিরুদ্ধ এবার হাসিয়া ফেলিল, তারপর মাথা চুলকাইয়া একটু লজ্জিতভাবেই—পেতো মুচির বোন দুগ্গা।

চোখ দুইটা বড় করিয়া ডাক্তারও এবার হাসিল—ও! তারপর আবার প্রশ্ন করিল—ছুঁড়ির হাতে টাকাকড়ি আছে, নয়?

—আছে। শালা ছিরের অনেক টাকা ও নিয়েছে। তা ছাড়া কঙ্কণার বাবুদের কাছে ও বেশ পায়। পঁচ টাকার কমে হাঁটেই না।

—ছিরের সঙ্গে নাকি এখন গোলমাল হয়েছে সুনলাম? চোখ দুইটা বড় বড় করিয়া অনিরুদ্ধ বলিল—বাড়ী চুকতে দেয় না। আমার কাছে একখানা বগি-দা করিয়ে নিয়েছে; বলে—খ্যাপা কুকুরকে বিশ্বাস নাই। রাত্রে সেখানা হাতের কাছে নিয়ে ঘুমোয়।

—বলিস কি?

—আজ্ঞে হ্যাঁ!

—কিন্তু, কেন বল দেখি?

ঠোট দুইটা টিপিয়া চোয়াল পর্য্যন্ত বিস্তৃত করিয়া অনিরুদ্ধ কেবল কয়েকবার ঘাড় নাড়িয়া দিল—অর্থাৎ সে কারণটা কোন ক্রমেই জানা যায় নাই।

ডাক্তারও এবার চুপ করিয়া রহিল, সেও মনে মনে কারণটা অনুমান করিবার জন্তই চিন্তিত হইয়া পড়িল। অনিরুদ্ধও অকস্মাৎ গভীর হইয়া উঠিল—সে মনে মনে অধীর হইয়া উঠিতেছে টাকাকড়ির প্রতিশ্রুতির জন্ত। গিরীশের এখন কাজের মরসুমের সময়, তাহার কাছে গোটা পাঁচেক খুব পাওয়া যাইবে, আর দুর্গার কাছে গোটা পাঁচেক। শুধু-হাতে দুর্গা একটি পয়সা কাহাকেও দেয় না, তবে ওই দা-খানা গড়ানো লইয়া অনিরুদ্ধের সহিত ইদানীং কিছুখানি হস্ততা তাহার হইয়াছে।

আজকাল দুর্গা জংশনে প্রায় নিত্যই যায় দুধের যোগান দিতে, ফিরিবার পথে অনিরুদ্ধের কামারশালায় একটি বিড়ি খাইয়া আসে, সরস হাশু পরিহাসে কথা-কাটাকাটি করে; অনিরুদ্ধও সকালে বিকালে জংশন যাওয়া-আসার পথে দুর্গার বাড়ীর সম্মুখ দিয়াই যায়, দুর্গাও একটি করিয়া বিড়ি দেয়; বিড়ি টানিতে টানিতে দাঁড়াইয়াই দুই-চারিটা কথাবার্তা হয়। দাখানাকে উপলক্ষ করিয়া হস্ততাটুকু অন্নদিনের মধ্যেই বেশ ঘন হইয়া উঠিয়াছে। মধ্যে একদিন

লোহা কিনিবার একটা গুরুতর প্রয়োজনে—টাকার অভাবে অনিরুদ্ধ বিব্রত হইয়া চিন্তিত মুখেই কামারশালায় বসিয়া ছিল, সেদিন দুর্গা আসিয়া প্রশ্ন করিয়াছিল—এমন ক'রে ব'সে কেন হে ?

দুর্গাকে বিড়ি দিয়া নিজেও একটা বিড়ি ধরাইয়া অনিরুদ্ধ কথায় কথায় সকল কথাই খুলিয়া বলিয়াছিল ; দুর্গা সঙ্গে সঙ্গেই আঁচলের খুঁট খুলিয়া দুইটা টাকা বাহির করিয়া তাহাকে দিয়া বলিয়াছিল—চারদিন পরেই কিস্তক দিতে হবে তাই।

অনিরুদ্ধ সে টাকাটা চারদিন পরেই দিয়াছিল। দুর্গা সেদিন হাসিয়া বলিয়াছিল—সোনার চাঁদ খাতক আমার !

সেই কারণেই প্রত্যাশা আছে—দুর্গা কোন কিছু বন্ধক না লইয়াই হয় তো পাঁচটা টাকা দিবে। এখন জগনের প্রতিশ্রুতিটা পাইলেই হয়। সে গস্তীর হইয়া পায়ের আঙুল দিয়া পথের উপর দাগ কাটিতেছিল। কিছুক্ষণ পর ঈষৎ ছলিতে ছলিতে বলিল—তা হ'লে হ্যাঁ গো ডাক্তারবাবু—

সচেতন হইয়া ডাক্তার বলিল—ছিরে তা হ'লে আর কারও সঙ্গে মজল না কি ?

অনিরুদ্ধ বলিল—দশটা টাকা হ'লেই আমার হবে।

ডাক্তার গস্তীর হইয়া গেল।

—তা হ'লে কবে দেবেন ?

—আমাকে কিস্ত শীগগির দিতে হবে বাপু !

—নিশ্চয় ! সে আপনি নিশ্চিন্ত থাকুন। মাথায় ক'রে টাকা আমি দিয়ে আসব আপনার।

—হ্যাঁ। সেই কথা তুই ভাল ক'রে বুঝে দেখ। এক মাসের মধ্যেই কিস্ত—

—নিশ্চয় ; আজ্ঞে নিশ্চয়। অনিরুদ্ধ মুখের হইয়া উঠিল।

—আর কলের কাজটা যদি হয়ে যাচ্ছে আজ্ঞে—তবে—পনরো দিনের মধ্যে, পার হতে দোব না পনরো দিন—দেখবেন আপনি।

—কল ? কলে কি কাজ ?

—ফিটারের কাজ আজ্ঞে। সেদিন আগরওয়ালার মিলে কল খারাপ হয়েছিল, ইঞ্জিন আর চলে না। একটা বণ্টু খারাপ হয়েছিল—সেটা আর কিছুতেই কেটে বার করতে পারে নাই ওদের মিস্ত্রী। আমি মশায় বার ক'রে

দিয়েছিলাম। তাই আগরওয়ালার মশাই বলেছেন, কলে কাজ কর তুমি। অনিরুদ্ধের মুখ উদ্ভাসিত হইয়া উঠিল।

ডাক্তার গস্তীরভাবেই বলিল—আচ্ছা, তা হ'লে কাল ঘাস একসময়। আমি চলি এখন।

জগন চলিয়া গেল।

অনিরুদ্ধবাড়ীর মধ্যে ফিরিয়া দেখিল—পদ্ম তেমনিভাবেই বসিয়া আছে। তাহাকে আর কিছু বলিল না, কতকগুলো কাঠকুটা উনানের মুখে আনিয়া উনান ধরাইতে বসিল। রান্না করিতে হইবে। তাহার পর ছুটিতে হইবে জংশনে। রাজ্যের কাজ বাকী পড়িয়াছে !

পদ্ম কাহাকে ধমক দিতেছে—বা !

অনিরুদ্ধ ফিরিয়া চাহিল, কিন্তু কেহ কোথাও নাই, কাক কি কুকুর কি বিড়াল, তাও কোথাও নাই। সে ভ্রু কুঞ্চিত করিয়া প্রশ্ন করিল—কি ?

পদ্মও উত্তরে প্রশ্ন করিল—কি ?

অনিরুদ্ধ একেবারে খেপিয়া গেল, বলিল—খেপেছিস না কি তুই ? কিছু কোথাও নাই, ধমক দিচ্ছিস কাকে ?

পদ্ম এবার লজ্জিত হইয়া পড়িল ; শুধু লজ্জিতই নয় একটু অধিক মাত্রায় সচেতন হইয়া সে ধীরে ধীরে উঠিয়া উনানশালে আসিয়া বলিল—সর ; আমি এইবার পারব। তুমি যাও চান ক'রে এস।

অনিরুদ্ধ কিছুক্ষণ তাহার মুখের দিকে চাহিয়া থাকিয়া উঠিয়া গেল। আর সে পারিতেছে না।

তাহার অনুপস্থিতিতে যদি পদ্মের রোগ উঠিয়া পড়ে ! সে বিধাগ্রস্ত হইয়া দাঁড়াইল। পড়ে পড়ুক, সে আর পারে না !

পদ্ম রান্না চাপাইল। ভাতের সঙ্গে কতকগুলো আলু একটা ঝাকড়ায় বাঁধিয়া কতগুলি মসুরীর ডাল ফেলিয়া দিয়া চূপ করিয়া বসিয়া রহিল।

অনিরুদ্ধ ঝানে গিয়াছে। বাড়ীতে কেহ কোথাও নাই। নিৰ্জন-নিঃসঙ্গ অবস্থায় আজ অহরহ মনে হইতেছে তাহার স্বপ্নের কথাগুলি, ডাক্তারের কথাগুলি। ছিরু পালের বড় ছেলেটা তাহার মাকে কি ভালই না বাসে !

ওই—ওই কি আসিবে ?

ধবক ধবক করিয়া তাহার হৃদপিণ্ড স্পন্দিত হইয়া উঠিল। সঙ্গে সঙ্গে মনে হইল ছেলেটির শীর্ণ গৌরাজী মা পদ্মের



দিকে মিনতিভরা চোখে চাহিয়া আছে। পদ্ম একটা গভীর দীর্ঘনিশ্বাস ফেলিল। পাল-বধুর সন্তান গেলে আবার হইবে। আট নয়টি সন্তান তাহার হইয়াছে। আবার নাকি সে সন্তান-সন্তান!

পদ্ম অকস্মাৎ চঞ্চল হইয়া উঠিল। ছিঁকু পাল বীভৎস হাসি হাসিতেছে তাহার মনশ্চক্ষুর সন্মুখে দাঁড়াইয়া! উনানে আঙুন বেশ প্রথর শিখাতেই জলিতেছিল, তবুও সে কাঠগুলাকে ঠেলিয়া দিয়া বলিল—আঃ ছি—ছি!

তারপরই সে ডাকিল পোষা বিড়ালটাকে—মেনী, মেনী, আঃ—আঃ! পুষি!

ছেলে না হইলে ঘর, না—মেয়ের জীবন! একটি শিশু থাকিলে কত আবোল-তাবোল সে বকিত! গল্পে যে সেই বলে—পোড়াকপালী বলিয়া বন্দ্য রাজরাণীর ভিক্ষা সন্ন্যাসী লয় নাই, সে মিথ্যা কথা নয়। নিঃসন্তানীর মুখ দেখিতে নাই।

বারো

জগন ঘোষ কামাইতে বসিয়া কণাটা বলিয়া ফেলিল তারা নাপিতকে।

কামাইতে বসিয়া তারাচরণ কথা কয় মৃদু স্বরে, গোপন-কথা-বলার বেশ একটি ভঙ্গি থাকে। জগন বলিল—তুই একটু সন্ধান নিতে পারিস তারা?

বাটি হইতে জল লইয়া দাড়িতে ঘষিতে ঘষিতে তারা বলিল—সে কি আর বলবে ছিঁকু পাল? তবে—

জগন ক্ষুরের মুখে আত্মসমর্পণ করিয়াও যথাসাধ্য তীর্থ্যক ভঙ্গিতে তারার মুখের দিকে চাহিয়া বলিল—তবে?

হাসিয়া তারা বলিল—রঙের মুখ হ'লে বলতে পারে।

—তোমার সঙ্গে রঙ চলে নাকি?

তারাচরণ একটু লজ্জিত লইল। সোজা উত্তর না দিয়া আরও একটু হাসিয়া বলিল—এই দিন কয়েক সবুর করুন। রঙ-ফিষ্টি একদিন ভাল ক'রেই করবে ছিঁকু।

আড়ষ্টভাবেই হাসিয়া ডাক্তার বলিল—তুমি বেটা আছ বেশ। ঝোলে, ঝালে, অম্বলে, আঁশ নিরিমিষ সবই আছ আলুর মত! আঃ—বেজায় কর-করে তোমার ক্ষুর—তারা। জলে গেল!

ডাক্তারকে ছাড়িয়া শিলের উপর ক্ষুরটা টানিতে

টানিতে তারাচরণ বলিল—হ্যাঁ, ক্ষুরে সান না দিলে আর চলছে না।

—কিন্তু ব্যাপার কি বল তো? ফিষ্টি কিসের?

—জমিদারের গমস্তাগিরি নিচ্ছে ছিঁকু।

—গমস্তাগিরি? ডাক্তার চমকাইয়া উঠিল।

আঙুল দিয়া ক্ষুরের ধার পরীক্ষা করিয়া তারাচরণ, ডাক্তারের মুখে আবার জল ঘষিতে ঘষিতে বলিল—হরুঠাকুর কলকাতা থেকে—নতুন একরকম ক্ষুর কিনে আনিয়াছে, সব খোলা—প্যাচ দিয়ে আঁটতে হয়—পাতলা এইটুকুন ইম্পাতের পাত-লাগানো থাকে, 'সেফ্টি' ক্ষুর না কি বলছে! চোখ বুঁজে কামানো হয়। নাপিতের ধার আর ধারবে না। মাথায় চুল রাখছে। সেই দিনের সেই রাগ, বুঝেছেন! তা টাকাও লেগেছে তেমনি—পাঁচ সাত টাকা খরচ প'ড়ে গিয়েছে। এর ওপর নাকি—ওই ইম্পাতের পাত—দু-তিন দিন অন্তর কিনতে হবে; তাও দাম ছপয়সা দু আনা!

—ছিঁকু পাল গমস্তাগিরি নিচ্ছে? ডাক্তার আবার প্রশ্ন করিল। হরুঠাকুরের প্রসঙ্গে তাহার মন আকৃষ্ট হইল না।

—হ্যাঁ। এই চোত কিস্তি থেকেই আদায় করবে। কথা পাকা হয়ে গিয়েছে।

—ও শালা গমস্তাগিরির জানে কি? চাষার ঘরের গাধা, আঁকাট মুখা!

—লোক রেখে আদায় করবে। দেবু ঘোষ কাগজপত্র রাখবে।

ডাক্তার হাত দিয়া তারাচরণের ক্ষুরসুদ হাতখাট সরাইয়া দিয়া এবার উত্তেজিতভাবে হাত মুখ নাড়িয়া বলিল উঠিল—জমিদার ওই লোককে গমস্তাগিরি দিচ্ছে? আজ আমি পত্র লিখব—জমিদারকে।

জগনের চিবুকটা আবার করতলগত করিয়া ক্ষুর টানি টানিতে তারাচরণ সম্ভরণে বার দুয়েক ঘাড় নাড়ি বলিল—কিছু হবে না আজ্ঞে।

—কেন?

—জমিদার নিজে সেধে দিচ্ছে গমস্তাগিরি। আঃ হোক না হোক—ছিঁকুকে মহালের ডোলের টাকা পুরিয়ে দি হবে। বকেয়া আদায় হ'লে সুদ সমেত ছিঁকু নেবে।

ডাক্তার স্তম্ভিত হইয়া গেল। সমস্ত গ্রামটাই ছি

জমিদারী হইয়া দাঁড়াইল যে! জমিদার নামে রহিল মাত্র, ছিরুর হাতে সমস্ত সমর্পণ করিয়া কেবলমাত্র মুনাফা-ভোগী হইয়া রহিল।

কামানো শেষ করিয়া শিলের উপর ক্ষুর সানাইতে সানাইতে তারা বলিল—একছত্র হ'ল এখন ছিরু। গাঁয়ের—

জগন ফাটিয়া পড়িল—তারাচরণকে বাধা দিয়া দৃপ্তকণ্ঠে বলিয়া উঠিল—একছত্র! একছত্র কিসের রে? গবর্ণমেন্টের গমস্তা হ'ল জমিদার, তার গমস্তা—ছুঁচোর গোলাম চামচিকে! খাজনা নেবে রসিদ দেবে, তার আবার একছত্র কিসের রে? একছত্র! ডাক্তার ক্রুদ্ধ সাপের মত নিশ্বাস ফেলিতে আরম্ভ করিল।

তারাচরণ ডাক্তারকে ভাল করিয়াই জানে, সে আর একটিও কথা বলিল না। কোন কিছু বলিলেই এখন বিপদ। ডাক্তারকে সমর্থন করিলে এখনি হয়তো ডাক্তার নিজের কথাই প্রতিবাদ করিয়া গ্রামের লোকের আসন্ন সর্কনাশের সম্ভাবনা প্রমাণ করিতে বসিবে। সে ক্ষুর ভাঁড় গুটাইয়া লইয়া উঠিয়া দাঁড়াইল—মৌ-গাঁয়ে যেতে হবে আজ্ঞে! ঠাকুরমশায়ের নাতি এসেছেন, চুল কাটবেন ব'লে পাঠিয়েছেন।

—ঠাকুরমশায়ের নাতি কলকাতায় পড়ে না?

—আজ্ঞে হ্যাঁ। এম-এ পড়ছেন।

—কলকাতা থেকে এসে এখানে চুল কাটবে? জগন বিস্মিত হইয়া গেল।

তারাচরণের মুখ শ্রদ্ধায় ভরিয়া উঠিল, বলিল - কাপড়-চোপড় চুলকাটা—ইড্ডিং-ফিড্ডিং এ সবে দিকে তাঁর খেয়ালই নাই। খালি পড়া—পড়া—আর পড়া! বিদ্বান পণ্ডিতের বংশ, নিজে বিদ্বান। ছ টাকা দামের ক্ষুরও নাই, গরীবের ওপর রাগও নাই। ঔদের বাড়ীতে তো আমি কখনও পয়সা চাই না, তা ঠাকুর মশায় বছরের শেষে ধানটি ঠিক ডেকে দেবেন। আর খোকাবাবু যখন চাই—

—রগদ পয়সা দেন।

জগন কেবল বলিল—হুঁ।

তারাচরণ রাস্তায় নামিয়া পড়িল।

জগন ভুরু কুঁচকাইয়া ক্রুদ্ধ গম্ভীর মুখে সন্মুখের দিকে গহিয়া বসিয়া রহিল। ছিরু পাল গমস্তাগিরি লইয়া যে গ্রামের সর্কনাশ করিবে, তাহাতে তাহার সন্দেহ নাই।

ছিরুর সহিত যোগ দিয়াছে দেবদাস। লোকটার কুটবুদ্ধির পরিমাপ করা যায় না। এই তো সেদিন দিন কয়েকের জন্ত তাহার সহিত মিত্রতা করিয়া নবান্নের দিন মুহুর্তের সুযোগে ছিরুর সহিত ভিড়িয়া গেল। সাক্ষাৎ শয়তান তাহাতে সন্দেহ নাই। খাজনা লইয়া রসিদ দিবে না, নিরক্ষরকে কম টাকার রসিদ দিবে। সুদের সুদ তস্ত সুদ টানিয়া প্রজার সর্কনাশ করিবে। যাহাদের সহিত বিবাদ আছে, তাহাদের খাজনা না লইয়া বৎসর বৎসর নাশি করিবে। তারাচরণ বলিয়া গেল—জমিদার ছিরুকে সাধিয়া গমস্তাগিরি দিতেছে! জমিদারকে অহুরোধ জানাইয়া কোন ফল নাই। জগন একটা দীর্ঘনিশ্বাস ফেলিল।

মাহুষের যখন লক্ষী ছাড়ে, পতনের সময় হয়, তখন এমনি করিয়াই বুদ্ধিব্রংশ যে হইতেই হইবে। নতুবা এ গ্রামের জমিদার-বংশটির ঞ্চায়পরায়ণ এবং প্রজাপালক বলিয়া খ্যাতি তো অনেক দিনের—তাহাদের এ দুর্শক্তি হইবে কেন? প্রজারা পুরা খাজনা দিতে পারিতেছে না ইহা সত্য, বাজারও অগ্নিমূল্য হইয়া উঠিয়াছে ইহাও সত্য—কিন্তু সে কি প্রজার ইচ্ছাকৃত? ছয় টাকা জোড়া কাপড়, নূনের দর দ্বিগুণ, পাঁচ আনা সেরের তেলের দর বারো আনায় গিয়া ঠেকিয়াছে—এই বাজারে প্রজার দিকে দৃষ্টিপাত করিলে না—তুমি কিসের জমিদার?

ডাক্তার উত্তেজিত হইয়া উঠিয়া দাঁড়াইল। এ আইনের যুগে অন্য় করিয়া কাহারও পার নাই। লাটসাহেবের আইন-সভায় দেশবন্ধু চিত্তরঞ্জন মুখের উপর কড়া কড়া কথা শুনাইয়া দেয়। সুতরাং ছিরু গমস্তা হিসাবে অন্য় করিলে—এস-ডি-ওর কাছে দরখাস্ত করিলে—একা ছিরু নয়, সঙ্গে সঙ্গে জমিদারও বাদ যাইবে না। প্রচণ্ড উত্তেজনায় ভাবী কালের যুদ্ধকে—একেবারে চোখের সন্মুখে রূপায়িত করিয়া ডাক্তার যুদ্ধোত্তের মতই দৃঢ় পদক্ষেপে পদচারণা আরম্ভ করিল।

ডাক্তারের কল্পনা আরও কতদূর অগ্রসর হইত কে জানে—কিন্তু ঠিক এই সময়েই, চণ্ডীমণ্ডপের পাশে রাস্তাটা যেখানে এই মুখেই মোড় ফিরিয়াছে, সেই মোড়ের মাথায় স্ত্রীলোকের ভয়ানক বিলাপে চকিত হইয়া ডাক্তার সেই দিকে ফিরিয়া চাহিল। হরেন্দ্র ঘোষালের মা কাঁদিতেছে—সঙ্গে হরেন্দ্র বাঁ হাতে একটা ঞ্চাকড়া বাঁ-গালে চাপা দিয়া এই

দিকেই আসিতেছে। ইস! ঞ্চাকড়াটা রক্তে ভিজিয়া একেবারে লাল হইয়া গিয়াছে! তাহারা আসিয়া তাহারই ডাক্তারখানার সম্মুখে থামিল। হরেন্দ্রের মা উচ্ছ্বসিত হইয়া কাদিয়া উঠিল—ওগো বাবা, সর্বনাশ হয়েছে গো; হরেন্দ্র আমার খুন হ'ল গো। এই দেখ গো!

হরেন্দ্রের কথা বলিবার শক্তি বোধ হয় ছিল না, সে বিনা বাক্যব্যয়ে—গালের ঞ্চাকড়াটা খুলিয়া ফেলিল। ডাক্তার দেখিল নখের আঁচড়ের মত সারি সারি গভীর ক্ষতচিহ্ন, একেবারে কানের পাশ হইতে ঠোঁটের পাশ পর্যন্ত নামিয়া আসিয়াছে; যেন শাণিত লোহার চিরুণি দিয়া কেহ আঁচড়াইয়া দিয়াছে। জগন শিহরিয়া বলিয়া উঠিল—এ-হে-হে! এ রকম কি ক'রে কাটল?

আড়ষ্ট মুখে হরেন্দ্র কি বলিল, বোঝা গেল না। হরেন্দ্রের মা হাউমাউ করিয়া—একটা সেফ্‌টা রেজার দেখাইয়া বলিল—এতেই বাবা, এতেই। একমুঠো টাকা দিয়ে—বাবা হু বিশ ধান বিক্রী ক'রে আনালে—বলে, চোখ বুজে কামানো যায়। যেমন বাবা গালে দিয়েছে—আর এমনি ক'রে কেটে নামিয়ে আনলে!

হরেন্দ্র আড়ষ্ট মুখে অস্পষ্ট ভাষায় এবার যাহা বলিল, জগন তাহা বুঝিল, হরেন্দ্র বলিল—প্রথম টানেই—একবারে ক্ষত বিক্ষত! আঃ!

জগন হাসিয়া বলিল—গালের ওপর সোজা বসিয়ে টেনেছ বুঝি? সোজা ক'রে তো বসায় না, একবারে কাত ক'রে লাগাতে হয়। এই দেখ, এমনি ক'রে। হরেন্দ্রের মায়ের হাত হইতে ক্ষুরটা লইয়া সে আপনার গালে বসাইয়া দেখাইয়া দিল। তারপর বলিল—সত্যিই খুব ভাল জিনিস, অভ্যেস থাকলে সত্যিই চোখ বুজে কামানো যায়।

হরেন্দ্রের মা বলিল বামুনের ছেলে বাব', নাপিত তো নয় যে অভ্যেস থাকবে! এ গাঁয়ে সব অনাচ্ছিষ্ট বাবা নাপিতে লগদ পয়সা লইলে কামায় না, কামানের কাজ করে না, ছুতোরে বৃত্তি ছাড়লে! এ গাঁয়ের কি পিতুল আছে বাবা! মা লক্ষী এ গাঁ ছেড়েছেন। তবে—ওরাই সর্বনাশ হা-ভাতে যাবেন, হা-ঘরে হবেন, ভিক্ষে ক'রে খাবেন। বামুনের ছেলের রক্তপাত!

হরেন্দ্র তখন তারম্বরে চীৎকার করিতে আরম্ভ

করিয়াছে। ডাক্তার তাহার ক্ষতের উপর টিঞ্চার অ্যারোডিন ব্লাইতে আরম্ভ করিয়াছে।

দিন কয়েক পর হরেন্দ্র আসিয়া ডাক্তারের ওখানে উঠিল।

ডাক্তার গভীর অভিনিবেশ সহকারে কি একটা লিখিতেছিল। হরেন্দ্র বলিল—What are you doing Doctor Ghosh? ভদ্রলোক দেখিলেই হরেন্দ্র ইংরেজীতে কথা বলে। ডাক্তার বিরক্তিপূর্ণ কটাক্ষে হরেন্দ্রের দিকে একবার চাহিল মাত্র, তারপর সে যেমন লিখিতেছিল—লিখিতেই থাকিল।

হরেন্দ্র বলিল—Brother, one thing—

—আঃ! কি?

—How to shave—মানে—। হরেন্দ্র বাহির করিল সেফ্‌টা রেজার, সেভিং ষ্টিক—বুরুশ ইত্যাদি কামাইবার সরঞ্জাম। আর একবার দেখিয়ে দাও।

—আজ নয়, কাল এস। আজ আর আমার সময় নাই।

—এত busy! What are you writing Doctor?

ডাক্তার অত্যন্ত বিরক্ত হইয়া বলিল—তুমি তো ভারী অভদ্র হে! আমি কি লিখছি, কাকে লিখছি—সে কথা তোমাকে বলব কেন? যাও, এখন যাও।

হরেন্দ্র আর কিছু বলিতে সাহস করিল না। সেফ্‌টা-রেজারে কামানোটা ডাক্তারের কাছে শিখিতেই হইবে। অন্তর্ধায় সে বেশ একদফা চীৎকার করিত। সে কিছু না বলিয়াই উঠিয়া গেল। ডাক্তার তাহার পিছনের দিকে চাহিয়া বলিল—ইডিয়ট কোথাকার!

ডাক্তার একখানা বেনামী দরখাস্তের মুসাবিদা করিতেছে। দরখাস্ত একেবারে ম্যাজিস্ট্রেট সাহেবের নিকট। ছিফ্‌পালের নিখুঁত পরিচয় দিয়া জানাইতেছে যে, ওই ব্যক্তিকে জমিদার গমস্তা নিযুক্ত করিবার সংকল্প করিয়াছে; ইহাতে নিরক্ষর সরল চাষী প্রজার সর্বনাশ হইবে। এ-মতে প্রার্থনা যে, এই কার্য করিতে জমিদারের উপর নিষেধাজ্ঞা জারী করা হউক। ডাক্তার আবার দরখাস্ত রচনায় মনোনিবেশ করিল। কিন্তু কিছুকণ পরেই আবার কথা পড়িল।

পেনাম ! ভূপাল খানদার আসিয়া হেঁট হইয়া প্রণাম করিয়া পাড়াইল।

মুখ তুলিয়া তাহাকে দেখিয়া ডাক্তার হাসিয়া বলিল—  
ওঃ, তোর যে সাজগোজের ভারী বাহার রে! এঁ্যা!  
গায়ে নতুন জামা—মাথায় সাদা পাগড়ি—। সত্যই ভূপালের  
পোষাকের আজ বাহার ছিল। গায়ে হাতকাটা থাকী  
কামিজ, মাথায় নতুন সাদা চাদরের পাগড়ি পরিয়া সে  
আসিয়াছে। ভূপাল সবিনয়ে হাসিয়া বলিল—পাল মশায়  
নতুন গমস্তা হলেন কি না, উনিই বশকিস করলেন।

ডাক্তারের মুখ গভীর হইয়া গেল, শুধু বলিল—হঁ।

—উনিই একবার পাঠালেন আপনার কাছে।

—তা হ'লে গমস্তাগিরি নেওয়া হয়ে গেছে?

—আজ্ঞে হ্যাঁ।

ডাক্তার অজগরের মত একটা নিশ্বাস ফেলিয়া আবার

দরখাস্তটা টানিয়া লইল। ভূপাল আবার বলিল—উনিই  
একবার পাঠালেন আপনার কাছে।

গভীর ভাবেই জগন বলিল—কেন?

ফিরিস্তি অনেক। চণ্ডীমণ্ডপের ছাওয়ানোর খড়,  
খাজনা, তারপরে সেটেলমেন্টারের কথা, সরকারী সেটেল-  
মেন্টার আসছে কি না!

—হঁ। ডাক্তার আবার দরখাস্তে মন দিল।

কিছুক্ষণ অপেক্ষা করিয়া ভূপাল আবার বলিল—তা  
হ'লে ডাক্তারবাবু—কি বলব?

—বল্ গিয়ে আমি যাব না।

ভূপাল বিব্রত হইল।

জগন এবার ক্রোধে ফাটিয়া পড়িল—যাও! নিকালো!  
নিকালো হামারা হিয়াসে! নিকালো!

(ক্রমশঃ)

## শ্রদ্ধাঞ্জলি \*

শ্রীমুরেন্দ্রনাথ মৈত্র

তুমি গেছ চলি আসিবে না ফিরে আর  
জানি নিশ্চয়, তথাপি অমর স্মৃতি  
এই দীপালোকে নয়নে আনে তোমার  
সৌম্য শাস্ত প্রেমময় প্রতিকৃতি।

কালের সাগর তোমারে করেছে গ্রাস।  
জলধিশয়নে শেষশয্যার 'পরে  
রয়েছ নিলীন, অঙ্গে জ্যোতির্ধাস,  
নাগ-পালকে ভাসিছ রত্নাকরে।

আজি পড়ে মনে—ওনেছিছ ছেলেবেলা  
কিংবদন্তী—বাংলার এক গ্রামে  
দীঘির সলিলে সঁতারিয়া করে খেলা  
চড়কের গাছ, ঘাটে এসে পুন থামে

বৎসরান্তে সংক্রান্তির দিনে।

পল্লীবাসীরা তাহারে টানিয়া তোলে

মাটিতে পুঁতিয়া চক্রে প্রদক্ষিণে  
ঘূর্ণ্যাবর্তে গাজনের গাছে ঝোলে।

উৎসবশেষে সে গাছের গুঁড়িটিরে  
সলিলসমাধি দেয় পল্লীর বাসী,  
সম্বৎসর থাকে স্মৃগভীর নীরে  
চৈত্রাবসানে আবার ওঠে সে ভাসি।

শ্রদ্ধবাসরে আজি এ 'রবিবাসর'  
স্থানুসম তব প্রাংগু স্মৃতির শাখী,  
করেছে প্রোথিত এই ভিত্তির পর,  
মিলিত কর্তে সাদরে তোমারে ডাকি।

স্মৃতি-উৎসবে তোমারে স্মরণ করি  
হৃদয়ে হৃদয়ে হও তুমি সমাসীন,  
শ্রদ্ধাঞ্জলি এনেছি হৃহাত ভরি'  
দাদা জলধর মোদরে আশীষ দিন।

\* স্বর্গত রায় বাহাদুর জলধর সেনের দ্বিতীয় যুত্ন সাধ্বৎসরিক উপলক্ষে।



## কীর্তন ও সুরকার

শ্রীদিলীপকুমার রায়

অনেকের মুখেই এই ধরনের একটা অভিযোগ শোনা যায় যে, বাঙালীর কীর্তন নাকি শুধুই কথা বা কাব্য ওরফে ভক্তিজাতীয় বিকাশ—সঙ্গীত-রসিকরা ওর কাছ থেকে বিস্তৃত সঙ্গীতিক আনন্দ পেতে পারেন না—কেন না সঙ্গীতিক রস পরিবেষণ করা না কি কীর্তনের স্বধর্ম নয়। একথা অতি হসনীয়। কীর্তনের ভাব এত হৃদয়স্পর্শী হ'তে কখনোই পারত না—যদি ওর সুরকার অমন অপরূপ হ'য়ে না উঠত। এ সম্বন্ধে আলাদা প্রবন্ধ অবতারণা করতে এ গৌরচন্দ্রিকা নয় : এর উদ্দেশ্য হাতে কলমে সাধ্যমত কিছু ক'রে দেখানো। চণ্ডীদাসের একটি বিখ্যাত গান কীর্তনের চণ্ডে সুরৈশ্বর্যশালী ক'রেও কীর্তনের যে ভাব ও স্বধর্ম থাকে সেইটি দেখাতেই এ স্বরলিপি—আধুনিক সুরকৃতি ও আধর সহ।

বঁধু, কী আর কহিব আমি ?

জীবনে মরণে জনমে জনমে প্রাণ-নাথ হোয়ো তুমি।

( তুমি সকলি তো জানো—অস্তরবামী ! কী আর কহিব আমি ? )

ভাবিয়া দেখিছ এ তিন ভুবনে কে আমার আর আছে ?

রাধা ব'লে কেহ শুধাইতে নাই—দাঁড়াব কাহার কাছে ?

( আমার কেহ নাই—বঁধু, তুমি ছাড়া আমার কেহ নাই—

বঁধু, তোমার চরণে পরম শরণে জনমে মরণে দিও ঠাই )

একূলে ওকূলে দুকূলে গোকূলে আপনা বলিব কায়

শীতল বলিয়া শরণ লইছ ও দুটি কমল পায়।

আধির নিমিখে যদি নাহি দেখি তবে যে পরাণে মরি।

( তুমি নয়নমণি—নয়নের নাথ, নয়নমণি—

নয়নের নাথ, আছ সাথে সাথে তোমারি আলোয় হেরি ধরণী )

চণ্ডীদাস কহে পরশ রতন গলায় বাঁধিয়া পরি।



১ + -  
 পা ধা পধপমা | মা ধা পা | মপধপা মপা গমা | মপা পা পা | পা পধা মপা |  
 দে খি হু এ তি ন ভু - বনে কে আ মা র আ র

+ ৩ ০ ১ +  
 গমা পধা নসাঁ | ধনা -১ নসাঁ | নসাঁ নসাঁরাঁ রাঁ | রাঁ রঁখাঁ র্গনা | নসাঁ নসাঁরাঁ র্গমাঁ |  
 আ - - ছে - - রা ধা বো লে কে হ শু ধা ০ ই ০

৩ ০ ১ + ৩  
 র্গাঁ মর্গরঁসাঁ নসাঁ | নরাঁ সঁরাঁ নসাঁ | ধনা পধা গপা | গপধা নরঁসাঁ না | -১ পা পা |  
 তে না ০ ই দাঁ ডা ব কা হা র কা - ছে - আ মার

০ ১ + ৩ ০ ১  
 পধা ধনা না | -১ সঁ সঁরঁসঁনা | না সঁ না | ধনসঁনা ধা পা | পধা ধনা না | -১ না নসাঁ |  
 কে হ না ই বঁ ধু তু মি ছা ডা আ মার কে হ না ই বঁ ধু

+ ৩ ০ ১ +  
 সঁরাঁ রাঁ রাঁ | নসাঁ নসাঁরাঁ র্গমা | র্গরাঁ রঁর্গাঁ র্গনা | রাঁ সঁ নসাঁ | ধনা পধা ধা |  
 তো মা র চ র গে - প র ম শ র গে জ ম মে

৩ ০ ১ + ৩  
 ক্রপা ক্রপধা নসাঁরাঁ | ঝঁরঁর্গরঁ সঁ না | -১ সঁ | রঁসাঁ সঁনা গধা | ধা ধা ধনা |  
 মর গে - দি ও ঠাঁ ই - - এ কূ লে ও কূ লে

০ ১ + ৩ ০  
 পধা পা ধা | ধা ধা ধনা | সঁরাঁ সঁরঁসঁনা গধা | ধনসঁনা গসঁনা ধপা | পা ধা মপধসঁনা |  
 ছ কূ লে গো কূ লে - - - - - আ প না

১ + ৩ ০ ১ +  
 গধপা গধপা মগমা | পধা ক্রপা -১ | -১ -১ -১ | ধা ধা গা | পধা পা পধক্রপা | ধা সঁ সঁনা |  
 - ব লি ০ ব কা - - - - - য শী ত ল ব লি য়া শ র গ

৩ ০ ১ + ৩  
 রাঁরাঁ সঁরাঁ র্গমাঁ | মর্গাঁ রঁসাঁ ধসঁনা | র্গরাঁ সঁরাঁ সঁনা | সঁনা ধনা ধপা | ১ ধসঁনা সঁনা |  
 লই হু - শী - - তল - ব ০ লি য়া - - শর গ

০ ১ + ৩ ০ ১  
 ১ রঁর্গাঁ রঁর্গাঁ | সঁরাঁ সঁ সঁনা | সঁনা ধপা ধনা | পধা পা -১ | পা পা পা | পপা ক্রপধনা সঁরঁর্গরাঁ |  
 - লই হু ও ছ টি ক - মল পা - র আ ধি র নিমি ধে -





৩  
-। -। -। | গাহিয়া শেষ আখর এই ভাবে গের :-

• • • ১ + ৩ • • • ১  
পা পা ধা | ধা পধা নসাঁ | ধনা -। -। | -। -। -। | সাঁ সাঁ না | ধসঁনা ধা পা |  
প র শ ম নি - - - - - জী ব নে র - তু মি  
জী ব ন ধ রি - - - - - তু মি আ ছ - ব লি .

+ ৩ • ১ + ৩  
পা পা ধা | ধা পধনা রঁসঁনা | ধনা -। -। | -। না সাঁ | নসঁরঁ রঁ রঁ | রঁ সঁরঁসঁ নধা |  
প র শ ম নি - - - - - বঁ ধু জী ব ন ধু লা • য়  
জী ব ন ধ রি - - - - - তু মি জী ব নে র জ্যো তি

• + ৩ •  
ধনা পধা না | রঁসঁনা সাঁ | নসঁা ধনা পধা | সঁপা গসঁা পা | ধা না নসঁর্গঁরঁা |  
ত ব ক কু গা য় তা র কা মু র লী ও ঠে যে  
বি না কো খা গ তি আ লো ক বি হ নে প রা গে

১ + ৩ • ১  
সাঁ না সাঁ | ধা -। না | ধা না রঁসঁা | না -। -। | -। -। -। |  
র নি - - - - - - - -  
ম রি - - - - - - - -

## চৈত্রশেষে

শ্রীশ্রুতেশ বিশ্বাস এম-এ, ব্যারিষ্টার-এট্-ল

‘অঞ্চলের স্বর্ণরেণু বিলাইয়া বসুন্ধরা  
বসে আছে রিক্ত চৈত্রশেষে—  
মাঠের ফসল কবে গোষ্ঠপথে ঘাটে এল  
আঁটি আঁটি ধানে তরি ভরি’ ;  
মধ্যাহ্নের তপ্ত বায়ু হতাশাসে ঘুরে ফেরে  
খেপা কোন্ বৈরাগীর বেশে,  
নীলাকাশে চিল ছুটি বারষার ডাক ছাড়ে  
তীব্র তীব্র হাহাকার করি’ ।

তেপান্তর মাঠখানি মরুসম জনহীন  
শুক শূন্য রিক্ত বসুন্ধরা;  
এ মাঠ ও মাঠ যেন শতক যোজন দূর  
সেতুহীন যেন তট ছুটি  
কৃষকের অননেতে বিলাইয়া বসুন্ধরা  
বর্ষশেষ আনন্দ-পশর  
শূন্যমনা চেয়ে আছে অনন্তে মেলিয়া আঁধি—  
দিগন্তে বসন পড়ে লুঁ

# গোবিন্দচন্দ্র ও ময়নামতী

শ্রীবিজনবিহারী ভট্টাচার্য

( পূর্বানুভূতি )

অগ্নি নির্বাণিত হইলে দেখা গেল রাজার দেহ তস্মতুপে পূরিণত হইয়াছে, কিন্তু অগ্নিদেব রাণীর কেশাগ্রও স্পর্শ করিতে পারেন নাই। ভয়ে বিশ্বয়ে সকলে দেখিল—এক সত্যোজাত পুত্রসন্তান কোলে লইয়া ময়নামতী অক্ষত দেহে চিতা মধ্যে বসিয়া আছেন। এই শিশুই ভবিষ্যতে মহারাজ গোবিন্দচন্দ্র বা গোপীচাঁদ নামে দুর্লভ যশ এবং অসামান্য খ্যাতির অধিকারী হন। ময়নামতীর স্ত্রায় মহীয়সী রমণীর পুত্র যে স্বীয় শক্তি ও প্রতিভা বলে সকলের শ্রদ্ধা এবং পূজা পাইবেন ইহাতে বিশ্বয়ের কি আছে ?

গোবিন্দচন্দ্রের সমস্ত খ্যাতির মূল তাঁহার সন্ন্যাস এবং সেই সন্ন্যাসের মূলে ছিলেন ময়নামতী। জিতেন্দ্রিয় সংসার-ত্যাগী সন্ন্যাসীর চরণতলে হিন্দুগণ চিরকালই শ্রদ্ধার পুষ্পাঞ্জলি দিয়া থাকেন। শুধু হিন্দুই বা বলি কেন, ইন্দ্রিয়-জয়ী পুরুষগণ মানুষমাত্রেরই শ্রদ্ধার পাত্র। একদিন বুদ্ধদেব বৈরাগ্য অবলম্বন করিয়া সমগ্র জগতের জ্ঞান-নেত্র উন্মীলন করিয়াছিলেন। এই সেদিনও মহাপ্রভু শ্রীচৈতন্য পাপতাপ-দঙ্ক জীবগণের হৃদয়ে নামামৃত সিঞ্জন করিয়াছিলেন। গোবিন্দচন্দ্রের সহিত তাঁহাদের তুলনা যুক্তিযুক্ত হয় না। গোবিন্দচন্দ্র বৈরাগ্য অবলম্বন করেন আত্মপ্রাণ রক্ষার জন্ত, আর বুদ্ধ ও চৈতন্য সন্ন্যাস গ্রহণ করেন জগৎকে ত্যাগ করিবার জন্ত। কপিলাবস্তুর রাজনন্দন অগাধ ঐশ্বর্য্য, অতুল স্বধ, পত্নীর প্রেম, মাতার স্নেহ সব স্বেচ্ছায় বিসর্জন করিয়াছিলেন। গৃহত্যাগে উৎসাহ কেহই দেয় নাই, বরং সংসারের মায়াপাশে আবদ্ধ করিবার জন্তই সকলে আত্মপ্রাণ চেষ্টা করিয়াছিল। আত্মশক্তির দ্বারা সকল বাধা তাঁহাকে অতিক্রম করিতে হইয়াছিল। তাঁহার মানসিক দৃঢ়তার সন্মুখে মারের সকল প্রচেষ্টা বিফল হইয়া গেল। সে প্রলোভনের তুলনায় হীরা নটীর রূপ-যৌবন নিতান্তই অকিঞ্চিৎকর। নবদ্বীপচন্দ্রের বৈরাগ্য গ্রহণও বুদ্ধদেবের মত বিশ্বস্থিতের জন্তই, স্বার্থের সহিত তাহার কোন সঙ্কল্পই ছিল না। প্রেমময়ী স্ত্রী, মেহময়ী মাতা, সংসারের ভোগ-বিলাস

তিনিও স্বতঃপ্রেরিত হইয়া উচ্ছিষ্ট মৃৎপাত্রের মত ফেলিয়া গেলেন। দূরপন্থায় বাধার দুর্লভ্য পর্বতসমূহ তেজস্বী মহাপুরুষের পথরোধ করিতে পারিল না।

ইহাদের মাহাত্ম্যের সহিত তুলনা করিলে গোপীচাঁদের মহিমা অতিশয় স্নান বলিয়া মনে হয়। তথাপি গোপীচাঁদের খ্যাতি একদিন ভারতবর্ষের এক প্রান্ত হইতে অপর প্রান্ত পর্বন্ত ছড়াইয়াছিল। চৈতন্যভাগবতকার লিখিয়াছেন, তাঁহার কালে এ দেশের লোকজন গোপীচাঁদের গান গাহিয়া রাত্রি জাগরণ করিত।

বঙ্গদেশ ছাড়াও ভারতের অন্যান্য প্রদেশে এখনও গোবিন্দচন্দ্রের কাহিনী শ্রুত হয় পূর্বে তাহা বলিয়াছি। গোপীচাঁদ কোন্ গুণে এত লোকের হৃদয় জয় করিলেন ? কাহিনী পাঠ করিলে মনে হয় সংসারাসক্ত শত শত মানুষের সহিত তাঁহার কোন পার্থক্যই নাই। ঐশ্বর্য্যের মোহ, যৌবনের আসক্তি, ভোগের আকাঙ্ক্ষা—অজগরের স্ত্রায় তাঁহাকে পাকে পাকে জড়াইয়া রাখিয়াছিল। ময়নামতীর স্ত্রায় তেজস্বিনী জননী চেষ্টা ব্যতীত এই জটিল গ্রন্থির উচ্ছেদন সম্ভবপর হইত না। ময়নামতীকে বাদ দিলে গোবিন্দ-চন্দ্রের পৌরুষ নিতান্ত নিরবলম্ব হইয়া পড়ে।

ময়নামতী যখন ধ্যানযোগে জানিলেন, গোবিন্দচন্দ্রের আয়ু অল্প তখন তিনি শঙ্কিত হইয়া উঠিলেন। মন্ত্রগ্রহণ না করায় এই পুত্রের পিতাই শু একদিন অকালে প্রাণ হারাইলেন; আবার পুত্রও যদি পিতার স্ত্রায় ময়নামতীর বাক্য অবহেলা করে তাহা হইলে তিনি কি করিতে পারেন ? কি ভাবে পুত্রকে স্বমতে আনয়ন করিবেন এই চিন্তাতেই তিনি মগ্ন হইয়া রহিলেন।

সপ্তমবর্ষীয় রাজকুমারের সহিত হরিশ্চন্দ্র রাজার পঞ্চম-বর্ষীয়া কন্যা শ্রীমতী পছনার বিবাহ হইয়া গেল। শালিকা অছনাও যৌতুক স্বরূপ ভগ্নীসহ অন্তঃপুরে প্রবেশ করিয়া ধন্ত হইলেন। এতদ্ব্যতীত 'রতনমালা' এবং 'কাঞ্চাসোনাও' রাণী হইয়া বালক রাজার রাজপুরী আলোকিত করিলেন।

গোপীচাঁদ অপ্রাপ্তবয়স্ক বালক বলিয়া ময়নামতী স্বয়ং রাজ্য পরিচালনা করিতে লাগিলেন, বালিকা বধু চারিটি লইয়া রাজকুমারের দিন ধূলাখেলায় কাটিতে লাগিল।

কৈশোরে পদার্পণ করিতেই গোবিন্দকে সিংহাসনে বসাইয়া ময়নামতী রাজ্যভার তাঁহার হস্তেই সমর্পণ করিলেন। কিন্তু তাঁহার সতর্ক এবং সন্নেহ দৃষ্টি রক্ষা-কবচের মত সর্বদাই তাঁহাকে সমূহ বিপদআপদের হস্ত হইতে দূরে রাখিয়া চলিত। রাজা হইয়াও রাজ্যের দুর্ভাবনা নাই। পরিপূর্ণ সুখ, অনাবিল শান্তি, অপরিমেয় আনন্দ—ইহার দ্বারাই হৃদয় পূর্ণ। গোপীচাঁদ ভাবিলেন, মানুষের জীবনপথ শুধু কুম্ভমাকীর্ণ। হায়, মাতা ভিন্ন তিনি যে কত অসহায় তাহা কল্পনা করিবার মত ক্ষমতাও তাঁহার নাই। এই ভাবে আরও দুই বৎসর অতীত হইলে গোপীচাঁদ কৈশোর অতিক্রম করিয়া যৌবনে পা দিলেন। ময়নামতী হিসাব করিয়া দেখিলেন, পুত্রের আয়ুষ্কাল পূর্ণ হইতে আর বিলম্ব নাই। চিন্তায় তাঁহার হৃদয় ভারাক্রান্ত হইয়া উঠিল। বিশাল সাম্রাজ্য এবং যুবতী রমণীগণের আকর্ষণ হইতে মুক্ত না করিলে গোবিন্দের মৃত্যু অবধারিত—অথচ মোহাবিষ্ট রাজার স্বপ্নঘোর কাটাইবেন কেমন করিয়া? দুর্ভাবনায় দুশ্চিন্তায় কিছুদিন কাটিল। অবশেষে ময়না মনস্থ করিলেন গোপীচাঁদকে সব কথা খুলিয়া বলিবেন। ইহা স্থির করিয়া একদিন ময়না গোবিন্দচন্দ্রের রাজদরবারে গিয়া উপস্থিত হইলেন। মাতাকে সভামধ্যে দেখিয়া গোপীচাঁদ তৎক্ষণাৎ সিংহাসন হইতে অবতরণ করিয়া ভূমিষ্ঠ হইয়া তাঁহার পদবন্দনা করিলেন। নৃপতির আদেশে সভা ভঙ্গ হইল। পাত্রমিত্র এবং অগ্ণাত সভাসদ্বর্গ বিদায় হইলেন। অনন্তর জননীকে স্বর্ণাসনে বসাইয়া নিজে দণ্ডায়মান থাকিয়া গোপীচাঁদ করজোড়ে তাঁহার আগমনের কারণ জিজ্ঞাসা করিলেন। অবসর বুঝিয়া ময়নামতী একে একে সব বৃত্তান্ত বিবৃত করিয়া শেষে বলিলেন—প্রিয়তম পুত্র, তোমার মৃত্যু আসন্ন জানিয়া বড় দুঃখে সেই কথা জানাইতে আসিয়াছি। কিন্তু এখনও তাহার প্রতিকার সম্ভব। মৃত্যু জয় করিতে হইলে রাজ্য ধন ঐশ্বর্য সব বিসর্জন দিয়া রমণীগণকে দ্বাদশ বৎসরের মত ত্যাগ করিয়া হাড়িসিদ্ধার শরণাপন্ন হইতে হইবে। হাড়িসিদ্ধা মন্ত্রতন্ত্রে পরম পারদর্শী এবং মহাজ্ঞানসম্পন্ন। তাঁহার নিকট শিষ্য গ্রহণ

করিলে সেই যোগীবর কৃপা করিয়া তোমাকে মৃত্যুর হাত হইতে রক্ষা করিবেন।

মাতার মুখে এই অভাবনীয় বাক্য শুনিয়া গোবিন্দ চমকিত হইলেন। তাহাও কি সম্ভব? এই সুখ সম্পদ এই অতুল বৈভব সব ত্যাগ করিয়া রমণীগণকে অনাথা করিয়া, ছিন্ন কস্থা এবং ভিক্ষার ঝুলি সঞ্চল করিয়া বাইশ দণ্ডের অধিপতি মহারাজ গোবিন্দচন্দ্রকে পথে পথে বেড়াইতে হইবে? উনশত নফর, অর্ধশত সামন্তরাজ, লক্ষাধিক সৈন্য এবং অগণিত নরনারী যাহার চরণে প্রণতি নিবেদন করিয়া কৃতার্থ হয়—সেই গোবিন্দচন্দ্রকে এক হীনকর্মা হাড়ির চরণ স্পর্শ করিয়া তাহারই আজ্ঞা শিরোধার্য করিতে হইবে? ইহা যে কল্পনারও অতীত। বিনামেঘে বজ্রপাত হইলেও গোপীচাঁদ এরূপ চমকিত হইতেন না। আকস্মিক উদ্ভেজনা য় তাঁহার মস্তিষ্ক উত্তপ্ত হইয়া উঠিল। কিছুক্ষণের জন্য বিচারশক্তি লোপ পাইল। তাঁহার মুখে বাক্যক্ষুতি হইল না। প্রথম উদ্ভেজনার ঘোর কাটিয়া গেলে রাজা ভাবিতে লাগিলেন—মাতার মুখে এ কি জঘন্য প্রস্তাব! নৃপতি মাণিক্যচন্দ্রের মহিষী স্বীয় পুত্রের প্রতি এই ঘৃণিত আদেশ দিলেন কেমন করিয়া? ময়নামতীর এই অসংগত আচরণের কোন অন্তর্নিহিত অর্থ আছে কি?

গোবিন্দচন্দ্রের মনে সংশয় জাগিল। কিন্তু মাতার সঙ্কে সন্দেহ ঘনীভূত হইতে না হইতেই বিবেকের দংশনে তাঁহার চিন্তার গতি ঘুরিয়া গেল। তিনি করজোড়ে নিবেদন করিলেন—জননী, এখনও তোমার আদেশ প্রত্যাহার কর। জাতিকুল ডুবাইয়া পিতৃপুরুষের নামে কলঙ্ক লেপন করিয়া নীচকুলোদ্ভব হাড়ির শিষ্য গ্রহণ করা আমার পক্ষে অসম্ভব পুত্রের অবাধ্যতা তোমার দুঃখের কারণ হইবে সন্দেহ নাই কিন্তু আমার এইরূপ অধঃপতন দেখিলে স্বর্গলোকে থাকিয়া পিতৃপুরুষগণ অশ্রুবর্ষণ করিবেন। অশুচি বংশধরের পিতৃ ও জল তাঁহারা আর গ্রহণ করিবেন না! আরও চিন্তা কথা এই যে, কিসের আশায় জাতিকুল, মান সম্মান, ধনর বিসর্জন দিয়া হাড়িকে গুরু করিব? কে সে? তাহার পরিচয়! সে যে আমাকে মন্ত্রবলে মৃত্যুর হাত হইতে রক্ষা করিতে সমর্থ হইবে তাহার প্রমাণ কি?

পুত্রের বাক্যে ময়নামতী ক্রুদ্ধ হইলেন না। তি

জানিতেন—যুক্তির দ্বারা বশীভূত করিয়া পুত্রকে স্বমতে জানিতে না পারিলে তাহার প্রাণ রক্ষা করা অসম্ভব। সেইজন্য মিষ্টবাক্যে গোবিন্দচন্দ্রকে বুঝাইতে লাগিলেন— হাড়িসিদ্ধা মহাশক্তিমান যোগী, মন্ত্রবলে তিনি অসাধ্য সাধন করিতে পারেন। স্বয়ং যমপুত্র ‘মেঘনীল কুমর’ তাঁহার মন্ত্রকে চামর ব্যঞ্জন করেন। যমরাজ তাঁহার আজ্ঞাহুবর্তী ভূতা মাত্র। চন্দ্র এবং সূর্য তাঁহার দুই কর্ণের কুণ্ডলরূপে শোভমান। দেবী মহালক্ষ্মী এই সিদ্ধপুরুষের পাকশালার অধিষ্ঠাত্রী এবং সুবচনী তাঁহার তাহ্মলকরকবাহিনী। প্রভু গোরক্ষনাথের নিকটেই হাড়িপার দীক্ষা হয়, সেই সম্পর্কে হাড়িপা ময়নামতীর গুরুভাই। সাধারণ লোকে তাঁহাকে চিনিতে পারিবে না।

“তুমি বল হাড়ি হাড়ি লোকে বলে হাড়ি।  
মায়াক্রমে খাটি খায় চিনিতে না পারি ॥”

ময়নামতীর মুখে হাড়িসিদ্ধার উচ্ছ্বসিত প্রশংসা শুনিয়া গোবিন্দচন্দ্র বিশেষ সন্তুষ্ট হইতে পারিলেন না। মাতার চরিত্র সম্বন্ধে তাঁহার সন্দেহ ক্রমশ বন্ধমূল হইতে লাগিল। তাঁহার মনে হইল—তাঁহাকে সন্ন্যাস অবলম্বন করাইবার জন্ত ময়নামতীর এই যে প্রয়াস ইহার মধ্যে নিশ্চয় কোন দুর্ভিসন্ধি আছে। কোন্ মাতা স্নেহের বন্ধন ছিন্ন করিয়া একমাত্র সন্তানকে বনবাসে পাঠায়? ব্যাঘ্র ভল্লুক প্রভৃতি হিংস্র প্রাণীও নিজ প্রাণ দিয়া শাবকগণকে প্রতিপালন করে। গোবিন্দচন্দ্র স্থির করিলেন, কূটচক্রী জননীর বাক্য তিনি পালন করিবেন না। যে মাতা স্বীয় স্বার্থ ও জঘন্য প্রবৃত্তির বশবর্তী হইয়া পুত্রকে সকল সুখ হইতে বঞ্চিত করিতে চায় সে মাতার আদেশ লঙ্ঘনে কোন পাপ নাই। তাঁহার এরূপ ধারণা হইল যে পিতার অকালমৃত্যুও সম্ভবত হাড়িসিদ্ধা ও ময়নামতীর কোন মিলিত চক্রান্তের ফল।

এদিকে রমণীগণও নিশ্চিন্তমনে বসিয়া ছিলেন না। শাশুড়ীর উদ্দেশ্য ব্যর্থ করিবার জন্ত চারি সপত্নীর মধ্যে যুক্তি পরামর্শ চলিল। কিন্তু কি বুদ্ধি করিলে রাজার সন্ন্যাস গ্রহণ রহিত করা যায় তাহা কেহই স্থির করিতে পারিলেন না। অবশেষে—

“অতুনার বলে, বৈন গো পত্নী সুন্দর।  
সাত কাইতের বুদ্ধি আমার ধড়ের ভিতর ॥”

আমার কথামত চলিলে বর্তমান বিপদ হইতে উদ্ধার পাওয়া কঠিন হইবে না। পরামর্শ অনুযায়ী

“অতুনাএ পিন্ধে কাপড় মেঘনীল শাড়ি।  
সেই শাড়ীর মূল্য ছিল বাইশ লাখ কোড়ি ॥  
পত্নীএ পিন্ধে কাপড় তলে বান্ধি নেত।  
মাঞ্জা করে বলমল বনের সুন্দি বেত ॥”

রতনমালা এবং কাঞ্চাসোনাও তসর এবং ‘খিরবলি’ বসনে দেহ সজ্জিত করিলেন। অনন্তর হাতে ‘রামলক্ষণ’ নামক শঙ্খ পরিধান করিয়া এবং কস্তুরী অশুরু প্রভৃতি বিচিত্র প্রসাধনে অঙ্গ ভূষিত করিয়া চারি রাণী

“ধঞ্জন গমনে জাএ রাজার গোচরে,  
হালিয়া ঢুলিয়া পড়ে যৌবনের ভারে ॥”

নিকুঞ্জ মন্দিরে প্রবেশ করিয়া চারি রমণী বিবিধ যুক্তি প্রদর্শন করিয়া রাজাকে রাজ্য ত্যাগ করিতে নিষেধ করিলেন। অবশেষে তাঁহার শাশুড়ী ঠাকুরাণীর চরিত্র সম্বন্ধে দুই-চারিটি ইঙ্গিত করিয়া বলিলেন :—

“তোমার মায়ের কথার নির্ণয় না জানি।  
হেঁটে গাছ কাটিয়া উপরে ঢালে পানি ॥”

বনবাসে প্রেরণ করাই যদি তাঁহার উদ্দেশ্য ছিল তবে এতগুলি রাজকন্য়ার সহিত বিবাহ দিলেন কেন?

রাণীগণের যুক্তি অত্যন্ত সমীচীন বলিয়াই গোবিন্দচন্দ্রের মনে হইল। ময়নামতীর আজ্ঞায় পরিচালিত হইয়া নিবুদ্ধিতার পরিচয় দিবেন না ইহা স্থির করিয়া গোপীচাঁদ রাণীদিগকে বলিলেন

“না যাইব না যাইব শ্রিয়া দেশ দেশান্তর।  
সুখে রাজ্য করিব থাকিয়া নিজ ঘর ॥”

ইহা শুনিয়া সকলে আশ্বস্ত হইলেন।

রাজার অঙ্গীকারে রাণীগণ আশ্বাস পাইলেন বটে, কিন্তু সম্পূর্ণ নিশ্চিন্ত হইতে পারিলেন না। মাতার সান্নিধ্যে আসিলেই গোবিন্দচন্দ্রের সমস্ত দৃঢ়তা মুহূর্তমধ্যে অন্তর্হিত হইয়া যাইবে ইহা তাঁহারা নিশ্চিত জানিতেন। ময়নামতীর জ্ঞায় শক্তিময়ী রমণীর প্রভাব হইতে দুর্বলচেতা স্বামীটিকে কেমন করিয়া মুক্ত করিবেন এখন এই চিন্তাই তাঁহাদিগকে বিব্রত করিয়া তুলিল। দিবারাত্র যুক্তিতর্ক চলিল, কিন্তু

জটিল সমস্তার সমাধান কিছুতেই হইল না। অবশেষে 'সাতকাইতের বুদ্ধি'ধারিণী অহুনাই এক সহজ পছা বাহির করিয়া তিন সপত্নীকে চমকিত করিয়া দিলেন। স্থির হইল নিমাই বাণিয়ার নিকট হইতে পঞ্চ তোলা বিষ ক্রয় করিয়া মিষ্টানের সহিত তাহা মিশ্রিত করিয়া শাশুড়ী ঠাকুরাণীকে ভেট দেওয়া যাইবে। নিমাই বাণিয়ার বিষ পঞ্চতোলা উদরস্থ হইলে আর ময়নামতীকে চক্ষু তুলিয়া চাহিতে হইবে না। তাহার পর আর কি? এখন কোন রকমে পথের কণ্টক একবার দূর করিতে পারিলে হয়।

যুক্তি করিয়া অহুনা, পহুনা, রতনমালা ও কাঞ্চাসোণা 'পঞ্চতোলার পঞ্চলাড়ু' প্রস্তুত করিয়া ময়নামতীর নিকটে উপস্থিত হইলেন এবং

“লাড়ুর বাটা সন্মুখে রাখি প্রণাম করিল।

ঘোড় হস্তে দাণ্ডাইয়া কহিতে লাগিল ॥

এহি বর মাগি মোরা তোমার গোচর।

স্বামী দান দাও মোরা চলি যাই ঘর ॥”

পুত্রবধুগণের অতিভক্তির কারণ অহুমান করিতে ময়নার মুহূর্তমাত্রও সময় লাগে নাই; কিন্তু কোন সন্দেহের ভাব প্রকাশ না করিয়া তিনি চারি বধুর সন্মুখেই মিষ্টান্ন কয়টি আহ্বার করিলেন। রাণীগণ মহানন্দে পুরীমধ্যে প্রত্যাবর্তন করিয়া ময়নার মৃত্যুর প্রতীক্ষা করিতে লাগিলেন। বলা-বাহুল্য মহাজ্ঞানের প্রভাবে ময়নামতী দ্বাদশ দণ্ডের মধ্যেই বিষ জীর্ণ করিয়া ফেলিলেন।

এই কৌশল ব্যর্থ হওয়াতে রাণীরা আর এক বুদ্ধি স্থির করিলেন। তাঁহারা বলিলেন—ময়নামতী যে জ্ঞানবলে ভূত ভবিষ্যৎ গণনা করিয়া পুত্রকে গৃহত্যাগ করিতে আদেশ দিতেছেন সেই জ্ঞান কতদূর সত্য পরীক্ষা করিয়া দেখা হউক। ময়নামতী যদি পরীক্ষা দিয়া প্রমাণ করিতে পারেন যে তিনি প্রকৃতই মহাজ্ঞানের অধিকারী তবেই যেন গোবিন্দ-চন্দ্র তাঁহার আদেশ পালন করেন—অন্তথা নয়। গোপী-চাঁদেরও ইহা সংগত বলিয়া মনে হইল, সুতরাং তিনি মাতার মহাজ্ঞানের পরীক্ষা লইতে মনস্থ করিলেন। ময়না বলিলেন এ বুদ্ধি গোপীচাঁদের মস্তিষ্ক হইতে উদ্ভূত হয় নাই; কিন্তু তাহাতে কোন ক্ষতি বুদ্ধি নাই। পরীক্ষা তিনি সকলের নিকটেই দিতে প্রস্তুত আছেন। তিনি বলিলেন—

“এক পরীক্ষার বদল শত পরীক্ষা দিমু।

তবু তোর রাজার বেটা বাড়ী ঘর ছাড়ামু ॥”

সত্যই ভীষণ রকমের পরীক্ষার বন্দোবস্ত হইল। মহাজ্ঞান বলে ময়নামতী সমস্তই নির্বিঘ্নে উত্তীর্ণ হইলেন। সাত মণ ফুটন্ত তৈলের মধ্যে সাত দিন ডুবিয়া থাকিয়াও তাঁহার দেহ অবিকৃত রহিল। তুষের নৌকায় চড়িয়া তিনি সমুদ্র অতিক্রম করিলেন। তৌল যন্ত্রে ওজন করিয়া দেখা গেল— তাঁহার দেহ পোস্তদানার অপেক্ষাও লঘু। এইরূপে সাত পরীক্ষা শেষ হইলে গোবিন্দচন্দ্রের সন্দেহ দূর হইল। ময়নামতীর জ্ঞান যে মিথ্যা নয় তাহা তিনি এতদিনে বিশ্বাস করিলেন। সন্তান হইয়া তিনি মাতার সঙ্ঘকে যে জঘন্ত ধারণা পোষণ করিয়াছিলেন সেজন্ত গভীর অনুতাপ জন্মিল। স্বীয় নিবুদ্ধিতার জন্ত তাঁহার আর দুঃখের সীমা রহিল না। গোপীচাঁদ স্থির করিলেন, যাহা হইবার হইয়া গিয়াছে— এখন

“আর আমি পরীক্ষা না নিব মায়ের বার বার।

শির মুড়িয়া ধর্মরাজ মুঞি ছাড়িমু বাড়ী ঘর ॥”

পুত্রের মতি পরিবর্তিত হইল দেখিয়া ময়নামতী আশ্বস্ত হইলেন।

সংবাদ শুনিয়া চারি নারীর মাথায় বজ্রাঘাত পড়িল। তাঁহারা পুনরায় সাজসজ্জা করিয়া রাজাকে প্রতিনিবৃত্ত করিবার জন্ত উপস্থিত হইলেন। কিন্তু সকল লীলা কৌশল, অহুনয় বিনয় এবার নিষ্ফল হইল। অবশেষে অহুনা কাঁদিয়া বলিলেন;—

“তোমা না দেখিয়া আমরা প্রাণ দিমু চারি রমা

মরিমু যে গরল ভঙ্কিয়া ॥”

কিন্তু তথাপি গোবিন্দচন্দ্র অচল, তিনি শুধু একটি কথা বলিয়া পত্নীগণকে বিদায় দিলেন। বলিলেন—

“ঘরে যাও অহুনা মাগো ঘরে যাও তুমি।

এ বার বছর রাজ্য ভ্রমি আসি আমি ॥”

স্বন্ধে ঝুলি এবং হস্তে 'দোয়াদুল' লইয়া গোপীচাঁদ সত্য সত্যই গৃহত্যাগ করিলেন। রাজপুরীতে ক্রন্দনের রোল উঠিল; বাড়ী হইতে বাহির হইয়াই রাজা সর্বপ্রথমে হাড়িকার নিকটে উপস্থিত হইলেন। গোপীচাঁদকে দেখিয়া

যোগীবর আদর আপ্যায়ন করিয়া আসনে বসাইলেন।  
অনন্তর গোবিন্দ হাড়িকা চরণে প্রণত হইয়া বলিলেন—

“তোমার চরণে গুরু সেবা দিলু” আন্ধি।

এ ভব তরিতে জ্ঞান মোরে দেহ তুমি ॥”

রাজার বিনয়ে সম্ভ্রষ্ট হইয়া হাড়িকা তাঁহাকে শিষ্য করিতে  
স্বীকৃত হইলেন।

“সংশয়ীর মনে যখন বিশ্বাস উৎপন্ন হয় তখন তাহা  
স্বভাবতই দৃঢ়মূল হইয়া থাকে। নাস্তিকতাবাদীরা বিচার-  
বুদ্ধি এবং যুক্তিতর্কের দ্বারা ঈশ্বরের অস্তিত্ব একবার স্বীকার  
করিলে তাঁহারাই চূড়ান্ত আস্থিক হইয়া উঠেন। তখন  
কাজেকর্মে, আচারে অগুষ্ঠানে তাঁহাদের নূতন বিশ্বাস  
অত্যন্ত প্রকট হইয়া দেখা দেয়। গোবিন্দচন্দ্রেরও তাহাই  
হইল। যে হাড়িকা সম্বন্ধে তিনি নানাপ্রকার নিন্দাবাদ  
এবং কটুক্তি করিয়াছিলেন আজ তাঁহারই চরণধূলি তাঁহার  
শিরোভূষণ হইল। গোপীচাঁদ গুরুর সেবকরূপে তাঁহার  
সহিত দেশদেশান্তর ভ্রমণ করিতে লাগিলেন। ছিন্ন  
কস্মাধারী ভিক্ষুকবেশী এই সন্ন্যাসীকে দেখিলে আজ কে  
বলিবে যে ইনিই সেই বাইশ দণ্ডের অধিপতি মহারাজ  
গোবিন্দচন্দ্র ?

পথে চলিতে চলিতে একদিন মহারাজ গোপীচাঁদ  
অত্যন্ত ক্লান্ত হইয়া গুরুর অনুমতি লইয়া এক বৃক্ষতলে শয়ন  
করিলেন। কয়েক মুহূর্তের মধ্যেই গভীর নিদ্রায় তাঁহার  
দুই চক্ষু মুদ্রিত হইয়া আসিল। হাড়িকা শিষ্যের সেবায়  
সম্ভ্রষ্ট হইলেও তাহার ভক্তির পরীক্ষা ভাল করিয়া গ্রহণ  
করেন নাই। আজ সেই পরীক্ষা লইবার জন্য তাঁহার  
ইচ্ছা জন্মিল। গোপীচাঁদকে গভীর নিদ্রায় অভিভূত  
দেখিয়া সেই সুযোগে হাড়িকা তাঁহার থলির মধ্য হইতে  
রাজার শেষ সম্বল একুশ কড়া কড়ি হরণ করিলেন।  
গোপীচাঁদ তাহার কিছুই বুঝিলেন না। যথাসময়ে নিদ্রাভঙ্গ  
হইলে রাজা পুনরায় গুরুদেবের সহিত চন্দ্রিতে আরম্ভ  
করিলেন। কিয়দূর অগ্রসর হইলে পথপার্শ্বে এক পানশালা  
দেখিয়া হাড়িকার সুরা পান করিবার ইচ্ছা হইল, কিন্তু  
তাঁহার নিজের কাছে কপর্দক মাত্র ছিল না বলিয়া তিনি  
শিষ্যের নিকটে কিছু অর্থ বাচুণা করিলেন। বলা বাহুল্য  
রাজার ভক্তির পরীক্ষার জন্যই হাড়িকা এই সমস্ত ছলনা।

যাহাই হউক হাড়িকা মত্তপানের নিমিত্ত অর্থ প্রার্থনা  
করিতেই শিষ্য তাঁহার শেষ সম্বল একুশ কড়া কড়ি দিতে  
প্রতিশ্রুত হইলেন। কিন্তু কি আশ্চর্য! থলির মধ্যে ত  
একটি কড়িও অবশিষ্ট নাই।

কয়েক দণ্ড পূর্বেও তিনি একুশ কড়া কড়ি ছিল  
দেখিয়াছেন, ইহাতে ভুল হইবার ত কোন কারণ নাই। হায়  
হায়, গুরুর নিকটে প্রতিজ্ঞা করিয়াছেন, সে প্রতিজ্ঞা রক্ষা  
হয় কেমন করিয়া? অঙ্গীকার ভঙ্গের দ্বারা মহাপাপ যে  
আর কিছুই নাই। পূর্ব জন্মের কোন্ দুষ্কৃতির ফলে আজ  
এই মহাপাপের ভাজন হইতে হইল? এইরূপে নিজ অদৃষ্টকে  
ধিকার দিতে দিতে গোবিন্দচন্দ্র কাতরভাবে বিলাপ করিতে  
লাগিলেন। ভক্তের দুঃখ দেখিয়া মনে মনে করুণা জন্মিলেও  
হাড়িকা বিচলিত হইলেন না। তিনি শিষ্যের ভবিষ্যৎ উন্নতির  
জন্য তাহাকে অধিকতর কঠিন পরীক্ষার জন্য প্রস্তুত করিতে  
লাগিলেন। তিনি জানিতেন এ পরীক্ষায় যে উত্তীর্ণ  
হইতে পারিবে ইহলোকের বাহা কিছু সকলই তাহার  
বশীভূত হইবে। রোগ শোক জরা মৃত্যু সমস্তই তাহার  
করায়ত্ত হইবে। পৃথিবীকে সে যুক্তিকা নির্মিত ক্রীড়নক  
বলিয়া মনে করিতে পারিবে। মোহের দ্বারা আচ্ছন্ন হইয়া  
এখন যদি গোবিন্দচন্দ্রের প্রতি করুণা করেন তাহা হইলে  
তাঁহার ভবিষ্যতের উন্নতির পথ রুদ্ধ হইবে। ইহা চিন্তা  
করিয়া হাড়িকা হৃদয়কে দৃঢ় করিয়া কঠোর কর্তব্য পালন  
করিয়া যাইতে লাগিলেন। শোক-বিহ্বল শিষ্যকে ডাকিয়া  
হাড়িকা বলিলেন—প্রতিশ্রুতি রক্ষা করা মানব মাত্রেই  
কর্তব্য, অঙ্গীকার করিয়া যে তাহা পালন করিতে না পারে  
সে পশু অপেক্ষাও হীন। তুমি একবার যখন প্রতিজ্ঞা  
করিয়াছ তখন যে-কোন উপায়েই হউক তোমার তাহা  
রক্ষা করা উচিত। তাহা না হইলে পরলোকে অনন্ত নরক  
যন্ত্রণা সহ্য করিতে হইবে। তোমার অস্ত্র কিছু না থাকিলেও  
দেহটা ত আছে তাহা বিক্রয় করিয়াও তোমার প্রতিশ্রুত  
অর্থ এখনই দান করিতে পার। গুরুবাক্যে গোবিন্দচন্দ্র  
তৎক্ষণাৎ আত্মবিক্রয়ে সম্মত হইলেন। তখন হাড়িকা  
একুশ কড়া মূল্যে গোপীচাঁদকে হীরা নটা নারী এক  
বারবনিতার নিকটে বন্ধক রাখিয়া সেখান হইতে  
প্রস্থান করিলেন।

প্রিয়দর্শন রাজপুত্রকে দেখিয়া হীরা মুগ্ধ হইয়া তাঁহার

নিকটে আত্মসমর্পণ করিতে ইচ্ছা করিল কিন্তু নিষ্ফল-  
চরিত্র দৃঢ়চেতা গোবিন্দচন্দ্র স্বীয় শক্তিবলে সর্বপ্রকার  
প্রলোভন অবলীলাক্রমে জয় করিলেন। অবশ্য এ নারীর  
বাক্য অবহেলা করার জন্ত রাজপুত্রকে বড় কম দুঃখ  
সহ্য করিতে হয় নাই।

দ্বাদশ বৎসর ধরিয়৷ ক্রীতদাসের ত্রায় তাঁহাকে বহু হীন  
কর্ম করিতে হইয়াছে। হীরার আদেশে দূরবর্তী নদী  
হইতে তাঁহাকে স্নানের জল বহন করিয়া আনিতে হইত।  
নরপাল গোবিন্দচন্দ্রকে ছাগপাল লইয়া বনে বনে  
চরাইতে হইত। এত সব দুঃখ তিনি অবনতমস্তকে সহ্য  
করিয়াছিলেন, তথাপি শুচিতা হারান নাই।

ধ্যানে বসিয়া হাড়িকা সকলই জানিতে পারিতেন।  
শিষ্যের শক্তি দেখিয়া তাঁহার মন আনন্দে পূর্ণ হইয়া উঠিত,  
কিন্তু তবুও তাঁহার উদ্ধারের জন্ত কোন ত্বরা করিতেন না।  
হীরার আবাসে দ্বাদশ বৎসর অতিবাহিত হইয়া গেলে  
হাড়িকা শিষ্যের সম্বন্ধে সম্পূর্ণ নিশ্চিত হইয়া একদিন  
সেখানে উপস্থিত হইলেন। রাজা গুরুকে দেখিয়াই  
ভূমিষ্ঠ হইয়া তাঁহাকে প্রণাম করিলেন। অতঃপর হীরার হস্ত  
হইতে মুক্ত করিয়া যোগীবর গোবিন্দচন্দ্রকে পুনরায় স্বগৃহে  
পাঠাইয়া দিলেন। দ্বাদশ বৎসর পরে গোপীচাঁদ গৃহে ফিরিয়া  
আসিয়া মাতার পদধূলি গ্রহণ করিলেন, দীর্ঘকাল পর পুত্রকে  
দেখিয়া ময়নামতীর চক্রে আনন্দাশ্রু গড়াইয়া পড়িল।

## আকাশ-প্রদীপ

শ্রীনিত্যানন্দ সেনগুপ্ত কাব্যতীর্থ

আকাশের আলো পথ নাহি পায়  
ধুলার অন্তরালে,  
মান হ'য়ে এলো শান্তির টিকা  
ধরার ধূসর ভালে।  
সবিতার আলো, চাঁদিমার হাসি  
মেঘের কারায় বাধা পায় আসি'  
হারাইয়া যায় পথের নিশানা  
কালো কুয়াশার জালে,  
আকাশের আলো আনে না আশীষ  
ধরার ধূসর ভালে।  
গগনে গানের কত সমারোহ  
গ্রহ-তারকার মেল',  
কান্নায় ভরা করুণ ধরণী  
চেয়ে রয় দুই বেলা!  
মুগ্ধ সে মেয়ে কত আশা ক'রে  
বালির বসতি ভাঙে আর গড়ে  
মরুভূমি 'পরে তরুর স্বপ্নে  
রচে আনন্দ-মেলা,  
অন্ধ নিয়তি আনে দুর্গতি  
ভাঙে ভুল, ভাঙে খেলা।

তবু নাহি ভোলে আকাশের কোলে  
আছে তার আত্মীয়,  
চিরবিরহের যবনিকা হানি'  
আলোরে সে জানে প্রিয়।  
তাহারি স্বরণে প্রতি সন্ধ্যায়  
ভীরু দীপখানি জেলে রেখে যায়,  
আকাশ-প্রদীপে বলে : 'প্রিয় মোর  
দুখের দেয়ালি নিও,  
তোমার অমৃত-পরশে এ ধূলি  
ফুল হ'য়ে ফোটে, প্রিয় !  
\* \* \* \* \*  
মোরা মরতের মাটির মানুষ,  
ধরণীর ধূলাবালি  
আত্মা মোদের করিছে মলিন,  
চিত্তে জমিছে কালি।  
সীমা-ঘেরা এই দীন খেলাঘরে  
আসে না আকৃতি অসীমের তরে,  
তবু কোন ধনে মলিন এ মনে  
সে-চরণে দিলে ডালি,  
মোরা মরতের মাটির মানুষ  
আকাশে প্রদীপ আলি ॥

# ভারতে প্রত্নতত্ত্বানুশীলন

শ্রীজহরলাল বসু

পুরাতত্ত্বের সঙ্গে নুতনের, অতীতের সঙ্গে বর্তমানের যোগসূত্রের অনুসন্ধান করিতে গেলে ইতিহাস পাঠ করার প্রয়োজন। কিন্তু সেই যোগসূত্রের সঠিক বিবরণ সব সময়ে ভাল রকম পাওয়া যায় না। অল্প দেশের কথা ছাড়া দিরা নিজেদের দেশের কথাই বলি।

আমাদের দেশে বর্তমানের তো প্রত্যক্ষদর্শী আমরা স্বয়ং ; কাজেই তার আর অল্প প্রমাণ সম্পূর্ণ নিশ্চয়প্রাপ্ত। বন্দোপসাগরে কোন দিন সংশোধনে 'এম্‌ডেন' উঁকি মারিয়াছিল বা সেখানা কতদূর আসের সঞ্চয় করিয়াছিল—সেটা অন্তত আমাদের বয়সী কাহারও অবদিত নাই। তারপর অদূর অতীতের ঘটনাবলী সন্ধ্যাও জানিতে হইলে যদিও আমাদের নিজেদের প্রত্যক্ষদৃষ্টি ও জ্ঞানের সীমার মধ্যে পাই না, তথাপি তাহার জন্ম বেশীদূর ছুটাছুটি করিতে হয় না। আমাদের বাপ-পিতামহদের নিকট হইতে অদূর অতীতের সন্ধ্যাও এক পুথাসুপুথ্য বিবরণ পাই বা পাইতে পারি যাহা হইতে মনে করিতে পারি যেন সেগুলোর সন্ধ্যাও আমাদের জ্ঞান বা ধারণা বর্তমান সন্ধ্যার জ্ঞানের মতই স্পষ্ট, প্রমাণবর্জিত এবং নিখুঁত। সিপাহী বিদ্রোহের কথা বা মণিপুরের লড়াইয়ের কথা বা ব্রহ্ম-বিজয়ের কথা সন্ধ্যাও আমরা যতদূর অবগত আছি বা যতদূর শুনিতে পাইয়াছি সে সমুদয় বৃত্তান্ত সন্ধ্যাও সন্দেহ করিবার আমাদের কিছুই নাই।

কিন্তু অদূর অতীতের সন্ধ্যাও আমাদের জ্ঞান কতটুকু? দূরস্থিত চক্রবালের বহির্ভূত জিনিষ যেমন আমরা শুধু চোখে দেখিতে পাই না তেমনি অদূর অতীতের ঘটনাবলীর নিকটে আমাদের প্রত্যক্ষ জ্ঞান কোন মতে পৌঁছিতে পারে না। অদূর অতীত ঘটনাবলীর সন্ধ্যাও একটা ভাল রকম ধারণা ক'রে নিতে হ'লে যে সমুদয় উপাদানের সাহায্য গ্রহণ করিতে হয় সেগুলি কতদূর নির্ভরযোগ্য তাহা আগেই বিবেচনা করা উচিত। গ্রীক আক্রমণের পূর্বের যুগের ভারতবর্ষের ইতিহাস সন্ধ্যাও জ্ঞান অর্ধ শতাব্দী পূর্বে আমাদের যাহা ছিল তাহা অতি অকিঞ্চিৎকর এবং অনির্ভরযোগ্য। কিন্তু গত অর্ধ শতাব্দী মধ্যে ঐতিহাসিক গবেষণা ভারতের প্রাচীন যুগের রীতিমত ধারাবাহিক ইতিহাস গ্রন্থনোপযোগী মালমসলা এত আহরণ করিয়াছেন যে এক্ষণে ভারতের প্রাচীন যুগের ইতিহাস রচয়িতাকে কল্পনার পক্ষপুট বিস্তার করিয়া আর মাঝে মাঝে অন্তরীক্ষে উজ্জীল হইতে হইবে না।

এইরূপ দেখিতে 'পাওয়া যায় যে, পুরাতত্ত্বানুশীলনের দ্বারা আমরা অনেক অজ্ঞাতপূর্ব জিনিষের বা তথ্যের সন্ধান পাই এবং পাইতেছি। সুপ্রাচীন যুগের লোকদের জীবনধারা, তৎকালীন ঘটনাবলী ইত্যাদি অনেক তথ্য সম্যক্রূপে উদ্ঘাটিত হইতে পারে—পুরাতত্ত্বানুশীলন সাহায্যে। আদিম যুগের অসভ্য বর্বর মানব কিরূপে ক্রমোন্নতিপূর্বে বর্তমান যুগের সুসভ্য মহামানবে পরিণত হইয়াছে, তাহার রোমাঞ্চকর অথচ সুজির্ণ

নির্ভরযোগ্য বিবরণ পাইতে হইলে এই পুরাতত্ত্বের আশ্রয় লওয়া ছাড়া গত্যন্তর নাই।

বিখ্যাত প্রত্নতাত্ত্বিক Robert Bruce Foote তাঁহার "Collection of Prehistoric or Protohistoric Antiquities" নামক পুস্তকে লিখিয়াছেন "On 30th May 1863, I came across a genuine chipped implement among the material turned out of a small ballast pit dug in the lateritic gravel on the parade ground at Pallavaram, south of Madras. In January, 1864 I revisited the place and found two further palaeolithes of typical shapes in the material exposed by enlargement of the pit ; then found polished neolithic implements."

নানাস্থানের ভূগর্ভ হইতে প্রচুর ভগ্ন পাত্রের ও প্রচুর প্রস্তরাদি নির্মিত অস্ত্রশস্ত্রের উদ্ধার সাধন হইয়াছে। সেই সমুদয় একত্র করিয়া অভিনিবেশ সহকারে বিচারপূর্বক পরীক্ষা করিলে প্রাগৈতিহাসিক যুগের ( যাহাকে ঐতিহাসিকেরা এখন বলেন palaeolithic age এবং neolithic age) সন্ধ্যাও অনেক তথ্য জানিতে পারা যায়। সেই অদূর অতীতের দিনে কুম্ভকারগণ কত যে যত্নসহকারে নানা কারুকার্যখচিত রঙবেরঙের নয়নাভিরাম পাত্র নির্মাণ করিতেন তাহা দেখিলে বিশ্বিত হইতে হয়। কে বলে—তাহারা বর্বর ছিল? কে বলে—তাহারা সভ্যতার আলোক তখনও পায় নাই? কত শত শত বৎসর পূর্বে তাহারা পাত্র গাত্রে কি সূন্দর সূন্দর রঙ ফলাইয়া গিয়াছেন; আর এই সুদীর্ঘকাল পরেও সেই ভাঙা পাত্রগুলির গাত্রে অঙ্কিত চিত্রগুলির রঙ এখনও যেন নূতন রহিয়াছে!

এই প্রসঙ্গে পূর্বোক্ত Foote সাহেব লিখিয়াছেন—

"The beauty of the pottery even when broken speaks to the skill of potters. Earthenware vessels found in old graves—perfectly preserved—show variety in shape, texture and ornamentation. The greatest value of the collection is the great light it throws upon geographical distribution of the people of several ages. Of the pottery in my collection the most interesting one is a lotah with a short side spout found in the Riverdale state. The shape of the spout is decidedly archaic and the earthenware is exceptionally coarse for so small a vessel."

প্রথমে এই পুরাতত্ত্বানুশীলনের কোন শৃঙ্খলাবদ্ধ ধারা ছিল না; কিন্তু বহু সুনিপুণ গবেষকের অপরিমিত উত্তম ও অক্লান্ত পরিশ্রমের ফলে অধুনা পুরাতত্ত্বানুশীলন ধারা খুব সুনির্ভর হইয়াছে এবং গত অর্ধ শতাব্দীর মধ্যে ইহার অসাধ্য সাধনের কাজ করিয়াছেন। সুযোগ্য এবং সুদক্ষ পুরাতত্ত্ব পণ্ডিতগণের সত্বাবধানে অভিনিবেশসহকারে কাজ করিয়া ভূগর্ভ খননকারীরা এক্ষণে হাজার হাজার বৎসর পূর্বকার অতীত যুগের



ইতিহাসের পৃষ্ঠাগুলি আমাদের চক্ষের সামনে একে একে উদ্ঘাটিত করিতেছেন। এইরূপে প্রত্নতত্ত্বানুশীলনের ফলে গত অর্ধ শতাব্দী মধ্যে ভারতের সুপ্রাচীন যুগের ইতিহাসে অনেক নূতন পৃষ্ঠা সংযোজিত হইয়াছে এবং অনেক পৃষ্ঠা আমূল পরিষ্কৃত হইয়াছে।

ভারতের প্রাচীন যুগের ইতিহাসের যে যে অংশ পূর্বে দুর্ভেদ্য অন্ধকারে আচ্ছন্ন ছিল এখন এই প্রত্নতত্ত্বিকেরা তাহার অনেকাংশের উপর প্রচুর আলোকপাত করিয়াছেন ও করিতেছেন। মৃত ব্যক্তি Rip Van Winkle-এর মত শত শত বর্ষের বিস্মৃতির গুহা হইতে পুনরুত্থিত হইয়াছেন। যুগমানব যীশুখৃষ্টের আবির্ভাবের শত শত বর্ষ পূর্বেকার অধিবাসিগণের দৈনিক জীবনধারা বা চিন্তনধারার সঙ্গে আমাদের নিজেদের জীবনধারার বা চিন্তনধারার কত ঐক্য বা অনৈক্য পরিলক্ষিত হয় তাহাও বিচার করিবার সুযোগ সুবিধা এখন আমাদের ভাগ্যে ঘটিতেছে। প্রস্তরোপরি খোদিত বা ধাতুপটোপরি উৎকীর্ণ লিপিমালার পাঠোদ্ধার এখন সম্ভবপর হইয়াছে। সেই সুদূর অতীতের সুন্দরীগণ কোন্ কোন্ অলঙ্কার ধারণ করিতেন বা তখনকার বিলাসিনীগণের চারু অঙ্গ প্রসাধনের কি কি উপাদান ছিল তাহারও সম্বন্ধ পাওয়া এখন সম্ভব হইয়াছে।

একথা নিতান্ত সত্য যে প্রাচ্যের সুদূর অতীত এখন প্রত্নতত্ত্বিকের কুপায় আমাদের নাগালের মধ্যে আসিয়াছে। প্রত্নতত্ত্বিকেরা এখন সেই সুদূর অতীত যুগের পুঙ্খানুপুঙ্খ বিবরণ আমাদের নয়নপথে উপস্থাপিত করিয়াছেন ও করিতেছেন।

Sir Leonard Woolley যথার্থই বলিয়াছেন—“আজ আমরা প্রত্নতত্ত্বিকগণের অক্লান্ত পরিশ্রমের ফলে খৃষ্টপূর্ব চতুর্দশ শতাব্দী পূর্বে যুগের মীশরের সম্বন্ধে এত খুঁটিনাটি জানিতে সমর্থ হইয়াছি যাহা আমরা খৃষ্টীয় চতুর্দশ শতকের যুগের ইংলণ্ডের সম্বন্ধেও জানিতে পারি নাই। দীর্ঘকাল বিস্মৃতিগর্ভে নিমগ্ন প্রাচীন স্মেরিয়ান এবং হিটাইটদের সুবিস্তীর্ণ রাজ্যের সম্বন্ধে বা আসীরীয়া এবং ব্যাবিলনবাসিগণের হাজার হাজার বৎসরের ভূগর্ভস্থ নরককাল সম্বন্ধে আজ যে এত বিস্তৃত বিবরণ জানিতে সমর্থ হইয়াছি—তাহার জন্য আমরা ঐ কোদাল এবং খনিজের নিকটেই ধনী।”

পূর্বে পাশ্চাত্য পণ্ডিতেরা ভারতীয় প্রত্নতত্ত্ব সম্বন্ধে বিশেষ আস্থাবান ছিলেন না। যে সময়ে আক্ষগানিহান দেশসম্বৃত অশান্তির প্রচণ্ড বহিঃ উত্তরোত্তর পুঞ্জীভূত হইয়া ভারতের উত্তর-পশ্চিম সীমান্তকে সঙ্কুচিত করিয়া চলিয়াছিল প্রায় সেই সময়ে ( ১৮৩৮ খৃষ্টাব্দে ) ভারতে এই প্রত্নতত্ত্বানুশীলন বিজ্ঞানের প্রথম প্রবর্তন হয়। যে ব্রাহ্মীলিপি শত শত বর্ষ ধরিয়া অপাঠিত ও অনুদ্ঘাটিত ছিল, ঐ বৎসরে সেই ব্রাহ্মীলিপির প্রথম পাঠোদ্ধার সাধন করেন জেম্ন্ প্রিন্সেপ। এই সুপ্রাচীন ভারতীয় লিপির পাঠোদ্ধার হইতে ভারতে এক নূতন যুগের প্রবর্তন হয়। অনন্তর হাজার হাজার প্রাচীন লিপি আবিষ্কৃত ও পঠিত হওয়ার ফলে ভারতের প্রাচীন যুগের ইতিহাসে কত নূতন পৃষ্ঠা সংযোজিত করিতে হইয়াছে!

কিন্তু দুঃখের বিষয় বহুদিন ধরিয়া শুধু ইউরোপীয় পণ্ডিতেরাই এই ভারতীয় প্রত্নতত্ত্বানুশীলন ব্যাপারে নিযুক্ত ছিলেন। Sir Alexander

Cunningham প্রমুখ ইউরোপীয় পণ্ডিতগণের বিশেষ প্রচেষ্টার ফলে ১৮৬২ খৃষ্টাব্দে ভারতগবর্ণমেন্ট কর্তৃক প্রত্নতত্ত্ববিভাগের উদ্বোধন হয়, আর ঐ বৎসরেই Cunningham সাহেব স্বয়ং ভারতীয় প্রত্নতত্ত্বানুশীলন বিভাগের সর্বময় কর্তা নিযুক্ত হন।

সারা দেশটা মাঝে মাঝে পর্যবেক্ষণ করা ও প্রাচীন ঐতিহাসিক তথ্যসম্ভারে সমৃদ্ধ বিবরণীসমূহের ধারাবাহিক সংকলন করা—এই সব ছিল কানিংহামের প্রধান কাজ। এ কাজের প্রথম কর্মী কানিংহাম, কাজেই তাঁহাকে অনেক অগ্রবিধা ভোগ করিতে হইয়াছিল; কিন্তু তিনি এই বিষয়ে প্রকৃত অনুরাগী ছিলেন বলিয়া অক্লান্ত অধ্যবসায় সহকারে বিশেষ যোগ্যতার সহিত বহুদিন ধরিয়া এই কার্য পরিচালন করিয়াছিলেন। প্রত্নতত্ত্ব বিভাগ হইতে যে সকল বিবরণ তিনি প্রকাশিত করিয়াছিলেন সেগুলির মূল্য আজিও অক্ষুণ্ণ রহিয়াছে। পুরাতন বৌদ্ধধর্মসম্বন্ধীয় তথ্যলাভোপযোগী স্থানসমূহের অবধারণ ও প্রাচীন ধ্বংসাবশেষসমূহের সঠিক সময় নির্ধারণে কানিংহাম ছিলেন সিদ্ধহস্ত।

ভারতের প্রাচীন যুগের ইতিহাস রচয়িতা সুবিখ্যাত পাশ্চাত্য পণ্ডিত Vincent Smith বলিয়াছেন, “ভারতের প্রাচীন যুগের ইতিহাস গ্রন্থনোপযোগী উপাদান সব চেয়ে বেশী পাওয়া যায় চীনদেশীয় সুবিখ্যাত পর্যটক হিউ-এন্-শ্চাঙের বিবরণী হইতে। হিউ-এন্-শ্চাঙ ভারতে আসিয়াছিলেন খৃষ্টীয় সপ্তম শতকে মহারাজা হর্ষবর্দ্ধনের রাজত্বকালে। হর্ষবর্দ্ধন ছিলেন একজন প্রবল প্রতাপাধিত বিচক্ষণ রাজা; তিনি এই চীনদেশীয় পর্যটককে বহু বৎসর নিজের কাছে রাখিয়াছিলেন এবং তাঁহার সহিত অন্তরঙ্গ বন্ধুর মত ব্যবহার করিতেন। হিউ-এন্-শ্চাঙ ছাড়া আরও অনেক বিদেশী পর্যটক ভারতবর্ষ সম্বন্ধে বিবরণী লিখিয়া গিয়াছেন; কিন্তু উপাদান-সম্ভারে এই হিউ-এন্-শ্চাঙের বিবরণীই সর্বাপেক্ষা অধিক সমৃদ্ধ। ইহার ভ্রমণকাহিনী Records of the Western World নামক পুস্তকে লিপিবদ্ধ আছে। এই ভ্রমণ-বৃত্তান্তের সম্পূর্ণ কাহিনী সাধারণ্যে প্রথম প্রচার করেন শ্রীযুক্ত কানিংহাম এবং অচিরে ইংরেজী, ফরাসী, জার্মানী প্রভৃতি বহু পাশ্চাত্য ভাষায় তাহা অনূদিত হয়। হিউ-এন্-শ্চাঙ উত্তরভারতের বহু স্থানে পরিভ্রমণ করিয়াছিলেন এবং প্রত্নতত্ত্বিকগণের যত্ন ও পরিশ্রমের ফলে তাঁহার ভ্রমণের প্রতিটি বিবরণ আজ আমরা অবগত হইতে সমর্থ হইয়াছি।

সরকারের এই প্রত্নতত্ত্বিক বিভাগ এখন হইতে অনেক কাজ করিতে লাগিল বটে কিন্তু প্রাচীন স্মৃতিস্মারক বা দেউলসমূহের সংস্কারকার্যের দিকে এখনও কাহারও লক্ষ্য পড়িল না। সংস্কার তো দূরের কথা, বরং অনভিজ্ঞ লোকেরা তক্ষশিলা, সারমাথ, সাঁচি প্রভৃতি স্থানে ধ্বংসকার্যে নিযুক্ত থাকায় অনেক অনিষ্ট সংঘটিত হইয়াছে।

১৮৭৮ খৃষ্টাব্দে বড়লাট লর্ড লিটন প্রত্নতত্ত্ববিভাগকে লক্ষ্য করিয়া বলেন—“জাতীয় প্রাচীন কীর্তিকলার নিদর্শনগুলির সংরক্ষণ করা প্রাদেশিক গবর্ণমেন্টের হস্তে স্তম্ভ করিলে চলিতে পারে না।” এই বলিয়া তিনি উক্ত বিভাগকে খাস ভারত গবর্ণমেন্টের অধীনে আনয়ন করেন। কিন্তু তখনও বিশেষ উন্নয়নযোগ্য কাজ কিছু হইতেছিল না; বরং অনেক

মূল্যবান স্মৃতিস্তম্ভ পুরাতন জিনিষ ভারত হইতে ইউরোপ বা মার্কিনের চিত্রশালার স্থানান্তরিত হইয়া তখন ভারতকে ক্ষতিগ্রস্ত করিত। সেগুলি ভারতে থাকিলে ভারতের ঐতিহাসিকেরা আজ ভারতের প্রাচীন যুগের ইতিহাসের আরও কত নব নব তথ্যের হয়তো সন্ধান দিতে পারিতেন। ভারতীয় ঐতিহাসিকদের ক্ষতি শুধু যে এই প্রকারেই সাধিত হইয়াছে তাহা নহে; অর্থগৃহ, ধর্মদেবী বিজাতীয়দের অভ্যাচারের ফলেও ঐতিহাসিকদের ক্ষতি কম হয় নাই। মুসলমানদের হাতে কত শত হিন্দু, বৌদ্ধ ও জৈন মন্দির এবং দেবদেবীর প্রতিকৃতি যে ধ্বংস প্রাপ্ত হইয়াছে তাহার সংখ্যা নাই। সোমনাথের মত কত দুশ্রীয়া স্মৃতিচিহ্ন সম্বলিত মন্দির এইরূপে দুর্ভিক্ষ অর্থলোভী নির্মম দস্যদের হাতে নিশ্চিহ্ন হইয়াছে। আবার কখনও বা অপেক্ষাকৃত গুণজ্ঞ স্থানীয় ব্যক্তির কৃপায় এই সকল স্মৃতিচিহ্ন ধ্বংসকারীর কবল হইতে রক্ষা পাইয়াছে।

উত্তর-পশ্চিম সীমান্ত প্রদেশস্থ এক পাঠানপন্নী হইতে C. G. H. Hastings সাহেব বৌদ্ধযুগের এক উৎকীর্ণ মৃৎপাত্রের আবিষ্কার করেন। সেই পাত্রটি জনৈক স্থানীয় ব্যবসায়ী মূলাধাররূপে ব্যবহার করিতেছিলেন। ঐ মৃৎপাত্রের গাত্রে খরোষ্টি অক্ষরে এবং প্রাকৃত ভাষায় উৎকীর্ণ ছিল—“ধিওডোরেন মেরিডার্চেন প্রতিখবিদ ইমে শরীরঃ শাক্যমুনিঃ ভগবতো বহুজনহিতয়ে” (অর্থাৎ বহুলোকের শান্তির নিমিত্ত ভগবান শাক্যমুনি এই নিদর্শনগুলি ধিওডোরস্ মেরিডার্চ কর্তৃক সংরক্ষিত হইল)। কি ইতিহাসের দিক হইতে, কি ধর্মের দিক হইতে মৃৎপাত্রটির মূল্য যে কত বেশী তাহা ভাষায় প্রকাশ করা যায় না। এই উৎকীর্ণ লিপি আমাদের সংবাদ দিতেছে যে, তখনকার দিনের জনৈক গ্রীক শাসনকর্তা একজন ধর্মাত্মী সেবকের মত ভগবান তথাগতের শারীর নিদর্শন সংরক্ষণ করিয়াছিলেন, সাধারণের মঙ্গলের জন্ত ঐ মৃৎপাত্র মধ্যে।

ভিলসা নগরের সমীপবর্তী বেশনগরে একটি গরুড়স্তম্ভ আবিষ্কৃত হইয়াছে, তাহার গাত্রে উৎকীর্ণ লিপি হইতে জানা যায় যে, নরপতি Antalkidas-এর রাজত্বকালে তক্ষশিলা হইতে সমাগত Dion-এর ভগবন্তস্তম্ভপরাণ পুত্র Heliodoros শ্রীভগবান বাসুদেবের প্রতি তাঁহার প্রগাঢ় শ্রদ্ধার নিদর্শন স্বরূপ ঐ গরুড়স্তম্ভ প্রতিষ্ঠা করেন। রাজা Antalkidas-এর রাজত্বকালের সময় হিসাবে এই স্তম্ভ প্রতিষ্ঠার কাল আনুমানিক খৃঃ-পূঃ ১৭৫ হইতে ১৩৫ মধ্যে।

এইরূপে ১৮৬৯ খৃষ্টাব্দে পণ্ডিত ভগবানলাল মথুরাতে জনৈক নিকৃষ্ট-জাতীয় হিন্দুর গৃহের নিকট শীতলা-মন্দিরের সোপানে প্রোথিত একটি লালবর্ণের বেলে পাথরের খাম ভাঙ্গা দেখিতে পান; সেটি ছিল কোন পরাক্রান্ত শক-ভূপালের প্রতিষ্ঠিত স্তম্ভের শীর্ষভাগ। মথুরায় লক্ষ উক্ত স্তম্ভগাত্রে উৎকীর্ণ লিপির উচ্চার সাধনের দ্বারা অনেক তৎকালীন ঘটনার সন্ধান আমাদের পরিচয় হইয়াছে।

Dr. Bellow সাহেব গড়িতে যে পথ-তি-হি-বহি নামক উৎকীর্ণ লিপির আবিষ্কার করিয়াছেন তাহার মূল্যও বড় কম নয়। ইহার সন্ধান কানিংহাম সাহেব লিখিয়াছেন—“শিলাপটখানি শত শত বর্ষ ধরিয়া মসলা বাটী শিলারূপে ব্যবহৃত হইয়াছে, ইহার দ্বারস্থানের লেখাগুলি অসংখ্য।

উঠিয়া গিয়াছে।” Fergusson সাহেব বলিয়াছিলেন—Whenever anyone will seriously undertake to write the history of sculpture in India, he will find the materials abundant and the sequence by no means difficult to follow.”

শুনিতে পাওয়া যায়, বারাণসীর নিকট গঙ্গাবক্ষে Duff-Bridge নির্মাণকালে সারনাথের ধ্বংসাবশিষ্ট উপাদানগুলির সম্ভাবহার করা হইয়াছিল! সারনাথের স্মৃতিস্তম্ভগুলি কি কলাবিদ্যার পরাকাষ্ঠা হিসাবে, কি ঐতিহাসিক নিদর্শন হিসাবে অতীব মূল্যবান, সন্দেহ নাই। সারনাথে লক্ষ ভগবান বুদ্ধদেবের এক মূর্তিকে লক্ষ্য করিয়া স্থপতি Vincent Smith বলিয়াছিলেন, “সাঁভাগ্যক্রমে এই মূর্তিটি একবার নির্মম যবনগণের করাল কবল হইতে রক্ষা পাইয়াছে—আর একবার ইংরেজ গবর্নমেন্টের পূর্তবিভাগের সুযোগ্য কন্ট্রোলদিগের করকবল হইতে রক্ষা পাইয়াছে।”

এই সারনাথের Deer Park-এতেই ভগবান তথাগত সর্বপ্রথমে নির্বাণলাভের উপায় সন্ধান প্রকাশ্যভাবে উপদেশ দিয়াছিলেন বলিয়া এই স্থানেই তাঁহার প্রতিকৃতি সন্নিবেশিত করা সুসঙ্গত হইয়াছে; তাঁহার প্রধান শিষ্যপঞ্চককে মঞ্চোপরি প্রদর্শিত করা হইয়াছে; বামে শিশুসহ স্ত্রীলোকটি—সম্ভবত এই মূর্তিটি যিনি করাইয়া দিয়াছিলেন তাঁহারই নিদর্শক। এই প্রতিকৃতিতে সেই যুগের ভাস্কর্য্যকৌশলের পরাকাষ্ঠা পরিলক্ষিত হয়। উপরে পরিদৃশ্যমান পরীগণের প্রতিকৃতিগুলি দিগগড়-স্থিত অনুরূপ প্রতিকৃতিগুলির সঙ্গে উপমিত হইতে পারে।

প্রসিদ্ধ ঐতিহাসিক গোপীনাথ রাও তাঁহার Elements of Hindu Iconography নামক পুস্তকে লিখিয়াছেন—“বাস্কর্য্যের অন্তর্গত দিগগড়ের এক প্রাচীন ভগ্ন বিষ্ণু মন্দিরে একটি প্রতিকৃতি পাওয়া গিয়াছে। ইহার ভাস্কর্য্য বিচার করিয়া Vincent Smith বলেন, এ মূর্তি অন্তত খৃষ্টীয় ষষ্ঠ শতকের প্রথমভাগে নিৰ্ম্মিত। পণ্ডিত গোপীনাথ রাওয়ের নিজের মতে ঐ প্রতিকৃতি খৃষ্টীয় সপ্তম বা অষ্টম শতকের প্রথম ভাগের।”

General F. C. Maisey তাঁহার স্মৃতিস্তম্ভ Sanchi and its Remains নামক পুস্তকে সাঁচী হইতে লক্ষ অনেক পুরাতন জিনিষের তালিকা লিপিবদ্ধ করিয়াছেন। সাঁচী মধ্যভারতের ভিলসা নামক স্থানের নিকটবর্তী। এখানে বহু স্তূপ ও প্রস্তরমূর্তি পাওয়া গিয়াছে। সাঁচীর নিকটবর্তী উদয়গিরি হইতে লক্ষ এক গদাচক্রধারী চতুর্ভুজ স্মৃতিস্তম্ভের কথা তিনি উল্লেখ করিয়াছেন।

আবার A Fuhrer তাঁহার Monumental Antiquities and Inscriptions in N.-W. Province and Oudh নামক প্রসিদ্ধ পুস্তকে অনেক স্মৃতিস্তম্ভের কথা লিপিবদ্ধ করিয়াছেন। Fuhrer\* লিখিয়াছেন—সাহারাণপুরের অস্তঃপাতী খিজরাবাদ নামক স্থানে এক উৎকীর্ণ লিপি পাওয়া গিয়াছে যাহাতে চৌহান রাজকুমার বিশালদেবের

\* Fuhrer প্রসিদ্ধ সংস্কৃত কোষ-প্রণেতা অমরসিংহকে বৌদ্ধ বলিয়াছেন (“Amar Singha a renowned Buddhist lexicographer and author of the Amarkosha.” p. 15)—কিন্তু এ বিষয়ে সন্দেহ নাই।

১২২০ সন্থতের ( অর্থাৎ ১১৬৩ খৃষ্টাব্দের ) জয়গাথা দেখিতে পাওয়া যায়। এইরূপে Fuhrer সাহেবের পুস্তক হইতে হুপ্রাচীন যুগের অনেক বিবরণ জানিতে পারা যায়। মাঠাকুমার নামক হুপ্রাচীন দুর্গে ভগবান বুদ্ধদেবের এক প্রকাণ্ড প্রতিমূর্তি পাওয়া গিয়াছে। মহামুন্ডব কার্গাইল সাহেব নিজ ব্যয়ে এবং নিজ রুচি অনুযায়ী সংস্কারসাধন পূর্বক বুদ্ধদেবের এক নির্ঝাণ মূর্তি এক প্রকাণ্ড বিহারে পুনঃ প্রতিষ্ঠিত করিয়াছিলেন।”

সুবিখ্যাত প্রত্নতাত্ত্বিক কানিংহাম সাহেব তাঁহার “The Stupa of Bharhut” নামক প্রসিদ্ধ পুস্তকে অনেক পুরাতন জিনিসের বিস্তৃত বিবরণ লিপিবদ্ধ করিয়াছেন। ভারত বর্তমান পাটনা স্টেশন হইতে আন্দাজ সাত মাইল দক্ষিণে অবস্থিত। কানিংহামের মতে এই ভারত স্থূপ খৃঃ-পূঃ তৃতীয় শতকের জিনিস। এখানে বৌদ্ধযুগের ইতিহাসের প্রচুর উপাদান আছে। বৌদ্ধজাতকের উপাখ্যানসমূহের বহুপ্রতিকৃতি এখানে পাওয়া গিয়াছে। ভগবান বুদ্ধদেবকে দেখিবার বাসনায় হস্তীপৃষ্ঠে আরুঢ় হইয়া রাজা অজাতশত্রু এবং রথারুঢ় হইয়া রাজা প্রসেনজিৎ যে শোভাযাত্রা করিয়াছিলেন তাহার প্রস্তরময়ী প্রতিকৃতি এখানে দৃষ্ট হয়। এখানে আর একটি উল্লেখযোগ্য প্রস্তরমূর্তি পাওয়া গিয়াছে—সেই শ্রাবস্তি নগরের প্রসিদ্ধ জেতবাহনমঠের প্রতিকৃতি ; সেই প্রসিদ্ধ আত্রবৃক্ষ, সেই মন্দিরসমূহ, সেই প্রসিদ্ধ ধনী বর্ণিক অনাথপিণ্ড—সবই একত্র পরিদৃষ্ট হয়। তা ছাড়া বহু যক্ষ-যক্ষিণী, দেব-দেবী, নাগরাজ প্রভৃতির প্রতিকৃতি এখানে পাওয়া গিয়াছে। সেই সকল পুরুষ ও স্ত্রীমূর্তির অলঙ্কারের প্রাচুর্য ও সৌন্দর্য বিশেষ উল্লেখযোগ্য।

সারনাথের এই মূর্তি সম্বন্ধে কানিংহাম বলিয়াছেন—“The close fitting smooth robe is one of the most distinctive marks of the style, which is singularly original and absolutely independent of the Gandhara School. The composition is so highly pictorial that it may have been designed after the model of a painted fresco.” সারনাথের এইরূপ সুন্দর সুন্দর কত যে প্রস্তরমূর্তি নষ্ট হইয়া গিয়াছে তাহা কে বলিতে পারে ?

এই প্রসঙ্গে এলোরা এবং অজন্তায় আবিষ্কৃত গুহামন্দিরগুলিরও উল্লেখ করা যাইতে পারে ; অত্রস্থ প্রস্তরমূর্তিগুলি দেখিলে বেশ স্পষ্টই বুঝা যায় যে, সেই সুদূর অতীত যুগের ভাস্করগণ কত সুন্দর সুন্দর মূর্তি গড়িতে পারিতেন ; আবার অজন্তার প্রস্তর-গাত্রোপরি অঙ্কিত বর্ণাঢ্য চারুচিত্রাবলীও কম নয়নাভিরাম নহে ! কোন্ স্মরণাতীত যুগে অমুলোপিত বর্ণবিভা সেগুলির আজও বিমলিন হয় নাই !

১৮৮৫ খৃষ্টাব্দে Sir Alexander Cunningham কার্য হইতে অবসরগ্রহণ করিলে প্রত্নতত্ত্ববিভাগের ঘোর দুর্দিন সমুপস্থিত হয় ; ঐ বিভাগের কর্মসূচ্যের পদ অপূর্ণই থাকিয়া যায়। পরে লর্ড কার্জন ভারতের বড়লাট হইয়া আসিলে এই প্রত্নতত্ত্ববিভাগের কার্য আবার নবীন উত্তমে পরিচালিত হইতে থাকে। ১৯০০ খৃষ্টাব্দে তিনি বঙ্গীয় Asiatic Society-র সদস্যবৃন্দকে সঙ্ঘোধন করিয়া যে বক্তৃতা দেন তাহা

হইতেই তাঁহার এই বিভাগের প্রতি প্রগাঢ় অনুরাগের পরিচয় পাওয়া যায়। ঐহারা প্রত্নতত্ত্ববিভাগ উঠাইয়া দিবার সংকল্প কারিয়াছিলেন লর্ড কার্জন উক্ত অভিভাষণে একরাস্তরে তাঁহাদিগকে শাসাইয়া বলিয়াছিলেন—ভারতের পুরাতত্ত্বের নিদর্শনগুলি যথাসম্ভব বজায় রাখা ও রক্ষা করা হইতেছে ভারত গবর্নমেন্টের একটা প্রধান কর্তব্য কর্ম।

প্রত্নতত্ত্ববিভাগ রীতিমত ব্যাপকভাবে আলোচনা এদেশে শুরু হয় লর্ড কার্জনের আমল হইতে। এ সম্বন্ধে বক্তৃতাদানকালে তিনি যাহা বলিয়াছিলেন তাহাতে প্রত্নতত্ত্ববিভাগ প্রতি তাঁহার প্রগাঢ় অনুরাগের পরিচয় পাওয়া যায়। তিনি বলিয়াছিলেন—“There has been during the last forty years, some sort of sustained effort on the part of the Government to recognise its responsibilities and to purge itself of a well-merited reproach. This attempt has been accompanied and sometimes delayed, by disputes as to the rival claims of research and conversation, and by discussion over legitimate spheres of action of the Central and Local Governments.” ১৮৬০ খৃষ্টাব্দে লর্ড কানিংহাম এই প্রত্নতত্ত্ববিভাগকে সরকার হইতে স্থায়ী সাহায্যদানের ব্যবস্থা বিধান করেন এবং ১৮৬২ সালে General Cunningham-কে প্রত্নতত্ত্ববিভাগের কর্তৃত্বপদে নিয়োগ করেন। তদবধি ঐ বিভাগ বহুমূল্যবান তথ্যের উদ্ঘাটন দ্বারা ভারতের প্রাচীন যুগের ইতিহাস সম্বন্ধে প্রচুর আলোকপাত করেন। পরে ১৯০২ খৃষ্টাব্দে Sir John Marshal ভারতীয় প্রত্নতত্ত্ববিভাগের সর্বময় কর্তা নিযুক্ত হন। মার্শ্যাল সাহেব এই বিভাগের কাব্যপরিচালন পদ্ধতির আমূল সংস্কার সাধন করেন। সৌভাগ্যক্রমে ভারতের তদানীন্তন বড়লাট সাহেবও তাঁহাকে এই কার্যে প্রচুর উৎসাহ দিতে থাকেন। ১৯০৩ খৃষ্টাব্দে পুরাতন স্মৃতিস্তম্ভ সংরক্ষণী আইন প্রবর্তিত হয় ; এই আইনের দ্বারা হিন্দু, বৌদ্ধ এবং মুসলমানদিগের প্রাচীন জীর্ণ স্মৃতিস্তম্ভ ও সৌধমালা সরকার কর্তৃক সংরক্ষিত হইবার ব্যবস্থা বিধিবদ্ধ হয়। বাহিরের লোকেরা যাহাতে আর ভবিষ্যতে ঐ সকল মূল্যবান কীর্তিকলাপের কোনরূপ অপচয় বা ধ্বংস সাধন করিতে না পারে তজ্জন্য রক্ষক নিযুক্ত করা হয় এবং সরকার হইতে উহাদের সংরক্ষণার্থ ইংরেজী ও বিভিন্ন দেশীয় ভাষায় ইস্তাহার জারি করা হয়। যাহাতে ঐ সকল প্রাচীন কীর্তির নিদর্শন কোনরূপে নষ্ট না হয় এবং যাহাতে প্রাচীন লিপিমালার পাঠোদ্ধারকার্য অব্যাহতভাবে শৃঙ্খলে পরিচালিত হয় লর্ড কার্জন তাহার জন্ত যতদূর সম্ভব বিধিবন্দোবস্ত করিয়াছেন। তাঁহার এই মহৎ কার্যের জন্ত ভারতবাসী চিরদিন তাঁহার নিকট কৃতজ্ঞ থাকিবে। তাঁহার ঐকান্তিক যত্ন ও উৎসাহের ফলেই প্রত্নতত্ত্ববিভাগ আজ ভারতে এত অমূল্য সম্পদের সন্ধান দিতে সমর্থ হইয়াছে। তিনি স্পষ্টই বলিয়াছিলেন—“It is in my judgment equally our duty to dig and discover, to classify, reproduce and describe, to copy and decipher and to cherish and conserve.” ভারতীয় প্রত্নতত্ত্ববিভাগ সৌভাগ্যক্রমে লর্ড কার্জনের মত পরম বন্ধুকে সে সময়ে পাইয়াছিল বলিয়াই এত দ্রুত উন্নতির পথে

(২) সৌর-সংস্কৃতি, (৩) আগ্নেয়-সংস্কৃতি (৪) বৈষ্ণব-সংস্কৃতি, (৫) শৈব-সংস্কৃতি ও (৬) শাক্ত-সংস্কৃতি। ইহাদের সংক্ষেপত পরিচয় এইরূপ—

(১) “গাণপত্য-সংস্কৃতি”—শাস্ত্র বলিয়াছেন “জ্ঞানং গণেশং”। মানুষের যেদিন হইতে জ্ঞানের উদয় হইয়াছে, মানুষ বুদ্ধির ব্যবহার করিতে শিখিয়াছে, মানুষের পঞ্চকৃষ্টি বা পঞ্চজন একত্রে “গণে” দলবদ্ধ হইয়াছে—সেইদিন হইতেই গাণপত্য-সংস্কৃতির সৃষ্টি। হিন্দুর জ্ঞান-বিজ্ঞানের—তাহার মানস-সম্পদের মূলে আছে এই গাণপত্য-সংস্কৃতি। হিন্দুর বিদ্যা ও শ্রীর অধিষ্ঠাত্রী দেবতা সরস্বতী ও লক্ষ্মী গণেশেরই ভগিনী সহোদরা। হিন্দুর ললিতকলা এই দেব-গোষ্ঠীরই অবদান; উপনিষদের “দেবজন-বিদ্যা” এই গাণপত্য-সংস্কৃতিরই পরিণতি। সঙ্গীত হইতে সাহিত্য, এমন কি দর্শন পর্যন্ত এই ধারার অন্তর্ভুক্ত। যদিও নিশ্চিতরূপে চিহ্নিত করিবার উপায় নাই—তথাপি একথা বলিতে পারা যায় যে, রাজনীতি, হিন্দুর পারিবারিক প্রথা ও সমাজের আদিমতম বিধি ব্যবস্থা এই সংস্কৃতি হইতে উদ্ভূত। কালে গণপতি অপ্রধান হইলেও হিন্দু সমাজ হইতে তাঁহার প্রভাব অন্তর্হিত হয় নাই। ভারতের—তথা বাঙ্গালার স্থাপত্য ও ভাস্কর্য্যেও ইহার প্রভাব পরিলক্ষিত হয়।

(২) “সৌর-সংস্কৃতি”—এক হইতে দশম পর্যন্ত সংখ্যা-লিখনপদ্ধতি, যজ্ঞ-কার্য্যের ও মানবের শুভাশুভ গণনার জ্ঞান দিন, পক্ষ, মাস, বৎসর, গ্রহ, নক্ষত্র, তিথি প্রভৃতির আলোচনামূলক গণিত ও ফলিত জ্যোতিষ প্রভৃতি এই সংস্কৃতি হইতে উদ্ভূত। সমাজের সর্বস্তরে ইহার প্রভাব। বেদে মিত্র দেবতা বহু সম্মানিত। ভারতীয় ব্রাহ্মণের সর্বশ্রেষ্ঠ দীক্ষা সাবিত্রী-দীক্ষা বা গায়ত্রী-দীক্ষা। গায়ত্রী মন্ত্রে মিত্র দেবতারই স্বরূপ প্রকাশিত। অধুনা সমাজে গ্রহাচার্য্যগণ যতই অবজ্ঞাত হউন, এক সময় তাঁহারা সমাজের শীর্ষস্থানীয়গণের অন্ততম ছিলেন। বসন্তের মত ছশ্চিকিৎসা ব্যাধির চিকিৎসা ও সৌর-সংস্কৃতির সৃষ্টি। আয়ুর্বিজ্ঞানের কিয়দংশ এই সংস্কৃতির সঙ্গে সংশ্লিষ্ট।

উড়িয়ার কোণার্কের মন্দির এবং মন্দির-পার্শ্বস্থ মূর্তি-নিচরে সৌর-সংস্কৃতির স্থাপত্য ও ভাস্কর্য্যের যে পরিচয় প্রকাশিত, তাহা লইয়া যে-কোন দেশের যে-কোন জাতি গৌরব করিতে পারে। এই মন্দির ও মূর্তি-গোষ্ঠী দেখিয়া

বুঝিতে পারা যায় যে, খ্রীষ্টীয় ত্রয়োদশ শতাব্দী পর্যন্ত সৌর-সংস্কৃতির প্রভাব বহু বিস্তৃত ছিল। বাঙ্গালার নানা স্থানে বহু প্রাচীন সূর্য্যমূর্তি আবিষ্কৃত হইয়াছে। বাঙ্গালার পাল ও সেন রাজগণের কেহ কেহ সৌর ছিলেন। পশ্চিম-বঙ্গের পল্লীর সর্বশ্রেণীর মধ্যে প্রচলিত “ইতু পূজা” বা “মিতু পূজা” মিত্র পূজারই নামান্তর। সূর্য্যদেব আজিও আরোগ্যের দেবতারূপে পূজাপ্রাপ্ত হন।

(৩) “আগ্নেয়-সংস্কৃতি”—মানুষের বিস্মিত দৃষ্টির সম্মুখে অগ্নিদেব যেদিন প্রথম আবির্ভূত হইয়াছিলেন, পৃথিবীর ইতিহাসে সে এক অরণীয় দিন। প্রস্তরে প্রস্তরে ঘর্ষণে অথবা অরণীকাষ্ঠের মছনে কিরূপে অগ্নির প্রথম আবির্ভাব ঘটিয়াছিল, তাহা ইতিহাসের গবেষণার বিষয়। কিন্তু যেক্ষেপেই তাঁহার আবির্ভাব ঘটুক, অগ্নিকে যাহারা প্রয়োজনীয় কার্য্যে ব্যবহার করিতে শিখিয়াছিলেন, নিশ্চয়ই তাঁহাদের সংস্কৃতি অত্যন্ত সমৃদ্ধ ছিল। যজ্ঞবেদী নিৰ্ম্মাণের জন্ম ভূ-মিতি ও পরিমিতি শাস্ত্রের উদ্ভব এই সংস্কৃতি হইতেই হইয়াছিল। আয়ুর্বেদ ও ধনুর্বেদের অনেকাংশ এই সংস্কৃতির অন্তর্ভুক্ত। এই সংস্কৃতি হইতে রাষ্ট্রনীতিও অলঙ্কার-শাস্ত্র এবং নক্ষত্র-বিদ্যার অনেক উন্নতি সাধিত হইয়াছিল।

আর্য্যগণের অনেকেই সাগ্নিক ছিলেন, তাঁহাদের পৃথক অগ্নি-গৃহ ছিল। প্রতিদিন সেই গৃহরক্ষিত অগ্নিতে সমিধ দান করিতে হইত। আজিও কোন কোন ব্রাহ্মণের অমুষ্টিত নিত্য-হোমে তাহারই শেষ স্মৃতি বর্তমান রহিয়াছে। কবে অভিশপ্ত-অগ্নি সর্বভুক হইয়াছেন, কবে আর্য্যগণের একশাখা অগ্নি-উপাসক পৃথক সম্প্রদায়ে পরিণত হইয়াছেন, নিশ্চিত করিয়া জানিবার উপায় নাই। মনে হয় ব্রহ্মার সঙ্গে অগ্নির কিছু সম্বন্ধ ছিল। আজিও পশ্চিম-বঙ্গের প্রতি হিন্দুপ্রধান পল্লীতে অগ্নি-ভয় নিবারণ জন্ম চৈত্র-মাসের কোন এক নির্দিষ্ট দিনে অগ্নির আরাধনা হয়। ত্রৈদিন ব্রহ্মা-পূজার দিন নামে পরিচিত। শাস্তি-স্বস্ত্যয়নে হোম করিতে হইলে মর্ত্যে ব্রহ্মা আছেন কি-না দেখিয়া দিন স্থির করিতে হয়। শাস্ত্র বলেন, “জয়া পূর্ণা মহীতলে”। জয়া ও পূর্ণা তিথিতে ব্রহ্মা মর্ত্যে অবস্থিতি করেন। ব্রহ্মাও আদিত্যে পঞ্চবদন ছিলেন। মহাদেবের সঙ্গে বিবাদে তাঁহার একটা মস্তক লুপ্ত হইয়াছে। ভারতচন্দ্রের অন্নদা-মঙ্গলে ব্রহ্মা ব্যাসকে বলিতেছেন—

ভারতবর্ষ




ভিক্ষু

শিল্পী—শ্রীযুক্ত সোমেন্দ্রনাথ মল্লিক

•

ভারতবর্ষ চিত্র





“আমার আছিল বাছা পাঁচটা বদন ।

এক মাথা কাটিয়া লইল পঞ্চানন” ॥”

এই বিবাদের পৌরাণিক রহস্য আছে এবং ব্রহ্মার এই মস্তকহীনতার সঙ্গে অগ্নিপূজা-লোপেরও সম্বন্ধ আছে ।

( ৪ ) “শৈব-সংস্কৃতি”—বৈষ্ণব-সংস্কৃতির কথা সর্বশেষে বলিতেছি । অনেকে বলেন আর্ধ্যগণ অথবা আর্্যেতর কোন কোন জাতি আদিতে পশুচারক ছিলেন । আমার মনে হয় শৈব ও বৈষ্ণব-সংস্কৃতির সঙ্গে পশুচারক জাতির সম্বন্ধ আছে । শৈব-সংস্কৃতির সঙ্গে কৃষির এবং বৈষ্ণব-সংস্কৃতির সঙ্গে বাণিজ্যের ঘনিষ্ঠ যোগ ছিল । শৈব-সংস্কৃতি হইতে যে লোকগীতি এবং মঙ্গলকাব্যের সৃষ্টি হইয়াছিল, তাহার মধ্যে শিবের কৃষিকার্য্য একটি প্রধান উপাখ্যান । শৈব-সংস্কৃতি বহু প্রাচীন এবং অতীতে শিবোপাসক জাতিই কৃষির আবিষ্কার করিয়াছিলেন । ইহারাই যোগমার্গের প্রবর্তক । চিকিৎসকার্য্যে মুক্তা, প্রবাল, পারদ, স্বর্ণাদি ইহারাই প্রথম ব্যবহার করেন । ঔষধার্থে হলাহলের প্রয়োগও এই সংস্কৃতির অন্ততম দান ।

জাতিগঠনে এই সংস্কৃতির অবদান বড় অল্প নহে । সমাজের আপাদ-মস্তক—চণ্ডাল হইতে ব্রাহ্মণ পর্য্যন্ত সকলেই শিবপূজায় অধিকারী । স্মরণাতীত কাল হইতে এই সংস্কৃতির মধ্যে শুদ্ধি-আন্দোলন অত্যন্ত ব্যাপকভাবে অন্তর্প্রবিষ্ট রহিয়াছে । গত সন ১৩২৮ সালের তৃতীয় সংখ্যা পরিষৎ-পত্রিকায় মহামহোপাধ্যায় আচার্য্য হরপ্রসাদের “মহাদেব” শীর্ষক একটি প্রবন্ধ প্রকাশিত হয় । সেই প্রবন্ধে শাস্ত্রী মহাশয় এই শুদ্ধির বিবরণ দিয়াছেন । সেকালে একদল ব্রাহ্মণ ছিলেন, তাঁহারা “ঘাঘাবর” । তাঁহাদের গোত্রই ছিল “ঘাঘাবর” । ঋষি জরৎকার প্রভৃতি “ঘাঘাবর” গোত্রের ব্রাহ্মণ । ইহাদের দলকে “ব্রাত” বলিত, দলভুক্ত সকলেই “ব্রাত্য” ছিলেন । দুই-চারি দিনের জন্ত ইহারা যেখানে থাকিতেন সেই স্থানকে “ব্রাত্যা” বলিত । শাস্ত্রী মহাশয় লিখিয়াছেন—“পঞ্চবিংশ ব্রাহ্মণ বলে ব্রাত্যেরাও ঋষিদের মত দৈব প্রজা অর্থাৎ দেবতাদের উপাসক । তবে তাহাদের দেবতারা স্বর্গে গিয়াছিলেন । মরুৎ দেবতারা তাহাদিগকে কতকগুলি সামগান শিখাইয়া দিয়াছিলেন । সেই গান করিলে তাহারা দেবতাদের খুঁজিয়া পাইত । সেই গানগুলির নাম ‘ব্রাত্যস্তোম’ । যে যজ্ঞে ব্রাত্যস্তোম হইত

তাহার নামও ব্রাত্যস্তোম । অল্প অল্প যজ্ঞে ঋষিরা ছাড়া একজন মাত্র যজমান থাকে, দুইজন যজমানের কথা বড় দেখা যায় না । কিন্তু ব্রাত্যস্তোমে যজমান হাজার হাজার হইতে পারে । আর সকলেই ব্রাত্যস্তোম করিয়া পবিত্র হইয়া যাইত ও ঋষিদের সঙ্গে সমান হইয়া যাইত । ব্রাত্যস্তোমের পর ঋষিরা ব্রাত্যদের সঙ্গে একত্রে থাকিতেন, তাহাদের হাতের রান্না থাকিতেন । তাহাদিগকে বেদ পড়িতে দিতেন, তিন বেদই পড়িতে দিতেন, তাহাদিগকে ঋষিক দিতেন, মোটামুটি তাহাদিগকে আপনার সমান করিয়া লইতেন ।” এই ব্রাত্যদের দেবতা ছিলেন শিব । পূর্বে ব্রাত্যস্তোম অর্থাৎ শুদ্ধিযজ্ঞ যখন তখন হইত । পরে একটি নির্দিষ্ট দিনে শুদ্ধিযজ্ঞ শুরু হয় । আজিও বৎসরের শেষে চৈত্র-সংক্রান্তির পূর্বদিন শিবের গাজনের দিন । এই দিনের নাম “হোম-পর্ব” । শিবের গাজনে ব্রাহ্মণ হইতে চণ্ডাল পর্য্যন্ত ভক্ত হইতে পারে এবং উত্তরীয় সূত্র ( উপবীত ) গলায় দিয়া গাজনের কয়দিন সকলেই সমান হইয়া যায় । ইহাদের মূলমন্ত্র

“মাতা মে পার্বতী দেবী পিতা দেবো মহেশ্বরঃ ।

বান্ধবা শিবভক্তাশ্চ স্বদেশো ভুবনত্রয়ম্ ॥”

সমগ্র ভারতে—এবং ভারতের বাহিরেও এই সংস্কৃতির প্রভাব পরিলক্ষিত হয় । স্থাপত্যে, ভাস্কর্য্যে, তক্ষণ শিল্পে, সঙ্গীতে, কাব্যে, সাহিত্যে, দর্শনে, জীবিকার অবলম্বনে, সমাজ-ব্যবস্থায় এবং রাষ্ট্রনীতিতে এই সমুদ্র সংস্কৃতির প্রভাব সর্বত্র সুপরিষ্কৃত ।

( ৫ ) “শাক্ত-সংস্কৃতি”—শৈব-সংস্কৃতির এবং বৈষ্ণব-সংস্কৃতির সঙ্গে ইহার ঘনিষ্ঠ যোগ আছে । ভারতীয় দর্শনে প্রকৃতিবাদ বা শক্তিবাদ এই সংস্কৃতি হইতে উদ্ভূত । এই সংস্কৃতি সমাজের অন্তঃস্থলে প্রবেশ করিয়াছিল এবং সমাজে এখনও ইহার প্রভাব অপ্রতিহত । এই সংস্কৃতি সমাজের বিভিন্ন স্তরগুলিকে এক অধঃ যোগসূত্রে বাঁধিবার চেষ্টা করিয়াছিল । ভারতব্যাপী নবরাত্র-উৎসব এবং বাঙ্গালার দুর্গোৎসব প্রকৃতই জাতীয় উৎসব । দুর্গোৎসবে সাহিত্য ও দর্শনের সঙ্গে কৃষি, শিল্প এবং বাণিজ্যেরও সমবার সাধনের চেষ্টা হইয়াছিল । ব্রাহ্মণ, ক্ষত্রিয়, বৈশ্য, শূদ্র, কামার, কুমোর, ছুতার, মালাকর হইতে আরম্ভ করিয়া মুচি হাড়ি ডোম চণ্ডাল পর্য্যন্ত এই উৎসবে প্রত্যক্ষভাবে যোগ দিতে বাধ্য হইয়াছিল । হিন্দু জাতির সর্বসম্প্রদায়-

সম্মেলনের এমন উৎসব বাঙ্গালায় আর দুইটা নাই। কিন্তু বর্তমানে অর্থাভাব হেতু এবং ম্যালেরিয়ার বাঙ্গালার পল্লী-অঞ্চল ধ্বংসপ্রাপ্ত হওয়ার এই উৎসবের প্রাণশক্তি কীণ হইয়া আসিতেছে। বাঙ্গালীকে বাঁচিতে হইলে এই সমস্ত উৎসবে নূতন করিয়া প্রাণপ্রতিষ্ঠা করিতে হইবে। শাস্ত্র-সংস্কৃতির ফলে বাঙ্গালার সঙ্গীত, কাব্য, সাহিত্য, দর্শন, শিল্প, বাণিজ্য ও কৃষি, রাজনীতি ও সমাজনীতি যথেষ্ট সমৃদ্ধ হইয়াছিল। শাস্ত্রগণ চিরায়ী জননীকে মুন্সীর সঙ্গে মিলাইয়া এই নদী, পর্বত, বনানী ব্যবধানবহুল ভারতবর্ষকে এক অখণ্ড ঐক্যে আবদ্ধ করিয়াছিল।

( ৬ ) “বৈষ্ণব-সংস্কৃতি”—এই সংস্কৃতিও বহু পুরাতন। বেদ এবং তন্ত্রের সমন্বয়ে এই সংস্কৃতির উদ্ভব হইয়াছিল। ছুটের দমন, শিষ্টের পালন, অধর্ম নিবারণ এবং ধর্ম-সংস্থাপন এই সংস্কৃতির অন্ততম আদর্শ। শৈব-সংস্কৃতির মূলমন্ত্র যেমন “ব্রহ্ম জীব তত্র শিব” এই সংস্কৃতির মূলমন্ত্রও তেমনই মানব-প্রেম, সর্বভূতে সমদর্শন। পরাধীনতার মধ্যে জাতি গঠিত হয় না। জাতিকে স্বারাজ্য-সংসিদ্ধি লাভ করিতে হইলে পঞ্চবিধা মুক্তি অর্জন করিতে হইবে, ইহাই বৈষ্ণব-দর্শনের বাণী। জাতি গঠনে এই পঞ্চবিধা মুক্তি অবশ্য প্রয়োজনীয়।

জাতি গঠনে প্রথম প্রয়োজন “সার্থ”—সমান ঐশ্বর্য। অর্থনৈতিক ভিত্তিই ইহার মূল। কিন্তু ইহার অর্থ এই নয় যে, সকলকে সমানভাঙ্গে সমাজের ঐশ্বর্য কোন নিদিষ্ট দিনে বণ্টন করিয়া দিতে হইবে। বণ্টন করিয়া দিলেও সকলের রাখিবার সামর্থ্য সমান নয়, ব্যয়ের বুদ্ধিও সমান নয়, জায়-সম্পত্তি নয়। সুতরাং সমাজের মধ্যে অর্থপ্রবাহের নিয়মাত্মক প্রণালী থাকা চাই, শ্রমের মর্যাদা চাই, বিনিময়ের বিধি-সম্পত্তি ব্যবস্থা চাই, আদান-প্রদানের শুভবুদ্ধি চাই, সহ-যোগিতা চাই। সমাজের মধ্যে সকলেই যেন প্রতিভা-প্রকাশের, যোগ্যতা প্রদর্শনের ক্ষেত্র পায়। সমাজে কেহ যেন উপেক্ষিত না হয়।

দ্বিতীয় মুক্তি “সালোক্য”—সমান দেশ। এক দেশের অধিবাসীকে লইয়া জাতি-গঠনে যেমন সুবিধা হয়, ভিন্ন দেশের অধিবাসীকে লইয়া তেমনই অসুবিধা ভোগ করিতে হয়। এই দিক দিয়া ভৌগোলিক-ঐক্যের প্রয়োজনীয়তা অস্বীকার করিবার উপায় নাই। হিন্দুগণ তীর্থের সৃষ্টি

করিয়া যদিও খণ্ড ভারতকে অখণ্ড মহাভারতে পরিণত করিয়াছিলেন, তথাপি জাতিগঠনে সালোক্য-মুক্তি অবশ্য প্রয়োজনীয়।

তৃতীয় মুক্তি “সামীপ্য”—একদেশে বাস চাই, সঙ্গে সঙ্গে সামাজিক বন্ধনে বা অন্তবিষয়ের আদান-প্রদানে জাতির মধ্যে পরস্পরের নৈকট্য থাকা চাই। তীর্থযাত্রায়, পার্বণে, উৎসবে, নানা উপলক্ষে নানারূপ সম্মেলনেও এই উদ্দেশ্য সাধিত হইতে পারে।

চতুর্থ মুক্তি “সারূপ্য”—জাতিগঠনে সমান রূপ চাই। কিন্তু আকার সকলের সমান হয় না, সুতরাং সর্বর্ণের আবশ্যিকতা আছে। সেক্ষেত্রেও বৈষম্য ঘটিলে পরিধের সমান হওয়া আবশ্যিক। এই জন্মই জাতীয়-পরিচ্ছদের প্রয়োজনীয়তা রহিয়াছে। আজিকার দিনে এই কথাটা বিশেষভাবে চিন্তনীয়।

পঞ্চম মুক্তি—“সায়ুজ্য”—পঞ্চবিধ মুক্তির কোনটাই উপেক্ষণীয় নয়। জাতিগঠনে ভাব-সায়ুজ্যের প্রয়োজনীয়তাও প্রচুর। একভাষা না হইলে ভাব-সায়ুজ্য ঘটে না। দেশের ব্যবধান থাকিলেও যদি পরিচ্ছদ এবং ভাষার ঐক্য থাকে, তাহা হইলেও জাতিগঠনে ব্যাঘাত ঘটে না। এমন কি, এক ভাষার ঐক্যই জাতীয়তা সংরক্ষিত হইতে পারে। সংস্কৃতি-রক্ষার মূলেও আছে ভাষা। ভাষাই সাহিত্য সৃষ্টি করে, সংহতি রক্ষা করে, জাতিকে ঐক্যের বন্ধনে আবদ্ধ করে। যে জাতি নিজস্ব ভাষা ভুলিয়াছে তাহার দুর্ভাগ্যের অন্ত নাই। বৈষ্ণব-সংস্কৃতি আমাদের এই মহান শিক্ষা দান করিয়াছে। বৈষ্ণব-সংস্কৃতির মধ্যেও শুদ্ধির স্থান অপ্রধান নয়। শক, হুণ, এমন কি গ্রীক, যবনেরাও বৈষ্ণব-ধর্ম গ্রহণ করিয়াছিল, ইহার ঐতিহাসিক প্রমাণ আছে।

সৌন্দর্য্যবোধ এবং রুচির দিক দিয়া বৈষ্ণব-সংস্কৃতির অবদান সুপ্রচুর। রাজনীতি, সমাজনীতি, কাব্য, সঙ্গীত, সাহিত্য, দর্শন, শিল্প, বাণিজ্য, কৃষি ও বৈষ্ণব-সংস্কৃতির ফলে যথেষ্ট সমৃদ্ধ হইয়াছিল। এই সংস্কৃতিকে বাঙ্গালীর প্রেমের ঠাকুর, কাঙ্গালের ঠাকুর শ্রীমন্ মহাপ্রভু এমন এক দিব্যমহিমায় মণ্ডিত করিয়াছিলেন, বাস্তবতার এমন এক অমৃতলোকে সুপ্রতিষ্ঠিত করিয়াছিলেন, বাহা পৃথিবীর ইতিহাসে নূতন। মাহুকের ইতিহাসে অভিনব।



# হিমালয়

শ্রীকুমুদরঞ্জন মল্লিক

হে দেবাত্মা, নমামি নগাধিরাজ,  
এ কি শৈলের সমারোহ দেখি আজ !  
শিখরে শিখরে গলিছে নিবিড় স্নেহ,  
আকার ধরিতে চাহিছে অপরিমের ।  
গহ্বরে সিংহ কোথাও করিছে বাস,  
কোথা অজগর ফেলিতেছে নিঃশ্বাস ।  
নিঃশ্বাস রোধি' গুহাতে কোথাও ঋষি—  
যোগনিমগ্ন রয়েছেন দিবানিশি ।  
কঠোর, কোমল, প্রশান্ত দুর্জয়,  
হুর্নিরীক্ষ্য নমোনমঃ হিমালয় ।

২

ভূর্জ ও চীর, উচ্চ সরল শাল,  
রয়েছে প্রসারি ছায়াবাহ সুবিশাল ।  
চরিছে চমরী, যুগ ময়ূরের শ্রেণী,  
ছড়ায় পড়িছে বর বর জলবেণী ।  
মত্ত হস্তীযুথ ভ্রমে—লাগে ডর,  
শ্রাম সুন্দর বিপুল ভয়ঙ্কর ।  
গঙ্গা যমুনা সর্বতীর্থময়ী—  
দেহালা দেখিছে উৎসঙ্গেতে রহি ।  
দিগন্তব্যাপী অত্রভেদী ও রূপ  
হেরি উল্লাসে বিশ্বয়ে হই চূপ ।

৩

পুরু কৃষ্ণ পক্ষেতে মিলামিশা—  
তুমি সাধনার প্রস্তুতীকৃত নিশা ।  
স্বর্গ মর্তে পাষণ যোজক তুমি,  
নর-নারায়ণে মিলনের পটভূমি ।  
পাষণ প্রতীক তুমিই অনন্তের,  
মূর্ত প্রথম সূত্র বেদান্তের ।  
আহ ভারতের রোধি উত্তর দ্বার—  
লাকার প্রসন্ন ব্রহ্ম জিজ্ঞাসার ।  
বন্ধে চলিছে সৃষ্টি স্থিতি লয়,  
অনতিক্রম্য নমোনমঃ হিমালয় ।

৪

ভক্তিমায পাষণ আঁধরে লেখা,  
তুমি মহাকাল সঙ্গীত-স্বর রেখা ।  
ধ্রুব প্রার্থনা, তুমি মহিম্ব স্তব,  
প্রলয় মৃত্যু প্রস্তুতীকৃত সব ।  
ভূদৃশ্য কাঞ্চনজঙ্ঘা—  
মহাভারতের জমাট আকাঙ্ক্ষা ।  
ঘনীভূত প্রেমানন্দ আত্মহারা—  
স্বর্গের ডাকে তুমি ভারতের সাড়া ।  
যুগের যুগের দেখিতেছ অভিময়—  
অনধিগম্য নমোনমঃ হিমালয় ।

৫

ক্লৃপ কর্কশ শিলা আবরণ মাঝে  
জ্যোতিঃপুঞ্জ মূর্তি তোমার রাজে ।  
হে মহাতাপস এসো তুমি বাহিরিয়া—  
শাস্তি সলিলে জুড়াও ধরার ছিয়া ।  
তোমার আশায় জগৎ রয়েছে বসি  
অমৃতের বাণী শুনাও হে রাজঋষি ।  
যুগের যুগের তব সাধনার ফল  
দাও—অপসর—বিশ্বের অমঙ্গল ।  
শুনাও নবীন উপনিষদের বাণী  
পতিত আমরা উর্দ্ধে উঠাও টানি ।

৬

বাহির হইতে ভিতর যে মহীয়ান ।  
জগদাতার পিতা তুমি হিমবান ।  
তুমিই প্রবর—জ্ঞানরাও নহি পর  
যিনি ও ভবন গুপ্ত ও মনোহর ।  
ক্ষুদ্র মানব প্রেমের মন্ত্র জানি,  
হৃদপ্রার্থে নমনীয় করে আনি ।  
গোত্রপ্রধান—তুমি পরমাত্মীয়  
স্নেহের এ দাবী হ'কন্তব গ্রহণীয় ।  
কস্তুব্য—এ অপরাধ যদি হয়  
বিরাট পুরুষ নমোনমঃ হিমালয় ।

# অরসিকেষু

শ্রীবীরেন্দ্রমোহন আচার্য্য

মহাদেবপুরে মহা হৈ চৈ কাণ্ড বাধিয়াছে অর্থাৎ নকুড় মোক্তারের নবাগত শ্রালক নন্দবাবুই যে বাঙ্গালা সাহিত্যের সুবিখ্যাত কথাসাহিত্যিক নন্দলাল চৌধুরী—সে কথা তিনি গোপন করিলেও কেমন করিয়া যেন প্রকাশ হইয়া পড়িয়াছে।

সাহিত্য সমিতির ছেলেরা আসিয়া নন্দ চৌধুরী মহাশয়কে ধরিয়া পড়িল—তাঁহার মত খ্যাতনামা সাহিত্যিক যখন অখ্যাতনামা ছোট্ট শহর মহাদেবপুরে অল্পগ্রহপূর্বক পদার্পণ করিয়াছেন তখন তাহাদের সাহিত্য সমিতির পক্ষ হইতে একটা বিনীত অভিনন্দন তাঁহাকে গ্রহণ করিতেই হইবে।

খ্যাতি অর্জন করিলে এই জাতীয় নানাপ্রকার অনুরোধ উপরোধের উপক্রম সহিতেই হয়। নন্দবাবু অবশ্য অত্যন্ত লজ্জিত ও কুণ্ঠিত ভাবে আপনার অক্ষমতা জ্ঞাপন করিলেন এবং তিনি যে এখানে সাহিত্যিক হিসাবে মোটেই আসেন নাই, আসিয়াছেন ভগ্নীপতির বাড়ী বেড়াইতে, শরীরটাও তাঁহার তেমন ভাল নাই, উপরন্তু অভিনন্দন প্রভৃতি ব্যাপারও যে তিনি আদর্শেই পছন্দ করেন না, ইত্যাদি বহু প্রকার প্রদর আপত্তি করিয়াও তিনি মহাদেবপুরের অতি-উৎসাহী তরুণ সাহিত্যিকবৃন্দের হস্ত হইতে নিষ্কৃতি পাইলেন না। বিপন্ন ও অসহায় চৌধুরী মহাশয়ের সম্মতি তাহারা আদায় করিয়া তবে ছাড়িল।

সত্যসত্যই নন্দবাবু বড়দিনের ছুটিতে ভগ্নীপতির বাড়ী বেড়াইতে আসিয়াছেন, সাহিত্য করিতে আসেন নাই; কলিকাতায় নানা কাজকর্মে ব্যস্ত থাকেন, মহাদেবপুরে আসা পূর্বে তাঁহার আর খটিয়া ওঠে নাই; এইবার ভগ্নীর সনির্বন্ধ অনুরোধ এড়াইতে না পারিয়া এখানে পদধূলি দিয়া ধস্ত করিতে আসিয়াছেন। সুতরাং তাঁহাকে পাইয়া তাঁহার ভগ্নীপতির গৃহবাসীবন্দ পুলকিত এবং মহাদেবপুর শহরের অধিবাসীবৃন্দ বিগলিত। বাঙ্গালার খ্যাতনামা সাহিত্যিক শ্রীনন্দলাল চৌধুরী মহাশয়কে চাক্ষুস দেখিতে পাওয়াই মহাদেবপুরের উদীয়মান সাহিত্যিকদের মধ্যে একটা উল্লেখযোগ্য ঘটনা; ইহার উপর তাঁহার সহিত আলাপ করিবার সুযোগ পাওয়ায় তাহারা আকাশের চন্দ্রই যেন হাতে

পাইয়াছে, পারতপক্ষে নকুড়বাবুর বাড়ীর ত্রিসীমা ছাড়িয়া যাইতেছে না।

নন্দবাবুর ভগ্নী বলিলেন, “সত্যি নন্দ, তুই এতবড় নাম করা লিখিয়ে হয়ে উঠলি কবে, আমাদের ত কিছু বলিসনি এ্যাদিন।”

কন্যা মীরা মাতার অজ্ঞতায় হাসিয়া লুটোপুটি খাইয়া উত্তর দিল, “এ কথা আর বল না মা, লোকে শুনেলে হাসবে। থাকবে দিনরাত তাঁড়ার আর রান্নাঘর নিয়ে—তা মামার নাম শুনেবে কোথেকে? ‘বঙ্গবিভা’র মত কাগজের হেন সংখ্যা নেই যাতে মামার কোন লেখা বেরোয়নি। তোমাকেও ত দেখিয়েছি মা মামার নাম কদিন।”

ভ্রাতার এ হেন খ্যাতির কথা শোনে নাই বলিয়া ভগ্নী অতিশয় লজ্জিত হইয়া বলিলেন, “না না, তা নয়, শুনেছি সব। তবে ভাই, সংসারের ঝঞ্জাটে পড়তেও সময় পাইনে সব। বাবা দুঃখু করতেন, আমার সব ছেলের মধ্যে নন্দটাই অপদার্থ হ’ল। তিনি থাকলে আজ কত খুশীই হতেন।” বর্ষিয়সী মহিলা বস্ত্রাঞ্চল দিয়া চক্ষুকোণ মার্জনা করিলেন। “তা নন্দ, আজকাল কাজকর্ম কি কচ্ছিস তা ত বলিনে?”

নন্দবাবু উত্তর করিলেন, “কত রকম কাজকর্ম কোলকাতায় দিদি, একটু কি বিশ্রাম করবার উপায় আছে? এলাম দু’দিন তোমাদের দেশে জুড়োতে, তা যেরকম ছেলেপুলে লেগেছে পেছনে, সুস্থিরে দু’দিন দেখছি আর তিষ্ঠতে দেবে না।”

“সত্যি বাপু, দেশের লোকের যদি একটু আক্কেল থাকে। এল বেচারী দু’দিন জিরুতে, তা দিন রাত হৈ হৈ ক’রে বেড়ালে কি আর শরীর থাকবে? বাসনে নন্দ তুই ওদের কথায় নাচতে—বলে দিলাম আমি!”

ভ্রাতৃগর্বে গরবিণী নকুড়-গৃহিণী ভ্রাতার আহাঙ্গাদির তদ্বিরে উঠিয়া গেলেন।

কিন্তু নকুড়-কন্যা তিলাঙ্ক ও মামাকে ছাড়িয়া থাকিতেছে না, নন্দলাল চৌধুরীর লিখিত সমুদয় গল্প উপস্থাসই সে ইতিমধ্যে পড়িয়া ফেলিয়াছে ও বন্ধমহলে পড়াইয়াছে। উপরন্তু

স্বনামধন্য সাহিত্যিক ও অপরাধের কথাশিল্পী নন্দলাল যে তাহার আপন মাতুল, সে কথা সে সগৌরবে প্রচার করিতে সক্ষমবোধ করে নাই।

মীরা জিজ্ঞাসা করিল, “কয়েকমাস হ’ল যে উপন্যাসখানা তুমি শুরু করেছ ‘বঙ্গবিভা’য়, তার শেষটা কি রকম হবে মামা? অজয়ের সঙ্গে বুঝি প্রভার বিয়ে দেবে শেষ পর্যন্ত, না?”

“হ্যাঁ ঐ রকমই একটা কিছু হবে। এখনো ভেবে ঠিক করিনি কিছু—”

“আচ্ছা মামা, তোমরা আস্ত বইখানা লিখে নিয়ে তার পর একটু একটু করে ছাপাও, না মাসে মাসে লেখ আর ছাপাও, বল না—”

নন্দবাবু ভাগিনেয়ীকে সম্মেহে এই জাতীয় অদ্ভুত কৌতূহল হইতে প্রতিনিবৃত্ত হইতে বলিয়া জানাইলেন—সেটা লেখকের অবসর ও মজির উপর নির্ভর করে, এ সম্বন্ধে কোন ধরা বাধা নিয়ম নাই। কিন্তু এত সহজেই কথাশিল্পী মাতুলের ভাগিনেয়ীর কথা বন্ধ হইবার কথা নহে। মীরা পুনরায় প্রশ্নবাণ বর্ষণ করিয়া চলিল—তাঁহার গ্রন্থাবলী তিনি মীরাকে উপহার পাঠান নাই কেন, কোন্ বইখানা তাঁহার প্রথম লেখা, তাঁহার মতে শ্রেষ্ঠ রচনা কোন্খানা, একখানা বড় বই লিখিতে তাঁহার কতদিন সময় লাগে, বই লিখিয়া মাসে তিনি কতটাকা উপার্জন করেন, ইত্যাদি—কিন্তু পল্লী-গ্রামের অশিক্ষিতা ও অকালপক বালিকার এই সব অবাস্তব প্রশ্ন নন্দবাবুকে বিরক্ত করিয়া তুলিল। তিনি অগত্যা ভৎসনার স্বরে ভাগিনেয়ীকে বলিলেন, “এই বয়সে এত নভেল পড়ার ঝোঁক কেন তোর বল ত? ঢের সময় পড়ে আছে, যখন বড় হবি তখন পড়বি, বুঝি? যা, চট ক’রে এখন গোটাকতক পান সেজে নিয়ে আয় ত দেখি, তোর সঙ্গে আর বকতে পারিনে আমি। ঘরে বাইরে সাহিত্য—সাহিত্য জালিয়ে মারলে দেখছি—”

“যা রে, তোমার বই দেশগুরু লোক পড়বে, আর আমি বুঝি পড়তে পাব না? পনেরোয় ত পা দিয়েছি গত মাসে, এখনো বুঝি ছোট?” কুকা মীরা অভিমানরুদ্ধ কণ্ঠ ও ছলছল চক্ষু লইয়া পান সাজিতে উঠিয়া গেল।

ধানিক বাদেই শ্রোতৃ নকুড়বাবু একটি বৃহৎ মৎস্য হাতে করিয়া প্রবেশ করিলেন; সম্মানিত শ্রালক বাড়ীতে অতিথি,

সুতরাং আদর আপ্যায়নের ব্যবস্থাটা ভালই করিষ্ঠ হয়। সারাজীবন মফঃস্বল কোর্টে মোক্তারী করিয়া সৌক্য পাকাইলেন, ফৌজদারী আইনের দু-দশটা ধারা মুখস্থ বলিতে পারেন, সাহিত্যের ধার ধারেন নাই কোন দিন।

কিন্তু শ্রালক যাহার এতবড় সাহিত্যিক তিনি সাহিত্যের কিছুই খোঁজ রাখেন না বলিলে লোকে শুনিবে কেন? মোক্তার-বারের সহকর্মীরা—বিশেষত ছোকরা মোক্তারের দল—তাঁহাকে পাইয়া বসিয়াছে। নন্দবাবুর গ্রন্থাবলী নিশ্চয়ই তিনি উপহার পাইয়াছেন; কিন্তু এ পর্যন্ত সেগুলি তাহাদের দেখানো তদূরের কথা নাম পর্যন্ত উল্লেখ করেন নাই কি মনে করিয়া? মোক্তারী করেন বলিয়া সাহিত্যের কি তাঁহার কিছুই বুঝেন না? এমনি ধরণের সব অহুযোগে নকুড়বাবু ব্যতিব্যস্ত হইয়া উঠিয়াছেন; বারের বৃদ্ধ উকিল রামভদ্র-বাবু নিজেকে একজন বড়দের সাহিত্য-সমালোচক বলিয়া মনে করেন, দাশুরায়ের পাঁচালি ও মেঘনাদবধের অনেক জায়গা তাঁহার মুখস্থ। তিনি পর্যন্ত আজ সকালে প্লেব দিয়া কহিয়াছেন—“কি হে ভায়া, তোমাদের ঐসব আধুনিক সাহিত্য না কি বলে, আমরা তার কিছুই বুঝিনে না—কি মনে কর? মহাদেবপুরে সত্যিকারের সাহিত্য কটা লোক বোঝে বল ত? আর বলি, প্রেমের সাহিত্য সেকালেই কিছু কম ছিল না কি, লাগুক ত দেখি বিদ্যাসুন্দরের সঙ্গে তেঁমীর আজকালকার কচকে ছোঁড়াদের সাহিত্য, দেখি কেমন পারবে? ছাঃ ছাঃ নকুড়, তুমিও ঐ সব অকালপক ছোঁড়াদের সঙ্গে মিশলে নাকি গিয়ে! কি বোঝে ওরা সাহিত্যের? নিজে এস ত তোমার শালাকে একদিন এখানে, দেখব একটু আলোচনা করে—”

কি বিপদেই পড়িয়াছেন নকুড়বাবু। খ্যাতিনামা শ্রালক সাহিত্যিকের আত্মীয় হইয়া অখ্যাতিনামা বৃদ্ধ মোক্তার নকুড়বাবুর যেন হরিষে বিবাদ উপস্থিত হইয়াছে।

সামনেই শ্রালককে পাইয়া আনন্দমিশ্রিত অভিমান উধলিয়া উঠিল, “ভায়া ত শহরে আচ্ছা হৈ চৈ লাগিয়ে তুলেছ দেখছি, কিন্তু সেই সঙ্গে আমাদের যে প্রাণ যায়। কি কি বই লিখেছ ভায়া, তা ত দেখালেও না, কিছুই না; নাম কটা শুভ একবার আমাদের শুনিবে দাও তবু ত বাঁচি। দেশের লোক যে আমায় খেয়ে ফেলে। ওগো ওনহ, সাইটা মিয়ে যাও ত।” শেবাংশটুকু অবশ্য অনুসন্ধানকেই বলা হইল।

নন্দবাবু রহস্য করিয়া কহিলেন, “তার জন্তে কি হয়েছে জানাইবাবু, বই না হয় আমি গিয়েই খানকয়েক পাঠিয়ে দেব’ধন, কিন্তু আপনি সাহিত্য বোঝেন না এ কখন হয়? আপনার মত এ বয়সে এতখানি রসিক লোক ত আজ পর্যন্ত দেখিনি বল্লই হয়।”

নকুড়বাবু আপ্যায়িত হইয়া টাকে হাত বুলাইতে বুলাইতে সর্হাস্তে কহিলেন, “তা যা বলেছ ভায়া, ওইটুকুতেই বেঁচে আছি। এককালে বন্ধিম চাটুজ্যে খুবই পড়া গিয়েছিল, বুঝলে কি-না; তা ইদানীং কাজকর্মের ঝগাটে আর পড়াপড়ার সময় পাইনে তেমন। আঃ কি বই লিখে গিয়েছে ‘প্রেমের তুফান,’ বন্ধিম চাটুজ্যের লেখা, না হে?”

বীরা ইতিমধ্যেই আসিয়া অলক্ষ্যে দাঁড়াইয়াছিল, বাবার শেষ কথায় অসহিষ্ণু হইয়া কহিল, “বাবা, জানো না কিছু, কেবল আবোল-তাবোল বকবে, যাও ভেতরে যাও, না ডাকছে—”

“বেশলে ভায়া, একটু কি সাহিত্যচর্চার অবসর আছে! আমরা সব এখন ওন্ডো ফুলের দলে কি-না, কখন কখনই আবোল-তাবোল বকা হয়।”

হাসিতে হাসিতে নকুড়বাবু ভিতরে চলিয়া গেলেন।

ছপুর বেলা। আহারাদির পর একটু বিশ্রাম করিতে না করিতেই সাহিত্য সমিতির সভ্যবৃন্দ নকুড়বাবুর বৈঠকখানায় আঙা জমাইয়াছে। লাইব্রেরীর প্রাঙ্গণে আজ সমিতির বিরাট অধিবেশন হইবে এবং সেই সঙ্গে নন্দবাবুকে সমারোহে অভিনন্দন দিবার ব্যবস্থা হইয়াছে। খরীর ভাল নাই, মাথা ধরিয়াছে, পেট ধরাপ প্রভৃতি বিভিন্নপ্রকারের শারীরিক অসামান্য কথার উল্লেখ করিয়া নন্দবাবু অব্যাহতি পাইলেন না, আধ ঘণ্টার জন্তও অন্তত হাজির হইয়া অনুষ্ঠান সুসম্পন্ন করিতে হইবে।

সমিতির কয়েকজন উৎসাহী উদ্ভোক্তার সঙ্গে হাসি ঠাট্টা চলিতেছিল। নন্দবাবু হঠাৎ জিজ্ঞাসা করিয়া বসিলেন, “আজ্ঞা মশাই, আমি যে সাহিত্যিক তা আপনারা খোঁজ পেলেন কোথেকে বলুন ত?”

“বাঃ আমরা পড়িনি বুঝি আপনার বই। আমাদের লাইব্রেরীতে দে তেমন আপনার সব ক’খানি বই-ই কবে কেনা হয়ে গিয়েছে। মস্তমস্ত পড়ে থাকি বটে, তবু আপনার নাম শুনবো না, িঃ বে কখন আপনারি—”

“না না তা বলছিনে, তবে আমিই যে সেই নন্দলাল চৌধুরী তা আপনাদের বল্ল কে?”

ছেলেরা এইবার হাসিয়া অস্থির হইল। একজন রসিক গোছের ছোকরা মুখ টিপিয়া কহিল, “আমাদের কথা না হয় ছেড়েই দিন, নকুড়বাবুও আপনার নাম জানেন না নাকি?”

নন্দবাবু খানিকটা গম্ভীর হইয়া কি চিন্তা করিলেন, তারপর ধীরে ধীরে কহিলেন, “আপনাদের বড্ড ভুল হচ্ছে মশাই। আমাকে রেহাই দিন, আমি আপনাদের লেখক নন্দ চৌধুরী নই। কস্তিনকালেও কিছু লিখিনি—আমি হলফ ক’রে বলছি। এতদূর আপনারা এগিয়ে পড়বেন জানলে—”

ছেলেরা দ্বিতীয়বার উচ্ছ্বসিত হাস্তে ফাটিয়া পড়িল, “বুঝেছি, মিটিং অ্যাভয়েন্ড করবার মস্ত ফন্দা বার করেছেন স্মার, ওসব মোটেই চলবে না কিন্তু। বিতরের খুদ গ্রহণ করে আমাদের কৃতার্থ করতেই হবে আপনাকে।” কেহ বলিল, “আপনি যে লেখক সে আমরা আপনাকে দেখেই বলে দিতে পারি—”। কেহ বা নিম্নস্বরে জনান্তিকে মন্তব্য করিল, “কি রকম রসিক দেখছি!”

কথাবার্তায় দেখিতে দেখিতে মিটিং-এর সময় হইয়া আসিল। ছেলেদের হাত এড়াইতে না পারিয়া নন্দবাবু অগত্যা সভার আসিয়া উপস্থিত হইলেন।

মহাদেবপুর শহরটি ছোট হইলেও হজুগে কম নহে; সুতরাং দলাদলিও বিচ্যমান। নন্দবাবুকে অভিনন্দন প্রদান লইয়াও একদল গণ্ডগোল বাধাইবার উপক্রম প্রথমে করিয়াছিল বটে—তবে তাঁহার খ্যাতি ও প্রতিষ্ঠার কথা স্মরণ করিয়া তেমন স্তব্ধ করিতে পারে নাই।

সভা লোকে লোকারণ্য। টেবিল চেয়ার বেঞ্চি—ফুলের তোড়া মালা—লাল নীল কাগজের নক্সা ইত্যাদিতে সভামণ্ডপ জমকাইয়া গিয়াছে। সভার কার্য যথারীতি আরম্ভ হইল। শব্দধ্বনি, সভাপতি বরণ, প্রস্তাবনা সঙ্গীত, প্রবন্ধাদি পাঠ, অভিনন্দন প্রদান প্রভৃতি যথা নিয়মে চলিতেছে। দুই-চারিজন কল্প ওজস্বিনী তাবার সুদীর্ঘ বক্তৃতার ব্যক্ত করিলেন—নন্দলাল চৌধুরীর মত বিশ্ববিশ্রুত সাহিত্যিককে পাইয়া একান্ত অসামান্য মহাদেবপুরের অধিবাসীবৃন্দ কি পরিমাণ কৃতার্থ হইয়াছেন। নকুড়বাবু

ঠাঁহার ছেঁড়া মোক্তারী চাপকানটা চড়াইয়া ব্যস্তবাগীশের মত সর্বত্র ঘুরিয়া ঘুরিয়া ছাপান অভিনন্দন-পত্র বিলি করিতেছিলেন, হঠাৎ দৃষ্টি পড়িল রামতারণবাবু এখনও সভায় আসেন নাই। হয়ত অভিমান হইয়াছে ভাবিয়া তাড়াতাড়ি ঠাঁহাকে ডাকিয়া আনিতে ছুটিলেন। একগাদা গাঁদাগুলের মালার সুশোভিতকণ্ঠ নন্দবাবু নীলসার্জের কোট গায়ে ভক্তজন-পরিবৃত হইয়া নীলবর্ণ শৃগালের মত গম্ভীরভাবে বসিয়াছেন। মুখ দেখিয়া মনে হয় পেটে যেন অসম্ভব যন্ত্রণা হইতেছে। পরিশেষে ঠাঁহাকেও কিছু বলিতে হইবে। ছেলেরা ধরিয়াছে—বাণী দিতেই হইবে। অটোগ্রাফের খাতাও খানকয়েক জড়ো হইয়াছে টেবিলের উপর।

নন্দবাবু অসুস্থতার অজুহাতে তাড়াতাড়ি সভার কার্য সমাপ্ত করিতে অনুরোধ করিয়া বাণী দিবার জন্ত দাঁড়াইয়াছেন; এমনি সময়ে সভায় কি যেন একটা দুর্ঘটনা ঘটিল। সভামণ্ডপের উত্তর কোণ হইতে একটা উত্তেজনাপূর্ণ কোলাহল ক্রমশঃ সভার মধ্যে সংক্রামিত হইয়া পড়িতেছে। ‘জোচ্চরি’ ‘কঙ্কনো না’, ‘নিশ্চয়ই হ্যাঁ’ ‘বিমল নিজে শুনে এসেছে’, ইত্যাদি অসংলগ্ন কোলাহলে সভায় কান পাতা দায়। বিরুদ্ধবাদীদের রুদ্ধ ক্রোধ উথলিয়া উঠিয়াছে। প্ল্যাটফর্মের উপর ভক্তগণ হাঁকিতে লাগিল—“চুপ, চুপ—অর্ডার, অর্ডার!

কে কাহার কথা শোনে। নন্দবাবু চেয়ারে বসিয়া পড়িয়া কি যেন বলিবার চেষ্টা করিতেছেন এমন সময় কলিকাতা হইতে সম্ভ্রান্ত্যাগত বিমল নামে একটি ছোকরা নন্দবাবুর কাছে আগাইয়া আসিল, পিছনে বিশ্ববিমুচ জনতা। বিমল

জিজ্ঞাসা করিল, “আপনাকে একটা কথা জিজ্ঞাসা করি স্মার, সত্যিকথা বলবেন—”

নন্দবাবু নির্লিপ্তের মত উত্তর করিলেন, “ককন।”

“আপনিই কি সুবিখ্যাত সাহিত্যিক নন্দলাল চৌধুরী?”

বিক্রম জনতা রুদ্ধনিশ্বাসে উত্তরের অপেক্ষা করিতেছে।

অবিচলিত কণ্ঠে উত্তর আসিল, “না।”

দ্বিগুণিত কোলাহলের মধ্যে দ্বিতীয় প্রশ্ন হইল, “তবে আপনি আমাদের প্রতারণা করেছেন?”

“না, রসিকতা করেছি—”


“মানে—?”

“আপনারাই ভুল ক’রে আমাকে সাহিত্যিক ক’রে ভুলে-ছেন। প্রথমটা আমি রসিকতা ক’রে প্রশ্ন দিয়েছিলাম কটে, কিন্তু শেষটা ভ্রম-সংশোধন করতে চেয়েছিলাম, আপনারা শোনেননি। মিটিং-এ এই কথাই আমি খুলে বলতাম—”

মুহূর্ত্ত মধ্যে সভায় দক্ষয়জ্ঞ আরম্ভ হইল। কেহ বলিল— জুয়াচুরি, কেহ বলিল— খাপ্লাবাজী. রসিকতা কেহই বুঝিল না। সভায় মার মার শব্দ—

হট্টগোলের ভিতর নন্দবাবু অলক্ষ্যে সরিয়া পড়িলেন এবং সেই রাত্রেই জরুরী কাজে কলিকাতার চলিয়া গেলেন। বলাই বাহুল্য, রসিক নন্দলাল ইহার পরে অরসিক মহাদেবপুরে আর পদার্পণ করেন নাই।

তবে নকুড়-গৃহিণীর পাড়া বেড়ানো সম্প্রতি বন্ধ হইয়াছে ও নকুড়-কন্ঠার বন্ধু সমাগমে অরুচি ধরিয়াছে। নকুড়বাবু হাঁকা হাতে ভাবিতে বসিয়াছেন—কিছুদিন কোট কামাই করিলে ঠাঁহার চলে কি না? অজ্ঞাতসারে মুখ হইতে নন্দবাবুর সাহিত্য ঠাঁহার সম্পর্কটা দীর্ঘায়িত হইয়া বাহির হইল—“শ্—শা—”



# পাইকপাড়ার বাসুদেব মূর্তিতে গোবিন্দচন্দ্রের লেখ

শ্রীদীনেশচন্দ্র সরকার এম-এ, পি-আর-এস, পি-এচ-ডি

কয়েক বৎসর পূর্বে বিক্রমপুরের অন্তর্গত পাইকপাড়া গ্রামে মূর্তিকা ধমনকালে ভূগর্ভ হইতে একটি বাসুদেব মূর্তি আবিষ্কৃত হয়। গ্রামখানি ঢাকা জেলার মুন্সীগঞ্জ মহকুমার অন্তর্গত টকাবাড়ী থানার অধীন। মূর্তি আবিষ্কারের সংবাদ পাইয়া আউটসাহী পল্লী-কল্যাণ-আশ্রমের শ্রীযুক্ত কিরণচন্দ্র সেন মূর্তিটি সংগ্রহ করিয়া আনেন এবং আউটসাহীতে পল্লীকল্যাণাশ্রমে উহা রাখিবার ব্যবস্থা করেন। তদবধি মূর্তিটি ঐ স্থানেই রক্ষিত আছে। সম্প্রতি “বিক্রমপুরের ইতিহাস-এর” স্বনামধ্যাত গ্রন্থকার শ্রীযুক্ত যোগেন্দ্রনাথ গুপ্ত মহাশয় ঐ মূর্তির বিষয় অবগত হন। মূর্তিটির পাদপীঠে একটি ক্ষুদ্র লেখ উৎকীর্ণ আছে জানিয়া গুপ্ত মহাশয়ের কৌতূহল আগ্রহ হয়। তিনি শিল্পী শ্রীযুক্ত মণীন্দ্রভূষণ গুপ্তের সহায়তায় লেখটির একটি প্রতিলিপি সংগ্রহ করিতে সমর্থ হন। গত ১৯শে ফেব্রুয়ারী গুপ্ত মহাশয় আমাকে প্রতিলিপিটি অর্পণ করিয়া উহার পাঠোদ্ধার করিতে অনুরোধ করেন। আমি এই অবসরে গুপ্ত মহাশয়কে তাঁহার এই অনুরোধের জন্য ধন্যবাদ জানাইতেছি। প্রতিলিপিটি যথোপযুক্তরূপে গৃহীত হয় নাই; সর্বত্র সকলগুলি অক্ষরের উপর ঠিকমত কালি লাগে নাই। কিন্তু প্রতিলিপিটির সহিত মণীন্দ্রবাবুর একটি অমূল্য লিপি যুক্ত ছিল। যাহা হউক, লেখটি পড়িতে কোনই অসুবিধা হয় নাই।

বাসুদেব মূর্তিটির পাদপীঠের উভয়পার্শ্বে দুইটি ক্ষুদ্র মামুলি উপাসক মূর্তি আছে; উহাদের মধ্যবর্তী স্থানে মাত্র চারি পঙ্ক্তির একটি ক্ষুদ্র লেখ। লেখটির মধ্যে আবার একটি ক্ষুদ্র গরুড় মূর্তি খানিকটা স্থান জুড়িয়াছে এবং অপর একটি রেখা উপর দিক হইতে নামিয়া আসিয়াছে। ইহার ফলে উপরের তিনটি পঙ্ক্তি তিনভাগে বিভক্ত হইয়া পড়িয়াছে। এই লেখটিতে একাদশ ও দ্বাদশ শতাব্দীতে প্রচলিত দ্রুত হস্তলিপি ব্যবহৃত হইয়াছে। ইহার মধ্যযুগের প্রথমদিকের পূর্ব-ভারতীয় লিপিমালার আলোচনা করিয়াছেন, তাঁহার লেখসমূহে ব্যবহার্য অপেক্ষাকৃত প্রাচীন অক্ষর এবং অপেক্ষাকৃত আধুনিক সাধারণ হস্তাক্ষর, একই সময়ে এই দুই প্রকার লিপির

ব্যবহার লক্ষ্য করিয়াছেন। (১) দেবপালের ঘোষরাবা লিপির অক্ষর ধর্মপালের খালিমপুর লিপির অক্ষর অপেক্ষা প্রাচীন। নারায়ণপালের ভাগলপুর-লিপির অক্ষর তাঁহারই বাদাল এবং বিষ্ণুপাদ মন্দিরের লেখদ্বয়ের অক্ষর অপেক্ষা আধুনিক। শক্রভঞ্জের কেশরী লিপি, কছোজাঘরজ গোড়পতির বাণগড় লিপি এবং নয়পালের ইন্দা লিপিকে পণ্ডিতগণ দশম শতাব্দীতে স্থান দিয়াছেন; কিন্তু এই সকল লিপিতে যে ত্রিভুজাকার “র” ব্যবহৃত হইয়াছে, দ্বাদশ শতাব্দীর পূর্বে উহা কদাচিৎ দেখা যায়। উল্লিখিত বাণগড় লিপির “ভ”-ও অনেকটা আধুনিক। আবার শ্রীহট্টের রাজা গোবিন্দ কেশবদেবের ভাটেরা লিপির কাল আজকাল পণ্ডিতগণ ১০৪৯ খ্রীষ্টাব্দ বলিয়া স্থির করিয়াছেন (২); কিন্তু এই লিপির অক্ষর ত্রয়োদশ শতাব্দীর অক্ষরের ন্যায়। যাহা হউক, বর্তমান পাইকপাড়া লিপির অক্ষর একাদশ শতাব্দীর শেষার্ধের ও দ্বাদশ শতাব্দীর পাল ও সেন বংশীয়দিগের লেখমালায় ব্যবহৃত অক্ষরের ন্যায়। নয়পালের কৃষ্ণদ্বারিকা মন্দিরের লিপি এবং প্রথম মহীপালের বাণগড় লিপির অক্ষরের সহিত পাইকপাড়া লিপির অধিকাংশ অক্ষরের সাদৃশ্য আছে। কিন্তু “ত”, “র” ও “ভ” অক্ষর তিনটির রূপ অনেকটা আধুনিক। “ত” ও “ভ”-এর নিম্নাংশ বামদিকে আবর্তিত হইয়াছে এবং তীরফলকের অগ্রভাগের সহিত সাদৃশ্যযুক্ত “র”-এর পরিবর্তে ত্রিভুজাকারের “র” ব্যবহৃত হইয়াছে। কৃষ্ণদ্বারিকা মন্দির লিপির “ত” ও “ভ” এবং ইন্দা লিপির “র” কতকটা পাইকপাড়া লিপিতে ব্যবহৃত ঐ তিনটি অক্ষরের অনুরূপ। দশম ও একাদশ শতাব্দীতে উত্তর ও পশ্চিম ভারতের কোন কোন স্থলে এই আকারের “র” ও “ভ”-এর ব্যবহার দৃষ্ট হয়। (৩) যাহা হউক লিপিতত্ত্ব অঙ্কুরে পাইকপাড়া লেখটিকে একাদশ

(১) R. D. Banerji, *Origin of the Bengali Script*, pp. 60, 68-9.

(২) Bhandarkar, *List*, No. 1769. এই লিপি ১১শ শতাব্দীর পরের হইতে পারে।

(৩) Buehler's *Palaeographic Charts*, Tafel V.

শতাব্দীর শেষার্ধ্বে কিংবা তৎপরবর্তীকালে স্থান দেওয়া যায়। লেখটার ভাষা অশুদ্ধ সংস্কৃত। ইহা গণ্ডে লিখিত।

এই লেখ হইতে জানা যায় যে পাইকপাড়ার বাসুদেব মূর্তিটী শ্রীমদগোবিন্দচন্দ্রের ২৩শ সংবৎসরে অর্থাৎ গোবিন্দচন্দ্র নামক জনৈক রাজার ত্রয়োবিংশ রাজ্যাক্ষে গঙ্গাদাস নামক এক ব্যক্তি কর্তৃক নির্মাণ করানো হইয়াছিল। গঙ্গাদাসের পিতা ছিলেন উপরত (অর্থাৎ মৃত) পারদাস। এই গঙ্গাদাসকে “রাজজিক” বলা হইয়াছে; সম্ভবতঃ ইহার অর্থ “রাজের (বা এতদনুরূপ কোন স্থানের) অধিবাসী।”

ইতিপূর্বে রাজা গোবিন্দচন্দ্রের কোন লেখ আবিষ্কৃত হয় নাই; কিন্তু যাহারা বাংলা দেশের একাদশ শতাব্দীর ইতিহাস আলোচনা করিয়াছেন তাঁহাদের নিকট এই নরপতির নাম সুপরিচিত। বহুকাল পূর্বে সুদূর-দক্ষিণ ভারতের মহাপরাক্রান্ত সম্রাট রাজেন্দ্র চোলের তিরুমলে লিপি(৪) হইতে জানা গিয়াছিল যে, আনুমানিক ১০২৩ খ্রীষ্টাব্দে চোল সৈন্যগণ দিগ্বিজয় ব্যপদেশে পূর্ব-ভারতে উপস্থিত হইলে বঙ্গদেশের রাজা গোবিন্দচন্দ্রের সহিত তাহাদের সজর্ষ উপস্থিত হইয়াছিল। কিন্তু তখন বঙ্গদেশের অবস্থান, গোবিন্দচন্দ্রের বংশপরিচয় এবং তাঁহার রাজত্বকাল সম্পর্কে অধিক কিছুই জানা যায় নাই। পরে বাংলার চন্দ্রবংশীয় রাজগণের কয়েকটি লেখ আবিষ্কৃত হওয়ায় তাঁহাদের সম্বন্ধে অনেক নূতন তথ্য জানা গিয়াছে। পাইকপাড়ায় আবিষ্কৃত বর্তমান লেখ হইতে আরও দুইটি নূতন কথা জানা গেল। প্রথমতঃ, পূর্বতন চন্দ্রবংশীয় রাজা শ্রীচন্দ্রের স্থায় গোবিন্দচন্দ্রও সম্ভবতঃ বিক্রমপুর অঞ্চল শাসন করিতেন। দ্বিতীয়তঃ, গোবিন্দচন্দ্র দ্বাবিংশতি বর্ষেরও অধিককাল রাজ্যশাসন করিয়াছিলেন। পূর্বেই বলা হইয়াছে যে, লিপিতত্ত্বের দিক হইতে পাইকপাড়া লিপিটার কাল ১১শ শতাব্দীর মধ্যভাগের অধিককাল পূর্বে নির্দেশ করা যায় না; আবার রাজেন্দ্র চোলের লিপি হইতে জানা গিয়াছে যে,

১০২৩ খ্রীষ্টাব্দের নিকটবর্তী সময়ে গোবিন্দচন্দ্র বঙ্গদেশের সিংহাসনে অধিষ্ঠিত ছিলেন। সুতরাং অনুমান করা যায় যে, রাজা গোবিন্দচন্দ্র আনুমানিক ১০২০ খ্রীষ্টাব্দ হইতে আনুমানিক ১০৪৫ খ্রীষ্টাব্দ পর্যন্ত রাজত্ব করিয়াছিলেন।

রাজেন্দ্র চোলের লিপিতে গোবিন্দচন্দ্রকে বঙ্গদেশের অধিপতিরূপে বর্ণনা করা হইয়াছে এবং এই দেশটিকে উত্তর-রাঢ় এবং দক্ষিণ-রাঢ় হইতে পৃথক করা হইয়াছে। চোল সৈন্য পালবংশীয় প্রথম মহীপালকে পরাজিত করিয়া উত্তর-রাঢ়ে এবং গঙ্গাতীরে উপস্থিত হইয়াছিল। এই উত্তর-রাঢ় এবং নিকটবর্তী অন্তর্গত অঞ্চল মহীপালের রাজ্যভুক্ত ছিল। সুতরাং দেখা যাইতেছে যে, প্রাচীন বঙ্গের স্থায় এই বঙ্গদেশও বাংলা দেশের দক্ষিণ-পূর্বাঞ্চলে অবস্থিত ছিল। আইন-ই-আকবরী প্রণেতা আবুলফজল লিখিয়াছেন (জ্যারে-টের অনুবাদ ২।১২০) যে বঙ্গ প্রাচীন বঙ্গেরই নামান্তর। প্রাচীনকালে বঙ্গদেশের রাজগণ প্রাবন নিবারণের জন্য ১০ গজ উচ্চ ও ২০ গজ আয়ত মূর্তিকা নির্মিত এক একটা “আল” প্রস্তুত করাইতেন। এই প্রথার ফলে, বঙ্গ + আল এই দুই শব্দযোগে বঙ্গাল শব্দের উৎপত্তি হইয়াছে। অধ্যাপক শ্রীযুক্ত হেমচন্দ্র রায়চৌধুরী প্রাচীন বঙ্গের অবস্থান সম্বন্ধে পুঙ্খানুপুঙ্খ আলোচনা করিয়া দেখাইয়াছেন(৫) যে, প্রাচীনকালে সঙ্গীর্ণ অর্থে বঙ্গ বলিতে বিক্রমপুর ও তৎসন্নিহিত ব্রহ্মপুত্রের পূর্বকূলস্থিত ভূখণ্ড বুঝাইত; কিন্তু ব্যাপক অর্থে ব্রহ্মপুত্রের পূর্ব হইতে মেদিনীপুরের কাঁসাই নদী পর্যন্ত বিস্তৃত ভূখণ্ডের নাম ছিল বঙ্গ। আবুলফজলের নিক্কতি পাঠে মনে হয় যে, এই ব্যাপক বঙ্গের সমুদ্রসন্নিহিত এবং নদীনালাবহুল দক্ষিণ ভাগেই জলপ্রাবন নিবারণের জন্য পূর্বেকৃত ব্যবস্থা অবলম্বিত হইত এবং উহাই কালক্রমে বঙ্গাল নামে খ্যাত হইয়াছিল। বিশ্বরূপ সেনের সাহিত্য পরিষৎ লিপি হইতে এই অনুমানের সমর্থন পাওয়া যায়। এই লিপিতে বঙ্গের নাব্য অঞ্চলে (নদীনালাবহুল দক্ষিণাঞ্চলে অর্থাৎ “ভাটি” অঞ্চলে) অবস্থিত রামসিদ্ধি পাটক এবং বঙ্গালবড়াড় নামক দুইটি স্থানের উল্লেখ আছে। বাধরংগ জিলার উত্তরদিকে গৌরনদী ধানার অন্তর্গত রামসিদ্ধি এবং বঙ্গোড়া নামক স্থানদ্বয়ের সহিত ঐ দুইটি স্থান অভিন্ন

(৪) South Indian Inscriptions, (1890); I, pp. 97-99; Ep. Ind., IX, p. 229 ff. এই লিপি রাজেন্দ্র চোলের ১২শ রাজ্যবর্ষে উৎকীর্ণ হইয়াছিল। রাজেন্দ্র ১০১২ খ্রীষ্টাব্দের ৩০শ মে তারিখে সিংহাসন আরোহণ করেন। সুতরাং তিরুমলে লিপির তারিখ ১০২৩-২৪ খ্রীষ্টাব্দ। রাজেন্দ্রের ৯ম রাজ্যবর্ষের পরে এই বিজয়াভিযান প্রেরিত হইয়াছিল।

(৫) Studies in Indian Antiquities, pp. 187-8.

বলিয়া অনুমান করা হইয়াছে।(৬) সুতরাং অধ্যাপক রায় চৌধুরী যে চন্দ্রদ্বীপ অর্থাৎ বর্তমান বাধরগঞ্জ জেলা ও তৎসম্বন্ধিত অঞ্চলের সহিত বঙ্গদেশের অভিন্নতার সিদ্ধান্ত করিয়াছেন, উহা সমীচীন বলিয়াই মনে হয়। দশম শতাব্দীর মধ্যভাগে প্রাচীন বঙ্গের দক্ষিণাঞ্চলে অর্থাৎ বঙ্গদেশে যখন চন্দ্রবংশীয় রাজগণ স্বতন্ত্র রাজ্য স্থাপন করেন, তখন হইতেই বঙ্গাতিরিক্ত বঙ্গাল নামে একটি দেশ বা রাষ্ট্রের স্বতন্ত্র উল্লেখ দেখিতে পাওয়া যায়। চন্দ্ররাজ্য চন্দ্রদ্বীপ নামেও খ্যাত হইয়াছিল। কিয়ৎকাল পরে বঙ্গালের চন্দ্র-রাজগণ প্রাচীন বঙ্গের উপর আধিপত্য বিস্তার করেন; এই সময় হইতে বঙ্গ অর্থেও বঙ্গাল শব্দের ব্যবহার চলিতে থাকে।

সম্প্রতি শ্রীযুক্ত রমেশচন্দ্র মজুমদার দেখাইতে চাহিয়াছেন (৭) যে, বঙ্গাল নামক একটি নগর বর্তমান চট্টগ্রামের নিকটে অবস্থিত ছিল এবং চট্টগ্রামের চতুঃপার্শ্ববর্তী অঞ্চলই বঙ্গাল দেশ নামে খ্যাত হইয়াছিল। কিন্তু এই সিদ্ধান্তটিকে তিনি সম্ভাবজনকরূপে প্রমাণ করিতে পারিয়াছেন বলিয়া মনে হয় না। প্রথমতঃ তিনি যে সকল বিবরণের উপর নির্ভর করিয়াছেন, উহাদের রচয়িতৃগণের অসম্ভব ভৌগোলিক জ্ঞান ছিল বলিয়া মনে করিবার কারণ নাই। দ্বিতীয়তঃ, সম্রাট আকবরের সময়ে সুবা বাঙ্গালা ব্যাপক অর্থে ব্যবহৃত হইলেও চট্টগ্রাম অঞ্চল প্রকৃতপক্ষে উহার অন্তর্ভুক্ত ছিল না; আসল বঙ্গালদেশটীও সুবা বাঙ্গালার অংশ ছিল, এইরূপ অনুমানই সম্ভব এবং সহজ। তৃতীয়তঃ, বঙ্গালপতি গোবিন্দচন্দ্র বা তৎবংশীয় অপর কেহ যে চট্টগ্রামের রাজা ছিলেন তাহার প্রমাণ নাই; বরং চট্টগ্রামাঞ্চল যে তাঁহাদের রাজ্যবহির্ভূত ছিল, তাহা মনে করিবার কারণ আছে। কিন্তু এই সকল বিষয় পরিষ্কার করিতে হইলে বর্তমান বাংলা দেশের পূর্বাঞ্চলের ৮ম হইতে ১২শ শতাব্দীর ইতিহাস কিঞ্চিৎ আলোচনা করা প্রয়োজন।

সপ্তম শতাব্দীর শেষার্ধ্বে খড়্গবংশীয় রাজগণ পূর্ব-বাংলা শাসন করিতেন। কেহ কেহ মনে করেন যে, খড়্গগণের লিপিতে হর্ষসংবৎ ব্যবহৃত হইয়াছে; কিন্তু হর্ষের সহিত পূর্ব-বাংলার কোনরূপ সম্পর্ক প্রমাণিত না হইলে এই সিদ্ধান্ত গ্রহণ করা যায় না। যাহা হউক, সম্ভবতঃ অষ্টম শতাব্দীর

চতুর্থ দশকে কনোজরাজ যশোবর্মার আক্রমণের ফলে খড়্গগণের পতন হয়। অতঃপর দেশে মাৎস্ত জায় বা অরাজকতা উপস্থিত হইল। অষ্টম শতাব্দীর মধ্যভাগে অর্থাৎ খড়্গগণের পতনের কয়েকবৎসর মাত্র পরে পালগণের অভ্যুদয়ের ফলে এই অরাজকতা বিদূরিত হইয়াছিল। তিব্বতীয় ঐতিহাসিক ভারনাথের বিবরণ, বাদাল-প্রশস্তির ২য় শ্লোক, দেবপালের মুক্তের লিপির ৩য় শ্লোক, ভোজের সাগরতাল লিপি, কর্করাজের বরোদা লিপি, বালাদিত্যের চাটস্থ লিপি প্রভৃতি হইতে আমি অন্তত (৮) দেখাইতে চেষ্টা করিয়াছি যে, পালবংশের আদি রাজা গোপাল প্রথমে বঙ্গে অর্থাৎ পূর্ব-বাংলায় রাজ্যলাভ বা রাজ্যস্থাপন করিয়াছিলেন। ধর্মপালের সময়ে পালগণ গৌড়-মগধাদি জয় করিয়া সুবিস্তৃত সাম্রাজ্যের অধীশ্বর হন এবং ক্রমে তাঁহারা আপনাদিগকে “গৌড়েশ্বর” বলিয়া প্রচার করিতে থাকেন। এই সময়ে তাঁহারা উত্তর-বাংলার কোনস্থানে রাজধানী স্থানান্তরিত করিয়াছিলেন বলিয়া মনে হয়। সেইজন্মই বহুকাল পরে সন্ধ্যাকর নন্দী বরেন্দ্রী অর্থাৎ উত্তর-বাংলাকে তাঁহার সম-সাময়িক পালরাজগণের জনকভূ বা পৈত্রিক ভূমি বলিয়া আখ্যাত করিয়াছেন। যাহা হউক, দশম শতাব্দীতে পাল-বংশের ইতিহাসে এক দুর্ঘ্যোগ উপস্থিত হয়। প্রথম মহীপালের নবম রাজ্যবর্ষে উৎকীর্ণ বাণগড় লিপির (৯) ষাটশ শ্লোকে উক্ত হইয়াছে যে, তিনি রণস্থলে বাহুবলে সকল বিপক্ষকে হত করিয়া অনধিকৃত বিলুপ্ত পৈত্র্য রাজ্য লাভ করিয়াছিলেন। ইহা হইতে স্পষ্ট বোঝা যায় যে, মহীপালের পৈত্রিক রাজ্য ইতিপূর্বে তৎকর্তৃক অনধিকৃত এবং তৎপক্ষে বিলুপ্ত ছিল; অথবা যাহারা প্রকৃত রাজ্যাধিকারী নহে, তাহাদের দ্বারা অধিকৃত হওয়ায় ইতিপূর্বে পালরাজের

(৮) *Proceedings of the 2nd Ind. Hist. Cong.*, 1938, p. 194; *New Ind. Ant.*, II, p. 382 ff. সম্প্রতি ডক্টর মজুমদারও এইরূপ মত প্রকাশ করিয়াছেন (*Ind. Hist. Quart.*, xvi, pp. 233ff.)। তবে তিনি যে সিদ্ধান্ত করিয়াছেন যে পালবংশীয়গণ চট্টগ্রাম অঞ্চল শাসন করিতেন, তাহার কোন সম্ভাবজনক প্রমাণ নাই। চট্টগ্রাম অঞ্চলে পালরাজগণের কোন লেখ আবিষ্কৃত না হওয়া পর্যন্ত কিংবা অপর কোন অবিসংবাদী প্রমাণ না পাওয়া পর্যন্ত এই সিদ্ধান্ত অসম্ভব বলিয়া গ্রহণ করা যায় না।

(৯) *Ep. Ind.*, XIV, p. 326.

(৬) *Indian Culture*, II, pp. 158-9.

(৭) *Ind. Hist. Quart.*, XVI, pp. 229-38.



রাজ্যলোপ পাইয়াছিল। এস্থলে পৈত্র্যরাজ্য বলিতে সমগ্র পালসাম্রাজ্য কিংবা পালগণের প্রথম অভ্যুদয় কেন্দ্র বঙ্গ, কিংবা তাঁহাদের পরবর্তী কালের জনকভূ বরেন্দ্রী, কিংবা সাম্রাজ্যের বঙ্গ-বরেন্দ্রী অংশ বুঝাইতেছে, তাহা নিশ্চিত বলা সম্ভব নয়। তবে প্রথম মহীপালের অব্যবহিত পূর্বে যে পূর্ব-বাংলা পালগণের হস্তচ্যুত হইয়াছিল এবং তৎকর্তৃক পুনরধিকৃত হইয়াছিল তাহার কিছু প্রমাণ আছে।

ঢাকা জেলার অন্তর্গত রামপালে ও ধুল্লাতে ( অর্থাৎ বিক্রমপুর মধ্যে ) এবং ফরিদপুরের মাদারিপুর মহকুমার অধীন কেদারপুর ও ইদিলপুরে ( অর্থাৎ দক্ষিণ-বিক্রমপুর মধ্যে ) শ্রীচন্দ্র নামক জনৈক চন্দ্রবংশীয় বৌদ্ধ নৃপতির চারিটা শাসন আবিষ্কৃত হইয়াছে। ধুল্লালিপি শ্রীচন্দ্রের পঞ্চত্রিংশ রাজ্যকে উৎকীর্ণ হইয়াছিল এবং চারিটা শাসন বিক্রমপুরের জয়স্বক্কাবার হইতে শ্রীচন্দ্র কর্তৃক প্রদত্ত হইয়াছিল। এগুলির অক্ষর মহীপালের বাণগড় লিপির অক্ষর হইতে প্রাচীন বলিয়া বিবেচিত হইয়াছে। শ্রীচন্দ্রের ধুল্লা ও রামপাল লিপি হইতে জানা যায় যে, রোহিতাগিরির অধীশ্বর চন্দ্রদিগের বংশে পূর্ণচন্দ্র নামক এক ব্যক্তি জন্মগ্রহণ করিয়াছিলেন। এই রোহিতাগিরিকে কেহ শাহাবাদ জেলার রোহিতাস্গড়, কেহ কেহ বা ত্রিপুরার অন্তর্গত লালমাই পাহাড় বলিয়া মনে করিয়াছেন। বাংলার চন্দ্রবংশকে আজকাল অনেকেই আরাকানের চন্দ্রবংশীয় রাজগণের সহিত সম্পর্কিত মনে করেন। সুতরাং রোহিতাগিরি ঐ অঞ্চলের কোনস্থান হওয়া অসম্ভব নহে। আবার এই রোহিতাগিরি চন্দ্রদ্বীপের অর্থাৎ বাথরগঞ্জ অঞ্চলের কোন স্থানও হইতে পারে। চন্দ্রদ্বীপ নামটা হইতে মনে হয় যে উহা প্রথমে একটা দ্বীপে সীমাবদ্ধ ছিল। যাহা হউক, রোহিতাগিরির অবস্থান স্থিররূপে জানা না গেলেও পূর্ণচন্দ্র যে ঐ স্থানের ভূম্যধিকারীবংশে জন্মগ্রহণ করিয়াছিলেন, তাহাতে সন্দেহ নাই। সুবর্ণচন্দ্র নামে পূর্ণচন্দ্রের এক পুত্র জন্মে; তিনিও রাজা ছিলেন না। সুবর্ণচন্দ্রের পুত্র ত্রৈলোক্যচন্দ্র এই বংশের প্রথম রাজা। (১০) তিনি হরিকেলের রাজ্যশ্রীর আধার বা আশ্রয়স্বরূপ ছিলেন ( অর্থাৎ হরিকেলপতির সামন্ত ছিলেন ) এবং চন্দ্রদ্বীপের

(১০) তাঁহাকে দিলীপের সহিত তুলনা করা হইয়াছে। ইহা হইতেও মনে হয় যে তিনি চন্দ্রবংশের প্রথম রাজা ছিলেন। কালিদাস

নৃপতি হইয়াছিলেন। ষাটশ শতাব্দীতে “অতিধান-চিন্তামণি”কার হেমচন্দ্র বলিয়াছেন যে বঙ্গ এবং হরিকেল অভিন্ন। সুতরাং ত্রৈলোক্যচন্দ্র বঙ্গের সামন্তরূপে অভ্যুদয় লাভ করিয়াছিলেন (১১) এবং চন্দ্রদ্বীপ অর্থাৎ বাথরগঞ্জ অঞ্চলের রাজা হইয়াছিলেন। ত্রৈলোক্যচন্দ্রের স্বামী (overlord) হরিকেলপতি যে পালবংশীয় ছিলেন তাহাতে কোনই সন্দেহ নাই। তিনি স্বয়ং পালরাজের প্রভুত্ব স্বীকার করিয়াছিলেন, এরূপ সিদ্ধান্ত করিবার উপযুক্ত কোন প্রমাণ নাই। কিন্তু ত্রৈলোক্যচন্দ্রের পুত্র পরমেশ্বর পরমভট্টারক মহারাজাধিরাজ শ্রীচন্দ্র পূর্ববাংলার বিস্তৃত অঞ্চল স্বাধীনভাবে শাসন করিয়াছিলেন। ইহার প্রমাণ তাঁহার শাসনসমূহ। জনৈক সামন্তরাজের পুত্র হইয়াও শ্রীচন্দ্রের “সুচিতরাজচিহ্ন”রূপে জন্মগ্রহণ হইতেও মনে হয় যে, তিনিই চন্দ্রবংশের প্রথম স্বাধীন নরপতি। তবে তিনি তাঁহার সুদীর্ঘ রাজত্বের প্রথম হইতেই স্বাধীন ছিলেন, এরূপ কোন প্রমাণ নাই। ত্রিপুরা জিলার বড়কাস্তা থানার অধীন ভারেল্লা গ্রামে লয়হচন্দ্র নামক অপর একজন চন্দ্র-নৃপতির রাজত্বকালে ( সম্ভবতঃ তাঁহার ১৮শ রাজ্যকে ) নির্মিত একটা মূর্তি আবিষ্কৃত হইয়াছে। শ্রীচন্দ্রের সহিত লয়হচন্দ্রের কি সম্পর্ক ছিল অথবা আদৌ কোন সম্পর্ক ছিল কি-না (১২), তাহা জানা যায় না। তবে এই দুইজন নরপতি এক বংশসম্ভূত হইলে লয়হচন্দ্রকে শ্রীচন্দ্রের সামান্ত পরবর্তী মনে করা যাইতে পারে। যে অনধিকারী চন্দ্রগণ পাল-সাম্রাজ্যের পূর্বাংশ হইতে পালপ্রভুত্ব বিলুপ্ত করিয়াছিলেন, সম্ভবতঃ প্রথম মহীপাল তাঁহাদিগকে হতবল করিয়া ঐ রাজ্যাংশ পুনরুদ্ধার করিতে সমর্থ হইয়াছিলেন। ইহা যে কেবল বাণগড় লিপির পূর্বোল্লিখিত দাবী হইতে অনুমিত হয়, তাহা নহে; প্রথম মহীপালের তৃতীয় রাজ্যকের বাঘাউরা লিপিও উহা সমর্থন করে। ত্রিপুরা জিলার ব্রাহ্মণবাড়িয়া থানার অধীন বাঘাউরা গ্রামে এই লিপি আবিষ্কৃত হইয়াছে।

(১১) “আধারো হরিকেলরাজককুদচ্ছত্রস্থিতানাং শ্রিয়াম্” কথাটিতে যে ত্রৈলোক্যচন্দ্রকে হরিকেলের পালসাম্রাজ্যের সামন্তরূপে বর্ণনা করা হইয়াছে, ইহা প্রথমে অধ্যাপক রায়চৌধুরী মহাশয় আমাকে বুঝাইয়াছিলেন।

(১২) সম্পর্ক থাকাই সম্ভব; কারণ একই যুগে একই অঞ্চলে

বাঘাউরা লিপির মহীপালকে কেহ কেহ প্রতিহারবংশীয় দ্বিতীয় মহীপাল বলিয়া স্থির করিয়াছেন ; কিন্তু এই মতের সমর্থক কোনই যুক্তি নাই। প্রতিহারবংশের সহিত পূর্ববাংলার কোনরূপ সম্পর্ক প্রমাণিত না হইলে এই অনুমানকে ঐতিহাসিক সত্যরূপে গ্রহণ করা যায় না। কেহ কেহ বাঘাউরা লিপির মহীপালকে পালবংশীয় দ্বিতীয় মহীপাল মনে করিতে পারেন। এই সিদ্ধান্তকে একেবারে উড়াইয়া দেওয়া যায় না। তবে লিপি-তত্ত্বানুসারে বাঘাউরা লেখটিকে দ্বিতীয় মহীপালের কিছু পূর্ববর্তী বলিয়াই মনে হয়। পালবংশীয় প্রথম মহীপাল শত্রু পরাভব করিয়া নষ্ট-রাজ্য উদ্ধারের দাবী করিয়াছেন ; সুতরাং বাঘাউরার মূর্তি তাঁহার রাজত্বকালে নির্মিত হইয়াছিল এরূপ মনে করা অসঙ্গত নহে। যাহা হউক, প্রথম মহীপালের রাজত্বের প্রথম দিকে এই গৌরবলাভ ঘটিয়াছিল ; কারণ তাঁহারই রাজত্বের শেষার্ধ্বে গোবিন্দচন্দ্র শ্রীচন্দ্রের সাম্রাজ্য (অথবা উহার অধিকাংশ) পুনরুদ্ধার করিতে সমর্থ হইয়াছিলেন। ইহার প্রমাণ রাজেন্দ্র চোলের লিপি এবং বর্তমান পাইকপাড়া লিপি। কিন্তু চন্দ্রগণ দীর্ঘকাল বঙ্গ প্রভূত্ব করিতে পারেন নাই। “লক্ষপ্রদীপ” নামক একখানি চিকিৎসাগ্রন্থে লিপিত আছে যে, গ্রন্থকারের পিতা বঙ্গেশ্বর রামপালের রাজবৈষ্ঠ ছিলেন এবং তাঁহার প্রপিতামহ রাজা গোবিন্দ-চন্দ্রের রাজবৈষ্ঠ ছিলেন অর্থাৎ যে ব্যক্তি গোবিন্দচন্দ্রের (আঃ ১০২০—৪৫ খ্রীঃ) সভায় ছিলেন, তাঁহার পৌত্র রামপালের (আঃ ১০৮৪—১১২৬ খ্রীঃ) সমসাময়িক ছিলেন। এস্থলে রামপালকে “বঙ্গেশ্বর” বলায় মনে হয় যে গোবিন্দ-চন্দ্রের পরে পূর্ব-বাংলা পুনরায় পালগণের করতলগত হইয়াছিল। এই সম্পর্কে লক্ষ্য করিতে হইবে যে “রামচরিত”-এ রামপালের যে সামন্তবৃন্দের বিবরণ আছে, তাঁহাদের কেহই পূর্ব-বাংলার লোক নহেন। সুতরাং অনুমান করা যাইতে পারে যে, এই সময়ে বঙ্গ পালরাজের প্রত্যক্ষ শাসনাধীন ছিল। ১০-১৩ শতাব্দীর অনেক লিপিতে বঙ্গ এমন কি ২৪ পরগণা জেলা পর্য্যন্ত পুণ্ড্রবর্ধনভুক্তির অন্তর্গতরূপে উল্লিখিত হইয়াছে ; মনে হয় যে ইতিপূর্বে এই বিস্তৃত ভুক্তি পালরাজগণ তাঁহাদের উত্তরবাংলাস্থিত রাজধানী হইতে নিজেরা শাসন করিতেন এবং সাম্রাজ্যের অঙ্গাঙ্গ

গণের কেহ কেহ কেবলমাত্র বঙ্গের অধীশ্বর হইয়াও পূর্ব-প্রচলিত ব্যবস্থা অনুসারে বঙ্গকে পুণ্ড্রবর্ধন বা উত্তর বাংলার অন্তর্গত বলিয়া উল্লেখ করিয়াছেন। যাহা হউক, আমগাছী লিপির ১৪শ শ্লোকে তৃতীয় বিগ্রহপালের দিগ্বিজয় বর্ণন-প্রসঙ্গে পূর্ব দেশের উল্লেখ আছে। সম্ভবতঃ তিনিই দ্বিতীয়বার চন্দ্র-গণকে হতবল করিয়াছিলেন।(১৩)

শ্রীযুক্ত নলিনীকান্ত ভট্টশালী গোবিন্দচন্দ্রকে কিংবদন্তীর গোপীচন্দ্রের সহিত অভিন্ন মনে করেন। এই গোপীচন্দ্র তিলকচন্দ্রের পুত্র এবং মৃকুলের অর্থাৎ ত্রিপুরার অন্তর্গত মেহারকুল পরগণার রাজা ছিলেন। গোপীচন্দ্র সম্বন্ধীয় কিংবদন্তীর মূল পূর্ব-ভারতে এবং পাঞ্জাবে প্রচলিত কয়েকটি গাথা, একখানি নাটক এবং তারনাথের ইতিহাসে উল্লিখিত কাহিনী। অবশ্য কিংবদন্তীসমূহের কিছু ঐতিহাসিক ভিত্তি থাকিতে পারে, কিন্তু এগুলিতে তাম্রশাসন হইতে পরিষ্কার চন্দ্রদিগের ইতিহাসের বিরোধী এবং অনেক পরম্পর-বিরোধী আজগুবি কাহিনীও আছে। ভট্টশালী মহাশয় শ্রীচন্দ্রের পিতা ত্রৈলোক্যচন্দ্রের ও গোপীচন্দ্রের পিতা তিলকচন্দ্রকে অভিন্ন মনে করেন। এ অনুমান সত্য হইলে, গোবিন্দচন্দ্র শ্রীচন্দ্রের কনিষ্ঠ ভ্রাতা হইয়া দাঁড়ান। যাহা হউক, নতুন আবিষ্কার না হওয়া পর্য্যন্ত এই মতের স্বপক্ষে বা বিপক্ষে কিছু বলিয়া লাভ নাই। তবে অত্র প্রমাণ দ্বারা সমর্থিত না হওয়া পর্য্যন্ত ইহাকে ইতিহাসের বাহিরে রাখাই ভাল।

একাদশ শতাব্দীর শেষদিকে পূর্ববাংলা বর্ষাবংশীয় রাজগণের করতলগত হইয়াছিল। বর্ষাবংশীয় ষাটবংশীয় ছিলেন এবং পূর্বে সিংহপুরের অধিপতি ছিলেন। যুক্ত-প্রদেশের দেবাদুন জেলার লক্ষামণ্ডলে আবিষ্কৃত ৭ম শতাব্দীর একখানি লিপিতে পাঞ্জাব-অঞ্চলে সিংহপুরপতি ষাটবংশীয় বর্ষাদিগের অস্তিত্ব জানা যায়। ভারতের

(১৩) সুতরাং বাঘাউরার মহীপালকে পালবংশীয় দ্বিতীয় মহীপাল বলিয়া ধরিতে এদিক হইতে কোন বাধা নাই। তবে আমার মনে হয় লিপিটি একাদশ শতাব্দীর প্রথমার্ধের, দ্বিতীয়ার্ধের নহে। অপর প্রমাণাভাবে এ বিষয়ে নিশ্চিত হওয়া যাইবে না। বাঘাউরা লিপি দ্বিতীয় মহীপালের হইলে, শ্রীচন্দ্র হইতে গোবিন্দচন্দ্র পর্য্যন্ত চন্দ্রগণ অবিচ্ছিন্নভাবে বঙ্গ শাসন করিয়াছিলেন, এইরূপ সিদ্ধান্ত করিতে হইবে। ইহা যে অসম্ভব, তাহা নহে। বরং চন্দ্ররাজগণের দীর্ঘ দীর্ঘ রাজত্বকাল লক্ষ্য করিলে ইহা সম্ভব বলিয়াই মনে হয়।

অপর কোথাও সিংহপুরপতি যাদববংশীয় বর্মা দেখা যায় নাই। সুতরাং বাংলার বর্মাগণকে পাঞ্জাবের যাদব বর্মাদিগের একটি শাখা মনে করা অসঙ্গত নহে। বাংলার বর্মারাজগণের সময়ের কয়েকখানি লেখ পাওয়া গিয়াছে—হরিবর্মার এবং শামলশর্মার লিপি, হরিবর্মার মন্ত্রী ভবদেব ভট্টের প্রশস্তি (১৪) এবং ভোজবর্মার বেলাবো লিপি। হরিবর্মার রাজত্বের ১৯শ এবং ৩৯শ রাজ্যকে লিখিত দুইখানি পুঁপি আবিষ্কৃত হইয়াছে; সুতরাং তিনি প্রায় ৪০ বৎসর রাজত্ব করিয়াছিলেন। তাঁহার সামন্তসার লিপি অস্পষ্ট; উহা হইতে তিনি জাতবর্মার পুত্র ছিলেন এবং বিক্রমপুর হইতে শাসনখানি দান করিয়াছিলেন, ইহাই মাত্র জানা যায়। বর্মাবংশের ইতিহাসের জন্ম আমাদিগকে প্রধানতঃ ভোজবর্মার বেলাবো লিপির উপরই নির্ভর করিতে হয়। এই লিপির ৫ম শ্লোকে উক্ত হইয়াছে যে সিংহপুরে যাদববংশীয় বর্মাগণের আদিবাস ছিল। এই বংশে যাদব সৈন্তের সমরবিজয়যাত্রার মঙ্গলস্বরূপ বজ্রবর্মা নামক একব্যক্তি জন্মগ্রহণ করেন। এই বজ্রবর্মা একজন সেনানীমাত্র ছিলেন। বজ্রবর্মার পুত্র জাতবর্মা বেণুপুত্র পৃথুর শ্রী ধারণ করিয়াছিলেন; চেদিরাজ কর্ণের (১০৪১-৭১ খ্রীঃ) কন্যা বীরশ্রীকে বিবাহ করিয়াছিলেন; অঙ্গদেশে রাজশ্রী বিস্তার করিয়াছিলেন; কামরূপরাজ, কৈবর্তরাজ দিব্য ও গোবর্দ্ধনকে পরাজিত করিয়াছিলেন এবং পরিশেষে সার্কভৌম শ্রী বিস্তার করিয়াছিলেন। পুরাণের “আত্ম ক্রীতীশ্বর” পৃথুর সহিত তুলনা হইতে সত্যই অনুমান করা হইয়াছে যে, জাতবর্মাই এই বংশের সর্বপ্রথম রাজা ছিলেন। তিনি কোন্ দেশের রাজা ছিলেন, তাহা নিশ্চিত জানা যায় না; কিন্তু তিনি অঙ্গদেশ, উত্তর-বাংলা ও

কামরূপ প্রভৃতির সহিত সংঘর্ষে লিপ্ত হইয়াছিলেন। লক্ষ্য করিতে হইবে যে বেলাবো লিপিতে পূর্ববাংলার সহিত তাঁহার কোন সম্পর্কের কথা নাই। আমি অন্তর্ভুক্ত দেখাইয়াছি (১৫) যে, জাতবর্মা সম্ভবতঃ তাঁহার খন্তুর কলচুরি কর্ণের সেনানী বা সামন্তরূপে অঙ্গদেশে অধিকার করিয়াছিলেন। কর্ণ যে অঙ্গদেশে অধিকার করিয়া পূর্বদিকে বীরভূম পর্যন্ত অগ্রসর হইয়াছিলেন, পাইকোড়ে আবিষ্কৃত তদীয় জয়স্তম্ভই তাহার প্রমাণ। সম্ভবতঃ জাতবর্মা প্রথমে কর্ণের সামন্তরূপেই অঙ্গ রাজশ্রী বিস্তার করিয়াছিলেন। এই সম্পর্কে পৌরাণিক অঙ্গরাজের পৌত্র এবং বেণরাজের পুত্র পৃথুর সহিত জাতবর্মার তুলনা লক্ষ্য করিবার বিষয়। (১৬) যাহা হউক, মনে হয় যে দশম-শতাব্দীর মধ্যভাগে জাতবর্মা অঙ্গদেশে অধিষ্ঠিত হইয়াছিলেন। তিনি তৃতীয় বিগ্রহপালের ভায়রাভাই ছিলেন এবং ভায়রার পুত্রের বন্ধুরূপে তদীয় বিরুদ্ধাচারী দিব্যের সহিত সংঘর্ষে লিপ্ত হইতে পারেন। কিন্তু বর্মাগণ চিরকাল পালদিগের বন্ধু ছিলেন না; কারণ রাজ্যোদ্ধারকামী রামপালের বান্ধবগণের যে তালিকা রামচরিতে পাওয়া যায়, তন্মধ্যে বর্মাবংশীয় কাহারও নাম নাই। আবার এই সময়ে পালদিগের বান্ধব রাষ্ট্রকূটগণ অঙ্গদেশে প্রাধান্য লাভ করিয়াছিল। সুতরাং বোঝা যায় যে, বর্মাগণ শীঘ্রই অঙ্গ হইতে বিতাড়িত হইয়াছিলেন। বিতাড়িত হইয়া তাঁহারা উত্তর-বাংলায় কোন স্থানে আশ্রয় লইয়াছিলেন বলিয়া মনে হয়। কারণ উত্তর-বাংলা ও কামরূপের সহিত জাতবর্মার কিছু সম্পর্ক দেখা গিয়াছে। বেলাবো শাসনে ভোজবর্মা কর্তৃক কোশাখী অর্থাৎ রাজসাহীর অন্তর্গত কুণ্ডলাতে ভূমিদানের উল্লেখ আছে; ইহা হইতে জানা যে উত্তর-বাংলার কিয়দংশ পরবর্ত্তী বর্মারাজগণের অধিকার ছিল। আবার “রামচরিত” হইতে জানা যায় যে, দক্ষিণ পূর্ব-বাংলা পালরাজের প্রত্যক্ষ শাসনাধীন ছিল এবং উত্তর-বাংলার অধিকাংশ ব্যতীত সাম্রাজ্যের অন্তর্গত অঞ্চলে তাঁহার সামন্তগণ

(১৪) ভবদেবের লিপিখানি “ভুবনেশ্বর অনন্তবাহুদেব মন্দিরের লিপি” নামে বিখ্যাত। বর্ত্তমানে লিপিটি ঐ মন্দিরগাত্রে আছে বটে, কিন্তু মূলে অন্তর্ভুক্ত ছিল বলিয়াই মনে হয়। কলিকাতার এশিয়াটিক সোসাইটীর লোকেরা ঐ মন্দির হইতে কয়েকটি লেখ লইয়া আসিয়াছিল; পরে সেগুলি ফেরত দেওয়া হয়। কিন্তু ফেরত দিবার সময় ভ্রমক্রমে অন্তর্ভুক্ত হইতে সংগৃহীত ভবদেবের লিপিটি ভুবনেশ্বরে পাঠান হইয়াছিল। *Proceedings of the 3rd Ind. Hist. Cong., 1939, pp. 287 ff.*

(১৫) *Proceedings of the 2nd Ind. Hist. Cong., 1938, p. 198.*

(১৬) ভাগবত ৪।১৩।১৮। অধ্যাপক রায় চৌধুরী আমাকে প্রথমে পৃথুর সহিত অঙ্গদেশের কোন সম্পর্ক আছে কিনা তাহা বুঝিয়া দেখিতে পরামর্শ দিয়াছিলেন।

শাসনচালনা করিতেছিলেন। সুতরাং আমরা মনে করি যে কৈবর্তরাজ ভীমের প্রধান সহায় এবং পরবর্তীকালে রামপালের পক্ষাবলম্বনকারী হরি নামক যে প্রতিপত্তিশালী নায়কের কথা “রামচরিত”-এ পাওয়া যায়(১৭) তিনি জাতবর্মার পুত্র হরিবর্মা ব্যতীত অপর কেহ নহেন। “রামচরিত”-এর বর্ণনা হইতে মনে হয় যে, রামপাল বঙ্গরাজ্যের কিয়দংশের অথবা সর্বাংশের শাসনাধিকার দান করিয়া হরিবর্মাকে স্বপক্ষে আনিতে পারিয়াছিলেন। “রামচরিত”-এই পরে একজন পূর্বাঞ্চলের বর্মাবংশীয় নৃপতি দ্বারা রামপালের প্রসাদিত হইবার কথা আছে। এই বর্মা রাজা হরিবর্মা হইতে পারেন; কারণ রামচরিতের ৪র্থ পরিচ্ছেদ ( ৩৭ ও ৪০ শ্লোক ) হইতে মনে হয় যে, হরিবর্মা মদনপালের সময় পর্যন্ত জীবিত ছিলেন। তিনি সুদীর্ঘ ৪০ বৎসর কাল রাজত্ব করিয়াছিলেন; সুতরাং তাঁহার পক্ষে ইহা অসম্ভব নহে। সম্ভবতঃ হরিবর্মার পরে তাঁহার ভ্রাতা শামলবর্মা রাজা হন; হরিবর্মার দীর্ঘ রাজত্বের পরে শামলবর্মা অল্পকাল রাজত্ব করিয়াছিলেন বলিয়াই মনে হয়। শামলবর্মার পরে তৎপুত্র ভোজবর্মা রাজা হইয়াছিলেন। ইহার অনতিকাল পরে দ্বাদশ শতাব্দীর মধ্যভাগে সেনবংশীয়েরা বিক্রমপুর অঞ্চল অধিকার করেন।

সেনবংশের আদিপুরুষ বীরসেন দাক্ষিণাত্যের জনৈক ক্রৌণীন্দ্র বা ভূম্যধিকারী ছিলেন।(১৮) তাঁহার বংশে সামন্তসেন জনগ্রহণ করেন; তাঁহার যশোগাথা সেতুবন্ধ রামেশ্বরের নিকটে ( অর্থাৎ ভারতের দক্ষিণাঞ্চলে ) গীত হইত। তিনি জাতিতে ব্রহ্ম-কৃত্রিয় ( অর্থাৎ ব্রাহ্মণ ও কৃত্রিয় উভয় বংশ সম্বৃত পিতামাতা হইতে জাত ) ছিলেন। মাধাইনগর লিপিতে তাঁহাকে কর্ণাট-কৃত্রিয় বলা হইয়াছে। তিনি কর্ণাট রাজলক্ষীর শত্রুগণকে ধ্বংস করিয়াছিলেন। বোধ হয় কর্ণাটের কোন চালুক্যরাজের সেনানীরূপে তিনি পূর্বভারতে আগমন করিয়াছিলেন, ইহাই এই শ্লোকে ব্যক্ত হইয়াছে।(১৯) দেওপাড়া লিপির ৯ম শ্লোক হইতে জানা

যায়, সামন্তসেন শেব বয়সে গঙ্গাতীরে আশ্রয় গ্রহণ করেন। এই গঙ্গাতীর সম্ভবতঃ রাঢ়ের অন্তর্গত ছিল; কারণ নৈহাটী লিপির তৃতীয় শ্লোকে বলা হইয়াছে যে, সেনগণ প্রথমে রাঢ়ে অবস্থান করিতেছিলেন। ব্যারাকপুর শাসনের ৫ম শ্লোকে সামন্তসেনের পুত্র হেমন্তসেনকে “রাজরক্ষাসুদক্ষ” বলা হইয়াছে; ইহা হইতে মনে হয়, তিনি তদানীন্তন পালরাজের সামন্ত ছিলেন। হেমন্তসেনের পুত্র বিজয়সেনও প্রথম জীবনে পালগণের সামন্ত ছিলেন।(২০) কিন্তু বিজয়সেন শূররাজবংশের কন্যা বিবাহ করিয়া সেনপ্রাধান্তের ভিত্তি স্থাপন করেন। তিনিই সেনবংশের প্রথম স্বাধীন রাজা। বিজয়সেন নাজ, বীর, বর্ধন প্রভৃতি রাজগণকে এবং গোড়, কামরূপ ও কলিঙ্গের রাজাকে পরাজিত করিয়াছিলেন। পরাজিত গোড়েশ্বর অবশ্যই কোন পালসম্রাট; ইহার নিকট হইতেই উত্তর-বাংলা বিজিত হইয়াছিল। সম্ভবতঃ বিজয়সেনের রাজত্বের শেষ দিকে ভোজবর্মা বা তাঁহার কোন উত্তরাধিকারীর নিকট হইতে পূর্ব-বাংলা বিজিত হইয়াছিল। বীর প্রভৃতি পরাজিত নৃপবৃন্দের নামের তালিকামধ্যে কোন অজ্ঞাত বর্মারাজার নাম রহিয়াছে কি-না, নূতন আবিষ্কার না হইলে তাহা জানা যাইবে না। বিজয়সেনের ব্যারাকপুর শাসন তাঁহার রাজত্বের ৬২তম বর্ষে বিক্রমপুর হইতে প্রদত্ত হইয়াছিল।(২১) এই লিপির ৮ম ও ৯ম শ্লোক পড়িলে মনে হয় যে, বিজয়সেন এই সময়ে অতি বৃদ্ধ হইয়াছিলেন এবং শাসনকার্য প্রকৃতপক্ষে তাঁহার শূরবংশীয়া রাণীর গর্ভজাত পুত্র বল্লাল সেনই নির্বাহ করিতেন। “বল্লাল” এই কানাড়ী নামটি

কর্ণের পূর্বভারত আক্রমণ কর্ণাটগণের সহযোগে সম্পাদিত হইয়াছিল কি-না তাহা জানা যায় নাই। তাহা যদি হয়, তবে সেন ও বর্মীগণ একই সময়ে ( অর্থাৎ চেন্নি-কর্ণাট আক্রমণের সময়ে ) বাংলায় আগমন করিয়াছিলেন।

( ২০ ) শ্রীযুক্ত রায়চৌধুরী “রামচরিত”-এ উল্লিখিত রামপালের সামন্ত নিম্নাবলপতি বিজয়রাজকে সেনবংশীয় বিজয়সেন মনে করেন ( *Studies in Indian Antiquities*, p. 158 ). সম্ভ্রতি এ সম্পর্কে যে আপত্তি উত্থাপিত হইয়াছে ( *Ramacharita*, p. xxvii ), তাহা একেবারে অলজ্য নহে।

( ২১ ) ভাণ্ডারকর মনে করেন যে, ইহা চালুক্যবিক্রমসংবতের তারিখ ( *List*, No. 1682, note ) । কিন্তু এ অনুমানের পক্ষে কোন প্রমাণ নাই।

( ১৭ ) *Ramacharita*, V. R. Society, Introduction, pp. xxx-iii.

( ১৮ ) দেওপাড়া লিপি, ৪র্থ শ্লোক হইতে পরবর্তী শ্লোকসমূহ।

( ১৯ ) পরমারগণের নাগপুর প্রসঙ্গিতে কর্ণের সহিত কর্ণাটগণের মিলনের বিষয় উক্ত হইয়াছে ( *Ep. Ind.*, II, pp. 185, 192 ) । কিন্তু

হইতেও সেনদিগের সহিত কর্ণাটের সম্পর্ক সূচিত হয়। যাহা হউক পূর্ব-বাংলার ইতিহাসে চন্দ্রবংশের স্থান নির্দেশ করিতে গিয়া আর অধিক দূর অগ্রসর হইবার প্রয়োজন নাই।

নিম্নে শ্রীযুক্ত যোগেন্দ্রনাথ গুপ্ত মহাশয়ের প্রদত্ত প্রতিলিপি ( estampage ) ও অমূল্যলিপি ( eye-copy ) হইতে আমরা পাইকপাড়া লিপির পাঠ উদ্ধৃত করিলাম।

পাইকপাড়া লিপির পাঠ

(১ম পঙক্তি) [ক] শ্রীমদেগা- [খ] বিন্দচ- [গ] স্মৃষ্ণ সঙ্ঘৎ ২৩  
(২য় পঙক্তি) [ক] রালজিক-উ- [খ] পরত-পা- [গ]  
রদাস-স্মৃত: বাসুদেবভট্টারক ( অর্থাৎ ভগবান্ বাসুদেবের মূর্তি ) ॥

( ৩য় পঙক্তি) [ক] গঙ্গদা [খ] স-কারিত-বা- [গ] স্মুদেব-  
(৪র্থ পঙক্তি) [ক] ভট্টারক

সংশোধিত পাঠ

শ্রীমদেগাবিন্দচন্দ্রস্য সংবৎ ২৩. রালজিকোপরত-পারদাস-  
স্মৃত-গঙ্গাদাস-কারিত-বাসুদেবভট্টারক: ॥

বঙ্গানুবাদ

শ্রীমদেগাবিন্দচন্দ্রের [ রাজ্যের ] ২৩শ সংবৎসরে রালজিক  
( অর্থাৎ রলজের বা তদনুরূপ কোন স্থানের অধিবাসী ),  
স্মৃত পারদাসের পুত্র গঙ্গাদাসের দ্বারা তৈরী করানো  
রদাস-স্মৃত: বাসুদেবভট্টারক ( অর্থাৎ ভগবান্ বাসুদেবের মূর্তি ) ॥

তোমার কবিতা

শ্রীরামেন্দু দত্ত

মনের আবেগ মিশায়ৈ সদাই  
তোমার কবিতা লিখি—  
ময়ূর মাতন জুড়ে সারাধন  
নাচে যে ভবন-শিখি !  
তোমার কবিতা নহে ত কেবল  
ছন্দে সাজানো কথা—  
চরণে চরণে তব শ্রীচরণে  
নিবেদন ব্যাকুলতা !  
দুরু দুরু আশা, হাসা, ভালবাসা  
সকলি মিলায়ে দিয়া  
তোমার পূজার পূত উপচার  
পরিণত হয় প্রিয়া !  
হৃদি-বল্লভ আঁখি-পল্লব  
সারা রাত্তি রহে জাগি'—  
হৃদয়-মাধব কাঁদে শতবার  
'পদ-পল্লব' মাগি' !  
রাগে, অমুরাগে, কোপনে, গোপনে  
বিরহে, মিলনে গাঁথি'  
তোমার কবিতা ছুরুহ সবই তা  
লিখিতে ফুরায় রাত্তি !  
অথচ তাহার ছন্দে ছন্দে  
অমৃত গন্ধ ভরা  
যুগনাভি সম লাগে অমুপম,  
যদিও যায় না ধরা !  
তোমার কবিতা লিখিয়া যখন  
কষি টেনে করি শেষ—

বুঝিতে পারি যে রছিল তাহার  
অনন্ত অবশেষ !  
এক রাত্তি জেগে একটি কবিতা—  
হায়, তাই দিবে যদি  
সাগরে আনিয়া পারিতাম আমি  
মিলাতে ঋণের নদী,  
ভগীরথ হয়ে পুরব জনমে  
ভাগীরথী ধারা তবে  
আমিই আনিয়া দিতাম ঢালিয়া  
সাগরে সগৌরবে !  
এক রাত্তি কেন, যতগুলি রাত্তি  
জীবনে এখনো বাকী  
সব গুলি ভরি' যদি লিখে মরি,  
কবিতা ফুরাবে না কি ?  
নহে, নহে, নহে—তোমার কবিতা  
কভু ফুরাবার নহে  
জনমে জনমে দেহ'হ'তে দেহে  
অদেহী এ ধারা বহে !  
তব কবিতার সুখা-ঝঙ্কার  
করেছে আমারে কবি  
লভেছি কত না কবির জনম,  
আবার যেন গো লভি !  
মোক্ চাহি না, মুক্তি চাঁহি না  
মাগি না কো নির্বাণ—  
কবি হয়ে যেন যুগে যুগে গেয়ে  
যেতে পারি তব গান !



## বাজিকর

একাঙ্কিকা



### শ্রীতারশঙ্কর বন্দ্যোপাধ্যায়

গ্রাম্যপথ। যাযাবর জাতীয় একটি ক্ষুদ্র বাজিকরের দল চলিয়াছে। একটি জোয়ান পেশী-সবল দীর্ঘ দেহ; কঠোর মুখশ্রী, গালে একটি বড় আকারের আঁচিল। তাহার কাঁধে একটি ভার; ভারের বাঁকের দুইপ্রান্তে ঝুলানো দড়ির শিকার পাঁচ-ছয়টি করিয়া সাপের ঝাঁপি। বাঁকের বাঁশটা বাঁ-হাতের কনুইয়ের ভাঁজে চাপিয়া ধরিয়াছে এবং দুই হাতে বাজাইতেছে তুমড়ি বাঁশী। একটি তরুণী, কালো নিকষের মত রঙ, তরুী দীর্ঘাকী, তাহার কাঁধে ঝুলি, হাতে দড়িতে আবদ্ধ দুইটি বাদর, একটি ছাগল। পিছনে একটি সবল দেহ শ্রোত—একমুখ দাড়ি গোঁফ—মাথার চুলে জট বাঁধিয়াছে। তাহার কাঁধে গোটা কয়েক বাঁশ, দড়ি ইত্যাদি। হাতে একটি ডুগডুগি। ডুগডুগি বাজিতেছে—একযোগে ডুগ-ডুগ, ডুগ-ডুগ শব্দে। তাহাদের পিছনে একদল গ্রাম্যলোক

১ম ব্যক্তি। এই বড় বড় সাপ মাইরি। ইয়া গোলা একটা পাহাড়ে চিতি আছে! কাল সন্ধ্যতে ওই বড়ো সেটাকে গলায় জড়িয়ে বসে ছিল। বেদেরা এসেছে শুনেই আমি দেখতে গিয়েছিলাম।

২য় ব্যক্তি। ওরা সব কামরূপের বিড়ে জানে। বাঙালী খেদে কি না, ওদের হ'ল কাঁউরের বিড়ে। কাঁউরের বিড়েই হল শ্রেষ্ঠ বিড়ে, ডাকিনী মস্তুর। মানুষ পর্য্যন্ত উড়িয়ে দিতে পারে। তোমাকে যদি ভেলকি লাগিয়ে দেয়—তবে সব ভুলে যাবে তুমি।

৩য় ব্যক্তি। এ্যাই—ছেলে—এ্যাই! বাড় দেখ ছেলের। যাস না—কাছে যাস না!

৪র্থ ব্যক্তি। মরবি। দেবে সাপ ছেড়ে!

উপরোক্ত কথাগুলি হইতেছিল আর একসঙ্গেই—তাহাতে কথাবার্তা আর কোলাহলে পরিণত। এই সময়ে বেদে দুইজনের বাঁশী ও ডুগডুগি ধামিল। লোকগুলিও শুরু হইয়া গেল

জোয়ান বাজিকরের নাম কিষ্টো। ভেলকি বাজী! ভেলকি বাজি! ভোজ বিজ্ঞার খেল বাবু! কামরূপের যাহ! কথা শেষের সঙ্গে সঙ্গেই বৃদ্ধ ডুগডুগি বাজাইয়া দিল—ডুগ-ডুগ,—ডুগ-ডুগ-

বেদেনী-রাধিকা। কেলে সঁাপের লাচন বাবু! কেলে সঁাপের লাচন!

কথা শেষ করিয়াই বেদেনী গান ধরিল। কিষ্টো বাঁশীতে হ্রস্ব তুলিল

হেল্যা ছুল্যা নাচে গ,

কা-লো নাগিনী আমার হেল্যা ছুল্যা নাচে গ  
মাথায় নাচে কালো কানাই মোহন বংশী বাজে গ!  
কালিদহের জল হৈল বিবে কাজল কালো গো—  
ফুল্যে ফুল্যে নাচে জল বঁধুর পরশ যাচে গ—  
বাঁকা বঁধু নীলকমল নাচে লাগের পারা গ—  
কা-লো নাগিনী দিল কালি কুলে লাজে গ—

গ্রামবাসী বৃদ্ধ নবীন বাগদী। ( সে অক্ষমতা হেতু পিছনে পড়িয়া আছে। চোখেও সে ভাল দেখিতে পায় না। সে কহিল। ) যাস না রে, কাছে যাস না। ওরে ছেলেরা, কাছে যাস না। ভেলকি লাগিয়ে সব ভুলিয়ে দেবে। আমার ভাইপো চরণকে বেদেরা চুরি ক'রে নিয়ে গেছে। যাস না।

বৃদ্ধ বাজিকর। ( হি হি করিয়া হাসিয়া উঠিল ) হাঁ—  
—হাঁরে বুঢ়া, ভেলকি লাগিয়ে দিবে। পালারে বুঢ়া পালার। ভেলকি লাগিয়ে দিবে।

আবার হাসিল। সঙ্গে সঙ্গে সে ডুগ-ডুগি বাজাইল, জোয়ান বেদে কিষ্টো বাঁশীতে হ্রস্ব তুলিল। ধীরে ধীরে সে হ্রস্ব এবং শব্দ পথের বাঁকের মাথায় দূরবর্তী হইয়া ক্রমশ মিলাইয়া গেল।

দৃষ্টিান্তর—পথের ধারেই ধান। ধানার বারান্দায়—ইউনিয়ন বোর্ডের প্রেসিডেন্ট বিমলবাবু ও দারোগা

বিমলবাবু। হা—হা—হা! ভেলকি লাগিয়ে দেবে! ভেলকি লাগিয়ে মানুষকে সব ভুলিয়ে দিতে পারে! কি বলছেন দারোগা বাবু? বিংশ শতাব্দীতে ভেলকি! হা—হা—হা!

দারোগা। আপনারা ইয়ংম্যান;—তাল্লা রক্ত! ভেলকি শুনে হাসাই আপনাদের পক্ষে স্বাভাবিক। আমিও প্রথম জীবনে বিশ্বাস করতাম না। কিন্তু বিশ্বরহর পুলিশ লাইনে চাকরি করে দেখলাম অনেক। এরা ক্রিমিনাল ট্রাইব। এদের তাঁবতে পাহারা দিবেছি—চোখে দেখেছি—

ক্রাইম করছে। কিন্তু কি যে হয়ে যেত—ব্যস্, সব গোলমাল হয়ে গেল! যখন আক্কেল ফিরত, তখন কাজ ওদের শেষ হয়ে গেছে। তন্ন তন্ন করে তাঁবু সার্চ করেছি, কিছু পাই নি। দশ-বারোটা ভেল্কির কেসই করেছি আমি। এরা ছোট ছেলে মেয়ে চুরি করে। দশ-বারোটার ভেতর তিনটে ছেলে আমি বের করেছিলাম। কিন্তু আশ্চর্য কি জানেন? সাত দিন আট দিন—এরই মধ্যে ছেলেরা বাপ-মাকে চিনতে পারে নি। বাড়ী চিনতে পারেনি!

বিমলবাবু। বলেন কি?

দারোগা। এক বর্ণও মিথ্যে বলি নি আমি। এখান-কারই একটা খবর, বোধ হয় জানেন না। কাল বেদেরা তাঁবু ফেলেছে শুনেই পুরনো ডাইরী খুলে দেখলাম।

বিমলবাবু। হ্যাঁ! হ্যাঁ! আমরা তখন খুব ছোট! বাগ্দিদের ছেলে চুরি করেছিল বেদেরা। আবছা মনে আছে; উঃ সে কি ভয় আমাদের! কাল সন্ধ্যাবেলায় সেই ছেলেটার বোন—পাঁচী বাগ্দিনী—এসেছিল আমার কাছে।

দারোগা। হ্যাঁ—হ্যাঁ। পাঁচী বাগ্দিনীর নামও রয়েছে রিপোর্টে। ওই মেয়েটাও সঙ্গে ছিল ছেলেটার। ভাই-বোনে গিয়েছিল বেদেরের তাঁবু দেখতে। তারপর বোনটা ফিরে এল—ভাইটাকে আর পাওয়া গেল না। থানার রিপোর্টে দারোগা কি লিখেছেন দেখবেন? এই দেখুন। আঠারো বছর আগের ঘটনা—আপনার ১৯২২। দারোগা লিখেছেন যে, মেয়েটা যখন ফিরল—তখন তার বিহ্বলের মত অবস্থা। নাম ধরে ডাকলে পর্যন্ত সাড়া দেয় না। কাউকে চিনতে পারে না। তারপর দারোগা লিখেছেন—বেদেরের তাঁবু সার্চ করা হ'ল। কিন্তু ছেলে পাওয়া গেল না। ক্রিমিনাল ট্রাইবের হিষ্টিতে আছে যে, এরা না কি মানুষকে অজ্ঞান করে অস্থাবরের মত লুকিয়ে রাখতে পারে।

দূরে বাঁশী ডুগ-ডুগির শব্দ বাজিয়া উঠিল

র'প্ ট্রিক্ সঙ্কে কত অহুসঙ্কান চলছে। ইউরোপ এ্যামেরিকায় পর্যন্ত সাড়া পড়ে গেছে। কত টাকা রিওয়ার্ড দিতে চায়। র'প্ ট্রিক্ যদি থাকে, তবে এমনি কোন বেদেরের মধ্যেই আছে জানবেন। মুন্সিল কি জানেন?—আমাদের ভয়ে কিছুতেই স্বীকার করে না।

বাঁশী ডুগ-ডুগির শব্দ নিকটে আসিল

বাজি দেখবেন?

বিমল। মন্দ কি?

দারোগা। রামখেলান, বোলাও উলোক কো।

বাঁশী ও ডুগ-ডুগি বাজাইয়া আসিয়া উপস্থিত হইল  
বাজিকরের দল। পিছনে জনতা

কিষ্টো। ভেলকি বাজি! ভেলকি বাজি! ভোজ-বিচার খেল্ বাবু। কানকুপের যাহু!

ডুগডুগি বাজাইয়া দিল

রাধিকা। বাজি দেখেন হুজুর! সাপের লাচন! হীরেমনের খেল্। শাউড়ী বউয়ের কোঁদল!

বুদ্ধ বাজিকর। সেলাম হুজুর!

দারোগা। কি বাজি দেখাবি?

কিষ্টো। সাপের খেলা, বাদরের খেলা, ভোজবিচার খেলা হুজুর! দড়ির ওপর বেদিনী লাচবে। আমি হাতের ওপর বাঁশ খাড়া রাখব, উপরে বেদিনী কসরৎ দেখাবে হুজুর!

দারোগা। ভাগ্ বেটা! এই বুড়োয়া!

বুদ্ধ। হুজুর!

দারোগা। বাণের খেলা দেখাতে পারিস?

বুদ্ধ। না হুজুর, আমরা জানি না; হুজুর—মা-বাপ!

দারোগা। তবে আর জানিস কি? ভেলকি লাগিয়ে মানুষ ভোলাতে পারিস? এই বাবুকে ভেল্কী লাগাতে পারিস?

বেদেনী রাধিকা খিল খিল করিয়া হাসিয়া উঠিল

হাসছিস যে? পারিস?

রাধিকা। পারি বই কি হুজুর! কিন্তুক—বাবুকে যে ত হ'লে আমাদের সাথে যেতে হবে।

দারোগা। তাই যাবে বাবু।

রাধিকা। ওরে বাপরে! তাই হয়! আর বেদে আমরা, বাবুকে লিয়ে যে আমরা দায়ে পড়ব হুজুর! চা কোথাকে পাব—সাঁঝ-বিহানে।

রাধিকা আবার হাসিল

দারোগা। দূর! দূর! তোদের ও বাজে খেলা কে দেখবে? বাণ কাটাকাটি জানিসনে তোরা, ভেলকি জানিস নে—তবে আর তোরা কিসের বেদে?

কিষ্টো। (দস্তভরে) হুজুর—হুকুম করেন, দেখাই।

বিমল। বাণ কাটাকাটি? সত্যিই জান তোমরা?

রাধিকা। বেদের জাত—বিজে জানি বই-কি বাবু।  
তবে হুজুরদের কাছে কিছু জানি না। দরোগাবাবু  
হাজতে পুরে দিবেন যে!

দারোগা। আচ্ছা—আচ্ছা! কোন ভয় নেই! দেখা  
তোদের খেলা!

বৃদ্ধ বেদে। সত্যি কথা—বলছেন হুজুর?

দারোগা। আরস্ত কর তোদের খেলা। কোন ভয় নেই!

বৃদ্ধবেদে। ( ডুগ-ডুগি বাজাইয়া হাঁক মারিয়া উঠিল।  
আ—কামরূপের কামাখ্যা মার্গ কি জয়!

কিষ্টো-রাধিকা। ( একসঙ্গে ) জয়!

কিষ্টো বাঁশী বাজাইল

বৃদ্ধবেদে। আ—লাগ—লাগ—লাগ—লাগ, ভেলকি  
লাগ। লাগ্ বুললে লাগবি, ভাগ বুললে ভাগবি। ( ডুগ-  
ডুগি বাজাইল ) কার দোহাই?

কিষ্টো-রাধিকা। ( একসঙ্গে ) ওস্তাদের দোহাই!  
( ডুগ-ডুগি )

বৃদ্ধ। আরে বেদে!

কিষ্টো। হাঁ ওস্তাদ!

বৃদ্ধ। আরে বেদেনী!

রাধিকা। হাঁ—হাঁ—ওস্তাদ!

বৃদ্ধ। বাজাও তো বাঁশী! লাগাও তো গান!

বাঁশী বাজিল—তরুণী গাহিল; বাঁশীর সহিত গানের কোন সন্ধন নাই।

তুমড়ি বাঁশী কেবল একই পর্দায় বাজিয়া চলিল; তরুণী গাহিল

মহামায়ার মায়ী গ—!

নম নম মহাদেবী—মহাদেবের জায় গ—!

কাঁউরের চণ্ডী আসে—আকাশে আকাশে গ—!

ডাকিনী হাঁকিনী আসে—খলখলিয়ে হাসে গ!

যেমন বাবুর চাঁদ মুখ—তেমন ইলাম পাব গ!

বাগারসী সাড়ী পর্যা—হেথা হতে যাব গ!

গানের মধ্যেই হঠাৎ উচ্ছ্বসিত স্বরে নবীন বাগদীর ভাইঝি

পাঁচি চীৎকার করিয়া উঠিল

পাঁচি। হ্যা—হ্যা! ওই তো, গালে সেই আঁচল!

ওই তো, ওই আমাদের চরণ! ওই সেই বুড়ো বেদে! হ্যা—  
ওই সেই বেদে!

সঙ্গে সঙ্গে সব শুরু হইয়া গেল

চরণ! চরণ!

মেয়েটা আসিয়া তরুণ বেদে কিষ্টোর হাত চাপিয়া ধরিল

রাধিকা। কে তু? কে তু? কেনে উয়ার হাত  
চেপে ধরেছিস?

পাঁচি। আমার ভাই! আমার ভাই! দারোগাবাবু,  
এই আমার হারানো ভাই! কাকা! দেখ তুমি  
দেখ। তোমরা সব দেখ! সেই গালে আঁচল!  
ওগো—তোমরা—!

রাধিকা। ( মাঝখানে পড়িয়া ) ছাড়! ছাড়! হাত  
ছাড়! আমার সোয়ামী! ছাড় বুলছি!

পাঁচি। না। আমার ভাই—চরণ। একদৃষ্টে আমাকে  
দেখছিস চরণ, আমাকে চিনতে পারছিস? আমি তোর  
দিদি—পঞ্চ দাসী, পাঁচি দিদি! চিনতে পারছিস?

রাধিকা। তুকে আমি খুন করে ফেলাব।

বৃদ্ধ প্রথমটা যেন স্তম্ভিত হইয়া গিয়াছিল, তারপর সহসা সে অতিমাত্রায়

চঞ্চল হইয়া উঠিল—চোখ দুইটা ঝলিয়া উঠিল—সে

সম্বর্ণে বাহির করিল—একটা ছোরা

দারোগা। রামখেলান, রামখেলান, পাকড়ো বুড়াকো!  
ছোরা নিকালতা বুড়া! হাঁ—জলদি, জলদি!

রামখেলান ছুটিয়া গিয়া বৃদ্ধকে ধরিল

আচ্ছা!

বৃদ্ধ বেদে। হুজুর! ও আমার ভাইয়ের বেটা,  
আমার জামাই। বেদের ছেলের গায়ে হাত দিলে তাকে  
আমরা খুন করি হুজুর।

দারোগা। এই মেয়ে—এই পাঁচি, ছাড়, তুই ওকে  
ছেড়ে দে! এই বেদেনী—সরে আয় তুই! এই  
ছোকরা! এই! দাঁড়িয়ে আছিস যে হতভম্বের মত! এই  
বেদিয়া ছোকরা!

কিষ্টো। ( স্তম্ভোখিতের মত ) আ!

দারোগা। এ-ধারে আয়! শোন। তুই পাঁচিকে—  
ওই মেয়েটাকে চিনতে পারছিস? বেদেনীর দিকে চাইছিস  
কি? বেদেনী নয়—ওই মেয়ে—ওই যে! হ্যা!

কিষ্টো। ( অত্যন্ত ধীরে ধীরে উচ্চারণ করিল ) না!

পাঁচি। না—না—ওই আমার চরণ! দারোগাবাবু,  
ওই আমার ভাই। ছেলেবেলায় এই বেদের তাঁবু দেখতে  
গিয়েছিলাম—আমরা ভাই-বোনে; ওই বেদে আমাদের  
ডাকলে—এখন ও বুড়ো হয়েছে! তারপর কি করে



দিলে—আর মনে নাই, আমি পথ হারিয়ে গেলাম !  
চরণকেও ভুলে গেলাম । ওরা চরণকে ভেলকি লাগিয়ে  
চুরি করেছে দারোগাবাবু !

রাধিকা । কিষ্টো ! কিষ্টো !

কিষ্টো । ঐ !

রাধিকা । তাড়িয়ে দে ! তু উয়াকে তাড়িয়ে দে !  
দেখ্—তুয় রাধি কঁাদছে, দেখ্ !—

বিমল । বা, ওর নাম কিষ্টো—ওর নাম রাধি !  
দারোগাবাবু মিলটা তো আশ্চর্য্য ! একটা যোগ-সাজশের  
গন্ধ পাচ্ছেন না ?

দারোগা । হ্যাঁ । আরে বুড়োয়া, এর নাম কিষ্টো—  
ওর নাম রাধি ! এমন মিল ক'রে নাম কি করে হ'ল রে ?  
কি চুপ করে আছিস যে ?

বুদ্ধ বেদে । হ্যাঁ ! ভাইয়ের ছেলেটা আগে হ'ল বাবু,  
নাম হ'ল কিষ্টো । পরে হ'ল আমার বেটা । তখন—সাদীর  
সম্বন্ধ ক'রে নাম রাখলাম—রাধি !

বিমল । সন্তোষজনক কৈফিয়ৎ !

পাঁচী । দারোগাবাবু ! আমার ভাইকে ফিরে দেন  
হজুর !

রাধিকা । আমার সোয়ামী, দারোগাবাবু—আমার  
সোয়ামী !

দারোগা । কি হে, তোমরা গাঁয়ের লোক কেউ  
চিনতে পার একে ? আঠারো বছর আগে এই মেয়েটার  
ভাই চুরি হয়ে গিয়েছিল । বেদেরা নাকি চুরি করেছিল ।  
পাঁচি বলছে—এই তার ভাই । তোমরা চিনতে পার ?  
কি, সব চুপ করে রইলে যে ?

গ্রামের লোক—

—তা কি ক'রে বলব মাশায় ?

—তাকে জানে আর ! চরণ কেমন ছিল—কার  
মনে আছে আর !

—ওই যে পাঁচী বলছে—গালে আঁচিল রয়েছে !

পাঁচি । ঠিক, সেই আঁচিল দারোগাবাবু ; ঠিক তেমনি !  
তেমনি মুখ, তেমনি নাক !

দারোগা । কিন্তু আর তো কেউ চিনতে পারছে না  
বাবু ! তা ছাড়া—আঁচিল এক রকম অনেকের থাকে ।  
বিমলবাবু, কি বলেন ?

বিমল । কি বলব বলুন । জটিল রহস্য !

দারোগা । আর একটা কথা, এ মেয়েটীও তখন খুব  
ছোট ছিল, তার স্মৃতির ওপর নির্ভর করা চলে না !

বিমল । তা বটে !

দারোগা । পাঁচি তুমি বাড়ী যাও, তোমার ভুল হয়েছে !

রাধিকা । তোমার রাঙা খোকা হ'ক দারোগাবাবু !  
রাজা হও তুমি !

নবীন । কাদিস নে পাঁচি ; বাড়ী চল । কাদিস নে ।

পাঁচি । না—না, ওই আমার চরণ ! কাকা, ওই  
আমার চরণ ! ওই দেখ, এখনও একদৃষ্টে আমার দিকে  
চেয়ে আছে !

দারোগা । যাও, যাও, তোমরা বাড়ী যাও ! বাড়ী যাও !

বুদ্ধ বেদে । হজুর, আজ আমাদের ছুটি হোক হজুর !

রাধিকা । না ! না ! খেলা কর বুড়া ! আচ্ছা খেলা  
দেখা দারোগাবাবুকে ! কিষ্টো—কিষ্টো ! বাজা—বাঁশী বাজা ।

দারোগা । না । আজ থাক । কাল বরং আসবি  
তোরা । সন্ধ্যা হ'য়ে এল ! যাও—সব যাও । কদল—কাল  
বাজী হবে । যাও সব । এই বেদেরা—তোরা তাঁবুতে যা ।  
এখুনি সিপাহী যাবে খোঁজে । যাও ।

গ্রামের লোক—

—চলরে সব, চল ।

—আরে আমাদের মণ্টে গেল কোথা ? মণ্টে—।

এই যে ।

—গোবিন্দে ! অ গোবিন্দে !

—লোকটার আঁচিলটা কিন্তু ঠিক চরণের মত ।

ধীরে ধীরে সব মিলাইয়া গেল

বিমল । বিচারটা কিন্তু নোট্টেই স্মৃষ্ণ হ'ল না দারোগা-  
বাবু । ওই লোকটাই চরণ হতে পারে ।

দারোগা । অসম্ভব নয় । তবে কি জানেন ; হারিয়ে  
গেছে—গেছে । মা-বাপ নেই যাদের অসীম দুঃখ । আর  
এখন সে ফ্যাসাদ করতে গেলে বিশ্রী কাণ্ড হয়ে যাবে ।  
দেখেছেন তো—ছোঁরা বের করেছিল ! খুন ক'রে দিত ।

দৃষ্টান্ত—সন্ধ্যার ম্লান আলোক অন্ধকার হইয়া আসিতেছে । প্রান্তরে  
বেদিয়াদের আট-দশটা তাঁবু । একটা তাঁবুর সম্মুখে ঠিক সেই সময়ে  
রাধিকাও এই কথাই বলিতেছিল । সম্ভবিপদ মুক্তিতে সে উৎফুল্ল-উজ্জ্বল ।

• কিন্তু কিষ্টো যেন স্বপ্নাচ্ছন্ন-নির্বাক ; বুদ্ধ বেদিয়াও শুক

রাধিকা। উটাকে আমি খুন ক'রে দিতম কিন্তুক।  
বুঝলি কিষ্টো।

কিষ্টো। হঁ।

রাধিকা। কাল কিন্তুক আচ্ছা খেল দেখাতে হ'বেক  
দারোগাবাবুকে! ও বাবা!

বুদ্ধ। হঁ।

রাধিকা। তুরা এমন চুপ ক'রে রইছিস কেনে? ও  
বাবা! ও কিষ্টো!

বুদ্ধ। হঁ-হঁ। তু থাম রাধি!

কিষ্টো। ( রুচভাবে ) বুঢ়া!

বুদ্ধ। আমি চল্লম রে রাধি—সাঙাতের তাঁবুতে।

কিষ্টো। ( খপ্ করিয়া তাহার হাত চাপিয়া ধরিল ) না!

বুদ্ধ। আরে বাপ রে—বাপ রে। হাত ধরছিস কেনে  
রে? ছাড়—ছাড়।

কিষ্টো। না। সত্যি বুল আমাকে, উ মেয়েটা আমার  
বহিন কি-না!

বুদ্ধ। ( হা হা করিয়া হাসিয়া উঠিল ) আরে—আরে,  
বুলছিস্ কি তু? আ-গো রাধি, ওই মেয়েটা কিষ্টোকে  
ভেলকি লাগায়ে দিল রে।

হা হা করিয়া আবার হাসিল

রাধিকা। ( কাতর ব্যগ্রতায় ডাকিয়া উঠিল ) কিষ্টো!  
কিষ্টো!

কিষ্টো। না! না! আমি চরণ। মনে পড়েছে  
আমার;—ছোট মেয়ে আমার বহিন পাঁচি—আমার দিদি!  
এমনি সারি সারি তাঁবু! বল্—বুঢ়া—সত্যি বল্!

বুদ্ধ। তু বেইমান রে, কিষ্টো—তু বেইমান।

কিষ্টো। তু চোর—চোটা। আমাকে চুরি করলি. তু!

বুদ্ধ। না।

কিষ্টো। হ্যা!

রাধিকা। কিষ্টো! কিষ্টো! কি—ষ্টো!

কিষ্টো। চুপ্। বল, বুড়া বল্।

বুদ্ধ। বেইমান হারামি! ছাড় হাত!

বলপ্রয়োগে হাত ছাড়াইবার চেষ্টা করিল। কিষ্টো ধাক্কা দিয়া

বুদ্ধকে ফেলিয়া দিয়া—তাহার বৃকের উপর চাপিয়া বসিল।

তারপর গলা টিপিয়া ধরিল বালিল

বল্—বুঢ়া—চোটা—বল্!

রাধিকা। বাবাকে ফেলে দিয়ে তু বৃকে চেপে বসলি?  
পাঁচি তুর আপন? বেইমান হারামি—

ছোরা বাহির করিল

বুদ্ধ। ( ব্যগ্র রুদ্ধ স্বরে বলিয়া উঠিল ) হাঁ—হাঁ—  
চণ্ডীমায়ের কসম রাধি! মারিস না—ছুরি মারিস না।  
বেটা—কিষ্টো তোর সোয়ামীরে!

বেদেনী। না। উ বলছে—চরণ!

বুদ্ধ। ছাড়; কিষ্টো—ছাড়। বুলছি—আমি বুলছি!

কিষ্টো ছাড়িয়া দিল, বুদ্ধ উঠিয়া হাঁপাইতে লাগিল। তারপর বালিল

হাঁ কিষ্টো, তুই চরণ। ইখান থেকে তুকে চুরি করেছিলম।  
ছাওয়াল ছিল না আমার। তারপরে রাধি হ'ল, তখন সাদী  
দিলম তুর সাথে।—হাঁ তু চরণ।

রাধিকা। না—না! কিষ্টো—কিষ্টো!

বুদ্ধ। বহৎ দিনের পর। গাঁওটা চিনলম না। লইলে  
তাঁবু ফেলতম না রে!

রাধিকা। কিষ্টো—কিষ্টো! কথা বল্। কিষ্টো!

কিষ্টো। আমি চল্লম!

রাধিকা। কিষ্টো!

কিষ্টো। আমার বাড়ী। আমার দিদির কাছকে।

দ্রুতপদে ছুটিয়া সন্ধ্যার অন্ধকারে মিলাইয়া গেল

রাধিকা। ( আর্ন্তস্বরে ডাকিয়া উঠিল ) কিষ্টো—কিষ্টো!

বুদ্ধ শুক হইয়া পাথরের মূর্তির মত দাঁড়াইয়া রহিল। রাধিকা ধীরে  
ধীরে উঠিয়া বসিল। তারপর আঁচলে চোখ মুছিয়া হইয়া উঠিল

হিংস্র। সে উঠিয়া কিষ্টো যে পথে গিয়াছে সেই পথে

চলিতে চলিতে ফিরিয়া দাঁড়াইয়া বালিল

বেইমানের জ্ঞান লিব আমি! আকামা সাপাটা আর  
ছুরিটো—

সে আবার ফিরিয়া আসিল। বুদ্ধ এতক্ষণে বালিল—নিম্ন কঠিন স্বরে

বুদ্ধ। সাথে যাব তুর?

রাধিকা। ( দৃঢ়স্বরে ) না!

দৃশ্যান্তর—রাত্রি প্রথম প্রহর পার হইয়া গিয়াছে। বাগ্দীপাড়ায় সবই  
প্রায় নিষুতি। নবীন বাগ্দীর দাওয়ান পাঁচি কেবল কাঁদিতেছিল। আর  
নবীন উপু হইয়া বসিয়া তামাক খাইতেছিল

পাঁচি। চরণ—চরণ! কাকা, ঐ আমাদের চরণ!

কেমন করে আমার দিকে তাকিয়ে রইল দেখলে না ?  
চরণ—চরণ !

পল্লীর অনতিদূরে কিষ্টো বেদে চকিতভাবে চাহিতে চাহিতে প্রবেশ করিয়া  
—যেন অন্ধকার পল্লীকেই উদ্দেশ করিয়া প্রশ্ন করিল

কিষ্টো। আ-গো। পাঁচির বাড়ী কোথাকে গো ?  
পাঁচি—আমার দিদি !—

পাঁচি। কে ? কে ? চরণ ! চরণ ! ভাই !

কিষ্টো। দিদি ! মনে পড়ল ! চিনলম তোকে ।  
আমি এলম ।

পাঁচি। আয়, আয় ভাই ! আয় ! দেখ কাকা, সেই  
মুখ—সেই আঁচিল । আলো ধরেছি আমি—দেখ তুমি ।

নবীন। আরে, আরে, ছুঁয়ে দিসনে । করছিস কি ?

পাঁচি। চরণ, কাকা, ও যে চরণ !

নবীন। হ'ল তো কি হ'ল ? তা ব'লে জ্ঞাতধরম  
ভাসিয়ে দিতে হ'বে না কি ? বেদের ঘরে মাহুয—ঠাকুরদের  
বিধি নিয়ে পেরাচিতি করে ওসব করিস । তাছাড়া কে  
জানে চরণ কি না । হাজার চালাকি আছে বেদেদের ।

পাঁচি। আয় চরণ, উঠে আয় ভাই । নিজেদের বাড়ী  
—মনে পড়ে তোর সেই কুলগাছ—পূব-দুয়ারী ঘর ?

পাশের বাড়ীতেই উভয়ে আসিয়া উঠিল

দাঁড়া, আলো জ্বালি । আয় ভাই—ঘরে আয় । শীতের  
দিন । ওই দেখ সেই কুলুঙ্গী চরণ, আমরা বাতাসা চুরি  
করতাম ! কুলের আচার—

কিষ্টো। ( অকস্মাৎ বলিয়া উঠিল ) বাপরে ! বাপরে !  
দুয়ার খুলে দে—দুয়ার খুলে দে রে দিদি । দম আমার বন্ধ  
হয়ে গেল রে !

পাঁচি। খোলা জায়গায় থেকেছিস ভাই এতদিন !  
এই নে দোর খুলে দিচ্ছি ।

দুয়ার খুলিয়া দিল

কিষ্টো। আঃ ! ( পাঁচি হাসিল ) দিদি ! তোর বর  
কিছু বলবে না তো, ওই বুড়ার মতন ?

পাঁচি। সে নাই চরণ । সে নাই । থাকলেও কিছু  
বলত না রে । কত আদর করত তোকে । আমি বড়  
হতভাগী ভাই ! পৃথিবীতে আমি একা !

কিষ্টো। কাঁদছিস রে দিদি ?

পাঁচি। সে আমাকে বড় যত্ন করত ভাই ! বড়  
ভালবাসত । আমার পোড়াকপালে—হঠাৎ মরে গেল ।  
তা-ছাড়া—মেয়েদের স্বামীর বাড়ী কি সম্পদ আছে বল ?

কথার মধ্যস্থলেই ফোঁস-ফোঁস শব্দ উঠিল

কিষ্টো। দিদি রাধি কাঁদছে ! ফুলে ফুলে কাঁদছে !

পাঁচি। না ! হ্যাঁ ! তাই তো ! ওকি ফোঁস ফোঁস  
করছে ? সাপ না কি ?

কিষ্টো। ( সচকিত হইয়া উঠিল, যেন একটা কথা  
তাহার মনে পড়িয়া গেছে ) সাঁপ ! হাঁ-হাঁ ! রাধি লয়  
সাঁপ ! ঠিক বলেছিস দিদি ! আলোটা ধরতো গো দিদি !  
বুড়া ছাড়লে সাঁপ । বুড়ার কাম বটে ! হাঁ—হাঁ !

পাঁচি সতয়ে সত্বর্ণে আলোটা তুলিয়া ধরিল ; কিষ্টো সতর্ক দৃষ্টিতে  
চারিদিক দেখিতে দেখিতে বাহিরে আসিয়া দাঁড়াইল । পিছনে  
পিছনে পাঁচিও আলো লইয়া আসিল । কিন্তু কোথাও  
কিছু নাই ; আলোকিত অঙ্গন পরিষ্কার দেখা  
যাইতেছে । আর শব্দও শোনা যায় না

কইরে দিদি ? কিছুই তো নাই রে !

পাঁচি। তবে ও কিছু নয় চরণ ! শুনতেই ভুল হয়েছে  
আমাদের । বেদে বেদে ক'রে—সাপ-সাপ বাতিক হয়েছে ।

কিষ্টো ও পাঁচি আবার আসিয়া ঘরে বসিল

কিষ্টো। রাধি কিন্তুক ঠিক কাঁদছে দিদি ! ফুল্যা  
ফুল্যা কাঁদছে । তু যেমন কাঁদিস বরের লেগ্যা ।

পাঁচি শুষ্ক হইয়া কিষ্টোর মুখের দিকে চাহিয়া রহিল । সঙ্গে  
সঙ্গে আবার শব্দ হইল—ফোঁস—ফোঁস

কিষ্টো। ( চকিত হইয়া ) দিদি শুনছিস ?

পাঁচি। সাপ ! চরণ, নিশ্চয় সাপ !

কিষ্টো। ধর, ফেম্, আলোটা ধর দিদি ! দেখি তো  
কুথাকে গর্জাইছে !—

পাঁচি আলো ধরিল—কিষ্টো বাহির হইয়া আসিল । অকস্মাৎ ঘরের  
আড়াল হইতে ঝড়ের মত ছুটিয়া আসিয়া কে কিষ্টোকে জড়াইয়া  
ধরিল । তাহারই অঞ্চল তাড়িত বাতাসে আলোটা  
দপ করিয়া নিভিয়া গেল । সে তখনও  
ফোঁপাইয়া ফোঁপাইয়া কাঁদিতেছে

পাঁচি। ( সতয়ে বলিয়া উঠিল ) কে ? : কে ? ওকে  
চরণ ? আলো নিভে গেল যে ! চরণ ! চরণ !

রাধিকা। (যে আসিয়াছে-সে রাধিকা) না! না!  
চরণ লয়। আমার কিষ্টো! আমার কিষ্টো!

কিষ্টো। (অন্ধকারের মধ্যেই সন্নেহে রাধিকার রুক্ষ  
চুলে হাত বুলাইয়া দিল, বলিল) রাধি! রাধি!

রাধিকা। না। তুর সাথে কথা বুলব না আমি!  
তু বেইমান! তু আমাকে ফেল্যা চল্যে এলি। মাটিতে  
পড়ে কাঁদলে তুর রাধি, তু দেখলি না! এসেছিলম তুকে  
মারতে; সাপ আনলম-গামছাতে বেঁধে, ঘরে ছেড়ে দিব  
বল্যে; তা লারলম্। ঘরের পিছাড়ে ঠেসান দিয়ে ফুঁপায়ে  
ফুঁপায়ে কাঁদলম কেবল। তুকে ছেড়ে আমি থাকতে লারব,  
আমি লারব। তু আয়—ফিরে আয়! কিষ্টো! কিষ্টো!

কিষ্টো শুক হইয়া দাঁড়াইয়া রহিল; সে যেন দিশেহারা হইয়া গিয়াছে;  
তাহার গলগল হইয়া রাধিকা ফুলিয়া ফুলিয়া কাঁদিয়া  
চলিয়াছিল; পাঁচিও নিস্তক

কিষ্টো। (অকস্মাৎ বলিয়া উঠিল প্রচণ্ড আবেগভরে)  
দিদি! লারব! আমি তুর কাছে থাকতে লারব রে  
দিদি! আমার রাধিকে ছেড়ে আমি থাকতে লারব!

রাধিকা কান্নার মধ্যেও আশ্বাসে সোহাগে অধীর হইয়া কিষ্টোকে বারবার  
চুখন করিয়া হাসিয়া উঠিল বিচিত্র হাসি। অন্ধকারের মধ্যেও  
পাঁচি সমস্ত দেখিতেছিল, অকস্মাৎ তাহার চোখ  
সজল হইয়া উঠিল, সে অতিকষ্টে  
আত্মসম্বরণ করিয়া ডাকিল

পাঁচি। চরণ!

রাধিকা। (কিষ্টোর বুকের মধ্যেই ঘাড় নাড়িয়া  
মুহূর্ত্তে প্রতিবাদ করিয়া উঠিল) না—না! চরণ লয়—  
কিষ্টো, কিষ্টো, উ আমার কিষ্টো!

পাঁচি। হ্যাঁ—তোয় কিষ্টো! আমার চরণ। তোয়  
কিষ্টোর মধ্যেই আমার চরণ বেঁচে থাক'। ও তোয়। চরণ,  
যা তুই বউয়ের সঙ্গেই যা। নইলে ও বাঁচবে না। তুইও  
বাঁচবি না। (তারপর দীর্ঘনিশ্বাস ফেলিয়া বলিল) তোকে  
জান্তেও নেবে না। দুঃখ কষ্টেরও তোয় শেষ থাকবে না!

সঙ্গে সঙ্গে টপ টপ করিয়া কয় কোঁটা জল চোখ  
হইতে ঝরিয়া পড়িল

কিষ্টো। কিন্তুক তুর যে কেউ নাই রে দিদি!

পাঁচি। তোরাই রইলি আমার। যেখানেই থাকিস  
জানব তোরা আছিস। একবার ক'রে বছর বছর  
আসবি, দেখা দিবি! একমন?

রাধিকা। (আনন্দে অধীর হইয়া উঠিল, বলিল)  
শুনলি, কিষ্টো শুনলি? দিদি বুললে। বুললে, বউয়ের  
সাথে যা। তুর রাধির সাথে! শুনলি?

পাঁচি। (এবার সে সন্নেহে হাসিল) চল্ তোদের—  
এগিয়ে দি। ভোরও হয়ে এসেছে।

পাখী ডাকিয়া উঠিল। তাহারা দাওয়া হইতে নামিয়া পথ ধরিল।

কিছুদূর আসিয়া প্রান্তর পাওয়া গেল। প্রান্তরের মধ্যে  
দূরে বেদেদের তাঁবু আবছা অন্ধকারের মধ্যে দেখা  
যাইতেছে। সেখানে তখন বাঁশী ও

ডুগডুগির শব্দ উঠিতেছে

রাধিকা। আজ সব রওনা হবে কিষ্টো! তাঁবু  
তুলবে। জলদি চল্ রে কিষ্টো!

বাঁশী ও ডুগডুগি বাজিয়াই চলিয়াছে

কিষ্টো। দিদি দাঁড়িয়ে কাঁদছে!

রাধিকা। (পিছন ফিরিয়া) হর বছর আমরা  
আসব দিদি! কেঁদ না। ফি বছর আমরা আসব—তুমার  
কাছে। হোক।

কিষ্টো। দিদির আমার কেউ নাই রে!

রাধিকা। (অকারণে হাসিয়া কিষ্টোর গায়ে চলিয়া  
পড়িল, বলিল) আরে—আরে! সাঁপটা গর্জাইছে দেখ্—  
দেখ্! (তারপর সহসা শাসন করিয়া কহিল) চুপ,  
বলছি চুপ। দাঁড়া, তবে ভেলকির গান শুনায়ে দি তুকে।

সঙ্গে সঙ্গে সে গাহিয়া উঠিল

ও মায়ার ফাঁদ—

লাগ ভেলকি লাগ রে; আমার মায়ার ফাঁদ  
কালো জলে ফাঁদ পেত্যা আনব ধর্যা চাঁদ।  
সোনার হরিণ ধর্যা দিব চোখের দিকে চাও।  
চোখে তুমার জল কেনে—কাজল পর্যা লাও।  
সোনার হরিণ রূপার চাঁদে ছাঁদে ছাঁদে বাঁধ।  
হিজল কাঠের নাও রে আমার মন পবনের দাঁড়—  
চল্ রে লর্যা সোনার চাঁদে কামরূপের ধার—  
পুড়্যা মরুক পিছা ডেকে সাধবে বে মোর বাদ।

দুইজনে ভোরের আবছায়ার মধ্যে তাঁবুর দিকে অগ্রসর হইয়া রুহুস্তের মত

মিলাইয়া গেল। সঙ্গে সঙ্গে গানের স্বর—বাঁশী ডুগডুগি বাজিয়া

আসিল। পাঁচি কেবল শুক হইয়া দাঁড়াইয়া রহিল

পাথরের মূর্ত্তির মত। ব'মিকা তাহাকে

ধীরে ধীরে আবৃত করিয়া দিল

# চলতি ইতিহাস

## শ্রীতিনকড়ি চট্টোপাধ্যায়

বিগত একমাসে ইয়োরোপের রাজনীতিক্ষেত্রে যথেষ্ট উল্লেখযোগ্য পরিবর্তন ঘটিয়াছে। সূর্যোদয়ের দেশ নিধন হইতে আরম্ভ করিয়া সূর্য আমেরিকার পূর্বপ্রান্ত পর্যন্ত বিস্তীর্ণ ভূভাগ ও বিশাল বারিধি রুদ্র রণদেবতার মলিন বিষাক্ত নিঃশ্বাসে ভারাক্রান্ত। অতর্কিত আক্রমণ, অপ্রার্থিত পরাজয়, সুবিধাযেবী চুক্তি প্রভৃতি গত একমাস আন্তর্জাতিক রাজনীতিক্ষেত্রে যথেষ্ট জটিলতা আনয়ন করিয়া রণরঙ্গক্ষেত্রে এক নূতন অঙ্কের অভিনয়রঙ্গ সূচিত করিতেছে।

### আফ্রিকার যুদ্ধ

গত ৩রা এপ্রিল সহসা রয়টারের সংবাদে প্রকাশ পায় যে, পূর্ব-লিবিয়ার শহর ও বন্দর বেনঘাজি বৃটিশবাহিনী কর্তৃক পরিত্যক্ত হইয়াছে। সিদিবারানি হইতে ইটালীয় সৈন্যদিগকে বিতাড়িত করিয়া




### ভূমধ্য-সাগরের প্রধান সেনাপতি সার এণ্ডরু ব্রাউন কানিংহাম

খাল্লাম, বার্দিয়া, তব্রক ও ডের্না অধিকারের পর বৃটিশবাহিনী গত ৬ই ফেব্রুয়ারি বেনঘাজি দখল করিয়াছিল। পূর্ব লিবিয়ায় বেনঘাজি ছিল ইটালীয়দের গুরুত্বপূর্ণ ঘাঁটি। কিন্তু বেনঘাজি অধিকারের পর পূর্ণ দুই মাস অতিবাহিত হইবার পূর্বেই জার্মান ও ইটালীয় ট্যাঙ্ক-বাহিনীর সহিত প্রচণ্ড সংঘর্ষের ফলে বৃটিশ সৈন্যদের বেনঘাজি পরিত্যাগ করিতে হয়। জার্মানী যে সময় সিসিলিতে আসিয়া ঘাঁটি স্থাপন করে, সেই সময়েই আমরা তাহার গুরুত্বের কথা উল্লেখ করিয়াছিলাম। আফ্রিকার যুদ্ধে সাফল্য লাভ ও ভূমধ্যসাগর-পথে আফ্রিকার সহিত ইটালীর সংযোগ রক্ষা এবং সিসিলি ও প্যাণ্টালেরিয়ার মধ্যবর্তী সঙ্কীর্ণ পথ দিয়া গ্রীস অভিমুখে গমনোত্তম বৃটিশ নৌবাহিনীকে বাধা প্রদানই যে ইহার উদ্দেশ্য সে কথা আমরা বহু পূর্বেই বলিয়াছি। জার্মানীর কার্যপ্রণালী সম্বন্ধে সম্পূর্ণ সংবাদ আমরা না পাইলেও সিসিলিহিত জার্মান সৈন্য যে নিষ্ফল হইয়া

অবস্থান করে নাই, আধুনিক যন্ত্রসজ্জার সজ্জিত জার্মান-বাহিনীর বেনঘাজি দখলে তাহা সবিশেষ স্পষ্ট হইয়া উঠিয়াছে।

বেনঘাজি অধিকারের পর জার্মান-বাহিনী ডের্না অধিকার করিয়া



### বৃটিশ সাম্রাজ্যের সাধারণ সেনার কর্তা—সার জন ডিল


বিদ্রোহগতিতে বার্দিয়া পর্যন্ত অগ্রসর হইয়াছে। ডের্না ও বার্দিয়ার মধ্যে তব্রক ঘাঁটি অবস্থিত। তব্রকের বৃটিশ সৈন্য পরাজিত হইবার পূর্বেই একদল জার্মান সৈন্য বার্দিয়ায় পৌঁছিয়াছে। তব্রকে বৃটিশ সৈন্যগণকে বন্দী করিয়াছে বলিয়া জার্মানরা ঘোষণা করিলেও বৃটিশ সৈন্য এখনও তব্রকে আত্মরক্ষা করিতেছে। অথচ বার্দিয়া জার্মান-বাহিনীর হস্তগত। বর্তমানে সাম্রাজ্যে ঘোরতর যুদ্ধ চলিয়াছে। এদিকে এডোয়া



### বৃটিশ বিমান বিভাগের নবনিযুক্ত চিফ মার্শাল সার চার্লস পোর্টাল

অধিকারের পর বৃটিশবাহিনী আদ্দিস্ আবাবার প্রবেশ করিয়াছে। উত্তর আফ্রিকায় জার্মান সৈন্যদের প্রবল প্রতিরোধের জন্য বৃটেন

আয়োজনের ক্রটি করে নাই। সম্প্রতি কর্নেল পপফের কথায় প্রকাশ যে, তরুণ, সিডিয়া মরুতান অথবা আর্থামাত্র হইতে বৃটিশ সৈন্যগণ সম্ভবত জার্মানবাহিনীকে প্রচণ্ড বাধাদানের চেষ্টা করিবে।



গ্রেট বৃটেনের সেনাবিভাগের প্রধান কর্মকর্তা সার এলান রুক

### যুগোস্লাভিয়া ও গ্রীস

যুগোস্লাভিয়া সম্বন্ধে আমরা যাহা অনুমান করিয়াছিলাম, অস্বাভাবিক অল্পকাল অন্তর্গত তাহাও মিথ্যা প্রতিপন্ন হয় নাই। আমরা গত সংখ্যায়ই বলিয়াছিলাম যে, তুরস্ক সম্বন্ধে জার্মানী বিশেষ অবহিত হইলেও যুগোস্লাভিয়া সম্বন্ধে হিটলার ততটা গ্রাহ্য করেন না। কূটনৈতিক চাল ব্যর্থ হইলে জার্মান আক্রমণ অসম্ভব নয়, এবং যুগোস্লাভিয়ার ন্যায় ক্ষুদ্র রাষ্ট্রের অনমনীয় দৃঢ়তার মূল্যও গত এক বৎসরের ইতিহাসেই বহুবার পাওয়া গিয়াছে। বস্তুত, যুগোস্লাভিয়ার মন্ত্রীরা ভিয়েনায় ত্রিশক্তি চুক্তিতে স্বাক্ষর করার পর দিন হঠাৎ যুগোস্লাভিয়ায় এক রক্তপাতহীন বিপ্লব হয়। ১৮ বৎসর বয়স্ক তরুণ রাজা পিটার শাসনভার স্বহস্তে গ্রহণ করেন। জেনারেল সিমোভিচ্ যুগোস্লাভিয়ার প্রধান মন্ত্রী বলিয়া ঘোষিত হন। রাজপ্রতিনিধি প্রিন্স পলকে সন্ত্রাসিক যুগোস্লাভিয়া পরিত্যাগ করিতে হয়। আপোষ-তরঙ্গী এইভাবে তীরে আসিয়া নিমজ্জিত হওয়ার হিটলারের ক্রোধবহি প্রজ্জ্বলিত হওয়া স্বাভাবিক। নিজ স্বাধীনতা রক্ষায় বন্ধপরিবর্তন এই ক্ষুদ্র রাষ্ট্রটিকে বৃটেনও সাহায্য করিতে অগ্রসর হয়। ফলে বন্ধানে এক নূতন রণক্ষেত্রের সৃষ্টি অপরিহার্য হইয়া ওঠে। বুলগেরিয়ায় ২২ ডিভিসন জার্মান বাহিনী অবস্থান করিতেছিল। ৬ই এপ্রিল প্রভাতে যুগোস্লাভিয়া ও গ্রীস একসঙ্গে আক্রান্ত হয়।

যুদ্ধরঙ্গের পূর্বে প্লাভগণ সমরাস্ত্রের জ্ঞান বিশেষরূপে প্রাপ্ত হইবার অবসর পায় নাই, বৃটিশ সমরনেতৃবর্গের সহিত যুদ্ধ পরিচালনা সম্পর্কে আলাপ আলোচনা করাও সম্ভব হয় নাই। তাহা হইলেও যুগোস্লাভিয়া আশা করিয়াছিল যে, কয়েক দিন জার্মানবাহিনীর আক্রমণ প্রতিরোধ করিতে পারিলে, মিত্রশক্তির সাহায্য আসিয়া পৌঁছাবে এবং বৃটিশ ও গ্রীসের সম্মিলিত শক্তির সাহায্যে যুদ্ধ পরিচালনা সহজসাধ্য হইয়া উঠিবে। কিন্তু প্লাভদের সে আশা পূর্ণ হয় নাই। জার্মানবাহিনী প্রথম হইতেই

গ্রীক ও প্লাভ সৈন্যদের পৃথক ও বিচ্ছিন্ন রাখিতে সচেষ্ট ছিল। যুদ্ধ আরম্ভ হওয়ার সঙ্গে সঙ্গে তাহারা স্ট্রালোনিকা অধিকার করে, এবং মনাস্টির গিরিবন্ধ দখল করিয়া গ্রীস ও যুগোস্লাভিয়ার শেষ সংযোগ-ব্যবস্থাও নষ্ট করিয়া দেয়। ফলে, আধুনিক যুদ্ধসম্বন্ধে সজ্জিত সংখ্যাগরিষ্ঠ জার্মানবাহিনীর সম্মুখে বিচ্ছিন্ন প্লাভগণ অধিকক্ষণ দাঁড়াইতে পারে নাই। সম্মুখ প্রতিরোধ অসম্ভব বোধ হইলে বীর প্লাভগণ গরিলা যুদ্ধ চালাইয়া একেবারে শেষ মুহূর্তে আত্মসমর্পণ করিয়াছে। নিজ স্বাধীনতা রক্ষার জন্ত শেষ মুহূর্ত পর্যন্ত এই আশ্রয় চেষ্টার মূল্য যতই হউক না কেন, আজ সমগ্র ইয়োরোপ যখন পশুশক্তির পরীক্ষাক্ষেত্রে পরিণত হইয়াছে, তখন এই পরাজয়ের জন্ত দুঃখিত হওয়া বাতীত উপায় কি?

গ্রীসের বিরুদ্ধে যুদ্ধে জার্মানবাহিনী ক্ষতিগ্রস্ত ও বাধাপ্রাপ্ত হইলেও অগ্রগমনে অক্ষম হয় নাই। বৃটিশ সৈন্য গ্রীসে পৌঁছবার পূর্বেই বৃটিশ সমরনায়কগণ বৃটিশ সরকারকে জানাইয়াছিলেন যে, সূচিস্থিত পরিকল্পনা অনুযায়ী যুদ্ধ পরিচালনা করিলে গ্রীসে বৃটিশের সাফলা লাভ করা সম্ভব। পূর্ব পরিকল্পনা অনুযায়ী যুদ্ধ পরিচালনা করা কতখানি সম্ভব হইয়াছে তাহা আমরা জানি না, তবে, করিৎসা, কালাবাকা, এবং অলিম্পস হইতে আলবানিয়ার চিমারা অঞ্চল পর্যন্ত দেড়শত মাইল রণক্ষেত্রে জার্মানবাহিনী মিত্রশক্তির উপর ভীষণ চাপ দিতেছে। যুগোস্লাভিয়ার পতন অতি শীঘ্র সাধিত হইলেও গ্রীস আরও কিছুদিন শত্রুসৈন্যকে বাধা দিতে সক্ষম হইবে বলিয়া অনেকে ধারণা করিতেছেন। তাহারা বলেন যে,



ভিচি মন্ত্রিসভায় মসিয়ে লাভালের স্থানে নবনিযুক্ত  
পররাষ্ট্র সচিব—মসিয়ে ফ্রাঁদা

গ্রীস পর্বতসঙ্কুল হওয়ার জার্মান-বাহিনীর দ্রুত অগ্রগতি প্রতিপদে বাধা প্রাপ্ত হইবে। কিন্তু নরওয়ের যুদ্ধ এখনও এত পুরাতন হয় নাই যে,

কষ্ট করিয়া আমাদেরকে তাহা স্মরণ করিতে হইবে। নরওয়ে পার্শ্বতা প্রদেশ হইলেও সেখানে শত্রু সৈন্যের বিজয় লাভে অধিক বিলম্ব হয় নাই। যুগোশ্লাভিয়ার পরাজয় সত্বে যুগোশ্লাভ প্রধান মন্ত্রী জেনারেল সিমোভিচ্




মসিয়ে লাভাল

বলেন যে, যুদ্ধ হইয়াছে দুই অসমান শক্তির মধ্যে। যুদ্ধের চরম পরিণতি সত্বে শ্লাভ জনসাধারণের মনে কোন প্রকার মোহ ছিল না। এইরূপ প্রবল প্রতিপক্ষের বিরুদ্ধে জয়লাভ করা যে অসম্ভব তাহা শ্লাভগণের অজ্ঞাত ছিল না। তবে যেখানে স্বাধীনতার প্রসঙ্গ ওঠে, সেখানে সমরকেই বরণ করিয়া লইতে হয়। গ্রীস সত্বে অবশ্য এতখানি নিরাশ হইয়া যুদ্ধ করিবার কোন কারণ নাই। কিন্তু আজ রয়টারের সংবাদে প্রকাশ, লণ্ডনে সরকারীভাবে ঘোষণা করা হইয়াছে যে, গ্রীক ও সাম্রাজ্যবাহিনী পশ্চাদবর্তী সৈন্যদের আড়াল করিয়া আসিতেছে। এদিকে গ্রীসের প্রধান মন্ত্রী মিঃ ক্রিস্টিয়ান্স আত্মহত্যা করিয়াছেন। সংবাদ দুইটি নিতান্ত দুঃখের হইলেও একথা অস্বীকার করিয়া লাভ নাই যে, মিত্রবাহিনীর গ্রীস রণাঙ্গন পরিত্যাগ করার অর্থ জার্মানীর বিজয় লাভ। ভূমধ্য-সাগরে ও পশ্চিম-এশিয়ায় পূর্ব-ভূমধ্য সাগরের উত্তর ও দক্ষিণ তীরে বিজয় লাভের জন্য জার্মানী এত উদগ্রীব ও আগ্রহান্বিত কেন একথা বহুবার উল্লেখ করা হইয়াছে। জার্মানীর বিজয় লাভের জন্য বৃটিশ দীপপুঞ্জ অত্যন্ত আক্রমণ যেরূপ অপরিহার্য, পূর্ব-ভূমধ্য সাগরের উত্তর ও দক্ষিণ অঞ্চলে বিজয় লাভও তাহার সেইরূপ একান্ত আবশ্যিক। বৃটেনকে বিশেষরূপে ক্ষতিগ্রস্ত করিতে হইলে তাহার সামুদ্রিক বাণিজ্য ধ্বংস করা প্রয়োজন বলিয়াই জার্মানী আজ অর্থনীতিক অবরোধে যেরূপ তৎপর হইয়া উঠিয়াছে, তেমনই সুরক্ষা অধিকার করিতে পারিলে সমস্ত আচ্যের সহিত সে যে বৃটেনের বিচ্ছেদ ঘটাইতে পারিবে একথাও সে জানে। তবে ইহা হিটলারের অজ্ঞাত নহে যে, ভূমধ্য সাগরে খীর

প্রাধান্য বিস্তার করিতে হইলে তাহাকে বৃটেনের দুর্ভয় নৌবাহিনীর সম্মুখীন হইতে হইবে। আমরা ভারতবর্ষে পূর্বেই একথা বলিয়াছি যে, আফ্রিকার যুদ্ধে ইটালী-সাম্রাজ্যের সহিত আফ্রিকানীত বাহিনীর সংযোগ বিচ্ছিন্ন হইলেও মুসোলিনী তাঁহার নৌশক্তি ব্যবহার করেন নাই। এমন কি, ইটালীয় যুদ্ধজাহাজ আক্রান্ত হইবার উপক্রম হইলে আমরা তাহাকে যুদ্ধে প্রবৃত্ত হইতে না দেখিয়া আত্মরক্ষার্থে পলায়ন করিতেই দেখিয়াছি। কিন্তু ইটালীয় নৌশক্তিকে অক্ষত রাখিয়া কোন এক বিশেষ মুহূর্তে তাহাকে ব্যবহারের উদ্দেশ্যে হিটলার যে মুসোলিনীকে আগেই কিছু জানাইয়া রাখেন নাই, একথাও আমরা নিঃসন্দেহে অস্বীকার করিতে পারি না। এতদ্ব্যতীত এই নৌযুদ্ধে হিটলার স্পেন ও ফ্রান্সের সাহায্য গ্রহণ করেন কি-না তাহাও লক্ষ্য করিবার বিষয়। স্পেন সত্বে নিঃসন্দেহে অভিমত প্রকাশ করিবার দিন এখনও আসে নাই। সম্প্রতি সামরিক বিজ্ঞানজ্ঞের স্তরগণকে উদ্দেশ্য করিয়া জেনারেল ফ্রান্সো তাঁহার বক্তৃতায় শাস্তির যে সংজ্ঞা নির্দেশ করিয়াছেন এবং স্পেনকে বিশাল সাম্রাজ্যে পরিণত করা সত্বে তিনি যে আশা ও অভিমত প্রকাশ করিয়াছেন, তাহাতে মিত্রশক্তির বিপক্ষে তাঁহার সহায়ত্বের ক্ষীণ আভাবও কি অসতর্ক মুহূর্তে প্রকাশ পায় নাই? হয়ত হিটলারের নির্দেশেই স্পেন আজ নীরব। শেষ মুহূর্তে যদি সে জিত্রাণ্টার প্রণালী অবরোধ করিয়া বসে তাহাতে বিশেষ বিস্মিত হইবার কোন কারণ নাই। ভিসি সরকার সত্বেও সন্দেহের অবকাশ আছে। মার্শাল পেট্রো অবশ্য ঘোষণা করিয়াছেন যে, পূর্বতন মিত্রের বিরুদ্ধে ফ্রান্স অস্ত্র ধারণ করিবে না। কিন্তু এ সত্বে নিঃসন্দেহ হওয়া যায় কেমন করিয়া? এপ্রিলের দ্বিতীয় সপ্তাহে মিঃ চার্লিস ফরাসী নৌবহর হস্তান্তরিত হইবার ঘোষণা প্রকাশ করিয়াছিলেন। বিশেষ, ভিসি সরকার রাষ্ট্রস্বয় পরিত্যাগ করিয়াছেন বলিয়া গত ১৮ই এপ্রিল এডমিরাল দারলী যে ঘোষণা করিয়াছেন, জার্মানীর প্রতি ভিসি সরকারের আনুগত্যের ইহা আর একটি প্রমাণ। কাজেই যথাসময়ে ফরাসী নৌবহরের সাহায্য লাভ করা জার্মানীর পক্ষে হয়ত অসম্ভব নহে।

এতদ্ব্যতীত জার্মানী যদি সুর্যেজ দখলে সক্ষম হয় তাহা হইলে পশ্চিম-এশিয়ার তৈলভাণ্ডার হস্তগত করিবার চেষ্টা করাতাহার পক্ষে খুব স্বাভাবিক। কয়েক দিন পূর্বে এইরূপ সংবাদ রটনা-ছিল যে, ইরাকের নুতন গবর্নমেন্ট জার্মানীর পক্ষ-পাতী। কিন্তু সম্প্রতি লণ্ডনে সরকারীভাবে ঘোষিত হইয়াছে যে, ইরাকের মধ্য দিয়া যানবাহন চলাচল ও সংবাদ আদান-প্রদানের জন্য সাম্রাজ্যবাহিনী



মধ্য-প্রাচীতে বৃটিশ সৈন্যের অধ্যক্ষ সার আর্চিবল্ড ওয়াডেল

বসন্দের আসিমা পৌঁছিয়াছে এবং ইরাকের নূতন গবর্নমেন্ট সৈন্তদের সম্পূর্ণ সুযোগ সুবিধা প্রদান করিয়াছেন। ইহা বিশেষ আশার কথা সন্দেহ নাই। কারণ এই যুদ্ধ পশ্চিম-এশিয়ায় বিস্তৃত হইবার আশঙ্কা সমধিক। ইরাক ও ইরানের তৈলখনি পৃথিবীর বিশেষ সম্পদ এবং হাইফা ও বাহেরিন ঘাঁপে ইহা সঞ্চিত হয়। সুতরাং ঐ অঞ্চলে যুদ্ধ বিস্তৃত হওয়া আদৌ বিশ্বাসের বিষয় নহে। সুয়েজ অধিকার করিতে পারিলে জার্মানী তুরস্কের সহিত চুক্তি অনুসরণ রাখিয়া পশ্চিম-এশিয়ায় উপস্থিত হইতে সক্ষম হইবে। অনেকে

করা অভ্যাস করিয়াছে। ইহা ছাড়া জার্মানী সুয়েজ পর্যন্ত যদি দখল করিতে পারে তাহা হইলে ভূমধ্যসাগরে ঘাঁটি স্থাপন করিয়া সে বৃটিশ নৌশক্তির প্রভাব যথেষ্ট ক্ষুণ্ণ করিবার প্রয়াস পাইবে। এদিকে সুদূর-প্রাচীতে জার্মানীর মিত্র জাপান ঠিক সেই সময়ে নিজের সুবর্ণ সুযোগ গ্রহণ করিয়া বৃটেনের প্রাচ্য সাম্রাজ্যে আঘাত হানিতে পারে অর্থাৎ পূর্ব-ভূমধ্যসাগরের এই সংগ্রামের গুরুত্ব বর্তমানে যথেষ্ট এবং বৃটেনের উপর প্রত্যক্ষ আক্রমণ অপেক্ষা ইহার গুরুত্ব কোন অংশে কম নহে।

**বৃটেন ও জার্মানী**

বৃটেনের উপর বিমান আক্রমণের তীব্রতাও বিশেষ বৃদ্ধি পাইয়াছে। লণ্ডন হইতে স্কটল্যান্ড পর্যন্ত বিস্তীর্ণ অঞ্চলে নৈশ বিমান আক্রমণ চলিয়াছে। উত্তর-আয়ারল্যান্ড আক্রমণ হইতে বাদ যায় নাই। লণ্ডনের উপর দলে দলে জার্মান বিমান প্রদোষ হইতে প্রত্যুষ পর্যন্ত হাজার হাজার বোমা নিক্ষেপ করিতেছে। রাজকীয় বিমান বাহিনীও বার্লিন, কিয়েল, ব্রেমার, হাম্বেন, এমডেন প্রভৃতি স্থানে অগ্নিপ্রক্ষালক বোমা নিক্ষেপ করিয়া পাণ্টা জবাব দিতেছে। প্রকাশ্য দিবালোকে রাজকীয় বিমানবাহিনী হেলিগোল্যান্ড ও ঘাঁপে বোমা বর্ষণ করে। ব্রেস্টের ডক, বার্কস্মায়ারের বিমান ঘাঁটি প্রভৃতি রাজকীয় বিমান-বাহিনীর আক্রমণে ক্ষতিগ্রস্ত।

এদিকে প্রেসিডেন্ট রুজভেল্টের নির্দেশক্রমে মার্কিন বন্দরে আশ্রয় গ্রহণকারী ২৮টি ইটালিয়ান, ২টি জার্মান ও ৪০খনি ডেনিস্ জাহাজ মার্কিন কর্তৃপক্ষ দখল করিয়াছেন। ইহাদের মোট ভার বহন ক্ষমতা ২৯৬,৭১৫ টন। জার্মানী ও ইটালী হইতে এই আটকের বিরুদ্ধে প্রতিবাদ করা হইলেও তাহা অগ্রাহ্য



বল্কান রাজ্যে যুদ্ধের অবস্থা

সন্দেহ করেন যে, এই দারুণ গ্রীষ্মে আরবের রক্ত মরুভূমে জার্মান সৈন্ত তাহাদের স্বাভাবিক ক্ষিপ্ততা ও দক্ষতার সহিত যুদ্ধ চালাইতে পারিবে না। কিন্তু যুদ্ধে যত কিছু বিরুদ্ধ শক্তির সম্মুখীন হওয়া যায় জার্মান সৈন্তগণ পূর্ব হইতেই নিজদের তাহার উপযোগী করিয়া লইয়াছে। উত্তর আফ্রিকার মরুভূমিতে প্রচণ্ড গ্রীষ্মে যুদ্ধ চালাইতে সক্ষম হওয়ার জন্য তাহারা পূর্ব হইতেই কৃত্রিম উপায়ে অত্যধিক তপ্ত কাচের ঘরে বাস

করা হইয়াছে। আন্তর্জাতিক আইন ভঙ্গ করা হইয়াছে বলিয়া যে অভিযোগ করা হইয়াছিল তাহার উত্তরে মার্কিন স্নরাট্রসচিব মিঃ কর্ডেল হাল্ জানাইয়াছেন যে মার্কিন বন্দরে আশ্রয় গ্রহণ করিয়া আত্মনিমজ্জনে সচেত হওয়ার তাহারা স্বাধীন আইন লঙ্ঘন করিয়াছে। সুতরাং তাহাদিগকে আটক করার আন্তর্জাতিক আইন ভঙ্গ করা হয় নাই। উরুগুয়েতেও কয়েকখনি শত্রুজাহাজ আটক করা হইয়াছে এবং প্রতিবাদ গ্রাহ্য হয় নাই।



মার্কিন যুক্তরাষ্ট্র গ্রীনল্যান্ডে নৌঘাট নির্মাণের প্রয়াস পাইয়াছিলেন, কিন্তু জার্মান প্রভাবাধীন ডেনিস্ গবর্নমেন্টের অসম্মতিতে তাহা বিফল হইয়াছে। বস্তুত আমেরিকা স্পষ্টত যুদ্ধ ঘোষণা না করিলেও সে বর্তমানে যুদ্ধে লিপ্ত হইয়া পড়িয়াছে বলা চলে। কয়েকদিন আগে নিউইয়র্ক সান্ পত্রিকায় এক মার্কিন লেখক বলিয়াছেন যে, আমেরিকা এখন যে অবস্থায় আসিয়া দাঁড়াইয়াছে, তাহাতে যে-কোন মুহূর্তে সে যুদ্ধে লিপ্ত হইয়া পড়িতে পারে। এখন শুধু যুদ্ধ ঘোষণার নিমিত্ত কোন ছল ছুতার অপেক্ষা এবং এরূপ ক্ষেত্রে ছলের অভাবও হয় না। কোন একটা মার্কিন জাহাজ আক্রান্ত হইলে বা অশুভরূপ কোন ঘটনা ঘটিলেই সে যুদ্ধে নামিয়া পড়িতে পারে।

### রুশিয়া ও সুদূর-প্রাচী

জাপ পুররাষ্ট্র সচিব মিঃ মাৎসুকা যে রোম, বার্লিন ও মস্কো অভিমুখে যাত্রা করিতেছেন এ সংবাদ গত সংখ্যায় প্রদত্ত হইয়াছে। রোম হইতে বার্লিন যাত্রার প্রাক্কালে মিঃ মাৎসুকা বলিয়াছেন যে, ত্রিশক্তি চুক্তি শতবর্ষ স্থায়ী হইবে। বিশ্বের নব বিধান প্রবর্তনের আদর্শ এবং উদ্দেশ্যেই ইহা রচিত হইয়াছে। তৎপরে বার্লিন হইয়া মস্কো পৌঁছিবাব পর গত ১৩ই এপ্রিল সোভিয়েট ও জাপানের মধ্যে নিরপেক্ষতা চুক্তি স্বাক্ষরিত হইয়াছে। এই চুক্তির সর্ব্ব অমুসারে উভয় রাষ্ট্র পারস্পরিক শান্তি ও মৈত্রী সম্পর্ক বজায় রাখিবে এবং উভয়ে উভয়ের রাষ্ট্র সীমানা মানিয়া চলিবে। স্বাক্ষরকারী রাষ্ট্রদ্বয়ের মধ্যে কোন রাষ্ট্র যদি অপর এক বা একাধিক রাষ্ট্রের সহিত যুদ্ধে জড়িত হইয়া পড়ে, তাহা হইলে যুদ্ধকাল পর্যন্ত স্বাক্ষরকারী অপর রাষ্ট্র নিরপেক্ষতা মানিয়া চলিবে।

চুক্তি স্বাক্ষরিত হইবার সঙ্গে সঙ্গে একটি সম্মিলিত ঘোষণাবাণী দ্বারা প্রকাশ করা হইয়াছে যে, জাপান মঙ্গোলিয়া রিপাব্লিকের সীমানা মানিয়া চলিবে এবং সোভিয়েটও মাঞ্চুকুও সাম্রাজ্যের সীমানা মানিয়া চলিবার প্রতিশ্রুতি দিয়াছে।

জাপ-সোভিয়েটের এই চুক্তি অনাক্রমণাত্মক না হইয়া নিরপেক্ষতা চুক্তি হওয়ার কেহ কেহ ইহার নুতন নামের জন্ত ইহাকে সন্দেহের চক্ষে দেখিতেছেন। কিন্তু এই চুক্তির নামকরণ যাহাই হউক না কেন এবং ইহার ভাষাগত পার্থক্য লইয়া ইহার গুরুত্ব সম্বন্ধে যিনি যত সন্দেহানই হউক না কেন, এই চুক্তির গুরুত্ব যে যথেষ্ট, তাহা অস্বীকার করিবার উপায় নাই।

জাপানের সহিত নিরপেক্ষতা চুক্তি সংসাধিত হইলেও চীনের প্রতি সোভিয়েটের মনোভাবের কোন পরিবর্তন হয় নাই। চীনের সাহায্য প্রদানের মূলনীতি ক্ষুণ্ণ হইবে না বলিয়া রুশিয়া মার্শাল চিয়াং-কাই-শেককে জানাইয়া দিয়াছে। চীনের যুদ্ধ হইতে জাপান একেবারে সরিয়া আসিতে না পারিলেও এই নিরপেক্ষতা চুক্তির ফলে জাপান দক্ষিণে এবং প্রশান্ত মহাসাগরে মনোনিবেশ করিতে পারে। জাপান এবং সোভিয়েট কাহারও ইহা অজ্ঞাত নহে যে, জাপান যদি আজ দক্ষিণে বৃটিশের সহিত শক্তি পরীক্ষায় উত্তীর্ণ হয়, তাহা হইলে চীন ব্রহ্মপথ দিয়া

চীনে সাহায্য প্রেরণ এরূপ বাধা প্রাপ্ত হইবে এবং তখন চীনের বাচাইয়া রাখিতে হইলে একমাত্র সোভিয়েটের উপরই তাহার নির্ভর করা স্বাভাবিক। জাপান জানে, এরূপ অবস্থায় চীন স্বভাবতই পূর্বাশ্রয়কে যথেষ্ট দুর্বল হইয়া পড়িবে এবং সোভিয়েট সরকারও ইহা ভুল করিয়াই বুঝেন যে ঘরের পাশে জাপানকে সাম্রাজ্য বিস্তার করিতে দিয়া তাহাকে প্রতিপত্তিশালী করা যেরূপ অর্থোক্তিক, চীনের ঐ দুর্বল মুহূর্তে নিজের প্রভাব ও মতবাদ চীনে প্রচার করার পক্ষেও সেইরূপ উহাই সুবর্ণসুযোগ। অথচ এদিকে জাপান সোভিয়েট সম্বন্ধে নিশ্চিন্ত হইয়া তাহার মিত্রদের সাহায্যের জন্ত প্রাচ্যে এক সঙ্কটজনক অবস্থায় স্থিতি করিতে পারে সুতরাং এই চুক্তির ফলে যে বহু সুদূর প্রসারী হইবে তাহা বলাই বাহুল্য। জাপান ইতিমধ্যেই তাহার কার্য আরম্ভ করিয়া দিয়াছে। সাংহাইয়ের উত্তরে হুংমিট দ্বীপে এবং একশত মাইল দক্ষিণ-পূর্বে চুসান দ্বীপে জাপান ঘাঁটি স্থাপন করিয়াছে। দক্ষিণ-চীনের সমগ্র উপকূল অবরোধের জন্ত



প্রশান্ত মহাসাগরে জাপানের রণক্ষেত্র

জাপ নৌবহরের আয়োজন চলিয়াছে। বিশটিরও অধিক জাপ সাবমেরিন দক্ষিণ-চীন সমুদ্রে আবির্ভূত হইয়াছে। একদল জাপ বাহিনী নৌবিশিষ্টাণের ঘনিষ্ঠ সহযোগিতায় ১৯এ এপ্রিল প্রাতে অতর্কিতে চেকিয়াং প্রদেশের উপকূলে নিংপো বন্দরের বহির্ভাগে উপস্থিত হইয়াছে। সিঙ্গাপুরেও প্রবল উত্তম সমরায়োজনের বিরাম নাই। সম্মতি আমেরিকান ক্রান্তার বাফেলো মার্কি বহু বিমান সিঙ্গাপুরে আসিয়া পৌঁছিয়াছে। মালয় রাজকীয় বিমান-বাহিনীর সহিত যোগদান করিয়া একত্র কার্য চালাইতে ইহার বন্ধ-পরিষ্কর। সংক্ষেপে, পূর্ব-এশিয়ার রাজনীতিক গগনে যে পুঞ্জীভূত কালো মেঘ স্তরে স্তরে সঞ্চিত হইয়া উঠিতেছে, ইহাকে আসন্ন প্রবল ঝটিকার পূর্বাভাস বলা যাইতে পারে।

## গম্পলেখার বিপদ

শ্রীসরোজকুমার রায়চৌধুরী

“প্রচণ্ড নিদ্রাঘ। নদ-নদী, হ্রদ-বিল-তড়াগ শুষ্কপ্রায়। ধররৌদ্রে দিগন্ত বিস্তৃত মাঠ ধূ ধূ করিতেছে। তরুদল বিলীর্ণ। গ্রামপথে তপ্ত ধূলা উড়িতেছে। মধ্যাহ্নে বাহির হয় কাহার সাধ্য! মানুষ ঘর্ম্মাক্ত কলেবরে ছটফট করিতেছে। হেমনলিনী নিজার চেষ্টা করিয়াও ব্যর্থমনোরথ হইলেন। অবশেষে একরাশ তেঁতুল লইয়া বাঁটি দিয়া বাঁচি ছাড়াইতে বসিলেন।”

এই পর্য্যন্ত লিখে উদীয়মান লেখক ভবেন্দ্রনাথ বিশ্বাস একটু দম নিলে।

হেমনলিনী এর পর কি করতে পারে? সে ধনীর গৃহিণী, সুন্দরী। নিঃসন্তান বলে যৌবন যাই-যাই ক’রেও এখনও যেতে পারেনি। পশ্চিম দিগ্বলয়ের প্রান্ত সীমায় এসেও হঠাৎ যেন থমকে রয়েছে। এই দুঃস্থ গ্রীষ্মে ঘুম না এলে বাঁটি দিয়ে তেঁতুল-বাঁচি ছাড়ানো মন্দ নয়। কিন্তু নারিকা যেখানে ধনীর গৃহিণী সেখানে তেঁতুল-বাঁচিই বা সে কতক্ষণ ছাড়াতে পারে? তার স্বামী কৃষ্ণকিশোর অতি সচ্চরিত্র ও মিরীহ ব্যক্তি। স্বামী-স্ত্রীর মধ্যে গভীর সম্প্রীতি বর্তমান। সুতরাং হেমনলিনী যে সেই বাঁটি গলায় বসিয়ে একটা লোমহর্ষণ কাণ্ডের সৃষ্টি করবে সে সুর্যোগও নেই। এমন অবস্থায় হেমনলিনীকে নিয়ে ভবেন্দ্র সত্য সত্যই অত্যন্ত বিব্রত এবং বিচলিত হয়ে উঠল।

আমাদের চোখের সম্মুখে যে অসংখ্য নর-নারী—কেউ উদরায়ের চেষ্টায়, কেউবা পরিপাক শক্তি বৃদ্ধির জন্য বিচরণ ক’রে থাকে—কেউ মোটরে, কেউ ট্রামে, কেউ বা পদব্রজে—তাদের অতি অল্প ক’জনকেই আমরা চিনি। যাদের চিনি, তাদেরও অতি অল্পই চিনি। এমন অবস্থায় এই জনারণ্যের মধ্যে থেকে একটি হেমনলিনীকে কল্পনায় আবিষ্কার করে তাকে পাঁচজনের সামনে রংচং দিয়ে উপস্থিত করা চারিটিখানি কথা নয়।

কলিকাতা মহানগরীর একখানি সুসজ্জিত ঘরে ছপুর বেলায় বৈজ্ঞাতিক পাখার নীচে বসে ভবেন্দ্র গ্রীষ্মের পল্লীর রূপ চিত্রা করতে লাগল। সেই সঙ্গে হেমনলিনীর কথাও।

নীচের রাস্তা দিয়ে শ্রান্ত শীর্ণ কণ্ঠে কুলপি-বরফওয়ালা হেঁকে যাচ্ছে। ধনী এবং সুন্দরী হলেও পল্লীগ্রামে ব’সে হেমনলিনীর উপায় নেই—একটু কুলপি-বরফ খেয়ে শরীরটা ঠাণ্ডা করে।

সে বাঁটি দিয়ে তেঁতুলের বাঁচি ছাড়ায়।

তারপরে?

ভবেন্দ্র সেই কথাটাই একাগ্রচিত্তে ভাবতে লাগল। পল্লীবধূর পক্ষে উপস্থাসের নায়িকা হওয়ার অত্যন্ত অসুবিধা। তার পরিসর এত সঙ্কীর্ণ, দৃষ্টি এত কুসংস্কারাচ্ছন্ন এবং হৃদয়ের তাপ এত অল্প যে, তাকে রেসের ঘোড়ার মতো ছুটিয়ে নিয়ে যাওয়া যায় না। এই প্রথম পল্লীর গল্প লিখতে বসে এই প্রথম সেই কথাটা উপলব্ধি ক’রে সে পল্লীসাহিত্যের সম্বন্ধে একটা হতাশা বোধ করলে। এদের চরম পরিণতি সূর্যামুখী!

কিন্তু উদীয়মান লেখক ভবেন্দ্রনাথ সেই পুরাতন গতানুগতিক পথে যেতে পারে না। সে স্থির করেছে, পল্লীর কুসংস্কারের শৈবালাচ্ছন্ন বন্ধ ডোবায় শ্রোত না খেলিয়ে সে ছাড়বে না। কিন্তু হেমনলিনীর এমনই একটা মিষ্টি স্নিগ্ধ ছবি তার মনে এসেছে যে, তার থেকে কিছুতেই সে নিজেকে মুক্ত করতে পারছে না। হেমনলিনীর ভদ্রধরের গৃহিণী হওয়ার যোগ্যতা আছে, কিন্তু উপস্থাসের নায়িকা হওয়ার একেবারেই সে অনুপযুক্ত।

এমন সময় ভবেন্দ্রের স্ত্রী সুলতা একহাতে একটি খেতপাথরের গেলাসে তরমুজের সরবৎ নিয়ে পর্দা সরিয়ে ঘরে এল।

বললে, বাবাঃ! এই গরমেও লিখতে ইচ্ছে হচ্ছে তোমার? ধস্তি মানুষ তুমি!

ভবেন্দ্র সরবতে একটা চুমুক দিয়ে গভীরভাবে বললে—  
তুমি কি মনে কর, লেখা আমাদের সখ?

—তবে?

—এ আমাদের জীবনধর্ম্ম। না লিখে আমরা পারি না। আমাদের লিখতেই হবে।

সুলতা একধার আর উত্তর না দিয়ে ভবেঞ্জের লিখিত অংশটা পড়তে লাগল।

তারপর সকোতুকে বললে, এবারে হিমুদিকে নিয়ে পড়লে! বেশ হবে। লেখ, ছাপা হলে তাকে একখানা কাগজ পাঠিয়ে দিতে হবে।

সুলতা হাতে তালি বাজিয়ে হেসে উঠল।

ভবেঞ্জ বললে, এ হেমনলিনী তোমার হিমুদি নয়, এ অশ্রু।

—আহা! আমি যেন কিছুই বুঝতে পারি না! “ধনী গৃহিণী, সুন্দরী। নিঃসন্তান বলে যৌবন যাই-যাই ক’রেও যেতে পারেনি। পশ্চিম দিগ্বলয়ের...” এ কে মশায়? হিমুদি নয়? স্বামীর নামটা অবশ্য মেলেনি। কিন্তু এই যে “সচ্চরিত্র ও নিরীহ ব্যক্তি! জামাইবাবু ছাড়া এটি কে হতে পারে? আমাকে বোকা পেয়েছ?”

ভবেঞ্জ হেসে বললে—না, তোমার বুদ্ধির শেষ নেই। কিন্তু সচ্চরিত্র এবং নিরীহ ব্যক্তি হলেই যে তোমার জামাইবাবু হতে হবে, তা আমার জানা ছিল না।

সুলতা এ পরিহাস গায়েই মাথলে না। সে ভবেঞ্জের চেয়ারের হাতলে বসে বললে, হিমুদির সম্বন্ধেই যদি লিখতে হয়, তাহলে তার একটা গল্প তোমাকে বলি। তুমি ক’দিনই বা তাকে দেখেছ, কি-ই বা তার সম্বন্ধে জান! আমার কাছে শোন।

ভবেঞ্জ সরবৎটা শেষ ক’রে গেলাসটা রাখলে। রুমালে মুখ মুছে বললে—বল। দেখি তোমার হিমুদিকে নিয়েই একটা গল্প লেখা যায় কি না।

সুলতা বললে, তোমাদের সবারই ধারণা জামাইবাবুই এক দণ্ড দিদিকে না দেখে থাকতে পারে না। কিন্তু দিদির গুণ তো জান না?

ভবেঞ্জ নিরীহভাবে ঘাড় নাড়লে।

সুলতা হেসে বললে, একবার কি হয়েছিল শোনো। জামাইবাবু এমনি একটা গ্রীষ্মকালে জমিদারী দেখতে বেরিয়েছিলেন। পালকীতে ক’রে যখন ফিরে এলেন তখন তাঁর চোখ লাল। আর যায় কোথায়!

—তোমার দিদি ভাবলেন, মন খেয়ে?

—তা কেন ভাবে? ভাবলে অসুখ। তখনি ডাক্তারের কাছে লোক ছুটল। হাত-মুখ ধুয়ে বিশ্রাম করা দূরে থাক,

জামাইবাবুকে তখনই বিছানা নিতে হ’ল। তাঁর গায়ে লেপ চাপিয়ে দেওয়া হল, সেই গরমে, বোঝ। বাড়ী তোলাপাড়, রান্নাবাড়ী বন্ধ! কেঁদে কেঁদে দিদিরও চোখ লাল!

—তারপরে? ডাক্তার কি বললে?

—বললে? তাকে কি দিদি বলতে দিলে? ডাক্তার যত বলে কিছুই হয়নি, দিদি তত বলে হয়নি তো চোখ লাল কেন? ডাক্তার বলে, দুপুরে এসেছেন, রোদের ঝাঁঝে ওরকম হতে পারে। দিদি বললে, হতে পারে তো এই যে দেশগুরু লোক সমস্ত দিন রোদে ঘুরছে ওদের চোখ লাল হয় না কেন? উনি তো পালকীতে এসেছেন। ডাক্তার বললে, তা হলেও...। দিদি বললে, ও সব আমি বুঝি না। তোমার বিদেয় যদি রোগ ধরতে না পার, আমি শহর থেকে বড় ডাক্তার আনাব।

—সর্বনাশ! আর তোমার জামাইবাবু?

সুলতা হো হো ক’রে হেসে উঠল।

—জামাইবাবু? তিনি প্রতিবাদে একবার একটা কি কথা বলতে যেতেই দিদি একেবারে যেন ঝাঁপিয়ে উঠল। বললে, ফের একটা কথা কয়েছ কি আমি তোমার পারে মাথা খুঁড়ে মরব। জামাইবাবু ভয়ে আর কথাটি কইলেন না। সারারাত ধরে এই পর্ব চলল। সারা রাত্রির কি দিয়ে বেচারা ডাক্তারকে পর্যাস্ত ঠায় বসিয়ে রাখা হল।

ভবেঞ্জ হাসতে লাগল।

—অথচ ব্যাপারটা কিছু নয়?

—না। অন্ততঃ বিশেষ কিছুই নয়। তারপরে এমন হয়েছে যে, জামাইবাবুর যদি শক্ত অসুখও হয়, বাইরে চুপ ক’রে পড়ে থাকেন, তবু বাড়ীর ভিতর জানাতে সাহস করেন না।

সুলতাও হাসতে লাগল।

বললে, এই নিয়ে একটা গল্প লেখ দেখি।

রোগশয্যায় অসুস্থ স্বামী। তার পাশে রাত্রির পর রাত্রি জেগে চলেছে দুটি নরুনারী। একজন ডাক্তার, সে সুপুরুষ, সুদর্শন এবং যুবক। অপর জনের যৌবন যাই-যাই ক’রেও যেতে পারছে না। তাঁর যৌবনের প্রশান্ত মহাসাগরের নীচে জ্বলে অপত্য কামনার বাড়বানল।

স্বামীর রুগ্ন দেহনদীর দুই তীরে দুটি চখাচখী এমনি ক'রে  
রাতের পর রাত জেগে চলেছে।

লেখাটি মাসিকপত্রে প্রকাশিত হওয়া মাত্র আদৃত  
হল। তার ভক্তের দলে এই নিয়ে রীতিমত একটা কলরব  
পড়ে গেল।

ভক্তশিরোমণি আলোক কাগজ বগলে ক'রে এসে  
কড়া নাড়লে।

বললে, অদ্ভুত! অনবদ্য!

ভবেন্দ্র খুশি হয়ে হাসলে। বললে, ভালো লেগেছে  
তোমাদের?

—ভালো?—আলোক চোখ কপালে তুলে বললে—  
শুধু ভালোলাগা? Wonderful! ও তো শুধু গল্প-নয়,  
জীবনের মহাকাব্য। বিশেষ ক'রে আমার কাছে।

—মানে?

আলোক সলজ্জভাবে হাসলে।

বললে, সে একটা ব্যক্তিগত ব্যাপার। কিন্তু আপনাকে  
বলতে দোষ নেই।

ব'লে সম্মতির অপেক্ষায় ভবেন্দ্রের দিকে সাগ্রহে চাইলে।  
অর্থাৎ শুধু যে তার বলবার ইচ্ছা আছে তাই নয়, এই  
কথাটা বলবার জন্মেই সে ট্রাম ভাড়া করে এতটা  
পথ এসেছে।

ভবেন্দ্র সোৎসুক বললে, তাই নাকি?

আলোক মাথা নেড়ে বললে, হ্যাঁ। আমার মেজদির  
নন্দাইএর ঘেবার খুব অসুখ হয়। বাইরে প্রচণ্ড দুর্ঘোষ,  
ঘরে মুমূর্ষু রোগী, আর তার দু'পাশে আমরা ছজন।  
সে যে কি মনের ভাব, আপনার গল্পটি পড়ার আগে পর্যন্ত  
আমি নিজেই বুঝতে পারতাম না। আশ্চর্য্য আপনার  
দৃষ্টি, আশ্চর্য্য আপনার মনোবিশ্লেষণ, আর আশ্চর্য্য  
আপনার ভাষা!

রোমান্সের নীলাভ আলোর যে ক'টি সঞ্চারমান বুড়ু  
চিত্তের ছবি সে এঁকেছে, দিনের পরিপূর্ণ আলোয় তারই  
একজনের ছবি চোখের সামনে দেখে ভবেন্দ্র যেন হতাশ  
হয়ে গেল। আলোকের স্তুতিবাদের সমস্ত আনন্দ এক  
মুহুর্তে বিস্মাদ হয়ে গেল। এত কষ্টে, এত যত্নে এবং এত  
মমতার সে কি এই ছবি আঁকল!

বললে, কিন্তু তুমি তো ডাক্তার নও?

—না। ওইটুকুই তফাৎ। নইলে...

ভবেন্দ্র আর শুনতে পারলে না।

এর সপ্তাহ কয়েক পরে একটি বুড়ো ভদ্রলোক একদিন  
তার সাক্ষাৎপ্রার্থী হল। শীর্ণ দেহ, মাথার চুল ছোট-ছোট  
ক'রে ছাঁটা, চোখে অত্যন্ত পুরু কাচের নিকেলের চশমা।  
ভবেন্দ্রের অত্যন্ত সন্মিকটে চোখ নিয়ে এসে ভদ্রলোক  
কম্পিত কণ্ঠে জিজ্ঞাসা করলে—আপনি কি ভবেন্দ্রবাবু?

তার আশ্চর্য্য কণ্ঠস্বরে এবং তার স্তিমিত চোখের  
অপার্থিব দৃষ্টিতে ভবেন্দ্র যেন শিউরে উঠল। তার মনে  
হ'ল, লোকটি যেন এ পৃথিবীর নয়—যেন একটি ভৌতিক  
গল্পের চরিত্র।

তার প্রশ্নের উত্তরে ভবেন্দ্র নিঃশব্দে সম্মতিসূচক  
বাড় নাড়লে।

ভদ্রভাবে বললে, দাঁড়িয়ে রইলেন কেন? বসুন।

ভদ্রলোক বসলে না। তার মুখের উপর সেই অপার্থিব  
নীতল দৃষ্টি আর একবার বুলিয়ে পুনরায় কম্পিতকণ্ঠে  
জিজ্ঞাসা করলে, আপনি গল্প লেখেন?

—আজ্ঞে হ্যাঁ।

ভদ্রলোক নিশ্চিত মনে এতক্ষণে হাঁক ছেড়ে বসলে।

ভবেন্দ্র জিজ্ঞাসা করলে, আপনি কোথেকে আসছেন?

—হুগলী থেকে।

—কি দরকার বলুন?

—দরকার? আপনি ভালো ক'রে খবর না নিয়ে  
কেন ওই সব বাজে কথা লেখেন?

—কি রকম বলুন তো?

রুস্বভাবে ভদ্রলোক বললে, বলব বই কি! বলবার  
জন্মেই তো এতটা পথ এসেছি। আমি কৃষ্ণকিশোর।

—কৃষ্ণকিশোর!

—আজ্ঞে হ্যাঁ। যার কথা আপনি গল্পে লিখেছেন।  
যার স্ত্রী মুমূর্ষু স্বামীর বিছানায় বসে সারারাত  
ডাক্তারের সঙ্গে...

তাড়াতাড়ি ভবেন্দ্র বললে—সে আপনি কেন হবেন?  
আপনি তো ধনী বলে মনে হচ্ছে না! আপনাকে তো  
আমি চিনিই না। আপনার কথা লিখব কি করে?  
জানবই বা কি ক'রে?

—জানবার ভাবনা কি? পাড়াগাঁয়ে আর যতই অভাব থাক, পলাদলির অভাব নেই। সে খবরও নিয়েছি। মুখ্যোদের ষষ্ঠী এসে আপনাকে খবরটা দিয়ে গেছে।

—মুখ্যোদের ষষ্ঠীকে আমি চিনিই না।

—বেশ চেনেন। আমি কি খবর না নিয়েই আসছি? আপনাকে স্পষ্ট কথা বলি শুধু, আমি উকিল বাড়ী থেকে আসছি। আপনার নামে এক নম্বর মানহানির মামলা ঠুকচি।

—বলেন কি?

—আজ্ঞে হ্যাঁ। শুধু একবার জানতে এসেছি, ভদ্রলোকের মেয়ে-বৌএর নামে যা-তা লেখেন কেন?

ভবেঙ্গ সে প্রশ্নের উত্তর না দিয়ে একটু দম ধরে রইল। তারপর বললে, আপনিই যে আমার গল্পের কৃষ্ণকিশোর, সে কথা প্রমাণ করবেন কি করে?

—খুব সহজে। আমার নামও কৃষ্ণকিশোর। আমি ধনী নই, জমিদারী দেখতে বেরুইনি, পালকী ক'রেও ফিরিনি। কিন্তু সত্যি সত্যি মাসখানেক আগে সদর থেকে ফেরবার সময় সর্দি গর্শ্ব হয়েছিল! আমার জ্বর রূপের প্রসঙ্গ আপনার সঙ্গে আলোচনা করতে চাই না। কিন্তু তিনিও নিঃসন্তান এবং আমার সেই অসুখের সময় সত্যি সত্যি ডাক্তারকে সারারাত্রি ডবল ফি দিয়ে আটকে রেখেছিলেন। কিন্তু তার জন্তে তাঁর গহনাগুলি সেই যে বাঁধা পড়েছে, আজও ছাড়াতে পারিনি। একেবারে নিরাতরণ হওয়ার চেয়ে শাঁখা ছ'গাছি রাখার জন্তে তাঁর এই কাজ ভালো হয়েছিল কি মন্দ হয়েছিল, সে আপনার জীকে জিগ্যেস করবেন।

ভবেঙ্গ কুণ্ঠিতভাবে বললে, আপনি ভুল করছেন। আপনার জী অথবা কারও জীর কুৎসা রটনা করা আমার উদ্দেশ্য নয়। স্বীকার করুন, আপনাকে আমি চিনি না, মুখ্যোদের ষষ্ঠী সপ্তমী কেউ আমার কাছে কোনোদিন আসেনি। তাদের চিনিও না। হুগলী আমি জীবনে কখনও বাইনি। এ সমস্তই কল্পনা।

ভদ্রলোক হা হা করে হেসে উঠলেন।

বললেন, আশ্চর্য্য আপনাদের কল্পনা মশাই! রোগ হলে লোকে ডাক্তার ডাকে। স্বামী বন্ধন রোগে ধুকছে, জী কিছু আর তখন লজ্জা ক'রে তার বিছানা ছেড়ে

চলে যেতে পারে না। আমি মর-মর, আর আপনি কল্পনা করলেন, আমার জী তখন ডাক্তারের সঙ্গে চখাচখী খেলা করছেন! বিলক্ষণ!

ভবেঙ্গ লজ্জিতভাবে বললে—দেখুন, রসের ক্ষেত্রে...

ভদ্রলোক যেন বাকুদের মতো ফেটে পড়লেন।

—রসের ক্ষেত্র? রস আপনাদের মাথায় ঢালতে হয়। স্বামী মর-মর, জী তার শেব সঞ্চল চুড়ি ক'গাছি বন্ধক দিয়ে ডাক্তারের ফি জোগাচ্ছে, এর মধ্যে রসটা কোথায় গুনি?

ভবেঙ্গ হাত কচলে বললে, কি জানেন...

—জানি। সে আর মুখে বলবার নয়। আমি চললাম, আবার কোর্টে দেখা হবে।

রাগে ঠক ঠক ক'রে কাঁপতে কাঁপতে ভদ্রলোক চলে গেলেন।

কিন্তু বিপত্তির এইখানেই শেষ হ'ল না।

ক'টা দিন যেতে না যেতেই হেমনলিনী তাঁর স্বামীকে সঙ্গে ক'রে নিয়ে উপস্থিত হ'ল।

সুলতা বহুকাল পরে দিদিকে দেখে আনন্দে আত্মহারা হ'ল। হেমনলিনী তার সহোদর দিদি নয়, শিশুতুত দিদি। বলতে গেলে, সে সুলতাদের বাড়ীতেই মানুষ। কিন্তু বিবাহের পর দুই বোনে দেখা খুব কমই হয়।

বললে, হিমুদি যে! কি ভাগ্যি! তোমার বাহন কোথায়?

—গাড়ীভাড়া মেটাচ্ছে।

—কেমন আছ? জামাইবাবু কেমন আছেন?

—ভালো নয়। ক'দিন থেকে দাঁতের গোড়ায় ষড়্ধা হচ্ছে। সেইজন্তেই আসা। সেই সঙ্গে ভাবলাম, তোমার ছাগলটাকেও দেখে আসি। কোথায় গেল সেটা?

—কে? ছাগল? ছাগল আবার কোথায় পাব?

নীচে থেকে জামাইবাবুর কণ্ঠ শোনা গেল: কোথায় গো? কোন দিকে গেলে?

উপর থেকে সুলতা বললে—এই যে, এই দিকে, এই দিকে। আহা! জামাইবাবু আমার দিদিকে এক মুহূর্ত না দেখলে চোখে অন্ধকার দেখেন!

—তা বলতে পার, তা বলতে পার।

হেমনলিনী পাশের ঘর থেকে বেরিয়ে এল।

—ওকি কন্ফার্টারটা খুললে কেন ? কাগকে সমস্ত রাজি ছটকট করেছ না ?

জামাইবাবু করুণকণ্ঠে বললেন, বজ্র গরম'য়ে !

—হ'লই বা গরম ! দাঁতে যন্ত্রণা না ?

—এখন যন্ত্রণা অনেকটা কম মনে হচ্ছে ।

—তোমার তো সব সমবেই কম মনে হয় ! যন্ত্রণার তুমি তো সবই বোঝ !

জামাইবাবু আর কথাটি কইতে সাহস করলেন না । এই দুর্দান্ত গরমে হেমনলিনী তাঁর মুখ বেশ ক'রে কন্ফার্টার দিয়ে চেকে দিলেন । শুখনই পাশের ঘরে তাঁর বিছানা হ'ল । হেমনলিনী নিজের হাতে তাঁর 'পা ধুইয়ে তোরালে দিয়ে মুছিয়ে দেই বিছানার তাঁকে শুইয়ে দিয়ে এল । শান্ত ছেলের মতো জামাইবাবু চোখ বন্ধ ক'রে শুয়ে পড়লেন ।

ভবেক্স হেমনলিনীর আবির্ভাবে ভয়ে কাঁঠ হয়ে গেল । তাঁর মূর্খে দেখা'করবার তার সাহস নেই । চুপি চুপি এক সময়ে তাঁর পাশে গিয়ে বসল ।

—কেনন আছিস ?

জামাইবাবু চোখ মেলে বললেন, ভালো নয় ।

—হাতের কথা কি খুব বেশী ?

—কিছুমাত্র না । কেবল এই কন্ফার্টারটার জন্তে .. তোমার দিদির মূর্খে দেখা হয়েছে ?

—না । তিনি বাধরম্নে ।

জামাইবাবু বেড়ে উঠলেন । বললেন, তাহ'লে দরজাটা বন্ধ ক'রে যাও, কন্ফার্টারটা খুলি । আর শোনো, তোমার দিদির মূর্খে অহলে দেখা কোরো না । তোমার মাথার ষোল ঢালবে ধলে এসেছে । জান তো ওকে ? কি যে গল্প লেখ তোমর, আর আমাকে নিরে... এই দেখ না, কিছুই নয় । দাঁতে অমন যন্ত্রণা এ ঘরসে হয় । তার জন্তে এই কনকাতা পর্যন্ত জিনাটানি । ওমছি, ব্যারি সাহেবকে কল দেওয়া হবে ।

ভবেক্স বিরক্তভাবে বললে, গল্পের কথা যদি বললেন ..

—সে আমি জানি । গল্প গল্পই—কিন্তু জীলোকের যদি তাই বুঝবে তবে আর ..

—আজ্ঞে শুধু জীলোকই নয়, প্রেতলোক থেকে একজন পুরুষ এসেও শাসিয়ে গেছে ।

—প্রেতলোক থেকে ? কি রকম ?

—তা আমি কি ক'রে জানব ? শাসিয়ে গেছে, মান-হানির মামলা করবে । তার বিশ্বাস ও গল্পটা তার জীকে নিয়ে লেখা । বুঝুন বিপদ !

—বল কি ?

—আজ্ঞে হ্যাঁ । কিন্তু তার জন্তে ভয় পাচ্ছি না । সে যা হয় হবে । কিন্তু এখানে ফরিযাদী নিজেই যে হাকিম ! রায়ও দেওয়া হয়ে গিয়েছে ! ভয় এইখানেই !

জামাইবাবু হাসলেন । বললেন, ভয়ের কথা বটে । তবে তোমার গল্পটা ঠিক হয়নি ।

ভবেক্স বিরক্তভাবে বললে, ঠিক হবে কি ক'বে ? ও তো আপনাদের নিয়ে লেখা নয় ।

—তা বটে । কিন্তু এইবার একটা আমাদের নিয়ে সত্যিকার গল্প লেখ ।

দুই হাত কপালে ঠেকিয়ে ভবেক্স বললে, আবার ! এই থাকাই সামলাই দাঁড়ান ।

জামাইবাবু হেসে ফেললেন । বললেন, ধাক্কা আমার ওপর দিয়ে কম যায় না । এক একটা অসুখ তো নয়, এক একটা ঝাঁজ । তবু প্রতিবাদ করি না । তাতে ফগও হবে না । হ'ত, যদি একটা ছেলে কি মেয়ে থাকত । হাসির কথা ! তোমাকে বলতে লজ্জাও করে । আসল কথা কি জান ? আমার উপর দিয়েই তোমার দিদি বাৎসল্য রসও মিটিয়ে নিতে চান । কলে আমার জীবন দুর্ব্বল হয়ে উঠেছে । তোমাকে সত্যি কথা বলছি, এক এক সময় জীর উৎপাতে আমার আত্মহত্যা করতে ইচ্ছে হয় । আবার জীর মুখ চেয়েই সে ইচ্ছে সামলে মিই ।

জামাইবাবুর চোখ ছল ছল করে উঠল । একটা উচ্ছ্বসিত আবেগ তিনি দমন করলেন ।


তারপর বললেন, লিখবে এই নিয়ে একটা ?

ভবেক্স সটান বললে, আজ্ঞে না । মাপ করবেন ।

—তাই তো হে । দেখছি, তোমার দিদিকে একা আমিই ভয় পাই না, সবাই পার ।

তারপরে কন্ফার্টারটা আবার জড়িয়ে জামাইবাবু একটা দীর্ঘশ্বাস কলে শয্যা গ্রহণ করলেন ।

বাইরে শুখন হেমনলিনী ঘন ঘন কড়া নাড়ছে !



### শ্রী রবীন্দ্রনাথ ঠাকুর—


গত ২৫শে বৈশাখ তারিখে বাঙ্গালার তথা ভারতের গৌরব-রবি শ্রীযুত রবীন্দ্রনাথ ঠাকুরের বয়স ৮০ বৎসর পূর্ণ হইয়া ৮১ বৎসর আরম্ভ হইয়াছে। এই উপলক্ষে আমরা কবি-গুরুকে আমাদের আন্তরিক সশ্রদ্ধ অভিবাদন জ্ঞাপন করিতেছি এবং শ্রীভগবানের নিকট প্রার্থনা করি, তিনি সুদীর্ঘকাল জীবিত থাকিয়া আমাদের বাঙ্গালা ভাষা ও সাহিত্যিকে সমৃদ্ধ করুন। এই পরিণত বয়সেও কবিগুরু নিত্য তাঁহার নূতন দানে বাঙ্গালা সাহিত্যকে পুষ্ট করিতেছেন। বাঙ্গালী জাতি আজ তাই সর্বত্র সমবেতভাবে তাঁহার দীর্ঘ কর্মময় জীবনের জল প্রার্থনা করিতেছে।

### নববর্ষের

#### বাণী—

নববর্ষের প্রথম দিনে শান্তিনিকেতনে রবীন্দ্রনাথের একাধিক অশীতিতম জন্মোৎসব উপলক্ষে কবি যে ভাষণ দিয়াছেন তাহা নানা দিক দিয়া বৈশিষ্ট্যপূর্ণ এবং প্রত্যেক

ভারতবাসীর তাহা অবশ্যপাঠ্য; প্রত্যেক ইংরেজ তাহা পাঠ করিলে এ ছদ্দিনেও তাঁহার লাভবান হইবেন। বিনিঃশীবৎসর ধরিয়া একটা আদর্শকে অবলম্বন করিয়া জীবন



অতিবাহিত করিয়া আসিয়াছেন, আজ জীবন 'সারাজে' তিনি যদি দেখেন যে তাঁহার সেই আদর্শ বহু বিচ্ছিন্ন ও চূর্ণবিচূর্ণ হইয়া ধূলিসাৎ হইতে বসিয়াছে তখন তাঁহার চিত্তে যে বেদনা যে কোভ জন্মে, কবির এই ভাষণ তাহার আলামণী বাণী। প্রায় দুইশত বৎসর ধরিয়া ভারতে বৃটিশ শাসনের নির্ভীক, নিরপেক্ষ ও অকুণ্ঠ সমালোচনা হিসাবে এই ভাষণটি অস্বরণীয় হইয়া থাকিবে। একটা নিশ্চয় আঘাতে গভীর শ্রদ্ধা ভাঙ্গিয়া গেলে যে হতাশা ধ্বনিত হয়, কবির ভাষণে সেই হতাশার সুর প্রতিধ্বনিত হইয়া ইহাকে একটি বিশিষ্ট রূপ দিয়াছে। ঊনবিংশ শতকের গোড়ায় ইংরেজী-সাহিত্য ও তাহার ভিতর দিয়া ইংরেজ চরিত্রের যে উদারতা, বলিষ্ঠতা ও সততার পরিচয় প্রকাশিত হইয়াছিল তাহা সেই দিনের তরুণ চিত্তকে বিস্মিতই শুধু করে নাই, মুগ্ধও করিয়াছিল। সনাতন সমাজের অচলায়তনের মধ্যে সেদিনের তরুণদের প্রাণে ইংরেজী সাহিত্য ও সমাজের সার্বজনীনতা একটা বিরূপ বিপ্লবের জন্ম দিয়াছিল। ইংরেজ শুধু গায়ের জোরে দেশের মাটিই আক্রমণ করে নাই, চরিত্রের দৃঢ়তায়, মনের উদারতায়, দাক্ষিণ্যে এবং প্রাণপ্রাচুর্যে দেশের মনকেও জয় করিতে পারিয়াছিল। এই আবহাওয়ার মধ্যে রবীন্দ্রনাথের আবির্ভাব হয় এবং আশৈশব ইংরেজের অন্তঃকরণের বিশালতা ও মানববৈজ্ঞানিক পরিচয় মুগ্ধ হইয়া কবি ঐকান্তিক শ্রদ্ধার সহিত ইংরেজ জাতিকে অন্তরের উচ্চাসনে বসাইয়াছিলেন।

আঘাত পাইয়া নিভৃত সাহিত্যচর্চার আবেষ্টন হইতে বাহিরে আসিয়া 'ভারতের জনগণের যে নিদারুণ দারিদ্র্য' তিনি প্রত্যক্ষ করিলেন তাহা 'হৃদয়বিদারক'। অন্ন, বস্ত্র, পানীয়, শিক্ষা, আরোগ্য, মাতৃবয়স্ক শরীর ও মনের যা কিছু অত্যাধিক, তাহা এমন নিরতিশয় অভাব বোধ হয় পৃথিবীর আধুনিক শাসনচালিত কোন দেশেই ঘটে নি।

দেখিতে দেখিতে জাপান যন্ত্রশক্তিতে বলীয়ান হইল। জাপানের ঐশ্বর্য এবং নিজের জাতির মধ্যে তাহার সত্য-শাসনের রূপ তিনি স্বয়ং চাক্ষুষ করিয়া আসিয়াছেন। আর প্রত্যক্ষ করিয়া আসিয়াছেন—অধ্যবসায় ও ঐকান্তিক নির্ভর জোরে অতবড় বৃহৎ রুশ সাম্রাজ্য হইতে কত সহজে ও কত শীঘ্র মূৰ্ত্তা, দৈন্ত ও আত্মাবমাননা বিলুপ্ত হইতে বসিয়াছে। 'সেখানকার মুসলমানদের সঙ্গে রাষ্ট্র অধিকারের ভাগ-বাটোয়ারা নিয়ে অমুসলমানদের কোনও বিরোধ ঘটেনা,

তাদের উভয়ের মিলিত স্বার্থ-সম্বন্ধের ভিতরে রয়েছে শাসন-ব্যবস্থার যথার্থ সত্য ভূমিকা।' পারস্য ও আফগানিস্থান অতি দ্রুত উন্নতির পথে আগাইয়া চলিয়াছে। কেবল 'ভারতবর্ষ ইংরেজের সভ্যশাসনের জগদল পাথর বুকে নিয়ে তলিয়ে পড়ে রইল নিরুপায় নিশ্চলতার মধ্যে।'

এদেশের শিক্ষিত-মনে ইংরেজের জন্ত যে শ্রদ্ধার আসন ছিল তাহা কেন আজ থাকিতে চাহিতেছে না, সে বিষয়ে ভারতবাসী ও ইংরেজ উভয়কেই ধীরচিত্তে ভাবিয়া দেখার সময় আসিয়াছে। কবি বলেন, 'কেবল এই কথাই ভাবি, সাম্রাজ্যলোলুপতা এত বড়ো জাতির চরিত্রে কেমন করে ক্রমশ লজ্জাকর বিকারে কুৎসিত হয়ে উঠেছিল।' এই অভিযোগের মধ্যে কবির কণ্ঠে যে সুর ধ্বনিত, তাহাতে বেদনার সুরই বেশী। সব চাইতে তাঁহার বেশী দুঃখ এই যে, 'সভ্যশাসনের চালনায় ভারতবর্ষে সকলের চেয়ে যে দুর্গতি আজ মাথা তুলে উঠেছে, সে কেবল অন্নবস্ত্র শিক্ষা ও আরোগ্যের শোকাবহ অভাবমাত্র নয়, সে হচ্ছে ভারতবাসীর মধ্যে অতি নৃশংস আত্মবিচ্ছেদ।'

### আচার্য্য প্রফুল্লচন্দ্র জয়স্বামী—

আচার্য্য প্রফুল্লচন্দ্র অশীতি বর্ষে পদার্পণ করায় তাঁহার অজস্র ভক্তশিষ্য ও গুণমুগ্ধ দেশবাসী নানা স্থানে নানা ভাবে জয়স্বামী উৎসব পালন করিতেছেন। এই আনন্দোৎসব জাতির অকৃত্রিম শ্রদ্ধা ও কৃতজ্ঞতার নিদর্শন মাত্র। শিক্ষাদান, রসায়নের নিগূঢ় তত্ত্বানুসন্ধান, জাতির নৈসর্গিক আপদে অকপট সেবা, অসাধারণ ত্যাগ, শিশুর মত সরল ব্যবহার ও আধ্যাত্মিক জীবনযাপন প্রভৃতি গুণে তিনি দেশবাসীর প্রাতঃস্মরণীয় মহাপুরুষ। এসকল গুণের অনেকই তাঁহার তিরোধানের সহিত লোপ পাইবে। কিন্তু বাঙ্গালা তথা ভারতবর্ষকে তিনি মর্যাদাবোধ, শিল্পগঠন ও স্বাধীন জীবিকা-র্জনের যে পথ নির্দেশ করিতে চেষ্টা করিয়াছেন, ভবিষ্যতের দিক দিয়া চিন্তা করিলে মনে হয় তাহাই তাঁহার শ্রেষ্ঠ দান। ভারতের বিজ্ঞান চর্চা পরীক্ষাগারের চতুঃসীমার মধ্যেই চিরকাল নিবদ্ধ ছিল। যে বিজ্ঞান শিল্পে নিয়োজিত না হয় বা ব্যবহারিক জীবনে কাজে না লাগে, তাহা প্রকৃতপক্ষে অসম্পূর্ণ; এমন কি 'অসার বলিলেও অত্যাধিক হয় না। তিনি ইহার মর্শ্ব অন্তরে অন্তরে উপলব্ধি করিয়াছিলেন এবং



ইহার মধ্যে সমতা স্থাপন করিয়া বাঙ্গালীর রসায়ন চর্চা যাহাতে শিল্পে রূপলাভ করিতে পারে আজীবন তাহার চেষ্টা করিয়াছেন। এই চেষ্টা তাঁহাতেই মূর্তিলাভ করিয়াছে বলিয়া জাতি আজ তাঁহার দান আনন্দ চিত্তে স্বীকার করিতে চায়। জয়ন্তী উপলক্ষে যে সকল উৎসব অনুষ্ঠিত হইয়াছিল তন্মধ্যে কলিকাতা কর্পোরেশন প্রতিষ্ঠিত কমার্শিয়াল মিউজিয়ামের প্রদর্শনী বিশেষ উল্লেখযোগ্য। ভারতের সর্বত্র রসায়নের মৌলিক তত্ত্বানুসন্ধানের যে বিরাট প্রতিষ্ঠান চলিতেছে তাহাদেরই চেষ্টাপ্রসূত দ্রব্যাদি এই স্থানে প্রদর্শিত হইয়াছিল। বিজ্ঞান ও বাণিজ্য অনুসন্ধান সমিতি (Board of Scientific & Industrial Research), বাঙ্গালার বিজ্ঞান মন্দির, কলিকাতা বিশ্ববিদ্যালয়ের বিজ্ঞান কলেজ, মাদ্রাজ বিজ্ঞান কলেজ প্রভৃতি প্রতিষ্ঠান প্রদর্শনীতে যোগ দেওয়ার বর্তমান রসায়ন বিজ্ঞানের ধারা সম্বন্ধে একটি সুস্পষ্ট ধারণা করা সম্ভব হইয়াছিল। এই সকল তথ্যের উপর নির্ভর করিয়া বহু শিল্প গড়িয়া উঠিতে পারে। কেন্দ্রীয় সরকারের বিজ্ঞান ও বাণিজ্য অনুসন্ধান সমিতি তাহাদের আবিষ্কারগুলি যাহাতে সাধারণের কাজে লাগিতে পারে, তাহার পূর্ণ সুযোগ দিতে প্রস্তুত আছেন। বর্তমানে আমাদের দেশে উপযুক্ত যন্ত্রপাতির অভাব কারখানা প্রতিষ্ঠার প্রধান অন্তরায়। বাঙ্গালোরের বিজ্ঞানানুসন্ধান সমিতি যে সকল দ্রব্য প্রস্তুত করিয়াছেন, তাঁহারা ঐ সম্পর্কে সমস্ত তথ্য এবং যন্ত্রপাতি সরবরাহ করিতে পারেন। ইহা বিশেষ আশার কথা সন্দেহ নাই। সরকারী ভূতত্ত্বানুসন্ধান অফিস (Geological Survey of India) ও Indian Museumএর শিল্প শাখা হইতে ভারতে বাণিজ্যের উপযোগী এবং শিল্পের মূলবস্তুরূপে বহু প্রসূর, লতা ও বীজ প্রদর্শনীতে আনিয়াছিলেন। প্রত্যেকটির সহিত জন্ম বা প্রাপ্তিস্থান ও ব্যবহারের সংকেত থাকায় তাহা বিশেষ হৃদয়গ্রাহী হইয়াছিল। ইহা সমস্ত

প্রদর্শনীর সামান্ত অংশের পরিচয়। একদিন আচার্য্যদেব স্বয়ং উপস্থিত হইয়া সমস্ত প্রদর্শনী বিশেষ করিয়া পরিদর্শন করিয়া যে আনন্দ লাভ করিয়াছেন, তাহাই শেষ জীবনে তাঁহার নিষ্ঠা, ত্যাগ ও সাধনার সামান্ত পুরস্কার মাত্র।



আচার্য্য সার প্রকুলচন্দ্র রায়

সাম্প্রদায়িকতা ও ছাত্রসমাজ—

ঢাকার সাম্প্রদায়িক দাঙ্গার ফলে উভয় সম্প্রদায়েরই বহুলোক হতাহত হইয়াছে। নারায়ণগঞ্জের প্রায় পঞ্চাশ-

খানি গ্রাম ভস্মীভূত হইয়াছে, অধিবাসীরা ত্রিপুরা রাজ্যে আশ্রয় পাইয়াছে। এই অপ্রীতিকর আবহাওয়ার মধ্যে ঐক্য স্থাপন চূঃসাধ্য হইলেও 'নিখিল-বঙ্গ কলেজ ও বিশ্ববিদ্যালয় শিক্ষক সমিতি' এই কার্যে অগ্রসর হইয়াছেন দেখিয়া আমরা আশাবিত্ত হইলাম। ঐক্যসাবকমিটিতে কয়েকজন বিশিষ্ট হিন্দু ও মুসলমান অধ্যাপক আছেন। তাঁহারা প্রতিদিন উভয় সম্প্রদায়ের বহু ছাত্রের সংস্পর্শে আসেন। কাজেই তাঁহাদের ঐক্যান্তিক আগ্রহ এবং শুভ প্রচেষ্টা যে ছাত্রদের মধ্যেও কিঞ্চিৎ ফলপ্রসূ হইবে তাহাতে কোন সন্দেহ নাই। কিন্তু সেই সঙ্গে এই কথাও তাঁহা-দিগকে স্মরণ করাইয়া দেওয়া দরকার যে, কাজটা খুব সহজসাধ্য হইবে না। সাম্প্রদায়িকতার বিষ আজ উভয় সম্প্রদায়ের মজ্জায় মজ্জায় আশ্রয় পাইয়াছে, সুতরাং ছাত্র সমাজও তাহার আওতার বাহিরে নাই। পৃথক পৃথক ছাত্র প্রতিষ্ঠানের অস্তিত্বই তাহা প্রমাণিত করিতেছে।

### শান্তি ও শৃঙ্খলা রক্ষার উপায়—

বাঙ্গালার প্রধান মন্ত্রী মৌলবী ফজলুল হক সাহেব সম্প্রতি ঢাকা হইতে কলিকাতায় ফিরিয়া আসিয়া সাম্প্রদায়িক শান্তি ও শৃঙ্খলা স্থাপনের জন্ত দেশবাসীর নিকট এক আবেদন করিয়াছেন। আবেদনে তিনি বলেন, অবস্থা বর্তমানে সম্পূর্ণরূপে আয়ত্তাধীন এবং এখন জনগণের মনে বিশ্বাস উৎপাদন করাই উভয় সম্প্রদায়ের নেতৃবর্গের প্রধান কর্তব্য। তিনি কলিকাতার নাগরিকদের নিকট বিশেষ করিয়া আবেদন জানাইয়াছেন যে, ঢাকার ভয়াবহ ধ্বংসলীলা যেন সকলে মনে রাখেন এবং শান্তিরক্ষার জন্ত সরকারের সহিত সহযোগিতা করেন। কলিকাতায় প্রায়ই সাম্প্রদায়িক অশান্তি সম্পর্কে শুভ্র রটিতেছে, তিনি সেই বিষয়ে সকলকে সতর্ক করিয়া দিয়া মাণা ঠাণ্ডা রাখিতে সনির্বন্ধ অনুরোধ করিয়াছেন। হক সাহেবের এই আবেদনের সহিত আমাদের আন্তরিক সহযোগিতা আছে। সুতরাং হক সাহেবের সহিত একমত হইয়া আমরা উভয় সম্প্রদায়ের শুভবুদ্ধি ও দেশপ্রেমের নিকট আবেদন করিতেছি যে, পরস্পরের মধ্যে বিদ্বেষ ও অকল্যাণকে আমরা যেন কোনমতেই প্রেরণ না দিই।

### গান্ধীজী ও গণ-আন্দোলন—

গণ-আন্দোলনে দেশব্যাপী একটা অশান্তির সম্ভাবনা আছে, তাই মহাত্মাজী তাহাতে সন্মত হন নাই। অথচ একদল বিপ্লব-বিলাসী বলিয়া বেড়ান যে, গান্ধীজী অকারণ সময় নষ্ট করিতেছেন। মহাত্মাজীর গণ-আন্দোলনে রাজী না হওয়ার এই কারণ যে আংশিক সত্য, তাহাতে সন্দেহ নাই—তবে ইহা সমগ্র সত্য নহে। কোন দেশে যুদ্ধের সময়ে জনগণের মধ্যে গণ-আন্দোলন ব্যাপকভাবে সাফল্য অর্জন করিয়াছে, ইতিহাস তাহা বলে না; অপরপক্ষে যুদ্ধ চলিতে চলিতে কোন সমর-নায়ক বা শাসকগণের অবিবেচনার ফলে দুর্দশাগ্রস্ত জনগণ শেষ পর্যন্ত মরিয়া হইয়া উঠিয়াছে এই প্রমাণ একাধিক ক্ষেত্রে পাওয়া যায়। গত মহাযুদ্ধের শেষেও ইহাই ঘটয়াছিল। আজিকার বলদৃষ্ট হিংস্র হানাহানির প্রচণ্ডতা যখন একদিন নিজের শাসন রচনা করিবে, সেইদিন মানুষের কল্যাণকামী শুভবুদ্ধি উদার শান্তির মধ্যে নবসৃষ্টির নির্মাণ শুরু করিবে—এই বিশ্বাসই মহাত্মাজী করেন।

### একক সত্যগ্রহ ও মহাত্মাজী—

মহাত্মা গান্ধী যুদ্ধবিরোধী একক সত্যগ্রহ চালাইতেছেন। ভারতের বিভিন্ন প্রদেশে অসংখ্য সত্যগ্রহী কারাবরণ করিতেছেন। এই সত্যগ্রহ আন্দোলনের পক্ষে ও বিপক্ষে বহু সমালোচক সমালোচনা করিয়াছেন। সম্প্রতি বোম্বাইয়ের 'টাইমস অফ ইণ্ডিয়া' পত্রে সম্পাদকীয় প্রবন্ধে মহাত্মাজীকে অনুরোধ করা হইয়াছে যে, তিনি অবিলম্বে সত্যগ্রহ আন্দোলন প্রত্যাহার করুন। বিশেষ করিয়া 'টাইমস অফ ইণ্ডিয়া' এবং প্রসঙ্গত বিরোধী সমালোচকদের গান্ধীজী এক বিবৃতি দিয়া জানাইয়াছেন যে, আন্দোলন প্রত্যাহার করিতে তিনি সন্মত নহেন। এই আন্দোলনের সকল দায়িত্ব স্বয়ং গান্ধীজী গ্রহণ করিয়াছেন এবং ইহাকে কোন ব্যাপক আন্দোলনে পরিণত করিবার ইচ্ছাও তাঁহার নাই। ভারতকে যুদ্ধরত দেশ বলিয়া ঘোষণা এবং গণতন্ত্র ও স্বাধীনতা সম্পর্কে ভারতের বর্তমান ও ভবিষ্যৎকে অনিশ্চিত করিয়া রাখিবার বিরুদ্ধে ইহা এক নৈতিক প্রতিবাদ মাত্র। অহিংস উপায়ে ভারতের

স্বাধীনতা লাভের আকাঙ্ক্ষার ইহা অভিব্যক্তি মাত্র—যুদ্ধের উদ্যোগে বাধা দিবার কোন পরিকল্পনাই ইহাতে নাই। মহাত্মাজীর বিবৃতি দুর্কোধ্য নহে, অভিনবও নহে। তাঁহার মতবাদের দার্শনিক ও নৈতিক ভিত্তির সহিত ষাঁহাদের পরিচয় আছে তাঁহারা ইহার মধ্যে তাঁহার অপরিবর্তনীয় বিশ্বাসের দৃঢ়তা দেখিতে পাইবেন।

### সাম্প্রদায়িক ঐক্যের পথ—

বিহারে কংগ্রেসী সরকার স্থাপিত হওয়ার পূর্বে মিঃ এম্ ইউনাস কিছুদিন প্রধান মন্ত্রী ছিলেন। তাঁহার মন্ত্রিত্ব

ব্রিটিশ শাসকদেরও অবশ্যপাঠ্য বলিয়া আমরা মনে করি। তিনি বলেন, হিন্দু-মুসলমানের অনৈক্যই ভারতের স্বাধীনতা লাভের পথে প্রধান কণ্টক—এরকম বলাই আজকাল রেওয়াজ হইয়া দাঁড়াইয়াছে। কিন্তু এই-বিরাট দেশের জনসাধারণের উপর বাহিরের-প্রাধান্য যে সাম্প্রদায়িক ঐক্য স্থাপনের পক্ষে প্রধান অন্তরায় এই কথাই কি সত্য নহে?

### কৃষ্ণনগর সাহিত্য সম্মেলন—

নদীয়া জেলার কৃষ্ণনগর এক সময়ে বাঙ্গালার সংস্কৃতির অশ্রুতম প্রধান কেন্দ্র ছিল। সেই কৃষ্ণনগরে এখনও যে



প্রফুল্ল জয়ন্তী প্রদর্শনীতে আচার্য্য প্রফুল্লচন্দ্র রায়

শেষ হইবার পর তিনি একবার মোসলেম লীগে যোগ দিতে চেষ্টা করেন কিন্তু লীগের উদ্দেশ্যের সহিত একমত হইতে না পারিয়া দল ত্যাগ করেন। কিছুদিন পূর্বে মিঃ ইউনাস বিহার প্রাদেশিক ঐক্য সম্মিলনের সভাপতি হিসাবে যে অভিনীতাষণ দিয়াছেন, তাহা কেবল এদেশের লোকদের নহে,

সাহিত্য চর্চার বিশেষ উদ্যোগ দেখা যায়, তাহাও বিচিত্র নহে। গত ৩০শে মার্চ রবিবার কৃষ্ণনগর টাউন হলে রায় বাহাদুর অধ্যাপক শ্রীযুত খগেন্দ্রনাথ মিত্র মহাশয়ের সভাপতিত্বে কৃষ্ণনগর সাহিত্য সম্মেলনের দ্বিতীয় বার্ষিক উৎসব হইয়া গিয়াছে। স্থানীয় খ্যাতনামা কবি শ্রীযুত

নীহাররঞ্জন সিংহ এই উৎসবের প্রধান উদ্বোধক ছিলেন এবং সভায় বহু প্রবন্ধ ও কবিতা পাঠিত হইয়াছিল। কলিকাতা হইতে শ্রীযুত ফণীন্দ্রনাথ মুখোপাধ্যায়, শ্রীযুত অপূর্ব ভট্টাচার্য্য, শ্রীযুত অনিল ভট্টাচার্য্য, বঙ্গীয় ব্যবস্থা পরিষদের সদস্য শ্রীযুত অতুলকৃষ্ণ ঘোষ, শ্রীযুত সুরেন্দ্রনাথ নিয়োগী প্রভৃতি উৎসবে যোগদান করিয়া বক্তৃতা বা কবিতা ও প্রবন্ধ পাঠ করিয়াছিলেন।

### বঙ্গীয় মুসলমান সাহিত্য সমিতি—

সম্প্রতি কলিকাতা মুসলিম হলে বঙ্গীয় মুসলমান সাহিত্য সমিতির রক্ত জয়ন্তী উৎসব সম্পন্ন হইয়াছে। সভার সভাপতিত্ব করিয়াছেন কবি কাজী নজরুল ইসলাম। অনেক দিন পরে তাঁহাকে মুসলমান সাহিত্য সমিতির রক্ত জয়ন্তী উৎসবে যোগ দিতে দেখিয়া আমরা অত্যন্ত আনন্দিত হইলাম। কারণ বাঙ্গালা দেশ বর্তমানে সাম্প্রদায়িকতার বিধে জর্জরিত এবং হিন্দু-সাহিত্য ও মুসলিম সাহিত্য— এই দুইভাগে বাঙ্গালা সাহিত্য বিভক্ত হইতে চলিয়াছে। বাঙ্গালার এই দুর্দিনে কাজী সাহেবের হ্রায় একজন শক্তিশালী অসাম্প্রদায়িক কবির সাহিত্যক্ষেত্রে পুনরাগমন সত্যই কল্যাণজনক। তাঁহার নিকট আমরা অনেক কিছুই প্রত্যাশা করি। তাই বাঙ্গালা সাহিত্যের এ দুর্দিনে তাঁহাকে ও তাঁহার মতাবলম্বীগণকে আমরা সাহিত্যক্ষেত্রে দেখিতে চাই।

### কলিকাতার ভিক্ষুক সমস্যা—

কলিকাতা এক সময় বৃটিশ-ভারতের রাজধানী ছিল। রাজধানী স্থানান্তরিত হইলেও তাহার নামডাক এক ফোঁটাও কমে নাই, তাই অসংখ্য ভাগ্যান্বেষীদের সহিত অবাঙ্গালী ভিখারী আসিয়াও এখানে ভিখারীর দল পুষ্ট করিতেছে। প্রকাশ, কলিকাতায় চারি হাজারেরও অধিকসংখ্যক ভিখারী আছে এবং ইহাদের এক অংশ কাণা, খোঁড়া, অন্ধ, কুষ্ঠরোগী ও বিকলাঙ্গ। আর এক অংশ সুস্থ, সবল, কর্মক্ষম, যদিচ তাহারাও অসুস্থতার ভাগ করিয়া অর্থোপার্জনের নানা মতলবে থাকে। কিছুদিন হইতে এইসব ভিখারীর জন্ত শহরপ্রান্তে একটি আশ্রয়স্থান নির্মাণ করিয়া নগরের রাজপথগুলিকে রুগ্ন ভিখারীদের স্পর্শ হইতে রক্ষা করিবার জল্পনা কল্পনা চলিয়া আসিতেছে।

আলোচনার ফলে এই সদিচ্ছাটাই আমরা শুনিয়া আসিতেছি যে, শিশু ভিখারীদের পড়াশুনার জন্ত বিদ্যালয় এবং সক্ষমদের জন্ত কোন শিল্পপ্রতিষ্ঠান এবং রুগ্ন ও বিকলাঙ্গদের জন্ত হাসপাতাল ও আশ্রম প্রতিষ্ঠা করা দরকার। এই কার্যের জন্ত প্রাথমিকভাবে একলক্ষ এবং পরে বৎসর বৎসর একলক্ষ করিয়া টাকার সাহায্যের ব্যবস্থা করা দরকার। কলিকাতা কর্পোরেশন নাকি অর্ধেক ব্যয় দিতে সম্মত আছেন, তাহা ছাড়া পাঁচ শত গৃহহীনকে আশ্রয় দেওয়ার মত একটি বাড়ী তৈয়ারি করিতেও তাঁহারা নাকি সম্মত। কিন্তু বর্তমানে এই সম্বন্ধে কোন আন্দোলন দেখা যাইতেছে না। অথচ অবিলম্বে এ বিষয়ে একটা ব্যবস্থার প্রয়োজন।

### বাঙ্গালার নারীনিগ্রহ—

কিছুদিন পূর্বে বাঙ্গালার ব্যবস্থা পরিষদের এক অধিবেশনে প্রধানমন্ত্রী নারীনিগ্রহ সম্বন্ধে একটি বিবৃতি প্রদান করেন। তাহাতে জানা যায় যে, বাঙ্গালাদেশে নারীনিগ্রহ দিন দিনই বাড়িয়া চলিয়াছে। ১৯৩৮ সালে নারী ধর্ষণের সংখ্যা ছিল এক হাজার পঁচাত্তর। পর বৎসর (১৯৩৯) সেই সংখ্যা বারশত তেইশে দাঁড়াইয়াছে এবং ১৯৪০ সালের নবেম্বর মাস পর্যন্ত দেখা যায় এগার শত নিরানব্বই। এই সংখ্যার মধ্যে হিন্দু কত, মুসলমানই বা কত—আর অপরাধীদের মধ্যে হিন্দু বেশী কি মুসলমান বেশী তাহার আলোচনা অগ্রাসঙ্গিক। কেননা, নারীনিগ্রহের ব্যাপারটা সাম্প্রদায়িক বিদ্বেষের অনেক উপরের। হিন্দুমুসলমাননির্বিশেষে কেমন করিয়া বাঙ্গালার এই কলঙ্কমোচন করা যায় সে সম্বন্ধে উভয় সম্প্রদায়ের শিক্ষিতদের সচেতন হওয়া দরকার।

### সিদ্ধপ্রদেশেও ঐক্য প্রচেষ্টা—

পাঞ্জাবের মন্ত্রিমণ্ডলের অনুসরণে সিদ্ধ প্রদেশের নূতন মন্ত্রিমণ্ডলীও সাম্প্রদায়িক ঐক্য স্থাপনের কতকগুলি কার্য্যকরী উপায় অবলম্বনের সংকল্প গ্রহণ করিয়াছেন। এই উদ্দেশ্যে মন্ত্রিসভা পঞ্চাশ হইতে পঁচাত্তর হাজার টাকা ব্যয় বরাদ্দ করিয়াছেন। সিদ্ধুর অবস্থা যে পাঞ্জাবের তুল্য চের বেশী উদ্বেগজনক, তাহা বলাই বাহুল্য। সর্বাগ্রে এই অবস্থাটার

পরিবর্তন আবশ্যিক। নূতন প্রধান মন্ত্রী খান বাহাদুর আল্লা-বক্স ও তাঁহার সহকর্মীরা যে ঐক্য স্থাপনের প্রয়োজনীয়তা স্বীকার করিয়া তদনুযায়ী কার্য্য করিতে উদ্যোগী হইয়াছেন, তাহা সত্যই প্রশংসার যোগ্য; কিন্তু শেষ পর্য্যন্ত তাঁহারা অটল থাকিলেই মঙ্গল।

### জলধর স্মৃতি তর্পন—

গত ১৩ই এপ্রিল রবিবার কলিকাতা শ্রামবাজারে আনন্দবাজার পত্রিকার সম্পাদক শ্রীযুত প্রফুল্লকুমার সরকার মহাশয়ের গৃহে রবিবাসরের অধিবেশনে ভারতবর্ষ-সম্পাদক

জানা যায় যে, আলোচ্য বর্ষে বাঙ্গালায় মোট ১১৮-টি মিউনিসিপ্যালিটি ছিল। মিউনিসিপ্যালিটিগুলির এলাকার মোট অধিবাসীর সংখ্যা ছিল ২৩ লক্ষ ৫১ হাজার ৪০৭ জন। ইহা বাঙ্গালার মোট জনসংখ্যার শতকরা ৪.৭ ভাগ। উপরোক্ত ২৩ লক্ষ ৫১ হাজার ৪০৭ জন অধিবাসীর মধ্যে ৩ লক্ষ ৮৭ হাজার ৭০০ জন মিউনিসিপ্যালিটির করদাতা; গড়ে প্রতি অধিবাসীর হিসাবে মিউনিসিপ্যালিটিগুলির আয় হয় ৪।০ টাকা (কলিকাতা শহরে তাহা ২০।৬/০)। অপর দিকে গড়ে প্রতিজনের হিসাবে মিউনিসিপ্যালিটি গুলির ট্যাক্স নির্ধারিত আছে ৩।১১ পাই। মিউনিসি-



প্রফুল্ল জয়ন্তী প্রদর্শনীর একটি দৃশ্য

রায় বাহাদুর জলধর সেন মহাশয়ের দ্বিতীয় মৃত্যু সাত্বৎসরিক উপলক্ষে স্মৃতি পূজা করা হইয়াছে। রায় বাহাদুর অধ্যাপক শ্রীযুত খগেন্দ্রনাথ মিত্র সভাপতির আসন গ্রহণ করিয়াছিলেন এবং সভায় জলধরবাবুর নানা গুণের বর্ণনা করা হইয়াছিল। রবিবাসরের সদস্যগণ ছাড়াও জলধরবাবুর বহু অনুরাগী বন্ধু সভায় উপস্থিত ছিলেন।

### বাঙ্গালার মিউনিসিপ্যালিটি—

সম্প্রতি বাঙ্গালার মিউনিসিপ্যালিটিগুলির ১৯৩৮-৩৯ সালের রিপোর্ট প্রকাশিত হইয়াছে। এই রিপোর্ট হইতে

প্যালিটিগুলি তাহাদের আয়ের শতকরা ৫.৬ ভাগ প্রাথমিক শিক্ষা বাবদ ব্যয় করিয়া থাকে। মিউনিসিপ্যাল এলাকার প্রত্যেক বিদ্যালয়গামী (প্রাথমিক বিদ্যালয়) শিশুর জন্য মিউনিসিপ্যালিটিগুলির গড়ে ২/১ পাই খরচ হইয়া থাকে।

### ব্রহ্মের সহিত বাণিজ্য চুক্তি—

ব্রহ্ম হইতে ভারতবর্ষে বৎসরে আনু্য ২৮ কোটি টাকার মাল আসে। সে স্থলে বৎসরে ভারতবর্ষের ২২ কোটি টাকার মাল প্রতি বৎসর ব্রহ্ম ক্রয় করিয়া থাকে;

সুতরাং ভারত-বাণিজ্যে ব্রহ্মদেশ বিশেষ লাভবান। এক্ষেত্রে যদি উভয় দেশের মধ্যে কোনও বাণিজ্য চুক্তি হয়, তাহাতে ভারতবর্ষের সুবিধাস্বার্থী চুক্তি প্রবর্তিত করিবার জন্ত সে দাবী করিতে পারে। বাঙ্গালা দেশের চাউল ব্যবসায়ীরা—কলমালিক ও বাণিকসমিতির সম্পাদক শ্রীআশুতোষ ভট্টাচার্যের মারফত সরকারের নিকট একটা সুচিন্তিত মস্তব্য পেশ করিয়াছেন। তাঁহাদের মতে ভারত-ব্রহ্ম বাণিজ্য-চুক্তি পাকা করিবার সময় যেন ভারতে আমদানী-করা চাউলের উপর গুরু ধার্য করা হয়। ব্রহ্মের চাউল ভারতবর্ষে বিনা গুল্লে আসার ফলে ধানের উপযুক্ত মূল্য পওয়া যায় না এবং চাষীরা সমধিক ক্ষতিগ্রস্ত হয়। এই কথা বিশেষ করিয়া বাঙ্গালা দেশে খাটে। এখানকার চাউল নানা স্থানে রপ্তানী হয় এবং তাহাতে বৎসরের খরচে যে ঘাটতি পড়ে, তাহা এবং প্রায় এয়োজনাতিরিক্ত চাউল আমদানী হইয়া যাওয়ায় ধান চাউলের মূল্য উপযুক্ত পাইতে অসুবিধা হয়। এইরূপ বাণিজ্য চুক্তি হওয়া একপ্রকার ভালই বলা চলে, কারণ দেশের লোকের বাহাতে কিছু পায় তাহাতে কাহারও আপত্তি থাকিতে পারে না। এই অসুরোধ সুবিচার লাভ করে নাই। ব্রহ্মের সহিত যে চুক্তি স্বাক্ষরিত হইয়া বলবৎ হইয়াছে, তাহাতে ব্রহ্ম হইতে বিনা গুল্লে চাউল ভারতে প্রবেশলাভ করিবে! এ বৎসর ভারতবর্ষে চাউল খুব চড়া মূল্যে বিক্রীত হইতেছে, তাহাতে এই চুক্তির কুফল বুঝিতে পারা যাইবে না; কিন্তু অতীত বৎসরে চাষীর দুর্দশা দেখিয়া দেখিয়া কলমালিকগণের এই অসুরোধ উপেক্ষা করা কর্তৃপক্ষের সমীচীন কার্য হয় নাই।

### দাঙ্গা পীড়িতদের সাহায্য দান—

ঢাকার দাঙ্গাপীড়িতদের জন্ত সাহায্য ভাণ্ডার খোলা হইয়াছে এবং সহায় দেশবাসীরা সাহায্যের জন্ত যথাসাধ্য অগ্রসর হইয়াছেন দেখিয়া আমরা আনন্দিত হইলাম। বাঙ্গালার প্রধান মন্ত্রী হিন্দুজগত সাহায্যের জন্ত একশত টাকা স্ত্র নৃপেন্দ্রনাথ সরকার মহাশয়ের হস্তে দিয়াছেন। অপর পক্ষে স্ত্র নৃপেন্দ্রনাথও মৌলবী ফজলুল হক সাহেবের হস্তে মুসলমানদের সাহায্যের জন্ত একশত টাকা দান করিয়াছেন। ইহাদের এই 'নিদর্শন দান' অর্থবানদের উৎসাহিত করিলে

দুর্দশাগ্রস্ত নরনারীদের অশেষ কল্যাণ সাধিত হইবে। এই প্রসঙ্গে ডক্টর শামাপ্রসাদ মুখোপাধ্যায়, নির্মলচন্দ্র চট্টোপাধ্যায়, সনৎকুমার রায়চৌধুরী প্রমুখ নেতৃবৃন্দকে দেশবাসীর পক্ষ হইতে আমরা ধন্যবাদ প্রদান করিতেছি। ত্রিপুরার মহারাজার রাজ্যে দাঙ্গাপীড়িত প্রায় আট হাজার নরনারী আশ্রয়লাভ করিয়াছে এবং মহারাজা তাহাদের সুখ সুবিধার সকল প্রকার ব্যবস্থা করিয়া দিয়াছেন। মহারাজার এই কার্য হিন্দুমুসলমান সকলে চিরদিন শ্রদ্ধার সহিত স্মরণ করিবে। মুসলমান নেতৃবৃন্দও দাঙ্গায় বিপর লোকদিগকে নানাভাবে সাহায্য দান করিতেছেন। ইহা দ্বারা অবশুই দেশের লোকের মনোভাব পরিবর্তিত হইবে।


### স্বায়ত্ত শাসন আইন সংশোধন—

প্রবল প্রতিবাদ ও তীব্র আপত্তি সত্ত্বেও স্বায়ত্তশাসন আইন সংশোধন বিল আলোচনার প্রস্তাব ভোটের জোরে বঙ্গীয় ব্যবস্থা পরিষদে গৃহীত হইয়াছে। সৈয়দ জালাল-উদ্দীন হাসেমী প্রমুখ কেহ কেহ এই বিলটিকে ঢাকার সাহাবুদ্দীন আইন বলিয়া অভিহিত করিয়াছেন। বিলটি আইনে পরিণত হইবেই তাহাতে কোন সন্দেহ নাই। ইহা আইনে পরিণত হইলে জেলা বোর্ড প্রভৃতির কার্যকলাপের উপর দেওয়ানী আদালতের অধিকার থাকিবে না। আদালতকে এড়াইয়া চলিবার একটা মনোভাব বাঙ্গালায় অত্যন্ত প্রবল হইয়া দেখা দিতেছে। ঋণসালিনী আইনেও আদালতের ক্ষমতা খর্ব করিবার চেষ্টা হইয়াছিল। আদালতের বিচার প্রার্থনা করিবার অধিকার খর্ব করিয়া বাঙ্গালার মন্ত্রীরা দেশকে যে দিকে ধীরে ধীরে টানিয়া লইয়া যাইতেছেন তাহা দেশের গভীর অমঙ্গলের কারণ হইবে।


### আদিবাসী-উন্নয়ন প্রচেষ্টা—

ভারতের প্রায় সকল প্রদেশেই কোন না কোন শ্রেণীর আদিবাসী অধিবাসী বাস করে। ইহারা তথাকথিত সভ্য-সমাজের আশে পাশে থাকে, তাহাদের আচার-অনুষ্ঠান অনুসরণ করে—অথচ বিধিবদ্ধ কোন সম্প্রদায়ের অন্তর্ভুক্ত নহে এবং সভ্যতা ও শিক্ষার উন্নত হইবার সুবিধা পায় না। সমগ্র ভারতবর্ষ ধরিয়া হিসাব করিলে ইহাদের সংখ্যা নিতান্ত কম নয়। অথচ ভারতবাসী হইয়াও ইহারা ভারতের

ভারতবর্ষ




কৃষ্ণসাগরস্থ বুলগেরিয়ার প্রধান বন্দর—বাণা—মালোনিকার  
মধ্য দিয়া বুলগেরিয়ার সেন্ট্রাল ভূমধ্যসাগরে যাত্রার পথ



বলকানের প্রধান নদী—দানিউব—  
দক্ষিণ দোবরজার দৃশ্য




বুলগেরিয়ার প্রধান ধর্মযাজক সেন্ট জনের বাসস্থান—  
রিলীক্ট মঠ



বুলগেরিয়ার প্রধান সহর সোফিয়ার একটি রাজপথ—  
এইস্থানেও বোম্বা কেলা হট্টয়াছে

## ভারতবর্ষ




মাটাপান যুদ্ধের পর ইটালীয়গণকে উদ্ধার করা হইতেছে—৪গানি নৌকায় তাহাদিগকে তোলা হইয়াছে



যুদ্ধে এই সকল জামানকে বন্দী করিয়া  
লঙনে আনা হইয়াছে



বড়লাট লড লিংলিথগো দিল্লীতে শিক্ষানবীশ ভারতীয় সৈন্যদের  
পরিদর্শন করিতেছেন



সাহারা ও লিবিয়ার মরুভূমিতে প্রহরী দল—ইহারাষ্ট শত্রুদিগকে বিপন্ন করিয়াছে



জীবন ও সংস্কৃতির ধারা হইতে বিচ্ছিন্ন এবং অনগ্রসর করিয়াছেন, আরও ৫ হাজার টাকা দিবেন এবং সম্প্রদায় বলিয়া চিরস্থায়ীভাবে একান্তে পরিত্যক্ত। এই মাসিক আড়াই শত টাকা ব্যয়ভার বহন করিবেন।

বৃহৎ জনসংখ্যাকে যা হা তে তথাকথিত সভ্যসমাজের মধ্যে টা নিয়া লওয়া যায় এবং ক্রমোন্নতির পথে চালিত করা সম্ভব হয় তজ্জন সম্প্রতি নিখিল ভারত হরিজন সেবক সংঘ বিশেষ মনোযোগী হইয়াছেন। আমরা সর্বান্তঃ-করণে তাঁহাদের এই সাধু প্রচেষ্টার সাফল্য কামনা করি।

### কিরণশশী

#### সেবায়তন—

উত্তর কলিকাতার দরিদ্র-  
বান্ধবভাণ্ডার নামক প্রতি-

ষ্ঠানটি গত প্রায় ২০ বৎসর ধরিয়া এই অঞ্চলের নানাপ্রকার দুঃখ দুর্দশা দূর করিবার জন্ত বিশেষ চেষ্টা করিতেছেন। তাঁহাদের হালসিবাগান ১০৫১১ রাজা দীনেন্দ্র ষ্ট্রীটস্থ বাটীতে সম্প্রতি দরিদ্র যক্ষ্মা-রোগীদিগের রঞ্জনরশ্মি দ্বারা বিনামূল্যে চিকিৎসার যে ব্যবস্থা হইল,

জিতেন্দ্রনারায়ণ রায় শিশু বিদ্যালয়ে লেডী লিংলিথগো

ভাণ্ডার এজন্য তিন হাজার টাকা ব্যয়ে গৃহ নির্মাণ করিয়াছেন ও ৫ হাজার টাকার যন্ত্রপাতি খরিদ করিয়াছেন। সার নৃপেন্দ্রনাথ সরকার গত ৫ই এপ্রিল এই সেবায়তনের উদ্বোধন করিয়াছেন। কলিকাতায় এইরূপ বহু প্রতিষ্ঠানের প্রয়োজন আছে। দরিদ্র



ঝাড়গ্রামে বিজ্ঞানাগর বাণী ভবনে লেডী রীড পাঠাগার উদ্বোধন

তাহা মধ্যবিত্ত সাধারণ গৃহস্থদের পক্ষে বিশেষ উপকারে যান্ধব ভাণ্ডারের কর্মীরা যে প্রতিষ্ঠান স্থাপন লাগিবে। শ্রীযুত সুধীরচন্দ্র নান তাঁহার পরলোকগতা- করিলেন, তাহা সর্বত্র অনুকৃত হইলে দেশবাসী উপকৃত পত্নী কিরণশশীর নামে ঐজন্য ২৫শত টাকা দান হইবে।

### মুসলিম লীগের দাবী—

বিহার সরকারের পুলিশ বিভাগের রিপোর্টে স্পষ্ট করিয়াই বলা হইয়াছে যে, বিশেষ চেষ্টা করিয়াও মুসলিম লীগ দ্বারা বিহারের মোমিন সম্প্রদায়কে লীগের দলে ভিড়াইতে পারেন নাই। লীগের বিশিষ্ট নেতাদের বিরুদ্ধে মোমিন সম্প্রদায়ের মনের ভাব অত্যন্ত উগ্র। যুক্তপ্রদেশের সরকার যে ১৯৩৯ সালের শাসন-বিবরণী প্রকাশ করিয়াছেন তাহাও এই প্রসঙ্গে উল্লেখ করা যাইতে পারে। এই বিবরণীতে সিন্ধুস্থানিদের মধ্যে যে বিরোধ আছে তাহাও বিশেষ করিয়াই উল্লিখিত হইয়াছে। এইসব বিরোধ যে হিন্দু-মুসলমান বিরোধেরই মত, তাহাও রিপোর্টে স্পষ্ট করিয়াই স্বীকৃত হইয়াছে। বলা বাহুল্য, এইসব রিপোর্ট যখন লিখিত হয়, তখন কংগ্রেসী মন্ত্রিসভার আমল ছিল না—বরং খাস গভর্নরের শাসন কালেই উহা হইয়াছে। ইহা হইতে এই সত্যই প্রমাণিত হয় যে, মুসলিম লীগের দাবীর মধ্যে কোন যুক্তি নাই। ভারতের মুসলমানগণ সকলেই এক জাতি, তাহাদের মধ্যে কোন বিরোধ নাই—লীগ দলের এইসব প্রচার যে নিছক ভূয়া কথা, এই রিপোর্টগুলি কি তাহাই প্রমাণিত করে না ?

### ভারতে চাউলের অভাব—

ভারতের বিভিন্ন প্রদেশে চাউলের অভাব দেখা যাইতেছে বলিয়া ভারত সরকারের নিকট অভিযোগ আসিতেছে। ব্রহ্ম হইতে চাউল আমদানির জন্য উপযুক্ত সংখ্যক জাহাজের অভাব হওয়াতেই এদেশে চাউলের অভাব দেখা যাইতেছে বলিয়া অনেকে বলিতেছেন। উক্ত বিষয়ে কি প্রতিকার করা যায় ভারত-সরকার সম্প্রতি সেই সম্পর্কে বিবেচনা করিতেছেন।

### আসামের চা-শিল্প—

গত ১৯৩৯ সালের শেষে আসামে চা বাগিচার সংখ্যা ছিল ১১২৬টি। পূর্ব বৎসর তাহা ছিল ১১২০টি। ১১২৬টি চা বাগানের মধ্যে ৩৯টি মাত্র দেশীয় মালিকের। গত ১৯৩৮ সালে আসামে মোট ৪,৩৯,১৩৪ একর জমিতে চায়ের আবাদ হইয়াছিল। ১৯৩৯ সালে সেই স্থলে ৪,৩৮,২৫১ একর জমিতে চায়ের আবাদ হইয়াছে। ঐ বৎসর আসামের চা-বাগান-

গুলিতে কর্মরত শ্রমিকের দৈনিক সংখ্যা ছিল ৫,৩৮,২৯৪। পূর্ব বৎসর ৫,২০,৯৩২ ছিল। ১৯৩৯ সালে আসামের চা-বাগানগুলিতে মোট ২৫,২৩,৬৭,৩৫৮ পাউণ্ড চা উৎপন্ন হইয়াছে।

### ভারতে বিমানপোত কারখানা—

ভারতে বিমানপোত নির্মাণের জন্য যে হিন্দুস্থান এয়ারক্রাফ্ট কোম্পানি স্থাপিত হইয়াছে, ভারত সরকার বর্তমানে তাহার সহিত বিশেষভাবে সহযোগিতা করিতেছেন। প্রথমে কোম্পানির মূলধন ছিল চল্লিশ লক্ষ টাকা। বর্তমানে তাহা পঁচাত্তর লক্ষ টাকা পর্য্যন্ত বৃদ্ধি করা হইয়াছে। প্রথমে শ্রীযুক্ত বালচাঁদ হীরাচাঁদ ও মহীশূর রাজসরকারই কোম্পানির অংশীদার ছিলেন। সম্প্রতি ভারত সরকারও কোম্পানীর অংশ কিনিয়া ইহার অংশীদার হইবেন বলিয়া স্থির হইয়াছে। ভারত সরকারের পক্ষে তিন জন শ্বেতাঙ্গ এই কোম্পানির পরিচালক সজ্জ্ব মনোনীত হইয়াছেন। কোম্পানির কারখানা নির্মাণের কাজ দ্রুত অগ্রসর হইয়াছে। যন্ত্রপাতিও শীঘ্র আসিয়া পৌছিবার কথা। বিলম্বে হইলেও শেষ পর্য্যন্ত যে কারখানা স্থাপিত হইল ইহাই স্মৃতির কথা।

### মিঃ জিন্নার নববিধান—

মহাকবি হোমারের মতে প্রত্যেক মিশরবাসীই চিকিৎসক এবং সকল ফীনিশীয়ই চোর। আমাদের মিঃ মহম্মদ আলী জিন্নাও সেইরূপ মনে করেন যে—প্রত্যেক মুসলমানই অ-ভারতীয়, আর সকল হিন্দুই মুসলমানবিদ্বেষী। কোন রাজনীতিবিদের মত যে একরূপ হইতে পারে তাহা আমাদের জানা ছিল না। সম্প্রতি মাদ্রাজ প্রদেশের মুসলিম লীগের যে অধিবেশন হইয়াছে তাহাতেও জিন্না সাহেব তাঁহার সেই পাকিস্থান স্বপ্নই আওড়াইয়াছেন। হিন্দু-মুসলমানে ঐক্য নাই এই কথা তিনি বলেন না বটে, কিন্তু তিনি যাহা বলিতে চাহেন তাহা আরও বিচিত্র। তিনি বলেন—হিন্দু-মুসলমানে মিল থাকটা উচিত নহে। ভারতের ইতিহাস কি বলে সে কথা ভাবিবার ফুরসৎ তাঁহার নাই; হয়ত বা সুবিধামত তিনি ভুলিয়াও বসিয়াছেন যে এই সেদিনও হিন্দু মুসলমানে মিলন ছিল এবং ভবিষ্যতেও মিলন থাকিবে।

রামপ্রসাদ স্মৃতি উৎসব—

গত ২০শে এপ্রিল রবিবার অপরাহ্নে ২৪পরগণা জেলার হালিসহর গ্রামে স্থানীয় সাহিত্যিকবৃন্দের উদ্যোগে

১১ই এপ্রিল শুক্রবার তাঁহার চিত্র প্রতিষ্ঠা উপলক্ষে তথায় শুক্রবার ও শনিবার পল্লী সাহিত্য সম্মিলন হইয়া গিয়াছে। প্রথম দিনে ( শুক্রবার ) শ্রীযুত কুমুদরঞ্জন মল্লিক মহাশয়ের



হালিসহরে রামপ্রসাদ সাহিত্যসম্মিলন

ফটো—গোপাল রায়

ও চেষ্টায় ভক্তকবি রামপ্রসাদ সেনের ভিটায় তাঁহার এক স্মৃতি উৎসব অনুষ্ঠিত হইয়াছিল। শ্রীযুত হেমেন্দ্রপ্রসাদ ঘোষ মহাশয় এই অনুষ্ঠানে সভাপতিত্ব করেন এবং শ্রীযুত ফণীন্দ্রনাথ মুখোপাধ্যায় উৎসবের উদ্বোধন করেন। হালিসহরবাসী রায় সাহেব বেণীমাধব ভট্টাচার্য্য মহাশয় অভ্যর্থনা সমিতির সভাপতিরূপে এক অভিভাষণে হালিসহরের অতীত ইতিহাস বিবৃত করেন। কলিকাতা হইতে শ্রীযুত মনমথনাথ ঘোষ, শ্রীযুত বঙ্কিমচন্দ্র সেন, শ্রীযুত অপূর্ব ভট্টাচার্য্য, শ্রীযুত অনিল ভট্টাচার্য্য, শ্রীযুত মনুজ সর্কাদিকারী, শ্রীযুত বিপিনবিহারী গাঙ্গুলী প্রভৃতি বহু সাহিত্যিক ও খ্যাতনামা ব্যক্তি উৎসবে যোগদান করিয়া বক্তৃতা এবং প্রবন্ধ ও কবিতা পাঠ করিয়াছিলেন। সভায় স্থির হইয়াছে যে রামপ্রসাদের কাব্যের একটি সর্বাঙ্গমুন্দর সংস্করণ প্রকাশের জন্ত চেষ্টা করা হইবে।

সভাপতিত্বে এক বিরাট জনসভায় উক্ত কাব্যশাস্ত্রী মহাশয়ের চিত্রের আওরণ উন্মোচন করা হয়। পরদিন সকালে শ্রীযুক্তা প্রভাবতী দেবী সরস্বতী সভাপতিত্বে এক সভা হয় এবং শ্রীযুত সৌরীন্দ্রমোহন মুখোপাধ্যায় মহাশয় উক্ত সভার



বর্ধমান রায়ানে পল্লীসাহিত্য সম্মিলনে

সমবেত সাহিত্যিকবৃন্দ ফটো—অনরেন্দ্র তা

বর্ধমানের পল্লীসাহিত্য সম্মিলন—

প্রসিদ্ধ নাট্যকার স্বর্গত ভোলানাথ কাব্যশাস্ত্রী মহাশয়ের জন্মভূমি বর্ধমান সহরের ৪ খাঁইল দূরবর্তী রায়ান গ্রামে গত

উদ্বোধন করেন। শনিবার অপরাহ্নে বর্ধমানের চারণ-কবি শ্রীযুত কনকভূষণ মুখোপাধ্যায়ের সভাপতিত্বে পল্লী

সাহিত্য সম্মিলনের কাব্যশাখায় অধিবেশন হইয়াছিল। মফঃস্বলের গ্রামে এইরূপ বিরাটভাবে সাহিত্য সম্মিলন প্রায়ই দেখা যায় না।

### ‘দৈনিক বসুমতী’ ও বাঙ্গালা

#### সরকার—

গত ৯ই চৈত্র তারিখে প্রকাশিত এক সংবাদের জ্ঞান বাঙ্গালা সরকার ভারত-রক্ষা আইনের বলে এক আদেশ জারি করিয়া তিন সপ্তাহ কাল ‘দৈনিক বসুমতী’র প্রকাশ বন্ধ রাখেন এবং উক্ত তারিখের কাগজ ও বাজেয়াপ্ত হয়। বসুমতীর বিরুদ্ধে সরকারী শাস্তি সম্পর্কে বঙ্গীয় ব্যবস্থা পরিষদে একটি মূলতুবী প্রস্তাব পেশ করা হয়। কিন্তু প্রতিবাদী পক্ষের যত যুক্তিই থাকুক না কেন, আইন-সভায় অধিকাংশের ভোটের জোরে মূলতুবী প্রস্তাব অগ্রাহ্য হয়। ভারতের জাতীয়তাবাদী সাময়িকপত্রগুলি একযোগে সরকারের কার্যের নিন্দা করেন। প্রবন্ধটির মধ্যে যুদ্ধ সম্পর্কে কিছুই ছিল না এবং সরকার পক্ষও তাহা বলিতে পারেন নাই। সরকার পক্ষের বক্তব্য এই যে, বসুমতীর প্রবন্ধটি বাঙ্গালার বিভিন্ন সম্প্রদায়ের মধ্যে বিদ্বেষ সৃষ্টিতে সাহায্য করিবে। কিন্তু ‘আজাদ’ ও ‘স্টার অফ ইণ্ডিয়া’র বিরুদ্ধেও অনুরূপ শাস্তির ব্যবস্থা হইল না কেন? তাঁহারাও ত প্রায়ই এরূপ অপরাধ করিয়া থাকেন। সে যাহাই হোক, দৈনিক বসুমতীর স্বত্বাধিকারী ও সম্পাদক মহাশয় এই সময় ‘দৈনিক বসুমতী’ বন্ধ থাকায় ‘টেলিগ্রাফ বসুমতী’ নামে আর একখানি নূতন সংবাদপত্র প্রকাশ করিয়াছিলেন। বসুমতীর দেশপ্ৰীতি অক্ষুণ্ণ থাকুক ইহাই কামনা করি।

#### শুষ্ক বিভাগের আয়—

গত মার্চ মাসে ভারত সরকারের আমদানি ও রপ্তানি কর হইতে ৩ কোটি ৪৬ লক্ষ টাকা ও উৎপাদন কর হইতে ৯৮ লক্ষ টাকা আয় হইয়াছে। ১৯৪০ সালের মার্চ মাসে উভয় কর হইতে যথাক্রমে ৩ কোটি ৯০ লক্ষ টাকা ও ১ কোটি ২৬ লক্ষ টাকা আয় হইয়াছিল। ১৯৪০-৪১ সালে ভারত সরকারের শুষ্ক বিভাগের আয় বৎসরে ৫৭ কোটি ২২ লক্ষ টাকার স্থলে ৫০ কোটি ৭০ লক্ষ টাকার দাঁড়াইয়াছে। তাহার মধ্যে আমদানি বাবদ ৩৭ কোটি

৫৭ লক্ষ টাকা, রপ্তানি বাবদ ৩ কোটি ৩৬ লক্ষ টাকা, অন্ত্যন্ত বাবদ ৪৪ লক্ষ টাকা ও কেন্দ্রীয় উৎপাদন শুষ্ক বাবদ ৯ কোটি ৩২ লক্ষ টাকা আদায় হইয়াছে।

আগের বৎসরের সহিত তুলনা করিলে এই বৎসর চিনি, রৌপ্য, রৌপ্যানির্মিত দ্রব্য, কাপড়, কেরোসিন, মোটর-গাড়ী, যন্ত্রপাতি, স্পিরিট, রবারনির্মিত দ্রব্য, সূতা, খেলনা, কাগজ, রেশম, বেতারের সরঞ্জাম প্রভৃতির উপর আমদানি কর হইতে আয়ের পরিমাণ কমিয়াছে। অপর পক্ষে কৃত্রিম রেশমবস্ত্র, কার্পাস, লৌহ, ইম্পাত ও ধাতু-নির্মিত দ্রব্য ইত্যাদির আমদানি কর হইতে এবং দেশলাই, স্পিরিট, তামাক, চিনি, কেরোসিন ইত্যাদির উৎপাদন কর হইতে আয় বাড়িয়াছে।

#### ক্ষেত্রচন্দ্র ঘোষ—

কলিকাতা বহুবাজার ৫২ বাঙ্গারাম অক্জুর লেননিবাসী ক্ষেত্রচন্দ্র ঘোষ মহাশয় গত ৩১শে মার্চ ৯৯ বৎসর বয়সে পরলোকগমন করিয়াছেন। তিনি সংস্কৃত কলেজে বি-এ পর্যন্ত পড়িয়া রেলওয়ে বোর্ডে চাকরী করিতেন এবং ১৯০১ খৃষ্টাব্দে চাকরী হইতে অবসর গ্রহণ করিয়াছিলেন। তিনি পল্লীর একজন সর্বজনসমাদৃত ব্যক্তি ছিলেন এবং পল্লীর উন্নতি-বিধানে বিশেষ চেষ্টা করিতেন। তাঁহার জীবিতকালে তাঁহার দুই পুত্র সলিসিটর শরৎচন্দ্র ঘোষ ও গগনচন্দ্র ঘোষ এবং ৫ কন্যা পরলোকগমন করেন। মৃত্যুকালে তিনি দুই পুত্র পূর্ণচন্দ্র ঘোষ ও সতীশচন্দ্র ঘোষ এবং দুই কন্যা ও বহু পৌত্রদৌহিত্রাদি রাখিয়া গিয়াছেন। তাঁহার পৌত্রদের মধ্যে শচীন্দ্রকুমার ও যতীন্দ্রকুমার সলিসিটর এবং ধীরেন্দ্রকুমার ব্যারিষ্টার।

#### বার্ণপুরে সাহিত্য সম্মিলন—

গত ২২শে ও ২৩শে চৈত্র শনি ও রবিবার আসানসোলার নিকটস্থ বার্নপুরে স্থানীয় আগমনী সাহিত্য সংঘের চতুর্থ বার্ষিক সাহিত্যসম্মিলন হইয়া গিয়াছে। প্রথম দিনে শ্রীযুত বিভূতিভূষণ বন্দ্যোপাধ্যায় ও দ্বিতীয় দিনে শ্রীযুত কুমুদরঞ্জন মল্লিক মহাশয় সম্মিলনে সভাপতিত্ব করিয়াছিলেন। উভয় দিনই সম্মিলনে বহু প্রবন্ধ, কবিতা ও গল্প পাঠিত হইয়াছিল এবং বার্নপুরের মত কারখানাবহুল স্থানেও

বহু লোকসমাগম হইয়াছিল। বর্ধমান, রাজমহল, পুরুলিয়া করিয়াছেন। শিক্ষকরূপে তিনি কর্মজীবন আরম্ভ করেন প্রভৃতি স্থান হইতেও কয়েকজন সাহিত্যিক এই সম্মিলনে এবং ১৯২৮ সালে অমৃতবাজার পত্রিকায় যোগদান করেন।



বাণপু্রে আগমনী সাহিত্যসংঘের সাহিত্য সম্মিলন

যোগদান করিয়াছিলেন। আগমনী সাহিত্য সংঘের সম্পাদক শ্রীযুক্ত অনাদিনাথ মুখোপাধ্যায় মহাশয়ের অক্লান্ত পরিশ্রম, যত্ন ও চেষ্টায় এই সম্মিলনী সাফল্যমণ্ডিত হইয়াছে।

সাংবাদিকের পরলোকগমন—

‘অমৃতবাজার পত্রিকা’র নৈশ সম্পাদক কালীরঞ্জন আচার্য্য মাত্র বিয়াল্লিশ বৎসর বয়সে পরলোকগমন

১৯৩২ সাল পর্য্যন্ত তিনি নৈশসম্পাদকের কাজ সুষ্ঠুভাবে সম্পন্ন করিয়াছেন। পরে ১৯৩৯ সালে তিনি সাংবাদপত্র ত্যাগ করিয়া ইস্টার্ন স্টেট্‌স এজেন্সীর প্রচার বিভাগের ডিরেক্টর নিযুক্ত হন এবং উক্ত এজেন্সীর দেশীয়রাজ্যসমূহের প্রচার বিভাগের সংগঠন করেন। প্রায় এক বৎসর আগে তিনি পুনরায় অমৃতবাজারে যোগদান করেন। আমরা এই



ভারত প্রাশিকা-সদনে ছাত্রীদিগকে প্রাথমিক সাহায্যের সার্টিফিকেট প্রদান—সভাপতি শ্রীতুবারকান্তি ঘোষ

কৃতী সাংবাদিকের অকালবিয়োগে আন্তরিক সমবেদনা জ্ঞাপন করিতেছি।

### উমেশচন্দ্র বন্দ্যোপাধ্যায়—

কলিকাতা ১৩৬ অখিল মিস্ত্রী লেন নিবাসী প্রসিদ্ধ কয়লা ব্যবসায়ী উমেশচন্দ্র বন্দ্যোপাধ্যায় মহাশয় গত ২৯শে চৈত্র ৬৭ বৎসর বয়সে পরলোকগমন করিয়াছেন। তিনি অতি সামান্য অবস্থা হইতে নিজের বুদ্ধি ও কর্মশক্তির দ্বারা প্রভূত ধন উপার্জন করিয়াছিলেন এবং জীবনে তাহার সদ্যবহার করিয়া গিয়াছেন। তাঁহারই অর্থসাহায্যে তাঁহার স্বগ্রাম খড়দহে একটি উচ্চ ইংরাজি বিদ্যালয় প্রতিষ্ঠিত হইয়াছিল।

### কুইনাইনের মূল্য হ্রাস—

বাঙ্গালার দেশে কুইনাইনের মূল্য দ্বিগুণেরও বেশী বৃদ্ধি পাইয়াছে বলিলে বেশী বলা হইবে না। বাঙ্গালার সরকারের অধীন সিঙ্কোনার কাগানে যে কুইনাইন উৎপাদন করিতে প্রতি পাউণ্ডে ছয় টাকা হইতে আট টাকার বেশী ব্যয় পড়ে না, সেই কুইনাইনের মূল্যই সরকার আঠার টাকা ধার্য্য করিয়া রাখিয়াছেন। ম্যালেরিয়াপ্রসীড়িত বাঙ্গালার নরনারীর প্রতি কর্তব্যের এক চমৎকার নিদর্শন! কিন্তু এখন আঠার টাকায়ও এক পাউণ্ড কুইনাইন পাওয়া যায় না। ইতিমধ্যেই চৌত্রিশ টাকা পর্যন্ত তাহার মূল্য উঠিয়াছে। ইহার পর আরও দাম বাড়িবে কি না কে জানে? ম্যালেরিয়া দূর করিবার দায় সরকারের, সে দায় সরকার কতটা পালন করেন তাহা দেশবাসীর জানা আছে। কুইনাইনের মারফতেও যে রোগক্লিষ্ট ছুহদের কিঞ্চিৎ সুবিধা করিয়া দেওয়া হইতে পারে—সরকার সেই দিকেও নারাজ!

### উদ্ভিজ্জ হইতে রং উৎপাদন—

রোমাই সরকারের শিল্প বিভাগ নানাপ্রকার উদ্ভিজ্জের ফল, মূল ও বঙ্গল হইতে বস্ত্র রঞ্জনের উপযোগী রং উৎপাদনের চেষ্টায় নিযুক্ত হইয়াছেন। ভিক্টোরিয়া জুবিলী টেকনিক্যাল ইনস্টিটিউট পলাশফুল ও বেলফুল লইয়া পরীক্ষা করিতেছেন। পলাশ ফুল হইতে এ পর্যন্ত যে সকল উপাদান পাওয়া গিয়াছে তাহা রং উৎপাদনে ব্যবহৃত হইতে পারে। ধয়ের ও কমলালেবু লইয়াও অল্পরূপ পরীক্ষা চলিতেছে। উক্ত শিল্পবিভাগ শ্বেতসার সম্পর্কেও গবেষণা

করিতেছেন। ভারতের সর্বত্র এমন অনেক উদ্ভিজ্জ আছে যাহা হইতে নানা প্রকার শিল্পবিষয়ক দ্রব্যসম্ভার প্রস্তুত হইয়া ভারতকে স্বাবলম্বী হইবার অধিকার দিতে পারে। এতদিন আমাদের বৈজ্ঞানিকদের এদিকে নজর ছিল না; আজ যদি সত্য সত্যই দৃষ্টি ফিরিয়া থাকে, সুফল যে ফলিবেই তাহাতে কোন সন্দেহ নাই। আমরা সাগ্রহে সেদিনের প্রতীক্ষা করি।

### ত্রিবাঙ্কুরে পেট্রলের ব্যবহার হ্রাস—

জগত-জোড়া অর্থসঙ্কটের ফলে চারিদিকেই ব্যয় সঙ্কোচের চেষ্টা চলিয়াছে। সম্প্রতি ত্রিবাঙ্কুর সরকার পেট্রলের বদলে কয়লার গ্যাসের সাহায্যে মোটর পরিচালনায় বিশেষ উৎসাহিত হইয়া শতকরা পঁচানব্বইটি সরকারী মোটর বাস কয়লার গ্যাস দ্বারা চালানোর পরিকল্পনা করিতেছেন। ত্রিবাঙ্কুর রাজ্যের সমুদয় মোটর-বাস-সমূহের জন্ম পেট্রলের পরিবর্তে কয়লার ব্যবহার হইলে ইন্ধন বাবদ ব্যয় শতকরা প্রায় পঁচিশ টাকা হ্রাস পাইবে বলিয়া প্রকাশ। ব্যাপকভাবে এই চেষ্টা হইলে কয়লা শিল্পেরও উন্নতি অবশ্যস্বাভাবী।

### আমেরিকার সমর সম্ভার

#### প্রস্তুতের কারখানা—

আমেরিকার যুক্তরাজ্য সমর সম্ভার প্রস্তুতের জন্ম বর্তমানে ৭৮৪টি কারখানায় কাজ হইতেছে। ইহা ছাড়াও সরকারী ও বেসরকারী কর্তৃত্বে আরও প্রায় আটশত কারখানা স্থাপনের আয়োজন চলিতেছে।

#### বীরেন্দ্রনাথ ঘোষ—

খ্যাতনামা সাংবাদিক, “ভারতবর্ষ”র ভূতপূর্ব সহকারী সম্পাদক বীরেন্দ্রনাথ ঘোষ মহাশয় গত ২২শে বৈশাখ ৬৬ বৎসর বয়সে পরলোকগমন করিয়াছেন। বীরেন্দ্রবাবু ধনী ও সম্ভ্রান্তবংশে জন্মগ্রহণ করিলেও শেষ জীবনে তাঁহাকে বিশেষ কষ্ট পাইতে হইয়াছিল। তিনি বহুদিন পূর্বে শ্রবণশক্তি হারাইয়াছিলেন—তাহার উপর গত ৬ বৎসরকাল দৃষ্টিশক্তিহীন হইয়া জীবিত ছিলেন। তিনি কলিকাতার বহু দৈনিক, সাপ্তাহিক ও মাসিক পত্রে কাজ করিয়াছিলেন এবং বহু পুস্তক রচনা করিয়াছিলেন।

## বিদ্যাসাগর কলেজের নূতন

## প্রিন্সিপাল—

আমরা জানিয়া আনন্দিত হইলাম, বিদ্যাসাগর কলেজের ইতিহাস বিভাগের প্রধান অধ্যাপক শ্রীযুত যতীন্দ্রকিশোর চৌধুরী মহাশয় বিদ্যাসাগর কলেজের নূতন প্রিন্সিপাল নিযুক্ত হইয়াছেন। ১৯১৩ খৃষ্টাব্দে এম-এ পাশ করিয়া চৌধুরী মহাশয় কয়েকমাস স্কটিশ চার্চ কলেজে অধ্যাপনার পর ১৯১৪ সালে মেট্রপলিটন ইনিষ্টিটিউসনে (বর্তমান বিদ্যাসাগর কলেজ) যোগদান করেন ও তদবধি এখানে সুনামের সহিত অধ্যাপকের কার্য করিতেছেন। বহুকাল তিনি কলেজ হোস্টেলের সুপারিন্টেণ্ডেন্ট ছিলেন এবং




শ্রীযতীন্দ্রকিশোর চৌধুরী

কলেজের খেলা বিভাগের প্রতি তাঁহার বিশেষ অহুরাগ আছে। চৌধুরী মহাশয় শুধু অধ্যাপক নহেন—সাংবাদিক। তিনি ল্যাণ্ডহোল্ডার্স জার্নালের সম্পাদক। আমাদের বিশ্বাস, তাঁহার অধ্যক্ষতায় কলেজ আরও অধিক উন্নতি লাভ করিবে।

## কলিকাতার মেয়র নির্বাচন—

এবারে কলিকাতা কর্পোরেশনের মেয়র নির্বাচনে কোনরূপ প্রতিযোগিতা চলে নাই। সর্বসম্মতিক্রমে শ্রীযুক্ত ফণীন্দ্রনাথ ব্রহ্ম মেয়র ও মিঃ ইস্পাহানি ডেপুটি মেয়র

নির্বাচিত হইয়াছেন। আমরা উভয়কেই অভিনন্দন জানাইতেছি। শ্রীযুক্ত ব্রহ্ম বহু বৎসর ধরিয়া কলিকাতা



মেয়র—শ্রীযুক্ত ফণীন্দ্রনাথ ব্রহ্ম



ডেপুটি মেয়র—এম, এ, এইচ, ইস্পাহানি

কর্পোরেশনের কাউন্সিলররূপে করদাতাদের সেবা করিয়া আসিতেছেন। নির্ভীক, নিরপেক্ষ ও ত্রায়পরায়ণ বলিয়া তাঁহার খ্যাতি আছে। কংগ্রেসের আদর্শের প্রতিও তাঁহার যথেষ্ট শ্রদ্ধা এবং গভীর নিষ্ঠা আছে। সুতরাং মেয়রের পদে নির্বাচিত হইয়া কংগ্রেসের আদর্শই যে তিনি অহুসরণ করিবেন, তাহাতে কোন সন্দেহ নাই। কর্পোরেশনের সম্মুখে যেসব জটিল সমস্যা দেখা দিয়াছে আমাদের বিশ্বাস তৎসম্পর্কে দেশবন্ধুর আদর্শ-অহুসরণ করিয়া শ্রীযুক্ত ব্রহ্ম নগরীর মর্যাদা রক্ষা করিবেন।

### আয়ুর্বেদ চিকিৎসক মহা-সম্মিলন—

গত ২২শে ও ২৩শে চৈত্র শনি ও রবিবার নিখিল বঙ্গীয় আয়ুর্বেদ চিকিৎসক মহাপরিষদের উদ্যোগে বর্ধমান জেলার শ্রীখণ্ড গ্রামে বঙ্গীয় আয়ুর্বেদ চিকিৎসক মহা-সম্মিলনের অধিবেশন হইয়া গিয়াছে। কবিরাজ শ্রীযুত দ্বারকানাথ সেন তর্কতীর্থ সম্মিলনে মূল সভাপতির আসন গ্রহণ করিয়াছিলেন এবং কবিরাজ শ্রীযুত অমিয়ানন্দ



কবিরাজ শ্রীদ্বারকানাথ সেন তর্কতীর্থ

ঠাকুর অভ্যর্থনা সমিতির সভাপতিরূপে সকলকে সাদর অভ্যর্থনা করিয়াছিলেন। অমৃতবাজার পত্রিকার সম্পাদক

শ্রীযুত তুষারকান্তি ঘোষ শ্রীখণ্ডে গিয়া আয়ুর্বেদ প্রদর্শনীতে উদ্বোধন করেন ও কবিরাজ শ্রীযুত প্রসূতিপ্রসন্ন সেন



কবিরাজ শ্রীঅমিয়ানন্দ ঠাকুর

প্রদর্শনী সভাপতিরূপে প্রদর্শনীটি সাফল্যমণ্ডিত করিতে চেষ্টার ক্রটি করেন নাই। কলিকাতা কর্পোরেশনের কাউন্সিলর কবিরাজ শ্রীসত্যব্রত সেন ধ্বংসুরি পতাকা উত্তোলন করেন ও নানা বিভাগের মধ্যে কবিরাজ শ্রীযুত শৈলেন্দ্রনাথ তর্কতীর্থ আয়ুর্বেদ-দর্শন বিভাগে সভাপতিত্ব করিয়াছিলেন। এবারের সম্মিলনের বিশেষত্ব এই যে, ৯টি বিভিন্ন বিভাগে আলোচনার ব্যবস্থা হইয়াছিল এবং পূর্ণাঙ্গ আয়ুর্বেদের পূর্ণ বিকাশের জন্ত সকল প্রকার চেষ্টাই হইয়াছিল। কলিকাতা ও বাঙ্গালার বিভিন্ন জেলা হইতে বহু কবিরাজ এই সম্মিলনে যোগদান করায় সম্মিলন এবার সর্ব-প্রকার সাফল্যমণ্ডিত হইয়াছে।

### জাপানের লোকসংখ্যা—

গত ১৯৪০ সালের অক্টোবর মাসে যে লোক গণনার কার্য সম্পন্ন করা হয় তাহার ফলে জাপান সাম্রাজ্যের মোট লোকসংখ্যা ১০ কোটি ৫০ লক্ষ নির্ধারিত হইয়াছে! ইহার মধ্যে পুরুষ ও নারীর সংখ্যা প্রায় সমান। গত ১৯৩৫ সালের তুলনায় ১৯৪০ সালে মোট লোকসংখ্যা ৬২ লক্ষ ৫০ হাজার পরিমাণ বাড়িয়াছে।







ঢাকা জেলা হইতে দাঙ্গার জন্য পলায়নকারী মহিলারা আগরতলার ছুগাবাড়ীতে আশ্রয় লইয়াছে



আগরতলায় বালিকা বিদ্যালয়ে আর এক দল মহিলা আশ্রয় লাভ করিয়াছে



ঢাকা দাঙ্গার ভয়ে গ্রামের লোকজন পলাইয়া আগরতলায় শাসন-বিভাগের প্রাসাদে আশ্রয় লইয়াছে




রামগড়ে ইটালীয় যুদ্ধবন্দীরা কাজ করিতেছে সাধারণ সৈনিকদিগকে জীবিকাভ্রমের জন্তু এইরূপ কাজ করিতে হয়



রামগড়ে ইটালীয় যুদ্ধবন্দীদের ফুটবল খেলার দল—সময় কাটাউবার জন্তু তাহাদের আমোদপ্রমোদেরও ব্যবস্থা আছে



রামগড়ে বন্দীদের জন্তু হাসপাতাল—একজন ইংরাজ ডাক্তার একজন ইটালীয় বন্দী-রোগীকে দেখিতেছেন



### শ্রীক্ষেত্রনাথ রায়

#### হকি :

হকি খেলার ইতিহাস বছদিনের পুরন। বর্তমানে বেরূপ উচ্চ শ্রেণীর হকি খেলার সঙ্গে আদেব পবিচয় বযেছে তা প্রাচীন যুগেব মধ্যে ছিল না। প্রাচীন যুগেব হকি খেলোয়াড়বী দৈহিক বলে অটুট স্বাস্থ্যবধিকারী হয়েও এবং অপূর্ব ক্রীড়াচাতুর্যে পাবদর্শীতা লাভ বনেও খেলার মধ্যে বোধহয় এতখানি মার্জিত পরিচয় পাা যেতনা এবং মাঠে এরূপ আইন কাহ্ননের বাধ্য বাধ্যকর মধ্যে তাঁবা

রোমানদের হকি খেলায় যা কিছু সুনাম হয়েছিল তা গ্রীসেবও যথেষ্ট দান ছিল। এখেনে ১৯২২ খৃস্টাব্দে এক আবিষ্কারের ফলে ঐতিহাসিকেরা নিঃসন্দেহে এই প্রমাণ স্বীকাব করেন যে, হকি খেলাব প্রবর্তক প্রতীচাষাণী। এবং সেখান থেকেই ক্রমশঃ হকি খেলায় প্রচলন পুষ্টিবিস্তার অল্প অল্প সভ্য দেশের মধ্যে যে জনপ্রিয়তা লাভ করেছিল সে সম্বন্ধে তাঁরা নিঃসন্দেহ। আবিষ্কারের ফলে ছয়জন বলিষ্ঠ যুবক যে খেলায় যোগদান করেছিল তাঁরা



ভূপাল ওয়াগারাস ৭ রব বাহচন কাপ বাহনা ল ভাবস্ত ক্লাবের মাঙ্গ প্রতিদ্বন্দিতা ব পলাটি অসীমা সিত ভাব শেষ হয়েছ

খেলতে আমতেন না। প্রাচীন পারস্তদেরই হকি খেলার প্রথম প্রবর্তক বলা যেতে পারে। প্রা যুগে তারা যে, 'স্টিক-গেম' খেলত সেটা সঠিক হকি নলেও হকি খেলার সঙ্গে তার যথেষ্ট সমসাদৃশ্য ছিল। সবা তাদের কাছ থেকেই হকি খেলায় পরদর্শীতা লাভ র। আর

ঐতিহাসিকদের মতে বর্তমান হকি খেলার যথেষ্ট সৌসাদৃশ্য আছে। যুবকদের চিত্র যেভাবে পাথরের উপর খোদাই করা হয়েছিল তাতে মনে হয় তাঁরা বর্তমান হকি খেলার নিয়ম অল্পখানি 'বুলি'র' রূপে প্রস্তুত হয়ে রয়েছে। ছবিতে হকি স্টিক উপরের দিকে না রেখে নীচের দিকে

খোদাই করা হয়েছে। ঐতিহাসিকগণ পরীক্ষা করে ঐতিহাসিকগণ একবারে অস্বীকার করেন না। অনেকের বলেছেন, খৃষ্ট পূর্ব ৫১৬—৪৪৯ অব্দে কোন্ নিপুণ শিল্পীর মতে প্রাচীনকালে পলো খেলার প্রচলন ছিল সম্ভবত শিল্পচাতুর্যে চিত্রটি একদিন জীবন্ত হয়ে উঠেছিল। গ্রীসের আবিষ্কৃত প্রাচীন ধাতু ও মৃত্তিকা পাত্রে হকি খেলার কয় বিভিন্ন চিত্র উৎকীর্ণ হয়ে রয়েছে। বর্তমান যন্ত্র সভ্যতার এতখানি প্রকার সে সময় ছিল না, ক্রীড়ামোদিরা প্রাচীর গাত্রে উৎকীর্ণ চিত্রগুলির মধ্যে খেলোয়াড়দের ভিন্ন ভিন্ন ভঙ্গিমা অবলোকন করে আনন্দ লাভ করত। সংবাদপত্রের রূপায় আমাদের কষ্ট বর্তমানে কথোপকথন হয়েছিল।



পুলিস—এ বৎসরের প্রথম বিভাগের হকি লীগ বিজয়ী ফটো : জে. কে. সাখাল

কেবল স্থানীয় নয় পৃথিবীর যে কোন দেশের বিভিন্ন খেলার ছবির আমরা পরিচয় পেতে পারি। হকি খেলাকে জীবন্ত রাখতে গিয়ে ভারতীয় শিল্পকে শিল্পীরা যথেষ্ট সমৃদ্ধ করে তুলেছিলেন। কেবল প্রাচীর গাত্রেই নয় সৌধিন আসবাবপত্রে হকি খেলার চিত্র অঙ্কিত হয়েছিল। ১৩৩০ সালের আবিষ্কৃত গ্রীস থেকে কোপেন হেগেনে যে একটি ডিস আনা হয়েছিল তাতেও হকি খেলার একটি দৃশ্য অঙ্কিত ছিল। ছবিতে দুইজন হকি খেলোয়াড় 'বুলি' করছে দেখা ন হয়েছিল। প্রাচীন হকি খেলার সঙ্গে ভারতবর্ষের সর্বাপেক্ষা পুরাতন পলো খেলার অনেক পারি নিকট সম্পর্ক ছিল। পলো খেলার প্রবর্তক ভারতবর্ষ। সুতরাং হকি খেলার ইতিহাসে ভারতবর্ষের স্থানও

রাজস্ব পরিবারের মধ্যে আর জনসাধারণ ঘোড়ার অভাবে হকির মতনই একটা 'স্টিক্ গেমের' প্রচলন দেশের মধ্যে চালিয়েছিল। ঐতিহাসিকদের যুক্তি একেবারে উপেক্ষার নয়।



এলাহাবাদ এইচ এ—বাইটন কাপের তৃতীয় রাউণ্ডে ৩-২ গোলে

দিল্লী ইয়ংস দলের নিকট পরাজিত হয়েছে

ফটো : বি, বি, মৈত্র

আমেরিকাতেও 'স্টিক গেমের' বেশ একটা চলন ছিল। সালে 'একটি 'ইন্টার কন্টিনেন্টাল কমিটির' প্রয়োজন অনুভব এবং এই খেলাটা Aztec Indianরাই দেশের মধ্যে করা হয়। হকি এসোসিয়েশন থেকে আয়ারল্যান্ডে চালিয়েছিল। আমেরিকাতে প্রায় সহস্র বৎসর ধরে এবং ওয়েলসের গভর্নিং বডি তাদের প্রত্যেকের দুজন করে প্রাচীন অধিবাসীরা সকলে না হলেও বেশীর ভাগই যে 'স্টিক গেম'-এর চর্চা করত তার নির্ভরযোগ্য প্রমাণ পাওয়া গেছে।

বর্তমানে আমরা যে হকি খেলার চর্চা করছি সেটার জন্ম বলতে প্রায় ১৮৭৫ সালে। ঐসময় থেকেই প্রাচীন হকি খেলার মধ্যে যে সব দোষ ত্রুটি ছিল তা সংশোধন করে বিজ্ঞান সম্মত উপায়ে হকি খেলাকে উন্নত করতে দেশের উৎসাহী খেলোয়াড়দের প্রেরণা এসেছিল। খেলার ধরনের মধ্যে একটা নূতনত্ব প্রথম এনেছিল বিখ্যাত উইমলডন ক্লাব ১৮৮৩ সালে। ক্লাবের খেলোয়াড়রা প্রথম 'string' বল এবং ফিকে ছাই রংয়ের হকি স্টিক ব্যবহার আরম্ভ করে। দেখতে দেখতে ইংলণ্ডের প্রায় চারি পাশেই অনেকগুলি হকি ক্লাবের প্রতিষ্ঠা হ'ল। তবে বর্তমানের হকি খেলার প্রকৃত জন্মদিন হ'ল ১৮৮৬ সালের ১৮ই জানুয়ারী। ঐ দিন 'হকি এসোসিয়েশনে'র প্রথম আন্তর্জাতিক হকি খেলা হয় ইংলণ্ড বনাম আয়ারল্যান্ডের সঙ্গে। লণ্ডনে খেলায় ৫-০ গোলে জয়লাভ করে। হকি গার নিয়মকানুন সংশোধন করা এবং নূতনভাবে গঠনকার জন্ম ১৯০০



দিল্লী ইয়ংস

ফটো : জে, কে, সান্ডাল



লন্ডো ওয়াই এ

ফটো : বি, বি, মৈত্র

প্রতিনিধি প্রেরণের জন্ম আমন্ত্রিত হয়েছিল। পরে ঐ প্রতিষ্ঠান 'ইন্টার কন্টিনেন্টাল হকি বোর্ড' নামে অভিহিত হয়। বর্তমানে পৃথিবীর প্রায় সর্বত্রই হকি খেলার প্রচলন

হয়েছে। তবে ইউরোপের দেশগুলিতে ফুটবল যতখানি জনপ্রিয়তা অর্জন করেছে হকি ততখানি পারেনি। বিংশ শতাব্দীর প্রারম্ভ থেকে হকি খেলাব আদর বেড়েছে। ভারতবর্ষে হকি খেলার জনপ্রিয়তা যতখানি ততখানি অন্ত কোন দেশে নেই। হকি খেলা যেন ভারতবাসীর জাতীয় খেলা। আর হকিতে ভারতবর্ষ যতখানি পারদর্শীতা লাভ করে পৃথিবীর অলিম্পিক প্রতিযোগিতার ক্রীড়া-চাতুর্যের পরিচয় দিয়েছে তা বর্তমানের হকি খেলার ইতিহাসকেই কেবল সমুদ্র করে নি—ইহঁ সচস্র বৎসর পরেও ঐতিহাসিকগণ যখন স্মৃতিত পূর্বপুরুষদের গৌরবময় কীর্তির সন্ধান পেয়ে গবেষণা কার্যে মগ্ন থাকবেন সে সময় তাঁদের মধ্যে যদি কেহ ভারতবর্ষের সন্ধান হ'ন তাহলে নিশ্চয় সেই অসীম প্রমাণ লিপির ঐতিহাসিক তথ্য আবিষ্কার করে গৌরবান্বিত হয়ে উঠবেন। ভারতবর্ষে পাঞ্জাব, তুপাল, মানাভাদার প্রভৃতি স্থানের অধিবাসীরা হকি খেলার চর্চা বিশেষ ভাবে করে থাকে। ঐ সব অঞ্চলের তুলনায় হকি খেলায় জনপ্রিয়তা এবং চর্চা বাঙ্গলা দেশে কম। তবে হকি খেলাকে বাঙ্গলা দেশ সম্মান দিয়েছে। ভারতবর্ষের হকি খেলার প্রধান আকর্ষণ বাইটন কাপ। প্রতিযোগিতার বোগদান করে ভারতবর্ষের বহু শক্তিশালী দল কলিকাতার হকি মনসুমের আকর্ষণ বৃদ্ধি করে। বাঙ্গলার কয়েকজন হকি খেলোয়াড় 'অল ইন্ডিয়া হকি টীমে যোগদান করে ভারতবর্ষের সম্মানও একদিন অক্ষয় রেখেছিল। আর্জেন্টাইন প্রয়োজনে বাঙ্গলা দেশের হকি খেলোয়াড় ভারতীয় হকির সম্মান রাখতে পারবে বলে বহুলোকের বিশ্বাস। আমাদের বাঙ্গলা দেশের হকি খেলার বর্তমান ইতিহাস এতখানি গৌরবময় দেখেও দেশের প্রকৃত হিতাকাঙ্ক্ষীরা দল কিত্ত গৌরব বোধ করেন না। আজ হকি খেলায় বাঙ্গলার যে স্থান সে স্থান বাঙ্গালী হকি খেলোয়াড় দিয়ে পুষ্ট হয়নি। অবাকালী হকি খেলোয়াড়রাই আজ বাঙ্গলার হকি খেলার ইতিহাসকে গৌরববৃত্ত করেছে, সেখানে প্রকৃত বাঙ্গালী খেলোয়াড়ের স্থান নেই—তাদের অক্ষমতা আমাদের বার বার লজ্জার কারণ হয়েছে। বাঙ্গালী খেলোয়াড়দের অনুশীলনের আগ্রহ নেই, খেলার মাঠে অবাকালী-খেলোয়াড়দের ক্রীড়াচাতুর্য লক্ষ্য করে করতালি দিয়ে, লক্ষ্যে ঝম্পে বর্ষাতি উড়িয়ে তাদের খেলায় উৎসাহ


দেয়,—আর ভর্কে, আফালনে, গর্কে ময়দান মাতিয়ে খেলোয়াড় সুলভ মনোভাব জিইয়ে রাখে। যে সময় অবাকালী হকি খেলোয়াড়রা ময়দান থেকে সকাপের 'প্রাক্টিস ম্যাচ' খেলে মাথা ফাটিয়ে বাড়ী ফেরে আমাদের বাঙ্গালী খেলোয়াড়রা সে সময় চাষের পেয়ালায় চুমুক দিয়ে হয়ত পল্লবের কাঞ্জের পৃষ্ঠায় ধ্যানচাঁদের অপূর্ব ক্রীড়া-নৈপুণ্যের কথা গড়ে বিষয়ে পুলকিত হয়ে উঠেন নতুবা অলস শয্যার উপর সাত সমুদ্রের পারে ব্রাদম্যানের বিভিন্ন বল মারার স্বপ্ন, জেরিটির মারাত্মক বোলিং, মোহনবাগানেব গোল সম্মুখে পেনাল্টি মাবের দৃশ্য দেখতে দেখতে কোন না কোন সময়ে স্বপ্নজাল থেকে নিষ্কৃতি লাভ করেন। এর পর কাহারও কল-কলেজ কাহারও বা অফিস। যাদেব এসবের বালাই নেই তাদের সময় প্রচুর, সময় কাটাবার উপকরণও বহু।

২৯শে এপ্রিল ১৯৩৭ সালের কথা। হকি খেলাব যাতুকব ধ্যানচাঁদের সঙ্গে বহুক্ষণ আলাপ করবাব সুযোগ হয়েছিল। প্রসঙ্গক্রমে তাঁকে বাঙ্গালী হকি খেলোয়াড়দের খেলার ষ্ট্যাণ্ডার্ড সম্বন্ধে তাঁর ব্যক্তিগত মত জিজ্ঞাসা করি। উত্তরে, অবাকালী খেলোয়াড়দের প্রভাবে হকি খেলায় প্রকৃত বাঙ্গালী খেলোয়াড়দের অবস্থা সম্বন্ধে যে মত দিয়েছিলেন তা খুব আশাশ্রিত নয়। তিনি একথাও বলেছিলেন, বর্তমান পারিপার্শ্বিক অবস্থায় বাঙ্গলা দেশের খেলাখুলা এমন একটা পরিস্থিতির মধ্যে এসে পড়েছে যাতে করে বাঙ্গালী ফুটবল খেলায় ভারতের যে-গৌরব অর্জন করেছিল তা অচিরেই হারাতে পারে। অবাকালী ফুটবল খেলোয়াড়দের প্রভাব দিন দিন বেড়ে যাচ্ছে, প্রকৃত বাঙ্গালী খেলোয়াড়দের আর সুযোগ পরে মিলবে না। হকির মতনই তখন বাঙ্গলা দেশের ফুটবলের ষ্ট্যাণ্ডার্ড অবাকালী খেলোয়াড় দিয়ে বজায় রাখতে হবে।

ধ্যানচাঁদ পৃথিবীর একজন সর্বশ্রেষ্ঠ হকি খেলোয়াড়, তাঁর মতেরও যথেষ্ট মূল্য আছে। আমরা এখন থেকে যদি নিজদের কথা চিন্তা না করি তাহলে অদূর ভবিষ্যতে আমাদের অবস্থা কিরূপ দাঁড়াবে তা সহজেই অনুমেয়। তরুণ খেলোয়াড়দের আজ এ বিষয়ে দৃষ্টি দেবার প্রয়োজন সর্বাপেক্ষা বেশী হয়েছে। আশা করি বাঙ্গালীর সুনাম তারাই একদিন অর্জন করবে।

**বাইটন কাপ ফাইনাল ৪**

ফাইনাল খেলা অসমীয়াসিতভাবে শেষ হয়েছে। ভগবন্ত ক্লাব এবং ভূপাল ওয়াশিংটন দুইটি দলই একটি করে গোল করায় অতিরিক্ত সময় খেলান হয়। কিন্তু এই সময়ে কোন পক্ষই গোল দিতে সক্ষম না হওয়ায় বি এইচ এর নতুন আইন অনুযায়ী ফাইনালের উভয় দলকেই বিজয়ী বলে ঘোষণা করা হয়। কাপটি দুই দলই ছ' মাস করে রেখে ফাইনাল বিজয়ের গৌরব লাভ করবে। টসে ভগবন্ত ক্লাব দল জয়ী হওয়ায় প্রথম ছ' মাস তারই কাপটি রাখবে। বাইটন কাপ প্রতিযোগিতার ইতিহাসে রূপ ব্যবস্থা এই প্রথম।



বাংলা নববর্ষ উৎসবে বাগবান্জ দলের কুচকাওয়াজ

এ বৎসর বাইটন কাপ প্রতিযোগিতার কোন কোন খেলায় খেলোয়াড়দের আখেলোয়াড়ী মনোভাবের পরিচয় পাওয়া গেছে। ফাইনাল খেলায় ভূপাল দলের জাহরের আচরণ সর্বাপেক্ষা নিন্দনীয়। বিপক্ষ দলের ভূতলশায়ী গোলরক্ষকের উপর নির্দিষ্ট আক্রমণ সকলেরই বিরুদ্ধ

**আগা খাঁ হকি ফাইনাল ৪**

টিকমগড়ের ভগবন্ত ক্লাব আগা খাঁ হকি খেলার ফাইনালে ২-১ গোলে সেন্ট জেভিয়ার্স কলেজকে পরাজিত করে দ্বিতীয়বার কাপ বিজয়ের সম্মান লাভ করেছে। ১৯৩৮ সালে ভগবন্ত ক্লাব প্রথমবার ফাইনালে বিজয়ী হয়েছিল।

বাংলা নববর্ষ উৎসবে বালক বালিকাদের ব্যায়াম চর্চার একটি দৃশ্য

মনোভাবের সৃষ্টি ও এরূপ ঘটনার সঙ্গে ক্রীড়ামোদিদের পরিচয় খুবই কম। ক্লাবের নির্দেশক্রমে মাঠ থেকে বহিষ্কৃত হয়েও পুনর্বার অসমতিতে খেলায় যোগদান করে কিন্তু বায়ি ও গতাতর্কে একরকম জোর করেই মাঠ

১৯৩৯ সালের আগা খাঁ ফাইনালে এবং ১৯৪০ সালের বাইটন কাপ ফাইনালেও তারা একবার উঠেছিল। সম্প্রতি তারা দিল্লীর যাদবেন্দ্র হকি প্রতিযোগিতার ফাইনালে বিজয়ী হয়েছে।

কলেজ দল পরাজিত হলেও বিপক্ষদলের সঙ্গে পুরানমে প্রতিদ্বন্দ্বিতা চালিয়েছিল। সেমিফাইনাল খেলায় শক্তিশালী মানাতাদার দলকে ২-০ গোলে তারা পরাজিত করে। অনেকের মতে মানাতাদারের এ পরাজয় অনেকখানি ভাগ্যবিপদের ফলেই হয়েছিল। খেলার ফলাফলে ক্রীড়ামোদিরাও বিস্মিত হয়েছিল। অপেক্ষাকৃত দুর্বল দলের কাছে শক্তিশালী দলও পরাজয় স্বীকার করে। এবং তা বাস্তবক্ষেত্রে সম্ভব হলেও খেলার পূর্ব পর্যন্ত এ সম্ভাবনার কথা কেহ ভাবে নি। ফাইনালে কলেজদল দ্বিতীয়বার্ধে অগ্রগামী থেকে এবং গোল করবার বহু সুযোগ নষ্ট করে তারা সম্মানিত ভাবে বিপক্ষদলের নিকট পরাজিত হয়েছে। এ পরাজয়ে তাদের অসম্মানের কিছু নেই। ভগবন্ত ক্লাবের দলবদ্ধ ভাবে তীব্র আক্রমণ এবং আত্মরক্ষার ক্রিপ্ততা তাদের অয়লাভের সহায়তা করেছে। সর্বোপরি খেলায় বহুদিনের অভিজ্ঞতা তাদিকে কোন সময়েই বিশ্বাসঘাতকতা করেনি—বরং বিজয়ের পথে অনেকখানি শক্তিসঞ্চার করেছে। খেলা শেষ হবার ছ' মিনিট পূর্বে বিজয়ী দলের জুটসি বিজয়সূচক গোলটি করেন।

### বেঙ্গল চ্যাম্পিয়নশীপ ৪

কালীঘাট ক্লাব ২-১ গোলে মেসারাস ক্লাবকে পরাজিত করে জুনিয়ার হকি টুর্নামেন্টের বেঙ্গল চ্যাম্পিয়নশীপ বিজয়ী হয়েছে। বিজয়ী দলের অ্যাকশন ২টি গোলই দিয়েছিলেন।

### ফাইনাল কাপ ফাইনাল ৪

পুলিস ১-০ গোলে ১৯৩৮ সালের চ্যাম্পিয়ান কলেজিয়াল দলকে হকি খেলায় পরাজিত করে এবার সর্বপ্রথম কাপ বিজয়ী হয়েছে। এল হে দলের বিজয়সূচক গোলটি দেন।

### ডি এফ এ শীল্ড ফাইনাল ৪

কলিকাতার মহামেডান স্পোর্টিং ক্লাব ৩-০ গোলে দিল্লী চ্যাম্পিয়ান ইউনিয়ন এক সিকে পরাজিত করে উক্ত শীল্ড বিজয়ী হয়েছে। উভয় দলের খেলোয়াড়রা বল প্রয়োগে নিজেকে প্রীতি বজায় রাখতে গিয়ে রেকারী কর্তৃক সতর্কিত হওয়া মহামেডান দলের আক্রমণ ভাগের খেলা অপেক্ষা বহু অংশে উন্নত ছিল। বিপক্ষদলের

গোলরক্ষক কয়েকটি অবধারিত গোল রক্ষা করে নৈপুণ্যের পরিচয় দেয়।

### হাই জাম্পে পৃথিবীর রেকর্ড ৪

ওরিগণ ইউনিভার্সিটির ল্য ট্রীটস্ আউট জাম্পে ৬ ফিট ১০ ৩/৪ ইঞ্চি উচ্চতা অতিক্রম করে রেকর্ড করেছেন। পূর্বের রেকর্ড ছিল ৬ ফিট ৯ ১৯৩৬ সালের অলিম্পিক ট্রায়ালে সি জন ডি এলব্রিটন একত্রযোগে উক্ত উচ্চতা লঙ্ঘন করে রেকর্ড করেছিলেন।

### ডোরথি বাউণ্ড ৪

মিসেস লিটল (পূর্বে মিস ডোরথি বাউণ্ড, উ চ্যাম্পিয়ান) সম্প্রতি পেশাদার টেনিস খেলায় যোগ দিয়েছেন। গ্রীষ্মাবকাশে তিনি সিনিয়রী ক্লাবে অস্থায়ী আরম্ভ করবেন। যুদ্ধের দক্ষ পুত্র বর্তমানে কেনেডায় অবস্থান করছেন।

### ভারতীয় বিশিষ্ট টেনিস

#### খেলোয়াড়দের ক্ষমা প্রা

বিহার লন টেনিস এসোসিয়েশন প্রতিযোগিতা থেকে হঠাৎ ভারতীয় বিশি খেলোয়াড় গাউস মহম্মদ, ইফতিকার আমেদ, যুধি সোহনলাল আনওয়ার হোসেন প্রভৃতি অবসর ও দর্শক এবং এসোসিয়েশনের পরিচালকদের ম অপপ্রীতিকর ঘটনা ঘটেছিল। বিশিষ্ট খেলোয়াড়ের আচরণের ফলে এসোসিয়েশন নিখিল ভারত সম্বন্ধে নিকট অভিযোগ জানান। অভিযোগ এই সকল খেলোয়াড় নিখিল ভারত টেনিস পরিচালিত কোন প্রতিযোগিতায় যোগদান পারবেন না তা সজ্ব ক নির্দেশ দেয়া। আর পেয়ে সুখী হলাম সজ্জব নির্দেশ দেয়া সর্ব গাউস মহম্মদ, ইফতিকার আমেদ সহজে আওয়া ক্ষমা প্রার্থনা করে এক আবেদন দেন। বর্তমান সম্মান রক্ষা করা খেলোয়াড়ের পুরিচয়। ধারা সে সম্মান দিতে অ



খেলাধুলা হ'লেও জনসাধারণের অশ্রদ্ধাভাজন হ'ন। এই ক্ষেত্রে ছাড়া বাকি খেলোয়াড়গণ ক্রমা প্রার্থনা করেন নি। এর সিং আবার সজ্জের এই নির্দেশের প্রতিবাদ করে



‘মলা বিএস’ কৃষ্ণ প্রতিযোগিতায়—ভেভীওয়েট বিজয়ী মাণিকগুহ (বামদিকে) ১০ ষ্টোন বিজয়ী শূশীল ঘাষ (দক্ষিণে)

ছন, সপেব খেলোয়াড় হিসাবে তাঁরা ইচ্ছাগত প্রতি-  
গতা থেকে অবসর গ্রহণ করতে পারেন। যদি পেশাদার  
খেলাধুলা হ'তেন তাহলে তাদের উপব না কি নিয়মানুবর্তিতার  
থেকে শাস্তির বিধান দেওয়া চলত। টেনিস মহলে যুধিষ্ঠির  
ক আমরা একজন বিশিষ্ট খেলোয়াড় হিসাবেই এতদিন  
এসেছি। আজ আমরা তাঁর খেলোয়াড়াচিত  
ভাবের যথার্থ পবিচয় পেলাম। সে পবিচয় তাঁর মত  
খিষ্ট খেলোয়াড়ের স্মরাম রক্ষা কবেনি।

### আন্তঃপ্রাদেশিক ফুটবল টুর্নামেন্ট ৪

মে মাসেব মাঝামাঝি সময় থেকে আন্তঃপ্রাদেশিক  
ফুটবল টুর্নামেন্টের খেলা আরম্ভ হবে। নিম্নলিখিত দশটি  
প্রতিযোগিতায় যোগদান কবেছে।

জোন—‘এ’—উত্তর-পশ্চিম ভারত ফুটবল এসোসি:

জোন—‘বি’—দিল্লী ফুটবল এসোসি:, মধ্যপ্রদেশ এবং  
পুতানা ফুটবল এসোসি:।

জোন—‘সি’—ভারতীয় ফুটবল এসোসি:, ঢাকা স্পোর্টিং  
এসোসি:, ও বিহার অলিম্পিক এসোসি:।

জোন—‘ডি’—মাদ্রাজ ফুটবল এসোসি:, মহীশূর ফুটবল  
এসোসি: এবং পশ্চিম ভারত ফুটবল এসোসি:।

যুদ্ধের বর্তমান পরিস্থিতির দৃশ্যে আর্মি স্পোর্টিং  
কন্ট্রোল প্রতিযোগিতায় যোগদান করবে না। উত্তর-  
পশ্চিম প্রদেশ এবং সিদ্ধ যোগদান করবে না বলেই স্থির  
কবেছে।

### ক্রিকেট ৪

ভারতীয় অবশিষ্ট দল—৪৮৭ ও ১১৯ (১ উইকেট)

মহারাষ্ট্র দল—৩০৮ ও ২৯৫

ভারতীয় অবশিষ্ট দল ‘ফেস্টিভ্যাল ম্যাচে’ খেলার ২  
উইকেটে মহারাষ্ট্র দলকে পরাজিত করেছে।

ভারতীয় অবশিষ্ট দলের প্রথম ইনিংসে কে এম  
বঙ্গনেকাব ১৩৫, ভিছু মানকাব ১০৫, মাস্তাক আর্ডি ২০  
এবং অমবনাথ ৫০ বান কবেন। হাজারী ১১৯ রান দিয়ে  
৪টে উইকেট পান। পর পর দুবার বল দিয়ে উপযুক্ত  
২ উইকেট পেয়ে হাজারী মাঠের মধ্যে চাঞ্চল্য সৃষ্টি করেন।



কৃষ্ণ বন্দ্যোপাধ্যায়—বালী কৃষ্ণ প্রতিযোগিতার

১০ ষ্টোন বিভাগে চ্যাম্পিয়ান

মহারাষ্ট্রের প্রথম ইনিংসে এস এম সেনহনী ১০১ রান:

দিয়েছিলেন। মিছিলকারের ৫২ রান ও হাজারীর ৪০ রানও উল্লেখযোগ্য। অমরনাথের পঞ্চম বল মৈরে প্রফেসার দেওধর সর্ট রান নিজে গেলে মাস্তাক আলি কভার পয়েন্ট থেকে ষ্ট্রাপে বল মেয়ে সোহনীকে রান আউট করেন। সোহনীর আউট হবার পর খেলার গতি একেবারে ঘুরে যায়। পনের মিনিটেরও কম সময়ের মধ্যে মহারাষ্ট্র দল ৮ রানে ৩টে ভাগ ভাগ উইকেট হারিয়ে এস ব্যানার্জির বোলিং এভারেজ ছিল—২২ ওভার, মেডেন ৬, রান ৭৩, উইকেট ৪। ফলোঅনু

করে মহারাষ্ট্র দলের দ্বিতীয় ইনিংসে রান নিম্নলিকার এবং দেওধর যথাক্রমে ৭৮ করলেন। এই ইনিংসের খেলাতেও ব্যা মারাত্মক হয়েছিল। এভারেজ ছিল—৫ মেডেন ৫, রান ৬৩, উইকেট ৬। দ্বিতীয় ইনিংস আরম্ভ হ'ল। ১ ব'হ রান উঠল ১১৯। মাস্তাক আলী ৫৪ রান খাটলেন। ৩০ মিনিটে তাঁর ৫০ রান উঠে। ৫৩ রান করে নট আউট রয়ে যান।

## সাহিত্য-সংবাদ

### নব প্রকাশিত পুস্তকাবলী

মিনসুয়ায় বন্দোপাধ্যায় প্রণীত কৌতুক-নাটিকা

"দেবাত্ম"—১০

বটুকু রায় প্রণীত একাক্ষ নাটিকা "পঞ্চমাদ"—১০

শশধর দত্ত প্রণীত "রমার বিয়ে"—২, "মোহন ও রমা"—২

পূর্ণশশী দেবী প্রণীত "পথে বিপথে"—১৫

বসন্তকুমার চট্টোপাধ্যায় প্রণীত নাটিকা "চারিটি শো"—১০

বিক্রম মজুমদার প্রণীত উপন্যাস "১৯৫০"—২

অধ্যক্ষ সেন প্রণীত "অভিনেতা"—২

জ্যোতির্ময়ী দেবী প্রণীত "রাজঘোটক"—২

অসীম দত্ত ও রমাশ্রমাদ মিত্র সম্পাদিত "হাল্ খাতা"—

মণিলাল বন্দোপাধ্যায় প্রণীত "ছোট থেকে বড়"—৫

অন্নদামোহন বাগচী প্রণীত "শ্রমস্ত পৃথিবী"—১

মৃপেন্দ্রকৃষ্ণ চট্টোপাধ্যায় প্রণীত "না জানলে চলে না"—

নিখিলেশ সেন প্রণীত "রোমাঞ্চকর কাহিনী"—১০

নারায়ণ চক্রবর্তী প্রণীত "লক্ষ্য-ভেদ"—১১

গৌরীশ্রমাদ বসু সম্পাদিত "অদ্ভুত যত ভূতের গল্প"

ব্রজচাঁদী পরিমলবন্ধু দাস সম্পাদিত "শ্রীশ্রীবন্ধুবন্দবানী"

অন্নদাশঙ্কর রায় প্রণীত "জীবন শিল্পী"—১

## আগামী আষাঢ় মাসে ভারতবর্ষের ঊনত্রিংশ বর্ষ আরম্ভ হইবে

সুদীর্ঘ অষ্টাবিংশ বর্ষকাল 'ভারতবর্ষ' কিরূপ নিষ্ঠার সহিত বাঙ্গলা সাহিত্যের সেবা করিয়া বাঙ্গালী জাতি এবং বাঙ্গলা ভাষার সহিত পরিচিত প্রত্যেক ব্যক্তিই তাহা অবগত আছেন। বর্তমান মহাবুদ্ধজনিত দারুণ সঙ্কটাপন্ন অবস্থায় ক্ষতিগ্রস্ত হইয়াও আমরা ভারতবর্ষের টান বা বিজ্ঞাপনের হার নাই। আমরা নির্ভর করিয়াছি—ভারতবর্ষের গুণগ্রাহী গ্রাহক পাঠক ও অনুগ্রাহকগণের প্রীতিপূর্ণ নিরব এবং ভারতবর্ষের সুনির্দিষ্ট নিরপেক্ষ নীতিতে আস্থাবান বিশিষ্ট বিজ্ঞাপনদাতাদিগের সহযোগিতার উপ দৃঢ় বিশ্বাস যে, আগামী বর্ষেও তাঁহারা ভারতবর্ষের সহিত যোগসূত্র অক্ষুণ্ণ রাখিয়া আমাদের উৎসাহ আগামী বর্ষের ভারতবর্ষকে সকল প্রকারে অলঙ্কৃত করিতে আমাদের পক্ষ হইতে আয়োজনের ক্রটি হইবে ন

### ভারতবর্ষের মূল্যাদি ও তাহা পাঠাইবার বিধি-ব্যবস্থা

গ্রাহকগণের প্রতি নিবেদন—ভারতবর্ষের মূল্য মনিঅর্ডারে বার্ষিক ৬.০০ আনা, বি বাণাসিক ৩.০০, আনা, ভি, পিতে ৩.০০। কিছু ভি, পি-তে ভারতবর্ষ লওয়া অপেক্ষা মনিঅ প্রেরণ করাই সুবিধাজনক। ভি, পি-র টাকা বিলম্বে পাওয়া যায়, সুতরাং পরবর্তী পাইতে বিলম্ব হইবার সম্ভাবনা। গ্রাহকগণের টাকা ২০শে জৈষ্ঠের মধ্যে গেলে আষাঢ় সংখ্যা ভি, পি, করা হইবে। পুরাতন ও নতন গ্রাহকগণ ক্রয় পাঠাইবার পূর্ণ ঠিকানা স্পষ্ট করিয়া লিখিবেন। পুরাতন গ্রাহকগণ কুপনে গ্রাহক নতন গ্রাহকগণ নতুন বলিয়া উল্লেখ করিবেন, নতুবা টাকা জমা করিবার বিশেষ অসুবিধা হয়।

ভারত ও ব্রহ্মদেশের মধ্যে ডাক মাসুলাদির হার পুনরায় পরিবর্তিত ও বর্ধিত হইয়াছে। সেজন্য গ্রাহকগণের অল্প ভারতবর্ষের বার্ষিক মূল্য ৭. (সাত টাকা) এবং বাণাসিক মূল্য ৩. (তিন টাকা আট আনা) :

মনিঅর্ডার পাঠাইবার ঠিকানা :—

শ্রীমদ্রাস চট্টোপাধ্যায় এণ্ড সন্স—২০৩১১, কর্ণওয়ালিস স্ট্রীট, কলিকাতা



















